



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



Migne, Jacques Paul

PATROLOGIÆ

CURSUS COMPLETUS

SEU BIBLIOTHECA UNIVERSALIS, INTEGRÆ, UNIFORMIS, COMMODÆ, ŒCONOMICÆ,
OMNIUM SS. PATRUM, DOCTORUM SCRIPTORUMQUE ECCLESIASTICORUM,

SIVE LATINORUM, SIVE GRÆCORUM,

QUI AB ÆVO APOSTOLICO AD TEMPORA INNOCENTII III (ANNO 1216) PRO LATINIS
ET CONCILII FLORENTINI (ANN. 1439) PRO GRÆCIS FLORUERUNT :

RECUSIO CHRONOLOGICA

OMNIUM QUÆ EXSTITERE MONUMENTORUM CATHOLICÆ TRADITIONIS PER QUINDECIM PRIMA
ECCLESIE SÆCULA,

JUXTA EDITIONES ACCURATISSIMAS INTER SE CUMQUE NONNULLIS CODICIBUS MANUSCRIPTIS COLLATAS, PERQUA
DILIGENTER CASTIGATA; DISSERTATIONIBUS, COMMENTARIIS, VARIISQUE LECTIONIBUS CONTINENTER ILLUSTRATA;
OMNIBUS OPERIBUS POST AMPLISSIMAS EDITIONES QUÆ TRIBUS NOVISSIMIS SÆCULIS DEBENTUR ABSOLUTAS
DETECTIS, AUCTA; INDICIBUS PARTICULARIBUS ANALYTICIS, SINGULOS SIVE TOMOS SIVE AUCTORES ALICUJUS
MOMENTI SUBSEQUENTIBUS, DONATA; CAPITULIS INTRA IPSUM TEXTUM RITE DISPOSITIS, NECNON ET
TITULIS SINGULARUM PAGINARUM MARGINEM SUPERIOREM DISTINGUENTIBUS SUBJECTAMQUE MATE-
RIAM SIGNIFICANTIBUS, ADORNATA; OPERIBUS CUM DUBIIS, TUM APOCRYPHIS, ALIQUA VERO
AUCTORITATE IN ORDINE AD TRADITIONEM ECCLESIASTICAM POLLENTIBUS, AMPLICATA;

DUCENTIS ET AMPLIUS LOCUPLETATA INDICIBUS AUCTORUM SICUT ET OPERUM, ALPHABETICIS, CHRONOLOGICIS,
STATISTICIS, SYNTHETICIS, ANALYTICIS, ANALOGICIS, IN QUODQUE RELIGIONIS PUNCTUM, DOGMATICUM, MORALE,
LITURGICUM, CANONICUM, DISCIPLINARE, HISTORICUM, ET CUNCTA ALIA SINE ULLA EXCEPTIOE; SED PRÆ-
SERTIM DUOBUS INDICIBUS IMMENSIS ET GENERALIBUS, ALTERO SCILICET RERUM, QUO CONSULTO,
QUIQUID NON SOLUM TALIS TALISVE PATER, VERUM ETIAM UNUSQUISQUE PATRUM, NE UNO QUIDEM
OMISSO, IN QUODLIBET THEMA SCRIPSERIT, UNO INTUITU CONSPECTUATUR; ALTERO SCRIPTURÆ
SACRÆ, EX QUO LECTORI COMPERIRE SIT OBIVIUM QUINAM PATRES ET IN QUIBUS OPERUM
SUORUM LOCIS SINGULORUM LIBRORUM S. SCRIPTURÆ VERSUS, A PRIMO
GENESEOS USQUE AD NOVISSIMUM APOCALYPSIS, COMMENTATI SINT.

EDITIO ACCURATISSIMA, CÆTERISQUE OMNIBUS FACILE ANTEPONENDA, SI PERPENDANTUR CHARACTERUM NITIDITAS
CHARTÆ QUALITAS, INTEGRITAS TEXTUS, PERFECTIO CORRECTIONIS, OPERUM RECUSORUM TUM VARIETAS, TUM
NUMERUS, FORMA VOLUMINUM PERQUAM COMMODA SIBIQUE IN TOTO PATROLOGIÆ DECURSU CONSTAN-
TIS, PRETII EXIGUITAS, PRÆSERTIMQUE ISTA COLLECTIO, UNA, METHODICA ET CHRONOLOGICA,
SEXCENTORUM FRAGMENTORUM OPUSCULORUMQUE HACTENUS HIC ILLIC SPARSORUM, PRIMUM AUTEM
IN NOSTRA BIBLIOTHECA, EX OPERIBUS ET MSS. AD OMNES ÆTATES, LOCOS, LINGUAS FORMASQUE
PERTINENTIBUS COADUNATORUM.

SERIES LATINA PRIOR,

IN QUÆ PRODEUNT PATRES, DOCTORES SCRIPTORESQUE ECCLESIE LATINÆ
A TERTULLIANO AD INNOCENTII III.

ACCURANTE J.-P. MIGNE,

Bibliothecæ Cleri universæ,

SIVE CURSUUM COMPLETORUM IN SINGULOS SCIENTIÆ ECCLESIASTICÆ RAMOS EDITORE.

PATROLOGIÆ TOMUS CXLI.

ADEMARUS S. CIBARDI MONACHUS, BERNARDUS SCHOLASTICUS ANDEGAVENSIS, S. FULBERTUS CARNOTENSIS
EPISCOPUS, GUIDO ARETINUS, LAMBERTUS, ANNALISTA, DUDO DECANUS S. QUINTINI, GAUSLINUS BITURICENSIS
ARCHIEPISCOPUS, ADALBERO LAUDUNENSIS EPISCOPUS, GUILLELMUS DUX AQUITANIE, S. GUILLELMUS ABBAS
S. BENIGNI DIVIONENSIS, ROBERTUS REX FRANCORUM, MEGINFREDUS MAGDEBURGENSIS PRÆPOSITUS, ARNOL-
DUS EX COMITE VOHBURGENSEI MONACHUS S. EMMERAMNI, ARIBO MOGUNTINUS ARCHIEPISCOPUS, EBALUS REMEN-
SIS ARCHIEPISCOPUS, JOANNES XIX PAPA, S. GODEHARDUS EPISCOPUS HILDESHEIMENSIS, CATWALLONUS
ROTHONENSIS ABBAS, FROUMUNDUS CŒNOBITA TEGERNSENSIS, EBERHARDUS, PERINGERUS, ELLINGERUS,
UDALRICUS, ABBATES TEGERNSENSIS, GODESCHALKUS, LEDUINUS ABBAS S. VEDASTI, OTHELBOLDUS ABBAS
S. BAYONIS, BENEDICTUS IX PAPA, HERIBERTUS BISCHTETTENSIS EPISCOPUS, EMMA REGINA ANGLORUM,
POPPO TREVIRENSIS ARCHIEPISCOPUS, ANGELRAMNUS ABBAS S. RICHARDI, PAPA GRAMMATICUS, ROTBERTUS
LONDINENSIS, GARCIA MON. CUXASENSIS, DOMINICUS GRADENSIS PATRIARCHA:

TOMUS UNICUS.

PARISIIS

APUD GARNIER FRATRES, EDITORES ET J.-P. MIGNE SUCCESSORES,
IN VIA DICTA: AVENUE DU MAINE, 189, OLIM CHAUSSÉE DU MAINE, 127.

1880

BR

60

.M4

t. 111

Ex typis societatis dictae Societas anonyma impressionis et librariae administrationum viarumque ferratarum.
PAULO DUPONT, Directore. — Parisiis, in via dicta Jean-Jacques-Rousseau, 41. (Cl.) 44.4.80.

AMERICA LIBR

PHOTO YTHIVE

SÆCULUM XI

S. FULBERTI

CARNOTENSIS EPISCOPI OPERA OMNIA

AD EDITIONES BOUQUETI, CHESNII, CAROLI DE VILLIERS RECOGNITA, ORDINATE DISPOSITA, AC MONUMENTIS
NONNULLIS AUCTA ET ILLUSTRATA.

ACCEDUNT

GUIDONIS ARETINI

MUSICA

ADEMARI S. GIBARDI MONACHI, DUDONIS DECANI S. QUINTINI VEROMANDENSIS
LAMBERTI ASCHAFNABURGENSIS

SCRIPTA HISTORICA

NECNON

JOANNIS XIX, BENEDICTI IX

ROBERTI FRANCORUM REGIS, EMMÆ REGINÆ ANGLORUM, GUILLELMI DUCIS
AQUITANÆ

EPISTOLÆ ET DIPLOMATA

Intermiscentur

ARIBONIS MOGUNTINI, EBALI REMENSIS, POPPONIS TREVIRENSIS, ARCHIEPISCOPORUM; GODEHARDI HILDESHEI-
MENSIS, HERIBERTI EISCHTETTENSIS, ROTBERTI LONDINENSIS, GAUSLINI BITURICENSIS, ADALBERONIS
LAUDUNENSIS, EPISCOPORUM; GUILLELMI I ABBATIS S. GERMANI A PRATIS, GUILLELMI ABBATIS S. BENIGNI
DIVIONENSIS, EBERHARDI, PERINGERI, ELLINGERI, UDALRICI, ABBATUM TEGERNSEESIUM; CATHWALLONI
ROTHONENSIS ABBATIS, ANGELRANNI ABBATIS CENTULENSIS, LEDWINI ABBATIS S. VEDASTI, OTHELBOLDI
ABBATIS S. BAVONIS GANDENSIS, MEGINFREDI MAGDEBURGENSIS PRÆPOSITI, ARNOLDI EX COMITE MONACHI,
FROUMUNDI CŒNOBITÆ TEGERNSEENSIS, PAPÆ GRAMMATIGI, GARCIE MONACHI CUXASENSIS, BERNARDI
SCHOLASTICI ANDEGAVENTIS, GODESCHALKI,

SCRIPTA VEL SCRIPTORUM FRAGMENTA QUÆ EXSTANT

ACCURANTE J.-P. MIGNE,

Bibliothecæ Cleri universæ,

SIVE

CURSUM COMPLETORUM IN SINGULOS SCIENTIÆ ECCLESIASTICÆ RAMOS EDITORE

TOMUS UNICUS

PARISIIS

APUD GARNIER FRATRES, EDITORES ET J.-P. MIGNE SUCCESSORES,
IN VIA DICTA : AVENUE DU MAINE, 189, OLIM CHAUSSÉE DU MAINE, 127.

1880

ELENCHUS

AUCTORUM ET OPERUM QUI IN HOC TOMO CXLI CONTINENTUR.

- ADEMARUS S. CIBARDI MONACHUS. — Historiarum libri tres, *col. 19.* — Epistola de apostolatu S. Martialis, *col. 87.* — Fragmentum sermonis, *col. 111.* — Carmen acrostichon, *col. 113.* — Sermones tres (dubii), *col. 115.*
- BERNARDUS SCHOLASTICUS ANDEGAVENSIS. — Liber de miraculis sanctæ Fidis, *col. 127.*
- S. FULBERTUS CARNOTENSIS EPISCOPUS. — Epistolæ, *col. 189.* — Tractatus in cap. XII, vers. 1, Act. apost., *col. 277.* — Tractatus contra Judæos, *col. 308.* — Sermones, *col. 317.* — De peccatis capitalibus, *col. 339.* — Hymni et carmina ecclesiastica, *ibid.* — Versus de uncia et partibus ejus et de scrupulo, *col. 353.* — Proclamatio antequam dicant *Pax Domini*, *ibid.* — Diplomata, *ibid.* — Vita S. Autherti, *col. 355.* — APPENDIX. — Diplomata nonnulla ex chartulario abbatiæ S. Petri Carnotensis, tempore S. Fulberti data, *col. 369.* — Laus vitæ monasticæ, *col. 373.*
- GUIDO ARETINUS ABBAS S. CRUCIS AVELLANÆ. — Micrologus, *col. 379.* — Versus de musicæ explanatione, *col. 405.* — Regulæ Rhythmicæ, *ibid.* — De ignoto cantu, *col. 413.* — Quomodo de arithmetica procedit musica, *col. 435.*
- ANNALES HILDESHEIMENSES, QUEDLINBURSENSIS, WEISSEMBURGENSES ET LAMBERTI ASCHAFNABURGENSIS, *col. 443.*
- DUDO DECANUS S. QUINTINI VEROMANDENSIS. — De moribus et actis primorum Northmanniæ ducum libri tres, *col. 607.*
- GAUSLINUS BITURICENSIS EPISCOPUS. — Epistolæ, *col. 755.* — Sermo S. de Martiali, *col. 767.*
- ADALBERO LAUDUNENSIS EPISCOPUS. — Carmen ad Robertum regem Francorum, *col. 771.*
- GUILLELMUS V DUX AQUITANÆ. — Epistolæ et diplomata, *col. 827.*
- B. GUILLELMUS I ABBAS S. GERMANI A PRATIS. — Epistola seu charta ad fratres, *col. 835.*
- S. GUILLELMUS ABBAS S. BENIGNI DIVION. — Epistola ad Odilonem Cluniacensem abbatem, *col. 869.* — Privilegium pro monasterio Fructuariensi, *col. 871.* — APPENDIX. — Annales S. Benigni Divionensis, *col. 873.*
- ROBERTUS REX FRANCORUM. — Epistolæ, *col. 935.* — Hymni et responsoria, *col. 939.* — Diplomata, *col. 945.*
- MEGINFREDUS MAGDEBURGENSIS MAGISTER ET PRÆPOSITUS. — De vita et virtutibus B. Emmerammi, *col. 969.*
- ARNOLDUS EX COMITE MONACHUS EMMERAMMENSIS. — De miraculis et memoria B. Emmerammi, *col. 989.* — Homilia de octo beatitudinibus, *col. 1089.* — APPENDIX. — Descriptio censuum, proventuum ac fructuum ex prædiis monasterii S. Emmerammi, *col. 1093.* — Annales S. Emmerammi, *col. 1103.*
- ARIBO MOGUNTINUS ARCHIEPISCOPUS. — Concilium Salegunstadiense, *col. 1109.*
- EBALUS REMENSIS ARCHIEPISCOPUS, *ibid.* — Charta pro cœnobio Mosomensi, *col. 1111.*
- JOANNES XIX PAPA. — Epistolæ et diplomata, *col. 1115.*
- S. GODEHARDUS EPISCOPUS HILDESHEIMENSIS. — Epistolæ, *col. 1229.* — APPENDIX. — Chronicon Hildesheimense, *col. 1233.*
- CATHWALLONUS ROTHONENSIS EPISCOPUS. — Epistola ad Hildegardem Andegavorum ducem, Fulconis Nerræ conjugem, *col. 1281.*
- FROOMUNDUS COENOBITA TEGERNSENSIS. — Epistolæ, *col. 1283.* — Poematica, *col. 1291.*
- EBERHARDUS ABBAS TEGERNSENSIS. — Epistolæ, *col. 1307.*
- PERINGERUS ABBAS TEGERNSENSIS. — Epistolæ, *col. 1313.*
- ELLINGERUS ABBAS TEGERNSENSIS. — Epistolæ, *col. 1317.*
- UDALRICUS ABBAS TEGERNSENSIS. — Epistolæ, *col. 1321.*
- GODESCHALKUS. — Sequentiæ, *col. 1323.*
- LEDWINUS ABBAS S. VEDASTI ATREBATENSIS. — Constitutio de placito generali, *col. 1333.*
- OTHELBOLDUS ABBAS S. BAVONIS GANDENSIS. — Epistola ad Olgivam Flandriæ comitissam, *col. 1337.*
- BENEDICTUS IX PAPA. — Epistolæ et diplomata, *col. 1343.*
- HERIBERTUS EISCHTETTENSIS EPISCOPUS. — Hymni, *col. 1369.*
- EMMA REGINA ANGLORUM. — Emma epocinium, *col. 1373.* — Emmæ epistola ad filios suos Edwardum et Alfredum, *col. 1397.*
- POPPO TREVIRENSIS ARCHIEPISCOPUS. — Epistola ad Benedictum IX papam, *col. 1401.*
- ANGELRANNUS ABBAS CENTULENSIS. — Vita sancti Richarii abbatis Centulensis primi, *col. 1421.*
- PAPIAS GRAMMATICUS. — Notitiæ præmonitæ, *col. 1437.*
- ROTBERTUS LONDINENSIS EPISCOPUS. — Charta, *col. 1441.*
- GARCIAS MONACHUS S. MICHAELIS CUXASENSIS. — De initiis monasterii sui, *col. 1443.*
- DOMINICUS GRADENSIS PATRIARCHA. — Epistola ad Petrum patriarcham Antiochenum, *col. 1455.*

ADEMARUS

COENOBII S. CIBARDI ENGOLISMENSIS MONACHUS.

In Ademarum

NOTITIA HISTORICA ET BIBLIOGRAPHICA.

(Pertz, *Monum. Germ. hist.* SS. IV, 106.)

Ademarus ex nobili Aquitanie familia ortus est, quæ « in proprio jure hereditario » sedebat, Cabannense seu Campanense prædium incolens (1). Patrem habuit Raimundum, avum Fulcherium, qui ex Officia, nepti Turpionis episcopi Lemovicensis, tres filios genuit, Rotgerium, Adalbertum et quem dixi Raimundum, natu minorem (2). Hic Aldeardem sive Hildegardem (3) in matrimonium duxit, sororem virorum nobilium et potentium (4), Abbohis, Raimundi et Ainardi præpositi, quem profundissimi consilii hominem laudat Ademarus (5). Comitibus titulo et officio patrem insignem fuisse (6), quod Ademarus minime dicit, vix putarim. Nam Jordano « principi » Cabannensi, post annum millesimum occiso, frater ejusdem

A nominis successisse videtur (7). Ademari parentes in his rebus agendis nullas habuerunt partes, et privatam potius vitam in proprio rure quam publica officia et bellicas res egisse videntur. — Ademarus anno circiter 988 natus (8), puer monasterio S. Eparchii (9) Engolismensi traditus, ibi maximam vite partem exegit, Lemovicæ vero apud Sanctum Martialem, ubi patruus ejus Adalbertus decani et præpositi dignitate fungebatur (10), ab altero patruo Rotgerio educatus est (11), ibi procul dubio litteris, quibus excellebat (12), instructus, et amore et veneratione sancti Martialis imbutus. Juvenis 22 annorum in hoc loco constitutus, nocte quadam Crucifixi imaginem in cælo pendentem conspexisse

NOTÆ.

(1) *In proprio jure hereditario quod vocatur Campanense juxta castellum Potentiam.* Ademarus De abb. Lemov. ap. Labbeum II, p. 272. Pro *Campanense* ap. Bouq. X, p. 151, n. 5, *Cabannense* scribitur, quod idem esse et ipse putarim. Nam Raimundum patrem Ademarus Hist. III, 45, Cabannensem appellat. Urbs est *Chabannais*, ad Viennam.


(2) *Ex cujus (Turpionis) nepte, Officia nomine, nati sunt Adalbertus decanus et Rotgerius pater Fulcherio... Tertius quoque Raimundus junior natu germanus existit amborum cujus ego Ade-*

marus filius sui matre Hildegarde; De abb. Lem. I. I. Raimundus, Hist. III, 45, abnepos pro pronepos dicitur.

(3) Hist. III, 45. De abb. Lem. I. I. Idem nomen est; cf. quæ monui III, 45.

(4) *Strenuissimos duces, corpore robustos, animo bellicosos.* Hist. III, 45. Duces vero qui copias majores habebant exercitumque ducebant appellasse videtur.

(5) Hist. I. I. De abb. Lem. I. I. Ademari stemma hoc est :



Ademarus.*

(6) Ita Rivet, Hist. litt. VII, p. 320.

(7) Hist. III, 42.

(8) *A vobis quidem non sine grandi exultatione finito concilio Lemovicensi quarto die mensis Augusti abscessi, revertens ad Engolismam civitatem, ubi ab ipsa tenerrima ætate quadragenarius vitam in monasterio beati Eparchii transigo.* Epist. de S. Martiale ap. Mabill. Ann. IV, p. 717. Hæc anno 1028 scripta sunt.

(9) S. Cibar.

(10) *Hic (abbas Guigo qui præfuit a. c. 973-990), Adalbertum supradictum constituit sibi decanum*

A in basilica sancti Martialis, De abb. Lem. I. I. Adalberti decani incliti et prepositi ex monasterio sancti Marcialis, Hist. III, 45.

(11) *Ademarus qui tunc cum avunculo suo inclito Rotgerio Lemovicæ degebat in monasterio sancti Marcialis, Hist. III, 46. Rogerius — meus magister et patruus, De abb. Lem. p. 273; cantor dicitur III, 61, et in Ann. Lem. a. 1025,*

(2) *Ademarus qui aliquid grammaticæ artis videbatur scire, adversarius de ipso dicit in ep. ap. Mabill. I. I. p. 718.*

457

sibi visus est. *ipse autem qui hæc vidit, attonitus nihil aliud potuit agere quam lacrymas ab oculis profundere.* — *Et quod vidit semper in corde celavit* (13). — Inde Engolismam reversus, presbyter est promotus (14), ibique in libris describendis (15) et componendis desudavit.

Brevem abbatum Lemovicensium Historiam usque ad a. 1023 perduxit (16), in qua præcipuas harum regionum res ecclesiasticas memoravit. Paulo post majus opus aggressus est. Historiam enim a Francorum origine ad sua usque tempora tribus libris conscripsit, isque potissimum res Aquitanicas exposuit. In primo quidem libro Gesta Francorum sequitur, codice usus qualem in bibliotheca Parisiensi Suppl. Lat. n. 123 (olim baronis de Crassier) vidi, in quo Gestorum textum Fredegarii continuatio excipit, ipsique Annales Laurissenses majores adduntur. Hos fontes ad verbum fere exscripsit Ademarum, qui etiam librum secundum, quo Caroli magni res exposuit, primaque tertii capita ex Annalibus Laurissensibus hausit; quædam tamen de rebus Engolismensibus inseruit aliaque pauca memorie tradidit, quæ unde sumpserit compertum non habemus, veluti quæ de cantoribus a Carolo Magno Roma in Fran-

ciam ductis (17) et de doctorum ordine (18) leguntur. Leges Ludovici Pii, de quibus loquitur (19), ipse vidisse videtur. Etiam Gesta Pippini regis affert (20), sed fortasse annalium partem hoc nomine indicavit. Historiam de sancti Joannis capite conscriptam fabulosam rejecit (21). Sanctorum episcopum Dionysii, Saturnini, Petragorii aliorumque acta vidit (22), sed in Historia sua nusquam iis usus est; neque Hieronymi et Bedæ Chronica, quæ habuit (23), ad rem suam faciebant. Postea uberioribus fontibus destitutus, minores adhibuit annales, quos procul dubio in cœnobio suo ad manus habuit, Aquitanicos dico, fortasse etiam Engolismenses breviores. Multa tamen his sequentibusque annis adjecit, quæ a parentibus et senioribus monachis accepisse videtur. Ideo in rebus Aquitanicis semper fere fidem meretur, et quæ suo tempore acta sunt bene habuit comperta, non nisi levioribus commissis erroribus. Summa diligentia res in cenobiis S. Eparchii et S. Martialis gestas exposuit, eorum diplomata quoque consulit; præterea quæ duces Pictaven- ses, comites Engolismenses, Petragoricenses, Lemovicenses (24) domi militiæque egerunt, accurate, ordinate et fuse narravit. Francorum, Germa-

NOTÆ.

- (13) Hist. iii, 46.
- (14) *Ademarus Egolismensis presbyterorum ultimus*, ep. p. 717.
- (15) Codicem Gestorum Rom. Pontiff., quem descripsit aut describi curavit, ad Rohonem episcopum Engolismensem direxit, versibus additis, quos ed. Mabil. Anal. (ed. 2) p. 432. Cf. quæ ibidem de codice Amalarii ponentur; librum consultationum Zachæi Christiani et Apollonii ipsius Ademari manu aut jussu scriptum habuit Dacherius; Spicil. XIII, n, p. 185.
- (16) Ed. Labb. II, p. 271-273.

- C (17) ii, 8.
- (18) iii, 5.
- (19) iii, 2, 3.
- (20) iii, 56.
- (21) Ibidem.
- (22) Epist. p. 722. Eadem et præterea acta S. Marcelli et Juliani Cenomannensis ab Engolismensi clerico in conc. Lemovicensi a 1031 afferuntur. Concil. ed. Labb. IX, p. 879, 880.
- (23) Ep. p. 721.
- (24) Eorum stemmata subijcio, quo melius historia perspicui possit:

| | | | | |
|--|---|--|--|---|
| <p>Bernardus (comes Pictav. ?) † 844</p> <p>Bernardus com. Arvern. † 886.</p> <p>Willelmus com. Arv. Aquit. dux Aquit. † 919</p> <p>Eblus com. Pict. dux Aquit. † 935. ux. Adela</p> <p>Willelmus Caput-Stupæ com. Pict. dux Aquit. † 963.</p> <p>Willelmus com. Pict. dux Aquit. † 995. ux. Emma.</p> <p>Willelmus com. Pict. dux Aquit. † 1030. ux. Adelmode. Brisca.</p> <p>N.</p> <p>Vulgrimus com. Eng. † 885.</p> <p>Alduinus com. Eng. † 916.</p> <p>Willelmus Sector-ferri com. Engol. †</p> | <p>Ramnuulfus dux Aquit. † 867.</p> <p>Ramnuulfus Eblus Gozbercom. Pic.-abb. S. tus cotav. dux Germ. mes.</p> <p>Eblus episc. Lem.</p> <p>Willelmus com. Petrag.</p> <p>Santia uxor Ademari</p> | <p>N.</p> <p>Turpio Emeno com. co. Eng. Eng. † 866. † 863.</p> <p>Ademarus com. Pictav. † 930. ux. Santia.</p> | <p>Emma Boso vetulus</p> <p>Boso com. Helias. † c. 1010.</p> | <p>Aldebertus mode</p> <p>Adelbertus mode</p> <p>Geraldus vicecomes Lemov. Aldega- Alduinus. rius ep. Lem. Lemov.</p> |
|--|---|--|--|---|

norum aliarumque gentium historiam brevius A perstringit, non semper certum temporis ordinem secutus, nusquam tamen valde a vero remotus. Etiam res Hispanicæ (25), Constantinopolitanas (26), Hierosolymitanas (27) respexit, quas a peregrinis qui inde redierant eum accepisse verisimile est. Mauros Narbonæ captos et Lemovicam transmisos vidit, qui, quanquam *more catulorum loquentes glatire videbantur*, retulerunt tamen quomodo victi captique essent (28). Eodem modo plura procul dubio aut ipse vidit aut ad iis accepit qui rebus interfuerant (29). — Hæc vero probabili stylo conscripsit, et quamvis sermoni culto et ornato minime studuisse videatur, lingua tamen Latina satis bene usus est (30), et in rebus disponendis quadam arte laboravit. Neque enim, iis potissimum temporibus quibus alienis destitutus erat fontibus, annalium morem sequitur, sed plerumque res similitudine quadam connexas narratione quoque conjungere

studet. Ideo vero, quod valde dolendum, nusquam certos rerum annos notavit; id quod etiam in abbatum Lemovicensium catalogo neglexit. — Historiam usque ad a. 1028 medium (31) perduxit atque eodem annq finisse videtur (32). Nam Augusto mense ejusdem anni (33) concilio interfuit Lemovicæ habitus, ubi quam plurimos Aquitanicæ præules, abbates et clericos (34), præterea parentes et propinquos suos invenit (35), et in ecclesiæ dedicatione (36) publice prædicavit (37). Inde reversus, epistolam ad omnes qui concilio interfuerant direxit, eamque etiam « Arnaldo Rothenensi episcopo, Theoderico grammatico Metensi episcopo, Conegundi Romanorum Augustæ, Cononi Cæsari Augusto imperatori, Willelmo grammatico orthodoxo et potentissimo Aquitanorum duci, Johanni Romano papæ » inscripsit (38), qua sanctum Martialem verum fuisse apostolum ostendere conatus est, et disputationem quam de hac re cum Langobar-

NOTÆ.

Arnaldus
com. Engol.
† c. 1000,

Arnaldus Willelmus Rannulfus
(Borraccio) Talerandus Bomparius.
† 962.
comitatum Engol. tenuerunt (III, 28).

Bernardus

Willelmus
com. Engol.
† 1028.
ux. Girberga
Alduinus, Gosfridus.

(25) III, 38, 55, 70.

(26) III, 22, 32.

(27) III, 47.

(28) III, 52.

(29) Cf. epist. p. 721: *Episcopus etiam Lemovicensis Geraldus ante hos 15 annos a Roma regressus attestatus est nobis, fortuito legisse se ibi volumen; ibid. p. 727: Cui Gauzbertus: « In itinere, inquit, Romæ vidi jam olim quemdam præcipuum comitem Almannum, cujus linguam intelligere non poteram, nisi in psalmis et lætantiis et lectionibus, cujus capellani ante eum quotidie circa horam tertiam lætantiis sanctorum dicebant... » — Tum Salgionus: « Et ego, quando euntes in Hierosolymam intravimus mare, vidi quemdam Johannem monachum fortissimum grammaticum ex civitate Remis, qui in navi, » etc. In Historia vero conc. Lemov., a. 1031 habiti, clericus Engolismensis narrat (Concil. ed. Labb. IX, p. 878): *Ante hos plures annos quidam ex fratribus de monte Sinai in hanc partem advenerunt occiduam, Dei disponente nutu, moribus graves, doctrina catholicæ fidei profuentes, vita per omnia honesti, utriusque linguæ periti. Qui cum diu nobiscum Engolismæ fuissent expectantes principem civitatis, et litteris Græcis et Latinis eos videremus ad unguem imbutos, super hac re interrogare curavimus eos... Qui alter Simeon, alter nomine Cosmas. — Quos etiam Ademarum vidisse et de multis rebus interrogasse verisimile est.**

(30) Cf. epist. p. 719: *Ego Latialiter loquens, Latialiter ipsum compellebam loqui, et barbære quasdam dictiones proferentem dissimulans, patienter celabam circumstantibus; cf. p. 726: Audieram enim eum Lemovicæ, ut supradixi, barbarismis male corrumpere Latinitatem.*

(31) Non 1029, ut Rivet, Hist. litt. VII, p. 304, dicit.

(32) Petro abbate Scotoriensi vivo se scripsisse, ipse profitetur III, 45; sed quo anno ille obierit non constat: cf. Gallia Christ. II, p. 550.

(33) *Usque in præsentem annum quo loquimur,*

PATROL. CXXI.

qui est 1028 ab incarnatione Domini nostri Jesu C. Christi per indictionem II, epist. p. 720.

(34) Ep. p. 717.

(35) Ibid. p. 720: *Spreto colloquio nobilium karissimorum parentum meorum, qui ad festivitatem de longinquo venerant, et pro mea utilitate ibi me expectabant.*

(36) 3 Aug. Cl. Ann. Lemov. a. 1028. Hist. conc. Lemov. Concil. ed. Labb. IX, p. 888.

(37) Fragmentum sermonis ibidem habiti, Ademaro a Baluzio vindicati, edidit Mabill. Acta SS. IV. 1. p. 34. Fortasse idem exstat in cod. Par. 3785. *Dicta venerabilis Ademari in natali S. Martialis.* Cat. bibl. Par. III, p. 466.

(38) Ep. p. 717. Plurimos quos nominat episcopos ipse cognovisse videtur. Nam ibidem dicit: *Noto vos mirari, eos, cum quibus nunquam locutus sum adhuc de sancto Martiale — tres tantum dico, papam videlicet ac Cæsarem atque Aquitanicæ ducem — inter nomina vestra me intermiscuisse.*

(39) Quæ hic de se ipso dicit (epist. p. 726) huc referre juvat: *Ego, inquit, sum nepos abbatis de Clusa; ipse duxit me per multa loca in Longobardia et Francia propter grammaticam; ipsi jam constat sapientia mea duo millia solidis, quos dedit magistris meis. Novem annis jam steti ad grammaticam et adhuc sum scholasticus. Sumus novem scholastici, qui simul discimus grammaticam, et sum ego valde perfectus sapiens. Habeo duas magnas domos plenas libris, et adhuc non omnes eos legi, sed quotidie meditator in illis. Nullus liber est in tota terra, quem ego non habeam. Postquam extero de schola, non erit subtilis cælum tam sapiens ut ego. Ego ero abbas de Clusa post mortem avunculi mei, jamque sum electus ab omnibus, et nisi tales conversi mali monachi fuissent, qui non curant nisi de hypocrisi et de rusticitate, qui in hoc abstulerunt, jam ex multo tempore essem consecratus abbas. Ego sum prior de Clusa, et scio bene facere sermonem de littera. Et infra: *In Aquitania nulla sapientia est, omnes sunt rustici;**

do quodam Benedicto Clusensi (39) habuerat narravit. Hujus rei in Historia nulla fit mentio; quod vix omisisset, nisi jam antea operi finem dedisset. Epistola vero illa Ademarum ostendit disertum, eloquentem (40), constantem (41) et ferventem (42) assertionis suæ defensorem, quam ab ipso confictam esse adversarius contenderat (43). Sermone ubere, eleganti, rationibus non contemnendis opinionem suam, quamvis nimis a vero alienam, stabilire conatur. Huic quæstioni examinandæ anno 1031 duplex convocatum est concilium, alterum Burdegalense, alterum Lemovicense, quibus cum Ademaro interfuisse non legamus, ipsum jam antea mortuum fuisse Rivet (44) suspicatus est. Quod et ipse statuerim, nisi fortasse ipsa concilii Lemovicensis historia (45), in qua eadem fere dicendi rationem eandem doctrinam, eandem quoque S. Martialis venerationem quam in epistola illa deprehendere mihi videor, Ademaro tribui possit (46). Certe de Ademari morte nihil constat; quam his circiter annis accidisse verisimile est, cum nihil postea de illo referatur.

Qui sequentibus temporibus in rebus Aquitanicis describendis occupati erant, ut auctor Gestorum

A episcoporum Engolismensium (47), Ademari historiam plerumque secuti sunt. Liber in multorum manus venit. Ex ipso etiam quæ in codice Vatic. bibl. Christ. n. 692 s. XII exstat historia Francorum excerpta est (48), ex qua postea Chronici S. Maxentii sive Malleacensis (49) auctor quam plurima hausit. Fragmenta alii descripserunt, alii operi præstantissimo assuerunt quæ ibi deesse videbantur. Exstat in bibliotheca regia Parisiensi codex infra memorandus, qui Ademari historiam partim quam plurimis additamentis auctam, partim valde mutatam continet. Sed tantum non omnia quæ adduntur sunt falsissima (50); interpolator multa ex ingenio finxit. Ademari verba non semel male interpretatus est, ordinem chronologicum perturbavit (51), plura addidit, quæ poeticam quamdam rerum narrationem redolent et ex carminibus manasse videntur (52). Cum plerique hæc omnia Ademaro obtrusissent, factum est ut hominem credulum et fabulosum eum putarent, historiamque ejus nimis erroribus perturbatam dolerent. Hæc vero jam in interpolatorem cadunt, qui fortasse centum annis aut amplius post Ademarum, hæc consarcinavit. Ex Vita Ludovici

NOTÆ.

et si aliquis de Aquitanis parum didicerit grammaticam, mox putat se esse Virgilium. In Francia est sapientia, sed parum. Nam in Longobardia, ubi ego plus didici, est fons sapientiæ. Aliter de ipso sensit Ademarus; cf. supra n. 30.

(40) Nam in hac terra non reputatur sapiens, nisi multum fuerit eloquens, ep. p. 727.

(41) Nam ego pro veritate usque ad mortem libenter decertare festino, ep. p. 717; cf. ibid. p. 725 sqq., p. 727: *tamen obedire oportet Deo magis quam papæ Romano.*

(42) Iterum adhuc pronuntio ante conspectum Dei et omnium in cælo habitantium, si gloriæ Dei vel ipsi Martiali, vel aliqui sanctorum qui jam ex hac vita transierunt, molestum aliquo modo est eum prædicari apostolum, hac ipsa hora, quæ est quasi sexta diei, hoc ipso articulo temporis quod hoc scribo, hoc momento, hoc a homo moriar corpore et ultra non vivam. Duæ missæ, quas hodie mane sexta sabbati continuas in honore vivificæ crucis, unam sponte, alteram obediens necessario jubenti et roganti abbati Amalfredo, super corpus beati Eparchii celebravi: si, inquam, hoc Deo displicet, non sint mihi in adjutorium, sed statim, sicut solus intra ecclesiam scribo, hac ipsa hora animam reddam, ibid. p. 726.

(43) Ibid. p. 718: *Hanc hæresim primus, et plus causa adulationis, ut placeret abbati et monachis, corruptus quoque pecunia ab illis, sine ulla veterum auctoritate considerat.*

(44) Hist. litt. VII, p. 302. Idem. Ademarum Hierosolymam profectum esse sibi persuasit, cum in codice Vossiano, olim S. Martialis Lemovicensis, hæc legantur (Cat. bibl. Lugd. Bat. 1716, fol. p. 386; cf. Arch. VII, 137.): *Hic est liber sanctissimi domini nostri Martialis Lem. ex libris bonæ memoriæ Ademari grammatici. Nam postquam multos annos peregrinatus in Domini servitio ac simul in monachico ordine in ejusdem patris cænobio, profecturus Hierusalem ad sepulcrum Domini nec inde reversurus, multos libros, in quibus sudaverat, eidem suo patrono ac nutritori reliquit, ex quibus hic est unus. Sed Ademarus historiogra-*

plus non Lemovicensis sed Engolismensis fuit monachus.

(45) Ed. Labbeus Bibl. mss. II, p. 766. Concil. IX, p. 869.

(46) Rivet Hist. litt. VII, p. 347, Odolricum abbatem S. Martialis auctorem putavit. — In cod. Par. n. 2469 Ademari sermones de S. Martiale et hæc concilii historia conjuncta existant; cf. Cat. bibl. Par. III, p. 285. Sermones a. 994, quos edidit Baluze, Hist. Tutel. p. 385, non Ademari esse, recte monet Rivet, Hist. litt. p. 305; cf. eundem p. 306 sqq. de aliis quæ eruditum Ademaro tribuerunt operibus.

(47) Apud Labbeum, Bibl. mss. II, p. 249. Etiam qui miracula S. Genulfi conscripsit, Ademari opere usus est; cf. Mab. Acta IV, II præsertim n. 14: p. 230.

(48) Cf. Arch. VII, p. 437. Ex primo libro nihil, ex secundo et tertii initio pauca sumpsit, III, 16-38 vero magnam partem ad verbum exscripsit.

(49) Apud Labbeum II, p. 190.

(50) Ita, ut pauca tantum afferam, III, 19, dicit Lotharium quatuor post a. 855 annis monasterium intrasse, cum Ademarus recte « post paucos dies » scripsisset; III, 20, de Odone rege Francorum fabulas intolerabiles fingit; c. 22, Ademari verbis parum intellectis, Arduinum Italiæ regem ante Ottonem I obiisse narrat; quæ ibidem de Rotberto rege et Hugone comite refert, fabulam redolere jam alii adnotarunt; magis etiam a vero abhorrent quæ c. 31 de S. Adelberto et Brunone memoriæ tradit; de Heriberto archiepiscopo ab Heinrico II capto recte Ademarus c. 33 locutus est, quibus deletis interpolator alia eaque falsa substituit.

(51) Exempli gratia, c. 23 de Fredaberto episcopo, quem in s. x. falso collocavit.

(52) Cf. quæ jam attuli c. 22 de Hugone et Rotberto, c. 28 verba: *ense quem Walander faber curat*, et quæ ibidem de Arnaldo narrantur, c. 34 de Aldeberto et rege Francorum, c. 55 verba: *ita fabulam Tiestis veram adimplens.*

quædam sumpsit (53), alia (54) ex Annalibus Aquitanicis, quos et ipse Ademarus habuerat; in aliis cum Gestis episcoporum Engolismensium convenit (55). Quorum auctor cum alibi purum Ademari textum sequatur (56), non ipsum codice interpolato usum, sed potius ex Gestis quædam Ademaro assuta esse putarim, præsertim cum etiam aliis locis ejusmodi res a Gestorum scriptore narrationi ex Ademaro haustæ additæ sint (57). Ideo non ante sed post a. 1159, quo Gesta illa scripta esse constat, interpolatorem opus suum compilasse recte statuere mihi videor. Qui cum res in cœnobio S. Martialis Lemovicensi gestas, jam ab Ademaro satis accurate expositas, singulari studio prosequatur (58), ibidem vixisse putandus est, ideoque in his etiam majorem fidem meretur.

In hac Ademari editione id maxime consilii egi, ut primo loco integrum et purum ipsius textum exhiberem, codice potissimum usus præstantissimo.

1) regio Parisiensi n. 5926, mbr. fol., olim I. A. Thuanii, qui sæculo XI medio cum magna diligentia et satis eleganter in membranis optimis non una manu exaratus, litteris quas dicunt initialibus pulchris et variis coloribus pictus ornatus, 165 foliis constat, quorum modo plura, modo pauciora conjuncta sunt. Ademari historia 131 explet. Hunc librum partim descripsi, partim cum editis accuratissime contuli, quippe qui purum contineat textum, paucissimas tantum easque leviores mendas habeat, et in Aquitania, fortasse Engolismæ aut Lemovicæ, scriptus, proxime ad autographum accedere videatur. Historiam ibi nullo titulo in scriptam, et singulos libros nullis rubris distinctos legimus; primo tamen capitum index præmissus est, secundi vero et tertii initium capitulo primo ascripto indicatur. Idem volumen continet f. 132 diploma Caroli regis de castro Fronciaco ecclesiæ Engolismensi confirmato, f. 133 conventionem Willelmi et Hugonis ex ipso codice a Labbeo II, p. 135, editam, et f. 140 sqq. Eginhardi Vitam Caroli Magni mancam. Ex hoc codice descriptus est

1^a) regius Parisiensis Suppl. Lat. n. 142, chart., s. xv, fol., qui eadem opera continet et iisdem Eginhardi verbis finit. Fortasse hic est quem in collegio Claromontano vidit Labbeus, qui certe huic simillimus fuit.

Interpolata historia exstat in codice

2) regio Parisiensi n. 5926, mbr., sæc. XII exeuntis, fol. min., olim Ant. Faure, quem ex bibliotheca Hadr. Valesii recepit Labbeus. Volumen 17 et semis quaternionibus constat, qui in ultimo folio a-r signati sunt. In quaternione m tria desunt folia. Fol. 1-63 libros 2 priores Ademari continet, fol. 63-79 Eginhardi Vitam Karoli, fol. 79-114' Anonymi Vitam Ludovici Pii, fol. 114' sqq. Ademari Historiam inde a III, 16 prosequitur. Ipsius verba etiam prioribus libris sæpissime mutavit, et modo ipsum, modo quos exscripsit fontes, Gesta Francorum et Annales Laurissenses, secutus est (59), ita ut Labbeus, cum etiam integras Caroli et Ludovici Vitas insertas vidisset, nonnisi extremam partem Ademaro ascribendam esse putaret. Textus, magna negligentia descriptus, mendis fœdissimis scatet, quæ scriptorem rudem, neque in veteribus libris legendis neque in scribendo exercitatum arguunt. Literarum forma, qualem in libris manuscriptis Lemovicensibus sæpius vidi, hujus urbis monachum indicare videtur, ubi etiam ipsum interpolatorem deguisse supra monui. Etiam in hoc codice, quem ex I derivatum quamvis non excriptum esse non dubito (60), historia titulo caret.

3) Plurimi qui exstant Ademari codices ex eodem exemplari fine destituto fluxerunt, quippe qui III, 24, verbis: *vicaria Piliacense (et alias quam plurimas ecclesias)* historiam finiant. Textum nullis interpolationibus maculatum habent. Ipse tres vidi (61).

3^a) Montispessulanum n. 94, mbr., s. XII, fol., olim collegii Trecensis, qui neque titulos habet neque tertium librum distinguit.

3^b) Montispessulanum n. 227, mbr., fol., s. XIII, 8vo, qui operi titulum *Hystoria Francorum* inscribit, et singulis libris capitum indicem præmittit.

3^c) Montispessulanum n. 27, mbr., s. XIV, fol., qui cum 3^b plerumque convenit, in capitum tamen tertii libri ordine ab ipso differt, 18 pro 22 exhibens.

Alii ejusmodi codices inveniuntur

3^d) Romæ in bibl. Vat. n. 1795, mbr., fol. s. XIII. (Arch. V, p. 116).

3^e) Romæ in bibl. Christ. n. 905, mbr., fol. (Arch. III, p. 422, 423, coll. v. p. 117), qui eundem capitum ordinem quem 3^b habere videtur.

3^f) Bernæ n. 208, mbr., s. XIII (Arch. V, p. 488).

NOTÆ.

(53) III, 16.

(54) III, 18, 19. Sed hæc satis infeliciter cum Ademari narratione conjunxit.

(55) Cf. III, 16, de moneta Engolism. cum Gest. c. 13, III, 24, de reliquiis Hierosolyma reportatis; et 28 cum Gest. c. 19, III, 60; et 66 cum Gest. c. 25.

(56) Cf. Gest. c. 11 cum Ademari III, 20; Gest. c. 14, 16, cum Ademari III, 23, etc. Quæ Gest. c. 25 leguntur magnam partem in codice interpolata desunt.

(57) Cf. c. 9, 10, et præsertim c. 25, 26, ubi de Willelmo Engolismensi comite multa nova leguntur, quorum pars tantum in interpolato Ademari textu occurrit, quæ vero ab uno eodemque procul dubio scripta sunt.

(58) III, 19 [20] 22, 25, 35, 43, 49, 57, etc.

(59) Cf. quæ Archiv. Vol. VIII dicitur sum.

(60) Cf. quæ de Eginhardo dicit Pertz l. I, *Patrologiæ* tom. XCVI.

(61) Cf. Archiv. VII, pag. 433, sqq.

4) Paris. n. 6190 (62). Glabri Rodulphi codici quatuor folia sæc. XI-XII assuta sunt, quæ varia ex Ademaro excerpta continent, postea ex eodem fonte aucta. Quæ, nullo ordine scripta, modo ipsius verba retinent, modo mutato stylo valde diversam narrandi rationem ostendunt, et, quamvis ex codice non interpolata descripta, in quibusdam tamen cum 2 conveniunt (63), ita ut fortasse inter ipsius sint referenda fontes.

Ademari liber integer nunquam prodiit. Secundum librum Pithœus SS. *XII cœtanei* ed. Par. 2, p. 6, Franof p. 230 primus ex cod. 1 edidit, Ademari nomine suppresso; indeque transit in Duchesnii SS. (II, p. 68) et SS. Kulpisianos (3, p. 43). Idem Pithœus Ademari excerpta s. t. « Aquitanicæ historiæ fragmentum » ex codice 4 publici juris fecit (SS. *XII cœt.* ed. Par. 2, p. 416, ed. Franof. p. 517, et SS. *XII cœtanei* p. 79), quæ Duchesnii, ex ipsius Ademari ut videtur codice aucta, repetiverunt (SS. II, p. 632; IV, p. 80). Breve Ademari fragmentum A. Duchesnius etiam Hist. Norm. SS. collectioni (p. 19) inseruit. Majores locos eosque ex optimo codice, fortasse eodem quem 1. nominavi, descriptos (64), Beslii in probationibus historiæ comitum Pictavensium (65) exhibuit. Historiam ex Ademaro aliisque compilatam Petrus a S. Romualdo luci dedit (66). Labbeus paulo post editionem absolutam aggressus est, tribus codicibus supra indicatis (1, 1^a, 2.) usus; sed singulari errore librum interpolatum secutus, integram Ademari Historiam neglexit,

A singulis quibusdam locis tantum codicis Thuanei verba referens. Ex primo libro nonnisi excerpta quædam dedit, secundum tanquam jam antea editum prætermisit, tertii quoque initio plurima ex Ann. Laurissensibus hausta suppressit. Ex Labbei et Duchesnii editionibus major Ademari Historiæ pars in Bouqueti collectionem recepta est (II, p. 514; V, p. 184; VI, p. 223; VII, p. 225; VIII, p. 232; X, p. 144-164) notisque illustrata.

Etiam in hac quam institui nova editione non integrum opus luci dandum erat, sed hæc tantum exhibui quæ Ademarum fontibus illis majoribus adjecit aut proprio Marte conscripsit. In quem finem codicem 1^o perlegi omniaque memoria digna ex primis libris exscripsi. In sequentibus eundem codicem accurate exprimendum curavi, et quæ correxi in notis semper retuli (67). In codice sæpius a pro e scribitur, quod ex verborum pronuntiatione in Aquitanicæ regionibus usitata ortum esse videtur: e, gr., *Nannetansium, Rotomansis, biannium, emandatio, commandatum, opulantissimam, amplectabatur, assumans, rerertans, decoram, Engolismensam* (68). Hæc an Ademaro tribuerem hæsitavi, recipere tamen nolui. Quæ in 2 adduntur, aut mutata leguntur, infra addidi, neque tamen omnes easque sæpe falsissimas lectiones enotavi. In margine certum ordinem chronologicum stabilire, in notis errores corrigere et res Aquitanicas aliasque memoria dignas quam brevissime explicare conatus sum. G. WAITZ.

NOTE.

(62) Codex olim E. Vineti postea Thuani, fuisse videtur; cf. Besly Hist. comitum Pictav., p. 199.

(63) III, 28, 34.

(64) V, p. 199.

(65) *Histoire des comtes de Poitou et des ducs de Guyenne par I. Besly*. Paris, 1647, fol., passim.

(66) *Historiæ Francorum seu Chronici Ademari Engolismensis epitome — cum notis nonnullisque interpolatis quibusdam etiam additis a domno Petro a S. Romualdo Fuliensi. Parisiis*

apud L. Chamhoudry 1652, 12. Simile opus existat in cod. Par. n. 6182, chart., s. xvii: *De origine Francorum ex chronico Ademari Engolismensis monachi sancti Martialis*.

(67) Hoc uno excepto, quod in genitivo semper æ scribendum esse duxi, cum codex sibi ipsi non constans modo æ modo e (potissimum in urbium nominibus *Engolisme, Lemovice*, etc.) exhibeat.

(68) Hæc interdum jam in codice correctæ sunt: *classa* corr. *classe*, *Salasensam* corr. *Salasensem*.

LIBER PRIMUS.

1. Principium regni Francorum, etc., ut *Gesta Francorum*.

11. (*Gest. Francorum c. 1s*) hæc adduntur: Eo tempore sanctus Eparchius natus est patre comite Petrogoricæ nomine Felice, qui postea plenus sanctitate patronus Engolismæ civitatis factus est.

16^a. (*An. 508. Gest. c. 17*) add.: In ipsa civitate (1) consecrare fecit in episcopatu venerabilem virum Aptonium capellanum suum, expulso primo episcopo Arriano Gothorum de eadem civitate.

VARIE LECTIONES.

¹ c. 16. *Gestorum* (c. 15.) verba ita leguntur: Deinceps omnes æcclesiæ Dei cum auctoritate apostolice (sic) Romani hoc exemplum agentes usque ad presens ipsas lætanas triduanas ubique cælebre recolunt ante ascensionem Domini. ² p. s. et post erasa 1.

NOTE.

(1) Engolisma.

ipsa basilica multa pignora reliquiarum beati Martini episcopi collocantes, dedicaverunt³ eam in ejusdem sancti Martini honore. Denique in altare ipsius ab eodem sancto Germano atque sancto Gregorio consecrato sanctæ crucis actenus apparent impressa signacula. Item in honore sancti Petri consecraverunt æcclesiam sedis episcopalis⁴, quam Clodoveus rex supradictus a novo incoari jusserat, destructa priori sede, quam Gothi Arriana maculatione fœdaverant, in honore sancti Saturnini. Ordinaveruntque in ipsa civitate episcopum nomine Mererium (2), qui in Francia capellanus regis fuerat. Aptonius enim nuperrime obiit in Chirto.

31. (An. 575. Gest. c. 82) hæc leguntur: Qui com-moventes exercitum, adversus eum pergunt contra Egolismam, ubi residebat propter fortitudinem murorum. Ille quoque derelictus a suis cum paucis remansit, sed tamen ad bellum ire non dubitat. Venientesque ad pugnam octo millibus ab Ego-lisma juxta fluvium Carantam secus silvam Buxam, Theodebertus devictus prosternitur, mortuusque est ibi. Ab Annulfo quoque duce collectus, Egolisnam civitatem portatus, ibidem sepultus est apud Sanctum Eparchium. Sigebertus vero et Chilpericus pugnabant inter se in Francia. Tunc Chilpericus...

33. (Gest. c. 34 initio) add.: Erat enim illa (3) ancilla nequissima, sed propter pulchritudinem vultus eam rex nimis amabat, et mala consilia semper audiebat ab illa, et eam credebatur super omnes consiliarios Francorum.

41. (G. c. 42) add.: Tunc Eraclius imperator crucem Domini de fano Cosdroe, quod erat in Perside, victor detulit in Hierusalem, et exaltatio sanctæ crucis in suam⁵ civitatem tunc facta est. Eo tempore piissimus imperator Eraclius Dagoberto munera misit, et rogavit ut baptizare compelleret omnes Judeos qui erant in omni regno ejus; quod et factum est.

49. (An. 714. G. 51) hæc leguntur: Eo tempore Pipinus Brevis supradictus, pater Drogonis et Grimaldi et Caroli Martelli⁶, correptus febre valida, mortuus est.... discreto. Et postquam mortuus est supradictus Pipinus Vetulus vel Brevis, qui fuit proavus domni Karoli imperatoris magni, Franci in Francos invicem irruunt in Cosia silva... Tunc Plectrudis, uxor Pipini Vetuli, cœpit per ingenium Karolum Martellum, filium Pipini supradicti de alia uxore Calpiade, qui, dum sub custodia tene-retur, auxiliante Deo, vix evasit.

51. (G. c. 33) ita Gestorum narrationem cum continuatore Fredegarii conjunxit: Eudo Chilpericum ei reddidit cum multis muneribus; et Karolus

A Martellus, Chilperico recepto, regem eum constituit, oblitus cunctorum quæ in eo fecerat malorum, sed cum Raenfredo amicitias⁷ facere noluit. Rex Chilpericus, urbe Noviono⁸ veniens, morbo obiit, et regnavit annis sex. Franci vero Theodericum, filium Dagoberti junioris, in monasterio Calanutritum, super se regem statuunt, consensu Karoli Martelli. Karolus vero princeps Raenfredum insecutus, Andegavis civitatem obsedit, et vastata regione eadem, cum plurimis spoliis reversus est, et major domus effectus est ipse Karolus Martellus in regno Francorum. Sequenti anno Andegavis civitatem fortissime debellans cœpit, et, Raenfredo interfecto, reversus est.

52. (An 732. Fredegar. c. 108) post: victor Franciam rediit add.: et extunc omnes cœperunt eum cognominare Martellum, quia sicut martellus cunctum ferrum subigit, sic ipse Deo adjuvante cuncta prælia frangebatur.

54. (An 736. Fred. c. 109) add.: Tunc mortuus est Theodericus rex, filius Dagoberti minoris, et Karolus Martellus in ipsa infirmitate sui jussit elevare in regem Hildericum fratrem Theoderici. Qui vecors erat, sicut et frater ejus fuerat; sed meliorem illo non poterant Franci invenire de prole regali....

(An. 741. Fred. c. 110)... eo pacto, ut Romanos defenderet de Langobardis, qui multa mala in terra⁹ sancti Petri faciebant. Ipse...

..... ordo sacratissimus paschalis turbatus est per multas regiones per errorem et ignorantiam calculatorum, qui bene nesciebant¹⁰ terminum paschalem reperire, et per multas civitates celebratum est pascha vel in Marcio vel in Aprili vel in Maio.... Carolus... obiit in pace anno¹¹ septingentesimo quadragesimo primo ab incarnatione Domini. Et retro in alio anno dum turbatio fuit de pascha, debuit esse Dominicus dies resurrectionis Christi octavo Kalendas Maii, quod fuit in ultimo anno cicli decemnovalis, fuitque terminus paschæ dominica¹² Osanna 15 Kal. Maii. Regnavit autem¹³ Karolus¹⁴ annis 23, sed non est vocatus rex, quia ipse non permittebat se regem vocari, nisi duces Francorum, quia pueris regibus deferebat honorem nominis regalis, Theoderico videlicet et Childerico, quamvis ineptis, prudentia et sensu carentibus¹⁵. Obiit 11 Kal. Novemb., cunctis in gyro regnis adquisitis, sepultusque est in basilica sancti Dionisii martiris. Pipinus autem Vetulus¹⁶ pater ejus regnavit 17 annis in puerorum regum fidelitate.

56. (Ann. Laur. a. 749). . Tunc dolentes Franci, quia non habebant prudentem regem, sed jam per

VARIÆ LECTIONES.

³ dedecaverunt corr. dedicaverunt 1. ⁴ e corr. 1. ⁵ sanctam? ⁶ ita Carolus etiam c. 60 (Gesta. c. 52) appellatur. ⁷ amicitias 1. ⁸ noviono 1. ⁹ 1. s. p. bis scriptum 1. ¹⁰ nuntius 2. ¹¹ deest 2. ¹² domina 2. ¹³ deest 2. ¹⁴ Carolus Martellus 2. ¹⁵ arentibus 2. ¹⁶ sepultus 2.

NOTÆ.

(2) Maracharius apud Greg. Tur., V, 37.

(3) Fredegundis.

multos annos sustinuerant de regali prole insipientes viros, voluerunt elevare in regem Pipinum. Qui nolit adquiescere, sed, adunatis cunctis primoribus Francorum, ex parte eorum misit Romæ...

57. (*Ann. Laur.* 753.) . . Carlomannus. . Franciam venit, ut reportaret in Cassinum corpus sancti Benedicti.....

LIBER SECUNDUS

1. A primo rege Francorum dicemus prosapiam domini precelsi regis Magni Karoli, quem Deus genuit et exaltavit et magnum principem et amabilem a cuncto populo Christiano per universon mundum fecit. Igitur (5) in tempore Valentiniani¹⁸ imperatoris, qui septimus Augustus fuit a Constantino Magno divo Augusto, quem sanctus papa Silvester baptizavit, sub quo tempore sanctus Hieronimus claruit, Franci adhuc pagani primum reges habere cœperunt de semet ipsis. Primus itaque rex Francorum fuit nomine Faramundus, filius Marcomiris ejusdem gentis industris viri. Post Faramundum regnavit Clodio filius ejus. Post Clodium regnavit Meroveus filius ejus. Post Meroveum regnavit Childericus filius ejus. Quo tempore exortus est beatus Eparchius ex civitate Petrugorica, patre Felice Aureolo, comite ejusdem civitatis. Post Childericum regnavit Clodoveus filius ejus, qui primus de regibus Francorum credidit in Christum, et baptizatus est a sancto Remigio episcopo cum omni exercitu suo et universo populo Francorum. Post Clodoveum regnavit Childebertus filius ejus cum tribus fratribus suis, Theoderico, Clodomire et Clotario. Quo tempore sanctus Eparchius in Egolesima virtutibus claruit, et, ipso Childeberto regnante, post septuagesimum annum ætatis suæ in pace ad Dominum migravit. Quo tempore Anastasius imperator Augustus imperii

58. (*Ann. Laur.* a. 763). . et revertendo per Lemovicis contulit sancto Marciali¹⁷ bannum aureum quod cœperat in prælio Waiferii, simulque donavit villam de sancto Valerico canonicis sancti Marcialis. Et canonicis sancti Stephani dedit villam que dicitur Solanniacensis, et remeavit in Franciam.

59. . . planxeruntque eum (4) Franci planctu magno, et regnavit Carolus Magnus filius ejus pro eo.

B infulas tenebat. Quo tempore regnabat cum Childeberto Theodebertus nepos ejus, filius Theoderici. Quo tempore claruerunt sanctus Gregorius papa primus, et Gregorius episcopus Turonensis, et sanctus Aredius abbas, et Nicecius episcopus Lugdunensis. Post Childebertum regnavit Clotarius frater ejus, qui sanctam Radegundem in matrimonio habuit. Post Clotarium regnavit Chilpericus filius ejus cum tribus fratribus suis, Cariberto, Guntramno et Sigeberto, qui habuit Brunichildem in matrimonio. Post Chilpericum regnavit Clotarius filius ejus. Clotharius iste genuit Dagobertum et filiam unam nomine Blitildem (6) ; de qua Blitilde fuit generatio domni Caroli. Nam ista Blitildis, soror Dagoberti regis, habuit virum in conjugio nobilem inter Francos nomine Ansbertum, de quo genuit filium nomine Arnaldum. Arnaldus genuit Arnulfum, qui postea, derelicto seculo, factus est episcopus Metis civitatis. Arnulfus, antequam esset clericus, habuit uxorem nomine Begam, filiam Pipini majoris domus, et genuit ex ea Ansegisilum. Ansegisilus¹⁹ genuit Pipinum Vetulum Brevem, qui fuit abavus domni Karoli regis. Pipinus Vetulus dux Francorum genuit Karolum Martellum. Karolus Martellus genuit Pipinum Pium, qui de illa linea generationis elevatus est primus a Francis in regem, evacuata omnino linea de genere Faramundi. Pipinus Pius genuit

In cod. 2 a. 755 hæc adduntur : Anno vero septingentesimo 55, sepe nominatus papa Stephanus cum pio rege Pipino, post dedicationem Parisius in æcclesia beati Dionisii factam, iter in Aquitaniam faciens, usque ad locum qui Fiacus (7) nominatur²⁰ devenerunt. Ibi enim piissimus rex Pipinus, divino monitus nuncio, monasterium in honore mundi Salvatoris construxerat, ad cuius consecrationem ipsum papam secum adduxerat ; sed divino preventus est miraculo. Nam, nocte consecrationis diem precedente, a nonnullis voces psallentium in æcclesia eadem audite sunt, et, die illucescente, subito nubes densissima, suavissimo fragrante²¹ odore, totam ipsius templi superficiem ita coheruit, ut omnino ingredi volentibus aditum denegaret. Circa vero illius tertiam diei horam nube discedente, domnus papa Stephanus cum coepiscopis ac clericis et rex serenissimus Pipinus æcclesiam ingredienti, parietes et altaria sacra unctione divinitus consecrata conspexerunt. Unde nimium admirati maximoque gaudio repleti, supradictus pontifex et rex clementissimus Pipinus innumeras Deo gratias reddentes²², eidem æcclesie diversos honores, villas, possessiones, castella ac plurima loca contulerunt (8), videlicet monasterium de Juante (9), olim a potentissimo Francorum rege Clodoveo constructum, ac post multorum curricula annorum nimis pluviarum ac fluviorum inundationibus funditus eversum, et monasterium sancti Quintini de Galliaco (10) et heremitarum Conchense cenobium (11) aliasque quamplures ecclesias, ac maximam partem circumadjaentium regionum esse sub jure ipsius æcclesie constituerunt, ac ab omni humano servitio liberam fieri nisi sola Romani pontificis tuitione propriis privilegiis sanxerunt. His itaque solemniter peractis, Stephanus papa cum rege in Franciam reversi sunt.

VARIÆ LECTIONES.

¹⁷ martialis 2. ubi bannum — waiferii *desunt*. ¹⁸ valentiani 1. ¹⁹ ansegilus 1. ²⁰ nomiatur c. ²¹ fragrante c. ²² redentes c.

NOTÆ.

(4) Pippinum.

(5) Etiam quæ sequuntur magnam partem ex Gestis regum Francorum fluxerunt.

(6) Cf. Genealogiam S. Arnulfi Monum. SS. II, 308, 313.

(7) Figeac in diocesi Caturcensi.

(8) Diploma Pippini falsum. V. Dachery Spicil. edit. 2, III, p. 349. Stephani Gallia Christ. I, 43.

(9) La vallée de Zunault.

(10) In pago et dioc. Caturcensi.

(11) Conques, in dioc. Ruthenensi.

domina regem Augustum imperatorem Karolum. A Domnus Karolus genuit domnum Ludoicum imperatorem. Ludoicus genuit Carolum Calvum ex Judit regina. Sed revertar ad ordinem regum. Post Clotarium regnavit Dagobertus filius ejus, quo tempore sanctus Elegius episcopus claruit. Cui Dagoberto fuit Pipinus major domus vir egregius, cujus Pipini filiam nomine [Begam²³] accepit in uxorem Arnulfus vir nobilissimus, pater Ansegisili²⁴. Post Dagobertum regnavit Clodoveus filius ejus, qui habuit sanctam Baldidem in matrimonio. Quo tempore sancti Benedicti corpus translatum est de Benevento in Franciam, in villa Floriaco. Post Clodoveum regnavit Clotarius filius ejus. Post Clotarium regnavit Theodericus frater ejus, cui Ebroinus fuit major domus; et Leodegarius sanctus episcopus claruit, quem interemit ipse Ebroinus. Quo tempore Pipinus Yetulus fuit major domus in Austrasiis cum regibus Childerico et Childeberto juniore. Qui Pipinus consensit nobilibus Francis interficere Ebroinum. Et ipse Pipinus Brevis, propter Childericum regem Austrasiorum a Francis occisum, praelium fecit cum Theoderico rege Francorum, et devicit eum, et cum eo postea concordans, major domus extitit in Francia, et bella multa contra Suevos et alias gentes fortiter fecit. Et ipse Pipinus Brevis de uxore sua Calpiade genuit Carolum Martellum. Post Theodericum vero regem regnavit Clodoveus, filius ejus. Post Clodoveum regnavit Childebertus junior, frater ejus. Post Childebertum juniorem regnavit Dagobertus junior, filius ejus. Post Dagobertum defecit genus regale a prudentia, et regnavit post ipsum Dagobertum Danihel clericus insensatus frater ejus, quem Franci mutato nomine vocaverunt Chilpericum. Chilpericus iste ineptus movit exercitum contra Carolum Martellum, qui tunc juvenis erat in Austrasias major domus et dux cum Clotario rege; et victus est in bello Chilpericus, et victor extitit Carolus Martellus. Tunc Eudo dux Aquitaniorum in auxilium Chilperici insensati movet exercitum contra Carolum Martellum, et victus est ab eo in proelio, cepitque Carolus Martellus inimicum suum Chilpericum regem insensatum; sed in memor malicie sue reddidit ei regnum suum. Post Chilpericum regem insensatum regnavit solo nomine Theodericus insensatus consanguineus ejus. Post Theodericum regnavit solo nomine Childericus insensatus frater ejus, et defecit totum genus regale. Childerico insensato deposito de solio et facto clerico in monasterio, Franci cum consilio domni papae Zachariae et cum consilio nobilium Romanorum, Deo volente, uno consensu et una voluntate elevaverunt sibi in regem Pipinum Pium, filium Caroli Martelli. Hic Pipinus Pius fuit domni Caroli imperatoris Magni pater. Itaque post²⁵ Pipinum Pium regnavit domnus Karolus, filius ejus, quem postea

A Romani elegerunt sibi advocatum sancti Petri contra reges Langobardorum. Deinde ipsum domnum Carolum elegerunt sibi in patrium Romanorum. Deinde elevaverunt in imperatorem et Augustum. Tenuitque domnus Karolus, Deo largiente, in potestate sua omnem terram de monte Gargano usque in Cordubam civitatem Hispaniae. Pipinus vero Pius, pater domni Caroli, postquam elevatus est in regem, regnavit septem annos, et obiit septingentesimo sexagesimo octavo anno ab incarnatione Domini. Et ipso anno omnes Franci magno gaudio exultantes elevaverunt sibi in regem domnum Carolum Magnum anno ab incarnatione Domini 768. Sic enim computantur anni ab origine mundi usque ad incarnationem Domini secundum septuaginta Interpretes. Ab Adam usque ad diluvium fiunt anni duomilia ducenti 42. A diluvio usque ad Abraham anni nonaginti 42. De Abraham usque ad Moysen anni quingenti quinque. A Moysen usque ad Salomonem anni quadraginti²⁶ 89. A Salomone usque ad restorationem templi sub Dario rege Persarum anni quingenti 42. A restauratione²⁷ templi usque ad adventum Domini secundum Septuaginta²⁸ anni quingenti 48. Et ab initio mundi usque ad incarnationem Domini secundum septuaginta Interpretes sunt anni quinque milia 200. Secundum veritatem Hebraicam ita computantur: Ab Adam usque ad Noe fuit prima aetas, et habuit annos mille et sexcentos et 56. Secunda aetas a²⁹ Noe usque ad Abraham habuit annos ducentos 92. Tercia aetas de Abraham usque ad David habuit annos 942. Et simul juncti anni trium aetatum fiunt duo millia octingenti undecim. Quarta aetas a³⁰ David usque ad captivitatem in Babilone habuit annos quadringentos 63. Quinta aetas a³⁰ reconstructione templi usque ad adventum Domini habuit annos quingentos 80. Et fiunt simul ab Adam usque ad Christum Dominum anni tria milia noventi 52. A nativitate Domini usque ad transitum sancti Martini sunt anni quadragenti 45. A transitu sancti Martini usque ad transitum Clodovei regis Francorum, qui primus fuit Christianus de regibus Francorum, sunt anni 112. A transitu sancti Martini usque ad transitum sancti Eparchii Egolismensis patroni sunt anni centum viginti. Natus est enim sanctus Eparchius tempore Merovei Francorum regis pagani, qui fuit avus Clodovei regis Francorum primi Christiani, et in tempore Theodorii junioris divi Angusti imperatoris. Vixit per tempora Theodosii, Marciani, Leonis, Zenonis, Anastasii, et Justiniani imperatorum, et per tempora regum Francorum, Merovehi et Childerici et Clodovei, et tempore Childeberti regis Francorum. Obiit tempore Justiniani imperatoris et Childeberti regis Francorum, octogesimo anno aetatis suae. A nativitate Christi usque ad primum regni annum Caroli sunt anni septingenti sexaginta octo.

VARIÆ LECTIONES.

²³ al. manu add. 1. deest 2. ²⁴ ansegili 1. ²⁵ deest 1. ²⁶ ita 1. ²⁷ Ad restorationem 1. ²⁸ ta u. q. desunt 1. ²⁹ ad corr. a 1. ³⁰ ad 1.

2. Anno igitur ab incarnatione Domini 768, ipso anno quo rex Pipinus Pius obiit, duo filii ejus domnus Carolus et Carlomanus elevati sunt in regnum uno die simul, id est 7 Idus Octobris, etc., ut *Ann. Lauriss. a. 768 sqq.*

(*Ann. Laur. a. 769.*) . . Et inde (12) sumpsit . . simulque Launum episcopum ejusdem civitatis, qui fuerat capallanus domni Pipini regis patris sui, quem ipse rex Pipinus episcopum fecerat de ipsa civitate...

. . . rediit ad Egolisman, ubi postulante Launo episcopo fecit in monasterio sancti Eparchii auctoritatem præcepti de terris quæ ibi sine contentione erant, id est super fluvium Tolveram Magnacum, Vivenacum, Vasnacum, Monteriorem, Visacum, Roliacum, super fluvium Notram Baudidanem villam, Camilon, Cannacum, Ulciacum, Roliacum minorem, Tortiacum, Sertis, Tomolatium, super fluvium Dornoniam Montemvillam, Baciacum, Triacum, Marlevam ³¹. Quod preceptum Bartolomeus cancellarius ejus scripsit, et ipse domnus rex manu sua firmavit et de annulo suo sigillavit. Erat eo tempore in ipso monasterio sancti Eparchii canonicalis habitus. Inde gloriosus rex Carolus reversus est in Franciam.

8. (*Ann. Laur. a. 787.*) . . . Et reversus est piissimus rex Karolus et cælebravit Romæ pascha cum domno apostolico. Ecce orta est contentio per dies festos paschæ inter cantores Romanorum et Gallorum (13). Dicebant se Galli melius cantare et pulchrius quam Romani. Dicebant se Romani doctissime cantilenas æcclesiasticas proferre, sicut docti fuerant a sancto Gregorio papa (14); Gallos corrupte cantare, et cantilenam destruendo dilacerare. Quæ contentio ante domnum regem Karolum pervenit. Galli vero propter securitatem domni regis Karoli valde exprobrabant cantoribus Romanis. Romani vero propter auctoritatem magnæ doctrinæ eos stultos et rusticos et inductos velud bruta animalia affirmabant, et doctrinam sancti Gregorii præferebant rusticitate eorum. Et cum altercatio de utraque ³² parte finiret, ait domnus piissimus rex Karolus ad suos cantores: *Dicite palam, quis purior est et quis melior, aut fons vivus aut rivuli ejus longe decurrentes?* Responderunt omnes una voce fontem velud capud et ori-

ginem puriorem esse, rivulos autem ejus, quanto longius a fonte recesserint, tanto turbulentos et sordibus ac immunditiis corruptos. Et ait domnus rex Karolus: *Revertimini vos ad fontem sancti Gregorii, quia manifeste corrupistis cantilenam æcclesiasticam.* Mox petiit domnus rex Karolus ab Adriano papa cantores, qui Franciam corrigerent de cantu. At ille dedit ei Theodorum et Benedictum Romæ æcclesiæ doctissimos cantores, qui a sancto Gregorio eruditi fuerant, tribuitque antiphonarios sancti Gregorii, quos ipse notaverat nota Romana. Domnus vero rex Karolus, revertens in Franciam, misit unum cantorem in Metis civitate, alterum in Suessionis civitate; præcipiens, de omnibus civitatibus Franciæ magistros scolæ antiphonarios eis ad corrigendum tradere, et ab eis discere cantare. Correcti sunt ergo antiphonarii Francorum, quos unusquisque pro arbitrio suo viciaverat vel addens vel minuens; et omnes Franciæ cantores didicerunt notam Romanam, quam nunc vocant notam Franciscam, excepto quod tremulas vel vinnolas (15) sive collisibiles vel secabiles voces in cantu non poterant perfecte exprimere Franci, naturali voce barbarica frangentes in gutture voces potius quam exprimentes. Majus autem magisterium cantandi in Metis civitate remansit: quantumque magisterium Romanum superat Metense in arte cantilenæ, tanto superat Metensis cantilena ceteras scholas Gallorum. Similiter erudierunt Romani cantores supradicti cantores Francorum in arte organandi. Et domnus rex Karolus iterum a Roma artis grammaticæ et computatoriæ magistros ³³ secum adduxit in Franciam, et ubique studium litterarum expandere jussit. Ante ipsum enim domnum regem Karolum, in Gallia nullum studium fuit liberalium artium. Per ipsos dies paschæ venerunt Romam ad domnum piissimum regem Karolum missi Tassilonis ducis.... Franciam cum gloria reversus est, adducens secum cantores Romanorum et grammaticos peritissimos et calculatores...

9. (*Ann. Laur. a. 788.*) . . . Similiter filius ejus (16) Teudo judicatus est, et monachi ambo facti sunt in Olto (17) monasterio, ubi sanctus Bonifacius requiescit....

VARIE LECTIONES.

³¹ ita 2. et Pith.; in 1 aliis erasis recentiori manu scriptum est: M. et Baciaco cum suis attinentiis, quod Duchesnius recepit. ³² sic pro neutra 1. ³³ maistros 1.

NOTÆ.

(12) Egolisma.

(13) Cf. Monachum Sangallensem, I, 40, Mon. SS. II, 735, et Capitulare ad Theodoni villam a. 805, esp. 2, Legg. I. 131 (*Patrologiæ*, tom. CIV et XCVII).

(14) Cf. Joannis Vita Gregorii II, 6, qui II, 7, pergit: *Hujus modulationis dulcedinem inter alias Europæ gentes Germani seu Galli discere crebroque rediscere insigniter potuerunt, incorruptum vero tam levitate animi, quia nonnulla de proprio Gregorianis cantibus miscuerunt, quam feritate quoque naturali servare minime potuerunt. Alpina siquidem corpora, vocum suarum tonitruis altissime perstreptentia, susceptæ*

modulationis dulcedinem proprie non resultant, quia bibuli gutturis barbara feritas, dum inflexionibus et repercussionibus mitem nititur edere cantilenam, naturali quodam fragore, quasi plaustra per gradus confuse sonantia, rigidas voces jactat, sicque audientium animos, quos mulcere debuerat, exasperando magis ac obstrependo conturbat.

(15) Vinnolata vox est lenis et mollis atque flexibilis, et vinnolata dicta a vinno, hoc est cincinnolo molliter flexo, Isidor. Orig. III, 19.

(16) Tassilonis.

(17) Id est Fulda.

. . . (Ann. Laur. a. 808.) . . . rex Nordanimbrogum, id est de Irlandia insula (18)...

. . . (Ann. Laur. a. 809.) . . . Areolus comes de genere Felicis Aureoli Petragoricensis comitis exortus....

. . . (Ann. Laur. a. 814.) . . . Karolus... sepultus Aquis in basilica Dei genitricis, quam ipse construxerat. Corpus ejus aromatizatum, et in sede aurea sedens positus³⁴ est in curvatura sepulchri, ense aureo accinctus, evangelium aureum tenens in manibus et genibus, reclinatis humeris in cathedra, et capite honeste erecto, ligato aurea cathena ad diadema. Et in diademate lignum crucis positum est. Et repleverunt sepulchrum ejus

aromatibus, pigmentis, balsamo et musco³⁵ et thesauris¹. Vestitum est corpus ejus indumentis imperialibus, et sudario sub diademate facies ejus operata est². Sceptrum aureum et³ scutum aureum, quod Leo papa consecraverat, ante eum posita⁴, et⁵ sigillatum est sepulchrum ejus³⁶. Nemo referre potest quantus pro eo luctus fuerit per universam terram; nam et a paganis plangebatur quasi pater orbis⁶. Obiit vero in pace, unctus oleo sancto et viatico munitus, anno octingentesimo quarto decimo anno incarnationis Domini, et regnavit gloriosissimus Ludovicus filius ejus pro eo, regnante domino nostro Jesu Christo, cui est gloria in secula seculorum. Amen.

LIBER TERTIUS

1. Igitur postquam Christianissimus gloriosus imperator Carolus mortuus est, nunciatum est Ludovico filio ejus in Aquitania, etc., ut Ann. Laur.

2. (Ann. Laur. a. 816.) . . . Ubi habito concilio, id est indictione decima, anno imperii sui tertio, ab incarnatione Domini 816, jussit fieri regulam canonicis excerptam de diversis Patrum scripturis, decrevitque eam observandam a canonicis, ut sicut monachi respiciunt ad librum regulæ sancti Benedicti, sic perlegant canonici inter se librum vitæ clericorum. Quem librum Amalerius diaconus ab imperatore jussus collegit ex diversis doctorum sententiis. Dedit ei imperator copiam librorum de palatio suo, ut ex ipsis ea quæ viderentur congrua exciperet, et ita cum decretis episcoporum qui ibi fuerunt vita clericorum roborata est. Scripsit eidem imperatori supradictus Amalerius librum de officiis divinis et de varietatibus eorum et de ordine psalmodiarum juxta clericorum usum antiquum

3. (A. L. a. 817.) . . . sinodum Aquis more solito habuit. Ubi (19) abbates regni sui convocavit, et ut regulam Benedicti observarent ammonuit et abbatias omnes in sua manu revocavit, ut nemo comitum vel episcoporum eas inquietare potuisset, et abbates, inter se quædam capitula decernentes, descripta recitaverunt coram imperatore, quæ ipse manu propria roboravit cum episcopis qui aderant

1^o th, multis in auro 2. 2^o Cilicium ad carnem ejus positum est, quod secreto semper induebatur, et super vestimentis imperialibus pera peregrinalis aurea positum est, quam Romam portare solitus erat add. 2. 3^o et s. a. desunt 2. 4^o p. sunt deponentia 2. 5^o at clausum et s. 2. 6^o Maximus vero planctus inter Christianos fuit, et præcipue per universum regnum ejus. Oleo sancto autem inunctus ab episcopis, et viatico sumpto, et omnibus suis dispositis, commendans Deo spiritum suum, obiit in pace anno 814, ab incarnatione Domini nostri Jesu Christi, qui vivit et regnat solus Deus in secula seculorum amen. 2. 7^o Normanni anno sequenti, cum timerent Saxoniam intrare, reflexis navibus ad mare Aquitanicum app. et Herio 2.

VARIE LECTIONES.

³⁴ positum corr. positus 1? ³⁵ musgo 1. ³⁶ eis 1. ³⁷ deest rubra 1. Libri initium omisit 2. Distinctionem recepi ex 3. ³⁸ conjurato 1. ³⁹ engolismensam 1. ⁴⁰ Capitem divisionem institui partim 3b. 3c. secutus.

NOTÆ.

(18) Ita etiam a. 809 scribit: *Missi vero papæ et imperatoris de Irlandis revertentes — a quodam regis Irlandi homine.*

(19) V. Mon. Legg. I. 201. Canonicorum regula

(A. L. a. 818.) . . . Paucis diebus post pascha iudicati sunt conjuratores³⁸ cum rege Bernardo capitalem sententiam subire. Rex Bernardus cum impeteretur, ut oculis privaretur, ense stricto se defendens, quinque Francorum fortissimos occidit et ipse vulneribus confossus mortuus est. Alii autem exorbati fuerunt

5. (A. L. a. 819.) . . . Imperatori ipsi porrexit librum valde mirabilem de theologia sanctæ crucis Rabanus Magnentius, monachus doctissimus, magister Alcuini. Beda enim docuit Simplicium, et Simplicius Rabanum, qui a transmarinis oris a domino imperatore Karolo susceptus est, et pontifex in Francia factus, Alcuinum docuit, et Alcuinus Smaragdum imbuat, Smaragdus autem docuit Theodulfum Aurelianensem, Theodulfus vero Heliam Scotigenam Engolismensem³⁹ episcopum, Helias autem Heiricum, Heiricus Remigium et Uebaldum Calvum monachos heredes philosophiæ reliquit.

6 — 10.

11. (A. L. a. 826.) . . . Erolodus . . . baptizatus est, fuitque filiolus imperatoris de fontibus . . . dedit ei imperator in filiolatu unum comitatum . . .

12 — 15.

16. ⁴⁰ Anno (20) sequenti (830) Normanni 7^o Herio insulam incendunt mense Junio, et destituta est a generali monachorum habitatione; ibi fecerat dominus imperator Karolus monasterium san-

et Amalarii libri omnibus nota sunt.

(20) Anno habitatione ex Ann. Aquit. Mon. II. p. 252.

oti Filiberti 1°. Tunc Odo (21) Aurelianorum comes a 2° cum Lanberto Nannetensi comite 3° congressus, occisus 4° est. Et post annos quinque Rainoldus comes Arbatilicensis (24) mense Septembri cum Normannis in Herio insula dimicat et fugatus est (855). Anno sequenti (836) corpus sancti Filiberti de insula Herio effoditur 7. Id. Jun., et Burgundiam a monachis perfertur. Post alios duos annos (838) Pipinus rex Aquitanie, filius imperatoris, obiit, sepultus Pictavis apud sanctam Radegundem. Hic jussu patris fecerat monasterium sancti Johannis Baptistae Angeriaco (25), monasterium sancti Cipriani Pictavis, monasterium Brantomsis (26), et transtulit cano.

nicalem habitum in monasticum in monasterium sancti Eparchii Engolismæ, quibus monasteriis præfecit abbatem Martinum. Tunc 5° eclipsis (27) solis fuit, et dominus Ludovicus imperator obiit 12 Kal. Jul., anno ab incarnatione Domini 840; sepultus Metis apud sanctum Arnulfum. Remanserunt tres filii ejus, Lotharius imperator 6°. Ludovicus rex Germaniæ, Carolus Calvus rex Franciæ et Burgundiæ. Qui, pro regno Aquitanie 7° inter se discordantes, bellum committunt in Fontaneto 8°, quod est in Burgundia. Lotharius ex una parte cum exercitu Italiæ, Karolus et Ludovicus ex altera cum 9° Francis et Aquitanis 10°. Et primum Lotharius victor fuit,

1° Tunc Ludovicus conventum generale tenuit in palatio Jogentiaco (22) in Lemovicino, et cum gloria magnam dedicare jussit basilicam Salvatoris regalem mense Octobris, et levatum corpus sancti Marcialis, ante incarnationis Domini 830, eodem mense positum est post altare Salvatoris ad criptam 41 majoris vitree, presentibus ipso imperatore. Tunc hiemps asperina fuit, et reversus imperator Franciam, post modicum tempus captus est in traditione a tribus regibus, filiis suis, Lothario, Ludovico et Pipino, et a Lothario missus est in carcerem 42 apud sanctum Medardum, deinde apud Sanctum Dionisium, et expoliatus est ab imperialibus indumentis, et nigra veste indutus. Et dum parvo post tempore Lotharius Viennam diu demoraretur, adgregati Franci Ludovicum a custodia carceris juxta aulam sancti Dionisii ejecerunt, et invitum in regem iterum elevaverunt. Et ab eo die quo sancti Marcialis corpus positum est ubi supra in basilica Salvatoris, usque ad eum diem quo imperator restitutus et in regnum media quadragesima, post asperimam hiemem incessanter diluvia aquarum et pluvie nimie increverunt. Ab ipso die serenitas in 43 Francia reddita est (23); sed in Aquitanie pluvie non defecerunt, quousque corpus sancti Martialis sepulcro pristino iterum reconditum est, add. 2. 2° qui favebat partibus Ludovici et frater ejus Willelmus add. 2. 3° qui Lothario favebat add. 2. 4° Occisi sunt cum multis principibus Neustrie. Et Lotharius a Vienna reversus, voluit apud castrum Blesense cum patre suo confligere; sed impar viribus, supplex venit ad eum, et indulgentiam meruit, et restitutus est honori pristino. Similiter Ludovicus et Pipinus indulgentiam a patre acceperunt, et restituti sunt dignitati 44 solite. 2. 5° Tunc luctuosa mors Ludovici figurata est in aere. Nam sicut 45 astra in initio regni ejus leticiam, ita imminente 46 morte ejus triste portentum nuntiant. Dum enim in Aquitania primo inciperet regnare, vivente 47 adhuc Carolo patre ejus, apparuit in luna plena signum crucis, in circuitu resplendens, feria quinta, prima aurora incipiente, pridie Nonas Jun. Eodem anno apparuit corona mirabilis in circuitu solis Dominica die, hora quarta, 3. Septembris. Hoc significabatur, propagandam Christianam religionem, et adornandum Christi cultum per ipsum imperatorem. Anno (28) vero ultimo imperii sui eclipsis solis insolitum fuit vigilia Ascensionis Domini (29), et stelle visæ sunt sicut per noctem diu. Quod significavit 48, maximam lucernam Christianitatis, id est ipsum imperium, extingui, et morte ejus sibi traditum tenebris tribulationum involvi. Idem imperator, audita morte Pipini filii sui, decrevit filium ejus Pipinum parvum educari penes se in Francia (30). Emeno vero comes Pictavinus, contra voluntatem imperatoris, voluit elevare in regem Aquitanie filium Pipini. Hac de causa imperator motus ira Pictavis venit, et inde Emenonem expulit et fratrem ejus Bernardum. Et Ramnulfum, filium Girardi comitis Arvernensis, nepotem Willelmi fratris Girardi, comitem Pictavis præfecit; Turpionem vero comitem constituit Engolismæ, et Raterium comitem præpositum Lemovicæ. Emeno quoque ad Turpionem fratrem suum sese contulit; Bernardus vero ad Rainaldum comitem Arbatilicensem. Imperator quoque filium suum Carolum Calvum in Aquitania regnare 49 fecit, et Pipinum parvulum secum adduxit Franciam ad nutriendum. Idem imperator monetam Engolismensem et Santonicensem suo nomine sculpere jussit (31). Burdegale quoque comitem Signinum, et Sanctonico Landricum præfecit. Eodemque anno quo eclipsis contigit supradictum solis, imperator apud Mogontiam civitatem egrotans obiit 12. Kal. Julii, et Lotario coronam imperialem et ense aureum dimisit (32); sepultusque est Metis apud sanctum Arnulfum, anno ab incarnatione Domini 840. 2. 6° Italiæ add. 2. 7° et Franciæ add. 2. 8° in Fontanetico campo 2. 9° Germanis et add. 2. 10° Actum et hoc prælium anno secundo post mortem patris eorum, id est 841 anno ab incarn. Domini. Et, innumera strage peracta, victor extitit Lotharius. Sed 2.

VARIE LECTIONES.

scriptam c. 42 carcerem c. 43 Ica c. os post detetis. 44 dignati c. 45 sio c. 46 e corr. c. 47 viventes corr. vivente c. 48 signuit c. 49 ignare c.

NOTÆ.

- (21) Odo — sanctam Radegundem ex Ann. Aquit. lib. I.
- (22) d'Herbauge.
- (23) Saint-Jean d'Angely.
- (24) Brantôme.
- (25) eclipsis — 840. ex Ann. Aquitan.
- (26) Joac.; cf. Vita Hludowici c. 47.
- (27) V. Vita Hludowici c. 51. ad fin.
- (28) Cf. Ann. Aquit. h. a.
- (29) Cf. Vit. Lud., c. 62.
- (30) Id est die 5 Mai, quo sol eclipsim passus est. In Vita Ludovici I. I. dicitur tertia die Lataniæ majoris, unde apparet Vitæ scriptorem non diem, S. Marci (25 Apr.) sed Rogationum dies, id est ferias 2, 3 et 4 (vigiliam) ante ascensionem Domini hoc nomine indicasse.
- (31) Cf. Vita Ludovici, c. 61.
- (32) Cf. Gesta epp. Engol. c. 18.

sed subito Warinus dux, cum Tolosanis et Provincianis superveniens 1°, bellum restauravit, et fugatus est Lotharius (33) [an. 841].

17. Anno secundo post mortem domni Ludovici et Carolus et Ludovicus regnum partiti sunt sibi. Et post duos annos (an. 843) venit imperatrix⁵⁰ (34), mater Caroli Calvi, Turonis, obiit, sepulta apud Sanctum Martinum. Ipso anno Rainoldus Arbatilicensis comes, cum Lanberto Nannetis comite congressus, occisus est 2°. Et Nannetis eo anno a Wefaldingis capta est, et Carolus Calvus primo Britanniam ferro et igni vastavit. Sequenti anno (an. 844) Bernardus 3° comes Pictavinus et Arveus⁵¹ filius Rainoldi, congressi cum Lanberto 4° comite, occisi sunt. Alio anno (an. 845) Siguinus comes Burdegalensis et Sanctonicensis a Normannis captus et occisus est, et Sanctonas a Normannis concremata est, thesauris ejus optimis exportatis. Carolus iterum Britanniam pergens, cum Nomentio⁵² duce dimicat, et victor fuit, Nomentio fugato 5°. His temporibus Normanni diffusi sunt per Aquitaniam, quia duces ejus inter se bellis deciderant, nec erat qui eis resisteret; et concremate 6° sunt ab eis Herio insula et monasterium Deas, Burdegala, Sanctonas, Engolisma, Lemovicas, Parisius, Muronis, Belvacus, Noviomagum, Aurelianus, Pictavis, et innumera monasteria et castella destructa.

18. Post mortem Ludovici imperatoris anno octavo (an. 848) 7° Carolus Calvus Lemovicæ conventum generalem⁵³ habuit tempore quadragesimæ; ante cujus præsentiam Ainardus præfectus monasterii sancti Marcialis, deposito canonicali ha-

bitu, monachus efficitur; similiter et omnes canonici sancti Martialis in monasticum habitum sponte sese transferunt, et deinceps idem locus a monachis ordinatur. Jofredus vero thesaurarius nolens relinquere seculum, tutus 8° a Stodilo episcopo, monasterium sancti Juniani (35) et ecclesiam Cairoensem⁵⁴ (36) deprædatione 9° a jure sancti Marcialis subripuit, et hac occasione desociere fecit. Tunc sancti Martini monachi Turonenses, nemine cogente, ante corpus ejusdem abjecto monachi scemate, scema induunt canonicales 10°; sed mox in eis pestis⁵⁵ irruit, ut una nocte omnes morerentur, et de relico a canonicis ipse habitatur locus. Carolus (37) autem tercio vice Britanniam igni et ferro vastavit (an. 850). Et dum in Aquitaniam regressus esset, Nomenoius dux Redonas civitatem et Nannetis capiens, destruxit eas 11°, et Britanniam repedit. Anno sequenti (an. 851), jubente Deo, ab angelo percussus interiit. Et Carolus Calvus quarto Britanniam ingressus, cum Erispoio filio Nomenoi dimicavit 12°, et victor extitit, sed magnam partem exercitus sui cum Viviano duce amisit 13°. Et sequenti anno (an. 852) Lanbertus comes Nannetensium⁵⁶ a Gauzberto Cenomanensium, comite in bello 14° occiditur. Et Carolus quinta vice Britanniam devastavit, et Pipinum nepotem suum 15° adquirens, Britanniam sibi subjugavit, occiso Erispoio (38). Rannulfus quoque comes Pictavensis et Raino comes Arbatilicensis, consanguineus ejus, cum Normannis in Briliaco villa dimicantes fugati sunt, et Gauzbertus comes Cenomannensis insidiis Nannetensium⁵⁷ circumventus occisus est.

1° super Lotharium irruit, et ingravatum est prælium, fugatusque est et victus Lotharius. Carolus et Ludovicus regnum æquo libramine partiti sunt sibi. Et in supradicto prælio occisis Raterio et Girardo, qui uterque erat genere Arvernus, extitit Willelmus comes, Lemovicæ vero Raimundus 2. Britannia enim a filiis Ludovici se substraxerat; ideo Franci et Aquitani cum Britonibus configere cœperunt *add.* 2. 3° B. frater Emenonis et 2. 4° Nannetensi *add.* 2. 5° Anno (39) subsequenti Nortmanni Herio insulam mense Jun. concremant *add.* 2. 6° concrematus (40) est ab eis mense Maio Lucionnus et mense Junio sancti Florentii monasterium, deinde concremate sunt ab eis Nannetis civitas, monasterium Deas 2. 7° et ab incarnatione anno 848. Aimardus princeps de basilica sancti Martialis cum aliis omnibus canonicis, Deo inspirante, projiciunt arma secularia, et de canonicali habitu in monachorum habitum se ipsos mutant in eodem monasterio. Carolus enim Calvus conventum suum generalem habuit tunc Lemovicæ tempore quadragesimæ cum episcopis Aquitanis et primoribus ejus. Et residente Carolo Calvo in trono regali, Ainardus et omnes canonici sancti Martialis prostraverunt se subito ad pedes ejus, postulantes dare sibi licentiam se fieri monachos in eodem loco. Rex vero, Deo gratias agens, cum magno gaudio petitionem eorum adimplevit, et omnes episcopos et primores eorum voluntati inclinavit. Sed Stodilus episcopus Lemovicensis cum hoc graviter ferret⁵⁸, et inflexibilis solus maneret, tandem, rege cogente, consensit, victus muneribus. Et canonici ex se ipsis abbatem noluerunt⁵⁹ ad præsens habere, sed præposuerunt sibi Odonem sancti Savini abbatem⁶⁰. Jofredus vero 2. 8° conductus 2. 9° et malo ingenio a jure et dominio 2. 10° sacramentis hoc firmato super corpus beati Martini. Et carnis refecti, mox peste corrupti, mane facti in lectis mortui sunt reperti omnes a majore ad minorem, et de 2. 11° muros et portas eorum 2. 12° XI. Kal. Septembr. *add.* 2. 13° Postquam vero reversus est 2. 14° Kal. Mai *add.* 2. *qui pergit*: Eodem anno mense Septembri Carolus 2. 15° quem insidiis Britannici cœperant *add.* 2.

VARIE LECTIONES.

⁵⁰ i. e. imperatrix. ¹ arucus 1. *cod. Christ.* 692. ⁵² ita c. ⁵³ generale 1. ⁵⁴ cairoensam *corr.* cairoensem 1. ⁵⁵ pes 1. ⁵⁶ nannetansium 1. ⁵⁷ nannetansium 1. ⁵⁸ ferre c. ⁵⁹ voluerunt c. ⁶⁰ abbatis c.

NOTÆ.

(33) Vit. Ludovici, c. 63.
 (34) Quæ sequuntur — *Deas Burdegala* omnia fere ex Ann. Aquitan. l. I. hausta sunt.
 (35) Saint-Julien sur la Vienne.
 (36) de Queroir.
 (37) *Carolus—Gauzbertus comes . . occisus est*

ex Ann. Aquitan. ex quibus etiam 2 not. 10° et 12° 13° hausit.

(38) Hæc quoque ex Ann. Aquitan. a. 846, sumpta.

(39) Ex. Ann. Aquitan. a. 833.

(40) Anno 857.

19. Carolus vero anno 15 post prælium Fontaneticum 1^o in regem Lemovicæ unctus est (41) in basilica Salvatoris, et inde ingressus est Franciam (*an.* 855). Post 2^o paucos dies (42) Lotharius imperator 3^o monachus factus est, quia patrem in carcerem conjecerat. Quo mortuo, de anima ejus altercatio visa est 4^o inter angelos nequam et sanctos; demones autem frustrati sunt. Parvo post tempore Ludovicus rex frater ejus obiit, et Carolus Calvus in imperatorem elevatus est (*an.* 876). Quo tempore gravissime Normanni Aquitaniam affligebant ⁶¹, et Helias Scotigena Engolismensis episcopus defunctus est (43), monasterium quoque beati Edarchii ab infestantibus paganis 5^o desolatum est, ita ut ibi nullus monachorum habitaret, et hac de re canonicalis habitus ibi revertetur, qui nuper exierat. Turpio vero cum rege Carolo abiens Franciam, et inde regressus, non post multos dies cum (44) Normannis congressus, occidens eorum regem nomine Maurum, ab eo ipse occiditur; et Emeno frater ejus 6^o Engolismæ comes extitit, et ipse post biennium ⁶² cum Landrico Sanctonicensi comite configens, interempto Landrico, in castro Runconia (45) reductitur sautius, et octava die moritur; sepultus juxta basilicam beati Eparchii; et reliquit filium parvulum Ademarum nomine. Et Carolus hoc audito, Vulgrimnum ⁶³ propinquum suum, fratrem Aldoini abbatis, ex monasterio sancti Dionisii direxit 7^o, et præfecit eum Engolismæ et Petragoricæ, et Olibam statuit in episcopatu ⁶⁴ Engolismensi 8^o. His temporibus

A Fredebertus episcopus Frantiæ (46) veniens ad Sanctum Eparchium, construxit ibi ecclesiam in honore Salvatoris: sed corpus beati viri levare non potuit, quod volebat transferre in eadem ecclesia, Ipsoque consecrationis die post peractum sacrificium placida morte ante altare Salvatoris obdormivit in Domino et ibidem ante altare humatus est ab episcopo Oliba.

20. Interea Carolo Calvo de seculo migrante (*an.* 877), regnavit pro eo in Francia filius ejus Ludovicus Balbus: nec ultra imperium accepit aliquis de regibus Frantiæ. Tunc Bajoarii et Alamanni ex gente eorum creaverunt sibi regem Hotonem, Longobardi similiter ex gente sua regem Adalbertum, deinde Harduinum; et Romani de senatoribus suis elevaverunt in regno Albericum, cujus frater B Octavianus papa ordinatus est. Defuncto rege Ludovico, regnavit pro eo filius ejus Carolus cognomento Insiapiens vel Minor (47). Quo tempore defuncto Vulgrimno 5 Non. Mai. (885 vel 886), et sepulto juxta basilicam sancti Eparchii (48), quinto anno post eum Oliba episcopus diem clausit, et Anatolus in loco ejus pontifex ordinatus, tercio anno vitam finivit (49) (*an.* 892.) Vulgrimnus autem multis præliis laboraverat frequenter cum Normannis, et hac de causa ædificaverat castrum Martiliacum (50), et Mastacium, ut esset munimen contra paganos. Miseratque in Martiliaco Rotbertum legis doctum, et cum eo Rannulfum 9^o, quem fecit vicecomitem. Qui Rannulfus habuit tres filios Lanbertum et Arnaldum atque Odolricum. Idem C vero Vulgrimnus filiis suis reliquit, Alduinum

1^o vivente Lothario imperatore fratre suo, L. II., est in regem super Franciam et Aquitaniam et Burgundiam in b. S., quæ regalis appellatur juxta basilicam sancti Petri, ubi corpus sancti Marcialis tumulatum ⁶⁵ est, et inde 2. 2^o Post quatuor deinde annos 2. 3^o i. egrotans factus est monachus in Promia monasterio, pro eo quod patrem de imperio ejecerat et carceratum tenuerat 2. 4^o a fratribus inter angelos malignos et benignos. Sancti angeli dixerunt: *Nos non misit Deus ad imperatorem sed ad monachum; vos accipite imperatorem, nos nobiscum ducemus monachum.* Angeli ⁶⁶ sancti secum duxerunt animam, demones acceperunt corpus, et violenter a domo extrahere cunctis videntibus ceperunt. sed orationibus fratrum fugati evanuerunt. 2. 5^o a Nortmannis 2. 6^o e. dudum comes Pictavinus, tunc Egolisme 2. 7^o d. in Aquitaniam 2. 8^o Hfc Vulgrimnus sæpe a Carlomanno, et demum a Carolo Magno imperatore fratre ejus missus fuit in Aquitaniam urbes una cum raimburgis propter justicias faciendas. Eratque jam senex quando eum Carolus Calvus fecit comitem supradictarum urbium. Venerunt cum eo a Francia duo filii, Alduinus ⁶⁷ et Willelmus. Aginnum quoque urbem habebat, quam assumens vindicavit propter sororem Willelmi Tolosani, quam in matrimonium acceperat. Tenuit principatum in his tribus civitatibus per 17 annos. Hic multis præliis—atque Odolricum. Quo tempore defuncto eodem Vulgrimno—vitam finivit. Reliquit vera Vulgrimnus filiis suis—et Aginnum. Interea Carolo Calvo—vel Minor. Tunc Franci conjurantes 2. 9^o qui cum eo venerat *add.* 2.

VARIE LECTIONES.

⁶¹ affligebant i. ⁶² biennium i. ⁶³ vulgrimnum i. ⁶⁴ episcopatum i. ⁶⁵ mamulatum c. ⁶⁶ Angelis c. ⁶⁷ alduinum c.

NOTÆ.

(41) Cf. Ann. Lem. Mon. SS. II, p. 251. Non Carolus Calvus, sed filius ejus erat; unde quæ alter cod. addit, falsa esse apparet. cf. Ann. Prudentii a. 855.

(42) Ipso anno neque post quatuor annos, ut 2 tradit, hoc factum esse omnibus constat.

(43) Cf. Ann. Engol. Labb. I, p. 324.

(44) cum Normannis—occiditur et ipse—moritur ex Ann. Aquit. a. 863, 866.

(45) Ranconia in cod. Christ. 692. — Rancogne aut Rancon cf. Besly, Hist. com. Pictav., p. 32, 69, et Valesius Not. Gall. p. 465.

(46) Fortasse Basiliensis, qui occurrit a. 859 Bouq. VII. p. 582. Ochs Hist. Basil. p. 154.

(47) Karolus Simplex. Hæc omnia vero valde esse turbata neminem fugiet.

(48) Ann. Lemovic. codicis regii Par. n. 3784, qui Chronico Aquitanico notitias ex Ann. Lemovic. et S. Columbæ petitas cum paucissimis aliis nullius momenti subjiciunt, a. 885 obitu Vulgrimni comitis Petragorici et Engolismensis indicato, hæc addunt: *Obit II (1117) Non. Mai.; sepultus apud Sanctum Eparchium extra civitatem.*

(49) Cf. Ann. Engolism. a. 892, 895.

(50) Vulgo *Martillac*, situm inter Carantonum et fluviolum qui in eum influit.—Mastacium nunc *Matas* non longe a Martiliaco abest.—Vide Hadr. Valesium in Notit. Gall. Bouquer.

quidem Engolismam, Willelmo vero Petrogaricam et Aginnum, quam assumens ⁶⁸ vindicaverat propter sororem Willelmi Tolosani, quam in matrimonium acceperat. Tunc Franci conjurantes contra Carolum Minorem 1°, ejiciunt eum de regno, et Odonem ducem Aquitanie (54), in regno elevaverunt 2°. Quo tempore (388) Rodulfus rex Burgundie cum hoste fortissimo Lemovicinum appulit 3°, et congregati sunt contra eum innumerabiles hostes Normannorum, et commisso prælio in loco qui dicitur Ad-Destricios, usque ad intentionem devastati sunt pagani et exinde 4° fugientes, non ultra fiduciam præsumperunt veniendi in Aquitaniam. Rodulfus autem gratias Deo, pro cujus amore animam suam posuerat, referens, cum magno triumpho regressus est 5°. Et Normanni regressi, terram vacuum repperientes, sedem sibi in Rotomago constituunt cum principe suo Roso (52). Qui factus Christianus, captivos plures ante se decollare fecit in honore quos coluerat deorum. Et item infinitum pondus auri per ecclesias distribuit Christianorum in honore veri Dei, in cujus nomine baptismum susceperat.

21. Rannulfus quoque comes Pictavensis (53) habuit filium Eblum nomine. Qui Rannulfus consanguineus erat Willelmi nobilissimi comitis Arvernensis. Summamque amicitiam cum eo et cum

A Roso principe Normannorum habuit. Et quia pugnator fortissimus erat, a rege Odone valde honorabatur (*an.* 892). Et dum regalem aulam assiduearetur, veneno necatus ⁶⁹, in extremis sancto Geraldo (54) ibi tunc presenti parvulum filium suum Eblum commisit tutandum 6°. Ademarum autem, filium Emenonis, Santia 7° in conjugio copulata, Alduino ⁷⁰ et Willelmo familiarissimus existens, honore eorum acsi frater potiri videbatur. Qui a rege Odone vocatus ad palatium 8°, proventus est Pictavis comes. Regressusque a palatio sanctus Geraldus, clam subductum filium Rannulfi a Pictavis Willelmo, duci Aquitanie comiti Arvernensis, creditur natriendum, cui propinquus erat. Eo tempore ipse Willelmus, cum non haberet prolem, Clunia cum monasterium in fundo proprio, quod est in Burgundia, noviter fecit (*an.* 910). Qui cum sororem suam in matrimonio desideraret conjugere sancto Geraldo, nullatenus quivit. Qui celibem vitam semper ducens, cum sepe ad copulam suaderetur amore filiorum, respondebat sanctus Geraldus: *Utile est, inquit, mori sine filiis, quam relinquere malos heredes.* Erat etiam Ademarum comes Pictavinus amator Ecclesie. Cumque prolem nec ipse haberet, una cum ⁷¹ uxore sua Santia de futuro seculo prospiciens sibi, concessit quædam ex jure proprio ecclesie Christi predia, sancto Carrofo (55) quidem

1° insipientem 2. 2° Hic Odo fuit filius Raimundi comitis Lemovicensis, et primo in Aquitania rex ordinatus est apud Lemovica, cujus civitatis monetam nomine suo sculperere jussit, quæ antea nomine Caroli scribebatur. Constituit in ea urbe vice Fulcherium, industrium fabrum in lignis, et Lemovicinum per vicecomites ordinavit. Similiter et Bituricum, et secundo anno in Francia rex elevatus est. *add.* 2. 3° rogatu ⁷² Odonis regis; nam ipse Franciam tutabat 2. 4° qui exinde potuerunt evadere f. 2. 5° 2. *pergit*: Et Nortmannorum aliæ cohortes Franciam superiorem devastantes, primum cum duce Bareto, deinde cum rege Astenco (56) oras maritimas desertantes, postquam desolaverunt terram vicinam Francie, prostrati sunt a vicinis ducibus Francie. Deinde cum alia multitudine Nortmannorum Rodonum urbs, et vicine sibi civitates inventæ vacuæ, vindicate sunt ad habitandum a ducibus eorum, qui elevaverunt super se ex eorum gente regem nomine Rosum, qui sedem sibi in Rodomo constituit. Et factus Christianus a sacerdotibus Francorum, imminente obitu in ameniam versus, Christianos captivos centum ante se decollari ⁷³ fecit in honore quæ coluerat idolorum, et demum centum auri libras per ecclesias distribuit Christianorum in honore veri Dei, in cujus nomine baptismum susceperat. Rannulfus quoque Pictavensis et Ademarum filius Emenonis inimici erant pro urbe Pictavis; quam Ademarum nitebatur sibi vindicare pro patre suo Emenone. Hic vero Rannulfus, ex conjuge legitima cum non haberet prolem, suscepit ex concubina filium Eblum nomine. Summamque habuit amicitiam cum propinquo suo Willelmo comite Arvernensis, et cum Roso principe Rodomi pactum firmavit propter metum Ademari. Hac de causa a rege Odone potius timore quam amore honorabatur. Dumque regalem aulam assiduearetur. . . . 6° *add.* quæ partim supra leguntur: Vulgrinus autem Aginnum vindicans propter sororem Willelmi Tolosani, ex qua supradictos duos susceperat filios, Egolismam et Petragoricam rexit perstrenue, Aginnum per 26 annos, Egolismam et Petragoricam per 15 annos, et 16 annos post mortem Lotharii defunctus est (57). 7° filiam Willelmi, filii Vulgrimni, Santiam in c. copulavit ⁷⁴ sibi 2. 8° Odone magno honore in palatium habitus, post mortem Rannulfi 2.

VARIE LECTIONES.

⁶⁸ assumans 1. ⁶⁹ nectus 1. 2. ⁷⁰ A. comiti Engolismensi et Guillelmo Petrogoricensi *cod. Christ. 692 et Chron. S. Maxenti.* ⁷¹ bis duabus lineis scriptum 1. ⁷² rogati c. ⁷³ decollocari c. ⁷⁴ sopulavit c.

NOTÆ.

(51) Odonem nunquam Aquitaniam tenuisse constat; magis etiam a vero abhorrent quæ addit 2, n. 3°.

(52) Qui alias Rollo.

(53) *Dux maximæ partis Aquitanie.* Ann. Vedast. a. 889. — Filius erat Bernardi Gothie marchionis, qui anno 878 honoribus spoliatus est. Bouquet.

(54) Gerardus filius erat Geraldii comitis Lemovi-

censis et Adeltrudis. Monasterium Aureliacense fundavit a. 894, obiit a 909.

(55) Charoux in dioc. Pictav.

(56) Hastings.

(57) Hæc valde confusa sunt. Vulgrinus obiit a. 885 aut 886 (Ann. Aquitan. et Ann. Engolism), a. 866 ad comitatum promotus. Lotharius a. 855 decessit, cujus mortem etiam Ann. Aquit. perperam in a. 870 collocant.

Voertam sancto Marciali Moltonnum, sancto Johanni (58) Neiriacum, sancto Hilario (59) Coroolmum, sancto Eparchio Godorvillam. Eo tempore Ebo Bituricus cepit edificare cenobium Dolense (60) in honore Dei matris (an. 917), quod postea integravit Rodulfus filius ejus, ubi magnam cohortem monachorum congregavit regulariter degentem.

22. His diebus Hoto, rex Bajoariorum, Longobardorum regnum sibi subegit 1°. Similiter, defuncto Alberico 2°, consensu Octaviani papæ 3° Romanorum imperator promotus est (an. 962). Quo defuncto (an. 973), imperavit filius ejus item Hoto. Francorum vero rege Odone obeunte, regnavit pro eo filius ejus Arnulfus paucis tempore, et mortuus est. Iterum Carolus Minor regnum suscepit (an. 898), unxitque eum Arbertus episcopus (61). Contra quem iterato Francorum proceres conspirati, eum regno pellentes, Robertum ducem pro eo 4° constituunt regem 5° (an. 922). Tunc inter se divisi sunt Franci, sed major pars Roberto favebat. Carolus denique

1. defunctis regibus Adalberto et Arduino (66) *add.* 2. 2° rege Romanorum (66) *add.* 2; 3° Romam adgressus est, et clausa 77 est ei civitas, præliumque ingens extitit inter Bajoarios et Romanos. Et Oto victor ingressus urbem, coronatus est ab Octaviano papa et *add.* 2. 4° invitum *add.* 2. 5° Nam (67) congregati in campo more solito ad tractandum de publica regni utilitate, unanimi consilio, pro eo quod ignave mentis erat idem rex, festucas manibus projectentes, rejecerunt eum, ne esset eis ultra senior, et solum eum in medio campo reliquerunt, separati ab eo. Cumque simul inter se coissent, supervenit comes Ugo, amicus regis, ignorans causam. Qua compta, dixit Francis: *O fortissimi Franci, non bonum consilium egistis, quia seniore[m] vestrum inhoneste dereliquistis; cum eo pars magna Frantiæ, et necesse est, si ita eum dimittimus, venire malum super nos. Sed adgrediar ego eum, et confodiam ferro. Melius enim est ut occidatur, quam missus puniat nos.* Et citato equo, quasi occideret eum, mox ut ad eum pervenit, tale consilium dedit ei, dicens: *Ero nuntius tuus ad hos Francos ex parte tua, ut usque ad unum annum tantum sint 78 adhuc sub tua ditone, et si in hoc spatio non te viderint meliorari, discedant a te vituperatione tui.* Quod regressus confirmavit cum Francis, et iterum redierunt ad regem, et per illum annum amicos sibi rex associavit, cum quibus post annum fiducialius se agere potuit, permanentibus prioribus in sua sententia. Elevato enim Roberto in rege, Carolus cum valida amicorum manu Lemovicarum pervenit, et pervigil nocte prope fenestram sancti Marcialis perstitit in orationibus, quotquot potuit de Aquitania secum fortissimorum bellatorum abduxit, et per Burgundiam ad Otonem imperatorem abiit, propter auxilium *add.* 2. 6° de Teodisca gente partim de Aquitania et Francia 79, regressus est Franciam, et commisit eum eo Robertus bellum. Caroli erat signifer Fulbertus comes; Robertus autem ipse vexillum sibi ferebat, dejecta barba canitiæ plena extra loriam, ut cognosceretur. Carolus rex Fulberto interminando ait: *Cave, o Fulberte.* Et inde 80 proverbium exiit: *Cave, Fulberte.* Fulbertus Robertum regem per medium cerebri dividendo confodit, et exercitus Roberti victus est. Et finito bello, pervenit Ugo, filius Roberti, cognomine Capetius, et cum mille equitibus, et Carolum cum exercitu lasso fugavit, et postmodum suppliciter ad eum veniens, voluntati regis 81 assensit (68). Nam Carolus regnum recuperaverit, et ipsi Ugoni Capetio ducatum permisit, sicut solitus erat regere pater ejus Robertus. Et de spoliis, quæ ceperat Carolus, sancto Marciali, sicut voverat, direxit quædam, id est de capella Roberti regis evangelium ex auro et argento, dalmaticam preciosam ex veste crisea, faltestalium argentatum, vestimentum integrum sacerdotale preciosum, duos libros divine historiæ, librum preciosum de computo 82, vexillum ex veste auro texta unum. Ipso vero Carolo rege migrante, Ludovicus filius ejus pro eo strenue regnavit 2. 7° c. usque Tripolim expugnans vi cepit et Christianis 2. 8° mandaverat enim ei per epistolam, barbaros Constantinopolim obsedissee, quod falsum penitus erat *add.* 2. 9° eum quatuor servis suis transverberare jussit. Et omnibus proceribus Grecorum simulavit eum subito morbo extinctum 2. 10° diverberatum cadaver frameis reperit 2.

VARIE LECTIONES.

78 imperatrix *corr.* imperatrix 1. 76 gerentes 1. 77 causa c. 78 sic c. 79 in francia c. 80 idem. c. 81 regi c. 82 computu c.

NOTÆ.

(58) Angeriacensi; v. supra n. 25.

(59) Pictaviensi.

(60) Deols s. Bourgdien in dioc. Bituricensi, dipl. foundationis v. Gall. christ. II, 43.

(61) Arbertus episcopus, quem hic nobis obtrahit Ademarus, commentitius est, et cæteris scriptoribus incognitus. Bouquet. Etiam quæ de Arnulfo dicit falsa sunt.

(62) Cf. Dudo supra p. 95 (*Patrologiæ* tom. CXL), et quæ dixi *Jahrbucher* I, p. 87.

A accito ab Hotone imperatore auxilio (62), cum multo exercitu partim de 6° Bajoaria partim de Frantia, regressus Frantiam, conserto prælio Rothertum interfecit (63), regnumque recuperans (an. 923), Hugoni filio Rotherthi ducatum permisit regendum. Carolo migrante, Ludovicus pro eo regnavit. Quo tempore (an. 929) Niceforus imperator Basilium et Constantinum parvulos educans Constantinopoli, Sarracenorum regnum invasit, et Antiochiam aliasque fortissimas civitates 7° expugnans, christianis Grecis restituit. Quem imperatrix 73, mater Basilii, metuens, ne super filios suos tyrannidem ageret, dolo evocatum dum Tripolim obsideret 8°, dum in basilica palatii Constantinopolis genibus curvatus sabbato sancto Paschæ (64), preces Deo funderet, gladio eum necare 9° jussit. Quod factum diu latuit, donec suspecti satrapæ Grecorum monumentum ejus egerentes 76, confossum 10° gladiis corpus reppererunt (an. 969).

23. Tunc Ademarus (65) comes Pictavensis de-

(63) *Die ascensionis Domini apud urbem Suessionis in quodam prato eadem urbe contiguo* *add.* ood Christ. 692; quod falsum est.

(64) Mense Decembrio Nicephorum occisum esse constat; 2 sua ex ingenio addidisse videtur.

(65) Ademarus — sepultus ex Ann. Aquit. a. 930.

(66) Nota errores interpolatoris!

(67) Hæc fabulam redolere jam Bouquet annotavit.

(68) Omnia hæc nimis a vero abhorrent.

functus est (an 930), et Pictavis juxta basilicam A sancti Hilarii 4. Non. Aprilis sepultus. Willelmus quoque dux Arvernus mortuus est (69), (an 919), et filius Rannulfi Eblus 1^o Arvernus et Pictavis simul comes promotus est 2^o. Acceptamque in conjugium Adelam (70), filiam Rosi Rotomagensis, genuit ex ea Willelmum Caput-stupæ. Post mortem siquidem Vulgrimni filius ejus Alduinus 30 annos vixit. Hic muros civitatis Engolismæ restaurare cepit. Quo tempore (an 916) Gumbaldo 3^o pontificatum agente, repetentes Normanni crebras irruptiones ⁶³ per Pictavorum terminos 4^o exercebant. Unde factum est, ut monachi sancti Carrofi 5^o pretiosum lignum crucis ad custodiendum Engolismæ deferrent cum diversis ornamenti ecclesiæ. Et cessante infestatione Normannica, Alduinus in civitate sua retinere temptavit omnibus diebus supra-dictum sanctum lignum, nolens reddere commenda-tum. Hac de causa 6^o jussit adornare ecclesiam Salvatoris foris muros in capitæ basilicæ sancti Eparchii, ubi sanctum lignum deputaret 7^o. Per annos vero septem langore corporis multatus est ipse, et in populo ejus ita fames vehementissima grassata est, ut, quod actenus incompertum fuit, de vulgo unus alterum ad devorandum exquire-ret, et multi alios ferro perimentes, carnibus more luporum humanis vescerentur. Quibus actus Aldui-nus necessitatibus, uno ante mortem suam anno remisit Carrofo pretiosum lignum per manus filii sui Willelmi cognomento Sectoris-ferri, cum capsula aurea, quam ipse cum gemmis construi impera-verat, ubi contulit Lubeliaco villam; et mox ces-savit plaga; et ipse post annum defunctus 6^o Kal. April. juxta patrem tumulatus est. Post cujus mortem secundo anno (918) occisi sunt a Bernardo in ultionem Santie sororis sue, quam occidere conati sunt, Lanbertus (71) vicecomes Martiliacensis et Arnaldus frater ejus. Willelmus autem Sector-ferri honorem eorum restituit Odolrico fratri eorum, qui minor natu erat, fuitque sibi viceco-

mes, sicut Ramnulfus fuerat Vulgrimno. Hic denique Bernardus, mortuo patre suo Willelmo, qui fuit frater Alduini ex Vulgrimno, comes Petrago-ricensis effectus est. Willelmus vero Sector-ferri Engolismæ principatum obtinuit, et communem habuerunt totum honorem eorum ipse et Bernar-dus consanguineus ejus. Adhemarus tamen supra-dictus, qui sororem Bernardi Santiam uxorem ha-buit, decem (72) annos supervixit Alduino. Santia vero vitam terminans 2. Non. April, humata est juxta basilicam beati Eparchii.

24. Eo tempore (an. 940) Gunbaldus episcopus decedens, successorem habuit Fulcaldum. Tunc Willelmus Sector-Ferri et consanguineus ejus Bernar-dus, adgregato ⁶⁵ conventu nobilium, iterum B restituerunt monasticum habitum in basilica beati Eparchii, præficientes eidem monasterio Mainar-dum abbatem. Qui in fronte basilicæ beati Epar-chii construxit elegans oratorium in nomine sanctæ Resurrectionis 8^o. Tunc domus Willelmus 9^o per testamentum concessit ad eundem locum beati Eparchii donum, ecclesiam sancti Hilarii in Pe-tragorico sitam in vicaria Piliacense ⁶⁶, ecclesiam sanctæ Eugenie sitam in Santonico in vicaria Pe-driacense, curtem Fradorevillam et villam Dairaco, villam Alviniaco, villam Romanorevilla cum ipsa ecclesia, mansum unum in Godorvilla. Quod tes-tamentum confirmare jussit, et firmaverunt ma-nibus propriis quorum nomina hæc sunt: Bernar-dus comes, Arnaldus filius Bernardi, Odolricus vicecomes, Adhemarus vicecomes, Arnaldus fili-us Willelmi, Adhemarus filius Willelmi 10^o. Sancto Marciali dedit nichilominus Cantreaciensem ecclesiam in Engolismensi, pariterque Ma-nauco ecclesiam in Lemovicino cum omnibus ad-jacentiis et massis 11^o. Iterio fidei suo 12^o de villa Boensi dedit cellam ⁶⁷ Fruinensem 13^o.

25. Interea defuncto Eblo duce 14^o (an. 935), filio-rum ejus alter comes, alter episcopus factus est. Eblus enim, annuente Ludovico rege, pontifex Le-

4^o Eblus Manzer (73) 2. 2^o a Carolo rege supradicto add. 2 3^o Oliba pontificatum adhuc a 2. 4^o per Aquitaniam 2. 5^o adhuc vivente Vulgrino comite add. 2 6^o c. adhibitis a Francia architectis ⁶⁸ jussit edificare ecclesiam in honore Salvatoris 2. 7^o 2. add. quæ jam supra c. 19. edita sunt: simul et corpus sancti Eparchii ibidem transferret; et voccato a Francia Fredeberto episcopo consanguineo suo, fecit ipsam Ecclesiam dedicare in honore Salvatoris. Corpus vero beati viri levare non valuit, quod volebat transferre in eadem ecclesia. Ipsoque consecrationis die post peractum sacrificium sollempne, missaque finita, placida morte ante altare Salvatoris obdormivit in Domino, et ibidem ante altare humatus et episcopus Fredebertus ad episcopo Oliba, qui et ipse post modicum obiit, ut jam dictum est. Alduinus vero comes per annos multos langore corporis multatus est. 8^o et multa reliquiarum pi-gnera, quæ ab ⁶⁹ Jherosolimis asportaverat, ibi recondidit add. 2. cf. Gesta epp. Engol. c. 19. 9^o Sector-ferri add. 2. 10^o ejusdem W. 2. 11^o non enim habuit prolem ex legitima conjugē. Nam supra-dicti Arnaldus et Ademar ⁷⁰ ex concubinis ei nati sunt add. 2. 12^o principi add. 2. 13^o in Engo-lismensi cespite add. 2. 14^o comite Pictavino 2.

VARLE LECTIONES.

⁶³ irruptiones corr. irruptiones 1. ⁶⁴ VII. 2. ⁶⁵ adgregatu 1. ⁶⁶ p. et alias quam plurimas ecclesias ita Aniani codd.. 3. Explicit hystoria Francorum 3 c. ⁶⁷ cellem 1. ⁶⁸ architectis c. ⁶⁹ ad c. ⁷⁰ amarus c.

NOTÆ.

(69) V. Ann. Masciac. SS. III, p. 169.
(70) Wid. Gem. III. 3, Gerloc appellat; sed cf. diplomata Lotharii regis apud Beslium, Hist. com. Pictav. p. 252, 259.

(71) V, supra c. 20.
(72) Rectius 14; obiit enim a. 930.
(73) Id est spurius.

movicæ factus est. Willelmus vero cognomento Caput-Stupæ 1^o Avernis. Vallatis (74), Lemovicæ et Pictavis comes proveotus, dux Aquitanie extitit. Hic germano suo ⁹¹ abbatiam sancti Hilarii ac sancti Maxencii cum nonnullis aliis possessionibus in Pictavensi solo præbuit. Fuit idem Eblus bonus pastor ecclesiæ 2^o, ædificavitque castellum Lemovicæ sedis, castellum sancti Hilarii, et canonicos ibi disposuit, quia infestatione Normannorum idem locus a monachorum prisca habitatione desciverat. Restauravit monasterium sancti Maxentii, et castellum in circuitu perfecit. Restauravit et monasterium sancti Michaelis ad Eremum (75) et multa alia laudabilia in opere Dei egit. Qui defunctus (76) sepultus est in basilica supradicti monasterii sancti Angeli. Fuerat 3^o autem successor Turpionis episcopi, avunculi Rotherti ⁹² vice comitis Albucaensis. Fuitque idem Eblus a sancto Marciale tricesimus nonus episcopus, qui ad bonum suum sufferendum ordinaverat sub se corepiscopum Benedictum. Qui postea captus a Helia Petragoricensi comite, oculis privatus est, et propterea Eblus nimio et intolerabili semper dolore affiebatur ⁹³ usque ad diem mortis suæ; ipsum enim post se voluerat relinquere successorem. Idem Helias 4^o, cum Geraldo vicecomite 5^o et filio ejus Widone commisso prælio, victor extitit, et postea cum fratre suo Aldeberto in deceptionem captus est a Widone, et in castro Montiniaco in custodia conjectus. Sed cum suasu Willelmi ducis oculis privandus esset propter supradictum corepiscopum Deo propitio, de custodia evasit, et non multo post in via Romæ peregrinus in Dei opere obiit. Aldebertus Deo frater ejus plurimo tempore in turre ⁹⁴ civitatis Lemovicæ custoditus, tandem solutus est, accepta in conjugio sorore Widonis vicecomitis, ex qua filium genuit Bernardum.

26. Eo tempore, adhuc vivente Turpione episcopo, Odo et Teotolo 6^o, canonici sancti Martini illustrissimi, adimplentes evangelicum præceptum,

1^o a rege supradicto add. 2. 2^o et castellum sancti Stephani Lemovicæ sedis, quod Turpio episcopus antecessor ejus magna ex parte a solo construxerat, hic ad perfectum integravit. Construxit a novo castellum Hilarii 2. 3^o Antecessor vero ejus Turpio, genere clarissimo, avunculus Rotherti vicecomitis Albucaensis, in rebus Dei magnificus fuit, et Odonem abbatem cluniacensis cœnobii summo excoluit. Qui Odo reverentissimus, Turpione rogante, vitam sancti Geraldi edidit, et librum De contemptu mundi perutilem composuit. Idem episcopus in Vita sua multis claruit miraculis; et defunctus ⁹⁷ Albutione (79) sepultus est in basilica sancti Valerici. Eblus autem 39 a beato Marciale Episcopus fuit, et ad onus episcopale sufferendum ordinavit sub se corepiscopum Benedictum, quem ipse a puero nutrierat. Qui captus 2. 4^o filius Bosonis Vetuli de Marca add. 2. 5^o Lemovicensi add. 2. 6^o Teotolo et Odo supradictus dum essent c. 2. 7^o secundus a primo abbate ejusdem. Fuit enim primus Berno et secundus Oddo. Teotolo 2. 8^o comite Rodomense add. 2. 9^o et sepultus juxta basilicam sancti Eparcii add. 2. 10^o et tumulatus secus sancti ⁹⁸ Eparcii basilicam add. 2. 11^o c. nomine d. quem Walander faber cuserat add. 2. cf. *Gesta epp. Engol.* c. 19. 12^o Petragoricensis ⁹⁹ add. 2. cf. *Gesta epp. Engol.* l. l. 13^o cognomento Borratio add. 4. cognomento Boirratio, pro eo quia cum ipsa veste lupum diabolicum homines devorantem appetiit in campo loriceatus et galeatus, et manibus gestans ¹⁰⁰, militibus occidendum præbuit add. 2. cf. *Gesta epp. Engol.*

VARIAE LECTIONES.

⁹¹ suo Eblo cod. *Christ.* 692. *Chr. S. Max.* p. 202. ⁹² rorberti 1. ⁹³ efficiatur 1. ⁹⁴ re 1. ⁹⁵ inhabitaverat 1. ⁹⁶ talelerandus 1. ⁹⁷ defunctis c.. ⁹⁸ cum c. ⁹⁹ petrugoricam osis c. ¹⁰⁰ gestant c.

NOTÆ.

(74) In cod. 4, *Vellatis*, alibi *Vellaus*, hodie *le Velay*.

(75) Saint-Michel en Erm.

(76) Quo anno non constat.

A derelictis omnibus, pauperes pauperem Chistum secuti sunt, et Cluniaco sancto habitu ac vita induti sunt. Unde postea Dei nutu Odo abbas præfuit sanctissimus 7^o, et post eum sanctus majolus. Teotolo, jubente abbate suo, archiepiscopus invitus consecratus est Turonis. Hic sanctissimus odo et litteris adprime liberalibus eruditus et Dei amore flagrantissimus, exemplo et doctrina apostolicæ regulæ, quæ est monachorum, extitit restaurator strenuus.

27. Tunc Roso defuncto 8^o (*an.* 931), filius ejus Willelmus loco ejus præfuit, a puericia baptizatus, omnisque eorum Normannorum, qui juxta Frantiam inhabitaverant ⁹⁵, multitudo fidem Christi suscepit, et gentilem linguam obmittens, Latino sermone assuefacta est. Willelmo ab Arnulfo Flandensi comite dolo interempto (*an.* 943), filius ejus Richardus succedens, christianissimus factus, ædificavit in ea Normannia, quæ antea vocabatur marcha Franciæ et Britannæ, monasterium sancti Michaelis de Monte, ubi monachos ordinavit. Item monasterium Fiscanum (77) in honore summæ Trinitatis, ubi sepultus est ipse, ubi et monachos posuit, Francorum interea rege Ludovico vita exeunte (*an.* 954), regnavit pro eo Lotharius, filius ejus ex Girberga regina progenitus.

28. Quo tempore (*an.* 954) Fulcaldus episcopus Engolismensis, postquam præfuit 12 annis, defunctus est 9^o, et successit in episcopatu Ebulus, qui et ipse 12 annis præfuit 10^o. Willelmus denique Sectorferri, qui hoc cognomen indeptus est, quia commisso prælio cum Normannis, et neutro cedenti, postera die pacti causa cum rege eorum Storin solito (78) conflictu deluctans, ense corto 11^o durissimo permedia pectoris secuit simul cum torace una; modo percussione claudens diem, sepultus est juxta basilicam sancti Eparcii. Et per 30 annos pro eo principati sunt Bernardus comes 12^o, deinde filius ejus Arnaldus 13^o, deinde Willelmus Talerandus ⁹⁶, deinde Rannulfus Bomparius, tum Richardus Insiapiens.

(77) Fécamp.

(78) Id est singulari [*secolari* 2].

(79) Anbusson.

Arnaldus quidem subtrahens sancto Eparchio villam Salasensem ¹⁰¹, et conferens Heliae duci villa Boensi, ab angelo percussus interiit, et hac de re in fine mortis sancto Eparchio villam Ajarniacensem contulit pro emendatione ¹⁰², et sepultus est juxta basilicam sancti Eparchii. Mortuo fratre ejus Wilhelmo (*an.* 962), Rannulfus bello exinctus est ab Arnaldo 1° filio Willelmi Sectoris-ferri, qui pro patre suo in principatum Engolismæ successit et Richardum Insipientem expulit (*an.* 975). Captoque 2° in conflictu Gauzberto, fratre Eliæ comitis, suusus est a Willelmo duce, quo præberet inimicum sibi. Et Pictavis trusus Gauzbertus, in ultionem Benedicti corepiscopi oculis dampnatus est.

29. His temporibus (*circa an.* 973) Aymericus non monachus abbas sancti Marcialis, successor Gonsindi, moritur, et in fine monachus extitit, quia rex Ludovicus timens ejus tyrannidem, honorem sancti Martialis ei commiserat, sacramento tamen jurare fecit, ut monachus esset futurus. Hic Geraldum vicecomitem in manibus suis habuit commendatum ¹⁰³, et Bosonem Vetulum de Marca 3°. Hic juxta Cambonense (80) monasterium destruxit castellum vi expugnatum Camboncasem, eo quod molestum erat hominibus monachorum.

30. Interea defuncto Willelmo Capite-stupæ (*an.* 963) et sepulto apud ecclesiam sancti Cipriani, ducem pro eo filium ejus Willelmum habuit Aquitania. Qui filiam Tetbaldi Campanensis vocabulo Emmam uxorem accepit, genuitque ex ea filium Willelmum. Rex autem Lotharius Lemovicam adiit, et tempus aliquantum in Aquitania exegit. Unde revertens ¹⁰⁴, Veneno a regina sua adultera extinctus est (*an.* 985). Filiumque reliquit Ludovicum, qui uno tantum anno supervivens, et ipse potu maleficii 4° necatus est (*an.* 987). Regnum pro eo accipere voluit patruus

ejus Carolus, sed non potuit, quia Deus judicio suo meliorem elegit. Nam 5° Franci inito consilium eum abjiciunt, et Hugonem ducem, filium Hugonis, regem eligunt. Hac de causa episcopus montis Leudenensis Ascelicus (81) ebdomada majori ante pascha (*an.* 991), in qua est cena Domini, velud Judas Christum et ipse tradidit Carolum. Qui Aurelianus in carcere trusus ab usque mortem, ibi genuit filios ¹⁰⁵, Karolum et Ludovicum, et mortuus est; et expulsi sunt filii ejus a Francis (82), profectique sunt ad imperatorem Romanorum et habitaverunt cum eo (83). Sane dux Aquitanorum Willelmus reprobandus nequiciam Francorum, Hugoni subditus esse noluit. Unde factum est, ut Hugo, exercitu Francorum admoto, urbem Pictavis obsidione fatigaret. Dumque frustratus recessisset, cum Aquitanorum manu Willelmus insecutus est eum usque Ligerim. Ubi in gravi prælio (84) decertantes Francorum et Aquitanorum animositates, multo sanguine alterna cede fuso, superiores Franci extiterunt, et sic reversi sunt. Pacem postea Willelmus cum Hugone et filio ejus Rotberto fecit. Et rex Hugo cogitans erga se Dei gratiam, quasi vicem rependens, defensor clementissimus ecclesiæ Dei extitit. Nam ob hanc causam creditur progenies Caroli reprobanda, quia jam diu neglegens Dei gratiam, ecclesiarum potius neglectrix quam erectrix videbatur. Beati ergo Dionisii cœnobium, quod jam pristinam monasticam corruerat normam, rex Hugo regulari honestate, sicut in Dei oculis rectum erat, honestius restauravit per manus venerabilis Odilonis abbatis, et alia sanctorum nonnulla monasteria in decorem ¹⁰⁶ pristinæ disciplinæ revocavit 6°. Eodem tempore gravissimum bellum inter Willelmum ducem et Gosfridum Andegavensem comitem peractum est. Sed Gosfridus necessitatibus actus, Willelmo duci se subdidit, seque ei in mani-

1° *Manzere add. 2.; cf. Gesta epp. Engol. quæ add.* : « id est adulterino filio. » 2° Hic cœpit in conflictu Gauzbertum clericum, fratrem Eliæ comitis ¹⁰⁷, quem reddidit Willelmo, filio Willelmi Capitis-stupæ, seniori suo, et pro ultione Benedicti corepiscopi oculis privandum consensit. Defuncto enim Willelmo Capite-stuppe, et — filium Willelmum *ut infra, ubi hæc desunt.* His temporibus 2. 3° Hic construxit castrum Roncomum (85) *add. 2. 4°* a sua conjuge Blanca nomine *add. 2. 5°* Nam episcopus Ascelinus montis Leudenensis urbis ebdomada ante pascha post convivium in lecto quiescentem eum dolo cœpit, et consensu plurimorum Ugo dux, filius Ugonis Capetii (86), in regem elevatus est. At vero Carolus in carcere usque ad mortem retentus est Aurelianus, ubi genuit 2. 6° Per illos enim dies sanctus Maiolus Cluniacensis abbas, successor sancti Odonis, migravit ad Dominum in monasterio Salviniacensi (87), quod est in Avernis territorio, et ibidem sepultus, miraculis fulsi et successit invitatus pro eo, electus tam ab ipso Odone quam a cuncta congregatione, Odilo supradictus *add. 2.*

VARIE LECTIONES.

¹⁰¹ salasensem *corr.* salasensem 1. ¹⁰² emandatione 1. ¹⁰³ commendatum 1. ¹⁰⁴ revertans 1. ¹⁰⁵ filius *corr. ut videtur* filios 1. ¹⁰⁶ decoram 1. ¹⁰⁷ comitu c.

NOTE

- (80) Chambon.
 (81) Cf. Richer iv, 47.
 (82) Hoc post a. 1008 factum esse ex charta conjicitur, in qua legitur : *Actum a. i. D. 1008, regnante Roberto et Ludovico et Carloino* : quod monet Bouquet.
 (83) Ex ipsorum genere Thuringorum landgravius natos esse, multi sibi persuaserunt.
 (84) Hoc prælium (post ejusdem urbis obsidionem), quod a. 955, teste Flodoardo, commissum est

- inter Hugonem Magnum, patrem Hugonis Capetii, et Willelmum Caput-stupæ, male forsitan hic refertur ad regem Hugonem et Willelmum supradicti Willelmi filium. Bouq. *COM.*
 (85) Cf. supra c. 19. n. 45.
 (86) Jam supra c. 22, n. 1° interpolator Hugonem Magnum hoc nomine appellaverat.
 (87) Silviniacensi; cf. Vitam Maioli a. Syro III, 19.

bus præbuit, et ab eo castrum Losdunum (88) cum A est. Qui philosophiæ intentus, et lucra Christi con-
nonnullis aliis in pago Pictavorum pro beneficio gitans, ut ante tribunal Judicis duplicatum redderet
accepit. talentum, Dei voluntate populos 1^a Hungriæ, una
cum rege eorum ad fidem Christi convertere meruit.

31. Ea tempestate Hotone secundo mortuo, Hoto
flius ejus, tercius actu et nomine, imperio potitus

1^a populus in circuitum yodolis deditos ad Dei cultum convertere studuit. Etenim erant ei duo
episcopi reverentissimi, sanctus videlicet Adalbertus archiepiscopus de civitate Praga, quæ est in
provincia Bevehem, sanctus etiam Brunus episcopus de civitate Osburg, quæ est in provincia Bajoarie,
consanguineus ejusdem imperatoris (89). Nam sanctus Adalbertus parvus statura, sanctus Brunus
procero corpore erant. Et quandocumque sanctus Adalbertus in aula imperatoris interesset, nocte
intempesta solus ad silvam abiens, ligna propriis humeris pedibus nudis deferebat, nemine sciente,
ad hospitium suum. Que ligna vendens, victum preparabat sibi. Quod cum post multos imperator
comperiens dies, eum ¹⁰⁸ pro sancto duceret, die quadam solito, locutus cum eo, dixit jocando :
Talis episcopus, sicut vos estis, debuisset pergere ad prædicandum Sclavorum gentes. Mox episcopus
pedes imperatoris deosculans, ait se hoc incipere ; nec postea imperator eum avertere potuit ab hac
intentione ; et rogante ipso episcopo, ordinatus est pro eo in urbe Pragæ archiepiscopus, quem ele-
gerat ipse, et libenter imperator assensit. Et preparatis omnibus necessariis, pedibus nudis abiit in
Pollianam provinciam, ubi nemo Christi nomen audierat, et prædicare cepit evangelium. Quod
exemplum ejus secutus Brunus episcopus, petiit imperatorem, ut pro eo juberet consecrare in sede
sua episcopium, quem elegerat, nomine Odolrici (90). Quo facto, et ipse humiliter abiit in provin-
ciam Ungriam, quæ dicitur Alba Ungria ad differentiam ¹⁰⁹ alteri Ungriæ Nigre, pro eo quod populus
est colore fusco velut Ethiopes. Sanctus denique Adalbertus convertit ad fidem Christi quattuor istas
provincias, quæ antiquo paganorum errore detinebantur, scilicet Pollianam, Sclavianam, Waredoniam
(91). Cracoviam. Quas postquam fundavit in fide, abiit in provinciam Pincenatorum ut eis prædica-
ret Dominum. Illa gens, nimium idolis effera, post octo dies ad eos venerat et Christum eis adnunciare
cœperat, nono die reperientes eum orationi incumbere, missilibus quam ferreis confodientes, Christi
martirem fecerunt. Deinde secto capite, corpus ejus in lacum magnum demerserunt ; capud autem
bestiis in campum projecerunt. Angelus autem Domini accipiens capud, posuit juxta cadaver in ulterio-
rem ripam ; ibi immobile et intactum ¹¹⁰ et incorruptum permansit, quousque negotiatores navigio per
locum præterirent. Qui auferentes sanctum thesaurum, patefeceruntque Sclavianiam. Quo comperto
rex Sclavanie nomine Botesclavus, quem ipse sanctus Adalbertus baptizaverat, datis magnis mune-
ribus, capud et cadaver excepit cum honore, et monasterium in ejus nomine maximum construxit, et
multa miracula fieri cœperunt per eundem Christi martirem. Passus est autem sanctus Adalbertus
24 die mensis Aprilis, id est nono Kalendas Mai. Sanctus autem Brunus convertit ad fidem Ungriam
provinciam, aliam, que vocatur Russia. Regem Ungriæ baptizavit, qui ¹¹¹ vocabatur Gouz, et mutato
nomine in baptismo Stephanum vocavit (92), quem Oto imperator in natali protomartiris Stephani a
baptismate ¹¹² excepit, et regnum ei liberrime habere permisit, dans ei licentiam ferre lanceam sa-
cræ ubique, sicut ipsi imperatori mos est, et reliquias ex clavis Domini et lancea sancti Mauricii (93)
ei concessit in propria lancea. Rex quoque supradictus filium suum baptizare jussit sancto Bruno,
imponens ei nomen sicut sibi Stephanum. Et ipsi filio ejus Stephano Oto imperator sororem Eenrici,
postea imperatoris, in conjugio dedit. At vero sanctus Brunus cum ad Pincenates properavisset, et
Christum prædicare cepisset illis, passus est ab eis, sicut passus fuerat sanctus Adalbertus. Nam
Pincenati diabolico furore sevientes, viscera omnia ventris per exiguum foramen lateris ei extraxe-
runt, et fortissimum Dei ¹¹³ martirem perfecerunt (94). Corpus ejus Rutorum gens magno precio
redemit, et in Russia monasterium ejus nomini construxerunt, magnisque miraculis coruscare cepit.
Post paucos dies quidam Grecus episcopus in Russiam venit, et medietatem ipsius provinciæ, quæ
adhuc idolis dedita erat, convertit, et morem Grecum in barba crescenda et ceteris exemplis eos
suscipere fecit. Odolricus autem, qui sancto Bruno successerat, ad Dominum migrans, magnis virtu-
tibus clarere meruit. Ideoque monasterium foris civitatem Osburg ejus nomini construxit episcopus
item Brunus, successor ejus, frater Eenrici imperatoris. Eadem vero urbs apud Romanos vocabatur
Valentina ab imperatoris nomine, qui eam condidit primus. Quibus diebus Oto imperator per somnum
monitus est, ut levaret corpus Caroli Magni imperatoris, quod Aquis humatus erat (95), sed vetustate
obliterante, ignorabatur locus certus, ubi quiescebat. Et peracto triduo non invenit, inventus est eo
loco, quem per visum cognoverat imperator, sedens in auræ cathedra, intra arcuatam speluncam
infra Basilicam Marie coronatus ¹¹⁴ corona ex auro et gemmis, tenens sceptrum et ense ex auro pu-
rissimo, et ipsum corpus incorruptum inventum est. Quod levatum populis demonstratum est. Quidam
vero canonicorum ejusdem loci Adalbertus, cum enormi et procero corpore esset, coronam Caroli quasi
pro mensura capiti suo circumponens, inventus est strictiori vertice, coronam amplitudine sua vincen-

VARLE LECTIONES.

¹⁰⁸ cum c. ¹⁰⁹ differendam c. ¹¹⁰ intactu c. ¹¹¹ quæ c. ¹¹² baptismate c. ¹¹³ deo c. ¹¹⁴ coro-
natum c.

NOTÆ.

(88) Loudon).

(89) Brunonem, fratrem Heinrici II, an. 1007
ordinatum et de Ungarorum conversione bene me-
ritum cum altero Brunone, ipsi genti misso (cf.
Iurhbücher 1. 3, p. 166), eodem fortasse qui Prus-
sorum apostolus a. 1009 obiit, confundit.

(90) De sancto Udalrico, jam a. 973 mortuo, co-
gitavit.

(91) Quid hoc nomen significet, nescio. Fortasse
pro : *Wenedoniam* ?

(92) Hæc quoque valde sunt conturbata. Geisa,
rex Ungarorum, filium habuit Stephanum, a sancto
Adalberto baptizatum ; ipsum eodem nomine
appellatum fuisse nemo tradit. Quæ de Brunone di-
cuntur falsa esse, multi probaverunt ; cf. *Acta SS.*
Jun. VI. p. 221. Sept. I. p. 482.

(93) Cf. *Lindpr.* IV, 24.

(94) Cf. *Thietm.* VI, 58.

(95) Huic quoque narrationi fabulas admistas
esse facile est intellectu ; cf. *Thietm.* IV, 29.

Girbertus (96) vero natione Aquitanus 1°, monachus 2° Aureliacensis sancti Geraldi ecclesie (97), causa sophiæ primo Franciam, deinde Cordobam (98) lustrans, cognitus 3° ab imperatore, archiepiscopatu Ravennæ donatus est. Procedenti tempore cum Gregorius papa, frater imperatoris (99), decessisset (an. 999), idem Gibertus ab imperatore papa Romanorum sublimitus est propter philosophiæ gratiam, mutatumque est nomen ejus pristinum, et vocatus est Silvester. Et præfectus Romæ Crescentius cum contra Hotonem imperium Romanum vellet arripere, tandem coactus in turre, quæ vocatur Inter-celis (100), diu evasit, sed expugnata ipsa turre, captus est insidiis suæ conjugis, et patibulo suspensus est 4°, et pro eo planctus magnus 5° factus est (an. 998). His 6° diebus (an. 994) sanctus abba Maiolus Cluniacensis migravit ad Dominum, fuitque ei successor supradictus Odilo, non dispar virtutibus. Et Hugo rex Francorum, amator sanctæ ecclesie et servantissimus æqui, mortuus est (an. 996), et regnavit pro eo Rotbertus filius ejus; vir claræ honestatis et magnæ pietatis, ornamentum clericorum, nutritor monachorum, pater pauperum, assiduus vere Dei cultor 7°, rex non tantum populorum, sed etiam morum suorum.

32. Hisdem temporibus (circa an. 1000) rebellantes 115 Bulgari Gretiam valde exasperaverunt, et Basilius imperator super eos nimis irritatus, voto se obligavit Deo, monachum fieri, si Grecis eos subderet. Et per annos 15 cum hoste super eos

A laborans, duobus magnis præliis victus est. Ad ultimum (an. 1014) regibus Bulgarorum Samuele et Aaron (101) non publico prælio, sed astucia Greca interfectis, omnem terram eorum obtinuit, et fortissimas civitates et castella confregit, Grecorumque præsidia contra eas ubique ordinavit, populunque Bulgarorum maxima ex parte captavit. Et sicut vota promiserat, habitum monasticum Greca figura subterindultus in reliquum est omnivitæ suæ tempore, a voluptate et carnibus abstinens, et imperiali scemate extrinsecus circumdabatur. Deinde Hiberiam repugnantem per annos septem ita edomuit, ut omnia ad nutum ejus fierent (an. 1022).

33. Obiit quoque Richardus Rotomagensis (an. 996 ? 1002 ?); sepulturæ traditus apud Fescannum, et pro eo successit Richardus filius ejus. Hic prudentissimus et gloriosus in omnibus et dilector ecclesiarum extitit. Hotho vero imperator hausu veneni 8° periit sine filii (an. 1002), et pro eo consanguineus ejus Heinricus imperium suscepit 9°. Siquidem Arbertus (102) Colonia archiepiscopus 10°, expirante Hotone in partes Capuæ, sceptrum et coronam cum lancea sacra secum afferens, ab Hainrico insidiis circumventus captus est, et imperatoris privatus ornamentis (103).

34. Quibus temporibus Aldebertus comes supradictus (104) Petragoricensis, filius Bosonis Vtuli ex sorore Bernardi supradicti nomine Emma, ad urbem Pictavis bellum intulit, et victor extitit 11°, pro eo maxime quia inconsulto antequam

tem circulum capitis. Crus proprium etiam ad crucis mensuram regis dimetiens, inventus est brevior, et ipsum ejus crus protinus divina virtute concontractum est. Qui supervivens anni 40, semper debilis permansit. Corpus vero Caroli conditum 116 in dextro membro basilicæ ipsius retro altare sancti Iohannis baptistæ, et cripta aurea super illud mirifica est fabricata, multisque signis et miraculis clarescere 117 cepit. Non tamen sollempnitas de ipso agitur, nisi communi more anniversarium defunctorum. Solium ejus aureum imperator Oto direxit regi Botislavo pro reliquiis 118 sancti Adalberti martiris. Rex autem Botislavus, accepto dono, misit imperatori brachium de corpore ejusdem sancti, et imperator gaudens illud excepit, et in honore sancti Adalberti martiris basilicam Aquisgranini construxit mirificam, et ancillarum Dei congregationem ibi disposuit. Aliud quoque monasterium Romæ construxit in honore ipsius martiris add. 2. 1° ex infimo genere procreatus add. 2. 2° a puericia add. 2. 3° cognitus a rege Ugone, Remis archiepiscopatu donatus est. Et iterum cognitus ab imperatore Otone archiepiscopus Ravennæ 119 facius est, derelicto Remorum archiepiscopatu. 2. 4° iubente imperatore add. 2. 5° Rome add. 2. 6° His — virtutibus desunt hoc loco 2; cf. c. 30 n. 1°. 7° in humilitate similis David regi add. 2. 8° in partes beneventi add. 2. 9° Otonis 120 autem corpus delatum est Romam 121, et ibidem sepultus add. 2. 10° a. C. sceptrum et coronam cum lancea sancti Mauricii 122 secum ab imperatore defuncto in Bajoariam detulit et consensu omnium episcoporum Emerico tradidit. Stephanus etiam rex Ungrie bello appetens Ungriam Nigram, tam vi quam timore et amore ad fidem 123 veritatis totam illam terram convertere meruit. Quibus temporibus 2. 11° multa strage peracta add. 2.

VARLÆ LECTIONES.

115 rebellantur corr. rebellantes 1. 116 condictum c. 117 claresceret c. 118 reliquis c. 119 favenne c. 120 otoi c. 121 rome c. 122 mauri c. 123 fide c.

NOTE.

(96) cf. Richer III, 43.
(97) Hæc de ipso in Chron. Aureliacensi (Mab. Anal. II, p. 240, ed. 2, p. 150) leguntur: *Raimundus Caturcensis nobilis ex castro Saura nominatus abbas eligitur, qui curat erudiendum Gerbertum [Gerlentium, ed. 1] adolescentem obscuro loco natum; sed quia ingenio erat vaser, præclarus in litteris evasit. Hic impetrata licentia propter aviditatem sapientiæ multa circumibat regna, et ad notitiam imperatoris pervenit; qui eum Remis statuit episcopum, deinde Ravennæ, postea in*

sumum pontificem evexit. Hic multa bona contulit cænobio et misit munera Raimundo sodali, videlicet libros grammaticorum et expositiones in Hieronymum et Ambrosium.

(98) Hoc ex solo Ademari testimonio pendet.

(99) Minime, sed Ottonis ducis.

(100) Id est S. Angeli arce; cf. Liudpr. III, 44.

(101) Aaron a Samuele jam antea occisus erat.

(102) Heribertus.

(103) Cf. Thietm. IV, 31. Falsa 2 narravit.

(104) C. 25.

deberent cives ei bellum intuerunt. Urbem quoque Turonis obsidione affectam in deditionem accepit, et Fulchoni comiti Andegavensi donavit; sed ille ingenio doloso 1^o civium amisit post paululum, et iterum Odo Campanensis eam recuperavit 2^o. Dux vero Willelmus in monastico habitu seculum derelinquens, humatus est apud monasterium sancti Maxentii (*an.* 993), et principatum post eum strenuissime administravit Willelmus filius ejus. Et Aldebertus, Gentiaco capto castro et destructo, itemque a Willelmo 3^o reedificatum dum id ipsum obsedisset, et secundo destrueretur, et securus 4^o circumequitaret ut jam victor, ictu sagittæ mortuus et Sancto Carrofo conditus est; et surrexit pro eo Boso frater ejus. [Tunc Willelmus, accepta in matrimonio Adalmode conjuge suprascripti Aldeberti 124] Rothbertum regem accersivit ad capiendum castrum Bellacum, quod tenebat Boso 5^o. Omnis Frantia bellatrix eo conflixit 6^o, sed frustrata post multos dies cum suo rege recessit. Ipso tempore dum obsessum esset Widonis vicecomitis Procia (105) castrum a duce supradicto 7^o cum valida manu, Wido 8^o obsessores bello appetit, et de eis magnam 125 stragem dedit Victor (*circa an.* 1000), obsidionemque dirumpit 126.

35. Arnaldus autem comes Engolismensis, pro Dei timore facto habitaculo monachorum in ecclesia Buxensi sancti Amancii (106), et ibi misso reverendo abbate nomine Francone, in aula sancti Eparchii factus monachus, sepultus est 4 Non. Mar. juxta patrem 9^o suum. Et episcopus Aldegerius Lemovicæ 10^o cum pretiosioribus indumentis sacerdotilibus ex aula sancti Marcialis abiit Franciam, et ibi vita privatus (*circa an.* 990), sepultus est apud Sanctum Dionisium, et pro sepultura sua contulit pretiosa quæ asportaverat a Sancto Marciali ornamenta. Successit pontifex Alduinus, fra-

ter ejus, per manum Willelmi ducis, consecratusque est Engolismæ ab 11^o episcopo Hugone. Arnaldus supradictus successorem sibi comitem reliquit Engolismæ Willelmum filium suum. Preterea Fulcadus (107) episcopus per 12 annos vivens, Rannulfum successorem accepit (*an.* 964). Quo episcopo existente per novem annos et mortuo 12^o (*an.* 973), supradictus Hugo episcopatum per 20 annos obtinuit (*an.* 993), et 13^o post eum Grimoardus, deinde 14^o domnus Roho antistes gloriosus Engolismæ refulsit (108) (*an.* 993-1017). His diebus pestilentia ignis super Lemovicinos exarsit. Corpora enim virorum et mulierum supra numerum invisibili igne depascabantur et ubique planetas terram replebat (*an.* 994). Gosfridus ergo abbas sancti Marcialis, qui successerat Wigoni, et Alduinus episcopus, habitu consilio cum duce Willelmo, triduanum jejunium Lemovicino indicunt. Tunc omnes Aquitanicæ episcopi in unum Lemovicæ congregati sunt, corpora quoque et reliquiæ sanctorum undecumque sollempniter advectæ sunt ibi, et corpus sancti Marcialis patroni 127 Gallicæ de sepulchro levatum est, unde leticia immensa omnes repleti sunt, et omnis infirmitas ubique cessavit, pactumque pacis et justiciæ a duce et principibus vicissim 128 foederata est. Alduinus autem episcopus monasterium sancti Stephani Agentense (109), quod Hildegarius ornate disposuerat in magna caterva monachorum, per triennium antequam moreretur 15^o destruxit, et canonicos ibi restituit. Hac de noxa Lemovicam intra urbem monachos in ecclesia sancti Martini regulæ subditos adgregare curavit. Sæpe idem Alduinus pro nequicia populi 16^o novam observantiam constituit, scilicet ecclesias et monasteria cessare a divino cultu et sancto sacrificio, et populum quasi

1^o vicecomitis et *add.* 2. 2^o Qui cum eam obsideret, nequaquam rex Francorum ausus est eum provocare ad certamen, sed hoc ei mandavit: *Quis te comitem destituit?* Et Aldebertus remandavit ei: *Quis te regem constituit?* *add.* 2. et *Pith.* p. 82 *ex* 4. 3^o Pictavino *add.* 2. 4^o jam victor nudus armis circumequitaret 2. 5^o Construxerat ipsum castrum Boso Vetulus in marca Lemovicina *add.* 2. 6^o et Aquitania *add.* 2. 7^o et aliis 4 comitibus *add.* 2, Procia in pago Byturicæ a quinque comitibus cum innumerabili exercitu, bello eos appetit, et victor existens obsidionem dirupit. Comes fuerunt Willelmus dux, Arnaldus, Elias, Adelbertus, Boso *Pith.* p. 82 *ex* 4. 8^o Cum Lemovicinis *add.* 2. 9^o matrem suam 2. 10^o successor Ebli *add.* 2. 11^o ab archiepiscopo Burdegalensi Gumbaldo, et a Fronterio Petrugoricensi, et Abone Sanctonicensi, et Ugone Egolismensi, qui eum Lemovice intronizavit, primo in cathedra vectatoria apud ecclesiam sancti Gerardi, deinde in sede sancti Marcialis. At vero Arnaldus 2. 12^o accepto juxta basilicam sancti Eparchii quemadmodum 129 Fulcaldo [sepulchro] *add.* 2. 13^o ipso sepulto apud Sanctum Eparchium in monastico habitu *add.* 2. 14^o Deinde Roo (*corr.* Roho) episcopus 2. 15^o suadente diabolo *add.* 2. 16^o pro rapina militum et devastatione pauperum 2.

VARLE LECTIONES.

124 *Hæc est 2 suppleta; quædam enim in 1 deesse apparet, quamvis hæc, quæ minus recte dicta esse Benedictini annotarunt, Ademaro obtrudere nolim; accepta — Aldeberti desunt etiam 4, 125 magnum 1. 126 dirumpit duabus lineis 1. 127 patronis 1. 128 vicissim 1. viciis simphoderata. 129 quem adm c.*

NOTÆ.

(105) Brosse in pago Bituricensi; cf. Aimoini Mir. S. Benedicti II, 11 sqq.

(106) Saint-Amand de Boisse, cf. Gallia Christ. II, 1035.

(107) De Ebulo cogitasse videtur; cf. c. 28.

(108) Cf. hist. conc. Lem. a. 1031. (*Concil.* ed.

Labb. IX, p. 879): *Nam et episcopus noster Engolismensis Hugo — qui ante hos 40 annos migravit, cujus successor ante hos quatuordecim est defunctus, etc.*

(109) Antimonasterium, *Emoutiers* sive *Eymoutier*.

paganum a divinis laudibus cessare, et hanc observantiam excommunicationem censebat. Idem antistes, dum populus in quadragesima Evauno sua diocesi fame periclitaretur, ne mortem pro fame incurreret, indixit esum carniū, et ab omnibus illius oppidi esca sumptæ sunt carnes; quibus pœnitentiam antistes ipse postmodum suavit. Frater vero ejus Wido vicecomes Lemovicensis, dum comes Boso Romam abiret, nata occasione castrum extruxit a novo contra Brantomsense monasterium. Nec mora, reverso Bosone commissoque prælio 1°, Boso victor castrum destruxit, multisque sanguis in eo bello effusus est, et Wido vulneratus fuga lapsus est.

36. His temporibus episcopus Grimoardus, datis muneribus, a Willelmo comite sancti Eparchii monasterium expeçit et sibi vindicavit, et per multos annos sine abbate manere fecit 2°. Omnes enim comites Engolismæ a temporibus Childeberti regis Francorum, quo ipse locus fundatus est, advocati ejus et defensores extitisse noscuntur et provisores, habentes pro officio defensoris in beneficio villam Ranconiam. Tunc memoratus episcopus Almerico germano suo duci Moxedanensi donavit in possessionem monasterium Tomolatense, quod actenus semper fuerat in dominio cœnobii Engolismensis. Situmque est in territorio Petragoricensi, habens ecclesiam in honore genitricis Dei, ubi velut in proprio jure paterno sepulti sunt Felix Aureolus Petragoricensis comes, pater sancti Eparchii, et 3° Principia mater ejusdem confessoris. Post non multos annos supradictus Aymericus ipsum locum dedit in beneficio ducibus suis, qui vocantur Infernales, et ita penitus ipsa possessio alienata est a jure antiquo sancti Eparchii. Processu temporis Wido vicecomes, captio Grimoardo episcopo, pro monasterio Brantomsense, quod ab eo in munere exposcebat, tenuit eum in carcere in turre Lemovicæ. Et dimissus juxta conditionem Widonis, Romam adiit, Girbertum papam interpellavit. Ibi Wido evocatus est ad iudicium coram papa (circa an. 1003). Et cum ipso sacratissimo die Paschæ causa ventilata esset, et a senatu prolata sententia iudicatum esset, ut omnis qui episcopum capit ad colla indomitorum equorum ligatus 100 pedibus dirumpatur et dentum a feris dilaceretur, traditus mox est episcopo Grimoardo

1° in campo Carracio *add.* 2. 2° et plures 131 possessiones ejusdem monasterii parentibus suis et aliis secularibus donavit et a loco alienavit *add.* 2. 3° et sancti Eparchii *des.* 2. 4° nepote suo *add.* 2.

VARIE LECTIONES.

130 legatus *corr.* ligatus 1. 131 pansentia 1. 132 egreditur 1. 133 v. Interea defuncta conjugē Guillelmi ducis, ex qua susceperat filium Guillelmum, idem dux sororem Sancti ducis Wasconum Briscam nomine in uxorem sibi copulavit, que ei Odonem genuit filium (*c.* 39 *fn.*) *explicit hist. Francorum in cod. Christ.* 692. 134 pluras c.

NOTÆ.

(110) Hoc solus Ademarus.
(111) Cf. Ann. Quedlinb. a. 1022.
(112) Chron. S. Maxentii (Labb. I. p. 206) quod hæc exscripsit, *add.*: *Huic conjuncta fuit in matrimonium Alaidis nobilissima, quæ construxit monasterium Paherne (Paterniacum, Payerne) in*

A ad custodiendum, post diem tertium tradendus ad pedum. Sed hi duo inter se concordantes, amici facti sunt, et ante diem concordatum clam Roma egressi, reversi sunt ad propria.

37. Hainricus vero imperator cum Langobardos sibi repperiret contrarios, misso (110) Rodulfo rege Burgundiæ 4°, Papiam obsedit et incendio tradidit, et palatium in ea sibi ædificavit, et rebellantes sibi servire coegit (*an.* 1004). Duces quoque Grecorum cum partes ejus invaderent, ordinata expeditione oras Appuliæ penetrans, tot dies expugnando civitates eorum ibi exegit, usquequo pestilentia exercitus ejus laboraret (111) sicque revertetur (*an.* 1022). Hic in terra Teodisca a novo civitatem ædificavit vocabulo Baenburg, quam Benedictus papa in honore Dei genitricis consecravit, et parrocias in circuitu ex paganorum vicis et oppidis, dum converterentur, attulavit ad illam. Hic Cluniacensi cœnobio contulit dona, sceptrum aureum, speram auream, vestimentum imperiale aureum, coronam auream, crucifixum aureum, pensantia 131 simul libras 100, et alia multa; et cum Odilone abbate ejusdem loci crebrius colloquium familiare exercebat, et in aula palatii sui eum præ omnibus ducebat (112).

38. Per hæc tempora Ermengaudus comes Irgeldensis (113) post copiosos triumphos de Mauris et Sarracenis prælio inito ultimo, innumerabilem stragem Sarracenorum perficiens, dum victor regreditur 132, alium exercitum Maurorum offendit venientem. Quem cum paucis suorum lassis persequens, multos eorum occidit, et ipse cecidit (*an.* 1008?). Caput ejus Sarraceni pro magno thesauro secum asportaverunt. Quod aromatizatum rex eorum auro cooperuit et secum in præliis semper ferebat causa victoriæ 133.

39. Interea summæ philosophiæ abbas sancti Benedicti Floriacensis super Ligerim loci, nomine Abbo, Wasconiam iter faciens, per Engolismam transiens, mense Novembri in monasterio beati Eparchii hospitatus est. Veniensque ad Sanctorum Petrum Regulatensis (114) ecclesiæ, quæ est possessio sancti Benedicti Francorum cœnobii, ibi tumultu Wasconum oclusus est; ibi sepultus, miraculis clarescere cepit (*an.* 1004). Virga ejus pasto-

honore Dei genitricis Mariæ semper virginis. Ex qua habuit filium, quem vocavit nomine suo Arnricum. Anno millesimo obiit Alaidis imperatrix; quæ nimis a vero abhorrent.

(113) Urgel in Catalonia.

(114) La Réole.

ralis remissa est Frantiam. Bernardus Wasconiae dux necem tanti viri de interfectores ejus punivit, alios suspendio, alios flammis tradens, et omnem illam possessionem Regulatensem 1°, quæ ante in lite invadentium erat, sine lite dehinc monachis Francis sancti Benedicti paravit vindicandam. Rex autem Rotbertus pro defuncto ordinavit abbatem Gauzlenum, licet repugnarent monachi nolentes sibi præesse filium scorti. Erat enim ipse nobilissimus Francorum principis (113) filius manzer, a puero in monasterio sancti Benedicti nutritus. Quem etiam rex supra scriptus archiepiscopum Bituricensibus fecit postea post mortem Dacberti archiepiscopi. Sed et ipsi quinquennio seditionem agentes, noluerunt eum in civitatem recipere, dicentes una voce: *Non decet dominari Ecclesie filium scorti*. Postmodum tamen 2° regis voluntas prævaluit, et Dei nutu in sede susceptus est (an. 1009). At Bernardo insidiis muliebribus 195, maleficis artibus corpore fatescente, vitæ privato, Santius, frater ejus, dux Wasconum extitit. Ex defuncta conjugo Willelmi ducis 3°, ex qua susceperat filium Willelmum, idem dux sororem Santii Briscam in uxorem copulavit sibi, quæ ei Odonem genuit filium.

40. Per idem tempus mortuo Gosfrido abbate sancti Marcialis (an. 998), et succedente pro eo Adalbaldo regularis meriti, et Widone et Alduino episcopo fratre ejus revertentibus prope ab Hierosolimis, sepulchrum sancti Eparchii clarere innumeris cœpit miraculis plus solito. Et visio manifesta patefacta est Fulcherio abbati sancti Carrofi et monachis, ut sanctum lignum crucis ad tumulum deferrent beati Eparchii. Quod conventu solempni peractum est, et abbate Raginoldo Engolismensi procurante, exceptum est sanctum lignum in basilica beati Eparchii in die ejus festivitatis, die primo mensis Julii; et adimpletis, quæ divina ordinaverat pietas, monachi sancti Carrofi valedicentes fratribus Engolismensibus, cum sancto ligno gloriose remeant 4°.

41. Comes denique Engolismæ Willelmus, copulata sibi in conjugio Girberga, sorore comitis 5°. Fulconis, filios ex ea suscepit Hilduinum et Gosfri-

dum. Dux vero Aquitanorum, comes Pictavimus, jam dictus Willelmus gloriosissimus et potentissimus, extitit cunctis amabilis, consilio magnus, prudentia conspicuus, in dando liberalissimus, defensor pauperum, pater monachorum, ædificator et amator ecclesiarum, et præcipue amator sanctæ Ecclesiæ Romanæ. Cui a juventute consuetudo fuit, ut semper omni anno ad limina apostolorum Romam properaret, et eo quo Romam non properabat anno, ad sanctum Jacobum Gallicie reconpensaret iter devotum. Et quocumque iter ageret, vel conventum publicum exerceret, potius rex quam esse dux putabatur honestate et claritudine qua affluebat honoris. Non solum vero omnem Aquitaniam suo subjecit imperio, ut nemo contra eum levare manum auderet, verum etiam regem 6° Francorum sibi habuit complacitum. Immo Hispaniæ regem Adefonsum, regemque Navarræ Santium, nec non et regem Danamarchorum et Angelorum nomine Canotum, ita sibi summo favore devinxerat, ut singulis annis legationes eorum exciperet pretiosis cum muneribus (116), ipseque pretiosiora eis remitteret munera. Cum imperatore Hainrico ita amicitias copulatus est, ut muneribus alterutrum se honorarent. Inter multiplicia denique munera dux Willelmus ingentem ex auro purissimo ensem direxit ei, in quo ense litteræ signabantur legentes: *Hainricus imperator cesar augustus*. Romani pontifices eum venientem Romam sic reverenter excipiebant, acsi esset eorum augustus, omnisque Romanus senatus patrem eum sibi adclamabat. Cumque comitem Andegavensem Fulchonem in manibus suis commendatam haberet, concesserat ei pro beneficio Losdunum (117) cum aliis nonnullis castris in Pictavorum solo, Santonas quoque cum quibusdam castellis. Idem dux si clericum sapientia ornatum videret, summo eum excolebat. Unde Rainaldum, cognomento Platonem, monachum pro sapientiæ ornatu præfecit abbatem ex cœnobio sancti Maxentii. Episcopum quoque Carnotis Fulbertum, sapientia cumptum, a Frantia evocatum donavit thesauraria sancti Hylarii (118), et penes se reverendum exhibuit. Aliquando esse vix inveniebatur sine aliquo episcoporum. Monaste-

1° cum ecclesia sancti Petri *add.* 2. 2° sequestro Odilone abbate 2. 3° Pictavensis *add.* 2. 4° Denique hoc crucis lignum de cruce dominica extat, quod therosolimorum patriarcha regi Magno Carolo direxerat, et idem imperator in eadem basilica, quam condidit Rotgerius comes Lemovicensis in honore Salvatoris (119), reposuit. Locus autem antiquo sermone Gallorum Carrofos vacitabatur propter carrorum confinia, id est veiculorum publicorum, et deinceps pro reverentia crucis Sanctum Carrofum appellari placuit. *add.* 2. 5° Andegavensis *add.* 2. 6° G. r. amicissimum habens, præ cæteris ducibus in ejus palatio honorabatur. 2.

VARIE LECTIONES.

195 mulieribus 1.

NOTÆ.

(115) Hugonis Capeti.

(116) Cf. Hist. concil. Lemov. a. 1031. Labb. Conc. IX. p. 882: *Ante hos septem annos rex Anglorum duci Aquitanie regalia munera misti simulque codicem litteris aureis scriptum, in qua nomina sanctorum distincta cum imaginibus con-*

tinetantur, etc.

(117) Cf. c. 30.

(118) Cf. Fulb. epist. 128, etc.

(119) . dipl. Rotgerii Mabillon., Ann. II, p. 711.

rio Lemovicensi beati Marcialis dedit ecclesiam in Alniensi (120), quàm et pater ejus eidem monasterio ante dederat, scilicet Anesio, quæ est in honore sancti Petri. Cœnobio Cluniacensi, et cœnobio sancti Michaelis ¹³⁶ ad ¹³⁷ Clusam (121) in Italia, et multis aliis per Burgundiam et Aquitaniam monasteriis Dei, juxta oram maritimam plura in redditibus dona terrarum ad copiam supplementi servorum Christi delegavit. Amplectebatur ¹³⁸ maximo affectu honoris ¹³⁹ regulares monachos et abbates, et eorum consiliis nitebatur in administratione regni. Unde et domnum Odilonem, Cluniaci abbatem, copiosis muneribus sibi attraxit, contemplatus in eo templum Spiritus sancti ¹, cœnobique suæ ditionis nonnulla ejusdem magisterio tradidit. Fecit idem dux a novo cœnobium nobile Malliacense (122) territorio Pictavensi (*an.* 1003). Itemque ingens cœnobium Burguliense (123) in cespite Adegavensi, in fundo proprio, una cum matre sua Emma ¹⁴⁰, sorore Odonis Campanensis. In quibus cœnobiis regulares monachos adgregavit plures, qui die noctuque Deo laudes persolverent, eisque ordinavit ferventissimum in sancto proposito et disciplinæ celestis fortissimam columnam abbatem Theodelinum ². Sane multoties, qui ei rebellare conati sunt Aquitanici primores, omnes vel edomiti vel prostrati sunt. Unde cum obsideret Rocameltim (124) comes Boso vicinum Sancto Carrofo, cum multitudine fortium contra eum aciem struxit, et, commisso bello, dux ³ victor extitit; et, repetita obsidione ⁴, vi castrum cepit. Habebat secum magni consilii virum, comitem Engolismæ Willelmum, cujus maxime consilio pendebat. Qui ita se invicem dilexerunt semper, ut esset eis ⁵ anima una. Blaviam (125) denique castrum cum expugnaret comes Engolismensis, ducem ipsum secum habuit, et magna fortitudine ipsum castrum accepit, et a duce ipso accepit in beneficio hæc ⁶: vicecomitatum Mel-lensem et Cœnacensem et Rocacardensem honoremque (126) Cabannensem et Confolentis, Rofiacum quoque, et multa alia ⁷.

42. His temporibus Alduinus episcopus, adducto secum duce Willelmo, extruxit castrum Bello-jocum secus monasterium sancti Juniani contra

Jordanum principem Cabannensem. Reversoque duce, Jordanus præparatur cum electis vel ad castrum expugnandum, vel episcopum debellandum. Episcopus, adgregata armatorum immanitate, habito in auxilio fratre Widone, occurrit ei, et grave ortum est prælium tempore durioris hiemis. Plurimus sanguis effusus ⁸; victor Jordanus cum pluribus principibus captis revertitur. Jamque securus, casus ab ignoto milite ⁹ impetitus a tergo, percussus interit; et qui a suis capti tenebantur, mox pro eo confossi telis animas emiserunt. Pro quibus gravior luctus extitit, quam antea pro in bello prostratis fuerat. Jordanus quoque, manzer frater defuncti, post modicum captum fratrem episcopi Aymiricum tandiu vinculatum tenuit, quousque castellum destrueretur supra memoratum.

43. Per hos dies Gosfridus, abbas sancti Marcialis, successor Adalbaldi, accito Bosone comite, cum militari magna manu ¹⁰ corpus sancti Walerici ab ecclesia, quæ injuste sancto Marciali abstollebatur a quibusdam principibus ¹¹, secum detulit Lemovicam. Ubi tandiu reliquias ejusdem confessoris ¹² tenuit, quoad cognoscerent et exhiberent principes malefactores rectitudinem sancti Marcialis. Sicque possessionem ¹³ recuperata, restitutum est sanctum corpus supradicto loco, et in præsentia Willelmi ducis ¹⁴ monastica ibi est ordinata disciplina.

44. His diebus vicecomitissa Lemovicæ Emma circa festivitatem apostolorum et sancti Marcialis oratum abiit ad Sanctum Michaellem Heremum, et noctu ibi a Mormannis captivata, per tres annos exultrans mare est retenta. Ex thesauro sancti Marcialis infinita auri et argenti pondera pro redemptione ejus data sunt, simulque imago aurea sancti archangeli, et alia copiosa ornamenta, quæ omnia Normanni auferentes, mentita fide mulierem non reddiderunt, donec post multos dies Richardus comes Rotomagensis eam ingeniose per legatos ultramoros adquireret et viro suo Widoni liberam redderet.

45. Bosone interea comite veneficiis uxoris suæ necato, et Petragoricæ sepulto, et urbe ipsa a Willelmo duce capta, tutor filiorum ejus et neposis

¹ seque ei in manibus commendatum tradidit *add.* 2. ² Teclinum, qui ex Judæis conversus fuerat 2. ³ primum Boso, deinde Willelmus vicit, et *add.* 2. ⁴ ac Bosone fugato *add.* 2. ⁵ in duobus corporibus *add.* 2. ⁶ accepit illud in beneficium cum his rebus. Scilicet v. 2. ⁷ simulque in Alniensi plura *add.* 2. ⁸ fugati Lemovicini cum episcopo et vicecomitibus suis *add.* 2. ⁹ a milite, quem ipse prostraverat a tergo in cervice percussus 2. ¹⁰ noctu Montanam abiens *add.* 2. ¹¹ quam incole principes sancto Marciali abstollebant 2. ¹² In monte Gaudii *add.* 2. ¹³ non sine magna redemptione *add.* 2. ¹⁴ et Girardi episcopi Lemovicensis *add.* 2.

VARÆ LECTIONES.

¹³⁶ Martialis *Besly* p. 366. ¹³⁷ *deest* 1. 2. ¹³⁸ amplectebatur 1. ¹³⁹ honori 1. ¹⁴⁰ Adala christianissima quæ extitit soror Richardi comitis Rotomagensis *Pith.* p. 80. (*ex cod.* 4.)

NOTE.

(120) Pagus Alniensis, *pays d'Auny*.
 (121) In monte Cinisio.
 (122) Maillezais.
 (123) Bourgueil-en-Vallée.

(124) Rochemeau.
 (125) Blaye.
 (126) Honor idem fere quod comitatus, vicecomitatus aut ejusmodi potestas.

fuit idem dux. Et filio Bosonis Hellæ concessa A urbe Petragorica, Bernardo filio Hildeberti (127) reddidit marcham. Et donec viriles annos attingeret ætas Bernardi, injunxit eam regendam fortissimis principibus, duobus germanis, Petro abbati Scotoriensium canonicorum (128), et Umberto Druto. Quorum pater Abbo Drutus castrum Bellacum (129) contra regem Rotbertum fortissime defendit 1°. A quibus duobus fortissime marcha defensa est; quousque Umberto obiret. Petrus abbas singularem principatum optinens, habebat sibi fidelissimum profundissimi consilii Ainardum præpositum 2°, habentem duos fratres Abbonem et Raimundum, strenuissimos duces, corpore robustos, animos bellicosos, quorum sororem Aldeardem accepit in matrimonium Raimundus Cabannensis, abnepos (130) Turpionis episcopi, frater Adalberti decani incliti et propositi ex monasterio sancti Marcialis; genuitque ex ea filium Ademarus Engolismensem 141 monachum, qui hæc scripsit. Vivente enim supradicto Ainardo, abbas 142 Petrus rem publicam optime administravit, et invidiosæ gloriæ compressit. Nam eo Romæ mortuo, et Raimundo fratre ejus Hierosolimæ defuncto, et Abbone infirmitate gravato, inclitus Petrus, neminem fidelem consiliarium habens, dum ad suum temere facit arbitrium omnia, et inter suos terribilis ut leo videtur, castrum proprium Mortemarense concremat, contradicente consilio suorum, et hujus rei occasione propinquus ejus et principibus marchionibus cum Bernardo comite et Wilhelmo duce, quasi tyrannidem præsumeret, in eum insurgentibus, paulatim ex potestate marchionum ejectus est. Qui a Hierosolima reversus, in basilica sancti Stephani Lemovicæ sedis pristinum honorem continens, et ecclesiarum et villarum multa possessione ex paterna fruens hereditate, et magnæ catervæ militum, qui ejus beneficia habent, imperans, a curis magna ex parte ereptus, et liberius Deo vacat, et majori quam ante securitate et gloria pollet (131).

46. His temporibus (an. 1010) signa in astris, sicutitates noxiæ, nimis pluvie, nimis pestes, et gravissimæ famēs, defectiones multæ solis et lunæ apparuerunt, et Vinzena fluvius (132) per très noctes aruit Lemovicæ per duo millia. Et supradictus D

monachus Ademarus, qui tunc cum avunculo suo inclito Rotgerio Lemovicæ degebat in monasterio sancti Marcialis, experrectus in tempesta noctis, dum foris astra suspiceret, vidit in austrum in altitudine celi magnum crucifixum in ipso celo 3° et Domini pendentem figuram in cruce, multo flumine lacrimarum inlacrimantem 4°. Ipse autem qui hæc vidit attonitus nichil aliud potuit agere quam lacrimas ab oculis profundere. Vidit vero tam ipsam crucem quam figuram crucifixi colore igneo et nimis sanguineo totam per dimidiam noctis horam, quousque celo sese clauderet. Et quod vidit semper in corde celavit, quousque hic scripsit testisque est Dominus, quod hæc vidit.

47. Eo anno Hilduinus (133) episcopus Judeos Lemovicæ ad baptismum compulsi, lege prolata, ut aut christiani essent, aut de 143 civitate recederent, et per unum mensem doctores divinos jussit disputare cum Judæis, ut eos ad fidem cogere 5°; et tres vel quatuor Judei Christiani facti sunt. Cetera autem multitudo per alias civitates diffugeret cum uxoribus, liberis, festinavit 6°. Ipso anno sepulchrum Domini Hierosolimis contractum est a paganis 7° 3 Kalendas Octobris 1010, anno ab incarnatione ejus. Nam Judei occidentale 8° epistolas miserunt in Orientem (134), accusantes christianos, mandantes exercitus Occidentalium 9° super Sarracenos orientales commotos esse. Tunc Nabuchodonosor Babiloniæ (135), quem vocant Amiratum, concitatus suasu Sarracenorum 10° in iram, magnam afflictionem super christianos exercuit, data lege, ut quicumque christiani de sua potestate nollent fieri Sarraceni, aut confiscarentur aut interficerentur. Unde factum est, ut innumerabiles christianorum 11° facultates suas pro nichilo ducerent; sed morte nemo dignus pro Christo fuit nisi patriarcha Hierosolimorum, qui variis suppliciiis occisus est, et duo adolescentes germani in Egypto, qui decollati sunt, et multis clarescunt miraculis. Nam ecclesiæ sanctorum subversæ sunt 12°, et peccatis nostris promerentibus, basilica sepulchi Domini usque ad solum diruta. Lapidem monumenti cum nullatenus possent comminueret, ignem copiosum superadjiciunt, sed D quasi adamans immobilis mansit et solidus. Bethlee-

1° Hic Abo consensu Aldeberti comitis castrum Mortemarense (136) construxit in fundo proprio. *add.* 2 2° p. ex monasterio sancti Petri Scotoriensi. Qui Ainardus habuit duos 2. 3° quasi confixum in celi 2. 4° plorantem. Qui autem hæc. 5° eos ex suis libris revincerent 2. 6° Quidam etiam se ipsos ferro jugulaverunt, nolentes baptismum suscipere. *add.* 2. 7° Judeis et Sarracenis 144 2. 8° et Sarraceni Hispanie *add.* 2. 9° Francorum 2. 10° paganorum 2. 11° c. converterentur ad legem Sarracenam, et nemo p. C. m. d. fuit 2. 12° Nam ecclesia 145 sancti Georgii, que athenus a nullo Sarracenorum potuit violari, tunc destructa est cum aliis multis ecclesiis sanctorum 2.

VARIE LECTIONES.

141 engolismense 1. egolismense 2. 142 ainardō abbatis. petrus 1. 143 devitate 1. 144 sarcernis c. 145 ecclesie c.

NOTÆ.

(127) Idem qui supra c. 34 Aldebertus; ita etiam Alduinus et Hilduinus. Aldegarius et Hildegarius eadem sunt nomina.

(128) Le Dorat.

(129) Cf. c. 34.

(130) Pronepos; cf. præf. n. 2.

(131) De mortis tempore nihil constat.

(132) La Vienne.

(133) Alduinus.

(134) Cf. Glaber Rod. III, 10, qui hæc fusius narrat.

(135) Id est Cairo, ideo Ægypti.

(136) Mortemart.

miticam ecclesiam, ubi Christus natus est, cum niterentur destruere, apparuit eis lux fulgurans subito, et omnis eorum multitudo corruens exspiravit, et ecclesia 1^a intacta remansit. Ad monasterium quoque montis Sinai 2^a decem milia Sarracenorum armatorum venientes destruendum, longe quatuor milibus conspiciunt totum montem ardere et flammam usque in celum ferri, et cuncta ibi posita cum hominibus manere illesa. Quod cum renunciassent regi Babilonio, penitentia ductus tam ipse quam populus Sarracenus, valde doluerunt de his quæ contra christianos egissent, et data præceptione, jussit reëdificari basilicam sepulchri gloriosi. Tamen redincepta basilica, non fuit amplius similis priori nec pulchritudine nec magnitudine, quam Helena mater Constantini regali sumptu perfecerat. Mox e vestigio super omnem terram Sarracenorum fames incanduit per tres annos, et innumerabilis eorum multitudo fame mortua est, ita ut plateæ et deserta cadaveribus ¹⁴⁶ replerentur, et fierent homines cibum et sepultura feris et avibus. Secuta est eos gladii vastitas. Nam gentes Arabiæ super terram eorum diffusæ sunt, et qui remanserant fame, gladiis interierunt. Captus est ab eis rex Babilonius, qui se contra Deum erexerat in superbiam, et vivus, ventre secto, visceribus extractis 3^a, mortuus est. Venter ejus lapidibus oppletus, consutus est, et cadaver, ligato plumbo ad collum, in mare demersum est.

48. Eo anno Rodulfus Petragoricensis episcopus ab Hierosolimis rediens 4^a, obiit Petragoricæ, et successit pro eo Arnaldus. Qui apud Sanctum Benedictum Nantolio (137) consecratus est 5^a a Siguino Burdegalæ archiepiscopo 6^a. Tunc Gauzbertus, princeps castri Malamortensis, captus ad Eblo vice comite Combornis, retrusus in castro fortissimo Melurensi, Deo violente a suis rusticis 7^a, castro expugnato et mox capto, ereptus est, et castrum destructum 8^a est. Et Hierosolimam pergens, defunctus est 9^a, et miraculis post mortem clarescere cepit. Erat enim valde ecclesiasticus, et honeste se agebat.

49. Circa hoc tempus Alduinus episcopus, acceptis pretiosioribus sancti Marcialis ornamentis et vesti-

mentis, et multa affluentia argenti, quia in manu sua abbatiam habebat emptam a Widone, prope-ravit ante quadragesimam cum Willelmo duce Romam, et in tristicia monachos sancti Marcialis reliquit. Mox eo recedente, ad sepulchrum beati Marcialis plurima ceperunt choruscare miracula, quæ leticiam monachis et cunctæ Aquitanicæ plenam ingesserunt. Nam nobilissimi Aquitanorum et Francorum principum atque Italorum eo anno Lemovicæ pascha cum frequentia sancti Marcialis gloriose celebraverunt. Reversus episcopus basilicam sedis sancti Stephani, quam sanctus Marcialis dedicaverat, destruendam et amplificandam disposuit, et lineas ad fundamenta ¹⁴⁷ jecit, ut post dies 15 insisteret operi. Abiensque inde ad ecclesiam Agento (138) supradictam 10^a, ibi spiritum exalavit (an. 1012 vel 1013). Delatum est corpus ejus Lemovicam, apud sedem vigiliis observatum, apud Sanctum Martinum sepultum. Successit pro eo reverentissimus Geraldus, nepos ejus. Consecratus et Pietavis apud Sanctum Hylarium 11^a a Siguino archiepiscopo. Non enim potuit esse Gauzlenus Bituricensis archiepiscopus, quia necdum receptus erat in sede Biturica. Habuit tamen ibi missos suos ex sancti Benedicti monachis. Simul interfuerunt episcopi Gislebertus Pictavensis, Arnaldus Petragoricensis, Islo Santonicensis, Grimoardus Engolismensis. Post benedictionem 12^a comitati sunt eum usque Lemovicam Arnaldus et Grimoardus episcopi. Primum ad Sanctum Marcialem venerunt simul 13^a, et recepti sunt a monachis. Inde monachi eos duxerunt cum antiphonis usque ad ecclesiam Cairoensem (139). Ibi in cathedra sedit, et humeris populi vectus, canonicis antiphonas concinentibus textum Evangelii a Grimoardo episcopo legendum sumpsit, et ita benedicens dextera assidue, ad hostium basilicæ sancti Stephani cum gloria deductus est. Grimoardus tradidit ei portas ecclesiæ, Arnaldus cordas signorum, et ambo in sede sancti Marcialis intronizaverunt eum, et clara voce, Te Deum laudamus, Arnaldus episcopus intonuit. Episcopum sedentem osculati sunt omnes; deinde missam celebraverunt de martirio sancti Theodori, cujus festivitas ipso die (140) agebatur.

1^a et sic ecclesia Dei genitricis 2. 2^a Sinai, ubi quingenti et eo amplius monachi sub imperio abbatis manebant, habentes ibidem proprium episcopum, venerunt Sarracenorum decem milia armatorum, ut monachos perimentes, habitacula eorum cum ecclesiis diruerent. Propinquantes autem, a quatuor fere milibus conspiciunt totum montem ardentem et fumantem, flammamque in celum ferri 2. 3^a e. impiam animam ab paratrum projecit 2. 4^a retulit quæ viderat ibi infanda, et *add.* 2. 5^a diebus quadragesime *add.* 2. 6^a a Grimoardo et Islone episcopis (141) *add.* 2. 7^a r. in frunalibus quodam mane subito expugnato et mox capto castro 2. 8^a flammis datum 2. 9^a in revertendo *add.* 2. 10^a unde monachos extruserat *add.* 2. 11^a Ylarium mense Novembri pro ¹⁴⁸ omnibus gradibus ecclesiasticis a Gisleberto episcopo, et in gradu pontificali a Siguino monacho, archiepiscopo Burdegalensi. 12^a quæ dominica die peracta est *add.* 2. 13^a simul — duxerunt *des.* 2.

VARIE LECTIONES.

¹⁴⁶ cadaveribus 1. ¹⁴⁷ fundamenta 1. ¹⁴⁸ p. c.

NOTÆ.

(137) Nanteuil.
(138) Ahun.
(139) De Queroir.

(140) Die 9 aut 12 Nov.
(141) Engolismensi et Sanctonensi.

Per dies septem indutus processit stola sanctificata cum indumentis 1^a et cappa Romana, absque capsula 2^a, et per eosdem continuos dies missam 3^a celebravit 4^a. Tunc abbas Gosfridus basilicam regalem majori opere cœpit renovare (142) (*an.* 1017). Quadragesima vero media (*an.* 1018) cum nocturnis vigiliis multitudo maxima in eadem aulam ad tumulum beati Marcialis properantes intrarent, viri cum mulieribus plus 50 invicem conculcati intra ecclesiam expiraverunt, et die crastina sepulti sunt. Episcopus Geraldus Romam abierat; ideo per Arnaldum missum est episcopus, qui 5^a cum aqua episcopali ecclesiam reconciliavit. Paulo post exorti sunt per Aquitaniam Manichei, seducentes plebem. Negabant baptismum et crucem et quidquid sanæ doctrinæ est. Abstinentes a cibis, quasi monachi apparabant, et castitatem simulabant, sed inter se ipsos omnem luxuriam exercebant, et nuntii antichristi erant, multosque a fide exorbitare fecerunt.

50. Per hoc tempus Willelmus, cognomine Buccauncta, comes Matisconensis 6^a, castellum ædificavit contra Cluniacense ¹⁴⁹ monasterium propter superandum Hugonem omnem. Pro qua re cum divina censura percussit, ut nullo modo deinceps ereptus gressum ageret. Et paucis interpositis diebus, Hugo comes subito ipsum castrum vi cepit atque solo coequavit. Defuncto Gosfrido abbate (*an.* 1019), Hugo ei successit; sed episcopus Geraldus adversus ei exstitit, prohibens ei dare consecrationem causa zeli, quia non poterat vindicare sibi abbatiam; ideo per biennium seditio non minima fuit civilis, donec ratione crubescens ¹⁵⁰ episcopus domno Hugoni assensit. Et episcopus, quia thesaurarius Sancti Hilarii erat, dum ante festivitatem omnium sanctorum Pictavis iret, in Sancto Carrofo egrotans, intra 15 dies obiit (*an.* 1020), et ibi sepultus est. At caput ejus tabula plumbea posita est ita scripta: *Hic requiescit Geraldus episcopus Lemovicæ, obiit 3 Idus Novembris. Prefuit eidem sedi 8 annis.* Post mortem ejus successit Jordanus episcopus.

51. Per hos annos Odo, princeps Dolensis (143) vi et ingenio cepit castrum Argentomum (144), et ab eo vicecomitem Widonem expulsi. Idem Odo juxta Masciacum (145) monasterium castrum ædificavit, quod rex Rotbertus expugnans capere nequivit; et sic frustatus recessit. His temporibus basilica sancti Martini Turonica, ab Arveo thesaurario magno cultu inchoata, ad finem perducta, et corpore sancti Martini sublevato, cum gloria magna consecrata est in honore 12 apostolorum. His etiam temporibus ecclesia sancti Petri sedis Engolismensis dedicata est a tribus episcopis, a Siguino monacho Burdegalensi, a Grimcardo et Islone fratre 7^a ejus. Quibus temporibus ecclesia sanctæ Resurrectionis ante basilicam beati Eparchii terræ motu 8^a subversa est, et ibidem clocarium inceptum est. Gisberto quoque Pictavino episcopo reverenti simo diem claudente (*circa an.* 1020), et Malliacensi monasterio humato, succedit Isembertus episcopus.

52. His diebus, in parasceve, post crucem adorantam Roma terræ motu et nimio turbine periclitata est. Et confestim quidam Judeorum 9^a intimavit domno papæ, quia ea hora deludebant sinagogæ Judeorum Crucifixi figuram. Quod Benedictus (146) papa sollicite inquirens et comperiens, mox auctores sceleris capitali sententia dampnavit. Quibus decollatis, furor ventorum cessavit. Quo tempore Hugo, capellanus Almerici vicecomitis Rocacardensis, cum eodem senioro suo Tholosæ in pascha adfuit, et colaphum Judeo, sicut illic omni pascha semper moris est, imposuit, et cerebrum illico et oculos ex capite perfido ad terram effudit; et statim mortuus, a sinagoga Judeorum de basilica sancti Stephani elatus, sepulturæ datus est. Quo tempore Cordubenses Mauri per mare Gallicum subito cum multa classi Narbonæ per noctem appulerunt, et summo diliculo cum armis in circuitu civitatis sese effuderunt; et sicut ipsi nobis retulerunt 10^a, sortilogium eorum eis promiserat, prospere acturos et Narbonam capturos. At christiani quantotius corpus et sanguinem Dei a sacerdotibus accipientes communicaverunt, et præparantes se ad mortem, bello invaserunt Sarra-

1^a cum quibus benedictus fuerat *add.* 2. 2^a colobio tamen et casula 2. 3^a per stationem urbis missas 2. 4^a Non debemus prætermittere, quia per 15 dies altercatio fuit Pictavis pro eo, contradicentibus episcopis omnibus, non esse auctoritatem Patrum, ordinationes graduum ab ostiario usque ad presbyterum fieri debere, nisi per jejunia quatuor temporum anni et tota quadragesima per dies albatum usque in palmis; sed, ¹⁵¹ voluntas Willelmi ducis ¹⁵² prævalens, auctoritatem debitam oppilare non timuit. Per hos dies Iosfredus 2. 5^a post terciam diem *add.* 2. 6^a Masticonæ, quod est in Burgundia 2. 7^a f. e. *des.* 2. 8^a ruina subita 2. 9^a de schola Grecia *add.* 2. 10^a postea captivi *add.* 2.

VARIE LECTIONES.

¹⁴⁹ cluniacensis. 1. ¹⁵⁰ erubescans 1. ¹⁵¹ se c. ¹⁵² duci c.

NOTÆ.

(142) Cf. Ann. Lemov. a. 1017, 1018, SS. II. p. 254. Sed Geraldum jam a. 1013 Romæ reversum esse dicit Ademarus in epistola ap. Mab. Ann. IV, p. 721, ibidemque refert (p. 723), basilicam vetustam Salvatoris, quæ nimia vetustate tunc ruinam minitabat, ante septem annos (i. e. 1021) dirutam

esse usque ad solum.

(143) In Britannia.

(144) Argenton.

(145) Massai.

(146) Benedictus VIII.

cenos, et victoria potiti sunt, omnesque aut morte aut captivitate cum navibus et multis spoliis eorum retinuerunt, et captivos aut vendiderunt aut servire fecerunt, et Sancto Marciali Lemovicæ viginti Mauros corpore enormes transmiserunt dono muneris. Ex quibus abbas Gosfridus duos retinuit in servitute, ceteros diversit per principes peregrinos, qui de partibus diversis Lemovicam conveniant. Loquela eorum nequaquam erat Sarracenicæ, sed more catulorum loquentes, glatire videbantur.

53. Eo tempore infinita multitudo Normannorum ex Danamarcha et Iresca regione cum classe ¹⁵³ innumera appu erunt portum Aquitanicum. Et, sicut parentes egerant, conati sunt omnem Aquitaniam desertare et captivare. Itaque dux fortissimus Willelmus mandat ubique per episcopos, ut suaderent plebem Domini auxilium cum jejuniis et letaniis implorare. Ipse vero congregata manu valida electorum, mense Augusto, imminente jam nocte, circa litus maris secus eos castra disposuit. Pagani videntes tantam multitudinem, terrore compulsi, tota nocte minutas scrobes per circuitum ¹⁵⁴ foderunt et cespitibus operuerunt ut ignorantem equites ibi ruerunt. Itaque mane primo incautus exercitus, cum duce prima frontis acie præcurrente, equo super paganos frena laxans, mox per scrobes dilabitur. Et ruentibus equis cum sessoribus armorum pondere gravatis, pagani multos capiunt; et novissimi ¹⁵⁵ exercitus tarde cavantes dolum, equis dissibunt. Ipse dux, equo scrobem offendens, in præceps venit, et armis oneratus jamjam deciderat in manum adversariorum, nisi, Deo, qui eum semper custodit, robur et mentem ei ministrante, magno impetu saltum daret et velocissimo cursu sese redderet suis. Mox intermissum est bellum causa captorum, ne interimerentur; erant enim ex nobilioribus. Cum eo die ab utrisque nutaretur, sequenti nocte, plenitudine maris invitante, cum captis concite pagani navibus insiliunt, et auxilio pelagi liberantur, nec amplius fines illos inquietarunt ¹⁵⁶. Dux autem pro captis infinita pondera argenti misit, et unumquemque pensans argento redemit hominem.

54. Fuit dux iste a puericia doctus litteris, et satis noticiam scripturarum habuit. Librorum copiam in palatio suo servavit, et si forte a tumultu vacaret, lectioni per se ipsum operam dabat. Longioribus noctibus elucubrans in libris, donec somno vinceretur. Hoc Hludovicus imperator, hoc pa-

ter ejus Magnus Carolus assuescebant. Theodosius 1^o quoque victor augustus in aula palatii non modo legendo, verum et scribendo creberrime exercitabatur (147). Nam Octavianus Cesar Augustus post lectionem propria manu prælia sua et gesta Romanorum et alia quæque non seguis scribebat (148).

55. His temporibus Normanni supradicti, quod patres eorum nunquam ansi sunt facere, cum innumera classe Hiberniam insulam, quæ et Hirlunda dicitur, ingressi sunt una cum uxoribus et liberis et captivis christianis, quos fecerant sibi servos, ut, Hirlandis extinctis, ipsi pro eis inhabitarent opulentissimam ¹⁵⁷ terram. Quæ 12 civitates cum amplissimis episcopatibus et unum regem habet et propriam linguam, sed Latinas litteras Quam Sanctus Patricius Romanus ad fidem convertit, et ibi primus præfuit episcopus; quæ undique mari circumcincta est. Ibi solstitialis estiva nox ejusdem parvitatatis. Consertum est ergo prælium per triduum incessanter, et Normannorum nullus vivus exasit. Uxores eorum cum parvulis sese cunctæ in mare præcipites suffocarunt. Qui vivi capti sunt, feris ad laniandum ¹⁵⁸ projecti sunt. Unum ex captivum fuisse cognovit, et cum muneribus donavit. Rex vero Canotus de Danamarcha paganus, mortuo Adalrado rege Anglorum (an. 1016); regnum ejus dolo cepit, et regnum Anglorum in conjugium accepit, quæ erat soror comitis Rotomensis ¹⁵⁹ Richardi, et factus christianus, utraque regna tenuit, et quoscumque potuit ex pagani de Danamarcha ad fidem Christi pertraxit 2^o. Riegaro vero comite Rotomagi, filio Richardi, Normannos gubernante, multitudo eorum cum duce Rodulfo armati Romam, et inde conivente papa Benedicto Appuliam agressi, cuncta devastant (an. 1017). Contra quos exercitum Basilium intendit, et congressione bis et ter facta ¹⁶⁰, victores Normanni existunt. Quarto congressu cum gente Russorum (149) victi et prostati sunt et ad nichilum redacti, et innumeri ducti Constantinopolim, usque ad exitum vitæ in carceribus tribulati sunt. Unde exivit proverbium: *Grecus cum carruca leporem capit*. Tunc per triennium interclusa est via Hierosolimæ; nam propter iram Normannorum, quicumque invenirentur peregrini, a Grecis ligati Constantinopolim ducebantur, et ibi carcerati affligebantur. Item Normanni duce Rotgerio, ad occidendos paganos Hispaniam profecti (150), innumeros Sarracenorum deleverunt, et civitates vel castella ab eis abstulere multa. Primo

1^o Nam et Octaviannus Cesar Augustus in aula palatii non modo legendo verum et scribendo creberrime ¹⁶¹ gesta et alia queque non segnis scribebat. 2. 2^o Pater ejus paganus, nomine Asquec (151), solum regnum de Danamarcha tenuit. *add.* 2.

VARLÆ LECTIONES.

¹⁵³ classa *corr.* classe 1. ¹⁵⁴ circuitam 1. ¹⁵⁵ novissi 1. ¹⁵⁶ inequitarunt 1. ¹⁵⁷ opulantissimam 1. ¹⁵⁸ laniandum 1. ¹⁵⁹ rotomansis 1. ¹⁶⁰ facti *corr.* facta 1. ¹⁶¹ creberrime c.

NOTÆ.

(147) Cf. de Theodosio Juniore Hist. misc. xiv, ed. Murat. p. 96.

(148) Cf. Suetonii Vita Augusti, c. 85.

(149) Qui in Basilii exercitu fuisse videntur.

(150) Cf. Balazius Marca Hisp., p. 429.

(151) Suen. Tveskiaeg.

vero adventu suo Rotgerius, Sarracenis captis, unumquemque eorum per dies singulos, videntibus ceteris, quasi porcum per frustra ¹⁶² dividens, in caldarii coctum eis apponebat pro epulis, et in alia domo simulabat se comedere cum suis reliqua medietatis membra. Postquam ita omnes percurrisset, novissimum de custodia quasi negligens permittebat fugæ, qui hæc monstra Sarracenis nunciaret ¹. Qua de causa timore exanimati, vicinæ Hispaniæ Sarraceni cum rege suo Museto pacem a comitissa Barzelonensi Ermensende petunt, et annum tributum persolvere spondent. Erat enim hæc vidua, et Rotgerio suam filiam in matrimonium sociaverat. Cum quibus pace facta, Rotgerius cum ulteriore Hispania decertare cepit, et quadam die una cum ² 40 solummodo christianis ^B quingentos Sarracenorum electos in insidiis latentes offendit, cum quibus confligens, fratrem suum manzerem amisit, et tertio campum lustrans, et ³ plus centum adversarios extinxit, et cum suis propria revisit, nec ausi sunt Sarraceni persequi fugientem.

56. Per hos dies (152) dignatus est Dominus clarificare tempora serenissimi ducis Willelmi. In diebus suis namque caput sancti Johannis in basilica Angeriæensi, in theca ¹⁶³ saxeâ turrita in stற்பiraminendis ¹⁶⁴, inventum est ab Alduino clarissimo abbate (an. 1010 ?). Quod sanctum caput dicunt esse proprium baptistæ Johannis. Tunc Willelmus dux post paschales dies Roma regressus, hoc audito, repletus est gaudio, et sanctum caput populis ostendendum decrevit. Est reconditum ^C ipsum caput in turribus argenteo, ubi litteræ leguntur : *Hic requiescit caput præcursoris Domini*. A quo tamen vel quo tempore vel unde huc delatum, vel si præcursoris Domini sit, haudquam fideliter patet ¹⁶⁵. In gestis enim Pipini regis, cum de minoribus legatur rebus, ex hac, quæ ex maximis est, causa relicta, et scriptura ex eo facta (153) nequaquam non futilis ab eruditis dijudicetur ⁴. Non enim Pipinus in diebus Theophili nec tempore Wandalorum exiit, nec caput præ-

¹ ita fabulam Tiestis veram adimplens *add.* 2. ² Petro episcopo Tolose (154) et *add.* 2. ³ Tercioque acies adversarias irrumpens 2. ⁴ In hac enim frivola refertur pagina, in diebus Pipini regis Aquitaniæ quemdam Felicem detulisse ab Alexandria per mare in Aquitaniam caput sancti Johannis Baptistæ. Et tunc temporis Alexandria præfuisse Theophilum archiepiscopum, cujus Lucas in principio actuum apostolorum meminit dicens : *Primum quidem sermonem feci de omnibus, o Theophile*; et peractum esse prælium in Alniensi pago inter Pipinum regem et Walados; ipsumque caput super quosdam interfectos satellites suos impositum a rege, et eos mox resuscitados esse. *add.* 2. ⁵ Legimus in Aquitanorum legitimus ¹⁶⁶, primo inventum ¹⁶⁹ caput sancti præcursoris a duobus monachis per revelationem in eo quo ventum est; deinceps autem a Theodosio imperatore delatum in civitatem regiam Constantinopolim, ibidemque venerari. Itaque ut ad propositum redeamus *add.* 2. ⁶ Francorum Røthbertus, rex Navarre Sancius, omnesque dignitates eorum conflugere 2. ⁷ gabata 2. ⁸ odoscericis et auro textis *add.* 2. ⁹ per Pictavis *add.* 2. ¹⁰ diem festum agentes *add.* 2. ¹². ante caput sancti Johannis 2. ¹² festive more *add.* 2.

VARIE LECTIONES.

¹⁶² frustra 1. ¹⁶³ techaxasea 1. ¹⁶⁴ piramedis *corr.* pyramidis 1. ¹⁶⁵ pater 1. ¹⁶⁶ Pertractis 1. ¹⁶⁷ popularis 1. ¹⁶⁸ ita c. legendis *ed.* ¹⁶⁹ metu c.

NOTE.

(152) Anno 1010 vulgo statuitur, quod falsum puto.

(153) Cf. Acta SS. Jun. IV, p. 754 sqq., ubi his-

cursoris Domini Alexandriæ habitum est ⁵. Itaque dum inventum ostenderetur caput sancti Johannis, omnis Aquitania et Gallia, Italia et Hispania ad famam commota, ibi occurrere certatim festinat (*Oct*). Rex quoque Røthbertus ⁶ ac regina, rex Navarræ, dux Wasconicæ Sancius, Odo Campanensis, comites et principes, cum episcopis et abbatibus, omnesque dignitates terrarum eo conflugere. Ubi omnes offerebant munera preciosa diversi generis ubi supradictus rex Francorum, oblata conca ⁷ ex auro purississimo pensante libras 30 et vestibus preciosis ⁸ ad ornatum ecclesiæ, a Willelmo duce reverenter susceptus ⁹, Franciam reversus est. Ultra omnem felicitatem et gloriam videbatur concursus psallentium cum reliquis sanctorum canonicorum, monachorum, undecunque ad memoriam sancti præcursoris festinantium. Inter quæ reliquiæ principis summi, qui pater est Aquitanorum et primus Galliarum spermologus, videlicet beati apostoli Marcialis, simul cum reliquiis sancti Stephani Lemovicæ sedis, illuc deferebantur. Protractis ¹⁶⁶ itaque sancti Marcialis in vectorio ex auro et gemmis pignoribus foris basilicam propriam, mox omnis Aquitania, quæ jam diu nimis pluviis laboraverat, adventu patris sui lætificatur serenitate reddita. Cum eisdem pigneribus abbas Josfredus atque episcopus Girardus cum principibus numerosis et omni innumerabili populo diverterunt in basilicam sancti Salvatoris Carrofi. Exieruntque eis obviam monachi cum omni plebe populari ¹⁶⁷ miliario uno, et cum apparatu honorifico ¹⁰, antiphonas excelsa voce intonantes, deduxerunt usque ad altare Salvatoris. Et missa celebrata, similis modo prosecuti sunt eos. Cumque in basilicam sancti præcursoris intrassent, celebravit ibi ¹¹ missam episcopus Giraldus de nativitate sancti baptistæ, cum esset mensis October. Canonici sancti Stephani cum monachis sancti Marcialis alternatim tropos ac laudes cecinerunt ¹²; et post missam episcopus cum capite sancti Johannis benedixit populum; et sic de miraculis sancti Marcialis, quæ per viam contigerant, valde lætantes,

toria fabulosa p. 756 edita est.
(154) Qui an hoc anno præfuerit, non constat.

quinto die ante festivitatem Omnium Sanctorum A reversi sunt. — Ea tempestate sanctus Leonardus confessor in Lemovicino, et sanctus Antoninus martyr in Cadurcino miraculis coruscabant, et undique populi eo confluebant. Et gloriosus dux recognitas Dei honorem, acito Odilone sanctissimo Cluniacensi ¹⁷⁰ abbate, in sancti Johannis monasterio regularem renovavit districtiorem, ubi Odilo abbatem Rainaldum disposuit, defuncto ¹ Alduno abbate. Et Rainaldo ² spiritum redente, Aimiricum pro eo dominus Odilo patrem præposuit (*circa an. 1020*). Item dum reliquias sancti Eparchii procederent ad sanctum præcursorem, delatus est pariter baculus ejusdem confessoris. Est ipse baculus pastoralis in summitate curvatus, ad cuius similitudinem super reliquias ejusdem sancti oris nocturnis usque sole oriente resplenduit in cælo igneus ³ baculus, quoad ventum est ad caput sancti Johannis, et miraculis a ^B ¹⁷¹ sancto Eparchio super infirmos sanatos peractis, cum leticia regressum est. Canonicis etiam sancti Petri sedis Egolismensis procedentibus cum reliquiis, cum subvectores earum, induti sacris tunicis, per profundum fluvium pertransissent, non senserunt aquam, sed acsi ¹⁷² per aridam ambulassent, nullum signum aquæ super eos nec super vestimenta vel calciamenta eorum apparuit ⁴. Contigit homines sancti Johannis et Willelmi ducis in ¹⁷³ Angeriaco vico tumultuari, et vulneratus est præpositus ducis ad mortem, et aula ejus ibi diruta. Tunc a primatibus malivolis, et precipue a Fulcone comite, qui tunc in servitio ducis Pictavis erat, tempore quadragesimæ suadebatur ei destruere locum sancti Johannis, et inde monachos C (¹⁵⁶) atque Arnaldo neonon et Isimberto episcopis, et a clarissimæ indolis Willelmo comite et Arnaldo Petragoricensi episcopo Lemovicam deductus, intronizatus est in sede sancti Marcialis (*an. 1021*). Archiepiscopus vero Bituricensis Gauzlenus, ad cuius diocesim vero Lemovica pertinet ¹², quia si sua auctoritate consecratus est episcopus ¹³ totum Lemovicinum excommunicavit, præter locum sancti Marcialis et quæ propriæ ad eum pertinebant, ipsumque prohibuit ab officio suo episcopum

57. Post mortem denique supradicti episcopi Giral-di (*an. 1020*) decertabant principes Lemovicenses pro episcopatu, cum Simoniaca heresi pontificatum vindicare conati. Tunc populus urbis letanias cum monachis et canonicis propter hoc peregit, et dux prudentissimus cum consiliario suo Willelmo comite Egolismensi apud Sanctum Junianum placitum habuit ex hac causa (*an. 1021, Jan.*). Adfuit ibi Wido vicecomes et omnes principes Lemovicinorum. Ibi Dei nutu elegit in episcopatus honore Jordanum prepositum ecclesiæ sancti Leonardi, magnæ nobilitatis et simplicitatis virum. Surgens mane dux a monasterio sancti Juniani, cum duobus episcopis Islone et Isimberto et multitudine principum, devenit ad urbem circa horam sextam. Cui obviam processit omnis civitas gaudens, et mox properat ad basilicam regalem (¹⁵⁵), receptus a monachis ⁷ cum textu sanctorum evangeliorum et timiamatherio ⁸, sicut semper ab eis dux solet excipi. Inde ad tumulum sancti Marcialis missam audivit; et juxta monasterium eo die regaliter hospitatus est. Crastino barbam electo benedici jubet et detondi, et sic ad sedem sancti Marcialis in aula sancti Stephani Jordanum deduxit, et cum baculo pastorali ibi eum gratis honore pontificali vestivit; eratque finis Januarii mensis, et reversus est Pictavis. Quadragesima superveniente dux Romam abiens, filio suo, prudentissimo adolescenti, Willelmo imperavit ¹⁷⁴, ut reverens ordinatum reperiret episcopum. Quod ille adimplere curavit, et media quadragesima ⁹ Angeriaco ante caput sancti Johannis ¹⁰ consecratus est episcopus ab Islone episcopo ¹¹ et Roone C (¹⁵⁶) atque Arnaldo neonon et Isimberto episcopis, et a clarissimæ indolis Willelmo comite et Arnaldo Petragoricensi episcopo Lemovicam deductus, intronizatus est in sede sancti Marcialis (*an. 1021*). Archiepiscopus vero Bituricensis Gauzlenus, ad cuius diocesim vero Lemovica pertinet ¹², quia si sua auctoritate consecratus est episcopus ¹³ totum Lemovicinum excommunicavit, præter locum sancti Marcialis et quæ propriæ ad eum pertinebant, ipsumque prohibuit ab officio suo episcopum

¹ nuper *add.* 2. ² post aliquot annos *add.* 2. ³ ignea virga, curvata nihilominus in fatigio 2. ⁴ 2. *hoc loco add.*: Interea caput — retinetur *quæ infra c. 58 leguntur*. Tunc vero *pergit*: Piramis autem saxea supervestita est ex tabulis ligneis deargentatis undique, ex oblatione copiosi argenti ¹⁷⁶, quod rex Navarræ Sancius obtulit beato præcursori. Quodam vero tempore postquam hæc acta sunt contigit. ⁵ monachorum senatum ejicere et canonicorum feritatem ibidem immittere 2. ⁶ 2. *hoc loco add.*: His temporibus cometes — devoravit *quæ infra c. 58. occurrunt*. ⁷ vestibus albis et cap-pis olocircis amictis *add.* 2. ⁸ candelabris quoque et aqua benedicta *add.* 2. ⁹ sabbato medie quadragesime 2. ¹⁰ diaconus et presbyter ordinatus est, et orastina dominica *add.* 2. ¹¹ archiepiscopo Burdegalensi 2. ¹² quia pecuniam requirebat pro impositione manuum, contemptus est et *add.* 2. ¹³ facta sinodo in Francia coram rege Rotberto, ubi septem archiepiscopi adfuerunt die pentecostes cum suffraganeis episcopis *add.* 2. ¹⁴ cum rationem reddere posset et sese purgare ¹⁷⁷ a culpa, si vellet, coram papa Romano ¹⁷⁸, scilicet contempsisse archiepiscopum proprium causa Simoniaca, tamen *add.* 2.

VARIE LECTIONES.

¹⁷⁰ cluniacensis 1. ¹⁷¹ ad 1 ¹⁷² axi 1. ¹⁷³ in — mortem *des.* 2. *decore* ¹⁷⁴ m 1. ¹⁷⁵ imperavi 1. ¹⁷⁶ arge c. ¹⁷⁷ sesse pugnare c. ¹⁷⁸ romana c.

NOTE.

(155) Sic sancti Martialis ecclesiam appellat; (156) Engolismensi.
cf. Ann. Lem. a. 1017, Mon. SS. II, p. 252.

Qui 14^a satisfaciens, nudis pedibus, cum centum clericis et monachis, omnibus similiter pedibus nudis, Bituricam sedem adiit, ubi archiepiscopus cum clero eis processit obviam, et cum honore eos deducens, quod ligaverat absolvit (*an.* 1022).

58. Interea 1^a caput sancti Johannis postquam satis ostensum est populis, reservatum est jussu Willelmi ducis, et reconditum in piramide pristina, ubi interius timiamatherio argenteo quod pendet catenulis, inclusum retinetur. His temporibus cometes velut ensis latior et longior contra septentrionem apparuit pluribus æstivis noctibus, et per Galliam et Italiam vestigio civitates, castella et monasteria igne cremata sunt plura; inter quæ Carroforum casu flamma combustum est cum basilica Salvatoris. Ecclesiam quoque sanctæ Crucis sedis Aurelianus et monasterium sancti Benedicti Floriacum et alia multa flamma devoravit. Dux quoque Willelmus, semper cogitans Dei voluntatem, regularem disciplinam restauravit in Sancto Carrofo (*an.* 1014 ?), ejecto Petro abbate, potentissimo 2^o, qui per Simoniacam heresim prælacionem optinuerat et sæculariter 3^o locum administrabat, et subrogato Gunbaldo regulari et Dei servo, abbate sancti Savini 4^o.

59. Eo tempore (*an.* 1022) 10 ex canonicis sanctæ Crucis Aurelianus, qui videbantur esse religiosiores aliis, probati sunt esse Manichei (157). Quos rex Rotbertus, cum nollet 5^o ad fidem reverti, primo a gradu sacerdotii deponi, deinde ab æcclesia eliminari, et demum igne cremari jussit. Nam ipsi decepti a quodam rustico 6^o, qui se dicebat facere virtutes, et pulverem ex mortuis pueris secum ferebat, de quo si quem posset communicare, mox Manicheum faciebat, adorabant diabolum, qui primo eis in Ætjopis, deinde angeli lucis figuratione apparebat, et eis multum cotidie argentum deferebat. Cujus verbis obedientes, penitus Christum latenter respuerant, et abominaciones et crimina, quæ dici etiam flagitium est, in occulto exercebant, et in aperto christianos veros se falebant. Nihilominus apud Tolosam inventi sunt Manichei, et ipsi destructi, et per

diversas. Occidentis partes nuntii antichristi exorti, per latibula sese occultare curabant, et quouscunque poterant viros et mulieres subvertebant. Quidam etiam Aurelianus 7^o canonicus cauctor, nomine Theobaldus, qui mortuus erat ante triennium in illa hæresi, ut perhibebant probati viri 179, religiosus visus fuerat 8^o. Cujus corpus, postquam probatum est, ejectum est de cinsiterio, jubente episcopo Odolrico, et projectum invium. Qui autem flammis judicati sunt supradicti decem cum Lisoio (158), quem rex valde dilexerat propter sanctitatem, quam eum habere credebat, securi nihil ignem timebant, et a flammis se inlesos exire promittebant, et ridentes in medio ignis ligati sunt. et sine mora penitus in cinerem redacti sunt, ut nec de ossibus residuum inveniretur eorum 9^o.

60. Quo tempore (*an.* 1021) Alimiricus princeps Ronconiensis 180 contra seniore suum Willelmum comitem Engolismæ, dum ipse Willelmus Romæ esset, castrum Fractabotum in Sanctonico extruxit per dies resurrectionis. Promiserat ei fidelitatem super reliquias sanctorum calciamentorum 10^o sancti Eparchii. Et quia perjurus contra ipsum fuit, post paucos dies a Josfredo, filio comitis supradicti, obviante ferro confossus, animam sine mora reliquit. Comes vero Willelmus cum Alduino filio castrum diu obsedit, et fortiter expugnatum capiens destruxit, et post multum tempus iterum reedificavit, et filio suo Josfredo commendavit. Guillelmus vero vicecomes Martiliacensis (159) et frater ejus Odolricus gravi discordia decetabant cum Alduino fratre eorum propter castrum Rofiacum multo tempore. Unde factum est, ut a Willelmo comite inter se pacificarentur, et pacem ipsam pactumque conditionis super corpus sancti Eparchii eidem jurarent. Quod inter se mentiti et perjurio rei, alter excecatus est, alii duo honore omni privati sunt. Nam Willelmus et Odolricus dolo ad se evocatum Alduinum prima ebdomada paschæ in traditione, postquam cum eis cœnaverat et in eorum hospitio dormierat, antequam a lecto surgeret, capiunt, et linguam ei amputant, et oculos effodiunt, et ita Rofiacum recuperant.

1^a Interea — devoravit *hoc loco desunt* 2.; *cf.* c. 69-70, n. 4^a, 6^a. 2^a seculari *add.* 2. 3^a et insipide *add.* 2. 4^a resta fecit, que placebant in oculis Domini. Ejectus vero Petrus, ad Sanctum Angelum Lemovicino monasterio mansit percussus paralisi longissima usque ad mortem. *add.* 2. 5^a alicatenus *add.* 2. 6^a Petragoricensi 181 *add.* 2. 7^a sancte Crucis Aurelianensis 2. 8^a peribebant heretici ipsi 2. 9^a His diebus quidam et principibus Engolismensum Gardradus, cum non filium haberet, ædificavit in Sanctonico pago a novo in honore sancti Stephani protomartyris cœnobium Baciacense (161), ubi regulares monachos adgregans, venerabilem Ainardum abbatem præfecit 182. Dedicavit ipsum locum Grimoardus Egolismensis (*an.* 1014 ?), et frater ejus Islo Sanctonicensis episcopus. Quem locum Gardadre, facto testamento, attitulavit Romanæ basilicæ sancti Petri, ut omnibus semper annis tributum quinque solidorum argenti exsolvatur super corpus sancti Petri. *add.* 2. 10^a sanctarum caligarum 2. *G. epp. Eng.*

VARIÆ LECTIONES.

179 vivi f. 180 roncomensis f. 181 petragoricumsi c. 182 perfecti c.

NOTÆ.

(157) Cf. Glaber Rod. III. 8

(158) Cf. Gesta synodi Aurel. Bouquet X, p. 537.

(159) Cf. c. 20, n...

Regressus itaque Roma Willelmus comes, tantam impietatem vindicare decrevit. Et accito duce Willelmo, Martiliacum obsedit, desolavit igne comburens, et traditoribus vitam et membra concessit, sed eos omni honore privavit, et Alduino cæcitate multato Rofiacum concessit. Et post aliquot annos, jubente eodem comite, Alduinus filius ejus Martiliacum reedificavit, et ad suum opus retinuit. Idem quoque Alduinus, jubente patre, Montiniacum castrum a novo extruxit.

61. Quo tempore (an. 1025) duo monachi sancti Marcialis ex primoribus, valde religione conspicui, sanctitate præclari, sapientia fulgidi 1°, qui se invicem præ omnibus diligebant, et omne monasterium duæ columpnæ sustinebant, et velut duo candelabra irradiabant, et juxta se ad mensam sedebant, Rotgerius cantor et Aldebertus armarius 2°, in die sancto Paschæ ambo per visum viderunt se vocari a Christo, et ipsa ebdomada laudabiliter finem vitæ acceperunt 3°. Tercius monachus sanctitate probabilis 4°, et mox abbas Ugo, dilectione Dei fortissimus, eos ad cœlestia subsecuti sunt, et succedit Odolricus abbas prudentissimus, quem consecravit Jordanus episcopus.

62. Quibus diebus (an. 1023), mense Januario (160), circa horam sextam eclipsis solis accidit per unam horam; luna quoque frequentius laborem passa est, nunc sanguinea, nunc cerulea, nunc deficiens; duæ quoque stellæ visæ sunt in austro, in signo leonis, inter se pugnare per totum autunnum, major et clarior ab oriente, minor ab occidente. Currebat minor quasi irascens et timens usque ad majorem, quæ ad se non sinebat eam proximare, sed crine radiorum longius percussam repellebat occidentem versus. Tempore subse-

culo defunctus est Benedictus papa (an. 1024), cui succedit Johannes. Clausit diem Basilius imperator Grecorum (an. 1025), imperavit pro eo Constantinus frater ejus. Excessit hominem Arbertus episcopus Colonix, miraculis post mortem clarescens. Emericus quoque imperator mortuus est sine filiis (an. 1024), et sacra imperialia moriens reliquit consanguineo 5° suo juniore Conrado. Qui paulo post ad extrema perductus, Cononi fortissimo et prudentissimo principi sceptrum et coronam et lanceam sacram commendavit, eo tenore ut si viveret hæc redderet, si moreretur haberet ipse imperium. Quod Dei voluntate actum est. Evasit enim languorem, sed privatus est imperio. Nam Conon, suadente papa Romano 6° et omnibus episcopis et proceribus regni, quia justitiæ libram premonstrabat, imperium assumpsit. Junior 7° vero, qui ei occasionem imperandi prebuerat, civili discidio contra eum agere cœpit, sed Conon 8° superior extitit. Hæc videbantur indicio stellarum majoris et minoris significari. Langobardi vero fine imperatoris gavis, destruunt palatium imperiale, quod erat Papiæ. Et jugum imperatorium a se excutere volentes, venerunt multi nobiliores eorum Pictavam urbem ad Willelmum duces Aquitanorum, et eum super se regem constituere cupiebant. Qui prudenter cavens, cum Willelmo comite Egoismæ Langobardorum fines penetravit (161), et diu placitum tenens cum ducibus Italiæ, nec in eis fidem reperiens, laudem et honorem eorum pro nihilo duxit. In revertendo sane nunciatur ei, Widonem vicecomitem obisse. Et intercedente Willelmo comite Egoismensi, præfecit Lemovicæ vicecomitem Ademarum in loco defuncti patris sui.

1° sacerdotio sublimati add. 2. 2° cantor inclite generositatis, frater decani gloriosi Adalberti, armarius 2. 3° correpti brevi¹⁶³ et acri langore add. 2. 4° Fulcherius add. 2. 5° reliquit fratri suo Bruno episcopo urbis Osburc, et archiepiscopo Colonix, necnon et archiepiscopo Mongontix, ut ipsi eligerent..... antes¹⁶⁶ post se imperatorem. Qui episcopi, adunato regno, indixerunt letanias et¹⁶⁷ jejunia ad Dominum pro hac causa. Tunc populi elegerunt Cononem nepotem Emerici imperatoris defuncti. Episcopi vero saniori consilio elegerunt alterum Cononem¹⁶⁸, qui neptem Emerici in conjugium habebat, pro eo quod esset fortis animo et rectissimus in judicio. Quem ordinarunt consecrationis oleo in regali gradu apud¹⁶⁹ Mogonciam civitatem, et tradiderunt ei sceptrum et coronam et lanceam sancti Mauricii. Adveniente vero pascha Romam cum innumero exercitu tendit, et quia Romani cives noluerunt ei aperire, nec ad effectum perveniendum sine plurimo hominum sanguine fuso erat. noluit Conon imperator paschalem festivitatem cruore humano perfundi, et hac de re Ravennæ sese continuit. Ibi (162) dominus papa attulit ei coronam imperii, et eum die sancto Pasche (an. 1027) in imperio Romanorum manibus suis coronavit. Alio vero anno in ipso sanctæ Paschæ die Aquisgrani filium suum dominus Conon¹⁷⁰ imperator consecrare jussit in regem. Eratque idem consecratus rex etate pauculus¹⁷¹, nomine Emericus (an. 1028). Ibi interfuerunt tam de Italia quam de Gallia 77 episcopi. Et ita dominus Conon, suadente 2. 6° Johanne add. 2. 7° Junior autem Conon¹⁶⁹ qui judicio titubantis populi electus fuerat civili 2. 8° imperator valuit in tantum, ut eum vivum caperet et in custodia quantum sibi visum fuit retineret. Hec profecto 2.

VARIE LECTIONES.

¹⁶³ ita 2 finem corr. fidem 1. ¹⁶⁴ nunciatur 1. ¹⁶⁵ brevu c. ¹⁶⁶ vocabulum jam haud legibile c..... creantes? ¹⁶⁷ et jejuni legi non possunt c. ¹⁶⁸ conone c. ¹⁶⁹ op c. ¹⁷⁰ conom c. ¹⁷¹ pauciulus c. ¹⁷² quo non c.

NOTÆ.

(160) Die 23 Jan. Eodem mense die 9 eclipsis lunæ fuit.

(161) Cf. Fulberti epistolæ 118-126.

(162) Interpolatorum plures errores commisisse patet.

63. Per hæc tempora (*an.* 1022) Arveus (163), sanctitate insignis, thesaurarius sancti Martini Turonis ¹⁹³, obiit in Christo, sepultus in atrio basilicæ mediæ ad pedes crucifixi. Hic Turonis a novo construxit oratorium in honore genetricis Dei, ubi sanctimonialium congregationem sub regulæ magisterio Deo servire constituit.

64. Tunc temporis comes Andegavensis Folco, cum manifeste superare nequiret Arbertum Cenomannis comitem ¹, dolo acciit eum in capitolium Sanctonæ urbis, quasi in beneficio urbem ipsam ei concederet. Et incautum et nihil mali suspicantem, inclusum capitolio nefanda eum cepit traditione, primæ ebdomadæ quadragesimæ secundo die. Uxor vero ejus uxorem Arberti dolo temptavit capere ipso die, antequam virum captum audivit ², sed ad eam quidam anticipavit prodere cautelam. Ideo Folco uxorem Arberti et principes timens, non est ausus eum interficere, sed biennio carceratum diligentissime custodivit, et a manibus ejus Dominus innocentem eripuit. Quo ³ tempore (*an.* 1026) gloriosissimus Ricardus Rotomagensis comes obiit, sepultus apud Fescanum cœnobium, in basilica sanctæ Trinitatis. Et succedit pro eo Ricardus filius ejus, et ipse non longo post tempore veneno extinctus est (*an.* 1028) succeditque pro eo Rotbertus frater ejus.

65. Eo tempore (*an.* 1026) Willelmus Egolismensis comes per Bajoariam iter egit ad sepulchrum Domini (164) Comitatu sunt eum Odo Bituricus, princeps Dolensis, Ricardus abbas Verdunensis, Ricardus abbas sancti Eparchii Egolismensis, et princeps ejus et consiliarius ejus Giraldus Fanesinus, et Amalfredus postea abbas, et magna caterva nobilium. Stephanus rex Ungriæ cum omni honore eum suscepit et muneribus ditavit. Cœpit iter agere mensis Octubris primo die (*an.* 1026), et pervenit in sanctam civitatem prima ebdomadæ mensis Marcii (*an.* 1027), reversusque est tertia ebdomadæ mensis Junii ad propria. Diverit per Lemovicam revertens, ubi omnis multitudo monachorum sancti Martialis splen-

A dore festivo obviam exeuntes exceperunt eum. At ubi rumor adventus ejus Egolismam pervenit, omnes principes non solum Egolismensium sed etiam Petragoricensium et Sanctonum, omnisque ætas et sexus ad eum occurrit gaudio perfusa, eum cernere desiderans. Clerus vero monasticus sancti Eparchii in vestibus albis diversisque ornamentis cum magna multitudine populi et clericorum sive canonicorum gaudens processit obviam ei extra civitatem miliario uno cum laudibus et antiphonis. Et omnes in excelsum vociferantes : Te Deum laudamus, deduxerunt eum, ut moris est. Tunc Amalfredum monachum, qui cum eo fuerat, elegit abbatem ex basilica beati Eparchii. Nam abbas Ricardus Solombria (165) civitate Greciæ citra Constantinopolim in eundo obierat, et ibi sepultus est vigilia epifaniorum. Ordinavit supradictum abbatem Roo episcopus, ubi ipse comes et abbas sancti Martialis Odolricus, stipatus dignitate monachorum, et abbates vicini et maxima nobilitas principum presentes adfuerunt.

66. Eodem vero anno correptus est languore corporis idem comes usque ad mortem. Quo anno Sanctonas urbs ⁴ ab impiis christianis concremata est cum ipsa basilica sancti Petri sedis episcopalis ⁵, et diu permansit desertus ipse locus a divino cultu. Et hanc injuriam Dei comes supradictus vindicare volens, paulatim cœpit viribus corporis destitui, et in urbe Egolisma secus æcclesiam sancti Andreæ propter offitium divinum jubet sibi domum preparare, in qua ægrotans decumbere cœpit (*an.* 1028). Ubi incessanter e diversis partibus cuncti principes et nobiles eum visitabant. Cumque dicerent nonnulli, maleficis artibus eum ægrotare — solebat enim robusto et sano corpore vigere — tunc vero nec more senum nec more juvenum corpore fatesceret, detecta est quedam malefica mulier artes maleficas contra eum exercuisse. Quæ cum non confiteretur, juditio Dei commissum est, ut quod verum latebat eventu victoriæ inter duos campiones probaretur. Factis ergo sacramentis, decertaverunt

¹ filium Ugonis *add.* 2. ² antequam audiretur inter ipsos traditio Arberti ². ³ Quo tempore — principum presentes adfuerunt *desunt* 2 ⁴ quod dici dolor est *add.* 2. ⁵ *Sequentibus omissis, pergit* 2 : Permansit Stephanus vero, et exiliens corpore inlesus, eadem ora venit currens pedibus gratias Deo referre ad tumulum beati Eparchii, ubi nocte præterita pervigil excubaverat, et deinde equitans reversus est in civitatem, ut reficeret. Malefica vero, multis tormentis ignorante comite mox excruciat ¹⁹³, nec sic confessa est, et a diabolo corde obturato, nullum verbum vel vocem ex ore proferebat, a tribus vero tantum mulieribus, que cum ea interfuerunt his maleficiis, convicta est testimoniis, quasdamque fantasticas ex limo ¹⁹⁵ imagines desubtus terra eodem ¹⁹⁶ mulieres extraxerunt coram omnibus, jam putrefactas ¹⁹⁷ diuturnitate. Comes ergo pepercit ¹⁹⁸ malefice mulieri, nec sivit eam tormentari ulterius, et vitam ei concessit. Narrat Hieronymus in expositione Danielis que etiam in Gestis epp. Engol. c. 25 leguntur. Hæc in sequentibus quoque cum 2 conveniunt sed multa plura continent additamenta.

VARIE LECTIONES.

¹⁹³ uronis — hic *desunt* 2 ubi pro Turonis etiam furoris legitur. ¹⁹⁴ excruciat *c.* ¹⁹⁵ lino *Gesta epp. Eng. c.* 25. ¹⁹⁶ cedem *c.* ¹⁹⁷ putrefacta *c.* ¹⁹⁸ pepercit *c.*

NOTÆ

(163) Cf. Glaber Rod. III, 4.
(164) *Gesta epp. Engol. c.* 25 *add.* : Nam ante eum per illas partes nullus præterierat, quippe

quia novella adhuc Christianitas per Ungriam et Slavoniam erat.
(65) Selebria.

inter se diu multumque missus comitis Stephanus et defensor maleficæ Willelmus. Stephanus victor sine dampno sui corporis fuit; alter capite quasato, sanguine coopertus, ab hora tacita usque nonam in pedibus stans, victus semivivus in manibus deportatus, longo ¹⁹⁹ tempore lecto decubuit. Nec sic malefica confessa est, a tribus tamen mulieribus, quæ his maleficiis cum ea interfuerunt, testimoniis convicta est. Narrat Hieronymus Anthioecum ²⁰⁰ Epifanen fantasiis maleficorum versum in amentiam, et quibusdam erroribus oppressum morbo interisse. Nec ¹ mirum, si Deus permittit, christianum præstigiis maleficorum corpore ægrota- re, cum beatum Job sciamus a diabolo percussum gravi ulcere, et Paulum ab angelo sathanæ colaphizatum, nec timenda sit corporis perituri ægrotatio, graviorque sit animarum quam corporum percussio. Comes ergo pepercit maleficæ mulieri nec sinit eam tormentari. Ab episcopis vero et abbatibus penitenciam accipiens idem Willelmus comes, omniaque sua disponens, et inter filios suos et conjugem suam nominatim, prout sibi visum est, honorem suum ordinans, reconciliatus et absolutus est, et toto quadragesimæ tempore missas et cultum ²⁰¹ Dei frequentavit, quousque prima ebdomada majori ante pascha oleo sancto et viatico muniretur, et ligno ²⁰² crucis adorato et deosculato, in manibus episcopi Roonis et sacerdotum spiritum laudabili fine et memoria deo redderet ²⁰³ (an. 1028, Ap. 6). Per biduum observatum est corpus ejus a clericis et monachis in basilica sedis Petri apostoli. Planctu ² tota civitas repleta est, Dominica sancta (Apr. 7) osanna cum ramis et floribus delatum est corpus ad basilicam beati Eparchii, et sepultum ibi ante altare sancti Dionisii. Sepelierunt eum duo episcopi Roo Egolismensis et Arnaldus Petragoricensis, Ad capud ejus jussit filius ejus Alduinus poni tabulam plumbeam ita scriptam: *Hic jacet dominus et amabilis Willelmus comes Egolismæ, qui ipso anno, quo venit de Hierusalem, obiit in pace 8 Idus Aprilis, vigilia osanna, 1028 anno ab incarnatione, et tota sua progenies*

A jacet in loco sancti Eparchii 3. Itaque post sepulturam ejus processerunt episcopi cum clero et populo ad sanctam processionem dominicam, et stationem ⁴ peregrerunt. Successit pro Willelmo Hilduinus filius ejus in principatu Egolismæ, et præclarum læticiæ signum in initio principatus ejus ostensum est, cum de dolore sepulturæ transiit populus ad lætitiã, obviam Domino exclamans: *Osanna in excelsis; benedictum regnum patris nostri David*, preferens manibus victoriæ palmas, ramos securitatis et flores suavitatis. Optulit supradictus Willelmus pro sepultura sua sancto Eparchio diversa et preciosa munera ⁵, auro et argento multo, et curpivit ²⁰⁴ Vasnacum Boscum, et laxavit (466) duo candelabra argentea pensantia trecentos B solidos, et laxavit unam crucem auream cum gemmis processionalem.

67. Crastina vero ²⁰⁵ post sepulturam ejus die Blavia castrum dolo subtractum est comiti Alduino a Josfredo fratre ejus. Mox ⁶ comes Ilduinus cum virtute militari illuc tendit, et cito ipsum castrum capiens in deditionem accepit, et missa illic custodia militum. Egolismam regreditur ad celebrandum pascha. Quo regresso, frater ejus Josfredus pro dies fortissimos parascève et sepulturæ et paschæ contra Blaviam extruxit aliud novum castellum. Hoc comperto, Ilduinus nequaquam prætermisit opus Dei, sed cum magna gloria et læticia sanctum pascha celebravit (April. 14). Et post diem tertium festivitatis, commoto electo exercitu, ad bellum committendum exiit; audiverat enim fratrem suum velle cum eo conflagi et exercitum adgregari. Itaque castrum noviter munitum obsedit ⁷, et prelium præstolatur feroci corde. Sed nequaquam frater ejus præsumsit eum lacescere ²⁰⁶ ad pugnam, videns robustam eum habere manum; et ⁸ post dies octo, expugnato et capto castro, supplex venit ad eum, cui protinus comes Ilduinus ignovit et pacem consensit, et facti sunt amici. Et tunc in beneficio tres partes Blaviæ comes concessit fratri suo Josfredo, quartam sibi retinuit, et conditionibus congruis pacificati sunt amore præcipuo ⁹.

¹ Nec — tormentari desunt 2, ubi ultima tamen supra leguntur; cf. n. 2. ² Planctu t. c. r. est desunt 2, leguntur in Gestis epp. Engol., ubi etiam additur: multitudo nobilium et turbarum undique flens advenit. ³ Interea jussu Alduini flammis exuste sunt malefice mulieres extra urbem. Postquam vero comes sepultus est, mox processerunt 2. G. epp. Eng. ⁴ sollempniter add. 2. ⁵ tam in terris quam in filiis ²⁰⁷, auro et argento multo aliisque rebus. Inter cetera ²⁰⁸ donaria obtulit crucem auream cum gemmis preciosis pensantem libras septem, candelabra argentea Sarrasensis ²⁰⁹ fabrefacta pensantia ²¹⁰ libras quindecim, 2. G. epp. Eng., quæ etiam ad.: totam siluam de Veniaco, quæ antiquitus in dominio sancti Eparchii fuerat, sed demum propter abalienata illi erat ab antecessoribus comitibus. ⁶ Mox comes — exercitum adgregari desunt 2. ⁷ illico add. 2. ⁸ et post — sunt amici desunt 2. ⁹ Tunc Josfredus filium ²¹¹ suum commendavit in manibus fratri suo Alduino comiti propter castra duo, quæ sunt in Sanctonico, scilicet Archiacum et Botamvillam, quæ semper adtinent ad comitem ²¹² Egolismensem ²¹³ add. 2. G. epp. Eng.

VARLE LECTIONES.

¹⁹⁹ longuo 1. ²⁰⁰ anthioecum eraso h 1. ²⁰¹ cultu 1. ²⁰² lignum 1. ²⁰³ reddere 1. ²⁰⁴ fort legendum: guerpivit. ²⁰⁵ u. die p. s. e. die 1. ²⁰⁶ lasescere 1. ²⁰⁷ silvis G. epp. Eng. ²⁰⁸ ca c. ²⁰⁹ sarrasiva G. epp. Eng. ²¹⁰ pensancie c. ²¹¹ filii c. ²¹² comitatum G. epp. Eng. ²¹³ etglmeensem c.

NOTÆ.

(166) Id est dimisit, tradidit, a laxare, laisser.

68. Qua tempestate Odolricus, sancti Marcialis abbas vigilantissimæ honestatis, Egolismam venit ad Ilduinum comitem. Ipse vero tunc donavit sancto Marciali æcclesiam sanctæ Mariæ in territorio Burdegalensi cum insula magna Dornoniæ (167), in qua est cita; et est ipsa insula vel æcclesia uno plus miliario a castro Franciaco, quod erat in dominio proprietatis supradicti comitis cum omnibus in circuitu terris et castellis. Quam possessionem retinebat ex jure hæreditario uxoris suæ nobilissimæ, comitissæ Alaiziæ. Pater vero ejus Willelmus reversus a Hierosolimis, multis principibus 1^o bonum fuit exemplum. Confestim enim Isimburtus episcopus Pictavinus, et Jordanus episcopus Lemovicus, et comes Fulco, pluresque primatum 2^o Hierosolimam tendunt.

69. His diebus concilium adgregavit episcoporum et abbatum dux Willelmus apud sanctum Carolum, propter extinguendas hæreses, quæ vulgo a Manicheis disseminabantur. Ibi adfuerunt omnes Aquitanicæ principes, quibus precepit pacem fir-

A mare et æcclesiam Dei catholicam venerari. Siguino vero Burdegalensi defuncto archiepiscopo. (circa an. 1020), et Acio post eum ordinato, et non longe post vita privato, dux Aquitanicæ Willelmus et dux Wasconicæ Sancius adgregato conventu apud Blaviam (circa an. 1027), constituerunt archiepiscopum Gotefridum, natione 214 Francum, moribus honestum. Qui ibidem 3^o consecratus est a suffraganeis 215 episcopis 4^o.

B 70. Rex quoque Navarræ Sancius, adhibitis secum Wasconibus, super Sarracenos exercitum duxit, et devastata Hispania, cum multis spoliis et magno triumpho remeavit (an. 1027). Ipso denique anno rex Gallitanus Adefonsus Sarracenos populatus est magna infestatione, et quadam Hispanicæ civitate per obsidionem pene 5^o sese tradente ei, dum ipse, armis depositis, furentes extrinsecus christianos a certamine sedaret hostium, ab adversariis, quibus parcere deliberavit, ictu sagittæ foris muros vulneratus interiit, et sic exercitus ejus dolore non sine magno regreditur, lugens principem suum 6^o.

1^o nobilibus, mediocribus et pauperibus 2. *Gesta epp. Eng.* 2^o et infinita multitudo mediocrium et pauperum ac divitum *add. 2. G. epp. Eng.* 3^o apud Sanctum Romanum *edd. 2.* 4^o Nam Hislo episcopus 216 Sanctonicensis, qui archiepiscopatum ipsum susceperat vivente et rogante Atio paralisi dampnato, sponte 217 dereliquit secundum canonum instituta *add. 2.* 5^o *deest. 2.* 6^o fortissimum *add. 2.*

VARIE LECTIONES.

214 natione 1. 215 suffrancis 1. 216 epis scesconioscis c. 217 spontie 1.

NOTE.

(167) Dordogne.

COMMEMORATO ABBATUM LEMOVICENSIIUM

BASILICÆ S. MARTIALIS APOSTOLI,

Auctore Ademaro monacho S. Cibardi.

(Apud Labheum, *Bibliotheca nova mss*, II, 271).

Anno 848 ab incarnatione Domini, indictione xi pridie Kalendas Aprilis, temporibus regum Lotharii et Caroli Calvi, nono anno post mortem Ludovici imperatoris filii Caroli Magni imperatoris et prælium Fontaneticum, mutatus est canonicalis habitus in monasticum in basilica Salvatoris mundi et Martialis ejus apostoli Lemovica civitate.

Hoc Ainardus abbas ipsius loci non invitus, sed voluntarius cum ipsis canonicis, Deo inspirante, egit, et tam ipse quam omnes canonici ejus semetipsos in eodem loco monachos fecerunt et noluerunt

C ex semitipsis abbatem constituere, sed regularem abbatem sancti Savini nomine Dodonem sibi abbatem elegerunt, et perfecte regulares exstiterunt.

Primus itaque abbas hujus loci ex monacho fuit idem Dodo, et præfuit tribus annis.

Secundus abbas Abbo præfuit annis xi, cujus anno quinto Carolus Calvus in regem Lemovicas unctus est a Rodulfo Bituricensi archiepiscopo, et Stodilo Lemovicensi episcopo, et aliis Franciæ et Aquitanicæ et Italiæ et Burgundiæ multis archiepiscopis et episcopis. Hoc anno cenobium Bello-locum a Rodulfo

archiepiscopo fundatum et consecratum, et S. Geraldus Auriliacensis natus est. Obiit Abbo xiv Kalend. Junii.

Tertius abbas præfuit Benedictus annis xv. Hujus præsulatu Normanni cœperunt se primum (168) effundere in Franciam et Aquitaniam; obiit xiv Kalendas Februarii. Stodilo episcopo succedit Aldo episcopus et obiit Nonis Octobris, sepultus in basilica Salvatoris Lemovicæ. Post eum Geilo episcopus exstitit, qui obiit iv Idus Julii. Post eum Anselmus episcopatum tenuit.

Quartus abbas præfuit Gonsindus annis xviii. Hujus secundo anno Carolus Calvus imperator obiit et filius ejus Ludovicus Balbus regnum suscepit. Hic tribus annis postquam regnasset obiit et filius ejus Carolus regnum suscepit (169), cui Odo rex regnum abstulit et pro eo regnavit. Hunc abbatem non mitterem in catalogo, nisi fuisset monastico habitu indutus. Nam nimis corde sæcularis multas ecclesias et terras a basilica Martialis apostoli abstulit et sæcularibus potestatibus inutiliter concessit. Obiit vii Kal. Novembris.

Quintus abbas Fulbertus præfuit annis vi. Obiit ix Kalend. Februarii. Hujus anno quinto Odo rex obiit et Carlus Minor regnum recuperavit. Ipso anno Anselmus episcopus Lemovicensis obiit v Idus Februarii, sepultus in basilica Salvatoris juxta corpus supradicti Aldonis episcopi.

Sextus abbas Fulbertus præfuit annis xx. Hujus anno sexto sanctus Geraldus apud Auriliacum obiit tertio Idus Octobris, sepultus in monasterio Petri apostoli quod ipse ædificaverat. Hujus abbatis anno decimo nono obiit Guillelmus dux, comes Arvernus, qui Cluniacum cœnobium ædificavit (170). Idem abbas Fulbertus obiit Kalendis Februarii.

Septimus abbas Stephanus præfuit annis xvii, obiit xviii Kalend. Decembris. Hic composuit super altare Salvatoris ecclesiam ex auro et gemmis et argento quam vocant Muneram. Hic turres in castello S. Martialis duas fecit, unam contra Scutarios nomine Orgoletam, alteram contra Arenas nomine Fustiviam, præcipiente hoc rege Carolo Minore ad repellendum Guillelmum ducem, Pictavinum comitem, et ex nomine suo ipsum castellum nominavit Stenopolim, quasi Stephani civitatem (171).

Octavus abbas Aimo præfuit annis sex. Obiit Nonis Maii. Hic amicitiam habuit cum S. Odone Cluniacensi abbate, cui jussit edere Vitam S. Geraldii. Hic Turpionem episcopum Lemovicensem, fratrem suum, summo amore excoluit et tertio post obitum ejus anno eidem S. Turpio episcopus obiit viii Kalendas Augusti. Ex cujus nepte Officia nomine, nati sunt Adalbertus decanus et Rotgerius patre Fulcherio in proprio jure hæreditario, quod

A vocatur Campanense juxta castellum Potentiam. Tertius quoque Raimundus junior natus Germanus exstitit amborum, cujus ego Ademarum filium suam matrem Hildegardem [sive Aldearde].

Post Aimonem abbatem vacavit abbatia xxxi annis sine pastore. Illum enim qui tot annis præfuit tantum non profuit, nolo in Catalogo abbatum ponere, cum injustum hoc sit. Nam habitu nequam monachali, sed canonicali, imo laicali per tot annos principatum loci tenuit solo nomine abbas. Qui vult ejus nomen scire, Aimericus vocatus est. Hujus anno x monasterium S. Martialis divino judicio igne crematum est. Hic omnem terram monasterii hujus et ecclesias tam parentibus suis quam cæteris sæcularibus potestatibus dare non timuit. Hic tertio die ante mortem suam habitum monachi induit, timens perjurium quod regi Hlothario in Francia firmaverat, quando a rege abbas constitutus est. Nam juravit regi se monachum fieri, sed derisor Dei usque ad mortem distulit, qui nisi scelus præsumptionis ejus deleteret eum, nonus abbas scriberetur.

Nonus abbas Guigo præfuit annis xvii. Obiit Egoismæ tertio Kalendas Octobris, sepultus in basilica S. Eparchii ante altare sancti Staphani, quia et de ipso monasterio abbas erat. Hic Adalbertum supradictum constituit sibi decanum in basilica sancti Martialis. Hujus anno duodecimo rex Hlotharius Lemovicæ venit, præcepitque abbati ut ædificaret muros castri; qui reversus in Franciam post paucos dies mortuus est, et progenies ejus deinceps regno privata est. Nam frater ejus Carolus in carcerem missus est ab Ugone duce, et ipse Ugo rex factus est, cujus filius Robertus, rex sapientissimus et piissimus, usque hodie vivit. Ipsius abbatis principatu crypta aurea Martialis apostoli media nocte igne est combusta cadente candela una minus restincta inter multitudinem candelarum, et lapides pretiosissimi tunc ab igne corrupti sunt, et quidquid intra domum ipsam erat quod ardere poterat, flammis concrematum est, libri cremati, aurum et argentum liquefactum et intra quindecim dies cripta aurea cum gemmis a novo restaurata est a Josberto custode sepulchri monacho. Idem Josbertus iconem auream sancti Martialis apostoli fecit, sedentem super altare, et manu dextra populum benedicientem, sinistra librum tenentem Evangelii. Supradictum incendium in mense Junio accidit ante festivitatem sancti Martialis.

Decimus abbas Josfredus præfuit annis vii. Obiit v Idus Octobris. Hujus principatu plaga ignis super corpora Aquitanorum dessevit et mortui sunt plus quadraginta millia hominum ab eadem pestilentia. Ideo Josfredus abbas et episcopi Aquitanie adunati Lemovicæ levaverunt corpus sancti Martialis

erraverit, aliisque etiam eruditissimis viris causam errandi præbuerit.

(171) In Catalogo Gallico eorundem sancti Martialis abbatum emendatius dicitur *Stephanopolis* et portæ dicuntur, non turres.

(168) Imo potius secunda irruptione.

(169) Errat.

(170) Quod verissimum est quanquam reluctetur Deslius, scribatque auctorem hunc falsum fuisse, cum ipse et ex male intellecto Flodoardi loco

apostoli et in montem Gaudii transtulerunt, et exinde pridie Nonas Decembris tumulo suo restituerunt, et cessavit pestilentia ignis. Hic de icona aurea loculum fecit aureum cum gemmis in quo vectum est corpus sancti Martialis. Hic duas cruces ex auro et gemmis fecit.

Undecimus abbas Adalbalduſ præfuit annis ix. Hic regaliter basilicam S. Martialis recuperavit. Hujus principatu supradictus decanus Adalbertus, vir clarissimus, obiit xi Kalendas Maii. Juxta cum mortuus est Adalbalduſ tertio mense hoc est xi Kalendas Augusti.

Duodecimus abbas itidem Josfredus præfuit annis duodecim. Hic coronam auream cum gemmis pendentem ante corpus beati Martialis fecit. Hic a novo basilicam Salvatoris magnifico opere renovavit. Hujus tertio anno sepulcrum Domini Jesu Christi apud Hierosolymam contractum est a Saracenis et Judæis, et cæteræ ecclesiæ per ipsam provinciam: sola ecclesia Bethlehem, ubi natus, est, confringi non potuit. Nam virtus Dei eam defendit, et Saracenos qui eam violare venerant, pessima morte omnes exstinxit: crepuerunt enim mox ventribus omnes, et ira Dei secuta est super Saracenos, et mortui sunt tam fame quam pestilentia per tres annos Saracenorū et Judæorū plus quam nongenties centum millia. Contractum est autem idem sepulcrum tertio Kalendas Octobris, et mox ab ipsis Saracensis cœpit reædificari; fuerunt enim timore perterriti. Hujus abbatis anno decimo, Dominicæ mediæ. Quadagesimæ nocte, dum intrarent turbæ ad Matutinas in basilicam vetustam Salvatoris, impressione nimia in introitu portarum quinquaginta duo homines exstincti sunt. Obiit ipse Josfredus Nonis Decembris.

Decimus tertius abbas Hugo præfuit annis sex. Hic in Francia collationem fecit cum rege Roberto et archiepiscopo Bituricensi Gauzleno, et cum multis episcopis et sapientibus viris Franciæ, de

Quæ sequuntur non sunt Ademari, sed alterius cujuspiam monachi, Helicæ de Rosfaco nominati, etc.

Decimus quartus abbas Odolricus præfuit. Iste comparavit duo pallia leonina, et textum Evangelii minorem de auro, et fecit dedicare caput istius ecclesiæ cum magno honore, et redemit duas ecclesias, muros et castellum. Quinto Kalendas Octobris obiit.

Decimus quintus Petrus abbas præfuit, qui fecit portam a Mourmelier.

Decimus sextus post eum Mainardus abbas præfuit.

Decimus septimus loci istius abbas sanctæ ac venerabilis memoriæ dominus exstitit Ademarus. Hic igitur quantum locum hunc præ cæteris qui ante se fuerant, nobilitaverit, qualiterve eum in ordine et religione, simulque in rerum temporalium copia ampliaverit, ad plenum narrari non potest. Post hæc igitur et alia bona quamplurima cum per quinquaginta annos et novem menses lo-

(173) Anno 1121, combustum castrum S. Martialis

apostolatu sancti Martialis, cur alii in apostolorum, alii in confessorum numero eum tenere videbantur. Qui in numero confessorum eum tenebant, ideo hoc agebant quia non putabant aliquos esse apostolos præter duodecim. Alii vero hoc agebant, quia nomen ejus in quatuor evangelistis non reperiebant. Qui vero saniori consilio intellecta sapiebant, affirmabant eum esse apostolum unum præcipuum post duodecim, quia cum duodecim conversatus est et eamdem gratiam apostolatus, quam et illi, a Domino accipere meruit. In quo concilio ab omnibus definitum est non eum numerari nisi in catalogo apostolorum, sicut et Joannes evangelista, qui in pace migravit, debere. Nam plurima testimonia reperta sunt antiquitus eum in Litanis et in aliis scriptis apostolum fateri per Galliam et Britanniam. Italiam et Hispaniam, et illos esse Hebionitas hæreticos, qui non credunt præter duodecim apostolos. Nam gesta ejus canonica semper ab Ecclesia recepta satis declarant privilegium apostolatus ejus; et quia sine dubitatione unus est de septuaginta duobus apostolis quos Dominus misit velut agnos inter lupos, quos septuaginta duos non solum Græci, verum etiam Lucas evangelista et Paulus apostolus in Epistola ad Corinthios prima vocat apostolos. Nam et apud Græcos sapientiores Martialis apostolus notissimus est. Hic a Francia rediens mox sicut comperit veritatem in concilio, Martialem scripsit in Litanis inter apostolos, non confidens disputationi propriæ, sed antiquis testimoniis, et exinde ex toto, non ex parte Martialis acclamatus est apostolus ab omnibus catholicis, et confusi sunt Hebionitæ. Hujus sexto anno obiit Rogerius frater Adalberti decani, vir clarissimus, et meus magister et patruus, sexto Kalendas Maii; post eum die tricesima secunda mortuus est idem abbas Ugo, sexto Kalendas Junii: quorum animas tibi commendo, Domine Jesu.

cum istum religiose atque fideliter gubernasset, ipsumque, ut dictum est, bonis omnibus adornasset, anno ab incarnatione Domini 1114 in pace quievit, decimo Kalendas Septembris, et in capitulo quiescit.

Decimus octavus exstitit Bernardus abbas.

Decimus nonus domnus Amblardus, magnæ religionis et honestatis vir, in cujus tempore hoc monasterium cum adjacenti villa incendio concrematum est (173). Rexit monasterium istud per annos viginti octo. Obiit anno 1143. Qui præcepit consulibus ut facerent muros et fossata.

Vicesimus exstitit abbas Albertus, vir admodum religiosus et honestus, rexit per annos tredecim: obiit anno 1150, quirto Idus Augusti.

Vicesimus primus domnus Petrus, vir magna religionis et honestatis, præfuit per quatuor annos et monasterium ipsius cum omnibus officinis.

et menses tres. Obiit duodecimo anno Kalendas A mensem antequam decederet, cure pastorali in Septembris. capitulo resignavit; et cum ad diem præfixum per-

Vicesimus secundus abbas Petrus, vir magnæ religionis et honestatis, pravorumque morum rigidus corrector. Rexit per tredecim annos et menses octo. Obiit quarto Idus Septembris, anno ab incarnatione Domini 1164. In quo anno sedata est tempestas inter Henricum probissimum regem Angliæ terræ et filios suos, quæ fere per duos annos duravit, etc. Helias de Rofiaco capellanus suus, earum rerum scriptor, quem de suo beneplacito hujus ecclesiæ monachum fecit.

Vicesimus tertius abbas dominus Isembertus, vir mitissimus et quietus, et ad potentes multum gratosus. Exactionem quam episcopus Lemovicensis, vel canonici sub nomine confratriæ, a populo violenter expetebant, sedulis reclamacionibus irritam fecit. Rexit per viginti quatuor annos. Per unum

agendæ electionis tam dominus abbas Cluniacensis quam priores et præpositi, et alii multi ex nostris pariter convenissent, in bona confessione inter eos qui simul convenerant, animam exhalavit, nocte videlicet præcedenti diem electionis, dum conventus Completorium celebrasset. In crastino libere electio celebrata est, feria secunda traditur honorifice sepulturæ, presentibus episcopis Joanne Lemovicensi, G. Gadurcensi, et abbatibus Cluniacensis, S. Augustini, S. Martini.

Vicesimus quartus dominus Hugo sexdecim annis. Vicesimus quintus abbas Petrus de la Grissa dictus.

B Vicesimus sextus, Petrus Davalacum.

Reliqua non potuerunt legi in ms. codice, inquit Joannes Beslius, cujus apographum a V. cl. Jacobo Puteano nobis cum plerisque aliis ejusdem doctissimi scriptoris chirographis communicatum bona fide expressimus.

Subjectur iste Catalogus eorundem abbatum.

| | |
|---|----------------|
| Ainardus abbas sæcularis resignavit anno 848. | |
| Dodo | an 3. |
| Abbo | 11. |
| Benedictus | 15. |
| Gossindus | 18. |
| Fulbertus | 6. |
| Fulbertus | 20. |
| Stephanus | 17. |
| Aymo | 6. |
| Aimericus | 31. |
| Guigo | 17. |
| Josfredus | 7. |
| Adalbaldus | 9. |
| Josfredus | 12. |
| Hugo | 6. |
| Odolricus | |
| Anterius | 7. |
| Petrus | 1. |
| Mainardus | |
| Ademarus | an 50 et m. 9. |
| Bernardus | 2. |
| Amblardus | 28. |
| Albertus | 13. |
| Petrus prior Clun. | 3, m. 3. |
| Petrus abbas S. Aug. | 13, m. 8. |
| Isambertus Escoblar. prior de Rofiaco | 24. |

| | |
|--|-----------|
| Hugo de Brossa prior 16, obiit 1218. | |
| Petrus la Griffa præpositus de Rossac. | 10. m. 3. |
| Petrus Davalacum | |
| Guillelmus | 19, m. 2. |
| Raimundus Gaucelin | ob. 1215. |
| Guillelmus | |
| Guillelmus | |
| Jacobus | |
| Petrus | |
| Geraldus. | |
| Guido. | |
| Gualliardus. | |

(Cæteros omnes repetes ex Gallia Christiana Claudii Roberti. Nec omittenda ex ms. codice quæ sequuntur ibidem.).

C Tertio Kalendas Septembris, anno ab incarnatione Domini 1066, combustio Lemovicensis civitatis, in qua obierunt centum et viginti homines.

Item anno 1105 Kalendis Junii, combusta est civitas Lemovica ab hominibus de castro S. Martialis; in qua combustione concremata est mater ecclesia S. Stephani cum omnibus officinis suis, et monasterium Sanctæ Mariæ similiter, et ecclesia S. Joannis Baptistæ, et S. Mauricii, et S. Trinitatis, et S. Genesisii, et S. Domnoleni.

ADEMARI

EPISTOLA

DE APOSTOLATU SANCTI MARTIALIS.

(Apud Mabill. *Annal.* tom. IV, Append., p. 717.)

ADMONITIO.

(Mabill. *Annal.*, lib. LVI, n. 49.)

Habitu est hoc anno apud Lemovicas concilium, teste Ademaro Cabanensi in apologetica epistola de apostolatu sancti Martialis, quem contra Benedictum Clusensis monasterii priorem asperiore stylo propugnavit. Inscripta est hæc epistola Jordano Lemovicensi episcopo, Odolrico *doctissimo abbati monasteriorum beati Martialis*, Rainaldo levitæ et Alberico, cæterisque majoris beati Stephani ecclesiæ canonicis; Aimerico, Petro ac Geraldo decano atque Adelardo, aliisque sancti Martialis monachis; Engelrico, fratrique ejus Teotardo beatæ Mariæ Aniciensis canonicis; Wernoni grammatico beati Petri apostoli *Belliloacensis* ecclesiæ monacho; Geraldo sancti Augustini Lemovicensis monasterii abbati, Rotgerio sanctæ Valeriæ Cambonensis cœnobii præposito; item Geraldo doctissimo Sollemniacensi abbati, Arnaldo Rothenensi et Theoderico Mettensi episcopis, necnon Cunegundi augustæ, Cononi seu Conrado Cæsari Augusto, Willelmo Aquitanorum duci, denique Joanni Romano papæ. Ex his tres postremos alii se intermiscere ait, ut, si forte hæc epistola ad eos pervenit, suæ sententiæ arrideant. Cæteros prædicto Lemovicensi concilio interfuisse puto, de quo hæc subdit Ademarus. « A vobis quidem non sine grandi exaltatione, finito concilio Lemovicensi, quarto die mensis Augusti abcessi, revertens ad Egolismam civitatem, ubi ab ipsa tenerrima pueritia hactenus, ætate quadragenarius, vitam in monasterio beati Eparchii transigo. » Porro annum quo hæc scribebat, in consequentibus diserte exprimit his verbis. « Nam adhuc usque in præsentem annum quo loquimur, quid est millesimus xxviii ab incarnatione Domini nostri Jesu Christi, per indictionem xi, ab assumptione autem beati apostoli Martialis nongentesimus quinquagesimus quartus, non sunt nisi clx anni, ex quo monasticus ordo in hoc loco, » nempe sancti Martialis, « transmutatus est de canonico. » Forte per id tempus Benedictus Clusensis apud Taurinates monasterii prior, Lemovicas advenerat, ubi contra Ademarus aliosque monachos de apostolatu sancti Martialis disceptaverat. Inde ad Buxeriense pagi Pictavenensis monasterium profectus,

ibi que toto mense Septembri remoratus, frequentes de eodem argumento collationes habuerat, maxime in *conventiculo monachorum Egolismensium et Brantosmensium*, qui illuc ad festum natiuitatis beatæ Mariæ convenerant, multosque in suam sententiam pertraxerat, gloriatus, Ademarus apud Lemovicas a se devictum et superatum fuisse. Id ubi rescivit per suos Ademarus, acrem illam et aculeatam adversus Benedictum scripsit epistolam, in qua ea quæ in disceptatione Lemovicensi dicta actaque fuerant, commemorat, multaque glorianter a Benedicto prolata, nempe se nepotem esse abbatis Clusensis, novem annis grammaticæ in Longorbardia et Francia studuisse, et duo millia solidorum magistris suis dedisse; se duas magnas domos habere libris omnis generis refertas; et postquam e schola exierit, fore ut nemo sub cœlo ipso sapientior futurus sit. Ad hæc se priorem esse monasterii de Clusa, ibidemque post mortem avunculi sui futurum abbatem; et multa id genus, quæ ad Ademaro saltem exaggerata non dubito. Certe Ademarus ipse modestiæ fines hac in epistola excessit, in qua Benedictum omni conviciorum genere afflicto, Hebionitam et hæreticum eum appellans, ob hanc scilicet causam quod sancti Martialis apostolatum refelleret. Hunc autem ita mordicus asserebat Ademarus, ut, etiamsi aliter papa statueret, se ei non obediturum dicat, ne Deo, qui Martialem apostolum creasset, non obedire videretur. Porro hanc quæstionem definiri non posse nisi in generali concilio omnium episcoporum Galliæ et Italiæ una cum papa Romano. Cum eodem Benedicto Lemovicas venisse dicitur Bernardus quidam, Ravennæ monachus, medicinæ artis peritus, qui idem cum Benedicto sentiebat. In eadem quoque sententia erat Salgionius, ex canonico factus monachus Angeriensis, qui tamen aiebat se cum Hierosolymam pergeret, vidisse quemdam Joannem monachum, *fortissimum grammaticum ex civitate Remi*, qui in navi quotidie Martialem pronuntiabat in ordine apostolorum. Hæc satis ex illa epistola, cujus ipsum, ut quidem puto, autographum clarissimus Baluzius mecum liberalissime communicavit.

ADEMARI EPISTOLA DE APOSTOLATU MARTIALIS.

Dominis gloriosissimis atque præcellentissimis pastoribus sanctæ Ecclesiæ, JORDANO Lemovicensi episcopo, atque ODOLRICO grammatico doctissimo abbati monasteriorum beati Martialis apostoli, necnon et reverentissimis patribus philosophicis studiis liberaliter instructis RAINALDO, sedis Lemovicæ levitæ, et ALBERICO et omnibus protomartyris beati Stephani ecclesiæ canonicis : AIMERICO et PETRO perito architecto, ac GERALDO decano atque ADALARDO, necnon cæteris omnibus supradicti apostoli monachis : ENGELRICO et fratri ejus TEOTARDO grammaticis, sedis Aniciensis beatæ Mariæ matris Domini ecclesiæ canonicis : WERNONI grammatico, beati Petri apostoli Belliloacensis ecclesiæ monacho : GERALDO sancti Augustini Lemovicensis monasterii abbati, sed et cunctæ congregationis ejus : ROTGERIO sanctæ Valeræ Cambonensis cœnobii præposito : item GERALDO viro doctissimo Sollempniacensi abbati et omnibus monachis ejus ARNALDO Rothenensi episcopo; THEODERICO grammatico Metensi episcopo; CONEGUNDI Romanorum Augustæ; CONONI Cæsari Augusto imperatori : WILLELMO grammatico orthodoxo et potentissimo Aquitanorum duci; JOANNI Romano papæ, ADEMARUS Egolismensis, presbyterorum ultimus, rectæ fidei regulæ per omnia observantiam, in fide, spe et caritate Domini nostri Jesu Christi unigeniti Filii Dei secundum sanam apostolorum doctrinam.

Nolo vos mirari eos cum quibus nunquam locutus sum, adhuc de apostolo Martiale, tres tantum dico, papam videlicet ac Cæsarem, atque Aquitanicæ ducem, inter nomina vestra me intermiscuisse cum si forte hæc ad eos pervenerint, opto serenitatem eorum his veris assertionibus arridere. A vobis quidem non sine grandi exultatione finito concilio Lemovicensi quarto die mensis Augusti abscessi, revertens ad Egolismam civitatem, ubi ab ipsa tenerrima pueritia hactenus, ætate quadragenarius, vitam in monasterio beati Eparchii transigo. Exsultabam enim vos incongruam inolitam erroris causa ab anterioribus clericis Aquitanicæ negligentiam, qua parvipendebatis sanctum apostolum Dei Martialem, non aliter quam unum de modernis confessoribus, aut junioribus modernis episcopis, modo per Dei gratiam respuisse, et de eo quod antiquus et naturalis apostolus ipse beatus Martialis, sicut attestatur antiqua traditio Patrum nostrorum, et assertio vera Græcorum, veritatem potius recuperasse quam inchoasse. Vobis enim quatuor solummodo nunc specialissime loquor, pontifex Jordane, Odelrice abba, Rainalde atque Aimirice. Itaque me cum abbate Amalfredo et cunctis fratribus, et cum episcopo Rohone in Domino de gloria veritatis beati Martialis apostoli gratulante, subito hostis antiquus per suos satellites amaritudine anxia obnubilavit præcordia mea, ut mallet mori quam vivere, et optarem pennas sicut columba habere, quibus mox vola-

rem ad vos et requiescerem. Imitabamur vestrum imo antiquissimorum Patrum veterem, bonum et laudabilem morem in litanis et in omnibus diurnis agendis de eodem sancto apostolo : et ecce serpens veterinosus omnia hæc, quæ ad laudem Dei et profectum sanctæ Ecclesiæ bene fuerant ab authenticis viris inchoata ac potius recuperata, perturbavit ; ac præter me solum et Gauzbertum vestrum, omnes a veritate aversi sunt. Nam ego pro veritate usque ad mortem libenter decertare festino, sciens utilius esse scandalum nasci quam veritatem deseri ; et neque mors, neque vita, neque instantia, neque futura, neque angeli, neque principatus, neque altitudo, neque profundum, neque creatura aliqua poterit me separare a charitate et veritate Dei, quæ est in Christo Jesu Domino nostro et in Martiale ejus apostolo.

Duo itaque ex nobis, veste tantum et nomine, non actibus neque moribus, monachi, quorum nomina intra cœpta inserere sacrilegum duxi, in hoc Septembri mense sine benedictione a monasterio suo ad Lemovicense territorium quod dicitur Buxeria devenientes, ibi a serpente antiquo infelicissime corrumpi se permiserunt draconis veneno, a quodam scilicet Longobardo hæretico, monachico quidem schismate induto, verum non monacho, sed diabolo. Nec attenderunt a falso propheta, qui a Clusa Longobardensis venit ad Aquitaniam in vestimentis ovium, intrescus autem est lupus rapax. Ipsum Dei archangelus Michael et angeli ejus a facie Dei projiciant, ut non valeat cum suo rege dracone in Ecclesia catholica, neque locus ejus amplius inveniatur in cœlo ; ut magna vox sanctorum audiatur in cœlo, quod est Ecclesia præsens, dicentium. Nunc facta est salus, et virtus, et regnum Domini nostri et potestas Christi ejus, et gloria ac veritas apostolorum ejus. Ideo lætentur cœli et qui in eis habitant. In concilio sane Lemovicensi lingua sapientium, qui vos estis, ornavit scientiam ; ad Buxeriam vero os fatui vino, imo veneno madefacti serpentina ebullivit stultitiam. Vos enim in charitate radicati et fundati, per charitatem patientes, benigni, non æmulantes, non agentes perperam, non inflati, non ambitiosi, non quærentes quæ vestra sunt, non irritati, non cogitantes malum, non gaudentes super iniquitatem, congaudentes autem veritati, manifestare curastis populo veritatem, quia Martialis ipse est naturalis apostolus, non, sicut canes oblatrantes dicunt, novus, sed antiquissimus atque per omnia a Christo post XII apostolos priores electus ; et non solum apostolus, sed etiam Christi in carne discipulus, et beati Petri principis apostolorum condiscipulus. Majus est enim esse in carne discipulum Christi, quam apostolum post ascensionem Christi. Multos enim nemo peritus ignorat fuisse pseudoapostolos et veritatis apostolos post ascensionem Christi, qui nequaquam fuerunt tamen in carne

discipuli Christi : et licet quatuor evangelistæ de A ego affirmo sanctum Martialem non esse apostolum eo taceant, quippe qui summatim facta Domini perstrinxerunt, tamen liber gestorum ejus conscriptus a discipulo ejus Aureliano, a catholica semper Ecclesia susceptus, sufficienter a principio memorat gratiam apostolatus ejus. Langobardus vero quidam, Hebionita potius quam cœnobita, ipso suo nomine indignus, qui congruentius censeretur debuisset maledictus per veritatem quam benedictus per falsitatem, in Buxeria ecclesia hospitatus, blasphemias non solum in apostolum Dei Martialem, verum etiam in ipsum Filium Dei nefandas in conventiculo monachorum Egolismensium, et Brantosmensium, et presbyterorum Lemovicensium, qui propter nativitatem Dei genitricis ac perpetuæ virginis Mariæ festivi adveniant, evomere non timuit. Et veluti Arriomanitis et Fotinianis ac Manichiis et cæteris a Deo alienis hæreticis mos est, ut sint loquaces multum et volubili linguarum rotatu perfaciles (hoc enim solum proprium est hæreticorum), quatenus brutos auditores suos, quia simplici veritate nequeunt saltem mirabili et figurata garrulitate, dum in eis eloquentia non sapientia miratur, elidant in foveam erroris, dicaciter omnibus vestram auctoritatem male imputare cœpit, vituperans eos, quicumque vestro jussu in beato Martiale Apostolicas orationes receperant, quicumque ejus nomen in litanis in ordine apostolorum ante martyres recitabant : asserens omnes in vanum orare qui eum prædicabant apostolum, talesque orationes et litanias nihil nisi in peccatum valere detestabiliter oblatrabat ; et huic rei consentientes anima et corpore jam damnatos esse more astuti serpentis insibilabat. Missas beati apostoli, quas pastor noster venerabilis Odolricus presbyteris largiri jusserat, pro luto esse et omnes igne debere comburi. « Beati, inquit, apostoli tui talis missa lutum est, in vanum est, et similiter est quasi super altare quis lutum terræ superponat ; hæreticos esse qui eas recitant. Aquitaniam fœdatam tali et tanta hæresi : episcopos Aquitanie rusticos, qui jam antea quando hanc hæresim primitus audierunt surrexisse, non concilium mox congregaverant, totumque locum sancti Martialis non excommunicaverant et abominati non fuerant prohibentes in eo... sacrum ministerium et divinum officium : Odolricum abbatem parum intellegere litteras et parum doctum esse, sed coram rusticis fingentem se sapienter: monachos sancti apostoli idiotas, et nullam sapientiam litterarum in eodem monasterio ; ipsum abbatem et ejus monachos falsum apostolatum erexisse causa pecuniæ qua abundant, et causa elationis ac superbiæ ipsos esse vitiosos, superbos, æstimantes se solos admirabiles et omnibus congregationibus monachorum superiores quasi reges ; cum aliis loqui dedignant, inhospitales, omnes spernentes ; non esse ausos pro hac re concilium erigere, nullam auctoritatem posse monstrare, sed in abscondito ac si falsam monetam falsum, et, ut verbo ejus utar, contrafactum apostolum facere Ego, inquit, sum valde peritus litteris, ego contradico eis, B ego affirmo sanctum Martialem non esse apostolum ullo modo. Ego dico vitam ejus totam falsam, ipsum affirmo nunquam fuisse in carne discipulum Christi, nullo modo fuisse ad cœnam, nullum obsequium Domino præbuisse ad abluendos pedes ; Dominum solum cum solis duodecim illam cœnam fecisse; verba quæ in cœna locutus est, solis undecim dixisse filio perditionis exeunte ; nec Mariam matrem Domini, neque alium aliquem ibi interfuisse. Ipse inquit, Jesus posuit vestimenta sua, ipse, præcinxit se linteo, ipse misit aquam in pelvim, nullumque ministrum habuit. Ego, inquit, prælium faciam quod sanctus Martialis non est apostolus, si aliquis mihi contradixerit. Ego paulo ante fui Lemovicas, quando propter timorem episcopi, ne eos pro hac re excommunicaret et ut furtivo eorum apostolo assentiret, illi monachi deportaverunt ipsum contrafactum apostolum ad sedem. Ibi canonici sancti Stephani, quia sciebant me valde sapientem, secreto rogabant me ut destruerem hunc apostolatum, et in capitulo sancti Stephani tentaverunt mecum contendere illi stulti et illiterati monachi qui hoc furtim invenerunt ; sed statim obmutuerunt verecundati et timore perterriti, et nullam auctoritatem potuerunt mihi pandere, nec in veteribus libris alicubi, vel in lætaniis veteribus eum apostolum prædicari. Et dum quidam Ademarum, qui aliquid grammaticæ artis videbatur scire, quique hanc hæresim primus, et plus causa adulationis, ut placeret abbati et monachis ; corruptus quoque pecunia ab illis, sine ulla veterum auctoritate condiderat, suadens, brutis et stultis recte eum prædicari apostolum ; disceptare vellet mecum, mox ad primum eloquium meum nesciens quid responderet, confusus turpiter abscondit se, fugiens sapientiam meam, nec amplius eum videre potui, quia sapientem me intelligens reveritus est a facie mea. » Et cum nostri dicerent ei : « Nos putabamus Ademarum sapienti nosse respondere, et ipse multas auctoritates solitus est nobis referre, qualiter beatus Martialis est naturaliter apostolus, et quia si prædicamus eum apostolum non obest nobis, sed prodest. Unde et ei obtemperantes propter exemplum et amoris societatem congregationis ipsius sancti Martialis, jam ante unum mensem in consuetudine accepimus eum commemorare apostolum. » Ille intulit : « Nunquam ille stultus Ademarum erit ausus de hac re contra me mutire, alioquin factis, non verbis luctabor cum eo, aut sicut in lite pugnatorem meum faciam decertare cum pugnatore ejus, et factis super altare sacramentis pugnatorem meum habebit victoriam. »

Piissimi pastores, audistis voces hæresiarchæ nefandas et fallacissimas, mutilissimas et iniquissimas ac refertas blasphemias ; audite veritatem meam. Vigilanter me aspicientem corpus egregii apostoli Dei Martialis, et stantem juxta cathedram pontificalem, imminente jam hora qua intraturus erat episcopus ad agenda divina, eoque vestimentis jam pontificalibus ornato, ecce subito non sine feritate

tristitæ, qua molesti erant pro illo hoste veritatis, Stephanus et Daniel monachi me clamant, et ad illum usque Antichristum (nam qui voluntati et facto Christi contrarius est, Antichristus est) perducunt. Cui ego prior : « Negas, inquit, Martialem esse apostolum. » Et ille qui cum fratribus adhuc ibidem litigabat voce clamosa, oculis sanguinis, vultu inflato, respondit : « Nos de sancto Martiale nihil loquebamur, sed de quibusdam quæstionibus Evangeliorum. » Et Stephanus ait illi : « Tu modo negabas sanctum Martialem interfuisse cum Domino inter undecim apostolos. » Ego graviter ad verbum commotus, aio : « Audi. Vere est apostolus beatus Martialis. » Et ille spiritum suum totum proferens ait mihi : « Dic quomodo. » Et ego : « Si verum est ut ab ipsius Christi ore in carne potestatem ligandi et solvendi acceperit, non ab homine alio, ergo vere et totus et integer et plenus et perfectus et naturalis est procul dubio, et magnus et egregius et gloriosus apostolus. » At ille negare hoc nequaquam valens ait : « Certe hoc verum est. Sed dico quia illam potestatem nulli, nisi undecim apostolis Christus concessit. Martialis vero nunquam amplius prædicatus est apostolus, quousque hesternæ die tu inventor hujus rei fuisti. » Cui ego : « Præter scriptorem vitæ ejus qui in tempore apostolorum fuit, qui luculentissime et luce clarius apostolatam ejus patefacit, post cum alii, etiam priores nostri, cum aperte prædicaverunt apostolum ubique, tam in responsoriis quam in hymnis et in quibusque dictatibus et in multis scripturis. » At ille ait : « Nec tu, nec iste, nec ego credamur, libri credantur. Veniant libri. » Et ego : « Episcopus, inquit, vult intrare ad missam, quam volo audire ; insuper et nimia densitas multæ turbæ in hoc loco imminet nobis, et magnus tumultus populi infestus est disputantibus nobis. Attende nos usque in crastinum, et librorum tibi testimonia coram exhibebo, in quibus reperies eum antiquitus scriptum apostolum, tam in litanis quam in aliis. Nam libri non possunt huc venire nisi fuerint delati, quod participium fateor. » Ille aut non intelligens, aut voluntarie mentiens, retulit ad Buxeriam dixisse me illi omnes libros deletos, cum aliud sit delatus, aliud deletus ; adeo quidem est ille contentiosus malevolus, tametsi in grammatica arte esset acutissimus, non Latinitatem mecum disceptans in eodem loco ridiculis barbarismis corrumpere. Nam ego Latialiter loquens, Latialiter ipsum compellebam loqui, et barbære quasdam dictiones proferentem dissimulans, patienter celabam circumstantibus. Et dicente illo : « Martialis est apostolicus vir, non apostolus ; » ac me ei obsistente : « Martialis non est apostolicus vir, sed apostolus, nam unus est ipse de septuaginta duobus apostolis ; illoque inferente : « Ubi est auctoritas de illis ? nam nescio præter duodecim apostolos. » Petrus monachus illico apertum nobis protulit Evangelium in medio, ubi legebatur : *Designavit Dominus et alios septuaginta duos, subanditur apostolos, et ille mox con-*

A fusus siluit. Et mox surgens fugere cœpit in turba, velut canis reus ; verum manu mea per vestimenta brachiorum comprehensus, legere compulsus est Marcum referentem : *Convocatis Jesus duodecim cœpit illos mittere binos. Et occasionem tactus propter duodecim, ait : « Nihil aliud quæro, hæc est auctoritas mea, » et recessit. Quem secutus cœpi ei leviter quædam Hieronymi dicta super auctorabilem assertionem nostram referre inter turbam. Ille respondit : « Tu bene loqueris et rationabiliter, et tecum scio loqui, sed cum monachis illis nescio ratiocinari, quia irrationabiliter loquuntur ; et dico tibi per Deum, antequam tu advenires, nihil locuti eramus de sancto Martiale ; sed tui monachi dicebant Paulum non esse apostolum, et ideo scandalizabar cum eis. » Tum ego : « Quamvis Paulus non sit unus de duodecim, verum tamen qui eum negat esse apostolum hæreticus est. » Et ille : « Ita est. » Tali modo uterque discessimus, nec amplius valui eum videre, licet curiose investigarem, quousque sero facto obviam eum dicta jam vespera. Talis fuit confusio mea. Qui per divinum splendorem gaudio perfusus die eodem, utpote contemplatus a basilica sedis corpus apostoli ad Salvatoris basilicam relatum gloriose, et omnia prospere gesta, forte ad officium vespertinum in sepulcro ipsius apostoli cum pluribus clericis præsens, post psalmos apostolicos excelsa voce primus protuli hæc verba modulaminis : *Cives apostolorum et domestici Dei advenerunt hodie portantes pacem et illuminantes patrias, dare pacem gentibus et liberare populum Domini ;* ac subjunxi hæc verba : *Exsullet cælum laudibus, resullet terra gaudiis, apostolorum gloriam sacra canant solemnia, usque ad finem.* Quas laudes omnes qui aderant clerici una mecum jocundis vocibus et altisonis personabant. Quibus expletis repente video memoratum cucullatum Antichristum de turba densa exire. Ego gavisus, utpote non credens lupum, sed agnum videre, apprehensa ejus dextera eduxi eum ad cancellos, ubi spreto colloquio nobilium charissimorum parentum meorum, qui ad festivitatem de longinquo venerant, ac pro mea utilitate ibi me exspectabant, resedi cum viro, ut putabam, angelico. Me delusum clamo, me imprudentem doleo, quod non prævidi in agnò lupum, in pisce draconem, in anguilla anguem, in ove læenam, in ariete leonem, in Langobardo Troglodytam, in monacho Manichæum, in Christiano Antichristum, in homine diabolium ; certe si præviderem, nec ave ei dicerem. Qui enim dicit ei, ave, sicut duo memorati nostri fratres ab eo subversi, communitat operibus ejus malignis.*

Itaque nobis loquentibus Aimiricus monachus obtulit ei veterrimum volumen de Vita sancti Martialis apostoli, ubi refert Martialem non gentilem sed Hebræum fuisse, et ex clara tribu patriarchæ Benjamin ; Martialem non ad prædicationem apostolorum, sed ipsius Domini conversum ; Martialem, relictis patre et matre, discipulatui Domini jugiter adhæsisse ; Martialem Christi non Petri discipulum

fuisse (nam apostoli usque post Pentecosten A nullum habuerunt discipulum). Martialem eo quod contribulis ei erat, non alii apostolorum, sed Petro familiarius se sociasse; Martialem instinctu Petri obsecundantem Domino in omnibus; Martialem miraculo Lazari interfuisse; Martialem adolescentem in cœna sancta Domino ministrasse; Martialem januis clausis Domino intrante, quando ibi Thomas non erat, cum aliis apostolis adfuisse, ibique ligandi ac solvendi potestatem non a Petro, sed ab ipso Domino cum cæteris apostolis, et cum eodem Petro, ac Spiritum sanctum accepisse; Martialem cum undecim in Galilæam hortante Petro abiisse, ibique potestatem prædicandi Evangelium in omnes gentes non a Petro, sed ab ipso Domino cum reliquis apostolis et cum eodem Petro suscepisse; Martialem ascensioni Christi cum cæteris reliquis apostolis adfuisse, ibique benedictionem episcopalem, non a Petro sed ab ipso Domino cum aliis discipulis et cum Petro suscepisse; Martialem cum cæteris apostolis intrasse et exisse usque in Pentecosten, tumque cum aliis apostolis Spiritum sanctum de cœlo suscepisse, et omnium linguarum scientiam percepisse, et cum aliis apostolis invincibilem resurrectionis Christi testem existisse; Martialem post perceptionem Spiritus sancti a Petro non dissociatum fuisse, sed una cum eo Antiochiam venisse; Martialem rogante Petro ut fratrem, non jubente ut discipulum incessanter tam absente quam præsentem eodem Petro verbum Dei prædicasse in Græcia: quippe ut perfectum Christi discipulum et ab eo perfecte per se primum, deinde per infusionem Spiritus sancti eruditum et in linguarum sermocinatione ad quamcunque gentem pervenisse perfecte scitum; Martialem rogante Petro ut fratrem, non imperante ut discipulum, venisse cum eo Romam; Martialem non Petri arbitrio, sed Domini præcepto missum fuisse in Galliam, per affatum ejusdem beati apostolorum principis. Hæc dum perlegisset: nec valeret eum negare vere apostolum Dei, quippe qui tantorum gratia donorum cum undecim apostolis ab ipso Christo datus sit, si tandem erupit in hanc falsam vocem fronte rugata: « Solent dicere nonnulli Vitam ejus veteranam, quando hoc hic locus arsit, perisse incendio, in qua nihil horum legebatur, nisi duntaxat quod post ascensionem Domini ad Petri prædicationem sit conversus, sicut alii multi ex paganis, et ab eo eruditus, et post longum tempus ordinatus episcopus, et ad solam urbem Lemovicum missus, sicut Apollinaris ad Ravennam et Marcus in Alexandriam; quemdam vero monachum hujus loci hanc Vitam mendacio suo finxisse adulatorio, ideo eam non credo. Tamen hic liber, quia vetustus est, majoris est auctoritatis quam si esset novus: nam veteres auctoritates, etiamsi falsæ sint, plus creduntur a nobis quam novæ, licet veraces. » Tum ego: « Quod dicis hanc Vitam mendacio a monacho nescio quo esse confictam, et incredibile et impossibile est et omnino vanum. Nam adhuc, videlicet usque in præsentem annum quo loquimur, qui est

millesimus vicessimus octavus ab incarnatione Domini nostri Jesu Christi, per indictionem xi, ab assumptione autem beati apostoli Martialis nongentesimus quinquagesimus quartus, non sunt nisi centum sexaginta anni, ex quo monasticus ordo in hoc loco transmutatus est de canonico; et hæc Vita, eodem modo quo hic legitur, per omnes Galliarum et Hispaniarum atque Britanniae, necnon et Italiae est provincias: quæ sine dubio per plures ecclesias habebatur ante incendium hujus loci, quod longe post multum tempus accidit postquam monachi hic intraverunt. Nam inter tot ac tantos catholicos viros, quibus semper Galliam sana perstitit, et maxime Ecclesia Lemovicensis, semper intacta ab omni hæresi perduravit, quis diabolus esset ausus et valuisset aliquo modo tantum mendacium scribere? Si mendacium, quod absit, scriptum esset, a nemine catholicorum receptum esset, et hodie super terram nullatenus audiretur. Hæc ergo Vita veracissima est. Nam hanc Vitam et Patres nostri catholici in veritate receperunt, et ego sicut sancta quatuor Evangelia ita eam credo firmiter, et omni dilectione amplector et approbo. Et qui eam negat, inimicum veritatis pronuntio, et ut publicum hæreticum respuo. Quod vero prosequeris, auctoritates veteres mendaces potius recipiendum quam novas veraces, grande præjudicium est, cum veritas semper veritas est, et nunquam veritas respui, nec falsitas debet recipi. Nec adverti oportet quis dicat, sed quid dicat. C Nam puer unus dixit veritatem, et eruit de morte mulierem, quam seniores duo loquentes falsitatem ducebant ad necem. Tres pueri flammis dati locuti sunt veritatem novam, sed rex grandævus affirmavit falsitatem antiquam. Si veritatem dicimus, quare nobis non creditur? vere ab amatoribus veritatis nobis creditur. Et quid mirum si amatores veritatis, tametsi nonnulli non intelligant, tamen credunt Martialem esse apostolum veritatis? nam si non credideritis, non intelligetis; et omnis qui est ex veritate, audit veritatis vocem. Et licet fortior sit rex et fortius vinum, tamen fortiores sunt mulieres quæ dicuntur falsitates, et insuper hæc omnia vincit veritas. Veritas gloriosa est et humilis, non superba. Nos in hoc superbe non sapimus, sed Deo placita humilitate, proficere gliscimus et proterva despicientes, quibus cruda ostentatio eum. . . primum potius quam posteriorem apostolum in nonnullis locis habere voluerunt: nos omnia ex eo probantes, quod bonum est tenentes, et scientes non esse verum quod varium; jussu venerabilis Patris nostri Odolrici totius scientiæ totiusque virtutis viri, quodcumque in hac questione est maturum, salubre, sanum et ratum, libera cupimus exercere charitate. »

Hæc et hujusmodi nobis loquentibus et ipso affirmante, « si hæc Vita vera est, Martialis absque omni dubietate vere apostolus est; Aimiricus item ad nos iterum intrat cum Breviario vetusto sepulcri et ostendit ei veterrima scriptura quoddam respon-

sorium in eodem positum : *Gloriosus est Martialis apostolus Gallix, qui ita plantavit Ecclesiam, ut cum ipse multa pertulerit, in pace tamen deficiens hanc in pace dimiserit.* Ad hæc ille : « Et hoc antiquum est non novum, » et qui hunc dictatum composuit sapiens fuit. » Item ostendimus ei annosum hythum sequentialem in eodem volumine veteribus litteris factum : *Cives cælicolæ ut collegam, omnis suum uti apostolum Aquitania.* Et ille ait : « Hoc puto non est sine divina voluntate, quod a vobis apostolus prædicatur, quia pene omnis orbis terrarum jam hoc auditu famæ comperit. » Nescio aliud. Quid plus auctoritatis ei panderem post istas tres, cum in ore duorum aut trium testium stet omne verbum ? Nox erat, et discessimus. Cœnavi tecum, o dilectissime abba, et quia crastino diluculo ad Egolismam urbem volebam redire, licenter a te dimissus sum. Facto mane caninum Langobardum ipsum vidi, nec propter iter meum cum eo sermocinationem habui. Et si scissem quis ille est, expectarem eum Lemovicas uno anno, quousque contritum esset caput ejus serpentinum virga rationis meæ. Nam se ille squameo draconino collo resupinus postea jactitavit, se connisum præliari mecum pro beato apostolo Martiale et me ideo quantocius fugisse ; episcopum Jordanum et ejus canonicos omne quod inchoaverant respuisse, nec unquam amplius huic apostolatui consensuros esse quia audierant ipsum esse contradictorem.

Cum ipso Hebionita venit quidam medicinæ artis egregius, nomine Bernardus, ad Buxeriam monachus Ravennæ, qui dum mecum apud Egolismam sermocinaretur et similiter contrariosa de sancto apostolo Martiale multa proferret, sicut audierat a Longobardo supradicto et interrogaret dicens abbati meo Ravennati, « quod caput dicam quia Martialis est apostolus ? » a me protinus audit : « Quia discipulus Domini fuit, sicut Petrus et ab ipso Domino in carne potestatem ligandi et solvendi accepit. Hæc est summa apostolatus ejus. » Ille autem respondit : « Benedictus prior de Clusa, grammaticus perfectus, abnegat eum discipulum fuisse Domini, sed Petrum dicit convertisse eum, et dedisse ei potestatem ligandi et solvendi, sicut episcopi dant aliis quos ordinant episcopos. Astruit quoque Vitam istam ejus, quæ in his partibus habetur, non esse veterem priorem, sed novam commentatam a quodam monacho ante hos centum annos ; et alio modo eam haberi in Longobardia, ubi dicit eum parem esse sancto Appollinari et sanctis Fronto, Saturnino, Dionysio, Austremonio, Hilario Pictavensi, Martino Turonensi. » Tum ego occasionem deridendi stultum nactus, risum proferens aio : « Si grammaticus esset perfectus, non ista proferret Longobardus. Si altera Vita est quæ istam veram obscuret, procul dubio reproba et falsa est, et nullatenus a catholica Ecclesia recipienda, et a nobis ut venenum execranda est. Verumtamen si Martialis discipulus Petri tantummodo esset, et ab eo potestate

ligandi et solvendi accepisset, ut ipse Longobardus mentitur, sic quoque non incongrue posset prædicari apostolus. Nam et Hieronymus, maxima columna Ecclesiæ, et Beda Venerabilis presbyter Timotheum discipulum Pauli prædicantem apostolum in suis Chronicis, quem Paulus ad fidem traxit et episcopum ordinavit, qui etiam duas epistolas scripsit. Onesimus quoque discipulus Pauli a pluribus Ecclesiis apostolus prædicatur, et ipse Paulus Epaphroditum, quem, Philippensibus misit, prædicat apostolum. Marcus etiam et Lucas evangelistæ discipuli apostolorum a pluribus Ecclesiis apostoli prædicantur. Nam Marcum Petrus Alexandriæ misit sine ordinatione episcopali. Qui cum provinciam Ægypti primus convertisset, a vicinis episcopis licet sibi pollicem manus amputaverit ut sacerdotio reprobus esset, tamen invitus consecratus est episcopus, qui secundo anno post Domini ascensionem ex tribu Levi prædicantibus apostolis conversus fuerat. Sic et Martialis si discipulus Christi in carne non esset, quod dicere impium est, eo quod tamen primus Aquitaniam convertit, recte potest prædicari apostolus. Nam ab urbe Roma usque ad montes Pyrenæos nullus alter sanctorum est qui totam unam provinciam converterit, vel qui ab antiquis in litanis in ordine apostolorum scriptus fuerit usque hodie, nisi solummodo Martialis. Episcopus etiam Lemovicensis Geraldus ante hos quindecim annos a Roma regressus, attestatus est nobis fortuito legisse se ibi volumen, ubi scriptum erat qualiter Martialis primus Ravennæ prædicaverit Christum dum in Galliam veniret, et post eum Appolinarem post longum tempus ibi venisse apostolicum virum. Unde et in Vita ejus sic scriptum est : « Igitur Martialis cum discipulis suis permenso tam magno terrarum spatio, prædicans ubique seminarium verbi Dei, ingressus Lemovicinum venit ad Tulum castellum. » Inter apostolos vero et apostolicos viros Hieronymus hanc differentiam dicit quod apostoli sunt qui primi unamquamque provinciam prædicare cœperunt, unde et hodieque astruit apostolos posse fieri in Ecclesia, quorum signa et indicia apostolatus complentur ; id est si hodieque vel usque in finem mundi aliqua provincia fuerit in qua nullus ante prædicator accesserit, qui primus ad eam aliquo modo accedens eam prædicare cœperit, et unam solummodo Ecclesiam in ea fundaverit, recte apostolus est ; qui vero post eum venerint prædicatores et episcopi, illi sunt apostolici viri. Apostolicos viros enim dicit esse qui post apostolos ad dilatandam Christianitatem in regiones et provincias ab eis jam illuminatas, et in vita et post obitum eorum venerint, vel quos apostoli ordinabant, ut successores in loco eorum per civitates provinciæ illius quam prædicaverant, existerent. Hinc Titum dicit apostolicum virum, quia Paulus cum in provincia Cretæ, quam primus prædicaverat, reliquit vicarium sibi ; ut constitueret per civitates presbyteros sive episcopos. Hinc idem Hieronymus in epistola ad Paulinum presby-

terum : « Episcopi, inquit, et presbyteri habeant in exemplum apostolos et apostolicos viros, quorum honorem possidentes, habere nitantur et meritum. » Item in epistola ad Pammachium de optimo genere interpretandi ait : « Lucas vir apostolicus et evangelista scribit Stephanum primum Christi martyrem in Judaica concione narrantem, et cætera. » Item in eadem : « Marcus, inquit, discipulus Petri ita suum orditur Evangelium : *Principium Evangelii Jesu Christi*, » et cætera. Quos Ecclesiæ consuetudo in ordine apostolorum in litanis refert, et de eis psalmos et cantilenam apostolicam promit, ut jam dictum est, licet hodieque a pluribus Ecclesiis per incuriam hoc non observetur. Qui error humanus est, intellectus vero et emendatio hujus erroris prudentium est ; nam eorum et similium commemoratione, quorum nomina per litanias in ordine apostolorum pronuntiantur, psalmi, versus, hymni, responsoria et antiphonæ congruentius apostolorum quam confessorum vel martyrum proferuntur a prudentioribus ecclesiasticis viris. Sed et ipse papa Gregorius, qui longe post tempora apostolorum fuit, tametsi minime ipse ad Anglorum provinciam, ubi hactenus nullus accesserat prædicator, profectus sit, sed prædicatores miserit, tamen quia ejus labore et juvamine maximo fidem susceperunt, apud eosdem Anglos merito apostolus appellatur, quia quidquid post eum alii prædicatores laboraverunt, totum ei deputatur. Si ergo Gregorius post quingentos annos a tempore primorum apostolorum apostolus meruit esse et prædicari, quia signa apostolatus habet, cur Martialis non multo magis est apostolus, qui una cum Petro ab Hierusalem incipiens testis Christo fuit in Hierusalem et in omni Judæa et Samaria, et usque ad ultimum terræ, et Galliam primum illuminans omnem Aquitaniam provinciam acquisivit Christo ? cujus signaculum apostolatus in Domino eadem Aquitania est usque in finem mundi ; absque dubio enim ipse in ea fundavit Ecclesias, et primus in eis per civitates constituit episcopos. Non enim primus Avernis præfuit episcopus Austremonius, nec Turonicis Martinus, neque Pictavis Hilarius. Idem et de aliis civitatibus. Nam Dionysius primum Pauli, deinde Clementis discipulus ab eo Galliam missus, primus Parisius præfuit episcopus, ubi nondum erat Ecclesia. Nam antiquas sedes, Turonicam in honore sancti Petri, Aurelianam in honore sancti Stephani, Martialis apostolus fundaverat ; quæ postea mutatae sunt, una in honore sancti Mauricii, altera in honore sanctæ Crucis. Qui, quoniam post eum venit, non prædicatur apostolus, sed vir apostolicus. Licet autem Saturninus summus episcoporum Tolosæ fuerit, quis prudentium dicit ipsum primum ibi fuisse episcopum ; cum et suis gestis jam ibi Ecclesia esse consecrata legatur, eumque temporibus Decii subiisse martyrium Beda referat ? Petragorius quoque manifestum sit fuisse Christianitatem ante Frontum, cum ipsa ejus gesta doceant eum inde natum comam

A sibi totondisse, et in Ægyptum ad eremitam Apollonium profectum fuisse ? Nec derogamus eis, sed qui subtiliter veritatem perscrutatur, invenire potest Martialem totam Aquitaniam Christo subdividisse sicut apostolum, non solum Lemovicinum sicut unius dioceseos episcopum. Ideo sicut ex Deo coram Deo in Christo loquentes in veritate si dicamus eum Apostolum ; qui vero post eum cæteros episcopi per Galliam fuerunt et usque in finem mundi futuri sunt, apostolicos viros, licet et omnes episcopi sancti et non sancti, vocentur et sint apostoli, sicut probabiliter possum ostendere. Nam præter hunc modum quo omnes episcopi sunt et vocari possunt apostoli, qua ratione Appollinaris est apostolus, cum jam Petrus Italiæ regioni, cujus civitas est Ravenna, jam prior prædicari cœpisset ? »

Ad hæc medicus respondit : « Ecce Martialis est apostolus, sed quis est apostolatus ejus ? » Tum ego : « Gallia proprie, quia ipse primus eam ingressus est. » Et ille : « Mentiris, inquit, nam Gallia de apostolatu Petri est. » Et ego : « Totus mundus, non sola Gallia, de apostolatu Petri est ; nam proprie ipsi claves regni cælorum traditæ sunt et pascua ovium Christi. Verum proprie apostolatus ejus est Italia, quia eam prædicavit, et in ea occubuit et in ea jacet. Ita et proprie Gallia apostolatus est Martialis, quia eam primus illuminavit annuntians Dominum Jesum Christum, et in ea occubuit et in ea jacet. Ita proprie Hispania est apostolatus Jacobi, licet non eam ipse prædicaverit, sed quia corpus ejus per mare septem discipuli ejus Gallæciam advehentes, primi in Hispania Christi nomen annuntiaverunt, et ibi sepelierunt magistri corpus. Nam etsi Martialis proprium apostolatum non habeat, sicut procul dubio habet, eo quod tamen ab ipsius ore Christi in carne potestatem ligandi et solvendi accepit nequaquam profecto privaretur nomine apostoli. Responde etenim mihi, quis est apostolatus Pauli ? Apostolatum Barnabæ et Lucæ et Onesimi et Silæ et Thimothei ostende mihi, quia et istos Ecclesia prædicat apostolos. » Qui cum taceret, aio : « Etsi illi apostolatum proprium non habent tamen apostoli recte prædicantur, quia officium apostolorum adimpleverunt, id est gentibus evangelizaverunt. Nec enim omnes episcopi proprias sedes hauerunt, nec omnes presbyteri proprias ecclesias, nec omnes abbates propria monasteria. Plerique etiam episcopi dereliquerunt episcopatus suos proprios, nec tamen ob hoc episcopi nomen amisserunt. Sic et nonnulli ex apostolis sine apostolatu proprio fuerunt, et tamen apostoli sunt. Quia vero sine dubio Gallia proprie apostolatus est Martialis tam Dei quam ipsius, tantocius Aquitanie quam etiam priscorum Patrum nostrorum catholicorum intemerabilia testimonia multa sunt ; ita ex omni parte Martialis perfecte apostolus est, quia et a Christo accepit ligandi dissolvendique potestatem, et in Galliam non sua propria voluntate, non suo arbitrio, non sua presumptione, sed præcipiente Do-

mino et cogente Petro ingressus est evangelizare; A insuper quod bene cœpit, melius perseveravit et apostolatam propriam, id est gratiam et annuntiationem fidei in gentibus Galliarum pro nomine Christi habet. Unde qui eum contendit non esse apostolum, necesse est contendat nullum esse apostolum nisi tantummodo duodecim, et ut radat nomen Pauli de litanis de ordine apostolorum, nomina Barnabæ, Cleophæ, Marci et Lucæ et Timothei, Onesimi et Silæ et Judæ, et universalem invocationem qua dicitur: *Omnes sancti apostoli et evangelistæ et discipuli Domini*, et sit hæreticus Hebionita. Cui nos catholici nequaquam patiemur acquiescere, sed vestigia priorum Patrum sequentes, nomen Martialis in ordine apostolorum invocabimus.» Ad hæc medicus ait: « B Benedictus dicit non esse hanc invocationem aliorum qui non sunt nominati, sed collectionem qui jam sunt nominati apostolorum.» Et ego respondi: « Diabolus male interpretatur Scripturas, et isle hæreticus male exponit litanias. Sapientior est omnis Ecclesia catholica isto uno hæretico. Nam si collectio est prænominatorum, superflua est. Si invocatio est tam prænominatorum quam eorum omnium qui nominati non sunt, quod sine dubio verum est, necessaria est, sicut et invocatio universalis angelorum, patriarcharum et prophetarum, innocentium et martyrum, confessorum et virginum, et omnium sanctorum, qui nisi ita invocentur, nominatim per singulos invocari non possunt. Nam præter quatuor C evangelistas, sunt alii evangelistæ, ut Lucas ipse in Actibus apostolorum commemorat Philippum evangelistam, qui unus fuit ex septem diaconis, qui eunuchum Candacis reginæ baptizavit, et qui a spiritu raptus inventus est in Azoto, et pertransiens evangelizabat civitates. Non enim est ipse Philippus apostolus, ut quidam falluntur. Ipse est quoque Philippus, non apostolus sed evangelista, qui descendens in civitatem Samaritæ prædicabat illis Christum, per quem Simon Magus credidit, cui etiam primo adhærebat. Et Paulus apostolus de aliis apostolis et evangelistis quos post ascensionem suam Dominus elegit multos, ait: *Et ipse dedit quosdam quidem apostolos, alios autem evangelistas, alios vero prophetas et doctores.* D Nam Silas et Judas apostoli ab aliis apostolis ordinati, prophetæ dicuntur, et a prophetis et doctoribus Paulus ordinatus est apostolus. Porro de Vita Martialis apostoli, quam mentitur hæreticus non esse antiquam, audi qualiter Donadeus monachus ejusdem apostoli, licet illitteratus, arguerit mendacii quemdam ante hos decem annos grammaticum alienum similiter fallentem. Ingeniose duxit hominem in basilicam vetustam Salvatoris, quæ nimia vetustate tunc ruinam minitabat, et ante hos septem annos est diruta usque ad solum, et ait: *Dic mihi si est vetusta hæc basilica?* Grammaticus stultus respondit: *Etiam ante quingentos annos fuit vetusta.* Mox ibi ostendit ei picturas multa antiquitate vix parentes, et ait:

Unde sunt istæ picturæ? Ille videns Martialem ministrantem Domino ad mandatum, et cæteras picturas sicut legitur in ejus vita, rubore confusus non sine omnium qui aderant derisu professus est mendacium suum.» Medicus vero ad hæc: « In uno solo vetere libro vel in litanis si potueris eum mihi ostendere scriptum apostolum, credam.» Quod cum in pluribus ostendere possem, gavisus dixi: « Veni ad monasterium, et vide.» Ille noluit, quia longe hospitium habebat, et crastino inde ad alia loca abiit. Dixit etiam mihi: « Ego plus quam alii homines causa medicinæ circumeo multa loca, et audio hoc reprobari ab omnibus, et a nullo laudari, et maxime propter Benedictum priorem qui contradictor est, qui affirmat omnibus propter hoc nasciturum esse ab hoc usque ad quinque annos magnum scandalum in loco sancti Martialis, et venturam ibi magnam persecutionem, quia orationes de ipso sicut illi proferunt, non sunt Deo acceptabiles.» Cui ego: « O linguam præcidendam et a canibus devorandam!» Jannes et Mambres restiterunt Moysi, et iste Longobardus resistit veritati; non valet comprehendere veritatem, non suscipit ipse veritatem, et eos qui suscipiunt prohibet, et adducit sibi celere perditionem. Sui auditores a veritate auditum avertunt, ad fabulas autem convertuntur. Simon magus de Petro et Paulo apostolorum principibus Neroni dicebat: *Isti homines contra regnum tuum agunt, Zaroes et Arfaxat de Simone et Taddeo apostolis dicebant: Venient ad vos inimici deorum et leges vestras subvertent.* Aman Agapites regi Assuero dicebat: *Est gens Judæorum in regno tuo quæ proprias leges tenet, et inimica est tuis.* Athenienses de Paulo dicebant: *Novorum demoniorum annunciator est iste.* Pontifices et Pharisei concilium contra Dominum tenuerunt, dicentes: *Quid facimus, quia hic homo multa signa facit? Si dimittimus eum sic omnes credent in eum.* Judæi Pilato dicebant: *Seducitor ille dixit adhuc vivens: Post tres dies resurgam.* Impedit nos Satanæ, sed non erubescimus veritatem; reddat ei Dominus secundum opera ejus, quia valde resistit verbis nostris; habet speciem pietatis, sed virtutem ejus abnegat; habet zelum, sed non secundum scientiam. Ego vero, si fulminibus igneis consumerer in hac hora, nequaquam testimonia sanctorum Patrum nostrorum transgrederer, sed exclamarem: *Apostole Christi Martialis, salvum me fac.* Si totum monasterium ipsius apostoli et tota civitas Lemovicensis omni modo hodie igne cremaretur, nec sic qui eum diligunt dimitterent puram veritatem ipsius, sed tunc ardentius et fiducialius clamarent: *Apostoli tui Martialis, Domine, precibus adjuvemur, ut et a nostris reatibus absoluti, ab imminentibus periculis liberemur, per Christum Dominum nostrum.* Porro sermonibus sapientium, licet paucorum, potius credendum est quam indoctæ multitudinis vulgi opinionibus. Nam multitudo popularis nescit aliam auctoritatem præter istam, dicens: *Quid fecerunt*

tot episcopi, tot abbates, tot sapientes transacti ante ducentos annos? Nunquam amplius audivimus Martialem esse apostolum. Cur hoc mutant isti sapientes? satis habet honorem. Et sic lingua venenata invidorum decidit in blasphemiam pun-gens talia. De illo gradu, ubi Deus eum posuit, tollunt eum, et faciunt eum ascendere ubi nunquam fuit; et ipsi Martialis hoc molestum est.

O aculei serpentis, o aspides surdæ, o lingua toxicata diaboli, quæ solita es sanctos Dei et ipsum Deum dilacerare; quæ non desinis pervertere vias Domini rectas; quæ in paradiso dixisti: *Nequaquam morte moriemini*, et protoplastos interemisti; quæ dixisti de Filio Dei: *Hic est homo vorax ac potator vini*, et *Hic est Joseph fabri filius*; quæ dixisti per Pharaonem: *Quis est Dominus, ut audiam vocem ejus? Nescio Dominum, et Israel non dimittam*; quæ dixisti Filio Dei: *Hæc omnia tibi dabo, si cadens adoraveris me*; quæ vis omnes cadere, nullam erigere; quæ Judam de apostolatu dejecisti; quæ aperis os tuum in blasphemias ad Deum, blasphemare nomen ejus et tabernaculum ejus, et eos qui in cælo habitant; quæ corpora martyrum submergere fecisti, dicens: *Ne Christiani sibi martyres facerent*; quæ per Simonem Magum de Petro apostolorum principe, dicebas Neroni: *Hic est homo imperitus, piscator mendacissimus, nec in moribus, nec in genere, nec in aliqua præditus potestate*; quæ Spiritum sanctum minorem Filio, et Filium minorem Patre dudum prædicabas, nunc prædicas Martialem esse minorem apostolis; quin potius abnegas eum esse Christi apostolum. Sed, hæretice, canis invidæ, quicumque hoc dicis, recte in caput tuum mentiris: quia Christus Martialis magister fuit, Christus Martialem per se docuit, pro Christo Martialis multum laboravit, ut verus apostolus. Multitudo sapientium sanitas est orbis terrarum. Quod prædicamus Martialem esse apostolum, contrarium est diabolo, delectabile Christo. Astutia diaboli adhuc dicunt nonnulli rustici: Magis volumus Martialem esse confessorem primum quam apostolum ultimum. Et hæc de causa ab insulsis hæc prava consuetudo dudum immissa est, quæ modo ab cruditis penitus abscissa est. Docti enim credendi sunt potius quam vulgus, nec doctus assentiri debet opinionibus vulgi, sed vulgus assentiri oribus docti. Docti enim fulgebunt ut splendor firmamenti, et qui ad justitiam erudiunt multos quasi stellæ in perpetuas æternitates. Quapropter hæc justitiam non in vanum ducimus prædicare. Vestigia enim Christi secuti sunt priores apostoli; post apostolos, martyres; post martyres, confessores; post confessores, virgines; post virgines, viduæ; post viduas, continentes. Quot vero episcopi orthodoxi, quot Patres catholici, quot litterati lumina Ecclesiæ ante nos Vitam Martialis legebant et credebant, licet si intelligerent, desidia tacerent? Quot eruditi ante nos in conspectu Dei cecinerunt: *O quam gloriosus est miles fortissimus Martialis,*

qui apostolorum junctus collegio, potestate ligandi atque solvendi accepta a Domino, non dissimili cum apostolis est honoris usus privilegio; et multa alia, in quibus apostolus prædicatur; nunc vero per unum Langobardum rusticum, putantem se esse grammaticum, derelinquet conventus eruditorum catholicorum veritatem antiquam Patrum nostrorum? Facilius possunt cervi camporum pasci in æthere quam sancta mater Ecclesia hanc suam purissimam veritatem derelinquere. Hanc sanam consuetudinem, etsi insulsi olim respuerunt, non tamen amiserunt, sed inviti et ignorantes ex parte retinuerunt scintillam, et eruditi in litanis reservaverunt: ex qua scintilla reluxit modo ut sol pulchra veritatis consuetudo, glorificante Deo tempora piissimi pastoris nostri Odolrici et episcopi Jordani. Quia ergo Martialem prædicamus in veritate apostolum, gaudet ipse, gaudet Deus, gaudent angeli et omnes sancti ejus. Tristatur diabolus, tristantur hæretici et invidi, et cum invidia sua moriuntur, nisi a diabolo disjungantur. Testificor coram Deo et Christo Jesu, qui venturus est judicare vivos ac mortuos, per adventum ipsius, et regnum ejus; testificor et coram Spiritu sancto, qui apostolorum pectora invisibiliter penetravit, si mihi visibilis modo appareret in facie mea Martialis ipse, et me interrogaret dicens: *Que me dicunt homines esse?* ego sine aliqua hæsitatione, confidentissime ac promptissime protinus ei responderem dicens: Alii apostolicum virum, alii unum de episcopis, alii unum de ignotis sanctis, aut unum ex confessoribus. Et si dignaretur me interrogare dicens: « Odolricus vero abbas meus, et monachi mei, et episcopus meus Jordanus, *Quem me esse dicunt?* » ego protinus responderem, « Apostolum Dei. » Ego autem Ademarus indignus servus tuus veraciter credo, confiteor et dico quia tu es vere magnus et egregius, et nobilissimus apostolus Dei; et qui te contradicit esse apostolum, ira Dei cadat super illum, et sit perditio in adventu Domini nostri Jesu Christi Filii Dei, qui te per se ipsum docuit. Sed dubii, quia non audiunt nomen tuum scriptum in Evangeliiis, te hæsitant apostolum; verum ego credulus profiteor tacite prætermissum causa junioris ætatis tuæ; cum et in Veteri Instrumento non numerarentur Hæbræi, nisi a viginti annis et supra. Fides, spes et charitas meum comitantur in ardua gressum, dum credo quæcunque Petrus a Christo secreta et cum duodecim audiebat, te quoque per eundem Petrum tunc simili modo audisse, et ideo gentibus te fiducialius Christum prædicasse, et per te gaudeo in Deum similiter credere, omnesque hæreses respuere, dum spero per te ad visionem summæ Trinitatis me perventurum, et ipsa perenniter fruiturum, dum per te charius et ardentius diligo Dominum Jesum Christum. Quicumque a me vult auferre ut te corde non credam, et ore confitear Christi apostolum, auferre vult a me fidem, spem et charitatem, sine quibus nemo salvus esse poterit in æter-

num. Non acquiesco Longobardo, qui te abnegat A
interfuisse in cœna Christi, qui mentitur ore suo
venenato Dominum cum solis duodecim quasi la-
tronem, non quasi regem liberalissimum cœnasse.
Sed assentio sanctis Patribus nostris, et scriptori
Vitæ tuæ, et affirmo Dominum cum duodecim apo-
stolis discubuisse, ministrosque habuisse, qui ei
et duodecim apostolis ministrarent, et pocula propi-
parent, et quæ necessaria erant deferrent. Non
assentio vaniglorio Longobardo, qui te abnegat ab
ipso Christo potestatem ligandi et solvendi acce-
pisse; sed solide profiteor te tanto munere apo-
stolico cum aliis apostolis a Christo sublimatum;
ideo peto, apostole sancte, solve vincula omnium
peccatorum meorum, et nunquam disrumpendis
dulcissimi amoris tui vinculis mentem meam ad B
te tenacissime constringe. Nunquam communi-
cabo hæretico Hebionitæ pseudomonacho, qui te ab-
negat in loco ubi Spiritus sanctus in igneis linguis
super discipulos descendit, interfuisse: quin imo
libera voce omnibus populis testificor non ibi solos
duodecim, sed etiam multos alios discipulos ibi
in Sion congregatos fuisse, et te inter eos repletum
Spiritu sancto variis linguis magnalia Dei esse lo-
cutum, et cum aliis apostolis edoctum omnibus
linguis invincibilem resurrectionis Christi testem
extitisse. Unde imploro per te ipsius Paracliti visi-
tatione cor meum mundari ab omni errore, et sap-
ientia, quæ a Patre luminum est, sine fine corusc-
care. Disperat hæreticus velociter a facie terræ,
qui omnibus prædicare non cessat Christi ascen-
sionem nullum alium præter solos undecim apos-
tolos vidisse, et ibi nequaquam te interfuisse. Ego
enim vivens cum Christo, ego, qui nunquam mori-
ar, ego, qui mortem non gustabo in æternum,
utpote credens in Christum, super montem excel-
sum ascendens, et in fortitudine vocem meam
exaltans, omni creaturæ cum omni fiducia adnun-
tio, sicut veritas est in Jesu; quia sicut testis est
Aurelianus episcopus, quem resuscitasti a gemina
morte, scriptor Vitæ tuæ cum undecim discipulis
in Galilæam, in montem ubi constituerat eis Jesus
hortante Petro abiisti, ibique ab ipso Christo po-
testatem prædicandi, docendi, baptizandi, una
cum Petro et reliquis apostolis accepisti, et postea
in monte Oliveti ascendente ad Patrem Domino
præsens fuisti, ubi benedictionem pontificalem ab
ipso Domino cum reliquis discipulis meruisti.
Unde te, sancte apostole, non sine magno gemitu
deposco, fac me oblivisci terrenorum, et quo Chris-
tus præcessit, incessanter suspirare ad cœlos
cœlorum. Quod si Hebionita Longobardus ab infi-
delitate non discedit, discedat a societate ortho-
dorum, rumpatur ab unitate catholicorum, abs-
cindatur a contubernio omnium sanctorum, se-
gregetur a consortio angelorum beatorum, quo-
niam nullatenus est de collegio sanctorum aposto-
lorum. Comminatus est nos propter tuam gloriam
et veritatem accusandos a se ante papam Roma-
num, omnem Aquitaniam propter te excommuni-
candam; in laqueo suo humilietur invidus hære-

ticus, exsurgat Dominus, et non prævaleat Longo-
bardus. Tripudiet in te Petrus, quia tu es dilectus
sibi coapostotus; papa Romanus Aquitanie tuæ
communicet, non excommunicet. Te Petrus vene-
ratur vere coapostolum; te papa Romanus non ab-
neget vere apostolum. Te Petrus clamat charissi-
mum fratrem; te papa non denegat dilectissimum
Petri consortem. Pro te Petrus oravit fixis geni-
bus; propter te gratias papa referrat expansis ma-
nibus. Gratuletur in te omnis Roma, quoniam Pe-
tro solvit tributum omnis Aquitania tua. Verum si
forte humana a divinis discordaverint iudicia, si
forte creditum fuerit veritatis inimicis potius quam
amicis, nunquid corruptibilis papa poterit trans-
cendere Petrum, cujus instinctu Christi præceptis
obedisti? Nunquid moriturus papa poterit te ex-
communicare, quem Christus ascendens ad Patrem
propria manu dignatus est benedicere? Nunquid
vermis efficiendus papa poterit excommunicare
Dei Filium, qui tibi cum reliquis apostolis contulit
ligandi solvendi que pontificium? Nunquid huma-
nus papa poterit excommunicare Spiritum sanc-
tum, qui tibi cum reliquis discipulis contulit scien-
tiam omnium linguarum? Nunquid fragilis papa
poterit excommunicare Aquitaniam tuam, quam
fecisti cohæredem Christo in vitam æternam? Nun-
quid pulvis et cinis papa poterit excommunicare
Ecclesiam Dei, quam tu ab idolis emundasti, et ab
omni hæresi semper illæsam servasti? Nunquid
futurum cadaver papa poterit ne te prædicent
apostolum prohibere episcopos tuos, quos tu una
cum omni Gallia præsentabis Christo in die iudicii,
manipulos laborum tuorum, in horreo cœlesti sal-
vandos? » His et talibus, amen dico vobis, insa-
tiabiliter Martialem apostolum Dei alloquerer, si
eum contemplerer. Quod vero nonnulli bruti et
pusillanimes aiunt, peccatum est, quia prædicamus
eum apostolum, et Deo et illi est molestum; ego
verus Chrislicola Ademarum ante præsentiam
Salvatoris, qui venturus est iudicare vivos et
mortuos, et sæculum per ignem, et ejusdem Geni-
tricis intemeratæ et perpetuæ virginis Mariæ, ac
beati apostolorum principis Petri, testor et opto
super me sit hoc peccatum hic et in futuro in
æternum. Vere si hoc peccatum super me ha-
berem, beatus omnino fierem; non enim est hoc
peccatum, sed pietas maxima. Iterum adhuc pro-
nuntio ante conspectum Dei, et omnium in cœlo
habitantium, si gloriæ Dei vel ipsi Martiali, vel
alicui sanctorum, qui jam ex hac vita transierunt,
molestum aliquo modo est eum prædicari apos-
tolum, hac ipsa hora, quæ est quasi sexta diei,
hoc ipso articulo temporis, quo hoc scribo, hoc
momento, hoc atomo moriar corpore, et ultra non
vivam. Duæ missæ, quas hodie mane sexta Sab-
bati continuas in honore vivificæ crucis, unam
sponte, alteram obediens necessario jubenti et ro-
ganti abbati Amalfredo, super corpus beati Epar-
chii celebravi; si, inquam, hoc Deo displicet, non
sint mihi in adiutorium, sed statim, sicut solus in-

tra ecclesiam scribo, hac ipsa hora animam red-
dam. Christus ubique est.

Christus me vivere vult, Christo gratum est Martialem prædicari a nobis apostolum. Est enim vere apostolus. O seniores Patrum, quibus hanc epistolam scribo, adhuc auribus accipite blasphemos Langobardi inter pocula sermones. Nam contrarius apostolo jubenti cum silentio panem manducandum, non in capitulo matutino, non in loco sobrietatis, sed jam escis distentus, piscibus refectus, vini meri poculis madidus, in refectorio fratrum jubet lectorem silere multoties, et non de ipsa lectione, sed de apostolo Martiale, fratribus convivantibus, sæpissimos sermones faciebat ita derisorios, quod non sine immensa cordis mei amaritudine dico, ut omnium ætatum fratres ad lascivum risum et cachinum dissolveret. Ita tota prandia et cœnas per dies ferme quadraginta Augusti et Septembris mensium alternatim manducabat et bibebat, sibi et Christo apostolum Martialem blasphemabat nobis. Epulæ suæ, blasphemie nostræ. Hec erat sua crebra repetitio quotidiana : « Ego, inquit, sum nepos abbatis de Clusa ; ipse duxit me per multa loca in Longobardia et Francia propter grammaticam ; ipsi jam constat sapientia mea duo millia solidis, quos dedit magistris meis. Novem annis jam steti ad grammaticam, et adhuc sum scolasticus. Sumus novem scholastici, qui simul discimus grammaticam, et sum ego valde perfectus sapiens. Habeo duas magnas domos plenas libris, et adhuc non omnes eos legi, sed quotidie meditator in illis. Nullus liber est in tota terra quem ego non habeam. Postquam exiero de schola, non erit subtus cælum tam sapiens ut ego. Ego ero abbas de Clusa post mortem avunculi mei, jamque sum electus ab omnibus ; et nisi tales conversi mali monachi fuissent, qui non curant nisi de hypocrisi et de rusticitate, qui mihi hoc abstulerunt, jam ex multo tempore essem consecratus abbas. Ego sum prior de Clusa, et scio bene facere sermonem de littera. Dicunt isti Lemovicani stulti, quia in Francia prædicant apostolum esse sanctum Martialem, et quia mittunt eum in litiis ante martyres, hoc falsum est ; ego enim multis annis steti in Francia et nunquam ibi audivi etiam nomen ejus in aliquibus agendis nec in totis litiis. Francia nihil scit de ipso : nescit si est apostolus, aut martyr, aut confessor. Nulla ibi de eo fit commemoratio etiam in suo natalitio. Nunquam deberet esse hoc cogitatum. Quis fuit unquam tam ausus qui hoc diceret ? Quis ausus fuit Martialem prædicasse apostolum, nisi prius grande generale concilium omnium episcoporum Gallie et Italie, una cum papa Romano congregaretur, et ibi esset probatum si est aut non est apostolus. Ego totum unum concilium bene scio disponere, tam sapiens sum. Et si ego primas affirmarem, tum posset hac causa existere ; in Aquitania nulla sapientia est, omnes sunt rustici. Et si aliquis de Aquitanis parum didicerit grammaticam, mox utat se esse Virgilium. In Francia est sapientia,

sed parum ; nam in Longobardia, ubi ego plus didici, est fons sapientiæ. Ego propter hanc causam, conducam omnem Aquitaniam ad tale placitum, in quo nullus clericorum sciet se adjuvare. Nam ego aut ibo ad papam Romanum propter hanc præsumptionem, aut mittam ei litteras meas sicut scio componere. Et iste papa est valde asper homo et ferus, et male iracundus et sævis moribus ; et mox ex quo audiet novum apostolum esse erectum in Gallia, excommunicabit omnes episcopos et omnes ecclesias et monasteria totius Aquitanie, ut nullum sacrum ministerium ibi amplius celebretur, quousque hoc sit omnino destructum, et penitentia publica pro hoc sit ab omnibus facta. Et postea per testamenti præceptum excommunicabit, ut jam ultra in futurum hoc amplius nullatenus præsumatur. »

Itaque duo pseudomonachi nostri a Buxetia reversi, mox gementes cœperunt nobis dicere : « Heu ! male fuimus nati ; omnes mortui sumus, nisi Deus misericordiam nobis fecerit. » Tum ista quæ supra retuli, et multo alia majora quæ audierunt ab illo muscipula diaboli Longobardo, cœperunt nobis enarrare. Ego vero, confisus hanc contrarietatem accidere propter majorem futuram firmitatem, et quia quo plus contradicitur, eo plus veritas affirmatur, simulque pro nihilo ducens ostentantem Longobardum (audieram enim eum Lemovicas, ut supra dixi, barbarismis male corrumpere Latinitatem, et stultos mores ei inesse ; nam iram suam nequaquam celare poterat, et contentionem in nos sua defensione amabat, intellexeram), vel quia tot prudentes Ecclesie Lemovicencis viros judicabat erroneos, vel quia solus exotici neque invitatus, videri magister volebat pluribus (culpa est enim superbiæ meliorem velle docere) ; simulque quia confestim appulit animus hanc vobis scribere epistolam ad refellendos vecordis errores, curiose minütius sciscitatus sum ab eis hæc omnia dicens : « Unde nostis si ipse est sapientior nobis ? — Ultra, inquit, omnes homines est sapiens quos unquam vidimus. Nul- lum ita tota die loquentem audivimus. O quam loquax est ! nulla hora lassatur a locutione. In quocunque loco fuerit stans, sedens, ambulans, jacent, ita defluunt verba ab ore ejus veluti aqua a fluvio Tigride. Ipse mandat omnem locum Buxerie sicuti abbas, omnes monachi, et laici et clerici nihil agunt sine nutu ejus ; ipse est enim prior prælatus. Multitudo populi et militum, nobis præsentibus, ad eum quasi ad principem desiderantium eum audire loqui festinabant ; quos ipse tota die ferens verba, omnes pertæsos reddebat, ipse vero non lassabatur. Qui vero recedebant, dicebant : Nunquam sic eloquentem grammaticum vidimus. » Quibus ego : « Non multitudo, inquit, eloquentium, sed multitudo sapientium sanitas est orbis terrarum. Sapiens verbis innotescit paucis. Et monachus pauca verba et rationalia loquatur, et linguam ad loquendum prohibeat, et taciturnitatem habens usque ad interrogationem non loquatur. *Stultus, si tacuerit,*

sapiens reputabitur. » Tum illi : In hac terra non reputatur sapiens, nisi multum fuerit eloquens. Sed de sancto Martiale valde sumus tristes ; nam valde placebat nobis eum prædicari apostolum ; amodo vero revertendum nobis est ad solitum usum. Ipsi enim Lemovicenses monachi, qui ante corpus ejus astant, post non multos dies revertentur ad pristinum morem, et non vocabunt eum ultra apostolum, sed confessorem, sicut Benedictus affirmat, et erit hoc magna derisio coram omni sæculo. » Quibus ego. « Hæc est visio mea, quam hac nocte exhorrebam. Duo parvi, sed valde fetidi serpentes erant colore tetro, ascendentes de vallo inaquoso, sed humido inter se ludentes et luxuriantes, et corpore immoti in superficie valli. Quos quidam monachi admirantes et ridentes spectabant libenter ; verum ego pro fetore maligno potius execrans quam fugiens videbam eos in cavernulis suis reabscondi, quasi fugiendo velocius. Videbam item in summitate fossati ipsius tertium serpentem turpissime variatum, non plus uno cubito longum, inflatum nimio veneno, medium de foramine exire torpidum ; et emouentem venenum, qui exhalabat execrandum fetorem ; quem, qui circumstantabam, dicebant esse matrem duorum serpentium. Quem a longe clausis naribus meis dum cœpisset spectare, ille velut visum meum erubescens, paulatim retrorsum repens, in foramine suo delituit. Intellexi duos serpentes duos esse vos pseudofrateres, tertium vero doctorem vestrum Longobardum, quem ultra nequaquam vocabo Benedictum, sed nomine digno censebo Belitonium, hoc est, Belial sonum, quia per eos ejus diabolus sonat. Est siquidem proprium Satanæ non per charitatem admonere, sed per superbiam derogare, per invidentiam aliorum claritatem obfuscare. Sed cum sciam difficile erigere, et facile esse diruere veritatem, nullatenus miror vos pro uno ignoto magistro in momento reliquisse bonum, quod me per multum tempus suadente, qui sum a puero non incognitus, testimoniis æque et auctoritatibus virorum probabilium fervescentibus vix inchoastis. Melius tamen fuerat vobis rectitudinem hujus veritatis licet cognitam non inchoasse quam inchoatam dereliquisse. »

De alio etiam monacho sæculari, licet inter regulares Angeriacensis cœnobii ad horam conversetur, ejusdem nominis, prænomine autem Salgionio, scitote, o viri clarissimi quibus hæc scribo, et ipse in quantum potest, adversarius est huic veritati, adeo ut in conventu nostro publico die quodam hospes, audiens nos in litanis nomen Martialis in choro apostolorum canere, mox ibi coram omnibus maximum tumultum et murmur et scandalum moveret, et deinceps quartum in ordine confessorum elata voce proferret, qui quartum decimum in ordine apostolorum pronuntiatum fuerat. Quem cum palam coram abbate et fratribus arguerem, ait jurgans : « Quod nunquam antea dictum est, hoc modo dicemus ? » Cui Gauzbertus : « In itinere,

inquit, Romæ vidi jam olim quemdam præcipuum comitem Almannum, cujus linguam intelligere non poteram, nisi in psalmis et litanis et lectionibus, cujus capellani ante eum quotidie circa horam tertiam litanias sanctorum dicebant, et quotidie illos audiebam Martialem pronuntiare in ordine apostolorum. » Tum Salgionius : « Et ego, quando euntes in Hierosolimam intravimus mare, vidi quemdam Joannem monachum, fortissimum grammaticum, ex civitate Remis, qui in navi similiter quotidie Martialem pronuntiabat in ordine apostolorum. » Et Gauzbertus ait : « Ego nisi per memetipsum ab extranea gente et barbara lingua audirem, non crederem eum esse apostolum ; tu vero, qui, ut dicis exemplum simili modo ab alienis audisti, cur adversarius es ? Quia nunquam, inquit, hactenus talis consuetudo fuit inter nos, et omnes episcopi et abbates nostri sunt propter hoc tristes, et volunt mittere epistolas papæ Romano, ut hanc novam præsumptionem fieri prohibeat. » Et ego respondi : « Si papa, subripiente consilio invidorum, hoc prohibet, tamen obedire oportet Deo magis quam papæ Romano. Nulli etenim papæ data est potestas vel absolvendi vel excommunicandi sanctos apostolos Dei, vel prohibendi Ecclesiam Dei a bene faciendo et recte loquendo. » Et ille : « Cur hoc inchoasti sine licentia sua ? » Tum ego : « Et tu, inquam, cur effectus es de canonico monachus sine licentia sua ? Nunquid non ante Martialis fuit apostolus quam in urbe Roma esset aliquis papa constitutus ? Nunquid non simul cum Petro romam venit ? Nonne in Hierusalem fuit a Christo apostolus constitutus, et in Sion per Spiritum sanctum scientia omnia linguarum edoctus est ? Non enim de urbe Roma, sed de Sion exivit lex, et verbum Domini de Hierusalem. Si qui vero apostoli ordinati sunt Romæ, requirant apostolatuum suum Romæ. Martialis enim in Hierusalem apostolus ordinatus est, ubi fons Christianitatis, ubi vinea fuit basalmi, ubi mater est omnium Ecclesiarum Sion. Nam et quod legitur in quibusdam Annalibus : *Natalis Martialis, qui ab apostolis ordinatus est*, simili modo legitur de Jacobo apostolo : *Natalis*, inquit, *Jacobi fratris Domini, qui ab apostolis primus Hierosolymis ordinatus est episcopus*. Non enim apostoli eum consecrarunt, quia Christo consecratus erat, sed compulerunt suscipere reginen Ecclesiæ. Pari modo Martialis tantæ dignitatis est apostolus, ut ab apostolis non consecratus, sed unanimi consensu primum deputatus sit regimen suscipere in provincia et in urbe adhuc ignota, sed a Domino postea Petro ostensa. Ideo Petrus ait : *Lemovicam tibi Christus commendat*. Christus, inquit, non ego. Clementi vero quem de gentili Romano Christianum fecerat, alio modo Romanam urbem injunxit Petrus, dicens : *Te episcopum Romæ ordino, et tibi meæ prædicationis et doctrinæ cathedram credo. Et tibi trado a Domino mihi traditam potestatem ligandi atque solvendi, ut de omnibus de quibuscunque in terris decreveris, hoc decretum sit in cælis*. Tunc in medio

coram omnibus manum ei imposuit benedicens, et in cathedra sua eum sedere compulit. Hoc ipsum antiphona demonstrat antiqua : *Sanctus Martialis ad prædicandum Galliis delegatus*, subauditur a Domino, quia Dominus ante deputaverat Galliam ad prædicandum, ad quam postmodum præcepit ire per jubentem, imo suadentem et hortantem Petrum. In qua regione primum Lemovicensibus sermone et signis salutem pandere suscepit. Si enim hanc antiphonam ad alios verteris apostolos, recte constabit hoc modo : S. Petrus ad prædicandum Italiam delegatus, Romanis civibus jubentibus cæteris apostolis semina fidei eroganda suscepit. Sanctus Andreas ad prædicandum Achaiae delegatus apud urbem Patras, suadentibus aliis apostolis, prædicationem suscepit. Licet enim, ut liber Clementis ait, Barnabas primus Romanis exortus sit prædicare, tamen sine effectu et fructu reversus est Orientem, Et si calicem Aurelianensis ecclesiae, A quem, sancto Evurtio episcopo celebrante missam, fertur divina manus benedixisse nemo postmodum mortalis præsumpsit benedicere, quomodo Martialem, quem Christus manibus suis benedixit episcopum cum cæteris apostolis, ultra aliquis mortalium benedicere pontificem præsumeret ? Et si benedictio patriarcharum tantam vim habet, ut dum barbas et coronas clericorum benedixerint hoc tantummodo dicentes : Benedicta sit herba vel corona tua, aliorum episcoporum benedictione non opus sit ; multo magis benedictio ipsius Domini, qua elevatis manibus apostolis benedixit, tantam virtutem habuit ut altera consecratione ab aliquo mortalium ipsis alterius nullatenus opus esset. » Ille vero respondit : « Ipsi principes sæculares hoc vituperant. » Cui ego : « Non omnes, inquit, qui ipsum Christum aut apostolos ejus loquentes audierunt verbum Dei, receperunt. Et hoc tempore obsequium amicos, veritas odium parit. »

FRAGMENTUM SERMONIS ADEMARI

In concilio Lemovicensi habiti.

(Apud Mabill., *Acta SS. ord. S. Bened.* tom. VIII, p. 34, n. 3).

Prolongum est tot Patrum rata testimonia de ejus *(id est sancti Martialis)*... ad medium deducere. Unum tamen ex prisca auctoribus super hoc memorasse satis sit ; illum certe nominatissimum Patrem (*S. Abbonem*), cui in pastoralis regimine ille totius scientiæ vir gravisque auctoritatis successit archiepiscopus Bituricensis (*Gauzinus*), orthodoxæ fidei defensorem, catholicæ pietatis cultorem, bene nostis, etsi non visu, sed auditu. Jam enim longe ante nos præcessit martyrio coronatus, sanguine fuso ab impiis passus ; ad cujus sepulcrum jam clarere audivimus miracula, verorum testimonio comprobata ; cujus martyrium etiam in pluribus Ecclesiis more sactorum martyrum solemniter celebratur. In quo martyre tantum domicilium sapientia sibi collocaverat, ut sui temporis eruditi, quanquam innumeri florerent, præ omnibus tamen auctoritas ejus maxime duceretur, ita ut in tota Gallia et Germania atque Anglorum gente (nam illic quoque famosissimus habebatur) de quacunque ventilaretur quæstione, si quis audisse se diceret ab illo definitionem, nihil plus auctoritatis requiretur ; judicabatur ab omnibus ratum esse quod ab ore tanti viri auditum esset : qui auctoritate quasi alter Salomon præcellebat. Et si esset habitatu vel natu Francus, eloquio tamen Romano clarus, ac si alter judicabatur Tullius. In concilio Patrum coram regibus et principibus solus C proposita discernebat, solus omnium magister paucis verbis dubitationi finem dabat. Omnes, licet peritorum peritissimi, ex ore ejus pendebant, eo præsentem digitum ori superponebant. Ita magnus sapientia, præterquam quod septem columnis liberalium artium fulcitus erat, plenus auctoritatis et gratiæ, omni ecclesiæ ornamentum erat. Conventus episcoporum decorabat, omnia sua dicta auctoritate divinarum Scripturarum approbabat ; et quidquid ex ore ejus procedebat, quasi quodammodo non humanum, sed divinum sonabat. Hic in suo quodam tractatu Martialis veritatem tacere non potuit, dicens : « Summus Pater iste Martialis in cœna omnino sat mystica Christo conviva fuit, cœlestis panis sumens reliquas ; cumque discipulorum collegia postea surgens tersit, lætus ipse præbuit linteamina. Neque unquam refugit sacra contubernia, absque Thoma piorum ex timida caterva unus. Quin imo cum Christus peteret cœlestia, benedici meruit inter astantium agmina. Nec choros laudantium sprexit, sed cum eisdem sancti Spiritus tunc suscepit charismata et linguas multifidas : quibus subnixus, tandem Petro comite pervenit Antiocham, ac dehinc urbem Romæ. Qua derelicta, pertransivit ad Galliam, cujus clara et nobilis est provincia Aquitania pars magna, ubi perveniens, totius provinciæ fit apostolus per cuncta sæcula. »

ADEMARI MONACHI.

ACROSTICHON

Ad Rohonem episcopum Ecolismensem

(Apud Mabill. *Analect.* nov. edit. pag. 432.)

| | | |
|---|--|---|
| R | ex dominans mihi fautor ades, ne codice fam | A |
| O | pticeat titulis, hunc renitescat apu | D |
| H | occe volumen Egolisma Rotno præsul in urb | E |
| O | mnibus eximius contidit egregiu | M |
| E | cce patrum retinet tomus præclara trophæ | A |
| P | etri quis nituit ordine clarus hono | R |
| I | uraque bellorum Christi illustrissima corn | U |
| S | anctum flamineo quæ tulit ore genu | S |
| C | ertatimque venenosos stravere chelydro | S |
| O | rnati stolis quomodo mirific | E |
| P | romptior ac micuit per eos primatibus ardo | R |
| U | t fuerintque Deo subdita colla di | V |
| V | ir pie clare bonis Præsul Rotno comptior act | U |
| S | emper amande mihi, accipito hos modulo | S |
| X | enia ADEMARIUS dederim tibi talia cur mo | X |
| R | ite tuum scire est unde reposco detu | R |
| I | anua amoris adesto mihi præclara beat | I |
| S | int furisæque procul, dum mihi pars pia si | S |
| T | e sic EPARCIVSQUE Petrus munimine coman | T |
| I | n superi nos qui castra vehantque pol | I |

ADNOTATIO.

Hoc Acrostichon scripsit *Ademarus servus Christi*, id est monachus, ex prænobili familia Cabannensi, Ecolismæ in sancti Eparchii cœnobio institutus, cujus Chronicon et Commemoratio abbatum basilicæ sancti Martialis exstant in tomo secundo Bibliothecæ Labbeanæ. Florebat hic auctor anno 1030, quo tempore Historiam pontificum Romanorum Damaso ascriptam Roho præsul Ecolismensis describi curavit opera ipsius Ademari, ut testantur superiores versus appositi in fronte codicis, qui modo in Uticensi monasterio asservatur, desinitque in Leone IV.

Non ab re erit hic subijcere titulum et clausulam, quam idem Ademarus apposuit membraneo codici ecclesie sancti Martialis apud Lemovicis, qui codex complectitur quatuor libros Amalarii de divinis Officiis, in quorum titulo hæc leguntur :

Incipit præfatio Symphosii Amalarii clerici, in libros De divinis officiis, ad Ludovicum imperatorem.

Et in fine codicis : *Explicit liber Symphosii Amalarii presbyteri venerabilis De divinis officiis, quem misit ad Ludovicum et Lotharium reges, filios Caroli Magni imperatoris : quem librum in hoc corpore transcribi curavit Ademarus indignus monachus in honorem Dei et sancti Benedicti.* Quæ idcirco huc refero quod SYMPHOSII prænomen nusquam legerim tributum Amalario, qui in eodem codice tantum *Presbyter et clericus* appellatur.

Dubia.

SERMONES TRES ADEMARI,

UT VIDETUR,

IN CONCILIO LEMOVICENSI CELEBRATO ANNO 994.

(Apud Baluz., *Hist. Tutel.*, Append. pag. 385-400, ex codice 1238 bibliothecæ Albertinæ.)

SERMO PRIMUS.

Quondam, ut novit fraternitas vestra, dilectissimi, gravior afflictio et, ut ita dicam, plaga plagarum per omnia Lemovicensium crassabatur loca et per alias in circuitu civitates, ideoque ad beatum Martialem suæ salutis medicamentum omnis confugiebat populus, quam plebem districtius in præsentem miseratio castigabat superna, ut cæteri timorem haberent, nec inobedientes jussis episcoporum essent in ecclesiasticis statutis, et ne illi qui puniebantur æterna postmodum plecterentur ultione. De talibus nimirum scriptum est: « Quem diligit Dominus corripit; flagellat autem omnem filium quem recipit. » Et Paulus ait: « Quod si extra disciplinam estis, cujus filii estis? Ergo adulteri et non filii estis. Item propheta: « Castigans castigavit me Dominus et morti non tradidit me. » Quod flagellum populo Lemovicensi non ad consumptionem, sed ad correctionem provenisse constat, dum hac de causa cuncta gens Aquitanica pœnitentiam pro commissis egit, et sacerdotum monitis obtemperans, filia pacis est facta, quia pax episcoporum super eam requievit. Si, inquit Dominus Apostolis, ibi fuerit filius pacis, requiescet super illum pax vestra; sin autem, ad vos revertetur. Eo vero tempore quo hæc facta sunt, antequam ad locum Montem Gaudii corpus sacratissimum transveheretur Aquitanici patroni, contigit jam advenisse ad synodum Lemovicensem Burdigalensis urbis, hoc est secundæ Aquitanicæ metropolitanam, cujus fides tacenda non est. Cum enim sol occidisset et ipse metropolitanus ante beatum Martialem ab oratione surrexisset, cepit divertere ad hospitium, sed ardentium ululatum graviter ferens et fetorem intolerabilem ignis qui de miserorum vaporabat corporibus, in gemitu et in lacrymis prorumpens, extensis manibus contra apostoli sepulcrum, clamavit voce magna, dicens: « O pastor et illuminator Aquitanorum, exsurge in adjutorium populi tui. Cur dormitas miseris! Tam tristem, rogo, aufer calamitatem, infernales has regnare pœnas non amplius juxta corpus tuum permittas. O Martialis, speculum virtutum, o princeps Patrum, ubi est quod legimus te in carne fuisse ejus discipulum qui in po-

A pulo Judæorum sanabat omnem languorem et curabat omnem infirmitatem; qui dolores nostros abstulit, et infirmitates portavit, cujus livore sanati sumus? O claritas episcoporum, decus Ecclesiarum, ubi est quod legimus te in cœna ministrum Salvatoris fuisse, quando suis pedes lavit discipulis? O minister pietatis, ubi est quod legitur te a Domino cum aliis apostotis potestatem accepisse ligandi atque solvendi? Nobis certe ab antiquis traditum est Patribus nostris omne te donum gratiarum cum aliis accepisse apostolis. Quid illud dicam, o pauperum expectatio, miserorum consolatio? Nonne verum tenemus fuisse a te nostræ sedis Burdegalam urbem Deo acquisitam et tui per mulierem a te baptizatam impositione baculi principem civitatis continuo a morbo curatum pessimo? Nunquid non in eadem urbe tuo sopitum est baculo incendium æstuans? Rogo, si oh plebis reatum ignis ab ore tuo exit qui devorat inimicos tuos, tamen te esse ostende ejus discipulum qui fons misericordiæ est. Coram omnibus astantibus in veritate fateor quia, nisi hanc, antequam ab hac recessero urbe in his qui præsentem nunc sunt, restinxeris flammam, nisi istam tribulantium multitudinem a te videro curatam, non credet ultra mens mea his quæ de te lego magnifica, nec ulterius tuum ad hanc civitatem ero expectiturus patrocinium. Frustra mihi appellaberis Domini discipulus, incassum mihi vocaberis Occidua genti a Deo directus apostolus, nisi in oculis meis comitetur misericordiæ effectus. Te omnes Aquitanicæ monarchum, te plebem cui præsideo Burdegalensem baptismo tinxisse mihi in vanum pronuntiabunt, nisi quod oro pro salute dolentis hujus multitudinis impetravero. Virga tua, quæ in urbe sedis meæ pro pretioso hactenus custodiebatur thesauro, mihi vilis æstimabitur, nisi cor meum exhilaratum de medela istorum reddideris. » His peroratis ad hospitium archiepiscopus recessit. Erat autem per totam urbem intus et foris virorum et mulierum præ dolore gementium clamor sine requie, et fetor intolerabilis, qui de incendio corporum exhalabat. Tum ecce ipsa media nocte apparuit signum super basilicam sancti Petri, in qua beati Martialis sepulcrum esse videtur. Nam cernentibus innumeris sed divo jacentibus in

excubiis lumen de cœlo coruscans super locum A sepulcri descendit, in suo jubare totam civitatem quasi lux diei meridiana per unam fere horam illuminavit. Omnes autem qui in urbe erant languentes repente sani facti sunt, et, cessante dolore et gemitu, requies et silentium omnibus factum est. Fuerunt vero numero septem millia et eo amplius eorum qui eadem noctis hora sanitatem receperunt, virorum et mulierum, dantium gloriam Deo cœli et ad propria incolumes redierunt. Ipsa denique noctis hora memoratus episcopus in lecto quiescens vidit in sopore profundo talem visionem. Astabat ei splendidus in veste fulgenti vir quidam qui urceum plenum aqua porrigebat ei, dicens : « Mandat tibi Martialis discipulus Domini nostri Jesu Christi ut de hac B lympa refrigeres populum æstuantem flammis, et bene habebunt. » Experrectus a somno pontifex, dum secum de tali miraretur visu, et omnia quieta sentiret, intellexit misericordiæ rorem divinitus in plebem stillari, sicut et inlucescente mane probavit. In illo tempore siquidem ex tum talis in ipsa patria paulatim cessare plaga cœpit ut aperte constaret Aquitanicis ipsum esse protectorem in cœlis qui eos olim veram fidem docuerat in terris. Verum ad illam beatam congregati pariter sunt translationem episcopi septem quasi angeli septem Ecclesiarum, ut ipso sacro septenario nobis doctoris translatio celebrior esset. Septem vero Ecclesiæ quarum pastores ad eandem translationem simul tunc convenerunt, hæ sunt sedes C Bituricensis atque Burdegalensis, Sanctonicensis etiam et Arveniensis, nec non et Aniciensis atque Petrocorensis, simulque Engolismensis. Hi septem Ecclesiarum principes una cum primate Lemovicensi, populorum optimatibus et Aquitanicis ducibus summopore in eodem concilio Domini legem observari ab omnibus sanciebant, quemadmodum per prophetam Dominus testatur dicens : « Labia sacerdotis custodiunt scientiam, et legem requirunt ex ore ejus, quia angelus Domini exercituum est. » Ante omnia pacem et justitiam observari monebant, ut legis docti inter virum et virum querelas juste finirent, et, oppressionibus pauperum et violentiis rapacitatis procul exclusis, pax et amica quies in regno Aquitanico deinceps permaneret; qui vero pacem violarent, tanquam rei majestatis a liminibus exploderentur Ecclesiæ, et a corpore et sanguine Domini extorres et a fidelium consortio et colloquio remoti, infamia perpetua notarentur, donec per satisfactionem condignam ab episcopis iterum matri Ecclesiæ reconciliarentur. In eo concilio secundum legem Domini benedictionem proposuerunt et maledictionem; benedictionem obedientibus, maledictionem inobedientibus. Cæteri autem urbium Aquitaniarum pontifices, illa soluta in pace synodo, e vestigio advenerunt, confirmantes quæ ab eis confirmata fuerant, et condemnantes quæ illi condemnaverant, ut unitas in pace Ecclesiæ permaneret. Cujus consilii decreta antistiti Romanæ sanctæ et apostolicæ sedis

miserunt; quæ idem Romanus papa gratanter suscipiens, auctoritate apostolica roboravit, et de pace Ecclesiæ admodum in Domino gratulatus est, simulque de tam pretiosi patroni translatione; et, ut hæc per singulos deinceps in memoria haberentur annos, consono decreto sancitum est ad laudem et gloriam Domini nostri Jesu Christi, cui est honor, virtus et gloria in sæcula sempiterna. Amen.

SERMO II.

In translatione beati Martialis, quæ Lotharii temporibus facta est, ut bene nostis, dilectissimi, in Montem Gaudii propter illuc primum translata ejusdem membra patroni omnis populus Aquitanicus cum episcopis et majoribus natu ac principibus ascendebat ad orationem, ut non incongrue illis diebus lætitiæ illud congrueret prophetiæ vaticinium : « Venite, ascendamus ad montem Domini et ad domum Dei Jacob, et docebit nos vias suas, et ambulabimus in semitis ejus, quia de Sion exhibit lex et verbum Domini de Hierusalem. » Qui locus nomini congruere videtur : erat enim ibi typicus, imo verus mons Domini, idem discipulus Christi, cujus sacra illuc membra ad tempus ob gaudium Christianorum erant translata; idemque qui per tribum Benjamin ex Jacob patriarcha originem traxit, non inconvenienter dici videtur domus Dei Jacob. Domus quippe, hoc est habitaculum Dei Jacob permansit, qui cum aliis apostolis in carne secutus toto corde dilexit eum de quo legimus : « Ego sum Deus Abraham, Deus Isaac, Deus Jacob. » De talibus profecto Dei domibus ait ipse Dominus : « Si quis diligit me, sermonem meum servabit, et Pater meus diliget eum, et ad eum veniemus et mansionem apud eum faciemus. » Hæc domus Dei Israel vias Dei gentem docuerat Aquitaniam, gentes erroribus olim deditæ cœperant ambulare in semitis justitiæ. Tunc illis de Sion exivit lex et verbum Domini de Hierusalem cum Martialis, qui in Sion cum aliis prædicatoribus omnem scientiam per Spiritum sanctum in linguarum ignearum visione edoctus fuerat, legem novæ gratiæ occiduis evangelizabat, et verbum Domini, quod in Hierusalem ab ipso magistro Salvatore Jesu Christo dicerat provinciis Galliarum primus omnium ostendebat. In eo autem conventu qui magnum concilium dicebatur, episcopi, qui ad eandem patroni convenerant translationem, omnes docere summopere festinabant viam Domini, ut per viam pacis et veritatis incedere satagerent, nec a tramite justitiæ, sequentes cordis sui pravitatem, deviarent, potiusque Patrum institutis quam diaboli suggestionibus obediarent, et de illa patroni translatione ita gauderent ut morum et actuum emendationem sibi reportarent. Coruscabant sane multa miracula ad ipsius apostoli pretiosissimum corpus. De quibus, quoniam satis notum est vobis qui impræsentiarum ipsi vidistis, per singula non necesse est narrare, ne dies antequam sermo claudatur. Libet tamen hoc solum meminisse quod, invento corpore sancto, quicumque dæmoniacy et aliis variis languori-

bus detenti adfuere ad ejus sepulchrum sanati sunt ; sed et hi quos ignis devorabat, eadem hora sensere refrigerium. Aliis denique cum sanitate ad sua regressis, iterum multo plures alii de longe adducebantur, e quibus totam videres urbem intus et per circuitum foris plenam. His autem qui sani erant luctus et clamor atque fetor languentium nimis oneri erat. Cum autem psallentium chorus patroni membra de sepulcro in basilicam Salvatoris, quæ regalis dicitur, in arca aurea portaret, multitudo infinita illa ardentium mox curationem plenam meruit, et omnes clamabant dicentes : « Benedictum nomen Salvatoris Domini nostri Jesu Christi qui per beatum Martialem propitius fuit populo suo. Nec silere debemus quod aperto interiori vase quod sanctum retinebat corpus, odor suavissimus emanabat et omnium adstantium nares jucundo reficiebat odore. At vero eadem sancta membra cum sacerdotum manibus de sepulchro inferrentur in vas aureum ubi recondita sunt, ecce subito terræ motus factus est magnus ita ut major ecclesia cum omnibus qui in ea erant concuti videretur, nec tamen occidit, sed et super populum tantus terror irruit ut nullatenus mortem se evadere posse crederet, eademque hora qui a dæmonibus vexabantur curati sunt, eratque hora diei tertia, et sic in ecclesiam majorem sacra pignora deinde imminente nocte latenter propter irruentem populum cum jejunio ministrorum in Montem Gaudii perlata sunt. Et sicut tota illa præterita nocte in aperiendo sepulcro sacerdotes Domini cum pontifice laboraverant, ita foris chori psallentium jejuni eandem noctem in psalmis et laudibus duxere pervigilem. Hi autem qui intrinsecus tam tremendum arripuerant opus, confecti jejunio ab ipsa prima noctis hora instabant, et psalmodum consummata melodia celebratis circa pulorum cantum mysteriis, confortati corpore et sanguine Redemptoris, ad extrahendos lapides manus miserunt. Merito itaque, divina eos Patres inspiravit dignatio, quatenus communi consensu hunc diem per singulos in reliquum annos in memoriam divinæ laudis decernerent, qui in ea et miracula superna et gaudia Christianorum, atque pax et requies Ecclesiarum claruerunt. Et postea, ut æterna hujus festivitatis esset commemoratio, in loco præfato ubi sacra patroni membra per aliquot dies requieverunt, ecclesiam in ejus nomine novam dedicaverunt. Nam de ipso monte Gaudii ad sanctum ejus sepulchrum, antequam absolveretur synodus, iterum relata sunt. Per omnia benedictus Jesus Christus Dominus noster nunc et in æternum. Amen.

Episcopi qui tunc ad eandem conveneran translationem probabiliore hi sunt : Dacbertus archiepiscopus, Gondebadus archiepiscopus, Hilduinus primas episcopus, Abbo episcopus, Grimoardus episcopus, Stephanus episcopus, Frotarius episcopus, Gissabertus episcopus.

Hæc autem facta sunt per annum Dominicæ incarnationis nongentesimum atque nonagesimum quartum, complementibus magnis turbis populorum

A omnia loca per circuitum urbis ad duodecim amplius milliaria sub aperto divo serenti cælo admodum jucundante.

SERMO III.

Quemadmodum, dilectissimi, dedicata ecclesia a laudibus die noctuque divinis cessare non debet nec a sacrorum ornatu vacua manere, ita mens Christiana a Dei nunquam laude torpore nunquamve a bonæ operationis decore sterilis debet persistere. Et ut sacrilegium constat esse ecclesiam violare, ita eum qui jam baptismo purificatus domus Dei meretur esse, periculosum est temere a quoquam infestari ; quia, cum viri sancti a perversis affliguntur, Deus qui eorum habitator est, ad iracundiam provocatur. In sanctis quippe viris Deus infestatur, dicente ipso per prophetam : « Qui vos tangit, tangit pupillam oculi mei. » Qui autem Ecclesiam honorat, matrem profecto suam, et Dei sponsam honorat, imo ipsum Ecclesiæ caput Christum prorsus honorare videtur. Sic enim apostolis dictum est : « Qui vos audit me audit, et qui vos spernit me spernit. » Et item : « Amen dico vobis, quia tolerabilius erit terræ Sodomorum et Gomorrhæorum quam illi civitati quæ vos pacem prædicantis non receperit. » Hæc propter hodiernæ festivitatis lætitiâ congruere videntur, quia, cum hujus templi dedicationem, quæ in Salvatoris pollet proprio nomine, annuatim replicamus, occasionem vobis utilia loquendi non incasum invenimus. Unde illud advertendum quod, si in oratorio dedicato homicidium vel aliud nefas quodlibet perpetratum, vel si ipsum templum a gentilibus sive hæreticis pollutum fuerit, nisi prius reconciliatione episcopali iterum per aquam sanctificatum fuerit, nullatenus ibi peragi potest opus Dei. Dicente enim Apostolo : « Quæ societas luci ad tenebras, qui autem consensus templo Dei cum idolis ? » Non dissimili ratione quisquis post baptismum graviorem admiserit noxam, jam indignus Deo est, quia principali facimore contaminatus est donec iterum baptismo pœnitentiæ lavetur, et lotus sanctæ communioni sacerdotali reconcilietur auctoritate. Omnes ergo qui in baptismatis fonte spondere, tanquam immaculata domus Dei finetenus custodiant, ut integer spiritus eorum et corpus in adventum Domini servetur. Verum si quem post lavacri sacramentum gravius corruisse contigerit, pœnitendo digne satagat et confitendo matri Ecclesiæ per sacerdotum examen reconciliari, ne videlicet, quod absit, diaboli templum videatur, neve cum Satanæ regno damnetur, sed potius templum Dei manens in regno Christi et Dei hæreditatem possideat. Illud omnibus etiam diligenter animadvertendum quam ponderosum et immane arguet exitum his qui juste ab episcopis excommunicati sunt. Certe dum aliquoties ob quorundam graves offensas suæ diœcesis episcopi excommunicant ecclesias, non in eis ultra divinum peragi licitum est opus donec iterum sermonis clave eas ipsi pontifices aperiant. Nempe lin-

guæ episcoporum claves sunt cœlorum, dicente apostolis Domino, quorum vicem in Ecclesia nunc episcopi tenent : « Amen dico vobis, inquit, quæcunque alligaveritis super terram erunt ligata et in cœlo, et quæcunque solveritis super terram erunt ligata et in cœlo. » O quantum iudicium illis imminet qui episcoporum excommunicationem observare recusant, quorum tanta auctoritas est ut qui eos honoraverit Christum honoret, qui eos contristaverit Christum contristet. Et quod auctoritatem concilii possint duo solummodo episcopi perfecta adimplere virtute, quodque ad regendum in pace et iustitia populum sibi commissum in conciliis sibi invicem altrinsecus auxilium debeant ferre, confirmat Dominus dicens : « Dico vobis, quia si duo ex vobis consentiunt super terram, de omni re quæcunque petierint, fiet illis a Patre meo qui in cœlis est; ubi enim sunt duo vel tres congregati in nomine meo, ibi sum in medio eorum. » Proinde quotiescunque solus episcopus, convocatis suæ diœcesis primoribus, leges populo de iustitia et pace instituit, quia vice Christi legatione fungitur, ut qui eum audierit Christum audiat, qui eum spreverit Christum spernat, nemo ejus jussa absque animæ suæ ingenti periculo contemnit. Quoties vero præsul, præselem sibi adjudicandi opem, ut jam sint duo, adsciverit, jam duo episcopi unum sapientes, unum idipsum sentientes, in nomine Domini congregati, Dominum in medio sui habere creduntur quasi tertium iudicem, eorumque sententiarum confirmatorem; quorum duorum qui auctoritatem contemnit, ipsum qui in medio eorum se asserit interesse contemnit. Verum si quando episcoporum trinitas astiterit, et sibi de quibuscunque consenserent rebus, tres quartum secum Dominum in medio habentes, eumdem nihilominus a Domino accipiunt auctoritatis privilegium, ut quisquis eorum contraire quæsierit dictis, reus existat supernæ majestatis; ideoque indubitanter peribit. Igitur si duorum vel trium episcoporum tantæ virtutis et auctoritatis est, Domino testante, ut quæcunque petierint a summo opifice fiat illis, quantæ putatis esse firmitatis conventum ubi plures in nomine Christi nunc congregati sunt episcopi? Ecce enim hodiernum præsens concilium episcoporum in hac sancta sede Lemovicensi numero concluditur septiformi, ac perinde sacrato, ut non dubium sit esse Dominum in medio eorum.

Si quidem de præsentis concilio septem episcoporum non incongrue dicere valemus, quia nunc deambulabat Dominus in medio septem candelabrorum aureorum, tenet quoque in dextera sua septem stellas, quoniam septem stellæ angeli, hoc est sacerdotes, sunt septem Ecclesiarum, et candelabra septem, septem Ecclesiæ sunt, videlicet hæc sancta sedes Lemovicensis atque Bituricensis, Albiensis etiam necnon et Cadurcensis, Engolismensis quoque et Petragoricensis, simulque Pictavensis. Eodem septiformi numero libri signati intus et foris septem signacula sunt, et agni imma-

culati qui occisus est ab origine mundi septem cornua et septem oculi sunt, qui sunt septem dona Spiritus sancti. Quis vero ambigat hoc septem episcoporum perfectum esse concilium, cum duorum vel trium Dominus confirmatissimum esse testetur? « Ubi, inquit, duo vel tres congregati fuerint in nomine meo, in medio eorum sum. » Videat ergo quantum animæ suæ ingerat detrimentum qui huic sancto concilio de iustitia et pace confirmanda et observanda inobediens existere quæsierit. Talis denique prorsus a præsentis concilio excommunicationi tradetur, et merito ut qui Dei jugo nolunt subdi, quod est suave, Satanæ duræ potestati tradantur. Plane sicut Ecclesiæ a propriis episcopis excommunicatæ interim usque ad absolutionem officio videmus privari divino, ita quicumque ab episcopo suo excommunicatur, divina privatur gratia usque ad reconciliationem per condignam satisfactionem. Talibus non est licitum Ecclesiam ingredi, nec cum fratribus participari neque in convivio, neque in colloquio. Nam etsi irreconciliati ab hac vita egrediantur, sic animæ eorum a societate animarum sanctorum extraneæ factæ in potestate tartari sunt, sicut hic corpora eorum a corporali remota sunt Ecclesia. Verum quoniam nonnulli ita contenebrati timore superbæ videntur ut ubi jam episcopali iudicio fuerint excommunicati, tamen quasi licenter pro contemptu excommunicationis Ecclesias intrent; et aliis in convivio, aliis in colloquio, præter episcopi jussionem semetipsos jungant, sciant se tales dupliciter interimiri et pro culpa priore et pro contumacia vel negligentia sequente. Hi etiam qui excommunicatis scienter participantur præter consensum episcopi, nimirum iudicio gravi digni sunt. Rex ille quondam apud Anglorum gentem justus erat, sed quia cum excommunicato comite suo participavit semel in convivio, episcopo prædicente, justum Dei iudicium in hac vita passus est, quia in eadem domo gladiis confossus est. Illam gentem Gregorius papa tempore Mauricii et Phocæ per discipulos suos ad fidem convertit, et ab ipsa gente merito apostolus dicitur quia eam per Evangelium primus in Christo genuit. Quanto magis ergo Martialis a Galliarum gentibus apostolus esse jure pronuntiatur, qui, Domino per beatum Petrum jubente, primus Galliam luce fidei illustravit temporibus Claudii et Neronis, qui ex genere Abrahæ, tribus autem Benjamin, oriundus unus ex septuaginta duobus discipulis Domini fuit, et apostolus pronuntiatur esse eodem modo quo et Paulus et Barnabas, qui de duodecim non fuerunt. Apud ipsam quoque Anglorum gentem cui Gregorius institutiones ecclesiasticas primus plantavit, probavit Martialem esse ab antiquitate scriptum in numero aliorum apostolorum. Nam et nuper illius gentis rex codicem litteris aureis scriptum Aquitanicæ duci cum aliis muneribus dixerit qui in serie beati Petri et aliorum apostolorum Martialem continet scriptum. Hoc idem in aliis illius gentis vetustissimis volumi-

nibus ipsis oculis nostris probavimus. Constat itaque non solum nostris temporibus, verum etiam et antiquis, Martialis apostolatium claruisse, et fidenter nos profiteri quod fidenter Gregorium in suis posuisse institutionibus certum tenemus. Porro autem qui ab episcopis excommunicantur, hoc est, ligantur, et negligunt sive contemnunt, quoties se indignos Ecclesie ingerunt, toties se ipsos ligant et iram Dei contra se provocant, dicente Domino ad Moysen : « Si quis externorum accesserit ad sanctuarium moriatur. » Modo enim externi Ecclesie Dei esse videntur qui ligati, sive excommunicati et extranei a societate fidelium sunt culpae propriis exigentibus. Omnis autem qui juste se patitur excommunicari ne obediat sacerdoti, non fidelis sed infidelis judicatur. Quae itaque ratione mysteriis divinis interesse praesumit excommunicatis, cum nil aliud illi quam judicium sit quod fidelibus remedium est. Nam sicut qui Eucharistiam manducat et bibit, indigne judicium sibi manducat et bibit, non dijudicans corpus Domini, vel sicut qui manducat panem vel bibit calicem Domini indigne, reus est corporis et sanguinis Domini; ita qui indigne Ecclesiam ingreditur, judicium magis quam salutem sibi acquirit, quia reus est sanctae Dei Ecclesiae. Talium exemplo rex Osias percussus est lepra, quia pontificis sui interdictum contempsit indigne templum Domini ingressus, qui de genere David multis annis justitiam conservaverat, postmodum vero ad injustitiam declinans incidit crimen inobedientiae, et sub specie religionis, ut Domino adoleret incensum, indigne ingressus est templum. Verum pontifex Azarias cum sacerdotibus Domini octoginta interdixit regi ne illicitum ageret et modo excommunicandi : « Egredere, inquit, rex, de sanctuario et ne contempseris, quia non reputabitur tibi in gloria haec a Domino Deo. » Sed excommunicationem pontificis rex elatus contempsit et cepit ei

A comminari. Idcirco mox terrae motus factus est in templo, et rex lepra percussus est usque ad diem mortis. Imperator Theodosius episcopi sui excommunicationem, ut debebat, pertulit. In die enim Natalis Domini non est ausus ingredi ecclesiam, sed lugens in sacco et cinere, in cubiculo suo perstitit quoad pro reatu digne satisfaciens ab episcopo reconciliaretur. Quae de re, quia semper obediebat jussis episcoporum, semper in omni bello mirabilis Deus illi concedere dignabatur victoriam plenam. Porro ad eos qui episcoporum parvipendunt excommunicationes exempla prophetarum proferimus. De talibus nimirum justitiam pervertentibus ait propheta : « Vae qui sapientes estis in oculis vestris et coram vobismetipsis prudentes, qui justificatis impium pro muneribus, et justitiam justi aufertis ab eo. Propter hoc, sicut devorat stipulam lingua ignis, et calor flammæ exurit, sic radix eorum quasi favilla erit, et germen eorum ut pulvis ascendet. Abjecerunt enim legem Domini exercituum, et eloquium sancti Israel blasphemaverunt. Ideo iratus est furor Domini in populum suum, et extendit manum suam super eum, et percussit eum et conturbati sunt montes, et facta sunt morticina eorum quasi stercus in medio platearum. » Per *conturbatos montes* clerici, sive principes laici intelliguntur. Ast excommunicandi causa destructores pacis jubent episcopi prophetica auctoritate manere insepultos ut, secundum prophetæ sententiam, sint cadavera eorum quasi stercus in medio platearum, ut sicut exigente reatu eorum animæ in illo sæculo a Dei regno extorres sunt, ita corpora a Christianitatis separentur sepultura. Pacem ergo omnes observent, si excommunicari nolunt, pacem et veritatem, hoc est justitiam diligant, ut cum omnibus pax Domini sit, ipso præstante qui vivit et regnat in sæcula sæculorum.

CIRCA ANNUM DOMINI MXXIX.

BERNARDUS

SCHOLASTICUS ANDEGAVENSIS.

NOTITIA HISTORICA ET LITTERARIA.

(*Histoire littér. de la France*, VII. 308.)

Bernard, dont on ne connaît point autrement la famille, avait un frère beaucoup plus jeune que lui, comme il paraît, nommé Robert et surnommé l'Angevin, qui fut abbé de Cormeri, en Touraine (MAB. An. I. lx, n. 58). On conjecture de là, avec fonde-

ment, que Bernard était du pays d'Anjou. Il quitta sa patrie pour aller se rendre disciple de Fulbert, à Chartres (MAB. *ib.* t. IV, app., p. 703). Pendant qu'il y étudiait, il conçut une dévotion particulière pour sainte Foi, dont il y avait hors des murs de la ville

une petite chapelle, qu'il visitait souvent, tant pour prier que pour écrire plus en repos. Les miracles que Dieu opérât au tombeau de cette sainte firent alors beaucoup de bruit. On en débitait à Chartres de si extraordinaires, que Bernard ne pouvait les croire. Pour s'assurer de la vérité, il résolut de recourir à la source et de faire un voyage à l'abbaye de Conques en Rouergue, où se conservait le corps de la sainte. Il paraît même qu'il s'y engagea par une espèce de vœu. Mais il ne le put siôt accomplir. L'évêque d'Angers, qui était alors Hubert de Vendôme, l'appela près de lui pour lui confier la direction de l'école épiscopale. Bernard en prit soin pendant trois ans, et y eut beaucoup à souffrir de se voir d'une part empêché par un enchaînement d'affaires d'accomplir son vœu, et de l'autre engagé avec des étudiants si peu avancés, qu'il ne pouvait profiter des leçons qu'il fallait leur donner. Enfin il quitta brusquement Angers, et fit son voyage projeté (LAB. *Bib. nov.* t. II, p. 544). Il le fit même à deux différentes fois. Etant à Conques (MAB. *ib.* 2), il recueillit tous les miracles de la sainte dont il put avoir des preuves certaines, et les envoya à Fulbert, son maître.

On suppose que Bernard retourna à Angers, où il continua d'exercer l'emploi de maître d'école, et qu'il peut être le même que le chapelain de Geoffroi Martel, comte d'Anjou, qui se nommait Bernard. Mais c'est de quoi l'on n'a aucune preuve. On en a encore moins pour lui prolonger les jours jusqu'en 1054, qui est l'année de la mort de l'abbé Robert, son frère (MAB. *ib.* l. LX, n. 58). Peut-être l'aura-t-on prise par erreur pour le terme de la vie de Bernard. Ce qu'il y a de certain, c'est que notre scholastique florissait dès l'épiscopat de Fulbert (l. LIII, n. 42), et même dès le commencement, vers 1010. Il y a bien loin de cette époque à celle de 1054.

Le principal écrit de Bernard est son recueil des miracles de sainte Foi, imprimé par les soins du P. Labbe (*Bibl. nov.* p. 531), mais sans nom d'auteur, parce que l'épître dédicatoire, où il se fait connaître, manquait à son manuscrit. Dom Mabillon, l'ayant détournée dans un autre manuscrit de l'abbaye de Saint-Père, à Chartres, où l'ouvrage est plus entier que dans l'imprimé, en a fait présent au public (MAB., *ib.* t. IV, app., p. 703). Albéric de Trois-Fontaines nous avait déjà appris que ce recueil appartient à Bernard, scholastique d'Angers (ALB. *chr.* par. 2, p. 34). On ne convient pas de l'année précise à laquelle l'auteur y mit la main. Les uns croient que ce fut en 1010, les autres en 1012 (MAB. *ib.* l. LIII, n. 42; *Gall. ch. nov.* t. II, p. 896). Il est au moins hors de doute qu'il le finit avant 1026, puisqu'il y parle comme vivant encore du temps de Richard II, duc de Normandie, qui mourut la même année (MAB., *ib.*, p. 534).

Le recueil est compris en vingt-deux chapitres; mais il se trouve plus ample dans quelques manuscrits. On en a déjà nommé un de cette nature.

A Les auteurs du nouveau *Gallia Christiana* (*ubi supra*) copient un endroit de l'ouvrage qui ne se lit pas dans l'imprimé. Aussi ils avertissent qu'ils l'ont tiré des manuscrits, ce qui prouve ce que nous avançons ici. L'auteur, au reste, a fait ce recueil sans choix. Il paraît que tous les miracles lui étaient bons, pourvu néanmoins qu'ils fussent bien prouvés. Il s'est particulièrement attaché à cette certitude : ce qui l'autorisait à inviter ceux qui en douteraient à se transporter sur les lieux, afin de s'en convaincre par eux-mêmes (MAB., *An.* t. IV, app., p. 705). M. de Tillemont lui rend cette justice, que ses narrations sont fort circonstanciées, et d'ordinaire appuyées par des témoins oculaires (TIL. *H. E.* t. IV, p. 545). Mais il observe avec raison qu'il y en a de fort étranges, et que la pénultième surtout n'est propre qu'à rendre les autres suspectes de fiction ou d'illusion. Bernard atteste néanmoins qu'il l'avait apprise d'un vénérable abbé, qui la savait de la personne même à qui la chose était arrivée.

Quoique l'ouvrage de notre scholastique ne contient que des miracles, dont quelques-uns sont fort extraordinaires, on ne laisse pas d'y trouver plusieurs faits qui servent à illustrer l'histoire civile de ce temps-là. C'est en conséquence que les historiens de Languedoc rapportant parmi leurs preuves un long fragment de l'écrit de Bernard (*Hist. de Lang.* t. II, app., p. 6, 7). Si Catel en avait eu connaissance, il n'aurait pas donné à la femme de Guillaume, comte de Toulouse, à la fin du x^e siècle et au commencement du suivant, le nom d'Alfonse, ou Delfonse (CATEL, *Com. de Toul.* p. 104); il y aurait vu qu'elle se nommait Arsinde.

C Il est vrai qu'il a été trompé par la copie défectueuse d'une traduction en vieux vers gascons du chapitre cinquième de l'écrit en question, dans laquelle cette comtesse est mal nommée Delfonse. On y lit effectivement : *A Artous Delfonse comtesse*, au lieu qu'il faut lire, comme le remarquent les historiens de Languedoc (tom. II, app., p. 545) : *A Arsens de Tolose comtesse*. Cette traduction en anciens vers vulgaires, que Catel copie en entier (*ib.*, p. 104-107), est une nouvelle preuve de notre sentiment au sujet de l'ancien usage de la langue romancière. Nous sommes persuadé qu'elle suivit de près la publication de l'écrit de Bernard. On n'aperçoit, en effet, qu'un motif qui ait pu porter le poète à traduire ce chapitre plutôt qu'un autre : ce motif était de faire plaisir à la comtesse ou aux deux fils, Raimond et Henri, dont elle devint mère par le pouvoir de sainte Foi auprès de Dieu. Tout le narré de ce chapitre tend à annoncer cet événement. Arsinde ou ses fils vivaient donc encore lorsque le poète entreprit sa traduction. C'était donc avant la fin de ce xi^e siècle. Aussi la rudesse et la grossièreté de l'idiome qu'il emploie dans ses vers montrent-elles notre langue romancière encore dans les langes.

Bernard a laissé un autre écrit de sa façon. C'est la relation d'un pèlerinage qu'il fit vers 1020, en la

compagnie de quelques autres Angevins, à Notre- Dame du Puy en Velay. Ménard, dans ses *Ecrites* A *vains d'Anjou*, en rapporte un fragment, qu'il a tiré du P. Gissey.

DE SANCTA FIDE VIRGINE.

(*Gall. Christ.* tom. II, Append., 1. 834.)

Aginum anno 303 adveniens Dacianus, spirans minarum et cædis in Christianos, inquisivit, ac immanem persecutionem adorsus est. Turbatus pusillus fidelium grex, clam ab urbe secessit, ac per abrupta eremi, et fragosas convallium cautes divagatus in speluncis delituit. Gregem secutus pastor (S. Caprasius), omnia circumquaque scopulorum diversoria peragravit. Hos divinis colloquiis recreabat, illos emendicatis subsidiis fovebat, omnes erigebat exemplo, ac pœnis et præmiis æternis propositis ad martyrium præparabat. Demum pridie Nonas Octobris, cum, ut fert traditio, excelso e monte, cui hodie a sancto Vincentio nomen, pateret aspectus in urbem, et ipse in ejus platea perspiceret oculis illustre spectaculum, nempe Fidem virginem eo nomine, pro cujus defensione viriliter decertabat, dignissimam, cum suppliciiis tortoribusque committi, et post longa craticulæ ardentis supplicia excarnificatam ac tostam ab angelo columbæ specie donari corona, ipsamque interim sponso Christo vitæ suæ reliquas, holocausto jam

B fere peracto, consecrare, sensit in se charitatem accendi eo igne qui virginem absumebat, atque prævisse puellam attendens, erubuit non saltem sequi. Aginum revertens, prius Deum precatus, ut omnia in melius convertens sibi in illo articulo quid rei faciendum esset, non obscuro significaret indicio, et si quidem in arenam descendendum esse statuisset, ex proximo pumice emicare faceret protinus aquam : nec mora, eodem loci temporisque vestigio fons vivus emanat mirabiliter eductus, aquam jugem abunde suppeditans. Ad aquæ aspectum cor designati martyris magis magisque exarsit, et ad certanem quo dein gloriose perfunctus est, se protulit. Illico enim ductus ante præsidis tribunal, Christianam fidem profitetur, C iudicis ac tortorum minas contemnit, tandem invictus in confessione Christi abscisso capite martyr occubuit, ut prolixius recitant gesta ejusdem sancti, apud Surium et Martyrologium Romanum. Festum ejus celebratur 20 Octobris.

DE MIRACULIS SANCTÆ FIDIS

LIBER

Auctore Bernardo scholastico.

MONITUM MABILLONII.

(*Annal. Bened.* tom. IV, lib, LIII, num. 42, pag. 114.)

Sub id tempus (an. 1010) Bernardus scholasticus, scholis Andecavensibus præpositus, liberum De miraculis sanctæ Fidis Conchensis seu Conchacensis composuit, eumque Fulberto Carnutensium episcopo, magistro quondam suo, nuncupavit. Editus est magna ex parte hic liber in tomo secundo novæ Bibliothecæ Labbeanæ, sed absque nomine auctoris. Bernardum vocat Albericus in Chronico ad annum 994. « Ad sanctum Fulbertum episcopum Carnotensem, inquit, Bernardus, scholasticus Andecavensis,

D edidit libellum Miraculorum sanctæ Fidis de Conchis, quæ passa est Aginno sub impio Daciano cum beato Caprasio. » Exstat in codice Carnutensi hic liber, editus auctior, sub hoc titulo : *Incipit liber miraculorum sanctæ ac beatissimæ Fidis virginis et martyris, editus a Bernardo scholastico, Andecavinæ scholæ magistro.* » Hunc vero librum dicit sanctissimo atque hominum doctissimo Fulberto Carnoteno episcopo Bernardus scholasticorum minimus. Itaque hic liber scriptus est post annum millesimum septimum, quo Fulbertus

ad sedem Carnutensem assumptus fuit. Hujus scriptio-
 nis occasionem inde natam refert hic auctor, quod, cum Carnoti in Fulberti schola versaretur, suburbanam sanctæ Fidis ecclesiam, *vel scribendi causa vel orandi*, sæpius adiret, et multa de miraculis in cœnobio Conchacensi patrari solitis audiret, quæ nonnulli fabulis anilibus deputabant; subierit animum cogitatio, ut locum adiret, et rei veritatem coram exploraret. Verum ad scholæ Andecavinæ magisterium ab episcopo invitatus, et per triennium illic docendo immoratus, postposito tandem hoc munere, Conchas se contulit non semel: ubi de sanctæ Fidis vulgatis miraculis sollicitè indagare cepit, quæ quidem vera esse certissime deprehendit. In his testatur se vidisse hominem, cui oculi *violenta ustione* avulsi fuerant, sed meritis sanctæ Fidis omnino restituti *universa attestante provincia*. Quod miraculum, veluti fundamentum cæterorum, ait se posuisse initio libri, in quo potius rerum inter sese similitudinem, quam ordinem temporum servavit, referendo tantum ea quæ ipsius tempore facta sunt et a viris fide dignis comprobata. Hæc fusius auctor in libri sui prologo, quem integrum referre visum est. In his miraculis non semel fit mentio de peregrinantibus ad loca sancta, quos *Romeos* vocat: qualis fuit ille Witbertus Romeus, cui evulsi oculi cœlitus restituti fuere. In capite 5 laudatur *Arsendis, uxor Willelmi Tolosani comitis, fratris illius Poncii, qui ab Artaldo post hæc privigno suo dolo interfectus fuit*. In cap. 8 memoratur *Bertillis comitissa*: ubi sancti Marii confessoris *aurea majestas*, sancti Amantii æque confessoris et episcopi *aurea majestas*; denique sanctæ Fidis *aurea majestas*, id est statua, vocatur. In cap. 14 laudatur *domnus Oebalium*, dominus castelli quod dicitur *Torena*, in pago Lemovicensi, ejusque conjux *domna Beatrix, per divortium ab eodem deserta*, quæ Richardi secundi Nortmannorum ducis soror erat. ut probat auctor in fine ejusdem capituli his verbis: « Anno fere et dimidio post secundam a Conchis reversionem, accidit mihi certo negotio, domni Willelmi Pictavorum comitis adire curiam, in qua cum domna Beatricem viderim, a Ricardo fratre suo Rotomagensium comite illuc missam, ardentem ejus colloquium aggressus, illico recogitare cœpi

A super hoc miraculo,» nempe de peregrino e mariti vinculis divinitus liberato: «cujus verba, per omnia monachorum Conchacensium verbis concordantia, esse poterat probabile argumentum, si quis dubitaret in aliis etiam mihi ab eisdem narratis.» In cap. 21 ad probandum miraculum de milite, intestinorum inordinatis motibus exempto, testem adducit *Rodbertum Cantoiolensis monasterii abbatem, virum reverenda canitie satis honestum*. Hæc ex editis.

Longe plura sunt in codice Carnutensi. In his ait auctor tot carceratos meritis sanctæ Fidis absolutos, «ut ferreorum compedum, quos pagensi lingua bodias vocant, immensis occupationem in monasterio faceret. Quocirca tantam ferri massam extundi, atque in januas redigi studio fabrorum seniores decreverunt.» Unde nullus fere in ecclesiam, quæ triformis est, aditus patet, qui de prædictis compedibus seu catenis januas confectas non haberet. De triformi hac ecclesia sic idem auctor: «Est deforis tectorum dimensione basilica triformis, quæ interius, propter mutuum transeundi amplitudinem, in unum corpus coit ecclesiæ... Dextrum latus sancti Petri apostoli, læva sanctæ Mariæ; medietas autem sancti Salvatoris titulo dedicata est. Verum quia eadem medietas psallendi assiduitate frequentata habetur, illuc ex proprio loco sanctæ martyris pretiosa translata sunt pignora.» In consequentibus agitur de multis miraculis sanctæ Fidis, in Arvernica processione factis, cum scilicet *imago sanctæ Fidis et capsula aurea, quam fertur donavisse Carolus Magnus, portata fuit per Arverniam in quoddam sanctæ Fidis prædium, quod Molendinum Pisinum indigenæ nuncupant*, præeunte cruce cum textu Evangeliorum, aqua benedicta, et corneis tubis, quæ a nobilibus peregrinis ornamentum causa in monasterio oblata fuerant. Huic prædio adjacet castrum Aurosa, cui *princeps quidam, Robertus vocabulo*, præerat, qui ob monachum illius prædii custodem male ab ipso habitum cœlitus multatus est. Sed de his satis, superque satis. Ermengaudus Urgellensis comes testamento suo (*Marca Hisp. p. 973*), quod anno duodecimo Rotherti regis confecit, sanctæ Fidis cœnobio legat *gradales duas de argento*.

BERNARDI SCHOLASTICI

ANDECAVINÆ SCHOLÆ MAGISTRI

EPISTOLA AD DOMINUM FULBERTUM

AD LIBRUM DE MIRACULIS SANCTÆ FIDIS

(Apud Mabill. *Annal. Bened.* tome IV, Append., page 703, ex ms. cod. Carnutensi.)

Sanctissimo atque hominum doctissimo FULBERTO, Carnateno episcopo, BERNARDUS, scholasticorum minimus, sanctissimæ beatitudinis donum.

D Cum dudum Carnoti vestra sincera conversatione fruerer, accidebat crebrius ut vel scribendi causa vel orandi, sanctæ Fidis martyris, quæ extra muros

ejusdem urbis sita est, ecclesiam adirem. Quae de me memini nos aliquando inter confabulationis colloquia incidisse in mentionem sanctae Fidis, miraculorumque ejus, quae in loco Concathensis cenobii, ubi sacrosanctum corpus illius veneranter excolitur, omnipotentia Christi fiunt assidue. Quae, quia partim vulgarium fama celebrari videbantur, partim quia inaudita habebantur, haud aliter quam inanis fabulae commenta a fide rejiciebantur. Et tum cum quod verum erat per voluntatem Dei silere non poterat, verique opinio pene per universam Europam jam discurreret, paulatim subiit mihi in corde tacita et oblivionis impatiens cogitatio, uti ipsum sanctae martyris habitaculum eodem discendi studio adirem. Postremo adeo res rediit huc, ut voti inde facti tempus diemque, ne daretur oblivioni, in manuali ocellulo notaverim. Interea causa existit qua ad urbem Andegavensem, ab ipsius urbis episcopo exoratus, transmigrarem, ubi fere per triennium per inanes nugas, ut verum confitear, tempus studii conterens, excessi tamen voti quippe bonam opportunitatem exspectabam, qua succedentibus multiplicis curae occupationibus, adeo me falsa exspectatione reddidit delusum, ut velut piscis intra linea claustra captus, quo magis expediri conabar, eo gravioribus malis implicarer. Tandem vero ne sub spem adversitatis desidiae meae viderer consulere, cum etiam occultos et pene inextricabiles diabolica fraude mihi praesentirem parari laqueos, prorsusque arte inimica a ceptis cogitantem de bonis absterri, postpositis repente rebus, ad desideratum gloriosae martyris mausoleum Domino ducente perveni. Hic ergo de virtutibus sanctae Fidis, postquam sollicite cepti inquirere, tanta a diversis relatoribus miraculorum affluentia abundavit, ut nisi audiendi ardens esset animus, nimio taedio afficerent cerebrum. Verum quia ipsum hominem, cujus oculi violenta ultione radicibus abstracti fuerant, et postmodum salva naturae integritate reformati, ipse videre merui, et nunc etiam ibi hic homine dictante video, eodemque prudente, universa attestante provincia, novi; primum id tanquam miraculorum fundamentum caeterorumque lectioni inserendum puto, non solum sensum e sensu, sed etiam verbum e verbo, ut ab ejus ore audio, brevitatis alienus longam satis lineam narrationis exordiens. Post haec vero pro redeundi festinatione perpauca adjicere miracula, reliquorum vero pulchriora summa brevitate eursimque

A notata, ea quidem quae aetate nostra non sunt antiquiora, quorumque testes in promptu, non fabulosam, sed evidentissimam veritatem liquerint, mecum in patriam Deo duce deferendum delibero; quo videlicet diligentiori datus otio, abundantior lecturis faciam lectionem. Haec ergo, mortali doctissime, cum acceperis, artis tantum positionem corrige: nam quidquid mihi narratum fuerit, quamvis indoctus et recte dictandi imperitus, non tamen simplex ad audiendum nec facilis ero ad credendum; aut potius, si foedum tibi videtur styli imparem materiae materiam polluisse, tu te tibi salva benevolentia mea, quem constat unice in altiore sapientiae gradum evasisse, tam nobile tamque gloriosum thema nobili gloriosoque stylo decoratus sume, ne veritas malo stylo corrosa legentibus horreat, ac per hoc res optima vilescaat: nam tantam talemque historiam tanquam abjectis sapientibus occupasse praesumptoris potius est improbitas, nisi quia causa in medio prolata me ab hac audaciae nota facit immunem, quam, ut manifestius edicam, melius est caelestia miracula, ne dum sicut nova et indubia, a scholastico quamlibet indocto salva veritate utcumque tradi litteris, quam ab ignotis mundi partibus oscitantem spe dubia oratorem exspectari. Ergo non adeo culpandus mihi videor, si divinae gratiae munera pro viribus propalare contendo, cum ipsa scriptorum inopia ut id agam vehementer expostulat. De caetero qui hoc lecturi estis, moneo ne in hujus scripturae concordia scandalizemini, consequentiam temporum quaerentes; non enim permittit me instans redeundi necessitas ad purum investigare, nisi ea quae sine detrimento fructus misericordiae minime sunt praetermittenda. Unde non hic in hac scriptura libri, quem De virtutibus sanctae Fidis Deo cooperante exordior componere, annorum ordo, sed miraculorum concordabit similitudo, quorum ininviolabili veritate diligentissime a me exquisita, quia nihil verius, precor ut fidem relatu pleno corde accomodetis, ne vobis sanctae martyri postmodum minus derogasse sit satius: aut potius, si rei prodigiosae inusitata novitas nos perturbat, id super omnia a vestra fraternitate procumbens terratenus peto, uti nostro tempore non tam orationis quam causa experientiae, et vos quoque me regresso huc veniatis, ne intempestive falsum judicetis in experti, cujus veritatem ultro propalabitis experti.

DE MIRACULIS SANCTAE FIDIS LIBER.

(Apud Labbeum, *Bibliotheca nova mss.*, tom. II, pag. 531, ex veteri ms. codice Byzantinae Chiffletiorum bibliothecae et a R. P. Petro Francisco Chiffletio theologo societatis Jesu, communicato.)

CAPUT PRIMUM.

De Witberto, cujus oculos radicitus evulsos sancta Fides redintegravit.

Adhuc in pago Rutenico, ubi et beatissima reliquesse Fides in vicinia vicus Conohaecensis, presbyter

quidam, Geraldus nomine, superstes habitus, qui habuit consanguineum, ac in pontificali confirmatione filium, nomine Witbertum, suae domus vernaculum, rerumque suarum procuratorem strenuum. Hic aliquando Witbertus festivitatis gratia ad Cou-

cham perrexerat. Completaque de more solemnium lucubratione vigiliæ, in orastino, id est in ipso solemnitate die, recidivo redibat tramite, cum offendit sinistra fortuna præfatum dominum suum occulto zeli odio adversus se commotum. Hunc presbyter, cum in peregrino habitu cominus cerneret, verbis pacificis in primo agresso ita affatus est : « Ecce, Witbertus, Romeus, ut video, effectus es ; » sic enim in eadem patria sanctorum peregrini appellantur. « Est respondit ; etiam, domine, a festivitate sanctæ Fidis revertens. » Tum vero de cæteris quasi amicabiliter exquisito, dat licentiam abundi. At cum paululum sese præterirent, respiciens post tergum Judaicæ proditiōis sacerdotes (si tamen sacerdotem, qui sacrilegio sacerdotium contaminat, vocari fas est) jubet homini ut paulisper operiatur se. Quem consecutus, mox a suis utrobique vallatum teneri præcipit. Quod cum ille vidisset, nimio metu intremiscens, summa cujus criminis arguatur, percontari cœpit. Cui vir perfidus hujuscemodi minaciter dedit responsum : « Malum mihi fecisti, et pejus factum ire paras ; et ideo non aliter quam ipsis tuis oculis satisfaciens, mihi supplicium dabis ; » nec tamen apertius, quasi præ pudore, designavit modum culpæ. Namque est sacerdotibus inhonestum de zelotypio suo agere iudicium. Siquidem hujus mali causa de suspitione construprandæ mulieris fuerat exorta. Ille vero, ut erat rei ignarus, omnigenæ culpæ purgationem satis confidenter profert : « Ecce, inquiens, domine, omne nefas, quo tibi suspectus habeor, si est ut palam detegas, legaliter refellere paratus, non æstimo inveniri posse quo pacto iram tuam tuorumque fidelium incurrere debeam. » Ad quem ille : « Cessent, inquit, cessent superflue excusationis ambages ; jam enim dudum conclamatum est, data sententia, ut oculis careas. » At ille gladiatorio sibi animo insistere, irreparabilemque suæ destructionis horam imminere, nec ullum pretii locum fore ulterius cernens, adhuc tamen, quamvis de præsentis diffidens salute, hujusmodi clamorem addit : « Domine, indulge, quæso, veniam, et si non propter innocentiam meam, saltem pro amore Dei et sanctæ Fidis, cujus amore impræsentiarum gesto sacrum peregrini habitum. » Ad hæc torva bellua nec Deum, nec sanctam ejus magni pendens, effero furoris rugitu frendens, diu conceptum blasphemie venenum ita verbis evomit sacrilegis : « Nec Deum, nec sancta Fides hodie, inquit, te liberabit, neque eos invocando proficies, ut a manibus meis impunitus abeas : neque eo confugies, ut ob peregrini habitus reverentiam, cum sis mihi iniquissime injurius, te in contemptibilem inviolabilemque habeam personam. » His dictis, jubet hominem dari præcipitem, oculosque innocentis violenter eripi. Sed cum nullum suorum (qui tres erant tantum, quorum nomina propter barbarismi prætermittimus horrorem) ad tantum facinus impellere potuisset, illum ab eisdem saltem gravari impetrans,

A repente idem elapsus ab equo, digitis quibus sanctum Christi corpus contractare consueverat, sui filioli oculos violenter abstraxit, humique negligenter projecit. Non sine virtutis superna præsentia, quæ non ainit homines divinæ curæ exsortes, et semper adest prope invocantibus se in veritate, facitque iudicium injuriam patientibus. Nam qui tum ibidem adfuere, cernere continuo niveam meruere columbam ; aut certe, ut ipse adhuc patratior sceleris solet asserere, pica exstitit. Quæ pica, vel columba, oculos miseri recenti cruore illitos in ipsa hora suscepit ab humo, supraque montuosæ telluris altitudinem elevata, ad Conchas deferre visa est. Quod tamen idem cum vidisset sacrilegus, penititudine ductus lacrymari cœpit profusius. Cui ab uno sociorum ejus idem facere incassum, tardeque dictum est. Indeque abiens, sacram missæ celebrationem postea aut propter perpetratum scelus non præsumpsit, aut, quod verius videtur, propter rem sæcularem omnino neglexit. At vero mater hujus Geraldii, læsæ innocentie vehementi affectu compassa, prædictum Witbertum domi recepit, cunctaque sibi necessaria, donec sanus factus est, benignissime suppeditavit. Cum qua etiam eadem tempestate obversatus fuerat, non tam ex præcepto sui senioris, quam declinando atrocitatem ipsius, quæ in illum idem senior, sævior solito, exercuisset, ex quo falsi zeli vulnus in corde percepisset. Is denique sanus effectus, eodem anno arte joculari publicum quæritavit victum, indeque quæstum accepit, adeo ut (sicut modo assolet referre) oculos ultra habere non curaret ; tanta eum et lucri cupiditas, et commodi jucunditas delectabat. Evoluta itaque anno, impendente solemnitate die, cum pridie ante vigiliam membra sopori dedisset, astitisse sibi innarrabilis elegantie visa est puellula, aspectu angelico atque serenissimo, facie candida, roseoque rubore guttatim respersa ; quæ inæstimabili vultus vigore omnem humanum superexcollebat decorem. Quantitas vero non alia erat quam ea quæ passionis tempore fuisse legitur, id est statura puellaris, nec dum provecæ ætatis. Vestes erant amplissimæ, auroque per totum intextæ mundissimo, ac subtili picturæ varietate circumdatæ. D Manicarum vero quantitas ad vestigia usque dependens, in minutissimas rugas præ sui magnitudine subtiliter contracta. Sed et ligatura capitis in orbem complicata bis binis perspicui candoris emicabat margaritis. Verum pusilli corporis habitudo nihil aliud mihi significare videtur, quam quod passionis tempore, sicut diximus, juvenis legitur fuisse. Mox vero ut ad incepta redeam, eadem beatissima, fulchro ouiblis innixa, supra dexteram dormientis malam, leniter suaviterque manu admota, sic inquit : « Dormisne, Witberte ? » Cui ille ait : « Qui es qui me vocas ? » At illa respondit : « Ego sum sancta Fides. » Ad quam ille : « Quid causa accidit, heri, ut ad me venires ? » At illa respondit :

« Nihil aliud nisi ut te visam. » Witherto vero gratias agente, ipsum rursus sancta Fides interrogat : « Cognoscisne me ? » At ille eam, ac si jam dudum visam, recognoscens, sic visus est respondere : « Etiam bene te video, hera, et optime cognosco. — Dic etiam mihi quomodo te habeas, inquit, quamque prospere tua res agatur. » Ille respondit : « Optime, hera, rebus meis succedit fortuna, cunctaque Dei gratia sunt erga me prospera. » Cui illa : « Et quomodo, ait, prospera, quia lumen cæli non vides ? » Ille enim, ut fit in somnis, aliter quam res erat, videre putaverat. Qui mox ad hunc finem interrogationum, oculorum reminiscitur amissorum : « Et quomodo, inquit, videre possim, qui anno præterito a tua festivitate remeans, injusti domini violentia oculos miser perdiderim ? » Et illa : « Nimium, inquit, Deum offendit graviterque summi artificis iram irritavit, qui te immeritum corporis detrimento damnavit. Verum, si crastina luce, quæ erit martyrii mei vigilia, Conchas perrexeris, emptasque duas candelas, unam quidem ante aram sancti Salvatoris, alteram quoque ante aram ubi gleba corporis mei condita est, apposueris, oculorum de integro reformatorum decore mereberis gaudere ; siquidem pro illata tibi injuria cælestis judicis pietatem ingenti clamore ad misericordiam permovi, Deumque pro salute tua sedulæ precis instantia tandiu fatigavi, quandiu ipse impetratæ optionis effectus, facilem exorabilemque redderet. » Hæc ubi dicta dedit, cœpit iterum atque iterum abuturo instare, et ut celerrime pergeret, obnixius monere, imo de pretio emendæ ceræ hæsitanti, ita consulere : « Mille homines, quos nunquam vidisti, inquit, tibi sunt daturi. Præter hæc tamen, ut præsens negotium facilius peragas perge festinus præsentem diluculo ad ecclesiam hujus parochiæ (sane hæc erat apud quam ipse oculos amiserat, quæ ab antiquo Spariacus vocabatur), ibique missam audiens, sex denariorum reperies datorem. » At ipso pro consolationis beneficio condignas grates rependente, virtus cælestis rediit. Continuo ergo experrectus præfatam expetiit ecclesiam ; ubi cum universis omnem hanc visionem exposuisset per ordinem, omnes pro deliramento reputaverunt. Nec tamen cœptis desistens cum singulos sigillatim supplicando, circumfusam rogaret multitudinem, quærens duodecim oppignerare denarios, e cæteris tandem quidam Hugo se præferens, huic aperta crumena gratis sex nummos cum obolo porrexit ; qui tantum, quem in visione acceperat, excessit numerum. Tunc non immemor visionis divinæ fit certior de futura promissione. Quid verbis opus est ? Adit locum, visionem prodit senioribus, emit cereos, apponit altaribus, excubat coram aurea sacratissimæ virginis imagine. Circa autem medium noctis videtur videre in oculorum sibi excisorum locellos geminas fulgoris quasi baccas, aut plus quam lauri arboris magnas, desursum emitti, peuitusque infigi. Qua statim reverberatione confusus

A cerebrum, versusque in sturporem obdormivit. Cum autem matutinæ laudes agerentur, propter concentum, et vociferationem psallentium experrectus, videtur sibi fulgentium luminarium hominumque sese morantium quasi umbram conspici. Verum pro interno cerebelli dolore, sui pene oblitus quod rei veritas erat minime credulus, somnari potius arbitrabatur. Tandem cum paulatim, quem inter tempora conceperat, stupor deficeret, cœpit jam apertius rerum formas discernere, atque in se vix reversus recolit visionem, manibusque appositis contrectat redivivæ lucis fenestras carneis integerrime pupillis in fronte reformatas. At continuo adhibitis testibus, immensam Christi magnificentiam immensis prædicavit laudibus. Fuit igitur ineffabile gaudium, inaudita lætitia, incredibilis stupor, dubium pene discrimen, utrum somni imaginatione an rei veritate tam inauditum miraculum cernerent, præcipue his qui prius eum noverant. Inter hæc res ridicula plausuque dignissima accidit ; nam, ut erat homo purissimæ simplicitatis, irrepsit ei in corde superflua timoris trepidatio. Forte illum Geraldum qui sibi dudum oculos evulserat, ad publicam, ut fit, solemnitatem adventasse, sibique denuo, si casu obvium haberet, fretum majore manu, renovatum oculorum decus excisum ire : idcirco ergo inter confusum promiscuum turbæ strepitum quo potuit occultus elabatur. Nondum tamen ad plenum de recuperati luminis dono erat certus, tantum eum rei stupor invaserat, cum forte inter angustias turbarum ad ecclesiam concurrentium, jam claro die asinum offendit appositum. Quem cum fuisset intuitus, virili severitate increpitans, sic inquit : « Heus tu, homo, quisquis es, inepte, abige asinum tuum, ne fiat viatoribus offendiculum. » Hic primum de veritate facti certissimus secessit præpete fuga ad quemdam notum sibi militum, cujus municipium in eminenti rupe situm ita natura rerum undique munierat, ut omnimodis machinis inaccessible videretur, non a Conchis longius quam sexdecim millibus. Ad id ergo propter inexpugnabilis vallis tuitionem confugiens, vix aliquando a monachis multa prece exoratus, multaque securitate donatus rediit. Quod cum plerique omnes, tam ex longinquis quam proximis regionibus confluentes, pro inaudito miraculo eum certatim videre festinant nonnulla ei beneficia indulsisse abeuntes gratulantur. Quæ res ut ex omni parte dubietate careret, non statim ubi sæpe dictus Withertus oculis privatus exstitit, illum miseratio sanavit ; verum, ut supradictum est, toto anno a salute suspendit, arteque etiam scurrilitatis compluribus suis provincialibus oculis captum notavit, notatumque cunctis ad ultimum sanavit. In quo nihil eo inferius gestum est miraculum, quod in Evangelio de cæco nato legitur ; et etiam multo mirabilius ; siquidem ipsa Veritas sequaces suos majora utique quam se facturos esse promiserit, inquit : « Qui credit in

me, opera quæ ego facio, et ipse faciet, et majora A horum faciet, quia ego ad Patrem vado. »

CAPUT II.

De mulo resuscitato.

Veniens quidam miles de pago Tolosano, Bonus-
illus nomine, cujus filius adhuc superstes eodem
 censetur vocabulo, ad sanctum virginis locum,
 cum jam non longius a vico Conchacensi quam
 duobus ferme abesset millibus, jumentum cui
 insidebat, nescio quo morbo percussum, repente fit
 exanime. Conductis ergo rusticis, ut cadaver corio
 detegerent præcepit. Ipse vero, pro cujus amore
 iter egisset, ad sanctam processit virginem;
 soloque decumbens, fundit preces, expromit vota.
 Postremo ante auream sacratissimæ martyris
 imaginem de amissione muli conquestus est. Nam B
 quia idem mulus præstantissimus peneque incom-
 parabilis fuisset. Propterea nimis graviter triste
 tulerat amissum, præsertim cum in bono opere
 desudanti inimicus prævalens damnum sibi intu-
 lisset. Cujus fidei soliditas non parva laude vide-
 tur extollenda; nam ubi ab oratione desiit, mulus,
 pedibus quibus jam tenebatur excoriandus,
 utrumque rusticum calcitrando longius arcens,
 (mirum dictu!) redivivo prosiliit saltu, atque per
 media montium cacumina, sociorum animalium
 inhians vestigiis, prorumpit ad vicum. Cerneret
 animal, ut hi qui præsentés adfuerunt persæpe
 nobis testantur, juxta modulum bruti sensus recu-
 peratæ vitæ gaudio fluitare, coramque ecclesia
 cursitando per plateam, quodammodo factoris C
 bonitatem sentire, ac proinde crebro hinnitu grates
 Deo referre, quia dat jumentis escam ipsorum, et
 pullis eorum invocantibus eum. Quem præci-
 pites rustici insecuti, cruentatés adhuc gestantes
 cultros, visum prodigium super mulo adhuc dubi-
 tantibus enarrant. Et ut certa opinio non modo vi-
 dentium ore esset contenta, sed etiam quadam
 expressa scriptura omnem ambiguitatis evacuaret
 errorem, hic in utroque posteriore crure recen-
 tium plagarum sulcos (instar vetustissimarum cicat-
 ricum, pilis etiam canescentibus) eadem hora
 solida junctura reformatos, donec superfuit mul-
 us, resurrectionis indicium [gessit]. Miles vero
 Deo sanctæque ejus pro gratiarum actione unum
 aureum offerens, retro, unde venerat, revertitur
 ad patriam: ipsoque animali sanctæ Fidei remisso, D
 plurimis post inde annis plurima ei donaria de-
 legavit.

CAPUT III.

Item simile miraculum.

Miles quidam Geraldus, haud obscura persona,
 morabatur in pago Ruthenico, in villa videlicet quæ
 Villaris nuncupatur, distans a Conchis fere sex
 passuum millibus. Hic cum Roma aliquando redi-
 ret, accidit ut mulus, quem a fratre suo Barnado
 clerico acceperat mutuo, nescio quo vitio fractus
 deficere cœpisset. At ipse sanctæ Fidis, quam ut
 vicinam habebat, miraculorum recordatus, vovit
 eidem pro salute animalis candelam, longitudinem
 [ejus caudæ] habituram. Nec tamen convalescens

PATROL. CXLÍ.

mulus, verum multo magis gravatus occidit. Quod
 videns homo, hospiti suo venundat corium. Cui
 cum nequissimus hospes quam minimum pretium
 porrigeret, ratus quia, si nihil daret, itidem tamen
 haberet, ille Geraldus valde indignatus, per varias
 cæsuras in longo et in transverso sulcat cadaveris
 latus, ne videlicet, se inde abeunte, infidelis
 hospes integro tergo gauderet. Denique, arrepto
 suæ peregrinationis bacillo, extincti jumentum ocu-
 lum cuspede perfodiens, caudamque percutiens,
 ita furibundus infit: « Quid nunc detrimenti sancta
 Fides pateretur, si inter alia sanitatum dona, huic
 etiam mulo sanitatem reddens, tam longam candela-
 lam sibi sortiretur? Modo miser duplici discrimine
 ferior, inter vias pedestris remanendo, et in patriam
 decies denos solidos fratri persolvendo (tanti enim
 ambo invicem germani de mulo illo convenerant,
 si forte mortis periculum incurrisset). » Et vix ille
 hæc paucissima verba compleverat, cum revivens
 mulus saltu citissimo constitit quadrupes. Et ne
 quis nisi a vera morte illum æstimaret exsilire, in
 ipso puncto temporis quo id actum est, vernabant
 in modum picturee universa detrunctæ cutis stig-
 mata, non jam perfusione cruoris recentia, sed, ut
 de alio dixi, quodam nitore lanuginis ceu veter-
 nosa. Quo facto memoratus Geraldus maxime ga-
 visus, rediit domum, Deoque ac sanctæ ejus gra-
 tias egit ingentes, factique miraculi novitatem pas-
 sim disseminavit. Nota nobilitas viri pariter et
 fides omnibus erat; qui ne temere vel garrule
 quidquam videretur referre, mulum vulneribus
 notatum habuit impræsentiarum. Hoc ipsi mona-
 chi, sed et alii complures, qui ipsum Geraldum
 postea plus millies viderunt, mihi narraverunt.
 Sed ut ad finem verborum properemus, quis in-
 sanus ultra hominum resurrectionem fore dubitet
 in futuro, quando jam in præsentí resurgunt etiam
 animalia?

CAPUT IV.

De annulo negato et postea sanctæ Fidi reddito.

Quædam nobilis matrona, audita fama de virtu-
 tibus sanctæ Fidis, illuc abire paravit. Quæ cum iter
 inceptaret, recordatur, jam aliquantulum a limine
 progressa, quod peregrinantium annulos sancta
 Fides in somnis queritaret. Mox ergo retro fecit pe-
 dem, propriumque annulum, de digito detractum,
 arcessitæ cubiculariæ custodiendum committit.
 « Cape hunc, inquit, atque servato dum redeo, ne
 forte sancta Fides quæsitum, si detulero ad Conchas,
 mihi auferat. » Nempe hæc astute: tanquam ali-
 cujus cautela declinare possit illius providentiam,
 qui antequam fiant prævidet omnia. Quid plura? It
 mulier, solvit orationum debita, atque redit cum pa-
 ce. Nocte consecuta, virginea species somnianti ap-
 paret. Quæ cum, rogata, sanctæ Fidis vocabulo suam
 notitiam innotesceret, protinus ut sibi detur impe-
 riosa auctoritate annulus monet. Mox mulieri se
 annulum habere dissimulanti suggerit hera ipsum
 esse quem abiens ad Conchas, ne sibi daret, cubi-
 culariæ commisisset. Mane facta experrecta mulier.
 divinam visionem velut phantasticum vel inane

somnium reputat. Sed finem rei quare diutius immorer? Illico mulier tam efficaci febris igne per universum corporis spatium æstuarè incipit, ut vix, una hora consistere posset. Ita tamen triduo passa, rediit in se, reminiscitur culpæ, confitetur negligentiam. Mox ergo ut præcepit equum sterni, ut videlicet recidivo tramite ad Sanctam Fidem remearet, nimius ardoris remittitur æstus; sicque sanasit et gavisam redit, non modicum lucrum reputans permutare anulum pro salute.

CAPUT V.

De manicis aureis.

Jam vero quanta per sanctam Fidem hujusmodi miracula Dominus operari dignatus est, nemo potuit omnia retinere, neque ea quæ retenta sunt ulli vacat scribere. Pauca tamen de his quæ audivi præfatis volo subnectere, ita quidem ut nec nimio silentio taciturnus, nec nimia verborum odiosus videar. Scio ante nos dictum: Omne rarum pretiosum. Et ideo ad comparationem reliquæ universitatis scribo rara, ut sint pretiosa. Indulgebit ergo Christus veniam, quod sciens prætereo plurima. Arsenidis uxor Willelmi Tolosani comitis (fratris illius Poncii qui ab Artaldo post hæc privigno suo, dolo interfectus fuit) habebat armillas aureas, vel potius (quod usque ad cubitum continuabantur) manicas, mirificum opere gemmisque pretiosis insignitas. Hæc cum in suo nobili stratu aliquando sola accubisset, videt per somnium ante se ac si speciosissimæ puellæ formam pertransire. Quam cum præ nimia miratur elegantia, tali rogatione aggreditur: Dic, inquiens, hera quænam esse videris. » Sancta Fides humiliter respondit voce roganti: « Sancta Fides ego sum, noli dubitare, virago. » At illa contra admodum supplicans, ait: O sancta hera, utquid ad peccatricem accedere es dignata? » Tunc in eadem hora negotium adventus sui sancta Fides intimat percontanti: « Da mihi, inquit, manicas aureas quas habes pergensque ad Conchas, aræ sancti Salvatoris superponito eas. Hæc enim est causa quamobrem tuam expetierim præsentiam. » Ad hæc prudens matrona, non tantum munus absque fenore passa abire, sic ait: « O sancta hera, si per te Deus me mascula prole fecundari dederit, id libenti animo quod jubes exsequar. » Ad quam sancta Fides: Hoc omnipotens Creator, ait, pro famula sua facillime faciet, si quod postulo non negaveris. » In crastinum mulier hoc responso sollicitata, perquirat studiosissime quo in pago vicus qui Conchas vocitatus sit, nondum enim Conchacensium virtutum novitas nisi raro, fines suos excesserat. Quo ab his qui compererant comperto, ipsamet peregrini functa officio, aureos eo brachiolos cum summa devotione detulit, Deoque ac sanctæ ejus obtulit. Ibi que venerabilis matrona aliquot Dominicæ Resurrectionis dies honorabiliter agens, suaque præsentia solemnitatem honorans, deinde ad propria rediit. Quæ juxta divinæ visionis promissionem concepit, et peperit masculum. Rursusque gravid

A facta, enixa est alterum; quorum nomina, primo geniti Raymundus, secundi Henricus. Hæc postea manicæ in opus tabulæ fuerunt consumptæ.

CAPUT VI.

De muliere quæ usurpavit anulum quem altera moriens sanctæ Fidi reliquerat.

Est quoddam oppidum, vico Conchacensi contiguum, cui sub ditione monachorum quidam Austrinus præsidebat; dudum cujus nos successorem vidimus, nec tamen miraculum quod dicere inchoamus nostra ætate fuit antiquius. Hic Austrinus anulo, quem uxor nomine... moriens sanctæ Fidi promiserat, alteram nomine Avigernam sponsavit; prorsus prioris conjugis dicta tanquam delirantis reputans. Verum postmodum protervæ negligentis digitum, qui alieni juris auro depictus ostentabatur, intolerabili tumore doloris cælestis damnavit justitia. Usque adeo ut totum pene anulum turgens pustula super accrescente carne contingeret, ita videlicet ut anulus adacto ferro non posset secari sine digiti detrimento. Cumque ad hanc vim mali compescendam accercitorum medicorum remedia desperarent, nec ullo modo passionis efficacitas jam tolerari posset, ad divini juvaminis recurritur auxilium: fit palam injuriis culpæ confessio. Deducitur debilis mulier ad sacrum sanctæ martyris mausoleum. Ibi cum geminas noctes assiduis excubiis continuat, tertia (quæ fuit Dominica) adjicitur; in qua vis doloris ita sævior dolentem vexavit, ut vociferatæ femine miserrima vox per totum noctis spatium non cessaret. Ad postremum cum jam matutinarum laudum intonerent præconia, ab altithrona summæ majestatis sede benigne compassionis visitatio descendit, non passa diutius in humana carne tam graves pœnarum desævire cruces, nec lacrymas pœnitentis usque ad desperationem pervenire. Nam cum forte luctuosa matrona nares emunxisset, anulus, quem supra diximus, in violata digitorum salute tanquam validissimum arcitus * balista creptum longe in pavimento dedit. Et ideo cum ingenti gaudii tripudio dies illa Dominica ab omni illius vici populo celebrata fuit. Quippe qui patrioticam ac vicinam suam sanctæ Fidelis auxilio creptam a funesto tormento cernerent, et certe multa et innumera hujusmodi etiam per diversa terrarum spatia de sancta Fide referuntur, quæ non solum scribere, sed etiam dicere nemo sufficet; est enim impossibile universa sanctæ Fidis magnalia vel explicare verbis vel designare litteris.

CAPUT VII.

De improbo mercatore.

Mercator, Arvernensis pagi incola, ad sanctam Fidem orationis causa venit. Hic cum vidisset facilitum ceræ commercium (nam propter peregrinorum frequentiam, offerentium cereos multo vilior habetur), illico notam suæ artis peritiam revocat ad memoriam, sic intra se cogitans: « Quam facili quæstu, si hoc stultus rescivissem, divitem me potuissem facere ac meam rem constabilire! sed quod

hactenus ignorantia distulerit, hoc amodo pervigil recursus, frequensque repetiti itineris reditus, brevi temporis spatio perficiet. Accingar ergo viriliter, rei que exordium aggrediar. » Hoc itaque disposito, auditoque venditore plurima ceree pondera diligentissime taxat; decemque dinumeratis solidis, comparat massam ingentem, atque in sacculis recondit. Et jam gaudens minimo sese vel quadruplum lucraturum, sic apud se cogitabat: « At at: bene se habet principium: quid tum, si plures vices redeo? » Sed, jam exitus rei non debet nos remorari. Igitur superfluit pulcher cereus, qui non potuit inter reliquum capere acervum. Hunc vir cupiditatis in sinum applicuit, eo videlicet modo ut quantitas quidem habitior subter cingulum cohiberetur, gracilior vero per fenestram vestis usque ad barbam prominere. Verum superni speculatoris vindex omnipotentia, non tulit ulterius raptoris latere audaciam. Nam cereus quem dixi, ignis divini repentino succensus fervore, claustra ipsa quibus inclusus tenebatur cepit vehementer adurere, vaporesque flammivomos una cum fumiganti turbine foras emittere, adeo ut micantium scintillarum globo vibrante, illa ingens barba reluceret, superiusque capucium crepitanti combureretur sonitu. Nec linea in telam ventris protexit tergora, cum etiam posteriores gyrantibus flammis arderent. Stuperes insanientis horribiles mugitus, calcitrantis strepitum, dentium stridorem, oculorum vertiginem, totiusque immoderatam corporis distortionem, cum miser, intolerabiliter passus, hac illacque præceps ferebatur, ac si de improvviso percursus coluber, qui sinuato globo nunc se in spheram colligit, nunc pernici tractu fulminat, ac tortile collum porrigit, captans fugam. Sed debilitatus, non valens, rursus percussori infestus, intorque sanguineos oculos et sibilat ore. Hand secus iste miser, huc illucque cursitans, se impellit et repellit, modo pronus, modo resupinus, nec ullo modo respirare poterat, quem vis major exagitabat. Sed tamen humani sensus residua vena miserum redegit ad poenitentiam. Qui statim ad sepulcrum piissimæ martyris cum ingenti clamore currens, universam inibi ceram non celerius refudit quam poenale incendium evanuit, neque homo queritur de damno pecuniæ, dummodo a tormento potuit evadere. His itaque gestis, nequaquam offendere putaverim, si bonitatem sanctæ Fidis laudabilem mirabilemque in hoc quoque prædicto, quod ne commercii vilitas deficeret peregrinis, improbitatem avaritiæ castigavit.

CAPUT VIII.

De puero in quo quadruplum gestum est miraculum

Nec illud prætereundum arbitror quod inter multa sanctorum miracula quæ secundum morem illius provincie feruntur ad concilia, sancta Fides, quasi principatum tenens, miraculorum effulget gloria: quorum, cum sint multa, duo tantum (ne nimis otiosum volumen contexere videamur) adnotare satis esse putamus. Reverentissimus igitur

A Arnaldus Rothenensium episcopus, suis tantum parochianis conflaverat synodum: quo de diversis monachorum aut canonicorum congregationibus, in capsis, vel imaginibus aureis, sanctorum corpora sunt evecta. Erat distributa sanctorum acies in tentoriis in papilionibus, in prato sancti Felicitis, quod disparatur ab urbe quasi uno tantum milario. Hunc locum præcipue sancti Marii confessoris aurea majestas, et sancti Amanthii æque confessoris et episcopi aurea majestas, et sancti Saturnini martyris aurea capsula, et sanctæ Mariæ aurea imago, et sanctæ Crucis aurea crux, et sanctæ Fidis aurea majestas decorabant. Erant præter hæc sanctorum multa pignora, quorum numerus non commendabitur in præsentis pagina. Ibi inter cætera, quodam insigni mirabilique omnipotentis dignata est famulam suam glorificare bonitas. Puer a nativitate cæcus et claudus, surdus et mutus, a parentibus bajulatus, subterque imaginem quæ in sublimi honorabiliter habebatur, positus, quasi horæ unius intervallo ibidem demoratus, divinam meruit medicinam; atque, integerrimæ sospitatis donatus gratia, exsurrexit loquens, audiens, videns, et etiam inoffenso pede facilliter deambulans. Cumque strepitus vulgi super tali resonaret prodigio, seniores consilii, qui considebant paulo remotiores, cœperunt inter se conquirere, dicentes: « Quid sibi vult ista popularis conclamatio! » Quibus Bertillis comitissa respondens: « Quid, inquit, aliud hoc esset, nisi quia sancta Fides jocatur, ut solet? » Tunc omnes, re exquisita, tam stupore quam gaudio repleti, totam concionem ad divinas laudes concitaverunt, illud frequenter præ nimia lætitia recolentes, quod joculari sanctam Fidem venerabilis matrona dixisset.

CAPUT IX.

Item de cæco et claudo.

Rursus quidam cæcus et claudus, ut sanitem reciperet, ante imaginem sancti Marii confessoris pernoctabat, cujus virtutes, mirifice lateque dispersæ, a multis populis habentur famosissimæ. Cumque jam dilucesceret, repentinus ei sopor irruit, visusque est sibi vocem audire dicentis: « Vade ad sanctam Fidem? non enim datum est ut a tua infirmitate nisi per merita illius salvari possis. » Hoc responso excitatus æger, illuc qua poterat virtute repere cepit. Cum pervenisset ad locum, extemplo sanctæ martyris dilationis aliena adfuerat suffragia; nam ubi homo in ipsum aditum papilionis sese ingressit, illico virescentibus venis ac vegetatis nervis meruit de curvo fieri erectus: nam et velamento pupillarum disrupto, præcedentem sanguinis eruptionem subsequitur lux serenissima; nec ei quiddam sanitatis defuit, cujus membra coelestis medici dextera pertrectavit.

CAPUT X.

De eo qui a suspendio furcarum sanctæ Fidis auxilio liberatus est.

Inter cætera quæ mihi de sancta Fide adhuc pergenti, a diversis relatoribus sicut summo desiderio

indaganti dicebantur, istud quod nunc aggredior, A more totius populi, festivo atque celeberrimo resonabat præconio. Quod postea, certius ab his qui rei gestæ interfuerant exquisitum, altæ memoriæ tradimus. Nobilissimus quidam, nomine Adimarus de Avalena cognominatus (est enim regio Lemovicensi pagi montuosa, ita nuncupata), inter numerosam familiam clientem habuerat qui equorum sibi aliquos furatus effugerat. Hunc denique alia tempestate cum casu inopinato offendisset, statim ei prunulis oculorum revulsis, liberum deinceps abire permisit. Alterum vero jure sodalitatæ huic adhaerentem, nec tamen præfati latrocinii cooperatorem, ac si reum paræ facinoris, nodis miserabilibus necit. Cui renitenti atque inficianti conscientiam furti, nihil profuit: imo per sanctam Fidem B reclamanti, tale responsum vir crudelis edidit: « Quid ultra aliud scelerati faciant, nisi si cum fuerint deprehensi, statim sanctam Fidem sibi advocet patronam? Sed procul dubio clamor iste supplicio puniendus erit.» Junctum ergo cursui caballino agit domum, inque subterraneo ac tenebroso profundo penoris ergastulo custodiæ mancipat, futurum sane ut in crastinum furcis appendendum tradat. Quid igitur faceret miser? Tota nocte in illo horrore tenebrarum timidus suspectusque a summo mansit alienus, verbis quibus sapiebat Deum sanctamque ejus interpellare non cessans. Circa medium noctis aspicit de parte ostii ineffabilis speciei venire sibi puellam. Ratus denique esse cubiculariam, nisi quia quæ erat circumdata C non candela, non aliquod lucernæ instrumentum lucem præferbat. Hæc accedens cœpit illum, veluti ignara, qua de causa carceratus tenebatur rogitare. Cui omnia exponenti ac postmodum vocitamen percontanti, sanctam Fidem se esse ipsa respondit. « Et noli, inquit, cœptis desistere, nec diffidentiam ullam habere; sed semper et nomen et clamorem sanctæ Fidis habeto in ore. Verumtamen quod tibi interminati sunt, cras subilibis patibulum. Sed vivit Omnipotens, qui te ab ipsis faucibus hiantis mortis revocabit.» Hæc et hujusmodi prosecuta, virtus cœlestis rediit. Ille vero reliquum noctis ob insolitam numinis visionem in grandi tremore transegit. Sed quem bona pars visitaverat, mens illi turbati non potuit. Facto D mane eductus inde, sistitur ante tribunal. Sed quanto crebrius homo sanctam Fidem nominabat, tanto festinantius mens malignosa patibulum accelerabat. Itur ergo ad locum supplicii. Nec satis fuit seniori servis suis imperare solis, nisi et ipsemet magno comitante equitatu abisset. Nec unquam qui nexus ducebatur, nomen sanctæ Fidis, ut erat præmonitus, deseruit, donec via vocis, ligneis coarctata laqueis, suffocato gutture intercluderetur, mox deinde pendentem deserunt. Et cum jam paululum in revertendo elongarentur, respiciunt, furcas vacuas cernunt. Tunc cum magno strepitu regressi, hominem durius ligatum relevant sursum. Rursus quoque cum revertentes retrospecterent, humi secundum furciferum elapsam hau-

riunt. Et jam aliqui virtutem sanctæ Fidis esse dicebant, cum crudelis bellua eos minaciter cum exprobatione increpitans, reticere coegerit. Tum multo durius atque immanius hominis guttur, ut fertur, renovatis angens retortis, tandiu pendenter observavit, quandiu strangulatum incunctanter putaverit. Et tamen cum per clivum montis jam revertentes, descendere cœpisset, non potuit pati male sollicitus quin torva lumina retorqueret, visoque miraculo recurrit, reperiensque hominem solutum et incolumem, hæsitabat quid faceret. Cæteri vero tam manifeste sanctæ Fidis virtutem unanimes predicantes, scelestissimi facti dominum suum reum esse conclamant, nec se ultra tam indignum facinus passuros. Videns ergo senior miraculum quod esset dignum, ductus pœnitudine, cœpit illum obsecrare ut sibi ignosceret. Ille nequaquam acquiescens, ad sanctam Fidem potius itum ire, ut injuriam hanc exponens, ait. Tum præfatus Adimarus, cernens viri obstinationem, et ipse quoque cum quindecim suæ domus ephēbis, nudis pedibus et inermis ad sanctam virginem festinavit. Cerneret ambos Adimaros (nam utrique id nomen erat) ante sacram imaginem, tanquam ante tribunal concertare: hunc accusantem, illum suum peccatum confitentem, et emendationem proferentem. At vero seniores loci intercedentes, dictata pro letho hominis legali emendatione, inter eos concordiam fecerunt. Hoc miraculum plebeio relatu, ut dixi, jam passim relatum, concordia monachorum sententia postea relatum est. Utque dictis fidem facerent, ampliorem quemdam juvenem, memorati Adimari consobrinum, in testimonium arcessunt, qui cum illo ad Conclias post ereptionem a suspensio venerat: sed et ipsum Adimarum, si mihi fuisset spatium, vel per legatos vocatum exspectare vel iter ad ipsum extendere, potuissem videre, nec tempus plus quinquennio dicebant ex quo id evenerat defluxisse, ipsumque supersitum esse.

CAPUT XI.

De eo cui ad conterendum ferreos compedes sancta Fides martellum attulit.

Rursus de alio homine rem mihi opinatissimam unanimes retulere, qui cum diutina carceris custodia affligeretur, atque incessanter ad sanctam Fidem exclamaret mox ei sancta Fides vigilantem apparuit. Quæ cum sancta Fides vocabulo se nominaret, protinus marculum vetustissimum, scabraque rubigine obductum præbens, jubet illum compedes ferire; dein, ferri fragminibus onustum, ad Conchas celeriter proficisci. Cujus monita ille perficiens, pervio carceris obstaculo, absque humano impedimento, divino fretus munimine, ad sanctam Fidem recto tendit tramite, et pro magno beneficio magnas gratias Deo sanctæque ejus non ingratus reddidit. Fuit ibidem marculus circiter tres annos appensus, ut insigne tanti miraculi peregrinantibus nondeesset. Id nimis succensui, quod in memoratum opus, marculum etiam destruxerant. Mirum dictu! unde, putas, sancta Fides corporeum marculum habuerit?

Sed non debemus ratione humana divinum opus A
æstimare, sed factum fideliter credere.

CAPUT XII.

De eo qui, præmonitus a sancta Fide, per fenestram turris saltu evasit. Et de mirabili asino.

Rem mirabilem cunctisque sæculis memorabilem, et etiam fastidiosis lectoribus succinetam narraturus, Deum fontem sapientiæ vivum fideliter deprecor ut divini sapientiæ affluentiam intra pectoris mei arcana infundere, sanctique Spiritus rore sensus mei ariditatem dignetur irrigare; quatenus ea quæ vera sunt, ad utilitatem congruo rectoque sermone valeam expromere, nec sententia mea a recto tramite exorbitando, per inanes res, secus quam veritas habet, deviare inceptet. Miles quidam, qui erat in captione in pago Rothenico, castro Perso, sub dominio Amblardi cujusdam nobilissimi viri, datus pro se obsidibus, ad sanctam Fidem, quasi aliud negotium acturus, quo potuit occultus venit. Deinde statuto placito, sese in captione recepit. Unde qualiter post aliquantulum temporis divina visitatione evaserit, dicendum erit. Sed primum terræ illius situs et qualitas paucis verbis repetenda. Est patria per omnia montuosa, et etiam per loca horridis scopulis adeo edita, ut visus altitudinis vastitate vix queat exsaturari. Sed inter hæc ibi forte planities occurrit, frugum proventibus adeo fecunda, ut pinguis Cereris Bacchique optimi nulla terra feracior mihi fuisse videretur. Hanc illi ingenuitatem ex eo accidisse opinor quod sit his nostris regionibus editior, et ideo hiberni frigoris immanitate rigidior, sitque soli vicinior, utpote ad australem plagam sita, et ideo æstivo fervore calidior. In æstate videlicet, propter vicinitatem solis, torrenti calore nimis exæstuat. In hieme vero propter altitudinem terræ nimis frigoribus riget, sicut ubi Auster liberioribus habenis regnat. Igitur repugnantis diversæ naturæ quanto magis tellus illa urgetur, tanto magis excoquitur vitium atque exsudat inutilis humor. Ac per hoc facta est lætioris dulciorisque germinis terra genitrix. Sed quia, ut diximus, montium scopulorumque dissimilitudine a nostro solo discrepat, ideo contigit ut prænominati oppidi structura, super excellentissimæ rupis soliditate fundata, per spatiosum aeris inane longe eminentior exsurgat. Porro oppidanorum mansio de parte illa habetur quæ planior habitabiliorque videtur.

Habens arcem erectam mediocri loco, ad illam videlicet plagam quæ altiore ruitur præcipitio. De qua etiam parte in summo turris solariorum herilis camera erat, ubi ipse heros cum familiaribus sopitus, placidum carpebat pectore somnum. Extra quam cameram in eodem solariorum de parte reliqui municipii, captivus, quem dixi, ponderosa mole ferri cruribus innexus, trium vernaculorum custodia servabatur. Huic sancta Fides jamdudum ad se querelosis vocibus exclamanti, jamque pene desperanti, sopitis custodibus, corporali specie conspicibilis apparuit. Quæ cum rogata

ab illo quænam esset, sanctam Fidem se esse responderet, protinus instantia precum illius se esse fatigatam adjecit, imo etiam diutino clamore coactam; a Deo tamen missam ut eum absolvat venisse. Quare igitur, inquit, longas moras innectis? Perrumpe per medium cameræ, ac per summas turris fenestras elabere. Cumque ad vocem monentis reptare cœpisset, evigilans senior male sollicitus, ferri tinnientis advertit motum. Dein excitatæ cubiculariæ, ut tardos cogat custodes, minaci actoritate jubet. Quod cum illa perfecisset, clauso ostiolo, in conclave se recepit. Post aliquot horarum excursus, ecce de integro sancta Fides apparens hortatur hominem ut rem aggrediatur. Quod cum ille statim faciens, reperto ostio clauso, in lectum vacuo conatu regreditur. Rursus quoque senior, ferrea collisione expectatus, pedisequam ut prius remisit. Illa peracto herili præcepto regressa, ostium cubilis per voluntatem Dei apertum dimisit. Post hæc, omnibus multo graviore sopore oppressis, ecce sancta Fides tertio manifestata, durius severiusque hominis arguit ignaviam. Cumque impedimentum ostii objiceret, seseque jam bis delusum quam graviter ferret: « Noli, inquit illa, dubitare, quia habebis pervium iter, et Deus adjuvabit te. » Ille vero confidens in Domino, gressu quo poterat cœpit motare se. Et sic tandem cum magna difficultate penetrato cubili, ad ipsas fenestras substitit, casus altitudinem vehementer expavescens. Tunc sancta Fides adhuc labantis animi hominem comitata, et quasi viam affectando præcedens, illum viriliter exhortari cœpit: « Age, inquiens, fiducia-liter; non alio modo jam evadere poteris. Similiter olim Israeliticus populus, in ultionem sceleris urbis Gabaa, tribum Benjamin debellans, antequam triumphum obtinisset, divino monente oraculo, usque ad trinum conatum laborasse legitur. » Ad extremum, ille in miserabili positus discrimine, assumpta audacia, acposito corde in periculo, pedes primum per fenestras emiteas foras, se totum vasto credit præcipitio: sed nunquam mollius suaviusque sua pensilis pluma Sardanapalum fovit, quam hunc durissima rupes excepit. Adeo divina subportante virtute, ut, cui natura negaverat alas, hic plane volare, non cadere videretur. Quo miraculo factus securior, etiam multo profundioris præcipitii saltum audere non dubitavit. Nam de summis scopulis super quos arx innitebatur super inferiores ruens, ad certissimum terræ solum tertio saltu perlabitur. Mirum dictu et terribile auditu, quo ausu mens humana tantum periculi invadere unquam potuerit! namet ipse talia narrando, fateor, nimio horrore totus contremisco. Sed qui sanctam suam voluit glorificare tali miraculo, dedit huic non terreri tanto præcipitio, in quo, licet nihil læsionis receperit, crepitus tamen contusarum bodiarum in primo quidem saltu usque ad aures dormientis pervenit. De qua re miles expergefactus, nimio furore succensus, servis suis rem prænuntiat, reos culpât,

furciferos iudicat, postremo minaciter imperat ut A
 quamprimum fugientem insequantur. Illi, senioris
 monita ridiculo habentes, attriti cadaveris frustra
 se in crastinum lecturos satis in tempore promit-
 tunt. Illis tamen nequaquam acquiescens, faces
 lampadesque accendi, atque per aliam partem,
 qua facilior erat descensus, cursores velociter præ-
 cedere hominemque comprehendere præcepit. Ille
 vero, tædarum hauriens fulgorem, unamque sese
 persequentium vociferationem jam in proximo
 audens, incertus quid ageret, utpote gravatus
 utraque vestigia maximo pondere ferri, ad effu-
 gium famen parvæ silvæ, quam per providentiam
 Dei oppidi vicinam natura produxerat, vi qua po-
 ferat reptans, sese totis annis viribus contrahere
 contendit; nec ab aliquo cogi opus erat, cui ipsa B
 necessitas imperabat; nec reprehendenda tarditas,
 qua, ut sibi videbatur, segnior incedebat testudi-
 ne. Cumque in hujus anxietatis laboraret discrimi-
 mine, et jam inter condensa arbuscularum ali-
 quantulum [se] colligeret, mirum in modum offendi-
 dit asinum, in cujus faucibus nodata zona pro cap-
 pistro, asinino tergo more insedit femineo, versis
 ex uno latere cruribus, propriique commodi potius
 rationem ducens, posthabuit honestatem virilem.
 Actum erat procul dubio, si unius puncti spatio
 fugientem hic asinus fuisset remoratus. Nunquam
 expeditiore blandioreque solutatura capitor equus
 ac regalis incessit, quam per mediam regionem
 asinus in eam partem qua fugitivus minus quæ-
 rendus putaretur, transiit. Interea sessor non
 adeo securitate fretus, subinde aurem arrigit, ani-
 mamque reprimit, subinde respectat, et retorquet
 aciem, si forte aliquem vel audere vel videre
 posset, donec jam octo pene peractis millibus se
 satis in tuto videret. Et jam diescebat, et jam
 mortales ægros aurora proxicans ad laboris exer-
 citium cogeat. Tunc ille, alligato ad quoddam
 virgultum asino, ubi silices duriores vidit, paulu-
 lum a semita se detorsit. Quorum ictum ferreus
 rigor excipiens, in modum glaciæ faciem sui re-
 solutionem dederit. Iter agendum vero cœlestis
 asinus evanuit. Nam respiciens ille neque animal
 ipsum vidit, neque etiam animalis vestigium, quan-
 talibet investigatione insistens, in aliquo penitus
 invenire potuit. Cingulum vero ad argumentum
 miraculi, ubi nexerat, recepit. Ergo ad sanctam D
 Fidem pedestri itinere recta intendit. Nullum pul-
 chrius basilicam sancti Salvatoris aut speciosius
 spectaculum intravit ante hunc diem, neque ali-
 quid libentius populus Conchacensis aliquando
 aspexit, quam quod nobilis viri clarissima ac
 procerâ pulcherrimi corporis statura, ponderosam
 ferri massam gestans humeris, per circumfusas so-
 lemnizantium turmas ad sepulcrum prorupit; tan-
 quam leo qui, fracto carcere, grandi mole catena-
 rum oneratus colla, nativum silvæ repetit refugium.
 Tunc homo coram omni populo, ibidem deposito
 onere, hostilem sarcinam, quam captivam collo-
 advexerat, libertate donat, ac felici postliminio re-
 dux, seniores cum omni populo tanti miraculi

novitate lætificat. Dein amicorum animos, diu in
 mœrore suspensos, explet inopinæ reversionis
 gaudio nec aliquid tristitiæ captivitas illa post hæc
 intulit, cui nec damnum pecuniæ successit, nec
 detrimentum corporis. Sed quid putas de illo asi-
 no conjiciendum esse, nisi benignæ virtutis ange-
 lum fuisse, in figuram humilioris jumentum mani-
 festatum? Super quod etiam ipse Salvator resi-
 dens, ut sæcularis pompæ contumacitatem humili-
 liaret, viliori gestamine vehi potius voluit, cum
 tamen esset ille excelsus super omnes gentes Do-
 minus et super excelsos gloria ejus. O magnum
 meritum unius puellæ! o admirabile donum uni
 femine concessum! o admirabilis et ineffabilis
 gratia uni virginis præstia! cujus virtutes nec ca-
 lamo notari, nec etiam lingua humana jam expedi-
 di poterunt. Non enim ibi sancta Fides tantum-
 modo, ubi corpore requiescit, miraculis pollet;
 sed etiam (sicut ab his qui quotidianis ejus inter-
 sunt virtutibus, didici) in terra, in pelago, in car-
 cere, in infirmitatibus, in periculis multis, et (ut
 ipse jam ex parte probavi) in necessitatibus variis,
 si quis eam recto corde interpellaverit, præsentem
 sentiet. Et ubicunque sancta Fides habet nomen,
 ibi quoque habet virtutem; ad laudem et gloriam
 Christi omnipotentis, qui omnipotentis suæ habe-
 nis cum Patre et Spiritu sancto cœterna unitate
 regnat per sæcula æternaliter manentia. Amen.

CAPUT XIII.

*De quodam Raimundo, qualiter naufragatus fue-
 rit et sanctæ Fidis auxilio liberatus sit.*

Dicere etiam opportunum videtur de aliquo Rai-
 mundo, Tolosani pagi oriundo, genere divitiisque
 clarissimo, qui municipium quod Boschitum rus-
 tici vocant in eodem pago possidet. Hic aliquan-
 do Hierosolymitanum iter aggressus, jam maxima
 Italiæ parte emensa, apud urbem Lunæ vocabulo
 ab antiquis celebratam, Mediterraneo pelago sese
 classe apparatus credit, ut per marinum cursum
 citius rectiusque Hierosolymæ partes accedere
 posset. At vero cum jam æquoris pergrandi parte
 trajecta sulcarent cœrula, orta subito tempestate,
 navis illa scopulis illis incidit in naufragium, dis-
 jectaque in partes ipsum gubernatorem cum re-
 liquis vorticibus absorptos reliquit, vix duobus re-
 servatis, Raimundo videlicet servoque uno quem
 fidum adduxerat secum; quorum servus ille, per-
 parvæ navigii particulæ hærens, ad Italica littora
 projectus est; ratusque dominum suum procul
 dubio marinis fluctibus esse necatum, repetit ho-
 spitem cui idem dominus suus (ut mos est pere-
 grinis) partem pecuniæ crediderat. Quam recep-
 tam cui quam herili conjugi dignius referret? Cui
 casus suos exponens, etiam fatalem domini sui
 sortem intimat. Illa vero, simulato aliquandiu do-
 lore, non in graves lacrymas aut longa suspiria
 (ut mos est bonarum feminarum), rem vertit, sed
 illico elegans virorum spectatrix effecta, infidum
 variumque amorem effrena libertate per varias for-
 marum injecta species. Et sic quem præ cæteris
 egregie reperit, nanciscitur virum, quod potuit,

sux libidini opportunum : cui et castellum de-
dit, et reliquum honorem sic fecisset, et etiam
filias, quas Raimundus pepererat, ab paterno be-
neficio, cœca cupidine perditâ, alienasset, nisi
quidam cognomine Excafridus Hugo, antiquus
præfati Raimundi amicus, pro puellis sese mater-
nis injuriis objectasset, atque, ne ipsæ indotate
ad ignominiam redigerentur, auctoritate sui indu-
striaque totius honoris medium, præter castrum
subsidiis auctum recuperaret ac retineret : nec de
maritandis virginibus longa erat ambiguitas, cum
utramque germanam suis liberis nubere consensit.
Raimundus vero (ut ad superiora redeam) unam
disjectarum trahum similiter amplexus, non ad
Italiæ, sed Africæ partes pulsus est, sanctæ Fidis
auxilium incessanter invocans, nec unquam no-
men ejus ab ore rejiciens. Et jam tertia lux fluxe-
rat ex quo nec hominem nec monstrum vidisset,
ita marinis debacchationibus attonitus stupefac-
tusque, ut præter naturalem tutandæ vitæ inten-
tionem, brutis etiam animalibus insitam, nihil
prorsus jam saperet ; cum ecce de improvise ob-
vias habuit piratarum phalanges, de Turlanda re-
gione venientes, sagenarum bellicarum classe, tel-
lis, spiculis, clypeis et armis multipliciter instruc-
tas ; et, jam dudum prædam sitientes, ipso die
jactata sorte invenerant sese statim prædam in-
venturos. Itaque repertum hominem captumque
barbarico fremitu circumstrepunt : genus condi-
tionemque interrogant. De fortuna autem non
quisquam movebatur, quippe cum illum plane
naufragum cernerent. At ille insolentia fluctuum,
ut dixi, sui oblitus, penitusque rigore membra cor-
reptus, vix se hominem esse recordabatur, nedum
ad inquisita daret responsum ; cum præsertim nec
linguam eorum, nec mores eorum aliquando di-
dicerat ; postea vero peracto cursu in patriam
reversi sunt. Quibus iterum interrogantibus, jam
cibo otioque paululum recreatus, Christianum se
respondit : decus vero generis, professionemque
officii prorsus abnegans, agricolam se fuisse men-
titus est. Unde, sibi dato in manibus fossorio, fo-
dere ei imposuerunt. Quod cum præ nimia libera-
lium manuum teneritudine ignotique laboris im-
patientia minus pleniter perfecisset, ipsum jam
impie tractare flagrisque inhumane cedere adorsi
sunt. Ita demum invitatus coactusque seipsum aper-
it, nihilque præter militiæ artes se olim exer-
cuisse professus est. De qua re facto illico exa-
mine, armorum peritissimum experiuntur ; qui,
præter cæteram hujus artis industriam, ita se sub
arma colligere clypeoque protegere perhibetur
ingeniose, ut abs quolibet difficile possit feriri. Jam
ergo illum in ordinem militarem constituentes,
sæpius in expeditionibus ducunt. In quo cum
egregiam laudis gloriam brevi obtinisset, jam
in proveciorem honoris gradum promovent. In-
terea vero inter hos atque Barbarinos acto prælio,
Barbarini superiores Raimundum, cæteris inter-
fectis sparsisque, dupliciter captivum abigunt. Dein
inquisitum et ipsi quoque honorabiliter eum ha-

bere cæperunt, sæpiusque in pericula ducere. Ad
postremum, a Saracenis Cordubæ victi, ipsum
rursus amiserunt. At ubi et isti acerrimum stre-
nuumque militem diversis periculis experti sunt,
ingenti lætitiâ gaudioque tanto milite congratulan-
tur, nimirum quibus omnia ex voto nec unquam
incassum hoc socio contingebant. Verum subiti
gaudii indiscreta elatio, subiti infortunii interrup-
tione interdum castigatur ; nam prædio commis-
so inter se et Alabitas, victores tanto milite reman-
serunt orbatî. Postremo bellum fuit his cum Sanc-
cione comite de Castellis, viro potentissimo mili-
tiæque peritissimo ; a quo Christi auxilio superati,
non modo Raimundum, sed etiam enormem Chri-
stianorum captivitatem amiserunt. Sed hæc bar-
bara gentium vocabula non sic ab antiquis usi-
tata fuisse videntur : quorum industria per negli-
gentiam ignaviæ posteritatis pereunte, etiam gen-
tium plerarumque nomina aut penitus oblivione
deleta, aut barbarie ingruente transmutata ha-
bentur. Igitur Sancio comes cum accepisset hunc
non solum Christianum esse, sed etiam nobilitate
generis pollere, miratus fortunâ illum, quibuslibet
donis remuneratum, libertate etiam cum reli-
quis Christianis donavit. Sed antequam discederet
ab eo, sancta Fides ei dormienti apparuit : « Ego
sum, inquit, sancta Fides, cujus nomen nau-
fragus tam constanter invocasti. Vade securus,
quia amissum honorem recuperabis. » Surrexit
ergo atque in patriam rediit, castroque suo jam
propinquans, audito quod conjux alii nupserit
marito, illic manifeste apparere metuit, atque ob
id intra domesticum pauperis tegetem aliquandiu
latuit, expectans quid per providentiam Dei de se
futurum erat, partim peregrini habitu, partim
ætate deformatus. Nam tria annorum lustra abie-
rant ex quo a patria exsulaverat, propter quod
etiam ipsum ultra rediturum esse omnis spes in-
terierat. Tamen cum una dierum quædam mulier-
cula, ejus olim concubina, in superfusione balnei
ei casu obsequeretur, ad notas nudi corporis
ipsa ipsum recognoscens : « Tune es, ait, ille
Raimundus, qui dudum, Hierosolymam ten-
dens, æquore mersus credebaris ? » Quo ne-
gante, illa adjecit : « Hoc, inquit, verum est,
nec me tuam præsentiam celare poteris, cum
qua olim consuevisi. » Denique clanculum, et quo
potuit occultius festinavit ad dominam castri, nun-
tians invisum rumorem. Ita primum per vile
scortum adventus illius emersit. Illa reducis viri
postliminio consternata, cœpit maturare quanto
qua via sibi mortem occultam ac sine infam-
ia inveniret. At vero dum causâ lethi excogitan-
do differtur, nec ad id sceleris opportunitatis satis
efficax reperitur, voluntate scilicet et fortuna dis-
cordantibus, admonitus in somnis, cessit periculo
vitæque tutamentum quæsit. Quod paulo ipse
ante fecisset, nisi sancta Fides ad suum castrum
eum nominatim venire jussisset. Sed credo divino
nutu ita esse factum, ut perfidiam conjugis ad li-
quidum deprehenderet. Ut ergo comperit filias

suas claro matrimonio nupsisse, generorum petiit A genitorem, casus narrat, uxoris noxam detegit. Porro, Hugo Excafridus fidelium amicorumque auxilio, liberorum, socerorum antiquumque amicum (pulso mox rivali) in honorem restituit. Præterea decretum est uti conjugem recipiat; sic enim posse fieri juxta majorum instituta, nec prorsus ullum esse dedecus: nam ille qui hanc habebat, simul ac vidisset commune sibi iudicium incumbere, cesserat justo rectoque, alienum jus deserere paratus. Alter tamen pro nota homicidæ voluntatis, ipsam ab animo respuit, prorsus cui prava conscientia majus vulnus intulisset quam corporeæ castitatis violatio. Ut autem in superioribus paucis suppleam, addunt etiam illum a primis piratis potionem herbæ potentem assumpsisse, et B ita magicis præcantationibus tactam, ut semel ex ea hibernes adeo lethea oblivione hebetentur, ut nec genus ultra nec domum meminisse possint. Dein superna sibi miseratione sanctam Fidem apparuisse, et a stupore illius oblivii excitasse, atque in mentem revocasse, et tamen post illa memoriam habuisse tardiozem: disponente Deo scilicet, ut, antiquæ correptionis vestigiis adhuc testificantibus, perpendant alii quantis de malis eum Dominus absolverit.

CAPUT XIV.

De peregrino capto et vinculato, subitoque sanctæ Fidis auxilio liberato.

Peregrini quidam, Lemovicensis pagi indigenæ, abeuntes ad Sanctam Fidem, transierant propter castellum Oeballi, quod dicitur Torena: quibus forte fuit obvius quidam ejusdem oppidi municipis, eorum inimicus, nomine Gosbertus; clericus quidem solo cognomine, sed actu terrenus miles; qui statim inventa causa, redegit omnes in captivonem. Dominus Oebalius forte abierat, cujus conjux tunc (sed mox per divortium ab eodem deserta) domna Beatrix, hoc audito mandat militi ut, si se unquam velit habere benevolum, Romeos statim abire sinat, nec prorsus unius horæ spatio intra septa municipii detineat coactos. At ille non audens ex toto dominæ mandatis contraire: « Hos, inquit, pro imperio dominæ dimittam, retento hoc solo qui mihi injuriosior existit, quem impunitum abire difficile est. Quod si ita sibi non sufficit, noverit non impetraturam quod etiam pro sancta Fide certus sum nunquam me facturum. » Et ita, dimissis cæteris, illum unum jubet compedibus constringi, quos rustica lingua bodias vocat; quorum clavi, martello duriter obtusi sicut inextricabilis illa fieret connexio, ultro franguntur, ipsis etiam frustratim compedibus conquassatis. Denique alteris compedibus mutuo petitis itidem actum est. De tertiis quoque eadem jactura accidit, et ait: « Ut video, sancta Fides (nisi astu caveo) meum mihi inimicum vi auferet: verum annitar ego uti res secus quam autumat possit evenire. » Tunc vero arcus chordarum voluminibus lacertis in crucem ante pectus constrictis, post hæc utramque palmam circa collum utrobique circumactam,

inter humeros violentissime revincire fecit. Sicque subter ascellas regyrantibus ligaminibus, ventrem crudis nodis coarctari, adeo ut ipsius inauditæ connexionis modo sit miser constrictus suffocaretur, ut anhelitus gracili spiraculo vix sibi sufficeret vita. Cui ita in solitario conclavi clauso duodecim lanceatos viros, quos æque vesanæ mentis expertus erat, instanter astare jubet. Qui si viderent illum divina solvi virtute, illico, ne vivus evasisse gloriaretur, omnes uno ictu pariter transverberatum obtruncarent. At post modicum intervallum ille miserabili addictus angustia, sitiens, difficile verbis id exprimere potuit, tanta vinculorum duritia organales fibras obstruxerat. Tunc unus, quos dixi, satellitum petita aqua cum deprimeret illaqueatos sub gutture cubitos, ut laxato mento haustum ori ejus aptare posset, illa nodorum difficultas sese absolvit ultro, ipsis tantum resticulis hærentibus brachiis ipsis quibus fuerant appositæ. Ipse vero, sentiens se divinitus solutum, cœpit illinc præstrenuus effugere. At illi statim ex præcepto senioris ipsum mucronibus adorsi confodere, tanta continuo divinæ virtutis vi obstructi in loco hæserunt, ut nec moveri quidem quisquam eorum posset, nec penitus verba ad alterutrum dare. Sicque repente angelus Domini coarctavit eos, ut ac si lapidea simulera immobiles permanerent. Unus tantummodo, inter suffocationis angustias obscenæ interjectionis dans mugitum, cum grandi difficultate in hanc vocem erupit: « Vah! jam pergit. » Cætera, fixus immotusque tandiu perstitit quoad ille alter ad domnam Beatricem transfugit, [ut] sese in fuga reciperet. Cui illa in crastinum duces delegavit, quandiu fines castelli longe excederet, tutumque iter carperet; cui erat Petrus vocabulum. Denique cum sociis ad Conchas attingens, et pro absolutione sua grates inibi Domino persolvens, post inde lætus est ad propria reversus, ligaminibus relictis in testimonium virtutis, quæ remansisse dixit laxis nodis pendentia brachiis. Anno fere et dimidio post secundum a Conchis reversionem, accidit mihi certo negotio domni Willelmi Pictavorum comitis adire curiam, in qua cum domnam Beatricem viderim, a Ricaredo fratre suo Rothomagensium comite illic missam, ardentem ejus colloquium aggressus, illico recogitare cœpi super hoc miraculo: cujus verba, per omnia monachorum Conchacensium [verbis] concordantia, esse poterant probabile argumentum, si quis dubitaret in aliis etiam mihi ab eisdem narratis.

CAPUT XV.

De adolescentulo resuscitato.

His ergo ita hactenus veluti ad alia festinando succincte prælibatis, aliud pene incredibile occurrit, quod, ne silentio pereat, vivacibus commendare studuimus schedulis. Ultraclusanæ vulgo dicuntur partes, ubi duo conjugali fœdere sociati, absque sobolium fecunditate diutius manserunt steriles; qui initio consilio ad sanctæ virginis propitiatorium accedentes, mox ut peractis votis redux peregerunt

iter, divina pietate muliebris fecundatur venter; sicque in partum resolutus, masculam in lucem effudit prolem. Qui filius tria fere, ut putabatur, lustra gerens, invida morte anticipatur, atque ad extremum vitæ merentibus parentibus sortitur; qui ut defuncti nati exitum viderunt, sanctam Fidem variis atque innumeris querelis lacessunt, eamque sibi amissum pignus reddere deprecant: « Quid, inquam, illius dono, o sancta et gloriosa Domina, nos exhilarare voluisti, quos de ejus immatura sorte præscieras mæstiores fieri! Tuum fuit quod eum jam desperati habuimus, pro ejus impetratione, tua sancta limina expetivimus, ante tua monumenta corporibus humi prostrati, in ejus petitione exaudiri meruimus, optatumque diutius votum per te, o beata mater, adepti sumus. Quid profuit, o beata et gloriosa mater, nobis quæsitam nancisci, si detrimentum amissionis nunc cogimur perpetui? Adesto nunc solida pietate, o Christi virgo benedicta, sobolemque nobis restituere redivivam, quam quidem per te suscepimus, tua gratia nostra fecundante viscera. Nihilominus quidem nobis ablata potes reddere, quam omnino [non] natam, negante dudum [Domino], prævaluisti concedere. In utroque fles omnipotentissima, in utroque agnosceris martyr efficacissima. His et talibus quampluribus utrosque parentes ad defuncti filii feretrum irremediabilis torrebatur [dolor], exanimeque corpus amplexos gravibus suspiriorum singultibus fatigabat. Cumque jam bajuli sandapilam arriperent, ut ad ecclesiam humani di causa deferrent, parentes lamentabilibus modis sanctam Fidem proclamant, et ut eis amissum donum rursus restituat miris ululatibus obsecrant. Quibus ita ad æthera usque funereos clamores ferentibus, ecce quasi de gravi somno rediens adolescens ille, caput a feretro erexit, faciemque sudario jam adoportam concutiens, adstantium strepitum mirari cœpit. Quem mater, irremota feretro incumbens, mox ut vitalibus auris fruente[m] persensit, propere vultum manusque resolvit; versisque modis, præ nimio gaudio fletibus ora rigavit. Quo viso omnis astans cœtus dirigit, calorque omnium ossa relinquens, ineffabili stupore cernentes perterruit. Denique eum a mortis tempore resolutum genitores ejus percontari studuerunt si forte corporeis membris exutus aliud ad regnum duceretur; an, in exstasi mentis positus, adhuc vitali calore membris collapsus fungeretur. Qui mox se ab hoc præsentisæculo prorsus egressum, et ad tenebrosa loca deductum; unde sancta Fides cum vi exemit, et ad resumenda hujus solis spiramina refudit. Et, ut credibiles in tanti miraculi relatione utrique parentes fierent, eum Virbium ad sanctæ Fidis oraculum adduxerunt, testeque tota vicinia, nobis mirantibus ac præ gaudio fletibus ora madentibus, eundem relato-rem esse fecerunt.

CAPUT XVI.

De eo qui filios suos, virtute sanctæ Fidis fretus, per ignem transire faciebat.

Hujus rei cujus narrationem aggredimur multi

A nostrum relatores persæpe exstiterunt, quorum relationibus ut divinis oraculis credimus. In Petragoricis partibus castrum Montagerium perhibebant, ubi eques quidam, nomine Helias, nobilitate pollens degebat, qui sine sobolum gratia connubia irrita atque ingrata ducebat. Qui tandem ad sanctæ martyris properans limina, optata conjugalibus uteri meruit recipere semina. Et hanc (prolem) bino munere contigit accidisse. Quos pueros tanto amoris privilegio diligebat, ut etiam non suos sed sanctæ Fidis filios appellabat. Et ut inde experimentum daret, coram astantibus et instantibus prohibentibus, media in ejus phala accenso rogo, nudis cruribus ac pedibus per medios flammarum globos transire faciebat: quod et (mirabile visu!) pueri sine aliqua incendii læsione citato saltu implere festinabant. Interea vero mente sedit ut eosdem pueros deberet adducere sanctæ martyri, veluti eorum spirituali genitrici. Sed quia horrida hiems flumina cuncta a littoribus expulerat, immensisque tempestatibus passim desæviebat, mulier et ceteri ejus familiares aliud in tempus reservandum persuasum ibant. Quorum omnium hortamentis penitus resistens, propositum iter se celebraturum asserebat, nulloque metu ingruentis tempestatibus se desitutum dicebat. Quin etiam præsentibus pueris sanctæ martyris nulla se naufragia timere perhibebat, sed eorum comitatu fretum parva lintre procellosas gurgitum elationes sulcaturum se spondebat. Quod et ad effectum usque perducens, sanctæ virginis adiit limina, puerosque votis obligans, multa de eis sanctæ congregationis nostræ fratribus recensuit valde admiranda; peractisque orationum solemnitatibus, lætus et incolumis rediit ad propria.

CAPUT XVII.

De oculo equi per virtutem sanctæ Fidis restituto.

Arvernico in pago Murmontis castrum vulgo nuncupatur, in quo miles quidam, equum magni pretii habens, de more sanguine minuit, quem post phlebotomationem ad palum quemdam capistro religavit. Quo in palo ad res suspendendas sudes acutissimæ prominebant, quas ipsi ramusculi præcisæ arboris olim concesserant. Ad cuius stipitem prædictus equus adnexus, dum instabili motu circumvagaretur, ejecto altius capite sudem offendit, quæ gravi ictu confestim ei oculum radicitus evellit. Quod factum prædictus miles ægre ferens, oculum ad mandibulas usque pendudum in proprio foramine restituit, ac, multorum ibidem adstantium cohortationibus, sanctæ martyri Fidi luminare ad ejusdem equi caudæ longitudinem vovit, lumenque effossum institis alligans; ad proprium stabulum mæstus reduxit. Erat namque equus ille et velocitate incomparabilis et in omni caballina strenuitate probabilis. Sicque factum est ut sanctæ Fidis medicantibus meritis piis, postera die equus ille ita incolumis invenitur, ac si nunquam ullo morbo gravari videretur. Cujus virtutibus præclarum miraculum isdem miles ante sanctæ martyris retulit, cunctis astantibus, oratorium.

CAPUT XVIII.

De mortuo resuscitato.

Contigit quemdam, nomine Hunaldum, Tolosanis in partibus sanctæ martyris admirandum promeruisse beneficium, visuqua et opere inopinam experiri ejus magnificentiam virtutum. Habebat enim filium, quem de more misit ad armentum in pascuis servandum. At ille, pastoralis cura suscepta, die quadam, surgente hespero armenta domum reducens, per negligentem incuriam bovem unum inter fruteta dimisit, reliquos vero hostiaris præsepibus inseruit. Cernens igitur vacuo loco unum abesse animal, pascua per furvas noctis tenebras solivagus repetiit. Sed magna parte noctis illius jam elapsa, casso labore quæritandi, sine bove tristis ac mœrens rediit. Quid ageret, quo se verteret, nulla ei ratione patet: improbissima enim patris severitate perterritus, eo sciente tectum non audet subire, neque quid ei acciderit ullatenus intimare. Tantum vero sopitis omnibus, lectulo se contulit clanculus. Ubi cum membra amissi bovis indagine admodum defessa jactaret, illico tanto dolore corripitur, ut pene omni ossium compage resolutus crederetur. Quo dolore nimium invalescente, et motu artuum fraudatur, et rationis officio privatur. Mane autem facto, ut eum pater tanto conspexit correptum languore, deposito furore coepit super imminetentem nati interitum flebilibus cœpit gemitibus dolere, ac, dum vasti singultorum quateretur ictibus, sanctæ Fidis salutiferam opem magnis implorat clamoribus, ut pristina incolumitati ejus restituatur filius. At ille toto corpore manens immobilis, summo duntaxat in pectore videbatur ei calor vitalis, atque tali in stupore membrorum dies peregit novem, exstinctis lucernis oculorum. Decimo autem die, quæ Dominica habebatur, ut viderunt pupulas luminum in morte contabescentes, gelidoque sudore frontem ac genas rorantes, apposita lævo lateri manu nihil vivum salire sentiunt, sed omnia æterno sopori dedita evidentissimis signis agnoscunt. Quid plura? Funus parant, exanimeque cadaver sandapilæ impositum ululantibus lamentis celebrant. Sed cum luce crastina ad defossum sepulturæ ejus locum verheretur, pater impatientis amoris affectu, exstincti gelidum nati corpus amplexatur, oculosque ac vultum omnem irriguis lacrymis humectans, locum omnem amaris implet clamoribus. Inter quos insolabiles gemitus, crebris vocibus sanctam Dei martyrem Fidem clamat, ac lacrymosis obsecrationibus ut sibi filium reddat ter et quater ingeminat dicens :

« Virgo Fides, dilecta Deo, lux inclyta mundi,
 Auxilium miseris quæ cita ferre soles,
 Supplicis exaudi martyr sanctissima vocem,
 Quamque potes, posco, defer opem misero.
 Munere nemo tuo, petiit si forte coactus,
 Discessit vacuus, te retinente, manus.
 Credo quidem, neque vana fides, te posse quod opto
 Cœlitus a Domino promeruisse tuo.
 Unicus ecce mihi natus, mea sola voluptas,

A Occidit, una mei spes et amor generis ;
 Quo pereunte modo, mihi cætera vita superstes
 Protrahet ingratas fine carendo moras.
 Sed si, virgo Dei, miserorum questibus ullis
 Flecteris, et lacrymis vinceris irriguis ;
 Munere sopitos nati quos cernimus artus,
 Ad priscam vitam, te rogo, nunc revoca. »
 Cumque his et hujusmodi quamplurimis querelis
 super defuncti corpus incumbens pater cum magno
 ejulatu quereretur, omnes qui ad ultimum
 exsequiarum obsequium aderant, deflentis pietate
 moti, fletibus ora rigabant, ac gloriosissimam
 virginem Fidem mixtis lacrymis precibus, ut ad
 invocationem sui sancti nominis propitio vultu
 B respicere dignetur, unanimes exorant.
 Sic quoque continuo, sed et (o mirabile dictu !)
 Mors tetra visa retro prædam fugitiva reliquit,
 Evomuitque vorax avida de fauce rapinam.
 Protinus atque caput lento nutamine functus,
 In partes versat, gelidas recalente medullas
 Fomite vivifico : subitoque per algida membra
 Spiritus infusus totum dat vivere corpus,
 Erigiturque jacens, trepidantia lumina vixdum
 Attollens. At mox totos simul erigit artus,
 Et stetit in propriis membrorum machina plantis.
 Inde domum repetit divino tramite patris.
 Quo viso cuncti, in gratiarum actionem versi, præ
 gaudio tanti miraculi lacrymas fundunt, sanctæ
 que virginis ac martyris Fidis virtutem glorifican-
 tes, votis et muneribus sese ac suos ei supplices
 C devovent. Sicque ab ecclesia Sancti Georgii, ubi
 humandi juvenis gratia venerant, regressi ad pro-
 pria, pater posthumi filii ac reliqui contubernales
 diligenti persecutione die quadam ab eo sciscitari
 studuerunt, quid sibi visum fuerat illis novem die-
 bus quibus in excessu animæ positus quasi mor-
 tuus jacuerat, ac quomodo vel cujus auxilio, ad
 sepeliendum postmodum delatus, ad vitales auras
 redierat. At ille adhuc trepidantia pectora gerens,
 ab imo spiritu longa suspiria ducens, sic percon-
 tantibus actutum respondere exorsus est : « Ut
 cætera nunc ad præsens silentio prætereantur quæ
 mihi sine sub extremo contigerint, certissimo et
 sine ullius falsitatis ambiguo brevi expedire non
 differam. Corporeis vinculis spiritus meus resolu-
 D tus, teterrimis quibusdam ministris traditur, quo-
 rum crudelissimo ducatu ad hiatum usque vastis-
 simi præcipitii protrahitur. In cujus horridam vo-
 raginem dum jactari inenarrabili metu formidarem
 (eloquar an sileam ?), ecce vir splendidissimi
 decoris advenit, quem (ut postea didici) paradisi
 præpositum fuisse Michaellem archangelum liqui-
 do patuit. Cujus placidi itinervis gloriosissima
 virgo Fides comes astitit ; quæ super solis jubar
 emicabat splendore mirabili. Hic vero cœlorum
 præpositus, ut more carnificum eos quibus ad tor-
 quendum deputatus eram conspexit in verbera
 mea irremediabiliter furere ; « Quid, inquam, ma-
 cæ lorum artifices, in hujus trionis tormenta tanta
 « desævitis crudelitate ? Quid animam a summo

« Deo creatam perditum itis absque ulla miseratione? Sinite jam nunc ab ejus gravi laceratione, quia, Deo permittente, per sanctissimam virginem hanc Fidem proprio refundetur in corpore, a vestra erepta potestate. » Ad hanc vocem tartarei ministri intolerabili formidine correpti, manus semper in malum pronas continuerunt, cœlestibusque nuntiis insolito timore tremebundi paruerunt. Nec mora, felicissima virgo Fides concito impetu medios tortorum cuneos irruit, animamque meam ab eorum manibus violenter abstraxit; atque ita corpori humo tradendo, sicut notis, mirabiliter refudit. Postquam vero hujus non tantum visionis quam etiam rei gestæ veritatis textum ille ordine est prosecutus, pater et vicini iter instituunt ad sanctam Fidem gratias reddituri. »

CAPUT XIX.

De Raimundo, qui a compedibus et catena solutus est.

Pene huic simile adhuc et aliud calami deposcit officium; quod quia prodigialiter invenitur actum, æterna memoria censuimus celebrandum. Raimundum pro impie gestis multi vestrum noverunt, et genealogia satis spectandum et terreni honoris fastu subnixum. Hic ex castro quod Mons Pensatus dicitur originem ducens, patrem habuit Bernardum, prædicti castri primum et maximum. Et quia Caturcensi urbi continguus erat, ejusdem civitatis litteris imbuendus traditur canonicis, eorum societatem sortiturus succedentibus annis. Qua in disciplina, vix sanabili epileptici morbi ægritudine per interlunia misere laborans, tædio cepit [eo] magis parentibus haberi, quod in [eo] nulla spes [erat] genialis indolis. Tandem nimirum opinatissimo virtutum favore coactus, sanctæ virginis propitiatorum aggreditur; cujus propitiante benignitate optatæ salutis remedium assecutus, sanctæ medicæ Fidis basilicam quotannis revisere studebat; gratias pro impenso munere relaturus. Quem pro zelo patrimonii parentes atque affines execrabili odio insectantes voti compotes ceperunt. Tantum denique viro illustrissimo, nomine Gosberto, tradiderunt, qui pro irrogatis contumeliis gravissime eum habebat infensum. Aderant namque sanctissimi dies Quadragesimæ, qui, cum frugalis parcimonie observatione mente custoditi sincera, omnem elidunt vitæ perperam. Quos iste inter compedum multiplicia volumina omni eremitica austeritate aridius ducens, potius habebat oneri quam promerendæ salutis. Cibum enim illius vespertinus panis erat muciditate viriditatis squalidus; qui, remoto alius edulii adminiculo, vix, etiam aqua viam patefaciente, palati valebat pertransire meatus, et quia pro efferis viribus illis intolerabilis erat, ita compedibus et triplicibus catenis veluti Gætulus leo implicatus jacebat, neque pedem neque manum ullo adnisi qualibet in parte vertere prævalebat. En etiam ipsa catena fortibus hamis intexta, quæ numero sibi circum crura ac torosos lacertos dure vinciebatur, a tergo ejus per foramen saxæ turris

A ad exteriora penetrans, ferreis repagulis ita a foris constringebatur, ut nulla vi, nisi mordacium serarum edaci limatura, reserari fas erat. Has inter pressuras tamen sancta Fides ejus ab ore non recedebat, neque unius momenti victum non invocato præterierat. Quinque igitur hebdomadarum breviori lustro in hac tam lugubri acerbitate finito, dies ille enituit qui, ob Dominici triumphii memoriale, cum palmarum seu diversi generis florum corda omnium totum per orbem ineffabili tripudio exhilarat. Cujus diei tam commune gaudium diffusa per orbis climata, nullam huic præbebat remediis lætitiæ. Cernens ergo cunctipotens Deus immitem sævissimi tortoris prædicti Gosberti pervicaciam, subsequenti nocte per sanctæ virginis intercessionem tactus misericordia, ut semper totus est vita desperatis facilis pietas, juvenem splendore admirabili coruscum illi misero, sopore dolores leniente, cœlitus direxit; qui eum talibus affatur verbis: « Vigilasne an sopore deprimeris, Raimunde? » At ille, intra somnii dulcedinem, ita videbatur sibi respondisse: « Quis, inquam, es, domine? » Cui ille: « Ego ille sum Stephanus, qui, dudum a Judæis lapidatus, civium supernorum promerui asciri cœtibus; qui ideo sum ad te missus, ut ad sanctam Fidem te ducam velocius. » Quem cum interrogasset ubinam magnifica virgo esset: « Surge, inquit martyr præcipuus, quia non ludificaris a somno, sed, incunctanter me sequens, videbis eam de qua ad te loquor. » At ille, ut sibi ostensa suadebat visio, videbatur sibi sanctum martyrem sequi prævium; qui supra pontem Conchacensis Dordonis eum statuens, ita mellifluis prosequitur alloquiis: « Dirige, inquam, o fili, oculorum aciem super hujus nubiferi montis cacumen, et divinam intueri claritatem, cujus immensi splendoris media sanctissima virgo Fides ac martyr insignis, angelorum inter manus emicans, quis suis meritis debeatur honor, evidentissime indicat.

Quibus ille auditis lætus de sacre virginis laude præcelsa, oculos in visione vigiles in sublime tollens, vidit igneum globum ingenti fulgore micantem, cujus in medio speciosa virgo coruscans astantibus sibi angelis dicebat: « Locum illum quem cernitis ossibus decoratur meis, de quo vos rogo ut vestris sanctificetur dextris. » Cives vero angelici, monitis animo libenti acquiescentes virginis, elevatis præfulgidis dextris signum dant adorandæ crucis, cujus signaculi virtute sacratus omnis sanctitatis gratia repletur. Dum hæc igitur agerentur, ecce subito nimbose caligo, ab ipsius annis imo nimbosus turbo ascendens, illum super pontem stantem nebula texit, quæ deciduo rore ejus indumenta largissime humectavit. Qua visione attonitus lumina a somno vix abruptit, ac mox vestes manibus contrectans, sicut in visu senserat defluo imbre reperit humidam. Inde circa se palpando manus ducens, omnia vinculorum volumina dissoluta a se sensit, ostiolum etiam, nocte seris ac vecibus satis munitum, patens invenit. At ille verum sibi orama fuisse ostendit.

sum liquido agnoscens, continuo (multa enim animo ei cura exiendi necne recursabat) obfirmatus audacia, cum præcipiti evolutu, custodum munimina transilit, gradusque scalarum rapido impetu superans; per medios custodes ibidem jacentes ad exedras usque devenit. Ubi dum astans multa corde dubio agitare, tandem ei menti succurrit quia, præ nimio pondere, vinculorum machinamenta ad sanctæ virginis basilicam vehere nequibat, saltem tabulam sacchorum ibi pendentem in testimonium suæ evasionis ferre debeat. Qua assumpta, murum, qua altius surgebat, præceps elusit, expersque læsionis, fugam nudus pedes prope ravit. Cui inter scrupulosum callem pedibus labenti mox quædam mulieris forma obvia fuit, quæ, expositis a dextrali calceamentis, ita eum prior compellavit: « Tunc es, inquam, Raimundus ille, quem modo sancta Fides a carceralibus vinculis solvit? » Cui dum illum se esse confiteretur, confestum calciamentorum viæ solamen ei detulit, dicens: « Tolle hæc, et quantocius ab his elabere partibus, dum tibi evadendi patet locus. » Cujus beneficii munus et solaminis monitus ille attentius perpendens, nihil aliud eam fuisse intelligit quam præsentiam sanctæ virginis. Sed dum hæc mente pertractaret, subito nusquam evanescebat comparuit. Tantæ ergo patronæ exhortationibus roboratus, cœptam peragit fugam, neque ab insequentibus attingi potest, quia eum sancta Fides tuebatur. Sicque per medios invisus ruens hostes, Caturcetim adiiit urbem, ubi protomartyri Stephano, quasi viæ suæ prævio, meritas rependere studuit grates. Et quia longæ inedie ac fugæ conficiebatur tædio, sanctæ Fidi, ob præstitæ sibi salutis gratiam, quam potuit misit candelam. Denique nocte illa in qua Dominica prodicione et nostra salus et Judæorum processit interitus, dum impositam lectionem mane legendam in vestiario sancti martyris provideret, somno demitur, atque ibidem quiete pascitur: cujus somni nubilo sancta Fides, tanquam matutine nebulæ interpollens sol, permista, ita eum subiratis, ut putabatur, visa est arguere eloquis: « Itane desidia torqueris, ut solitas mihi gratiarum solemnitates his sanctæ Paschæ diebus ante sacrarium artuum meorum persolvere desinas? Quid moraris? Disce morarum nodos, et cum scacchorum tabulato, tuæ videlicet liberationis credibili monumento, Conchacenseni calle pedestri velocius expete locum, Paschalisque gaudii ibi celebra sacramentum. » Hujus visionis gratia ille permotus, somni tædia rupit, ac Geraldo Petragoricensis Ecclesiæ sub primis tirocinii auspiciis episcopo, qui Tolosanæ urbis mœnia forte aggrediebatur, simulque ejusdem Caturcinæ urbis præsuli Bernardo, quæ sibi somnitus imperata fuerant territus intimavit. Qui ut sanctæ Fidis monita audierunt, jubent jussa factis implere, nec qualibet interveniente dilatione differre. Quid igitur? Uno tantum contentus famulo iter arripuit, ac imperiosæ virginis mandata facessit. Cœpti vero itineris victor, ubi scacchea tabula onustas ad sæpe dictum locum

pervenit, orationi incubuit ac supplicii murmure quæque excogitata protulit. Qua expleta, post sanctæ crucis fronti locoque cordis impressionem, quæ sibi inter catenarum pressuras per sanctam virginem mirabiliter acta fuerant, cunctis qui aderant ora in silentio tenentibus, filo expedit. Neque hæc parva audivit utriusque sexus caterva, sed ejusdem memorati Gosberti filius, qui tunc forte inter commilitones causa orationis ibidem aderat, incredibili stupore totus visu in medio dirigit, admirans qualiter a tot vinculorum connexionem solvi potuit, neque minori admiratione Goffredus sub hoc aspectu corripitur, cujus jocosa scacchorum tabula fuerat, quam ille ereptam propriis illic humeris in testimonium sanctæ virginis obtulerat. Tandem agnita virtute divina, in laudum præconia convertuntur, sanctæ martyris Fidis glorificantes potentiam, a Domino sibi sacris exigentibus meritis in omni miraculorum facultate collatam.

CAPUT XX.

De mulo resuscitato.

Nunc vero quid in itinere sancti Petri apostolorum principis moderno tempore per gloriosissimam Christi famulam mirabiliter gestum sit, paucis absolvere curabimus vestræ attentioni. Italiæ in partibus quæ Longobardia nuncupantur, miles quidam Ruthenici pagi, Garbertus nomine, præcedentem Pictavensem genere ac militari strenuitate satis illustrem assequitur, ac post salutationum mutuam gratiam iter institutum celebrat, ejus familiaritati sociatus. Qui de multis simul sermonem ad invicem conferentes, tandem ad sanctæ Fidis magnalia conserta sermocinatione pervenit, ubi non parva laus a Ruthenico suis attribuitur miraculis. Ille vero Pictavensis ingenti cum admiratione narrationem illius applaudens excipit. Ubi ad hospitium in vico Sancti Domini perventum est, Pictavensis mulus, qui ei charior habebatur, gravissimo morbo correptus, vix ad crastinum diem vitam pertraxit moribundus. Garbertus vero, quanta in talibus quondam animalibus sancta Fides operata est magnalia non immemor, interrogat socium utrum aliquam medelam fecerit ad muli hujus supplementum. Cui « Nequaquam » respondenti, mox adjecit: « Nunquid audisti quæ tibi de sancta Fide heri per me exposita sunt? Mitte ei devotus aureum, et statim tuum animal recipies sanum. » At ille, nihil cunctatus, bisantem de marsupio protulit, quem ei ad deferendum sancti virginis concessit. Sancta vero Fides ad majorem virtutis suæ gloriam manum reservans, viventi mula nihil profuit, nec quidquam validudinis impertivit. Quid plura? Surgit aurora, monetque cunctos ut cœptam prope ravant viam. Exponitur mulus vitæ termino functus a stabulo, et datur tantummodo pretium pro corio. Iter corripiunt cœsti, et qui aureum vitæ arrhaboni recepit, et qui amisso animale, damnum cogebatur pati. Ruthenicus ergo de jactatione virtutum sanctæ Fidis nimio rubore anxius, aureum quod acceperat volebat verecunde reddere.

Quod cum tetendisset datori, ecce repente post A tergum audit sonitum subsequendum, et quasi fugientis animalis et agitantis equitis strepitum. Sicque vultum in terga retorquens, prospicit eminus hospitem mulum fugientem cursu fatigantem, et, ut eum comprehenderet, multo conamine ententem. Qui, [hoc] viso, sanctam Fidem attonitis exclamat vocibus, aureumque retinet quod volebat reddere verecundus. Recepto denique mulo, interrogant hospitem qualiter actum fuerit in reparatione animalis. At ille admirando exclamans, ait : « O vos felices quibus tantam virginem contingit habere patronam, cujus omnipotentibus meritis non solum vobis salus tribuitur animarum, verum etiam magna procurantur medicamina corporum ! Hæc sancta virgo in opere et virtute non sinit vestris adminiculari incommodis, etiam in animalium resurrectione. Hoc quod videtis animal, in platea projectum, dentibusque reiectis omni anima relictum, inter decorantium manus animavit, concitoque saltu a solo exturbavit, ac ita a manibus nostris elapsum, vestris usibus præparatum reformavit. » Quo audito omnis peregrinorum caterva in laudum præconia erupit, totumque aerem æmulis vocibus sanctam Fidem reboare compellit. Deinde reddito hospiti tergoris pretio (scilicet argenteos octo) sancta limina apostolorum læti expetunt, regressique ad propria vovitum aureum cum ingenti gratiarum actione persolvunt.

CAPUT XXI.

De milite qui ab intestinorum inordinatis motibus fatigabatur.

Arvernico in pago miles erat strenuus, cui, insidiante infortunio, interiora, statum suum per interlunia deserentia, cum magno intestinorum murmure in verenda usque erumpebant ; unde nimio mœrore attritus, mortem sæpe orabat, ne hæc pateretur diutius. Post multum vero tempus, de milite pedes factus, consciam morbi uxorem alloquitur ; [a] cujus consilio tectus, sanctæ Fidis deliberat expetendum super hoc beneficium. Muliere reluctante et multa objiciente, ille conceptam peragit voluntatem, ac ita sanctam adiit virginem. Cujus ante sacratissimum corpus devotus procumbens, pro quo venerat, cum lacrymis sæpius ingeminat, ac pro salute obtinenda propensiora fundit precamina. Sequenti vero nocte ante sanctum mausoleum virginis, post orationum studia depressus, videt sibi sanctam martyrem assistere, et quasi subverecundo (ut mos est virginibus) eum alloqui sermone : « Dormisne ? inquam. » Qui cum se dormire respondisset, beata virgo ita eum fando prosequitur : « Scias me, inquam, hactenus minime fuisse interpellatam pro hujusmodi re ut ista est pro qua nostra sollicitas suffragia, cum ex diversis morbis valida contulerim agridia. Sed ne omnino hinc inconsultus abeas, quæ tibi fient salubriora paucis advertere expediam. Nosti illum qui tuam incolit viciniam, fabrum ferrarium ? » Qui cum sibi nomine et facie bene notum esse subintulisset, rursus eadem virgo : « Illum, inquam,

nihil cunctatus aggredere, et ut cum maximo malleo, ex quo candens massa a fornace facta contunditur, adnixis viribus roga super illam passionem in incude positam, tibi validissimum ictum injiciat, quod celeriter salutem tibi conferet optatam. » His ille verbis, cachinno simillimis, stupore simul et admiratione præmonitus, somno abruptitur, et quid sibi talis visio velit alto corde versat diutius. Tandem vero domum regressus, obfirmato in mortem pectore, fabrum prædictum, nemine conscio, aggreditur, et quæ sibi per sanctam Fidem imperata fuerant intimat secretius. Quibus ille auditis, toto corde collabitur, neque se hanc phantasticam ludificationem jam acturum jurejurando attestatur. « Crede, inquam, mihi, domine, quia non medentis, sed potius ludificantis verba hæc sunt, quorum monita si credulus prosequi volueris, mortis tuæ reus argui poteris. Ego tamen nequaquam hujus criminis ero auctor tam pessimi ; novi enim procul ambiguo præsentem te incurere mortem ex hoc. « Cui ut excusatus abiret, multa conjectanti, et multa metu parentem, si verberare suo vitam cum dolore finiret, in faciem objicienti, mox eques illi fidem facit nihil horum sibi eveniendum. Quid plura ? Sternuntur super incudem genitalium turgida palearia, atque ad extremum ictum præparantur morbida verenda. Sed mox ut adductis lacertis sublatum in aera cernit immensum mallei pondus, incredibili pavore concussus, retro resupinus labitur, ac velut exanimis solo cum gravi fragore membrorum resupinatur. Qua in præcipiti ruina, mirabile dictu ! confestim omnis illa intestinorum ebullitio ita interius resorbetur, ut nunquam ulterius in vita sua foris erumpere videretur. Sic ille nec cauterio adustus, nec ullius antidoti amystide curatus, incolumis evasit, sanctæ Fidis, ut ita dicam, ludus, omni posteritati cum alacritate satis admirandum spectaculum facturus. Sic illa ponderosa allevatur sarcina, sic dura reprimitur ignominia. Sic pro terribilis mortis horrore, ad laudem et gloriam sanctæ martyris, ineffabilis gaudii curatus perfunditur immensitate. Quæ res ne cuiquam ridiculo similis facta videatur, ac per hoc nobis conficta respuatur, non absurdum ducimus, Rodbertum Cantojolensis monasterii abbatem, virum reverenda canitie satis honestum, in publicum advocare ; cujus testimonio hoc nobis manifestatum est quod referimus, quia ille qui passus est longe positus, nostris postmodum non apparuit obtutibus. Illius ergo ab ore didicimus, qui non inepta adulatione, non ficta scurrilitate aures populi palpat, sed veritate quidquid ore profert commendat. Denique si de tali relato dubitatur, de beneficiis Dei diffiditur.

CAPUT XXII.

De quadam matrona quæ contra sanctam Fidem impie agens, mirabiliter interit.

Caturcensium in partibus res mira contigit, quam quia cunctipotens Deus pro amore virginis suæ monstruose operari voluit, huic dignum ducimus interponendum lectioni. In prædicto vero territorio

matrona quædam erat nobilis, quæ aut quia mulierum genus semper avarum legitur, aut certe diabolico instinctu, terram sanctæ martyris agris suis vicinam immoderate concupivit, arantesque monachorum bubulcos plurimis affectos contumeliis a jugeribus expulit. Sequenti vero die proprio vomere ea jugera secare fecit, suæque ditioni ea subjugare præsumpsit. Atque ita cœlesti virtute actum est ut, dum illa a suis terminis agrum illum denormare juberet, acriterque insisteret, actutum

A toto corpore emarcuit, ac horrificis stridoribus garriens infelicem spiritum orco dimisit. Cujus terribili exitu aratores valde exterriti, relicto aratro fugerunt, ac in somno habitu vix palpantes domino suo rem actam retulerunt. At ille mœrens de mulieris interitu, pro cadavere misit, allatumque terræ condidit. Qua tali modo exstincta, terra sanctæ martyris tuta ab omnibus remansit, et in monachorum postea ditione jacuit.

ANNO DOMINI MXXXIX.

SANCTUS FULBERTUS

CARNOTENSIS EPISCOPUS.

NOTITIA HISTORICA ET LITTERARIA.

(Oudin., *Script. Eccles.* II, 519.

S. Fulbertus Carnotensis episcopus, vitæ sancti-
monia et eruditione sua ætate clarissimus, Guil-
helmi Aquitanici ducis favore, primum Pictaviensis
Ecclesiæ S. Hilarii thesaurarius factus, ut fragmen-
tum Historiæ Aquitanicæ refert. Idemque leges
apud Ademarum Cabanensem in Chronico. Insi-
gnis vita et eruditione, lucernaque ardens a Domi-
no Ecclesiæ Gallicanæ candelabro accensus, Ro-
berti regis Christianissimi, cui gratissimus erat,
auctoritate, Carnotensis episcopus post Rodolfum
creatus est, a Lietherico archiepiscopo et metro-
politano consecratus, quemadmodum ipse Ful-
bertus affirmat epistola 23, ad eundem : « Multum
amoris atque fidelitatis, tibi, Pater, me debere cen-
seo, per cujus manum benedictionem et sacram
unctionem accepi. » Is autem, episcopalem gradum
assecutus, libertates ecclesiasticas egregie tutatus
est, ut passim variis epistolis significat, quas ad
pontifices maximos, reges et episcopos scripsit,
quarum nonnullæ exstant ad Franconem Pari-
siensem præsulem, *De extirpandis e manu laica
beneficiis*. Et apud Joannem pontificem Maximum
graviter conqueritur de Rodulfo comite, jurium
Ecclesiæ suæ pervasore sacrilego, auxilium apostol-
icum implorans : *Magnæ*, inquit, *Fulbertus et præ-
claræ Ecclesiæ pusillus episcopus*. Episcopatum,
ut diximus, favore Roberti regis, cujus partes contra
Constantiam reginam graviter sectatus est, adeptum
fuisse apparet ex epistola ad eundem, qua de Go-
defridi vicecomitis violentia adversus Carnotensem
Ecclesiam sic conquestus est : « Pietatem vestram
cum tum fletu cordis et mentis genua flexi preca-
mur, succurrite sanctæ Dei Genitricis Ecclesiæ, cui nos
fideles vestros quantum possumus, licet indignos,
præesse voluistis ; quorum a vobis solummodo post

B Deum, in his quæ ingeruntur molestiis, consolatio
et respiratio funditus pendent. » Suam vero humi-
litem astruit his verbis, epistola 68 ad Odilonem
abbatem Cluniacensem : « Decet, pater, ut tu quo-
que vicissim me tuum servulum de te pendentem,
teque non sine magna fiducia respectantem, sacris
intercessionibus adjuves. Sum enim valde misera-
bilis homo, qui cum ad propriam non sufficerem,
ad publicam curam nescio qua seu ratione seu
temeritate perductus sum. » Quanta vero amici-
tia inter ipsum et Odilonem prædictum fuerit,
docet monachus Sylviniaci hæc scribens in Vita
Odilonis : « Hoc nomine (*Archangeli monacho-
rum*) censebat eum appellandum in suis sermo-
nibus et epistolis. Fulbertus ille sibi præcordialis
amicus, Carnotensis episcopus, in sanctitate lau-
dabilis, in sapientia mirabilis, in cujus morte stu-
dium philosophiæ in Francia periit, et gloria sa-
cerdotum pene decidit. » Quod autem nonnulli
eum Roberti regis fuisse cancellarium scribunt,
probationis in documento destituitur, cum revera
potius cancellarius tantum Carnotensis Ecclesiæ
fuerit. Porro cum anno 1020 urbs et basilica con-
flagrasset, fundamenta ecclesiæ Dei Genitricis
Fulbertus jecit, eandemque miro lapide fornice
et tabulatu perfecit ; quo quidem insigni opere
præcipuam apud posteros nominis sui propagavit
famam, pecunias suppeditante imprimis Anglorum
rege. Hoc discimus ex Willelmo Malmesburiensi,
lib II De gestis Anglorum, his verbis : « Rex Cnu-
to ad transmarinas Ecclesias pecunias mittens, ma-
xime Carnotum ditavit, ubi tunc florebat Fulbertus
episcopus, in sanctitate et philosophia nominatis-
simus. Qui inter cætera industriæ suæ documenta,
Ecclesiæ dominæ nostræ sanctæ Mariæ, cujus fun-

damenta jecerat, summam manum mirifico effectu imposuit, quam etiam pro posse honorificare studens, musicis modulationibus crebro extulit. Quanto enim amore in honorem Virginis anhela- verit, poterit conjicere qui audierit cantus cœlestia vota sonantes. » Exstat inter cœtera opuscula ejus epistolarum volumen, in quarum una gratias agit (nutoni magnificentissimo regi, quod largitatis suæ viscera in expensas Ecclesiæ Carnotensis effu- derit. Sacratissimæ vero Dei genitricis Mariæ servus addictissimus fuit, cujus laudes peculiari libro edidit, a qua renumeratum tradunt. Dum enim morbo correptus esset, eadem per visum appa-rens Virgo, sacra ubera ipsi sugenda aperuit, ut Albericus, longe tamen ab hoc tempore remotus, testis est in Chronico ad annum 1022 : « Florebat Fulbertus episcopus, sanctitate et philosophia nomi- natissimus, qui fundamenta sanctæ Ecclesiæ Dei Genitricis jecit, et eadem perfecti miro lapideo tabulatu, qui etiam ab eadem Dei Geutrice in infirmitate sua visitatus esse dicitur, et de ejus lacte sanctissimo recreatus. Hic enim multo amore et felicissimo in honorem beatæ Mariæ virginis Dei Ge- nitricis exarsit, quos ostendunt cantus quos de ea ille edidit, cœlestia vota sancientes. Inter cœtera ejus opera exstat Epistolarum volumen. » Et Wil- helmus Malmesburiensis, lib. III, De gestis Anglo- rum, idem testatur, locutus de Berengario Ande- gavensi archidiacono suo olim in schola Carnotensi discipulo : « Berengarius plane, quantumvis ipse sententiam correxerit, omnes quos ex totis terris depravaverat, convertere nequivit. Quod episco- pum Carnotensem Fulbertum, quem Domini Ma- ter olim ægrotum lacte mamillarum suarum visa fuit sanare, prædixisse aiunt. Nam cum in extre- mis positum multi visitarent, et ædium capacitas vix confluentibus sufficeret, ille inter oppositas ca- tervas oculo rimatus Berengarium, nisu quo va- luit expellendum censuit, protestatus immanem draconem prope eum consistere, multosque ad eum sequendum blandiente manu et illicce anhelu corrumpere. Demum e vivis excessit anno 1029, die 10 Aprilis. In quibusdam mss. anno 1028, in æde sancti Petri in Valle, tumulatus dicitur : mæ- gna sanctitatis et doctrinæ opinione passim com- mendabilis, quam utique deprædicant Glaber memoratus, Chronica et auctores plurimi. Fulberti epitaphium tale in mss. codice reperitur :

Anno ab incarnatione Domini 1028, IV idus Aprilis, obiit dilectus Deo et hominibus Pater noster venerandæ memoriæ Fulbertus, suæ tempestatis pontificum decus, lux præclara mundo a Deo data, pauperum sustentator, desolatorum consolator, prædonum et latronum refrenator, vir eloquentissimus, et sapientissimus tam in divinis quam in liberalium artium libris. Qui ad restaurationem sancti tem- pli suæ diocesis, quod ipse post incendium a fundamento rexdificare cœperat, bonam par- tem auri sui et argenti reliquit. Et disciplinæ ac sapientiæ radiis locum illum illuminavit, et clericis suis multa bona fecit.

Item hæc carmina de eodem leguntur.

Quem tibi Carnotis concessit fons bonitatis,
Doctrinæ fluvium duplucis egregium,
Pontificum sidus, Fulbertus fulgidus actu,
Vestis pauperibus, victus et assiduus :
Inclusus jacet hic, factus de pulvere pulvis,
Et præstolatur surgere cum reliquis.
Virtutum cultor, vitiolorum mortificator,
Auxiliante Deo, perstitit a puero.
Bis denos annos, atque unum dimidiumque,
Virgo Maria, tuæ præfuit ecclesiæ.
Ingressurus erat Phœbus post lumina septem
Taurum, cum mœstum deseruit populum.

Ejus Opera singulatim impressa Parisiis an. 1608, tum postea immissa in tomum XI *Bibliothecæ Veterum Patrum* editionis Coloniensis an. 1618, ubi leguntur *epistolæ CXXXIV, sermones quidam canon de pœnitentia mulierum, hymni aliquot cum prosis, tractatus adversus Judæos negantes Jacob morientis prophetiam* : Non auferetur sceptrum de Juda, etc., in *Christo Domino fuisse impletam*. De quibus Bellarminus et Labbeus, quorum in supplementum addimus exstare ejusdem Fulberti *epistolam de rebus Ecclesiæ religiose et caute distribuendis*, tomo II Spicilegii Lucæ Dacherii, pag. 827 editionis Parisiensis. Ejusdem quoque nomine apud Surium in *probatis sanctorum Vitis* ad diem 13 Decembris, p. mihi 989, *Vita sancti Auberti Cameracensis episcopi*, quam etsi mutilam Surius ediderit, integram tamen habent fratres ejus abbatæ, quæ nomen ipsius in urbe Cameracensi præfert, ut scribunt Sammarthani fratres, tom. I Galliæ Christianæ in archiepiscopis Cameracensibus, p. 233. Item ad eundem Fulbertum Carnotensem episcopum spectat. *Sermo de Assumptione beatæ Mariæ Virginis*, qui exstat inter Opera divo Augustino supposita, in sermonibus suppositis, sermone 208, col. 1313 novissimæ editionis, quam procuraverunt his temporibus Patres Benedicti Galli congregationis sancti Mauri. Denique ejusdem egregium invenimus tractatum in illud Actorum XII, vers. 1 : *Misit Herodes rex manus*, etc. ms. in bibliotheca Longipontis, Cisterciensis ordinis, in episcopatu Suessionensi, quem anno 1692 Lugduni Batavorum edidimus in 8; apud Petrum Van der Meerche, sub hoc titulo, *Veterum aliquot Galliæ ac Belgii scriptorum Opuscula sacra*; idque ne lapsu temporum interiret. Agunt de sancto Fulberto, Baldericus Noviomensis episcopus, in Chronico Cameracensi, lib. I, cap. 77; Henricus Gandavensis, qui ab eo auctore Catalogum suum incipit, *Fulbertum liberalium artium suo tempore peritissimum, virum religiosum, et erga beatum Virginem devotissimum celebrans*; Antonius Possevinus tomo I Apparatus sacri, verbo *Fulbertus*, etc.; Robertus Bellarminus et Philippus Labbeus, uterque in opere suo. De scriptoribus ecclesiasticis; Aubertus Miræus in Notis ad librum Henrici Gandavensis De scriptoribus illustribus; Gerardus Joannes Vossius, lib. II De historicis Latinis, cap. 43, pag. mihi 341; Sammarthani fratres, tomo II Galliæ Christianæ, in episcopis Carnotensibus, pag. 485, quos hic, ordine tantum mutato, verbotenus expressimus.

IN SANCTUM FULBERTUM

NOTITIA ALTERA.

(*Histoire littéraire de la France*, tom. VII, pag. 261.)

§ 1. *Histoire de sa vie.*

Fulbert (1), la plus grande lumière de l'Eglise gallicane en son temps, est encore inconnu par rapport à sa famille et au lieu de sa naissance (MAB. *Act.* t. VIII, p. 686, n. 11). Il nous apprend lui-même qu'il n'était considérable ni par son extraction, ni par ses biens (FULB. *Carm.* p. 51).

Sed recolens quod non opibus, nec sanguine fretus, Conscendi cathedram, pauper de corde levatus.

Quelques savants ont penché, sur un endroit de ses écrits, à le faire Romain (FLEU., *II Eccl.*, l. LVIII, n. 37 ; MAB. *Act.* t. VII, pr. n. 43 ; *Ann.* l. LI, n. 72). Mais ce qu'ils en citent est très-équivoque, et ne le prouve en nulle manière. On serait mieux fondé à le croire de Poitou, ou, en général, d'Aquitaine. Ses liaisons étroites avec le duc Guillaume V, à qui ces provinces obéissaient, en font un grand préjugé ; préjugé qui prend la force de preuve, lorsqu'on voit Fulbert se représenter comme sujet de ce prince (FULB. *ep.* 15), qu'il qualifie son maître *herus meus*. S'il avait nommé l'évêque (*ep.* 12) à qui il adresse sa douzième lettre, peut-être aurait-il levé toute difficulté sur ce point. Il est certain qu'il était né et avait reçu sa première éducation dans le diocèse ou même la ville épiscopale de ce prélat ; mais il ne paraît pas moins certain qu'elle n'est écrite ni à un pape, ni à un évêque d'Italie.

Malgré la pauvreté de sa famille (*Carm. ib.* HEN. GAND. *Scri.*, c. 1), Fulbert trouva le moyen d'avoir de bons maîtres, sous lesquels il fit des progrès merveilleux pour son temps, dans les lettres humaines et les sciences ecclésiastiques. On ne connaît de ses maîtres (MAB. *Act.* t. III, p. 361 n. 9), que le docte Gerbert : mais c'en est assez pour juger du mérite de ses premières études. Au sortir des écoles de Reims, il se retira à Chartres, à quoi il fut peut-être engagé par Herbert, un de ses condisciples, qui était de la ville, et qui de Juif s'étant fait chrétien, devint un des savants hommes de son siècle. Là Fulbert ouvrit une école, qui bientôt acquit une brillante réputation ; il n'y en eut point alors de plus célèbre dans presque toute l'Europe (*Ann.* t. I, p. 420, 422 ; *Ann.* t. IV, *App.*, p. 698, 2. BAR. *Ann.* 1007, n. 1). On y accourait des pays les plus éloignés, d'Arles, de Liège, de

A Cologne, comme des lieux les plus voisins. Les moines et les clercs y allaient à l'envi écouter le vénérable Socrate qui la dirigeait (ADEL. ad B., p. 438, 1).

Aux fonctions d'écolâtre dans l'église de Chartres, Fulbert joignit encore celles de chancelier, titre qui est devenu équivoque à l'égard de plusieurs écrivains, qui en ont pris occasion de supposer faussement que Fulbert avait été chancelier de Robert, roi de France (ROB. *All. chr.*, p. 74, 1 ; VOSS. *Hist. Lat.*, l. II, c. 43, p. 115, 2). Ses travaux littéraires ne furent pas cependant sans récompense, quoiqu'en un siècle où les lettres n'étaient pas généralement estimées. Guillaume, comte de Poitiers et duc d'Aquitaine (ADEM. *Chr.* p. 173 ; DU CHES. t. IV, p. 82 ; FULB. *ep.* 103, 228), dont on a déjà dit un mot, prince lettré et protecteur des gens de savoir et de vertu, appela Fulbert près de sa personne, et le combla d'honneurs. Entre autres bienfaits il lui donna la trésorerie de Saint-Hilaire de Poitiers, que Fulbert retint longtemps, même depuis son épiscopat, mais qu'il remit avant sa mort entre les mains de son bienfaiteur.

Baronius a cru que Fulbert avait été moine de Saint-Père en Vallée (BAR. *An.* 1007, n. 2 ; MAB. *Ann.* l. LI, n. 101). Mais la lettre vingt-unième, sur laquelle il établit son opinion, et qui semble au premier coup d'œil la favoriser, la détruit réellement. On y lit les noms de tous les moines qui composaient alors cette communauté ; et celui de Fulbert ne s'y trouve point. M. Cave, M. Baillet et le P. Le Long, qui le dit apparemment d'après eux, sont encore moins recevables à faire Fulbert abbé de Ferrières avant l'année 1004 (CAVE, p. 518, 519. Le Long, *Bib. sac.*, p. 736), puisque Rainard gouvernait ce monastère en la même qualité, au moins dès 997 (MAB. *ib.* l. LI, n. 43). Tout ce qu'il y a de vrai, c'est que Fulbert était lié d'une amitié très-étroite avec les plus grands abbés de son temps, S. Abbon de Fleuri, S. Odilon de Cluni, le B. Richard de Saint-Vanne (FULB. *ep.* 21, 66, 47 ; HUG. *FL. chr.*, p. 175 ; MAB. *ib.*), et qu'il fut toujours fort affectionné de l'ordre monastique,

Après avoir enseigné longtemps à Chartres (TRIT.

(1) La différente manière de prononcer ce nom est cause qu'il se trouve différemment écrit dans les imprimés et les manuscrits. Au lieu de Fulbert, on y lit Folbert, Fulpert, Ulbert et même Umbert ; quelquefois avec un W, Wulpert, Wilbert, dont on

A fait Wilbert. Et comme ce dernier nom paraissait plus éloigné que les autres du véritable nom, l'on en a pris occasion de faire deux personnes différentes.

Chr. Hir. t. p. 159 : *Scr.* c. 315), et s'être acquis A par sa doctrine l'estime des rois, des évêques et des peuples, le mérite de Fulbert le fit élire évêque de cette ville à la mort de Rodolphe. Il fut particulièrement redevable de son élévation au roi Robert, avec qui il avait étudié à l'école de Reims (FULB. *ep.* 4 ; MAB. *Act.* t. III, p. 371, n. 9). Presque tous les historiens s'accordent à mettre le commencement de son épiscopat en 1007 (BAR. *ib.* ; Voss. *ib.* CAVE. p. 518). Quelques-uns néanmoins le renvoient contre l'autorité de son épitaphe, neuf ou dix ans plus tard (MAB. *An. ib.* BAIL. 10 avr., p. 143 ; FULB. *ep.* 23). Il fut sacré de la main de Léotéric ou Leutheric, archevêque de Sens son métropolitain. Le terme de son épiscopat fait juger que son ordination se fit sur la fin de septembre ou au commencement d'octobre. On suppose qu'il était encore jeune (2) alors ; mais la suite de sa vie montre qu'il devait approcher de l'âge de cinquante ans au moins (FLEC. *ib.*).

Les fonctions de l'épiscopat, dont il se vit chargé, ne lui firent point interrompre les leçons publiques qu'il faisait à ses disciples (MAB. *Ana. ib.*, p. 420). Seulement il cessa de se mêler de médecine et de donner des remèdes, comme il en usait auparavant (FULB. *ep.* 10, 47, 113). A ces deux sortes d'occupations s'en joignait une autre qui demandait un temps considérable. En devenant évêque il devint l'oracle de presque toute la France (BAR. *ib.*). Les princes, les évêques, les personnes privées avaient recours à ses conseils comme à une source de lumière. On en a la preuve dans le recueil de ses lettres. Au mois de mai 1008, peu de temps après son ordination, il se trouva au concile que le roi Robert avait convoqué à son palais de Chelles (*Conc.* t. IX, 787, 788), et y reçut des marques publiques du respect et de la vénération qu'on lui portait. On voulut en effet, par honneur, qu'il y souscrivit immédiatement après les métropolitains, et avant onze autres évêques, dont plusieurs, tels qu'Adalberon de Laon, étaient fort anciens dans l'épiscopat. Il paraît par là que ses collègues le regardaient dès lors comme leur père et leur docteur.

Nous ne sommes point instruits en détail des actions de ce grand évêque. Une des plus mémorables fut la réédification de sa cathédrale, qui avait été réduite en cendres en 1020, dans l'embrassement de la ville (FULB. *ep. pr.*, p. 2). Fulbert entreprit de la rebâtir avec une magnificence qui surpassait infiniment les facultés d'un évêque qui était sans patrimoine. Mais il trouva des ressources abondantes dans la libéralité de Canut, roi d'Angleterre et de Danemark, et celle de Guillaume, comte de Poitiers, son illustre bienfaiteur (*ep.* 97, 102, 104). La dévotion singulière qu'il avait envers la sainte Vierge, sous l'invocation de

laquelle cette cathédrale est dédiée, le porta à y établir la fête de sa Nativité, dont l'institution était encore de nouvelle date ailleurs (CAVE, p. 518, 2). Le même motif de piété lui fit faire plusieurs proses et hymnes à sa louange (FULB. *Car.*, p. 50 ; *ep. pr.* 2, 3).

Au défaut d'histoire suivie des actions de notre prélat, nous avons dans ses lettres quantité de traits de sa conduite pastorale. On y voit qu'il avait su réunir en sa personne une fermeté vraiment épiscopale avec une noble douceur et une humilité sans bassesse. Attentif à user de l'une ou de l'autre avec une sage discrétion, lorsqu'il était obligé d'employer son zèle tout de feu, pour réprimer les désordres ou corriger les abus, c'était toujours sans blesser le respect qu'on doit aux puissances. Il aimait tendrement son prince, et avait pour lui un sincère attachement (*ep.* 96). Ayant encouru sa disgrâce en une occasion, il n'eut point de repos qu'il n'eût regagné son amitié. Joignons à ces traits généraux et à ceux que nous fournissons ses épitaphes, ce qu'il dit lui-même des devoirs d'un évêque, et nous aurons son portrait assez au naturel (MART. *Anec.* t. I, p. 131, 135). Il n'a pu écrire autrement qu'il agissait : de sorte qu'en exposant ce que doivent être les bons évêques, il a réussi à se peindre lui-même.

Ce pieux et savant prélat mourut, plein de jours et de mérites, le dixième ou onzième d'avril ; car il y a d'anciens auteurs pour ce dernier, jour, s'il n'y a faute dans leur texte. Mais le plus grand partage entre les anciens et les modernes est au sujet de l'année de cette mort. Les uns, comme Hugues de Flavigni et Clarius, la marquent dès 1027. D'autres la placent en 1028. Le plus grand nombre, surtout parmi les modernes, la mettent l'année suivante. Quelques-uns la renvoient jusqu'en 1031, et Raoul Glaber deux ans encore plus tard (FULB. *ib.* pr. p. 3 ; MALLEA. *Chr.* p. 202 ; LAB. *Bib. Nov.* t. I, p. 276, 287, 315 ; HUG. FL. *Chr.* p. 175 ; CLAR. *Chr.* p. 791 ; GLAB. l. IV. c. 4 ; Voss. *ib.*). Comment découvrir la vérité au travers de tant de différentes opinions ? Sera-ce à la faveur du jour de cette mort ? En ce cas-là le sentiment de ceux qui la marquent en 1028, revient à celui qui la placent en 1029, et n'en fait plus qu'un. La raison en est sans réplique ; car le dixième d'avril en 1028 était avant Pâques, suivant la supputation de nos Français de ces temps-là, qui continuaient de compter 1028 jusqu'à Pâques ; au lieu que, suivant notre manière de compter aujourd'hui, l'année 1029 était commencée avec le mois de janvier. Pour avoir quelque chose de plus décisif sur la véritable année de la mort de Fulbert il faut recourir à son épitaphe. C'est une pièce originale, qui vraisemblablement est de la façon de

vait conduit par degrés depuis sa jeunesse jusqu'à l'épiscopat. La preuve qu'il n'était pas alors jeune, est d'une part le long temps qu'il enseigna avant que d'être évêque, et de l'autre l'âge de vieillesse auquel il arriva (FULB. *Car. ib.* ; MAB. *Ana. ib.*, p. 420), quoique son épiscopat ne fût que de vingt-un ans et demi.

2) Ce qui a fait croire que Fulbert était encore jeune lors de son ordination, est le vers suivant, où il dit en parlant de lui-même :

Et juvenem perduxit ad hoc, ut episcopus esses.

Mais il y veut dire seulement que la Providence l'a PATROL. CXXI.

Sigon (3), qui prit soin de ses funérailles. Il y est A entré dans les litanies des saints de son diocèse. marqué, qu'il gouverna l'église de Chartres vingt-un ans et demi. De ces six mois prenons-en deux et vingt jours pour remplir l'année 1007, à laquelle fut ordonné le saint évêque, il restera vingt-un ans trois mois et dix jours, qui joints à 1007, nous conduiront au dixième d'avril 1029. C'est donc à cette année-là qu'il faut rapporter la mort de Fulbert. Nous soumettons volontiers cette discussion chronologique, qui nous a paru nécessaire, au jugement du dernier supplémenteur de Moréri, qui a tâché de la transporter à l'année précédente.

Fulbert fut enterré dans l'église de l'abbaye de Saint-Père, où plusieurs de ses prédécesseurs et autres prélats avaient été déjà inhumés (FULB. *ep. pr.* p. 2. 3 ; GALL. *Chr. Vet.* t. II, p. 486, 1.) On B érigea en sa mémoire deux épitaphes : l'une en prose, qui est plutôt un éloge abrégé pour être inséré dans les nécrologes, et l'autre en vers.

ÉPITAPHE EN PROSE.

Anno ab incarnatione Domini MXXVIII, III Id. April., obiit dilectus Deo et hominibus Pater noster venerandæ memoriæ Fulbertus, sua tempestate pontificum decus, lux præclara mundo a Deo data pauperum sustentator, desolatorum consolator, prædonum et latronum refrenator, vir eloquentissimus et sapientissimus tam in divinis quam in liberalium artium libris. Qui ad restaurationem sancti templi suæ diocesis, quod ipse post incendium a fundamentis reedificare cæperat, bonam partem auri sui et argenti reliquit et disciplinæ ac sapientiæ radiis illum locum illuminavit et clericis suis multa bona fecit.

ÉPITAPHE EN VERS.

Quem tibi Carnotis concessit fons bonitatis,
Doctrinæ fluvium duplicis egregium.
Pontificum sidus, Fulbertus fulgidus actu
Vestis pauperibus, victus et assiduus.
Inclausus jacet hic, factus de pulvere pulvis,
Et præstolatur surgere cum reliquis.
Virtutum cultor, vitiorum mortificator,
Auxiliante Deo, præstitit a puero.
Bis denos annos, atque unum dimidiumque,
Virgo Maria, tuæ præfuit Ecclesiæ
Ingressurus erat Phæbus post lumina septem
Taurum, cum mæstum deseruit populum.

Jusqu'ici l'église de Chartres n'a décerné aucun culte public à ce pieux évêque, quoiqu'on dise que sa sainteté a été attestée après sa mort par plusieurs miracles (TRIT. *Chor Hir. ib.* p. 159 ; BOLL. I apr., p. 856 ; MAB. *Act.* t. VIII, pr. ; LAB. *ib.* t. II, p. 730). Bucelin dans son Ménologe le qualifie de bienheureux. Grand nombre d'autres écrivains modernes lui donnent indifféremment le même titre, ou celui de saint. C'est en cette qualité que M. de la Rochepezay, évêque de Poitiers, l'a fait

Les auteurs du siècle de Fulbert, et ceux des suivants, sont pleins d'éloges qu'ils donnent également à la sainteté de sa vie et à sa doctrine lumineuse, à son éminente vertu et à sa grande érudition. Il serait trop long, et peut-être ennuyeux de les rapporter ici. L'on en peut voir quelques-uns à la tête des éditions de ses ouvrages, où l'on n'en a copié qu'une partie. Ce qui contribua encore beaucoup à rendre célèbre le nom de Fulbert, fut le grand nombre de disciples qu'il forma aux lettres et à la piété. Il n'y eut guère d'église en France, qui n'eussent quelqu'un de ses élèves. Ils se répandirent même en Italie et en Allemagne, où ils portèrent la doctrine de leur maître. Nous avons fait ailleurs l'énumération des plus connus. Il y faut ajouter Gerard (MAB. *ib.*, t. III., p. 371, n. 9), depuis abbé de Saint-Vandrille, un des grands ornements de l'ordre monastique en son siècle, et Bernard, maître d'école d'Angers (*An. t. IV, app.* p. 763, 1), qui dédia à son maître son écrit sur les miracles de sainte Foi avec ce titre glorieux à sa mémoire : *Sanctissimo atque hominum doctissimo Fulberto Carnoteno episcopo.* L'on ne peut mieux faire comprendre les grands services que Fulbert rendit à la France en particulier, tant par sa doctrine que par l'honneur qu'il fit au sacerdoce de Jésus-Christ, qu'en rapportant la pensée d'un auteur contemporain (*Act. t. VIII, p. 686, n. ix*), qui ne fait pas difficulté de dire qu'à la mort de cet homme admirable l'amour de la philosophie et la gloire de l'épiscopat semblèrent être ensevelis avec lui dans le tombeau.

§ II. — Ses écrits.

Quoique l'Eglise n'ait pas inséré dans ses fastes le nom de Fulbert, on n'a pas laissé de le mettre au rang de ses Pères et de ses docteurs. C'est un titre que lui ont mérité les productions de sa plume. Dès 1585, Papire le Masson en donna au public un recueil (*Bib. card. de R.*), qui fut imprimé à Paris chez Dupré, en un petit volume in-8°. Mais ce recueil ne contient qu'une partie des lettres de notre prélat. Au bout de vingt-trois ans, c'est-à-dire en 1608, Charles de Villiers, docteur de la faculté de théologie de Paris, en publia en D même volume un autre beaucoup plus ample, qui parut aussi à Paris chez Thomas Blaise. Cet éditeur y a fait entrer tout ce que les manuscrits du collège de Navarre et de MM. Petau et le Fèvre lui avaient fourni des ouvrages de Fulbert. De cette édition pleine de fautes, souvent assez grossières, on les a fait passer dans les diverses Bibliothèques des Pères, de Cologne, de Paris et de Lyon (*Bibl. PP. t. XVIII, p. 1 55*). Depuis ces dernières éditions, on a recouvré quelques autres écrits de notre auteur, desquel nous ren-

(3) Ce Sigon, successivement scolastique et chantre de l'église de Chartres, dont on a déjà eu occasion de parler plusieurs fois, en est encore qualifié doyen par l'historien de l'abbaye de Saint-Florent

de Saumur, qui ajoute qu'il nota les répons de l'office de ce saint, composés par Rainauld, maître d'école d'Angers (*MART. Am. Coll. t. S. p. 4121, n. 48*).

drons compte, après que nous aurons fait l'énumération de ceux qui sont réunis ensemble.

1° A la tête de tous est placé le recueil de ses lettres, le plus intéressant de tous ses ouvrages (p. 386). On n'y en marque que cent trente-quatre, divisées en deux classes; mais il en faut compter cent trente-huit, par la raison que les chiffres, ou nombres, de la 62, de la 96, de la 97 et de la 118, s'y trouvent répétés. Elles n'appartiennent pas toutes à Fulbert, comme on va s'en convaincre par le détail suivant. Les éditeurs les ont accompagnées de quelques notes, où il se trouve de bonnes choses, mais elles en demandaient de plus amples et de plus instructives.

(4) La première de ces lettres, qui est la plus prolix, comme la plus importante, est une lettre dogmatique sur trois points essentiels de la foi chrétienne, suivant les propres expressions de l'auteur : le mystère de la Trinité, la nature du baptême et la vérité du mystère de l'eucharistie. Fulbert y explique avec autant de solidité que de lumière ce que l'on doit croire sur ces trois grandes vérités de la religion. Ce qu'il dit sur l'eucharistie en particulier montre évidemment que Bérenger un de ses disciples, avait reçu sur ce point du dogme une doctrine tout opposée à celle qu'il enseigna dans la suite. On croit que Fulbert entreprit de traiter dans cette lettre ce qui concerne l'eucharistie (PAGI, an. 1004, n. 3), à l'occasion de l'erreur où était à ce sujet Leuthéric, son métropolitain, erreur ou abus qu'on peut voir dans l'historien Helgaud, qui en parle en détail (HELG. *Vit. Rob.*, p. 64). Rien de plus judicieux, rien de plus sage, rien de plus utile pour tous les temps que les principes généraux qu'établit ici Fulbert, au sujet de nos mystères (*Bib. PP. ib.*, p. 3, 2). Cette lettre a paru si belle à M. du Boulay, qu'il l'a fait entrer presque entièrement dans son histoire de l'Université de Paris (EGAS. *BUL.* t. I, p. 357, 358). On la trouve aussi imprimée dans quelques éditions, à la suite du traité de Pascale Radbert sur l'eucharistie. Les auteurs de l'office du Saint-Sacrement en ont tiré aussi la cinquième leçon du trente-septième office. Plusieurs manuscrits la représentent seule quelquefois avec la seconde et les titres suivants : *De la perfection chrétienne*, ou : *Des trois choses les plus nécessaires au salut*.

La seconde roule sur la cérémonie de l'hostie consacrée, qu'on donnait autrefois aux prêtres nouvellement ordonnés (*Bib. PP. ib.*, p. 6, 7). Fulbert, à l'occasion de la diversité de cette cérémonie suivant les divers lieux, dit de belles choses, pour ne pas s'embarrasser de la diversité qui règne dans la discipline, pourvu que la foi soit la même. Elle est adressée à Einard, mal nommé Fidnard dans les imprimés.

Entre les autres, plusieurs sont écrites au roi Robert, une à Canut, roi d'Angleterre, quelques-unes au comte d'Anjou, à Richard II, duc de Nor-

mandie, plusieurs à Guillaume V, comte de Poitiers, la plupart à des évêques, nommément à Leuthéric, archevêque de Sens. Dans celle-ci, comme dans quelques autres, Fulbert donne de justes décisions sur les cas qu'on lui proposait, et de sages avis à ceux qui le consultaient sur leurs doutes et leurs difficultés. En général ces lettres font voir que Fulbert était un des premiers hommes de son siècle. On y trouve quantité de faits propres à éclaircir l'histoire ecclésiastique et civile de ce temps-là. C'est pourquoi Du Chesne en a inséré jusqu'à soixante-cinq dans le recueil de ces historiens (DU CHES. t. IV, p. 172-198). Baronius, les éditeurs de la Bibliothèque de Cluny (*Clun. Bib.*, p. 349-354) et dom Marlot en ont usé de même, en ayant fait imprimer plusieurs dans leurs ouvrages. Outre l'utilité qu'on en peut tirer pour l'histoire, on y a plusieurs traits lumineux sur le dogme, la morale, la discipline, et particulièrement au sujet des empêchements de mariage.

La huitième ne regarde point Avesgaud, mais Azelin, évêque de Paris, ce qui a trompé quelques savants, même du premier ordre. La vingt-unième, à Abbon de Fleury, est honorable à la mémoire de ce pieux et savant abbé (*Bib. PP. ib.*, p. 11). Fulbert n'était point encore évêque non plus que lorsqu'il écrivit la quarante-septième, où il est parlé de remèdes : ce qui montre qu'on n'a point suivi l'ordre chronologique en imprimant ces lettres. La quatre-vingt-quinzième, qui devrait être la quatre-vingt-seizième, est du roi Robert à Gauslin, archevêque de Bourges, et la suivante est la réponse de ce prélat au roi. Celle qui pour la seconde fois se trouve marquée à la quatre-vingt-seizième, et qui devrait être la quatre-vingt-dix-huitième, est du comte Eudes au roi Robert. La cent huitième, ou plutôt la cent onzième suivant notre manière de compter, est de S. Odilon à Fulbert. Les vingt-six suivantes n'appartiennent point à notre prélat, ayant été écrites après sa mort ou en son absence, soit par son chapitre, soit par des particuliers.

La cent seizième, selon l'imprimé, appartient à Hugues de Chateaudun, archevêque de Tours, depuis 1003 jusqu'en 1023, qui fut l'année de sa mort. Elle est écrite à un Evêque d'Angers, qui était alors Hubert de Vendôme. Ce prélat refusait de garder l'interdit auquel son archevêque l'avait condamné, pour avoir porté les armes et ravagé les terres de l'église de Tours, et lui en avait écrit pour s'en plaindre. Hugues lui fit la réponse dont il est ici question, et lui montre par l'autorité de S. Grégoire en particulier, que le refus qu'il faisait de se soumettre, le rendait coupable et méritait la peine dont il se plaignait, quand même il ne l'aurait pas autrement méritée. La lettre est assez bien écrite, et prouve que son auteur n'ignorait pas les règles de l'Eglise.

Entre les autres lettres de la seconde classe, qui

(4) *Epistolæ Fulberti secundum seriem temporum digessimus, servatis tamen et inter uncōs res-*

positis, quæ hic indicantur, priorum editionum numeralibus notis. Edit. PATROL.

n'appartiennent pas à Fulbert, il y en a deux, la 118^e et la 122^e d'Issembert I, évêque de Poitiers, depuis 1019, ou environ, jusque vers 1047. L'une est écrite à l'évêque d'Angers dont on vient de parler, pour s'excuser de ne pouvoir assister à la dédicace de son église. L'autre est encore une lettre d'excuse ; mais le nom de la personne à qui elle est adressée se trouve tronqué. L'une et l'autre sont écrites avec une précision, une netteté et une certaine politesse qui n'étaient pas alors fort communes.

On en compte jusqu'à douze écrites par Hildegaire, disciple de Fulbert, tel qu'il se qualifie lui-même dans l'inscription de la 112^e. Cet Hildegaire, au sentiment de dom Mabillon (*An. l. I, n. 72*), n'est autre que le célèbre Hildier, dont nous avons fait ailleurs (5) l'éloge d'après Adelmann, qui l'avait connu personnellement. Fulbert, avec qui il avait beaucoup de ressemblance, tant pour les manières, que pour la doctrine et le fonds d'érudition (*Ana. t. I, p. 421*), l'avait envoyé à Poitiers pour gérer les affaires de sa trésorerie de Saint-Hilaire (*Fulb. ep. 18, 79-81*). Emploi qui ne l'empêcha pas d'y ouvrir une école qu'il dirigea lui-même avec l'aide d'un sous-maître. Hildegaire quitta enfin Poitiers, et retourna à Chartres où il eut un canonicat (*ep. 129, 130*), et se trouvait doyen du chapitre en 1040 (*Conc. t. IX, p. 939*). Mais avant son départ il engagea Raginald, ou Rainald, doyen de Saint-Hilaire, à se charger du soin de la trésorerie en sa place.

Les lettres qui appartiennent à Hildegaire sont

(5) Adelmann, qui fut depuis scolastique de Liège et évêque de Bresse, neus fait connaître plusieurs disciples de Fulbert. Il met au premier rang Hildier, Chartrain, homme de beaucoup d'esprit, qui avait pris une connaissance particulière de la médecine, de la philosophie et de la musique. Parfait imitateur de son maître, il en copiait jusqu'aux manières, au regard et au ton de la voix, et pouvait aller de pair avec lui. Sigon, qui excellait dans la musique, tenait le second rang. Après ceux-ci, Adelmann compte Lambert et Engelbert qui enseignèrent l'un à Paris, l'autre à Orléans, et qui amassèrent de grands biens dans cette profession ; un Rainald de Tours (a), clerc de l'église de Saint-Martin, qui passait pour un savant grammairien, *valentem grammaticum*, et qui avait une facilité singulière pour parler et écrire, ce qui rendait son style diffus ; un Girard Gilbert, ou Girard Glaber, comme dom Mabillon voudrait qu'on lût, qui, après avoir fait un voyage à la terre sainte, revint en France et alla mourir sous les murs de Verdun ; un Vantier, Bourguignon, dont l'ardeur insatiable pour les sciences lui fit parcourir presque toutes les écoles de l'Europe, où il acquit de grandes connaissances, surtout en Espagne, et qui, de retour en son pays, aurait fait l'ornement de la langue latine sans une mort prématurée que lui causa l'impitoyable faction de ses envieux ; enfin un Ragimbald de Cologne, que la beauté de son génie et la réputation de son savoir avaient rendu fort célèbre. Adelmann ne fait entrer dans cette énumération, que les principaux élèves de Fulbert, avec lesquels il avait étudié. On n'y voit point paraître le fameux Bèrenger, depuis écolâtre de Tours ; et l'on n'en saurait dire la raison. Il est néanmoins certain qu'A-

la cent onzième avec les quatre suivantes, écrites à des amis particuliers sur des sujets peu intéressants ; la 120, la 121, la 123, la 127, la 129 et la suivante avec la dernière, qui devrait être la 138 par les raisons qu'on alléguées, au lieu qu'elle n'est marquée que la 134. Quatre de ces dernières lettres sont écrites de Poitiers à Fulbert, au sujet de sa trésorerie, et contiennent néanmoins divers traits qui concernent l'histoire publique. Deux autres ont été écrites de Chartres à Raginald, doyen de Saint-Hilaire. Il s'agit, dans la dernière, d'écrits et de conseils que Raginald avait demandés à l'auteur. Hildegaire, en répondant aux conseils, cite ce qu'il avait appris sur le sujet en question de la bouche de Fulbert son maître, qui n'était plus alors au monde. Il s'y montre un fidèle disciple de ce grand homme, non seulement sur ce point, mais encore par ses sentiments sur l'eucharistie et sur la grâce de Jésus-Christ. Il nous y apprend, que Reginald avait un neveu nommé Hérébert qui était alors à Chartres.

Quant aux autres lettres étrangères, réunies à celles de Fulbert, il y en a six de Guillaume, duc d'Aquitaine ; une autre qui lui est écrite par Léon, évêque de Verceil, et cinq ou six du chapitre de Chartres à diverses personnes. Nous sommes entrés dans ce détail, en vue d'abrèger le travail de ceux qui entreprendront de remettre sous la presse ce recueil de lettres. Elles auraient grand besoin d'être revues sur de bons manuscrits. Celui du Vatican (*BAR. an, 1028, n. 5*), où elles se trouvent avec celles de

delmann l'eut pour condisciple à Chartres, comme il nous l'apprend lui-même ailleurs. (*Spic. t. IV, p. 543 ; t. VI, p. 519*). Angelramne, ou Enguerran, depuis abbé de Saint-Riquier, et le savant Olbert, qui le fut de Gemblou, prirent aussi des leçons de Fulbert. Il lui venait des disciples jusque du fond de la Provence. Domnus, moine de Mont-Majour, fut de ce nombre, et passa neuf ans entiers à son école (*MAB. An. t. IV, p. 698*). Entre ses autres disciples qui étaient de Chartres, ou qui s'y fixèrent, on nous fait connaître un Pierre, chancelier de la Cathédrale, auteur de quelques écrits, et un Arnoul, chantre de la même église, qui composa quelques hymnes, ou répons à l'honneur de Saint-Evroul. L'agent que Fulbert envoya à Poitiers pour gérer les affaires de sa trésorerie de Saint-Hilaire (*Fulb. ep. 18, 79, 80, 120*), et qui n'était autre qu'Hildegaire ou Hildier y porta la doctrine de son maître par le soin qu'il prit de diriger l'école de Saint-Hilaire. Fulbert eut un autre disciple, dont le nom n'est désigné que par un E, à qui il fit avoir un emploi d'écolâtre, on ne dit pas en quel endroit, Hugues, évêque de Langres, mort en 1051, et le premier des écrivains qui ont combattu les erreurs de Bèrenger, doit être aussi compté entre les disciples de Fulbert, puisqu'il avait été d'abord clerc de l'Eglise de Chartres. M. Du Boulay suppose qu'Hubert, qui enseignait à Orléans (il a voulu dire à Meung) après le milieu de ce siècle, avait aussi eu le même avantage (*EGAS. BUL. t. I, p. 606*) ; mais on n'en a point d'autre preuve. On fait le même honneur, avec plus de certitude, à Goisbert, qui passait pour avoir une grande connaissance de la médecine, et qui se rendit moine à Saint-Evroul (*ORD. VIT. l. v, p. 574, 581, 595*).

(a) Ce Rainald est peut-être le même que Raginald, qui fut depuis sous-maître de l'école de Saint-Martin, et ensuite trésorier de la même église.

saint Sidoine, serait d'un grand secours pour l'exécution de ce dessein. Il s'y est glissé des fautes presque sans nombre, soit par la négligence des copistes, ou celle des imprimeurs. Il y en a des plus grossières, même dans les inscriptions, ce qui est de plus grande conséquence, et qui a jeté dans l'erreur plusieurs écrivains. Nous en avons donné déjà quelques exemples, auxquels nous ajouterons le suivant, pour rendre la chose plus sensible. L'inscription de la quinzième lettre est conçue en ces termes : *Domino suo regi Fulbert. Adegavorum comes*. Il faut lire : *Domino suo regi Fulco Adegavorum comes*. Celles que Du Chesne a réimprimées sont beaucoup plus correctes.

Depuis l'édition de Charles de Villiers, don d'Acheri a publié une lettre de Fulbert (*Spic.* t. II, p. 827-832), que les derniers éditeurs de la Bibliothèque des Pères auraient pu réunir aux précédentes. Elle est adressée à Hildegaire, qui avait consulté notre savant prélat sur l'administration des biens ecclésiastiques, et l'usage qu'on peut faire des vases sacrés en certains cas. Sur le premier point, Fulbert lui montre par l'autorité des Pères, surtout de saint Jérôme, qu'on ne saurait apporter trop de précaution et de piété dans la distribution des revenus de l'Eglise. C'est ce qu'il fortifie par cette belle sentence : Que les biens ecclésiastiques sont le patrimoine des pauvres, non de ceux qui en jouissent. A l'égard du second point, Fulbert expose les cas où il est permis de vendre les vases sacrés, suivant les canons et la doctrine de saint Ambroise.

Dom Martène et dom Durand ont encore publié une autre lettre de Fulbert sur un manuscrit de Saint-Remi de Reims (*Mart. Anec.*, t. I, p. 130-135). Elle fut écrite avant la précédente, puisqu'elle y est citée. C'est encore une réponse à Hildegaire, qui avait souvent pressé son maître de lui dire ce qu'il pensait des évêques qui allaient à la guerre. Fulbert lui prouve par plusieurs passages bien choisis de l'Ecriture et des Pères que cette profession est indigne de l'épiscopat, sous quelque prétexte que ce puisse être. Il y cite Origène avec les Pères latins, Haimon d'Halberstat, et un capitulaire de Charlemagne, qui défend aux évêques et clercs inférieurs le port des armes. En y citant le traité des douze abus du siècle, il l'attribue à saint Cyprien. Cette lettre est une des plus belles et des mieux écrites de toutes celles de Fulbert. Il y trace en peu de mots les principaux devoirs d'un évêque, en quoi il n'a fait que copier ce qu'il pratiquait lui-même.

Il peut sans difficulté se trouver encore d'autres lettres de Fulbert ensevelies dans l'obscurité des bibliothèques. Telle peut être, par exemple (*Sand. Bib. Belg. ms.* par. I, p. 102), celle qu'on voyait autrefois dans un manuscrit de Saint-Martin de Tournai, adressée à Guillaume, abbé de Fécamp, dont voici les premières paroles : *De notione altaris, vel parietum ecclesiarum*. On peut joindre à ces lettres un diplôme du même évêque en faveur de l'abbaye de

A Marmoutier, publié par M. Baluze dans ses notes sur les conciles de Narbonne, pages 77 et 78.

2° (*Bib. PP. ib.*, p. 37-47.) Après les lettres de Fulbert viennent ses sermons au nombre de dix. Les deux premiers sont très-courts, et contiennent les premières instructions qu'on donne aux fidèles sur les mystères de la Trinité et de l'Incarnation, sur la fuite du péché et l'obligation d'en faire pénitence. Il est visible que le premier n'est qu'un simple fragment d'un plus long discours. Le troisième est une explication succincte de l'origine et de la manière qu'on doit célébrer la fête de la Purification de la sainte Vierge. Les trois suivants roulent sur sa nativité, dont on a vu que Fulbert avait établi la fête dans l'église de Chartres. Dans le second des trois, l'auteur fait une espèce de généalogie et un abrégé de la Vie de cette bienheureuse mère de Dieu. C'est ce qui a fait que ces sermons portent quelquefois le titre de légendes dans les manuscrits, et même dans des imprimés (*Voss. Hist. lat.*, I. II). On y voit que l'usage était alors tout commun de donner aux parents de la sainte Vierge les noms de Joachim et d'Anne (c. 43, p. 115). Fulbert, dans le troisième sermon, parle en homme judicieux d'une prétendue relation, supposée à saint Jérôme, suivant laquelle l'évangeliste S. Matthieu aurait composé une généalogie de la sainte Vierge et une histoire de l'enfance de Jésus-Christ (*Bib. PP. ib.*, p. 40). Dans la critique qu'il en fait, il se borne à dire que l'Eglise ne reconnaît point cet ouvrage prétendu, et qu'il s'y trouve des faits et des sentiments insoutenables. A la fin du sermon se lit une courte prière à la sainte Vierge en deux grands vers. Le premier de ces trois sermons est marqué avec éloge par Henri de Gand et l'abbé Trithème, entre les autres écrits de Fulbert (*Hen. Gand. Scri.* c. 1 ; *Trith. Scrip.* c. 370). Le P. Jean du Bois en a imprimé dans la Bibliothèque de Fleury un fragment considérable, qu'il avait trouvé dans une ancienne feuille volante (*Flor. bib.*, par. I, p. 516, 517.)

Les trois sermons qui suivent dans les éditions des œuvres de Fulbert sont intitulés : *Contre les Juifs* (*Bib. PP. ib.*, p. 42-46). Mais c'est mal-à-propos qu'on les a séparés en trois, et qu'on leur fait porter le titre de sermons. Il ne s'y lit pas un mot qui marque qu'ils aient été prononcés de vive voix. Ce n'est autre chose que le traité contre les Juifs, que Henri de Gand et l'anonyme de Molk attribuent à notre savant évêque (*Hen. Gand. ib.* ; *Mell. Scrip.*, c. 93). La notice qu'en donne le premier de ces deux bibliographes ne laisse aucun lieu d'en douter. L'auteur, dit-il, l'entreprit pour prouver contre le sentiment commun des Juifs, que cette célèbre prophétie de Jacob : *Le sceptre ne sera point ôté à Juda*, etc. (*Gen. XLIX, 10*), avait eu son accomplissement en la personne de Jésus-Christ. Henri de Gand ajoute, ce qui est vrai, que Fulbert y a fort bien exécuté son dessein, en y employant l'autorité des saintes Ecritures et la force du raisonnement (*Hen. Gand. ib.*).

Enfin, le dixième et dernier sermon du recueil est intitulé de la sorte : *Dieu est un en trois personnes* (*Bib. PP.* p. 46, 47), titre insuffisant pour annoncer ce que contient la pièce, puisqu'elle roule non-seulement sur la Trinité, mais aussi sur l'incarnation du Verbe, les autres mystères de Jésus-Christ et la nécessité de faire pénitence. Ce sermon n'est point entier. L'exorde et, peut-être, une autre partie considérable du commencement y manquent. La fin nous paraît aussi y manquer. Ce n'est au reste qu'un tissu de passages de l'Écriture, mais bien choisis, auxquels l'auteur a joint deux petits endroits des Pères, l'un de S. Fulgence, l'autre de S. Isidore de Séville.

A la suite des sermons, viennent deux listes des différents degrés des péchés capitaux, avec les pénitences canoniques qui y étaient attachées encore alors (*Bib. PP.* ib., p. 47). L'une de ces listes regarde les hommes, l'autre les femmes. Ce qui se lit ensuite est un fragment détaché de quelque sermon, soit de Fulbert, ou de quelque autre auteur, qu'un copiste aura mis dans son manuscrit, on ne saurait dire par quel motif, dans le même ordre qu'il se trouve dans l'imprimé. L'auteur, quel qu'il puisse être, y montre d'abord, en se servant principalement des paroles de S. Augustin, en quel sens ces deux versets du vi^e chapitre de l'Évangile de S. Jean : *Si vous ne mangez la chair du Fils de l'homme, etc., Celui qui mange ma chair, etc.*, contiennent une figure. Après quoi il prouve par l'autorité du concile d'Ephèse et d'Haimon, que cette chair sacrée est réellement le corps de Jésus-Christ.

Plusieurs manuscrits attribuent à Fulbert le sermon sur l'Assomption de la sainte Vierge, qui fait le 208^e de l'appendice de ceux qu'on a supposés à S. Augustin (*Aug. Serm. app.* p. 343). Mais nous avons montré ailleurs qu'il appartient au B. Ambroise Autpert, à qui d'autres manuscrits le donnent.

Locrius est beaucoup mieux fondé à lui faire honneur du second sermon sur l'Annonciation (*Fur. Locri.* p. 52), qui fait le 194^e du même appendice, et dont on a tiré, en le tronquant, les leçons du second nocturne pour la fête de la Nativité et le second jour de l'octave, dans le bréviaire romain et l'ancien bénédictin. Ce sermon commence par les mêmes mots que celui sur l'Assomption, et en a emprunté quelques autres traits. Il finit par la célèbre antienne que l'Église emploie pour la commémoration de la sainte Vierge : *Sancta Maria, succurre miseris, etc.*; ce qui a fait regarder Fulbert comme auteur de cette prière.

Personne ne nous apprend si les homélies qui se trouvent sous le nom de Fulbert, dans un manuscrit de la maison professe des Jésuites d'Anvers, avec le traité d'Arnauld de Bonneval sur les paroles de Jésus-Christ à la croix, sont différentes des sermons dont nous venons de rendre compte (*SAND.*

ib., p. 334), ou si ce recueil en contient d'autres que ceux qui sont imprimés. L'anonyme de Mollk, annonçant les sermons de notre auteur contre les Juifs, ajoute qu'il en avait fait aussi contre les mauvais chrétiens, expression qui suppose des sermons de morale. Il ne s'en trouve point de cette nature parmi ceux de Fulbert, qui sont ou des panégyriques, ou des instructions sur nos mystères, ou enfin des pièces de controverse, si l'on veut comprendre au rang de ses sermons son traité contre les Juifs.

3^o La chronique de Maillezais, au plutôt de Saint-Maixent, porte que Fulbert, outre ses écrits en prose, avait encore laissé de sa façon plusieurs pièces notées pour les offices divins (*Malleas. Chr.*, p. 205). A quoi Trithème (*Scrip.* c. 315; *Chr. Hir.*, t. 1, p. 159) ajoute qu'il y avait de lui des hymnes, diverses prières, des chants à la gloire de Dieu et quelques autres pièces de piété. Le principal éditeur de Fulbert a recueilli tout ce qu'il a pu détacher de ses écrits de ce genre, et les a mis à la suite de ses sermons (*Bib. PP.* ib., p. 48-53). Le recueil est divisé en deux parties. Il s'y trouve des hymnes, des proses, tant rimées qu'autres, des litanies et autres prières, des antiennes, des répons, tant sur quelques-uns de nos mystères, comme Noël, la Trinité, qu'à l'honneur de divers saints. On y lit un invitoire, une prose et des répons pour l'office de saint Gilles. C'est, suivant toute apparence, ce qui aura fait avancer à l'anonyme de Mollk et à quelques modernes que Fulbert avait composé une vie de ce saint.

Parmi ces petits écrits de piété, il y a deux courtes prières à Dieu (*Bib. PP.* ib., page 51), dans lesquelles l'auteur, en nous apprenant son extraction, a laissé de grands traits d'une profonde humilité (6). On y trouve aussi un poème sur l'année, les mois, les jours, les heures, la manière de trouver le bissexté, les épactes, etc., qui est comme un abrégé du comput. Ce poème est suivi d'un autre rimé, mais sous une seule rime, dans lequel Fulbert fait l'éloge du rossignol. La pénultième pièce du recueil est une hymne en vers saphiques sur le Saint-Esprit, où l'on découvre des beautés poétiques digne d'un meilleur siècle. La dernière pièce, intitulée *Répons*, quoique ce soit une hymne sur Pâques, se trouve séparément à la page 847 du huitième tome de la Bibliothèque des Pères, édition de Paris, 1643, où elle est fort déplacée.

La pièce intitulée : *Hymne de la Trinité*, qui commence par ces mots : *Verbum Dei*, est plus entière dans un manuscrit de la bibliothèque du roi d'Angleterre (*Reg. Angl. ms.*, p. 68, n. 17). On juge par ce manuscrit qu'il manque dans l'imprimé une page entière.

4^o Casimir Oudin, ayant détaché dans un manuscrit de Longpont, abbaye de Cîteaux, au diocèse de Soissons, un traité de Fulbert sur ces premières

(66) La première commence, dans le manuscrit du Vatican, par le vers suivant, qui manque dans l'imprimé (*PAN. ad an.* 1007. n. 3):

Angele consilii magni, te consulo, Christe.

paroles du XII^e chapitre des Actes des apôtres : *Le roi Hérode employa sa puissance pour maltraiter quelques-uns de l'Eglise*, les fit imprimer avec d'autres opuscules d'anciens auteurs, tant de France que de la Belgique. Ce recueil a été imprimé en 1692, à Leyde, chez Pierre Vander Merche, en un seul volume in-8^o.

5^o Dom Bernard Pez, dans le cours de ses recherches littéraires, a découvert un catalogue, dressé vers le XII^e siècle, de livres qui étaient alors à l'abbaye de Saint-Pierre de Saltzbourg. Entre les titres de ces livres se lit le suivant : *Computus Wicperti*. L'on a fait observer que le nom de Fulbert a été si diversement défiguré, qu'on en a fait ceux d'Ulbert et de Vibert. Il est fort aisé qu'on en ait fait également celui de Wicpert. De sorte que nous regardons comme fort vraisemblable qu'il s'agit ici d'un traité du comput composé par notre prélat. Nous sommes confirmés dans notre opinion en voyant cité dans le nouveau Glossaire de Du Cange, au mot *Regulares*, un semblable traité sous le nom de Fulbert. Ce n'est point l'abrégé du comput imprimé entre ces écrits qui est ici cité, puisque ce mot ne s'y trouve pas, quoiqu'on y lise celui de *Normales*.

6^o Le raisonnement qu'on vient de faire au sujet du traité précédent doit s'appliquer, par les mêmes principes, à un poème qui se trouve dans un manuscrit de l'abbaye de Weichenstephen en Bavière, ancien de quatre cents ans environ, sous ce titre : *Wulperti libellus metricus de vita claustrali*. Cette découverte est encore due aux recherches de dom Bernard Pez. Le poème est en vers élégiaques, et commence ainsi :

Qui cupis immundi vitare pericula mundi,
Teque sitis divo tradere servitio,
Cursu non pigro clauastro sociaberis nigro :
Vel relinque tuum, fer monachale jugum.

Quoiqu'il n'y ait pas de preuves positives que Fulbert ait été moine, il était assez affectionné à l'ordre monastique pour avoir invité à y entrer par cette pièce de poésie. Les expressions du troisième vers qu'on vient de lire semblent confirmer le sentiment qui la rapporte aux premières années de ce siècle, lorsqu'on ne connaissait d'autres monastères que de moines noirs, ce qui convient au temps de Fulbert. On sait que peu de temps après vinrent les Camaldules, les Chartreux, les Cisterciens.

Nous prendrons de ce poème occasion d'en faire connaître un autre sur le même sujet, et peut-être du même siècle, mais d'un prix beaucoup au-dessus du précédent. Il pourrait arriver qu'on n'aura pas d'autre occasion d'en parler. Ce poème, qui contient soixante vers élégiaques, est intitulé : *Laus vitæ monasticæ*; l'éloge de la vie monastique, et commence par les deux vers suivants qui donneront une idée de toute la pièce :

Felix grex hominum, qui Christi dogma sequentes
Contemptis opibus nil proprium retinent.

Le P. Sirmond, l'ayant découvert dans un ma-

nuscrit de Saint-Melaine à Rennes, lui a donné place dans ses notes sur les lettres de Geoffroi, abbé de Vendôme (*Goff. VIND. ep. 1, IV, not. p. 69-71*). On n'en connaît point l'auteur, mais le poème n'en est pas moins estimable en lui-même.

7^o Democharès, au chapitre 15 de la Célébration des saints mystères, et M. Bellotte, chanoine de Laon, d'après lui, supposent un évêque de Poitiers nommé Walbert, et lui attribuent cinq proses à l'honneur de divers saints. Jamais l'Eglise de Poitiers n'a eu, que l'on sache, d'évêque de ce nom : ce qui nous fait naître la pensée que ce Walbert n'est autre chose que l'évêque de Chartres dont il est ici question. Si de Fulbert on a fait Wicpert et Wilbert, on en aura pu également faire Walbert ; et si on l'a qualifié évêque de Poitiers plutôt que de Chartres, cela se sera fait vraisemblablement en conséquence d'une de ces proses, qui est en l'honneur de S. Hilaire, de l'église duquel Fulbert fut assez longtemps trésorier. Josse Clichtoüe, qui a fait un recueil de proses, n'y a point fait entrer celles qui portent le nom de Walbert.

8^o Bellarmin attribue aussi à Fulbert un traité De la variété des offices divins (*BELL. Script., p. 277*), et ajoute qu'il est imprimé au troisième tome de la Bibliothèque des Pères, seconde édition de Paris. Nous ne le trouvons ni dans la première, ni dans la pénultième édition de cet endroit, ni même dans l'édition de Lyon.

9^o La plupart des bibliographes s'accordent à donner à notre prélat la Vie de S. Aubert, évêque d'Arras et de Cambrai, mort en 669. (*SAND. Bib. Belg., p. 252* ; *Voss. id.* ; *OURD., id.*, p. 521 ; *CAVE, p. 519*). Ce qui paraît favoriser ce sentiment, est d'une part qu'elle a été écrite de son temps (*SUR. 13, déc., p. 904*), c'est-à-dire quelques années après que Gérard, évêque de Cambrai, eut transféré les reliques du saint au monastère qui porte son nom, ce qu'il fit en 1015. D'ailleurs la Chronique de Cambrai, ayant occasion de parler de cette Vie, dit qu'elle avait pour auteur le célèbre docteur Fulbert, auquel il ne donne point le titre d'évêque. Malgré les preuves spéciales, nous avons de la peine à la regarder comme un ouvrage de l'évêque de Chartres. Outre que l'on ne connaît point d'occasion où il ait pu prêter sa plume à un écrit de cette nature, l'auteur s'y représente visiblement comme un clerc ou un moine du pays, qui faisait partie du troupeau dont S. Aubert avait été le pasteur et dont il était encore le protecteur par son pouvoir auprès de Dieu. Il pouvait se faire que cet auteur se nommât Fulbert, et qu'ayant de la littérature et du talent pour écrire, comme il paraît par l'histoire dont il s'agit, on lui eût donné le titre de célèbre docteur.

Surius a publié cette Vie sur un manuscrit qui ne portait le nom d'aucun auteur en particulier. Le Mire avertit qu'elle est tronquée dans l'imprimé (*HEN. GAND. id., not.*), et qu'elle se trouve plus en-

tière dans les manuscrits, nommément celui de la A collégiale de Saint-Aubert à Cambrai. Bollandus en a imprimé un fragment pour donner une plus ample connaissance de la translation des reliques de S. Vaast (BOLL. 6 sept., p. 801). Ses doctes successeurs la publieront un jour en entier et nous instruiront pleinement de tout ce qui la concerne. Sanderus (*Bib. Belg. ms.*) en avait vu un autre dans un manuscrit de la cathédrale d'Arras. Celle-ci commence par ces mots : *Sanctus vir Domini Aulbertus*, ce qui fait juger qu'elle est différente de celle qui est imprimée.

Peut-être ne sera-t-il pas hors de propos d'avertir que Pitseus (*Angl. Script.*, an. 980), en parlant de Fuldebert ou de Fudebert, abbé de Pershore au diocèse de Worcester en Angleterre, et voulant l'élever à la dignité d'écrivain, quoique vraisemblablement il n'ait jamais écrit pour la postérité, lui fait honneur d'ouvrages qui appartiennent incontestablement à Fulbert de Chartres.

A l'égard de sa manière d'écrire, les critiques conviennent qu'elle est au-dessus des autres écrivains de son temps (DU PIN, XI^e siècle, p. 18 ; BAILL. 16 avr., p. 144). Le style de ces lettres, en particulier, est plus châtié. Il s'y trouve de l'esprit, un tour et une délicatesse digne des bons siècles. M. Du Pin ne juge pas aussi avantageusement à beaucoup près des poésies de notre prélat. Il a raison s'il ne l'entend que du plus grand nombre. Mais il y en a quelques-unes qui méritent notre estime pour les beautés qu'elles renferment.

Barthius (*Adv. I. XIX, c. 13, p. 655, 656*) admirait pour sa justesse et sa douceur l'hymne de S. Martin en vers iambiques, à laquelle on a fait porter mal à propos le titre de *Prose*. Celle en vers saphiques sur le Saint-Esprit n'est pas moins estimable. Dès le siècle de Fulbert on avait pris tant de goût pour les hymnes et les proses de ce prélat, qu'on les chantait publiquement dans les églises d'Angleterre (*Ang. Sacr. t. II, p. 48*).

NOTITIA EX FABRICIO

Bibliotheca mediæ et infimæ Latinitatis, lib. VI, p. 215

Fulbertus, Anonymo Mellicensi cap. 93 *Folbertus*, scholæ publicæ Carnotensi (7) præfectus, doctor multorum clarorum ingeniorum, atque in his Berengarii (8), inde cancellarius ac denique episcopus Carnotensis ab anno 1007, defunctus an. 1028. Ejus scripta a Carolo de Villiers, theologo, Parisiis 1608, 8°, edita atque in Bibliotheca Patrum Coloniensi 1618, tomo XI, et Lugdunensi tomo XVIII, cum ejus notis recusa hæc sunt :

Epistolæ CVIII, quibus aliæ aliorum subjectæ sunt XXVI. Ex istis Fulberti epistolis, de quibus consulendus Dupinius in Bibliotheca ecclesiastica sæculi XI, et quarum aliquos vulgaverat Baronius ad annum 1007 seq., e codice Vaticano, duæ primores etiam in primis Bibliothecæ Patrum Paris, editionibus prodierant.

Sermones IX, quorum tertius est de purificatione Mariæ ; 4, 5 et 6, de ejus nativitate (9), et 7, 8, 9, contra Judæos, quod scriptum laudat Henricus Gandavensis cap. 1. Sermones plerosque Fulberti recensuit Combefisius in Bibliotheca concionatoria.

Pænitentia laicorum, et mulierum pænitentia per Fulbertum episcopum.

Prosarii hymni in S. Pantaleonem, in S. Piatum et de Nativitate Domini et de sancta Trinitate. In

(7) Launoius De scholis celebrioribus, cap. 40.

(8) Anonymus Mellicensis, cap. 93 ; Trithemius, cap. 315.

(9) Similia quædam in scripto De nativitate B. Mariæ inter S. Hieronymi Opera. Vide Caveum.

(10) *Vitam S. Ægidii* a Fulberto scriptam testatur Anonymus Mellicensis, cap. 93.

festo S. Ægidii, natione Græci (10). De divo Martino (11), De S. Lamberto, et Pro rege.

Versus et hymni de B. Virgine, de S. Cruce ; De timore, spe et amore : De seipso (12) ; De signis, et mensibus, et diebus, et horis, compendium computi. De Philomena. De S. Carauno Castitatis gradus. Preces ad Deum. Hymnus in natum Christum et alius Deo trinuni. Denique versibus descripta ex Vitis Patrum vet. narratio de homine quodam, qui imperitus vitam eremiticam vivere tentaverat, eamque non valens sustinere et ad fratrem reversus *cum angelus non potuit, vir bonus esse didicit*.

Præter hæc, a Carolo Villiers edita, sparsim feruntur :

Fulberti *hymnus in S. Paschate*, qui incipit : *Chorus novæ Hierusalem*. Exstat in Georgii Fabricii Poetis Christianis, pag. 799, in Georgii Cassandri hymnis ecclesiasticis, pag. 234 Operum, et in Bibliothecis Patrum Bigneanis Parisiens. an. 1589, 1624, 1644, 1654.

Epistola de rebus Ecclesiæ religiose et caute distribuendis, in Dacherii Spicilegio, tomo II, pag. 827 (editionis novæ tomo III, pag. 387). Alia *contra milites episcopos* in Edmundi Martene tom. I, Anecdotorum, pag. 130.

Sermo in festo assumptionis B. Mariæ, in appen-

(11) Confer Barthium XIX, 13, Adversar.

(12) Hic primo versu auctior apud Baronium ad annum 1007, num. 3,

Angele consilii magni, te consulo, Christe.
Mi factor, mea Vita,

dice ad sermones S. Augustini in editione Benedictorum tomo V, sermo 208.

Vita S. Autberti (13), Cameracensis et Atrebatensis episcopi, apud Surium 13 Decembr., sed mutila. Integram legi in mss. codicibus notarunt Sammarthani tomo I Galliae Christianae, pag. 233, et Miræus ad Henrici Gandavensis cap. 1.

Tractatus, sive sermo in Actor. XII, 1-11, editus a Casimiro Oudino in opusculis sacris veterum aliquot Galliae et Belgii scriptorum, Lugduni Batavorum 1792, 8°, præmissa ejus icona ære descripta, et compendio Vitæ, ut tomo II De scriptoribus ecclesiasticis, pag. 519 seq., et quale exstat etiam in

(13) Baldericus in Chronico Cameracensi lib. I, cap. 77. *Quod si quis latius (de Autberto) scire desiderat, librum quem Fulbertus, doctor clarissimus,*

A Sammarthanorum Gallia Christiana tom. II, pag. 485 seqq.

Liber de sacramentis devotionis, quem Ivoni tribuunt alii. Combesisus, ex Petri Damiani auctoritate, refert ad Fulbertum.

Labbeus in Bibliotheca nova mss., pag. 58. mss. Vaticano commendat Fulberti *De virtutibus, et Sententias antiquorum de summo bono*, rhythmo trochaico, nec non *versus de pace*. Notat etiam Fulberto tribui versus *De libra et partibus ejus*, quos nescio an sint editi, versus autem *De uncia et partibus ejus, et De scrupulo et partibus ejus*, dedit Carolus de Villiers notis ad Fulberti epist. 113. tom. XVIII Bibliothecæ Patrum edit. Lugdunensis, pag. 53.

de Vita S. Autberti, jubente domino episcopo Gerardo, inscripsit, legat. Gerhardus episcopus Cameracensis fuit ab anno 1012 ad 1049.

SANCTI FULBERTI CARNOTENSIS ECCLESIAE EPISCOPI OPERA

QUÆ REPERIRI POTUERUNT OMNIA

Ex ms. cod. biblioth. reg. colleg. Navarrae, et clarissimorum virorum D. Petavii senat. reg. et N. Fabri; studio et industria Caroli de Villiers, doctor. theolog. Parisiensis. edita.

(Sub hoc titulo in Bibliotheca Patrum [tom. XVIII init.] prostant nonnisi sermones Fulberti, epistolæ et carmina; alia ex aliis addemus.)

EPISTOLA NUNCUPATORIA

R. R. in Christo Patri. D. D. Philippo HURALT, episcopo Carnotensi, Carolus DE VILLIERS, doct. theolog. Parisiensis S. P. D.

En Fulbertus noster, reverendissime præsul, tandem e tumultu excitatus in solem prodit, quem nec bruma iners, nec vetustas rerum edax, absumere potuit. Non secus ergo ut Plinius C. Ælium Tuberonem fructum præfectura, a rogo relatum domi fuisse narrat (lib. VII Hist., c. 52), sic e pulvere et situ extractum quidquid de eo auctore non exstabat ad prelum revocatur. Nacti siquidem manuscriptum ex bibliotheca colligii regalis Navarrae, in quo multa vetustate exæsa ferme videbantur, hæc describenda curavimus, nostroque labore assecuti sumus, ut tam præclarum virtutis lumen sub modio non delitescat. Hoc unum tamen silentio non involvam, me a doctissimo Petavio senatore regio æquissimo, et Nicolao Fabro viro clarissimo (quem totius antiquitatis promumcondum vere dixerim) quædam ex ipsorum bibliothecis desumpta huic auctori inseruisse, quæ in nostro ms. non exstabant. Hæc duobus viris præclarissimis tribuenda laus est, qui ut Fulbertus in lucem prodeat effecerunt. Nec verear ad illorum majorem commendationem hoc addere, quod de Phidia summo sculptore refertur. Hic ubi Pisæum simulacrum fabricasset ex ebore, oleum effundi jussit circa pedes, coram ipsa statua, ut illam immortalem redderet (EPIPHAN. lib. II, contra hæc., cap. 64). Sic Deum optimum maximum, credo oleo gratiæ suæ duos illos clarissimos viros injungi voluisse, ut ipsum episcopum immortalitate donarent. Quod si me ad hanc societatem gloriæ admittere velis, reverendissime præsul, nullum præmium suspicio, vel in bonis numero, quod ad æs exeat majus. Et sane tanti facio antiquitatis Patres, ut nihil ex iis deperire velim. Unde quidquid ex antiquo illo Patre reperi, in unum congessi. Hunc igitur, venerendissime præsul, non quam eleganter quæso, sed quam pie loquatur cogita. Etenim si illum semel audieris tandiu latuisse dolebis. Legisti, credo, quod cum Pio II summo pontifici nuntiatum fuisset Tarvisinum summum præsulem agere animam, et jam inclusam præcordiis mortem tenere, exclamasse: Moritur ergo præsul perfectus, cui reliquos similes esse oportebat. (A PICOL., in Hist.) Sic cum tandiu Fulbertum latuisse audies, exclamabis, et tanta temporum serie illius memoriam obrutam fuisse ægre feres. Quis enim eo vel morum probitate clarior? Quis in religione catholica propaganda ardentior? Ita ut cultum pietatis cum lacte nutriticis exsuxisse videatur (SENEC., De beata vita). Verum scio magno impendio temporum,

magna alienarum aurium molestia laudationem hanc constare. O hominem litteratum ; sed noster Fulbertus hoc titulo rusticiore contentus erit, si o virum bonum dixeris. Effectum est modo ut diligentius sciant loqui homines, quam vivere. At tempore Fulberti vis scire quid liberalia studia conferebant ? Ad æterna nihil, ad virtutem multum. Hujus igitur scripta licet in multis obscura videantur, tamen nescio quid in his latentis pietatis deprehendere licebit. Et si cum Ivone Carnotensi hunc auctorem compares, scio cui palmam prætuleris. In illo siquidem eloquentia in isto sola pietas viget. Ad extremum duos illos episcopos, dicam audacter, duas illas aquilas, ἀετοποῦντας vere esse a Jove immissas, ut fabulantur poetæ (CLAUD. præfat. paneg. de Consulatu Manlii), in hanc urbem Carnotensem tanquam in umbilicum Galliæ. Nam in medio Galliæ auctore Cæsare sita est (Comm. Cæsar. lib. VII. de bell. Gall.), ut veritatem, quæ in medio consistit, veræque religionis cultum indicarent. Gaudeat nunc et exsullet Carnotensis civitas tantis præsulibus illustrata, tot doctoribus aucta et exulta, obmutescat illa garrula meretrix quæ virus hæreseos tam late jaculatur. Jam enim exurgit Fulbertus et sub tuo nomine apparet, reverendissime præsul, ut maledicorum ora obstruat. Hunc ergo gratiorem tibi fore judico, quod episcopus Carnotensis tibi eodem baculo pastorali donato, et cancellarius quondam Roberti regis Galliæ. tibi e nobilissimis majoribus et cancellariorum dignitate insignis oriundo, dicatur. Hoc munere frui, reverendissime præsul, æqui bonique consule, sic enim me tibi obsequentissimum, si placuerit, devinctes. Vale.

TESTIMONIA

Ex probatissimis auctoribus excerpta, quibus probatur quis fuerit Fulbertus episcopus.

I.

Ex Henrico Gandavensi in Catalogo scriptorum ecclesiasticorum.

Fulbertus Carnotensis episcopus, liberalium artium suo tempore peritissimus, vir religiosus et erga beatam Virginem devotissimus, scripsit sermonem ad nativitatem beatæ Virginis pertinentem, limato dictamine, qui sic incipit : *Approbatæ consuetudinis*. Respondit etiam cavillationibus Judæorum dicentium hanc prophetiam : *Non auferetur sceptrum de Juda*, etc., in Christo non fuisse impletam, diligenter Scripturarum auctoritatibus et rationibus confutans Judæorum perviciam.

II

Ex Joanne Trithemio.

Fulbertus episcopus Carnotensis in Scripturis divinis eruditissimus, et in sæcularium litterarum disciplinis omnium suo tempore doctorum doctissimus, poeta clarus, et dialecticus subtilissimus, multis annis scholæ publicæ præsidens, plurimos doctissimos, auditores enutrivit, vita quoque sanctissimus, multis legitur miraculis coruscasse, qui inter cætera scripsisse dicitur.

Epistol. ad diversos lib. I.

In laudes sanctæ Mariæ lib. I.

Hymnos et Orationes varias, et quædam devota.

Claruit temporibus Henrici regis Primi anno 1000.

III.

Ex veteri Annali bibliothecæ regalis collegii Navarræ, in Vita Roberti regis.

Fulbertus primo fuit cancellarius regis Francorum Roberti, et ex cancellario factus episcopus Carnotensis, vita honestissimus et in scientia clarissimus. Fundamenta sanctæ ecclesiæ Dei genitricis Carnotensis jecit, et eandem perfecit miro lapideo tabulatu. *Et Paulo post*. Circa annum millesimum tricesimum nonum obiit Ful-

A bertus episcopus Carnotensis, qui fecit legendam de Nativitate beatæ Mariæ et historiam, eique successit Theodoricus.

IV.

Ex bibliotheca Sixti Sencensis.

Umbertus seu Fulbertus Carnotensis episcopus scripsit in illud Geneseos XLIX : *Non auferetur sceptrum de Juda*, anno Domini 1000.

V.

Ex Willel. Malmesb. lib. III. De gestis Anglorum.

Berengarius plane quamvis ipse sententiam correxerit, omnes quos ex totis terris depravaverat convertere nequivit. Adeo pessimum est alios exemplo vel verbo a bono infirmare, quia fortassis peccatum te gravabit alienum, cum deletum fuerit tuum. Quod episcopum Carnotensem Fulbertum (quem Domini Mater olim ægrotum lacte mamillarum suarum visa fuit sanare) prædixisse aiunt. Nam cum in extremis positum multi visitarent, et ædium capacitas vix confluentibus sufficeret, ille inter oppositas catervas oculo rimatus Berengarium, nisu quo voluit expellendum censuit, protestatus immanem draconem prope eum consistere, multosque ad eum sequendum blandiente manu et illice anhelitu corrumpere.

VI.

Ex veteri Annali abbatæ Sancti Petri, quæ sita est in valle Carnotensi.

C Fulbertus doctor sacræ theologiæ egregius hic fuit tempore Roberti regis filii Hugonis Capet, qui regnare cepit anno 987. Hic doctor et episcopus gloriosus speculum Ecclesiæ et Fidei Christianæ, multa scripta fecit ad laudem Virginis gloriosæ, et inter cætera illam legendam quæ legitur in Nativitate ejusdem, quæ incipit : *Approbatæ consuetudinis*. Hujus tempore anno millesimo et vigesimo in nocte Nativitatis beatæ Mariæ, episcopatus sui anno quarto, fuit civitas Carnotensis et tota ecclesia beatæ Mariæ combusta. Quam idem episcopus gloriosus sua industria, labore

et sumptu a fundamento reedificavit, ut in legenda sancti Aniani habetur, etc. Jacet in ecclesia sancti Petri in valle Carnotensi.

VII.

Ex Willelmo Malmesber. lib. II, cap. 11, anno ab Incarnat. 1032.

Ejusdem archipresulis Ethelnothi tempore rex Cnuto ad transmarinas Ecclesias pecunias mittens maxime Carnotum ditavit, ubi tunc florebat Fulbertus episcopus in sanctitate et philosophia nominatissimus. Qui inter cætera industriæ suæ documenta, Ecclesiæ dominæ nostræ sanctæ Mariæ, cujus

A fundamenta jecerat, summam manum mirifico effectu imposuit, quam etiam pro posse honorificare studens, musicis modulationibus crebro extulit. Quanto enim amore in honorem Virginis anhela- verit, poterit conjicere qui audierit cantus cælestia vota sonantes. Exstat inter cætera opuscula ejus Epistolarum volumen, in quarum una gratias agit Cnutoni magnificentissimo regit. quod largitatis suæ viscera in expensas ecclesiæ Carnotensis effu- derit.

(*Vide et Baronium, tomo XI, Annalium anno 1028.*)

SANCTI FULBERTI EPISTOLÆ

ORDINE CHRONOLOGICO DIGESTÆ.

Epistolas Fulberti exegimus ad editiones Duchesnii et D. Bouqueti, qui tamen plurimas prætermis- erunt. Epistolis centum triginta octo quas exhibet Bibliotheca Patrum duas magni momenti addimus ex Martenio et Gallando.)

EPISTOLA I [olim V.]

(Circa annum 1000.)

*Sancto ac venerabili archiepiscopo suo BONIBERTO
FULBERTUS fidelitatis obsequium et summi pasto- ris benedictionem.*

Primum quidem benedicimus Dominum Patrem ingenitum. Filiumque suum unigenitum Jesum Christum Dominum nostrum, et Spiritum sanctum paraclerum unum verum Dominum, qui cuncta creavit, qui te quoque, dilectissime Pater, multa sapientia illustravit, ad docendum populum suum, et decore sanctitatis ad præbendum bonæ vitæ exemplum decenter ornavit. Deinde magnas tibi referimus grates, quod nos licet immeritos atque ignotos, salutationis tuæ pariterque munere gratiæ dignatus es prævenire. Unde profecto nos in amore tuum sic animasti, ut perennem tui memoriam in intimo cordis nostri vigere velimus, ut saltem per crebra orationum suffragia, si aliter facultas non suppetierit, tuæ benignitati vicem rependere satagemus. Significavit autem nobis filius noster tuusque fidelis Hilduinus (14) tuæ charitatis erga nos insignia, fideliter asserens unum de nostris Priscianis te velle, quem et pereundem libenter mittimus, quidquid etiam de nostro petieris hilarissime tibi si possibile fuerit transmissuri, ipsam quoque præsentiam nostram, si tibi opus esset ac voluntas, nobisque ptestas, obsequentissime præstaturi. Ad ultimum salvere te semper optamus, precantes ut illam novam ac gloriosam adoptionis prolem summi regis, regem videlicet Stephanum (15) intimans excellentiæ suæ [alias, vestræ] ex nostra parte salutes, et universarum congregationum quæ sunt in episcopatu nostro,

(14) Hic fit mentio Hilduini. Habetur in veteri Chronico tempore Roberti regis: *Circa hoc tempus millesimo nono fundatum est cænobium Bettense ab Hilduino de proprio suo. Hic autem Hilduinus nu-*

B canonicorum scilicet et monachorum orationum fidelia. Vale.

EPISTOLA II [olim XXI.]

(Anno 1003.)

Pleno virtutis et gratia circumfuso, charissimo Pa- tri ABBONI FULBERTUS SUUS.

Quanam te resalutatione digner, o sacer abba, et o magne philosophe? quid rependam muneris sanctæ amicitiae quam promiserunt signa gemmatæ facundiae, vix æstimare sufficio. Nam cum illa quæ dicuntur esse, victor animo teneas, cum illa quæ non esse forsitan vilipendas, quid ego conferre possim, quod tu aut non habeas, aut non habere contempnas? Sed quoniam philosophicis essentiis magnum quiddam superest, atque ex his quæ non esse dicuntur quædam perpetua fiunt, ideoque sapientibus aliquando grata sunt, recipe quæso quod ab utroque tibi lectum offero. Denique ut participando super essentiam deitatis dominus fias, sic te resalutato, ad perennem fidelitatis habitum amicitiae tuæ rependo hæc scilicet differentia tuam benevolentiam meamque distinguens, ut illa pro majestate personæ gratia vocetur ut domini, ista fidelitas ut alumni. Præceptis itaque tuis modestissime deservire cupiens. Mediolano discipulo quod precatus es facio, quæque tibi scribenda petisti, en omnia fere juxta fidem exarata transmitto. Abbate sancti Petri graviter ægotante, sed adhuc mentis et sermonis compote, Megenardus monachus ante mihi non mediocriter charus, noctu sese de clastro subripuit, et ad Theobaldum comitem, qui Blesis tunc morabatur, abbatiae petendæ gratia properavit, comes illum postridie remisit ad nos cum legatis, qui denuntiarent recipiendum magnificæ sicut abbatem monachis et canonicis. At vero nobis

per ex grandævo milite in clerum promotus fuerat, dictique cænobii tunc pauperis fuit primus abbas.

(15) Quis fuerit Stephanus rex vix colligi potest ex historia.

fere omnibus ea res æque nova et horribilis fuit. Respondimus itaque longe nobis aliter videri. Nec enim legitime fieri abbatem, nec debere recipi qui abbatiam alterius, ipso vivente, per ambitionem petit, qui a fratribus non eligitur, et super illos nititur dominari. Postremo qui noster neque monachus sit, neque clericus, et plures habeat testes curialiter agitando quam monastice vivendi. Hæc ille non gratanter accipiens ad comitem redequit, iramque juvenis adversum nos vehementer inflammat. Sed die quinto postquam suum ambitum publicavit, prædictus abbas ægritudinem suam morte limitat. Conveniunt ad capitulum monachi nostri, et quidam canonici, quos ratio postulabat admitti. Interrogamus an aliqui fratrum incepto Megenardi faveant? Negant singuli, negant omnes. Decrevimus ergo quosdam eorum esse mittendos ad comitem, nobis videlicet designatum episcopum, ut Patris obitum nuntiarent, et alterius eligendi regularem precarentur licentiam. Quibus missis ecce alii duo, Vivianus scilicet et Durandus, alter illiteratus, alter litterarum malesanus interpret, ambo præpositi, simulantes causa communis commodi ad obedientias suas se velle exire, ac ne aliorum pergerent sibi interdicens decano monasterii. Megenardum tamen secuti sunt, cui cæptam præsumptionem occulte persuaserant, et Blesis in præsentia domini Theobaldi ipsum Megenardum a fratribus peti ac eligi perfide mentiti sunt. Horum suffragio lætus comes statim eum baculo pastoralis publice donat. Quo audito, fratres qui in claustro remanserant, contra hanc fraudulentiam zelo divinæ legis accincti, libellum reprobationis fecerunt, atque subscripserunt hujusmodi: Sciat omnis Ecclesia, quia Megenardum monachum nostrum, abbatem fieri non eligimus, non laudamus, non volumus, non consentimus: sed reprobamus, refutamus, et omnino contradicimus. Nos vero de cœnobio sancti Petri, quorum nomina scripta sunt, Durandus decanus, Gaudricus, Genesis, Robertus, Isembertus, Marcuinus, Alveus, Guarnerus, Richerus, Warinus, Herbertus, Evrardus, Benedictus, Arnulfus, Gualterus, Beringerus, Herbertus, Bernardus. Isti itaque omnes sua nomina aut subscripserunt, aut subscribi fecerunt me vidente. Die proxima comes Tetbaldus redit, se in monasterium recipi cum processione præmandat. Monachi respondent se libenter hoc agere, si præsumptorem illum non adduxerit secum. Ille denuo iratus, ipso die tamen sustinuit sed in sequenti cum strepitu comminantium in sancti Petri monasterium suum Megenardum obrusit. Ad cujus violentum ingressum sancti fratres contaminari ipsius comminatione timentes, sanctuario Domini salutato, cum lacrymis exierunt, atque refugium aliud nescientes, ad limina principalis Ecclesiæ confugerunt. Ibi quoque non invento pastore utrinque desertæ oves mæstis sese vocibus consolantur. Sed recipit sancta Mater Domini solita pietate recipit Rodulphus tuus dulci benignitate. Inde transierunt ad cœnobium sancti Patris Herberti,

A cujus dives charitatis de paupere censu quæque potest illis necessaria subministrat. Cæterum ille, cujus fratres importunitate depulsi sunt, ab Herviso quodam, ut aiunt, Britannicæ regionis episcopo, iv. Non. Februar, abbas simulatus est in suburbio Carnotensi absente clero, indignante populo, legato archipræsulis palam contradicente ne id fieret, reclamantibus etiam quibusdam monachis, qui in loco remanserant vero vultu, viva voce atque regulari auctoritate. Sed quid inter furentes ratio? Sed et nunc ille primas in abbatia suggestu, sæculari potentia fretus, de paracta victoria gloriosus, fractores ejus abbates, episcopus, atque ipsum papam ambiendo, ne quid gravius statuatur in illum modis omnibus elaborat. Jacet interim victa, confusaque fratrum expulso humilitas, nec est præsul in Galliis, cujus viscera tangat affectio pietatis, aut zelus sacræ legis inflammet, ut consurgat ad frangendos impetus errorum, ad relevandas spes dolore tabescentium. Defuncta etenim est Dionysii fortitudo, non comparet pietas Martini. Tu quoque dereliquisti nos, sancte Pater Hilari, qui olim unitatem Ecclesiæ Spiritus sancti gladio tuebaris. O derelicta, o mæsta, o desolata Galliarum Ecclesia! quæ jam erit spes salutis ulterior? Ubi amplius afflictia Christiani anima respirabit? Hoc nempe solum vel maxime nos confortare videbatur: quod si contingeret ruinas mœnium tuorum resarciri non posse, liceret saltem ad firmum adhuc Capitolium monasticæ vitæ confugere. Quod etiam si furibus irrepere aut impune quibuslibet ambitiosis invadere licet, proh dolor! funditus cecidisti? Unde jam ad te revertens, venerande Pater, quem ego credo et video adjutorem a Domino nobis esse provisum cum domino meo tuoque fideli Rodulpho deprecor et obtestor per ea quæ tibi data sunt sapientiæ sanctæ charismata, per dulcedinem fraternæ charitatis, si quid potes, impugna hostes Domini, fratres alios refove, nec perire sinas inopia solatii tui, pro quibus credis esse fusum sanguinem Christi. Vale.

EPISTOLA III [olim II.]

(Anno 1006.)

Domino suo EINARDO sibi semper venerando FULBERTUS exiguus.

Novit, et vere novit serenitatis vestræ prudentia, quod in ecclesiasticis officiis plura sunt, in quibus Orientales Ecclesiæ et nostræ communi observatione sibi respondent. Sunt vero alia in quibus alias ab aliis cultu dispari, et varia observatione audivimus dissonare. Sed nec pauca aut rara sunt, quæ ab aliis necessario servanda, ab aliis non adeo curanda æstimantur. Nec tamen nos offendit observantiæ diversitas, ubi fidei non scinditur unitas. Porro in multis Græcia ab Hispania, ab illis Romana et Gallicana discrepat Ecclesia. Sed neque in hoc scandalizamus, si audimus diversam observationem, sed non diversam fidem in Christi semper Ecclesiis extitisse. Stet enim regina Ecclesia a dextris regis sui in vestitu deaurato circumdata varietate. Nos vero

trita et pervulgata Patrum via incendentes, Patrum memoriam in rationali pectoris nostri, id est præcedentium Patrum exempla præ oculis habeamus et quæ rationaliter eos egisse cognovimus, teneamus : ea vero quæ spirituali consilio ab his ordinata sunt etiamsi infirmitatis nostræ ignorantia ad plenum videre non possimus, temerariæ cavillationis dente non rodamus, dum tamen a fide hæc nequaquam exorbitare sentimus. Dicit Scriptura : *Audi, fili mi, disciplinam patris tui, et ne dimittas legem matris tuæ* (Prov. 1, 8). Ante hos paucos dies ut meminisse licet, mihi vestipertinis horis supervenisti, et repentina inquisitione me permovisti, de hostia quam paulo ante promotus ad sacerdotium de manu episcopi suscepisti (16) : quæ ratio sit, videlicet usque ad quadragesimam diem usu quotidiano consumere, vel quos hujus rei auctores haberemus. Cui quidem nisi sacerdotalem in vobis reverentiam, et in omni genere doctrinæ probatam sapientiam offendere metuissem, respondissem verecunde quidem, non temerarie, humiliter, non procaciter ; respondissem, inquam, quod infelix capella quondam respondit ovi lacinium [*melius laciniam*] quærenti ; vel certe videri mihi poteram a planis arvis ligna in silvam vel aquas in mare comportare, aut Minervam, ut aiunt, velle docere, si huic homini facerem verba, in quo totius doctrinæ thesaurum reconditum profiteor. Sed esto, res aliis usitata, illis familiarem consuetudinem, istis parit admirationem. Putabam et hoc certe omnibus Ecclesiis eatenus assuetum fore, ut nulli novum esse videretur aut vanum : hæsitare diutius cæpi, an mihi adhuc codicem illum unum haberem quem a natali patria inter cæteros devexeram, in quo ejusmodi exemplaria continebantur. Quem diu quæsivimus, quoniam aut aliqui præstitum, aut per tot locorum mutationem casu amissum non invenio, repetita memoria quæ de illo recole pauca vobis intimare non gravabor, præmonstrata occasione, qua quondam observantiæ hujus causas et ego quoque requisieram. Nostri enim episcopi provinciales in hujusmodi ritum omnes consentiunt. Porro nostro tempore quidam inter cæteros ad sacerdotalem gradum admissus, hostiam quoque sicut et alii de manu episcopi suscepit, quam in pergamo, in hos usus parato involutam quotidiana celebratione solvebat, et portiunculam parvam, juxta instantium dierum numerum computatam sumebat. Accidit vero ut quadam die expletis mysteriis dum vestimenta cum sindone altaris incautius colligeret, immemor hostiæ sacræ diligentiam nequaquam adhibens thesaurum cælestem infelix amitteret. Veniens ad diversorium, quæque necessaria curat, transigitur dies in crastinum, repetita celebratione frater ille instante hora communicandi hostiam sanctam non inveniens, turbatus nimium et consternatus, sursum deorsum cursitans

(16) Hic fit mentio de hostia quæ reservabatur, et iis qui ad sacerdotium promovebantur dabatur de manu episcopi, ut usque ad quadragesimam diem usu quotidiano consumerent. Hæc consuetu-

nec etiam signum aliquod invenire potuit. Audiens episcopus ex negligentia fratris ortum periculum, omnibus in commune fratribus unius reatum pœnitendum instituit. Ipsum vero fratrem arctioris pœnitentiæ disciplina corrigendum proposuit. Hac ergo occasione accepta quærendum ab episcopo aestimavi, si videretur sibi salva ordinis religione sanctificatum panem primo aut secundo sanctificationis die posse totum simul percipere, quem videbat non sine periculo posse tanto tractu temporis minutatim sumere ; præsertim cum ipse nosset rarissimos hujus ordinis viros esse, qui in hac re pervigilem curam adhiberent. Hic ille increpitans tardioris sensus mei hebetudinem, respondit quidem ita esse quod quærebam, si discipulis quos ad prædicationis officium Dominus missurus in mundum fuerat, si illis inquiring, adhuc tardis et dubitantibus potuisset sufficere resuscitati corporis speciem semel vidisse, quam semel visam noluit ab eis repente subtrahere, sed per quadragenos dies complacitis horis glorificati corporis revelata specie eos tanquam panis cælestis suavitate refecit. Nam et episcopus qui vices Christi tenet, sacerdotales viros in plebem subjectam missurus, sacri corporis eucharistiam per quadragenos dies sumenda distribuit, ut dum, verbi gratia, quotidie cælestis panis alimonia reficiuntur, tempus illud in mentem habeant, quo per quadraginta dies Dominus discipulis apparens, et convalescens desideratæ visionis satietate refecit. Ad hoc episcopi responsum, cum ego familiaritatis ausu studiosus perquirerem num idem mysterium supplere potuisset panis a presbytero quotidiana celebratione sacratus, uti in eo passionis Domini ca et resuscitati corporis et manifestati discipulis species, satis fuisset nobis. Perpense, ait, sicut, fili mi, multæ Ecclesiæ sunt per universum orbem terrarum, propter diversa loca, et tamen una sancta et catholica Ecclesia, propter unam fidem: sic et multæ oblatæ propter vota offerentium, unus panis est propter unitatem corporis Christi. Nam panis ab episcopo consecratus, et panis a presbytero sanctificatus in unum et idem corpus Christi transfunditur, propter secretam unius operantis potentiæ virtutem. Sed quodammodo aliud esse dicitur, quod virginali utero sumpta carne crucis injuriam sustinuit, de sepulcro resurgens discipulis apparuit, cujus memoriam in pane presbyteris collato episcopus agere videtur: aliud quid per mysterium agitur, dum episcopi et omnes sacerdotes in mensa altaris, sub sacramento communicatæ carnis panem sanctum secreta oratione quotidie consecrare videntur, quod ad illud respicit, quod consecrantes nuper ordinati presbyteri cum pontificali oblatione percipiunt. Nam illud Dominicum corpus ex mortuis suscitatum, et in cælis locatum, jam non moritur, istud

do obsolevit, tamen hoc fidem nostram confirmat contra neotericorum falsam opinionem, qui hostiasacram reservari non debere clamitant.

sacramentorum, quotidie nobis moritur, quotidie nobis resurgit, apparet et comeditur. Sed nec in hoc mens fidelium scandalum dubietatis debet incurre, quod Christum semel gustata morte jam non ultra moriturum audit, cum carnem assumpti hominis in paterna gloria sedentem, et hic sanctificatum panem verum Christi corpus audit nominari, dum et illud de Virgine assumptum, et istud de materiali et virginali creatura consecratum, unus idemque artifex Spiritus invisibili operatione in substantiam veræ carnis transfundit: carnis videlicet non cujuslibet, sed vere Christi de qua ipse ait: *Nisi manducaveritis carnem meam, non habebitis vitam in vobis* (Joan. VI, 54). Quod utique exponi alio tempore indiget, et fidei oculis intueri. Hoc tantum quod ad præsens negotium spectat solvamus, quod quidem nec subitis nec novis adinventionibus constat expositum. Nosti populo Hebræorum sub Moyse et manna de cælo per annos quadraginta subministratum: qui Moyses dux populi secundis adjutoribus, septuaginta viris videlicet de eodem populo sustentabatur, per quos forma presbyterorum exprimitur, qui nunc in Ecclesia novitia, pontificale onus in se suspicientes regendis populis invigilant. Porro sumens de spiritu Moysi, illis septuaginta senioribus dedit, per quos populum sibi commissum per quadraginta annos judicavit, quia dux noster Dominus Jesus Christus discipulis quos ad prædicationis officium missurus fuerat in mundum, spiritualium dona charismatum infudit. Illi post immolationem Agni paschalis manna cœlitus misso per quadraginta annos sustentati sunt. Quem cibum cœlestem, quam suavitatem angelicam non per typicas aut umbratiles figuras, sed indubitam unionis veritatem representat ille Dominicus cibus, quem per quadraginta dies sumendum tanquam salutis viaticum, pontifex novis Ecclesiæ cultoribus distribuit, quos suæ pastoralis curæ vicarios, adjutores ad erudiendam plebem sibi commissam constituit, ut dum istum præ oculis habentes degustant, illum mente pertractent, qui de cruce morte triumphata ad Patrem ascendit, dumque a semel ipsis consecratum corpus percipiunt, illum fidei gustu experiantur, per quem quotidie Christus nobis moritur et resurgit, per quem usque ad consummationem sæculi manere se nobiscum pollicetur. Hæc pauca de multis quæ repetita memoria, et multo ex tempore dissuta licet recitasse ad præsens sufficiant, dum ego codicem de ejusmodi exemplaribus a Romano scrinio prolatum perlegam. Vobis facile est de paucis multa cogitare, aut certe quod irrationabiliter factum videtur, sanioris consilii ratione colligere.

EPISTOLA IV [olim XLVIII]

(Anno 1006.)

Virtutem magis prædico quam prædicato præsule
ADALBERONI FULBERTUS.

Vestræ sospitati amice gratulantes, valetudini

(17) A medica arte in qua, ut in divinis humanisque litteris, pro tempore Fulbertus excelluit, factus episcopus abstinuit.

quoque vestri fidelis et amici vestri Ebali, si divina benignitas allubescat (17), quanta novimus ope subvenire paravimus, mittendo Galieni potiones et totidem theriacæ diatessaron; quæ quid valeant, et modus acceptionis vel servationis earum in vestris antidotariis facile reperitur. Vulgaginem etiam petitam vobis mittimus, quamvis ætatem vestram tali jam vomitu fatigari non suademus, sed eo potius si opus sit allevari, qui frequenter et sine periculo fieri possit oximelle et raphanis vel certe, quod seniori magis conducibile est morantem alvum laxativis pillulis incitari. De quibus ultro vobis fere nonaginta oblatis, cætera bona nostra vestra putate. Valete.

EPISTOLA V [olim I].

(Ante annum 1007.)

De tribus quæ sunt necessaria ad profectum Christianæ religionis.

Venerabili Patri et domino sibi semper amando
ADEODADO FULBERTUS exiguus.

Inter hesterna et secreta colloquia, pro ædificandis fratribus adhuc infirmis, atque novitiis, me ad scribendum tua imperiosa coarctaverat auctoritas. Ecce habes pauperis quidem ingenii opusculum, sed non ignobile fidei monumentum. In quo quæso non eloquentiæ ornatum, sed obedientiæ perpendas vota, nec eruditus auribus æstimes fatua verba revelanda, ne pro rustico stylo sacra vilescat materia; alioquin de talibus præstat siluisse, quam aliquid inconditum edidisse. Incomprehensibilem enim divini consilii altitudinem, sapientia humana puro cognitionis intuitu comprehendere non potest; quia dum mens nostra ultra se præcipitanter erigere usque ad inaccessibilem secretorum Dei visionem appetit, infirmitatis suæ obstaculo reverberata, et intra ignorantie suæ augustias coarctata nec quod ultra se est valet comprehendere, nec quod intra se est æstimare: unde scriptum est: *Altiora te ne quæsieris, et profunda consiliorum ejus ne investigaveris* (Eccli. III, 22). *Posuit* (inquit Propheta) *tenebras latibulum suum* (Psal. XVII, 12): has tenebras multi perscrutari incipientes, et alia ex aliis asserentes, in crassas et palpabiles errorum tenebras devoluti sunt. Porro mundi sapientia exterioris eloquentia nitens, intus vacua a virtutis sapientia manet, semper enim quærit, et nunquam invenit, quia profunda mysteriorum Dei non humanæ disputationi, sed fidei oculis revelantur, sicut Dominus in Evangelio ait: *Pater gratias tibi ago, quia abscondisti hæc sapientibus et prudentibus, et revelasti ea parvulis* (Matth. XI, 25). Ergo mens humana cum divinæ dispositionis causas argumentis per se discutere non valet, ad hoc quod comprehendere non valet, reverenter erroneæ disputationis oculos claudat, nec invisibilia ex visibilibus, nec incorru-

pública ex corruptibilibus metiri præsumat, ne dum cæca disputatione clausa pulsata, et operata non videt, propriis definitionibus captivata, et cæcum sensum sequens, in erroris præcipitium cadat. Tria si quidem nobis sunt ad profectum Christianæ religionis proposita, sed ad consummatam justitiã perinde necessaria, ut in his tota humanæ salutis summa consistat; sine his justitiã nomen habet virtutis, præmium non habet virtutis. Horum primum est intelligere, et firmiter tenere mysterium Trinitatis, et unius veritatem Deitatis. Secundum salutaris baptismi rationem nosse vel causam. Tertium in quo duo (17*) vitæ sacramenta, id est, Dominici corporis et sanguinis continentur. In his tribus multi nimis carnaliter intuentes, dum plus carnalem sensum quam fidei arcana mysteria contemplantur, in abruptum perniciosi erroris præcipitium devoluti, nec rerum veritatem, nec sacramentorum virtutem percipiunt; et ideo ab unitate Ecclesiæ divisi, dum fieri nolunt discipuli veritatis, magistri fiunt erroris. Prætermissa itaque luce veritatis, tenebrosas proponunt calumnias, et sacras Scripturas verbis sacrilegis nituntur adulterare, aut (18) furtivis erasionibus recidere, sicut hoc quod Dominus ait: *Ego et Pater unum sumus* (Joan. x, 30), Arius dictum de unitate substantiæ intelligere noluit. Sabellius ad personarum proprietatem *sumus* non retulit; et in hoc quod ait, *Pater major me est* (Joan. xiv, 28), Arius non humanitati, sed divinitati ascripsit, et ideo indignam vitam digna morte finivit. Cujus auditores quoniam Spiritum sanctum Deum esse negabant, de Evangelio eraserunt illud quod Salvator ait: *Spiritus est Deus* (Joan. iv, 24), et de Epistola Joannis eraserunt: *Et omnis Spiritus qui solvit Jesum, ex Deo non est* (I Joan. iv, 3). Sicut Nestorius qui dicebat beatam Virginem non Dei sed hominis tantum genitricem, ut aliam personam hominis aliam faceret deitatis, neque unum Christum in Verbo Dei et carne et anima credens sed separatim alterum Filium Dei, alterum filium hominis prædicans, et illum Apostoli locum ubi dicit: *Quod apparuit in carne vivificatum est in spiritu* (I Petr. i, 18). Quem locum Macedonius per immutationem Scripturæ apostolicum dictum sic voluit definire, id est, ut esset Deus apparuit in carne, et in eo quod ait idem Apostolus: *In similitudinem hominum*

(17*) *Duo vitæ sacramenta, id est, Dominici corporis et sanguinis continentur. Adverte, lector, hæc verba*: Ne putes revera duo esse sacramenta corpus et sanguis Christi Domini. D. Thom. si quidem p. ii, art. 2, q. 73, quærens utrum sacramentum eucharistiæ sit unum vel plura, resp. quod materialiter sunt plura signa, sed formaliter et prefective unum sacramentum, in quantum ex eis perficitur una refectio.

(18) *Furtivis erasionibus recidere*. Sic solent hæretici. D. Hil. ad Const. Aug. sic ait: *At nunc qui Ariana et pestifera contagione inquinati sunt, non cessant ore impio et sacrilego animo Evangeliorum sinceritatem corrumpere*. Et Synesius epist. 5 appellat hæreticos, *τραπέζιτας πονηρούς, τοὺς κατὰ*

factus, et habitu inventus ut homo (Philipp. ii, 7), Marcion phantasiam corporis et non corpus confessus est in Christo fuisse. Sed Dominus noster Jesus Christus in unitate unius ejusdemque personæ ex duabus, et in duabus substantiis, divina scilicet et humana subsistens, et mira protulit ut Deus, et infirma sustinuit ut homo, ut cum verum Deum sublimia opera loquerentur, verum hominem flebilis demonstrarent. *Deus*, inquit Apollonius, *erat in Christo, mundum reconcilians sibi* (I Cor. v, 19). Deus in Christo, Filius Dei in filio hominis, divinitas operabatur in homine. Demus verba hominis: *Pater major me est* (Joan. xiv, 28). Demus Verba Dei: *Ego et Pater unum sumus* (Joan. x, 30). Loquatur in Christo nostra infirmitas et conditio. *Filius*, inquit, *hominis non habet ubi caput suum reclinet* (Matth. viii, 20). Intonet vox divina: *Omnia quæ habet Pater mea sunt* (Joan. xvi, 15). Quasi homo esurit, quasi Deus quinque hominum millia pascit. Quasi homo dicit: *Tristis est anima mea usque ad mortem* (Matth. xxvi, 38), quasi Deus confidenter ait: *Nemo tollet a me animam meam* (Joan. x, 18). Quasi homo in cruce pendet, quasi dominator latronem alloquitur: *Hodie mecum eris in paradiso* (Luc. xxiii, 43). Si quis ergo mente captus unius Christum et Deum dicit esse substantiæ, computantibus inter se rebus, aut solum hominem cœlo lapsam, aut solum Deum dicit crucifixum. Sed non est ita. Nam neque solus Deus mortem sentire, neque solus homo mortem superare potuisset, quam evidentissima ratione, substantiarum distinctione, homo suscepit, et Deus vicit. Sed Ariani, utramque formam distinguere nescientes, quæ erant hominis ad Deum impie retulerunt. Nullam itaque tenentes inter cœlestia et terrestria rationem, dum dare proprietates suas partibus nesciunt, quantum in ipsis est Dei substantiam diviserunt, et dum ad sola hominis verba respiciunt, Deum sine intellectus lumine perdididerunt, et cæcum sensum in præcipitia ducentem sequentes, maluerunt dicere minorem Deum, quam hominem et Deum. Nobis vero hanc substantiarum diversitatem ex hoc perpendere promptum est quod alia est illa nativitas, vel natura, in qua, juxta Apostolum, *Factus est ex muliere, factus sub lege* (Galat. iv, 4); alia qua erat in principio apud Deum, (19) alia qua creatus ex virgine Maria, hu-

νόμεμα δογμα τὸ θεῖον παραχάραττοντας, id est, *trapezitas malos, qui velut monetum, ita divinum dogma pervertunt et adulterant*. Quam rectius tuba illa Romani sermonis Latinæque eloquentiæ Khodanus, hoc est Hilarius ad Constant. Aug.: *Catholicus sum*, inquit, *nolo esse hæreticus; Christianus sum, non Arianus. Et mihi melius est in hoc sæculo mori quam, alicujus privati potentia dominante, castam veritatis dignitatem corrumpere*.

(19) *Alia qua creatus ex Virgine Maria*. Hic verbum *creatus* sumitur improprie, id est *formatus* aut *natus*. Recte siquidem Beda Ven. lib. iv in Lucam, *Christus*, inquit, *conceptus ex utero virginali carnem non de nihilo, non aliunde, sed meterna traxit ex carne*.

miliatus in terra, alia qua sine initio manens creavit cœlum et terram, alia qua dicitur in mœrore doluisse, in lassitudine dormisse, inedia esurisse flevisse, alia qua dicitur paralyticos curasse, per quam nesciens gressum jubetur incedere, solutus in muliere sanguis venarum sistitur, cæcus a nativitate illuminatur, imperio tumentes fluctus solidantur, mortui suscitantur. Quæ cum ita sint, Christum in duabus substantiis consistentem unum eundemque Deum verum, eundemque hominem verum esse fateatur necesse est, quisquis religionis Christianæ non vult inaniter, imo damnabiliter portare vocabulum. Ita utriusque naturæ veritate servata, verum Christum in virtutibus et passionibus nec confundat fides vera nec dividat, quia personalis unitas in eo divisionem non recipit, et utriusque naturæ veritas inconfusa persistit. Non enim alter Deus, alter homo, sed unus idemque Christus Deus homo. Profecto idem Deus Christus est, qui mortem sua divinitate destruxit. Idem quippe Dei Filius, qui divinitate mori non potuit, carne mortuus est, quam mortalem Deus immortalis accepit; et idem Christus Dei Filius carne mortuus resurrexit, quia immortalitatem suæ divinitatis carne mortuus non amisit.

Sed de hoc dictum satis pro modulo nostro æstimamus, non quibuslibet, sed quibus in Scripturis versatur studiosa devotio. Nobis plane ea singularis instat intentio, ut, quoniam comperimus aliquos nimis carnaliter intuentes quædam horum in quibus nostræ salutis mysterium constat, tanquam inania aut otiosa deputare, hos a tam perniciosæ opinionis vanitate revocatos permoneremus in rebus sacramentariis non tantum quæ videntur spectare, quantum invisibilem mysteriorum potentiam fideliter æstimare. Quid enim ad fidem venientes proficere arbitramur, si nihil ultra quam quod visibilibus motibus agitur, regenerantis gratiæ præstet effectus? Scimus et vere scimus, nos prima nativitate pollutos, secunda nativitate mundatos; prima nativitate captivos, secunda nativitate liberos; prima nativitate terrenos, secunda nativitate cœlestes; primæ nativitis vitio carnales, secundæ nativitis beneficio spirituales; per illam filios iræ, per istam filios gratiæ. Proinde quidquid pravum quisque concipit adversus sacri baptismi reverentiam, sciat refundi in Dei injuriam, qui ait: *Nisi quis renatus fuerit ex aqua et spiritu non potest introire in regnum Dei* (Joan. iii, 5). Salutaris igitur disciplinæ gratia est, baptismi rationem nosse vel causam, sicut Apostolus ait: *Si enim mortui sumus cum Christo, credimus quia simul vivemus cum Christo* (Joan. vi, 8). Commori enim cum Christo, et sepeliri ad hoc tendit, ut cum illo resurgere possimus, et cum illo vivere. Sed dicis mihi: Quomodo hoc quod ad defunctos pertinet, in viventibus possit impleri? Dominus noster Jesus Christus beneficia nobis sua pro nostra salute commendans, et sollicite

sensibus nostris, memoriam suæ mortis et sepulturæ atque etiam resurrectionis insculpens, ineffabilia contulit baptismi munera, per quæ superveniente primæ originis fine, ei commortui et intra sacrum gurgitem consepulti, demersi resurgemus, vita emergente oriminius. Vide quid agit artifex misericordiæ. Tale tibi invenit tumuli genus, quo sciret peccata sepelire, et peccatorem nesciret obruere, ut descendente homine in fontem, tanquam in sepulcrum delictorum, reus exiret ad portum, et sola paterentur delicta naufragium. Proinde aqua et Spiritus sanctus sociantur causis, sed beneficiis separantur. Requiritur sane in baptismatis sacramentis aqua propter sepulturam, Spiritus sanctus propter vitam æternam. Remove Creatoris nomen, et non habet creatura quod præstet. Hæc similitudinem mortis imitatur, ille veritatem salutis operatur. Sed fortasse ad credendum propositis mens titubet, nisi testimoniorum sequatur auctoritas. Audi igitur Apostolum ad Romanos. *An ignoratis quia quicumque baptizati sumus in Christo, in morte ipsius baptizati sumus? Consepulti enim sumus cum illo per baptismum in mortem, ut quomodo Christus resurrexit a mortuis per gloriam Patris, ita et nos in novitate vitæ ambulemus* (Rom. vi, 3, 4), et cum dixisset, *consepulti* magnifice adjecit: *Si, inquit, complantati facti sumus similitudini mortis ejus, simul et resurrectionis erimus* (Ibid., 5). Sicut ergo Dominus noster Jesus Christus tribus diebus, et tribus noctibus corporaliter sub terræ sepulcro conditus fuisse describitur, et homo ita sub cognato terræ elemento trina vice demersus operitur, ac sic vitalis imitatione mysterii dum demergitur sepelitur, dum educitur suscitatur. Inter hæc quid ad hæc aqua, et quid Spiritus sanctus operetur advertet. Aqua velut morientem deducit in tumulum, Spiritus sanctus velut resurgentem perducit ad cœlum. Utrum vero homo baptizet, an Deus; ratio ipsa declarat. Nam cum peccatore baptizante peccata donentur, dum nonnunquam criminoso, baptismi mysterium celebrante, crimina remittuntur, hic homo qui videtur conferre quod non habet, utique tanti muneris non auctor, sed minister intelligitur, unde etiam Baptista ipse sanctissimus ait: *Qui me misit baptizare ipsi mihi dixit: Super quem videris Spiritum sanctum descendantem et manentem super eum, hic est qui baptizat in Spiritu sancto* (Joan. i, 33). Quod nimirum ipsa baptizantis verba ministri patenter insinuant, cum baptismi sacra munera non a se arroganter dari, sed ab ipso Deo auctore profitetur, sub verbis hujusmodi: *Deus qui te regeneravit ex aqua et spiritu, ipse te linit chrismate salutis*. Non igitur audiendi sunt, qui dicunt ad fidem nostram venientes, specialiter ab homine baptizari, vel Christianos primum aut catechumenos baptizatos (20): quod quidem hæretici de Baptista Joanne neutro usurpabant, sic sæpius in constitutionibus Caroli Magni reperitur.

(20) *Catechumenos baptizatos*. Nonnulla videntur deesse, et revera sensus non cohæret. Habetur in eadem nostrum baptismum. Sic Patres olim in

intelligi volunt. Sed quis eum catechumenum dicere audeat? qui adhuc in utero matris, Spiritu sancto est repletus, qui gratiam ante vitam, benedictionem meruit haurire antequam lucem? qui, ad baptismum præelectus a Domino, ipso baptismi officio est sanctificatus: quod quidem baptismum sub Trinitatis sacramento factum legitur: dicente enim Domino: *Hic est filius meus dilectus* (Matth. xvii, 5). Pater in voce, Spiritus sanctus in specie columbæ, Filius adfuisse probatur in corpore. Postremo de catechumeno Baptista non nos, sed ipsum baptismatis calumniantur auctorem. Nostrum vero baptismum conditor ac redemptor instituit dicens: *Ite, baptizate omnes gentes in nomine Patris, et Filii, et Spiritus sancti* (Matth. xxviii, 19). In quo sanè mysterio, Spiritus sanctus Patri et Filio inseparabili societate connectitur, et propterea in Christo renati merito eum vitæ auctorem credunt, sine quo omnino celebrari vitæ sacramenta non possunt. Ipse enim cœlestium charismatum auctor, ipse spiritualium munerum dispensator, ipse criminum absolutor et peccatorum remissor. Quem enim vides naturæ debita laxare, auctorem cognosce naturæ. Sic enim Spiritus sanctus ita unius est cum Patre potentiae, ut, in ejus comparatione, nihil amplius paternæ possit ascribi gloriæ vel naturæ.

Jam nunc ad illud Dominici corporis et sanguinis transeamus venerabile sacramentum, quod quidem tantum formidabile est ad loquendum: quantum non terrenum, sed cœleste est mysterium; non humanæ æstimationi comparabile, sed admirabile; non disputandum, sed metuendum. De quo silere potius æstimaveram quam temeraria disputatione indigne aliquid definire; quia cœlestis altitudo mysterii plane non valet officio linguæ corruptibilis exponi. Est enim mysterium fide non specie æstimandum, non visu corporeo, sed spiritu intuendum. Cui quidem ad usum profuit, non supersticiosa mortalium cultura, sed cœlestis disciplinæ magistra auctoritas, non doctrina humana, sed institutio divina. Cujus potentis mysterii secretum quandoquidem ratio rerum mole victa comprehendere non valet, hoc tantum fides teneat, quia quidquid inter homines Deus egit aut pertulit, causa servandi humani generis vel reparandi gratia fuit: in quo beneficia sua, quæ ab initio dederat, sic semper dilexit, ut, nostris malis licet offensus, pronior semper ad indulgentiam foret quam ad vindictam. Inde est quod damnationis nostræ proscriptionem, quam primi parentis transgressio miserabiliter in posteros transfuderat, evacuare disponens, carnis nostræ morticinium suscipit, per quam immortalis moriendo captivitas nostræ causam solvisset. Inde est quod, reparatam humanæ originis dignitatem sciens semper diabolum invidere, et nequitiae suæ arte quærere qualiter hominem a sui voluntate Conditoris averteret, et antiquæ perditioni, si fas esset, obnoxium redderet: defectum nostræ fragilitatis miseratus, adversus quotidianis nostræ prolapsionis offensas

A sacrificii placabilis nobis providit expiamenta, ut, quia corpus suum, quod semel pro nobis offerebat in pretium, paulo post a nostris visibus sublaturus fuerat in cœlum, ne sublatis corporis fraudemur præsentem munimine, corporis nihilominus et sanguinis sui pignus salutare nobis reliquit, non inanis mysterii symbolum, sed compaginante Spiritu sancto corpus Christi verum, quod quotidiana veneratione, sub visibili creaturæ forma invisibiliter virtus secreta in sacris solemnibus operatur. De quo sub hora passionis suæ ipse familiaribus suis ait: *Hoc est corpus meum* (Matth. xxvi, 26); et paulo post: *Hic est sanguis meus Novi Testamenti, qui pro vobis fundetur* (Ibid., 28); et alibi: *Qui manducat meam carnem, et bibit meum sanguinem, in me manet, et ego in eo* (Joan. vi, 55, 57). Qua veri magistri auctoritate animati, dum corpori et sanguini ejus communicamus, audenter fatemur nos in corpus illius transfundi, et ipsum in nobis manere. In nobis ipsum manere dico, non solum per concordiam voluntatis, sed etiam per naturæ unitæ veritatem. Si enim Verbum caro factum est, et nos vere verbum carnem cibo Dominico sumimus, quomodo non naturaliter Christus in nobis manere existimandus est? qui et naturam carnis nostræ jam inseparabilem sibi homo natus assumpsit, et naturam carnis suæ ad naturam æternitatis sub sacramento nobis communicandæ carnis admiscuit? Ita ergo in Deo sumus, quia et in Christo Pater est et Christus in nobis est. Cum vero in re omni sint erga nos inæstimabiles divitiæ Dei, adeo ut majestate abscondita corruptibile pro nobis corpus induerit; contumeliis et passionibus subdidit, quo opem ferret assumpto homini; quid indignum Deo judicari potest, qui uterum Virginis subiit, si virginibus creatis infunditur? quæ licet simplicis naturæ paulo ante præferant imaginem, postmodum cœlestis, ubi sanctificatione inspirata majestas vera diffunditur, et quæ substantia panis et vini apparebat exterius, jam corpus Christi et sanguis fit interius. Gusta igitur et vide quam suavis cibus, et pergusta quid sapit. Sapit, ni fallor, cibum illum angelicum habentem intra se mystici saporis delectamentum, non quod ore discernas, sed quod affectu interiori degustes. Exere palatum fidei, dilata fauces spei, viscera charitatis extende, et sume panem vitæ, interioris hominis alimentum, non arte pistoria fermentatum, sed incarnatæ deitatis vitale pulmentum. Sume nihilominus vinum non sordido cultore calcatum, sed de torculari crucis expressum. Gusta, inquam, cœlestis pabuli suavitatem, sed ne nauseas terreni germenis saporem. De fide etenim interioris hominis procedit divini gustus saporis, dum certe per salutaris eucharistiæ infusionem influit Christus in viscera animæ sumentis, quem diva mens castis penetralibus in ea videlicet forma suscipit, qua sub ipsa recordatione mysterii Spiritu revelante sibi præsentem intuetur, infantem, aut ara crucis immolatum, aut sepulcro quiescentem, aut certe calcata morte resurgentem, sive supra cœlos evectum in

gloria Patris sublimem. Juxta quas species Christus gratum communicantis intrans habitaculum, tot, ut ita dicam, suavitatis odoribus mentem reficit, quot formis intimæ revelationis oculus meditantis eum meruerit intueri.

Nec vanum tibi videatur quod juxta animæ desiderantis intuitum dicimus Christum formari intra præcordia communicantis, cum non nescias patres nostros veteris eremi solitudinem peragrantes pastibus refectos; quibus imber fecundus cibum unicoloreum, sed diversi saporis intulit, et juxta singulorum appetitum infundebat saporis variis oblectamenta: ut quidquid aviditas concupisceret, occulta largitoris dispensatio subinferret: quibus præbebat gustus, quod ignorabat aspectus, quia aliud erat quod videbatur, et aliud sumebatur. Desiste igitur mirari: quod legis manna sub umbra signabat, hoc Domini corporis pandit veritas patrefacta; in quo deifica majestas miseranter nostræ infirmitati condescendit, ut, quo alimenti genere corpora ahuntur humana, idem in corpore sensualiter sapiat, sed Deus in pectore perficiat, sicut ipso ait: *Qui manducat me, ipse vivet propter me. Hic est panis qui de cælo descendit. Non sicut manducaverunt patres vestri manna in deserto et mortui sunt. Qui manducat hunc panem, vivet in æternum. Et panis quem ego dabo, caro mea et pro mundi vita* (Joan. vi, 58). Jam jam procul removendus est totius lubricæ scrupulus dubietatis: cum is qui est auctor muneris, testis est veritatis. Dubitari etenim nefas est ad cujus nutum cuncta subito ex nihilo substituerunt, si, pari potentia, in spiritualibus sacramentis terrena materies, naturæ et generis sui meritum transcendens, in Christi substantiam commutetur, cum ipse dicat: *Hoc est corpus meum*; et paulo post: *Hic est sanguis meus*. Sed hanc Dei possibilitatem æstimatio humana non capit, nisi te ipsum, quicumque es, discutias, qualiter de massa perditionis factus es in populum acquisitionis, et de vase iræ prodisti vas misericordiæ: ut qui paulo ante fueras alienus a vita, peregrinus a venia, subito initiatus Christi legibus, et salutaribus mysteris innovatus, in corpus Ecclesiæ, non naturæ privilegio, sed fidei pretio transisti, nullo molis corporeæ additamento, te ipso major factus es: invisibilis quantitatis augmento, in exterioribus idem es, in interioribus longe alter es. Sicque de servo filius effectus, præterita villitate deposita, novam subito induisti dignitatem, ut non solum hæres, sed corpus Christi factus, Deum in corpore tuo portares. Quæ res tantæ novitatis, tantæ dignitatis, tam subitæ mutationis pretium? Vide in omnibus misericordiæ cœlestis artificium,

(20*) *Militum qui de nostro cesamento beneficium tenent, Casamentum oritur a nomine casa, unde casates, servi et domestici, casamentum, domus rustica. Gal. ferme. In const. Caroli Magni hæc verba reperiuntur.*

(21) Hic ponitur in tabulis Democharis sexagesimus secundus. Obiit anno 1031, qui sedem suscepit anno 1000. De ipso sic legitur in veteri manuscript. Chronic.: *Anno millesimo decimo quarto rex*

A vide regenerantis gratiæ mirabile sacramentum, et adverte in istis imperiosum Verbi operantis opificium, cujus nutu rerum elementa de nihilo in hanc mundi formam mutabili ordine compaginata, inexplicabilem ejus potentiam ipsa suæ pulchritudinis specie testantur. Si ergo Deum omnia posse credis, et hoc consequitur ut credas; nec humanis disputationibus discernere curiosus insistes, si creaturas quas de nihilo potuit creare, has ipsas multo magis valeat in excellentioris naturæ dignitatem convertere, et in sui corporis substantiam transfundere. Multo magis dico, non quod infirmioris potentiae in rebus creandis quam immutandis fuisset. Sed humanæ opinioni usuale, non divinæ rationi comparabile. Ideo fides præ omnibus bonis summum meritum est; hæc te inducat ad credendum, te consecrantis potentia roboret ad sumendum. Promittit digne sumentibus beatæ spem immortalitatis: judicium minatur indignis, ut est illud Apostoli: *Qui manducat et bibit indigne, judicium sibi manducat et bibit* (I Cor. xi, 27). Quo multi, scelerum suorum conscientiam perhorrentes attentius, se longe faciunt in sacramento vitæ, non attendentes quam terribiliter Dominus comminatur, dicens: *Nisi manducaveritis carnem filii hominis et biberitis ejus sanguinem, non habebitis vitam in vobis* (Joan. vi, 54). Quod alternantium causarum judicium intuentibus, summa vigilantia est adhibenda ut emendatis actibus nec indigne sumant, nec perniciose refugiant.

EPISTOLA VI [olim. VI].

(Anno 1008).

Noto notus R. FULBERTUS.

Hoc a vobis exigo: securitatem de mea vita et membris, et terra quam habes [habeo?], vel per vestrum consilium acquiram. De auxilio vestro contra omnes homines, salva fidelitate Roberti, de receptu Vindonici castri ad meum usum et meorum fidelium, qui vobis assecurabunt illud; commendationem vestrorum militum, qui de nostro casamento (20*) beneficium tenent, salva fidelitate vestra; justitiam de querimonia Sanctionis et Huberti, et de querimoniis canonicorum Ecclesiæ nostræ, et de legibus atriorum nostrorum. Si hæc facere vultis, paratus sum conventionem quam vobiscum inii observare; si non vultis, nolite me D itinere fatigare. Valete.

EPISTOLA VII [olim. VII].

(Anno 1008).

Gloria et honore digno patri et archiepiscopo suo LEUTHERICO (21) FULBERTUS humilis episcopus cum venerabili Cenomanensium episcopo Avisgaudo salutem.

Scientes vos habere zelum divinæ legis, nec mi-

Rob. misit exercitum suum cum Leuthero archiep. Senonensi ei Reynaldo episcop. Parisiens. ad obsidendum urbem Senonensem et capiendum non Bernardum tyrannum, sed Regnoldum filium From. comitis. Et tandem capta est consilio Raynal. episc. Paris. Fit autem mentio Avisgaudi episcop. Cenomanensis qui in tabulis Democh. vocatur Avisgaudus et est viscesimus octavus.

nus opitulari velle quam debere fratribus vestris, A sed et plurimum posse; fiducialiter a vobis auxilium petimus in necessitatibus nostris, in præcursorem Antichristi Hebertum comitem Cenom., qui sedem episcopalem ejusdem civitatis evertere nititur. Episcopum enim prædictum videlicet Avisgandum in ea cum pace manere non sinit: domos ejus et terras, et fruges et omnia victualia, insuper et præbendas canonicas Ecclesiæ pervasit. Hæc itaque vos ad vivum sentire volumus, nisique indissimulato propellere: et ut facilem modum habeat petitio nostra, precamur vos illi commonitorium scribere, ut jam dicto episcopo sua reddat, et eum in pace vivere sinat. Alioquin pro certo noverit se a vobis et suffraganeis vestris excommunicatum iri, ex illo die quo eum excommunicaverit Avisgandus episcopus. Commonitorium autem quod illi sacrilego vestra dignatio mittet, nobis transcribi volumus, et mitti. Vale in infinitum, angelus magni consilii te, consule Christo, servet.

EPISTOLA VIII [olim IX].

(Circa annum 1008.)

FULBERTUS, *Dei gratia Carnotensis episcopus, domino II., Turonensium subdecano sibi dilectissimo, gratiam et benedictionem Dei.*

Cum vestram charitatem noverim plurimis in obsequiis libenter mihi paruisse, adhuc etiam parere cupientem, vix [ob] satietatem cedere, mando vobis obnixè precans ut accingamini ad causam quam expono. Apud vos morabatur olim quidam honorum extoror, legum contoror, Girardus nomine, qui susceptum unum caballum a famulo nostro Deodato debuit comparare triginta duobus solidis, pro arrhabone datis duodecim nummis, cumque reliquos speraret Deodatus ad præfixum terminum se recepturum, fefellit eum ille subdolos, a nobis Turonem profugiens, nec equum postea nec pretium remittens, quamvis eum Deodatus sæpe utrumlibet agere per legatos postulaverit. Hac de causa mitto ad vos unum ex nostris hominibus, qui ipsum Girardum notum vobis faciat, in audientiaque vestra vice Deodati hanc ipsi querelam intendat, qualibet lege censueritis revincturus eum, si forte, ut est impurus, dissimulaverit se rem istam scire, aut si ita esse, etiam negaverit. Deinceps talem in eum qualem jus poscit, date, quæso, sententiam, ut vel Deodato rem suam legaliter solvat, vel debitas pœnas luat. Vigeat semper alacritas vestra.

EPISTOLA IX [olim X]

(Circa annum 1008.)

Patri et consacerdoti suo FULBERTUS.

Crede, Pater, nullam me compositionem unguenti laborasse, postquam ad ordinem episcopalem accessi, quod tamen paucillum ex dono cujusdam medici supererat, mihi fraudans tibi largior, rogato sospitatis auctore Christo ut tibi illud faciat salutare. Vale.

EPISTOLA X [olim XIX].

(Anno 1008).

FULBERTUS *Dei gratia episcopus GUSTARTO HUBERTO vicecomiti, ROGERIO, BUCARDO, HUGONI filio Hugonis, OTREDO, HAMELINO, HUGONI filio Herbrandi, et uxori Guismandi, et omnibus illis qui tenent casamentum sanctæ Mariæ Carnotensis Ecclesiæ per donum Reginaldi episcopi.*

Voco vos et admoneo ex parte Dei et sanctæ Mariæ et nostræ, ut infra proximum Pascha veniat ad nos, aut nostrum servitium facere, aut de vestris casamentis legitimam rationem reddere. Quod si non feceritis, excommunicabo vos propter contumeliam vestram, et interdicam ut non audiat divinum officium, nec vivi recipiatis communionem, neque mortui sepulturam. Quin etiam castellum Vindocinium et territorium ejus anathematizabo, ut in eis divinum officium non celebretur, neque mortuus sepeliatur. Postea vero ipsa casamenta quæ tenetis aut uni aut pluribus dabo, ultra etiam vobiscum de illis non concordabo, Deus vos convertat, filii mei.

EPISTOLA XI [olim XXIII].

(Anno 1008.)

Dilectissimo patri et archiepiscopo suo LEUTHERICO, FULBERTUS Dei gratia Carnotensis episcopus orationis suffragium.

Multum amoris atque fidelitatis tibi, Pater, me debere censeo, per cujus manum a Deo benedictionem et sacram unctionem accepi. Unde animus meus ita pendet ex tuo, ut quidquid te justa ratione aut contristat aut hilarat, idem me si resciscam simili modo afficiat. Congratulor itaque tibi super inventis sacris; et Deo, quia tempore tuo revelare maluit, promus gratias ago. Deinde vero quod Arnulphum casatum Ecclesiæ nostræ tibi tuisque scripsisti injurium, ægre contra illum et accepi et fero. Unde mox ad villam Alogiam, ubi tunc esse dicebatur, misi legatum meum, sed in alias partes abierat. Uxor tamen ejus mihi remandavit quod, ubi redierit, statim ad me veniet. Quod si veniens tibi satisfacere voluerit, per meas litteras scies. Alioquin ultra terminum qui a te præfixus est, in nostra communione non erit. Simoniacum vero presbyterum, de quo mihi mandasti, in diocesim ordinatoris sui repelli suadeo; aut, si in tua manserit, ab officio suspendi, ne Ecclesiæ tuæ candor immundæ hæresis contagione sordescat. Vale, Pater optime, filii tui memor.

EPISTOLA XII [olim XXIV.]

Anno 1008 vel 1009.

Dilectissimo patri et archiepiscopo suo LEUTHERICO, FULBERTUS Dei gratia Carnotensium episcopus suffragium orationis et obsequium fidelitatis.

Arnulphum fidelem meum arguendo conveni de his injuriis unde mihi querimoniam scripsistis. Sed ille respondit se non diffugere judicium: sponte venire ad placitum. Unde per consilium et suasum ejus totam hanc causam in vestram dispositionem mittimus, ut constituatis diem, quo vos et nos, et alii quarum interet, convenire possimus, juxta cæ-

stellum Ebræ, videlicet super ipsam terram sancti A Benedicti, de qua contentio est. Arnulphus enim in expeditionem cum Odone comite proficisci constituit. Unde vos talem diem præscribere oportet, ut et ille de expeditione possit esse reversus, et ego meis negotiis exoccupatus possim vobis occurrere. Vale.

EPISTOLA XIII [olim XXV.]

(Anno 1008 aut 1009.)

Sancto et venerabili suo LEUTHERICO, FULBERTUS episcoporum humillimus fidelitatis affectum et obsequium.

De presbytero vestro ab alio episcopo per pecuniam ordinato, ex auctoritate sanctorum canonum tale vobis consilium dono. Primum degradetur; deinde, ab Ecclesia separatus, duobus annis severa pœnitentia multetur, ut honoris gradus, quos pretio taxaverat, lacrymis conquirere et reparare contendat. Postea, si digne pœnituerit, restauretur. Hæc vero quæ diximus, cum in aliis locis tum satis expresse invenietis in canone Toletano II, cap. 9. Cæterum rebaptizationes et reordinationes fieri, canones vetant. Propterea depositum non reordinabit, sed reddetis ei suos gradus per instrumenta et per vestimenta quæ ad ipsos gradus pertinent, ita dicendo: Reddo tibi gradum ostiarii, et cætera. In nomine Patris, et Filii et Spiritus sancti. Novissime autem benedictione lætificabit eum sic concludendo: Benedictione Dei Patris, et Filii, et Spiritus sancti super te descendat, ut sis confirmatus in ordine sacerdotali, et offeras placabiles hostias pro peccatis atque offensionibus populi omnipotenti Deo, cui est honor et gloria in sæcula sæculorum. Amen.

EPISTOLA XIV [olim XXVI.]

(Circa annum 1008.)

Plurima scientia et sanctitate pollenti patri et archiepiscopo LEUTHERICO, utinam Dei parvulus orationis suffragium.

Quod adversarium nostrum Gozonem excommunicastis, a Domino mercedem, et a nobis fideles gratias habeatis. Hoc enim faciendo, et Domino præbuisit obsequium, et vestro discipulo dilectionis indicium. Quapropter si me vestra dignatio de hac ac de alia causa rogaverit, benignam se vobis et obsequentem nostra humilitas exhibebit. Valete.

EPISTOLA XV [olim XXVII.]

(Circa annum 1008.)

Clarissimo patri et archiepiscopo suo LEUTHERICO FULBERTUS episcopus.

Proretanavis regiæ cautus et circumspectus esto. Terreni spiritus insolenter assilant. Fluctus hujus sæculi intumescunt. Promontoria mundanæ potestatis pericula minantur, et more piratarum insidiantur hypocritæ. Inter hæc omnia tendendum ad portum cœlestis patriæ. Noli ergo tute ipse tibi dilatatum dubietatis ac duplicitatis in corde tuo miscere. Simplex est enim via Domini, et qui ambulat simpliciter, ambulat confidenter. Si de via legis divinæ qualibet occasione seductus aberraveris, in tarta-

ream Caribdim naufragus demergeris. Regat te manus valida omnipotentis Domini. Vale.

EPISTOLA XVI [olim LXXIII].

(Circa annum 1008.)

FULBERTUS Dei gratia Carnotensium episcopus GAUSLINO abbati regulariter agere.

Præsul Aurelianorum, qui vos excommunicavit, coepiscopos suos idem facere poscit. At ego, correctionis vestræ non expers in Kalend. Octob. ei respectum dedi. Unde nunc, frater, commoneo ut, gradus humilitatis interim vel usque ad tertium relegendo episcopo vestro subjiciamini, sicut decet. Aut si vobis non ita faciendum esse videtur, cur fieri non debeat rationem nobis intimare non pigeat. Ego enim neque legem neque modum ratiocinationis invenire possum, qui vos a jugo subjectionis hujus absolvat. At si quis alius præter vos invenisse fateatur, novum illum rhetorem de cælo magis cecidisse quam descendisse crediderim. Videte ne quis vos seducat inanibus verbis.

EPISTOLA XVII [olim XLI].

(Circa annum 1008.)

Fratrī et coepiscopo suo FULCONI FULBERTUS.

Quod ad præsens vestrum placitum, non adeo de malitia hujus temporis ortæ difficultates obsistunt, vobis exponendæ per otium; sed quod præsens dicerem, per hos apices significare curavi. Defensores legum paucos, impugnatores vero plures esse videtis. Quin etiam dominus noster rex, cum summum justitiæ caput incurbit, perfidia malorum sic circumventus est, ut ad præsens neque se vindicare, neque nos ut oportet adjuvare prævaleat. Non hæc idcirco dixerim, ut fortitudinem animi vestri frangere velim, sed ut sana discretionem causam vestram tractare memineritis. Igitur si abbas sancti Benedicti de vestro contemptu culpam suam recognoverit, et illam deinceps subjectionem promiserit quæ vobis canonice debetur, hortor et suadeo ut recipiatis; sacramenta vero, et cætera quæ ad mundanam legem pertinent, propter amorem regis domini missa faciatis, ut religionem magis quam sæcularem ambitionem vos sectari cognoscat. At si abbas in tantam superbiam intumuerit, ut ipsam quoque subjectionem canonicam vobis derogare contendat, superbiam, cui non parcat Deus, Dei servus quomodo parcat, nescio. Valete.

EPISTOLA XVIII [olim LXXIV].

(Post annum 1008.)

FULBERTUS Dei gratia Carnotensis episcopus G. suo clerico.

Quidquid boni de te sperare præsumperam, totum vere in contrarium cedit: non solum enim nullum ex te consilium vel auxilium capio, verum insuper odium pro dilectione reddis, et injuriis me afficis immerentem. De quibus jam apud te per verba legati bis querimoniam feci, per scripta mea nunc tertio queror. Doleo namque quod temetipsum Ecclesiæ nostræ ministerio fraudas, profanæ vitæ et armatæ militiæ mancipatum; quod decimas et ob-

lationes nostras ausu sacrilego detines, quod monachorum nostrorum ecclesias invasisti, quod tui domestici canonicorum villas præda et incendio vastant : hæc denique omnia, ut dictum est, indigne mihi abs te fieri queror, cui nihil unquam incommodi vel opera mea vel instinctu memini contigisse. Quod si quid esset unde me suspectum haberes, pro incerta causa certas offensiones non oporteret inferre. At si quid in te manifeste peccassem, et tu Scripturarum consilii acquiescere velles, tuum tamen præsulem cum patientia sustineres. Sed dum discretionis oculus ira turbat, cupiditas cæcat, nec causam satis diligenter attendis, nec opem consilii salutaris admittis. Unde jam tibi satis exspectato prænuntio quod, si ante Natale Domini respiscens ad correctionem non veneris, senties me divinas leges acriter insequentem, quem modo negligis suaviter admonentem. Vale mterim.

EPISTOLA XIX [olim LXXV].

(Post annum 1008).

Charo suo D. FULBERTUS sacerdos.

Nec turberis, fili mi, nec decidat cor tuum ab amore et fiducia nostri. Non enim dereliquit te anima mea : sed quia minus credere sibi et obediens esse videbaris, paululum dissimulato vultu ad exemplum Domini ire se longius finxit. At nunc ad hospitalitatem amici pectoris dulciter revocata, et oblato Pane divinarum Scripturarum oblectata, in ipsius panis fractione omnem vultus ambiguitatem deponit, et antiqua specie tibi renitens hilarescit. Precor itaque, si copia vehiculorum suppetit, ut nos corporaliter visites ; si non, a nobis tibi mitti jure debitam mandes. Vale.

EPISTOLA XX [olim LXXVI].

(Post annum 1008).

FULBERTUS *Dei gratia Carnotensium episcopus charo suo HER.*

Auctor signatæ schedulæ quam mihi mittere voluisti, seu fideliter sive impure id agas, consulit tamen justa leniterque blanditur. Justum est enim Ecclesiam te in qua sis ordinatus quoad in ea tuto degere possis, non decerere, ovesque tibi commissas studiose curare. Blandum etiam est appellari filium, desiderium significare vivendi, corollarium gratiæ polliceri. Unde, si hæc fideliter oblata probaveris, fideliter autem dico sine circumventionem animæ tuæ : per noxia juramenta non suadeor refutare. Nam quod in ordinatione ipsius erratum est, neque tu corrigere potes, nec amodo sic tua refert, ut ob aliorum culpam tuum debeas officium devitare. Tamen quidquid hujus egeris cum Rogerio episcopo te ante pertractare moneo, et cum domno Rudolpho, cui tecum una causa est, et par pœna exsilii. Vale non dubius amicitiae meæ.

(22) Habetur in manuscrip. nostro Chronico : Anno millesimo tertio decimo obiit Richardus dux Normaniæ Pius, tertius Norman. dux, monachorum auctor, provisor clericorum, et personarum ecclesiasticarum suffragator, orphanorum tutor, et viduarum defensor, in multis bellis vic-

EPISTOLA XXI [olim LXXVII].

(Post annum 1008).

FULBERTUS *Dei gratia Carnotensium episcopus siquidem fidelibus adhuc, ut aiunt, R. G. A.*

Nec porta justitiæ nec janua misericordiæ vobis cluusa est apud nos. Neque vero de Brictio episcopo fecimus ostiarium, qui vos, ut significatis, a nostris penetralibus arceret, sed utrumque aditum servandum rationi commisimus. Si vultis intrare per portam justitiæ, defendite culpam. Si per januam misericordiæ, agite pœnitentiam, aliter enim vos ratio non admittet. Hæc breviter rescribentes, vobiscum sentire putamus, dum terminos sanctorum Patrum nec ipsi transgredimur, nec vobis transgredi suademus valete.

EPISTOLA XXII [olim LXXVIII].

(Post annum 1008).

FULBERTUS *Dei gratia Carnotensium episcopus A. episcopo designato quidquid sibi.*

Sic estis per Dei gratiam in arhritii vestri libertate positi, et finitimorum episcoporum copia fulti, ut in manus episcopi Silvanectensis incidere nulla vos necessitudo compellat. Sed ne civitati vel Ecclesiæ Catalaunorum suum derogetis honorem, meminisse vos decet quod in antiqua descriptione provinciæ Belgicæ secundæ ipsa civitas a Remensi tertium locum habeat. Sapienti pauca. Valete intrando per ostium in ovile ovium.

EPISTOLA XXIII [olim XIV].

(Post annum 1044).

Venerando Normannorum principi RICHARDO FULBERTUS, Dei gratia Carnotensium episcopus, salutem et orationum suffragia.

multa bona fecistis ecclesiæ Sanctæ Mariæ dominæ nostræ (22). Retribuat vobis Deus per intercessionem ipsius. Nos quoque pro illis animæ vestræ corporique vestro et fideles sumus et semper esse valeamus. Sed nuper ad vos insperata venit legatio : quod ipsam terram quam nobis dedistis Baldricus minister revocaverit ; nostro ministro, quem ibi præfecimus, aliquid disponendi potestatem interdixerit ; suas etiam res invaserit ; nostris hominibus novam angariam induxerit, banniendo scilicet ut irent ad molendinum sancti Audoani, quinque leucis, ut fertur, ab eorum hospitii remotum. Si hæc, optime princeps, vestro jussu, quod minime credimus, facta sunt, plurimum vestri causa dolemus, et ut corrigantur suppliciter postulamus. Quin etiam jubeat prudentia vestra ministris vestris ne ulterius inquietent nostros homines, et deinceps terram prædictam ita nos possidere sinant, ut eam benignissima vestra manu suscepimus. Vigeat diutissima incolumitas et potentia vestra.

tor exstitit. Nota interim verbum *banniendo*, id est, obligando. In const. Car. Mag. : *Ut nullus ad placitum banniatur*, id est ad jurisdictiones, vel judicia, vel conventus (sic enim placita sonant) obligetur. Videtur autem deductum a nostro *ban Gallico, et arriere ban.*

EPISTOLA XXIV [olim XVII].
(Anno 1013).

FULBERTUS *Dei gratia Carnotensis episcopus comiti GUALERANNO et comiti GUALTERIO cæterisque filiis fidelibusque suis, salutem et benedictionem.*

Sciatis, fratres, quia rex Robertus benefacit cum Christianos adjuvat, et hæreticos damnat. Et ad hoc debent cum confortare et adjuvare mecum omnes sui fideles, quia hoc ministerium ejus est, per quod salvus esse debet. Sciatis iterum quod archiepiscopus Cenomanensis requisivit a me consilium, quid deberet facere de Raginaldo hæretico, qui persequabatur Ecclesiam Dei. Et ego ei dedi tale consilium quale ad suum ordinem pertinebat. Et ecce mitto vobis utrumque scriptum, et complementum suum, et consilium meum quod dedi ei secundum ordinem suum. Si quis autem falsarius dicat quod ego alterum ei consilium deinceps vel scripserim vel dixerim vel mandaverim, rogo ut me sicut Patrem vestrum spiritualem defendatis, quia fiducialiter hoc facere potestis. Valete.

EPISTOLA XXV [olim XII].
(Anno incerto).

Domino servus, magno præsuli FULBERTO HILDEGARICI suorum minimus quod potis erit strenuum fidelitatis obsequium.

Ex hoc, domine mi reverendissime, quod te, propter mores tuos matura sanctitate suavissime redolentes, erga tibi subditos eo animo esse intellego ut bonos sinceri amoris gratia complectaris, malis pii cordis miserationem impendas, ullum vero odisse vel nocentissimam pestem horreas; magnæ revelationis solatium mihi comparatur, valde metuenti, eo quod nimis sum ad irascendum pronus, gratia tua etsi non funditus aliquatenus tamen caruisse. Cui enim, etiam gravioribus delictis obnoxio, apud tam bonæ moralitatis virum desperanda sit venia? considerato quod delinquenti potius compateris quam odis, compatentem vero ad ignoscendum minime esse difficilem; ipsum quidem, dummodo correctionem exhibeat, majoris abs te usumfructum dilectionis habiturum. Tanta itaque vi bonitatis animatus supplico ut cum mihi pro meis offensis miserescas, tum etiam, eis renuntiatum ire conanti veniamque postulanti parcens, amoris sinum amplius relaxes. Unde absit ut te remoretur illa cogitatio, me scilicet iræ vitio perennem fœclisse deditioem, quandoquidem multis astantibus, nec non etiam in præsentia tui, cui plus omnibus cultum reverentiæ debeo, aliquoties irasci non omittam! Certe quanto crebrius hujusmodi vitium manifestatur, et majore hominum frequentia redarguitur, tanto celerius hinc evasurum qui, vere captivus ejus, [liber] effici voluerit, auctore abbatis Serapionis collatione, crediderim. Quare, cum alios mihi succensere cupiam, te potissimum ut id sedulo agas oro. Te enim super cunctos mortales, quod simplicitas adulationis ignara fatetur, animæ meæ visceribus diligendum mandavi. Sum namque divina procurante gratia, disciplinæ tuæ vernaculus a puero; nec ulli unquam tanta meæ conscientis secreta,

A nam aliis quædam tibi omnia detexi. Quæso ergo te, profusus lacrymis faciem mentis, ne, mei cura posthabita, necessariam castigationis vel admonitionis eleemosynam mihi subtrahas. Nam si hoc, avertat autem divina pietas! egeris, nunquam tanta mole frangar incommodi, quam cum me videro sic a te neglectum iri. Rogatus opusculum meum corrigere, vale, summa spes consilii mei post Dominum. Amen.

EPISTOLA XXVI [olim LXII].
(Anno 1016).

Fratrī THEODORICO, FULBERTUS sacerdos

Quod te pridem ordinare nolimus, mirantur tecum, ut aiunt, amici tui, insuper et dominus noster rex, et, cur omissum sit causam ignorantes, omnes fere id injuste ac contumeliose factum clamant. Nos vero, qui non injuste nec contumeliose factum esse scimus, non unam tantum, sed plures veras et authenticas inde reddimus rationes, quæ tibi et illis finem recti persuadeant, ac a prava suspicione removeant. Una igitur causarum hæc fuit, quia die illo quo sacrandus esse videbaris, comprovincialium episcoporum, qui aberant, nec litteras nec legatos habuimus. Quod solum tantum valet, ut, si nullo amplius adminiculo indigeres, tamen sine isto regulariter ordinari non posses. Talem enim ordinationem irritam esse testantur Niceni concilii capitulum quartum, et Antiocheni nonum decimum. Hæc tamen causa datis induciis corrigi potuisset. Altera fuit, quod sub ipso deliberatæ ordinationis articulo, propter crimen homicidii, quod audierat, missum a domino papa vidimus interdictum. Quod si ille non mitteret, esset tamen observanda sententia Apostoli dicentis, oportere non solum episcopum, sed presbyterum quoque et diaconum sine crimine esse. Nec spernendum illud quod apertissime scriptum est in Rhegiensi concilio, his verbis: *Qui deinceps non provehantur ad sacerdotium ex regulis canonum, necessario credimus inserendum, id est qui in aliquo crimine detecti sunt*, et cætera, usque subjacebit. At si quis objiciat aliquem ex Patribus post peractam pœnitentiam et longam anachoresim propter religionem suam raptum fuisse ad episcopatum, respondetur quod legi communi et universali singulares personæ vel causæ non præjudicant. Deinde certe quod nihil esset exemplorum inductio, ubi neque personarum neque negotiorum similitudo consequitur. Nunc cætera videamus. Tertiam nobis causam tua confessio dedit, quæ nos maxime a tua ordinatione deterruit; nam pro captu nostræ simplicitatis cæteras quidem graves, sed tertiam hanc magis periculosam esse rati sumus. Proprium capitulum hujus causæ nolimus ascribere, sed commune hoc est concilii Niceni capitulum nonum: *Si qui sine examinatione promoti presbyteri sunt, et postea examinati confessi sunt peccata sua, et cum confessi non fuissent, contra regulam venientes homines manus eis temere imposuerunt, hos ecclesiasticus ordo non recipit*. In omnibus enim quod irre-

prehensibile est defendit Ecclesia. Quarum vero A et extorta timore electio, verum non electio. Nam cum sit electio unius de pluribus maxime complaciti secundum liberam arbitrii voluntatem acceptio quomodo electio recte dici possit, ubi sic a principe unus obtruditur, ut nec clero, nec populo nec ipsis summis sacerdotibus ad alium deflectere concedatur. De violentia hujusmodi Constantinus Augustus talem contra se et contra alios principes sententiam dedit: *Quæcumque, inquit, contra leges fuerint a principibus obtenta, non valeant.* Et Rhegiense concilium: *Sed nec ille, inquit, deinceps episcopus erit, quem nec clerus nec populus propriæ civitatis elegerit.* Ecce tibi promissas rationes exsolvimus. Quæ si justæ sunt, displicere B non debent. Adjecimus etiam pauca propter brevitate capitula divinæ legis. Quam primo quidem condere magni consilii, postea violare summæ irreverentiæ, servare hactenus gloriæ tantæ fuit, ut quisquis secundum illam vixerit, procul dubio inter beatos computatus sit. Propter has itaque rationes non audent tibi manus imponere, ut pote deinceps ordinandi potentia carituri, prævaricatores legis esse noluimus. O sacrilegam impietatem! in ipso sinu sanctæ matris Ecclesiæ a fautoribus tuis pene perempti sumus; et quidem ita carum fuit evasisse vivos, ut subsequente prædæ levis esse jactura videatur; sed quia hæc scandala propter te nobis fiunt, jam ut desistant te apud eos obtinere oportet, apud quos hanc persequendi C sacerdotes gratiam invenisti. Nosti enim quid portendatur homini per quem scandalum venit. De cætero autem, frater, est quod te celare non debemus, videris enim nobis vehementer errare, qui sine respectu Dei præsulatum violentus invadis. Nam si sola damnatur ambitio, quid de violentiæ importunitate censebitur? Verum non solum hoc, sed in ipsa violata nec postea reconciliata Ecclesia missarum solemnia celebrare præsumis; utrum tamen imprudenter, an consulto facias hæc, habemus incertum. Sed si imprudenter, instruenda simplicitas; si vero consulto, præsumptio est punianda. Nam si te canones scire constat, et tamen D imprudenter obsurdescere et contraire contendis, non modo præsulatum fugientem non assequeris, sed nec quod apprehendisse debueras presbyterium tenuisti. Vale.

EPISTOLA XXVII [olim XCHII.]

(Anno 1016 aut 1017.)

Excellentissimo et charo domino suo ROBERTO FULBERTUS Carnotensium episcopus cursum honesti continuum ad beatitudinis finem.

Inter multas sollicitudines meas, cura tui, domine, me non mediocriter afficit. Cum enim te prudenter agere accipio, lætor; sin autem, tristior

(23) Nota id juris tunc fuisse suffraganeis ut interessent et faverent ordinationibus suorum com-provincialium episcoporum.

et timeo. Audito igitur inter alia quod proxima solemnitate Natalis Domini consilium habiturus sis cum principibus regni de pace componenda, gaudeo. Sed audito quod Aureliana civitas sit incendio vastata, sacrilegiis profanata, et insuper excommunicatione damnata, nec post reconciliata, miror, et paveo. Quanto enim dolore putas afficiendos esse sacerdotes fideles tuos, qui ad honorificentiam Dei et tuam ipso die congregandi sunt, si in eo loco fuerint ubi nec ipsis sacrificare liceat, nec tibi sacrosanctam eucharistiam absolute percipere? Absit hoc a te, charissime domine, ut tu in tanta solemnitate aut divinis officiis careas, aut illicite vel indigne, te sciente, usurpari permittas! Quod ideo te præmonere curavi, ut vel illum locum facias reconciliari, aut ubi melius sit solemnitate celebrare memineris. Velim autem suadere tibi, si possim, ne dimittas, propter iram, quæ justitiam Dei non operatur, quin episcopo tuo treugam des, polliceare justitiam, insuper et conductum præbeas, si velit, ad reconciliandas Ecclesias suas. Quod si detrectaverit, ipse in periculo, tu navigabis in portu. Cæterum, quia tuis obsequiis me tunc adfuturum esse mandasti, apud Sanctum Maximinum hospitari postulo, quod nec monachis quidem ipsius loci fore ingratum puto: ut ibi Natalitia nocte celebratis vigiliis, sequenti mane in tuum servitium possim esse paratus. Vale semper, et prosperare in Domino.

EPISTOLA XXVIII [olim XXVIII]

(Post annum 1017.)

Senonensium præsuli LEUTHERICO FULBERTUS Carnotus sacerdos.

Quod me, Pater, amicum appellas, gratanter adnuerem si te quoque exhiberes amicum. Sed cum sine meo consilio episcopos ordinando (23) dignitatem suam Ecclesiæ Carnotensi derogas, cumque in eodem negotio legem canonicam multimode solvis, non solum me lædis, sed omnes pariter qui justitiam colunt, et ego quidem mecum adhuc multa patior. Sed lex ipsa divina suam injuriam bene ex parte vindicat, quæ, dum a te resolvitur, tua opera cassat. Hoc pridem in T. factum, in G. nuper iterasti, qui sic a te pastor est institutus, ut nec gregem sibi commissum noverit, nec grex ipsum recipere velit. Reprobatus itaque et a finibus episcopatus extorris, cum palam intrare per ostium non potest, ut legitimus pastor, nec aliunde furtivus ascendere, per violentiam regis irrumperere nititur ut tyrannus (24). Nec miror adeo si juvenis ille tali potuit ambitione tentari, cui vel ætas illa, vel quæ ejus ætatis pedisequa solet esse, locum forsitan obtineat excusandi. Sed tu, Pater, non solum mirandus sed insuper exhorrendus, quem nec imprudentia fallit, nec casus turbat, nec urget ulla necessitas: sed scienter et quasi cum

(24) Hinc patet a regibus nostris, etsi tunc temporis liberam permitterent electiones, designatos et renuntiatos fuisse episcopos sine concursu cleri et populi.

deliberatione quadam ultro te atque alios perdas. A Nec illud sane tibi tacere debeo, quod ad tuas ordinationes dominum F. Trecassensem episcopum periculose tibi socium addis, quem certam ob causam esse non dubitas imparatum. In qua re dupliciter te delinquere constat, cum eum, ad tantam præsumptionem animando, de pœnitentia prioris culpæ facis esse securum. De his ergo et hujusmodi te respiscere jam et pœnitere oportet, si cum Apostolo horrendum credis incidere in manus Domini viventis. Sed ego fortassis aspere loqui videar, apud te tamen, ut credo, non male mereri, si sis de quo dicitur: *Argue sapientem, et diliget te (Prov. ix, 8)*. Cæterum in fine hujus schedulæ exoratum te volo, ne amodo (sicut soles) scripta mea publicando mihi inimicos aquiras. Unde, B si morem tuum immutare nolis, ego tamen idcirco vera vel dicere vel scribere non desistam. Vale.

EPISTOLA XXIX [olim XL].

(Circa annum 1018.)

Vitæ pariter et doctrinæ meritis venerando abbati et archiepiscopo G. FULBERTUS humilis episcopus utriusque officii præmia gloriosa.

Si de mea dilectione confidis, Pater, sicut litteræ tuæ significant, securus esto, quia rem tenes, non te fallit opinio. Proinde quidquid a me competenter exposcis, facile impetras, et nunc quidem specialiter de audientia domni T. venerabilis sacerdotis, ne queratur diutius defraudari opportunitate judicii. Quod ego sibi hactenus, Deum testor, non insidiando distuli, sed providendo dissuasi, sciens quia causa ejus intimæ turpitudinis est; et sentinæ modo, quo amplius agitur, eo dirius fetet. Nec vero turpis tantum, sed et periculosa est, adeo ut, si venerit ad iudicium, aut ipse aut accusator ejus cum magna sit contumelia degradandus. Hoc itaque providens, et illud evangelicum mente revolvens: *Nolite judicare, nolite condemnare*, et cætera, hærebam timorate suspensus, et exspectans ut Dominus tantum dedecus Ecclesiæ suæ, [e] publica discussione, vel insultatione [oriturum], piaret. Nunc autem impatientia domni T. non permittit hoc fieri, sed pertinaciter instat, ac pie dissimulantes ad iudicium vehementius urget. Tantum ergo quamvis invictus cedo, diemque et locum, ut rogasti, constituo, jam non audens relinquere indiscussum quod Deum puto nolle præterire inultum. In perpetuum vale.

EPISTOLA XXX [olim III].

(Post annum 1019.)

Domino suo regi serenissimo ROBERTO FULBERTUS, humilis Carnotensium episcopus, in gratia Regis regum semper manere.

Gratias referimus benignitati vestræ quod nuper misistis legatum vestrum ad nos, qui et vestram nobis sospitate nuntians nos lætificaret, et fortunæ nostræ modum sciscitatus a nobis, vestræ majes-

(25) De quodam Gaufrido duce habetur mentio in veteri manuscripto bibliothec. reg. Navarræ collegii hoc modo: *Hoc tempore, nimirum regis Rob., Gaudefridus dux comitatum Montensem depopulatus est. Puto, quantum conjectura possum asse-*

tati renuntiaret. Ac tunc quidem scripsimus vobis de malis quæ irrogat Ecclesiæ nostræ Gaufridus vicecomes (25), qui nec Dominum nec excellentiam vestram se revereri satis superque indicat, cum et castellum de Galardone, a vobis olim dirutum, restituit, de quo dicere possumus: *Ecce ab oriente panditur malum (Jer. i, 14)* Ecclesiæ nostræ. Et rursus alterum ædificare præsumpsit apud Isleras intra villas Sanctæ Mariæ, de quo et revera dici potest: *En ab occidente malum (Ibid.)* Nunc quoque de iisdem malis necessario scribentes conquerimur apud misericordiam vestram, consilium et auxilium petentes ab ea, quoniam a filio vestro Hugone super hæc mala nihil opis vel consolationis accipimus. Pro quibus, tacti dolore cordis intrinsecus, jam in tantum mœrorem nostrum prodidimus, ut signa nostra jucunditatem et lætitiā significare solita, ab intonando desinere, et tristitiā nostram attestari quodammodo jusserimus, officiumque divinum, hactenus in Ecclesia nostra per Dei gratiam cum magna cordis et oris jubilatione celebrari solitum (26), depressis modo miserabiliter vocibus et pene silentio proximis fieri. Unde pietatem vestram, cum fletu cordis et mentis, genua flexi precamur, succurrite sanctæ Dei Genitricis Ecclesiæ, cui nos fideles vestros, quantum possumus, licet indignos, præesse voluistis; quorum a vobis solummodo post Dominum in his quæ ingeruntur molestiis consolatio et respiratio funditus pendet. Cogitate ergo qualiter ab his liberemur, et ut mœrorem nostrum convertatis in gaudium, obsecrando comitem Odonem (27), et ei vestra regali auctoritate vivaciter imperando ut prædictas diabolici instinctus machinas vero animo destrui jubeat, vel ipse destruat, propter Dominum, et fidelitatem vestram, et sanctæ Mariæ honorem, et nostri adhuc sui fidelis amorem. Quod si nec per vos nec per illum irrita fuerit hæc quasi perpetua nostri loci confusio, quid restat aliud, nisi ut penitus interdicatis agi divinum officium in toto episcopatu nostro? ipsi inde, heu! inviti, et maxima necessitate coacti, aliquo exsultantes, nec oculis nostris videre diutius sanctæ Dei Ecclesiæ conculationem ferentes. Quod ne facere cogamur, vestram misericordiam iterum iterumque flebiliter oramus ne et illud, quod absit! apud extraneum regem vel imperatorem fateri compellamur a vobis exsules, noluisse vos vel non valuisse sponsam Christi sanctam Ecclesiam, vobis [nobis?] regere commissam, tueri.

EPISTOLA XXXI [olim IV].

(Post annum 1019.)

Domino suo ROBERTO, regi benignissimo, FULBERTUS, Dei et sui gratia Carnotensis episcopus, statum plenæ felicitatis.

Postquam transmissimus vobis litteras per Ragen-

qui, debere legi *Carnotensem*.

(26) Usum temporis nota hic et infra.

(27) Hoc tempore Odo filius Odonis Campaniæ comes Blesensis et Carnotensis, duxit Mathildem, filiam Richardi, primi ducis Normanniæ.

fridum clericum, quærimoniæ nostræ, de oppres-
sione quam Ecclesia nostra patitur, locuti sumus
cum domino rege Hugone, filio vestro, sciscitantes
ab eo cur nobis in tanta necessitate non succurre-
rit. Qui se contra nos humiliter purgans respondit
quia procul a nobis erat, ideo facultatem sibi ve-
niendi in auxilium nostrum non fuisse, imo copiam
virorum qui se comitarentur non habuisse.
Cujus nos purgationis causam minime discredentes,
pro illo vestram clementiam oramus, ne fiat
aliena a vestro genito paternitatis vestræ gratia,
si sanctæ Ecclesiæ non præstitit opem, quæ impos-
sibilis erat ei præstari. Ad vos tandem, dilectis-
sime domine, nostri adjutorii summa redit, cujus
gratuita bonitate præsulis honore fungimur, et tu-
tela cujus posse eripi a malorum injuriis omnino
confidimus. Sed ab iis quæ modo nobis incumbunt
sine multo labore vestro speramus erui, dummo-
do prece et obsecratione cum Odone comite obni-
xe agatis quatenus idem nos ab illis expediat. Cæ-
terum serenissimam pietatem vestram appella-
mus pro eodem rege filio vestro, qui satis super-
que desolatus incedit. Neque enim in domo vestra
cum securitate vel charitate licet ei manere, neque
foris est ei unde vivat cum honore regi competen-
te. Unde vos oportet aliquid boni consilii reperire
et illi impendere, ne dum ille quasi peregrinus et
profugus agit, paterni animi fama vobis depreat.

EPISTOLA XXXII [olim LXX].

(Post annum 1049.)

*FULBERTUS indignus episcopus ineffabiliter charo
Patri et domino suo ODILONI cum cherubin et
seraphin odas loqui.*

Quantas animo concipere possum tibi gratias
habeo, sancte Pater, qui meo arbitrato tædiosam
et vix tolerabilem importunitatem meam quasi pro
delictis habes : servoque (28) et sua tibi debenti
omnia versa vice dominus paras obsequia. Vere
vivit hic et fulgurat illa fortis et speciosa charitas,
quæ secundum Apostolum patiens est, benigna
et cujus vigor nunquam excidit. Hac denique præ-
sentialiter fruendi desiderio maceror, sed gravi ad
præsens difficultate detineor. Malefactor enim ille
Gaufridus, quem pro multis facinoribus excom-
municaveram, incerto utrum desperatus an ver-
sus in amentiam, collecta multitudine militum
quo ducendi essent ignorantium, villas nostras
improvisò incendio concremavit, nobisque quan-
tas potest machinatur insidias. Super his itaque,
ne tantæ causæ indiscussæ vel inultæ remaneant,
necessario mihi conveniendus est primitus Odo co-
mes. Quod si dissimulaverit, restabit regis et Ri-
chardi rogare patrocinia. Quod si isti quoque opi-
tulari neglexerint, quid melius mihi restet non vi-
deo, quam hæc missa facere, et Christo secretius
deservire. Valet.

(28) Fulbertum sub Odilone monachum fuisse hæc videntur innuere.

EPISTOLA XXXIII [olim LXXI].

(Circa ann. eumd.)

*Quod jugitur in sinu memoriæ fovet domino abba-
ti G. FULBERTUS Carnotensium sacerdos abun-
dantiam charitatis.*

Peregrinus quidam frater nomine Hermengaud
nos consolationem petiturus adiit, vultu, sermone
et habitu pœnitentis. Sentus enim et squalidus,
pallentique macie deformatus, sua culpa de vestri
cœnobii paradiso se conquerebatur expulsus ; in
corpore fesso morientem animam circumferre.
Quod verbum interitus admittentes compassione
carere, vosque pro illo non rogare nequimus. Pre-
camur itaque, si vis, si fas est, in nomine ejus Do-
mini qui juxta est his qui tribulato sunt corde, ut
paterna pietate recipiatis hunc filium jam tandem
sero postliminio revertentem : quo de converso
peccatore non tantum angeli Dei, verum etiam
ipsi fratres, quorum propius interest, gratulentur.
Valetate memores vestri, nostri non immemores.

EPISTOLA XXXIV [olim CV.]

(Post annum 1049.)

*Dilectissimo domino suo ROBERTO regi ac reginæ
CONSTANTIÆ utinam in Domino Constantissimæ,
FULBERTUS humilis Carnotensium episcopus fide-
lilitatis obsequium et orationis suffragia, quantum
scit ac potest.*

Cognita per nuntium vestrum alacritate vestra,
gaudio magno repleti sumus, Deo gratias agentes.
Vobis enim incolumibus, nos bene valituros per
C Dei gratiam et vestram speramus. Quoniam au-
tem placuit bonitati vestræ consulere nos super
habitu nostro, scribimus vobis multis nos ad præ-
sens incommodis urgeri, quæ nobis infert Gaufri-
dus vicecomes de Castro dunensi. Refecit enim
ante Natale Domini castellum de Galardone, quod
olim destruxistis, et ecce tertia die post Epiph-
dium Domino cœpit facere alterum castellum apud
Isleras intra villas S. Mariæ. Unde legatos nostros
misimus ad filium vestrum regem Henricum [*leg.*
Hugonem] et Odonem comitem, incerti utrum illo-
rum ascensu tanta mala præsumperit; aliter enim
hæc illum aggredi vix opinabile est. Sed si illi nos
in tantis adversitatibus non adjuverint, ad vos
post Dominum respicimus, ut per vos ab hujusmo-
di oppresione liberemur. Dolemus autem vos ita
nunc in aliis partibus occupatos, ut vestro succur-
su de præsentibus respirare nequeamus. Quod si cito
nobis a filio vestro subventum non fuerit, com-
muni nostrorum consilio, divinum officium desi-
turum in toto episcopatu nostro noveritis. Si co-
mes Odo apud vos est, monete illum ut subveniat
nobis propter Dominum et fidelitatem vestram.

EPISTOLA XXXV [olim VIII.]

*Venerabili fratri et coepiscopo FRANCONI FULBERTUS
salutem.*

Superfluum duxi longam fabulam nostri senis
transcribere, et mittere tibi, cum totam rationem
ejus, si qua est, ex mea brevi responsione facile

percipere possis ; fuitque hujusmodi : « Fratri in A Domino et consacerdoti suo Avisgaudo Fulbertus. Absit, frater, ut credatur verum esse, quod scripsisti, meum archipræsulem et me tuam confessionem publicasse ! non est enim verum. Tuque dum talia scribis, bene meritis de te ingratus es, et injuste contumeliam facis. Si qua enim honesta tua novimus aut speravimus, fideliter ea publicavimus ad testimonium tuæ probitatis, contra illos maxime qui discessionem tuam ab episcopatu avaritiæ, vel ignaviæ, vel turpitudini ascribere nitebantur. Si quæ vero occulta, quæ penitenda forent, nostræ fidei credidisti, caute celata sunt. At si talia confessus es quæ et prius et postmodum ore vulgi ventilata sint, ea nos occultare nequimus. Comperi autem ex litteris tuis tibi molestum esse quod B te monasticæ vitæ diximus amatorem, quod, quia nocere non intelligo, molestum esse demiror. Amor namque religionis episcopali gradu, quem reperis dignum te potius quam indignum efficeret, si nihil aliud impediret. Utrum autem sit, vel quid sit quod impediat, sagacitatem tuam non arbitror ignorare. Si quædam gravis causa quam dissimulas non obstaret, ea est hujusmodi. Si de repetendo episcopio querimoniam incipere velis, non satis apparet cui eam jure intendere possis. Nullus enim te expulit, nullus cathedram tuam, te renitente, pervasit ; sed tutemet ultro causa ægritudinis, ut aiebas, curam episcopalem simul et cathedram reliquisti, ut perhibent : et sive Franconem decanum Parisiensis Ecclesiæ sive quemlibet C alium subrogari tibi verbis et scriptis a rege petisti. Quod si ita est, et sic tibi consequenter substitutus est Franco, eligente clero, suffragante populo, dono regis, approbatione Roman. pontific. per manum metropolitan. Senonensis, fulcitur utique substitutio et consecratio ejus favore quoque et auctoritate beati Gregor. papæ, qui scriptis suis, sicut nulli pontificum non petenti pro qualibet ægritudine succedendum fore docuit, ita voluntarie renuntianti sedi suæ successorem nullomodo denegavit. Sed quid aliud est quare te episcopatu carere oporteat, ut te noveris. Sin autem, hoc tanti nobis esse videtur, ni [leg. ut] te facere valeat recuperationis exsortem. Quapropter desine curiosos instigatores audire, desine reges et præsules inefficacis querimoniæ tædiosis scriptitationibus D fatigare, et Ecclesiæ Parisiensi te importune obtrudere velle. Quæ, ut fatetur, nec patronum te habuisse gavisus est, nec doluit amisisse ; quippe cum neque ex præsentia tua doctrinæ profectum neque ex absentia senserit detrimentum. Vale memor nostri.

EPISTOLA XXXVI [olim XXXIX].

(Circa annum 1020.)

Venerabili Bituricensium præsuli G. FULBERTUS Carnotensium humilis episcopus incremata virtutum.

Legatum vestrum diu detinui, quia Salomon ab-

bas cum quibusdam monachis aberat, sine quorum consultu vobis responderi non oportebat. Quos, ubi redierunt, commonui ut sese ad audientiam præsentarent contra dominum Tetfridum. Ipse vero responderunt se messivo tempore occupatos, lites ad præsens agitare non posse. Sed idibus Octobris in Aurelianensi consilio, quod futurum esse destinavimus, constituent vobis proximum audientiam et diem et locum. Tantummodo fratrem suum Dodonem, qui est apud vos, reddatis eis infra prædictum terminum. Interea oblatæ sunt nobis quædam litteræ sub vestro nomine conscriptæ ad dominum Arnulphum abbatem Sancti Petri, significantes vos excommunicasse monachos nostros. Sed auctoritatem qua vobis id liceat, me non memini vidisse. At, si apud vos habetur, nobis eam debetis ostendere, ne forte, si non ostendatur, aut temere aut minime excommunicati esse dicantur. In litteris etiam quas mihi nuperrime direxistis, conflictam inveni reprehensionem meam de ordinatione Salomonis abbatis hoc modo : miramur qua auctoritate fieri potuit ut sine audientia subditus prælato præpositus sit. Quod, ut puto, mirari non debetis, quia non est, sed illud potius attendere quod est. Non enim hoc sine audientia factum est. Neque subditus Salomon Tetfrido adhuc prælato præpositus est. Dominus namque Tetfridus a suis monachis criminatus, ut scitis, apud me de infamia sua querimoniam fecit, eorumque malitiam se ferre non posse dicens, sub audientia mea et eorum qui mecum erant, prælationi suæ perpetualiter renuntiavit : astruens abbatem monachorum Bonæ vallis ulterius se non esse futurum. Sicque, petita a nobis migrandi licentia, transivit ad vos. Monachi vero qui in Bona valle remanserant, hoc scientes, alium quemdam ex fratribus suis electum, eo quod irreprehensibilis esse videbatur, obtulerunt Odoni comiti abbatia illa donandum (29), ut mos erat, mihique deinde consecrandum. In interim locum pastoris tenet. Si quis ergo est, qui me super hoc facto præsumptionis arguat, noverit me respondere paratum, et hoc tam ratione quam auctoritate approbaturum. Quod si quis abbatum, vel animi vel corporis ægritudine molestatus, prælationem suam in perpetuum renuntiondo deserat, episcopus ipsius diocesis in loco ejus alterum debeat ordinare, Valet.

EPISTOLA XXXVII [olim XXIX.]

(Circa annum 1020.)

Venerando Senonensium præsuli LEUTHERICO FULBERTUS Carnotensis humilis sacerdos.

Litteras ex parte vestra suscepimus, suadentes recipere quod homioidæ Silvanectenses offerant ut mereantur absolvi. Nos autem, in quibus oportet, vobis semper obedire parati sumus, sed in hoc ad præsens ideo non oportet, quia neque justum neque commodum est. Et justum non esse leges scriptæ

(29) Jus ergo nominandi ad abbatias habebant comites carnotenses.

demonstrant. Commodum vero non est ut mors A sanctorum, quæ in conspectu Domini pretiosa est, apud homines vili pretio constet. Quos si quis instituerit, omnium sanctorum qui eadem causa perituri sunt, reus sanguinis erit. Sanctitas vestra valeat semper et vigeat.

EPISTOLA XXXVIII [olim XLVI].

(Circa annum 1020).

A. *claro Landunensium præsuli FULBERTUS Carnotensium sacerdos.*

De grandi injuria nobis facta conquerimur apud te, magne Pater, quem ex debito charitatis et officii talia curare oportet. Causa vero hujusmodi est. Quodam Ecclesiæ nostræ subdecano defuncto, petiit a nobis B. Silvanectensis episcopus dari sibi aut fratri suo ministerium ejus. Nos autem respondimus non convenire sibi, eo quod episcopus esset, neque fratri ætate adhuc et moribus immaturo. Tunc elegimus de numero sacerdotum nostrorum ad illud officium Eberardum quemdam, scientem ac religiosum virum. Quod factum prædictus R. materque et frater ipsius adeo inviderunt, ut sancto viro, coram pluribus qui testes inde sunt, terribilia minarentur. Et dictum facto non caruit. Venerunt enim de civitate Silvanectis ad nostram quidam ex domesticis eorum, sic necessarii ut absentia illorum nec per unum diem ignorari potuerit, qui interdium quidem latuerunt, sed, profunda nocte egressi, sanctum illum presbyterum more solito venientem ad Ecclesiam, quasi lupum rabidum, lanceis falcatis [alias fallastris] et gladiis in ipso atrio principalis Ecclesiæ trucidaverunt. Clerici autem ejus, qui expeditum Dominum tarde secuti sunt, invenerunt eum adhuc extrema verba protomartyris Stephani prædicantem. Porro carnifices præsidio nootidis incogniti jam diffugerant, et cui crimen hoc intenderetur, erat incertum, cum quidam propter minas præteritas domum R. quæ erat apud nos, suspectam habentes, repperunt in ea vernaculum quemdam vestes suas et calceamenta lota siccantem. Ex quo signo conjectura est incepta; cum ad causam hujus lavacri dicendam homo acrius urgeretur, se facto de quo agebatur adfuisse confessus est, sociosque prodidit, et ordinem rei gestæ exposuit. Nos denique, totum hoc altius perscrutantes, pro certo ita esse comperimus. Comperimus, inquam, D invidiæ livorem, fraudem malitiæ, sacrilegii nefas crudele, cruentem et singulare facinus in occisione sanctissimi sacerdotis. Nunc ergo tanta causa, quia indicatio ejus obscura non est, solam, ut vides, ultionem expostulat. Sed cum juris sit ad utilitatem reipublicæ cunctos punire maleficos, illos tamen vehementius exturbare necesse est, qui in Deum et sanctos ejus tam impie tamque crudeliter audent. Qui enim mali ulterius, vel certe æque magnum excogitari queat? Multo nimirum levius illi complices Core peccasse viden-

tur, quos tamen judicio Dei terra vivos absorbit. Nam si illi sanctos Dei contempserant, non utique trucidarant. Quod si tales socordia vel iniquitas judicum reliquerit impunitos, cum hoc facere conspirare sit in contumeliam Dei, et exponere servos ejus ad cædem: quid restat, nisi ut ipsius summi judicis ira desævians, et hos et illos inaudita mortis atrocitate disperdat? Proinde nobis, quibus idem Dominus Ecclesiæ suæ tribunalia commisit, apprime necessarium est regem nostrum nosque invicem modis omnibus excitare, ne repente feriamur in hujusmodi socordia oscitantes. Quod ego te facere deprecor, magne Pater, cui Deus bene suadendi copiam incomparabilem dedit, simulque ut ipse mecum prædictos maleficos citra legitimam satisfactionem excommunices, quos tamen usque in finem a communione privandos esse non nescis. Vale.

EPISTOLA XXXIX [olim XLIX]

(Circa annum 1020).

Venerabili Silvanectensium episcopo R. (30) FULBERTUS Dei gratia Carnotensium sacerdos.

Quia judicio contendere magis quam veniam postulare statuistis, restat vobis convenire iudices, qui, præfixis loco et tempore, nos in alterutrum legali ratione justificent. Non enim usurpamus officium judicis in isto negotio, sicut vos velle dicitis, cum nullus esse possit suæ causæ et assertor et iudex. Verumenimvero satis admirari nequimus quidnam mali est quod tam audacter ad iudicium properatis, nisi forte, quod abhorrere humanum est, publice damnari eligitis quam secretâ satisfactione purgari. Qui enim aliud in iudicio mereatur manifestæ culpæ odiosa defensio? Et vestra quidem culpa sic manifesta est, ut nullo excusationis genere valeat obumbrari. Vox enim sanguinis fratris vestri et sacerdotis Evaradi, postquam ad aures supremi judicis ascendit, per totam Galliam vehementer infremuit. Qui, ut certo scimus, non est occisus ob aliam causam, quam ob vestræ cupiditatis injustam calumniam. Viderint iudices utrum effectus referatur ad causam. Vale.

EPISTOLA XL [olim L].

(Circa eumd. an.).

Venerabili Silvanectensium episcopo R. FULBERTUS Dei gratia Carnotensium sacerdos.

Non oportet nostri ordinis viros in superfluis scriptitationibus occupari, multa enim et magna negotia nobis expedienda, si non dissimulamus, incumbunt. Sufficiant nobis super his unde agimus, litteræ nuper a nobis missæ, quarum erat extremitas: Viderint iudices utrum effectus referatur ad causam. Quæ enim ibi scripta sunt, aut ea legitima assertione confirmabimus, aut vos infirmare et pernegare patiemur, si data fuerit consilii iudicique occasio: sin autem, contenti erimus ea præmonuisse quæ vos credimus emendare debuisse. Vale.

(30) Hic episcopus Sylvanectensis vocatur *Rolandus* a Demochari, et annumeratur tricesimus nonus.

EPISTOLA XLI [olim LI].

(Circa eumd. an.)

FULBERTUS *episcopus, venerabili consacerdoti suo*
R. (31) *boni propositi finem optimum.*

Mulier illa de cujus causa nostram humilitatem consulere voluistis, impedita est vinculo juramenti, nec potest inire connubium sine crimine perjurii, nisi per consensum aut post obitum illius cui se tali juramento conditionaliter obligavit Vale.

EPISTOLA XLII [olim LII].

(Circa eumd. an.)

Venerabili Rothomagensium archipræsuli ROBERTO
FULBERTUS *humilis episcopus, si quod valet orationis suffragium.*

Procacitas G., cujus mihi mentionem fecistis, satis superque fatigavit me de novis connubiis expetendis; sed ego semper obstiti, dicens non licere ei sua uxore vivente alteram usurpare. Nunc ergo tandem rogavit me, seu callide sive simpliciter, ut sibi aut uxorem suam fugitivam redderem aut eam, si reniteretur, excommunicarem; alioquin diceret quod ego et illa faceremus eum mœchari. Conventa igitur de hac causa mulier, respondit mihi nunquam se redituram ad illum; et, quia certo noverat mores suos cum moribus G. convenire non posse, velle se potius renuntiare sæculo et monacham devenire, tantum si Gualerannus sibi vel centum libras nummorum Carnotensium (32) ferendas ad monasterium daret. Ego autem inter hæc monacham illam nec fieri prohibeo, nec compello, sed nec ut ad virum odientem peritura redeat, coarctare præsumo. G. autem sæpe mittit ad me, licentiam ineundi connubii novi petens; illam se gurguisse, suamque pecuniam recepisse, licet non vere protestans. Ego vero interdico ei licentiam istam, donec uxor ejus aut monacha facta sit, aut defuncta. Quorum utrum prius futurum sit, nescio. Si ergo de hac causa meum consilium vultis, quod ego facio, idem vos tacere suadeo, hoc adjiciens ut, si causam hanc acri censura pertractare velitis, ex mea parte non contradictionem sed suffragium vos habere sciatis. Capitula canonum ad hanc causam pertinentia nobis subscribere non vacavit ad præsens, hostium persecutione turbatis. Scribemus autem et hæc et alia libenter in obsequium vestrum, si Deus concesserit nobis salutem et pacem. Valet.

EPISTOLA XLIII [olim LIII].

(Circa eumd. an.)

Charo suo R. FULBERTUS *episcopus.*

Occupatus erga plurima paucis tibi sic respondere compellor. Ecclesiæ nomen, extra quam veri sacrificii non est locus, interpretatione sua pluralitatem innuit. Sacerdotalis quoque salutatio qua *Dominus vobiscum* dicitur, non est unum solum, sed ad plures dirigitur. Sed et ille versiculus de

(31) Archipræsul ille Rothomagensis a Demochare vocatur *Robertus* Richardi, Normannorum ducis primi, filius.

A quo mihi quæstionem fecisti, plane sibi circumstantes requirit. Pro his ergo atque aliis hujusmodi non ex auctoritate quidem canonum, quos mihi modo retractare non licuit, sed meo interim arbitrato tutius esse suadeo te a missarum celebratione suspendere, quam eas sine duarum saltem aut trium fidelium attestazione celebrare. Scrupulus autem ille de offerentibus ita solvi potest, quod dum sacrificamus illi pro quibus agit, per manus nostras offertur Deo sacrificium laudis (32*). Hæc ad præsens me respondisse cantentis aveto. Quod si nova legendo vel retractando verum de his quidpiam magis ratum invenero, tibi charitative rescribam. At si tu te prior aliquid tale repereris, eamdem nobis exhibe charitatem. Vale.

EPISTOLA XLIV [olim LIV].

(Circa eumd. an.)

Venerando Remorum archipræsuli EBALO FULBERTUS *Carnotensium humilis episcopus.*

Angustiæ tuæ compatiens Odonem comitem arguendo conveni: respondit tandem quod in te deliquerat emendare se velle, et, ad tollendam animi tui ægritudinem, adjuvare, quod maxime desideras, ut Remensis Ecclesiæ respiret ad pristinam dignitatem. Si hæc tibi facere voluerit, recipere suadeo, ut quamprimum expeditus redeas ad officium tuum. Deinde suggero, et si non indiges, ut ad pacem pauperum componendam tota mente satagas, quos sui reges et principes vehementer affligunt. Præterea Beroldo episcopo referente adivi sic te mœrore afflictum, ut curam gregis Domini relinquere velis. Quod ego acriter et amice redarguo, testans te, si hoc egeris, non fuisse pastorem. Vale memor mei peccatoris in orationibus tuis.

EPISTOLA XLV [olim LV].

(Circa an. eumd.)

Diligendo semper atque venerando Remorum archiepiscopo EBALO FULBERTUS *Carnotensis humilis episcopus, communicare fontem intimæ charitatis.*

De vestra bonitate, non de nostro merito confidentes, deprecamur, optime Pater, ut notum habere dignemini hunc charum nostrum nomine Hubertum, quia de patria sua causa dicendæ honestatis egressus, et apud nos aliquandiu demoratus, talem se nobis exhibuit, ut non minus quam frater uterinus amari et honorari meruerit. Nunc vero eadem causa permotus, monasterium beati Remigii, quod vestrum est, visitare disposuit: ubi si in aliquo fuerit indigus vestræ opis, sentiat quæsumus viscera pietatis. Vale.

EPISTOLA XLVI [olim LVI].

(Circa an. eumd.)

Venerabili archiepiscopo Rothomagensium ROBERTO
FULBERTUS *humilis episc. fideles orationes.*

Compatior tibi, sancte Pater insuper adversis

(32) Nota nummos Carnotenses fuisse.

(32*) Ad sensum hic aliquid desse videtur,

quæ indigne passus es, præsertim ab eo qui et se et sua tuæ fidelitati dabuerat. Super illo quoque doleo vehementer, fratre et coepiscopo nostro dum staret, in tanta nunc flagitiorum atque facinorum præcipitia lapso. Sed tibi, Pater, hæc vel magna consolatio est, quia si [externa] abstulit, interiora non potuit. Habes enim ex Dei gratia charitatem qua ipsum errantem revoces; frenum canonicæ districtionis, quo detrectantem coerceas; virgam, qua ferias: his utere competenter, donec absolutionem promeritus dicere tibi gaudeat: *Virga tua et baculus tuus ipsa me consolata sunt (Psal. xxii, 4)*. Vale.

EPISTOLA XLVII [olim LVII].

(Circa an. eumd.)

Venerabili Leodicensium episc. ROGERIO (33) FULBERTUS Carnotensis omnia charitatis obsequia.

Cum dispersas oves sollicite ac longi itineris labore quæritis, læti perpendimus, Pater, quod pastoris nomen negligentia non cassatis: de illa tamen ove quæ in nostris pascuis observatur, fratrem A. subdiaconum loquor, securus esto, quia Dei gratia bene ruminat, et luporum insidias sagaciter cavet. Nec appelletis eum ultra militem fugitivum, quoniam accurate se præparat ad bellanda coram Deo et nobis agmina vitiorum. Veniet autem ad vos quantocius poterit; sed si nostra humilitas invenire queat gratiam in oculis vestris, simpliciter exoramus ut nobis eum remittere ac vestris litteris commendare dignemini, ut præsentia ejus sit pignus vestræ charitatis erga nos, ac noctræ fidelitatis erga vos in perpetuum. Valet.

EPISTOLA XLVIII [olim LVIII].

(Circa an. eumd.)

Venerando Lexoviensium pontifici ROGERIO FULBERTUS Carnotensis episcopus, salutem et fideles orationes.

Presbyteri canonicorum nostrorum ex ecclesiis quas habent in episcopatu vestro venerunt ad nos, dicentes quod vos interdixistis eis ministerium suum, ideo quod de ipsis ecclesiis non ferunt vobis synodum (34). Et nos quidem eam vobis jure solvendam esse non ignoramus: sed Tedoldus præpositus noster; ac vester servus, non bene rem intellexit hactenus, eo deceptus quod nulla ecclesiarum quas nostri canonici possident in episcopatu nostro obligata est hujusmodi debito, remittente videlicet antecessorum meorum pissima liberalitate. Sed ea quantalibet charitate fulta, quantalibet laude digna, vestro tamen juri minime præjudicat. Nunc itaque serenitati vestræ supplicamus ut concedatis eis officium suum agendi licentiam, paratis amodo aut vestram synodum vobis reddere, aut in usus fratrum nostrorum necessarios retinere, si charitati vestræ placuerit sanctorum patrum meorum supra memoratum remissionis exemplum observare. Si non merui ut causa mei

aliquid faciatis, restat, spero, aliquando meritum iri opitulante gratia Christi. Valet, charissime Pater, et mementote mei in orationibus vestris.

EPISTOLA XLIX [olim LIX].

(Circa an. eumd.)

Venerabili Parisiorum episcopo FRANCONI FULBERTUS humilis sacerdos.

Doleo super te, charissime, cum te a pristina virtute apostatare video. Olim apud me conquereris de tuo antecessore, qui sacrilega temeritate altaria laicis in beneficium dederat: nunc mihi suades ut ego similiter faciam. O cælum! o terra! quid clamem! aut quo tuis meritis digno modo te objurgare possim! Sed compesco nunc ferventes animi mei fluctus, donec te præsentialiter exquisitis increpationum tormentis ex cruciem. Vale interim.

EPISTOLA L [olim LXI].

(Circa annum 1020.)

Sancto et venerab. archiepiscopo LEUTHERICO FULBERTUS episcopus de virtute in virtutem progredi.

De Guidone excommunicato nostro nos appellas, reverende Pater, dicens quod episcopali se velit examinari iudicio, et ecclesiastica satisfactione purgari. At nos precem tuam seu verba minime parvipendentes, tibi respondemus nos ejus libenter misereri velle, sed examinationem ejus ultra non curare. Apud nos enim jam de ipso sicut de manifesto reo optime factum est episcopale, hoc est canonicum ac decretale iudicium, dum illum secundum auctoritatem canonum ac decreta sanctorum Patrum excommunicavimus. Dicimus autem illum manifeste reum propter rationes subscriptas. Primoque quia causa cupiditatis ejus, fratris ac matris quoque ipsius, occisus et immerito noster subjecanus. Deinde quia scivit insidias illi prætendendas, nec mihi patefecit. Tertio quod insidiatoris ejus, quos disturbare potuit, non disturbavit, sed et præsentia sua domum ex qua sanctæ Ecclesiæ nostræ servire debuerat, eis receptandis dolose vacuam fecit. Quanto quod malo ejus consensit. His itaque modis aperte reus comprobatur: unde vocatus et per sex menses expectatus, dum confessionis ac poenitentiae remedia a nobis quærere distulit, jure meritam excommunicationis sententiam pertulit. Cum ergo contradictis irrefragabilibus scilicet causis, plures enim earum vere testes existunt, parati quemlibet resistantem convincere; cum ille, inquam, propter has causas indubitabili crimine teneatur obnoxius, quis curet examinationem ejus? An quia manifesta culpa examinari egeat? an forte crederetur examinatus, si culpam se non habere pejerando culpam accumularet sed ut scientes aliquem pejerare sinant, ab animo sacerdotum religio prohibet. Jam vero tam evidens peccatum quæ purgatio maneat, nisi

(33) Demochares istum episcopum appellat *Regerium*, et ponit in suis tabulis sextus.

(34) *Synodus* est census qui episcopo a clericis venientibus ad annuas Synodos, quibus interesse

tenentur, pendi solebat. Hæc porro præstatio, ut patet, non omnibus æque episcopis probata, imo a plerisque improbata.

confessio et pœnitentia? Hanc si expeteret, audiens extra civitatem sibi infestam me esse, propter amorem Dei, cujus misericordiæ me commonefecisti, adhuc apud me locum ejus reperiret, atque hæc ei forsitan aliquando absolutionem pareret. Quod si hoc noluerit, quando tu consilium statueris de majoribus et utilioribus tractaturus, cum illis et hæc recensurus, adero tecum si mandaveris. Et si quid in illum actum, est, bene stat, astipulatione tua nitatur; sin minus, corrigatur. Vale.

EPISTOLA LI [olim LXII bis].

(Anno 1020 aut 1021.)

Venerabili Aurelianorum episcopo THEODORICO FULBERTUS Carnotensis sacerdos obsequium dilectionis sine fuce dissimulationis.

Gratulor diligentiae tuæ, licet inter multa adversantia sua strenue capessenti, me quoque de negotiis ad me pertinentibus amice commententi. At ego commonitionem tuam benigne suscipio; in cæteris quidem quæ mihi scripsisti libenter tibi, prout decuerit et tempus erit, obtemperaturus. De processione vero Ecclesiæ nostræ ad vestram fieri solita clericos nostros conveniens, audivi ab eis quod optime noveram, et te ipsum æquo animo concedere volo: videlicet quod damnatis (34°) incendio, et ad Ecclesiæ restorationem inhiantibus, aliisque plurimis miseriis valida necessitate occupatis, processio non sit ad præsens facilis; successu vero prosperæ facultatis, cum magno gaudio ac debita devotione se illam facturos. Vale cum beatissimo clero et grege tibi commisso, cohortans eos orare Deum ut liberet nos ab adversis nostris.

EPISTOLA LII [olim LXIII].

(Circa an. eumd.)

Dilectissimo fratri et coepiscopo suo THEODERICO FULBERTUS.

Illatam vobis injuriam vere meam facio, compassionis affectu, in eos qui sacro ordini fecere contumeliam zelo fervens: sed nec vobis utile esse video nec mihi tutum, ut zelus noster ad vindictam excommunicationis erumpat. Expectandum, et commonitoriis utendum esse reor, donec illos aut pœnitentia corrigat, aut summi judicis sententia multet. Vale.

EPISTOLA LIII [olim LXIV].

(Circa an. eumd.)

Venerabili coepiscopo suo ODOLRICO FULBERTUS.

De causa unde simplicitatem nostram consulere voluistis, in sexto libro Capitulorum nonagesimo primo ita scriptum invenimus. Si vir et mulier junxerint se in matrimonio, et postea dixerit mulier de viro non posse nubere cum eo; si poterit probare quod verum sit accipiat alium, eo quod juxta Apostolum non potuit illi reddere vir suus debitum. De perfectione autem nostra ad Sanctum Hilarium, præfixum adhuc terminum non habebimus. Vivite feliciter in Christo Jesu Domino nostro. Vale.

(34°) Id est Vastatis, damnum passis.

EPISTOLA LIV [olim LXXXV].

(Circa annum 1020).

In perpetuum diligendo domino suo regique ROBERTO FULBERTUS sacerdos.

Quæso, domine mi, ne indignanter accipias quod tibi proxima Dominica Parisiis non occurri. Scias enim pro certo quod nuntii fefellerunt me, dicentes te illum ipso die non adfore, sed propter ordinationem ejusdam episcopi me vocari, quem omnino non noveram, nec sacramentum tuam nec epistolam archipræsulis mei de ordinatione ipsius acceperam. Unde si quid delicti penes me est, seductus sum aliena fallacia. Facilis tamen debet esse remissio apud regiam pietatem, cum etiam apud forenses judices status sit hujusmodi venialis. In toto corde meo diligo te; ne repellas me a mandatis tuis. Vale.

EPISTOLA LV [olim LXXXVII].

(Anno 1020 aut 1021.)

Dilectissimo domino suo regi Francorum ROBERTO FULBERTUS humilis episcopus sanctæ virtutis augmentum.

Si nobis omnes pervagandæ facultates simul cum voluntate suppeterent, interesset vestræ pietatis levitatem nostram arguere, et ad nostræ ecclesiæ quæ destructa et restorationem assiduam revocare. Nunc vero cum omnes ejusmodi facultates desint, et nos ad assiduitatem necessitudo magna coerceat, quomodo sapientiæ vestræ dignum videri possit ut vel nos vel clerum nostrum de qualibet longa processione commoneat. Sustinete potius, sancte Pater, sustinete imbecillitatem nostram, supplete indigentiam nostram, ut Deus omni bono refocillet charam animam vestram. Valete regaliter (35).

EPISTOLA LVI [olim LXXXVIII].

(Circa annum 1020.)

Benignissimo domino suo regique ROBERTO FULBERTUS humilis sacerdos si qua potest orationis suffragia.

Ex parte celsitudinis vestræ dictum est nobis quod domnum Franconem Parisiensi Ecclesiæ dare vultis episcopum, et ad hoc peragendum nostræ humilitatis habere favorem. Nobis autem videtur quia, si episcopus de quo agitur aptus est clericus, est optime litteratus, et ad sermonem faciendum agilis: in qua re omnes episcopos decet esse, non minus quam in operatione potentes atque disertos. Unde, si hoc fieri posse canonice domni archiepiscopi Senonensis et coepiscoporum nostrorum probavit sagacitas, nostrum etiam, qui de hac discussione appellati non fuimus, habetis assensum. In nullo enim quod bonum sit, coram Domino vestræ voluntati nitimur contraire. Vigeat excellentia vestra.

EPISTOLA LVII [olim XC].

(Anno 1020).

Dilectissimo domino suo ROBERTO FULBERTUS episcopus humillimus consilium et fortitudinem a Domino.

Cum præsentia mea nequeo, saltem litteris te re-

(35) Gallice sic fere, *se porter comme un roi.*

viso, mi domine, sciscitans de fortunis tuis, et exponens aliqua eorum quæ geruntur in partibus nostris. Carnotenses adhuc plerosque detineo, ne in tuum nocumentum erumpant. Sed Hereb. et Gaufr. nullo interdicto refrenare potui. Faciunt tibi mala quæ possunt, minantur quæ non possunt. Virtus Altissimi conterat et disperdat superbiam illorum! Quidam autem vernaculi tui, qui ab eisdem malefactoribus injuriam passi sunt, Martinus scilicet de Villeri monte et filii ejus, iram suam retorquent in terram Sanctæ Domine nostræ, diripientes fruges et cætera bona nostra, quæ in vicinia sua sunt. Nos vero inulta hæc patimur propter te, exspectantes et deprecantes justitiam tuam. Sunt hæc et alia multa, mi domine, quæ me nimis angustiant; satis enim oneri esse videbatur adversa corporis valetudo. Sed tamen illud ægrius tolerabam, quod res Ecclesiæ in superfluum domesticorum victualia sic expendere compellebar ex prava consuetudine prædecessorum meorum, ut officium hospitalitatis et eleemosynæ, sicut mea interest, administrare non possem. Nunc autem res ipsas, quantulæ erant, passim inimici diripiunt. Additur his malis incendium Ecclesiæ nostræ (36). Quoniam cum unde restaurem, sicut decet, non habeo, mihi quoque necessarios sumptus indulgeri detrecto. His itaque et pluribus aliis difficultatibus circumventus, quas vel pudoris lex vel brevitatatis enumerare vetat, multa mecum agito; non ut ærumnas in hac vita evadere coner, quod est impossibile, sed ut aliquo labore quamvis arduo valeam restaurandæ Ecclesiæ opem ferre. Hujus vero consultationis meæ finem tibi domino meo revelatum iri disponis cum Deus dederit tui opportunitatem alloqui. Valeta perenniter.

EPISTOLA LVIII [olim CI].

Anno 1020.

Glorioso duci Aquitanorum GUILLIELMO FULBERTUS *episcopus orationis suffragium.*

De forma fidelitatis aliquid scribere monitus, hæc vobis quæ sequuntur breviter ex librorum auctoritate notavi. Qui domino suo fidelitatem jurat, ista sex in memoria semper habere debet: Incolume, tutum, honestum, utile, facile, possibile. Incolume, videlicet, ne sit domino in damnum de corpore suo. Tutum, ne sit ei in damnum de secreto suo, vel de munitionibus per quas tutus esse potest. Honestum, ne sit ei in damnum de sua justitia, vel de aliis causis quæ ad honestatem ejus pertinere videntur. Utile, ne sit ei in damnum de suis possessionibus. Facile vel possibile, ne id bonum, quod dominus suus leviter facere poterat, faciat ei difficile: neve id, quod possibile erat, reddat ei impossibile. Ut autem fidelis hæc nocumenta caveat, justum est, sed non ideo sacramen-

(36) *Incendium ecclesiæ nostræ.* Ex veteri Annali abbat. S. Petri in valle Carnot., id est in legenda sancti Aniani: Anno millesimo vicesimo, in nocte Nativitatis, episc. Fulb. anno 4 fuit civitas Carno-

tum meretur, non enim sufficit abstinere a malo, nisi fiat quod bonum est.

Restat ergo, ut in eisdem sex supradictis consilium et auxilium domino suo fideliter præstet, si beneficio dignus videri vult, et salvus esse de fidelitate quam juravit. Dominus quoque fideli suo in his omnibus vicem reddere debet. Quod si non fecerit, merito censëbitur maleficus: sicut ille, si in eorum prævaricatione vel faciendo vel consentiendo deprehensus fuerit, perfidus et perjurus. Scripsissem vobis latius, si occupatus non essem cum aliis multis, tum etiam restauratione civitatis et Ecclesiæ nostræ quæ tota nuper horrendo incendio conflagravit. Quo damno etsi aliquantisper non moveri non possumus, spe tamen divini atque vestri solatii respiramus.

EPISTOLA LIX [olim XVI].

(Circa annum 1021.)

Piissimo duci Aquitanorum GUILLIELMO FULBERTUS *humilis episcopus.*

Non est mirum, serenissime princeps, si quid moveris animo contra me, de hoc quod sapientissimo ac sanctissimo Patri nostro Hilario tibi quæ debita servitia non rependo. Magnam enim honorificentiam exhibuisti, largosque dedisti munificentiam fructus, pro quibus nihil præsentis emolumenti recepisse videris. Sed est quod te reconfortare plurimum potest, hoc videlicet quod tuas gazas in ecclesiæ Beatæ Mariæ restaurationem expensas, non solum integras, verumetiam multiplicatas ab ipsa recipies. Ex parte vero mea, quamvis perexilis portio mercedis æstimari possit, tamen quidquid sum et possum tuum est. Si autem de malitia sæculi ortæ difficultates meum iter impediunt, ut frequentare non possim, et dilationes meas exspectare tædet, fac, benignissime atque dilectissime princeps, de illa dignitate quam mihi commiseras, quidquid animæ tuæ beneplacitum fuerit, certo sciens quod ea causa benevolentiam meam erga te nunquam senties imminutam. Cætera quædam, quæ scribere nolui, legato vestro, domino videlicet Raimone referente cognosces. Vale.

EPISTOLA LX [olim XVIII].

(Anno 1021, al. 1024.)

Claro suo HILDEGARIO FULBERTUS *humilis episcopus.*

Scio te, fili, meum desiderare adventum, sed retardant templi restauratio, mandata regis, prædonum instantia, messivæ feriæ, Lemovicensis episcopi causæ pacandæ difficultas, via scrupulosa. Ægre fero moras meas, satiusque mihi fuisset rem S. patris Hilarii non suscepisse curandam, quam tali modo tractare. Sed hac consolatione respiro, quia quod potes, vice mea facis. Precor ergo ut propositum urgeas strenue tam in spiritualibus quam in singularibus agens. Si Robertum præpo-

tens, et tota ecclesia beatæ Mariæ combusta, quam idem episcopus gloriosus sua industria et labore et sumptu a fundamento reædificavit.

situm indiligenter villicari nosti, fer causam ad notitiam ducis nostri (Aquitaniæ), ut ejus arbitratu vel corrigatur vel mutetur. Saluta charos nostros R Hu. Dur. et alios tam clericos quam laicos. Frater Theoldus obiit, frater Ebrardus monachus evasit scholarum ferulam, et cancellarii tabulas tibi servo, bona parans, meliora devovens; tu quoque, pro nobis orans, feliciter vale.

EPISTOLA LXI [olim XXXVII].

(Circa annum 1021.)

Dilectissimo patri et coepiscopo suo GUIDONI FULBERTI orationis suffragium.

Rogamus charitatem vestram pro his servis Ecclesiæ nostræ qui sub vestra potestate degunt, ut eis patrocinari dignemini, et ut nobis constituatis terminum post octavas beati Martini, quando et ubi nostri legati possint occurrere vobis, ad definiendam causam eorum, quæ propter obitum antecessoris vestri [Rodulfi] indefinita remansit. Rogamus etiam ne nobis scripto significare gravemini, cur Sylvanectis non fuerit sacratio vestra. Vale.

EPISTOLA LXII [olim XXXVIII].

(Anno 1021.)

Egregie dilecto coepiscopo suo GUIDONI, FULBERTUS.

Amor justitiæ, qui tuam, pater, animam imbuat a nativitate, fecit eam inoffensam, et ab excessibus cautam. Cujus rei fidem cum ex aliorum dictis, tum ex litteris tuis evidenter accepi. Sed ab ordinatione Ebali Remensis archiepiscopi non valde tibi metuendum puto esse, si est, ut dicitur, ab infantia Christianus, sano sensu sacris litteris eruditus, sobrius, castus, amator pacis et dilectionis, nullo crimine, nulla infamiæ nota turbatus, tandemque a clero et populo suæ civitatis electus. Magni etenim viri, ut optime nosti, Ambrosius Mediolamensis et Germanus Antissiodorensis, aliique nonnulli, quia tales in laico habitu exstiterunt, subito nobis sancti præsules exierunt. Domnus vero papa, cujus animadversionem te revereri significasti, non est quod tibi merito debeat succensere, si te graviter collapsæ sanctæ Remensi Ecclesiæ aliquam spem resurrectionis audierit providisse. Vale in perpetuum memor mei vere fidelis tui. Illi quoque valeant, qui tuam memoriam mihi commendaverunt.

EPISTOLA LXIII [olim LXXIX].

(Circa annum 1021.)

FULBERTUS episcoporum humillimus HILDEGARIO suo salutem.

Absentia tua sæpe commemorat quam necessarius eras præsens. Sed hoc me consolator quod obsequia tibi delegaverim, qui sis dignus recipere, et utrumque remunerare paratus. Spero enim ut mihi quoque de tuis benemeritis, si qua Deo dante fuerint, aliqua tecum mercedis portiuncula cedat. Opitulabor itaque ad bene promerendum ex animo. Sed veniendi ad vos diem statuere dubito, quia et ibi victualia mihi puto deesse, et in mea diocesi multis occupor. Fac tu interim quod te facere opto et credo: lectioni, orationi, et eruditioni fratrum

A operam tuam cum alacritate divide, animæ simul et corporis curam gerens; ne propter secundam lassitudinem primæ vigor evanescat. De re sancti patris Hilarii et nostra fideliter disponenda scio te non indigere monitis, dummodo fures caveas. Vestes et cætera ornamenta ecclesiæ, quæ lavari volunt, procura, ut festa paschalia suo candore venustent. Laurus nostra et totum pomarium gaudeant suo cultu. Vinitorem quoque et agricolam te esse memineras. De vario numero psalmodiarum qui adjiciuntur a quibusdam in tempore jejunii per singulas horas canonicas, in fine, post orationem Dominicam et capitula quæ sequuntur, regulam non invenio. Psalmi quidem meo arbitratu superflui essent, nisi eos tutaret psalmistarum devotio. Finitis autem capitulis, post orationem Dominicam, ubi dicitur: *Domine, exaudi orationem meam*, statim esset subdenda oratio, quæ ex libro *Sacramentario* recitatur. Patere tamen Ecclesiam retinere suum usum ad præsens. De significatione clericali ornatus Amalericus sic breviter: Desideramus recapitulare omnem armatum clericorum. Caput clerici in superiore parte discoopertum. Mens est, ubi est Dei imago. Inferiore parte circumdatum capillis, quasi aliquibus de præsentī necessitate. Amictus est castigatio vocis. Alba cæterorum inferiorum sensuum, præsidente magistra ratione, et interius per disciplinam continentis constringente, quasi quodam cingulo, voluptatem carnis. Calceamenta, prohibitio pedum ad malum festinare. Sandalia ornatus ad iter prædicatoris, qui cælestia non debet abscondere neque terrenis inhiare. Secunda tunica, opera mentis sunt. Casula, opera corporis pia. Stola jugum Christi, quod est Evangelium. Dalmatica diaconi, id est ministri, cura proximorum est. Sudarium piæ et mundæ cogitationes, quibus detergimus molestias animi ex infirmitate corporis. Pallium archiepiscopale torques devotissimæ prædicationis, et in Veteri Testamento et in Novo. Hactenus Amalaricus. Mitto tibi Cyprianum, Porphyrium, et Vitas Patrum cum psalterio, ut petisti. Moneo etiam ut cum Donatum construxeris, nihil admisceas ineptæ levitatis, ut sit causa joci, sed omnia seria. Spectaculum enim factus es, cave. Vide etiam ne tuæ assecleæ medialis nuditate laborent. Saluta mihi fratres nostros in Domino, et tute vale. Presbytero benedicenti os non alligabis, nisi ex præcepto episcopi sui; quod oblitus fueram: prohibetur tamen Agathensi canone.

EPISTOLA LXIV [olim LXXX.]

FULBERTUS humilis episcopus fratri HILDEGARIO.

De charissimo nobis principi Guilielmo perpetuam felicitatem cum orationibus, ex parte nostra, et totius cleri ac populi nostri, propter eleemosynam quam misit ad restaurationem ecclesiæ nostræ. Deinde vero nos prædicasse publice, sicut ipse mandavit, virtutem Dei per meritum sancti Joannis ostensam in districtione Gausberti, cum exsultatione et gaudio omnium qui audierunt. Monuisse quoque

Bituricensem archiepiscopum per quemdam monachum suum, ut sese pacare non negligat cum ipso domino Guillelmo et episcopis ejus, priusquam sibi exinde scandalum oriatur. Tibi etiam misisse sibi exponendas sententias Bacharii, Bedæ, et Rabani, de fide Salomonis, unde fecerat quæstionem. Sed et de præbenda quæ vacat, sicut et de omni bono, voluntati ejus me præbere consensum. Præterea scias me, propter te magistro S. veniam indulsisse. Cæterum Trigrinus submonebat, ut mitterem vobis aliquem procuratorem ad colligendas fruges; sed ego totum hoc curæ tuæ commito, te exercitans illum probans. Adjutorem scholarum nolo tibi mittere, qui nondum assecutus sit maturitatem ætatis et gravitatem morum. Utere interim clientelæ tuæ qualicumque subsidio, donec causam communi consilio pertractemus. Vale.

EPISTOLA LXV [olim LXXXI].

(Circa an. eumd.)

Cum audio te facere quod debes, lætor quamvis trepidem de futuris. Unde summam bonitatem deprecans, ut te dignetur regere, te quoque moneo ut habenis præceptorum ejus obtemperare memineris. Iterum dico vale. Bacharii insertam invenies sententiam. Bedæ et Rabani quorum tamen trium sententias hic quoque subnotare non pignit. Bacharius ait: « Salomon ille mirabilis, qui meruit astrui Domino, sapientiæ copulari, in alienigenarum mulierum incurrit amplexus, et in vinculo libidinis laqueatus etiam sacrilegii errore se polluit, quando simulacrum Chamos Moabitarum idoli fabricavit. Sed quia per prophetam culpam erroris agnovit, nunquid misericordiæ celestis et extorris? At forsitan dicas: Nusquam eum in canone lego pœnituisse, neque misericordiam consecutum. Non ambigo, frater, de pœnitentiâ ejus, quæ non inscribitur publicis legibus. Et fortasse ideo acceptabilior judicatur, quia non ad faciem populi, sed in secreto conscientie Domino teste pœnituit. Veniam autem ex hoc consecutum esse agnoscimus, quia cum solutus fuisset a corpore, sepultum illum inter regum Israelitarum corpora Scriptura commemorat: quod tamen alibi peccatoribus regibus abnegatum esse cognoscimus, qui usque in finem vitæ suæ in proposito perversitate manserunt; et ideo quia inter reges justos meruit sepeliri, non fuit alienus a venia. Veniam autem ipsam sine pœnitentiâ non potuit promereri. » Beda in opusculo super lib. Regum capitulo xxxix, præmissis paucis, ait: « Ubi hoc quoque ni fallor, palam ostenditur, quod utinam non ostenderetur! quia videlicet Salomon de commisso idololatriæ scelere nunquam perfecte pœnituit. Nam si fructus pœnitentiæ dignos faceret, satageret ante omnia ut idola quæ ædificaverat de civitate sancta tollerentur, et non in scandalum stultorum quæ ipse cum fuisset sapiens erronee fecerat quasi sapienter ac recte facta relinqueret. » Rabanus sic sub persona Isidori in expositione ejusdem libri: « Jam porro de aliis operibus Salomonis quid dicam, quem vehementer

PATROL. CXLI.

A arguit sancta Scriptura et damnat, nihilque de pœnitentiâ ejus vel in eum indulgentiæ Domini omnino commemorat. Nec prorsus occurrit quod saltem in allegoria bene significet, hæc est flenda submersio. »

EPISTOLA LXVI [olim LXXXII].

(Circa an. eumd.)

FULBERTUS *humilis episcopus H. suo salutem.*

Diu sustinui sperant te esse venturum, ut dixeras. Unde jam nimia dilatione commotus arguo apud te solum. Cur enim te mendacem mihi et ingratum exhibuisti, cum tibi dulce esse debuisset paratos si qui forent de venatione tua cibos te patri inferre, ut aliquam benedictionem merereris accipere. Noli jam morari diutius, si gaudere vis de humili gratia nostra. Vale et veni, aut rescribe mihi quid pro certo sperare debeam de te.

EPISTOLA LXVII [olim LXXXIII].

(Circa an. eumd.)

FULBERTUS *Carnotensium humilis episcopus, R. sanctæ Ecclesiæ Aurelianensis œconomo.*

Quod me scribere mones utilia clerico quodque de scientia magnipendis, facis amice, facis ut Christianæ philosophiæ cultor, invidiæ purus. Ego vero, etsi ignarus mei moduli, non præsumo grandia, tamen memor in quo parere possum, exhortationi sanctæ deesse non volo. Scripsi itaque sicut monuisti, quid mihi videatur agendum de presbytero illo qui missa celebrare et non communicasse compertus est, in hunc modum. Videtur namque diligenter inquirenda esse causa, qua sacrosanctam communionem subterfugerit, videlicet utrum hæretica infidelitas sit, an timor ex conscientia plane mortalis criminis, an timor ex conscientia ebriositatis aut libidinis. Quæ quidem miseri sacerdotes mortalia peccata esse aut nesciunt aut scire dissimulant, remordente tamen conscientia mala; an sit tædium ex multa celebratione missarum; an timor indiscretus quo pusillanimes afficiuntur interdum pro levibus culpis; an morbus rheumatizantis et nauseantis stomachi; an passio cerebri mentem lædens. Si ergo infidelitas in causa inventa fuerit, aut aliud plane mortale crimen, deponendus est auctoritate canonica usque ad legitimam satisfactionem. Si autem appetitus ebriositatis aut libidinis, quando quidem et ipse mortiferæ sunt, ab officio removendus est, et tendiu abstinencia castigandus est, quousque, relicto vitio et per Dei gratiam superato, revocari videatur idoneus. At si ex frequenti missarum celebratione tædium, ita corripiendus, et per annum integrum a communione pellendus, sicut scriptum est in concilio Toletano xii, capitulo 5. Si vero indiscretus timor de levi culpa, castigandus esse videtur cum pietate, sicut legitur in Capitulario, lib. i, capitulo 6. At si prænotata passio stomachi, vel cerebri fuerit in causa, quiescere debet a ministerio, donec recuperet sospitatem. Si autem præter supradicta aliud aliquid in causa inventum fuerit, ex ipsorum comparatione per ratiocinationem facile tractabi-

tur. Hic breviter assignatis salvento in Domino A
Jesu Christo, vir optime, qui me multosque alios
jugiter et interrogas, et dum prudenter interro-
gas, bene doces. Vale.

EPISTOLA LXVIII [olim LXXXIV].

(Circa ann. eumd.)

Benignissimo atque dilectissimo domino suo Ro-
BERTO, FULBERTUS Dei gratia Carnotensium sacer-
dos.

Cognita benigna voluntate vestra consilioque pruden-
tiae vestrae comperto, quia sanum est, ut solet,
voluntati obsequor, consilio acquiesco, et iter in-
stitutum (37) ad praesens omittens, in tempus a
vobis constitutum differo peragendum, si anuerit
Deus. Si ergo de justitia, de pace, de statu regni,
de honore Ecclesiae vultis agere, ecce habetis me
parvum satellitem pro viribus opitulari paratum.
Vale.

EPISTOLA LXIX [olim XCVII].

(Anno 1021).

Nobilissimo regi Danomarchiae CNUO, FULBERTUS
Dei gratia Carnotensium episcopus cum suis cle-
ricis et monachis orationis suffragium.

Quando munus tuum nobis oblatum vidimus,
sagacitatem tuam et religionem pariter admirati
sumus: sagacitatem quidem, quod homo nostrae
linguae (38) ignarus longoque a nobis terrae maris-
que intervallo divisus, non solum ea quae circa
te sunt strenue capessas, sed etiam ea quae circa
nos diligenter inquiras; religionem vero, cum te,
quem paganorum principem audieramus, non modo
Christianum verum etiam erga ecclesias, atque
Dei servos benignissimum largitorem agnoscimus.
Unde gratias agentes Regi regum, ex cujus dispo-
sitione talia descendunt, rogamus ut ipse regnum
tuum in vobis prosperari faciat, et animam tuam
a peccatis absolvat per aeternum et consubstantia-
lem sibi unigenitum Christum Dominum nostrum
in unitate Spiritus sancti. Amen. Vale, memor nos-
tri, non immemor tui.

EPISTOLA LXX [olim XCVIII].

(Circa an. eumd.)

Nobili comiti S., FULBERT. Dei gratia carnotens,
episcopus, fideles orationes.

Si in eligendo vestrae civitatis episcopo regulari-
ter ageretur, suffragium nostrae humilitatis non de-
foret juxta modum rationis. Nunc autem palatinus
aut publicus rumor est, quod ille clericus quem
eligere vultis, favorem vestrum sit aucupatus pro-
missionum sibilis et pecuniae visco. Dicunt etiam
quod sine jussu regis, et concensu episcoporum
comprovincialium, aedes et rem episcopalem in-
vaserit. Quae si sint vera, non sunt regularia: nec
me vel vobis, vel aliis contra jus et fas opitulari
oportet. Valet.

(37) Pictavium, ut nobis videtur, potius quam
Romam.

(38) *Nostrae linguae* nomine hic profecto intelligit
Fulbertus Francorum idioma, quod Romanum dic-

EPISTOLA LXXI [olim CII].

(Anno 1021).

Clarissimo duci Aquitanorum GUILLELMO FULBERTUS
episcopus, utile et honestum.

Gauderem, dilectissime princeps, ad dedicatio-
nem vestram devotus occurrere, nisi me Ecclesiae
nostrae nullo modo negligenda necessitas detine-
ret. Gratia namque Dei cum adjutorio vestro cryp-
tas nostras pervolvimus, easque priusquam hic-
malis inclementia laedat cooperire satagimus. Volo
autem vos scire, quod litterae, quas priores epis-
cupo Azelino misistis, regi relatæ sunt: qui etiam
valde contristatus est de sua vilitate, quam ibi
scriptam invenit. Fecissetque Bituricensis epis-
copus juxta consilium nostrum, ut ait, de Lemovi-
censi episcopo, nisi eum regulariter iræ formido
detineret. Sed quia rex proximo rugitu, ut dicitur,
venire habet in silvam Legium (39), quæ vicina
est, ut scitis monasterio sancti Benedicti, ego quo-
que, Deo favente, illuc ire disposui, sciturus qua-
les inveniam erga vos et regem et archiepiscopum,
vel quales reddere possim. Et quod interim effe-
ro, aut ipse vobis referam, aut litteris innotescam.
Vale feliciter.

EPISTOLA LXXII [olim CIII].

(Anno 1021).

Dilectissimo semperque diligendo domino et duci
Aquitanorum GUILLELMO, FULBERTUS Carnoten-
sium humilis episcopus, in hac vita se et sua
omnia, in altera gaudia sempiterna.

Doleo, vir optime, quod nuper in conventu regis
atque nostro loquendi tecum opportunitatem non
habui, non de saeculari negotio, sed de loco sancti
Patris Hilarii, cujus rectores nos esse bonitas tua
voluit, sed hujus temporis malitia non permittit.
Mando itaque tibi, et precor absens id quod tunc
praesens intimare volebam, videlicet, ut secundum
bene placitum cordis tui constituas tibi alium the-
saurarium et capitarium de bonis clericis qui sunt
in tua vicinia, quos in via longa et periculosa non
disturbet ab officio, sicut me et meos hactenus
disturbavit. Nec me putes, obsecro, ita pravum, ut
propter hoc tibi videar minus esse fidelis. Agnosco
enim me perpetuum debitorem esse fidelitatis ani-
mae tuae et corpori, propter benignitatem quam
mihi immerito exhibuisti. Unde certo scias, quia si
tibi aut populo tuo mei ministeri necessitas immi-
neret, et hoc mihi mandare dignum duceres, sub-
venirem tibi Deo duce, si non possem aliter, vel in
habitu pauperis peregrini. Precor autem bonitatem
tuam, ut Raimoni relevare digneris damnum
quod pertulit in servitio nostro. Vale nunc et sem-
per, piissime atque benignissime: ego vero nun-
quam obliviscar te.

tum est quia a Romana lingua puriore ortum ha-
bebat.

(39) Seu Aurelianensem.

EPISTOLA LXXIII [olim CIV].

A

(Circa annum 1022.)

Nobilissimo ac p̄simo duci Aquitanorum GUILIELMO, FULBERTUS Dei gratia Carnotensium episcopus, salutem et orationum fidelia.

Vestram, optime princeps, erga me benevolentiam expertus sum, cunctis amicorum meorum benevolentis affectu mihi dulciorem, effectu quoque utiliorem. Nam alii quidem amici mei vix parum aliquando meritis meis vicem rependunt. Vobis autem me licet immerentem gratuitis beneficiis accumulare mira charitatis abundantia placet. Jam fere tertio anno præterito quod sic agit, erubescerem munera vestra gratis suscepisse. Incertus essem Dominum Jesum Christum et sanctam Mariam genitricem ejus, in ejus officio expensa sunt, mercedem vobis reddituros. Præterea non defuit mihi animus vos adeundi, et in vestra regiones vobis obsequendi. Sed multæ causæ difficultatis obstiterunt. Ob quod gerendum pro certo noveritis cuncta me difficilia postpositurum, si quoquomodo fuerit possibile. Hæc dicens relevare cupio mirabilem affectus vestri erga me dulcedinem, in cujus litteris nuper legi quod gauderetis me superstitem esse in regionibus nostris, quasi sperantes unquam in vestris me videre. Unde Auctori totius boni supplico, ut et vos in hac vita longum tempus superesse faciat, et me vobiscum supersitem adhuc beato Hilario vobisque deservire concedat. Fratrem Hildegarium, vestrum et nostrum fidelem, rogastis nos vobis remittere : sed deplorat, quasi jam diu nostri pectoris mamillas non suxerit. Quibus aliquandiu refici serenitatem vestram humiliter postulat, ut aspiratione dulciori vobis ac vestris postmodum complaceat. Valeatis feliciter cum omnibus vestris.

EPISTOLA LXXIV [olim XXX].

(Anno 1022.)

Sacro Senonensium archipræsuli LEUTHERICO, FULBERTUS Dei gratia Carnotensium episcopus, virtutem suæ dignitatis excellentiæ competentem.

Odalricum Aurelianensem ego quidem ad episcopatum non elegi, sicut vobis dictum est, sed a clero et populo suæ civitatis electum sacravi presbyterum. Quod eum Romam ire velle audistis, et ibi creari episcopum, dissuasi vestri honoris gratia. Sed et ipse gratanter dissuadenti paruit, suggerentibus fidelibus suis, Rodulpho scilicet et Herfrido. Multis occupatus, pauca rescribere cogor. Saluto vos quantum possum in Domino, paternitati vestræ devotus suffraganeus.

(40) De Odilone fit in pluribus locis mentio. Il nostro vet. Chronic. : Anno 1020 florebat religio per famosos abbates sanctitatis præstantes, in Burgundia per Odilonem Cluniacensem, pietate insignem, et Guill. Divionensem. De eo sic Petrus Damianus in ejus Vita : Hic sanctus, Arvernix ex equestri genere oriundus, dum adhuc infans esset, tanto

EPISTOLA LXXV [olim XXXI].

(Circa an. eumd.)

Patri ac primati suo LEUTHERICO, FULBERTUS episcopus.

Gratias ago vigilantæ tuæ, quæ meæ simplicitati præmonitorium facit. Vere enim indigeo præmoneri de multis propter meæ indiscretionis seu negligentæ morbum. Verum in hac causa qua de nunc agis, id est, ne quibuslibet episcopandis cito manus imponam, opus non esse arbitror monitore. Nam et si tu in isto negotio, consilii meo, ut decuerat, hactenus uti voluisses, et ordo noster et tua res aliter processisset. Sed omitto præterita de futuris plurimum bonæ spei capio ex eo quod nunc cum sanctis vis ac sapientibus agis, Patrem nostrum Odilonem (40) loquor et asseclas ejus. Consilio enim illorum spero te non solum animæ periculum evadere, sed etiam hujus vitæ gloriam et honorem posse recuperare. Vale memor mei tibi in omnibus bonis obedire et optulari parati.

EPISTOLA LXXVI [olim XXXII].

(Circa an. eumd.)

Venerabili Senonensium archiepiscopo LEUTHERICO, FULBERTUS Dei gratia Carnotensium humilis episcopus, orationis suffragium.

Vides, Pater, et audis quanta bellorum incendia nostris in partibus exardescunt. Unde periculosum esse timeo, nos ad metas destinatæ synodi convenire. Quid autem super hoc tuæ providentiæ videatur, cito mihi remanda.

EPISTOLA LXXVII [olim XXXIII].

(Circa an. eumd.)

Venerabili Senonensium archiepiscopo LEUTHERICO, FULBERTUS Carnotensium humilis episcopus a summo Domino, Euge bone serve.

Placuit excellentiæ vestræ sciscitari a nobis quid agendum sit de quodam viro, qui filium suum tenendo ad confirmationem factus est de patre patrinus, videlicet utrum ab uxore sua matre ejusdem pueri sit separandus, an non. Nos vero quod sancti Patres de tali causa statuerunt, id censemus esse tenendum. Invenitur ergo statutum in concilio Leptinensi, cap. 7, sub Zacharia papa sub principe Carolo Magno hoc modo : Si quis filiastrum aut filiastram suam ante episcopum ad confirmationem tenuerit, separaretur ab uxore, et alteram non accipiat. Simili modo et mulier alterum non accipiat. Item in eodem : Nullus proprium filium vel filiam de fonte baptismatis suscipiat, nec filiolum nec commatrem ducat uxorem, nec illam cujus filium vel filiam ad confirmationem tenuerit. Ubi autem factum fuerit, separentur. Credo ista tibi sufficere, pauca sapienti. Vale.

repente omnium membrorum torpore laborabat, ut vix incederet. Ad januam basilicæ Dei Genitricis solus relictus, pedibus vix repens, cornua altaris manibus apprehendens, divinæ virtutis auxilium sensit ; et omni languore sanatus monachus factus post Maiolum abbas creatus est.

EPISTOLA LXXVIII [olim XCV].

(Circa annum 1022.)

Roberti regi Francorum ad Gauzlinum Bituricensis archiepiscopum.

(Vide infra in ROBERTO rege.)

EPISTOLA LXXIX [olim XCVI].

(Circa annum 1022.)

Gauzlini Bituricensis archiepiscopi ad Robertum Francorum regem.

(Vide infra in ROBERTO rege.)

EPISTOLA LXXX [olim XCVII].

(Circa annum 1022.)

Pio regi ROBERTO, FULBERTUS humilis episcopus, omnia fidelia.

Sacra vestra monitus sum inquirere festinanter, et scribere vobis, si qua historia sanguinem pluisse referat, et si factum fuit, quid futurum portenderit. Livium, Valerium, Orosium, et plures alios hujus rei relatores inveni, et quibus ad præsens solum Gregorium Turonensem episcopum testem esse productum sufficit, propter auctoritatem religionis suæ. At ergo Gregorius idem in sexto lib. Historiarum, cap. 14 : « Anno septimo regni Childeberti regis, qui erat Chilperici et Guntrani 21, mense Januario, pluviae, coruscationes, atque tonitrua gravia fuerunt : flores in arboribus ostensi sunt : stella, quam cometem superius nominavi, apparuit, ut in circuitu ejus magna nigredo esset, et illa tanquam si intra foramen aliquod posita, ita tenebras relucebat scintillans, spargensque comas. Prodiat autem ex ea radius miræ magnitudinis, qui tanquam fumus magnus incendii apparebat a longe. Visa est ad partem occidentis in hora noctis prima. In die autem sancto Paschæ apud Suessionis civitatem cælum ardere visum est, ita ut duo apparerent incendia ; et unum erat majus, aliud vero minus. Post duarum vero horarum spatium conjuncta sunt simul, factaque in pharum magnum evanuerunt. In Parisiaco vero termino verus sanguis ex nube defluxit, et super vestimenta multorum hominum cecidit, et ita tabe maculavit, ut ipsi propria indumenta horrentes abnuerent. Tribus enim locis in termino civitatis illius hoc prodigium apparuit. In Silvanectensi vero territorio hominis cujusdam domus, cum ille mane surgeret, sanguine respersa ab intus apparuit. Magna autem eo anno lues in populo fuit. Valetudines vero variæ, melinæ, cum pustulis et vesicis, multum populum affecerunt morte. Multi tamen adhibentes studium evaserunt. Andivimus

(41) Habet vetus manuscrip. hæc verba : *Henricus et Rob. reges ad Charum fluvium colloquuntur anno 1023.* Et Gaguinus in Vita Rob. sic habet : *Henricus imperator ei Rob. rex Franc. super Charum fluvium apud Enosium convenerunt de statu Ecclesiæ, imperii et regni amicabiliter tractaturi anno 1023.*

(42) Quis sit iste arch. Tur. et quo nomine sit insignitus vix colligi potest ex tabulis Democh. Requisiverat pallium archipres. a summo pontifice, et ei denegatum fuerat. Describitur autem

A autem eo anno in Narbonensem urbem inguinarium morbum graviter desævisse, ita ut nullum esset spatium vitæ, cum homo correptus fuisset ab eo. » Hactenus Gregorius Turonensis. Liquet igitur ex hac et ex supra me moratorum historiis, quod pluvia sanguinis publicam stragem futuram esse portendat. Quod autem nuper hujusmodi cruorem in quadam parte regni vestri pluisse audistis, et quod ille cruor ubi supra petram vel super carnem hominis ceciderat, ablui non poterat, ubi autem super lignum ceciderat, facile abluebatur, per hoc tria hominum genera significata esse videntur : per lapidem impii, per carnem fornicarii, per lignum vero quod neque durum est ut lapis, neque molle ut caro, illi qui neque impii sunt neque fornicarii. Cum ergo venerit super illam gentem, cui portenditur, gladius, sive pestilientia designata per sanguinem, si antea duri aut molles fuerint mutati in melius, non morientur perpetualliter in sanguine suo. Medii vero per angustiam mortis vel aliter poterunt liberari pro arbitrio secretissimi atque præstantissimi Judicis. Vale, piissime rex.

EPISTOLA LXXXI [olim XIII].

(Anno 1023.)

Domino suo ROBERTO regi benignissimo, FULBERTUS humilis sacerdos in perpetuum vigere.

Sacram majestatis vestræ nuperrime suscepti momentem me vi Kal. August. vestro et Henrici interesse colloquio (41), non solum vestri obsequii, sed et nostræ commoditatis causa. Unde suppliciter vobis pro tanta erga me pietatis affectione gratulans rescribo, me jam diu infirmatum, ægritudinem hoc tempore maxime revereri, longum iter aggredi non audere, successu vero temporis opportunioris, annuente Deo, libenter vos eo, sive alias comitaturum esse, quanquam ad præsens si valetudo non obsisteret, longe tamen ante præmoneri me tanti itineris oporteret. Valetate feliciter.

EPISTOLA LXXXII [olim XLVIII].

(Circa annum 1023.)

Venerabili Turonensium archipræsuli ARNULFO, FULBERTUS (42) humilis episcopus, semper agere prudenter ac simpliciter.

Et nunc quidem gratia Dei sic agitis, cum licet non inconsulti fratrum tamen consilia captatis. Respondemus itaque vobis, quia si pallium requisistis a Romano pontifice, et ipse vobis illud sine causa legitima denegavit, propter hoc non est opus

pallium a Lothario card., qui postea fuit Innoc. III, in lib. De officio missæ, hoc modo : *Pallium istud quo majores episcopi utuntur, est de candida lana contextum, desuper habens circulum humeros constringentem, et duas lineas ab utraque parte pendentis, quatuor cruces perpureas, ante, retro, a dextris, a sinistris, sed a sinistris duplex est, et simplex a dextris. Tres etiam acus aureæ infinguntur pallio, ante pectus, super humerum et post tergum, super dextrum humerum non infigitur, hæc quælibet acus pretiosum continet lapidem. Quid autem hæc significent idem Lotharius*

amittere ministerium vestrum, ut si vestra tarditate nondum est requisitum, cantela est expectare donec requiratur, ne vos ex improvise præsumptionis arguere possit. Continentur enim quædam reverenda nobis in privilegiis Romanæ Ecclesiæ, quæ propter negligentiam nostram non facile inveniuntur in armariis nostris. Valet.

EPISTOLA LXXXIII [olim XV].

(Anno 1024.)

Fulconis Andegavorum comitis ad Robertum regem.

(Vide infra in ROBERTO rege Francorum.)

EPISTOLA LXXXIV [olim XXII.]

(Anno 1024.)

Domino sancto et universali papæ JOANNI, FULBERTUS Carnotensium humilis episcopus, orationum fœdella.

Gratias omnipotenti Deo, qui more benignitatis suæ tuam, Pater, humilitatem respexit, et summo ut decebat dignitatis apice sublimavit. Proinde totus mundus ad te convertit oculos, teque unum omnes beatissimum prædicant, contemplantur altitudinem tuam sancti viri, et gaudent quod eis similitudine omnium virtutum alludis. Respiciunt persecutores Ecclesiæ, districtiois tuæ baculum formidantes. Suspiciunt ii qui flagellantur ab impiis, et respirant: sperantes adhuc restare sibi consolationis remedium. De quorum numero sum ego magnæ et præclaræ Ecclesiæ pusillus episcopus, qui tibi, Pater, de angustiis meis querimoniam scribens, auxilium tuæ pietatis imploro. Est enim quidam comes malefactor nomine Rodolphus, nimium vicinus nobis, qui res Ecclesiæ nostræ per injustam occasionem invasit, unum de clericis nostris suis manibus interfecit, duos alios captos sacramentis illigavit. Et de his omnibus appellatus in curia regis, et coram plena ecclesia sæpe vocatus, non propter hominem nec propter Deum ad justitiam venire dignatus, a nobis tandem excommunicatus est. Nunc vero ad limina sancti Petri contendit, tanquam ibi possit accipere de peccatis absolutionem, unde venire non vult ad emendationem. Unde rogamus te, dilectissime Pater, cui totius Ecclesiæ cura commissa est, ut eum de sanguine atque injuria filiorum tuorum ita arguere et castigare memineris, sicut meritum esse tua provisio interpretatur: *Pallium istud significat disciplinam, qua seipos et subditos regere debent; per hanc acquiritur torques aurea, quam legitime certantes accipiunt, de qua Salomon in Proverb. : Audi, fili mi, disciplinam patris tui, et legem matris tuæ, ut addatur gratia capiti tuo, et torques collo tuo. Pallium de lana contextum, habens circulum, etc. Hæc omnia moralibus sunt imbuta mysteriis, et dictis gravida sacramentis. In lana quippe notatur asperitas, in candore benignitas designatur. Nam ecclesiastica disciplina, contra rebelles obstinatos severitatem exercet, sed erga poenitentes et humiles exhibet pietatem. Propterea de lana non cujuslibet animalis, sed ovis tantum efficitur. Circulus pallii, per quem humeri constringuntur, est timor Domini, per quem opera coercentur, ne vel ad illicita defluant vel ad superflua relaxentur. Quatuor cruces sunt virtutes cardinales, justitia, fortitudo, prudentia, temperantia, quæ nisi crucis Christi sanguine purpurentur, falsum sibi virtutis*

dentia novit. Nec tua sanctitas injuste in communionem recipiat, quem divina auctoritas sicut ethnicum alienat. Vale, bone pastor, et vigila super nos, ne per incuriam tuam grex Domini detrimentum subineat.

EPISTOLA LXXXV [olim XCIV].

(Anno 1024.)

Dilectissimo domino suo regi ROBERTO, FULBERTUS humilis episcopus, omnia decentia regem.

Dignum est scire te negotia regni tui. Noverit ergo prudentia tua, quod Guillelmus de Bellissimo (Bellême, castellum in Pertico), ultus perfidiam filii sui, conjecit eum in carcerem, unde non egredietur, ut ait, sine consilio nostro. Mandat autem se esse paratum ad faciendâ quæ mandasti per Hildradum monachum. Cæterum ut a tuæ sanctitatis præsentia me rediisse cognovit comes Odo, qui tunc Turonis agebat, mandavit ut post duos dies Blesis sibi occurrerem, ad audiendum quid dicerent legati Romanorum. Sed quoniam id mea parum intererat, valetudine quoque prohibente, non parui. Mandat autem et obnixè precatur majestatem tuam ipse comes, ne te prophanter ingeras in suum documentum, sed mittas ad eum Milonem de Caprosis (Chevreuse), qui tibi referat verba Romanorum, et Guiljelmi ducis Aquitanorum, et sua. Vale.

EPISTOLA LXXXVI [olim XX].

(Circa annum 1025.)

Venerabili viro et consacerdoti suo FRANCONI FULBERTUS ca quæ sunt veræ pacis.

Tu, froter dilectissime, ex abundantia charitatis honore me nimio hac sapientiæ laude dignaris; ego vero meam personam humilem virtutisque inopem, sicut est, video et agnosco. Verum utcumque se habeat pusillitas mea, hoc tamen nefas inhumanitatis admittere nec velle nec posse me fateor, ut te de ærumnis sanctæ Ecclesiæ sine compassione zeloque justitiæ audiam quærelantem. At quia compassio ubi corde concepta est, mox consolationem edere gliscit, et plagam ultionis infligere zelus, nosque tamen ad primum quam ad secundum proniores esse oportet, ego quoque priusquam zelum in tuos hostes exerceam, consolatoria te ratione convenio. Rogo itaque, frater, ne nomen usurpant. *Pallium duplex in sinistra, sed simplex in dextra, quia vita præsens, quæ per sinistram significatur, multis est subjecta molestiis; sed vita futura, quæ per dextram significatur, in una semper collo:atu est quiete. Tres acus quæ pallio infiguntur ante pectus, super humerum sinistrum, post tergum, designant compassionem officii, districtionem judicii, quorum prima pungit animum, secunda per laborem, tertia per terrorem. Super dextrum humerum non infligitur acus, quoniam in æterna quiete nullus est afflictionis aculeus. Acus est aurea, sed inferius acuta, et superius rotunda, lapidem continens pretiosum, quia mirum bonus pastor propter curam animi in terris affligitur, sed in cælis æternaliter coronabitur, ubi pretiosam illam margaritam habebit. Cum pallio isto confertur pontificalis officii plenitudo, nam antequam metropolitani pallio decoretur, non debet clericos ordinare, pontifices consecrare, vel ecclesias dedicare. Huc usque Lotharius cardinalis.*

vi molestiarum impulsus indiscretius irascaris. Ne forte ad impatientiam, inde ad arma prorumpas, et cum gladium alienum usurpaveris, tuum facias non timeri. Rogo iterum ne fias ob multam injuriam tristis, turbulentus et anxius, sed delectare semper in Domino, et dabit tibi petitiones cordis tui. Usumfructum vero altarium, quem tui antecessores laicis tradiderunt, te alendis debilibus publica voce destinare suadeo : tum ne quis illis inde fraudet aliquid, interminari ; et si qui in hanc fraudem irruperint, sicut fures sacrorum et occisores pauperum anathemate condemnari. Ne ve-rearis, queso, homines innocenter offendere propter Dominum, ut sis eo dignus. Si Deus pro te, quis contra te ? Est enim pro te semper in sua causa Deus, est etiam tecum, ut ait : *Ecce ego vobiscum sum omnibus diebus usque ad consummationem sæculi* (Matth. xxviii, 20). Quid ergo times defendere Dei causam, cum ipse tecum sit ad cooperandum pro te, sit ad tutandum ? Confortare itaque, frater, in Domino, et in potentia virtutis ejus : confortare, inquam, confide et gaude, exsulta et tripudia, et alacri animo ad certamen ejus prolude, cum propheta dicendo : *Congratulamini populi, et vincimini, accingimini vos, inite consilium et dissipabitur : loquimini verbum et non fiet, quia vobis cum Dominus* (Isa. viii, 9). Et quia certo scio communem Dominum tibi in sua causa esse patrocinatorum, me quoque servulum ejus non defuturum esse polliceor, sive ad coercendum manus persequentium, sive ad ora contradicentium obstruenda. Ad summum autem securum te requiescere jubeo inter medios clericos. quandiu te audiero persecutoribus Ecclesiæ non cedentem. Gualerannum vero, ut petisti, conveniam ; et causa discussa, quid inde sentiam, vel quid te facere oporteat, aut verbis aut litteris innotescam. Vale.

EPISTOLA LXXXVII [olim XLII].

(Circa annum 1025.)

Patri et coepiscopo FRANCONI, FULBERTUS episcopus.

Gualeranno nisi litteras hujusmodi : *Fulbertus episcopus Gualeranno plus honoris quam sit meritis. Rogo, frater, et moneo, ut emendas culpas quas habes contra Dominum, et me, et Parisiorum episcopum, qui complanctum facit de te. Quod si non feceris ante medium Quadragesimam, abinde facimus de te sicut de homine qui graviter peccat, et non vult emendari.* Si ergo Gualerannus se non justificaverit vobis ante terminum præscriptum, tunc facile de illo ministerium vestrum. Vale quamplurimum.

EPISTOLA LXXXVIII [olim XLIII].

(Circa annum 1025.)

Fulbertus Dei gratia Carnotensis episcopus, venerabilem Patrem et coepiscopum suum F. cum venerit Dominus invenerit vigilantem.

Commonitus a legato vestro Gualerannus de justitia prosequenda in diem et locum destinatum a vobis respondit se esse præmonitum ab Odone comite sub nomine sacramenti de facienda expeditione contra Fulconem circa eundem diem. Verum

infra octo dies ex quo illa expeditio vel facta erit vel omissa venturum se esse ad justitia pollicetur. Sed quando ille promissionis suæ adimplendæ terminum fixum non statuit, et multæ causæ prolationis incidere possunt, vel certe quæ nobis conveniendi adimant facultatem, suademus, si honeste fieri possit, per vestros necesarios rem accelerare, et vestrum vobis casatum firmiter alligare. Nescitis enim quid fortuna parturiat. Valet.

EPISTOLA LXXXIX [olim XLIV].

(Circa an. eumd.)

Sancto et sapienti viro G. abbati et archiepiscopo, F. humilis episcopus, veræ dilectionis affectum.

Noverit prudentia vestra, sancte Pater, quod dominus T. abbas discedens tristitiam nobis reliquit et lacrymas : non quod innocentiam ejus, si esset, nequiremus facere tutam, sed quia culpam nec purgare nec legere poteramus. Unde si vestro ducatu quasi ad examinationem venire affectat cum periculo sui gradus, et communi dedecore sacerdotum, conatus ejus inefficaces sagaci ratione compescere vos oportet, servantes illud apostolicum : *Si præoccupatus fuerit homo in aliquo delicto*, etc, (Galat. vi, 1). Vale.

EPISTOLA XC [olim XLV].

(Circa an. eumd.)

Domino Patri et coepiscopo suo A., FULBERTUS, omnium expetendorum summa.

Gaudeo signis officii vestri curam habere momentibus, quod me alloqui vultis, quod querimonie nostræ finem facere, quod incesta connubia castigare. Sunt enim hæc studiosi, justis atque casti animi indicia. Et quia me his gerendis diem locumque statuere voluistis, sit dies in x Kalend. Martii, locus Masingiaci. Quod si occurritis, Haimonem adducere mementote : alioquin resignate mihi tempestive, ne frustra viam tanti laboris ingrediar. Valet.

EPISTOLA XCI [olim LXXII].

(Anno 1025.)

Fulbertus Dei gratia Carnotensium episcopus, RICHARDO abbati, et omnibus sancti Medardi monachis orationis suffragium.

Quandiu de vobis quæ de bonis et sapientibus viris audivimus, gaudentes Domino gratias agebamus. At nunc sinistro rumore læti [f. læsi vel tacti] vestrum periculum formidamus. Dicuntur enim vestri domestici atrium et ecclesiam beati Medardi cruenta cæde violasse. Dicitur de vobis quod in eadem violata ecclesia sine episcopali reconciliatione Deo sacrificare præsumitis. Quod si verum est, profecto præsumptio ista et nova est, et nimia, et bonis omnibus insectanda. Quid enim mali est quod in sancta Ecclesia machinari incipitis ? Vultis dare partes laicorum presbyteris, presbyterorum laicis ? Ubi vobis conceditur ecclesiam aut novam dedicare, aut profanatam reconciliare ? Sed nec oratorii quidem domum vobis ædificare, nisi per episcopum licet. Positi namque ostis omnino sub potestate ipsius, qui, ut

ait Hieronymus, potestatem habet peccantem monachum tradere Satanæ in interitum carnis. Sed ne parva auctoritate fretus hæc dicere videar, testem mihi allego magnam synodum Chalcedonensem duodeviginti episcoporum sub papa Leone sub Martino principe celebratam, in qua Eutyches abbas Constantinopolitanus condemnatus est. In qua etiam de supradictis causis sancitum est: Placuit neminem aut ædificare, aut constituere monasterii domum sine conscientia ipsius civitatis episcopi: eos vero qui per singulas civitates seu possessiones in monasteriis sunt, subjectos esse debere episcopo, et quieti operam dare, atque observare jejunia et orationes in locis in quibus semel Deo se devoverunt permanentes: et neque communicare, ecclesiasticas sæculares aliquas attrahere actiones, relinquentes propria monasteria, nisi forte jubeantur propter urgentes necessitates ab ipsius civitatis episcopo. Item in eadem: Jubemus monasteriis aut martyriis constitutis, ut in potestate sint ejus qui in ea est civitate episcopus secundum traditionem sanctorum Patrum, ne per præsumptionem recedant a suo episcopo. Eos vero qui ausi fuerint rescendere hujusmodi institutionem, quocumque modo, vel si noluerint subjacere proprio episcopo: si quidem fuerint clerici personarum ordinatione subjaceant condemnationibus canonum; si vero laici vel monachi fuerint, communione priventur. Poteram alia multa de legibus divinis huic rationi firmamenta subnectere, sed brevem me scribere nemini. Et, ut ait Isidorus, sicut militi illa arma sufficiunt, quæ ferre ad tempus congruenter potest, sic nobis de multis sententiis pauca, prout tempus exegerit. Nunc vobis charitative volo suadere ut sano consilio præbeatis assensum; ad subjectionem episcopi vestri simpliciter redeatis. De præterita culpa requiratis veniam; de futura assumatis cautelam, ut et vos fiat quies de obedientia et nobis de vestra quiete lætitia. Alioquin pro certo sciat quia si, quod absit! in contumacia contra illum manseritis, in proximo conventu episcoporum grave dispendium incurretis. Valet.

EPISTOLA XCII [olim XCII].

(Anno 1025.)

Regi sacerdos, domino fidelis, ROBERTO FULBERTUS.

Ut vobis proximo Sabbato Turonis occurrerem, quia sero commonitorium accepi, non parui. Si quæ aliæ causæ sunt tacentur ad præsens, quia minus vos tacitæ quam expositæ lædunt. Vale nunc et semper.

EPISTOLA XCIII [olim XCVI].

(Circa annum 1025.)

Odonis comitis ad Robertum Francorum regem.

(Vide infra in ROBERTO rege.)

EPISTOLA XCIV [olim XCIX].

(Circa annum 1025.)

FULBERTUS Carnotensium humilis episcopus, FULCONI comiti salutem.

Doleo super te, nobilis homo, cum te audio errare et periclitari. Errare dico, quod cum debeas

A Deum timere, sanctos honorare, Ecclesiam defendere, contemnis Deum, sanctos inhonoras, res Ecclesiæ invadis et auferis: periclitari, quoniam qui talia agunt, non habent partem in regno Dei. Propter hæc peccata monuit archiepiscopus Turo-nensis omnes episcopos nostros, et inter alios me pusillum, ut te excommunicarem. Sed ego censi pius esse, ut te prius monerem: et deprecor, ut habeas misericordiam de anima tua, placans Deum. Jam enim prope est tuus finis. Festina igitur, quæso, reconciliari Christo Salvatori nostro; quia non est salus homini nisi per ipsum. Tene in memoria verbum hoc: Qui confitendo et penitendo finem facit peccatis suis, antequam moriatur, finem habebit in altero sæculo pœna ipsius; et qui peccatis mortalibus penitendo non facit finem, pœna ipsius erit sine fine. Evigilia igitur propter temetipsum, sicut homo in proximo moriturus: et reconciliare Christo, ne moriaris apostolica auctoritate damnatus. Vale et remanda mihi velociter atque veraciter voluntatem tuam.

EPISTOLA XCV [olim C].

(Circa an. eumd.)

FULBERTUS *Dei gratia Carnotensium episcopus comiti FULCONI commonitorium salutis.*

Tam horrendo facinore præsentiam domini regis qui dedecoravere satellites, ut mundani iudices asserant capitale te quoque reum majestatis, qui eis postea patrocinium tuum et receptacula præbui. Proinde rogabatur a multis, ut die sacro Pentecostes et te et illos excommunicarem. Sed nos tuæ providentes salutis, trium hebdomadarum ab ipso die petivimus inducias, ut litteris te convenire possemus. Talem etiam a rege conditionem impetravimus, si veneris in iudicium, ut non super vitas, aut super membra, sed super facultates ultio reflectatur. Unde te commonemus, ut ante præscriptum terminum auctores tanti sceleris aut in iudicium adducas, aut propter honorem regis repudies: temetipsum deinde, sicut per abbatem sancti Albini promisisti, expurges, et humili satisfactione regis animum places. Quod si reos ipsos nec ad justitiam ducere, nec propter seniores tuos repudiare volueris, Christianam communionem nobiscum ulterius non habebis. Vigila ergo sicut pro temetipso, et quid habeas animi cito mihi remanda. Optimam partem consilii det tibi Deus eligere.

EPISTOLA XCVI [olim XI].

(Circa annum 1026.)

Venerando Parisiorum antistiti FRANCONI, FULBERTUS Dei gratia Carnotensis episcopus, totius prosperitatis munus.

Laudunensem illam sacrilegam, res Ecclesiæ vestræ diripientem, propter has causas excommunicare distulimus: Primo, quia defuit qui ipsi ferre auderet nostram excommunicationem. Deinde quia parum vobis aut nihil fortassis prodesset, si illa nesciens excommunicaretur in Ecclesia nostra. Tertio, quia expectavimus ut in conventu nostrorum provincialium episcoporum utilius hoc fieret. Quod etiam ad-

huc spectandum vobis videtur, si animi vestri serenitas acquiescat. De Lisiardo autem archidiacono vestro, quem scripsistis in vos superbum ac rebellem esse, non opus est nos consulere, cum optime noverit prudentia vestra quid de hujusmodi lex divina sentiat, neque nos oporteat quemquam absentem, et causa indiscussa, judicare. Volumus autem vos scire quod Adeoldus noster de Novigento, cui anathematis sententiam intentatis, propter querelam quam habent contra eum monachi sancti Dionysii, dicit se paratum esse ad justificandum in audientia vestra, atque nostra. Proinde si litem hanc cito justoque fine determinare vultis, constituite diem, quo vobis et monachis sancti Dionysii apud sanctum Arnulphum occurrere valeamus, qui locus vobis ad conveniendum opportunior esse videtur. Valet.

EPISTOLA XCVII [olim XXXIV].

(Circa annum 1026).

LEUTHERICUS *Senonensium archiepiscopus* et FULBERTUS *Carnotensium episcopus clero sanctæ Parisiensis Ecclesiæ temperantiam in prosperis, fortitudinem in adversis, charitatem ubique.*

Audivimus, charissimi, famam injuriarum quas patitur episcopus vester, et corde compatimur: vos quoque illas ita sentire credimus, sicut fideles filios, et bono capiti bene cohærentia membra. Sed miramur quare in tanto mœrore constituti, nec ad nos petendæ consolationis causa venistis, nec saltem litteras direxistis. Nam neque plaga vestra tanta est, ut invenire nequeat consolationis remedium, neque verus medicus ille dereliquit Ecclesiam, qui se nobis omnibus diebus usque ad consummationem sæculi promisit adfuturum. Miramur iterum cur impios homines, qui divinis sanctionibus adversantur et in vestrum pastorem contumaces existunt in communionem recipitis contra canonicam regulam, quam vobis ignorare nefas est et periculosum solvere. Quod si putatis eos tandiu vobis in communione habendos, quousque ab episcopo vestro palam excommunicentur, corrigit hanc æstimationem Petrus apostolus in sermone habito ad Romanos de ordinatione Clementis his verbis (43): « Quædam, inquit, fratres, ex vobis ipsis intelligere debetis, si qua sunt quæ vester episcopus propter insidias malorum hominum non posset evidentius et manifestius proloqui? verbi gratia, si inimicus est aliqui pro actibus suis, vos nolite exspectare, ut ipse vobis dicat, sed prudenter observare debetis, et voluntati ejus absque commonitione obsecundare, et avertere vos ab eo cui ipsum sentitis adversum. » Hæc et plura hujusmodi beatus Petrus in prædicto sermone. Nos autem, fratres, dum talia volis proponimus, nolite æstimare, absit enim! ut sinistrum aliquid de vobis suspicemur, sed officium nostrum facimus cum aut vos aut alios fratres nostros ad cautelæ vigilantiam excitamus. Non enim sine causa scriptum est propheticum illud de pennatis animalibus, quæ

(43) Apocryphus est ibi memoratus S. Petri Sermo.

A se invicem alarum commotione contingunt. Unde nos quoque invicem nobis rependi postulantes, agili penna exhortationis vos ad hoc excitare cupimus, ut sitis in lege Domini studiosi ad obedientiam et suffragium vestri pastoris pro amore devoti; ad resistendum vero adversariis ejus sagaciter instructi, fideliter animal. Inter quos videlicet adversarios unus est nomine Lisiardus olim quidem archidiaconus: qui cum esse deberet oculus episcopi sui, dispensator pauperum, catechizator insipientium, apostatavit ab omnibus his, et factus est episcopo suo quasi clavus in oculum, prædo pauperibus, dux erroris insipientibus: quia superba et contumeliosa maledicta in episcopum suum jaculans, serenitatem speculationis ejus turbat, decimas et oblationes altarium, stipem videlicet pauperum, suo episcopo inconsulto, sæculari militiæ tradit. Et cum talia facit, dat insipientibus erroris et perditionis exemplum, quibus impendere debuerat veræ scientiæ catechismum. Qui dicemus de juramento fidelitatis quod ita contaminat, ut episcopo suo non corde, nec verbo, nec opere fidelis existat? Non autem temere de corde ipsius judicamus, cum veraciter in sacro poemate dictum est (44).

Ex operum specie clarescunt intima cordis

is itaque pro contumacia sua qua pœna dignus sit, si ruina angeli non sufficit ad exemplum, contumacis Core manifestat interitus. Pro perfidia vero sua et contumeliosa maledictione, qui meruerit suspendium Judæ, et sororis Aaron lepra testatur. O hominem infelicem nimium, cui tam horrenda tempestas divinæ ultionis incumbit! Condemnat illum Testamentum Vetus his verbis: *Qui maledixerit patri, morte morietur (Exod. XXI, 17).* Condemnat illum lex Christianorum judicium hac sententia: Si quis episcopo aliquam injuriam, aut injustam dehonorationum fecerit, de vita componat, et omnia quæ habere visus fuerit, Ecclesiæ cui præesse dignoscitur, integerrime societur. Excommunicat illum Gangrense concilium c. 7 et 8; degradat illum Carthaginense concilium cap. 57, sed et alia plura. Quapropter et nos a sanctorum Patrum sententia discrepare nolentes, consequenter illum a communione separamus, quantum nostræ potestati conceditur, donec resipiscat et episcopo suo digne humiliatus satisfaciatur: et nisi cito resipiscens ad satisfactionem venerit, in plenaria synodo perpetuo anathemate feriat. Mandamus autem vobis ut ipsi Lisiardo has litteras ostendatis, ut tam horrenda pericula, vel graviter admonitus exire meminerit. Patet enim adhuc evadendi locus, dicente Domino per Ezechielem: *Si impius egerit pœnitentiam ab omnibus peccatis suis quæ operatus est, et custodierit universa præcepta mea, et fecerit judicium et justitiam vita vivet, et non morietur (Ezech. XVIII, 21).* Et per Joannem: *Filioli, hæc scribo vobis, ut non peccetis, et si quis peccaverit, advocatum habemus apud Patrem*

(44) Forte Prudentii, S. Prosperi aut alterius cujuslibet poetæ ejusdem fere ætatis.

Jesum justum, ipse est exoratio pro peccatis nostris (I Joan. II, 1). Et ipse Dominus ait : *Gaudium est angelis Dei super nonaginta novem justis, qui non indigent pœnitentia* (Luc. xv. 10). Certum enim habet catholica fides, ut verbis beati Fulgentii utar, quia quocumque tempore homo egerit pœnitentiam, quamlibet annosus, si toto corde renuntiaverit peccatis præteritis, et pro eis in conspectu Dei non solum corporis sed etiam cordis lacrymas fuderit, et malorum operum maculas bonis operibus diluere curaverit, omnium peccatorum indulgentiam mox habebit. Verum, ut ait Pater Augustinus, qui veniam pœnitenti promisit, dissimulanti diem crastinum non spondit. Rogamus etiam, fratres, ut domnum F. venerabilem episcopum vice nostra salutare et confortare memineritis; certo scientes sua tristitia nostra esse, nostra prospera sua. Valete cum ipso.

EPISTOLA XCVIII [olim XXXV].

(Circa an. eumd.)

Dilecto Patri et coepiscopo suo G., FULBERTUS vivere, et valere.

Vester clericus propinquus noster F. ad nos veniens eo se gratiosorem exhibuit, quo de vobis bene per omnia nuntiavit. Unde nunc illum salutationis gerulum facientes, et claritati vestræ comparati munusculis exorare volumus, si non est importunum, ut eam gratiam sibi sentiat prodesse, quam apud vos jamdudum vos credimus habuisse. Vale.

EPISTOLA XCIX [olim XXXVI].

(Circa an. eumd.)

Charo Patri et coepiscopo suo GUIDONI, FULBERTUS.

Si diacono qui se presbyterum simulavit, missamque celebrare præsumpsit, modum pœnitentiæ in divinis legibus proprie statutum non invenimus, per ratiocinationem similem sic æstimare possumus. Core, Dathan et Abiron judicio Dei condemnati, et horribili morte mulctati sunt, eo quod Aaron sacerdoti se comparare ejusque officium usurpare præsumpserunt. Hic autem levita more illorum illicite sibi sacerdotium usurpavit. Quis ergo in isto dubitet esse mortale commissum, qui in illis Deo giudice videt morte punitum? At quia jam Salvator noster, qui venit salvare quod perierat, non vult mortem peccatoris, sed ut convertatur et vivat, clementer agitur ut degradentur hujusmodi, et inter laicos pœnitentiam agant. Sed ne nimis austeritatem veteris legis hæc ratiocinatio sapere videatur, proponamus et nova. Legitur in quodam capitulo : Statutum sæpissime et inhabitum est, ut missarum celebrationes in locis incongruentibus omnino non fiant. Et quibusdam interpositis sequitur : Quia sicut non est concessum, ut alii missam cantent et sacrificia consecrent, quam illi qui ad hoc ab episcopis sunt consecrati : ita non est licitum ut in aliis domibus, vel altaribus, aut locis missas celebrare præsumant, quam ab episcopis consecratis etc. In fine capituli : Si quis

ergo post tot prohibitiones hæc decreta apostolica, et synodali auctoritate renovata temerare præsumpserit, gradus sui periculo subjacebit. Videmus ergo capitulum novæ legis vetustæ congruere, nec opus est amplius quid de illo diacono faciendum sit dubitare. Est enim procul dubio extra chorum deponendus, pœnitentia plectendus. Quod si de longitudine pœnitentiæ quæstio fiat, meminisse debemus illius sententiæ, quæ ad hanc quæstionem respondet hoc modo : Mensuram temporis in agenda pœnitentia idcirco non satis attentè præfigunt canones pro unoquoque crimine, sed magis in arbitrio antistitis statuendum relinquunt, quia apud Dominum non tantum valet mensura temporis, quam doloris ; nec abstinencia tantum ciborum, sed mortificatio potius vitiorum. In vestra ergo manu situm est, pœnitentiam ejus vel breviare, vel protelare, juxta quod eum in pœnitendo diligentem, seu negligentem videritis. Valeat sanctitas vestra.

EPISTOLA C [olim LXXXIX].

(Circa annum 1026.)

Dilectissimo domino regique ROBERTO, FULBERTUS humilis episcopus humilitatem in prosperis, fiduciam in adversis.

De Lisiardo clerico, qui Meldensis episcopii res odiosa importunitate pervasit, tale consilium damus : Præcipite archiepiscopo Senonensi, ut vel episcopium ipse visitet, vestræque et suæ ditioni revocet, ut dignum est ; vel, si id facere prohibeatur, mandet prædicto L. per litteras ex sua et nostra, suorum videlicet suffraganeorum parte conscriptas, ut cedat loco et rebus stulte pervasis, et de præsumptione sua nobis satisfacere studeat ante proximam festivitatem sancti Petri apostolorum principis. Quod si facere neglexerit, ex tunc in antea a nobis omnibus excommunicatus sit. Valete.

EPISTOLA CI [olim XCI].

(Circa annum 1026.)

Serenissimo regi Francorum ROBERTO FULBERTUS humilis Carnotensium episcopus, quod decet et prodest.

Gratulor tibi, domine mi, quod fonte bonitatis, ut semper irrigans, negotium Dei mandasti mihi tractare ut expedit. Talia denique te regem præcipere decus est, subditosque tibi capescere tutum. Sed illud miror, quod Odonem comitem in mea deliberatione vel posuisse vel positurum esse dixisti, quid facere debeat de receptione Meldensis episcopi, cum abhinc anno fere dimidio nec ipsum viderim, nec de tali negotio legationem ejus acceperim. Attamen si aspirante Deo ad nos venire et consiliis meis acquiescere voluerit, desinet procul dubio prædictam Ecclesiam lacerando divinam ultionem in se provocare, tuisque sacris ordinationibus contraire. Vale.

EPISTOLA CII [olim LX.]

(Anno 1027.)

Venerabili patri et coepiscopo suo G. FULBERTUS.

Ad benedictionem Henrici regis proles (45) voto quidem raptor, sed adversa me corporis valetudo retardat. Tentarum tamen utcumque moderatis equitationibus eo pervenire, si non abstereret sævitia matris ejus, cui satis creditur cum mala promittit, fidem facientibus gestis ejus. Qua difficultate prohibitus, rogo vestram charitatem, dilectissime, ut vice mea suadeatis domno archiepiscopo Remensi cæterisque primoribus, ne qua occasione differant benedictionem juvenis supradicti. Spero enim illum Deo, et bonis hominibus placiturum. Vale.

EPISTOLA CIII [olim LXV].

(Anno 1027.)

Dilectissimo coepiscopo suo ODOLRICO FULBERTUS, ex animo quidquid verus amicus.

Primum gratias ago, charissime, quod nobis ad concilium et comitatum et obsequium pollicemini. Quod dum facitis, ingenita benignitate vestra multum nos hilaratis: et nobis quidem desiderium esset memorato concilio interesse, sicut etiam venerabili archiepiscopo nostro Leutherico in audientia vestra nos dixisse meminimus, sed difficultates ex malitia hujus temporis obortæ non sinunt. Quod etiam vos illi notem facere precamur, ne sit nostra expectatione suspensus. Cæterum exoptabilis colloquii vestri opportunitatem in præsens non habemus, nisi forte vobis Novigentum placuerit propinquare. Vale.

EPISTOLA CIV [olim LXVI].

(Circa annum 1027.)

Dilecto suo O. FULBERTUS.

Quod vobis olim, charissime, per veredarium vestrum litteras non remisi, id causæ fuit quia vos quamprimum visere destinabam, idque etsi diu distuli, desiderare non destiti. Sed interim vos scire volo quod utique velle scio: me scilicet ad præsens Dei gratia bene valere vestris obsequiis spiritualiter instantem corporaliter apparatus, sicut nemo fidelius, excepto illo sancto monachorum archangelo Odilone, cui me in nullo comparare præsumo. Cujus etiam charitas si qualiter afficiat animam tuam aggrediar dicere, deficit, ne rem inenarrabilem videar velle narrare. Plura me scribere prohibuit tam multiplex negotiorum occupatio, quam etiam legatus morarum impatiens. Sed hoc unum tandem apud vestram benignitatem deprecor, ut eum nostrum archangelum vice nostra salutaveritis, cum simplicitate monastica hilaritatem angelicam quæ vobis præsto est induatis. Valete prospere in virtute Dei.

(45) Successit Roberto regi Henricus filius, quem ille moriens hæredem nuncuparat, ut nonnullis scribunt, minorem filium. Huic consilio Constantia regina obstabat et Robertum alterum filium regem salutabat. Odoque Campaniæ et Balduinus Flandriæ comites, ac non pauci præterea non contemnendæ nobilitatis in armis aderant. Tandem Robertus jure regis cedere coactus, ducatu Burgundiæ nobilissimo ac opulentissimo contentus. Paul. Emil.

EPISTOLA CV [olim LXVII].

(Circa annum 1027.)

Venerabili Patri suo ODILONI, FULBERTUS sacerdos non meriti confidentia, sed pietatis affectu præsumptum orationis suffragium.

Magnum mihi desiderium fuit, et adhuc quidem est ad vos veniendi, sed obortæ nuper in nostro episcopatu dissensionum causæ propositum iter omittere coegerunt. Quod vobis quamprimum his pauculis apicibus significare curavi, ne sublimitas vestra sit ad præsens de meæ pusillitatis expectatione suspensa. Veniam autem aliquando si licuerit ad vos, quos vere inhabitat Spiritus sanctus, consilium divini oraculi petiturus. Valete in Domino semper, iterum dico valete.

EPISTOLA CVI [olim LXVIII].

(Circa annum 1027.)

Prudenter et præclare magnifico Patri O. FULBERTUS suus.

Ut ab alio liberaliter acceptus, sic nunc quas opere nequeo, affectu saltem gratias recompenso. Tali enim apparatu in epistola tua dignatus sum, quali non festivior expectetur in ferculo Salomonis inter organa vatum, et ardentes cincendelas virginum (46). Angelicum mihi manna posuisti non sine mystica dape columbarum ac turturum. Propinabas interea charitatis nectar. Quo inhianter hausto et ad cordis interiora transmissio, si non prophetice ut David verbum bonum, panegyricæ tamen ut fit, et imprecatorie sicut filio refociliatus Israel, tibi Patri filius eructare gaudebam. Paterna deinde cura significasti te meæ valetudinis habitum sagaciter explorasse, atque ubi vitalis calor aliquid in me dabat sospitatis indicium gratulari, dolere morbi signum et formidare periculum. Nec vero tandem benignitas tua plagam meam relinquere passa est suæ curationis exsortem, quin arte divina mirabiliter usus liquorem quemdam instar vini Samii prius infudisti, qui indigestum humorem excoqueret, dehinc alterum olivo persimilem, quo totus omnino tumor atque dolor mitigatus abscederet. Nunc ergo tua curatus industria, tuis epulis recreatus, dignum duco ut omnes meæ vires tuæ voluntatis semper adminiculentur effectui. Nec aliquatenus a tua sententia discrepatum ire statuo, quæ te cum Domino quantum homini datur, idem velle atque nolle confido. Decet itaque, Pater, ut tu quoque vicissim me tuum servulum de te pendentem, teque non sine magna fiducia respectantem, sacris intercessionibus adjuves. Sum enim valde miserabilis homo, qui cum ad propriam non sufficerem, ad publicam curam nescio qua seu ratione, seu temeritate perductus sum, id in vita Henrici.

(46) *Inter organa vatum, et ardentes cincendelas virginum.* Sic habetur in nostro ms. et in ms. D. Patavii viri cons. et doctissimi, in Catholico Januensi sic interpretatur: « *Cincendela a candeo, candes, dicitur: infula, genus serabonum quod volans candeat; cincendum ponitur pro candela, nam dicitur a candeo.* »

que certe est neque dissimules, quod te specialiter mihi facit consilii atque auxilii debitorem qui te suasore non desero hunc laborem. Vale.

EPISTOLA CVII [olim LXIX].

Sanctissimo atque dilectissimo Patri O., Fulbertus humilis sacerdos, orationis suffragium.

Volebam vobis occurrere, Pater, ut mandavi per R. diaconem meum: sed domestici mei novo quodam rumore permoti, nec me iter ad præsens agere, neo se itineris mei fore comites acquiescunt, donec tutius id fieri posse perpendant.

EPISTOLA CVIII [olim LXXXVI].

(Anno 1027).

Regi sacerdos ROBERTO, Fulbertus, fidelis et pronus.

Accepta legatione vestra per R. sanctæ Crucis æconomum destinatum, peregrinationem iterum intermisi. Nunc quid me velit serenitas tua colloquio magis, si fieri possit, quam legatis aut litteris cupiam edoceri. Venirem autem ipse protinus ad vos hujus rei gratia, si commode possem, sed venire in armis sacrum tempus abnuat ac religio nostri ordinis. Venire inermes, longa via interminatur, ac malitia sæcularis. Est enim mihi O. coluber in via (47), R. cerastes in semita. Cæterum ex arbitrio vestro pendeat, amodo quo pacto voluntatem vestram mihi placeat indicare, quoniam apud me definitum voluntati vestræ, quæ vobis non noceat, convenire. Valete regaliter (48).

EPISTOLA CIX [olim CVI].

(Circa annum 1027).

Dilectissimo domino suo Fulberto episcopo H., ejus fidelis juxta Domini præceptum, serpentinam prudentiam columbina simplicitate præditam.

Quod tuo, beatissime Pater, aliorumque multorum relatu perceperam, id ipsum nuper, domino Berardo Suessionis episcopo referente, cognovi: scilicet incurrisse te gravissimum reginæ odium faventem potius marito suo, de constituendo rege majore filio, quem dicunt simulatorem esse, segnem, mollem, in negligendo jure patrissaturum, fratri suo juniore attribuentes his contraria. Te quoque plurimi episcoporum mordent clanculum vel ab eis ac cæteris quasi quintum malleum a quatuor Pythagoricis pro hac causa dissonantem. Unde quantum ex verbis supradicti præsulis adverti, sententiam coepiscoporum tuorum Francigenarum super hoc agendum negotium intimare tibi non me piguit; ut si forte sanior est, ei ne refrageris, et a periculo tibi caveas. Est autem hæc eorum ad componendam utrinque litem sententia: patre vivente nullum regem sibi creari; quod si acrius insisterit in vita patris hoc fieri, quem meliorem senserit, ad regem debere sublimari. Videris, Pater prudentissime, ne sis plus æquo justus, nec a sanctis consacerdotibus tuis perperam dissideas.

Insani nomen sanus feret, æquus iniqui,

(47) Per litteram O. Odonem (alii forsan Odolricum Aurelianensem episcopum) intelligimus; per litteram R. reginam Constantiam; uterque enim adversabatur Fulberto, quod hic partes susciperet Henrici, natu majoris filii Roberti regis adversus

Ultra quam satis est, virtutem si petat ipsam.

Invidiam nimio cultu vitare memento

Quæ si non lædit, tamen hanc sufferre molestum est.

Adsit tibi in omnibus magni consilii angelus. Mihi quoque tribuat videre faciam tuam desideratissimam. Si quid forte insolenti susurro tecum ago, facilem, quæso, apud te veniæ locum obtineam, cum magnis ex prompta fidelitate quam improba temeritate peccaverim.

EPISTOLA CX [olim CVII].

(Circa annum 1027).

Certum est omnibus qui fundamenta catholicæ puritatis noverunt, totius Ecclesiæ soliditatem in pace consistere, et signum Christi discipulatus in dilectione. Nam sicut in Evangelio Dominum dixisse legimus: *Pacem relinquo vobis, pacem meam do vobis* (Joan. xiv, 27); et iterum: *In hoc cognoscent omnes quia mei estis discipuli, si dilectionem habueritis ad invicem* (Joan. xiii, 35); liquet ergo neminem fore Christi discipulum, nisi signo dilectionis ac pacis fuerit insignitus. Hoc vero signaculum non adipiscitur, nisi ab his in quibus fuerit initas voluntatum. Unitas autem voluntatum inveniri non potest, nisi in his qui suum velle et nolle in unius præpositi judicio constituunt. Unde et auctor pacis nullum ordinem in Ecclesia sine prælati regimine relinquens, pro certo insinuat nulla alia ratione fragilitatem humanæ labilitatis ad unitatem spiritus posse redigi, sive in pace conservari. Quare nos pauci fratres in cœnobio, cui Cella Boboni nomen, et Deo pro posse famulantes, quia vinculum pacis et signaculum Christianæ disciplinæ dilectionem per unitatem cordis vel animæ possidere cupimus, post obitum domini Garini abbatis viri religiosi elegimus fratrem quemdam morum probitate ornatum Bernardum, quem nobis vice Patris præesse volumus; et in definitione ejus sententiarum nostrarum uniri diversitatem, ne diversa sentientes, a Christi doctrina inveniamur extranei. Facta est autem electio ista consilio atque auctoritate domni abbatis Majoris Monasterii post excessum gloriosi principis Odonis, a quo hujus rei curam susceperat. Qui hoc in conventu monachorum ritu celebri peracto, obtulit etiam fratrem prædictum nobilissimæ H. comitissæ, sub ejus ditione locus ipse constitit, et Stephano comiti ejus filio, a quibus domum rerum temporalium ad idem pertinentium cœnobium suscepit. Dehinc vero statuit eum venerabili Mainardo, Trecassinorum præsuli, cujus ecclesiastica auctoritate electionem hujusmodi corroborari oportuit atque ab ipso animarum curam suscipi, nec non abbatis benedictionem secundum institutionem Patrum celebrari. Quod ipse benignissime annuit, et omnia, prout mos expostulat ecclesiasticus,

Robertum natu majorem quem mulier, muliebri propensione, posthabita ætatis prærogativa, occupabat in regem coronari

(48) Gallice sic fere: *se porter comme un roi.*

utpote vir prudentissimus atque eruditione clarus, complevit.

EPISTOLA CXI [olim CVIII].

(Circa annum 1027).

Odilonis Cluniacensis abbatis ad Fulbertum.

(Vide Patrologiæ tom. CXLII, inter epistolas S. Odilonis).

EPISTOLA CXII.

FULBERTI CARNOTENSIS EPISCOPI AD HILDEGARIUM.

De episcopis ad bella precedentibus.

(MARTENE, *Thesaurus Anecdotorum*, tom. I, col. 150, ex. ms. S. Remigii Remensis).

FULBERTUS, Carnotensium episcopus humilis, HILDEGARIO fratri salutem.

Decreveram quidem tibi, licet sæpius petenti, nequaquam scribere, non quod dilectioni tuæ quidquam vel cum meo pudore negare debuerim, imo nec debeam; sed quod consultius arbitraber linguæ januam obserare, quam ea in lucem proferre quæ incurrant multorum offensam. Idcirco hactenus apud te mutus fui, quod obtrectatorum invidiam contra me provocare nolebam. Scio quippe non defuturos, qui hæc quæ dicturi sumus, quasi inclementius dicta in suam referant contumeliam. Verum quia obstinacius in pulsando persistis, et litteris crebris importunum te exhibere non desinis aperiā tibi prout Spiritus sanctus annuerit quæ postulas; imo ea ipsa revolvam quæ sanctorum Patrum sanxit auctoritas, quorum dictus refragari, veritatem respuere est.

Quæris quid sentiam de episcopis qui, spreta ecclesiasticæ pacis tranquillitate, seditiones querunt, bella sectantur? Sane nequaquam audeo illos episcopos nominare, ne religioso nomini injuriam faciam. Tyrannos potius appellabo, qui bellicis occupati negotiis, multo stipati latus milite, solidarios pretio conducunt, ut nullos sæculi reges aut principes noverim adeo instructos bellorum legibus, totam armorum disciplinam in pro-cinctu militiæ servare, digerere turmas, ordines componere ad turbandum Ecclesiæ pacem, et Christianorum, licet hostium, sanguinem effundendum. Quibus si de his dudum ab orthodoxis Patribus prolata testimonia proferas, illos non armis, sed ecclesiasticæ paci debere esse intentos, non excedia viventium, sed regimen suscepisse animarum, statim præterdunt justitiæ causas, se invito arma suscipere, hostium catervas de collo pendere, imminere cervicibus gladios, libertatem se querere armis quam pace obtinere non possunt. Quare non magis secundum Apostolum injuriam sustinent? quare non magis fraudem patiuntur? *Arma enim malitiæ nostræ non carnalia sunt; sed potentia Deo ad destructionem munitio-num, cogitatioes destruentes, et omnem altitudinem extollentem se adversus scientiam Dei (II Cor. x, 4, 5).* Orationibus siquidem instare debent, et Pauli consilio acquiescere dicentis: *Non vosmetipsos defendentes, charissimi, sed date locum iræ (Rom. xii, 19).* Et Dominus ad discipulos loquitur: *Si vos persecuti fuerint in civitate ista,*

A fugite in aliam (Matth. x, 23). Et: *Qui te percusserit in dextram maxillam, præbe illi et alteram (Matth. v, 39).* Et: *Qui vult tecum judicio contendere, et tunicam tuam tollere, remitte ei et pallium (Ibid., 40).* Et iterum: *In patientia vestra possidebitis animas vestras (Luc. xxi, 19).* Scimus enim qui dixit: *Mihi vindictam et ego retribuam (Rom. xii, 19).* In veteri instrumento oratione Moysi hostilem exercitum vincebat Israel, etc.; contrario, manus illo remittente, hostibus cedebat victoria (*Exod. xvii, 11*). Unde colligere possumus quod melius patientia et oratione præliamur, quam gladiis et seditionibus. Ipse quoque magister veritatis, cujus vestigia sequi debemus, sicut Joannes apostolus scribit: *Qui dicit se in Christo manere debet sicut ille ambulavit et ipse ambulare (I Joan. ii 6),* cum justissimam haberet causam, nec minorem potestatem suos fulminandi adversarios, sicut ipse ante passionem suam protestatus est dicens, exhiberi sibi a Patre, si vellet, plusquam duodecim legiones angelorum (*Matth. xxvi, 53*); cum etiam ad imperium ejus totus orbis pugnaret pro eo contra insensatos, quippe qui contra eum insurrexerant, qui vere innocens erat, et in cujus ore non est inventus dolus (*I Petr. ii, 22*), volens tamen nos, quorum infirmitati in omnibus consuluit, invitare ad patientiam, ductus ad victimam quasi mitissimus agnus nec aperuit os suum (*Isa. lvi, 7*). Nam cum fidelis discipulus pro Magistro dimicare pararet ac librans ensem e vagina jam in pugna ageretur, ut sciret non in gladio sed in Deo esse victoriam, audit a Magistro: *Converte gladium tuum in locum suum: omnes enim qui acceperint gladium, gladio peribunt (Matth. xxvi, 32).* Unde et B. Augustinus in libro Quæstionum Veteris ac Novi Testamenti: « Apostolo Petro usque ad hoc permissum est, quod dolorem faceret, non occideret. » Quia enim sancta Ecclesia non habet gladium nisi spiritualem, nec occidere debet, sed vivificare, testatur Nicolaus papa dicens: « Sancta Dei Ecclesia mundanis nunquam constringetur legibus; gladium non habet nisi spiritualem, non occidit, sed vivificat. » Et B. Hieronymus in epistola ad Ageruchiam: « Olim præcipiebatur reddi oculum pro oculo, dentem pro dente (*Matth. v, 38*); nunc verberanti maxillam præbemus et alteram (*Ibid., 39*). Illo in tempore bellatoribus dicebatur: *Accingere gladio tuo super femur tuum, potentissime (Psal. xlv, 4)*; modo audit Petrus: *Conde gladium tuum in vaginam: qui enim gladio percusserit, gladio peribit (Matth. xxvi, 32).* » — « Debent quippe episcopi, sicut Isidorus ait in libro de Officiis, principatum in populo non sanguine defendere, sed vitæ meritis. » Et alibi: « Episcopi speciale officium est Scripturas legere, percurrere canones, exempla sanctorum imitari vigiliis, jejuniis incumbere, cum fratribus habere pacem, nec quemquam ex membris suis discernere, nullum damnare nisi probatum, nullum excommunicare nisi discussum. »

Qui itaque talibus officiis vacare debet, quam

illicite et contra gradum suum ad arma humanæ militiæ consurgat, omnis qui sanum sapit intelligit. Unde B. Ambrosius sacerdotibus dare volens exemplum patientiæ, in epistola contra Auxentium de tradendis basilicis civibus scribit : « Video vos præter solitum esse turbatos solito. Sed quid turbamini? Volens nunquam vos deseram, coactus repugnare non novi, dolere potero, flere potero, gemere potero, adversus milites Gothos arma quoque lacrymæ meæ sunt. Talia monumenta sunt sacerdotis : aliter non debeo, nec possum resistere. » Item de eadem re in eadem epistola : « Si patrimonium petitur, invadatur; si corpus, occurrat. Vultis in vincula rapere, vultis in mortem? voluntati mihi est. Non ego me vallabo circumfusione populorum, nec altaria tenebo vitam obsecrans, sed pro altaribus gratius immolabor. » Origenes quoque exponens illud de Evangelio : *Attendite a falsis prophetis, qui veniunt ad vos in vestimentis ovium, intus autem sunt lupi rapaces; fructibus eorum cognoscetis eos* (Matth. ix, 15), sic dicit : « Apostoli et martyres sancti non persecutionem fecerunt, sed persecutionem pertulerunt; non maledixerunt, sed maledicta sustinuerunt; non blasphemaverunt, sed a blasphematoribus interfecti sunt. » Et B. Gregorius papa in quadam homilia informans nos ad conservandam innocentiam ita dicit : « Utinam si ad prædicationis virtutem non sufficimus, loci nostri officium in innocentia vitæ teneamus. In Evangelio quippe Dominus ait : *Ecce ego mitto vos sicut agnos inter lupos* (Matth. x, 16). Igitur sicut agni inter lupos mittimur, ut sensum servantes innocentiae, morsum malitiæ non habeamus. Qui enim locum prædicationis suscipit, mala inferre non debet, sed tolerare, ut ex ipsa sua mansuetudine iram sæventium mitiget, et peccatorum vulnera in aliis afflictionibus ipse vulneratus sanet. » Idem etiam papa docet nullo modo, neque pro justa etiam causa, episcopum debere armis inservire : volens aliis suo satisfacere exemplo, scribit super hoc Sabiniano diacono dicens : « Unum est quod breviter surgeras serenissimis Dominis nostris imperatoribus; quia si ego servus eorum in morte vel Langobardorum me miscere voluissem, hodie Langobardorum gens nec regem, nec duces, nec comites haberet, atque in summa confusione esset divisa. Sed quia Deum timeo, in morte cujuslibet hominis me miscere formido. »

Unde liquido colligere potes, quandoquidem ille tuas tam efficaciter ulcisci prævalens injurias, metu tamen divino elegit scutum patientiæ, ne hominum mortibus se misceret, quod isti timore Dei abjecto nefarie cædibus hominum se interserunt, et cruentas strages contaminatis obtutibus aspiciunt. Quod beatissimus Martinus magnopere fugiens, abdicatis armis, quibus sub terreno rege militabat suæ fidei tirocinium mansuetudinis et innocentiae proposito dedicavit, et nondum clericatis ordinis gradum aliquem sortitus, multis tamen merito præferendus episcopis, militiæ constanter renun-

ciavit, dicens : « Christi miles sum, pugnare mihi non licet. » Breviter docuit non solum episcopos aut sacri ordinis ministros a prælii cohiberi, verum etiam qui Christo semel militare cœperit, etiam ab ipsis bellorum occasionibus omnimodis abstinendum fore. Idem etiam in episcopatus culmine positus non solum aliquem non insectatus est inimicum, verum etiam mortem meritos inestimabili charitatis affectu ab imminente clade plerumque eripuit, memor illius præcepti : *Erue eos qui ducuntur ad mortem*. Nec hoc dico ut maleficos et vita ipsa indignos ab ultione prohibeam; sed regibus hoc licet ac sæculi potestatibus, et quibus a legibus permissum est. Aliæ quippe sunt leges Cæsaris, alii mores ecclesiasticæ dignitatis. Unde dicit B. Augustinus in libro Quæstionum Veteris ac Novi Testamenti : « Quare sententia data est? Ut quid qui accipit gladium gladio pereat, nisi quia nulli licet, excepto iudice, gladio quemquam occidere? » Et beatus Hieronymus, super Ezechielem libro iii : « Qui malos percutit, in eo quod mali sunt, et habet vasa interfectionis ut occidat pessimos, minister est Domini. » Et Haimo, super Epistolam ad Romanos : « Sunt quædam enormia flagitia quæ potius per mundi iudices quam per antistites et rectores ecclesiarum judicantur, sicut est cum quis interficit apostolicum, episcopum, presbyterum, diaconum. Hujusmodi reos reges et principes mundi damnant. Ergo non sine causa portat gladium, qui talia scelera dijudicat. » Sicut ergo episcopis et sacri ordinis ministris omnino prohibitum est aliquem occidere, ita sæculi principibus hoc licet absque reatu facere, sicut Hieronymus testatur super Epistolam ad Galatas, libro xi : « Iudex non est auctor sceleris, neque homines vinciendo, neque homines perimendo. » Liquet itaque solis mundi potestatibus attributam potestatem eradicandi impios de terra, sicut beatissimus martyr Cyprianus scribit in nono genere abusionis. « Rex, inquit, debet furta cohibere, adulteria punire, impios de terra perdere, patricidas et pejerantes non sinere vivere, filios suos non sinere impie agere. Episcopi vero in sua mansuetudine et ecclesiastica severitate et prædicatione verbi Dei stabiles permaneant, sicut in Actibus apostolorum scriptum est : *Non est æquum relinquere verbum Dei et ministrare mensis* (Act. vi, 2). » Qui sic etiam docere debent, sicut Hieronymus ait, ut vita eorum irreprehensibilis sit. Perdit enim auctoritatem docendi, cuius sermo opere destruitur. Proinde sciant sibi omnino inhibitum ad bella procedere, nisi quibusdam ex causis quæ in subsequenti Caroli regis edicto patebunt : « Carolus Dei gratia rex regni que Francorum rector, et devotus sanctæ defensor Ecclesiæ, atque adjutor in omnibus apostolicæ sedis. Hortatu omnium fidelium nostrorum, et maxime episcoporum ac reliquorum sacerdotum consulto, servis Dei per omnia omnibus armaturam portare vel pugnare, aut in exercitum et in hostem pergere, omnino prohibemus; nisi illis tantummodo qui propter

divinum ministerium missarum scilicet solemnia adimplenda et SS. patrocinia portanda ad hoc electi sunt, id est unus vel duo episcopi cum capellanis presbyteris; et unusquisque princeps unum presbyterum secum habeat, qui peccata confitentibus indicare et indicere pœnitentiam possit.»

Hæc omnia isti parvipendunt, imo etiam evangelica instituta contemnentes, plerumque, ut audivimus, adhuc illitis recens facta cæde manibus, non solum ecclesiam intrare sed ad ipsa Christi sacramenta nefario ausu præsumunt accedere, non dijucentes corpus et sanguinem Domini; nimirum non attendentes quod idem Christus non alieno cruore, sed proprio sanguine introivit semel in sancta, a Deo miserationum ubertate redundans, ut pro ipsis suis persecutoribus, licet misericordia indignis, ad Patrem diceret: *Pater, ignosce illis, quia nesciunt quid faciunt* (Luc. xxiii, 34). Meminisse quoque deberent quod David rex quondam potentissimus, de quo Dominus: *Inveni, inquit, virum secundum cor meum, qui faciat omnem voluntatem meam* (Psal. lxxxviii, 21); tamen propter mortem Uriæ et populum recensitum et frequentes expeditiones prohibitus est ædificare templum Domino, quod ipso mortuo Salomon, id est rex pacificus, ædificare meruit (I. Par. xxvii). Ipsi itaque non timent quod Apostolus dicit: *Qui indigne manducat, iudicium sibi munducat* (I Cor. xi, 29). Unde admonens nos Ambrosius dicit: «Vide quid agas, sacerdos: ne febricitanti manu Christi corpus attingas; prius curare, ut possis ministrare.» Et B. Hieronymus in Psalmo: «Electos Israel impedivit, impediuntur et nunc electi Ecclesie si non ipsi quoque sacerdotes innocenter sacrificia percipiant.» Quia igitur illicita præsumunt, merito suæ actionis ante oculos superni Iudicis dignitatis suæ honore privantur, qui falso pastorum nomine ante homines gloriantur. Unde noverint se non habere illum apostolis atque apostolico exemplo viventibus episcopis collatam a Deo potestatem ligandi atque solvendi, juxta beatum Augustinum in canonica regula ita dicentem: «Illi soli ligandi atque solvendi, sicut sancti apostoli habent potestatem, qui illorum exempla cum doctrina tenent, et secundum regulam apostolicam omnia communia habent.» Beatus quoque papa Gregorius in Dialogo: «Petri vicem in ligando et solvendo obtinent, qui locum sancti regiminis fide et moribus tenent.» Et alibi: «Jure privilegii meretur amittere, qui auctoritate usurpat illicita.» Quod si ad excusandas excusationes in peccatis iniquitatem suam quorumlibet similium imitatione palliare vulerint, qui tanquam religiosi fuerint, et tamen ab expeditionibus non abstinuerint, etiamsi aliquem magnæ auctoritatis in assensum suam attraxerint, ego magis credo evangelicæ fidei, sanctorum Patrum veritati, quam alicui adversus tam vera testimonia oblatranti, et cum apostolo dicere consultius arbitror: *Si quis annuntiaverit vobis aliquid præter quam quod Evangelio datum est vobis, anathema sit* (Gal. i, 8). Qui etiam episcopum

A jubet esse sine crimine, non percussorem. Quibus breviter dico, si tueri se [volunt] pravo alicujus exemplo, noverint quia singularis personæ vel causæ non præjudicant, [sed] communi legi et universali sententiæ. Illi itaque solliciti sint episcopi circa gregem suum, pascant pauperes ecclesiæ et domesticos fidei, et causa viduarum et pupillorum ingrediatur ad eos, vestiant nudos, egentium animas refocillent, et cætera paternitatis obsequia filiis suis impendant. Sed omnimodis hoc caveant, ne ea quæ ob indigentiam necessitatem Ecclesia congregat et servat aliquando tollant et in alios usus nefarie effundant, Christi filiorum panem canes comedant, quod omnino non expedit animabus eorum. Invenies et alia innumera divinæ paginæ testimonia; sed ipse tibi ex parte mea hæc pauca destinavi, ut desiderio tuo satisfacerem. Tu vero, si sapiens fueris, in paucis multa cogitare poteris. Vale.

EPISTOLA CXIII.

FULBERTI CARNOTENSIS EPISCOPI AD HILDEGARIUM.
[Apud GALLAND., *Bibliotheca Vet. Patr.*, tom. XIV, pag. 190.]

FULBERTUS, Carnotensium episcopus, HILDEGARIO salutem ab illo qui mandat salutes Jacob.

Epistolari brevitate coactus interrogationi tuæ compendiose respondeo. De Ecclesiasticis rebus Hieronymus dicit ad Napotianum (*epist.* 52): «Amico quidpiam rapere furtum est, Ecclesiam fraudare sacrilegium est, accepisse pauperibus erogandum et esurientibus plurimis vel tantum esse vel timidum, aut, quod apertissimi sceleris est, aliquid exinde subtrahere, omnium prædonum crudelitatem superat.» Item ad Pammachium (*epist.* 48): «Ubi ditior est largitore cui largiendum est, pars sacrilegi est rem pauperum dare non pauperibus.» Unde Isidorus: «Magnum scelus est res pauperum præstare divitibus, et de sumptibus inopum acquirere favores potentium.» Considera itaque quia nullum Scriptura excipit, non episcopum, non abbatem, non aliquem domus Dei œconomum. Quisquis sibi commissæ Ecclesiæ bona subtrahit, intelligat se jam non pastorem sed invasorem esse omnique prædone crudeliorem, furemque domesticum, ad familiarem inimicum. Qui enim ea quæ solis omnino pauperibus eroganda suscepit, in alienos usus temere dilapidat, non vult in deserto hujus sæculi turbam pauperum esurientem reficere, sed cum sceleratissimo Juda oculos sibi constituit, et ea quæ in pauperum cibos aggregamus, fur improbus asportat.

Debent quippe nosse sacerdotes, Ecclesiarum substantiam pauperum esse, non suam, nec abutantur in tyrannicæ effusionis morem creditam sibi degentium dispensationem. Unde Hieronymus dicit ad Paulinum (*epist.* 13, sub med.): «Jam nunc non sunt tua quæ possides, sed dispensatio tibi credita est. Memento Ananiæ et Sapphyræ: illi timide sua servaverunt. Tu considera ne Christi substantiam

imprudenter effundas, id est, ne immoderato judicio rem pauperum tribuas non pauperibus, et secundum dictum prudentissimi viri, liberalitate liberalitas pereat. » Debemus quoque considerare quid cui tribuendum sit, sicut idem paulo superius ad eundem scribit: « Præter victum et vestimentum et manifestas necessitates, nihil unquam alicui tribuas, ne filiorum panem canes comedant. » Sicut ergo pium est et justum bona Ecclesiæ servare solummodo ad opus pauperum et captivorum, ita sacrilegium est in propria voluntatem, et in alienos usus distribuere, et a Christiana devotione semotum. Quod ipse quoque Hieronymus testatur in Matthæum: « Omnes qui stipendiis templi, et his quæ conferuntur ad usum Ecclesiæ abutuntur in aliis rebus, quibus suam expleant voluntatem, similes sunt Scribarum et sacerdotum, redimentium mendacium et sanguinem Salvatoris. » Scire debet itaque pia sollicitudo pastorum quia nihil omnino agere debent de rebus Ecclesiarum sine consilio et consensu subditorum, quoniam prudentiæ eorum commissum est ministrandi officium, non dispergendi arbitrium.

His prælibatis, ad vasa Ecclesiæ veniamus, de quibus potissimum interrogas. Cum enim dicatur sacrilegium incurrere qui aliquid de bonis Ecclesiæ in expletionem voluntatis suæ contraxit, perpendere potes quantum delinquit qui vasa sacris dicata mysteriis abstulerit.

Primum, si tanta pauperum et captivorum necessitas incumbit, tribuenda sunt cætera quæ in thesauris Ecclesiæ reposita sunt, deinde ipsa vasa frustatim comminuenda sunt, et in operibus misericordiæ eroganda. Unde dicit Ambrosius in libro de Officiis (lib. II, cap. 28 sub init.): « Aurum Ecclesia habet, non ut servet, sed ut erogat, et subveniat in necessitatibus. Quid opus est custodire quod nihil adjuvat? An ignoramus quantum auri et argenti de templo Domini Assyrii sustulerunt? Nonne melius conflatur sacerdos propter alimoniam pauperum, si alia subsidia desint, quam sacrilegus contamine, et asportet hostis? » Et post pauca: « Nunquid dictum est sancto Laurentio: « Non debuisse erogare thesauros Ecclesiæ, vasa sacramentorum vendere? » Opus est ut quis fide sincera et perspicaci providentia munus hoc impleat. Sane si in suum aliquis derivet emolumentum, crimen est; sin vero pauperi erogat, captivum redimat, humandis fidelium reliquiis spatia amplificet, misericordia est. In his tribus generibus vasa Ecclesiæ etiam initiata confringere, conflare, vendere licet. » Breviter mihi depinxisse videtur quid agendum sit de rebus Ecclesiæ. Sed neque licitum est de Ecclesiæ tutela vasa sacra abstrahere, et aliquorum manibus loco vadimonii tradere, sicut idem quoque testatur (*Ibid.*): « Opus est ut de Ecclesia mystici populi forma non exeat, ne ad usus nefarios sacri calicis ministerium transferatur. Ideo intra Ecclesiam primum quæsitæ sunt vasa quæ initiata non essent; deinde comminuta, postremo conflata, per minutas erogationes dispen-

A sata egentibus, captivorum pretiis profecerunt. » Quod si desint nova, et quæ nondum initiata videantur, in hujusmodi, quos supradixi usus, omnia arbitror pie posse converti. Prius ergo usuale argentum in supradictis necessitatibus distribui debet, sicut beatus Gregorius dicit domino episcopo Messanæ (lib. VI, *epist.* 38): « Fraternitas vestra multum debet esse sollicita, ut, si quidem in Ecclesia vestra usuale argentum est, prius illud erogetur in redemptione captivorum: alioquin de sacratis vos vasis præbere necesse. Nam, sicut omnino grave est frustra ecclesiastica venundare ministeria, sic iterum culpa est, imminente hujusmodi necessitate, res etiam desolatæ Ecclesiæ captivis suis præponere, et in eorum redemptione cessare. »

B Item idem Fortunato episcopo Phanensi (*Ibid.*, *epist.* 13): « Sicut reprehensibile et ultione dignum est sacrata quemquam vasa, præter in his quæ lex et sacri canones præcipiunt, venundare; ita nulla est objurgatione vel vindicta plectendum, si pietatis causa pro captivorum fuerit redemptione distracta. » Notandum quod beatus Gregorius dicit quia omnino grave est frustra ecclesiastica ministeria, id est candelabra, thuribula et cætera hujusmodi venundare, nisi præter illa tantum quæ lex et sacri canones præcipiunt, scilicet pro redemptione captivorum, et elemosynis nihil penitus habentium. Qui ergo in alia expendit, contra canones facit. Unde etiam sacerdotali dignitate quisquis ille est, noverit se indignum, juxta ejusdem papæ sententiam scribentis Joanni episcopo Larissæo (lib. II, *epist.* 7, ante fin.): « Consona sanctorum Patribus diffinitione sancimus, ut qui sanctorum nescit obedire canonibus, nec sacris administrare, vel communionem capere, sit dignus altaribus. »

Ex superioribus itaque, quantum conjicio, perpendere potes quia, si omnino grave est vendi ea scilicet quæ minora sunt Ecclesiæ ministeria sine certa necessitate, sacrilegium est, et omino gravissimum, absque maxima pauperum indigentia, excellentiora illa videlicet vasa sacrata et cruces venundare. Quapropter noverint omnes ministri Ecclesiæ quia gregi cui præsent, ut puta his qui sunt pauperes Christi, scilicet monachis, et canonicis regularibus, vel religiosis quibusque communiter viventibus, prius omnia necessaria ministrare moderata distributione debent; id summo opere præcaventes ne nimium prodiga superfluitate talis necessitas proveniat quæ thesauros Ecclesiæ expendi compellat. Si enim immoderate effundant, peccant; quia inconsiderata effusio, totius domus ruina est. Enimvero cæteris in operibus misericordiæ distributis, si tanta necessitas obvenerit ut aliquod vas Ecclesiæ capiendum sit, ad hoc tantummodo alteri Ecclesiæ venundari potest ut in ipso idem officium quod antea celebretur, et ex ipsa pecuniæ distractione aliud in loco ejus restituatur, vel pauperibus erogetur. Ita ergo, ut prædiximus, vendi potest, aut secundum supradicta sanctorum Patrum testimonia in frusta comminui; sed incongruum est ut

in vadimonium ponatur. Etenim sæculares personæ debitam reverentiam sacris mysteriis nesciunt impendere, quoniam hic usus non est eis commissus. Fortasse autem contingere potest ut prope arcam vel in ea domo in qua vasa abscondita sunt, committantur adulteria et fornicationes et ea crimina quæ iram Dei provocent. Nam cum in historia Regum legimus Ozam, eo quod calcitrantibus bobus arcam Domini tetigerit, illico interiisse; et in Levitico præceptum sit Aaron et filiis ejus ne permitterent filiis Caath vasa sanctuarii ferre vel tangere, ne forte perirent de medio Levitarum; quomodo audet quispiam extra Ecclesiam suam cuicumque personæ, sive clerico sive laico, aram Christi vel sepulcrum ejus in vadimonium dare? Quid enim crux est, nisi ara Christi? Et quid calix, nisi sepulcrum ejusdem Domini nostri? Quid ergo aram et sepulcrum in vadimonium ponit, cum Juda Christum vendit; et qui in vadimonium accipit, cum militibus, ne Christi resurrectionem et gloriam, quam ad sepulcrum Domini viderant, prædicarent, pecuniam a sceleratis Judæis suscipit. Legimus quoque in Daniele regem gentilem Balthazar, eo quod in vasis, quæ de templo Domini pater ejus sustulerat, concubinis suis potum ministraverit, subito manum scriptantem vidisse, et de scripturæ interpretatione cognovisse mortem sibi instare et divisionem regni sui.

Ego ipse, ut de præsentibus interim loquar, unum tibi brevitè exempli causa proferam quod nuper audivi, nescio an ad te quoque fama pervenerit. Accidit in Britannia minori quoddam miraculum. Nam quidam nummularius vasa Ecclesiæ sibi loco vadimonii in arca reposita servabat; casu

A pueri parvuli super eandem arcam ascenderunt, qui illico in amentiam versi sunt; sed et canes forte ascenderant, et in rabiem efferati fuerunt. Sensit dominus ultionem divinam esse eo quod vasa sacrata, non his deputanda locis vel pactis, proaccommodata pecunia accepisset; nimiumque perterritus fugit ad ecclesiam, quid factum fuerat omnibus intimavit, et sacra vasa quantocius a se emisit, non minori formidine quam olim Philistii arcam fœderis Domini propter imminentem cladem a se expulerunt. Quæ res adeo terræ incolas exterruit, ut sceleratiorem quolibet indololatra prædicent qui sacra vasa deinceps in vadimonium posuerit vel acceperit. Perpende ergo quanta culpa sit vasa de sinu ecclesiæ rapere, et sæcularium manibus committere.

B Caveant itaque prælati Ecclesiæ ne res sibi commissas et susceptam pauperum dispensationem negligenter tractantes, incurrant detrimentum animæ suæ. Audivi enim de quibusdam episcopis, sicut in quadam epistola me scripsisse tibi memini, quia sæcularia arma complectuntur, et militares copias pretio conducunt, et alia similia nequaquam eis convenientia sequuntur. De quibus non ego sed Propheta: *Principes, inquit, vestri socii furum*, qui sibi creditam Ecclesiarum substantiam in supradictos usus nefarie effundunt. Spreto quippe episcopali officio, ea appetunt quæ omnimodo fugere oporteret. Unde consilio meo prælati quique, in quantum prævalent, omnes a se occasiones abscondant, quibus innumera damna filiis suis et rebus ecclesiasticis provenire solent, ut bene ministrantes ab eo mercedem recipant, cujus et locum tenent, et vestigia sequi deberent. Vale.

APPENDIX.

Epistolæ canonicorum Carnotensium, Hildegarii, Guillelmi ducis Aquitanix et aliorum plurimorum.

EPISTOLA CXIV [olim CIX].

Clarissimo Turonensium archiepiscopo H. A. decanus et tota congregatio canonicorum Sanctæ Mariæ Carnotensium prona atque devota fidelitatis obsequium et orationis suffragium.

Nuper antequam Romanum inter agere cœpisset beatissimus Pater noster Fulbertus (49) episcopus vestro, ut scitis, dulci usus est colloquio. Unde reversus dum quadam die in conventu nostro reside-

ret, de ipso itinere nobiscum agens, conquerentibus nobis post abscessum ejus multa nos a pluribus adversa passuros, et nominatim a Fulcherio ejusque nepotulo, suorum quoque manipulis furum, ille constanter et confortatorie, ut solet, in talibus respondit: *Malorum injurias boni æquanimitè ferre debent. Ut enim ipsi legis in quadam homilia beati papæ Gregorii, bonus non fuit, quisquis malis non toleravit.*

Adjecit præterea se vobis inde fuisse locutum,

(49) Fulbertum Romam cum Roberto rege petiisse peregrinationis causa suspicor. *Rex etenim Robertus, inquit Paulus Æmil. in illius Vita, cum Romæ esset, ad divi apostoli aram scriptum obtulit pridie festivitatis apostali in quo antiphona Cornelius Centurio continebatur. In veteri manuscripto Chron.: Anno 1028 Rob. rex Francorum piissimus Romam causa devotionis et peregrinationis profisciscens pridie vigilix Ap. Pauli obtulit Antiph. Cornel. Centurio. Hic enim erat numinis reverentissimus, liberalibus studiis sacrisque disciplinis deditus, prisæ sanctitatis æmunus. Antiphonas*

sacraque reponsa quædam edidit, judicio Ecclesiæ universæ probata receptaque: ejusmodi sunt: Sancti Spiritus, O Constantia martyrum. Quod sponsorium composuisse ferunt cum Constantia, illius uxor, Robertum maritum rogasset ut in illius gratiam aliquod carmen conderet. Cum Avalonem obsideret, nullo oppugnante quassanteve, sed eo in tabernaculo hymnos concinnante, sua sponte magnam murorum partem coruisse ferunt, velut divinitus ac superis veneratori suo gratiam præsentem referentibus. Paul. Æmil. in ejus Vita.

vos etiam illi et nobis prodesse, de ipsis malefactoribus adiutorium promississe. Quod si necessitas urgeret, præcepit statim vestræ paternitatis solatium nos adire. Quod nunc facimus, potentissime Pater, variis pulsibus tribulationibus. Nam ut alias omittamus, illi anathematizati, quorum supra meminimus, postquam dilectissimus pater noster viam suam tenuit, terras nostras quæ sunt in ministerio, Heruci et Tetoldi, quasi lupi caulas ovium irrupentes, nobis immerentibus prædati sunt. Neque etiam rabidis eorum morsibus ovium damna suffecerunt; imo vero ad devastandam quamdam pastoris ipsius potestatem quæ dicitur Ermenulphi villa, se converterunt. Proinde rogamus vos, iustissime Pater, ut propter amorem sanctæ sanctarum Dominæ nostræ, cui servimus licet indigni, ipsius quoque dilectissimi vestri, qui in vobis plurimum confidit, et nos abiens vestro patrocínio commisit, prædam suam et nostram reddere faciatis, cum nepote vestro Gaudfrido magnopere satagendo, quatenus ipsi lupi res domini præsulis et nostras deinceps non diripiant, vel donec annuente Deo ipse redeat. Valet et vos supplices vestros, quidquid de iis egeritis, mandando rescire dignamini.

EPISTOLA CXV [olim CX].

(Anno 1022.)

Venerabili Lex. pont. Herb. congreg. canon. Sanctæ Mariæ Carnot. plurimum salvere et orationis suffragia.

Jubes, incele præsul, nos dare tibi circadas (34) de ecclesiis nostris quæ sunt in episcopio tuo. At nos serenitati tuæ verum quiddam intimare volumus, scilicet quod episcopi Beatæ Mariæ, in quorum diœcesi possidemus ecclesias, hunc semper amoris et reverentiæ cultum exhibuerunt sanctæ sanctarum Dominæ nostræ, ut a nobis ejus licet indignis famulis nequaquam exigerent id obsequii quod requiris. Vide, quæso, ne importuni vochemur, dum rogamus te, benigne Pater, ut, honesta sanctorum Patrum sequens vestigia, nos hujus pensionis angaria nullatenus obliges, ne in hac parte nobis efficiendi primus auctor ipse noteris. Optamus enim potius, non parvo tuæ ipsius utilitatis amore ducti, in albo felicis ordinis benefactorum nostrorum te recenseri, ut cum pro illis, tum etiam pro te jure Domino sacrificium offerentes, ac humanitatis tuæ beneficia coram illa recitantes, dignum te libro quoque vitæ celestis inseri prædicemus. Præterea non arbitramur notitiæ tuæ amplitudinem præterisse dominum nostrum Fulbertum episcopum, cui te valde charum esse scimus, Romam pergere. Quod ideo memoramus, ut, si liberalitati tuæ placuerit nostræ petitioni favere, nos id illi, cum redierit, innotescamus, tibi quidem pro

(50) Canonicos Carnotenses aliquando episcopo Lexoviensi de ecclesiis suis visitationis jus persolvisse apparet. Nomen autem *circada* oritur a *circumeo*. Utitur eo verbo sæpius Hincmarus archiepiscop. Rem. epist. 1, ad Lud. Balb. imp., quem bortatur cap. 8 ut eccles. *in isto regno per occasio-nabiles circadas et per indebitas consuetudinarias*

PATROL. CXXI.

A hoc bene ac sapienter factum nimium gratulaturum. Quod si non oramus, saltem nos exspecta supplices tuos: illum reversum super hoc consultum ire debentes, a cujus nutu pendent nostra consilia, neque interim ullum interdium facias ecclesiis nostris. Bene agendo valeas, de sacrario tui pectoris quid oraculi super hæc egrediatu nobis rescribere ne graveris, iterum iterumque ac semper valeas.

EPISTOLA CXVI [olim CXI.]

Amicus amico Hildegarius Sigifrido totius boni sufficientiam precatur.

Dum apud nos morareris, inter primos amicum meorum habitus, quid mihi tuis obsequiis plurimum dedito pollicitus sis, memorem te esse puto. Ipse tamen ejus rei te commonefaciens, rogo ut secundum promissionem tuam mittas equum ambulatorium, qualem te dare, nos quoque recipere deceat: cum illis equidem sentio qui amicitiam non propter se tantum, sed et propter utilitatem censent esse expetendam. Diu vivens et bene agens præmio æterno potiaris.

EPISTOLA CXVII [olim CXII.]

Hildegarius, domini Fulberti discipulus, Sigefrido Ric. com. capell. adhuc salutem.

Verbis tui fidem minime servans diu me fefellisti. Unde, cum me deceptum esse doleam, tum pro mendacio tuo pudor mihi maximus ingeritur. Non enim deceret tantam personam probrosam falsitatis nomen subire. Horrendum etiam esset in sacrilegii crimen incidere, quia, sicut legitur, *Verba sacerdotis aut vera sacrilega*. Obscuro itaque per sanctam amicitiam quæ inter nos esse debet, ut honestæ veritatis famæ te reconcilies, mittendo mihi ad præsens per Gauterium monachum olim meum, merito mihi promissum abs te caballum. Quod ni feceris, noveris te funditus ab amore nostro decidisse, teste conscientia mea, dixerim, in hoc quod ego te rogo, non magis utilitatem meam quam tuam et simul honorem exopto.

EPISTOLA CXVIII [olim CXIII.]

Quem puræ dilectionis affectu colit seniore suum E. Hildegarius plurimum salutis.

(51) Potionem iera, quam dominus præsul tibi mittit, sumes cum aqua calida ante crepusculum diei. Nocte qua debes eam accipere, non cenabis; et ipsa nocte positam potionem in vasculo, in quo distemperanda est, asserges salis gemma, vel, si hæc non adest, delicato sale ad pensum unius scripuli. Accepta potione sedeas ante focum absque ullo tumultu, cavens tibi penitus a frigore; et, si paulum cubueris, non nocebit: nolo tamen ut dormias. Cum primum senties moveri tibi ventrem, deambula pedetentim, et sic ad secessum vade. Si

exactiones ante viginti annos impositas non affigantur.

(51) Potionem iera vocam sacram medicinam. Quid sit autem potio iera, sciunt medici: multiplex est genus. Nomen autem scripuli interpretatur ipse Fulbertus in versibus de uncia et partibus (*Vide infra*).

propter solutionem tandem ceperit te sitis, nequam bibes, nisi paululum aceti cum aqua calida misti, propter stomachum diluendum seu relevandum : quod etiam non urgente siti facere poteris, solutione propemodum vocante. Prandere difleres quousque senties catarthicum nihil amplius operari velle. Cum sederis ad mensam, vide ne quid nimis, neque manduces aliquid stipticum vel plus æquo salsum. Plura de observationis modo notarem, nisi pauca sufficerent sapienti. Hoc tamen scribere me jubet nescia simulare charitas, ut talem potionis hujus sentias effectum, quatenus semper incolumis perseveres. Vale.

EPISTOLA CXIX [olim CXIV].

HILDEGARIUS G. *verba transformare in act.*

Tuæ, mi domine, charitativæ promissionis nuntium hactenus sustinens laboravi nimium. Sollicitus namque quid tuæ celsitudini meæ parvitati placuisset designare, percunctabar unde sese reciperent viatores quosque pendens, ab urbis vallo huc respiciente. Nemine vero dante responsum tui de parte, mæstus redibam domum jam facta nocte. Sed quia in humano perfectum nil exstat ex toto, humano parcimus ingenio. Peto tamen ne prouas in verba talis excusationis, quin quod pollicitus es adimplere studeas sinè fucō dilationis : igitur, ut certiozem reddas, mando et deprecor quatenus innuere digneris quid me agere jubeas. Nolo, mi domine, hæsites in calamo, bonum opus habens in animo, quoniam in perfectione erit ex Dei auxilio. Vale.

EPISTOLA CXX [olim CXV].

Guillelmi ducis Aquitanix ad Hildegartum.

(Vide infra in GUILLELMO ad an. 1030.)

EPISTOLA CXXI [olim CXVI].

HAND. *præsuli H. Turonensis archiepiscopus salutem.*

Quamvis tua nuper ad me directa epistola sibi condigna mereatur rescripta, satius tamen existimavi responsis interim suæ contumaciæ debitis supersedere, quam tuæ salutis quantum ad nos non consulere, et inter consulendum quibusdam epistolæ locis discrete et humiliter non respondere. Medicorum enim est melancholicis sive maniacis, seu qualibet alta valetudine laborantibus, licet ingratis et conviciis artificem lacessentibus nihilominus tamen suæ artis experimenta impendere, et ut curentur attentius insistere. Unde et me nec professum quidem medicum, quippe imperitissimum, si tamen ad hoc jure prælationis utcumque provecum, qui te si exorbites debeat corrigere, oportetque ex coemptis sanctorum Patrum medelis tibi, licet ingrato, medicari, et ut cureris, velis nolis, insistere. Sed priusquam ad hoc veniam, libet, ut dixi, quibusdam tuæ epistolæ locis obviare : nam cætera, quæ plurimam partem illius occupant, prætereunda censeo.

Quod ergo me inconsultæ conceptionis fuisse, et temere ac sine culpa te non vocatum a divino officio separasse criminariis, certa et inexpugnabili contradictione destruo. Inconsulta namque conceptio non fuit quæ tibi conditionem quid potius vel-

les eligendum proposuit. Quod si bene advertisses, inconsultum non dixisses. Inconsultus igitur fecisti, qui te, ut post clarius liquebit, in pejorem partem flexisti. Non temere vero ac non sine culpa te et tuos fuisse interdictos testantur reliquæ vinearum in quibus vestra fixisti castra. Quod in exemplum datum cæteris quibus accerrime culparis fidem facit. Te quoque vocatum esse, qui tibi missas a me sciat litteras, quis vel insanus non asserat? Te igitur, frater, rationabiliter pro tua culpa et canonicè vocatum et a divino officio separatim recognoscendo plange, et plangendo ad satisfactionem revertere. Quod si quadragenario vocationis spatio lege canonum te defendere niteris, scio quia singulares causæ vel personæ non præjudicant legi. Nam te in furorem versum, et ex præsule duces tot armatorum factum, totam nostram patriam crudeliter vastare cernens, ferrum, ignes, diversasque nobis mortes minatum, imminetique plagæ quadragenariæ vocationis spatium ut desisteres nihil videns prodesse, venabulum mox tibi excommunicationis opposui, ut eo saltem viso territus, te et tuos vel ad momentum refrenares, et præsulem quem amiseras recognosceres. Sed tu maluisti illo excommunicationis venabulo configi, quam a cœpta tyrannide vel ad punctum refrenari. Nam quod dicis te regis hoc jussu fecisse, nec nego, nec affirmo, nec quid hoc te vel intelligo. Cujuscunque enim hoc jussu feceris, eadem culpa ac si nullus jusserit urgeris. Nam ad exaggerationem tuæ culpæ ista satis transgressio sufficit, quod præter mea tui archiepiscopi consulta, contra canonicam auctoritatem tale aliquid incipere præsumpsisti : quodque etiam me jubente non debuisses facere, hoc te ipso consultare fecisti. Quod autem ais te in malum Odonis agere impulsam, nec etiam ei palmitem destruxisti, sed vineas canonicorum sancti Mauritii, præter cætera quæ in tuam matrem Ecclesiam jussu tui D. Fulconis intulisti opprobria, radice tenus comminuisti. His de causis excommunicatorias tibi litteras, quas contra jus et fas audaciæ notas dicis, misi. Nec te oportuit tuum magistrum et dominum tam temere reprehendere, ut a tuo incepto, respisceres, transmisi, non ut te vellem flecti in eam partem qua corruisti. Quod discrete an indiscrete fecerim, tuâ juridicalis libra penset, qui consultorem quærere motes. At si indiscrete ac sine causa temerariis in te, quod absit! excommunicationem intorsissem, sustinere tamen judicium tui pastoris, et a sacra celebratione cessare debuisti. Quod quia non fecisti, et consultrice superbiâ tui magistri interdicta parvipendisti prudens, in voraginem te excommunicationis præcipitasti. Accipe super hoc quid beatus Gregorius dicat : *Utrum, inquit, juste an injuste obliget pastor, pastoris tamen sententia gregi timenda est, ne is qui subjectus est, et cum injuste forsitan ligatur, ipsam obligationis suæ sententiam ex alia culpa mereatur. Pastor ergo vel absolvere indiscrete timeat, vel ligare. Is autem qui sub manu pastoris est ligari metuat vel injuste, nec*

pastoris sui iudicium temere reprehendat, ne, et si A *injuste ligatus est, ex ipsa tumidæ reprehensionis superbia culpa quæ non erat fiat.* Hactenus beatus Gregorius. Hac igitur, frater, argumentatione convictus cum sis, excommunicatum te recognoscendo iterum plange, et plangendo ac satisfactionem revertere.

Atque his tuæ epistolæ locis tantum non respondisse sufficiat, cæteris aliquis otiosus respondeat. Nam ego illa quæ magis sunt necessaria et pollicitus sum H. fratri prosequar. Contemplor ex motibus tui corporis diversa genera passionum tuam germinare animam: quibus si aliquo medicamine, priusquam in vires prodeant, non occurritur mirabilem tuæ animæ generabunt mortem. Sed congrua quique passioni ignorabitur medicina, nisi B origines, et, ut ita dicam, radices earum, intentissima discretionem fuerint explore. Omnium itaque passionum animæ unus fons atque principium est. Secundum qualitatem vero partis quæ in anima vitata fuerit, unaquæque passio vocabulum sortitur. Quod et corporalium morborum docetur exemplo. Si enim vis noxii humoris obsederit caput, *cephalagica* passio nuncupatur, si pedes, *podagrica*, si manus, *chiragrica* nominatur. Totque vocabula unius humoris sortitur incommoditas, quot membrorum obsederit portiones. De visibilibus ergo ad invisibilia transeuntes, uniuscujusque animæ partibus unumquodque vitium inesse credimus. Quam sapientissimi quique tripartite definirunt esse virtutis. Nam et rationalis est, et irascibilis, et concupiscibilis. Secundum ergo qualitatem vitiatæ partis, infectio cujusque pestis nominatur: nam si rationabilem partem infecerit, *cenodoxiæ elationis, invidiæ, superbiæ, præsumptionis, hæreseos vitia* procreabit. Si irascibilem vulneraverit, *furorem, impatientiam, tristitiam, acediam, pusillanimitatem, crudelitatemque* parturiet. Si concupiscibilem infecerit portionem *gastrimargiam, fornicationem, philargyriam, et desideria noxia terrenaque* generabit. Animadverto igitur, frater, ex motibus tui, ut dixi, corporis, tuam animam suam generare mortem. Nam cum tu tantam in me, tuum præsertim magistrum, superbi- am, contemptionem et præsumptionem demonstrares, apparet rationalis tuæ animæ partem miserabiliter esse corruptam. Certis enim iudiciis hæc tria in te notantur: superbia videlicet, quod tam superbe archiepiscopo respondes; contemptio, quod sua interdicta parvipendis, quæ, licet injusta, quod absit! essent, tamen, sicut superius probavi, timenda tibi esse debuissent; præsumptio quoque, quod juste an injuste interdictus ad sacram celebrationem accedis. Quorum trium iudicia rationalem, ut dixi, animæ tuæ partem prædicant esse vitiatam. Reliqua autem si qua in te germinant tute ipse videris. Nam huic ego parti quam tam horribiliter corruptam cerno, quiddam ex sanctorum Patrum coemptis, sicut pollicitus sum, medelis quo revocaris ad salutem procurabo. Sed hæc procuratio nil tibi proderit, si prius vulnere quo

ad mortem infixus es, satisfactionis medela non subvenerit. Quo, ut dico, per satisfactionem sanato, tumores illico superbiæ, contemptionis et præsumptionis quos in tuam animam induruisse suspicor, falce discretionis amputabis.

Deinde amputationis illius vulnera recentia, ne aliquam aliam passionem generent, pœnalis cautio timoris ustulabis, quam usturam ne frigus impietatis tangat, charitatis ardore et oleo fovebis misericordiæ. Quod si ita feceris, et superbia illa, qua instigante responsa in me tam torva jaculatus es, et contemptio, qua meum interdictum parvipendis, et præsumptio, qua excommunicatus ad sacram celebrationem accedis, peribunt. Et rationalis pars tuæ animæ magna ex parte ad incorruptionem revertetur. Post hæc autem has virtutis species, humilitatem, patientiam et obedientiam in unum melle divinorum eloquiorum conficies, et in buxula tuæ mentis hoc antidotum diligenter recondes, unde quotidianam tua anima diætam sumens, non solum has pestes in perpetuum non germinabit, sed etiam a cæteris omnibus incorrupta fulgebit. His te, frater, monens, non fastu doctoris effector, sed officium meæ prælationis trepidus exsequor, quibus si annueris, tuæ, ut arbitror, salutari providebis. Si autem quod absit! aliter pariter neglexeris, quod meis repugnent factis (*sic*), ad hoc te errore Dominica voce reprimo, qua ait: *Super cathedram Moysi sederunt Scribæ et Pharisei; quæcunque ergo dixerint vobis servate et facite, secundum vero opera illorum nolite facere: dicunt enim et non faciunt* (*Matth. xxiii*, 2). Scribis enim et Phariseis, ut tu ipse melius nosti, commissa erat doctrina legis, ut eam exponerent auditoribus suis. Ideo Dominus dixit: *Super cathedram Moysi sederunt Scribæ et Pharisei*, id est, super doctrinam legis; quorum dictis, posthabitis factis, auditores obtemperare jussit, cum ait: *Quæcumque ergo dixerint vobis servate et facite, secundum vero opera illorum nolite facere.* Pharisei eum quod docebant malis operibus destruebant, quod Dominus subsequenter adjunxit: *Dicunt enim, et non faciunt.* Tales sunt modo in Ecclesia epistoli, presbyteri et abbates, qui bene docent, et male vivunt; de quorum numero et me esse confiteor. Sed tamen quia super cathedram doctrinæ et prælationis, licet indignus et imperitus, nec dicta factis compensans, sedeo, si quid boni a me in illa cathedra sedente præceptum tibi fuerit, Dominica, ut audis, admonitione observare debebis. Quod si neglexeris, Dominicis præceptis apertissime contraibis. Vale.

EPISTOLA CXXII [olim CXVIII].

(Anno 1014).

Guillelmi, ducis Aquitanix, ad Arbertum abbatem.

(Vide infra in GUILLELMO.)

EPISTOLA CXXIII [olim CXVIII bis].

Sancto et venerabili Andegavensium episcopo N., ISEMBERTUS, humilis Pictavorum sacerdos, suffragium orationis et fidelitatis obsequium.

Cum mihi constans dilectionis vestræ sit habitus

eo magis gauderem, præsul optime, quo vobis sæpius placitura facerem. Noverit ergo serenitas vestra quod libentissime venirem ad pretiosissimam dedicationis templi vestri solemnitatem, nisi detineret me causa hujusmodi: Dominus noster Guillelmus comes, habito consilio cum Italis, præcepit mihi, et Dominis meis Isoni atque Rohos coepiscopis, suâ quædam seria procurare, quæ nullatenus sunt nobis postponenda. Hac de causa, quia charitatem vestram invitatus adire nequeo, non parum animum meum occupavit ægritudinis affectus: sed hoc consolator, quia spero me per Dei gratiam alias officiis vestris alacriter adfuturum. Valete coram Deo in sanitate condigna.

EPISTOLA CXXIV [olim CXIX].

Guillelmi ducis Aquitani ad Leonem Vercellensem episcopum.

(Vide infra in GUILLELMO).

EPISTOLA CXXV [olim CXX].

Domino suo charissimo Fulbertus præsuli H. omnium expelendorum summam.

Quod ante vindemias non reviso vos, Pater, dilectissimis fratris B. morbus me detinet, cum opportunum fuerit, annuente Deo, libentissime id acturum. Scripto vestro interim quæso mihi innotescere quomodo vos agatis, et qualiter discipuli mei se gerant in scholis, et an melius solito celebrent canonicas horas. Mitto vobis unum ex duobus libellis quos amicus noster comes G. rogavit transcribi. Immissum cuidam hunc librum in arca mea celabat oblivio, putante me illum vobis esse delatum. Si vos vel vestros in quærendo laborare feci, mea culpa. Salutate, præcor, vice mea dominum meum Sigonem et Ilduinum: priorem, animum meum, et alterum animæ meæ dimidium. Cæteri vestri omnes salvi sint in Christo, summa omnium salute vos protegente. Amen.

EPISTOLA CXXVI [olim CXXI].

Fratrī E. Hildegarius omne bonum optat.

Volo scribas mihi, charissime, quam bene tibi procedat scholasticum officium a domino meo præsule, rogatu meo, nuper tibi commissum; quantum ejus gratiam inieris, qui te demulceant, qui mordeant, quam incolumis tute consistis. Prosperitas tua salus mihi est, adversitas ægritudo. Valeas semper in Christo.

EPISTOLA CXXVII [olim CXXII].

Arch. I. humilis episcopus æternam salutem.

Magnas gratias referimus vestræ charitati, petitionem nostram explere sub rationabili conditione promittenti. Cui conditioni velle nos alacriter deservire, sed minime posse, magnitudini vestræ notum facimus. Doctores enim itineris ipsi multis occupati mittere vobis non possumus. Nec ab ipso comite. Vu quærere valemus, quoniam abest in expeditionem profectus, ut aiunt, non rediturus usque ad decimum septimum Kalendas Novemb., cum sequenti die simul dedicaturi ecclesiam nostram. Nolumus ergo excellentiam vestram fatigatum iri, ne forte, cum volumus præsentia vestra

A gaudere, aliquo vestri incommodo obiter vobis illato turbemur: quod si accideret, lætitiæ vestræ solemnitatis in maximum verteretur mœrorem. Valete feliciter.

EPISTOLA CXXVIII [olim CXXIII].

(Anno 1024.)

Quem jugiter in præcordiis animæ suæ fovet D. et et patri suo F. Her. perpetuo vigere.

Dux noster Guillelmus vobis amicissimus profecturus est in Italiam die Jovis proxime venturo, sciscitari de causa filii sui, si cum honore et incolumitate sua fieri queat. Itali enim elegerunt eum sibi ad regem, facientes ei sacramentum, et Italiæ regnum concedendi, et Romanum imperium acquirendi, per rectam fidem, quantum possunt. Hac de causa præcessurus est prudens pater filium, quem supra dixi, cum ipsis deliberaturus. Nunc ergo prudentiæ vestræ est decernere utrum ad nos illo absente veniatis juxta conductum. Si veneritis, victualia vobis Deo largiente non deerunt. Unde quodlibet vobis placuerit, litteris mihi rogo significari. Interea et semper cum omnibus vestris bene valeatis, sanctissime Pater, vitæ nobis dulcedo pariter et gloria. Si transieritis Bituricas, cum Odone de Dolis amice loquimini. Inveni illum in Romano itinere prudentem virum, et spero vobis obsequentissimum fore, si quid obsequii vultis ab eo; est etiam comiti nostro Guillelmo satelles fidelissimus et familiarissimus. Fulco comes appellatus a comite Guillelmo ne vobis inter vias technam moliat, respondit in vera fide, sicut vobis visum est, nullam se moliturum; velle etiam sibi præmandari vestrum adventum, ut conducat vos per sua. Prosperum iter faciat vobis Deus salutarium nostrorum.

EPISTOLA CXXIX [olim CXXIV].

Guillelmi ducis Aquitanie ad marchionem

(Vide infra in GUILLELMO).

EPISTOLA CXXX [olim CXXV].

Leonis Vercellensis ad Guillelmum ducem Aquitanie.

(Vide infra in GUILLELMO).

EPISTOLA CXXXI [olim CXXVI].

Guillelmi ducis Aquitanie ad Leonem Vercellensem episcopum.

(Vide infra in GUILLELMO).

EPISOLA CXXXII [olim CXXVII].

Domino suo Fulberto Hildegarius fidelis ejus ad votum omnia bene contingere.

Priorem tuæ penitentiae causam, super honore beati Hilarii suscepto, justam esse novi, Pater. Obsequens igitur mandatis tuis, cum sim tuorum minimus, vixque necessarii nomine dignus, illud competenter dixerim quod tui præsentia carere multum mihi sit incommodum, ut pote rudi, quotidie tuis eruditionibus egenti, nec non ab obsequio almæ Dei Parentis jam diu vacanti: ferre tamen hoc, et tuas licet graves ad nos veniendi protelationes, quia sic jubes, utcunque satagerem, dum certus essem ecclesiam Sancti Hilarii, a te in proximo frequentandam, aliquatenus exaltari. Tanta esset

mihî exinde proventura coram Deo et hominibus gratia! cujus spe vehementer captus mirum in Edum a clientela tua tandiu abesse et a supradictæ dominæ servitio quasi emancipari pertulerim: tanti esset mihi præterea quamdam famæ tuæ minorationem abigi! quam ingruentem video, nisi quod tu ipse loco suscepto præferis. Sed cum te plus biennio detinuerit hinc sollicitudo pastoralis, hinc principum discordia, nec scio quando nisi illis obeuntibus componenda, orturis forsitan aliis pluribus causis te itidem remoraturis, vix ausim sperare te vel semel Pictavorum fines revisere, et, prout geris animo, illi egregio confessori Christi deservire. Sperabo tamen etiam, adhuc, sicut promittis, vice tua quod potero servians interim, lætum rei exitum mihi tibi que annuere Dominum assiduis vocibus et anhelis precibus orans. Dic, quæso, Pater, quis unquam tiro sine duce militavit? Quis alto mari sine remige credere se voluit? Guillelmus comes amicus tuus et canonici nostri te resalutant adhuc fideliter. Jordanus etiam Lemovicensis episcopus, cui olim suffragium præstitisti apud archiepiscopum Bituricensem, plurima te salute impertiens rogat suppliciter ut mittas ei Vitam sancti Leonardi, in episcopato suo quiescentis, ut aiunt (52); sic ubi reperire poteris, pulchre dicas hoc feneratum esse. Ex mea quoque parte non vos pœniteat, te dico dominum meum, charissimum tuum quoque Sigonem, probis moribus et artibus magnum, centenas millenas excipere salutes. Ne te, quæso, scripti mei tædeat et ineptiarum. Quædam legatis dicere jussi quos audire poteris cum volueris. Vale, charissime Pater.

EPISTOLA CXXXIII [olim CXXXVIII].

Guillelmi ducis Aquitanix ad Fulbertum

(Vide infra in GUILLELMO).

EPISTOLA CXXXIV [olim CXXXIX].

Domino suo FULBERTO episcopo HILDEGARIUS servulus ejus gaudium perpetuæ salutis.

In litteris amici tui G. comitis multam deprehendere potes erga te benignitatem, familiaritatem, amicitiam, sustinentiam quæ non opus est mihi exponere tibi optime scienti. Vita tua ac illius comite, non amittes susceptum honorem, si tenere volueris. Suadeo ergo ne facias vel scribas ei repudium, si intelligis fore tibi utile et ecclesiæ tuæ restorationi, et si est tibi animus et facultas ad ipsum veniendi, ut rogat, et mihi vicarium subrogandi vel socium addendi. Nullatenus enim ferre possum, nisi jussione tua coactus, vel absentari penitus me, vel abesse diutius obsequiis almæ Dei Genitricis et tuis, desiderans ut cervus ad fontes aquarum tuis plenius instrui documentis, omni auro et argento, ipsa etiam vita mihi charioribus. Volo interim mandes mihi, bone Pater, quid mercedis erit labori meo, tantulo scilicet, utrum jubeas ad præsens non obturari os bovis triturantis: an, velut Isaac Jacob filium suum benedicens,

caligantibus oculis prophetans, in præsentique filium non videns, multa mihi bona in posterum provideas. FERIA SECUNDA post octavas Pentecostes proficiscar ad te, si potero, resciturus utrum venias ad comitem in natali sancti Joannis. Vale.

EPISTOLA CXXXV [olim CXXX].

Domino R. venerando atque amabili decano Sancti Hilarii H. æternam salutem.

Multæ vobis gratiæ referantur ex parte Dei et domini mei episcopi, et mea, quod, sicut dicitis, rem Sancti Hilarii bene custodistis. Hinc profecto vos ejus fidelem esse amicum et nostrum, quorum vicem exsequi studueritis, certissime probatis. Quia vero nobis in præsentem vos audire non licet, de quibus nos interrogastis, significare curavimus, ut triginta quinque libras, et alias quas vobis dimisi, in opus Sancti Hilarii per consilium boni ducis Guillelmi expendatis, nullam mihi partem reservantes. Non enim possum me intromittere amplius de officio Sancti Hilarii, cum etiam via sit mihi et domino meo episcopo difficilis propter sæculi malitiam quam nostis, et ita Sanctæ Mariæ servitio tenear ascriptus, ut ab hoc sine damno vel culpa dimoveri nequeam. Sed et ipsius Dei Genitricis eminentiam apud Sanctum Hilarium, si qua ex me est, hujus rei deprecari posse reor offensam: nec enim illum honorem cuilibet inferiorum postposuerim, sed [si] clientelæ Matris Domini, quæ etiam archangelorum omnium dignitati prælata est, jure, ut puta ejus alumnus quantuluscunque, me reddiderim. Dicitis ergo illi prudentissimo dulci ex parte domini mei episcopi, ut tali rectori committat locum Sancti Hilarii, quem nec difficultas itineris, nec imperitia ecclesiastici ordinis ab ejus obsequio detineat. Et hæc sunt rationes de quibus Reginaldus vice dominus ad senioremeum episcopum locutus est, et unde talem vobis finem mandamus. Nunc vestram charitatem, quæ semper mihi fuit præsentissima, rogo, dilectissime, ut omnes clericos Domini nostri dulcissimi ac beatissimi Patris Hilarii, a parvo usque ad majorem, ex meo nomine salutetis, et omnibus orationum fidelia dicatis. Ipsi etiam comiti centenas millenas salutes ex mea parte conferatis, quem præ omnibus laicis diligo, memoriam ejus in orationibus meis ad Dominum faciens, qualescunque ei, pro amore et beneficiis quæ mihi exhibuit, indesinenter gratias agens. Similiter autem dominum meum Isembertum episcopum salutate, obsecro, cujus in me benignitatis ac hilaritatis quantata fuerit gratia, nullatenus dicere me sinit prohibitæ ejus immensa magnitudo. Sed et filium comitis et dominam comitissam, nec non et alios, quorum benevolentia etsi immeritus gaudebam, eodem salutis munere cunctos impertiri ne pigeat. Ad summam vos ipsum bene valere optans, finem orationis facio.

EPISTOLA CXXXVI [olim CXXXI].

(Anno 1029).

Sacro Senonensium archipræsuli LEOTHERICO canonici Sanctæ Mariæ Carnotensis in Christo salutem et adhuc fidelitatis obsequium.

Multum miramur, venerande Pater, quod bonis initiis tam malos exitus habuisti: videlicet quod nobis pastore carentibus, in altero substituendo primum bene favisti, et postremo sententiam tuam depravasti, alium [quam] quem nos elegeramus ordinando. Ne autem dicas ignorasse te electionem nostram, mandavimus tibi per diaconos nostros, Odelerium et Frotmundum, elegisse nos A. decanum, cum litteris nostris id ipsum continentibus; qui talis nobis videbatur, qualem episcopum ordinari debere dicit concilium Carthaginense quartum. Quod si posthæc alium tibi obtulerunt vel rex vel aliqui ex nostris minus sapientibus, oportuisset te causam diligenter attendere, et inter nos ipsos dijudicare, quorum sanior haberetur electio, sicut in decretis Leonis papæ significari optime nosti his verbis: *Ille omnibus præponetur, quem cleri plebisque consensus concorditer postularent ita ut, si in aliam forte personam partium se vota dividerint, metropolitani iudicio is saltem alteri præponatur, qui majoribus et studiis invatur et meritis.* Volumus autem scire te quod ipsam electionem nostram mandavimus domno regi per suos monachos, Hernakdum priorem et Restaldum præpositum sancti Dionysii. Quibus, objicientibus nobis de Theodorico ordinando regiam voluntatem, injunximus ut dicerent regi ne id temere fieri juberet. Vocaret autem nos antea, si sibi placeret, ad eurlam suam, vel suæ voluntati consensuros, vel cur dissentiremus ostensuros. His vero dictis nostris ipse domnus rex contemptis, qualem sibi libuit personam absque nostra petitione ordinari violentus acceleravit. Immemor fortasse illius dicti Constantini Christ, imperatoris, de violentia principum contra se et contra alios principes ita se habentis: *Quæcunque, inquit, contra leges fuerint a principibus obtenta, non valeant.* Sed, ut ad præsens de ipso taceamus, qui sane viderit utrum omnia recte agat, nec post factum poeniteat? Ad te, Pater, querimoniam nostræ flectimus articulum, quem Ecclesiæ nostræ curam neglexisse, imo auctoritati tuæ derogare vehementer dolemus, posthabito suprascripto Leonis papæ decreto. Quod si observasses, rationabiliter utique egisses, et bene nobis, ut filiis pater, consuluisses. At ipso violato quam multa alia sanctorum Patrum violaveris, tute considera. Nos tamen pauca tibi de multis scribimus. Legitur in decretis Cælestini papæ: *Nullus invitis detur episcopus: cleri, plebis et ordinis consensus et desiderium requiratur.* Et post pauca: *Sit facultas clericis renitendi, si se viderint prægravari, et quos sibi ingeri ex transverso noverint, non timeant refutare: qui, si non debitum primum, vel liberum, de eo qui eos rector est, debent habere iudicium.* Item ex concilio Carthaginensi tertio: *Et illud est statuen-*

A dum ut, quando ad eligendum episcopum convenimus, si qua contradictio fuerit oborta, quia talia facta sunt apud nos, non præsumant, ad purgandum eum qui ordinandus est, tres jam, sed postulentur ad numerum supradictorum duo vel tres; et in eadem plebe, cui ordinandus est, discutiantur primo personæ contradicentium. Postremo illa etiam quæ obijciuntur pertractantur, et, cum purgatus fuerit, sub conspectu publico ita demum ordinetur. Ecce quomodo Patrum sententiæ violantur. Nobis enim invitis obtrudere vultis episcopum, nec conceditur nobis liberum, de eo qui nos rector sit, habere iudicium; et, cum huic qui ordinandus erat contradiceretur, minime purgata sunt quæ obijciebantur, nec personæ vel rationes contradicentium discussæ. Quæ cum ita sint, cumque legem canonicam in hoc negotio multimode solve-
ris, monemus te non increpando, neque dijudicando, sed affectu filiorum obsecrando, ipsi legi quam offenderis reconciliatum iri, confitendo culpam et poenitendo. Nec pudeat te dicere necessariis tuis secreto Dominum timentibus, et in lege ipsius bene eruditis, jam tandem te animadvertisse ea quæ fiunt contra statuta canonum non debere stare, sed et facientes poenitere oportere. Quod si forte rex auctoritate tua deinceps corroborari voluerit, quod sine solutione canonum stare non possit, videris, Pater, ne adjicias peccatum super peccatum: sed aut, quantum poteris, id corroborare dissimula, aut manifeste salva legum auctoritate id te exsequi non valere proclama. Postremo suppliciter oramus hæc scripta nostra minime publicari, quæ apud tui chari pectoris secretum promere audemus. Rescribe vero nobis si quid tibi videtur contra hæc rationabiliter opponendum. Rugeat tibi Deus Spiritum consilii et fortitudinis, sapientiæ et intellectus.

EPISTOLA CXXXVII [olim CXXXII].

Sanctis præsulibus G. Belvacensi, O. Aurelianensi, A. Turonensi, clerici Sanctæ Mariæ Carnotensis, famuli eorum et fratres in Domino salutem.

Conquerimur apud vos, Patres, de archiepiscopo nostro, et rege, qui nobis invitis episcopum donare volunt quemdam idiotam, ut scitis, et ejusmodi officio indignum; precantes auxilium vestrum ut vigeatis sicut boni Ecclesiæ pastores ad portas ejus, ne introeat in illam ille talis, qui non quæsi-
verit intrare per ostium, sed aliunde ascendere, sicut fur et latro (Joan. x, 1). Vobis tribus portas custodientibus, sciatis pro certo quartum custodem addi, Odonem comitem, et nunquam recepturum illum in civitatem suam, nisi prius vestro iudicio examinatum, utrum recipi debeat an non. Vigilate igitur attentius, et diligenter inquirete causam cum vestris sapientibus clericis, et nobis famulis vestris, si dignemini, nec propter regis reverentiam hoc agere pigritemini, quasi hoc pertineat ad fidelitatem ejus. Vere etenim illi fideliores eritis, si quæ sunt corrigenda in regno ejus correxeritis, et animum ejus ad eandem correctionem compuleritis. Volumus autem scire vos A. decanum quam elege-

ramus factum esse monachum, nihilominus tamen nos eum optare nobis fieri episcopum; cum reprobatus fuerit ille lupus, quem probare potestis indignum. Quod vos invicem caute et diligenter et secrete deliberare petimus, utrum fieri possit an non, et nobis servis vestris ad fratribus deliberationis vestrae finem innotescere, sive litteris, sive legato fideli. Hæc autem verba nostra videte interim ne publicentur. Valete.

EPISTOLA CXXXVIII [olim CXXXIII].

Quem super omnes abbates diligunt sanctissimum patri O. canonici Sanctæ Mariæ omnium virtutum gratia præfulgere.

Obsecramus vos in nomine sanctæ Trinitatis, ne faveatis contra jus et fas partibus Theodorici simulati episcopi, neque suadeatis Odoni comiti facere cum eo concordiam contra sanctorum canonum auctoritatem. Clarissimum speculum posuit vos Deus in mundo, videte ne qualibet nigredine obscuremini, qua offuscentur alii; sed semper vero lumine respondeatis, quo et alii possint illustrari. Valete, beatissime Pater, et rescribite nobis quid melius de hac causa vobis videtur.

EPISTOLA CXXXIX [olim CXXXIV].

In Christo sibi dilecto semperque diligendo domino RAINALDO HILDEGARIUS servus ejus fidelis, quæ retro sunt oblivisci, et jugiter in anteriora tendere.

Causa charitatis pollicitus sum conversari me-

cum Hereberto nepote tuo, usquequo fruges novæ colligantur, amice illum habiturus, interim quasi presentia tuæ vicarium. Scripta quæ tibi mitti poscis, partim mittimus, partim minime, quia non sunt missu facilia: quæ vero mittuntur, et difficilia sunt cognitu et pernecessaria, de sacramento videlicet corporis et sanguinis Domini; quæ si non digne ac fideliter percipimus, vivere non habemus. De cogitationibus autem quæ se nolentibus nobis ingerunt, ita sentiebat charissimus pater noster Fulbertus: nil eas nocere, si tandem menti minime placuerint; signo crucis abigendas esse ab animo, velut muscas ab oculis importunas; rationem ponendam esse mentis custodem, rerum utilium recepticem, quibus dum occupata fuerit, ab inutilibus impeti vel penetrari non possit: cui sententiæ multas alias in Vitis Patrum consentientes reperire potes, quæ tuum animum optime relebunt, opitulante Christi gratia, sine qua nihil valamus vel sumus. Cætera vero quæ ad præsens non mittuntur, quia nec adeo scriptu facilia, nec satis idoneum gerulum habere modo videntur, Deo volente, spero me tibi missurum vel delaturum, cum opportunum tempus et latorem invenierim. Valeas, animo meo charissime, mortuus huic mundo Christum tibi vivere noris, virtuti vivas, sit tibi mors vitiorum, ora pro me famulo tuo, Pater.

SANCTI FULBERTI

TRACTATUS

IN ILLUD ACTORUM XII, 1: *Misit Herodes res manus, ut affligeret quosdam de Ecclesia, etc.,*

Factus in Festo sancti Petri ad Vincula

(GALLAND. *Biblioth. vet. Patr.* tom. XIV, pag. 177.)

Scripturam sacram recte, cum legit, intelligit qui modos locutum ejus non negligit. Hos autem considerare non sufficit, nisi qui eam meditatione continua frequentavit. Nam sicut, homini cuilibet frequentius colloquendo, paulatim cujus sit qualitatis adventimus, ita et morem Scripturæ sacræ, sæpius eam retractando, cognoscimus. Ipsa enim, sicut Patrum magisterio edocemur, nonnunquam, per hoc quod vituperabiliter juxta historiam gestum narrat, virtutem laude dignam juxta mysticum intellectum significat. Hoc autem in eo vel maxime claret, quod de David et Urio sacra Historia gestum refert: ubi et Uriæ innocens devotio, Judæorum infidelitatem designavit; et peccatum Davidis, sacramentum magnum Christi et Ecclesiæ figuravit. Sciendum tamen quia in his quæ historialiter acta referuntur, agentium causæ propter significationem non mutantur; ita ut nec justo aliquid de justitia sua minuat, etiamsi per

quod ab eo faudabiliter gestum est, malum aliquid designetur; nec injusto justitiæ meritum conferat, etiamsi per hoc quod improbabiler gessit, aliquid bonum figuretur. Neque enim peccatum David ideo peccatum non fuit quia bonum illud maximum figuravit, aut Uriæ innocentia malum fuit quia infidelis populi duritiam desigavit. Hæc ideo præmisimus, ne meritis apostolicis derogasse ab aliquo judicemur, cum per ea quæ de illis in hodierna lectione narrantur, aliquid quod sanctitati eorum non congruat, significare dixerimus. Hodie namque nobis, de more Ecclesiæ, apostolorum Actuum lectio recitatur, in qua frater Joannis Jacobus gladio narratur occisus, apostolus quoque Petrus et comprehensus legitur et exceptus. Digna prorsus fide historia est, etiam juxta litteram venerabiliter amplectenda; verumtamen, quia in spirituali libro Ecclesiæ continetur et ex illa quædam Patres

spiritualiter intellexisse legimus ; non videtur incongruum si, historię veritate servata, quomodo spiritualiter tota possit intelligi demonstramus. Sed jam audiamus exordium.

I. *Misit Herodes rex manus, ut affligeret quosdam de Ecclesia* (Act. xii, 1 seqq.). Quem sub Herodis vocabulo accipere debeamus significatum, et nominis ejus appellatione et operis crudelitate docemur. Herodes quippe *pelliceus* interpretatur, quo nomine recte antiquus humani generis adversarius designatur ; cujus suasionibus dum primi homines crediderunt, stola immortalitatis perditam, pelliceas tunicas mortalitatis indices acceperunt. Nam, quia pelles mortuis animalibus solent detrahi, non incongrue per pelliceas tunicas dicitur mortalitas figurari. Quas quidem tunicas Deus fecisse et homines induisse legitur ; non quod eos ipse mortales creaverit, de quo Scriptura verax veraciter protestatur : *Quia Deus mortem non fecit* ; sed quia, quos ad vitam æternam, si mandatum servarent, condidit, post prævaricationem mortales factos ipsa vestis qualitate monstravit. Sed hujus indumenti ipse proprie hominibus auctor exstitit, qui eis culpam qua illud mererentur promissione seductoria persuasit. Jure igitur ipse pelliceus nominatur, cujus instinctu humana natura pelliceis tunicis mortem significantibus amittitur. Rex autem Herodes iste vocatur, quia ipsum esse *regem super omnes filios superbie* Scriptura testatur ; qui et omnibus regimini suo subjectis ad mortem perpetuam principatur. Cujus Herodis manus sunt vel maligni spiritus qui illi ad deceptionem obsequuntur, vel certe perversi homines, in quibus, juxta Pauli vocem, *iniquitatis mysterium operatur*. Hostis quippe, humanæ perditionis insatiabiliter avidus, cum ei ad votum sua solum nequitia non plenarie satisfacit, ad exsatiandam famem suæ malitiæ socios sibi vel malignos spiritus vel homines perversos adjungit. Qui nimirum ad læsionem bonorum toties manus mittit, quoties cordi eorum vel per subjectos spiritus immunda desideria injicit, vel per humanam sævitiam contra eos in exteriori acerbitate crudescit. Quod enim contra caput nostrum semel egit, hoc etiam contra nos membra ejus indesinenter agere non omittit. Nam quia mentem ejus tentando penetrare non potuit, ad perimendam carnem ipsius, manus suas, videlicet Judæo et milites Romanos, armavit. Sic ergo etiam nunc, quoties a corde electorum repellitur, ut eos saltem in corpore perimat, invidia ardescende succenditur. Ad quid autem tantopere sæviat, aperitur, cum subditur : *Ut affligeret quosdam de Ecclesia*. Ea enim quamprimum intentio illum ad contemplantam electorum innocentiam concitat, ut vel eos in culpam perversa suadendo dejiciat, vel certe, dum ejus suasionibus resistunt eos requiescere non permittat. Justorum vero mens, quæ in superna contemplatione requiescere appetit, hoc ipso vehementer affligitur quod occulto insidiatori continua congressione repugnare compellitur ;

A quibus etsi numerositas triumphorum coronam victoriæ repromittit, hoc ipsum tamen quod erebro dimicare coguntur, eos vehementer affligit. Scientes namque humanam fragilitatem ad casum esse præcipitem, valde suspecti sunt, ne hostis, qui eos ad certamen frequentius provocat, remissius decertantes quandoque devincat. Notandum interea quod non dicitur : *Ut affligeret Ecclesiam, sed quosdam de Ecclesia* ; quia, etsi fideles omnes odio generali persequitur, acerbiter tamen illius illi gravius sentiunt, qui levibus desideriis ejus matura gravitate resistunt. Quos videlicet tanto atrocius impugnat, quanto eos fortius repugnantes considerat. Vel certe missis manibus quosdam specialiter Herodes affligit, cum, testamenta illius aliis evadentibus, alios ad vitiorum præcipitia trahit.

II. Sequitur : *Occidit autem Jacobum fratrem Joannis gladio*. Hanc quidem beati Jacobi passionem omni veneratione suscipimus, credentes et illum pro triumpho martyrii justitiæ corona donatum, et hostem ipsius pro sua crudelitate morte æterna mulctatum. Sed quod juxta historiam semel factum audivimus, non frutras quomodo quotidie fiat mystice, perscrutamur. Quia igitur Jacobus *luctator et supplantator* interpretatur, et Joannes, *gratia Dei*, possunt per hæc duo vocabula duo in Ecclesia ordines figurari : unius scilicet incipientium, qui adhuc in lucta fidei contra diabolum certat ; alius autem eorum qui, per gratiam Dei superato adversario, nulla jam mentis instabilitatem vacillat. Is autem qui luctatur, modo supra, modo infra inspicitur ; ita et qui, necdum perfecte compressis carnis motibus, contra diabolum luctantur, sic illum sibi subjicientes supplantant, ut ab illo etiam aliquoties, saltem delectatione noxia, supplantentur. Quæ videlicet noxia delectatio si non cito compescitur, protinus anima, vitalis flatu justitiæ perditio, consensus gladio trucidatur. Recte ergo consensus delectationi succedens, gladius appellatur, quia, intra sanctam Ecclesiam, illi quoque qui blandimentis diaboli enormiter succumbunt, cum illis qui per gratiam Dei in virtute perfecti sunt, uno verbi semine concepti, uno sanctæ matris Ecclesiæ utero sunt renati. Sicque illos meritorum diversitas separat, ut tamen sacramentorum communio quadam, ut ita dixerim, fidei consanguinitate conjungat. Nec novum sane si semen verbum dicitur, quia et Paulus, eum idem verbum super corda Atheniensium spargeret, ab eisdem *Seminiverbius* vocatus est. Si autem per hanc Apostoli necem non mors peccati, sed carnis, accipitur, sciendum est quia crudelis adversarius, læsionem bonorum semper esuriens, cum (ut supra dictum est) ad interiorem se prævalere non posse considerat, eum qui sibi resistit, saltem corporaliter trucidare festinat. Sed quolibet modo electis noceat, ejus sævitia illis maxime placet quibus, pro sua innocentia, vita fidelium displicet.

III. Unde et sequitur : *Videns autem quia placeret*

Judæis, apposuit apprehendere et Petrum. Judæi namque, qui *confitentes* interpretantur, quos alios hoc in loco designant, nisi eos qui, juxta Apostolum, *Confitentur se nosse Deum, factis autem negant?* Possunt tamen Judæorum nomine etiam immundi spiritus accipi, qui et ipsi in Evangelio, dum de obsessis corporibus pellerentur, quanquam in viti Christum Dei vivi Filium fatebantur. Sed sive perversos homines, seu immundos spiritus Judæorum vocabulo designatos accipiamus, constat profecto quia de bonorum afflictione utriusque voto non dispari gratulantur. Unde et idem caput iniquorum ad persequendos bonos tanto expeditius accingit se, quanto se per hoc votis suorum amplius satisfacere sentit. Sed justo morte carnis perempto, pars iniqua exultat, quia videlicet illi e medio subtractus est qui sub umbra suæ protectionis multos ab æstu malitiæ defendebat. Justo vero in peccati mortem delapso, tanto amplius lætitia perversis augetur, quanto is qui lapsus est, per vitæ meritum stare altius videbatur. Sed sicut supra, beati Jacobi martyrium juxta historiam venerabiliter amplexantes, quomodo juxta internam intelligentiam accipi possit ostendimus, sic nunc quoque, servato textu historiæ, quomodo juxta eundem sensum hæc beati Petri comprehensio intelligi valeat ostendamus.

Ad investigandum mysterium comprehensionis, viam nobis aperit ipsa ejus qui comprehensus est appellatio nominis. Sicut enim fere omnes novimus, a *petra* Petrus nomen accepit. Quinam ergo hoc nomine designantur, nisi qui per mentis constantiam fortiter stare in virtutum soliditate videntur? contra quos nimirum hostis tanto acrius pugnat, quanto per illos etiam alios in virtute roborari dolens pensat. Et, quia fortassis soliditatem mentis eorum primo impetu tentationis labefactare non sufficit, more aquæ crebro superveniens, duram eorum constantiam rumpit. Nam sicut quidam ait (Ovid. *De Ponto*, lib. iv) :

Gutta cavat lapidem, non vi, sed sæpe cadendo.

Quod etiam divina Scriptura testatur : *Lapides excavant aquæ, et alluvione paulatim terra consumitur* (Job xiv, 19). Cum itaque diabolus fortem virum in laqueum peccati inducit, quasi ad comprehendendum Petrum manus Herodes apponit. Ubi ipsa quoque verborum proprietas est nobis magnopere perpendenda. Nam qui supra, ut quosdam de Ecclesia affligeret, manus misit, nunc, ut Petrum comprehenderet, apposuit. Sciendum itaque quia tanto se unusquisque a diabolo minus elongat, quanto ad comprehendendum culmen protectionis minus appropriat. Unde cum aliquem ex talibus ad culpam diabolus rapit, quasi juxta se manus mittit, quia ad se eum qui non longe discesserat, retrahit. Cum vero fortem quemque atque in virtute perfectum decipere nititur et non valet, quasi ad comprehendendum Petrum, manus (ut ita dicam) arctas habet. Unde manus ut Petrum comprehendat apponit, quia

ut robustum quemque decipiat, multiplices deceptionum laqueos necit. Nulla autem callidi tentatoris arte tam cito virtus pectoris infirmatur, quam cum, roboris sui vires sibi arrogans, privata apud se exultatione lætatur. Nam mox, a superno protectore desertus, in virtutum culmine diu minime perseverat, quia eum exinde ventus elationum perturbat. Ab alto vero corruentem adversarius excipit, cum superno auxilio destitutum per quælibet vitiorum præcipitia trahit. Quasi ergo appositis manibus Petrum Herodes apprehendit, cum illum qui per virtutum iter gradiens procul a se discesserat, protensis fraudum laqueis iterum irretivit. Ad quod astruendum si exemplum quæritur, non est opus ut longius evagemur. Quia is ipse Petrus, cujus historiam figurata interpretatione discutimus, in semetipso partim est expertus quod dicimus. Nam cujus carnem Herodes historicus apprehendit, ipsius animam jampridem Herodes typicus trinæ negationis laqueo, quasi fune torto, tripliciter alligavit. Et certe de suæ firmitatis robore multa jam experimenta tenebat : jam Christum Dei vivi Filium confessus fuerat ; jam beatum se ore Veritatis audiverat ; jam a soliditate inviolabilis petræ Petri agnomen traxerat ; jam claves regni cœlestis acceperat : et tamen, post tot et tanta divinæ largitatis munera, cum ad horam Dominicæ passionis ventum est, quia paulo amplius de sua firmitate præsumpsit, sibimet relictus ; protinus quisnam esset invenit. Qui certe in æternum periret, nisi illum benignus Jesus intuitu benignitatis suæ respiceret, respiciens emolliret, emolliens ad amaras lacrymas commoveret, commovendo ad lacrymas, crimen quod commiserat indulgeret. Quo nimirum exemplo nos infirmi ad cautelæ vigilantiam evidentè instruimur, ut mens nostra, etiam summis virtutibus prædita, semper se in humilitate deprimat, semper non ex se esse quod est, trepidare cognoscat : ne forte, dum ultra se præsumptionis aura raptatur, quanto se altius extulit, tanto gravius elidatur.

IV. Sequitur : *Erant autem dies azymorum*, juxta litteram patet sensus, quod scilicet apostolus infra Judaicæ paschæ septimanam sit ab Herode comprehensus : dies quippe azymorum illi septem proprie vocabantur qui quartum decimum primi mensis, quo agnus immolabatur ad vesperam, ex ordine sequebantur. Evangelistarum tamen auctoritas et pascha pro azymis, et azyma pro pascha ponere consuevit, sicut facile est ei agnoscere qui eorum volumina studuerit recensere. Sed nos hæc paucis juxta historiam dixerimus ; nunc interiorem sensum hujusce sententiæ videamus. Ait ergo : *Erant autem dies azymorum*. Dies azymorum omne hoc tempus accipimus quod ab adventu nostri Salvatoris usque ad finem mundi evoluitur : in quo nimirum tempore verus ille « Agnus, qui tollit peccata mundi, » immolatur ; per cujus sanguinem a peccati domino fidelis populus liberatur. Unde etiam Paulus dicit : *Pascha no-*

strum immolatus est Christus; itaque epulemur non in fermento veteri, neque in fermento malitiæ et nequitiae, sed in azymis sinceritatis et veritatis. Non igitur otiose comprehensionem apostoli, per quam fortis viri casus designatur, in diebus azymorum contigisse, scriptum asserui; sed nimirum significans quia, cum ab ipso humanæ conditionis primordio adversus homines invidia diaboli exarsit, a tempore tamen incarnationis Dominicæ tanto acerbius sævit, quanto sævitæ suæ finem jamjamque imminere præsentit. Unde scriptum est: *Væ terræ et mari, quia descendit diabolus ad vos, habens iram magnam, sciens quia modicum tempus habet* (Apoc. xu, 12). Terræ quippe et maris nomine carnales quique significantur, quia et terrenis solis intendunt, et, undarum more, vicissim se saltu superbix superponunt; ad quos diabolus habens iram magnam descendit, quia, electorum corda deserens, in reproborum cordibus requiescit. Qui, quia jam ad beatitudinem se non posse redire considerat, quasi in solatium suæ perditionis, socios sibi, cum quibus vae in æternum habeat, coacervat.

V. Sequitur: *Quem cum apprehendisset, misit in carcerem.* Comprehensum Petrum Herodes in carcerem mittit, cum antiquus hostis justum, lethali crimine captivatum, in latebris conscientix peccatrici abscondit. Recte autem peccatrix conscientia appellatur carcer, quia ibi homo interior et vinculis peccatorum astringitur, et, nocte interna cæcatus, videre Solem justitiæ prohibetur.

VI. Sequitur: *Tradens quatuor quaternionibus militum custodiendum.* Inter omnes hujus lectionis sententias, ista est ad penetrandum obstrusior, quæ et ideo fortassis tam gravis ad intelligendum videtur, quia per illam grave aliquid signatur. Gratiam itaque suam nobis Dominus subministrare dignetur, quatenus sic de illa loqui possimus, ut, si quis est inter nos qui adhuc vinculis inimici teneatur astrictus, de istis quaternionibus quantum expedit audiat, audiens intelligat, intelligens doleat, dolens ingemiscat, ingemiscens talibus se executoribus traditum perhorrescat, perhorrescens autem det operam ut evadat. Quia utique unusquisque quaternio quatuor sub se milites habet, quatuor quaterniones cum sibi subjectis militibus, simul viginti milites sunt. Qui numerus quia ex quinario et denario conficitur (nam et quater quini, et bis deni, viginti sunt), potest per illum universa vitiorum multiplicitas designari, quæ contra decalogi præcepta per quinque corporis sensus perpetrantur. Sed fortasse exigitur a nobis ut eosdem quaterniones, et qui sub eis militant satellites, specialiter distinguamus. Est quidem hoc aliquantulum operosum, sed et hoc duplici ratione indagare conabimur. De quibus nimirum quaternionibus ut secundum internam intelligentiam loqui apertius valeamus, primum oportet eos seorsum construere, ac deinde singulis suos milites prout ratio dictaverit, assignare.

Ponamus itaque aliquem a diabolo ita omni prorsus lumine rationis privatum, ut possit velut insipiens dicere in corde suo: *Non est Deus*; de quo plane pronuntiare possumus quia per insipientiam suam in infidelitatis est carcere mancipatus. Qui nimirum, quia alterius bona vitæ vel mala esse aliqua omnino non credit, ad vitæ præsentis bona appetenda vel mala cavenda curam suam ex toto inflectit. Unde fit ut animæ illius, jam in infidelitatis carcere retrusæ, quatuor modos perturbationum diabolus supponat, qui eam sub sæva custodia clausam teneant, ne evadat. Quæ nimirum perturbationes, etiam in anima sapientis, vicissim sibi pro causarum varietate succedunt; sed in anima insipientis perturbationes sunt, quia per eas insipiens perturbatur. In anima sapientis non tam perturbationes quam affectiones vocantur, quia, ne perturbent, ratione sapientiæ moderantur. Primus itaque perturbationum modus, cupere; secundus, metuere; tertius, dolere; quartus, gaudere. Nec moveat quod istos perturbationum modos non eo ordine posuimus quo illos sæcularis poeta locavit, quia Scripturæ nostræ auctoritate judicamus potius, in qua legitur: *Radix omnium malorum cupiditas.* Sed nec ipsi qui inter sæculi sapientes habentur, eodem illos ordine in libris suis posuerunt, aut iisdem nominibus nuncupaverunt. Ecce etenim unus eorum, cum de animabus corpore exutis secundum suam opinionem ageret, ait:

C Hinc metuunt, cupiuntque, dolent, gaudentque, etc.

Alius autem, qui in scholis sæcularibus legitur, ita posuit:

gaudia pelle,
Pelle timorem; spemque fugato, nec dolor adsit.

Ecce quod ille ultimum, iste posuit primum; quod ille primum, iste secundum; quod ille secundum, iste, mutato loco et nomine, posuit tertium. Dolor autem qui hic quarto loco est positus, ibi in tertio ponitur. Jam autem verum constat quod his quatuor perturbationibus, quasi quatuor quaternionibus, insipiens in infidelitatis carcere custodiatur inclusus. Et poeta, in eodem loco, ipsius quoque carceris fecerat mentionem, ait enim:

D Hinc metuunt, cupiuntque, dolent, gaudentque, nec auras
Respiciunt, clausæ tenebris et carcere cæca.

Auctoritate itaque Scripturæ nostræ primum modum perturbationis, quasi primum quaternionem, ponimus cupiditatem; secundo loco, metum; tertio, dolorem; quarto, gaudium: quod cur inter turbationes animi numeretur, inferius ostendemus. Ecce isti sunt quatuor quaterniones, quibus captivum suum diabolus custodiendum committit, quem prius in infidelitatis carcerem per insipientiæ ostium introduxit. Qui, ut præfati sumus, quia præter hoc quod corporeis oculis videt, nihil aliud credit, bonis interioribus vacuus, totus in exteriora prolabitur. Et primo quidem vallat eum cupiditas, ut habeat; secundo metus, ne amittat; tertio dolor,

si amiserit ; quarto gaudium, si recupaverit. Habent autem et isti quaterniones, ad servandum captivum diaboli, singuli sub se milites suos. Vitia etenim quæ de unaquaque perturbatione quasi originaliter nascuntur, ipsi sunt milites, qui unicuique quaternioni, quasi pro adjutorio, ad peccatoris custodiam deputantur. Sub primo itaque quaternione quem cupiditatum nominavimus, primus miles est tenacia, secundus multiplicatio, tertius inaffectio, quartus voluptas. Recto siquidem ordine cupiditatum tenacia sequitur, quia tanto quisque studet strictius quod acquisitum est retinere, quanto se meminit in acquirendo gravius laborasse. Tenaciæ vero multiplicatio subnectatur, quia, dum longa sibi vitæ spatia pollicetur, instat magnopere ut quæ jam parta sunt, quotidiano fenore cumulentur. Quod cum ad votum multiplicari contigerit, res quidem exterior dilatatur, sed ipse interius angustatur. Unde et tertio loco inaffectio subinfertur, quia tanto crudelius contra indigentiam proximi induratur, quanto sibi soli credit vir posse sufficere quæ habentur. Sed inter hæc cogitat quia frustra in congregandis tantopere desudavit, si sic ab eorum communione indigentem proximum sublevari, ut ipse quoque ab eorum usu alienus existat. Unde, quia post hæc totum se in lasciviam voluptatis dejecit, in commilitonum agmine quarto gradu voluptas incedit ; per quam scilicet ita illecebris carnis suæ resolvitur, ut ei illa voluptuosorum sententia merito coaptetur : *Manducemus et bibamus, cras enim moriemur* ; et : *Coronemus nos rosas, antequam marcescant* ; et : *Ubique queramus signa lætitiæ : et nullum patrum sit quod non pertranseat luxuria nostra*. Sed dum infelix anima taliter in sua voluptate resolvitur, incipit vehementer metuere, ne scilicet id quod eam tantopere delectat, ab ea subito auferatur. Unde bene loco secundi quaternionis, metus cum suis satellitibus subrogatur, quorum I est sollicitudo, II inconstantia, III fictio, IV irrationabilitas. Quod videlicet frustra sic ordinavimus, si non rationem quoque cur taliter sint ordinati reddamus.

Sollicitudo namque metum primo gradu subsequitur, quia metuentis animus, dum aliquid quod vehementer amplectitur, amittere trepidat, immensa illum suspicionum varietas turbat ; quæ menti trepidæ dum damna ventura proponit, omnia illi per cogitationem irrogat quæ posse irrogare coningit. Sollicitudinem autem inconstantia comitatur, qua dum ea quæ pati metuit, intolerabilia fore præponderat, effeminatus per ignaviam, nulla se tolerantie virtute confortat. Cum vero se ad tanta discrimina prævidet virtutis robore non posse subsistere, tentat magnopere si ea saltem per fictionem valeat devitare. Ac proinde post inconstantiam fictio maneratur, quia metu concussus animus, de campo confidentiæ fugiens, in duplicitatis angulo occultatur. Post fictionem autem irrationabilitas subrogatur, quia ideo animus tam densa perturbationum nebula

circumfudit, eo quod, amisso humanitatis consilio, nulla se rationis moderatione componit. Huic jam dolor, quem tertium quaternionem diximus, cum suo agmine ad captivi custodiam subrogatur. Est autem satellitum ejus primus livor, secundus amaritudo, tertius clamor, quartus crudelitas. Dolorem quippe primus livor prosequitur ; quia cum alter adipiscitur quod alter amiserit, amittens in adipiscentem livore invidiæ succenditur. Livori autem amaritudo succedit, quia invidentis animus tanto ad omnes amarescit exterius, quanto, exurente invidia radices ejus intimas, succos alicujus infundit. Post amaritudinem quoque clamor non incongrue numeratur, quia amaritatus animus, cum jam flammam suam apud se ipse tolerare non sufficit, exterius eas cum clamoris vociferatione profundit, tantoque eas altius jaculatur, quanto id quod amissum est charius amabatur. Quartus in hoc agmine satellitum, crudelitas nominatur, quia exasperatus per dolorem animus, qui dolorem suum sub livoris tegmine diutius exutrivit, cum hunc clamores efferendo plene non satiat, studet inhiante ut verbis crudelibus opera crudelitatis adjungat ; quæ nimirum crudelitas eousque doloris immensitate se dilatat, ut in eundem ipsum qui dolet doloris penas retorqueat. Plerisque etenim accidit ut, vel rerum vel pignorum amissione turbati, dum doloris sui vulnus lenire rationis medicamine neglexerunt, in eos perturbationum fluctus inciderint, ut vel sensum communem amitterent, vel in seipsos crudeliter manus injicerent. Ecce quousque per satellites suos dolor sævit, ut quasi parum sit ei quietem animæ perturbare, studeat illam etiam de ipso habitaculo corporis effugare !

Restat quartus quaternio, quem veteres gaudium nominaverunt, post dolorem congrue collocatus, quia, sicut dolor de re generatur adempta, ita et gaudium de re generatur adeptæ. Sed videndum cur majorum auctoritas, inter eas perturbationes quæ statum mentis solent avertere, gaudium numeravit, cum hoc inter fructus justitiæ sanctus Paulus apostolus computaverit, dicens : *Fructus autem spiritus, est gaudium, pax, etc.* Unde noverimus gaudium, si quando in mala significatione ponitur, non proprie, sed abusive nominari. Unde et apud Isaiam (*Isai. XLVIII, 22*), ubi nostra translatio habet : *Non est pax impiis, dicit Dominus*, alia translatio habet : *Non est gaudere impiis, dicit Dominus*. Verumtamen Apostolus cum de charitate loqueretur, hoc verbum abusive posuit, dicens : *Non gaudet super iniquitate* ; cum certe quicumque super iniquitate lætatur, non gaudere, sed potius gestire dicendus est. Gaudere etenim tantummodo hominum est, gestire autem non solum hominum, verum etiam irrationabilium animalium est : unde et catuli gestire dicuntur, cum internam alacritatem gestibus caudæ vel aliorum membrorum ostentare videntur. Hoc itaque loco cum gaudium inter perturbationes animi

numeratur, non proprie gaudium, sed potius gestus quidam irrationabilis est accipiendus; qui et mentem per immoderatam lætitiā a gravitatis pondere levigat, et hanc eandem levitatem per signa exteriora demonstrat. Unde, quia per dissolutionem exteriorē demonstratam levitas interna detegitur, non incongrue ipsa dissolutio huic quarto quaternioni pro primo milite deputatur. Cum enim mens conceptam intus lætitiā gravitatis freno retinere non curat, qualis apud se intrinsecus lateat motus exterior manifestat, quæ scilicet manifestatione non minimum illi dispendium irrogatur; quia, cum motus exterior ab internæ superfluitatis fontibus hauriat quidquid in externis obtutibus foris maneat, tanto jam mens vilior ab omnibus æstimatur, quanto interno ejus gazophylacio pretium gravitatis non inesse deprehenditur. Secundus in hac extrema acie miles, jactantia nominatur; quia nimium cum membra per motus inconditos dissolvuntur, lingua quoque ruptis habenis silentii, per verba jactantiæ diffrenatur. Pro tertio adhuc milite mendacium computatur, quia qui multa de se jactanter loquitur, fieri non potest ut non etiam quædam interserat unde mentiat. Mendacio autem superbia subrogatur, quæ supradictis omnibus materiam subministret, et ultima superatur. Nam, sicut scriptum est: *Radix omnium malorum cupiditas*, ita etiam scriptum legitur: *Initium omnis peccati superbia*. Quæ utræque sententiæ valde ab invicem discrepant, nisi aliquo modo unum essent; sed, quia una semper aliam gradu individuo comitatur, recte et *radix omnium malorum cupiditas*, et *initium omnis peccati superbia* perhibentur. Quia nisi cupiditas per superbiam intumesceret, nequaquam divitiarum copia excæcare cæteros festinaret; et nisi superbus cupiditatis stimulis urgeretur, non utique ad apicem singularis potentiæ tanto opere raperetur.

VII. Sed quia hoc, quod apostolus comprehensus et quaternionibus traditus dicitur, uno modo tractavimus, libet hoc ipsum sub alia significatione exponere, et ejus judicio qui hæc fortassis legere dignabitur, utramque expositionem relinquere. Nam qui jam per divinam gratiam illuminati sumus, non nobis utique jam congruit quod *Dixit insipiens in corde suo: Non est Deus*. Et quia sæculum omne contempsimus, jam fortassis non nos cupiditas habendi inflammat, non metus amittendi sollicitat, non dolor amissi addicit, non gaudium recuperati extollit. Sunt autem alia vitia quæ nos etiam fugientes de sæculo prosequuntur, quæque nobis tanto importunius insistent, quanto in nobis ipsis materiam importunitatis inveniunt. Ex his itaque unum assumamus, et, secundum ejus significationem, de istis quaternionibus pertractemus.

Ponamus itaque aliquem qui per delectationis suæ molliem in cœnum luxuriæ ceciderit: hunc sine dubio diabolus apprehendit, quia eum, libertate castitatis ablata, in servitute libidinis cap-

tivavit. Sed comprehensus peccator carceri mancipatur, si, post perpetrationem criminis, in suæ conscientiæ latebris occultatur. Nec tamen sufficit crudeli adversario suo quod captivum suum tenebris carcularibus damnat; insuper etiam custodes illi adhibet, ne evadat. Nam peccator, quem per admissum facinus diabolus captivavit, nonnunquam de ejus captione per confessionis foramen exire disponit; sed custodes adhibiti volentem exire retentant, quia difficultatum obstacula, quæ supponit, illum ne possit exire retardant. Salva itaque veritate historiæ, quaterniones quibus Petrus clausus carcere custoditur, ipsa sunt difficultatum obstacula, quibus, peccata confiteri deliberans, a confessione præpeditur. Quos nimirum quaterniones ut evidentius ostendamus, necesse est eos nominatim exprimere, et eis singulos suos milites assignare. Sed ut de aliis, sicut ordo processit, vidimus, nunc restat primus quo censeatur nomine et quo stipetur agmine videamus. Sit itaque quaternio primus, affectus peccandi: et habeat sub se milites suos, quorum primus vocetur recordatio præteritæ voluptatis, secundus excusatio fragilitatis, tertius imitatio pravitatis, quartus ratiocinatio conditionis. Recto autem ordine in quaternionum numero primus omnium affectus peccandi locatur; quia nimirum is qui in carcere est luxuriæ retrusus, citius exinde progredi festinaret, nisi eum peccare iterum delectaret; sed, quia adhuc peccare affectat, non potest, confitendo peccatum, impugnare quod amat. Sub hoc autem primo quaternione, primus miles est, ut diximus, recordatio præteritæ voluptatis; quæ quaternioni suo fœdere copulatur, ut et cum illo ad peccatoris custodiam excubet, et eidem iterum peccandi materiam subministret. Quæ nimirum recordatio tanto peccatorem ut iterum peccet violentius cogit, quanto illi expressius representat voluptates suas, quas expertus est dum peccavit. Sed si per recordationem præteritæ voluptatis peccator ad repetendum peccatum urgetur, cur non ipsa in hoc agmine affectui peccandi præponitur? Si enim ista illi materiam existendi, sicut præmisimus, subministrat, plus utique videtur esse quam ipse. Sed sciendum nobis est plus esse aliquid, peccandi habere affectum, quam peccati habere recordationem. Ille etenim sic est vitium ut virtus esse omnino non possit, hæc autem sic nunc inter vitia numeratur, ut nonnunquam etiam in virtutum numero computetur; nam quæ peccatorem peccare volentem admonet ut iterum peccet, ipsa peccatorem peccasse dolentem admonet ut amplius ploret. Vel certe ideo affectui peccandi postponitur recordatio præteritæ voluptatis, quia recordari eorum proprie dicimur quæ pridem aliquo modo experti sumus: affectare autem ea etiam possumus de quibus nulum adhuc experimentum tenemus. Unde recordatio eorum nobis nunc peccatorum delectationes representat quæ fecimus, affectus autem peccandi ad illa etiam nos pertrahit quæ per sensum experientiæ ignoramus. Qui ergo plus valere cognoscitur, dignum fuit ut primus in hoc agmine

poneretur. Sub quo nimirum, loco secundi militis, militat excusatio fragilitatis: quia nonnunquam, dum perpetrato scelere peccator ipse quoque suo addicitur, hæc, repente interveniens, quasi blando eum alloquio consolatur. Suggestit enim illi non esse mirum si peccato consentit, quippe quem ipsa carnis fragilitas ad peccatum impellit. Tertius miles imitatio pravitatis vocatur: quia perversa mens, quæ culpam suam tegere velamento fragilitatis propriæ nititur, hanc etiam aliquoties exemplo alienæ iniquitatis tueri conatur; et, damnanda agens, inde se quasi minus damnabilem credit, quia plures socios in iniquitate invenit. Quarto gradu miles IV ingreditur, qui ratiocinatio conditionis vocatur; per quam videlicet ratiocinationem mens reproba in eam plerumque perversitatem prosilit ut reatum suum ratiocinando defendat; affirmans scilicet quia, si Deus misceri utrumque sexum noluisset, membra ipsi huic operi apta in humano corpore non locasset. Quid igitur hoc quarto satellite perversius, per quem peccator sic in tenebris interioribus coarctatur, ut totius justitiæ auctorem suæ injustitiæ suspicetur?

Hunc primum quaternionem sequitur alius, qui pudor confessionis vocatur, ordine, non crudelitate secundus. Ut quid enim in latebris conscientiae se peccator abscondit, nisi quia pudet eum confiteri quod fecit? Sub hoc secundo quaternione, I loco levigatio militat culpæ, II longiturnitas vitæ, III præsumptio veniæ, IV torpor negligentiae. Primas enim excubias in hoc agmine levigatio culpæ observat; quæ, dum aut nihil aut parum esse quod perpetratum est persuadet, mentem, quæ jam salubriter contristari cœperat, manu noxie consolationis demulcet: sicque, dum apud ejus existimationem pondus peccati levigat, agit ut eam pondus iudicii quandoque intolerabiliter premat. Loco autem secundi militis, longiturnitas vitæ computatur, quia nimirum, dum mens longa sibi vitæ spatia pollicetur, serius quam oportet de peccati sui carcere per ostium confessionis egreditur. Quam etiam ad confessionis dilationem ea nonnunquam cogitatio nutrit, quod, quandocunque convertatur, veniam sibi donari præsumit, sicut scriptum est: *In quacunq[ue] die peccator conversus fuerit, et ingemuerit, salvus erit.* Quia ergo per hoc quod, sibi de divina misericordia plus juxto blandiens, veniam se mereri, quandocunque redeat, re-promittit, non immerito ipsa præsumptio veniæ, per quam confessia differtur, loco tertii militis numeratur. Quartus quoque miles est torpor negligentiae; quia, dum peccator, pudori suo carnaliter prospiciens, confiteri dissimulat; dum, sibi noxie blandiens, pondus sibi sui peccati levigat; dum, de divina longanimitate præsumens, converti detrectat: repente in torpore negligentiae resolutum dies extrema supplantat. Sed ut quid se homo in culpa tam molliter palpat? Ut quid eam tot velaminibus operit? nisi quia, amore privato se diligens, æquitalis regulam ut se diligens non assumit.

Unde et amor ipse privatus, per quem homo ab

intuitu rectitudinis avertitur, hoc in loco vice quaternionis tertii computatur. In hujus comitatu primus miles est appetitus famæ, II rubor abjectionis, III rigor pœnitentiæ, IV metus perseverantiæ. In istius itaque quaternionis acie primus militat appetitus famæ, qui nimirum sic suo primicerio ad adjutorium copulatur, ut de illo etiam generetur. Nam quisquis privato amore se amat, ad hoc magnopere nititur ut per famam laudabilem nomen suæ opinionis extendat; quæ videlicet opinionis extensio vultum confessionis præpedit, quia difficile, imo impossibile est ut culpas suas possit pure detegere confitendo quisquis adhuc apud aliorum æstimationem gloriosus appetit apparere. Unde de hoc quoque milite alius procreatur, qui pudor abjectionis vocatur; quia tanto se quisque in confessione tardius de commissis humiliat, quanto illum amplius aut loci aut ordinis altitudo delectat. Et dum abjectus videri exterius erubescit, in interni iudicis obtutibus erubescendus haberi non metuit; magisque veretur ne inter consortes despectus appareat, quam ne eum æquus Arbitrator extra consortium humilium mittat. Quocirca exemplo suo Psalmista nos instruit, dicens: *Elegi abjectus esse in domo Dei mei, magis quam habitare in tabernaculis peccatorum.* Sed inter hæc sciendum quia plerumque peccatorem nec appetitus famæ, nec rubor abjectionis a confessione retrahit, sed rigor pœnitentiæ et metus perseverantiæ. Unde et hæc duo pro duobus qui restant militibus computantur, quia et ipsa maxime præpediunt ne is qui captus est ematur; quorum unum nascitur ex amore carnis, aliud ex immissione adversarii. Rigor enim pœnitentiæ qui peccatorem a confessione deterret, ex carnis amore nascitur; quia, dum apud se tacitus perpendit quanta sibi, si confessus fuerit, pro satisfactione criminis injungentur, carnis suæ teneritudini parcens, a confessione retardatur. Metus autem perseverantiæ ex immissione adversarii generatur; qui idcirco peccatorem de perseverantia reddit suspectum, ut semper illum teneat in iniquitate reclusum: ut scilicet nunquam bonum audeat inchoare, dum metuit ne possit in eo quod cœpit perdurare.

Quartus quaternio, qui profundum malorum dicitur, ultimus omnium excubat, ut commissum sibi de profundo malitiæ in profundum pœne pertrahat. Habet enim et ipse IV satellites ad captivi custodiam deputatos: quorum I est contemptus, II obduratio cordis, III impœnitentia, IV cæcitas mentis. De profundo enim malorum ante illos I contemptus exoritur, quia, sicut scriptum est: *Peccator cum venerit in profundum malorum, contemnit.* Obduratio quoque cordis pro II milite numeratur, quia cum, considerata malorum suorum enormitate, veniam se jam non posse mereri confingit, per campos totius malitiæ mente obdurata discurrit. Obdurationem quoque cordis III impœnitentia sequitur; per quam peccator, divitiis divinæ longanimitatis contemnens, dum peccata peccatis accumulatur, iram sibi in die iræ, juxta

Apostolum, thesaurizat. Loco autem IV militis cæcitas mentis accipitur: quia ad normam divinæ rectitudinis pertinet ut peccator, qui sæpe in culpam videndo et contemnendo præcipitatur, in eam quandoque etiam non videns impingatur; et qui per cor impenitens antea perdidit bene vivere, postmodum per cor divinitus excecaturam perdat etiam bene scire. Ecce in quam sævam custodiam se retrudit qui, hostis persuasionibus consentiens, delectationi noxie molliter acquiescit! Ecce quam non suæ potestatis se efficit qui Satanæ potestati peccando se tradit! Ecce quantis et quam sævis custodibus delegatur quisquis, confiteri dissimulans, in suæ conscientiæ latebris occultatur! Cavendum itaque summopere nobis est ne unquam delectatio prava in consensum transeat, et, usque ad affectum peccandi progrediens, Satanæ nos laqueis jam captivos astringat. Si autem per nostram mollitiem jam capti tenemur, caveamus omnimodis ne in carcere retrudamur; sed quantocius ardore pœnitentiæ succensi, eos qui nos astringunt Satanæ laqueos exuamus: ne forte, si tandiu differimus, tanto difficilior jam ad progrediendum aditus pateat, quanto nos multiplex custodia undique circumvallat. Sed Petro retraso in carcere, et quaternionibus deputato, videamus quid sequitur.

VIII. *Volens post pascha producere eum populo.*

Ecce ad quid captivum suum diabolus tantopere servat; ecce cur eum carceri mancipat! Ecce cur tot et tantis eum apparitoribus delegat! ut scilicet eum populo ad spectaculum post pascha producat. Quia enim pascha transitus dicitur, non incongrue per hoc vocabulum transitus uniuscujusque de hac vita signatur. Omnes quippe moriendo transimus; sed interest utrum per mortem ad mortem, an per mortem transeamus ad vitam. Per mortem enim ad mortem transeunt, quibus, post mortem carnis, restat æternus interitus mortis. Ad vitam vero per mortem transeunt, quibus, post resolutionem corporis, gaudia æterna succedunt. Ad hoc itaque captivum suum tam diligenter diabolus servat, ut cum populo ad spectaculum post pascha producat, quia ad hoc peccatorem usque ad mortem in peccato retentat, ut illum de hac vita transeuntem de carcere in carcerem mittat: de carcere scilicet tenebræ conscientiæ in carcerem pœnalis gehennæ. Si autem captionem istam ad eum qui, post susceptum religionis habitum, in crimen lethale corruit, proprie referamus, hoc quod ait: *Producere eum populo*, non otiose additum advertemus. Certe enim ad illud extremum iudicium non solum homines, sed et boni et mali angeli deducuntur. Cum ergo illi extremo iudicio et homines et angelos bonos et malos adfuturos noverimus, cur religiosos in perpetrato crimine usque ad finem perdurans, soli populo produci ad spectaculum perhibetur? Videtur itaque ad ignominiam nostram, qui sæculo renuntiavimus, additum esse quod dicitur *Producere eum populo*. Nam quia a popelando populus dicitur, populari autem

vastare dicimus, nobis, qui religiosi videmur, magna profecto ignominia erit, si, post transitum vitæ hujus, illis etiam ad spectaculum derisionis producimur, qui, per lata voluptatum itinera discurrerent, vitam suam quotidie populantur.

IX. Sequitur: *Et Petrus quidem servabatur in carcere, oratio autem fiebat sine intermissione ab Ecclesia ad Deum pro eo.* Cum is qui in captionem diaboli detinetur, per se exinde exire aut non velit aut non valet, ad pietatis sanctæ matris Ecclesiæ pertinet sinum ut ei a Domino egrediendi imploret effectum. Utrumque enim a Domino necessario postulatur, quia peccator, in carcere peccati reclusus, tanta aliquoties insensibilitate obdurescit, tantis tenebris obumbratur, ut nec squalorem sui carceris sentiat, nec vincula calumitatem sui carceris sentiat, nec vincula calumitatem qua punitur sensit, tanto minus ab ea desiderat liberari. Nonnunquam vero et miseriam suam videt, et erui ab illa exoptat; sed exire non prævalet, quia illa eum multiplex quaternionum custodia circumvallat. Sed, sive volens sive nolens teneatur in carcere, dignum est ut mater Ecclesia filium quem genuit recognoscat, et ei maternæ pietatis viscera, pro eo orando, intendat. Quod qua instantia sit agendum, sententia interposita manifestat. Nam cum diceretur, *Oratio autem fiebat*, interpositum est, *sine intermissione*; quia nimirum tunc quod petimus impetramus, cum nulla impetrandi difficultate ab oratione lassamur. Unde, etiam juxta litteram, quantum orationes beato Petro profuerint, aperitur. cum subditur.

X. *Cumque producturus esset eum Herodes, in ipsa nocte erat Petrus dormiens inter duos milites, vinctus catenis duabus.* Si juxta litteram ipsum ordinem apostolicæ liberationis paulo diligentius intuemur, juxta interiorem sensum, quantum peccator divinæ misericordiæ debeat, evidenter instruimur. Quid enim innuit quod apostolus tunc refertur erutus de carcere, cum jam esset populo ad spectaculum producendus, nisi quod divina pietas plerumque tunc etiam peccatorem de sua captivitate liberat, cum jam proximum est ut eum diabolus eductum de corpore ad æternam irrisionem perducatur? *In ipsa nocte*, inquit, *erat Petrus dormiens.* Comprehensus Petrus in nocte dormit, quando vir fortis, in peccatum prolapsus, a cognitione sui mentis oculos claudit. Nox enim in qua dormit, ignorantia est: nisi enim seipsum et quæ circa eum aguntur, ignoraret, in sui utique considerationem oculos aperiret; aperiens, periculum suum videret, videns sentiret, sentiens doleret, dolens ingemisceret, ingemiscens autem evadere festinaret. Sed comprehensus Petrus dormit, quia quid sibi imminet non attendit. Dormit inter duos milites, vinctus catenis duabus. Iterum cogimur investigare quinam sunt isti duo milites qui dormientis Petri latus utrumque ambiunt, vel quæ sint catenæ quæ manus illas astringunt. Supra audivimus quod

apostolus missus in carcerem quatuor quaternionibus sit ad custodiam delegatus ; quod nos quoque quomodo specialiter intelligi possit, ostendimus. Sed cum dicitur quod inter duos milites dormiebat, intelligitur quod ei a dextro et a sinistro latere milites cohærebant ; usu autem quotidianæ locutionis, pro dextro nos habere quiquid adjavat, pro sinistro quiquid aversatur. Sit itaque miles qui dextro lateri assistit, præsumptio veniæ quam pro III milite sub secundo quaternione supra posuimus ; quæ nimirum dum peccatori, quandocunque redeat, veniam repromittit, securum illum juxta se dormire facit. Miles ergo iste dextrum latus dormientis observat, quia illud scilicet pollicetur quod peccatorem, somno negligentæ resolutam, ad veniæ præsumptionem adjuvare videtur. Sit etiam miles sinistro lateri assistens rubor abjectionis pro II milite superius quaternioni tertio deputatus ; per quem videlicet ruborem abjectionis, dum peccator adversi aliquid se perpeti opinatur, eligit potius intus apud se qualicunque quiete quiescere, quam, foras eundo, adjectionis vercundiam sustinere. Duæ autem catenæ quibus dormiens vincitur, sunt consuetudo et desperatio, quibus ne bonum aliquid faciat præpeditur. Catena enim malæ consuetudinis, peccatoris manus obligantur ; quia plerumque, dum ad bonum opus se conatur extendere, ab eisdem peccatis quæ consuevit facere retinetur. Catena quoque desperationis manus ejus astringit ; quia tanto pigrior ad omne opus bonum efficitur, quanto jam sibi non posse prodesse quiquid boni fecerit suspicatur.

XI. Sequitur : *Et custodes ante ostium custodiebant carcerem.* Si ostium carceris aditum confessionis accipimus, custodes qui ante ostium excavant, sunt illa difficultatum obstacula quæ jam supra nominatim in descriptione secundi quaternionis expressimus. Sed licet hic parum persistere, et captivi hujus miserias exprimere. Ecce etenim quia hosti blandienti consentit, ab eodem est atrociter apprehensus. Ecce quia confiteri distulit, in carcerem est retrusus ! Ecce illi jam retruso multiplex quaternionum custodia exterius adhibetur. Ecce intra ipsum quoque carcerem catenis astrictus a militibus observatur ! Quando ergo evadit, quem intus et extra tam multiplex custodia circumvallat ? Sed ubi humana major miseria, ibi plerumque major claret divina misericordia ; nam sequitur :

XII. *Et ecce angelus Domini astitit, et lumen refulsit in habitaculo.* Notandum magnopere video quod dicitur, *Et ecce.* Ecce etenim dicere solemus, cum aliquid præter spem subito contigisse monstramus. Unde per hoc quod dicitur, *Et ecce,* repentina et inspirata subventio innuitur, quæ plerumque tunc etiam captivum de sua captivitate liberat, quando ipse quoque jam se posse liberari desperat. Sed jam videamus quisnam sit iste angelus per quem de carcere suo peccator educitur. Ipse est utique de quo per Prophetam dicitur :

A *Labia sacerdotis custodiunt scientiam, et legem requirunt ex ore ejus, quia angelus Domini exercituum est (Malach. II, 7).* Nam quia Græcæ angelus, Latine dicitur nuntius, recte in qui legem annuntiat, angelus appellatur. *Sacerdotis ergo labia scientiam custodiunt,* quia nimirum ille sacrum ducatum populis legendo ostendit, qui, quod novit sciendo, etiam vivendo custodit. *Ex cuius ore legem requirunt,* quia prælatum suum subditus tanto reverentius audit, quanto eum intelligit non de præsumptionis, sed de scientiæ certitudine proferre quod dicit. Qui bene *angelus Domini* dicitur, quia per hoc quod legem Domini nuntiat, ad ejusdem Domini lucra, non ad suos favores, anhelat. Nam non jam proprie Domini, sed suus angelus esset, si ideo loqueretur, ut per vocem ejus exercitus Domini non cresceret, sed ut ipse, quam esset doctus et sapiens, appareret. Quia vero, per omne quod dicit, ad hoc principaliter intendit ut sui Domini exercitus augeatur, angelus Domini exercituum nominatur. De quo nimirum angelo magnopere notandum est quia non proprie stetit, sed astitisse refertur : astare etenim proprie quasi juxta stare dicimus. Prædicator autem legem Domini nuntians, auditori quo stat quidem, sed nequaquam astat, quando ipse quidem recte juxta regulam fidei exhortatur, sed auditor id quod audit nullo amoris brachio complexatur. Valde itaque prædicator ab eo cui prædicat remotus est, quando ad cor ipsius prædicando appropinquare non valet. Unde et habitaculum talis carceris angelus non illustrat, quia, dum peccator non curat obedire audire quod audit, lumen sanctæ prædicationis tenebras illius conscientiæ non expellit. Cum vero angelus astat, habitaculum carceris illustratur ; quia cum prædicatio sancta a corde obedienti excipitur, tanto magis illud reddit perspicuum, quanto amplius per obedientiam sibi sentit propinquum. Tunc angelus non solum stat, sed etiam astat ; quia vox prædicationis non solum exterius perstrepat, sed etiam interiori juxta cor compunctum assistit.

Potest tamen in hoc quod angelus in carcere astitisse dicitur, adhuc aliud figurari. Nam, quia stare laborantis est vel pugnantis, quid per stantem angelum, nisi labor pœnitentiæ signatur ? Angelus itaque Petrum de carcere educturus, juxta eum astat : quia nimirum prædicator peccatorem ad magnum certamen provocat, cum eum ad congressum diaboli per pœnitentiæ laborem invitat. In quo nimirum congressu, etiam contra semetipsum pugnare compellitur, cum contra delectationes peccatorum quæ se gessisse meminit reductatur. Si enim nullus in statu pœnitentiæ labor esset, Psalmista utique non dixisset : *Laboravi in gemitu meo (Psal. VI, 7).* In gemitu enim suo peccator laborat, quando de malis quæ perpetravit pœnitentiæ se dolore castigat. Sed ad hujus laboris congressum tunc fortius laboratur, quando ei per prædicationis vocem passio Redemptoris ad memoriam reducitur ; unde bene de angelo typum prædicatoris tenente subjungitur :

XIII. *Percussoque latere Petri, excitavit eum, dicens: Surge velociter. Et ceciderunt catenæ de manibus ejus.* Sicut jam et ante nos dictum est, percussio lateris commemorationem designat Dominicæ passionis. Nam quia aperto latere Redemptoris, sanguis et aqua manavit, quorum unum ad pretium, aliud vero ad lavacrum, recte hæc utraque peccatori converso ad memoriam revocantur, ut et, dignitatem sui pretii perpendens, peccare ulterius dedignetur, et, inquinatus post lavacrum, penitentis fontibus iterum baptizetur. Vel certe ideo necesse est ut penitens quisque augustias Dominicæ passionis ante oculos mentis suæ depingat, quatenus, exemplo illius, suum quoque animum ad tolerantiam passionum accingat. Unde quoque in se beatus Petrus nos admonet, dicens: *Christo igitur passo in carne, et vos eadem cogitatione armamini.* Ac si aperte dicat: Qui peccatores estis, tanto necesse est ut vestrum animum ad tolerantiam informetis, quanto eum qui peccatum non fecit, talia passum agnoscitis. Ego quæ et quanta in carne vestra pro vobis sit peressus Redemptor, attendite; et ita demum vos ipsos ad eandem patientiam per cogitationem armate. Sed Petrus percussus in latere expergiscitur, quia peccator per recordationem Dominicæ passionis a somno suæ inertis excitatur; excitatus autem surgere velociter imperatur: ut, qui eatenus prostratus in cubili iniquitatis jacebat, nunc humiliatus per gratiam, mala quæ perpetravit relinquat. Ubi notandum quod non solum surgere, sed etiam velociter surgere jubetur; quia sunt nonnulli qui, etiam post illuminationem gratiæ, bonum quod per intellectum vident, pigre exsequuntur. Sed velociter exsurgenti catenæ de manibus cadunt; quia qui bonum quod agnovit cum fervore spiritus arripit, quidquid eum præpedire poterat citius evanescit. Catenas enim superius esse diximus, pravam consuetudinem et desperationem, quæ utraq; velociter exsurgenti de manibus cadunt; quia, cum audita prædicatione de torporis sui lecto sine mora peccator exsurgit, nec peccandi consuetudo valet illum ad peccatum retrahere, nec desperatio a speranda indulgentia deterrere.

XIV. Sequitur: *Dixit autem angelus ad eum: Præcingere, et calcea te caligas tuas. Et fecit sic.* Hic etiam, juxta litteram, de virtute discretionis instruimur. Petrus enim, ut frigus noctis sibi aliquantulum temperaret, vestimentum quo induebatur, soluto cingulo, circa pedes dimisit. Exemplum nobis infirmis præbens, cum vel humana sævitia afficimur, vel corporis infirmitate gravamur, licere nobis aliquid de propositi rigore laxare: ut, dum fragilitati corporis in minimis descendimus, vires illinc majores ad exercendum certamen fidei reparemus. Juxta internam vero intelligentiam prædicator peccatorem præcingi imperat, cum illum hortatur ut luxuriæ fluxa cingulo castitatis restringat. Hoc singulo discipulos suos castitatis magister præcingebat, cum diceret: *Sint lumbi vestri præcincti.* De hoc quoque cin-

gulo ipse Patrus nos admonet, dicens: *Succincti lumbos mentis vestræ.* Sed, quia prædicator tunc congruentius prædicat cum auditorem suum de antiquorum dictis et exemplis informat, recte Petrum angelus non solum præcingi sed etiam caligas calceare præcepit. Quid enim per caligas quibus crura muniuntur, nisi Patrum dicta et exempla signantur? quæ nimirum nos et a vulnere peccati custodiunt, et ad amorem Dei nos calefacientes accendunt. Caligas itaque nostras calceamus, cum, ex dictis et exemplis sanctorum, gressus nostrum operum contra vulnus peccati defendimus, et ad supernam patriam, eorum imitatione calefacti, ardenti desiderio anhelamus. Nec moveat quod Ecclesiæ caligæ, nostræ dicuntur: dicta enim et exempla Patrum, et sua sunt, quia per eos exhibita; et nostra, quæ nobis ad imitandum relicta. Sciendum enim est quia hoc in loco Græcus codex non habet *caligas*, sed *scandalia*, quæ Latine dicuntur *soleæ*. Est autem genus calceamentorum quæ partem pedis inferiorem ex toto contegunt, superiores autem intactas ostendunt. Quo nimirum genere calceamenti et apostoli uti sunt, sicut in præsentibus monstratur; et episcopi hodie, non sine certi causa mysterii, utuntur. Pars ergo hujus calceamenti quæ per terram trahitur, providentiam significat temporalium, per quam subditis a prælatis terrena subsidia ministrantur. Pars autem superior, quæ pedem intectum ex parte ostentat, est contemplatio supernorum, per quam et prælatus ipse divinis revelationibus pascitur, et his qui sibi commissi sunt spiritualem alimoniam impartitur. Hæc sandalia Petrum angelus calceare præcepit, quia et dignum valde est ut is ad quem liberandum Dominus angelum suum mittit, ad eam quandoque perfectionem attingat ut proximis ad necessitatem utramque sufficiat. Si autem quod dicitur: *Præcingere et calcea te caligas tuas*, ad doctores ecclesiasticos specialiter referimus, quibus et dicitur: *Sint lumbi vestri præcincti*; et: *Calceati pedes in præparatione Evangelii pacis*, notandum summopere est quod prius *præcingi* et postmodum *calceari* præcipitur, quia nimirum rectum ordinem in sua actione non servat qui prius pedes suos ad evangelizandum calceat, quam renes suos balteo castitatis restringat. Sed prius præcingatur, et postmodum calceatur; ut prius in se luxuriæ fluxum pudicitie rigore restringat, et postea, in seipso jam pacatus, in præparatione Evangelii pacis calceatis pedibus incedat. Calceatos autem pedes habere prædicatores jubentur, ut ad prædicandum parati semper esse debere monstrantur. Nam quasi discalceatus prædicator est qui non semper est ad docendum paratus; quem cum subditus de aliqua necessaria questione interrogat, hinc primum incipit quærere, cum debeat respondere. Hoc prædicationis calceamento magistrus Ecclesiæ Petrus calceabat, cum diceret: *Parati semper ad satisfactionem omni poscenti vos rationem fidei, de ea quæ in vobis est spe.* Sed ad hanc perfectionem ille quandoque pertingit qui, cum ad

bonum instruitur, institutoris sui monitis reverenter obaudit. Unde post præceptum angeli obedientia Petri subinfertur, cum dicitur : *Et fecit sic*. Ad vocem enim præcipientis angeli Petrus sic facit, cum auditor prædicatori suo tanta devotione obtemperat, ut ad peragendum quod ei injungitur moras nullas innectat. Cum vero auditorem suum prædicator, ea quæ jam didicit, studiose implere considerat, magis magisque provocatur ut omnia illi quæ ad perfectionem ducunt innotescat. Unde et sequitur :

XV. *Dixit autem angelus ad eum : Circumda tibi vestimentum tuum, et sequere me*. Quod vestimentum ad corpus, hoc est justitia ad animam. Vestimentum enim tegit et calefacit, justitia quoque ab anima et frigus malitiæ expellit, et quæ in ea per peccatum sunt verenda, divino judicio abscondit. Si enim malitia frigus non esset, propheta utique sub Judææ specie de mente reproba non dixisset : *Frigidam facit cisterna aquam, sic frigidam fecit malitiam suam* Et rursus si justitia vestimentum non esset, Psalmista utique non dixisset : *Sacerdotes tui induantur justitiam*. Nos quippe sacerdotes Domini sumus, quia membra summi sacerdotis existimus, et per mortificationem carnis nos ipsos hostiam vivam Domino immolamus. Qui nimirum tunc veracius justitia induimur cum nulla quæ sunt facienda prætermittimus. Unde hic quoque notandum est quod angelus Petro nequaquam ait : *Vesti vestimentum tuum, sed Circumda vestimentum tuum*. Fieri enim potest in aliquo genere vestimenti si ex una parte tegamur, ut ex parte alia intecti videamur. Quando autem sic vestimur ut nulla ex parte nudi remaneamus, hinc non tantum vestimento vestiti, sed etiam circumdati sumus. Qui igitur sic quædam bona agit ut alia negligat, et ex parte vestitus est et ex parte nudus ; quia profecto eam partem sui intectam relinquit, quam velamento justitiæ operire neglexit. Petro itaque de carcere educendo præcipitur ut vestimentum suum sibi circumdet ; quia nimirum necesse est ut qui perfecte a carcere peccatorum exire desiderat, sic se undique vestimento justitiæ circumtegat ut nulla quæ ad eum pertinent prætermittat. Sed ecce carcerem jam quo tenebatur, adstans angelus illustravit, quia lux sanctæ prædicationis in conscientia peccatoris emicuit. Ecce jam surrexit, quia stratum peccati in quo jacebat reliquit ; ecce jam lumbos præcinxit, quia luxuriæ fluxa restrinxit : ecce jam se calciat, quia exemplis Patrum gressus sacrorum operum communicavit ; ecce jam vestimentum suum sibi circumdedit, quia nulla quæ didicit prætermisit. Quis jam imperfectus esse censendus est, qui tantum profecit ? Sed huic angelo adhuc nec ista sufficiunt : adhuc instat, adhuc quæ novit superesse, inculcat ; ut eum quem liberandum suscepit, aut obedientem perfecte excipiat, aut si obedire neglexerit, ab illius damnatione se immunem reddat. Unde cum dixisset : *Circumda tibi vestimentum, tuum protinus intulit* dicens : *Et sequere me*. Cir-

A cumdato autem Petro vestimento suo, Petrus post angelum vadit, cum conversus peccator sic vestigiis sanctæ prædicationis inhæret, et ab itinere justitiæ nullo diverticulo transitoriæ intentionis abstinet. Post circumdationem etenim vestimenti sui angelum minime sequitur quisquis, post adimplerionem boni operis, in se et non in Domino gloriatur. Longe quippe a consecratu sui angeli deviat qui, per bonum quod agit, aliud intendit quam est illud quod singulariter appetendum ex ore sui prædicatoris audivit. Opportune igitur angelus Petrum ut sequeretur admonuit, quia sermo divinus, postquam de omnibus quæ pertinent ad nostram salutem instruit, etiam qualiter appetitum inanis gloriæ præterire debeamus ostendit. Sed cum ea quæ Petrum facere angelus monuit ad tantam perfectionem pertineant, quærit fortasse aliquis quomodo peccatori adhuc retruso in carcere hæc tantæ perfectionis instituta convenient ? Quod recte forsitan quæreretur, si nos modo ageremus de peccatore adhuc in peccati sui carcere dormiente, et non de illo potius cujus jam carcerem angelus illustravit, quem jam Dominus per compunctionis spiritum excitavit. Cui certe omne quod de perfectione dicitur, tanto verius congruit, quanto ipse se devotius per oppositum confessionis accingit. Petrus itaque, adhuc in captione positus, præcepta libertatis accipit, quia peccator tunc etiam per os prædicatoris quæque sibi agenda cognoscit, cum adhuc per aliquam mentis debilitatem in suæ conscientiæ latebris delitescit. Sed jam tandem omnem nodum debilitatis abrumpat, jam angelum præcedentem sequatur, jam præcepta perfectionis non se frustra audisse testetur. Quid adhuc in carcere facit, ad quem liberandum jam angelum suum Dominus misit ?

XVI. Sequitur : *Et exiens sequebatur eum, et nesciebat quia verum est quod fiebat per angelum ; existimabat autem se visum videre*. Tanta fuerat custodia circumseptus, ut visum se videre æstimaret, etiam cum eum in veritate angelus liberaret. Solet enim in animo humano, ex consideratione præteritæ tribulationis, ista liberationis hæsitatio generari ; quia cum immensitatem periculorum per quam transivit reminiscitur, quomodo poterit evadere, apud se ipse quasi dubitando miratur. Unde est illa vox beatorum martyrum per Psalmistam dicentium : *Torrentem pertransivit anima nostra, forsitan pertransisset anima nostra aquam intolerabilem*. Non enim idcirco dicitur forsitan quasi vere de sua liberatione dubitent ; sed, verbo hæsitationis illius per quam transierunt, insinuant, quod bene etiam mysterio significationis cooptatur. Nam quia in die clare videmus, in nocte vero sub visu dubio caligamus, quid per visionem divinam nisi manifesta veritas, quid per nocturnam, nisi dubia designatur ? In die itaque non immerito jam esse dicuntur qui, remota omnis corruptionis caligine, claritatem veritatis incommutabiliter contuentur. Nos, qui adhuc in hujus exsillii cæcitate detinemur, sicut scilicet *ex parte sci-*

mus et ex parte prophetamus, sic etiam ex parte videmus. Quia etsi jam videmus per fidem, nondum tamen per speciem. Per quam videlicet fidei visionem sic jam in spe de nostra liberatione gaudemus, ut tamen, de occulta super nos interni iudicis dispositione solliciti, liberationem nostram clare conspiceret non possumus. Nam, ut scriptum est: *Omnia in futurum seroantur incerta, et nescit homo utrum amore an odio dignus sit.* Petrus itaque, et cum angelum sequitur, visum se videre arbitrat; quia peccator conversus etsi jam carcerem exiit, quia culpas suas detexit, etsi jam angelum sequitur, quia bona quæ per prædicatorem didicit operatur: oportet tamen ut omnes profectum suorum gradus quasi visionem nocturnam existimet; quia, etsi ipse jam utique videt quod agat, utrum in his tamen perseveraturus sit, vel ab interno qualiter aestimetur, ignorat.

XVII. Sequitur: *Transeuntes autem primam et secundam custodiam, venerunt ad portam ferream, quæ ducit ad civitatem, quæ ultro aperta est eis.* Supra legimus quod comprehensus Petrus traditus fuerit quatuor quaternionibus, id est, simul viginti militibus. Unde datur intelligi quod iidem ipsi qui custodiendum susceperant, ut eum cautius observarent, in binas se diviserunt custodias. Præter istos enim, alios illi custodes deputatos non legimus. Quia ergo iidem ipsi in primam et secundam custodiam distinguntur, nos quoque juxta sensum interiorum eandem custodias dividamus. Sed ab hac divisione illos duos milites sequestremus, inter quos eum dormire supra ostendimus. Illis ergo duobus exceptis, quomodo reliqui in primam et secundam custodiam dividi valeant videamus. Primum itaque quaternionem, quem affectum peccandi nominavimus, cum suo agmine pro prima custodia habeamus. Recte etenim ipse et milites sui pro prima custodia deputantur, quia scilicet, ut supra dictum est, ideo peccator de carcere suo exire detrectat, quia eum peccare iterum delectat. Pro secunda quoque custodia, secundum quaternionem, qui pudor confessionis est, cum suis militibus deputemus. Congruenter autem et ipse pro secunda custodia collocatur, quia et prius nos in peccatum præcipitat affectus peccandi, et subsequenter pudor confessionis in peccato retentat. Sed quia angelum sequitur, a neutra harum custodia detinetur; quia qui prædicatorem veritatis obedienter auscultat, nec per peccandi affectum peccatum iterat, nec per pudorem confessionis ea quæ commisit occultat. Cum ergo post angelum vadit, utramque custodiam sine læsione pertransit; quia prædicator suus ex Scripturis sanctis ei assidue arna subministrat quibus se contra pericula circumjecta defendat. Ne enim illum peccandi affectus ad iterandum peccatum pertrahat, sententia eum de Scripturis per prædicatorem adhibita castigat: *Fili, peccasti? ne adjicias iterum, sed et de præteritis deprecare. ut tibi dimittatur.* Et Apostolus: *Voluntarie peccantibus nobis post acceptam notitiam veritatis, jam non relinquitur pro*

*A peccatis hostia (Hebr. x, 26). Quid enim est voluntarie peccare, nisi peccandi voluntatem habere? Quæ videlicet peccandi voluntas per participium præsentis temporis notatur. Sed ei qui voluntarie peccans est, id est, cui peccandi voluntas semper in præsentis est, pro peccatis hostia non relinquitur; quia per oblationem corporis Christi peccatis ejus medicina nulla confertur. Item ne per pudorem confessionis peccata sua peccator abscondat, sententias illi ex Scripturis prædicator opponat: *Fili, ne confundaris confiteri peccata tua, est enim confusio adducens peccatum, et est confusio adducens gloriam;* Et iterum: *Qui abscondit scelera sua, non dirigitur; qui autem confessus fuerit et reliquerit ea, misericordiam consequetur.* Et Psalmista: *Revela Domino viam tuam, et spera in eo.* Hinc Jacobus apostolus: *Conflentem aliterum peccata vestra, et orate pro invicem, ut salvemini.* Cum ergo hæc et ejusmodi exhortamenta auditori suo prædicator adhibet, quid illum nisi et affectui peccandi et confusio confitendi resistere admonet, id est, qualiter per primam et secundam custodiam transire debeat docet?*

Sed hic forte opponitur quomodo, cum eatenus de IV quaternionibus tractaverimus, nunc de duobus tantummodo tractare videamur? Unde sciendum quia, si subtiliter inspicimus, in duobus istis de quibus hæc diximus, duo quoque alii continentur. Et quia Scripturam sacram ille congruenter exponit qui omnibus quæ lectorem possunt movere, providenter occurrit, ostendamus, si possumus, quomodo in hac prima et secunda custodia, quam de primo et secundo quaternione confecimus, duo quoque quaterniones alii comprehendantur; ita ut duobus illis transitis, duo quoque alii transeantur. Ecce enim primum quaternionem peccandi affectum diximus, et eundem cum suis militibus in prima custodia collocavimus. Est autem, ut præmisimus, militum ejus primus, recordatio præteritis voluptatis; II excusatio fragilitatis; III imitatio pravitatis; IV ratiocinatio conditionis. Quartum quoque quaternionem nominavimus profundum malorum, in quod cum venerit peccator, contemnit, obduratur, impenitens efficitur, excæcatur. Videamus ergo quomodo duo isti quaterniones eorum milites inter se vicissim contineantur, ita ut unus cum suis, alter quoque cum suis pariter superetur. Certe enim quia per affectum peccandi peccator peccatum repetit, in profundum malorum descendit; quia per recordationem præteritæ voluptatis iniquitas illi in corde dulcescit, de malorum suorum profundo redire contemnit; quia culpis suis excusationem fragilitatis obtendit, paulatim adversus viscera divinæ misericordiæ obdurescit; quia per imitationem pravitatis exempla alienæ iniquitatis attendit, non curat per poenitiæ correctionem emendare quod fecit; quia reatum suum ratiocinando tueri conatur, justo iudicio, rationis lumine quod ad malam interquet privatur. Ecce primum

et secundum quaternionem, utrorumque milites invicem contulimus, ut qualiter in hanc primam custodiam pariter conveniant, monstraremus. Nunc etiam per hanc primam custodiam qualiter, duce angelo, peccator transeat ostendamus. Itaque transite peccandi affectu, profundum malorum transitur; quia profecto peccata multiplicare iterando non potest qui peccandi voluntatem non habet. Transita recordatione præteritæ voluptatis, contemptus quoque pariter pertransitur; quia, dum per laudabilem oblivionem transactas delectationes a sua mente obliterat, ad eum qui se diu toleravit, citius redire postposito contemptu festinat. Transita excusatione fragilitatis, obduratio quoque cordis pariter pertransitur; quia cum subducto excusationis velamine, semetipsum accusare incipit, confestim, per respectum divinæ gratiæ, cordis sui duritiam in lacrymis liquefacit. Transita imitatione pravitatis, impœnitentiæ quoque pertransitur; quia nequaquam ad malum alienæ nequitie exemplo informatur, dum diligenter quæ pœnitentes maneant intuetur: quin imo ad pœnitentiam tanto celerius currit, quanto ne in malis suis deprehendatur, formidolosus pertimescit. Transita ratiocinatione conditionis, cæcitas quoque mentis pariter pertransitur; quia dum lumen rationis ad culpæ defensionem nequaquam intorquet, illuminatus per gratiam, quid sequi, quid cavere debeat, lucidius videt. Ecce duo quaterniones, cum suis militibus in primam custodiam convenientes, qualiter transeantur ostendimus: nunc duo alii, qualiter in secundam conveniant, ostendamus. Secundum itaque quaternionem, qui pudor confessionis dicitur, et tertium, quem amorem privatum nominavimus, cum suis militibus pariter conferamus, et eos in secundam custodiam, prout ratio dictaverit, ordinemus. Sed, quia de istorum quaterniorum agmine sunt illi duo milites inter quos per significationem captivus dormire superius dictus est, illis duobus prætermisissis, de aliis videamus. De agmine itaque secundi quaternionis uno extra carcerem excubante, reliqui tres sunt levigatio culpæ, longiturnitas vitæ, torpor negligentie. Item de agmine tertii quaternionis, uno milite intra carcerem relicto, residui tres sunt appetitus famæ, rigor pœnitentiæ, metus perseverantiæ. Duo itaque isti quaterniones ita sibi conveniunt. Ideo namque culpas suas confiteri erubescit, quia privato amore se diligit; ideo peccatum suum excusationibus levigat, ne, apud æstimationem aliorum reprehensibilis convictus, nomen famæ, quod appetit, perdat; ideo rigorem pœnitentiæ subire refugit, quia longa sibi vitæ spatia repromittit; ideo eum torpor negligentie astringit, quia metus eum ad frigus perseverantiæ suspectam reddit. Et ideo ne contingat ab iniquitate redire, eligit potius semper in peccato torpere quam bonum aliquid, in quo perseverare nequeat, inchoare: cum deberet et de sua bona voluntate incipere, et de Deo perfectionem perseverantiæ sperare. Sed jam quia istos pariter contulimus, videamus nunc quomodo

A nihilominus transeantur. Transito itaque pudore confessionis, amor quoque privatus pariter pertransitur; quia nimirum sui ipsius adversarius efficitur, dum culpas suas detegens, salubri odio insectatur. Transita levigatione culpæ, appetitus quoque famæ pariter pertransitur; quia dum reatum suum ipse sibi aggravat, Deo soli placere gestiens, de fama exteriori non curat. Transito rigore pœnitentiæ, longævitas quoque promissio pariter pertransitur; quia, dum illum quem offendit placare citius concupiscit, seductoriæ dilationis inducias non admittit. Transito torpore negligentie, metus quoque perseverantiæ pariter pertransitur; quia, dum ferventi spiritu ipse bonum facere incipit, ex divino adjutorio hoc posse consummare se præsumit. Hoc itaque modo isti duo quaterniones cum suis satellitibus in secundam custodiam rediguntur; hoc etiam modo a peccatore converso, duce angelo, transeuntur. Sed quia jam de carcere exiit, quia primam et secundam custodiam transiit ductorem suum sequendo, videamus quo venerit.

XVIII. *Venerunt, inquit, ad portam ferream, quæ ducit ad civitatem.* Postquam de carcere tenebræ conscientie peccator exiit, postquam primam et secundam custodiam transiit, id est, obstacula vitiorum quæ se in peccato definebant evadit, ad portam ferream venit; quia sola peccatorum confessio ad salutem non sufficit, si non etiam, pro his quæ commisit, per satisfactionis duritiam se affligit. Videamus David de carcere exeuntem, et ad portam ferream properantem, qui ait: *Iniquitatem meam annuntiabo, et cogitabo pro peccato meo.* Peccator etenim, cum iniquitatem suam confitendo annuntiat, de carcere exit; cum vero cogitat qualiter Deo pro unoquoque peccato satisfaciat, ad portam ferream tendit. Ipsa itaque satisfactio, qua Deo pro peccatis nostris satisfacimus, porta ferrea non inconvenienter accipitur; quia homini mollibus desideriis olim dedito valde durum est, dum conversus ad pœnitentiam cogitur, eadem desideria relinquere, carnem macerare, ingemiscere, flere, jejunare, sæculo funditus renuntiare, remotam vitam expetere, et deinceps ad alterius arbitrium vivere. Peccati ergo satisfactio recte porta ferrea nominatur, per quam homo, ut Deum sibi placatum reddat, quidquid in se carnaliter vixit, ferro duræ pœnitentiæ necat. Unde et Joannes Baptista peccatores ad se confluentes ad portam ferream invitabat, dicens: *Genimina viperarum, quis ostendit vobis fugere a ventura ira? Facite ergo fructus dignos pœnitentiæ.* Dignos enim fructus pœnitentiæ facere, hoc est ad portam ferream properare, hoc est ita plenariam Deo satisfactionem offerre ut a licitis etiam debeat abstinere qui se meminit illicita perpetrasse. Ad hanc itaque portam ferream Petrus eductum de carcere angelus ducit, quia sermo divinus, postquam nos de carcere peccati per officium confessionis extrahit, quam districta satisfactione Deum nobis placare debeamus ostendit. Quæ nimirum porta ferrea du-

cit ad civitatem, quia satisfactionis angustia ad latitudinem nos supernæ civitatis intromittit. Ad cujus nimirum civitatis gaudia cum conversus peccator ferventi amore festinat, gressus desiderii ejus quælibet portæ ferreæ districtio non retardat. Unde bene porta ferrea dicitur.

XIX. *Quæ ultro aperta est eis.* Cum Petrus angelo præeunte ad portam venit, ante ipsum porta eadem se ultro aperit; quia cum conversus peccator vestigia sanctæ prædicationis cum alacritate prosequitur, cuncta illi fiunt facilia quæ prius difficilia videbantur. Et qui antea, peccatorum grossitudine dilatatus, nonnisi per ampla voluptatum incedere potuit, nunc, extenuatus lima penitentiae, quaslibet angustias sine difficultate pertransit. Sed querendum video cur sit dictum, *aperta est eis*, et non potius, *aperta est ei*. Certe angelus qui Petrum ducebat, spiritus erat, et proinde, etiam non aperta porta eadem, per subtilitatem spiritualis naturæ transire poterat. Nam carcer quoque de quo Petrum extraxit, clausus erat; in quem tamen cum intrasset, non legitur aliqua janua patefacta. Sed hic forte opponitur quia scilicet non legitur aliquis aditus patefactus cum ad eum intravit, ita nec tunc quidem dum cum eodem exivit; ac proinde videri debere quod illum non reserato aditu eduxerit. Sed hæc opinio non mihi recipienda videtur, nisi aliquo canonicæ Scripturæ testimonio confirmetur; canonicam autem Scripturam nunc appello eam quæ in canone librorum Veteris et Novi Testamenti continetur. In qua plane nusquam me legisse recordor quod homo quispiam, mortali corpore vestitus, per aliquem aditum non apertum cum suo solido corpore transire potuerit, excepto Domino nostro Jesu Christo, qui, et cum nasceretur, non aperto ostio de ventre matris exivit, et cum resurgeret, cum eodem suo immortalis sed tamen vero corpore, clausis januis, ad discipulos intravit. Nam si quis illud opponit, quod de quodam apostolo legitur, quod scilicet ad regem quemdam clausis januis intravit, exemplum hoc non me tenet, non me terret; quia ipsa quoque Scriptura in qua hoc legitur, Patrum auctoritate inter apocrypha numeratur. Potius itaque hoc credendum, quod angelus qui ad Petrum in carcere non aperto aditu per subtilitatem angelicæ naturæ intravit, idem ipse, ut eum educeret, per virtutem Domini ostium carceris patefecit. Sed quolibet modo eum eduxerit, viderit ille qui fecit; nos ad propositam redeamus quæstionem.

Quærebamus enim cur de porta pluraliter dictum sit, *aperta est eis*, et non potius singulariter, *aperta est ei*; cum utique non angelo, qui spiritus erat, sed tantum Petro, qui solido corpore vestiebatur necessaria, ista pertio videbatur. Sed ista litteræ difficultate ad internam intelligentiam mittimur, quam si paulo diligentius intuemur, videbimus statim quam congruenter ambobus aperta esse porta eadem memoretur. Sicut enim supra jam diximus, vir fortis prolapsus in peccatum per Petrum designatur, per angelum quilibet

prædicator demonstratur veritatis. Jam nunc ergo investigemus quomodo prædicator cum converso peccatore ad portam ferream veniat, et quomodo portam istam cum eodem pertranseat. Videamus angelum cum Petro suo ad portam ferream properantem. Et quis verius dicendus est angelus, quam ille de quo scriptum est: *Ecce ego mitto angelum meum ante te, et præparabit viam tuam?* qui nimirum cum diceret, *Facite fructus dignos penitentiae*, quid aliud agebat nisi Petrum suum, id est conversos peccatores, ad portam ferream properare monebat? Videamus nunc si et ipse per eandem portam transierit. Et quis melius illo, imo quis adeo sicut ille qui, in indicium penitentiae et afflictionis, pilis camelorum corpus suum limabat; qui in signum mortificandæ voluptatis zonam pelliceam circa lumbos habebat; qui, in documentum singularis abstinentiæ, pane contempto, locustas et mel silvestre edebat; qui, in exemplum remotæ conversationis, in eremo consistebat? Videamus alium angelum cum Petro suo ad portam ferream properantem. Quis enim prior angelus illo qui dixit: *An experimentum ejus quæritis, qui in me loquitur Christus?* Ipse itaque Petro suo, gentibus scilicet, quas de carcere infidelitatis eduxerat, quid ait? *Sic currite ut comprehendatis; omnis enim qui in agone contendit, ab omnibus se abstinere.* Cum ergo eos sic currere ut comprehendant admonet, quid cum illis agit, nisi ad portam illam quæ ducit ad civitatem ubi bravium recepturi sunt tendere persuadet? Cum vero illos, exemplo sæcularis athletæ, ab omnibus quæ agonen impediunt præcipit abstinere, quid cum illis agit, nisi quomodo per portam ferream debeant intrare ostendit? Videamus nunc si et ipse hæc agat, ad quæ agendum suos sequaces informat. Ait: *Ego sic curro, non quasi in incertum; sic pugno, non quasi aerem verberans: sed castigo corpus meum, et in servitum redigo, ne forte, aliis prædicans, ipse reprobus efficiar.* Cum itaque et seipsum currere et pugnare insinuat, quid nisi se quoque ad portam ferream properare demonstrat? Bene ergo de hac porta dicitur, *quæ ultro aperta est eis*; quia sancti prædicatores nostri, qui nos de carcere peccatorum educunt, nobiscum portam ferream intrant, cum ipsi quoque, ut nobis exemplum penitentiae præbeant, carnem suam cum vitis et dura afflictione castigant.

XX. Sequitur: *Et exeuntes processerunt vicum unum, et continuo discessit angelus ab eo.* Quid per vicum unum, nisi mors carnis accipitur? Quæ videlicet mors carnis, bene non vicus quidem, sed vicus unus dicitur, quia per ipsam viam universitas carnis transire compellitur. Unde et in Scripturis mors eadem, via universæ carnis vocatur. Angelus itaque qui Petrum de carcere educit, quousque vicum unum procedat, eum non deserit; quia sermo divinus, qui nobis per ora prædicantium viam egrediendi de peccato ostendit, tandiu nobis individuo comitatu adhæret, quousque, morte carnis pertrans-

ita, eum nobis quem promiserat repræsentet. Nam eousque necesse est ut nobiscum pergat; quia etiam egressi de carcere citius erraremus, nisi per illum nobis iter quo deberemus ingredi monstraretur. Cum autem vicum unum procedimus, continuo angelus a nobis discedit; quia cum ipso [*an ipsum*], qui via, veritas, et vita est, vidimus, jam ductore ulterius non egemus.

XXI. Sequitur: *Et Petrus ad se reversus dixit: Nunc scio vere quia misit Dominus angelum suum, et eripuit me de manu Herodis, et de omni expectatione plebis Judæorum.* Juxta litteram patet sensus quia Petrus ab illo mentis excessu in quem præ gaudio super se raptus fuerat, ad hoc redit quod intellectu communi et prius fuit. Sed si, quemadmodum cœpimus, hæc quoque verba ad internam intelligentiam referimus, magnam in eis futuræ nostræ ereptionis imaginem prævidemus, magnam et in præsentī futuræ nostræ exsultationis dulcedinem prægustamus. Nos etenim, quando in hujus exsiliī religatione detinemur, nobiscum esse perfecte non possumus; quia imaginem illam et similitudinem quam a conditore accepimus, immunem a peccato servare, sicut condita est, non valemus. Nam quoties peccamus, et nos sumus, et nobiscum sumus; quia per peccatum subter nos lapsi, ab illius similitudine qui super nos est degeneramus. Sed cum, illis superius dictis periculis omnibus evitatis, ad eum qui nos fecit venerimus, tunc etiam ad nos ipsos perfecte revertimur, quia, peccatum nullum habentes, quales nos condidit, tales sumus. Tunc jam de nostra ereptione securi, in vocem exsultationis erumpemus, dicentes:

XXII. *Nunc scio vere quia misit Deus angelum suum, et eripuit me de manu Herodis, et de omni expectatione plebis Judæorum. De manu Herodis, id est, de potestate diaboli tunc in veritate eripimur, quando, de loco tentationis assumpti, ejus insidias non ulterius timemus. De omni quoque ex-*

A spectatione plebis Judæorum eripimur; quia sive maligni spiritus, sive perversi homines, qui bonorum afflictionem inhiante expectant, nostris casibus jam deinceps non insultant. Nec sane negligenter prætereundum videtur quod non ait *de expectatione, sed de omni expectatione.* Adversariis enim nostris toties ad spectaculum irridendi producimur, quoties eis risum de nobis, perpetrato quolibet crimine, exhibemus; quia aliud est spectaculum iracundiæ, aliud avaritiæ, aliud gulæ, aliud luxuriæ, aliud vanæ gloriæ, aliud superbiæ. Hostes autem qui nostram irrisionem inhiante expectant, quanto nos profundius lapsos aspiciunt, tanto, sibimet applaudentes, insultationis cachinnos altius attollunt. *Quandiu vero in hac vita, quæ tota tentatio est, consistimus, etsi quædam irrisionis eorum spectacula devitamus, difficile tamen est ut non in aliquod incidamus, unde tamen, per Dei gratiam ad pœnitentiæ remedium recurrentes, quotidie liberamur. Cum vero ad illam securitatem venerimus, tunc De omni expectatione plebis Judæorum perfecte eripimur;* quia, morte in victoria resurrectionis absorpta, nec caro nostra ulli corruptioni exterius subiacebit, nec mentem nostram interius ulla concupiscentia titillabit. Tunc plane veraciter dicere poterimus: *Nunc scio vere quia misit Dominus angelum suum, etc.* Magnifice enim dictum est *Nunc scio vere*, ne quis videlicet vere se receptum præsumat, quousque ad illam libertatem gloriæ filiorum Dei perveniat; quia, etsi jam per fidem nos liberatos scimus, adhuc tamen per speciem vere liberatos nos nescimus, donec ipsi libertatis nostræ auctori æternæ societate jungamur. Ad quam veræ ereptionis scientiam nos perducere dignetur ille magni consilii Angelus, qui nos et prius per seipsum de tenebris et umbra mortis eripuit, et quotidie per suos angelos eripit, Jesus Christus Deus et Dominus noster, cui est cum Patre et Spiritu sancto honor et gloria in sæcula sæculorum. Amen.

SANCTI FULBERTI

CARNOTENSIS EPISCOPI

TRACTATUS CONTRA JUDÆOS.

Jacob patriarchæ prophetiam insignem: NON AUFERETUR SCEPTRUM DE JUDA, etc., in Christo Jesu completam probandum suscipit.

(Edidit Carolus de Villiers, theologus Parisiensis, *Bibliothecæ Patrum* tom. XVIII, pag. 42, sub titulo: SERMONES CONTRA JUDÆOS. — Vide Notitiā litterariā Operibus S. Fulberti præmissam, supra, col. 167.)

I. Filii Judæorum dicunt: Non est mirum si modo captivi sumus, si Jerusalem non tenentes regem proprium non habemus; fuimus enim similiter pro peccatis nostris in Babylone captivi, regem proprium non habentes, et postea reversi in patriam

D habuimus reges et principes. Hæc est ergo spes nostra, ut adhuc nobis similiter eveniat cum placuerit Deo. Alii dicunt: Forsitan in aliqua parte mundi nobis incognita potest esse congregata multitudo Judæorum, quæ habeat proprium regem,

ideoque non ablatum adhuc est sceptrum de Juda. Alii dicunt esse in regionibus Judæos prudentes atque potentes, qui virga directionis optime gubernant domos et familias suas, ideoque non esse ablatum sceptrum de Juda. Quibus nos primo respondemus, quoniam si ita accipienda est prophætia illa, sicut illi dicunt, neque venit Messias neque venturus est, donec omnes Judæi patres familias vel mortui sint, vel ita impotentes, ut nullus eorum sit in mundo, qui sciat vel possit regere domum suam, quod quia futurum non est, usque ad illum diem qui est finis omnium mortalium, nec Messias ante veniet. Quod si ita est, ad quid putamus Messias ultimo die ut veniat, quam ut eos omnes sepeliat mortuos, quos sanaturus sperabatur infirmos? Hæc erant expectatio gentium! quod non debent sceptrum Juda tam commune facere, nec tot reges quot patres familias in sua gente numerare, nusquam ante factum, neque patriarcham suum ita delirum fingere, ut grandævus senex mox moriturus magnas nugas cum magno conatu prolaturus diceret: *Congregamini, filii, et cætera*. Item si prophætia illa sic intelligenda est, quid prophetavit ille patriarcha suis Hebræis, quod prophetare non posset quilibet gentilis cæteris paganis? neque enim defuturi erant eis patres familias usque ad finem. Item qui sic exponit, regni majestatem minuit, prophætiam derogat, certum de adventu Christi signum non dat, nisi bonorum omnium interitum. Aliter nos primo respondemus, quia male interpretantur prophetiam hanc, singulariter enim enuntiatum sceptrum regni, pluraliter exponendo, in baculos privatorum dissipant. Sicque adultera scepra sanctum et plenum Deo prophetam ut fatuum et delirum senem reputari compellunt. Quid enim Israel prophetasse videretur suis Hebræis, quod prophetare non posset quilibet Græcus, Latinus, aut barbarus genti suæ? Sequens profecto sicut primus plane satagit, ut salutem perpetualiter adventus Christi effugere possit. Si sciret uspiam esse regem ex Judæis, negabit venisse Christum quia non putabit ablatum esse sceptrum de Juda; si nescierit tantumdem valebit, quia licet nesciat, ubi tamen credet esse alicubi, ideo Christum non venisse credit. Nos vero ita respondere volumus ut demonstremus quod ei nil prosit, ad negandum adventum Christi, sive unum regem, sive plures ostendat de genere Judæorum qui non sunt reges Juda. Quod cum demonstratum fuerit, de his qui alicubi sunt si forte monstrentur, supervacaneum videbitur agere. Tria ergo sunt sine quibus regnum esse non potest, terra videlicet, in qua regnum sit; populus, qui terram ipsam inhabitet; et persona regis electi, qui terram vindicet, et populum regat. Terra autem regni de quo agimus est provincia Hierosolymitana, quæ dicitur terra Juda. Populus hujus terræ fuit tribus Juda. Reges ejus usque ad Christum omnes de tribu Juda. Sicut ergo domus constat partibus suis... (53) Id est terra Juda, et rege de tribu Juda, et sicut non est domus si desit fundamentum, aut parietes, aut

(53) Locus mutilus.

tectum, ita non est regnum si desit terra, aut populus, aut rex. Ubi enim pars deest, totum esse non potest. Et ubi totum est, partes quoque omnes esse necesse est. Si ergo perditâ una parte, totum non est, quanto magis omnibus perditis, quod ad nihilum redactum est. Regnum autem Juda terra sua caruit, ex quo ipsa terra in manus alienigenarum venit. Populo caruit, postquam tribus Juda in omnes nationes dispersa est. Rege vero diu ante caruerat. Sic regnum Juda omnibus partibus suis dimissis regnum esse desit. Est igitur ex tunc ablatum plane sceptrum de Juda, et declaratum quia Christus venit. Si ergo constituas, vel mendose fingas, unum Judæum, verbi gratia, Mardocheum, in Babylonia regem vel certe in Samaria, ubi decem tribus Judæorum habitabant, habentes proprium regem, qui dicebatur rex Israel, non erit tamen rex Juda, sed rex Israel, vel Babyloniæ, ad quos nullum respectum habet prophætia, quæ dicit, *Non auferetur sceptrum de Juda*. Rursus regnum Juda causa effectiva erant sacerdotes qui ungebant eos in reges. Populus autem Judæorum sacerdotes cum loco sacrificandi perdidit; regnum igitur ac sceptrum indubitanter amisit. Ubi enim effectiva causa non est, effectus qui ex ea nascatur esse nullatenus potest.

II. Contra errores infidelium aliqua necessaria dicere volentes, mox a Judæis incipimus. Ipsi ergo nobis catholicis in eo se consentire dicunt, quod unum Dominum colimus omnium creatorem. Dissentiunt autem in his, quod Trinitatem personarum in unitate Deitatis non agnoscunt, et quod Christum negant Deum esse, et quod eum nondum venisse dicunt. Nos autem ab hac ultima parte contradicere inchoantes gradatim veniamus ad summam. Christum venisse probant innumerabilia. De quibus unum est vaticinium patriarchæ Jacob et legislatoris Moysis, qui certum signum adventus ostenderunt in sceptro regni Juda, dicentes: *Non auferetur sceptrum de Juda et dux de femore ejus, donec veniat qui mittendus est, et ipse erit expectatio gentium* (Gen. XLIX, 10). Hanc autem prophetiam idcirco duobus viris simul ascribimus, quia unus illorum protulit, eam alter retulit ac scribendo corroboravit. At ille qui protulit eam, id est sanctus patriarcha Jacob, erat tunc advena et peregrinus in Ægypto cum filiis suis, nihilque regia dignitas pertinere videbatur ad eos, nisi promissio tantum perficienda posteris ipsorum ad nos. Prævidebat tamen ille vir spiritualis tale quoddam regnum esse futurum de genere suo, quale in Exodo legimus dicente Domino ad filios ipsius: *Si audieritis vocem meam, et custodieritis pactum meum, eritis mihi in peculium de cunctis populis. Mea est enim omnis terra, et vos mihi eritis in regnum sacerdotale* (Exod. XIX, 5). Sacerdotale igitur regnum prævidebat, in quo solo sacrificaretur Deo, et tale quod sine sacerdotio subsistere non posset. Cujus regni locum commendat Moyses in Deuteronomio dicens: *Cavene offeras hostiam tuam in omni loco quem videris, sed*

In eo quem elegerit Dominus in una tribuum tuarum (Deut. xii, 13), et de jam facta electione tribus et loci canit rex Dei psalles dicens: Repulit tabernaculum Joseph et tribum Ephraim non elegit, sed elegit tribum Juda, montem Sion quem dilexit (Psal. lxxvii, 67). De hoc itaque vaticinans patriarcha et pro fine ejus adventum Messiae significans, breviter loquebatur dicens: Non auferetur sceptrum de Juda et dux de femore ejus, donec veniat qui mittendus est, et ipse erit expectatio gentium, sed sensus istius prophetiae sic accipiendus est, ac si paulo pluribus verbis explicaretur hoc modo: Domus Juda, quae nunc modica est et peregrina, crescat olim in populum magnum, et habebit in terra promissionis Dominicae patriam suam et reges sive duces ex genere suo: nec tolletur postea regimen sive ducamen ipsius populi, de manu sui generis, ita ut transmutetur in manum alieni rectoris, donec veniat Christus. Cum ergo videritis, o Judaei, sceptrum Juda in manu regis alienigenae transmutatum, hoc certo signo Christum venisse cognoscite. Nec expectetis ulterius temporale regnum quod transiit, sed gaudete perpetualiter conregnare Christo qui venit. Hujus itaque prophetiae veritatem effectus rerum evidenter est consecutus. Postquam enim Deus in terra promissionis elegit sibi locum regni sacerdotialis, sicut praescripserat Moyses, et sic David postea factum esse cecinit, non fuit in sorte tribus Juda rector nisi de genere legitimo usque ad tempus Herodis alienigenae qui post Hircanum regnavit Hierosolymis sub Caesare Augusto. Quo tempore natus est Dominus Jesus in Bethlehem Judae. Sed ex illo tempore ablatum est sceptrum de Juda temporale, et dux de femore ejus. Ex tunc igitur prophetica veritate constat, venisse Christum qui regnatura erat in aeternum. Christum etiam demonstrat venisse cessatio veteris sacrificii facta in adventu ejus, sicut prophetaverat Malachias his verbis: Non est mihi voluntas in vobis, dicit Dominus omnipotens, et sacrificium non accipiam de manibus vestris, quia ab oriente sole, usque ad occidentem, nomen meum clarum factum est in gentibus, in omni loco offertur nomini meo sacrificium mundum, quoniam magnum nomen meum in gentibus, dicit Dominus omnipotens (Malach. i, 10).

Huic prophetiae aliorum abunde praesagia consonabant. Sed cum Judaei nullatenus eis acquiescere vellent, sed semper inhiarent jugulare victimas, et comedere carnes, compescuit Dominus superpositionem ipsorum magna vi, extrudens eos de loco regni, in quo solo, et nunquam alibi sacrificare concesserat eis lex. Sicque tandem persenserunt inviti verum esse praesagium defuncti sacerdotii sui, cum neque extra haberent sacrificandi licentiam, nec intra sua quondam moenia facultatem. Transacto itaque veteri sacerdotio, quod ad tempus fuerat institutum, successit novum atque sempiternum Christi sacerdotium, de quo Psalmista praedixerat: *Juravit Dominus et non paenitebit eum, Tu es sacerdos in aeternum, secundum ordinem Melchisedech (Psal. cix, 4).* Mutatio quoque

A legis Christum venisse demonstrat, quae facta est ipso veniente, sicut supra dixerat divinus Isaias his verbis: *Erit in novissimis diebus manifestus mons domus Domini praeparatus in cacumine montium, et exaltabitur super colles, et venient ad eum universae gentes et dicent: Venite, ascendamus ad montem Domini et ad domum Dei Jacob, et annuntiabit nobis viam salutis, et ingrediemur in ea. Ex Sion enim prodiet lex, et verbum Domini de Hierusalem (Isa. ii, 2).* Quis autem adeo rudis, ut non intelligat in his verbis montem elevatum super montes, Christum esse regem super principes? In hujus ergo regis adventu videbat propheta legem exituram esse, non de monte Sina, ad erudiendam unam gentem sicut prius, sed de monte Sion ad docendas gentes sicut nunc factum esse videmus. Vetus autem lex quinquagesimo die post immolationem paschalis agni data est Moysi, nova lex quinquagesimo die post occisionem et resurrectionem veri Agni, sanctis apostolis inspirata est, de qua lege dicit etiam sanctus Jeremias: *Ecce dies veniunt, dicit Dominus, et confirmabo super domum Jacob testamentum novum, non secundum testamentum quod constitui patribus, in die qua apprehendi manum eorum ut educerem eos de terra Aegypti, etc. (Jer. vii, 32).* Quoniam igitur in adventum Christi novam legem ab ipso ferendam esse prophetae praedixerant, et ipsam jam dudum prolata est, legislatorem quoque Christum prius venisse manifestum est. Sanctissimus quoque Daniel non solum venisse Christum, verum etiam tempus unctionis et passionis ejus, et finem sacerdotii perpetuamque desolationem Judaeorum computando, demonstrat in persona Gabrielis archangeli, ad se loquentis his verbis: *Septuaginta hebdomadae abbreviate sunt super populum meum et super urbem sanctam tuam, ut consumatur praevicatio, et finem accipiat peccatum, et deleatur iniquitas, et adducatur justitia sempiterna, et impleatur visio et prophetia, et unguatur sanctus sanctorum (Dan. ix, 24).* Et paulo post: *Occidetur, inquit, Christus, et non erit ejus populus qui eum negaturus est (Ibid., 26);* item paulo post: *Et in dimidio hebdomadis deficiet hostia et sacrificium, et in templo erit abominatio desolationis, et usque ad consummationem et finem perseverabit desolatio (Ibid., 27).* Hujus ergo prophetiae compendium est, quantum ad praesentem rationem pertinet, quod in hebdomada septuagesima ungentus et occidendus esset Christus, et vetus sacerdotium defecturus. Haec autem hebdomada evolvebatur perpetuaque desolatio secutura erat, imperante Tiberio successore Aug.; quando baptizatus et fuerit crucifixus Jesus Dominus. Ex tunc igitur prophetica veritate non solum venisse Christum, sed etiam unctum esse constat, et passum, vetusque sacrificium defecisse desolatione secuta. Item Christum venisse, et quis esset Christus indicavit olim forma humilitatis ejus ac passionis a multis vaticiniis particulatim descripta, et in solo Jesu Domino nostro tota simul inventa. Nos autem verbi gratia partem des-

criptionis illius subjecimus, sicut est quod in Bethlehem nasci dignatus est, juxta prophetiam Michæ: quod super asinum sedens venit Hierosolymam, et in tempore passionis veste rubea indutus est. *Et sicut ovis ad occisionem ductus est, et cum iniquis reputatus est (Isa. LIII, 7)*, sicut deploraverat Isaias. Quod triginta argenteis venundatus est (*Matth. XXVI, 15*) ac spinis coronatus (*Matth. XXVII, 29*) et lapide oclusus est (*Thren. III, 53*, ut lamentatus fuerat Jeremias; quod transfixis palmis ac pedibus, felle et aceto potatus est, et divisa sunt vestimenta ejus, et super tunicam ejus missa est sors (*Matth. XXVII, 23, 24*), et ipse collocatus in obscuris, sicut mortui sæculi (*Psal. CXLII, 3*), deflente David; quod cæsus est (*Matth. XXVI, 67*) et consputatus (*Marc. XV, 19*), et lancea vulneratus (*Joan. XIX, 34*), dolente Job.

Talis itaque descriptio prophetarum de humilitate et passione Christi, quoniam in solo Jesu Christo Domino nostro tota inventa est, non solum venisse Christum, sed ipsum solum vere esse Christum ostendit. Item Christum venisse, et quis esset Christus olim præsens indicatio contemporarium sibi vatum ostendit, velut Zachariæ et Elisabeth, Simeonis et Annæ, quorum gesta seu vaticinia nota sunt, et Joannis Baptistæ dicentis: *Ecce Agnus Dei, ecce qui tollit peccata mundi (Joan. I, 29)*. Quando enim isti Dominum Jesum personaliter indicarunt, non modo venisse Christum, sed qui esset Christum, sine dubio ostenderunt. Item signa vel miracula, quæ in nativitate et baptismo et passione Domini nostri Jesu quasi extrinsecus, sed tamen divinitus facta sunt, non modo venisse Christum, sed ipsum vere esse declaraverunt, sicut visiones angelorum lætantium in Nativitate ejus, sicut stella nova rutilans ad indicium ejus, sicut magi cum muneribus venientes ad cunabula ejus, quæ miracula sic turbaverunt regem abusivum, ut in æmulationem Christi nati cœvorum ejus infantium crudelissimam stragem ederet. Præterea sicut tonitruum paternæ vocis, et Spiritus sancti columbina species in baptismo ejus, et sicut quando sol obscuratus est, et terra tremuit, et velum templi scissum est in occisione ejus. Super hæc omnia Christum venisse demonstrant opera et sermones ejus, de quibus ipse confutabat olim incredulitatem Judæorum dicens: *Si opera non fecissem in eis, quæ nemo alius fecit, peccatum non haberent (Joan. XV, 22)*. Et de quibus corroborabat inter alios fidem discipulorum Joannis Baptistæ dicens: *Hæc dicite Joanni quæ audistis et vidistis: Cæci vident, claudi ambulant, leprosi mundantur, surdi audiunt, mortui resurgunt, pauperes evangelizantur. Et beatus est qui non fuerit scandalizatus in me (Matth. XI, 5)*. Hæc enim et alia multa facturum esse Christum prophetæ prædixerant. Quæ omnia quoniam a Domino nostro Jesu Christo fieri videbantur, ipsum vere Christum esse probabant. Cætera vero Christi adventus argumenta sicut est, quod in omnem terram exivit sonus apostolorum (*Psal. XVIII, 5*), et quod in ipso benedicti videntur

omnes tribus terræ (*Psal. LXXI, 17*), et alia innumerabilia sponte præterimus, quia satis copiose quod propositum fuerat demonstravimus, id est, Christum tempore suo venisse.

Nec habet Judæus quid dicere contra. Nam si dixerit sceptrum de Juda non esse ablatum, perspicue falsus est, quia circiter annos mille dispersa est tribus Juda in omnes ventos, et locum regni sacerdotalis alieni possident. Quod si dixerit sacerdotium ejus non esse defunctum, mentitur plane, quia nec extra Hierusalem habet sacrificandi licentiam, nec intra facultatem. At si dixerit testamentum non esse finitum, et hoc præcipue falsum est, quia sine sanguine sacrificii non stat jus Veteris Testamenti. Si dixerit numerum sancti Danielis in tempore supradicto non fuisse completum, hoc quoque falsum esse rationes chronicarum facile probant. Si dixerit illum non esse Christum, cui superius relata descriptio convenit, cum testimonio prophetarum, tum etiam eo falsus esse probatur, quod nullus est alius cui convenire possit. Si novis et iudicibus prophetis obgannire teutaverit, re fellunt eum veteres et circumfulgentia signorum miracula. Si autem miracula Nativitatis, et cætera facta fuisse non credit, arguit eum innocentium cædes, et historiæ multe. Magnifica vero Christi opera obumbrare non valet, quia litterarum, ædificiorum et aliis signis impressa vel expressa sunt, ut sine ruina mundi disparere non possint. Tanta igitur ratione convictus, tantisque sanctorum testimoniis confutatus Judæus, si legali et propheticæ auctoritati non acquiescit, extra synagogam eiciendus est. Hactenus expedito quia venit Christus, et quando, et quis sit, ab hinc quia verus Deus est ingrediamur ostendere.

Hoc ergo primum ponimus, Christum super omnes homines alios excellere: sua quædam gloriosa propria manifestant, a prophetis exposita, velut hoc quia est homo de virgine natus, Isaias teste: *Et Christus est homo sine adjutorio inter mortuos liber*, teste David. Nec enim alium hominem virgo mater peperit, nec alius virtute sua liber a mortuis resurrexit. Deinde vero sunt alia Christi propria, quibus omnem supereminet creaturam, sicut illud ab Isaias cum admiratione prolatum: *Domine, quis credidit auditui nostro et brachium Domini cui revelatum est? (Isa. LIII, 1)*. Et illud Davidicum: *Domine dixit ad me: Filius meus es tu, ego hodie genui te (Psal. II, 7)*. Neque enim angelus, neque alia creatura Dei brachium est, aut in æterno die naturalis Dei filius est. De qua filiatione vel generatione divina satis exstat copiosa theologorum auctoritas; unde rex mire sapiens subtilissimam quæstionem proponebat dicens: *Quis ascendit in cælum atque descendit? quis continuit spiritum in manibus suis? quis colligavit aquas quasi in vestimento? quis suscitavit omnes terminos terræ? quod nomen filii ejus, si nosti? (Prov. XXX, 4)*. Ex his ergo propriis supradictis quæ Christum a creatura separant, sit pro ratione demonstratio divinitatis ejus hoc modo. Quidquid est aut Creator,

aut creatura : proinde quod est, si creatura non est, Creator est. Cum ergo Christus sit Dei brachium, quod creatura non est, sine dubio Creator est. Item filius naturalis, et si numero differt a Patre suo quoniam alter est, naturali tamen definitione Patri suo unum idemque est. At Christus Dei Filius naturalis est, Christus igitur idem quod Pater, id est Deus est. Liqueat igitur Christum quia Dei brachium est Dominum esse, et quia Dei Filius est esse Deum. Præter hæc denique sunt vaticinia quædam de Christi divinitate sic aperta, ut in eorum tractatu non sit opus uti ratiocinatione. Quoniam evidenter illum ipso nomine Dominum clamant cum laudibus Deo dignis, quamvis non sine commemoratione humanitatis ejus, qua fit ut Deus verus, et homo simul esse credatur. De quibus illud Davidicum : *Sedes tua, Deus, in sæculum sæculi*, et cætera (*Psal. XLIV, 7*). Et illud Isaïæ : *Parvulus natus est nobis, filius datus est nobis, et vocabitur nomen ejus Admirabilis, Consiliarius, Deus fortis, Pater futuri sæculi, Princeps pacis : multiplicabitur ejus imperium et pacis non erit finis* (*Isa. IX, 6*). Ubi in his verbis Isaïæ cavenda est falsa Judæorum interpretatio, qua vaticinium istud ad Ezechiaë nomen inflectere laborant, quando cum Christianis simplicibus altercantur : falsa certe, quia non habetur scriptum in Hebraico, et vocabitur nomen ejus Ezechias, quod interpretatur *fortis Domini*, sed vocabitur nomen ejus Elgiber, quod interpretatur *Deus fortis*, quod nomen, id est *El*, soli Deo convenit, et non Ezechiaë, cui nec cætera quæ sequuntur convenire possunt. Cæterum in vaticino David, simul cum divinitate Christi, diligenter attendenda est distinctio Patris, Filii et Spiritus sancti. Cum enim dicitur : *Sedes tua, Deus, in sæculum sæculi : virga directionis virga regni tui. Dilexisti justitiam et odisti iniquitatem* (*Psal. XLIV, 7, 8*), ad Filium Domini loquitur. Cum dicit : *Propterea unxit te Deus, Deus tuus* (*Ibid., 8*), de Deo Patre loquitur. Cum vero subjungit, *oleo lætitia* (*Ibid.*), Spiritum sanctum significat, nihilominus Deum, ut loco suo demonstrabitur.

III. Magna dissensio est inter filios hominum cum de multis aliis, tum etiam de confessione fidei. Quod videns Apostolus dicebat : *Nos prædicamus Christum crucifixum, Judæis quidem scandalum, gentibus autem stultitiam, ipsis autem vocatis Judæis atque Græcis Dei virtutem et Dei sapientiam* (*I Cor. I, 23, 24*). Non solum autem Gentiles et Judæi, sed et ipsi quidem qui se Christianos appellari volunt, nimiam habent inter se differentiam. Cum alii eorum catholici sint, alii hæretici multis modis. Ego vero Fulbertus, qui pono talia, licet peccator et indignus episcopus, tamen, quia vel fide catholicum me esse desidero atque profiteor, gratia Dei volo aliis, quibus potero, de mea fide et suo errore aliquam portiunculam reddere rationis ejus quæ in me satis est et copiose. Et primum quidem Judæis. Hi ergo nobis consentire dicunt in hoc : unum Deum confitemur omnium Creatorem ; dissentiunt autem de multis, sed

periculosius fere de his quod Trinitatem personarum in unitate divinitatis non agnoscunt, et quod Christum Deum esse negant, vel quod nondum venisse dicunt. Qui tamen de hoc ultimo sive tertio eos rationabiliter convinceret, puto quod non habeat postea multum laborare de cæteris. Probato enim quia venit Christus, ipse poterit deinceps intimare quærenti Judæo, quid sentire de cæteris vel quid facere debeat. Jam ergo incipiamus.

Christum venisse probat impleta prophetia, quam scripserat Moyses in hæc verba : *Non auferetur sceptrum de Juda et dux de femore ejus, donec veniat qui mittendus est, et ipse erit expectatio gentium*. Non est enim ablatum regimen tribus Juda de manu sui generis et transpositum in manus regum alienigenarum usque ad adventum Domini nostri Jesu Christi, quem nos catholici Christiani suscepimus ; est autem ex tunc revera ablatum sceptrum de Juda, et transpositum in manus extraneas ejusdem Domini nostri Jesu Christi. Ex tunc igitur auctoritate prophetica patet venisse illum qui mittendus erat, id est Christum. Ecce propositionem nostram succincte conclusimus ; nunc ad approbationem ipsius historicam veritatem breviter attingamus. Demonstrantes quales Judæorum populus de genere suo rectores habuerit, quando amiserit, et quomodo sibi ablatio regiminis et adventus Messiaë concurrerint in diebus Herodis. Igitur post Moysen, qui prophetiam hanc protulit, et Jesum successorem ejus, rectores habuit populus Judaicus de genere suo, qui iudices appellati sunt, usque ad tempus Samuelis prophetæ. Deinde qui reges appellati sunt, similiter de genere suo, Saulem, David et plures alios, usque ad transmigrationem Babylonis. In ipsa quoque transmigratione non defuerunt illi de genere suo rectores et consolatores Deo pleni, et ipsis regibus excellentiores, sicut Jeremias et Daniel prophetæ. Post reditum de Babylone fuerunt illi similiter de genere suo bene disciplinata regimina pontificum, usque ad Aristobuli tempus, qui pontifex Judaici populi similiter de genere suo et rex ultimus fuit. Hunc autem Aristobulum expugnata Hierosolyma vinctum cum liberis Romanam misit Pompeius Romanorum dux, Hircano fratri ejus pontificatum relinquens. Omnem vero Judæorum gentem ultimus pontifex per legitimam successionem generis fuit. Herodes primus ex alieno genere rex Judæorum factus est per senatusconsultum, imperante Augusto. Quo tempore Christus secundum prophetiæ fidem in Bethlehem natus est. Hactenus ergo, id est, usque ad regnum Herodis et non postea, rectores habuit legitime populus Judaicus de genere suo : regno namque Judæorum disrupto atque mutato, sacerdotium quoque disruptum atque mutatum est. Herodes enim postquam regnum Judæorum a Romanis accepit, antiquo jure, hoc est, per legitimam successionem generis non constituebat pontifices, sed promiscue quibusque ignobilibus sacerdotia promittebat ad tempus. Sacra quoque veste summ-

pontificia sub signaculo clausa nusquam usum ejus pontificibus permittebat. Hunc ergo perversum morem tenuit post ipsum Archelaus successor ejus. Hunc deinceps tenere Romani præpositi, donec tandem post passionem Christi destructa Hierosolyma et dispersa gente Judæorum, neque civitas illis, neque rex, neque pontifex, neque populus fuit. Et ista desolatio jugis facta est usque in hodiernum diem. Si ergo hæc ita sunt, imo quia ita sunt, quod ex prophetia concluderamus, per historiam consequenter approbavimus, id est, ex tempore quo regimen de Juda ablatum est, et princeps de femore ejus, venisse Messiam. Nunc si habent Judæi quid contra murmurent, audiatur.

Hic solent autem trifariam verba dare contra rationem istam quidam ex eis Judæi. « Primum non credimus, inquit, venisse Christum, quia virgam regiminis Juda non putamus ablatum. Sunt enim in multis regionibus Judæi locupletes et ingeniosi qui regant strenue familias suas, et quia tales rectores adhuc esse videmus, dicimus nondum esse ablatum sceptrum de Juda, neque venisse Christum adhuc. » Potest eoa quivis jocosa urbanitate deludere, simulque ratione confutare hoc modo: O Judæi, felices infortunio! si est verum, quod dicitis, nunquid non ille vos copiose mireve beavit, qui vos pessundedit atque dissipavit, si, cum in patria unum regem amiseritis, nunc in exilio tam multa regum millia vel invenistis vel recuperastis? Sed nullus eorum chrismate legali vel spirituali unctus est, nullum populus sequitur, nec ipse populo præest, quapropter nullus eorum neque rex neque pontifex, propheta neque dux tribus Judæ vel est vel certe appellari potest. Unde enim causæ effectivæ desunt, ibi effectus illarum esse minime possunt. O igitur dolor vel risus contra stultam atque infelicem sortem partis Judæorum, qui, cum insolenter et inconfesse reginem suam putant in turbam mittere, et applaudere sibi de multitudine regum, nullum rectorem penitus comprobantur habere! Sufficere possit ista ratio quam diximus, ad confutationem primæ partis. Sed quia bonæ causæ satis nobis rationes abundant, non pigeat illos iterato per impossibile oppugnare, hoc modo: Prophetia de qua nunc agimus, aut respicit ad tales reges, id est rusticos sive privatos, aut minime. At si respicit, et propter illorum præsentem existentiam in hac vita, constat inter vos nondum venisse Christum, propterea idem constabit nunquam esse venturum, donec omnes ita deleti sint ut nullus eorum sit in mundo qui regat familias suam. Hoc autem quando erit? nisi in consummatione sæculi, cum, defunctis omnibus, nullus erit jam neque penitentia neque venia locus: et quid putabimus ut tunc veniat Messias, nisi mortuos sepelire? Hæcine ergo erit exspectatio gentium? itane præmissa prophetia redigetur ad nihilum? Absit! impossibile est enim mentiri Deum qui repromisit certo termino ante finem sæculi Christum suum ad salvandum genus humanum mittere. Falsi sunt

A igitur illi, qui dicunt prophetiam hanc ad finem talium rectorum respicere, quales certum est usque in finem sæculi perdurare.

His ita refutatis, de hac objectione refutati Judæi transeunt ad alteram, dicentes: « Non credimus venisse Christum, quia sceptrum de Juda non putamus ablatum. Quis sit enim utrum in aliqua parte mundi sit congregata multitudo Judæorum quæ regem unctum atque sacratum habeat super se de genere suo? » Ad hoc respondemus quod nullus utrinque nostrum scit nec audivit in diebus nostris Judæum regem in ulla regione mundi regnare, sed tamen si aliquis Judæus regnaret in Judæa, nunc ahihominus ablatum esset sceptrum de Juda. Per se enim regnum Juda divisum est ab aliis regnis, constans propria regione, quæ dicitur terra Juda et Benjamin, proprio rege, qui de tribu Juda. Et, sicut domus quælibet propriis partibus constat, id est fundamento, parietibus et tecto, quarum si una defuerit, domus esse non possit, ita regnum Juda partibus supradictis. Nam sive patria, sive populus, sive rex desit, regnum esse non possit. Ubi enim pars deest, totum esse non potest; et contra, ubi totum est, partes quoque esse necesse est. Quod si una parte pereunte nomen totius perit, quanto magis cunctis pereuntibus totum non subsistit? Regnum autem Juda terram suam perdidit, quando ipsa in manus extraneas venit; populo caruit, postquam in omnes nationes dispersus est populus; rege vero legitimo longe ante caruerat: sicque regnum Juda, omnibus partibus suis amissis, regnum esse desivit; manifestum est igitur, et ad extraneæ regna nihil pertinere sceptrum de Juda, et de suo jure esse ablatum. Quod si quis stultus putet esse vel dici regnum Juda ubicunque regnat Judæus super Judæos, refellitur et re et Scriptura. Nam cum regnarent duo reges super gentem Judæorum, unus in Hierusalem super duas tribus, et alter in Samaria super decem tribus, ille tantum vocabatur et erat rex Juda, qui regnabat in Hierusalem; ille denique rex Israel, qui regnabat in Samaria. Si ergo sceptrum Juda non pertinet ad illum qui decem tribus Judæorum præest in Samaria, multo minus pertinebit ad illum qui mendose fingitur rex esse aliquot Judæorum in India. Dicamus iterum: Rex Juda est vir oriundus de tribu Juda, electus, et a legitimo sacerdote sacro chrismate unctus ad regendum populum qui habitat in terra Juda. Omnis autem rex extraneus ab hac definitione alienus est. Nullus igitur ipsorum rex Juda est. Non enim possunt habere communem essentialiam, quæ non habeat communem definitionem. Porro conclusionem hanc altera consequitur, hoc modo: Nam si de tribu Juda legitime rex esse non poterat nisi quem sacerdos, ipse quoque unctus atque sacratus, legitima unctione sacraret, sacerdos autem in gente Judæorum non fuit, postquam chrisma perdidit et exultaverunt de loco in quo solo eis sacrificare licebat; postquam sacerdotes qui reges unxerunt non existe-

ruat, nec reges quidem existere potuerunt. Ubi enim causæ effectivæ desunt, effectus earum minime esse possunt. Concluditur itaque non solum de Juda sceptrum ablatum, sed ne regem quidem ibi postea fieri potuisse. Nunc veniamus ad tertium : « Non est nobis, inquit, tanti signi, quod exsules sumus nunc et sine rege, id est principe, ut propterea credamus venisse Messiam. Fuimus enim similiter in Babylone, non tamen ullo modo venit Messias, sed postea reversi Hierosolymam habuimus regnum et sacerdotium : hæc est ergo spes nostra ut, similiter nobis restitutis, cum placuerit Deo, rursus hæc adveniant. » Respondemus, quod nunc exsules et sine principe vos esse dixistis, et verum est ; ibi enim collectus erat in unum populus Hierosolymis, id est, tribus Juda et Ben-

A jamin, habens secum regem et sacerdotes et prophetas suos, et promissionem datam a Domino, quod post peractam poenitentiam septuaginta annorum redituri essent in terram suam, quam nondum tradiderat Dominus alienigenis ad habitandum, sed sicut nunc deserta remanserat. Nunc vero non est vobis collectus populus, sicut tunc, neque rex, neque sacerdotes, neque prophetae, neque terra deserta vobis reservata, nec promissio data a Domino, quod post septuaginta annos illuc redeatis, sicut tunc, sed est potius sententia data a Domino, quod perpetua sit hæc desolatio vestra, quod in loco suo satis demonstratur, quæ vobis jam circiter annos mille persolvit, nil fraudatura vos de cæteris, usque in finem.

SANCTI FULBERTI

CARNOTENSIS EPISCOPI

SERMONES AD POPULUM

(*Bibliotheca Patrum*, tom. XVIII, pag. 37.)

SERMO PRIMUS.

Patres venerabiles, chari fratres, filii Dei, aliquid vobis volumus memorare de iis quæ nunquam vos oblivisci oportet, videlicet quomodo credere debeatis et vivere, ut si quis peccaverit, quomodo possit recuperare. Tria sunt hæc : fides catholica hæc est, et unum Dominum in Trinitate, et Trinitatem in unitate veneremur. Multi sunt autem qui non possunt hoc intelligere, nisi per quasdam quasi similitudines inducantur. Quapropter dicamus et nos aliquid tale. In sole sunt tres naturaliter, sphaera, claritas, calor. Sphaera solis naturaliter est splendens et calens, Summus Pater naturaliter est sapiens, et amans ; sphaera solis, et splendor, et calor, non sunt tres soles, sed unus sol ; summus Pater et sapientia ejus, et amor ejus non sunt tres dii, sed unus est Deus ; sapientia Filii Dei est, Spiritus sanctus amor est : Pater itaque et Filius, et Spiritus sanctus unus Deus est ; hic Deus ante sæcula et nunc, et semper fecit omnia visibilia et invisibilia.

Quæritur autem cur Deus Pater Filium suum, id est sapientiam, hominem fieri voluit ? Respondeamus quam brevissime possumus, propter hominem utique redimendum, qui culpa sua perierat, et per se non poterat reparari. Nam antequam peccaret homo, erat prudens et immortalis, et arbitrio liber, fuit tamen tanta calliditas diaboli, ut seduceret eum et redderet insipientem, mortalem et fragilem : quomodo ergo posset, stultus, et fragilis, et mortalis effectus, diabolum revincere, et recuperare per se quod perdiderat, qui quæque sibi adhuc validus non defendit ? nullo modo erat tamen impossibile non impleri quod volebat Omnipotens.

B

SERMO II.

Fratres, credo quod omnes qui præsentem basilicam continemur, per fidem Christiani sumus. Reddamus ergo in primis Deo gratias, qui nos ad fidem suam vocare dignatus est, et per baptismi gratiam a peccato mundare, et a diabolo liberare. Dicite Deo gratias, fratres : si permansissemus in illa munditia quæ nobis per baptismum data est, vere felices essemus. Sed non permansimus, cecidimus enim per nostram culpam, non solum in peccata, sed etiam in crimina propter quæ peccatores ab Ecclesia separantur, qualia sunt homicidia, adulteria, fornicationes, sacrilegia, rapinæ, furta, falsa testimonia, superbia, invidia, avaritia, diutina iracundia, ebrietas assidua. Sicut ergo Deo gratias egimus pro bonitate sua, sic nos culpabiles confiteamur pro malitia nostra, et dicamus singuli : peccatores sumus. Fratres, vere tales sumus coram Deo et sanctis ejus, sed misericordia ejus magna est, qui nobis adhuc donat locum sive tempus emendationis.

Emendemus ergo in melius, juxta Scripturam, quæ ignorando peccavimus ; quod si nescitis qualiter emendare debeatis, dicendum est vobis. In primis peccare desistite : quandiu enim quis Dominum offendere non cessat, nec ejus poenitentia fructuosa est, et qui in hac vita criminali peccato finem non imposuerit, veniam in altera non habebit. Quapropter, ut dixi, necessarium est in primis crimini finem dare, deinde vero commissa delere per poenitentiam, per eleemosynam, per orationem. Modum poenitentiae vobis constituent sacerdotes. Modus eleemosynæ est, secundum facultatem et bonam voluntatem vestram. Modum orationis constituit nobis Christus diversa sub condi-

tionem, quam nostis, videlicet ut dimittat sicut et A nos, etc. Hortamur itaque, fratres, ut crimina fugiatis, adjunctam vobis pœnitentiam alacriter suscipiatis, strenue peragatis. *Non sunt enim condignæ passionibus hujus temporis ad futuram gloriam quæ revelabitur in nobis (Rom. viii, 18).* Eleemosynam quoque pro posse faciatis, quia sicut aqua exstinguit ignem, ita eleemosyna exstinguit peccatum. Oremus tam pro invicem quam pro nobis, dicente apostolo: *Confitemini alterutrum peccata vestra, et orate pro invicem ut salvemini (Jac. v, 16).* Novimus autem per pœnitentiam multos, evasisse periculum mortis, alios per orationem. Enitatur etiam, fratres, inter tales inveniri, quia *regnum cœlorum vim patitur, et violenti diripiunt illud (Matth. xi, 12).* Præstet vires imbecillitati nostræ ille qui dixit: *Confidite, ego vici mundum (Joan. xvi, 23),* Dominus noster Jesus Christus qui cum Patre et Spiritu sancto vivit et regnat Deus per infinita sæculorum sæcula. Amen.

SERMO III.

DE PURIFICATIONE BEATÆ MARÆ.

Volumus vobis breviter exponere, fratres, unde cœpit solemnitas Purificationis, quam hodie celebratis, et quid cerei significant quos offertis. Solemnitas ergo ista processit ex lege. Præcepit enim Deus in lege ut mulier quæ de viri sui conceptu primogenitum pareret, quadragesimo die nativitatæ præsentaret eum Domino in templo, cum hostiis: et hic dies Purificationis vocatur. Quod præceptura Purificationis et oblationis impleverunt aliæ matres ex necessitate, quia pollutæ et peccatrices erant: quando vero Christus natus est de beatissima Virgine Maria, ipsa non indigebat legali purificatione, quia munda erat et sancta. Humilitatis tamen et obedientiæ causa legi se subdens, obedire legis quamvis non indigeret, obtulit in templo Dei filium suum cum hostiis quadragesimo die nativitatæ, sicut est hodie. Sed præsentatio illa insignis et gloriosa fuit: moventem enim Spiritu sancto, occurrerunt ei sanctus propheta Simon et Anna sancta vidua et prophetissa, laudantes et benedicentes Dominum de adventu Christi, sicut legitur in Evangelio, miracula præbentes. Christus namque in carne veniens, fratres, ostendebat pariter et humilitatis exemplum, et divinæ pietatis indicia. Sicut in nativitate sua, cum jaceret humiliter in præsepio, nova stella, et laudibus angelicis celebrabatur in cœlo: sic et modo cum parvulus infantulus præsentaretur in templo, ad declarandam divinitatem suam in carne latitantem corda prophetarum illuminabat Spiritus sanctus. Nos ergo qui illum verum Dominum et hominem adoramus, in memoriam Præsentationis ejus in templo celebramus hunc diem cum oblatione cereorum: per lumen cerei, divinitatem, per ceram significantes carnem ipsius virginalem. Apis enim et mellis, et ceræ opifex sine coitu maris et femine procreatur. Patet ergo quia Præsentatio Christi in templo processit ex obedientia legis, et nostra significativa oblatio est, ex dulci et venerabili me-

moriam suæ præsentationis. Nunc ergo scientes, quam ex bonis principiis solemnitas ista prodiit, et quam piam sanctamque significationem nostra oblatio gerit, solemnitatem divinis laudibus et operibus exornemus, et oblationem pio celebremus affectu, rogantes piissimam Dei Matrem ut ipsa nos, et munera nostra, Filio suo gratificare dignetur, et ad similitudinem oblationis nostræ, quæ munda, clara et fervida esse videtur, deposcat nobis ab ipso munditiam cordis et corporis, lumen scientiæ, fervorem fidei et charitatis, quatenus suæ gratiæ dono accensi, per Spiritum sanctum illuminati, purificatis mentibus in templo sancto gloriæ suæ valeamus apparere, per eundem Dominum nostrum Jesum Christum.

SERMO IV.

DE NATIVITATE BEATISSIMÆ MARÆ VIRGINIS.

Approbatæ consuetudinis est apud Christianos sanctorum Patrum dies natalitios observare diligenter, et præcipue virtutes eorum assignatas literis in Ecclesia recitare ad laudem Dei, ex cujus munere sunt, et ad instrumenta minorum. Inter omnes sanctos, memoria beatissimæ Virginis eo frequentius agitur atque festivius, quo majorem gratiam apud Dominum creditur invenisse. Unde post alia quædam ipsius antiquiora solemnia, non fuit contenta devotio fidelium, quin nativitatæ solemnæ superadderet hodiernum. Hac itaque die peculiariter in Ecclesia recitandus esse videtur ille liber, qui de ortu ejus et vita scriptus inveniebatur, si non judicassent eum Patres inter apocrypha numerandum. At quoniam magnis ac sapientibus viris ita visum est, nos alia quædam, sed non aliena legentes, ecclesiasticum morem debitis officiis exsequamur. Beata ergo Domini Mater et perpetua Virgo Maria, priusquam nasceretur oraculis enuntiata est, et designata miraculis, nata vero progenie divinitus ordinata, privilegio virtutum insignis enituit, Salvatorem edidit a quo glorificata in cœlo, nunquam terrigenis patrocinari desistit. Propositionem sequatur ordine sua narratio. Jamque referamus unum de prætaxatis oraculis, ac deinde paucis expediamus. Dixit Æternus ad veterem, Deus ad serpentem: *Inimicitias ponam inter te et mulierem, et semen tuum, et semen illius (Gen. iii, 15).* Quid est, fratres, in hoc loco serpentis caput conterere, nisi principalem diaboli suggestionem, id est concupiscentiam, resistendo superare? Si ergo quæretur quænam mulier hujusmodi victoriam operata sit? profecto non reperitur in linea generationis humanæ, donec perveniatur ad illam de qua agimus sanctarum sanctam. At si interrogetur, in quo serpentis caput vel ipsa contriverit? nimirum in eo quod virginitatem simul et humilitatem Deo sacrificavit. Virginitate namque servata probatur exstinxisse concupiscentiam carnis; humilitate, quæ facit pauperem spiritu, concupiscentiam mentis. Sicque principali suggestionem diaboli victa, vitiosum caput virtutis pede contrivit. Non tamen hoc solo, sed eo

quam maxime triumphavit, quod de sua mundissima carne corporata sapientia dicit. Usquequaque malitiam attingens a fine usque ad finem fortiter, et disponens omnia suaviter (*Sap.* viii, 1). Hæc est ergo mulier ad quam divinum illud intendebat oraculum, hanc quandoque nascituram innuebat, hanc singulariter intimabat. Expedito quam paucis oraculo, unum quoque de miraculis absolvatur.

Acceptæ sunt a sancto Moyse singulæ virgæ de singulis tribubus Israel, nominibus earum inscriptæ, jubente Domino, et positæ in tabernaculo ejus : inter quas una quæ fuerat Aaroni inventa est sequenti die germinasse, floruisse, fronduisse, et peperisse amygdala. Sciens ergo Dominus hoc opus suum magni esse mysterii, jussit servari virgam ad monumentum. Monebantur enim filii Israel præsentia virgæ, quærere sollicitè quid significaret tam mirabile factum, quod longo post aperiens divinus Isaias : *Egredietur, inquit, virga de radice Jesse, et flos de radice ejus ascendet, et requiescet super eum Spiritus Domini (Isa. xi, 1)*. Ad hæc verba tanquam auditores ejus dicerent : O pater Isaia, obscure loqueris, dic nobis, quæso, ipsam rem manifeste, adjecit claritatem et ait : *Ecce virgo concipiet et pariet filium, et vocabitur nomen ejus Emmanuel (Isa. vii, 14)*. Filium quoque Virginis, id est Emmanuelem, præclare describens : *Puer, inquit, natus est nobis, filius datus est nobis, et vocabitur nomen ejus Admirabilis, Consiliarius, Deus fortis, Pater futuri sæculi, Princeps pacis : multiplicabitur ejus imperium et regni ejus non erit finis (Isa. ix, 8)*. Quod ergo Deus designavit miraculo, hoc a secreto Isaias prodit vaticinio. Et quod vates cecinit, consequenter reicitur approbavit. Nam sicut illa virga sine radice, sine quolibet naturæ vel artis adminiculo fructificavit : ita Virgo Maria sine conjugali opere filium procreavit, filium sane flore designatum et fructu ; flore, propter speciem, fructu, propter utilitatem. Est enim *spectosus forma præ filiis hominum (Psal. xlv, 3)*, et vitalis refectio non solum hominum, sed etiam angelorum. Hinc breviter asserta propositionis particula prima, quod sequitur attingamus.

Nata est igitur beatissima Virgo, sicut legimus, patre Nazareno, matre Bethlehemita, quas urbes Christi nativitati vel conversationi destinatas esse prophetæ non tacuerant. Descendit autem ab radice illius fide præclari Abrahamæ, cui superne promissa fuerat benedictio omnium gentium in semine suo, et ab stirpe David, quem Deus propter notam sibi probitatem egregia laude sublimavit, dicens : *Inveni virum secundum cor meum (Act. xiii, 22)*. De regali nempe tribu simul et sacerdotali duxit originem, quæ summum Regem atque Pontificem erat paritura. Non tamen hæc idcirco dixerimus, quod Dominus qui peccatores vocare venit, dignatus sit matrem suam peccatores habere cognatos, inter quos speciosa velut inter spinas lilium appareret. Hæc itaque electa et insignis inter filias, non fortuito quidem, aut solo placito parentum ut pterique, sed divina dispensatione nomen accepit,

ita ut ipsa quoque vocabuli sui figura magnum quiddam innueret : interpretatur enim *maris stella*. Quid ergo mysticum hæc interpretatio gerat, per similitudinem ostendamus. Nautis quippe mare transeuntibus, notare opus est stellam hanc, longe a summo cœli eardine coruscantem, et ex respectu illius æstimare atque dirigere cursum suum, ut portum destinatum apprehendere possint. Simili modo, fratres, oportet universos Christicolos, inter fluctus hujus sæculi remigantes, attendere maris stellam hanc, id est Mariam, quæ supremo rerum cardinis Deo proxima est, et respectu exempli ejus cursum vitæ dirigere. Quod qui fecerit non jactabitur vanæ gloriæ vento, nec frangetur scopulis adversorum, nec absorbebitur scyllæa voragine voluptatum, sed prospere veniet ad portum quietis æternæ. Hic si quis interroget dicens, quid ergo putas qualis olim in anima fuerit, vel nunc sit, hæc persona, quæ sic omnibus sanctis spectanda atque imitanda proponitur ? veraciter respondemus, quia longe perfectior quam nostra oratione demonstrari possit. Tamen ne ibi nihil dicere arguamur, ubi major affluit copia didicendorum, reservantes multa atque magna facundis, saltem pauca dicamus super hoc, et quæ facile probentur audita. Hoc igitur in primis astruere fas est, quod anima ipsius et caro quam elegit, et habitaculum sibi fecit Sapientia Dei Patris, ab omni malitia et immunditia purissimæ fuerunt, affirmante Scriptura : *Quoniam in malevolam animam non introibit sapientia, nec habitabit in corpore subdito peccatis (Sap. i, 4)*. Item econtra confidenter asserimus, quia nullo virtutum genere vacabat, cui plenitudinem gratiæ Dei nuntius assebat inesse. Quod, attestante archangelo, quamvis nemo sana mente discredat, tamen si quis adhuc pio desiderio quærat argumenta virtutum ex verbis et factis ejus quæ Scriptura commemorat, tanto sibi facilius occurrent, quanto ipse in quærendo fidelior erit. Sunt autem ex eis quædam omni fere Christiano perspicua. Quis enim est qui cum jucunda admiratione non speculetur ipsius maturæ adolescentis fortitudinem, et prudentiam, et fidem in colloquio angelico, ubi tam constanter eloquitur, tam prudenter interrogat, quam facile credit ? Quis enim non videat ac videndo miretur justitiam ejus, qua sic universa præcepta divinæ legis satagebat, implere, ut nec ad se pertinentia inexpleta relinqueret ? Verbi gratia : post parvum enim purificatione legali quam agebat, non egebat, quia virum in concipiendo non noverat. De temperantia quoque ipsius superius dictum est, quæ Deo virginitatis lilium in humilitatis valle produxit. Cum ergo virtutibus supradictis facta ejus plena sunt atque dicta, manifestum est non solum attestatione angelica, sed etiam rerum argumento nullum virtutis beatissimæ Virgini defuisse. Depromebant itaque virtutes in cogitatione et affectu cordis ejus ineffabilem harmoniam, quam ipsa creatrix et inhabitatrix ejus Dei sapientia delectabatur audire ; coruscabant foris in superficie sermonis et actus, unde merito possint homines glorificare

Deum, et exempla salutis accipere. Tali ergo tantæque personæ, quid tandem ad honoris cumulum potuit accedere majus : eo quod Dei Filium Virgo concepit, Virgo mater edidit, hac nempe dignitate venerabilis facta est ipsis quoque sanctorum ordinibus angelorum. Quod opere manifesto declaravit ille magnus atque fortis archangelus Gabriel, qui eam antequam Dei mater fieret, quia futuram noverat, tanta veneratione salutando prævenit, hac eadem dignitate facta est etiam imperiosa, secundum charitatem erga superiores, ac super inferos per discretionem. Unde plurima scripta sunt exemplorum argumenta, de quibus ad præsens quædam sufficiat memorare. Illa igitur olim in auxilium magni Patris Basilii misit sanctum angelum, et mortuum suscitavit, qui male viventem pessumdedit persecutorem ejus Julianum apostatam, et hæc historia notissima est. Illa etiam te, o peccator, quondam Theophile, poenitentem et suppliciter invocantem ab ipsis diaboli faucibus potenter eripuit. Sed quid gravemur hujus lapsi reparationem paucis effari, cum audire sit operæ pretium ?

Is ergo Theophilus incedens olim in patria cujusdam episcopi ciliiciorum, ut scriptura quædam testatur, propter infortunia sua in tristitiam cecidit, unde contulit sese ad quemdam Judæum maleficum, ejus consilium et auxilium petens. Hoc mediatore locutus cum diabolo Christianitatem abnegavit, diabolum adoravit, eique de sua mancipatione chirographum tradidit annulo suo signatum. Postea vero facti poenitens, multumque se animo angens quid faceret, quo se verteret, tandem collectis fidei et spei viribus, confugit ad ecclesiam quamdam beatæ Mariæ matris memoriæ dedicatam, ubi quadraginta dierum afflictione mactatus animo contrito nomen ejus invocabat jugiter, ac patrociniū implorabat. Quid multa ? Respexit hunc propitia misericordiæ Mater, et per visionem illi apparens de impietate coarguit, ad Christi confessionem excitans. Consolata est dolentem pollicendo veniam, et ne dubitaret de promisso, supradictum chirographum diabolo potenter ereptum captivo reddidit in pignus libertatis. Quod cum evigilans supra pectus suum positum inveniret, quam lætus exstiterit, quam pio affectu voces exultationis et confessionis ediderit, non est facile dictu. Noctem vero illam consecuta est Dominica dies, qua Theophilus, quasi cum Domino a mortuis resurgens, episcopo se eorum populo præsentavit, et rem sicut erat exposuit. Videres populum modo ex auditu tam horrendi sceleris expavere, modo considerata macie vultuque poenitentis conlacrymari. Sed auditu quantam et quam celerem misericordiam fuerat consecutus, omnes qui mala conscientia territi pene defecerant, ad spem veniæ cum gaudio respirabant. Jam vero ut rem brevi fine concludamus, episcopo jubente male cautum chirographum Theophilus igne cremavit. Deinde suffragante clero et populo ductus ad altare, cum sacrosanctam communionem de manu episcopi

A ore susciperet, facies refulsit ut sol. Peractoque deinceps triduo, cum laudibus in ecclesia piæ Matris Domini, per quam reconciliatus fuerat, a laboribus suis beato fine quievit.

Talibus ergo factis approbatur quia Domini Mater ubique imperiosa est, ubique magnifica, certe cui pronum est sanctos angelos in ministerium mittere, et ad beneplacitum suum inferorum pacta cassare ; his quoque et aliis infiniti numeri beneficiis quæ vel scripta sunt, vel passim jugi sentiuntur effectu, quod et justis et peccatoribus fideliter invocantibus se præsto est, et nunquam eis opitulari desistit. Veniant igitur ad eam justi cum Basilio laudantes ac benedicentes, effectumque celerem suis sanctis desideriis postulantes sine dubio percepturi. Veniant peccatores cum Theophilis tudentes rea pectora cum interno fletu, ipsi quoque, si vere poeniteant, desideratam veniam adepturi, de quorum numero tibi assistentibus nobis ut subvenire jam et auxiliari digneris, imploramus, o prælecta ! o sancta ! venerabilis et imperiosa ! o clemens et propitia Domina nostra, quo possimus recuperare et habere perpetuam gratiam filii tui Jesu Christi Domini nostri, qui cum Patre et Spiritu sancto vivit et regnat unus Deus in æternum. Amen.

SERMO V.

ITEM DE NATIVITATE MARIE VIRGINIS.

Fratres charissimi, in hac die celebramus natale gloriosæ Dominæ nostræ Mariæ videlicet Redemptoris nostri Matris. Volumus vobis aliquid referre breviter de natalibus ejus, et vita et fine, et adiutoriis quæ ipsa Christianis et justis et peccatoribus impendere solet. Hæc itaque nata est de stirpe Abrahamæ atque David regis, quibus a Deo promissio facta est, quod in semine ipsorum, id est in Christo, benedicendæ forent omnes tribus terræ. Nata est autem juxta relationem et scripturas sanctorum Patrum in civitate Nazareth, patre nomine Joachim ex eadem urbe oriundo, matre vero Anna nomine oriunda ex civitate Bethlehem. Vita quorum simplex et recta ante Dominum, apud homines irreprehensibilis et pia erat. Nam omnem substantiam suam trifarie dividebant, unam partem templo et templi servitoribus impendebant, aliam peregrinis et pauperibus erogabant, tertiam sibi et suæ familiæ usibus reservabant. Ita justis Deo, et hominibus pauperes, annos circiter viginti, castum Domini conjugium, sine liberorum procreatione exercebant. Voverunt tamen, si forte Deus donaret eis sobolem, eam se Domini servitio mancipaturos. Evolutis ergo tot annorum curriculis, missus est angelus Domini prius ad Joachim, demum ad Annam, nuntians eis nascituram filiam nomine Mariam, cui similis sanctitate nec antea nata fuerit nec postea nasceretur. Factum est itaque juxta verbum angeli : nata est in civitate Nazareth sanctissima Virgo Maria, et mansit ibi tribus annis in paterna domo ; postea vero, sicut parentes illam Deo voverant, ducta Hierosolymis in templo Domini conservata est usque ad quartum

decimum annuæ, jejuniis et orationibus serviens. A die ac nocte, et virginitatem suam vovens, quod ante virgo ulla non fecerat, angelicis colloquiis frequenter utens. Deinde cum esset reversa ad domum parentum suorum in civitatem Nazareth, missus est ad eam angelus Gabriel a Deo nuntians ei conceptionem Filii Dei. Fuit ergo conceptus Dei Filius in Nazareth, natus in Bethlehem. Post natiuitatem vero Christi mansit cum filio usque ad passionem crucis, ubi Christus Virginem matrem virgini discipulo Joanni apostolo commendavit. Hic ministravit ei post passionem et resurrectionem et ascensionem Domini in finem. Fuit autem sepulta sanctissima in valle Josaphat, ubi est edificata ecclesia in honorem ejus, et sanctus Joannes sepultus est Epheso. Post vero cum religiosi Christiani reliquias matris ejus, videlicet Domini, respicere vellent, sepulcrum vacuum invenerunt; sed et in sepulcro beati Joannis respicientes, non invenerunt nisi manna. Credit itaque Christiana pietas quia Christus Deus Dei Filius Matrem suam gloriose resuscitaverit et exaltaverit super cœlos, et quod beatus Joannes virgo et evangelista, qui ei ministravit in terra, gloriam ejus participare mereatur in cœlo. Est autem ineffabile quam gratiam et gloriam dederit Dominus Matri suæ; hoc tamen certo scimus quia justi quidquid ab eo postulant, per intercessionem matris celerius impetrant, peccatores quoque sæpius misericordiam sunt consecuti: habemus plera exempla de utrisque, sed ad præsens hæc sufficiant.

SERMO VI.

IN ORTU ALMÆ VIRGINIS MARIE INVIOLATÆ.

Maturæ dilectionis amore et sedulæ adhortationis metu a quibusdam Deo sacratissimis et dilectis cogitur de sanctissima, et ultra quam dici possit dilecta Virgine, sponsa scilicet et matre Domini Maria, aliquam allocutionem facere, de ortu videlicet ejus, non historialiter texere, sed mysticis exornare laudibus, et beneficiis congratulari, ad cœjus tanti mysterii materiam nec omnis potest sufficere mundus, si ia unum etiam coeat ordinem. Erit autem eis inceptum, et executio meritum, quorum obtentu pervenerit ad portum sine naufragio remigium. Igitur nimis amabilem ac salutareram omnibus sæculis et terricolis veri æteraque Regis ac Domini nostri natiuitatem cernua humilitate recensentes, et annua orbita recolentes solemniam, primo ratum duximus utrorumque sexuum collegia etiam ad divinam et gloriosam festivitatem quibusdam adhortationibus invitare, ut dum utrarumque partium devotio his sacris festis nefas ejusdem sacræ Virginis circa se persentiant adesse juvamina.

Est enim ista suspecta festivitas, non modicis nec paucis præfulgens mysteriis, aut reliquorum sanctorum festivitatibus cœsequanda, sed tantum est excellentior, quantum constat eam omnibus homi-

nibus præferendam, cujus hodie præclucida recitantur natiuitatis initia. Ad cujus ergo magnificentiam collaudandam, et gloriam perferendam, tanta valeant exuberare præconia, quantum illi congruit, quæ cunctas superexcellent in præeminendo creaturas, et angelicam dignitatem. Et ubi usquam inveniri poterat locus, qui infra se comeluderet majestatem cœqualem Patri, auctorem omnium rerum, nisi uterus Mariæ ante sæcula præscitus? in hunc siquidem tota divinitas cum humanitate versata est. Et qui in cœqualitate cuncta disponebat cœlestia, et terrestria, in virginea perangusta septa venturam et promissam præparabat carnis suæ redemptionem.

Felix talis partus et ortus, de cujus substantia assumpta est talis virgo, quæ tolleret veteras parentum offensas, et relevaret concussum orbem qui sub sævo duri erat hostis dominio. Cujus itaque partus, ut censemus, ad nihil exstitit, nisi ut fieret ejus sancta pudicitia domus et susceptio Filii Altissimi. Ad quid enim aliud? ergone hujus castitas aut ante partum, vel post dignum pignus genitum, fœdata est aliquo contagio? Hanc enim nulla gravitas aut effeta successio filiorum fregit, ut solet eis contingere quæ humanam sobolem maternis egerunt visceribus. Felix enim culpa, sed sancta conjugalis societas, quæ tale ac tantum specialeque vel singulare decus profudit in orbe, de concessio nuptiali contubernio.

Denique in hujus conceptione necessaria hand dubium est quin utrumque parentem vivificus et ardens Spiritus singulari munere repleverit, quodque ab eis sanctorum angelorum custodia seu visitatio nunquam abfuerit. Merito si quidem hujus sanctæ Virginis multum adeo laudandi sunt et extollendi sanctissimi procreatores, qui in cunctis institutionibus tantos ac tales se præstiterunt, ut non immerito de eorum stirpe prodiret talis successio, quæ fieret et priscis ætatibus et subsequenti- bus exemplum totius bonitatis. Felix, et præ cæteris patribus felicior, qui tantæ prolis meruit vocitari patrator. Felix etiam qui non plures, sed unam promeruit suscipere natam, quæ unicum conciperet et proferret Dei Filium. Nec enim decebat ut hujus singularis Virginis sanctissimi progenitores fœdarentur plurimorum propagatione filiorum, qui erant futuri unice matris Domini provisores et educatores egregii. Vere beata et omni veneratione habenda, et quodam privilegio sacro prædicanda, mater hujus sanctæ, quæ omnium antecessit matres in concipiendo et generando eam quæ eum et omnium generaret creatorem. Gaude et lætare, o felix pro tali filia, quoniam tali dote donata es, qua nulla ante te postea meruit antecelli. Quanta putamus provisio fuerit sanctorum angelorum, circa tam Deo gratissimos parentes, ab initio suæ procreationis, et excubatio super tam ingentem sobolem? Nunquid abfuisse credendus est Spiritus sanctus ab ista eximia puella, quam sua obumbrare disponebat vir-

tute? Nulli enim fidelium dubium est quod circa eam omnis frequentia cœlestium agminum invigilabat, utpote quam supra se exaltandam minime ambigebant. O nimis superque beata Virgo; quæ nulli comparanda est merito, nec cœquanda castitatis titulo? Vere etenim beata illa sæcula, quæ ex sacro utero te meruerint excipere suo in tempore. Sane si qui sollicita mente et studiosa investigatione perquirant cur sanctorum præcedentium memoriæ hujus præfatæ Virginis temporanea initia suis fidelibus sequacibus enucleatim non exornaverunt, ut ad omnium notitiam vulgarent, noverint non ignaros eos exstitisse hæreseos, quæ pro insigni et admirando hujus sacræ puellæ præconio exortura erat, et ob id, si quid ex ejus ortu protulerunt, sagaci industria celandum æmulis et infidelibus decreverunt, ne inveniret cæca garrulitas perfidorum unde maternum sinum Ecclesiæ verberaret sua multiplici fallacia. Nam et hoc quod levi et subtili relatione, aut forsitam conscriptione de matris Domini nativitate et infantia ejusdem Domini perceperunt, ita versuta et argumentosa fallacia deturparunt, ut nec vera deinceps a quibusdam ecclesiasticis doctoribus recitentur, quamvis minime repudiantur.

Exstat vero quædam non usitata relatio, quæ clarissimi interpretis Hieronymi prænotatur nomine, referens beatum Matthæum post editum Evangelium ortum præfatæ Virginis atque initiamenta puerilia Jesu Christi, ita obscuris manu propria obsignasse litteris Hebraicis ut nullis infidelium illud vellet patere superfluis et mordacibus rictibus, quæ tunc a prælibato interprete feruntur transportata quibusdam obnixè petentibus ad Latinæ linguæ notitiam. Et quia hæc relatio inter sacræ Scripturæ canones non habetur inserta, ideo unanimis Ecclesiæ conventus in recitando aperte nec omnino eligit, nec in non recipiendo rejicit, cum nonnulla reperiantur dicta vel facta quæ in præfata serie impossibilia videantur, quæ tamen volentibus et amantibus legere, non denegat fidelium industria. Nobis autem et omnibus Ecclesiæ filiis, satis superque sit fides et devota credulitas, qua vere eam confitemur Virginem et in ortu et in omni sua operatione. Hujus namque pater et mater carnales fuisse feruntur, Joachim et Anna, quæ bene sibi de nominis interpretatione competunt: Joachim quippe *præparatio Domini* dicitur, Anna vero *gratia Dei* interpretatur. In horum duorum nominum interpretatione quid innuitur, nisi gratia quam simul adepti sunt? ubi namque poterit esse gratia, nisi ubi famulatur præparatio conscientiæ? et ubi locum habebit præparatio operationis, nisi ubi ante præcesserit Dei largita gratia? Sic ergo in unum duæ compactæ gratiæ, disponente Dei nutu, proferunt ex se gratiam non parvam, profuturam valde cunctis hominibus.

Hæc paucis dicta de sanctorum parentum digna commemoratione satis sint. Nunc ad evolvenda ea quæ Christus dederit veniamus. Propterea honorificentissime summi Auctoris et Creatoris Genitri-

cem cum mentis jubilatione recipientes omni conatu elaborate, ut tanta hodierni diei jucunditas, dum mundanis excolitur et honoratur obsequiis, hanc interior et pura conscientia justis et consequentibus prosequatur servitiis. Namque qui piorum venerantur sacra merita, quique omnimodis interesse peroptant supernorum agminum festis, sic in præsentibus exerceantur sanctorum natalitiis, ut non contingat illic eis abesse deinceps de quorum hic congratulantur triumphis. Quapropter præsentī celebratione, omnium prudentium virginum reginam sedulis exposcite precibus, quæ principatum obtinet inter choros sanctarum virginum, suo interventu efficiat possibile quo sanctæ Ecclesiæ concentus, cum eam humili qua valet operatione, percolit in terris, demum in lætitia perenni, de ejus utraque congaudeat sublimatione et gloria. Ista est enim præcipua festivitas, in qua omnis angelorum militia exultat, in qua prophetarum panduntur vaticinia, in qua etiam gentilium reserantur prænuntia scripta, in qua oritur sponsa sine exemplo Deo conjuncta, de cujus casta corporis materia oritur lumen in tenebris ad exturbandas veterum piaculorum nebulas. Hæc est, inquam, dies in qua prælucida stella, imo lumen inseparabile maris, hoc est hujus mundi, velut Eous, cum decoris amœnitate ex mortali genitura cunctis qui salvandi sunt illuxit. Hæc est honoranda dies lætitiæ, in qua juxta mundi qualitates præparatur vas virginæum, divinis charismatibus ut margaritis ineffabiliter ornatum, in quo qualitas Dei mista homini compaginaretur corporaliter, non secundum propagationem, sed secundum Spiritus sancti operationem. Quis, quæso, unquam aut ante hanc Virginem, aut post hanc, in omni terrarum spatio audire valuit, ut factor omnium rerum, possessor cœli et terræ, Rex regum et Dominus dominorum, Sol justitiæ, lumen insuperabile, intra Virginis se arcta concluderet septa! O magna et admirabilis ipsius Dei distributio, imo miseratio! ut enim protoplastum parentem et successionem filiorum ejus innovaret, quem constat ob hoc editum, ut superbientium angelorum suppleret numerum et ordinem, non indigne pertulit intra Virginis alvum cœlitus se incorporari, ut consocialem formam non secundum divinæ substantiæ quantitatem vel qualitatem, sed juxta corporeum incrementum absque macula peccati sibi compactum eo erigeret unde èt suavor et ille succubuit, perfida fraudatione præcepti uterque ejectus est. Ecce itaque cuncti qui ad sacram convenitis Virginis nativitatem, omnes corporeos vobiscum affertis sensus, fortassis et jam non desunt vobis interiores cordis intellectus. Haud dubium enim, cum dispertitor suarum virtutum unumquemque vestrum suo donaverit dono, qui scit in singulis ita disperire sua dona et numerata prout quisque laborat, ut efficiatur ejus habitaculum. Operatur autem hoc, ut ait Apostolus, unus atque idem Spiritus, qui in cunctis secundum gratiarum rationem

spargitur, et in singulis unice invenitur. Erigite ergo mentes vestras ad præsentis matris festivitatem, ut nullum mentis vel corporis domicilium seu jubilatio inveniatur, quæ non tota concrepet in tamen præclara procreatione. Congaudeat in hac celebritate uterque sexus et conditio dominorum seu subjectorum, quia per hanc Virginem utrorumque venit redemptio, scilicet immaculatus Dominus carnaliter prodiens de illius utero. Gaudeant senes Deo placentes, quoniam ab aula cæli descendit ille in ejus puellæ viscera, qui novit non modo animas tantum, verumetiam corpora, ad meliorem juventutem referre a veteri ruina, juxta sententiam Davidicam, *Renovabitur ut aquilæ juvenus tua* (*Psal. cii, 5*): Imitentur etiam fidem antiquorum Patrum, ex qua constat illos placuisse Deo, nec a memoria illorum refugiat, quoniam per hujus Virginis partum etiam in extrema eorum sorte conceditur illis repetitio veræ salutis. Lætentur juvenes fortes in hac die, quoniam hodie prodiit in hanc lucem Virgo, ex cujus secretis natus est juvenis, speciosus præ natis hominum, de cujus labiis diffusa est omnis gratia perlata per quadripartita mundi climata. Virtutem quoque corporis in animi vigorem transmutent, et per hujus sacræ Virginis obtentum suam Christo commendent juventutem. Congratulenter etiam pueri et infantes in hujus maxime puellæ initio sua Christo et Mariæ dicantes crescentia membra, quoniam habent puerum castitatis, et puritatis ministrum, et Mariam singularis pudicitie, ex cujus utero sancto Christi infantia et suspecta. Psallant spirituali lætitia in hac die et illi qui forte exercuerunt dominatum super sæculi negotia, quoniam per Virginem venit Dominus omnium potestatum et virtutum et dominationum. Gaudeant subditi, et si quos permit alienum jugum, quoniam quandoque exsolvet Filius Virginis, imo Dei, si ei placuerint, iniqua juga a cervicibus illorum depellere, ac superiores efficiet eos Dominus suis et per suæ Matris suffragium.

Cum ergo ad omnium virorum ætates nostra collocutio atque exhortatio pervenerit, rectum videtur ut ad illum sexum nostra denuo dirigatur oratio, ex quo scimus Dominum carnalia initia sumpsisse. Ille enim maledictionis notam primæ virginis in benedictionem secundæ transmavit Virginis, qui ante rerum formam præciverat ex eodem sexu suum in fine temporum procreandum fore Filium, qui universis omne afferret gaudium. Vere beata collaudanda Dei beneficia, quæ per illum sexum decreverunt provenire nostra in tempora, a quo primo terrigenæ propinatum est iniquæ suasionis medicamentum. O Eva tunc infelix! non solum pro inobedientiæ piaculo, verumetiam pro maledictionis titulo, nunc vero felix pro immutationis largifluo dono. Lætare tu, mater omnium, non solum quia evasisti proscritionis excidium, sed etiam quia de tua consimili prole profudisti eum in sæculum, qui te tuamque progeniem mortis de compede misericorditer eruit.

A Insultas denique ei modo qui te dudum suo venefico suasu infecerat, quia habes tuum platem sive parentem propitium, qui suo triumpho nobili procacem exturbavit tui hostis dominatum. Exi nunc, o fallax et inventor antiqui criminis, a secundo noxio sexu, quia ipse qui sine carnali onere ab eodem pullulavit ordine, suam hodie genitricem istam fecit prodire in lucem. Terreat te procul secundæ Virginis de cælo collapsa benedictio, qui lætatus es in primæ virginis opprobrio. Namque qui gaudebas in articulo conditionis humanæ primos a suo felici incolatu exturbasse colonos, nunc a secundo homine filio Virginis æternæ exultatione nexus es.

Quocirca, habentes ob oculos sacratissimæ Virginis sanctissimam diei venerationem, non in mundanis lætitiis exercete corda vestra, sed totum mentis ingenium figite in præclaræ Virginis superna illa festa, in quibus diutina laude ab angelis festivis honoratur servitiis. Procurate Principem vestram festinis ut valetis laudibus et benignis operibus prosequi, ut possitis cum ea absque coruscantium defectione lampadarum Agnum sequi quocunque ierit (*Apoc. xiv, 4*). Hodie primiceria et ductrix Virginum a sanctis prophetis vaticinata oritus, congratulentur ei cunctæ virgines, quia nascitur pudica puella, quæ amorem peperit integræ castitatis. Felices illæ, quæ sine cognitionis ludibrio tam mirificam Dei Genitricem quantum in ipsis est, prosecutæ fuerint puritatis commercio. Ergo quia gaudenter suscipitis ejus ortum, ad cujus vos non hæsitatis pertinere colloquium, satagite vos ita exercere in cælestibus negotiis, ut post exsuperatos caducæ pestis labores, dum ventum fuerit ad præoptatum divinæ portæ spectaculum, pulsantes non repudiemini, cœu de ineptis virginibus dicitur, quæ a sponso reprobatæ sunt propter suam inertiam, dum in vasis suis habere oleum, hoc est bona opera, neglexere; sed potius cum ipso ad cælestia palatia simul, et cum beata Genitrice ejus progredi valeatis. Cum igitur ista solemnitas omnibus fidelibus congrua ab omnium conventiculis catholicorum debito honore prosequatur, præcipue tunc a sacris virginibus valde prosequenda est, et percolenda, quia hodie decus prudentum virginum, flos campi, idem sanctæ Ecclesiæ, quæ pretiosissimis impletur margaritis, ex lilio convallium, idem humilium hominum processit ad ortum. Gaudete per omnem modum, omnes virgines, quæ vos tam sancto et prælucido dono Dei ditatas fore cognoscitis; sperate in ea, quæ hujus doni campos effecta est, et ante partum et post parturitionem. Magnificate eam indefessa morum exhibitione, quoniam pro perseverantia virginis, cum tympanis exultationis et lætitiæ, coram presentia Matris Domini quia in sidereis cubilibus habebitis cum ea gratulari, si ceptam animi corporisque integritatem sincera probitate servaveritis. Hilares estote et vos, puellæ ævo teneræ, quia habetis et vos puellam angelorum Dominam

quasi primis auspiciis nunc pubescentem. Advocate angeles ad custodiam puritatis vestræ, quia ipsa in tenera sorte mundialiter posita, cum regina ipsorum etiam futura secum eorum suffragia sedula oratione contrahebat. Lætamini etiam vos jam maturæ virgines, et quæ forte jam ad aniles metas pervenistis, quia pro longæva perseverantia vestra, non solum pollicita præmia, verum laudem egregiam cum præsentī captabitis apud cœlestem auctorem. Ne subtrahatis vos a præfatæ matris jubilatione, conjugatæ, et conjugali jugo subnexæ, quoniam qui suæ Matri, et omnibus piis virginibus contribuit integritatis palmam, ipse vos naturali fœdere mutua copulatione junxit, quo decentem et genuinum servantes modum castitatis filios procreetis. Nec enim multum longe a castitatis munere aberitis, si filios non pro appetitione libidinis, sed pro amore successionis educatis. Ne desperetis, o viri vel femine quocunque modo carnaliter corrupti, quoniam illa cœlestis mansio, non de virgineo tantum ordine, sed et de quibusdam non solum justis, sed et publicanis, et ante peccatoribus impletur. Quantoque vos conspiciatis apud majestatem Domini noxios existere, eo amplius respirate ad Genitricem Domini plenam misericordiæ: habetis apud Patrem advocatum ipsum Filium Virginis, et ipse propitiabitur peccatis vestris tantum, ut veniam de ipso ac matre ejus speretis, qui cum Patre et Spiritu sancto vivit et regnat Deus. Per omnia sæcula sæculorum. Amen.

In natale tuo nobis, pia Mater, adesto,
Virtutes augens, culparum pondera delens.

SERMO VII.

QUOD DEUS UNUS EST IN TRINITATE.

Moyses ait: « In principio fecit Deus cœlum et terram (*Gen.* 1, 4). » Dixitque Deus: « Spiritus Domini ferrebatur super aquas (*Ibid.*, 3). » David inquit: « Verbo Domini cœli firmati sunt, et spiritu oris ejus omnis virtus eorum (*Psal.* xxxii, 6). » Isaias ait: « Ego primus et ego novissimus. Manus quoque mea fundavit terram, et dextera mea mensa est cœlos (*Isa.* xlviii, 12, 13). » Et paulo post: « Et nunc Dominus Deus misit me, et Spiritus ejus (*Ibid.*, 16). » Aggæus: « Spiritus meus erit in medio vestri (*Agg.* ii, 6). » Postea: « Ecce ego commovebo cœlum et terram, et veniet desideratus cunctis gentibus (*Ibid.*, 7). » Isidorus: « Christus ex Patre ita emicuit, velut splendor a lumine, velut verbum ab ore, velut sapientia ex corde. »

Quod Christus a Deo sit genitus David inquit: « Dominus dixit ad me: Filius meus es tu, ego hodie genui te (*Psal.* ii, 7). » Salomon in Proverbiis: « Quis ascendit in cœlum, atque descendit? Quis continuit spiritum in manibus suis? Quis colligavit aquas quasi vestimento? Quis suscitavit omnes terminos terræ? Quod nomen est ei, et quod nomen filii ejus, si nosti? (*Prov.* xxx, 4). » Isaias: « Nunquid qui alios parere facio, ipse non pariam, dicit Dominus? Et qui generationem aliis tribuo, steri-

lis ero? ait Dominus (*Isa.* lxxvi, 9). » Quod ante sæcula genitus est ineffabiliter, Micheas ait: « Egressus ejus a principio a diebus æternitatis (*Mich.* v, 2). » David: « Ante solcm permanet nomen ejus (*Psal.* lxx, 17). » Salomon in Proverbiis: Nondum erant abyssi, et ego concepta eram. Nec dum fontes aquarum eruperant, et ego paturiebar. Quando præparabat cœlos, aderam, cum eo componens omnia (*Prov.* viii, 24, 25, 27, 30). » Isaias: « In humilitate judicium ejus ablatum est. Generationem ejus quis enarrabit? (*Isa.* liii, 8). » Job: « Sapientia Dei Patris unde venit? Latet enim ab oculis hominum, et a volucris cœli absconsa est (*Job* xxviii, 20, 21). »

Quod cum Patre et Dominus est. David inquit: « Sedes tua Deus, in sæculum sæculi: virga directionis virga regni tui (*Psal.*, xlii, 7). » Moyses: « Creavit Deus hominem ad imaginem suam, ad imaginem Dei creavit illum (*Gen.* 1, 27). » Zacharias: « Post gloriam misit me ad gentes (*Zach.* ii, 8), » etc. Item: « Lauda et lætare, Sion, quia ecce venio, et habitabo in medio tui, et scies quia Dominus exercituum misit me (*Zach.* ii, 10). »

Quod in humilitate venturus esset, Isaias dixit: « Dicite filiæ Sion: Ecce rex tuus venit tibi mansuetus, sedens super asinum (*Isa.* lxxii, 11; *Matth.* xxi, 5). » Jeremias: « Tibi peccavimus, expectatio Israel, salvator ejus. Quare sicut colonus futurus es in terra, et quasi viator declinans ad manendum? Quare futurus es quasi vir vagus, et qui non potest salvare (*Jerem.* xiv, 7, 8, 9). »

Quod occidendus esset, Isaias inquit: « Sicut ovis ad occisionem ductus est, et quasi agnus coram tondente se sine voce, sic non aperuit os suum (*Isa.* liii, 7; *Act.* viii, 32). » Daniel: « Vir Gabriel: Post hebdomadas septuaginta occidetur Christus (*Dan.* ix, 26). »

Quod resurrecturus esset, David ait: « Caro mea requiescet in spe (*Psal.* xv, 9), » etc. Item: « Resurrexi, et adhuc sum tecum (*Psal.* cxxxviii, 18). » Oseas: « Vivificabit nos post duos dies, et in die tertia suscitabit nos, et vivemus in conspectu ejus (*Ose.* vi, 3). »

De termino adventus ejus Moyses vel Israel: « Non auferetur sceptrum de Juda, et dux de femore ejus donec veniat qui mittendus est, et ipse erit expectatio gentium (*Gen.* xlix, 10). » Daniel: « Adhuc meloquente in oratione, ecce vir Gabriel, quem videram in visione a principio, cito volans tetigit me in tempore sacrificii vespertini, et docuit me, et locutus est mihi, dixitque: Daniel, nunc egressus sum ut docerem te et intelligeres. Ab exordio precum tuarum egressus est sermo: ego autem veni ut indicarem tibi, quia vir desideriorum es. Tu ergo animadvertite sermonem, et intellige visionem: Septuaginta hebdomades abbreviatæ sunt super populum tuum, et super urbem sanctam, ut consummetur prævaricatio, et finem accipiat peccatum, et deleatur iniquitas, et adducatur justitia sempiterna, et impleatur visio et prophetia, et ungatur Sanctus san-

clorum. Scito ergo et animadvertite : Ab exitu sermonis, ut iterum ædificetur Jerusalem, usque ad Christum ducem hebdomades septem, et hebdomades sexaginta duæ erunt ; et rursum ædificabitur, platea, et muri in angustia temporum. Et post hebdomades sexaginta duas occidetur Christus : et non erit ejus populus, qui eum negaturus est. Et civitatem et sanctuarium dissipabit populus cum duce venturo, et finis ejus vastitas, et post finem belli statuta desolatio. Confirmabit autem pactum multis hebdomada una. Et in dimidio hebdomadis deficiet hostia et sacrificium et in templo erit abominatio desolationis, et usque ad consummationem et finem perseverabit desolatio (*Dan. ix, 24-27*). »

« Domine, quis credidit auditui nostro ? et brachium Domini, cui revelatum est ? Et ascendet sicut virgultum coram eo, et sicut radix de terra sitiienti : non est species ei neque decor : et vidimus eum, et non erat aspectus, et desideravimus eum : despectum et novissimum virorum, virum dolorum et scientem infirmitatem ; et quasi absconditus vultus ejus et despectus, unde nec reputavimus eum. Vere languores nostros ipse tulit, et dolores nostros ipse portavit, et nos putavimus eum quasi leprosum, et percussum a Deo, et humiliatum. Ipse autem vulneratus est propter iniquitates nostras, attritus est propter scelera nostra. Disciplina pacis nostræ super eum, et livore ejus sanati sumus. Omnes nos quasi oves erravimus. Unusquisque in viam suam declinavit : et Dominus posuit in eo iniquitates omnium nostrum. Oblatus est quia ipse voluit, et non aperuit os suum. Sicut ovis ad occisionem ducetur quasi agnus coram tondente se obmutescet, et non aperiet os suum. De angustia et de judicio sublatus est. Generationem ejus quis enarrabit ? Quia abscissus est de terra viventium. Propter scelus populi mei percussi eum. Et dabit impios pro sepultura, et divitem pro morte sua : eo quod iniquitatem non fecerit, nec dolus fuerit in ore ejus. Et Dominus voluerit conterere eum in infirmitate. Si possuerit pro peccato animam suam, videbit semen longævum et voluntas Domini in manu ejus dirigetur. Pro eo quod laboravit anima ejus, videbit et saturabitur : in scientia sua justificabit ipse justus servus meus multos, et iniquitates eorum ipse portabit. Ideo dispertiam ei plurimos, et fortium dividet spolia, pro eo quod tradidit in mortem animam suam, et cum sceleratis reputatus est. Et ipse peccata multorum tulit, et pro transgressoribus oravit (*Isa. liii*), » ut non perirent, dicit Dominus omnipotens.

Christus ait : « Gaudium est angelis super uno peccatore pœnitentiam agente, quam super monachina novem justis, qui non indigent pœnitentia (*Luc. xv, 7*). » Joan. Apost. sic ait, inter cætera ad jam baptizatos : « Filioli, hæc scribo vobis ut non peccetis (*I Joan. ii, 1*). » Et : « Si quis peccaverit, advocatum habemus apud Patrem Jesum

A justum : ipse est exoratio pro peccatis nostris (*Ibid.*, 2). » Jacobus ait : « Confitemini alterutrum peccata vestra, et orate pro invicem, ut salvemini (*Jacob.*, v, 16) » Fulgentius : « Quocumque tempore homo egerit pœnitentiam, quam libet annosus, si toto corde renuntiaverit peccatis præteritis, et pro eis in conspectu Domini non solum corporis, sed etiam cordis lacrymas fuderit, et malorum operum maculas bonis operibus diluere curaverit, omnium peccatorum indulgentiam habebit. » Ezechiel : « Si impius egerit pœnitentiam ab omnibus peccatis suis, quæ operatus est, et custodierit præcepta mea universa, et fecerit justitiam, vita vivet, et non morietur : omnium iniquitatum ejus, quas operatus est, non recordabor : in justitia sua, quam operatus est, vivet. Nunquid voluntatis meæ est mors impii ? dicit Dominus Deus, et non ut convertatur a viis suis et vivat ? Si autem avertierit se justus a justitia sua, et fecerit iniquitatem secundum omnes abominationes quas operari solet impius, nunquid vivet ? Omnes justitiæ ejus, quas fecerit, non recordabuntur : in prævaricatione qua prævaricatus est, et in peccato suo quod peccavit, in ipsis morietur. Unumquemque juxta vias suas judicabo domus Israel, ait Dominus. Convertimini et agite pœnitentiam ab omnibus iniquitatibus vestris, et non erit vobis in ruinam iniquitas. Projicite a vobis omnes prævaricationes vestras, in quibus prævaricati estis, et facite vobis cor novum et spiritum novum : et : quare moriemini, domus Israel ? quia nolo mortem morientis, dicit Dominus Deus, revertimini et vivite (*Ezech. 21-24, 30-32*). »

SERMO VIII.

(Fragmentum).

Hoc vero tempore postea quam resurrectio Domini nostri Jesu Christi, manifestissimum judicium nostræ libertatis, illuxit, nec eorum signorum quæ jam intelligimus operatione gravi onerati sumus, sed quædam pauca pro multis eademque factu facillima et observatione castissima, ipse Dominus et apostolica tradidit disciplina. Secuti et baptismi sacramentum et celebratio corporis et sanguinis Domini, quæ unusquisque, cum percipit, quo referantur imbutus agnoscit, ut ea non carnali servitute, sed spiritali potius libertate veneremur.

Nisi manducaveritis, inquit, carnem filii hominis et sanguinem biberitis, non habebitis vitam in vobis. Facinus vel flagitium videtur jubere. Figura ergo est (54), dicit hæreticus, præcipiens Passioni Domini esse communicandum tantum, et suaviter atque utiliter recondendum in memoria, quod pro nobis caro ejus crucifixa et vulnerata sit.

Qui manducat meam carnem et bibit meum sanguinem, habet vitam æternam. Hic quandoque per cibum et potum societatem vult intelligi corporis et membrorum suorum, quod est sancta Ecclesia, in prædestinatis et vocatis et justificatis et glorificatis sanctis et fidelibus ejus. Quorum primum jam factum est id est prædestinatio : secundum, dicit hæreticus, non haberi in ms. D. Petavii.

(54) Interpretatio est mystica et nota hæc duo verba,

dum et tertium factum est, et fit et fiet, id est vocatio et justificatio : quartum vero nunc in spe, in re autem futurum est, id est glorificatio. Hujus rei sacramentum, id est, unitatis corporis et sanguinis Christi, alicubi quotidie certis intervallis dierum in Dominica mensa pręparatur, et de mensa Dominica sumitur : quibusdam ad vitam, quibusdam ad exitium. Res vero ipsa cujus sacramentum est, omni homini ad vitam, nulli ad exitium, quicumque ejus particeps fuerit. Ipse Dominus paulo post exponit quid sit manducare corpus ejus et sanguinem bibere. *Qui manducat carnem meam et bibit meum sanguinem, in me manet, et ego in illo.* Hoc est ergo manducare illam escam, et illum potum bibere, in Christo manere, et illum manentem in se habere. Ac per hoc qui non manet in Christo, et in quo non manet Christus, procul dubio non manducat ejus carnem, nec bibit ejus sanguinem, etiam si tantę rei sacramentum ad iudicium sibi manducet et bibat. Item paulo post Augustinus tract. 26 : « Signum quia manducavit et bibit, hoc est : si manet et manetur si habitat ac inhabitatur, si hæret et non deseratur. »

Haymo, super Epistolam ad Corinthios.

Caro quam Verbum Dei Patris assumpsit in utero Virginali in unitate suę personę, et panis qui consecratur in Ecclesia, unum corpus Christi : ita iste panis transit in corpus Christi, nec sunt duo corpora, sed unum corpus. Divinitatis enim plenitudo, quę fuit in illo, replet istum panem ; et ipsa divinitas Verbi, quę implet cęelum et terram et omnia quę in eis sunt, ipsa replet corpus Christi quod a multis sacerdotibus per universum orbem sanctificatur, et facit unum corpus Christi esse. Et sicut ille panis et sanguis in corpus Christi transeunt, ita omnis qui in Ecclesia digne comedit illud, unum corpus Christi est, sicut ipse dixit : *Qui manducat carnem meam et bibit meum sanguinem, in me manet, et ego in illo* (Joan. vi, 57). Tamen illa caro quam assumpsit, et iste panis, omnisque Ecclesia, non faciunt tria corpora Christi, sed unum corpus. Et sicut qui corpori et sanguini Christi communicant, unum corpus cum eo efficiuntur, sic et qui communicant, scienter idolothytis, unum cum diabolo corpus existunt.

In Symbolo Ephesini concilii.

Necessario et hoc addiscimus : annuntiantes enim secundum carnem mortem unigeniti Filii Dei, id est Jesu Christi, et resurrectionem ejus, et in cęlis ascensionem pariter confitentes, incruentam celebramus in ecclesiis sacrificii servitutum. Sic etiam ad mysticas benedictiones accedimus, et sanctificamur, participes sancti corporis et pretiosi sanguinis Christi, omnium nostrum Redemptoris effecti : non ut communem carnem percipientes (quod absit !), nec ut viri sanctificati et Verbo conjuncti secundum dignitatis unitatem, aut sic divinam possidentes habitationem, sed vere vivificatricem et ipsius Verbi propriam factam. Vita enim naturaliter ut Deus existens, quia proprię carni unitus est, vivificatricem eam esse pro-

A fessus est. Et ideo quamvis dicat ad nos : *Amen, Amen dico vobis, nisi manducaveritis carnem filii hominis, et biberitis ejus sanguinem, etc.*, non tamen eam ut hominis unius ex nobis æstimare debemus (quomodo enim juxta naturam suam vivificatrix esse caro hominis poterit ?) sed ut vere propriam ejus factam, qui propter nos Filius hominis et factus est et vocatus. Sylvester papa : « Primus Adam suasu serpentis mortem incurrit, et, ejectus de paradiso deliciarum Dei, in labore et sudore edit panem. Terra autem de qua factus est, virgo erat. Oportuit ergo secundum Adam de virgine nasci qui serpentem tentantem se vinceret, et hominem de captivitate ejus qui primum vice rat liberaret. Quoniam qui Adę victor in paradiso exstiterat, ipse tentator Domini factus est in deserto : ut qui vicerat manducantem, vinceretur a jejunante. Et sicut mortem non inveniunt nisi qui nati sunt ex carne Adę, ita vitam non inveniunt nisi qui renati fuerunt ex aqua et Spiritu sancto, et carnem Christi et sanguinem suę carni et sanguini sociaverunt, qui vicit diabolom, paradysum reddidit, et vitę æternę januam patefecit. »

SERMO IX.

DE ANNUNTIATORE DOMINICA.

(Opp. S. Aug. tom. V, Append., serm. 194.)

1. *Evę damna, et Marię beneficia.* Adest nobis, dilectissimi, optatus dies beatę ac venerabilis semper Virginis Marię : ideo cum summa exultatione gaudeat terra nostra, tantę Virginis illustrata die solemnı. Hęc est enim flos campi, de qua ortum est pretiosum lilium convallium, per cujus partum mutatur natura, protoplastorumque deletur et culpa. Pręcisum est in ea illud Evę infelicitatis elogium quo dicitur, *In tristitia paries filios* (Gen. iii. 16) : quia ista in lætitia Dominum parturivit. Eva enim luxit, ista exultavit ; Eva lacrymas, Maria gaudium in ventre portavit : quia illa peccatorem, ista edidit innocentem. Virgo quippe genuit, quia virgo concepit ; inviolata peperit, quia in conceptu libido non fuit. Utrobique miraculum, et sine corruptione gravida, et in partu virgo puerpera. Descendit angelus de cęlo missus a Patre Deo in nostrę redemptionis exordium, ad beatam salutandam Mariam : *Ave*, inquit angelus ad eam, *gratia plena, Dominus tecum.* Impleta est ergo Maria gratia, et Eva vacuata est a culpa. Maledictio Evę in benedictionem mutatur Marię : *Ave, gratia plena, Dominus tecum.* Tecum Dominus in corde, tecum in ventre, tecum in utero, tecum in auxilio.

2. *Maria omnem superat laudem.* Gratulare, beata Virgo : Christus rex e cęlo suo venit in uterum tuum, ex sinu Patris in uterum dignatur descendere matris. *Benedicta*, inquit, *tu, in mulieribus*, quę vitam et viris et mulieribus peperisti. Mater generis nostri pęnam intulit mundo ; Genitrix Domini nostri salutem attulit mundo. Auc trix peccati Eva ; auc trix meriti Maria ; Eva occidendo obfuit, Maria vivificando profuit. Illa percussit ; ista sanavit. Pro ino-

bedientia enim obedientia commutatur, fides pro perfidia compensatur. Læta igitur Maria gestat infantem, exultans amplexatur filium, portat a quo portabatur. Nec fortuitū, ut fingunt Sabelliani, reperit parvulum; sed decursis novem mensibus peperit Christum. Plaudat nunc organis Maria, et inter veloces articulos tympana puerperæ concrepent. Concinant lætantes chori, et alternantibus modulis dulcisona carmina misceatur. Audite igitur quemadmodum tympanistria nostra cantaverit: ait enim: *Magnificat anima mea Dominum; et exsultavit spiritus meus in Deo salutari meo; quia respexit humilitatem ancillæ suæ; ecce enim ex hoc beatam me dicent omnes generationes. Quia fecit mihi magna qui potens est.* Causa igitur tantæ invalescentis lætitiæ erat miraculum novum. Novus Mariæ partus partum Evæ eicit, et Evæ planctum Mariæ cantus exclusit.

3. *Mundi salus ex Mariæ assensu pendet. Maria Mater et virgo. Nupsit ipsi Deo. Jeremiæ de Maria prophetia.* Denique post illius benedictionis præ sagium, dum tacita secum Virgo mentis altercatione confligeret, qualis esset ista salutatio, nuntius interim cœlestis exsequitur (*Luc. 1*): *Netimeas, Maria; invenisti gratiam apud Dominum. Ecce concipies in utero et paries filium, et vocabis nomen ejus Jesum.* At illa: *Quomodo, inquit, fiet istud, quoniam virum non cognosco?* Et angelus ad eam: *Spiritus, ait, sanctus superveniet in te, et virtus Altissimi obumbrabit tibi; ideoque quod nascetur ex te Sanctum, vocabitur Filius Dei.* Jam audisti *quomodo fiet hoc*, responde nunc verbum; ut quid turbaris modo? Audisti *quomodo fiet hoc*, quia *Spiritus sanctus superveniet in te*, ut prolem gignas, et virginitatem non perdas: filium proferas, et post partum incorrupta permaneas. O beata Maria, sæculum omne captivum tuum deprecatur assensum: te, Domina, mundus suæ fidei obsidem fecit. Noli morari, Virgo: nuntio festinanter responde verbum, et suscipe filium; da fidem, et senti virtutem. *Ecce, inquit, ancilla Domini: fiat mihi secundum verbum tuum.* Nec mora, revertitur nuntius, et virginalem thalamum ingreditur Christus. Efficitur subito prægnans beata Dei genitrix, et cuncta per sæcula prædicatur hinc felix. Conceptit mox ad credulitatem verbi, virilis ignara consortii: impletur uterus nullo humano pollutus amplexu. Exstat itaque virgo cum concipit, virgo gravida, virgo cum parit, et virgo post partum. Præclara ergo illa virginitatis, et gloriosa fecunditas. Exsultat Maria, et matrem se læta miratur, et de Spiritu sancto se peperisse gaudet: nec quia peperit inupta, terretur; sed quia genuerit, cum exsultatione miratur. Gaudeamus ergo et nos, fratres, in die tantæ Virginis, quæ dum desponsaretur fabro, cœli nupsit architecto. Promittitur enim ei filius per visitationem sancti Spiritus. Hæc illa audiens gaudet, cupitque effici mater. Quid igitur mirum, si sine corruptione nascitur, qui de sanctificatione concipitur: non enim decebat ut ille qui nobis afferebat salutem, matri præriperet

A integritatis dignitatem. Nam qui terra, mari cœlo que non capitur, intra unius corpusculi membra suscipitur. Hæc est illa novitas Jeremiæ prophetæ vaticinio prænuntiata: *Faciet, inquit, Dominus novum super terram; femina circumdabit virum* (*Jerem. xxxi, 22*). O femina super feminas benedicta, quæ virum omnino non novit, et virum suo utero circumdedit! Circumdat virum Maria angelo fidem dando; quia Eva perdidit virum serpenti consentiendo.

4. *Angeli ad Mariam verba. Mariæ obedientia commendatur.* Salutatur angelus puellam viri salutationis ignaram; terretur Virgo novitate verborum. Ad quam angelus, ut superius protulimus, dixit: *Ne timeas, Maria; invenisti enim gratiam apud Dominum.* Ne inquit, a conspectu meo, Mater Domini mei, terrearis: ego conceptionis tuæ minister adveni, non ut virginitatem amitteres interveni; ipse me misit ad te, qui est nasciturus ex te. *Concipies enim et paries filium*; non cuiuslibet meriti hominem, sed totius sæculi Salvatorem. Recole, Maria, in libro Isaïæ prophetæ, virginem quam parituram legisti (*Isa. vii, 14*); et gaude atque exsulta, quia tu esse meruisti. Tu ibi præfigurata es Virgo, tu ecce concipies in utero, non de viro, sed de Spiritu sancto: et gravida eris, et incorrupta permanebis. Paries quidem filium, et virginitatis non patieris detrimentum. Efficiens gravida, et eris mater semper intacta. Senties pondera ventris, ei pudorem non perdes castitatis. Intumescent ubera tua, et intacta manent genitalia tua. At illa dixit: *Ecce ancilla Domini: fiat mihi secundum verbum tuum.* O felix obedientia, o insignis gratia, quæ dum fidem humiliter dedit, cœli in se opificem incorporavit! Implevit in ea Dominus, quod dudum prædixerat: *Obedientiam malo quam sacrificium, et scientiam Dei plus quam holocausti* (*Osee vi, 6*). Hæc fuit vera obedientia omni sacrificio gravior, hæc voluntas cunctis hostiis acceptior; hinc promeruit gloriam, quam ipsa postmodum plausit: *Ecce, ait, ex hoc beatam me dicent omnes generationes.*

5. *Ad beatam Virginem precatio.* O beata Maria, qui tibi digne valeat jura gratiarum ac laudum præconia impendere, quæ singulari tuo assensu mundo succurristi perditio? Quas tibi laudes fragilitas humani generis persolvat, quæ solo tuo commercio recuperandi aditum invenit? Acepe itaque quascunque exiles, quascunque meritis tuis impares gratiarum actiones: et cum susceperis vota, culpas nostras orando excusa. Admitte nostras preces intra sacrarium exauditionis, reporta nobis antidotum reconciliationis. Sit per te excusabile quod per te ingerimus: fiat impetrabile quod fida mente poscimus. Acepe quod offerimus, redona quod rogamus; excusa quod timemus. (Quia tu es spes unica peccatorum, per te speramus veniam delictorum; et in te, beatissima, nostrorum est expectatio præmiorum.) Sancta Maria, succurre miseris, juva pusillanimes, refove flebiles, ora pro populo, interveni pro clero intercede pro devoto fe-

mineo sexu. Sentiam omnes tuum juvamen, quicunque celebrant tuam commemorationem. Assiste parata votis poscentium, et repende omnibus op-

tatum effectum. Sit tibi studium assidue orare pro populo Dei, quæ meruisti benedicta pretium ferre mundi qui vivit et regnat in sæcula sæculorum.

DE PECCATIS CAPITALIBUS.

I.

De pœnitentia laicorum.

Si quis hominem occiderit sponte, septem annis pœniteat. Si immeritum, decem annis pœniteat. Si diaconum, quatuordecim annis pœniteat. Si presbyterum, viginti et uno anno pœniteat. Si quis hominem non sponte occiderit, tribus annis pœniteat. Si publico bello, uno anno pœniteat. Si quis hominem debilitaverit, tribus quadragenis pœniteat. Si quis membrum principale alicui tulerit, tribus annis et dimidio pœniteat. Si quis sodomiticus vel cum pecude semel, septem annis pœniteat. Si consueverit, quatuordecim annis pœniteat. Si quis fornicatur inter femora semel, quatuor quadragenis pœniteat. Si consueverit, tribus annis; si parvulus oppressus hoc patitur, una quadragenis pœniteat. Si per se ipsum, duabus quadragenis pœniteat. Si consueverit, uno anno pœniteat. Si quis adulterat simpliciter, quinque annis pœniteat. Si dupliciter, decem annis pœniteat. Si quis raptum fecerit, tribus annis, uno de his foris ecclesia pœniteat. Si quis nonnam corruperit, septem annis pœniteat. Si quis consanguineam, quinque annis pœniteat. Si quis divinos consulit, tribus annis pœniteat. Si quis sacrilegus vel perjurus

A exstiterit, septem annis pœniteat. Si quis jurat contra pacem, uno anno pœniteat cum elemosynis, et redeat. Si quis pertinaciter odit, excommunicatur.

II.

De pœnitentia mulierum.

Si qua mulier duobus fratribus nupserit, quinque annis pœniteat. Si qua partum necat, aut excitat sponte: si jam vivit, duodecim annis; si non vivit adhuc, sex annis post pœniteat; et semper sexta feria jejundet. Si mater dormiens filium vel filiam oppresserit, tribus annis pœniteat. Si infans alicubi ceciderit, et obierit, parens uno anno pœniteat. Si infans mortuus fuerit per negligentiam sine baptismo, tribus annis pœniteat; uno ex his foris, et semper sexta feria jejundet. Fidelis bene vivens securus hinc exit. Baptizatus ad horam agens pœnitentiam dum sanus est et reconciliatus, et postea bene vivit securus. Qui, positus in ultima necessitate, pœnitentiam accipit et exit, fateor, non illi negamus quod petit, sed non præsumo dicere quia bene exit. Do ergo consilium: dimitte incertum, et tene certum, ut dum sanus es agas pœnitentiam, ut mortuus habeas securitatem.

SANCTI FULBERTI

CARNOTENSIS EPISCOPI

HYMNI ET CARMINA ECCLESIASTICA.

(*Biblioth. Patr. XVIII, 48.*)

I.

HYMNUM SEU PROSA DE SANCTO PANTALEONE.

Quantas cædes Christiani gregis inhorruerit, sub Maximiani quondam impla tyrannide, revolutæ manifestant scripturarum pagine.

Tunc Eustorchius senator quidam Nicomedie habitabat, quidam et natus nomine Pantaleon, et decore corporali clarus et ingenio.

Unde pater, more patrum, lætus ac sollicitus fecit eum liberales artes apprehendere, ut non esset speciosa lampas sine lumine.

Tum discendæ salutari discipline gratia, medico Maximiani tradidit Euphrosino, quo ductore cœpit esse frequens in palatio.

Imperator autem, ejus honestata cognita, asserit, ac consequenter attestantur alii, digna quod personam talis astare Cæsari,

C Inter hæc, quidam sacerdos in eodem oppido, nuncupatus Hermolaus, metu sævi principis, latebra se recondebat obsolete tegetis.

Qua Pantaleonem sæpe transeuntem conspicans, vas electionis esse comperit per Spiritum, et modeste provocavit intus ad colloquium.

Quærit ergo nomen, genus studiumque pueri, quærit sectam. Ille notans quæsitorem ordinem, diligenter contrapensat responsorum seriem.

Solvit primum ac secundum; tunc exponens cætera: «Scrutor, inquit, documenta Hippocratis modici, atque magni præcessoris ejus Æsculapii.

«Hos putamus esse deos, qui vivaci numine, quæ descripta reliquerunt, prosequentes approbant, dum langore fatigatis sanitatem reparant.»

Ad hæc senex Hermolaus, os maturam reserans,

non contendo replicare omnia quæ protulit, sed A
quæ breviter dixisse non absurde potuit.

« Chare fili, verba mea virgilanter accipe, forti-
terque cerebrosa retine memoria : nam magistros
credo tuos non docere talia.

« Duas esse medicinas Christiani novimus, unam
quidem de terrenis, de supernis alteram ; quarum
ut diversos ortus, sic et efficaciam.

« Medici terreni longam per experientiam, sur-
culorum didicerunt vires, et similium quæ permu-
tant qualitates humanorum corporum.

« Nullus tamen in hac arte sic probatus existit,
cui non essent ad curandum aliæ difficiles, aliæ
que passionum prorsus incurabiles.

« Hoc testatur ille vir Hippocrates, qui fuit hoc
de cælo sublimatus vir Æsculapius, quibus nemo B
ventilatur major esse medicus

« At supernæ medicinæ Christus auctor emicat,
qui curare sola potest jussione morbosos, et ad
vitam de sepulcro revocare mortuos.

« Qui dederat cæco dato, post creata lumina, ac
de tumba jam fetente suscitatus Lazarus, cætera-
que mira gesta, quorum non est numerus.

« Sed de Christo quid dicatur, cum nos ejus ser-
vuli mira quæque faciamus in ipsius nomine, tibi
quoque non negando fore sane crederetur.

« Tu te ergo, chare fili, sapienter collige, argu-
menta manifestis sumens ab operibus, quis eorum
sit habendus Deus atque Dominus.»

Cæpit autem ratione tali puer allici, postquam
singulis diebus sacerdotem visere, ac de Christo C
sciscitari multa, plura dicere.

Quadam ergo die solus a magistro rediens, dum
de via declinaret, interemptum puerum, atque
juxta vidit ejus preemptorem colubrum.

Quo spectaculo parumper tremefactus abstetit,
sed quam primum respiscens vivide referbuit, sic-
que precem Deo vero primitivam obtulit :

« O Jesu, quem posse cuncta Christiani perhi-
bent, si collegio tuorum me dignaris jungere,
præsta, quæso, quod fidenter jam præsumo pos-
cere.

« Precor ergo, per virtutem tui magni nominis,
ut revivat iste puer, crepet iste coluber ; quod pro-
beris esse vitæ atque mortis arbiter. »

Ad hanc vocem, o fides ! o mira Dei bonitas ! D
mortuus resurgit infans, et chelydrus finditur,
laus præclara de gentili ore Deo funditur.

« Te nunc, inquit, benedico, Jesu potentissime,
non te semel benedicam, Deus atque Domine ; tu
sis omni benedictus sæculorum tempore. »

Currit ergo lætabundus tiro Christi nobilis, et ad
pedes Hermolai procedit presbyteri, instans sibi
non tardari sacri fontem lavacri.

II.

DE SANCTO PIATO HYMNUS.

In tellure Beneventi claris ortus patribus, hinc-
gnis mundo Piatas, sacris fultus moribus.

Mox puer Christum sequendo admirandis nisi-

bus, post adultus vilipendit vanam mundi glo-
riam, de suis nihil reservans, præter vestem sim-
plicem.

Sed quæcunque possidebat dans fomentis pau-
perum, nescius Romam pergit, jam vir exstans,
illic et conjungitur Dionysio, suisque sanotis con-
sodalibus.

Sic in cætum tantorum virorum lumen viget ad-
ditus Dionysio, his perfectis prædicare Christum
genti Gallicæ.

Tornacum versus Piatas se direxit inclytus, cum
Parisios iret beatus Dionysius.

Tornaco ergo diffundendo late sancti verbi semi-
na, Christo convertit virorum ter dena millia.

Præter parvos, et secundi sexus turbam maxi-
mam Christicolum, genuinis inter hæc coruscans
virtutum miraculis.

Edomabat parcitate duras vires corporis, ut
frangendo roboratus, hosti non succumberet, et
illum fortiter debellaret.

At Cæsar Maximianus, ut Piati hausit famam vi-
rulentis auribus, comprehendi jussit eum, ad ne-
candum protinus.

Utque fama est, ille militare promptus, atque
vinci nescius, nexus vicit, flagra vicit et omnes im-
petus.

Decollatur namque tandem læto cætu marty-
rum, palmam gessit laureatus ad cæli palatium.

Dumque gleba conderetur gloriosi corpus mar-
tyris, fusus odor et superni circum circa nec-
taris.

Ne quid mundus hæsitaret de salute spiritus,
cujus caro tunc probabat hunc regnare cælitus.

III.

PROSA DE NATIVITATE DOMINI.

Sonent regi nato nova cantica, cujus Pater fecit
omnia, mater est Virgo sacratissima.

Generans nescit hic feminam, illa est sine viro
gravida.

Verbum corde Patris genitum ante sæcula.

Alvo matris prodit corporatum post tempora.

O mira genitura ! o stupenda nativitas ! o proles
gloriosa !

Humanata divinitas, sic te nasciturum Filium
Dei, vates tuo docti Spiritu prædixerant.

D Sic te oriente ex Virgine sacra, pacem terris an-
geli nuntiant.

Elementa vultus exhilarant, omnes sancti cla-
mantes jubilant.

Salve clamando, nosque salva, Deitas, in perso-
nis trina simplex exousia.

IV.

HYMNUS DE TRINITATE.

Verbum Dei Spiritumque legifer in Genesi, rex
David secundo psalmo post tricenum cecinit, sic
uterque Trinitatem unitatis prodidit.

Sapiens, cum genitore sancto suo, Salomon,
plane verbo declaravit, esse Deo Filium, Verbum
scilicet æternum, corde ejus genitum.

Moysi et Isaïæ testi est Psalmographus, quia

Filius cum Patre Deus est et Dominus, nil enim Patre Deo gignitur nisi Deus.

Deum hominem futurum esse, sicut exstitit, post Psalmistam Isaias liquido perdociuit; dispensatio salutem illa nobis edidit.

Quodque Deus nasciturus esse, matre Virgine, idem ante Gabrielem jussus est prædicere; talis porro decet ortus auctorem munditiæ.

Legislator Danielque notaverunt terminum, quando Rex venturus esset expectatus gentium: is neglectus perdidit male populum Judaicum.

Summum regem adfuturum pauperem et humilem ostendit propheta quasi jam visibilem, corruit superbus hostis ante cujus faciem.

V.

IN FESTO SANCTI ÆGIDII ABBATIS, AD MATUTINUM INVITATORIUM.

Adoramus regem totius bonitatis auctorem, qui sanctum Ægidium exornat et gratiæ donis, et justitiæ præmiis.

VI.

IN MATUTINIS LAUDIBUS RESPONSORIA.

Dominum semper et ubique regnantem, in sancto suo Ægidio mirificum prædicemus. Jubilemus Deo gratulantibus animis, qui patronum nostrum Ægidium decoravit gratia sanctitatis. Deus, ut tandem nos vigilantes invenias, chari tui Ægidii nobis merita suffragentur. Benedictus sit universalis Dominus, quem beatus nobiscum benedicit Ægidius. Laus jucunda resonet Deo vivo et vero in sancti sui Ægidii miraculis gloriosi. Sancte confessor et patrone noster Ægidi, per cujus merita Dominum glorificamus, apud illum pro nobis te intercedere sentiamus. Benedicimus te, clementissime Deus, qui diem festum beati Ægidii in laudem tuam nobis expendere tribuisti, teque suppliciter exoramus ut sanctis tuis quibus honorificentiam exhibemus, virtute ac præmio sociari mereamur.

VII.

PROSA ET ALIA RESPONSORIA.

Sanctus Ægidius natione Græcus præclaris parentibus originem duxit, corpore valens et acer ingenio. Feliciter adultus est ac liberaliter eruditus. In rerum quoque possessinne non tenuis, sed ingentem copiam provida largitas erogavit. Hinc inter prospera voluptate non est resolutus, nec inter aspera a diabolo est superatus. Inediam, sitim, algores et vigilias, pro Christi amore delicias computabat. Affectus injuriis, et graviter sauciatus, affligentibus se deprecabatur veniam. Credebat, quod didicerat a vero magistro, in patientia tandem animas possideri. Virtute itaque vectus ad sublimia, sacerdotali meruit infula decorari. Obtinuit enim illud sapientis, quod in tempore iræ factus est reconciliatio.

Fidelis Christi confessor Ægidius, genere clarus, sed scientia, virtute et opere longe clario exstitit. Legitur quidem regia stirpe fuisse progenitus. Sed hic ævo tener, ad liberalia rudimenta dispositus, doctores summos brevi æquiparavit. Dum potentis

A ingenii motum nec levitas præcipitem ageret, nec desidia tardum, docto docili quoque puero gratia Dei non defuit, vitam ejus omni morum honestate commendans. Jam jamque foris scintillabat indiciis, succensa velut lampas charitatis. Vestem ægro cuidam mendicanti, qua non superflua tegebatur, quamvis adhuc pædagogi sententiam sibi æstimaret formidabilem, dedit. Prodiit extemplo quoddam memorabile signum, quod Deum Ægidio cooperari compertum est. Nam, ut æger attigit oblatam sibi vestem, simul recepit pristinam sanitatem. Parentibus autem in pace defunctis, patrimonii sui Christum fecit hæredem, mirabili modo pauperando ditescens, dum temporalium impendiis æterna lucratur. At ubi sancti viri virtus præ magnitudine sua latere non potuit, confluebant plurimi, corporis animæque beneficia postulantes. Nec vero, ubi dator hilaris et quod daretur abunde non aderat, suo munere frustrabantur. Cumque mira gesta laudum præconia sequerentur, mari transito natalem Græciam sua præsentia viduavit, incautum esse judicans levis famæ pretio thesaurum bonæ conscientiæ venditare, in natali permanens. Mirabile quidem est quanto in eo succreverit parcimoniæ virtus, cum multo tempore ab ipsius quoque panis abstineret edulio. Unde facile patet eum nec pulmentaria nec quælibet gulæ irritamenta quærentem ad superna evolasse regna.

VIII.

PROSA DE DIVO MARTINO.

C Inter Patres monachalis vel clericalis ordinis, virtutis excellentia Martinus notabilis. Non quilibet de pluribus, sed ille solitarius. Primo deinde Turonicæ præsul paterque patriæ. Diserta quem prudentia, fortisque temperantia, quin universa sanctitas ornavit, hoc est, charitas. Is pauperi quam dividit, se veste Christus induit, dans signa tantæ gratiæ necdum renato cernere. Mox fonte cæli roscido sancto repletus Spiritu, divoque fretus numine, et ut potens Apostolus, confutat ortas hæreses, jussu repellit dæmones, medetur lepræ osculo, et mortuis precario. Qui igne raptò cælitus, cremasse fana funditus, gravesque moles per fidem, hunc transtulisse prædicem? Dedisse cæcis sidera, sentire surdis organa, mutisque præcinentibus, aptasse claudos saltibus? Quot gesserit hujusmodi miraculorum millia, fugit ligari calculo, velut aburra pontica.

IX.

DE SANCTO LAMBERTO.

Magna vox laude sonora te decet per omnia, quo poli chorea aucta tali compare, terra plaudit et resultat digna tanto præsula. O sacer Lamberte martyr, vota nostra suscipe.

X.

PRO REGE.

Regum princeps atque virtus, cujus autu mundi cælum gyrat, terra perstat, disponuntur sæcula: regi Roberto nato stirpe nobilissima, sic domare des su-

perbos et subjectis parcere, ut hic regnans glorio- A
sus quondam vivat in æthere.

XI.

DE BEATA VIRGINE.

Solem justitiæ Regem paritura supremum,
Stella Maria moris hodie processit ad ortum :
Cernere divinum lumen gaudete fideles.

Resp.

Stirps Jesse vigam produxit, virgatque florem
Et super hunc florem requiescit Spiritus almus ;
Virgo Dei genitrix virga est, flos filius ejus.

Resp.

Ad nutum Domini nostrum ditantis honorem,
Sicut spina rosam, genuit Judæ Mariam,
Ut vitium virtus operiret, gratia culpam.

XII.

DE SANTA CRUCE.

Vexillum regis venerabile cuncta regentis,
O crux sancta, micans super omnia sidera cœli,
Mortifero lapsis gustu, quæ sola reportas
Antidotum vitæ, fructum suspensa perennem.
Te colo, te fateor venerans, te pronus adoro.
Christus, principium, finis, resurrectio, vita,
Merces, lux, requies, sanctorum doxa, corona.
Pro servis Dominus redimendis hostia factus,
In te suspendens [*pro* suspensus], per lignum
[toxica ligni

Purgavit, clausæ reserando limima vitæ.
Tante pars ego sum libertatis, bone Pastor ;
Sed mala, semper agens, nunquam tibi digna re-
[pendi.] C

Heu ! mihi jam bibulæ numerum transcendit arenæ
Sarcina multorum, mihi quæ crevere, malorum.
Sed quia peccantis potius bona quam mala quæris,
Plusque tibi peccat spem qui peccando relinquit,
Ad te confugio, tibi supplico confiteorque ;
Parce, precor, miserere mei, miserere meorum,
Defuncti quæ sunt, et in hoc, qui luce, parentum :
Qui bona fecerunt, his per te centupla redde,
Qui, mala convertens peccamina, cuncta remittis,
Omnes hoc signo qui te venerantur et orant
Dirige, sustenta, custodi, protege, salva,
Da procul a nobis, elatio sistat ut omnis,
Quo tibi submissi placeamus pectore puro.
Protege nos jugiter, ventosæ laudis ab ora,
Et nobis dignas confer tibi solvere grates.
Invidiæ maculam de mentibus ablue nostris,
Infundens nobis ignem cœlestis amoris ;
Iræ compescens stimulos, fac nos patientes,
Tristitiamque fugans, in damnis spem retinentes ;
Crimen avaritiæ nobis dona fugiamus,
Et pietatis opus placitæ tibi ferre queamus ;
Ingluviem ventris nos vincere sobrietate,
Luxuriæque luem casto concede pudore,
Ut per te mundi, per te quoque viribus aucti,
Constanter vitam studeamus adire supernam.

XIII.

DE TIMORE, SPE ET AMORE.

Primus ab illicitis hominum se continet ordo,
Aut pœnæ metuans, aut providus emolumentis,

Aut bene complacitæ captus virtutis amore.
Qui spectare licet finem videantur ad unum,
Ut vitium vitent, velut exitiale venenum ;
In paritate tamen meriti discretius absunt ;
Unde nec unitæ veniunt ad præmia palmæ.
Primus enim coleret, genium si posset inulte ;
Sed vehementer ait : Zelantis abhorreo vultum
Judicis, et diræ flammis ardere gehennæ.

Anne secundus idem faciat, si præmia desint ?
Sed vigili ratione sagax dum gaudia pensat
Vera, voluptatem caute postponit inertem,
Tertius ingenue bonus egregieque decorus
Te contemplatur, te diligit, aurea virtus :
Malit nempe mori, quam vivens te viduari.
Sunt igitur species ex affectu venientes

B De quibus effugiant, ut ab ordine discrepet ordo.
Nam quis sollicito dubitet præferre timori
Securam spei requiem ? sed ipse decenter
Ut præcellenti venerans assurgit amori
Interea Pater optimus hæc, speculatus ab alto
Cujus judicii nihil est quod fallat acumen :
Ille inquit, meus est, vernaculus iste satelles.
Hæc mea conformis, mea dilectissima proles.
Tunc variis meritis distantia præmia librans,
Magna quidem primo tribuit, majora secundo,
In solo totum confert probitatis amico.

XIV.

DE EADEM RE BREVIUS.

Tres causæ faciunt homines peccata cavere :
Horror supplicii, spes mercis, amor probitatis.
C Quæ quanvis finem videantur tendere ad unum,
Scilicet ut vitio careant, distant tamen hoc, quod
Servulus et miles seu regis filius ; atqui
Principium timidus, cupidus habet incrementum,
Virtutis totam summam sincerus amator.
At si proficiat timor in spem, spes in amorem,
De sermo miles venit et de milite proles.
Probra cavet, vel flagra pavens, vel præmia cap-
[tans,
Vel virtutis amans ; distant, ut calo, satelles,
Rex ; duo proficiunt, status est tibi, tertie, sum-
[mus.]

XV.

FULBERTUS DE SEIPSO.

Mi factor, mea vita, salus, fiducia sola,
D Da mihi consilium et votum viresque sequendi,
Ambiguus quid agam, quo tandem fine quiescam :
Nam vereor temere suscepto pontificatu
Servandis ovibus, mage quam prodesse, nocere ;
Atque ideo puto cedendum melioribus esse.
Sed recolens quod non opibus, neque sanguine
[fretus,
Conscendi cathedram, pauper de sorde levatus,
Arbitror hoc a te factum sicut tuus est mos,
Nec mutare locum, nisi significaris, ausim.
Quamvis illæ sæ moneat mens conscia vitæ,
Tu scis, sancte Pater, quid sit tibi gratius horum,
Utiliusque mihi : precor inde tuam pietatem,
Ut mihi digneris hoc inspirare labenti,
Consilium, præsensque juves ad perficiendum.

XVI.

IDEM DE SEIPSO.

Te de pauperibus natum suscepit alendum
 Christus, et immeritum sic enutrivit et auxit,
 Ut collata tibi miretur munera mundus,
 Nam puero faciles providit adesse magistros,
 Et juvenem perduxit ad hoc, ut episcopus esses.
 Reges, pontifices, populi, te magnificabant,
 Servum consentes prudentem satque fidelem
 Esse pii Domini, sed, pro pudor! ipse nefende,
 Prudens nec fidus fueras, ut res manifestat;
 Nam contra memorare pudet quam nequiter ipsum
 Læseris, et sanctos ejus tua prava tuentes;
 Quæ vix ulla satis possunt tormenta piare.
 Præstolatur adhuc Dominus tamen ille benignus
 Et te vivere perpetitur, si forte reciscent,
 Segnitiam zelo perimas, meritoque reatum.
 Virtus est, Domino parendi firma voluntas,
 Virtus est, medium retinendi accepta voluntas.

XVII.

DE SIGNIS, ET MENSIBUS, ET DIEBUS, ET MORIS, COMPEN-
DIUM COMPUTI.

Annum sol duodena means per signa rotundat,
 Cunctaque ter denis percurrit signa diebus,
 Atque decem horis, et dimidium faciuntque
 Partes hæ duodenario si multiplicentur,
 Tercentum sexagenos, et quinque dies, et
 Sex horas, quas quadrantem liquet esse diei.
 Hoc igitur numero proprium sol perficit annum.
 Sed quia planius est toto quam parte diei,
 Annum metiri voluit chorus astrologorum,
 Tercentum sexagenis et quinque diebus:
 Claudi tres annos, quarto superaddit unum,
 Qui de quatuor annorum quadrantibus exit.
 Hunc bissextilem dixerunt propter hoc annum,
 His quando sexto Martis notat ante Kalendas,
 Annos præteritos supplens, redimensque futuros,
 Per menses anni soles ita distribuerunt:
 Janus et Augustus Jaculoque December acutus,
 Fert quarto nonas, nono decimoque Kalendas:
 Post Idus soles triginta scilicet unum,
 Mars, Maius, Julius, libripens, October et æquus:
 Sexto nonas septeno decimoque Kalendas:
 Post Idus soles triginta, rursus et unum,
 Junius, Aprilem, post Septembremque November, D
 Quarto nonos octavo decimoque Kalendas,
 Post Idus soles triginta, Februus autem,
 Fert quarto nonas, sexto decimoque Kalendas,
 Post Idus soles viginti pauper et octo
 Sed per bissextum gaudet sibi crescere nonum.
 Annumerat proprias mensis sibi quisque Kalendas,
 Nullus et octavo mensis non computet Idus.
 Mensis habet numerum normalem quisque nota-
 [tum.
 Annus habet concurrentes qui convenientes
 Donant scire dies, qui menses rite Kalendant;

(55) Mars v. — April. i. — Mai. iii. — Jun. vi. —
 Jul. i. — Aug. iv. — Sept. vii. — Oct. ii. — Nov. v.
 — Dec. vii. — Jan. iii. — Feb. vi.

A Hi sunt normales numeri qui mensibus hærent,
 Quinque placent Marti, nec displicet unus Aprili,
 Maius habet ternos, duplicat sibi Junius ipsos,
 Unus item Julio, tibi sunt, Auguste, quaterni;
 September septem binis October agit rem,
 Quinque November abhinc, repetens septemque
 [December,

Nec cupiunt Jano tres nec sex tollere Febro (55).
 Huic alter numerus concurrat ad inveniendum,
 Qua sibi quisque die mensis velit esse Kalendas
 Septem lineonis ipsum tibi cerne notatum (56).
 Harum Septem lineolarum quælibet una
 Spectatur numeri summam gestare quaternas,
 Et sic viginti summæ numerantur et octo
 Divisæ totidem certa ratione per annos,
 B Hæ quoque summæ solares vocitantur epactæ,
 Hi concurrentes numeri versantur in annis
 Unus bissexto, duo non, neque tres, neque qua-
 [dri,

Sex sunt bissexto, non vos septem une gemelli
 Quadri ad bissextum, quini sex, septem alior-
 [sum,
 Senni ad bissextum, tres quadri, quinque seorsum,
 Septem bissextant, quatuor, duo tresque recu-
 [sant,
 Quini bissextant, sed septem unusque rejectant,
 Tres bissextant quadris quinis nunc jungito senis.

XVIII.

DE PHILOMELA.

Aurea personet lyra clara modulamina,
 C Simplex chorda sit extensa voce quindenaria,
 Primum sonum nunc reddat lege Hypodorica,
 Philomelæ demus laudes in voce organica,
 Dulce melos decantantes sicut docet musica,
 Sine oujus arte vera nulla valent cantica.
 Cum telluris vere novo producuntur germina,
 Nemorosa circum circa frondescent et brachia,
 Flagrat odor cum suavis florida per gramina
 Hilarescit philomela dulcis sonus conscia,
 Et extendens modulando gutturis spiramina,
 Reddit veris et æstivi temporis præconia:
 Instat nocti et diei voce sub dulcisona.
 Soporatis dans quietem cantus per discrimina,
 Necnon pulchra viatori laboris solatia,
 Vocis ejus pulchritudo clarior quam cythara.
 Vincitur omnis cantitando volucrum catervula.
 D Implet silvas atque cuncta modulis arbustula,
 Gloriosa valde facta veris præ lætitia,
 Volitando scandit alta arborum cacumina,
 Ac festiva satis gliscit sibilare carmina.
 Cedit anceps ad frondosa resonans umbracula,
 Cedit olor, et suavis ipsius melodia,
 Cedit tibi timpanistra et sonora tibia:
 Quamvis enim videaris corpore permodica,
 Tamen cuncti capiuntur tua melodia.
 Nemo dedit voci tuæ hæc dulcia carmina,
 Nisi solus Rex cœlestis qui gubernat omnia.

(56) B. i, ii, iii, iv. — B. vi, vii, i, ii. — B. iv, v,
 vi, vii. — B. ii, iii, iii, v. — B. vii, i, ii, iii. — B.
 v, vi, vii, i. — B. iii, iv, v, vi.

XIX.

DE SANCTO CARAUNO.

Carus abunde Caraune nites
 Idque vocamine significas,
 Lyricos ideo tibi versiculos canimus hilares,
 Et amore pio tu, pie martyr,
 Posce nobis veniam.
 Roma, superbia suis titulis, hunc genitoribus
 Eximium tulit ingenii validi puerum,
 Animo facilem, specie nitidum,
 Tu quoque, martyr, posce nobis veniam.
 Prandia lauta modum turbant plerumque dictæ;
 Indulges stomacho, mentem male crapula vexat:
 Si parcas epulis, sequitur detractio vel laus.
 Ut medium teneas labor est, et valde cavendum,
 Ne tibi tristitiam pariat, sicut suus est mos.
 Si possis igitur, prorsus hæc prandia vita,
 At si non liceat, hilaris cautusque recumbe,
 Et liba cuncta parum, tua quæ tibi regula dietat;
 Nec summam nimiam conjectent multa minuta.

XX.

HYMNUS.

Sanctum simpliciter Patrem cole,
 Pauperum caterva,
 Quantumque nosti laudibus honora;
 Ad normam redigit qui subdita
 Sæcla pravitati,
 Potens novandi, sicut et creandi,
 Et gratiæ damnati, longi tibi
 Subvenit laboris,
 Operem ferendo pacis et quietis.
 Jam proceres legum rationibus
 Ante desueti
 Quæ recte discunt, strenue capessunt,
 Prædo manum cohibet, furcæ memor,
 Et latrone coram,
 Inermis alter præcinit viator,
 Dente saturnali restringitur
 Evagata vitis,
 Cultuque tellus senta Mansuescit.
 Gaudet lancea falx, gaudet spatha
 Devenire vomer;
 Pax ditat imos, pauperat superbos,
 Salve, summe Pater, fer et omnibus
 Integram salutem,
 Quicumque pacis diligunt quietem,
 Et qui bella volunt, hos contere
 Dextera potenti,
 Prudens gehennæ filios maligni.

XXI.

CASTITATIS GRADUS.

Sex gradibus consummatur perfectio casta:
 Primum dum vigilas fluxum nescire petuculum;
 Quem sequitur, lasciva diu non volvere corde;
 Tum ne vel leviter speciem cernendo cupiscas;
 Quartus erit nec simpliciter genitale moveri,

A Quintus ob auditum veneris nil mente vagari;
 Ultimus, in somnis nullo phantasmate ludi:
 Hoc sibi nemo rapit, sed Christi gratia præstat;
 Est servanda tamen diuturna medela diætæ,
 Libra cibi solidi, simplex hemina falerni;
 Præterea labor, excubiæ, rogatio creba,
 Ne caro languentem necet incrassata pudorem.
 Castus agit, quem nulla libido movet vigilantem,
 Nec violare potest sopitum illusio fedæ.

XXII.

PRECATIO AD DEUM.

Tu qui de nihilo mundum finxisse probaris
 (Nam tibi materies nulla coæva fuit),
 Et nutu facili, noto tibi tempore, solves;
 B Tam diuturne dehinc, quam prius exstiteras.
 Quantulus hic noster modus est, quo sæcula volvi
 Cum vitiisque jubes, strenua bella geri.
 Regem militibus propriis te semper adesse,
 Ad bene certandum, nos vegetando proba.

XXIII.

PRECES ALIÆ.

Kyrie, Rex genitor ingenite, vera essentia, eleison.
 Kyrie, luminis fons et rerum conditor, eleison.
 Kyrie, qui nos tuæ imaginis signasti specie, eleison.
 Kyrie, qui perfecta es sapientia, eleison.
 Kyrie, lux oriens, per quem sunt omnia, eleison.
 C Kyrie, Dei forma humanæ particeps, eleison.
 Kyrie, Spiritus, vivificæ vitæ vis, eleison.
 Kyrie, utriusque vita, in quo cuncta sunt, eleison.
 Kyrie, expurgator scelerum, largitor gratiæ; propter nostras offensas noli nos relinquere, o consolator dolentis animæ, eleison.

XXIV.

HYMNUS.

Nuntium vobis fero de supernis,
 Natus est Christus, dominator orbis,
 In Bethleem Judæ, sic enim propheta
 Dixerat ante.
 Hunc canit lætus chorus angelorum,
 Stella declarat, veniunt Eoi
 D Principes, dignum celebrare cultum.
 Mystica dona,
 Thus Deo, myrrham tribuunt sepulchro,
 Auream regi speciem decenti;
 Deum colunt unum, meminere trino
 Tres dare terna.
 Gloriam trinæ monadi canamus,
 Cum Deo divæ Genitore Proli,
 Flamini nec non ab utroque fuso
 Corde fideli.

XXV.

LEGENDA.

In Vitis Patrum veterum quiddam legi jucundum,
 Exemplo tamen habile, quod vobis dico rhythmice;

Joannes abbas, parvulus statura, non virtutibus, A
 Ita majori socio, qui cum erat in eremo,
 « Volo, dicebat, vivere sicut angelus secure,
 Ne veste nec cibo frui qui laboretur manibus. »
 Respondit frater : « Moneo, ne sis incepti properus,
 Quod tibi postmodum sit non cepisse satius. »
 At ille : « Qui non dimicat, non cadit neque supe-
 [rat.]»

Et nudus eremum interiorem penetrat.
 Septem dies gramineo vix ibi durat pabulo,
 Octava fames imperat ut ad sodalem redeat,
 Qui sero clausa janua, tutus sede, in cellula.
 Cum minor voce debili appellat : « Frater, aperi, B
 Joannes, opis indigus, notis assistit foribus ;
 Ne spernat tua pietas, quem redigit necessitas. »
 Respondet ille deintus : « Joannes factus est angelus.
 Miratur cœli cardines, ultra non curat homines. »
 Foris Joannes excubat, malamque noctem tolerat,
 Et præter voluntariam hanc agit pœnitentiam. 5
 Facto mane recipitur satisque verbis uritur,
 Sic intentus ad crustela fert patienter omnia.
 Refocillatus Domino grates agit ac socio ;
 Dehinc rastellum brachiis tentat movere languidis,
 Castigatus angustia de levitate nimia,
 Cum angelus non potuit, vir bonus esse didicit. C 10

XXVI.

HYMNUS.

Organum mentis tibi, quæso nostræ,
 Temperans plectro moderare linguæ,
 Cujus ad laudem cupide movemur,
 Spiritus alme.
 Tu Dei Patris Genitique pura
 Charitas, qua se pariter benigne
 Confovant, et quæ bona audit auctor, 5
 Esse creata.
 Tu fidem spiras, sacra jura dictas.
 Gratix largus, venia reperta,
 Victor errorum, probæ veritatis

Testificator.
 Cum venis, culpam lacrymæ sequaces
 Diluunt ; vitæ recalescit ignis,
 Atque compuncti cremat ara cordis
 Thus pietatis.
 Gloriam trinæ monadi canamus,
 Cum Deo divæ Genitore Proli ;
 Flamini, nec non ab utroque fuso
 Corde fideli.

XXVII.

HYMNUS PASCHALIS (57).

(DANIEL, *Thesaurus hymnologicus*, I, 221.)

Chorus novæ Hierusalem
 Novam meli dulcedinem
 Promat, colens cum sobriis
 Paschale festum gaudiis.
 5 Quo Christus, invictus leo
 Dracone surgens obruto, -
 Dum voce viva personat
 A morte functos excitat.
 Quam devorarat improbus
 Prædam refudit tartarus,
 Captivitate libera
 Jesum sequuntur agmina.
 Triumphat ille splendide
 Et dignus amplitudine,
 15 Soli polique patriam
 Unum facit rempublicam.
 Ipsum canendo supplices
 Regem precemur milites,
 Ut in suo clarissimo
 20 Nos ordinet palatio.
 Per sæcla metæ nescia
 D Patri supremo gloria,
 Honorque sit cum Filio
 Et spiritu paraclito.

(57) Rarus in breviariis vetustis tempore paschali. — 2. Cass. nova meli dulcedine. Beb. mellis. Hil.: melum (μέλι) dicitur a mel, quia sicut mel fit ex diversis generibus rerum, ita melum fit ex diversis notulis novum, unde Psalmista: Cantate, Domino canticum novum. — 5. Cf. Apoc. v, Hil.: Fisiologus narrat leonem rugitu suo resuscitare catulum post striduum; ita Pater Filium. — 7. Joan. v, 28. Hil. Wimpf. personet. — 8-12, Corn.: Fingitur tartarus hominem tanquam prædam

absortam remove (Apo. xx, 13) et fingitur Ch. incidere triumphator et magnam turbam ex servitute liberatorum secum trahere. Dicit poeta patres in limbo. Hil. legendo sequamur ad omnes pertinere facit Christianos. 14. Lud. præcelsus amp. — 16. Cass. Hil e. a. fecit. — 17-20. Desunt apud Ludicum 21-24, apud Fabricium. — 20. — ordinare, vox militaris. — 21. Sb. Hil. mente nescia quæ (ita Hil. humana possibilitate sunt incomprehensibilia.

SANCTI FULBERTI

VERSUS

DE UNCIA ET PARTIBUS EJUS ET DE SCRUPULO.

(Edidit Carolus de Villiers, theologus Parisiensis, in notis ad epist. 113 Fulberti, Biblioth. PP. tom. XVIII, pag. 55.)

De uncia et partibus.

Uncia viginti scirpulos et quatuor ambit;
Dimidium stater ac semiuncia dicitur ejus;
Terna duæ seclæ pars est eademque duella;
Quarta siclus vel sicilicus vel denique sicut;
Sextula sexta modo solet et modo secla vocari;
Octavam appellant dragmam....

De scirpulo et partibus ejus

Unus item scirpus calcis componitur octo,
Dimidium scirpuli est obul, pars quarta cerates;
Hinc sextam fingi placuit sextamque vocari:
Ultimus est calculus, ciceris duo granula pensans.

PROCLAMATIO

ANTEQUAM DICANT PAX DOMINI

Composita a domino FULBERTO pro adversariis Ecclesiæ.

(Dunod, *Histoire de Besançon I, Preuves*, p. VIII.)

In spiritu humilitatis et in animo contrito ante sanctum altare tuum et sacratissimum corpus et sanguinem tuum, Domine Jesu, Redemptor mundi, accedimus, et de peccatis nostris, pro quibus juste affligimur, culpabiles coram te nos reddimus. Ad te, Domine Jesu, venimus, ad te prostrati clamamus, quia iniqui et superbi, suisque viribus confisi, undique super nos insurgunt. *Terras Sancti Joannis et Sancti Stephani invadunt, deprædantur et vastant.* Pauperes tuos cultores earum in dolore et fame atque nuditate vivere faciunt. Tormentis etiam et gladiis occidunt: nostras etiam res unde vivere debemus in tuo sancto servitio, et quas beatæ animæ huic loco pro salute sua reliquerunt, diripiunt, nobis etiam violenter auferunt. Ecclesia tua hæc, Domine, quam priscis temporibus fundasti, et in honore sanctorum Joannis apostoli et Stephani protomartyris tui sublimasti, sedet in tristitia, nec est qui consoletur eam et liberet, nisi tu, Deus noster. Exsurge, Domine Jesu, in adjutorium nostrum, conforta nos et auxiliare nobis. Expugna impugnantes nos. Frange etiam superbiam illorum qui hunc locum et nos affligunt, et affligere cupiunt. Tu scis, Domine, qui sunt illi, et nomina eorum; corpora et corda, antequam nascerentur, tibi sunt cognita. Quapropter eos, Domine, sicut scis, justifica in virtute tua; fac eos recognoscere, prout tibi placet, sua malefacta, et libera nos in misericordia tua. Ne despicias nos, Domine, clamantes ad te, sed propter gloriam nominis tui et misericordiam visita nos in pace, et erue nos a præsentis angustia.

SANCTI FULBERTI

DIPLOMATA.

I.

PRO MONACHIS MAJORIS MONASTERII TURONENSIS.

(BALUZ. *Conc. Gal. Narbon.* Append. p. 77.)

In nomine sanctæ et individuæ Trinitatis. FULBER-

TUS, non quidem meis meritis, sed gratia præveniente Redemptoris, Carnotensis episcopus.

« Notum fieri volumus omnibus confratribus nostris presbyteris, diaconibus, seu cunctis utrius-

que ordinis, clericorum scilicet et monachorum, tam præsentibus quam futuris per ventura tempora succedentibus, qualiter monachi Sancti Martini Majoris Monasterii nostram adierunt præsentiam humiliter deprecantes ut ob amorem Dei omnipotentis et sanctæ Mariæ Dei genitricis simulque jam dicti confessoris Martini, quamdam ecclesiam Navoil nomine ad altare sanctæ ac beatissimæ Virginis Mariæ pertinentem, eis emere emptamque possidere in perpetuum concederemus. Quod ita facimus, Hilgodio milite, cui de nostro beneficio pertinere videtur, assensum præbente. Coemunt ergo eam et minimo pretio in posterum sibi vindicant ab Roberto quodam vassallo, et a duobus filiis ejus Arnulfo et Notberto, et matre eorum; qui eandem ecclesiam de Walverio filio Gaucelini tenent, sub cujus jussu et assensu Sancti Martini monachis venali conditione de reliquo habendam concedunt. Habent itaque..... et tenent, et absque ulla inquietudine alicujus episcopi seu alicujus hominis ab hodierna die et deinceps monachi Deo et sancto Martino inibi famulantes præfatam ecclesiam et quidquid ad eam pertinere videtur, secure tenant atque possideant. Consistit autem hæc ecclesia in pago Vindocinensi haud longe ab ipso castro seposita. Nomina vero testium qui ad hoc audiendum producti fuerunt inferius adnotata continentur: Theodericus capicerius, Sigo præcentor, Hildegarius Pupilla, Giroinus, Rainaldus vicedominus, Girardus Bodellus, Gauslinus. »

II.

De Jeranivillare per precariam dato Gradulfo militi, et de Palisiaco in recompensatione ab eo dato.

Ante annum 1024.

[GUERARD, *Documents inédits sur l'hist. de France*, tom. I, pag. 99, du Cartulaire de l'abbaye de Saint-Père de Chartres.]

« In nomine sanctæ et individue Trinitatis, Patris videlicet, et Filii, et Spiritus sancti, FULBERTUS, Gratia Dei Carnotensium episcopus, et abbas Sancti Petri monasterii MAGENARDUS, et congregatio fratrum.

« Notum esse volumus sanctæ Dei Ecclesiæ fidelibus universis, præsentibus atque futuris, qualiter ante nostram præsentiam veniens miles quidam, nomine Gradulfus, humiliter expetivit ut de quadam terra nostri prædicti monasterii precariam sibi faceremus, et ipse, pro recompensatione, quemdam

alodum suum delegaret nostris usibus, ea videlicet ratione ut quandiu viverent ipse et uxor ejus, nomine Oda, in cujus dote est prædictus alodus, utrumque tenerent; post decessum vero eorum, utrumque fratribus remaneret. Cujus petitionibus libenter acquievimus, per assensum Odonis comitis, in cujus comitatu sunt utraque terræ de quibus est sermo. Nostra siquidem terra, quam per precariam poscit habere, in Carnotensi comitatu posita, vocatur Jeranivillare, et ille alodus quem recompensat, in Droca sensu (*B.*, Dorcasini) comitatu super flumen Blesis, positus nominatur Palisiacus. Nostram itaque terram Jeranivillare eo tenore Gradulfo supra nominato per precariam concedimus, ut quandiu ipse advixerit, et prædicta ejus

Oda uxor, utrumque teneant; post decessum vero eorum, et terra quam damus, et alodus jam nominatus, quieti et solida ad usus fratrum perveniant. Placuit iterum ut hæc nostra conventio in duabus chartis scriberetur, quarum unam prædictus miles haberet, altera vero nobiscum remaneret. Et ut hæc notitia permaneat firma, nostra nomina assignavimus et comitis Odonis, eorumque qui huic negotio maxime interfuerunt nomina subnotavimus: S. Fulberti episcopi.

S. Odinis comitis.

S. Magenardi abbatis.

S. Durandi decani.

S. Arnulfi.

S. Marcuini.

C S. Richerii.

S. Beringerii.

S. Wadrici.

S. Letaldi.

S. Christophori.

S. Gauzberti.

S. Guinefredi.

S. Otberti.

S. Huberti.

S. Huberti.

S. Rodberti, et cæterorum. »

Post mortem quidem Gradulfi et uxoris ejus Odæ, de supradictis terris multa mala perpessi sunt monachi a parentibus prædictorum, dicentibus jure sibi competere quod parentes eorum ante se visi sunt tenere. Unde monachi, infinitam pecuniam dantes, tandem, Deo opitulante, in suis usibus retorserunt.

VITA SANCTI AUBERTI

CAMERACENSIS EPISCOPI,

AUCTORE, UT VIDETUR, SANCTO FULBERTO.

(Apud Surium, 13 Dec.)

PROLOGUS.

Multos sæcularium gloriæ temporalis spes vana sæpe delusit, quos immoderatus laudis appetitus ad subeundos labores et toleranda pericula accendit,

arbitrantes se vivere post mortem, si sui nominis memoriam in posteros usque dilatarent, dum per triumphales corruptibilis pompæ titulos fabula eos inanis recitaret. Qua rerum specie quidam philoso-

phorum inaniter excitati, popularis auræ gratiam A captantes, dum se infirmos tolerandis laboribus sentirent, non simili labore, sed consorti errore, ad scribenda gesta sæcularium virorum se studio accinxere; qui, dum vitam aliam nesciebant, hoc sibi ad quemdam quasi fructum beatitudinis proficere aestimabant, si scribendi occasione, ingenia suæ solertiæ in memoriam posteris reliquissent. Sed lectorem meum super his obsecro quid alter alteri, quid sibi uterque præstitit talibus studiis? Quid enim Dardanus ductor aut Rutulus ferox suo Maroni, aut iste contulit illi, cum corpora vermibus, animas dedere sævis ignibus? Digno plane, sed flenda, errorum suorum remuneratio! Nihil ad veram beatitudinem hæc eorum intentio aspirabat quos constat suorum fructum laborum quæ- B sisse in rebus, quibus nulla sibi oriretur causa salutis, nec profuturi essent ad memoriam posteritatis. Sed quia scriptum est: In memoria æterna erunt iusti (*Psal. cxi*), licet eis nostra fragilis memoria non sufficiat ad propriam gloriam quorum nomina in libro vitæ sunt scripta, tamen dignum valde est et summe utile eorum ad laudem Domini imitanda gesta recolere quorum vita sanctitatis profutura est ad ædificationem legentibus, et ad æmulationem virtutum audientibus. Igitur non fretus solertis ope ingenii, sed Spiritus sancti gratia fidens me posse juravi, pauca quidem e multis scribere proposui quæ per beatum Autbertum superna gratia ad laudem sui et ostensionem fidelis C sui confessoris dignata est operari. Quæ etiam probatissimorum virorum relatione didici, aut sparsim in sacris chartulis scripta reperi, ut habeat sanctum ejus collegium ad laudem Conditoris quo se die solemnè in divinis cultibus exercent, et ad æmulationem sancti operis quo proficiat. Qua in re lectorem meum obsecro ut, si fortasse incultus sermo peritas aures perculerit, disceat imperitiæ veniam dare, cum sciam in humanis partibus nihil perfectum esse; nec tantum periclitetur apud eam audacia scribentis quantum valeat dignitas imperantis. Id vero lector a nobis curiosus requirere non debet ut beati viri gesta continendi ordi- D diæ scribantur, videlicet quibus oriundus natalibus, quibus initiis sancta infantia, quibus adolescentia miraculis claruit, dum intelligat miraculorum ejus summam et magnam partem a nostra notitia latere. Quod certe dubium est utrum id scriptorum ignaviæ debeat imputari an justo Dei judicio ascribi, qui *stellas claudit quasi sub signaculo* (*Job ix*), dum, videlicet exigentibus peccatis malorum, vita absconditur bonorum.

I. Igitur humanæ perditionis sortem miseratus Deus et Dominus noster Jesus Christus, peractis paternæ dispositionis sacramentis, et ad cælum rediturus novamque victricis carnis gloriam paternis vultibus præsentaturus, novos nascentis Ecclesiæ cultores, quibus gregis novelli cura mandaretur, elegit. Qui, lumine fidei irradiati, Spiritus sancti munere ditati, mundum ignorantis tenebris

caligantem veritatis lumine illustrarent, et virulenta antiqui seductoris semina de agro Ecclesiæ constantè resecent. Hujus Dominicæ institutionis exsecutores primi discipuli, deinde successores eorum, sancti videlicet doctores exstiterunt quos in fine senescentis mundi ad excolendas mentes fidelium providentia divina præordinavit. Qui spiritualium talenta donorum a summo Patrefamilias accipientes et, prædicandi negotio, ad usuram animarum expendentes, tanto impensius amplificare studuerunt quanto certiores erant de remuneratione Largitoris, et evangelica sententia conterriti de damnatione torpentis servi. De quorum numero sanctus vir, dominus Autbertus et sacerdos Christi probatissimus, refulsit, temporibus Dagoberti regis Francorum inclyti. Qui, ab ipsis sacræ pueritiæ annis, superna gratia aspiratus annosos viros sanctis præbat moribus. Litteralibus denique studiis traditus et ecclesiasticis sanctionibus deoenter informatus, per gradus singulos proficiens, succedentibus virtutum incrementis, provecus est ad culmen sacerdotalis honoris. Ex gente itaque sorte mortalis naturæ contigit Albertum Cameracensis sedis episcopum, deposito carnis onere, de hoc mundo transiisse. Divina igitur operatione cuncta salubriter disponente, Autbertus vir conspicuus et successor emeritus, proficiens de virtute in virtutem, ejusdem sedis pontificalem sortitus est dignitatem. Porro humanæ salutis Auctor, precius antiquam hostem tanto ardentius gregem Dominicum insecuturum quanto vicinius, instante fine sæculi, soiret nihil superesse quod ad tentandum artibus suis ulterius potuisset, adversus tyrannidis ejus imperium validum defensionis nobis paravit ob- tacleum, dans nobis Autbertum, videlicet gregis sui pastorem vigilantissimum et custodem animarum fidissimum.

II. Constitutus autem in sede pontificali, qualis quantusque in ea vixerit, non est nostræ possibilitatis evolvere. Altius enim eminent quam ullo sermone includi valeat. Animalis enim homo percipi non potest quantus hic fuerit in oculis summi Creatoris, cui nihil erat commune cum amatoribus mundi, præter quod curæ pastorali necessitudine videbatur arctari; quam si inoffense declinare potuisset, vera fides est quia eremum potius quam monasterium delegisset. Frequentabatur igitur a populis, ex vicinis et procul remotis urbibus catervatim ad eum confluentibus. Qui, eximie conversationis fama excitati, videre eum anxie sitiebant. Jam vero, nisi sexus alternus impediatur, eum personæ dignitati faveat, videas reginam Austri requirere sapientiam Salomonis, regem videlicet festinantem ad consulta pontificis. Nam Dagobertus, qui tunc temporis inter Francigenas regni monarchiam regebat, celeberrimæ opinionis nuntius semel excitatus, deposito fastu regalis excellentiæ, crebro ad eum veniebat et, licet terreni regni imperio sublimatus, cupiebat tamen de cælesti acquisitione a viro Dei ædificari. Qui cum eo de temporalis regni sollicitudine, de futuri sæculi

beatitudine, de iudicii metu, de spe æternitatis familiariter colloquio præmoneret, ille cum viventer audiebat et audito eo multa faciebat; non, ut incestus Herodes videbatur audiisse Joannem arguentem, sed Ezechias fidelis Isaiam consolantem. Verum æstimati non potest quanto regis animus resultabat gaudio quod tanti viri hospitio recipi, benedictione foveri, colloctione meruisset ædificari. Igitur ne ingratus tantis beneficiis videretur, æstuabat animo quonam modo uberius sancti viri gratiam sibi conciliaret. Tandem a quodam familiari ejus audivit hoc nullo alio pacto facilius se posse promereri quam si res ecclesiæ Beatæ Mariæ, cui ipse Pater venerabilis, Deo auctore, deseruisset, de suo jure augendas curaret: nihil enim in rebus transitoriis episcopo placere præter quod expenderetur in usus ecclesiæ. Tunc rex, ut erat hilaris dator, fratribus qui in oratorio Beatæ Mariæ famulabantur unum regalis munificentiae fiscum donavit ad subsidia temporalia fratrum, cui Oveng antiquitas nomen imposuerat.

III. Sed nos dum regis mansuetudinem extollendo prædicamus, in viro Dei quanta fuerit humilitatis constantia non tam æstimare quilibet potest quam admirari; qui, inter tanta regis sedulitatis, nullo vanitatis tentamine supplantari potuit. Quod vitium in multis nimium experti sumus, quos ad unius homunculi salutationem aut simulatricem adulationem videas facile jactantiae spiritu inflari. Qui si aliqua figura vel falsa hominum æstimatione egisse dicerentur, procul dubio se prophetas æstimarent, cum dona non accepissent. Sed nullo impulsu jactantiae ab arce humilitatis vir justus deijci poterat, cui etiam ipsa pontificalis honoris sublimitas, quæ plerisque pompæ fomenta ministrare solet, plus abjectionis materiam præstabat. Quin etiam cum aliquando, ex occasione cujusdam miraculi, clamor populi excitaretur, ille altiori consilio vulgi admiratione compescere nitebatur, opus illud dicens non suæ fuisse fidei, sed divinæ virtutis, pie secum reputans meliorum esse infirmitatis conscientiam virtutum vanitate, ut cum Apostolo videbatur dicere: *Libenter gloriabor in infirmitatibus meis, ut inhabitet in me virtus Christi (I Cor. xii).*

IV. Unde nisi hodierna Patris nostri solemnitas in laudibus Regis superni nos attentius astringi commoneret, eos, nimirum quos adversus sanctum virum requirentes signa scandalizari audivimus, oportuerat evangelicæ severitatis verbere contundi, quæ dicit: *Generatio mala et adultera signum quærit (Matth. xii)*, ut Pharisæi livoris vitio ad purum excocto, fidei evangelicæ verba pensarent; quæ, ipse auctor signorum, dixit: *Qui in me credit, opera quæ ego facio et ipse faciet, et majora horum faciet (Joan. xiv)*. Ut, videlicet cessantibus exterioribus miraculis quibus olim carnales oculi et infirmi auditores indigebant, jam tandem discerunt vitam, et non signa pensare; quæ longe melius proficit ad æmulationem virtutum quam ostensio corporalium miraculorum. Visibilibus enim audientium corda olim

A ad invisibilium finem pertrahebant, dum, per hoc quod mirum foris agebatur, hoc quod intus operabatur sentiretur, Nunc autem vita, et non signa quærenda sunt, quia operante Deo numerositas fidelium excrevit. Sed ne forte quilibet hoc beatum Authbertum indigere arbitretur ut, ad excusandam signorum inopiam, nos de vita potius quam de miraculis loquamur, certe præter illa quæ, ut jactantiam vitaret, occultavit, neque in hominum notitiam passus est pervenire. Multa quidem sunt quæ hominibus innotuere, neque enim celari potuerunt; ex quibus æstimari potest quanta illa fuerint quæ, teste nullo, solus exercuit. Verum enim vero cum Scriptura dicat: *Gloria patris et filius sapiens (Prov. x)*, ea fidelibus B auditoribus sufficere poterant de viro Dei ad insignem virtutis, quæ per imitatores suos egisse videtur, quia hoc ab ipso sibi acceperunt quod signis et miraculis enituerunt, quod mundi gloriam calcantes, et carnis illecebras declinantes, spretis rerum possessionibus, soli Conditori toto corde adhæserunt.

V. Sed quia signum de cælo quærentes a Domino, signum Jonæ audierunt; qui tamen signum Jonæ a mortuis resurgentis non crediderunt per revocatum hominem quasi de ventre ceti infernalis, pensanda sunt merita beati pontificis. Erat namque in ecclesia Beatæ Mariæ, quæ intra muros Cameracæ sedis est constructa, puer quidam, nobilis prosapiæ, in villa ortus quæ ab incolis Vallis nomen accepit, vocabulo Landelinus, quem parentes, fonte baptismatis innovandum et ob suam salutem animum disciplinis sacris imbuendum, beato Autherto tradiderunt. Qui, licet adhuc teneræ ætatis infirmitate detentus, prætendebat moribus quædam signa futuræ sanctitatis. Quamobrem antiquus humani generis inimicus, qui ab initio bonis actibus resistere contendit, invidiæ facibus accensus contra hunc in tentatione se rexit, quatenus et beato viro laboris sui fructum adimeret et puerum mortis vulnere sauciaret. Futurum enim metuebat ne per conversationis ejus exempla multi olim excitarentur ad normam justis operis exsequendam. Sed unde hostis impurus D adversum beatum Authbertum suæ malitiæ ausum excitavit, inde et victoriæ occasionem invitum ministravit. Nam quia sub districta providi magistri censura puer adhuc modicus agebatur, ex quo nulla sibi insolentiæ patebat occasio, frustratam sibi malignus spiritus erubescere victoriam. Ut autem in virilis animi robor adolescens evasit, quæ ætas liberior ad quæque audendum semper videtur, continuo hostis improbus se totis viribus ad rebellionis artes præparavit. Cœpit subdola tentatione juvenis animum pulsare, cogitationesque varias et illicitas ingerere, nunc quidem immittens ei memoriam terreni patrimonii, generis nobilitatem, familiæ numerosam dignitatem, rerum gloriam, et reliqua vitæ lascivioris blandimenta. Verum quidam cognati contubernales illius, qui cum puriore gratia dilectionis amare videban-

tur, dum se juveni consulere putabant, perniciosus cum male persuasionis ictibus impugnabant. Qui et ipsi, eodem spiritu agitati, referebant egregiam juventutis formam indignum esse ecclesiasticis cultibus occupari; debere potius virtutem veterum imitari parentum qui militiæ sæcularis artibus magnam rerum gloriam acquisierunt; illam autem monasterii regulam, intolerabilem, planam ad suscipiendum, arduam ad exsequendum, nemini expellendam nisi quem animus formidolosus, aut ætas debiliior, aut ad nullum decus fortitudinis apta, vincere inglorium cogit et ignotum. Verum, sicut solet fieri ut omnis sermo malus facile mentem audientis inficiat, cum assidua colloquia et diuturnus usus pestem animis infundere soleant, etiamsi morum tranquillitas sit, tamen, sicut stagnum mite, ventis exagitantibus, in æstum assurgit, ita bona natura improbis monitoribus fluctuat. Patet certe fallaciæ æstas juvenilis, et facile decipitur, cum fraudulentorum insidiis circumvenitur. Vix etiam restitit dolis ætas senilis, nam et semine prudentia plerumque versutis circumventa insidiis irritetur. Ergo si maturior usus sæpe labefactus, neque sibi prospicere potest, quid mirum si ætas immaturior sibi adesse non potuit, quæ tantis perurgebatur insidiis? Provida itaque Dei dispensatione permissum est ad tempus prævalere improbi seductoris malitiam, non tamen ad fructum (effectum finalis) socialis ruinæ, sed ut manifestarentur opera Dei et merita beati Autherti in illo. Sicque factum est ut hostis impurus non se ab incepto ante compesceret quam incautum juvenem sensim ad sententiam suam inflecteret.

VI. Qui malesuadæ dilectionis blandimentis mollior factus, concito ceu equus infrenus rectore contempto monasterium deseruit, et sæcularis militiæ armis intentus, postmodum se colligit totum ad studia rapinæ; et quos hujusmodi negotii voluntarios audivit, his tota familiaritate se inferiorem dedit, tanto pronior ad scelera quanto ei de impunitate sæcuritas, et potentis generis aspirabat auctoritas. Timens vero, ne de sollicitis parentibus requiri debuisset, neve indicio nominis inveniri potuisset, mutato nomine quo appellari consueverat, Maurosum se appellari jubet; sane non incongruum talibus studiis agnomen, qui candido ecclesiasticæ munditiæ habitu exspoliatus, furtivam Mauritanæ infidelitatis mentem latrocinandi studio induerat, et perditionis se latebris occultaverat. Qua rerum fama excitatus vir Dei alius quam dici possit ruina fratris ingemuit. Sed et de præsumptione adversarii pro indignationis motu infremuit. Quid tamen ageret? Itaque unum, quod illi semper familiare erat subsidium, adiit orationis remedium, multisque pro errantis juvenis salute precibus Dominum rogat, quatenus respectu gratuiæ pietatis animam captivam de laqueo inimici erueret, ne hostis immundus Domini gregis damno insultaret. Non autem inanis esse potuit sancti viri petitio, quia oculi Domini

PATROL. CXXI.

super justos, et aures ejus in preces eorum (Psal. xxxiii). Porro humanæ salutis amator competentem famuli sui causam prævidit, qua et piæ petitionis completeret effectum et sanctæ matri Ecclesiæ erroneum restitueret filium.

VII. Contigit quidem ut cujusdam divitis domum diripere cum suis complicitibus solito more pararet. Cumque jam incumbentibus tenebris nox tetra inhorresceret, qua illi nefarium opus perficere festinabant, pia Dei dispositione contigit unum ex supradictis furunculis morte deprehensum spiritum exhalasse, cujus animam corporeo carcere resolutam, peccatis exigentibus, diabolus secum ad infernalium claustra traxerat. Ad cujus exsequias dum inani religionis studio socii excubarent, et Maurosus, defuncti dolore vehementer afflictus, se ex lassitudine et tristitia paululum daret quieti, divina voluntate et suffragantibus meritis beati Autherti, datum est adolescenti videre quantis pœnis illa miserrima anima in infernos cruciabatur, quantis ultricis flammæ incendiis urebatur, ac si erranti juveni ex divina voluntate hoc daretur ad exemplum formidinis, ut videlicet ex hac consideratione colligeret quanta ei reatus sui pœna instaret quem ex consortio criminis similis culpa accusaret.

VIII. Consternatus vero tanto errore visionis juvenis, animo æstuabat quemadmodum tam districtæ animadversionis judicium subterfugere valeret; sed ex consideratione criminis oriebatur quasi diffidentia recuperationis. Tum vero in terram corruens, lacrymabilis querimonie se vocibus incusabat. Cui assistens angelus Domini: « Quidnam est, inquit, miserande juvenis? quid invocas, auras infructuosas flētibus fatigas? Quid illum importunis precibus inclamas quem offendere non timuisti? Hæcine est stola quam ab ipso regenerationis fonte indueras? Hæcine professionis fides quam, abrenunciato Satana cum suis operibus, te servaturum promiseras? Quid vultus supernos refugis quos habiturus eras concives, si Authertum audisses? Ecce quomodo Filius Dei factus est mancipium [diaboli]. Nunquid Maurosus signatus, Morosus unctus, Maurosus renatus? Landelinum in libro [nobiscum vite Authertus obtinuerat ascribi; Maurosum diabolus secum inserit chirographo perditionis. Scias vero quia non leviter apud districtum judicem actum est quod ad injuriam suam insolentias tuas tam æquanimiter hucusque portavit, quod fugitivus ejus aut manus hominum impuise fugerit, aut mortis laqueum declinare potuerit. Diu enim est, quod tanti pœnam incendii cruciandus subiturus eras, nisi intercessio beati Autherti advocati tui, iram ultricem judicis mitigasset. Tibi paratus ignis cruciatoris accenditur, sed Autherti lacrymis flammæ ejus exstinguuntur? Vel nunc expertus intellige quid potius eligas: cum tormento duci in barathrum Gehennæ, vel cum Autherto frui cœlesti mansione. Sed sera ista deliberatio fuisset, nisi Authertus prævenisset. Relinque igitur execranda consortia latro-

num, et Christi militiam assumens, ducem tuum A imitare Autbertum. Audi beatissimum præsulem, et recognosce tuum spiritualem Patrem, tuum protectorem, tuum ab æterno interitu redemptorem. Suscipe vero ab eo monita cœlestis doctrinæ, quibus emendatior factus merearis stolam quam perdideras recipere, ipso intercessore. His dictis, angelus, continuo disparuit. Nos vero quale quantumque æstimare possumus quod Autbertus, testibus angelis, virtutum gratia nitet, et apud homines debitæ venerationis officio caret! Porro sunt plena jucunditatis quod, adhuc in terra homo positus, inter angelicos cives meritis fulget; sed non sine dolore et formidine recolitur quod, supernis cœtibus conjunctus, inter homines negligentius digno cultu venerationis celebratur.

IX. Jam vero Landelinus angelicis affatibus paulisper recreatus, aed timens sibi subvenire tardius, relicto nefandæ societatis collegio, quanto citius civitatem petiit, et si ibi sanctus vir esset, a custodibus diligentius requisivit. Qui de præsentia beati viri certior factus, nihilque dissimulandum arbitratus, pœnitentia ductus, ad pedes sancti provolutus, culpam fatetur, errori veniam poseit. Tum vero viseres ex longinqua regione prodigum filium redeuntem, et patrem in oscula ruentem. Itaque vir sanctus, paterna pietate præstrictus, juvenem excepit, veniam promittens si mala præterita melioris vitæ conversione purgaret, nihil igitur diffidentem putaret se pro illo rationem redditurum; quidquid fuerat offensionis innocentie vice computandum, si tamen scelerata consortia penitus vitanda æstimasset. Paratum se juvenis ad omne satisfactionis genus fatetur utpote quem recentis adhuc visionis horror terruerat. At pius pater, votis ejus congaudens, suscepit eum pœnitentem, quem diu flevit a se recedentem, sinumque ei divina aperiens misericordie, reddidit eum sanctæ matri Ecclesie. Qui in tantum sub disciplina venerabilis Patrie vigiliis se et jejuniis præteritorum agens pœnitentiam constrinxit, ut inferni eum vidisse et pertinuisse tormenta, etiamsi lingua taceret, conversatio loqueretur. Itaque sub sæculari habitu in monasterio aliquantulum conversantem vir sanctus ad purum hortatur relinquere sæculi negotia, ut liberius meditaretur cœlestia. Paratumque videns ad omnia, abscedit ejus comam capitis, a quo depulerat maculas cordis. Adeptum denique hanc dignitatis gratiam, dum animadverteret in eo sanctitatis vigere virtutem, per singulos gradus promovit ad diaconatus officium! Ad quod sic apparuit aptus, ut liquido claresceret omnibus quod Dei gratia ad id electus esset. Paucis vero interpositis diebus cum magis ac magis semetipsum erigeret in Dei famulatum, beatus pontifex agens gratias Deo ad Presbyteratus culmen eum evexit.

X. Sublimatus autem in hujus apicem honoris, enarrari non potest quanto virtutum cubmine crevit. Jam vero magistri moribus informatus et exercitæ conversationis usu roboratus, conven-

tacula urbana fastidians se ad remotiora loca contulit in locis desertis secus fluenta Sambrae. Quo in loco solitudinis cum signis et miraculis et piæ conversationis studiis pollere videretur, multi illic ab eo ad servitium summi Conditoris sunt congregati. Ad evacuatam igitur prioris vitæ maculam. in locis quæ sibi ad refugium et receptaculum latronum paraverat, monasteria construxit, statuens ministros in executione ecclesiasticæ institutionis; et quos ante socios habuerat criminum, postmodum fecit cooperatores divinatorum mysteriorum. Quæ, si quis vitæ ejus seriè textumque conversationis diligentius inspexerit, facile inveniet, præsertim cum monasteriales habitationes quas ipse construxit, præsentibus potius appareant quam nostro sermone explicentur. Nam, ut de reliquis sileam quæ fortasse non benevolis auditoribus fastidio sint, apud Laubias exstruxit monasterium in honore B. Petri apostoli. Quod cernentibus quidem ad judicium egregii laboris sufficere potest; quod etiam regis ditavit muneribus, ac villarum [et] familiæ æque replevit copia. Cui quidquid priorum regum munificentia passim per Francorum acquisivit regna delegavit, ne fratrum congregatio ibidem serviens egeret his quæ monachis feruntur esse congrua. Quod in loco regendæ ecclesiæ beatum Ursmarum præfecit, virum moribus ornatum, signis et miraculis coruscum; cujus dotem meritorum vitæ ipsius libellus editus insinuat. In præsentibus autem exempli negotio, quis non similem Joanni arbitraretur Autbertum, dum ille ex latrone tutum Ecclesiæ provisorum, iste ex æque latrone, et ex impio raptore, verum fecit Domini sacerdotem? Sed nobis ista interim replicantibus pensanda occurrit immensa pietas Conditoris, qui post lapsum peccatores ad innocentiam venire donavit. Item ex illius sententia maxillam Leviathan, armilla divinitatis suæ perforatam, et credimus et gaudemus, dum viro huic semel in fauces ejus lapso et evadendi aditum aperuit, et, ne ulterius relaberetur, custodivit.

XI. Athenis vero urbe Græcorum nobilissima, adolescens quidam inclitis ortus natalibus, studiisque litterarum exercitatus, sed et fidei moribus adornatus, ex inspiratione superni amoris, patriam parentesque deserere cursumque longæ peregrinationis meditabatur assumere, quatenus impensis temporalis exsibi mercaretur æternæ portionem hæreditatis. Igitur Romam veniens, oratoria apostolorum orationis gratia lustrando aliquantulum temporis explevit. Qui, nocte quadam, lassessentibus ex itinere artibus, in somnum resolutus, divinæ jussionis voce monetur occiduos Galliarum fines expetere, pagumque Hagnon penetrans, congruum suæ habitationis locum quærere, ubi, oratorio constructo, vocationis suæ tempus expectaret. Sciens ergo divinam providentiam sibi semper affuturam, laboriosi cursus non paveret injuriam donec ad locum perveniret, ubi inveniret qui sibi peregrinationis portam indulgeret, et rerum adjumenta præstaret.

Qua voce divina beatum portendi Autbertum sequentia indicant. Sed jussionem Domini explere desiderans vir Dei Gislenus (sic enim nomen erat illius), regionibus diversis, insulis et urbibus peragratis, prospero cursu tandem pervenit ad locum qui tunc temporis ab incolis Ursdungus dicebatur, ex consuetudine videlicet ursæ parturientis; nunc vero Cella vocatur. Qui locus distat tricenis fere millibus ab urbe Cameracensi; in qua ipse ex divino oraculo sanctum pontificem super gregem Christi cura pervigili audierat insudare. At ille noxiis avulsis arboribus, basilicam in honore apostolorum cœpit ædificare, et studiis bonorum se operum exercitare. Disseminante vero diabolo zelam invidiæ per corda malorum, auditum est aliquos, ut est mos adulantium, sancto episcopo suasisse ne sineret illum pseudodoctorem in finibus suis ad injuriam sui honoris manere, ut qui ad seducendas mentes simplicium, urbana sapientium conventicula vitans, in has solitudines convenisset. Sed vir Domini advertens suggestionem invidia potius quam ratione compositam: « Non est, inquit, nostrum, hominem indiscussum judicare, neque omni spiritui credere, donec probetur si ex Deo sit. »

XII. Mittitur itaque nuntius qui hominem ad conspectum pontificis accersire debeat, hoc interim proposito ne vir Dei ex conventu quovis injuriæ motu contristaretur. Evocatus autem beatus Gislenus cœpit Deo gratias agere quod se per suum pontificem superna gratia visitasset. Perveniens itaque ad urbem, sancto præsentatur episcopo; quem ille, ut flagrabat charitatis dulcedine, sic affatus: « Dic, inquit, nobis, frater charissime, cujus es, cujusve dignitatis? » Cui ille respondens: « Græcus, inquit, natione, Christianus vero dignitate, Athenis vero ortus, Christi baptisate renatus. Ita Romamadiens, per Dei præceptum hanc perveni in patriam, super flumen Hagnam, in loco qui dicitur Ursdungus; operor manibus, ædificare gestiens Deo oratorium. Desiderabam equidem tuam expetere sanctitatem, petiturus licentiam agendi quæ sunt cœpta, sed prævenit gratia tua, quæ nos accersivit. » Intuitus autem almus episcopus viri sermones, nihilque reprehensionis deprehendens, dilexit eum; sicque per aliquot dies gratia hospitalitatis retentum, et corporalis alimonie subsidio, et sacro spiritualis vitæ colloquio satiavit. Dehinc benedictionis suæ munere donatum, acceptaque regrediendi licentia, eum venerabilis Pater hortatur perficere studiose quæ cœperat, sequere, peractis quæ congruerent, oratorium suæ auctoritatis benedictione consecraturum promisit. Qua episcopi promissione lætus, operi ardentius instabat, animadvertens jam ex rerum eventu se illum invenisse quem ad ministerium socialis laboris divinitus audierat sibi promissum. Expletis vero pro modulo suo quæ monasticis usibus congruebant, vir Dei venerandum talibus verbis interpellat episcopum: « Tempus adest, Pater, quo servo suo dominus pontifex promissæ benedictionis mu-

nus exsolvere debeat. » Gaudens igitur venerabilis Pater bonis viri studiis, accersito secum beato ac venerabili Dei cultore Amando, cum magna circumfusæ plebis exultatione monasterium ad laudem Domini et honorem apostolorum Petri et Pauli consecravit.

XIII. Sed et illud prætereundum non aestimo quod, cum superni spiritus, in rebus humana sollicitudine administrandis, paucis, et illis purioris vitæ munditiæ prædites, non nisi per visiones aut obscura mysticæ visionis ænigmata se videri permittant, beatum Autbertum angelos corporalibus oculis sæpe vidisse multi audierunt. Quod mirum prudentibus videri non debet, cum internus mentis intuitus corporei aspectus lumen ad spiritualia cernenda accenderet quem ab infimis rebus virtus continentiae clauserat. Rerum quidem necessitas exigebat ut venerabilis Pater canonicos suos, qui Atrebati in Beatæ Mariæ monasterio famulabantur, visitaturus adire deberet. Qui locus olim et ambitu murorum et frequentia civium celeberrimus fuerat, sed, gentium infestatione a prisco statu deformatus, crebris ruinis hucusque consistit. Ubi cum de rebus Ecclesiæ satis ad tempus tractasset, quadam nocte, ut illi erat semper moris, fratribus adhuc quiescentibus, surgens ad nocturnæ orationis tempus, usque in lucis crepusculum continuavit. Necdum vero cursum orationis expleverat, cum se foras, quasi pro refocillandis aliquo relevamine artubus, suspensa interim oratione contulit, et stans in mœnibus cœpit piæ meditationis motibus pulsari quamobrem Vedastus, tantorum spatium annorum vilis sepulchri cespitè clausus, debito honore careret, quem jam supernorum civium consortio exultantem cœlestis Hierusalem, ceu gemmam virtutum fulgorem micantem, adscivisset. Etenim, a die depositionis ejus usque ad tempus beati Autberti, sex fuere episcopi quibus ipse septimus ad pontifici culmen successit, cum tot labentibus annis gemma Dei pretiosa subterraneo adhuc specu clauderetur, cujus sepulchrum haud longe a dextro cornu altaris Beatæ Mariæ distabat: cum vero tot egregios Christi confessores illis fuisse temporibus audiamus, meritis sublimes, virtutibus illustres, minimis in rebus sollicitiores, procul dubio manifestum est non eorum ignavia negligentibus jacere tantum thesaurum, sed divino iudicio et voluntate beati Vedasti hoc exsequendi muneris ministerium beato Autberto reservatum. Cœpit igitur anima æstuarè quoniam transferri sanctus confessor debuisset, reputans secum incongruum fore duo luminaria magna angusta unius domus sede cohiberi: videlicet ne, ubi præclara Dei Genitricis memoria primatum nominis tenebat, tanti Patris gloria obscurior videretur; cum repente, aurora rubente, orientem versus intendens, videt eminens trans fluviolum qui Trientio vocatur, virum splendidum, virgam in manu tenentem, basilicæ locum metiri; ceu quondam Ezechiel, secus fluentia Babylonis corpore positus, in spiritu venit ad terram Israel, ubi in visionibus Dei templum Domini manu hominis vidit metiri. Quod ille cer-

nens, revelante spiritu, visionem cognovit angelicam. Intellexit igitur vir Dei beatum Vedastum illic, annuente Christo, transferendum.

XIV. Beatus igitur pontifex, tali revelatione certior factus, beatum Audomarum, qui ea tempestate Tarvanensis urbis gregem cura pervigili regebat, ad tam solemne translationis officium invitandum æstimavit. Qui, licet senio pressus et amissione luminum debiliior factus, imbecillioris tamen corporis tantum non formidabat laborem, quantum beati Autberti mandato satisfacere gaudebat. Difficultatem igitur corporis superabat charitas mentis, Christoque gressus regente, devotus ad venerandum pervenit episcopum. At ille cum quid animo gereret, et quid sibi divinitus esset ostensum referret, congratulabatur visioni, et se fraternæ sedulitatis studio obedienter accinxit. Jam vero æstimari non potest quanta confluentis populi turba eo die ad eum locum convenerit, clerus videlicet et utriusque sexus non ignobile vulgus. Parato igitur feretro et omnibus quæ necessaria videbantur, detecto sepulcro, et imposita antiphona, cum magna reverentia sanctum thesaurum sustulerunt, paratisque crucibus, et cereis et omnigenis solemnibus pompæ ornatibus, cum magna plebis exultatione sanctum corpus ad locum destinatum transferre cœperunt. Transeuntes autem prædictum fluvium, cum jam sub urbanos fines contingerent, et beatus Audomarus sancti Autberti vestigia pedetentim prosequeretur, statim supernæ operationis in se agnovit virtutem, ut ei aperte daretur intelligi quanti essent meriti, et is qui portabatur, et is qui portando sequebatur. Nam, depulsa longæ cæcitatæ nocte, statim oculorum lumen recipit, in loco videlicet ubi in memoriam beati Autberti ecclesia constructa a præsentibus adhuc cernitur in testimonium præsentis miraculi. Sed quia venerandus vir Audomarus parvipendebat lumen carnalium oculorum, qui lumen certe civium desiderabat supernorum, illico precibus eandem quam ultroneus ferebat rursus impetravit cæcitatem. Quæ exhibitione miraculi non latet virtus operantis, sed superest quærere meritum optatæ virtutis. Verum subtilius speculantibus dubium esse non potest quia, prætereuntibus meritis sancti Vedasti, fides ut efficeretur obtinuit beati Autberti. Stupentibus

A autem qui aderant vario eventu miraculi, beatum corpus ad locum ab angelo designatum honorifice transtulerunt. Quo in loco venerabilis episcopus monasterium construxit, et ex rebus sui episcopii in usum famulantium pro rerum opportunitate donavit, ubi, juxta congruam rerum facultatem, fratres in obsequia divini cultus deputavit. De obitu vero, quo tempore sancta B. Autberti anima, carne soluta, supernam Hierusalem petiit, certum quid ad nostram notitiam non pervenit, nonnullis obsequentibus causis quæ etiam maximam virtutum ejus partem a nostra memoria sustulerunt. Fuit autem sanctum corpus ejus tumulatum in ecclesia Beati Petri, quæ extra muros civitatis tunc erat, nunc vero intra mœnia ejus est. In qua requievit usque ad tempus Dodilonis episcopi, qui ei decimus quartus in episcopatu successit. Hic, cum Nortmanni Galliam depopulati essent, cum magna diligentia sanctum corpus in ecclesiam Beatæ Mariæ transtulit, ubi honorifice collocatum multo tempore quievit.

XV. Porro Otho imperator, Henrici regis filius, a Fulberto Cameracensi episcopo dari sibi petiit corpora sanctorum præsulum Autberti et Gaugerici. Ille vero, quibusdam in consilio adhibitis, Theoderici Cameracensis episcopi et alterius sacerdotis corpora ei dedit, quibusdam adjunctis e corpore sancti Autberti articulis; prudenter ut quidem, ne civitas Cameracensis suis patronis orbaretur. Lætus igitur imperator præclaras reliquias in monasterio quod ipse Magdeburgi construxit reponendas curavit. Porro autem fama Germaniam omnem occupat sanctos Autbertum et Gaugericum e Galliis in Saxoniam translatos. Sed secus ipsa res habet; nostris enim temporibus Herluinus præsul Cameracensis, diligenter perscrutatus, beati Gaugerici corpus maxima ex parte reperit. Ejus autem successor Gerardus monasterium in quo sanctus Autbertus quiescit, ab Herluino amplificatum, in memoriam sancti Pauli solemniter consecravit, sacrumque beati Autberti corpus suis sedibus restituit, anno Christi decimo supra millesimum. Qui locus haud procul abest ab ecclesia sanctissimæ matris Dei, et perpetuæ virginis Mariæ; in eoque recta fide petentibus, beato Autberto intercedente, beneficia divina præstantur.

APPENDIX AD OPERA S. FULBERTI.

DIPLOMATATA NONNULLA

Ex chartulario abbatiae S. Petri Carnotensis excerpta.

(GUÉRARD, *Documents inédits sur l'histoire de France*, Cartulaire de Saint-Père de Chartres, tom. 1, pag. 116.)

I

De Viviano Willelmi pro cujusdam servi sui interfectione servituti addicto.

Notum esse volumus tam praesentibus quam futuris, ego Arnulfus abbas, et omnis Sancti Petri Carnotensis coenobii mihi a Deo commissa congregatio, quod Vivianum nostrum collibertum, cum uxore sua, omnemque pecuniam ejus subjungamus servituti Willelmi militis, pro interfectione furtiva cujusdam sui servi, quem ipse et uxor sua latenter interfecerunt, et eo tenore eos dimittimus ne occidantur pro hoc scelere. Filios vero quos nunc habent, ad nostros retinemus usus; quos autem genuerint posthac, ejus servituti, pro hoc nefario pertulato, dimittimus.

Signum Arnulfi abbatis †.

II.

De alodo Calidi Montis.

(Circa an. 1020.)

In nomine sanctae et individuae Trinitatis, Patris, et Filii, et Spiritus sancti.

Catholicae vereque matris Ecclesiae populis in Christicolis laus semper viget vigeatque perenne. Hoc autem dignissimum justum quoque exstat, quoniam est mater nostra, Christi vero Domini nostri sponsa, quam acquisivit suo cruore pretioso; in ea enim renascimur per baptismatis lavacrum, ac in ea resurgimus a morte animae per poenitentiae luctum, et post vitae terminum nostra tumulantur cadavera in ejus atrium. Hanc Christus supra fidem quam confessus est fidelissimus Petrus fundavit, dum Domino dixit: *Tu es Christus, Filius Dei vivi* (Matth. xvi, 16). *Fundamentum enim aliud nemo potest ponere, praeter id quod positum est, quod est Christus Jesus* (I Cor. iii, 11). Sunt vero beati qui catholice vivendo habitant ibi, ut David cecinit: *Beati qui habitant in domo tua, Domine; in saecula saeculorum laudabunt te* (Psal. lxxxiii, 5). His aliisque quampluribus sanctorum dictis ac sacrae Scripturae mysteriis edocta et admonita, ego Hildegardis, vicecomitissa Castridumis, do Sanctissimo Petro Carnotensis coenobii alodium meum de Bello monte, cum terris cultis et incultis, et silvis, piscatoriisque ibidem pertinentibus, assentiente et anuente filio meo Hugone, archiepiscopo Turonum,

(56) Verba vel perpetrat superscripta sunt in codice.

A videlicet eo tempore quo post exitum meum sepeliar in claustrum monachorum, ut semper transeuntes super meum tumulum orent pro me jugiter. Hoc viderunt et annuerunt Castridunenses proceres, qui sunt scripti subter. Si quis vero ex progenie mea aut alius invasor, stimulis vel sagittis exagitatus diabolicis, vim fecerit monachis, et eleemosynam quam Sancto Petro dedi quocunque modo abstulerit, damnatione damnatus perpetua pereat cum Dathan, et Abiron, et Anna et Caipha; auctoritateque filii mei archipraesulis Hugonis anathematizatus permaneat.

Hugo, archipraesul; Gautfridi, nepotis ejus; Huberti; Godeschalci, filii ejus; Huberti, thesaurarii Cenomanensis; Radulphi, legis docti; Fulcaldi; Gathonis; Odonis Brunelli; Huberti Brunelli; Helgaudi, filii archiepiscopi; Helgaudi nigri; Gradulfi; Firmati canonici; Frederici; Hugonis vicarii; Bernardi de Buslo; Junanigni, jusu archiepiscopi, has litteras fecit.

III.

De ecclesia de Rescolio datae Sancto Petro a comite Richardo.

(Ante an. 1024.)

Universorum conditor Deus mirabilis est in suis operibus, dum ex aliis alia, ex minoribus scilicet portat (56) majora. Cujus rei sinceram considerationem intus faciendo, et in hoc ipsi grates debemus non minimas, et in illo, voce, opere, quam maximas, quod non solum, ut praelibavimus, ex temporalibus fovet perpetua, verum etiam ea rationabiliter dispensando misericorditer provehit ad aeterna. Ad hujus itaque perfecti et tam optabilis gaudii fidem formandam, inter caetera quae mortalibus spem sanctae aeternitatis ingerunt, ipsa ait Veritas per semetipsam: *Facite vobis amicos de mammona iniquitatis, ut, cum defeceritis, recipiant vos in aeterna tabernacula* (Luc. xvi, 9). Quod dono sentiens ejus, ejusdem nutu, Nortmannorum comes ego Richardus, inter caetera quae, eo inspirante, ei ex suo reddidi, quamdam ecclesiam in ipsius nomine monachis Sancti Petri Carnotensis coenobii dedi, quae in Ebroicensi comitatu est sita, in villa quae est ex nomine Rescolium dicta; hoc autem hujus rei gratia credidi istis apicibus, ut dapsilibus in exemplum, et testimonium sit rapacibus. Quod si quis contradi-

ctionem donationi fecerit suprascriptas, quandiu in hac permanserit intentione, humana et divina multetur maledictione.

S. Richardi comitis. S. Rodberti archipræsulis. S. Richardi comitis frater archipræsul Rothomagensis. S. Gunnoridis comitissæ. S. Richardi, filii comitis. S. Rodberti, filii comitis, S. Unfridi.

Supradictus viculus, a rebus colligendis, Rescolius olim quidem dicebatur; ibi enim res fisei colligebantur vel congregabantur. In quo, non longe ab Ava flumine, propter quemdam fontem, quædam ecclesiola lignea sita erat in honore sancti Remigii. Defluente vero tempore, et viculus cum ecclesia bellis assiduis ad nihilum penè deducitur, et tunc, annuente comite Richardo, parochia ipsa unita est Sancti Georgii parochiæ, cujus ecclesia non longe aberat, et altare Sancti Remigii in alacrius ecclesiæ a monachis translatum est, ubi permansit donec moderno tempore a monacho nomine Huberto cæmento et lapide est ædificata [atque, donec a modernis monachis major cæmento et lapide est ædificata].

IV.

De ecclesia Wadoniscurtis data Sancto Petro a Rajenario.

(Ante an. 1024.)

In nomine sanctæ et individuæ Trinitatis. Ego Richardus, Nortmannorum dux, notum volo esse tam presentibus quam futuris, quia adiit presentiam meam fidelis meus, nomine Rajenarius, cum consensu suæ conjugis, Wandelburgis vocabulo, humiliter petens ut, pro remedio animæ meæ, ecclesiam in comitatu Ebroico, cui nomen est Wadoniscurtis, seu pro filii sui anima, cujus vocabulum fuit Rodbertus, vel pro abolendis suis peccatis, monachis Sancti Petri cænobii Carnotensis concederem. Qui, justam petitionem tanti viri considerans assensum præbui, insuper sanciens ut, ab hodie in subsequenti generatione, nullus suorum, vel quorumlibet aliorum, jus dominationis seu violentiam cujuscumque irruptionis, [contra] hujus firmitudinis nostræ compactionem, temeraria proccacitate, irrogare conetur. Ut autem hæc cartula in Dei nomine firmiter innitatur vigore, manu propria subscripsi, fidelibus quoque meis ad corroborandum tradidi.

S. Richardi comitis. S. Rodberti archiepiscopi. S. Herberti episcopi. S. Theoderici abbatis. S. Rodberti clerici. S. Rajenarii, qui hanc donationem fecit. S. Hunfredi de Wetulabus.

Utrum illius temporis monachi possederint vel habuerint præfatam ecclesiam penitus ignoro; nam neque eam habuisse ab antiquis monachis audivi, neque a modernis mentionem aliquam fieri nunquam (sic, cum duplici negatione) audivi.

V.

De alodo Selusellarum dato a Gausfrido et Joscelino filio.

(Ante an. 1024.)

Quoniam permanet scriptum atque sancitum in decretis veterum, si quis nobilium laicorum ali-

quam ecclesiam, vel aliquod monasterium de propriis hæreditatibus honoraverit, vel donationem fecerit, nullatenus nec a filio, nec ab aliquo successore repetere, idcirco ego Joscellinus, Gausfridi filius, notum esse cupio omnibus tam presentibus quam futuris, qualiter et qua ratione pro his quæ a patre meo dimissa sunt atque tradita Sancto Petro Carnotensis cænobii, post mortem ipsius, adierim domnum abbatem Majenardum et omnem ipsius loci congregationem. Pater siquidem meus Gausfridus, ob remedium suorum peccaminum, alodum, nomine Exclussellas, in comitatu Dorcasino, Sancto Petro delegavit, super fluvium Anduræ, me puero et matre vivente. Ego autem ipsum alodum expetii, non ideo ut velim retrahere ab ipso venerabili loco cui est traditus, nec ut aliqua fraude possideam; sed eo tenore et tali conventionem ut, quandiu vixero, XII solidos in censum persolvam, statuto termino, debitumque servitium persolvam; nec unquam mihi liceat nec vendere, nec tradere alicui, nec filio, nec alicui meorum propinquorum; sed semper, dum flatum emisero, in mea manu meoque dominio habeatur. Post finem vero meæ vitæ, ut major memoria sit patris, et partem valeam habere in ipsius benefacto, non modo illud quod pater donavit, quod nunc teneo, dono domni abbatis Majenardi et aliorum seniorum, sed omnia cum his quæ in ipso sunt, scilicet molendinis, terris cultis et incultis, pratis, silvis, ad eundem locum a quo accepi, deveniant in usus servorum Christi. Ut autem absque calumnia ulla vel contradictione hoc fiat, litteris mandare studui; ob hoc maxime ne aliquis, mihi fuerit (sic), sibi vindicet. Seniori quoque meo Odoni, comiti inclyto, proceribusque suis trado corroborandum, ut sequens in ævum firmum et inconvulsum permaneat quod insertum est. S. Odonis comitis, S. Bertæ, matris suæ. S. Agnetis, filiæ ipsius. S. Walterii comitis. S. Gausfredi militis. S. Hervei vicecomitis. S. Rodulfi. S. Gausberti. S. Alberti. S. Wasulini. S. Sulii. S. Joscellini, qui hanc chartulam firmari instituit. S. Gausfridi, militis sui.

VI.

De Guerpo Ursivillaris ecclesiæ.

(Circa an. 1024.)

Sub æterno regimine summoque sacerdotio Christi, meo tempore, ego Odolricus, Aureliano- rum episcopus, notum fieri volo contemporanibus atque successoribus meis modum et finem causæ quæ in hac chartula scripta est. Monachi Sancti Petri Carnotensis cænobii possidebant, ex longo tempore, quamdam ecclesiam in pago Dunensi in loco qui dicitur Ursivillaris. Quidam vero casatus noster, nomine Hilduinus, cum suis propinquis intendebat eis calumniam de ipsa ecclesia, dicens eam ad casamentum nostrum et ad suum beneficium pertinere. Addebat etiam temporibus antecessorum meorum se satis agitate calumniam istam, sed justitiam minime consequi potuisse. Convenimus ergo domnum Fulbertum, episcopum Carnotensem, et Arnulfum,

Sancti Petri abbatem, ut de ista causa darent nobis audientiam locum; quod et fecerunt semel in eadem villa quæ dicitur Ursivillaris, et iterum in villa quæ dicitur Castanetas. Discussa itaque ex utraque parte controversia, invenimus partem monachorum ita scriptura et testibus et longa vestitura suffultam, ut nulla Christianorum lege posset supradicta ecclesia ab eorum possessione auferri. Unde, contra jus atque nefas contendere nolentes, ego videlicet Odolricus episcopus, et frater meus Isembardus, et prædictus Hilduinus cum filiis et cæteris propinquis suis, ex toto gurgivimus inceptam calumniam monachis Sancti Petri, annuentes ut solide et quiete possideant ecclesiam suam Ursivillaris in perpetuum, sicut justum esse comperimus. Interdixi etiam episcopali auctoritate mihi a Deo tradita ne quis successorum nostrorum prædictos monachos Sancti Petri per ha-

A jusmodi sacrilegam calumniam ulterius inquietet. Quod si pertinaciter odiosæ calumniæ inhærere maluerit, illo quo Deus iratus incorrigibiles damnat anathemate feriatur. Fiat fiat. Nos vero, qui calumniam supradictam gurgivimus, nomina nostra nostrorumque fidelium qui præsentibus aderant, in præsentibus chartula, memoriæ causa, fecimus adnotari.

S. Odolrici, Aurelianensis episcopi S. Fulberti Carnotensis episcopi. S. Alberti abbatis. S. Isembardi laici. S. Erfredi Clerici. S. Salonis clerici. S. Bovonis, decani Sancti Martini Turonensis. S. Tercelini clerici. S. Tedoini clerici. S. Alberici. S. Hilduini laici, S. Hilduini filii ejus. S. Odolrici filii ejus. S. Pontelini nepotis ejus. S. Godefridi laici. S. Adroldi vicecomitis. S. Friderici fr. laici. S. Hugonis Radordi. S. Gualoi laici.

LAUS VITÆ MONASTICÆ

(Apud R. P. Sirmund., *Opp. Godofr. Vindocin.*, not. ad Fib. 11).

Felix grex hominum, qui, Christi dogma sequentes,
Contemptis optibus, nil proprium retinent;
Enius arbitrio quos regula sancta coercet,
Quorum quisque suo nil agit ex libito.
Cor quibus est unum, quibus indiscreta voluntas,
Par cunctis habitus et cibus est similis.
Sic tamen ut capiat quo quisque videtur egere,
Ætas ut fragilis debilitasve jubet.
Luxus abest omnis, peccandi rara facultas,
Cuncti cunctorum cum timeant oculos.
Lex communis habet visas mox prodere culpas,
Ut nascens vitium poena sequens rescet.
Desidiam fugiunt, labor utilis occupat omnes.
Noxia torpentes ne subeant animos.
Confusum nihil est, ubi fiunt ordine cuncta,
Curatur totum, negligiturque nihil.
Nec solum vita, sed constat et ordo loquendi:
Dispensant æque maxima cum minimis,
Non nisi præscripto quisquam loquiturve silet,
Stat, sedes, incedit ordine quisque suo.
Ecclesiæ limen noctesque diesque frequentant,
Et sanctis precibus seque suosque juvant.
Quid moror, et verbis evolvere singula tento?
Quidquid agunt, opus est corporis aut animæ.
Quid quod sic habitant, ut sit sacer ipse domorum
Et situs et numerus, sufficiensque sibi?
Quadratam speciem structura domestica præfert.
Atria bis binis incluta porticibus.
Quæ, tribus inclusæ domibus, quas corporis usus
Postulat, et quarta, quæ domus est Domini.

Discursum monachis, vitam dant, et stationem:
Qua velut in caulis contineantur oves.
Quarum prima domus servat potumque cibumque,
Ex quibus hos reficit juncta secunda domus.
C Tertia membra fovet vexata labore diurno,
Quarta Dei laudes assidue resonat.
Plurima prætereo simili condigna relatu,
Sed breviter dicam, nil superest, vel abest.
Hos igitur proceres, hunc dignum laude senatum,
Exiguam specie, moribus eximium,
Comparo formicis, quarum studiosa laborum
Turmula convectat corpore majus onus.
Quæ ne non possint communem ducere vitam,
Isdem sub laribus horrea parva locant.
Comparo divinis apibus, quæ corpore parvo
Ingentes animas egregiasque gerunt:
Hexagonis cellis quæ mella liquentia condunt,
Utile mirificum quæ fabricantur opus.
Quæ disciplinam, quæ jura domestica servant.
D Quasque simul reficit ingeniosa domus.
Comparo sideribus, quibus aula superna refulget,
Æra quæ furvam noctibus irradiant.
Quæ semel impositam servant per sæcula legem,
Quæ solitos cursus et numeros peragunt.
Comparo gyranæ solemniter omnia cæle:
Insuper angelicis comparo spiritibus,
Qui semper SANCTUS triplicata voce resulant,
In terris monachi quod modulantur idem.
Sic Cherubin cælo, monachi tellure manentes;
Unum dant unæ servitium Domino.

GUIDO ARETINUS

ABBAS S. CRUCIS AVELLANÆ

NOTITIA HISTORICA

(Apud Fabricium *Bibliotheca mediæ et infimæ Latinitatis*, tom. IV, pag. 127).

Guido Aretinus, monachus ord. S. Benedicti ac deinde abbas S. Crucis Avellanæ in diocesi Caliensis prope Aretium, a Benedicto VIII pontifice qui an. 1024, obiit accersitus Romam (1), ipsi atque successori ejus Joanni XIX (2) probavit præclarum in musica studium suum : *In hoc, Sigeberto judice (3), prioribus præferendus, quod ignotos cantus etiam pueri et puellæ facilius discant vel doceantur per ejus regulam, quam per vocem magistri aut per usum alicujus instrumenti, dummodo sex litteris vel syllabis (4) modulati appositis ad sex voces (5) quas solas regulariter musica recipit; hisque vocibus per flexuras digitorum lævæ manus distinctis, per integrum diapason se oculis et oribus ingerunt intentæ et remissæ elevationes vel depositiones earundem vocum.* Hic ad Theobaldum sive Theodaldum potius, episcopum, ab anno 1014 ad 1037, Aretinum (6) scripsit *Micrologum* sive *libros duos de musica*, quorum prior prosa constat, alter carmine partim hexametro partim trochaico rhythmico (7). *Epistolam dedicatoriam* ad Theodaldum edidit Baronius ad annum 1022, n. XXIII. Meminit et Domnizo lib. I De Vita Mathildis ducatricis cap. 5, apud Leibnizium tom. I scriptor. Brunsvic., pag. 641. Libri ipsi Guidonis, quanquam in pluribus bibliothecis msti, necdum lucem viderunt quod sciam. Semel citatur ejus *Micrologus* a M. Meibomio ad Gaudentium pag. 37. Vir clarissimus Bernardus Pez. tom. III

A *Anecdotor.*, parte III, pag. 618, in bibliotheca Burgeni exstare testatur breve Guidonis scriptum *De mensura monochordi*, quod incipit : *Cum primum a G ad finem, novem passibus monochordum partiris, primus passus terminabitur in A*, etc. Guido ipse in *Epistola ad Michaelem monachum*, quam laudatus Baronius ad annum 1022, n. XXI, vulgavit, memorat *Antiphonarium suum præfixis regulis recensitum*, quod velut quoddam prodigium revolvit Benedictus VIII. Cæterum, exceptis notis musicis, nihil Guidonem præter veterum auctoritatem immutavisse, vel musicam eorum instructiorem reddidisse disputat Marcus Meibomius ad Aristidem Quintilianum p. 240, et ad Euclidem pag. 51. Contra illorum etiam sententiam, qui eo argumento cantum Guidonianum instructiorem esse antiquo contendunt, quod cum veterum systemata, Aristoxeni tredecim, aliorum post eum quindecim tantum continuerint sonos, Guido senariam majorem addidit, ita ut viginti nunc sonos habeamus. Isaacus Vossius, *De viribus rhythmici*, pag. 94, notat Guidonem in concinnanda sua scala secutum esse harparum et organorum sui temporis exemplum : illa enim viginti, inquit, ut plurimum instructa tibiis habuisse systemata, docet scriptor liquot sæculis Guidone vetustior : *Porro numerositas nervorum vel fistularum, ut puta viginti unus aut plurium, non idcirco apponitur quod soni*

(1) Guido ipse in *Epistola* ad Michaelem monachum S. Mariæ Pomposiani cœnobii, edita a Baronio ad num. 1022, n. XXI, XXII ubi pro *abti igitur Romanum*, male excussum legitur ; *Alii igitur Romanum*.

(2) Baronius in codice suo reperit hæc verba : *Joanne vicentino, Romanam gubernante Ecclesiam, Micrologum suum edidit Guido anno trigesimo quarto ætatis.* Cæterum, ut notatum Pagio, Joannes qui Benedicto VIII successit, Joannem XIX se vocat ipse in rescriptis suis.

(3) In *Chronico* ad annum 1028, et in libro De scriptoribus eccles. c. 144.

(4) *Ut, re, mi, fa, sol*, la, ex noto hymno Pauli Diaconi in S. Joannem Baptistam :

UT queant laxis REsonare fibris
Mira gestorum FAMulii tuorum
SOLve pollutis LABiis reatum
Sancte Joannes.

Vide si placet quæ ad illum Pauli hymnum Joannes

Weitzius in *Heortologio* p. 263, seq. et Menagius in *Originibus linguæ Gallicæ*, voce *Bemol*, ubi affert et hoc distichon nescio cujus auctoris :

Corde Deum Et Fidibus Gemituque Alto Benedicam
UT RE MI FACiat SOLvere LABra Sibi.

Exstat et hoc Abrahami Bucholzeri distichon in ejus chronologia ad A. C. 1044.

Cur adhibes tristi numeros cantumque labori?
UT RElevet Miserum FATum SOLitosque LABeres.

(5) Vide recentiorum systema musicum Guidonianum sive scalam magnam cum veterum systemate comparatam, in tabella apud M. Meibomium, notis ad Euclidis introductionem harmonicam pag. 51, et Sebastiani Brossardi *Lexicon musicum Gallicè editum* in vocabulo *Système*, p. 163 seq.

(6) Ughell. tom. I *Italiæ sacræ*, p. 415.

(7) Vossius *De scientiis Math.* cap. 22, § 7, p. 95 ; Cangius in voce *Micrologus*.

ultra quindecim aut forte sexdecim protendantur, sed ipsi iidem qui sunt inferius repetuntur, et hoc pro varietate modorum. Ac sane 28 $\phi\theta\gamma\gamma\theta\upsilon\varsigma$ sive tonos musicis frequentatos jam describit Nicomachus, lib. II Manualis harmonici, pag. 39. Sicut autem Guido per syllabas *ut, re, mi, etc.*, ita veteres Ægyptii per septem vocales exprimere totidem sonos consueverunt, ut ex Demetrii libro $\Pi\epsilon\pi\tau\iota\ \epsilon\pi\mu\upsilon\sigma\iota\kappa\alpha$ § 17, edit. Oxon. Isaacus Vossius docet, atque eundem in modum Gregorius Magnus primis ad hoc usus est septem litteris alphabeti, quibus de cypsis sive ascendens cantus sive descendens redit ad octavam et iisdem obloquitur numeris septem discrimina vocum.

Huic Guidoni Trithemius, cap. 318, tribuit librum *De corpore et sanguine Domini* adversus Benengarium, eundemque respiciens fortasse anonymus Mellicensis, cap. 80, Guidonem, fide ac scien-

tia incomparabilem appellat. Gerh. Joan. Vossius etiam, pag. 95 *De scientiis mathematicis*, ait musicum Guidonem esse qui ex monacho cœnobii Hectonis sive S. Leufredi sive Lodifredi apud Ebroicenses Nortmannos, factus sit archiepiscopus Aversanus, atque Ecclesiæ Romanæ cardinalis. Sed illum Guidonem sive Guimundum, qui contra Benengarium scripsit, recte a Guidone Aretino distinguit, præter anonymum Mellicensem c. 102, idem Trithemius, cap. 122, et II. 80 *De illustr. Benedictinis*; neque tempus patitur cum Guidone Aretino eundem fuisse archiepiscopum Aversanum, superstitem adhuc an. 1090.

Similiter cavendus lapsus Possevini, qui *Micrologum* Guidonis musicum confundit cum *Micrologum* de ecclesiasticis observationibus seu de missa rite celebranda, ut a Pagio ad annum 1022. num. 9, et ab Oudino recte jam notatum.

NOTITIA LITTERARIA.

(D. Martinus GERBERTUS, *Scriptores ecclesiastici de musica*, II, præf.)

1. Dignus omnino est a quo novam epocham scriptorum de re musica auspicemus, Guido Aretinus, qui, sublata veterum notarum indigesta serie ac confusione, per lineas et claves, quas vocamus in scala musica, discendi exsequendique musicam disciplinam mirum in modum eandem facilitavit. Testatur id ipse in *Micrologi* sui prologo, tandem adfuisse sibi divinam gratiam, cum musicam pueris traderet, et Quidam, inquit, eorum imitatione chordæ nostrarum notarum usu exercitati, ante unius mensis spatium invisos et inauditos cantus ita primo intuitu indubitanter cantabant, ut maximum spectaculum plurimis præberetur. Per chordam intelligit lineam illam, quam colore croceo vel rubro distinguere solebat eo loco quo nos nunc clavem C aut F initio lineæ ponimus inter cæteras a se etiam primum! inventas lineas, de quibus ipse haud immerito dicebat: *Musica sine lineis est sicut puteus sine fune.* In ipsa etiam musica harmonica seu polyphonia aliquatenus duritiam diaphoniæ, ut vocabant, quam in Hucbaldo notavimus, emollivit Guido, ut in ipso opere musico l. III, c. 1, n. 7, prodidimus.

Mirum adeo haud est quod Guido ad docendam musicam evocaretur. Congruit quoque ejus ætati quod ad an. 1023, quo Hermanus Bremensis archiepiscopus fuit renuntiatus, legitur apud Leibnizium *Scrip. rer. Brunsv.*, p. 745, in Chronico Slavorum, et iisdem fere verbis in Chronico Alberti Stadensis ita narratur: *Herimanus ergo, parvi pendens omnia quæ in episcopatu invenit, primo quidem musicum Guidonem Bremum adduxit, cujus industriam melodiam et claustralem disciplinam correxit. Quod solum ex ejus prospere successit*

Operibus. Ipse Guido in epistola ad Michaelem monachum Pomposianum, p. 43, *protixis sinibus exsulatum* se dicit; ac mox, persuasum se ut in eo monasterio maneret, a Guidone hujus cœnobii abbate, viro nempe illo sanctissimo, cujus corpus, ut post Hermannum Contractum, scriptorem cœvum, alii passim chronistæ perhibent, an. 1047, ante non integrum annum defuncti, plurimis glorificatum miraculis Henricus III imp. de Parmensi, ubi sepultus fuit, civitate ad urbem Spiram (ubi hodieque insignis in ejus honorem ecclesia collegiumque canonicorum exstat) transferendum magno secum honore rediens devexit.

Inde vero quod S. Guido, Pomposianus abbas, Guidoni Aretino persuaserit manere in suo monasterio, auctores *Annal. Camaldul.* t. II, p. 43, conjiciunt Guidonem Aretinum in suo juventutis flore Pomposiani monasterii disciplinæ non fuisse ad dictum: nec abhorrent ab ea opinione iidem scriptores, Guidonem nostrum illum ipsum fuisse monasterii Avellani abbatem, qui S. Petrum Damiani ad disciplinam monasticam susceperit, atque forte etiam aliquando, utpote, Domnizonis in Vita Mathildis testimonio, *monachus nec non eremita beandus*, in Camaldulensi eremo recens in patrio solo Aretino fundata latuerit. Ibi an. 1033. *Guido frater Petri venerabilis cœmitæ jussione dictavit, petiit et impetravit a Theobaldo episcopo Aretino, cui Guido Micrologum dedicavit, donationem quæ legitur apud Mabillonium t. IV *Annal. O. S. B.* p. 389; sed cum, testibus illismet annalistis Camaldulensibus, mihi dum viverent amicissimis, etiam in monasterio Avellano rigida illa disciplina fuerit servata, de Camaldulensi nil statui potest. Ad-*

dunt in ejusdem Avellani cœnobii refectorio cerni hodieque Guidonis imaginem cum hac epigraphe: *Beatus Guido Aretinus inventor musicæ: quod elogium non uno titulo eidem posse ascribi, scripta ejus quæ edimus ostendunt.*

2. Brevi omnino Guidonis nomen in Germania inclaruisse, Bernonis Augiensis abbatis scripta de musica manifestant, in quibus, feste Sigeberto Gemblacensi, de script. eccles. c. 156, eminet hoc quod in arte musica præpollens de regulis symphoniarum et tonorum scripsit, et quod in mensurando monochordo ultra regulam Boetii, sed assensu minoris Boetio Guidonis, superposuit unum tonum tetrachordo hypaton, et contra usum majorem in ipso tetrachordo inseruit utiliter synemmenon. Conspicua hæc redduntur ex prologo Bernonis in tonarium ad Piligrinum, Coloniensem archiepiscopum ab aq. 1020, juxta Trithemium in Annal. Hirs. ad h. a., usque ad an. 1034, ad quem

A Hermannus Contractus ejus mortem ponit, Trithemius vero ad aq. 1036, alii denique ad an. 1035 reponunt. Unde rem a Guidone ipso haurire potuit Berno, qui nunquam sua hæc inventa esse dicit, imo de Gamma Græco monochordo addito mentionem faciens, illud a modernis additum esse perhibet non semel eo ipso in prologo seu libro *de regulis symphoniarum et tonorum*, ut Sigebertus appellat, Mellicensis autem anonymus simpliciter *de musica opus præstantissimum*, et Trithemius ad annum 1018 Chron. Hirs., *insigne volumen*; additque ejus *librum unum de instrumentis musicis*, quem videre haud licuit. Nisi forte huc pertineant quæ in codice bibl. Cæsar. Vindob., quæ nuper ex bibliotheca civica eo fuit translatus, post B prologum seu librum primum *regularum venerabilis Bern. abbatis in artem musicam*, ante tonale interseruntur de *mensura fæcularum, organistri, ponderatione cymbali*, etc.

GUIDONIS ARETINI OPUSCULA DE MUSICA.

(D. GERBERTUS, *Scriptores ecclesiastici de musica*, II, 1.)

MONITUM.

Celebratissimus est *Guidonis Micrologus de disciplina artis musicæ*, quem nos ex ms. bibl. San-Blasianæ collatum cum duobus San-Emerammensibus, Admontensi, mancis Ottoburano et Casinensi edimus. Sequuntur ejusdem rhythmici et carnis *de musicæ explanatione* ex eodem codice San-Blasiano cum iisdem mss. excepto Casinensi collata. *Item aliæ Guidonis regulæ de ignoto cantu identidem in antiphonariis sui prologum prolatae.* Deinde ex solo codice San-Blasiano *Epilogus de modorum formulis et cantuum qualitatibus* in sex divisus capita. Demum *Epistola Guidonis Michaeli monacho de ignoto cantu directæ.* Tandem sequitur ex codice Tegernseensi collato cum Mellicensi *Tractatus Guidonis correctorius multorum errorum, qui sunt in cantu Gregoriano in multis locis, pseudonymus aut certe interpolatus.*

MICROLOGUS GUIDONIS

.DE DISCIPLINA ARTIS MUSICÆ.

Gymnasio musas placuit revocare solutas.
Ut pateant parvis habitæ vix hactenus altis,
Invidiæ telum perimat dilectio cœcum.
Dira quidem pestis tulit omnia commoda terris,
Ordine me scripsi primo qui carmina finxi.

EPISTOLA GUIDONIS MONACHI AC MUSICI
AD TEUDALDUM EPISCOPUM SUUM (8), DE DISCIPLINA
ARTIS MUSICÆ.

Divini timoris, totiusque prudentiæ fulgore clarissimo ac dulcissimo Patri et reverendissimo domino THEODALDO sacerdotum ac præsulum dignissimo, Guido, suorum monachorum utinam minimus, quidquid servus et filius.

Dum solitariæ vitæ saltem modicam exsequi cupio quantitatem, vestræ benignitatis dignatio ad sacri verbi studium meam sibi sociari voluit parvitatem; non quod desint vestræ excellentiæ multi maximi spiritalis viri, et virtutum effectibus abun-

dantissime reborati, et sapientiæ studiis plenissime adornati, qui et commissam plebem una vobiscum competenter erudiant, et Divinæ contemplationi assidue et frequenter inhæreant: sed ut meæ parvitas et mentis et corporis imbecillitas miserata vobis vestræ pietatis et paternitatis fulciatur munita præsidio: ut si quid mihi divinitus utilitatis accesserit, vestro Deus impulet merito. Quæ de re cum de ecclesiasticis utilitatibus ageretur, exercitium musicæ artis, pro quo favente Deo non incassum desudasse me memini, vestra jussit auctoritas proferre in publicum: ut sicut Ecclesiam beatissimi Donati episcopi et

(8) Aretinæ civitatis.

martyris, cui Deo auctore jure vicario præsidentis, mirabili nimium schemate peregritis, ita ejusdem ministros ecclesiæ honestissimo decentissimoque quodam privilegio cunctis pene per orbem clericis spectabiles redderetis. Et reverra satis habet miraculi et optionis, cum vestræ Ecclesiæ etiam pueri in modulandi studio perfectos aliorum usquequaque locorum superent senes, vestrique honoris ac meriti per plurimum cumulabitur celsitudo, cum post priores Patres tanta ac talis Ecclesiæ per vos studiorum proveniret claritudo. Itaque quia vestro tam commode præcepto nec volui contraire, nec valui, offero solertissimæ paternitati vestræ Musicæ artis regulas, quanto lucidius et brevius potui, a philosophis explicatas; nec tamen eadem via ad plenum, neque eisdem insistendo vestigiis: id solum procurans quod ecclesiasticæ prosit utilitati, nostrisque subveniat parvulis. Ideo enim hoc studium hactenus latuit occultatum, quia, cum revera esset arduum, non est a quolibet humiliter explanatum. Quod qua occasione olim aggressus sim, quave utilitate et intentione, perpaucis absolvam.

Explicit epistola.

INCIPIT PROLOGUS EJUSDEM IN MUSICAM.

Cum me et naturalis conditio et honorum imitatio communis utilitatis diligentem faceret cœpi inter alia studia musicam tradere pueris. Tandem affuit mihi divina gratia, et quidam eorum imitatione chordæ, nostrarum notarum usu exercitati, ante unius mensis spatium invisos et inauditos cantus ita primo intuitu indubitanter cantabant, ut maximum spectaculum plurimis præberetur: quod tamen qui non potest facere, nescio qua fronte se musicum vel cantorem audeat dicere. Maxime itaque dolui de nostris cantoribus, qui, etsi centum annis in canendi studio perseverent, nunquam tamen vel minimam antiphonam per se valent efferre, semper discentes, ut ait Apostolus, et nunquam ad perfectam hujus artis scientiam pervenientes. Cupiens itaque tam utile nostrum studium in communem utilitatem expendere, de multis musicis argumentis, quæ adjutore Deo per varia tempora acquisivi, quædam, quæ cantoribus proficere credidi, quanta potui brevitate perstrinxi; quæ enim de musica ad canendum minus prosunt, aut si quæ ex his quæ dicuntur non valent intelligi, nec memoratu digna judicavi; non curans de his si quorundam animus livescat invidia, dum quorundam proficiat disciplina.

Explicit prologus.

INCIPIUNT CAPITULA (9).

CAPITULUM I. Quid faciat qui se ad disciplinam musicæ parat?

CAP. II. Quæ vel quales sint notæ, vel quot?

CAP. III. De dispositione earum in monochordo.

CAP. IV. Quibus sex modis sibi invicem voces jungantur?

CAP. V. De diapason, et cur tantum septem sint notæ?

CAP. VI. Item de divisionibus, et interpretatione earum.

CAP. VII. De affinitate vocum per quatuor modos.

CAP. VIII. De aliis affinitatibus, et b et \mathcal{H}

CAP. IX. Item de similitudine vocum, quarum diapason sola perfecta est.

CAP. X. Item de modis et falsi meli agnitione et correctione.

CAP. XI. Quæ vox, et cur in cantu obtineat principatum?

CAP. XII. De divisione quatuor modorum in octo.

CAP. XIII. De octo modorum agnitione, a:umine et gravitate.

CAP. XIV. Item de tropis et virtute musicæ.

CAP. XV. De commoda vel componenda modulatione.

CAP. XVI. De multiplici varietate sonorum et notarum.

CAP. XVII. Quod ad cantum redigitur omne quod dicitur.

CAP. XVIII. De diaphonia, id est, organi præcepto.

CAP. XIX. Dictæ diaphoniæ per exempla probatio.

CAP. XX. Quomodo musica ex malleorum sonitu sit inventa.

CAPUT PRIMUM.

Quid faciat qui se ad disciplinam musicæ artis parat?

Igitur qui nostram disciplinam petit, aliquantos cantus nostris notis descriptos addiscat, in monochordi usu manum exerceat, hasque regulas sæpe meditetur, donec, vi et natura vocum cognita, ignotos ut notos cantus suaviter canat. Sed quia voces, quæ hujus artis prima sunt fundamenta, in monochordo melius intuemur, quomodo eas ibidem ars naturam imitata discrevit, primitus videamus.

CAPUT II.

Quæ vel quales sint notæ, vel quot (10)?

Notæ autem in monochordo hæ sunt. In primis ponatur Γ . græcum a modernis adjunctum. Sequuntur septem alphabeti litteræ graves, ideoque majoribus litteris insignitæ hoc modo. A B C D E F G. Post has hæ eadem septem litteræ acutæ repetuntur, sed minoribus litteris describuntur, in quibus tamen inter a. et \mathcal{H} aliam b. ponimus, quam rotundam facimus; alteram vero quadravimus. Ita a. b. \mathcal{H} c. d. e. f. g. Addimus his eisdem litteris, sed variis figuris tetrachordum superacutarum, in quo b. si-

a b \mathcal{H} c d

militèr duplicamus, ita a b \mathcal{H} c d. Hæ litteræ a multis dicuntur superflue; nos autem maluimus abundare, quam deficere. Fiunt itaque simul omnes

a b \mathcal{H} c d

XXI, hoc modo Γ A B C D E F G. a b \mathcal{H} c d e f g a b \mathcal{H} c d Quorum dispositio cum a doctoribus aut fuisset tacita, aut nimia obscuritate perplexa, adest nunc etiam pueris breviter ac planissima explicata.

CAPUT III.

De dispositione earum in monochordo.

Γ . itaque in primis affixa ab ea usque ad finem

(9) Hoc capitalare in cæteris mss. est omissum.

(10) Admont., *De numero et dimensione notarum*

subjectum chordæ spatium per novem partire, et A in termino primæ nonæ partis A litteram pone, a qua omnes antiqui fecere principium. Item ab A. ad finem nona collecta parte, eodem modo B. litteram junge. Post hæc ad F. revertens ad finem usque metire per IIII. et in primæ partis termino invenies C. Eademque divisione per IIII. sicut cum F inventum est C. simili modo per ordinem cum A. invenies D; eum B. invenies E; et cum C. invenies F; et cum D. invenies G; et cum E. invenies A acutum, et cum F. invenies b. rotandam. Quæ vero sequuntur, similibus et earumdem omnes per ordinem medietates facile colliguntur, ut puta ab B. usque ad finem in medio spatio pone aliam $\frac{b}{a}$. Similiterque C. signabit aliam c. et D. aliam d. et E. aliam e. et F. aliam f. et G. aliam $\frac{g}{a}$ et a. aliam a. et b. aliam b. et $\frac{c}{d}$ aliam $\frac{c}{d}$ et

c. aliam c. et d. aliam d. Eodem modo posses in infinitum ita progredi sursum vel deorsum, nisi artis præceptum sua te auctoritate compesceret.

De multiplicibus diversisque divisionibus monochordi unam apposui, ut cum a multis ad unam intenderetur, sine scrupulo caperetur. Præsertim cum sit tantæ utilitatis, ut et facile intelligatur, et ut intellecta vix obliviscatur. Alius dividendi modus sequitur, qui etsi minus memoriæ adjungitur, eo tamen monochordum velociore celeritate componitur, hoc modo: cum primum a F. ad finem passus novem, id est, particulas facies, primus passus terminabitur in A. secundus vacat: tertius in D. quartus vacat: quintus in a. sextus in d.

a
septimus in a. reliqui vacant: Item cum ab A. usque ad finem novenis passibus partiris, primus passus terminabitur in B. secundus vacat: tertius in E. quartus vacat: quintus in $\frac{b}{a}$ sextus in e. sep-

$\frac{b}{a}$
timus in $\frac{b}{a}$ reliqui vacant. Item cum a F. ad finem quaternis dividis, primus passus terminabitur in C. secundus in G. tertius in g. quartus finit. Ab C. vero ad finem similiter quatuor passuum. primus

c
terminabitur in E. secundus in c. tertius in c. quartus finit. Ab F. vero quaternorum passuum primus terminabitur in b. rotundum, secundus in f. tertius in c (11). A b. vero rotunda quatuor pas-

a
suum in secundo invenies $\frac{b}{a}$ reliqui vacant. Ab a. vero superacuta quatuor passuum, in primo inve-

d
nies d. reliqui vacant. Et de dispositionibus hi duo regularum modi sufficiant, quorum superior quidem modus ad memorandum facillimus. Hic vero exstat ad faciendum celerrimus. In sequentibus vero omnes divisionum modi in brevi patebunt.

(11) Oct. et Am., A. b. item rotunda ad finem
b
duorum passuum prior terminabit b. secundus finit. A. d. vero ad finem duorum similiter passuum,

CAPUT IV.

Quibus sex modis sibi invicem voces jungantur.

Dispositis itaque vocibus inter vocem et vocem alias majus spatium cernitur, ut inter F. et A. et inter A. et B. alias minus, ut inter B. et C. et reliq. Et majus quidem spatium tonus dicitur: minus vero semitonium, semis videlicet, id est, non plenus tonus. Item inter aliquam vocem et tertiam a se tum ditonus est, id est, duo toni, ut a C. ad E. tum semiditonus, qui habet tantum tonum et semitonium, ut a D in F. et reliq. Diatessaron autem est, cum inter duas voces quocunque modo duo sunt toni, et unum semitonium, ut ab A. ad D. et a B. in E. et reliq. Diapente vero uno tono major est, cum inter quaslibet voces tres sunt toni, et unum semitonium, ut ab A. in E. et a C. in G. et reliq. Habes itaque sex voeum consonantias, id est, tonum, semitonium, ditonium, semiditonium, diatessaron, et diapente. [(12) Quibus adhuc consonantiis duæ aliæ modorum species a nonnullis cantoribus superadduntur, hoc est, diapente cum semitonio: ut ab E. ad c. Namque diapente cum tono: ut a C. ad a. Adjungitur etiam et diapason. Quæ quia raroveniuntur, a nobis minus inter VI. annumerantur. Sed origo quidem diapason quæ et qualis sit, qui studiosus perscrutatur, in sequentibus reperiet.] In nullo enim cantu aliis modis vox voci rite conjungitur, vel intendendo, vel remittendo. His adjunguntur septem, (i. e) diapason; quæ quia raroveniuntur, minus inter alias annumerantur. Cumque tam paucis clausulis, teste Boetio, tota harmonia formetur, utilissimum est, altæ eas memoriæ commendare, et donec plene in canendo sentiantur et cognoscantur, ab exercitio nunquam cessare, ut his clausulis veluti quibusdam clavibus canendi possis peritiam sagaciter faciliusque possidere.

CAPUT V.

De diapason et cur tantum septem sint notæ.

Diapason autem est, in qua diatessaron et diapente juguntur; cum enim ab A. in D. sit diatessaron, et ab eadem D. in a. acutum sit diapente, ab A. in alteram a. diapason existit: cujus vis est eandem litteram in utroque habere latere, ut a B in $\frac{b}{a}$ a. C. in c. a D. in d. et reliq. Sicut enim utraque vox eadem littera notatur, ita per omnia ejusdem qualitatis, perfectissimæque similitudinis utraque habetur et creditur. Nam sicut finitis septem diebus eosdem repetimus, ut semper primum et octavum eundem diem dicamus, ita primas et octavas semper voces eodem caractere figuramus et dicimus, quia eas naturali concordia consonare sentimus, ut D. et d. Utraque enim tono et semitonio, et duobus tonis remittitur, et item tono et semitonio et duobus tonis, intenditur. Unde et in canendo duo aut tres, aut plures cantores, prout possibile fuerit, si per hanc speciem differentibus vocibus eandem

d
prior terminabit in d. secundus finit.

(12) Uncinis inclusa habentur in msc. Admont. et Otobur.

quamlibet symphoniam incipient et decantent, mi- A acutum et superacutum tamen univoce resonare
 raberis, te easdem voces diversis locis, sed minime hoc modo.
 diversas habere, eundemque cantum gravem et

| | | | | | | | | | | | |
|-------------|--------|--------|--------|--------|--------|--------|--------|--------|----|--------|--------|
| Superacutæ. | g a | a a | g a | a a | ♯ ♯ | c c | ♯ ♯ | a a | g | a a | a a |
| Acutæ | C a. | a. | G a. | a. | ♯ | c | ♯ | a | G | a | a |
| Graves | Γ A. | A. | Γ A. | A. | B. | C | B. | A | Γ | A | A |
| | Sum | mi | re | gis | ar | chan | ge | le | Mi | cha | cl. |

Item si eamdem antiphonam partim gravibus partim acutis sonis cantaveris, aut quantumlibet per hanc speciem variaveris, eadem vocum unitas apparebit. Unde poeta verissime dixit : *septem discrimina vocum* : quia etsi plures sint vel fiant, non est aliarum adjectio, sed renovatio earumdem et repetitio. Hac nos de causa omnes sonos secundum Boetium et antiquos musicos septem litteris figuravimus, cum moderni quidam nimis incaute quatuor tantum signa posuerunt, quintum videlicet sonum eodem ubique caractere figurantes ; cum indubitanter verum sit, quod quidam soni a suis quintis, ut B. et F. omnino discordent, nullusque sonus cum suo quinto perfecte concordet. Nulla enim vox cum altera præter octavam perfecte concordat.

CAPUT VI.

De divisionibus vocum. et interpretationibus earum.


Ut autem de divisione monochordi in paucis multa perstringam, semper Diapason duobus ad finem æquis currit passibus, Diapente tribus, Diatessaron quatuor, tonus vero novem, qui quanto sunt passibus numerosiores, tanto sunt spatio breviores. Alias vero divisiones præter has quatuor invenire non poteris. Diapason autem interpretatur *de omnibus*, sive quod omnes habeat voces sub se, sive quia antiquitus citharæ octo per eam fiebant chordis. In hac quidem specie prima et gravior vox duo habet spatia, acuta vox unum, ut ab A. ad a. Diapente dicitur *de quinque* ; sunt enim in ejus spatio voces quinque, ut a D. in a. Sed gravis ejus vox tria habet spatia, acuta duo. Diatessaron sonat *de quatuor* ; nam et habet quatuor voces, et gravior

B ejus vox quatuor habet spatia, acuta vero tria, ut a D. in G. Has tres species symphonias, id est, suaves vocum copulationes memineris esse vocatas, quia in diapason diversæ voces unum sonant. Diapente vero et Diatessaron diaphoniæ, id est, organi jura possident, et voces utcumque similes reddunt. Tonus autem ab intonando, id est, a sonando nomen accepit, qui majori voci novem, minori vero octo passus constituit : semitonium autem et ditonus, etsi voces in canendo conjungunt, divisionem tamen nullam in monochordo recipiunt.

CAPUT VII.

De modis quatuor et affinitatibus vocum.

Cum autem septem sint voces, quia, ut diximus, aliæ, id est, octavæ voces sunt eadem, septenas sufficit explicare, quæ diversorum modorum, et diversarum sunt qualitatum. Primus modus vocum est, cum vox tono deponitur, et tono et semitonio, et duobus tonis intenditur, ut A. et D. Secundus modus est, cum vox duobus tonis remissa, semitonio et duobus tonis intenditur, ut B. et E. Tertius est modus, qui semitonio et duobus tonis descendit, duobus vero tonis et semitonio ascendit, ut C. et F. Quartus vero tono deponitur, surgit autem per duos tonos et semitonium, ut (13) G. Et nota, quod se per ordinem sequuntur, ut primus in A. secundus in B. tertius in C. Item primus in D. secundus in E. tertius in F. quartus in G. Itemque nota has vocum affinitates per diatessaron et diapente constructas : A. enim ad D, et B. ad E, et C. ad F, et D. ad G, a gravibus diatessaron, ab acutis vero diapente conjungitur hoc modo :



(13) Lege : ut D. et G. ex seqq.


CAPUT VIII.

De aliis affinitatibus vocum, et b. et ♯

Si quæ aliæ sunt affinitates, eas quoque similiter diatessaron et diapente fecerunt. Nam cum diapason in se diatessaron et diapente habeat, et easdem litteras in utroque latere contineat, semper in medio ejus spatio aliqua est littera, quæ ad utrumque diapason latus ita convenit, ut cui litteræ a gravibus diatessaron reddit, eidem in acutis per diapente conveniat, ut in superiori figura notatur, et cui a gravibus diapente contulit, eidem a superioribus diatessaron dabit, ut A. E. a. A. enim et E. in depositione concordant, quæ utraque duobus tonis semitonioque conficitur. Itemque G. cum ad C. et D. per easdem species resonet, unius depositionem alteriusque elevationem sumpsit. Nam et C. et G. duobus tonis pariter et semitonio surgunt, et D. et G. tono et semitonio pariter inflectuntur. b. vero rotundum, quia minus est regulare, quod adjunctum vel molle dicunt, cum F. habet concordiam, etideo additum est, quia F. cum quarta a se tritono differente nequibat habere concordiam: utramque autem b. ♯ in eadem neuma non jungas. In eodem vero cantu maxime b. molli utimur, in quo F. f. amplius continuatur gravis vel acuta, ubi et quamdam confusionem et transformationem videtur facere, ut G. somet protum, a. deuterum, cum ipsa b. mollis sonet tritum; unde ejus a multis nec mentio facta est. Alterum vero ♯ in com-

A mune placuit habere. Quod si ipsam b. mollem vis omnino non habere, neumas, in quibus ipsa est, ita tempera, ut pro F. G. a. et ipsa b. habeas G. a. ♯, c. aut si talis est neuma, quæ post D. E. F. in elevatione vult duos tonos et semitonium, quod ipsa b. mollis facit, aut quæ post D. E. F. in depositione vult duos tonos; pro D. E. F. assume a. ♯ c. quæ ejusdem sunt modi, et prædictas elevationes et depositiones regulariter habent. Hujusmodi enim elevationes et depositiones inter D. E. F. et a. ♯ c. clare discernens confusionem maxime contrariam tollit.

De similitudine vocum pauca perstrinximus, quia quantum similitudo in diversis rebus conquiritur, tantum ipsa diversitas, per quam mens confusa diutius potuit laborare, minuitur; semper enim adunata divisis facilius capiuntur. Omnes itaque modi distinctionesque modorum his tribus aptantur vocibus C. D. E. Distinctiones autem dico eas quæ a plerisque differentie vocantur, hoc est, sæculorum amen. Differentia autem idcirco dicitur, eo quod discernat seu separet plagas ab autentis; cæterum abusive, dicitur. Ergo omnes voces aliæ cum his aliquam habent concordiam, seu in depositione seu in elevatione; nullæ vero in utroque se exhibent similes cum aliis, nisi in diapason. Sed horum similitudinem omnium in hac figura, quam subjecimus, quisquis requisierit, reperire poterit.



CAPUT IX.

De similitudine vocum in cantu, quarum diapason sola perfecta est.

Supradictæ voces, prout similes sunt, utpote aliæ in elevatione, ut C. et G. D. et a. aliæ in deposi-


tionem, ut a. et E. G. et D. aliæ in utroque, ut C. et G. E. et ♯, ita similes faciunt neumas, adeo ut unius cognitio pandat tibi alteram, in quibus vero nulla similitudo monstrata est, vel quæ diversorum modorum sunt, altera alterius neumam cantumque non

recipit: quod si compellas recipere, transformabis; ut puta si quis vellet antiphonam, cujus principium est in D. in E. vel in F. quæ sunt alterius modi voces, incipere, mox auditu perciperet quanta diversitatis transformatio fieret. In D. vero et a. quæ unius sunt modi, sæpissime possumus eundem cantum incipere vel finire: sæpissime autem dixi, et non semper, quia similitudo, nisi in diapason, perfecta non est. Ubi enim diversa est tonorum semitoniorumque positio, fiat necesse est et neumarum. In prædictis namque vocibus, et quæ unius modi dicuntur, dissimilitudines inveniuntur; D. enim deponitur tono, a. vero ditono; sic et in reliquis.

CAPUT X.

De Modis et falsi meli agnitione et correctione.

Hi sunt quatuor modi vel tropi, quos abusive B



Desiderium

In nullo enim sono valet fieri, excepto tertio et sexto; nam etsi reperitur in alio, penitus emendanda est; non solum autem ipsa, sed et radix, ex qua inutiliter processit, eradicanda est.

Notandum, quod, quia a a quibusdam semitonii loco admittitur, ideo harmoniam in modum plaustrum vergentis per petrosam semitam faciunt. Ideo autem plus quam omnium artium musicæ sunt regulæ dissolutæ, quia, dum nusquam aliqui potuerunt se ad semitam admittere, imo dum pleni fluminis (f. instar) cui dum non sufficit proprius alveus, per compita diffunditur; ita ipsi omni loco, quo semitonia accreverunt, aliam semitam elegerunt, scilicet metuentes arctum ingredi specum, ne magnitudo, qua præcellunt, corporis arctetur, aut minori latitudine aut breviori altitudine tegminis. Ubi autem non quærent (f. queunt) penitus effugere, diesi usi sunt, imitantes nimirum illos qui, dum metuunt vim algoris, vim faciunt impingentes semel ante os camini.

Igitur hæc diesis, quæ, sicut supra diximus, locum semitonii sumit, nusquam sumenda est, nisi isto modo, cum tritus canitur, et tetrardus producendus est in proto, iterumque deponendus est in semetipso, vel in eodem trito, vel etiam magis infimo. Tunc tritus, qui præest tetrardo, protove, subducendus est modicum; quæ subductio appellatur diesis, et medietas sequentis semitonii, sicut semitonium est medietas sequentis toni. Metitur autem hoc modo. Cum a G. ad finem feceris novem passus, reperisque a. tunc ab a. ad finem partire per septem, et in termino primæ partis reperis primam diesim, inter B et c. Mox secundus et tertius passus erunt vacui, quartus vero tertii

A tonos nominant, qui sic sunt naturali ab invicem diversitate disjuncti, ut alter alteri in sua sede locum non tribuat, alterque alterius neumam aut transformet aut recipiat nunquam; dissonantia quoque per falsitatem ita in canendo subrepat, cum aut de bene dimensis vocibus parum quid gravantes demunt, vel adjiciunt intendentes; quod prævæ voces hominum faciunt, cum aut prædictam rationem plus justo intendentes vel remittentes, neumam cujuslibet modi aut in alium modum pervertunt, aut in loco, qui vocem non recipit, inchoant, vel quasdam faciunt subductiones in trito, quæ dieses appellantur, cum non oporteat eas in usum admittere, nisi supervenientibus certis locis. Quod ut facile pateat, proponimus exemplum:

diesis obtinebit locum, qui similiter erit inter B et c. Modo simili a d. passus fiant totidem ad finem, moxque secundæ patebit locus, supradicto ordine, quæ erit inter e. et f. Tunc revertens ad primam diesim, divide ad finem per quatuor, et primus item passus terminabit inter e. et f. se-

cundus inter B et cc. reliqui vacant. Admonemus vero lectorem ne existimet nos desipere, eo quod primo omisimus ista scribere. Nos enim paratos habebit, post finem operis ex istis respondere sibi; nunc ad cepta revertamur.

Sunt etiam nonnulli, qui ubi debuerant semitonium admittere, apponunt tonum. Quod ut exemplo pateat, in Communione, *diffusa est gratia*, multi propterea, quod erat incipiendum in F. uno tono deponunt, cum ante F. tonus non sit: sicque fit, ut ubicunque occurrit semitonium, ponant illum sub F, quod nullo modo fieri potest, et ideo finis Communionis ejusdem ibidem veniat, ubi nulla vox est. Cantoris itaque peritiæ esse debet, quo loco vel modo quamlibet neumam incipiat, ut eam vel suo modo restituat, vel, si motione opus est, ad affines voces inquirat. Hos autem modos vel tropos græce nominamus protum, deuterum, tritum, tetrartum.

CAPUT XI.

Quæ vox, et quare in cantu obtineat principatum.

Cum autem quilibet cantus omnibus vocibus et modis fiat, vox tamen quæ cantum terminat, obtinet principatum; ea enim et diutius et morosius sonat. Et præmissæ voces, quæ tantum exercitatis patent, ita ad eam adaptantur, ut mirum in modum quamdam ab ea coloris faciem ducere videantur. Per supradictas nempe sex conso-

nantias, voci quæ neumam terminat reliquæ voces concordare debent. Voci vero quæ cantum terminat, principatum ejus, cunctarumque distinctionum fines vel etiam principia, opus est adhæ-

re. Excipitur *Tribus miraculis*; quia, cum cantus in E. terminat sæpe in c. qui ab ea diapente et semitonium distat, principium facit in hac antiphona:

The musical notation consists of four horizontal lines. The top line is a clefless line with a 'C' at the beginning and 'cc' at the end. Below it, a second line contains a series of notes: 'a-a' (with a 'G' below each 'a'), 'a' (with a 'G' below), 'a' (with a 'G' below), 'aa' (with a 'G' below each 'a'), and 'a-a' (with a 'G' below each 'a'). A third line contains the letters 'F', 'F', 'E', 'E', 'E', 'F', 'F', 'F', 'F', 'F', 'E'. A fourth line contains the letter 'D'. Above the first line, there are two 'd' characters. Above the second line, there are two 'H' characters.

Tertia dies est, quod hæc facta sunt.

Præterea cum aliquem cantare audimus, primam ejus vocem, cujusmodi sit, ignoramus; quia utrum toni vel semitonia reliquæve species sequantur, nescimus. Finito vero cantu ultimæ vocis modum ex præteritis aperte agnoscimus. Incepto enim cantu, quid sequatur, ignoras, finito autem, quid præcesserit, vides. Itaque finalis vox est, quam melius intuemur. Deinde si eidem cantui versum aut psalmum, aut aliquid velis subjungere, ad finalem vocem permaxime opus est coaptare, non ad primæ vel aliarum adeo inspectionem redire.

Additur quoque et illud, quod accurati cantus in finalem vocem maxime distinctiones mittant. Nec mirum est regulas musicam sumere a finali voce, cum et in Grammaticæ partibus artis pene ubique vim sensus in ultimis litteris vel syllabis per casus, numeros, personas, temporaque discernimus. Igitur quia et omnis laus in fine canitur, jure dicimus quod omnis cantus ei sit modo subjectus, et ab eo modo regulamumat, qui ultimus sonat. A finali itaque voce ad quintam in quolibet cantu justa est depositio, et usque ad octavas elevatio, licet contra hanc regulam sæpe fiat, cum ad nonam, decimamve vel undecimam progrediamur. Unde et finales voces statuerunt D. E. F. G. quia his primum prædictam elevationem vel depositionem monochordi positio commodaverit; habent enim hæc deorsum unum tetrachordum gravium, sursum vero duo acutarum.

CAPUT XII.

De divisione quatuor modorum in octo.

Interea cum cantus unius modi, utpote protii, ad

Dac a a G FE G FE DD
Primum que ri te re gnum Dei

Mox enim ut cum fine alicujus antiphonæ hanc neumam bene viderimus convenire, quod autentii protii sit, non est opus dubitare; sic et de reliquis.

Ad hoc etiam cognoscendum plurimum valent et versus nocturnalium responsoriorum, et psalmi officiorum, et omnia quæ in modorum formulis præscribuntur, quas qui non novit, mirum est si quam

(14) Videntur legendum, soleant pervenire.

B comparisonem finis tum sint graves et plani, tum acuti et alti, versus et psalmi, et si quid, ut diximus, fini aptandum erat, uno eodemque modo prolatum diversis aptari non poterat. Quod enim subjungebatur, si erat grave, cum acutis non conveniebat, si erat acutum, a gravibus discordabat. Consilium itaque fuit, ut quisque modus partiretur in duos, id est, acutum et gravem, distributisque regulis acuta cum acutis, et gravia convenirent gravibus, et acutus quisque modus diceretur autenticus, id est, auctoralis et princeps; gravis autem plaga vocaretur, id est, lateralis et minor. Quid enim dicitur stare ad latus meum, minor me est, cæterum si esset major, ego aptius dicerer stare ad latus ejus. Cum ergo dicatur autentus protus et plagis protii, similiter de reliquis, qui naturaliter in vocibus erant quatuor divisi, in cantibus facti sunt octo. Abusio autem tradidit latinis dicere: pro autentio proto et plagis protii, primus et secundus; pro autentio deuterio et plagis deuteri, tertius et quartus; pro autentio trito et plagis triti, quintus et sextus; pro autentio tetrardo et plagis tetrardi, septimus et octavus.

CAPUT XIII.

De octo modorum agnitione, acumine et gravitate.

Igitur octo sunt modi, ut octo partes orationis, et octo formæ beatitudinis, per quos omnis cantilena discurrens octo dissimilibus vocibus et qualitibus variatur. Ad quos in cantibus discernendos etiam quædam neumæ inventæ sunt, ex quarum aptitudine ita modum cantionis agnoscimus, sicut sæpe ex aptitudine corporis, quæ cujus sit tunica, reperimus, ut:

CFG a G a G F E F G a G F E F D.

partem horum quæ dicuntur intelligit. Ibi enim in formis prævidetur, quibus in vocibus singulorum modorum cantus rarius sæpiusve incipiatur, et in quibus minime id fiat: ut in plagis quidem minime licet vel principia vel fines distinctionum ad quintas intendere, eum et ad quartas perraro solet evenire (14). In autentis vero, præter deuterum, eadem principia et fines distinctionum minime licet

ad sextas intendere, plagæ vero proti vel triti ad tertias intendunt ; et plagæ deuteri et tetrardi ad quartas intendunt.

Memineris præterea, quod sicut usualium cantuum attestatio perhibetur, autenti vix a suo fine plus una voce descendunt. Ex quibus autentus tritus rarissime id facere propter subjectam semitonii imperfectionem videtur. Ascendunt autem autenti usque ad octavam et nonam, vel etiam decimam. Plagæ vero ad quintas remittuntur et intenduntur. Sed intensio sexta vel septima auctoritate tribuitur, sicut in autentis nona et decima. Plagæ vero proti, deuteri, et triti aliquando in a. c. acuta necessario finiuntur.

Supradictæ autem regulæ permaxime caventur in antiphonis et responsoriis, quorum cantus ut psalmis et versibus coaptentur, oportet, communibus regulis fulciantur. Alioquin plures cantus inveniunt, in quibus adeo confunditur gravitas et acumen, ut non possit adverti, cui magis, id est, autento an plagæ conferantur. Præterea et ignotorum cantuum inquisitione, prædictarum neumatum et subjunctionum appositione plurimum adjuvamus, cum talium aptitudine soni cujusque proprietatem per vim tropicam intuemur. Est autem tropus species cantionis, qui et modus dictus est, et adhuc dicendum est de eo.

CAPUT XIV.

De tropis, et virtute musicæ.

Horum quidam troporum exercitati usu ita proprietates et discretas facies, ut ita dicam, extemplo ut audierint, recognoscunt, sicut peritus gentium coram positis multis habitus eorum intueri potest et dicere : hic Græcus est, ille Hispanus, hic Latinus et ille Teutonicus, iste vero Gallus : atque ita diversitas troporum diversitati mentium coaptatur, ut unus autenti deuteri fractis saltibus delectetur ; alius plagæ triti eligat voluptatem ; uni garrultas tetrardi autenti magis placet ; alter ejusdem plagæ suavitatem probat ; sic et de reliquis.

Nec mirum, si varietate sonorum delectatur auditus, cum varietate colorum gratuletur visus, varietate odorum foveatur olfactus, mutatisque saporibus lingua congaudeat. Sic enim per fenestram corporis delectabilium rerum suavitas intrat mira-


biliter penetralia cordis. Inde est, quod sicut quibusdam saporibus, coloribus et odoribus, vel etiam colorum intuitu salus tam cordis quam corporis vel minuitur, vel augetur. Ita quondam, ut legitur, quidam phreneticus, canente Aslepiade medico, ab insania revocatus. Et item alius quidam citharæ suavitate in tantam libidinem incitatus, ut cubiculum puellæ quæreret effringere dementatus: moxque citharædo mutante modum voluptatis pœnitentia ductum recessisse confusum. Item et David Saul dæmonium cithara mitigabat, et dæmonicam feritatem hujus artis potenti vi ac suavitate frangebat. Quæ tamen vis solum divinæ sapientiæ ad plenum patet. Nos vero quæ in ænigmate ab inde percepimus, in divinis laudibus utamur. Sed quia de hujus artis virtute vix pauca libavimus, quibus ad bene modulandum rebus opus sit, videamus.

CAPUT XV.


De comoda componenda modulatione.

Igitur quemadmodum in metris sunt litteræ et syllabæ, partes et pedes, ac versus : ita et in harmonia sunt phthongi, id est soni, quorum unus, duo, vel tres aptantur in syllabas, ipseque solæ vel duplicatæ neumam, id est, partem constituunt cantilenæ ; sed pars una vel plures distinctionem faciunt, id est, congruum respirationis locum. De quibus illud est notandum, quod tota pars compressa et notanda et exprimenda est, syllaba vero compressius, tenor vero, id est, mora ultimæ vocis, qui in syllaba quantuluscunque est amplior in parte, diutissimus vero in distinctione, signum in his divisionibus existit, sicque opus est, ut quasi metricis pedibus cantilena plaudatur, et aliæ voces ab aliis morulam duplo longiorem, vel duplo brevior, aut tremulam habeant id est, varium tenorem quem longum aliquotiens litteræ virgula plana apposita significat: ac summopere caveatur talis neumarum distributio, ut cum neumæ tum ejusdem soni repercussione, tum duorum aut plurium connexionem fiant, semper tamen aut in numero vocum aut in ratione tonorum neumæ alterutrum conferantur, atque respondeant, nunc æque æquis, nunc duplæ vel triplæ simplicibus, atque alias collatione sesquialtera vel sesquitertia.

De collatione proportionum.



De construendo cantu.



Proponatque sibi Musicus, quibus ex his divisionibus incedentem faciat cantum, sicut Metricus, quibus pedibus faciat versum; nisi quod Musicus non se tanta legis necessitate constringit, quia in omnibus se hæc ars in vocum dispositione rationabili varietate permutat (14). Quam rationabilitatem etsi sæpe non comprehendamus, rationale tamen creditur id, quo mens, in qua est ratio, delectatur. Sed hæc et hujusmodi melius colloquendo quam conscribendo monstrantur.

Oportet ergo ut more versuum distinctiones æquales sint, et aliquotiens eadem repetitæ, aut aliqua vel parva mutatione variatæ, et cum (15) plures fuerint duplicatæ, habentes partes non nimis diversas, et quæ aliquotiens eadem tranformantur per modos, aut similes intensæ et remissæ inveniantur. Item ut reciproca neuma eadem via, qua venerat, redeat, ac per eadem vestigia recurat. Item ut qualem ambitum vel lineam una facit saliendo ab acutis, talem inclinatam altera e regione opponit respondendo a gravibus, sicut fit, cum in puteo nos cum imagine nostra contra speculamur. Item aliquando una syllaba unam vel plures habeat neumas, aliquando una neuma plures dividatur in syllabas. Variabuntur hæc vel omnes neumæ, cum alias ab eadem voce incipiant, alias de dissimilibus secundum laxationis et acuminis variat qualitates. Item ut ad principalem vocem, id est finalem, vel si quam affinem ejus pro ipsa elegerint, pene omnes distinctiones currant, et eadem aliquando vox, quæ terminat neumas omnes, vel plures distinctiones finiat, aliquando et incipiat; sicut apud Ambrosium curiosus invenire poterit. Sunt vero quasi prosaici cantus, qui hæc minus observant, in quibus non est cursus, si alias majores, alia minores partes et distinctiones per loca sine discretionem inveniantur more prosarum.

Metricos autem cantus dico, quia sæpe ita canimus, ut quasi versus pedibus scandere videamur, sicut fit, cum ipsa metra canimus, in quibus cavendum est, ne superflua continentur neumæ dissyllabæ sine admixtione trisyllabarum ac tetrasyllabarum. Sicut enim Lirici poetæ nunc hæc nunc alios adjungere pedes, ita et qui cantum faciunt, rationabiliter discretas ac diversas componunt neumas; rationabilis vero discretio est, si ita fit

(14) Ott., *misceri permittit.*

(15) Al., *perpulchre fuerint.*

neumarum et distinctionum moderata varietas, ut tamen neumæ neumis et distinctiones distinctionibus quadam semper similitudine sibi consonanter respondeant, id est, ut sit similitudo dissimilis, more perdulois Ambrosii. Non autem parva similitudo est metris et cantibus, cum et neumæ loco sint pedum, et distinctiones loco versuum; ut pote ista neuma dactylico, illa vero spondaico, illa iam bico metro decurreret; et distinctionem nunc tetrametram nunc pentametram, alias quasi hexametram cernes, et multa alia, ut elevatio et positio tum ipsa sibi, tum altera alteri similis vel dissimilis præponatur, supponatur, apponatur, interponatur, alias conjunctim, alias divise, alias commixtim ad hunc modum. Item ut in unum terminentur partes et distinctiones neumarum atque verborum, nec tenor longus in quibusdam brevibus syllabis, aut brevis in longis sit, quia (16) obœnitatem parit, quod tamen raro opus erit curare. Item ut rerum eventus sic cantionis imitetur effectus, ut in tristibus rebus graves sint neumæ, in tranquillibus rebus jucundæ, in prosperis exultantes, et reliquæ. Item sæpe vocibus gravem et acutum accentum superponimus, quia sæpe ut majori impulsu quasdam, ita etiam minori efferimus: adeo ut ejusdem sæpe vocis repetitio elevatio vel depositio esse videatur. Item ut in modum currentis equi semper in fine distinctionum rarius voces ad locum respirationis accedant, ut quasi gravi more ad repausandum lassæ perveniant. Spissim autem et rare, prout oportet, notæ compositæ hujus sæpe rei poterunt indicium dare. Liquescent vero in multis voces more litterarum, ita ut inceptus modus unius ad alteram limpide transiens nec finiri videatur. Porro liquescenti voci punctum quasi maculando superponimus hoc modo:

G DE Ga a G.

Ad te le va vi.

Si autem eam vis plenius proferre non liquefaciens, nihil nocet, sæpe autem magis placet. Et omnia, quæ diximus, nec nimis raro, nec nimis continue facias, sed cum discretionem.

CAPUT XVI.

De multiplici varietate sonorum et neumarum.

Illud vero non debet mirum videri, cur tanta copia


(16) F. *absonitatem.*

tam diversorum cantuum tam paucis formata sit A vocibus, quæ voces non nisi sex modis, ut diximus, sibi jungantur tam per elevationem quam per depositionem; cum et de paucis litteris, etsi non per plures, conficiantur syllabæ, poterit enim colligi numerus syllabarum; infinita tamen partium pluralitas concrevit ex syllabis, et in metris de paucis pedibus quam plura fiunt genera metrorum, et unius generis metrum plurimis varietatibus invenitur diversum, ut hexametrum; quod quomodo fiat, videant grammatici, quoniam illud dicere alterius est negotii. Nos, si possumus, videamus, quibus modis distantes ab invicem neumas constituere valeamus.

Igitur motus vocum, qui sex modis consonanter fieri dictus est, fit arsi et thesis, id est, elevatione et depositione: quorum gemino motu, id est, arsis et thesis, omnis neuma formatur, præter repercussas aut simplices. Deinde arsis et thesis tum sibi junguntur, ut arsis arsi, thesis thesi, tum altera

alteri, ut arsis thesi, et thesis arsi conjungitur, ipsaque conjunctio tum fit ex similibus, tum ex dissimilibus. Dissimilitudo autem erit, si ex prædictis motibus, id est, tonis, semitonis, ditonis et cæteris alius alio plures paucioresve habeat voces, aut magis conjunctas vel disjunctas dissimiliter; deinde vel similiter facta conjunctione motus motui tum erit præpositus, id est in superioribus positus, tum suppositus tum appositus, id est, cum in eadem voce unius motus finis erit, alteriusque principium; tum interpositus, id est, quando unus motus infra alium positus et minus est gravis et minus acutus; tum id commixtus, est, partim interpositus partimque suppositus, aut præpositus, aut appositus, rursusque hæ positiones dirimi possunt secundum laxationis et acuminis, augmenti et detrimenti, modorum quoque varias qualitates. Neumæ quoque per eosdem modos arsis et thesis poterant variari, et distinctiones aliquando. Qua de re et descriptionem subjecimus, quo facillor per oculos via sit.

| Musica motus est vocum. | | | | | |
|-------------------------|------------|----------|--------------|--------------|-----------|
| Tonus. | Semitonium | Ditonus. | Semiditonus. | Diatessaron. | Diapente. |
| | | | | | |



CAPUT XVII.

Quod ad cantum redigitur omne, quod scribitur.

His breviter intimatis aliud tibi planissimum dabimus hic argumentum, utillimum usui, licet hactenus inauditum. Quo cum omnium omnino meliorum causa claruerit, poteris tuo usui adhibere, quæ probaveris commoda, et nihilominus respere, quæ videbuntur obscœna (17). Perpende igitur, quia sicut omne, quod dicitur, scribitur, ita ad cantum redigitur omne, quod scribitur. Canitur ergo omne, quod dicitur, scriptura autem litteris figuratur. Sed ne in longum regula nostra producat, sex his de (18) litteris quinque tantum vocales sumamus, sine quibus nulla alia littera, sed nec syllaba sonare probatur, earumque permaxime causa conficitur, quotiescumque suavis concordia in diversis partibus invenitur, sicut per sepe videmus consonos et sibimet alterutrum respondententes versus in metris, ut quamdam quasi symphoniam grammaticæ admireris. Cui si mu-

A sica responsione simile jungatur, duplici modulatione delecteris.

Has itaque quinque vocales sumamus, forsitan cum tantum concordiae tribuunt verbis, non minus cantilenæ præstabunt et neumis. Supponantur itaque per ordinem litteris monochordi, et quia quinque tantum sunt, tamdiu repetantur, donec unicuique sono sua subscribatur vocalis, hoc modo :

a b c d

Γ A B C D E F G. a b c d e f g. a b c d

a e i o u. a e i o u. a e i o u. a e i o

In qua descriptione id modo perpende, quia cum his quinque litteris omnis locutio moveatur, moveri quoque et quinque voces ad se invicem, ut diximus, non negetur. Quod cum ita sit, sumamus modo aliquam locutionem, ejusque syllabas illis sonis adhibitis decantemus, quas earumdem syllabarum vocales subscriptæ monstraverint, hoc modo :

G. u ————— G G G ————— rum — tu — rum —————

F. o ————— F F F F ————— Jo — to — o — co — o —

E. i ————— E ————— ri ————— pi ————— dig —————

D. e ————— D D D ————— te — ncs — me ————— neque — ne — nere —

C. a ————— c c c ————— Sanc — han — as — ca —

C D F C D D E F G G F G F E C D D F E D C D D

Sancte Joannes meritorum tuorum copias neque digne canere.

Quod itaque de hac oratione factum est, et de omnibus posse fieri nulli dubium est. Sed ne gravis tibi imponatur necessitas, quia ad hunc modum vix cuilibet symphonie quinque accidunt voces, et ipsas quinque transgredi sæpe ad votum non suppetat, ut tibi paulo liberius liceat evagari, alium item versum subjungo vocalium, sed ita sit diversus, ut a tertio loco prioris incipiat hoc modo :

a b c d

Γ A B C D E F G. a b c d e f g. a b c d

a e i o u. a e i o u. a e i o u. a e i o u.

o u. a e i o u. a e i o u. a e i o u. a e

Ubi cum duobus ubique subsonis, in quibus quinque habeantur vocales, cum videlicet cuique sono et una subsit, et altera satis tibi liberior facultas accedit, et productiori et contractiori prohibitu motu variare et incedere. Unde et hoc nunc videamus, qualem symphoniam huic rhythmus vocales attulerint.

e. i a ————— vi —————

d. eu ————— net, — sum — ven —————

c. ao ————— ror — so — fo — do — con — va — ta —

u, u i ————— li — in — ni —

a. oe ————— fre — temperet, — ne — hor — te — ne — tes —

G. ia ————— Linguam — nens — tis — gat, — riat.

F. eu ————— re ————— hau —

G G F a G a a a a G G c c d
Linguam refrenans temperet, ne litis horror insonet,
e d c d c c a G a c c a F G G
visum fovendo contegat, ne vanitates hauriat :

In sola enim ultima parte hoc argumentum reliquimus, ut melum suo tetrardo conveniens redderemus. Cum itaque suis tantum vocalibus quidam

(17) F. absona.

D cantus quamdam aptam sibi vendicet adeo cantilenam, non est dubium, quin fiat aptissima, si in multis exercitatus de pluribus potiora tantum, sibi aptius respondentia eligas, hiantia suppleas, compressa resolvas, producta nimium contrahas, ac nimis contracta distendas, ut unum quod accuratum opus efficias.

(18) Melius, ex iisdem litteris.

Illud præterea scire te volo, quod in morem puri argenti omnis cantus quo magis usitatur, eo magis coloratur, et quod modo displicet, per usum quasi lima politum postea collaudatur, ac pro diversitate gentium ac mentium, quod huic displicet, ab alio amplectitur, et hunc oblectat consona, ille magis probat diversa; iste continuationem et mollitiem secundum suæ mentis lasciviam quærit; ille, utpote gravis, sobriis cantibus demulcetur. Alius vero ut amens in compositis et in anfractis vexationibus pascitur, et unusquisque eum cantum sonorius multo pronuntiat, quem secundum suæ mentis insitam qualitatem probat. Quæ omnia si dictis argumentis assiduo exercitio inhæseris, ignorare non poteris. Imo et argumentis utendum est, donec ex parte cognoscimus, ut ad plenitudinem scientiæ perveniamus. Sed quia hæc in longum prosequi proposita brevitatis non exposcit, præsertim cum ex his perplura valeant colligi, de canendo ista sufficiant. Jam nunc diaphoniæ præcepta exequamur breviter.

CAPUT XVIII.

De diaphonia, id est, organi præcepto.

Diaphonia vocum disjunctio sonat, quam nos organum vocamus, cum disjunctæ ab invicem voces et concorditer dissonant, et dissonantes concordant. Qua quidem ita utuntur, ut canenti semper chorda quarta succedat, ut A. ad D. ubi si organum per acutum a duplices, ut sit D. a resonabit A. ad D. diatessaron, ad a diapason, D. vero ad utramque A. a diatessaron et diapente, a. acutum ad graviore diapente et diapason. Et quia hæc tres species ad tantam organi societatem se permiscent ac suavitate, ut similitudinem vocum fecisse superius sunt monstratæ symphoniciæ, ideo apte vocum copulationes dicuntur, cum symphonia de cantu omni dicatur. Dictæ autem diaphoniæ hoc est exemplum :

Diapason c d e c d e d c c c c | a g c d e d d c.
Diapente FGa FGa GFFF EDCFG aGGF.

Miserere mei, Deus.

Diatessaron c d e c d e d c c c c b a t c d e d d c.

Hæc autem figura aperte emendata continet præcedentes voces hujus antiphonæ *Miserere Dei, Deus*, subsequentes organizando per diatessaron, quod vulgariter dicitur organum (19) supra voce, id est, sub his, præcedentes acutas voces retinet organizantes per diapente, quod organum dicitur supra vocem. Hæc autem antiphona de trito tono, id est sexto est, et deponitur in ea organum usque ad C. gravem, ad quam organum nonnumquam descendit. Sicut enim graves descendunt voces, sic ascendunt acutæ. Potes et cantum cum organo et organum cum cantu, quantum libuerit, duplicare per diapason; ubicumque enim ejus concordia fuerit, dicta symphonarium aptatio non cessabit.

Cum itaque jam satis vocum patefacta sit duplicatio, gravem a canente succentum, more, quo

A nos utimur, explicemus. Superior nempe diaphoniæ modus durus est, noster vero mollis, ad quem semitonium et diapente non admittimus; tonum vero et ditonum et semitonium cum diatessaron recipimus, sed semiditonum in his infimatum, diatessaron vero obtinet principatum.

His itaque quatuor concordii diaphoniæ cantum (20) subsequitur; troporum vero alii apti, alii aptiores, alii aptissimi existunt. Apti sunt, qui per solam diatessaron quartis a se vocibus organum reddunt, ut deuterus in B. et E: aptiores sunt, qui non solum quartis, sed tertiis et secundis per tonum et semiditonum, licet raro, respondent, ut protus in A. et D: aptissimi vero, qui sæpissime suaviusque id faciunt, ut tetrardus et tritus in C.

B F. G. Hæc enim tono et ditono et diatessaron obsequuntur; quorum a trito, in quem vel finis distinctionum advenerit, vel qui proximus ipsi finalitati suberit, subsecutor tamen numquam debet descendere, nisi illo inferiores voces cantor admiserit. A trito enim infimo aut infimis proxime substituto deponi organum numquam licet. Cum vero cantor inferiores voces admiserit congruo loco, et per diatessaron organum deponatur, moxque ut illa distinctionum gravitas ita deseritur, ut repeti non speretur, quem prius habuerat locum subsecutor repetat, ut finali voci, si in se devenerit, commaneat, et si super se est, vicino decenter occurrat, qui occursum tono melius fit, ditono non adeo, semiditonoque numquam. Ad diatessaron vero vix fit occursum, cum gravis magis placet illo loco succentus. Quod tamen ne in ultima distinctione symphoniciæ eveniat, est cavendum. Sæpe autem cum inferiores trito voces cantor admiserit, organum suspensum tenemus in trito; tunc vero opus est ut in inferioribus distinctionem cantor non faciat, sed discurrentibus cum celeritate vocibus præstolanti trito redeundo subveniat, et suum et illius facta in superioribus distinctione repellat. Item cum occursum fit tono, diutinus fit tenor finis, ut ei partim subsequatur, et partim concinatur. Cum vero ditonus diuturnior, ut sæpe per intermissam vocem, dum vel parva sit obsecutio, etiam toni non desit occursum. Quod quia fit, tunc harmonia finitur deuterio: etsi cantus non speratur ultra ad tritum descendere, utile tunc erit proto vim organi occupare, subsequentibus subsequi, finique per tonum decenter occurrere, item cum plus diatessaron se jungi non liceat, opus est, cum plus se cantor intenderit, subsecutor ascendat, ut videlicet C. sequatur F: et D. sequatur G: et E sequatur a. et reliqua. Denique præter quadratam singulis vocibus diatessaron subest, unde in quibus distinctionibus illa fuerit, G. vim organi possidebit. Quod tum fit, si aut cantus ad F. descendat, aut subsequitur, aut in G. distinctionem faciat, ad G. et a. congruis locis F. subsequitur, si in G. vero cantus non terminet, F. cum cantu vim organi admittit. Cum vero. b. mollis versatur in cantu, F. organalis erit. Cum ergo

(19) Melius, sub.

(20) Lege cantus.

tritus adeo diaphoniæ obtineat principatum, ut aptissimum supra cæteros obtineat locum, videmus a Gregorio non immerito plus cæteris vocibus adamatum. Etenim multa melorum principia, et plurimas répercussiones dedit, ut sæpe, si de ejus cantu triti E. et c. subtrahatur, prope medietatem tullisse videaris. Diaphoniæ præcepta data sunt, quæ sit exemplis probes, perfecta cognosces.

CAPUT XIX.

Dictæ Diaphonæ per exempla probatio.

Igitur a trito non deponimus organum, sive in eo, sive in sequentibus finiatur, hoc modo :



Ecce finis distinctionis in trito C. a quo non deponimus organum, quia non habet sub se tonum vel ditonum, quibus fit occurus, sed habet semiditonum, per quem non fit occurus.

F G G a G G F
ser vo fi de m
C D D E D D C

Ecce alia distinctio in trito F. in quo et quartis a se vocibus per diatessaron subsequimur, et diatessaron succentus plusquam occurus placet :

F F E D F G F
Ipsi me to ta
C C C C C D C

Ecce alia ejusdem modi triti in F.

F F F F E G F E D D D
De vo ti o ne com mit to.
C C C C C D C C C C D

Ecce alia distinctio in proto D. in qua et toni occurus ad finem patet.

C D C F F F F D E
Item : Homo erat in Iherusalem, aut ita :
C C C C C C D E
F F E D E
Iherusalem.
D D D E

Ecce distinctio in deutero E. in qua et toni occurus ad finem patet.

C F F D F C D D C D F F C E D
Veni ad docendum vos viam prudentiæ.
C C C C C C C A C C C C C C D

Distinctio in proto A. In hac distinctione in inferiore trito C, qui fini proxime subest D, voces admissæ sunt, et locus prior finita gravitate repetitus est, ubi diximus viam prudentiæ. Et in hac similiter :

F Ga aFGF FG a G F D F EDCFGGGF
Sexta hora sedit super puteum.
C DE EC DC C D E D C C C FFFFFFFF
Ecce ut ascendit organum, ne in ultima distinctione succineret cavens.

(21) Lege et E. teneat VIII.

A F FG G F F DD CF G a G F G FFEDC

Sexta hora se dit super puteum.

FF FFF FFFF FF FF F F F F F FFFFFFF

Ecce quomodo, admittente cantore graviores voces, organum suspensum tenemus in trito.

c c d d c a c b c a G F G G
Victor ascendit coelos unde descendet.

G G a a G G G G G F F F F G

Ecce ut ad G. et a in fine subsequitur F. Idem in plagali trito invenies usurpatum, ut ad C et d ita B subsequatur, sicut ad G et ad a sequitur F. hoc modo :

e c d de ded d e
Ve ni te Ad ore mus.
c c c c c c b B c

B

CAPUT XX.

Quomodo musica ex malleorum sonitu sit inventa.

De originæ autem musicæ artis, quia rudem lectorem vidimus, in primis tacuimus, quam jam exercitato, magisque scienti tribuimus. Erant antiquitus instrumenta incerta, et canentium multitudo, sed cæca : nullus enim hominum vocum differentias et symphonix discretionem poterat aliqua argumentatione colligere : neque posset unquam certum aliquid de hac arte cognoscere, nisi tandem bonitas divina, quod sequitur, suo nutu disponeret.

C

Cum Pythagoras quidam magnus philosophus forte iter ageret, ventum est ad fabricam, in qua super unam incudem quinque mallei feriebant : quorum suavem concordiam miratus philosophus accessit, primumque in manuum varietate sperans vim soni ac modulationis existere, mutavit malleos ; quo facto sua vis quemque secuta est. Subtracto itaque, qui dissonus erat a cæteris, alios ponderavit, mirumque in modum divino nutu primus XII, secundus IX, tertius VIII, quartus VI, nescio quibus ponderibus appendebat. Cognovit itaque in numerorum proportione et collatione musicæ versari scientiam. Erat enim ea constitutio in quatuor malleis, quæ est modo in quatuor litteris A D E a. Denique si A. gravis habet XII. et a. acuta VI. tenet se acuta a. cum A gravi proportione. quæ est in Arithmetica dupla, in musica autem diapason consonantia. D. vero gravis, quæ est VIII. cum E. gravi quod est VIII. tenet se proportione, quæ est in arithmetica sesquioctava, id est, epogdous, in musica autem tonus consonantia, Item a. acuta cum E gravi, sicut D. gravis cum A. gravi, tenet se proportione, quæ est in arithmetica sesquitertia, in musica vero diatessaron consonantia. Item a. acuta cum D. gravi, sicut E. gravis cum A. gravi tenet se proportione, quæ est in arithmetica sesquialtera, in musica vero diapente consonantia. Et si A. habet XII. et D. IX. ternarii passus, habebit A. in XII. ternarios quatuor, et D. in VIII ternarios tres. Rursus cum habeat A. XII. et D. teneat VIII. (21) quaternarios passus tres habebit A. E. vero duos, et diapente patet. Sint iterum XII. in A. et VI. in altera a se-

D

narius medietas est duodenarii, sicut a. acuta alterius A. medietate colligitur. Adest ergo diapasone. Ita ipsa A. ad D. diatessaron, ad E. diapente, alteri verò a. diapasone reddit, D. quoque ad E. tonum, ad utrumque A. a. diatessaron aut diapente sonat. Et E. etiam ad D. tonum, utriusque A. a. diapente vel diatessaron mandat: a. vero acuta cum A. diapasone, eum D. diapente, cum E. diatessaron sonat. Quæ euncta in supradictis numeris curiosus perscrutator inveniet. Hinc enim incipiens Boëtius panditor hujus artis, multam mirramque et difficillimam hujus artis concordiam cum numerorum proportione demonstravit. Quid plura? Per supradictas species monochordum primus ille Pythagoras composuit, in quo quia non est lasciva, sed diligenter aperta artis notitia, sapientibus in commune placuit, atque usque in hunc diem ars paulatim crescendo invaluit, ipso doctore semper humanas tenebras illustrante, cujus summa sapientia per cuncta viget sæcula. Amen.

Explicit Micrologus,

id est, brevis sermo in musica editus a D.

Guidone musico peritissimo, et venerabili monacho.

INCIPIUNT

GUIDONIS VERSUS DE MUSICÆ EXPLANATIONE

SUIQUE NOMINIS ORDINE.

Incipiunt corda meis hominum mollita Camenis,
Una mihi Virtus numeratos contulit ictus,
In cœlis summo gratissima carmina fundo,
Datis atulæ Christi munus cum voce magistri,
Ordine me scripsi, primo qui carmina finxi.

INCIPIUNT ITEM MUSICÆ GUIDONIS REGULÆ RHYTHMICÆ

In antiphonarii sui prologum prolata.

Musicorum et cantorum magna est distantia.

Isti dicunt, illi sciunt, quæ componit Musica.

Nam qui facit quod non sapit, diffinitur bestia.

Cæterum tonantis vocis si laudent acumina,

Superabit philomelam vel vocalis asina.

Quare eis esse suum tollit dialectica.

Hac de causa rusticorum multitudo plurima,

Donec frustra vivit, mira laborat insania,

Dum sine magistro nulla discitur antiphona.

Notis ergo illis spretis, quibus vulgus utitur,

Quod sine ductore nusquam, ut cæcus, progreditur,

Septem istas disce notas septem characteribus.

ut. re. mi. fa. ut. sol. re. la. mi. fa. sol. ut.

r. A. B. C. D. E. F. G.

a.

a. b. c. d. e. f. g. a.

la. re. mi. fa. ut. sol. re. mi. la. fa. sol. la.

Namque aliæ septenæ, quæ sequuntur postea,

Non sunt aliæ, sed una replicantur regula.

Quia vocum, ut dierum, æque fit hebdomada.

Quas si, sicut audiuntur, vis videre oculis,

Ore interim silente, manualis operis

Argumentum fiat certis diffinitum numeris (22).

Gamma græcum quidam ponunt ante primam

[litteram,

B A quo passibus partitur novem tota linea.

Ubi primus passus finit, prima erit littera.

Modo simili a prima passus fiant totidem.

Et secundæ locus patet supradicto ordine:

Quam concordiam sonorum tonum dicunt musici.

Rursus totam Gammæ chordam divide per quatuor,

Tertia confestim canet secundæ vicinior,

Tantillum duobus tonis plus est diatessaron

Semitonium vocatur ipsum breve spatium,

Tonus vero est, quem facit norma novem partium.

De quaternis habet diatessaron vocabulum.

Ipsi tonus si addatur, diapente oritur,

Quod de quinque nomen Græcum in Latinum [vertitur.

C Nam si passus ternos facit, quinque constat vocibus.

Inde prima dabit quartæ, quaternis indicium,

Et secunda servit quintæ per eundem numerum.

Tertia conducit sextam, neque mutat calculum,

Causa septimæ a Gamma (23) fac totius medium,

Tunc a prima sic octava locum sumit proprium.

Imo prima fit a prima, neque mutat numerum.

Sic secunda dat secundam, tertiæque tertiam,

Quarta quartam, quinta quintam, quæque suam [litteram.

(22) V. VI (f. cujus) clare parvis pateant puerulis quæ vocamus sic primarum litterarum spatium (f. spatia).

(23) A., facit ejus.

Gravium acutam signat per eandem litteram,
Vocis primæ ad octavam vel eandem litteram.
Hoc concordiam sonorum diapason nominant,
Cujus nomen est de cunctis translatum ad lit-

[teram,

Omnes quia habet voces, vel quia totam lineam
Per duos partitur passus in eandem litteram
Ea bisque geminata monochordum terminat.
Quinque habet ipsa tonos, duo semitonia.
Habet in se diapente, atque diatessaron.
Maxima symphoniarum et vocum et unitas.
Miror, quatuor quosdam fecisse signa vocibus,
Quasi quintæ sint eadem, quarum quædam disso-

[nant.

Quædam, quamvis sint affines, non perfecte con-

[sonant.

Item de divisionibus,

Item Gamma de novenis passibus, quos diximus,
Sicut primam passus primus, sic dat quartam ter-

[tius,

Primam quintus, quartam sextus, primam rursus

[septimus.

Primæ quoque passus primus ut secundam statuit,
Sic et tertius in quinta finem suum terminat.

Quintus idem dat secundam, sextus quintam re-

[novat.

Primus quoque de quaternis Gammæ dictis pas-

[sibus

Sicut tertiam demonstrat, sic secundus septimam.
Tertius eandem signat triplicatam septimam.

Tertiam quoque quadrando, ut sextam efficitur.
Sic mox altero in passu tertiam rescribimus,

Quam quadrando rursus sextam alteram perficimus.
Sunt, qui addunt in acutis juxta primam litteram :

Sed Gregorio non placet Patri hæc lascivia.
At moderni sapientes hanc neque commemorant.

Quamvis ergo apud quosdam ipsa fiat vocula,
Apud multos tamen jure dicitur superflua.

Altera vero secunda semper est authentica.
Nota caute, omnes toni novem fiunt passibus,

Diatessaron quaternis, sicut supra diximus,
Diapente semper tribus, Diapason duobus.

Isto modo monochordum facile est fieri.
At si cymbala formantur musicorum opere,

Hæ mensuræ sunt cavendæ maxime in pondere.
His mensuris comparantur et canora organa,
Et quæcunque rite fiunt musicorum vascula.

His mensuris Deo canit tota nunc Ecclesia.
Omnis vox secundæ sibi jungitur et tertæ,

Quartæ vero atque quintæ non junguntur aliter
Nisi diatessaron sit ibi vel diapente.

Tono semitoniove vox secundæ jungitur,
Ditonus vero et semiditonus vocabitur.

Si qua vero vox ultra secundam tertiam adgreditur,
Diatessaron habetur, cum ad quartam graditur ;

Diapente nominamur, quintæ cum conjungitur.
Nisi motibus his senis nulla vox movebitur.

Omnis ergo cantilena quia his efficitur ;
Moneo te, prudens cantor, hos perfecte discere :

Nam qui hos plene cognoscit, nil in cantu dubitat.

(24) B. durum.

A *Quæ voces elevari vel gravari possint.*

Ergo quater elevari vel gravari poterunt
Prima, tertia et quarta, quinta atque septima ;
Sextæ vero et secundæ non est hæc licentia.

Nam secunda ad subquartam minime gravabitur,
Atque usque super quintam nunquam elevabitur.
Superquartæ et subquintæ sexta non conjungitur.

De vocum discriminibus.

Semitonia et toni, quia dissimiliter
Septem sonis coaptantur, septem sunt discrimina,
Ut nullius vocis sonus idem sit in altera.
Vocibus tamen in septem quædam est concordia.
Sæpe enim, si non semper, eadem antiphona
Diversis cantatur sonis, nec mutat harmoniam.

De quatuor modis vocum.

B Nempe quatuor sunt modi in septenis vocalis,
Magna cura cognoscendi : quos Græcorum regula
Protum, deuterum, tritum, ac tetrardum nominat :
Protus primus, et secundus nominatur deuterus,
Tritus tertius vocatur, quartus vero tetrardus,
Ordinatum disponuntur taliter in vocibus.

De Vicinitate vocum per quatuor modos

Namque prima vox et quarta primum modum

[exhibent ;

At secundam dat secunda, atque quinta pariter.
Tertia collata sextæ sæpe cantat eadem.

Quartum modum his adjungit singularis septima,
Quæ tamen in elevando sonat sicut tertia,
Descendendo sibi quartam perhibet sororculam.

De similitudine vocis primæ et quintæ.

C Est præterea cum prima valde quinta similis,
Sed in deponendo tantum ; namque si notaveris
Semitonia et tonos, hoc, ut audis, videris.
Reliquæ jam vero voces sibi valde dissident,
Suam quæque facit neumam alteri dissimilem,
Neque suæ sedis locum dat neumæ extraneæ.

Item de quatuor tropis in octo dispertitis.

Aure tamen curiosa, valde erit utile,
Si advertas et cognoscas, harmonia qualiter
Quatuor canatur modis transformata facie :
Quatuor ex quibus modis octo dehinc facimus,
Quia gravia et alta cantica discernimus,
Cum authentos atque plagas more Græco diximus.

Item de authentis et plagis.

Alti cantus sunt authentici, graves plagas nominant
D Dumque quatuor in tonis hoc utrumque suppu-

[tant,

Octo formulas tonorum vel modorum indicant.
Protus est authenticus primus, plagis protus secundus,
Deutherus authenticus exstat, tertium quem dicimus.

Quartus erit plagis ejus, ordine qui sequitur.
Quintus est authenticus tritus, sextus et plagis ip-

[sius.

Hinc authenticus est tetrardus, quem vocamus sep-

[timum.

Plagis tetrardi octavus, septimum qui sequitur.
Quorum duo unam vocem tenent, ut prædiximus,
Quia vocum in natura quatuor sunt verius,
Quos si sapis, hac in arte nihil est utilius.

VII. I. III. V. I. III. V. VII. I. III. V. I. III. V. VII. I.
 F. A. B. C. D. E. F. G. a b(24)c. d e f g a b c d
 VIII. II. IIII. VI. II. IIII. VI. VIII. II. IIII. VI. II. IIII. VI. VIII. II.

De Finalibus.

Quamvis omnes voces cantus atque modos habeat,
 Ejus tamen erit modi, quem finalis resonat.
 Nam ab ipso sumit normam, qualiter se habeat.
 Vocem quartam atque quintam, sextam atque se-
 ptimam

Finalis habemus. Multi sine differentia
 Ubicumque ponunt fines sicut et principia.
 Quicque cantus ad octavas fallit regulariter,
 Et at quintas a finali poterit descendere,
 Quando plage et authentis non sunt differentie.
 Quod si plagas ab authentis convenit discernere,
 Plagæ saliunt ad quintas, nec vadunt ulterius,
 Et ad quintas declinando sibi satisfaciunt.
 At authentis ad octavas competenter saliunt
 A finali uno tono, neque cadunt amplius.
 Trito tonus cum non subsit, finis est gravissimus.
 Fini quoque debet esse consonum principium.
 Unde quintum a finali non excedat calculum.
 Plagæ vero super quartas non tendant principium.
 Inter alias secunda vox jacet ignobilis,
 Contra tertia et sexta frequentatur sæpius;
 Cujus rei mihi testis sanctus est Gregorius;
 Principalem quoque esse, quia ipsam (25) noluit.
 Deuterus authenticus sumpsit loco ejus tertiam,
 Cujus finis, quamvis sexta, sæpe ipsam inchoat.
 Multa autem usurpantur, nec tenentur regula,
 Quia tempore a multo jam desuevit musica,
 Dum invidia et torpor cuncta tollunt studia.
 Illud vero late patet, quid fiat de vocibus,
 Velut syllabæ et partes, cola atque commata.
 Concinnantque sæpe versus arte sicut metrica.
 Solis litteris notare optimum probavimus,
 Quibus ad discendum cantum nihil est facilius,
 Si assidue utantur saltem tribus mensibus.

d $\text{H} \text{c} \text{d} \text{c} \text{d} \text{c} \text{c} \text{H} \text{c} \text{a} \text{H} \text{a} \text{a} \text{GGG}$.

Sit nomen Domini benedictum in secula.

FG a GFG F F F cFFF D c DD.

Adjutorium nostrum in nomine Domini.

Causa vero breviandi neumæ solent fieri,
 Quæ si curiosæ fiant, habentur pro litteris,
 Hoc si modo disponantur litteræ cum lineis (26).
 Dehinc studio crescente inter duas lineas,
 Vox interponatur una, nempe quærit ratio,
 Variis ut sit in rebus varia positio.
 (27) [Quidam ponunt duas voces duas inter lineas,
 Quidam ternas, quidam vero nullas habent lineas,
 Quibus labor cum sit gravis, error est gravissimus.

A Argumentum vero simplex quia cito capitur.
 Tonus tertius et sextus describuntur sæpius.
 Quos frequenter repercussos mox cognoscitantimus
 Litterarum et neumarum usus sit assiduus.
 Quisque sonus quo sit loco facile colligitur,
 Etiam si una (tantum) littera præfiguratur.]
 Ut proprietas sonorum discernatur clarius,
 Quasdam lineas signamus variis coloribus :
 Ut quo loco quis sit tonus, mox discernat oculus.
 Ordine tertiæ vocis splendens crocus radiat,
 Sexta ejus sed affinis flavo rubet minio :
 Est affinitas colorum reliquis indicio.
 At si littera vel color neumis non intererit,
 Tale erit, quasi funem dum non habet puteus :
 Cujus aquæ, quamvis multæ, nil prosunt videnti-

B Illud quoque, quod prædixi, valde erit utile,
 Similis figuræ neumas si cures inspicere,
 Locis variis et modis quam diverse resonent.
 Aptitudinem neumarum facile intelligis,
 Quo in loco quis sit sonus in diversis lineis,
 Usus tibi sit si frequens in modorum formulis.
 Cujusmodi symphonii symphonia concinit,
 Ejusmodi symphoniam ipsam esse noveris.
 Quare octomela cunctis subdimis antiphonis,
 (28) Plures voces brevi fiant meta fit in spatium.
 Signum est sequentis neumæ, quo loco ponenda
 [sit,

Suo loco ne ponatur, cum necesse fuerit.
 Quamvis autem quisque cantum personet memo-

C Si non cunctos ejus motus vel sonos memoriter,
 Qui et quales sint, persentit, nil se dicat sapere.
 Hactenus latentes musas in lucem produximus,
 Et benevolis præstantes invidos offendimus,
 Ad honorem summi Dei, per quem sumus, vivimus,
 Constitutionem formas breviter aperiam.
 Aliquorum sic sonorum nominatur copula,
 Cum intensio est sola, vel contra remissio,
 De duobus erit sonus prima constitutio,
 Et secunda fit de tribus, tertia de quatuor.
 Quarta vero fit de quinta vocibus quibuslibet,
 Quarum prima exstat simplex, duplicatur altera.
 Tertia varietates quatuor inclamitat.
 Quarta octo sonat modis diapente consonis.
 Uni constitutioni modulibus in omnibus,
 D Vox si una adjungatur, modi fiunt totidem.
 Tollas sonos si secundos, rursus fient totidem.
 Constitutio sic omnis nascitur ex altera.

(25) A. *voluit*.

(26) Hic in codice ponuntur lineæ vacuæ, cum litteris initialibus tantum.

(27) Uncinis inclusa ex cod. *Vindok.* desumpta sunt.

(28) V. In capite linearum prænotatis litteris.

Nam et prima dat secundam, et secunda tertiam,
Tertiaque facit quartam; hæc ut monstrat pagina (29).

| Constitutiones et moduli vocis primæ. | | | | | | | | | | | | | | | | |
|---------------------------------------|--|---------|--|--|--|-----|---|-----|---------|---------|---------|--|---------|--|--|--|
| Prime constitutio simplex est. | Secunda constitutio habet duas formulas. | | Tertia constitutio habet formulas quatuor. | | | | Quarta constitutio habet modulos octo, et continet omnes superiores constitutiones. | | | | | | | | | |
| | | | E E E E E E E E | | | | | | | | | | | | | |
| | | | D D D D | | | | D D | | D D | | D D D D | | | | | |
| | G G | | C C C C | | | | C C | | C C | | C C C C | | | | | |
| B B | | B B B B | | | | B B | | B B | | B B B B | | | | | | |
| A A | | A A A A | | | | A A | | A A | | A A A A | | | | | | |
| I. | II. | | III. | | | | Prima | | Secunda | | Tertia | | Quarta. | | | |

| Prima | Secunda | Tertia. | Prima | Secunda | Tertia | Quarta | | | |
|---|---------|---------|--|---------|--------|--------|---|---|---|
| B | B | B B | C | C | C C | C | C | C | C |
| G | G | G G | D | D | D D | D | D | D | D |
| D | D | D D | E | E | E E | E | E | E | E |
| E | E | E E | F | F | F F | F | F | F | F |
| | | | G | G | G G | G | G | G | G |
| Constitutiones et moduli vocis secundæ. | | | Constitutiones et moduli vocis tertiæ. | | | | | | |

Sonus est in quibuscumque regulæ concordia,
Constitutionum formas quaslibet associant,
Donec spatia formarum diapason reprimat.
Spatiosis namque formis maximeque vacuis
Raro utimur in cantu : breviores spatio
Atque minus interruptas frequens usus approbat.
Cumque formæ sint majores factæ de minoribus,
Non est dubium, quod si quis minimas cognoverit,
De majoribus nequaquam dubitare poterit.
Rursus quælibet in forma magna sit varietas,
Si vox quælibet in cantu modo simplex resonat,
Modo semet repercussa duplicat vel triplicat.
Voces deinde affines quas demonstrat regula,
Harum constitutionum non spernit concordia,
Quin sit idem semper melum in una et altera.

A Feci regulas apertas, et antiphonarium
Regulariter perfectum confituli cantoribus,
Quale nunquam habuerunt reliquis temporibus.
Precor vos, beati fratres, pro tantis laboribus
Pro me misero Guidone, meisque adiutoribus.
Pium Deum exorate, vobis sit propitius.
Operis quoque scriptorem adjuvate precibus.
Pro magistro exorate, cujus adiutorie
Auctor indiget et scriptor. Gloria sit Domino. Amen.
Omnibus ecce modis descripta relatio vocis.
Est tonus in numeris superantur ut octo novenis,
Semitonus, cujus de nomine nomen ademit.
Ditonus atque semis diatessaron omne tenebit.
Idque facit notum quadro discrimine totum,
Cui superadde tonum, videas diapente sonorum.

c c d e a c b c a G F

(29) *Admont.* Victor ascendens celos unde descen-
G G
derat. Ecce ut F. ad G et a. in fine subsequitur.
dem in plagali trito invenies usurpatum, videlicet,
ult ad c. et d. ita b. subsequatur sicut ad G. et a.

B subsequitur E. hoc modo :
e d e de d d d
c cc c
Venite ad oremus.
cc cc cc c cc b c

Atque tribus fissum tonum signabit idipsum,
In medio summæ diapason necit utrumque,
Namque sonum duplicem simplò sed reddit eum-
[dem.]

Adde duplex senos videas notus diatriton,
Ditonus et semis, quia ditonus alter habetur.

Motibus his cursum faciet sine musica nullum.
Est aliquid factum numero modulante relatum,
Idque latet fixum patet intendendo remissum.
Est modus ad reliquos phthongi collatio phthon-
[gos.]

Dant collata modum sibimet discrimina vocum.
Quam tonus et semis sequitur vox protus habetur.
Deuterus et tritus quid sit, sapit ordo vicinus.
Hisque tono tantum placuit differre tetrardum,
Ditonus et semis cujus mox jura sequuntur.
Musica vox horum nulla est sine lege modorum.

A Quos tantum vulgus sentit de fine petulcus.
Quatuor authentè plagas geminantur adepti,
Ni quartus simplex septem discrimina firmet ;
Unde poeta canit : septem discrimina vocum.
Septimus octavo similis quapropter adhæsit.
Ex quibus authentè grave sunt discrimen adepti,
Cum plagæ voces tenues cupiantque minores.
In quibus ad modicum tamen et collatio distat.
Quos si forte duos uni vis scribere voci,
Quatuor in reliquis primatum delta tenebunt.
Enthymema sonos claudit signatque remotos.
Concordant flexu diatessaron addita nexum,
Comparat intentos diapente relatio gressus.
Ius tenet ambarum spatium diapason et hartum
Refert alterius cum suscipit altera vices,
B Quas tunc alterius cum suscipit altera vices.
Unde duo signum variant loca cujus idipsum.

ITEM ALIÆ GUIDONIS REGULÆ

DE IGNOTO CANTU

Identidem in Antiphonarii sui prologum prolata.

Temporibus nostris super omnes homines fatui
sunt cantores ; in omni enim arte valde plura
sunt, quæ nostro sensu cognoscimus, quam ea,
quæ a magistro didicimus. Perlecto enim solo
psalterio omnium librorum lectiones cognoscunt
pueruli, et agriculturæ scientiam subito intelligunt
rustici. Qui enim unam vineam putare, unam ar-
buseulam inserere, unum asinum onerare cogno-
verit, sicut in uno facit, in omnibus similiter, aut
etiam melius facere non dubitabit. Mirabiles au-
tem cantores et cantorum discipuli etiamsi per
centum annos quotidie cantent, nunquam per se
sine magistro unam vel saltem parvulam antiphon-
nam cantabunt, tantum tempus in cantando per-
dentes, in quanto et divinam et secularem scrip-
turam potuissent plene cognoscere.

Et quod super omnia mala regis est periculo-
sum, multi religiosi ordinis clerici et monachi
psalmos et sacras lectiones et nocturnas cum pu-
ritate vigiliis, et reliqua pietatis opera, per quæ ad
sempiternam gloriam provocamur et dueimur, ne-
gligunt ; dum cantandi scientiam, quam consequi
nunquam possunt, labore assiduo et stultissimo
persequantur.

Illud quoque quis non defleat, quod tam gravis
error est in sancta Ecclesia, tamque periculosa
discordia, ut quando divinum officium celebramus,
sæpe non Deum laudare, sed inter nos certare vi-
deamur. Vix denique unus concordat alteri, non
magistro discipulus, nec discipulus condiscipulis :
unde factum est, ut non jam unum aut saltem pau-
ca, sed tam multa sint antiphonariorum, quam multi
sunt per singulas ecclesias magistri, vulgoque jam
dicitur antiphonariorum non Gregorii, sed Leonis aut
Alberti, aut cujuscumque alterius ; cunctaque unum

discere sit valde difficile, de multis non est du-
bium quin sit impossibile.

Qua in re cum pro sua ipsi voluntate multa com-
mutent, aut parum aut nihil mihi indignari de-
bent, si a communi usu vix in paucis abscedo,
ut ad communem artis regulam uniformiter om-
nis cantilena recurat. Quoniam vero hæc omnia
mala et multa alia eorum culpa eveniunt, qui an-
tiphonariorum faciunt, valde moneo et contestor, ne
aliquis amplius præsumat antiphonariorum neu-
mare, nisi qui secundum subjectas regulas bene po-
test et sapit ipsam artem perficere ; alioquin cer-
tissime erit magister erroris, quicumque non prius
fuerit discipulus veritatis.

Taliter etenim Deo auxiliante hoc antiphonariorum
notare disposui, ut per eum posthac leviter ali-
quis sensatus et studiosus cantum discat ; et post-
quam partem ejus per magistrum bene cognove-
rit, reliqua per se sine magistro indubitanter
agnoscit. De quo si quis me mentiri putat, veniat,
experiatur et videat, quod tale hoc apud nos pue-
ruli faciunt, qui pro psalmodiarum et vulgariarum lit-
terarum ignorantia sæva adhuc suscipiunt flagella,
qui sæpe et ipsius antiphonæ, quam per se sine
magistro recte possunt cantare, verba et syllabas
nesciunt pronuntiare : quod cum Dei adjutorio le-
viter sensatus et studiosus aliquis poterit facere, si
cum quanto studio neumæ disponantur, curet
agnoscere.

Ita igitur disponuntur voces, ut unusquisque so-
nus, quantumlibet in cantu repetatur, in uno sem-
per et suo ordine inveniat. Quos ordines, ut me-
lius possis discernere, spissæ ducuntur lineæ, et
quidam ordines vocum in ipsis fiunt lineis, quidam

vero inter lineas in medio intervallo et spatio lineam nearum.

Quantumque ergo soni in una linea vel in uno spatio sunt, omnes similiter sonant. Ut autem et illud intelligas, quantæ lineæ vel spatia unum habent sonum, quibuslibet lineis vel spatiis quædam litteræ de monochordo præfigurantur, atque etiam colores superducuntur : unde datur intelligi, quia in toto antiphonario et in omni cantu quantumcumque lineæ vel spatia unum eandemque habent litteram vel eundem colorem, ita per omnia similiter sonant, tanquam si omnes in una linea fuissent, quia sicut linea unitatem sonorum, ita per omnia littera vel color unitatem significat linearum, ac per hoc etiam sonorum.

Quodsi secundum ordinem sonorum ab ipsa littera vel colorata linea ubique inspicias, et illud aperte cognosces, quia in omnibus secundis ordinibus eadem vocum et neumarum est unitas. Similiter de tertio vel quarto ordine et reliquis intellige, sive superiores sive inferiores ordines cernas.

Igitur certissime constat, quia omnes neumæ vel soni in ejusdem litteræ vel coloris lineis similiter positi, vel dissimiliter litterata vel colorata linea pariter elongati, per omnia similiter sonant : in diversis autem lineis vel spatiis etiam similiter factæ neumæ nequaquam similiter sonant. Ideoque quamvis perfecta sit positura neumarum, cæca omnino est, et nihil valet sine adjunctione litterarum vel colorum.

Duos enim colores ponimus, crocum scilicet et rubeum, per quos colores valde utilem tibi regulam trado, per quam aptissime cognosces de omni neuma et unaquaque voce, de quali tono sit, et de quali littera monochordi : si tamen, ut valde est opportunum, monochordum et tonorum formulas in frequenti habeas usu.

Septem vero sunt litteræ monochordi, sicut plenius postea monstrabo. Ubi cumque ergo videris crocum, ipsa est littera tertia C. et ubi cumque videris minium, ipsa est littera sexta F. sive in lineis, sive inter lineas ipsi ducantur colores. Igitur tertio ordine sub croco prima est littera A. in qua tonus primus (et) vel secundus : super hanc juxta crocum secunda littera B. in qua est tonus tertius vel quartus. Deinde in ipso croco est vox (id est) vel littera tertia C. in qua est tonus quintus et sextus. Vicina super crocum et tertia sub minio, est littera quarta D. in qua est tonus primus vel secundus. Proxima est minio quinta E. in qua tonus tertius vel quartus. In ipso est minio littera sexta F. in qua tonus quintus vel sextus. Juxta super minium septima est G. in qua tonus septimus vel octavus. Deinde prima repetitur a. tertio ordine super minium et tertio subter crocum, in qua tonus primus (et) vel secundus, ut dictum est. Post quam omnes aliæ reiterantur prioribus in nullo dissimiles. Quæ omnia plenius hæc te figura docebit.

| | | |
|------|----|-------|
| I. | d | II. |
| V. | d | VI. |
| III. | c | IV. |
| I. | c | II. |
| VII. | a | VIII. |
| V. | a | VI. |
| III. | g | III. |
| I. | f | II. |
| V. | e | VI. |
| III. | d: | III. |
| I. | c. | II. |
| VII. | a | VIII. |
| V. | G | VI. |
| III. | F | III. |
| I. | E | II. |
| V. | D | VI. |
| III. | C | III. |
| I. | B | II. |
| VII. | A | VIII. |
| | r | |

Quamvis autem duo semper toni in una sint littera vel voce, tamen multo melius et frequentius conveniunt singulis neumis ac sonis formulæ secundi toni, quarti, sexti et octavi. Nam formulæ primi, tertii, quinti et septimi non conveniunt, nisi cum cantus ab alto descendens in gravem devenit finem.

Illud tandem cognosce, quod si vis in his notis proficere, necesse est ut aliquantos cantus ita memoriter discas, ut per singulas neumas modos vel sonos omnes, qui, vel quales sint, memoriter sentias. Quod quidem longe aliud est memoriter sapere, quam memoriter canere, cum illud soli habeant sapientes, hoc vel sæpe faciant imprudentes. Et simplicibus quidem ad cognoscendas simpliciter neumas ista sufficiant. Quomodo autem liquescant voces, et an adhærenter vel discrete sonent. Quæve sint morosæ et tremulæ, et subitaheæ, vel quomodo cantilena distinctionibus dividatur, et an vox sequens ad præcedentem gravior, vel acutior, vel æquisona sit facili colloquio in ipsa neumarum figura monstratur, si, ut debent, ex industria componantur.

EPILOGUS.

De modorum formulis et cantuum qualitatibus.

Vocum modus, veterum editus voto, disgregatus a vero et recto cantionis genere, et in chromaticam mollitiem deductus ob rationis penuriam num ad priorem statum labore, haud facili reductus est. Etenim quia (qui) ab auctoribus est editus, moderaminis jamjamque gravitate carebat. Nec mirum; cum enim existerent quidam, qui illum aurium arbitrio commiserint, quidam vero potiori agentes consilio rationibus adsignarint, utrique, prout voluntas tulit, diversi diversa scripserunt. Itaque prout possumus, rationis speculatores sequentes, breviter et strictum prosequamur.

CAPITULA.

1. De motione et vocis acumine, seu gravitate.
2. De integritate et diminutione.

3. De consonantia, seu minus convenientia vocum A earumdem.

4. De affinitatibus diversarum vocum. De proprio vel adjectivo accidenti unicuique.

De modorum quatuor generibus, eorumque partitione cum differentibus distinctionibus.

De formulis differentiarum, et earum proprietatibus.

I. Vox est aer ictus auditu sensibilis, quantum in ipso est. Omnis autem vox aut est continua, aut divisa. Continua est, ubi sic se vocum sequitur ordo, ut unius finis, alteriusque principium discerni facile non possit; sicut fit cum in cœlesti arcu colorum habitudines spectamus. Sic enim rubens cernitur, ut tamen ejus initium vel finis comprehendi non valeat. Sic est in reliquis. Divisa B vero, quæ singillatim profertur. Nulla vero vox fit, nisi motus præcedat. Præcedente autem motu, si fuerit velox, spissiores et acutiores reddit voces, si autem rarus, graves et grossiores.

Musica vox fit motione, motio autem habet in se tenorem. Quod quantitatem motionis exsequitur; ita ut si motus fuerit brevis, perparvus existat et tenor: si major, amplio rem habebit tenorem. Musicus autem motus fit sex solummodo modis, id est, tono, semitonio, semiditono, vel trihemitonio, ditono, diatessaron et diapente. Intueri ergo libet, ut secundum quod creverit motus, crescat et tenor; verbi gratia: Ditonus duplum tonum, propterea et duplum habebit tenorem. Tenor autem est mora uniuscujusque vocis, quem ut C tempus grammatici in syllabis brevibus et longioribus superscribunt.

II. Ex supradictis autem motibus alii existunt integri, id est, qui monochordum regulariter partiantur, ut tonus, et reliqui: alii autem ab integritate deficiunt, qui monochordum æquis ponderibus dividi nequeunt, ut semiditonus. Tonus ergo integra dimensio est, quia per sesquioctavam proportionem regularis monochordi partionem assequitur; diatessaron vero per sesquiterciam; diapente autem per sesquialteram. Quapropter tonus omnis fit novenis passibus, diatessaron quaternis, diapente vero ternis. Diapason autem ubique fit duobus passibus, cum et vicissim sibi in consonantiarum partibus succedunt.

III. Omnis autem cantilena septem dissimilibus vocibus perficitur, ex quibus aliæ sunt consonæ, aliæ vero dissonæ. Prima itaque et quarta vox ternas in depositione, ac binas in elevatione simillimas habent formulas. At secunda et quinta quatuor in depositione, et unam in elevatione. Porro tertia et sexta quatuor ab inferioribus similes habent formulas, a superioribus nec unam. Post has quarta a septima dissociatur amplius, nec ullam retinent proportionum consonantiam ad se invicem. Itemque prima et quinta a superioribus similes habent formulas, a depositione autem neminem. Secunda vero ac sexta quaternis for-

mulis similibus elevantur, ac una deponuntur: unde et utraque proto adscribuntur. Tertia vero et septima ternas elevationes ac binas depositiones habent, similesque deuteri modi exstant. Nam ergo quarta cum octava minus in una elevatione conveniunt. Notandumque, quia unius hæ esse dicantur modi, quæ elevatione magis conveniunt. Quæ quamvis unius esse dicantur modi, habentes similes elevationes et depositiones, nullatenus tamen aliqua ex his cum aliqua sibi depositione concordanti elevatione concordat, aut convenienti in elevatione depositioni concordat.

IV. Unaquæque vero vocum habet aliquid proprium, dum earum affinitas non ex toto acumine vel gravitate concordant, et aliqua semper similitudine cum extrancis admiscetur, id est, cum eis, qui alterius modi sunt, utpote D. et A. quæ affines sunt, id est, unius modi non sunt proto tum similes, sed singillatim proprias retinent qualitates, dum D. deponitur tono, semitonio, et iterum elevatur tono, semitonio tritono, et simiditono usque ad aliud d. acutum. Itemque A. ditono deponitur et semiditono, elevatur autem per tonum, semitonium et ditonum usque ad aliud a. acutum. Sed satis nunc ostensam esse dissimilitudinem inter affines voces arbitror.

Nunc et similium vocum edisseram similitudinem: dum enim D. sit protus, et G. tetrardus, utraque tamen semitonio et ditono deponuntur, et ea symphonia, quæ D. continetur, si sit depositiva, tum modo et G. cani potest; quod exemplo patet in antiphona hac.

c

Spiritus alme illustrator omnium.

V. Sunt autem modi vocum quatuor, id est, protus, deuterus, tritus, tetrardus, qui et totidem subjugales habent; et principales quidem authentos dicimus, subjugales autem plagis nominamus. Eorum differentia talis est. Cum quilibet cantus octo vocibus ascendat, descendat vero quinque, atque inter omnes sint XII. una ex his bis annumerata graves omnes cum aliqua parte acutarum plagis attribuunt. Porro authentis cunctæ acutæ cum aliquantis gravium conveniunt. Notatoque, quod sint tres ordines vocum, id est, graves, mediæ et acutæ. Ex quibus mediæ semper annectuntur utrisque, acutæ autem conveniunt authentis, et graves plagibus. Et sic semper tres ex ambabus partibus utrorum sunt propriæ.

VI. Differentiarum autem horum modorum formulæ secundum principia cantuum dispositæ sunt. Et quemadmodum finalis vox aliquem proprium modum metitur, sic et rationabiliter principia eorumdem cantuum aptiores sibi formulas coaptent, quatenus sit pulchra connexio quæ secundum proprios in unaquaque dirigatur motus.


Quos motus nempe diximus fore sex, qui cum tribus applicantur adhesionibus (30), in unoquo-

que modo diversas et ampliores, et in quibusdam districtiores formulas efficiunt, secundum quod unlicuique motiones cum adhesionibus adungere possunt. Nec aliquis modorum ampliores permittitur habere formulas, nisi quæ ex ipso regulariter generari poterunt; ut sit cautela permixta in vocum modulis, dum qualitatibus et quantitatis exereverint.

Quocirca musicus motus continet qualitatem et quantitatem. Quod si desierit qualitatem quantitatemque motus habere, jam non musicus motus erit. Qualitas autem motus est, utrum sit protus vel deuterus, aut quilibet alius modus. Quantitas autem, utrumnam sit duplus, sesquialter aut sesquitercius. Qualitas in modorum speciebus, quantitas in magnitudine prescribitur motuum. Præterea et modorum diversæ species non minima præpollent quantitate seu qualitate, dum unus in

A modum historis recto et tranquillo feratur cursu; alter vero anfractis saltibus concinatur; alius videatur garrulus, et sævus in sublime extollens audientium animos. Item vero placidus lætitiæque indicans morum; quod cuique prudenti satis patebit, curare si studuerit.

B Diversas autem habent formulas singuli modorum, quas regulariter sic de unoquoque producimur modo. Primo omnium constituatur musicus motus, in quo sit qualitas et quantitas, ex quo regularis vox oritur. Ex qualitate autem modi et ex quantitate singuli procreantur motus. Vox autem fit præpositiva, appositiva et subpositiva. Quæ dum simul permixtæ fuerint, regulares et probatissimas in unoquoque modo confert formulas. Quod ut facilius pateat, figuram subjecimus, quo facilius per oculos via sit




Igitur protus decem habet regulares formulas, id est sex præpositivas, et tres appositivas, unamque subpositivam. Et hæ quidem, quæ præpositivæ sunt, fiunt tono, ditono, semiditono vel trihemitono, et diapante. Appositivæ sunt, quæ in eadem voce, qua formula finitur, antiphonæ principium ponitur. Et hæ quidem duobus modis fiunt, id est aliquando in prima voce, id est, ea quæ finem terminat: interdum in affinis, in his videlicet quæ finali voce per sex supradictas consonantias conveniunt. Suppositivæ, autem fiunt semiditono. Et dicuntur subpositivæ eo quod fines formularum sub principia ducantur antiphonarum.

Quoniam vero protus duas diversas in una terminatione habere videtur formulas, libet intueri uberius, quibus distinctionibus utraque discerni valeant, cum una ex his sit authentica, altera pla-

Agalis. Et secundum quod in proto definitum fuerit, teneatur et in reliquis. Formulas igitur authentici protii quinto loco a finali voce disponimus, quod et in reliquis authentis similiter facimus. Formulæ autem ejusdem plagæ tertia a finali voce constituimus. Hinc itaque custodiendum, ut in plagis distinctionum fines vel principia nullo modo super formulas sibi attributas ponantur. Quod si evenerit, mox in authentici transit potestatem, quas solis authentis licet intendere fines, principia distinctionum ad quintas. Et quemadmodum illicitum est plagis super proprias formulas distinctionum summam intendere: ita et authentis non est opportunum, summam earundem plagarum intendere, nisi transferantur. Sicque singuli propriam amittunt vim, dum alterius nituntur adsumere gradum.

Protus adest denis formarum nexus habentis
 Quæ modum authenticum nectunt undique totum.
 Hæ tibi sint cordi, jugiter habeantur in ore.
 Has, quæso, ne minuas, poteris si addere curas.



EPISTOLA GUIDONIS (31)

MICHAELI MONACHO

DE IGNOTO CANTU.

Beatissimo atque dulcissimo fratri Michaeli Guido, per anfractus multos dejectus et auctus. Aut dura sunt tempora, aut divinæ dispositionis obscura discrimina, dum et veritatem fallacia, et charitatem sæpe conculcet invidia, quæ nostri ordinis vix deserit societatem, quo Philistinorum concio Israeliticam puniat pravitatem, ne si mox fiat quidquid, ut volumus, adeo in se confidens periturus decidat animus. Tunc enim est vere bonum id quod facimus, cum nostro factori adscribimus omne quod possumus.

Inde est, quod me vides prolixis finibus exultum, ac teipsum, ne vel respirare quidem possis, invidiorum laqueis suffocatum. Quia in re simillimos nos cuidam dico artificem, qui cum Augusto Cæsari incomparabilem et cunctis inauditum sæculis thesaurum, flexibile videlicet vitrum, offerret, quia aliquid super omnes homines potuit, ideoque aliquid super omnes promereri se credidit, pessima sorte jussus est occidi; ne si, ut est mirabile vitrum, posset esset durable, regius omni thesaurus, qui de diversis erat metallis, fieret extemplo vitabilis (32). Sicut ex illo tempore maledicta semper invidia, sicut quondam paradysum, et hoc quoque mortalibus abstulit commodum. Nam quia invidia artificis nullum voluit edocere, potuit regis invidia artificem cum arte perimere.

Unde ego inspirante Deo charitatem, non solum tibi, sed et aliis, quibuscumque potui, summa cum festinatione ac sollicitudine a Deo mihi indignissimo datam contuli gratiam: ut quos ego et omnes ante me summa cum difficultate ecclesiasticos cantus didicimus, ipsos posteri cum summa facilitate discentes, mihi et tibi ac reliquis adjutoribus meis æternam optent salutem, fiatque per misericordiam Dei peccatorum nostrorum remissio, vel modica tantorum ex charitate oratio. Nam si illi pro suis apud Deum devotissime intercedunt magistris, qui hactenus ab eis vix decennio cantandi imperfectam scientiam consequi potuerunt, quid putas pro nobis nostrisque adjutoribus fiet, qui annali spatio, aut si multum, biennio perfectum cantorem efficiamus? Aut si hominum consueta miseria beneficiis tantis ingrata exstiterit, numquid justus Deus laborem nostrum non remunerabit? An quia Deus totum hoc facit, et nos sine illo nihil possumus,

A nihil habebimus? absit. Nam et Apostolus, cum gratia Dei sit id, quod sit, cantat tamen: *Bonum certamen certavi, cursum consummavi, fidem servavi; in reliquo reposita est mihi corona justitiæ.*

Securi ergo de spæ retributionis insistamus operi tantæ utilitatis; et quia post multas tempestates rediit diu optata serenitas, navigandum est feliciter.

Sed quia diffidit tua de libertate captivitas, rei ordinem pandam. Summæ sedis apostolicæ Johannes, qui modo Romanam gubernat Ecclesiam, audiens famam nostræ scholæ, et quomodo per nostra antiphonaria inauditos pueri cognoscerent cantus, valde miratus, tribus nuntiis me ad se invitavit. Adii igitur Romam cum domno Grunvaldo, reverentissimo abbate, et domno Petro Aretinæ ecclesiæ canonicorum præposito, viro pro nostri temporis quattitate scientissimo. Multum itaque pontifex meo gratulatus est adventu, multa colloquens et diversa perquirens: nostrumque velut quoddam prodigium sæpe revolvens antiphonarium, præfixasque ruminans regulas, non prius destitit, aut de loco, in quo sedebat, abscessit, donec unum versiculum inauditum sui voti compos edisceret, ut quod vix credebat in aliis, tam subito in se recognosceret. Quid plura? Infirmate cogente Romæ morari non poteram vel modicum, æstivo fervore in locis maritimis ac palustribus nobis minante excidium. Tandem condiximus, mox hyeme redeunte me illuc debere reverti, quatenus hoc opus prælibato pontifici suoque clero debeam propalare.

C Post paucos dehinc dies Patrem vestrum atque meum D, Guidonem Pomposiæ abbatem, virum Deo et hominibus merito virtutis et sapientiæ charissimum et animæ meæ partem videre cupiens visitavi, qui et ipse vir perspicacis ingenii nostrum antiphonarium ut vidit, extemplo probavit et credidit, nostrisque æmulis se quondam consensisse poenituit, et ut Pomposiam venirem, postulavit; suadens mihi monacho esse præferenda monasteria episcopatus, maxime Pomposiam, propter studium, quod modo est per Dei gratiam et reverentissimi Guidonis industriam nunc primum in Italia repertum.

Tanti itaque Patris orationibus flexus, et præceptis obediens, prius auxiliante Deo volo hoc opere tantum et tale monasterium illustrare, meque mo-

(31) Apud Pez. t. VI Anædot., p. 223. Ms. Vien. *Epistolaris recapitulatio totius operis ejusdem Gui-*

donis ad monachum.

(32) F. *vitiabilis*. Adm. *mutabilis*.

nachum monachis præstare; cum præsertim Simonia hæresi modo prope cunctis damnatis episcopis, timeam in aliquo communicari.

Sed quia ad præsens venire non possum, interim tibi de inveniendò ignoto cantu optimum dirigo argumentum, nuper nobis a Deo datum, et utillimum comprobatum. De reliquo D. Martinum priorem sacræ congregationis, nostrumque maximum adiutorem plurimum saluto, ejusque orationi me miserum plurima prece commendo, fratrem quoque Petrum memorem memoris esse commoneo, qui nostro lacte nutritus non sine labore maximo agresti vescitur hordeo, et post aurea pocula vini confusum bibit acetum.

Ad inveniendum igitur ignotum cantum, beatissime frater, prima et vulgaris regula hæc est: si litteras, quas quælibet neuma habuerit, in monochordo sonaveris, atque ab ipso audiens tanquam ab homine magistro discere poteris. Sed puerulis ista est regula, et bona quidem incipientibus, pessima autem perseverantibus. Vidi enim multos acutissimos philosophos, qui pro studio hujus artis non solum Italos, sed etiam Gallos atque Germanos, ipsosque etiam Græcos quæsivere magistros; sed quia in hac sola regula confisi sunt, non dico musici, sed neque cantores unquam fieri, vel nostros psalmistas puerulos imitari potuerunt. Non ergo debemus semper pro ignoto cantu vocem hominis vel alicujus instrumenti quærere, ut quasi cæci videamur nunquam sine ductore procedere; sed singulorum sonorum, omniumque depositionum et elevationum diversitates proprietatesque altæ memoriæ commendare. Habetis ergo argumentum ad inveniendum inauditum cantum facillimum et probatissimum, si sit, qui non modo scripto, sed potius familiari colloquutione secundum morem nostrum noverit aliquem edocere. Namque postquam hoc argumentum cepi pueris tradere, ante triduum quidam eorum potuerunt ignotos cantus leviter canere, quod aliis argumentis nec multis hebdomadibus poterat evenire.

Si quam ergo vocem vel neumam vis ita memoriæ commendare, ut ubicunque velis, in quocunque cantu, quem scias vel nescias, tibi mox possit occurrere, quatenus mox illum indubitanter possis enuntiare, debes ipsam vocem vel neumam in capite alicujus notissimæ symphonie notare, et pro unaquaque voce memoriæ retinenda hujusmodi symphoniam in promptu habere, quæ ab eadem voce incipiat: utpote sit hæc symphonia, qua ego docendis pueris in primis atque etiam in ultimis utor:

C D F DED DD CD EE EFGE DE CD
 Ut queant laxis resonare fibris mira gestorum
 F G a GFEDD GaGFE FGD aGa FG a a GF ED
 famuli tuorum, solve polluti labii reatum, sancte
 C E D.
 Joannes.

A Vides itaque, ut hæc symphonia senis particulis suis a sex diversis incipiat vocibus? Si quis itaque uniuscujusque particulæ caput ita exercitatus noverit, ut confestim quæcumque particulam voluerit, indubitanter incipiat. easdem sex voces ubicunque viderit, secundum suas proprietates facile pronuntiare poterit. Audiens quoque aliquam neumam sine descriptione, perpende, quæ harum particularum ejus fini melius aptetur, ita ut finalis vox neumæ et principalis particulæ æquisonæ sint. Certusque esto, quia in eam vocem neuma finita est, in qua conveniens sibi particula incipit. Si vero descriptam aliquam symphoniam incognitam cantare cœperis, multum cavendum est, ut ita proprie unamquamque finias neumam, ut eodem modo finis neumæ bene jungatur cum principio ejus particulæ, quæ ab eadem incipit voce, in qua neuma finita est. Ergo ut inauditus cantus, mox ut descriptos videris, competenter enunties, aut indescriptos audiens cito describendos bene possis discernere, optim te juvabit hæc regula.

Deinde per singulos sonos brevissimas subposui symphonias, quarum particulas cum diligenter inspexeris, uniuscujusque vocis omnes depositiones et elevationes per ordinem in principiis ipsarum particularum gaudebis te invenire. Si autem hoc attentare potueris, ut unius et alterius symphonie quaslibet volueris particulas module- ris, omnium neumarum difficiles valde atque multiplices varietates brevissima et facili regula didicisti. Quæ omnia cum vix litteris utcunque significemus, facili tantum colloquio denudamus.

Sicut in omni scriptura xx et iv litteras, ita in omni cantu septem tantum habemus voces. Nam sicut septem dies in hebdomada, ita septem sunt voces in musica. Aliæ vero, quæ super septem adjunguntur, eadem sunt, et per omnia similiter canunt in nullo dissimiles, nisi quod altius dupliciter sonant. Ideoque septem dicimus graves, septem vero vocamus acutas. Septem autem litteræ non dupliciter, sed dissimiliter designantur hoc modo:

Γ. A B C D E F G a $\begin{matrix} \text{b} & \text{c} & \text{d} \\ \text{a} & \text{b} & \text{c} & \text{d} \end{matrix}$

Qui vero monochordum desiderat facere, et qualitates et quantitates, similitudines et dissimilitudines sonorum tonorumve, discernere, paucissimas, quas subjecimus, regulas summo opere studeat intellegere. In monochordo autem istis litteris vel mensuris disponuntur (33). Γ græcum, hoc est G Latinum pone in capite. Et inde incipiens totam lineam, quæ sonanti chordæ subjacet, per novem partes studiosissime divide, et ubi prima pars fecerit finem juxta Gamma primam litteram pone A. Ab ipsa prima similiter usque ab finem partem per novem, et ubi prima pars finem fecerit, secundam B. litteram junge. Post hæc ad Γ revertens, ab ipsa usque ad finem divide per quatuor partes, et in primæ partis finem tertiam C pone: similiter a prima A divide per

(33) Delineatum est hoc monochordum in music

Odonis abbatis (Patrolog. CXXXIII).

quatuor, et similiter signabis quartam D. Eodem modo sicut cum prima inventa est quarta, ita cum secunda invenies E quintam, et cum tertia F sextam, et cum quarta G, septimam. Deinde rediens ad primam A ab ipsa usque ad finem in medio spatio invenies alteram primam a, et similiter cum secunda invenies alteram secundam b, et cum tertia tertiam c, sic et de reliquis ad eundem modum per diapason. Et ut de divisione monochordii in paucis multa constringam, omnes toni novem ad finem passibus occurrunt. Diatessaron vero semper quatuor passus facit, diapente tres, et diapason duos, quia his tantum quatuor dividimus modis. Deinde nota, quod inter secundam et tertiam vel inter quintam et sextam parvissima spatia fiant, quæ semitonia vocantur; inter alias vero voces majora intervalla fiunt, et dicuntur toni A t. B a. C t. D t. E s. F. t. G t.

Junguntur ad se invicem voces sex modis, tono, semitonio, ditono, semiditono, diatessaron, diapente. De tono autem et semitono supra diximus. Ditonus autem est, dum inter duas voces duo sunt toni, ut inter tertiam et quintam, et reliquas.

Semiditonus autem dicitur, quia minor est ditono, cum inter duas aliquas voces est unus tonus et unum semitonium, D t. E s. F. Diatessaron autem dicitur de quatuor, cum inter aliquam vocem et quartam a se duo sunt toni, et unum semitonium D t. E s. F t. G. Diapente dicitur de quinque, cum inter aliquam vocem et quintam a se tres sunt toni, et unum semitonium. D t. E s. F t. G t. a. Non aliter, quam his sex modis, voces junctæ concordant vel moventur; atque hi dicuntur sex motus vocum, quibus ad se invicem voces concordant vel moventur. Ea vero concordia, quæ est inter gravem aliquam litteram et eandem acutam, sicut a prima in primam, vel a secunda in secundam, diapason dicitur, id est de omnibus; habet enim omnes voces, et tonos quinque cum duobus semitoniis, hoc est, diatessaron et diapente. Hæc diapason in tantum concordans facit voces, ut non eas dicamus similes, sed easdem. Omnes autem voces in tantum sunt similes, et fa-

ciunt similes sonos et concordans neumas, in quantum similiter elevantur vel deponuntur secundum depositionem tonorum et semitoniorum: utputa prima vox A et quarta D similes et unius modi dicuntur, qui utraque in depositione tonum in elevatione vero habent tonum et semitonium et duos tonos. Atque hæc est prima similitudo in vocibus, hoc est, primus modus.

Secundus modus est in secunda B et in quinta E. Habent enim utraque in depositione duos tonos, in elevatione semitonium et duos tonos. Tertius modus est in tertia C et in sexta F; ambæ enim semitonia et duobus tonis descendunt, duobus vero tonis ascendunt. Sola vero septima G quartum modum facit, quæ in depositione unum tonum et semitonium et duos tonos, in elevatione vero duos habet tonos et semitonium.

Et qui plene exercitati sunt in hac arte, possunt unamquamlibet symphoniam secundum hos quatuor variare modos, utputa, si quis unam symphoniam primum in voce prima A, et postea eandem incipiat in voce secunda, dehinc in tertia. Et secundum quod ipsæ voces diversam habent tonorum et semitoniorum positionem, sic variis modis secundum uniuscujusque proprietatem eam pronuntiet. Quod quidem facere valde est utile, et valde facile, hoc modo:

D F G G G G a FED
 Tu Patris sempiternus es Filius.
 E G a a a a H GFE
 Tu Patris sempiternus es Filius.
 F a H H H H c a GF
 Tu Patris sempiternus es Filius.
 G H c c c c d b a G
 Tu Patris sempiternus es Filius.

Igitur curiose est intendendum de omni melo, secundum cujusmodi proprietatem sonet, sive in principio sive in fine, quamvis de solo fine dicere soleamus. Quædam autem neumæ repertæ sunt, quarum aptitudine hoc solemus advertere, utpote;

o
 a a a F
 D G E G FE DD C F G E F
 Primum querite regnum Dei C F G E F D.

F
 D a CED DF CFFF E E EF E D C D E FF F
 Secundum autem simile est huic E D C D E D E D C D D.

Cum enim finito aliquo cantu hanc neumam ejus in fine bene videris convenire, statim cognosces, quia cantus ille finitus sit in primo modo, et primo vel quarto sono; quia in his duobus sonis primus est modus.

Sola autem hac neuma solemus primum tonum discernere, quamvis cum alia qualicunque sympho-

nia, quæ in eodem sono incipit, hæc possit similiter, et aliquando melius fieri. Cujus enim modi symphoniam quælibet symphonia aptatur, ejus modi esse cognoscitur: sicque intelligis, an bene aliquam neumam pronunties, cum eam ejusmodi symphoniam, in quo modo notata fuerit, competenter aptari conspexeris. Nota autem, quomodo modos dicimus eos,

qui in formulis tonorum non proprie sed abusive nominantur toni, cum modi vel tropi proprie dicantur.

Illud quoque debes agnoscere, quomodo in omnibus modis, cum grave fuerit melum, gravibus aptatur modulis vel melis. Cum vero alta fuerint mela, altis melius conveniunt melis vel modulis. Ideoque habes in formulis modorum duas formulas in unoquoque modo. Prima namque et secunda formula primi est modi, tertia et quarta secundi, quinta et sexta terti, septima et octava quarti. Ideo enim octo toni dicuntur, quia octo habent formulas. Prima autem et tertia, quinta et septima formula quatuor modorum altos continent cantus; secunda vero et quarta, et sexta et octava eorumdem modorum gravia vel minus alta continent cantica. Unde Græci multo melius pro primo et secundo tono dicunt authentum potum et plagis proti; pro tertio et quarto authentum deuterum et plagis deuteri; pro quinto et sexto authentum tritum et plagis triti; pro septimo et octavo authentum tetrardum et plagis tetrardi. Quod enim illi dicunt protum, deuterum, tritum, tetrardum, nos dicimus primum, secundum, tertium, quartum. Et quod illi dicunt authentum, nos majorem et altum vel acutum nominamus. Plagin vero Latine subjugalem vel minorem vel gravem possumus appellare.

Has itaque modorum octo formulas præcipue debet scire, quisquis canendi peritiam vult habere, ut qualiter in singulis modorum cantibus quælibet neuma vel vox resonet, possit advertere. Præterea quamvis primam et secundam et tertiam vocem cum quarta, quinta et sexta concordare dixerim, in eo tamen differunt, neque omnes neumas similiter faciunt, quomodo a $\text{H}c$ habent post se in depositione tres tonos, ante se in elevatione duos tonos: at vero D E F unum tantum in depositione habent, tres vero tonos in elevatione. Ideoque multi cantus ejusdem sunt modi, sed non ejusdem soni. Quidam autem minus plene pervidentes istam differentiam, adjungunt unam vocem in acutis inter primam et secundam, ut sint duæ secundæ, et veniant duo toni et unum semitonium post D E F sicut post a $\text{H}c$ in elevatione; et rursus d e f acutæ possunt deponi duobus tonis, sicut a b c quatenus nulla sit differentia inter D E F et inter a $\text{H}c$, cum id, quod cantatur in a $\text{H}c$ et in D E F possit cantari.

Ut autem singulis vocibus sua proprietates permaneat, melius est, ut cantuum inspicatur natura; et cum cantus hos tres tonos videatur admittere, fiat hoc in F G a $\text{H}c$. Cum vero post duos tonos non nisi semitonium sumit, fiat hoc in c d e f præsertim cum pro hujus vocis additamento maxima confusio nascatur simplicibus. Nam si duæ sunt secundæ post primam, cum ad alteram semitonio, ad alteram vero tono prima ipsa jungatur, facile est videre, quod ipsa prima, ac per hoc et aliæ contiguæ voces duos habeant tonos; ut pote prima, et eam semitonium sequitur, de proto

A transit in deuterum; si autem duorum vel plurimorum modorum unam vocem esse liceat, videbitur hæc ars nullo fine concludi, nullis certis terminis coarctari. Quod quam sit absurdum, nullus ignorat, cum semper sapientia confusa quæque et infinita sponte repudiet. Quod si quis dicat, hanc vocem ideo esse addendam, ut gravis F sexta usque ad super quartam supra lineam ad a, per diapente possit ascendere, aut eadem sexta ad sub quintam descendere, illud quoque debet recipere, ut inter sextam F et septimam G alia vox addatur, ut naturalis secunda gravis B elevetur ad quintam, et eadem acuta deponatur ad quartam. Quod quia a nemine est factum, hoc quoque a nemine est faciendum.

B Igitur, sicut ex ipsa monstratur natura, et per beatum Gregorium divina protestatur auctoritas, septem sunt voces, sicut et septem dies; unde et prudentissimus poetarum *septem cecinit discrimina vocum*; quam sententiam et ipsi philosophi pari concordia firmaverunt. Interea curandum est, ut sciatur de qualibet neuma, in quantis et qualibus sonis esse possit, vel non possit.

Potest enim fieri in tertio, et in sexto, et in septimo sono, quia hi tres soni duobus pariter tonis ascendunt, et ipsa symphonia duobus tantum fit modis.

Præterea septima vox cum tertia in elevatione concordat; utraque enim duobus tonis et semitonio, et item duobus tonis elevantur. Eadem quoque septima cum quarta concordat uno tono in elevatione, et in depositione tono et semitonio, et duobus tonis in utroque cantatur similiter.

C Prima quoque cum quinta omnes depositivas neumas communiter facit; deponitur enim duobus tonis et semitonio. Itaque hæ voces similes faciunt neumas, prima cum quarta; secunda cum quinta; tertia cum sexta; septima cum prima vel cum tertia. Nulla autem vox ultra quatuor elevationes vel depositiones habet, quia non potest gravari vel acui, nisi ad secundum vel tertiam, vel quartam vel quintam secundum sex species, quas supra dixi, id est, tono, semitonio, ditono, semiditono, diatessaron et diapente. Nam cum vox aliqua ad secundum movetur, aut fit tono, aut semitonio; cum vero ad tertiam, ditono vel semiditono. Ad quartam vel quintam non fit nisi per diatessaron et diapente. Intellige præterea, quod in authenticis ad octavas cantus a sua finali voce ascendit; descendit autem non nisi uno tono sub finali, excepto trito, qui a suo fine non deponitur, quia non habet sub se tonum, sed semitonium. In plagis autem a finali voce ad quintam descendimus et ascendimus, nisi sit, prolixior cantus, qui plagalem depositionem et authenticam elevationem habeat, quod tamen rarissime fit.

D Principia quoque cantuum in omnibus illis vocibus esse possunt, quæ secundam prædictas sex consomantias cum finali voce conveniunt. Si qua aliter inveneris, ex ipsa raritate cognoscere, quod

sint auctoritate præsumpta ; non autem sunt regulæ firmitate distincta. Illud autem quis non intelligat, quod de vocibus quasi syllabæ et partes et distinctiones vel versus fiunt ? quæ omnia inter se invicem mira suavitate concordant, tantum sæpe concordiores, quantum similiores.

Hæc pauca quasi in prologum Antiphonarii de modorum et neumarum formula rhythmicæ et prosaice dicta musicæ artis ostium breviter, forsi-

A tan et sufficienter aperiunt. Qui autem curiosus fuerit, libellum nostrum, cui nomen Micrologus est, quærat ; librum quoque Enchiridion, quem reverentissimus Oddo abbas luculentissime composuit, perlegat, cujus exemplum in solis figuris sonorum dimisi, quia parvulis condescendi. Boetium in hoc non sequens, cujus liber non cantoribus, sed solis philosophis utilis est.

Explicit epistola.

TRACTATUS GUIDONIS (34)

CORRECTORIUS MULTORUM ERRORUM, QUI FIUNT IN CANTU GREGORIANO IN MULTIS LOCIS.

Ex cod. Tegernseen. sæc. XIV vel XV.

Multorum considerans errorem coactus sum Gregorii cantum, quem multis in locis plures enormiter depravarunt, Dei juvamine veris suis, finalibus scilicet tropis adducere. Cogitavi dolens de diversorum in choro cavillatione, credentes se veram habere cantus semitam alter alterum injuste maleque canere reprehendit, jactationem vero veritatis seu falsitatis, atque troporum finales, quos cerno nimium depravatos, alter alteri minime secundum musicæ practicam assignans.

Multoties etiam novi, quod per quorundam ignorantiam sæpius cantus depravatur, quemadmodum tam plures habemus depravatos, quos revera non ita, ut nunc in ecclesiis canunt, modulantis auctoritas protulit, sed pravæ hominum voces motum animi sui sequentium recte composita pervertere, perversaque in usum incorrigibilem deduxerunt adeo, ut jam pessimus usus servetur pro auctoritate et conservetur.

Sunt etiam plerique clerici vel monachi, qui artem musicæ jucundissimæ neque sciunt, neque scire volunt, et quod gravius est, scientes refutant et abhorrent, et quod si aliquis musicus eos de cantu, quem vel non rite vel incomposite proferrunt, compellat, impudenter irati obstrepunt, nec veritati adquiescere volunt, suumque errorem suam defendunt. Talium igitur bestialitati meo pro posse succurrere proposui, volens quemlibet cantum per eos depravatum terminis musicalibus suum ad tropum, non vocabulis græcis velut speculatione, sed positiya recitatione reducere. Plures etenim tropos vel modos vocant tonos quos Gregorius in suo libello musicæ redarguit dicens : abusivum esse tropos tonos vocare, ostendens etiam tropum dici a Græco tropos, quod interpretatur conversus vel conversio, eo quod quisque tropus convertit se a cæteris tropis ad suas regulas, et ad proprias figuras vel modos. Et tonum affirmat dici a tonando aut sonando.

(34) Quod si, ut ms. præferunt. est Guidonis, interpolatum tamen produnt, quæ col. 433 ex

B Ea igitur proportione, qua quis major numerus minorem superat, vel minor superatur a majore in gravitate ejusdem, et ejus vocis prior sonus superat posteriorem, vel posterior superatur a prior. Hic tonus contingit ex (sesqui) octava proportione, ubi major numerus, ut jam dictum est, minorem totum in se continet, et ejus octavam partem, ut octonarium novenarius.

Talibus speculationibus præsentem omissis, etiam nominibus appellatis, scilicet proslambanomenos, hypate hypaton, item positiva declaratione, prout necessitas requirit, tantumque missarum solemnitatibus communiter insistimus, quem Gradale sancta mater appellat Ecclesia, non advertens multum aliquarum notarum subtractionem vel additionem, sed quosdam cantus, quod ad suos veros finales seu tropos perducere teneor, titulabo. Cantores vero et lectores hujusmodi, ut non arrogantem, rogo, me putent, sed ne tanti auctoris positio per depravatores totaliter obfussetur, hanc correctionem et productionem aliquatiter aggressurum.

Omni quidem cantuum libri Gradalis prolixum esset errorem eradere, nam quidam in cantu in ceptione, alii in medio, alii in fine, alii in troporum seu modorum elevatione depressioneque contra regulas musicorum peccaverunt, ut in hoc introitu : *Populus Sion*, quem plerique a finali in ceptione in diapente elevant, quidam in c acuto sumunt principium, quidam in his dictionibus, scilicet : *et auditam faciet*, diversis modulantur modis, per quem errorem in magnam pervenit dictus introitus tropi septimi falsitatem. Juxta regulas musicorum in practica laborantium, Theogeri, cæterorumque idem Introitus incipiendus est in G gravi, transiliens in diatessaron, scil. c acutum, et sic in heptachordo acuto modulando rite et rationabiliter in (35) F gravi sedem suam perducit ad finalem.

Theogero sunt inserta.

(35) *M in G gravi.*

Graduale *Qui sedes*. Hic cantus a multis dignoscitur depravatus, scilicet in principio et in hac dictione *super*, quæ tetardo authentico naturaliter deputatur. In F gravi et in c acutum elevatus sine dubio est incipiendus, et hæc syllaba *su* c acuto deputabitur, g acutum gradatim visitans, ut hæc syllaba *per* ab c acuto a acutum suum diapente immediate visitat, et artificiali cursu G grave, ut authentum decet, requirit et recipit pro finali.

Graduale *Tollite portas*. Hujus cantus modulatio ab idiotis magnifice depravatus cognoscitur. Nam cum iste cantus sit proti plagalis, hujus inceptio-nem sumunt in G gravi, ut præsens graduale *Tollite*, vel in E gravi, ut hoc graduale: *In sole posuit*, cum potius in A gravi vel in D gravi sumere debeant: et sic eundem cantum finiunt in a acuto, ponentes sedem proti plagalis ad ipsorum beneplacitum. Nondum enim legerunt Theogeri verba super hac modulatione dicentis: « Hoc modo synemmenon in gravibus minus necessarium quibusdam videtur, et contenditur ut videtur. Sed in nostro cantu, quem Gregorianum nos jactamus, vitari nullo modo potest, ut in hoc cantu: *In sole posuit*, et in aliis, qui ejusmodi canuntur symphonia, et in cæteris quamplurimis; alioquin cantus ex magna parte mutabitur, aut non rite finietur. Et quia voces in speciebus diapason eadem esse dicuntur, ideo nimirum non (36) videmus, si tetrachordum synerumenon in acutis inter f et d locum habeat, quando etiam in gravibus inter Γ et D habere possit et debeat. » Hæc sunt ad litteram verba Theogeri. Reducatur igitur secundum ejus doctrinam hujusmodi modulatio ad veram formam: dum enim sic, ut dictum est, proti plagalis incipiendus est in D gravi, ut *Tollite* in A gravi, ut *A summo celo*, et in E gravi ejus sede rationabiliter finiendus: sequitur, quod secundum hujusmodi eorum inceptions prosequendo ambo in eorum propria sede finali, quæ est D grave, finem habebunt. In quibus, sicut in omnibus cæteris gradualibus, quæ hujusmodi melodia cantantur. B grave a sono proprio liquescit descendendo in tonum, sicut hoc idem etiam in aliis locis nonnunquam contingit.

Graduale *ostende nobis*. Error hujus cantus est in hoc loco: *miser ricordiam tuam*, ut secundum artem dicatur, si hæc dictio *tuam* vocem finalem hujus dictionis *miser ricordiam* repetierit ascendendo, irregulariter terminatur, quia in C gravi primus semitonium terminaret, quod non est sedes proti plagalis, cum tamen hic cantus sit secundi modi. Ut autem artificialiter reducatur ad sedem, incipiendus est in G gravi, et finalis vox hujus dictionis *miser ricordiam* erit D grave, et sequens dictio, scilicet, *tuam*, incipienda erit in D gravi, et ita prosequendo plagaliter in E gravi finietur, finalis vero vox harum dictionum: *tuam et avertisti* fungi-

A tur ratione prælibata cantus *Tollite*, et cæterorum hujusmodi symphonia.

Grad. *Salvum fac servum*. Quidam hoc gradale in F gravi incipiunt, et enormiter, cum proti sit authenti, in a acuto finiunt. Qui quidem finalis est contra omnes musicos; et absque formidine dico musicos; nam infiniti sunt, qui se dicunt musicos, tantum scientes, vel ita putantes se scire vocum discrimina, ut illi, qui vocibus imponunt signa vel nomina, dicentes ut, re, mi, fa, so, la. Tales in musicæ falsitatibus laborant, et gloriantur, quia omnibus istis signis interemptis adhuc vocum naturam mactant. Noto etenim illos esse musicos, ut Boetius affirmat musicum his verbis: « Is vero est musicus, qui ratione perpensa canendi scientiam non servitio, sed imperio speculationis, assumpsit. » Redeundo ad propositum, contra tales musicos, est illa finalis vox pro sede proti. Illi autem sunt et dicuntur vituperatores, ut contradictores scilicet, erga ea non sunt digni. Conveniunt enim omnes musici, in hoc enim omnis cantus est in quatuor vocibus finiendus, scilicet D E F G gravibus. Sed iste cantus secundum depravatores in neutra harum finietur. Cur autem tantum in his quatuor finiatur, brevitatis causa omittitur. Incipiendum est hoc gradale in C gravi, et modulandum per tonum et semiditonomum et semitonum et semiditonomum et tonum et tonum et semiditonomum et tonum et tonum, scilicet ista duo verba: *salvum fac* et sic artificialiter producitur ad finalem.

Introitus *Deus in adjutorium*. Raro hic introitus rite canitur, et hoc propter diversam inchoationem; nam quidam in G gravi inchoant, et statim in his dictionibus, scilicet *Domine* cum sequentibus enormiter errant, et finaliter perveniunt in D grave, quod non est sedes tetrardi authenti, cujus tropi est dictus introitus. Etiam quidam inchoant in c acuto, et sic prosequuntur, et tunc finiunt in G gravi, sed perverse incipiunt. Utens auctoritate Joannis Anglici dicentis: « Tota vis cantus ad finales respicit, et quocunque modo variatur, semper ei modus adjudicandus est, in cujus finali cessaverit: » unde idem, quomodocunque cantus sit falsificatus vel qualitercunque variatus, ad suum tropum convenienter reducatur; dico dictum introitum taliter reduci: Incipiatur in G gravi, et hæc dictio *Domine* incipiatur in G gravi, et cantetur tentative per tonum et tonum, et semitonum et semitonum, et hæc dictio *ad* inchoetur in d acuto, et hæc dictio *adjuvandum* inchoetur in d acuto, et moduletur per tonum et tonum, et tonum et semitonum, et semiditonomum et tonum; et hæc dictio *me* finiat c acutum visitando f acutum, et sic prosequendo convenienter reducitur ad suum tropum, scilicet tetrardum authentum.

Communio *Passer invenit*. Rarissime hæc communio juste canitur. Errant in hoc, quod eam incipiunt in G gravi, et perducunt in c acutum vel in d acutum, et in medio hujus cantus proprietatem protii pervertunt in proprietatem triti; et ex quo tanti sit erroris ad proprietatem protii authentici taliter reducatur. Incipiatur jam dicta communio in D gravi, et perducatur prima syllaba in G grave, et finita hac dictione *domum* in G gravi, sequens dictio et recipiat G grave, et sequens dictio, scil. *turtur* cantetur per F et G graves. Similiter et sequens dictio scil. *nidum* cum sequentibus dictionibus modulentur in unisono, et secundam syllabam hujus dictionis scil. *reponat*, visitet b rotundum acutum, et hæc dictio *pullos* per G et F graves cantetur. Hæc dictio *suos* cantetur per F G D graves, et hæc dictio *altaria* inchoetur in F gravi, et cantetur ascendendo per tonum et semiditonus, et sic prosequatur ad finem, et procul dubio in D gravi (37) *raro permanebit*.

Aufer a me. Communionem hanc multi incipiunt in c acuto, et in a acuto finiunt, quorum neutrum tamen est alicujus modi, quod evidentissime omnibus liquet musicis. Igitur falsificaverunt usuales jam dictum tonum, et alios infinitos, ignorantia ipsa hæc causante. Hic cantus, cum sit modi tetrardi, incipiendus est in G gravi, et idem cantus in principio immediate d acutum suum diapente visitans transit usque an finalem dictionem, scilicet *est*, quæ modulatur per a acutum et G grave tantum, et sic modi tetrardi permanebit.

Graduale *Domine prævenisti*. Etiam hoc gradale absque depravatione nequivit permanere. Similiter et aliud gradale, scilicet *Benedicta et venerabilis*, ejusdem melodiam, licet frequentius in ecclesiis decantetur. Depravatio hujusmodi patet in hac dictione *pretioso*, quæ finiri debet in G gravi, quia talis melodia est protii modi, sed infiniti finiunt in C gravi. Statim versus gradalis hoc esse falsum demonstrat, quia finitur in D gravi. Etiam omnes proprietates protii concurrent in eadem symphonia, per quas aperte cognoscitur dictæ melodiam depravatio. Canta igitur, ut ad protium possis pervenire,

(37) Mel. sua propria sede regulariter requiescet.
(38) Forte, denotatur.

A prædictam dictionem, scilicet *pretioso*, per G D F E F D E D D graves, et ab a acuto G E G F E D E F D D. et sic regulariter finietur.

Sequentia *Eia recolamus*. Hujus sequentiæ sedes est G grave, et finito hoc versu, scil. *Deus qui creavit* in d. acuto, sequens versus, scil. *mirabilis*, non incipiatur in g acuto, velut usuales depraverunt, sed in d acuto, et hæc dictio *mirabilis* per d c $\frac{1}{2}$ c et prosequenda est, secundum quod hæc sequentia in hoc libro (38) demoratur et finitur in G. gravi (39) et ejus tetrardus.

Sequentia *Sancti Baptistæ*. Hæc sequentia dignoscitur depravata in hoc versu: *placatus*, et etiam in hoc versu: *et agni*; nam quidam hunc versum *placatus* diversimode inchoant, et contendunt quomodo inchoetur, sicut et de hoc versu: *et agni*. Sed quia præsens sequentia est protii authentici, merito hic versus, scil. *placatus*, inchoatur in a acuto, et tunc ultima dictio ejusdem versus vel ejus consortis manet in d acuto, et sic regulariter perducitur ad suum finale, scilicet D grave.

Sequentia *Laus tibi Christe*. Peccaverunt usuales in hac sequentia, et specialiter in hoc versu: *Aphorisco*; quem incipiunt in c acuto, et sic prosequendo finiunt etiam in c acuto. Attamen eam in F gravi terminare debuissent, ex quo triti sit authentici. Dimitte usualement ululatum in hoc versu, et eum incipe in F gravi, et ita prosequendo sequentiam in F gravi rationabiliter terminabis. Idem judicium erit de hac sequentia: *Psallite regi*, quia ejusdem est symphoniam.

Laus tibi Christe Patris. Etiam hæc sequentia est depravata in hoc versu: *Ut liceat*, nam quidam prædictum versum inchoant in a acuto, cum tamen ipsa in D gravi finiri deberet, eo quod sit ipsa protii authentici. Ut igitur dicta sequentia reducatur ad suum finalem, finito versu *nobis terrena*, in a acuto, sequens versus, scilicet *ut liceat*, incipiatur in D gravi, et moduletur sic: D G F c G a F G F E E E F G G F E d E D D F E E D D, quod versu et ejus consortis finitis ultimus versus ita moduletur: D E F G F F E E G a G F E D F E C E F D D, et sic ad suum regulariter perducitur finalem.

(39) Legerem, et est tetrardus.

QUOMODO DE ARITHMETICA PROCEDIT MUSICA

Sequens opusculum in cod. ms. S. Emmerami habetur post Micrologum Guidonis. An ejusdem, an alterius auctoris sit ignoro.

Quinque sunt in Arithmetica inæqualitatis genera. Ex quibus tria postrema respuens musica primum tantum et secundum admittit, id est multiplex et superparticulare. Est vero multiplex, ubi major numerus minorem numerum habet in se totum vel

bis vel ter vel quater ac deinceps, nihilque deest et nihil exuberat. Ex hujus generis radice oritur prima et perfectissima symphonia, quæ dicitur diapason, et est in dupla proportione, et bis diapason quæ quadrupla proportione colligitur. Superparticulare vero

est, quando major numerus minorem habet in se A totum, et unam ejus aliquam partem, eamque vel dimidiam, ut tria ad duo et vocatur sesquialtera, vel sescupla, vel emiolia proportio. Vel tertiam, ut quatuor ad tria et vocatur sesquitercia vel epitrita proportio et deinceps. Ex hujus generis radice oriuntur duæ symphonie diapente et diatessaron. Et diapente sesquialtera, diatessaron vero sesquitercia vocatur. Tonus quoque ex eodem genere procedens sesquioctava proportionem colligitur. Reliqua autem inæqualitatis genera rejiciuntur, quia dum major numerus minorum non parte sed partibus superat, evenit ut voces etiam his mensuratæ confusæ et absonæ fiant. Versatur igitur in multiplici genere dupla, tripla, quadruplaque proportio. Et dupla facit diapason, ut sunt IV ad VIII. Tripla vero (40), ut sunt II ad VI. Quadrupla etiam, ut IV ad XVI bis diapason constituit.

Versatur vero in superparticulari genere sesquialtera vel sesquitercia et sesquioctava proportio. Et sesquialtera, ut sunt VI ad IX vel VIII ad XII diapente. Sesquitercia autem ut VI ad VIII vel IX ad XII diatessaron. Mista vero sesquialtera et sesquitercia faciunt diapason.

ut

| |
|---------------------------|
| d i a — — p a — — s o n . |
|---------------------------|

VI. diapente VIII. diatessaron XII.

Sesquioctava vero, ut sunt VIII ad IX tonum efficit. Multiplex ergo inæqualitatis genus diapason per duplum ut I ad II diapason et diapente per triplam ut I ad III bis diapason per quadruplam ut I ad IV generat proportionem. Superpartulare autem inæqualitatis genus diapente per sesquialteram diatessaron per sesquiterciam, tonum per sesquioctavam creat proportionem.

De Vocibus VII.

Septem sunt diversæ voces, quæ iterum sicut septimanæ dies repetitæ duo diapason complent. Ultra hæc duo diapason monochordum non debet extendi, quia omnis chorda gravius diapason alteram in acuto diapason sibi concinentem habet. Ideo etiam infra sesquitercium idem diatessaron non potest coaptari, quia cum diapason V tonorum et duorum semitoniorum, diapente trium, tonorum et unius semitonii diatessaron duorum tonorum et unius semitonii capax est, in duobus diapason quatuor troporum quaterna positio invenitur. Sic hæc partim speciales sunt, ut graves subjugalis, excellentes authenticis; partim communes tam subjugalis quam authenticis, ut finales et superiores, in quibus subjugales cum magistris (41), id est diapente, ad hoc etiam *Sæculorum amen* quamvis non eisdem chordis, in eisdem tamen tetrachordis fines quoque quos et magistri sortiuntur,

De Tropis sive tonis.

Tropi quos abusive tonos nominamus quatuor sunt natura secundum gentium vocabula. Sunt autem dicti dorius, phrygius, lidius, mixolidius.

(40) Diapason et diapente.

Secundum monochordi vero positionem sic sunt vocati: Protus, deuterus, tritus, tetrardus, secundum litterarum autem ordine sic:

| | | | | | | | |
|--|--|--|--|--|--|--|--|
| | | | | | | | |
|--|--|--|--|--|--|--|--|

ABC DEFG a b c defg a. Protus hac ratione constat ab A in d. Deuterus a B in E. Tritus a c in f. Tetrardus a D in G. Sed cum acumen gravitatem, gravitas acumen confunderet, concilium fuit, ut quisque tropus partiretur in duos, ut gravia gravibus, acuta convenirent acutis. Et acuti authentici: graves vero Græce plagæ, Latine subjugales vel laterales vocarentur. Horum primus hypodorius cantatur ab A in a. Secundus hypophrygius a B in b. Tertius hypolidius a C in c. Quartus hypomixolidius a D in d. Dorius item authenticus a D in d. Phygus ab E in e. Lidius ab F in f. Mixolidius a G in g. Quatuor hi modi ita naturaliter sunt disjuncti, ut alter alteri in sua sede locum non tribuat, alter alterius neumam aut nunquam recipiat, aut transformet. Ut sunt hæc in offertoriis. *Jubilate. Ipse est Deus, etc. Deo nostro. Filie regum. Varietate. Justitiæ Domini. Factus est, etc. In ea sanctific., etc. Filiorum, etc.*

Omnis ergo diatessaron vel diapente vel diapason species a quovis tropo, cujus est, incipit, et in eundem desinit. Quapropter illæ species, quæ ab uno incipiunt et in alium desinunt, licet quidem regularem tonorum et semitonii positionem habeant, tamen non sunt omnino naturales, ut D et G E et a. Aliæ quoque quæ, in quo incipiunt, non finiuntur tropo, nec consuetam diatessaron habent positionem, id est, duos tonos et semitonium ut est f et b omnino abjiciendæ sunt. Similiter et diapente B et f quæ non habent III tonorum et semitonii positionem, non sunt recipiendæ. Unde omnes regulares diatessaron species a gravibus, diapente vero a finalibus oriuntur.

Tetrachorda in monochordo bifariam fiunt, scilicet secundum mensuram et secundum troporum institutionem. Quæ autem secundum mensuram construuntur, habent s in ultimo. Nam ita numerantur t̄ t̄ s̄ t̄. Habent quoque conjunctionem tetrachorda, quod Græce dicitur *synaphe* in E. Disjunctos vero tonos, quod Græce dicitur *diezeusis*, inter A et B. Quæ vero secundum troporum institutionem construuntur, habent s in medio. Nam ita numerantur. t̄ s̄ t̄. Habent quoque *synaphe* in D et d diezeusin vero in A et G et inter a et g. In hac tetrachordorum institutione cujusque tetrachordi prima littera protus est, secunda deuteri, tertia triti, quarta communis proto et tetrardo, ut D et d vel specialis tetrardi, ut G et g. Protus habet diatessaron A B a d deuterus vero B E b e tritus quoque C F c f tetrardo servit D G et d g.

Dorius est authenticus, hypodorius subjugalis, phrygius authenticus, hypophrygius subjugalis, lidius authenticus, hypolidius subjugalis, mixolidius dicitur authenticus, hypomixolidius subjugalis.

(41) Lege: idem habent.

Quod itaque tropi vocantur protus, deuterus, A tritus, tetrardus, id est primus, secundus, tertius, quartus, hoc fit positione monochordi, non pro dignitate. Quisque enim illorum per se authenticus est, id est auctoralis sive magister.

Ab A usque D omnes diatessaron species construuntur naturaliter, quia in quarto spatio totius monochordi diatessaron reperitur. Prima autem diatessaron species est protus, ab A in D constans $\overset{\circ}{t}$ s $\overset{\circ}{t}$. Secunda est deuteri a B in E constans s $\overset{\circ}{t}$ $\overset{\circ}{t}$. Tertia est triti a C in F constans $\overset{\circ}{t}$ t s. Quarta est communis proto et tetrardo constans eadem forma qua prima, ut a D in G. Si ea protus utitur ascendendo ut est : *Fac mecum*. Tetrardus vero descendendo, ut est : *Dabo in Sion Judæa et Jerusalem*. Si quam aliam diatessaron speciem inveni-
B

neris, quia in hac regulari institutione locum non habet, repudianda est, ut est ab F in $\overset{\circ}{t}$ constans $\overset{\circ}{t}$ t t.

Qualiter diapason species construuntur.

Omnes diapason species ita construuntur, ut a priori diapason incipiant, et in posteriori desinant; quia in secundo totius monochordi spatio diapason reperitur. Sciendum est, quod omnis cantilenæ legalis ascensus et descensus per diapason construitur. Prima autem diapason species est subjugalis protus ab A in a media D secunda est subjugalis deuteri a B in $\overset{\circ}{t}$, media E. Tertia est subjugalis triti a C in c media F. Quarta est communis protus et tetrardi subjugalis a D in d media G. Hic est legitimus subjugalium ascensus et descensus.

Item ad ascensum et descensum authenticorum quatuor diapason species numerantur. Si de prima dictum est, quod quarta sit, quantum ad subjugalem tetrardi, prima quantum ad protum authenticum hæc est a D in d media a. Secunda est deuteri authenticus ab E in e media $\overset{\circ}{t}$ Tertia est triti authenticus, a F in f media c. Quarta est tetrardi authenticus a G in g media d. Hic est legitimus authenticorum ascensus et descensus. Reliquarum in utramvis partem vocum adjectiones licentia vel auctoritate fiunt.

Duo sunt diapason. In utroque horum omnis tropus duas habet litteras. Protus in priori habet A D in secundo a d. Deuterus in priori habet B E in secundo $\overset{\circ}{t}$, e. Tritus in priori habet C F in secundo c f tetrardus in priori habet D et G in secundo d et g.

Subjugales in gravibus principantur, ab excellentibus excluduntur, in finalibus et superioribus communicant. Graves et superiores subjugalium finales et excellentes limites sunt authenticorum. Tetrachordum gravium est gravissimus cantilenæ descensus. Tetrachordum finalium est melodiæ exitus. Tetrachordum superiorum dat initia differentiarum, id est *sæculorum amen*, excipitur *sæculorum amen* secundi toni. Tetrachordum excellentium est altissimus cantilenæ ascensus.

Authentici in finalibus terminantur, in superioribus mediantur, et per *sæculorum amen*, initian-

tur, in excellentibus exaltantur, subjugales in gravibus deponuntur, in finalibus mediantur, et terminantur, in superioribus exaltantur.

Protus in authentica ratione constans a D in d habet mediam a. Deuterus in authentica ratione constans ab E in e habet mediam $\overset{\circ}{t}$. Tritus in authentica ratione constans ab F in f habet mediam C. Tetrardus in authentica ratione constans a G in g habet mediam d. In subjugalibus medietates et fines unum sunt.

In authenticis medietates et *sæculorum amen* idem sunt. Protus indifferenter constans ab A in d habet duas medias d et a. Deuterus indifferenter constans a B in e habet duas medias E et $\overset{\circ}{t}$. Tritus indifferenter constans a C in F habet duas medias F et c. Tetrardus indifferenter constans a D in g habet duas medias G et d. Subjugales a gravibus per finales in superiores ascendunt. Authentici a finalibus per superiores in excellentes scandunt. Subjugales diatessaron infra, diapente supra, authentici autem diapente infra, diatessaron habent supra.

De agnitione quatuor modorum.

Primus modus vocum fit, ubicunque vox tono poterit remitti, et prima specie diapente intendi, ut in A et D, a et d principalibus chordis protus valet agnosci, ut hæc probat antiphona *Prophetæ prædicaverunt*. Secundum modum vox ditono remissa, et secunda specie diatessaron intensa pandit, qui fit in B et E, $\overset{\circ}{t}$ et e principalibus chordis deuteri, hunc plagaliter hæc pandit antiphona *Gloria hæc est*. Tertius modus tertia specie diatessaron remittitur, et ditono intenditur, sicut triti speciales chordæ C F c et f declarant. Hujus modi indicium est in hac plagali antiphona : *Modicum et non videbitis*. Quartum modum vocum tono intensum, et quarta specie diapente remissum tetrardo aptamus : quia ipsius principales chordæ D et G d et g illum conficiunt, qui modus et authentice et plagaliter dignoscitur in Antiphona : *Si vere fratres. Multi veniunt*. Notandum est, quod cum quisque troporum in propria chorda *sæculorum amen* habeat, utpote protus in a tritus in c tetrardus in d solus deuterus *sæculorum amen* propter imperfectionem semitonii a $\overset{\circ}{t}$ transfert in c. Nullus autem subjugalis cum suo magistro in eadem littera *sæculorum amen* collocat, sed semper inferius, ut pote protus in a sola ejus plaga in f deuterus in c plaga ejus in a tritus in c plaga ejus in a tetrardus solus d plaga ejus in c.

Quæritur de specie diapason, quæ est a D in d cum sit tam proto, quam tetrardo communis, quare non unum, sed duos modos efficiat. Quod ita solvitur, protus habet finem in D mediam distinctionem in a tetrardi subjugales habet tam finem quam mediam distinctionem in G protus vero versans in subdistinctionibus, mediisque distinctionibus, et fine circa a vel D propriam quoque diatessaron et diapente speciem frequentat; subjugalis autem tetrardi suis quoque speciebus intentus per cola, et commata maxime circa G versans, diversos omnino modos

efficiunt, protus sæpius intendendo, tetrardus vero sæpius remittendo.

Sola littera D in monochordo bis principalis est, est enim proti eadem principalis. Ipsius enim diatessaron a et d circumscribitur. Est etiam eadem D ejusdem proti cantilenæ finalis. Littera ipsa ad principalis est tetrardi. Per ipsam enim per specialem suam g ejus diatessaron circumscribitur. Unde eadem quarta diatessaron species proti est tantum in forma, propria autem tetrardi, quia ejus principalibus chordis d et g clauditur. Est communis eadem D, quia est ultima gravium et prima finalium. Est et finis proti, et gravissimus tetrardi D per diatessaron descensus. Littera superius d altissimus est proti ascensus ac tetrardi *sæculorum amen*, et ultima est superiorum, et prima excellentium.

Omnis vox ad sibi vicinam et jusum vel susum semitonium est aut tonus, omnis vox ad tertiam a

A se semiditonus est, aut ditonus. Omnis vox ad quartam a se, diatessaron est, exceptis F et \natural quadrato. Omnis vox ad quintam a se diapente est, exceptis B et F b et f.

Omnis cantus una vel duabus vocibus infra finalem descendens et super diapente aliquam vel omnes suas voces si attigerit, authenticus erit. Omnis cantus, qui iv. sive v vocibus infra finalem descenderit, et nihil super diapente tetigerit, subjugalis erit. Omnis cantus, qui plene plagalem depositionem habuerit, si super diapente unam vel duas voces tetigerit, subjugalis erit. Omnis cantus infra finalem unum vocem habens, et supra diapente non vadens, subjugalis erit. Omnis cantus in v vocibus tantum se continens potest esse communis, sed ei tribuatur, cujus frequentior habitus. Omnis cantus ad v voces non pertingens pro sui imperfectione subjugalis erit.

De inventione synemenon.

Vult ita synemenon vocum gravitas ut acumen, illud ab ac duplici poterit ratione probari. Respicit octavum quia quævis vocula nervum Vult quoque synemenon resonare suum diapason Et propria specie stat quisque tropus diapente Authentus supra, lateralis habet suus infra. Vult protus ex prima, deutrus constare secunda, Tertius ex trita specie, quartus quoque quarta. Ecce proti deutri lateralis item quoque triti. More suo jam non fieret nisi per synemenon. Id cantus multi solidabunt Gregoriani. Imperitat chordis primis protus in tetrachordis Scilicet A D G quæ designantur et a d. Stans prima specie diatessaron et diapente. Sic tetrachordorum voces habet ordo troporum Stat deutris deutrus, quia vocibus ut speciebus Sicut cuique datur series sua, sic variatur.

De speciebus diatessaron.

Se diapente quater variat, diatessaron ut ter, Stat natura tribus diatessaron in speciebus. Limmate prima tono constat utrinque dato Limma secunda tonis, postponit formuli binis. Tertia limma tonos collocat ante duos.

A D }
B E } diatessaron.
Γ C }

De speciebus diapente.

Sunt ita distinctæ species quas fert diapente

Prima fit ex ditono, limmate de quo tono - ut a Γ ad D.

Ex tritono deutra cum limmate † tertia contra.

† ut ab F ad c. \natural mediante.

Constat quarta tono, limmate cum ditono. **

* ut ab E ad \natural

** ut ab A ad E grave.

De proprietatibus troporum.

Nobilitas primi juvat anfractusque secundi
Quarti garrulitas placet, et tua trite voluptas

Ubi tetrachordum et diezeuxis.

Ex his D G d tetrachorda notantur utrinque
Inter G simul A diezeuxis bis patet una.

De VI symphoniis.

Symphoniæ simplæ sunt tres, totidem quoque junctæ

Diapason simplæ, diatessaron, et diapente
 Dicuntur junctæ, diapason cum diapente
 Cum diapente tonus, diatessaron ad diapason.
De cognatione proti et tetrardi.

Hinc aut inde tonum, si junxeris ad tetrachordum
 Vel prima specie, quartave datur diapente
 Inde prioratus primi patet atque tetrardi.

CIRCA ANNUM EUMDEM.

ANNALES HILDESHEIMENSES QUEDLINBURGENSES, WEISSEMBURGENSES

ET

LAMBERTI.

PARS PRIOR.

(Apud D. Pertz, *Monumenta Germaniæ historica*, *Scrip.* tom. III, pag. 18.)

ADMONITIO PRÆVIA.

Monasterium Herolfesfeldense, primis Caroli Magni annis a Lullo archiepiscopo fundatum opibusque plurimis ditatum, Ludovico I imperante Annalibus originem dedit, qui prima sui parte usque ad a. 829 chronicis Isidori (1) et Bedæ (2) Annalibus Murbacensibus quales hodieque in Laureshamensibus (3) et Nazarianis (4) supersunt, Annalibus Laurissensibus minoribus (5) atque Annalibus Laurissensibus (6) et Einhardi (7) superstructi, inde ab anno 830 usque ad a. 973 et 984 ab auctoribus per sæcula nonum et decimum sibi succedentibus sunt producti. Priori parti notitias aliquas ex Bedæ Historia ecclesiastica desumptas (8) inseri jam Lappenbergius in Annalibus nostris (9) monuit; paucæ tantum offenduntur ex nostis Fuldensibus desumptæ, nec nisi una ad Hersfeldense monasterium pertinens, eaque haud ex fonte antiquo sed ex loco male intellecto in Vita Sturmi abbatis Fuldensis delibata (10). Itaque prioris

A partis auctoritatem ex fontibus ejus totam pendere facile intelligitur; altera genuina per majorem sæculi noni decimique partem decurrit (11). Priorem in Annalibus Fuldensibus in bibliotheca Batavorum Lugdunensi a me evolutis, tum in Lobiensibus, Monasteriensibus Alsatiae qui ex Weissemburgensibus fluxerunt, et in Mariano Scoto repetitam vel potius excerptam, monuit Waitzius (12); totum vero optus, certe partem ejus quæ maximi facienda est, exscripserunt annalista Halberstadensis et *Weissemburgensis*. Et hujus quidem opus, antea nonnisi excerptis a Wurdweinio propositis (13) notum, integrum in oodice olim Weissemburgensi, a. 1560 ab Joan. Ægolfo a Knorrigen bibliothecæ Ingolstadiensi illato, et una cum ea jam in bibliotheca universitatis regiæ Monacensis condito, inveni atque in usus nostros retuli. Excipit ibi libros Eusebii et Prosperi, atque margini cyclorum decennovenna-

(1) Orig. lib. v, 39.

(2) In fine librorum De temporibus et de t. rat.

(3) Cf. e. g. annos 717, 748, 781, 786 usque 791 et 795.

(4) Cf. e. g. annos 709, 710, 725, 752.

(5) Cf. a. 738, 746, 750, 753, 754, 755, 758, 765, 768, 772, 773, 774, 787, 795, 801, 802, 806, 807, 810, 815.

(6) Cf. e. g. 774, 776, 778, 782, 799; et in Ann. Quedlinburgensibus a. 775—780, 782—784, 788, 789, 793, 794, 798—800, 805.

(7) Cf. a. 792, 805, 813, 818 sqq. usque 829, et ann. Quedl. a. 790, 795, et alios.

(8) A. 708, ex Bedæ lib. v. c. 19, a. 727, 729, 732,

735, ex ub. v, c. 74., 24 et app.

(9) T. VI, p. 638.

(10) A. 736 ex Vita S. Sturmi cap. 5, 6.

(11) Quæ in aliam sententiam viri docti disputant, ea mihi non arrident; nam nec Reginonis continuatorem nec annales Corbeienses inter fontes Hersfeldensium agnosco, et ut rationes productas verbo attingam, dedicatio ecclesiæ Trevirensis per totam certe Germaniam celebris, et adventus Ungarorum usque ad Fuldam Hersfeldensibus maximi momenti atque haud dubie notissimus erat.

(12) Cf. Annales nostros, t. VI.

(13) Subsidia dipl. XII, 134 sqq.

lium Dionysii ab a. 532 incipientium sæculo xi, exeunte, anno circiter 1075, adjectum est; altera tamen manu circa a. 1087 inserta sunt nonnulla, quæ littera obliqua describenda curavimus, omis- sis scilicet nominibus imperatorum Orientis us- que ad Basillium et Constantinum cum avo Con- stantino et patre Romano anno 976 coronatos, nec- non imperatoribus Romanis ex catalogo quodam desumptis atque passim pro libitu ascriptis. Ulti- ma quatuor codicis folia Annales Laurissenses (14) minores recensione Remensis (15), excisa pagina a. 716, voce *Reginfridus* incipientes exhibent. An- nales usque ad a. 984 ex codice Hersfeldensi flu- xisse, reliqua vero in monasterio Weissembur- gensi addita, ex adnotationibus ipsis constat; no- mina episcoporum Spirensium sæculo xi exeunte addita sunt.

Alter qui annales Hersfeldenses exscripsit, an- nalista scilicet *Halberstadensis*, ut opinor, ipse quidem hucusque latet, sed in parte antiquiori an- naliū Hildesheimensium et Quedlinburgensium usque ad a. 993, in Thietmaro, in Annalista et Chronographo Saxonibus (16), apud monachum Sassawensem (17) et in Chronico Halberstadensi (18) atque Staindellii (19) recognoscitur. Quos inter Annales Hildesheimenses in codice autographo, jam regio Pariensi numero 6114, olim 1031, 1125 et 3993 signato. membranaceo, in-4°, sæculi x exeuntis xi et xii superstites, post Rufl Festi bre- viarium librum exhibent de ordine temporum, ex Isidori Hispalensis Chronico, Annalibus Lauris- sensibus minoribus et Annalibus Hersfeldensibus usque ad a. 993 conflatum, atque manu sæculi decimi conscriptum, quem diversæ inde continua- tiones manibus diversis et se invicem excipienti- bus exaratae, usque ad Lotharii III imperatoris obitum subsequuntur. Librum a Chesnio primum in SS. Francicis, t. III, 540, publici juris factum in- deque a Leibnitio SS. Brunsv. I, 711, repetitum, anno 1827 Parisiis iterum evolvi, mendisque pur- gatum jam sistimus. Prior ejus pars usque ad a.

(14) A. 807 hæc addunt: *post quem alius Gri- moaldus successit in regnum, atque studuit inva- dere alia regna sine jussione regis*; anno 814 æque ac Remensis recte habet *constituit filios suos duces Pippinum in Aquitania, Hlutharium in Bajoria*, ubi t. I, pag. 122, errore typographi *duos* expres- sum est. Anno 817 hunc regum Francorum catalo- gum subjicit. NOMINA REGUM FRANCORUM *Hlu- tharius regnavit ann. 43. Dagobertus regnavit an- nos 17. Sigobertus annos 23. Hildibertus adoptivus annum 1. Grimoaldus annos 6. Hildricus annos 14. Thiodricus annos 17. Pippinus filius Ansigisi ma- jor domus (ann. 27). Chlodoveus annos 4, obiit in quinto. Hildibertus annos 17. Dagobertus annos 4, obiit in quinto. Carlus major domus filius Pippini (annis 7). Hilpericus annos 5. Thiodricus annos 17. Carlomannus et Pippinus annos 27 1/2. Carlus annos 46. Hluthovicus annos 26. Hlutharius annos 16.*

(15) Annis tamen 744, 764 et 786 Fuldensem co- dicem sequitur: a. 792 deest vox *Prumia*, a. 776 *Lavesheim*, a. 785 *semetipsum* legit.

(16) Loci plurimi in utroque et in monacho Sas- sawensi exstant, quos Annalibus Quedlinburgensi-

A 993 a scriptore Hildesheimensi composita (20), ipso tempore exarata, et compluribus locis ab al- tero sæculi decimi scriptore additionibus aucta, nonnisi inde ab a. 814 exprimenda erat, cum nec Isidorum nec Annales Laurissenses minores hic iterum excudi operis nostri ratio posceret; de au- ctore ejus minime constat. Nec magis continuatio- num usque ad a. 1109 auctores novimus, Hildes- heimenses certe, sed quorum nomina obscuritate indebita premuntur. Unum tamen fortasse Thang- marum excipias, ecclesiæ Hildesheimensis biblio- thecarium et notarium, Bernwardi episcopi præ- ceptorem, amicum, et legatum ad Ottonem III et Sylvestrum II papam, qui cum Bernwardo vivente gesta ejus colligere aggressus sit, et in Vita epis- copi, plurima iisdem plane verbis quibus in An- nalibus nostris leguntur efferat, eum Annalium quoque inde ab anno 1000 usque ad a. 1022 pa- rentem agnoscere liceret, nisi Annalium hac parte auctor monasterio S. Michaelis se ascriptum dice- ret, eum tamen Thangmarus se monachum S. Mi- chaelis minime professus sit. Annales Vitæ Bern- wardi anteriores liber autographus demonstrat. Eodem etiam modo continuatio Annalium usque ad annum 1038 a Wolfhero, Vitæ S. Godehardi episcopi auctore, exscripta est; totum vero opus usque ad a. 1040 Lamberto Aschafnaburgensi præ manibus fuisse, in opere ejus inde decerpta pro- dunt. Anni 1041-1101, a viro Heinrici IV partibus favente, ut Udonis episcopi clericum decebat, con- scripti, cum Annalibus Wirzburgensibus, (21), in plurimis ad litteram conveniunt, atque operi ma- gnam partem ex Hermanni Contracti Chronico ejusque continuationibus decerpto innituntur (22). Ultima operis pars, annales scilicet annorum 1109- 1137, a viro Heinrici IV inimico, atque prout anni 1133 historia testatur Paderbrunnensi, conscripta est, qui est, qui et anterioribus annis notas Hein- rico IV inimicas adjecit.

Annales Quedlinburgenses in codice tabulari regi Dresdenensis chartaceo manu 1 (Petri Albini exarato

bus ascribendos judicaverunt CII. Lappenberg et Waitz; sed cum codex unicus Dresdenensis non so- lum integram annorum seriem, sed a. 961 diversa ab illis quæ apud Chronographum leguntur exhi- beat. Annalistam, Chronographum et Sassawensem D ex fonte Annalium Quedlinburgensium hausisse patet; et descriptio dedicationis ecclesiæ Halbersta- densis a. 992: Annalibus Quedlinburgensibus ex fonte Halberstadensi illata est, et genuina atque uberior in chronico Halberstadensi legitur.

(17) Meneken SS. III, p. 1775 sqq.

(18) Leibnitii SS. II.

(19) Oefele SS. I.

(20) V. e. g. notitiam de fundatione civitatis Hil- desheim, quæ tota in codice littera majuscula est conscripta, annos 872, 875, etc.

(21) Unde Ekkehardi Uraugiensis Chronicon de- rivatum esse jam autographo ejus ante oculos posito et lectione operis vera stabilita, haud am- plius dubitare licet.

(22) Hildesheimenses ea parte minime ex Wirz- burgensibus fluxisse, inde patet, quod anni quidem 1041-1100 una manu, annus vero 1101 alia, quæ et annorum 1102-1109 historiam subjecit, scriptus sit.

atque 2) a diversis sæculorum XVI et XVII scribis A correcto et notulis aucto superstitibus, a Leibnitio primum in SS. Brunsw., t. II, 272 sqq., sub titulo Chronici Saxonum Quedlinburgensis editi, tum a Menckenio in SS. Saxon., t. III, 170 sqq., cum Chronographo Saxone collati, jam vero in usus nostros a V. Cl. Mauritio Haupt diligentissime evoluti sunt. Prior operis pars usque a. 993 et fortasse a. 1000 (23) ex annalibus Halberstadensibus, Beda De sex ætatibus, Gestis regum Francorum, aliisque fontibus incognitis manavit, adhibitis passim Einhardi Vita Caroli, Poeta Saxone (24), et Annalibus Alamannicis (25) et Augiensibus (26), insertis quoque notitiis genuinis familiam præcipue Ottonum concernentibus, quas auctorem a Mathilda Adelheide abbatissis Quedlinburgensibus accepisse, jam Lappenbergius innuit (27) Quæ quidem una cum reliquis usque ad a. 1025, inter præcipuos historiæ ejus temporis fontes censenda sunt, auctore cœvo, præsentate, et scribendi callido. Opus ultra a. 1025 productum fuisse, ea quæ ibi de adventu Beatricis et de profectibus ejus per singula ætatum incrementa memorantur, probant; et opus media in sententia desinit; sed nec continuationis ejus nec prioris partis vestigia in Chronicis Quedlinburgensibus Halæ Saxonum et in bibliotheca Regia asservatis reperiri datum est. Editio codici Dresdensi innixa, ope auctorum qui et annales Halberstadenses et nostros exscripserunt, Thietmari, Analistæ et Chronographi Saxonis, emendata est.

Pertinet hic etiam prior pars Annalium Lamberti Aschafnaburgensis, ex Annalibus Hersfeldensibus, Hildesheimensibus (28) aliisque in Bajoaria, fortasse Patavii vel Frisingæ scriptis (29), quæ et in Stindellii Chronico et apud Aventinum occurrunt, conflata. Proponimus eam post editiones anteriores — scilicet a) principem ex codice PP. Augustinensium Tubingæ a Casparo Churrer Tubingæ a. 1525 in-8° vulgatam, atque Philippi Melancthonis præfatione ornatam; b) Tubingensem an-

ni 1533, in-8°, a Ludovico Schradino, ut ipse proficitur, eodem ex codice emendatam; c) Simonis Schardii a. 1566 fol. inter Germanicarum rerum quatuor chronographos et a. 1574, t. I, historici operis; d) Joh. Pistorii in SS. Germ. a. 1583, fol. « ex libro vetustissimo multis locis emendatam; » e) Argentoratensem anni 1609 fol., et f) Burcardi Gotth. Struvii a. 1726, fol., in SS. Germ. Pistorii t. II, — his subsidiis adjuti:

1) C. in tabulario regio Dresdensi primum a me evoluto tum vero a V. cl. Ludovico Hesse, tabulario screnissimi principis Schwarzburgensis, in usus nostros exscripto, chartaceo sæculi XV exeuntis vel XVI ineurtis, qui cum editione principe quam plurimum convenit.

B 2) Editione principe a cl. Hesse exscripta.

3) Codice bibliothecæ ducalis Gothanæ. membr. in-fol. sæc. XII, circa annum 1137 exarato, qui Ekehardi Uraugiensis chronicon ex Lamberti annalibus adauctum exhibet. Scriptus est in monasterio S. Petri Erfurtensis, atque una cum reliquis codicibus ex eodem monasterio prognatis additamenta quædam exhibet a genuino Lamberti textu aliena, sed quæ commemorare eo magis necesse erat, quod liber haud ultra quinquaginta annos a Lamberti ævo recedit. Evolvendum codicem flagitanti mihi præbuit liberalitate et humanitate qua claret V. ill, Fridericus Jacobs. Ad quem prope accedunt.

C 4) C. bibl. universitatis Gottingensis, olim Andr. Erasmi a Seidell, postea Salomonis Semleri, de historia patria meritissimi, chartaceus in-fol. sæc. XV exeuntis. V. cl. V. Beneke, bibliothecæ amplissimæ præfecti, liberalitate mihi oblati.

5) C. bibl. universitatis Wirzburgensis, chartaceus in-fol. sæc. XV exeuntis vel XVI cum editis collatus a cl. Hesse, qui et

6) Editionis Pistorianæ anni 1583 lectiones enotavit.

Altera Lamberti pars inter scriptores sæculi XI sistenda erit.

ANNALES HILDESHEIMENSES.

Incipit liber de ordine temporum. Brevem temporum per generationes et regna primus ex nostri Julius Africanus, etc..... ac latere lineam annorum. Cujus indicio summa prætentorum temporum cognoscatur.

Sex diebus rerum omnium creaturum Deus formavit; primo die, etc.

Antoninus Caracalla... Neapolis fundatur.

Theodosius cum Archadio et Honorio filiis..... Augustinus claruit.

(23) Ibi annales Halberstadenses a monacho Sasawensi excerpti desinunt; et hanc annalium Quedlinburgensium partem haud ante annum 1002 scriptam fuisse, Cl. Lappenberg ex verbis *rex futurus* a. 995 de Heinrico II usitatis probavit.

(24) A. 802, 803.

(25) Cf. a. 829, 860, 917.

Anastasius..... Boecius consolaris claruit.

Tiberius annos 6. Langobardi pulsus Romanis Italiam adeunt. Gothi in Spania bifarie divisi, mutua cede vastantur. BENNOPOLIM FUNDATUR, HILDENESHEIM CIVITAS.

Mauricius..... Gregorius moritur.

Eraclodus cum matre sua Martina..... Cenobium Floriacense fundatur.

Constantinus filius Eraclii regnavit menses 6.

Constantinus Constantini filius regnavit ann. 27.

(26) E. g. a. 829, 860, 872, 910. Cf. Annales nostros VI, p. 642.

(27) V. Annales nostros, t. VI, p. 643, 644.

(28) Quos et ubi Hersfeldenses a. 973 et 984 relinquunt, constanter usque ad a. 1039 exscribit.

(29) An. 974-983.

Eugenius papa flore cœpit anno Constantini 6, et ipse sedit ann. 2. m. 9, d. 24. Vitalianus, etc. — Serguis sedit ann. 13, m. 8. d. 14, Hucusque Ro-

A manorum principum gesta et pontificum Romanæ æcclesie enarravimus. Pippinus dux, filius Anschi-si, etc.

ANNALES QUEDLINBURGENSES.

(30) Prima ætas ab Adam usque ad Noe, continens generationes 10, annos vero 1656. Quæ tota periit diluvio, sicut infantiam mergere solet obli-vio.

Secunda a Noe usque ad Abraham, similiter complexa generationes 10, annos autem 292. In qua ætate lingua est Hebræa inventa. A puericia namque homo incipit loqui nosse post infantiam, quæ inde nomen accepit, quia fari, id est loqui, non potest.

Tertia ætas ab Abraham usque ad David, gene-rationes 14, annos vero 942 continens. Et quia ab adolescentia incipit homo posse generare, Matheus ab Abraham generationum sumpsit exordium. Qui (31) etiam pater multarum gentium constitutus est, quoniam mutatum nomen accepit.

Quarta (32) ætas a David usque ad transmigra-tionem Babilonis, generationibus æque juxta Mat-theum 14, annis autem 484 porrecta, a quæ regum tempora ceperunt. Ætas enim juvenilis regno est habilis.

Quinta deinde usque ad adventum Salvatoris in carne, et ipsa generationibus 14 porrecta, annis autem 586 extenta, in qua, ut senectute gravi fessa, malis crebrioribus plebs Hebræa quassatur.

Sexta, quæ nunc agitur, nulla generationum vel temporum serie certa, sed ut ætas decrepita ipsa C totius seculi morte finienda. Secula (33), quod se sequantur. Abeuntibus enim aliis alia succedunt, quorum decursus per generationes et regna ita inscribitur.

Prima ætas in exordio sui continet creationem mundi. Primo enim die Deus in lucis nomine condidit angelos. Secundo in firmamenti appellatione creavit cœlos. Tertio in discretionis vocabulo speciem aquarum et terræ. Quarto luminaria cœli. Quinto animantia ex aquis. Sexto animantia ex terra et hominem, quem apellavit. Adam.

Adam (34) anno 130 genuit Seth, qui post Abel natus est, a quo filii Dei. Seth anno 105 genuit Enos, qui cœpit invocare nomen Domini. Enos anno 90 genuit Cainan. Cainan anno 70 genuit D Malalehel, qui interpretatur plantatio Domini. Malalehel anno 62 genuit Jareth. Jareth anno 162 genuit Enoch. Hunc (35) Enoch nonnulla divina scripsisse Juda apostolo attestante comperimus. Enoch anno 65 genuit Matusalem; post cujus ortum translatus est a Domino. Matusalem anno 187 genuit Lamech. Gigantes nati sunt, et concupiscunt filii Dei filias hominum. Lamech anno

(30) *Prima—exordium* ex Beda de temporibus c. 14.

(31) *Qui—accepit* ex Beda de temporum ratione c. 64 (de VI æt. mundi.)

(32) *Quarta—finienda* ex Beda de temp.

(33) *Secula—appellavit Adam* ex Isidoro orr. V. 38, 39.

LAMBERTI ANNALES.

(30) Prima ætas ab Adam usque ad Noe, continens generationes 10, annos vero 1656. Quæ tota periit diluvio, sicut infantiam mergere solet obli-vio.

Secunda a Noe usque ad Abraham, generatio-nes similiter complexa 10, annos autem 292. In qua linguarum facta est divisio. A pueritia nam-que homo incipit loqui posse post infantiam, quæ et inde nomen accepit, quia fari, id est loqui (36), non potest.

Tertia ad Abraham usque ad David, generatio-nes 14, annos quoque 942 continens. Et quia ab adolescentia incipit homo posse generare, Matheus ab Abraham generationum (37) sumpsit exordium.

(32) Quarta a David usque ad transmigrationem Babylonis, generationibus æque juxta Matheum, 14, annis autem 485 porrecta. De (38) qua regum tempora ceperunt, quia dignitas juvenilis regno est habilis.

Quinta deinde usque ad adventum Salvatoris in carne, generationibus et ipsa 14, porro annis 588 extenta. In qua, ut gravi senectute fessa, malis crebrioribus plebs Hebræa quassatur.

Sexta, quæ nunc agitur, nulla generationum vel temporum serie certa, sed ut ætas decrepita ipsa totius seculi morte finienda. Secula (35) generatio-nibus constant. Inde dicuntur secula, quod se se-quantur. Abeuntibus enim aliis alia succedunt, quorum decursus per generationes et regna ita scribitur.

Prima ætas continet creationem mundi. Primo enim die Deus in lucis nomine condidit angelos. Secundo in firmamenti appellatione creavit cœlos. Tertio in discretionis vocabulo speciem aquarum et terræ. Quarto luminaria cœli. Quinto animantia ex aqua. Sexto animantia ex terra, et primum hominem Adam.

Adam 130 anno genuit Seth, a quo filii Dei. Seth anno 105 genuit Enos, qui cœpit invocare nomen Domini. Enos anno 90 genuit Cainan. Cainan anno 70 genuit Malalehel, qui interpretatur plantatio Domini. Malalehel anno 72 genuit Jareth. Jareth anno 162 genuit Enoch. Hunc (35) nonnulla divine scripsisse Juda apostolo testante comperimus. Enoch anno 65 genuit Matusalam; post cujus ortum translatus est a Deo. Matusalam anno 187 genuit Lamech. Gigantes nati sunt. Et concupierunt filii Dei id est Seth, filias hominum, id est Cain. La-

(34) Quæ apud utrumque sequuntur ex Beda de tempor. et Isidoro hausta sunt.

(35) *Hunc—comperimus* ex Beda de VI ætat., quem etiam in sequentibus consuluit.

(36) *Additur a manu recentiori* 1. 4.

(37) *G. Christi recentiori manu add.* 4.

(38) *In qua regum tempestate dign.* 1.

ANNALES QUEDLINBURGENSES

mech anno 182 genuit Noë qui arcam ædificavit. Noë anno 600 venit diluvium. Sunt autem ab Adam usque ad cataclismum anni 1630.

Secunda ætas continet annos 2...

Spatium paginæ unius et dimidiæ vacuum.

... primum (39) Phœnices invenerunt. Deinde Cadmus Agenoris filius Græcas litteras 10 et 7 a Phœnicia in Græciam primus attulit. Latinas litteras Carmentis nympha primum Italii tradidit. Carmentis autem dicta, eo quod carminibus futura canebat, cæterum proprie vocata est Nicostrata.

Jephte annis 6. Hercules se flammis injecit. Abessa annis 7. Bellum Trojæ decennale surrexit. Achialon annis 10. Hic in LXX interpretibus non habetur. Labdo annis 8. Capta Troja, Æneas venit in Italiam. Samson annis 20. Ascauius Albam civitatem condidit. Heli sacerdos annis 40. Archa testamenti capitur. Regnum Sciciorum finitur. Samuel et Saul annis 32. Lacedæmoniorum regnum exoritur, et Homerus fuisse probatur.

Quarta ætas continet annos 483. David annis 40. Carthago a Didone conditur. Gath, Nathan et Asaph prophetaverunt. Salomon annis 40. Templum ædificatur Jerosolymis, annis 480 egressionis Judæorum ex Ægypto impletis. Ex quo apparet, Samuel et Saul 32 annos, et non 40 præfuisse. Roboan annis 17. Regum Israel et Juda dividitur. Abia annis 3. Pontifex Abimelech insignis habetur. Asa annis 40. Aggeus, Amos, Johel, Jehu prophetaverunt, et Azarias. Josaphat annis 25. Elias, Elizeus, Abdias, Micheasque prophetant. Joram annis 8. Edom recessit a Juda, et constituit sibi regem. Ochozias anno 1. Helias rapitur. Athalia annis 7. Jonadab, filius Rechab, sacerdos claruit. Joas annis 40. Zacharias, Joiadæ filius, lapidatur. Amazias annis 28. Amos propheta in Israel. Ozias annis 52. Regnum Assyriorum transfertur in Medos, quod a Beli principio steterat annis 1305. Et Olimpias a Græcis instituitur. Joathan annis 16. Oseas, Johel Esaiasque prophetam, et Romulus nascitur. Achas annis 16. Roma conditur, et Israel in Medos transfertur. Ezechias annis 29. Romulus centum senagenuit Noë, qui archam ædificavit. Noë anno 600 venit diluvium. Fuerunt

(39) Hæc usque *Nicostrata* ex Isidoro origg. 1, 3, 4 a Q. sumpta esse videntur.

(40) 4 *add.*: cainan. Cainan CXXX, anno genuit.

(41) CXXX, 4 *et ita Isidorus, Beda vero 30.*

LAMBERTI ANNALES.

A autem ab Adam usque ad cataclismum, id est diluvium anni 1636.

Secunda ætas continet annos 292. Sem anno 2 post diluvium genuit Arphaxat, a quo Chaldei. Arfaxat anno 33 genuit (40). Sela, a quo Samaritæ et Indi. Selæ anno 30 (41) genuit Heber, a quo Hebræi. Heber anno 34 genuit Falech. Turris ædificabatur. Falech anno 30 genuit Reu. Dei primum adorantur. Reu (42) anno 32 genuit Saruch. Regnum Scytharum inchoat. Saruch anno 30 genuit Nachor. Regnum Ægyptiorum nascitur. Nachor anno 39 genuit Tare. Regnum Assiriorum et Scicionorum oritur. Tare anno 70 genuit Abraham. Semiramis condidit Babiloniam et Zoroastres magicam reperit. Fuerunt autem anni ab Adam usque ad Abraham 1947.

Tertia ætas continet annos 942. Abraham anno 75 propter imperium Dei venit in terram Chanaan. Abraham anno 86 genuit Ismael, a quo Ismaelitæ. Abraham anno 100 genuit Isaac. Isaac anno 60 genuit Jacob. Jacob anno 90 genuit Joseph. Memphis in Ægypto conditur. Joseph annis 110 vixit. Græcia segetes habere cepit. Hebræorum servitus in Ægypto annis 147, et Cecrops Athenas condidit. Moyses annis 40 rexit Israel, sub quo Hebræi litteras habere ceperunt. Josue annis 26 rexit Israel. Erichonius in Græcia primus junxit quadrigam. Judices a Moysæ usque ad Samuel præferunt anni 305. Othoniel annis 40 præfuit. Cathmus Thebanorum rex Græcas litteras invenit. Aoth annis 80 præfuit. Amphion musicus claruit. Debbora annis 40. Primus Latinis regnavit Picus. Et Apollo medicinæ autem invenit. Gedeon annis 40. Orpheus Binusque musici claruerunt. Abimelech annis 3. Iste 70 fratres suos occidit, Thola annis 30. Priamus regnavit in Troja. Jair annis 22. Carmentis latinas litteras reperit. Jepte annis 6. Hercules flammis se injecit. Abessa annis 7. Bellum decennale Trojæ surrexit. Ajalon annis 10. Hic in LXX interpretibus non habetur. Labdo annis 8. Capta Troja, Æneas venit in Italiam (43). Samson annis 20. Ascauius Albam condidit. Heli sacerdos anni 40. Archa testamenti capitur, et regnum Scicionum finitur. Samuel et Saul annis 32. Regnum Lacedæmoniorum exoritur, et Homerus fuisse probatur.

Quarta ætas continet annos 473. David annis 40 regnavit, Carthago a Didone conditur. Gath, Nathan et Asaph prophetaverunt. Salomon annis 40. Templum Hierosolymis ædificatur, annis 480 egressionis ex Ægypto expletis. Ex quo apparet, Samuelem et Saulem 32 annos, et non 40 præfuisse. Roboan 17 annis regnavit. Regnum Israel et Juda dividitur, Abia annis 3. Pontifex Abimelech insignis habetur. Asa annis 41. Aggeus, Amos, Johel et Jehu prophetaverunt, et Azarias. Josaphat annis 25. Helias, Helizeus, Abdias et Micheas prophetaverunt. Joram annis 8. Edom recessit a Juda et constituit sibi regem. Ochozias anno 1. Helias rapitur. Athalia annis 7. Jonadab, filius Rechab, sacerdos claruit. Joas annis 40. Zacharias, filius Joiadæ, lapidatur. Amazias annis 28. Amos propheta claruit in Israel. Ozias annis 52. Olimpias prima a Græcis constitui-

(42) Reu alias Ragau 4.

(43) 4 *addit.*: hic fulmine periit. Ex parte grecorum occisa est DCCCLXXVII, ex parte troyanorum DCLXXXVI.

ANNALES QUEDLINBURCENSES.

tores instituit. Temporibus (44) Romuli acciderat solis defectio, quam certa sui cursus ratione effectam imperita nesciens multitudo, meritis Romuli tribuebat, quasi vero, si luctus ille solis fuisset, non magis ideo credi deberet occisus, ipsumque scelus aversione etiam diurni luminis indicatum, sicut revera factum est, cum Dominus crucifixus est crudelitate atque impietate Judæorum, quam solis obscuracionem non ex canonico siderum cursu accidisse, satis ostendit quod tunc esset pascha Judæorum. Nam plena luna solenniter agitur, regularis autem solis defectio non nisi lunæ contingit exordio. Patet profecto, ut alii scriptores addunt, per subitam tempestatem atque solis obscuracionem cædis et facinoris ejus secretum justum commeruisse interitum. In Christi vero morte ipsius solis defectum claruit elementi esse luctum, quo suo creatori merito habuit, condolare.

Manasses annis 55. Numa duos menses adjecit, et Sybylla claruit. Amon annis 2. Tullius in re publica censum exegit. Josias annis 31 (45). Thales physicus claruit. Joachim annis 11. Hujus anno 3. Nabuchdonosor, qui (46) 7 annis inter feras amens habitavit, cæpit Judæam. Sedechias annis 11. Templum Jerosolymis incensum est.

Sunt autem ab origine mundi usque ad terminum regni Judæci annis 3363.

Quinta ætas continet annos 589. Hebræorum captivitas annis 70. Judith historia conscribitur sub (47) secundo Nabuchdonosor, qui alio nomine Cambises vocatur. Non enim fuit ille magnus Nabuchdonosor, qui Jerosolymam cepit quia post eversam Jerusalem non amplius quam 25 annos vixit. Darius filius Histaspis annis 36. Hujus secundo anno templam Hierosolymis constructur, finitis 70 annis Judæicæ captivitatis. Secundo (48) anno Darii apud Romanos septimus a Romulo Tarquinius superbus regnabat 27 annos, ac deinde rempublicam per annos 464 usque ad Julium Cæsarem consules administraverunt. Xerxes annis 21. Herodotus historiographus agnoscitur. Artaxerxes annis 40. Esras legem incensam renovavit, et Nehemias Jerusalem restauravit. Darius, qui et Nothus, annis 19. Hæc ætas habuit Platonem. Artaxerxes, qui et Ochus, annis 26. Demosthenes et Aristoteles prædicantur. Xerxes, Ochi filius, annis 4. Xenocrates claruit. Darius annis 6. Alexander Jerosolymam cepit, Huc usque regnum Persarum, dehinc Græcorum.

Alexander Philippi Macedo annis 12 Asiam obtinuit. Ptolomeus, Lagi filius, annis 40. Machabeorum liber primus inchoat, Philadelphus annis 38. LXX interpretes claruerunt (49). . . . Evergetes annis 29. Brutus Hispaniam subegit. Soter annis 17. Thraces Romanis subjiçuntur. Varro et Cicero nascuntur. Alexander annis 10. Siria per Gabinium subjiçitur Romanis. Ptolomeus, Cleopatæ filius, annis 8. Salustius historiographus nascitur. Dionisius annis 30. Pompeius Judæam cepit. Cleopatra annis 2. Ægyptus Romanis subditur. Hucusque regnum Græcorum, nunc Romanorum.

(44) *Temporibus* — habuit condotere Q. ex alio fonte hausta inseruit.

(45) *Add.* : Hic fulmine interiit.

(46) *Qui* — habitavit Q. addidit.

(47) *Sub* — 25 annos vixit Q. addidit ex Beda de

A

LAMBERTI ANNALES.

tur. Joatham annis 16. Ezaias, Osec et Johel prophetaverunt, et Romulus nascitur. Achaz annis 16. Roma conditur, et Israel in Medos transfertur. Ezechias annis 29. Romulus 100 senatores constituit.

B

Manasses annis 55. Numa duos menses adjecit, et Sibilla Samia claruit. Ammon annis 2. Tullus in re publica censum exegit. Josias annis 31. Thales physicus claruit. Joachim annis 11. Hujus tertio anno Nabuchodonosor Judæam cepit. Sedechias annis 11. Templum Hierosolymis incensum est. Fuerunt autem ab origine mundi usque ad terminum Judaici regni anni 3363.

Quinta ætas continet annos 588. Hebræorum captivitas annis 70. Judith historia conscribitur. Darius annis 36. Hujus secundo anno templum Hierosolymis constructur, finitis 70 annis Judæicæ captivitatis. Xerxes annis 21, Herodotus historiographus agnoscitur. Artaxerxes annis 40. Ezdras legem incensam renovavit. Et Neemias Hierusalem restauravit. Darius, qui et Nothus, annis 19. Hæc ætas habuit Platonem. Artaxerxes, qui et Ochus, annis 26. Demosthenes et Aristotiles prædicantur. Xerxes, Ochi filius, annis 4. Xenocrates claruit, Darius annis 6.

C

Alexander Macedo annis 12, qui Hierosolymam cepit. Huc usque regnum Persarum, dehinc Græcorum. Alexander anno 5^o Asiam obtinuit. Ptolomeus, Lagi filius, annis 40. Machabeorum liber primus inchoavit. Philadelphus annis 38. LXX interpretes claruerunt. Evergetes annis 26. Jesus sapientiæ librum composuit. Philopater annis 17. Machabeorum liber secundus inchoavit. Epiphanes annis 24. Romani Græcos obtinuerunt. Philometor annis 35. Hunc Antiochus superans, Judæos oppressit. Et Scipio Africam vicit. Evergetes annis 29. Brutus Hispaniam subegit. Soter annis 17. Traces Romanis subjiçuntur. Varro et Cicero nascuntur. Alexander annis 10. Siria per Gabinium Romanis subjiçitur. Ptolomeus, Cleopatæ filius, annis 8. Salustius historiographus nascitur. Dionisius annis 30. Pompeius Judæam cepit. Cleopatra annis 2. Ægyptus

D

VI æt., ut videtur, hausta.

(48) *Secundo* — administraverunt Q. ex Beda de VI æt. sumpsisse videtur.

(49) *Hic plura excidisse ex Lamberto patet.*

ANNALES QUEDLINBURGENSES.

A

LAMBERTI ANNALES.

Julius Cæsar annis 5. Hic primus monarchiam tenuit, et ab hoc cæsares appellati sunt. Ab orbe condito usque ad urbem conditam, id est Romam sunt anni 4484. Ab urbe autem condita usque ad

Octavianus Augustus annis 56. Hujus anno 42° Dominus nascitur, completis ab Adam annis 4952 et juxta alios 5199.

Tiberius annis 23. Hujus anno 17° Dominus crucifigitur.

Caius annis 4. Matheus evangelium scripsit.

Claudius annis 14. Petrus et Paulus Romam, Marcus Alexandriam petiit.

Nero annis 14 pæne. Petrus et Paulus cruci gladioque traduntur.

Vespasianus annis 10. Hujus anno secundo Titus Jerosolymam subvertit, templum solo prostravit, post annos primæ ædificationis 1089, Dominicæ autem incarnationis 71°. Colossus (50) Romæ erigitur, habens altitudines pedes 107.

Titus annis 2. Hic facundus et pius fuit, et vir omnium virtutum genere mirabilis, adeo ut amor et deliciæ humani generis diceretur.

Domicianus, frater Titi, annis 16. Hic Johannem evangelistas in fervens oleum misit, quem postea in Pathmos insulam exilio relegavit, ubi apocalipsin Deo revelante cognovit. Idem Domicianus templum Pantheon Romæ ædificat, quod Bonifacius papa postea in honore sanctæ Mariæ semper virginis omniumque matrum Christi consecravit.

Nerva annum 1, menses 4, dies 8. Hic primo edicto suo cunctos exules revocavit, et quidquid Domicianus Nero, qui ante eum regnaverat, per crudelitatem et petulantiam, qua nimium exarsit, statuerat, totius populi rogatu et consilio disruptit. Unde et Joannes apostolus hac generali indulgentia liberatus, Ephesum rediit, et quia concussam se absente per hæreticos vidit ecclesiæ fidem, confestim hac descriptam in evangelio suo verbi Dei æternitate stabilivit.

Trajanus annis 19. Johannes apostolus 68 annos post passionem Domini, ætatis autem suæ 98, Ephesi placida morte quievit. Simon Cleophæ filius Hierosolymorum episcopus 126 ætatis suæ anno crucifigitur.

Adrianus annis 20. Hic Judæos ultima cæde perdomuit, et Jerosolymam funditus eversam aratris complanavit, ut impleretur quod scriptum est: *Sion quasi ager arabitur*; qui postea in loco Calvariæ, ubi Christus crucifixus est, civitatem construxit, quam ablato Jerosolymæ nomine Heliam de suo nomine vocari jussit, quia Ælius Adrianus vocabatur; sed antiquus usus prævaluit.

Antoninus Pius cum filius suis Aurelio et Lucio annis 22. Hic benignus erga christianos fuit. Valentinus et Marcion agnoscuntur.

M. Antoninus Verus cum fratre Lucio Aurelio Commodo annis 16. Hi primum jure æquo imperium administraverunt, cum usque ad hoc tempus singuli augusti fuerint.

Commodus junior annis 13. Hic colossi capite sub-

(50) In sequentibus Q. plura ex Beda de VI æt. aliisque fontibus addit; Lambertus vero Annales Hersfeldenses repetere videtur.

Romanis subditur. Huc usque regnum Græcorum, nunc Romanorum.

Julius Cæsar annis 5. Hic primus monarchiam tenuit, et ab hoc cæsares appellati sunt.

nativitatem Christi sunt anni 715, quorum summa

Octavianus annis 56. Hujus anno 42, Dominus noster Jesus Christus nascitur, completis ab Adam juxta Hieronimum annis 5199.

Tiberius Augustus annis 23. Hujus anno 18, Dominus noster Jesus Christus crucifixus est.

Gaius annis 4. Matheus evangelium scripsit.

Claudius annis 14. Petrus Romam, et Marcus Alexandriam petierunt.

Nero annis 14°. Petrus et Paulus cruci gladioque traditi sunt (51).

Vespasianus annis 10. Hujus anno secundo Titus Hierosolimam subvertit, templum solo stravit, post annos primæ ædificationis 1189, Dominicæ autem incarnationis 71.

Titus annis 2. Hic facundus et pius fuit.

Domicianus annis 16. Joannes apostolus in Pathmos relegatur.

Nerva anno uno. Joannes Ephesum rediit et evangelium scripsit.

Trajanus annis 19. Simeon Hierosolymorum episcopus crucifigitur, et Joannes apostolus requiescit.

Adrianus annis 21. Aquila interpres oritur.

Antonius Pius annis 24. Valentinianus et Marcion heretici agnoscuntur.

Antoninus minor annis 19. Montanus Catafrigarum auctor oritur.

Commodus annis 13. Theodotion interpres apparuit.

Commodus annis 13. Theodotion interpres apparuit.

(51) *Addit.*: Lucanus et Josephus claruerunt. Galba et Piso 7 menses. Hos occidit Ottho tres menses; hic se ipsum occidit. Vitellius 8 menses; hunc occidit Vespasianus.

ANNALES QUEDLINBURGENSES.

lato, suæ imaginis caput ei jussit imponi. Theodocion interpres habetur.

Ælius....

.... Pertinax annis 18. Symmachus interpres habetur.

Antoninus Caracalla annis 7. Quinta editio Jerusalem inventitur.

Macrinus anno uno. M. Aurelius Antoninus annis 4. Sexta editio Nicopoli reperitur, et Sabellius infelix exoritur.

Aurelius Alexander annis 13. Origenes Alexandriae imo toto orbe clarus habetur.

Maximinus annis 3. Hic persequitur christianos.

Gordianus annis 6. Fabianus episcopus Romæ claruit.

Philippus cum Philippo filio annis 8. Hic primus christianus imperator fuit, et filius ejus similiter.

Decius annis 3. Hic cum ambos Philippos, seniorem Romæ, juniorem Veronæ occidisset, ob odium eorum persecutionem in christianos movet. Antonius monachus in Ægypto claruit.

Gallus et Volusianus annis 2. Novatiana hæresis oritur.

Valerianus cum Galliano annis 15. Hic Valerianus, in christianos persecutione commota, statim a Sapore Persarum rege capitur: ibique luminibus orbatus, servitute miserabili consenscit, quem etiam secum quocumque pergebat ducens, ad injuriam Romanorum solo tenus inclinatum pedibus calcans, ascendit in equum. Unde Gallienus tam de claro Dei judicio territus, pacem Christianis reddit.

Claudius annos 2. Iste Gothos jam per annos 15 Illiricum Macedoniamque vastantes superat et expellit.

Aurelianus annos 5. Hic etiam persequitur christianos.

Tacitus menses 6. Quo apud Pontum occiso, obtinuit Florianus imperium diebus 88, et sic apud Tharsum interficitur.

Probus annis 6. Manicheorum hæresis exorta est.

Carus cum filiis Carino et Numeriano annos 2. Iste de Persis triumphavit.

Diocletianus cum Herculeo Maximiano, quem olim sibi commilitonem consortem imperii fecerat, annos 20. Isti divinis libris exustis, vastari ecclesias, affligi et interfici christianos jusserunt; 20 autem regni sui anno Diocletianus Nicomediae, Maximianus Mediolani purpuram deposuerunt, et privatam vitam elegerunt. Attamen cæpta semel persecutio usque ad septimum Constantini annum fervere non cessat.

Constantius Constantini pater, 17 imperii anno, summæ mansuetudinis et civilitatis vir, in Britannia obiit Eboraci. Hic cum multos haberet in suo palatio christianos, volens probare si essent deo suo vere fideles, promisit iis si a fide exciderent, multa se dona largiturum, sin autem, pœnas se illaturum. Qui cum videret quosdam a Christo defecisse,

PATROL. CXXI.

LAMBERTI ANNALES

Ælius Pertinax annum 1. Nihil historiae habet.

Severus Pertinax annis 18. Simachus interpres agnoscitur.

Antonius Caracalla annis 7. Quinta editio Jerusalem inventitur.

Macrinus anno uno vel Marcus Aurelius Antonius annis 4. Sexta editio Nicopoli reperitur, et Sabellius infelix oritur.

Alexander annis 13. Origenes Alexandriae claruit.

Maximianus vel Maximus annis 3. Hic persecutus est, christianos.

Gordianus annis 7. Fabianus episcopus Romæ claruit.

Philippus annis 7. Hic primus imperator christianus fuit.

Decius anno 1. Antonius monachus oritur.

Gallienus et filius ejus Volusianus annis 2, Novatiana heresis oritur.

Valerianus cum Gallieno annis 5. Ciprianus et Cornelius martiro coronantur.

Claudius annis 2. Iste Gothos ab Illirico expulit.

Aurelianus annis 5. Hic etiam persecutus est christianos.

Tacitus annum 1.

Probus annis 6. Manicheorum heresis oritur.

Carus annis 2. Iste de Persis triumphavit.

Diocletianus et Maximianus annis 20. Isti divinis libris exustis, vastari ecclesias, affligi et interfici christianos jusserunt.

Maximinus, filius Maximiani, Severus, et Galerius annum 1.

Constantinus annis 31. Cujus 16 anno Nicena synodus congregatur, dominicæ incarnationis anno 318.

Constantius et Constans annis 27. Reliquiæ sancti Andreæ sanctique Lucæ evangelistæ Constantinopolim transferuntur, et anthropomorphitarum heresis oritur. Per idem tempus Athanasius et Maximinus, Treverorum archiepiscopus, atque Hilarius doctrina et fide clari habebantur.

Julianus annis 2. Hic ex monacho paganus factus, christianos persecutus est.

Jovianus anno 1. Iste cum omni exercitu christianus efficitur.

Valentinianus annis 11, qui a Juliano ob fidem Christi militia fuerat privatus. Et Gothi hæretici facti sunt.

Gratianus cum fratre Valentiniano annis 6. Ambrosius et Martinus episcopi claruerunt.

Valentinianus cum Theodosio annis 9. Hieronimus in Bethleem toto mundo claruit.

Theodosius annis 11. Sanctus Joannes anachorita claruit.

ANNALES QUEDLINBURGENSES.

quosdam immobiles permansisse, permanentes muneribus donavit sibi que amicos et consiliarios fecit; deficientes vero contumeliose de palatio expulit, dicens se illis nunquam crediturum qui deo suo infideles essent. In hac tempestate Galerius Maximianus cum Constantio imperator est factus. Mortuo vero Constantio, Maximinus et Severus a Galerio anno 1 cæsares creantur. Ab anno persecutionis 4 Maxentius, Herculei Maximiani filius, Romæ augustus appellatur. Licinius, Constantiæ sororis Constantini vir, Carnuti imperator creatur.

Constantinus vero, Constantii ex concubina Helena filius, in Britannia factus imperator, regnavit annis 30 et mensibus 10. Qui occiso Maxentio et fugato Licinio, solus monarchiam tenuit. Hic de persecutore christianus beato Silvestro baptisante effectus, fabricavit in suo palatio Jesu Christo sanctoque baptistæ Johanni basilicam, quam appellant ex suo nomine Constantinianam. Alteram beato Petro et Paulo in templo Apollinis, utrorumque corpora circumfundens aere cypro quinq̄ pedes grosso. Multas quoque alias Romæ construens ecclesias et baptisterium miro opere factum, tradidit ipsem sancto Petro civitatem cum innumeris possessionibus aliis, jubens per omnem mundum cunctos episcopos ita pro capite habere Romanum pontificem, sicut reges cæteræque potestates imperatorem. Tunc in orientem transiens, sui nominis urbem in Thracia regione construxit, eam Romani sedem imperii totiusque Orientis caput esse constituit, cujus etiam industria synodus Nicena decimo Calend. Jul. die collectione 318 patrum celebratur, anno dominicæ incarnationis 318.

Mortuo Constantino, tres filii sui, Constantinus, Constans et Constantius, imperatores creantur; defunctis vero duobus, solus Constantius monarchiam obtinuit impie Arrianus effectus, Maximinus Trevirensis episcopus clarus habetur. Anthonius monachus 105. ætatis suæ anno in heremo moritur.

Julianus annis 2 et mensibus 8. Hic ex christiano paganus effectus, persequitur crudeliter christianos.

Jovinianus anno fere uno regnavit. Iste cum omni exercitu christianus effloitur, sed ejus pia lætaque principia mors immatura corrumpit.

LAMBERTI ANNALES.

A Archadius cum fratre Honorio annis 13 (52). Johannes Crisostomus et Augustinus episcopi clauerunt.

Honorius cum Theodosio minore annis 15. Cyrillus Alexandriæ episcopus claruit.

Theodosius minor, Archadii filius, annis 26. Ephesina synodus Nestorium cum suis fautoribus Pelagianis damnat, sub Celestino papa.

Marcianus annis 7. Calcedonense consilium sub Leone papa 630 patrum agitur.

Leo major cum Leone minore annis 17. Ægyptus ab errore Dioscori liberatur.

Zenon annis 17. Corpus Barnabæ apostoli reperitur, et azephalorum heresis oritur.

Anastasius 26 annis. Fulgentius episcopus claudit.

Justinus major annis 9. Azephalorum heresis abdicatur.

Justinianus annis 39. Hujus sexto anno primus cyclus Dionisii inchoavit, dominicæ incarnationis anno 532.

Justinus minor annis 11. Armeni fidem Christi susceperunt.

Tiberius annis 6. Erminigildus rex Gotherum martirio coronatur.

Mauricius annis 21. Gregorius papa Augustinum archiepiscopum cum monachis Britanniam misit, ut genti Anglorum verbum Dei evangelizarent, dominicæ incarnationis anno 596.

C Focas annis 8. Angli-Saxones fidem Christi susceperunt.

Eraclius annis 36. Judæi in Hispania christiani facti sunt.

Eraclonas cum matre sua Martina annis 2. Pirrus regis urbis episcopus a Theodoro papa damnatur.

Constantinus, Eraclii filius, menses 6. Paulus, Pirri successor, ob eandem vesanam doctrinam damnatus est.

D Constantinus, Constantini filius annis 17. Hic sextam synodum congregavit. Cujus rogatu Agatho papa misit in regiam urbem legatos suos, in quibus fuit Johannes, Romanæ ecclesiæ tunc diaconus, non longe post episcopus, pro adunatione facienda sanctæ ecclesiæ. Hæc sexta synodus Constantinopolim acta est. Ubi affuerunt episcopi 150, presidente Georgio patriarcha urbis regis, et Machario urbis Antiochiæ, et convicti sunt, qui unam voluntatem et operationem astruebant in Christo, falsasse patrum catholicorum dicta perplurima.

Tagobertus rex Francorum monasterium in Wizenburck construxit anno Domini 623, regni sui 23. Huc usque Beda.

(Continuationem v. col. 466).

(52) Addit: Hic sacra ossa Samuelis prophete de Judæa transtulit in Traciam.

ANNALES QUEDLINBURGENSES.

Valentinianus cum fratre Valente annos II. Valentiniano ergo in fide catholica fideliter permanente, frater suus Valens ab Eudoxio Arriano episcopo rebaptisatus, christianos persequitur, in tantum ut suae potestatis decreto monachos militare, nolentesque fustibus juberet interfici. Hoc tempore gens Hunorum, diu inaccessis aclusa montibus, repentina rabie percita exarsit in Gothos, eosque sparsim conturbatos, ab antiquis sedibus ultra Danubium expulit. Qui a Valente imperatore sine armorum depositione suscepti, mox fame per avaritiam illius ad rebellandum coacti sunt, victoque imperatoris exercitu, per Thraciam discurrerent, omnia caedibus, incendiis, rapinisque vastarunt. Ambrosius et Martinus episcopi claruerunt, et Gothi haeretici facti sunt. Eo (53) tempore gens Alamannorum prava ac pessima rebellaverunt contra Valentinianum imperatorem. Qui victi ab eo, super Danubium fluvium fugerunt, et intraverunt Meotidas paludes. Dixit autem imperator : *Quicumque potuerit introire in paludes istas, et gentem istam pravam ejecerit, concedam eis tributa donaria annis 10.* Quod audientes Trojani, qui reliquiae erant exercitus Antenoris fugientis de Troja, et eum sequi non valentes, 12 milia ingressi Meotidas paludes, juxta terminos Pannoniae aedificaverunt civitatem nomine Sicambriam, habitaveruntque illic multis annis, donec creverunt in gentem magnam. Ingressi propter remissionem decennium tributorum post Almannos, interfecerunt eos. Tunc appellavit illos Trojanos Valentinianus imperator Attica lingua Francos, hoc est feros, a duritia vel audacia cordis eorum. Postea egressi a Sicambria, venerunt in Germaniam juxta Rhenum fluvium, habentes super se duos principes, Priamum et Antanorem. Qui rebellantes contra Romanos victi sunt, ab Aristarcho principe militiae et tributo subjecti, occisus utrisque praedictis principibus. Mortuo autem Sunnone (54) filio Antenoris, et Marchomire filio Priami, qui super Francos defunctis patribus regnaverunt, elegerunt Faramundum Marcoliris filium, et elevarunt eum super se regem crinitum. Exhinc Franci crinitos reges habere coeperunt usque ad Hildericum regem, cujus Pippinus, magni Caroli, qui major domus vocabatur, pater, regnum simul cum nomine rapuit. Mortuo Faramundo, regnavit Chlodio. Post Clodionem Meroingus (55), a quo Franci Meroingi vocati sunt. Post Meroingum filius suus Heldericus, pater Chlodovei regis incliti, regnavit. Hic Chlodoveus a beato Remigio primus Francorum regum cum omni exercitu baptisatus, expulit Egidium consulem Romanum, filiumque ejus Siagrium occidit, tulitque Martiano imperatori quicquid Romani intra Rhenum et Ligerem fluvios possidebant. Post mortem Chlodovei quatuor filii ejus regnum ejus inter se dividerunt aequaliter, id est Chlodomirus, Hildibertus, Lotharius, et Hugo Theodoricus, de concubina genitus, qui, data terra Thuringorum maxima ex parte Saxonibus, qui remanserant Thuringos regis territoris fecit tributarios in porcis. Mortuo Theodorico, regnavit Theobertus. Post illum Theobaldus. Mortuo Theobaldo, regnavit Lotharius. Post hunc Helpericus. Post hunc Lotharius pater Dagoberti regis. Hic Lotharius, occiso Bertholdo duce Saxonum, et pervagata omni terra eorum, nullum hominem longiorem in ea, viventem reliquit, quam gladius suus fuerat, quem spatam vocant. Mortuo Dagoberto, regnavit post eum filius ejus Sigobertus et Clodoveus. Post Clodoveum Lotharius. Post eum fratres ejus Theodoricus et Hildericus. Erat enim ipse Hildericus levis nimis, sub cujus tempore Pipinus, filius Ansgisi, major domus erat. Post hunc administrationem aulae Carolus, filius ejus, procurabat. Quo mortuo, ultimo Meroingorum Hilderico regno sublato, Pippinus, Caroli filius, decreto Zachariae papae ex palatino comite in regem ungitur; qui genuit Carolum Magnum.

Post Valentinianum Gratianus imperator annis 6 regnavit, cum Valentiniano fratre.

Valentinianus cum Theodosio annis 9.

Theodosius cum Arcadio filio annis 11. Hieronymus presbiter apud Bethlehem super omnes historiographos enituit.

Arcadius, filius Theodosii, cum fratre Honorio annis 13. Honorius cum Theodosio minore, fratris sui Arcadii filio, annis 12. Alaricus rex Gothorum Romam invasit; et septimo Honorii regnantis anno revelavit Deus Luciano presbitero venerabili corpora sanctorum, sancti Stephani protomartyris, et Gamalielis qui doctor apostoli Pauli erat, et filii ejus Abihon, et Nicodemi, qui venit ad Jesum ne ote primum: quae Johannes Hierosolymitanus episcopus in sanctam cum maximo honore transtulit ecclesiam Sion. Hieronimus presbiter 12. Honorii anno apud Bethlehem obiit, anno aetatis suae 91.

Theodosius minor, Arcadii filius, annis 26. Augustinus, Hypponensis episcopus et sanctae ecclesiae doctor eximius, obiit. Hujus Theodosii tempore Bleda et Attila fratres in Hunis regnaverunt et Illiricum Thraciamque depopulati sunt.

Martianus cum Valentiniano, Placidiae filio, annos 7. Angli terram quam nunc Dani possident relinquentes, cum rege suo Anglingo, invitante et conducente eos rege Vertigarno, contra Scotos et Pictos Britanniam petunt. Calcedonense concilium sub Leone papa colloctione 630 patrum agitur. Mortuo

(53) Quae sequuntur, ex Gestis regum Francorum fluxerunt.

(54) ita correxi, Surmone c.

(55) ita correxi hic et in sequentibus, Merongus c.

ANNALES QUEDLINBURGENSES

Bleda, Attila ejus frater omnem pene Galliam devastavit, quo usque, Deo annuente, per Egidium (56) patritium et Thurismodum, Remensis (57) civitatis principem Gothicum, fugatus est. Eo tempore Ermanricus super omnes Gothos regnavit, astutior in dolo, largior in domo, qui post mortem Friderici unici filii sui, sua perpetrata (58) voluntate, patruales suos Embricam et Fritlam (59) patibulo suspendit. Theodoricum similiter, patrualem suum, instimulante Odoacro patruale suo, de Verona pulsum apud Attilam exulare coegit. Aetius patricius, magna occidentalis rei publicæ salus et regi Attilæ etiam terror, a Valentiniano juniore occiditur. Cum quo Hesperium cecidit regnum, neque hactenus valuit relevari (60).

Leo major annis 17. Egyptius errore Dioscori latrat.

Leo minor annum 1.

Zénon annos 17. Odoacar, rex Gothorum, Romam obtinuit.

Anastasius annos 27. Fulgentius episcopus prædicatur. Ermanrici regis Gothorum, a fratribus Hemido et Serila et Adaccaro, quorum patrem interfecerat, amputatis manibus et pedibus turpiter, uti dignus erat, occisio (61), Amulung Theoderic dicitur; proavus suus Amul vocabatur, qui Gothorum potissimus censebatur. Et iste fuit Thideric de Berne, de quo cantabant rustici olim. Theodericus Attilæ regis auxilio in regnum Gothorum reductus, suum patrualem Odoacrum in Ravenna civitate expugnatum, interveniente Attila, ne occideretur, exilio deputatum, paucis villis juxta confluentiam Albis et Salsæ fluminum donavit. Anastasius autem imperator, hæreticis favens, fulmine interiit.

Justinus annis 9. Theodericus Roma potitus, sanctum Johannem Romanum pontificem in Ravenna carcere tentum, ad mortem usque perducens, præclaros quoque consules Symmachum et Boetium occidit. Ipse vero Theodericus, 98. die postquam Johannes papa defunctus est, subitanea morte interiit; cujus regnum nepos suus Athalaricus suscepit. Eodem tempore sanctus Benedictus in monte Cassino velut sol emicuit.

Justinianus imperator annis 39. Hujus 6 anno quinta synodus celebratur. Primus Dionysii circulus inchoat anno dominicæ incarnationis 532, et codex Justinianus de legibus Romano orbi promulgatus est. Eodem anno Hugo Theodericus rex, Chlodovei regis filius ex concubina natus, cum patri successisset in regnum, ad electionem suam Irminfridum regem Thuringorum honorifice invitavit. Hugo Theodericus iste dicitur, id est Francus, quia olim omnes Franci Hugones vocabantur a suo quodam duce Hugone. Qui quamvis nothus esset, a patre Chlodoveo propter sapientiam et fortitudinem sibi divinitus collatam cæteris filiis suis plus dilectus, suo jussu totiusque populi consensu inter fratres suos nobiles, id est Clodomirum, Hildebertum, et Lotharium, æqualem regni partem suscepit. Cujus parti cum Thuringia cecisset, Irminfridus, gener ejus, hortatu uxoris suæ Amelburgæ invitationem regis respuit, dicens, Theodoricum uxoris suæ, quæ soror erat Theoderici, potius esse debere servum, quam sibi vel aliis regem vel dominum. *Veniat primum*, dixit ad nuncium, *ferens secum multiformis pecuniæ cumulum, ut emat ab uxore mea, ab utroque parente nobili, me jubente, libertatis testamentum*. Quo responso, unanimi Francorum furore, commotus Theodericus, remandavit ei dicens: *Veniam, ut jussisti. Et si aurum mihi non suffecerit, pro libertate mea Thuringorum Francorumque capita tibi (62) dabo numero inexplicabilia*. Statimque collecto exercitu, venit in regionem Mærstem (63) vocatam, et Irminfridum illic sibi bello occurrentem multæ cæde suorum vicit et fugavit. Quem insecutus usque ad Ovaccram fluvium, juxta villam Arhen (64) vocatam maximo prælio fudit; illoque fugato, propter suorum casum et viventium vulnera amplius eum persequi destitit, seque ob curationem dolentium statutis munierat castris. Audiens autem Theodericus, Saxones, quorum jam fortitudo per totum pene divulgabatur mundum, in loco Hadalaon dicto applicuisse, in suum eos convocavit auxilium, promittens eis cum suo suorumque 12 nobilissimorum juramento, si Thuringos sibi adversantes vincerent, omnem illis eorum terram daturum, usque ad confluentiam Salsæ et Unstradæ fluviorum. Qui nihil morantes, venerunt ad eum, et persequentes Irminfridum, pugnaverunt contra eum super Unstradan fluvium, tantamque Thuringorum stragem illic dederunt, ut ipse fluvius eorum cada veribus repletus, pontem illis præberet. Irminfridus autem cum uxore et filiis, et uno milite Iringo nomine, capta a Saxonibus noctu civitate Schidinga qua se concluserat, vix evasit. Tunc Theodericus, accepto consilio, victoribus tradidit. Saxonibus omnem terram Thuringorum, excepta quam Louvia (65) et Hærtz

(56) *Lege Egeticum, i. e. Aetium.*

(57) *Legendum videtur Tolosensis vel Narbonensis.*

(58) *Ita c. perpetrata LEIBN.*

(59) Herlungos; hic et in seqq., cf. *Wilhelmi Grimm nostri librum die deutsche Heldensage p. 19, seqq.*

(60) Hæc ex libro ante a. 801 scripto desumpto esse videntur.

(61) Cf. Jordanem c. 24.

(62) Et *corr. tibi manu secunda c.*

(63) Pagus in quo Hannovera civitas,

(64) *Annalium Orheim, Horheim; cf. a. 780.*

(65) Montes Thuringorum meridionales esse videntur.

ANNALES QUEDLINBURGENSES.

sylvæ concludunt, absque tributo perpetuo possidendam. Thuringos vero qui cædi superfuerant, cum porcis tributum regis stipendiis solvere jussit. Post hæc Theodoricus date fide Irminfrido, in Zulpiaci civitate illum dolo perimi jussit. Attila rex Hunorum et totius Europæ terror, a puella quadam, quam a patre occiso vi rapuit, cultello perfossum interiit.

Justinius minor imperator annis 11 regnavit. Armenii Christi fidem suscipiunt.

Tiberius annis 6. Longobardi Italiam vastant.

Mauricius annis 11. Gregorius Magnus Romæ floruit. Iste universæ probitatis ornamento præclarus, Augustinum episcopum cum monachis in Britanniam misit, ut genti Angelorum verbum Dei evangelizarent, anno incarnationis dominicæ 596.

Phocas annis 8. Angeli Saxones in Britannia fidem percipiunt.

Heraclius annis 36. Judæi in Hispania christiani efficiuntur.

Heraclonas cum matre sua Martina annis 2. Pyrrus, regis urbi episcopus, a Theodoro papa in basilica beati Petri apostoli damnatur.

Constantinus, Constantini filius, annis 17. Hic sextam synodum composuit cujus rogatu Agatho papa misit in regiam urbem legatos suos, in quibus erat Joannes Romanæ ecclesiæ tunc diaconus, non longe post episcopus, pro adunatione facienda sanctarum Dei ecclesiarum; qui benignissime suscepti a reverendissimo fidei catholicæ defensore Constantino, jussi sunt, remissis disputationibus philosophicis, pacifico colloquio de fide vera perquirere, datis eis de bibliotheca Constantinopolitana cunctis antiquorum patrum, quosquos patebant, libellis. Affuerunt autem et episcopi 150, presidente Georgio patriarcha urbis regis, et Antiochiæ Machario, et convicti sunt, qui unam voluntatem et operationem astruebant (66) in Christo, falsasse patrum catholicorum dicta per plurima. Finito autem conflictu, Georgius correctus est; Macharius vero cum suis sequacibus simul et præcessoribus, Cyro, Sergio, Honorio, Pyrrho, et Paulo, et Petro, anathematizatus, et in locum ejus Theoplanus, abba de Sicilia, Antiochiæ episcopus factus; tantaque gratia legatos catholicæ pacis comitata est, ut Johannes Portuensis episcopus, qui erat ex ipsis unus, dominica octavarum paschæ missas publice in ecclesia sanctæ Sophiæ, coram principe et patriarcha, latine celebraret. Hæc est sexta synodus Constantinopoli celebrata.

PARS PRIOR. ANNI 702 — 829.

| ANNALES QUEDLINBURGENSES. | ANNALES WEISSEMBURGENSES. | LAMBERTI ANNALES. |
|---|--|--|
| DOMINICÆ INCARNATIONIS ANNO | ANNO INCARNATIONIS DOMINICÆ | ANNO D. INC. |
| 702. 703. 704. 705. | 702. 703. 704. 705. | 702. 703. 704. |
| 706. | 706. | 705. [Aldfridus rex Nordanembrorum (68), filius Oswi fratris sancti Oswaldi regis obiit. 3—6] 706. [Inicium monasterii sancti Petri in Erpeshfurt, quod construxit Tagebertus rex Francorum in monte qui ante Merwigisburgk vocabatur, sed ab ipso Tagaberto mons sancti Petri nuncupatus est (69) 4—6] |
| 707. | 707 (67). | 707. |
| 708. Conradus rex de Britannia Romam perrexit, ibique attonsus ac monachus factus, in jejuniis et | 708. Cuonrat rex de Britannia Romam perrexit, ibique attonsus ac monachus factus, in jejuniis et | 708. Cunrat rex de Britannia Romam perrexit (70), ibique attonsus ac monachus factus, in |

(66) *In margine manu secunda.*

(67) *W. Pippinius filius Ansgisi major domus ann. 27. manu posteriori, quæ seriem regum inseruit.*

(68) *L. nordanembrorum 5, 6.*

(69) *Est, et omnia, quæ habuit in Thuringia, ad eum locum dedit, monitu Trutmani solitarii 6. Codex 3 vero hæc habet: 706. Tagobertus rex Francorum christianissimus construxit monasterium in Ephesfurt, in monte qui antiquitus vocabatur Merwigisburc, a Merwigo pagano rege Francorum, qui fuit filius Merwigi principis de Thu-*

ringia et tritavus ejusdem Togoberti regis; delectoque paganico nomine ejusdem urbis vel montis, sancti Petri montem nuncupavit, ibidemque monachicam vitam sicuti jam pari modo fecerat in Selsenburg instituit, rogatu Adeodati inclusi, qui tempore ejusdem regis secus ecclesiam sancti Blasii, quæ sita fuit supra predictam urbem, a Rigiberto Mogontiacensi episcopo fuerat inclusus; et omnia quæ habuit in Thuringia, sancto Petro patribusque ibidem Deo servientibus tradidit.

(70) Reliqua desunt in 3—6.

ANN. QUEDLINB.

orationibus usque ad diem permansit ultimum. Eodem anno mortuus est Druogo.

709. Durus, et deficiens fructus.

710. Pippinus rex perrexit in Alamaniam.

711. Aquæ inundaverunt valde.

712. Mors Heriberti, regis Longobardorum.

713.

714. Mors Pipini regis, qui fuit filius Ansgisi; post quem Carolus ejus filius regnavit.

715. Pugna Francorum; et mors Dagoberti regis.

716. Pugnavit Carolus contra Ratbodum regem.

717. Pugnavit Carolus contra Francos in dominica die ante pascha.

718. Vastavit Carolus Saxoniam plaga.

719. Occisio Francorum ad Suessionis civitatem, et mors Ratbodi regis.

720. Pugnavit Carolus contra Saxones.

721.

722 (721). Magna fertilitas facta est.

723.

724.

725 (724). Sarraceni primitus Italiam (71) ingrediuntur.

726.

727. Sanctus Egbertus migravit ad Christum.

728.

729. Cometæ apparuerunt.

730.

731. Carolus vastavit ultra Liguriam; et Raginfridus mortuus est.

732. Carolus pugnavit contra Saracenos die sabatho.

733. Eclipsis solis facta est.

734. Carolus perrexit in Friesiam.

ANN. WEISSEMBURG.

precibus ad diem pervenit ultimum Eodem anno mortuus est Druogo.

709. Durus et deficiens fructus fuit.

710. Bibbinus rex perrexit in Alamannia.

711 (72). Aque inundaverunt valde.

712. Mortuus est Heribertus, rex Langobardorum.

713.

714. Mortuus est Pippinus rex; post quem regnavit Karolus filius ejus annis 27.

715. Dagobertus rex moritur; fuitque pugna Francorum.

716. Pugnavit rex Karolus contra regem Ratbodum.

717. Pugnavit Karolus contra Francos in dominica ante pascha.

718. Vastavit Karolus Saxoniam plaga magna.

719. Occisio Francorum ad Suessionis civitatem.

720. Pugnavit Karolus contra Saxones.

721.

722. Magna fertilitas facta est.

723. Duo filii Drugonis ligati, et Karolus infirmatur.

724.

725. Karolus perrexit Andegavis.

726.

727. Sanctus Egbertus migravit ad Christum.

728.

729. Cometæ stelle apparuerunt.

730.

731. Karolus vastavit ultra Liguriam.

732. Karolus pugnavit contra Sarcenos.

733. Eclipsis solis facta est.

734. Karolus perrexit in Friesiam.

LAMBERTI ANNALES.

jejunii et precibus ad diem pervenit ultimum.

709.

710. Pibbinus major domus regni Francorum perrexit in Alamanniam.

711.

712. Mortuus est Heribertus, rex Langobardorum.

713.

714. Mortuus est Pippinus (73) major domus, cui successit Karolus (74) filius ejus.

715. Mortuus est Dagobertus rex; fuitque pugna Francorum.

716. Pugnavit Karolus contra regem Ratbodum.

717. Pugnavit Karolus contra Francos in dominica die ante pascha.

718. Vastavit Karolus Saxoniam plaga magna. Sanctus (75) Bonifacius ordinatur episcopus 2. Kal. Decembris.

719. Occisio Francorum ad Suessionis civitatem.

720. Pugnavit Karolus contra Saxones.

721.

722. Magna fertilitas facta est.

723. Karolus infirmatur (76).

724.

725. Karolus perrexit Andegavis.

726.

727. Sanctus Egbertus migravit ad Christum.

728.

729. Cometæ stelle apparuerunt.

730.

731. Karolus vastavit ultra Liguriam.

732 (77). Karolus pugnavit contra Sarracenos.

733. Eclipsis facta est solis (78).

734. Karolus perrexit in Friesiam.

(71) *Minime; sed Burgundiam.*

(72) *Tiberius qui et Absimarius annis 7, manu eadem posteriori.*

(73) *Pippinus 2. Bibbinus 4. 5. ita et infra nomen varie scribitur.*

(74) *K. Martellus. 4. vox lineæ superscripta 5.*

(75) *L. reliqua desunt 2.*

(76) *Hæc desunt 2.*

(77) *Hæc desunt 2.*

(78) *Hæc desunt 2.*

ANN. QUEDLINB.

735. Carolus Wascones vastavit. Beda nobilis presbiter et præclarus doctor obiit.

736. Initium Herolfesfeldensis monasterii Audoinus episcopus obiit.

737. Carolus pugnavit contra Saracenos in Gothia.

738. Carolus Saxoniam iterum introivit, et fecit eos tributarios.

739. Carolus Provinciam intravit usque in Massiliam.

740. Pax sine ulla hostilitate.

741. Carolus moritur, filius Pippini; post quem Carolomanus et Pippinus filii ejus regnaverunt.

742.

743.

744. Initium Fuldensis monasterii.

745.

746. Carolomanus Alamaniam ingreditur. Sanctus Burchardus ordinatus est primus episcopus in Wirzburck. Eodem anno sanctus Wigbertus migravit ad Christum.

747. Carolomanus Romam pergens tonsoratur, fratri regnum relinquens.

748. Gripho fugit in Saxoniam.

749. Gripho reversus est de Saxoniam.

750. Pippinus decreto Zachariæ papæ per unctionem sancti Bonifacii archiepiscopi rex appellatur, et Hildericus, falso rex vocatus, tonsoratus in monasterium remittitur.

751. Landfridus obiit.

752. Gripho moritur.

(79) *L.* reliqua desunt 2.

(80) Codex 3 hæc habet: 742. Carolus magnus natus est. Synodalis conventus habetur Karlomanni et Pippini precepto, sanctique Bonifacii consilio, ubi multi qui capitalis criminis macula diffamati fuerant deponerentur; inter quos episcopus nomine Gewiliob, Mogontinæ civitati prelatas, ob homicidium palam commissum deponeretur. Quo deposito, sanctus Bonifacius a supradictis principibus æcclesiæ Mogontiacensi preficitur. Et ut ejus dignitas eminentior foret, decreverunt idem

ANN. WEISSEMBURG.

735. Karolus vastavit Wascones. (736). Ber'a nobilis et præclarus doctor obiit.

736 (737). Initium Herveldensis monasterii.

737 (738) Karolus pugnavit contra Saracenos in Gothia.

738 (739). Karolus Saxoniam iterum intravit, et fecit eos tributarios.

739 (740). Karolus Provinciam intravit usque in Massaliam.

740.

741. Karolus moritur 24^o regni sui anno, post quem Karlmannus et Pippinus filii ejus annis 6 regnaverunt.

742.

743.

744. Inicium Fuldensis monasterii.

745.

746. Sanctus Burgehardus ordinatur episcopus in Wirzeburg.

747. Sanctus Wibertus migravit a seculo, quem sanctus Bonifacius de Britannia advocavit sibi in solatium prædicationis, et quia eo major natus fuit, summa veneratione illum habuit.

748. Gripho fugit in Saxoniam.

749. Idem reversus de Saxoniam.

750. Pippinus ex decreto Zachariæ pape per unctionem sancti Bonifacii archiepiscopi rex appellatur; et Hildricus, falso vocatus rex, tonsoratus in monasterium mittitur.

751. Landfridus mortuus est.

752. Gripho obiit.

LAMBERTI ANNALES.

735. Karolus vastavit Wascones. (736). Beda nobilis et præclarus doctor obiit.

736. Initium Herveldensis monasterii.

737 (738). Karolus pugnavit contra Sarracenos in Gothia.

738 (739). Karolus Saxoniam iterum intravit, et fecit eos tributarios.

739 (740). Karolus Provinciam intravit usque in Massiliam.

740.

741. Karolus obiit, major domus regni Francorum, cui successerunt Karlmannus et Pippinus filii ejus. Initium Altabensis monasterii.

742. Karolus magnus natus est (79). Sanctus Bonifacius cum Karlomanno magnam sinodum habuit (80).

743.

744. Initium Fuldensis monasterii.

745.

746. Sanctus Burchardus ordinatus est episcopus primus in Wirziburg.

747. Sanctus Wigbertus migravit a seculo. Karlmannus Romæ monachus factus est.

748.

749.

750. Pippinus decreto Zachariæ papæ per unctionem sancti Bonifacii archiepiscopi rex appellatus est, qui antea major domus vocatus est; et Hildericus rex tonsoratus in monasterium mittitur.

751. Zacharias papa obiit. Stephanus electus est atque occisus; et alter Stephaus electus atque consecratus est.

752.

principes æcclesiam Mogontiacensem, quæ prius Wormatiensi subjecta erat, metropolim omnium in Germania æcclesiarum efficere; moxque legatione facta illud a presule apostolico impetravere. Hi autem sunt pontifices Mogontinæ sedis, antequam archiepiscopatus inibi esset: Grescens, Marinus, Suffronius, Podardus, Rutharius, Aureus martyr, Maximus, Sidonius, Sigemundus, Leodegortius, Becelinus, Lanualdus, Laboaldus, Rigibertus, Geroldus, Gewiliob. Hæc sanctus Bonifacius archiepiscopus successit.

ANN. QUEDLINB.

753. Stephanus papa ad Pippinum in Franciam veniens, defensionem petit contra Haistulfum regem.

754. Stephanus papa duos filios Pippini, Carolum et Carolomanum, unxit in reges.

755. Bonifacius archiepiscopus pro Christi nomine martyrio coronatur, cui Lull successit.

756.

757. Organa venerunt in Franciam.

758. Pippinus Saxonibus superatis tributum imposuit, ut 300 equos singulis solverent annis.

759.

760. Pippinus in Wasconiam venit.

761. 762. 763.

764. Hiems grandis.

765.

766.

767.

768. Pippinus rex acquisivit omnem partem Aquitanie, et Wifarius est interfectus. Eodem anno Pippinus rex revertens ab Aquitania ad sanctum Dionysium 8 Kal. Octob. obiit, filiis suis Carolomanno et Carolo, qui cognominatur Magnus, regnum relinquens.

769.

770. Hoc anno Berthrad, mater Caroli, filiam Desiderii regis de Italia adduxit in Franciam.

771. Carolomannus frater Caroli obiit, regnum relinquens fratri suo Carolo magno.

772. Carolus in Saxonia Heresburg expugnavit, et fanum eorum, quod vocatur Irminsul, destruxit.

773. Carolus invitatus ab Adriano papa, Italiam ingrediens Desiderium regem in Papiam obsedit.

774. Carolus Papiam cepit, et Desiderium regem in Franciam duxit. Eodem anno Saxones ecclesiam in Fridislar, quam sanctus Bonifacius aedificavit et dedicavit, lignis et igne implentes incendere volebant; sed minime valebant.

775. Carolus Sibureck cepit, et juxta Brunenberch Saxones bello.

ANN. WEISSEMBURG.

753. Stephanus papa ad Pippinum veniens, defensionem petit contra Haistulfum regem.

754. Stephanus papa duos filios Pippini, Karolum et Karlmannum, unxit in reges.

755. Sanctus Bonifacius martyrio coronatur.

756.

757. Organum venit in Franciam.

758. Pippinus Saxonibus superatis tributum imposuit, ut 300 equos singulis annis persolvant.

759.

760.

761. 762. 763.

764. Pippinus rex magnum conventum habuit in Carisiago; fuitque hibernus durus.

765. Ruotgangus episcopus corpora sanctorum Gordiani, Naboris et Nazarii de Roma adduxit.

766. Victi sunt Sclavi a Francis.

767.

768. Pippinus rex acquisivit Aquitaniam totam. Eodem anno Pippinus rex ab Aquitania revertens ad sanctum Dionysium, 8 Kal. Oct. obiit, Karolo et Karlmanno regnum relinquens.

769.

770. Berhta regina venit de Italia, et Desiderii regis filiam adduxit in Franciam.

771. Karlomannus rex defunctus est (81). Karlmannus obiit, fratri Karolo regnum relinquens.

772. Karolus in Saxonia Eresburg expugnavit, et fanum eorum, quod vocabatur Irminsul, destruxit.

773. Karolus ab Adriano papa Romam vocatus, Italiam ingrediens regem Desiderium in Papiam obsedit.

774. Karolus Papiam cepit, et Desiderium regem in Franciam duxit. Eodem anno Saxones ecclesiam in Fridislar lignis et igne implentes incendere volebant; sed minime valebant.

775.

LAMBERTI ANNALES.

753. Stephanus papa ad Pippinum veniens, defensionem petit contra Haistulfum regem.

754. Stephanus papa duos filios Pippini Karolum et Karlmannum unxit in reges.

755. Sanctus Bonifacius martyrio coronatur anno peregrinationis suae 40^o.

756.

757 (756). Organa primum missa sunt Pippino de Graecia.

758. Pippinus Saxonibus superatis tributum imposuit, ut 300 equos singulis annis persolverent

759.

760.

761. 762. 763

764. Pippinus magnum conventum habuit in Carisiago; fuitque hyems durissima.

765. Ruotgangus episcopus corpora sanctorum Gorgonii, Naboris et Nazarii de Roma advexit.

766. Victi sunt Sclavi in Weidahabure (82) a Francis.

767.

768. Pippinus rex acquisivit Equitaniam totam, et inde revertens ad sanctum Dionysium, 8. Kal. Octobris obiit, Karolo magno et Karlmanno regnum relinquens.

769.

770. Berhta regina venit de Italia, et Desiderii regis filiam adduxit in Franciam.

771. Karlmannus obiit, fratri Karolo regnum relinquens.

772. Karolus in Saxonia Eresburg expugnavit, et fanum, quod vocabatur Irminsul, destruxit.

773. Karolus ab Adriano papa invitatus, Desiderium regem in Papiam obsedit.

774. Karolus Papiam cepit, et Desiderium regem in Franciam duxit. Eodem anno Saxones ecclesiam in Frideslare lignis et igne implentes incendere volebant; sed minime valebant.

775.

(81) W. of Ann. Weissemb. SS. T. I, p. 411.

(82) An castrum quod urbs Widonis postea vocatur, prope confluentem Salæ et Unstruotæ ?

ANN. QUEDLINB.

vicit; qui postea Francos in castris juxta Lidbiki nimia cæde prosternunt. Regi vero juxta Ovaccram, Hessi cum suis supplex occurrit.

776. Saxones, Christiani effecti, Francorum ditioni subduntur. Sed prius Heresburg ceperunt, militibus regis, qui intus erant, interfectis.

777. Carolus publicum habuit conventum Padarburnon.

778. Carolo pugnante contra Saracenos, Saxones Longana vastantes, inde Duciam et Confluentiam, in ecclesiis Dei et sanctimonialibus multa crimina commiserunt.

779. Carolus contra Saxones juxta Bochoholt pugnavit et vicit.

780. Carolus inter Aræ (81-83) et Albis confluentiam Saxones baptisari præcepit.

781. Carolus Romam perrexit, et ibi baptisatus est filius ejus Carolomannus, quem Hadrianus papa mutato nomine vocavit Pippinum; et ibi desponsata est filia ejus Ruodrud Constantino imperatori. Eodem anno (84) Carolus de Roma reversus in Franciam, terram Saxonum inter episcopos divisit, et terminos episcopis constituit; et sancto Stephano protomartyri in loco qui dicitur Halverstede, ubi nunc est sedes episcopalis. Idque ad corrigendum et propagandum Cathalaunensi episcopo Hildegimo, qui frater erat beati Liudgeri confessoris, commendavit; hujusque episcopii terminos constituit fluvios Albiam, Salam, Unstradam, fossam juxta Gronighe, altitudinem sylvæ quæ vocatur Hærtz, Ovaccram, Schuntram, Dasank, Drichterbiki, Aeleram, Isunnam paludem, quæ dividit Bardangaos et Huutangaos (85), Aram, Millam, Bimam, et Precekinam, et iterum Albiam.

782. Widekind cum Saxonibus quatuor præfectos Caroli, totumque ejus, paucis evadentibus, exercitum in loco qui dicitur Suntal interfecit.

783. Obiit Hildegard regina, pro qua rex Vastradam duxit. Mater regis Bertrad. obiit. (784.) Carolus pugnavit contra Saxones in Thiatmelli et iterum juxta Hassa fluvium.

784 (785). Carolus per Thuringiam intravit Saxoniam, rebelles sibi devastans usque ad villam quæ dicitur Schenighe; et filius ejus Carolus interim pugnavit contra Westfalos in pago qui dicitur Dreini.

785. Postea rex totum illum annum in Saxoniam cum exercitu sedens, omnia exercitui necessaria Saxones sibi ministrare præcepit. Inde rex Attiniacum reversus. Wikindum sibi huc usque rebellem, et Abbonem, cum sociis eorum, datis sibi obsidibus, in eadem regia villa baptizari præcepit. Quibus baptizatis, tota Saxoniam domno Carolo subjugata est. Conjunctio Hardardi comitis et orientalium Francorum sapienter oppressa est.

ANN. WEISSEMBURG.

776. Saxones, Christiani effecti, sunt Francis subditi.

777.

778. Karolus pugnavit contra Saracenos. Saxones Logonahi vastant.

779.

780.

781. Karolus Romam perrexit, ibique baptizatus est Karlmannus filius ejus, quem Adrianus papa mutato nomine Pippinum vocavit. Ibi quoque desponsata est Ruotdrudis, filia ejus, Constantino.

782. Karoli comites occisi sunt a Saxonibus in loco qui dicitur Sundal.

783. Hildigart regina obiit, cui Fastrad successit.

784.

785.

LAMBERTI ANNALES.

776. Saxones Christiani effecti sunt.

777. (86) Dedicatio ecclesiæ in Ordorf a beato Lullo in honore sancti Petri.

778. Karolus pugnavit contra Sarracenos, et Saxones Loganichi (87) vastant.

779. Sturm, abbas Fuldensis cenobii, obiit.

780.

781. Karolus Romam perrexit, ibique baptizatus est Karlomanus filius ejus, quem Adrianus papa mutato nomine vocavit Pippinum. Ibi quoque desponsata est Ruodrut, filia ejus, Constantino imperatori. Karolus divisit terram inter episcopos in Saxoniam (88).

782. Karoli comites occisi sunt a Saxonibus in loco qui dicitur Suntal.

783. Hildigart regina obiit, cui Fastrat successit.

784.

785.

(81-83) I e. Oræ.

(84) A. 780. Adn. Laureshamenses p. 31.

(85) In quo Wittingen.

(86) Hæc desunt 2.

(87) Longanabhi 2. langobardorum regnum vastavit ed. 2.

(88) L. i. e. in S. anno 779. adjicit. 5.

ANN. QUEDLINB.

786. Carolus perrexit in Italiam, et inde Romam. Eclipsis solis facta est 15 Calend. Octobris ab hora diei prima usque ad horam quintam. Multa etiam referuntur signa eodem tempore apparuisse. Signum enim crucis in vestimentis hominum apparuit. Lull archiepiscopus obiit, cui Richolfus successit.

787. Carolus omnem pene Calabriae atque Apuliam in ditionem suscepit.

788. Carolus per Alamanniam pervenit ad fines Bajoariorum, et Tassilo dux Bajoariorum ob infidelitatem de principatu eiecit et tonsoratur, et Thiado filius ejus similiter, uterque monachi facti.

789. Carolus gentem Vuzorum subegit, qui Lutici vocantur, duobus super Albis flumen pontibus factis.

790. Palatium Wormatis ignis consumpsit.

791. Carolus Avarorum, id est Hunorum, gentem subegit. Carolus habuit quatuor filios: primum Carolum, Pippinum regem Italiae, Luothovicum regem Aquitaniae, Drogonem Metensis ecclesiae episcopum. Iste vero Pippinus qui in eum conjuraverat, filius illius erat de obscuri generis matre, non ille Pippinus rex.

792. Conjuratio Pippini contra patrem suum Carolum per Fardulfum publicata est; unde ipse Pippinus attonsus in monasterium recluditur, caeterique omnes, alii decollati, alii patibulo suspensi sunt. Et Fardolfo commendavit monasterium sancti Dionysii pro remuneratione.

793. Saxones iterum rebellaverunt, deficientes a fide.

794. Haeresis Feliciana synodo apud Franconfort habita damnata est. Vastrad regina obiit; pro qua rex Liudgardam in conjugium duxit. Et æquivocus ejus pugnavit contra Saxones in Sinadevelde.

795. Carolus in Bardenwick cum exercitu venit.

796. Hadrianus papa Romanus obiit, cui Leo successit. Et Carolus Saxoniam vastat.

797. Carolus iterum cum exercitu Saxoniam invadit, totamque hiemem in Herestelli ducit.

798. Carolus Nordelingos (89), legatorum suorum interfectores, multa caede prostravit.

799. Leo papa lingua truncata et caecatus a Romanis et de pontificatu ejectus, videns et loquens venit ad Carolum in Saxoniam,

(89) *Lege Nordlindos.*

(90) *C. R. s. desunt 2.*

(91) *L. Æc desunt 2.*

ANN. WEISSENBURG.

786. Sanctus Lullus archiepiscopus obiit, et Karolus ad Italiam venit; multa quoque visa sunt prodigia. Signum enim crucis in vestimentis hominum apparuit, et sanguis de caelo terraque profudit.

787. Karolus Romam veniens, Beneventum profectus est, monasterium sancti Benedicti adiit; et eclipsis solis facta est.

788.

789. Karolus subegit gentem Wilzorum.

790.

791 (790). Karolus perrexit in Pannoniam. (791.) Karolus subegit gentem Avarorum.

792. Conjuratio Pippini contra patrem suum, quæ per Faldorfum publicata est; unde et Pippinus attonsus in monasterium mittitur, ceterique omnes perdit, alii decollati, alii suspensi miserabiliter sunt mortui, et ipsi Fardolfo datum est cenobium sancti Dionysii.

793.

794.

795. Adrianus papa obiit in nativitate Domini.

796.

797.

798.

799. Leo papa lingua truncata et caecatus et de pontificatu ejectus, videns et loquens in Saxoniam venit ad Karolum, in locum qui dicitur Heristelli.

LAMBERTI ANNALES.

786. Sanctus Lullus archiepiscopus obiit, cui (90) Richolfus successit, et Karolus ad Italiam venit. Multa quoque visa sunt prodigia. Signum enim crucis in vestimentis hominum apparuit, et sanguis e caelo terraque profudit.

787. Karolus Romam veniens, Beneventum profectus est, et monasterium sancti Benedicti adiit. Et (91) eclipsis facta est solis.

788.

789. Karolus subegit gentem Wilzorum.

790.

791 (790). Karolus perrexit in Pannoniam. (791.) Karolus subegit gentem Avarorum. Et fundata est ecclesia sancti Bonifacii in Fulda.

792. Conjuratio Pippini contra patrem suum, quæ per Fardolfum publicata est. Unde Pippinus attonsus in monasterium mittitur, ceterique omnes perdit, alii decollati, alii suspensi, miserabiliter sunt mortui. Et ipsi Fardolfo datum est cenobium sancti Dionysii.

793.

794. Haeresis Feliciana dampnata est in synodo Frankenefurt; et Vastrath regina obiit.

795. Adrianus papa obiit in nativitate Domini.

796 (92).

797.

798. Balthart abbas Hervedensis obiit.

799. Leo papa, lingua truncata, excæcatus et de pontificatu ejectus, videns et loquens in Franciam venit ad Karolum, in locum qui dicitur Heristelle.

(92) *L. Monasterium sancti Albani Moguntie fundatur a Richolfo archiepiscopo & alia manu.*

ANN. QUEDLINB.

ad locum qui vocatur Padarbur-
non ; quem rex honorifice sus-
ceptum Romam reduci, et om-
nia sua sibi restitui jubet. Eodem
anno Gherald Bajoariæ marchio
clarus, et Ericus dux Forojulen-
sis, ab Hunis interfecti sunt.

800. Carolus dum Thuronicam
venisset ad urbem, Liutgard
uxor sua præclara illic mortua
est. Inde reversus in Franciam,
perrexit Romam ad vindican-
dum Leonem papam.

801. In die natalis Domini ad
missam Carolus, imposita sibi
a Leone papa corona, impera-
tor et Augustus a Romanis ap-
pellatus est, patricii nomine
dempto.

802. Aaron rex Persarum Jero-
solymam subiecit Carolo (83), et
misit ei elephantum unum.

803. Carolus conventu habito
in palatio Saltz, Saxones antiqua
libertate donavit, eosque pro
conservanda fide catholica ab
omni solvit tributo, excepto quod
illos omnes, divites ac pauperes,
totius suæ culturæ ac nutrituræ
decimas Christo et sacerdotibus
ejus fideliter reddere jussit.

804. Leo papa iterum venit in
Franciam. Carolus Saxones
Transalbinos, et qui in Wimadi
habitabant, transtulit in Fran-
ciam, eorumque pagos Abodrit-
tis dedit.

805. Carolus, filius Caroli, Bo-
hemos cum Francis et Saxonibus
devastavit, regemque eorum,
Lechonom nomine, occidens,
victor ad patrem revertitur.

806. Carolus regnum divisit
tribus filiis, Pippino, Luthowico,
Carolo.

807. Mortalitas maxima facta
est in Fulda.

808. Carolus junior Linos et
Schmeldingos expugnans, victor
revertitur ad patrem.

809. Depositio sancti Liudgeri
episcopi et confessoris (94).

810. Hoc anno castellum Habo-
ki Albis flumini impositum est,
et Pippinus filius Caroli impera-
toris, rex Italiæ, 8 Id Jul. oblit, fi-
lio suo Bernhardo regnum relin-
quens. Et filia Caroli Ruotrudis
obiit.

811. Carolus, filius Caroli im-
peratoris, inter alios sui filios et
natu major et patri acceptior, 2
Non. Decemb. obiit.

812. Eclipsis solis post meri-
diem fuit.

813. Pons apud Mogontiam
mense Maio repentino flagravat
incendio. Richolfus archiepiscopus
obiit, cui Hastulfus successit.

(93) Ex Einhardi Vita Caroli et pocta Saxone.

(94) Q. ita *L. confessio* 1.

(95) *W. bonum c. bovum* etiam Ann. Laurissenses minores, nostrorum hoc loco fontes, legunt.

(96) *L. Gangollus abbas Fuldensis obiit; Batgarius successit* 5. alia manu.

(97) *Hastulfus* 1. c. h. s. desunt. 2.

ANN. WEISSENBURG.

800.

801 (800). Karolus a Romanis
Augustus appellatus est.

802 (801). Amarmurmulus
rex Persarum elephantem unum
misit cum aliis muneribus Karlo,
qui primus Francorum Augusti
nomen promeruit.

803.

804 (803). Leo papa iterum
venit in Franciam, et Saxones
Transalbani translati sunt in
Frantiam.

805. Karlus, Karoli filius, Be-
heimos vastavit.

806. Karolus divisit regnum
cum testamento inter filios, Lu-
dovicum, Pippinum et Karlum.

807. Mortalitas maxima facta
est in Fulda.

808.

809.

810. Maxima mortalitas bo-
vum (95).

811.

812.

813. Pons apud Mogontiam in-
cendio perit.

LAMBERTI ANNALES

800.

801 (800). Karolus a Romanis
Augustus est appellatus.

802 (801). Amarmurmulus rex
Persarum elephantem unum cum
aliis muneribus Karolo misit.

803. Leo papa iterum venit in
Franciam, et Saxones Transal-
bani translati sunt in Franciam.

804 (98).

805. Karolus, Karoli filius, Be-
heimos vastavit.

806.

807. Mortalitas maxima facta
est in Fulda.

808.

809.

810. Hohenburg castellum im-
positum est Albis flumini ab im-
peratore Karolo contra Danos.

811. Depositio Liutgeri epi-
scopi.

812.

813. Richolfus archiepiscopus
Moguntinensis obiit, cui Haistol-
fus (97) successit ; et pons apud
Mogontiam incendio perit.

ANN. QUEDLINB.

Et imperator filium suum Ludovicum, imposita sibi corona, totius consortem sibi imperii fecit.

814. Carolus imperator magnus et Saxonum apostolus (98) 5 Calend. Februarii obiit, ætatis suæ anno 71. regni autem 47, imperii vero 14; cui filius suus Ludovicus, qui cognominatur Pius, successit in regnum.

ANNALES HILDESHEIMENSES.

815. Anno 3 Hludowici factum est concilium magnum in Aquisgrani in mense Augusto, et præceptum est ut monachi omnes cursum sancti Benedicti cantarent ordine regulari. Et duo codices scripti sunt, unus de vita clericorum, et alter de vita nonnarum. Eo anno Leo papa obiit, et ordinatus est Stephanus pro eo in episcopatum Romane Ecclesie; qui in mense Octimbre venit ad Hludowicum (99) imperatorem civitatem Remis, et reversus est in pace. Bigo de amicis regis, qui et filiam imperatoris nomine Elpheid duxit uxorem, eo tempore defunctus est.

816. Anno 4, conventum suum habuit Hludowicus imperator cum Francis, in Aquisgrani palatii mense Junio, et jejunio indicto ordinatus est filius Hlotharius in imperatorem, ut consors regni fieret cum patre. Eo anno Stephanus papa decessit cui successit Paschalis in pontificatu.

817. Bernardus quoque, rex Italie, sedicionem levavit contra imperatorem; et Hludowicus Augustus Italiam cum exercitu perrexit.

818. Anno 6 Hludowici imperatoris, hoc est anno Dominicæ Incarnationis 818 in Britannia Mormannum regem vicit.

819. Imperator anno 7 regni sui Judith, filiam Welphi, duxit in uxorem; et basilica Fuldensis cœnobii dedicata est. Post hec annis quattuor requievit, et nihil historię factum est.

820.

821.

822.

823.

824. Anno vero 12 regni imperatoris, hoc est anno 824 Dominicæ Incarnationis, secunda expeditio facta est contra Wiomarcum regem, et Britanniam vastat.

825. Wiomarcus anno 13 imperatoris in domo propria occisus est ab hominibus Landberti; et Heistolfus archiepiscopus obiit.

(98) *Poeta Saxo.*

(99) Hludowicum *superaddito* do c.

(100) Ex Einh. Ann., a. 825.

ANN. WEISSEMBURG.

814. Karolus imperator obiit; cui Ludowicus successit.

LAMBERTI ANNALES.

814 Karolus magnus imperator obiit; cui Ludowicus successit, qui episcopatum in Hiltinesheim construxit.

ANNALES QUEDLINBURGENSES.

815. Consilio episcoporum Ludewicus præcepit ut omnes monachi cursum sancti Benedicti cantarent.

816. Ludowicus imperator Aquisgrani magnam habuit synodum, ibique constituit regulam canonicorum.

817. Conjunctio Bernhardi, fratris sui, contra regem Ludovicum.

818. Ludowicus imperator Bernhardum regem, fratris sui Pippini filium, excecari jussit; deinde compunctus, publicam egit penitentiam. Irmingard quoque uxor sua 5 Non. Octobr. obiit. Eclipsis solis 8 Id. Jul. facta est. Vuldensis basilica dedicatur.

819. Imperator Ludovicus Judith, filiam Welphi, duxit in uxorem.

820. Isto anno aeris intemperies hominibus et jumentis pestem infudit, omnesque pene fructus consumpsit.

821.

822.

823. Ludowicus imperator fratrem suum Drugonem Metensis ecclesiæ episcopum supposuit. Inchoatio Corbiæ novæ monasterii.

824. In territorio Tullense puella quædam annorum 12 post eucharistiam, quam in pascha perciperat, primo pane lude, omni cibo potuque pleno triennio (100) abstinuit; et in Saxonia in pago Virsedi 26 villas in gur consumpsit. In territorio Augustodunense ingens fragmentum ex glacie simul cum grandine decidit, cujus longitudo 15, latitudo 7, crassitudo duos pedes habuisse dicitur.

825. Haistolfus archiepiscopus obiit, cui Othgerus successit.

ANNALES WEISSEMBURGENSES.

815. Decretum est, ut omnes monachi cursum sancti Benedicti cantarent.

816.

817.

818. Ludowicus imperator in Britannia Normannum regem vicit.

819. Ludowicus cæsar Judit, filiam Welphi, uxorem accepit.

820.

821.

822.

823.

824. Ludowicus Augustus contra Wiomarcum regem pugnavit, et Britanniam vastavit.

825. Wiomarcus occidebatur in domo propria.

LAMBERTI ANNALES.

815. Baugolfus abbas Fuldensis obiit. Et præceptum est ut omnes monachi cantarent cursum sancti Benedicti.

816.

817. Ludowicus imperator Aquisgrani habuit synodum, ibique ordinavit vitam monachorum.

818. Ludowicus imperator in Britannia Normannum regem vicit.

819. Ludowicus Judith, filiam Welfi, in uxorem accepit; et in Fulda dedicata est ecclesia.

820.

821. (101).

822. Inchoatio monasterii novæ Corbeia.

823.

824. Ludowicus contra Wivomarcum regem pugnavit, et Britanniam vastavit.

825. Wivomarcus occisus est in domo propria; et Haistolfus Moguntia archiepiscopus obiit, cui Otgarius (102) successit.

(101) Ratgarius abbas Fuldensis obiit. Egil successit annis quinque 5. *alia manu.*

(102) Rabanus fit abbas 5. *alia manu.*

ANNALES HILDESHEIMENSES

826. Anno 14 Hludovici Hiltwinus abbas ossa sancti Sebastiani in Galliam transtulit.

827. Imperatoris anno 15, et Incarnationis Dominicæ 827, Sarraceni fines Barcinonensium et Gerundensium vastant.

828.

829.

830.

831. Incarnationis Dominicæ, et 19 regni Ludowici, Bun abba Herfeldensis, et Rabanus abba Fuldensis, fundamentum ecclesiæ sancti Wigberti fodere ceperunt in 6 Id. Jul. in 2 feria.

832. Ludowicus filius imperatoris anno regni ejus 20 conjurationem fecit contra patrem suum apud Longobardonheim (103).

833. Regnum Francorum ad Lotharium imperatorem conversum est.

834. Anno 22 regni Ludowici, Pippinus et Ludowicus frater ejus restituerunt patrem suum in regnum ejus.

835.

836.

837.

838. regni vero Ludowici 16, iterum conjuratio apud Franconfort Ludowici junioris ; et conversum est regnum ad patrem ejus.

839. imperatoris anno 27, ventus ingens innumera ædificia subvertit, et multa dampna effecta sunt in 6 Non. Novembris.

840. Ludowicus imperator insequendo filium venit ad Herolfesfeldi monasterium in 6 Idus Aprilis, statimque eodem anno in 12 Kal. Julii obiit, regni videlicet ipsius 28. Cui Ludowicus filius ejus successit.

841. regni vero Ludowici junioris 2, Adalbertus comes occisus est : et infelix bellum Lotharii contra fratres suos Ludovicum et Karolum.

842. Rabanus, abba Fuldensis cœnobii, expulsus de monasterio, et Lotharius de regno, anno Ludowici (104)...

843. Hoc anno facta est pax inter Lotharium, et Ludovicum et Karolum, fratres suos.

844. Lotharius rex cum orientalibus Francis venit in Sclaviam, et eorum regem Gestimulum occidit ceterosque sibi subegit.

845. Hoc anno monachi de Herolfesfelde cum Otkario episcopo reconciliati sunt, et eodem anno Ludowicus (105) imperator ad idem monasterium venit in 2 Kal. Novembris, et privilegia et munitates monachis donavit et sigillo munivit.

(103) Lampertheim. SS. T. I. 425.

(104) H. numerus deest.

(105) *Legendum* Hludowicus. *Hic locus ita vi-*

ANNALES QUEDLINBURGENSES.

826.

827. Hildegimus episcopus (106) senior obiit. Cui Thiatgrimus successit.

828.

829. Pretiosa corpora sancti Valentis et Senesii in Augeam insulam venerunt 5 Id. Aprilis.

P A R S A L T E R A

830. Ludovicus imperator depositus est de solio a filiis suis, Lothario, Ludovico, Carolo.

831.

832. Conjuratio Ludovici contra patrem suum.

833. Regnum Francorum ad Lotharium imperatorem conversum est.

834. Pippinus et Ludovicus, frater ejus, in regnum ejus restituerunt patrem suum.

835.

836.

837.

838. Item conjuratio apud Frankenfort Ludovici, et conversum est regnum ad patrem ejus.

839. Ventus ingens innumera subvertit ædificia, et multa damna effecta sunt in 4 Novembris.

840. Ludovicus imperator insequendo filium venit Herolfesfeld monasterium in 6 Id. Aprilis. Statim eodem anno in 12 Calend. Jul. obiit, cui Ludovicus filius ejus successit. Thiatgrimus episcopus (106) obiit, cui Heinmo successit.

841. Adalbertus comes est occisus ; et infelix bellum Lotharii contra fratres suos Ludovicum et Carolum factum est.

842. Rabanus, Fuldensis cœnobii abbas, expulsus est de monasterio, et Lotharius de regno.

843. Hoc anno facta est pax inter Lotharium, et Ludovicum et Carolum, fratres suos.

844. Lotharius rex cum orientalibus Francis venit in Sclaviam, et regem eorum Gestimulum occidit, cæterosque sibi subegit. Dedicatio ecclesiæ novæ Corbeis.

845. Hoc anno monachi de Herolfesfeld cum Otkario episcopo reconciliati sunt. Hoc etiam anno Ludovicus rex ad idem monasterium venit 2 Cal. Novembris, et privilegia et immunitates monachis donavit, et suo sigillo munivit.

tiatus Annalibus Corbiensibus sæculo XII illatus est.

(106) Halberstadensis.

ANNALES WEISSEBURGENSES.

826. Hildewinus ossa sancti Sebastiani in Galliam transtulit.

827.

828.

829.

G E N U I N A A. 830-973

830.

831.

832. Conjuratio Ludowici contra patrem suum.

833. Regnum Francorum ad Lotharium est conversum.

834. Pippinus et Ludowicus patrem suum constituerunt in regnum.

835.

836.

837.

838. Conjuratio Ludowici iterum ad Franconfurt, et conversum est regnum ad patrem ejus.

839.

840. Ludowicus imperator insequendo filium venit ad Herolfesfelt.

841. Lutharius bellavit contra fratres suos Ludovicum et Karlum, et Adelbertus comes occisus est.

842. Lutheri expulsus est a regno.

843. Lutharius, Ludowicus et Karlus pacem fecerunt.

844. Lutharius rex regem Sclavorum Gestimulum occidit, cæterosque sibi subegit.

845. Ludowicus imperator venit ad Herolfesfelt, et privilegia monachis dedit, suoque sigillo munivit.

(107) *Hæc desunt 3.*

(108) VII. die julii 5.

(109) Otgarius archiepiscopus transtulit sanctum

LAMBERTI ANNALES.

826. Hiltwinus ossa sancti Sebastiani in Galliam transtulit.

827.

828.

829. Ludowicus imperator depositus est a filiis suis Lothario, Ludowico et Karolo.

830.

831 (107). Bun et Raban abbates fundamentum ecclesiæ sancti Wigberti foderunt 6 Idus (108) Julii, secunda feria.

832. [Corpus sancti Aurelii in Germaniam delatum est, et Hirsaugia fundata.] Conjuratio Ludowici contra patrem suum.

833. Regnum Francorum ad Lotharium est conversum.

834. Pippinus et Ludowicus patrem suum restituerunt in regnum.

835.

836. [Otgarias (109) archiep. ossa S. Severi episcopi sibi delata transtulit in Erphesfurt. Thuringiæ civitatem, et in alto monasterio reposuit 14 Kal. Nov. 3.]

837.

838. Conjuratio Ludowici iterum ad Franconfurt, et conversum et regnum ad patrem ejus.

839.

840. Ludowicus insequendo filium venit ad Herolfesfelt monasterium 6 Idus Aprilis. Ludowicus imperator obiit; cui filius ejus Ludowicus successit.

841. Lutharius bellavit contra fratres suos Ludovicum et Karolum: in quo prælio pene ad internecionem delati sunt Franci, et Lutharius victus est; ubi et Adelbertus comes occisus est.

842. Lutheri expulsus est a regno et Raban abbas de monasterio.

843. Lutheri, Ludowicus, et Karolus pacem fecerunt.

844. Lutharius rex regem Sclavorum Gestimulum occidit.

845. Ludowicus venit ad Herolfesfelt 2 Kalendas Novembris, et privilegia monachis dedit suoque sigillo munivit. Monachi quoque ejusdem Hervekden-sis monasterii reconciliati sunt eum Otgario archiepiscopo de decimis frugum et porcorum ex terra Thuringorum per fideles legatos domni Ludowici Augusti, episcopus (110) videlicet et præses.

Severum ad Franckfurt 6.

(110) Episcopus monasteriorum et pr. †.

ANNALES HILDESHEIMENSES.

846. Ludowicus, filius Ludowici, Pannoniam subegit, et Behemos domum rediens vastavit.

847. Otger archiepiscopus obiit, cui Rabanus abbas Fuldensis successit.

848. Ludowicus apud Mogontiam habito concilio sinodali, ibique Godescalcus hereticus convictus et damnatus est.

849.

850. Hoc anno 5 Kal. Novembris ecclesia sancti Wigberti (111) dedicata est a Rabano, Mogontiacensis ecclesie archiepiscopo.

851.

852.

853.

854.

855. Ludowicus rex cum magno exercitu perrexit contra Ratzidum regem Marahensium; et eodem anno ecclesia sancti Kiliani in Wirzeburg fulminibus exusta est. Lutharius rex tonsuram et monachicum habitum suscepit moriturus.

856. Rabanus archiepiscopus obiit; cui Karolus successit.

857. Karolus apud Mogontiam magnam synodum congregavit.

858. Ludowicus filium suum Ludovicum cum magno exercitu misit ad Abotritos.

859. Ludowicus, Karolus, et Lutharius cum juramento invicem pacem firmaverunt.

860.

861. Udo, Ernust, Bernger, comites et Waldo abba (112), honoribus depositi.

862. Fames magna et morbus in Germania et in aliis partibus Europæ.

863. Karolus archiepiscopus obiit; cui Luitbertus successit.

864. Ludowicus rex Francorum Ratzidum regem Marahensium sibi subegit.

865. Subitaneum diluvium et vehemens grando fruges assumpsit.

866.

867. Ventus ingens cum turbine multa edificia stravit.

868. Fames valida et vehemens tam Germaniam quam ceteras Europæ provincias nimium afflixit.

869. Lutheri rex a Benevento reversus, qui ob fratris sui discordiam Ludowici perrexit, Romam venit, ibique ab Adriano papa dampnatus, domum rediens cum suis pene omnibus periit. Et eodem anno Thiodo, abba Fuldensis monasterii, depositus, et vir venerabilis et religiosus Sigihart electus est.

(111) Herolfesfeldensis.

(112) Swarzahensis ad Rhenum v. SS. I. 374.

ANNALES QUEDLINBURGENSES.

846. Ludovicus rex, filius Ludovici Pannoniam subegit, et Bohemos domum rediens vastavit.

847. Otger archiepiscopus obiit; cui Rabanus, abbas Fuldensis monasterii, successit.

848. Ludovicus rex apud Moguntiam habet concilium synodale, ibique Ghodeschalck hæreticus convictus est et damnatus.

849.

850 (849). Basilica sancti Wicberti confessoris dedicata est.

851.

852. Inchoatio Gandesheimensis monasterii in antiquiori loco, et adventus sanctorum confessorum Anastasii atque Innocentii.

853. Haymo episcopus obiit; cui Hildegimus junior successit.

854.

855. Ecclesia sancti Kiliani in Wirtzeburg fulminibus exusta est. Lotharius rex tonsuram et monachicum habitum suscepit moriturus.

856. Leo papa obiit, et Rabonus archiepiscopus, cui Carolus successit.

857. Carolus archiepiscopus apud Moguntiam magnam synodum congregavit.

858. Ludovicus filium suum Ludovicum cum magno exercitu misit ab Abodritos.

859. Ludovicus et Carolus et Lotharius, filii Lotharii fratris ejus (113), cum juramento invicem pacem affirmaverunt.

860. Maginradus heremita martirizatus est.

861.

862. Fames magna et morbus in Germania et in aliis partibus Europæ.

863. Carolus archiepiscopus obiit. Cui Lutbertus successit.

864.

865. Subitaneum diluvium et vehemens grando fruges absumpsit; Anscarius episcopus obiit.

866. Nicolaus papa obiit.

867. Ventus ingens cum turbine multa ædificia stravit.

868. Fames valida et vehemens tam Germaniam quam ceteras Europæ provincias nimium afflixit.

869. Lutheri rex a Benevento reversus, quo ob fratris sui discordiam Ludovici perrexit, Romam venit, ibique ab Hadriano papa damnatus, domum rediens cum suis pene omnibus periit.

(113) I. e. Hludowici Germaniæ regis.

ANNALES WEISSEBURGENSES.

846. Ludowicus, filius Ludowici, Pannoniam subegit, et Beheimos domum rediens vastavit.

847. Otgarius archiepiscopus obiit; cui Rabanus successit.

848. Ludowico ad Mogontiam habito sinodali concilio, Godescalcus hereticus est dampnatus.

849.

850.

851. Irmingardis regina obiit.

852.

853.

854.

855. Ludowicus rex cum exercitu magno perrexit contra Ratzidum regem Marahensum. Lutharius etiam rex tonsuram et monachicum habitum suscepit mortuus (114).

856. Rabanus archiepiscopus obiit; cui Karlus successit.

857. Karlus archiepiscopus in Mogontia sinodum magnam habuit.

858. Ludowicus rex Ludowicum, filium suum, cum exercitu magno misit ad Habitrutos.

859. Ludowicus et Karolus atque Lutharius, filius Lutharii fratris eorum, cum juramento pacem fecerunt.

860. Hiemps magna et mortalitas animalium.

861. Udo, Berenger atque Ernest depositi honoribus.

862.

863. Karlus episcopus obiit, et Liutberthus successit.

864. Ludowicus rez Ratzidum, regem Marahensium, sibi subegit.

865.

866.

867.

868.

869. Lutheri rex a Benevento reversus Romam venit, ibique ab Adriano dampnatus, domum rediens pene cum suis omnibus periit. Eodem anno Thiodo, abbas Fuldensis, depositus, et Sigehardus electus est (114) valde religiosus.

(114) *Lege moriturus.*

(114) *Vox vir deest.*

(115) *Hæc desunt 3.*

PATROL. CXXI.

LAMBERTI ANNALES.

846. Ludowicus, filius Ludowici, Pannoniam subegit, et Beheimos domum rediens vastavit. Bun abbas Herveldensis obiit, cui Brunwart successit.

847. Otgarius archiepiscopus Moguntie obiit, cui abbas Fuldensis Rabanus successit. Abbatiam Waldo suscepit.

848. Ad Mogontiam habito sinodali concilio, Gotescalcus hæreticus dampnatus est.

849.

850 (115). Dedicata est ecclesia sancti Wigberti 5. Kalendas Novembris a Rabano Mogontiacensi archiepiscopo.

851.

852. Translatio sancti Lulli in cœna Domini.

853.

854.

855. Ludowicus rex cum magno exercitu perrexit contra Ratzidum regem Maruhensium. Lutharius etiam rex tonsuram et monachicum habitum suscepit moriturus in Promia.

856. Rabanus archiepiscopus Mogontiacensis (115) obiit; cui Karolus successit.

857. Karolus archiepiscopus, in Mogontia magnam synodum habuit.

858 Ludowicus rex Ludowicum filium suum misit cum exercitu magno ad Abitrutos. [Karolus archiepiscopus quandam partem de reliquis sanctæ Innocentiæ transtulit ad (116) Erphesphurt. 13]

859. Ludowicus et Karolus atque Lutharius, filius Lutharii fratris eorum, cum juramento pacem fecerunt.

860.

861. Udo, Ernest, Berngerus, comites, et Waldo, abbas Fuldensis, honoribus depositi sunt; Thiodo abbas successit.

862.

863. Karolus archiepiscopus [Mogontiacensis 3 4. 5.] obiit; cui Liutberthus successit.

864. Ludowicus rez Ratzidum, regem Marahensium, sibi subegit.

865.

86 .

867.

86

869. Lutheri rex a Benevento reversus Romam venit, ibique ab Adriano dampnatus est. Qui domum rediens, pene cum suis omnibus periit. Eodem anno Thiodo, abbas Fuldensis, depositus, et Sigehardus electus est, vir religiosus.

(115) *Deest 1. 2. 6.*

(116) *Deest 3.*

ANNALES HILDESHEIMENSES.

ANNALES QUEDLINBURGENSES.

870.

871. Thiodo abba supradictus obiit.

872. Æstatis fervor immanis et siccitas nimia totos pene perdidit fructus, plurimæque domus cum hominibus et animalibus fulminibus incensæ et exustæ sunt. *Obiit Adrianus papa. Johannes successit* (116*). Et eodem anno indictione 5. in Kalendas Novembris dedicata est ecclesia sanctæ Mariæ in Hildenesheim a venerabilibus episcopis, Alfrido ejusdem æcclesiæ episcopo, et Rimberto (117), atque Theodrico (118), sed et Liuthardo (119), cum interventione religiosi abbatu Adalgarii (120) monachorumque et canonicorum.

873. Fames magna invaluit in Germania, et incredibilis multitudo locustarum venit.

874.

875 Ludowicus rex obiit anno regni sui 35. Alfridus episcopus obiit. *Post* (121) *Alfridum Ludolfus monachus Chorbeiensis eligitur, sed subitanea morte aufertur. Post hunc Marcwardus successit, qui, a Sclavis interfectus, quarto anno decessit.*

876. Bellum juxta Andarnacha inter Karolum et Ludowicum, fratris sui Ludowici filium, successorem regni.

877.

878. Hoc anno eclipsis solis fiebat.

879. Ludowicus, filius Ludowici obiit anno quinto regni sui, cui successit Karolus. Et eodem anno Karlomannus paralis morbo periit.

880. (122) *Wichertus episcopus* (123) *eligitur.*

881. 882. 883. 884.

885. Hoc anno Vulferi episcopus (124) cum aliis multis occisus est a Sclavis.

886.

887. Karolus veniens in Triburias; et cum placitum haberet post festivitatem sancti Martini, conspiratione facta adversus eum, orientales Franci reliquerunt eum, et elegerunt Arnulfum in regem, et Karolus subjicit se (125) Arnulfo.

888. Karolus obiit, et Arnulfus rex electus.

889.

890. Liutbertus archiepiscopus obiit, cui Sunderolt successit.

891. Sunderolt archiepiscopus occisus est, cui Hatto successit.

892. Arn episcopus (116) occisus est.

893. Factum est bellum magnum inter Bawarios et Ungarios

894. 895.

896. Arnulus rex Romam veniens, imperator factus est.

897. 898.

899. Arnulfus imperator obiit, cui Ludowicus, filius ejus, successit.

900.

901. Hardarat abba obiit, cui Thiohart successit.

902. Sclavi vastaverunt Saxoniam.

903. Eberhart et Adalhart atque Heinric occisi sunt.

904.

(116*) O. A. p. l. s. manu alia adjecta.

(117) Bremensi.

(118) Mindensi.

(119) Paderbornensi.

(120) Corbeiensis.

(121) *Reliqua hujus anni manu secunda sed sæculi X.*

870.

871.

872. (127). Ictu fulminis Wormatia comburitur. Æstatis fervor immanis et siccitas nimia totos pene perdidit fructus, plurimæque domus cum hominibus et animalibus, fulminibus incensæ, exustæ sunt. Dedicatio ecclesiæ sanctæ Mariæ in Hildesheim per Alfridum episcopum.

873. Fames magna invaluit in Germania, et incredibilis multitudo locustarum venit (128).

874.

875.

876.

877.

878.

879.

880.

881. 882. 883. 884.

885.

886.

887.

888.

889.

890.

891.

892.

893.

894. 895.

896.

897. 898.

899.

900.

901.

902.

903.

904.

(122) *Manu secunda.*(123) *Hildesheimensis.*(124) *Mindensis.*(125) *E beisum.*(129) *Wizburgensis.*(127) *A. 873 Ann. Augienses.*(128) *l. v. desunt quorum loca, etc., habet c.*

ANNALES WEISSEBURGENSES.

LAMBERTI ANNALES.

870.
871.
872.
- 873.
874.
875. Ludowicus rex, filius Lotharii, obiit.
876. Bellum juxta Andarnacha factum est inter Karlum et Ludowicum, Ludowici filium, successorem regni.
877.
878.
879. Ludowicus, filius Karli, obiit.
880.
881. 882. 883. 884.
885.
886.
887. Karlus est de regno ejectus, atque Arnoldus electus.
888. Karlus obiit.
889.
890. Liutbertus archiepiscopus obiit, et Sunderoldus successit.
891. Sunderoldus, archiepiscopus occisus est, et Fridericus (129) successit.
892. Arn episcopus est occisus, et Haltrat (130) abbas obiit.
- 893.
894. 895.
896. Arnoldus imperator est appellatus.
897. 898.
899. Arnoldus rex obiit, cui Ludowicus, filius ejus, successit.
900.
901.
902.
903.
904.
870.
871.
872.
- 873.
874.
875. Ludowicus rex obiit, cui filius ejus Ludowicus successit. Brunwart Herveldensis abbas obiit; cui Druogo successit.
876. Pugna juxta Andarnaha facta est inter Karolum et Ludowicum, Ludowici regis filium.
877.
878.
879. Ludowicus rex, filius Ludowici regis, obiit; cui frater ejus Karolus successit.
880.
881. 882. 883. 884.
885.
886.
887. Karolus de regno est ejectus, et Arnoldus electus.
888. Karolus obiit.
889.
890. Liutbertus archiepiscopus [Mogontiacensis 3. 4. 5.] obiit; cui Sunderolt successit.
891. Sunderolt, archiepiscopus Mogontiae, occisus est; cui Hatto successit.
892. Arn episcopus [Herbipolensis 3. 4. 6.] occisus est. Et Druogo abbas Herveldensis obiit; cui Harderat successit.
893. Prælium magnum factum est inter Bajouarios et Ungarios.
894. 895.
896. Arnoldus Romæ imperator factus est.
897. 898.
899. Arnoldus imperator obiit; cui Ludowicus, filius ejus, successit.
900.
901. Hardeat, abbas Herveldensis, obiit; cui Diethart successit.
902. Sclavi vestaverunt Saxoniam.
903. Adelbrath, et Eberhart, et Heimrich occisi sunt.
- 904.

ANNALES HILDESHEIMENSES.

905. Cuonradus comes occisus est cum aliis multis.

906. Ungarii vestaverunt Saxoniam.

907. Adalbertus decollatus est a Ludowico rege.

908. Liudboldus dux cum aliis multis interfectus est ab Ungariis.

909. Burghart, dux Thuringorum, occisus est ab Ungariis.

910. Ludowicus rex pugnavit contra Ungarios.

911. Ungarii vastaverunt Franciam et Thuringiam.

912. (131) *Loudewicus rex obiit; cui Chounradus, dux Francorum, in regnum successit.*

913.

914. Otto comes Saxonicus obiit (132).

915. Ungarii vastantes omnia, venerunt usque ad (133) Fuldam.

916.

917.

918.

919. Kuonradus rex obiit, et Heinricus Saxonius successit in regnum.

920.

921. 922.

923. Haicho abba (134) obiit, et Hildibrat electus est.

924 (135). *Herigerus archiepiscopus cessit; Hildibertus successit.*

925.

926 (136). *Turris Gandesheim dedicata est a Sehardo episcopo.*

927. Thiothart junior abba electus est cum consensu senioris; et (137) *Ruthsui* (138) *Gandesheim abbatissa obiit; cui Wildigrat mediante Sehardo episcopo successit.*

928. Idem Thiathart junior episcopus ordinatus est (139) *post Sehardum*, et Burghart abba electus. 929.

(131) H. *Hæc alia manu sæculi XI. scripta sunt.*

(132) *Obitus Theodorici margravii manu sæculi XV. adscripta.*

(133) *Adjecta vox manu cœva.*

(134) *Fuldensis.*

(135) H. *anni 924 et 926 alia manu sæculi X. in-*

ANNALES QUEDLINBURGENSES.

905.

906.

907.

908.

909.

910. *Franci ab Ungaris occisi et fugati sunt (139).*

911. *Ludovicus rex obiit; cui Conradus successit.*

912. *Ungari vestaverunt Franciam et Thuringiam. Et comete apparuerunt. Hatto archiepiscopus obiit.*

913. *Otto ducum præcipuus, de quo, velut fertilissimo quodam stemmate, imperatoria iura Ottonum propago, totius Europæ terminis non modicum profutura, processit onus limosæ molis abjecit. Domina Oda, mater scilicet ipsius obiit anno 107, vitæ suæ. Otto rex et imperator futurus natus est.*

914.

915.

916. *Ungari, Saxonia vastata et cunctis circum-
quaque direptis, venerunt usque ad Fuldam.*

917. *Erchancharius, Berthardus, et Lutfridus capite plectuntur.*

918. *Einhardus episcopus (140) occiditur.*

919. *Conradus rex moriens, quem non propinquitatis suæ jura, sed invictæ fidei eximieque virtutis munia præ cæteris admodum commendaverant, sceptris ac regno Heinricum feliciter potiturum, sibi succedere deliberavit, hisque rite per omnia dispositis, viam totius carnis ingreditur.*

920. *Post excessum Conradi regis præfatus Saxonie ducis filius ac Franciæ dominus Heinricus, communi senatus ac plebis assensu electus et unctus in regem, quanta terra marique victoria deinde nituerit, quanta domi militiaeque subjectos industria rexerit, dictis ac scriptis inexplicabile constat.*

921. 922.

923. *Sigismundus Halverstadensis episcopus obiit. Cui Bernhardus in episcopatu successit, ejusque successor Hildewardus nascitur.*

924. *Hermannus Colonie archiepiscopus obiit.*

925.

926.

927.

928.

929. *Otto rex Editham, filiam regis Anglorum, matrimonio sibi jungendam Saxonie advexit.*

serta.

(136) *Et — successit manu qua anni 924 et 926.*

(137) *Ita aut Ruthsui legitur.*

(148) *E. p. S. manu sæc. X ut 924.*

(139) *Q. Hæc manu 2. anno 911 adscripta sunt.*

(140) *Spirensis?*

ANNALES WEISSEMBURGENSES.

905. Cuonrat comes occisus est ab Adelberto.
906. Ungarii vastaverunt Saxoniam.
907. Adelbertus comes decollatus est, jubente Ludowico rege.
908. Liutboldus dux occisus est ab Ungariis.
909. Burghardus, dux Thuringorum, occisus est ab Ungariis.
910. Ludowicus rex pugnavit cum Ungariis.
911. Ungarii vastaverunt Franciam.
912. Ludowicus rex obiit; cui Conradus successit.
- 913.
914. Otto Saxonicus dux obiit.
915. Ungarii vastando venerunt usque Fuldam.
- 916.
- 917.
- 918.
919. Cuonradus rex obiit, cui Heinricus successit.
- 920.
921. 922.
- 923.
- 924.
- 925.
- 926.
- 927.
- 928.
- 929.

(141) L. deest 1.

LAMBERTI ANNALES.

905. Cuonrat comes occisus est ab Adelberto.
906. Ungarii vastaverunt Saxoniam.
907. Adelbertus comes occisus est, jubente Ludowico rege.
908. Liutboldus dux occisus est ab Ungariis.
909. Burchardus, dux Thuringorum, occisus est ab Ungariis.
910. Ludowicus rex pugnavit cum Ungariis, et victus est.
911. Ungarii vastaverunt Franciam.
912. Ludowicus rex obiit; cui Cuonradus successit. Hatto archiepiscopus Mogontiacensis obiit; cui Hereger successit.
- 913.
914. Otto Saxonicus comes obiit.
915. Ungarii vastando venerunt usque in Fuldam.
- 916.
- 917.
918. Cuonradus rex fuit in Herolfesfelde.
919. Cuonradus rex obiit; cui Heinricus Saxo successit.
- 920.
921. 922.
- 923.
924. Hereger archiepiscopus Mogontiacensis (141) obiit; cui Hildibertus [abbas Fuldensis l. 4. 5.] successit. [Abbatiam suscepit Hadamarus l. 4. 5.]
- 925.
- 926.
927. Diethardus junior abbas Herveldensis factus est, cum senioris Diothardi consilio (142).
928. Diethardus abbas junior [Herveldensis 4. 5.] episcopus [Hildesemensis 4. 5.] ordinatus, et Burchardus abbas electus est.
- 929.

(142) Consensu 2. 6

ANNALES HILDESHEIMENSES.

930. Thiothart senior abba obiit.

riosissime vicerunt, prostratis Sclavorum 120 milibus, in captivitatem vero 800 ductis; suorum autem duobus comitibus Luthariis cum quibusdam aliis amissis non multis, plurimis autem vulneratis.

931. Henricus rex Abotritos subegit.

932. Henricus rex fuit in Lonsicin (143). Et Thiodo obiit, cui Burchart successit.

933. Meingoz abba eligebatur.

934. Henricus rex in Wocronin (144) cum exercitu fuit.

935.

936 (938) (148). Magna synodus fuit in Erpesfort. Et in eodem anno Henricus rex obiit; cui Otto, filius ejus, successit in regnum (146).

regina, obeunte conjuge suo, præfato scilicet rege Henrico, cœnobium in monte Quedelingensi, ut ipse prius decreverat, sancta devotione construere cœpit. Hoc regnum gentibus esse voluit, hoc totis viribus fovet. Ibi, quia bene nata raro ac difficillime degenerare noverat, non vilis personæ, sed summæ ingenuitatis, tirunculas canonicæ religioni rite deservituras colligit, easque usque ad extrema vitæ istius caducæ, materno more, spiritualium nec non carnalium copiis commodorum enutrire non destitit.

937 (936). Otto rex fuit in Herolfesfelde; et ecclesia sancti Bonifacii exusta est.

revelante regi, illa iniqua conspiratio sapienter oppressa est. Nam Tancmer miserabiliter occisus, alii autem truncati, suspensi sunt. Everhardus privatus honore, degradatus est; Wigman vero supplicando pedibus regis, reconciliatus est. In eadem tempestate venientes Ungari, vastaverunt Thuringiam; deinde in Saxoniam, ibique in paludibus cæterisque difficultatibus perierunt. Alia autem pars nefandi exercitus fugiendo in terram suam reversi sunt. Eodem anno Hildebertus archiepiscopus Moguntinus obiit, eique Fridericus successit.

938 (937). Eberhart comes Henricum, filium Henrici regis, captum projecit in vincula.

939 (938). Eberhart et Gisilbrat interfecti sunt.

Eburhardus dux Francorum, atque Gisilbræchtus comes Luthariorum, congregato nefando exercitu transeuntes Rhenum, maximam partem regni depopulati sunt. Cum autem reversi sunt gratulabundi, nunciatum est Udoni amico regis; qui cum suis repente irruens in eos. Eburhardum in ipsa ripa fluminis hostiliter, uti dignus erat, occiderunt; Gisilbrecht autem in brevi fluminis voragine dimersus, et qui cum illo erant, simul interierunt, Henricus autem, frater ejus, assumptis adiutoribus supplicando regi, gratiam suam recepit.

940.

941.

942. Treveri dedicata est basilica sancti Maximi a Ruotberto archiepiscopo.

943. Synodus ad Bunnam congregata est.

944.

(143) terra Liutitiorum.

(144) terra Ucqermark.

(145) Annorum 935-938 adnotationes annis 936-939 assignandas esse patet; an et expeditio in Wucronin anno 935?

(146) Et — regnum *deleta sunt, quorum loco*

ANNALES QUEDLINBURGENSES.

930. Facta est pugna valida adversum Sclavos juxta Albiam prope Lunkini, in qua Saxones gloriosissime vicerunt, prostratis Sclavorum 120 milibus, in captivitatem vero 800 ductis; suorum autem duobus comitibus Luthariis cum quibusdam aliis amissis non multis, plurimis autem vulneratis.

931. Rex Henricus cum exercitu suo profectus est (147) in Abodritos (148), subiciens eos sibi.

932.

933. Ungarorum exercitus a rege Henrico devictus est.

934. Rex Henricus in Wucronin profectus est (149) subiciens eos sibi.

935.

936. (935). Magna synodus fuit in Erphesfurt. (937). Henricus rex obiit 6. Non. Julii; cujus filius Otto pacificus, Saxonie decus, jure hæreditario paternis elegitur succedere regnis. Mechtild inclita

regina, obeunte conjuge suo, præfato scilicet rege Henrico, cœnobium in monte Quedelingensi, ut ipse prius decreverat, sancta devotione construere cœpit. Hoc regnum gentibus esse voluit, hoc totis viribus fovet. Ibi, quia bene nata raro ac difficillime degenerare noverat, non vilis personæ, sed summæ ingenuitatis, tirunculas canonicæ religioni rite deservituras colligit, easque usque ad extrema vitæ istius caducæ, materno more, spiritualium nec non carnalium copiis commodorum enutrire non destitit.

937. Everhardus dux Francorum, et Wigmanus Saxonius, atque improbus Thancmer, inani consensu conspiravere in regem: sed Dei gratia cito

938. Eburhardus comes Henricum, filium Henrici regis, captum projecit in vincula.

939. Hoc anno cum esset rex in superioribus partibus Rheni fluminis, Henricus frater regis,

congregato nefando exercitu transeuntes Rhenum, maximam partem regni depopulati sunt. Cum autem reversi sunt gratulabundi, nunciatum est Udoni amico regis; qui cum suis repente irruens in eos. Eburhardum in ipsa ripa fluminis hostiliter, uti dignus erat, occiderunt; Gisilbrecht autem in brevi fluminis voragine dimersus, et qui cum illo erant, simul interierunt, Henricus autem, frater ejus, assumptis adiutoribus supplicando regi, gratiam suam recepit.

940. Dedicatio Gandeshemensis ecclesie.

941. Otto rex de insidiis conjuratorum contra se liberatus, statim pascha in Quedelingensi civitate quosdam quorum nomina sunt Erik, Reinward, Varin, Ascheric, Bacco, Hermon, occidi, quosdam vero exilio relegari jussit.

942.

943.

944. Græcorum rex Ottoni regi (150) xenia misit.

manus sæculi XI scripsit: Henricus primus rex obiit, cui Otto primus successit.

(147) p. e. *sec. manu.*(148) Abodritum *prima manu.*(149) p. e. *manu sec.*(150) *Manu 2.*

ANNALES WEISSEBURGENSES.

LAMBERTI ANNALES.

930.

930. Diothardus senior obiit.

931. Heinricus rex Abatritos subegit.

931. Heinricus rex Abotritos subegit.

932. Heinricus rex fuit in Losioin.

932. Diedo episcopus [Wirezburgensis 3. 4. 5. 6.] obiit; cui Burohardus abbas Herveldensis successit.

933.

933. Megingoz abbas Herveldensis electus est.

934. Heinricus rex in Wocronin cum exercitu fuit.

934. Heinricus rex Wucronin cum exercitu fuit.

935.

936 (935). Magna synodus fuit in Erpesfurt. Eodem anno Heinricus rex obiit; cui filius ejus Otto successit.

935.

936 (935). (151) Magna synodus fuit in Erpesfurt (152). Eodem anno Heinricus rex obiit; cui filius ejus Otto successit.

937 (936.) Otto rex fuit in Herolfesfelt; et ecclesia sancti Bonifacii exusta est.

937 (936). Otto rex fuit in Herolfesfelde. Eodem anno ecclesia sancti Bonifacii exusta est.

938 (937). Eberhardus comes Heinricum, filium Heinrici regis, captum projecit in vincula.

938 (937). Eberhardus comes Heinricum, filium Heinrici regis, captum projecit in vincula.

939 (938). Eberhart et Sigibertus occisi sunt.

939 (938). Eberhardus et Gisilbertus occisi sunt. Hildibertus archiepiscopus Mogontiacensis obiit, cui Fridericus successit.

940.

940.

941.

941.

942.

942. Dedicata est ecclesia sancti Maximini in Treveris.

943. Sinodus ad Bunnam congregata est.

943. Synodus ad Bunnam congregata est.

944.

944.

(151) DCCCCXXXVI. 2. reliqui 935 indicant.

(152) In qua Otto rex electus est. Cf. Vitam S. Mathildis.

ANNALES HILDESHEIMENSES

945. Legati Grecorum venerunt ad regem Ottonem cum muneribus.

946 (947). Etheid regina obiit 7, Kal. Febr.

947.

948. Sinodus ad Engilenheim congregata est, cui Marinus legatus apostolicus praesedit.

949. Cuonradus dux sibi conduxit filiam regis Ottonis in habitatricem : et nuncii Grecorum venerunt secundo ad regem Ottonem cum muneribus.

950. Bellum magnum factum est inter Bawarios et Ungarios.

951. Otto rex in Italiam perrexit, et cum eo Liudolfus filius ejus, et Cuonradus dux, atque Frithuricus archiepiscopus Mogonciacensis ecclesiae. Ibi Otto rex adquisivit sibi ad societatem Adalheidam reginam, et Berengerum regem de Langobardis sibi subegit.

952.

953. Satis acerba et nimium crudelis dissensio exorta est inter Liudolfum, filium regis, et patrum ejus Heinricum, ipso rege partes fratris sui adjuvante ; mansitque per duos annos in incendiis, caedibus et depopulationibus, multique non solum de populo, sed etiam de optimatibus occubuerunt. Hoc etiam anno Mogontia obsessa est, et castellum quod Rossadal (153) nominatur ; factumque est magnum bellum in illo loco.

954. Frithuricus archiepiscopus Mogontiacensis ecclesiae obiit, vir summæ abstinentiæ, in religione sancta et doctrina probatus ; et Willihelmus, filius regis, successit in locum suum. Thiothardus piæ memoriæ episcopus obiit ; cui Otwinus successit.

955. Otto rex Ungarios cum magno periculo sui suorumque magna et cruenta cede prostravit ; in quo tamen bello Cuonradus dux, gener regis, cum aliis multis occisus est. Et Henricus dux Bajowariorum, frater regis Ottonis, obiit. Et eodem anno rex Otto periculosissime contra (154) Abotritos confligit, quos filius matertere ejus Egberht contra illum congregavit.

956. Ruodbertus Trevericus archiepiscopus, et Haldamarus abba Fuldensis cœnobii obierunt. Quibus Henricus episcopus et Hatto abba successerunt. In eodem anno Liudolfus, filius regis, perrexit in Italiam, eamque subegit.

(153) Rossthal, in præfectura Cadolzburg circuli Radantensis in Bajoaria. V. Cl. Wedekind Noten I, 24.

(154) H. ita codex i. e. cum abotritis.

(155) ~~Manu~~ 2. hic Liudolf et Liutgardæ conju-

ANNALES QUEDLINBURGENSES.

945.

946. Edith regina, contectalis magni Ottonis regis, amarum mortis poculum degustavit, relictis post se duobus liberis Liudolfo et Liutgarde.

947. Privilegium a papa Agapito Quedlinburgensi congregationique sancti Servatii defertur (155).

948. Synodus ad Eggilenheim congregata est, cui Marinus (156) legatus apostolicus praesedit.

949. Conradus dux Liutgardam, filiam Ottonis regis et Edittæ, sibi in uxorem duxit. Eodem anno venerunt secundo nuncii Græcorum ad regem Ottonem cum muneribus.

950. Bellum magnum factum est inter Bavaros et Ungaros.

951. Otto rex perrexit in Italiam, et cum eo ejus filius Liudolfus pius et Conradus audacissimus, gener ipsius regis, atque Fridericus archiepiscopus Moguntiacensis ecclesiae cæterorumque innumeralis multitudo ex omni regno suo. Ibi Otto rex invictissimus Otto Adalheidam reginam, vultu decoram, consilio providam, et universa morum honestate valde præclaram, et regali avorum atavorumque prosapia ortam, conjuge illustrissimo, Lothario scilicet rege, jam tunc viduatam, nubiali sibi vinculo sociandam adquisivit ; cujus etiam consilio regnum Longobardiæ, quod illi hæreditario jure cesserat, cum Beringero tyranno ditioni suæ subjugatur. Eodem anno Henricus, filius Henrici ducis, natus est.

952.

953. Satis acerba et nimis crudelis dissensio exorta est inter Liudolfum, filium regis, et patrum ejus Heinricum, ipso rege partes fratris sui juvante ; mansitque per duos annos in incendiis, caedibus et depopulationibus, multique non solum de populo, sed etiam de optimatibus occubuerunt. Hoc etiam anno Moguntia obsessa est, et castellum quod Rosodal nominatur ; factumque est magnum bellum in illo loco.

954. Fridericus archiepiscopus Moguntiacensis ecclesiae obiit, vir summæ abstinentiæ, in religione sancta et doctrina probatus ; et Wilhelmus, filius regis, successit in locum suum. Obiit Liutgard, regia proles.

955. Otto rex Ungaros cum magno periculo sui suorumque magna et cruenta cede prostravit ; in quo tamen bello Conradus dux cum aliis multis occisus est. Et Henricus dux Bajowariorum, frater regis Ottonis, obiit. Cono dux fortis, mortem gustavit ab Ungariis. Sed et rex Otto periculosissime contra Abodritos confligit, quos filius matertere ejus Egbertus contra illum congregavit. Mechtild, gemma prælucida (157) e medio coronæ imperialis, decori suis et gaudio cunctis nascendo enituit. Otwinus episcopus ordinatur.

956. Liudolfus, filius regis, perrexit (158) Italiam, eamque subegi imperio suo.

gia, anno 949. Mathildæ nativitas ex Cont. Regionis adscripta sunt.

(156) Ita correxi Maximus 4.

(157) Q. ita 2. perlucida I.

(158) Ita emendavi ; respexit I.

ANNALES WEISSEBURGENSES.

945.

946 (947). Etheid regina obiit, cui Adelheid successit.

947.

948. Sinodus ad Ingileheim congregata, cui Marinus legatus apostolicus præsedet.

949. Iterum nuntii Grecorum ad regem Ottonem cum præciosissimis muneribus venerunt in memoria omnium sanctorum ; et Otto rex dedit filiam suam Conrado duci.

950. *Reginbold episcopus* (159) obiit. *Godefrid.* successit.

951. Otto rex perrexit in Italiam, et acquisivit Adelheidam reginam ; et Berengerum regem subdidit sibi.

952.

353. Satis acerba et nimis crudelis dissensio exorta est inter Liutolfum, regis filium, et Heinricum patrum suum. Eodem anno obsessa est Mogontia et Rossad.

954. Fridericus archiepiscopus obiit et Willihelmus successit.

955. Otto rex Ungarios cum magno periculo sui suorumque magna cede prostravit juxta fluvium Lech in nativitate sancti Laurentii ; in quo etiam bello dux Cuonradus cum aliis occisus est.

956. Liutolfus in Italiam perrexit, eamque sibi subegit.

(159) *Spirensis.*
(160) *deest 4, 5.*

LAMBERTI ANNALES.

945. Nuntii Græcorum ad regem Ottonem venerunt cum magnis muneribus in vigilia omnium sanctorum.

946 (947). Etheit regina obiit ; cui Adelheit successit.

947.

948. Synodus ad Ingelemheim congregata est, cui Marinus legatus apostolicus præsedet.

949. Iterum nuntii Græcorum ad regem Ottonem preciosissimis muneribus venerunt (160) in memoria omnium sanctorum ; et Otto rex dedit filiam Cuonrado duci.

950. Factum est magnum proelium inter Bajoarios et Ungarios.

951. Otto rex perrexit in Italiam, et acquisivit Adelheidam reginam ; et Berngerum regem subdidit sibi.

952.

953. Nimis crudelis dissensio exorta est inter Liudolfum, regis filium, et Heinricum patrum suum. Eodem anno obsessa Mogontia et Rossadal castellum, factaque est in illo loco magna pugna.

954. Fridericus archiepiscopus Mogontiacensis obiit, cui Wilhelmus, filius regis, successit.

955. Otto rex Ungarios cum magno periculo sui suorumque magna cæde prostravit in Lechfelt in natali sancti Laurentii ; in quo etiam bello dux Cuonradus cum aliis multis occisus est. Heinricus quoque, dux Bajoariorum, obiit.

956. Ruodbertus archiepiscopus Treverensis obiit cui Heinricus successit ; et Hadamarus Fuldensis abbas obiit, cui Hatto successit. Eodem anno Liudolfus in Italiam perrexit, eamque sibi subegit. Et (161) *Meringos Herveldensis abbas* obiit, cui Hagano successit.

(161) *Et successit desunt 4.*

ANNALES HILDESHEIMENSES.

957. Liudulfus in Italia mortuus est; et inde ad Mogontiam transportatus, et ad sanctum Albanum est sepultus.

958. Signum crucis in vestimentis hominum apparuit, illis qui derisui illud habebant, mortem inferens; illis autem qui pie et religiose illud venerabant, nihil mali intulit.

959. Hagono abba reliquit dominium sui honoris.

960. Venerunt legati Ruscis gentis ad regem Ottonem, et deprecati sunt eum ut aliquem suorum episcoporum transmitteret, qui eis ostenderet viam veritatis; et professi sunt se velle recedere paganico ritu, et accipere religionem christianitatis. Et ille consensit deprecationi eorum, et transmisit Adalbertum episcopum fide catholicum; illicque per omnia mentiti sunt, sicut postea eventus rei probavit.

961. Isto anno venerunt nuncii ad regem Ottonem, et vocaverunt eum Romam in adiutorium Johannis papæ, ut mitigaret severitatem Adalberti regis, quam exercuit super monarchiam.

962 (961). Illicque apostolicus gratanter eum suscepit, et honorifice collocavit super cathedram augustalis principatus, auxitque super eum augustalem benedictionem, ut imperator augustus vocaretur et esset (962.) Guntheri abba obiit; cui successit Egilolfus.

963. Hoc anno magnum sinodale concilium factum est Roma in ecclesia sancti Petri; ibique præsidebat Otto imperator augustus, cum magna multitudine episcoporum, abbatum, monachorum, ac (162) clericorum. Illicque Benedictus papa ab apostolica sede dejectus est, eo quod injuste vindicavit sublimitatem Romani imperii, et Adaldago archiepiscopo commissus, in Saxoniamque deductus, illicque vitam finivit. Et in ipso anno seiva mortalitas invasit exercitum imperatoris, et in ea Henricus, archiepiscopus Trevericæ civitatis, et dux Godefridus vitam perdiderunt, ceterique non pauci.

964. Isto anno Berengarius rex Langobardorum obsessus in monte sancti Leonis, ibique captus et cum vi deductus una cum regina ejus cohabitatrice Willa in Bajoariam ad castellum Bavenberg, ibique novissimum diem præsentis vitæ dimisit (163).

965. Otto imperator de Langobardia venit ad Franconofort, et illum annum integrum in regno Saxonum manebat, interimque omnes suos adnavit ad pacem et ad concordiam. Et Brun archiepiscopus Agrippinæ civitatis, frater imperatoris, vitam cum pace finivit.

966. Iterum tercia vice abiit Otto imperator ad Italiam, et inde adiens limina sancti Petri, ibique Deo et sancto Petro supplicando, gratiarum actiones referens, eo quod cuncta erga eum prospero cursu egebantur.

967. Hoc anno transmisit imperator legatos suos ad Willihelmum archiepiscopum, et ad alios principes ejus, ut Ottonem, filium suum æquivocumque ejus, cum omni regali dignitate proveherent ad

ANNALES QUEDLINBURGENSES.

957. Liudolfus, filius Ottonis regis, in Italia mortuus est, et inde ad Moguntiam transportatus, ad sanctum Albanum sepultus est.

958. Signum crucis in vestimentis hominum apparuit, illis qui derisui illud habebant, mortem inferens; illis qui pie et religiose illud venerabantur, nihil mali intulit.

959.

960. Venerunt legati Ruscis gentis ad regem Ottonem, et deprecati sunt eum ut aliquem suorum episcoporum transmitteret, qui eis ostenderet viam veritatis; et professi sunt se velle recedere a paganismo, et accipere nomen et religionem christianitatis. Et ille consensit deprecationi eorum, et transmisit Adalbertum episcopum fide catholicum. Illique per omnia mentiti sunt, sicut postea rei probavit eventus; quia nec ille prædictus episcopus evasit lethale periculum ab insidiis eorum.

961. Venerunt nuncii Johannis papæ, vocantes illum Romam.

962.

963.

964.

965.

966.

967.

ANNALES WEISSEBURGENSES

957. Liutolfus in Italia est mortuus, et inde ad Mogontiam portatus, et ad sanctum Albanum sepultus.

958. Signum crucis in vestimentis apparuit.

959. Patriarcha de Aquileia venit in Herisfelt.

960.

961. Venerunt legati domni apostolici ad regem Ottonem, et rogaverunt eum Romam pergere in adiutorium Johannis papæ.

962.

963.

964. Berengerus rex obsessus est in monte sancti Leonis, ibique captus et in Babenberg deductus.

965. Otto imperator de Italia revertendo venit ad Franconofurt.

966. Otto imperator tertia vice ad Italiam pergendo Romam pervenit.

967.

(164) primum 4.
(165) *deest.* 4. 5.

LAMBERTI ANNALES.

957. Liudolfus in Italia est mortuus, et inde ad Mogontiam portatus, et ad sanctum Albanum sepultus.

958. Signum crucis in vestimentis apparuit.

959. Hagano, abbas Herveldensis, potestatem suam reliquit ob infirmitatem corporis sui; eoque vivente, Guntherus electus est in locum ejus.

960. Venerunt legati Ruscie gentis ad regem Ottonem (164), deprecantes, ut aliquem suorum episcoporum transmitteret, qui ostenderet eis viam veritatis. Qui consensit deprecationi eorum, mittens Adelbertum episcopum fide catholicum, qui etiam vix evasit manus eorum.

961. Venerunt legati domni apostolici ad regem Ottonem, vocantes eum Romam, in adiutorium Johannis papæ. Filius ejus Otto secundus in regem ungitur Aquisgrani.

962. Otto rex perrexit Romam, eumque Johannes papa (165) gratanter suscipiens, honorifice supra cathedram augustalem posuit, et benedictione atque consecratione sua imperatorem fecit. Guntherus Herveldensis (166) abbas obiit: cui Egilolf successit.

963. Magna synodus facta est Romæ, cui Otto imperator præsidebat, cum multitudine magna episcoporum, abbatum, sacerdotum, clericorum ac monachorum; ibique dejectus est Benedictus a sede apostolica.

964. Berengerus rex obsessus est in monte sancti Leonis, ibique captus atque in Babenberg ductus est cum Willa uxore sua.

965. Otto imperator de Italia venit. Brun archiepiscopus [Coloniensis 4. 5. 6. et *m. rec.* 3.] obiit, cui Folcmarus successit.

966. Otto imperator tertia vice Romam venit.

967. Otto imperator (167) misit legatos suos ad Willihelmum archiepiscopum et alios principes, ut Ottonem filium suum cum omni dignitate regali ad

(166) *deest.* 1.
(167) *L. deest.* 1. 4. 5.

ANNALES HILDESHEIMENSES.

ANNALES QUEDLINBURGENSES.

Italiam. Illicque ipse Otto senior suscepit eum, et secum deduxit Romam : commendavitque illum apostolico Johanni posteriore, ut ab eo augustalem benedictionem recepisset, ut imperator augustus foret appellatus a cunctis, qui eum agnovissent veluti pater ejus.

968 Wilhelmus archiepiscopus migravit a seculo. Egillulfus Herveldensis abba transmissus est ex parte imperatoris de Italia, ut fratres Fuldenses Wirinharium eligerent ad abbatem. Indeque adiit Mogontiam, ut ille clerus simulque totus populus Hattonem virum venerabilem sibi constituerent in dominum pontificalis honoris. Et eodem anno Adalbertus archiepiscopus constitutus est in Magadaburg. 968.

969. Hatto archiepiscopus obiit ; cui Ruodbertus successit. 969.

970. Egillulfus abba obiit ; cui Gozbertus successit. 970.

971. Hoc anno exustum est palatium in Thornburg. 971.

972. Ottoni imperatori juniore venit imperatrix Romam de Constantinopoli 18. Kal. Mai. octava pasce. Eodem anno idem Otto junior cum seniore venit de Italia. 972.

973. Otto senior imperator cum juniore venit Quidelingaburg, ibique celebraverunt pascha 10. Kal. Aprilis, et illuc venerunt ad eos legati Grecorum, Beneventanorum, Ungariorum, Bulgariorum, Danorum, Sclavorum, cum regis muneribus : ac non longe post Otto senior pius imperator Non. Mai. obiit ; cui dominus Otto successit. 973.

Hucusque Annales Herolfes

974. Henricus dux Bajowariorum est captus, et ad Engilenheim missus. 974.

975. Hibernus fuit longus, durus, et sicous, et Id. Mai. magna nix cecidit ; ac in eodem anno Ruodbertus archiepiscopus obiit, cui Willigis successit. 975.

976. Henricus dux Bajowariorum, sua potestate depositus, et excommunicatus, degit cum Sclavis. 976.

977. Idem Henricus cum consilio minoris Henrici Pataviam civitatem invasit, ibique ab imperatore obsessus, et coactus sese subdidit imperatori. 977.

978. Henricus quondam dux cum Henrico minore 978.

ANNALES WISSEMBURGENSES.

LAMBERTI ANNALES.

968. Willihelmus archiepiscopus obiit, cui Hatto successit.

969. Hatto archiepiscopus obiit; cui Ruotbertus successit.

970. *Otgerus episcopus (168) obiit. Baldericus episcopus ordinatur.*

971. Exustum et famosum templum in Thornburg.

972. Domno Ottoni juniore imperatori missa et filia imperatoris de Grecia.

973.

feldenses pertinuisse videntur.

974. Domnus Otto junior imperator perrexit ad castellum quod dicitur Bossuth (169), et concremavit illud, atque custodes apprehendit secumque adduxit.

975. Domnus Otto imperator habuit magnum conventum in Wehmare. Eodem anno imperator Beheimos vastavit et concremavit, et revertendo venit in Heristalt.

976.

977. Domnus Otto imperator cum magno exercitu perrexit ad Beheim, et maximam partem terræ illius concremavit.

978.

(168) Spirensis.

(169) Bossut, prope S. Ghislain, ab oriente Condati, haud procul a Caprimonte.

(170) *deest.* 1.

(171) *deest.* 4.

(172) *deest.* 4. 5.

Italiam mitterent. Quem ipse suspiciens, Romam perduxit, ut papa Johannes posterior imperatorem faceret; quod et libentur fecit.

968. Willelmus archiepiscopus [Mongontiacensis 4. 5. 6.] obiit, cui Hatto [abbas Fuldensis 2. 3. 6.] successit. Abbatiam vero suscepit Wernherus.

969. Hatto archiepiscopus Mogontiacensis (170) obiit; cui Rutbertus successit.

970. Egilolfus Herveldensis abbas obiit; cui Gozberdus successit.

971. Exustum est famosum templum in Dornburg.

972. Ottoni juniore imperatori missa (171) est (172) Theophanu ab imperatore de Græcia. Eodem anno Otto (173) senior imperator cum juniore Ottone de Italia perrexit in Franciam.

973. Otto imperator senior cum juniore venit Quidelinburg, ibique celebravit sanctum pascha, 10 Kalendas Aprilis. Illucque venerunt legati plurimarum gentium, id est Romanorum, Græcorum, Beneventorum, Italicorum, Ungariorum, Danorum, Sclavorum, Bulgariorum, atque Ruscorum, cum magnis muneribus. Eodem anno Otto imperator senior obiit in Mimelieba Nonis Maii; cui filius ejus (174) secundus Otto successit. [Sanctus Oudalricus episcopus obiit 3. 5.]

974. Henricus, dux Bajoariorum, et Abraham episcopus cum Bolisclaione et Misichone inierunt contra imperatorem pravum consilium. At imperator tali nefando comperto consilio, congregavit omnes principes suos, et quid inter faceret, consilium petiit. Qui dederunt ei consilium ut mitteret ad ducem Henricum et Bopponem episcopum (175) et Gebehardum comitem, eosque ad placitum invitaret per edictum. Quid sine dilatione, Deo donante, dedit se in potestatem imperatoris. Eodem quoque anno perrexit imperator contra Haraldum in Scleoswig.

975. Otto imperator habuit magnum conventum in Wehmare (176). Eodem anno imperator Beheimos vastavit et concremavit (177).

976. Otto imperator perrexit ad Bajoariam, atque Henricum ducem expulit, Ottonique duci Bajoariam commendavit.

977. Imperator cum magno exercitu perrexit ad Beheimos, et maximam partem terræ illius incendio concremavit. Ipse quoque Henricus cum altero Henrico invaserant Bazowam (178). Quod imperator ut audivit, festinato exercitum illo movit, urbemque obsedit, ei Henricum ducem ad suam gratiam recepit, atque in Franciam perrexit.

978. Ad imperatorem Ottonem venit in pascha

(173) *deest.* 1. 5.

(174) *deest.* 2. 6.

(175) Wirzburgensem.

(176) Weimar.

(177) et c. *desunt* 4.

(178) Passau.

ANNALES HILDESHEIMENSES.

ANNALES QUEDLINBURGENSES.

et Ekbertus comes jussu imperatoris comprehensus sunt et exilio deputati. Eodem anno imperator cum magno exercitu Galliam invasit ac devastavit.

979. Infidelitas Geronis comitis per Waldonem publicata est : unde et ipsi extra civitatem Magadaburg in campo juxta Albiam dimicantes, ab invicem interfecti sunt ; et ad ultimum infidelitatis reus Gero comes decollatus est. 979.

980. Lotharius rex cum magnis muneribus ad imperatorem veniens, sese cum filio suo subicit voluntati imperatoris ; et eodem anno firmata pace imperator Italiam penetravit. 980.

981. Imperator pascha celebravit Rome. 981.

982. Otto imperator pugnavit periculosissime contra Sarracenos in Calabrorum partibus, ibique non pauci de optimatibus occubuerunt. Et in ipso anno Otto, dux Bajowariorum, obiit. 982.

983. Imperator Verone placitum habuit, ibique Henricus minor de exilio ductus, dux Bajowariorum constitus est. Et eodem anno Sclavi rebelles effecti sunt. Ac non longe post 8. Id. Decembris Otto benignissimus imperator obiit, filio et equivoeco ejus regna relinquens. 983.

984. Filiolus imperatoris, tertius videlicet Otto, per unctionem Johannis, Ravennatis archiepiscopi, Aquisgrani in die natalis Domini unctus est in regem. Sed postea, comperta nece imperatoris, Henricus quondam dux de exilio regressus, cum sibi faventibus Agrippinam civitatem intravit, ac regem retinuit ; regnumque ejus invadendo plurimos sibi de Saxonibus associavit, qui eum in proximo pascha Quidelingaburg ad regem elegerunt. Unde quidam de optimatibus huic electioni non consentientes, sed regis vicem magis dolentes, e contra haud modicum decertaverunt, et regem in regnum suum restituerunt, et Henricum ducem Bajowariorem denuo effecerunt. Et eodem anno laudandae memoriae Otwinus (179) pius presul vitam finivit.

984. Filiolus imperatoris, tertius videlicet Otto, per unctionem Johannis, Ravennatis archiepiscopi, Aquisgrani in die natalis Domini unctus est in regem. Sed postea, comperta morte imperatoris, Henricus quondam dux de exilio regressus, cum sibi faventibus Agrippinam civitatem intravit ; simulans se primo ob jus propinquitatis partibus regis infantis fidelissime patrocinaturum, regem tenuit ; dein accrescentis avaritiae stimulis agitatus, quorundam etiam persuasione male illectus, regnum tyrannice invasit, atque in id elationis usque prorupit, ut et rex dici et in regem benedicti appeteret. Sed rex diei a paucis obtinuit ; in regem vero benedicti, prohibente Deo, prohibente fidelium sibi non consentientium, sed regi electo et uncto jure faventium decertatione non meruit (180). Missis interim pro-

batis ad regis aviam in Longobardiam, scilicet ad imperatricem augustam Adelheidam, legatis, hi qui partes regis adjutori jurisjurandi vinculo id hoc firmiter perduraturos sese constrinxerant, hanc perturbationem ordine intumescens, si quid de regno ac nepote curaret, adventus sui et consilii ope suis ut cito (181) succurreret, obnixius rogaverat. Illa vero, conciliato primitus sibi divino subsidio, accelerato admodum itinere, cum nuru sua imperatrice Theophanu, matre regis, nec non illustri abbatisa Machtilde filia sua, amita ejusdem regis infantis, comitantibus fratre suo rege Burgundiae Conrado, et duce Francorum ejus equivoeco, cum totius Italiae, Galliae, Sueviae, Franciae, Lotharingiae primis ; occursum quoque Saxonum, Thuringorum, Sclavorum, cum universis optimatibus ; qui unitis animo-

(179) Hildemensis glossa manu sacrae.

(180) M. quamvis regem apud se teneret. *Chro-*

nog. Saxo.

(181) Ita emendavi ; cibo 1.

ANNALES WEISSEBURGENSES.

LAMBERTI ANNALES.

muneribus ab imperatore (182) oneratus, rediit domum. Aderat et Heinricus cum altero Heinrico, qui comprehensi in exilium missi sunt. Eodem anno Liutheri rex cum electo numero militum repente invasit Aquisgrani palatium, seditque ibi tribus diebus. At Otto imperator festinato cum exercitu insecutus est Liutharium usque in Sigonem (183) fluvium et usque ad sancti Dionisii cenobium; eumque non apprehendit, quia fugiendo evasit.

979.

979. Gero comes a Waldone quodam accusatus, dum eum in singulari certamine occidisset, ipse tamen ab imperatore decollatus est.

980. Dominus Otto imperator perrexit ad Italam.

980. Otto imperator perrexit in Italiam, et Gozbertus abbas ecclesiam construxit in Ordorf.

981. Adelbertus archiepiscopus Magadaburgensis et abba Wicenburgensis obiit, cui Sandraldus successit.

981. Adelbertus Magadaburgensis archiepiscopus obiit, cui Hisillarius successit. Imperator natalem Domini Romæ celebravit.

982. Destructus est episcopatus in Mersiburg; et mire magnitudinis edificium cecidit in Magadaburg.

982. Destructus est episcopatus in Mersiburg; miræque magnitudinis edificium cecidit in Magadaburg. Eodem anno Otto imperator valde periculosum habuit prelium cum Sarracenis in Calalose.

bria in quo prælio occisus est Heinricus, Augustensis ecclesiæ episcopus, cum aliis plurimis episcopis. In quo etiam prælio Idus Julii occisi sunt milites fortissimi, id est Udo, Gebehardus, Guntherus, Bertholdus, cum aliis multis, et Otto dux atque Wernher abbas Fuldensis. Ipse imperator vita comite (185) vix evasit.

983. Branthoh abbas Fuldensis constituitur; et piæ memoriæ Otto imperator secundus obiit (184).

983. Otto secundus imperator Romam post male gestas res regressus [6 Idus Decembris *cod.* 3] obiit, ibidemque sepultus est. Heinricus dux Bajoriæ regnum invasit; sed a principibus est reprobatus.

984. Dominus Otto puer iterum rex constitutus est, qui domnum Bertharium abbatem fecit fratrum Hersfeldensium.

984. Filius imperatoris, tertius Otto, Patri successit in regnum, unctus in regem Aquisgrani a Johanne Ravennati episcopo.

(182) A. i. *desunt* 1.
(183) Seine.

(184) W. Ita *supplevi*; O. i. s. o. *desunt* 2i c.
(185) V. c. *desunt* 1.

ANNADES QUEDLINBURGENSES.

rum nisibus aut pro rege fideliter morituri, aut, quod Dei gratia factum est, victuri (186), Roza (187) convenere. Habitoque inibi consilio maximo, mirandum memorandumque posteris signum, stella videlicet perlucida in ipso partium conflictu, medio cœli axe, media ultra morem die, quasi divinum regi capto præbitura juvamen, cunctis qui aderant cernentibus stupentibusque radiavit. Qua visa, perterrita moxque cedente parte injusta, Heinricus præfatus, usurpato nomine et regno jure privatus, regem avia, matri et amitiæ præsentare cogitur; interventuque regis Conradi soceri sui ac principum qualicumque gratia donatus, in patriam mœstus abcessit. Accepto itaque pignore unico, prædictæ imperiales dominæ Saxoniam adierunt: ac primo sæpe jam dictam Quedelingensis montium vertice eminentem usque civitatem una pervenientes, dulcisona laudum melodia, cleri scilicet ac populi Christoque inibi famulantium virginum (188) occurso gemino, gaudiorum affectu et pro optato (189) spiritalis matris adventu et pro triumphali regis eventu pie gratulantium, officiosissime susceptæ, quod reliquum erat viæ (190) summo cum honore transiere.

(*Hucusque Annalium Herolfesfeldensium continuatio pertinuisse videtur.*)

ANNALES HILDESHEIMENSES.

985. *Oscanus*. vir summæ caritatis ac castitatis. in sancta religione probatus. cum magno consensu cleri ac plebis ad pontificalem honorem promotus est. Et eodem anno Saxones Sclaviam invaserunt, quibus ad supplementum Misaco cum magno exercitu venit; qui totam terram illam incendiis et cædibus multis devastaverunt.

ANNALES QUEDLINBURGENSES

985. Saxones Sclaviam invaserunt, quibus ad supplementum Misacho cum magno exercitu venit; qui totam terram illam incendiis et cædibus devastaverunt. Interim memoratus ille Henricus, divino instinctu ad se reversus, quid egerit, in quantum se plus æquo et honesto extulerit, et ex quanto deciderit, anxie secum non semel pertractans, juxta evangelicam veritatis vocem

LAMBERTI ANNALES.

985. Gozberdus [Hirsfeldensem 5. 6.] abbatiam reddidit, cui Bernharius successit.

sua se exaltatione humiliatum conspiciens, dedecoris conscientia pungitur, culpæ poenitentia cruciatur. Veniente in Frankanafurd rege infante tertio Othone, ibidem et ipse adveniens humiliavit se juste, quo poenam evaderet elationis injustæ, regique puerulo, quem orbatum captivaverat, cujus regnum tyrannice invaserat, præsentibus dominis imperialibus, quas regni cura penes, avia, matre et amita regis ejusdem infantis, humilis habitu, humilis et actu, totius in aspectu populi, ambabus in unum complicatis manibus, militem se et vera ulterius fide militaturum tradere non erubuit, nil paciscendo nisi vitam, nil orando nisi gratiam. At dominæ, quarum, ut diximus, cura regnum regisque regebatur infantia, tanti viri summissa deditioe admodum gratulabundæ, — quia priorum moris est non solum mala pro bonis (191) non reddere, sed etiam pro malis bona rependere, — digno eum honore susceptum, gratia fideli donatum, ductoria itidem dignitate sublimatum, deinde non tantum inter amicos, sed etiam inter amicissimos, uti jus propinquitatis exigebat, debito dilectionis venerantur affectu. Thidericus et Ricdach marchiones præclari obierunt.

986. Otto rex adhuc puerulus cum magno exercitu Saxonum venit in Sclaviam, ibique venit ad eum Misaco cum multitudine nimia, obtulitque ei unum camelum et alia xenia multa, et se ipsum etiam subdidit potestati illius. Qui simul pergentes, devastaverunt totam terram illam incendiis et depopulationibus multis.

986. Otto rex adhuc puerulus cum magno exercitu Saxonum perrexit in Sclaviam, ibique ad eum venit Misacho cum multitudine nimia, obtulitque ei unum camelum et alia xenia multa, se ipsum etiam subdidit potestati illius. Qui simul progredientes, devastaverunt totam terram illam incendiis et depopulationibus multis.

986. Otto rex puer Bohemios vastavit, sed Misichonem cum muneribus obviam suscepit.

(186) est fortiter victuri, sine mora convenere. Habito deinde c. Chr. S.

(187) Rara Thietmar.

(188) Vox excidit in codice.

(189) Gaudioque affectu et peroptato.

(190) Ita correxi: vitæ 1.

(191) Malis Chr. Sazo.

Eodem anno monasterium in monte

occidentali Quedelingensi in honore sanctæ Dei genitricis Mariæ, ob monimentum unici et dilecti germani fratris sui, sub religione regulæ sancti Benedicti a Mechtilde, imperiali gemma et filia, studiosissime constructum est. Ida quoque regalis domina, con-
tactalis Liudolfi, filii magni Ottonis imperatoris, obiit.

987. Iterum Saxones Sclaviam vastant, unde illi compulsi, regis ditioni se subdunt, et castella juxta Albiam restaurantur. Aquæ quoque exundabant; nihilominus et ventus plura ædificia stravit.

988. Æstatis fervor nimius ac repentinus Id. Julii usque Id. Augusti immanissime exardescens, fruges absumpsit. Rex in Englenheim Pascha celebravit.

989. Theophanu imperatrix, mater regis, Romam perrexit, ibique natalem Domini celebravit, et omnem regionem regi subdidit. Et eodem anno Osdagus episcopus obiit.

990. Gerdagus ordinatur episcopus 14 Kal. Februar. Hoc anno Saxones Abotritos bis grandi irruptione vastabant. Multi quoque illorum et penitus nominatissimi interempti sunt, alii in flumine necati. Saxones Dei gratia cum pace et victoria redierunt. Misacho et Bolizlawo, duces Sclavorum, gravibus inimicitiiis inter se conflixerant. Et eodem anno eclipsis solis fiebat, quo non modica subsequebatur mortalitas hominum atque jumentorum 12 Kalend. Novembris

991. Theophanu imperatrix obiit. Ignisque de Hreno ascendens villas prope positas combussit. Piratæ etiam Staverun (196) depredando vastaverunt, aliaque in litore loca perdidērunt. Otto rex cum magno exercitu Saxonum ac supplemento Misacon Brennanburg obsedit et vicit. Illo autem inde digrediente, Saxonius quidam Kizo eandem Urbem Liutizorum auxilio audacter satis contra regis imperium invasit, atque prædiotorum Sclavorum pertinatia adversum jus fasque omne injuste ditioni suæ subegit; crebras latrociniarum irruptiones in Saxonia juxta Albiam flumen molitus est, a quibus Dei gratia non victor, sed veluti fugitivus predo, latitando aufugit

987. Saxones Sclaviam iterum invaserunt, et ad ultimum ipsi Sclavi regis ditioni subduntur, et castella juxta Albiam flumen denuo restaurata sunt. Et in proxima hyeme aquæ nimium inundaverunt, et ventus ingens multa ædificia stravit.

988. Æstatis fervor immanis pene cunctos fructus consumpsit. Mox grandis mortalitas hominum subsequuta est.

989. Cometæ apparuerunt, quas pestilentia subsequuta est grandis hominum et jumentorum, et maxime boum. Osdag quoque episcopus moritur, cui Gerdagus successit.

990. Eclipsis solis facta est 12 Kalend. Novemb. hora quinta diei.

991. Theophanu imperatrix cum filio suo imperatore tertio Ottone paschale festum imperiali gloria apud Quedelingensem peregit civitatem; ubi etiam marchio Tuscanorum Hugo et dux Sclavonicus Misico cum cæteris Europæ primis ibidem confluentibus affuere, ad obsequium imperatorii honoris, quæ quilibet pretiosissima possederat, pro xeniis deferendo; e quibus Misico aliique quam plurimi honorifice donati in patriam redierunt. Hugo vero cum eadem imperatrice filioque suo, quocumque regni vel imperando vel regendo proficiscuntur, famulando prosequitur, usque dum Niumagon perventum est. Ibi ergo, dum quadam quasi compede totum sua ditione colligasset imperium, Theophanu (197) imperatrix consummato in bonis vitæ suæ cursu, proh dolor! quod est miserabile dictu, immatura dissolvitur morte 17 Kal. Julii; indeque lugubri imperatoris, filii scilicet sui, cæterorumque suorum fidelium comitatu evecta ad urbem defertur Agrippinam, inque ecclesia sancti Pantaleonis martyris, ut ipsa decreverat, stipante episcoporum, monachorum virginumque cœtu,

987. Iterum rex Bohemiam intravit, et eam ad deditionem coegit.

988. Æstatis fervor nimius. Rupertus (192-95) archiepiscopus Mogontiacensis obiit: cui Willigis successit.

989. Theophanu imperatrix Romam perrexit, omnemque illam regionem regi subdidit?

990.

(192-95) *Rupertus* — successit ex Ann. Hildesh., a 975.

(196) In Frisia,

(197) Th. usque suæ cursu desunt 1. Leibnitiis ea ex Chr. Sax. supplevit.

ANN. HILDESHEIMENSES.

ANN. QUEDLINB.

LAMBERTI ANNALES.

astante etiam omni clero ac populo, ultimo flebiliter tumulatur honore, Eodem anno Ercanbaldus (198), Biligrimus episcopi, Frithuricus archiepiscopus Saltzburgensis obierunt. Et Emnild filia Brunonis. Manogold quoque, non infimus Sueviæ matris filius, Saxonæ obiit, ac propter fidele servitium imperatrici Adelheidæ per se (199) exhibitum, ipsa comitante Quedelingensem advehitur civitatem, ibique honorifice sepelitur.

992. Otto rex cum valida suorum manu iterum Brennanburg adiit, venitque ad eum Henricus dux Harjariorum, et Bolizlao Boemanorum princeps, cum ingenti multitudine in auxilium regi. Bolizlao vero, Mizachonis filius, per seipsum ad dominum regem venire nequaquam valens — imminebat quippe illi grande contra Ruscianos bellum — suos sibi (200) satis fideliter milites in ministerium regis direxerat. Verum dominus rex, bonis Sclavorum promissionibus confidens, suisque principibus resistere nolens, pacem illis iterum concessit, et inde in patriam remeavit. Sed illi more solito mentiti sunt per omnia. Eodem anno Gerdagus episcopus Rome limina sancti Petri orationis causa adiit; indeque revertens Cumis obiit 7 Id. Decembris. Qui sedit in episcopatu annos duos, menses 2, dies 14. *Misaco* (201) obiit, *successitque ei filius illius Bolizlavo*.

992. Gloriosissima et famosissima dedicatio sanctæ Halverstadensis ecclesiæ facta est 17. Calend. Novemb. a venerabili suo provisoro Hildewardo episcopo, anno suæ ordinationis 24, quam secum in typo apostolicæ dignitatis duodenario numero 11 episcopi consecraverunt, videlicet Willigisus archiepiscopus Moguntinus, Gsilharius Magdeburgensis archiepiscopus, Lievitzo Hamburgensis archiepiscopus, Liudolfus Augustanus episcopus, Hildeboldus Wormatiensis episcopus, Retharius Padarburnensis episcopus (202), Erp Fardunensis episcopus, Ursus Paduanus episcopus, Hug Citizensis episcopus, Raginbratus Mikilanburgensis episcopus, Ad hæc Agio Capuanus archiepiscopus, Reinwardus Tridentinus episcopus, Manso Cassinus abbas, Thiatmarus abbas Corbejus, Luzo (203) Lunaburgensis abbas, Othradus abbas Mersburgensis, Lantbrecht Longhelus (204) abbas, præsentate rege sereno tertio Ottone, suaque avia Adelheide augusta præclara, et filia sua gemma regie stirpis prælucida (205) Machtilda (206), et nepte sua Hadwi veneranda abbatissa (207), duce quoque Bernhardo, et Leidulfo comite Capuano, et præfectis atque proceribus plurimis, set innumera atque inæquiparabili multitudine cleri ac populi in laudem Dei conclamantibus, dedicantes præfatam ecclesiam orando juverunt.

992. Otto rex Brandenburg obse- dit. Gerdah Hildesheimensis episcopus obiit (208); donus Bernwardus regius cancellarius, in divinis et humanis rebus sollertissimus, successit, 18 (209) Kalend. Februar. ordinatus (210).

12. Calend. Novembris totum cælum ter in nocte visum est rubrum fuisse. Hoc eodem anno Gerdagus Hildesheimensis episcopus orationis causa Romam perrexit, et inde, reversus, in Longobardia obivit et presbyter suus Suideboldus, et diaconus suus Bodo, ejusque frater Hroprecht et camerarius suus. Successit autem sibi Berwardus episcopus.

993. Bernwardus, regius capellanus, sanctæ Hildineshemensi æcclesiæ ordinatur episcopus 18. Kal. Febr. Kiso, qui antea rebellis extiterat et refuga, fidem Sclavis jampridem promissam evacuans, seipsum cum suis et cum predicta urbe Brennanburg regis ditioni subdidit. Rex vero sanctum diem paschæ in Engilensheim celebravit

993 In nocte natalis sancti Stephani protomartyris id est 7. Calend. Januarii, inauditum seculis miraculum vidimus, videlicet circa primum gallicantium tantam lucem subito ex aquilone effulsisse, ut pluri mi dicerent diem oriri. Stetit autem unam plenam horam; postea, rubente aliquatulum cælo, in solitum conversum est colorem. Dodo episcopus (211) obiit, cui Suigerus vir illustris, sanctæ Halverstadensis ecclesiæ cænobita, successit. Egbertus Tre- virensis archiepiscopus obiit.

(198) E. Strazburgensis *Annalista Saxo*.
 (199) *Persepe Chr. Saxo*.
 (200) H. *vox jam erasa*; i. e. *Ottoni*.
 (201) M. o. s. ei. f. i. B. *manu 2, coæva*.
 (202) Hildericus Havelburgensis episcopus, Erp etc. *Chr. Halberstadense*; et certe nomen desideratur.
 (203) I. e. Liudericus.
 (204) Longensis *Chr. Halb*.
 (205) Ita corrigo ex *Chron. Halberstadensi*; per-

lucida c.
 (206) Abbatissa Quedlinburgensi.
 (207) Gernrodensi; ex *Chron. Halberstadensi*.
 (208) O. cui bernnuart successit 2.
 (209) Ita correxi; VIII 1, III 4, XV 5.
 (210) Ordinatus sibi Henrici com. Henricus Uto Sigifridus contra piratos pugnat; quorum 1 occisus, 11 sunt capti *addunt* 5, 6. *Hæc desunt in iisdem codicibus a. 994*.
 (211) Mimirgardevurdensis.

ANNALES HILDESHEIMENSES.

celebravit. Et inde a nativitate sancti Joannis baptistæ usque in 5. Id. Novembris pene omnem ætatem et autumnum siccitas nimia et fervor inmanis fuit; ita ut innumerabiles fruges non pervenirent ad temporaneam maturitatem propter solis ardorem; quo non modicum subsequabatur frigus, et magna nix cecidit, magnaque pestis simul et mortalitas hominum atque jumentorum evenit. Et eo anno Saxones tribus vicibus expeditionem paraverunt in Sclavos, et nihil profecerunt; e contra Sclavi crebris (212) latrocinis Saxoniam fatigabant.

ANNALIUM WEISSEMBURGENSESIUM CONTINUATIO. ANNI 985-1147.

985. Otto dux, filius Cuonradi ducis, istud cenobium id est Wicenburg, vi invasit, loca distribuit.

986. *Baldericus episcopus obiit Ruoppertus episcopus ordinatur.*

989. Gisilharius abbas obiit, cui Gerricus successit.

993. Synodus Acquis facta per Dominicum, Romanæ ecclesiæ episcopum (213).

1000. Adelgeid imperatrix obiit.

1001. Gerricus abbaciam reddidit, et Sigebodum elegit.

1002. Otto tertius imperator obiit, cui Heinricus successit. Sigebodo abbas obiit, cui Luithardus successit.

1004. *Waltherus episcopus ordinatur.* Monasterium istud combustum est.

1007. Gerricus pius abbas obiit.

1009. Brun episcopus martyrio coronatur.

1014. Heinricus Romæ appellatus est cesar.

1024. *Cuonradus secundus rex efficitur 6. Idus Sept.*

1025. Heinricus imperator obiit, cui Cuonradus successit.

1026. Domnus Brunicho presbyter et monachus obiit.

1033. Dedicatum est oratorium sancti Petri in Wizenburg a Reginboldo, Spirensi episcopo, et eclipsis facta est in nativitate apostolorum.

1038. Dissentio facta est de adventu Domini per Willihelimum, Argentinensium episcopum.

1039. Cuonradus imperator obiit, cui Heinricus filius successit.

1042. Ungarii regem suum expulerunt.

1043. Gisila imperatrix obiit. Folmarus abbas obiit, cui Arnoldus successit. Heinricus rex Agnetem duxit reginam.

1044. Rex Heinricus cum exercitu Ungaros invasit et prælium committens devicit, regemque eis restituit. In ipso bello fuit ipse, et Gebehardus Radixponensis episcopus, et Brun Wirzeburgensis episcopus, et cæteri multi.

1045. *Brun episcopus obiit (214).*

1047. Heinricus rex conventum magnum Romæ habuit, ibique dejectus papa, et Swidegerus Babenbergensis episcopus in sede apostolica collocatur, a quo rex ipse augustus, Agnes quoque imperatrix sunt appellati.

1048. Swidegerus papa obiit; cui Puppo episcopus Brissanus successit.

1050. Domnus Brun Tullensis episcopus in sedem apostolicam elevatur.

1052. Magna synodus congregata est in Mogontia cui Leo papa et Heinricus imperator præsidebant.

1053. Domnus Brun, qui et Leo papa, cum magna manu Francorum atque Latinorum pugnavit contra Nortmannos; set heu proh dolor! pene sui omnes deciderunt pugnando, et ipse vix urbium monitione (214*) salvatus.

1054. Domnus Leo papa nonus obiit in Christo. Sigebodo Spirensis episcopus obiit.

1055. Conjunctio Welpi ducis Karendinorum contra imperatorem.

1056. Domnus papa Gebehardus, qui et Victor, Goslaria, venit, ibique Heinricus Romanorum imperator augustus tertius obiit; cui Henricus filius ejus successit.

1058. Heinricus comes Palatinus, mentis insaniam captus, tonsuram et monachicum habitum accepit, ac monasterium Gorziæ sub specie religionis intravit; sed eum quem ingressum vites posuit pedem retraxit, seseque in eum quem desepxit mendum male sanus iniecit, insuper et domnam Mathildam, Gozelini ducis filiam, que sibi in matrimonio juncta fuit, heu infelix parricida peremit. Eodem anno Liutholdus archiepiscopus obiit.

1059. Heinricus comes iterum penitentia ductus monasterium ingressus est.

1060. Cuonradus episcopus Spirensis obiit, cui Einhardus successit.

1061. Cuono dux Karendinorum obiit. Agnes velamen testimonii accepit.

1062. Anno Coloniensis episcopus regem Henricum matri subripuit, seseque illi magistrum præfecit. Eodem quoque anno Romam directi sunt papæ duo, Parmensis episcopus et Lucensis, inter quos usque ad sanguinis effusionem certatum est.

1063. Heinricus quartus in tertia feria paschæ gladium cinxit Wormaciæ, Heberhardo archiepiscopo Treverensi benedicente.

1066. Cometa apparuit. Adalbertus Bremensis episcopus, homo nequam, consiliarius Henrici regis inter mala quæ operatus est plura, abbas, præposituras et omne quod de sanctorum domibus

(212) H. c. l. S. f. manu secunda in loco raso. Numerus DCCCCXIV. manu prima; que jam sequuntur diversis manibus scripta sunt.

(213) W. Hæc manu 3.

(214) Manus, comra.

(214*) Id est munitione.

ANNALES WEISSEMBURGENSES A. 967-1147.

abradere potuit, suæ nequitiæ fautoribus per manus regis tradi fecit, insuper duas abbacias Corbeiam et Laurissam sibi vindicavit. Milites autem Laurissamensis abbatis illud egre ferentes (215), ad resistendum edificabant munitiones, ponentes in illis custodias. Similiter episcopus Mogontię Sigifridus, ceterique episcopi, duces et principes, omnesque sectatores justicię consprantes apud Triburiam, hortati sunt regem ut quecumque consilio episcopi acta fuissent irrita faceret, et ab eo cessaret; quod episcopum non latuit; nam nocte nemine persequente aufugit. Sic per gratiam Dei sacer ille locus sancti Nazarii cum ceteris locis equę legis salvatus est. Eodem anno Henricus rex Bertam reginam duxit Ottonis marchionis filiam. Pic recordationis Eberhardus Treverensis archiepiscopus obiit: in cujus locum cum electus esset Cuono, Coloniae præpositus, populi Treverorum indignantes noluerunt eum suscipere, sed magna manu armatorum collecta nocte eum aggressi, omnes sibi resistentes percusserunt, ipsum domnum et regis missum, Spirensem episcopum Enhardum, omnesque optimos et res eorum secum duxerunt, et non post longè Spirensem episcopum et suos libertati dantes, præfatum seniore[m] Cunonen miserabili tormento heu infelices percusserunt. Comes Willihelmus, qui et Basthart, Anglossaxones et regem illorum occidit, regnumque obtinuit.

1067. Ad sepulchrum Cuononis martyris plura Deus misericordię suę sygna cepit operari. Heinrichus Spirensis episcopus obiit, cui Henricus successit. Godefridus Loutariorum dux periclitantem Romam et hostium incursus timentem defendere mittitur.

1068. Aquę inundaverunt. Magna et ante inaudita sterilitas vini et pomi facta est.

1069. Hyemps magna et aspera, et rex Henricus barbaros trans Alpiam flumen constitutos cum exercitu invasit, populum multum occidit, civitates destruxit, fana cum simulachris succendit, captivitatem magnam cum victoria reportavit. Eodem anno Dedi, marchio Saxonicus, levavit manum contra regem, et nichil prævaluit. Adalheid conjux Ruodolfi ducis, quod castitatem non servaverit falso accusata, et marito et honore privata est.

1070. Godefridus Luothariorum dux, vir mirę audacię, in natali Domini obiit. Item Dominus

ANNALIUM QUEDLINBURGENSIUM

991. Liudolfus Trevirensis ecclesię ordinatur episcopus. Erp Fardunensis episcopus obiit, cui Bernhardus successit. Hiems durissima 3. Non. Novembr. exorta, usque 3. Non. Maii stetit, rarissimis intermissa diebus. Deinde pestiferis et frigidis flantibus ventis, noctibus plurimis pro rore hibernum cecidit frigus. Ad ultimum Non. Julii grande est factum gelu, tenta que siccitas fluminum et penuria (215) *Vocem supplēvi.*

A Deus dilecti sui Sebaldi merita per virtutum opera mundo revelavit.

1071. Ruodolfus Suevorum dux conjugem suam, quam per malam famam abjecit, coram Alexandro papa expurgatam iterum recepit. Monachi et familia Stabulensis cenolii patroni sui sancti Remacli auxilio de magnis periculis liberati sunt. Magna sinodus habita est in Mogontia, cui Henricus rex et archiepiscopus, legati vero domni apostolici, et diversarum provinciarum episcopi et abbates præsidebant. Ibi Karlus episcopus Constantinensis ecclesię, nondum tamen ordinatus, quod non per ostium set per symoniacam heresim, id est pecuniam, in ovile intraverit, accusatus et convictus, ab episcopatu ejicitur. Otto Bajuvariorum dux, quasi conjurasset in regem Henricum, hostis judicatus est, et honor ejus ad alios translatus.

1072. Sigifridus Mogontię archiepiscopus, ductus spiritu, Cluniense cenobium ingressus est; qui, reductus a civibus, in voto non permansit.

1073. Henricus rex cum in multis offendisset principes regni ejus, oderant eum, quin immo tota Saxonia quasi vir unus recessit ab eo et rebellavit.

1074. Henricus rex coangustatus nimis, oravit Dominum intente promisitque penitentiam, et regnum ejus confirmatum est. Eodem anno dissipata sunt castella quę rex fecit in officinulum Saxonie. Ipse est rex Henricus, qui excluso episcopo sibi fecit Wormacię.

1075. Henricus rex universam regni sti contraxit militiam, ingentem scilicet exercitum, et juxta Unstrot fluvium bellum intulit Saxonibus; ibi multis milibus utrimque interemptis, rex tandem victor effectus est. Herimannus Babenbergensis episcopus, vir mendax et avaricię deditus, postquam sedit annos 10, sub Gregorio papa digna damnacione depositus est. Iterum rex Henricus cum armato milite Saxoniam ingressus, Saxones quoque pacem petentes suscepit, set sevicia magis quam gratia insecutus est universos.

1076, 1077, 1078, 1079, 1080, 1081, 1082, 1083, 1084, 1085, 1086.

1087. *Bertha imperatrix obiit. Cunradus factus est rex 3. Kal. Junii Aquisgrani.*

1088. 1089. — 1146.

Manu sæculi XII tandem subjecta est ultima nota :

1147. Rex Cunradus crucem suscepit ad expeditionem Iherosolimorum.

GONTINUATIO. ANNI 994-1025.

facta est pluviarum, ut in plerisque stagnis et pisces morerentur, et in terris arbores plurimę penitus arescerent, et fruges perirent et linum. Subsequuta quoque et grandis pestilentia hominum, porcorum, boum et ovium : prata etiam in plerisque locis ita exaruerunt, veluti igne exusta fuissent. Sclavi insuper omnes, exceptis Sorabis, a Saxonibus defecerunt, Liutpold Bajoarici limitis marchio clarus,

in civitate Wirtzburg in hospitio suo per fenestram A Landbertus successit. Hildewardus venerabilis episcopus in Stitterlingheburg (218) civitate cenobium construxit virginum 12. Calend. Augusti.

995. Saxonibus pejor annus priore exoritur. Nam tanta in eos qui vocantur Osterludi (216), pestilentia exarsit, ut eorum non solum domus, sed etiam villæ plurimæ mortuis habitatoribus vacuæ remanerent. Fame insuper magna compressi, tam assiduis Sclavorum incursionibus fatigabantur, ut peccatis suis promerentibus juste de eis illud propheticum dictum videatur : *Mittam super eos tria judicia pessima, pestem, gladium et famem.* Rex quoque tertius Otto cum magno exercitu Apodritos et quasdam Wlotalorum (217) terras invadens, incendiis et deprædationibus plurimis vastavit, licet motum eorum nullo modo compresserit. Reversus denique ab illa expeditione, in Quedelingensi civitate a memorata et semper memoranda amita sua, Mechtilde abbatisa, regalis præconio laudis digne suscipitur. Ibi Adelheid germana illius soror, æquivoca scilicet aviæ suæ imperatricis Adelheide, spretis pro Christi amore regibus prociis et eorum nunciis, promissisque non solum thesauris, sed etiam ultra valentiam aureis montibus et urbibus, sub jugo regulari canonice degendum, astante germano fratre suo imperatore tertio Ottone, totius in aspectu senatus ac plebis, sanctorum Dionysii et Servatii obsequiis sese pro patria dicavit, eademque hora sacri velaminis arrabone Christo, sponso cœlesti, ap antistite ejusdem ecclesiæ Hildewardo, cæteris etiam archiepiscopis et episcopis coram astantibus, consignata est. Hoc etiam anno Bajoariæ regionis dux Henricus secundus immatura morte obiit. Hic enim, mortuo imperatore Ottone secundo, aliena potius quam propria voluntate ad invadendum regnum eatenus illectus est, ut, comprehenso imperatoris filio, ipse rex eligeretur ; sed ante consecrationem pœnitentia abductus, regnum respuit ; et regi humiliter subjectus, Bajoarico honorifice donatus est regno. In quo pro componenda pace ita ultra priores effloruit, ut ab illius incolis regni Henricus pacificus et pater patriæ appellaretur. Quo mortuo, filius suus Henricus, rex futurus, Bajoaricum ducatum, rege Ottone tertio donante, suscepit, Gvehardus Constantiensis ecclesiæ episcopus venerandus obiit, cui

In Halberstadensis territorio ecclesiæ, Hordorpio nomine, natus est infans, nihil corporis habens a posteribus deorsum, nec crura, nec membrum virile aut muliebre, sed tantummodo dimidius homo, habens posteriora quasi avis sine plumis, aurem dextram majorem sinistra, et oculum similiter sinistro majorem ; dentibus vero crocei coloris horribilibus, sinistro brachio absque quatuor digitis solo cum pollice integer, dextro penitus erat brachio privatus ; qui ante baptismum attonitus videns oculis, post baptismum autem (219) oculos nunquam aperiens, quarto suæ nativitatis die infandum moritur monstrum. Commune damnum in pestilentia porcorum et boum omnem Germaniam vexat. Theodoricus comes Palatinus, et frater ejus Sigibertus, Saxones præclari (220) obierunt.

996. Lux clara sanctæ Augustensis ecclesiæ Liudolphus episcopus 8. Calend. Augusti huic mundo subtractus, cœlesti adnumeratur familiæ ; cui Gevehardus (221), inter egregios abbates præcipuus, subordinatur episcopus. Dehinc præcurrente tempore, cum multos a sanctuario Domini divinum raperet judicium, gemma etiam sacerdotum et episcopalis aureum decus dignitatis, venerandæ Halberstadensis ecclesiæ Hildewardus episcopus 7. Calend. Decembris ab hujus vanitate seculi solutus, veræ caritatis, quæ Christus est, præsentatur obtutibus, illius humilitatis et dilectionis, super quam credi potest (222), pie imitator effectus. Cui successit Arnolfus, illustri valde prosapia exortus, sed moribus nobilior et sincera largitate præclarus. Hujus etiam anni vernali tempore præfatus rex Otto, compacta inter Saxones et Sclavos pace. Italiam perrexit, et dominicam resurrectionem Papiæ paschali (223), more celebravit. Dehinc omni regno potenter potitus Italico, Romam veniens beatæ memoriæ Johannem (224) papam defunctum invenit. Cui nepotem suum Brunonem, virum valde præclarum, non solum sed et omnium Romanorum unanimi voto civium pontificem electum, subrogari pie consensit, quem Romani, dempto Brunonis nomine, Gregorium vocaverunt. Hic ergo sede intronizatus apostolica domnum Ottonem. huc usque vocatum regem, non solum Romano, sed et pene totius Europæ populo acclamante, 12 Calend. Junii, in ipsa ascensionis Christi festivitate veneranda, indictione 9, imperatorem consecravit augustum. Post hæc Italico rite disposito regno, Franciam revertitur, et in Agrippina Colonia summi imperatoris condigno

(216) *I. e. Ostfalahi.*(217) *I. e. Welataborum, Wiltzorum.*

(218) Stoterlingeburg inter Ovacram et Ilsinam.

(219) *Ita L. ante c.*(220) *Ita L. et Ann. Saxa. prædati c.*

(221) Gebehardus Elewangensis abbatum egre-

gius s. e. *Ann. Saxo.*(222) P. verus Israelita p. *e. Chron. Saxo. cf. Ann. Saxo.*(223) *Regali Chr.*(224) *Vocem ex Ann. et Chron. Sax. recepi, deest in c.*

honore diem celebrat natalem. Adalbertus episcopus de Praga civitate a Crucis glorioso martyrio 9. Calend. Maii coronatur. Bernhardus (225), Wirtzburgensis episcopus ecclesie, imperatoria legatione Constantinopolim missus, in Achaia provincia moritur. Cui Henricus, clarissimi cancellarii Hiriberti frater, clarus et ipse, substituitur episcopus.

997. Sclavi innata sibi perfidia tacti, pacis fregunt pactum, terminosque Saxonice latrocinii corroserunt furtivis. Quos contra commotus imperator Ztdoraniam quam vulgo Heveldum (226) vocant, egregiam inter Sclavonicas terram, magno invasit exercitu, vicit, prædavit, victorque in Magdeburgh, præcipuam Saxonie urbem, gloriose subintravit. Interim autem dum imperator augustus, tertius videlicet Otto, Heveldum devastando percurrit, congregati Wlotabi Bardangae provinciam improvisi rapinis multis aggressi sunt et incendiis. Quod videntes Westfalai, quos præfatus imperator in expeditionem pergens ad custodiendam reliquerat provinciam celeriter Liuthicos fortiter excipiunt, ipsique cum pauci essent, innumeram paganorum multitudinem tanta cæde prosternunt. tantamque ab iis prædam diripiunt, ut nec cædis illius nec prædæ numerus ullo modo humano posuit explicari sermone. Hoc anno instauratio sanctæ Metropolitanensis ecclesie. Quedeli agnensi castello, jussu imperialis filie Machtildis abbatissæ, omni studio peragitur. Quam cum ab avo aviaque, regibus scilicet Henrico et Machilde constructam, arctiorem quam tantæ celsitudinis jns exigebat, propter confluentis populi frequentiam cerneret, innata ac concreta sibi benevolentia, ad augmentum ejusdem in honore sancti Servatii archiepiscopi et confessoris, latioris et altioris structuræ ædificium apponere curavit, quod etiam totius conventu cleri ac populi ab Arnulfo, Halberstadiensi episcopo nuper ordinato, cum aliis archipræsulibus et episcopis, quos modo nominatim evolvere longum est, congruenti ad decorandum Dei domum 6. Idus Martii dedicari fecit. Et non longo post tempore constructam in brevi Walbicensem ecclesiam, in ipso augusti patris sui Ottonis die anniversario, ab eodem Arnulfo episcopo, eodem etiam anno cum maximo cleri plebisque tripudio, Nonis Maii honorifice dedicavit. Hoc etiam anno Crescentius quidam, diabolica fraude deceptus, Romam absente papa Gregorio invasit, Johannemque quendam Calabritanum, quem dominus imperator Otto ob Græci imperatoris filiam sibi matrimonio acquirendam cum Bernwardo episcopo Constantinopolim miserat, inde cum Græcorum revertentem legatis, se indigno excepit honore, illumque non tam papam quam apostatam constituens, legatos imperatorios sub custodia Romæ retinuit. Hic ergo Johannes

A natione Græcus, conditione servus, astu callidissimus, imperatorem augustum plæ memoriæ secundum Ottonem sub paupere adiens habitu, ob interventum dilectæ suæ contectalis Theophanu imperatricis augustæ, regia primum est alitus stipe; dehinc procurrente tempore, vulpina, qua nimum callebat, versutia præfatum eotenus circumvenit augustum, ut pro loco et tempore satis clementi ab eo gratia habitus, pene inter primos usque ad defunctionem suam clarus haberetur. Post dormitionem vero secundi Ottonis augusti, regnante jam filio suo tertio videlicet Ottone, quem ab ipso matris utero, divina subsecuta miseratione, Romano sublimavit imperio, præfatus Johannes ingenta sibi eo securius valuit versutia, quo regis infantia et primatum illius permittebatur incuria. Ad hæc defuncto Placentinæ ecclesie episcopo, vir bonæ indolis illi subeligitur; quo indigne ejecto, præfatus Johannes, non pastor sed lupus, eandem non regendam sed devastandam suscepit ecclesiam. Quam cum aliquot annis tenebat, avaritiæ diabolico inebriatus veneno, in tantum se elevavit super se, ut ipsam Romæ beati Petri apostoli sedem, ut prædictum est, antichristi membrum vere effectus, fornicando potius cacaret, quam venerando insideret.

998. His auditis, dominus imperator secundam profectionem paravit in Italiam. Cui venerabilis papa Gregorius Papiæ obviam veniens, dum ei pessima Johannis et Crescentii gesta narrasset, divino commotus zelo, quantocius una cum apostolico properat Romam. Quod audientes præfati Satanæ ministri, Johannes quidem fugam iniiit, Crescentius vero præsidio, quod veterem Romam et Leonianum conjungit castellum, se cum suis inclusit. Tunc quidam non tantum imperatoris quantum Christi amici insequentes Johannem, comprehenderunt eum (227), et timentes ne, si eum ad augustum destinarent, impunitus abiret, linguam ei et nares pariter absciderunt oculosque illi penitus eruerunt. Hoc ita divinitus mulcato, dominus papa Gregorius sedem apostolicam honorifice recepit, eamque usque ad obitum sui libere insedit. Imperator igitur augustus Romam adveniens, sanctissimam illic Christi resurrectionem celebravit, statimque post albas scalis et machinis arcem (228) quam Crescentius insederat, hactenus omnibus inexpugnabilem, fortiter expugnatillumque captum decollari, et e summo arcis præcipitatum in patibulo pedibus suspendi jussit. Mense Julio terræ motus factus est horribilis per totam Saxoniam, duoque lapides igniti ex tonitru ceciderunt, unus in ipsa civitate Magdeburgensi, alter ultra Albiam fluvium. Quorum inusitata delapsio dirum omni populo exitium minando portendit; quod in sequentibus evidentissime apparere conspeximus; tunc scilicet,

(225) *Lege Brunwardus.*

(226) *Ad Habolam.*

(227) *Vox deleta 2.*

(228) *M. domum Theoderici, ubi ille perversus sedebat Ann. Samo.*

ANNALES QUEDLINBURGENSES. A. 999.

cum mundus iste insanabilis plagæ ictibus ter cerebro tenus percussus, ipsa ut ita dicam vitalia amisit.

999. Nam insignissima imperatoriæ prolis gemma Mechtild, magni Ottonis augusti filia, quæ, ut sæpe memoravimus, sceptrigeris edita parentibus, virescentis rudimenta infantie, bonæ indolis utpote ipsius coronæ filia (229), honesta decenter nutricum sub cura descendit (230); quæ florida dehinc vacillantia tempora juventutis, corpore sensibusque plus cæteris id ætatis maturescens, nilque sibi commissi dextra regiminis disciplinam errandum relinquens, amabilis, affabilis, pia, cunctis largior quam sibi degebat; undecimo ortus sui anno Metropolitæ sibi hæreditariæ, licet tantis impar oneribus, imperatorem tamen consulto patrum nec non communi electione, antistitum benedictione perpetua regendo præficitur. Cum vero ad Pythagoricæ bivium perventum est litteræ, sine mora, sine lædio, angustiori semita, spei quæ non confundit fiducia arrepta, tota animi diligentia se suaque ab non esse ad verum conata est esse transferre. Hæc fratruelæ suo, largo scilicet Ottone, Romam proficiscente, imperatoria vice commissa sibi regna non levitate feminea gubernans, barbarorum etiam induratos vertices regum artificioso aviti paternique ritu ingenii ita placabiles subjugabilesque reddiderat, ut hujuscemodi pacis fundamenta, qua nunc sancta Dei ecclesia pro parte fruiat, post tantarum devastationem provinciarum, post effrenem barbariæ motum, non gladio, non armis, non ullis bellicorum instrumentis apparatus, licet et ad hæc præcipienda satis esset idonea, continua vigiliarum, orationum, inediaque instantia, soli Deo ihntenta, illius docente et confortante subsidio prima posuerit, ponendo construxerit, eoque usque struere non destiterit, quo non laborando sed ejus laboribus subintrando, succedentes postmodum reges tanto facilius summa ejusdem pacis attingerent, quanto ipsa imis primitus construendis vigilantius insudasset. Novissimis namque temporibus suis, colloquio apud Parthenopolim habito, conventu episcoporum cum duce Bernhardo, comitum ac totius senatus plebisque concursu, confluentibus quoque ibidem omni ex natione legatis, undiquesecus (231) vallata, qualis fuerit, quam inreprehensibilem se exhibuerit, quam mira discretione cuique sua tribuerit, quanta veneratione præsulum personas præ cæteris cunctis tractaverit, quanta solertia optimates, iudices, aliosque, quorum id curæ relinquatur, pro consolidanda re publica, pro privatis etiam usibus confirmandis monuerit, quanta lenitate pios permulserit, quanta districtione reos terruerit, quantaque industria patriam conservaverit adjuverit et aux-

rit, nec notis intellectuum nec etiam vocum cuiquam edicibile reor. Hisque ibi dispositissime ordinatis, oviculas quibus singulari præerat cura, adventus sui expectatione suspensas, materna dilectione revisit, dignoque ab illis honore suscepta, pauculis posthæc superstes diebus, modica febre pulsata, inopinata cunctis sed sibimet ipsi longe ante provisa morte, quippe et diem illum et horam precibus (232) assidue prævenire cupierat, 7. Id. Februarii resoluta, quod ex hoc compactum necessario solubile erat, corpusculo, ei qui est, quod est, quod unum est suum, quo ejus participatione tam honorifice usa est, gratulabunda reddidit; atque in medio basilicæ sancti Petri et sancti Stephani juxta tumulos regum, avi et aviæ suæ Heinrici et Mechtildis, ejulatu nimio planctuque suorum, diem futuræ resurrectionis feliciter expectatura, reconditur. Quis igitur, licet adamantino rigore præcordialiter induratus, huic miserando spectaculo siccis poterat interesse oculis, cum orba sanctorum Dionysii et Servatii præsulum catervula, nec non sanctæ Dei genitricis maxime ex monte occidentali, ac sancti Andree ex Walbicensi cœnobio vernulæ, quarum ipsa ab initio, ut prædiximus, fundatrix extiterat, eum cæteris sanctæ Pusinnæ in Winathusen, sanctoque Wicberto in plano juxta curtem regiam famulantibus, quarum (233) licet primæva nequaquam constructrix fuerit, postquam hæreditati aviæ suæ Mechtildis jure propinquitatis successit, materno eas more ad id temporis omni solertia foverat — tunc dico, cum matrem, quam pridie valentem, viventem, ac populis imperantem noverant, inopine subtractam, suisque nusquam nisi in æterna visione obtutibus redituram, sarcophago (234) includi ac tumulo recondi deflerent, seque cum ea mori quam superesse malle, amenti quadam vociferatione clamarent? Quid plura? His tandem flebiliter peractis, præfatæ sanctimoniales femine cum episcopis (235) quos divina clementia illius exequiis improvisos adesse disposuerat, Arnulfo et Bernhardo, nec non duce Bernhardo convenientes, fratruelæ ipsius domnæ Mechtildis Adelheidam, quam sibi adoptaverat, quam unice dilexerat, quam pro filia delicate nutrierat, hoc solum inflictis vulneribus remedium restare cernentes, in dominum ac matrem sibi unanimiter eligunt; legatosque hæc primo Francia ad imperatricem Adelheidam, matrem illius Mechtildis, deinde ad imperatorem Romanum Ottonem, fratruelæ videlicet ipsius, Romæ deportaturos omni sub celeritate transmittunt. Qui festinato pergentes, ad augustam in brevi veniunt, eamque licet ante præsaga mente aliquid sibi intolerabile eventurum præscierit, nuncio illo infelici viscere tenus sauciant; assumptisque aliis ibi secum imperatriciis

(229) Ita L. filio c.

(230) Melius transcendit Ann. et Chr. Sax.

(231) Ita correat; unde quos secus c.

(232) Ita L. probis c.

(233) Ita L. Harum c.

(234) Ita L. sarco c.

(235) C. e. desunt; Leibn. ex Ann. Sax. recepit.

ANNALES QUEDLINBURGENSES. A. 1000.

eiusdem legatis, Romam perveniunt, imperatorem Augustum recenti nepotis papæ Brunonis, qui Romana lingua Gregorius vocatur, obitu admodum mæstum reperiunt, ac priori posteriorem multo graviolem adjiciendo dolorem, ob excessum suæ illustrissimæ amitæ ex mæsto mæstissimum reddunt. Non solum itaque imperator Augustus ejusque sequaces Mechthildis præclaræ corporalem interitum lugent, sed quocumque per vicus, per plateas, per compita, per avia, necis illius fama sonuit, pectora tundendo, crines lacerando, luctum præ gaudiis amando, ipsum æra lachrimosis vocibus pulsant. Resumptis ergo demum post tantam perturbationem animi viribus, imperator præfatus pro obsequiis venerandæ suæ amitæ exhibitis, et pro electione sororis, grates (236) sanctæ congregationi remandat innumeras, eamque honori et oneri matris spiritalis, non ut potuit imperando, sed ut pium decuit postulando, succedere deliberavit. Quod et divina ordinante clementia sine mora peragitur. In solenni namque Michaelis archangeli festo electione iterata, ab Arnulfo ejusdem ecclesiæ episcopo, astantibus aliis episcopis et domna regali Sophia sorore sua majore, et nepte sua illustri abbatissa Hathwiga, cunctisque regni primatibus utriusque sexus, coram altari sancti Petri apostolorum principis et sancti Stephani protomartyris honore congruo benedicitur, throno domnæ matris sublimatur, regulæ commissione, in qua se sibi que subjectarum vitam quasi in speculo spectare omniumque solertia regere discat, non modicum oneratur; quidque spatii miseratio deinde Omnipotentis concesserit, dignitate eximia et gaudio, non tamen sine cura pervigili, transactura. Modici igitur intervalli spatio Adelheida, præfatæ Mechthildis genitrix, inclita Romanorum imperatrix Augusta, quæ statum imperii terra marique sibi subacti una cum suo consorte, Augusto scilicet magno et pacifico Ottone, non minus meritis moribusque insignierat egregiis, quam ille viribus et triumphis consolidasset eximiis; post obitum itaque ejus et ipsa per totum seculo moriens, quasi non sibi nata sed inopum usibus tantum divinitus esset provisiva, quidquid habere potuit, regni videlicet censum toto orbe tributario jure vel etiam donario quæsitum, inter cætera virtutum insignia manibus pauperum in cælestes deportandum thesauros hilari mente et facie commendare non destitit. Vidimus namque eam creberrime, sed secretissime, more rusticarum ad id desiderabile sui opus succinctam, ne vel ipsa vestium prolixitas ullam sibi ingerere posset morulam, ambabus pro dextra manibus usam (237), tam diu pio huic insituisse labori, quousque vacillante incessu non

(236) *M. 2. in margine post et scripta, sed ex Ann. Sax. et pro sententia hic statuenda erat.*

(237) *Ita L. usa c.*

(238) *Q. vere sint Chr. Sax.*

(239) *Ita corrigo; visu c. toto se erigens anni Chron. Saxo.*

A largitate sed corpore deficiens, necessario quietura vel modicum sese reclinaverit; id tamen in voto habens, ne vel sedendo, vel stando, vel quibuslibet occupationibus detenta, unquam a familiarissimo sibi misericordiarum opere cessaret. Hæc igitur postpositis quæ esse videntur, non quod sint (238), quia transeunt, sed quod nobis sensuum qualitate degentibus esse videantur, ut dixi nobili illa hominis prærogativa ad ea quæ vere sunt, qui nec ortum sui respiciunt nec finem totam sese erigens nisu (239) ac meliori oculo superna semper intuens, tandem emeritæ admodum ætatis, ad eum quem medulletenus sitiverat 16 (240). Cal. Januar, laborum suorum centuplicatam receptura mercedem, angelico stipata cætu, gloriosa migravit, atque in basilica Salisensi (241), quam ipsa in honore sancti Petri principis apostolorum pio labore construxerat, honorifice tumulatur.

1000 (242). Cujus obitu postmodicum comperto, imperator Augustus ultra quam credi potest mæroris nimietate afficitur; sanctam Dei ecclesiam, quæ continuato trium lapsu columnarum, quibus mira firmitate subnixæ hactenus inconcussa steterat domni scilicet apostolici, aviæque suæ præfatæ imperatricis Augustæ, nec non amitæ suæ imperialis abbatissæ Mechthildis, discessibus vacillare, sibi que jam soli inniti (243) conspiciens, curarum pondere gravatur. His tamen, quæ ibidem vel in ecclesiasticis vel etiam in pullicis rebus agenda erant, rite dispositis, patriam desolatam quasi consolaturus citato cursu adeundam deliberat; quod et acceleratissime facit, non paucis ex Romano senatu una secum pergentibus. Transcensa vero Alpium difficultate, ut primo hisce (244) partibus pedem inferre potuit, tota ei Gallia, Francia, Suevia, equestri et pedestri agmine turmatim obviam ruit. Dominæ etiam imperiales, germanæ suæ sorores, Sophia et Adelheida, cum Saxonie et Thuringiæ utriusque sexus primis occurrendo, velut unicum unice dilectum hac merito diligendum, ipso, ut ita dicam, corridente mundo, unanimi gratulatione suscipiunt, ac cum eo pariter, quamdiu destinati itineris acceleratio patiebatur, debita caritate morantur. Ille vero evangelici non immemor præcepti, quod dicitur: *Primum querite regnum Dei*, juxta morem parentum suorum imperatorum, omnia sua divina regi ac meliorari exoptans clementia, humili devotione in Sclaviam sanctum Adalbertum nuper pro Christo laureatum adiit, ejusque interventum obnixius petiit. Ibi summo conamine a duce Sclavonico Bolizlavone susceptus, xenii omnigeni census ubique terrarum studiosis-

(240) *Ita correxi ex Ann. et Chron. Saxon. et Necrologiis Stabulensi sec. XI. ineuntis et Murensi, codex habet XVII.*

(241) *Seltz in Alsatia.*

(242) *Hic codex pergit, numero anni omisso c.*

(243) *Ita L. ex Chron. Sax. sibi i. s. annis c.*

(244) *P. Galliæ p. Chron. Saxo.*

ANNALES QUEDLINBURGENSES. A. 1001-1002

sime quæsitis obsequialiter donatur; licet nihil tunc temporis ex his acceperit, quippe qui non rapiendi nec sumendi, sed dandi et orandi causa eo loci adventasset. In patriam revertitur, ac Quedlingensi civitate sanctum pascha celebraturus, in ipso monte, ubi sanctimonialies feminæ ritu canonico regulariter Christo deserviunt, per amorem dilectæ suæ sororis Adelheidæ abbatissæ cœnam Domini, parasceven quoque et sabbatum sanctum, nec non dominicam noctem resurrectionis, — si tamen illa jure nox dici vel appellari queat, quam triumphali luce Redemptoris omnium per totum mundum miro atque ineffabili modo splendere constat, — debitæ venerationis obsequiis festive peregit. Unde in ipsis horis matutinalibus ad curtem suam totius senatus ac plebis exspectationi satisfactorius redit, illamque septimanam regalibus impendens officiis, regendo, indulgendo, largiendoc ac remunerando transegit; ac in octava pascæ inde profectus, sororem suam Mungotiæ, Colonie, Aquisgrani, quam etiam cunctis tunc post Romam urbibus præferre moliebatur, una secum summa veneratione fraterna que caritate comitante, remunerato Bolizlavone, perducens, aliquantulum temporis, quæ cœpto itineri congruere videbantur ibi parando quievit. Sed dum nec cursum longius protrahere deliberatum, nec sororem quam intime diligebat, præfatam Adelheidam, præsentialiter amittere (245) posset, promisso tandem post se Romam veniendi firmiter inter se compacto, paululum lenito mœrore, ille, ut decreverat, in Italiam ultima, præh dolor! profectio acceleraturus, illa monasterium cui specialiter præerat revisura, utrique cassa spe ulterius sese in hac luce videnti, discedunt. At imperator augustus immensis iterato Alpibus, peragrata Italia, Papiæ aliquamdiu remoratur.

1001. Inde, Romam proficiscens, sacrosanctum dominicæ resurrectionis festum debita ibi veneratione celebrare instituit. Interim callidus nequitie auctor totiusque doli repertor mille ut est nocendi artibus instructus, reinduto quem, primos decepturus homines, quondam sibi aptaverat colubrino amictu, inter Romanorum præcordia serpit, venena inflat linguis triscleis, ut manus improbas sui causa ipso cæsari inferre moliantur, persuadet. Sed dum opposito illi divinæ pietatis clypeo a læsione imperatoris sese repellere cœlitus conspicerent, quoscunque parti justæ faventes reperire poterant, cruenta cæde mulcabant; nec ab illa seditione nefanda aliquo modo sedari valebant, donec invito furioso tumultu imperator, collectus suorum viribus, ab urbe prius præ cæteris amata sed ulterius præ cunctis dete-

A standâ decederet. Mœstus, ut ferunt, in cujusdam castelli munimina transvolat, ibique (246) pro ulciscendæ assiduo tractatu injuriæ instantem penitus consummavit annum.

1002. Verum in ipso posterioris introitu, toto pene legendus orbi, et ultionum crimine destinatarum (247) et ærumnis vitæ hujus caducæ 9 Kalend. Februarii exemptus, in gremio Abrahamæ patriarchæ magni, tempore futuræ resurrectionis in melius coronandus ac felicius regnaturus, angelici transvectus manibus collocaatur. Cujus infortunii (248) eventum, ne procacitati hostium citius intimaretur, hi qui aderant, occultando tegebant, quousque convocatis qui per castella dispersi vagabantur sociis (249), domini sui corpus efferentes, improvisi prorumpunt, pluribus tamen ibi ob penuriam equorum, heu sine spe vivendi relicti. Cum vero res tanta diutius latere nequiret, hostes Romani his mature compertis, indebito ausu execranda omni ævo commovent bella. Armis instructi velut pro vita patria que certaturi, defuncti corpus imperatoris, — qui dum supera vesceretur aura, ignorata etiamnum doli immanitate latentis, cunctis eos populis quasi privilegio quodam specialis præposuerat amoris — impudenter distrahere, mirisque injuriæ modis sine mora mortuum excruciare, cui vivo nocere nequiverant, tetra (250) belligerando invasione pertentant; quos divina pietas totiens repelli, totiens nece crudeli multari permisit, adeo ut vix pauci, latibulis fugæ sese dedentes, inglorii discederent. Nostri vero, felici ubique victoria usi, depositum pretiosi ponderis thesaurum fideli devotione trans Alpium nivosa cacumina, jam tandem securi, deferunt. Quo comperto, Henricus dux, ad quem summa imperii pertinebat, maxima comitante caterva funeri miserando omnibusque digne plangendo admodum tristis occurrit, et ad Aquasgrani, quo vivens siterat, gemitibus multis mortuum corpus tandem perducit. Nec mora, itur in templum; magno, ut ita dicam, hujusmodi honore, mixto scilicet intolerabili dolore, terræ commendatur suum plurimum (251) solatium; sed et omnium, ut credimus, qui aderant unanimi oratione spiritus cœli recipitur palatio. Interea modo multi diversa sentientes, dum quique sibi pro sua parte jus imperii raptum ire moliretur, Eghardus marchio in Palithi a Sigfrido et Udone pessime occisus est, plurimique suorum cum illo 2 Kal. Maii. Dehinc 3 Cal. Julii præfatus Henricus, nepos regalis, a Francis in regnum eligitur, insciisque Saxonibus Moguntie a Willichiso unctus coronatur. Fama volat super his, dicens pariter in Mersburgiam illum quam citissime venturum; quod et factum est. Illo Bernhardus dux

(245) Relinquere Chron. S.

(246) Vocem ex Chron. S. recepi.

(247) Ultionibus crimini destinatis?

(248) Ita correxi; infortunum c.

(249) S. factio agmine funerea processione d. etc.

Ann. et Chr. S.

(250) Ita c. sed Ann. et Chron. S. terna legunt.

(251) Plurimorum? Chronogr. Saxo habet: plurimis clauditur magnum solatium.

ANNALES QUEDLINBURGENSES. A. 1003-1008.

et Saxonum primates cum decore suorum convenientes, benigne ab eo suscepti sunt, moxque dominum sibi illum ac regem elegerunt. Sed et Bolizlavonem Poloniæ ducem occurrisset et regis gratiam sibi supplicasse, fœdere pacis promisso, reperiunt; quæ quia firma non fuit postmodum patuit. Inde digressus, per urbes et loca provinciae aliquamdiu commoratus, quæ agenda erant, prout tempus et res poscebant, prudenter disponebat. Dominae quoque imperiales filiae, Sophia et Adelheidæ, honorifice tanti nominis novitatem excipientes, quanta potuerunt caritate occurrerunt. Congaudent regi nepoti, quia non licuit fratri. Quas secum digno honore ducens, Cunigunda contactali sua una secum comitante, Patherbrunensem ventum est civitatem; quo periculosa inter Boiarios et Saxones orta est seditio, multorum morte subsequuta. In natali autem sancti martyris Laurentii imponitur corona benedictionis Cunigundæ reginae: datur etiam Sophiæ, imperatoris (252) filiae, abbatissæ benedictio Gandeshemensis. Quibus peractis, rege Rhenum transmeante, quisque in sua rediere. Herimannus dux cum Suevis regi restitit, et Francorum pars quædam refragari cepit, multa inutilia perpetrantes, sancta loca exurentes, aliaque devastantes; quos tamen (253) Dominus citissime humiliavit.

1003. Heinricus rex Sclavos Milianos (254) hyemali tempore invasit, et cruenta cæde devastans, sibi subjugavit. Thangmarus (255) cum aliis interfectus est. Quadragesimali autem tempore Parthenopolim venit, diem palmarum ibidem acturus, inde quam ærissime Quedelingnensem Metropolim, more avorum atavorumque priorum regum, pergens, cum optimatibus suis et populi confluentia paschalia festa peregit. Paucis interpositis diebus, Adelheidæ domnæ ac matris ejusdem precibus exoratus, cum regina iterum veniens, sancti Servatii gaudet interesse festis; postea Halverstadeni civitate sanctum Pentecosten celebraturus, Hermannus dux ad extrema pervenit, et discordia a Suevis quievit.

1004. Rex Heinricus de Francia in Italiam veniens, sanctum pascha ibi acturus. Sed adempto gaudio, rebellium multa milia jussit interimere gladio, omnibus simul ædificiis Papiæ exustis, quæ veterum instruxerat industria illustris. Fulgura et tonitrua eodem anno simul cum nimia et terribili turbine venerunt, perterritis ubique terrarum populis. Et rex de Italia regressus, parvo post tempore Bohemiam, quam Bolizlavus Pollinensis injuste possederat, pugnaturus intravit. Sed tamen, Deo adjuvante, tota illa gens sese cum pace suaque omnia regi dedere, et ille tyrannus Bolizlavus

contumeliose evasit; rex vero, Dei gratias, victor cum suis exivit. Herolfesfeldense monasterium a rege, antiquo patrum jure destitutum, magnum patitur damnum, spoliatur bonis, orbatum filiis suis; et quos congregarat atque educaverat regnante Carolo Pippini filio, 170 ac novenis annorum circulis, peccatis exigentibus, perdidit istis temporibus.

1005. Interim ipse rex, ira permanente contra Bolizlavonem, reparato agmine Poloniam accelerans, fugientem insequitur, suam injuriam quasi defensurus, sed, proh dolor! multos perditurus. Bernhard et Isi, Thiedbern et Bernhard (256), cum aliis occisi. Rex vero, quamvis dolens, assumpta non bona pace, cum lachrimabili revertitur exercitu, portans secum corpora mortuorum. Obiit Kiesut.

1006. Balduinus in Gallia elevatur contra regem cum Landberto in Valentia (257), civitate non sua. Quod rex ægre ferens, eo in expeditiorem prope rat, plurimo sudore suorum longo tempore frustra ibi commoratus (258), sicque ficta (259) pace revertens.

1007. Ad civitatem Ratispona pervenit, dominicam resurrectionem ibidem concelebrans; simul etiam recentii suorum cæde corde tenus tactus, mittit legatos ad Bolizlavonem, bellum se sistere, bellum mandat contra se parare: sed fama iterum de Balduino non bona percubuit, quæ, id ne fieri posset, prohibuit. Quo celeriter reversus, et sanctæ ecclesiæ precibus adjutus quem reliquerat hostem gaudet recepisse imbellem, adversariis in pace sibi reconciliatis. Bolizlavus interim dux, incursu Saxonum ex legatione regis concitus, audaci bello elatus prope Parthenopolim pergens, omnem Sclavoniæ eo loci provinciam vastat, incolas aut neci tradidit aut captivos colligari præcepit, donec ripam Albiæ fluminis attigit; ubi superba quædam jactans verba, obstante summi regis milite sancto Mauricio, suæ non compos voluntatis, revertitur in propria, ducens secum in vinculis fortes viros Saxonum, Liudolfum, Tadilan et Tadi. Rex talia audiens, animo dolet; hortatur suos, ne id inultum ferrent. Sed ejusmodi affectum, nescio quo obstaculo, nullus etiamnum sequitur effectus. Calend. Junii obiit Hermannus comes, frater Arnulfi episcopi.

1008. Bertlalis (260), humilis ancilla ancillarum sancti Servatii, induxit animum adire limina apostolorum Petri et Pauli, pro se et domnæ Mechtildæ animæ absolutione suorumque salute profecta. Itaque 8 Idus Januarii, postposita omni adversitate, per abrupta montium, per convalles terrarum, non modice laborabat in transmeatione fluminum, dom-

(252) Ita L. ex Chronogr. ipsius c.

(253) Ita L. et c.

(254) Budizin urbis expugnationem v. apud annalistam Saxonem.

(255) Ita correcti; Thonginarus c. Thammo apud Ann. Saxo.

(256) Milites Halverstadenses.

(257) Valenciennes.

(258) Deest c.

(259) Ita L. victa c. facta Chr.

(260) [Bertradis] L.

ANNALES QUEDLINBURGENSES, A. 1009-1012.

modo, quod amabat, videre contigerit. Tandem Romam pervenit gaudens. Ergo accessit, amplectitur sancti Petri sepulchrum, deosculatur, et quorum causa advenerat, flebiliter ibi peroratis, nec non aliorum sanctorum patrociniis salutatis, Deo gratias referens, incolumis cum suis revisit patriam. Stella paschalis hebdomadæ feria secunda media die visa est 6 Idus Aprilis. Obiit Liudolfus Trevirensis archiepiscopus, cui successit Magingoz. Obiit Notgerus Laudovicensis (261) episcopus, cui successit Baldricus, moribus præclarus. Eodem anno Atalpero clericus, reginæ frater, regi adversarius abominationes multas concitavit, contra omne jus et fas Treverim cum suis sibi mancipavit, sicque discessit. Compertum cumque id regi foret, illico suas copias colligens advenit; Lutharios sibi resistentes palatium obsedit, 16 hebdomadas ibi habens. Illi tandem fame coacti, falsas dextras dedere, regem et suos remeare fecere, in sua perfidia nihilominus permanentes. Obiit Hildericus Havelbergensis episcopus, cui successit Erius.

1009. Subita et nostris temporibus insolita aquarum refusio facta est 3 Id. Januarii, feria secunda, luna 10, multis damnum inferens, 7 diebus in sua rabie persistit. Obiit Retharius Patherbrunensis episcopus, cui successit Meginwerck. Sanctus Bruno, qui cognominatur Bonifacius, archiepiscopus et monachus, 11 (262) suæ conversionis anno in confinio Rusciæ et Litvæ a paganis capite plexus, cum suis 18, 7 Id. Martii petiit cælos. Obiit Wigbertus Merseburgensis episcopus, cui successit Thiatmarus. Sed et dominica die Palmarum gutte sanguinis in quibusdam locis vestimentis hominum instillabant. Sol nebula horribili et colore stupendo mutatus, mirantibus intuentium oculis velut sanguineus ac minor se visus terrorem incussit 3 Kal. Maii, feria 6, luna 1; duobus diebus tales minas ostendens, tertio die vix proprio lumine vestitur. Pestilentia et mortalitas graviter secutæ sunt. Rex iterum magno dolore simul et ira commotus, in Franciam revertitur, et in pluribus locis multa damna perpetrata sunt: ibique peracta æstate rediit in Saxoniam (263) sine pace. Dedit comes iter agens a Werinzone (264) et Friderico patruæ ejus de improvise cum dolo interfectus est. Incendia plurima facta sunt per loca, ita ut et homines in quodam vico exusti interirent. Fecit (265) Fricherus comes. Machtildis, reginæ sororis filia, obdormivit in Domino. Moguntinæ quoque basilica nova cum omnibus ædificiis coherentibus miserabiliter consumitur igne, sola veteri ecclesia remanente, 4 Cal. Septembris, feria

A secunda, luna 6. Tonitrua et coruscationes hiemali tempore sæpe fiebant.

1010. Ansfrius episcopus, meritis præclarus, primum imperatori terreno armatam militiam fideliter administrando, deinde creatori humiliter obediendo, divinis se mancipavit præceptis. Ideo virtutibus enituit insignis; calcatis terrenis, intra angelicos jam lætus choros æternis fruitur bonis. Eodem anno rex in expeditionem suas contrahens copias, Poloniam Sclavoniæ quæsitarus, sed quo velle ducebat, minime parventurus, cum paucis media revertitur via, gravi ingruente agritudine; cæteris, ut erant bello parati, plurima devastantibus loca multamque prædam secum reportantibus. Basilica in Vongerestorp (266) (267) fulmine terribiliter interiit. Sed etenim cometas visi sunt.

1011. Bernhardus dux, a rege secundus, multigenis sapientiæ scientiæ pietatisque donis fecundus invehitur. Quem lamentatione dignum, 18 die moriens secutus est Liudgerus comes, frater suus. Pestilentia et mortalitas, inaudita tempestate ubique gentium monasteria, castella et oppida devastantes, deserviunt. Hiems insolita pruinarum asperitate importune longa, ita ut solis calore insolubilem multum temporis glaciem retineret, ac multa corpora hominum languida redderet. Obiit Willigisus archiepiscopus, cujus loco subrogatur Erkenboldus Fuldensis abbas, merito gaudens, patris nomine retento, et pastoralis culminis honore suscepto. Obiit Asico (268) presbiter inclusus. Eodem anno 3 Calend. Augusti, feria secunda, luna 26, cecidit glacialis grando ingens et horrenda. Thietdivus abba et... monachus, Adhela (269) Romæ inclusa; cæli conscendunt secreta. Hoc etiam anno sæva mors de obitu Hildegardis ductricis miserabile lamentum intulit, dum reliquit, quod doluit. Abstulit et de regali stemmate gemmam Machtildam abbatisam, Liudolfi filiam. Suithgerus (270) episcopus migravit ad Christum, cujus loco subrogatur Thietricus. Ventus ingens plurima ædificia subito turbine subvertit, et multa alia damna commisit. Ipso anno rex Triburiam venit, et nova cæde suorum merito gemit; inter quos, quasi pacis gratia irruentibus adversariis regis, Heinrico et cæteris, capto Thiedrico duce patruæ suo, alii gladio interiire, alii vero vix poterant evadere.

1012. Obiit Erluinus Camerinus (271) (272) episcopus, cujus loco ordinatur Gerhardus. Obiit Hermannus puer et dux, regis consobrinus. Eodem anno quadragesimali tempore monacho cuidam in

(261) Leodiensis.

(262) XII Chr. Ann. S.

(263) Ita correxi ex Ann. S. Hispaniam c.

(264) Werenhario marchione.

(265) Ita emendavi, annalista duce; exusti. Interfecit c.

(266) Ita emendavi Ungerestorp c.

(267) Wunstorf.

(268) Ita Ann. Saxo; Etsleo c.

(269) Ita Ann. Saxo. Deddile c.

(270) Suthgerus c. Suigerus Monasteriensis episcopus Ann.

(271) Cameraensis Ann. Saxo.

(272) Cameraensis.

ANNALES QUEDLINBURGENSES. A. 1013.

extasi raptò ostensa est visio mirabilis, quæ quantum terribilis impiis, tantum prædicatur laudabilis piis. In Bavanbergensi castello Franciæ dedicatio ecclesiæ facta est, 10 anno regni Heinrici regis, 2 Non. Maii, 36 episcopis in id operis destinatis. Intererant etiam regio gaudii dominæ sorores abbatissæ, Sophia et Adelheida, quod erat insigne decus imperatoriæ aulæ. Aderat et incredibilis frequentia cleri ac populi, inter quos multis reis indulgentia a rege donata est, aliis venia repromissa. Obiit Tagino archiepiscopus Parthenopolensis, meritis præclarus, cui successit Walthardus, sapientiæ scientiæque luce fulgidus, pietate nulli secundus. Obiit Vunger episcopus (273). Obiit Thietmer presbyter et monachus. In quadam villa Saxonici Sueviæ, Cocstede (274) nomine, nati sunt gemini fratres cum dentibus, os habentes quasi aves (275), alter vero dextrum brachium dimidium, ut ala avis (275). Tertia nativitatibus die dicuntur inter se risisse. Quos civili contigit consensu mori, quia eos diu vivere erat omnibus timor. Eodem anno in Francia, vero non longe a Colonia, viro quidam dira miseræ mortis inducitur ultio, quod muribus invisibiliter incredibili modo corrosus, multis suorum curationibus frustratus, ad extrema usque pervenit. Magna etiam a piratis devastationis clades facta est in partibus aquilonis in provincia una (276), ita ut multis interfectis, aliis miserabiliter captis, exustis insuper plurimorum ædificiis cum pertinentibus bonis, pauci vix veluti nudi evaderent. Terræ motus per loca fiebant. Hoc etiam anno commolio aeris cum tonitru et fulgure et inundantia pluviarum tanta facta est 4 Id. Augusti, ut biduo perseverans, per plurima damna perageret, domos multas cum suis utensilibus, nec non acervos frugum pessundaret; homines quoque periclitarentur. Waldhardus archiepiscopus extrema sortitus, cum Christo felicius victurus, vixit post obitum Taginonis antistitis ter terno hebdomadarum numero et nocte una. Sedit autem in episcopatu septem septimanas noctesque binas, trinum et unum Deum ore prædicando, unctus Spiritu sancto, pacem in invicem et in omnes ecclesias Dei in dilectione Dei et proximi præparando. Post ejus mortem Bolislawo, multis milibus suorum contractis, Dalmantiæ terminos occupavit, urbem Coloci (277), noviter instauratam dolose expugnat, et utrinque magna strage peracta, cum captivis nostris domi reversus est. Conradus dux regni stirpis humanum debitum exolvit. Heinricus rex ad festa sancti Martini Confluentiæ veniens, magnam synodum habuit, Thiedoricum Mentensem episcopum cæterosque sibi rebelles causa damnandi, si nollent converti, et alia perplura ibi

A acturus. Quod regis decretum illi aliquantulum timentes, legatos de pace miserunt veniam precando. Quorum voluntati rex, recenti vulnere saucius, non satisfacit, sed consilio tamen fidelium suorum Moguntiae se videndi licentiam dedit. Quo quidam ex illis venire neglexerunt; alii regis imperio, ut decuit, paruerunt; inde non integræ pacis gaudia reportantes, sed firmandæ adhuc suspendia expectantes, reversi sunt in sua. Expulsio Judæorum facta est a rege in Moguntia; sed et quorundam hæreticorum refutata est insania.

1013. Duæ lucernæ ardentes, mundo subtractæ, reconduntur cælo, Lievitzo Hammaburgensis archiepiscopus, et Wonleph presbyter et monachus solitarius. Episcopus autem vi febrium B correptus, cum laboris sui præmium imminente jam morte a Deo speraret, ut erat nimie caritatis, providebat suis portum salutis. Erat ei quidam vicarius inter clericos specialius familiaris, quia nobiliter fidelis, Odda, quem divinæ humanæque legis scientia adprime eruditum, episcopatu dignissimum prædicans, ipse primus sancta oratione in id operis elegit; deinde cleri ac populi unanimiter acclamantis eadem vota persensit, ac sic lætus obdormivit in Christo (278). Sed regis animus immitis (279), et habendi misera sitis, renuit supplicantium preces, contemnendo flentium voces. Succedit huic honori Unwanus archiepiscopus; iste vero Dei gratia servatur melioribus vel locis vel temporibus (280). Heinricus rex a Bolizlavone multis obsecrationibus exoratus, Parthenopolim venit, ubi isdem Bolizlavo filium suum cum variis donis in occursum regis honorifice misit; et utrimque pace compacta, filium lætus recepit, jussus regem quantocius ipse videre. Inde rex Werla divertens, aliquandiu ibi commoratus, ut moris est, multa disposuit. Statuit et se sanctum pascha Aquisgrani acturum; quod ne fieret, repentina et gravis infirmitas distulit, quæ divinitus tantum ei timorem mortis incussit, ut alios dignitate exutos, alios suæ gratiæ dulcedine injuste privatos, remittendo priori redderet loco. Convalescens autem, necessitate cogente Patherbrunensi monasterio festa paschalia celebravit, quod eatenus regibus insolitum fuit. Tempestatis validæ horrida tenebrositas homines subito perterruit; D quam fragor et ignis subsequuntur, et in locis quibusdam ecclesias subvertentes multa alia damna commoverunt, Idus Maii luna 1, feria 6. Heinricus in sancto Pentecosten, maxima confluenta caterva, Meresburg se colligens, obvium habet Bolizlavonem cum magno apparatu diversorum munerum, pacis gratia sua omnia seque dedentem; quem benigne suscipiens, paucos dies secum mo-

(273) Wugerus Posnaviensis episcopus *Ann. Sax.*

(274) Koochstedt.

(275) Ance *Ann. Chr.*(276) Unna *Ann. Chr. S.*(277) Lobau, Libije, Lobije; annalista *Libuzum* scribit, chronographus *Koloci*.(278) Chr. 2. Non. Febr. *Ann. S.*(279) *Ut hoc loco, ita sapius Annalista versibus scripsit.*

(280) Obiit a. 1018, hæc igitur Annalium pars antea scripta fuit.

ANNALES QUEDLINBURGENSES A. 1014-1015.

rantem, ut par erat regiæ dignitati, claro honore adauctum, non tamen sine sui regni detrimento, permisit remeare. De Slavonia et multi nuncii venerunt, quibus interfuit Othelricus de Bohemia cum donis etiam honorans faciem regis; cui, licet inter se et fratrem suum Geramirum et præfatum Bolizlavonem ira permanente, læta succedunt, dato honore patriæ, misso in exilium suo fratre. Obiit Egurdus presbyter et monachus in claustris. Rex sapiens Heinricus, stultorum forsitan depravatus consilio, Fuldensis monasterii bona miserabiliter diripuit, dum sibi fratrum vita displicuit. Data occasione corrigendi, invaluit potestas destruendi. Diffugiunt hac et illac vagantes, qui erant cœnobitæ, jugum Christi portantes. 270 annis a Carolo primo eo loci serviebant Deo; nunc nostris temporibus, proh dolor! spectaculum facti mundo, et sibimet dolori et aliis manent timori. Comotio quoque aeris valida et hoc anno fiebat, ut per plurima loca ædificia ruerent, et res quædam pretiosæ a fulmine tactæ interirent. In monte etiam Luniburgensi horribilis hiatus terræ patuit, ipsi templo minas ruendi præbens, et incolis timore perterritis spem confugii funditus ad tempus auferens. Rebus in Saxonia rite dispositis, rex Italiam secundo intravit. Eodem anno inundatio aquarum nimia facta est, multa damna ferens 18 Calend. Januarii, luna nona, feria 3; quod rex parvipendens, iter quod cœperat peregit, natalem Domini Papiæ honorifice celebravit. Hoc etiam anno 1013, contentio magna facta est in monasterio Geronis magni marchionis inter Arnulfum episcopum et Geronem comitem, ita ut ex parte episcopi quidam periculum pugnæ vix evaderent meritis sancti Cyriaci martyris, cujus festis intererant, præsentem Hatewiga abbatissa.

1014. Item diluvium venit. Rex Ravenna properans, habita sinodo Arnoldum fratrem suum, episcopali dignitate prius donatum et quorundam vi redire coactum, auctoritate papæ ac cuncti senatus consilio revocat, archipræsulem digno honore stabilivit, aliisque ibidem rite ordinatis discedens, Romam pervenit. Ivit obviam tota civitas: licet dissono voto, tamen, ut par erat, suo domino dant laudum præconia, extollentes ad sidera. Quo sibi et contactati imperatorium nomen obtinuit. Paucos ibi habens dies, publica re, ut putabat, bene disposita, et immensa pecunia ubivis locorum congesta, accelerat iter ad patriam, non sine damno multorum. Multi autem obsides et alii Romanorum custodiæ traditi, imperatore redeunte callide fugam inierunt, violantes pacem et belli rursus consilia captantes. Hoc etiam anno sol et luna aliaque sidera dant metum tristium signorum, quæ mox pestilentia sæva et mors subitanea sequuntur. Sed et Misico, Bolizlavi filius, ab Othelrico Bohemico captur, dolo cæsis ejus

(281) Gernrodensis.

(282) *Id est* duo monasteria.

A comitibus; ac imperatori præsentatus, custodiæ traditur, sicque patris dolor renovatur. Bonæ memoriæ Hatwiga abbatissa (281) obiit et Bernharius episcopus Fardensis, cui successit Wikkie præpositus Coloniensis. Hoc anno imperator Corbeie venit ad visitandos fratres, quorum vita sibi displicuit, et eam imperiali auctoritate corrigere voluit. Unde plures illorum instituta patrum defendentes, et plus justo contra jus imperii sævientes, heu misere desipiunt, cum percussi in maxillam, non præbent alteram, ut monachi, sed sine consilio rebelles male parant pugnam. Quid deinceps actum sit, nostris temporibus magis est stupendum quam stilo commendandum. 17 tamen ex illis capti custodiæ traduntur; cæteri vero imperatoris jussa sectantur. Eodem etiam anno imperatoris caritas domnæ Adelheidæ tradidit duas sorores (282) cum filiabus suis et pertinentibus bonis, Gheronis quondam marchionis monasterium (283) Cal. Novembr. feria secunda, quod ob monumentum suæ animæ suique filii construxerat, ac nurum suam, Hatuwigam videlicet, religiose conversantem congregationi sanctimonialiam præposuit; et Frethunensium nobilem congregationem 4 Non. ejusdem, feria 3. Quibus acceptis, ut decuit tanto nomini, nobiliter enutrit, amplectitur, fovet; et egregiæ matris ac amitæ sapientia, qua se instruxerat, informata, ne vel merito vel exemplo cuiquam in id institutionis inferiores viderentur, omni pietatis studio diligenter edocet. Imperator quorundam precibus persuasus, Bolizlavoni remisit filium suum incolumen. In Bohemia, jubente Othelrico, multi innocentes occisi sunt. Res miseranda nimiumque stupenda contigit in partibus occidentalium regionum 3 Calend. Octobris feria quarta Walachri et Flanderi. Horrendæ nubes apparuerunt, quæ per tres noctes, miro immobiles, minas intuentibus dederunt: tertia vero die tonitruum inauditus fragor adveniens, turbavit maria, ut terribiliter intumescerent, et incredibiliter crescendo nubibus inhærent. Cumque gementes incolæ repentinæ calamitatis miseriam in tantæ inundationis mole conspicerent, et sicut post mortem Juliani Apostatæ naves ad prærupta montium penderent vel in antiquum chaos omnia redirent, timore mortis percussi, terga vertere cœperant; sed peccatis præpedientibus multa milia hominum subito fluctibus interierunt, quia vultum Domini iratum effugere non potuerunt. Heinricus imperator Meresburgiæ paschale festum peregit. Ibi Bolizlavo omnia munera quæ illi miserat, simul cum gratia perdidit, dum illum legatione superba infestum reddidit.

1015. Etiam hic in Walbeki diem palmarum agens, nuncios de Italia sibi in sacramenta constrinxit; et inde digressus Ernestus dux (284) in venando periit a suis incaute. Comotio quoque

(283) Gernrode.

(284) Alamanniæ.

aeris et ictus fulminis eodem anno damna periculosa intulerunt quibusdam partibus monasterii sanctae Mariae in monte occidentali. Imperator igitur iterum Corbelenses invisens, privilegia et consuetudines aliquas priorum, quas 239 annos, Ludovico pio dante, habuerant, potestative mutavit, et amoto monasterii patre, ignotum et bonum fortasse illis aduxit, qui quasi doctor erratē corrigeret, et devios sanctae regulae tramitem cautius incedere doceret. Inde illi nimium mœrentes, vitam suam, quae cunctis pene monachis exemplo claruerat, vilesceat ingemiscunt, seseque mutuo hortantur, potius discredere quam injuriæ subjacere. Sicque factum est, ut pauci admodum superessent, cæteris seculo, miserabiliter vagando, occupatis. Sed multis iterum Dei gratia conversis, placuit se subdere regulæ quam vana diligere. Addidit etiam imperator hoc anno legationem mittere ad Bolizlavum pro restituendis regionibus, quas astulerat. Ille, ut solebat, superbe respondit, se non solum propria retinere velle, quin potius non sua diripere malle. Ad hæc imperator merito indignatus, bella parat, fortiaque virorum milia vocat in arma, cum quibus haud mora Poloniæ attigit fines. Cum in primo aditu divina adsunt solatia; hostes terga vertere, alibi nongentos gladio succumbere, ipsum quoque Bolizlavum a facie ejus eminens evadere. Sicque gaudet animo, suo satellite etiamnum salvo, excepto Hodone juvene egregio, qui viribus imbellis cum paucis, fortibus tamen, intrepida morte laudabiliter occubuit; cujus cadaver, ut ferunt, a Misicone filio Bolizlavi laetabiliter sublatum, omnibus necessariis diligenter appositis, suis redditur reportandum. Imperator vero dolet, sibi quemque periisse, cui prius contigerat triumphasse. Unde consilio suorum admonitus, collectis (285) copiis exercitum jubet redire. Illi ut erant ignari viarum, persilvam quamdam tandunt ad locum, qui vix tantæ multitudinis capax, undique interfluentes palude et frondium cingente corona, brevem præbet lassis quietem. Conveniunt primates cæteraque juventus, suis viribus victoriam jactantes, et pro iteranda strage absentibus inaniter minitantes. Nullus, ut decuit, Deum cælorum et regem regum studet laudibus extollere, et pro collatis beneficiis dignas ei gratias referre, vel de futuris preces effundere; ideo (286) contigit nobis deslere. Congitur interim miles collectus subita formidine belli, assunt hostes de insidiarum latibulis, memores injuriæ civium. Hos recessus gladiis, illos spiculis jaculisque excludunt. Exoritur clamor, et si quod erat gaudium, mœrore confunditur, dum utrimque dure pugnatur; et pars inimica cessisset, si nostra peccata non revocassent. Sarcina cujusdam Friderici periclitabatur; et ipse, dum vult succurrere suis,

A coram cunctis prosternitur. Iterum redintegrato dolore Gero comes miserans casum morientis amici, medios fertur in hostes; nunc hoc valida dextra ruinae, nunc illos frementi proterit equo. Tandem nimia cæde lassatus, gloriose mortis pocula inter multos degustavit primus. Ceteri vero, ut se in arcto positos vident, Deum sibi poscunt placatum gementes quem cognoscunt iratum. Sed non poterat sententiam avelli, quia constat illos pro Christo mori. Non erat locus evadendi vel ulla spes vitam sperandi, se mortalia sua indubitanter illi voverunt (287), qui et mortificare solusque potest vivificare. Certant deinde quam plurimi pro patria fratribusque, et maxime milites Mauriciani (288), sectatores Domini, procumbunt fortiter, illi obsequendo, ut conspiraverant constanti animo. Adelheid, Ira, Thietmer et Gera, Doda et Votemer, cum aliis multis feliciter vivunt in caelis. Eido Misiceniensis episcopus depositum fidele reddidit collo; cui successit Agilwardus. Megingo Treverensis archiepiscopus obiit; cui Poppo successit.

1016. 3 Id. Februarii, luna 30, sabbatho collisiones nubium horrisonæ, cum crebra coruscatione et imbrum nimietate, plurima subruunt ædificia. Imperator in Padarbrunnan, paschalia festa rite celebravit. Henricus comes bonæ memoriæ obiit. Wigman comes occidentalis Saxonie, inter se et Baldricum comitem reconciliata pace, persuadente callida perfida et avara conjuge ejusdem, insidiis pessimorum in itinere dolose peremptus occubuit.

1017. Henricus imperator hoc anno in Ingilheim pascalibus gaudiis festivus interfuit. Eodem anno in cœnobio monacharum (289) 8 Cal. Martii dedicata est ecclesia sanctæ Mariæ semper virginis, et in Magadeburg exusta est ecclesia sancti Johannis Baptistæ cum monasterio et uno monacho. Imperator etiam hoc anno iterum castra movit contra Bolizlavum, sed, nimia pestilentia et mortalitate populi obstante, sine belli effecta rediit in patriam. Cui illico nunciatur, Gerhardum in Francia, plurimis civili gladio peremptis, multa mala concitare. Unde turbatus, illo ire paravit. Eclipsis lunæ facta est 7 Idus Novembris. Obiit Thætdeg Pragensis episcopus cui successit Eghardus Nianburgensis abbas.

1018. Imperator Henricus natalis Domini festum agit in Franconofurt, et sanctum Pascha in Niumagun. Et hoc anno Bolizlavo, per nuncios reconciliata pace, imperatoris gratiam recepit. Cometa etiam eodem anno diu visus est, qui luctum nimie devastationis per Thiadricum Gallie partibus, pestilentiam insuper et mortalitatem misero mundo nunciavit. Qua clade obiit Baldricus Leodicensis episcopus, cui Fulmodo successit. Henricus Wirtzeburgensis episcopus, Thiatmarus Mersburgensis episcopus, Ar-

(285) Ita L. collocatis c.

(286) E. at ideo Chr.

(287) Ita correxi jam Cl Hauptio monaste; no-

verunt c.

(288) I. c. Magdeburgenses.

(289) Quidelingeburg.

ANNALES QUEDLINBURGENSES A. 1019-1020.

noldus archiepiscopus Ravennatus, Odda venerabilis Magdaburgensis presbyter, Athilger Halberstatensis præpositus, aliique per plurimi nobiles utriusque sexus de hac luce abstracti sunt. Thiatburg (290) Bernhardi marchionis filia seculi onere abjecto, pie conversa, cœlesti locatur in aura.

1019. Imperator natale Domini Pathelburgensi civitate celebrato, Gosleri quadragesimale tempus transegit. Inde Walbiki iter agens, comitante imperatrice et venerabili sua nepte Adelheida Quedlingensi abbatissa, una cum episcopis ac collecto utroque sexu familiæ Dei, laudes divinas studiosus alternante, diem palmarum lætus solenniter celebravit. Deinde Mersburg paschalia gaudia celebraturus pervenit, quo multorum nequitia manifestata, digna est pœna mulcata. Hoc ipso anno Fridericus, frater Cunigundæ imperatricis, defunctus est. Sed et præfatus Bolitzlavus Ruciam auxilio Saxonum sibi subegit. In ipso anno consobrini imperatoris, filii Hermanni comitis, cum Thiatmaro Bernhardi ducis filio rebellare cœperunt; qui tamen comprehensi custodiæ deputantur. Interim Thiatmarus (291) fuga elapsus patriam repetit; sed statim non post multos dies omnes pariter imperatoris gratia condonantur. Hæc igitur perturbatio ad tempus sedata.

1020. Anno Bernardus junior dux, frater Thiatmari, congregato occidentali exercitu imperatori rebellaturus, Schalhkesburg (292) intravit; quam idem imperator cum suis obsedit. Sed Bernardus justitia cedens, interpellante imperatrice, gratiam imperatoris pariter cum beneficio patris obtinuit. Eodem anno hiems solito asperior atque diuturnior inhorruit, dura adeo, ut ipsa vi algoris plerique extincti occumberent; quam etiam prius inaudita clades mortalitasque subsecuta totum pene orbem subitaneo vastans occasu, in momento inque oculi ictu incolumes, ac sua quasi de sospitate certissimos, in ipsis nec non epulis lætissimos, inopinato subtraxit. Inter hæc ergo communia ac metuenda dispendia Metropolis nostra, iudicio divino nunquam injusto, gravi viscere tenus percutitur ulcere, quatuor sororibus — Emerita una, in famulitio Christi Sisu nominata, duabus cæteris, Othellulda marchionis Thiedrici filia et Thiedan, dignitatem generis morum probitate vincentibus, Hennikin quoque, quæ minima ætate licet esset et ordine, optimæ tamen in æolis — una velut horula subtractis; ante quas, ipsa sanctæ parascèves illuciente aurora, Lucia, devota pauperum ministra, emenso mundi istius pelago, portum ad usque beatæ quietis, Dei gratia duce, provehitur. Hoc igitur in tempore, quod nullis retro seculis comparatum novimus, papa apostolicus cum Heinrico imperatore augusto cenam dominicam festumque paschale in Palenberg decenti fertur excoluisse

A ministerio; ibique imperatoris ac principum debito obsequiorum ritu aliquandiu honorifice tractatus, multipliei opum copia donatus, dominam mundi, Romam scilicet, apostolica sibi sorte commissam, lætus, locuples revisit ac sospes. Deinde in 18 Calend. Augusti, feria 2, luna 23, incipiente hora diei 3 usque post 6, apparuit circulus magnus circa solem, colorem Iris habens, quem alii quatuor lucidiores circuli binis locis in modum crucis complexi sunt. Attamen tribus rarescentibus, duo, id est medius et aquilonaris, diutissime perstiterunt. Interim Otto quidam, nobillum satus prosepia Francorum, illicito sibimet matrimonio incaute ascito, dum ab Arkanbaldo, Moguntinæ sedis archiepiscopo, sæpius ecclesiastico more pro hoc eodem corripetur incestu, cæco furibundus amore, dispositis circumquaque insidiis, nefandam eidem christo Domini parat inferre manum. Sed divina id sceleris prohibente clementia, elapso frustratus antisilite, socios qui navali eundem sequebantur itinere invadit, capit, custodiæ tradit, multisque inhumane injuriis tractat; eo ferociorque, quo sibi, quem ultra jus et fas sitiverat (292) præsulis sanguinem ablatum dolet. Quod cum imperatori augusto celeri legatione defertur, habita cum episcopis totiusque regni primatibus deliberatione, primo per nuncios, deinde per amicos perque semetipsum, ab hac inani tentat revocare vesania; quibus omnibus rebellem refragantemque communi assensu anathematis damno subigunt, ut vel sic jam timore pœnali tactus, civibus matris ecclesiæ, dignis pœnitentiæ lamentis, reddi studeret. Quæ ille omnimodis respectui habens, copias suas cum conjuge in quandam arcem Hammerstein vocatam contrahit, quam naturæ ope, non hominum arte, saxigenis undique molibus muratam Rhenique circumferentia adeo munitam ferunt, ut difficilem cuilibet vel obsidendi, vel quoquo modo oppugnandi pandat accessum. Hunc ergo locum imperator augustus, justitiæ fidens, omnigeno obsidionum genere circumligat, nec ullo rebellibus vel aditu vel exitu concessio, ipsum, dominici natalis diem ibidem agens, adeo minuit, ut qui semet non armis, non armatorum millibus cesuros meminerant, famis injuria tandem perempti, sola hujus vitæ suspiria paciscendo, instante celebri per orbem Stephani protomartyris festo, se suaque omnia imperatoriæ dedunt potestati. Dignum namque erat et justum, ut qui eodem die pro inimicis inter cruentos lapidantium ictus pie exoraverat, amicis, matris videlicet ecclesiæ filiis, pacem suo reconciliaret interventu. — Res mira cunctisque inaudita seculis, incolis septentrionalis plagæ accidisse dicitur. Nam Albis ac Wissara fluvii insolita inundationis mole non solum alveos suos egressi, sed ab ipso imotenus fundo qua

(290) Hanc sententiam loco suo post præpositus movi.

(291) I. c. legendum T.

(292) Hausberge ad Wisaram supra Mindam.

(293) Ita L. vitaverat c.

ANNALES QUEDLINBURGENSES. A. 1021.

nescio immani ventorum violentia evulsi, oppida, rura, cuncta circumjacentium late confinia terrarum, ipsis quoque collibus ac montibus, quos natura quadam præ ceteris sublimitate munierat, altius insurgendo, mersisse, et quod his miserabilibus ac omni incredibilius est auditui, villas integras, nequaquam soluta ædificiorum compage, cum inibi degentibus de alia in aliam transvehendo ripam, eadem qua prius positione constituisse. Inter hæc ecclesiam quandam, pia majorum diligentia olim coestructam, opulentis fidelium ibidem confluentium votis rite ditatam, eodem quo et cætera impetu, pristino omnimodis statu evulsam, alibi translata affirmant. Supra dicti quoque fluvii, Wisara et Albis, ternis dierum vicibus ac noctium, flammivomis contra naturam superficialitenuis visi sunt arsisse vaporibus. Quid de cadaveribus referam? quorum numerositas, omni humanæ æstimationi difficilis in plures quasi aggerum cumulos concreta, decrescente diluvio dum pia quorundam solertia debitum humandi præbere studeret affectum, tantis tamque tenacibus serpentium, colubrorum, cunctarumque id genus pestium involucris ita connexa reperiuntur, ut nec ferro nec cujuslibet artis instrumento ea dissolvendi ullam timida mortalitas viam invenire quivisset. Sed de his quid fuerit, sit, vel fiat, Christo, qui eandem gentium pressuram pro confusione sonitus maris ac fluctuum futuram prædixerat, discutiendum relinquimus.

1021. His peractis imperator augustus, concessæ sibi victoriæ prosperitatique causa gratias divinæ pietati rependens, alacri tripudio Saxonie partes aggreditur. Interim procurrente tempore, cum Saxoniam properaret revisere, psalmisque Walbeckæ iterato rite peracturus, festaque paschalia Merseburgæ deinceps debita celebraturus veneratione; inter ipsa itinera venerabilem Heribertum archiepiscopum humanis excessisse rebus, imperatorias pervenit ad aures. Hic siquidem divæ memoriæ præsul quam assiduus in oratione, quam pernox in vigiliis, quamque in procuratione pauperum sollicitus, quamque in omni religione ecclesiastica studiosus extiterit; quia humana facundia proferre non sufficit, acta divinitus miracula ad tumulum ejus protestantur. Emensa itaque imperator quam cœperat via, cunctis, ut ita dicam, Europæ primis ibidem confluentibus, diversarumque gentium missaticis ad imperiale ejus obsequium undique properantibus sacrosanctum dominicæ resurrectionis gaudium, toto jam corrideunte mundo, prout decuit talem, eximia celebravit gloria. Hisque festis paschalibus magno tripudio peractis, Parthenopolim hinc proficiscendo perveniens, sacros dies Pentecostes apud famosissimum ejusdem civitatis archiepiscopum Geronem, non inferiori gaudiorum dignæque venerationis

A studio, verum ut gloriosissime valuit, peregit. Proinde curtem repetens regiam Alstedii dictam, habitoque inibi cum totius senatus plebisque concursu colloquio pios lenitate permulcendo prædulci, reos distractione terrendo severa, totaque industria patriam muniendo inter hujus provincie civitates (294) totum illum feliciter perduxit annum. Post hæc Halberstadensem ecclesiam aggrediens, sancta Thebæorum martyrum solennia, Arnulfo præsulæ administrante, honore celebravit dignissimo. Dehinc neptem suam, herilem dominam Adelheidam invisere, Quedelingnensis dedicationemque basilicæ, licet improvisa inopinataque brevi tamen deliberatione quam familiariter instituens, eandem Metropolim adeundo pervenit. Quis ille sit, cæsare augusto adventante, eorum nobilium tam comitum quam præsulum et abbatum comitatus, quæve illa prolis regie in susceptione imperatoria diligentia, quantaque cleri plebisque tripudiantis occursio, quamque mysticis angelicisque ornatus plebs sacerdotalis compta procederet, quæve Deo sacratarum confluentia virginum doli fellisque carentium simplicitateque columbina pleniter nitentium, qualis quamque laudabilis illarum sit sonus quamque parilis illarum sit conventus, quis habitus quisve ipse sit incessus, nec stili officio nec viva voce potis est explicare. Et quid de victoriosissimi imperatoris referam gratulatione? cui cuncta mundi climata colla subdendo inserviunt, quique eo magis super accumulata gloria merito gaudet, quo se, Deo donante, altiore cæteris, præminentem lætatur universis. Sed ne audientium aures diutina verborum prolixitate protraham, qualiter hæc sacrosancta dedicatio, ipso jubente, fuerit effecta, paucis perstringam. Anno incarnationis Domini 1021, indictione 4, 8 Calend. Octobris, dominica die, luna 13, anno vero domini Heinrici secundi regnantis 20, imperantis 8, ipso præsentem cum conjuge, imperatrice scilicet Cunigunda, totiusque regni episcoporum ac optimatum conventu ab Arnulfo, Halberstadensis ecclesie episcopo, dedicatum est hoc templum et altare supremum in honore sanctæ et individue Trinitatis, et sanctæ Mariæ matris Domini, sanctique Johannis Baptistæ, et sancti Petri principis apostolorum, sancti Stephani protomartyris, sancti Dionysii et sociorum ejus, ac sancti Servatii confessoris. In hoc vero continentur reliquiæ sancti confessoris Servatii, sancti Anastasii, sancti Vitalis, sancti Pantaleonis, sanctorum Aquilæ et Priscillæ, sancti Nicolai, digitus sancti Marci evangelistæ, sancti Pancratii, Mauricii et sociorum ejus, sancti Clementis, Cornelii et Cypriani, sancti Candidi, sancti Stephani papæ et martyris, sancti Viti martyris, sanctæ Justæ virginis, sancti Valentini, sancti Johannis martyris, sancti Alexandri papæ et martyris, et aliorum pluri-

ANNALES QUEDLINBURGENSES. A. 1022.

morum sanctorum. Altare in medio ecclesie dedi-
 catum est a Gerone, archiepiscopo Magadeburgen-
 si, in honore sancte et victoriosissime crucis, et
 sanctorum martyrum Laurentii et Pergentini fra-
 trum, sancti Laurentii et Vincentii, sancti Blasii,
 sancti Christophori, sancti Erasmi martyris, sanc-
 torum Cosme et Damiani, sancti Clementis, sancti
 Mauricii et sociorum ejus. Et in hoc altari contine-
 tur lignum sancte crucis spinea corona. Et in hoc
 ipso continentur reliquie sanctorum martyrum
 Laurentini et Pergentini, sancti Mauricii sociorum-
 que ejus, sancti Vitalis, sancti Georgii, sancti Vin-
 centii, sancti Blasii, sancti Fabiani et Sebastiani,
 sancti Christophori, sanctorum Cosme et Damia-
 ni, sancti Eustachii, sancti Quintini, sancti Libori
 confessoris. Altare australe dedicatum est a Mein-
 werco Pathelburnensi episcopo in honore sancti
 Libori, omnium sanctorum et electorum Dei, Vic-
 toris, Candidi, Exuperii, aliorum sociorum, sancti
 Mauricii, sancti Hippoliti, sancti Pantaleonis, sancti
 Cyriaci, sancti Adriani, et aliorum plurimorum
 sanctorum. Altare aquilonare dedicatum est ab
 Eilvardo Misnensi episcopo in honore sancti Bar-
 tholomei apostoli et omnium apostolorum et
 evangelistarum et discipulorum Domini. Et in hoc
 ipso altari continentur reliquie sancti Petri princi-
 pis apostolorum, sancti Pauli, sancti Andreæ,
 sancti Jacobi, sancti Thomæ, sancti Bartholomei,
 sancti Philippi, sancti Matthei, sanctorum Simonis
 et Judæ, sancti Barnabæ, sancti Viti, sancti Marci
 evangelistæ. In occidentali parte altare australe in
 honore sancti Remigii, sancti Cyriaci martyris et
 sociorum ejus, sancti Sisti papæ et martyris,
 sanctorum Joannis et Pauli, sanctorum 4 Corona-
 torum, sancti Bonifacii et sociorum ejus, sancti
 Kiliani sociorumque ejus, sancti Donati martyris,
 sancti Wenceslavi martyris, sancti Anastasii pa-
 pæ, sancti Innocentii, sancti Magni martyris,
 sancti Lamberti martyris, sancti Magni confesso-
 ris, sancti Odalrici, sancti Sixti, sancti Arnulfi,
 sancti Meinulfi (295), sancti Gundulfi (296), sancti
 Liutgeri, sancti Wigberti martyris, sancti Maxi-
 mini, sancti Valerii, sancti Eucharii, sancti Lu-
 dovici, sancti Paulini Treverensis, sancti Paulini
 Nolanæ civitatis episcopi, qui pro filio viduæ se
 tradidit servituti, sancti Ethelberti, sancti Martini
 confessoris, sancti Metroni, sancti Zizonis. In hoc
 ipso altari continentur reliquie sancti Donati
 martyris, sancti Quintini martyris sancti Mater-
 niani confessoris, sancti Adulfi confessoris, sancti
 Germani confessoris, sanctorum virginum de
 Colonia. In occidentali parte altare aquilonare
 in honore sanctorum virginum, sancte Stephanæ,
 Laurentiæ, Justæ, Pusinnæ, sancte Cecilie, sancte
 Petronellæ, sancte Gertrudis, sancte Walburgæ,
 sancte Agnetis, sancte Aghatæ, sancte Teclæ,
 sancte Barbaræ, sancte Afræ, sanctorum virgi-
 num Coloniensium, sancte Mariæ Magdelenæ,

sancte Mariæ Zozimæ, sancte Felicitatis, septem
 filiorum ejus, sancte Odiliæ, sancte Luciæ, sancte
 Adeldridæ, sancte Margarethæ, omnium sancta-
 rum virginum. Et in hoc ipso altari continentur
 reliquie sanctorum virginum, sancte Laurentiæ,
 sancte Justæ, sancte Agathæ, sancte Walburgæ,
 sancte Margarete, sancte Luciæ, sancte Julianæ,
 sancte Columbanæ, sancte Cecilie, sancte So-
 phiæ, sancte Felicitatis, sancte Ariæ, sancte
 Praxedis, sancte Gertrudis. Hac denique regali
 aula pretiosis reliquiis venerabiliter suffulta (297),
 imperator Romanorum eximius, contectali sua
 imperatrice Cunigunda pignoreque regali, herili
 videlicet domina Adelheida, quæ decus dignoscit
 sanctimonialium, una cum sorore sua Sophia,
 cunctisque regni optimatibus, cum communi
 consensu cleri ac populi astantibus, illud aposto-
 licum inhianter desiderans promissum : *Qui se-
 minat in benedictione, in benedictionibus et metet*,
 pluribus auri sericorumque donariis doteque hæ-
 reditaria quam maxime hanc laudabilem basi-
 licam honorifice ditavit. Deinde sacro dedicationis
 hujusce die octavo Meresburgensis ecclesie dedi-
 cationem — pro corruptibilibus incorruptibilia,
 pro temporalibus æterna, quæ oculus non vidit
 nec auris audivit nec in corda ascenderant hu-
 mana quæ Deus præparavit diligentibus se — vis-
 cere tenus sitiendo, non impari tripudiavit gloria.
 Perfectis itaque consummatisque, ut prædiximus,
 dedicationum gaudimoniis, imperator augustus
 locum quendam regni sæpius supra memoratum,
 Alstedi dictum, via aggrediens accelerata, con-
 ductisque Germaniæ primis, prout censura exi-
 gerat imperialis, magnum ibidem peragit consi-
 lium. Rebus namque regalibus, prout sagacis sui
 ingenii industria docuerat, sapienter compositis,
 se suaque omnia aureæ Saxonum, saxea corda
 gerentium, fidei commendans, in quibus patres,
 sceptrigeri imperatores videlicet, vincendo re-
 gnantes, regnando fructuose imperantes, firmissi-
 mam spei (298) infixerant anchoram ; quosque
 regni columnam profiterant munimenque egre-
 gium congaudendo, paciferumque heroum ger-
 men inclitum, veste togata, sed nunquam vel sero
 scissura continuo indutum gratulando, nil illis ex-
 cepto Deo cognatoque bidademate, præferre stu-
 dendo paterno dilexerant affectu — quo facto sicrei
 eventu exigente idque regni optimatibus inhianter
 poscentibus, Alpium devia transvolandum proficisci
 inchoat. Quarum difficultate enisa, cunctas regio-
 nis illius provincias vincendo, regnando, imperan-
 doque transmeans, natale Domini more imperato-
 rio horis Italicis gloriose potestativeque perduxit.

1022. Post hæc de loco in locum proficiscendo
 urbis munitissimæ, Trojæ videlicet, mœnibus,
 cujus indigenas provincialium legatione ditioni
 regie recognoverat rebelles, bellicosam invexit
 aciem ; quam etiam, licet obsidione longa suorum-

(295) Ita L. Mumilfi c.

(296) Deest. c.

(297) Ita L. suffulti c.

(298) Ita L. spem c.

que sudore plurimo, more avorum atavorumque regum namque victoriosissime devincens, incolasque hujuscemodi aut neci tradens aut captos colligari præcipiens, quos antea animo contumaci sibi ingemuerat renitentes, suo postmodum dominio (299), Deo cooperante, gaudebat subjugatos. Sed his prosperitatibus non elatus, verum sapientia scientiaque Dei præditus, hujuscemodi victoriam non sibi sed pietati divinæ apostolicisque imputans meritis, Romanæ apicem sedis gaudendo supplicans, glorificando adorans, accelerat. Ibi que aliquantulum moratus, regni illius optimatibus pace gratiaque sui redimitis, nivosam Alptum cacumina citato transgreditur cursu; tanta videlicet mortalitate subsecuta, quæ vix aut nullatenus vocum nitibus, vel etiam officiis stili valeat enucleari. Quam imperator augustus cœlitus evadens adumbratus, sed raro milite comitatus, exceptis his quos sibi mater Europa occurrendo admiserat, Germanicas pervenit ad oras, magnumque mox synodale consilium, confluentibus undique diversarum regionum episcopis aliisque populis quam plurimis, in partibus peregit occidentalibus. Hisque, prout res tempusque poscebant, peractis, Grona vocabulo dictum quandam perventum est locum, quo regali in presentia inter geminos præsules, Geronem videlicet et Arnulfum, nefanda omnique pio execranda exoritur seditio; dico nefanda, quia periculosa, periculosa, quia non peritura (300), sed, ut vereor, illos perditura; amborumque necem perdurabat, proh dolor! expectatum. Dehinc Bernwardum (301) Hildeshemensem antistitem humanis divulgatur excessisse rebus (302). Erispa, beatæ memoriæ sanctimonialis femina, subtrahita seculo, cœli connumeratur palatio. Liudulfus præpositus corpore resolutus, lætum Deo tradidit spiritum. Ricdagi marchionis præclara filia, Gerburg nomine dicta, studiis liberalibus a primævo juventutis flore honestissima exercitatione irretita omnigenisque virtutum gemmata insigniis, 3 Calend. Novembris terræ quod suam, Deo quod proprium, præsentavit.

1023. Oda religiosissima domina, primogenita marchionis Theodorici, homine exuta redditur cœlo. Burgareda licet ætate tenella, magistrorum tamen diligentia optime sudata, tam morum probitate quam generis dignitate pollens, morte prævenitur immatura. Henricus imperator augustus abbas festaque paschalia, principibus turmatim undique confluentibus, Meresburgæ rite peragens, quod rarum vel penitus (303) videtur manditam, terna unius ejusdem templi dedicatione gratificatur. Gerburg, dum sancta (304) religio optime viguit a prioribus canonice nutrita, sed jam emerita, rebus eximitur humanis, Arnul-

fus Halberstadensis episcopus, sapientia divina præditus, scientia humana facundus, cunctis perpetim seclis lugendus, cœli collocatur palatio postque hujus dormitionem clerus totusque populus quendam Hermannum, natu nobilem sed morum artiumque probitate nobiliorem, seniore suum, antistiti eligunt vicarium; maxime proceres, beato protomartyri Stephano habitu militari deservientes, centies centuplicata pecuniarum præbentes munera, quo velle suum, præfata videlicet electio, eo firmiter staret, hæreditates proprias potestati regis subdere non differunt. Nam quo id ordine fieri nequiverit nescientes, utrum id nostra præpedierint crimina, quibus suæ cordi esset subesse parochiæ, an illum pietas divina virtutibus auctum perfectioremque ad id opus aliis servaverit temporibus, divino relinquimus arbitrio. Fridericus regalis camerarius, herili procerum stemmate natus... imperiali nimium auctus affluentis nobiliter conversatus, prior primatibus familiaribus... eadem quam horis susceperat Italicis ægritudine depressus, onus limosæ molis dormiendo obiit. Cujus morte imperator non modice sauciatus, pauperum sustentando inopiam... regionis hujuscemodi cœnobii pro adipiscenda animæ ipsius salute maximis ditavit opulentis. Ghero archiepiscopus, multis doloribus affectus, suos post se non sine... (305) relinquendo, seculo moriens sed Christo vivens, obiit. Ailwardus episcopus, rebus... (306) uti parcumque sciens modum servare fruendo, non modicis a suis, ut decuit talem, deploratus gemitibus, inopinata prævenitur morte. Eodem anno Bernhardus Mekilnburgensis episcopus, et Eilhardus, Pragonensis episcopus, aliique antistites quam plurimi obierunt. Ergo extinctis tot tantisque sanctæ Ecclesiæ doctoribus, Henricus imperator augustus, tanto comperto oasa, non mediocriter sed anxie tristeque dolens, aliquantum temporis his regionibus mœstus duxit. Interim dominicæ nativitatis festa digna celebraturus reverentia, regio comitatu, prout decuit, Bavanberg profectus, inibi turba desolata diversis episcopis cætervatim illum convenerat, unusquisque pastoris sui nec corde tenus sauciatus. Cujus providentiæ cura, imperiali potestate, committerentur regendi, omnes trepida curarum ambage suspensi manebant. Verum imperator inito destinationis decreto cum his quos summos habuit in consiliis, induxit animum, Hunfrithum Geronis archiepiscopi vicarium constare. Eadem die Brandagus, Vuldensis abbatia antea sublimatus, Arnulphi antistitis successor existens, sacri ordinis honore constat sublimatus. Huprecht, vir summe industriæ, Ailwardi præsulis in loco jura episcopatus obtinuit. Hinc sacerdotali

(299) Ita correxi; domino c.

(300) N. p. ex Chron. Sazone recepi.

(301) Ita corrigo; Bernwardum c.

(302) Vox deest, sed spatium anti vocabulo patet.

(303) Locus vacuus; vox penitus deest.

(304) Ita lacunam L. explevit.

(305) Lacuna: dolore L.

(306) Lacuna; humanis?

ANNALES QUEDLINBURGENSES. A. 1024-1025.

officio ordinatus, Eghardi Bragensis ecclesie episcopi vice successit, alique quamplures ad eundem ordinati honorem, quibus sancta ecclesia mira firmitate manet subnixæ; quos nominatim perstringere longum videtur.

1024. Post hæc imperator diversis doloribus cruciatus, eodem loco crebra infirmitate diutinas protraxit moras, resumptisque demum post tantæ gravedinis molem animi viribus, citato cursu, si id quod voto tenuit effectu perfici possit, Parthenopolim ire instituit. Tandem post longam deliberationem, laboriosi itineris difficultate emensa, diem palmarum in loco Alstede dicto festive peregit; die vero reconciliationis, exigente infirmitatis gravedine, remota a se quæ convenerat turba, paucis secum comitantibus, in Nuwanburg (307) cenam Domini nec non parasceven egregie celebravit. In sabbato ergo sancto, contracto senatus conventu, contactali sua Cunigunda una comitante, Parthenopolim adeundo pervenit. In susceptione imperatoria qua auctoritate cuncta sunt rite disposita, ordinatim exponere, longa est series. Verum redeamus ad rem. Siquidem dominicæ resurrectionis gaudio celebri honore peracto, imperator augustus, ab ejusdem loci antistite auri sericorumque varietate plurimum donatus, Halverstadensem metropolim ire contendit. Ergo athletæ (308) sancti Stephani regularis normæ religiose choros ducentes, ac pari concentu quæque dulcisona canendo cæsari augusto, regie adventanti aulæ quali quantoque occurrerint tripudio, insuper etiam præclari proceres militari jure protomartyri Stephano servientes qua diligentia victoriosissimo imperatori Heinrico omnigenarum affluentia divitiarum assisterent ministrando; quamque in donariis auri gemmarumque mira haberetur species, quæ imperatoria dignitate ibidem constat donata, in humanis mentibus (309) nec excogitari, nec litteris valet comprehendendi. Quid plura? Remota morositate, Gosleri aggreditur, peractisque inibi decem diebus, quendam locum Grone dictum festive approperat, ibique diurna ægrimonia per longa temporum fatigatur curricula. Tandemque amaræ mortis deebriatus poculo, quod summi Arcitenensis dono acceperat, homine deposito, cœli intulit palatio. Dehinc flebili quærimonia, incredebili frequentia comitante, juxta id quod ipse decreverat, Bavenbergensi castello defertur, et qui vivus sanctæ Ecclesie magnum extiterat solatium, perpetuo lugendus, ingenti honore, mixto etiam fletu ac mœrore, terræ deponitur. Facto autem in brevi totius senatus conventu, Conradus, inelyta regum prosapia ortus, in regnum eligitur, atque a Monguntinæ ecclesie archiepiscopo Aribone unctus, coronatur. Parvo dierum intervallo etiam Gisila, divinitus jam prælecta, jussu et advocante regis, ipso ibidem per-

A sistente, Moguntiam convenit, præsentemque imperatrice Cunigunda omniaque ad hæc pertinentia honeste, ut decuit, administrante, a præfato episcopo sub multo cleri senatusque conventu honore regio benedicatur ac coronatur. Inde progressus rex, una comitante regina. Neomagum deveniunt, ibique aliquandiu demorati, postea occidentalia peragrantes loca, Frethennam præclaram subintrant; ubi imperialiales filie ac sorores, Sophia videlicet et Adelheida, lætæ occurrunt, lætioresque, uti jus consanguineum exegerat, ambos suscipiunt. Inde Trutmoniam pervenientes, convenientibus ibidem occidentalibus episcopis ac primoribus, aliquantum temporis peragunt. Inde Mindensem urbem, festum dominici natalis celebraturi, conveniunt.

1025. Epiphaniam Domini apud Patharburnenses festive ducunt; multa disposuit. Postposita ergo omni dilatione progressus, insigne decus (310) sanctimonialium, Quedlingensi metropoli, celeriter properat. Inde digressus, Parthenopolitanæ urbis mœnibus purificationem sanctæ Mariæ summa perficiens diligentia, Mersburgum lætus aggreditur. Inde per urbes et loca provinciarum profectus diversarum, regiones nationum suæ ditionis imperando subjugaverat. Res admiranda nostrisque temporibus vehementer stupenda 2 Non. Februarii contigit; siquidem sol aureis invectus quadrigis, dum mediam poli arcem mira sui splendor claritate perfunderet, subito sub terna figura visus est fulsisse; quod mirabile prodigium rei eventu postea constat probatum. Rex dominicæ resurrectionis festa in civitate Augusta paschali gaudio solenniter erat celebraturus. Eodem anno fames prævaluit, et multa loca incendio perierunt. Bolizlavo dux Poloniæ, obitu Heinrici imperatoris augusti comperito, elatus animo viscere tenus superba veneno perfunditur, adeo ut uncto etiam sibi imponi coronam temere sit usurpatus. Quam animi sui præsumptionis audaciam divina mox subsecuta est ultio. In brevi namque tristem mortis sententiam compulsus subit. Post hunc filius ejus Misuka, natu major, haut dissimili superbia tumens, virus arrogantis longe lateque diffundit. Rex vero, dispositis apud Saxoniam rei publicæ necessariis, Franciam ingressus, apud Augustam more regio pascha celebravit, atque non multo post pro adipiscendo honore imperiali ac Romanorum regno Italiam iturus, Triburiam devenit; ubique sub multo populi conventu, ordinatis sapientissime rebus, iter destinatum, una comitante regina, aggreditur; filiamque unicam unice dilectam, dilectæ ac adoptivæ sibimet sorori, Adelheidæ videlicet abbatissæ, nutriendam transmittit. Mox quoque probato domnæ Beatricis adventu, præfata imperialis abbatissa Trobiki (311) cum suis occurrens, læta Quidelingaburgensem metropolim secum

(307) Nienburch Chr. S.

(308) Ita L. ad lætæ c.

(309) M. nec desunt, Leibnitio monente inserenda.

(310) Ita L. clerus c.

(311) Drubke, Drubeck citra Wernigerodam.

ANNALES QUEDLINBURGENSES. A. 1024-1025.

duxit. ut vero nouore, ut regiam decuit prolem, quove caritatis affectu, quave diligentia ab ipsa, ac sanctimonialibus in loco præmemorato consistentibus, omnibusque sibi subditis, suscipiatur ac post-

(*Reliqua exciderunt.*)

ANNALIUM HILDESHEIMENSIIUM CONTINUATIO.

A. 994-1040.

994. Filii Henrici comitis, Henricus, Udo, Sigifridus contra pyratas jussu imperatoris dimicantes. Ex quibus [unus (312) occisus, duo sunt capti.] Ilseburg (313) castrum fit habitatio monachorum (314).

995. Rex Abodritos vastavit, urbes et oppida disiecit; occurritque in auxilium Bolizlau filius Misaco cum magno exercitu, nec non Boemani cum filio alterius Bolizlau venerunt. Receptique se rex in Saxoniam cum exercitu incolumi. Baldricus Trajectensis episcopus obiit, successitque Ansfridus laicus et comes bonæ famæ vitæque honestæ, ut de eo, apud quos vixerat, testati sunt. Johannes quoque Placentinus et Bernwardus Wirceburgensis episcopi, Constantinopolim (315) ex latere regis, ut sponsam illi inde peterent, directi sunt. Legati etiam apostolicæ sedis cum unanimitate Romanorum atque Langobardorum regem Romam invitant. Heinricus potentissimus dux Bajoariorum, cum germanam suam dominam Gerbirgam diuturno languore probatam visitaret Gandeshem, 5 Kal. Septembris cum magno dolore omnium obiit. Sclavi frequenti irruptione Saxoniam vastant. Bernwardus quoque Wirceburgensis episcopus, morbo gravi affectus, inter maris pericula obiit.

996. Indict. 9. Johannes papa obiit. Unde imperator, in Italiam jam positus, rumore incitatus, præmissis quibus (316) principibus publico consensu et electione fecit in apostolicam sedem ordinari suum nepotem dominum Brunonem, Ottonis filium qui marcham Veronensem servabat, imposito nomine Gregorii; a quo et ipse proximo sollemni pentecostes imperator et patricius consecratur. Habitoque cum Romanis placito, quendam Crescentium, quia priorem papam injuriis sepe laceravit, exilio statuit deportari. Sed ad preces novi apostolici imperator omnia remisit. Sed non multo post imperatore Urbe excedente, idem Crescentius dominum apostolicum, nudum omnium rerum, Urbe expulit. Imperator in Francia hiemavit. Sacellum sancte Crucis (317) dedicatur.

997. Papa Ticini, adunato complurium episcoporum concilio, prefatum Crescentium anathemate perculit. Intercea Johannes Placentinus episcopus Constantinopoli remeans, Romam intromissus, apostolicam sedem factione Crescentii invaderat. Unde ab universis episcopis Italiæ, Germaniæ, Franciæ et Galliæ excommunicatur. Imperator quoque, ut Romanorum sentinam purgaret, Italiam perrexit, summa rerum dominæ Mathildæ amitæ suæ, Quidilingaburgensi abbatissæ, delegata; in qua ultra sexum mira prudentia eniuit.

998. Predictus inuasor Johannes ab imperatore, cæcatus et naribus truncatus, deponitur, et Crescentius decollatus cum 12 suis ante Urbem suspenditur. Eodem anno quædam mulier in Bajoaria (318) in uno partu quinque filios enixa est.

999. (319) *Mathilda abbatissa*, soror imperatoris

(312) *H. hæc supplenda videntur, secundum Lambertum.*

(313) *Ilseburg ad orientem Goslaricæ.*

(314) *Hæc manu tertia, quæ usque ad finem anni 997 prosequitur.*

(315) *Constantinolim ex late regis c.*

(316) *I. e. aliquibus.*

(317) *Hildesheim. Vita S. Bernwardi, cap. 10.*

(318) *Hæc jam erasa, ope Annalistæ Saxonis*

modum nutriatur, vel qua morum, verborum, actuumque indole per singula ætatis incrementa profecerit, scire aut facundia in dicendo nulla suppetit. Qua namque laude præferam, quod inter prima...

LAMBERTI ANNALIUM CONTINUATIO.

A. 994-1039.

994. Wolfgangus Ratisponensis episcopus (320) obiit, cui Gebehardus successit. Filii Henrici comitis, Henricus, Uoto, Sigifridus, contra piratas pugnant; quorum unus occisus, duo sunt capti.

995. Majolus abbas obiit.

996. Otto rex contra Crescentium Romam venit, ubi et Brunonem in sede apostolica constituit, a quo et ipse imperator factus est. Gotehardus abbas factus est in Alaha (321).

997. Johannes, Placentinus episcopus, sedem apostolicam invasit concilio Crescentii. Adalbertus episcopus martirizatur.

998. Crescentius ab imperatore decollatus, cum duodecim suis ante Urbem suspenditur. Joannes pseudopapa cæcatur.

996. Bruno papa, qui et Gregorius, obiit; cui

supplevi. Joannes Staindel in Chronico hæc habet: Quædam mulier de familia S. Mauritii in Alah enixa est quinque filios.

(319) *Hoc anno littera obliqua expressa ex conjectura supplervi.*

(320) *L. deest. 4. 5.*

(321) *L. f. e. i. A. desunt 5. 6.*

ANNALES HILDESHEIMENSES.

Otonis secundi, obiit. Gregorius papa obiit ; cui Gerbertus, idem et Silvester, successit. Edelheid quoque imperatrix obiit (322).

Tertio Ottone imperante millesimus annus supercrescens statuit computationis numerum, secundum illud quod legitur scriptum : *Millesimus exsuperat et transcendit omnia annus*. Imperator Otto tertius causa orationis ad sanctum Adalberdum episcopum et martirem quadragesimæ tempore Sclaviam intravit. Ibique coadunata sinodo episcopia septem disposuit, et Gaudentium, fratrem beati Alberti, in principali urbe Sclavorum Praga ordinari fecit, archiepiscopum, licentia Romani pontificis, causa petitionis Bolizlavonis Boemiorum ducis, ob amorem potius et honorem sui venerandi fratris, digni pontificis et martyris. Inde reveniens, palmarum sollempnitatem Parthenopoli festive peregit. Paschalia vero tempora votive Quidilimbaburh celebravit. Pentecostes autem celebritatem digna devocione Aquisgrani feravit. Quo tunc ammirationis causa magni imperatoris Karoli ossa contra divine religionis ecclesiastica effodere præcepit, qua tunc in abdito sepulture mirificas rerum varietates invenit. Sed de hoc, ut postea claruit, ulcionem æterni vindicis incurrit. Nam prædictus ei imperator post tante commissionis facinus comparuit, et ei prædixit (323).

1001. Ind. 14. (324) Imperator natalem Christi Rome celebravit, et illo Bernwardus episcopus in epiphaniis super multis infestacionibus archiepiscopi Willigisi, et maxime de synodo, quam in sua id est Gandeshemensi, ecclesia cum extraneis episcopis habuit, conquestus adventit : totamque ejusdem metropolitani illicitam usurpationem in præsentia Gerberti (315) pape et imperatoris tertii Otonis synodali auctoritate prorsus adnullavit, Gerbergha Gandeshemensis abbatissa Idus Novembris obiit.

Ottone (326) III imperante, ind. 15. 1002. Imperator Otto natalem (327) Tudertine cum domno apostolico celebravit inde Romam tendens, Salernum oppidum adiit ; sed febre et Italico morbo graviter correptus, cum generali omnium constriatione 10 Kal. Februarii, proh dolor ! ex hac vita morte immatura discessit. Cui Heinricus dux Noricorum, vir in omni æcclesiastica perfectione præcipuus, Willigiso Mogontiacensi archiepiscopo (328) ordinante, successit. Eodem vero anno novus rex Heinricus sancti Laurentii natalem Parderbrunne (329) celebravit. Et ibi domna Gunigund regalem benedictionem et coronæ impositionem a predicto metropolitano suscepit. Sed et Sophia ad Gandeshemense regimen electa, optentu principum domni Bernwardi licenciam a palligero (330) benedicendi ibidem optinuit.

Anno 2. regnante Henrico, ind. 1. 1003. rex natalem Domini Frankanaworde, pascha autem Quidelimbaburh celebravit. Herimannus Alemanorum dux regis eleccioni aliquandiu resistens, regie se potestati suddidit, et interventu reginæ et principum in suo honore permansit. Heinricus Berthaldi comitis filius, et Bruno frater regis, et ambo Bolizlavones, Polianicus videlicet ac Boemicus, a rege infideliter majestatis rei deficient. Sed Heinricus ad regem veniens et refugiens, in Givekanstin (331) custodiæ mancipatur. Stephanus rex Ungaricus super avunculum suum regem lulum cum exercitu venit ; quem cum comprehendisset cum uxore et filiis duobus, regnum ejus vi ad christianitatem compulit. Sacellum sancti Martini (332) dedicatur.

Anno 3. ind. 2. 1004. rex nativitatem Domini Palidi mansit ; illo ad eum episcopus Veronensis ac alii quidam primores Italici regni venerunt cum regis muneribus. Et Bruno frater regis, optentu domnæ Gislæ matris, ejus acquisivit gratiam. Incendium miserabile civitatis Papiæ.

LAMBERTI ANNALES.

Gerbertus, qui et Silvester, successit, Adelheit imperatrix obiit (333).

1000. Imperator ossa Karoli Magni Aquisgrani, a pluribus eo usque ignorata, invenit. Gaudentius, frater Adalberti martiris, in Praga archiepiscopus constituitur.

1001. Imperator natalem Domini Romæ celebravit.

1002. Otto III, imperator obiit ; cui Heinricus Bajoarius successit. Eggihardus marchio, regni usurpator, Poledi occisus est.

1003. Plerique principes a rege deficient ; sed post modicum correcti, in gratiam recipiuntur.

1004. Miserandum Papiæ incendium. Bruno, frater regis, qui electioni ejus aliquandiu restiterat, in gratiam ejus rediit.

(322) *Hinc alia manus.*

(323) *Manu sæculi XV. adjectum* : obitum suum celerius affuturum.

(324) *Anni 1001—1022 med. alia manu.*

(325) *Jam voce rasa manu sæc. XV. Silvestri legitur.*

(326) O. III. *in codice statim post adnullavit, legitur.*

(327) *Scil. Domini.*

(328) *Et Bernwardo episcopo addita manu sæc. XV. ex Vitæ S. Bernwardi cap. 38 male intellecto.*

(329) *Olim Parderbrunnemo scriptum fuisse videtur.*

(330) *i. e. Willigiso archiepiscopo.*

(331) *Gibeckenstein ad Salam.*

(332) *Hildesheim.*

(333) *A. i. o. anno 998 adsignantur in 5.*

ANNALES HILDESHEIMENSES.

Anno ejusdem 4. rege gloriosissimo, ind. 3. 1005. rex natalem Domini Thornburgh feriavit, et in partibus Saxonie usque ad tempus quadragesime habitavit, quadragesima Thiele, pascha vero Aquisgrani celebravit. Bernharius abbas Herveldensis obiit; cui Godehardus, monachice vite, vir in sancta conversatione probatissimus, successit.

Regni vero Henrici 5. ind. 4. 1006. rex natalem Domini Palithi egit: celebritatem namque paschalis sollemnitatis Nuvimago feliciter tripudiavit. Guntherus divina pietate instinctus, renuntians seculo et pompis ejus, monachus est factus. Fames valida pene in universa terra.

Henricho regnante 6. ind. 5. 1007. rex natalem item Palithi celebravit. Epiphaniam vero Gandsheim venit, et odibilem dissensionem inter Willigisum archiepiscopum et Bernwardum antistitem de eadem ecclesia prudenti ingenio sapienter diremit. Domus vero Bernwardus in presentia regis et archiepiscopi ceterorumque regni primorum eandem ecclesiam dedicavit, et omnem ibidem episcopalem provisionem sine cujusquam interdictione potestative celebravit.

Regni autem Henrici 7. ind. 6. 1008. rex natalem Domini Palidi, pascha Merseburgh, pentecosten vero Agrippine feriavit. Liudolfus Treverensis metropolitanus obiit; cui Meinzoz primiscrinus regis successit. Nohtgerus prepositus monasterii beati Galli, Leodicensis presul, ad Christum migravit. Post quem Baldericus Radasponensis vicidomnus subintravit. Gunterus monachus sancta conversatione in monasterio probatus, heremita est effectus.

Et nondum imperante 8, ind. 7. 1009. rex nativitatem Christi Salzburgh, pascha vero Augustburg peregit. Retharius Paderbrunnensis episcopus 2. Non. Marcii obiit; cui Meinwercus regis capellanus successit. Monasterium quoque Mogonciacense prelatitatum divino honore et reliquiis beati Martini futura consecratione, constructum a Willigiso archiepiscopo maximo decoris studio, 3. Kal. Septembris miserabili periiit incendio.

Anno regni ejus 9. ind. 8. 1010. natalem Domini rex Palidi, pascha Radisbone celebravit. Ansfridus Trajectensis ecclesie antistes obiit; cui loco Adelboldus successit.

Regnante eo 10. anno, ind. 9. 1011. rex natalem Domini Frankenavord celebravit, et in capite jejunii Corbeiam venit. Ibi Bernhardus pius dux 5. Id. Februarii obiit, et in Luniburg cenobio beati Michahelis magno exequiarum planctu sepultus, quod ipse a fundamento construxerat, et in qua monachorum congregacionem adunaverat. Post quem vero filius ejus Bernhardus (334) ducatum obtinuit. His etiam temporibus Willigisus Mogontinus metropolitanus ad Christum migravit, in cuius locum Erkanbaldus Fuldensium abbas subintravit, qui noster episcopus Bernwardus Kal. Aprilis consecravat.

Henrici anno regni ejus 11. ind. 10. 1012. rex nativitatem Christi Thornburg, pascha autem Laodicie (335) celebravit. Inde vero cum summa regalis reverentia Babenberg progressus est. Ibi venerabile monasterium, ipsius domni regis nobile ac speciale studium, ab Eberhardo, primo ejusdem sedis episcopo, cum consensu et conventu omnium cisalpinorum presulum 2. Non. Maii consecratum est ad laudem et honorem Domini nostri Jesu Christi, et preciosissimi martyris ejus Georii, et ad patrocinium omnium sanctorum Dei. Daganus Pathenopolitane urbis archipresul obiit cui Walthardus ejusdem ecclesie prepositus successit. Sed et huic post 7 tantum epdomadas defuncto successit Dero, vir perfectus in omni ecclesiastico studio. Godehardus, relicta Herfeldensi abbacia, iterum remeavit ad Altaha.

(334) Bernhardus an æquivocus? manu sæc. XV. Benno scribitur. v. infra.

(335) Leodii.

LAMBERTI ANNALES

1005. Bernhartus abbas Herveldensis obiit, cui Godehardus successit.

1006. Guntherus, nobilis vir de Thuringia, monachus factus est Herveldie; sed postea ad Altaha transivit, consilio Godehardi abbatis. Fames valida.

1007.

1008. Nohtger Leodiensis episcopus obiit; cui Baldaricus successit. Guntherus monachus heremum petivit.

1009. Ecclesia major Mogontie, quam Willigisus construxerat, incensa est ipso die consecrationis sue.

1010. Ansfridus Frajectensis episcopus obiit; cui Adelboldus successit.

1011. Willigisus Mogontie archiepiscopus obiit; cui Erkenbaldus [Fuldensis abbas 4. 5. 6] successit. Abbatiam Brantho suscepit.

1012. Ecclesia major in Babenberg ab Eberhardo primo ejusdem sedis episcopo, consecrata est. Godehardus abbatiam Herveldensem reliquit; cui Arnoldus successit.

ANNALES HILDESHEIMENSES.

LAMBERTI ANNALES.

Regnante Heinricho 12. anno, ind. 11. 1013. in- 1013
carnacionem Domini rex Palidi feriavit. Postea 12

Kal. Febr. peccatis agentibus principale templum Hildineshemensis ecclesie diabolo insidiante per noctem igne succensum, sed solo divinae miserationis subsidio velociter, Deo gratias! est exstinctum. Sed hoc, ah! ah! nobis restat lugendum, quia in eodem incendio cum preciosissimo missali ornamento inexplicabilis et inreperabilis copia periit librorum. Et rex purgationem sanctae Mariae Parthenopoli egit. Inde Werla veniens, gravi languore correptus epdomadorum 5 spatio decubuit. Christyanus Pataviensis episcopus obiit; cui Beringerus ejus loci decanus successit. Godescalcus presbyter, nostre congregationis praepositus, obiit 17. Kalend. Augusti.

Heinricho regnante 13 anno, ind. 12, 1014. nata- 1014.
lem Domini rex Papie celebravit. Inde committaturo
regali Romam pergens, imperialis coronae djadema
a sancti Petri vicario Benedicto 6. Kal. Martias cum generali electione suscepit. Ejusque
contectalis domna Cunigunda idem Deo annuente promeruit. Sic imperator Dei gratia
factus Papiam rediit. Ibi sanctum pascha feriavit. Inde namque regrediens, pentecosten
Babenberg festive peregit. Quo tunc privilegia (336) ejusdem loci res continentia jussit
inscribere, firmata vel sigillo (337) sue auctoritatis, et roborata apostolica jure Romani
pontificis, ut essent illorum banno firmata, regnante Christo Regi regum in eternum et
ultra.

1014. Heinrichus rex cum Cunigunda regina imperiale nomen suscepit.

Anno regni ejus 14. et imperii ejus 2. ind. 13 1015.
imperator nativitatem Christi Palidi egit. Et duces
Oudalricum Boemiorum et Bolizlavum Polianorum

1015. Imperator ad Polenos (340) cum exercitu abiit.

in pascha Mersburg ad se venturos determinavit. Oudalricus vero die statuto se pro criminis accusati innocentia expurgandum praesentavit. Et hoc quia Bolizlavus neglexit, estatis illius tempore cum valida suorum manu Polianiam imperator intravit. Ernost dux ex improviso in venatione a suo milite Adalberho sagitta percussus, miserabili morte periit, Lambertus praelator occubuit. Hoc anno, videlicet Incarnationis Domini nostri Jesu Christi 1015. Heinricho 12 (338) annos regnante, 2. jam Dei gratia imperante, cripta nostri monasterii (339) indict 13. 3. Kal. Octobr. dedicata est a Bernawardo ejusdem ecclesiae venerabilissimo presule, et Thidericho Mimigardivurdensis ecclesiae dignissimo antistite, et ab Ekkihardo Slieswicensis civitatis venerabili episcopo, in honore Salvatoris Domini nostri Jesu Christi, et ejus Genitricis perpetuaeque Virginis, et ad singulare patrocinium beati archangeli Michaelis totiusque militiae caelestis.

Regnante ep 15, et imperante 3. anno, ind. 14.
1016. imperator Christi navitatem Patherbrunne
celebravit. Magnae molis grando venit, et plurimi
fulmini exusti perierunt. Wigmannus comes 2. Nonas octobris est occisus.

1016. Grando magna fuit, et multi fulmine exusti sunt.

1017. ind. 15. imperator natalem Domini Palidi
egit. Eodem anno rursus Polianiam cum exercitu
intravit. Meingoz Treverensis episcopus obiit; cui
Boppo successit. Aid Mianicansis praesul abdo-
mivit; post quem Hildivardus subintravit. Diudolfus presbiter 4. Non, Aug., Godescalcus.
presbiter et decanus 7. Kal. Octobris obierunt.

1017. Meingoz Treverorum episcopus obiit; cui Boppo successit. Imperator contra Polenos (341) iterum exercitum duxit.

Imperante 5. sui imperii anno ind. 1. 1018 impe- 1018.
rator natalem Christi Patherbrunnem, pascha Ba-
benberg egit. Heinrichus marchio Bajoariorum subitanea morte praeventus obiit. Eo an-
no dominus Bernwardus episcopus tempore quadragesimae Goslare, praesente imperatore
cum episcopis ceterisque regni primoribus sinodo habita, Godescalcum, Eggihardi praesi-
dis filium, et Gerdrudam, Egberdi comitis filiam, separavit. Maccho presbiter 6. Kal. Maii
obiit.

(336) H. privilegia corr. privilegia c. eadem manu.
(337) Signaculo add. vel sigillo eadem manu.
(338) Lege XIV.

(339) S. Michaelis Hildenesheimensis.
(340) L. polonos 1. 6. ed. II.
(341) Polonos 6. ed. II.

ANNALES. HILDESHEIMENSES.

LAMBERTI ANNALES.

Imperante Heinrico 6. sui imperii anno, ind. 2. 1019. imperator natalem Domini Werziburg celebravit; postea cum exercitu contra Bernhardum ducem ad castellum Scalcaburg perrexit, ibique, Deo gratias! omnia in pace constituit. Eo anno in pascha papam de Roma Bavemberg hospicio suscepit.

1020. ind. 3. imperator nativitatem Domini Hamerstein egit. Heriberhtus archiepiscopus Colonie mortalem vitam 17. Kal. Aprilis in angelicam mutavit; in cuius locum Biligrinus subintravit. Erkembaldus Mogontie metropolitani 15. Kal. Septembris sustollitur, post quem Aribo, vir sancte ecclesie probatissimus, substituitur.

Anno imperii Heinrici 8. ind. 4. 1021. incarnationem Domini imperator Regenesburg feriavit. Ingens terre motus in Bajoarie partibus 4. Id. Maii, hora 10, diei, feria 6. post ascensionem Domini contigit.

Imperii anno 9, ind. 5. 1022. natalem Domini imperator Thorneburh quievit. Thiedricus Mimgardivordensis episcopus 10. Kal. Febr. obiit; cui Sigifridus Parthenopolitanus abbas successit. Thiedricus Mindensis presul 11. Kal. Mart. discessit. Post quem Alberichus, ejusdem loci prepositus, est electus, sed morte preventus nec consecrationem accepit, nec in cathedram pervenit. Sigiberhdus vero in episcopatum intravit. Domnus Bernwardus Hildenesheimensium venerabilis antistes 12. Kal. Decembris ad Christum migravit:

Cui Deus eterni prestat consortia regni,
Vivens arce poli sit socius Lazari. Amen.

In cuius loco domnum Godehardum, Herfeldensium et Altahensium prius abbatem, sancta ecclesia sibi suisque utiliter subrogavit.

Hoc (342) anno, videlicet incorporati verbi 1022. regni vero Heinrici imperatoris 21. ordinatione autem domni Bernwardi hujus ecclesie presulis venerandi 31. indicione 5. 3. Kal. Octobris, hujus monasterii oratorium a prefato antistite cum summo decoris studio ad utilitatem monachice vite constructum foras muros Hildenesheimensis urbis situm, dedicatum est, insuper cum omni devocione ecclesiasticae religionis consecratum, in honore Salvatoris Domini nostri Jesu Christi et ejus Genitricis semperque Virginis Mariæ, ac salutiferi ligni adorandæ et vivificæ crucis, et ad speciale patrocinium sancti Michaelis archangeli, totiusque milicie celi, et ad laudem veneracionis omnium sanctorum Dei, a venerando ejusdem ecclesie provitore Bernvardo, et ab honorabili Unewano archipresule Hamaburgensis ecclesie, ab Ekkiharo quoque Sliesviccensi episcopo, ab Bernharo (343) quidem Aldenbursensis ecclesie reverentissimo antistite, ad ecclesiasticæ pacis munimen et ad christianitatis salutem et defensionem. Et in tantum predia et res eodem loco pertinentia sunt banno auctoritatis eorum stabilita, ut si quis inde vi aut sponte aliqua diriperet, perpetua damnacione subjaceret, et perpetuo anathemate damnatus, et de terra viventium delectus, qui huic loco esset in aliquo obnoxius et contrarius. Fiat, fiat, fiat.

Hoc fiat verum Christo regnante per evum.

Sed mox ejusdem monasterii habitaculum comissum est ad regendum abbatis officio Goderamno, cenobii sancti Pantaleonis preposito.

Quod pie nam rexit hoc mundo quamdiu vixit.

1023. ind. 6. Mersiburg imperator Christi incarnationem solemniter celebravit. Gero Parthenopo-

1019. Imperator papam Babenberg suscepit hospicio.

1020. Heribertus Coloniensis archiepiscopus, obiit, cui Pilegrinus successit. Erkenbaldus Mogontie (344) archiepiscopus obiit; cui Aribo successit.

1021. Ingens terre motus factus est in Bajoaria.

1022. (345) Domnus Bernwardus Hildenesheimensis episcopus obiit [12. Kal. Decembris 4. 5.]; cui (346) Gotehardus Alaha abbas successit [4. Non. Decembris ordinatus 4. 6.]

1023. Gero episcopus Madagaburgensis obiit; cui Hunfridus successit. Branto abbas (347) Fuldensis

(342) *Hinc alia manus.*

(343) Be: ::::: quidem . sæc. XV. Bernwardus quondam.

(344) *Deest 1.*

(345) *Hæc 2 ita habet: Gotehardus episcopus factus est Hildenesheim.*

(346) Cui sanctus Gothardus successit 3.

(347) *A. f. desunt 5.*

ANNALES HILDESHEIMENSES.

litanus archipræsul obiit. Cui Hunfrithus, vir per omnia ad usum sancte ecclesiæ probatissimus, successit. Arnolfus Halberstatensis episcopus obiit; cui Branthog Fuldensium olim abbas successit. Bernhardus (348) Haldenburgensis antistes abstollitur; post quem Reinoldus subinfertur. Domnus Godehardus prima post ordinacionem suam ætati pulchrum monasterium in australi (349) parte principalis nostræ ecclesiæ honorifice fundendo inchoavit. Wolframnus de eadem congregacione electus domno Godehardo successit. Liudolfus comes obiit.

1024. ind. 7 Heinrichus imperator nativitatem Christi Babenberg, pascha Parthenopoli, pentecosten vero Goslare honorifice celebravit. Qui postea Gruna venit, et ibi languore correptus decubuit: et cum totius regni merore, ah! ah! 3. Idus Julii hominem deposuit. Sed 22 annis, epdomadis 5 et 1. diem regnavit. Anima ejus requiescat in pace.

Det (350) requiem anime, qui cuncta gubernat ubique!

Huic namque 6. Idus Septembris Cuonradus regnum subintravit. Senior noster Godehardus curtem suam ad orientalem partem nostræ civitatis, in loco qui dicitur Sulza fabricavit.

1025. ind. 8. Cuonradus rex natalem Christi Mindo cum ingenti gloria et leticia peregit. Ibi etiam plurimos, qui prædicte ejus electioni non intererant, obvios habuit, omnesque sibi devotos in gratiam recepit. Pascha vero Regenesburh celebravit. Domnus Godehardus montem spetiosum in occidentali parte civitatis nostre incolere cepit, quem postea titulo ac nomini sancti Mauricii summi sui patroni dedicavit.

1026 (351). ind. 9. Cuonradus rex natalem Christi Lindburg celebriter feriavit. Wolframnus Althensis abbas obiit. Cujus in locum Ratmundus est electus, et Dei gratia consecratus. Pater Godehardus hoc anno prædictum novum nostrum monasterium in occidentali parte nostræ principalis ecclesiæ 17. Kal. Septembris in honore passionis, resurrectionis, ascensionis Christi sollemniter consecravit. Ekkihardus Sliesvicensis episcopus obiit. Cui Rodulfus, de Coloniensi clero electus, successit.

1027. ind. 10. Cuonradus rex in pascha Romæ imperator factus est. Et filius ejus Heinrichus rex dux Bajarie esse cepit. Sinodus generalis in Franconovurdi episcoporum 22. præsentate Cuonrado imperatore, in qua domnus Godehardus diocesim suam super Gandeshemensse territorium canonicè retinuit, testimonio 7 episcoporum, Brunonis Augustensis, Eberhardi Bavenbergensis, Meginwreci Paterbrunnensis, Meginhardi Werziburgensis, Hildwardi Citiensis, Sigiberthi Mindensis, Brunonis Mersiburgensis. In hac sinodo Gebehardus juvenis, frater imperatoris, arma compulsus deposuit, et clericalem tonsuram accepit. Wiggerus presbiter nostræ congregacionis obiit.

1028. ind. 11. Imperator incarnationem Domini Regenesburg celebravit. Mogontinus archiepiscopus Aribo in Geizlethe (352) sinodum generalem cum suis suffraganeis episcopis habuit, in qua inter cetera ecclesiastica quidam homo ingenuus de homicidio Sigefridi comitis inculpatus, candenti se ferro expurgavit, qui ex decreto synodali post duas noctes probatus, illesus apparuit. Misako, qui jam per aliquot annos regnum Sclavorum tyrannice sibi contra imperialem usurpabat majestatem orientales partes Saxonie cum valido suorum exercitu violenter invasit, et incendiis ac deprædationibus peractis, viros quosque trucidavit, mulieres plurimas captivavit, parvulorum innumerabilem prorsus multitudinem miserabili

LAMBERTI ANNALES.

episcopus factus est Halberstatensis; Richardus (353) factus est abbas Fuldensis.

1024. Heinrichus secundus rex imperator obiit; cui successit Cuonradus.

1025.

1026.

1027. Cuonradus rex imperator factus est in pascha. Gevehardus, frater imperatoris, coactus est ex laico clericus fieri.

1028. Heinrichus, imperatoris filius, rex factus est Aquisgrani per Pilegrinum Coloniensem archiepiscopum.

(348) Bennone *m. sec. XV.*

(349) O :::t:::ali 1. orientali *m. s. XV.*

(350) *Ded corr. Det c.*

(351) *Hinc alia manus.*

(352) Geisleden in terra Eichsfeld.

(353) R. f. e. a. f. anno 1024 *adscribuntur in 5.*

r. f. a. successit 2 6.

ANNALES HILDESHEIMENSES.

LAMBERTI ANNALES.

inauditaque mortificatione cruentavit, et per semetipsum suosque, immo diaboli satellites, nimiam crudelitatis sevitiā in Christianōrum finibus Deo inspiciente exercuit.

1029. ind. 12. Imperator natalem Christi Inglenheim peregit. Brun Augustæ civitatis, frater Heinrichi imperatoris, obiit. Cui Eppo regius capellanus successit. Generalis sinodus in Palithi presidente imperatore cum episcopis 11, in qua iterum Mogontinus archipræsul domnum Godehardum super Gandesheim inquietare cepit. Wernherus Argentinae præsul e mundo migravit; post quem Willehælmus reginae archicapellanus subintravit. Legati Liutiziorum Palithi ad imperatorem venientes, ejus juvamen contra Misakonem tyrannum petierunt, sequæ ei fideliter servituros promiserunt. Et mentita est iniquitas sibi.

1029. Bruno Augustensis episcopus obiit, cui Eppo successit. Wernherus Argentinae episcopus obiit, cui Willihelmus successit.

1030. ind. 13. Cuonradus imperator cum exercitu fuit in Ungaria. Goderamnus primus Hildeshemensis abbas 2. Kal. Julii obiit, cui Ædelberhdus Herocampiæ (354) montis sancti Johannis Baptistæ præpositus, juste conversationis monachus, successit; et in proximus 8. Kalend. Januarii consecratus est a domno Godehardo ad principale altare sanctæ Hildinesheimensis ecclesiæ. Hoc anno domnus Godehardus episcopus et Aribo metropolitanus Mogontia inter se invicem super Gandesheim reconciliati sunt. Nam ipse metropolitanus patrem Godehardum secreto convenit, sequæ super eadem parrochia errasse confitendo nuntiavit, et omnem fraternam satisfactionem, sed et de præterita lite perpetuam taciturnitatem sub vero Christi et ecclesiæ testimonio promisit; sibi priora errata per Deum remitti suppliciter petiit. Istud ergo hic ideo veraciter inscribitur, quia ipso domino Godehardo sepius idem in suo sermone publice protestante verum esse comprobatur. Unewanus Hammaburgensis archiepiscopus obiit; cui suus præpositus Liebizo successit. Æcclesiam etiam pulchram in Holthunon (355) in honore sancti Benedicti abbatis, monachæ conversationi aptam, fundavit.

1030. Cuonradus imperator Ungariam cum exercitu intravit.

1031. ind. 14. Cuonradus imperator natalem Domini Patherbrunnem et pascha Nuvimago feriavit. Eodem anno imperatoris filius Heinrichus rex et ipse dux Bajoariæ, et Stephanus rex Ungaricus, cum juramento invicem firmaverunt pacem. Et Heinrichus, Stephani regis filius, dux Ruizorum, in venatione ab apro discissus, periit flebiliter mortuus. Imperator cum parvo Saxonum exercitu Sclavos autumnali tempore invasit, et Mysachonem diu sibi resistantem regionem Lusizi cum aliquot urbibus et præda, quæ prioribus annis in Saxonia facta est, restituere pacemque juramento firmare coegit. Qui Mysecho post mensis tantum spatium a fratre suo Bezbrimo subita invasione proturbatus, et ad Oudalricum in Beheim fugere est compulsus. Sed idem Bezbrimo imperatori coronam cum aliis regalibus, quæ sibi frater ejus injuste usurpaverat, transmisit, ac semet humili mandamine per legatos suos imperatori subditurum promisit.

1031. Arnoldus abbatiam Herveldensem perdidit; cui Bardo successit. Sed is post dimidium annum Ariboni, Mogontino archiepiscopo, defuncto successit; Rudolfus vero abbatiam (357) iterum suscepit.

(356) Arnolfus pater monasterii Herveldensis, precipuus in divinis et humanis rebus, quorundam fratrum eo loci cujusdam criminis objectione accusatus, miserabiliter propria honore est privatus. In cujus loci vicissitudinem subrogatur Bardo, procurator cœnobii Wirdunensis, suggestione Gislæ imperatricis. Eidem vero Bardoni successit Geroldus Fuldensis monachus. Wiggerus Vardensis episcopus obiit, post quem Thietmarus intravit. Eodem anno piæ et venerabilis memoriæ Aribi Mogontiacensis archiepiscopus causa orationis Romam adiit; indeque digrediens, Cumis 8. Id. Aprilis, ah | ah | ex hac vita migravit; cujus honoris principatum optinuit Bardo, tunc nuper prælatus abbas Herveldensis monasterio. Sed huic quoque mox successit ad abbatiam dignitatem Rudolfus Bopponis monachus, cœnobii Stabulor præpositus, a quo imperatoris decreto inibi mutata est monachica consuetudo.

(354) Hersfeld.

(355) Osterholz.

(356) Hinc alia manus.

(357) L. heruelo-suscepit 4. abbas herveldensis
sus 1.

ANNALES HILDESHEIMENSES.

LAMBERTI ANNALES.

1032. ind. 15. Chuonradus imperator natale Domini Gosleri, pascha vero Seliganstad celebravit. Hoc anno Bezbriem ob immanissimam tyrannidis suæ sevitiã a suis, et etiam non sine fratrum suorum machinatione, interfectus est. Sed Misecho statim domum rediit; qui cognoscens sibi propter immoderatam sui insolentiam, quam prioribus annis exercuit, omnia quæ perpessus est, merito evenisse, legatos suos ad imperatorem destinavit, tempusque semet presentandi condigneque satisfaciendi postulavit. Et postmodum imperatore consentiente Mersburg venit, et semet Non. Julii in imperatoriam potestatem, coronæ scilicet ac totius regalis ornamenti oblitus, humiliter dedit, quem imperator clementius, quam ipse opinaretur, suscepit, eique et ejus patrueli cuidam Thiedrico regnum, quod ipse solus ante possederat, divisit; quod ipse tamen postea solus iterum sibi usurpavit. Oudalricus vero, eodem regali jussione invitatus, venire contempsit. Quem imperator postea Wirbeni (358), ubi contra Liutizios pacificandi regni gratia concessit, ad se venientem et etiam ratione convictum, de insidiis quoque, quas ipsi imperatori fecit, ante biennium confessum, in exilium transmissit. Sigifrithus Mimigardevordensis ecclesiæ præsul 5. Kalend. Decembris obiit, cui Herimannus Colonie præpositus successit. Liebizo Hammaburgensis archiepiscopus 8. Kalend. Septembris obiit, cui Herimannus Halberstatensis cenobii præpositus successit. Arnolfus abbas Herocampie 5. Kalend. Januarii obiit, et ad Gellingæ sepultus, qua tunc gratia manendi habitavit; sed inde post tres dies totidemque noctes deductus, et de terra effossus, ex præcepto Roudolfi sui successoris, Herfeldiæ in ecclesia sancti Michaelis est tumulatus. Wiggerus presbyter et præpositus 5. Kalend. Aprilis obiit (359).

1033. ind. I. Imperator natale Domini Patherbrune, pascha Neumago egit. Et æstivo tempore Burgundiam cum exercitu properans, Oudonem diu sibi resistantem, qui eandem regionem sibi contra imperatoris voluntatem tyrannice usurpaverat, obvium suscepit; acceptisque ab eo de pace juramentis et obsidibus, pacifice rediit. Eodem etiam anno ad castellum Wirbine Liudgerus comes, et Thiedof, et Wolveradus, cum aliis 40 occisi sunt. Piæ memoriæ Cunigund imperatrix 5. Non. Marci obiit. Eclipsis solis 3. Kal. Julii, feria 6, natali sancti Petri apostoli, hora diei 6. accidit, imperatore tunc placitum cum primoribus regni tractante in Merseburg civitate. Dedicatio monasterii sancti Michaelis archangeli in Hildenesheim 3. Kal. Octobris per Godehardum, ejusdem loci episcopum, cum maxima frequentia populorum. Incendium Althensis monasterii 6. Kal. Martii.

1034. ind. 2. Imperator nativitatem Christi Mindo, et pascha Reinesburg feriavit. In natale Domini ad eum legati diversarum gentium cum optimis multimodisque muneribus venerunt; ibique Hildericho, qui Altmannum interfecit, intercessione imperatricis et episcopi Halberstatensis, incolomitas vitæ et repetitio patriæ conceditur. In pascale vero festivitate Oudalricus Boemiorum dux, optentu imperatricis et principum, in gratia de exilio domum redire promeruit, et ducatus sui medietatem, suo fratre Germiro medietatam retinente, suscepit. Udo Juvenis, filius Ottonis comitis de Hamerstein, obiit. Imperator iterum hoc anno Burgundiam cum grandi exercitu intravit, et Oudonem item resistantem fugavit, eandemque regionem fidelibus suis, qui ei fidem juramento firmabant, commendavit. Meginhardus Werziburgensis præsul ad Christum migravit, post quem Bruno, patruelis imperatoris, subintravit, a Deo datus (360). Warmundus Constantiæ antistes obiit; cui frater ejus Eppo, regius capellanus, successit. Plura et insolita bella inter Lvitizios et nostratos ad oppidum Wirbini exorta sunt, in quibus de nostris quidam interfecti sunt, et plerique sauciati. Peccatis etiam nostris ah! ah! coram Deo promerentibus, laudandum et honorabile exercitium venerabilis viri Bernwardi episcopi, monasterium scilicet sancti Michaelis archangeli, Kal. Junii in vigilia pentecosten ad vesperam fulmine combustum, et miserabiliter est deterioratum. Misacho Polianorum dux in matura morte interit, et cristianitas ibidem a suis prio-

1032. Arnoldus, amissa abbatia Herveldensi, obiit, in Gellingin (361).

1033. Cunigund imperatrix obiit. Imperator exercitum duxit in Burgundiam contra Udonem.

1034. Albuwinus, præpositus Herveldensis, abbas factus in Niunburg (362).

Hildericho, qui Altmannum interfecit, intercessione imperatricis et episcopi Halberstatensis, incolomitas vitæ et repetitio patriæ conceditur. In pascale vero festivitate Oudalricus Boemiorum dux, optentu imperatricis et principum, in gratia de exilio domum redire promeruit, et ducatus sui medietatem, suo fratre Germiro medietatam retinente, suscepit. Udo Juvenis, filius Ottonis comitis de Hamerstein, obiit. Imperator iterum hoc anno Burgundiam cum grandi exercitu intravit, et Oudonem item resistantem fugavit, eandemque regionem fidelibus suis, qui ei fidem juramento firmabant, commendavit. Meginhardus Werziburgensis præsul ad Christum migravit, post quem Bruno, patruelis imperatoris, subintravit, a Deo datus (360). Warmundus Constantiæ antistes obiit; cui frater ejus Eppo, regius capellanus, successit. Plura et insolita bella inter Lvitizios et nostratos ad oppidum Wirbini exorta sunt, in quibus de nostris quidam interfecti sunt, et plerique sauciati. Peccatis etiam nostris ah! ah! coram Deo promerentibus, laudandum et honorabile exercitium venerabilis viri Bernwardi episcopi, monasterium scilicet sancti Michaelis archangeli, Kal. Junii in vigilia pentecosten ad vesperam fulmine combustum, et miserabiliter est deterioratum. Misacho Polianorum dux in matura morte interit, et cristianitas ibidem a suis prio-

(358) Werbem ad Albiã.

(359) *Hinc alia manus.*

(360) *Litteris rubris ADEODATUS.*

(361) Gellingin, Gollingen, monasterium olim,

nunc vicus, ad Wipperam prope Franconusam, in principatu Schwarzburg Rudolstadt. HESSE.

(362) Ad Salam.

ANNALES HILDESHEIMENSES.

LAMBERTI ANNALES.

ribus bene inchoata et a se melius roborata, flebiliter pro dolor ! disperit. Prædictus quoque Oudalrichus Boemicus dux, post reversionem fratre cæcato, filio fugato, item sacramenta refringens infidelitati institit, et tandem in cena residens, cibo potuque suffocatus extabuit. Quia ergo jus fasque contempsit, et post tam plura juramenta priscis iterum insidiis consensit, unde fidelibus Christi salubris providetur refectio, inde illi justa pro pravis suis meritis venit interfectio. Eodem anno Thietmarus Vardensis episcopus 7. Kal. Julii ad Christum migravit.

(363) Post quem Bruno, frater Friderici comitis, Nienburgensis et Mægetheburgensis abbas subintravit. Eidem vero Brunoni in Nienburg Albwinus in philosophica arte eruditissimus, Herfeldiæ præpositus, qui fuit ibidem antea scolæ magister famosissimus, successit. In Mægetheburg autem Sidæc de eadem ecclesia electus substituitur. Eodem anno Thiedricus comes Orientalium a militibus Æggihardi marchionis in proprio cubiculo ficta salutatione circumventus, in dolo 13. Kal. Decembris occiditur. Cujus dignitatem honoris Dædi, filius ejus, obtinuit, qui postea Oudam, Willihelmi Turingorum prætoris viduam, in conjugium ascivit. Hezo Palatinus comes a sua concubina nomine Tiethburga veneni poculo, ut fertur, defraudatus, periit flebiliter mortuus, et ad Augustam transportatus et in ecclesia sancti Oudalrici est sepultus 16. Kal. Junii. Ekberthus comes 5. Kal. April. obiit.

1035. ind. 3. Chounradus imperator nativitatem Christi cum decentissima suorum frequentatione Goslare celebravit ; quo ad eum diversarum gentium legati cum muneribus convenerunt ; qui inde, ut imperatoriam majestatem oportebat remunerati, abierunt. Ubi etiam prædicto domno Albwino abbatie dignitatem in ipsis Kal. Januarii commendavit. Et Chuonradum Alberici filium exilio reum majestatis deputavit. Tempore quadragesimali urbs Wirbini a Luitiziis capitur, et præsidium Dædi comitis captivum diducitur. Incendium Degarensis (364) monasterii 5. Kal. Martii. Imperator pascha Paderbrunne feriavit ; ascensionem Domini Seliganstad, pentecosten vero Bavenberg egit. Unde expeditionem suam in Liutizios serie mandavit. Ibi etiam Heinricho regi, filio imperatoris, filia Chnut regis Danorum juramentis desponsatur ; et Otto de Suinvourdi ibidem Mathildem, filiam Bolezlavonis Polianorum ducis, sibi desponsavit. Imperator cum validissimo exercitu regionem Liutiziorum intravit ; quam longe lateque incendiis et populationis devastavit. Eodem anno Herimannus Hammaburgensis metropolitanus ex hac vita migravit. In cujus locum Adelbrandus (365) regius capellanus intravit ; qui cum summo suorum suique conprovincialium gaudio a suis suffraganeis episcopis sabbato ante nativitatem Christi, in vigilia sancti Thomæ apostoli, prespiterii honorem, et in crastinum pontificalem promotionem accepit honorifice. Opperthus Elewangensium abbas obiit ; cui Rihhardus Fuldensis monachus successit. Mærksuit Wongerestorpiensium abbatissa 2 Kal. Novemb. obiit ; post quam Alberad, Molinbechiensis prius abbatissa, machinatione Sigiberhti Mindensis episcopi idem regimen suscepit, tota congregatione nimium renitente. Hiemali tempore Chnuht, rex Danorum et Anglorum, immatura morte præventus obivit, et christiana religio ab ipso fideliter exulta periclitari cœpit. Sed filius ejus junior, Hærdechunt nomine, regnum ipsius post eum consensu provincialium obtinuit. Outa sanctæ commemorationis abbatissa de Confengon (366) obiit 14. Kal. Octob. Bruno comes obiit 14. Kal. Jun.

1036. ind. 4. Imperator cum summa suorum principum frequentia nativitatem Christi Argentine magnifice celebravit ; purificationem vero sanctæ Mariæ Augustburg egit, ubi et publicum cum cunctis circumjacentium regionum primoribus conventum habuit, in quo patrueli suo Chuonrado ducatum Carentinorum commisit. Adælberonem majestatis reum priori anno dimovit. Histem diebus idem Adalbero Willelhelmum comitem interfecit, et postea in castellum Eresburgh causa

1035. Rodulfus, abbas Herveldensis, ordinatur episcopus Podelbrunnon ; cui Meginherus, vir venerabilis, successit.

1036. Piligrinus Coloniensis archiepiscopus obiit ; cui Herimannus successit. [Eodem anno ædificatum est monasterium Scothorum in Erfordia per domnum Waltherum de Glisberg ; ibidem sepultus. 4. 5.]

(363) *Hinc alia manus.*
(364) Tegernsee.

(365) BEZELINUS in m. litteris BEZ abscisis.
(366) Baufungen in Hassia.

ANNALES HILDESHEIMENSES.

LAMBERTI ANNALES.

latendi confugit. Imperator pascha Engilenheim feriavit. Deinde Triburiam tendens, generali ibidem sinodo præsedit, in qua germanitas episcoporum priora decreta redintegavit, et etiam quedam ad firmamentum sanctæ ecclesiæ necessaria conformavit. Ibidem etiam prædictus Otto cogente sinodo Mahthildem sibi desponsatam juramento a se abaligenavit. Ascensionem Domini imperator Paderbrunne peregit; pentecosten vero nativitatemque sancti Johannis Niumago, et ibi filio imperatoris Heinrico regi venit regina, Cunihild nomine, quæ ibidem in natali apostolorum regalem coronam accepit, et mutato nomine in benedictione Cunigund dicta est. Æstivo etiam tempore imperator regionem Liutiziorum cum exercitu intravit. Sed Dei gratia omnibus pro suo velle dispositis, acceptis obsidibus et innumerabili pecunia, in pace remeavit. Meinwercus Patherbrunensis episcopus Non. Junii obiit. Cui Ruodolfus Herveldiæ abbas successit. Sed dominus Meginherus ejusdem loci decanus, plurali utilitatis studio imbutus, sanctæ quidem conversationis monachus, Herfeldiæ primatum ejusdem dignitatis obtinuit. Bruno Mersburgensis præsul Id. Aug. sustollitur, post quem Hunoldus Halberstatensis præpositus subinfertur. Thiedricus de eodem ibi cœnobio præponitur. Sanctæ Agrippinensis ecclesiæ metropolitanus venerandæ memoriæ Biligrinus, ad omnia in divinis et humanis perstreuous, 9. Kal. Septembris ad Christum migravit. In cujus locum nobilissimæ indolis juvenis Herimannus, ejusdem æcclesiæ archidiaconus, sed regius capellanus et Cisalpinus cancellarius, cum inenarrabili gaudio piorum omnium intravit. Branthohus Halberstatensis pontifex 6. Kal. Septembris discessit, cui Burghardus imperialis cancellarius honorifice successit. Sigeberhtus Mindensium præsul spiritum efflavit 6. Idus Octobris; post quem nobilis prosapiæ tyro Bruno nomine, regalis capellanus, cum generali congratulatione quorumque Christi fidelium idem antistitium cœlesti benedictione accepit. Gozmarus Asneburgensis episcopus 4. Id. Decembris obiit, cui Albericus regius postsequetaneus successit. Dominus Godehardus, Hildeseimensis episcopus, Brunonem Mindonensium præsulem, et Burghardum Halberstatensem pontificem, 15. Kal. Januar. sabato ante natalem Domini in Halberstat præbiteros ordinavit.

1037. ind. 5. Imperator natalem (367) Christi Verone honorifice celebravit. Et imperatrix cum filio rege et nuru eosdem dies Imbrioli feriavit.

1037. Incensum est monasterium Herveldense. Gozelo dux Odonem comitem occidit, et cum eo ad sex millia (369) homines.

Tunc in natali sancti Stephani protomartyris Burghardus præsul Halberstatensis pontificalem benedictionem a Bardone Mogontiaci metropolitano suisque suffraganeis Heliganstedi honorifice percepit. Imperator post natalem Domini in Salerno opido generalem conventum de re publica cum Cisalpinis nostrisque primoribus habuit; in quo Mediolanensis archiepiscopus imperatori contrarius comprehenditur, et Bopponi Aquilegensi patriarchæ servandus committitur; a quo fuga lapsus, palam rebellare cepit. Quem imperator e vestigio cum exercitu insequutus, urbem per totum subsequentem annum cum tocius periculo exercitus obsedit. Bruno Mindensis præsul in sancto die pentecosten episcopalem unctionem ab Herimanno Agrippinensi metropolitano in campo juxta Mediolanum, astantibus imperatore et rege cum quampluribus regni primoribus, condigne suscepit. Eodem die inibi magna tonitrus fulgurisque exorta collisio hora diei sexta, de exercitu imperatoris non minus 60 viros, ut dicitur, cum innumerabili equorum armentorumque multitudine peremit; sed et sequenti die Lora eadem etiam aliquos ademit. Plurimos quidem varios et etiam insolitos difficilium rerum eventus per hanc æstatem exercitus noster in multis ibidem sustinuit.

Placentinus, Cremonensis, Vercellensis, alii etiam episcopi, quidam majestatis rei, quia cum prædicto archiepiscopo et Oudone tyranno sæpe memorato contra imperatorem consenserant, captivi ad nos in diversa loca exiliati sunt. Prenominatus ergo Oudo, imperatore Italiæ partes procurante, Luthuringiam juxta marcam Gazelonis ducis ejusque filii Godefridi tyrannice invasit, et civitatem, quæ Bera (368) dicitur, injusta præsumptione occupavit; juxta quam ab hisdem ducibus occupatus, consertoque prælio inter primos inglorius occubuit, justasque divinæ ultioni post effracta juramenta pennas exsolvit. Ab ipsis sane victoribus ignoratus, in crastinum inter vulgus inventus est nudus, vitam pariter et

(367) *Deest c.*
(368) *Bar.*

(369) *Deest 2. 6.*

ANNALES HILDESHEIMENSES

LAMBERTI ANNALES

regno quod sibi usurpans affectabat, spoliatus. Nostræ æcclesiæ dæcanus Tadilo 11 Kal. Februar. obiit, pater in Christo venerabilis et piis omnibus semper memorabilis. Hagano diaconus, regius capellanus, 10. Kal. Marc. moritur, et in Herveldia sepelitur. Sigifridus comes et Dangmarus comes obierunt.

1038. Imperator cum nobilissima sui familia nativitatem Christi Parmæ celebravit; qui urbani ex levi causa sancto die nativitatis Domini ad vespem certamen inierunt, in quo de exercitu quamplures, sed præcipue tres ex clientibus regis, Chonon, Magnum, Suiegerum, peremerunt. Pro qua ergo insolentiæ temeritate in crastinum diluculo ipsi simul cum civitate omnibusque suis, præda, igne, ferro perierunt. Pascha vero imperator sine quavis molestia in castello Spella (369*) pacifice feriavit. Predictus quoque Mediolanensium metropolitanus ab apostolico pontifice post justas crebras ammoniciones communi episcoporum decreto in paschis anathematizatus, et a cetu fidelium est segregatus. Qui nihilominus in sua obstinatione perduravit, et imperatori pro posse in omnibus per præsentem et etiam subsequenter annum incommodavit.

Eo tempore venerandæ memoriæ sanctus noster pontifex Godehardus 3. Non. Maii, videlicet feria 6, post ascensionem Domini ex hac vita subtractus, ad eternam cum Christo perenniter victurus migravit, nobisque miseris immensam mesticiam discessu suo contulit. Quem vere ad Deum præcessisse non discredimus; hoc tamen, quod sancta ejus ammonitione fructiferaque virtutum præostentatione præsentialem privamur, merito semper ingemimus. Qualis namque meriti esset, unusquisque in suo fine cognoscere potest; quia, sicut scriptum est, unusquisque in sua fine cognoscitur. Satis quoque est apertum, illum habere magna præconia meritorum, cum in ejus obitu tam mirifica signorum gesta patefecit Deus in miraculo. Illud vero quamquam sit cunctis Christi fidelibus notum, vera experientia relationum tamen ob ejus sanctitatis testimonium hic continetur inscriptum (370).

In cujus locum domnus Thietmarus regius capellanus successit, ad omnia in divinis et humanis feliciter perstrenuus, a Bardone metropolitano Mogontiæ 13. Kal. Septembris Laresheim est consecratus. Liudolfus comes, privignus imperatoris, 9. Kal. Maii immatura morte obiit. Et ejus frater Herimannus, Alæmanniæ dux, subita infirmitate præventus, bonis flebilis omnibus 16. Kal. Julii denotavit. Nobilis etiam nostram regina Gunhild 15. Kal. Augusti ex hoc mundo migravit; ejus intempestativus obitus quam plurimos ejusque ordinis per christianum imperium contristavit. Sigifridus prætor Palatinus (371), frater Brunonis episcopi Mindonensis, 7. Kal. Mai moritur, in Wimilabure (372) tumulatur.

1039. ind. 7. Imperator natalem Domini Goslare cum reverentissima principum sui congratulatione decentissime tripudiavit, ubi et legatos cunctarum adjacentium regionum eum debitis vectigalium professionibus in augmentum suæ magnificentiæ suscepit, quosque, ut imperialem munificentiam decebat, tam sui quam optabant gratia, quam et rerum abundantia donatos pacifice remisit. Ibi etiam inter cetera institutionis suæ decreta Alberadæ abbatissæ de Molinbach abbatiam Wongeresthorph invito Brunoni episcopo resignari præcepit. Quam tamen idem episcopus post pascha vel spontaneam vel invitam ab eadem dignitate sub abrenuntiatione publica desistere fecit.

Purificationem sanctæ Mariæ imperator Alstedi egit, sicque compendioso itinere peragrata Orientali Saxonia, rebusque pacificatis, Nuvimagon tetendit; ibique tempus quadragesimæ et sanctum pascha et ascensionem Domini, podagra laborando, consedit. Inde ad celebrandum pentecosten Trajectum venit, et ibi quidem in summa læticia sanctum diem, scilicet in regalis diadematis decore procedendo, peregit. Sed sequenti die, feria 2, hora

1038. Gotehardus Hildenesheimensis episcopus obiit; cui Diotmarus successit.

1039. Cuonradus imperator obiit Trajecti (373) feria secunda in pentecoste; cui Heinricus tertius, filius ejus, successit. Richardus abbas Fuldensis obiit, cui Sigewart successit. Regenbolt Spirensis episcopus obiit; cui Sibicho successit.

(369*) Spella, prope Foligno.

(370) H. Quatuor lineæ vacuæ; tunc alia manus incipit.

(371) I. e. comes palatinus.

(372) Vuidaburch corr. Vuimilaburh c. Videtur esse Wimmelburg, prope Eisleben, olim cœnobium a. 1525 dirutum.

(373) L. deest 4.

ANNALES HILDESHEIMENSES.

LAMBERTI ANNALĒS.

diei 6. 2. Non. Jun, mense reficiendi gratia assidens, subita defeccione præreptus, vixdum confessionis sententia prolata, flebiliter expiravit. O ergo occulta divinæ dispensationis judicia, admiranda pariter et metuenda, qui priori die maximo mundialis pompæ tripudio rex et imperator orbis coronatus processit, posteriori ah ! ah ! die viam universæ carnis ingressus, cinis vermisque futurus, discessit ; nisi quod vere speramus, quia quicquid carnaliter contraxit negligentæ, pro hoc in defensionem animæ supplicatio intervenit ecclesiæ. Sed ut quidam ait :

O nil gnara sui mortalia pectora fati !

Verum ut verius dicamus, o dura, et ut in pace loquar, prorsus insensibilia humani generis corda ! quia in quo viro pene tocius orbis capud virtusque concidit, ad ejus obitum tam subitum tamque periculosum sane nullus ingemuit.

Hunc rector regum Dominus soletur in evum,
Cum pueris Habrahe vivat et in requie.

Sed filius ejus domnus Heinrichus, in omni quidem virtutum exhibitione perstrenuus, ante scilicet in specialem regni monarchiam generali cleri populique prælectione coronatus, nunc autem sine quavis contradictionis molestia, summa christianismi concordia, solio patris, Deo gratias ! est intronizatus.

Quem Deus in finem conservet rite senilem,
Et placidus placito sit pius ipse suo.

Chronradus Carentinorum dux, patruelis Chronradi imperatoris, 13. Kal. Aug. immatura morte, regio morbo diu fatigatus, discessit. Eodem die venerandæ memoriæ Rihbardus abbas Fukdensis obiit ; in cujus locum Sigewardus juvenis, ab ipso eo loci in divino servimine regulariter et etiam sapienter enutritus insedit. Hisdem diebus Radulfus abbas de Diuzi (374) obivit. Pie in Christo venerabilis memoriæ domna Sophia 6 Kal. Februarii obiit. Sed huic in Gandesheim soror ejus Adalheith Quidelingensis domna successit, et abbatiam Esnidi (375) Theophanu neptis earum obtinuit. (376).

Senior noster Thietmarus episcopus post obitum prædictæ domnæ Sophiæ decimas super Gandesheim circumjacentesque villulas, quas ipsa a nostris senioribus in beneficium habuit in suam vestituram recipi jussit. Cui Bezoca preposita cum suis fautoribus frivola machinatione restitit. Hasmet decimas ipse modo, abbatissa adveniente, pontificali auctoritate repetivit, easque per manum advocati Christiani comitis cum digna satisfactione in proprium sine quavis interdictione 5 Kal. Octob. recipit in choro aquilonali ; quas postea eidem altari et abbatisse beneficii gratia, quandiu ipse vivat, repræstitit, pro eo scilicet censu, quem sancte memoriæ Bernwardus episcopus ibidem instituit. Testes Herimannus archiepiscopus Colonie cum suis quatuor clericis, Bodo noster decanus, Ællo, Wolfherus Volcawardus, Reinbertus, Wolferus, Liudierus, Merkbardus, Werinus, Rihdagus, Thietmarus, Imezi, Adeldagus, Liudierus, Warmund, Wolferus, cum aliis multis laicis, Thietmarus comes, Uodo comes, Tiedricus comes.

1040. ind. 8. Novus rex noster incarnationem Domini Radisbone decenter egit, et purificationem sancte Marie Auguste degens, placitum habuit cum Cisalpinis primoribus de rei publice stabilitate (577).

ANNALUM HILDESHEIMIENSIIUM CONTINUATIO. A. 1041-1108.

1041. ind. 9. Heinrichus rex ducem Boemiæ Fratilaun bello petit ; sed multis proceribus et militibus in præstructione silvæ citra et ultra occisis vel captis, nil dignum efficere potuit. Petrus quoque, Ungariorum rex, eidem duci (378) contra Heinrichum regem auxilia misit.

1042. ind. 10. Ungarii quendam Ovonem regem sibi aligantes, Petrum regem suum expellunt. Qui

profugus et exul, Heinrichi regis, cui priori anno rebellaverat, gratiam querit et invenit. Heinrichus rex Boemiam ingressus, igne prædaque cuncta devastat, et rebellem ducem obsides dare, et ipsum post se Radisponam ad deditionem humiliter venire, sibi que jurejurando fidelitatem servitiumque confirmare coartat. Ovo rex Ungariorum, ob susceptum ab Heinricho rege Petrum a se expulsam,

(374) Deutz.

(375) Essen.

(376) Hinc alia manus.

(377) Hinc alia manus in membranapalimpsesta

usque a. 1100 exitum ; scriptor imperatoris, glossator pontificis partes amplectitur.

(378) Ducem codex.

ANNALES HILDESHEIMENSES. A. 1043 1059.

finis Bajoariæ prædis et incendiis depopulatur; A set magna pars exercitus ejus ab Atbelherone marchione deleta est.

1043. ind. 11. Henricus rex Pannoniam ingressus, duas populosissimas civitates evertit, plures deditioe subjecit. Sed cum Petrum regem, quem secum ducebat, provinciales recipere nollent, alium quem petebant, ducem eis constituit; quem Ovo post discessum ejus in Boemiam reppulit. Gisa imperatrix, mater Henrici regis, obiit 16 Kal. Martii, et apud Spiram sepelitur.

1044. ind. 12. Henricus rex iterum Pannonias invadens, satisfactionem, obsides, munera, pacis per jusjurandum confirmationem accipiens, discessit. Inde reversus, Constantiensi synodo affuit, ubi cunctis debita dimisit, destructisque omnibus B inimicitiiis, pacem hactenus inauditam, tam in tota Suevia quam in aliis sui provinciis, regia censura per edictum confirmavit. Deinde Agneten, Willelmi Pictaviensis principis filiam, reginam apud Mongontiam ungui faciens, regalibus sibi nuptiis in Illingelenheim copulavit; unde infinitam histrionum et jocularum multitudinem sine cibo et muneribus vacuum et merentem abire permisit. Liupoldus marchio, Adalberti filius, maxima Ungariorum clades, immature obiit. Thietmarus episcopus obiit, Azelinus eligitur (379).

1045. ind. 13. Henricus rex tercio Pannonias iratus ingrediens, Dei favente clementia, et beato Oudalrico episcopo impetrante, victor factus, Ovonem cum uxore et filiis cognatisque, quibus locus evadendi erat, effugabat, Petrum in regnum restituit; subditoque sibi Ungariorum regno, summa cum honore revertitur.

1046. ind. 14. Henricus rex Italiam ingressus, pacifice a Romanis suscipitur. Papas tres non digne constitutos synodaliter deposuit, et Suidegerum Babenbergensem episcopum papam constituit, ipseque et conjux ejus Agnes regina eadem die imperiali benedictione sublimantur.

1047. ind. 15. Petrus rex Ungariorum a quodam tyranno Pannonico captus est cæcatus ille qui eum expulerat regnare cœpit. Suidegerus papa obiit eodem quo constituitur anno, pro quo Boppo ordinatur. Ottho dux Suevorum obiit, pro quo Ottho D de Siunvurdi surrexit.

1048. ind. 1. Boppo papa obiit, anno quo constituitur; pro quo Bruno, qui et Leo, Tullensium antistes, papa ordinatur. Henricus imperator nascitur.

1049. ind. 2.

1050. ind. 3. Bartho archiepiscopus obiit; pro quo Liupoldus ordinatur.

1051. ind. 4.

1052. ind. 5.

(379) *Hæc initio anni ad marginem scripta, jam ita abscta sunt, ut nonnisi . . . marus episcopus obiit. . . nus eligitur legatur.*

1053. ind. 6. Leo papa exercitum ducens per Apuliam contra Normannos infinita utrobique cede peracta, absque victoria regreditur, et 2 Kal. Julii eodem anno obiit.

1054. ind. 7. Leoni pape Gehehardus, qui et Victor, successit. Athalbertus marchio obiit. Fames magna fuit. Welf dux Carinthiorum obiit. Counradus dux antea Noricus ab imperatores expulsus, in Pannonia exul male moritur. Hezil comes de Oleresteuvelt obiit 6 Kal. Febr. Azelinus episcopus obiit, Hettelo eligitur (380).

1055. ind. 8. Herimannus Coloniensis archiepiscopus obiit; pro quo domnus Anno ordinatur.

1056. ind. 9. Magna cedes a barbaris qui Liutici dicuntur in Christianos facta est; quorum quidam gladio, quidam fugientes in aqua perierunt; inter quos Willehalm marchyo occiditur. Hisdem temporibus multi diversarum provinciarum principes perierunt. Fames multas provincias afflixit. Egestas et penuria undique prævaluit; multa mala tunc temporis facta sunt. Henricus imperator his doloribus cordetenus compunctus, infirmari cœpit; et perductus usque ad mortem, sapienti tamen usus consilio, ab omnibus quibus potuit veniam petens, quibusdam prædia quæ obstulit restituens, cunctis qui contra eum culpas dampnabiles facerunt relaxans, filium suum Henricum Romani pontificis ceterorumque pontificum et principum electione regem constituit. His et aliis, prout possibilitas vitæ admisit, bene dispositis, C 3 Non. Octobris hanc vitam presentem in Deo finivit.

Anno Domini 1057. ind. 9. Henricus, filius Henrici imperatoris, admodum puer cœpit regnare. Agnes imperatrix, mater ipsius Henrici, ducatum suscepit Bajoariæ. Victor papa multis in Germania bene dispositis, Romam rediit, et eodem anno vitam finivit; pro quo Fridericus, qui et Stephanus, frater Godefridi ducis, jam monachus in monte Cassino factus, a Romanis pontifex constituitur. Hic etiam eodem anno obiit. Item obierunt Adelbero Babenbergensis episcopus et Ottho dux de Suinvurdi.

1058 ind. 10.

1059. ind. 11. Liuppoldus Mogontiacensis archiepiscopus obiit; pro quo Sifridus Fuldensis constituitur. Sanctus Conno Trevirorum episcopus martyrizatur; in deserto loco a scopuloso monte ter præcipitatus est a Theodorico comite, eo quod absque electione constitutus est, et sepultus est Doleia; ibi per illum Dominus multa signa tunc temporis fecit. Ipse comes post modum pœnitentiam agens, et Hierosolymam pergens, vitam finivit, et omnes consentanci ejus mala morte perierunt; pro quo Oudo constituitur.

(380) *In margine jam nonnisi hæc habentur . . . linus episcopus obiit. . . telo eligitur.*

ANNALES HILDESHEIMENSES. A. 1060-1090.

1060. ind. 12. 1061, ind. 13. 1062. ind. 14. 1063. A lum inter Liupoldum marchionem, et Counradum fratrem ducis Boemiæ 4 Id. Maii. Item bellum inter Suevos et Bajoarios juxta Danubium, loco qui vocatur Hohstetin (382) 3 Idus Aug. Heinricus rex natus est, junior filius (383).

1065. ind. 2. Guntherus Babenbergensis episcopus obiit; pro quo Herimannus constituitur. Gozwinus comes, ob exercitatum in episcopio Wirceburgensi injuriam, a militibus Adalberonis episcopi occiditur.

1066. ind. 3. Cometa videtur, et Anglia a Nortmanis subicitur.

1067. ind. 4. 1068. ind. 5. 1069. ind. 6.

1070. ind. 7. Dedi marchio regi Heinrico rebellat.

1071. ind. 8. Ottho, dux Bajoariæ, regi Heinrico rebellat.

1072. ind. 9. Conjurant principes regni contra Henricum regem.

1073. ind. 10. Saxones Hartesburg destruunt; ubi regis filii sepulchrum violant, ossaque dispergunt.

1074. ind. 11. Alexandro papæ Hildibrandus successit.

1075. ind. 12. Bellum Juxta Unstrhut committitur 5 Id. Junii contra regem Henricum, ubi multi potentes ex utraque parte ceciderunt, et Saxones fugam inierunt.

1076. ind. 13. Concilium Wormaciæ congregatur, ubi Hildibrandus papa abdicatur.

1077. ind. 14. Domnus Anno Coloniensis archiepiscopus obiit 2 Non. Decembr. Qui ex fundamento 5 congregationes fecit, duas in Colonia, unam in honore sanctæ Mariæ, aliam in honore sancti Georgii martyris, et extra unam in loco qui vocatur Grascabf. et in alio loco qui vocatur Salevelt, unam in monte qui vocatur Sigeburg, in quo feliciter requiescit; pro quo Hildolfus episcopus ordinatur. Agnes imperatrix obiit. Roudolfus rex constitutus est in loco qui dicitur Vorhheim, et in media quadragesima apud Mogontiam unctus est in regem a Sifrido archiepiscopo. *Discordia inter papam et regem Henricum renovata pro regis inobedientia* (381).

1078. ind. 15. Bellum juxta Strowi commissum est. 7 Id. August Hildolfus episcopus Coloniensis obiit; pro quo Sigewinus ordinatur.

1079. ind. 1. Bellum juxta Flateheim commissum est 5 Kal. Febr. Hettilo episcopus Hildinesheimensis obiit. *Sedit in episcopatu annis 25 . . . dies . . . Cui successit Udo, nobilis ejus canonicus.*

1080. ind. 2. Apud Briximam Noricam 30 episcoporum magnæque partis optimatum regni conventus contra Hildibrandum habetur. Bellum juxta Elstret committitur Idibus Octobris; in quo Roudolfus rex, qui et dux, occiditur.

1081. ind. 3. Heinricus rex Romam obsedit. Bel-

lum inter Liupoldum marchionem, et Counradum fratrem ducis Boemiæ 4 Id. Maii. Item bellum inter Suevos et Bajoarios juxta Danubium, loco qui vocatur Hohstetin (382) 3 Idus Aug. Heinricus rex natus est, junior filius (383).

1082. ind. 4. Herimannus regnum invadit, et a *Sigefrido Mogontino ordinatur.*

1083. ind. 5. Roma capta est et *Hildebrandus papa expulsus* ab Heinrico rege, et pestilentia magna facta est. Herimannus, qui regnum invaserat, orientalem Franciam hostiliter ingreditur.

1084. ind. 6. Heinricus imperator de Italia revertitur, et Augusta ab eo obsidetur et capitur. Herimannus Babenbergensis episcopus obiit, qui ab episcopio expulsus est. Sigefridus archiepiscopus obiit in Thuringia, et apud Hasungun sepelitur, pro quo Wezelinus constituitur.

1085. ind. 7. Synodus Mogontiacensis apud sanctum Albanum habetur. Obierunt Gregorius papa, qui et Hildibrandus, Tietmarus Wormatiæ episcopus, Herimannus Palatinus comes. Heinricus rex Saxoniam vastat.

1086. ind. 8. *Saxones cum Suevis Werceburch obsederunt, ad cujus liberationem imperator cum magna manu venit et bellum juxta Bleihfelt committitur* 3 Id. Aug. *Set rege fugato, Saxones urbem ceperunt.* Herimannus nomen regium deponit, et ipse mox perit. Wirceburch a Saxonibus capta est, et mox ab imperatore acquisita.

1087. ind. 9. Bertha imperatrix obiit. Pestilentia facta est . . . (384).

1088. ind. 10. Wezil Mogonciacensis archiepiscopus obiit. Bucco Harberstadensis episcopus Gozlaræ occiditur.

1089. ind. 11. *Eggibertus marchio Hildenesheim obsedit, ubi Udonem episcopum diu obsessum cepit* (385). Bellum juxta Glichocastellum in Thuringia juxta Erpesfort situm, inter imperatorem Henricum et Eggibertum marchionem in vigilia Domini, die Dominica, in quo Burchardus Losannæ episcopus occisus est. Obierunt episcopi, Sigewinus Coloniensis, Ottho Radisponensis. Constituuntur episcopi, Herimannus Coloniensis, Routhardus Mogontiacensis, Emehardus Wirceburgensis, 8 Kal. Augusti.

1090. ind. 12. Imperator Italiam petiit. Herimannus Mettensis episcopus, Liudolfus dux, et Bertolfus dux, filius Roudolfi, obierunt. Eggibertus marchio occisus est. Domnus Athelbero, vicissimus post beatum Burchardum sacrosanctæ Wirceburgensis ecclesiæ episcopus 3 Kal. Julii constitutus, vixit in episcopatu annos 43, menses 3, dies 7; obiit 2 Nonas Octobris.

(381) *Manu seculi XII inserta littera obliqua expressimus.*

(382) Hochstad.

(383) *Vox pene tota abscesa.*

(384) *Hæc manu correctis scripta jam abscesa*

sunt . . . tus . . . u legi videntur. Restituendum censeo Heinricus marchio obiit ex Chronographo Saxone, aut Adventus sancti Nicolai Barim ex Annalista.

(385) *Ita restitutum ope Annalistæ Saxoni; in co-*

ANNALES HILDESHEIMENSES A. 1091-1103.

1091. ind. 13. Mahthilt de Longobardia Heinrico A regi rebellat. *Visi sunt per regiones multas vermiculi nimis ignoti* (386).

1092. ind. 14. Conradus comes a Fresonibus occisus est cum aliis multis 12 Kal. Aug. Et pestilentia (387) magna hominum et pecorum facta est.

1093. ind. 15. Magnus dux Saxonum Sclavos rebellantes, 14 urbibus captis, subegit. 5 Kal. Aug. circa vesperam eclipsis solis facta est 3 hora diei, et draco visus est. Fratslaus dux Boemiæ in venatu de equo cadens, subitanea morte discessit. . . . per totum . . . aquilon . . . are.

1094. ind. 1. Pestilentia magna facta est.

1095. ind. 2. Ladizlaus rex Pannoniæ, vir piæ memoriæ, item Liuppoldus marchyo et Henricus Palatinus comes obierunt.

1096. ind. 3. Populus innumerabilis 12 (388) fere milia ex diversarum gentium partibus, duce quodam monacho Petro nomine armatus Hierosolimam tendens, Judæos baptizari compulit, rennuentes immensa cede profligavit. Apud Mogontiam Judei numero virorum ac mulierum et infantum mille et quatuordecim interfecti sunt, et maxima pars civitatis exusta est. Judei per diversas provincias Christiani facti sunt, et iterum a christianitate recesserunt.

1097. ind. 4. Imperator de Italia, ubi jam septem annis manserat, rediit. Counradus patri suo Heinrico rebellat; et ob hanc injuriam juniore filio suo regnum injungit. *Hoc anno . . . totius i . . . es cu . . . mul . . . ner . . . serunt . . .*

1098. ind. 5. Counradus comes de Hohenburch regi rebellat, et idcirco expulsus est. *Cum capta Nicea civitate exercitus Christianorum inde discederet, in quo plus quam 300,000 armatorum fuerunt, cum tanta plenitudine conduxit* (389) *vitzæ necessaria Deus, ut de ariete nummus et de bove vix duodecim acciperentur. Sicque ab obsidendam Antiochiam venerunt. Que per novem menses obsessa et capta est . . . aliisque commilitonibus suis. Qui etiam post aliquod tempus intra obsessi sunt a paganis; set affliti fame nimis et siti, in tantum ut multi ex ipsis cruciferis equos* (390) *et asinos comederent, et vix ab humanis dapibus se quidam continerent. Clamaverunt ad Dominum, ne traderet Christianos in manus gentilium* (391)

hæc tantum leguntur : . . . rehio . . . ubi Udo . . . u ob . . . t. — Manus sæculi XV codici inseruit quæ apud Chesnium et Leibnitium habentur : Marchio de Brandenburg Hildenseim obsedit et episcopum Udonem in ea cepit.

(386) *Ita restituendum esse videtur, ut in Ekkehardi chronico utroque, Annalista et Chronographo Saxone legitur. Vestigia in codice sunt : . . . st . . . o . . . mult : s . . . it.*

(387) *Pestilentia cod.*

(388) *XII vel potius XV ? cod.*

(389) *C. v. n. D. ut ex conjectura restitui, quum scripturæ reliquæ ad hanc Ekkehardi potius quam ad Chronographi Saxonis lectionem accederent.*

1099. ind. 6. Imperator Radisponæ pascha celebravit; ubi iisdem diebus magna mortalitas facta est; in qua Rabbodo Palatinus comes cum aliis innumerabilibus moritur. Counradus Trajectensis episcopus 4. feria paschæ a negotiatore Fresico crudeliter occiditur. Obierunt episcopi, Oudalricus Eichstadensis, Herimannus Coloniensis, pro quo Fridericus constituitur. Urbanus papa qui et Otto obiit; *Paschali succedit*. Hierosolima a Christianis capitur. Godefrido duce exercitum regente et in (391*)

milia Maurorum occiderunt, et thesauros regis Babiloniæ occupaverunt. Filius imperatoris Heynricus levatur in regem (392) *Aquisgrani, Counrado rege cum inimicis patris suis in Ytalia consistente et consentiente.*

1100. ind. 7. Heimps dura, et fames magna. Udo marchio et plures Saxonum, barbaros qui et Liutici vocantur invasit, et honorifice triumphavit. Athela marchya, Romam pergens, mortua est. Godefridus dux obiit apud Hierosolimam; *et non longe a sancto sepulchro conditus jacet*, qui exercitum Christianorum regebat; pro quo frater ejus *Baldewinus* constituitur (393).

1101. ind. 8. Imperator natalem Domini apud Mogontiam celebravit. Ubi multi principes convenerunt, et consilium imperatori dederunt, ut Romam mitteret nuntios propter unitatem æcclesiæ, et papam constitueret secundum electionem Romanorum et omnium æcclesiarum. Comes Henricus gratiam imperatoris acquisivit, et ipse imperator marchyam Fresonum sibi tradidit. Qui statim illuc pergens cum uxore sua, ipse interfectus est, et illa vix evasit (394).

1102. ind. 9. Imperator natalem Domini Mogontia celebravit, ubi Henricus comes de Lintburch (395) dux effectus est.

1103. ind. 10. Imperator natalem Domini Mogontia celebravit, ubi principes convenerunt. Et in epyphania Domini Emehardus Wirceburgensis episcopus apud sanctum Martinum missam cantavit; et inter missarum sollempnia, quando episcopus populum monebat, imperator quasi corde compunctus Deo promittebat pro delictis suis Hierosolimam pergere, sicque optimates regni decipiebat. Cumque principes ad ejus curiam sepe conve-

(390) *E. et a. c. ex Annalista Saxone accipi; in codice legi nequeunt.*

(391) *Supplenda videntur: bellumque inire cum hostibus proponunt et reliqua quæ apud Annalistas Saxonem usque et benedicentes Deum leguntur.*

(391 bis) *Hic complures lineæ legi nequeunt. Cf. Chronographum et Annal. Saxonem.*

(392) *In r. restitui, locus vacat.*

(393) *Hinc inde eadem quidem manus, sed paulo jam mutata.*

(394) chus abbas. in margine.

(395) *Limburg.*

ANNALES HILDESHEIMENSES A. 1104—1105.

nirent, nihil de re publica agebant, præter quod sua ibi consummarent; propterea secum ficta fide versabantur, et adversus eum conspirabant. Sicque omnes regni principes decipiebat, ut nihil rerum veritatis in re publica ageret, nisi quod suis temporibus cuncta vilescerent. Multæ urbes et oppida ejus bello sunt destructæ et æcclesiarum Dei erat raptor, scilicet causa reconciliandi principes, illarum prædia distribuendo. Quid multa? nemo umquam talia in antiquis voluminibus repperit scripta, qualia inaudita perpetrarat facinora; et nisi mira Dei clementia eum sufferret, et ad pœnitentiam distulisset, terra eum vivum, sicut Dathan, absorbuisset.

1104. ind. 9 (396). Erat in Radisbona in natali Domini imperatoris curia, ubi comes Sigehardus quoddam iudicium super clientes injuste iudicavit; ex qua causa ab eis est occisus. Unde orta est maxima persecutio imperatori a cognatis illius et a cunctis principibus regni; quia si vellet ei subvenire, nequaquam esset interfectus. Cum vero ob id factum non paucos habere sentiret adversarios, circumquaque ab insidiis eorum vallatus, aptum evadendi cœpit inquirere locum. Tandem discessit, et ut sanctum pascha celebraret cum suis Mogontiæ venit. Sancto igitur pascha inibi sollempniter peracto. Leodium venit. Quo venire debuerunt comes Herimannus et Magedeburgensis ecclesiæ præpositus vacabulo Hartwigus, comitis Eggelberti filius, episcopus ibi constituendus. Cumque simul in via essent directi, ipsi suaque omnia a Teodorico comite de Saxoniam captivitate detenti, et ne ad curiam pervenirent impediti. Talia autem ab imperatore compta, nimis indignatus, circa festum sancti Andree congregato exercitu et filio suo comitante, venit usque Fridislare; nam abinde debuit in Saxoniam pergere. Ibi nocte quadam filius quosdam de patris sui familiaribus, Herimannum scilicet et alios assumens, quod est 2 Id. Decembr. clam abscessit, et Bajoariam ire contendit. Comperito igitur discidio filii a patre a Thiepaldo marchione, supra nominati comitis Sigehardi nepote, gaudens cur sunctis regionis illius primatibus obviam venit, et honorificæ suscepit, optimumque duxit ut natalem Domini Radisbone celebrarent. Post natalem vero Domini nuncios Romanam direxit, querens consilium ab apostolico propter juramentum, quod patri juraverat, nunquam se regnum sine ejus licentia et consensu invasurum. Apostolicus autem ut audivit inter patrem et filium discidium, sperans hæc a Deo evenisse, mandavit ei apostolicam benedictionem per Gebhardum Constantiensem episcopum, de tali commisso sibi promittens absolutionem in iudicio futuro, si vellet justus rex, gubernator esse

æcclesiæ, quæ per negligentiam patris sui turbata est multo tempore. Mox ut apostolicæ consolacionis verba percepit et banni solutionem (397) a prædicto episcopo, castellum, quod vocatur Nuorenbere, obsedit et suæ ditioni subegit. At pater, mane comperto se privatam filio, nimio dolore constringitur, et Mogontiæ natalem Domini celebraturus revertitur. Obiit Joannes Spirensis episcopus.

1105 Rex (398) Halverstad venit, et canonicos, quos Fridericus episcopus injuste expulerat, locis et rebus suis restituit; ceterique canonici banno solvuntur, eo quod regis Heinrici anathematizati episcopo consenserant. Inde rex adiit Hildenesheim. Cumque urbi appropinquaret, Udo episcopus cum paucis abiit. Canonici banno solvuntur; ordinati sicut et ordinator ab officio suspenduntur. Post vero episcopus canonicorum consilio revocatus rediit, et banno solutus gratiam regis optinuit. Eo Northuson, juvene rege præsidente, Rothardus Mogontinus archiepiscopus, et Givehardus Constantiensis episcopus s multis capitulis recitatis, symoniacos a sancta æcclesia eliminandos esse censuerunt. Jejunium quatuor temporum

. Statim post epiphaniam legatos direxit (399) Bawariam, Coloniensem videlicet et Treverensem archiepiscopos, et ducem Fridericum, et Erlolfum cancellarium, si quo modo possent reconciliare eum. Filius vero respondens, fatetur, nulla ratione ei communicare posse, nisi prius purgaretur excommunicationis noxa, qua diu tenebatur sedis apostolicæ censura. Nunciis vero reversis, iter suum multa comitante caterva direxit Turingiam, ad locum qui dicitur Erphesfurt, ubi decenter a Ruthardo Mogontinæ sedis archiepiscopo suscipitur, et ibidem diem palmarum, et sanctum pascha in Quidelenburc celebravit. Eo siquidem tempore advenit patriarcha de Aquileia, eos si fieri posset complacandi gratia, dicens, non audere sibi communicare, nisi se vellet Deo reum recognoscere, et omni regno humiliare, insuper et Romanæ sedi in omnibus obedire. Timebat enim, ne et ipsum ejus astutis sermonibus deciperet, sicuti ceteros antea sæpe delucit. Idem patriarcha sanctum pascha Mogontiæ celebravit, et post pascha, muneribus ab eo susceptis, ad propria remeavit. Post pascha vero filius Goslare venit, et ibi generale colloquium cum Saxonie principibus habuit, qualiter Dei adjutorio et eorum omnium consilio sua deberet ordinare, et æcclesiam modis omnibus violatam purgare et a scissione ad unionem redintegrare. Affuit etiam supradictus Constantiensis episcopus, domni papæ cooperato fidelissimus, qui regem et omnes suos ab excommunicationis vinculo solverat, et quandam præsulem nomine Widelonem (400), qui omnium

(396) *In margine aliqua olim legebantur.*

(397) *Ita codex.*

(398) *Vox hodie haud legitur.*

(399) *Scilicet imperator.*

(400) *Mindensem. Annal. Saxo.*

ANNALES HILDESHEIMENSES. A. 1105.

scelerum et immundiciarum quæ pater egerat spurcissimus auctor existerat, et apostolica auctoritate deposuerat, et alium in locum ejus, quem rex et clerus ejusdem loci elegit, constituerat. Interim vero visum est eidem Gebehardo apostolicæ sedis legato, et Ruothardo pontifici Mogontino, in ebdomada ante pentecosten habere concilium in Turingia, in loco qui dicitur Northusum, et æcclesiam quantum potuissent ad pristinum revocare statum, et antiquam patrum regulam ibi recitare; scilicet invasores episcopos, nec non et eos qui tunc temporis intraverant symoniace, vivos depone- re, et sepultos effodere, et ab eis ordinatos manus impositionem a catholicis recipere, et uxoratos clericos nullum divinum officium celebrare. His ita divina inspirante gratia rite dispositis, rex, assumptis Saxonibus et Ruothardo archipræsule Mogontino, qui diu a patre suo erat expulsus, post nativitatem sancti Johannis Baptistæ, ad Rheni fluminis ripam usque perveniunt. E contra vero pater, qui tunc Mogontiæ cum suis mansit, transitum negavit, et os omnes, maxime comitem Palatinum, qui filio transmeandi promiserat apparatus, mercede corrupit, classemque navium ad portum transtulit Mogontinum, manuque militum et civium, ne transiret, prohibuit. At filius, videns se patris potentia præventum et se non posse transmeare, Mogontinus antistes Turingiam revertitur; ipse vero Werzebure adivit, et episcopum Erlolfum, quem pater suus ibidem constituit, deposuit, et Ruopertum, ejusdem monasterii præpositum, fecit episcopum. Cumque per dies aliquod inibi moraretur, ad Radisbonam iterum revertitur. Ad vincula vero sancti Petri pater ejus collecto exercitu insequitur eum; per Bawariam iter suum direxit, et os omnes, quos poterat, qui filio adhibebant, vastando et igne cremando consumit, et sic ad Radisbonam ire contendit, ubi filium esse cognovit. Ut autem filius audivit patrem ex improviso urbi appropinquare, vix abcessit, et fluvium qui dicitur Regen cum suis transvadavit. Cum vero uterque eorum paulatim suos congregaret, et dux Boemiæ patri in auxilium adveniret, nuncii inter eos diriguntur, si quo modo possent ad pacem reduci. Set cum nulla spes recuperande pacis vel concordie foret, et pars suæ multitudinis pugnare non auderet, et filio nullo modo posset resistere, nocte cum paucis fidelissimis elabitur, et per Boemiam Saxoniamque cum magna difficultate saltuum et fluminum transcurrens revertitur Moguntiam, si forte transvadandi portum, ut antea, prohibere valeret. Statim filius cum suis patrem insequitur, et Spire venit ad Rhenum, præfectun- que Spirensis mercede conduxit, et in vigilia omnium sanctorum navium apparatus sibi accomodavit, et

(101) Hirsauccensem, Hirsaugiensem.

(102) Ita m. 2; vox primæ manus deleta est.

(103) In sinistra Rheni, inter Bingen et Bacherach, ubi Someckerschloss.

A manu militum, ne quis obsistere posset donec portum transmearet, obtinuit. In die autem omnium sanctorum abbatem Hirsowecensem (101) sublimavit in episcopum Spirensis. Ut autem compertum est patri filium Spire ad Renum venire, continuo illuc de Moguntia properans, sibi transitum præpedire jam sperans, illum cum suis transvadasse nimium stupefactus audivit, et mox eadem die nimio percussus timore rediens, jejunos et nimis fatigatus Mogontiam venit. Altera vero die abbatem de sancto Albano, nomine Theodericum, Spire dirigit ad eum, obstans eum per Deum, ut recordaretur se patrem ejus esse, et ne tam pertinaciter eum a regno vellet repellere. Ille audire distulit set hoc ille mandavit, B ut ab urbe vellet citus digredi, ne occuparetur ab inimicis. At ille quantocius urbem egressus, ad castellum Hamersten venit, ibique aliquandiu commoratur. Filius vero Mogontiam venit, legatos Turingiam post episcopum mittit, et eum gloriôsæ sanctæ æcclesiæ, a qua depulsus fuerat a patre, restituit. Post hæc pater videns multitudinem principum ex omni regno Mogontiam confluere, et apostolici nuncios debere (102) interesse, et pro certo sciens, quia filius generale colloquium ibi vellet habere, cogitans si forte posset aliqua ratione eorum voluntatem interrumpere, præmisit Palatinum Sigefridum et comitem Wilhelmum, qui adhuc conducti mercede secum remanserant, si forte potuissent conductum placitum filii impedire; ipsumque post eos prædixit esse clam venturum. Cumque ad silvam, quæ vocatur San (103), advenissent, et filium cum magno exercitu alia parte reperissent, eique minime resistere potuissent, media nocte fugam inierunt. Ipse autem eos insecutus, ad Confluentiam venit. Ibi patrem ex alia parte fluminis invenit. Cumque ambo inibi convenissent, pater nuncios misit ad filium, rogans ea quæ pacis sunt. Filius vero trans flumen ad patrem veniens, se pedibus filii sui advolvit, et quia filius et sanguis ejus esset recordari vellet, præmonuit (104). At contra filius patris genibus advolutus, rogabat, ut apostolico et omni regno vellet obedire; quod si nollat cælestem Deum patrem habere, et sibi terreno patri penitus ibi in præsentiarum vellet renunciare, D promisit, set minime complevit. Cumque talia et his similia de statu æcclesiæ et de salute animæ ejus sermocinaretur per totum diem, vespertino tempore uterque eorum ad hospicium redierunt. Pater quidem incumbentibus noctis tenebris temptabat aufugere; set vallatus undique ab inimicis, nequaquam poterat. Mane vero patre assumpto ad castellum Pinguam venerunt, et ibi illa nocte pernoctaverunt, et altera die quasi invitum in Bekelenheim (105) deduxit castellum, et in

(104) Vellet: : : : monuit 1. voce erasa.

(105) Gau-Bockelheim, aut Bichelsheim ad Naham?

ANNALES HILDESHEIMENSES. A. 1106.

vigilia natalis Domini Spirensi episcopo diligenter custodiendum commisit. Non balneatus, et intonsus, et ab omni Dei servitio privatus, ibi per omnes sacros dies permansit. Sicque filius natalem Domini celebraturus Mogontiam revertitur. *Henricus (406) imperator Leodii moratus somnium relatu dignum vidit. Putabat se quasi in viridario proceris arboribus consito deambulare, quarum quæ eminentior videbatur, ad terram corruens unam arborum oppressit et terræ secum prostravit. Deinde ceteræ arbores paulatim lapsæ sunt. Quod postea rei exilus comprobavit. Imperator enim non longe post octo diebus egrotans, nono moritur, et in æcclesia sancti Lamberti coram altari sanctæ Mariæ tumulatur. Quinto ab hinc die comes Theodericus de Embike Aquisgrani moritur. Dux Magnus Saxonum moritur, et ducatus Liutgero de Supelingeburg commendatur.*

Romanorum 96^o Henricus rex, patre expulso, cepit regnare anno 1106. ind. 13. Imperator vero nimis cepit lacrimare, et mestus esse, et de peccatis suis sibi talia evenisse; timens sibi multo pejora a principibus futura, rogat episcopum Spirensem se presentari, seseque consilio ejus et magnatum regni cuncta facturum promittit: regalia et castella, que optima et munitissima habebat, filio tradere, ut saltem sibi prædia ad usus necessaria impenderet. Episcopus vero in nativitate sancti Johannis evangelistæ Mogontiam venit; ipse et Wirzburgensis episcopus sacræ unctionis ordinem a Ruothardo archiepiscopo acceperunt, et post missarum sollempnia cuncta, quæ a patre audierat, filio et cunctis principibus enarravit. Cumque regni principes hoc audissent, condixerant convenire ad Ingeleheim 2 Kalendarum Jan. Ibi- que imperator est præsentatus. Regnum filio tradidit, atque omnium pedibus provolutus, præcipue cardinali legato apostolicæ sedis, veniam (407) et absolutionem banni precabatur, confitens se multo tempore anathematizatum esse a papa Hil- dibrando, et injuste super eum constituisse Wicbertum papam, et suis temporibus rem publicam nimis esse turbatam; et cuncta, quæ sibi obje- rant, confessus est, excepto quod idola non adora- ret. Cardinalis autem, qui inopinate ad hæc facta convenerat, dicens se nullo modo tam mag- nam personam suscipere, propter quem tanta mala in toto regno sunt perpetrata, nisi ipsemet apostolicus adveniret. Deposito vero patre, filius Mogontiam cum regni principibus revertitur, et propter regalia Werinherum comitem Hamersten misit et nequissimum Volmarum, qui fuit consi- liarius patris et omnium scelerum conscius; et in vigilia epiphaniæ ea attulit, et a Ruothardo archiepiscopo et omni clero et populo hono- rifice suscipiuntur; et ea coram principibus filio tradidit, ita dicens: « Si non justus regni gu-

bernator extitisset et æcclesiarum Dei defensor, ut ei sicut patri suo evenisset. » Imperator autem, ut vidit sibi denegatam esse veniam, cogitans se- cum, quomodo excitaret vindictam erga rem pub- licam, Coloniam venit cum paucis qui secum remanserant; civibus illis omnia quæ eis accide- rant flebiliter enarravit. Deinde venit Leodio, ibique honorifice ab episcopo et civibus est sus- ceptus et consolatus. Convocavit ad se ducem Henricum et alios plures optimates; eorum pedi- bus se advolvit, petivitque ab eis auxilium, even- tumque suum eis per omnia enarravit. Illi vero ut audierunt ejus querimoniam, misericordia moti super eum, fidele sibi adiutorium promise- runt, optimumque duxerunt, ut pascha Domini cum eis ibidem celebraret (408). Filius autem ut hoc audivit, nunciavit regni principibus ibidem convenire et placitum cum patre habiturum; movit exercitum magnum, venit ad Aquasgrani, præmisitque quosdam de exercitu ad flumen qui vocatur Mosa, pontum sibi optinere. Hoc vero audientes qui patri auxilium promiserunt, scilicet filius ducis, ex altera parte fluminis convenerunt. Instigante diabolo, in cœna Domini magna cædes facta est inter eos; multi etiam per emer- sionem fluminis perierunt. Rex vero, ut comperit hoc factum, timuit ne inimici irruerent super eum. Declinavit inde, et ad castellum Buna venit, ibique sanctum pascha, prout potuit, cœlebravit. Deinde vero visum est ei apud Wangionem civita- tem placitum habere pentecosten; ibique Henri- cum ducem rebus publicis privavit. Pater autem cum gaudio magno Leodio pascha Domini cum suis celebravit, et post sanctum pascha iterum Coloniam revertitur; civesque illi cum jura- mento urbem sibi custodire promiserunt, ac deinde, sicut docti fuerant ab eo, intus et foris se optime munire ceperunt. Rex vero, ut vidit versutiam patris et antiquam exercere malitiam adversus rem publicam (409), magnum con- gregavit exercitum de omni regno, et post festi- vatem sanctorum Petri et Pauli ad partes Con- fluentiæ venit: ibique collecto exercitu, Coloniam venit, eamque obsedit. Colonienses vero ut boni milites stabant impeterriti, fortiter ei resistentes, et strenuissime, qualiter nunquam antea est vi- sum, decertantes, et quidam genus hominum, qui vocantur Gelduni, quos dux Henricus eis in auxilium miserat, viri bellatores et strenui et nimis docti ad prælia. Idcirco ceciderunt multi vulnerati, et regis exercitus minime eis poterat prævalere. Cumque per tres ebdomadas ibi resi- deret, et nulla spes sibi acquirendi esset, amovit exercitum ad Aquasgrani. Erat enim estas magna, et præ nimio fetore non poterat exercitus amplius sustinere laborem. Contigit autem inter- rim imperatorem Leodio egrotasse; et perductus

(406) Henricus usque eminentior supplevi ex *An- nalista Saxone*; in codice jam deleta sunt.

(407) Ita codex distinguit.

(408) Ita manus prior; altera celebrarent.

(409) Ita codex distinguit.

ANNALES HILDESHEIMENSES. A. 1107-1109.

terim imperatorem Leodio egrotasse; et perductus usque ad mortem, Kalendis Augusti diem ultimum clausit. Gladium et diadema, quæ adhuc secum habebat, filio suo misit cum Erkenbaldo, fidelissimo camerario suo, et Burchardo episcopo de Monestere, quam tunc vinctum tenebat; mandavitque ei, ut omnibus veniam daret et indulgeret, qui secum in augustiis suis permanerent; et rogans eum etiam Spire juxta parentes suos sepelire. Rex vero statim convocavit ad se principes regni, et querit ab eis consilium, quid de patris exequiis esset factururus. Erat enim humatus, sicut regem decebat, si aput Deum meruisset, aput sanctum Lantbertum Leodio, honorifice, ab episcopo qui semper sibi extitit fidelis in omnibus. Tunc principes regni sibi dederunt consilium, ut præciperet eum effodi, ne esset in eadem sententia, qua pater, si ullas sibi faceret exequias; et in ædem non consecratam illum poneret, et Romam nuntios mitteret, et ab apostolico banni solucionem, si fieri posset, sibi impetraret. Sicque factum est, ut prædiximus, et in quandam Mosæ insultam est positus, nullumque divinum officium ulterius super eum est factum, nisi Jerosolimitanus quidam monachus casu venit, et sibi die noctuque, usque dum ibi stabat, indesinenter psalmodiam cantabat. Proh dolor! quod umquam talis persona ita meruit tractari a filio suo et a regni principibus, et nisi adesset ultio divina, nequaquam in extremis suis ei sic evenire. Post hæc placuit regi, ut patrem suum Spiram deferret, et præcepit de aliquibus familiaribus suis maxime Erkanbado, qui semper in augustiis suis sibi adherebat, ut sibi illuc præberet famulatum. Cumque 3 Non. Sept. illuc allatus esset, solito more defunctorum exequiis honorifice a clero et populo suscipitur et in basilicam sanctæ Mariæ, quam summo studio construxerat, portabatur. Idecirco episcopus interdixit ullum divinum ibi celebrare officium, donec purgarentur ab hoc facto. Et sic extra monasterium fecit corpus statui in capella nondum consecrata. Unde factus est tumultus et planctus magnus in populo, quia dilexit locum et populum præ omnibus. Post hæc multo tempore inhumatum corpus ab incolis ibi frequentabatur. Leodicensis vero episcopus, cum aliis qui regi rebelaverant, cum viderent se esse destitutos morte imperatoris, Aquasgrani ad dedicionem venerunt; excepto duce Heinrico, qui in rebellionem permansit. His expletis, rex cum magna ira reversus est Coloniam, præcepitque per omnes civitates Regno adjacentes congregare exercitum, ut sibi in adju-

torium navigio venirent, ut se vindicaret in eis. Colonienses hoc audientes, nimis inde stupefacti et peterriti, et undique ab inimicis vallati, et in nullo spem habentes, promiserunt se regi daturos sex milia thalentorum argenti. Rex vero, dolens quod multi cecidissent in obsidione, diu denegavit; tandem Deo inspirante concessit; et sit exercitus elabatur, et unusquisque cum gaudio ad propria revertitur.

1107. ind. 14. *Papa ex synodi sententia apud Trevas Routhardum Mongontinensem episcopum ab officio suspendit, eo quod Udonem Hildenesheimensem sine æcclesiæ consensu restituit, et quia Reynhardum contra jura canonum Halverstadeni æcclesiæ ordinavit. Similis sententia de Givhardo Constantiensi datur (410), quia his consensit qui Godescalum Mindensi æcclesiæ loco episcopi intruserunt, et quia Heynricum Magedeburgensem ordinavit. Omnibus ibi ecclesiis apostolicus libertatem, ut ex præcepto canonum prælatos sibi eligant, quos dignos viderint, restituit.*

Rex Henricus obviam papæ Radisponam venit, set papa non veniente, ibidem natalem Domini celebravit; pascha vero Mogonciæ celebravit, indeque obviam papæ in confinio Lotharingiæ et Franciæ; per triduumque legatis invicem missis, infecto, pro quo venerant, negotio, discesserunt; et rex Mettis in pentecoste fuit. Inde Saxoniam veniens, invenit ibi ducem Boemiæ patria pulsum, quem reduci jussit in ducatum per comitem Wicbertum. His diebus, cum rex esset Goslaræ, tonitrium cum fragore super eum dormientem veniens, nocte excitatum perterritum, fulmenque secutum umbonem clipei ad caput ipsius positi, patremque gladii juxta latus ejus jacentis liquefecit, ipso illeso permanente. Deinde circa festivitatem omnium sanctorum cum exitu Flandriam petiit, et pacto cum comite illius provinciæ Rouperto confirmato, Aquisgrani venit, ibique natalem Domini celebravit.

1108, ind. 15. Rex de Ungaria contra legem conspirare cepit. Quod cum audisset rex, collecto exercitu, circa festivitatem sancti Michaelis bello eum petit. Eodem anno rex, Palatinum comitem Sifridum retrusum in custodiam.

1109, ind. 1. *Eclipsis solis facta est 2 Kal. Jun. Plures fulmine perierunt.* Henricus rex natalem Domini Mogontia celebravit, et post pentecostem regem de Boulena (411) bello petit, eumque nimis coartat. Eodem anno desponsavit filiam regis de Anglica terra. Routhardus archiepiscopus obiit (412).

ANNALIUM HILDESHEIMIENSIIUM CONTINUATIO PADERBORNENSIS. A. 1109.

1109. Archiepiscopus Colonie Fridericus, Bruno Treverensis, cancellarius Adelbertus, comes Herimannus de Winceburch, alique principes satis clari,

(410) D jam abscisum est.

(411) Polonia.

Romam cum pompa non parva vadunt, inter domum apostolicam et regem concordiam facturi. Donus apostolicus omni paternitate, omni mansue-

(412) Hinc alia manus, eadem, quæ adnotationes littera obliqua expressas adjecerat.

ANNAL. HILDESHEIMENSES. A. 1110—1114.

tudine eum se excepturum spondet, si ipse se ut regem catholicum, ut æcclesiæ filium et defensorum, ut justiciæ amatorem, sanctæ Romanæ sedi exhiberet.

1110, ind. 2. Non. Martii synodus gloriosa in Lateranensi æcclesia, præside domno papa Paschali celebratur. Prædicti legati Leodium ad regem veniunt, responsum papæ referentes. Ibi rex Angliæ regis filiam sponsam suscepit, quam in pascha apud Trajectum regio more dotavit. Expeditio in Italiam ab universis occidentis principibus Trajecti collaudatur. Circa 5 Non Jun., stella adulta jam nocte apparuit, radios admodum longos versus austrum de se effundens. Eclipsis lunæ facta est 2 Non. Mai (413). Slavi regionem Albanorum irrumpunt, multisque occisis et captis redeunt. Inde dux Liutgerus permotui terram Slavorum hostiliter invadit, regionem prædabundus perambulat, novem urbes munitiores et opulentiores capit, obsidibusque ab ipsis acceptis victor redit. Circa assumptionem sanctæ Mariæ rex regio apparatu Italianam ingreditur. Omnes civitates munitæ, omnia castella regi subduntur.

1111, ind. 3. Rex natalem Domini apud Florentiam celebrat. Quo peracto, 2 Idus Februarii Rome ab apostolico honorifice excipitur. Datis autem utrimque obsidibus, in æcclesia beati Petri consistit, super negociis æcclesiasticis tractaturi. Dum hæc aguntur, factione quorundam tumultus in æcclesiæ gradibus oritur. Vulnerantur plures, quidam trucidantur. Quo audito, a rege concilium disturbatur; apostolicus eum cardinalibus regiæ custodiæ deputatur. Romani trans pontem ultra Tyberim diffugiunt. Eadem nocte tota civitas Lateranensis tumultu bellico concutitur. Orto mane, erectis signis, Lateranensis unanimiter regem ex improviso invadunt. Cubicularii vero regis arma vorripiunt, multitudini viriliter resistunt. Rex vero et acies sua jam adaucta, quæ prius rara, venientes audacter invadit, occurrentes multos obruncat, ceteros fulgat; plenaque victoria potitus, adducto secum apostolico eum cardinalibus, versus Albam civitatem tendit; castra in campis urbi adjacentibus figit, ubi per totam quadragesimam moratur. His ita gestis, regis optimates quidam communito consilio, papam, qui adhuc in custodia regia detinebatur, adeunt, monent, orant, ut super regis negotio mitius agat, injuriæ, quam adversus regem habeat obliviscatur, fœdus cum rege ineat; regis sibi fidelitatem et obœdientiam proponunt; omnimodo sollicitant, ut quæ pacis et concordie sunt, cum primoribus regni disponere dignetur. Rex ipse pedibus ejus humiliter profusus, veniam postulat, obœdientiam spondet, dummodo ei in regia potestate jure antecessorum suorum catholicorum regum uti concedat. Sicque sepius domnum papam, ut animi rigorem aliquantisper temperaret, attemptavit. Tandem papa vincitur et

A cedit, et sic Romam honorifice redire permittitur. Igitur cum cardinalibus ceterisque personis ad tale negocium dignis de consecratione regis tractat. Statuta autem die, scilicet Idus Aprilis in æcclesia beati Petri regem imperatorem consecrat. Cumque usque ad communicandum missæ solemnitas esset celebrata, apostolicus dato silentio regem sic alloquitur: *Hoc corpus Domini nostri Jesu Christi, natum ex Maria virgine, passum pro salute generis humani, sit confirmatio veræ pacis et concordie inter me et te.* Et communicantes, invicem osculati sunt. Post hæc imperator apostolicum regis muneribus donat, a quo tanquam filius a patre salutatus dimittitur. Pentecosten Verone celebrat. 7 Id. Augusti cum frequentissimo episcoporum B aliorumque principum conventu patrem suum regio more Spire sepelitur.

In assumptione sanctæ Mariæ apud Mogontiam Adelbertus, omnium cancellariorum qui ante eum fuerant in aula regis celeberrimus, præsentem imperatorem et consentientem, unanimi æcclesiæ electione Mongontinus archiepiscopus constituitur. Palatinus comes Sifridus solutus, honori suo restituitur.

1112. Imperator natalem Domini Goslariæ celebrat. Dissensio Liutgeri et marchionis Roudolfi cum imperatore. Unde principium sententia utriusque dampnantur. Ducatus Ottoni de Ballenstad committitur, marchia Elperico. Imperator Saltwildele obsidet, ipsi non longe, cum imperatore pugnaturi, cum exercitu manent. Sed bellica tandem C rabie dissipata, prædicti principes gratia imperatoris utuntur. Adelbertus Mogonciensis electus regiæ custodiæ mancipatur.

1113. Reynhardus episcopus Halberstadensis, et Wichertus, infidelitatis apud imperatorem secundo denotantur. Imperator absente episcopo Halverstad venit; Horneburch obsidet. Episcopus vero et Palatinus comes Sifridus, Wichertus et comes Lothowicus, cum imperatore pugnaturi castris haut longe fixis manent; set deditione urbis facta, ipsique episcopo die statuta, ut se, si posset, de objectis excusaret, bellicus ille tumultus solutus est. Imperator vero versus Rhenum vadit. Dum hæc aguntur, Wichertus ab amicis imperatoris capitur. Sifridus Palatinus comes occiditur. D Quæ res imperatori non modicam læticiam contulit. Imperator Wormacie pascha celebrat. Eo adducitur episcopus Mogontinus; Triveles imperatori redditur; denuo custodiæ mancipatur. Post pascha imperator Goslariam regreditur; Reynhardus episcopus interventu principum gratiam imperatoris obtinet; Horneburch concrematur.

1114. Imperator natalem Domini Bavenberg celebrat. Altera die post epiphaniam collectis totius regni principibus, nuptias filie regis Angliæ cum ingenti gloria consummat, quales ante eum nemo rerum longo ex tempore disposuit. Ibi Lothowicus,

ANNAL. HILDESHEIMENSES. A. 1115-1121.

qui se putabat bene in gratia imperatoris esse, A jussu ejus comprehenditur et custodiæ mancipatur. Quæ res multos principum contra regem exauit. Udo Hildesheimensis episcopus obiit.

1115. Imperator natalem Domini Goslarie celebrat Duci Liutgero, episcopo Halverstadensi, Palatino comiti Fritherico, marchioni Roudolfo, ut curiæ huic intersint, edicit. Non veniunt : in præsidio interim Walbuke commorantur. Imperator Bruneswich occupat, Halverstad devastat. Orlagemunden ab amicis ejus obsidione vallatur. Contra quos dux Liutgerus et principes prædicti, adjunctis sibi Fritherico comite Westfaliæ, Heynrico fratre suo, Heinricho de Lindburch, Herimanno de Cavelage, tendunt. Imperator vero eis in loco qui dicitur. Welpesholt (414) occurrit, ibique 3 Idus Februarii acriter cum eo congregiuntur, et victoria plena (415) potiuntur. In nativitate sanctæ Mariæ Theodericus, sanctæ Romanæ æcclesiæ cardinalis presbyter, cum frequenti Saxonie principum conventu Goslarium venit, et quædam de æcclesiasticis negociis utilia disseruit. Paucis diebus interjectis idem ante festum omnium sanctorum Fridleslar conveniunt, quæ ad honorem regni et utilitatem sunt, tractaturi. Sub eodem tempore imperator Mogontiam venit, cum subito ejusdem urbis familia ; tam nobiles, tam ministeriales, ipsum adeunt, orant, ad omne servitium suum fidelissimos se amodo promittunt, dum episcopum, quem jam triennio captum tenuit, eis reddat. Tandem precibus eorum victus, tum etiam quasi vi pro temporis articulo coactus, episcopum eis reddidit.

1116. Theodericus cardinalis moritur, Coloniae sepelitur, astantibus episcopis 14 cum Liutgero duce multisque aliis principibus. In nativitate sancti Stephani Mogontinus electus ab Ottone venerabili Bavenbergensi episcopo ordinatur. Magna aeris inequalitas facta est. Circa natalem Domini luna clare fulgente, alia orta est ab occidente. Quæ diu cum naturali luna congressa, modo assultus, modo fugam utrisque simulatibus, obscurissima tandem nubæ tectæ sunt : qua recedente, naturalis luna sola fulgebat. Similis quoque conflictus in stellis visus est.

1117. In octava sancti Joannis evangelistæ late per orbem terribili et inaudito hæcenus terremotu D terra concutitur ; maxime vero in Ytalia minax hoc periculum per multos dies continue desevit, adeo ut montium collisione et subversione Ædissæ (416) fluminis meatus per aliquot dies obstrueretur. Verona civitas Italiæ nobilissima, edificiis concussis, multis quoque mortalibus obrutis, corruit. Similiter in Parma et in Venetia aliisque urbibus, oppidis, et castellis, non pauca hominum milia interierunt. Unstrot fluvius, alvei sui profundo scisso, ex toto absortus est terræ

motu. Repleto autem ipso hyatu, licet post multa horarum spacia, solito fluebat lapsu. Abbas Corbeiensis Erkembaldus pluresque de Saxonia Iherosolymam vadunt. Paucis ante natalem Domini diebus cælum post solis occasum igneo colore late resplenduit, nec longe post quasi radius solis late emicuit, luna quoque prodigiale intuentibus signum edidit.

1118. Dominus papa Paschalis feliciter ad Dominum migravit. Successor ei eligitur Joannes, ipsius antea cancellarius, qui et Gelasius dictus est. Imperator vero alium surrogat, Bacarensem (417) scilicet episcopum, quem Gregorium vocaverunt. Quo facto, Johannes electus apostolicus Beneventum secedit : imperatorem cum ydolo suo, — hoc enim nomine, quem ipse substituit vocatus est, — omnesque huic parti consentientes excommunicavit. Mogontini archiepiscopi milites, comesque Heremannus præsidium ducis Friderici in Oppenheim diruunt, concremant, multique igni assumpti sunt. Baldewimus rex Iherosolimitanus post multos pro Christiana religione labores moritur, et juxta fratrem suum Godefridum sepelitur. Iherosolimitani alium Baldewinum, nepotem suum, in locum ejus substituant.

1119. Dominus apostolicus Gelasius synodum in Francia celebraturus, apud Cluniam moritur, ibique sepelitur. Cui archiepiscopus Viennæ, vir religiosus, succedit, Kalistus nomine. Imperator et principes regni in festivitate sancti Johannis Baptistæ conveniunt, et in concordiam redeunt, ita tamen, ut omnis causa quæ hæcenus æcclesiam disturbaverat et inter eos formitem discordiæ ministraverat, in præsentiam domni apostolici Kalisti differretur. Multi mortalium a lupis devorantur. Calistus papa synodum Remis circa festum sancti Lucæ celebrat, cui Adelbertus Mogontinus archiepiscopus pluresque episcopi Germaniæ interfuerunt. Imperator non longe cum suis consistit, auditurus super synodalibus decretis ; sed nichil quod ad reconciliationem pertineret, actum est ; immo imperator anathematizatus est.

1120. Dux Liutgerus, Fridericus Palatinus comes, Roudolfus, et plures alii imperatori reconciliantur Goslarie. Fames valida : modius siliginis duobus solidis venit.

1121. Dux Liutgerus, comes Herimannus de Winceburch, numerosa et forti manu Monasterium vadunt pro restituendo Theoderico episcopo. In qua restitutione incaute sancti Pauli templum nobiliter constructum incendio conflagrant cum omni fere urbis loco. Prædictus dux omnes fere urbis defensores, tam nobiles quam ministeriales, captos adducit. His actis, Dulmene urbem munitam in dedicationem accepit. Circa festum sancti Michaelis in

(414) Prope Mansfeld.

(415) Plei reliqua abscisa sunt.

(416) Etsch ;

(417) I. e. Bracarensem.

sede episcopali Wercibuch imperator et totius regni principes conveniunt, et in concordiam redeunt, iudicio et consilio domini apostolici causa imperatoris determinandam reservantes.

1122. In festo natalis Domini vehementes turbines ventorum innumera edificia et arbores a radicibus subruerunt, et inundatio aquarum ex ymbrium distillatione, supra quam cuiquam mortaliū credibile sit, evenit; multisque mortalibus summersis, his qui evaserant, diuturni doloris causa extitit. Circa festum sanctæ Mariæ Spire conventus principum fit. Ibi episcopus Ostiensis, vir religiosus, sanctæ Romanæ æcclesiæ legatus, consulente papa Calisto, imperatorem banno absolvit. Imperator vero, ut æcclesiasticæ justiciæ satisfacere, investituras æcclesiasticarum dignitatum sancto Petro remisit; ita dumtaxat, ut libera electione præcedente, et canonum gravitate conservata, imperialis autoritas, quod sui juris est, in constituendis episcopis sive abbatibus vel abbatissis non amitteret; et si in constituendis his dignitatibus discordia, ut sæpe fit, oboriretur, imperialis potestas consilio sapientum contraheret.

1123. Adelbero Bremensis archiepiscopus canonicus electus pro reposcenda pallii dignitate Romam vadit; ibi a domno apostolico Calisto honorifice suscipitur, in archiepiscopum ab eo consecratur, habitaque synodo canonico et iudiciario ordine pallium obtinuit, negligentia duorum antecessorum suorum amissum et in Danos translatum.

1124. Eclipsis lunæ facta est Kal. Februarii. Magnæ molis grando cecidit 9 Kal. Augustini. Eclipsis solis facta est 3 Idus Augusti. Magna famas accidit. Calistus papa obiit, cui Honorius successit.

1125. Imperator Trajecti infra ebdomadam pentecosten obiit; corpus ejus Spiram defertur. In festo sancti Bartholomei omnes totius imperii principes Moguntiæ conveniunt, omnes unanimiter ducem Liutgerum in regem eligentes.

1126. Novus rex natalem Domini apud Argentinam celebrat, dehinc ad patriam redit. Rotgerus Parthenopolitanus episcopus obiit, cui Northbertus succedit. Rex, rapta acie admodum parva, in Boemiam pro restituendo Ottone, qui injuste privatum se honore prædictæ provinciæ querebatur, tendit, incaute quidem. Tria enim millia, non plus, secum assumpsit; hostium vero 20 milia aut amplius erant. Ducenti vero expeditiores regem præcedebant, ad præcidendas indagines silvæ, quæ Boemiam a Saxoniam determinant, dispositi. Cumque hi per invia et abrupta silvæ quasi repentes laborarent, tum nivium magnitudine, tum indaginum incisione fatigati, hostium insidiis ex impro-

A viso circumveniuntur. Obtruncantur ibi plerique terræ meliores, viri fortes et nobiles, domi militiarque clari. Rex expeditionem movet super Fridericum ducem Sueviæ vel Alsaciæ; set eo in munitiora terræ se recipiente, rex infecto negotio redit. Treveris apud sanctum Eucharium reperitur (418) corpus sancti Matthiæ apostoli sub altare Johannis baptistæ. Quo digne locato, deinceps ab omni populo Teutonico maxima devotione colitur.

1127. Rex Norinberch urbem munitissimam obsidione premit; sed nil relatu dignum actum est ibi, sed sine effectu cum dampno suorum inde rediit. Heynricus Patherbrunnensis episcopus obiit, cui Bernhardus succedit.

1128. Circa festum sancti Johannis Baptistæ rex expeditionem contra Counradum fratrem Friderici ducis movit, obseditque urbem Spire; acceptisque obsidibus, circa festum sancti Martini discessit.

1129. Post pentecosten rex urbem Spire iterum obsidione vallat, quia fidem, quam superiori anno dederant, infregerunt.

1130. Rex natalem Domini cum multa frequentia principum circa urbem Spire in tentoriis celebrat. Tandem Spirenses videntes constantiam regis, fame coacti, sese cum ipsa urbe regi tradiderunt in festo sanctorum innocentium. Honorius papa obiit, cui Innocentius successit. Burkardus de Lucca (419) occiditur; unde rex contristatus et iratus, Winceburch, castrum Herimanni comitis, cui hujus cedis consilium et jussum imponebatur, obsidione circumdat.

1131. Rex natalem Domini Gaudersem celebrat. Herimannus consilio principum cum prædicto castro regis se potestati tradit. Quem rex custodiæ deputat; castrum vero everti solo tenus imperat.

1132. Vehementissima vis ventorum innumera edificia subvertit. Eclipsis lunæ facta est 5 Non. Marcii (420). Translatio sancti Godehardi facta est. Circa assumptionem sanctæ Mariæ profectio regis in Italiam pro consecratione sua ab apostolico apud Romam in cesarem. In quo itinere cum ad urbem Augustanam venisset, eam pacifice ingressus est. Set quorundam civium factione seditio contra regis homines exorta est; et hac de causa repentino igne, ut in tali tumultu fieri solet, civitas fere tota conflagravit, et multi tam gladiis quam flammis perierunt.

1133. Rex natalem Domini in Longobardia apud villam, Medicinam (421) dictam, celebrat. Per Italiam pleraque loca munita sibi resistentia cepit. Tandem 2 Kal. Maii Romam cum summo favore ingreditur; ibique 2 Non. Junii, quo tunc dies Dominica extitit, Lateranis in basilica sancti Johannis Baptistæ a domno apostolico Innocentio in

(418) Vox ex Ann. Saxone a Chesnio inserta; locus jam arrasus.

(419) Loecum.

(420) Ma ::: c.

(421) Monsa?

ANNALES HILDESHEIMENSES. A. 1134-1137.

imperatorem consecratur. Bernhardus Patherbrunnensis episcopus, qui tunc cum rege aderat, usum rationalis in celebrationibus missarum, constitutis temporibus, et dedicationibus æcclesiarum, seu ordinationibus æcclesiasticorum graduum, in proprio tantum episcopatu sibi suisque successoribus a prædicto papa Innocentio promeruit. Post hæc imperator cum suis (422) in reditu cum ad locum quendam venisset, qui propter situs angustiam Clus (423), quasi præclusus vocatur — quippe ex una parte excelsissimo monte adjacente, ex altera parte profundissimo flumine currente, via in medio, quatuor seu quinque itinerantium simul spacio, patente — et cum ibidem transitus imperatori ab incolis negaretur, ipse miro eventu et perspieuo Dei auxilio eundem locum celeriter irrumpendo, fugatis hostibus cum suis pertransiit, et urbem in supercilio ipsius excelsissimi montis positam repentino assultu cepit, et principem ejusdem urbis captivum secum abduxit. Duo circuli, major et minor, circa solem apparuerunt 3 Kal. Julii circa horam tertiam; minor circulus ambiens principale templum Patherbrunnensis sedis, et major circumdans civitatem, ibidem consistentibus videbatur. Ipsa die, hora 9, ipsum templum cum omni fere civitate, proh dolor! incendio conflagravit. Eclipsis solis facta est 4 Non. Augusti circa horam sextam, in tantum ut stellæ in cælo apparerent. Magna inæqualitas aeris et pluviarum inundatio per totum tempus messis subsecuta est. Rex Danorum pluribus advenis Teutonicis terram suam incolentibus truncationes membrorum facit. Hac de causa imperator super eum expeditionem movere intendit.

1134. Imperator pascha Halverstad peragit. Ibi rex Danorum veniens, sese in potestatem imperatoris tradit, obsidesque dat, juramentum facit, se successoresque suos non nisi permissu imperatoris successorumque suorum regnum adepturum; et pulchro spectaculo, nullis retro temporibus audito, ipso sancto die paschæ idem rex Danorum, regio more coronatus, coram coronato de more imperatore gladium ipsius portat. Et sic in gratia imperatoris repatriavit. Nortbertus Magedeburgensis archiepiscopus obiit, cui Conradus successit.

1135. Dominica ante mediam quadragesimam,

A scilicet, 16 Kal. Aprilis, frequens principum fere totius regni conventus fit apud Bavenberg, imperatore præsentate. Ibi Dei gratia aspirante, Fridericus dux Suevorum comitantibus principibus in concordiam cum imperatore sociatur. In festo pentecosten apud Magadeburgum primum principes regni coram imperatore firmissimam pacem domi forisque ad 10 annos juraverunt. In festo sancti Michaelis, in loco qui dicitur Melenhusen, Conradus, frater Friderici ducis, imperatori reconciliatur.

1136. Irruptio Slavorum in partes Saxonie. Contra quos Adelbertus marchio exercitum movens, terram eorum non semel hostiliter invasit et depopulatus est. Circa assumptionem sanctæ Mariæ expeditio imperatoris in Italiam.

B 1137. Imperator natalem Domini, similiter et pascha, in Italia celebrat, pentecosten vero apud Barum cum generali Italicorum principum. Ibi Bruno Caloniensis archiepiscopus obiit; cui Hugo decanus sancti Petri successit, qui et ipse post paucos dies ibidem obiit. Ibi ambo conditi jacent. Princeps Apulie Rozir nomine, ob cujus insolentiam maxime imperator Italiam intraverat, statim castrum satis munitum in ipso latere civitatis Baræ; in quod castrum multitudinem prædorum collocaverat, qui terra marique, quicquid attingere poterant, inauditis miseriis et calamitatibus regiones opprimebant. Simili modo per totam fere Italiam fecerat. Pentecoste celebrato imperator castrum cum exercitu circumdat; quod nimio sudore expugnans, igni tradit soloque coequat. Prædones comprehensi, suspensi sunt circa turrim exustam, numero quingenti vel eo amplius. Quo terrore omnis civitas, omnis munitio, regie se potestati tradit. Exin imperator in Calabriam transivit. Ibi legati Græcorum ad eum magnifice veniunt, quos ipse magnificentius suscepit ac dimisit. Adelbertus Mogontinus archiepiscopus obiit; post cujus obitum civitas una cum principali templo igne concremata est. Marchio Adelbertus, collecta valida manu, hyemali tempore terram Slavorum prædabundus perambulat. Imperator, rebus in Italia compositis, in ipso reditu 2 Non. Decembris obiit; corpusque ejus delatum in patriam sepelitur regio more in hereditate paterna, D in loco qui dicitur Lutheron.

(422) :::: vis codex; cum suis ex Annal. Saxonie restitui.

(423) Clausen ad fluvium Eysack, infra Brixnam Tyrolensem.

DUDO

DECANUS S. QUENTI VIROMANDENSIS

NOTITIA HISTORICA.

(PERTZ, *Monumenta Germaniæ historica*, Script. tom. IV, pag. 93, præcæm. ad Dudonis Historiam Normannorum, edente D. G. WAITZ.)

Dudo, canonicus et postea decanus S. Quintini Viromandensis, quomodo ad Normannorum historiam conscribendam sit adductus, ipse præfatione ad Adalberonem episcopum Laudunensem directa profitetur.

Historiæ igitur scribendæ munus Richardo I duce vivo susceptum, post ejus mortem, quæ a Dudone in a. 1002, ab aliis (1) in a. 996 collocatur, est exsecutus; sed quo anno opus finierit, nusquam indicavit. Quod tamen post a. 1015 factum sit oportet, cum hoc anno Dudo nondum esset decanus (2). Opus, quod etiam Richardo duci, Rodulfo comiti, et Roberto archiepiscopo Rothomagensi inscripsit (3), tribus libris (4) digessit, primo Astingi, secundo Rollonis res breviter perstringens, tertio Willelmi et Richardi historia fusius exposita. Res quas narravit maxime a Rodulfo comite se accepisse testatur (5); fontes scriptos nullos indicat. Ideo fieri non potuit quin multos errores commiserit, tempora, personas commutaverit, aliisque mendis narrationem suam maculaverit. Cum præterea orationes multas inseruerit, descriptiones rerum et personarum sæpe invenisse et poetico more exornasse videatur, fuerunt, qui potius fabularum quam rerum scriptorem Dudonem judicarent ejusque librum nullius esse auctoritatis putarent (6). Quod tamen levissimum fuit iudicium. Nam quamvis non sine causa hæc ipsi objiciantur, quamvis populi amore ductus res ab eo gestas sæpe nimis amplificare videatur, et præterea sermone utatur tumido atque inflato, versibus inanibus, obscuris et interdum nimis puerilibus librum gravet atque deformet potius

^A quam exornet, nihilominus multa continet minime spernenda. Dudo litteras fuit bene doctus, qui etiam Græcæ linguæ cognitionem habebat pluresque antiquitatis poetas legerat (7); semper tamen, modestia fortasse affectata, se muneri imparem, nimis imperitum, debilem atque infacundum professus est. Res vero Normannicas uberrime exposuit, nusquam valde a vero aberravit, sed ut Lappenberg nuper docuit (8), cum aliis fontibus plerumque convenit; quæ fabulas redolent, tum ex priscais Normannorum carminibus hausisse, tum ex ore comitis Rodulfi aliorumque virorum, qui rebus interfuerant, accepisse putandus est, et tam his quam aliis locis mores habitumque populi lucenter descripsit et quasi coloribus vegetis pinxit. Ideo ipsius librum non dubito quin inter pretiosiora hujus ævi monumenta reputem; et fere dignum putarim qui integer in Monumentis ederetur. Cum tamen paucis tantum locis res Germanicas tetigerit, novæ editionis e codicibus adornandæ curam Franco-Gallicis relinquimus, fragmenta vero, quæ res ab Ottone Magno gestas illustrant, hoc loco exhibemus (8'). Etiam hæc, quamvis erroribus quibusdam aspersa, plura continent notata digna, e. gr. quæ de conventu regis Ottonis et ducis Willelmi, de Harmanno Saxonum duce a Danis capto, de obsidione urbis Rhotomagensis, aliisque referuntur.

^C Textum a Duchesnio (*Hist. Norm. SS. antiqui*, p. 81-159) ex duobus codicibus, Sirmundi, jam Middlehill asservati (9), et F. Ambrosii editum, opus codicis Rothomagensis (10), olim S. Petri de Gemmeticis, mbr. s. xii inc., fol., accurate et laxius

(1) Cf. Lappenberg *Hist. Angl.* II, p. 34.

(2) Mabillon. *Ann.* IV, 244.

(3) V. præfationes et carmina ap. Duchesnium *H. Norm. SS.* p. 51 seqq.

(4) Fortasse Richardi historia quartum librum efficere debet, quippe cui præfationes novæ sint præmissæ.

(5) P. 59. *Versus ad comitem Rodulfum hujus operis relatores* :

Cujus, quæ constant libro hoc conscripta, relatu. Digessi attonitus, tremulus, hebes, anxius, anceps.

(6) Vossius *De Hist. Lat.* p. 356. Rivet *Hist. litt.* VII, p. 237. Cf. Bouquet VIII, p. xxiv, qui singulari errore epitomen, quam fecit Guillelmus Gemmeticensis, auctori præferendam esse judicavit.

(7) Virgilium et Ovidium ipse affert.

(8) *Hist. Angl.* II, p. 373 et antea passim.

(8') Textum integrum damus ex Duchesnio. *EDITOR PATROLOGIÆ.*

(9) *Archiv.* VII, p. 99.

(10) De aliis codicibus v. *Archiv.* VII, p. 418.

scripti (11), a V. Cl. L. Bethmann collati, emendavimus A secutus est (13), etiam Saxo Grammaticus respexit, (14), ita ut auctoris fama Normanniæ Galliæque fines jam medio ævo sit transgressa.

Dudonis narrationem quam Guillelmus Gemmeticensis in epitomen redegit (12), Ordericus Vitalis

G. WAITZ.

(11) Eodem volumine alio vero cod. s. XIII continentur : Guillelmus Gemm., Einhardi Aita Karoli, Abreviatio gestorum regum Franc. — 1137, Translatio clavi, etc., Visio Karoli, et alia manu fragm. Guill. Gemm. de Richardo II.

(12) Præf. : « Principium namque narrationis usque ad Richardum II e Dudonis periti viri historia collegi, qui quod posteris propagandum chariæ commendavit a Rudolpho comite primi Richardi fratre diligenter exquisivit. »

(13) Præf. libri III : « Bellicos siquidem actus trium ducum Dudo Vermandensis decanus eloquenter enarravit, affluensque multiplicibus verbis et metris panegyricum super illis edidit. » Etiam scriptor Gallicus Benoit de Sainte-More Dudonem ante oculos habuisse videtur ; cf. Lappenberg II, p. 374-394.

(14) Lib. I init. : Quendam Dudo rerum Aquitanicarum scriptor Danos a Danais ortos nuncupatosque recenseat ; cf. Stephani adnot. p. 31, etc.

DUDONIS

SUPER CONGREGATIONEM S. QUINTI DECANI

DE

MORIBUS ET ACTIS PRIMORUM NORMANNIÆ DUCUM

LIBRI TRES.

(DUCHESNE. *Historiæ Normannorum Scriptores antiqui, res ab illis per Galliam, Angliam, Apuliam, Capuæ, principatum, Siciliam et Orientem gestas explicantes, ab anno Christi 838 ad annum 1220.* — Lutetiæ Parisiorum, 1619, fol.)

ADMONITIO DUCHESNII.

Dudo, primum clericus, « pretiosi, ut ait, martyris Christi Quintini canonicus, » et hoc nomine ab Alberto Veromandensium comite ad Richardum Normannorum ducem missus, ut interven-
tu suo regem Franciæ Hugonem, ipsi comiti infensum, pacificaret. Postea vero super totam Sancti Quintini congregationem decanus constitutus, ut idem prænotat. Initium scribendi facit ab Hastingo Danorum duce, qui Rollonem præcessit ; finem in morte Richardi I, Normanniæ ducis, cujus avus Rollo. Declaratque (*epist. ad Adalb. Laudun. episc.*) se opus incepisse non voluntate spontanea, sed ut duci illi redderet suæ servitutis officium, propter innumera beneficia quæ absque suo merito ei dignatus erat imper-
tiri. Operis autem necdum primas partes attigerat, cum lacrymabilis fama Richardum principem
obiisse nuntiavit. Et tunc omnia in illius dolore postponere voluit, ut ipse testatur, propter nimium fletum intolerabilemque planctum. Sed per filium ejus ducem Richardum, et præcipuum comitem Rodolphum Ibreicensensem, res eadem illi representata fuit. Institerunt ambo precibus, ut quod Richardus pater præceperat exsequeretur, et ne propositum imperfectum relinque-

ret contestati sunt. Acquievit ille præceptis precibusque eorum, exsecutus est, et absolutum opus Adalberoni episcopo Laudunensi, auctoritate sua confirmandum, dedicavit. Peritum virum appellat Guillelmus Gemmeticensis monachus in epistola sua ad Guillelmum I Anglorum regem. Et Ordericus, monachus, Uticensis, sive Sancti Ebrulfi, de eodem sic paucis verbis loquitur in prologo libri III Historiæ suæ : « Bellicos actus trium ducum Dudo Veromandensis decanus eloquenter enarravit ; affluensque multiplicibus verbis et metris panegyricum super illis edidit, et Richardo Gunnoridæ, gratiam ejus captans, transmisit. » Nec non libro VI sub finem : « De adventu, inquit, Normannorum, et crudeli barbarie illorum Dudo Veromandensis decanus studiose scripsit, et Richardo II, Gunnoridis filio, duci Normannorum, destinavit. » In hujus editione duobus codicibus usus sum, uno viri illustr. D. Francisci Ambrosii, altero D. Jacobi Sirmundi, qui et solus carmina varia rustico magis quam poetico stylo intertextata exhibuit. Nec illa tamen prætermis-
sæ volui, ne fidem historiæ minuisse quibusdam forte viderer.

DE MORIBUS ET ACTIS PRIMORUM NORMANNIÆ DUCUM LIBRI TRES.

Ex veteri codice ms. nunc primum in lucem emisso.

EPISTOLA

PANEGYRICA ATQUE APOLOGETICA RATIONE TRANSCURSA.

Inclyto et pie venerando, quem genus ornat, sapientia decorat, ADALBERONI episcopo sanctæ Dei Laudunensis ecclesiæ cathedra residenti, sibi commissarum ovium ducamen ante divinæ majestatis conspectum, Dudo, super congregationem Sancti Quintini decanus.

Gloriosissimi nominis tui divulgamen culmine superlativo Libaninis altius, luce clarius sublimatum, proluxa interpolatione proluxæ longitudinis, atque exspatiata intercapedine expansæ latitudinis terræ, ut palam eminet latius diffamatum; nemo, qui verba Domini Nichodemo dicentis: *Spiritus ubi vult spirat*, intelligit, nescit. Quia ut colore indicativo humanis visibus pacificatur, solamen effectus sufficiens omnibus, omnibusque omnia factus, omnium præsulum celsitudinem generis spermate, et meriti almitate transcendis. Idcirco tu apex pontificalis, inclytum specimen rectitudinis, incomparabilis forma perspicuæ vitæ, decus sacerdotale, inenarrabilis lux universæ Ecclesiæ, insigne culmen sanctitatis, totius bonitatis columna inflexibilis, digne pro meritis assertionem veridica sanciris. Te etenim, quem talem tantamque personam facta egregia concinunt, talis tantæque proceritatis honore Allithroni dextera extollere disposuit, quia indemnis pectoris tui antra cordisque insontis intima possidet divina charitas, cum sua sobole multimoda. Quidquid multifararum virtutum ejusdem charitatis filiorum, uniuscujusque famuli Dei jugi ac vigilante studio, prout aspirator et inlustrator mentium, videlicet Flamen divinum, adipiscitur; quidquid sanctissima eorum servitute consequi potest, in te divinitus regnare videtur, atque omnem earundem virtutum congeriem fons charitatis in pectoris tui sede locavit mirifice. Omnibus siquidem rationis capacibus, mi Pater atque domine, certum constat esse a puerilis ætatuæ vagitibus interna cordis contritione te totum æterno sacerdoti hostiam vivam mactasse, pectus tuum plenitudine virtutum Pneumati superno thronum consecrasset, cœlos mente habitasse, quia jucundi tui animi enorme propositum, et usque nunc temporis patet, hæcenus ulla proluvie, nec aliqua vitiorum fortitudine inspicitur ab incepto deviare. Tactus itaque sancti Spiritus nectare, singulari mirabilitate et mirabili singularitate videris coalitus; dum, velut mys-

tica lampas, solari lumine exardescis inter episcopos sæculi. Quis vero tam saxeum pectus generet, tantæque caliginis obductione cor obvolutum haberet, mirabilibus inspectis actibus tuis, a sua pravitate statim in cœlibem non verteretur vitam? Quippe omnibus, qui ab anfracto itinere illius amarissimi callis, quo multi severiter ducuntur morti, sese nituntur privare, et ad quem fallentis mundi sapientia illorum viam dirigit, quorum corporeæ delectationis gaudia imitatur affectus unita intentio, fieri participes religionis tuæ: quia multis præteritis et futuris temporibus certe nec primum similem visus es, nec habere sequentem. Nec mirum, antistes reverendissime, si hoc tibi divinitus concessum est, ut toto orbi præmaximum exemplar boni effectus sis: quoniam ab ipsa cunabulari vita gradibus virtutum sidereæ patriæ templa visus es scandere, atque præmiorum magnitudine stelligeras sedes possidere. Sed etiam talibus factis quoddam mirum inducitur, o miræ admirationis pontifex, ne pravis iniquorum sophistarum susurrationibus posses criminari. Illius vitæ præcepta amplexatus, quæ semper ad ardua molitur, talem tuis studiis curam adhibuisti, ut sicubi terrarum quid regnaret religionis, et ab indigenis alicujusve hominis relata aures tuas irrumperet, nunquam uninus horæ spatium passus es transgredi, quousque citius dicto adimplere laborasti. Tu quidem gaudium Domini tui ingressurus per pauca, id est per quinque talentorum dona fideliter dispensata, et cibarium dispensationem prudenter distributam, super multa locaberis servus bonus et fidelis, cum Dominus venerit; quia supernarum virtutum junctus consortio, gaudia sine fine mansura possidebis. Mna quippe tibi credita tuis sacris mundinis ad thesaurum summi Patris familias decem mnas reportabit, cum Dominus redierit: quia videlicet per Decalogi mandata temetipsum lucratus Deo, manipulos justitiæ in dextera ferens, centesimum fructum ad mensam invisibilis atque immortalis Sponsi dignus conviva reportabis, sicut mna centum ponderatur drachmis. Tu merito apostolici meriti gradum sortitus, sortique divina in ejusdem gradus culmine, id est in duodenario numero sublimatus; quia si secreta ejusdem muneri pensentur, ubique celsitudini tuæ deputatur. Qui revera impariter per a

mathematicis vocatur, ex pariter pari, et pariter impari confectus. Sicut namque iste numerus ipsam eandem significationem illofuth, et aliam, quam illi non habent, de quibus conficitur, possidet : ita tu omnium episcoporum, qui eidem numero deputantur, quam habent vim religionis, et aliam a Deo obtines. Et qualiter ex una impar, ex altera parte per dicitur : sic ipse tu aliis, qui altitudine ipsius numeri sublimantur, inæqualis, et æqualis inveneris : inæqualis sanctitate, æqualis vero nomine. Ipse recte superfluius suis asseritur partibus, quia videlicet si in unum redigantur ejus species, qualiter summam pristinæ quantitatis transgrediuntur ; sic transgressionem meritorum, si tuæ sanctitatis symbola colliguntur, aliis in eodem numero Deo militantibus altior reperiris. Quid vero in eodem musicis calculo designatur modulis, nisi sublimitas tantæ patroni ? Quid aliud ipse duodenarius, nisi concentum symphonie diapason augmento duplicitatis perficit ad senarium, qui sui quadam demonstratione alicujus rei perfectionem, sicut ipse perfectus est, assuescit significare ? Et quid per ascensum ordinis hujus numeri, nisi immensa perfectio duplicis incrementi in te cumulata augmentatione duplicitatis declaratur ? Respicente siquidem eodem numero ad octonarium sesquialtera, ad novenarium sesquialtera proportione diapente, et diatessaron retinet symphonias : quia tunc temporis, quo ipsius ejusdem provectione te in pastorale regimen sustulit, octo beatitudines vite augmentavit, et nomen angelorum cœtibus sociavit. Qua vero ratione binarii multiplicatione ipse duodenarius in vicesimam quartam cumulationem transcendit : sic geminorum præceptorum, scilicet Dei et proximi amor, gemina observatio viginti quatuor supernis senioribus te aggregavit, cum quibus immarcessibili corona redimitus canticum novum sedenti in throno cantabis. Inter quos, sicut isdem sua medietate superposita, id est senario, qui, ut dictum est, caret defectione et superfluitate, in octavum decimum numerum crescit : similiter dulcisonis consonantiis totius harmonice modulationis officium mellifluæ cantilenæ reddentibus, nihil defectivum, nihil superfluum audiens, secundum quinque tetracorda decem et octo disparibus innexa fidibus efficaciter delectaberis. Quorsum tendunt ista ? Illud est in causa. Peragratis totius Gallie partibus, circumspectis undique secus omnium Christianorum finibus, neminem comperio, cui pari decore totius honoris munera attribui debeant, sicut tibi. Quocirca, memorande Pater, postquam inlyta fama ex tuis miris actibus expressa aures meas irrupit, animis meis indesinenter stimulos ad te divertendi ministravit : quia velut ab ipsa divulgatione nominis tui didici, satisfactorius ubique desideris meis, ut refrigerium fieres meæ necessitatis. Hanc vero necessitatem ab inchoatione usque nunc temporis patior, quod cui tantilli operis despectivam atque reprobabilem compositionem ad corrigendum representarum, minime reperiebam : præter te cæjus laus oculos

A tangere videtur, et cui, ut supra dictum est, totus honor debetur. Talem, et hujuscemodi honorem corde revolvo, et mente delibero, decere tantum patronum : ut quæ in hoc codice suis tenebris obscura videntur, per te ad lucem referantur, quia non penuriosi et ingloriosi nomen compositoris, seu egregii correctoris laus acquiratur.

Quamquam sit in me pro stultitia reputandum, per istarum litterarum fiduciam audaciæ animositatem arripiens, majestatis tuæ conspectum adgredior, adgressusque cordis et corporis cervice submissa, non solum semel, nec bis, nec ter, quin etiam crebrius preces jungo precibus, ut omnis scrupulositas injustæ ambiguitatis tuis acutissimus bipennibus, ex purissimo calibe totius sapientiæ confectis, funditus atque radicatus amputetur. Pene dimidia pars hujus operis minime videtur respicere ad negotium utilitatis, nisi te messore sarriatur carduis superfluitatis ; quia, dum premor corporis infirmitate, dumque sæcularium rerum impedior necessitate, mentis meæ oculus, sua sponte cæcitatem potius quam lucem amplectendo, suffocatur, et corporalium desideriis gaudiorum orbat, atque in immenso gurgite tenebrarum demergitur. Illum siquidem oculum, quem dico subsidiis recti luminis desitutum a te, qui versaris in sacrorum præceptis eloquiorum, exopto illustrari. Certum te reddere volo, ut non rearis me huic operi hæsisse voluntarie, nec illud spontanea voluntate cœpisse. Ante biennium mortis ejus ut more frequentativo fui apud eximium duces Richardum, Willelmi marchionis filium, volens ei reddere meæ servitutis officium, propter innumera beneficia quæ absque meo merito mihi dignatus erat impartiri. Qui quadam die adgrediens cœpit brachiis piissimi amoris me amplecti, suisque dulcissimis sermonibus trahere, atque precibus jocundis mulcere, quia etiam detestari et jurare in charitate, ut, si qua possem ratione, animis suis diu desideratis moderer : scilicet ut mores actusque telluris Normannicæ, quid etiam proavi sui Rollonis quæ posuit in regno jura describerem. Stupui velut amens, et per dies aliquot his petitionibus me negavi abnuens. Tandem vero, tot precatibus motus tantisque precibus fatigatus, vix flexi animum ad tantæ sarcinæ pondus humeris meis imponendum. Et, quamquam super virium mearum possibilitatem hoc esse recensuissem quod indicebatur, jugum tanti oneris collo meo imposui ; illius mandati imitator effectus, quod præcipit nos stare, viriliter agere et confortari, insuper omnia nostra in charitate fieri (*I Cor. xvi, 13*). Stylus nostræ imperitiæ nedum primas partes operis attigerat, heu proh dolor ! cum lacrymabilis fama Ricardum toto orbe principem obiisse nuntiavit. Omnia hæc in dolore hujus principis postposuissem propter nimium fletum intolerabilemque planetum, qui non solum cor meum, verum etiam totius corporis membra quassans torquebat, nisi per præcellentissimum filium ejus patritium Ricardum adhuc superstitem et presolpua comi-

tem Rodulfum res eadem repræsentaretur. Insistent ambo precibus, ut quod memorabilis vixit Ricardus precando præceperat exsequeretur; et ne propositum, quod illi sponderam, in bilinguitatis vitium versum, videretur ullo mendacii inquinamento pollui, sed pollere totius modicis intellectus intimis, contestantur. Acquiescens præceptis precibusque eorum, exsecutus sum licet dialecticis syllogismis, nec rhetoricis argumen-

tis non gloriatur. Tuæ majestati mittere dispositi, ut falsa amputarentur, et si quid veritatis in illo haberetur, tuâ auctoritate confirmaretur, ut mirabilis mercedum retributor, qui eximium Marchionem Ricardum in paradiso gloriæ suæ locavit, sicut te erexerat suæ sanctæ Ecclesiæ columnam, ita sermo perenni ornatum constituat inter omnium sanctorum choro senatorei cœlestis aulae.

ALLOCUTIO AD LIBRUM.

Themate pertenui quoniam digestus haberis,
Rhetorica ratione carens dulcaminis omni,
Liber, interno cum te perscrutor oculo;
Ægre fert animus quod vulgo ducere gestis
Quæ digesta stylo nequidquam schemata nostro,
Et subsanneris tumido vafroque tumultu.
Si te conservent, studiisque sigilla pudicis
Pestiferum intentant secreta tædia nobis,
Auriplo quoniam Danaen vix textit ab imbri,
Ut promit mytho Fulgentius, ænea turris.
Aut pergas Northmannica nunc gymnasia præpes,
Aut scholis clausus Francis jam moruleris.
Ridiculam vereor nobis sat surgere sannam,
Si impatiens refutes clavem nunc obice dempto,
Et in " proprias argute plebis in ora.
Invitum quatient Nortmanni verberare vatem.
In vulgus venies audax nunc præpete gressu.
Pro quanto tanti spernunt jactabere fluctu.
Hic fœdum spuet aggestis labris, labiisque,
Succinet infandum retracta nare aliusque,
Et plausum manibus nimium dabit hicce profanis:
Elatis terram pedibus ter succiet hic (15)
Verrucas alius disquirens ore notabit,
Cordibus explosis, si nulla tamen patet usquam,
Integra, doctus erit certe prævertere falsis.
Ast ex hoc fuerit quo perditiorque profanus,

Acrius his furias amens baccetur in omnes,
Et nolensque volens sic " *avria et avra* subibis,
Ludibrio tandem sannæ subitus " et omni,
Croco " narcissus frustra trudere taberna,
Gingiber, aut nardi modicum, costumque piperque,
B Ignavis si quidque feres cartis amicitur;
Obstiterit monitor longe, nec cura mederi
Tute consiliis motus, nostrisque querare
Fraudatum, hoc tecum jugiter memorando refero.
Qua frontem titubans titulus præfixerit acrem,
Suspicio primo subeat QUINTINUS enormis,
Panderet ut cœlos itiner qui de nece fecit:
His dux, his meritisque suis primordia signet.
Hoc forsitan poteris contemnere vulgus inerme,
Plebis virgantis seu jam discrimina mille:
Ne meritis fulgentis nominis obice tantis
Vix ausint tumidæ temet sprevis phalanges.
Nitescet rabies, parcentque sputis duce tali,
Febreque subtracta nudo incrudescere dente
Flamine septifluo felix liberi duce sacro
C Protectus jugiter, munitusque auxiliatus,
Retondis " meritis Quintini martyris almi;
Nec te non monitum olim discessisse graveris,
Quod restat dubiis supplex comiteque " fati,
Meque utinam affectu optato meliora sequantur.

VERSUS AD RICHARDUM MAGNI RICHARDI FILIUM.

O te magnanimum, pium, modestum!
O te præcipuum, timentem Deum!
O te magnificentum, probum, justum!
O te mirificum, bonumque, benium!
O te pacificum, Dei que prolem!
O te munificum, sacrum, modestum
O te prærutilum, RICARDE clemens!
O te longanimum, Ricarde prudens!

O te percelebrem, Ricarde decens!
O te juridicum, Ricarde mitis!
O te promeritum, Ricarde dulcis!
Gentes omnigenæ ferunt decenter.
Quæ cernis memora libro modeste.
His depascè tuum cor, atque pectus,
Innecti ut valeas quibus recenses.

D

FUTURE MATERIEI TREPIDATIO ET DISSUASIO.

Turbinibus variis cui casibus innumerisque
Ast inoportunis rerum vicibus volitantum,
Lapsibus atque volubilibus fati exagitantis
Anxia mens titubat, nimis singultibus hærens,
Cor quoque prætrepidum fibris marcessit adustis.
Torpens ast animus planctu suspirat acerbo,
Linguaque rauciculosus cursus jam gutturis inter,
Desipiens horret, balbutit, blaterat, hæret,
Squalintique situ vix verba sonantia garrit,
Ingeniumque socors, intellectusque pusillus,
Difficilis sensus, heu! stultitiaque repletus.
Quali quibo modo compto sermone referre

Quod mihi nutanti committitur accumulare
Numine divino gestum, nutuque superno?
Qui nec privatim casu, nec publice gesta
Elicere humanis possum digesta labellis.
Ultra posse suum pondus quisquis grave sumit,
Ludibrium passus præmagnum, ridiculumque
Impendit semet ludicræ garrulitati.
Sæpe feræ sectatori incauto arte venandi,
Et sua pessumdat præsumptio et in via luci.
Sic tyro parmam gestat belli monumentum.
Usus lascivi facili conamine sudans,
Extorto sed non norit certare duello.

(15) *Iste, ut constet versus.*

Ales nunquam vestra totus spatulum sibi cessum,
 Prævia cui mater dux non fuerit, resecahit.
 Ingerit in pelagas parva qui lintre marinum
 Nautarum semet doctrinæ ignarus et artis,
 Fluctuat aut illuc, aut huc, aut sæpe voratur.
 Qui solitus faleris onagro sine sæpe sedere,
 Præcipitatur eques jam factus præpete cursu.
 Non opus ire forum librato fœnore mercis,
 Emere qui quod vult nescit caute, et licitare,
 Totius artis inops, rationis, consiliisque.
 Sic in diversum præ lapsu scinditur omni,
 Qui repetit quod diffinire nequit moderate
 Doctorum nisi doctrinaque, favore juvetur.
 Ergo meæ nunc inscitæ squalore repungor,
 Ignorans super hoc quid agam, faciamve, sinamve.
 Quanquam sensus hebes genuinæ garrulitatis,
 Thematis inlepidum quidquam, infacetum, inho-

[nestum,

Digerat, auctoris nullius robore fretus.
 Aggrediar potero quidquid, faciamque meapte,
 Fidens in Domino mundum ditione regente,
 Quidquid vult faciens celo, terraque, marique
 Rudere consuetam plene edere verba coegit,
 Sessorique suo alterius profarier orsis,
 Postque sepulcralem Lazarum recreavit honorem,
 Et voluit functum post funus currere vivum.
 Post subiit vexilla crucis, mundumque redemit.
 Suscipe gesta tui proavi, præsul recolende,
 Et locupletis avi suscipe gesta tui.
 Quin etiam meritis patris super æthera non,
 Participis Christo quin etiam meritis.
 Illius atque bonis animum depasce benignis,
 Instrue te exercens illius atque bonis.
 Mirificos recolens actus sermone retracta,
 Affatusque suos mirificos recolens.
 Et memora, memora causas ejus memorandas,
 Digne quæ gessit nunc memora, memora.
 Nisibus eximiis ejus reminiscere morum,
 Atque recordare nisibus eximiis.
 Legitimum hujus opus relegens imitare libenter,
 Et rimare studens legitimum hujus opus.
 Scis quia castra Dei semper recolendo adamavit,
 Dilexit venerans scis quia castra Dei.
 Ariete non fragilis patriæ murus fuit ipse,

VERSUS AD COMITEM RODULFUM HUIUS OPERIS RELATOREM.

Virtus et nomen vulgata potentia passim
 Flammigero regni substractis crevit in orbe,
 Cedant convicti comitis probitate Rodulfi.
 Illis consulibus Romanus calluit orbis,
 Nunc Northmannus apex RICARDI culmen honoris,
 Totius regni virtus, decus atque potestas,
 Moribus et meritis mactus RODULFE benignis,
 Ritribuente viget, timet, atque superstite pollet,
 Præpollens gravitate animi cordisque profundi.
 Ore salem fundis tranquillæ pectoris, almo
 Ut salis unda cibos, sic sensus tu quoque condis.
 Radix consilii fecundi nectaris urna.
 Vivax ingenio, mitis rutilante loquela.

(16) Sic apud Enn.

Portaque difficilis ariete, non fragilis.
 Orphanus, exul, inops, capiebat opem viduæque
 Solamen cunctis, orphanus, exul, inops.
 Ecclesias statuit, paganos credere fecit,
 Delubra construxit, ecclesias statuit.
 Corde Deum Dominum dilexit viribus, atque
 Ut se propinquum corde Deum Dominum.
 Forte feros populos violento Marte domabat,
 Et conculcabat forte feros populos.
 Legibus et ducibus verbo induperabat (16) amico,
 Grator in regno regibus et ducibus.
 Muneribus variis missos ditabat honores,
 Ast humiles pariter muneribus variis.
 Pallia distribuens, aurum, pelles, sonipesque,
 Munere largifluus pallia distribuens.
 B Indomitas Dacos verbis blandibat amicis,
 Austerisque premens indomitosque Dacos.
 Ordinis atque gradus nostri decus omne per omne,
 Ac firmamentum ordinis atque gradus.
 Alloquio celebris, virtutum agalmate pinguis,
 Mansuetus verbo, alloquio celebris.
 Causidicum superant ejus me nunc bonitates,
 Atque facultates causidicum superant.
 Permanet indicium illius verum probitatis,
 Signa et adhuc rutilant, permane indicium.
 Amplius eloquar. an sileam quæ gesta videntur,
 Tempore venturo eloquar, aut sileam?
 Garriet ecce meus poterit quæcunque relatus,
 Tractatusque simul garriet ecce meus.
 Voce boabo fremens, vehementi corde retractans,
 C Quæ retulit vivens voce boabo fremens.
 O venerande, pie, recolende, verende patrone,
 Præsul Rotberte, o recolende pie.
 Immemores patris et memores scrutare triumphos
 Actus perquire immemoresque patris.
 Exhibeasque patris dictis temet reverendis,
 Factis te speculans exhibeasque patri.
 Subveniat jugiter præsens oratio patris
 Vetaque continua subveniant jugiter.
 O utinam valeas, vigeas, per secula potenter,
 Cum Christo regnans, o utinam vigeas!
 Elisio maneat campo patre cum reverendo,
 Empireæ patriæ Elisio maneat.

Sol velut hunc mundum, refoves sic sirmate cunctos.
 Nilus ut Ægyptum, recreas sic corda tuorum.
 Te tellus rutilum meruit Northmannica lumen.
 Splendor ubique micat, qui cordis lampade fulges.
 Archipatres prisici pariter, proceresque moderni,
 Scipio, Pompeiusque, Cato quis gloria Romæ,
 Magnificum decus, imperium dominansque coru-
 [scum.

O Felix animus, patriæ qui consulis actus,
 Auxilium regni, firmamentum, decus atque
 Cujus quæ constant libro hoc conscripta relatu,
 Digessi attonitus, tremulus, hebes, anxius, anceps
 Sit tibi summus honor Christo regnante per ævum.
 Vitaque sit præsens cum sanctis atque futura.

ITEM AD ROBERTUM ARCHIEPISCOPUM.

Præsul præcipue, atque venerande,
 Culmen magnificum ecclesiarum,
 Summus noster honor, noster et altor,
 Luxque, insigne decus, digna salusque
 Nostri sancte gradus, ordinis auctor :
 Quæ digesta meo, suscipe, sensu.
 Sacra tange manu quæ fero supplex,
 Intemptata sciis * grammaticæ artis :
 Ac rimare legens quæque peracta,
 Quæ nos dulcis amor, curaque summa
 Patris præcipui, et dulcis, almi,
 Magni Patricii, et reverendi
 Ricardi celebris orbi labanti.
 Æterna patria, jure potentis,
 Quanquam sat breviter, scribere fecit.
 Qui bonitate cluens et pietate,
 Simplicitate valens et probitate,
 Fulgens judicio justitiaque,
 Regno splendidior floruit isto,
 Magni Clotharii tempore regis
 Hugonisque ducis, postea regis :
 Cujus corde sagax, menteque prudens
 Expensas memora, factaque, dicta.
 Recte quo valea æquiparari.
 Digne consimili jam bonitate
 Tam digno comiti, tamque celebri,
 Tam justoque, bono, tamque modesto,
 Tam sancto, pio, tamque colendo,
 Juste quo fruitur, atque potiri
 In cœtum superum ireque dexter,
 Agnus candidulo vellere pulcher,
 Junctus cœlicolis pace perenni.
 Pontificalis apex et honor,
 Culmine præcipuo renitens,

A
 Gloria pontificum merita,
 Pastor opime gregis Domine,
 Pacifica pietate calens,
 Officiis generose piis,
 Ecclesiæ ordinis, atque gradus
 Palma, decusque, fidesque, salus,
 Christicolæque caput populi,
 Egregium auxilium patriæ,
 Vir venerande, sacer meritis,
 Belligeri egregii proavi,
 Martyrio micantis avi,
 Prædulcis eximiique patris,
 Ingenio reserata meo.
 Thematis ordine prosaici
 Stultilogo, stolidoque, hebetes,
 B
 Inscia, inepta videque, cape.
 Materie fluitanda sua,
 Dulcia, munifica, et stupida,
 Famine, veridico alloquio,
 Gesta legens, replicando diu,
 Quæ bona repperies memora.
 Fruge salutifera segetum
 Pasce animumque tuum, his epulis
 Talibus instrue corque tuum,
 Actibus æquiparis valeas
 Currere cum seniore viro,
 Cum patre, cum genitore sacro.
 Gloria, vita, salus, probitas,
 Sospite corpore, quin animo
 Longa per innumerum tibi sit.
 Postque necis lugubre excidium
 Elisia patris vigeas
 Participans ΘΗΩΗΝ ΩΥΡΑΝΥΚΑΜ.

Præsul amande,
 Et reverende
 Et recolemde,
 Atque tremende ;
 Onoma cujus
 Hoc quoque metrum
 Non capit usquam,
 Nisi redempta
 Littera desit
 Mirificarum
 Prosapiarum.
 Gesta tuorum
 Suscipe patrum.
 Patris, avique,
 Sat bonitatis
 Luce micantis,
 Nunc proavique,
 Jam memorando
 Quæ bona quisque
 Fecit in orbe,
 Vita superstes
 Dum vegetavit
 Fomite sacro,

Atque salubri
 Somatis artus.
 Namque verenda
 Ecclesiarum
 Mirificarum
 Culmina fulgent :
 Quas pater olim
 Schemate pulchro
 Ædificavit.
 Quis valet ejus
 Cuncta videre
 Quæ bona fecit,
 Corde sagaci,
 Menteque pura ?
 Martia quem nunc
 Francia plorat,
 Et gemit Elus,
 Ejulat atque
 Morte lugubri,
 Atque merenda,
 Heuque dolenda.
 Munere cujus
 Quæ locupleta,

Se exhilaranda
 Lætificabat.
 A nece cujus
 Ordo sacrarum
 Ecclesiarum,
 Quæ refovebat,
 Multimodarum
 Congerierum
 Munere sacro,
 Fomite sancto,
 Colloquioque.
 Tristis habetur,
 Quin viduarum
 Turba vagantum,
 Exul, inopsque,
 Esuriensque,
 Qui sitis, atque
 Luce privati,
 Consilioque,
 Vesteque nudi
 Frigore pressi,
 Et lue pleni,
 Dives in omni

Et locupletum
Turba honorum
Atque malorum,
Pontificalis
Culmen honoris,
Rex, proceresque,
Græcus, et Indus,
Frisso, Britoque
Dacus, et Anglus,
Scotus, Hibernus,
Clerus herili
Sorte dicatus,
Ordo verendus,
Pulcher Eous,
Occiduusque,
Atque Sicamber
Belliger, acer,

Flevit amare,
Præsul opime,
Culmen, apexque,
Atque cacumen
Lux generisque,
Progenierum
Altus amorque
Pontificalis,
Nunc imitare :
Et prece prona,
Corde subacto,
Menteque pura,
Viribus almis,
Sedulus ora :
Quo requiescat,
Pace fruendo,
Axo superno,

Agnus eatque
Dexter, ovando;
Velleris albi,
Tu quoque cuncto
Tempore salva.
Longa per annos,
Innumerosque
Vita tibi sit.
Sospite sacro
Somate semper :
Postque lugubre,
Mortiferumque,
Flebile damnum ;
Pace fruaris
Sede perenni.

O trinum specimen, tria summ^a, virgo Deus unus. A
Præcellens numen æthereum columnen.
Causarum decus, et series, concordia mundi,
Exors principii et sine fine manens.
ΝΟΥΣQUE ΑΝΤΩΣ. mundi altor, et actor enormis
Orbis terrestris, idea stelligeri.
Vota precum aspirans humili præce posco mearum,
Quo faveas cœptis inscitia tremulis.
Actus et casus rerum, infortunia, strictim
Pandam si potero themate prosaico,

Quæ tulit Alstemo duce barbaries furiosa,
Et quæ Rollone denique Christicola.
Qualiter et soboles ejus Guillelmus in omni
Lege serenato profuit imperio
Quin et Ricardi merito super æthera noti,
Patricii summi, Christicolæque pii.
Terra ferax populi Nortmanni jure quievit
Annis fructiferis, tempore pacifico ;
Te præstante, Deus, qui cernes omnia salus
Regnas, et vivis, et sine fine manes.

LIBER PRIMUS

HASTINGUS

Totius namque molis orbe descripto, ambituque et superficie terræ sagaciter permenso, omnem terram perpetuo Oceani limbo undique secus circumseptam. æthereo quadripartiti cœli cardine intellectu cosmographi dimensi, in tres partes dividerunt, Asiam, Europam, Africamque reputantes. Quarum Europa quam plurimis fluminibus alveis interrivata, variisque provinciis denominata, termino diremptionis limitatur patriis. Harum quædam spatiosissima multiplici innumerabilium hominum frequentia cæterarum copiosissima, nuncupatur Germania. In qua Ister fluvius de cacumine montis Hatnoen [Atnoe] ortus, in sexaginta omnibus augmentatus profusius, et a meridie ad orientem means procellosus, Germaniam et Scythiam usque eo, quo ponto recipitur, discriminatus, vocitatur Danubius. In copiosa igitur intercapedine a Danubio ad Scythici usque ponti confinium, diffuse commorantur feræ gentes et barbaræ, quæ ex Canza [Scanzia] insula Oceano hinc inde circumseptæ, velut examen apum ex canistro, seu gladius e vagina, diversitate multimoda dicuntur prosiluisse consuetudine barbarica. Est namque ibi tractus quam plurimus Alanicæ, situsque nimium

copiosus Daciæ, atque meatus multum profusus Geticæ. Quarum Dacia exstat medioxima, in modum coronæ, instarque civitatis, præmagnis Alpi-^Bbus emunita. Quos portentæ anfractus amplitudinis furentes incolunt populi, præmonente Marte bellicosi, scilicet Getæ, qui et Gothi, Sarmatæ et Amaxobii, Tragoditæ et Alani ; quamplurimæque gentes Meotidibus paludibus excolendo commorantes. Hæ namque gentes petulanti nimium luxu exardescentes, feminasque quamplurimas singulari turpitudine stuprantes commiscendo, illinc soboles innumeras obscena illiciti connubii commistione patrando generant. Hi, postquam adoleverint, rerum pro possessionibus contra patres, avosque, aut sæpius inter se ferociter objurgati, fuerint exuberantes, atque terram quam incolunt habitare non sufficientes, collecta sorte multitudi-^Cne pubescentium, veterrimo ritu in externa regna extruduntur nationum, ut acquirant sibi præstante regna, quibus vivere possint pace perpetua : quemadmodum fecerunt Getæ, qui et Gothi, totam pene Europam usque eo quomodo morantur, depopulati. Cæterum in expletionem suarum expulsionum atque exitum, sacrificabant olim ve-

nerantes Thur Deum suum. Cui non aliquod pecudum, neque pecorum, nec Liberi Patris, non Cereris litantes donum, sed sanguinem mactabant hominum, holocaustorum omnium putantes pretiosissimum; eo quod, sacerdote sortilego prædestinante, juga bouum una vice diriter icebantur in capite, collisoque unicuique singulari ictu sorte electo cerebro, sternebatur in tellure, perquirebaturque levorsum fibra cordis, scilicet vena, cujus exhausto sanguine ex more suo, suorumque capita linientes, librabant celeriter navium carbasa ventis illosque tali negotio putantes placare, velociter navium insurgebant remis. Sin vero majori sorte equites egressi essent, mavortia erigebant vexilla prælii. Sicque suis a finibus elabentes, tenebant intentionem in gentium mortiferam concussionem. Exsulant quippe a patribus, ut arietent viriliter cum regibus. Dimittuntur a suis inopes, ut mercentur ex extraneis dapes. Privantur suorum fundis, ut locentur quiete alienis. Pelluntur extorres, ut fenerentur præliantes. Truduntur a suis ut participent cum alienigenis. Segregantur sua natione, ut gratulentur exterorum possessione. Linquntur a patribus, forsitan non videndi a matribus. Erigitur asperitas juvenum, in demolitionem gentium. Liberatur patria suis incolis defæcata. Cæteræ condolent provinciæ, plurimo hoste nequiter toxicatæ. Sic depopulantur cuncta quæ sibi sunt obstantia. Navigant prope maris littora, ut vindicent sibi terrarum spolia. Uno regno quæ rapiunt, in aliud deducunt. Petunt sequestra pace portus, causa mutuandi raptum fenus.

Igitur Daci nuncupantur a sus Danai, vel Dani, glorianturque se ex Antenore progenitos; qui quæ Trojæ fuerunt depopulatis, mediis elapsus Achivis, Illyricos fines penetravit cum suis. Hi namque Daci relato ritu olim a suis expulsi, qua suos tractus Francia protense expargit, cum duce Anstinuo [al., Hastingo] ferociter impulsi.

Hic sacer atque ferox nimium crudelis et atrox.

Pestifer, infestus, torvus, trux, flagitiosus.

Pestifer inconstansque, procax, ventosus et exlex.

Lethifer, immitis, præcautus, ubique rebellis.

Proditor incentorque mali, duplex simulator.

Impius et tumidus, pellax, deceptor et audax.

Furcifer, incestus, infrenis, litigiosus.

Pestiferique mali augmentum, doli incrementum.

Non atramento, verum carbone notandus.

Et tanto scelere ante alios immanior omnes,

Quantus ad astrigerum tendit suspectus Olympum.

Huc illucque profugas contaminavit gentes, earumque sibi et suis vindicavit facultates. Galliæ potestatis invasit dominium, Franciscum usurpavit sibi regnum. Temeravit sacerdotium, conculcavit sanctuarium. Verbis factisque lacescivit Francorum regem, civitatibus eum suis triste commorantem. Fremit circa muros præsidiorum, ceu lupus circa caulas ovium. Floccipendit Francos, suis præsidii metu receptos. Persequitur cunctos, ceu leo cervos. Trucidat inventos, quos reperit sepositos. Efficitur strages, jugulantur cuspidem

tristes. Mulctatur clerus, crudeli morte punitus. Casulas nefarii induunt, quas altaribus sacris diripiunt. Vestitur alba, officio missæ dedicata. Quisquis in illos arma sumit, interimitur crudeliter. Cætera gens armis frigida ducitur captiva. Uxores a pluribus stupratæ ducuntur flebiliter advenæ. Omnis puellarum sexus ab ipsis turpiter devirginatur. Cum juvenibus senes longe lateque trahuntur extorres. Quidquid est animalium redigunt in pretium. Crescit rabies furiosa, multis malis augmentata. Quintini testis meritis super æthera noti incenditur delubrum monasticis rebus præbalteatum. Cæteræque omnes ecclesiæ in finibus Vermandensium locatæ, agonothetæ Christi Dionysii monasterium, Vulcano superante, est favillatum.

B Enno [al., Emmo] Noviomacensis episcopus eum suis diaconibus, iv Kal. Maii, heu proh dolor! est peremptus. Omnisque gens desolata ad naves ducta est captiva. Confessorum Christi Medardi et Eligii basilicæ ab ipsis nefariis sunt perustæ. Sanctæ Genovefæ virginis sacræ ecclesia Parisiis locata ab ipsis nefandis est combusta. Cæteræque ecclesiæ extra munitionem locatæ, per totam Franciam diffusæ, comburuntur pene universæ. Grassante malo desolatur Francia, penitus evacuata. Luget Liberi Cererisque inops, quibus fuerat olim locupletissima. Mæret suis se incolis destitui, agricolisque privari. Ejulat vomere non exarata, cultroque inculca. Torpescit quiescendo terra, labore bouum non exercita. Ignorantur pervia, vestigiis hominum non attrita. Silvarum fruticumque atque nemorum genere densantur campi volvente tempore. Conclamata est salus, vitæque fiducia recessit ab hominibus. Navigio ipsas Daci petebant aquas, indeque exsilientes populabantur finitimas terras. Nocte invadebant jacentium corpora, lethei soporis quiete sepulta. Omnibus vastatis quæ fuerunt sibi visa, et non reperientes prælii usquam certamina in tota Francia, remearunt prædando omnia ad navium præsidia.

Omnibus igitur accersitis super suo negotio quid agerent consulturis, omnium Alstignus unus pro omnibus inquit nequissimus: « Optatæ nobis crebrescunt auræ, facilesque nobis viam spirant venti secundi. Si nobis non displicet, Romam eamus, eamque sicuti Franciam nostro dominatui subjungemus. » Hoc consilium complacuit omnibus, velisque lectis a prædatoribus, torquent proras Francicis a littoribus. Aliis namque longe lateque fluctibus tactis, terrisque eis citraque littora sibi vindicatis, Romam dominam gentium volentes clam adipisci Lunx urbem [Lux urbem], quæ Luna dicitur, navigio sunt congressi. Principes igitur civitatis formidoloso tantorum impetu exterriti munierunt urbem quampluribus armigeris. Decernens Adstignus [Alstignus] blasphemus, ab omnibus non posse civitatem capi armis, dolosum reperit consilium nefandissimæ fraudis. Misit itaque nuntium ad comitem civitatis et ad episcopum, subsequenter verba illis dicturum. Qui conspectum

illorum assistens, talia coram profudit dicens : **A** pi et monasterio decenter humari. Internuntii autem regressi renuntiaverunt quæ fraudulenter impetraverant funesti. Tunc contumax pestifer gaudens super responsis eorum uniuscujusque tribus mandat accersiri præcipuum. Congregatis autem omnibus, nequissimorum nequior dixit Alstignus : « Mihi modo facite feretrum, et superponite me quasi mortuum, arma mecum in ipso collocare, et vos in gyrum circa ipsa flebiliter state ; vos per plateas ululate, vestrosque me cogite plangere. Tumultuet vox vestra per cuncta nostra tentoria. Concrepet vox qui præsumt navibus cum cæteris cohortibus. Armillas et balteos ferri ante feretrum facite. Gemmis auroque politos secures ensesque exponite. » Fit dicto citius quod mandarat funestus. **B** Auditur clamor ululatum, tumultusque lugentium. Resonant montes pro vocibus dolose mœrentium tinnientes. Convocat præsul campanis gentem diffusam per totam civitatem. Venit clerus monasticis vestimentis indutus. Similiter principes illius urbis martyrio coronandi. Affluit femineus sexus in exsilium deducendus. Pergunt unanimes contra monstrum feretro impositum. Bajulant scolastici candelabra et cruces, majoribus præcedentes. Avehitur a paganis Alstignus, vivus super feretrum positus. Atque in exitu civitatis obviant Christiani pagani. Ab utroque populo comportatur ad monasterium, quo sepulcrum ejus erat paratum. Præparat se episcopus, missam pro suo filiolo celebraturus. Choro stat et clerus, officiosissime cantare suetus. **C** Ignorant trucidandi Christiani dolum mortiferæ fraudis. Decantatur missa solemniter celebrata. Participant omnes Christiani mystico sacrificio Jesu Christi. His missarum solemnibus decenter expletis, paulatimque pagani congregatis, jussit præsul corpus ad sepulturam deferri. Pagani cum magno clamore petebant feretrum, et dicebant alternatim non eum sepeliendum. Stabant igitur Christiani super responsis eorum stupefacti. Tunc Alstignus feretro desiluit, enseque fulgentem vagina deripuit. Invasit funestus præsulem librum manu tenentem. Jugulat præsulem, prostrato et comite, stantemque clerum in ecclesia inermem. Obstruxerunt pagani ostia templi, ne posset ullus elabi. Tunc paganorum rabies trucidat Christianos inermes. **D** Traduntur omnes ueci, quos furor reperit hostis. Sæviunt infra delubri septa, ut lupi infra ovium caulas. Corde premunt gemitum mulieres, lacrymasque effundunt inanes. Juvenes cum virginibus loris concatenantur simul. Ultima vitæ dies accidit omnibus, breveque et irrecuperabile vitæ tempus. Prosternunt per mœnia urbis præliantes, quoscunque reperiunt robustiores atteruntur cives, sæviante Marte dolentes. Gens quæ præerat navibus adest, portis vi patentibus. Stat mucrone corusco acies ferri, strictim parata neci. Jungunt se præliantibus, hinc inde certantes altrinsecus. Crudeliter perimunt omnes quos reperiunt armis obstantes. Tandem finitur duellum, eheu ! perempto cœtu Christianorum. Cætera namque manus flebilis

ducitur navibus. Conquiescit furentis Alstigni rabies, prostratos propter urbis principes. Gloriabatur Alstignus cum suis, ratus cepisse Romam caput mundi. Gratulatur tenere se monarchiam totius imperii, per urbem quam putabat Romam, quæ est gentium dominatrix. Hanc non esse Romam postquam didicit, commotus ira sic inquit : « Prædamini omnem provinciam, et incendite urbem istam. Captivos et spolia conducite ad naves quam plurima. Sentiant coloni istius terræ nos in finibus illorum versasse. » Quod mandat teter, gaudet parare minister. Omnis provincia invaditur, hosteque nequissimo superatur. Strages quamplurima efficitur, captivi ad naves ducuntur. Gladio et incendio devastant omnia quæ fuerant illis in præsentia. Onerant naves, his expletis, captivis et spoliis. Jam vertunt proras ad Francigenæ gentis regnum ducendas. Permeant mare Mediterraneum, revertentes ad Franciæ regnum. Francia tot gentes superans jam morte superbas, Officiis intenta piis profuse, et honestis. At crines in se populi dominata volentis Spargere te, et vano conanime contaminare, Imperio acquisita tuo bis ter trina regna Fortis, dura, ferox, constans robustaque, cauta. Legifera, insignis, mitis, levis, luculenta, Strenua, fida, comis, belli rebus studiosa, In cunctis vincensque, potens solersque triumphis, Pondere sed sceleris tanti nimium cumulado, Regeque posthabita cuncta purgamine plena, Mandatis Domini spretis super astra tonantis. Nunc prostrata jaces, super arma sedens verecunda, Attonita et stupefacta nimis hebes, anxia tristis. Conculcata, lacessita et spreta, increpata, Infestisque reis, spurcis, torvis, sceleratis, Pestiferis, tumidis, ventosis, flagitiosis. Nam recidiva armis cito surge, velocius insta, Consilium tibimetque, tuis nunc quære salubre. Horrendi nefas multis erroribus acti Pœniteat, pudeat te, tædeat, horreat atque. Scribe Dei mandata tui, recitando per omne, Altera progenies illa Dacia * dimittitur, Remigio tumidas valido lapsura per undas. Bellabit pugnas in te per tempora multas, Prælia robustis exercens martia telis. Effera Francorum contundet millia bellans, Fœdere complacito tandem jam pace quieta, Imperiumque tuum, nomenque æquabit Olympo, Gentes et tumidas tibi deservire negantes Contundet gladio, mitescet, suppeditabit. O felix, o terque quater et milles alma, Salve tripudians, et aveto in sæcula regnans.

A Interea dum quasi solitudo Francia deserta haberetur, dumque veluti tonitrualis mugitus rugientia arcana, pavidi Nortmannorum adventus formidarentur, rexque Francorum unde audaciæ paganorum hostiliter resisteret non haberet, reperi consilium valde sibi suisque saluberrimum, ut cum Alstigno nequiore nequissimo fœderaretur, paxque totius regni, serenata ingruentium depopulationum tempestate, inter utrumque haberetur. Quapropter ducibus accersitis, cum episcopis comitibusque, cum satellitum turmis, quod corde disponendo adinvenit, eloquendo memoravit, atque pronuntiando sic retulit : « O seniores et domini, imminentis querimonie causa huc provocati, consilio vos rimando quæritate regni. » Tunc vero Franci, regia allocutione permoti, dixerunt unanimes contra illos debellando præliari. At rex dissuadens, talia exorsus est, dicens : « Mihi non videtur consilium contra illos initiari bellum. Si contra illos forte dimicaturi exieritis, aut vos moriemini, aut illi fuga lapsi repetent naves celerrimi. Ut requiescat terra temporibus nostris, quærat pax diuturna ab impiis. » Hoc namque consilium ab ore regis prolatum omnibus est complacitum. Diriguntur legati ad atrocem Alstignum pacifici. Dehinc vectigali pensorum tributorum summa mitigatus, et a Francigenis exacti muneris pondere sensim placatus, pacem quæ postulabatur non abdicat diutius, verum dat ultroneus. Inconvulsa igitur præsulum pace firmata, ducitur ad regem, pepigitque inextricabili fœdere olympiadis cum eo munera pacis. C Qui imperialibus competentis mutuaque voluntate vicissim fœderati, concorde unanimiter sunt effecti. Quievitque Francia multimoda antehac depopulatione afflicta, cursuque illius temporis hostili peste privata, intumescens paganorum vastatione est liberata. Ne quis lector abhorreat monemus, ad adversorum ignominiam casuum, qui non ad interitum, sed ad correptionem propter exaggerationem scelerum Francigenis acciderunt. Contrita est namque gens ultore Alstigno Francigena, quæ spurcaminum erat sorde nimium plena. Perfidi perjurique merito sunt damnati, increduli infidelesque juste puniti. Prolixum nobis universos illius temporis labores narratione persequi idcirco nostræ præsumptionis citius vertamus styllum ad intentionis propositum. Elucidet itaque breviter calamus, quamvis iners, quæ nutu Dei gesta sunt digeratque compendiose qualiter acciderunt. Exprimatque rei veritatem, spernens sophismatis errorem. Refutet erratus obscenorum casuum, deprimat venturæ salutis negotium.

EPILOGUS.

Ciclica torva tenens, et lubrica devia pergens, Labilium anfractus nequicquam audiensque viarum Ceptum itiner nunc siste, Liber, deposco parumper, Materie fluitantis opus jam desine fessus. Si duci valeas ultra jam conspice solers. Nunc via longanimis, scabrosa, petrosa per omne,

Herbida, sylvestris, memorosa, et lubrica, et aspra Farreque equos depasce tuos jam tam macilentos, Velle bonum retinent quoniam, sed posse pusillum. Sæpius et tersi, lotique habeantur * per omne Illorum pedibus ferrum clavis sue subts, Firmis et faleris illorum dorsa perorna ;

Malas et frenis consutis stringeque habenis.
Sic poteris forsan peragrarè viam luculentam,
Quin erresque, ruas, offendaris, pereasque,

Ni opitulante Deo, qui jure triumphat ab alto,
Testeque Quintino ni intercedente beato,
Atque ipso, cui nunc canimus quæ gessit evantè.

LIBER SECUNDUS.

ROLLO

PRÆFATIO HEROICO METRO DECURSA

Cui subjectum Eleiacum.

Priscis insula creata, vocata. . . . extat,
Pinguis, agrifelix, dives opumque, laum :
Gurgitis immensi limbo præcineta perenni,
Mercis munifica, fœnore multiplicis.
Plures sunt portus hinc inde altrinsecus, atque
Muneris et varii navibus impliciti.
Que genuit Dedalum multas ad laude peritum,
Supra quod satis est artibus atque scium.
Qui fugiens quondam Minoeia mœnia cera
Nexit actu alas mirifico sibimet
Præpetibus pennis vacuum aera posse meari
Ipse ratus, tuto consimilis volucris.
Adscivit levitas comitem temeraria natum,
Incautumque levis fœderis atque operis.
Inque latus subiit pennis Icarus patris actis
Patrizare volens aliger intrepidus.
Dedalus ad gelidas pater impiger evolat Arctos,
Telluremque suis attingit hic pedibus.
Caledicis tandem super adstitit arcibus ipse.
Dextris frigoribus gnarus habere modum.
Nobile delubrum Phœbo statuitque, dicavit,
Exsuit hic alas moxque salutiferas.
Dedalea soboles minus integer arce pericli
Venturi incautus celsior atque means.
Climatis impuri subiit plus ardua justo,
Cera mox liquida penna soluta manet.
Cognomen pelago dedit obvius Icarus ipse,
Gurgite famosus obrutus undisono.
Hæc te monstra petunt, et fabula contigit ista
Ludicris sannis ridiculisque tibi.
Præducis incepto Rollonis grandia facta
Dacorumque simul pubetenus juvenum.
Infima terrarum linquit, nimis ardua captans,
Dedalo quoniam ocior, aut Icaro.
Dum cœlo stolidum temet protendere pennas
Contigit immensum ardua materies.
Viribus incrementatis si posse fuisset,
Cordis mente tui, ut tibi velle manet.
Multiplices species si scisses armonicales,
Servant discrimen quæ tribus in gradibus
Dulcicano sonitu quivisses inter colores
Psallere præcipue cantibus armonicis.
Octomedos quivis hærentes in tetracordis.

A Quos diatessaron et diapente favet,
Commistisque tonis quos dissona limatè formant
Expensis artis disparibus numeris.
Sexqui octava tonum quoniam proportio claudit,
Et diatessaron pax epitrita ligat.
Et diapente melodia rite emiolia sancit,
Servata lege artis arithmeticæ.
Et diatessaron, diapente, simul diapason
Sancito duplo perficiunt numero.
Triplicis et formæ diapason et diapente,
Bisque diapason quadrupla consolidat.
Icor nunc nimis rancoribus atque repungor,
Et stimulator pavitans, concutitorque tremens.
Ha ! ne te subigant temeraria ludicra vulgi,
Ha ! ne præcipitem fulmina concutiant.

B Erutus insidiis quo possis jure tueri,
Ecce salubre tibi accipe consilium.
Propositum cordis Domino comitte tonanti,
Ludicra disperdat, fulgura discutiat.
Munitum sensim pontum te provehat ultra
Flaminis almifluo alite septiflui.
Atque solo temet sistat pingui et cereali,
Evulso nemore fruticis et silicis.
Rhetoricoque tuum fœcundet nectare sensum
Armorico pariter debriet et modulo.
Acquisita aliis plectro cum fidibus ita
Ymnizante melos psallere voce queas.
Patricio crecis oculo, claudis, baculoque,
Ecclesiæ decori, pauperibusque cibo.
Orphani et exulis, ast inopis, viduæque vagantis

C Summo tutori ordinis atque sacri.
Huc pede arenoso quanquam devenimus usque,
Cæno et gressu difficilique via.
Ulterius nostrum conamur tendere gressum,
Sed nos dilaniat materiæ novitas.
Non opis ire quidein, nostroque insistere cæpto,
Nempe fatigatis pondere prævideo.
Præmagnus est nobis * dimittere fœscem,
Garrulitas erit, et ridiculum nimium.
Formicare valens informia cuncta potenter,
Donaque distribuens nectaris uranici.
Spiritus alme, veni, nasci qui verba dedisti,
Sensus accende vivificans hebetes.

Huc precor aspira, fusas spes atque refunde,

Antra mei sensim pectoris irradians.

Tangere quo possim tantæ ante cacumina molis,
Intemptata stylo surgere largiflue.

Prosaico referam breviter quæcunque relatu,

Te collatore, te duce, te artifice.

Cum superna Deificæ Trinitatis providentia, cujus nutu variata volventium temporum vicissitudine alternantur omnia, cerneret clementer Ecclesiam sancto sanguine redemptam, sacrique baptismatis latice profusius emendatam, oleique et chrismatis liquore insigniter delibutam, superscriptis breviter casibus immaniter afflictam: continuis Christianorum precibus suppliciter pulsata, non desistit illi salutifera præbere suffragia, ex ferocitate sævæ gentilitatis Dacigena: ut unde fuerat flebiliter afflictata, inde esset viriliter vegetata; et quibus in præceptis lapsa, his caelo tenus exultata: quorumque actu floccipensa, horum munere refecta: quorum frequentia conculcata, horum auro gemmisque ornata: quorum prædatu pannosa, horum dono compe palliata. Concretis igitur humana connubii stuprique copula plurimis Dacigenarum pubium turmis, illisque bellorum incendia inter se, et in patres, et avunculos frequenter suggerentibus, omnes Dacigenæ majores natu et potestate ad regem convenientes, dixerunt unanimes: Respublica hostili invasione sæve opprimitur, filiorumque et nepotum nostrorum contritione concutitur. Constitutum namque nostræ antiquitatis ritum abdicavimus, ideo Dacisæ gentis populus quamplurima mala perpassus annullatur. Consule igitur, Rex, regno ritu veterrimo, quod regere pacifico debes imperio. Pestifera nequissimorum hostium lue expurgetur Dacia, ut residui vivere et requiescere possimus pace perpetua. Quorum consiliis rex attentius acquiescens, suæque præceptionis edictum per terram sui imperii velociter dirigens, ut describerentur nepotes et filii quos sors reperiret expulsione, jussit satrapas illius terræ adesse sibi præscripti diei tempore. Hujusmodi fama regalium legationum mox percutit mentes pubescentium. Trepidus anxia sententia illorum corda nutant, incertisque futuris ignota fluctuant. Hæret illorum stupefactus animus, cernens incognita sensus. Quin illo indigna veri cura fatigat, spesque incerta dubios dilaniat. Incertum erat illis præscire quæ sententiaolvebatur in regis corde.

Illis vero in diebus senex quidam erat in partibus Daciæ omnium rerum affluentia locupletissimus, innumerabiliumque militum frequentia undique secus stipatus: qui nunquam colla suæ cervicis culpam regi subegit nec cujuslibet manibus gratia servitii manus suas commendando commisit. Qui Daciæ regnum pene universum possidens, affines Daciæ et Alanis terras sibi vindicavit, populosque sibi præliis quamplurimis vi et potestate subjugavit. Erat enim omnium Orientalium præstantiore virtute præpotentissimus, omneterumque exaggerato omnium

A virtutum cumulo præcellentissimus. Defuncto vero illo, superstiterunt duo filii ejus, armis strenui, bellis edocti, corpore pulcherrimi, animositate robustissimi. Quorum vero major natu ROLLO, alter vero junior GURIM nuncupatur. Quos regali jussione descripti juvenes ad exterminationem aggredientes, genuque flexo, vultuque submisso, atque humili voce obnixè poscentes, inquam unanimes:

« Ferte nobis auxilium, subvenite nobis in adjutorium: sub tutela vestræ protectionis morabimur, vestrumque servitium incessanter faciemus. Rex autem noster vult a Dacia nos exterminare, fundisque nostris atque beneficiis nos per omnia privare. Miseremini, precamur, miseremini nobis omni spe et salute destitutis. » Tunc duo illi fratres suppliciter precantibus responderunt, dicentes: « Auxiliabimur optime vobis, vosque regalium minarum securos morari in Dacia, atque res vestræ proprietatis faciemus quiete tenere. » Illi autem hæc audientes, Rollonis et Gurim osculo expetiverunt pedes, atque illico super dictis principum remearunt gratulantes. Interea veridica opinionis promulgatur fama, regis Daciæ aures pulsans, quod dux præpotentissimus, pater scilicet Rollonis et Gurim sorte fructur suprema. Tunc rex ante malorum, quæ sibi ille dux intulit, reminiscens, cunctis sui imperii accersitis principibus, inquit: « Vos non latet patrem Rollonis et Gurim esse defunctum. Aggrediar ergo fines illorum, et capiam urbes et castra, atque munitissima loca, ulcircarumque facta patris in filios, eosque conterendo satiabhor super malis illorum. Vos vestrosque precor præparate ad talia negotia adimplenda. » Denominato igitur termino profectionis, undecunque venerant repedarunt cum suis. Mox effera Daciæ juvenus, nimio curarum inhians æstui, quæ commoda sunt præparat nullo profectu. Hi leves clypeos, lucidaque spicula, fabrilis adulti arte componunt. Hi tela, ensesque, atque secures cote exacuunt. Alii tuta capitum tegmina, scilicet galeas; alii ferro auroque trilices loricas, thoracas scilicet faciunt. Quin etiam patria tela recoquunt fornacibus, renovantque cudibus. Hujus rei inopinata fama Rollonis et Gurim aures perlabitur, et talis relationis sermone perturbantur. Qui convocata copiosa manu congruentique pubertate florentium, congregataque multitudine mediæ ætatis, senum atque ad exterminandum descriptorum, elatis dextris mandant silentium.

Tumultuantis populi murmure penitus sedato, sedisque decentis suggestu sublimiter Rollone suffecto, infit ore mellifluo: « Vos, quibus incalescit juvenilis ardor, quique flore præstantioris istis virtutis, alloquor. Solerti proposito reverendos patres, avosque et proavos imitamini. Convalescite viriliter, et confortamini, et ne ut equiperis vicibus illis valeatis congruenter convenire dedignamini. Rex siquidem hujus regni molitur nos supergredi, no-

stræque monarchiam ditionis invadere, nosque et A vos omnes perdere, et antequam hæreditariam nostræ dominationis terram mancipet, sui regimini terram anticipando præoccupemus, hostiliterque resistendo adventui ejus. » Illico omnes his dictis hilares regiam terram conglobatis exercitibus invaserunt, totamque sæviante vulcano depopularunt. Hæc autem rex audiens, contra Rollonem et fratrem ejus peregit ad prælium, diuque dimicando terga vertit fugiens ad præsidia urbium. Tunc Rollo sui exercitus mortuos sepelivit, regis autem inhumatos reliquit. Unius vero lustrispatio perseverante inter regem et Rollonem duellio, misit rex pacificis verbis ad eum hujusmodi in dolo : « Nihil mihi et tibi, nisi gratia propinquitatis. Ut requiescat republica, precor permittite, B ut quod mei juris est, meusque pater, tenuit, liceat patienter me possidere : tibi autem quod tui juris, quodque tuus. Sitque inter me et te pax et concordia inextricabili fœdere compacta. » Tunc Rollo et Gurim, illorumque milites atque descripti ad exterminandum, pacem collaudaverunt. Determinato igitur conjurandæ amicitie tempore, uterque venit ad placitum : mutuis muneribus ditati fœderati sunt. Denique perfidus rex dolositatem conceptæ fraudis infesto corde ruminans, convocato quodam exercitu suo, noctu pergens contra illos, invadensque fines illorum, abscondensque insidias prope mœnia civitatis; oppugnare cœpit. Tunc Rollo et Gurim, et qui cum eo erant, exsistentes de civitate, persequerentur regem terga vertentem, fugamque simulantem. Transgresso igitur locum insidiarum Rollone, pars quædam illarum de latibulis egressa, petit urbem. Quam armigeris vacuum inveniunt, incendit; omniumque supellectilium spolia sibi detulit. Quædam vero sequebatur Rollonem, regem hostili immanitate fugantem. Cernens autem rex incensam urbem, insidiasque prævalere, retrogressus præliabatur contra illum. Cæsis ergo ex parte Rollonis quampluribus, cecidit Gurim frater ejus in prælio. Videns autem Rollo se inter utrumque exercitum, unum fugam simulantem, alterum laterbris egressum, fratremque mortuum; vix livoribus plurimis laceratus, cum paucis divertit ab eis. Tunc rex obsidens, et capiens urbes, D populum contra se objurgantem sibi subjugavit. Rollo vero morari non valens in Dacia, propter regem diffidens sui, Scansam insulam cum sex navibus aggressus est. Tunc Dacia pio duce, patrio atque robustissimo advocato privata, magno ejulatu concussa cœpit nimium flere.

APOSTROPHA.

Dacia sorte tuos, quæ Gallis mittis alumnos,
Indiga promissi veri, dabitur quod ab astris,
Præsagii et meriti, mercis non gnara futuræ,
Exhilara temet, deprensans corde dolorem.
Causa non animæ est, fortuna pulsus at acris.
Hæc adversa vices converterit improba semper,
Suggeret omne bonum isti prospera divite censu,

Illum ditabit locupletans, munificabit ;
Francia deque tuis genitis fecunda beatis,
Spermate nobilium concretis Christicolarum,
Dacigenis cum Francigenis tam pacificatis,
Gignet producens, expurget, proferet ingens
Reges, pontificesque, duces, comites, proceresque:
Sub quibus orbis ovans pollebit principe Christo,
Et quibus ecclesie fecundabuntur ubique,
Atque novo quorum, gaudebunt, perpete Christo,
Ter, trinæque quibus baptismate purificatis,
Jam superum turmæ decimæ vice perditæ adactæ.

Cumque diu Scanza insula mœstus moraretur, sollicitaque contorquentis animositatis cogitatione æstuans moliretur ut vindicaret se de inimicis suis; plurimique, quos fugarat de Dacia regalis immanitas, ad eum reverterentur, fessos labore artus, sopore oppressos, vox divina illi sonuit, dicens : « Rollo, velociter surge, pontum festinanter navigio transmeans, ad Anglos perge : « ubi audies quod ad patriam sospes reverteris, « perpetuaque pace in ea sine detrimento frueris. » Hoc somnium cum quidam sapienti viro et Christicolæ retulisset, hujusmodi sermone interpretatus est : « Tu vergente venturi temporis cursu sacro sancto baptismate purificaberis, prædignusque Christicola efficiaris : et ab errore fluctuantis sæculi ad Anglos, scilicet Angelos, usque olim pervenies, pacemque perennis gloriæ cum illis habebis. » Illico vela navibus aptans, remisque eas exornans, atque frumento, vino, tergisque suum eas onerans, velivolam mare celeriter permeans, Anglos aggreditur, ibique morari quiete diu suspicatur. Audientes autem illius territorii pagenses, quod Rollo dacus adveniret, aciem maximam contra illum construxerunt, eumque ab illis finibus fugare conati sunt. Qui more solito ad prælium indubitanter illis occurrit, plurimosque illorum prostravit, atque cæterorum fuga vertentium dorsa hasta fatigavit. Denique pagenses prioribus plures coacervantes, contra Rollonem iterum aciem robustissimam dirigunt, eumque occidere, aut fuga labi conantur. Ille vero studiis belli edoctus, certaminisque necessitate asperissimus, galea auro mirifice compta, trilicique lorica indutus, contra objurgantium et proficiscentium in se turmas armigeras, velociter atque indubitanter perrexit, milliaque illorum immaniter prostravit, victrix manu, celerique cursu profugos persequens, multosque principum capiens. locum prælii revertens, occisorum corpora terra condit, cæterosque plagis infectos deportavit, captosque navibus connexuit. Tunc trimodo errore æstuans, si Daciam repeteret, an Franciam pergeret, aut Angliam terram præliis affligeret, e sibi vindicaret, cœpit anxiam nimiumque tristari.

APOSTROPHA AD EUMDEM.

Rollo, quid horrescis titubans, metuisque vacillans ?
Quid torques animum meditatibus peste repletum ?
Quid cor comburis curarum sorde refectum ?

Quid hiscens animo, quid volvis nunc meditando? A

Cur hæres pater obtutu defixus in uno?

Ambigua et creperum memorans quid mente rs-
[tractas?

Quidque stupes casum præsentis sorte malignum?

Ordine fatali post multa pericula belli,

Ferventis pelagi post æquereosque tumores,

Perpes Christicola Franciscæ celsior aula,

Patritius meritis florescens jure valebis,

Emeritum et capies condigna merce coronam,

In summoque bono deitate mereberis uti.

Cum autem hujusmodi perturbationibus sollicitus hæreret, hominesque regionis illius ditioni suæ fidelitatis gratia vinculoque sese subjugarent, quadam nocte soporifera lethei malis quiete per membra leniter serpente, videre videbatur præcellentissimis quondam præcelsiore Franciscæ habitationis monte sepositum : ejusque montis in cacumine fontem liquidum et odoriferum, seque in eo ablui, et ab eo expiari contagione lepræ et prurigine contaminatum. Denique illius montis cacumine adhuc superstes circa basim illius hinc inde, et altrinsecus, multa millia avium diversorum generum, varii coloris, sinistras alas quin etiam rubicundas habentium. Quarum diffusæ longe lateque multitudinis inexhaustam extremitatem perspicaci et angustato obtutu non poterat comprehendere. Cæterum congruenti incessu atque volatu eas sibi alternis vicibus invicem cedentes, fontem montis petere, easque se convenienti natatione sicuti solent tempore futurae pluviae abluere. Omnibusque mira infusione delibutis, congrua eas statione sine discretione generum et specierum, sine ullo contentionis jurgio, mutuo vicissim pastu quasi amicabiliter comedere ; easque deportatis ramusculis festinanti labore nidificare : quin etiam suæ visionis imperio voluntarie succumbere. Mox expergefactus, et visionis quam viderat reminiscens, accersitis majoribus principum, captisque prælio principibus simul ascitis, omnem hujus visionis seriem inconstanter disseruit, et quid hujus visionis mysticum sentirent ab eis inquiri. Tunc cunctis conticentibus, captorum unus Christianæ religionis fide imbutus, præsa-gioque divinæ inspirationis aspersus, mysticum illius visionis intellectum explanavit, dicens : « Mons Franciæ quo stare videbaris, Ecclesia illius designatur. Fons, qui in summitate montis erat, baptismus regenerationis interpretatur. Per lepram et pruriginem, qua infectus eras, commissionis tuæ scelera et peccata animadvertas. Te in eo ablui et ab eo lepræ pruriginisque morbo expurgari, te lavacro sacri baptismatis regenerari, et ab omnibus peccatis emundari. Per volucres diversorum generum lævas alas habentes puniceas, quarum infinitissimam extremitatem exhaurire visu non poteras, homines diversarum provinciarum scutulata blacchia habentes, tuique effecti fideles, quorum innumeram multitudinem coadunatam videbis, animo deprehendas. Per alites fonte infusas, et in eo alternatim ablutas, communique comes-

tionem edentes, populum antiquæ fraudis contagio pollutum, typico baptismate abluendum, sacrosancti corporis et sanguinis Christi alimonia saginandum. Per nidos, quos circum montes faciebant, vastatarum urbium mœnia reædificanda intelligas. Tibi aves diversarum specierum obtemperabunt, tibi homines diversorum regnorum serviendo accubitati obedient. »

His igitur mirabilium interpretationem sermonibus Rollo exhilaratus, visionis suæ interpretem, cæterosque quos bello ceperat vinculis solvit variisque muneribus et donis diversis ditatos, ad sua lætos remisit. Eo namque tempore rex Anglorum Christianissimus, nomine Alstemus, omnium bonorum titulis exornatus, sacrosanctæ Ecclesiæ prædignus advocatus, habenas regni Anglorum moderabat piissimus. Cui continuo Rollo legatos suos misit, et quid dicerent auribus illorum prius intimavit. Qui venientes ad eum provocis affectu, summissis vultibus dixerunt : « Animum præpotentissimus patricius, duxque Dacorum, præcellentissimus, Rollo noster senior et advocatus tibi fidele servitium, tuisque amicitiae munus incon vulsum. Magnum, dominus Rex, Daciæ regno infortunium peressos, et habeo, heu dolor! fraudulenter exterminatos, Eurus obnoxius nobis penitus, intumescendumque procellarum elationibus afflictos, vestris finibus appulit, omni spei et salutis præsidio privatos. Cum autem conaremur Daciam repetere, et nos de inimicis nostris vindicare, obstiit et interclusit nos glacialis hiems, geluque crustante terram, et affligente flebiles herbarum et arborum comas, densa glacialium mole refrenata crustarum struxerunt nobis murum flumina. Nec præbuit nobis prosperum iter unda. Audientes quidam mitites in confino nostri adventus commorantes, præmaximam aciem contra nos struxerunt, nosque lacescentes invaserunt. Nos vero nec sub glaciem, nec supra navigare valentes, illorum audaciæ restitimus, multosque illorum prælio exarmatos cepimus. Non autem regnum tuum depopulabimus, nec prædas usquam raptas ad naves vertemus. Vendendi atque emendi sequestram pacem petimus, quia imminentis veris tempore ad Franciam proficissemur. » Rex autem hilarem vultum submissus, his auditis profatur : « Nulla tellus effert viros magis quam Dacia præcipuos, armisque strenue edoctos. Parentelam diffusæ generositatis vestri senioris, casusque et labores vestros, quin etiam fraudulentam perfidiam Daciæ regis nobis retulerunt plurimi. Nemo seniore vestro justior in factis, nemo major in armis. Hujus negotii curas seducite, armorum securi, præliorum impatientes, atque omnium malorum immunes estote. Liceat vobis ubicunque terrarum nostræ ditionis vendere et emere. Vestrum seniorem, precamur, cogite, ut nostræ fidei integritate dignetur ad nos venire, quia eum desidero intueri, superque malis suis solari. » Abeuntes autem missi, quæcunque audierant renuntiaverunt Rolloni. Extemplo Rollo audacter et incunctanter

perrexit ad regem contra se venientem. Qui mutuo amplexati et oscula libati, eedentibus utriusque exercitus turmis sederunt sepositi.

Tunc rex Alstemus prior est allocutus :

Prosapia pollens, gestorum lumine fulgens.

Moribus et meritis præcelsior omnibus, atque Fœdere complacito fidei nectamur in uno.

Sis peto pars animæ semperque meæ comes, atque Finibus in nostris temet deposco morari.

Sicque salutifero baptismate sorde piari.

En quid gestis habe nostræ ditionis in orbe.

Sis memor ipse mei fuero ceu semper in omni,

Et si velle alias est nunc proficiar horas.

Si gens torva, ferox jamjam feritaverit in me,

Improba, non servans fidei retinensque tenorem, Ut potis es fer opem stabili conamine salvans.

Et tibi succurram simili ratione juvando,

Te eget atque meum mutuo certamine scutum.

Tunc Rollo super regis dictis lætus dixisse fertur : « Grates tibi, omnium regum præstantissime, super voluntariis beneficiis rependo, et quidquid inter me et te agenda retulisti, fac ut opto. Diutissime in regno tuo non morabor, sed celerius quam potero Franciam adibo. Ubicunque terrarum fuero tuus amicus insolubili dilectionis conjunctus fœdere permanebo. » His dictis admodum inextricabiliter fœderati, alternarum rerum competentis mirabiliter ditati, rediit quisque ad suam cum suis. Toto namque hyemantis anni tempore, naves sumptusque, qui necessari erant itineri, præparare Rollo dux solertis curæ fecit, Anglosque florentis juventutis milites, qui erant sui effecti, et secum ituri ascivit. Cum autem primæ æstatis tempore, rutilantium molliter florum arrideret copia, purpureisque blattis lactea et odorifera alberent lilia, memor semper visionis monentis ad Franciam proficisci, classibus velis datis navem conscendit. Cum vero lenibus ventis congressus navigii factus esset, usque ad medium æquoris, nihilque viderent nisi cœlum complexum super faciem maris, invidi spiritus scientes illos baptismate Christi nomine abluendos, gloriamque quam perdiderant adepturos ingemiscentes, occurrerunt excitantes periculo illis venti, quin etiam a sedibus suis ruunt, et hi ante ponto a sedibus imis in præcipitium fluctus nimios et ad sidera tollunt. Cœlum crebrescentibus fulguribus intonuit, densarumque tenebrarum nox atra illis incubuit. Remis cor fractis, ventorum rabiem vela ferre non possunt. Itaque viribus exhausti, omnia ventis permittunt. Huc illucque naves quasi per montes et valles fluctuant, mortemque repentinam omnibus intentant. Tunc Rollo protensis manibus prostratus incubuit navi, humilique vote talia profudit :

ORATIO ROLLONIS.

O Deus omnipotens, cœlestia lumine complens, Qui cœlum terramque tenes per secula, ejus

A Numen et æterno complectens omnia giro,

Infectum vitiiis peccati et fæce repletum,

Qui me Christicolam fieri vis munere visi

Temporis exiguo cursu volvente futuri :

Suscipe vota libens, precibusque faveto benignus,

Fluctus sedatisque feros compesce ruinis,

Casibus eripiens istis nos atque labore,

Comprime demulcens, mitescens, atque serena

Undantem nimium violento turbine pontum.

Harum vero orationum precibus finitis, mox mare quiescit, serenatis procellis, immensoque æquoris tractus optato flamine breviter explicuerunt ; navesque tempestate diruptas littoribus Uvalgorum vix applicuerunt. Audientes autem Uvalgrenses quod gens barbara tempestate maris B ferociter quassata, suis littoribus esset advecta, congregata multitudine pagensium, Rollonem ducem tempestuoso mari vix ereptum insperate assalierunt. Qui solito more concitus contra illos debellando perrexit, atque plures illorum nece prostratos orco transmisit, residuosque illorum aut fugavit aut cepit. Cumque diutissime morulans (17), Uvalgras depopularet, reminiscens Alstemus rex Anglorum Christianissimus, omnium regum probitate præcellentissimus amicitie qua se et Rollonem colligarat in fœdera sempiterna, duodecim naves frumento, vino atque lardo oneratas, quin etiam totidem armato milite repletas, duci præcelso transmissit in Uvalgras. His Rollo donis lætus, legatos muneribus præmaximis ditatos cum gratiarum actione ad regem remisit, seque per eos C famulaturum regi mandavit. Æstimantes autem Uvalgrenses, propter deportati frumenti copiam omni tempore Rollonem Uvalgris moraturum, convocaverunt Raginerum Longi colli Hasbacensem et Hainaucensem ducem, et Radebodum Frisæ regionis principem, et conglobato exercitu aliorum pagorum invaserunt. Rollonem. Qui, sicut sæpius, ad bellum indubitanter perrexit, et multa millia illorum occidit, atque Raginerum Longi colli et Radebodum Frisonem ad sua castra fugavit. Deinde totam terram Uvalgrorum devastavit atque incendio concremavit. Post hinc hujus rei causa indignatus, Frisones eeleriter expetivit, terramque illorum devastare cepit. Tunc Frisones multorum congeriem populorum concite coacervantes, sibique D multitudinem plebium in confinio Frisæ commorantium accumulantes, fluvio Almeræ commorantem agminibus multis præparatis, accelerata incursione conantur invadere Rollonem. Rollo vero et qui cum eo erant genu flexo, armorumque ingruente horrore, scutorum tegmine cooperti, strictæque aciei mucronibus coruscis complicati, expectabant initium certaminis. Frisones ergo parvissimam esse putantes multitudinem illorum, inierunt bellum sibi non profuturum. Daci vero exsiliantes in illos intuentes usque ad interneccionem prostraverunt,

(17) Id est, parvas moras faciens.

pluresque principes ceperunt innumerabilemque manum ad naves duxerunt. Frisones igitur residui, diffidentes sui, exhinc tributarii effecti sunt, Rollonis præceptis per omnia obedientes. Congesto et exaggerato, atque dato Frisiæ tributo illico librat in altum carbasa navibus data, vertitque proras ad Raineri proxi juguli terras, ulcisci se cupiens de ipso, qui affuit Uvalgris cum Frisonibus jam prostratis in prælio. Pererrato ponto, intrat Scaldi alveum cis citraque terram depopulans super Longi colli Rainerum, venit ad quamdam abbatiam dictam nomine Condatum. Rainerus vero multa prælia contra eum fecit, sed ex omnibus Rollo victor potens exstitit. Devastabatur terra utriusque exercitus mala perpessa. Prævalida famæ exoritur, quia terra aratro non scinditur. Vultus penuria affligitur, fame bellisque atteritur. Diffidunt vivere cuncti, salute victus privati. Quadam igitur die Rainero loco insidiarum clam commorante, super Dacos cupiente irruere, Dacicum hinc inde congressi vallaverunt, eumque nimium debellantem manciparunt, vinculumque ad Rollonem duxerunt. Ipsa namque die Ragineridæ, Dacorum ut caperent aliquos latebris commorantes, invaserunt duodecim milites præcipuos Rollonis, et constanti virtute ceperunt. Tunc uxor Ragineri flens, et ejulans super eo, convocatis principibus suis, misit ad Rollonem, ut pro duodecim comitibus captis redderet sibi suum seniore. Illico Rollo, suscepta legatione, remisit ad eam dicens: Non reddetur tibi Raginerus, sed decollabitur, nisi reddideris prius meos comites mihi insuper dederis quidquid auri est et argenti sui ducaminis, cum juramento Christianæ religionis, quin etiam tributum istius regionis. Mox conjux Ragineri lugubri legatione afflicta comites captos Rolloni remisit, aurumque et argentum quod usquam invenire potuit. Quin etiam illud quod erat sacris altaribus concessum, pariterque vectigal illius ducaminis cum jurerando, quod plus metalli non haberet, nec exigere posset, supplicibus verbis et deprecativis misit ad Rollonem, ut redderet sibi suum virum. Ipse autem motus pietate vocibusque suppliciter precantium, ad se fecit venire Longi colli Raginerum, verbisque pacificis affatur eum: « Raginere dux, milesque asperrime, regumque et ducum atque comitum superbo satus sanguine, quid tibi feceram olim injuriæ? Propter quid præliatus es cum Uvalgris et Frisonibus contra me? Si sævire modo vales, armorum spicula desunt et satellites. Si velis a nobis fuga labi, compedibus intricatus non potes evadere. Talionem sicut Frisonibus tibi reddidi pro malis, quæ mihi sine re intulisti. Uxor tua et principes tui quidquid auri et argenti recuperare potuerunt, promiserunt mihi. Dimidium exaggerati muneris reddam tibi, teque tuæ remittam uxori. Hinc mansuescens requiesce, et nullatenus sit discordia, sed sempiterna inter me et te pax et amicitia. » His dictis Ragineri crura solvuntur compedibus. Statim-

A que Rollo fœderatum muneribusque et donis præmaximis ditatum, quin etiam reddita mediæ legatorum munerum, ad uxorem suam lætum remisit Raginerum. His taliter pace sedatis, Rollo memor visionis, semperque sperans affuturum sibi quod viderat in somnis, quid debeat agere solers inquirat.

APOSTROPHA.

Rollo, quid in terris morulans versaris in istis, Cum supra satis ultus ades cunctos inimicos? Desine, parce tibi, magis hæc sententia præstat, Venturo quoniam proclivi temporis ævo Prælia Franciscæ gentis dire patieris, Atque fatigeris nimium bellis Aquitanis. Hinc fontis liquidi, et sacri rorem subiturus, B Chrismate perfusus, oleique liquore novatus, Præmiæ perpetuæ capies cum munere vitæ.

Anno igitur octingentesimo septuagesimo sexto ab incarnatione Domini, nobilis Rollo consultu fidelium suorum libavit vela ventis navigeris, fluminis Scaldi alveum deserens, atque per penso ponto qua Sequana cæruleo gurgite, perspicuisque cursibus fluens, odoriferasque excellentium riparum herbas lambens, fluctuque inflatiore maris sæpe reverberato secundum discrimina Lunæ, inundantis maris pelago se immittit, aggrediens navibus Gimeias venit, vidensque S. Petri monasterium monachilis habitationis domibus adornatum, sanctumque reputans esse locum, morari illic distulit; sed ultra flumen ad capellam S. Vedasti naves applicuit; corpusque cujusdam virginis nomine Hameltrudis, quod secum adportaverat, super altare S. Vedasti posuit, huicque capellæ ex nomine virginis nomen sempiternum inhæsit. Diciturque ille locus ad sanctum Hameltrudem ab incolis. Audientes igitur pauperes homines, inopesque mercatores Rotomo commorantes, illiusque regionis habitatores, copiosam multitudinem Normannorum adesse Gimegias, venerunt unanimis ad Franconem episcopum Rothomagensem, consulturi quid agerent. Franco vero statim misit ad Rollonem, ut daret sibi pagoque manentibus securitatem. Rollo vero comperiens quod in urbe nec in finibus ejus moraretur nisi inermis vulgus, dedit episcopo suæ fidei tenore securitatem. Hincque gressum profuturæ sibi navigationis agitant, Rotomo venit, portæque, cui innexa est ecclesia S. Martini, naves plurimo milite fecundas adhæsit. Classe autem descendens, celerique gressu lustrans urbem, vidit disjectas moles ejus, avulsaque templorum saxa, ecclesias fundamento emotas, murosque hinc inde disruptos, parvamque manum et inermem, cœpitque animo hæerere, inque unione intuitu visum defigere, reminiscens visionis quam viderat ultra mare.

APOSTROPHA.

O dux Rollo, potens, et præstantissime princeps, Hæc urbs principe te Christo donante vigebit, Pace serenato regno ædificabitur, olim. Bello consumptis Francis, populoque domato. En mox ecclesiæ, quo te gaudere videbas;

En lavacri quo te lepra purgarier, hic fons,
 Ædificanda tuis hæc patria fonte novatis.
 Urbe dabis populis leges et fœdera in ista,
 Juraque districtæ pariter formidine pœnæ.
 Tempore mirificum venturo jamque nepotum,
 Aspera sepositis nitescent sæcula bellis,
 Et super arma sedens furor impius, impietatis
 Viribus explicitis, non quemquam voce lacesset,
 Quin lupus asper, ovis, simul pascentur in agro.

Inde ad naves reversus, convocatis principibus
 quærit sagaci mente consilio suorum quid sibi sit
 faciendum. Tunc sui quasi futurum præscii, divi-
 næque inspirationis præscio imbuti, dixerunt
 viva voce Rolloni : « Hæc terra copia frugum om-
 « mium fecunda, arboribus nemorosa, flumini-
 « bus pisce repletis discriminata, venatu diversa-
 « rum ferarum sufficienter copiosa, sed armigeris
 « militibus vacua. Nos hanc potestati nostræ sub-
 « jiciemus, hancque sorti nostræ vindicabimus.
 « Finitimarum gentium oppida, vicos, et castra
 « atque urbes præliis adquiremus, ut requiescere
 « possint turmæ post terga nostra sepositæ. For-
 « san interpretatio tuæ visionis vertetur in finibus
 « istis. » Rollo igitur super responsis suorum læ-
 « tus, a Rotomo divulsis navibus subvehitur ab Ar-
 « chas usque, quæ Asdans dicitur. Illico fama quid
 rerum usquam agitur conscia, compita Franciæ
 aggressa, intimat adesse Normannos, Sequanæ
 alveo innumerabili multitudine coadunatos. Fran-
 ci vero illorum adventu, veluti repentino tonitru
 sono stupefacti, convocato Alstigno pervasore olim
 Franciæ, congregato immensæ multitudinis exer-
 citu, venerunt super Othuræ fluminis decursum.
 Tunc Ragnoldus princeps totius Franciæ dixit
 Alstigno incentori totius nequitie : « Tu ista gente
 procreatus da nobis consilium super his rebus. »
 Alstignus respondens Ragnoldo comiti mox hæc
 intulit : « Si ante triduum requisisses a me consi-
 lium, cogitatione deprehensum darem tibi. Tan-
 tum mitte legatos ad illos, quid dicant seiscitatu-
 ros. » Tunc Ragnoldus : « Perge celeriter preca-
 mur, cujus voluntatis sint inquisiturus. » Alsti-
 gnus respondit : « Non ibo solus. » Miserunt au-
 tem duo milites cum eo, Daciscæ linguæ peritos.
 Qui venientes super ripam fluminis, steterunt di-
 centes : « Regiæ potestatis comites mandant vo-
 bis, ut dicatis qui estis, et unde estis, et quid quæ-
 ritis. » Ipsi vero responderunt : « Dani sumus,
 Dacia advecti huc. Franciam expugnare venimus. »
 Illi autem : « Quo nomine vester senior fungitur ? »
 Responderunt : « Nullo, quia æqualis potestatis
 sumus. » Tunc Alstignus scire volens quid de se
 dicerent, dixit : « Cujus fama huc advecti adve-
 nistis ? Si unquam de quodam Alstigno vestræ pa-
 triæ nato, huc cum plurimo milite adnavigato
 aliquid audistis ? » Responderunt : « Audivimus.
 Ille enim bono omine auspicatus est, bonoque
 initio cœpit ; sed malum finem exitumque sortitus
 est. » Iterum Alstignus : « Vultis Carolo Franciæ
 regi colla submittere, ejusque servitio incumbere,
 atque ab eo quam plurima beneficia capere ? Re-

A sponderunt : « Nunquam cuilibet subjugabimus,
 nec cujuspiam servituti unquam adhærebimus,
 neque beneficia a quoquam excipiemus. Illud be-
 neficium optime complacuerit nobis, quod armis
 et labore præliorum vindicabimus nobis. » Tunc
 Francigenæ : « Quid acturi estis ? » Hinc Dacige-
 næ « Quantocius abscedite et amplius nolite stare.
 quia vestris ambagibus non curamus, nec quid
 acturi sumus vobis indicabimus. » Illi vero abeun-
 tes, quod audierunt expedite exercitui renuntia-
 runt. Ragnoldus vero vertens ad Alstignum dixit :
 « Quid vobis videtur : Bellumne initiabitur ? Vos
 ex illorum gente estis, vos artem præliandi more
 Dacorum non ignoratis. Dicitur quid sumus factu-
 ri ? » Tunc Alstignus veneni fera, vulpina arte
 suffultus, exercitum affatur : « Hæc gens juvenis
 ætatis flore robustissima, armis edocta, præliaque
 quam plurima experta si invadetur, magnum pe-
 riculum nobis generabitur. » Tunc quidam Fran-
 cisci agminis signifer nomine Rotlandus dixisse
 fertur : « Quid huic consulitis ? Nunquam lupo
 lupus nec vulpis vulpe capiatur. » His verbis inci-
 tatus dixit Alstignus : « Amodo a me bellum non
 blasphemabitur. » Interim Rollo, et cui cum eo
 erant, fecerunt sibi munimem, et obstaculum in
 modum castrorum, munientes se per gyrum avulsæ
 terræ aggere, locoque portæ relinquentes spatium
 prolixæ amplitudinis, quod apparet ad tempus
 usque istius diei. Franci vero diluculo venerunt ad
 ecclesiam S. Germani ibique missam audientes
 participantur corpore et sanguine Christi. Abhinc
 equitantes, in ripa fluminis naves, Dacosque in
 munimine avulsæ terræ videntes amplum portæ
 aditum solum invaserunt. Daci vero intrinsecus
 hinc et inde per planitiem castrorum accubitarunt,
 atque scutis se cooperuerunt. Rotlandus signifer
 Ragnoldi, cum acie quam præibat exercituum,
 violenter per aditum miræ prolixitatis amplum
 super eo irruit, et debellare eos cœpit. Daci vero
 exurgentes Rotlandum in momento interemerunt,
 et ejus sequaces. Ragnoldus et Alstignus, cæteri-
 que comites illic cunctos mortuos considerantes,
 terga vertentes, fugam expetiverunt hilares. Ex-
 templo Rollo, convocatis de hostili fugatione re-
 versis, dixit : « Quid mali egimus contra Francos ?
 Cur nos adsallierunt ? Quamobrem nos occidere
 maluerunt ? Illorum est initium mali, culpa inva-
 dentis, non obstantis ; præsumptio occidere volen-
 tis, non defendentis. Quidquid mali contra illos
 hinc egerimus, offensione factorum suorum per-
 petrabimus. Eia, occupemus castra, et oppida
 illorum. Reddamus talionem cumulatis nimium
 malis pro offensis illorum. » Hæc exhortante duce
 Rollone, dimisso munimine avulsæ terræ, celeri
 cursu navigantes, præoccupaverunt Mellendis ha-
 bitatores. Quam, interfectis principibus cito sub-
 vertunt, totamque provinciam devastarunt.

Ragnoldus vero comes, congregato majore exerci-
 tu priore, iterum conatur eos invadere. Normanni
 autem se conglobantes strictim accubitarunt se,
 ut parvissima putaretur summa eorum. Illico Ra-

gnoldus init bellum, suæ sorti non profuturum. Da-
ci vero per aciem Ragnoldi inconulse pergentes,
posternebant duris verberibus plures. Videns autem
Ragnoldus suos deficere, cepit celeri cursu fugere.
Cui quidam piscator Sequanæ attributus Rolloni,
obviavit ei, teloque transverberatum occidit.
Ragnoldidæ suum seniore[m] videntes mortuum,
fugam torquentes nimium, equos expetiverunt.
Tunc Rollo persequens eos, multos occidit, pluresque
captos ad naves deduxit. Convocatisque fidelibus
suis dixit: Age, nunc navigemus Parisius, civesque
qui prælia fugerunt requiramus. Igitur Nortmanni
ripa Mellendis naves divellerunt, Parisiusque
circumdantes obsederunt, et prædam illius provinciæ
ad obsidionem verterunt. Morante diu Rollone in
Parisius obsidione, deficiebat præda longinquis
regionibus rapta. Illico Nortmanni Baiogacensem
pagum expetunt, totamque prædam rapientes,
civitatem oppugnare cœperunt. Cives autem ne
morerentur hostiliter eis restiterunt, Bothonem
præcipuum Northmannorum comitem ceperunt.
Northmanni de Bothone dolentes, miserunt qui
dicerent ad Baiocacenses: Si reddideritis nobis
Bothonem, dabimus vobis unius anni securitatem.
Baiocacenses consilio ducti dixerunt ad invicem:
« Melius est nobis spatio unius anni requiescere,
quam pro uno comite totum præliis ducere. »
Data igitur securitate, reddiderunt Bothonem
asperrimum militem. Transacto vero anno, circumstante
Parisius obsidione. Rollo Baiocas petit, eamque
violenter cepit, totum funditus subvertit, captivosque
et prædam totius regionis sibi vindicavit. Quin etiam
quamdam Poppam virginem, specie decoram, superbo
sanguine concretam, prævalentis principis Berengarii
filiam secum lætus adduxit, eamque sibi connubio
ascivit, et ex ea filium nomine Guillelmum genuit.
Denique residens circum Parisius misit Ebroicas
exercitum, ut caperetur civitas et episcopus. Qui
veniens civitatem invasit, populorumque plures
et prædam cœpit. Sed episcopus, Sebur nomine, Deo
annuente, evasit. Statimque illius pagi prædam
capientes, totam terram devastaverunt, Parisiusque
revererunt. Talibus itaque exterritæ plurimæ
gentes Franciæ, tributa solvebant Rolloni, plurimæ
vero resistebant ei.

Angli vero audientes quod Rollo Parisiacam
urbem obsedisset, rebusque Francis impeditur,
atque æstimantes quod amico suo regi Alstemo
in adiutorium non subveniret, tenorem fidei
respuentes, cœperunt arroganter insolescere,
contraque regem importunis bellis feritantes
dimicare. Terra Anglica exercitu regis et obstantium
sibi devastabatur, publica res malis afflictæ
annullabatur. Militesque regis, et obstantium
varii interitus morte præoccupabantur. Igitur
Alstemus rex Christianissimus, cum non haberet
unde arrogantiam Anglorum resisteret, misit
quemdam comitem ad Rollonem circa muros Parisiacæ
urbis debellantem. Qui ad eum veniens, submissivo
vultu intulit dicens: Rex Anglorum Alstemus ca-

rum inextricabilis amicitie tibi munus. Quondam,
domine mi, tu et Alstemus rex Anglorum pacificus,
pepigisti mutui adiutorii fœdus, ut qui vestrum
indigeret adiutorio, alterius muniretur suffragio;
et quem vestrum adversa fortuna protereret,
alter illi in adiutorium subveniret. Quapropter
inopinato jugo perfidorum Anglorum pressus,
excellenter super omnia potentiam tuam precatur,
ut succurras ei velocius, quia Angli te præoccupatum
scientes negotio Francisci belli, non putant te
subventurum propius meo seniori. Rollo vero
legato regis quod necesse erat tribuit, eique
triduum jussit expectare. Principibusque advocatis,
quid acturus sit super hoc negotio, cœpit
inquirere. Statimque misit ad principes civitatis,
ut autem illi redderent, aut obsides darent,
aut se ad defensionem præpararent. Cives
autem noluerunt urbem ei reddere, nec obsides
dare; sed festinant se contra diei venturi
prælia præparare. Diluculo vero Rollo continui
conflicti tempore consurgens, certamen diurnum
inuit, civesque tota die præliis affixit. Videns
autem quod urbem non caperet, crepusculo
noctis naves velis ornavit, Parisiusque
dereliquit, atque Anglorum terram citius
quam potuit, cum legato regis Alstemii
pervenit. Tunc rex Alstemus dictis legati
lætior effectus, copiosæ multitudinis exercitum
vocavit, atque contra Rollonem ducem
festinanter perrexit. Qui simul congressi,
nimiumque amplexati, atque amicabiliter
sunt osculati. Illico Rollo gratuita voce
compellere cœpit regem: « Grates, domine
Rex, tibi condignas persolvo, quia duodecim
naves honestis militibus plenas, totidemque
frumento, vino atque lardo ouustas misisti
mihi in Uvalgras. » Tunc rex præsa-
ga voce dixit: « Tibi præmaximas debeo
gratias, quia tibi a Deo datum regnum
propter me dimisisti, mihi que in adiutorium
festinanter subvenisti. Non ignoras
cujus rei causa mihi succurrere tibi
mandavi. Regnum cui præesse et
prodesse debeo, devastatur, decusque
regiminis mei adnihilatur, quia Angli
insolentia temeritatis tumidi et
perversi meis nolunt obedire
præceptis. Recedentes a me, sibi
invicem conspiraverunt, meque
meumque servitium abdicantes
floccipendunt, quin etiam
usufructus meorum oppidorum
sibi diripiunt. Precor igitur
ut adjuves me eos elidere, et
dispergere, eorum contumacem
virtutem conterere et conculcare;
quatenus ad servitium licet
inviti redigantur, et quod
merentur pœnis acriter luant.
Medietatem ergo regni mei
tibi dabo, dimidiamque
facultatem suppellectilium
meorum tibi sponte concedam.
Sicque indissolubili conjunctæ
amicitiæ fœdere colligati,
teneamus regnum simul,
totiusque honoris ejus
fungamur bonis. » Dedit
itaque rex Alstemus Rolloni
regni dimidium, atque
medietatem bonorum
suorum. Dux Rollo statim
regi respondit: « Tibi, domine
rex, est imperare, mihi obedire.
Quos vis conteram; quos
voluerit disperdam. Subvertam
urbes eorum, villasque et
oppida incendam ipsorum:
proteram eos et dispergam,

subjiciam eos tibi et occidam. Uxores et semen eorum captivabo, et armenta eorum devorabo. » His ab invicem expletis, pergunt unanimes contra Anglos regi obstantes. Rollo vero contra Anglos multa praelia exercuit, urbesque eorum obsedit. Quarum multa igne cremata depopulavit. Videntes autem Angli quod non praevalerent contra regem, sed deficientes affligebantur, venerunt ad Rollonem, flexisque genibus dixerunt : « Dacorum potentissime, nos regi Alsterno pacifica et concordare, quia inconsulti contra regem praevericati sumus, fidelitatis vincula rumpentes quam ei promisimus. Nos ei obsides conservandæ fidei dabimus, hincque ei sponte incumbentes fideliter serviemus. » Rollo vero his auditis ad regem Alstemum ivit, et quod Angli retulerunt regi intimavit. Tunc rex motus pietate quondam suorum dixit : « Ne flagelletur republica diutius, si consulis, o amice, ad serviendum nobis eos obstidibus datis recipiam. » Tunc Rollo : « Tu, domine, obsides perseveraturæ tibi fidei recipe. Ego vero advena, non cognoscens mores Anglorum, permansuræ fidelitatis mihi obsides recipiam. » Illico Anglorum quisque offensus comes, onera offensionis et pœnitentiæ deportans, regi unum, et Rolloni alterum obsidem dederunt. Sicque flagellati dudum, et pacificati per Rollonem quieverunt. Rex autem æstimans Rollonem esse moraturum omni cursu temporis in Anglica terra, denominat ejus medietatem regni, scilicet urbes et castra, villas et oppida, aulas et palatia, et quæ bonorum suorum suppellectilia ; quin etiam deprecatur ut sinat se sacro fonte redimi, sequæque commissis piari. Rollo autem semper memor visionis, precibus regis non acquievit, verum quæ suæ sortis erant, obsidibus ante regem conductis, vultuque sereno dixit : « Talionem modo, domine rex, pro bonis quæ mihi Walgris impendisti, reddidi. Regnum quod mihi ultro dedisti, per hunc mucronem duodecim libras auri capulo habentem, reddo tibi. Quin etiam obsides, qui mei juris sunt, et qui astant, jube recipi ; præcavens ne patrum suorum et avorum perfidia te iterum respuendo decipiat. Ego Franciam celeriter repetam, meosque inimicos affligam et conteram, disperdam et convincam. Tantum te deprecor ut qui me sequi maluerint, non prohibeas eis. » Rex autem admirans, et gratias super his dictis agens, dixit : « Dux præpotentissime, pars animæ meæ, ego tecum ibo. Regem, duces, et comites tibi humiliabo. » Respondit Rollo : « Nequaquam, domine, regnum dimittas, cui præesse et prodesse jugi juvamine debes. » Extemplo Rollo, æmicabiliter rege relicto, congregata inenarrabili multitudine juvenum, transfretato portu Franciscum advehitur regnum. Statim comites exercitus sui dividens, alios alveo Sequanæ, alios Ligeris fluento, alios amne Gerundæ interjacentes provincias prædaturus, celeri navigatione misit. Ipse autem Parisius iterum veniens, cœpit urbem oppugnare, et terram super inimicos suos devastare.

Carolus autem rex audiens quod Rollo inoppor-

A tunis bellis attritum subjugasset regi et sibi transmaritimum regnum, consilio Francorum rogat ad se venire Francorum Rotomagensem episcopum Rolloni jam attributum. Cœtu igitur Francorum congregato super tantis importunitatibus paganorum consulturo, jamque ascito Francorum episcopo, condolens de egestate regni sui, dixit : « Regnum, cui præesse debeo, desolatur. Terra aratro non scinditur. Republica et captivatur et occiditur. Obesse Rolloni nequeo, quia quotidie meis privor. Quapropter paternitatem sanctitatis tuæ rogo, et deprecor, ut acquiras nobis apud Rollonem sequstram pacem trium mensium : et si forte his diebus Christianum fieri se voluerit, maxima beneficia ei dabimus, magnisque donis eum remunerabimus. » Franco vero, his auditis, Rotomo reversus, Rolloni duci humillimis precibus dixit : « Rex Francorum mandat ut des illis pacem trium mensium, forsitan dabitur salubre consilium inter te et illum. » Rollo autem, his auditis, consilio suorum delit regi pactum trium mensium. Spatio vero hujus brevissimi temporis quievit terra a paganis. Audientes autem Burgundiones, Richardus scilicet, vel Ebalus Pictavensis comes, quod Franci imbelles, armisque frigidi, quasi effeminati petissent securitatem Rollonis, miserunt ad regem, et ad comites, dicentes : « Terram quam tenetis cur sinitis vastari a paganis ? cur non auxiliamini quibus præesse et prodesse debetis, suisque finibus exterminatæ cur non resistitis genti ? Nos vobis si volueritis auxiliabimur, et si forte ingruerit contra nos bellum voluntarie aderimus. » Franci vero his contumeliose sermonibus exasperati, finito termino securitatis cœperunt rebellare paganis. Illico Rollo putans se propter securitatem quam dedit, a Francis vilem æstimatam, ferociter et crudeliter devastando provincias, cœpit laniare, et affligere, atque delere populum. Sui autem in Burgundiam pergentes, perque Jonam in Sigonam navigantes, terraque annibus affines usque Clarum montem undique secus devastantes, Senonis provinciam invaserunt, atque cuncta depopulantes ad Sanctum-Benedictum contra Rollonem revererunt. Videns autem Rollo monasterium Sancti-Benedicti, illud contaminare noluit, nec prædari illam provinciam propter sanctum Benedictum permisit. Stampas equidem adiens totam terram adjacentem perdidit, quam plurimos captivavit. Inde ad Villemez veniens finitimas terras prædavit, hincque Parisius remeare acceleravit. Rustici vero videntes Francos robustissimos bellatores et Burgundiones asperrimos pugnatore penitus adnihilatos, congregantes incomprehensibilem numero multitudinem, desueta arma nequiequam gerentem conantur invadere Rollonem. Rollo autem respiciens vidit aerem pulverulentum, creberrimoque concursu peditum densius obnubilatum ; convocatis principibus suis dixit : « Populus peditum nescio an equitum nos sequitur. Pedites nostri celeriter viam petant, equites nobiscum remaneant ; ut videamus cujus fortitudinis sunt qui nos perdere volunt. » Expectante

autem Rollone cum equitibus, appropinquaverunt A rustici, equites cum peditibus. Illico Rollo irruit super villanos, crudelique nece illos usque ad internecionem prostravit, et contrivit eos, cædeque maxima peracta, repedavit ad suos. Postea vero Rollo nimio furoris æstu inhians, et flagrans super suos inimicos civitatem Carnotis hostiliter expetit, atque Dunensem comitatum et Carnotensem vastans, cum magno exercitu obsedit. Quidam vero episcopus Guvaltelmus urbi præerat religiosissimus. Is mœrens et ejulans, continuisque orationibus instans, misit ad Burgundionum ducem Richardum, et ad Pictavensem comitem Ebalum, ut subvenirent urbi morte præoccupatæ pro amore Dei in auxilium.

DE CARNOTIS LIBERATIONE.

Misit autem et ad Francos hujus mœstifere legationis nuntios. Qui celeriter Richardo comiti adhærentes invaserunt Rollonem circa muros Carnotis præliantem. Rollo vero, more solito, constanter irruit super illos. Franci vero et Burgundiones vires resumentes, ausumque iterum capientes, invadunt Rollonem duriter illis obstantem. Cæsis ergo Christianorum ac paganorum pluribus stabat uterque in prælio exercitus, mutans vitam alternis ictibus; cum subito Guvaltelmus episcopus quasi missam celebraturus, infulatus bajulansque crucem atque tunicam sacrosanctæ Mariæ virginis in manibus, prosequente clero cum civibus, ferratisque aciebus constipatus, exsiliens de civitate, paganorum terga telis verberat et mucronibus. Cernens autem se Rollo inter utrumque exercitum stare, seque non prævalere, suosque decrescere, transiens per medium illorum, cœpit ab eis declinare, ne præoccuparetur morte.

APOSTROPHA.

Rollo potensque valensque asperrimus armis,
Ne vereunderis si jam fugitivus haberis,
Non te Franco fugat, te nec Burgundio cædit,
Concio multimodæ gentisque utriusque phalangis:
Sed tunica alma Dei genitricis Virginis, atque
Reliquiæque simul, philateria, cruxque verenda.
Quam velut in manibus meritis præsul reverendus,
Velle tuum semper tibi posse, veluit fuit olim:
Et modo velleque posse tuum legaliter ibunt,
Posseque velle tuum humanum jamjamque reno-

[seent.

Velle tuum modo posse suum * spectabit amicum,
Posseque velle suum sic præstabitur ipsum.
Conjunctis pariter his disjunctisque duobus,
Aut facies aut non quæcunque negotia rei,
Quis sine perficiis nullius summa negotii.
Sæpe acquirit uterque suum violenter amicum.
Sæpe resistit uterque suo rapido obice amico.
Natura servante modum, quam propter amicum
Conditio humani figmenti tristis habetur.

ITEM APOSTROPHA AD ROLLONEM.

Multimodas perpesse minas, nimiosque labores,
Unde fatigavit temet fortuna querelis.

Inde tibi meliora dabit jam fruge perenni.
Aspera tot tolerata diu modo læta sequentur.
Gaudia longa metes hinc hinc mœrore subacto.
Te labor artificem belli huosque peregit:
Post hos mœrores sat dona quietis habebis.
Namque labore gravi concresecunt præmia multa.

Quædam acies paganorum evadens forte prælii periculum ad Leugas pervenit, et montis excelsa subiit. Finito igitur tali et tam magno certamine belli, Ebalus vespere advenit cum suis, Francosque et Burgundiones imprecatur nimis: « Me pro nihilo duxistis, quando prælium sine me inchoastis. Blasphemabor a cunctis gentibus, quæ audituræ sunt hoc eventus. Proh dolor! malletm mori cum isto populo quam abesse prælio. » Tunc Franci et Burgundiones dixerunt ad Ebalum sine re querulum. « Adhuc expectat te aliquid certaminis, quo potes te tuosque experiri. Considera Northmannos prælio fugatos, cacumen montis causa præsidii aggressos. Præcipita ergo eos a monte, eorumque superbiam elide. Vindicta sanguinem Francorum et Burgundionum, hoc campo, heu dolor! jacentium. Sentiant te modo advenisse, qui gloriantur se periculum mortis evasisse. » His igitur dictis, Ebalus invadit Northmannos in monte nimium exterritos. Ebalus autem ascendebat montem cum suis, Daci vero resistebant eos jaculis. Ebalus jaciebat eo missilia, Daci vero violabant eos jaculis. Ebalidæ tentabant ascendere cacumen montis, Rollonidæ præcipitabant eos usque ad basim montis. Ebalidæ sepes et parietes, quas Daci ad capiendum civitatem fecerunt, ad montem deportaverunt. Daci vero eosdem parietes et sepes illis abstulerunt et se ex illis circumdando munierunt. Populus vero Francorum expectabat finem jurgiorum. Ebalus igitur videns quod non proficeret ei initum certamen, venit ad Richardum ducem in campo prælii castra metantem. Tunc exercitus montem circumsepsit, ne posset ullus elabi. Videntes autem Daci se circumseptos plebe, dixerunt ad invicem: Si expectetur forte dies futurus, omnes gladio interimemur. Frisonum quidam de gente natus, qui erat illis accreditus, dixit mortem timentibus: « Dabo consilium vobis profuturum. Intempeste noctis silentio quidam nostrorum de cacumine montis clam descendant, et forinsecus circa tentoriæ buccina clangant. Illi namque audito clangore tubarum, autumantes adesse Rollonem nostrum ducem, formidolosi stupidique, atque pavidi fugitabant, huc illucque divisi. Nos vero de monte descendentes irruamus super castra principum, duriterque debellando eos, transeamus per medium illorum, et festinemus aggredi seniores nostrum, et sic evademus mortis periculum. » Responderunt: « Congruum nobis et salubre secundum quo accidit, das consilium. Melius est nobis ita agere, scilicet aut elabi, aut mori, quam hic morari, nosque vivos comprehendi, et penis diversis affligi. » Idecirco obscura noctis confinio

descenderunt quidam de monte, et per tentoria clam transeuntes ultraque venientes, cœperunt forinsecus tubis clangere, terroremque repentinum eis incutere. Cæteri vero cum magno tumultu, magnoque scutorum fragore elabentes velociter de monte, invaserunt Richardum tentoriis soporatum. Sicque ferociter præliantes, et per medium exercitum transmeantes, viam quam Rollo tenuit citatis gressibus liberati pergunt; atque super Othuram venientes, loco alto palude circumdato gressum fatigati figunt. Exercitus vero nimium exterritus cœpit hac illaque fluctuare, putans Rollo nem adesse. Ebalus vero hujus rei terrore domum ejusdam fullonis expetiit, atque diu in ea delituit. Exercitus autem, lucescente aurora, montem videns hostibus vacuum, eos prosequitur quousque morabantur. Nortmanni vero innumerabilia animalia, quæ secum adduxerant, statim occiderunt; atque tergora dimidia animalium diripientes et excoriantes, ex cadaveribus ipsis castrum circa se fecerunt; ponentesque unum super alium, coria sanguinolenta forinsecus avellerunt, ne equi stupidi equitesque mirantes appropinquarent. Franci vero et Burgundiones prosecuti eos cum adessent, castellumque ex corporibus equorum, boum, asinarum, caprarumque et bidentium conseptum, tergoraque forinsecus pendentia vidissent, dixerunt ad invicem: « Quis invadet istos? qui vult vitam perdere, accedat ad carneum castrum et mirabile. » Hi dictis, quique repedarunt sua, Daci vero navium contubernia. Rollo autem videns milites suos, gratulanter dixit ad illos: « O robustissimi, armisque asperrimi! Quomodo prælia evasistis? » Tunc illi cuncta quæ acciderant retulerunt Rollo. Rollo vero ita exagitatus, furiis acerrimis bachatus, cœpit totam terram vastare et delere, atque incendio concremare. Illico omnis salus conclamatur fiduciaque vivendi non reperitur, publica res adnihilatur, ecclesiæque desertæ habentur.

Franci vero non valentes paganis resistere, totamque Franciam videntes ad nihilum venire, unanimiter ad regem venerunt, atque dixerunt: « Cur non auxiliaris regno, cui præesse et prodesse debes sceptro? Cur non pax consilio acquiritur, quam nec bellis nec ullo defensionis obstaculo adipisci possumus? Honor et potestas regalis subjicitur, paganorum insolentia erigitur. Franciscæ regionis terra quasi solitudo habetur, quia ejus populus aut fame aut gladio moritur aut forte captivatur. Tuere regnum si non armis, vel consilio. » Tunc rex Carolus his dixit furibundus: « Date mihi consilium, quod regno et nobis sit salubre et congruum. » Tunc Franci: « Dabimus, si nobis credideris, consilium tibi et regno condignum et salutiferum; ut requiescat populus nimis penuria afflictus. Detur terra a fluvio Andellæ usque ad mare paganorum gentibus; filiam quoque tuam Rolloni conjugio junge. Et ex hoc potes multum contra gentes tibi obstantes prævalere; quia Rollo superbo regum ducumque sanguine natus, corpore pulcherrimus,

armis fervidus, consilio providus, aspectu decorus, *contra suos mansuetus*, cui promittit fidus amicus, cui adversatur atrox inimicus; sagaciter Vasallus, constans et lenis ut res expostulat in omnibus, sermone instructus, docilis in rebus, actibus benevolus, eloquio honestus, virtute virili repletus, humilis conversationibus, rebusque forensibus prudentissimus, in judicio justus, in secretis cautissimus, auro argentoque ditissimus, creberrima militum frequentia assidue constipatus, quin etiam omni bonitate est exaggeratus. » Confestim Carolus his consultus misit Franconem archiepiscopum Rothomagensem ad Rollonem paganorum ducem. Qui veniens ad eum blandis sermonibus cœpit alloqui: « Omnium ducum præstantissime, cunctorumque præcellentissime, litigabis vita comite semper contra Francos, præliaberis semper contra illos? Quid de te si morte præoccupatus fueris? Cujus figmenti es? Deum te esse æstimas? Limo plasmatus, nonne homo es? Nonne es esca vermium, cinisque et pulvis? Memento qualis es et eris, et cujus judicio damnaberis. Herebro, ut reor, frueris, nec quemquam lacesces ultra præliis. Si vis Christianus fieri, præsentem futuraque pace poteris frui, ditissimusque hac terra morari, Carolus rex patientissimus, consilio suorum ductus, hanc terram maritimam ab Anstigno et a te nimium devastatam vult tibi dare. Quin etiam ut pax et concordia, atque amicitia firma, et stabilis atque continua, omni tempore inter te et illum permaneat, filiam suam, Gislam nomine, uxorem in conjugio dabit tibi; qua copula prole lætaberis, regnumque in perpetuum tenebis. » Quo audito, convocat majores Dacorum, et quæ episcopus sibi retulit narrat in auribus eorum. Daci vero, reminiscentes somnii interpretationum, dixerunt Rolloni: Terra hæc penitus desolata militibus privata, aratro non exercita, arboribus bonis referta, fluvii genere diversorum piscium plenis divisa, venatu opulenta, vineis non ignara, glebis cultro elaboratis fecunda, mari affluentiam diversarum rerum datur ex una parte circumdata, altera decursibus aquarum deportantium navigio cuncta bona, quasi Franciæ regno discriminata, si fuerit frequentia hominum visitata, valde erit fertilis et uberrima: nobisque ad habitandum sufficiens et congrua. Filia quam tibi spondet, utriusque progeniei semine regulariter exorta, staturæ proceritate congrua, forma, ut audivimus, elegantissima, virgo integerrima, consilio provida, forensium rerum negotio cauta, conversatione facillima, colloquio affabilissima, manuum labore peritissima, quin etiam virginibus cunctis præcellentissima, decet ut copuletur tibi connubiali amicitia. Et ex hoc videtur salubrius nobis consilium, in melius profuturum, et ab alicujus rixæ errore inconculsum, quod filiam regis habebis in conjugio fœderum. Reminiscere somnii interpretationum, mysticorumque ejus intellectuum. Ut remur, in istis finibus vertetur nobis in prosperum. Satis præ-

liati sumus, Francosque debellavimus; consequens videtur nobis ut requiescamus, fructibusque terræ patienter fruamur. Remitte regi episcopum, ut si dederit tibi quod spondit, te dicat suo servitio esse promptum. Remanda ei securitatem pacis trium mensium, et ut sequestræ pacis spatio veniat, si vult, contra te ad placitum, faciatque verborum suorum et promissionem te per omnia securum.» Statim Rollo supra dicto episcopo intimavit, regique ut hæc diceret ad eum remisit. Qui veniens ad regem, convocato episcoporum, comitum, atque abbatum cœtu, dixit: «Rollo dux Northmannorum tibi amoris et amicitiae inextricabilis, quin etiam servitii pactum, si dederis filiam tuam, ut ei dixisti, conjugem, terramque maritimam in sempiternam per progenies progenierum possessionem, manus suas se subjugando tibi dabit fidelitatis gratia, tuumque servitium incessanter explebit. Poterisque per eum obstantium et jurgantium tumores contra te retundere, nimiumque confortatus convalescere.» His ab episcopo renuntiatis, congratulantur Franci, suggeruntque unanimes regi ut det filiam suam terramque Rolloni. Rex vero Francorum, prece coactus, dedit filiam suam vice Rollonis episcopo per pignus, in vinculo sacramenti et conjurationis. His rerum opportunitatibus factis, determinatis, et confirmatis tempore locoque determinato, atque sequestra pace data, redierunt quique ad sua. Franco Rothomagensis archiepiscopus Rollonem adiit, et cuncta quæ fecit ordinatim illi narrando exposuit. Rollo igitur et sui, his renuntiatis, nimium exhilarati, typicum intellectum rememorant visionis.

Rotbertus autem dux cum audisset quod rex Carolus filiam suam daret Rolloni, et pacificarentur vicissimæ paxque fieret totius orbis, misit verbis pacificis ad Rollonem nuncium subsequenter verba dicturum. Cumque adesset. Rolloni verbis precativis dixit: «Rotbertus dux Francorum tibi fidele servitium. Audivit concordiam tui et regis, et inde lætatur nimis, Congruum esse tibi dicit, te tuosque requiescere, terramque datam rædificare, urbes et mœnia restaurare, teque perpetua pace vivere. Satis exercuisti prælia, satis demonstrasti arma virilia. Satis cujus virtutis esses declarasti, satis plurimis periculis incubuisti, satis *vas* emeritus, satis toto orbe laudatus. Quin imo dux idem deprecans, flexis animi genibus mandat tibi, ut testificatum in Christi nomine et in fonte salutifero baptisinate lotum suscipi ab eo te sinas. Hinc eritis, si tibi placuerit, inseparabiliter fidi amici, nullusque contra vos stare poterit, facietque incessanter vestrum servitium, regemque tibi omni tempore benevolam.» His dictis, consilio Franconis episcopi. suorumque comitum dixit: «Volo consentire regi Francisque, ut veniat ad denominatum placitum, meque redimat fonte immersum. Hic mihi sit paterno amore pro patre, ego filiorum dilectione ero illi pro filio. Succurrat mihi, si necesse fuerit, ut pater

A filio; ego illi, ut filius patri. Gaudeat mea prosperitate, tristetur mea adversitate. Quæ meæ potestatis sunt, sui juris sint, et quæ mei juris, suæ potestatis sint.» Internuntius igitur quæ audivit, Rotberto duci renuntiavit. Statuto idcirco tempore venerunt ad determinatum locum, qui dicitur ad Sanctum Clerum. Rollonis autem cis Eptæ fluvium sedit exercitus, regis vero et Rotberti altrinsecus. Exemplo Rollo misit ad regem Francorum archiepiscopum verba dicenda dicturum: «Rollo non potest tecum pacificari, quia terra quam illi vis dare inculta est vomere, pecudum et pecorum grege omnino privata, hominumque præsentia frustrata. Non habetur in ea unde possit vivere, nisi rapina et prædatione. Da illi aliquod regnum unde conducat sibi cibum, et vestitum, donec impleatur terra quam illi das opulentiarum congerie, reddatque temporinos fructus victuum, hominum, et animalium. Quin etiam non conciliabitur tibi, nisi terra, quam daturus es, in sacramento Christianæ religionis jnraveris, tu et archipræsules et episcopi, comites et abbates totius regni, ut teneat ipse et successores ejus ipsam terram ab Eptæ fluviolo ad mare usque quasi fundum et alodum in sempiternum.» Tunc Rotbertus dux Francorum, et qui aderant comites et episcopi, cum abbatibus, dixerunt regi: «Non habebis ducem tanti honoris, nisi quod concupiscit feceris. Si non propter servitium quod reperit a te dederis, saltem da illi propter cultum Christianæ religionis, ut acquiratur tantus populus Christo, qui interitus est errore diabolico. Et ne culmen totius regni tui, Ecclesiæ, quæ adnihiletur impetu infestantis exercitus, cujus advocacionis patrocinio vice Christi fungens, debes esse rex et advocatus constantissimus.» Tunc Flandrensem terram, ut ex ea viveret, voluit rex ei dare; sed ille noluit præ paludium impeditione recipere. Itaque spondet rex ei Britanniam dare, quæ erat in confinio promissæ terræ. Illico Rotbertus et Franco episcopus renuntiaverunt omnia Rolloni, et adduxerunt illum integritate Christianæ fidei, obsidibus datis, Carolo regi. Franci vero intuentes Rollonem totius Franciæ invasorem, dixerunt ad invicem: «Magnæ potentiae iste dux, magnæque virtutis, atque magni consilii et prudentiæ, quin etiam laboris, qui tanta prælia exercuit contra comites istius regni.» Statim Francorum coactus verbis, manus suas misit inter manus regis, quod nunquam pater ejus, et avus, atque proavus cuiquam fecit. Dedit itaque filiam suam Gislam nomine uxorem illi duci, terramque determinatam in alodo, et in fundo, a flumine Eptæ usque ad mare, totamque Britanniam de qua posset vivere. Rolloni pedem regis nolenti osculari dixerunt episcopi: «Qui tale donum recipit, osculo debet expetere pedem regis.» Et ille: «Nunquam curvabo genua mea alicujus genibus, nec osculabor cujuspam pedem.» Francorum igitur precibus compulsus, jussit cuidam militi pedem regis osculari. Qui statim pe

dem regis arripiens, deportavit ad os suum, standoque defixit osculum, regemque fecit resupinum. Itaque magnus excitatur risus, magnusque in plebe tumultus. Cæterum Carolus rex, duxque Rotbertus, comitesque et proceres, præsules et abbates, juraverunt sacramento catholicæ fidei patrio Rolloni vitam suam, et membra, et honorem totius regni, insuper terram denominatam, quatenus ipsam teneret et possideret, hæredibusque traderet, et per curricula cunctorum annorum successio nepotum in progenies progenierum haberet et excoleret. His, ut dictum est, expletis, rex Carolus ad sua remeavit. Rotbertus et Franco cum Rollone remansit,

APOSTROPHA AD ROLLOREM.

Rollo, tui visus capies ex mystico sensu.
Ecclesiæ stabis præcelso vertice montis.
Monte saluifero scelerum purgabere lepra.
Nunc homines, volucrumque loco scuta gerentes,
Se Ecclesiæ montem scandentes fonte piabunt.
Extremum quorum capies nunquam quoque visu.
Immunes scelerum libabunt mystica sacra,
Nidorumque domos facient montis juga circa.
Ecclesiæque struent diverso munere fultas,
Dux bone, dux pie, Patrici semperque verende,
Adsunt cuncta tibi, quæ somno animus tuus hausit.
Serva baptismo quod jam promiseris almo.
Linque opus infandum Satane, quin toxica sacra,
Quære Deum verum voto et prece supplice semper,
Observa mandatorum præcepta suorum,
Da leges populo, doctis sanctaque jura.
Pace fruens populus gaudebit tempore cuncto,
Subque tua ditione morans semper, habitansque.
Latronumque furum insidiis frustrabitur omnis.
Ecclesiæ summus tutor, inopumque iuvator,
Pacificus regni protector, et auxiliator,
Defensorque gubernator, moderator, et auctor.
Perpetuo vigeas meritis vivacibus ævo.

Anno a Domini nostri Jesu Christi incarnatione nonagesimo duodecimo, Franco archiepiscopus catholica fide sacrosanctæ Trinitatis imbutum Rollonem baptizavit, duxque Francorum Rotbertus de fonte Salvatoris eum suscepit, nomenque suum ei imposuit, magnisque muneribus et donis honorifice ditavit. Rotbertus autem, qui et Rollo, comites suos et milites omnemque manum exercitus sui baptizari fecit, atque Christianæ religionis fidei per prædicationes instrui. Hinc convocato Francone episcopo, quæ ecclesiæ veneratioris in sua terra haberentur sciscitatur, et quæ potentiores merito et patrocinio sanctorum dicerentur. Tunc Franco : « Rothomagensis, et Bajocacensis, atque Ebroicacensis ecclesia sacrosanctæ Mariæ matris Domini nostri Jesu Christi et Virginis in honore est dedicata. In periculo maris ecclesia monte posita, Archangeli Michaelis paradisi præpositi nomine prætitulata. In suburbio civitatis istius est monasterium sancti Petri apostolorum principis nomine consecratum : in quo recubabat istius urbis venerabilis archiepi-

A scopus nomine Audemus, signis et virtutibus nimium coruscans, ob metum tui adventus ad Franciam est deportatus. Gimegias, quo prius accessisti, est templum sancti Petri, regnum cælorum clavigeri meritis suffragatum. Plures sunt ecclesie in t. a ditione positæ, sed hæ sunt præcipuæ. Tunc Rotbertus : « In confinio nostræ potestatis quis sanctus potentior meritis habetur ? » Franco : « Sanctus Dionysius natione Græcus, per sanctum Paulum ad fidem catholicam conversus, postea a beato Clemente Petri apostoli successore Franciæ ad prædicandum transmissus, multa flagella paganorum perpressus, diuque verberatus, ad ultimum pro amore Dei hebetatis securibus capite plexus. » Tunc Rotbertus : « Antequam dividatur terra meis principibus, Deo et sanctæ Mariæ, sanctisque denominatis, desidero partem istius terræ dare, ut dignentur mihi in auxilium subvenire. » Franco : « Consilio divinitus inspirato uteris, congruumque est tibi his septem diebus, quibus albatris chrysmatis et olei vestibus es indutus, fieri. » Dedit itaque Rotbertus prima die baptisterii Deo et sanctæ Mariæ Rothomagensis ecclesiæ terram præmaximam canonicis in perpetuum possidendam. Secundo die, sanctæ Mariæ Bojacacensis ecclesiæ. Tertio die, sanctæ Mariæ Ebroicacensis ecclesiæ. Quarto, archangeli Michaelis ecclesiæ, vicibus inundatione procellarum maris circumseptæ, secundum cursum lunæ incrementati septenarii numeri dispositione. Quinto, sancti Petri sanctique Audoeni ecclesiæ. Sexto, sancto Petro sanctoque Aicardo Gemeticensis ecclesiæ. Septimo, Brenneval cum omnibus appenditiis sancto Dionysio dedit. Octavo die expiationis ejus, vestimentis chrysmalibus vel baptismalibus indutus, cepit metiri terram verbis suis, comitibus atque largiri fidelibus. Denique præparato magno nuptialium cultu, Gislam filiam regis uxorem sibi duxit, pro qua se Francis conciliando pacificavit. Securitatem omnibus gentibus in sua terra manere cupientibus fecit. Illam terram suis fidelibus funiculo divisit, universamque diu desertam reedificavit, atque de suis militibus advenisque gentibus refertam restruxit. Jura et leges sempiternas voluntate principum sanctitas et decretas plebi indixit, atque pacifica conversatione morari simul coegit. Ecclesias funditus fusas statuit, templa frequentia paganorum destructa restauravit, muros civitatum et propugnacula refecit et augmentavit. Britannos rebelles sibi subjugavit, atque de cibariis Britonum totum regnum sibi concessum sufficienter pavit. Denique in terra suæ ditionis baunum, id est interdictum, misit quod est prohibitio, ut nullus fur vel latro esset. neque assensum malæ voluntatis ei præberet. Denique interdixit ut nullus ferramenta aratri domui deportaret, verum in campo cum aratro relinqueret, et nullus post equum, asinumque, atque bovem, ne perderet, custodem mitteret ; hujus interdicti pavore quidam agricola manens in Longapetenis villa, aratri utensilia campo dimisit, atque

appropinquante meridie causa edendi domum suam venit. Quem uxor duris verbis et obstinato corde cœpit increpitare, cur dimisisset aratri necessaria, et adjacentia in suo labore. Diu molesta atque increpans virum, dedit ei manducare. Interim volens suum maritum facere hujus rei, ne dimitteret amplius, sollicitum, citius quam potuit clam expetivit campum, et sustulit sibi corrigias jugi pomeremque et cultrum; atque ne videret maritus subducendo ea, quasi aliunde veniens repetivit domum. Maritus ejus saturatus surgens, sui que laboris campum pergens, necessaria aratri non invenit: inde tristis domum revertens, querulæ conjugii indicavit. Quæ cœpit eum invective et invisorie increpans dicere: « Nullius utilitatis homo, vade nunc ad Rotbertum ducem, et ipse faciet cito te aratorem. » Ille citus ad Rotbertum cucurrit, atque comoda aratri sibi frustata duce retulit. Illico Rotbertus convocans quemdam præpositum, dixit ad eum: « Da quinque solidos isti agricolæ, quibus possit quæ perdidit emere. Tu quantocius villam pete, atque auctorem furti ignifero judicio inquire. » Villicus vero habitatores villæ cunctos igne examinavit, nullumque illorum furti reum reperiens, Rolloni duci renuntiavit. Qui convocans Franconem archiepiscopum dixit: « Deus christianorum, in cujus nomine baptizatus sum, si est conscius rerum, mihi mirum cur non innotuit suo nomine igne tentatum nobis furti reum. » Franco: « Adhud ignis culpabilem non tetigit. » Et Rotbertus ad præpositum: « Vade iterum et ad habitatores affinium villarum, in nomine Jesu Christi examina per ignis supplicium. » Qui, jussa complens ducis, intimavit neminem se invenisse culpabilem. Qui aratorem statim vocavit, et ab eo inquiri, cui quod remansissent utensilia aratri in campo, dixisset. Agricola respondit: « Uxori. » Quæ vocata venit, duxque ad eam dixit: « Quid de vomere cultroque mariti tui fecisti? » Illa se non habuisse negavit. Quæ scopis diverberata fidem furti omnibus fecit. Tunc Rotbertus ad maritum: « Sciebas tuam uxorem esse furem? » Cui ille: « Sciebam. » Et Rotbertus: « Duobus decretis digne morieris, uno, quod capud mulieris es, et eam castigare debuisti. Altero, quod assessor furti fuisti, et indicare noluisti. » Statim utrumque laqueo fecit suspendi, crudelique morte finiri. Hoc judicium exterruit habitatores terræ. Nullusque ausus est postea furari, vel latrocinari. Atque sic quievit terra vacua furibus et latronibus, atque siluit privata cunctis seditionibus.

A Continua igitur pace, diuturna que requie lætabantur homines, sub Rotberti ditione securi morantes; locupletesque erant omnibus bonis, non timentes exercitum ullius hostilitatis. Carolus namque rex quondam tempore misit duos milites Gislæ filiæ suæ, Rotberto duci connubio vinctæ. Gisla autem cum viderisset milites patris sui, quadam domo, ne videretur a Rotberto suo conjugæ, seposuit; cunctaque bona illis largiens, nimis diu morari fecit. Rotbertidæ comites admirantes quod milites Caroli regis Rothomo morarentur, et presentia Rotberti ducis non fruerentur, venerunt ad eum, et dixerunt: « Cur nobis quod Carolidæ tibi dixerunt non innotuisti? » Rotbertus: « Ubi sunt soceri mei legati? » Responderunt: « Uxorius es, et effeminatus; quia tuam presentiam vitantes, uxori tuæ adsunt. » Dicebant igitur Rotbertum eam non cognovisse maritali lege, statimque dux ira commotus, tirones suæ domus fecit absconsos comprehendi, et ad forum venialium rerum duci, ibique concurrente plebe jugulari. Audiens autem Rotbertus dux Francorum, quod pro nece duorum militum, colligatæ pacis inter regem et Robertum Nortmannorum ducem vincula soluta diruptaque essent, cœpit contra Carolum stare, eumque adnihilare, et sua depopulari. Misitque legatum ad Rotbertum Rothomagensis, dicens: « Tuo consilio, tuoque suffultus adjutorio, volo istud regnum super Carolum accipere, eumque Francia fugare. » Tunc Rotberto Rothomagensis respondit legato Francorum ducis: « Modo tuus senior nimis vult equitare, ultraque legem agere. Quæ regis sunt tantum disperdat, regimen nolo ut accipiat. » Erat autem conjux Gisla filia regis jam defuncta. Quid accidit inter Carolum et Robertum hic non memorabitur, quia alias legitur. Rotbertus Northmannorum patricius grandæva ætate, nimioque labore præriorum consultus, convocatis Dacorum Britonumque principibus, dedit omnem terram suæ ditionis Guillelmo Popæ filio, atque inter manus Guillelmi adolescentis manus suas mittentes principes, colligavit illi conjurationis sacramento. Postea uno lustro vivens, ætatis suæ defectu, effetoque viribus corpore, equitare non valens, regnumque pacificatum solidum et quietum tenens, lugubris damni passus dispendium, inevitabilisque mortis casum plenus dierum migravit ad Christum, cui est honor et gloria in sæcula sæculorum. Amen.

EPILOGUS.

Nauta rudis pelago commissus vela profundo,
 Classe vehor parva, rimisque foramine plena,
 Puppeque quassata, prora tumide æquore fracta,
 Confractisque gubernaculis, remisque peremptis,
 Omnibus et velis violento turbine scissis,
 Naufragus, attonitus, stupidus, habes, anxius, an-
 [ceps.

Syrtribus implicitus, pro nescio nunc quid agetur
 Ah! misero mihimet nullus patet exercitus usquam
 Fluctibus incluso nimis, septoque procellis.

Ah! mihimet cælum undique, et undique pontus
 [habetur

Æquor permensus medium huc vix usque natav
 Non intrasse salum mallet, quam hic periisse.

Puppe sub exigua per confraga murmurat æquor,
 Fluctibus infestis pelagi spumante procella,
 Æquora jam lambunt inimica pace carinam,
 Pestifero amplexu horrendis flabris nocitura.
 Viribus iratis teneor maris ursa rapina,
 Undaque curvatos sublata sinus quatit acre.
 Hæreo nunc tremulis temerarius arbiter undis
 Sed tu, quem statum mobilem, motum stabilemque
 Veridici perhibent, cum sit motus quoque status,

A Fluctivagæ æquoreos mentis compesce tumores
 Syrtes pestíferas cordis disrumpe vagantis,
 Atque procellosi ingenii sustolle carinam ;
 Ut gubernaculis, remisque, velisque reffectis,
 Ingenii, sensus, intellectusque pusilli,
 Jamque hujus operis pelago fervente meato,
 Tranquillum possim conscendere navita portum
 Sanguine martyrii fluidum, palmaque decorum,
 Profusum et nitidum cunctorum flore bonorum.

LIBER TERTIUS.

PRÆFATIO.

Olim discipulos omnipotens Deus,
 Sacra Virgine matris editus et satus,
 Vere nostra fides Sarcalogon quem ait,
 Puppim scandare præcepit, abireque
 Ultra velivolum et fluctivagum mare.
 Plebes innumeras sedere mox jubet,
 Et montis subiens alta cacumina,
 Numen siderei postulat ad Patris.
 Noctis cæruleæ mox crepere obvio,
 Dire ferbuerant æquora livida,
 Lævo prætumido flamine gurgitis,
 Conclamata salus, spesque fiducia,
 Cunctis discipulis perstrepidis nimis
 Aeris pestifera mortis imagine.
 Quartæ nam stationis tumido situ
 Christus se pelago fluctivago intulit
 Sicco vestigio, seque per æquora
 Fert fluctu liquido passibilis maris,
 Offert discipulis seque trementibus.
 Tunc artus tremulos occupat et pavor,
 Hærent discipulum corda stupentia.
 Ignorant quid agant fine sub ultimo.
 Terror pectora sat verberat algidus,
 Clamor sidera pulsat nimius poli.
 Postquam se innotuit discipulis Deus,
 Præsiccis pedibus stans fluido mari
 Petrus mox Domino verba sonantia
 Sumptis viribus et robore prætulit.
 O tu Christe potens ætheris et maris
 Si nos sancta adiit nunc pietas tua,
 Estque tuta fines omnibus, et proba,
 Tecum pergere me præcipe per mare.
 Præcepti imperio nunc vegetabilis
 Indulgens favet his, et retulit: Veni.
 Fidens in Domino, qui potis est maris
 Petrus moxque ratem deserit ocuis,
 Et dat vestigium fluctibus æquoris.
 Mentem perculerat res tremulam nova,
 Cum discrimina pontus movit effera,
 Quamdiu non dubitavit.
 Petrum sustulerant æquora turgida,

B Diffidensque sui pœnituit nimis,
 Mersus corpore Petrus medio salo
 Clamat: Deripere fluctibus his, Deus.
 Christi dextera mox quem rapuit sacra,
 Dixit: « Tu modicæ cur fidei modo
 Nutando titubas et dubitas freto? »
 Conscendunt pariter mox Deus et Petrus
 Navim, discipulis turbine tristibus.
 Cedunt continuo noxia flamina.
 Dudum nos pelagus prætumidum nimis
 Summi numine Christi penetravimus.
 Cursus jam medios contigimus fere.
 Obpansum undique cælum undique cernitur
 Hinc hinc, atque minax cæruleus liquor.
 Haurit jamque pavor pectora tristius,
 C Tollunt æquora molem inscitæ meæ:
 Cœpti pœnitent, et tædet, et hoc piget.
 Summus Christe Deus, nunc faciem tuam
 Felix poplitibus pandeamini peto.
 Lapsas respice spes fomite numinis.
 Sanctam porrigere manum nunc trepido mihi,
 Possim scandere quo gesta micantia,
 Summo te duce, sic te duce prævio,
 Et quot sunt mihimet torva pericula.
 Mentem septifidi nectare Spiritus,
 Et cor rethorici fomite gurgitis,
 Et linguam trimodo proloquio struens,
 Asperges salubris fonte scientiæ;
 Narratus brevis ut sitque probabilis,
 Atque hinc exstet apertus homini scio
 D Hujus historiæ, quam reserabimus.
 Partitus brevis fames splendeat
 In toto niteat quæque solutio:
 Nectatur generi sic quoque paucitas
 Personæ, exque datis, atque negotio
 Sumatur ratio rhetoricabilis
 Septem nunc elementis bene cognitis,
 Decretisque simultatibus omnibus,
 Te donante Deus Virgine qua satus,
 Cum Patre ingenito, et Flamine cum sacro,
 Regnans perpetuus cuncta videns Deus.

ORATIO.

Doxa superna,
 Omnipotens columen,
 Fomes sensificusque
 Numen sidereum potens
 Lucis origo.
 Æthereum specimen,
 Rerum principiumque,
 Causarum series cluens,
 Prima propago.
 Ingenitque Patris,
 Lumen lumine sacro,
 Et vere Deus ex Deo.
 O pater almus,
 Ingenitusque Deus,
 O filii genitusque,
 His Flamen Deus exiens.
 O Deus unus,
 O Deitasque vigor.
 Non sunt namque dii tres.
 Unum te ferimus Deum,
 Postulo supplex,
 Quo faveas precibus.

A Incepto tremefactu,
 Mœstis inscitia mea.
 Martyris almi
 Te duce te referam
 Vitam nunc luculentam.
 Exstet sensus hebes licet
 Annuat ipse,
 Cujus opus refero,
 Possim quo enucleari,
 Mundo qui bona gesserit :
 Qualiter atque
 Perfidia occiditur
 Arnulfi ducis atrii
 Testis præcipuus Dei.
 Gloria Patri,
 Et Soboli pariter,
 Sanctoque Spiritui,
 Uno simpliciter Deo,
 Amodo semper
 Tempore perpetuo,
 Junctis continuisque
 Seclis secla per omnia.

B

DESCRIPTIO VITÆ GUILLELMI DUCIS.

Quoniam quidem gloriosissimorum martyrum digerendo luculenta præconia, eorumque præpollentissima propalando elucidare gesta, illius exstant munia, qui illius bravium in præsentis sæculo contulit victoriæ, cœlestisque in regno emolumentum præbuit immarcessibilis gloriæ : idcirco præpotentissimi ducis Guillelmi vitam, actusque, atque triumphum non fucus verborum, neque excellentis orationis ornamento sublimiter præbalteatum ; verum simpliciter tenuique naturalis prolationis sermonæ commentatum, breviter prælibando teximus : Quatenus historia gestorum ejus sæpissime recitata excitet animos omnium, quin etiam a linea progeniei ipsius descendentium, ad cœlestium præmia gaudiorum. Eaque nostræ fidei fundamentum fortiter solidetur, nostræ Religionis cultus solerter nutriatur, mundi labentis decipientisque contemptus nascatur, desiderium amorque supernorum fruge salutiferi operis profusius generetur, incentivum sanctitatis augmentetur, gradus profectionis erigatur, janua supernæ contemplationis salutifero itinere penetretur.

Igitur gloriosissimus dux præpotensque comes Guillelmus, et æterno regi athleta dilectissimus, ex prosapia insigni, patre Daco, scilicet Rollone, matre Francigena, videlicet Poppa, ut præcedenti libro peroratum est, genitus, Rothomagensi urbe exstitit oriundus. Quem genitor omnium suppelletilium ubertate locuples, rerumque omnium emblemate dives, Bothoni cuidam ditissimo comiti sacro baptismate perfusum ad educandum commendavit, eumque ad erudiendum ut decebat tradidit. Denique pulcherrimus puer pedes orthodoxos vitæque honestissimæ viros familiariter degens, divæque memoriæ, bonæque indolis fore incipiens, suæ

juventutis ætatem opimo quaternæ virtutis commercio propensius pollentem Jesu Christo consecravit, seque divinis totis nisibus subactum mancipavit. Enimvero divina profusius gratia replebatur, septifluidique muneris sapientia locupletius ditabatur ; quotidieque meritorum affluentia gratius augebatur, divinis dogmatibus affluenter instruebatur, monasticis ubertim sanctionibus vigorabatur, ecclesiasticæ religionis dispensatione libenter insignibatur, mellifluæque dulcedinis nectare abundanter infundebatur. Erat quippe effigie conspicuus, staturâ procerus, mente strenuus, morum probitate grandævus, vir fieri perfectus, totis nitens viribus. Hujus sæculi aspernabatur jactantiam, vitabatque mundi viriliter pompam. Lætissimus plane erat facie, serena pacificus mente, dulcissimus eloquio, mansuetissimus conversationis negotio. Cupiebat labile linq̄ere sæculum, seque Gimegias fieri monachum. Sæpius animo id replicabat, crebrisque cogitationibus mente determinatis hærebat. Explorabat sedulus quid super hoc vellit Christus. Judicium quærebat hujus rei, si forte venerit cœlitus illi. Quapropter lacrymis sedulo incumbabat, corpusque ab escis duriter suspendebat. Pernox vigiliis insistebat, ciboque pauperes recreabat. Hujus animositatis æstu inflammatus, novit se fieri monachum mundum derelicturus.

D

APOSTROPHA AD GUILLELMUM.

O Guillelme sacer, juvenili macte salute,
 Flore juventutis redolens primoque adolescens,
 Quid celeras votum præsentis voce relatum ?
 Pergere cur celeri voto Christi vis asyllum ?
 Cur servat teneros custodia pervigil annos ?
 Corporos cur nunc innormat regula mores ?
 Arcus cur casti comites rubrica revincit ?

Desine vota, necesse tibi nobisque frueris
 Semine namque tuo nascetur dux luculentus,
 Ornandus donis cœlestibus insuper haustus.
 Francia mirifico cujus sub pollice vultum
 Ducet, agetque, movet, flectetque, citabit ovanter,
 Fretus martyrio postquam migrabis Olympo.
 Arbiter egregias moderabit habenas,
 Æqua librabit trutinans et lance querelas :
 Iudicio tormenta reis impellet et æquo,
 Largiflui doni justis et præmia dedet.
 Virtutum quaternarum passim aggere actus,
 Distinctum nitidis rutilans diadema berillis
 Emerito capitis gestans in vertice sancti,
 Scandet ad Elyseum dignus, Christo duce, cam-
 [pum.

Cum autem, præveniente gratia divinitatis, secundum vires ætatis polleret titulis istius bonitatis eniteretque affluenter studiis sanctitatis : Northmannorum Britannorumque comites, principesque unanimiter in unum convenerunt, quidque agerent decreturi ad invicem dixerunt : Dux noster, scilicet Rollo, qui et Rotbertus, nimio bellorum labore incessanter attritus, plurimisque æstuantis maris periculis fatigatus, ærumnaque crebræ navigationis afflictus, innumerisque pernoctationibus defectus, pluriumque plagarum livoribus infirmatus, viribus infirmitate evacuatis exhaustus, quin etiam grandivi situs diurnitate consumptus, non valet regno alterius auxiliari et defendere, sibi que et nobis confidenter præesse et prodesse. Sciscitemur quem in regno præliis adepto hæredem sibi elegerit, quemque nobis habilem præposuerit. Est namque ei filius nobilissima Francorum stirpe progenitus, qui et corpore vegetabili sospitate vigorato elegantissimus, sensuque plurimarum studiis rerum informato peritissimus. Favente patre, nobis ducem, eumque præferamus nobis patricium et comitem. Hujus igitur consilii dispensatione reperta, quin imo omnipotentis Dei dispensante clementia, venerunt unanimes ad Rotbertum, Rothomagensi sede annosæ ætatis, senio fessum, lenique sermone, submissoque vultu ad eum dixerunt : « Domine dux præpotentissime, senilis ætatis aggravaris inopportunitate, tibi que et nobis non potes salubriter subvenire. Exteræ gentes idcirco jam nos affligunt, nostraque penitus sibi diripiunt. Inter nos divortium atque duellum agitur, consorsque ut sit regnum non stabilitur, ideoque publica res annullata dissipatur ; eligo igitur qui præsit et prosit nobis præcamur, cuique diligenter subleiamur ; ut et ipse sit nobis, advocacy gradu dux et patricius, nosque obsequenter et personaliter ei militemus. » Tunc Rollo humillimus suorum verbis coactus, hujusmodi responsionibus est exorsus : « Quoniam omnem valetudinem longævæ ætate auferri non ignoratis, meque non prævalere amplius, neque prodesse vobis cernitis, vestro consilio, vestroque iudicio constituatur dux vobis, qui præsit studiose et prosit, ut usquemodo ego vobis. Est namque mihi filius Francigeno nobilissimæ generositatis semine exortus, quem Botho

A princeps militiæ nostræ ut filium educavit, moribusque et studiis belli sufficienter instruxit. Illum, precor, eligite ducem vobis et protectorem, patricium et comitem. Subveniat vobis sagaciter in consiliis, prositque vobis constantiter in præliis. Ab adversariis vos hostiliter protegat, pacemque inter vos continuam legaliter faciat. Monasticis rebus, ut dictum est mihi, vult se mancipari, theoretisque mutato habitu subnecti. » Tunc comites hujus responsionis affamine hilares, responderunt dicentes : « Ille nobis erit dux hæreditarius et opportunus, ejusque dignanter obtemperabimus præcepto, gentisque Franciscæ regnum faciemus ei acclivium. » Dux autem suorum militum verbis faventium suis voluntatibus hilaris, præcepit Bothoni militiæ principi, ut adduceret spem populi, scilicet Guillelmum adolescentem sibi. Botho vero ad patrem celeriter Guillelmum adduxit, accersitis principibus totius regni. Tunc charissimum pignus excepit amabiliter benignus pater, utque fas erat amplexus est dulciter, præsentitque spirituali mente annos pueritiæ illum non mediocriter transcendere.

Gaudebant ambo, Guillelmus honore paterno,
 Et pater insignis Guillelmi ex actibus almis.

Cernuus hic senio probitatis prole gaudebat,
 Et soboles luculenta ætatis patre vetustæ.

Hic cito scansurus cœlum de teste futuro.

Hic renaturus mundo genitore beato.

Amplexusque sacros a plexibus hi replicantes,
 Oris melliflui libabant oscula semper.

C Gratantes pariter genitor sobolesque resedit.

Tunc Rollo, principibus convocatis secretus, dixit postulativis verbis omnibus : « Ecce quem requiritis, ecce hæres nostræ possessionis, ecce qui præerit vobis. Isti, vobis faventibus, trado regnum, labore certaminum, sudoreque præliorum adeptum. Iste vice mei dominabitur hujus gentis, hæresque erit prædignus nostræ dominationis. Istius virtutem imitamini, quantusque erit præsentis spiritu intuemini. Legibus et statutis nostris constantiter auxiliabitur, jusque et decretum nostrum, hoc superstite, non delebitur ; vos quoque terra, quam sorte dedi vobis non frustrabit, insuper augendo ampliabit, Quapropter manus vestras gratia servandæ fidelitatis manibus hujus date, nostræque fidei sacramento fidem continui insolubilisque servitii, et militationis isti, precor, facite. » His dictis Berengerus comes, et Alannus pariter, cæterique Britones, nec non Northmannorum principes, subdidierunt se volentes Guillelmo unanimes, juramento sacre fidei illi se colligaverunt, manusque suas manibus illius vice cordis dederunt. Voveruntque se militaturos, contraque finitimas gentes debellaturos. Ab hinc namque peracto unius Iustri spatio, Rollone defuncto, et in cœlesti solio feliciter, ut credimus, coronato, Northmanni pariter et Britanni in unum convenerunt, tenoremque fidei Guillelmo præcellentissimo duci et patrio, firmamento suæ fidei iterum sanxerunt. Adeptus siquidem culmen tanti honoris, et digni-

tatis, constipatus dignissime comitibus militibusque condignis, vovit Christo se regnum auxiliatum, nullique unquam facturum præjudicium ullum. Erat namque ditatus honoribus sanctimonie et magnificentiæ, illustratus commerciis prudentiæ et castelæ, sancti Spiritus clementia præeunte. Terrena hujus sæculi animo parvipendebat, sicuti in pueritia devoverat. Legibus paternis populum strenue regebat, hisque reos suppliciiis clamnabat. Vitæ innocentis regulam sedulus tenebat, ecclesiasticæ dispensationis gubernacula laicali ordine sagaciter administrabat. Animi corporisque virtute omnibus præcellebat, rerum forensium prudentia omnes exsuperabat. Bonæ voluntatis exemplo omnes informabat, doctrina patientiæ et religionis omnes cogebat. Constans defensor erat in adversis, conciliator sagacissimus in prosperis. Veritas et gloria in domo ejus, æquitas et justitia in operibus ejus. Sermone veritatis arguebat delinquentes, correptione severissima increpabat desides. Cum autem talibus supernæ dispensationis muneribus abundantius polleret, bonæque actionis suæ fama pene per universum orbem largissime propalata crebresceret, tenorem fidei quam promiserant penitus abducantes, cepērunt contra Guillelmum ducem esse rebelles. Hujus namque inæstimatæ opinionis veritas cum ad notitiam ipsius præpotentissimi ducis pervenisset, misit legatos suos ad Britones, ut respicerent celeriter, et venirent famulari sibi Rothomo festinanter. Illi autem in infidelitatis suæ perseverantia stultitius commorantes, legatos remiserunt ad ducem Guillelmum, dicentes : « Non militabimus tibi ultra nec famulabimus, quia sub imperio Francicæ dominationis semper viximus. Rollo vero tuus genitor, conglobatis barbarorum advenarumque turmis Franciam olim invasit, et terram, quam modo possides, ut pacificus regno esset, tibi regis dono acquisivit. Terra vero, quam tenemus, non ei data fuit in hæradum suorum possessionem, sed attributa tandiu ut ex ea viveret, donec reedificaretur terra, quam dono regis receperat vastatam. Nihil nobis et tibi, nisi amicitia et concordia, paribus voluntatibus æqualique consilio deliberato. Regem usquemodo habuimus, duce et protectore non caruimus. Nullius terræ nisi Franciæ incubuit Britannia servitio, nec subjugavit se cujusquam imperio.» Audiens autem Guillelmus dux Dacorum hujus Britannicæ legationis mandatum, convocat principes Northmannorum istius rei causa ad consulendum. Quibus coadunatis, seriem istius mirandæ legationis in auribus eorum retulit. Tunc quidam Bernardus secretorum Guillelmi ducis conficius, Bothoque princeps domus, admirati super his legationibus, dixerunt omnibus : « Mirum, et inauditum, atque nobis stupendum hujus mandati responsum. Cum patre tuo olim Rollone Dacia exterminati, finesque Anglorum permeso maris pelago vix aggressi, ipsos in nos insurgere volentes resistendo hostiliter deviximus, eosque usque ad interneconem severiter prostr-

vimus. His rege Alstemo pacifice sedatis, nobisque vi ventorum terram Walgrorum ingressis, ipsi conglobatoque exercitu voluerunt resistere nobis. Quos opportune invasimus, eosque nobis præliis subjugavimus, totamque prætermunitiones urbium depopulavimus. Denique Radebodum Frisonem, hincque Rainerum Hasbacensem penetravimus; illos nobis tributarios fecimus. His ita se habentibus, Franciam venimus, eamque bellis præoccupavimus. Nobis vero morantibus in obsidione circa Parisios, propter amorem regis Alstemi Anglos iterum repedavimus, injurios infidelesque ejus vi et potestate subjecimus. Anglis vero nostræ ditio- nis arbitrio regi Alstemo subacti, cum majore priore exercitu Franciam repedavimus bellisque eam plurimis contrivimus. Videns autem rex Carolus, quod non prævaleret adversum nos, pacem et concordiam a nobis requisivit, filiamque suam Rolloni tuo patri in conjugio dedit. Hancque terram pro pignore pacis in perpetuam hæradum nostrorum possessionem nobis voluntarie tradidit, Britonesque ad serviendum, terramque ipsorum ad vivendum subjugavit. Patre tuo tibi superstiti, tibi sacramento veræ fidei et servitio se subdiderunt. Post lugubre damnatum patris, fidem renovantes tibi usque modo servierunt. Nunc et nos quid facimus contra deservientes rebellesque Britannos, qui tanta et talia prælia peregimus? effeminatos viribusque exhaustos nos esse recognoscunt, ideo talia remandare ausi sunt. Alimonia hujus terræ, qua vegetamur corpore, putant nos inermes esse, viribusque penitus deficere. Sentiant robur nostrum hujus regni conversatione non tabidum, vigoremque nostrum experiantur robustissimum. Comprehendantur in consiliis, quibus cogitant, superque responsis suis, ad interitum et ad correptionem sui nequidquam respiscant. Disperdamus arrogantiam illorum in virtute nostra, eorumque supercilium conteramus potentia nostra.»

APOSTROPHA.

O Jesu testis Christi Guillelme future,
Ecce valesce, vigesce, sacro conanime sudans.
Expergescitor et confortator violenter,
Et sterile ratione truces compesce Britones,
Atque supercilium feriter contunde nefandum.
Quorum concilium effatuans, hebetaque malignum.
Nam laceros bellis, contritos peste, fameque,
Indulgens, miserens, parcens, neglecta remittens.
Hos stabili sacramenti conamine flectes,
Et respiscentes famulabuntur reverenter.

Hujus exhortationis alloquio Guillelmus atrociter motus et instigatus, congregavit universi regni sui concite exercitus, ivitque super fluvium Coysnon, Britonum dominaturus. Hujus igitur adventu Britones exterriti, nolentesque Guillelmo famulari, la- tuerunt præsidii urbium recepti. Tunc Guillelmus occupavit exercitu suo omnem terram Britannorum et subvertit plurima loca munitionum. Guillelmo vero a Britannia regresso Rothomagensem urbem, Britones subsecuti et devastantes pagum invase-

runt bajocacensem. Igitur Guillelmus, revocato A cuncto exercitu, præoccupavit regressum illorum, pugnavitque fortiter contra illos, cæcisque plurimis principibus Britannorum, obtinuit de inimicis triumphum. Hincque devastavit terram illorum, affligens illos fame et penuria, et opprimens cæde præmaxima. Videntes autem Berengerus et Alanus, cæterique Britones, quod non sufficerent, nec prævalerent adversus Guillelmum, miserunt ad eum verbis deprecativis legatum : « Patri tuo obediente, servivimus, tibi que incumbentes famulari cupimus. Ne despicias nos quæsumus, neque abomineris servitium nostrum ullatenus, sed respice nos, ut servos offensos pius Dominus. Pravorum consilii obcæcati, negleximus mandata imperii tui. Avertatur furor tuus a servis tuis, et concede nobis omnimodam felicitatem pacis. Inclina benignam aurem tuæ magnificæ pietatis ad nequam servos scandali et offensionis. Quod enim sacramento Christianæ religionis tibi promisimus, male operando hactenus contra te mentiti sumus. Pœnitet nos contra te errasse, tuumque servitium deseruisse.» Hujus namque neglectæ militationis et obedientiæ, denominatæque humilitatis legatione Guillelmus dux præpetens usus, consultis Dacorum principibus super his rebus, Berengerum ducem Britannorum offensionis, neglectique servitii, atque impetrandæ misericordiæ pondere onustum gratuita pietate recepit, cumque sacramento perseverandæ fidelitatis et servitii sibi connexuit. Alannum vero, qui hujus rixæ et jurgii auctor et incensor fuit, aspernatus est et abdicavit, eumque Britannica regione cum suis extrudit. Ipse vero in Britannia, nec in tota Francia usquam morari ob metum Guillelmi ducis nequivit; sed profugus expetivit auxilium Alsteni Anglorum regis. Tunc Guillelmus utriusque regni populum strenue rexit, potentiaque et virtute vigere affluenter cœpit. Populabatur namque fama bonitatis per climata mundi, promulgabatur profusius abstinencia castitatis, nec incumbabat illecebris gignendæ posteritatis. Cogentibus igitur comitibus suis, non urgente sexu humanæ fragilitatis, sed ne deficeret, neque abesset hæres tantæ progeniei, tantique honoris et ducaminis, connexuit se geniali jure conservandæ successionis, cuidam nobilissimæ virgini elegantissimæ formæ, consilio profusius providæ, forensium rerum negotiis affluentius cautissimæ, conversatione aptius congruentissimæ, colloquio prudenter facundissimæ, muliebri exercitio compta et artificialiter peritissimæ.

APOSTROPHA.

Innocuis flagrans rebus, martyr Clionee,
Præsagio vernans luculento mercis opimæ,
Divinæ fulgens augmento prosperitatis,
Doxæ resplendens compta probitate futuræ,
Diffusæque luens bonitatis luce perenne.
Quin meritis digne luculentior omnibus, atque
Ne paucas trepidans, formidans et verearis.
Jus liciti quo tu pepigisti fœdera lecti.

Namque voluptatis hujus commixtio sacræ,
Nec intacta fides, labem non passa pudoris,
Neque libido sacri meritum cordis temeravit.
Semine namque tuo succedet dux luculentus
Munere virtutum mactus, meritisque coruscus.
More patris populum forti ditione subactum.
Qui reget imperitans, extollet rite gubernans,
Nisibus et faciens totis incumbere Christo,
Multifluam gentem justis moderabit habenis.
Subque manu cujus pax, pax, concordia, pax,
[pax.]

His supra scriptis, et hujuscemodi talibus rutilans athleta Christi beatissimum proplabatur præeunte bonitatis fama, in cunctis terrarum finibus; locupletabatur sufficienter labilium rerum copia, ditabatur profusius divinæ augmentationis gratia. Amabilis quippe erat cunctis terrigenis, amabilior quinetiam Deo et cœlicolis. Hugonis igitur eo tempore ducis amicitia mutua voluntate et competentia connexuit se non permansuro fœdere. Dehinc atque Heriberto satrapæ conjunctus est pacto labilis amicitia. Videns autem quidam Riulfus perfidiæ nequitia atrociter repletus Guillelmum ducem, scilicet dominum suum amicorum præsidio confortari valde et convalescere, convocatis plurimis principum Northmannorum, fraudulenta retulit voce : « Noster senior Guillelmus nobilissimo Franciscæ stirpis semine genitus, Francigenas amicos acquirit sibi, nostro consilio privatus, nostræque afflictionis animositate investigatus. Nos vero conatur regno penitus extrudere, remanentiumque colla jugo servitutis duriter opprimere. Terram autem quam possidemus parentibus suis in hæredum suorum possessionem dabit, eosque muneribus nostris affluenter ditabit. Contra igitur illius modiminis cogitatum, quæramus sagaciter salubre nobis consilium, faciamusque inter nos fœderis sempiterni pactum, et teneamus illud tenacis voluntatis anchora inconvulsum. Subveniat quisque nostrum, si quem ex nostris viderit oppressum, protegatque eum jugi juvamine ut semetipsum. Quin etiam si omnes nos una voluerit perdere, ejus hostiliter resistamus audaciæ. Quod molitur subdolos vafra calliditate incessanter nobis facere, faciamus ei citius quam poterimus insperare. Mittamus ad eum quemdam internuntium, ut si voluerit nos promptos habere sibi ad servendum, largiatur nobis terram usque ad flumen Rialum. Nos frequentia militum, si dederit, ditabimur. Ille frustratus milite annullabitur, nec ultra viris indignationis suæ in nos extendere conabitur. Hincque potentiores eo erimus fortuna et virtute, ille tantum nobis nomine.» Hujus fraudis reperto consilio, miserunt ad Guillelmum, qui dicerent nefanda adinventionum. Adstante ante Guillelmum internuntio, expletoque legationis officio, ipse obstupuit super mirandæ præsumptionis verbo. Accersitis igitur principibus suis, consulturus super talibus mandatis, remisit ad Riulfum verbis pacificis legatum subsequencia dicturum :

« Terram quam a me requiris non possum largiri A vobis, omnem tantum supellectilem quam possideo concedam libenter vobis : videlicet armillas, et balteos, loricas, et galeas, atque cambitores, equos, secures, ensesque præcipuos auro mirabiliter ornatos. Gratia mea continua, militiæque palma in domo mea fruamini, si incumbentes meo servitio voluntarie fueritis. Consilium meæ ditionis mittam in ore vestro, et quidquid volueritis vestro jussu explebo. Quem opprimere volueritis, opprimam acriter ; quemque abjicere, penitus abjiciam. Quæ præceperitis exaltare, potenter exaltabo ; quemque humiliari, atrociter humiliabo. Vestro consilio hæc patria regetur et dominabitur ; et ideo vestra potestas in omni excellatur. Meum vivere, meumque sapere, sit abhinc in vestra potestate. » Cumque nuntius hujus humilitatis pervenisset ad Riulfum totius præsumptionis, narrassetque ei legationem tantæ humilitatis et mansuetudinis ; illectus arrogantia suæ temeritatis, parvipendensque mandata humillimæ deprecationis Guillelmi ducis, convocatis principibus sequacibus suæ præsumptivæ voluntatis, retulit quæ audierat perorante legato, ore fraudulentæ calliditatis. Tunc veneno perfidiæ suffusus, menteque contumaci turgibus, temerario ore garrir hæc in principum auribus : « Verbo tantæ humilitatis, quam audistis, præsentat nos acquiescere et soporari ; sicque prolixitate tantæ dilatationis Francigenam parentelam suæ generositatis conjuratis principibus et ascitis, super nos nititur coadunari. Animadvertamus igitur, ne decipiamur, neve Franciscis gentibus conteramur. Non nos proterat calliditate suæ argumentationis diutius, verum occurramus ei conglobato ad Rothomagensem urbem exercitu citius, ut ipse et consiliarii ejus Rothomogradantur. Hincque majori spe fiduciaque tuebimur, securique seditionum sine respectu erimus. »

APOSTROPHA AD RIULFUM.

Viribus, ah ! nocuis, meditatibus atque nefandis
Perfidie invidiæque lues quem fœdat acerba ?
Crimine jam vitii crassante, Riulfe superbe,
Cur non baccharis frustra, cur perfide sævis ?
Infectus vitis, mentis curru falerato,
Viribus exhaustum cur te jaclas bonitatis ?
Cur timido fastu nimium pompante superbis ?
Curque voluntati Domini super astra manentis
Sistere conaris vacuo conamine sudans ?
Dic sodes, inimice Dei, quorsum properabis ?
Quorsum castra feres, gressum quorsumque citabis ?
Agmen seductum, vafroque sophismate totum
Ire mones quorsum furis bacchatus acerbis ?
Casus innumeros ast infortunia passus,
Judicioque Dei percussus pestifer ingens,
Vereor exitii fluidi, præcepsque Carybdim
Incessu acceleras tumido gressus ruituros.
Nam proprium elatis sese prætollere valde,
Hincque repentino casu nimium cruciari.
Ardua frons teriturque supercilio vacuato,
Ast humilis nitidam gestat redimita coronam.

Hujus pestiferæ exhortationis verbo exercitu conglobato, transmeantes clam Sequanæ alveum, juxta Rothomagensem urbem in quodam prato castra metati sunt. Tunc Guillelmus repentinum perversæ multitudinis metuens impetum, misit ad eos humillimis verbis legatum quæ modo audietis dicturum : « Noster senior Guillelmus, juvenalis ætatis flore nitidus, vult vobis esse per omnia pacificus et benevolus. Mandat vero vobis ut honorem totius patriæ secum communicetis, suoque in consilio primi, et præmaximi, cunctis præcellatis. Terram autem, quam dari vobis petitis, non solum usque ad Riflum, verum etiam usque ad Sequanam libenter concedet vobis. Confidit enim se tueri vestro adjutorio : vos autem non diffidatis foveri munirique vobis patrocinio. Quidquid concupiscitis habeatis, quidquid rerum vultis incunctanter possideatis. Ut ad eum humiliter precatur pacifice veniatis, ejusque amicabilem colloquio ruentes, secum habitetis. » Tunc Riulfus inceptor hujus mali nequissimus, fraudisque diabolicæ furiis bacchatus, inquit legato præ omnibus : « Revertere celerius, dic Guillelmo et suis omnibus, ut exeat a mœnibus civitatis hujus, petatque Francos suos parentes citius. Non enim erit hæres ultra terræ hujus, nec nostri amplius dominabitur ; quia nobis est incongruus et obnoxius. Terra vero, quam repromittit nobis, dono ejus non dabitur, quia dari non potest quod non habetur. Si vero civitatem non deserere maluerit, nos semper eam invademus, eaque capta, Guillelmum et suos gladio conteremus. » Cumque internuntius quæ audisset Guillelmo duci festinanter retulisset, novitate rei stupens dirigit, convocatis principibus, exercituque coadunato, urbe exiit, montisque procliva civitati imminentioris subiit : cupiens exercitum inimicorum suorum intueri, si forte dimicare posset cum illis. Videns autem exercitum inimicorum suorum majorem suo, et copiosorem, dixit ad Bernardum Dacigenam militem : « Ibo ad Bernardum Silvanectensem meum avunculum, moraborque tandiu apud illum, donec præstet nobis aliquod auxilium. Ejus consilio et adjutorio hanc revocabo terram, omnesque hos exercitus Franco- rum hostiliter conteram. Delebo hos, horumque cogitationem penitus a facie terræ, et non remanebit harum progenierum ullus in toto orbe. » Tunc Dacigena Bernardus respondisse fertur : « Tecum usque ad Eptæ fluviolum properabimus verum Franciam non penetrabimus ; quia quondam cum patre tuo eam sæpe bellis repetivimus, multosque incepto prælio prostravimus. Quin etiam superstitem adhuc avos et avunculos, patres et patruos, materteras et amittas, consobrinos et consanguineos, aut interemimus, aut captivavimus. Et quomodo quiverimus tantorum inimicorum faciem subsistere ? Aliena mavis quadra vilis, nulliusque utilitatis vivere, quam regnum regere et protegere ? Ego et consortes mei te non sequemur, neque quo vis proficissemur. Navigio erga Daciam nostræ civitatis terram repetemus, quia duce et advocalo

caremus. Non vales nobis ultra viribus effeminatus præesse, quia mortem metuis his hostibus imminere. » His asperrimis sermocinationibus Guillelmus instigatus, dixit Bernardo Dacigenæ coram cæteris principibus : « Duris et obscænis verbis me turpiter lacessisti, cum me effeminatum, armisque frigidum, quin etiam nihilum vocasti. Ecce præibo signifer festinanter ad prælium, et conterram constanter exercitum inimicorum. Devorabit gladius meus carnes perjurorum, dirumpamque et dissipabo castra eorum. Non diutius segnes et timidi moramini, verum me festinanter sequimini, et invadamus eos ut agnos lupi. » Cernens autem Bernardus animositatem, constantiamque virilem Guillelmi ducis, dixit ad eum verbis humillimis : « Domine dux præpotentissime, noli irasci nostra allocutione, quia consequens est et utile quod nobis jubes facere. Tantum experiamur quis tecum ibit ad prælium, quique subvenient tibi in auxilium. » Reperti sunt Bernardo inquirente trecenti viri, parati cum Guillelmo præliari et mori. Qui unanimes ante illum venerunt, iudiciumque fœderis, fideique, et adiutorium more Dacorum facientes, tela mutue voluntatis pacto una concusserunt. Cætera vero gens armis frigida recessit ad præsidium urbis celeri fuga.

APOSTROPHA.

Moribus et meritis celebris, Guillelme patrici, Jurgia, dicta, minas, lites, divortia, rixas, Bella, supercilium, fraudesque, duellia, telum. Hujus perfidiæ populi spurcamine pleni. Ne timeas trepidans, formides ne verecundans. Namque in te ferit ad dire gens hæc sine causa, Torva, ferox, ventosa, procax, incauta, rebellis, Inconstans, disparque sibi novitatis amore : Prodigia verborum, verum non prodiga facti, Prava, superba, maligna, nefaria, flagitiosa. Letifera, et rea, pestifera, et scelerata, profana, Toxicæ viperei diffundens plurima viri, Tranquillæ pacis stabilem pertæsa tenorem, Jeroboal Gedeum contrivit concutiendo, Divino monitus jessu, nutuque superno, Ter quater armigeris præclaris quinque viginti Judicis ætherii jussu sumendo probatis. Haud secus auxiliante Deo annullabitur istis Digne promeritis te tripudiante trecentis.

Tunc Guillelmus cum trecentis ferro indutus, irruit repente super inimica castra temerariæ multitudinis, conterens eos, et dilacerans mucronibus et lanceis. Dirupit tentoria principum, incenditque magalia militum suorum. Prostrernit quos gladio reperit, obstantesque sibi Orco transmisit. Obtinente igitur Guillelmo de inimicis triumphum, Riulfus fugiendo evanuit. Quem sequens pars exercitus comprehendere nequivit, quia densitate silvæ occuluit. Plurimos autem illorum absorbit Sequana, multosque laceratos contigit et silva. Tunc Guillelmus lustrans campum cadaverum, et non inveniens mortuum ullum suorum, glorificavit eum suis Deum, qui subvenit sperantibus in se in adiutorium. Locus autem,

A in quo bellum mirabile fuit, dicitur usque in præsentem diem ad Pratum-Belli. Revertenti igitur Guillelmo de prælio, occurrit ei miles quidam ex fiscanno, nuntians quod esset ei filius ex conjugē dilectissima natus. Lætior itaque peracto prælio, lætissimusque filio, misit Heiricum Bajocacensis ecclesiæ episcopum, omnium quippe præsulum sanctissimum, et Bothonem cunctorum militum præcellentissimum, sacri baptismatis rore oleo, et chrismate renasci, et innovari filium.

APOSTROPHA.

Hæres ecce tibi dignus, Guillelme patrici,
Qui strenuus populum justis moderabit habenis.
Sanguinis ut dabitur merces tibi digna corona.
B Occasus nomen digne laudabile cuius
Agnoscet, probitate promulgata, et Eous,
Et par sis pariter meritis septentrio, et auster.

Tunc Guillelmus tantorum cæde atque ruina sublimiter exaltatus obtinuit utrumque regnum Britannorum Nortmannorumque bellorum securus, nec ausus est contra eum litigare ullus. Franciscæ gentis principes, Burgundionumque comites famulabantur ei. Dacigenæ et Flandrenses, Anglique, et Hibernenses parebant ei. Cæteræque gentes in affinitate regni sui commorantes obediebant ejus imperio unanimes. Tempore namque prædignæ venationis, quo servi petulanti luxu urgente congregiuntur, cervis geniali jure fœtos concepturis ; scenas spatiosæ amplitudinis in loco qui dicitur Leons mandavit sibi præparari. C Heribertus hoc audito comes, Hugoque totius regni dux et princeps, necnon Guillelmus Pictavensis comes, venerunt illuc ad eum festinanter. Quos Guillelmus, adventui illorum congratulans, cum magno apparatu reverenter suscepit, secumque diuturno delectabilis venationis tempore morari, luxuque regali epulari splendide fecit. Quadam namque die Guillelmus Pictavensis dixit Guillelmo Rothomagensi : « Domine dux, scisne quare huc venerimus ? » Respondit, « ignoro. » Et ille : « Nolentes mittere legatos tibi tam digno comiti, ipse legationis negotio fungi malui. Et ut des sororem tuam uxorem mihi, veni ; utque connectamur invicem fœdere insolubilis amicitie et dilectionis. » Tunc Rothomagensis Guillelmus respondisse ludendo fertur : « Pictavenses semper sunt timidi frigidique armis, et avari. Non decet talem puellam ab eis haberi. » Guillelmo Pictavensi verbo exasperationis in uno obtutu hærenti, intulit Guillelmus Rothomagensis : « Crastina die, ne turberis, reddam tibi utriusque rei responsum, consultu meorum fidelium. » Sequenti namque die consilio Hugonis Magni, et Heriberti concitum, suorumque fidelium, dedit sororem suam Guillelmo duci Pictavensi. Quam vero nuptialium rerum copia honorifice redimitam, equisque femineis phaleris onustis, auro electroque artificialiter præbalteatis subvectam, cum nimia innumerabilium utriusque sexus mancipiorum frequentia, multisque scriniis, sericis vestibus auro intextis repletis et oneratis, consti-

patam deduxit reverenter ad Pictavensem aulam. Videns autem Heribertus Guillelmum Rothomagensis confortari et convalescere, animique virtute et corporis, operibusque præmaximis sufficienter in Christo enitere, consilio Hugonis Magni ducis dedit filiam suam illi. Quam Guillelmus cum mirabilibus fescennis, apparatus, inauditisque indicibilis honoris et dignitatis ornatibus comptius suffultus, inestimabiliumque equitum multitudine undique secus constipatus, conduxit magnifice Rothomagensis urbis arcibus. Refulgebat in eo sanctitas et prudentia, prænitebat incessanter æquitas et justitia. Opprimebat superbos et malevolos severiter, exaltabat humiles et benevolos reverenter. Paganos et incredulos muneribus et verbis adducebat ad cultum veræ fidei, credentes urgebat ad laudem Christi. Non solum monarchiam quam tenebat regebat, verum etiam affinia regna strenuo consilio moderabat. Angli parebant ejus mandatis, Franci et Burgundiones ejus dictis. Ubi cumque terrarum nomen ejus audiebatur, ab omnibus magnificabiliter laudabatur. Audiens autem Alstemus rex Anglorum pacificus quod præcelebat Guillelmum virtute et potentia Franciscæ nationis omnibus, misit ad eum legatos suos cum donis præmaximis et muneribus, deprecans ut Ludovicum nepotem suum, Caroli capti regis morte jam in captione præoccupati filium, revocaret ad Franciæ regnum, illudque statueret illi, cum consilio Francorum sublimando in perpetuum, atque misericordia motus pro amore sui reciperet Alannum Britannicæ offensionis culpa ejectum, sui- que amoris gratia privatum. Illico consulto Guillelmi ducis Northmannorum, Hugo magnus dux præpotentissimus Francorum atque Heribertus satrapa principum ascitis episcopis cum consilio metropolitanorum revocaverunt festinanter Ludovicum, eumque unxerunt sibi regem populorum Francia Burgundiaque morantium. Alannum vero cum Ludovico regressum, Guillelmus pro amore regis Alstemi recepit, et quidquid Britannicæ regionis possidebat reddidit. Ipseque Alannus postea Guillelmi mandatis indesinenter inhaesit. Transacto vero post unctionem regis unius lustris spatio, coeperunt Franci contra eum litigare, multisque modis eum opprimere, quin etiam conati sunt a regno extrudere. Videns autem rex se destitui, et pro nihilo a Francigenis duci, misit legatos ad Henricum regem Transrhenanum, requirens ejus adjutorium, insuper et amicitia colligare illum sibi in perpetuum. Quibus responsum est non se foederari cum rege Francorum, nisi per Guillelmum ducem Northmannorum. His igitur renuntiatis, rex Ludovicus multarum tribulationum contumeliis attritus, plurimarumque inopportunitatum calamitatibus afflictus, venit ad Balonis montem contra Guillelmum ducem Northmannorum, deprecans ut se adjuvaret et defenderet contra Francos sibi rebollantes, amicitiamque Henrici regis Transrhenani et adjutorium sibi acquireret. Tunc Guillelmus, afflictione regis pietate motus, conduxit eum Rothomagensis,

urbis sedibus, illicque eum honorifice multoties detinuit cum suis omnibus. Morabatur autem rex in domo Guillelmi ducis ut demigena et vernula ejusque præstolabatur supplex suffragia.

APOSTROPHA.

Marchio jure potens meritis digneque refulgens,
 Ultro natio quæque tibi modo subdita cedit,
 Diligit incumbens, servit, famulatur, inhæret.
 Quin prece rex humili supplex pronusque requirit
 Suffragia semet virtute tuaque tueri.
 Pontificesque, duces, comites, proceres reverentur,
 Et clerus, vulgusque simul secus utriusque,
 Ut gerulam pacis, præcursoremque salutis,
 Armis et prece te sibi poscunt auxiliari.

Confestim Guillelmus quemdam Tetgerum, tyronem domus suæ principem misit ad Henricum Transrhenanum regem, ut quod Ludovicus rex ab eo requirebat, per manum suam facere non differret. Erant enim Henricus rex, duxque Guillelmus, indissolubilis amicitie pacto conjuncti, competentisque mutæ voluntatis ad invicem olim fœderati. Henricus vero rex Tetgerum honorifice recepit, et diuturni temporis spatio secum morari fecit. Postea vero muneribus variis et donis diversis ditatum, remisit illum ad ducem Guillelmum et cum eo Cononem ducem, secretorum suorum conscium. Quem Guillelmus cum mirifico inestimabilis reverentiæ cultu suscepit, cujusque rei causa tantæ dignitatis tantique honoris dux ad se veniret, interrogavit. Cui Cono: « Misisti enim ad Henricum nostrum regem, tuæ facultatis prosperitate hilarem, ut ipse et Ludovicus rex Franciæ vicissim per consilium prudentiæ tuæ fœderarentur, et quem horum necessitas urgeret, alterius solatio muniretur. Decernens autem rex hoc consilium sibi et suis salutiferum, et per manum tuam insuper stabile et firmum, misit me tibi, ut conducas regem ad placitum, præcepitque me morari pro obside quo mavis positum, donec revertaris reducasque regem ab omni adversitate securum. » Audiens autem Guillelmus mirandæ atque inestimandæ legationis mandatum, misit ad regem Ludovicum, et reddidit talis legationis negotio jucundum. Statutæ profectionis die congregata innumerabilium multitudine legionum, dixit Guillelmus ad Cononem ducem Saxonum, volens experiri si quid corde ejus lateret obscurum: « Præpara te itineri, et instrue te celeriter ocreis, quia mittam te urbi Bajocacensi, donec ut dixisti revertamur illesi. Tunc Cono: Mitte me quo vis, etiam Dacis tuæ ditioni subditis. » Et Guillelmus: « Mecum ad placitum ibis, quia non sum diffidens tui. » Et Cono: « Si Bajocasensem civitatem perrexero, tuus fidelis incunctanter existo. Sin vero, quod non credo, tecum profectus fuero, tuus armiger fidus custosque vitæ tuæ constans contra hostium insidias permansero. »

His dictis, occurrunt unanimes cum exercitu magno Ludovico regi. Laudunensi pago cum Hugone Magno duce et Heriberto comite eos expectanti. Videntes Hugo dux comesque Heribertus tam immen-

se multitudinis legiones Britonum Northmannorumque militibus præcellentes, stupuerunt ad invicem dicentes: « Quid nostri exercitui et huic? Si forte inter nos et illos jurgium venerit, devorabunt nos ut agnos lupi. » Ab hinc Hugo Magnus et Heribertus comes jusserunt seorsum equitare, atque interdixerunt exercitui Guillelmi nullum suorum commiscere. Erat vero cum innumerabilium frequentia exercituum rex Henricus in loco super Mosam qui dicitur Veusegus (*Vouziers ad Axonam*). Appropinquante vero rege Luthdovico ad prædictum placiti locum, antecessit Guillelmus cum quingentis militibus, suo monitu præcedente Conone duce et prænuntiante regi his verbis adventum ejus: « Marchio duxque Northmannorum et Britonum Guillelmus fideles tibi in Christo famulatus. Nolens me retinere pro obside, sacrosanctæ fidei tuæ tenore venit ad te, cupitque quid agendum sit inter te et regem Ludovicum inquirere. » Tunc rex Henricus: « Cujus potestatis cujusve dignitatis vel honoris atque bonitatis est iste Guillelmus, qui mihi gratia amicitiae est connexus? » Respondit: « Magnæ patientiæ et justitiæ, magnæque potestatis et sufficientiæ, magnique et inauditi honoris et prudentiæ. Nullusque rex, nisi tu, nullusque dux comesve tam magnificus ut Guillelmus. Principum tyronumque frequentia sedula constipatus, auris vasis poculisque splendide epulatur, vernerumque nobilium atque servorum multimoda exaggeratione circumseptus, exercet jura decretaque hortodorum Patrum sedulus. Nemo justior in factis, nemo sanctior in dictis, nemo potentior in armis. Nullus audet alii in regno suo præjudicium facere, nullus furtum et sacrilegium perpetrare. Vivunt incolæ terræ illius legibus afflicti concordēs, decretisque sanctorum Patrum coerciti morantur unanimes. » Cumque æternis sermocinationibus vicissim loquerentur, advenit Guillelmus cum quingentis militibus. Cono dux ut audivit adventum ejus, citius exsiliit, enseque ejus fideliter, recepit, et ad Henricum regem reverenter conduxit. Henricus autem rex citius surrexit, et contra Guillelmum ducem obvius perrexit, osculoque dato uterque resedit. Tunc Guillelmus: « Internæ dilectionis et amoris rex Luthdovicus tibi fideliter munus. Misisti Cononem ducem ad me, ut venirem ad te, quasi pro pignore et obside. Sed non tui diffidens, cum eo ego ecce. Dixisti non te amicitiae et adjutorii copula vinculoque Luthdovico regi conjungi, nisi interesse factor hujus negotii. Remanda regi quid hac re præscitum est tibi. » Tunc rex Henricus: « Rex Luthdovicus te duce veniat crastina die, tuoque strenuo interventu perficientur omnia, quæcumque sunt præoptata, nostris et vestris fidelibus salubriter decreta. »

Interim Lotharienses et Saxones cœperunt invective et ironice alloqui Cononem, dicentes: « Quam miræ sufficientiæ et potestatis et dux Northmannicæ Britonicæque regionis, qui huc advenit auro comptus et ornatus cum militibus quingentis! » Guillelmus

A vero per Daciscam linguam, quæ dicebant subsannantes, intelligendo subaudit, parumperque commotus ira discedit, et quæcumque rege narrante audivit, regi exposuit. Crastina vero die regis Ludovici, pergentis ad placitum cum incredibili et innumerabili exercitu, Guillelmus præoccupavit adventum. Willelmidæ vero præcedentes hostia domus, qua rex Henricus residebat, cœperunt frangere parietes, disrumpere et divellere, atque intus vi et potestate residere. Rex vero Henricus illorum metuens impetum, divertit se profugus ad aliam domum, dixitque ad Cononem conscium secretorum suorum: « Hoc, ut reor, placitum non nobis efficax neque congruum, verum vertetur nobis ad corruptionem et ad interitum, quin etiam ad deducum inauditum. Vade, dic Willelmo omnium ditissimo duci, ut fide, quam inter nos tenemus, stomachato resistat exercitui, ne amplius disrumpant parietes conterantque hostia tecti nostri; ne forte nascatur jurgium inter dispares variosque linguis habituque et armis. » Mox Cono prosiliens, obviavit duci Guillelmo venienti ad placitum, retulitque ei quæ sui præcedentes fecerunt. Tunc Guillelmus duci Cononi: « Ite et, ut meo jussu discedant, eis dicite. » Illi autem adveniens Cononis ducis, et precantis ut discederent, præceptum non solum respuerunt, verum etiam foris qui astabant, cæteras domus cum magno impetu et murmure dissipantes invaserunt. Quapropter Cono statim rapido velocique cursu iterum expetiit ducem Guillelmum, cum reliquis legionibus adpropinquantem ad placitum, dixitque: « Guillelme dux præpotentissime, noluerunt tui meo jussu domos dimittere, verum festinant cæteras disrumpere. Precor humotenus flexus, ne sinas talia fieri, ne forte nascatur cædes inaudita in plebe. » Tunc Guillelmus ense ex auri sex libris in capulo bratteolisque atque bullis artificialiter mirabiliterque sculptum, dedit Cononi, ut indicio exeundi deferret eum et ostenderet legioni domibus residenti domosque adhuc dissipanti. Cum autem Cono iterum festinans illis occurreret, enseque Willelmi ducis auro gemmisque præfulgidum illis demonstraret, continuo non adquiescunt, verum summisso vultu proclivi contra ense, domos dimiserunt, seseque nimium in exitu opprimentes, sine murmure ad suum ducem reverterunt.

Guillelmus autem veniens ad regem Henricum, dixit adesse regem Ludovicum. Mox rex Henricus, cogente Guillelmo, obviam ei incessit, datoque osculo, manibusque ad invicem complois, domum ingressi, uterque resedit. Multisque competentis variisque donis et muneribus vicissim ditati, inextricabili amicitiae solatiique et adjutorii vinculo per consilium præcellentissimi omnium ducum ducis Guillelmi ad invicem connexi sunt et fœderati; presente Hugone, sed non conjuratæ dilectionis factore, duce Francorum, et Heriberto nolente interesse principe satraparum. Regibus secretius colloquantibus, cœpit affari Dacisca lingua ducem Guillelmum Saxonum dux

Herimannus. Tunc dux Northmannorum duci A Saxonum Guillelmus : « Quis tibi Dasciscæ regionis linguam Saxonibus inexpertem docuit ? » Respondit : « Bellicosum egregiumque genus tuæ arripotentis progeniei me nolentem Dasciscam linguam docuit. » Guillelmus : « Quomodo nolentem ? » Herimannus : « Quia invadens sæpissime plurima castra mei ducaminis, innumerabilia prælia in me exercuit, meque prælio captum ad sua detraxit ; et ideo nolenter eam didici. » Interea dux Cono fatur Saxonibus subsannando : « Quid vobis videtur de duce Northmannorum Britannorumque Guillelmo ? Nonne miræ potestatis et facultatis innumerabilisque dux multitudinis ? Excepto rege nostro, quis potentior, quis ditior, quis melior illo ? » Responderunt Saxones : « Ignorabamus rerum sufficientiam illius, ideoque illum pridem falsæ opinionis verbo indigne vituperavimus. » Narrante Conone duce facta mirabilia sufficientiasque locupletes Guillelmi ducis, cœperunt Saxones cæterique astantes eum magnificare pariter sermonibus alternis.

His ita rationabiliter diffinitis et expletis, Ludovico regi, cum Guillelmo duce cæterisque principibus ad Laudunum revertenti, occurrit legatio dignæ exultationis, denuntians esse ei filium ex conjugè dilectissima nomine Gerberga natum. Quo audito hilarior effectus, dixit Guillelmo duci coram memoratis principibus : « Me usque modo multis contumeliis infectum nequiter, affluenter juvasti, mihi plurimis inopportunitatibus aggravato, convenienter succurristi. Quin etiam largissimo facultatum tuarum lapidus educando et a conventu malignantium protegendo fovisti. Idcirco precor, ut filium meum hesternæ die natum, nuncupando et testificando nomine Lhotarium, sacri baptismatis de fonte suscipias regeneratum, quatenus majoris copula dilectionis amplioris nexibus amoris colligati, quod meum est tuapte, quod tuum est meapte, mutuis competentis fruamur unius mentis. » Dux vero Guillelmus regiæ sibi congruenti favens petitioni, respondisse fertur regi : « Nunc vero, et quamdiu superstes fuero, quæ jusseris diligenter explebo. Franciæ regni, cæterorumque regnorum, quarum dominatus est pater tuus, avus et proavus, etiam attavus, me duce, me juvante, me in omnibus præeunte, dominaberis, et arrogantium colla subjiciemus in te rebellium, tibi que servire abdicantium, me astante, exarmaveris. Quos sublimare præoptaveris, extollam ; quos detrudere, terratenus proteram. Quin etiam quidquid velle tibi fuerit, a me scito fieri. » His ita ab utroque peroratis, ira corde, non vultu, commoti, stupuerunt principes super hoc Franciscæ gentis. Abhinc namque subdolo corde fraudulentaque intentione atque sophistica sermonicatione cœperunt Guillelmum, omnem pestiferum, nequiter tractare.

Guillelmus vero, rege exercituque suo Laudunensi pago relicto, Laudunum Clavatum, qui et Bibrax dicitur, petivit cito, antecedente episcoporum Franciscæ gentis choro. Quem omnis clerus

Laudunensis sedis omnisque populus cum ingenti apparatu monastico, cum episcopis præpollentibus reverenter suscepit, puerumque nuncupatum nomine Lhotarium, sacrosancto rore oleoque et crismate innovatum et purificatum, de fonte extraxit. Hincque illum muneribus præmaximis et donis præcellentissimi, ditatum, Lauduno cum matre Gerberga nomine reliquit. Ipse vero suis ad regem citius rediit, et quidquid honestatis eo acciderat, regi retulit. Rex autem Guillelmum pro omnibus beneficiis honorare decenter voluit, sed ipse nihil horum recepit ; verum cum gratiarum actione regi omnia remisit.

APOSTROPHA.

Dux, genus egregium præcellens norma tuorum, B Fœdere complacito reges stabilique ligatus, Tranquillamque satus pacem per compita mundi, Quin et adoptivam prolem susceptus ab alma, Extollensque salutiferi baptismatis unda. Gressus verte tuos, celeres torqueque caballos, Et glebæ remea citius natalis ad oras, Qua sacra pœpulus ditione tua moderatur Spectat præsidii jugiter solata digni. Omnis nam sine te rerum res forte vacillat.

His ita rite compositis, rege. . . . pariter osculatis, nimiaque congratulatione ad invicem amplexatis, rege Laudunum petente, Guillelmus ad regionem suæ ditionis cœpit celerius proficisci.

APOSTROPHA.

O Rothome, tuus tibi dux venit en recolendus, C Regnaque Gallorum justis moderatus habenis. Semina justitiæ Northmannis sparget abunde Callem et iudicii meritis vivacibus ibit, Donec martyrii redimitus munere digni, Scandet ad Elisium donatus stemmate campum, In summoque bono deitate merebitur uti. Armorum te nunc passim virtute tuetur. Tunc precibus dignis meritisque tuebitur almis.

Cum autem fama celer habitantium in finibus Northmannicis mentes subito de optato Guillelmi ducis reditu percelleret, ducemque suum tam magnificum adesse præmoneret ; commota nimio gaudio tota Rothomagensium civitas subito processu contra illum exsiliit, diversa que diverticula, ut eum videre posset requirit. Famineque scxu stante muri in propugnaulis, senilis ætatis vulgo in bivius, juvenilis mediæque ætatis plebe corrente obviam ei : Clerus præstolatus illum in portam civitatis cum reverentia monasticæ institutionis ovantes suscepit. Statimque cœpit exercere leges et jura, paterna que decreta, quæ erant, illo absente, neglecta. Jurgia et querelas lege definiens determinabat, omnesque legibus aut concordia pacificabat. Tunc construxit Gimiegias, mirabile dictu, mirique schematis templum monachilis religionis clero profusius suffultum. Erat autem quidam Martinus sanctissimus abbas illius monasterii custodiens monachos sub palæstra præstrictæ regulæ theoricæ contemplationis. Quadam namque die causa orationis profectus Gimiegias, quod

gratia primi floris corde conceperat volvens in animo, Martino sanctissimo abbati dicens sermoinabatur : « Cur Christiana religio tripertito ordine ecclesiam frequentat ? Eruntne unius mercedis uniusque bravii, qui dispares sunt officio Christianæ religiositatis ? » Respondit abbas : « Unusquisque suum mercedem accipiet secundum suum laborem. Sed tibi nutanti de talibus, reserabo hæc enucleatus. Christianæ religionis summa trimodo constat ordine distincta : munifico laicorum, canonicorumque, atque monachorum labore exercita, Trinitatem in personis, Deum unum in substantia articulis fide executata. Quorum servitus feliciter perfecta, ad cælum tendit æquis incessibus. Et quanquam tres ordines sint, ad excellendum cultum veræ fidei bicallis via est ambivii itineris, certa spe veræ credulitatis. Quarum una πρακτικῆς nomine laxius vebit, et canonica dici meruit : sub cujus ditione laicalis ordo moratur et vivit. Altera vero nomine, θεωρητικῆς limitibus hinc inde coactis allata non vehit per plana, sed secessu confixa, secretoque perenni læta, molitur semper ad ardua. Hæc apostolica est denominata, quam nos peccatores exsequi, et cum ea assiduis internæ intentionis nisibus conamur collectari. » Hæc autem Guillelmus audiens, retulit abbati inquiring : « Flore primævæ ætatis laxiorem viam et latiore pacisci ; finibusque præstrictam et coangustatam volui summopere imitari : verum pater meus, principesque sui constituerunt me nolentem ducem sibi. Sed quia nunc mei juris meæque sum potestatis, palestram theorici collis hinc inde strictius limitati mundum relinquendo, mutatoque habitu volo adipisci. » Audiens autem Martinus abbas merito præcellentissimus hujus mirandæ intentionis propositum, suspirans subito dirigit, imoque vocem trahens a pectore, inquit : « Defensor hujus patriæ, cur talia rimatus es facere ? Quis fovebit clerum et populum ? Quis contra nos ingruentium paganorum exercitui obstabit ? Quis paternis legibus reget strenue populum ? Cui gregem committes et commendabis ? Cui ducamen Britannicæ Northmannicæque regionis largieris ? Sollicitudini tuæ divinæ voluntatis providentia non concordabitur, nec quæ moliris agere adimplebis, nec me favente ullatenus tractabitur. Sed si vi potestatis tuæ professor esse hujus monasterii et regulæ ΘΗΩΠΙΚΗΣ viæ, relinquens seculum, incumbere malueris ; si me quæsieris, nusquam regionis suæ invenire me poteris. » Contra istiusmodi, excusationis et contradictionis molimina, dux Guillelmus respondisse fertur talia : « Richardus filius meus dilectissimus, puerilis ætatis ignorantia adhuc involutus, principibus meis libenter faventibus, dux erit pro me potentissimus regionis hujus ; et quod Deo vovi citius quam potero explebitur. » Exeunte autem Guillelmo de templi adito cum abbate Martino, ad pedes ejus proruit monachorum phalangula, deprecans ut acciperet in charitate Dei diaria, vitæ corporalia scilicet cibaria. Abbatia vero contradictionibus

A animo motus, renuit illorum petitionibus, ne acquievit charitati ad esum ullatenus, sed petivit Rothomagensem urbem celerius.

APOSTROPHA.

Omne bonum præscit Deus, et prædestinat unus, Omne malum præscit Deus, ac non destinat unus. Felix velle tuum præscit, prædestinat at non Qui tria summa manet, trinum specimen, vigorum. Felix velle tuum nam scire Dei anticipante, Palmam martyrii merito crescentem subibis.

Eadem quippe nocte exæstante rufo felle cum cæteris humoribus, cœpit gravibus nimium torreridoloribus, reputans hoc malum ei accidisse propter neglectam charitatem cibi et potus, quam abnuerat monachis deprecantibus. Idcirco Northmannorum Britonumque principibus ascitis, adductoque puero nomine Richardo, specie elegantissimo, cum eis pandit secretius mirabile arcanum suæ mentis, quod dudum retulerat Martino abbati. Cumque nobilissimi principes Britonicæ Northmannicæque regionis experirentur inauditum, et quasi monstrosum propositum Guillelmi ducis, in stuporem et in extasim conversi, dixerunt nimium ejulantes illi : « Cur talia mente cordis tui rimando proposuisti ? et si cogitando quod nunquam fiet statuisti, quare cui retulisti ? Quis nos defensabit ab incursu pestiferæ ferocitatis imminenti paganos, quisve ab insidiis Franciscæ gentis nos tuebitur ? Amplius quod nunquam adimplebitur, non reputetur. » Tunc Guillelmus, refragationis et dissuasionis obieci commotus, respondisse fertur : « Et reputabitur, et Deo favente adimplebitur. Verum, quoniam omnipotentis Dei voluntati non debetis resistere, et meum propositum refutare ; precor vos ut consiliis meis faveatis, et quomodo humanarum rerum sors se forte habeat, filium meum Richardum ducem vobis me superstitute eligatis, et intentione custodiendæ fidelitatis et militationis, manus vestras manibus ejus detis. » Extemplo cum Northmannis Britones responderunt Guillelmo dicentes : « Huic consilio annuimus, et quod rogas fideliter faciemus. » Igitur continuo Northmanni et Britones commenderunt se Richardo unanimes, sacramento veræ fidei illi se connectentes. Guillelmus vero ereantibus humoribus, imbecillitatis robore confortatus, cœpit convalescere, et quid boni poterat quotidie solerti cura agere. Franciæ autem principes invidiæ pondus et odii ferebant adversus Guillelmum, sed non audebant ostendere malevolam suam cogitationis propositum. Attamen hortator et incensor scelerum effudit virus suæ calliditatis per corda malorum hominum, gaudens in pejus abire genus hominum, ne possit repetere hortum deliciarum. Quocirca excitavit odia, commovens jurgiorum incendia, pacisque Ecclesiæ turbavit fœdera, firmamentum ejus quoties formidine impressa. Rabie siquidem cupiditatis, accendit plurimorum corda, ne recordarentur judiciorum Dei, neque mente cernerent ea. Disseminato itaque per membra diaboli graviter hoc veneno, hostilique ra

die magis ac magis crudeliter grassante, atque iniquitate pravorum nequiter praevalente, aequitas totius regni profanabatur, debitive honoris gradu plures ejecti ab re privabantur. Quapropter princeps quidam nomine Arnulphus, Flandrensis regionis marchio famosissimus, hujus veneni squalore profusius infectus, abstulit Herluino comiti castrum Monasterioli qui dicitur. Ille vero tanti honoris privatus castro, Hugonis Francorum ducis suffragium expetiit cursu celerrimo, ut subveniret ei in adiutorium, quia erat ejus comes atque miles promptus in omni servitio. Quem Hugo dux non reverenter, ut solitus erat, suscepit: sed in parilitate suorum tironum negligenter tenuit. Herluinus vero, magnae necessitatis indigentia repletus, prosequeretur quotidie Hugonem Francorum ducem, ut succurreret sibi deprecans crebris orationibus. Diffidens autem illius solatii et cernens se destitutum ejus adiutorii patrocinio, aggressus est Guillelmum Northmannorum Britonumque ducem, causa praecripti negotii, et ut adjuvaret se ad pedes ejus procidit. Quem Guillelmus cum honorifico apparatu praecipit hospitari, et quae necessaria erant, cum magno cultu dari. Sequenti die veniens Herluinus ante ducem Guillelmum, multimodis petitionibus requirebat suppliciter ejus adiutorium. Quem consolans dux Guillelmus respondisse fertur: « Cur Hugo dux Francorum senior tuus te ut se non consolatur? et quare calamitosae perditionis tuae non explet necessaria? Ad eum citius regredere, et si te unquam adjuvare voluerit multis deprecationibus experire; et si quispiam tibi succurrerit, si animo ferat aegre. » Confestim Herluinus ad Hugonem ducem reversus, inquirebat simplex si se juvaret, multis prosecutionibus. Cui obnixae petenti dux Hugo intulit: « Ego et Arnulphus conjuratae amicitiae intricati copula nolumus concordiae et dilectionis, atque competentiae nostrae propter te scindere vincula. » Hujus desperatae responsionis verbo, mente mutatus, Hugonis ducis subintulit Herluinus: « Quoniam quidem necessitati tuae succurrere, ut decuisset, nullomodo aestas, decet te, ut si quis mihi auxilietur non moleste feras. » Tum Hugo dux Francorum autumans eum omnis solaminis tutela esse privatum, inquit: « Quisquis tibi auxilium praebit, non mihi injurius erit. » Expleto igitur hujus desolationis verbo, Herluinus ad Guillelmum ducem remeavit, et quidquid hujus rei audierat, Guillelmo diligenter, prouens pedibus ejus, intimavit. Illico Guillelmus omnem Britanniae Normanniaeque exercitum ascivit, et pro praedicio Arnulphi Flandrensis ducis, ad adjuvandum Herluinum festinavit. Cumque prope castrum Monasterioli adesset, idque supervideret, vocavit ut venirent ad se Constantinenses, quibus ait: « Si primi gratia mea militiaeque palma, majoreque honore, et praecellente, in domo mea frui vultis, palos de Vallo Monasterioli castris afferre mihi non differatis, obstantesque nobis, castrumque tenentes, captos mihi adducatis. » Mox hujus exhortationis verbo

Constantinenses invaserunt, castrum, ut lupi agnos unanimes, diripiuntque et defecerunt castrum, ante Guillelmum palos muri deportantes, captosque simul adducentes. Castello vero Monasterioli capto, pestiferaque seditionis murmure sedato, prandium sibi infra jussit Guillelmus praeparari, regalibusque gazis sibi Herluino illatore, honorifice administrari. Epulans dux Guillelmus in castro, dixit dapium illatori comiti Herluino: « Ece tibi reddo castrum, quod tibi injuste abstulit dux Flandrensis. » Et Herluinus: « Domine, non recipiam hoc castrum, quia nequeo custodire, nec tueri illud contra ducem Arnulphum. » Tunc pietate motus, dixit Herluino dux Guillelmus: « Te auxiliando protegam, te adjuvando et custodiendo defendam. Istud iterum reficiendo construam, tibi castrum inexpugnabile praesidio turrium praemunitum, vallique firmitudine nec capiendum, nec destruendum, frumenti viniqque copia pleno cornu replens, istud farciam, totumque reaedificando tibi muniam. Quoscumque tibi elegeris meorum principum, morabuntur tecum stipati frequentia suorum fidelium. Si Arnulphi ingraverit contra te bellum, ego succuram celerius tibi cum multitudine mearum exercituum. Si autem sequestrae pacis inducias petiverit, nostrorum consilia fidelium dabimus ei; sin vero interim judicio et justitia legeque usus venire voluerit contra nos ad placitum, veniemus propter te contra eum iudicaturi censura nostrorum. Si praedia tuae hereditatis obstinato corde devastaverit, universa sua ditionis conglobato exercitu cremabimus ei. Voluntarius tibi adjuvator benevolus, contra adversarios tibi defensor, docilis tuarum quaerimoniarum auditor, attentus calamitatis tuae solator, quin etiam honorum tibi congruentium verus largitor. » His auditis, mox Herluinus procidit cum suis fidelibus ad pedes ejus. Castro vero firmiter remunito frumenti, viniqque, atque tergorum suorum affluentia cumulatus repleto, quin etiam militibus praemaximis sufficienter honestato, Guillelmus celeri equitatu eum suis reversus ad mœnia urbis Rothomagensis. Erat autem idem dux in sermone verus, in judicio promptus et justus, in colloquio mansuetissimus, in conversatione humillimus. Refulgebat insuper titulis omnium honorum, reusque adornabat strenue ecclesiarum. Cum autem eniteret augmentatis studiis universae bonitatis, totamque per Franciam, perque caetera regna crebresceret propalata fama tanti hominis, legesque et decreta diligenter exerceret orthodoxorum auctorum et sui patris: Arnulphus dux Flandrensis supra memoratus, veneno viperis calliditatis nequiter repletus, aestuque diabolicis fraudis exitialiter illectus, gentisque Francicae quorundam principum subdolo consilio et malignitate atrociter exhortatus, cepit meditari et tractare lugubrem mortem ejus Guillelmi. Hujus pestiferi veneni inflammatus livore, misit legatos expeditionis fraudulentissimae duci Guillelmo, qui dicerent in dolo fraudis nefandissimae, fidelis famulatus charaeque amicitiae si recipere vellet

manus. Cumque ad essent ante Guillelmum, proclivo vultu, submissaque voce suppliciter compellere verbis pacificis cœperunt eum : « Noster senior Arnulphus, fideles tibi in Christo famulatus. Nolens contra te jurgium initiari, petit humillimis precibus spatium pacis sequestræ. Interimque te ad placitum contra se venire, et tuo amore Herluino, quæ offendit contra se vult dimittere, seque si placet colligari tibi insolublis amicitiaæ fœdere. Podagra cœteraque infirmitate nimirum afflictus, non ambit litigare contra quemquam amplius. Coerceri lege vel concordia suos desiderat, pacemque quandiu superstes est, agere festinat monarchiaæ tuæ ditionis et suæ ; quoniam continuo et finitimo limite sunt annexæ, pacem et concordiam inter nos et vestros deceat esse, ut talibus principibus gaudeat vestri incolæ, et ut nemo vestrum nostrorum præjudicium faciat, nullusque nostri ulli vestrorum aliquod damnum vi et potestate impellat. Sint concordēs et unanimes in lege, qui sunt vicini in telluris affinitate. Dux tantæ bonitatis, tantæque mansuetudinis, non debet abnuere necessariae et opportunae petitioni ; verum favere viribus cunctis, ne res publica annullata tanta prædatione et incendiis, labatur exitialiter peioribus ruinis. Supra satis mala urgente lite, concreverunt amodo in pejus plurimæ et nequitia cogente prævalebunt. Judica quod melius est, aut bonum rimari et patrare, aut hoc quod creatura non est, verum absentia bonitatis, adhærere obscœne, et perficere nefandissimo opere. » Exsecrabilium hujus legatorum dolositatis fraude deceptus dux præpotens Guillelmus dixit Herluino comiti secretius : « Quid tibi videtur sententia hujus propositionis et legationis? » Respondit Herluinus : « Horret animus ne decipiamur, neve humillimis precibus horum illidamur, quorum perfidia toties decepti sumus. » Et Guillelmus ascitis cæteris principibus : « Quoniam labanti activæ vitæ cursu me irretitum contemplativæ vitæ claustro velle coangustari non ignoratis, citius quam potestis usquam terrarum mecum pacem struatis, quia nullum holocaustum neque sacrificium tam acceptabile apud Deum, quam pacis incrementum. » Ad Herluinum autem dixit : « Noli timere, neque turberis, quia nunquam meorumque solaminis patrocinio privaberis. » Consultu ergo Guillelmus dux suorum fidelium, dedit Arnulpho comiti sequestram pacem trium mensium, seque ad denominatum venire mandavit placitum. Statuto imminentis placiti tempore Guillelmus dux præpotentissimus omnium, convocavit Northmannorum Britonumque exercitum, et profectus est ad Ambianensem usque pagum.

APOSTROPHA.

Nominis effusi a Christo, dux, tutor et auctor,
 Auxilii indignus nullius, ni quoque Christi ;
 Muneris ætherii prædignusque emolumento.
 Amittes mortem lugubrem, pro qua properabis,
 Pacis perpetuæ dignam vitam inveniēdo,
 Palma martyrii diadema ferente trophæi.

Arnulphus vero nefariae dolositatis livore infectus, venit super Corbeiaë rivulum cum suis omnibus, misitque internuntium ad ducem Guillelmum, deprecans contra se venire illum, usque ad Pinchiacum, ut fluenta Somenæ essent obstacula inter utrumque exercitum, ne forte perpetrato quod decernebat infelix dolo agere, impediretur a Northmannico exercitu superveniente. Tunc vero dux Guillelmus, perversæ dolositatis legationi credens, precibusque favens fraudulentis, suarum legionum exercitum illic ire coegit. Ast Arnulphus super renuntiatis lætus et hilaris, super ripam Somenæ fluminis, hic martyrizandus citra ; ille dolosus et perfidus ultra uterque resedit. Est namque ibi insula puteulano exestuantis Somenæ gurgite hinc inde et altrinsecus circumdata, quam petit navigio Arnulphus cum quatuor perfidis, simulans se cum Guillelmo duce sanctissimo concordari. Misitque ad ducem Guillelmum in dolo verbis pacificis, ut veniret illuc cum duodecim militibus suis. Transgredienti nave Guillelmo cum duodecim suis, venit Arnulphus obvius claudicans, et subnixus duobus suis ; cœpitque illi dicere simulando et decipere eum propositionibus humillimis : « Ad te venio supplex, ut meos tuosque concilies, sicque mihi adjutor adversus meos infideles » quia humilitate subactus nequeo dominari et opprimere hujus terræ rebelles. Totius etenim Galliaë monarchiaë salubri concilio dominaris, ideoque super me meosque dux et marchio desidero ut habearis. Esto mihi defensor et advocatus contra Ludovicum regem, Heribertumque principem atque Hugonem præpotentissimum ducem. Et quandiu superstes fuero, ero tibi tributarius, meique servient tibi, ut domino servus. Post meæ resolutionis excessum, possidebis meæ ditionis regnum. Herluino tuo comiti quæ contra me offendit voluntarie dimittam, elque pacificus et benevolus omni tempore existam. »

Dux vero Guillelmus putans quod corde benevolus et perfecto, fideque integra, non perfidia loqueretur, pacificavit Herluinum cum Arnulpho perfido et suis omnibus. Tota die pene ducta morosis ambagibus, pactaque pace ab utroque principe, Guillelmo scilicet fide, atque ab Arnulpho perfido corde cum a cæteris principibus, Guillelmus cum duodecim regreditur, dato osculo Arnulpho, intratque cum remige classem solus, duodecim comitibus altera antecedentibus. Tunc Eiricus, Balzoque, et Rotbertus, atque Ridulfus perfidi, cœperunt subdola reciprocaque voce dicentes Guillelmo duci, dolose fari. « Domine, Domine, melioris consilii oblitus, torque parumper, precamur, navim, quia volumus te paucis. Noster senior nequit te amplius aggredi, quia podagra infirmitate scis eum detineri, sed mandat mirabile, cujus oblitus est, tibi. » Tunc Guillelmus fide integerrimus, perfidorum precatibus crebrius compulsus, torquet navim celerius, venitque ad ripam fluminis armorum securus sine suis, cum eis locuturus. At illi sub pellium tegmine jam abconsis quatuor mucronibus celeriter extractis, rabie immanissimi fu-

nium nequissimo celeri classe transvecti, suoque A exercitui annexi, præpete equitatu potiuntur fuga lapsi. Northmanni vero et Britones morte Guillelmi sui senioris nimium lugubres, ulcisci præoptantes, nusquam repererunt vada, hac et illac celeriter discurrentes. Sic pretiosus marchio Guillelmus testisque Christi gloriosissimus, felici martyrio consecratur. Taliterque regnum cœlorum, quod diu concupivit, adeptus, vivens in Christo feliciter coronatur. Perfusus quippe sui cruoris rore beati viri corpus jacuit exanime. Verum anima in cœlum ab angelis deducta, inter choros angelorum inæstimabiliter est collocata. Quædam illico phalanx decepti et martyrisati Guillelmi cucurrit ad eum, et trans ripam fluminis Somenæ altrinsecus cum magno ejulatu nave detulerunt. Inquirentes autem B ingentibus cordium suspiriis magnoque oculorum fletu livores ejus, atque deflendo sanguinolenta revolventes vestimenta illius, repererunt parvissimam clavium argenteam depedentem in strophio lumborum ejus. Sciscitantibus illis a domigenis quampluribus, cujus rei gratia cinctorio clavis illa dependeretur (sic), respondit quidam camerarius, secretorum ejus conscius: « Noster senior Guillelmus vovit se hoc labile sæculum derelicturum, et se fieri post hoc flebile placitum Gimegias monachum. Et hæc clavis custodit in quodam scrinio, et coarctat, monachilem habitum, scilicet cucullam et laneum supparum. » Statim vero corpus sacrosantum feretro velociter impositum et Rothomagensi urbi cum magno ejulatu delatum in ecclesiam C B. Mariæ genitricis Dei honorifice sepelierunt. Convenit etiam omnis pene provincia lugens inefabili mœstitia, et ad cœlos usque alta emittens suspiria, quin etiam adducens secum filium ejus Richardum nomine luctuosa. Quem, antequam conderetur corpus tumulo, videntes Berengerus et Alannus, cæterique Britones, necnon Northmannorum principes dixerunt nimium ejulantes: « Seniore, proth dolor! perdidimus, seniore unanimes faciamus. » Illico sanctæ recordationis puerum nomine Richardum inthronizantes, illiusque voluntarie effecti fideles, fecerunt ex eo ducem sibi unanimes. Complevit itaque sacratissimus dux Guillelmus et martyr Christi gloriosissimus agnis sui cursum anno ab Incarnatione Domini 943, D xiii Kalendas Januarii, rege Ludovico regnum Franciæ tenente, Deo vivo et vero regnante in Trinitatis plenitudine et unitatis majestate.

APOSTROPHA.

Erutus æquorei crescente tumoris ab æstu,
Syrtribus et nocuis, pariter sorbente Charybde,
Multiplicis cumulo diffuso turbinis, atque
Ventis mixturaque simul volventis arenæ.
Vasa ferens figulus fragilis, heu! materiei,
Ad portum latus sum tempestate privatum:
Quæ via, vita, salus, meritum culmen, fidei spes,
Quoque corona datur merces sudoris honesta,
Cœli muneribus quod digni munificentur,
Octavæ sortis natalia quoque novantur.

Vilis sed quia sunt figmenti vasa lutosa,
Ut reor aut cuiquam dare, nec licitare valeo.
Verum littoribus ponti contrita jacebunt.
Est alias portus diverso (sic) merce repletus,
Quo vario digni mercantur fenore, sumptus.
Quo datur imperium certaminis emolumentum,
Examines artus Christo quo vivificantur,
Hunc pergam plena diverso merce carina.
Sit jam fortuita digesta diu, excipientur,
Ne patiar figulus samnam tam ridiculosum (sic),
Atque operis, nostrique laboris detrimentum.

EXHORTATIO AD MUSAS, UT CANANT RICHARDUM.

Florida clarisonæ solitæ sat carmina Musæ,
Tianitus modulo psallere multifidi.
Clio, Melpomene, Polymnia, Erato, Thalia.
Terpsichore, Euterpe, Calliope, Eurania. (sic).
Præcipuum lyrico munus resonante beato
Dulcisoni cantus, vocis et altivolæ.
Patricio celebri, comitique ducique verendo,
Qui studuit summo rite placere Deo.
Quæque canat vestrum singillatim peto dulce,
Alterni metri syrmate dissimuli.

CLIO I.

Ni nostra en stolida sensa silentium
Torpescens promeret et taciturnitas,
Interpresque foret historiæ sacræ
Plano digereret qui ordine mystica:
Richardus comes et marchio strenuus,
Dux et patricius emeritus probus,
Quæ gestit canere collibitum foret
Mortales curas disserui quia.
Juris namque mei credibili ordine,
Rerum historias reddere posteris
Factum nunc typicum carmine dissono
Dedam doctiloquis quippe sororibus.

II.

Delector lyrico boare metro,
Is qualis fuerit comes verendus
Et quanta vixit beatitate.
Adsit concelebris phalanx sororum,
Mecum ejus meritum recenseatque.
Turmis, angelicis fatebor atque
Jungi pro meritis beatitatis
Hunc Christi famulum, probum, benignum;
Censor cum famulos remunerabit,
Perdens suppliciiis reos malignis.

III.

Istum jam mediatum conciliarier
Turmis, archipatrum pro meritis suis,
Pro mirabilibus, proque vigentibus
Factis mirificis, proque monasticis,
Digne quæ rutilant, quæque manent adhuc.
Archos mellifluus corpore sospite.
Nam decreta patrum quæ retinent sacra,
Mundo dum vixit, cuncta operatus est.
Dilexit Dominum corde pio Deum,
Digno ast ut quoque se fœdere proximam.

IV.

Si efficax nostra et caperet voluntas,

Qualiter vixit, vigitque, fecit,
 Scriberem, sensus licet improbus sit,
 Vatribus quod condecet hunc notari
 Marchionem, patriciumque justum,
 Et ducem sanotum, comitem verendum.
 Mysticis nam quod retulere verbis
 Corde præsaگو typicoque vates,
 Credidit solers, recitavit atque
 Menteque audivit, meminitque sacra.

v.

Memorans vocer quanquam placet quæ dicere.
 Sororibus dicam, licet jam stultior,
 Perenniter fruges salutis nostræ, quibus
 Adolevit orbe isto et fides, spes et gloria,
 Apostolorum cætibus splendentibus,
 Magnum ducem, sanctum, pium, justum,

[probum,]

Ausim Richardum marchionem jungere,
 Numero licet si non, nec ullo compotu,
 Merito tamen mirabili, sacer quia
 Meritis Petrus non invidet æque piis.

vi.

Inveniens similem comiti
 Lector amice, mihi resera ;
 Ille quis est modo terrigena,
 Ut populo bona qui tulerit,
 Totque cruces, probra, tormina quot,
 Numine pro fidei habili.
 Rite coercuit indomitos,
 Restitit acriter atque Dacis,
 Martyribus socius meritis
 Perpetua fruitur requie.

vii.

Instructus sapientia,
 Delectans religionemque
 Quanto pontificum sacras
 Ornavit cathedras vide,
 Hic dux, patricius, comes.
 Quot sat namque vides adhuc,
 Non fas dicere plurima,
 Qui nullo inferior fuit,
 Sed præstantior exstitit.
 Confessoribus additus
 Dux et marchio sanotus.
 Quamvis jam pepigisset
 Casti fœdera lecti,
 Sinceri, licitique,
 Causa posteritatis,
 Serto virgineo, quis
 Nunc subducere tentet ?
 Non mens conscia recti,
 Labem passa pudoris,
 Verum casta remansit.

viii.

Adducta, lector, nunc ratione,
 Per cunctos animum ordine sanotos
 Propenso sensu porrige solers :
 Si nostro patri convenientem,
 Factis, et meritis, et famulatu.
 Divini obsequii orbe labenti,

A Congruo cultu repereris jam,
 Usquam et patricium conspice quemquam.
 Nostro namque patri congrua cuncta
 In cunctis constant actibus ista.
 Cumque eogetur agmine magno
 Censoris rutili mundus ad ora :
 Cumque et apostolicus ille senatus
 Sederit in sede judiciali ;
 Richardus rutilo ipse sedili
 Subnixus meritis, moribus, atque
 De magno orbe feret juraque leges.
 Cumque martyribus fortia sacris
 Præmia, prudenter giudice Christo
 Portabit roseam ille coronam
 Pro qua pertulerit calle secundo.
 Cumque sacerdotes merce calenti,
 Pro carne edomita, fenore lucri
 Ordine pro meriti Jam penetrare
 Intrarent regni jure superni,
 Palma victrici ecce. . . .
 Optime, dicetur, excipe, serve,
 Maxima pro parvis, euge, fidelis.

ix.

Terra ferax trimoda beat alnum
 Profuse ubertate colonum.
 Sic verus docuit sator almi
 Verbi mundo semina mittens.
 Cum referent alii rutilantes
 Jam nitidos super astra manipulos,
 Præmia cuique sui repetendo
 Certantes pro parte laboris,
 Richardum cernes radiare
 Ternis in sublime coronis.
 Ipse in sexagena profectus
 A ter denis numine divo
 A læva vestigia duxit
 In dextram hinc semper luculento
 Virginio diademate felix ;
 Virginibus dabitur comes ille,
 Agnum præpulchrumque sequatur,
 Et perget gressum tulerit quo,
 Psallet quod natale pudicis
 Ætherea dulcedine carmen
 In quinis resonum tetrachordis :
 Tantus ut his fieret tua, Christe,
 Exstant munia, qui super exstas
 Et nil rectum quo fine constat,
 Et cum quo sunt omnia recta.

PRÆFATIO AD PRÆSULEM ROTBERTUM.

Licet imperita fandi
 Habearis, et priveris,
 Exsors scientiæque
 Maneas, moreris, exstes,
 Rhetorico sapore,
 Et hebes, secors, inersque ;
 Phaleras, o camæna, parvo
 Nostro para libello.
 Elinguis, atque stulta

Rationis universæ.
 Resera ducis sacri,
 Patriciique justî,
 Et marchionis almi
 Luculenta gesta scripto.
 Valet es potensque scitu,
 Bona quæ peregit ipse,
 Operatus est superstes,
 Memora calente vero.
 Quoniam decet per omne
 Comiti sacro Richardo,
 Justo, pio, modesto,
 Jubilos referre summos.
 Exstat, precemur omnes,
 Illi per omne sæculum
 Requies, salus, decusque
 Et gloriæ incrementum.
 Deitate Trinitatis
 Moderantis omne quidquid
 Exstat, valet, vigetque.

ITEM PRÆFATIO.

Ulla non canit camœna.
 Cui loquendi copia
 Blaterans stridet, vel desit
 Fusioni, ut adsolet.
 Inscius, socora, hebesque,
 Omnibusque stultior,
 Frivolusque quamvis exstem,
 Impedite garriens :
 Gesta digessi vides ut
 Impolito famine
 Inclyti, bonique justî
 Marchionis strenui,
 Parvus inter dicta vates.
 Nunc feror dicendaque,
 Hæc movent rudem poetam,
 Illa cogunt scribere.
 Hic tamen subsiste mecum,
 Quod locorum ivero.
 Impolitus licet exstes,
 I, precor, salubriter.
 Me stupor percellit ecce,
 Atque plura territant,
 Et novis surgunt figuris
 Quæ taceri non fas est.
 Mens fugit mirata multum ;
 Fasce pectus cogitur.
 Christianorum peragrans
 Circuivi exercitus.
 Repperi nullumque talem,
 Omnibus præcognitis,
 Ut Richardo marchioni,
 Cui tanta coaffluent.
 Hunc feremus ter beatum,
 Et quater hunc millies ;
 Hunc benignum, hunc modestum.
 Concrepabit pagina.
 Hunc pium, justamque sanctum,
 Et probatum et maximum.

A
 Almitatis hujus actus
 Testis est Northmannia,
 Largitatis atque hujus
 Testis est et Francia :
 Fortitudinemque ejus
 Comprobat Burgundia.
 Regna facta, sancta dicta,
 Quin stupent et cætera :
 Cogitatu, facto, dicto
 Nemo major splenduit.
 In bono summo quies huic,
 Sempiterna gloria.

ORATIO.

B
 Dacorum olim themate vili
 Ardua currenti mihi gesta.
 Consurgit moles modo torva.
 Pondere quippe suo, quia non est
 Nostrum quoque tempore prisco
 Exaudita, rudineque visa,
 Propter hoc non cognita cunctis.
 Credita nec, tentataque paucis
 Spiritus alma, veni, peto supplex,
 Nectare, septiflue radiando.
 Ast id qua virtute dedisti
 Jam fieri, da posse profari.

PRÆFATIO AD PRÆSULEM ROTBERTUM.

Fomitis ætherci regimen, terrestris Avernî,
 Orbis totius ΝΟΥΣ, decus, imperium.
 C Sidereum columen, specimen, virgor atque super-
 [nus
 Uranicum numen perpete cuncta tenens.
 Causarum series, motus per condita rerum,
 Compactor hominum gloria divicolum.
 Quanquam cuncta tibi depromant munia laudis,
 Centu vario, syrmate dissimili :
 Hæc oda te cunctorum regem* cantavimus,
 Continuis votis, supplicibus precibus.
 Tu fecunda Trias, simplexque Monas vocitaris,
 ΕΛΛΗΝΑΣ ΚΑΤΑ * seu te quoque distribuunt
 ΥΠΟΨΑΣΕΙΣ, ΟΥΣΙΑΝ solam MIAN ΕΙΣ ΤΡΕΙΣ,
 Seu sic ut latius orbis in ore tenet.
 Veram ΥΠΟΨΑΣΙΝ MIAN, ΤΡΙΑ nempe ΠΡΟΣΩΠΑ,
 Idem semper ades, idem is et ipse manes.
 D Tu pater ingenitus, gignens tu crederis unus,
 Sic Natum genitum Sophia plaudit ovans.
 Flamen utroque fluens vere vivax paraclite.
 In tribus his unam nos colimus * ΘΖΟΤΗΝ (sic).
 Quæ sic dicta placet, quod cernens currat in omne,
 Et nusquam extra se possit adesse aliquid.
 Cum motus stabilis, status sit mobilis, atque
 Catholicum hoc fidei veridicæ perhibent.
 ON substantificum, rerum * ΤΥΠΟΣ, idea mundi
 Per seipsum bonitas permanet atque viget.
 Hoc non est, nec hoc est, exstat verum ΘΕΟΣ omne,
 Non hic, non ibi, sed totus ad omne valet.
 ΜΗΚΟΣ ΚΑΙ ΜΕΓΑΛΟΣ ΜΙΚΡΟΣ testatur ΑΝΑΡΧΟΣ,
 ΜΗΚΟΣ dum jugiter intima quaque regit,
 ΜΙΚΡΟΣ dum minimis largitur opem atque salu-
 [tam,

In magnis ΜΕΓΑΛΟΣ maxima dum vegetat.
 Sic magnis, mediis, parvis præest quoque semper,
 Ipse individuus totus ubique mens.
 ΩΝ ΑΡΧΕΙ ΜΕΣΟΝ ΩΝ ΤΕΛΟΣ ΩΝ..., quoque ΠΑΝΤΩΝ,
 Ex ipso quoniam omnia quæque vigent.
 Ipsum ΠΡΩΤΟΤΥΠΟΝ nihil proteantur* eumdem,
 Ut stupeas, lector, catholicum hoc memorans.
 Imcomprehensibilis natura quod viget omni,
 Exsuperans plane ΝΟΕΡΟΣ atque ΛΟΓΟΣ.
 Qui dum non ullo capitur, nihil ipse vocatur.
 At quotiens paret, ecce... * ΘΕΟΦΑΝΗΣ.
 Ex nihilo in quiddam semper succrescere fertur,
 Scribunt hoc nihilo cuncta creata simul.
 Hinc est, quod tenebræ vocitatur, dicitur atque :
 ΨΑΛΜΙΣΤΗΣ etenim sic sacer intonuit.
 Sicut sunt ejus tenebræ, sic lumen et ejus,
 Est reprobis tenebræ lumen et ipse probis.
 Cum se sic habeant veri digesta fluenta,
 Ultro concipias ecce necesse subest.
 Nullis nos aminis, nulloq̄te lepore superbi,
 Præfinire Deo iudice quid proprium, [fas,
 Nec promptum cuiquam, nec dignum pandere, nec
 Quis, qualis, quantus ΚΥΡΙΟΣ is maneat
 Dignius oratu, meliusque, propinquius atque
 Hunc neces animo, purus et ipse iuanens.
 Orari verbis devotis vult, placidisque,
 Largiri facilis, cedere promptus adest.
 His ergo modulis credendis veridiscisque,
 Amplector votis, continuis precibus.
 Ingenitum Patrem vere, Sobolem genitamque,
 Pneuma ab utroque fluens fomite sensifico.
 Omnia cui quæ sunt digne profitentur ovanter,
 Et regit imperio omne quod est proprio.
 Ter tria quem cælis conlaudant agmina semper,
 Quem recolens canunt, quem venerando colunt
 Quem patriarcharum clangendo cœtus in unum,
 Exhilarans odas concinit haud modicas.
 Veridici vates cui promunt syrmate laudes,
 Alloquiis sacris quæ cecinere vigent.
 Quem duodena phalanx recolens... * veneratur,
 Omnia contemnit, atque sequendo colit.
 Quem testium innumerosa cohors æternum con-
 [cinit hymnis.
 Ac jubilat gratans, verbera despiciens.
 Virginitatis apex, ex quo sumendo decorem.
 Conspicue modulatur, mirifice reboat.
 Quem cælum supra, tellus quem laudat et infra.
 Quæque elementa serviunt, hunc venerando co-
 [lunt.
 Quod restat siquidem, quodque instat conditor
 [almus,
 Respice propitius, quæso, favens precibus.
 Presentes operas miserans compone, precamur,
 Et sensus cumules, oraque fructifices.
 Richardo titulum celsæ componere laudis,
 Urget materies, atque coarceat amor.
 Qui tibi mirificus vigit per sæcula servus,
 Omne malum calcans, omne bonum relevans.
 Imitabilem enim vero meritis excellentium du-
 cum agoniam, benivolo sacrosanctæ intentionis
 proposito multiplici actu pridem exercitatum,

A eorumque insignia bonis intentionibus sedulo in-
 sistentium opera præcipue omnifariam prædigna,
 cassum est silentiare, quin exarentur prout posse
 elucidata : quatenus succedentium memoriæ api-
 cibus enucleata, informet et instruant ad melius
 animos fruge salutifera, et ex his solerti conami-
 ne metiantur vitam honestam, atque hujus specu-
 lationis exemplo beatitudo acquiratur feliciter
 æterna. Quocirca benignissimi ducis Richardi vi-
 tam aggrediamur, hebet licet stylo, qui in sacro-
 santæ Ecclesiæ prato floruit prædignis operibus,
 emicans ut sidus in cælo. Donetur nobis etiam
 ejus meritis vitam illius reverenter propalare ; qui
 summa reverentia, summunque decus Ecclesiæ
 exstitit. Ut cujus tutelæ et beneficii salubriter frue-
 bamur patrocinio in terris, ejus precibus et meritis
 protegamur defensabiliter ab importunitatibus
 cunctis.

Igitur venerabilis vitæ Richardus dux insignis
 memoriæ præpotentissimus, sanctæque recorda-
 tionis patricius nitidissimus, atque rememorandæ
 benignitatis marchio famosissimus, insignissimo
 luculentæ et nobilissimæ prosapiæ semine exor-
 tus, qua Belgicæ Franciæ extimos exporrigit trac-
 tus maris affines Calcensis pagus, Fiscanni castri
 mœnia, ruraque gentalia sacro nativitatibus suæ
 exordio beaviti oriundus. Cujus matrem pater dux
 Willelmus et martyr gloriosissimus felicissimo pi-
 gnore gravidam, ac adoptivo illustratæ sobolis
 partu expertus fecundam, transvehi fecit decenti
 insigniter equitatu ad Fiscannicæ sedis aulam : ut
 si forte Riulfus omnium belluarum crudelissimus
 Northmannicæ regionis monarchiam cum suis
 complicitibus sibi vindicaret, ut æstimabatur
 ne eam taperet, ad Anglos citius transfretaretur.
 Die namque quo inter Willelmum ducem emeritum,
 Riulfumque multifariam blasphemum et
 perjurum, ut recensitum est, exstitit prælium,
 matrona venerabilis enixa divæ memoriæ pue-
 rum, misit quemdam fironem nomine Fulcardum,
 ut proderet duci Willelmo præoptatum genitæ prolis
 negocium. Willelmo vero cum cec potito victoria
 de inimicis, et per prælii pratium tepido cruore
 infectum equitanti, milliaque millium exanimum
 prostrata intuenti, atque regum Regi grates præ-
 maximas gratanter referenti, legatus natæ sobolis
 gaudium denuntians adfuit.

APOSTROPHA.

O semper meritos tali de prole parentes,
 Cujus in exortu superos ingentia cives,
 Terrigenas pariter perflarunt gaudia plures.
 Cœlicus ordo hilaris tanto concive futuro,
 Humanus meritis gratatur iudice sacro.
 Orbis sub cujus semper moderamine lætus,
 Tranquillæ pacis prædigna dote fruetur.

Tunc dux merito famosissimus, peracto mirabili
 trophæo hilaris et lætus, lætiorque nato hærede et
 successore effectus, misit Hericum summæ reve-
 rentiæ Bajocacensem episcopum, et Bothonem do-
 mus suæ militiæ palma majorem et præcipuum, ut

salutiferæ pacis puerum sacrosancti olei chrisma-
tisque liquore insigniter innovatum, typici lava-
cri regenerationisque fonte delutum susceperent,
vocitando Richardum. Qui hujus expeditionis
mandato hilaris, mœniaque Fiscanna præpete
equitatu aggredientes, a clero populoque suscepti
sunt, monasticis rebus præparatis reverenter. Se-
quenti namque die totius clero provinciæ, populo-
que sexus utriusque prænati pusionis baptismatis
gratulatione undique secus adveniente, mysticæ
ablutionis benedicto fonte ab Henrico reverentissi-
mo Bajocacensi præsule, cum cæteris episcopis
illius terræ, regeneratum salutifera trinæ immer-
sionis inundatione, sacrique chrismatism insigni-
tum nectare, deificæque Trinitatis nomine, veteri
hominis dempto squalore, prædictus præsul
cum Bothone comite suscepit puerum Richardum
nomine, de sancti lavacri purificatione. His vero
cum magna reverentia peractis, cleroque Deum
collaudante super duce nato, regredientibus popu-
lorum turmis, præsul cum Bothone renuntiavit de
puero quæ gesta sunt Willelmo duci.

APOSTROPHA.

Felix, o meritum fati
Insigni patre matreque,
Infantis celebre sacri,
Richardi quoque nomine.
Cujus purificatio,
Et cujus renovatio
In patris Domini Dei,
At hujus Sobolis Dei,
Sacri Flammis et Dei :
Unius tamen et Dei,
Veri nomine perpeti.
Castro facta decentius
O Fiscanne tuo, maris
Prope littora quod viget.
Omnes undique clericos,
Plebem et populos sciat [ciat vel ciet],
Sacros ut jubilos ferat
Patri, et verbigenæ Deo
Partu virgineo edito,
... Flamme cum sacro.

Transacta denique duarum horarum interca-
pedine mirabilibusque incrementis augmentato
profusius Richardo infante, cœpit dux Willelmus
de regni commodo salubriter tractare, deque
sui ducaminis successore cupiens adimplere quod
volvebatur in ejus corde. Hujus itaque cogitatio-
nis diutissime et acriter sollicitudinibus exagita-
tus, omnique desiderio intueri diligenter gestiens
cujus valetudinis, cujusve sospitatis, quin etiam
crescente ætate cujus formæ vel qualis staturæ
exoptatus filius fuerit suus Richardus, misit do-
migenas secreti sui conscios, ut ad villam quæ
dicitur Chevillæ clam deportaretur. Delato igitur
infante ad prædictæ villæ locum, assumptisque
tribus fidis secretariis suis, Bernardo, Bothone et
Anslec, profectus est dux ad eum. Quem ipse di-
ligentius intuens, et compage membrorum illius
manibus attractata, prout ætatis erat formosum

intelligens, ætatemque infantie incrementabiliter
transcendere eum animadvertens, amplexatus
eum amabiliter, et osculatus dulciter, tribus comi-
tibus supra memoratis fari cœpit, quod corde
diu rimatus est referens : « Vestro consilio, inquit,
hoc regnum strenue usque modo rexi ; Britones
contra me rebelles hostiliter devici ; paganos nos-
trorum finium pervasores redargui ; Flandrenses,
cæterasque gentes in affinitate nostræ potestatis
commemorantes audacter subegi : quin etiam si
quid boni operatus sum, vestra benignissima ex-
hortatione coactus blande leniterque peregi. Nunc
vero ex hoc quod molior agere, assensum præ-
bete mihi ; quia omne regnum hæreditario carens
domino desolatur et dividitur, et seditiones quam-
plurimæ, rixæque inauditæ, implacabilis queri-
monia multipliciter generantur. Ideoque iste pue-
rulus hæres mihi successorque in nostri ducami-
nis ditione vobis faventibus constituatur. Volo et
obtestor ut, fide nostræ credulitatis sui fideles
effecti, securitatem istius regni isti infanti facia-
tis, quia ignoramus quid futurum pariet tem-
pus erroris. » Tunc responderunt illi seniori tam
affabiliter loquenti : « Jussis tuis continuo vitæ
nostræ cursu parvimus, et quandiu superstites
fuerimus, iste erit nobis congruus comes, duxque
patricius hæreditarius, ejusque præcepto per
omnia obtemperabimus. Hoc namque consilium
complacebit omnibus sub tuæ protectionis tutela
commorantibus. » Tunc illi adimplentes jussa
marchinois nobilissimi, regni securitatem Ri-
chardo puero elegantissimo facientes, sacramento
veræ fidei manibus voluntarie datis commendave-
runt se illi.

APOSTROPHA.

O Richarde potens, et probus, et pius,
Dux, martyrque future.
Pollens iste puer matre satus sacra,
Justæ progeniei
Hæres, non importunus erit Deo,
Clero nec populoque.
Verum congruus et conveniens pater,
Justus, patriciusque.
Sanctus marchio, constans comes et bonus,
Dux et chisticolarum.
Fulgens atque propagator erit sacer
Veræ credulitatis
Ac legum. Populo distribut pius
Justas rector habenas.
Et plebes soboles ut moderans pate
Juste pacificabit.
Illi sit puero gloria, pax, decus,
Jesus et gratia Christi.

Hujus namque consilii peracto negotio, quinimo
omnipotentis Dei disponente arbitrio, cœpit pater
sagaci mente meditari quo loco quibusve posset
enutrirî salubriter et educari. His incumbens rima-
tionibus, infit prænominatis tribus : « Quoniam
quidem Rothomagensis civitas Romana potius
quam Dacica utitur eloquentia, et Bajocacensis frui-
tur frequentius Dacica lingua quam Romana ; volo

tua custodia et enutriatur et educetur cum magna diligentia, fervens loquacitate Dacica, tamque discens tenaci memoria, ut queat sermocinari profusus olim contra Dacigenas. » Tunc Rotho acquiescens senioris voluntariæ petitioni, et suscipiens præcipuum infantem ad curam educandi, urbi eum detulit concite Bajocacensi, eumque cusdodivit ut pupillam oculi sui. Dux vero Wilhelmus ob amorem dilectissimi filii sui, Pascha ipsius anni Bajocas celebravit, coadunatis optimatibus Britannicæ Northmannicæque regionis. Et illic moratus est donec essent transacti sacre solemnitatis Pentecostes dies festivi. Cupiens autem infantem Richardum suorum fidelium sacramento et juramento in regno confirmari et sublimari, assumpsit septem optimates majoris potentiae, et pandit illis cum tribus supra scriptis secretum voluntatis suæ: « Rerum fortuna casibus quia innumeris semper rotatur, raroque ulli certus causarum eventus; quocirca, vobis faventibus, volo ut me superstitute filius meus Richardus hæres meæ ditionis a vobis constituatur, manusque vestras vice cordis ejus concedatis manibus, pactaque fidelitas veræ fidei vestræ juramine obnixè firmetur, atque vestro consilio utilissimo ipsa tota patria prudenter regatur. » His propositionibus hilares responderunt septem optimates: « Si prærimari et præcogitare, quinimo prædicere quod proposuisti animo non æstuaris, congruum et consequens summopere nobis esset, ut nostro precatu, nostraque sollicita exhortatione admonitus hoc faceres, quia necessarium hoc negotium, et peculiariter nobis est. » His dictis Richardo infanti manibus suis datis, super sacrosanctas reliquias fidem obsequentis famulatus et militationis facientes, sponderunt et voverunt illi se per omnia esse fideles.

APOSTROPHA.

Sacri et ordinis, et graduumque,
Puer inelyte, et indolis almæ
Patre de nitido sate, matris
Genere ex rutilo, ingenuoque.
Merito tibi subditur ista
Patria et regio, editus es qua.
Quid dux bonus, et comes almus
Eris indigenæ morulanti hic,
Eris et decus Ecclesiarum
Sacra gloria, spes recolenda
Vagus, orphanus, exsul, inopsque,
Capiens opis auxillum a te
Hilaris saturatus obibit.

His namque sagaci, prudentique et salubri consilio definitis, rebusque pluribus sacre Ecclesie reique publicæ salubriter adornatis, rediit quisque ad sua lætus et hilaris. Interea infans bonæ indolis, primique gratia floris, Richardus scilicet celebris, formabatur capsim ab annis. Gratia autem Spiritus sancti adaugens illius antra pectoris, largiffimo munere ardentis studii, sagacisque ingenii, duobus quod est sufficiens aggerabat propensius illi. Domum subnixam columnis sapientia fabrica-

bat in statu illius pectoris. Ipse autem, secundum vires ætatis, quidquid boni poterat adimplebat gestis optimis. Ut autem adolebat vegetabiliter humanis incrementis, ita fecundabatur feliciter vitæ meritis. Quæque boni audiebat memoriter retractans retinebat; mala vero respuens floccipendebat. Quæcunque legis tegebantur obscura, reserata enucleatius solvebat omnia. Patre vero Wilhelmo, ut recensitum est licet hebetè stylo, perfidiæ nævo martyrisato, et in stellifero regno feliciter coronato, antequam humaretur corpus ejus sepulcro, adduxerunt Richardum puerum qui residui fuerunt in regno, et qui non lerant ad luctuosum placitum cum eo. Tunc Northmanni et Britones tantæ pulchritudinis et dignitatis puerum videntes, lugubri flebilique voce singultientes, altaque diversorum alutatu suspiria emittentes, dixerunt unanimes: « Ecce cui servire, ecce cui militare, ecce cui patre superstitute fidem fecimus. » Tunc Beringerus Britannicæ regionis comes præcipuus, inquit flexibilis et mæstus prior pro omnibus: « O seniores et domni, Arnulfi perfidia dolose decepti, mœrentes et tristes plorabili nece pissimi marchionis, priusquam lamentabile corpus tumulo condatur, seniore faciamus nobis. Iste puer, ut dux nobis sit et patricius, in sede patris est subrogandus. Ne exteræ gentes super nos irruentes, hocque negotio hujus traditionis inaudito principari super nos liberantes, vindicent sibi Northmannicas Britannicasque fines, iste puer constituitur istius regni princeps. Scutumque perditum patris soute reformantes, restaurantesque ejus soboli, obstemus repugnando volentibus dominari nobis. » His dictis unanimiter callaudantes hoc consilium, aggrediuntur comites cum magna frequentia principum cummoto impetu et murmure ululantium ingentis reverentiæ Richardum puerum. Tumultuantium autem populorum murmure sedato, vix adepto silentio, Beringerus et Alannus, cæterique Northmannicæ Britannicæque comites, datis manibus suis Richardo, subdiderunt se libenter illi, ut promiserant olim patri viventi. Pignoribusque pretiosorum sanctorum delatis, sanciunt illi tenorem integerrimæ fidelitatis et militationis, morte christianæ conjurationis. His flebiliter expletis, pluribusque ad sua reverentis, Richardus puer expectatæ nobilitatis, fortitudineque celebris, Rothomago remansit cum tronibus, patrisque domigenis.

APOSTROPHA.

Rothomage super missa vage littora Sequane,
Urbs secunda bonis omnibus, et militibus feris
Semper feta laon, dives opum, plenaque munerum.
Venatu exhilaris, sufficiens, et locupletior!
Miltarum speciorum, generum, pisceque ditior.
Altis altibusque, accipitricque anticipei scio.
Omni quin melior, quin potior, urbe potentior,
Portus quam vegetat Belgicus, et Celticus, Anglious.
Gaude tripudians, lætificans, exilarans, quia
Perfectus senior, et dominus legifer est tibi,
Defuncto et patre dux, patrioius, marchio habebitur.
Richardus celebris, justus et almus, pius, innocens,

Sanctus, religiosusque, benignus, sacer et probus, Solemnis celebris pro meritis, dignus, amabilis, Dilectus, recolendus, reverendus, memorabilis, Sæcla jure valens, jure potens, jure per omnia. Qui te olim moderans proteget, et auxiliabitur Et cujus meritis continuis sæcla per omnia Præfulgens locupletaberis, et munificaberis. Et cujus bonitas, et pietas, et reverentia. Campos Elisios scandere te coget ad ultimum.

Audiens autem rex Franciæ Ludovicus quod, Arnulfi Flandrensis comitis versutia deceptus, pro stabilitate sacrosanctæ Ecclesiæ, sanctæque fidei et pacis, proque fidelitate sui martyrizatus esset dux Northmannorum Willelmus, multum condoluit, et optimates regni exceptis mortis ejus tractoribus concite Rothomagum properavit cum suis comitibus, super his quæ nefario Arnulfi comitis astu acciderant consulturus. Rothomagenses vero adventu regis Ludovici hilares susceperunt eum volenter, putantes ut equitaret super Flandrenses, acerbamque et pestiferam ultionem pro inaudito piaculo quod fecerant, illis reddere vellet. Rex autem Ludovicus ad se venire fecit Richardum tantæ pulchritudinis puerum, lacrymansque affectu doloso et fraudulento suscepti et osculatus est eum, retinensque cœpit epulari et recubare secum. Sequenti namque die nutritori tanti honoris puerum volenti deducere ad alteram domum, ut balneari et custodiret eum, prohibuit, rex, et detinuit secum. Secundo et tertio die itidem altori æstanti facere, non sinit rex, verum prohibuit obstinato corde. Animadvertens nutritor captum esse tantæ dulcedinis puerum, ad nullum conatus est postea ducere locum. Hujus igitur rei fama tota civitas tumultuosa excitatur, murmurque captionis per totam urbem diffusum sparsim ventilatur. Tandem vero suburbani conglobati cum civibus, plebeoque more irruentes ad domum principum civitatis illius, cœperunt blasphemare eos, emittentes ingentes gemitus, et dicentes altis vocibus : « Nostra negligentia Willelmum ducem præcipuum nostrum advocatum amisimus : vestro tamen consilio perfito non hic exsul exterminabitur. Nos omnes perjuros et regem digne necabimus, et Richardum tantæ ditionis puerum ne exsulet liberabimus. » Plurimi autem principes asperrimis civium verbis exagitati, ferroque induti velociter et armis, miscent se armatæ plebi. Plurimi vero rusticorum animositatem metuentes domibus suis remanserunt, ostia obnixè obfirmantes. Illico vero plebs cum armatis militibus ferventi animo et citatis gressibus festinant regem invadere cum suis comitibus. Rex autem ut tumultuarii strepitus murmur audivit, cœpit inquirere causam illius rei. Dictumque est ei : « Urbis istius principes, quia Richardum tantæ spei puerum in captione tenes, gestiunt te invadere festinanter. Vix evades imminens periculum, vix liberaberis a turbis civium et armorum. » Munc rex algido pavore præoccupatus, imminentisque ruinæ casu tremulus et concussus, tandem in æmetipsum reversus, misit ad

A Bernardum principem Northmannici exercitus, ut succurreret ei pro amore Dei velocius. Qui concite remisit ad eum hæc verba dicturum : « Non me, nec illum liberabo ; sed hæc seditione oborta, ut autumo, interibo. » Tunc iterum rex misit ad eum, ut quo liberari posset daret ei consilium. Bernardus autem timens ne occideretur ipse et rex, remandat ut accipiens in ulnis Richardum præcelsi auxilii puerum, veniret supplex ad misericordiam militum et civium. Rex autem sui diffidens, suorumque interitum et interneccionem metuens, suscepit in brachiis suis Richardum tantæ liberationis puerum, et detulit ante conspectum armatorum, se et suos, supplicii voce poscens misericordiam illorum, occidere volentium. « Ecce ego et vester senior, quidquid de me vultis facite cito, tantum ne me meosque occidatis suppliciter imploro : quia vester dominus non moratus est penes me ut captus teneretur, sed ut notitiis regalibus, palatinisque facundiis instrueretur. At illi recipientes Richardum tantæ virtutis puerum, regem humillimæ deprecationis plenum, ad aulam suæ habitationis et ad suos redire permiserunt. Rex autem Ludovicus anxius super his importunitatibus, superque venturis nutans et incertus, salubri suorum episcoporum et comitum consultu, misit ut ad se festinarent optimates civitatis illius, scilicet Rodulfus et Anslec, atque Bernardus. Quibus accersitis, coramque adductis, rex principibus inquit tristis : « Terrore mortis domini vestri acriter admonitus, vosque super quod occidit solaturus, huc accessi ; sed acrioris tristitiæ mœrori tristior obviavi, quia vestri suburbani cum civibus, et milites cum rusticorum cœtu, me meosque voluerunt conterere, et dilacerare repentino interitu. Sed pestifero tantæ seditionis hoste, tuo consilio, Bernarde, liberatus, dic quid sum facturus. Et Bernardus : Nimis ægre tuus fert animus quod fecerunt in te rustici cum civibus. Oportet igitur salvum te reddi a propalata nequitia fraude. Denique quia noster senior dux Willelmus, felix per omnia existit tuus, decet quo terram hæreditario jure Richardo magnæ posteritatis puero possidendam, sacramento sacræ fidei manibusque super sacrosancta phylacteria positis sanciens auctorizes, teque esse abhinc indemnem illi, et deinceps, atque adiutorem et defensorem te esse contra terrigenas omnes. Sic quiveris lætari nostro servitio et militatione, nos tua tutela et gubernatione. Si quis vero in te fixatus fuerit, conteremus eum, et si quispiam insurrexerit in nos, virtute tuæ potentia prosterne humo tenus eum. » Tunc rex in dolo respondit Bernardo : « Quodcunque retulisti faciam, meosque volenter aut nolenter facere ad præsens cogam. » Illico Richardo prædignæ innocentia puero largitus est terram hæreditario avi patrisque jure possidendam : delatisque sanctorum reliquiarum phylacteriæ, manibus super ipsa impositis, Deo nominato in primis juravit se contra omnes illi auxiliari, suosque præsules et comites idem facere coegit. His taliter sedatis et expletis, rex fraudulenter prin-

cipibus Northmannicis inquit : « Quoniam pollicitatione juramenti veracis fidem integerrimi tenoris vestro seniori vobisque peregi ; perseverantem fiduciam vestri adjutorii obnixè de me habeatis, et nullus vestrum ullatenus nutet auxilio solaminis. Verum seniore[m] sinite mecum morari, ut, faciendæ ubertatis colloquio edoctus, discat definire, et detur minare verba scrupulosæ rei. Plurimarum vero rerum notitiam melius discet in palatio meo, quam commorans in sua domo. Quocunque proficiscar, mecum proficiscetur : quocunque morabor, morabitur. Efficaci patris ejus adminiculo regimen totius Franciæ et Burgundiæ teneo ; ideo ajutor et solator isti, quandiu superstes fuero, ero. Quia pater istius pro me morte præoccupatus fuit, bella crudelior ero, si non auxiliatus fuero isti. » His igitur fraudulentis regis simulantis aloquiis principes Northmannorum decepti, mancipaverunt Richardum, desideratæ spei puerum, Ludovico regi ad educandum. Rex vero hinc cum puero ad Ebroicacensis urbis profectus mœnia disponebat reipublicæ jura. Simulabat ore et opere bonæ voluntatis adjutorium, verum in corde gerebat malæ intentionis propositum. Diu morulans Ebroicas, cogensque subdolo corde ad fidelitatem pueri civium turmas, repetit Rothomagensis urbis palatia. Postera die, principibus civitatis accersitis, fraudulenta et dolosa verba retulit : « Super damni et doloris nostri auctorem, prosperandi habeo intentionem. Revertar ad Laudunum, deducens mecum Richardum fiduciæ vestræ puerum ; hincque Burgundionibus ascitis. Francigenisque conglobatis, obsidebo Atrabatum donec capiam illum. Omnes vero subvertam munitiones Flandrensium, et dissipabo hostiliter bona illorum. Quodcunque Arnulfum scivero, illuc mei exercitus gressum festinanter protelabo. Ultionem quam meretur ei reddam, si forte illum usquam inveniam. Vos autem estote præparati, ut vestrum seniore[m] mecum vindicetis. » Talium sophismatum simulationibus excæcati, siverunt futuræ opis puerum ab eo deduci.

APOSTROPHA.

Rothomage tuus modo puer,
Marchio jure potens tibi datus,
Captus adest quia, plange tremulans
Regeque Francigenisque Satrapis
Ducitur, heu dolor! advena velut
Dacigenis stolidis proceribus.

APOSTROPHA.

O Ludovice,
Si bene corde
Vota teneres,
Quæque sacra sti,
Rex recolende,
Cum bene regnans
Imperitasti ;
Auxiliante,
Præsidiumque
Dante salubre

Vindice tanto,
Patre Richardi
Religioso
Innocuoque
Martyre Christi,
Simplicitate,
Et probitate
Munificato.
Belgiqua qua nunc,
Celtica necne
Ast Aquitana
Gallia porgit

Multiplicatos
Undique tractus
Cur abicis quod
Jam sacramento
Religionis
Christicolarum
Jure tulisti ?
Cur resolutus
Lege ferina
Atque nefanda,
Muneribusque,
Proditus astu,

A Comes vero Arnulfus inaudita fraudulentè homicidii lue fœdatus, timensque futuròs vindicaturi si bene egisset regis adventus, misit ad eum legatos, qui subsequentiâ dicerent, cum maximis muneribus : « Domine rex piissime, noster senior plurima subactus infirmitate, mandat tibi fidei servitium, si placet recipere. Falsa proprolatæ famæ opinione audisti, indebitè Richardi ducis morti nostrum seniore[m] Arnulfum favisse, qua se contra te vult expiare et emendare, judicio tuorum, igne. Milites vero, quibus Richardus plurima mala intulit, quique morti illum applicuerunt, ex tunc minabit, si talibus factis gratiam tuam poterit promereri. Quatenus annuendo petitionibus ejus benevolus faveas, mittit tibi libras auri purissimi bis quinas. Quin etiam universæ regionis suæ tributa annuatim dum vixerit tibi ultro solvet. Servitium tuum sui per omnia facient, et quocunque perrexeris hostiliter pergant. Ipse accedere ad te nequit, quia podagra scis eum irretiri. Foveant preces nostræ indulgentiam tuæ pietatis, teli afflictum infirmitatis vulnere, talique sine re culpatum crimine, miserantis. Miseratio condigna præoccupet furorem tuum, ut non deseras servum tuum, sine causa a te exosum. Tua est potentia, tuumque regnum : noli perdere quod tibi est commissum. Facilius potes omnes Flandrensium perdere quam vasa vitrea malleo conterere. » Tunc regis consiliarii muneribus excæcati dixerunt ei : « Non oportet te ulli præjudicium facere, qui se tibi satagit justificare. Immunem se a doloso scelere mandat, suosque justificare aut exterminare deliberat. Pro non recuperando quo indiges, non debes perdere quem tenes, neque te ullatenus illo frustrari. Omnes qui occidentur non tibi est jus vindicare, residuos ob mortem rixantes pacificare. Reminiscere malorum et pudoris, quæ in te Northmanni Rothomago exercuerunt, et præcave ne pejora tibi impertientes, Northmannicum auferant tibi regnum. » Tunc Flandrensium : « Præter hæc mandat noster senior tibi præmaximum consilium hujus rei. Tene Richardum filium in sempiternum, et usus fructus regni in æternum. Opprime diro legis jugo et servitio terræ illius habitatores, et coge illos servire tibi obedienter. » Cujus pravi consilii exhortatione et muneribus rex deceptus et excæcatus detinuit Richardum tanti pretii puerum, et dimisit Arnulfo quæ fraudulenter de Willelmo fuerat propter eum.

Linguis honestum,
Jamque revulsa
Pace tenorem
Credulitatis?
Cur sobolemque
Illius almi,
Lore ligatam
Impietatis,

Fomite pravo,
Heu! vegetandum
Atra cupido
Sorte cupita
Detinet exlex?
Desine pravum,
Sperne tenere
Quæque nefanda

Mitte Richardum,
Postulo, ephebum,
Quo sua jura
Impleat alma.
Quo capis illum,
Tu capieris,
Et vice digna
Regredieris.

Erat autem quidam tiro nomine Hosmundus, Richardi summæ celebritatis pueri educator, et altor sagacissimus. Qui quadam die absente rege immeritæ captionis puerum equitare fecit ad aucupium, ut disceret alites capere suo accipitre. Cum vero rex reverteretur, et reginæ verbis Gerbergæ sciret quod puerilis delectationis studio memorialis scientiæ puer Richardus extra Laudunum proficisceretur, rogavit ad se venire Hosmundum magistrum ejus. Illo coram astanti furiis bacchatus acerbis, demonstrans obiectum diu nefariæ captionis secretum infil: « Nequior omnibus, quorsum deduxisti seniore[m] tuum nudiustertius? Senioris tui poplitibus coctis, privabo te oculis, si forsán eum quoquam amplius duxeris. » Tunc aliis tironibus pariter cum eo commendavit puerum, ut custodirent diligenter, et ne posset fuga elabi præviderent eum. Hosmundus autem animadvertens captum esse Richardum tantæ dulcedinis puerum, misit ad Rothomagenses qui nuntiaret blasphemum tantæ deceptionis negotium. Rothomagenses vero mutatum malefici regis stupentes propositum, a Deo requirunt suppliciter tantí consilii auxilium. Mittunt ergo ad omnem Ecclesiam Northmannicæ Britonicæque regionis, ut missas concelebrent devote pro eo presbyteri, clerus psalmodiis vacet, populusque nudis pedibus, saccoque indutus jejuset. Northmannici vero Britonicique præules hujus tristici legationis famam audientes, triduanum jejunium in uno quoque mense populo indicentes, deprecantur Dominum Deum fuis precibus, eleemosynisque datis pauperibus suppliciter, ut reddat eis Richardum tantí desiderii puerum. Monachorum canonicorumque clerus pro eo psalmos supplex concinit, populusque lustrans devotus ecclesias, deprecativos gemitus emittit. Interea Richardus tantí decoris puer, insignis prosapiæ, honestate celebris, instruebatur omnibus in captura notitiis sufficienter. Ducebat solidam illius ætatis partem robore cumulato, eratque commodus et utilis omnibus quasi maturus ævo. Arguebat secundum vires ætatis quidquid erat illicitum. Floccipendebat quidquid erat animæ incentivum. Vivaci lepore affluenter armabat linguam, facundæque upertatis colloquio insignibat eam. Peragrabat studio et retractabat quæ ignorabat, nec abdebantur ei quæ sunt obscura. Pueritiæ suæ ætatum Jesu Christo consecrabat, seque totum divinis præceptis, teneræ adhuc licet ætatis esset, mancipabat. Divina namque permissione hoc factum est, ut puer concupiscuæ formæ præ cæteris nitidus, nonnisi in palatio regis nutriretur. Multimo-

A dis illum sermonibus libenter insignibat; et mellifluo palatinæ sermocinationis dulcamine erudiebant. Processu vero temporis, Northmannorum et Britonum precibus continuis, jejunisque singulis mensibus devotissime exercitatis placatus regum Rex Dominus, eripuit Richardum inestimabilis incrementationis puerum taliter de regis manibus. Prædictus namque tiro Hosmundus, provisor illius honestissimus, videns detineri suum seniore[m] diutius, et vallari vicissim die noctuque ne posset subtrahi tironibus, cæpit meditari quomodo eriperet eum de tantis custodibus. Quadam igitur die coegit hujus rei gratia simulata imbecillitate recumbere tantæ custodiæ puerum, et quasi dissimulata corporis sospitate, emisso frequentius planctu aggravari eum. Cujus falsæ opinionis rumore civitas impletur, et hæc simultas pro veritate fama nuntiante propalatur. Custodes vero tertia die æstimantes morte præoccupari tantæ diligentie puerum, huc illucque necessitate sua euntes discesserunt. Hosmundus igitur cœnante rege et civibus, nudisque plateis ab hominibus, byrro et tantæ liberationis puer indutus, citatus equis, Lauduno exivit citius, rapidoque cursu castrum appulit Codiciaicum. Illic affluentis probitatis commisit castellanis puerum, et profectus est in ipsa nocte ad comitem Bernardum ejus avunculum, qui morabatur mœniis Silvanectensium.

APOSTROPHA.

Northmanniæ nunc præules,
Belloque in omni principes
Regni triumphales simul,
Et clerus omnis ordinis,
Populus simul plorabilis:
Pueri, senes, et virgines,
Juvenesque, cunctæ, femine,
Vulgusque in vicum concitus,
Fletus lugubres mittite
Mæstis modis et parcite.
Nam gaudium vobis datu
Vinclis solutus regis,
Elapsus et custodibus
Richardus almus innocens,
Prudens per sanctissimus,
Pulchre decorus splendidus,
Liber tenaci compede,
Vobis erit dux præpotens
Grates Deo nunc reddite
Pro liberato pignore.

Bernardus autem in obscuræ noctis silentio videns Hosmundum, admirans dixit ad eum: « Quid tibi, Hosmunde? nihil boni de meo nepote? » At ille:

« Domine, si eruam eum de manu regis atrocis, quid facies de eo? » Et Bernardus: « Te multis honoribus ditatum sublimabo, te beneficiis locupletatum nimis exaltabo. Nepotem vero meum in regno patris sui hæreditario restitutum, Northmannorum, Britonumque principes illi servire cogam. » Ad hæc Hosmundus: « Sero Lauduno tuum nepotem clam subtraxi, et Codiciacensibus castellanis eum, ut custodirent, commendavi. » Mox Bernardus solito lætior citius surrexit, et ad Hugonem magnum ducem Parisius præpete equitatu festinanter properavit. Hugo magnus videns eum dixit: « Quid ad nos tam repentinus et matutinus accelerasti? » At ille: « Rex quia Ludovicus meum nepotem strictius et prævidentius custodit, venio ad te ut desuper eum aliquod consilium mihi. Et si forte aliquis eum de manibus regis eruerit, quale adiutorium ei tua clementia impertietur? » Tunc Hugo magnus: Mirum est omnibus quod agit rex Ludovicus. Pater pueri illius pro fidelitate regis deceptus est et interemptus, et ipse tenet captum filium ejus. Utinam de vinculis regis eum eruerit aliquis, et mihi adduxerit! » Et Bernardus: « Domine, quid facies si quod retulisti adimpletum fuerit? » Et Hugo magnus: « Ego quidem Northmannos et Britones subjugans ei, possidere faciam illum quæcunque pater tenuit. Contra regem illi auxiliabor, contraque Arnulfum, omnesque insidiatores viriliter juvabo. » Tunc comes Bernardus precibus accumulans preces, ad pedes suppliciter corruens dixit: « Domine dux præpotentissime, ne irascaris se repetam quod volo a te. Ut credulus tuarum promissionum confitentem existam, pollicitationis verborum tuorum fac mihi tua petitione fidem integerrimam. Habeo enim Codiciaco tanti amoris puerum captione regis perfidi ab Hosmundo liberatum. » Dux vero magnus gratulans de puero eruto, dixit comiti Bernardo: « Ut [de] propositionis meæ proposito fiducialiter securior sis, faciam tibi et illi quæ supplex requiris. » Allatis vero reliquiis, manibusque supra positis, sacramento veræ fidei sponndit se puero contra omnes auxiliari.

APOSTROPHA.

Mellifluæ bonitatis ope,
Hugo potensque, valensque, vicens,
Magnus, et inelytus, ac meritus,
Magnanimus, bonus, almficus
Mirificus, probus, egregius.
Auxilii ecce memento tui,
Et reminiscere quam peragis
Eximie probitatis opus.
Emeritumque juva puerum,
Protege, salvifica, refove;
Quod pater ut tenuit teneat,
Gaudeat et recidivus eo,
Possideat, habeat, faciens
Quod facere assidue ambierit.

His et hujusmodi peractis, comes Bernardus rapido equitatu Codiciacum expetit, et oculatus

A tantæ diligentie puerum, amplexibus fruens optatis, eum cum magno exercitu ad Silvanectensem urbem perduxit. Rex vero Ludovicus duplicis tristitie, scilicet eo quod ceperat puerum, et quod ipse elapsus erat, expertus errorem, misit legatum ad ducem magnum Hugonem, ut reddere puerum cogeret Bernardum comitem, Hugo quidem magnus remandat regi verba subsequentis orationis: « Silvanectensem, et Codiciacum, Torotense non auferam Bernardo, et Cretheltense castrum, nequeo urgere ullis conaminibus illum ut reddat Richardum dilectissimum nepotem suum. » Interea Bernardus comes Silvanectensis misit ad Bernardum Rothomagensem, ceterosque Northmannos, qui nuntiaret concite eventus optatos. Northmanni quidem et Britones desiderati pueri ereptione nimium hilares, persolvunt Deo omnipotenti pro eo vota et grates. Hujus rei gratia Silvanectensis comes Bernardus profectus est contra Bernardum Rothomagensem et Dacigenam, quid ageret de puero consulturus. Cumque mutuis alternatim sermonibus nimiumque secretis fruerentur, et de restitutione pueri in regno diu tractarent, Bernardo Dacigenæ dixit comes Bernardus: « Ne forte rex Ludovicus animadvertat nostræ intentionis propositum, non veniam abhinc contra te amplius ad placitum. Verum crede quod mandavero tibi signo inter me et te facto ostenso per legatum, et rimare ingenioso conamine regem Ludovicum fatuare, quia vult nos et vos omnes crudeliter perdere. » Illico pluribus rerum caute replicatis, quisque sua celerius revisit. Interea rex Ludovicus de digne ereptionis pueri absoluteione anxius, et de remandato diffidentie ab Hugone nimium tristis et mæstus, misit ad Flandrensis gentis comitem Arnulfum, qui ejus rei negotio auxiliabitur nimium; quatenus venire contra se acceleraret ad placitum. Qui festinanter occurrentes sibi in pago Virmandensi, in villa quæ dicitur Restibulis, qui agerent cœperunt meditari. Arnulfus vero digni interitus sui formidans ultionem, vafro stomachatus astu, dixit ad Ludovicum regem: « Ingentis formidinis pavore exterreor, et usque ad intimum medullarum super venturibus concutior, ne forte Northmanni et Britones Hugoni duci contra te rixanti vehementer nostræ confusionis interitu cohærentes, militari manu ascita insurgant in nos unanimes. Verum super hoc dabo tibi consilium, ne incurramus venturi damni periculum. Excæca igitur oculos Hugonis muneribus et beneficiis, ne possitquæ feceris jure refragari. Concede illi Northmanniam a Sequana usque ad mare, ut valeas quæ citra sunt quiete tenere. Northmanni vero taliter divisi desolabuntur, et non contra nos ad certamina ultra excitabuntur. Sic minues et exarmaveris potentiam illorum, non uno soli Domino militantium.

APOSTROPHA.

Inventor sceleris, consilii et mali,
Prorsus quod vetitum est, fraudis et impiæ,

Cur præscire Dei consilio tuo
 Gestis conterere, et sistere perfido ?
 Heu ! Heu ! occubuit perfidia tua,
 Hujus jam sobolis præmeritus pater,
 Pro visu Domini purior ut foret,
 Fultus martyrio, testis et emicat.
 Hanc non contaminans improbitas tua
 Torquebit simili et dilanians modo,
 Hic vere sederit dux luculentior,
 Prudens, pacificus, promeritus comes,
 Sanctus, religiosus, bonus et pius
 Summus patricius, marchio providus,
 Defensor patriæ, at indigus opis,
 Solator miseris, quin viduæ et orphanæ.
 Cunctis omne bonum, lueraque prospera.
 Effectus populum regimine congruo,
 Conducet moderans, legeque corrigens,
 Campi siderei ad pascua cœlica.

Rex vero Ludovicus pravo astutæ dolositatis ingenio usus, misit ingentis reverentiæ præules ad Hugonem velocius, ut ea fide qua concatenantur senior et miles venire festinaret ad se promptius. Hugo igitur magnus creberrimis episcoporum petitionibus suppliciter coactus profectus est contra regem ad villam in vico juxta Compendium, quæ dicitur Crux, dixitque ad regem : « Cujus rei negotio huc me accelerare fide et legatis præcipuis compulisti ? » Rex autem : « Ut reddas mihi Richardum, quem furatus est Hosmundus, et perduxit ad comitem Bernardum. » Respondit Magnus Hugo : « Nisi castra quibus præest Bernardus illi vi abstulero, nequeo favere ullatenus precibus tuis et voto. » Tunc rex : « Ut meæ necessitati non injurius, sed solatur existas, concedam tibi Ebroicacensem et Bajocacensem comitatum, quin etiam a Sequana ad mare usque ut possideas. Ergo vero quæ citra Sequanam sunt tenebo, et quæ meæ voluntatis sunt ex his explebo. Simus concordēs in omni negotio et unanimes, ut decet regem et ducem perpetuallyter. Ego cis Sequanam pergens, Rothomagum obsidebo, tu vero mititari manu Bajocas vallans expugnato. Sic atteramus Northmannos advenas et superbos nostreque ditioni subjiciamus illos. Taliter autem mitescent et subjugabuntur, aut exterminati Daciam celeres repedabunt. » Hugo vero dux magnus, fidei, quam fecerat Bernardo pro Richardi juvamine oblitus ; quin etiam beneficiis ac civitatibus exorbatus, pepigit cum rege hujus conventionis fœdus. Quo, ut hæc facerent, determinato tempore, regreditur ad sua quisque. Bernardus igitur comes hujus conventionis gnarus adiit Hugonem ducem celerius veniensque ante conspectum ejus, dixit corde vultuque turbatus : « Dux magne et fidissime, præcellis usque nunc omnibus meritis, et fidel tenore, sed mirum mihi cur innocenti puero mentitus es, quod ultroneus Christianæ conjurationis fide promisisti. Oporteret te quam promisisti servare fidem illæsam, et nullorum donorum munere et beneficio exsecrari eam. Northmanni et Britones

A norunt quæ spondesti puero, Franciæque principes lætificarunt se super hoc consilio. Quid turpius hac infamia ? talique blasphemia quid obnoxius ? Tantæ perfidiæ rumor, tantique malefici ducis nequitia promulgatur per tota penes Franciæ civitatum mœnia, omnes susurrant de tanto duce et advocato, quo modo deceptus est et mentitus muneribus et beneficio. » Contra istius invectionis molimina Hugo magnus respondit, ab imo cordis emittens suspiria : « Veris purisque sermonibus quæ exsecutus es retulisti, quia oblitus sacramenti, quo me defensorem et adiutorem pueri ultroneus promisi, terram a Sequana usque ad mare hæreditario jure ab eo possidendam, dono regis recepi, etque integerrimæ fidel stabilitatem feci, meque adiutorem illius ex ea terra, quæ citra Sequanam est, perjurans repromisi, si eam quam mihi dedit nunquam contradixerit. Verum quia mirabilis ingenii, ingentisque industriæ et calliditatis comes es, et astutus in omnibus negotiis, precor ut eruas me aliquo sophismate a blasphemia hujus rumoris. Decurso adhinc die sedecies, festinabimus adire Northmanniam ego et rex. Ipse autem Rothomagensem urbem, ego vero obsidebo ut juratum est Bajocensem. Affligemus igitur Northmannos taliter et Britones, et redigemus ut serviant humiles. Quisquis vero contra nos contumax fuerit et rebellis, exterminabitur ; quisquis vero armis præsumpserit, occidetur. Si quid prudentiæ et ingenii habes, precor te ut ab hujus perjurii noxa solvens me liberēs. » Cernens autem Bernardus quod aperuisset Hugo magnus cor suum, dixit ad eum : « Idcirco quod tu senior benignissimus, vel quia ille nepos meus dilectissimus, melius quam potero argumentabor, si forte vestrum cogitasse turbare quivero. » Illico comes Bernardus consilia regis et senioris sui, denominatæque congressionis super Northmannos tempus expertus, recordatæque voluntatis sui senioris benevolentia lætior, Silvanectis regressus, misit ad Bernardum Rothomagensem et Dacigenam velocius, et quæ audivit ab Hugone duce magno, etiam voluntatem ejus mandavit secretius. Quin etiam ne regi obnoxius civitatem defenderet, verum choro canonicorum monachorumque præparato, eum quasi ejus adventui congratulans hilariter reciperet, et ut Hugoni magno ducei terram, quam illi dedit, regem contradicere multarum argumentationum prosecutionibus cogeret. Bernardus vero Rothomagensis lætior legatione hujus consilii, quæ legato disserente secreta audivit, Northmannis principibus ascitis intimavit. Northmanni autem non quemquam illorum decipere scientes unquam Bernardum, quin etiam quod Hugonis magni ducis secretum, ejus collaudaverunt pariter consillum. Statuto vero tempore conjurato progressionis ; ascita Francigena undecunque potuit manu militari, venit rex in pagum qui dicitur Calcis, cœpitque infestare gentes et prædia incendiis. Hugo autem dux magnus hujusmodi conjuratione illectus, profectus est ab Ba-

jocacensem comitatum cum magno exercitu. Bernardus igitur Rothomagensis non immemor Bernardi Silvanectensis comitis consilii, misit ad regem Ludovicum in dolo verbis pacificis, quatenus properaret ad civitatem Rothomagensem cum episcopis principibusque suis, et ne amplius devastaret quæ sua erant ferocitate tantæ gentis. Rex vero hujus legationis mandato lætus, regiminisque sui et honoris profectum congratulans adaugere, subacta urbe et principibus, venit Rothomagensem civitatem cum Francigenis optimatibus, prohibens reliquos exercitus ne depopularentur terram suæ ditionis amplius. Bernardus vero cæterique principes, atque clerus totius urbis, occurrerunt contra portam Belvacensium, et receperunt animosæ calliditatis ingenio eum. Crastinæ vero diei diluculo venit Bernardus ante conspectum regis Ludovici, et cœpit in dolo compellere eum verbis humillimis : « Domine rex invictissime, ab olim usque nunc integer stabilisque exstitisti fide, et collaudabilis in omni tuo opere. Nos duces et advocatum perfidia Arnulfi amisimus, sed gratia Dei te regem advocatum nobis recuperavimus. Non curamus de prole, quam tibi Hosmundus furatus est et abstulit : nec unquam ejus servitio incumbentes militabimus ei, quia melioris consilii est nos esse regales et palatinos, quam talis comitis satellites esse et servos. Verum, nobis mirum quid audivimus, et ultra credibile, supraque satis admirati sumus, quorum relatu didicimus quod Hugoni duci semper contra te rixanti contumacius concessisti spatiosam terram a Sequana maris fine tenus, et adhuc expugnat Bajocacensem tellurem, et præoccupat cum magno exercitu. Parvi pretii, rex dulcissime, parvæque militationis atque servitii, quod tibi reservasti. Viginti millibus armatorum augmentatus es inimicum tuum. Quis Constantinensibus et Bajocacensibus vidit fortiores in bello, prudentiores in consilio ? Si militarem manum, ut Willelmus, tenuisses, omnium quippe gentium horum consilio et armis dominari quivisses. Nonne Willelmus hujus exercitus medietate fretus, comitante Hugone et Herberto seorsum conduxit se ad regem Henricum securus ? Quis tuebitur et defensabit, proderit et præerit huic quam retinisti civitati ? Bajocacenses, Constantinensesque hanc custodiebant urbem Francico Anglicoque in portu eminentem. Omnium honorum illius terræ affluentia aderat nobis, et eramus locupletes opibus illius telluris. Recipe ergo civitatem, quia non habemus sumptus quibus in ea vivere possimus ; daque Hugoni eam quo queat rebellare contra te securius. Nos Daciam cum omni genere nostro præpete navigationis cursu repedabimus, et hanc majore collecta multitudine militari, ut Rollo quondam, devastabimus, nec tua, nec Hugonis erit posterius. » Rex vero deceptricibus querimoniis instigatus, precatus est Bernardum ut daret sibi concilium super his rebus. Tunc Bernardus : « Mitte legatum ad Hugonem duces magnum, qui Bajocacensia rura illi con-

tradicat, et non possidere plus quam tribus noctibus, et dicat non tenere se ea amplius, quia malo es consilio usus. » Rex vero illico misit ad Hugonem, qui diceret hujus rei sermonem. Cumque legatus coram Hugone duce astaret, hujusque rei verba illi intimaret, obstupuit, in unoque obtutu defixus inquit : « Calliditas duorum principum coegit regem mandare tale propositum. » Hujus igitur contradictionis verbo Parisius Hugo dux regrediens, misit ad regem Ludovicum dicens : « Cur quod mihi spontaneus dedisti, ablatum est ? » Respondit rex : « Tellus Northmanniæ non nisi unius senioris unquam tuebitur advocacione. Nec debet esse divisum, quod decet esse continuum. Rollo enim Daciæ finibus exterminatus, hanc sibi integre vindicavit, et non disperit ab ullo postea exstitit. » Gens Dacigena nescit famulari nisi uni soli seniore. Legatus autem quæ rege narrante audivit, Hugoni duci diligenter retulit. Interea Bernardus Silvanectensis autem audiens inopinatum citissimumque regressum Hugonis ducis sui senioris, venit ad eum citatis equis. Dixitque : « Dux perseverantis fiduciæ, quoniam noxialis sacramenti solutus es compepe, memor sis sacramenti, quo te Richardi pueri adjutorem spondidisti. » Et Hugo : « Nequibo illi auxiliari, quia omnis Northmannica gens subdita est regi. » Contra Bernardus : « Præstolare attentius eventum rei, et quid futuri parient dies illi. »

APOSTROPHA.

O rex, cur memor haud tui
Istiusque patris, qui tibi profuit,
Cujus præsidio continuo regna tenes modo
Et qui multa operatus est
Pro te, et qui occubuit hostia victima
Regis siderei, quæque latent * sui.
Et quod jam genitor suus,
Pollens veridica perpete fame,
Armis exsuperans, et quod avus continuit sacris
Nunc præjudicium facis
Ex hoc innocuo adhuc probo puero
Richardo, celebri prosapia nobiliter sato.
Hujus flagitii lue
Casus innumeri præpedient, ob hoc
Olim te capient, te periment fine sub ultimo.

Interim rex Ludovicus morulans Rothomagensis urbis mœnibus, disponensque Northmannicarum rerum negotia ut dominus, fraudulenta falsæ opinionis intentione, putans se esse regem Northmannorum et advocatum, labile deducebat illic otio tempus. Quadam namque die quidam tiro Franciæ gentis, sufficientem omnium rerum opulentiam Dacigenæ Bernardi, quin etiam uxorem præpulchræ speciei ut concederet sibi, regem rogavit. Cæteri namque tirones hujus petitionis famam secretius audientes venerunt ad regem dicentes : « Domine rex, tibi incessanter semper servimus, et nullius rei sufficientia, nisi cibi potusque ditamur. Hos advenas Northmannos expelle abhinc et extermina, precamur, et largire

nobis illorum beneficia concessis uxoribus. Nos vero hanc urbem regemus servitio tuæ fidelitatis, nec de cujuslibet nostrorum infidelitate nutare quiveris. Consilium hujus rei nefandum enucleatur Bernardo et Dacigenis; verumtamen vicissim consulti, commiserunt illud taciturnitati. « Rege vero Ludovico Laudunum regresso, novercalisque odii zelo a Northmannis nimium pertæso, turpis tironum petitionis ambitione admodum tristes, meditabantur interitum regis retractando unanimes. Ut autem regem decipere aliquo subdolo conamine quivissent, Northmannorum optimates miserunt ad Haigroldum regem Daciæ nobilioris et ditioris potentiæ milites, ut Richardo Willelmi magni ducis filio consanguineo succurrere festinaret; quia rex Franciæ gentis totius Northmanniæ monarchiam vindicabat sibi, auferens omnem honorem puero Richardo eruto ejus avunculis. Haigroldus vero rex Daciæ magnanimus ob amorem Richardi sui propinqui, legatos Northmannorum honorifice suscepit; constructisque navibus, hisque cibariis et militibus repletis, ad littora salinæ Corbonis, qua Diva rapido meatu procelloso mari se infundit, cum incredibili tironum multitudine, citius quam quivit venit. Constantines autem et Bajocacenses audientes adventum regis Haigroldi propter amorem Richardi pueri, venerunt servire illi. Fama illico per Franciæ climata celeriter penetravit, denuntians inæstimabilis multitudinis paganos adesse littoribus Northmannicis. Bernardus igitur, cæterique Rothomagenses, fidelitatem regis Ludovici verbis simulantes, miserunt ad eum in dolo, dicentes: « Quoniam innumeralis copiosæque multitudinis pagani primævæ juventutis flore nitidi, nostris finibus sunt advecti; precamur quatenus ascita manu militari, subvenias velocius nobis, si Northmannicæ regionis principatu gaudere mavis. » Rex autem legato: Fama nuntiante audivi verum esse quod dicis. » Quapropter rex Ludovicus hujus pestiferæ legationis relatu admonitus, concitato Francigenæ gentis exercitu, venit ad Rothomagum repentinus, adducens secum Herluinum comitem et Lantbertum fratrem ejus. Rex autem Haigroldus regis Franciæ audiens adventum, fraudulento consilio Northmannorum mandavit venire illum contra se ad placitum. Rege autem Ludovico confidenti in multitudine exercituum et ire disponenti suæ damnationis ad placitum, dixit Bernardus Rothomagensis se fidelem simulans Francorum: « Gens contra quam proficisceris ad conciliandum, internæ dilectionis amore recolens, dilexit nostrum comitem Willelmum, et pro quo martyrizatus est intimo cordis affectu odit nimium. Lite enim Herluini comitis, Northmanni tali duce privati, congregiantur intentione mortis in eum, si forte eum viderint. Quapropter eum noli ducere tecum, ne forte, eo cognito, nascatur utriusque exercitus jurgium. » Tunc quidam ex tironibus Bernardo respondisse fertur: « Num propter te cæterosque advenas talis comes, ut est Herluinus, ullis latebris repositus

abscondetur? » Bernardus autem tacite quæ agebantur considerabat, illiusque invectionis dolore in corde pressabat. Ludovicus autem rex Francigenum monens exercitum, Herluinum comitem conduxit secum, castraque metatus est citra Divæ decursum. Constantinenses atque Bajocacenses eum rege Haigroldo ultra Divæ fluentia fixere tentoria. Bernardus primo mane consurgens, venit ad regem Ludovicum dicens: « Domine rex, velocius surge, et quid agendum sit, secretius cum tuis rimare. Alterius moris est gens hæc quam Francigena, argumentosæ calliditatis nimis plena. » Tunc quidam recubans intrinsecus, respondit Bernardo, rege adveniente, stanti forinsecus: « Pete dormitum citius, quia non curamus de talibus. » Bernardus vero hujuscemodi verbis exasperatus, repetiit castra Rothomagensia velocius. Æstuante vero sole hora diei tertia, cœperunt Divæ alveum Constantinensium Bajocacensiumque transire agmina. Bernardus autem hoc intuens, regem iterum expetiit, dicens: « Supra satis rex dormire adhuc stude, quia gens Dacigena transgressa Divæ flumen stat equestris in littore, nescio cujus animositatis intentione. » Rex vero minacibus verbis excitatus, surrexit ocius, comitumque et militum frequentia constipatus festinabat ire ad sui colloquium interitus. Convocansque Bernardum dixit ad eum: « Nescio quid meus mihi præsagit animus, placida non mihi est quiete contentus. Aut pugnam, aut aliquid navum exagitat mihi invadere sollicitus. » Ad hæc Bernardus: « Nonne prohibui multis prosecutionibus, ne comes Herluinus huc conductoreretur? » His dictis, venit ad locum, quo placitum erat dispositum. Stabat autem illic cum Constantinensibus et Bajocacensibus rex Haigroldus, rege Ludovico propius stante cum Francigenis altrinsecus. Stabat autem et illic Dacorum delecta juvenus, adnixa hastis, tenensque scuta in manibus, querebant occasionem, qua possent Francos occidere et regem. Mutuæ igitur voluntatis colloquio, rege Ludovico, et Daciæ rege Haigroldo, contuentibus Francigenisque et Dacigenis, necnon Constantigenis et Bajocacenis undique secum armatis, circumstantibus; cuidam militi noto quondam sibi dixit comes Herluinus: « Cujus sospitatis, cujusque prosperitatis, vel cujus facultatis, tu et origo tui generis? » Respondit ille: « Salubris sum incolumitatis, locupletisque felicitatis, atque sufficientis ubertatis. » Constantinenses vero et Bajocacenses cœperunt ab interrogato inquirere quisnam esset, qui de commodis suæ prosperitatis tam familiariter sciscitaretur. Respondit ille inquirentibus: « Herluinus monasterioli castri comes præcipuus. » Constantinenses autem dixerunt Bajocacensibus: « Nonne hic, cujus jurgio vel pro quo deceptus est et martyrisatus noster senior Willelmus, Marchio duxque honestissimus? Eructurne hic infestus nostris manibus? » His dictis, comfuto murmure incompscibili torqueunt arma omnes Dacigenæ, furiis stomachati; tantique domini morte felle

estuate baechati; occasione capta, invadunt Herluinum comitem, et perimunt imperterriti; Francigenæ autem cupientes comitem Herluinum ulcisci sequæ armis tueri, insurgunt super eos intrepidi. Cujus occasionis dolo, prælii certamine atrociter inito, Franci telis lanceisque pugnando contractis, oblucebantur fortiter mucronibus extractis. Tandem multifluo pestiferoque Constantinensium et Bajocænsium, nec non paganorum cœtu hinc inde vallati, jugulabantur dilacerati sicut bidentes a lupis. Sic mortifero per prælium impulsu egressi, bis novem comites nobilissimi præoccupantur morte, sæviante Marte dilapsi, ex parte regis Ludovici, nec erat ulla spes vitæ, vel fugæ residuis. Rex vero Ludovicus præsidio Francorum ornens se desolatum, expertusque prælii periculum, fugæ tardantis expetebat auxilium. Rex quippe Haigroldus prospiciens abesse regem Ludovicum, volucris sonipede agmen secans medium, citato cursu persequatur eum. Rex autem Ludovicus hæc illacque fugitabat, quia freni a capite equi delapsi habenas manibus solummodo tenebat. Haigroldus autem rex Ludovicum taliter impeditum mox expetiit, et per capulum fulgentem enses tenens, vagina cava a latere diripit, militibusque suis ne elaberetur, neve occideretur, eum commendavit. Ipse vero capto rege congratulans, ad prælii campum conceitus remeavit, et adhuc armis Francos se tuentes ad internecionem usque prostravit, atque Franciæ gentis laceros plagis Oreo detrussit. Northmanni vero victoria, armisque et spoliis potiti, præliique campum lustrantes securi, ad humandum detulerunt exanimis suæ gentis.

APOSTROPHA.

Digne pro meritis ducis futuri,
 Richardi celebris, bonique justii,
 Fulgentis pueri, indolisque sacræ :
 Vestra proque fidelitate, qua nunc
 Bellando patriam tenetis istam.
 Northmanni o proceres satis potentes
 In certamine prælii et triumpho.
 Cauti et consilio probique cuncto,
 Servantes stabili tenore pacem,
 Et sacræ fidei petitionem.
 Nunc salvete, valetis, avete semper.
 Et vos, et soboles, sacri et nepotes,
 Omnis progenies sacratæ stirpis,
 Septenæque locum quietis aptum.
 Post artus lugubrem solutionem,
 In summoque bono novi refecti
 Sortis prospera, his dualis, octavæ ac bis,
 Cum sanctis capiatis aggregati,
 Regnum qui patriæ tenetis hujus,
 Vis virtute potentis et tenacis,
 Richardi pueri in fidelitate.

Interea rex Ludovicus custodum spoliis cupiditate deceptorum manibus evasit, et hæc illacque

fugitans alipedis equi cursu errabat inanis. Quem quidam Rothomagensis miles inermem huc illacque fluctuantem conspicens aggreditur; et eum proprio nomine compellens asperis verbis affatur: « Quorsum, rex Ludovicus, tendis? quove tenes desolatus iter? Non nostris elaberis finibus, quos injuste invadens stulte irrepisti. » His dictis torquens campitorem equum, et irruens super regem Ludovicum per habenas freni cepit eum, atque vi compellebat equitare secum. Rex autem omnibus armis privatus, nec erui potens a tenentis manibus, dixit ad illum mœstissimus: « Quis es, vel quo me iturum esse contorques? » Respondit Rothomagensis. « Et illuc te ducam, nec tuæ potestatis ullatenus deinceps eris. » Rex autem diffidens sui, mœstusque necessitate imminentis periculi, dixit ad violentum captorem sui: « Miserere, precor, miserere mei, et erue me per tuam pietatem de manibus quærentium animam meam, et insidiatorum mihi. Restitue me monti Lauduno, ut queam gloriari et gaudere Francisco imperio. Nulla gloria quæretur sine te mihi; omnisque facultas et honor, qui meus fuerit, tibi erit. Regem te super me si volueris constituam; si non, dimidium regni concedam. Rerum verborumque fiat maxima fides inter me te, sacramento et colligationis Christianæ. » Hæc repetens rex crebrius, et exorans cum lacrymis, proruit de equo ad pedes se ducentis. Tunc miles percussus lugubri gemitu regis, coactusque petitionibus multitudinis, lacrymis ita fatur obortus: « Promissionum tuarum fac mihi fidem, ego conducam te Lauduno salvum et incolumem. » Voluntarie vero pacta factaque fide, cepit miles regem conducere, relicto recti itineris calle. Interea Rothomagensis Bernardus ereptione regis mœstissimus, misit concite legatos, ne transiret rex Ludovicus ad omnes Sequanæ portus. Ipse vero citius quam potuit, tardum regem antevolans præcessit, et Rothomagum præpetibus equis cum suis militibus acceleravit, et qui regem perquirent fidissimos exploratores misit. Miles vero, qui regem liberare conabatur, domi ne forte inveniretur retinere illum noluit, sed noctu in Sequanæ insula reposuit, cupiens conducere eum ad Laudunum, exploratoribus fatigatis et reversis. Exploratores igitur scientes quod ab illo milite haberetur rex Ludovicus, venerunt ad domum ejus; et accipientes uxorem, filiosque et filias, equos et equas, oves et boves, omnemque suppellectilem ejus duxerunt ad Rothomagum Bernardo citius. Miles autem sciens nullatenus posse abscondi amplius regem, venit quantocius ad Bernardum Rothomagensem, et provolutus ad pedes ejus, deprecabatur ut recipiens regem redderet suam sibi uxorem. Bernardus vero solito lætior, recipiens mœstum captumque regem, reddidit ei suam uxorem. Misit igitur ad Silvanectensem Bernardum, et mandavit ei optatum regis eventum. Bernardus vero comes hilaris et lætus, consurgens illico noctu, ad Hugonem venit ducem magnam Parisiæ, qui dixit ei: « Audiisti, domine,

ventilante fama alicujus rei novitatem ? » Respondit « Nullius. » Et ille : « Pro certo comperias Haigroldum regem Dacorum propter Richardum nepotem meum, suumque propinquum, bellasse contra regem Ludovicum, et in ipso certamine quater quaternos comites preemptos, et monasterioli castri comitem Herluinum, et fratrem ejus Lambertum, quin etiam potestatis cæde asperri-
ma Francigenis, regem ipsorum fugatum, et captum, et adhuc Rothomagensi urbe sub custodia Dacigenæ Bernardi mancipatum. » Hugo autem dux magnus super quod dicebatur stupens, dixit : « Modo regi quod meretur accidit, atque comiti Herluino quod digne decuit, cæterisque consiliariis quod oportebat pati. Willelmus namque dux Northmannorum pro regis fidelitate, et Francorum, B proque quod Herluino pridem ablatum reddit monasterioli castrum, martyrisatus occubuit : et rex, quem decuisset execrabile scelus et inauditum ulcisci, consilio Herluini et Arnulfi perfidi filium ejus sub custodia tenuit, et terram hæreditariam illi sibi injuste vindicavit. Superni regis arbitrio condignam talionem patitur rex Ludovicus pro Willelmi ducis filio nepote tuo, quem captum tenuit, proque terra quam sibi usurpavit. Majoris namque consilii quam cæteræ gentes sunt Northmanni, qui regem Ludovicum subegerunt astu tam pervicaci. » Tunc Bernardus : « Domine, memento quæ mihi meoque nepoti spondisti ; et ut decet te juva, et succure illi. » Dux vero respondit : « Antequam liber a custodiæ impedimento reddatur, regnoque Francici imperii sublimetur rex Ludovicus, terra Northmannicæ regionis quieta et solida, et ab episcopis comitibusque et abbatibus sacramento veræ fidei Richardo tuo nepoti sancta, et inconvulse auctorizata tenebitur. »

Interim luctuosa fama ad aures Gerbergæ reginæ perlabitur, et quod captus esset rex, bisque novem comites interempti, cæterique fugati, enucleatur. Regina vero lugubres regis sui conjugis suorumque incessanter casus deflens, animumque suum tanti infortunii anxietate atrociter contorquens, nullumque salubre sibi consilium inde in tota Francia reperiens, misit ad patrem suum Transrhenanum regem Henricum et ad Ottonem fratrem suum, flore pubertatis nitidum, mandans plorabile sui detrimenti negotium, ut adscito militaris manus exercitu obsideret Rothomagum ; redempturus vi et potestate suum seniores regem Ludovicum. Henricus autem rex Gerbergæ reginæ filiæ suæ non se venturum remandat ob obsidionem ad Rothomagum, quia merito et digne atque ultione Dei rex Ludovicus acquisitum præjudicio patiebatur hunc casum ; quia filium Willelmi ducis, qui pro fidelitate sua Arnulfi perfidia occubuit, captum in custodia tenuit ; totamque regionem Northmannicam, quam suus avus præliis acquisivit, sibi injuste vindicavit.

Interea rex Haigroldus Northmannos Pagensesque omnes ad fidelitatem Richardi pueri vicissim

consolidabat ; jura, legesque, et statuta Rollonis duois tenere per omnia cogebat. Urbes et castella munire firmiter satagebat, ne forte fortuna vires suas adversa verteret.

APOSTROPHA.

O pius, prudens, bonus, et modestus ;
Fortis, et constans, sapiensque ; justus ;
Dives, insignis, locuplesque, solers,
Rex Haigroide.

Quamvis et non sis chrismate delibutus,
Et sacro baptismate non renatus :
En vale, salveque, et aveto semper
In deitate.

Qui Richardum percelebrem tuendo,
Rege capto, Francigenisque stratis.
Prælio certaminis et peracto
Vindice dextra.

Regni habenas nunc moderas potenter,
Et ligas cunctos fidei tenere ;
Servientes ut famalentur omnes,
Ecce Richardo

Innocenti, prope te pusioni,
Nobili prosapiaque creto,
Atque florenti meritis, et ævo
Ubere, et almo.

Gerberga vero regina paterno fraternoque patrocínio penitus desolata, tantæque anxietatis detrimentum perpessa, nulliusque solaminis spe subnixâ, quin etiam timens perdere regna, antistitum consilio petiit Hugonis magni ducis suffragia. Quam Hugo dux magnus, et episcopos cum illa comitatos reverenter suscepit, et quæ necessaria erant honorifice distribuens, secum diebus multis detinuit. Interim autem misit Silvanectensem comitem Bernardum ad Rothomagensem militem Bernardum, ut convocatis optimatibus Northmannici consilii properaret contra se ad sanctum clerum. Qui jussa citius dicto adimplentes, venerunt contra Hugonem magnum ducem, præeunte Bernardo, ad prædictum locum festinanter. Tunc dux magnus et episcopi dixerunt Northmannis : « Reddite nostrum nobis seniores Ludovicum regem. » At illi : « Non reddetur, verum tenebitur. » Tunc magnus Hugo : « Vobis autem dabimus filium ejus et duos episcopos, tironesque domus suæ quos quotque volueritis pro eo, ut Francigenæ præsules comitesque, et principes atque abbates veniant contra vos ad præfiniti temporis placitum ; ut sacramento integræ veræque fidei terram Northmannicæ regionis auctorizent et corroborent atque sanciant omnes Richardo et posteris suis in perpetuum. » Hoc namque consilium Northmannorum principes collaudantes, et in Hugonis magni ducis fide spem totius fiduciæ habentes, reddiderunt regem, filium ejus, duosque episcopos Hildierum Belvacensem, et Guidonem Suessionensem, et quamplurimos milites pro eo recipientes. Hugo vero magnus deduxit regem ad sua, ut congratularetur cum suis et uxore sua. Statuto vero definito termini tempore, ascita militari manu,

cum præsulibus Franciæ, venit rex super fluvium Eptæ contra Northmannos, cum magno duce Hugone. Licetque filius suus, quem pro se dederat, esset Rothomagensi urbe mortuus, manibus supra phylacteria reliquiarum positus, propriis verbis fecit securitatem regni, quod suus avus Rollo vi ac potestate, armis et præliis sibi acquisivit. Ipse et omnes episcopi, comites et abbates reverendi, principesque Franciæ regni Richardo puero innocenti, ut teneat et possideat, et nullis nisi Deo servitium ipse et successio ejus reddat; et si quis perverse invasionis rixatione contra eum congregari, vel alicujus rixationis congressione invadere regnum maluerit; fidissimus adjutor in omni adversæ inopportunitatis necessitate per omnia exstiterit. His taliter legitimæ definitionis facundia determinatis, rege Ludovico astante, Hugoneque magno duce et suis, proceres Britonum et optimates Northmanni Richardo puero ineffabilis probitatis vice cordis manibus libentissime datis, sacramento fidissimæ Christianæ securitatis fecerunt iterum fidem militationis, auxiliique et servitii. Tunc Northmannici et Britones Richardum tanti honoris, tantæque dignitatis, tantæque speciei puerum adduxerunt nimium gaudentes Rothomagum. Cum autem utriusque sexus senes, juvenesque, pueri, et infantes, urbe territorioque ipsius pagi commorantes, comperissent quod Richardus desideratæ visionis puer acceleraret, frendente vulgo passim præ gaudio, irruenteque profusius super plebem plebe, pro recuperatæ salutis solatio, comprimente feriter, turbis innumerabilibus exaggeratis, populum populò, festinabant currere; licet non valerent mutæ coacervatæque oppressionis præpediti obstaculo, obviam ire almifluæ mellifluæque innocentæ puero. Clerus totius regionis, rebus monasticis præparatis, vix propter impetum tumultuosæ multitudinis extra suburbana Rothomagensis urbis exsiliit, collaudansque Deum recidivæ tripudio prolis, ferensque corpora sanctorum in feretris, deduxit eum ad altare usque sanctæ Dei genitricis.

APOSTROPHA.

Urbs luculenta, micans milite sacro,
Cunctorumque honorum ubere plena,
Tranquilla residens effera portus,
O Rothomage, cape perpete læta
Divino reducec nectare plenum,
Patriciumque ducem jure potentem.
Mirificus quoniam hic almifiscusque,
Mellifluus pariter dux, comes, atque
Patricius tibi erit, marchio constans.
Et cujus fament olim redolentem
Augere propenso sat probitatum.
Quatuor agnoscent climata cosmi,
Sanctior exstiterit nemo quod ipso,
In facto, dicto, quin meditato.
Exstat nam in tribus his summa negoti.
Illico satellitibus constipatus prudentissimis et

A præclaris, cœpit prædignis bona operationis coruscare divinitus factis. Æmula virtutum proponebat largifluæ præmia cunctis, monachosque et clericos, atque laicos cogebat incumbere famulatus divinis. Moribus autem et meritis splendide fulgebat opimis, istique clerum ac populum strenue moderabat habenis. Vindex autem erat severus scelerum, largifluusque dispensator bonorum. Sylvestres namque dapes ingens diversarum ferarum copia ministrabat illi, quia post legitimam judicii justitiæque discussionem, tradebat se venatui. Meritis mactus successibus crescebat adolescens, pullulantium virtutum exaggeratione vitia abolens. Tendeat solers sequaxque perfectionis ad summum bonitatis, ut quiret gratulari futura requiei tempore cum sanctis. Eo namque tempore erat quidam Rodolphus, cujus agnomen Torta vocabatur, qui totius Northmanniæ honorem post mortem Willelmi altius cæteris comparibus sibi vindicabat, et res dominici juris indecenter sibi usurpabat. Distribuebat unoquoque die Richardo decenti puero cum suis tironibus diaria propensa denariis bis ter tribus. Affligebanturque ejus domigenæ penuria constricti nequiter et fame. Quapropter Richardus industris scientiæ ephebus, ascitis regionis Northmanniæ principibus, quid de inopia modicæ distributionis ageret, ab eis sciscitatur. Principes vero, quia illi sacramento veræ fidei colligati, et aliquanti beneficiis ejus munificati, nuntiaverunt Rodulfo agnomine Tortæ animositatem irascentis senioris. Ille autem commilitones suos remisit ad Richardum sagacissimæ probitatis puerum, deprecans ut liceret venire se ante illum, et expiare se his quibus offenderat eum. Tunc memorialis puer, expensis illorum petitionibus, respondisse fertur: « Scitis meum avum hanc urbem præliis vindicasse sibi. » Responderunt: « Scimus. » Et ille: « Meusne pater sorte hæreditaria hanc urbem tenuit? Nonne post avi patrisque necem possidere jure hæreditario debeo? Videte si pater ejus, aut avus, aut proavus, hanc urbem ut tenet tenuit; et rimamini cujus est præjudicium, meum an suum. » Illis autem super talibus dictis stupendibus, subintulisse caute dicitur: « Si nostram gratiam vult promereri ullatenus, exeat a civitate quantocius ipse et omnis familia ejus; et moretur in villa uno milliario ab urbe segregatus, donec legatos suos mihi mittat, et quid illi remandavero audiat. Quod si floccipenderit nostræ præceptionis consilium, nos abdicamus omnimodis eum; et mittemus ad Francigenas, ut super hoc negotio dent nobis salubre consilium. » Illi vero quæ audierant Rodulfo Tortæ renuntiaverunt. Ille vero egressione sua suorumque putans placari seniore suum; quin etiam formidans superventurum Franciæ gentis exercitum, digrediens cum omni familia a civitate, moratus est in pratis rusticorum. Interim Richardus tantæ industriæ puer confirmat sibi sacramento veræ fidei devios milites, sanciens vinculo fidelitatis etiam totius urbis concives. Insecuta namque die, Rodul-

fus Torta plures commilitonum ad tantæ misit modestiæ puerum, ut permitteret se ad iudicandum et ad iustificandum venire ante illum, recipiendo pignus offensionis debitum. Tunc puer præcautus argutæ mentis animositate commotus: « Scitis, inquit, quia inauditum præiudicium mihi olim fecit? » Responderunt: « Scimus. » — « Nonne temeritate suæ audaciæ adhuc facit? Prata rusticorum meorum falcibus tondit, equis depascit, calcibus conterit, vaccas et arietes, tauros et porcos occidit et comedit. Si non discesserit a nostris finibus exterminatus, incurret debitum periculum velocius. Quod suasistis usque modo, illi et adhuc suadetis: sed nequaquam illi proderit. » Illi autem super talibus dictis admirantes, ceciderunt in faciem suam, dicentes: « Domine, precamur ne irascatur, neve desæviat in nos furor tuus; quia tui per omnia fideles sumus, nec illi unquam adhærebimus. » Illi autem discedentes, quæ audierunt Rodulfo Tortæ renuntiaverunt. Ille vero diffidens sui, prata celeriter deseruit, et cum omni familia concite Parisius venit. Videns autem filius ejus, qui erat Pariacæ urbis episcopus, repentinum adventum ejus, dirigit; imoque trahens a pectore suspiria, dixit: « Cur, pater, cum omni utriusque sexus familia huc accelerasti? » Ille vero detrimenti sui episcopo casum, atque calamitosum infortunii sui retulit periculum. Episcopus et pater ejus misit et remisit legatos ad tantæ fortitudinis puerum, sed non profuit illis in prosperum. Videntes autem seniores Northmanniæ quod tam prudenter exterminasset principem militiæ, timuerunt illum valde.

Cum autem insignibus tantisque refulgeret indiis præsentis futuræque bonæ operationis, Galliaque commorantium mentes tantique sagacis percelleret fama adolescentis; atque rutilans copiosus quaternarum virtutum profusius incrementis, regnum Northmanniæ nulli subactus nisi Deo disponens ut rex, moderaret iudicio justis regiminis; Hugo dux magnus cernens eum vigoratum et præcellentem in omnibus factis, mandavit ad se venire comitem Bernardum commorantem urbe Silvanectensi, ascito pariter Bernardo Rothomagensi. Quibus ait: « Plurimorum insidiatorum Richardi adolescentis comitis legatos habui, qui retractant et conantur terram Northamanniæ regionis invadere congressione hostili. Richardus nec regi nec duci militat, nec ulli nisi Deo obsequi præstat. Teneat sicuti rex monarchiam Northmannicæ regionis, et non habet amicos sibi connexos inextricabili fœdere adjutorii et societatis. Arnulfi comitis perfidia pater illius occubuit, videte ne perfido ejusdem calliditatis livore decipiatur. Rex autem non immemor ante malorum, animositatem sui detrimenti et captionis adhuc ruminat, et quærens interitum vestræ perditionis, illius rei dolo plurimos sibi associat. Quærite ergo salubre vobis consilium, ut securi insidiarum et deceptionum, ne timeatis fatalem mundanæ varietatis eventum. » Hoc autem dux Hugo magnus propinabat proposito cautæ in-

PATROL. CXLl.

A tentionis, cupiens et desiderans filiam suam conjugere Richardo duci copula fœderis connubialis. Tunc uterque Bernardus: « Nescimus, domine, super hoc rimari consilium, sed tua pietate da prosperum hujus invectionis solatium. Hucusque tuo consilio prospero, recti itineris callem tenentes gradimur, abhinc obliqui itineris ambages penitus abdicantes; te duce advocato, quin etiam consiliario, salva fide quam Richardo comiti fecimus, gradiemur. » Hugo vero secreti sui benevoluntatem cœpit pandere propositum. « Requistis adhuc Richardo duci Northmannorum uxorem voluptuosæ humanitati et dignitati ejus congruam et habilem? » Responderunt: « Nequaquam. » Et ille: « Quorsum intentionem vestri consilii vertitis, vel cujuslibet filiam illi vindicando subjugabitis? » Bernardus vero Silvanectensis affectuosa talium propositionum inductione, animadvertens intentionem sui senioris, respondit proloquio argumentosæ mentis: « Domine, ignoramus cujus, nisi tuam. » Hugo vero Magnus intelligens animadvertisse utrumque affectum voluntatis suæ, aperta cordis sui intentione dicitur respondisse: « Non est quippe mos Franciæ ut quislibet princeps duxve constipatus abundantius tanto milite perseveret cunctis diebus taliter in dominio ditio- nis suæ, ut non aut famulatu voluntatis suæ, aut coactus vi et potestate, incumbat acclivius, imperatori, vel regi, ducive: et si forte perseveraverit in temeritate audaciæ suæ, ut non famularetur alicui volenter præcopiosa ubertate sufficientiæ suæ; solent ei rixæ dissensionesque atque casus innumerabilis detrimenti sæpissime accidere. Quapropter si placuisset Richardo duci tuo nepoti seipsum flectere ut militaret mihi, vestro saluberrimo consilio sponte filiam meam connubio illi jungerem et terræ quam hæreditario jure possidet, continuus defensor et auditor contra omnes adessem. » Tunc comes Silvanectensis Bernardus dixisse fertur: « Quoniam quidem Richardum adolescentem ducem, meum nepotem, captum pridem tenuit, omnesque Northmannos per fidem rex Ludovicus perdere voluit; melius opto si filiam tuam dederis uxorem illi ut militet tibi, quam doloso regi. » Dedit itaque Hugo dux magnus Richardo nobilissimo adolescenti filiam suam firmiter memento sacramenti; non tamen statuta lege fescenninæ coemptionis, verum denominato juratoque termino connexionis connubialis. Cum autem hujus veridicæ relationis fama regis Ludovici aures cordis percelleret, comitemque Arnulfum futuræ ultionis interitum penitus formidantem pertubaret; quod Richardus Northmannorum dux filiæ Hugonis magni ducis maritali connubio, gratia posteritatis et successionis se copularet, servitioque ejus pro ea, proque universi solatii adjutorio incumbens, militansque conjunctæ amicitie competentia, fœderisque insolubilis nexu se illi colligaret: nimii tremoris timore perterriti, ne tantorum duorum ducum militum frequentia contererentur subacti Virmandensi

pago, decursa renuntiataque utrorumque legatione, occurrentes invicem sibi, quid agerent super pestifero conjuratæ conspirationis duorum ducum consortio, ceperunt rimari. Dixit autem Ludovico regi comes Arnulfus, desiderans annihilare ac perdere primævæ floris adolescentem Richardum ducem totis viribus : « Hugonis magni ducis pater Robertus super patrem tuum Carolum, favente Rollone avo Richardi ducis, sceptrum hujus regiminis injuste suscepit, et pene totam Franciam sibi prave subjugavit. Cum autem tale severæ altercationis divortium immensum succresceret, Franciamque pestifero duorum regum conflictu desolata exsecrabile casualis detrimenti jurgium flebilis perpessa esset, Carolus pater tuus Francini solatii spe omnino privatus, opisque auxiliatricis sui per omnia indigus, Henricum Transrhenanum regem expetiit velocius, et ut contra Robertum regem super se exsecrabili Francorum temeritate constitutum feriret, exercituque conglobato secum Franciam veniens contra eum audacter debellaret, Lothariense regnum se illi daturum spondit ultroneus. Ut autem illius temporis cursu se habuit res illius certaminis, non inexpertum est nostrorum ulli. Robertus digne prelio interiiit, Carolusque rex pater tuus habenas regni juste obtinuit. Hugo autem filius ejus ejusdem præsumptivæ temeritatis veneno infectus, sceptrum istius regni conatur super te invadere, teque atque me tuum fidelem, utrumque penitus perdere, conciliatio sibi Northmannorum ducum rimari igitur concedet, rex præpotentissime qualiter possis regnum Franciæ tui et regere. Principes namque hujus terræ adherent obedienter Hugoni, et famulantur libenter ei. » Adversus hujusmodi verba respondit rex Arnulfo comiti talia : « Da mihi consilium, quo Hugonis contumacis arrogantia queam resistere, me meamque regnum tuum et protegere. » Arnulfus vero comes dolosus, cupiens Richardum ducem perdere et annihilare cum suis omnibus, ne quiret immeritam necem patris sui eleisci venturis diebus, cepit regem confortare verbis fraudulentibus : « Consilium dabo tibi salubre et prosperum, quo quibus conterere et prosternere Hugonem et Richardum. Da Othoni, uxoris tuæ fratri, quod pater tuus patri suo spondit regi Transrhenano, Lothariense regnum, ut devastans terram Hugonis tibi resistentis Parisius usque, et obsideat et capiat tibi Rothomagum. Sufficiens igitur illius terræ profusius locupletatus, frequentiaque optimatum propensius constipatus, atque presidiiis tantarum urbium mirabiliter aditus, quiveris contra ducem Hugonem præhæri securus. Est namque tellus Northmannica omnium rerum sufficientia præ cæteris abundantius plena, aprorum cervorumque, ursorum atque capreolorum venatu affluenter repleta, omniumque volucrum silvestrium et altilium multimodis pulis incrementata, pisciumque diversarum specierum genere secunda, quin etiam omnium honorum largitrix, quibus indiget

A illius incolæ. Taliū ubertatum tellurem oportet te possidere, quia avi et pravi, cæterique antecessores eam propter ea tenere. Memor sis malorum et injuriæ quæ tibi Northmanni fraudulenter intulere; facile poteris eorum multitudinem ab illa terra delere, quia sunt formidolosi et advenæ, solentque latrocinia in mari exercere. Majoris pretii valentiæque et affluentia exstat tellus Northmannica quam Lothariensis terra. » Rex igitur Ludovicus his et hujusmodi persuasus, respondisse comiti Arnulfo fertur : « Tantæ nobilitatis comes tantæque astutiæ et prudentiæ princeps oportet ut expleat fideliter quod suo seniori suggerit consiliis sagaciter. Igitur quoniam omnibus meis notior et credibilior valentiorque es, precor ut quod disposuisti relatæ honesti consilii, gratia expeditionis Othoni regi subministres; ut strenuo interventu tuo, ascita universa bellicosa manu sua ditio nis, veniat; depopulans quæ sunt Hugonis ad mœnia Parisiæ urbis, repiscere eum pestifera subversionis interitu cogat, multisque deprecationibus et incendiis eum dilanians penitus conterat, pro regno Lothariensi Northmannicam nobis acquirat, incolasque illius rebelles forinsecus detradat; Saxonicum robur experiatur Northmannica tellus, et si forte quiverit contra colluctari, probet suis viribus; Rothomagum nobis obsideat et capiat, Richardumque tantæ superbiæ adolescentem capiens flocependat. »

C Arnulfus vero comes præoptans penitus perdere divæ memoriæ Richardum, ne vindicet patris sui sanguinem innocuum, festinat citius ad Othonem regem Transrhenanum. Veniensque ante illius conspectum, verbis humillimis dixit at eum : « Rex Francorum Ludovicus charæ inextricabilisque amicitia tibi manus. Pestiferam insolentiæ et temeritatis Hugonis ducis et Richardi Northmannorum comitis non valens ferre contentionem, mittit tibi, ut aliquod illi gratia tuæ pietatis præstes solamen. Hugo filiam suam Richardo adolescenti maritali fœdere connubioque jungit. Ille vero suis miles effectus, gratia illius amoris ut domino per omnia obedit. Illius animatus militari exercitu, ambit Franciæ regnum invadere, ejusque habenas et sceptrum, ut ejus pater pridem, accelerat possidere. Retunde illorum, precamur, præsumptivæ voluntatis arrogantiam in virtute sua, et destrue illorum perverse elationis jactantiam potentia tua. Si nostræ deprecationis expleveris votum, sique obsidens Rothomagum, Northmannicum acquisiveris nobis regnum, dabimus tibi in perpetuum Lothariense regnum, quod patri tuo fuit repromissum propter prelium Suessonio campo mirabiliter peractum. »

D Otho vero præoptatæ legationis sermone givissus, ascitaque et coadunata orientalium profusius manu, conventionem de regno facta, venit velociter, devastans omnia, Parisius occurrente illi Ludovico rege cum magno exercitu. Omnibus quæ erant Hugonis consumptis et devastatis, dixit comes Arnulfus Othoni regi : « Hæc urbs penam Sequanæ limbo undique

secus præcincta, viget inexpugnabilis ab omni A
gente superventura. Precamur itaque, verte tan-
tarum legionum exercitum ad Rothomagensis
urbis pagum, quia antequam Northmannici ruris
fines attinges, deportabuntur tibi illius civitatis
claves. »

APOSTROPHA AD ARNULFUM.

Posse sistere cur Dei,
Omnium quoque præscii,
Velle, cuius opus manet,
Et calor petit omnia,
Regibus cupis asperis,
Contumacibus, improbis,
Arrogantibus et malis ?
Quamvis emeritum ducem
Heu ! patrem tetigit, tuus,
Istius pueri sacri
Mucro, sanctior ut foret.
Testis almifluus Dei :
Vota non tua frivola
Velle prospicient tuum ;
Ecce sed comes almius,
Marchio locupletior,
Duxque sanctior omnibus,
Nobilis, celebris, pius,
Justus, almifluus, probus,
Sanctus, innocuus, bonus ;
Omne jam statuet bonum,
Omne conteret et malum.

Multimodarum namque petitionum persuasi-
bus rex Otho compulsus, movit tantæ multitudinis C
exercitum, profectusque est cum rege Ludovico
super Epæ rivulum, qui termino diremptionis
limitat Franciæ Northmanniæque regnum. Tunc
vocat Otho Arnulfum, inceptorem totius mali, et
requirit claves Rothomagensis urbis, ut sibi pro-
miserat deportari. Arnulfus vero intentione argutæ
mentis cepit regem Othonem affari : « Domine
rex, nemo Rothomagensium audet te agredi, quia
abhinc Rothomagum usque exstat tellus silvestris,
commeranturque atrocina exercentes in ejus
silvis et lucis. Est alius decursus aquarum in pro-
ximo, quæ vocatur Andella, pratis omnibusque
rerum affluentis propensius referta. Ibi cras, pe-
timus, figes tentoria, venientque illuc optimates
Rothomagentium, ferentes tibi claves urbis et pre-
tiosi honoris numera. » Rex vero Otho deprecati-
vis coactus verbis, abhinc secedens in Andellæ
fluvioli resedit pratis. D

Diluculo vero subdolæ calliditatis comes stetit
ante Othonem regem, episcoporum cœtu ducum-
que et procerum frequentia constipatum et reful-
gentem. Cupiens autem Richardi præfulgidæ ado-
lescentiæ multare pubem, regesque conducere ad
Rothomagensem urbem, dixit ad Othonem : « Ru-
bore futuræ subsannationis Rothomagensesque
confusi, verecundantur claves mittere tibi, nisi op-
pressi fuerint immanitate hostili. Duorum igitur
regum tantorumque ducum et procerum exercitu
vallati, non differunt civitatem reddere tibi. Qua-
propter precatur te obnixè meus senior rex Ludo-

visus, ut proficiscaris ad urbem Rothomagensem
matulinus. Mitte ante conspectum tuæ majestatis
robustissimam legionem, quæ invadens hostiliter
præoccupet civitatem ; ut si quos forinsecus stantes
certaminis gratia invenerit, ad civitatem ferociter
retrudat, hincque tentoria tua illorum securus
ad portam Belvacensem figat. Cum autem ap-
propiaveris, tuus meique senioris exercitus eos
sollicitos reddat, sicut in primo certaminis
apparatu eoque prælii conflictu contemplari qui-
verimus cujus valentiæ et fortitudinis hæc urbs
exstat. »

Tum quidam nepos regis Othonis dixit verbo
elationis : « Domine rex, si licet tibi, antecedens
ibo, castraque tuæ metabor. Si forte ingruerint
B contra me bella, ego conteram gladio eorum mil-
lia. Experiar cujus habitudinis cujusve valentiæ
vel fortitudinis sunt in prælio, cujusve cautelæ
provisionisque et prudentia in bello. Contra Dacos
et Alanos Gothosque et Hungros sæpe dimicavi,
verum contra Northmannos numquam certamen
inii. Aciebus præparatis lacecens eos, expugnabo
civitatem et dissipabo dispergens advenas gentis
plebem. » Hoc autem referebat jacontantia juvenali,
ignorans varium casualemque eventum prælii,
Extemplo rex Otho humillimis regalium petitionum
monitis coactus, citato exercitu progreditur mit-
tens ante se perversæ elationis nepotem adornatis
legionibus.

APOSTROPHA,

Otho rex magnus recolendus atque,
Cur Richardum percelebrem sacrumque,
Nobilem, justumque, probum, modestum,
Marchionem patriciumque sanctum
Et ducem nunc, magnanimumque fortem,
Ambis infesto laniare cœtu
Et maligno contaminare nisu,
Et honorem tollere principatus,
Quin potenti sistere cogitatu
Nutui Regis superique summi ?
Posse nullus nam Supero resistet,
Velle nec jam sidereum reflectet.
Hic comes, dux, patriciusque summus,
Marchio sanctus, celebris, modestus
Legibus plebem moderabit almis
Torquet astutus laceros reosque,
Atque justis præmia digna dedit.
Moribus sanctis meritisque fulgens,
Sic poli splendentia scandet astra.
Tu potens rex atque vigenis valensque,
Contereris numine sempiterno,
Incubabis ridiculæque sannæ ;
Sicque Northmannis reprobatu ibis
Ad tuæ sedis verecundus aulam.

Cum autem nepos regis Othonis appropinquaret
portam civitatis, quæ nuncupatur Belvacensis, co-
rusco equitatu ferventis elationis hostilique belli-
cosi certaminis congressione feriret in North-
mannos aciebus adornatis, ipsi vero Northmanni
talium colluctationum gnari, simulantes fugam,
quasi hostilibus convicti repetebant celerius præ-

sidium urbis. Saxones vero fictæ fugæ simulate hilares, taliumque casuum eventu eos adamantes, persequebantur eos hostiliter. Tandem vero nepos regis congressus super pontem portæ Belvacensis, putabat expugnare mœnia urbis. Northmanni vero hinc inde armati congregantes, et super eos ut leones super pecudes exsistentes, cœperunt eos lacerare prosternentes, et occidere telis mucronibusque coruscis, atque discerpere securibus, ut bidentes lupi. Multi vero Saxonibus interfectis, pluribusque attritis et vulneratis, defungitur super pontem mucronibus et lanceis nepos regis. Tandem Northmanni victoria potiti, capiunt multos principum in conflictu mortiferi certaminis. Reliqui vero Saxones nepotem regis mortuum super pontem jacere cernentes, eumque cum magno impetu duroque conflictu rapientes, ducentibus Northmannis plurimos illorum captos ad mœnia urbis, deportabant ad cæteras phalanges. Jurgio duri prolixique prælii taliter sejuncto, stabant hinc Saxones et Franci et altrinsecus Northmanni, nec ambiebat gens Transrhenana amplius se commiscere ipsis.

Interea mortiferæ relationis fama regem Othoem, crudelem nepotis mortem denuntians, perculit; totumque exercitum rumor tanti detrimenti conturbavit. Illico communis ratione consilii hostiliter invaserunt civitatem, cupientes tantæ reverentiæ juvenis vindicare sanguinem. Saxones vero et Franci nihil circa urbem proficientes, sed pro plurimis suorum exercituum occisis nimium ejulantes, revertebantur ad castra, defunctorum cadavera deportantes. Nepotis vero morte hisque inopportunitatibus rex Otho mæstus, vidensque venire pagenses illius terræ ad urbem altrinsecus, dixit suis principibus: « Potestne hæc urbs vallari nostro exercitu, ut qui transvehunter navigio, non transgrediantur? » Responderunt: « Nequaquam, quia Sequana simplex et singularis procellis suis quatit muros civitatis, quin etiam incrementata et repugnata fluctibus maris, determinato cursu lunæ crescentis et deficientis, incremento septenarii numeri, æstuante fluctu præoccupat portas et mœnia urbs. » Tunc rex Otho misit ad Richardum, ut liceret ei oratu petere sanctum Audoenum. Data vero orandi licentia, rex cum episcopis et ducibus, depositis armis, venit ad monasterium, quod est in suburbio civitatis, in honore cultuque sancti Petri sanctique Audoeni dedicatum. Multa vero donaria ibi largitus est ipse et sui, residensque in eo, accersitis optimatibus dixit: « Quid nobis agendum sit, animo decernite, et quid hujus negotii sibi videtur rectum, intimet quisque. Precatu regis Ludovici, comitisque Arnulfi subdolo sophismate decepit, huc venimus, quo non honorem recuperantes, sed damnum verecundiamque atque confusionem nostri honoris turpiter patimur. Nihil adversus Northmannos ullo hostili conamina prævalere qui verimus, quia per Sequanæ alveum cuncta prospera illis subministrantur. Intolerabili itaque crucior tristitia atque

A animositate pungor prænimia; incertum namque est mihi præscire quid agendum sit in tam pestifera tristium eventuum casuumque contritione. Vos, qui natu sensuque majores estis, quorumque consilio quæ exsequenda sunt delibero, cuncti sagaci internæ meditationis cogitatu rimamini, quid oportet laudabiliter exsequi. Maleficum, si vobis placet, sophistam capiam Arnulfum, vinctumque catenis Richardo comiti mittam eum; ut vindicet de eo patrem suum, quia fraudulentè coegit nos huc properare et regem Ludovicum, cupiens occidere ducem Richardum, ut olim patrem suum. » Tunc præsules et optimates responderunt regi Othoni, dicentes: « Exsecrabile cunctis atque vituperabile omnibus erit si capietur, sique Richardo ad puniendum mittetur. Verecundia dedecusque obscenæ confusionis et damni, quæ condignæ mercedis retributione pateris, non delebitur; quia tuus exercitus Richardum et suos indigna obsidione opprimens, hic injuste moratur. Sed de nostræ regressionis protectione salubri consilio stude, et ne deterius turpiusque tibi contagat, cum omni intentione animadvertet. Nepotem tuosque comites satellitesque et quam plurimos milites hujus obsidionis jurgio juste perdidisti, quia civitatem hanc injuste invadens obsedisti. Inconsultus etenim suggestione vafri Arnulfi huc accelerasti; præcave ne inconsultus regrediaris. A mari ad Sequanam usque eonglobantur omnes incolæ, postque biennium gestiunt te aciebus præparatis invadere. Non est nostræ validudinis nostrique consilii et opis, diuturno temporis intervallo hic morari. Regem Ludovicum pœnitet nimium huc venisse, quia in hujus obsidionis dilatatione novit se nihil proficere. Arnulfus vero plurimis sophismatum ambagibus intricatus, promulgato sui mendacii ingenio, hic et hic latitando, non ambit sermocinari tecum amplius. Et ideo internæ meditationis cogitatu retractans perpende quid nobis Transrhenanis agendum sit in ista obsidione. Urbs non capietur, obsides non dabuntur, verum ineluctabile nobis damnum accrescet velocius. Utinam tuæ jussionis præcepto esset quisquis nostrum, quo terram petiti exordio nativitatis suæ! Sed quia nobis adhuc minime sufficiunt vota, precamur, torque prosperæ regressionis vestigia, terram nostræ nativitatis repetitura: » Hujus igitur sermonis colloctionibus rex Otho submonitus, formidansque pestiferos futuri periculi casus, quasi infra statum suæ mentis receptus, diutius meditans inft principibus: « Ne pejora prioribus infortunia fortuitu patiaur, neve nostri inimici nostri detrimenti successibus exsultent amplius, iter nostræ regressionis, si vobis libet, cras repetamus. » Hoc namque consilium Transrhenani collaudantes per omnia, oratione fusa in sancti Petri sanctique Audoeni basilica, repetunt hilares tentaria. Arnulfus vero comes, relatu quorundam, ut prævideret ne caperetur, edoctus, obscure noctis conticinio experfacto suo exercitu, castris tentoriisque complicatis secretius atque ex omni suppellectili one-

rat̄is equis et plaustris, noctu silenter cauteque A Ordinis atque gradusque monastica suppleat,
atque clanculum profectus, repetebat rura Flan- [ornet,

APOSTROPHA.

Otho, surge velocius, et fuge nunc citus,
Natalem pete glebam !
Vindex nam superus tua territat agmina.
Surgens nunc cito cede !
Ductor subdolos evanuit tuus ; en fuga
Te nunc crue præpes !
Contra velle Dei quid adhuc recubas ? Fuge
Nunc i, nunc fuge, nunc, nunc.
Cum Northmannica præpedient tibi et agmina,
Heu, heu ! turpius ibis.
Gressum nunc pete, nunc fuge, nunc iter arripe
Fidos cedere coge !
Rex nunc, ne pereas, fuge, cede, liquesceque,
Septus labere cœtu !
Richardus juvenis probus et pius et bonus
Agmen jam citat ingens,
Summus marchio, dux quoque, patricius, comes,
Et te cedere gestit.
Hujus sector humi, locuples, bonus et sagax.
Aut non, aut velis, exstat.
Legum et distribuet populo moderaminum
Judex justus habenas.
Damni postque lugubria debita flebilis
Digne scandet Olympum.

APOSTROPHA AD LUTHOVICUM REGEM.

Quem regale decus, sceptrum passimque corus-
[cum C
Jactitat eximium,
Stemmata regali quem exporgit sexu ab utroque
Regia progenies,
Quem decet attolli summo conamine, quæ sunt
Regia si peragis,
Et cujus proavi bis ter tria regna feruntur
Conciliare sibi,
Cur vicibus tantis Richardum sternere gestis,
Percelebrem juvenem ?
Perfidia deditus casso conabere cuncta
Namque supra satis hæc.
Nunc fugias potius, magis hæc sententia præstat,
Præpete equo et volucris.
Contra Northmannos olim bellare cupisti,
Quid memor attigit es.
Nam captus belli certamine, succubuisti
Casibus innumeris. D
Nunc fuge, cede, recede, itiner cape præpeti
[gressu,
Vivere si cupias !
Jurgia nec repetas contra, quem dextera sanxit,
Judicis ætherci,
Quem censura Dei prædestinat omnipotentis
Moribus et meritis,
Ecclesias altis extollens culminibus, quo
Ædificet, statuatur,
Protegat et populum, cœlestis pneumat̄is auctus
Nectare septifido,
Muniat, exaltet, defendens adjuvet, atque
Hostibus eripiat,

Stringat et amplifcet,
Legeque normali compellens vivere cogat
Servitio Altithroni,
Sicque corollarii superi commercia lucrans,
Vivet in arce poli.

APOSTROPHA AD RICHARDUM.

Richarde, bonus, recolendus,
Digne venerandus, amandus,
Et marchio, dux, comes almus —
Num prætimidos faciendo,
Super hos timor irruit ecce
Regis domini omnipotentis —
Ne sollicitus timeas nunc,
Jaculoque Dei celeres jam
Perculsi animo fugiendo,
Plures manibus capientur,
Gladio plures morientur.
Sic vix patriam repedabunt.
Tu legibus et populorum
Judex animos redomabis.
Ast ecclesias statuendo,
Famulatu sollicitare
Practico theoricoque,
Triforme hoc ordinis agmen,
Deitate sacræ Trinitatis
Coges, urgebis et anges.

APOSTROPHA.

Insidiis remisque hiantibus
Cunctis malisque traditus,
Exosus nimium, ut putridum pecus,
Clades perosa, odibilis,
Pestifer et nocuus, quin perfidus,
Injurius, cunctis lues,
Et dicto et facto, meditamine,
Obnoxius cunctis, reus,
Amplius haud renoves jam jurgia
Nullos citabis litibus,
Desine Richardum juvenem, probum,
Prædestinatum jam Deo.
Marchio, patricius, dux et comes,
Electus, almus, præpotens,
Egregius, justus, pius et probus,
Sanctus modestusque, innocens,
Religionis apexque sacræ cluens,
Et forma normæ præcluis,
Idæa summa boni hujus lucidi
Plebem fovet Northmannicam.

Igitur plebeio hujus nocturnal̄is murmuris tu-
multu sonipedumque strepitu reges exterriti, ni-
miæque formidinis tremore perculsi, in caligine
obscuræ noctis putabant gratia certaminis Richar-
dum adesse cum suis. Repente conclamata est
omnium salus vitæque fiducia spesque vivendi re-
cessit ab omnibus. Ignorabant enim quid agerent,
fluctuantes quo se fuga verterent. Mens siquidem
illorum trepidis rebus nutabat, corque prætrepi-
dum indignumque veritatis huc illucque vacillabat.

Altit enses amplexatus ut atrens fugitabat, allus A scutâ revellens insano spiritu quasi per latebras errabat. Alii vero tentoriâ castraque terrâ tenus prosternebant, alii autem equos phaleris exornabant. Hic hac illacque quo nesciebat cursitabat, hic stupefactus et tremulus uhoque obtutu defixus hærebat. Hic inter fluctivagam tremulamque plebem quæritabat suum seniorem, hic inter commistum gregem inermis palpabat clamitans suum militem. Hic pede celeri gressu fugam petebat, hi equis calcaribus citatis inermes fugitabant. Hi triles loricas galeasque atro comptas furtim abscondebant, hi ornamentâ regalia cæteraque sibi vindicabant. Pavidorum exercituum murmur multus (sic) alte resonabat, vocis inarticulatæ tumultus clamorque ululatum confuse tinnibat. Quapropter tumultuario plebeloque hujus confusæ altivolæque vociferationis tinnitu Rothomagenses excitati, formidantes ne præoccuparentur repente futuræ crepusculo die [sic, f. diei], munierunt urbem custodibus armatis, Ipsique pervigiles præstolabantur tristes eventus præoptati prælii. Cum autem aurora tenebrôsæ noctis caliginem puniceo amictu emicans desiccaret, rebusque color notionisque imaginatio rediret, cœperunt Transrhenani magalia succendere iterque desideratæ regressionis repetere, viarumque ignari hac illacque prævidi fluctuare. Richardus verò dux magnanimitus, florida congruæ pubertatis lanugine decorus, hujus rei eventu hilaris et lætus voluit illos aggredi cum suis omnibus præparatis aciebus. Rothomagenses vero præcupidæ congressionis propositum a duce C tanto amovere conantes, dixerunt blande unanimes : « Domine dux præpotentissime, tenera vices adhuc ætate, spes nostræ salutis et fiduciæ. Formidamus, si iveris, ne præoccuperis morte. Hac simultate decipi, ut remur, nos autumant : nobis que sic urbe prosilientibus, capere eam præjudicant. Non est nostri consilii te nobiscum ad hujus certaminis prælium congregari. Verum qualicunque modo hujus rei sors se habeat, viriliter cum pluribus urbem custodi. Nos vero eos caute prosequemur et armis eos læcessere conabimur. » Hujus blanditii symmate vix evictus Richardus, juvenis præcluis nobilitatis, urbe cum pluribus remansit, cæterique satellitum et thronum agmina regalia prosequentes, prosternebant plurimos occidentes. Tandem quædam phalanx Rhothomagensium commisit ad silvam, quæ dicitur Maliforamini, cum eis prælium, atque opitulante Deo devictis hostibus obtinuit triumphum. Altera vero concio similiter Rothomagensium, præstolans ad exitus silvarum duorum regum exercitum, proster nit et occidit plurimos hostium, fugatque cæteros usque ad Ambianensem pagum. Rothomagenses autem postea de inimicis victoriam, urbis remeantes ad præsidia, quæ acciderunt reluterunt Richardo omnia. Tunc Richardus recolendæ memoriæ marchio, duxque et patriois præcellentissimus, grates præmaximas regi sæculorum cum omni clero et populo reddidit mansuetissimus, multaque bene-

A scia et donaria sacrosanctæ ecclesiæ distribuit lætissimus. His ita divino nutu expletis, cœpit præcipuus in omni terra Northmannorum, Britonumque, Francorum et Burgundionum haberi. Nitebat enim pro generum nobilitatē, florebat bonitatum agalmate, Moribus erat illustris, sublimiorque merito astris. Effigie rutilabat, nullique pietate secundus erat. Statum reipublicæ Archos mellifluus adornabat, omnisque probitatis fama super æthera notus erat. Monstrabat solers jugibus factis, studiis, exemplis et documentis, omnia commoda imitandæ bonitatis. Vultu clarus erat, omnique actu clarior cunctis exsisterat, dulcis emicabat eloquio, habitu et incessu omnibus suavior. Nitidus ore mellifluis, serenus semper corde jucundissimo. Fervebat namque fide, spe et charitate, duplicique Dei et proximi dilectione. Prudenti simplicitate renidebat, simplici que prudentia coruscabat, jurgia litesque et rixas strenue sedabat, populumque, ut pater filios, amicabiliter regebat. Exuberabat bonitatum commodis, informabat plurimos probitatum exemplis. In domo quippe ejus veritas et gloria, in operibus illius æquitas splendebat et justitia ; optimatum namque Francorum et Burgundionum gesta dirigebantur ejus providentiæ rei que publicæ tractabantur utilia illius prudentiæ. Ejus namque sanctitatis, dignitatis et affluentis, longe lateque diffundebatur experta opinio. Flandrenses et Orientales obtemperebant ejus imperio. Verum quoniam nimis valet ludæna cœlestis candelabro imposita latitare sub modii umbra, cœpi: præmaximus inter suos haberi, quem indicis mirabilibus Christus Dominus disposuit manifestari. Magnificabilis clerus et populus, qui tantæ duels parabant jussionibus. Omnipotentis namque Dei auxiliante clementia, et sui ducis Richardi procurante solertiâ, illis in diebus pulchra Christi ecclesia, et nimium decora. Moribus quippe sacris ejus monitu componebatur, ac insignibus virtutum illustrabatur, non habens per crimen maculam nec per duplicitatem fugam. Radiabat namque in sublimitate prælatorum solari venustatē, atque in humilitate subjectorum lunari claritudine. Ipse vero vitæ innocentis statum benignissimâ mente retinebat, gubernaculumque ecclesiasticæ dispensationis, corde serenissimo, licet laicali ordine adornabat : facto, dicto et cogitatu prospero omnibus excellebat meritorum lumine, moribusque coruscabat. Enimvero Spiritus sancti gratia locupletius ditabatur, septifidique charismatis sapientia propensius repletabatur. Quotidie meritorum, omniumque honorum affluentia dignius augebatur, diligenti subtilique indagatiōe perscrutabatur omnia quæ laicali intellectu discere poterat. Erat namque ditatus honoribus sanctimonis, illustratus commercis magnificentis, Spiritus sancti gratia præeunte. Cœlestibus inhabitabat, vitia parvipendebat, incolasque Northmannicæ telluris lege augebat. Erat autem juvenis mansuetus, omni probitate repletus, morum bonitate grandævus, et a Christo in humilitatis gradibus fundatus. Monstrabat

verbo et opere qua mentis intentione introductus erat ad salutem regiminis totius patriæ. Erat namque melliflua dulcedo fortium, fortitudo debilium, defensor ophanorum, solator miserorum, baculus orborum, reparator ecclesiarum, lux sincera cæcorum, apex clericorum, salus agentium, culmen generum, decus presulum, salus viduarum, cacumen sacerdotum, amator fœderum, cultor virtutum, maxima spes omnium: pietas mœstorum, memorabile pignus amicitiarum, palma desperantium, tutela presbyterorum, sedes legum, rector populorum, pastor pauperum, forma proborum, arma militum, iudicium accusantium et accusatorum, libra quæstionum, mitigator rixarum, pater exsulum, receptor profugorum, distributor bonorum, dulcis amor vernularum, exemplum cunctorum; pœna furum, detrimentum latronum emendator confessorum, opus pietatum, murus regionum, lumen cunctorum, specimen sanctitatum, dulce caput consulum, auxiliator regum, protector omnium populorum.

APOSTROPHA AD RICHARDUM.

Censor ab ocaasu quem laus exporgit Eoo,
Fama recensitæ laudis, septemque trioni,
Patrici Richarde, comes, dux marchio, princeps.
Relligione calens, probitatum agalmate florens,
Alloquio mitis, bonitatum merce celebris,
Callem iudicii servans moderamine legis.
Grandia causidicum superant tua facta pusillum,
Compressum nimium rerum aggere multimodarum.
Nec valet exsequier quod gestit scribere semper,
Actus impetus eximii nam vicit inertem,
Quamlibet immeritus poterit quod scribere certet.
Heu! atheta Dei vigeas in culmine divi.
Gaudia cum sanotis habeas per pascua pacis.

Cum autem Richardus marchio celebris videlicet columba Christi, sine felle amaritudinis, enitret opium bonorum titulis, quietumque et solidum ab inimicis teneret regnum Northmannicæ Britannicæque regionis, nullaque gens auderet feritare cum Richardidis. Hugo, dux magnus et mirabilis, coactus imbecillitate sui corporis, coadunatis pariter militibus suis, antequam defungeretur, in extremis positus, dixit: « Richardo Northmannorum duci præpotentissimo filiam meam, licet teneræ ætatis sit, futuris nuptiis connubio, sacramento vestro consilio tradidi; quam, congrua habilisque viro fuerit, largiri illi nullatenus differatis. Ipse vero uxoris meæ filiique mei, dum in id ætatiserit, advocatus sit, vosque consiliis ejus saluberrimis et mandatis ultronei inhæreatis.» Defuncto vero Hugone Francorum duce, omnes unanimes ad Richardum, tantæ potestatis marchionem, convenere, seque commiserunt sub patrocinio consilii ejus et tutelæ. Incumbebant autem omnes voluntarie ejus servitio, et famulabantur libenter ut Domino ipsi. Ipse autem muneribus præmaximis mirabilibusque donis eos ditabat, beneficiisque largissimis eos augmentabat. Ipsi autem toto mentis affectu diligebant eum, summoque reverentiæ cultu recolabant eum, Parebant

A humiliter ejus jussionibus et dictis, et obtemperabant obedientes ejus præceptis. Ipse regebat eos blande, ut parterfamilias servos, et alebat eos dulciter fomite benignissimo, ut pater filios. Ejus consilio tractabantur commoda secretioris ordinis sub palestra theoricæ vitæ desudantis, ejusque cultu adornabantur utilia ordinis ampliozem vitam ducentis, scilicet sub practicæ vitæ agone colluctantis rempublicam strenue, blandeque et leniter prælatos regere cogebat, et ne alicui ullum præjudicium facerent, minabatur et postulabat. Richardo vero duce sagaci justoque legum moderamine terram pene totius Galliæ salubriter regente, exsultabant cælorum cives, immensas præconiorum laudes individuae Trinitati referentes. Gaudebat omnis terra, jubilans Domino in lætitia. Plaudabant omnes in excelsis et referebant grates Omnipotenti, qui illis patricium et ducem tantorum bonorum incrementis largitus est cluwentem, Northmanni vero tanto censore tantoque advocato gratantes, illoque præsentem non tantum frui volentes, verum etiam de posteritate cogitantes, ut gloria prolis viro non deesset, utque viri germine non destituantur per progeniarum successiones, venerunt ad eum dicentes: « Res cujusque negotii, quæ sacramento veræ fidei determinantur ab orthodoxia, operæ pretium est quo expleantur indeterminato spatio præfiniti temporis. Quocirca filiam Hugonis, magni Francorum ducis, quam illo superlute sacramento connectendam tibi connubio sanxisti, antequam præfinitur terminus statuti temporis, si congrua habilisque et nubilis fuerit, lege maritali prædignum est tibi copulari. Illa vero, ut audivimus, virgo elegantissimæ speciei et formæ, apta genialis connubii commistioni, congruentique delectabilis concubitus amplexioni, masculini seminis viribus minime differt succumbere.» Richardus vero virilis ubertatis potestate, dicitur suis respondisse: Quod sancitum est fide peractum iri, consequens est exsecutum iri. Illico præparantur nuptialis sumptus commoda, adornanturque mirificæ compositionis sponsalia. Northmanni igitur, Britonicæque regionis optimatium manu ascita, præparatisque omnibus fesceninno cultui quæ erant necessaria, cum incomputabili principum congressione eam decenter et honorifice deduxit ad Rothomagensis urbis palatia.

APOSTROPHA.

Prolis optatæ prosperitatis,
O semper cupidi, indignique,
Northmanni proceres, belligerique,
Vivacis mentis igne calentes:
Non hac quæ vehitur, virgine proles
Nascetur, populumque reget hæres.
Verum divino numine nutus
Cælestis virgo prædet olim
Stirpe Daïgena, nobilis, alma,
Pulchra, percelebris, et reveranda,
Digna, prælecta, et recolenda,
Cauta consilio, provida, prudens:
Quam dux Richardus marchio justus,

Pluribus sibimet eliget unam,
Jungens connubio, fœdere, pacto,
Quamque vergente tempore dignus
Nascetur hæres germinis almi.

Cum autem tantæ nobilitatis conjugis decenti gratularetur consortio, Britonicæque atque Northmannicæ patriæ populos serenaret jure salutifero, atque per totam pene Franciam Burgundiamque salubri consilio repentinas insurgentium malorum commotiones compesceret dignæ potestatis dominio; quidam satrapa nomine Tetboldus, dives opum, militumque sufficientissimus, novercalibus furiis, zeloque et odio succensus, cœpit insidiari ei multis subsannationibus, rixarique contra eum, et oppugnare incassum terram ejus. Decernens autem se nihil contra eum proficere, profectus est ad Gerbergam regiam, filiumque ejus Francorum regem Lotharium commorantes Lauduno monte. Qui multis prosecutionibus cœpit eos urgere, ut decipiendo deponeret eum tanto honore. Venequoque livoris infectus, dicebat regi et matri ejus: « Mirum mihi et omnibus cur tantæ arrogantiae comes Richardus Nortmannicum Britonumque tenens regnum quietus, super Francos præsumptuosa temeritate elatus principatur contumax præ omnibus. Nec Deo, nec ulli militat, famulatur et servit; verum in suæ præsumptionis jactantia, inreverenti animo cordeque infrunito confidit. Nostrorum quemque parvipendit, Francorumque ut rex ditione superba dominatur et regit. Hujus consilio tractantur cuncta quæ Francigenis sunt incommoda. Non est tui nec nostri honoris ut talis comes dominetur nostri. Dedecus quippe est tui imperii quia Burgundionibus imperat, Aquitanos arguit et increpat, Britones et Northmannos regit et gubernat, Flandrenses minatur et devastat, Dacos et Lotharienses, quinetiam Saxones sibi connectit et conciliat. Angli quoque ei obedienter subduntur, Scoti et Hibernes ejus patrocinio reguntur. Omnium quippe regnorum omnes gentes ei famulantur et obediunt, nec est nisi tu queat resistere superbienti temeritati ejus militumque suorum. Magis ac magis, supraque satis ingruenter confortatur et prævalet, nec multiflua militum congerie confidens respiscit. Vide ne regnum tibi hæreditarium conetur super te invadere, teque ab illo exterminare et extrudere. Si quod injuste tenet teneres, omnia regna tibi vindicare quires. » Harum quippe fallacium ambagum olloquo audito, subintulit Tetboldo regina tristis et commota: « Tu nostri secreti conscius, secretiorisque consilii fidus secretarius et consiliarius; da nobis consilium super his rebus. Nullius juvenaminis virtute suffulti, nisi Dei, precamur ut motus pietate in hoc negotio, clementer succurras nobis. Aversamur indique secus, et comprimimur, et nusquam tuta fides reperitur. » Tetboldus vero comes cupiens perdere dolo penitus Richardum tantæ prohibitatis patricium, subintulit reginæ hoc consilium.

A

APOSTROPHA.

« Heu ! quid adhuc furis ardescens, o Arnulphe, [odio perfidiaque,
Invidiæ nimium afflictus tædis et laniatus ?
Desine moliri contra superum velleque posse
Pervacuum nimium labor est, quem nunc corde [retractas.
Non capitur, quem dextra Dei sancit, protegit at- [que.
Nam justus, probus, innocuus, sanctus, percele- [brisque
Marchio, patriciusque, comes, dux Richardus et [almus,
Aggerre quadrifidæ mactus virtutis rutilanti,
Plebem commissam subimet pater ut corriget au- [gens
Proteget, auxiliabitur, et salvabit, refovebit.»

« Si universæ Franciæ et Burgundiæ militari manu ascita, profectus fuerit rex Lotharius tuus filius ad ejus urbes munitissimas, ille si maluerit resistens dimicabit contra eum. Si non, componet se in firmissimis munitionibus tutissimarum civitatum. Denique conglobato chisticolarum paganorumque exercitu, depopulans cuncta aggredietur urbes suas, et si forte ceperit eas, Francorum Burgundionumque tenebit securus regna. Prudentius congruensiusque est cum dolo aliquatenus eum capere, quam monarchiam ejus devastare, urbesque obsidere; quia nihil proficiemus in hac expeditione. Animadvertet enim propositum voluntatis nostræ sicque cautius tuebitur se. Verum, mitte legatum ad Brunonem Coloniensem archiepiscopum fratrem tuum, Lothariensem scilicet ducem præcipuum, ut veniat ad te propter hujus erroris negotium, decipiatque alicujus calliditatis sophismate Richardum tantæ elationis virum.» Illico regina mittit ad Brunonem, et omnem hujus deceptionis mandavit seriem. Bruno vero petiit Franciam illico, veniensque Virmandensem pagum, misit quemdam episcopum qui diceret Richardo in dolo: « Bruno Coloniensis archipræsul, licet indignus, tibi fidelium orationum munus. Quoniam quidem noster senior bene norit quod evangelicus sermo referendo dicit; *Beati pacifici, quoniam filii Dei vocabuntur*. Idcirco obnixè precatur ut venias contra eum Ambianensi pago velocius. Audivit enim errores insurgentium in te rixarum, vultque ardenti animo ob amorem tuum sedare tumores earum. D Te et regem nepotem suum inextricabili conciliabit fœdere, te et Tetboldum, cæterosque malivolos pacificabit dempta pestifera voluntate. Omnia regna nepotis ditionis rectæ ambit lege coercere et serenare, omneque jurgium discerpere et conculcare Desiderat enim omnes connectere fidelitati sui nepotis, sicque sedatis rixarum turbibus, pactaque ab omnibus pace, ad sua regredi.» Tunc Richardus marchio benignissimus his dolosis affatibus deceptus, cœpit ire contra Brunonem cum suis fidelibus. Cumque adesset pago Belvacensi, Brunoque Amblanensi, die qua denominatum erat eos simul colloqui, venerunt ad eum

duo Telboldidæ dicentes divino nutu inspirati : A
 « Tibi, dux, secretius fari volumus. » Richardo sed-
 cedente, intulerunt illi : « Majusne fore dux North-
 mannorum, quam extra regionem tuam pastor
 ovium et caprarum? » Richardo vero comite in
 uno obtutu defixo, et mirabiliter hærente, nullius-
 que responsionis verbum illis dante, illi admodum
 stupuere. Illata vero propositio quid significaret
 scrutatus, infraque semetipsum quasi receptus,
 dixit illis duobus : « Unde, vel cujus fideles estis? »
 Responderunt : « Quid tibi cujus? Nonne tui? »
 Richardus animadvertens eos suos fideles esse,
 eosque propalari cujus essent nolle, grates agens,
 et vale dicens, honoravit secretius illos præcipue.
 Uni vero ensem ex auro quatuor librarum in ca-
 pulo fulgidum, alteri vero dedit armillam totidem B
 libris purissimi auri fabricatam. Illis namque re-
 cedentibus, quæ retulerunt intimavit suis optima-
 tibus. Tunc illi retracta et interpretata propositione
 tantæ invectionis et comparationis, coegerunt il-
 lum redire mœnia Rothomagensis urbis, lega-
 tumque mittere ad Brunonem, qui se non ventu-
 rum ad placitum nuntiaret illi. Legato vero Bru-
 noni archiepiscopo nuntiante Richardum ad pla-
 citum non venturum esse, stupuit, autumatque
 tantæ deceptionis consilium illum animadvertisse;
 dixitque legato : « Vade citius, dicque Richardo
 magno duci ut saltim veniat super Eptæ fluvio-
 lum, si requiem pacisque incrementum cupit ha-
 bere suorum inimicorum, et ego pro ejus amore
 proficiscar illuc solaturus eum. » Tunc legatus : C
 « Non propter me, nec propter quemquam tuorum
 ad præsens venerit contra te ad placitum. »
 Hujus igitur responsionis obstaculo, tantæque
 traditionis dolo penitus detecto, revertitur ad sua
 verecundus Bruno.

APOSTROPHA.

Moliuntur ecce plures,
 O Richarde benigne,
 Duxque patriciusque magnus,
 Cunctis et comes almus.
 Subjugare te potenter
 Vafra calliditate,
 Et retractat quisque dolo,
 Quo te perdat inique.
 Propter hoc stude valenter
 Certa, speque, fideque
 Enitere vi micante,
 Meritis mercedeque justa,
 Quo queas vigere semper
 Solerti probitate,
 Callis et justi tenere
 Libram, rectum itinerque.
 Frueris sorte tali,
 Quo nunquam capieris :
 Sed vigebis seculorum
 Jam per sæcula cuncta.

Tunc per totam quippe Franciam, Burgundiam-
 que et cætera regna, rumor tantæ traditionis, tan-
 tiusque doli propalatur et ab universis Bruno et

Tetboldus, cæterique factores talis consilii et calli-
 ditatis vituperantur. Richardus vero dux sanctissi-
 mus, tantæ deceptionis et calliditatis insidiis eru-
 tus, eferebat quotidie grates Regi regum devotius,
 qui eruit eum de periculo mortis et captivitatis
 propitius. Erat itaque Christo Domino semper in
 omnibus operibus subjectus, devotione et mansue-
 tudine omnibus viribus armatus. Moribus et meri-
 tis præcipuus, sacrosanctæ Ecclesiæ Northmanni-
 cæ advocacione dignus, fide plenissimus, spe ro-
 bustissimus, charitate largissimus. Obediens Dei
 præceptis, credulus in divinis promissis. Affluentia
 rerum bonitatumque locuples, divino cultu mun-
 dialique solers. Docilis in opere, longanimis in spe;
 sapiens in colloquio, prudens in consilio. In corri-
 gendo constans et vehemens, in dilectione Dei et
 proximi ardens. Patiens in adversis, fortis in peri-
 culis. In divinis sæcularibusque disciplinis man-
 suetus in eleemosynis largissimus.

Assiduus in studiis bonæ operationis, sollicitus
 metu mortis. Eximius in timore Dei, magnificus
 ordine habituque laicali. In exsequiis cunctorum
 devotissimus, in misericordia et pietate glorio-
 sus. Præcellenti ingenio præditus, in omni
 opere strenuus. Judicio justitiæque insignis, in
 reos severitate terribilis, in probos lenitate mitis.
 Ad gratiam meritorum promptus, ad ignoscendum
 offensoribus paratus. Humilitatis gradibus sum-
 mus, in omni hospitalitatis famulatu præcipuus.
 Altior monachorum, canonicorumque, atque gre-
 gum piissimus advocatus suorum providus. Di-
 pensator commissi talenti fidelis, moderator rix-
 arum insignis. Delictum proprium canens, alte-
 rius severiter puniens. Plebem ut pater filios fo-
 vens, Christi præcepta fideliter adimplens. Propter
 vos interdum armis, interdum patientia vincens;
 paganos jugo Christi levi et suavissimo subdens.
 Defensor patriæ robustissimus, solatorque vidua-
 rum sanctissimus. Prudens, magnanimus, bonus
 et modestus, augebat populos statutis legibus.
 Præcellens pater exsulis et egentis, incomparabi-
 lisque solator orphanis et pupillis, largum pauperi-
 bus cibum ministrabat, ecclesiarumque assiduus
 reparator renitebat. Sacros ordines graduum
 Ecclesiarum mirifico præ omnibus honorabat,
 atque monastica quæque adornabat. Attentus,
 D benevolus et docilis in omni opere existebat,
 accusantiumque et accusatorum æquali lance
 querelas discutens trutinabat. Non personas pau-
 perum vel potentium in judicio ullo cultu re-
 verentiæ respiciebat; verum expugnantium que-
 rimonias, dempta scrupulosæ rei ambiguitate,
 recensens, dijudicabat. Meritis et factis præ-
 celledat in omni negotio cunctis, eratque omnibus
 mirabilis respectu bonitatis et honoris. Floccipen-
 cæbat arrogantes et improbos, puniebat contuma-
 ces et reos, exaltabat humiles et benevolos, con-
 culcabat raptos et injustos. Tirones suæ domus
 præmiis et muneribus ad serviendum incitabat,
 majores natu beneficiis affluenter ditabat. Vix ne-
 mo audebat in regno suo præjudicium facere, nul-

lusque cuique quinquam subripere. Degebant omnes in ejus ditione securi malorum et laborabant festinanter accelerata exhibitione omnium operum.

APOSTROPHA.

Profusis precibus lector supplex tibi dico,
 Artis septifluæ gnare, capaxque bene.
 Deficit eloquium: non hunc sustollere possum
 Quantum opporret laudibus innumeris.
 Nec stringi numeris, nec possunt cedere verbis
 Quæ mala sedavit, quæ bona distribuit.
 Custos defensorque suæ patriæ luculentus,
 Dux, comes iste donus, marchio, patricius,
 Archidicus rector rerum si quislibet esset,
 Posset veridica scribere quæ cuperet.
 Ast ego stultus, hebes, cunctæque rationis etexpers,
 Scribere non valeo dicere quæ cupio.
 Istius notæ scriptæque libro bonitates
 Ejus stellifero qui sedet in solio.

His et aliis quampluribus probitatibus huc illucque sparsim diffusis, copiosisque diversarum rerum affluentis propensius diffamatis, Tetboldus comes incendebatur exercuciatus invidia et furii, livoris et perfidiæ suffusus veneno, suggerebat quotidie regi Lothario ut deciperet Richardum tantæ dignitatis virum dolo, teneretque Northmanniam sub suæ ditionis jugo. Tandem vero rex Lotharius ipsius comitis sophisticis suggestionibus excæcatus, misit ad Richardum qui diceret ei dolosis affatibus: « Usquequo præstolabor pœnitentiæ recordationisque tuæ respectum, ut frivolum cujusque gentis me toties parvipendis? Nonne subnixus tuorum adminiculo inimicorum, possum obsidere et capere, exceptis amicis tuis, urbes munitionum tuarum? Non umquam cuiquam te subjugabis? Norisne me esse regem Francorum? Nonne tibi injurius esse potero, si quæ mei juris est, ascita manu, ad te obnixius properavero? Si tuis invidis credidero, tuque vero meis perjuris et infidelibus faveris mente et corde tuo, nunquam pacificabimur fœdere complacito. Desine talia rimari, et libeat tibi mecum gaudere et congratulari. Connectamur igitur ainvicem taliter competentis mutuæ voluntatis, ut nemo nostrorum suapte quidquam possideat facultatis. Si quispiam in te vel in me rixatus exercuerit jurgium, ego tuum, tu vero meum contere et dissipata adversarium. Simus unius cordis, uniusque mentis et voluntatis, et conteramus et dispergamus atque subjiciamus Tetboldum cum suis. Flandrenses vero cæterasque gentes in nos rebelles, diræ legis jugo affligamus, easque nobis servire et potestate urgeamus. Quapropter accelera venire contra me velocius ad placitum, ut colligati indissolubili competentia amicitiarum, gaudeamus unanimes securi hostium et adversariorum. »

APOSTROPHA.

Lothari, rex clemens, pius, justus, sanctus,
 Probus, modestus, nobilis, lux alma orbis:
 Cur decipi moliris, infectus spurco livore,
 Richardum duoem sanctum, justum?

A Jamjam pudebit cogitasse hoc perversum
 Ingloriusque hoc, heu! velle.

Pravum tuum sed velle posse haud continget.

Igitur Richardus dux comesque præcellentissimus, falsidicis harum blanditionum minarumque legatioribus deceptus, profectus est contra Lotharium regem ad placitum, ascita militari manu. Rex vero coadunatis ejus inimicis in dolo, Carnotensi scilicet Tetboldo, Andegavensi Goizfrido, atque Flandrensi comite Balduino; qui etiam exercitu plurimorum ejus inimicorum clam conglobato, morabatur super Helnæ fluviolum fraudulentum animo. Die vero indicti placiti, qua dolose statutum erat eos fœderari, misit dux magnus Richardus exploratores, ut quæ gerebantur apud regem renuntiarent sibi, inquirerentque qui essent cum rege, et si quid deceptionis latitaret in exsequendi negotiis placiti. Illi autem illuc profecti, Tetboldum cæterosque inimicos ducis Richardi ante regem reppererunt. Hinc quoque super mandatis regis hærentes, nimium stupuerunt. Illis autem ante regem morantibus paululum, ecce venerunt Tetboldi. Goizfridi atque Ralduini comitum loricali et galeati exercitibus, insurgentes hinc inde celeri equitatu, cupientes ut jussum erat aggredi Richardum et suos hostili congressu. Videntes autem hoc illi, innuebat quisque sibi, ut renuntiarent celerius quæ viderant Richardo comiti. Tunc unus illorum præpetis equi dorso residens, veloci cursu repetit Richardum prædignum comitem, omnia agmina transiliens, vociferansque cum nimio gemitu, et dicens: « Domine, domine dux præpotentissime, erue te. ne intereas hostili immanitate; quia omnes inimici tui congressi cum rege, gestiunt te tuosque aut capere, aut interimere. » His auditis Richardus dux imperterritus surrexit, suisque fidelibus ascitis dixit: « Prandium ecce paratum nobis, antequam devertamus, prælibemus illud in nomine Domini. Sicque sacrosanctæ crucis vexillo præmuniti, præstolemur hostium cuneos Intrepidi. Nequitia etenim illorum et perfidia atteret digne illos; probitas vero pure fidei et spei eruet nos. Impetus perversæ multitudinis illorum non vos exterreat, verum prædecessorum vestrorum in omni adversitate robustorum monumentum fortes faciat. » Cum autem, ad prandium residens, hæc et alia quamplurima suadendo proferret, sui que quam plurimi abessent fideles, venit alius nuntius referens adesse hostium acies. Richardo vero sanctissimo duci percunctanti quot milia hominum essent regis, sique ipse esset rex in congressione hostili, tertius affuit citatis calcaribus equis. Qui dixit ei: « Domine dux, ecce rex et ejus exercitus festinat ferro indutus congregi tibi præparatis aciebus. » Hæc eo tremula voce narrante, apparuerunt acie hinc inde armati exsilientes. Tunc ineffabilis dux comesque Richardus intuens propius imminens periculum, surrexit ocius deserens prandium, divertitque ab eis et secessit trans Depæ alveum, sui que adjutorii illuc præstolabatur exercitum. Sed regis exercitus

vada Depæ præoccupavit, ne veniret ad eum. Quidam autem inimicorum persequentes ducem Richardum, in medio vadi Depæ armis invaserunt. Illis vero simul præliando illic colluctantibus, recognoscens quemdam venatorem suum nomine Walterum, dux Richardus cucurrit cum domigenis illuc intrepidus, et eripuit illum cæteris fugatis et occisis hostibus; restitque omni exercitui regis ad fluvioli Depæ exitus.

Constitente vere undique secus regis et inimicorum exercitu, dixerunt ducem ad Richardum majores natu defendentem severiter vadi aditus: « Domine dux magnanime, fraus hujus perfidiæ, dolusque deceptionis nefandæ detectus est Deo annuente. Ne igitur præoccuperis morte, aut capiaris, præcamur, diverte; urbemque Rothomagensis celeri equitatu pete, ne forte inimici tui præoccupent nos velociori cursu, eamque vindicent sibi, reperientes vacuum militibus. » Dux autem Richardus illorum respuens consilia, cupiebat cum fratribus suis venientium invadere agmina. Tunc majores natu videntes eum in suæ mentis proposito perseverare, salubrisque consilii verbis non acquiescere, aggreduuntur eum et per freni habenas arripentes, precabantur eum secedere. Tandem vero majoris ætatis militum præcatibus vix coactus secessit et petiit Rotomum festinanter ne caperetur. Illic propalante fama execrabile conjuratæ deceptionis placitum, omnis populus regionis illius confluit celeriter ad ducem magnum Richardum, crebris multimodisque monitis incessanter arguens eum, ut regi et Tetboldo comitredderet retractæ deceptionis talionem, invadens eorum regnum. Ipse vero grates referebat quotidie devote Regi regum, qui de interitu mortis aut captivitate eripuit eum. Ecclesias palliis monasticisque rebus ideo plenius honorabat, pauperibusque cibum et potum largiflua manu abundantius ministrabat divinæque servitutis officio incumbens operam dabat. Jædicia justis examinis libramine rectius trutinabat, rixas litesque atque discordias compescens, plebem moderatius regebat. Curticæ bona opera sagacius perficiebat, in omnibus operibus Deo subditus perfectior erat. Orphanos pupillosque et exsules, ut pater filios, lenius sustentabat viduasque et profugos suavius refovebat. Monachos canonicosque atque laicos famulari Deo strictius urgebat; paganos sceleratosque refutatis, populum suæ advocacionis fomento securitatis prudentius nutrebat.

APOSTROPHA AD URBEM.

O civitas fecundior quampluribus,
Fertilitate boni, militibusque sacris!
Tuus ecce dux prudens, plus, sanctus, bonus,
Tantum procerum erutus insidiis,
Peragit Dei quæ sunt, tibi que congrua
Recti per cuncta tramite iudicii.
Sed quod colonus non fui quondam tuus,
Nescio digerere quæ studuit facere.
Utinam, poetas possidentes garrulos,

A Quis bona quæ studuit elucubrata forent.
Quod vatibus culpa est, cares rectoribus.
Instrue nunc pueros artibus innumeros,
Successio quidquid peraget magni patris,
Carminè multiceano elucubrare sciant.

Interea longe lateque per totam Europam prosius promulgata tanti patrom tantique ducis bonitate, Tetboldus venefico perfidiæ infectus livore, iterum petit regem Lotharium, dixitque illi doloso corde: « Paterisne convictus contumaciis Richardi jurgio præjudicium suæ arrogantiae in tuo regno persistere? Tenebitque regnum Northmannicum sine tuæ voluntatis largitione? Quomodo jure rex nuncupaberis, si regere regnum Francorum non quiveris? Cæterum fortassis ascita Dacigena gentilitate, ut avus suus Rollo olim super avuntium Carolum, regnum ditionis tuæ supercilio jactantiæ suæ deliberat invadere. Contra istius præsumptivæ calliditatis molimina, dabo tibi prosperi saluberrimique adjutorii consilia. Invade et obside, atque cape mihi Ebroicam civitatem, ego vindicabo tibi totam Northmannicam regionem. » Rex vero his promissis hilaris et lætus, misit ad omnes suos fideles, quatenus venirent ad se hostili congressu. Conglobatis igitur totius Franciæ et Burgundiæ repente principibus, occurrit, et obsedit atque cepit Ebroicas repentino conflictu, deditque eam Tetboldo gratia conventionis ultro-neus.

APOSTROPHA.

C Celebris, digne nobilis, atque
Marchio summus, duxque verendus,
Tutor cleri, plebis et auctor,
Rector populi, justus et almus,
Orphani et exsulis irrevocandus,
Viduae solatorque benignus,
Fortuitis nunc casibus istis
Velle modestum non minuetur.
Neve fastigaris dubitando.
Sibimet dum infortunia crescunt,
Jamque quem colit hunc lacerat acre,
Pyrrius, æternus, refovendo,
Pater ut sobolem recreans dulce.
Quæ peragis nunc pærage semper,
Quæ operaris modo hæc operare.
Urbs ablata tibi quoque furtim,
Tibi reddetur, iudice summo.

Richardus igitur dux præpotentissimus, subitaneo horum eventuum casu tristis et mæstus, convocavit robustissimas legiones Northmannici exercitus, ivitque super Tetboldum, fretus innumerabili militari manu, depopulans et incendens Cartonensem Dunensemque regionem remeavit imperterritus. Dispersis reversisque ad sua Richardi magni ducis exercitiis Tetboldus comes conglobato suo clam exercitu, inrepsit Northmannicis finibus. Cum autem relatu quorundam Richardus dux magnus didicisset quod Tetboldus Northmannicos fines aggrediens adveniret, misit quemdam Richardum qui cujus multitudinis exercitus esset, velociter renuntiaret. Ille vero ce-

teri equitatu, quo Tetboldus morabatur, aggressus, A quosdam illarum ab exercitu sequestratos repere-riens, interim, Tetboldumque comitem adesse Richardo duci occisorum infectus cruore renun-tiavit. Videns autem eum sanguinolentum, ejus-que arma cruore perfusa, dux magnus Richardus dixit adstantibus : « Iste namque cum suis inter-fuit certamini, dixitque illi : « Quot ejus exerci-tuum millia ? quave parte Sequanæ aggreditur nostra confinia ? » Respondit : « Tria, levaque parte Sequanæ, quæ est Ebroicacensis, occurrit hostiliter nobis. » Cui dux magnus : « Si prælium contra nos, aut obsidionem urbis Rotomi agere ambiret, altrinsecus, qua eminet urbs, feritare contra nos acceleraret. Verum, quia altum Sequanæ pelagus nobis et illis obstaculum exstat, naves-que absunt illi, quibus transeat, nullatenus nos bello lacessere tentat, sed patriam nostræ ditionis depopulare atque cremare nostri ruboris confu-sione atrociter deliberat. Nos vero quibus adsunt naves, quocumque Deo placuerit inter nos experia-mur. » His dictis, sacrosanctæ Genitricis Dei pæ-tens aulam, superque altare ejus pretiosi muneris ponens pallium, ad profuturum efficacis orationis confugit auxilium. Sed Deus, qui superhis resistit, humilesque sublinat et erigit, humillimum devotæ ejus precis votum exaudivit. Tetboldus vero comes malivolæ intentionis proposito malignabatur feriter in tellure Northmannica : profectusque est constipatus ferrata acie usque ad casas Hermen-trudis villæ, in portu fluminis Sequanæ altrinsecus contra Rotomum posite. Richardus vero marchio robustissimus alterius portus navigium expetiit, totaque nocte Sequanæ transmeans alveum super Tetboldum diluculo irruens, bellum contra eum cum paucis iniit. In primo quidem congressu certaminis præliabantur decurtatis telis et lanceis ; secundo vero mucronibus coruscis. Tunc robusta manus Northamannorum, conjunctis complicatisque ad invicem clypeis, acie corusca mucronum aggrediens, invadit armatos obstan-tesque Francorum, et ante dextra et læva lace-rans, prosternensque atque dirumpens cuneos hostium secuit, equitans super cadavera occiso-rum, condensum agmen obstantium, reflectitque prælium in cuneos hinc inde remanentium. Hinc hinc Francigenarum strages efficitur, multigena-que manus multatur et interimitur. Northanno-rum namque gens belligera et effera discurrens permeat prælii discrimina velut lupi per biden-tium ovilia, occidens et prosternens hostium sever-iter agmina. Richardidis siquidem unanimiter vociferantibus, quod Richardi magni ducis erat prælii campus, fiducia præliandi recessit a Tetbol-didis omnibus, vitæque conclamata est salus. Quisque se liberando quo divertat ignorat, quo-que se latitans abscondat. Alii lucis concreione fruticum condensis, alii paludibus alnis populis-que densius contradicatis reponunt se, ne occide-rentur a Northmannis.

APOSTROPHA.

Fervere cæde nova silvas camposque patentes, Corpora functorum pariter, lacerosque jacere, Rustica gens quos induviis fera dispoliabat, Atque rubere sacro spumantes sanguine vivos ; Fingere quemque sibi varii discrimina lethi, Atque super gramen tepidum fumare cruorem, Richardumque ducem gratari, strage peracta. Militibus lætis, esses si forte, videres.

Tandem vero comes Tetboldus, fugatis prostra-tisque atque occisis fidelibus suis privatus, fugæ expetiit auxilium cum paucis velocius, nec divertit ad Ebroicam, quam sui tenebant, urbem, citatis equis calcariibus. Merito namque beati marchionis Richardi quadripartiti detrimento illo die infortu-nium persensit ; videlicet fideles suos prælio pro-stratos conspexit : ipse fugatus et laceratus existi-tit, quidam filius ejus morte præoccupatus occu-buit : urbs Carnotensis et præsidium ejus igne concremata funditus ruit. Richardus vero marchio bonitate famosissimus, certamine proluxaque pro-secutione hostium fatigatus Rotomum repetiit ves-perinus. Diluculo autem consurgens, campum prælii aggrediens, sexcentos quadraginta mortuos reperiens, funere tantorum pietate condoluit, se-peliri eos jussit, vivos adhuc feretro leniter ad Ro-tomum deportari et sanari fecit. Præterea lucos paludesque exquirere fecit multosque mortuos et plagatos reperit, quibus eadem pietate obsequium præstitit.

APOSTROPHA.

Gurgite cæruleo Sequanæ meat æstuantis amnis, Et movet ingentes pelagos vaga cursitantis æstus, Lambit odoriferas et gramine floridante ripas,

[ample,

Molliter herbarumque, comas lavat unda præpes Ipsam cum refluxum torquet mare detrimenti almo, Detrusam retrorsum fluctibus æquoris minantis, Eptadus officio mutantia vel crementa passum.

Umbroso et vestiti palmite prænitente colles Deliciosus ager vinetaque continens honesta.

Cursibus undarum irriguis satis emicantque prata, Urbs qua percelebris nunc Rotome prænitens decora, Labentis jocundis usibus affluenter annis,

Merce quibus varii componere fœnoris queat se.

Sed munita nimis rutilas magnis inclyti patricii Richardi meritis et moribus undecunque justis, Qui virtutis inexpugnabilis admitate plenus, Protegit, exaltat, temet regit, et fovens tuetur.

Auro plus constans hostes fugat, obstat arguitque, Marchio duxque, comes mirabilis et stupendus actis,

[modestus.

Prædignusque, probus, sanctus, pius et bonus,

His et hujusmodi triumphaliter peractis, dux magnus Richardus præcipuos suæ domus legatos ad Daciam celeriter misit, ut gens robustissima Dacorum accelerato juvenamine succurreret illi. Daci vero his legationibus hilares, aptatis onerastique navibus celeriter, aggrediuntur Rotomum festinanter. Dux vero constantissimus, tantæ multitudinis principes

conspiciens, suæque indignationis animositasque A
malivolentiam vindicare ambiens, petere Givoldi
fossam jussit, et devastare quæ erant Tetboldi et
regis. Daci vero hinc abeuntes, superque regem
et Tetboldum congregantes, depopulabantur quæ
reperiebant indifferenter. Villis rusticorum omni-
bus devastatis, suburbana incendebant, atque castella
plurimam humo tenus prosternebant. Obstantes
sibi crudeliter occidebant, cæteramque manum
flebiliter ad naves vexabant. Desolatur regis et
Tetboldi comitis omnis terra talibus hostibus ne-
quiter afflicta. Fames oboritur, quia terra aratro
nusquam scinditur. Pervia, viæque et semitæ
ignorantur, quia a nemine calcibus atteruntur. Sa-
lus spesque a fiducia a residuis conclamatur; quia
universæ pestilentie ignominia affliguntur. Richar- B
di vero magni ducis terra solida arat, et quieta,
nec ullius calamitatis peste afflicta, sed liberi ar-
bitrii labore ab omnibus exercitata. Quisque colo-
nus quod ambiebat libere agebat, possibilitate
suæ voluntatis percepta. Tantæ altercationis tan-
tæque cladis Northmannicæ et rapinæ nocte die-
que innumeris casibus uno lustro pene afflicta, ne-
quibat amplius tanti infortunii ferre discrimina.
Tota igitur fere Francia Tetboldi regimini subjecta
ab incolis derelinquitur, ecclesiæ his casibus des-
titutæ a nullo Christicola frequentantur. Præsules
igitur totius Franciæ Northmannorum paganorum
sævitiâ perpessi convocaverunt sanctam syno-
dum, quid agerent scrutaturi, quia casibus in-
numeris quampluribusque incendiis, rapinisque et C
deprædationibus permaximis vexati, agitabantur
Christicolæ subjecti periculis. Tetboldus vero dolo
fraudentæ intentionis, suggerebat falso pontifici-
bus et palatinis quod pro statu reipublicæ et fide-
litate regis agitans jurgia rixabatur cum Richardo
et paganis. Episcopi autem, cognita ei audita bo-
nitate sanctissimi ducis Richardi, mirabantur su-
per dictis Tetboldi comitis. Hujus igitur rei gratia
consulti deprecantur Carnotensem præsulem, cu-
jus voluntatis esset dux magnus Richardus scisci-
tari super pestiferæ penuriæ ignominia et calami-
tatis. Coactus autem monitis coepiscoporum, mi-
sit quemdam monachum ad ducem Richardum,
qui dixit ei hujus legationis mandatum: « Carno-
tensis episcopus tibi fidele orationum munus. Ambit D
namque te aggredi, mutisque affatibus tibi
sermocinari: ideo postulat ducem et advocatum
itineris sui, viatoremque sibi dari, ne forte devo-
rent manducantque se tui diaboli et lupi. » His
auditis Richardus dux serenissimus subridens, mi-
sit qui conduceret ad se episcopum salvum et in-
columnem. Adveniens namque ille inquit duci magno
Richardo: « Metropolitanus cum coepiscopis Fran-
ciæ gentis tibi indeficientis munera orationis. Mi-
ramur namque stupidi, cum cultor Dei Christicola-
que præcipuus in toto orbe nomineris, cur paganos
insanire in Christianos severiter permittis? Tran-
eunte me tutela tuæ advocacionis formidolosam ty-
rannidei hostilitatis colonos hujus telluris securos
hostium reperi; nec formidabant repentinum ca-

sum illius adversitatis; delubra ecclesiasque ab
incolis veneranter perlustrari, mysteriumque divi-
ni officii solemniter conspexi celebrari; quidquid
vero ad cultum veræ fidei attinet incessanter exe-
qui, christiani nominis fidem augmentari. Nos at-
terimus rapinis et incendiis, quin etiam repentinis
nocturnalibusque casibus mortis; et ignoramus
cujus intentionis proposito hoc scelus detestabile
peragitur nobis. Quo circa precamur obnixæ, flexis
corporis animique poplitibus, ut cujus rei causa
hoc execrabile detrimentum Franciæ gentis per-
agitur, nobis te ob hoc aggressis sermone verita-
tis enucleetur. » Tunc dux Richardus verax et jus-
tus: « Memoresne reminiscimini ante malorum
meorum peractorum et retractorum? Nonne frau-
dulento Tetbolbi comitis suggestione conatus est
Bruno dux Lothariensis me decipere? Nunquid
non dolosis falsidicisque ejusdem comitis ambagi-
bus rex Lotharius deceptus molitus est me compre-
hendere aut occidere, quem Deus eruit sua larga
miseratione? Nonne idem comes Lothario regi
spondit Northmannicam regionem, si illi daret
Ebroicam, quam modo tenet, civitatem? Cæterum,
nonne devastans et incendens lacesivit me ad por-
tum Rotomi, conglobata immani hostilitate? » Tunc
presul: « Non ei talionem debetis de blasphema-
tione illius provocationis. Sed ille comes jactat se
repugnare et reluctari contra te ob statum sacro-
sanctæ Ecclesiæ, reique publicæ. Qualicumque mo-
do rex scelesti negotii se habeat, precamur impe-
trare pacis incrementa, ut gloriari valeas cum epis-
copis et rege Lothario, ipsique et ipse de te tali
duce et patrono christianissimo. » Richardus au-
tem præpotentissimus recognoscens nullum tam
Deo acceptabile holocaustum et sacrificium quam
pacis incrementum, diligensque ut vivere, pacifi-
care Francicum et Northmannicum regnum, verum
nolens demonstrare propter Tetboldum mentis af-
fectum, dixit præsuli internuntio coepiscoporum:
Si paganus, huc propter me aggressis, passis felici-
tatem impetrare quivero ignoro, hujus rei causa
nutans titubo. Quapropter assumptis tecum aliqui-
bus coepiscoporum et palatinorum, aggredi me cum
sol mediaverit mensem Maium, interimque cona-
bor compescere blandiens contumaciam ferocem
arrogantium paganorum. » Eo autem quid audi-
vit a Richardo magno duce, regi et coepiscopis
renuntiante, statim animadvertit comperitque sine
suo consilio Tetboldus comes pacem requisitam
esse. Extemplo misit quemdam monachum ad
ducem magnum Richardum, subsequentiâ ver-
ba dicturum: « Comes Tetboldus tibi fideles fa-
mulatus. Quorundam etenim Francorum pravo
consilio deceptum, jurgatum esse contra te sine
re et rixatum pœnitet se et fecisse quod fecit ma-
lum, et profitetur se quidquam mali amplius non
facturum. Ambit, si libet, tibi secretius ut ser-
vus Domino fari, reddetque tibi Ebroicas, quam
rex tibi abstulit, ob gratiam amoris tui. Terra suæ
ditionis subjecta tyrannicæ hostilitati, depopu-
latur rapinis et incendiis, nec valet resistere

sevitiae tantae multitudinis, neque placare eam congesto pretio totius regni, nisi per te qui imperator es hujus rei. Precatus flexis genibus corporis et animi, ut indulgeas sacrosanctae Ecclesiae et desolatae plebi, et habeas se fidelem famulum tibi, compescens pestiferus incursus Dacigenae ferocitatis. » Richardus vero dux his auditis, tacito affectu mentis Deo gratias egit, monacho quoque subintulit : « Si quae loqueris verane esse possunt ? » Respondit : « Vera, et non gestit aliud beneficium promereri, reddens Ebroicacensem urbem tibi, nisi perseverans propositum tuae internae dilectionis ; ut pax et concordia indissolubilis foederis maneat vobiscum cunctis diebus quibus vixeritis. Venietque noctu cum secretariis suis, quando tibi placuerit, causa hujus negotii, ad monacia Rothomagensis urbis, firmaturus sacramento verae fidei quae tibi suggesti. » Tunc Richardus : « Dei fide qua vivimus et vegetamur, tenacique nostri tenoris firmamento collaudamus ut veniat ad nos, si libitum fuerit, bis tribus transactis diebus, et connectamus foedera nullo casu solubilia ; sed perpetuis et inextricabilibus legibus conservanda. » Monachus namque quae audivit Tetholdo comiti renuntiavit. Ipse autem laetus et hilaris super hujuscemodi renuntiatis, diebus ter duobus transactis, venit Rotomum noctu cum suis secretariis. Uterque horum ut alterum conspexit, obvius quisque cucurrit, amplexantesque se invicem oscula libarunt, sessumque petiverunt. Tunc prior Tetholdus : « Ad tuam ineffabilem pietatem supplex venio, quia tua miseratione et Dei propitiatione omnium indigeo. Ustulata sunt ubicumque terrarum quae possideo, habeturque tellus mei juris veluti quaedam solitudo. Idcirco quae tibi suggestit monachus exsequi libenter sum paratus. Praejudicium omne mei consilii et facti tibi emendabo ; hujusque rei gratia quasi pro beneficio tibi serviens militabo ; Ebroicacense castrum tibi voluntarie reddo, veniamque et indulgentiam tuae miserationis promereri supplex postulo, quod contra te illud tenui. » Hujus humilitatis devotione Richardus dux magnus misericorditer mente subactus, respondit Tetholdo comiti humilimus : « Sine obside et sacramento fidei meae huc nihil titubans accessisti, quaecumque requiris impetrabis. Continuae pacis felicitatem habebis, nemo meorum tibi et tuis ultra injurius et nocuus erit. Ego vero abhinc tuus, sicut tu meus, mutuoque communis auxilii interventu, fiducialiter vicissim, solemur. Fiat pax opulenta, requies jocunda, serenitas tranquilla, concordia inter nos stabilis et perfecta, per decreta inextricabilia. » Allatis igitur sanctorum pignoribus federati sunt. Similiter utriusque comitis consilarii haec eadem verae fidei sacramento auctorizarunt. Tunc Richardus marchio largissimus, muneribus et donis praemaximis eum affluenter honoravit. Ipse autem optato osculo et amplexu desiderato fruens discessit, eademque nocte secretius Carnotum repetiit. Ipso namque die Tetholdidae ab urbe Ebroicacensi cum

A omni suppellectili ut jussum erat egredientes, miserunt ad ducem Richardum ut eam reciperet. Ipse autem eam recipiens abundantius militibus praemunivit, omniumque honorum affluentia honorans fecundavit.

APOSTROPHA.

[stylus ornet
Rusticus insciae [pro inscitiae] quamquam nostrae
Diversi variis generis metris opus istud,

[que,
Praevacuum nimis, indignumque opis, artis inopae
Rhetoricique favi redolentis nectari exsors,
Heroico potius metro pollere deceret ;
Hoc lugubrata vigent quia fortia facta virorum.
Hic nam vir fortis, constans, robustus in armis.

[destus.
Pacificus, bonus, atque probus, pius, ipse mo-
Magnificus, meritis, praecelsus, nobilis, almus.
Inclutus, egregius, mirabilis, atque decorus.
Maximus, eximius, praecellens, magnanimusque.
Praecipuus, justus, sanctus, humilisque, venustus.
Propitius, lenis, mansuetus, mitis, acerbus.
Longaminis, celebris, solemnus, amabilis, atque

[que.
Clemens, indulgens, miserans, scelerum puniens
Protector, censor, tutor, largitor honorum.
Prudens et sapiens, industrius, gnarus, enormis.
Linguarum, diversarumque sciens regionum.
Attentus, docilis, cupidus, sitiensque bonorum.
Mirificus, stabilis, suavis, fidusque, fidelis.
Tranquillus, placidus, laetus, sine nube, serenus.
Jocundus, dulcis, blandusque, affabilis omni.
Facetus, felix, frugalus, juridicusque.
Formosus, dives, locuples, et munificator.
Dulce caput populi, spes et fiducia plebi.
Procerus, pulcherque, elegans, forma speciosus.
Pes claudus, et oculus caeco, baculusque labanti.
Omni sufficiens potus large sitiendi.
Escae praelargae et variae cibus esurienti.
Pauperis, exsulis, at inopis susceptor enormis.
Protector viduae, conjux velut atque maritus.
Solator regumque, ducum, procerum, comitumque.
Dum mundo vigit ; sic omnibus omnia factus,
Offecit nullis, certavit profere cunctis.

His ita secretae cauteque expletis, marchio duxque celebris scenam Richardus mirae amplitudinis atque longitudinis super ripam Givoldi fossae jussit fieri, in adventu palatinorum pontificumque Francicae gentis. Determinato igitur tempore iduati maii, inflammatis scilicet ab aestuante sole Geminais, venerunt gratia impetrandae pacis ad Richardum ducem magnum illuc palatini cum episcopis, eosque decenter et veneranter recipi, scenisque juxta mirabilem scenam factis, jussit hospitari. Crastina namque die venientes ante ducem Richardum, intulerunt ei ex parte Francorum munia fidelium famulatum et orationum, et dixerunt : « Dux inauditae potestatis, sufficientiaeque et virtutis, optimates totius Franciae regni precantur unanimiter flexis humo tenus genibus cordis, ut indulgeatis sacrosanctae

eclesie et annulatae genti. Rex autem, nosque, cæterique Francorum residui, omnisque clerus totius regni, omne bonum præsens et futurum, optant tibi se sævitiam paganorum compescueris, eorumque pestifera excursionem Franciam erueris. Fraudulente suggestionis Tetholdi comitis hortamine, quæcumque rex contra te operatur est fecit; honorumque quæ pater tuus patri suo intulit reminiscens tædet se facti. Quemadmodum igitur rex Ludovicus pater suus, opitulante patre tuo in regno subrogatus viguit, ita regna tenere, superborumque dominari, magno tuæ potestatis juvamine concupiscit. Sitis communibus mutæ competentie precatibus concordem, alterque vestrum alterius juvamine confidentes perseveretis unanimes. Ipse autem rex, optimatesque totius Franciæ regnum Northmannicum tibi tuisque hæredibus jurando propriis manibus sancient in perpetuum; postea nemo illorum ullatenus tractabit tibi alicujus adversitatis damnum.» Hujus legationis præcepta persolvantibus respondit marchio duxque præcellentissimus: « O præsules reverendi omnium virtutum affluentia profusius optimi, nec non proceres cunctorum bonorum forensiumque rerum urbate propensus fecundati, propositum meæ continuæ intentionis et voluntatis non differam fiducialiter confiteri vobis. Quapropter, confidenter experiamini [me] velle summopere melius felicitate pacis stabilire et exsequi, quam ullius prosperitatis et honoris opus aggredi. Hoc mihi summum et peculiare semper existit. Verum, pro vestrorum importunitatibus et rixis tenere illud, de confunderer, nequivi. Quia nihil est in aliquo suspectu aliquid gravius quod cruciet, quam quemque aut non videre quod cupiat, aut videre quod perdat: eum in utroque animus pondere sollicitudinis præmaximo pressus titubat, ut et quod diurne sollicitus spectat habeat, et ut [quod] habere cœperit ne amittat. Recogitate igitur et reminiscimini insidiarum et malorum quæ ab eo passus sum, et animadvertite et intuemini cui nostrorum vestrorumque existit præjudicium. Vos non ignorantis suggestionem Tetholdi comitis, Brunonem archipræsulem Coloniensem, et ducem pariter Lothariensem me voluisse decipere. Vos non ignoratis ejusdem falsidica provocatum versutia Lotharium regem vestrum seniore me capere aut occidere. Quid refertis de Ebroicacensi quam reddidit mihi urbe, Deus? His et talibus hujuscemodi pluribusque importunitatibus quas tædet recenseri, motus, nisi ad Dacos, quatenus mihi succurrerent velocius. Quibus me festinanter aggredientibus, imperavi, in vos exercere tyrannidem cladis hujus; quia nisi res ponderaretur, minime respisceret stultus. Si quod igitur retulisti mihi exstat verum, stabilite necessariæ pacis opportunitatem mecum.» Tunc Richardus marchio famosissimus, ascitis communiter Northmannis omnibus cœpit blandiri et serenare eos mansuetissimis allocutionibus: O summæ reverentiæ patres, grande vo mediocrique, atque juvenili situ mirifice redolentes, gratias debeo referre vobis incessanter, quin etiam munera largiri vobis

A sufficienter; quia, tellurem vestræ nativitatibus, pro præjudicio mihi sine re illato, deserentes, jurgatizati estis ab amore meo usque modo contra exteras gentes. Ipsarum autem gentium rex, duces et comites afflictis vestris depopulationibus incessanter et hostiliter, requirunt sequestræ pacis spatium dari sibi suppliciter. Si libet vobis, consequens est dari; si non, oportet abdicari. Decernite requisitæ rei negotium communi consilio, et super hoc respondere rimamini.» Tunc Northmanni, qui et Daci, unanimes intulerunt Richardo duci, dicentes: « Nequaquam pax continua, neque intercapedine temporum discreta concedetur; verum omnis Francia, exterminatis aut occisis principibus, vi et potestate tibi acquireretur. Heu! heu! quid facient, vel quid dicent cæteri Dacigenæ et Northvegigenæ, qui, præparatis et oneratis navibus hujus rei juvamine, aggredientur nobiscum immani hostilitate? Quid de Hircensibus, quid de Alanis, quid de cæteris quamplurimis gentibus! Propositum vestræ voluntatis, quam nobis aperuistis, non adimplebitur viventibus nobis. Cæterum, si libitum est, qua invasimus Franciam, vindicabimus sibi. Sin vero displicet, sortietur ea nobis. Quo circa elige e duobus quod mavis, aut tibi, aut nobis.» His auditis, dux præpotens Richardus urgebat eos multarum prosecutionum interpellationibus, et his duobus bis diebus octo obnixè eos deprecabatur ut pacta pace eum Francigenis fœderarentur. Præsules igitur et optimates Franciæ gentis stabant quotidie illic stupefacti, et intuebantur conflictum hujus pacificationis. Tandem vero dux magnus Richardus non valens serenare tantorum sævitiam ullorum precatum conaminibus, dixit seorsum suis fidis principibus: « Hæc gens aspera et fortis, dum simul interpellata fuerit, non acquiescet precibus nostris. Convocentur majores natu et potentiores secretis, futuræ noctis contio, et excecemus eos muneribus præmaximis, et copioso beneficio, si forte faverint precibus nostris et voto.» Hoc namque consilium principes Francigenarum referebant salubre et prosperum, et autumabant sibimetipsis profuturum. Insecutæ igitur noctis crepusculo, convocatis clam majoris potentie senibus ex genere Northmannico, pandit corde quod volebatur ore mellifluo, et dixit: « O reverendi merito patres, pro temporalibus nimium beneficiis agonizantes, pro quibus carebitis vita æterna, Phlegetonte digno perfruentes; animadvertite mei sermonis proloquium obedientes. Quamquam genus hominum omnium a Domino exordio fineque carente sit procreatum, quo resarciretur ruina angelorum, vario et diverso itineris cum Creatorem suum. Vos animas vestras putatis ad corporibus interire, ideo non abhorretis omne malum facere est quippe præter istam altera vita quam ignoratis, et quidquid in hac feceritis, in illa pro certo representetur vobis.» Tunc illi: « Refer, precamur, nobis hujus propositionis arcanum, et

enuclea quantocius nobis nostræ conditionis figmentum.» Tunc comes prudentissimus demulcens eos blandis affatibus : Ratiocinatio nostræ conditionis hæc vera dignos. itur esse ab orthodoxis. Bis quino namque cœlicolarum ordine creato decimoque lapso, contumaci arrogantæ jactantiæque suæ jurgio cursuque totius mundanæ molis, ejusdemque mirifico ornatu perfecto, duo connetens elementa, vivum scilicet et moribundum, in unum effigiavit Deus hominem ita immortalem ex limo, ut gloria et honore eum coronaret, superque opere manuum suarum constitueret et ad cœlestem angelorum gloriam, quam arrogans perdidit, quandoque sine carnis morte transiret ; sic vero immortalem, ut, si se ad Conditoris sui obedientiam vinculis charitatis coartaret, legibus mortis non incubisset. Verum, heu dolor ! perfido hostis antiqui astu fraudulenter intricatus, cupiditatumque illecebris illeptus præceptaque Plasmatoris negligenter spernens indeque neci obnixus, atque ab amœnitatibus paradisi pulsus mundalibus ærumnis est deputatus. Nec tamen sententiam damnationis ipse solus exceperit, sed totam secum humani generis propaginem in facinus exsecrabile et mortis acerbitatem inexit. Hinc hostis antiquus super omnes homines principatum fraudulenter tenuit, eosque sibi nequiter subdidit. Verum, quia plasmationis et casus protoplasti exsecutus sum breviter seriem, cui corde et mente adheremus, evangelizare vobis nostræ crudelitatis gestio fidem. Deum namque unum in substantia colimus, Trinitatem in personis veneramus : et, licet sit Pater Deus, Filius Deus, Spiritus Sanctus Deus, unus tamen solummodo creditur Deus Patrem genitorem vocemus, Filium genitum confitemur Spiritum sanctum ex utroque manare credimus ; et in tribus his personis, scilicet Genitoris, et Unigeniti, atque ex utroque Procedentis, divinitatem unam, æqualemque gloriam et majestatem profitemur. Hic namque Deus cœlum subtilitate suspendit, terram mole fundavit, maria calculis alligavit, et in his omnia quæcumque voluit, verbo fecit, et spiritu suo ea firmavit. Hic namque solus habet immortalitatem, et lucem habitat inaccessibleem. Apud quem non est transmutatio, nec vicissitudinis obumbratio. Cujus semper est esse, æternum et incommutabiliter. Qui sine mutatione sui habet mutabilia disponere, sine diversitate sui diversa agere, sine cogitationum vicissitudine dissimilia formare. Qui et ubique est, et absque loco totus, quia et omnium creaturarum ipse inferior, ipse interior, ipse exterior Deus, superior est regendo, inferior portando, interior replendo, exterior circumdando. Intra cujus judicii omnipotentiam cuncta coarctantur, ejusque potentia ab ulla creaturæ natura non transcenditur ; quia celsitudo ejus divinitatis nec cœpit esse nec desinit, et nec per initium nascitur nec termino coangustatur. Hic namque Deus Verbum quod erat in principio apud eum, et quod sine tempore genuit, ob nostram redemptionem incarnari disposuit. Ex sacrosanctæ Virginis carne, angelo nuntiante pro-

A cessit in carnem humiliatus usque ad humani exordii pudorem, et pannorum illuviem et præsepium vilitatem : quam quidem nativitatem possumus mirari, sed eam minime valemus intueri. Quis etenim digne loqui potest quomodo de æterno natus est coæternus ? et quomodo ante sæcula existens æqualem sibi genuit ? et quomodo natus gignente posterior non est ? quod est Pater hoc genuit : Deus Deum, lux lucem, immensus immensum, incomprehensibilis incomprehensibilem, omnipotens omnipotentem unum secum, et coæternum, sibi coæqualem. Qui natus ex Patre sine tempore, ex matre nasci dignatus est in tempore, et ad electri similitudinem unus in utraque et ex utraque natura : et Deus permansit cum Patre, et ad redemptionem nostram factus est homo mortalis de matre, ut erueret humanum genus suæ similitudinis et imaginis figmentum sua larga miseratione ab hostili lapsorum angelorum immanitate. Temporumque labentium cursus humaniter exsequens, diversaque miracula mirabiliter peragens, scilicet gressum claudis, auditum surdis, visum cæcis, pristinam sanitatem paralyticis ; mundam gratamque et deliciosam cutem et carnem leprosis largiens ; marisque tumores sibi et Petro calcabiles præbens, ipsique mari et ventis præcipiens : mortuos, quin etiam Lazarum in monumento quatruiduanum, suscitavit, et omnia quæcumque voluit in cœlo, et in terra, et in mari, et in omnibus abyssis fecit. Denique ad spontaneæ mortis spectaculum pervenit, quam et cruci affixus sustinens, dum suo de latere aquam cruoremque produxi, virginem immaculatamque ecclesiam sibi exhibuit, sanguine redemptam, latice emundatam ; ne aut maculam haberet per crimen, aut rugam per duplicitatem. Mortis namque celebrato mysterio, infernoque exspoliato, die surrexit tertio, suisque fideibus se manifestum exhibens, cum eis conversando, quadagesimo suæ resurrectionis die carnem, quam de Virgine sumpsit, apostolis videntibus sustulit cœlo. Hanc namque mortem, quam hostis antiquus protoplasto generique ejus intulit, abolere famulis suis paravit, iterque inviolabile, quo ascenderent unde lapsi sunt, demonstravit, dum carnem nostram secum ad astra vexit. Quocirca copula duorum elementorum, scilicet hamo, si dum vixerit Deo famulatus fuerit, ejusque præceptis totis virium conaminibus obediverit, pars viva et potentior, quæ germen ab æthere traxit, hospita viscera sui corporis, recusatis contagiis hostis, ad æthera secum reportabit. Si forte terrestrius voluntas luteum sapuerit, et grave nefarium captaverit, animæque virtutes, coacervatis nimium vitii, abdicastique promissionibus quas in baptismo sponderit, pondere peccatorum oppresserit, animam secum trahens ad inferna torquebit. Propterea sepulcris impenditur a Christicolis maxima cura, illisque creduntur corpora non penitus mortua, sed summo [*leg.*, somno] data : quia venient olim sæcula in quibus socius amæ calor visitabit ossa, vivoque sanguine animata gestabit pristina habitacula, videlicet cadavera tumulis

putrefacta, volucresque rapiuntur in auras priores quas habuerunt animas comitata, quia interitus hujus mortis reparatio est vitæ melioris. Nam si cariosa vetustas totum corpus dissolverit, ut in mensura minimi pugilli ejus civisculus sit, illumque cinerem vaga flamina et auræ per vacuum inane tulerint, hominem perisse non licebit : verum aut cum quo virtutes anima exercuerit, cum ipso remunerabitur ; aut cum quo peccaverit, cum ipso punietur ; et ita, iudice Christo Dei filio, ibunt impii in ignem æternum, justi autem in vitam æternam. Hæc est fides catholica, quam nisi quisque fideliter firmiterque crediderit, salvus esse non poterit. Hoc firmamentum salutiferæ nostræ credulitatis, hoc symbolum profuturæ fidei et salutis. » Quæ audientes Daci obstupuerunt, imoque trahentes vocem ex pectore dixerunt : « Heu nobis omnium bonorum ignaris, scripturasque nescientibus, neque virtutem Dei, quia nihil differimus belluis, neque avibus cœli ! Ille quo ad præsens vivat quæritant, nihilque acquisitionis sibi conservant. Nos vero quo similiter vivamus, rapinando incessanter quærimus, sed in eo ab illis distamus, quia quod cibo potuique exuberat, in posterum thesaurizando reservamus. Da nobis salubre consilium, petimus quatenus ad præsens et in æternum vivere valeamus. » Tunc dux : « Si velle est vobis inhære nostris consiliis, ego faciam vos primitus baptizari in nomine Patris et Filii et Spiritus sancti ; ampliorique deinde integerrimæ fidei prædicatione ab episcopis profusius erudiri, postea muneribus largissimis, beneficiisque amplissimis ditari, quibus vivere quiveritis, et in æternum non peribitis. Sed vitæ præsentis solatio, futuræ remunerationis bravio sine fine fruimini, si integerrimæ pacis, quam requiro, felicitatem non abnueritis. » At illi : « Et securitatem pacis, et tenorem sacrosanctæ fidei spondemus tibi, et nunquam devius error tuo consilio deviare nos perurget. » Pacta quippe noctu fide, et jurata pacis quiete, dixit Richardus demulcens eos melliflua allocutione : « Revertimini, mearum virum animæque meæ partes, furtivo gressu ad vestras naves, ne videamini : neque sciat quisque huc vos venisse præcaventes. Diluculo vero revocabo vos, pariterque tumultuantem diræ cervicis plebem, et depostulabo multimodis precatibus vestram et illorum pietatem, pacis dari incrementa, et quietis affinitatem. Abdicat et resistite objurgando cum illis verbis meis, tandemque proluxa similitate vix finita votis adquiescite meis. » His ita clanculum peroratis, ad sua quisque vestigia torsit. Primo itaque mane dux magnus festinanter consurgit, innumerabilibusque Dacorum legionibus ascitis fiducialiter dixit : « Malivolas pravæ intentionis ambages usque modo præstolatus, iterum iterumque repetam vestri obstinati cordis excessum. Abnegatam multoties opportunitatem pacis date, precamur, nobis. » Tunc Northmanni voluntate dispare, intulerunt Richardo una dicentes : « Frustra laboram, qui supra petram semina jactat. Verborum tuorum laborem inaniter fundis,

PATROL. CXLI.

A otiosa dum supervacue loqueris. Pax et concordia, cui non acquiescere superflue satagis, inter nos et Francos nusquam et nunquam erit. Exterminabuntur autem, perimentur, et omnis natio illorum penitus delebitur. Si quis indignus fuerit inventus, nostræ ditioni [al., conditioni] subiacebit. Nonne avus tuus terram cui præces, depopulatio Franciæ regno, vindicavit sibi armis ? » Tunc a minimo usque ad maximum reciproqua voce cuncti dixerunt : « Aut moriemur, aut vindicabitur. » Richardus vero dux magnus preces precibus jungebat, eosque dare pacem obnixè postulabat. Sed mens illorum precibus ejus minime acquiescebat. Tunc illi, qui noctu pacem sponponderant, cæteris intulerunt : « Pro cujus adjutorio et defensione B huc accessimus, consequens est ut precibus ejus pareamus. Opportunum est fieri quod ambiens concupiscit, satisfactionemque concedere libenter ejus votis ; cujus consilio adhibebimus, nisi istius ? et cujus precatibus acquiescimus, nisi cujus beneficio quotidie fruimur [haud] parcus ? » His auditis, qui nocturnum ignorabant consilium, vehementer turbati, ceperunt vehementius obortis contradictionum vociferationibus rixari, et dixerunt : « Utremur, fautores, quin adulatores hujus consilii estis, ideo talia nefaria nobis impenditis. Non erit secundum vestri propositi libitum, nec pax quæ requiritur dabitur ab ullo nostrum. Consentaneam vestræ voluntati intentionem hiulce nobis aperuistis, quæ refragabitur audacter superstitibus nobis. Quod mandat precaturque dux, minime intercessoribus vobis parebimus, verum Francia usque ad internecionem armis ferocius depopulabitur. » Tunc nocturnalis consilii conventionem jam lucrati, dixerunt acerrimis bacchati furiis : « Non intercessoribus nobis pax dabitur, sed eam volentibus nolentibusve vobis duci magno largiemur. Quid nobis vobisque ? Nonne vobis natu majores, prosapia nobiliores, armis robustiores ? Non intercessores, sed largitores pacis nominari debuissimus. » Quo audito, dux Richardus, hinc secedens ait ascitis suis principibus : Sinite illos adinvicem feriter rixari, et videamus qui illorum potentiores et fortiores exstiterint. Tertribus igitur diebus hujus conflicti litigatione ductis, admirantibusque Francigenis cura Richardidis, dixerunt refutatores pacis satrapis prudenti consilio noctu acquisitis : « Natu, prosapiaque atque armis potentiores estis, ideoque volenter nolenterque assentiamur vobis. Si Richardus dux, magnæ potestatis largissimos nostri itineris sumptus nobis concesserit, nosque conducere quo vivere regnumque expugnare valeamus fecerit ; Franciæ regnum parcemus ut petitis. Alioquin se agente, Franciam, quam invasimus, contritam bellis incendioque et rapinis applicabimus severius nobis. » Tunc optimates paganorum his responsis læti, quæ audierunt retulerunt Richardo duci. Expleta namque legatione, infit dux præpotens lætus futura pace : « Et victus amplissimos, et viatores quamplurimos et præcautos, insuper et honores conferam largissimos, atque conducere ad tellurem opimam faciam illos. » Renuntiato lar-

24

gissimæ promissionis negotio, sedenteque cum suis, Francigenis adstantibus, duce Richardo, venerunt unanimiter, pepigeruntque pacis fidem illi vultu submisso. Richardus vero legatos regis ditatos muneribus præmaximis, ad regem Lotharium remisit. Denominato itaque die et loco pacifici placiti, datisque optatæ pacis induciis, paganos ne Franci contra se recalcitrarent secum detinuit. Decurso igitur tempore desiderati placiti, venit rex Lotharius super Eptæ fluviolum cum Francigenis, pepigitque duci Richardo fidem inextricabilis pacis; juravitque ipse et optimates regni Northmannicum regnum ipsi ejusque posteris, quatinus ipse et nemo, se hortante, damnum illius regiminis minime faceret illi. Finito namque impetratæ pacis placito, fœderatisque rege et duce Richardo, muneribusque alternis utroque largiflue ditato, regreditur ad sua quisque equitatu prospero. Reversus dux magnificæ pietatis ad urbem Iaraiflue ubertatis. Northmannos immanissimæ ferocitatis sibi adesse coegit. Quibus ait: « Ne pollicitationis meæ de confidentia titubetis, quod olim vobis spondi ecce paratus sum exsequi. Vos beneficia largiens regenerari sacro fonte faciam vos oneratis farre tergisque suum navibus, viatica navigationis concedam. Ex præparato igitur sacrosanctæ regenerationis fonte hos suscepit marchio magnus, delibutos oleo et chrismate; tribuens beneficia amplissima, quibus morarentur in pace. Illos vero qui oberrare cupiebant paganis ritibus, conduci fecit ad Hispaniam, Constantinensibus viatoribus. In progressionem namque illius professionis bis noyem civitates devicerunt, et quæ in eis repererunt sibi vindicarunt. Hac illacque rapiantes, Hispaniam hostiliter adgredientes, ceperunt incendio et rapinis affligere eam severiter. Tandem vero Hispani, rusticanis gentibus digladiatis, conglobato exercitu congregiuntur Northmannis. Sæviente namque Marte Hispani exteris terga vertere, facta præmagna internecione. Tertio namque die campum prælii Northmanni repetentes, mortuosque ut induvis eos privarent vertentes, repererunt partes corporum nigellorum Æthiopumque terræ finitimas atque incumbentes nive candidiores; reliquum vero corpus pristinum colorem servans intuiti sunt. Sed mirum mihi quid super hoc characterizabunt dialectici, qui cum accidens Æthiopique categorizant inseparabile esse, hic mutatum vident. Quod amplius propalare non curamus, sed ad nostræ intentionis propositum nostræ præsumptionis stilum vertamus. Elucidabit enim libenter quæ quiverit, sed quæ relatui necessaria sunt, digerere non valebit. Illi namque sunt istius honorum opera cognita, qui quæ peraguntur novit universa.

APOSTROPHA

Hactenus æquorei per magna negotia fati,
 Dispositum variosque vicissim turbine factum,
 Fortunæque vices bifidas felicitis et acris,
 Undisona vectus fluctu, surgente procella.
 Sub tuæ cecipi nostræ stridente cicuta.

A Profectus portum stabilem, ventisque quietum,
 Sulcavi profunda nimis parvo æquora remo.
 Sunt octona sacræ passim felicia vitæ,
 Summum corde bonum sincero emitur quibus in
 [quo.

Sed mea meus tenui meditans conatur avena,
 Si poterit nunus quoddam captare bonorum,
 Exiguæ modico mercis de fenore sumptum.

A pestiferæ namque hostilitatis veneno Francia, ut recensitum est, defæcata, abdicatisque ingruentium malorum querimoniis et detrimentis, atque adornato et statuto reipublicæ ubicumque Franciæ commodo, præeunte triumpho desideratæ pacis, fama beatissimi ducis Richardi propalatis illustrata meritis, in immensum rutilans crescebat, divulgabaturque per cætera regna meritum profusius beatitudinis ejus. Illius vero temporis cursu, uxor ejus filia scilicet Hugonis magni ducis defungitur, et hujus desolationis mœstus detrimento, misit ad Hugonem fratrem defunctæ uxoris suæ, ut quosdam vernulas domus suæ mitteret sibi, qui, quæ possederat soror sua jure femineo, erogarent sacrosanctæ Ecclesiæ et pauperibus. Hugo vero dux remisit ad Richardum ducem et patricium, ut quidquid suppeditaret sibi voluntas faceret libere ex omnibus. Tunc Richardus affluentis largitatis dux præpotentissimus, tanti thesauri mœnera per universas totius Franciæ et Northmanniæ ecclesias dispertivit: quin etiam plurima quæ sui juris erant, pro ejus anima erogavit affluenter pauperibus. Denique subscalpenti voluptuosæ humanitatis fragilitati subactus, genuit duos filios, totidem et filias, ex concubinis: quorum unus Godofredus, alter vero nuncupatur Willelmus. Denique luculentæ majestatis virgini ex famosissima nobilium Dacorum prosapia exortæ, omniumque speciosissimæ Northmannicarum virginum, permutantibusque civilium forensiumque rerum eventibus cautissimæ, femineique artificii edoctæ ingenio, facundæque ubertatis eloquio modeste pollenti, capacisque memoriæ et recordationis thesauro profusius locupletata, atque omnium bonorum præmunitæ affluentia se connexuit; eamque prohibetæ copulationis fœdere sortitus est sibi amicaliter. Northmannorum vero optimates, nobilissimo diffamatæ stirpis eam noscentes exortam semine, et de successorè, deque hærede atque de posteritate salutifera plebi nimium cogitantes, submissa voce, vultuque proclivi, Richardo duci præpotentissimo subintulerunt: « Cum sis, domine dux præpotentissime, omnium Francigenarum, Northmannorumque, et Burgundionum, omniumque regnorum sagacis meditationis scrutinio prudentissimus: miramur admodum quin comminisceris quis post flebilem debitumque excessum tuæ præsentis reget populum tuæ ditioni potentissimæ modo subjectum. Fortuitam namque futuri detrimenti ruinam pertimescentes, formidamus ne post lugubre depositionis tuæ damnum exteræ gentes nos advocato et hærede carentes concupcent. » Tunc Richardus: « Reipubli-

cæ vestro saluberrimo consilio usque modo præfui, et ut quivi profui. Nunc quid rei gratia corde statulistis mihi enucleate. » At illi : « Providentia summæ divinitatis, ut remur, hanc tibi Dacigenam quam modo refoves connexuit : ut patre matreque Dacigena hæres hujus terræ nascatur, qui defensor et advocatus robustissimus exstet hujus. Est namque superba stirpe progenita, specie decora, et formosa, consilio cauta et provida, mente devota, corde subacta, alloquio modesta, conversatione mansueta, in omni re industris et sagax. Hanc tibi inextricabili maritalis fœderis privilegio protinus connecte, ut salutifera sobole ejus tellus tui ducaminis, imminente extremæ sortis tuæ obitu, salubriter et constanter regatur. » Hinc igitur consilio libenter dux sanctissimus Richardus favens, ascitis episcopis cum clero satrapisque cum populo, eam lege maritali desponsavit, et ex ea processu temporis quinque masculinæ prolis pignora, feminæque genuit tria. Per vias igitur operum rectas gradiebatur, justisque legum habenis plebem strenue regebat. Northmannicæ regionis ecclesias sumptu reedificans proprio, monasticis rebus adornavit, plurimamque Franciæ telluris templa mirifice construxit proprii muneris thesauro. Rothomagensi namque urbe in honore Genitricis Dei ampliavit mirabile monasterium, longitudinis, latitudinisque, atque altitudinis honorifice exspatiatum incremento. In monte namque maritimo, refluxæ lunari dispositione inundationis gurgite undique secus circumdato, delubrum miræ amplitudinis, spatiosaque monachis habitationis mœnia construxit : ibique monachos sub ærumnosa theoricæ vitæ palæstra, normalibus celebris itineris decretis astrictos, Christo coegit famulari. Cum autem innumerabilibus exuberantium bonitatum polleret incrementis, quadam die Fiscanninæ sedis aggrossus mœnia, stansque in introitus domus suæ suggestu, atque ipsam domum altiore capacioremque basilica in honore deificæ Trinitatis dedicata conspiciens ; ascito petrarum fabro architectoria arte perito, inquit : « Domum Dei et orationis superlativo specialis pulchritudinis decoræque altitudinis culmine, supereminentiorem universis mœnibus civitatis decet et oportet esse, quia Plasmator Redemptorque generis humani gratuita hanc sibi delegit clementia, miræque regenerationis mater typicæ ablutionis lavacro exstat, atque in hac divinæ eruditionis audire verba, nostraque deslere debemus peccata. Hæc namque aula porta cœli nuncupatur et est, quam incolunt, cuique præsumt cœlicolæ. Hæc domus namque, Psalmographus ait, mons Dei, mons pinguis, mons in quo bene placitum est Deo habitare in eo : etenim Dominus habitabit in finem. Hic namque mons est in quo meus avus se stantem, seque ablui monte salutifero divinæ visionis oraculo conspexit, et a lepra vitiorum qua infectum se somnio cornebat expiari. Quapropter quia altiore amplioris culminis schemate, domum Dei domum nostræ habitationis præcellere condecet ; experire

A si forte imminentium montium proclivis et collibus aliojus petræ materiam reperire quiveris, qua templum Dei nostræ conversationis domo altius fabricare valeas. » At ille accepto illico ligone montium prius procliva adiit, eorumque crepidinem divellit sarculis, atque nullam petræ materiam usui materiæ repertiens congruam, petiit devexa montium inter duos fluviolos prope Fiscanum jacentia, ibique massam gypsi invenit, et unum lapidem gypseum in modum cudit, excidit et ante Richardum ducem detulit. Tunc dux magnus Richardus : « Satisne de talibus reperire poteris ? » Respondit : « Satis, Domine. » At ille : « Tuto hanc petram repone loco, et mitte quamplurimos operarios ad excidendos lapides, multasque calcis vivæ fornaces componere : quia, omnibus quæ necessaria sunt præparatis, istam in initio fundamenti in titulo erectionis domus Dei primam locoabo. » Denique marchio famosissimus, præparata calce, petrisque excisis et coacervatis, atque lateribus artificialiter compositis, dictu visuque mirabile, miri schematis forma construxit in honore sanctæ Trinitatis delubrum, turribus hinc inde et altrinsecus præbalteatum, dupliciterque arcuatum mirabiliter, et de concatenatis artificiose lateribus coopertum. Hinc forinsecus dealbavit illud, intrinsecus autem depinxit historialiter, auroque et gemmis magno munere acquisitis altaria decoravit, crucesque miræ magnitudinis ex auro mundissimo fabricavit, calcesque magni ponderis auri et pretii annexit, aureaque candelabra humanam naturam superexcellenti ante sanctuarium statuit : thuribulaque inauditæ amplitudinis et pretii auro confecta delegavit, atque indumenta phrygio pectine pollta, nec semel in Tyrios rubores decocta : qui etiam crassiore auro smaragdinisque superinsutas apposuit, byssosque niveas purpureasque auro intextas, plumeoque mirabilis artificii holoserica commisit ; atque clerum numerosæ multitudinis propensa diaria quotidie recipientem, subque practicæ vitæ palæstra desudantem Christo deservire coegit. Illo namque templo monasticarum facultatum ubertatis affluentia repleto eoque benedictione episcopali officiosissime dedicato, Northmannica Francicæque tellure sitas, proprio sumptu reficiebat omnes disruptas ecclesias. Mirabilibus coruscabat factis, justis et bonis ; famaque prohibitis ejus longinquis regionibus profusius diffundebatur. Species ejus redimita decore admirandæ pulchritudinis, fundebat jubar ab ore, quasi solaris claritudinis. Erat ei summus honor, quo nomen ejus audiebatur, totaque Gallia admirabatur super Jargiflua bonitate ejus. Amore pietatis cultor justitiæ strenuus renitebat, cunctorumque causas intra sua pectora sollicitus recondebat, atque pro populi reque pia jura tenebat. Specie pulcherrimus, canis præcandidis repletus, superciliis acieque oculorum coruscus, naribus malisque splendidus, barba canifera et proluxa honoratus, statura procerus, lingua eruditus, virtute animi et corporis plenus, bonitate diffusus, mente sagacissimus, gratia Dei

municus omnibusque erat una salus. Amicos namque erigens, tumidos calcabat hostes, subjectosque fovens, conterebat feros et rebelles, tempestas iræ vel discordiæ nullo dissensionis tumultu penetrabat corda ejus; quia in salutifera stabilitate justitiæ et judicii, charitatisque spei, et fidei anchora sagacissimæ mentis fixa aderat illi. Constantem ejus animum aura illius adversitatis tumultu non ventilabat, nec de multifluæ copiosæque prosperitatis ubertate animum subtollebat. Cum autem in regno suo variato murmure pullulabant aliquæ seditionis causæ, sedebat eas decretis legum et salutifera potestate. Illius namque fides tam valida veritatis radice tenebatur, ut antea mons deficeret aut migraret, quam sua verba caderent. Res ab eo promissæ nullo multandæ actu, verè perseverabant; atque pollicitatæ semel, perpetuatæ manebant.

APOSTROPHA.

Hujus patricii cumulum bonitatis enormen.

Præsul amande vides.

Symbola qui merito crescit bonitatis in octo

Præsul amande vides.

Viduo bis scribit quæ Evangelista beatis

Præsul amande vides.

Quæque tuus genitor factis implevit opimis

Præsul amande vides.

In dicto melior quoniam nemo extitit ipso

Præsul amande vides.

In facto certe nullusque potentior ipso

Præsul amande vides.

Ullus nec hominum extat sanctior in meditato,

Præsul amande vides.

Huc hebeti et vili scripto devenimus usque

Præsul amande vides.

Pulchra nimis ratio verborum, materiesque,

Præsul amande vides.

Thematis editio extat frivola, rustica, vilis,

Præsul amande vides.

Ditatu vili nunc cape dulcia facta,

Præsul amande vale.

Merito igitur, justeque atque probabiliter Richardum Northmannicæ regionis ducem beatum sanctumque, recensitis breviter operibus ejus, dicimus; cui omnia evangelicarum beatitudinum dona reperiuntur propensius attributa. Quarum prima: « Beati pauperes spiritu, quoniam ipsorum est regnum cælorum. » Quæ in hoc confessore clarius luce apparet fuisse, qui Northmannicæ regionis monarchiam, non causa hujus prælabentis honoris, sed ne sacrosanctæ Ecclesiæ status pagani irruentibus periclitaretur, retinens, se ad imitabilem Christi paupertatem totis cordis nisibus, totoque mentis affectu conferebat. Quæ mundialis hominum conditio continet pretiosa, hic mente periculosa. Quæ magna, hic corde fugitiva. Quæ delectabilia, hic non perpetua. Hæc veraciter mente deserens, et integritate corde spernens, cælorum regnum, quod diu concupivit, largiente Christo adeptus est. Quoniam ex pauperibus spi-

A ritu delegit esse regnum cælorum, credimus ei attributum. Sequentia Evangelii depromit quod sequitur: « Beati mites, quoniam ipsi possidebunt terram. » Quam suavis, quam mitis, quam benivolus, quamque benignissimus fuerit qui compendiosam vitæ ejus seriem legerit, aliquid suavitatis ejus pernoscere quiverit. Hic Tetboldum comitem aliquando devotione, aliquando armis corripescuit. Hic Lotharium regem humilitate devicit. Hic Dacos suavitate verborum et donis coercuit. Hic Francos cæterasque gentes humillimis verbis et muneribus sibi provocans ascivit. Hic incolas Northmannicæ regionis summa devotione protexit. Hic domigenas, ut pater familias devotus, fovit. Benivolus in omni negotio exstitit, suavia in omni re verba et opere sonuit. Terram

B namque viventium possidere meruit, qui corporis sui terram mansueta benignitate custodivit. Sequitur tertia beatitudo, qua dicitur: « Beati qui lugent, quoniam ipsi consolabuntur. » Quoniam quidem dives opum munerumque, et militum atque familiarium exstitit; ideo se implicatum et irretitum sæcularibus negotiis lugebat. Lugebat namque pravitates monachorum, quos devius error, relicto stricto calle, abducebat deceptricibus fallentis mundi rebus in execrabile præcipitium. Lugebat errores canonicorum a monasticis præceptionibus decidentium. Lugebat ignorantiam juventutis suæ, et delicta; atque fletu oculorum nimio terram prostratus humectabat. Sequitur:

C « Beati qui esuriunt et sitiunt justitiam, quoniam ipsi saturabuntur. » Hanc vero esuriam et sitim nemo habuisse Richardum ducem dubitat, qui pacificos actus ejus subtiliter pensat. Quia instantia justitiæ renitebat, callem judicii incessanter petebat. Opprimebat diro legis jugo negligentes justitiam, corriperebat verbo severitatis abdicantes eam. Eo namque superstite, misericordia et veritas in regno ejus, ut Psalmista refert, sibi obviaverunt; justitia et pax osculatæ sunt. Esuriebat, siuens se suosque lucrari Christo, ut posset participari in die judicii perenniter Deo. Hoc instantissimum jæque desiderium ejus, hæc esuries perseveranda ejus, atque sitis indeficiens ejus erat, ut omnes lucriferet. Sequitur: « Beati mundo corde, quoniam ipsi Deum videbunt. » Cor tanti ducis patriciique et confessoris, quis fuisse sanctuarium Domini, et aulam regis æterni dubitat? Munditia cordis illius longe lateque emicabat, puritatemque mentis serenissimus vultus ejus clarius indicabat. Præcepta divinæ legis corde mundo, ut laicus, gerebat: divites, mediocresque, et pauperes benivola mente alebat. Cujus cordis mentis et voluntatis fuit, apparet in ecclesiis Northmannicæ regionis, rebus monasticis mirifice adornatis. Sequitur: « Beati pacifici, quoniam filii Dei vocabuntur. » Pacificorum autem merces est ut filii Dei vocentur, et sint. Sint quidem perfecta charitate, vocentur dignitate. Hujus beneficii munere iste dux viguit, quia omnes ut potuit pacificavit. Diebus namque Dominicis, Sanctorumque festi-

vitatibus hoc plenius exercebat; rebelles vero et discordes blande leniterque conciliabat. Flandrensis comes Arnulfus nomine spreuit Lothario Regi eo tempore militare et servire. Lotharius igitur rex hujus rei animositate, ascita hostili Francigenarum Burgundionumque manu Atrabatum obsedit et cepit, cæterasque munitiones ad Leisc usque fluvium sibi subjugavit. Hujus infortunii dolore mæstus, comes Arnulfus petiit Richardum ducem supplex et devotus, ut pacificaret se cum rege et Francigenis principibus. Richardus vero benivolo consuetæ pacificationis habitu pollens, hujusque damni negotio contra Regem ad placitum pergens, pacificavit cum rege comitem Arnulfum, coegitque reddi illi nimis precationis affectu Atrabatum. Nec illud prætereundum quod, Lothario rege defuncto, Hugo dux intronizatus in regno voluit super Albertum comitem equitare, hostili exercitu conglobato. Albertus igitur metuens venturum furibundi regis adventum, misit quemdam clericum pretiosi martyris Christi Quintini canonicum nomine Dudonem, dictum ad Richardum summæ patientiæ patricium; ut ne hostili immanitate devastaretur pagus Viromandensium, interventu suo strenuo intercederet pro se apud regem pestifera animositate plenum. Dux vero Richardus cum summo reverentiæ cultu suscepit clericum, et profectus est contra regem violentem equitare ascito hostili exercitu super Albertum, et multimodarum prosecutionibus petitionum compescens regem animosum, datis obsidibus pacificavit cum rege Albertum. Hujus igitur beatitudinis prærogativa iste dux profusius floruit, quia quos audiebat discordes, aut per se aut per legatos pacificabat. Pacificabat enim Francigenas et Lotharienses, Burgundiones et Flandrenses, Anglos et Hibernenses, Northmannos et Britones. Sciebat enim nullum sacrificium et holocaustum tam acceptabile Deo, quam pacis incrementum. Venerabiliter ergo iste dux inter eos numeratur qui fide et imitatione filii Dei vocantur, quia totis fidei nisibus implevit quod tantæ dignitati congruere præsensit, sciens non prohibere Deum quamplurimos fieri dos participatione deitatis. Videamus igitur Evangelii sequentiam, qua dicitur: « Beati qui persecutionem patiuntur propter justitiam, quoniam ipsorum est regnum cælorum. » Si quæritur causa persecutionis hujus ducis, non alia procul dubio reperitur quam justitiæ, Christi videlicet, quem toto corde, tota anima, totis viribus amabat: quem integra fide, summa devotione colebat et adorabat: pro quo monachis et canonicis ecclesias construebat, et quæ necessaria erant distribuebat. Cultum religionis tenere cogebat, paganos in Christum credere urgebat, et illorum impetum ne Franciam devastarent tolerabat. More malefactorum persecutus a Lothario rege, Tetboldo comite, monasticis rebus inhians non cessavit a Christi laude. Multipliciter enim persecutus, cælorum regnum, quod quæsit, ut credimus intravit. Confortatus Salvatoris nostri sententia, qua dici-

tur: « Beati estis cum maledixerint vobis, et persecuti vos fuerint, et dixerint omne malum adversum vos, mentientes propter me. Gaudete et exultate, quoniam merces vestra copiosa est in cælis. » Quas et quantas iste dux passus et maledictiones et blasphemias pro regni cælestis adeptione, nullus nostrorum valet enumerare. Sustinuit namque maledictiones pro fide catholica, pro regni tutela, paganorum attritione severissima, pro monachorum negligentiam regulam contritione sanctissima, pro canonicorum inter se dissidentium concordia, pro laicorum pace intermissa. Erat enim istius ducis Christus in causa, ideo malefactorum adversus eum non prævaluit mina. Gaudebat namque cælesti mercede promissa, et exultabat, inimicorum invidorumque omnium prostrata nequitia.

APOSTROPHA.

Cum per mirificos magnificosque,
 Cunctis Christicolis percelebreque
 Richardi comitis patricique,
 Insignisque ducis, et recolendi,
 Solvor thematibus vilibus actus:
 Pars rerum melior tecta videtur,
 Et torpet series nunc luculenta,
 Quæ jam perniciem conferet acrem,
 Stulto, ha! mihimet non reserata
 Permagni nimium munere fructus,
 Tu fraudatus eris, optime lector.
 Quod summum haud tetigit Musa laborem.
 Heu! heu! funereos perlugubresque,
 Mens præsa necis, atque doloris,
 Diffinire modos expaves horrens,
 Res mæstifera, digna taceri.
 O res mæstifera, plena doloris!
 Quanquam dicere sit triste minaxque
 Cunctis et querulum, et prodigiosum
 Quanquam lebile sit scribere, scribam.
 Scribam quod doleo, quod fleo mærens,
 Ad vitam subiit qualiter iste
 Dux, et patricius, et marchio summus.
 Morti limina per debita carni,
 Conjunctus Domino perpeete Christo,
 Et plus ut stupeas munificatus
 Usus inque Deum estque ΘΕΛΕΙΣ.

Cum autem tantarum beatitudinum, ut compendiose hebet stylo elucubratum est, redolens flagraret lampade, jussit sibi exeri sarcophagum scilicet, et infra ecclesiam Fiscano nomine deificæ Trinitati consecratam ante locum stationis sue locare, et uno quoque die sextæ feriæ, quantum frumenti capax erat et quinque solidos pauperibus erogare. Denique multimodis innumerabilium casuum adversitatibus, multiplicibusque æquanimiter laboribus pro Dei amore toleratis, administrationibus temporalis vitæ bene transactis, largifluæ multiplicisque misericordiæ operibus datis, ducibus imitabilibusque vitæ exemplis concessis, innumerabilium captivorum agiminibus redemptis, monachorum canonicorumque cœnobis refectis, immensa variæ suppellectis mole distributa profuse

ANNO DOMINI MXXVII.

GAUSLINUS

BITURICENSIS ECCLESIE ARCHIEPISCOPUS.

NOTITIA HISTORICA.

(Gallia Christiana, nov. edit. tom. II, pag. 39.)

Gauslinus, Hugonis Capeti, Galliarum regis, A nothus, sub Abbone magistro in monasterio Floriacensi multum profecit in litteris, maxime vero in virtutum omnium studiis. Quapropter primum quidem abbas Floriaci ordinatus est, rege Roberto fratre cupiente; quam tamen dignitatem haud facile consecutus est, quod non esset legitimo conjugio natus. Postea quando ad cathedram Bituricensem fuit proventus, graviores ea occasione motus orti sunt. Audiendus ea de re coævus scriptor Ademarum Cabanensis in Chronico: « Rex Robertus pro defuncto (Abbone Floriacensi abbate a Vasconibus occiso) ordinavit abbatem Gauzelinum, licet repugnarent monachi, nolentes sibi præesse filium scorti. Erat enim ipse nobilissimus Francorum principis (Hugonis Capeti) filius B manzer, a puero in monasterio S. Benedicti nutritus, quem etiam rex supra scriptus archiepiscopum Bituricensibus fecit postea, defuncto Dagberto archiepiscopo. Sed et ipsi (*Bituricenses*) quinquennio seditionem agentes noluerunt eum intra urbem recipere, clamantes una voce. *Non deceet dominari Ecclesiam filium scorti.* Postmodum sequestre Odilone abbate regis voluntas prævaluit, et Dei nutu in sedem susceptus est. »

Infra loquens idem scriptor de ordinatione Geraldii in sede Lemovicensi, quem dicit in gradu pontificali fuisse ordinatum a Seguino monacho archiepiscopo Burdegalensi, subdit: « Non enim adesse potuit Gauslenus Bituricensis archiepiscopus, quia nedom receptus erat in sede Biturica. » C Jam in sua urbe admissus confirmavit chartam foundationis Ecclesie S. Austregesili Graciacensis hoc anno. Adfuit Gauzelinus synodo Airiacensi, pagi Antissidorensis, an. 1020.

Ex Chronico S. Petri Viti tom. II Spicilegii concijimus etiam ipsum sedisse in concilio Aurelianensi an. 1022, in quo damnati sunt quidam hæretici, postea flammis addicti, quia suscripsit cuidam præcepto Roberti regis tunc temporis dato pro Miciaco Aureliani publice, anno Incarnationis Domini 1022, quando hæretici damnati sunt Aureliani, anno 1025. Felicem monachum suum e Britannia reducem in abbatem benedixit, Hadegogis comitissæ Britonum hortatu, ut a se restaurata in

pago Venetensi cœnobium San-Gildasianum atque Moriaccense regeret, illuc regressus: uti legitur in Vita S. Gildæ sæculo I Benedictino.

Fuit autem gravis controversia inter Gauslinum et Jordanem episcopum Lemovicensem. Is consecratus fuerat a Seguino Burdegalensis, archiepiscopo, ut jam ex Ademaro Cabanensi retulimus; qui tamen postea, retractans quæ prius dixerat, testatur eum consecratum fuisse ab Islone Santonensi episcopo, coadjutore archiepiscopi Burdegalensis. Cur ab alio quam ab archiepiscopo consecratus fuerit Jordanus, causam attulit supra, supra quod nondum Gauslinus esset in sede Biturica receptus. At paulo post aliam profert causam: quia, inquit, pecuniam requirebat pro impositione manuum, contemptus est. Notat vero Labbeus a codicibus Thuano et Claramontani collegii abesse verba hæc, sed sufficiens causa dissidii fuit, quod sine auctoritate sui metropolitani consecratus fuerat Jordanus; itaque facta synodo in Francia coram rege Roberto, ubi septem archiepiscopi adfuerunt, die Pentecostes, cum suffraganeis episcopis, totum Lemovicinum excommunicavit præter locum S. Martialis. . . . ipsumque prohibuit ab officio suo episcopali. Purgare se poterat Jordanus coram papa, ut observat Ademarum, at maluit paci consulere et humilitatis exemplum præbere. Nam satisfaciens nudis pedibus cum centum clericis et monachis, omnibus similiter discalceatis pedibus, Bituricam sedem adiit; ubi archiepiscopus cum clero eis processit obviam, et honorifice eos deducens, quod ligaverat absolvit.

Helgaudus Floriacensis monachus in epitome Vitæ Roberti, auctor est Gauslinum, cum aliis Galliarum episcopis, levasse corpus B. Aniani, et in novum templum ab ipso Roberto rege fundatum in urbe Aurelianensi, solemnique ritu benedictum transtulisse an. 1029, quo anno e vita excessisse dicitur, quanquam alii ad annum proxime sequentem ejus mortem differant. Ejus vero epitaphium, quod dedit V. C. Baluzius tom IV Miscellan. diem ejus obitus assignat VIII Idus Martii. Porro istud epitaphium hic edere negleximus, quod sit barbare scriptum, et pauca de Gausleno doceat, nimirum quod Floria-

cense monasterium, ubi jacet, prius flammis absumptum totum innovaverit.

Exstat hujus archiepiscopi epistola ad Robertum regem numero 96 apud Fulbertum Carnotensem, de causis pluviae sanguinis, qua respondet quaestioni sibi a rege propositae. Nimirum, ut narratur in veteri historiae fragmento apud Pithœum, in regione Aquitaniae secus maritima tribus diebus ante solemnitatem S. Joannis Baptistae, pluit sanguis, qui cadens super carnem hominis, aut super vestimentum, aut super lapidem non poterat lavari, hoc est lotionem auferri, at si cadebat super lignum, facile lavabatur. Hæc ad Robertum regem scripserat Willelmus comes, qui de hoc portento Gauslinum consuluit, utrum unquam accidisset quid simile quidve id portendat ac significet. Epistola regis est 39 inter Fulberti Carnotensis episcopi epistolas tomo IV Collectionis hist. Franc. Quercetani. Respondit Gauslinus sanguineam pluviam portendere bellum, maxime civile; adducitque testimonium Valerii Rufi libro Memorabilium, ubi docet similia prodigia, Caio Volumnio et Ser-

A vilio Sulpicio consulibus, præcessisse belli civilis initia, quo Romana respublica tandiu laboravit. In Sicilia scuta sanguinem sudasse; Metensibus oruentas spicas in corbem cecidisse; oppido Cærite aquas sanguine mistas fluxisse. Postea multa recenset ex Eusebii Historia, et aliis, maxime signa quæ Justiniano imperatore præcurserunt illam pestem inguinariam, qua homines in triduo extinguebantur. Reliqua epistolæ hujus, quæ, pro tempore quo scripta est, satis eruditionis complectitur, prætermittimus. Eidem quaestioni respondit Fulbertus Carnotensis episcopus; et quidem, habita ratione illorum temporum, non indocte. Gauslino Aimoinus nuncupavit librum De miraculis S. Benedicti. In Chonico incerti auctoris quod referetur tom. IV Collectionis Quercetani legitur Gauslini elogium: « Floruit his temporibus in Floriacensi loco Gauslinus abbas egregius, qui propter suorum probitatem morum, et animi sui libertatem, a rege Rotberto cum abbacia Floriacensi Bituricensem obtinuit pontificatum. »

NOTITIA HISTORICA ET LITTERARIA.

Gauzlin ou *Gauslin*, ou même *Gauscelin*, passait pour un des grands philosophes de son temps et un prélat de grande autorité, *totius scientiæ vir gravisque* (1) *auctoritatis* (MAB. Act. t. VIII, p. 31, n. 3). Il était fils naturel de Hugues Capet, depuis roi de France (ADEM. Chr. p. 172), qui le fit élever dès sa plus tendre jeunesse au monastère de Fleuri. Là Gauzlin trouva d'excellents maîtres pour le temps (HELIC. Vit. Rob. p. 75); et, à l'aide d'un bel esprit, il acquit un grand fond de littérature sacrée et profane. Il sut si bien profiter des instructions du savant Abbon en particulier, que, les ayant profondément gravées dans son cœur, elles passaient comme naturellement dans ses discours. Il ne fit pas moins de progrès dans la piété que dans les lettres, et réussit tellement à les allier ensemble que ceux qui le connaissaient le mieux ne louaient point sa science qu'ils ne louassent aussi sa vertu (FULB. ep. 40, 44). Gauzlin se disposa par là à devenir un jour l'appui de la foi orthodoxe, et le soutien de la piété chrétienne, pour parler d'après un auteur contemporain.

Tant de belles qualités contribuèrent, encore plus que la proximité du sang à le rendre cher au roi Robert. Ce prince ayant connu son mérite, prit tant de confiance en ses conseils, qu'il ne faisait presque rien d'important sans son avis. A la mort

C d'Abbon, qui arriva le treizième de novembre 1004, Robert lui donna l'abbaye de Fleuri (ADEM. *ib.*). Les moines firent beaucoup de difficultés de le recevoir, à raison du défaut de sa naissance; mais la volonté du roi prévalut. A peine Gauzlin fut-il tranquille dans la possession de cette dignité, qu'il se vit aux prises avec Foulques, évêque d'Orléans, au sujet de la dépendance de son monastère; différend qui avait déjà divisé Abbon son prédécesseur et l'évêque Arnoul II, Cependant Fulbert de Chartres, ami de Gauzlin, lui conseilla de donner au prélat la satisfaction qu'il croyait lui être due. Et ce fut apparemment par cette voie que l'affaire s'assoupit. L'abbaye de Fleuri était célèbre depuis longtemps, mais elle acquit un nouveau relief sous le gouvernement de Gauzlin, par le concours de plusieurs personnes qualifiées, tant d'Espagne que de France, qui, renonçant à leurs richesses, aux honneurs du siècle, et même aux dignités ecclésiastiques, se retirèrent dans ce pieux asile pour y finir leurs jours (MAB. *ib.* t. VI, p. 423). Le moine Aimon, qui en faisait un des plus grands ornements, voulut honorer les premières années du nouvel abbé, dont il avait été le disciple sous Abbon, par la dédicace d'un de ses ouvrages.

Il y avait huit à neuf ans que le roi Robert avait conféré cet abbaye à Gauzlin, lorsqu'en 1013

(1) Dom Pierre de Romuald, feuilletant dans son *Trésor chronologique et historique*, tome II,

p. 639, fait Gauzlin frère naturel de Hugues Capet, contre l'autorité des auteurs contemporains.

l'Eglise de Bourges étant venue à vaquer par la mort de Daobert, il lui donna encore cet archevêché (MAB. An. l. LIII, n. 11, 91 ; ADEM. *ib.* ; DU CHES. t. IV, p. 96). Les citoyens de Bourges, frappés comme les moines de Fleuri, du défaut de la naissance de Gauzlin, se récrièrent contre sa promotion, et refusèrent de le reconnaître pour leur pasteur ; refus qui obligea Gauzlin à faire le voyage de Rome. Il y fut reçu avec honneur par le pape Benoît VIII, et y gagna l'estime de tous les Romains qui le connurent. Après y avoir fait admirer son éloquence par un discours qu'il eut occasion de faire en public, il en revint avec un rescrit du pape à Geofroi, comte de Bourges, au moyen duquel il fut intronisé dans son siège et en demeura paisible possesseur.

En 1020, il assista au grand concile d'Airy (Conc. t. IX, p. 842), convoqué pour rétablir la paix et la tranquillité en Bourgogne. Au bout de deux ans, le roi Robert en ayant assemblé un autre à Orléans, pour juger un espèce de rejeton des anciens manichéens qui troublaient l'Eglise de France, notre prélat s'y trouva aussi et y fit un grand personnage. Il y agit comme évêque et comme abbé, titre qu'il garda le reste de ses jours en retenant l'abbaye de Fleuri. En qualité d'abbé, il présenta au concile la profession de foi de ses frères, dans laquelle, rappelant la doctrine des six conciles généraux que l'Eglise recevait, ils protestaient qu'ils n'avaient point d'autres sentiments sur la religion. C'est apparemment en conséquence de ce que fit alors Gauzlin contre ces hérétiques, qui furent confondus, qu'Ademar de Chabanois le regardait comme un défenseur de la foi catholique et une colonne de la piété chrétienne (MAB. Act. t. VIII, p. 31, n. 3).

Un funeste embrasement ayant réduit en cendres le monastère de Fleuri, le trentième de juillet 1020, le généreux abbé entreprit de le rebâtir, et l'exécuta dans l'espace de deux ans (BAL. Misc. t. II, p. 307 ; DU CHES. *ib.*). En 1029, il se trouva avec deux autres métropolitains (HELG. *ib.*, p. 73) et plusieurs autres évêques à la célèbre dédicace de l'Eglise de Saint-Aignan à Orléans, que le roi Robert fit faire, lui présent et toute sa cour. Gauzlin mourut la même année, le deuxième de septembre (MAB. An. l. LVI, n. 60 ; BAL. *ib.*), dans le cours des visites de son diocèse. Son corps fut porté à Fleuri et inhumé dans la principale église, comme il l'avait réglé de son vivant. André, un de ses moines, composa presque aussitôt sa Vie, qui est encore manuscrite. D'autres dressèrent des épitaphes à sa mémoire. Il nous en reste trois différen-

(2) Les termes d'*Octavas Martis* ont trompé grand nombre d'écrivains, tant du moyen-âge que de ces derniers siècles (MAB. An. l. LVI, n. 60 ; BAL. *ib.* t. II, p. 307), qui ont entendu par là le huitième de mars, auquel il place la mort de Gauzlin. Dans ce cas, il faudrait la renvoyer à l'année 1030, parce que selon eux, ce huitième jour était en 1029 avant Pâques. Mais ces termes de l'épitaphe ne signifient que la huitième heure du mardi, qui était le se-

cond de septembre ; auquel jour la Nécrologe de Fleuri marque cette mort ; et la petite chronique du même lieu la mettant en l'année 1029, on doit s'en tenir à cette époque, qui est confirmée par l'historien de notre prélat, qu'il dit être mort en la xxv^e année depuis qu'il était abbé de Fleuri. S'il n'était mort qu'en 1030, c'aurait été la xxv^e (Marca Hisp., app., p. 1023, 1024).

EPITAPHE.

*Dulce decus regni jacet hic sub marmore tristt,
Grandis honor patriæ jacet hic sub pulvere terræ.
Hic, GAUZLINE, tibi requies, fintsque laboris.
Dum veniat Dominus dare digna pñs, mala pravis.
Petre sacer, Benedicte pater, sacra virgo Maria,
Fenore multiplici servum dotate fidelem.*

B *Octavas (2) Martis superabat Apollo fenestras,
Cum fera mors famulis rapuit hæc gaudia mæstis.
Pro quo funde quisquis hæc scripta recurrit.*

Quelque savant que fut Gauzlin, il ne laissa point, que l'on sache, de productions considérables de son savoir. L'auteur de sa Vie fait, à la vérité, mention d'un discours public qu'il avait prononcé à Rome, et qui lui attira un applaudissement universel, mais il ne nous apprend point s'il méritait de passer à la postérité, soit par la matière qui en faisait l'objet, soit par la manière dont l'orateur l'avait traitée. Le même écrivain parle aussi d'une profession de foi que Gauzlin présenta en 1022 au concile d'Orléans, mais il ne dit point si l'écrit entrain dans un certain détail, ou était d'une certaine étendue, pour qu'on put le regarder comme un traité dogmatique.

On sait encore que Gauzlin écrivit grand nombre de lettres au sujet de différentes affaires, qui le regardaient personnellement, ou dans lesquelles il fut obligé d'entrer. Tel fut entre autres son différend avec Foulques, évêque d'Orléans ; telle fut la déposition de Tedfroi, abbé de Bonneval, qui, s'étant retiré auprès de notre prélat, l'avait engagé à prendre ses intérêts. Il y a de Fulbert de Chartres sur ces deux affaires quatre lettres à Gauzlin (FULB. ep. 39, 40, 44, 73), lesquelles en supposent au moins autant de la part de celui-ci. Elles font même mention d'une cinquième qu'il écrivit à Arnoul, abbé de Saint-Père en Vallée. Il eut encore occasion d'en écrire au sujet de la résistance qu'on fit à sa promotion à l'archevêché de Bourges, et en réponse à Hadvise, duchesse de Bretagne, aux princes Alain et Eudes ses fils, et à l'évêque de Vannes, touchant Félix, moine de Fleuri, qu'ils demandaient pour abbé de Saint-Gildas de Ruys (MAB. An. t. LV, n. 53).

Il ne nous reste plus maintenant aucune de ces lettres, qui nous donneraient de nouvelles lumières sur tous ces événements.

Nous en avons néanmoins deux autres de notre prélat sur deux autres sujets. L'une est adressée à Oliba, évêque de Vic en Catalogne. Gauzlin y parle plus en qualité d'abbé qu'en celle d'archevêque, quoiqu'il y prenne l'un et l'autre titre. C'est un compliment de condoléance sur la mort de Bernard, comte de Besalu, frère d'Oliba, en réponse à la lettre circulaire par laquelle celui-ci avait annoncé cette mort à ses amis.

L'autre lettre de Gauzlin qui nous a été conservée est plus intéressante. C'est une réponse au roi Robert (FULB. *ep.* 95.), qui avait écrit à notre prélat et à quelques autres savants de son royaume touchant cette espèce de pluie de sang qui était tombée sur une des côtes maritimes d'Aquitaine. Ce prince les engageait à lui dire si l'antiquité fournissait quelque exemple d'un semblable phénomène, et quel fâcheux événement s'en était suivi. Gauzlin montre au roi par le recueil de Valère Maxime, la Chronique d'Eusèbe, l'Histoire des Lombards et autres anciens monuments, qu'on avait effectivement vu autrefois des phénomènes approchant de celui dont il était question, et qu'ils avaient été suivis de calamités publiques, dont ils ont presque toujours des présages. Quant à la différente nature des taches qu'imprimait cette

A pluie de sang, il n'y répond que par des raisonnements mystiques et moraux. Fulbert évêque de Chartres, qui avait été aussi consulté sur le même phénomène (*ep.* 97), y fait une réponse à peu près semblable. Tel était le génie du siècle.

On a inséré dans les actes du concile de Limoges (*conc.* t. IX, 872, 879), tenu en 1031, un assez long discours que Gauzlin avait autrefois tenu à la cour, en présence du roi Robert, contre ceux qui refusaient de reconnaître saint Martial pour apôtre, lui donnaient rang entre les confesseurs. Entre les raisonnements qu'y emploie notre archevêque, on en aperçoit quelques-uns tirés des faux actes du saint. Ceux qui sont de son cru n'ont guère plus de force que les autres. Il semble qu'Odolonic, abbé de Saint Martial, grand partisan de son apostolat, qui produisit ce discours dans l'assemblée du concile, en faisant un grand éloge de l'auteur, l'avait en écrit.

Gauzlin fit présent à son abbaye de Fleuri d'un morceau du suaire de Notre-Seigneur, enfermé dans un reliquaire d'or en forme de bras, sur lequel il fit graver ces quatre petits vers, apparemment de sa façon (DE CUES. t. IV, p. 96)

Gaudia læta
Fert manus ista,
Sindone Christi
Plena refulgens.

GAUSLINI EPISTOLÆ.

EPISTOLA PRIMA.

AD ROBERTUM REGEM

De causis pluvie sanguinis.

(Vide infra in Roberto rege.)

EPISTOLA II

AD OLIBAM AUSONENSEM EPISCOPUM

De morte Bernardi, comitis Bisuldunensis, Olibæ fratris

[FLOBEZ, *Espana sagrada* XXVIII, 274.]

Omnipotentis Dei clementia G., archiepiscopus et abbas ejusdem honoris gratia sublimato domno O. plurimum salutis munus.

Vestræ præconiam sanetitatis spiritalium odore refertum aromatum quotidie in majus majusque excessere audientes, Datum lætabundis laudum vocibus offerimus orantes ut vos diutius in hac vita eus regat propitius virtutis dextera. Sed dum a vestræ societatis amore semper cupimus pros-

C pera et læta cordis aure audire, versa vice talia discimus quæ animi mentem inficiant et sinistro afficiant nuntio. Dolemus enim multum, dum fratrem vestra bonitatis B., lumen patriæ, levamen miserorum diem obiisse cognovimus; magisque dolemus, dum vos casu ejus nimio mœrore periclitari sentimus. Mandamus ergo in commune ut nostra legatis scripta et solatii portum quærat, ut inveniatis. Nec vos fratris mœstificet resolutio, cum sciatis mortalibus hanc esse positam irrevocabilem horam. Notum autem facimus vestræ paternitati pro ejus anima jam nos preces Deo obtulisse, veluti fratri nostro et amico vestro. Consolationem ex benedictione S. Benedicti vestræ mittimus beatitudini; quam ea charitate qua mittitur suscipite. Fratrem quoque ejus Wifridum uxorem ejus cum filio et amicis, nostra blandiens consoletur fusa oratio.

GAUSLINI SERMO DE S. MARTIALI

(Vide acta concilii Lemovicensis II anno 1031 celebrati, *Patrologiæ tom. CXLII, col. 1356.*)

ANNO DOMINI XXX

ADALBERO LAUDUNENSIS EPISCOPUS

NOTITIA HISTORICA.

(*Gallia christiana nova, tom. IX, pag. 521.*)

Adalbero, dictus etiam *Azelinus*. clericus ex re-
gno Lotharii cujus erat notarius an. 974, favente
ipso Lothario creatur episcopus admodum juve-
nis, et Dominica Palmarum, Cal. Apr. ab Adalbe-
rone archiepiscopo sacratur Durocortori an. 977,
teste Flodoardi continuatore. Nomen ejus reperitur
subsignatum instrumentum duobus annorum 972
et 974; sed utramque hanc suscriptionem post
tempus additam esse jam observavit Mabilio nos-
ter. Subscripsit an. 980 Chartæ Herberti comitis
Trecensis pro monachis Dervensibus; et eodem
circiter anno ecclesiam Petræ-Pontis dedit mona-
chis in abbatia Vincentiana restitutis. Anno 986
subscripsit donationi quarundam ecclesiarum a
Notranno episcopo Nivernensi capitulo majoris
ecclesiæ Nivernensis collatarum. Eodem circiter
anno insimulatus est adulterii cum Emma regina;
qua de re legendus Pagius tom. IV, pag. 53. Anno
987 impetravit ab Hugone Capeto diploma pro con-
firmatione honorum S. Vincentii Laudunensis; sub-
scripsitque præcepto ejusdem regis pro monachis
Corbeiensibus. Anno 989 subscripsit privilegio Ar-
nulfi Remensis archiepiscopi de immunitate et
donatione burgi S. Remigii. Anno 991, cum Caro-
lus Lotharingia dux Laudunum invasisset, ibique
cum Arnulfo Remensi moraretur, Adalbero urbem
tradidit Hugoni regi: unde Silvester papa perfidi-
æ eum arguit; et Guibertus de eo sic loquitur,
lib. III: « Ascelinus, qui etiam *Adalbero* vocatur.
ex Lotharingiæ oriundus, dives opum, possessio-
num locuples, cum, distractis omnibus. pretia in-
gentia ad sedem cui præerat transtulisset, eccle-
siam suam præcipuis quidem ornatibus insigni-
vit; clero ac pontificio plura auxit; sed cuncta illa
beneficia quadam præstantissima iniquitate sæd-
avit, dominum suum regem, innocentem puerum,
cui sacramentum fidelitatis præbuerat, prodidit. »

Eodem anno 991, xv Kal. Julii Adalbero adfuit
conventui episcoporum apud S. Bazolum congregato
contra eundem Arnulfum. Anno circiter 994
adfuit alteri synodo provinciæ Remensis. Anno
998 subscripsit chartæ Roberti regis pro Dionysia-
nis monachis; cui principi dicavit carmen, seu
mavis, satyram, quam anno 1663 notis illustravit
Adrianus Valesius. Anno 1008 alteri chartæ Roberti
regis pro Dionysianis subscripsit in Calensi consilio.
Anno 1015 adfuit concilio Remensi, et subscripsit
sub nomine Azelini alteri diplomati ejusdem Ro-
berti pro monasterio S. Benigni Divionensis. Cum
magnæ esset auctoritatis in regno, eo agente Ebalus
in Arnulfi archiepiscopi locum suffectus est anno
1021. Quas eodem circiter tempore excitaverit turbas
in Ecclesia Suessionensi, dicimus in Harduino
Noviomensi episcopo. Adfuit anno 1027 coronatio
Henrici I regis, celebratæ apud Remos ipso die
Pentecostes, et subscripsit privilegio Roberti regis
pro monachis Dervensibus. Eodem anno subscripsit
alteri ejusdem Roberti chartæ pro monasterio
Gemeticensi, superstes ad ann. 1030.

Ante obitum suum de successore sibi sufficien-
do Widone, nepote Beroldi episcopi Suessio-
nensis, cogitaverat; quod Gerardus Cameracensis
episcopus valde improbavit, litteris ad ipsum
Adalberonem et ad Ebalum archiepiscopum scrip-
psit, quibus exsecrandam illam novitatem suggillat,
videlicet ut una Ecclesia duos habeat episcopos.
fregit Adalberonis consilium Gerardi zelus, effe-
citque ut non Wido, sed Gebuinus ei succederet.
Exstat Fulberti ad Adalberonem epistola; ipsi vero
Dudo decanus S. Quintini Viromanduensis nun-
cupavit libros tres de rebus Normannorum, quos
edidit Quercetanus cum aliis scriptoribus Nor-
mannicis Extinctus vi Kal. febr. ex necrolo-
gio Vincentiano, sepultus est cum aliis suæ sedis

præsulibus in basilica monasterii S. Vincentii cui A
multa contulerat, ut docet ejus epitaphium a Sam-
marthanis transcriptum in hunc modum :

Hic ævi plenus decessit Adalbero præsul,
Hujus multa loci qui vivens condidit olim.
Hic decus altaris struxit, decus hic Crucifixi,
Et loca sanctorum nitidavit ; hic quoque templum
Prorsus honestavit, atque omne vetus reparavit.
Ad dextram, turrim necnon æraria sistit,

Ornamenta dedit, quæ præcellentia fecit.
Pontificale habitum struxit mira arte peractum,
Tresque dedit cappas, dorsalia. plura, tapetas,
Ad decus hoc templi, simul his et multa patravit,
Qui et pontificium donavit fratribus aurum ;
Sanctorum capsis altaria contulit ipsis :
Hoc scripto firmans, ne quis dissolveret unquam.
Hinc donetur ei memoria digna quotannis
Cui Dominus requiem tribuat parcendo perennem.

NOTITIA LITTERARIA.

(*Histoire littéraire de la France*, VII, 293.)

On a d'Adalbéron un poème satyrique en quatre B
cent trente vers hexamètres, dédié au roi Robert.
C'est une espèce de dialogue entre ce prince, qui
était encore jeune, et notre évêque déjà avancé en
âge. L'auteur y touche d'une manière ironique et
presque toujours allégorique, ce qui se passait dans
le royaume et qui lui parassait contre le bon ordre.
Il en prit occasion de faire sentir sa mauvaise hu-
meur à ceux qu'il n'aimait pas. Gerbert, qui lui
avait reproché sa perfidie envers le prince Charles,
fut du nombre (*MAV. Act. t. VII, pr. n. 137*). C'est
lui qu'il désigne sous le nom de *Neptanabus*. On
voit par toutes ces circonstances que le poème fut
composé avant la fin du x^e siècle. Adalbéron y fait
au roi une espèce de crime de son affection pour les
moines, de laquelle il n'y avait pas, dit-il, à espérer
qu'il se départît jamais. Ce qui montre que le poète
est sorti des bornes d'une juste critique, soit par
rapport à ce qu'il dit contre les moines, soit à l'é-
gard de ses autres censures, c'est de voir qu'il n'é-
pargne pas même saint Ouidon, abbé de Cluny, qui
était en vénération aux papes, aux empereurs, aux
rois, aux plus saints évêques et à toute l'Eglise.

Un autre poète satyrique, contemporain d'Adal-
béron (*Analect. t. III, p. 534*), se crut en droit de
critiquer à son tour celui qui en avait critiqué tant
d'autres. Voici de quelle manière il en parle au su-

jet de Landry, seigneur de Dunois, qu'il représen-
te sous le nom d'Architophel, et autres noms allé-
goriques.

Non percipit Adalbero, Architophel cur rideat :
Vulpes portat in pectore, qui suis nescit parcere.

Le style allégorique et ironique tout à la fois
qu'Adalbéron a employé dans son poème, joint à
sa mauvaise versification, y a jeté une grande
obscurité. On ne laisse pas néanmoins d'y saisir
plusieurs traits historiques, nominément sur la
naissance, la belle figure, les qualités de l'esprit,
les faiblesses et les vertus du roi Robert ; sur les
forces, la grandeur, la prééminence du royaume de
France ; enfin sur certains usages des Français, peu
connus de tout le monde.

C'est ce qui a porté les nouveaux éditeurs des
Historiens de France à préparer une édition de ce
poème, avec de savantes notes, qu'ils feront entrer
dans leur belle collection. L'un est redevable au
célèbre Adrien Valois de la première édition qui en
a paru. Ayant déterré la pièce avec quelques autres
anciens monuments, dans un manuscrit de Paul
Peteau (*biblioth. S. Germ. a Pratis*), il la publia à
la suite du panégyrique aussi en vers de l'empereur
Bérenger. Le volume est in-8°, et a été imprimé
à Paris chez Cramoisy l'an 1663.

MONITUM IN OPUSCULUM SUBSEQUENS.

(Dom BOUQUET, *Recueil*, tom. X.)

Opusculum hoc e codice ms. Pauli Petavii eruit Adrianus Valesius, et notis illustratum edidit, anno
1663, ad calcem carminis De laudibus Berengarii Augusti. In eo cum Roberto rege colloquitur Adalbero,
et quæ in regno Francorum male geri sibi videbantur, nunc allegorice, nunc ironice, exponit. De pretio
hujus carminis, sicut de his quæ ad scriptorem spectant, accurate satis disserit in notis Valesius. Attamen
cum ait Adalberonem, seu Azelinum, amatum esse a Guillelmo Aquitanorum duce, et comite Pictavorum a
quo non raro litteras accepit ; hoc novo testimonio valde indigere observamus. Non meminit insuper doc-
tissimus vir suspicionis adulteri in quam venit Adalbero cum Emma, Lotharii regis uxore. De quo sic scribit

ad Adelaidem matrem, opera Gerberti : « Aggravatus est dolor meus, o mi domina, o dulce matris nomen : dum conjugem perdidisti, spes in filio fuit (is hostis factus es, instigante Carolo duce qui eam accusabat cum quibusdam aliis apud Ludovicum). A me recesserunt dulcissimi quondam mei amici ad ignominiam meam, ac totius generis mei. Nefandissima in Laudunensem confixerant episcopum. Persequuntur eum, proprioque spoliare contendunt honore, ut inuratur mihi ignominia sempiterna, quæ sit quasi justissima causa amittendi honoris mei, etc. (GERBERTI *epistola* 50) : Quod attinet ad tempus quo præcise Carmen suum composuerit Adalbero, sic juvat adnotare. Indubitatum quidem videtur scriptum fuisse post Hugonis mortem, cum hujus regis nullam mentionem faciat. Verosimile etiam est non fuisse exaratum durante ea tempestate quam a Roberto rege patiebatur, Sylvestro papa Ecclesiam gubernante. Porro sedit Sylvester ab anno 999 ad annum 1003. Hinc conjectare licet carmen Adalberoni revocandum esse ad annum circiter 1006, quo anno et Robertus *juvenis* et Adalbero *senex*, seu in *senio*, dici potuerunt. Adalbero enim tunc natus erat forte annos 60, utpote qui creatus fuerat episcopus anno 977. Cæterum adhuc vivebat isdem præsul anno 1027 ; tunc enim subscripsit in placito a Roberto rege pro Gemmeticensibus habito. Quod utcumque probat eum non potuisse dici in *senio* ante annum 1006. Sed hæc tanti non sunt ut iis diutius immemoremur. Ipsum Adalberonem cum rege loquentem audimus. Littera *P*, versui præfixa, ut monet Valesius præsulem indicat ; *R*, vero regem collocutorem. Pro fusas Valesii notas conservamus ; et si quid addimus, id notamus asterico.

ADALBERONIS

CARMEN

AD ROBERTUM REGEM FRANCORUM.

(Dom Bouquet, *Recueil des historiens*, tom. X.)

- PRÆSUL. Regi Roberto sic præsul Adalbero scribo (1),
 Præsulis in senio. Fratrum Laudunicus ordo (2),
 Flos juvenum fructusque senum, te mente salutat.
 In tabulis describe tui per singula cordis
5. Quanta Deus tibi concessit, vel qualia misit.
 Dispice si merito quid verum sit trutinando.
 Patres namque tui longe, rex, induperator (3).
 Lac tibi sugenti dat nutrix induperatrix (4)
 Mundus adhuc puero dominum metatur et omnis (5)
10. Congaudet, plaudit manibus, lætatur et opat (6)
 In regem sibi, mox concordii voce coronat.
 Præstolatur in hoc veniant ut tempora pacis.
 Lubrica tunc adolescentis transivit et æstas :
 Flore juventutis tua jam resplendet imago (7)
15. Forma super cunctos nobis speciosa videtur (8)
 Debilis in nulla membrorum parte videris ;
 Quamvis mole gravis, tamen es cum robore levis.
 Lætatur vulgus, gaudent etiam sapientes.
 Plurima sub pedibus tibi fortia regna jugavit (9).
20. Quid quereris ? Quid fraudavit ? Quid dicere mussas ?
 Quod genus attribuit dirimit non ulla voluntas,
 Stemmata nobilium descendunt sanguine regum.
- REX. Regibus et ducibus bona laus est, nobilis ortus.
 De forma satis est et de virtute locutum.
25. Est animæ virtus potior quam corporis ulla.
 P. Dicendi spatium petimus, modo, nilque reponas.
 Pace tua, pie rex, quæ sunt dicenda precamur ;
 Ne spernas, in me quia viscera contremuerunt.
 Multas oor mærens lacrymas, suspiria prodit
30. Os trepidulum, faciens suffert nec dicere crispas.

- Corporishic vultus, moderatio nulla.
Versibus exiguis tantum tentabo dolorem.
Scripta patent celebres quæ mittunt Crotoniatæ (10).
Desuper est titulus, lex antiquissima, scriptus ;
35. Præcipiunt vi cogatur quod sponte negatur :
Ut placet imperio, sic se transformet et ordo,
Rusticus ille piger, deformis et undique turpis (11)
Pulchra cum gemmis ditetur mille corona.
Juris custodes cogunt portare cucullas (12),
40. Orent. inclinent, taceant, vultusque reponant.
Nudi pontifices aratrum sine fine sequantur (13)
Carmina cum stimulo primi cantando parentis.
Præsulis et si forte vacet locus intronizentur (14)
Pastores ovium, nautæ, quicumque sit ille.
45. Sit tamen hoc præsubtili ratione capendum.
Nullus episcopium divina lege peritus
Tendet, sed sacris Scripturis evacuatus,
Et studiis puem nec constrinxerit una dierum (15) ;
Alphabetum sapiat, digito tantum numerare (16).
50. Hi proceres ; præceptores hos mundus adoret (17).
Et juvet ut celebres nec reges excipiantur.
Præcipiunt coram, sed clam cum fraude susurrant.
Regula si stabilis divum permanserit ista (18),
Disciplina, vigor, virtus, mox et decor omnis
55. Ecclesiæ fugor pauco sub tempore verget.
Publica res quæ sic, plane sic, ducitur, æque
Legibus extinctis in pace sepulta quiescat (19).
Luxus et incestus, furtum tunc crimina stabunt.
Libertas delinquendi, tunc crimina stabunt
60. Excluduntur et hi quos sola scientia comit (20),
Christi conservos, et quos sapientia nutrit,
Et quibus apparent introductoria sanæ
Doctrinæ, quæ depromit post terga cicatrix :
Sacrae si magnus fidei surrexit error,
65. Omni censura conventus sint alieni.
Consultu regis hi præcidantur ab omni (*sic*)
Omnibus egressis thalamum post ostia servant (21)
Hoc solum rutilo præceptum scribitur auro,
Ut procurator regis, mundana ministrans (22),
70. Sit piger, ignavus, modica virtute repletus.
Hic aliena petat, repetat sua nil tribuendo,
Et jugiter maneat divisus sorte jugali (:3) :
Ni regis hereditatæ non spes sibi constet (24).
Est antiqua patrum, tradunt cum sueta, voluntas,
75. Ut casti, sobrii sint custodes thalammorum.
Qui nescit molere, regi sit oharior ille :
Cæsaris his majora jubet descriptio Magni (25)
Deviet ille sacer de sede monasticus ordo :
Uxores ducant pulchras, et prælia tentent.
80. Territus edictis, meditans quo tendere possem
(Rectores rerum placet accersire mearum (26).)
Omnia, singultu guttur quatiente, revolvi,
Legibus e patriis credens omnino remota,
Priscis temporibus quia non audita fuerunt,
85. Usibus exceptis procuratoribus aptis
Mittere proponunt mox explorare magistrum :
Gallia fert monachos quos Patrum regula nutrit.

- Ad monachos monachus transmittatur....
Hic sapiens, hic est solers, verboque fidelis ;
90. Qui solitus semper leges servare paternas
Flectere scit prudens animosos ad pietatem.
Consilium cautum sequitur (non est mora) factum.
Vespere progreditur, tum mane revertitur ad nos,
Et festinus equi spumantia colla reliquit.
95. Quo, quo, quo, præsul, bona nutrix, heus ! puer, uxor ?
Est incompositus, posita jam veste priore.
Pileus excelsus de pelle Libystidis ursæ (27) ;
Et vestis crurum tenuis est curtata talaris (28),
Finditur anterius, nec parcit posteriori.
100. Ilia baldringo cingit strictissima picto (29).
Multiplices et res multæ per cingula pendent ;
Arcus cum pharetra, forceps, et malleus, ensis
Ignitusque silex, ferrum quatiens, simul ilex,
Ossa superficiem stringit diffusa deorsum (30).
105. Saltibus incedens (terram calcari pungunt (31) :
Cæpit summa pedum cum tortis tendere rostris (32).
Ingreditur, noti fratres quem nosse laborant (33).
Concurrunt cives, et larga palatia complent.
Pontificem sic deformis tunc sistitur ante.
110. Esne meus monachus, tu, quem misi ?....
Pugnos declinat, cubitos extendit in altum :
Erexit cilium, torquens cum lumine collum.
Miles nunc, monachus diverso more manebo (34).
Non ego sum monachus, jussu sed milito regis.
115. Nam dominus meus est rex Oydelo Cluniacensis.
R. Tunc *cata to siopomenon* causam meditaris (35) ?
In studiis memini formarum nosse figuras.
P. Non tua præpediat eos indignatio fervens (36).
Præceptum Domini liceat cum pace referre,
120. Sarra nimis gens, cenorum de more, petulca (37),
Regnum Francorum manibus ferroque subactum
Occupat et rodit quidquid sibi Gallia nutrit.
Undique terra rubet, roseo madefacta liquore.
Sanguine torrentes nimia de cæde redundant,
125. Ecclesiæ labor, interius decus omne dicatum,
Corpora sanctorum volitant conspersa per auras.
Sunt avium, sunt jam consortia facta luporum (38).
Vastat episcopium cum strage Turoniacense (39).
Martinus plorat, tutorem clamitat idem (40).
130. Oydelo compatitur, simili qui jure tenetur.
Hic Romam petiit monachis orare salutem (41).
Conscendunt voces, fremitum dant Cluniacenses (42) :
Clamant atque monent : Subito dispone, magister,
Arma subire tuis, et quæ præpone debent :
135. Quæ sint exterius, et quæ sint interiora.
Lunaris pendere prius debet tua pelta (43) ;
Insuper apponas tibi loricamque trilicem.
Lubrica sustineant galeam cinctoria lumbi (44) :
Corrigiis caput astrictum mucrone coronas :
140. Spicula post tergum teneas, tunc dentibus ense,
Et cogit juvenes lentos ascendere currus (45),
Atque senum præcepit equos conscendere turbam,
Ascendant asinum bini, denique camelum (46) :
Si non sufficiunt, bubalum conscendite terni.

145. Millia mille viri procedunt ante quirites (47).
Res agitur ferro ternis prolata diebus (48).
Signifer in medio properus non stertere cœpi (49) :
Dissutis malis, flatum pugnando rejeci.
Nescio, per superos, manibus quot millia stravi,
150. Jupiter ille duos numerat meliore lapillo.
Tertius ille deo Marti non rite dicatur.
Cuspide trusus equo, vexillum turpe reliqui.
Cum reliquis fugiens, genitalia regna petivi,
Hæc patrata scias in prima luce Decembris (50).
155. Hoc itidem Martis tentabitur ante Kalendas.
Militiæ princeps ad te nos Oydelo mittit (51).
Te dominum monachorum bellicus ordo salutat ;
Admonet invitans acies ut bella perornes
Agmine conceptus ; mandatum concitus imple (52).
160. Armis te decet ante mori quam rura colendo.
Mittere perplures, quam frondes Asia spondet (53),
Africa nigra, maris bibulas quam littus arenas,
Pars Europa minus non jactat tertia mundi.
Quid tibi vis, rabies, tetrus dignissima claustris (54) ?
165. Figite per corpus, fugiat ne lividus, ungues.
R. Crede mihi, non me tua verba minantia terrent (55).
Plurima me docuit Neptanabus ille magister (56)
(Labitur aula tholis rutilat quæ splendida fulvis).
P. Per partes scindunt vestem quam quisque tenebat (57).
170. Credere vera dehinc super his nec falsa notavi.
Ordinis est igitur hæc transformatio regni (58).
Unusquisque potest aliis conjungere rebus ;
Sese quod natura negat sapientiâ monstrat.
Spes juvenum, ventura dies, qui discere nolunt (59).
175. Causa senum, sine spe pueriles plangere cursus.
Omnibus in rebus, si solers omnia scirem,
Heu ! miser insipiens quod me nunc pœnitet urget.
Non rastros novi, nec tristia prælia vidi,
Res mala : quod scio defendunt ; quod nescio cedunt (60).
180. Si sic contigerit, vacuus sufflabo favillas :
Aut regis cineres, aut nostras flabo Camœnas (61).
R. Si Musas celebres, clament *musarde sacerdos* (62).
P. Persius indignans promet tum *lusca sacerdos* (63),
Qui legit, sapit officium musæ sine Musis.
185. Velle bonum, sacris sed delectare loquelis
Instanter cupiens, horum non immemor unquam
Justis inveniar similis, hoc judico semper,
Eligo nosse Deum ; cunctis præferre quod opto.
Prospera si tibi sunt, non tædeat hoc reminiscit (64),
190. Rex regum temet quanto ditavit honore.
Munera concessit prius omnibus his meliora,
Partem namque sui, quæ pars sapientiâ vera (65) :
Per quam scire potes quæ sunt cœlestia semper.
Quid sit, Hierusalem, debes tu scire, superna,
195. Quid lapides, muri, portæ, structura quid illa,
Et quibus illa manens sit civibus œdificata,
Ordine distincto regitur, non milite pauco,
Ast aliis alios præfert discreta potestas.
Singula dissolvi, propter fastidia longum.
200. R. Scire meum nihil est, semper sed Numinis almi

- Mens humana Deo semper vicina videtur.
 Non se nosse valet, qui non vult scire supra se.
 Illa potens est Hierusalem (puto) visio pacis,
 Rex regum regit hanc, Dominus dominatur et illi.
205. Ejus cum partes sibi dividit, est in idipsum.
 Porta nilens aliquo non clauditur ulla metallo.
 Hic muri sunt absque petris, lapides sine muri
 Vivi sunt lapides : aurum vivit platearum.
 Splendidius rutilans obryso creditur auro,
210. Civibus angelicis, hominum struitur quoque turmis (66).
 Pars quaedam regnat, quaedam pars altera sperat,
 Hoc tantum solo, sed super his majora requiro.
 P. Assiduus lector sibi plurima nosse peroptat,
 Torpens et tardus, solet immemor esse priorum,
215. Rex Augustini libros, dilecte, revolve (67) :
 Urbs exœcla Dei quæ sit dixisse probatur
 R. Inco, præcor, mihi dic, præsul, qui sint ibi latus (68) :
 Princi pares, et si qui sunt et in ordine, patris.
 P. Quære Dionysium, qui dicitur Arcopagita (69) :
220. Ille duos super his desudat scribere libros
 Præsul, et ille sacer loquitur Gregorius inde (70),
 Job magnæ scrutans fidei Moralia regis.
 Idem, sermonem complens, explanat aperte (71) ;
 Hic et Ezechielis super his in fine patenter,
225. Hoc apices ipso quos Gallia dante recepit,
 Visibus humanis non est prælatio talis.
 Quæ sit dicemus, post hæc intentio nostra
 Mystica ; distinctus disponitur ordo supernus (72) :
 Cujus ad exemplar terrenus fertur haberi.
230. Ecclesiæ veteris populi sub lege ministros (73)
 (Nomine quæ perfunctorie Synagoga vocatur)
 Per Moysen Deus instituit, quos ordine rexit
 Historiæ narrant sacre qui constituentur.
 Ecclesiæ regnum colitur dicitur ordo (74) :
235. In qua disposuit mundos Deus ipse ministros.
 Et nova lex mihi colitur sub principe Christo (75)
 Hoc et pontificum fixit censura fidelis (76)
 Qualiter, a quibus, et quales ibi constituentur.
 Ecclesiæ status hinc fruitur et pace quieta,
240. Ipsum legibus est aptare necesse duabus (77),
 Divina, quæ, humanæ, discretio format.
 Lex divina suis partes non dividit ulas (78).
 Format eos omnes aequali conditione,
 Quamvis dissimilis pariat natura vel ordo.
245. Non minor artificis quam regis proles herilis.
 Hos pia lex omni mundana sorde sequestrat (79),
 Non scindunt terram, non stant post terga juvenum.
 Vitibus, arboribus, vix hostis infamulantur.
 Non sunt carnifices, campiones, nec ne subditi (80),
250. Hircorum sectatores, non opiliones,
 Nec cribrant Cererem ; hos non coquit uncta lebeta.
 Terga suava per darsa boum non serpere cogunt (81).
 Non sunt lactores, contemnunt fervere vestes (82).
 Sed mentes purgare suas et corpora debent (83) :
255. Moribus ornati, custodes sunt aliorum.
 Lex æterna Dei sic mundos præcipit esse,

- Judicat expertes servilis conditionis.
 Hos Deus adscivit servos sibi, judicat ipse :
 Castos et sobrios de cœlis clamitat esse.
260. Omne genus hominum. præcepto subdidit illis (84)
 Princeps excipitur nullus, cum dicitur *omne*.
 Quos jubet ut doceant sectam servare fidelem
 Et mergi doctos sacri sic fonte lavacri (85).
 Constituit medicos, si vulnera computruerunt (86),
265. Per quos sermonum cauteria sunt adhibenda.
 Corporis ille sui sacramentum sanguinis atque (87)
 Jussit quo solus tractaret rite sacerdos.
 Maxima commisit quos se tractare rogavit (88),
 Voce Dei quod promissum non esse negatum (89)
270. Credimus et scimus, ni quos sua crimina pellunt ;
 In cœlis primas debent conscendere sedes (90),
 Hos decet evigilare, cibus et parcere multis (91),
 Pro populi semperque suis orare ruinis.
 Pauca super clericis dixi, sed plura reliqui (92).
275. Æquales igitur sunt omnes conditione (93),
 Una domus Domini lege si clauditur una.
 Res fidei simplex, status est in ordine triplex.
 Lex humana duas indicit conditiones (94) :
 Nobilis et servus simili non lege tenentur.
280. Nam primi duo sunt, alter regit, imperat alter (95) ;
 Quorum præcepto respublica firma videtur.
 Sunt alii, quales constringit nulla potestas (96) ;
 Crimina si fugiunt, quæ regum sceptrâ coercent.
 Hi bellatores, tutores Ecclesiarum,
285. Defendunt vulgi majores atque minores,
 Cunctos et esse parili sic more tuentur.
 Altera servorum divisio conditionum (97).
 R. Hoc genus afflictum, nil possidet absque labore.
 Quis signis abaci numerando retexere possit
290. Servorum studium, cursus, tantosque labores ?
 P. Thesaurus, vestis, cunctis sunt pascua servi.
 Nam valet ingenuus sine servis vivere nullus.
 Cum labor occurrit, sumptus et habere peroptant,
 Rex et pontifices servis servire videntur.
295. Pascitur a servo dominus, quem pascere sperat,
 R. Servorum lacrymæ, gemitus non terminus ullus (98).
 P. Triplex Dei ergo domus est, quæ creditur una (99).
 Nunc orant alii, pugnant, aliique laborant :
 Quæ tria sunt simul et scissuram non patiuntur.
300. Unius officio sic stant ; operata duorum
 Alternis vicibus cunctis solamina præbent.
 Est igitur simplex talis connexio triplex :
 Sic lex prævaluit, sic mundus pace quievit.
 Tabescunt leges, et pax jam defluit omnis.
305. Mutantur mores hominum, mutantur et ordo,
 Rex, tunc jure tenes lancem, tunc protegis orbem,
 Proclivos noxis cum legum stringis habenis.
 R. Jam caput ecce tuum candens imitatur colorem (100)
 Hæc natura senectutis dixisse probatur.
310. Credere non sanum talis natura coegit (101).
 P. Altera me stimulat, senio non deficit illa (102).
 R. Quot homini dantur naturæ ? Dic ! P. : puto binæ (103).
 R. Sed tamen his, quas multiplices scis esse, duabus
 Ex his, quæ loquitur, cujus sint verba reponere (104).
315. Grammaticus simplex, nedum dialecticus illex (105).

- Valde recordaris studiorum pauca priorum
 P. Qui parvum meminit, non obliviscitur omnis (106)
 R. Ejus qui stimulat, senio nescio reminisci (107),
 P. Dicere quæ nollem rex, infestando perurges.
320. Spiritus hic resonat ; non me dementia torquet (188).
 Si natura senum cogit, non culpor acute (109),
 Naturæ finem non ponunt arte periti (110).
 Artificem quidam dicunt ignem sapienter.
 Est aliis natura, Dei præclara voluntas.
325. Nam natura Dei Deus est : hominum quoque non sic.
 Si vere Deus est, est immutabilis idem.
 Immutare suum quod et est, non desinit esse.
 Natura summi Patris. Unum quodque creatum
 Sumit naturam, cum primum suscipit ortum.
330. Corporibus quæ junguntur, sensum patiuntur.
 Quædam : sunt aliæ quædam, quæ non patiuntur.
 Et si mutatur corpus, mutatur et illa :
 Cum pereunte perit, quo permanet illa manente,
 Junguntur hæc incorporeis, sed et altera rebus.
335. Non pereunt illæ quæ corpore non sociantur.
 Res hominis natura duplex reddit duplicatas.
 Corpore junguntur hominis, sed separe ductu
 Altera jungitur hac, sed et altera jungitur illac.
 Quidquid erit contra, non hæc, non illa probatur.
340. Territa, naturam vitans, effatur asella (111).
 Passio nec, natura sapit nec corporis ulla.
 Unam quæ circa versatur cognitionem
 Corporis, a natura aliam non percipit unquam :
 Sed quam non novi, cognosci fertur ab illa.
345. Intellectibili sensu sunt hæc capienda :
 Sunt intellectus, per quem noscuntur utraque,
 Dico necessarium, quod quælibet exigit harum,
 Argumenta necessario dicuntur et ista.
 R. Cuncta necessariis argumentantur ab istis ?
350. P. Malleus alter adest, qui causa probabilis hic est.
 Inveni quod disposui, non immemor horum.
 Eloquor in præsens, et quod pronuntio, verum.
 R. Quod non est verum, non est fas dicere verum,
 Fabula non similat verum, nec dicitur esse (112).
355. P. En dixi verum. Scis non excedere verum.
 Nænia nulla meum nec fabula mulcet amorem (113).
 Non sic gesta scias, sed cuncta geri potuisse :
 Sistere cuncta velim ; quamvis sub themate vero,
 Hic tamen est extra quædam discessio causam.
360. Respicit ad causam, causam sed dicitur extra,
 A proprio sensu non hæc aliena videtur.
 Finis et officium sapit : est non fabula, sed res.
 præcessit, veniat persuasio juncta.
 Nunc pro lege Dei certando per omnia Patri
365. Jure salutifero sapientes et moderati (114).
 Præmia vel pœnas quærant ; ratione potente
 Accipiant, æqui vel quid patiantur iniqui :
 De dubiis certent, de certis non dubitantes :
 Et mala defendant : veniunt extrinsecus illa (115).
370. Oratoris inest tibi, rex, concessa facultas (116).
 Nunc demonstras, tum deliberat ordo potentum,
 Discutiens affirmate cum religiosis
 Judiciis, a quo possint res inficiari.

- R. *Judicium duplex sequitur correptio triplex.*
 375. *Antea res quales nobis, translatio, finis (117),
 Et conjecturæ quo discernantur oportet.*
 P. *Causa nec est individuis, tamen est specialis.
 Quatuor has non invenies, quas hicce requiris (118)
 Sed stratus est unus legum, contraria sumens.*
 380. *Et causam partemque suam puto desuper esse,
 Rite pedes posui; surgit, dum figitur alter (119).
 Æstimo quod tetigi, non a ratione recessi.
 Pandere non moriens nos hæc natura coegit (120)
 Immerito culpor, hæc vi quia dicere cogor*
 385. *Quid tibi peccavi? Naturæ jura replevi,
 Digne tristaris, qui rex servire juberis (121),
 Francorum primus, tu servus in ordine, regum.
 Hic male turbatur, qui non sua verba veretur.
 Regnum Francorum reges sub tempore patrum (122)*
 390. *Subjugat, et semper sublimi pollet honore,
 Regum sceptrâ patrum nullius sceptrâ coercent (123)
 Quisque regit, gaudens virtutibus, imperat æque (124).
 Novimus imperium jam regibus esse fugatum (125)*
 R. *Gratia nunc Summo, per quem regnare peropto (126)*
 395. *Non meritis concedo meis; sed laude perenni
 Gloria, laus, et honos, virtus sit cuncta regenti;
 Poplitibus flexis supplex quem semper adoro,
 Ut nobis liceat leges servare paternas (127).*
 P. *Lex divina vetat quæ corrigit inter utrasque (128),*
 400. *Altera permittit, jubet altera: suntque minores.
 Judico majorem quam tradunt posteriorem:
 Utile quæque necessarium conferre videtur (129).
 Ad res pertineat plures quæ, semper honeste (130),
 Fortior et quæcunque gravissima sit, teneamus.*
 405. R. *Judicet Omnipotens; mecum divina sit illa,*
 P. *Undique pax bona post certamina, postque labores (131):
 Et status Ecclesiæ per se sua jura tenebit.
 Descriptas, et non alias respública leges (132)
 Possideat: sua regna Basilius et Benedictus (133)*
 410. *Observent: teneant, quidquid sua regna jubeant.
 Pontifices unquam celebrent non rura deinceps (134).
 Sic sua jura tenent, si non ruralia curent.
 Justitiæ regimen noster non audeat ordo (135)
 Linquere, sed totis semper se nisibus aptet:*
 415. *Constituât justos, et non pro lege capaces (136)
 Rectores inopum, miserum necnon viduarum,
 Nullus ad ecclesiam noctis nisi tempore pergat (137).
 Ire semel; liceat cunctis orare diebus (138).
 Judicet, et spectet præsentés atque futuros (139).*
 420. *Pro meritis omnes assumant emolumentum (140)
 (Excipiar solus vestra cum pace), fideles.
 Septenas liceat laudes proferre per horas (141).
 Hostia cum votis (142). R. Hæc sit permissio Patris (143),
 Cum Ligeris Calabros tentabit lingere campos*
 425. *Et torrens Tigris Hispanica ceperit arva.
 Ætna rosas cum producet vel lilia stagnum.
 Talia si veniunt: Tunc hæc ventura timeto
 Gratia confirmet te præsul Adalbero Christi;
 Nostra simul: merito regali munere dignus,*
 430. *Non quia deliras, sed nobis allegorizas (144)*

ADRIANI VALESII

IN CARMEN ADALBERONIS NOTÆ.

Ante aliquot annos nactus sum veterem codicem A exiguum, Pauli Patavii V. C. nomine manuque notatum, quo Adalberonis episcopi Laudunensis Carmen ad Robertum regem Francorum, Chartarium Lirensis monasterii, Vita Sugerii abbatis, Epistola Stephani comitis ad Adelam conjugem, Judicium Varennense, vel, ut vulgo vocant, placitum Emengardis reginæ et principum Ludovici filii Bosonis, anno 808, indictione viii, item percunctatio sive electio episcoporum ac clericorum necnon populorum ad regem consecrandum, una cum ordinatione reginæ præter cætera continebantur. Ex his Vita Sugerii monasterii Sancti Dionysii abbatis, a Francisco Chesnio dudum, ni fallor, est edita; Judicium reginæ Ermengardis Ludovici Junioris Augusti filiæ, regis Bosonis uxoris nuper quidem vulgavit; Epistolam Stephani comitis Carnutum et Blesensium ad conjugem Adelam et communes filios de obsidione Antiochiæ, per lucam Acherium, in tomo Spicilegii IV, anno 1661, publicandam curavi. Inter reliqua quæ nondum in lucem exierunt, maxime eminent Carmen Adalberonis, in quo episcopus cum rege Rotberto colloquitur, et quæ in regno Francorum cum a cæteris cujusvis professionis hominibus, præsertim a monachis, tum a rege ipso male gerebantur, nunc allegorice, nunc ironice exponit. Hoc carmen et interlocutione regis ac episcopi, et incultis ac trivialibus versibus, hoc est scriptoris, vel potius temporum, vitio, et perpetua fere allegoria aut ironia haud parum quidem videtur obscurari; quædam tamen memoria dignissima cum de regis Rotberti genere, forma et virtutibus, tum de magnitudine et viribus atque autocephalia regni Franciæ, nonnullos etiam ritus moresque Francorum sætatis suæ haud cuivis notos continet, ut si non verborum, certe rerum pondere, et auctoris sui nomine, et sæculorum amplius sex vetustate censeri, ac pro thesauro haberi debeat. Quare hortanti me fratri ad editionem hujus dialogi facile assensi, nec diutius in schedis meis Adalberonis opus latere passus sum. Carmen igitur 650 annorum Carmini ante 740 natione composito, laudibus Berengarii Augusti, nazione Franci, laudes Roberti Francorum regis adjunxi atque subtexui; quas et brevibus notis illustrare conabor. Loquentem Adalberonem præsullem P littera, Rotbertum regem R littera designavi.

(1) Regi Rotberto sic præsul Adalbero scribo
Præsulis in senio.

Adalbero, hic quem et Ascelinum, vel Azolinum dictum esse Guibertus Noviginti abbas, in libro III de Vita sua, affirmat. natus in regno Lotharii, seu Francus Lothariensis fuit, et beneficio regis Francorum Lotharii, die Paschæ, anno 977 Roriconi in episcopatu Laudunensis Ecclesiæ juvenis successit, atque ut erat homo pecuniosus ac bene nummatus, Ecclesiæ suæ et clero Laudunensi multa et magna contulit: sed liberalitatem, doctrinam cæterasque dotes suas insigni perfidia fœdavit. Quippe Carolum ducem Lothariensium, tricesimum septimum aut octavum agentem annum (*regem ac innocentem puerum* Guibertus vocat), cujus consiliarius erat cujus in verba juraverat, die cœnæ Dominicæ, anno 990, Hugoni regi Francorum, portis Laudani nocte patefactis, tradidit, atque ea ratione Hugonem votorum suorum ac regni compotem fecit. Quare *vetulus traditor, et falsus episcopus Lauduni* a quibusdam historicis nuncupatur. Anno Christi 991 regni D. Hugonis Augusti, et excellentissimi regis Rotberti V, indictione iv, pseudosynodo in agro Remensi habitæ idem interfuit atque subscripsit; in qua Arnulfum, regis Lotharii filium naturalem, Remorum antistitem, quem ipse antea solus reconciliaverat, cum sacerdotibus suis damnavit, ac archiepiscopali honore privavit. Eidem Adalberoni Dudo, Sancti Quintini clericorum decanus, tres libros de Gestis Normannorum ad Richardi Majoris, Normannorum ducis, obitum, seu ad annum Christi 996 vel (si Dudoni creditur) 1002 deductos dicavit epistola; qua ejus genus, sapientiam atque virtutes, præcipue bonitatem sanctitatemque, laudat. Ex quo apparet Adalberonem, vel Ascelinum post annum 1002 (* adhuc vivebat anno 1027; subscribit enim placito Rotberti regis hoc anno habito Bouq.) adhuc vixisse, episcopum Laudunensem exstitisse. Azelinum seu Adalberonem, Laudunensis Ecclesiæ antistitem Sylvester Junior, episcopus Romanus (qui anno 998 [999] sedere cœpit), per epistolam regis Rotberti (quod miror) et episcoporum, publicis criminibus insimulatum esse ait, et Romam ad dicendam causam evocavit. Ipse regia vi per quorundam factionem sede se sua exclusum esse queritur, non tamen episcopali officio privatum. Sed has omnes, veluti tempestates, feliciter elusit, ac gratiam principis mature recuperavit; cui amicus atque etiam familiaris fuit, uti hoc carmen docet, quod doctus, pro captu temporum, episcopus, ad regis litterarum studiis eruditum, ac amantem studiosorum,

sicuti Glaber Rodulfus et Aimoinus docent, ad juve- A
nem senex composuit : sic enim de se ipso refert :
Regi Roberto sic præsul Adalbero scribo,
Præsulis in senio.

Sic de Roberto rege Francorum,
Flore juventutis tua jam resplendet imago.

Item de ipso Rotbertus :

Jam caput hocce tuum candens imitatur olorem.

Cum autem regi Rotberto scribere se dicat Adal-
bero, regem Rotbertum ubique alloquatur, Hugo-
nis vero nullam usquam mentionem faciat, appa-
ret post annum Christi 998 seu post Hugonis regis
Francorum Rotberti patris obitum carmen istud
ab eo esse compositum, Odilone Cluniacum re-
gente, cujus abbatis meminit, quem constat
Maiolo, anno Domini 994, Ottonis III, imperii XI, v B
Idus Maias, mortuo successisse. Cæterum Azeli-
nus amicum præter cæteros habuit Fulbertum
Carnutum episcopum, qui ipsum, in epistola 45,
clarum Laudunensium præsulum appellat, et *magnum*
Patrem : rogatque eundem, *cui Deus bene*
suadendi copiam incomparabilem dedit, ut regem
excitet ad vindicandam subdecani sui cædem.
Amatus est et a Guillelmo, Aquitanorum duce et
comite Pictavorum, a quo non raro litteras ac-
cepit.

(2) *Fratrum Laudunicus ordo,*

Flos juvenum fructusque senum te mente salutat.

Hoc est, Laudunensis Ecclesie clerici, cum ma-
jores tum minores, qui fratres in Christo mei
sunt, te non lingua sed votis ex animo salutant.
Seniores, seu honoratiores clerici, vocabantur
presbyteri et diaconi ; *juniores clerici,* subdiaconi
et cæteri inferiorum graduum. Illos Gregorius, in
capite 44 libri v Historiæ *maiores clericos, hos mi-*
niores appellat. Fortunatus in Carmine X libri II,
ad clerum Parisiacum utrosque uti Adalbero, *se-*
nem et juvenum appellatione designat.

In media Germanus adest antistes honore,

Qui regit hinc juvenes, subrigit inde senes.

Nec absurdè Adalbero juvenes floribus, senes
fructibus comparat ; ver enim juvenum est, au-
tumnus seniorum :

(3) *Patres namque tui longe, rex, induperator.*

Haud falso dictum hoc ab Adalberonè. Nam
Rotbertus Hugonem patrem, Rotbertum proavum,
et proavi fratrem Odonem rex Francorum ha-
buit ; majorem amitam, nomine Emmam, Fran-
corum etiam reginam, R. Rodulfi uxorem. Idem
per aviam Hadewidem vel Hawidem patrem ejus
Henricum Saxonem, cognomine Aucupem, re-
gem Transrhenanorum, seu Francorum Orienta-
lium ; fratrem ejus, et fratris filium ac nepotem
imperatorès Ottones propinqua cognatione con-
tingebat, cum Hugo Rotberti pater, Francorum
rex, imperatorès Ottonis II frater amittinus fuerit,
imperator Cæsarem Ottonem I avunculum, avum
maternum Henricum, regem Transrhenanum ha-
buerit ; imperator Otto III et Robertus noster ami-
tinorum fratrum filii exstiterint. Præterea, quo-
niam Hadwidis soror erat Gerberga, ex Ludovico

rege Francorum posteriore viro suo regis Fran-
corum Lotharii mater. Ludovici avia, pater qui-
dem Rotberti nostri Hugo, tam Lotharii regis
Francorum quam Ottonis II Augusti consobrinus
exstitit ; ipse autem Rotbertus, et Ludovicus Lo-
tharii filius, qui ultimus Carlovingorum apud
Francos regnavit, consobrinis geniti vel consob-
rinorum filii fuere. Quare merito subjoicit Adal-
bero :

Stemmata nobilium descendunt sanguine regum.

(4) *Lac tibi sugenti dat nutrix induperatrix.*

Adelaidis Hugonis regis Francorum uxor, Ro-
berti nostri mater, forsitan pro regina *imperatrix*
vocatur, ab Adalberone improprie, ut Hugo vir
ejus *domnus Hugo Augustus* dictus est pro rege
in synodo, anno 991 habita in basilica Sancti Ba-
soli. Cujus synodi Actorum hoc est initium : « An-
no v regni ab incarnatione Domini nostri Jesu
Christi Hugonis Augusti, et excellentissimi regis
Rotberti, congregata est synodus in Remensi
territorio. » Sic ab Helgaldò, in capite 13 Ro-
bertus noster, amborum filius, *Francorum impe-*
rator appellatur, ejus *minæ imperiales, jusso im-*
peratoria. Sic a Gerberto Lotharius, Ludovici
ex Gerberga filius, rex Francorum, *Cæsar* nuncu-
patur in versibus tumulo ejus inscriptis, Quæ au-
tem fuerit Adelais Rotberti mater, scire difficile
est, cum Helgaldus tantum dicat genus ejus indoly-
tum ex Italia ortum esse, nec patrem matrem-
que ejus nominet. Quidam recentissimi scripto-
res falso existimant Adelaidem, quæ Rotberti
ex Hugone mater fuit ; Lotharii regis Italiae
filiam, Emmæ Lotharii Francorum regis uxo-
ris sororem fuisse. Adelais enim ex priore
viro suo Ottone Lothario, rege Italiae, filiam
enixa est, nimirum Emmam, Lotharii Franco-
rum regis conjugem, Ludovici matrem, ut Odilo
in Vita Adelaidis Augustæ scribit ; ex posteriore
viro Ottone Aug. filiam sui nominis videlicet
Adelaidem, ac tres mares genuit, quemadmodum
Witichindus docet. Cum ergo Lotharius rex Lon-
gobardorum ex Adelaide, conjugæ suæ, unam tan-
tum filiam, Emmam nomine, generaverit, haud
dubie Adelais Rotberti nostri ex Hugone mater
filia Lotharii R. L., haberi non potest, Notandum
autem est morem tum illustribus feminis fuisse li-
beros suos suo lacte nutrire, et Adelaidem, quæ
Hugonis nondum quidem regis, sed certe tamen
ducis Francorum ac comitis Parisiorum conjux
esset, Rotberto filio mammas præbuisse, nec ullas
parvulo nutrices adhibere voluisse, ut filii sui tota
et integra mater esset :

Lac tibi sugenti dat nutrix induperatrix.

(5) *Mundus adhuc puero dominum metatur et omnis,*
Congaudet, etc.

Mundus omnis dominum te metatur, et adhuc
puero congaudet.

(6) *Pludit manibus, lætatur, et optat.*

In regem sibi, mox concordæ voce coronat.

Qui regem eligebant, episcopi et omnes Franci,
Saxones, Longobardi, more omnes patriæ, conger-

manico, futurum principem plausu manuum honorabant, acclamationibusque prosequerantur; deinde comprobabant vel (ut vulgari erat verbo) collaudabant; tum fide a singulis ex ordine iurjurando promissa, regem benedicbant coronabantque; coronatum in regio solio collocabant; in regalem sedem elatum, debita gratulatione cultuque venerabantur. *Lætitia* apud Adalberonem, ad acclamationes pertinet; *optio in regem*, ad collaudationem sive confirmationem. Plausus manuum Gregorius meminit, in libri *Historiæ II*, capite 42, apud quem Franci Colonienses *plaudentes tam palmis quam vocibus, Clodoveum clypeo evectum super se regem constituunt*; etsi codicibus Julianis scriptum invenio *parmis*. In Vita Henrici Bajoarii, I eo nomine imperatoris, II regis, quæ Adelboldi Trajectensis episcopi scriptoris æqualis esse creditur, anno 1004: « Henricus rex ibi (Papiae) a nobilibus Longobardis, qui ad suscipiendum eum congregati erant, per dignos applausus recipitur, et cum exultatione totius civitatis ad Sancti Michaelis ecclesiam ducitur. Ibi clerus, ibi nobilium cætus, ibi plebs utriusque sexus, omnes unanimes uno ore Henricum regem acclamant, collaudant, et per manuum elationem designant. Collaudatus igitur coronatur; coronatus ex debito ab omnibus honoratur; ad palatium deinde cum omni jucunditate ducitur. » Rotbertus autem, anno Christi 997 cum eum pater sibi regni collegam adjunxit, *adhuc puer* erat, ut ait Adalbero, nimirum annorum circiter sexdecim, quippe anno 1031 mortem obiit, et *sexagenarius* Helgaldus dicitur decessisse.

(7) *Flore juventutis tua jam resplendet imago.*

Juvenis Rotbertus, seu incipientis juventæ, erat, et adolescentiam emensus, anno 998, cum patrem amisit, et annum ætatis circiter vicesimum septimum agebat. Quare Flaber Rodulfus auctor æqualis, in libri II capite I, ita de utroque scribit: « Rex Hugo, in pace regno disposito, feliciter obiit. Erat namque Rotbertus rex tunc juvenis, prudens atque eruditus, dulcisque eloquio, atque pietate insignis. » [Ex notata hic Roberti juventute conjectant Adalberonem statim a morte Hugonis Capeti Carmen suum composuisse; sed ejus verba non videntur scrupulosius accipienda, ut ex iis patet quæ dicta sunt in *Monito*. Juvenis quidem Robertus anno 998 dici potuit; at verisimile non est Adalberonem, qui anno 1027 adhuc superstes erat, anno 998 in *senio* dictum fuisse. Bouq.]

(8) *Forma super cunctos nobis speciosa videtur.*

Fuisse Rotbertum, ait Helgaldus, *statura eminenti, plana cæsarie*, seu rectis capillis, *naribus porrectis et patulis, elatis humeris, forma demum egregia ac vere regia*. Regis *Rotberti clara facies et lætus aspectus* a Gerberto in quadam epistola memorantur. Obesus nihilominus fuit, ac ventre forsitan paulo projectiore, ita tamen ut obesitas robori corporis agilitatique non officeret, si qua Adalberonis verbis fides:

Quamvis mole gravis, tamen es cum robore levis.

A Certe et Willelmus Nangiæ monachus Rotbertum *robustum juvenem et agilem* vocat.

(9) *Plurima sub pedibus tibi fortia regna jugavit.*

Hic versus ad quintum versum refertur:

Quanta Deus tibi concessit, vel qualia misit.

Tibi, Rotberte, Deus fortissima regna subjecit, Franciam, Burgundiam, Aquitaniam; nimirum, ut, regnantibus in Francia Merovingiis, tria regna Francorum fuerant, Neustria, Austria, atque Burgundia; ita post mortem Ludovici Pii Augusti, divisis inter plures Franciæ ditionis provinciis, reges nostri reges Francorum Occidentalium dici cœpti, et tria eis regna nihilominus attributa, Francia Occidua, seu Neustria, Burgundia quam valde imminuta, et Aquitania. Hinc Abbo, in libro II, scribit Odonem regem *Franciam* seu *Neustriam, Burgundiam* et *Aquitanos* sibi subjecisse, *ternumque* illud seu *triplex regnum* vocat: *Sic uno ternum congaudet ovamine regnum.*

Et in consecratione regis Ludovici Transmarini, Lauduni facta, quam scriptam habeo, hæc invenio: « Omnipotens sempiternæ Deus, super hunc famulum tuum quem supplicii devotione in regnum pariter elegimus, benedictionum tuarum dona multiplicata, quatenus, etc., ut regale solium, videlicet Francorum, Burgundiorum, Aquitanorum, sceptrum non deserat, sed ad pristinæ fidei pacisque concordiam eorum animos, te opulante, reformet. » Apud Flodoardum anno 969: « Lotharius puer, Ludovici (hujus) filius, rex consecratur, favente Hugone principe cæterisque præsulibus ac proceribus Franciæ, Burgundiæ atque Aquitanæ. » Rodulfus Glaber, in lib. II, capite I: *Congregatis in Aureliana urbe regia quibusque Francorum et Burgundionum regni primoribus*, Rotbertum a patre superstite regem constitutum ait; Aquitanos omisit, quia tunc rebellabant. In veteri Chronico invenio anno 1059 Philippum, jussu Henrici patris regem consecratum esse, *astantibus Franciæ, Burgundiæ et Aquitanæ archiepiscopis, et viginti duobus episcopis.*

(10) *Scripta patent celebres quæ mittunt Crotoniatæ.*

[* Hic hæret Valesius. Notum est Crotoniatas celebres admodum athletas fuisse, non item scriptores, de quibus hic forsitan agitur. Bouq.]

(11) *Rusticus ille, piger, deformis et undique turpis Pulchre cum gemmis ditetur mille corona.*

Queritur, ni fallor, Adalbero homines obscuros et ignobiles, desides, deformes et corpore animoque vitiosos, abbates fieri, et mitra episcopali gemmata uti, quam per ironiam *coronam* appellat. Eo privilegio jam tum quidam abbates fruebantur; quod jus mitræ ferendæ postea Urbanus papa II Hugoni abbati Cluniacensi, anno 1088 contulit. Valesius intelligit mitram abbatialem, quam ab ignobilibus, hoc est ex infima plebe electis, abbatibus gestatam fuisse suspicatur. Sed fallitur vir doctissimus; nullus enim invenitur abbas cui concessus fuerit mitræ usus, ante Egelsinum, monasterii Sancti Augustini prope Cantuariam abbatem, cui Alexander II id privilegii impertivit, ob ipsius scilicet Romanorum alumni et Anglorum apostoli

dignatem. Hic usus tantum frequentari cœptus Urbano II pontifice, qui idem privilegium Oderisio Casinensi et Hugoni Cluniacensi abbatibus largitus est. Vide Mabillonium in præfat. in 1 partem sæculi vi, Benedict. § IV.

(12) *Juris cutodes cogunt portare cucullas :*

Orent, inclinent, taceant vultusque reponant.

Cuculla, oratio, capitis in ea et corporis *inclinatio*, aut humi prostratio ad benedictionem accipiendam, *silentium*, oculorum totiusque oris demissio claustrorum sunt monachisque conveniunt. Indignatur ergo Adalbero optimates Francorum, atque ipsos adeo *custodes juris*, seu præfectos urbium, quos historici nostri promiscue a duplici munere militandi judicandique nunc comites, nunc iudices appellant, ab abbatibus per ambitionem et avaritiam [* alii dicent, per studium in salutem animarum, et laudi vertent Botq] monachos fieri, et pios homines ac simplices ab eis ad mutationem vitæ vestisque compelli. Cujus mutationis, regnante Rotberto, insignia habemus exempla in Arnaldo comite Engolismensi, et in Burchardo comite Corboili atque Meloduni, qui ex comitibus monachi facti sunt. Sed et antea Willelmus, cognomine Caput stupæ, dux Aquitaniæ et Pictavorum comes, in Pictaviensi monasterio Sancti Cypriani monasticam vitam professus erat, deinde in monasterium Sancti Maxentii transierat, ubi circa annum 963 dicitur obiisse.

(13) *Nudi pontifices aratrum sine fine sequantur.*

Carmina cum stimulo primi cantando parentis.

Nudi pontifices sequantur aratrum et boves cum stimulo, cantantes carmina primi parentis, paradiso expulsi. His verbis invehitur Adalbero in abbates, qui omnia pene insignia et jura episcopalia sibi vindicarent, episcoposque nudos atque spoliatos, aliqua ex parte honore et felicitate sua dejecissent, et humiliores redegissent. [*An alicubi legitur episcopos ab abbatibus et bonis et honore spoliatos fuisse, ut hic supponit adnotator? Sed quos non amat, hos pessime videt. Botq.]

(14) *Præsulis et si forte vacet locus, intronizentur Pastores ovium, nautæ, quicumque sit ille.*

Ridet quidem Adalbero, sed ridendo dicere verum nil vetat; et indignatur vir nobilis homines plane ignobiles, pudendis ac vilissimis parentibus natos, divinæ legis ac sacrorum librorum ignaros, prorsus ἀγρημάτους και ἀναλφαβήτους a rege Rotberto ad episcopale extolli fastigium. Quod Glaber Rodulfus, Cluniacensis monachus, a Roberto fieri consuevisse ita scribit ut regem ob id laude dignissimum judicet. Rodulfi in libri Historiarum III, capitulo 2, de Rotberto rege Francorum verba hæc sunt: « Hic itaque rex, ut sapientissimus Dei cultor, semper fuit humilium amator, superbiorumque, ut valuit, osor. Si qua enim pontificalis sedes in suo regno proprio viduaretur præsule, cura ei erat maxima ut utilis pastor, licet genere infimus (de suo addit Valesius, *divinæ legis sacrorumque librorum ignarus restitueretur Ecclesiæ*), potius quam nobilis eligeretur persona sæcularis

A pompæ. » Hac in re Christum Dominum imitatur, *qui infirma mundi elegit, ut confundat fortia*, (I Cor. I, 27). Qua de re causa etiam primates regni sensit plurimum contumaces, qui, despectis humilibus, sui similes eligebant superbos. Non solum ergo Adalbero, sed plerique regni Francici optimates hoc in Rotberto reprehendebant atque damnabant. Certe reges nostros ut probitatis morum ac prudentiæ, ita et *nobilitatis* in eligendis episcopis habuisse rationem docent veteres historici nostri, docent Vitæ sanctorum antistitum, docent priscae Marculfi Formulæ. Nec ob daliu Theganus Francus, vir nobilis, dolet et queritur sua ætate *ex vilissimis servis*, caprariorum filiis in libertatem assertis, *summos pontifices fieri. Omnes unum sunt in Christo Jesu. Non est servus neque liber* (Gal. III, 28). In rebus ergo sacris qui virtute præstat et doctrina, is est præferendus. Nobilitas anteferenda tantum est, cæteris paribus.

(15) *Et studiis quem nec constrinxerit una dierum.*

Qui ne uno quidem die studuerit.

(16) *Alphabetum sapiat digito tantum numerare.*

Sciat tantum *litteras computare per digitos* sanctus Adalbero, ut auctor Panegyrici de laudibus Berengarii Augusti, ac multi alii etiam vetustiores pro *scire* dixerunt; et pro docto sapientem: ut hodieque scire vel vulgo nosse *savoir* a sapere dicimur; doctum *savant*, hoc est sapientem nuncupamus, et merito. Nam nisi in sapientem doctrina non cadit. [* Verumne sit Valesii assertum judicent alii. Botq.]

(17) *Hi proceres; præceptores hos mundus adoret, Et juret ut celebres nec reges excipiantur.*

Tales episcopi, tam ignobiles, tam illiterati, sint proceres regni, inter optimates Francorum primi consideant debito episcopis loco. Hi ab omnibus pro præceptoribus habeantur, salutentur, ne celebribus quidem regibus exceptis, hoc est, a te etiam ipso, Rotberte, qui eos antistites elegisti, adorentur et honorentur.

(18) *Regula si stabilis divum permanserit ista, Disciplina, vigor, etc.*

Regula divum: regula regum, regula Rotberti principis. Vult dicere Adalbero: si hanc perniciosam regulam, si hunc morem servare in eligendis indignis episcopis rex perseveraverit, et *ecclesiæ* et *reipublicæ*, seu regno, Francorum plurimum nociturum.

(19) *Legibus extinctis, in pace sepulta quiescet.*

Sic perscriptum erat: *Ducetur ad ultima pro in pace sepulta quiescet*, qualia multa, ipsius omnino Adalberonis chirographo superscripta, in hocce poematio reperiuntur: quæ singula suo quodque loco sum relaturus, si tamen sunt tanti.

(20) *Excluduntur et hi quo; sola scientia comit, Christi conservos et quos sapientia nutrit, etc.*

His octo versibus Adalbero indicat litteratos, bonos et sapientes viros, et catholicæ sanctæque doctrinæ, ab episcopatibus, a conventibus vel syno-

dis ad hæreses impugnandas coactis, atque a consilio regis procul amoveri.

(21) *Omnibus egressis thalamum post ostia servant.*

Fortè legendum est *ingressis*.

(22) *Ut procurator regis mundana ministrans, Sibi piger, ignavus, etc.*

Quem *procuratoris regis* nomine designet Adalbero divinare non possum, ut nec quæ supra sint scripta *Crotoniatarum*, inscripta *lex antiquissima*. — *Mundana ministrans*, res administrans.

(23) *Et jugiter maneat divisus sorte jugali.*

Id est, procurator regis uxorem non ducat, sed semper in cœlibatu permaneat.

(24) *Ne regis hæredipetæ non spes sibi constet.*

Procuratori regis spes lucri non sit, nisi rege hæreditatem aliquam petente, seu bona aliqua fisco suo tanquam caduca vindicante. Qui si verborum Adalberonis verus est sensus, ut esse videtur, *procurator regis* hic erit procurator fisci, ut infra custodes thalamorum cubicularii.

(25) *Cæsaris his majora jubet descriptio Magni Deviet ille sacer de sede monasticus ordo :*

Uxores ducant pulchras, et prætia tentent.

Valens Aug. lege lata ut monachi militarent, nolentes per tribunos et milites *fustibus* jussit interficî, sicuti Hieronymus pesbyter scribit in Chronico : quæ Valentis lex exstat in Codice Theodosiano. Paulo ante imperator Julianus milites ante peracta stipendia monachos fieri lege vetuerat. Et monachos quidem Valens militare jussit ; Constantinus Copronymus, Deonis filius, eosdem et uxores ducere albatos præcepit aut coegit, quemadmodum Theophanus ab Anastasio translatus, cæterique memoriæ tradidere. Videtur autem Adalbero nomine esse deceptus et quod a Constantino Copronymo factum est. Constantino Magno falso tribuisse, quem supra *Cæsarem Magnum*, et cujus legem, Cæsaris Magni descriptionem appellaverit. Quippe Constantino Copronymo, principi pessimo ac impiissimo Leonomacho *Cæsaris Magni* appellatio non convenit, ut nec imperatori Valenti Ariano. Sed cur hæc de monachis ætatis suæ dicit Adalbero, aut quid tunc apud monachos nostros simile gerebatur ?

(26) *Rectores rerum placet accersire mearum.*

Hic versus, cum sensum turbet, aut vacat, aut non suo loco positus est.

(27) *Pileus excelsus de pelle Libystidis ursæ.*

Monachorum habitum damnat et irridet Adalbero qui, obliiti professionis suæ, pileis ex pelle ursina, vestibus crurum tenuis decurtatis et anteriori posteriori apertis, pictis balteis, et gladiis, et arcubus ac calcaribus equitantes uterentur. Ordericus Vitalis anni 1089 res referens : « Nunc, inquit, prope universi populares caput velant vitta sive pileo. Vix aliquis militarum procedit in publicum capite discooperto legitimeque tonso, secundum Apostoli præceptum. » Antea, scilicet Galli et Franci, more Romano et Germanico, capitibus apertis atque intactis esse consueverant. Cæ-

terum hoc hemistichium Virgilio est ex libro v *Æneidos*.

..... Pelle Libystidis ursæ.

(28) *Et vestis crurum tenuis est curtata talaris : Finditur anteriori, nec parci posteriori.*

Mutavit Adalbero posteriorem primi versus partem, ut emendaret errorem, et ita superscripsit pro *curtata talaris*, *talaris adempta*. Glaber Rodulfus, Rotberto regnante, vixit, et Willelmi abbatis Divionensis, seu monasterii Sancti Benigni Vitam enarravit ; quem in capite 24 inducit sic concionantem in consecratione basilicæ Sancti Benigni c. 16 : « Non aspiciatis quæ scissuræ et detractiones vestium rabidissimæ ? quæ attonsuræ per cervices virorum, etc. Ista enim universa, et nuper grassata, ex diabolicæ superstitionis rabie emersere. » Idem in fine libri in Historiarum de eadem re loquitur, et *trunca veste viros* Francos irridet. Hæc recentia damnat, apud Glabrum, Willelmus monachorum abbas in laicis ; sed eos tamen monachi equitantes iterque facientes imitabantur, et suas vestes talares atque demissas ita detruncabant decurtabantque, vix ut genua contingerent : easdem, cum undique clausæ esse deberent, ante et retro aperiebant, ut ad ascendendum equum essent expeditiores. In detractionibus illis decurtationibusve, atque etiam in scissuris vestium hodieque insanimus.

(29) *Ilia baldringo cingit strictissima picto.*

Baldringum appellat Adalbero balteum nomine mihi alibi non lecto : quem nos vulgo *baudrier* & *baldringo* dicimus. Pictum autem baldringum nuncupat, qui acu pictus esset. Germanis *ring*, *balteum* sonat ut in voce *rinca* docet Cangius ; *bald*. vero *audacem virum* ; ita, juxta vocis etymon, *baldring* fuerit *cingulum viri militaris et in armis strenui*.

Notandum in sequentibus versibus *forcipem*, *molleum* et *ilicem* monacho equitanti tribui : *forcipem*, ad extrahendos clavos ex soleis unguisque equi ; malleum, ad calcandum equum, seu ad tundendos clavos unguis equinis infixos ; *ilicem* seu iligna folia ad excipiendum servandumque ignem et silice ferro exosum.

(30) *Ossa superficiem stringit diffusa deorsum.*

Ossa Paulus Langobardus in libro iv, *hossas* monachus Sancti Gallensis, in libro ii, cæterique appellant fascias crurales, caligas vel ocreas : Mathæus Parisiensis *calceamenta militaria quæ vulgo husses dicuntur*. Germani hodieque ejusmodi tibialia *hosen*, nos *housses* vocamus. Sed videndum annon hic Adalbero *ossæ deorsum diffusæ* ac *superficiem stringentis* nomine potius designet penulam, quam supra omnia vestimenta et arma adversus imbres monachus equitaturus sumpsisset ac superjecisset. [* Fascias orurales *osarum* nomine constanter intelligunt medii sævi scriptores, ut videre potes apud Cangium in Glossario Boto.]

(31) *Saltibus incedens (terram calcaria pungunt).*

Id est saltuatim incedit monachus, postquam eque descendit, et calcaribus suis, non jam latera

equi, sed humum pungit. Mutavit autem et hunc A
versum Adalbero parum sibi satisfaciens et ita superscripsit.

Saltibus impressam pungunt calcaria terram.

(32)*terram calvaria pungunt.*

Cœpit summa pedum cum tortis tendere rostris.

Saltuatim incedit monachus, et terram calcari-
bus pungit, cum summos pedes protendere et ro-
stra tordere cœpit; quoniam propter enormes cal-
ceos aliter progredi non potest. Orderius Vitalis,
in Rebus anni 1080, calceos hujusmodi describit
his verbis: *Sutores in calceamentis, quasi caudas*

scorpionum, quas vulgo pigacias vocant, faciunt.
Item: *Viri curtiates pedum articulis colubinarum*
similitudinem caudarum imponunt, hæc ergo veluti
caudæ colubrarum et scorpionum terrestrium vulgo
pigaciæ dictæ, pedum articulis, seu summis pedi-
bis imponebantur, hoc est fronti vel anteriori parti
calceorum assuebantur. Quare ait Adalbero:
Cœpit summa pedum cum tortis tendere rostris.

Rostra appellat has caudas colubrinæ et pigaciæ
calceorum a similitudine rostrorum avium aut na-
vium: Quales Joannes Dubravius etiam *calceos*
rostratos vocat. Hic enim in Hist. Boemiciæ, libro
xx de Joanne, rege Boemiæ, Francorum mores
imitante, ita refert circa an. 1328: « Inerat ei pe-
regrinus habitus in nutriendis comis, in calcean-
dis pedibus rostratis calceis, in vestiendo corpore
palliis vix dimidias nates legentibus. » In Chro-
nicis res gestas Caroli VI, Francorum regis, conti-
nentibus, quæ, a docto monacho composita, in
Bibliotheca Thuaneæ servantur, hæc de Francis
præsertim nobilioribus anno 1396 Nicopolim obsi-
dentibus reperio: « Vestimenta fimbriata et mani-
cata superflua, et semper calceamenta rostrata
longitudinis duorum pedum et quandoque amplius
deferebant, quæ reprehensibilis dissolutio inter no-
biles et specialiter Franciæ vigeat. » Tum adjecit
auctor de Francis eisdem, cum Bajazete quem Ba-
satum et Basitam vocat, pugnaturis: « Et ut levius
pedestres possent incedere, rostra longa et super-
flua calceorum amputarunt; quæ pro pudor
reprehensibilis et vana curiositas inter nobiles hu-
cusque vigerat, et tunc terminata fuit. »

(33) *Ingreclitur, noti fratres quem nosse laborant.*

Concurrunt cives, et larya palatia complent.

Pontificem sic de formis tunc sistitur ante.

Accurrunt monachi, *noti fratres et cives* Adal-
beroni dicti, et monachum, deposita monastica,
veste laica indutum, armatum atque ita deforma-
tum ut ab ipsis vix possit, agnosci ante abbatem
suum sistunt, quem invidioso nomine Adalbero *ponti-*
ficem appellat, hoc est episcopum, ut monasterii
septia palatia; et infra Odilonem regem *tipovixis*
vocat.

(34) *Miles nunc, monachus diverso more maneo.*

Non ego sum monachus, jussu sed milito regis;

Nam dominus meus est Oydelo Cluniacensis.

Abbati monachum militarem non agnoscanti, ac
interroganti an monachus suus sit, quem pridie
miserit aliquo, ille respondet: « Modo miles sum,

modo monachus; cum iter facio, miles; cum in
monasterio moror, monachus. Quid me interrogas?
Proprie monachus non sum, sed *jussu domini Odil-*
onis Cluniacensis abbatis, qui *rex meus est, mi-*
lito. » Quid facilius excogitari potest? Erat ergo
hic monachus monasterii unius e multis quæ ab
Odilone per Gallias tum regebantur, ut docet Jot-
saldus monachus, qui de vita et virtutibus sancti
Odilonis abbatis libros tres ad Stephanum episco-
pum ejus nepotem composuit. Hos libros in Codice
Thuaneæ, nimirum in Lectionario Ecclesiæ Lugdu-
nensis nuper inveni, dignos ubique legi; quos Pe-
trus Damianus in Epitomen coegisse se scribit sine
appellatione eorum auctoris. [Sancti Odilonis Vi-
tam a Jotsaldo scriptam habes apud Mabillonium
sæc. vi Benedic. parte I, pag. 679 et seqq. Bouq.]

(35) *Tune cata to siopomenon causam meditaris?*
In studiis menimi formarum nosse figuras.

Rex Robertus, qui *monachorum pater ac nutri-*
tor Helgaldus dicitur, et qui Odilonem plurimum
amabat, ut Jotsaldus, Glaber Rodulfus, aliique
tradunt; Robertus, inquam, audiens monachos
tantopere sibi dilectos, et Odilonem quoque ami-
cum suum ab Adalberone traduci ac derideri,
temperare sibi non potest quin silentium rumpat:
et *Tune*, inquit, episcopo *κατά τὸ σιωπώμενον*
causam meditaris? Tu ne me nil reponere, nihil tibi
respondere voluisti, ut tibi monachos et singula-
rem amicum meum Odilonem impugnanti ac iri-
denti tacendo viderer consentire, et silentio meo
vel quasi *ἀποσιωπήσου* et reticentia, figura mihi olim
puero in scholis notissima viros bonos destitue-
rem, proderem, ac relinquerem indefensos? Ira-
tum sibi Adalbero Robertum inducit, aut saltem
commoto similem, quod de monachis male senti-
ret et scriberet. Unde subjicit:

(36) *Non tua præpediat nos indignatio fervens.*

Præceptum Domini liceat cum pace referre.

Tua, quæso, indignatio orationem meam non in-
terrumpat, pie rex: tua mihi ira non obsit. Pace
tua mihi liceat, præcepta Dominica referre.

(37) *Sarra nimis gens cenorum, de more, petulosa,*
Regnum Francorum, manibus ferroque subactum,
Occupat, et rodit quidquid sibi Gallia nutrit, etc.

Sarraceni, inquit Adalbero, *gens valde petulans,*
ex more regnum Francorum vi et armis subactum
occupant ac diripiunt, Galliam sanguine inundant,
sanctorum reliquias dispergunt, easque avibus ac
leonibus (si qui tum tamen in Gallia leones erant)
exponunt, episcopatum in primis *Turonicum* vastant.
Qua beati Martini et tua quoque suorumque
Odilo motus injuria *Romam* petiit, pro salute *mon-*
achorum precaturus. Hæc Adalbero scribit mera æni-
gmata. Qui sunt enim *Sarraceni* illi qui tum re-
gnum Francorum, et præcipue episcopatum Tu-
ronicum ita vastavere? *Sarraceni* quidem Fraxi-
netenses, antea culminibus Alpium occupatis,
Maiolum Cluniacensis monasterii abbatem, cui
Odilo successit, cum suis omnibus ceperant ex Ita-
lia et urbe Roma revertentem, vix mille libris ar-
genti redimendum; sed paulo post a Willelmo ce-

mite Arelatensi ad unum omnes cæsi fuerant isti provinciae et Italiae populatorum, uti Glaber Rodulfus et Odilo ipsemet in Libello de vita Maioli abbatis tradunt. Anno 994 vel 997 *incensum est castrum beati Martini et ipsius basilica cum viginti duobus ecclesiis*, VIII Kalendas Aug., ut Chronicon Thua-neum, in anno 1137 desinens, et Majoris Monasterii monachus docent. Sed fortuitum illud incendium fuit omnino, cum ejus auctor nemo nominetur; nec ulli genti Christianae religioni infestae tribuendum, nedum Sarracenis qui tum oram Galliae Narbonensis latrocinii ac furtivis praedationibus infestare potuerunt; interiora regionis Celticae circa Turones penetrare minime potuerunt. Circa annum 1000, Nordwegi, vel Norvagi, et Suedia, [a] Richardo Juniore duce Northmannorum, adversus Odonem, comitem Carnutensium et Blesensium, qui et urbem Turones obtinebat, accersiti, Britannis primum praelio victis, et castro eorum dolo expugnato ac incenso incolisque jugulatis, Rotomagum navibus petiere. Quos populos idololatrias Sarracenorum nomine ab Adalberone designatos esse non puto; propterea quod, mox a Rotberto rege Francorum inter Richardum et Odonem pace facta, remissa sunt auxilia, et in sequenti anno ex Nortmannia domum, aut (ut aliis placet) in Angliam insulana sive Britanniam, unde venerant, revertentur, ita ut vastandae Galliae et depopulandi agri Turonici spatium non habuerint. Fuere et inter Odonem hunc et Fulconem, Andegavorum comitem, multa bella, causi excidii interioris Galliae agrigue Turonici. Fulco Ambaciam et Luccas in pago Turonico tenebat; Odoni parebant Turones; cui urbi Fulco imminens, Montem Budelli castellum ei adversum opposuit, et anno 1016 apud Pontilevium Odonem praelio superavit. Sed haec multo post Carmen istud ab Adalberone compositum, et forsitan, quoque post Adalberonis ipsius obitum, contigerunt, rege Rotberto non jam flore juventutis splendente; non jam incipientis juventutis, sed desinentis.

(38) *Sunt avium, sunt jam consortia facta luporum.*

Corpora sanctorum videlicet. Hunc versum mutavit Adalbero, sed infeliciter:

Concives avium jam sunt sociique leonum,
nimirum sancti, seu eorum cineres et reliquiae.

(39) *Vastat episcopium cum strage Turoniense.*
Genus Sarracenorum scilicet.

(40) *Martinus plorat, tutorem clamat idem.*
Oydelo compatitur, simili qui jure tenetur.

Annon gentis Sarracenorum appellatione designare voluit Adalbero principes Franciae, nimirum comites, marchiones ac duces tunc regnum Francorum lacerantes, urbes et castella occupantes, inter se armis dimicantes, sacra et profana more Sarracenorum diripientes, in primis Fulconem Andegavorum comitem, *episcopatus Turonici* et rerum *beati Martini vastatorem*? Certe apud Glabrum Rodulfum in libr. Hist. II, caput 4, Hugo Turonum archiepiscopus dicit et queritur Fulconem *matri Ecclesiae sedis sibi commissae, praedia et man-*

cipia eripuisse non pauca. Fulbertus quoque in epistola 99 scribit Fulconem comitem res ecclesiae invasisse et abstulisse, et archiepiscopum Turonicum coepiscopos ad eum excommunicandum hortatum esse. Et alibi legimus proceres aliquos, regnante Rotberto, bonis possessionibusque Cluniaci manus iniecisse, et de his apud Benedictum papam VIII per suos questum esse Odilonem coram Rotberto rege Francorum et principibus optimatibusque ejus, qui ad limina apostolorum venerant, ita ut facile *Odilo compati* Martino potuerit, *cum simili ipse jure teneretur*, hoc est cum eandem ipse ab aliis accepisset injuriam.

(41) *Hic Romam petit monachis orare salutem.*

Nec Jotsaldus, nec Petrus Damianus qui ex Jotsaldo epitomen fecit, nos hic quidquam juvant. Haec sunt de Odilone verba Jotsaldi: « Lætabatur etiam urbs Roma, mundi domina, tanti viri contubernio frequentata saepius, sanctorum apostolorum amore et desiderio; et, » ut idem ait, « quo tempore rex Henricus ad arcem Romani imperii festinabat, ut ad imperium promoveretur, *eum comitatus est Odilo.* » Rei suae causa, aut ad res monasteriorum suorum ecclesiarumque repetendas, Odilonem Romam unquam venisse noster dicit; quod tamen verum esse potest.

(42) *Conscendunt voces, fremitum dant Cluniacenses:*

Clamant atque monent: subito dispone, magister, Arma subire tuis, et quae praeporere debent, etc.

Describit jocosus senex comitatum Odilonis Romam petentis, quem hic Cluniacenses monachi *magistrum* appellant, sicut supra:

Mittere proponunt, mox explorare magistrum.

Ut ante in Odiloniani monachi iter facientis, sic nunc in comitatus Odilonis Romam proficiscentis descriptione lascivit. Plane, sicut episcopis et monachis convenire solet, apparet Adalberonem monachis, praesertim Cluniacensibus tum maxime florentibus, et Odiloni abbati clarissimo potentissimoque amico non fuisse. Inducit Adalbero Cluniacenses Odilonem interrogantes quem habitum indui ipsos Romam una ituros, qua ratione instrui armarique velit, quid supra, quid subtus, quid foris ac palam, qui intus sumere oporteat:

Et quae praeporere debent,

Quae sint exterius, et quae sint interiora.

Dicit aliquis: An *voces et fremitus*, et *clamores* conveniunt monachis abbati suo loquentibus? Non conveniunt plane, nisi abbatibus sui potentia abutentibus; quod tunc fecisse Cluniacenses monachos verisimile est Valesio qui non meminit, ut videtur, quanta eorum fuerit erga sanctissimum abbatem reverentia. Quippe Odilo vir tam mitis erat, et non sequentibus disciplinam tam facile ignoscebat, ut nimiam ejus in delinquentes clementiam ac misericordiam haud pauci reprehenderent; quemadmodum Jotsaldus, Petrus Damianus ac Sigebertus scribunt. Qua abbatibus sui lenitate ac frequenti etiam absentia, et magnis monasterii sui opibus facile Cluniacenses

efferrī potuerunt, ita ut *vociferarentur* et fremerebant abbate præsentē, ac, monachici silentiī immemores, *clamorem* tollerent etiam laicis indecorum.

(43) *Lunaris pendere prius debet tua pelta. Insuper apponas tibi loricaque trilocem.*

Præscribit monachis suis, peregrinationis Romanæ comitibus futuris, Odilo cultum et habitum cuique suum, ridicula omnia et quæ fieri nec debeant nec possint præcipiens. In primis super clypeum amonto collo injecto dependentem, lorica induere singulos jubet. *Lunarem peltam* pro lunata vocat Adalbero parmam Amazonicam, seu scutum brevissimum, dimidiæ figura lunæ duo cornua emittens.

(44) *Lubrica sustineant galeam cinctoria lumbi : Corrigiis caput astrictum mucrone coronas.*

Pergit Odilo, et galeas non jam capitibus fratrum imponi, sed ad *cingula lumborum* appendi jubet, et (quod fasciis cruralibus conveniebat) capita eorum longissimis corrigiis astringi figura coronæ novaculis circum rasa, aut certe corrigiis submento nexis pilea in capite contineri; *spicula*, seu tela post tergum rejici, gladios nudis dentibus mordicus teneri præcipit: sicut Ranimirus II, Aragonensium rex, habenas equi sui tenuisse dicitur armatus.

Spicula post tergum teneas, tum dentibus ense.

Cæterum *coronare* caput proprie dixit Adalbero. Monachi enim atque etiam clerici in coronam at- tendebantur. Tonsuram hanc hodieque ob id utri- que, veteri nomine, *coronam* appellant.

(45) *Et cogit juvenes lentos ascendere currus, Atque senum præcepit equos conscendere turbam.*

Ex monachis qui ipsum in Italiam secuturi sunt, juniores Odilo in currus, senes in equos imponit; cum contra juvenes equis, senes curribus, plaustris rhedisve vehi oporteret. Hinc patet quæ fides habenda sit jocis Adalberonianis, ut omittam sequentia.

(46) *Ascendant asinum bini, denique camelum : Si non sufficiunt, bubalum conscendite terni.*

Non sufficientibus equis, Odilo singulis asinis binos e comitibus suis cum famulis tum etiam monachis, singulis bubalis ternos, singulis camelis duos jubet insidere. Hæc quidem ridicula sunt et ficta; ex his tamen intelligitur Odilonis Romam proficiscentis maximum fuisse comitatum. Nam cum *turba* senum eum secuta esse dicatur, quis non videt, non intelligit multo majorem ei juvenum multitudinem adfuisse? Unde subjicit Adalbero:

Millia mille viri procedunt ante quirites.

Sane quocunque debebat, quocunque procedebat (Odilo), tanta sequebatur eum frequentia fratrum ut jam non duem aut principem, sed revera putares eum esse archangelum monachorum, uti Jotsaldus in vita ejus memoriæ tradit [* in sanctum virum ut reverentiam probet, non apparatus describat. *Archangelī* nomine, ob eximiam sanctitatem eum inter alios salutat Fulbertus Carnutensis. Bouq.] *Dux* autem ille et *princeps* monachorum, vel potius *rex*, ut supra nuncupatur, non mona-

A chis solum, sed etiam abbatibus imperabat. Quatuordecim monasteria Odiloni subjecta memorat Jotsaldus per Burgundiam, Aquitaniam, et Provinciam, ac Nantuadense monasterium, quod ipsi Gislebertus comes corrigendum tradiderat. Sed et Willelmus, dux Aquitanorum, Odilonem multis magnisque muneribus ad se traxit, et nonnulla cænobia suæ ditionis ejus magisterio commendavit, in primis Ingeriacum, et monasterium Sancti Cypriani in suburbano Pictavorum positum. Idem Rotberti regis Francorum; Adelaidis Aug. matris, aviæ amborum Ottonum Heinrici imperatoris Romanorum, qui sceptrum et spheram et imperatoriam coronam ex auro Cluniaco dedit; Chonradi quoque et Henrici ejus filii Cæsarum amicitias, officii, et muneribus honoratus est; a Stephano quoque rege Hungarorum et a Sancio rege Cantabrorum et Navarrorum idem litteras cum beneficiis et muneribus accipere consueverat. Monasteria nonnulla partim a fundamentis exstruxit, partim semiruta, vel ruinam minantia refecit, prædiis auxit et insignibus ornamentis, monachis implevit. Neque ab abbatibus modo, verum etiam ab episcopis officiosis obsequiis nonnunquam honoris causa excipiebatur. Inter abbates igitur Gallicanos qui tum erant usque ad episcoporum invidiam felices, divites et validi, maxime eminebat ac veluti regnabat Odilo, Cluniaci opulentissimi monasterii, et tot ac tantorum cænobiorum per totam Galliam et Longobardiam quoque diffusorum potens; imperatorum et regum prope ex æquo amicus.

B
C
(47) *Millia mille viri procedunt ante Quirites.*
Odilo plurimam comitatus monachis Romam venit, et spectandam Romanus ingressus sui pompam exhibuit.

(4) *Res agitur ferro ternis prolata diebus.*

Legitur alias: *Res agitur ferroque tribus prolata diebus*. Quid hoc versu et novem sequentibus describat, aut quid sibi velit Adalbero, haud facile dictu est. *Rem enim ferro per triduum actam*, et *pugnam* commemorat Kalendis Decembribus pugnatam, et signiferum, qui, cuspide equo dejectus, vexillum reliquerit turpiter, et cum reliquis fugadomum repetiverit. Omnino designat rem aliquam risu dignam, quæ Romæ Odiloni comitibusque ejus acciderit, et malum peregrinationis eventum.

(49) *Signifer in medio properas non stertere cæpi : Dissutis malis, flatum pugnando rejeci.*

Signifer iste in medio agmine positus, quem Adalbero de se loquentem inducit, Odilo ipse est qui fatetur se flatum ventris pugnando emisisse, seu βδάρμα, ac cum suis fuga Gallias petiisse: *Cum reliquis fugiens, genitalia regna petivi.*

Hæc, quo magis mirere, scripta sunt vivo Odilone, qui anno 1048, ætatis 87, multo post Adalberonem ipsum decessit.

(50) *Hæc patrata scias in prima luce Decembris ; Hoc itidem Martis tentabitur ante Kalendas.*

Hoc nescio quid Romæ contigisse indicat Adel-

bero Kalendis Decembribus Odiloni, et idem eum proximis Kalendis Martiis iterum ibidem tentaturum. Quibus verbis carpit frequentes istas abbatum, in primis Odilonis, peregrinationes Romanas, monasteriis onerosas, disciplinæ etiam inimicas. Nam et monachi qui abbatem peregrinantem comitantur, leges suas majore ex parte servare non possunt; et qui in monasterio remansere, absente abbate eas servare non curant.

(51) *Militiæ princeps ad te nos Oydelo mittit. Te dominum monachorum bellicus ordo salutat. Admonet invitans acies ut bella perornes, Agmine conceptus, mandatum concitus imple, etc.*

Hic ab Adalberone inducitur monachus, tanquam legatus ad Rotbertum, regem Francorum, missus ab Odilone, qui abbatis sui nomine regem salutatur, eumque hortatur ad bellum sacrilegis proceribus rerum suarum occupatoribus ocus inferendum. Ubi notanda sunt verba monachi Cluniacensis legati, Odilonem abbatem suum *principem militiæ* appellantis, et monasticum ordinem *bellicum ordinem* nuncupantis, et magnopere instantis urgentisque ut rex celeriter convocet milites, cogat copias, apparet bellum, atque abbatis sui quam primum exsequatur *mandata*. Fulbertus, Carnutinæ ecclesiæ episcopus, in epistola 66 monachorum *archangelum Odilonem, et nostrum, id est suum archangelum* appellat. Jotsaldus quoque, eum secutus *archangelum monachorum*. Hinc vulgo *archangelus* videtur esse nuncupatus. Constat autem Michaellem archangelum a Græcis sæpe dictum esse κατ' ἀνωμασίαν, Ἀρχιστέργιον, hoc est *principem militiæ* angelicæ, magistrum militum celestium, ducem angelici exercitus. Si itaque potuit Odilo, more Michaelis, *archangelus* vocari, potuit, et ejusdem nomine *princeps militiæ, sed nempe monasticæ, appellari. Monachorum bellicum ordinem* vocat legatus Odilonis, vel potius Adalbero, quia tunc monachi quotiescunque iter facerent, gladio cincti, pharetrati, veste trunci, seu sagati, et cum calcaribus more militum equitabant. Auctor est Glader Rodulfus in libri Historiarum n. capite 9, Rotberto apud Francos regnante, cum rex Cordubensium Almanzor Sarracenus Gallæciam, Navarram atque Castellam continuis incursionibus vastaret, urbes Christianas expugnet, prælia etiam secunda faceret, monachos ejus regionis inopia militum arma capere, et bella gerere esse compulsos. Tunc etiam ob exercitus raritatem compulsi sunt regionis illius monachi sumere *arma bellica*. Erat ergo tunc monachorum saltem Hispaniensium ordo vere militaris. Apud eundem in lib. III, cap. 4 invenio quosdam e Turonici monasterii beati Martini clericis sive canonicis tunc arma induisse atque militasse, et nonnullos eorum in prælio cecidisse.

(52) *Agmine conceptus, mandatum concitus imple, Armis te decet ante mori quam rura colendo.*

Verba ea sunt legati Odilonis ad Rotbertum, regem Francorum: « *Armare cum tuis, et manda-*

tum Odilonis, militiæ principis; quamprimum exsequere, ac nostros hostes, nostri monasterii spoliatores aggredere. Te enim, domine rex, magis decet pugnantem gloriose occumbere, quam agros colentem, seu rusticantem et cessantem, lenta et ignava morte defungi. » His Adalbero et monachos arrogantiae, qui regi imperarent, et regem ipsum, ad quem carmen composuit, inertiae desidiaeque arguit: qui certe fertur fuisse vir plus quam monachicæ simplicitatis.

(53) *Mittere per plures, quam frondes Asia spondet, Africa nigra, maris bibulas quam littus arenas, Pars Europa minus non jactat tertia mundi.*

Pergit mandata Odilonis exponere legatus, et quo minus dubitet bellum gerere. « Rex, scito, inquit, et persuasum habeto Europam, quæ non minus quam tertia pars terrarum orbis est, plures tibi monachos cemmilitones *missuram* adjuncaturamque auxilio, quam in Asia et Africa frondes sint, aut in littore maris arenæ. Hoc jactat Europa. » Quibus verbis Adalbero nimiam monachorum in Europa multitudinem sua ætate fuisse indicat, quid dicturus, si nunc viveret?

(54) *Quid tibi vis, rabies, tetris dignissima claustris?*

Figite per corpus, fugiat ne lividus, unguis.

Quid tibi vis, rabies, non jam monasterium, sed carcerum claustris coerceri digna? Hæc est exclamatio Adalberonis, episcopi Laudunensis, adversus monachos regem ad vindicandam armis ipsorum injuriam hortantes, compellentes et canentes quodam modo bellicum: quos rabiosos et tetro carcere dignissimos amarissime infestissimeque appellare non veretur fronte parum episcopali. Posterior versus potest convenire Rotberto Adalberonis corpori unguis infigi jubenti, ne lividus et monachorum opibus gloriæque invidens effugiat.

(55) *Crede mihi, non me tua verba minantia terrent.*

Plurima me docuit Neptanabus ille magister.

Rex Rotbertus, cum monachos non irrideri solum, sed etiam *rabidos et carceribus dignos* ab Adalberone episcopo appellari viderit, patientiam rupit, ac negavit se verbis ejus minacibus commoveri, aut se dietis ejus in monachos et jocis a monachorum amore deterreri; se monacho magistro usum esse, ex quo *plurima*, et maxima utilissimaque didicerit; cui quidquid scit acceptum, secundum Deum, referat; cui plurimum et debeat et deferat, ut disciplinarum auctori. Constat enim Gerbertum præceptorum Roberti, obscuro genere natum in Aquitania, *monachum a puero in monasterio Aureliaco adolevisse; deinde scholam Remensem, seu Ecclesiæ Remensis, rexisse. Unde non raro in inscriptione epistolarum Gerbertum quondam Scholasticum, et Gerbertum Scholarem abbatem, id est caput Scholæ, ipse se appellat. Discipulos habuit Rotbertum Hugonis filium, et Ottonem III, Ottonis II Augusti filium; e quibus Rotbertus rex Francorum fuit; Otto, pare-*

mortuo, etiam imperator; Leothericum, post Senonicum archiepiscopum; Ingonem abbatem; et Fulbertum Carnutiæ episcopum. « Rotbertus quidem a matre Scholæ Remensi traditus, domno Girberto ad erudiendum est datus, qui cum liberalibus instrueret disciplinis, » ut Helgaldus scribit. Auctor est Willelmus, Malmesburie monachus, in libro secundo Rerum Anglicarum; Gethertum *astrologiam*, abacum, cæterasque artes mathematicas a Sarracenis Hispaniensibus didicisse, et in Gallia scholas publicas aperuisse: » quem Otto ipsius discipulus *philosophorum peritissimum et tribus philosophiæ partibus laureatum* in litteris appellat. Alii Borello marchioni commendatum ab Aureliacensi abbate, et ab Haitone Hispaniæ episcopo mathesim edoctum esse verisimilius prodidere; et Borellam hunc nunc *ducem citerioris Hispaniæ*, nunc *comitem Barcinonensem* vocant.

(56) *Plurima me docuit Neptanabus ille magister, Labitur aula tholis rutilat quo splendida fulvis.*

Rex fuit Ægypti Nectanabis, Agesilai regis Spartanorum æqualis, cuius Nectanabis vel Nectanabidis haud semel meminit in Agesilao Plutarchus Charoneasis, meminit et Diodorus Siculus, cui nunc Nectanobis, Nectanevit, nunc Nectanebos, Nectanebes dicitur. Plinio in libri xxxvi capite 9, *Nectabis rex* corrupte pro Nectanabis. Nectanabis ergo ille vel Nectanebos, is est qui ab Adalberone corrupte Neptanabus vocatur. *Neptanabum* autem vel potius, Nectanabum nomine, veteris Ægypti regis per ironiam appellat magistrum suum Gebertum Rotbertus Francorum rex, propterea quod more Ægyptiorum astrologia et mathematica enituit. *Astrologiam enim Ægyptii diuturna observatione siderum invenisse et consecuti esse* putantur, ut Cicero in libro I de Divinatione, Plinius in libri vii, capite 56, cæterique docent. Hæc est certissima felicissimaque versus Adalberonis expositio, ad quam sine adjuncta *magistri* appellatione minime pervenire potuissem. Rotbertus igitur plurima se a magistro suo didicisse ait:

(*Labitur aula tholis rutilat qua splendida fulvis.*)

Ubi labitur aula qua fulvis tholis splendida rutilat; hoc est remis in schola Remensi proxima Majori urbis Ecclesie, quæ tholo quidem inaurato nitet, vetustate tamen labitur, seu ruinam minatur. Tholus est testitudinis umbilicus ac veluti scutum media in ecclesia, quæ trabes omnes conveniunt: vel in media templi aut ecclesie cameras locus cui dona affixa pendent vel anathemata.

(57) *Per partes scindens vestem quam quisque tenebat.*

Hæc videntur scripta esse ab Adalberone de monachis Cluniacensibus, ab Odilone ad Rotbertum regem Francorum petendi consilii auxiliique causa missis qui, postquam princeps legationis finem loquendi fecit, ad testandum dolorem suum, et ad commovendum regem, vestem quisque suam discederint.

(58) *Ordinis est igitur hæc transformatio regni.*

Hæc igitur apud Francos ordinis clericalis sacerdotialisve, ac præcipue monastici transformatio, regni ipsius transformatio est. Ita concludit Adalbero; hunc suo sermoni adversus monachos habito finem imponit. Idem initio dixerat hocce versu:

Ut placet imperio, sic se transformet et ordo,

Item:

Deviat ille sacer de sede monasticus ordo.

Certe monachos Gallicanos, vel Francicos, haud parum fuisse tum dyseolos, et a disciplina descivisse docent non modo tot Adalberonis versus, sed etiam multa monasteria in regno Francorum clarissima et opulentissima, in primis monasterium Parisiacum Sanctorum Vincentii atque Germani, monasterium Sancti Dionysii martyris tumulo illustre, monasterium Fossateense et plura alia a Glabro Rodulfo cæterisque memorata; quorum monachi cum vitam pene sæcularem agerent, ad servandam sancti Benedicti regulam auctoritate regia et meliorum immisso atque opera compellendi fuerunt. Odo in Vita Buchardi comitis ait: Magonardam Fossateensem abbatem, virum nobilem, aucupio et canibus ac venatu delectatum esse, et, si quo iret, depositis vestibus monachicis, pretiosas pelles indui, et calamaucum vel camelaucium, pilei genus, pro capite capiti imponere consuevisse; tum addit: « Subjecti etiam quique pro posse et ipsi eadem sectabantur. His mos a cunctis monachis regni illius agebatur. » Willelmus qui abbas Divionensis monasterii Sancti Benigni anno 990 factus est a Brunone Lingonicæ Ecclesie episcopo, regularis vite disciplinam, quæ jam pene deciderat per veterum negligentiam, prout beatus Benedictus eam composuit in pristinum statum corrigendo restauravit, ac per diversas mundi partes per plura monasteria, a regulari tramite devia, tam per se quam per suos quos abbates ordinaverat, monastico ordini subdidit, ut in Chronico Benigniano scriptum reperitur. Addit auctor Chronici hujus monasteria Gemeticum, Besuense, Rothomagensis Sancti Audoni, Sancti Michaelis archangeli in monte, Sancti Germani Parisiis, Sancti Faronis Meldis, Sancti Arnulfi Mettis, Gorziam quoque, et Tullense Sancti Apri canobium, aliæque et corrigenda et in ordinem cogenda esse commissa. Glaber Rodulfus de episcopis, abbatibus, clericis et monachis ejus ætatis sic scribit in libro II capite 6: « Quandocumque enim defecit religiositas pontificum, ac marcescit districtio regularis abbatum, simulque monasterialis disciplinæ vigor tepescit, ac per illorum exempla cætera plebs mandatorum Dei prævaricatrix existit. Quid aliud quam totum simul humanum genus rursus in antiquum præcipiti chaos illabatur? » Idem in libro de vita Willelmi abbatis et presbyteri tradit monasterium Sancti Saturnini ad Rhodanum, canobia Viziacense, Fiscannense, Remense, Melandense, et locum Sancti Michaelis archangeli, castro Terme-

dore propinquum, aliasque cellulas circiter quadraginta rexisse Willelimum, et in meliorem statum ac vitæ ordinem restituisse.

(59) *Spes juvenum, ventura dies, qui discere nolunt. Causa senum, sine spe pueriles plangere cursus.*

Descendit nunc ad gnomas Adalbero parum coherentes. Juvenit, inquit, pigri et desides, nec discendi cupidi, quia diu se victuros sperant, studia litterarum differunt in futurum. At senes, quibus juvenus sine studiis exacta est, cum jam diuturnam vitam sperare non possint, adolescentiam male negligenterque transactam cum gemitu desiderant, et irritis votis revocant minime redituram.

(60) *Res Mala : quod scio defendunt ; quod nescio, [cedunt.*

Quod scio, vulgo prohibetur et vetatur ; quod nescio, permittitur, pro permissio habetur, in usu est. Sic vulgo hodieque *defendere* dicimus pro *vetare* et *inhibere defendre*. Superscriptum erat in codice eodem sensu :

Res mala : quod scio despiciunt, quod nescio, quæ [runt.

(61) *Aut regis cineres aut nostras flabo Camenas.*

Libentissima emandarem *nostras flabo camenas*, nisi sequeretur : si Musas celebres.

(62) *Si Musas celebres, clament musarde sacerdos.*

Rex loquitur et ait Adalberonem episcopum, si Musas, seu litteras, colat, clamore indoctorum litteras contemnentium *musardem sacerdotem* contumeliæ causa appellatum iri. Hodieque otiosum et cessatorem *musardum* vocamus ; *musard* : item *C muser*, ut Germani *mussem*, dicimus otiari.

(63) *Persius indignans promet tum lusca sacerdos.*

In Persii satyra 5, versus hic est :
Hinc grandes Galli, et cum sistro lusca sacerdos,
[etc.

Persium Adalbero diligenter legerat ; nam et superior versus :

Jupiter ille duos numerat meliore lapillo ;

Et hic alter :
Dissutis malis, flatum pugnando rejeci,

Dimidia ex parte sunt Persii, prior ex satyra 2 de bona mente ad Photium Macrinum :

Hunc, Macrine, diem numera meliore lapillo.

Posterior ex satyra 3, quæ increpatio desidiæ est.

Oscitat hesternum dissutis undique malis.

Item, infra, v. 200 : *Scire meum nihil est, hemistichium Persianum est.*

(64) *Prospera si tibi sunt, non tædeat hoc reminisci.*

Superscriptum erat ab Adalberone, contumaci syllaba brevi frustra repugnante, *pigeat hoc reminisci ?*

(65) *Partem namque sui, quæ pars sapientia vera.*

Superscripserat Adalbero :
Dans intellectum, quæ sit sapientia vera.

(66) *Civibus angelicis, hominum struttur quoque [turmis.*

Pars quædam regnat ; quædam pars altera sperat.

Hæc Hierusalem cælestis a Deo exstructa est, ut ab angelis et ab hominibus quoque incoletur :

A quorum pars jam ibi regnat, pars altera post mortem, aut post expiatis igne culpas sperat se ibidem regnaturam. Si *pars regnans* referretur ad angelos, *pars sperans* ad omnes mortales ; dicendum esset Adalberonem credidisse hominibus christianis atque catholicis nisi post diem judicii cœli portam non patere : quod et multi alii credere, sed falso.

(67) *Rex Augustini libros, dilecte, revolve.*

Urbis excelsa Dei quæ sit dixisse probatur.

Dilecte rex, libros Augustini de Civitate Dei perlege.

(68) *Inco, precor, mihi dic, præsul, qui sint ibi [latus,*

Principares, et si qui sunt et in ordine patus.

Rex Adalberonem interrogat qui *incolatus*, et qui principatus pares in civitate Dei sui in cœlesti Hierusalem sint et vocentur. Gaudet autem tmsi per jocum Adalbero, ut supra :

Sarra nimis gens cenorum de more petulca.

(69) *Quære Dionysium qui dicitur Areopagita :*

Ille duos super his desudat scribere libros.

Dionysius qui Areopagita a plerisque sed falso dicitur, de cœlesti Hierarchia librum capitum quindecim, et alterum de Divinis Nominibus capitum tredecim composuit. Hi sunt duo libri, quos Adalbero designat, et a Dionysio scriptos esse tradit : quem cum addit *Areopagitam dici*, vulgarem opinionem jam ante annos centum et sexaginta invalescentem refert magis quam pro vera habet aut credit.

(70) *Præsul et ille sacer loquitur Gregorius inde, Job magnæ scrutans fidei moralia regis.*

Gregorii papæ, quem vulgo Magnum cognominant, et qui primus eo nomine Romanæ Ecclesiæ profuit, sunt *moralis Expositionis in B. Job libri xxxv* ad Leandrum Hispalensem episcopum. *Moralia* Adalberoni et multis aliis dici video hanc moralem expositionem. Sunt ejusdem in Ezechielem prophetam Homiliarum viginti duo libri ad Martinianum episcopum Ravennæ. Utrobique, ait Adalbero, Gregorium papam de Civitate Dei, seu de cœlesti Hierusalem, et de incolatibus prineipatibusque ejus scripsisse. *Loquitur Gregorius inde*, hoc est, Gregorius de ea re scripsit, *S. Grégoire en parle*. Ita hodieque vulgo loquimur.

D (71) *Idem, sermonem complens, explanat aperte*

Hic et Ezechielis super his in fine patenter :

Hoc apices ipso quos Gallia dante recepit.

Hos in Ezechielem Homiliarum libros duos dicit Adalbero ab ipso Gregorio missos et datos esse Galliarum episcopis ; quod alibi non legi.

(72) *Distinctus disponitur ordo supernus : Cujus ad exemplar terrenus fertur haberi.*

Superscriptum erat.

Terrenus fertur discretus cujus ad instar. . .

Ubi observandum est sæpissime in hoc carmine ordinis fieri mentionem in secundo versu :

. *Fratrum Laudunicus ordo.*

Item.

*Ut placet imperio, sic se transformet et ordo.
Deviet ille sacer de sede monasticus ordo.
Te dominum monachorum bellicus ordo salutat.
Ordinis est igitur hæc transformatio regni.*

Et de cœlesti vel suprema Hierusalem :

*Ordine distincto regitur, non milite paucio.
Princi pares, et si qui sunt et in ordine patus.
. . . . Distinctus disponitur ordo supernus :
Cujus ad exemplar terrenus fertur haberi
Ecclesiæ veteris populi sub lege ministros,
Per Moysen Deus instituit, quos ordine rexit,
Ecclesiæ regnum cœlorum dicitur ordo.
Res fidei simplex : status est sed in ordine triplex.
Mutantur mores hominum, mutatur et ordo.
Nunc demonstras, tum deliberat ordo potentum
Discutiens. etc.
Justitiæ regimen noster non audeat ordo
Linquere.*

Francorum primus, tu servus in ordine regum.

Itaque hoc carmen *De ordine* inscribi potest : propterea quod Adalbero in eo docet, uti cœlum seu suprema Hierusalem ordine regitur, et ordines habet alios ab aliis distinctos, ita hominum in terris diversos esse ordines, diversasque leges, quas servari oporteat.

(73) *Ecclesiæ veteris populis sub lege ministros
Nomine quæ perfunctorio Synagoga vocatur.
Per Moysen Deus instituit quos ordine rexit.*

In codice deletus erat e tribus his versibus secundus quo Ecclesiam veterem populi sub lege constituti, seu Judæorum, nomine perfunctorio *Synagogam vocatam* esse dicit Adalbero.

(74) *Ecclesiæ regnum cœlorum dicitur ordo.*

Ordo Ecclesiæ dicitur regnum cœlorum.

(75) *Et nova lex inibi colitur, sub principe Christo.*

Emendavit et hunc versum Adalbero eum in modum :

Et nova lex ibi perfruitur, quæ gratia fertur.

(76) *Hoc et pontificum fixit censura fidelis,
Qualiter, a quæis, et quales ibi constituantur.*

Ministri Ecclesiæ quales esse, a quibus et qua ratione constitui debeant, episcoporum in synodis congregatorum canones decrevere : canones, inquam, *censura pontificum* Adalberoni dicti.

(77) *Ipsam legibus est aptare necesse duabus
Divinæ quas humanæ discretio format.*

Statum Ecclesiæ necesse est aptare duabus legibus, divinæ et humanæ, quas format discretio ; posteriorem versum mutavit Adalbero ita :

Virtutum quas distribuit discretio mater ;

*Id est, quas duas leges discretio, mater virtutum,
distribuit.*

(78) *Lex divina suis partes non dividit ullus.*

Suis nimirum ministris, seu Ecclesiæ suæ ministris, quos, licet genere dispares, æquali omnes conditione esse voluit Deus.

(79) *Hos pia lex omni mundana sorde sequestrat.*

PATROL. CXXI.

A Clericos seu ministros Ecclesiæ leges piorum principum sordidis ministeriis ac vilibus artibus vacare vetuerunt, et cum omni immunitate solis eos altaribus addixerunt.

(80) *Non sunt carnifices, caupones, necne subulci*

Carnifices jam tunc vocabuntur quos anti-
quitas lanios appellavit. Ait igitur Adalbero ministros altaris vel clericos a sordidis ministeriis abhorreere, non agricolas, non bubulcos, non vinitores esse ; vix arbores serere, aut hortos colere ; eosdem nec lanios, seu carnarios, nec caupones, nec subulcos, vel suarios esse (*necne* pro *nec* dixit) non caprarios, non opiliones seu pastores ovium. Non cribro pollinem tritici floremve siliginis, seu farinam furfuribus discernere non lebetis ad ignem appositi in quo carnes coquantur, curam ullam agere, id est coquos vel cocos non existere, utcunque exprimit Adalbero hoc versu :

Nec Cererem cribrant : hos non coquit uncta lebeta.

Ubi *lebeta* pro lebes dicitur. Hæc autem omnia dicit Adalbero, ut regem Robertum arguat, *pastores ovium* et *navatas*, uti supra ait, hoc est rusticos ac humillimas infimasque personas in episcopatu evehentem.

(81) *Terga suum per dorsa boum non serpere cogunt.*

Hoc est, clerici suis pedibus colligatos bobus non imponunt, venales in urbem advehendos.

(82) *Non sunt lautores, contemnunt fervere vestes.*

Lintea hi non lavant, sive linteamina, et vestes lineas lixivio fervefacere dedignantur. *Fervere* enim hic positum pro *servevacere*. Vel certe hoc versu designantur ab Adalberone fullones qui vestes laneas abluere, desquamare et polire consueverunt.

(83) *Sed mentes purgare suas et corpora debent, etc.*

Affirmat Adalbero clericos, præsertim presbyteros et episcopos, non solum animis, sed etiam corporibus mundos, castos et sobrios, bonis moribus adornatos, ac servilis conditionis expertes esse oportere. Certe servi nisi prius libertate donati essent, ad clericatum pervenire non poterant : *Non enim debent Christi* et altaris *ministri obnoxii esse humanæ servituti*, ut in Vita Ludovici pii imperatoris legimus.

(84) *Omne genus hominum præcepto subdidit illis,
Princeps excipitur nullus, cum dicitur omne.*

Omnes homines Deus cujuslibet professionis et dignitatis, etiam principes, reges ac imperatores presbyteris et episcopis in spiritualibus voluit esse subjectos ; ab his fidem catholicam edoceri ; ab his ita edoctos sacro fonti immergi.

(85) *Et mergi doctos sacri sic fonte lavacri.*

Ex quo intelligitur, etiam tum eos qui adulti baptizabantur in sacrum fontem mergi consuevisse, non autem capita eorum solummodo aqua perfundi.

(86) *Constituit medicos, si vulnere computruerunt.
Per quos sermonum cauteria sunt adhibenda.*

Presbyteros Deus nobis medicos dedit, qui animorum nostrorum *vulnera* ac *putria ulcera*, hoc est peccata graviora, *sermonum suorum*, vel salubrium

præceptorum, hortationumque et consiliorum quibusdam quasi cauteriis curarent. Hoc de laicis peccata sua confitentibus et a presbytero pœnitentiam accipientibus intelligendum est, ni fallor.

(87) *Corporis ille sui sacramentum sanguinis atque Jussit quo solus tractaret rite sacerdos*

Christus jussit quo [pro ut] solus sacerdos, seu presbyter corporis atque sanguinis sui sacramentum rite tractaret.

(88) *Maxima commisit quos se tractare rogavit.*

Maxima commisit eis Christus quos tractare se jussit, seu presbyterorum fidei summa commisit mysteria, quorum manibus sacrosanctum corpus suum tangi contractarique voluit, jussit. Rogare tum pro jubere molliori verbo dicebant. Jonas qui Chlodovei Junioris principatu, ante Adalberonem nostrum annis 350 floruit, in libro de Vita Columbanii abbatis, de Brunichilde in nepotem suum regem Theodebertum captivum sæviante ita refert: *Theodebertum fieri clericum rogavit, ac non post multos dies impie nimis post clericatum permi jussit*, id est clericum eum fieri jussit ac paulo post interfici. Sic multi alii loquuntur, non inepte, quia preces potentiorum pro jussis habendæ, et qui cogere potest, si quando rogat, jubere, præcipere ac mandare censendus est. Et quoniam facta est Jonæ mentio, quem in libro xviii Rerum Francicarum docui non Scotum, ut vulgo creditur, nec abbatem, sed natione Italum, ac Bobiensem monachum fuisse; quæ patria ejus fuerit, scire convenit. Reperi nuper in veteri codice vitam beati Attali abbatis Bobiensis, (ita enim ibi semper, et omnino melius appellatur, cum vulgo Attalas vel Attala dicatur) in qua Jonas ipse de se matrem suam post annos novem visente, et de duobus itineris sui comitibus sic scribit: *Datis comitibus Blidulfo presbytero et Ermenoaldo diacono, mense Februariario « ad destinatum pervenimus locum. Erat enim Segusia urbs nobilis, quondam Taurinatium colonia a monasterio [Bobio] distans cxi. milibus. Ibi ut pervenimus, gratitate [id est gratanter] a genitricæ post tantorum intervalla annorum suscepti sumus. »* Quibus ex verbis intelligitur Jonam Segusionensem patria fuisse, cum ibi et mater et frater ejus habitarent. Segusio autem, vel Segusium, oppidum a Plinio et Ammiano; urbs a Gregorio aliisque, a quibusdam et *civitas* dicitur, abestque a monasterio Bobio millia passuum cxi, aut potius clx. Positum est hoc oppidum ad Alpium radices, et Galliæ finis, ac initium Italiæ habetur. Certe ab eo loco incipit Italia, cui et ab omnibus attribuitur.

(89) *Voce Dei quod promissum non esse negatum Credimus et scimus ni quos sua crimina pellunt.*

Quod sacramentum corporis sui a Christo discipulis suis Ecclesiæque promissum et datum, nec nisi his qui propter peccata gravissima essent a communione remoti, negatum esse, credimus et certo scimus.

(90) *In cælis primas debent conscendere sedes.*

Presbyteri et præsertim episcopi eniti, dum vi-

vunt, et dare operam debent ut mortui primas in cælo sedes consequi mereantur, quas certum est non dignitati deberi, sed meritis.

(91) *Hos decet evigilare, cibis et parcere multis, Pro populi semperque suis orare ruinis.*

Presbyteros et episcopos decet, plebis sibi commissæ curam gerere, et suorum quemque, velut pastores gregum, invigilare custodiæ; paucis cibis esse contentos, et pro populi delictis ac suis semper Deum orare ac deprecari. *Castos et sobrios* eos esse oportere, supra dixit Adalbero. Sic Ammianus Marcellinus in libro xxvii scribit, *Antistites provinciales tenuitate edendi potandique, vilitate etiam indumentorum commendari. Idem* et Gregorius Nazianzenus episcopus in Carminibus pagina 11 tradit.

(92) *Pauca super clericis dixi, sed plura reliqui.*

Pauca de clericis dixi, sed plura omisi quæ dicere potuissem. Adalbero hunc versum mutavit, eique alterum emendatiorem substituit, qui talis est: *Pauca super clero dixi, super ordine pauca.*

(93) *Æquales igitur sunt omnès conditione Una domus Domini lege si clauditur una.*

Prior versus refertur ad id quod supra scriptum est ab Adalberone de ministris Ecclesiæ, vel clericis:

Format eos omnes æquali conditione:

Posterioris in versus locum sufficit hunc Adalbero.

Una domus Domini sic lege revolvitur una.

(94) *Lex humana duas indicit condiciones:*

C Nobilis et servus simili non lege tenentur.

Adalbero omnes homines, saltem apud Francos, in duos ordines ait esse divisos; alterum genus esse *nobilium*; alterum *servorum*. Ubi *nobilium* nomine, honoratos, milites, et quoscunque etiam ingenuos de patrimonii sui *reditu* viventes designat; *servorum* autem appellatione cæteros omnes, nimirum mercatores, artifices, agricolas, et alios quæstu se sustentantes, quos Latini *plebem* vocant, famulos demum atque mancipia; nobiles Adalbero etiam ingenuos appellat, v. 293:

Nam valet ingenuus sine servis vivere nullus

Servos vero nuncupat idem et vulgus, v. 285:

Defendunt vulgimajores atque minores.

Sic Gregorius, in libri x capite 4, legatos Childeberti, regis Francorum *bene ingenuos generatione*, et in capite 29, Aredii parentes *valde ingenuos* pro nobilibus vocat.

(95) *Nam primi duo sunt, alter regit, imperat alter.*

Ex genere nobilium sunt, et inter eos eminent ac principatum tenent duo, rex et imperator; quorum consiliis et dispositionibus respublica stat et nititur. Ex his fiunt et comites, et marchiones et duces.

(96) *Sunt alii, quales constringit nulla potestas; Crimina si fugiunt, quæ regum sceptrâ coercerent. Hi bellatores, tutores Ecclesiarum, etc.*

Describuntur Lis quinque versibus *nobiles vel ingenui*, qui militant, et sese ac una *Ecclesias et cle-*

rum, atque *maiores* et *minores vulgi*, seu plebis, quos supra *servos* dixit Adalbero, armis ab injuria defundunt.

(97) *Allera servorum divisio conditionum, Hoc genus afflictum, nil possidet absque labore.*

Nunc loquitur Adalbero de *servis*, hoc est non de famulis modo atque de mancipiis domesticis, sed etiam de his qui mercatura, aut artificio quolibet, aut opera se sua quæstuque sustentant. Hoc hominum genus admodum est laboriosum, ac velut in usum et ministerium cæterorum natum et factum. Unde Adalbero negat eis quidquam esse nisi labore quæsitum, et infra ait, v. 296 enarrari omnino non posse.

Servorum studium, cursus tantosque labores.

Idem *laborantium* eos appellatione designat B hoc versu.

Nunc orant alii, pugnant, aliique laborant.

Addit Adalbero a *servis* nobiles vel ingenuos *vestiri*; a *servis* vel ipsos dominos pasci; cunctos opes per eos querere; *sine eis vivere*, aut ad vitam necessaria habere *neminem posse*: regem demum ipsum et episcopos ac optimates, quotiescunque *servorum* opera egent, eis quodammodo videri servire.

(98) *Servorum lacrymæ, gemitus non terminus* [ullus.

Singularis numerus pro plurali; id est, lacrymarum gemituumque *servorum* nullus est finis aut terminus.

(99) *Triplex ergo Deidomus est, quæ creditur una; Nunc orant alii, pugnant, aliique laborant; Quæ tria sunt simul, et scissuram non patiuntur.* C

Domus Dei quæ una creditur, et quæ una ab Adalberone supradicta est, sive Ecclesia, tripartita est, ac in tria hominum genera divisa. *Alii* enim ex Christianis *orant*, *alii pugnant*, *laborant alii*: *orant* clerici, *pugnant* milites, *laborant* reliqui, nimirum plebs seu *vulgus*. Hic status triplex est, quem Adalbero dixit hoc versu:

Res fidei simplex; status est sed in ordine simplex. Hic triplex status et triplex ordo et professio hominum, infra *connexio triplex*, ac nihilominus *simplex* nuncupatur ab Adalberone:

Est igitur simplex talis connexio triplex.

Propterea quod hi tres ordines, sive hæc tria hominum genera unius corporis, videlicet Ecclesiæ catholicæ, membra sunt atque artus, alteri alterorum indigentes, cohærentes alteri alteris, nec divisionis aut dissidii capaces atque patientes.

(100) *Jam caput ecce tuum candens imitatur olo-* [rem,

Hæc natura senectutis dixisse probatur.

Dixerat Adalbero *jam leges tabescere* et *pacem defluere*; *mutari hominum mores*, *mutari et ordinem*. Itaque Robertus, Francorum rex episcopus, qui de conditione temporum suorum questus erat, ita irridet ut delirare eum dicat, et vitio senectutis talia effutivisse. *Caput* Adalberonis omni ex parte canum (quod *canens* potius quam *can-*

dens vocari oportuit, *imitari olorem*, vel *cyoni* simile esse ait rex, sicuti hodieque qui toto capite et barba canem senem *instar cyoni canum* esse vulgo dicimus: *Il est blanc comme un cygne*. Posteriorem versus mutavit Adalbero ad eum modum, sed minus feliciter.

Talia te natura senis dixisse probatur,

(101) *Credere non sanum talis natura coegit;*

Hoc est, senectus quæ natura delira est, credere me cogit te non sanæ esse mentis. Superscriptum erat in codice:

Te quoque non sanum talis natura coegit.

ut sit sensus: *Natura senectutis coegit te esse non sanum*, coegit te insanire et has mihi nugas loqui.

(102) *Altera me simulat: senio non defecit illa.*

Atia me natura, quæ sanectute non defecit, stimulavit et compulit [me] ad ea tibi dicenda: nimirum anima rationis compos et æterna, in quam senectus non cadit. Sic Adalbero loquitur regi, ut delirare se neget.

(103) *R. Quot homini dantur naturæ. Dic. P. Puto* [binæ.

Scilicet animus vel anima, et corpus.

(104) *Ex his quæ loquitur, cujus sint verba reponere.*

Harum duarum hominis naturarum ultra loquatur, utrius verba sint, utri vox et sermo conveniat, interroganti mihi responde:

(105) *Grammaticus simplex, nedum dialecticus* [illex

Valde recordaris studiorum pauca priorum.

Tu, Adalbero, qui *grammaticus* tantum es, nec *dialecticæ* leges nosti, ex his quæ olim in *scholis* didicisti, valde pauca recordaris. Posterior versus ab Adalberone emendatus est ita:

Nunc scio quod recolas studiorum pauca priorum.

Grammaticus simplex, un simple grammairien, hodieque vulgo dicitur solius *grammaticæ peritus*, nihil præter *grammaticam scientiam*. *Illex dialecticus*, hic idem quod *alex*, *ἄλοξ*, qui *leges regulasve dialecticæ* non novit.

(106) *Qui parvum meminit, non obliviscitur omnis.*

Verba sunt Adalberonis, asserentis se non omnium studiorum oblitum esse, qui teste ipsomet rege aliqua adhuc, etiamsi paucula meminisset. *Parvi* tum dicebantur qui olim *pauci*. Hinc in præfatione legis *Salicæ* Gens Francorum *parva numero* fuisse dicitur; nec aliter a Virgilio appellatur *exigui numero*, qui numero pauci erant. *Exiguum* enim et *parvum* ejusdem esse significationis nemo nescit. Ita et Græci recentiores *παρῶς* pro *ἄλιγοις* dixere. Pyrrhus quippe qui nostris Antiochiam tradidit, cum paucos se Francos ad rem exsequendam habere quereretur, dixit: *Μαρῶς φραγκῶς εἶχονεν*. Apud Gregorium, in libri viii cap. 30: « Satius est enim ut *parvi* contumaces pereant, quam ira Dei super omnem regionem dependeat innoxiam. » Et in lib. iv cap. 39: *Μαγνὶ* tibi tunc viri ex Arvernens: id est, *pauci* contumaces, multi viri; quemadmodum in edita Gregorii

Historia legitur. Julianus Toletanorum archiepiscopus Argabadum Narbonensis Ecclesiæ antistitem inducit Wambæ, regi Gothorum, ita loquentem : *Parvissimi* quidem evasimus gladium ; sed *parvis* veniam deprecamur.

(107) *Ejus qui stimulat, senio nescis reminisci.*

Senio nescis, episcopo, reminisci ejus qui te stimulat, seu præ senectute verba mea, quibus tanquam bos stimulo punctus es, reminisci non potes, cum te non sanum, te simplicem grammaticum ac dialecticum illegem vocaverim et de prioribus studiis paucissima recordari dixerim.

(108) *Spiritus hic resonat ; non me dementia torquet.*

In corpore isto meo est et mecum habitat anima rationis compos, cujus beneficio et opera tibi, rex, loquor. Anima, inquam, quæ vel ipso nomine naturam suam indicat atque testatur. Anima enim spiritum ventumque significat. Neque vero senectus delirum me, aut parum sanæ mentis, *dementemve* reddidit, uti supra dixisti.

(109) *Si natura senum cogit, non culpor acute.*

Si quemadmodum dixisti, rex, ea, est natura senectutis extremæ ut insanire aut saltem delirare nos cogat, male et sine causa objicis mihi vitium quod sit non personæ, sed ætatis ; et quod senex ego, tametsi valde velim et cupiam, vitare non possim.

(110) *Naturæ finem non ponunt arte periti Artificem quidam dicunt ignem sapientes.*

Naturam quidam *artis periti* vel *sapientes*, hoc est philosophi, vel sophi, definiunt *ignem artificem*, alii *Dei voluntatem*. Quæ sequuntur divisiones philosophicæ de naturis ; quæ item de argumentatione omni aut necessaria aut probabili, et quæ de vero aliisque, opera nostra et expositione non indigent.

(111) *Territa, naturam vitans, effatur asella.*

Asina, angeli gladium strictum intentantis conspectu territa, inaudito prodigio Balaam domino locuta est.

(112) *Fabula non similat verum, nec dicitur esse.*

Fabula veri non est similis, nec verum vocatur aut habetur. Sic apud Ardonem in Vita Benedicti Anianæ abbatis ; sæpe simile equus equum solet. Apud Paulum : *Equæ quas similitatis.*

Ex simile fecimus sembler et ressembler.

(113) *Nœnia nulla meum, nec fabula, mulcet* [amorem.

Nœnias sive ineptias, et fabulas odi.

(114) *Jure salutifero sapientes et moderati Præmia vel pœnas quærant ; ratione potentes Accipiant, æqui vel quid patientur iniqui.*

Mutavit hos duos versus ex parte aliqua Adalbero eum in modum :

Legibus edocti, sapientes et moderati Præmia vel pœnas quærant ; ratione fideli, etc.

(115) *Et mala defendant, veniunt extrinsecus illa.*

A Et mala prohibeant et vetent, sic supra versu 179 :

quod scio defendunt : quod nescio, cedunt.

Mutavit et hunc versum Adalbero eo modo :

Quæ mala dissolvant, quæ sunt extrinsecus acta.

(116) *Oratoris inest tibi, rex, concessa facultas.*

Nunc demonstras ; tum deliberat ordo potentum

Discutiens affirmative cum religiosis

Judiciis, a quo possint res inficiari.

Tria causarum genera designat Adalbero, *demonstrativum*, quo laus et vituperatio continetur ; *deliberativum*, et *judiciale* ; atque Robertum Francorum regem, qui artem oratoriam norit, in conventibus gentis *demonstrare*, quæ probet et facienda *judicet* : tum de his proceres *deliberare*.

B *Ordo potentum*, sunt episcopi, abbates, et principes, optimatesve sæculares, nimirum duces, marchiones, comites. Post ultimum versum tres versus erasi in codice desiderantur.

(117) *Antea res quales nobis, translatio finis,*

Et conjecturæ quo discernantur oportet.

Antea aportet, ut discernantur a nobis rerum qualitas, translatio, finis et conjecturæ.

(118) *Quatuor has non invenies, quas hicce requiris.*

Qualitatem, translationem, finem et conjecturas.

(119) *Rite pedes posui ; surget dum figitur aller.*

Surgit alter pedum, dum alter figitur.

(120) *Pandere non, moriens, nos hæc natura* [coegit.

C Non hæc nos capularis senectus, [et] natura delira exponere coegit. Hic versus Adalberonis respondet huic regis de Adalberone versui :

Hæc natura senectutis dixisse probatur.

(121) *Digne tristaris, qui rex servire juberis.*

Hic Adalberonis versus refertur ad superiorem alterum ejusdem :

Rex et pontifices servis servire videntur.

(122) *Regnum Francorum, reges, sub tempore pa-* [trum

Subjugat, et semper sublimi pollet honore.

Clodoveus, rex Francorum, regnum Alamannorum in parte Germaniæ, regnumque Visigothorum in Aquitania evertit, ac suæ ditioni subjecti ; ejus filii præ cæteris regna Burgundionum et Turingorum, interfectis regibus, occuparunt. Carolus magnus regnum Longobardorum in Italia, captio Desiderio rege, obtinuit, et regnum Hunnorum Avaram in Pannonia, Saxones gentem Germaniæ validissimam et maximam, Bajoarios rebelles, et Sclavinorum seu Venedorum nationes aliquot subegit.

(123) *Regum scepra, patrum nullius scepra coercens.*

Reges Francorum nulli unquam scepro, nulli alteri regi aut imperatori subjecti sunt : quod verum et memoria dignissimum est, et observandum. Eam in rem notanda sunt apud Flodoardum, in lib. iv, cap. 5, Fulconis Remensis archiepiscopi ad Arnulfum, regem Transrhenanum verba, quæ talia sunt : « De eo quoque quod sine ipsius Arnulfi con-

silio præsumperint agere (*Carolus regem facere*) A morem Francorum gentis asserit secutos se fuisse, quorum mos semper fuerit ut, rege decedente, alium de regis stirpe vel successione, sine respectu vel interrogatione cujusquam majoris aut potentioris regis eligerent. »

(124) *Quique regit, gaudens virtutibus imperat* [æque.

Et qui regnum illud Francorum regit, multis magnisque virtutibus præditus est, ac bene justeque imperat. Hæc de Roberlo ipso rege Francorum ab Adalberone dicuntur.

(125) *Novimus imperium jam regibus esse fugatum.*

Scimus imperatores a regibus Francorum in fugam coniectos et finibus suis expulsos esse. Nimirum anno 978 Lotharius, Francorum rex, Metis receptis, cum magno exercitu de improvise super-veniens, imperatorem Ottonem Junioem ex palatio Aquisgrani una cum conjugè profugere coegit. Quem eodem anno cum sexaginta millibus militum Franciam ingressum, et Remorum, Laudunensium ac Suessionum agris vastatis, Lutetiæ suburbanum incendere ausum, rex, Hugone comite Parisiorum et Henrico duce Burgundionum, maximisque copiis fretus, fugere compulit, nec usque ad Axonam modo Suessionicum, ubi plurimi vi fluminis oppressi perierunt, sed etiam usque ad Mosam finesque regni Francici triduo et trinotio imperatorem est insecutus, ut Hermannus, Sigebertus, Guillelmus Nangiacensis cæterique chronographi tradunt. Sed et anno 1006 Rotbertus ipse, Francorum rex, Richardo II Normannorum duce comitatus, Henrico imperatorem ab obsidione Valentianorum excussit, quod castrum, in confinio Francorum et Lotharensium situm, Balduinus Flandrensium comes invaserat.

(126) *Gratia nunc summo, per quem regnare peropto.*

Non meritis concedo meis, etc.

Gratias ago Deo, qui me regem fecit, per quem vivo, per quem regno. Neque enim meritis meis, quæ nulla sunt aut exigua, tantum tribuo, ut regnum eis debere me putem. Hæc verba sunt piissimi regis ac demississime de se sentientis Roberti, qui ab Helgaldò propterea *rex humilis*, interdum et *humillimus* appellatur. Unde Adalberonem de forma et virtute sua plura dicere prohibet supra :

De forma satis est et de virtute locutum.

Quod loquendi genus Gallo-Francis nostris hodieque in usu est. *C'est assez parlé de cela.* Item ait: *Scire meum nihil est : semper sed numinis almi.*

(127) *Ut nobis liceat leges servare paternas.*

Flexis genibus supplex Deum semper oro, *leges ut patrias servare possim*, et ab omnibus meæ ditioni subditis servandas curem, nec ab eis unquam recedam, recedique patiar, inquit rex. Apud Gregorium, lib. ix, cap. 30 : « Chariberto regi populus Turonicus sacramentum dedit, similiter et ille cum juramento promisit ut leges consuetu-

dinesque novas populo non infligeret, neque ullam novam ordinationem quæ pertineret ad spoli-um. » Et Leodegarius Augustodunensis episcopus *Childericum* monarcham Francorum arguit, quod *leges et consuetudines patrias, quas conservare præceperat, tam subito immutasset.* Carolus quoque Calvus anno 869, Metis coronandus in ecclesia Sancti Stephani, cunctis Lothariensibus qui aderant denunciavit se unicuique suorum fidelium in suo ordine, secundum sibi competentes leges, tam ecclesiasticas quam mundanas, legem et justitiam conservaturum, Ludovici ejus filii anno 877 in palatio Compendio coronandi, promissio ad episcopos talis est : « Promitto et perdono vobis quia unicuique de vobis, et Ecclesiis vobis commissis canonicum privilegium, et debitam legem atque justitiam conservabo et defensionem, quantum potuero, adjuvante Domino, exhibebo. » Eadem in tribus codicibus veteribus regum nostrorum responsionem ad episcopos reperi. Eadem eisdemque verbis concepta est *Philippi* septennis, mox futuri regis Francorum, anno 1059, in majore Ecclesia Remorum professio ; qui et addit populo sibi credito se dispensationem legum in suo jure consistentem sua auctoritate concessurum, hoc est, ut Boso rex designatus ait, *omnibus legem justitiam et rectum mundiburdium servaturum et impensurum.*

(128) *Lex divina vetat, quæ corrigit inter utrasque*

Alias legitur superscriptum : *Lex est una velans ; minus bene.*

(129) *Utile quæque necessarium conferre videtur :*

Quæ utile atque necessarium videtur conferre.

(130) *Ad res pertineat plures quæ semper honeste, Fortior et quæcuunque gravissima sit, teneamus :*

Eam legem quæ ad plura pertineat, et fortior ac gravior sit, honeste semper teneamus.

(131) *Undique pax bona post certamina postque* [labores :

Et status Ecclesie per se sua jura tenebit.

Optat Adalbero pacem regno Francorum post bella civilia et prælia, ut Ecclesia ibi floreat, et sua sibi jura servare possit.

D (132) *Descriptas, et non alias respública leges Possideat...*

Habeant suas sibi leges descriptas Franci, easque, et nullas alias servent. *Descriptæ* vel *scriptæ leges* sunt Lex Romana (ita Codex Theodosianus vocabitur), Lex Salica cum Capitulis Caroli Magni, ejusque filii et nepotis Caroli, ac Lex Burgundionum in regno occidentalium Francorum, quod tum Aquitaniam et ex parte Burgundiam continebat. Ecclesia præ cæteris Lege Romana, seu Codice Theodosiano, regebatur ; Galli quoque, Franci laici Lege Salica et Capitulis ei additis ab imperatoribus nostris utebantur ; Burgundiones suis seu Gundobadi legibus. Leges autem aliæ, seu non scriptæ, vocantur ab Adalberone *consuetudines*,

quas tum variis in Franciæ partibus, variis sub comitibus et ducibus, diversas invaluisse, et postea conscriptas litteris ac pro legibus habitas esse constat. Hoc jus *consuetudinarium* nunc appellatur, et juri *scripto* hodieque opponitur, id est juri Romano, non quod scriptum non sit, sed quod recentissime et multis sæculis post leges Romanas, et post Francicas etiam Burgundicasque descriptum fuerit.

(133)sua regna Basilii et Benedictus
Observent : teneant, quidquid sua regna jubebant.

Suas regulas servent Basilii et Benedicti monachi, suas etiam possessiones teneant, et obtineant quidquid ipsorum regulæ jubent, quidquid permittunt. Regulas monachorum Basilianorum et Benedictinorum, *επιμοναί*; regna vocat Adalbero; ut supra dominum Odilonem Cluniacensem abbatem monachus quidam *regem suum* appellat, suum esse regem profitetur :

Nam dominus meus est rex Oydelo Cluniacensis. Jam dudum autem Basilii Cæsareæ Cappadociæ episcopi regula, inducta in Gallias, a nonnullis monachis observabatur. Aredius abbas Atanensis in Lemovicibus, qui anno 591 extremum spiritum fudit, *cænobium fundavit, in quo non modo Cassiani, verum etiam Basilii et reliquorum abbatum qui monasterialem vitam instituerunt, celebrantur regulæ*, ut Gregorius Turonicus episcopus in libri Hist. x capite 29 tradit. In Vitis sanctorum Eugenii Jurensis et Philiberti Gemeticensis abbatum, fit sancti Basilii regulæ mentio. E quibus Philibertus *Basilii sancti charismata, Macarii regulam, Benedicti decreta, Columbani instituta sanctissima lectione frequentabat assidua.* Benedictum abbatem Anianæ, qui Carolo et Ludovico Imperatoribus floruit, *ad beati Basilii dicta, necnon ad sancti Pachomii regulam scandere nisum esse*, Ardo Anianensis monachus ipsius discipulus scripsit. Regulam Basilii esse statuta ejus, quæ Rufinus transtulit, et quæ in vetustissimo codice Parisiaco monasterii Sancti Germani reperiuntur, *in ducentas tres interrogationes et responsiones divisa*, affirmat Hugo monachus. Cæterum hæc dicit Adalbero, ut doceat quod supra jam satis ostendit, Basilii et Benedicti præsertim monachos tum in Gallia a suis legibus sæpe recessisse.

(134) *Pontifices unquam celebrent non rura deinceps,*

Sic sua jura tenent, si non ruralia curent.

Episcopi nunquam deinceps ruri plerumque habitent, neu sæpe rure desideant, vel in agro et amœnis villis crebro otientur tempusque terant, quod in suæ quisque civitatis seu in populi sibi commissi curam debent impendere. In sua quisque sedes antisites sedeant, sua demum jura in violata conservaturi, et veneratione omnibus futuri, si rus negligant, nec voluptatibus suis vacent, aut pro urbibus secessus celebrent, seu prædiorum suorum et suburbanorum redituum ipsi per se curam agant.

135) *Justitiæ regimen noster non audeat ordo*

A Linqere, sed totis semper se nisibus aptet :

Episcopalis ordo, seu episcopus quisque æque bonique servantissimus sit, nec a jure unquam recedere audeat : sed semper totis viribus justitiæ sese accomodet. *Justitiæ regimen* dicitur Adalberoni justitiæ vel juris regula. Tunc autem episcopi forum suum habebant, ut et olim habuerant : quod infra apertius docetur.

(136) *Constituatur justos et non pro lege capaces Rectores inopum, miserum necnon viduarum.*

Noster ordo, seu episcopalis, *rectores inopum et viduarum* ac pupillorum *justos constituatur et capaces*, quales minime fieri consueverunt. *Non pro lege*, id est non pro more. Forsitan tamen legendum, *et non pro lege rapaces*, ut sit sensus : *Constituatur justos rectores viduarum, et non rapaces pro lege*, hoc est non avaros ex more. *Rectores* autem illi *inopum et miserarum viduarum* ac pupillorum, sunt haud dubie diaconi, pecuniæ sacræ egentibus dispertiendæ custodes ac dispensatores.

(137) *Nullus ad ecclesiam noctis nisi tempore pergat Ire semel : liceat cunctis orare diebus.*

Nullus tempore noctis nisi semel ad ecclesiam ire pergat. Hæc de clericis accipienda sunt, quos singulis noctibus non plus semel ecclesiam adire seu Matutinis Laudes continuo nec interrupto cantu conjungere vult Adalbero : quibus Matutinis laicos semel quaque hebdomade, nimirum nocte Dominica, interesse consuevisse docet nos præ cæteris, in Vita beati Leodegarii, Ebroini majoris domus regis cædes. Vel certe vult aut cupit Adalbero vigilias missasque nocturnas, quæ non solum Natali Domini, in Pascha et in Pentecoste, sed etiam in nonnullorum martyrum et confessorum quoque honorem varie a variis observabantur celebrabanturque, omnes præter unam aboleri quod in ecclesiis multa tum a laicis obscena, faventibus tenebris, fierent. Qua de re etiam veteres questi sunt Patres. Hinc natum proverbium illud ut dicantur vulgo juvenes, qui pervigiliis et nocturnis missis intersunt *Deum querere palpando et contrectando.* Noctem autem Natalis Domini potius quam noctem Paschæ aut Pentecostes ab Adalberone excipi puto, quod ea hodieque, in toto orbe Christiano, cæteris fere omnibus vigiliis abolitis, pervigilio missaque celebratur.

(138) . . . *liceat cunctis orare diebus :*

Totis diebus laicis pateant ecclesiæ : totos dies Deum eis ibi orare liceat palam sine ulla suspitione dedecoris.

(139) *Judicet, et spectet præsentis atque futuros.*

Noster ordo, seu episcopi ita judicent ut in judiciis suis non presentium modo, sed etiam posterorum et suæ quisque famæ ac Domini eorum mandatorum habeant rationem. Nimirum episcopi, præsertim postquam Constantinus Maximus factus est Christianus, suum sibi et peculiare forum habuerat, et de

omnibus clericis et monachis Ecclesiæ suæ subiectis, ac de ecclesiasticis rebus quique semper iudicavere. Apud Gregorium in libri Historiæ Francicæ v capite 5, Petrus diaconus, ipsius frater, « facta placito præsentia sancti Nicetii episcopi, avunculi matris suæ, Lugdunum dirigit, et ibi, Syagrio episcopo coram astante et aliis sacerdotibus, multis cum sæcularium principibus, se sacramento exiit nunquam se in mortem Sylvestri mistum fuisse. » Et in capite 39 libri viii, Baudegisilus Cenomanorum episcopus quotidie cum iudicibus causas discussisse dicitur. In capite 6, libri ix, de Ragnemodo pontifice Parisiaco, impostorem quemdam puniente, hæc refert : « Ablata ei cruce, iussit eum a termino Parisiæ urbis excludi. Sed hic iterum facta altera cruce cœpit quæ gesserat exercere : captusque ab archidiacono, et catenis vincitus, iussus est custodiri. » In libri v capite 48, invenio Leudastem Turonicum comitem (quod et cæteros comites fecisse dubium non est), *in iudicio cum senioribus, vel laicis vel clericis resedisse*, id est clericis et laicis. Gregorii de Nicetio Lugdunensi episcopo, majore avunculo suo, in libro de Vita ejus verba sunt hæc : « Quodam tempore misit Basilium presbyterum ad Armentarium comitem, qui Lugdunensem urbem his diebus potestate iudiciaria gubernabat, dixitque ad eum : « Pontifex noster causæ huic, quæ denuo impetitur, dato iudicio terminum fecit ; ideoque commonet ne eam iterare præsumas. Qui furens respondit presbytero : Vade, et dic ei quia multæ sunt causæ in conspectu meo positæ, quæ alterius iudicio fipiendæ erunt. » Ubi vides inter episcopum et comitem Lugdunensem de jurisdictionis contentionem fuisse.

(140) *Pro meritis omnes assumant emolumentum
(Excipiar solus vestra cum pace) fideles.*

Omnes qui tibi fideles sunt, pro suis quisque meritis a te, rex, beneficia accipiant, me uno cum tua pace excepto. Jocatur Adalbero, et Robertum arguit his verbis velut in omnes, præterquam in se, beneficium, cui, inquam, tot et tantæ deberet. Nam Adalbero Laudunum Carolumque Hugoni Rothertoque, regnum una ambobus contulisse videbatur. Quod Rotbertus agnoscens, mox gratia eum sua gaudere jubet, ac regiis muneribus ita essa dignissimum :

*Gratia confirmet te, præsul, Adalbero, Christi :
Nostra simul : merito regali munere dignus.*

(141) *Septenas liceat laudes proferre per horas :*

*Septenæ laudes per horas statutas proferendæ
Deoque referendæ a clericis in Ecclesia, sunt Matu-*

rina, vel Matutinæ, Prima aut diluculum, Tertiæ, Sexta, Nona, Vesperæ seu lucernarium, initium noctis vel Completorium.

(142). . . *Hostia cum votis.*

Cum precibus cor immoletur Deo et velut victima offeratur. *Sacrificium enim Deo spiritus contribulatus et cor contritum (Psal. 1).* Vel certe vult Adalbero laicos munera sua ad altare pro victimis offerenda et eleemosynas precibus suis adjuungere : *Propterea quod bona est oratio cum jejuniis et eleemosyna.*

(143). . . *Hæc sit permissio patris,*

Cum Ligeris Calabros tentabit lingere campos :

Fient hæc quæ fieri cupit jubetve pater seu episcopus Adalbero, inquit rex, cum Liger (*Ligeris* Adalberoni mendose dictus) relicta Aquitania per Calabriam fluere conabitur, et Tigris torrens, atque a celeritate sagittæ nomen habens, pro Mesopotamia perfundet Hispaniam, cum Ætna mons mirus incendiis rosas et lilia stagnum feret ; id est : hæc non magis, non citius et facilius quam illa ab Adalberone optata, contingent aut fient. Quare rex subjicit :

Talia si veniant : tunc hæc ventura timeto.

Ex his intelligitur, tum in regno Francorum, nec ecclesiæ suæ jura ex toto servata, nec monachos legum S. Benedicti usquequaque servantes fuisse ; et consuetudines malas ac scriptis legibus contrarias invaluisse in Francia, quas abolere oporteret ; episcopos quoque Francorum crebrius et diutius curæ quam in sua quemque civitate habitavisse, vel otiantes molliter, vel more villicorum sordide rusticantes, et agrorum suorum magis quam populi sibi commissi curam gerentes : eosdem sæpe in iudiciis a jure æquoque recessisse, et iniquis ac rapacibus diaconis curam inopum viduarumque delegavisse, ac demum septem horas canonicas tum ubique et ab omnibus clericis in occidentali Francia exacte non esse servatas ad laudandum Deum, et ad psalmos hymnosque concinendos. Cæterum *permissionem patris* vocat Rotbertus Adalberonis vota, quia his Adalbero hæc permitti auctis, hæc licere cupiverat : *Liceat cunctis orare diebus.* Item :

Septenas liceat laudes proferre per horas.

(144) *Non quia deliras, sed nobis allegorizas.*

Sensus est verborum : « Præsul Adalbero, gratia Christi et simul nostram te confirmet. Regali munere dignus es, quia non deliras, sed allegorizas nobis, » seu per allegorias facienda nos docere, fugienda nos mones. Ita se rex exposat, qui antea Adalberonem *non sanum* vocaverat.

GUILLELMUS V

DUX AQUITANIE.

NOTITIA HISTORICA IN GUILLELMUM V.

(Histoire littéraire de la France, VII, 284.)

Guillaume eut pour père Guillaume IV, surnommé *Fier-à-bras*, comte de Poitiers et duc d'Aquitaine, à qui il succéda dès 990. Emme, sa mère, était fille de Thibault, et sœur d'Odon, l'un et l'autre successivement comtes de Champagne (*Mal-leac. Chr.* p. 203, 204 ; *ADEM. Chr.*, p. 16, 173 ; *MAB. An.* l. I, n. 37). Etant né avec toutes les heureuses dispositions du cœur, de l'esprit et du corps, il sut y réunir un savoir peu commun en son temps, une piété singulière, et toutes les autres excellentes qualités qui font les grands princes (*ADEM., ib.*, p. 172, 173, 177 et seq.). Aussi a-t-il mérité de porter le surnom de Grand, comme un titre de distinction. Ce n'est pas un petit sujet d'éloge pour les écoles du x^e siècle d'avoir formé un élève aussi accompli.

Ayant été instruit des lettres avec succès dès son enfance, il y prit tant de goût, qu'il en fit dans la suite une de ses occupations plus ordinaires (*ibid.*, p. 177). Il se rendit par là habile à manier la plume comme l'épée, et fit ainsi revivre en sa personne la conduite des anciens empereurs, qui savaient unir les travaux tumultueux de Mars avec les doux exercices de Minerve. Son goût pour les livres était si connu de ses amis, même les plus éloignés, qu'ils ne croyaient pas lui pouvoir faire de plus agréable présent. C'est dans cette vue que Canut, roi de Danemark et d'Angleterre, lui envoya un ancien manuscrit en lettres d'or, enrichi d'images qui représentaient séparément grand nombre de saints (*Conc.* t. IX, p. 882). L'amour qu'avait Guillaume pour les lettres s'étendait sur ceux qui les cultivaient (*ADEM., ib.*, p. 173). Il suffisait d'être savant pour être assuré d'avoir part à ses bonnes grâces et à ses bienfaits. Ce fut par ce motif qu'il fit venir de Chartres à Poitiers le docte Fulbert, qu'il combla d'honneurs, et à qui il donna la trésorerie de Saint-Hilaire. Par le même motif il conféra l'abbaye de Saint-Maixent à Rainald, surnommé *Platon*, qui passait pour un des savants personnages de son temps.

La piété du comte Guillaume était encore au-dessus de son savoir. Elle le rendait le défenseur des pauvres, le père des moines, le protecteur des églises, l'ami chéri des évêques, dont il avait presque toujours quelques-uns près de sa per-

sonne (p. 172-173). Il y voyait aussi avec plaisir les abbés et les moines réguliers, et se servait volontiers de leurs conseils dans le gouvernement de ses États. Notre dessein ne nous permet pas d'entrer dans le détail de tout ce qu'il fit en leur faveur. Nous dirons seulement qu'en 1010 il fonda de nouveau l'abbaye de Maillezais, qui a été depuis érigée en évêché, transféré ensuite à La Rochelle. Il fonda aussi l'abbaye de Bourgueil dans une terre de son propre, et réforma divers autres monastères, nommément ceux de Charroux et de Saint-Jean-d'Angély. Les abbayes de Cluni, de Saint-Martial de Limoges, de Saint-Michelen l'Erme, et tant d'autres, se ressentirent aussi des libéralités de ce religieux et magnifique prince. Sa piété se proposa des objets encore plus étendus. Voyant avec peine la dépravation des mœurs, l'avidité qu'on avait à piller les biens ecclésiastiques et ceux des pauvres, le mépris qu'on faisait des clercs ; craignant d'ailleurs les fâcheuses suites de la doctrine des nouveaux manichéens, qui commençaient à troubler l'Aquitaine, Guillaume convoqua divers conciles, tant à Charroux qu'à Poitiers, afin d'apporter quelque remède à tant de maux (*ADEMAR., ibid.* ; *Conc. ibid.*, p. 733, 780-782).

Dès sa jeunesse il prit la coutume d'aller à Rome tous les ans visiter le tombeau des apôtres ; et s'il manquait une année à faire ce pèlerinage, il y suppléait par celui de Saint-Jacques en Galice (*ADEM., ib.*). Un malheur arrivé à la ville de Poitiers fut à notre généreux comte une occasion de signaler sa magnificence et sa piété tout ensemble (*ibid.*, p. 180). Cette ville ayant été réduite en cendres par un incendie inopiné, Guillaume entreprit d'en rétablir la cathédrale et les autres églises avec son palais, et rendit ces édifices beaucoup plus beaux qu'ils n'étaient auparavant. Il fournit avec la même générosité, au moins pendant trois ans, aux frais presque immenses pour la réédification de la cathédrale de Chartres, à laquelle travaillait l'évêque Fulbert, son ami (*FULB. epp.* 16, 80, 104).

Tant de dépenses n'empêchaient pas qu'il ne soutint sa dignité avec une pompe et une magnificence royales (*ADEM., ib.*, p. 172). Soit qu'il voyageât ou qu'il fût sa cour, il paraissait un roi plutôt qu'un duc. Mais tout cet éclat de grandeur était exempt de

faute et d'orgueil. Quelque élevé en gloire que parût notre comte, il n'en était ni moins affable ni moins officieux envers tout le monde. Un prince est toujours puissant lorsqu'il possède le cœur de ses sujets. Ce fut peut-être encore plus par cette voie que par toute autre que Guillaume devint absolu dans toute l'Aquitaine. L'empereur S. Henri, Robert, roi de France, Alphonse de Castille, Sanche de Navarre, Canut de Danemark et d'Angleterre, tous se faisaient un mérite d'être liés d'amitié avec un prince aussi accompli. Les papes et tout le peuple romain n'en faisaient pas moins de cas; et lorsqu'il allait à Rome, ils l'y recevaient avec les mêmes honneurs que s'il avait été leur souverain (ADEM. *Ch.*, p. 173).

Il ne tint pas aux seigneurs de Lombardie qu'il ne le devint effectivement (*ibid.*, p. 182; FULB. *ep.* 149, 123-126). A la mort de l'empereur S. Henri, ils jetèrent les yeux sur notre comte pour le remplacer. Après en avoir délibéré entre eux, ils envoyèrent des députés à Poitiers lui offrir la couronne d'Italie, qui aurait été suivie du sceptre de l'empire. Un prince plus ambitieux et moins prudent aurait accepté avec une sorte d'avidité des offres aussi flatteuses. Mais Guillaume, qui ne faisait rien qu'avec poids et mesure, voulut au préalable connaître par lui-même si un projet de cette nature avait autant de solidité et d'avantages qu'il avait de brillant. Il fit un voyage en Italie, et, après avoir eu plusieurs conférences avec les seigneurs du pays, il comprit qu'il n'y avait aucune sûreté à se fier à des gens de leur caractère. Il méprisa donc leurs offres et fit avorter leur dessein. Il le condamna même avec exécration, lorsqu'il sut qu'on exigeait, entre autres conditions, qu'il déposerait les évêques et leur en substituerait d'autres (FULB. *ep.* 126). De sorte que cette occasion ne servit qu'à faire éclater davantage la religion et la sage politique de notre pieux et prudent comte. Les Italiens n'ayant pu obtenir le père pour leur roi, lui demandèrent son fils. Guillaume n'en parut pas éloigné, et fit même quelques démarches à cet effet. La chose ne réussit pas néanmoins, apparemment pour les mêmes raisons qui en avaient empêché le succès à l'égard du père (*ep.* 15, 118).

La piété qui animait toutes les autres actions de notre prince dirigeait aussi ses études. Elles n'étaient ni vaines, ni de pure curiosité. La science de la religion en faisait le principal objet. Il donna une application particulière à l'étude des saintes Ecritures, dont il acquit une assez grande intelligence (ADEM., *ib.*, p. 177). On voit effectivement qu'il les cite à propos dans ses lettres. Les liaisons qu'il avait avec les gens de lettres nous font encore connaître d'autres traits de son genre d'études. Voulant savoir quelle avait été la fin de Salomon, il engagea Hildegaire, agent de Fulbert à Poitiers, à demander au savant prélat ce qu'en avaient pensé les anciens (FULB. *ep.* 80). Fulbert le satisfît et lui expliqua encore à sa demande, dans une autre lettre, ce que

renferme le serment de fidélité, et les devoirs réciproques du vassal et du seigneur (*ep.* 101).

Ce grand prince mourut à Maillezaïs, revêtu de l'habit monastique, le dernier jour de janvier 1030, après avoir gouverné ses Etats avec une sagesse admirable, *strenuissime*, l'espace de trente-neuf ans (Malleac. *Chr.* p. 207; ADEM., *ib.*, p. 150). Il en avait alors soixante-onze. Guillaume avait contracté successivement trois mariages légitimes (ADEM., *ib.*, p. 170-172; Malleac., *ib.*, p. 206): le premier avec Adalmode, veuve d'Aldebert, comte de Périgueux, de laquelle il eut un fils nommé Guillaume; le second avec Brisque, sœur de Sanche, duc de Gascogne, laquelle le rendit père de deux autres fils, Odon et Thibault, qui mourut enfant. Enfin après la mort de Brisque, notre prince épousa Agnès, qui lui donna encore deux fils, Pierre Aigret, ou le *Très-Vif*, et Geoffroi, surnommé Gui, avec une fille de même nom que la mère. Les quatre frères, qui survécurent au père, succédèrent les uns après les autres à ses Etats, ce qui est rare. Les deux derniers laissèrent leurs noms, et prirent celui de Guillaume, leur père. Agnès, leur sœur, épousa l'empereur Henri le Noir, et fit par son savoir, sa piété et son habileté dans l'art de régner, l'ornement de son sexe. Agnès, sa mère, veuve de Guillaume, contracta de secondes noces avec Geoffroi Martel, comte d'Anjou (LAB. *Bib. nov.* t. IV, p. 350).

Adémar (*Chron.* p. 177) nous apprend que le comte Guillaume, à l'imitation de quelques empereurs romains, savait manier la plume comme l'épée; mais il ne nous instruit point s'il laissa d'autres écrits que de simples lettres. De toutes celles qu'il eut l'occasion d'écrire, et qui formeraient un recueil considérable et précieux pour l'histoire, il n'en reste plus que six. On les a imprimées sans ordre entre celles de Fulbert de Chartres, et elles font partie de celles que du Chesne a choisies pour les joindre à ses autres monuments relatifs à l'histoire de France (DU CHES. t. IV, p. 191-194). On les trouve aussi entre les preuves de l'Histoire des comtes de Poitiers par Besly. Elles sont beaucoup plus correctes dans ces deux derniers recueils que dans le premier. M. du Boulay, qui met notre prince au rang de ses illustres académiciens, et qui en prend occasion de parler de ses lettres, dit qu'on y trouve quelque élégance, *satis elegantes* (EGAS. *BUL.* t. I, p. 597).

Il y en a trois fort intéressantes par rapport au dessein qu'avaient les Italiens de faire passer à Guillaume ou à son fils le royaume d'Italie avec le gouvernement de l'empire. Outre plusieurs circonstances qui concernent ce fameux événement, l'auteur y a laissé de grands traits de politique, non de cet art de jouer et de tromper les hommes, mais de cette prudence éclairée pour éviter d'en être trompé. Une de ces lettres est écrite à Maginfroi, marquis de Suze, et à la marquise Berthe, sa femme. Guillaume, en y louant la bonne foi de ce seigneur italien et celle de l'évêque Alric, son frère,

avoue qu'il a été bien éloigné de trouver les mêmes dispositions dans le corps de la nation, et que c'est une des raisons pour lesquelles il a rejeté ses offres.

Les deux autres lettres sont adressées à Léon, évêque de Verceil, ami particulier de notre comte, qui avait le plus travaillé à faire réussir le dessein projeté dont on vient de parler. On voit par la première que Guillaume n'était pas éloigné d'accepter l'offre des Italiens en faveur de son fils. L'autre, qui est la plus prolixe de toutes, comme la mieux écrite, regarde divers objets. Il y a du plaisant et du sérieux. L'auteur, après y avoir plaisanté d'une manière agréable et polie sur une mule de Poitou que lui avait demandé l'évêque de Verceil, entre ensuite dans le sérieux, et a réussi à nous tracer de grandes marques de sa piété, de sa religion, de son équité envers ses amis, de son estime et de son respect pour les évêques. C'est dans cette lettre qu'il nous apprend que s'il avait voulu consentir à déposer ceux d'Italie, le royaume était à lui. L'on comprend sans peine que ce n'est là que la moindre partie des lettres qu'il écrivit sur cette grande affaire.

Il ne nous en reste qu'une non plus de toutes celles qu'il eut l'occasion d'écrire à Fulbert, évêque de Chartres, qui lui écrivait assez souvent de son côté, comme il paraît par le recueil de ses lettres. Celle de notre prince, qui en fait la 128^e, est un témoignage non équivoque de son estime et de son attachement pour ce grand prélat. Guillaume y touche un mot du dessein qu'avait le roi

A Robert de faire couronner le prince son fils, apparemment Hugues, et dit librement ce qu'il en pensait.

Il en écrivit aussi plusieurs à Aribert, abbé de Saint-Savin en Poitou, afin d'obtenir de ses moines pour réformer l'abbaye de Charroux. Mais il n'en est venu qu'une seule jusqu'à nous, le malheur des temps nous ayant privés des autres. On voit dans celle qui nous reste des traits bien édifiants du zèle de son auteur pour le bon ordre, le cas qu'il faisait des moines réguliers et avec quel fruit il avait étudié l'écriture.

Entre les autres lettres du comte Guillaume qui sont perdues, on connaît nommément celle où il faisait au roi Robert la description de cette espèce de pluie de sang, dont il a été parlé, et des effets qui s'en étaient suivis, en le priant de consulter à ce sujet les philosophes de son royaume. On sait encore qu'il en avait écrit une autre à Azelin, évêque de Paris, dans laquelle il parlait du roi d'une manière qui déplut beaucoup à celui-ci lorsqu'il en eut communication.

Enfin la sixième lettre qui nous reste de notre prince est une réponse à une de celle d'Hildegare, agent de Fulbert à Poitiers et scholastique de Saint-Hilaire. Si on s'arrêtait à l'inscription qu'elle porte dans le recueil des lettres de Fulbert, on la prendrait pour être d'Hildegare plutôt que du comte Guillaume, tant sont grossières les fautes qui se sont glissées dans cette édition. On y lit C *Hildegarius* pour *Hildegario*.

GUILLELMI DUCIS EPISTOLÆ.

(Apud DUCHESNE, *Hist. Fran. Script.*, tom. IV, pag. 193.)

EPISTOLA PRIMA.

GUILLELMI AD MAGINFREDUM MARCHIONEM ET EJUS
UXOREM.

MAGINFREDO marchioni clarissimo et uxori suæ B. prudentissimæ, GUILLELMUS Dei gratia dux Aquitanorum in perpetuum vigere.

Quod ceptum est de filio meo non videtur mihi ratum fore, nec utile, nec honestum. Gens enim vestra infida est, insidiæ graves contra nos orientur. Si eas vel cavere vel superare non possumus, regnum nobis minime proderit, fama nostra periclitabitur. In nostris etiam partibus diversi diversa jam inceptant, novis rebus animati, quibus nos ad præsens intentos vident, et in futuro arctius occupari putant. Quæ fieri, nec posse reprimi, nobis alias intentis, vos ipsi turpe et inutile decernitis. Quocirca per fidem et amicitiam quæ inter nos est obsecramus, vos operam dare qualiter absque

D nostro et vestro dedecore ab incepto desistatur, caventes ne filius meus, vel quilibet alius, hoc resciscat, donec invicem secreto loquamur. Quod si Deo disponente non dimittitur quin fiat, curate ut consensu archiepiscopi Mediolanensis et episcopi Vercellensis, et aliorum quorum interest, effectum obtineat. Vale.

EPISTOLA II.

GUILLELMI AD LEONEM VERCELLENSEM EPISCOPUM.

GUILLELMUS Dei gratia dux Aquitanie, domno LEONI Vercellensium episcopo salutem.

Itali suaserunt mihi et filio meo nos intrromittere de regno Italie, facientes nobis sacramentum et ipsius regni et Romani imperii acquirendi, per rectam fidem, quantum potuerunt. Unde mando vobis, et precor vestram gratiam, ut adjuvetis nos de hac causa sicut melius scitis et potestis. Modo pareat, si verum est quod semper mihi dixistis, vos amicup

meum esse, et rerum mearum curam habiturum, si opus esset. Hoc scitote quia si nostris partibus faveritis, nunquam vidistis tam bonos dies quam illos quibus nos in illum honorem mittetis. Nam omnia nostra proculdubio vestra erunt. Reman- date mihi quam bene possum confidere in amore vestro et adjutorio. Valet.

EPISTOLA III

LEONIS VERCELLENSIS EPISCOPI AD GUILLELMUM DUCEM.

Domino GUILLELMO duci, frater Leo servitium.

Ne tristeris, amice charissime, si Longobardi te deceperunt. Ego certe optimum tibi dabo consilium, si mihi credere volueris. Esto vir fortis, et de præteritis ne cures, de futuris caveas, Per tuum fidelissimum hominem mihi manda quid velis facere, et ego optimum tibi dabo consilium. Mitte mihi mulam mirabilem, et frenum pretiosum, et tapetum mirabile, pro quo te rogavi ante sex annos. Amen dico tibi, non perdes mercedem tuam, et quidquid volueris dabo tibi, Vale.

EPISTOLA IV

GUILLELMI AD LEONEM EPISCOPUM VERCELLENSEM.

Domino LEONI Vercellensium episcopo GUILLELMUS Pictavensis, amicus ejus clarissimus, salutem et servitium.

Minime tristor, charissime, super Longobardo- rum deceptione. Non enim deceperunt me, qui nequaquam habuissem fidem promissis eorum. De præteritis eorum fallacis ego non curo, de futuris per Dei gratiam mihi cavebo. Non parum autem minor de te qui et multam præteritorum habes memoriam, et non minus futurorum jactaris habere providentiam, quod illius Cunonis parti- bus consensisti, qui nec in sua terra aliquid tibi unquam donavit, neque posse donare fertur, nec aliquid auferre in regno Italiæ. Sed quamvis in hac causa non bene tibi met consuluisse videaris, et mihi amicos meos probanti suffragium nullum præbueris, exspectabo tamen illud optimum con- silium quod mihi te daturum promittis, si tibi cre- dere voluero. Manda ergo mihi per litteras quo- modo vis ut tibi credam, et quæ beneficia mihi proveniunt per tuum consilium, ex dono illius Cu- nonis, si regnum Italiæ, quod mihi promittitur, et quod adipisci possem, Deo volente, si multum cu- rarem, quærere desidero. Mulam quam rogasti non possum ad præsens tibi mittere, quia non habeo talem qualem ad opus tuum vellem, nec reperitur in nostris partibus mula cornuta, vel quæ tres caudas habeat, vel quinque pedes, vel alia hujus- modi, ut congrue possis dicere eam mirabilem. Mittam vero tibi, quam citius potero, unam opti- mam ex melioribus quas reperire possim in no- stra patria, cum freno pretioso. Cæterum tapetum tibi possem mittere, nisi fuissem oblitus quantæ longitudinis et latitudinis tapetum jam dudum requisisti. Rememora ergo, precor, quam longum et latum esse velis, et mittetur tibi, si invenire po- tuero. Sin autem, jubeho tibi fieri quare volueris,

si consuetudo fuerit illud taxi apud nostrates. Nec pro his quæro mercedem illam quam polliceris, ut dones mihi quæcunque voluero; quod fieri non potest. Peto autem ut etiamsi nihil dederò tibi, memor sis mei in orationibus tuis, et ores pro me ut inhabitem in domo Domini omnibus diebus vitæ meæ, ut videam voluntatem Domini, et pro- tegar a templo sancto ejus. Et illud optimum con- silium, quod mihi spondes, ne differas. Promis- siones tuæ excitant me habere in te multam fidu- ciam, quia meum est amico credere, et de promis- sis ejus non diffidere; et meum est, aut nunquam promittere, aut promissa adimplere. Superius ser- mone nostro lusinus tecum, domne Leo, frater charissime; nunc seria verba dicemus. Longobar- dos non arguo deceptionis, quam in me exercere vellent quantum in ipsis fuit. Partum erat mihi regnum Italiæ, si unum facere voluissem quod nefas judicavi, scilicet ex voluntate eorum episco- pos qui essent Italiæ deponerem, et alios rursus illorum arbitrio elevarem. Sed absit a me rem hu- jusmodi facere, ut pastores Ecclesiæ, quibus mei patres semper honorem exhibuerunt, et quos ipse quantum valui semper exaltavi, sine crimine in- honorem. Sub hac conditione vellent quidam pri- morum Italiæ me seu filium meum regem facere. Non laudavit mihi hanc vituperabilem conditio- nem prudens marchio Meginfridus, nec frater ejus Alricus bonus episcopus, quorum me sanissimo plerumque uti consilio nunquam pœnituit. Quos supra omnes Italos præstantioris ingenii, fidei, bonitatis esse censeo. Si quid rerum mearum tibi pro certo placuerit, quod mittere possim, aut de- beam, non te frustrabitur spes tua. Equam mihi quæso repende vicem, ut et ipse votis meis impa- rem te non efficias. In proxima ventura festivitate sanctæ Dei Genitricis Mariæ litteras tuas opto vi- dere, quibus animi tui secreta amico tuo fidissimo pandantur. In Christo vivas, valeas, vivendo, va- lendo.

EPISTOLA V

GUILLELMI AD FULBERTUM CARNOTENSEM EPISCOPUM.

Domino FULBERTO venerabili Carnotensium epi- scopo, GUILLELMUS Dei gratia dux Aquitanie salu- tem et charas amicitias.

Cum primum ad nos Pictavium, præsul optime, venire dignatus es, et nostræ petitioni ut curam loci Sancti Hilarii gereres acquiescere, gaudium magnum fuit nobis. Sed huic gaudio multa inter- cedit ægritudo, quod ad nos redire dissimulas. Unde tuam precamur gratiam, noli dimittere quin venias, si fieri potest in octavis Pentecosten. Sin autem, vel octo diebus ante nativitatem sancti Joannis Baptistæ tutum iter paciscimur tibi ambu- lanti cum clericis et domesticis tuis. Apud nos satis militum habebis. Si non manseris nobiscum plus quam triduo, in ipsius temporis articulo plu- rimum nos recreabis. O si venisses in proxime præteritis Rogationibus, quantam nobis, episco- pis nostris, et optimatibus consolationem et læti- tiam fecisses! tempestive si velles Carnotum ad

diem festum Pentecosten reversus, vel si te subducere velles, ne ires ad curiam domini regis, satis honestam causam habiturus. Quem in præsentì adire dimitto, minores inimicitias me suscepturum putans ob meam absentiam quam si essem cum domino rege vel regina, non consensurus in ordinando rege absque meo fratre Odone comite. Quem enim ipse regem fieri voluerit, ipsum et me velle pro certo noveritis. De ejus cum domino rege concordia quidquid audieris, et ubi sit, si nosti, peto rescribere, et si novi regis erit sacratio, an non, et cujus. Vale.

EPISTOLA VI

GUILLELMI AD ARIBERTUM ABBATEM.

Domino ARIBERTO sancto ac venerabili abbati, GUILLEMUS Dei gratia dux Aquitanie prospera B cuncta.

Charitatem vestram jam secundo interpellavit ut mitteretis ad Carroficum monasterium quosdam ex monachis vestris qui essent ferventes in observanda regula sancti Benedicti, quorum sancta conversatio fratribus ipsius loci bonum præberet exemplum, et eorum abbatem fasce regiminis levaret. Quoniam vero petitioni meæ nondum acquievestis, nunc quoque tertio ad ostium vestræ charitatis pulso, instar illius evangelici petitoris

A amicum obnixè rogantis : ut si non propter amicitiam, saltem propter improbitatem meam accomodetis mihi quotquot habeo necessarios. Obsecro igitur vos in nomine sanctæ Trinitatis, quæ Deus unus est, ut vel decem fratres ex collegio vestri angelici ordinis mihi transmittatis, memores tandem illius apostolici dicti, *Alter alterius onera portate, et sic adimplebitis legem Christi*. Valete cum omnibus vestris.

EPISTOLA VII

GUILLELMI AD HILDEGARIUM.

HILDEGARIO GUILLELMUS bene optata consequi.

Tantum apud me tua prudens simplicitas invenit gratiam, ut quod a me petisti, non magis ipse [desideres] fieri quam ego velim. Sed quoniam in præsentiarum facultas non suppetit, animus meus veretur me tibi suspectum esse, quasi verba dare molientem : quod non esse meum credas, per fidem quæ inter nos est obsecro rogans te modicum tempus adhuc sustinere donec gravissimis quibus impediior officiis expeditus, operam tibi dare queam. Quod si forte morarum impatiens mox ad me adveneris, si votis tuis minus respondero, nequaquam id mihi, causam prædoctus jure succensebis. Vale nunc et semper. R. Turonensis.

GUILLELMI DUCIS

DIPLOMA.

Quo villam S. Marcharii, in qua iste sanctus requiescit, concedit ecclesiæ S. Crucis Burdigalensis.

(Anno 1026.)

(Gall. Christ., tom. II Instrum., p. 268.)

Ego in Dei nomine, GUILLELMUS, Dei dono dux Aquitanie, et uxor mea AREMBERGA, considero gravitatem [gravitudinem] peccatorum meorum [et reminisco bonitatem Dei dicentem *Date elemosynam, et ecce omnia munda sunt vobis*], propterea concedo ad basilicam S. Crucis Burdegalæ salutem illius loci et allodium liberum de omnem malam exactionem et de omnem rapinam, et villam S. Macharii ubi ipse B. Macharius tumulatus ejus corpus requiescit, cum decima et cum omnes res, jus de terra et ex mare, et cum justitia sanguinis (et de omnes res), et cum pedagio et aliam salutem S. Mariæ de Macha [Machao] cum decima, et omne jus et consuetudines, et eam prope adjacentem insulam, et cum paduensa in terra et in mare, et alteram villam S. Hilarii de Ortellano [Ortillano] cum decima [et cum paduensa, de aquas et de ligna, et de terras], et alteram villam quæ vocatur Solaco cum oratorio S. Genitr. Mariæ, cum decimis et aquis dulcis, et

C terris de mare Salissa usque ad mare de Girauda et de Ubre de Syort usque ad Grava, cum marisco, et cum montaneis, cum pineta, cum piscatione, cum cuncta prata Salvicina capiente; cum servis et ancillis. Ecce vero omnes istas villas cum justiciis sanguinis, et de omnes res cum ecclesiis earum et cum omnes consuetudines et jura, cum consuetudine trium modiorum salis et cum la pojadas et la fromentada, et cum totas pertinentias in pratis, in consuetudinibus, in nemoribus, in vineis et in viis, et in semitis, ad sacratissimum, seu et ad ipsius congregationem Deo servientem, quod Burdegalæ situm est, dono, transfero atque transfundo in illorum ibi degentium monachorum ad stipendia et congrua ipsorum trado, et do potestatem vel dominationem ad habendum et libere possidendum, et faciendum communiter quidquid voluerint, neminem contradicentem. Si vero aliquis assurexerit deinceps falso nomine comes, episcopus vel aliquis hujus

sæculi tyrannus, qui istas res supra ad suum opus Amittere non timuerit, et per violentiam aliquid abstulerit, imprimis iram Dei omnipotentis incurrit, et a consortio Christianorum extraneus fiat, et cum Dathan et Abiron terra vivos absorbeat, et nunquam ad sanctam resurrectionem cum justos appareat, sed in Cocheti laqueis pœna perpetua crucietur. Et si aliquis adversariorum assurrexit, si salvitates violaverit, mille libras auri coactus fratribus componat.

(1) Hoc instrumentum a se visum testatus est Henricus III, rex Angliæ, illudque refert in suis litteris, ex quibus multas varias lectiones collegimus. In fine litterarum addit rex :

« Nos ergo ut omnis suspicio falsæ Latinitatis qua prædicta charta vitiosa videtur, præsentibus et futuris radicibus amoveatur, ne aliquatenus possit ob hoc prædicto monasterio Sanctæ Crucis Burdigalensis et abbati et monachis ibidem Deo servientibus quos sincera complectimur in Domino charitate, præjudicium aut gravamen aliquod generari, non obstante hujusmodi vitio, chartam ratificantes eandem, prædictas concessionem et donationes ratas et gratas habentes eas pro nobis et hæredibus nostris prædicto monasterio libere

Hæc donatio quippe facta est anno 1027 Incarnat. Dom., præsentibus Fulconi-Gaufridi, et Truncardo baronis, Combaudo Ostendi, et Guillelmo præposito, Eduardo et Guiberto milites et alius : assistente monasteriis imprimitus Sanctæ Crucis, et S. Mariæ de Solaco et S. Macharii, et ecclesiis aliis abbate Gombaudo, et Ecclesiæ Burdigalensi archiepiscopo Godefredo (1).

concedimus et confirmamus, sicut prædicta charta præfati ducis, in qua prædictæ concessionem et donationem plenius continentur, sicut et confirmationem Guillelmi quondam ducis Aquitanie et regis Richardi avunculi nostri, tunc temporis comitis Pictaviensis, et reginæ Alienor matris ipsius quondam reginæ Angliæ, rationabiliter testantur. His testibus venerabilibus Patribus Ay. archiepiscopo Ebredunensi, et P. Hersfordensi episcopo, Joanne filio Gofridi, Philippo Basset, Radulfo filio Nachat, Joanne de Lexenthon, Joanne Manifest, Guidone de Rossilhon et multis aliis.

« Datum per manum nostram apud Burdegalam xxiii die mensis Augusti, anno regni nostri vicesimo septimo. »

ANNO DOMINI MXXXI.

BEATUS GUILLELMUS I

ABBAS S. GERMANI A PRATIS.

NOTITIA HISTORICA.

(*Gallia Christiana*, tom. VII, pag. 435).

B. Guillelmus I, genere nobilis, sed longe nobilior religione, primum fuit Luciæensis seu Luce-diensis in Italia monachus, tum Cluniacensis, deinde prior Sancti Saturnini de portu ad Rhodanum diœcesis Uceticensis, vulgo *le Pont-Saint-Espirit*, postea Divionensis abbas Sancti Benigni ; inde ad renovandum pluribus in locis disciplinæ regularis vigorem frequenter evocatus, multa rexit monasteria. In his fuit Germanense a Pratis, quod jussu Roberti regis et Constantiæ reginæ suam in curam susceptum sanctioribus informavit institutis. Qua de re sic Aimoini continuator, lib. v, capite 47 : « Dum monachi sæpèfati cœnobii (*sub Ingone abbate*) sæculari modo vitam ducerent, piissimus Robertus rex una cum sua uxore videlicet Constantia regina, Ingone defuncto, accersens Guliermum abbatem Divionensis cœnobii, ei abbatiam dedit B. Germani, qui eam regulariter instituens anno Domini 1030 vita decessit. » Sed neque minus providus in temporalibus, pravas inde consuetudines, quas in Antoniano villa et appendicibus quidam ejus vica-

rius seu advocatus qui nomen Pipinellus Garini exigebat, judicio Roberti regis obtinuit amoveri (*anno 1027*). Idem quoque defunctorum fratrum sollicitus vetus antecessorum statutum renovavit de omni die anniversaria nominibus eorum in capitulo pronuntiandis, et quotidie psalmis quinque ad capitulum finiendum decantandis ; alterique statuto, ut scilicet quotidie una præbenda de pane et vino pro defunctis daretur ; adjecit ut a diebus suis usque in finem sæculi pro fratribus morientibus tricenarius plenarius in ecclesia ageretur, et similiter diebus eorum anniversariis in refectorio fieret, et in capitulo pronuntiarentur. Id actum est (*anno 1028*) consilio et testimonio Baldrici Burguliensis abbatis. Paulo post Guillelmus Adraldo, C. annuente rege, abbatiam resignasse videtur. At, pro certo, regimine cessit ante obitum, qui contigit anno 1031 Kalendis Januarii in monasterio Fiscammensi, ubi et sepultus est. Hac die legitur in Necrologio Pratensi : *Kalendis Januarii obiit domnus abbas Guillelmus nimia religiositate sollicitus.*

B. GUILLELMI

EPISTOLA SEU CHARTA AD FRATRES MONASTERII S. GERMANI A PRATIS.

(Anno 1028).

(Dom FÉLIBIEN, *Histoire de l'abbaye de Saint-Germain, Preuves, pag. xxiv*).

Noverint Sancti Germani Parisiensis Ecclesiae A professi quod dominus Guillelmus (sc. primus) abbas assensu totius capituli statuit quod omni die anniversaria nomina defunctorum fratrum in capitulo pronuntientur, et quotidie v psalmi, *Verba mea* scilicet, ad capitulum finiendum canantur. Quæ quidem consuetudo pro quibusdam causis depravata erat. Constituerant enim abbates sui prædecessores quod ipse mutare noluit : ut scilicet quotidie una præbenda de pane et vino pro de-

functis daretur. Ipse tamen adjecit quatenus a diebus suis usque in finem sæculi pro fratribus morientibus tricesimus plenarius in refectorio et in ecclesia agatur, et similiter diebus eorum anniversariis in refectorio fiat, et in capitulo pronuntietur. Qui hanc constitutionem depravaverit, in caput ejus redundet.

Id actum et consilio est testimonio Baldrici Burgulienensis abbatis.

ANNO DOMINI MXXXI.

SANCTUS GUILLELMUS

ABBAS S. BENIGNI DIVIONENSIS.

NOTITIA HISTORICA IN S. GUILLELMUM.

(Apud Mabill. *Acta SS. ord. S. Bened.*, Sæculi VI parte 1, pag. 320).

1. Guillelmi ortum ad annum 1031 revocandum esse evidenter colligitur ex Rodulphi Glabri libello de Vita Guillelmi, in quo obitum ejus anno 1031, ætatis septuagesimo, contigisse disertis verbis affirmatur. Totum vero pene vitæ suæ tempus in monasticæ vitæ exercitiis transegisse ex hoc probatur, quod vix septimum ætatis suæ annum egressus, in cœnobio Luciacensi vestem monasticam induerit ; unde strictioris disciplinæ studio digressus, in monasterium Sancti Michaelis, mox Cluniacum in Galliam cum sancto Maiolo sese recepit est autem Luciacum, seu, ut alii dicunt, Lucedium aut Locedium, vulgo *di Locedia*, antiquum ordinis nostri cœnobium, quod primitus Sancti Michaelis, postea sancti Januarii appellatum est, ob eo translata ejus reliquias, a quo etiam circumpositum oppidum Sancti Januarii nomen tulit. Situm est haud procul a Vercellensi urbe ad cujus diocesim olim pertinebat. Hodie vero Casalensi episcopatu subjectum est in territorio Montisferati. Ex ordine Benedictino ad Cistercienses primum transiit, ac tandem post varias fortunas ad clericos sæculares defecit, ut observat Franciscus Augustinus ab Ecclesia in sua *Historia Pedemontana*, cap. 33.

2. Vicesimo nono ætatis suæ anno, hoc est 990,

B *indictione III, Guillelmus ordinatus est abbas Sancti Benigni a domno Brunone episcopo Lingonensi*, inquit chronographus Benignianus, cujus sententiæ præter privilegium Benedicti papæ, ut putant, septimi, eidem Guillelmo concessum, obstat videtur fragmentum quoddam Benigniani monasterii historiæ manuscriptæ, in quo ecclesia sancti Benigni a Guillelmo incepta anno 982, et omnino restaurata anno 986, fuisse dicitur. Verum hæc tanti non sunt ut a scriptoris gravis et æqualis auctoritate facile recedamus, maxime cum Glaber Rodulfus simul et Chronicum a Labbeo editum cum chronographo Benigniano consentiant ; ac Benedicti papæ privilegium, non Benedicto VII sed VIII assignandum esse constat, quippe quod anno C Christi 1045 datum esse legitur apud Ughellum tomo II Italiæ sacræ, col. 996.

3. *Erat prædictus Willermus*, inquit Glaber in libro III Historiarum, cap. 5, *acer ingenio, et insignis prudentia, idcirco summum in palatiis regum ac cæterorum principum obtinebat locum*. Ejus elogium paucis verbis sed quæ multis libris præstantiora sunt, complectitur beatus Odilo ejus sub sancto Maiolo condiscipulus, in libello scilicet de ejusdem sancti Maioli actis, ubi hæc habet : *Et ut pace spi-*

ritualium artificum in eadem fabrica laborantium A dicam, unus præcipue refulsit, qui nuper rebus humanis excessit, et qui plus nobis omnibus laboravit, domus videlicet abbas Willelmus, de cujus clarissimis actibus et vita laudabili et mirabili conversatione parvitas nostra non sufficit quod sentit ad plenum referre. Jotsaldus in Planctu de ejusdem beati Odilonis obitu Willelmum simul et ipsum Odilonem lisdem versibus celebrat, quos infra in Odilonis Elogio proferemus. Eundem vetus auctor Chronici Fiscamnensis *liberalibus artibus apprime eruditum, atque disciplinis ecclesiasticis, cunctisque spiritalibus officiis.... virtutum gratia imbutum et illuminatum* fuisse scribit. Hinc nullum ferme fuit in Romano imperio monasterium, quod Willelmi curæ non commissum fuerit, quorum B nonnullis ipse præfuit, aut discipulos suos præfecit: cæterorum vero abbates, qui jam illis præerant, suis exemplis ac monitis ad accuratam regularis disciplinæ praxim adduxit, *Beatæ memoriæ*, inquit idem auctor, *Willelmus abbas suæ religionis affluentia totius partes Romani imperii illustrabat, abbatumque multorum tepidos animos sui fervoris imagine reformabat et accendebat*. Eum Siebertus, ad annum 1027, recenset inter abbates *nominabiles*, quorum opera religio ecclesiastica sæculo xi floruit. In Francia quidem et Burgundia.... per Willelmum Divionensem severitate reverendum. Denique, ut habet Glaber loco laudato, quodcumque monasterium proprio viduabatur pastore, statim compellebatur tam a regibus vel comitibus, quam a pontificibus, ut meliorandi gratia illud ad regendum susciperet. Hinc ipsum quadraginta fere monasteriis præfectum fuisse idem auctor asserit, quorum pleraque chronographus Benignianus recenset, videlicet præter Benignianum de quo agit, Verziacense, Besuense, Reomaense, Tornodorensis, Melundense, Sancti Arnulfi Mettense, Santi Apri Tullense, Gorziense, Fiscamnense, Gemeticense, sancti Andoeni Rotomagense, sancti Michaelis in monte Tumba, Sancti Faronis Meldunse, Sancti Germani Parisiense, Fructuariense, Sancti Amatoris prope Lingonas, Sanctæ Mariæ prope Saxonicum-fontem, quibus addit Glaber monasterium Sancti Saturnini ad Rhodanum fluvium, quod modo in prioratum redactum est, D monasterio Ambroniacensi subjectum. De his omnibus seorsim agere non vacat, at de Fructuariensi, quod idem vir sanctus in fundo paterno condidit, ac de Fiscamnensi, in quo defunctus est, nonnulla subjicimus ex eorumdem locorum monumentis. De Benigniano vero et Besuensi potissimum scripsere chronographi istorum monasteriorum, quorum excerpta inferius proferemus.

4. Porro etsi nullo publico cultu, quod quidem sciamus, apud veteres sanctus Willelmus honoratus fuerit, illum tamen in fastis sacris ad diem Januarii, qui ejus natalis est, inter sanctos inseruerunt Arnoldus Wion et Ugo Menardus in Menologio ac Martyrologio Benedictinis quos imitati recentiores omnes, *sancti* nomine donarunt: nec immerito. cum tanta præsto sint ad illius sanctitatem demonstrandam argumenta, vix ut ulla pro quovis hujus sæculi sancto certiora reperiantur, nempe mortis præcognito, miraculorum patratio, ac prææteris integerrima vita, ac regulæ monasticæ observatio singularis. Hinc Glaber Vitæ ejus scriptor, vir gravis et magnæ auctoritatis, capite ultimo, sancti Willelmi mortem ad *sanctum deificum lumen transitum* appellat, observatque, quod notatu dignissimum est, quæ in vivis adhuc agens operatus erat miracula. etiam et post mortem ad ejus sepulcrum perdurasse. Audiendus est in lib. iv Historiarum, c. 4. *Unum restat*, inquit, *quod novi ibidem* (in sancti Willelmi Vita) *minime contineri. Mægravit enim prædictus Pater a sæculo ad beatorum requiem in Neustria partibus, in Fiscamnense videlicet monasterio... sepultusque est, uti tantum concedebat virum, in loco optimo ejusdem ecclesiæ. Post aliquot fere dies contigit, ut puerulus ferme decennis valida confectus ægritudine ad sepulcrum illius gratia recuperandæ salutis duceretur, ibique a parentibus dimissus, decubabat solus. Qui subito respiciens, vidit super idem sepulcrum insidentem aviculam, formam columbæ præferentem, quam diu intuens obdormivit; dehinc leni expletus somno evigilans, ita se reperit incolumem, ac si nihil ægritudinis persensisset. Suscipiunt itaque læti parentes suum, fit omnibus commune gaudium.*

5. Sancti Willelmi corpus in majori Fiscamnensi basilica tumulatum est, in conspectu euntium ac redeuntium fratrum, inquit Vitæ auctor, hoc est ante sancti Taurini Ebroicensis episcopi altare, quod hodie sancti P. Benedicti appellatur. Ex hoc autem loco postmodum in cellulum beatæ Mariæ Magdalensæ sacrum (quo tempore quæ de causa ignoratur) ad latus Evangelii translatum est, ubi hodieque in sarcophago lapideo, tres pedes longo ac novem pollices lato, intra parietis cameram ad septentrionem inclusum asservatur, cum hac in plumbi lamina inscriptione, quæ anno 1638 detecta est.

*Abbatem plenum lector cognosce dierum
Nomine Willelmum, hic recubare senem.
Iste loci primus pastor præfulserat hujus,
Quo statuit multos dante Deo monachos.
Jani prima dies animæ nova claruit ejus.
Cui nova Jerusalem obvia tota fuit.*

DE MONASTERIO FRUCTUARIENSI

A BEATO WILLELMO CONDITO.

4. Cum vix aliquid de Fructuariensi monasterio habeatur tum in Vita Willelmi a Glabro conscripta,

tum apud chronographum Benignianum, visum est hic paulo fusius de eo agere, cum hanc habeat su-

per cætera monasteria, quæ Willelmus noster rexit, prærogativam, quod ab eo in suæ ipsius paternæ hæreditatis fundo conditum fuerit, indeque plurimum ejus initii notitia profutura sit ad illustranda ejusdem beati viri gesta. Situm est inter duo flumina Orcum et Amalonem in Gallia Subalpina, intra Eporediensis diœcesis fines. Conditum primo fuit et dotatum liberalitate fratrum beati Willelmi, aliorumque ipsius consanguineorum, tum variis aliorum donationibus auctum, ac demum principum et summorum pontificum diplomatibus et privilegiis firmatum et munitum, nulli fere totius Italiæ monasterio tum nobilitate, tum divitiarum affluentia, cecit. Ejus natalia paucis exprimit vetus auctor his versibus, quos Franciscus Augustinus ab ecclesia, ex antiquo monasterii Chronico descriptos, Historiæ suæ Pedemontanæ inseruit.

Si quis Fructuariæ mavult prænoscere quando Cænobii cœptum rite fuisset opus :

Millesimus sublimis erat tunc tertius annus

Partus virginæ Principis ætherei.

Martii septenæ, seu indictio prima Kalendæ,

Tempus vel cursum ambo suum peragunt.

Rex Ardoinus sceptri moderamine fissus

Regat in Hesperia, tendit in Ausoniam.

Adjuvat ipse locum Dominus, quem munere dotat,
Rebus consuluit fratribus assiduis.

Præsul Ottobianus quod jure dicando sacravit,
Abbas Willelmus construit hoc Domino.

2. Sed nemo melius monasterii sui natalia exponit quam ipse Willelmus, cujus ideo chartam a laudato auctore ex Fructuariensi archivio relatam describimus infra.

3. Quo anno instrumentum istud confectum fuerit incertum mihi est, cum id aut non expresserit ipse Willelmus, aut certe datam omiserit qui ipsum ex autographo descripsit, qui etiam aut ob legendi imperitiam, aut nescio qua alia de causa, monumentum istud adeo pretiosum multis mendis videtur respersisse. Cæterum ex variis chartis quæ a Guichenone in Bibliotheca Sebusiana, et ab Ughello, tomo IV Italiæ Sacræ in episcopis Eporediensibus referuntur, patet nihil a Willelmo abbate omissum fuisse ut Fructuariensis monasterii libertatem, tum in temporalibus, tum in spiritualibus, adeo firmiter stabiliret ut posteris temporibus, facile non convelleretur. Primum ab Henrico imperatore confirmari sibi curavit quæcumque aut a suis propinquis aut ab aliis piis viris monasterio tradita fuerant. Exstat ea de re ejusdem Henrici diploma, datum anno 1014, ex quo non solum multa de variis possessionibus quas jam tunc possidebat cænobium Fructuariense comperta fiunt, verum etiam exinde innotescunt, tum nobilissimum Willelmi nostri genus, tum alii nonnulli viri illustres, qui postpositis mundi illecebris tunc temporis eo in loco monasticam vitam ducebant; quin et *Gonthardi judicatus*, supra in Willelmi instrumento laudatus, ab Henrico confirmatur. « Domnus, inquit, abbas Willelmus nostram cle-

mentiam adiit petens quoddam monasterium nostra auctoritate corroborari, situm in loco qui dicitur Fructuaria, ex propria hæreditate fratrum ejus Gofredi, Nitardi atque Roberti, in honore sanctæ Dei genitricis Mariæ sanctique Benignimartyris constructum, velut in charta judicatus a Gonthardo diacono edita continetur. Cujus precibus susceptis prius regali præcepto confirmavimus, » etc. Inter alios monasterii benefactores recenset Otthonem Willelmum, nostri Willelmi consanguineum, ut supra diximus, cujus complures exstant chartæ in Benigniani sicut et in Fructuariensis monasterii favorem datæ. « Habeat et teneat quieto jure castellum Longobardorum cum omnibus suis pertinentiis, et omnia prædia illa et cortes, quas dedit Ottho, qui et Willelmus, comes, filius Adalberti, nepos Berengarii regis, ipso loco infra fines Longobardiæ ex hæreditate parentum et propinquorum suorum. Statuimus etiam per hanc nostri præcepti firmitatem in perpetuum habendas omnes terras illas, quas habere debet jam sæpe nominatum monasterium ex hæreditate Roberti, quondam viri nobilissimi, qui fuit genitor jam dicti abbatis Willelmi... Confirmamus omnem illam hæreditatem et possessiones, quæ ex paterno et materno jure debebantur Otberto, qui fuit filius Gerardi, et nepos Otberti comitis, qui fecit hæredem suam sanctam ecclesiam Fructuariensem, quando pater ejus et ipse reliquerunt mundum, dantes se et omnia sua Deo, factis monachis... »

Sub finem enumerat cellas, seu prioratus, qui jam tunc a monasterio illo pendebant; scilicet cellam « Astensem, cellam Navigensem, cellam in Quaranta, cellam in Cavalliaca, cellam in Paderno, » etc.

4. Anno Christi 1023, aliud item privilegium ab eodem imperatore obtinuit Willelmus, quo monasterium Fructuariense, « prout in charta judicatus a Gunthardo diacono edita continetur, » sub speciali sua defensione suscipit, ac privilegium Benedicti VIII confirmat. « Dehinc, inquit, ut stabilis permaneat imperiali auctoritate corroboramus, sub nostra defensione ea ratione recipimus, ut nullus dux, marchio, etc. Statuimus quoque, et Dei nostraque auctoritate confirmamus, ut idem locus supra memoratam libertatem in cunctis obtineat, et quæcumque de ejus libertate et stabilitate, de abbatis electione et consecratione a domno apostolico Benedicto multisque episcopis in privilegiis et synodalibus decretis statuta sunt, rata omni tempore et inconcussa firmitate subnixæ conserventur. » Observat Hugo abbas Flaviniacensis in Chronico Virdunensi Willelmum nostrum, quem « rectorem strenuum et religione præstantissimum » appellat, beato Henrico acceptissimum fuisse. Et paulo inferius eundem Willelmum « supra regulam dictum fuisse ait a rigore ferventioris propositi. »

5. Post Henrici Augusti obitum Conradus ejus successor, a beato Willelmo rogatus, iisdem pene verbis ac Henricus monasterii Fructuariensis libertatem sua pariter auctoritate roboravit, ut ex ipsius

charta patet, quæ ab eodem Guichenone refertur, A in qua Joannes ejusdem loci abbas memoratur, qui in Chronico Benigniano, supra, appellatur *Joannetus* et Heinricus, ejusque successores Augusti « in fratrum soldalitiū » dicuntur adsciti. « Dignum duximus Fructuariense cœnobium litteralibus præceptis confirmare, exorante domno Willelmo Divionensi abbate, qui, prædictum monasterium ex prædiis, elemosynisque propinquorum suorum ac cæterorum fidelium Christi a fundamentis construens, plurimos secundum regulam sancti Benedicti Deo servientes inibi congregavit. Nos nostrosque in perpetuum successores, prout divæ memoriæ prædecessorem nostrum Heinricum suo ac fratrum contubernio sociaverit, omnium benefactorum suorum participium habere cupiens, primum ejusdem cenobii abbatem, nomine Joannem, ejus in præsentia consecrari fecit, et tam ipsum quam totum eundem locum suæ imperiali tutelæ commisit, ea maxime pro causa ut eandem illi in omnibus libertatem conservet quam Cluniacense monasterium habere dignoscitur. Nos ergo salutem nostræ consulentes, » etc. Privilegia quoque et synodalia decreta Benedicti papæ cæterorumque episcoporum confirmat iisdem verbis ac in Henrici diplomate supra laudato; quod et ab aliis imperatoribus, imo et a pontificibus Romanis factum fuisse observat Franciscus Augustinus ab Ecclesia in Catalogo Fructuariensium abbatum Historiæ chronologicæ Pedemontanæ cap. 27, ubi Joannem abbatem hic memoratum Guidonis comitis sancti Martini filium, Arduinique C Italiæ regis nepotem fuisse dicit.

6. Non minori devotione Robertus Francorum rex erga monasterium Fructuariense tenebatur quam imperatores, quamvis esset extra sui ipsius ditionem situm. Unde cum ab eo requisisset Guillelmus honorum aliquot confirmationem quæ in Francia monasterio suo concessa fuerant, ultro ei piissimus rex præbuit assensum, atque generali præcepto asseruit Fructuariensi monasterio quæcunque vel jam data ipsi essent, aut quæ postea forte traderentur, intra regni sui fines (*Vide supra in ROBERTO rege inter præcepta ejus ecclesiastica.*

7. Proferenda nunc Lamberti Lingonensis episcopi charta, qui Fructuariensis monasterii subjectionis a Divionensi immunitatem, quam a Brunone Guillelmo impetraverat, confirmavit. Cujus tamen nullum habebatur publicum instrumentum, quod Bruno morte præventus rem non absolvisset. Hæc autem charta est veluti cæterarum omnium quæ (*sic*) asserenda monasterii ejusdem libertate supra protulimus compendium. Habetur centuria II, num. 79, ex archivio regio Taurinensi descripta.

Ego Lambertus sanctæ Lingonensis Ecclesiæ episcopus, notum fieri decrevi tam præsentibus quam futuris, quod quidam dilectus ex dilectis, abbas videlicet Willelmus, adiit paternitatem nostram justis precibus, ut synodali decreto quoddam testamentum, quod ad volum præventu mortis beatæ memoriæ prædecessoris nostri Brunonis adimplere

nequivit benignitas, nostræ benevolentæ perficeretur auctoritate. Quod quidem non immerito tanto facilius debet impetrare quando Dei cognoscitur zelo in omnino postulare. Quidam enim suus carnali propagine germanus, nomine Godefredus, ad sanctam veniens conversionem totum quodcumque habuit secum Deo devote contulit, ea maxime intentione ut de proprio suo construeretur monasterium, quod ne alicujus episcopo vel cœnobio fieret aliqua subjectione obnoxium, solerti pertractatum est solutio ut in quodam loco, antiquitus Fructuaria dicto, ædificaretur, quod legalem per chartulam a Nitardo et Rotberto germanis ipsius Godefredi cuidam Guntardo levitæ traditus est, ut ipse inde faceret judicatus testamentum sub B liberrima omnino conditione. Quod et factum est, sed non sine multorum, maxime Arduini regis et Bertæ uxoris ejus adjutorio; quorum sagaci industria legali legaliter confirmata sunt testamenta, et sancto Divionensi cœnobio non parvi pretii, ut patet, collata sunt ornamenta, scilicet textum unum auro, gemmis et lapidibus mire ornatum, casula auro decorata, duæ stolæ deauratæ cum earum manipulis, et unum cingulum, atque quatuor amicti similiter deaurati. Quod et ideo facere studuerunt ut et locus, unde Fructuariensis videlicet sumpsit exordium, his honestaretur emolumentis et hoc memores in posterum non habeant unde scandalum struere iniqua possent voluntate. Et nos igitur æquitatis jura appendentes et animarum lucris magis quam cupiditatibus perversorum consulentes, sed et sancti prædecessoris nostri promissa complentes, a privilegiis quoque apostolicis atque decretis episcopalibus, a præceptis denique imperialibus ac regalibus non discrepantes, Fructuariense cœnobium cum omnibus quas possidere videtur rebus, tam mobilibus quam immobilibus, in nulla subjectione, in nullo jure cuiquam nostri episcopii pertinentiæ obnoxium proclamantes, quinimo sub proprio pastore, ut per omnia absoluta libertate a Romana sede tibi concessa potiatur et a sublato hujusmodi subjectionis vinculo constet alienum, volumus et nos et statuimus, sub synodali decreto, ut nullus monachus, aut præscripti videlicet domni W. abbatis successor, contra præfatum locum aliquid querelæ vel calumniæ inferat, vel D quidquam proprietatis seu subjectionis requirat. Ut sit igitur ipse locus, Fructuaria dictus, nostra quoque auctoritate inconvulsa stipulatione liber et absolutus, et ab omni querela immunis, et in fructificandis animabus semper Christo duce sacris aptus incrementis, testibus ex nostro clero admissis nostra subscriptione signamus. Signum Lamberti Lingonensis sedis episcopi. Signum Beraldi archidiaconi. Signum Beraldi abbatis sancti Stephani Divionensis etc. Actum apud Divionem publice III Idus Januarii anno ab incarnatione Domini 1017, indictione XV regnante Roberto Francorum rege. Ego Oddo cancellarius in synodo sanctæ Lingonensis Ecclesiæ hoc testamentum perfectum, et ab omni synodo laudatum et confirmatum recognovi et subscripsi.

8. Fructuariensis monasterii celebritate multi allecti, non solum sua ei, sed et se ipsos tradidere; ex iis celebris fuit Arduinus, Italiae rex, qui, rebus male adversus Henricum imperatorem gestis, sæculo valedicens in monasterium prædictum se recepit, ubi defunctus et sepultus a nonnullis Beati nomine donatus est. Hoc titulo insignitur in Benedictino Menologio Bucelini, ubi die 2 Martii, anno 1018 obiisse memoratur. Hæc sanctitatis opinio qua Fructuaria tunc temporis commendabatur, ad posteros etiam transmissa fuit, ut ex variis chartis facile colligi potest, quæ a Guichenone referuntur. Locum hunc pro cæteris coluit Agnes imperatrix. Henrici Augusti mater, cujus, et beati Annonis Coloniensis archiepiscopi interventu Alexander II summus pontifex privilegia ejusdem monasterii suo diplomate confirmavit anno 1070. Certe cum beatus Anno, ut refert Lambertus Schafnaburgensis, auctor æqualis in Italia agens ad Fructuariense monasterium orationis causa divertisset, « ibi admiratus monachorum arctissimam et secundum regulæ instituta conversationem, nonnullos eorum in opere Dei probatissimos secum rediens abduxit » quos in monasterio Sigebergensi a se ipso condito constituit. Quæ, inquit idem auctor, occasio fuit ut in cæteris quoque monasteriis regularis observantia repararetur.

9. Sed et ipsa Agnes Augusta, sæculi vanitate abnegata, prius quam Romæ sedem fixisset, apud Fructuariam morabatur. Quantum vero ejusdem loci monachos veneraretur, ex ejus epistola, quam paulo ante quam apud eos secederet scripsit, conjici potest, sic autem se habet apud Guichenonem, Centuria u, num. 77, ex Chartario Fructuariensis descripta :

A. imperatrix et peccatrix A. [Andræx] Patri bono et fratribus in Fructuaria congregatis, in nomine Domini. Servitutem ancillæ, cujus oculi in

A manibus dominæ suæ sunt, conscientia mea terret me pejus omni larva omnique imagine. Ideo fugi per sanctorum loca quærens latibulum a facie timoris hujus, nec minimum desiderium est mihi veniendi ad vos, de quibus comperi quia vestra intercessio certa salus est : sed nostræ projectiones in manu Dei sunt, et non in nostra voluntate. Interim vero mente adoro ad pedes vestros, rogans ut Gregoriana pietate in Trajanum petatis mihi veniam a Domino ; quia namque ille unus homo ab inferni claustris exoravit paganum, multi vos facili salvabitis christianam unam. Quod si decreveritis, peto ut in signum pietatis societatem et fraternitatem vestram mandetis, et mittatis mihi quam primum. Rogo etiam ut parvum quod mitto munusculum admonitionis signum suscipere dignemini, quatenus credam quia de me curare incæperitis. Valete, et tu, Pater bone, diligenter commenda me spiritatoribus fratribus de cœnobiis atque cellis, ut faciant me participem in orationibus et jejuniis atque omnibus benefactis suis.

10. Eadem Augusta interveniente Henricus imperator, filius ejus monasterii Fructuariensi Rivum totum cum omnibus appendiciis suis in comitatu Aquensi dedit, ut ex ejus charta certum est qua centuria xi, num. 76, refertur. Initio sæculi sequentis patriarcha Jerosolymitanus cum Fructuariensi monasterii fratribus societatem iniit, cujus ea de re epistola habetur ibidem, num. 73. Totus est in Fructuariensis monasterii laudibus describendis Petrus Damiani opusculo 18, cap. 3, ad Adelaidem comitissam, ubi se ibi decem diebus hospitio susceptum fuisse perhibet Perseverat etiam nunc celebre istud cœnobium spirituali simul et temporali jurisdictione amplissima gaudens, in quo Mauricius Sabaudie ducis filius, qui eidem loco initio sæculi currentis præerat, collegium canonicorum sæcularium instituit.

DE MONASTERIO FISCAMNENSI.

1. Etsi abbatis nomine quadraginta fere monasteriis, ut habet Glaber, beatus Guillelmus præfærit, eumque, pro reparata disciplina regulari aliisque beneficiis, quam plurima Galliarum et Italiae cœnobia certatim sibi vindicent, præ cæteris tamen hanc habet prærogativam percelebre sanctissimæ Trinitatis Fiscamnense monasterium, quod, post annos ferme triginta regiminis, ipsius sepulchro insignitum fuerit. Certe eum anno 1001 Fiscamnensis monasterii regimen suscepisse, disertè habetur in duplici Chronico, apud Labbeum, tomo I Bibliothecæ novæ, quorum unum Rothomagense, alterum Fiscamnense ibi appellatur. His consentit auctor Chronici Benigniani; eum vero anno 1031 obiisse nullus in dubium revocare potest. Est autem Fiscamnum, vulgo Fescan, oppidum intra diocesis Rothoma-

D gensis fines, quamvis omnino liberum, situm in Caletis ad prospectum maris, quo in loco Waningus, vir nobilis sæculo septimo monasterium virginum contruxerat; sed eo per Nortmannos destructo, aliud pro viris Nortmanniæ ducum libertate sæculi hujus initio consurrexit, illudque etiam nunc opibus et nobilitate cæteris provinciæ cœnobiis præeminet, sub nostra sancti Mauri congregatione. Wangi primi ejus fundatoris Vitam, seu potius mutila ipsius Vitæ fragmenta ex incertis auctoribus, sæculo secundo protulimus. Præter hanc Vitam habemus præ manibus ex codice ms. ejusdem monasterii librum cui titulus est : « De revelatione, ædificatione et auctoritate monasterii Fiscamnensis, » in quo ejusdem loci initia, casus, et clades a Nortmannis illatæ, ac demum ejus reparatio fusi-

exponuntur. Ex hoc libro discimus sanctum Maionum Cluniacensem abbatem a Richardo I Nortmannorum duce fuisse invitatum ut monachos Cluniacenses Fiscamnum transmitteret, canonicis qui tunc hanc ecclesiam occupabant substituendos. Quod cum vir sanctus facere renuisset, postea Richardi Junioris tempore, Guillelmus noster, jam abbas Benignianus, eidem loco prepositus est, ubi monasticam vitam restituit. Guillelmum præ cæteris viris piis, qui tunc temporis in Nortmannia florebant, a Richardo dilectum fuisse testatur Hugo Flaviniacensis in Chronico Virdunensi, ubi, præmissis Richardi laudibus, qui pulsus canonicis monachos sub Guillelmi moderamine Fiscamni instituit, sic concludit: « Hujus tempore viris religiosus floruit Normannia, qui ad eum confluebant veit apes ad alvearia, inter quos hunc virum beatum, Guillelmum abbatem, propensiori coluit reverentia, adeo ut speciali eum amore diligeret, et præceptis ejus obtemperare consiliisque acquiescere gauderet. » Hanc sibi auctoritatem comparaverat Guillelmus vitæ suæ ac suorum sanctimonia. Qua vero ratione eo in monasteria instituta fuerit sub ejus regimine monastico vita, jam ex Chronographo Benigniano didicimus, sed ex laudato libello plenius patebit, quem quidem librum integrum edere primum statueramus, quod multa complectatur de Fiscamnensi monasterio scitu digna, et Willelmo abbati Fiscamnensi, secundo an tertio, sit nuncupatus. Verum cum jam fere integer ab Arturo du Monstier in Neustria pia editus sit, sufficere visum est ea proferre quæ specialius ad nostrum spectant institutum. Sed prius dicendum paucis de viris illustribus qui in monasterio Fiscamnensi tunc temporis floruerunt.

2. Viri illustres qui sub Willelmo abbate in monasterio Fiscamnensi floruerunt, in Chronico Benigniano recensentur. Locum integrum supra dedimus. Fuerunt et nonnulli principes ex nobilissimo Normanniæ ducum sanguine exorti, qui iisdem temporibus ibidem cucullum induerunt, ex quibus Guillelmus Gemmeticensis Willelmum memorat libro v, cap. 13, Richardi II filium, apud Fiscamnum monachili vellere in adolescentia functum. Paulo post Nicolaus Richardi tertii filius ibidem etiam, compallente Roberto suo ipsius patruo, qui in ejus locum Nortmanniæ ducatum obtinuit, monasticam vitam sub Joanne abbate amplexus est. Is postea saneti Audoeni apud Rothomagum abbas factus multis virtutibus claruit, ut refert Ordericus Vitalis, libro viii, ubi fuse laudes ejus describit. His accensent nonnulli Malgerium, qui demum ad sedem Rothomagensem evectus fuit; sed hujus opera natalium suorum gloriam obscurrarunt.

3. Paucis verbis tres priores Fiscamni post restaurationem abbates laudat Ordericus, libro iv, ex quibus colligere licet quanta tunc fuerit ea tempestate illius monasterii fama. « Fiscamnense, inquit, cœnobium in prospectu maris positum, etc.,

A post Guillelmum Divionensem, virum sapientem et in religione ferventissimum, Joannes venerabilis abbas annis quinquaginta et uno rexit, post quem Guillelmus de Roz, Bajocensis clericus, sed Cadomensis monachus, fere xxvii annis tenuit. Hic ut mystica nardus, in domo Domini flagravat charitate, largitate multimodaque probitate. Opera quæ palam sedulo fecit, vel in occulto coram paucis arbitris omnipotenti Deo libavit, attestantur quis spiritus in illo habitavit, ipsumque totum possidens ad solium Domini sabaoth coronandum perduxit. » Plura de Guillelmo II habet idem auctor libro xi ubi inter cætera profert ejusdem epitaphium ab Hildeberto Cenomanensi editum. « Sed his omissis, utpote quæ jam edita sunt, profereamus ex ms. codice Fiscamnensi fragmentum « epistolæ Balderici episcopi ad Fiscamnenses, referente Adelino, qui ei custos et minister in hospitali fuerat deputatus. » Illud autem fragmentum tale est :

4. Guillelmus prædecessoribus suis suisque provincialibus tantum enituit quo pacto et quantum cæteris luminaribus sol rutilat eminentior. Iste siquidem magna litterarum peritia præditus, primo Bajocensis archidiaconus, postea Cadomensis monachus, demum Fiscamnensis abbas, reverenda et cana persona, quædam religionis majestas, domum istam morum suorum extulit censura, parietibus dilatavit, et, quod ei specialiter præcipuum fuit, fratrum conventum ditavit. Multi siquidem nobiles laici et clerici, religionis ejus odore provocati, ad conversionem excitati sunt, et ultronei monachum induerunt, et sanctis ipsius institutis informati sunt. Ego ipse, qui vobiscum loquor, in longinquo positus, bonam etiam nostri G. opinionem audivi; qua illectus, per licentiam abbatis nostri (abbatem siquidem alium habebam et habeo), gratia ei adherendi Fiscamnum adii, gratanter, susceptus sum, licet homuncio nullius momenti. Omnes nos quos vides pene ipse aggregavit: sed plures quam modo sumus, fuimus, quoniam duces suum post ipsius transitum quidam nostrorum pedetentim secuti sunt. Ordinis ipse vigor præstitit, verbis et exemplis nos instruxit, paterno affectu sibi nos omnes in visceravit. Nam, ne veritatem tacuerim, propter Deum omnibus omnia fuit. Ideirco subsequantur eum lacrymæ nostræ, propterea comitantur eum suspiria nostra. Eo die noster dux erat, in lacrymis nullus fuit uberior, in lectulo suo suspirando secum litigabat, in turba nobiscum quietus erat, in angulo ecclesiæ, vel in grabati sui solitudine totus turbatus erat. Disceptabat siquidem secum pro nostris excessibus, et crucifigebat immisericorditer seipsum. Si quid contigisset fratrum reatibus, cujus hunc excessum compatiendo non fecit suum? Toties seipsum mactavit, quoties aliquis, vel ego miser peccavi; in orationibus frequenter pernoctabat, Deumque quietissime gemebundus inquietabat, sine offensa cum eo litigabat, et per amicum litigium, ipsum sibi nobisque, velut alter Salomon, pacificabat;

redimebat nobis cum elemosynis, quia quod ei A
 committebat fideliter erogabat. Cujus enim pau-
 peria necessitudo manum suam sensit sterilem? Quæ
 ecclesiæ suam non habent munificentiam? Circuibat
 angulos et compita leprosum, et cum ipsis familiariter
 locuturus, manus etiam elephantiosas plerumque
 deosculaturus tuguriola subintrabat, ut omnium
 necessitatibus adesset, ut eum miselli cujuslibet
 angustia cognovisset. Non potest enucleari verbis
 sanctitas ejus bonæ conversationis.» Eundem abbatem
 ob formæ elegantiam Puellam, vulgo *la Pucelle*,
 cognominatum fuisse tradunt. Complures ecclesias
 in oppido Fiscannensi construxit; universalem
 elemosynam pauperibus singulis diebus erogandam
 instituit; rexit monasterium annis viginti novem;
 sepultus est in capella Beatæ Mariæ veteris, ex
 opposito altaris. Obitus ejus in Necrologio laudato
 habetur his verbis: *vn Kalendas Aprilis, depositio domni Willel-*

mi abbatis tertii Fiscannensis. Fiscannensis monasterii laudes videsis apud Dudonem Sancti Quintini decanum, qui librum ultimum De moribus et actis Normannorum Fiscannensis monasterii encomio claudit; paucos exinde versus decerpere sufficiat:

*O Fiscanne, sacris semper fecunde favillis,
 Sanctorum cineres meritorum flore micantes
 In gremio terræ conservans jamque sacratæ,
 Trino resplendens profuso dote salutis,
 Olim virgineo micuisti stemmate sacro,
 Cum Leodegarii servasti privatum.
 Vivas, Fiscannis, semper felicibus annis.
 Fiscannis, gaude, quia tu dignissima laude;
 Vos Fiscannenses virtutum cingitis enses
 Ecclesiæ postes, nebulosos sternitis hostes.*

Sed jam tempus est libri fragmenta exhibere quæ supra polliciti sumus.

EXCERPTA EX LIBRO

DE REVELATIONE, ÆDIFICATIONE ET AUCTORITATE MONASTERII FISCANNENSIS.

PROLOGUS.

Libellum de revelatione, ædificatione et auctoritate Fiscannensis monasterii, Pater inclyte Willelme, composui, et compositum tuæ dilectionis sincero judicio corrigendum et confirmandum destinavi, quatenus tuæ celsitudinis assensus et libellum edere præcipiat, et edito libello pondus et auctoritatem concedat. Ego quidem, Pater inclyte, ignorantiam meam maluissem cauto silentio te gere, quam alicujus scripturæ præsumenti indicio publicare; sed fratrum nostrorum jussione instanti et instantia jubenti compellitur noster animus possibilitatem excedere, suamque inscitiam multorum aspectibus nominum improvisus aperire. Compellitur, inquam, noster animus suam ignorare ignorantiam, et nostrorum fratrum roganti imperio exhibere obedientiam, cui exhibendæ et mentis judicium nullatenus acquiescit, et propositi nostri verecundia omnino contradicit. Verum, cum obedientia sancta nullum opus difficile vel impossibile excuset, aut excusare debeat, diu cunctans multarumque procrastinationum inducias fingens, urgente fraternæ dilectionis continua jussione, onus tandem imperatum suscepi, et Fiscannensis monasterii exordia subsequentis libelli agresti et ignobili stylo aperui et exposui. In quo libello nulla falsa fallaciter interposui, verum sacras historias antiquorum virorum fideli narratione cognitatas, suorumque posterorum tenacis memoriæ sinu custoditas et nostris temporibus succedentium virorum diligenti relatione illatas scripsi,

C et scriptas ad auctoritatem Fiscannensis Ecclesiæ, et ad utilitatem legentium fratrum edidi, etc.

Ex cap. XV.

Interea contigit Fiscannenses canonicos aliorum canonicorum mores imitari, latas perditionis vias ingredi, et rerum temporalium luxuriam et desidiosa voluptuose sectari; quam canonicorum miseram vitam et imminentem miseriam dux prudentissimus Richardus audiens, et audiendo cognoscens, valde doluit, hominumque pravorum mores et conversationem exhorrens, legatos festinanter Cluniacum direxit, et sanctum Maiolum magnæ humilitatis precibus Fiscannum accersivit, atque secundum sancti Benedicti regulam et constitutionem disponi et ordinari novam ecclesiam exoravit. Cui sanctus Maiolus: Hujus, inquit, laboris magnitudinem talis rationis conditione, charissime fili Richarde, suscipiam, si per totum ducatum tuum consuetudinem, quæ vulgariter pasnagium (1) dicitur, Deo donaveris, nullumque tuæ potestatis principem aliquando amplius exigere decreveris. Ubi Richardus dux non morbo avaritiæ, verum occulta Dei providentia disponente et sancto Willelmo abbati gloriam ordinandi sanctam ecclesiam transferente, suorum hominum consilio acquievit, et sancti Maioli interpellationem non exaudivit. Unde contigit ut sanctus Maiolus Cluniacum reverteretur, et canonicorum correctio vel expulsio per aliquot tempora protelaretur, etc.

(1) Pasnagium, aliis Pastionaticum seu Pastinaticum vulgo *panage*, census est seu tributum pro

glandatione et jure pascendi porcos aliave animalium silva domini.

Ex cap. XXI.

Interea diligenter investigabat et investigando inquirebat cui potissimum, juxta sancti Benedicti regulam et institutionem, disponendam et regendam Sanctæ et individuae Trinitatis crederet et committeret Ecclesiam. Illo tempore beatæ memoriæ Willelmus abbas suæ religionis affluentia totius partes Romani imperii illustrabat, abbatumque multorum tepidos animos sui fervoris imagine informabat et accendebat. Apprime enim liberalibus artibus eruditum, atque disciplinis ecclesiasticis cunctisque spiritualibus officiis, nihilominus etiam fere virtutum omnium gratia imbutum et illuminatum Divionensis Ecclesiæ beatus Maiolus præposuerat et constituerat abbatem et magistrum. Tanto igitur ac tali viro dux inclytus Richardus suos legatos direxit, et sui propositi intentionem patefecit, atque ut Fiscannensem Ecclesiam juxta beati Benedicti regulam disponeret et erudiret, magnæ humilitatis precibus exoravit. Quibus beatæ memoriæ Willelmus abbas primum respondisse fertur : Charissimi filii, audivimus duces Nortmannos, homines barbaros et truculentos, subvertere et non ædificare sancta templa, delere et effugare, et non colligere aut nutrire spiritualium hominum congregationes sanctas. Quapropter ad ducem vestrum redite, et nos hujus rei omnino imparatos respondete, cum nobis et fratribus deducendis desunt equi, atque stipendiis deducendorum fratrum desunt clitellarii. Quod reversorum legatorum relatione dux inclytus comperiens, extimuit ; multosque equos et clitellarios festinus præparavit, quos revertentibus legatis beatæ memoriæ abbati Willelmo humiliter remisit.

Ex cap. XXII.

Tunc beatus abbas ducis intuens importunitatem et perseverantiam, atque de importunitate et perseverantia compensans animi voluntatem et devotionem sanctam, collecta spiritualium fratrum multitudine maxima, iter arripuit, paucisque decursis diebus æstantis ducis desiderio suam et multorum fratrum præsentiam exhibuit. Quem dux egregius totius animi sinceritate totiusve sinceritatis dilectione suscipiens, velut suscepto Christo, aliis amotis servientibus, ipse propriis manibus servivit, medioque brevis temporis intervallo Fiscannum deduxit, et Sanctæ Trinitatis ecclesiam donavit et tradidit, eamque donatam et traditam juxta sancti Benedicti regulam et institutionem disponi et ordinari exoravit. Donavit, inquam, et tradidit dux egregius Richardus beatæ memoriæ abbati Willelmo Sanctæ Trinitatis Fiscannensem ecclesiam, canonicorumque carnalium expulit enormem multitudinem ; quorum possessiones ecclesiæ penitus retinens et reddens, expulsus et converti nolentibus canonicis, abbati congruam restituit recompensationem.

Ex cap. XXIII.

Nocte igitur cujus sequenti die Fiscannensis ecclesia spirituales suscepit monachos, carnalesque expulit canonicos, ipsis canonicis ecclesiæ culmen

A totum aquilis operiri videbatur, quibus aquilis, et ingredientium monachorum theoria, et spiritualis volatus, et deinceps prætegentium angelorum descensus et conversatio congrue figuratur.

Ex cap. XXIV.

Igitur beatus et gloriosus abbas Willelmus susceptam Ecclesiam cœpiti gubernare et administrare, et juxta sancti Benedicti institutionem disponere et corrigere, atque de diversis provinciis viros fideles convocare et in obsequiis cœlestibus unire et confirmare. Subita igitur conversione Fiscannensis Ecclesia cœlestium virorum studiis fervebat et flagrabat, et multæ opinationis gloria circumpositas Ecclesias præcelebat et obscurabat. Fastigium quippe tantæ celsitudinis sua momentanea translatione Fiscannensis ecclesia consequabatur, quatenus ita omnes Galliarum ecclesias transcenderet re et habitu summæ religionis, quemadmodum transcendebat verbo et speciali privilegio suæ nuncupationis. Parcimonia et pudicitia, et voluntariæ paupertatis abundantia Fiscannensis Ecclesia valde radiabat ; virtutum, quarum evidentia latentem suæ formæ cæteram pulchritudinem designabat, atque contuentium mentibus suæ conversationis consilium inire et imitari, apertarum argumento virtutum ascendebat et provocabat. Ignorabat illo tempore Fiscannensis Ecclesia totius proprietatis singularitatem, soliusque communis cognoscebat unientem dilectionem, quæ juxta diversitates indigentium partes diversas distribuens, sanctorum apostolorum renovabat et repræsentabat primitivam imaginem. Quorum igitur honorum eminenti perseverantia, dux Richardus Fiscannensi ecclesiæ totus alligabatur, atque utilitatibus ejusdem ecclesiæ totius providentiæ diligentia transferebatur. Adeo enim Fiscannensis ecclesiæ illustrium virorum regularem vitam et religionem veram diligebat, et diligens frequentabat, ut totius sui ducatus collecta, vel, ut ita dicam, pinguedine cœlesti congregationi deserviret, atque epulaturis fratribus servientium consuetudine frequenter ipse ministraret ; tantæque humilitatis completo ministerio fratrum omnium ultimus resideret, et regularium epularum delectabili pabulo refici congauderet.

Ex cap. XXV.

D Sensit interea dux inclytus quorundam clericorum corrosiones et detractiones, præsagiique cujusdam futuras adversitates ; quos ob ducis nimiam charitatem et sanctæ ecclesiæ maximam religionem invidiæ morbus magnus infecerat, infectosque crudeli intestini livoris molestia cruciabat. Quorum ergo detrahentium malevolentiam dux comperiens, clericorumque præsumptiones superbas et præsumentes superbias cognoscens, totius Nortmanniæ episcopos et viros nobiles festinus Fiscannum convocavit, et Fiscannensem Sanctæ Trinitatis ecclesiam ab omnium episcoporum jugo et consuetudine justa vel injusta eripuit et liberavit. Hanc autem libertatem Rodbertus Rothomagensis archiepiscopus fecit et fieri voluit, atque alias duodecim

ecclesias ob patris sui memoriam et fratris præsentis jussionem et voluntatem ab omni episcopali consuetudine et exactione absolvit et liberavit, donatæ libertatis chartam archiepiscopus alique episcopi signo et consensu corroboraverunt, atque corroborandam nobilium virorum astipulationibus tradiderunt. Cupiens ergo dux providus sanctam ecclesiam modis omnibus liberare, et libertatem factam modis omnibus confirmare et permanere, Robertum regem et multos Galliarum proceres Fiscannum accersivit, atque regali charta et auctoritate, suorumque æqualium consensu et astipulatione, ab omnium episcoporum jugo et consuetudine Fiscannensem ecclesiam eripuit et liberavit; et suam suorumque nobilium chartam et ordinationem firmavit et corroboravit. Ecclesiæ igitur Fiscannensis libertati constitutæ dux Richardus congratulans, futuramque perennem mentis vivacitatem discutiens, beatæ memoriæ Willelmum abbatem compulsavit, suseque legationis injuncto officio ad Romanæ sedis apostolicam auctoritatem multis onustum xeniis direxit. Confecto itaque itinere abbas Willelmus Romam pervenit, et piæ memoriæ papæ Benedicto adventus sui rationem et mittentis ducis voluntatem aperuit, et factæ chartæ confirmationem, et apostolici privilegii auctoritatem magnæ humilitatis oratione congrua postulavit. Papa igitur Benedictus ducis diligentiam admirans, et suscepti amici præsentia summa exultatione congaudens, oblatas, chartas suæ sigillo excellentiæ confirmavit, et privilegia postulata voluntarius tradidit, et Fiscannensem Sanctæ Trinitatis ecclesiam ab omnium episcoporum jugo, subjectione et consuetudine liberans et eripiens,

A sub solius Romanæ Ecclesiæ gubernatione et patricinio constituit et suscepit. Constituit, inquam, Fiscannensem Ecclesiam solî Romanæ Ecclesiæ subjacere, atque ab omnium aliarum Ecclesiarum potestate immunem, absolutam et omnino liberam forma Cluniacensis monasterii permanere. Acceptis igitur apostolicæ auctoritatis exquisitis privilegiis, beatæ memoriæ Willelmus abbas festino cursu Normanniam remeavit, et ducis Richardi desiderio suæ voluntatis effectum, injunctæque legationis officium feliciter consummatum enucleavit et ostendit. Unde dux ineffabiliter exhilaratus, trino et uni Deo gratias totius intentionis fervore reddidit, qui ecclesiam, quam pater Richardus fundaverat, atque ipse patris Richardi rogatu et jussione compleverat et ordinaverat, divinæ providentiæ arcano consilio tantarum personarum convenientia ab omnium hominum jugo et prælatione solvebat et liberabat. Magnis deinde xeniis suum dilectissimum abbatem Willelmum honoravit honoratumque Sanctæ Trinitatis ecclesiæ Fiscannensi remisit, iterum atque iterum enixius exorans quatenus commissam Ecclesiam juxta cepti ordinis religionem custodiret, et custodiendo perficeret et confirmaret. Cujus igitur sanctas preces sanctarumve precum nimias humilitates beatus abbas velut oracula divina suscipiens, Fiscannum intravit, et per multam annorum vertiginem usque ad ducatum Hierosolymite Rotberti Fiscannensem Ecclesiam rexit, subjectosque suos verbo et exemplo succendit et reformavit, ad imaginem et similitudinem, honorem et gloriam omnipotentis Dei, qui vivit et regnat per omnia sæcula sæculorum. Amen.

VITA SANCTI GUILLELMI

AUCTORE GLABRO RODULFO

(*Vide Patrologiæ tom. CXLII, col. 697.*)

ALTERA VITA.

EX CHRONICO SANCTI BENIGNI DIVIONENSIS EXCERPTA.

(*MABILL. Acta SS. Bened. VIII, 335.*)

1. Anno ab Incarnatione Domini nongentesimo octogesimo, indictione octava, regni Lotharii regis vigesimo quinto (2) anno, dedit idem rex Brunoni (3) Remensis Ecclesiæ clericus, suo vero parenti propin-

(2) *Lege 27.*

(3) Hujus Brunonis præclare gesta passim memorat hujus Chronici actor. Ejus vero elogium ex Martyrologio veteri monasterii Benigniani habetur

D quitate consanguinitatis existenti, Lingonicæ civitatis episcopatum. Ordinatus est autem idem Bruno episcopus per manus Buchardi Lugdunensis archiepiscopi in ecclesia Sancti Stephani, viginti quatuor

tomo I Bibliothecæ Labbeinæ, pag. 657. Erat Lotharii regis ex sorore nepos, natus nempe ex Aldrada Ludovici I filia, Reginaldi Rocciensis comitis uxore.

annos gerens ætatis: et eodem anno susceptus est a clero Lingonicæ urbis, ab Incarnatione videlicet Christi nongentesimo octogesimo primo. Is, assectus episcopatum, omni quo potuit nisu sequi studuit exemplum boni pastoris. Monasteria igitur ipsius ad diœcesim pertinentia in spiritualibus religione, in temporalibus necessaria pene adnullata gubernatione considerans, cœpit quærere quatenus Dei dispensante nutu suum in statum ea quivisset reparare. Amovens ergo Manassem abbatem hujus loci (*Sancti Benigni Divione*) a dominatione, qua non bene utebatur, instituit in locum ejus abbatem quemdam ex monasterio Dervensi, Azonem nomine. Erat is Aquitanicus genere, ornatus bonis moribus et religiosa conversatione. Hic duobus annis in regimine peractis repedavit ad suum monasterium, dimissa hujus loci gubernatione, atque iterum Manasses abbas suum recepit officium.

2. Videns igitur domnus episcopus Bruno statum loci in ambiguo positum, supplex adiit domnum Maiolum Cluniacensis monasterii abbatem, multa que prece poposcit quatenus ejus auxillio quivisset reparare in melius interiorum religionem, et exterius possessiones. Cujus precibus flexus reverendus abbas Maiolus, dedit ei duodecim monachos ex omni congregatione electos, disciplinis sanctæ religionis instructos, divina et humana sapientia doctos, nobilitate carnali claros. Quibus adventibus ita ordinavit domnus episcopus ut die translationis sancti Benigni, monachis cum sibi subjectis clericis ante sepulcrum sæpefati martyris in crypta nocturnal officium paragentibus, ipsi in superiori choro ante principale Sancti Mauricii altare matutinalem inciperent synaxim. Quod utique convenienter actum est, ut qui lumen religionis ostendere veniebant intrarent luce diei appropinquante. Proinde illis hac vel illac pergentibus, isti in loco degentes cœperunt sancta conversatione resplendere, et locus qui antea pravis actibus et ineffabili negligentia a cunctis videbatur confusus, nunc felici exercitatione virtutum omnium videretur esse floridus.

3. Verum quia prædicti Patris industria locis aliis intenta erat, et hic locus sine abbate esse non poterat, iterum domni Brunonis præsulis pulsatus precibus, quemdam fratrem, ferventissimum sui ordinis executorem, et totius nobilitatis lampade præfulgidum, atque in vera humilitate et fraternæ dilectionis charitate, necnon summæ discretionis, quæ virtutum omnium mater esse dignoscitur, honestate laudabiliter radicatam et fundatam, nomine Willelmum, hujus monasterii gregi præfecit, et patrem spiritalem sibi poscentibus filiis instituit. Hic Italia exstitit oriundus, alto satis germine et nobili prosapia editus. Quem supradictus domnus Maiolus Roma veniens invenit in monasterio Lauceio dicto ubi a puero educatus fuerat. Assumensque eum ipso deprecante, secum adduxit Cluniacum, ætate juvenili florentem.

4. Ordinatus est igitur abbas a domno Brunone

episcopo, anno nongentesimo nonagesimo, indicatione tertia. Officio vero abbatis accepto, divinis seipsum cœpit exercere virtutibus. Erat enim corpore castus, mente devotus, affabilis alloquio, prudentia præditus, temperantia clarus, interna fortitudine firmus, censura justitiæ stabilis, longanimitate assiduus, patientia robustus, humilitate mansuetus, honorum operum gratia plenus, charitatis equidem affluens visceribus. Pro pauperibus semper erat sollicitus, Christum vero diligens totis visceribus, dum, sicut Martha corporaliter non valebat, in egenis illum quotidie reficiebat. Omnibus hospitii perlargum præbuit usum; nemo est exceptus, perpressus nemo repulsam. Divinorum præceptorum delectabatur eloquiis, quia ex his et suos mores componere, et sibi commissos instruebatur docere et corrigere. Cunctis seipsum præbebat bene vivendi exemplum. Et sicut in ordine, ita primus studebat ut esset in opere, juxta illud evangelistæ: *Cœpit Jesus facere et docere* (*Act. 1, 1*). Peccantes vero zelo pii amoris coram omnibus arguebat, ut cæteri timorem haberent. Sed et verba quæ sub increpatione proferebat, ut reprehendenda reprehenderet, quasi stimuli dura videbantur et aspera, ut pene timerentur plus quam verbera, juxta illud: *Verba sapientis quasi stimuli, et quasi clavi in altum defixi* (*Eccle. xii, 11*). Alios quidem blandimentis, alios admonitionibus, alios terroribus, et ita, juxta Apostolum, prædicans verbum instabat opportune, importune, arguens, obsecrans, increpans in omni patientia et doctrina (*II Tim. iv, 2*). Miserorum vero, haud secus ac si pateretur ipse, afficiebatur calamitatibus. Os ejus ita replebatur ex cordis abundantia, ut in eodem ore pene nihil aliud nisi lex resonaret divina; et quia Scriptura dicit: *Qui audit, dicat: Veni* (*Apoc. xxii, 17*), ideo quoscunque poterat, a sæculi nequitia suadendo subtrahat. Et sicut cœleste per desiderium totis ipse viribus ad supernum regnum anhelabat, ita secum pergere omnes homines, si fieri posset, exoptabat. Sed nullatenus est fraudatus a desiderio quod in se conceperat vera dilectio. Ille enim qui charitas est, qui se timentium complet voluntatem, viri Dei ferventem affectum perduxit ad effectum. Ad ejus quippe monita multi quæ possederant relinquentes, regulari se disciplinæ subdiderunt, et beati Benedicti sequentes vestigia, semetipsos abnegantes, vero Regi totis viribus militaverunt. Partibus namque ex diversis ad ejus cœnobium multitudo confluit innumerabilis. Sed nationibus licet diversi, mente tamen erant uniti, ut illud ad litteram in eis impletum videretur, quod de initio nascentis Ecclesiæ in apostolorum actibus legitur: *Erat illis cor unum et anima una* (*Act. iv, 32*).

5. Crescente autem interiorum religionis studio, exterioris substantiæ supplementum cœpit abundare non modice, prout Dominus promisit suis in Evangelio: *Quærite primum regnum Dei et justitiam ejus, et hæc omnia adjicientur vobis* (*Matth.*

vi, 23). Domnus namque episcopus Bruno, nimis exhilaratus corde eorum bona conversatione, omni studio eorum usui necessaria curabat ministrare. Reddidit igitur Sancto Benigno et ejus monachis ecclesiam in Saciaco sitam, etc. Ubique ergo investigans ablatam restituēbat, et de suo jure quodcumque necessarium et utile eis foret, libenti animo tribuebat. Utrisque vero, domno scilicet præsule Brunone atque vénérandō abbate Willelmo, in restauratione hujus loci studiose decertantibus, cœpit crescere et quasi denuo reflorescere, etc.

6. Ipse Henricus dux (*Burgundiæ Hugonis Francorum regis frater*) audita fama religionis eximii Patris Willelmi commisit ei abbatiam Versiacensem (4), pene ad nihilum redactam, ut ab ipso restitueretur in pristinum statum; quod et fecit auxiliante Deo (Domnus autem episcopus Bruno considerans Patrem Willelmum ita ferventem in religione ac monastica institutione, et loca ei commissa de die in diem in melius proficere, omnia in suo episcopio monasteria ipsius delegavit providentiæ, abbatiam scilicet Besuensem (5), apostolorum Petri et Pauli honore dicatam, monasterium Sancti Joannis, quod Reomaus dicitur, locum Sancti Michaelis archangeli juxta castrum Tornodorum, abbatiam Molundensem, ubi sanctus Valerius (6) archidiaconus et martyr quiescit. Quas omnes ita strenue gubernavit, ut post eum singulæ singulis abbatibus distributæ, statui illius temporis quo ab eo regebantur, non quierint æquari.

7. Anno sexto sæe ordinationis Willelmus abbas Romam perrexit ad apostolorum limina, eorum patrocinia exposcens prece devota, indeque ad Sanctum Angelum montem petivit Garganum. Sed Beneventum veniens gravissimæ infirmitatis astrictus est compede. Cujus infirmitatis diuturno afflictus languore, cum jam a suis desperaretur posse evadere, quadam nocte raptus in spiritu tribunali metuendi Judicis sistitur; ubi cum pro aliquibus increparetur excessibus, et maxime pro indiscreta severitate, pro his culpis metueret damnari æternis gehennæ suppliciis, ut sibi visum est, sanctus papa Gregorius in sua eum suscepit fide, diligentiori deinceps victurum sollicitudine, et priora errata pietatis et misericordiæ operibus expianda correcturum fore. Post visionem in semet reversus, et ab infirmitate eadem cœpit convalescere die, et priorem austeritatem permutavit in maximam pietatem. Sicque postea omni vitæ suæ tempore sanctum Gregorium speciali coluit dilectione. Cœperunt denique ex sua patria hoc est Italia, multi

(4) Alia lectio habet *Vezeliacensem*, cui monasterio Willelmum nostrum etiam præfuisse volunt nonnulli, forte ex hoc loco. Abbatia fuit ordinis nostri, vulgo *Vezelay*, hodie in canonicorum collegium conversat Vergiacum perseverat sub prioratus titulo, vulgo a Sancto Viventio, qui ibi quievit, dictus *S. Vivent*, prope oppidum S. Joannis de Latona.

(5) De hoc monasterio infra sigillatim agemus, hactenus perseverat sud nostra S. Mauri congregatione, vulgo *Beze*, sicut et tria sequentia. *Reo-*

ad eum convenire; aliqui litteris bene eruditi, alii diversorum operum magisterio docti, alii agriculturæ scientiæ præditi, quorum ars et ingenium huic loco profuit plurimum. Crescebat ergo quotidie multitudo monachorum sub ejus magisterio degentium, ut (exceptis his qui per alia erant monasteria) in hac congregatione quotidie fratres essent septuaginta aut octoginta.

8. Inter cætera quæ domnus Bruno episcopus in hoc loco egit bona, longum est enim enumerare singula ejus gesta, sed hoc breviter possumus dicere: Cuncta ab antiquis huic loco collata, posteaque a malignis direpta, vel a pravis rectoribus dispersita, a Brunone episcopo sunt restituta; et licet illi non amittant mercedem suæ elemosynæ, hic tamen non inferiori dignus est gratiarum actione. De emortuis enim cineribus, in excellentiorem quam unquam ante fuerat statum per eum sublimatus est hic locus. A sancto igitur Gregorio Lingonensi episcopo fundata hæc abbatia, a Guntrano rege stabilita et ditata, a Carolo imperatore, cognomento Calvo, et domno Isaac (7) episcopo restaurata, ab honorando præsule Brunone et Willelmo venerabili ebbate, non solummodo in aliis rebus, verum etiam in nova ecclesiæ fabrica est renovata. In cujus basilicæ miro opere domnus præsul expensas tribuendo, ac columnas marmoreas ac lapideas undecunque adducendo, et reverendus abbas magistros conducendo, et ipsum opus dictando insudantes, dignum divino cultui templum construxerunt. Cujus artificiosi operis forma et subtilitas non inaniter quibusque minus edoctis ostenditur per litteras, quoniam in eo multa videntur mystico sensu facta, quæ magis divinæ inspirationi quam alicujus deputari debent peritiæ magistri.

9. Fundatum est autem hoc templum anno Dominicæ Incarnationis millesimo primo, indictione decima quarta, decimo sexto Kalendas Martii. Cujus longitudo ducentorum ferme cubitorum, latitudo autem quinquaginta trium exstitit; altitudo vero in sequentibus opportune dicitur. Inferior itaque domus orationis, in qua sacratissimum corpus sancti Benigni martyris veneratur, eundem pene modum habens quantitatis, fulcitur centum quatuor columnis. Hæc in figuram litteræ facta, quatuor ordines columnarum duodeno dispositarum numero, æquali extenditur in longitudine et latitudine; decem vero cubitis erigitur in altitudine, secreta ex utraque parte habens vestibula. Quinque sane in ea continentur altaria: primum in honorem ipsius sancti *maus*, vulgo *Moutiers-Saint-Jean*, Tornodorensis, et Molundense, vulgo *Molome*, in prioratum Sancti Martini, qui sibi ipsi parebat translatum.

(6) Is fuit archidiaconus Lingonensis, sub Vandalorum irruptione occisus.

(7) Caroli diploma ea de re, quod Isaac obtinuit in gratiam monasterii Benigniani, a Perardo editum est: sicut et alterum Rodulfi regis, rogatu Gantzelini Lingonum episcopi, in quo Isaac loci restaurator, *miræ sanctitatis episcopus* dicitur.

Benigni est consecratum ; secundum in memoriam sancti Nicolai et omnium confessorum ; tertium in venerationem sanctæ Pascasiæ virginis, quæ ibidem quiescit, et omnium virginum ; quartum, in sancti Irenæi et omnium martyrum ; quintum sub nominibus sanctorum confessorum et abbatum sanctorum Joannis et Sequani, atque sancti Eustadii presbyteri ibidem quiescentis.

10. In hac ergo corpora sanctorum quiescentia sæpèdicti testis Christi beata ambiunt membra, quorum in principio hujus libri (8) nomina sunt adnotata. Sanctorum vero confessorum et episcoporum Urbani et Gregorii corpora in ecclesia Sancti Joannis Baptistæ primitus fuerunt tumulata ; post longa vero tempora, inde elevata. Sancti quidem Gregorii medietas corporis in ecclesia Sancti Benigni est recondita, tempore quo propter metum paganorum ejusdem sancti martyris effossum corpus delatum fuit ad civitatem Lingonas ; et tunc alia medietas corporis præfati confessoris illic est retenta. Sancti denique Urbani corpus levatum, et in loculo positum, multis miraculorum signis per eum Dominus lætificavit corda famulorum suorum in hoc loco degentium. Venerabilis vero Isaac antistitis corpus, cum, exigente templi ædificio, transferretur alio a quibusdam sacerdotibus, maxima ex parte integrum simul cum capite clericalem adhuc præferente habitam fertur inventum. Similiter et domni Argrimi pontificis ac monachi sacerdotalia cum cucullo necnon interiore cilicio vestimenta, in testimonium ipsius sanctimonniæ, incorrupta sunt reperta. Ad hoc haud longe reperta est sancta Radegundis, habens ad caput titulum sui nominis in lamina plumbea ; cujus ossa cerato involuta linteo sunt inventa in capsula lignea in terra recondita. Cæterorum præterea sanctorum, quorum corpora hic noscuntur tumulata, beatus Gregorius Turonorum episcopus mentionem facit, eorum describens quædam miracula (9), Benigni videlicet martyris, nostri specialis patroni, Tranquilli quoque confessoris, necnon Hilarii senatoris, et ejus conjugis sanctæ Floridæ sanctimonialis, atque Pascasiæ virginis et martyris. Hæc à sancto Benigno edocta et baptizata, post ejus martyrium, sævitia paganorum rapta est ad supplicium. Cumque immobilis in fide Christi persisteret, primo carceris afflicta squalore, postea pro confessione Deitatis sententia fuit multata capitali, ut quædam vitrea antiquitus facta et usque ad nostra perdurans tempora eleganti præmonstrabat pictura. Tantorum ergo venerandis corporibus sanctorum honorabiliter hæc de qua modo agitur ecclesia non mediocriter est ditata, exceptis aliorum reliquiis sanctorum, quos enumerare superfluum videtur.

11. Huic paulo superius descriptæ inferiori cryptæ conjungitur oratorium ad solis ortum, rotundo

(8) De his sanctis fuse agit chronographus sui operis initio, quæ si vis require Spicilegii tomo I, pag. 353. Urbanus et Gregorius fuere episcopi Lingonenses monasterii hujus conditores, quod ad ni-

A schemate factum, senarumque illustratum splendore fenestrarum, triginta septem cubitos habens in diametro, decem in alto. Hoc sane oratorium terno columnarum ordine in semet regyrato, quadraginta videlicet atque octo, geometricali dispositione ambitur ; hujus desuper culmen celso erectum fastigio viginti quatuor columnarum, ac triginta duorum arcuum, tripertita comparis numeri machina, divisione, eleganti transvolutum est opere. Hoc sane oratorium sancti Joannis Baptistæ sacratum est honore, cujus altare illustratur trium fenestrarum lumine. Ab hac ecclesia sunt per cochleam dextra lævaque triginta septem gradus, crebris sufficienter illustrati fenestris, per quos inoffenso ascenditur tramite ad basilicam Sanctæ Dei genitricis Mariæ. Ipsa vero ecclesia sexaginta octo subnixa est columnis, eundem fere habens modum et formam in diametro sive in altitudine, quem et inferior, undenisque irradiatur vitreis. Ad altare autem ejusdem perpetuæ Virginis marmoreum per quatuor tripertitos ascenditur gradus, juxta quos hinc et inde sunt altaria ; ad dextram quidem Joannis Evangelistæ ac Jacobi fratris ejus, Sanctique Thomæ Apostoli ; ad lævam vero sancti Matthæi, Jacobi et Philippi apostolorum.

12. Huic iterum concordantes et satis lucidi utrinque per cochleam ad ecclesiam Sanctæ et individue Trinitatis triginta gradus continuatim præstant ascensum. Hæc in modum coronæ constructa, triginta quoque et sex innixa columnis, fenestris undique, ac desuper patulo cælo lumen infundentibus, micat eximia claritate, amplitudine inferiori domui consimilis, sed viginti cubitorum altitudinis. Altare Sanctæ Trinitatis ita est positum ut undecunque ingredientibus, sit perspicuum. Inde per quadrigeminas scalas altrinsecus factas ad suprema patet ascensus ; quarum duæ æquali modo positæ per quindecim gradus usque ad Sancti Michaelis protenduntur oratorium, habens in longitudine cubitos triginta tres, in altitudine decem, vili facta (sic) chemate ; fenestras habet septem. Aliæ vero duæ per quinquaingenta gradus sursum dirigunt gressum. Ad ima autem harum scalarum, bina super murum deambulatoria sunt facta, quæ æquali spatio ab orientali parte usque ad occidentalem, et infra templum, per arcus deambulatorios, et supra tectum domus muro altitudinis trium ferme cubitorum circumquaque pergentium a ruina protegunt incessum. Hæc tamen ad dexteram sinistramve partem templi incipientes, interius et subtile alas ejus gressum per quosdam occultos aditus ad suprema tecti dirigentes, plano, ut dictum est, calle deducunt introrsus undique, donec superliminare occidentalium portarum attingentes, per pariles scalas viginti graduum in porticus Ec-

hilum pene prolapsam Isaac Brunonis decessor restituit. De Argrimo actum est Sæculo superiori.

(9) In libro 1. De gloria mart., cap. 50. et in libro De gloria confess., cap. 42 et seqq.

clesiæ majoris deponunt. Quæ ad instar crucis ædificata habet in longitudine cubitos centum viginti octo, in latitudine, sicut præscriptum est, quinquaginta tres, in altitudine quaquaversum permaximos triginta et unum cubitos, in medio autem quadrangula; illuminatur septuaginta vitreis, fulciturque centum viginti et una columnis, quarum nonnullæ juxta capita fortissimarum, quæ sunt quadraginta, pilarum quadrangulatim statutæ, una quasi simul coronari videntur corona, quamvis non unius sit magnitudinis omnium forma. Habet hinc et inde geminas porticus dupliciter transvolutas, in quibus bis bina continentur altaria. A parte quidem aquilonis unum in honorem sanctorum apostolorum Petri et Andræ, alterum in honorem sancti Bartholomæi et Simonis atque Thaddæi apostolorum. Sancti vero Pauli altare est in superiori ecclesia, ante aram Sanctæ Trinitatis, eo quod ipse ratus ad tertium cælum vidit secreta Dei. A meridie sunt altaria, unum in honorem sanctorum apostolorum Matthæi et Barnabæ, ac Lucæ evangelistæ; aliud in honorem sanctorum martyrum Stephani, Laurentii atque Vincentii. Est aliud altare ad occidentalem plagam ecclesiæ, in eodem latere meridiano in honorem sanctorum Mammetis, Desiderii, Leodegarii, Sebastiani, Gengulfi martyrum. Et ex parte altera sanctorum martyrum Polycarpi, Andochii, Thyrsi, Andeoli, Simphoriani, Georgii, Christophori, et sanctorum confessorum Urbani et Gregorii, quorum corporibus adornatur præsens domus. Principale altare est sacratum in honorem sanctorum Mauricii atque Benigni, simulque Omnium Sanctorum; altare ad dexteram ejus in honorem sancti Raphaelis archangeli et omnium beatorum spirituum; ad lævam vero in honorem sancti Marci evangelistæ; atque in medio ipsius ecclesiæ altare Sanctæ Crucis, Omniumque Sanctorum. Ante hoc altare triplex constat introitus cryptæ, in quidecim gradibus ascenditur ab ipsa ad superiorem ecclesiam.

13. Sepulcrum vero sancti et gloriosi martyris ita est constructum: est tumba ex quadris ædificata lapidibus, quæ octo cubitos in longum, quinque autem tenet in latum. Cujus cacumen lapideum quatuor sustinetur suffragio columnarum; desuper autem quatuor columnæ marmoreæ locatæ erant antiquitus. Olim super lapideos arcus qui continebant, absidam ferebant ligneam sex cubitorum longitudinis, et trium latitudinis, septemque ac semis altitudinis, quæ undique auro et argento vestita historiam Dominicæ nativitatis et passionis præmonstrabat, anaglypho prominente, opere pictura satis optima. Verum hoc decentissimum, de quo loquimur, ornamentum, ob recreationem pauperum tempore famis fuit dissipatum a domno abbate Willelmo, et cum capsula aurea mirifice gemmis exornata, pariterque tribus tabulis ac duobus thuribus argenteis, crucibusque, ac omne ornamentum in auro et argento venundatum est. Ante hæc vero tempore, insi-

gnia ornamenta, videlicet gemmæ, pallia pretiosa, capse, tabulæ, coronæ, vasa quoque ecclesiastica, seu candelabra ex auri argenticque metallo fabricata, cum imagine Salvatoris Domini nostri ex auro, fusili opere facta, latronum fraude, in ipsius sancti festiuitate, occisis custodibus, furto fuerunt asportata. Hæc ornamenta a Guntramno et cæteris legibus huic loco, pro veneratione et honore Dei sanctique Benigni martyris antiquitus collata, sed priscis temporibus sacrilega pessimorum manu sublata, nullus postea exstitit principum qui tantum potuisset recuperare thesaurum. Hæc ad notificandam Divionensis loci antiquitatem et gloriam paucis dicta sunt. Illud in fine notificandum est, in templi istius ædificio esse columnas trecentas septuaginta et unam, exceptis illis quæ in turribus et altaribus sunt. Fenestræ clausæ vel claudendæ vitro centum viginti, turres octo, portæ tres, ostia viginti quatuor.

14. Nunc ad ea quæ omiseramus patris Willelmi explicanda gesta stylum vertamus. Augustorum seu regum palatia cum adiit, in iis non quæsit quæ sua sunt, sed quæ Jesu Christi, ut ex eorum scilicet familiari colloctione subveniret oppressis sua interventione; aut certe ex sæculari vel clericali habita Deo lucrificaret, ut, juxta Domini præceptum, propria relinquerent, et sæcularibus curis semotis Deo in tranquillitate servire starent. Conveniebant igitur ad eum plurimi, ut diximus, et licet diversi nationibus, mente tamen uniti. Lætabatur pastor in sui gregis augmento, magisque gaudebat quod omnes instabant operi proposito. Verum quia super gregem sibi commissum solerti vigilavit cura, divina promeruit gratia de fructu laborum suorum in hac gaudere vita. Nam regularis vitæ disciplinam, quæ jam pene deciderat per veterum negligentiam, prout beatus Benedictus eam composuit, in pristinum statum corrigendo restauravit, ac per diversas mundi partes, per plura monasteria a regulari tramite devia, tam per se quam per suos, quos abbates ordinarat, monastico ordini subdidit. In hoc vero gaudens gratulabatur Deo, quod eorum quos sua sub cura educaverat, ad monasticum regendum ordinem fore multos idoneos videbat; ex quibus nos aliquos dignum judicavimus huic libro indere, ut sciant posterius quam strenui ex hac congregatione prodierint monachi, eorumque memoria permaneat in laude.

15. Cum primum abbatis suscepit officium venerabilis Willelmus, inter monachos in hoc loco degentes fuit quidam juvenculus, vocatus Hunaldus, quem prædictus Pater videns solertis ingenii, retinuit sibi cæteris absentibus. Hunc, præcipue omni studio doctrinæ imbutum, in domo Dei constituit vas electum. Ad omnia quippe quæ sibi erant necessaria prædicti fratris juvabatur solertia. Denique injunxit illi curam hujus sacri periboli; quam tanta prosecutus est cura ut pene totum quidquid fuit ornamentorum in hac basilica, ejus studio sit aggre-

gatum. Ad ultimum post obitum prædicti Patris abbatiam Tornodorensis assecutus, ibidem quievit, annis viginti septem in regimine transactis. Alter quidam hujus castri Divionensis civis, nobili ortus genere Rodulfus, Albus vocatus cognomine, venit ad conversionem inter ipsa primordia ejus novæ ordinationis, cujus pecuniis relevata est paupertas prædicti Patris, et consilio atque adjutorio sublevata sollicitudo regiminis hujus loci, et Besuensis monasterii, (adhuc quippe erat ei paucitas monachorum) quem prædictus frater ita juvabat in exterioribus curis, ut solus supplere videretur solamen plurimum, sed præter ejus votum, hoc solatium tulit illi paucitas dierum. Ater quoque subjunctus est memorato Patri, Theodericus dictus, hujus patriæ civis, quem post diuturnam eruditionem Fiscannensi cœnobio constituit priorem, ad ultimum Gemmeticensium præfecit abbatem. Alius ex castro Belno dicto, miles, Ledbaldus vocatus, et a studio Sapiens cognominatus, patri Willelmo est adjunctus; cujus imbutus doctrina spiritali per aliquod tempus archimandrita in Tornodorensi loco est substitutus.

16. Fama sacræ religionis eximii Patris Willelmi percitus quidam Metensis clericus, generosis ortus natalibus, nomine Benedictus, ejus discipulatus est aggregatus; brevique in tempore, studendo eum imitari, doctrina et conversatione perfectionem attigit monasticæ vitæ. Per ejus igitur relationem comperit domnus Adelbero Metensis pontifex patris Willelmi religiosam conversationem; a quo suppliciter evocatus, atque sancti Arnulfi abbatia donatus, eundem Benedictum ibidem constituit patrem; ubi per multos annos sacris intentus actibus, vita functus multis claruit virtutibus. Ne vero a tanto pontifice reverendus abbas Willelmus rediret vacuus a munere, stolam auro textam, duasque cappas purpureas auro limbo decoratas, ab eodem percepit præsule. Sed et præfatus Benedictus abbas ordinatus casulam auro decenter ornatam, atque alia ornamenta obtulit ei pro benedictione, quæ præfatus Pater tam hoc in loco quam Fructuariensi a se noviter cœpto divisit, ut sibi placuit. Prædictam vero Sancti Arnulfi abbatiam post mortem ante dicti abbatis rexit annis multis.

17. Ex Tullensi quoque clero venit ad eum quidam, Arnulfus vocabulo, litteris apprime eruditus omnique mundana sapientia doctus. Hic in brevi assecutus perfectioris vitæ institutionem, commissa est ei cura a domno patre Willelmo non solum hujus, sed et omnium quæ sub ejus erant provisione locorum. Qui quanta in hoc loco egerit bona post referemus, etc. Domnus igitur Bertoldus Leucorum, qui Tullo dicitur, episcopus per querimoniam a se delapsi clerici confabulationem quæsitivæ sæpe-

(9*) In Necrologio Benigniano alii item episcopi ejusdem loci monachi habentur, nempe *Joannes archiepiscopus Corinthi, Idibus Decembris*, et Pibo Tullensis episcopus, *ix Kalendas Decembris*.

(10) Romualdus Camaldulensium Pater; Willel-

A fati abbatis Willelmi; in cujus verbis considerans inconcussam inadulatamque constantiam mentis, cæteraque insignia virtutum in ejus actis et moribus resplendentia admiratus, monuit instanti prece ut abbatiam Sancti Apri suscipiens emendare curaret secundum Sancti Benigni institutionem. Cujus annuens precibus, idem cœnobium in paucis annis ad regularem commutavit statum. Invenit ibidem strenuos monachos, ex quibus unum, Widricum nomine, post non multos annos in eodem monasterio constituit Patrem monachorum. Qui egregii magistri docilis discipulus ita eum studuit imitari in omnibus, ut in suis omnibus vel verbis vel actibus representari quodammodo videretur Pater Willelmus. Multos denique erudiens in sancta conversatione, aliquantos aliorum monasteriorum Patres monachorum ex sua protulit congregatione.

18. Plures igitur sacerdotum vel abbatum, sibi commissorum locorum vel ecclesiarum relinquentes curam, ad Patris Willelmi confluebant doctrinam. Quidam episcopus civitatis Albingatæ, quæ est juxta Genuam civitatem, super mare sitam in Italia, relicto episcopio, prædicti Patris se subdidit imperio. Alter quoque episcopus, Barnabas vocatus, genere Græcus, in hoc monasterio sub ejus magisterio plurimis annis est conversatus. Alius vero, Benignus dictus, episcopus, a Roma huc adveniens, per aliquot annos cum ipso commoratus fuit, subjectus et obediens (9). Abbates etiam per plures ex diversis partibus venientes sponte se ipsi subiciebant, obedire parati; inter quos fuerunt abbas Joannes, dictus Capuanus; alter quoque Joannes, abbas monasterii Sancti Apollinaris in urbe Ravenna; Benedictus quoque, abbas monasterii Sancti Severi urbis Classis, Anastasius etiam et Marcus, et alii abbates plures; quos longum est enumerare. Monachorum vero non est numerus, qui ab illis venerunt partibus. Archidiaconus etiam quidam Medionalensis, nomine Godefredus, ut nobilem decebat, nobiliter veniens cum multis thesauris, inter quos altare onychinum, auro et argento decenter ornatum, et quidquid ad capellam pertinebat, ornamentum scilicet ecclesiasticum, secum detulit. Pluribus annis in hoc monasterio monachus permansit, ac postea per consensum abbatis Willelmi patriam revocatus, abbas apud Mediolanum est constitutus.

19. Ipsi denique sancti viri patres et doctores eremitarum existentes, fama sanctitatis longe lateque notificati, Romaldus (10) scilicet, Willelmus ac Martinus, quos in magna veneratione habebat urbs Ravenna, cæterique quos intra se concludit Italia, patris Willelmi expetebant societatem, quia sanctorum conjunctio grata et jucunda, Ecclesiæque pernecessaria; et econtra societas malorum

mus ejus discipulus, qui laudatur a Petro Damiani in ejusdem vita, num. 31, et forte Martinus, seu Marinus, sub cujus magisterio Romualdus prima didicit vitæ eremiticæ præcepta.

mpedimentum honorum. Ipsi vero cultores eremi, relicta quiete solitudinis, gaudebant sub ejus magisterio associari cœnobitis. Ex eorum ergo numero adjuncti fuerunt ei duo, Joannes et Paulus, litteris eruditi, quorum sapientia ad salutem multarum profecit animarum. Horum uterque monasticæ religionis ferventissimi, et in cœnobiali conversatione cæteris erant imitandi, et in contemplativa vita lectioni et orationi assidue studentes, videntibus exemplo fuerunt pariter et admirationi. Reverendæ memoriæ Paulus (11) apud nos in pace quievit; Joannes (12) vero homo Dei sanctam ob conversationem vocatus a domno Patre Willelmo, Fructuariensi cœnobio abbas est institutus. De quo loco, quia occasio se præbuit, intimandum paucis videtur qualiter fundatus fuerit.

20. Duo germani fratres fuerunt sæpe dicti abbas Willelmi, unus vocatus est Nithardus, alter Gotfredus. Primus eorum comitatus honore enituit, alius militiæ stipendiis contentus fuit; quos prædictus Pater sæpe admonendo a mundi illecebris abduxit, et ad Christum convertit. Venientes ergo uterque ad hoc Divionense cœnobium, exceptis aliis rebus, dederunt sancto protectori nostro Benigno quoddam juris sui prædium, Wlpianum vocatum, quodam præsagio futurorum. In quo loco domnus Willelmus fundavit ecclesiam in honore sancti Benigni, ut notitia et honor ipsius sancti in illa patria accresceret, et ut in hæreditate parentum suorum aliquid acceptum Deo ædificaret; deinde ut oblatio eorum ad animarum proficeret lucrum, atque ut fructus honorum operum quæ ibi geruntur, sibi et illis esset abolitio peccatorum, ut æternæ vitæ digna recompensatio præmiorum. Unde et Fructuariensis ille locus est vocatus. In brevi ergo tempore factum est nobile cœnobium, ubi de hoc loco et spiritualia et temporalia subsidia sunt delata; reliquiæ scilicet multæ cum corporibus sanctorum, volumina librorum, omniaque ecclesiastica ornamenta, et monachi plurimi pariter illuc abierunt. Sed et de aliis sæditioni subjectis locis, et undecunque oblati supplementis, magnificatus est locus possessionibus et divitiis; ita ut in vita ejus congregatio illius loci numero constaret monachis, exceptis locis cellarum ei loco subditis, quæ fere triginta existunt. Convocatis ergo episcopis patriæ, rege quoque Arduino, qui ibi postmodum quievit, sua cum conjugē, et multis nobilibus ipsius regni, in honore sanctæ Dei genitricis Mariæ, sanctique Benigni et omnium sanctorum fecit locum illum sacrari. Constituit et alia monasteria in eadem patria, ubi deputatis monachis, et abbatibus ordinatis adhuc ordo viget monasticus. Sanctimonialium etiam instituit monasterium.

21. Audita Dei viri fama nobilissimus Nortman-

(11) An hic Paulus, qui in Necrologio sancti Germani sic designatur, *Paulus solitarius sancti Benigni vi Kal. Junii*. Ibi etiam reclusos fuisse colligitur ex ipso Necrologio Benigniano, ubi

A norum comes Richardus misit ad eum, reverenter supplicans ut ad se veniret. Qui tandem libenter ut rogatus fuerat pergens, venit ad eum; a quo, sicuti decebat, honorifice susceptus est, multisque ejus precibus exoratus est ut ecclesiam Sanctæ et indivisæ Trinitatis nomine et honore dicatam, in loco qui Fiscannus dicitur olim constructam, et a se in ampliorem statum decenter reformatam susciperet. atque monachorum collegio decoraret. Cujus precibus annuens, ita præfatum locum omnibus religionis studiis, cæterisque honorum copiis adornavit, ut præ cunctis illius provinciæ locis, felicibus semper floreat incrementis. In quo loco multi convenerunt nobiles viri, tam clerici quam laici, ejus doctrinis cupientes institui; inter quos Osmundus episcopus sanctæ et religiosæ vitæ exstitit monachus. Duo quoque clerici liberalibus artibus apprime eruditi, aula regis postposita, Willelmum Patrem expetierunt mente devota. Unus eorum vocabatur Jocelinus, alter Beringerius, e quibus prior postmodum abbas exstitit, sequens in eodem loco vitæ finem accepit. De transmarinis etiam partibus, hoc est Anglorum terra, vir quidam nobilis regali prosapia clarus, Clemens nomine, relictis sæculi pompis ad idem monasterium venit, Deo inibi cupiens militare; sed cum ab hominibus ex sua patria adventantibus crebro inviseretur, magis Deo diligens servire cum quiete, quam vanitates mundi frequenter audire, Divionense expetivit cœnobium, ubi laudabilis vitæ complevit cursum. Fuit itaque, secundum etymologiam sui nominis, clemens animo, omnibus virtutibus adornatus, præcipue humilitate, qua in tantum se abjectum et vilem assebat, ut, cum sacerdotii gradu fungeretur, nunquam in omni vita sua, nisi semel, ad hoc ministerium accedere præsumperit.

22. Post quam igitur per annos fere *triginta* Willelmus abbas Fiscannense rexit cœnobium, cum jam senectute simul et ægritudine gravaretur, et elegisset sibi Fructuariensem locum ad inhabitandum, desiderans de patrio solo quiescere; considerans princeps regni Rotbertus, qui post patrem et fratrem defunctos primatum tenebat Normannorum, petiit per legatos eundem Patrem, ut abbatem sibi substitueret, quia loci status aliter sine detrimento manere non posset. Ad cujus petitionem, quemdam sibi vales dilectum monachum, ejusdem loci priorem, nomine Joannem, constituit abbatem; licet eum alibi magis optasset præficere. Hic Italiæ partibus Ravennæ ortus, litteris eruditus, ac medicinali arte per ipsius Patris jussionem eductus, religiosæ conversationis ejus, doctrinæ quoque ac omnium virtutum ipsius præ cunctis aliis exstitit imitator studiosus. Qui, ab exilitate corporis, Joannelinus diminutivo nomine est dictus; sed humilitatis, sa-

Johannes reclusus Idibus Julii.

(12) De Fructuariensi monasterio infra seorsim agemus, ubi charta, in qua Joannes primus loci istius abbas memoratur.

pientiae, discretionis, ac caeterarum virtutum tanta in eo refulsit gratia ut (sicut sanctus refert Gregorius in libro Dialogorum de Constantio presbytero (*lib.* 1, c. 5) in hoc mirum esset intuentibus in tam parvo corpore gratiae Dei tanta dona exuberare. Sed quia adhuc domum habitat luteam, sufficit hoc tantum dixisse. Dicit enim Scriptura: « Ne laudes hominem in vita sua (*Eccli.* xi).»

23. Commisit et alia loca memoratus comes Richardus saepe abbatii Willelmo, scilicet Gemeticum, ut jam diximus, monasterium Sancti Audoeni, montem Sancti Michaelis archangeli, in quo loco post mortem Patris praedicti, supradictus Joannes abbas constituit Patrem quemdam monachum praenominati Patris Willelmi. Vocatus est autem isdem frater Subpo, Romanorum patria exortus, et jam dicti magistri institutione in omni sanctitate educatus. Qui postmodum quibusdam contrarietatibus exortis, relicto ipso loco, Fructuariensem (13) abbatiam pluribus annis rexit. Robertus etiam rex abbatiam Sancti Germani apud Parisius precatu est praedictum Patrem ut susciperet, et secundum regularem institutionem ordinaret. Quod et fecit. Necnon et Oddo comes pari devotione locum sancti Faronis in urbe Meldorum eidem commisit venerabili Patri. Sed et honorabilis praesul Mettensis Ecclesiae Theodericus Gorziensem abbatiam eodem zelo Dei commendavit illi, defuncto illius loci abbate; qui dum praefatum regeret locum, ex clero Metensi quemdam clericum, Sigifredum vocatum, litteris bene doctum, ad monasticum attraxit ordinem. Qui post ejus decessum eandem rexit congregationem.

24. Dominus vero Arnulfus istius loci prior, ut jam diximus, cum patris Willelmi et praefati praesulis admoneretur precibus ut jam dicti loci susciperet curam, atque abbatis officium, ipse humilitatis amator nullo modo assensit, magisque elegit subesse quam praesse, solummodo cujusdam parvi loci a praetaxato patre Willelmo sibi expectavit curam et dominium. Est autem locus ille situs in confinio Tullensis et Lingonensis parochiarum, in loco qui vocatur Britannica curia (14). Quomodo vero sancto Benigno istius loci patrono fuerit datus, nunc referemus. Jacob Tullensis urbis episcopus dum rediret Roma, incitatus fama miraculorum quae in hoc loco Dei operabatur clementia per istius sancti merita, ad ipsius martyris Christi advenit tumulum, cupiens a Deo veniam adipisci delictorum per hujus gloriosi martyris interventum. Dumque per aliquot dies remorando ad tumulum ejus caelorum penetraret intima, vocatus a

(13) Aliquot vasa sacra a Suppone Michaelinae ecclesiae data memorat Arturus in Neustria pia, qui eundem Fructuarium recessisse anno 1048, ibi: que obiisse anno 1061 scribit.

(14) Huic loco duo altaria dedit Bertholdus episcopus Tullensis anno 1005, ut monastica religione a Willelmo insigniretur. Donationis chartam habet

Domino est ad caelestia regna, sanctique Benigni adjutus precibus, et in caelis cum eo gloriam et in terra juxta ejus tumulum condignam accepit sepulturam. Cujus soror, nomine Liliosa, ad sancti Benigni veniens limina, praedictum praedium suum donavit Sancto Benigno martyri pro fratris sui sepultura; in quo loco aedificaverunt ecclesiam in honore sancti Benigni, etc. Hunc ergo locum supradictus dominus Arnulfus sibi eligens omni cura studuit eum augmentare; ac primam basilicam ibi magnam construens, officinasque ac reliqua habitacula monachis utilia, nobile caenobium constituit, possessionibusque ac terris augere procuravit.

Multa subjungit auctor de variis donationibus tunc temporis monasterio Benigniano factis, quae huc referre operae pretium visum non est, sed et complures recenset cellas, seu, ut vulgo appellantur, prioratus, quae eodem tempore de novo extractae aut certe monasterio Sancti Benigni attributae fuerunt. Tales sunt Wulnonisvilla in pago Tricasino, in pago Pertuensi Albiniacum, cujus ecclesiam Arnulfus mox laudatus librorum ornamento decoravit, impensas tribuendo, et domus Girbertus scribendo. Is porro Girbertus ibidem dicitur ex primis quos nutritivus dominus abbas Willelmus, et ab officio Scriptorum est appellatus. Anno autem 1005 restaurata est et novis praediis dotata cella Sancti Stephani prope Belnam, ac Willelmi providentiae commissa. Anno 1023, eidem donata fuit cella Beatae Mariae de Salmacia, ut monachi ibi mitterentur etc. De iis rebus complures chartae habentur apud Perardum; ubi etiam Lethaldus miles dat anno 1006 ecclesiam Sancti Petri in loco Puteolis, ut ibi monachi instituantur, et Haimo consilio Lamberti episcopi Sancti Flaviani locum, anno 1030 Willelmo subjecit, ut ibi monasticum ordinem repararet. Imbertus tunc Lingonum archidiaconus, qui postea Parisiorum episcopus factus fuit, obtulit per donum et laudem Lamberti episcopi, sancto Benigno abbatiam Sancti Amatoris prope Lingonas, ut ibi monachi sisterentur, qui Deo hymnis et laudibus die noctuque deservirent. Eodem Lamberto laudante Aymo comes dedit Willelmo abbatiam in honorem sanctae Dei genitricis Mariae sacratam, et ante suum castrum, quod Saxonis Fons dicitur, positam, quatenus ordo monasticus, qui ibi quondam fuerat institutus, ipsius repararetur studio. Caeteras donationes omittimus. Sed praetermittere non licet egregii pontificis Brunonis encomium, quod his verbis prosequitur chronographus:

25. Quia longum est enarrare cuncta quae huic monasterio collata sunt (15), tempore domni Brunonis episcopi, et quibus per ipsum vel propter ip-

Perardus. Ejusdem loci ecclesiam dedicavit et dedit Bruno, postea Leo IX papa factus.

(15) Privilegia, etc, monasterii Benigniani a pontifice Romano confirmari curavit Bruno, ad quem Benedictus papa ea de re binas epistolas dedit, quas et totidem ipsi Willelmo scriptas exhibet Perardus, cum aliis donationum chartis. Robertus rex

sum ab aliis augmentatum est bonis, ad ipsius A multum prægravatus optare dissolvi et cum Christ esse, bonam consummationem laborum suorū adimplere cupiens, per omnia monasteria quæ sibi ejus fuerant magisterio, incipiens ab Italia, circueundo et fratres exhortando, ut ea quæ ab ipso didicerant mente retinerent et opere adimplerent. Si quidem ejus doctrina fuit ut, juxta quod præcipit sancti Benedicti regula, in verbo et omni actione, in vestus qualitatem, humilitate videntibus se semper ostenderent, et ut, honorum se invicem prævenientes, dilectionem sine simulatione exhiberent. His et aliis virtutum operibus intentos, etiam distincte legendi atque psallendi magisterio erudit. Hæc docendo cæteris monasteriis peragratis, pervenit ad cœnobium, nomen Fiscannum; ubi plus solito infirmitate prægravatus, sentiens sibi imminere ultimum vocationis suæ diem, convocatis fratribus per octo dies exhortans eos, atque absolutione et oratione Deo commendans, octavo die Natalis Domini, sumpto Christi corporis et sanguinis sacramento, reddidit Deo spiritum. Cujus corpus, a medicis qui ibi aderant conditum aromatibus, honorificè traditum est sepulturæ in ipso monasterio ante altare sancti Taurini confessoris. Post cujus obitum dominus Halinardus (16) suscepit curam regiminis animarum, quem præfatus Pater successorem sibi elegerat cum consilio et laude fratrum, baculumque pastorem ei transmiserat. Obiit vero prædictus Pater noster Wuillemus anno ab Incarnatione Domini millesimo trigesimo uno. *Duo hic adjicere visum est quæ ad Divionense monasterium spectant attinent. Primum insigne Guillelmi erga pauperes charitatis exemplum quod in ipso sancti Benigni monasterio edidit, ex Chronico Virdunensi, tomo I Bibliothecæ Labeanæ; alterum Benedicti VIII papæ epistolam ad eundem Guillelmum pro monasterio Benigniano, in qua mentio habetur Benigni episcopi, supra pag. 340 memorati, quam ex ejusdem loci historia ms. descriptam habemus. Sic itaque habet Hugo in Chronico sub finem partis 1, cap. 27 :*

26. Quoniam ad finem libri tendimus, obitum Patris Vilelmi intimare euramus. Postquam per annos quadraginta duos, vineæ Dominicæ sedulus cultor, eam excolendo jugiter propagare amplificareque curavit, cum jam senio infirmitatibusque

postea rogante Lamberto Brunonis successore monasterii Benigniani possessiones, et prædecessorum suorum privilegia confirmavit anno 1015.

(16) Halinardi, qui postea factus est Lugdunensis

27. Nec debet reticeri Vuillelmi Supræregulæ factum memorabile. Cum a Fructuariensi cœnobio, quod juris erat Divionensis ecclesiæ, rediisset, et Divioni, ut decebat, susceptus, in capitulo qualiter se fratres haberent, si necessaria non deessent, inquireret; ut audivit omnia esse plena, nullumque locum indigentiae, qui non posset levi obice obstrui, interrogat de eleemosyna; cognovitque quia, et si consuetudinaria dabatur, non tamen pauperibus, prout poterant et habebant, suffragabantur; zelo succensus eo qui carnes sanctorum exedit, increpata eorum duritia, a sede conceitus cum bona indignati animi stomachatione surrexit, et imposta antiphona de mandato: *Ubi est charitas?* non ultra progrediens, sed hoc ejus initium semper repetens, ad cellarium ve-

archiepiscopus, vitam ex hoc Chronico Benigniani auctore dabimus ad annum 1052 quo e vivis excessit.

nit, et missille quodlibet quod manibus Finees occurrit arripiens, cum in ore et animo ejus semper versaretur : *Ubi est charitas*, vasa in quibus frumentum, hordeum, et vinum servabatur, disruptit, et accitis pauperibus vascula eorum implevit, illud semper corde et ore depromens : *Ubi est charitas ?* et operis exhibitione contestans. Cujus animi indignitatem vix aliquando ut quod aggregatum erat expenderetur, mitigare potuerunt, cum *Ubi est charitas*, semper repeteretur, et ipsi incrassati, impinguati, dilatati exprobrarentur. Nec antea cessatum est donec omne illud repositum pauperibus donatum est : et ipse ad Italiam remeans, cum biennio suum a sæculo expectasset excessum, tandem redire compulsus, ante Divionem transiens loca sibi commissa circuibat ; de hinc Fiscannum se contulit, ubi imminente anno Dominicæ 1021 [leg. 1031] Incarnationis. Indictione xiv obiit Kalendas Januarii ; ad cujus sepulcrum puerulus decennis a maxima ægritudine sanatus est. *Scrupulum hic V. C. Danielis Papebrochii levare liceat, qui in notis ad hunc locum, in Vita sancti Richardi, die 14 Junii Bollandiani pag. 997, se perlibenter disciturum ait, quo in loco Ritualia habeant hanc antiphonam. Cui breviter respondemus hanc hodieque in monasteriis cantari feria v in Cæna Domini ad Mandatum, quo n omine, uti etiam Guillelmi tempore, intelligitur lotio pedum, quæ hac ipsa die non solum in monasteriis, sed etiam in plerisque canonicorum collegiis fieri solet. Habetur autem eadem antiphona in Processionali monastico, et in libellis officii hebdomadæ sanctæ, quibus vulgo non clerici modo, sed et quique fideles hac hebdomada utuntur. Jam preferenda est Benedicti papæ epistola.*

28. BENEDICTUS episcopus servus servorum Dei,

A WILLELMO venerabili abbati et in Christo filio dilecto, salutem sempiternam cum benedictione Apostolica. Audita vigilantia studii tui qua invigilas super filios commissos tibi, referimus gratias Deo omnipotenti. Denique comperimus te jamdiu laborare creberrimis tuorum hostium incursibus, et pene jam destitutam Ecclesiam tuam a diripientibus et infortunis tuis, quæ forinsecus pateris condolemus ; namque pro longanimitate patientiæ quam huc usque exhibuisti adversariis ecclesiæ tuæ decet nos gaudere, et bonitatem tuam laudare. Cæterum sufficiat hactenus hanc patientiam ita exhibuisse ut impune ad nihilum redigantur res ecclesiæ penitus, et præ penuria inopiæ labefactetur ordo religionis monasticæ, quæ inibi sub te dignoscitur præpollere. Habes tecum filium nostrum Benignum episcopum gratias Deo effectum monachum, quem admonemus honeste et religiose conversari, professionem obedientiæ moribus et opere attendere ; in qua vocatione vocatus est, in ipsa permanere ; deinde illi jubemus cum omni imperio, ut inimicos sancti martyris Benigni insequatur omni justitiæ zelo ac cum divina auctoritate feriat eos anathemate, tibi etiam præcipimus ne absistas ei in hoc, sed sicut illi auctoritatem pervasores tuos ferendi concedimus, jubemus et imperamus ; ita tibi per veterem obedientiam mandamus ne impedias illum nec prohibeas quin ipsos malefactores Domini verbi gladio coerceat, ac sic bene roboretur nostra auctoritas ; et quos namque ille ligaverit, apostolica et nostra auctoritate sint ligati, et quos absolverit sint nostra pariter absolutione absoluti. Damus etiam illi potestatem inordinandi, cumque juste postulatus fuerit in sancta Ecclesia ordinare, verumtamen te jubente.

SANCTI GUILLELMI

ABBATIS S. BENIGNI

EPISTOLÆ DUÆ AD JOANNEM P'APAM XIX.

(Vide infra in JOANNE XIX).

SANCTI GUILLELMI

ABBATIS S. BENIGNI

EPISTOLA AD ODILONEM CLUNIACENSEM ABBATEM.

De obitu Willelmi Burgundix comitis ; de morte Richardi Normannorum comitis, et de rebus maxime ad Vizeliacense cœnobium pertinentibus.

(MABILL. *Annal. Bened.*, tom. IV, pag. 333).

Melle favoque dulciori domno Patri O. frater W. D certi esse cupientes, litterulas vobis misimus, horum quæ apud nos geruntur indices. Interius quidem, divina gratia, vestrisque meritis suffraganti-

rum quæ apud nos geruntur indices. Interius quidem, divina gratia, vestrisque meritis suffraganti-

bus, bene valemus; exterius vero quibusdam in A spectui habentes, in terram pedibus conculcandas fortunis graviter fatigamur. Audistis jam, ut credimus, rebus humanis excessisse comitem Willelmum, et apud Divionem sepultum. De obitu comitis Richardi missum non habuimus, nec aliquid didicimus, nisi quantum a dicentibus audivimus. Præter ea innotescimus paternitati vestræ quod monasterium Viziliacense, agente Landrico comite, monachis ejusdem loci cum abbate turpiter ejectis, domnus Oddo suscepit sine consultu episcopi Augustodunensis. Hac de causa in tanta ira contra vos et nos locumque nostrum concitatus est, ut non solum mala quæ per se suosque poterit minatur nobis irrogare, monasterium videlicet Magabrense auferendo, et omnia altaria quæ in suo episcopatu habemus, excommunicando; B sed et omnes, quotquot potest, episcopos, clericos, laicos, cujuscunque ordinis aut dignitatis, in nostras inimicitias commovendo. Excommunicavit etiam nostræ congregationis fratres, ut nullus jam dicto loco inhabitet, ecclesiamque ingrediatur, vel aliquod divinum obsequium in ea celebrare præsumat. Ipsi vero, fidentes apostolicis privilegiis quibus libertas ejusdem loci ab antecessoribus provisa est, pro nihilo ejus sententiam computaverunt, et nihil de interdictis dimittere curaverunt; sed litteras hac de causa ab eo directas de-

U spectui habentes, in terram pedibus conculcandas projecerunt. Unde non solum ipse majori ira accensus est, sed et apud omnes longe lateque hæc audientes grandis calumnia contra nos exorta est. Universi enim qui hæc audiunt, non solum inimici, set et qui ante videbantur amici, illius injustitiam contra nos auctorizant, nosque inaudite præsumptionis et etiam apud sæculares horrendæ cupiditatis inculpant, dicentes non licere qualemcunque abbatem a proprio honore qualibet ex causa amovere sine canonica examinatione et judicio episcopi ad cujus diocesim noscitur pertinere. Hæc et ejusmodi quamplura non modo ab æmulis, verum et a consentaneis audientes, et ab episcopo vinculo anathematis quo fratres ligaverat, ut absolveret, nullo modo antequam relicto loco cum suis omnibus ad vos reverterentur, impetrare valentes, aliud consilium salubrius invenire nequivimus, præter quod ex vestra parte eis mandavimus ut ad vos revertantur quantocius, ne aliquis periculo excommunicationis subiaceat subita morte præventus. Hæc vero an comes Landricus permittat, vel ipsi velint facere, nobis manet incertum. Quæ cuncta vobis intimare curavimus, cupientes vestram voluntatem et jussionem de his omnibus littera vestra cognoscere quantocius. Valet.

SANCTI GUILLELMI

ABBATIS S. BENIGNI

PRIVILEGIUM PRO MONASTERIO FRUCTUARIENSI.

(MABILL. Acta SS. Bened. Sæc. VI, pag. 347).

In nominæ sanctæ et invidiæ Trinitatis. Notum C fieri volumus fratribus nostris, tam præsentibus quam futuris, et omnibus sanctæ Ecclesiæ filiis, cujuscunque ordinis, honoris et dignitatis, quod monasterium noviter constructum in loco qui Fructuaria antiquo nuncupatur vocabulo, liberrimum atque absolutissimum consistat ab omni subjectione debita cuique diœcesi vel monasterio, cujus rei causas exponere et manifestare curamus, ne cuiquam subrepat malæ et inconsideratæ occasionis tumultus. Quidam frater noster carnali germanitate, Gottofredus nomine, cum esset sub habitu sæculari, et libere degeret in paterna hæreditate, eligit funditus sæculum relinquere, et post Deum ire. Denique expetens sanctum Divionense cœnobium, illuc, volente Deo, suscepit habitum monasticum. Verum omnes fratres ejusdem loci, qui præsentés fuerunt, et oculis hæc viderunt, hoc sciunt, et scire possunt, quomodo idem domnus Gottofredus in prædicto loco nullam fecit legalem donationem ex proprio, quod reliquerat, patrimonio, quia in eo successerat frater ejus Nitardus jure hæreditario; qui non multo post secu-

D tus est fratrem suum in prætitulato Divionensi monasterio. Denique Robertus, qui solus ex fratribus suis remansit laicus, inter cætera suæ possessionis dona, ipse, et prædictus frater ejus Nitardus, quæ Domino contulerunt ad construendum monasterium specialiter locum, Fructuaria dictum, ita ut possidebant quietum et solidum Gontardo venerabili viro Taurinensi archidiacono tradiderunt, ut inde faceret legale testamentum, quod appellatur Judicatus [al. Indicatus]. Quod et factum est eo rationis tenore ut, postquam præfatorum fratrum possessio transiret in Domini possessionem, nullo modo primam et antiquam perderet libertatis dignitatem. Ergo quoniam de hæreditate nostrorum carnalium antecessorum fiebat hæres D Christus per prædictorum duorum nostrorum germanorum manus; tandem sicut inceptum est justo voto, ita decenter expletum est adjuvante Deo. Interea confirmatum est et stabilitum in solido et inconcusso ne subiaceat ulli episcopio, sive monasterio, seu sæculari dominio, et corroboratum imperialibus et regalibus, sive episcopalibus præceptis atque privilegiis. Insuper autem subnixum

scripto apostolico a summis pontificibus universalis Ecclesie, prius a domino papa Joanne, deinde ab ejus successore domino papa Benedicto, ubi in Lateranensi basilica sedebat undique circumfultus plena synodo, in qua, exceptis abbatibus, vel reliquis diversi ordinis, seu dignitatis fidelibus, quadraginta adfuerunt episcopi cum sancti Petri Cardinalibus qui omnes testamentum, quod dominus papa Benedictus ipsi loco fecit, post eum confirmaverunt, et signantes signaverunt, atque jaculo excommunicationis et maledictionis pariter omnes illud damnaverunt. Quicumque illam molestare tentaverit sanctionem tantae auctoritatis, nemo movere debet ad occasionem quempiam ex nostris fratribus, sive aliquem loco insidiare volentem injustis conspirationibus, ut materiam hujus libertatis calumniandae inde sumere conentur, quod in cenobio, ubi superius nominati fratres sanctae conversationis habitum susceperunt, abbas sum ordinatus, et in aedificando monasterio Fructuariensi apposuerim manus: quoniam et me defendit, sicut supra monstratum est, justa occasio, et locum tuetur ipsa restitutio, quia ab ingenuis possessionibus antiqua libertate liber est Deo donatus, et quia paupertacula eorumdem fratrum germanorum nostrorum non sufficiebat ut stabiliretur, ab virorum multorum, praecipue Arduini regis et Bertae uxoris ejus ministerio est fundatus. Praeterea Nitardus inde per legale testamentum successor effectus, patrimonium quod reliquerat Gotofredus, postea Fructuarie legitima traditione donavit funditus. Sed ne qualibet justa occasione male susceptioni detrahendis seminarium nasceretur, cum benedictio domini Brunonis episcopi, de praedictis omnibus a voto nostro non discrepantis, et fratrum amicorumque utriusque partis sumpta insigniora ornamenta ab eodem monasterio, et in memoriam ipsius ad eum consolandum Divionem transmissa,

A scilicet textum unum auro, gemmis et lapidibus mire ornatum, casulam auro decoratam, et duas stolae deauratae cum earum manipulis, et unum cingulum, atque quatuor amicti deaurati. Itaque causis redditis hujus descriptionis, superest ut confirmetur subsequenter idoneis testibus cum certis testimoniis. Ad quam confirmationem, etc., ego frater Willelmus, dictus abbas veridica affectione, sicuti coram ipso loquens testor Dei pro amore in supradictis fideliter insudasse, et nunc propria subscriptione hoc testamentum confirmans, omnes subscribentes ad aequalem hujus retributionis mercedem votis omnibus pro posse admitto, et sic praesentes et absentes quamplures subscribere exoro testes. Leoterius miseratione Dei archipraesul Senonum subscribeas suffraganeos nostros subscribere rogavi. Goslinus archipraesul Bituricensis et abbas Sancti Benedicti firmavi, Fulco Ambianensis firmavi, Fulbertus episcopus Carnotis firmavi, Odillus [al. Odo] abbas Cluniacensis firmavi, Everardus abbas Sancti Martini firmavi, Gosbertus abbas Turonis Sancti Juliani firmavi. Ego frater Arnulfus prior, etc. Theodertus [f. Theodebertus] abbas. Osmundus episcopus, Ecomus, etc. Ego Rotbertus gratia Dei rex Franciae meum et filii mei regis Ugonis nomen scribere rogavi. Ego Rotbertus rex firmavi manu propria. Ego Ugo rex firmavi. Ego Erveus archiclavus Sancti Martini Turonensis firmavi. Ego Ugo archipraesul Turonensium firmavi. Ego Rotbertus Rotomagensis archiepiscopus omni auctoritate firmo. Ego Ugo Bajocacensis ecclesiae episcopus firmavi. Ego Ugo Constantinensis episcopus firmavi. Ego Ugo Ebrojacensis episcopus firmavi. Ego Ugo Ebrojacensis episcopus firmavi. Ego Norgaudus Avrincacensis [Abrincensis] episcopus firmavi. Ego Rotgerius Lisuncensis [Lexoviensis] episcopus firmavi, Siefredus episcopus Saxicensis [Sagiensis] firmavi.

APPENDIX AD SANCTUM GUILLELMUM.

ANNALES S. BENIGNI DIVIONENSIS

EDENTE G. WAITZ PH. DR.

(Apud PERTZ. *Monumenta Germaniae historica*, Script. tom. V, pag. 37).

Annales breves una eademque manu usque ad annum 957 scripti, ex codice Coloniensi, ubi postea a diversis addita est continuatio, editi sunt Mon. SS. I, p. 97. Eosdem descriptos, sed multis notis auctos, quarum magna pars (1-8) ad res spectat Tullenses, in Annalibus reperimus S. Benigni Divionensis. Quorum I codex etiamnum in biblio-

D theca universitatis Divionensis asservatus et Nr. 269 notatus, anno 1837 a me exscriptus est. Saeculo XII inc. exaratus esse videtur: continet vero praeter alia (19) fol. 44-57, cyclorum tabulam usque ad annum 1064 deduciam, eademque ultimis foliis usque ad annum 1215 continuatam. Quorum margini quidam saec. XII usque ad annum millesimum

NOTAE.

(1-8). A. 895, 906, 921, 934, 962, 963, 994, 996, 1000.

(19) Cf. Archiv. VII, p. 445.

notationes illas adiecit, quas partim cum Annalibus A Colonienſibus convenire, partim res Tullenſes explicare dixi, ita ut exemplar Annalium illorum in hac urbe repetitum et auctum ante oculos habuiſſe videatur. Eadem vel ejuſdem temporis manus anno 840 Annales Lugdunenſes exſcripſit. Successit manus, quæ uſque ad annum 1063, alia quæ uſque ad annum 1124 Annales proſecuta eſt; et hi et alii ſcriptores prioribus annis res Lingonenſes (20) et Divionenſes (21), alii adiecerunt Virduenſes (22), alii denique varias congeſſerunt adnotationes, quas tum e fontibus nobis incognitis, tum ex propria rerum cognitione hauſerunt; omnes vero ſæc. XII inc. in hoc labore occupati fuiſſe videntur. Sed inde ab anno 1125 multi ſibi ſuccedunt auctores, qui plerumque rebus quas enarrant æquales fuerunt et ſatis accurata rerum cognitione imbuti. Verum etiam antecedentia sæpe non minoris habenda ſunt auctoritatis, quippe quorum maxima pars e codicibus antiquioribus ſit deſcripta. Quod quo ſatius perſpiciatur, quæcumque e codice Tullenſi ſumpta videntur, littera obliqua exprimenda curavi, eaque ita diſtinxi, ut quæ ad Annales Coloſienſes prope accedunt typis arcitius, reliqua latius poſitis indiſcentur. Cætera littera exprimuntur vulgari; ſed quæ cuique manui debeantur, quam accuratiſſime potui annotavi. — Ex his Annalibus Beſuenſes (Mon. II, p. 248 editos) deſcriptos eſſe (23), nemo negabit qui videt notationes ibi a diverſis ſcriptas hic uno calamo eſſe repetitas (24). Neque tamen ultra annum 1118 Beſuenſes illorum

A veſtigia ſequuntur (25), quo fere tempore priores deſinere ſcriptores Divionenſes ſupra dixi; et cum etiam ex antecedentibus quædam, e. gr. notæ Virduenſes omnes, ſint prætermiſſa, hæc poſtea demum codici Divionenſi illata eſſe putarim. Annales Beſuenſes anno 1119-1174 in monaſterio illo continuati ſunt, Sancti Benigni Divionenſes in hoc libro uſque ad annum 1214 a diverſis deducti. — Alter vero extat.

2. Codex Montipellanus Nr. 48. fol., antea C. Bouhier B. 48 et olim in eodem Sancti Benigni cenobio aſſervatus; qui ſæc. XIII ſcriptus fol. 11, ſeqq. cyclos continet ab anno 1-1595 tribus columnis exaratos, in quorum margine Annales leguntur ad ſupradictos prope accedentes. Uſque ad ſæc. XIII pauca tantum exſtant notæ æque partim aliunde hauſtæ; inde ab anno 1108 vero plures occurrunt, quas, quamvis non uni debeantur ſcriptori, sæpe ex 1 eſſe deſumptas facile eſt intellectu (26). Interdum fortasſe idem utrique codici ſimilem notationem intulit; alius hunc, alius illum præſuiſſe videtur. Poſt annum 1214 vero hic ſolus quæ in monaſterio memoriæ tradebantur recepit iſque uſque ad annum 1285 ornatus eſt. Quæ omnia anno 1837 exſcripſi.

Labbeus ex codice 1 magnam Annalium partem edidit (Bibl. mſs. I, p. 293); ex quo Bouqueti continuatores fragmenta receperunt (XI p. 346; XII, p. 310; XVII, p. 741). Quæ in codice 2 leguntur hæc uſque, quod ſciam, inedita ſunt.

G. WALTZ.

ANNALES S. BENIGNI DIVIONENSIS.

(564.) Hujus¹ (*Chilbeberti II*) tempore ſanctus Agericus Virduenſis epiſcopus claruit in miraculis; quod etiam Fortunatus poeta non tacet (27).

753.² *Ibi*³ *benedictus, eſt Pippinus rex a ſancto Stephano papa Parisius et filii ejus Karolus et Karlomannus, et filia Giſila, inter ſacra miſſarum ſollempnia, precipiente ſancto Petro et ſancto Paulo et beato Dionisio.*

Ordinatio⁴ domni Madeluci Virduenſis epiſcopi.

(760.) Temporibus⁵ Pippini regis vigit ſanctus

C Madelucus Virduenſis epiſcopus, cuius corpus in cripta ſancti Vitoni ſepultum, poſt 40 annos inventum eſt incorruptum.

768. *Pippinus* (28) *rex obiit 8. Kal. Octobr.*

769. *Initium regni Karoli regis.*

770. (*Aut* 771.) *Et Karlomannus obiit 2. Non. Decembr.*

772. *Adrianus papa efficitur.*

776. *Converſio Saxonum.*

778. *Karolus in Spanias intravit.*

VARIE LECTIONES.

¹ *Hanc unam notationem manu 6 ſcriptam ex annis prioribus recepi. Cætera uſque ad a. 752 omiſi.*
² 752 corr. 753. cod. ³ *prima manu. Hæc exſcripta ſunt in Ann. Beſ.* ⁴ *manu 6,* ⁵ *manu 7.*

NOTE.

(20) A. 838, 856, 880, 922, 984, etc.

(21) A. 871, 912, etc.

(22) A. 564, 753 (760), 868, 882, 915, 923, 925, 939, 940, 951, 973, 1005, 1046, 1060.

(23) Ann. S. Benigni minime ex Ann. Beſuenſibus fluxerunt. Neque S. Benigni monaſterium a. 1002, ſed jam ſæc. VI, conditum eſt.

(24) Beſuenſis ſcriptor annos sæpe male turbavit, e. gr. quæ ad. a. 828 pertinent ad a. 855 retulit, res a. 888 et 899 in cod. Divionenſi una manu ſcriptas in a. 891 et 892 poſuit.

(25) A. 600, 652, 731, 830, 879, 883, 888, 933

D (1033), 1052 (1037), 1088, 1101, 1103, 1105-1107, 1117 quædam addunt, quæ plurimum ad monaſterii hſtoriam pertinent. Nota a. 888 cum iis ad verbum convenit quæ ex hoc codice Arch. VII, p. 448 edidi; ubi pro a. 809 fortasſe 896 legendus eſt.

(26) Vide quæ notavi anno 1110, 1121.

(27) V. Bertarii Gesta opp. Vird., c. 6. Mon. SS. IV, p. 42.

(28) Etiam ann. 768-772 ad Ann. in Coloſienſibus exſcriptos pertinere putarim, quamvis hi a demum 973 incipiunt. Fontes vero horum Annalium Mon. SS. I, p. 96 indiſcunt ſunt.

779. *Karolus Saxoniam venit.*
 780. *Saxonia capta est.*
 781. *Karolus Romam vadit.*
 786. *Signum crucis in vestibus. Item Karolus Romam perrexit, deinde ad Sanctum Benedictum et Capuam.*
 788. *Karolus per Alemanniam venit ad fines Bawariæ.*
 790. *Kassilo dux venit in Franciam, et Bawaria capta est.*
 791. *Karolus pergit in Sclavos, qui dicuntur Willti.*
 793. *Karolus rex Hungrorum regnum vastat.*
 796. *Obiit Adrianus papa; successit Leo papa.*
 800. *Domnus Karolus rex imperator factus est, et a Romanis appellatus est augustus.*
 809. *Transitus sancti Ludgeri episcopi et confessoris, capellani ipsius Karoli.*
 814. *Karolus imperator obiit. Initium regni Ludowici, filii ipsius Karoli Magni.*
 816. Leo ⁶ papa obiit.
 817. Successit Stephanus, et ipso anno obiit; successit Paschalis.
 822. *Fames valida.*
 823. *Visio Wetani.*
 824. (29) Natus ⁷ est Karolus, filius Ludowici, in Franconofurt Idus Jun. In quo palatio novo illo anno imperator hiemavit; et a Paschali papa in die pasche Romæ [Lotharius ⁶] coronatus et imperator est appellatus. Drogo pridie Idus Jun. in Franconofurt presbiter est ordinatus ⁹ cui et episcopatus Mettensis est datus. — Paschalis papa obiit. Eugenius successit.
 827. Valentinus successit papa, et ei successit Gregorius.
 835. Annus 22 regni Ludowici.
 838. Albericus ¹⁰ episcopus Lingonensis obiit 12 Kal. Jan.
 840. *Hudowicus imperator obiit 12 Kal. Julii. — Eclipsis ¹¹ solis 3 Non. Mai.*
 Eclipsis ¹² (30) solis accidit in diebus Istanianum 3 Non. Mai 4 feria circa horam diei octavam et permansit fere hora dimidia adeo obscura, ut stellæ in celo clarissime apparerent. Hoc anno sancte memorie Agobardus Lugdunensis episcopus obiit 8 idus Jun. Ludowicus quoque imperator defunctus est 12 Kal. Jul., et memorabile atque insigne opus ¹³ quod forum vetus vocabatur Lugduni corruit ipso ¹⁴ die intrantis autumnii, quod steterat a tempore Trajani imperatoris per annos fere septingentos.

- A Amolo (31), præfati episcopi diaconus, ordinatus episcopus Lugduni 17 Kal. Febr., et lacrimabile bellum inter filios imperatoris Ludowici haud ¹⁵ procul ab urbe Autisiodorentium; in quo Christianus utrimque populus mutua se cæde prostravit 7 Kal. Jul. Cujus etiam ann. principio nocturnis horis lux ingens a parte aquilonis emissa, et longe lateque diffusa serali portento noctem pæne in diem vertisse visa est.
 841. *Bellum inter tres fratres, scilicet Ludowicum, Lotharium ac Karolum, filios Ludowici imperatoris.*
 843. Sergius papa successit.
 846. Leo papa successit.
 855. Benedictus papa successit. *Hlotharius rex obiit 4 Kal. Octobr., filius Ludowici, Sic ¹⁶ introvimus.*
 B 856. Obiit ¹⁷ Teutbaldus episcopus (32) 16 Kal. Sept.
 857. Nicholaus papa successit.
 867. Adrianus papa successit.
 868. *Fames valida.* — Hatto ¹⁸ Viridunensis episcopus obiit ¹⁹; Berhardus successit ¹⁹.
 869. *Item fames valida, et mortalitas hominum et pestis animalium.* — Lotharius ²⁰ rex obiit.
 871. *Ventus validus.* — Cepit ²⁰ (33) Divionense monasterium. — Johannes papa successit.
 873. Adventus ²¹ locusarum.
 877. *Præd. Non Octob. obiit Karolus imperator et Hilmentrudis regina. Iterum Karolus Italiam ingreditur, et eandem terram Karlomannus per aliam viam intravit. Inde Karolus territus fugit, et in eodem itinere mortuus est.*
 C 878. 4. Kal. Novembris eclipsis ²² solis 4 feria circa horam diei octavam, et permansit fere hora dimidia adeo obscura, ut stellæ clarissimæ apparerent.
 879. *Ludowicus rex Saxonum, adhuc fratre suo Karlomanno vivente, Bawariam ingreditur. — Obitus Ludowici regis 4 ²³ Id. April.*
 880. Obiit ²⁴ Isaac episcopus (34) 15 Kal. Aug.
 881. *Indictio 14 die tertio Nonarum Augustarum mensis ipsius intrantibus die Marte et 6 concurrerunt ²⁵ bellum Franci contra paganos, Ludowico, filio Ludowici regis, primum exeunte ad pugnam, Deoque donante potiti sunt victoria, et pars innumerabilis eorum maxima cecidit.*
 882. Obiit ²⁴ Isaac episcopus (34) 15 Kal. Aug.
 884. *Sedes ²⁷ Nordmannorum in Diusburg. Obiit Karlomannus rex Non. Decemb.*
 885. *Karolus imperator efficitur Francorum.*
 887. Burgundia ²⁸ a Nortmannis vastatur.

VARIE LECTIONES.

⁶ manu diversa. ⁷ alio atramento scripta, etiam in Ann. Bes. repetita. ⁸ deest cod. et Ann. Bes. ⁹ effectus corr. ordinatus c. ¹⁰ manu δ; Ann. Bes. hæc habent a. 856. ¹¹ alia manu. ¹² manu a prima paulo diversa (a) fortasse idem scriptor hæc diversis temporibus codici intulit. ¹³ opis corr. opus c. ¹⁴ ipse c. ¹⁵ hau c. ¹⁶ eadem manu qua præcedentia; aut ad hunc aut ad a. 857 pertinent. ¹⁷ manu. δ ¹⁸ manu nescio quam (β aut γ). ¹⁹ jam vix legenda. ²⁰ mana s. ²¹ alia manu. ²² eclypsi solis c. ²³ fortasse III. corr. III. c. ²⁴ manu δ (f). ²⁵ initium cod. inesseverant Ann. Bes. ²⁶ Hæc in loco raso (manu β aut γ?). ²⁷ tres fere litteræ (est ?) erasæ c. ²⁸ alia manu. Ann. Bes. a. 891.

NOTÆ.

(29) Rectius 823.

(30) Ex Ann. Lugd. I, p. 110.

(31) Hæc ad a. 844 pertinent; v. Ann. Lugd.

(32) Lingonensis.

(33) Restauratum est; v. Chron. S. Benigni Div. ap. Dachery Spiell., ed. 2, II, p. 376.

(34) Lingonensis.

(35) Episcopus Viridunensis.

888. *Karolus imperator obiit, Arnulfus rex efficitur.*
889. Odo ⁸⁹ rex Francorum.
893. *Initium regni Karoli pueri. Hujus miles Hagano.*
(895). *Tullus ⁹⁰ civitas succensa est 2 Non. April.*
(895). *Arnulfus (36) Romæ cesar efficitur; audita miseria famis ac mortalitas et Christiani hominis alterius carnem comedentis. Ungari (37) Italiam ingressi multa fecerunt; et Arnulfus imperator obiit ac Ludowicus in regem elevatur.*
899. Richardus ⁹¹ comes Burgundiæ pugnavit cum Nortmannis in villa Argentolio et occidit eos 5 Kal. Jan. — Obiit ⁹² Odo rex.
900. *Zundebaudus rex filium ⁹³ Arnulfi occidit.*
901. *Zendebauldus ⁹⁴ rex obiit.*
902. *Obiit Petronilla.*
904. *Bellum inter Conradum et Adalbertum ⁹⁵ Francos, in quo Conradus cecidit.*
905. *Adalbertus capite plectitur.*
906. *3 Id. Septembris obiit Ludelmus ⁹⁶ episcopus (38).*
990. *Ungari Saxoniam et Thuringiam vastant.*
911. *Ludowicus, filius Arnulfi obiit. Burchardus dux occiditur. Conradus, filius Conradi, in regem elevatur.*
912. *Cometæ visæ sunt. Tunc ⁹⁷ fecit Warnerius episcopus (39) privilegium de ecclesia Sancti Vincentii (40).*
915. *Ecclesia ⁹⁸ principalis sanctæ Mariæ Viridunensis igne succenditur (41).*
916. *24 annus Karoli.*
920. *Conradus rex obiit, et Heinricus successit.*
921. *Ordinatio domni Gauzlini præsulis (42) 16 Kal. Apr. — Obiit ⁹⁹ Ricardus comes 2 Kal. Septembris.*
922. *17 Kal. Jul. Karolus pugnavit cum Roberto, et Robertus occiditur. — Obiit ⁹⁹ Warnerius episcopus 14 Kal. Aug.*
923. *Obiit ⁹⁹ Dado Viridunensis episcopus.*
925. *Succedit ¹⁰⁰ Bernuinus.*
929. *Johannes papa obiit; successit Johannes.*
934. *Conversio monachorum Sancti Apri.*
935. *Heinricus magnus rex obiit, et Otto successit.*
936. *Johannes obiit. Leo papa successit, et ei successit Stephanus, Stephano Marinus.*
939. *Bernuinus ¹⁰¹ obiit ¹⁰¹.*
940. *Berengarius ¹⁰¹ successit.*
946. *Marinus papa obiit. Agapitus successit.*
951. *Otto rex Italiam ingressus, eam sibi subjugavit. — De ¹⁰¹ monasterio Sancti Petri et Sancti Vitoni a Berengario episcopo et monacho pelluntur clerici, subrogantur monachi, quibus preficitur Humbertus abba primus.*
953. *Conjunctio Liudulfi et ducis Conradi adversus Ottonem regem.*
954. *Agapitus papa obiit. Octavianus successit.*
957. *Liudulfus, Ottonis regis filius, subjugata sibi Italia, ibidem obiit. — Cruces apparuerunt B in vestibus.*
961. *Otto puerulus in regem elevatur in Aquigrani palatii. — Eclipsis solis fit.*
962. *Obitus domni Gauzlini presulis 7 Idus Sept.*
963. *Ordinatio domni Girardi pontificis 4 Kal. Apr.*
965. *Octavianus papa a Roma exiit. In cujus loco Joannes substituitur.*
966. *Octavianus obiit.*
972. *Otto magnus imperator obiit.*
973. *Obitus domni Humberti abbatis 2 Non. Decembris, primi ¹⁰² abbatis monasterii Sancti Vitoni.*
981. *Ordinatus ¹⁰³ est Bruno episcopus (43) permanus Burchardi archiepiscopi Lugdunensis.*
983. *Otto junior imperator obiit.*
- C 989. *In mense Aug. hora vespertina cometa visæ sunt in occidente. Rex ¹⁰⁴ Robertus regnare incipit.*
990. *Obitus pii patris domni abbatis (44) Roberti in Non. Aug. — Ordinatio ¹⁰⁵ domni et eximii patris Willelmi Divionensis ¹⁰⁶ abbatis cænobii per manus memorandi ¹⁰⁷ Brunonis Lingonenicæ urbis episcopi in officio archimandrite atque presbiteri.*
994. *Obitus domni Gerardi episcopi 9 Kal. Mai.*
996. *Bertoldus episcopus 8 Kal. Sept. ingressus in Tullum est 5 Id. Octob.*
997. *Ordinatio ejusdem ¹⁰⁸.*
1000. *Obitus Stephani episcopi 4 Id. Mart.*
1002. *Obiit ¹⁰⁹ Otho tercius. — Hoc ¹¹⁰ anno inco-*

VARIE LECTIONES.

⁹⁹ alia manu ζ. ¹⁰⁰ fortasse etiam hæc ad a. 893 pertinent. ¹⁰¹ eadem manu qua a. 887. — Ann. Bes. a. 892. ¹⁰² manu ζ. ¹⁰³ lege ex Ann. Col. : filius A. occiditur. ¹⁰⁴ Alia manu aut eadem manu postea addita. ¹⁰⁵ Adalbeum c. ¹⁰⁶ hidelmus ? cod. ¹⁰⁷ alia manu (δ?). ¹⁰⁸ manu γ. ¹⁰⁹ manu δ. ¹¹⁰ alio atramento quam anni 923. notitia. ¹¹¹ manu γ (?) ¹¹² alia manu additur : In decem et VIII annis sunt lunationes CCXXXV. ¹¹³ reliqua add. manus γ. ¹¹⁴ manu δ. ¹¹⁵ alia manu. ¹¹⁶ alia manu. ¹¹⁷ erasum est c. Besuensis Ann. Bes. ¹¹⁸ m. m. in loco raso c. ¹¹⁹ fortasse jungendum est : 5 Idus Octob. ordinatio ejusdem, quamvis ultima verba alia manu ad a. 997 scripta esse videantur. ¹²⁰ manu ε. Hic prima manus desinit. ¹²¹ alia manu.

VARIE LECTIONES.

(36) Hæc Ann. Colon. a. 896.

(37) Ann. Colon. a. 899.

(38) Tullensis.

(39) Lingonensis.

(40) Cf. Chron. S. Benigni l. 1., p. 360.

(41) Cf. Mon. SS. IV, p. 36, 40.

(42) Tullensis.

(43) Lingonensis.

(44) « Quis sit iste Robertus abbas incertum, » Mabillon, Ann. IV, p. 62.

- pta sunt novi fundamenta monasterii Divionensis A 1027. Arnulfus prior obiit.
 16 Kal. Mart. feria 3. 1030. Lambertus episcopus Lingonensis obiit ;
 1003. In mense Februario cometæ visæ sunt cui successit Ricardus, qui ejectus est ab episco-
 mane in parte orientis. patu a Girardo archidiacono ; pergens in Flan-
 1005. Obiit ⁵² Fingenius abbas (45). Succedit driam, obiit illic ; et successit Hugo in pontificatu.
 Richardus piissimus ; a quo et incepta sunt fun- 1031. Obitus patris eximii Willelmi.
 damenta monasterii Viridunensis. 1033. Hoc (46) anno eclipsis facta est solis die
 1015. Obitus ⁵¹ domni Warneri abbatis. festivitatis sanctorum apostolorum Petri et Pauli
 1016. Obiit hoc anno Bruno, Lingonensis eccle- (Jun. 29), feria 6 meridianis horis, et stella clara
 siæ episcopus eximius, et pauperum Christi tutor visa est.
 ac defensor..... 1046. Obiit ⁵⁶ Richardus abba (47) piissimus ;
 1017. Successit ⁵³ Lambertus. succedit Walerannus, frater Hugonis Linguonen-
 1018. Hoc ⁵⁴ anno fuit dedicata æcclesia sancte sis episcopi ; et obiit Richardus Viridunensis epi-
 Marie in Divionensi monasterio cum toto atrio scopus ; cui successit Theodericus. — Ordinatus ⁵⁷
 ejusdem loci per manus Lamberti episcopi feria 3 est abbas Halinardus Lugdunensis archiepiscopus
 rogacionum (Mai. 13). B in loco qui dicitur Orbrestino (48) coram Heinrico
 1024. Heinricus imperator obiit, qui pro strenue cesare, filio Cononis.
 amministratis regni gubernaculis æternam sibi me- 1049. Hoc anno venit sanctus Leo papa in Gal-
 moriam adquisivit ; cui Cono in regnum successit. liam, et in concilio Remensi depositus est Hugo
 1026. Hoc anno obiit Otto Burgundiæ comes. Lingonensis episcopus ; successit Harduinus.

Codex 1.

Codex 2^{us}.

1052. Hoc anno obiit Rome abba et archiepiscopus 1052 ⁵⁹. Hoc anno obiit domnus Allinardus ⁶⁰
 Halinardus, successitque ei in archiepiscopatu Lugdunensis ⁶¹ archiepiscopus et abbas istius ec-
 Humbertus et in abbacia Johannes, abba Fiscanni, clesie ; cui successit Johannes, abbas Fiscannensis
 hujus loci monachus ; demissaque 3^o anno, fui- et monachus hujus loci ; postea dimisit abaciam,
 mus sine abbate annis duobus. et fuimus sine abbate per tres annos.
 1056. Ordinatus est Adalbero abba Divio- 1056. Hoc anno ordinatus Adalbero abbas Divio-
 nensis ab Harduino episcopo Lingonensi 6 Idus nensis ab Harduino Lingonensi episcopo 6 Idus
 Aprilis. Aprilis.
 1057. Hoc anno ⁵⁴ dedicata est æcclesia sanctæ 1057. Hoc anno ⁵⁴ dedicata est æcclesia sanctæ
 Mariæ Saxios m....s (49) a præfato Harduino epi- Mariæ Saxios m....s (49) a præfato Harduino epi-
 scopo, et confirmata carta est donationis, quæ scopo, et confirmata carta est donationis, quæ
 facta est ab Aprimone comite et ejus filiis. facta est ab Aprimone comite et ejus filiis.
 1060. Obiit ⁵⁵ Walerannus abba (50) ; succedit 1060. Obiit ⁵⁵ Walerannus abba (50) ; succedit
 Grimoldus.

VARIE LECTIONES.

⁵² manu γ. ⁵³ Hæc eadem manu qua a. 1015. scripta sunt. ⁵⁴ manu γ. ⁵⁵ alia manu, quæ etiam notat a. 1049-1057, scripsit. ⁵⁶ deest l. ⁵⁷ manu γ. ⁵⁸ Quæ hunc annum antecedant partim cum l conveniunt (a. 404. 407. 512. 526. 575. 1020.) partim aliunde sumpta sunt (a. 486. 802. 814. 910. 939. 969. 1000.). Hæc inde. ab s. IX hic afferre juvat :

802. Hic factus est Karolus, filius Pipini, imperator Romanorum ; precibus Adriani pape vocatus, obsedit Longobardos in Papiæ, et cepit Desiderium regem ad uxorem ejus, et fecit privilegia bona domino pape.

814. Hoc anno migravit Karolus magnus imperator a seculo.

910. Hoc anno Willermus pius dux Aquitanie et Comes Avernie, cum non haberet heredem, Cluniacense monasterium in fundo proprio, qui est in Burgundia in pago Masticensi, construxit, eidemque loco Bernonem abbatem preficiens, magnos de suis redditus præfato loco jure dedit hereditario. Eodem anno cepit edificare Dolense cenobium.

939. Incidit prima opsecuritas.

969. Incidit II. obscuritas (Hæc manu posteriori).

1000. [Obiit] Silvester papa, qui ante vocabatur Gilbertus ; hujus temporis completus est millenus annus ab incarnatione Domini. (Hæc manu s. XIV, XV.)

1020. Hoc anno fuit dedicata ecclesia sancte Marie Divionensi monasterio, cum amoris affectu per manus Lamberti Lingonensis episcopi. (cf. supra a. 1018.)

⁵⁹ 1050. corr. 1952. 2. ⁶⁰ Allinardus corr. Allinardus 2. ⁶¹ lu.... 2.

NOTÆ.

(45) S. Vitoni Vird.

(46) Hæc fusius in Ann. Besuensibus explican-
 tur.

(47) Viridunensis.

(48) Cf. Chron. S. Benigni Div. ap. Dach., ed. 2,
 p. 393. Fortasse Herbrechtingen in ducatu Wir-

tamburgensis.

(49) Saxonum fontis in diocesi Lingonensi, ab
 Armone ecclesiæ S. Benigni tradita ; v. Chartam
 Lamberti episc. Gallia Christ. IV, p. 142.

(50) S. Vitoni Viridunensis.

1061. Obiit ⁶² rex Henricus. Philippus filius regnavit, coadjuvante fratre ejus Hugone Magno, qui in exercitu Iherosolimitano potens claruit.

1063. Alexander ⁶³ papa secundus obiit.

1064. (51) Stella ⁶⁴ cometes apparuit; et Haroaldus rex Anglorum occiditur, Willelmo Normanno in regno succedente.

1065. Obiit Harduinus Lingonensis; cui successit Raynardus cognomento Hugo.

1074. Gregorius ⁶⁵ papa septimus.

1075. Obiit Robertus dux Burgundie; successit Hugo, Henrici filii ejus filius.

1077. Obiit Adalbero abbas Divionensis, et eodem anno in concilio Augustidunensi dominus Jarento prior Case-Del ordinatus est 15 Kal. Octob. — Obiit ⁶⁶ Rainardus Lingonensis episcopus. Successit Robertus.

1078. Hoc anno tonitrua et fulgura magna facta sunt in Januar. et Febr., et luna nigra et sanguinea visa est 3 Kal. Febr. — Bellum ⁶⁷ in Saxonia, in quo Rodulfus rex occiditur. Wicbertus invasit sedem apostolicam.

1085. Rodulfus ⁶⁸ abbas de monasterio Sancti Witoni egressus, persecutionem passus pro Romana ecclesia, Divionem venit.

1087. Papa ⁶⁹ Victor III^{us}. — Cometa ⁷⁰ apparuit, et Willelmus rex Anglie obiit.

1069. Urbanus ⁶⁹ papa.

1095. Concillium Augustidunense 36 episcoporum, ubi primo jurata est via Jherosolimitana.

1096. Concilium apud Clarum montem a papa Urbano habitum. Hoc anno turris cecidit et oppressit quatuor monachos et quatuor ⁷¹ famulos; et infinitus exercitus Jherusalem ivit, et ⁷¹ Antiochia capta est. Obiit Urbanus papa; successit Paschalis secundus ⁷¹.

1098. Cisterciensis ⁷² ordo incepit. Jherusalem a Francis obsessa et capta est.

1100. Hodulfus Virdunensis abbas. Hoc anno Jherusalem capta est.

1104. Post ⁷² patrem suum Philippum Ludovicus rex coronatur.

1106. Cometes ⁷³ apparuit. Obiit etiam Henricus augustus. Successit Henricus, filius ejus.

1107. Hoc anno venit papa Paschalis in Galliam, et ab ipso papa dedicata ecclesia Sancti Mauricii (52) 14 Kal. Marcii, et concilium ab ipso habitum est apud Trochas Idus Maii.

1077. Hoc anno Adalbero defunctus est. Successit ei Gerento prior Case-Del, et bene ministravit ibi. Obiit Regnardus Lingonensis episcopus; cui successit Robertus episcopus.

1085. Hoc ⁷⁴ anno venerunt monachi Virduni in ecclesia nostra.

1096. Hoc ⁷⁵ anno capta fuit Antiochia a Francis.

1098. Hoc anno Cisterciensis ordo incepit. Jherusalem a Francis obsessa, capta est.

1100. Hoc anno turris de choro cecidit et oppressit quatuor monachos et quatuor famulos.

1107. Hoc ⁷⁶ anno venit papa Paschalis in Gallia, et ab ipso papa dedicata fuit ecclesia ista, et concilium ab ipso habitum est apud Treca Idus Maii. Hic papa captus est ab Henrico imperatore Teutu-

VARIAE LECTIONES.

⁶² manu γ? ⁶³ alia manu. ⁶⁴ *Cyclus in ultimis codicis foliis continuatis, magnam notarum partem usque ad a. 1123 una manus scripsit.* ⁶⁵ alia manu. ⁶⁶ manu ε. ⁶⁷ manu posteriori. ⁶⁸ manu posteriori. ⁶⁹ alia manu. ⁷⁰ alia manu. ⁷¹ non plane constant. ⁷² alia manu. ⁷³ fortasse alia manu usque ad a. 1118. ⁷⁴ alia manu. *Eadem fere verba: Hoc anno venerunt monachi.... Virdun. in hac ecclesia a. 1135. scripta erant, jam deleta.* ⁷⁵ alia manu. ⁷⁶ *Manus varias et coevae sibi succedunt; quae tamen plura ex cod. 1. descripserunt.*

NOTAE.

(51) Rectius 1066.

(52) Divionensis.

A nico. Ipso ⁸⁹ anno obiit ⁸⁴ Robertus episcopus Lingonensis. Successit ei Jocerannus post duos annos.

1110. Obiit Rotbertus episcopus Lingonensis. Successit post duos annos Joceranus.

1111. Hic ⁷⁷ captus est Pascalis papa ab Henrico rege Theutonicorum.

1112. Obiit Jofredus Divionensis prior.

1113. Obiit domnus Jarento abbas. Successit Ademarus.

1116. Obiit Ademarus abbas. Successit Henricus ⁷⁹.

1117. Terre motus magni per loca et fulgura multos occiderunt.

1118. Obiit Paschalis papa. Successit Gelasius.

1119. Obiit Gelasius papa. Successit Calixtus.

1123. Concilium Rome habitum a Calixto papa, B et facta est pax inter Heinricum ⁷⁸ augustum et papam Calixtum. Henricus abbas reliquit abbatiam suam. Successit Hugo Cluniacensis monachus. Hoc etiam anno stelle denissime de caelo vise sunt cecidisse, et magna mortalitas nobilium personarum facta est.

1124. Obiit domnus papa Calixtus; cui successit Honorius; et post 5 menses obiit Henricus imperator, cui successit ⁷⁹....

1125. Hoc anno ad festum sancti Mammetis ⁸⁰ dimisit Jocerannus episcopatum, et Guilencus successit 5 Kal. Octob.

1129. Hugo dimittit abbatiam. Succedit Petrus. Ludovicus filium suum Phylippum fecit coronari Remis. Obiit Honorius papa.

1130. Obiit Honorius papa; cui successit Innocentius secundus. C

1131. Concilium Remis habitum ab Innocentio papa. Philippus rex parvus obiit ⁸¹, fratrem ejus rex pater suus in eodem concilio coronari fecit.

1134. Obiit Henricus rex Anglorum.

1136. Obiit Wilencus Lingonensis episcopus.

1136 (?). Hoc anno ordinatus fuit Willelmus de Sabran Cluniacensis monachus Lingonensis episcopus, et sedit ibi duobus mensibus. Sequenti anno ordinatus fuit ejusdem sedis episcopus Gtfridus Clarevallis monachus.

1137 (?). Hoc anno igni combusta est ecclesia ista cum toto castro et ecclesiis feria 4. Vigilia apostolorum Petri et Pauli (53). Multi etiam ipso anno D potentes sunt defuncti, videlicet Lotharius imperator et Ludovicus pater rex Franciæ. Obiit etiam Petrus Leo, qui sedem apostolicam ⁸² invaserat.

1113. Obiit Jarento abbas; cui successit Ademarus.

1116. Hoc anno obiit Ademarus. Successit Henricus.

1124. Hoc anno per Calixtum papam Henricus dimisit abbatiam istam; cui successit Hugo Cluniacensis monachus.

1125 ⁸⁶ Hoc anno ad festum sancti Mammetis dimisit Jocerannus episcopatum, et successit ei Wilencus.

1129. Hoc anno dimisit Hugo abbatiam istam, cui successit Petrus Gelonensis.

1136. Hoc anno igne combusta est ecclesia ista cum toto castro et ecclesiis... ⁸⁶ in vigilia apostolorum Petri et Pauli.

1137. Hoc anno obiit Wilencus episcopus Lingonensis; cui successit Willelmus... ⁸⁶ Cluniacensis ⁸⁷, et sedit ⁸⁶.

VARIE LECTIONES.

⁷⁷ Hic — papa in loco raso alia manu. ⁷⁸ ita c. ⁷⁹ ita c. Manu hac desinente, varis rebus æquales sibi succedunt. ⁸⁰ Mammentis c. ⁸¹ abscisum est. ⁸² postol supplevi. ⁸³ anno potius 1110. Sed in 1. ita scripta sunt, ut facit ad hunc annum referri potuerint. ⁸⁴ abscisum. ⁸⁵ in cod. 1. hæc e regione a. 1121. scripta sed signo ad a. 1125, relata sunt; id quod codicis 2. scriptorem in errorem induxit. ⁸⁶ lacuna quomodo explenda sit, ex altero patet codice. ⁸⁷ ita legere mihi visus sum:

NOTÆ.

(53) Vigilia apostolorum Petri et Pauli nonnisi a 1139 in feriam quartam incidit.

1140. Hoc anno ordinatus fuit dominus Robertus, A filius ducis (54), Augustidunensis episcopus, et eodem anno 15 Non. Aug. defunctus est.

1142. Obiit Hugo pacificus dux Burgundie. Hic dimisit Petrus abbas abbatiam suam ⁹⁹.

1143. Obiit Innocentius papa. Successit Celestinus ⁹⁹.

1145. Petrus Belnensis dimittit abbatiam. Successit Philippus.

1147. Hoc anno Eugenius papa et Ludovicus rex Dominica medie quadragesime fuerunt pariter Divioni, et in crastino, 2 videlicet feria, consecrata est ecclesia Divionensis ab eodem papa. — Ludovicus rex Francorum [et ⁹⁹ imperator] cum infinito exercitu Hierosolimitanum iter aggressus est.

1151 (aut 1152). Hoc anno fuit fames magna. B Principes ⁹¹ multi occubuerunt. Ludovicus ⁹² imperator, comes ⁹³ Andegavensis (55), Tetbaldus comes (56) et alii ⁹³. — Hoc etiam anno fuit magna penuria vini ⁹³.

1153. Hoc anno obiit papa Eugenius, et abbas Bernardus Clarevallensis.

1154. Hoc anno ante 8 dies natalis Domini obiit Anastasius papa, et successit Adrianus.

1155. Hoc anno 15 Kal. Febr. fuit terre motus magnus et 17 ⁹⁴. Kal. Novembr. in dominica die circa horam terciam.

1159. Hoc anno venit hyemps magna, gelu et nix 4 Idus Octob.

1161. Hoc anno 2 Idus Feb. post mediam noctem obscurata est luna versaque est in sanguineum C colorem, sicque mansit usque ad lucem.

1162. Hoc anno obiit mense Sept. Odo dux Burgundie, relinquens filium Hugonem.

1163. Hoc anno dimisit episcopatum Godefridus, et Galnerus, filius Hugonis ducis, episcopus factus est.

1167. ⁹⁵ Imperator etiam apud Sanctum Petrum Rome cum ⁹⁶ conjugē sua coronari se fecit.

1171. Martirizatur sanctus Thomas.

1175. Philippus dimittit abbatiam 13 Kal. ⁹⁷ Januar. Succedit Johannes.

1177. Hoc anno fames valida invaluit ⁹⁸. tabula argentea majoris altaris pauperibus duxit. D

1178. Hoc anno apud Veneciam pax inter dominum Alexandrum et Fredericum imperatorem reformata est, et scisma sopitum. Hoc etiam anno cessavit ecclesia ista ligata a domno papa Alexandro, pro placitis domus de Moreius, quam Clareval-

1141. ⁹⁹ Hoc anno dimisit Petrus Gebenensis abaciam istam, qui fideliter ministravit, et in diebus suis adquisivit Ulmetum. Cui successit Petrus Berne.

1144. Hoc anno Petrus Bernensis dimisit abbatiam suam. Cui successit Philippus.

1146. Hoc anno Eugenius papa et Ludovicus rex Franciæ Domini die qua cantatur Letare Jerusalem Divioni pariter fuerunt, et dominus papa consecravit ecclesiam istam 11 Kal. Martii ¹⁰⁰.

1153. Obiit Eugenius papa.

1163. Hoc anno dimisit Cottfredus episcopatum, cui successit Warnerius, filius Hugonis ducis.

1166. Hoc anno natus fuit Philippus rex de illa regina que fuit filia Theobaldi comitis Campanie.

1171. Hoc anno martirizatus fuit beatus Thomas Cantuariensis episcopus.

1175. Hoc anno dimisit Philippus abbatiam istam. Cui successit Johannes lumbus.

1177. Hoc anno. . . pro quo. quod. de majori altari. erogato pauperum.

1178. Hoc anno apud Veneciam pax inter dominum Alexandrum papam et Fredericum imperatorem reformata est, et scisma sopitum. Hoc etiam anno cessavit ecclesia ista ligata a domno papa Alexandro, pro placitis domus de ¹⁰¹ Moreius ¹⁰², quam

VARIE LECTIONES.

⁹⁹ nam *abscisum*. ⁹⁹ *plura erasa sunt*. ⁹⁹ et imp. *alia manu add.* ⁹¹ *ipes, mes abscisa*. ⁹² *ita cod. pro Conradus*. ⁹³ *ii, ni abscisa*. ⁹⁴ *VIX. 1. Dies 16. Octob. fuit dominica*. ⁹⁵ *Linea et dimidia erasa*. ⁹⁶ *abscisum*. ⁹⁷ *non plane constat*. ⁹⁸ *valuit non satis patet*. ⁹⁹ *in codice anni 1180 — 1215. annos 1140 — 1187. antecedunt*. ¹⁰⁰ *alia manus corr.... Maii, recens vero Aprilis scripsit*. ¹⁰¹ *moremis 2 ?* ¹⁰² *littera d in 2. abscisa est*.

NOTÆ.

(54) Burgundæ Hugonis.
(55) Goffridus.

(56) Carnotensis et Blesensis.

lensibus monachis dimittere noluimus, et duravit A Clarevallensibus monachis dimittere noluimus, et duravit interdictum a media quadragesima, quæ tunc fuit 14. Kal. Aprilis, usque ad terciam sequentis anni dominicam post albas, que fuit 11 Kal. Maii, et tunc in concilio generali ab eodem papa soluta est. Hoc ¹⁰⁸ etiam anno obscuratus est sol Idus Septembris circa horam nonam. Hoc ipso anno in sabbato magno pasche vise sunt ab omni populo tres columbe ad horam completorii super turrin beatissime Marie de sublimi descendisse et tanquam cereos ardentis secum detulisse.

1179. Hoc anno concilium Rome est generale celebratum a domno Alexandro papa tercio. Ipso anno Philippus rex Francorum coronatus est Remis in festivitate omnium sanctorum. — Obiit Galterus Lingonensis episcopus 6 Idus Januarii. Succedit B Manasses.

1181. Alexander papa tercius obiit. Successit Lucius tercius.

1182. Johannes dimittit abbatiam 2 Kal. Julii. Successit Aymo.

1183. Hugo dux Burgundie Beatricem, filiam Delphini comitis Alboni, duxit in uxorem apud Sanctum Egidium.

1185. Hoc anno obsedit Hugo dux Burgundie Vergei et nichil penitus ibi fecit, imo rex Gallie Philippus dominio suo eum subjugavit. — Obiit Lucius papa. Succedit Urbanus tercius.

1186. Hoc anno idem rex Castellionem cepit et conbussit. Hoc anno inter papam et imperatorem discordia orta est, et Henricus filius imperatoris amittam Guillelmi regis Apulie apud Mediolanum duxit in uxorem et sibi subjugavit Tusciam.

1188. Hoc anno 12. Kal. Aprilis obiit domnus Aymo abbas hujus loci; eodem die domnus Petrus electus est, et exhinc 5 die consecratus est apud Treca a domno Manasse Lingonensi episcopo, presente alio Manasse Trecense episcopo.

1190. Hoc anno dominus imperator, rex Francorum Philippus et rex Anglie crucem sumpserunt Jherosolimam proficiscendi, Saladino totam terram devastanti occurrere volentes; et multi alii nobiles et potentes cum eis profecti sunt.

1192. Hoc anno cometes apparuit.

1179. Hoc anno concilium Rome est generale celebratum a domno papa Alexandro tercio. Ipso anno Philippus rex Francorum coronatus est Remis in festivitate omnium sanctorum. — Obiit Galterus Lingonensis episcopus 6 Idus Januarii. Successit C Manasses.

1181. Obiit papa Alexander. Successit Lucius papa tercius.

1182. Johannes Lumbardus Fructuarensis dimisit abbaciam 2 Kal. Julii. Successit Aymo, qui tunc erat abbas Sancti Secani (57), monachus istius ecclesie; et fuit ibi per 16 annos, et bene ministravit.

1183. Hoc anno dux Burgundie Hugo Beatricem, filiam Dalfini comitis Alboni, duxit in uxorem.

1184. Hoc anno obsedit Hugo dux Burgundie Vergei ¹⁰⁸ et nichil ibi penitus fecit, imo Philippus rex Francie dominio suum ¹⁰⁷ eum subjugavit.

1185. Hoc anno Lucius papa obiit. Successit ei Urbanus tercius.

1186. Hoc anno idem rex Castellionem cepit et conbussit. Hoc ipso anno inter Urbanum papam et Fredericum imperatorem orta est discordia, et Henricus filius imperatoris amittam Guillelmi regis Apulie apud Mediolanum duxit in uxorem et ¹⁰⁸. . . Hoc anno capta fuit Jherusalem a Saladino.

1187. Hoc anno natus fuit Ludovicus, filius Filippi regis de Elisabeth regina, que fuit soror Balduini comitis Flandrie.

1190. Obiit domnus Aymo abbas hujus loci; domnus Petrus substituitur. Ipso anno imperator Jherusalem adivit. . . . Rex Francorum Philipus et rex Anglie Ricardus Jherosolimam adeunt [cum ¹¹⁰ eis Hugo dux Burgundie, filius filie comitis Theobaldi comitis Campanie, qui remansit ibi post recessum regis, et mortuus est ibi, et in sequenti anno rex Anglie captus fuit a Teotonicis]. Obiit regina Francorum ¹¹¹ Helisabez.

VARIE LECTIONES.

¹⁰⁸ alia manu peregit 1. ¹⁰⁴ ita 2. ¹⁰⁵ a corr. postea ab 2. ¹⁰⁸ uergein? 2. ¹⁰⁷ ita 2. ¹⁰⁸ quædam erasa sunt 2. ¹⁰⁹ Annus et Obiit d absca sunt 2. ¹¹⁰ hæc alia manu post add. 2. ¹¹¹ Fran abscissum 2.

NOTÆ.

(57) In diceesi Lingonensi.

1200. Hoc anno concilium apud Divionem in ecclesia ista convocatum est a domino Petro Capuensi, sancte Marie in Via lata diacono cardinali, apostolice sedis legato, et interfuerunt ibi Lugdunensis, Remensis, Bisuntinensis et Viennensis archiepiscopi, et cum eis 18 episcopi et dominus abbas Cluniacensis et Verzenliacensis (58), Sancti Remigii Remensis, Sancti Dionisii Parisiacensis et alii quam plures, quorum numerum non expressimus; et duravit concilium a festiuitate sancti Nicholai, que est mense Septembri, usque ad septem dies. Post paucos vero dies prædictus cardinalis apud Viennam particulare revocavit concilium, ubi promulgavit sententiam a domino papa Innocentio datam in omni terra que subjacet et obedit regi Francorum, ita quod in ecclesiis nullum celebraretur officium divinum præter baptismum parvulorum et penitentium morientium; et duravit interdictum apud nos a tertia die post Purificationem beate Marie usque in vigilia Exaltationis sancte crucis. Hoc etiam anno dominus Varnerius episcopus Lingonensis cessit episcopatu per manum domini Innocentii pape. Successit ei Hilduinus, ipsius ecclesie tunc decanus.

1204. Hoc anno 16 Kal. Maii capta fuit Constantinopolis a Francis. Hoc ipso anno cessit dominus Petrus de Granceio abbacie isti, et successit ei dominus Nyvardus, et 12 Kal. Aprilis recepimus eum.

1206. Hoc anno cessit dominus Nyvardus; succedit ei dominus Walterius Parisiensis.

1207. Hoc anno factus fuit dominus Walterius abbas Verziliacensis ¹¹³, et dominus Adam fit abbas hujus loci.

1209. Hoc anno defunctus est Rodericus episcopus. Successit Wilhelmus de Jonisvilla.

1210. Hoc anno Bedays et Calcorsonia, civitates Albi. ¹¹⁴, et maxima pars terre eorum expugnatur a Francis.

A 1198. Obiit Manasses Lingonensis episcopus; cui successit Warnerius abbas Clarevallensis.

1200. Hoc anno concilium convocatum in hac ecclesia a domino Petro Capuensi, sancte Marie in Via lata diacono cardinali, et interfuerunt ibi Lugdunensis, Remensis, Bisuntinensis, Viennensis archiepiscopi, et eorum suffragani ¹¹⁴, et abbates pene totius regni; et duravit concilium a festiuitate sancti Nicholai, qui est mense Septembri, usque ad septem dies. Hoc anno venit frater comitis Avernie monachus Cluniacensis, volens regere abbatiam istam super dominum Petrum, et non prevaluit.

Hoc anno dominus Garnerius expulsus est ab episcopatu Lingonensi; cui successit Holduinus ¹¹⁵.

1203. Hoc anno obiit Holdoinus episcopus Lingonensis; cui successit Grobertus.

1204. Hoc anno capta fuit Constantinopolis a Francis. Ipso anno cessit dominus Petrus de Granceio abbacie isti, et successit ei Nivardus [abbas ¹¹⁶ Sancti Sequani ¹¹⁶, qui fuit abbas per annum et 5 menses; successit ei Walterius monachus Sancti Germani Parisius, qui fuit abbas per duos annos uno mense minus; postea factus est abbas in abbatia Verziliacensi ¹¹⁷. Post hunc vero successit Adam, et fuit abbas per 5 annos et tres menses; cui successit ¹¹⁸ Gilebertus.]

1207. Hoc anno factus est Adam abbas, monachus istius ecclesie, prior Sancti Apollinaris; qui cum regeret abbatiam istam, vendita fuerunt ornamenta ecclesie nostre, scilicet cappe sirice, et pallia, et cruces auree, et calips aureus duodecim marcarum, et plures calices argenteos, et bacinos ¹¹⁹, et fialas argenteas, et alia plura, et possessiones multas; forte non culpa sua, set ultione divina, ipse et ceteri qui consenserunt ab abbatia detrusi sunt.

1209. Hoc anno obiit Grobertus episcopus Lingonensis. Cui successit Wilhelmus de Joinvilla.

1210. Hoc anno Odo dux Burgundie et comes Nivernensis et alii plures barones ierunt ad debellandum Albigenos, et devastaverunt Bedes et Carcasoniam, et facta est immensa occisio Albigenensium; et post hæc remansit ibi comes de Monteforti ad conquirendam totam terram.

VARIE LECTIONES.

¹¹³. . . . z., acensis l. ¹¹⁴ non albigensium sed albit . . . lium aut simile quid scriptum fuisse videtur. ¹¹⁵ ita 2. ¹¹⁶ quæ sequuntur a manu posteriori in loco raso scripta sunt. Verba quæ supersunt cessit dominus Nivardus notas priores cum cod. l. convenisse ostendunt. ¹¹⁷ de vocabulo non saluti constat. ¹¹⁸ verlizivensi? 2. ¹¹⁹ suc abscissum. ¹²⁰ ei non plane constat.

NOTE.

(58) In diocesi Augustidunensi.

1212. Vadit exercitus Christianorum in Hispaniam contra Sarracenos.

1213. Hoc anno fuit donnus Ludovicus Remis coronatus a Willelmo archiepiscopo, presente rege Jherusalem, et in festo sancti Systi; et sequenti anno cepit Jarochale et Thoar et Mior et Bordaul. Eodem anno receptus fuit Joannes rex Jherusalem in ista ecclesia in Exaltacione sanete crucis.

1214. Anno Domini 1214, 6 Kal. Aug. Luna 16, pugnavit rex Francie et dux Burgundie contra Ottonem imperatorem apud Cambrais, et devicit eum, et imperator Odo in fugam conversus est, et maxima pars suorum sublimiorum baronum capta fuit et ducta liga apud Parisius.

In sequenti paginæ hæc leguntur :

Anno 1243 dominica ultima oct¹²⁰ sancti Apollinaris vise sunt stelle cadere de celo.

1215. Hoc anno Innocentius papa tercius convocavit generale concilium in Lateranensi ecclesia, ubi pene corpus universalis ecclesie fuit.

1216. Hoc anno obiit donnus Innocentius papa tercius 10 Kal. Augusti apud Perusium, et sepultus est in ecclesia Sancti Herculani; cui successit Honorius papa tercius. Eodem anno Ludovicus, filius Philippi regis Francorum, intravit Angliam ad conquirendum eam, auxilio et consilio baronum Angliæ; et eodem anno rex Angliæ, qui vocabatur Joannes-sine-Terra, mortuus fuit. Eodem anno imperator Constantinopolis obiit Henricus Flandrensis. Cui successit Petrus comes Autissiodorensis. Eodem anno Thomas venerabilis episcopus Lesmorensis (60) moram faciens in ecclesia Sancti Benigni, consecravit altare sancti Blasii 14 Kal. Octobr. — Hoc anno venit donnus Airardus de Bregne a transmarinis partibus, et adduxit secum filiam Henrici comitis Campaniæ, quam duxerat in uxorem. Eodem anno Oto, filius domini Saxifontis, qui erat prior ejusdem loci et monachus Sancti Benigni, electus fuit in abbatem Luxovii; et ¹²² fuit ibi per quinque menses; postea factus Clarevallensis, ibi fuit per quatuor menses, et postea mortuus est.

1217. Hoc anno fuit magnus ventus per totum mundum. Mortalitas hominum, defectio fructuum.

1218. Hoc anno mortuus fuit Oddo dux Burgundie cruce signatus, qui fuit filius ducisse Lotoringie. Eodem anno mortuus fuit Symon comes Montisfortis, qui infestabat Albigenes. — Hoc anno obsessa fuit Damia a Christianis intrante mense Julio, et fuerunt ante eam ¹²³ per annum et quatuor menses et quinque dies, et capta est ab eis Domino operante.

1220. Hoc anno promotus fuit Willelmus episcopus Lingonensis in archiepiscopatu Remensi; cui successit ¹²⁴ Hugo de Monte regali.

1223. Hoc anno venit in Gallia Johannes rex Jherosolimitanus, et receptus fuit a Philippo rege Francorum et ab omnibus principibus regni sui cum magno gaudio et honore. Postea eodem anno defunctus fuit supradictus Philippus gloriosus rex Francorum, et sepultus in basilica sancti Dyonisii septimo decimo Kal. Augusti cum magno luctu et tristitia tocius populi regni sui, presente supradicto Johanne rege Jherosolimitano. Item eodem anno coronatus fuit Lodovicus, filius supradicti Philippi, in civitate Remensi a Willelmo tunc archiepiscopo ejusdem civitatis, presente supradicto rege, cum gaudio magno et pace tocius populi Gallie 8 Idus Augusti.

1226, ¹²⁵ Hoc anno obsedit Lodovicus rex Francorum cum innumerabili exercitu die Pentecostes Avinionem, et sedit ibi fere quatuor menses; ibi vero fuit cæcus comes Sancti Pauli et multi alii nobiles et

VARIE LECTIONES.

¹²⁰ gerie, limo et alia quædam hoc anno non plane legenda. Episcopus Eduensis fuit Gallerius. ¹²¹ ad cod. 2 habere videtur. Sed dies Andrewæ apostoli 20. Novembr. fuit. ¹²² reliqua alia manus add. ¹²³ eum c. ¹²⁴ successi c. ¹²⁵ in codice hæc ad a. 1227, relata esse videntur.

NOTÆ.

(59) In dicecesi Lingonensi.

(60) In Irlandia.

innobiles ; postea reddita fuit ei civitas, et subvertit omnes muros civitatis et omnem fortitudinem, et totam ¹²⁶ aliam terram subiecit sibi usque ¹²⁶ ad Tolosam. — Ipso autem redeunte ab ¹²⁶ prædicta civitate, defunctus est apud civitatem ¹²⁶ Pancier (61), et sepultus in monasterio sancti Dionisii post patrem ¹²⁵ suum ; filius autem ejus Ludovicus coronatus est Remis in vigilia ¹²⁷

1231. Hoc anno obiit Hugo episcopus Lingonensis feria 3 ante Letare Jherusalem. Cui successit Robertus de Toreta.

1236. Hoc anno natus filius Hugonis ducis Burgundie.

1239. Hoc anno exierunt Tartari de terra sua et destruxerunt Rusciam, Poloniam et Ungariam.

1240. Hoc anno fuerunt barones Francie deviti ¹²⁸ rex Navarre, dux Burgundie ; comes Barri mortuus fuit et comes Montisfortis et comes Nivernensis et multi alii nobiles.

1241. Hoc anno obiit bone memorie donnus abbas Raymundus illius ecclesie, qui construxit grangiam. infra hanc abaciam et hanc ecclesiam ¹²⁹ nostris debitis aquisivit fecit. Cui successit donnus [Stephanus ¹³⁰] natus de Loio annis 12 et dimidio. — Hoc anno obiit Gregorius IX^{us}. Tempore ipsius fuit discordia inter se et Fredericum imperatorem, qui duravit per annos. . . ¹³¹, et cessavit sedes per duos menses, et fuerunt capti ¹³² duo legati et multi prelati, archiepiscopi, episcopi et abbates, et archiepiscopus Bissuniensis periit in mare. Cui successit Celestinus, et duravit per 15 dies, et cessavit sedes per annum et amplius ; cui successit Innocencius quartus, qui statim recessit a Roma et venit Ludunum ¹³³, et celebravit concilium ibi anno secundo pontificatus sui.

1244. Hoc anno fuerunt rex et regina apud Divionem. — Hoc anno destruxerunt Babilonii terram promissionis et sepulcrum Domini usque ad Tirum et ad Cor ¹³⁴ civitates.

1249. Hoc anno obiit donnus Hugo Lingonensis episcopus et quondam abbas Cluniacensis, cruce signatus ultra mare, et in sequenti anno successit ei Guido de Rochefort, canonicus ejusdem ecclesie. — Hoc anno Ludovicus rex cum uxore sua et duobus fratribus suis Karolo et Roberto ivit ultra mare, contra paganos pugnaturus ; qui in primo adventu suo cepit Damietam et possedit eam fere per dimidium annum. sed permissione Dei accidit ei quoddam infortunium. Nam tempore paschali exiens de Damietta cum multis militibus peditum et militum, pugnavit cum paganis ; et detentus fuit in eodem bello et multi barones cum eo, et frater ejus Robertus occisus est : set redentus fuit et omnes qui cum eo erant 100 milibus marchis auri, tali conditione quod Damietta redderetur ; qua reddita, destruxerunt ¹³⁴ eam pagni funditus, dicentes quod propter eam semper infestabantur.

1252. Hoc anno exterunt pastores cum multis adjunctis eisdem, volentes transfretare, et dicentes quod Dominus in nativitate sua voluit manifestare se per angelum pastoribus, et ideo volebant adire locum ubi natus fuit et expugnare inimicos ejus ; set illud propositum in frivolum redactum fuit.

1254. Hoc anno obiit dompnus ¹³⁶ de Loio, abbas istius ecclesie, vir prudentissimus atque fidelissimus, scilicet in capite jejunii, quod tunc fuit 5 Kal. Marcii, qui ante ¹³⁷ 15 dies in periculo mortis positus, in manu episcopi Lingonensis resignavit, et bene ministravit ibi ; die autem crastina depositionis sue electus fuit dominus Petrus de Fosseto.

1255. Hoc anno obiit Innocencius papa III ; cui ¹³⁸ successit donnus Alexander papa III, qui erat episcopus Hostiensis.

1259. Hoc anno fuit infirmitas et mortalitas hominum in toto mundo, ita ut pauce domus essent in quibus aliquis sanus inveniretur ; cepitque initium hec mortalitas in magna ebdomada ante Pascha, duravitque circiter unum mensem.

1260. Hoc anno fere in universo orbe Christiano ceperunt se homines laici cum multis clericis corrigi verberare, induti vestibus albis, humeris discooperitis.

1261. Hoc anno obiit donnus Alexander papa III, scilicet 14 Kal. Junii.

1266. Hoc ¹³⁹ anno Karolus princeps strenuus, frater Ludovici gloriosissimi et Christianissimi regis Francie, adiit honorifice cum uxore sua et liberis suis Apuliam cum multis milibus Francorum, Manfredum apostatam expugnaturus, quem sine gravi dampno devicit et occidit. Nam arma sua mutaverat predictus Manfredus in exercitu suo et a casu ocisus, ignoratur qui eum occiderit. Quo ociso, et uxore sua et filiis ejus captis, et comitibus et baronibus plurimis captis, Karolus rex Sicilie et Apulie et Calabriae effectus est.

VARIE LECTIONES.

¹²⁶ et to, usque, ab. civita, ost pa abscisa. ¹²⁷ supple : festivitatis sancti Andree. ¹²⁸ ita legere mihi visus sum. Principes in terram sanctam profecti ibique devicti sunt ; cf. Guillelm. Nang. ap. Bouquet XX. p. 328. ¹²⁹ non plane constat. ¹³⁰ ita supplevi. ¹³¹ ita cod. spacio relicto. ¹³² caupti cod. ¹³³ ludum cod. ¹³⁴ vel Adcor ? fortasse : Accon. ¹³⁵ destruxerunt cod. ¹³⁶ Dps c. fortasse Stps i e. Stephanus. ¹³⁷ an. ¹³⁸ bis duabus lineis scriptum. ¹³⁹ Hoc — cum multis in loco raso alia manu quam reliqua.

NOTÆ.

(61) Montpensier.

1267. Hoc ¹⁴⁰ anno Oddo, primogenitus ducis Burgundie, miles bonus, prudens atque catholicus, obiit in partibus transmarinis; qui in morte sua maximum nobis omnibus ostendit humilitatis exemplum. Nam octo diebus antequam moreretur portari se fecit in hospitali pauperum extra muros Aucone ¹⁴¹ civitatis, ibique amotis vario et griso omnibusque ornamentis regiis, fecit se poni in pauperculo lecto et sine pluma, coopertus tantummodo de quadam vitta, precepitque militibus suis, jurejurando mediante, quod in morte sua nil sollempnitatis ageretur preterquam ¹⁴² divinum officium et sola candela arderet in morte et in inhumatione ipsius.

1271. Hoc anno cecidit turris de choro et neminem oppressit, ceteris autem muralibus templi evincl. . . indutibus ex voluntate monachorum et artificis.

1285. Hoc anno surrexit Philippus rex Francie contra Petrum condam regem Aragonensium, condempnatum a domino papa Martino IIII, cum multis baronibus Francie et manu valida bellatorum; in quo etiam exitum ¹⁴³ potitus ¹⁴³ est ipse rex Philipus cum infinita multitudine suorum. Ille etiam apostata nutu divino eodem anno vitam finivit. Eodem autem Philipo rege Francie mortuo, successit ei in regno filius ejus Philipus nomine, faciem pulcherrimus, agens 22 annum; qui etiam fuit ¹⁴⁴ rex Navarrie et comes Campanie, et multas alias ¹⁴⁴ terras possedit. Hoc etiam anno mortuus fuit Martinus papa IIII, et successit Honorius.

VARIE LECTIONES.

¹⁴⁰ Hoc -- exemplum eadem manu qua anni 1286. initium in loco raso scriptum. ¹⁴¹ ita v. ¹⁴² præter quod? cod. ¹⁴³ itum, titus non plane constant. ¹⁴⁴ supplevi jam non legenda.

ANNO DOMINI MXXXI.

ROBERTUS REX FRANCORUM.

NOTITIA HISTORICA.

(MAGNOALDUS ZIEGELBAUER in *Conspectu rei litterariæ Ord. S. Benedicti*, parte I, pag. 323).

Quo tempore Gerbertus, ex monacho Auriliacensi abbas, tum pontifex Remensis, dein Ravennas, postremo Romanus, Remis sub Adalberone archiepiscopo scholas regebat, Robertum, Hugonis regis filium, ad omnem humanitatem ac doctrinæ elegantiam informavit. De quo regio discipulo hæc tradit Helgaudus Floriacensis monachus: *Robertus a patre scholæ Remensi traditus domino Gerberto ad erudiendum est datus, qui eum sufficienter liberalibus instruxit disciplinis.* Idem notat Chronicon incerti auctoris ab anno Christi 988 ad annum 1015 desinens. *In locum ejus (Arnulfi) consecrari fecit (rex Galliæ) domnum Gerbertum monachum philosophum, qui Gerbertus magister fuit Roberti regis, filii istius Hugonis, et domini Leoterici archiepiscopi (Senonensis), successoris Sevini.* Verum præstat audire fragmentum Historiæ Franciæ a Ludovico Pio ad Robertum usque regem, ubi et hujus regis institutio et ecclesiasticæ Gerberti dignitates describuntur: *Robertus fuit vir mansuetus, et non mediocriter literatus ac religiosus. Habuit enim præceptorem Gerbertum sapientem, qui postea ab eodem rege Remensium meruit pontificatum, indeque merito scientiæ et sapientiæ suæ ab Ottone Transrhénensi assumptus, Ravenatium sortitus est præsulatum. Ecce tibi! quem*

A habuit principem e Gallis discipulum, et quos Ecclesiæ honores obtinuit.

Quoniam vero ad Benedictinæ institutionis decus attinet hujus regis non minus præclara virtus quam insignis eruditio, hic de utraque in medium quædam allaturi sumus. Atque ut de virtutis studio primum loquamur, fuit Robertus *catholicæ fidei acerrimus vindex*, cujus integritatem cum Lisojus et Stephanus, novi Manichæi, depravassent, eos cum pravitate hæreticæ consciis Aurelianis igne damnavit. *Christianæ mansuetudinis et charitatis eximia dedit exempla.* Duodecim viros conjugationis in sacram suam personam convictos triduo ante Pascha jussit ipsa die sacrosanctæ Dominicæ resurrectionis communionem corporis et sanguinis Domini nostri Jesu Christi donari, et regalibus epulis recreari. Sequenti die quæstione habita, capite damnati sunt. At ipsos absolvit rex mansuetissimus, dicens: *Non debere damnari, qui fuerant præmuniti cibo potuque cælesti.* Nusquam absque pauperibus erat Christianissimus Robertus. Duodecim pauperes domesticos habebat, qui ipsum, quocumque iret, asellis vecti præcedebant. Hoc sancti regis satellitium. Mille in regis urbibus et castris, scilicet Parisiis, Sylvanectis, Aurelianis, Divione, Autisiodoro, Avalone, Meleduno, Stampis

alebat. Quadragesimali tempestate ducentis quoti-
die panem, pisces ac vinum subministrari cura-
bat. In Cœna Domini trecentis propria manu panem,
legumina, pisces ac denarios flexis genibus,
hora tertia virtitum distribuebat. Selectis centum
pauperibus clericis uberores hora sexta eroga-
bat eleemosynam. Cum a mensa surrexisset, posi-
tis regalibus vestimentis, cilicio indutus, paupe-
rum pedes pietate et humilitate admirabili ablue-
bat. Sacras ædes et monasteria ingenti numero a
fundamentis erexit, de quibus legendus, Helgal-
dus in hujus Vita. In Dei laudibus erat assiduus.
Ex Constantia uxore quatuor filios suscepit Rob-
ertus, Hugonem Henricum, Odonem et Robertum,
nec non et filiam, nomine Adelaidem. Hugo,
quem in regni consortium asciverat, quique spes
tantas de se excitabat ut jam *Magnus* appella-
retur, obiit anno 1025 et Compendii ad Sancti Cor-
lii sepultus est. Regem ac reginam gravissimo ob
ejus mortem mœrore confectos consolatus est his
verbis sanctus noster Wilhelmus abbas S. Benigni,
referente Glabro Rodulpho in ejus Vita : *Non infelices vos piutare debetis quod talem amisistis : Quin potius felices valde, quia talem habere meruistis. Ego ex nullo hominum gradu non tam paucissimos salvos futuros æstimo, sicut et regum. Qui cum attentè responderent : Cur hoc dicis, Pater? respondit : Non audistis, sacer Canon quomodo refert, viz tres de triginta regibus bonos exstitisse? Idcirco cessate, quæso, hunc juvenem flere mortuum, sed potius congratulamini ei, sicuti requietum datum et a malis liberatum.*

Non minor Roberti regis doctrina atque eruditio quam pietas fuit, de qua Trithemius in Catalogo scriptorum ecclesiasticorum (1) audiendus est. « *Rupertus* (idem Germanis quod Gallis *Robertus*) rex Franciæ nobilis, fortis, justus, doctus et « religiosus, inter ecclesiasticos scriptores locum « merito recepit; quippe qui cantus et responso-
ria dulci et regulari modulamine ad honorem « Ecclesiæ catholicæ composuit. In litteris huma-
nitatis, præsertim in musica doctissimus fuit; « tantæ autem religionis, ut horas canonicas in « ecclesia decantaret eum clericis, foris apud se « legeret cum suis; tantæ pietatis et miserationis « exstitit in pauperes, ut suis se aliquando vesti-
mentis spolians eorum nuditates multis vicibus « operiret: de ejus manibus liber nunquam rece-
debat, adeo ut pro tribunali sedens inter judicio-
rum et causarum strepitum in sinu apertum ha-
beret Psalterium. Unde et post mortem miracu-
lis eius coruscasse legitur. Ejus est illa vulgata æ-
quentia quæ cantatur diebus Pentecostes de « sancto Spiritu: *Veni, sancte Spiritus*; responso-
rium de sancto Petro, *Cornelius centurio*; de « Nativitate Domini, *Judæa et Jerusalem*; et illud « *Alleluia, Erripe me de inimicis*, et alia multa quæ « nescio. Responsorium *Cornelius centurio*, Ro-

A « *mæ summo pontifice missam celebrante, sancti* « *Petro in altari, Offertorii tempore, cum magna* « *devotione obtulit; accurrentes autem ministri:* « *altaris arbitrati sunt magni pondus auri obtulis-* « *se divitem regem; sed schedulam reperientes* « *scriptam et notatam admirabantur, ingenium et* « *devotionem principis collaudantes. Hinc papa* « *decrevit ob memoriam sanctissimi regis, rogan-* « *tibus clericis, ut hoc responsum in honorem* « *sancti Petri deinceps cantaretur.* » Hæc quan-
quam paulo longiora, re ipsa tamen breviora sunt,
si ad tanti principis gloriam transferantur.

Cæterum rex Robertus, quod nimis addictus
esset litteris, a nonnullis *Musarum sacerdos*, seu
Musardus dicebatur: *vox enim ista nostra*, inquit
Bulæus (2), *Gallo-Romana Muser, qua otium signi-*
ficamus, procul dubio a musis deducta est; qui
enim se musis applicant, otium et secessum qua-
runt, neque negotiis se implicent: itaque ille in-
nuens difficile esse omnibus placere, respondet
Adalberoni in carmine quod si quis musas ample-
ctatur, statim ab ineptis et indoctis *Musardus*
vocetur:

Si musas celebres, clamant MUSARDUS SACERDOS.

Obiit sanctitate et mipaculis clarus Robertus an-
no Christi millesimo trigesimo primo. In ejus fu-
nere a subditis acclamatum est: *Roberto impe-*
rante et regente securi viximus, neminem timu-
mus. Patri Pio, Patri senatus, Patri omnium bo-
norum, felix anima et salus, felix ad superna
ascensus, felix cum Christo Rege regum per sæ-
cula cohabitatio. Hoc ipsum elogio exornat Hel-
galdus. *Et indesinenter adhæsit ecclesiasticus, et*
sibi semper amabilis monasticus Ordo... *Sermoci-*
nans quis cum eo non est lætificatus gaudio ma-
gno? Pacem quis desiderans, in ejus conspectu
non abhorruit iram? Vultus sui præsentiam aspi-
ciens, quis non est oblitus dolos? Orationibus ejus
quis monachorum non habuit requiem, et non est
amatus, dilectus, et veneratus? Ejus sanctissima
admonitione quis clericorum non fuit amator co-
stimoniz? Ipsius amabilia verba, quibus non
fuerunt medicamina? Aspectus ejus, quibus non
profuit insipientibus ut virga? Oculos ejus hu-
miles quis aspiciens, non est meditatatus caelestia?
Pauper et esuriens quis non satiatus ab ejus re-
cessit mensa? Viduæ et pauperes ad exemplum
bonæ Dorcadis non ab eo datas ostenderunt ves-
tes? Omnis miserorum multitudo non eum patrem
et nutrimum inelamavit? Non fuit ei similis post
sanctum David de cunctis regibus terræ in sanctis
virtutibus, humilitate, misericordia, pietate, et
charitate: quia semper adhæsit Domino, et non re-
cessit a mandatis ejus corde perfecto. Fulbertus
Carnotensis episcopus epistola 87 Robertum re-
gem sanctum Patrem; eundem Wilhelmus, Aquitaniae dux, in charta pro cœnobio Burgulianensi
Theosophum appellat.

(1) Vide etiam ejusdem Annales Hirs. an. 995.

(2) Hist. Univ. Paris., t. I, p. 331.

NOTITIA LITTERARIA.

(Histoire littéraire de la France, tom. VII, pag. 329.)

Guillaume de Malmesburi (*De reg. Angl.*, p. 65) et beaucoup d'autres écrivains s'accordent à relever par de grands éloges le savoir du roi Robert. Il n'en fit cependant presque point d'autre usage qu'à composer des hymnes, des séquences, des répons et autres pièces de même nature, pour enrichir les Offices de l'Eglise. C'est ce qui lui a fait donner le titre de Théologien, *Theosopho*, dans une charte de Guillaume V, comte de Poitiers (Du CANG. *Gloss. nov.*, t. VI, p. 1126).

1° De toutes les hymnes que notre pieux monarque a composées on ne connaît nommément que celle qui commence par ces mots : *Chorus novæ Hierusalem* (CLICH., *Eluc.* p. 37). Elle est en vers iambiques dimètres, et l'auteur y exhorte les fidèles à louer le Sauveur sur la gloire de la résurrection, par laquelle il a enlevé à l'enfer ses captifs et les a introduits dans le ciel. Guillaume Duranti, livre IX, c. 21, n. 23, la donne sans difficulté au roi Robert, quoique Josse Clichtoue, qui l'a publiée et paraphrasée, en transporte l'honneur à S. Ambroise. On prétend (MEZ. *Hist. de Fr.*, t. I, p. 382) que la dévotion qu'avait notre prince pour la sainte Vierge lui fit composer d'autres hymnes à son honneur. Mais on n'en indique aucune en particulier.

2° Robert composa aussi quelques séquences, qui ont été autrefois chantées à la messe dans certaines églises. Tellé est celle de l'Ascension du Sauveur, qui commence ainsi : *Rex omnipotens die hodierna*, et que l'on trouve dans le recueil de Clichtoue, avec l'explication qu'en donne cet éditeur (MART. *amp. Collect.*, t. V, p. 994 ; ALB. *Chr. part.* II, p. 35 ; CLICH., *ib.*, p. 206). Telle est encore celle de la Pentecôte, qui commence par ces mots : *Sancti Spiritus assit nobis gratia*. M. Baillet l'attribue à Notker le Bègue ; mais Guillaume de Malmesburi (*ibid.*), Clichtoue (*ibid.*), qui l'a imprimée et commentée, et divers autres écrivains, la regardent comme une production du roi Robert. C'est peut-être pour l'avoir confondue avec l'autre célèbre séquence de la Pentecôte, *Veni, sancte Spiritus, et emitte*, que Duranti, Trithème (*Chr. Hir.*, t. I, p. 141), le cardinal Bona, Archon, et quelques autres auteurs ont voulu faire honneur de celle-ci au même prince. Mais on la croit communément du pape Innocent III.

3° Les répons et les antiennes dont le pieux roi enrichit les Offices de l'Eglise, sont en grand nombre. Un des plus célèbres est celui qu'on chante encore aujourd'hui dans plusieurs églises la veille de Noël : *Judæa et Hierusalem, nolite timere* (MALM. *ib.* ; MART. *Anc.*, t. III, p. 117).

Il y en a trois sur la nativité de la sainte Vierge.

A que Favyn a fait entrer dans son Histoire de Navarre, et Clichtoue dans son *Elucidatorium* (Fav. *Hist. de Nav.*, l. III, p. 141 ; CLICH., *ib.* pp. 117, 118). Chacun de ces répons est compris en trois vers hexamètres. Le premier commence par ces paroles : *Solem justitiæ* ; le second par ces autres : *Stirps Jesse* ; et le troisième par celles-ci : *Ad nuntium Domini*.

Robert avait une dévotion singulière pour la sainte Vierge, qu'il avait coutume de nommer l'Etoile de son royaume (Fav., *ib.*). Il l'invoquait très-souvent, ayant presque toujours à la bouche ces deux vers, qu'on croit être de sa façon :

Alma redemptoris genitrix, mundique salutis.

Stella maris fulgens, cunctis præclarior astris.

B L'oratoire ou chapelle qu'il fit dédier dans son palais à Paris, sous l'invocation de Notre-Dame-de-l'Etoile, a fait croire à un de nos historiens (Fav.) que ce prince avait institué l'ordre de chevalerie qui porta le même nom. En conséquence il lui attribue la formule de prière que les chevaliers devaient réciter tous les jours. Mais cette institution est postérieure de plus de trois cents ans à Robert, et appartient au roi Jean.

Un autre répons fameux entre ceux qui composa notre religieux prince est celui qui commence par ces mots : *Cornelius centurio*, pour la fête de saint Pierre. On dit que Robert, se trouvant à Rome, le présenta lui-même à l'autel du prince des apôtres, et qu'il y fut fort goûté et applaudi (TRIT. *ib.* ; MART. *ib.* ; ADB. *ib.*).

C Il en fit plusieurs autres à l'honneur des saints martyrs, dont l'un commence ainsi : *Concede nobis, Domine, quæsumus* (MART., *ib.*, p. 568, 569 ; CLICH., *ib.*, p. 121 ; Belg. *Chr. mag.*, pp. 92, 93). Mais le plus célèbre de tous est celui-ci : *O constantia martyrum*, qu'on chante encore à Saint-Denis en France, et qui se trouve dans quelques Processionaux ou commun des martyrs, quoique fait en particulier pour saint Denis et ses compagnons. Divers historiens prétendent que Robert le commença de la sorte pour faire cesser les importunités de la reine Constance, qui le pressait de faire quelque chant à sa louange.

D Robert en fit un sur saint Martin : *O quam admirabilis*. On lui attribue encore les répons ou antiennes : *Eripe me de inimicis meis, Deus. Pro fidei meritis*, etc. : *Cunctipotens genitor* (MART., *amp. Coll.*, *ib.* ; ALB., *ib.* ; Belg. *Chr.*, *ib.*). A toutes ces pièces particulières notre zélé prince en joignit, dit-on, plusieurs autres qui avaient leur mérite, *alia multa pulchra* (MALM., *ib.* ; MART. *Anc.*, *ib.*). Mais on ne nous les fait point con-

naltre en détail ; et quoiqu'on en relève la beauté, il y faut cependant moins chercher la délicatesse des pensées, le choix, la noblesse et l'arrangement des expressions, que les sentiments de piété. Peut-être que les airs sur lesquels l'auteur, qui était habile dans le chant ecclésiastique, les avait notées, leur donnaient des beautés qu'on ne trouve pas dans le texte.

M. Hubert, dans ses *Antiquités de l'Eglise Royale de Saint-Agnan d'Orléans*, pag. 39, dit que le roi Robert fit aussi un dixain à l'honneur des reliques de ce saint, qui commence par ces mots, *In virtutem tumuli*.

4° Quelles qu'aient été les autres productions de la plume du roi Robert, on ne nous en a conservé que deux courtes lettres. L'une fait la quatre-vingt-quinzième entre celles de Fulbert, évêque de Chartres, et roule sur cette espèce de pluie de sang dont on a parlé plus d'une fois. Quoiqu'elle soit adressée nommément à Gauzlin, archevêque de Bourges, il paraît qu'elle fut circulaire. Robert, à la prière de Guillaume le Grand, comte de Poitiers, y engage les savants de ses Etats à l'ins-

truire s'il était jamais arrivé de prodiges semblables à cette pluie.

L'autre lettre de ce prince qu'Helgaud a insérée presque entière dans sa Vie, et que Baronius rapporte d'après Helgaud, est écrite à Leutheric, archevêque de Sens, pour le reprendre de deux erreurs dans lesquelles il était tombé. Mézerai (*ib.*, p. 383) et quelques autres écrivains, qui prennent de cette lettre occasion de relever la doctrine et l'éloquence de Robert, supposent que Leutheric était dans la même erreur que fut depuis Bérenger de Tours au sujet de l'Eucharistie. Mais il ne s'agissait que de l'abus qu'en faisait quelquefois ce prélat pour éprouver les coupables (*HELG.*, *ib.*). Son autre erreur consistait à attribuer à la nature divine les souffrances qui n'étaient tombées que sur l'humanité. La lettre de notre généreux prince, qui respire un zèle tout de feu pour la pureté de la religion, eut son effet, et corrigea l'archevêque. On y voit que la formule dont on se sert pour administrer l'Eucharistie était alors un peu différente de celle qui est aujourd'hui en usage.

HELGALDI SIVE HELGAUD

FLORIANENSIS MONACHI

EPITOMA VITÆ ROBERTI REGIS,

EX ALTERIUS MONACHI SCRIPTIS (3).

(DUCHESNE, *Rerum Francicarum Scriptores*, tom. IV, pag. 59. ex editione Petri Pithœi, ad fidem veteris codicis ms. qui exstat in bibliotheca viri cl. Alexandri Petavii, Senat. Paris., emendata.

PROCEMIUM.

Vir Domini, sanctissimus Anianus, inter cætera quæ a Deo possedit in hoc sæculo, præcipuos et non segnes ad regendum suum sanctum Dei locum habuit Patres. Ex quibus unus benignissime effloruit, Leodebodus nomine, sanctitate, scientia, divitiis pollens et gloria. Hic autem fuit temporibus Clotharii Francorum regis, patris Dagoberti Senioris, et ejus in diebus monasterii Sancti Aniani Pater est electus. Sane mortuo Clothario et ejus filio Dagoberto, Clodoveus inclytus ei successit in regno, justitiæ et pietatis amictus ornamento. Ad quem accedens memoratus abbas factus et dicto im-

petravit vicum Floriacum monachorum usibus præparandum, dans pro eo agellum Attiniacum cum cunctis sibi adjacentibus super Axonam fluvium situm. Unde memor sui de his testamentum condidit, regia auctoritate munivit et eum in archivo monasterii sancti Petri, quod ipse postea edificavit, custodiri fecit. In quo hæredes fecit Floriaci sancti fratres Floriacenses ex toto, sicut et a regem emerat corde devoto. Ubi quæ et quanta regis potestati Jesu Christi, et domni Petri, et sancti Aniani et Francorum regis Clodovei submisert, subjecta declarat epistola.

EXPLICIT PROCEMIUM.

INCIPIIT

TESTAMENTUM LEODEBODI ABBATIS.

In nomine Patris, et Filii, et Spiritus sancti.

Anno secundo regnante domno nostro Clodoveo

(3) Vide quæ de hoc titulo et testamento Leodebodi Vitæ præfixo disserunt Auctores Gallicæ litte-

gloriosissimo rege, sub die v Kal. Junii, virtute et firmissimo robore acquiritur ut agresti et doctæ rarioris, apud nos tomo proxime sequenti, col. 1266. Edrr.

menti testificatio suffragetur. Et quoniam ita est, A Dei protegente dextera, ego Leodebodus ista conscribo, ac si indignus et peccator alba. Dum me divina pietas basilicæ domni Aniani, ubi ipse dominus in corpore requiescit, abbatæ sublimatum honore ejusdem loci custodem esse instituit, congruum duxi et devotione plenissima mihi consensit voluntas, ut de re proprietatis meæ tam in ipsa basilica quam et basilicæ domnæ Mariæ, quam Joannes Floriacus a novo quondam construxit, ubi venerabilis vir Fulcaldus abba custos præesse dignoscitur, seu et in agro Floriaco, quem cum glorioso atque præcelso domno Clodoveo rege et gloriosa domna uxore ejus, Bathilde regina, visus sum de rebus meis propriis commutasse, ubi pro salute regia, vel cuncto populo exorandum, monasterium in honore sancti Petri ædificari delibero, ubi jam dictus vir Dei, sanctus videlicet præsul Anianus, condigne jacet tumulatus, in quo monachi juxta regulam sanctissimi Benedicti et domni Columbani consistere debeant, singulariter de facultate proprietatis meæ Christo præsule conferre delibero. Domno igitur ante dictæ basilicæ domni Aniani vel monachis ibidem deservientibus, ubi ad præsens divinitate propitia funguntur officio, et de jure meo in jus antedictæ basilicæ a die præsentis transfundo portiones terrulæ, infra agrum Nogrometensem sitas, in territorio Biturico nuncupatas Litmaro et Mariniaco, quas de Aviana et Prosperiana feminis per instrumenta chartarum visus sum recepisse, cum domibus, ædificiis, mancipiis, qui a me liberati non fuerint, vineis, silvis, campis, pratis, pascuis, cum omni jure et beneficio suo, vel omnigeno pecude ibidem residente, sicut a me professum est; similiter portionem meam, quæ est infra agrum Littidum in Secalonia, quam de Agana femina dato pretio per venditionis titulum visus sum comparasse, cum domibus, ædificiis, mancipiis, præter quos ingenuos relaxavero, vineis, silvis, campis, pratis, pascuis omnique beneficio suo, sicut a me possessum est; itemque et portionem meam quæ est ad Vetulam casam, quam de Abbone et filio suo Fraterno dato pretio per venditionis titulum comparavi et quæ per epistolas donationis ad me pervenit, cum mansis, vineis, campis, pratis, silvis, pascuis omnique genere pecudum et beneficio suo, sicut a me possessum est; similiter modo et portionem meam, quæ est in villa Frietoni in Secalonia, sicut a me possessa est, cum mansis, accolabus, silvis, pratis, campis, pascuis in integrum, cum termino, vel omnigeno pecude ibidem residente; simulque terras vel prata, quæ ab Albuna in pago Stampensi visus sum comparasse, sicut a me possessum est in integrum.

Pari modo vasa dono argentea anacleta pensantia libras viii et uncias duas; duo sandalia ac missas, et oralia ad mensam una cum cappis et omni apparatu, et duo vela acu picta. Ista omnia, ut in potestate et dominatione ipsius monasterii et monachorum ibidem Deo servientium perenniter ma-

PATROL. CXLI.

neant, integra devotione instituo. Simulque et quod in pago Biturico, cognominato Monte, qui ex juxta Carbrias vico, portionem terrulæ, quam de Domolo et uxore sua Ingara, vel de pluribus hominibus visus sum comparasse dono; vel quodcunque ibidem per donationis epistolam aut quolibet contractu ad me pervenit. Seu et quo in Bria, quæ est super fluvium Flironte, habeo, quæ de pluribus hominibus visus sum comparasse et ad ipsum montem subjungitur, cum domibus, ædificiis, mancipiis, qui a me liberati non fuerint, vineis, silvis, campis, pratis, pascuis, cum omni jure et termino omnique genere pecudum, sicut a me possessum est, dono. Idemque et villam Camberon, quæ est juxta terminum Clariacensæ vel Ucello vico, quam de hæredibus Mummoli dato pretio per venditionis titulum visus sum comparasse, cum domibus, ædificiis, mancipiis, qui a me liberati non fuerint, vineis, silvis, campis, pratis, pascuis omnique genere pecudum, cum omni jure et beneficio vel termino ad se pertinente, sicut a me possessum est, dono sancto Petro Floriacensi. Idemque et in Rausedone villa, quæ est in pago Magdunensi, quam de hæredibus Wagini dato pretio comparavi, suprascripta pars ante dictæ basilicæ domni Petri Floriacensis perpetuo jure atque proprietario, ut possideat integra voluntate, decerno. Idemque antedictæ basilicæ domnæ Mariæ portionem meam, quæ est juxta Columnæ vicum, quartam partem ex ipso agro Colommensi, cum mansis, accolabus, campis cultis et incultis, cum omni genere pecudum in integrum, sicut a me possessum est, delego perpetualiter possidendum, Idemque in Simpliciacensi, quod est in Secalonia, quod de homine quodam, Aregisilo nomine, vel de aliis, dato pretio per venditionis titulum visus sum comparasse, portionem ipsam cum mansis, silvis, pratis, campis, pascuis, vel omni genere pecudum et beneficio suo sicut a me possessum est, basilicæ domnæ Mariæ tribuo, et ut in perpetuum possideat plenissima voluntate exopto.

Pari modo et ad memoratum monasterium, quod in honorem domni Petri, sicut prædictum est, in agro Floriaco ædificare delibero, ubi monachi regulariter consistere debeant, dono a præsentis fiscum Floriacum, cum domibus, ædificiis, mancipiis, præter quos jugo servitutis non relaxavero, silvis, campis, pratis, pascuis, vineis, aquis, aquarumve decursibus, cum adjunctis et adjacentibus suis omnique genere pecudum cum omni jure et termino suo, sicut acto tempore ad fiscum fuit possessum vel ad nos pervenit. Idemque in potestate Melliaico quod per venditionis titulum, visus sum comparasse, cum domibus, ædificiis, mancipiis, qui a me liberati non fuerint, cum campis cultis et incultis, seu officina molendini quod in Malva in ipso territorio esse videtur, in integrum cum termino suo et omni genere pecudum, sicut a me possessum est, concedo; seu et quod de hæredibus Pauloni negotiatoris quondam visus sum comparasse, areas scilicet in oppido civitatis Aurelianen-

sium, cum domibus desuper positis, accolabus ibidem residentibus, vel vineas ad oppidum ipsius civitatis pertinentes, seu et locella villarum, cognominata Curun, Canavarias, Simpliciaci et Galice ultra fluvium Ligeris, quod dato pretio anteacto tempore visus sum comparasse. Unde et in iudicio ante virum apostolicum domnum Audoenum episcopum, et illustrem virum Chranulfum optimatem, vel reliquos abbates convenit ut, ex omnibus tam in terris quam in mancipiis, seu et vineis, medietatem exinde pars basilicæ domnæ Mariæ retineret, et aliam medietatem in meo iure in integro debere recipere. Quam medietatem eorum iudicio visus sum recepisse. Ipsam enim in integrum ad memoratum monasterium S. Petri Floriaco constructum de lego perpetualiter possidendam. Simulque et Asinarias villam, quæ est in valle quæ de ratione illustris viri Trodovei per commutationis epistolas, quantum textus earum declarat, ad me pervenit, dum ego e contra portionem illam, quæ est in Suncanto, vel Warentias quod de Machilde femina quondam dato pretio per venditionis titulum comparavi; et hoc ad vicem memorati Trodovei dedisse visus fui in ipsa villa Asinarias, pars memorati monasterii domni Petri, quod est Floriaco constructum, in integrum absque cujuslibet impedimento, cum omni iure et termino, sicut a me possessum est, omneque genus pecudum ibidem residents recipiat possidendum. Areas vero infra muros Atrelianis, quas de Cronulfo clerico dato pretio per venditionis titulum visus sum comparasse, ubi Leobastus accola commanere videtur, ad prædictum monasterium domni Petri, vel monachis ibidem degentibus, integra voluntate dare deerno. Similiter et caballos xxx bonos, greges equinos x cum emissariis eorum, boum greges xx, vaccarum v, armentorum x.

Argentum, quod ad ipsum monasterium domni Petri, vel monachis ibidem deservientibus dono, per huius texti vigorem inserendum putavi, hoc est bacchoaica pura sigillata transmarina pensantia pondo libras x, quorum unus habet in medio crucem auream. Dono et scutellam, quæ habet in medio effigiem capitis hominis simili modo auream; idemque et duas scutellas minores massilienses deauratas, quæ habent in medio cruces niellatas. Quæ species argenti in iure et dominatione memorati monasterii domni Petri perenniter permaneant volo. De vestimentis vero, quæ in paupertate mea habere videor, præter id quod superius basilicæ domni Aliani delegavi, reliquum quod superfuerit, pars domni Petri Floriacensis recipiat ad possidendum. Spero autem non futurum, nec quolibet modo fieri posse credo ut aliquis de hæredibus meis, aut quælibet persona contra præsentem venire tentet epistolam. Quod si fecerit et factum meum irrumpere conatus fuerit, in primis iram cælestis incurrat Trinitatis, et insuper partibus basilicæ domni Aniani, et basilicæ domnæ Mariæ, vel monasterio sancti Petri, quod

est constructum Floriaco, duplum quod ad ipsas basilicas dedi, juxta quod res ipsæ melioratæ fuerint, ipsis abbatibus vel monachis ibidem deservientibus reformet, et fisci iuribus auri libras iii. argenti pondo xx teneatur obnoxius. Quam donationem, ut firmior habeatur, gestis municipalibus alligare decrevi, et duas epistolas uno tenore conscriptas feci de re superius nominata: una quæ in archivo domni resideat Aniani, aliam vero pars monasterii domni Petri per futura tempora reservandam recipiat, qualiter monachi ibidem deservientes, id quod eis per ipsam dedi defensæ valeant. Et præsens nihilominus a me facta donatio, firma omni tempore et inviolata permaneat. stipulatione in omnibus comprehensa. Actum Aurelianis publice. Addi vero convenit quod superius intimare debueramus, ut quidquid præfato monasterio domni Petri Floriacensis, quod nos a novo construximus, delegavimus et a timoratis viris delegatum fuerit in posterum; quidquid abbas, qui ibidem præfuerit, exinde voluerit facere, pro usu utilitate monasterii ipsius, vel læro anime aut fratrum necessitate, liberam habeat potestatem absque detrimento et impedimento esse dicti monasterii.

Leodebodus peccator abbas, epistola a me facta.

Audoenus peccator episcopus, rogante venerabili viro, Leodebodo abbate, hanc epistolam regi et subscripsi.

Leodegarius, ac si indignus episcopus, rogante Leodebodo abbate, hanc devotionis ejus epistolam firmavi in Christi nomine.

Beecelenus abba.

Ado abba.

Salomon abba.

Leotsindus abba.

Burgulfus presbyter.

Higecius diaconus et wicedominus.

Martinus diaconus.

Boso diaconus.

Agneramnus. Dagobertus.

Mummolenus. Vapingus.

Sigirigus. Framesindus.

Autbertus. Salomon sive Boso.

Pappolus. Sisobaldus sive Saxo.

Amnegisilus testis.

Manasses. Authacarius.

Nonno Hildulfus.

Grimoldus. Segonius.

Anno Incarnationis Dominicæ 623, data in mense Junio, anno ii domni Clodovei Francorum regis, filii Dagoberti Senioris, sanctorum Dionysii sociorumque ejus loci mirifici constructoris.

Hic autem præcipuus abba Leodebodus, quantum locum Floriacensem dilexerit, in quibusdam suis factis agnoscere valet. Nam in Camberon et Rosdon villis a se S. Petro datis, hanc ipse consuetudinem tenuit et fratribus Floriacensibus tenendam reliquit, ut quilibet Ecclesias, in quarum parochiis ipsæ villæ sunt, possideret, media pars decimæ agrorum et vinearum in quibusdam locis ipsarum villarum,

in aliquibus vero tota ad dominium perveniret fratrum. Qui videlicet usus haecenus servatur. Quodque magis eum divitem fuisse declarat, non est omittendum, emisse videlicet illum hereditatem Thomae, cujusdam Parisiaci civis, obrisi auri mille et sexcentis solidis. Testatur hoc charta memorati venditoris ad ipsum dominum Leodebodem facta, in nostris archivis recondita, licet vetustate consumpta. Cujus hereditatis in territorio Aurelianorum sitae media pars ab eo huic sacro collata est loco, alia medietate monasterio sanctae Mariae remanente, quod quidam Joannes, ut supra scriptum est, a fundamentis construxerat, cujusque idem

A Dei famulus Leodebobus abba exstitit, habens sub se Fulchaldum nobilem virum. Quartam quoque partem de Suncanto atque villam Warentiaras a Machilde femina ccc probatis auri solidis, Rosdon ab Auderanno cc ejusdem metalli emit solidis. Ipse vero usque ad octavum decimum annum memorati regis Clodovei perdurans, postmodum laudabilis vitae cursum sancto fine conclusit. Reperiuntur autem ab Incarnatione Domini non plures quam 620 præterisse anni, donec a domno Leodebodo fabrica hujus sacri caepa est cœnobii, auxiliante Domino nostro Jesu Christo, qui vivit et regnat.

Explicit testamentum Leodebodi abbatis monasterii sancti Aniani, quod factum est sub Clodoveo rege Francorum filio Dagoberti Senioris.
Fiat. Fiat.

INCIPIT EPITOMA VITÆ REGIS ROTBERTI PII.

PRÆFATIO.

Cœlestis imperii dignitas, cui spiritus superbiam aequalis voluit esse potestas, elegit in hoc sæculo principes, qui regerent hujus sæculi sceptras potentes. Et sicut sancta Ecclesia, quæ est mater nostra, obtinuit sibi ad regendum populum Dei pontifices, abbates et cæteros sacri ordinis ministros, ita et in hoc mundo elegit imperatores, reges et principes « ad vindictam malefactorum » et ad reprimendam proterviam iniquorum, ut laudaretur Deus in sæcula sæculorum. Et quia a patribus monasterii domni Aniani sermo sumpsit exordium, necessarium est et utile ut unus adhuc præcipuus pater sumatur pro omnibus, ut habeat de eo levamen omnis mundus, quia eum bonum elegit Christi Domini pietas et « constituit super familiam suam » divina majestas. Ad quid ista protulerimus, dicamus.

Omnipotentia igitur omnipotentis Dei volente et beato Aniano auxiliante, memoriam domni et venerandi Leodebodi abbatis monasterii sæpedicti sancti Aniani fecimus per testamentum, quod de

B suis rebus propriis sancto Petro Aurelianensi, domine Mariae et sancto Petro Floriacensi contulit; nunc huic scripto addere curavimus quod, in omnes terras sonus exiens pietatis et bonitatis Rotberti, suavissimi et piissimi regis Francorum, filii Hugonis regis, hunc sanctum, in quantum potuit, exornavit, dilexit et excoluit. Quo concedente, vitam hujus excellentissimi regis adoriri cupimus presentibus et futuris imitabilem. Nam hic languentes animæ perspicient quid charitatis, humilitatis et misericordiae valeant opera, sine quibus nullus ad regna poterit pervenire cœlestia. In quibus ita enituit, ut post sanctissimum regem prophetamque David nullus ei æquaretur, præcipue in sancta humilitate, quæ semper Deo proxima amatores suos corpore simul Deo conjungit et spiritu. Initio autem descriptionis omnem vultus illius habitudinem corporisve elegantiam, prout ipsi perspeximus, propalamus, adjuvante Domino nostro Jesu Christo, qui, ubi vult, et quomodo et cui vult, inolita bonitate aspirat.

EXPLICIT PRÆFATIO.

INCIPIT VITA.

In tempore, quo respexit Deus super filios hominum, ut videret, si esset intelligens aut requirens Deum, fuit rex Francorum Rotbertus, origine natus nobilissima, patre illustri Hugone, matre Adhelaide vocitata, quæ adeo bene laudata tanti filii digni exstitit prærogativa. Ejus inclyta progenies, sicuti ipse suis sanctis et humillimis asserebat verbis, ab Ausoniæ partibus descenderat. Probis hic actibus decoratus, crescebat quotidie meritorum lumine qui erat insignitus totius scientiæ perfectione. Hujus igitur statura corporis eminens, cæsaries

D admodum plana et bene ducta, oculi humiles, nares porrectæ et patulæ, os suave et dulce ad dandum sanctæ pacis osculum, barba satis honesta, humeri hujus in altum porrecti. Corona capiti imposita decernebat eum avis et atavis stirpe processisse regia. Sedens equo regio, mirabile dictu, pene jubebant pedum digiti calcaneo, et hoc erat videntibus in sæculo pro miraculo. Erat in eo jugis et frequens ad Deum oratio, genuum flexio innumerebilis erat pro certo, et, ut verbis Aurelii Victorini loquar, ad humanæ conversationis exemplum, per

laboris genera universa, vir propectus ad summa. Sistens in consistorio clientem se esse libentissime fatebatur. Nunquam injuria accepta ad ulciscendum ductus. Amabat simplicitatem, communi se affatu et convivio et incessu præbebat. Eloquentiæ tantum incumbens, ut nullus laberetur dies quin legeret Psalterium, et exoraret cum sancto Davide Deum altissimum. Exstitit mitis, gratus, civilis animi et lepidi, magis beneficus quam blandus.

Fuit idem rex sapientissimus litterarum; cujus prudentissimo cordi erant insita a Deo data perfectæ scientiæ dona. Nam a piissima matre scholæ Remensi traditus, domno Girberto ad erudiendum est datus, qui eum sufficienter liberalibus instrueret disciplinis, ut in omnibus Deo omnipotenti complaceret virtutibus almis. Factumque est. Is quippe Girbertus, pro maximo suæ sapientiæ merito, qua toto radiabat in mundo, donativo regis Hugonis munere pontificium adeptus Remense, non multis annis illud adornavit splendide in his quæ forent necessaria Ecclesiæ sanctæ. Eo namque derelicto, Ravennatum factus est rector ab Ottone III. De quo ad apostalatum Petri apostoli sanctissimi festinus ascendens, multa in eo virtutum operatus est insignia et præcipue in elemosyna sancta, quam fortiter tenuit, dum fideliter vixit. Inter cætera de se lætus et hilaris ita in R. littera lusit:

Scandit ab R. Girbertus in R. post papa viget R. Hoc aperte demonstrans quod hi tres episcopatus honores, quos professione regularis vitæ patris Benedicti monachus factus suscepit, rexit et tenuit, hujus R. litteræ signo in capite sunt declarati. In addiscendis vero artibus hic vir Dei humillimus domnum Ingonem collegam habuit, quem abbatia S. Martini Masciacensis remuneratum, post abbatia S. Germani Parisiacensis inelytum sæculo reddidit, ut decebat tantum virum. Quantum autem in eo harum virtutum incrementa vigerint nos brevitati studentes paucis adnotare curavimus.

Quodam tempore palatio Compendii, hic vir misericordiæ, vir pietatis, positus, unum quoddam ibi in uno operatus est, quod omni sæculo patuit et cunctis pro ipsa pietate et misericordia imitabile reliquit. Sanctum Pascha illo in loco rex amabilis celebraturus in die cænæ Domini, a duodecim iniquæ conspirationis ducibus mors ei juramento promittitur, vita abstrahitur, honor regius tollitur. Capi eos et adduci ante se jubet rex mittissimus. Percontatus eos mandat servari domo Caroli Calvi, regalibus dapibus opulenter refici et in die sanctæ Resurrectionis perceptione corporis et sanguinis Domini nostri Jesu Christi insigniter præmuneri. Secunda autem Sabbati proferuntur in medium, judicantur, damnantur, et super eos tot sententiæ quot homines. Audivit ista princeps Dei, pius et prudens, sciens et intelligens, et ipsos propter benignum Jesum absolvit, dicens non debere damnari qui fuerant præmuniti cibo potuque cælesti. Sed ne amplius talia in aliquo gererent, suis sanctis imperat

verbis, et sic eos illæsos ad sua regredi jussit. In latrociniiis vero pauperum clericorum et laicorum sibi illatis, adplene erat consentiens, quæ pro certo erant in auro vel argento et pretiosissimis ornamentis. Volentibus ea investigare minas dabat virtute, jurans Domini fidem, ne perderent quæ asportaverant. Stampis castro regina Constantia palatium construxerat nobile, simul cum oratorio. Quo delectatus rex ad prandendum cum suis assedit, impleri domum sanctis pauperibus jussit. Inter quos ad pedes ejus unus se collocans, ab eo sub mensa satiatus est. Qui non obliviosus factus ornamentum, quod erat in sex unciiis auri dependens a genibus, et quod non lingua rustica labellos vocamus, ipso conspiciente, cultello diripit, B quantocius discessurus. Liberata vacuatur domus a pauperum caterva, imperat longe a se expelli, qui jam satiati fuerant carniū esu simul et poculo. Cumque surgerent a mensa, aspicit regina Dominum suum fraudatum gloria. Et turbata contra sanctum Dei non constantia protulit verba: « Heu, senior bone! quis inimicorum Dei vos aureo vestitu deturpavit honesto? Me, inquit, aliquis non deturpavit, sed illi qui abstulit necessarium magis quam nobis, volente Deo, proficiet. » Sedatis his vocibus, collocat se in oratorio rex, Dei dono lætificans se de suo perduto et de suæ conjugis dicto, astantibus ibi domno Guillelmo Divionensium abbate, simul et Odone comite et non minimis Francorum primoribus. Quædam adhuc de C ejus non minima pietate narranda sunt. Præsul cuidam [Leothorico Senonensi archiepiscopo] de Domino non bene sentienti et quærenti pro quibusdam causis probationem in corpore Domini nostri Jesu Christi indigne tulit rex amator bonitatis et scripsit ei in his verbis: « Cum sit tibi nomen scientiæ et non luceat in te lumen sapientiæ, miror qua ratione quæsieris pro tuis iniquissimis imperiis et pro infestato odio quod erga Dei servos habes examinationem in corpore et sanguine Domini; et cum hoc sit quod a dante sacerdote dicitur: *Corpus Domini nostri Jesu Christi sit tibi salus animæ et corporis*, cur tu temerario ore et polluto dicas: *Si dignus es accipe*, cum sit nullus qui habeatur dignus? Cur divinitati attribuis ærumnas corporis et infirmum doloris humani divini connectis naturæ? Jurans Domini fidem, princeps Dei, privaberis, inquit, honore pontificis, nisi ab his resipueris, et damnaberis cum his qui dixerunt Domino: *Recede a nobis*, et non communicatis his quibus dicitur: *Appropinquate Deo, et appropinquabit vobis*. » His verbis præsul non bene doctus, a rege pio et bono sapienter instructus, quievit, obmutuit et siluit a dogmate perverso, quod erat contrarium omni bono et jam crescebat in sæculo.

In sinu matris Ecclesiæ collocatus iste Dei servus, factus est Dominici corporis et sanguinis vasorumque ejus custos fortissimus. Ad unguem ita perordinans cuncta, quasi videretur Deus suscipi non ut in alterius, sed in propria sanctæ majestatis gloria.

Hæc ejus devotio, hæc erat fortis provisio, ut corde mundo et vestitu candido Deus immolaretur pro totius mundi piaculo. Hoc servitutis obsequio delectabatur terris positus jam in coelis. Jucundabatur in sanctorum pignoribus a se auro et argento bene ornatis vestibus albis, sacerdotilibus indumentis, crucibus pretiosis, calicibus auro bono fabricatis, thuribus electum thymiamam proferentibus, vasis argenteis ad emundationem manuum sacerdotis, qui stabat illa hora fundens preces ad Deum pro totius populi delictis. Et quid? Vas vinarium ex argento factum, quod canthara dicitur, a suo quodam clerico fuerat furatum; quod eum omnimodis tristem reddidit. Non sic autem ut turbaretur clericus qui postea fuit illi pretiosus. Examinationem furti minitans rex fieri, volens nolens clericus, mali patratore operis, quæsit, redemit et suo illud loco restituit. In hoc rex Dei amicus alludens clerico dicebat: « Melius esse in domo propria apportare quam exportare, ne efficeretur similis Judæ, qui fur erat, et oculos habens ea quæ mittebantur exportabat (Joan. xii, 6). » Habuit enim postea hunc suæ utilitati proximum, et sui boni consilii dignum. Sciebat hic piissimus Dei virtute sua et aliena curare vulnera, secundum patris Benedicti mandata, non detegere et publicare. Hujus igitur peccata pro tali facto sua Deus deleat quæsumus clementia, ut, sanctis omnibus intercedentibus, possideat justorum gaudia reposita.

Pergratum mihi est et hoc auribus intimare fidelium, quod est omnino narratu dignissimum, Provocabit nos Deum amantes in hoc liberalis istius serenissimi regi memoria, et ejus operatio digna, cum cordibus fidelium et infidelium tinnierit tuba, non illa quæ ex æramento, sed quæ procedit de cælesti thesauro, et aperiens os suum dicit: *Conclude eleemosynam in sinu pauperis, et ipsa pro te exorabit (Eccli. xxix, 15)*. Hæc de tali viro cogitantes, occurrunt nobis plura cogitatione, auditu et sermone, quæ non possunt ascribi præ multitudine, quia illa solus Deus agnovit sua forti prudentia et scientia, ingenio et arte, quæ non possunt comprehendere miserabilis hominis virtute. Et quia a nobis diligitur mundus, delectamur in hujus excellentissimi regis operibus, in quibus, ut credimus, laudatur Deus, Rex gloriosus, cujus regni hæres erit perpetuus qui fuit mentis et corporis integra bonitate conspicuus. Quia ejus jucunda et delectabili vita adhuc frueretur mundus, credat orbis universus, si voluisset Dei Filius pro peccatoribus occisus.

Aliquando proficiscente eo ad ecclesiam et prostrato in oratione coram Deo, quiddam verecundiæ in ornamentis pellium a sancto collo dependentium sustinuit rex mitis et corde humilis. Fundente eo preces ad Deum, astat e proximo Rapaton latro, non ille fortissimus princeps latronum, qui tenet lectione principatum in libro Regum. Nam medietatem finalium chlamidis regis auferens hæc ab eo suscepit mansuetissima et omni melle dulciora

A mandata: « Recede abhinc, recede; sufficiat tibi quod abstulisti, quia et alteri necessarium erit quod reliquum est. » Confusus latro abscessit ad imperium sancti viri, qui periclitantibus et pauperimis hoc consentiebat ex more pro Dei amore, ut haberet eos apud Deum intercessores quos sciebat jam esse factos Dei cives.

Sedes regalis, Pisciacus dicta, supra Sequanam posita, Francorum regibus satis est opportuna. In ea monasteria tria ab antiquis viris didicimus facta, unum in honorem sanctæ Mariæ, aliud sancti Joannis, tertium sancti Martini confessoris. E quibus unum in honore sanctæ Mariæ matris Domini rex bonus assumens et a novo ædificans, illud in ornamentis et clericis, auro et argento satis honorabile reddidit. Quo laudandi Deum nunquam finem habuit. Porro orationibus ibi adhærens Deo, cum ad locum repausationis sui humilimi corporis reverteretur, post assuetos in oratione lacrymarum imbres fusos, invenit ibi suam lanceam a conjuge gloriosa bene argento paratam. Hanc considerans aspicit a foris si quempiam reperiret argentum hoc cui necessarium foret. Inveniensque quemdam pauperimum, interrogat caute si haberet aliquid ferramenti quo posset auferri argentum. Pauperi inscio ad quid ita requiret ait Dei famulus ut perquirat quantocius. Inter hæc orationi vacabat. Adveniens is qui missus fuerat ferramentum offert tali operi satis congruum. Obserantur ostia domus et rex cum paupere argentum a lancea auferens pauperulo dat bene faciens, et suis ipse sanctis manibus ei in sacculum mittens dat in mandatis, sicut mos erat, ut sibi in redeundo prospiceret ne uxor ejus eum videre posset. Obaudivit præceptis regis necessitas pauperis. Peractis his, advenit regina mirans quod factum fuerit de lancea, quæ sic erat destructa, de qua sperabat dominum suum forti lætificari gloria. Ad hæc Domini fidem jurans rex joco hujus se non esse facti conscium, inter eos amicabile est exorta contentio quibus eleemosynæ largitio profuit et proderit, faciente Deo, mortuis sæculo, viventibus Deo. Quædam adhuc de ejus non minima pietate narranda sunt.

Clericus quidam pauperulus de regno Lotharii exiens, ad hunc de quo loquimur servum Dei veniens, est receptus. Is nempe clericus Oggerius dicebatur. Qui eum nimia bonitate suscipiens, suo sanctorum collegio sociavit clericorum eum sufficienter in his quæ debuit, adornavit, sperans secum habiturum non paucis diebus et annis. Verum in his quæ prævidere noluit inventus est. Nam super eum dicta Dávid prophetæ merito dicta sunt: *Verba oris ejus iniquitas et dolus. Noluit intelligere, ut bene ageret. Iniquitatem meditatus est in cubili suo. Astitit omni viæ non bonæ, malitiam autem non audivit (Psal. xxxv, 4, 5)*. Splendebat quippe in eo species Judæ traditoris Domini, qui oculos habens, ea quæ mittebantur exportabat. Nam quodam tempore advesperascente hora diei, cæna cum suis sumpta, incum-

bentibus jam noctis tenebris, dum ad complenda, A et quæ sunt Deo reddenda cogitaret, ad domum Dei de more processit, præeuntibus ante se clericis cum ceroferiis non minimi ponderis. Quibus positis, significavit rex humilis ne accederent ad excelsa. Stat rex in angulo, et corde tacito Deo suo reddit vota jucundo. Meditans ergo in conspectu Domini, aspicit jam dictum Oggerium ad altare accedere, cereum ad terram deponere, candelabrum sinu contegere. Turbantur clerici, qui hujus latrocinii debuerant esse custodes. Inquirunt dominum regem de furto; quibus se respondit nescire ullo modo. Pervenit hoc ad aures Constantiæ reginæ ejus conjugis, de qua quidam ad nomen ejus lusit dicens:

Constans et fortis, quæ non Constantia ludit.

Hæc accensa furore jurat per animam Willelmi sui genitoris custodibus mala se irrogaturam fore, luminibus privari et malis aliis deturpari, ni reddant quod ablatum fuerat de thesauro sancti et justii. Hoc ubi audivit in quo erat requies pietatis, eum qui erat latrunculus advocans, ita ad eum locutus est: « Amice Oggeri, abi hinc jam, ne te consumat inconstans Constantia uxor mea. Sufficiunt enim quæ habes, donec intres in terram nativitatæ tuæ. Sit Dominus tecum ubicunque perrexeris. » Ubi hoc audivit furti dominus, cadens ad pedes piissimi regis volutabatur clamans: « Succurre mihi, domine, succurre. » Ipse vero volens eum eripere, dicebat: « Transi, transi noli hic permanere, » dans ei et alia cum his quæ absportaverat, ne deficeret in via. Post aliquot dies idem Dei famulus credens illum jam posse suum attingisse solum, conversus ad suos lepide et jucundissime dixit: « O bone Theudo (hic enim ei erat familiaris) ut quid tantum laboras in quærendo candelabro, cum Deus omnipotens illud suo attribuerit pauperculo? Scias etenim tu et tui quod illi plus quam nobis necessarium fuerat, cum Deus nobis peccatoribus omnia quæ sunt in terris attribuerit, ut subveniamus pauperibus, orphanis, viduis et omni populo Dei.»

Palatium insigne, quod est Parisius, suo construxerant jussu officiales ejus. Quod volens præsentia sui die sancto Paschæ nobilitari, more regali jussit mensam parari. Cumque aquam ad abluendas manus præsto haberet, adest cæcus quidam inter pauperum multitudinem coram eo assistentium, qui illius erant memoriale continuum, qui ut illi aquam jactaret in faciem humillimam precem. At ille continuo, velut pro joco dicens pauperis precem, dum primum in manibus accepit aquam, illius projecit in faciem. Qui mox, videntibus cunctis optimatibus qui astabant, cum respersione aquæ amissa oculorum cæcitate, congratulantibus cunctis in Domino, lætior inter convivas discubuit prandio. Fuitque discumbentibus tota die hujusce rei confabulatio ad omnipotentis laudem Dei; quorum verba forte fuissent vana et otiosa, nisi tanto lumine forent illustrati illo die. Nec immerito sane potest existimari quod

palatium illud frequenti regio conventu sit honorandum, quod divina virtus tali decoravit miraculo et populi sacraivit jubilo, dum vesci voluit ibi devotissimus rex die primo.

Vigore justitiæ vigens idem rex serenissimus studebat non continuari os suum mendacio, sed veritatem corde et ore proferre, Domini Dei fidem jurans assidue. Unde nimirum suos, a quibus sacramentum recipiebat, volens justificare quemadmodum seipsum, fecerat unum phylacterium olivaceum, in gyro auro puro adornatum, absque alienjus sancti pignorum inclusione, super quod jurabant sui primates, hac pia fraude nescii. Aliud quoque jussit parari argento, in quo posuit ovum cujusdam avis quæ vocatur grippis, super quod minus potentes et rusticos jurare præcipiebat. O quam bene et congrue huic sancto viro concordant illius sancti dicta prophetæ dicentis: *Habitabit in tabernaculum Altissimi, qui loquitur veritatem in corde suo: qui non egit dolum in lingua, nec fecit proximo suo malum, et opprobrium non accepit adversum proximum suum* (Psal. xiv, 3). Cui utique bono illum adhæsisse tota cordis intentione certissimum est, ut mereretur esse in superna hereditate beatorum coheres.

Quanta vero humilitatis virtus in eo fuerit paucis edicendum est verbis. Colloquium cum episcopis sui regni habens rex humilis, inter colloquium unumquemque aspiciens, vidit quemdam eorum mole carnis gravatum, pedes suos dependere ab alto. Pietate ductus a longe quærens subpedaneum reperit unum. Quod manibus Deo et hominibus charus apprehendens, illud tanto pontifici offerre non recusavit et sub pedibus ejus ponere non est dedignatus. Erat autem hic episcopus Lingonensis, Lambertus nomine dictus, scientia, religione et bonitate pollens. In magna etenim ex hoc admiratione pro tali facto omnes episcopi et principes habuere sæpefatum Rotbertum humillimum et inclytum regem.

Is quippe rex Deo dilectus Rotbertus semper meminit sanctæ legis, quia memor fuit operis Dei in omnibus viis suis. Sciebat etenim scriptum: « Scientia, virtus; custos virtutis, humilitas sancta. » Et illud beati papæ Gregorii: « Qui sine humilitate virtutes congregat, quasi in ventum pulverem portat. » Legerat quid dixerit quidam ex Patribus: « Omnis labor sine humilitate vanus est; humilitatis signum dat regnum cælorum. » Nos ergo oremus omnipotentem Deum, ut hic electus, qui deposito omni tumore superbie conjunctus est Christo Deo sanctæ humilitatis virtute, ita illi jungatur in sæculo venturo, ut in judicio a sinistra parte disjunctus, non inveniat in eo Jesus Christus quod damnet in pœna, sed quod pietate multiplici provehat ad coronam, quam promisit diligentibus se ad gloriam. Hic etenim vir Dei tantus ac talis quod amavit, quod cupiit, quod credidit, Deus est Rex regum, Dominus dominorum spes utique certa fidelium.

Jactantiam superbïe mentis a se rejiciens rex humilis et cum multiplici pietate nominandus Robertus studebat illi semper placere virtutibus bonis qui habitat in excelsis. Devitans sublimes suscipiebat quos poterat humiles, qui certis temporibus veras vero Deo redderet laudes. Suscepit in hoc et exemplum ab Ambrosio Mediolanensium civitatis venerabili episcopo, qui binos Ecclesiæ suæ, cui præsidebat, clericos pro incesso superbo gravibus tradidit laments, donec, calcato tumore superbïe, addicerent humilitate pergere, qui erant correcti virga sacerdotalis disciplinæ. Idem namque beatus pontifex, in tractatu De diluvio et arca Noë, habitus hoc modo arrogantium curavit edicere, scilicet quales describit Isaias Judææ filias, oculorum micantes nutibus et alta se cervice jactantes. Sunt enim hujusmodi erigentes supercilia, inflato corde, elato pectore, cervice resupina, qui solum quidem pedum præstringant vestigiis, toto autem se librant corpore et inani suspendunt examine. In priora gressu prodeunt, in posteriora verticem reclinantes, cælum spectant : terram autem fastidiunt, tanquam cervicis dolore suffixi, ut eam inclinare non possint. Hos igitur delevit Deus de libro vitæ, dicens : *Omnis qui se exaltat, humiliabitur* (Luc. xiv, 11). Nec inter merita sanctorum commentis [*al.*, *commeritis*] facit adhærere cœlestibus. Hæc idcirco divimus, ut cognoscant omnes quis in tanto Francorum imperatore mundi fuerit despectus, qui humilitate sancta cœlorum possedit regna.

Hujus igitur inelyti regis avus Hugo, pro pietate, bonitate, fortitudine Magnus dictus, monasterium S. Maglorii confessoris Christi in civitate Parisius simul cum filio construens nobiliter, monachos sub regula patris Benedicti vivere paratos ibi collocat, et in auro vel argento locum ipsum dicat, et cæteris ornamentis, pro salute sua et filii ac future posteritatis. Mater quoque ejus supradicta Adhelaidis, admiranda satis in sancta devotione regina, fecit monasterium sancti Frambaldi in civitate Silvanectensi, ubi duodecim ad serviendum Domino clericos misit et de quibus viverent abunde subministravit. Construxit et monasterium in territorio Parisiensi, villa quæ dicitur Argentoilus, ubi numerum ancillarum Dei non minimum sub norma sancti Benedicti vivere paratas adunavit ; ad laudem et gloriam bonorum omnium Inspiratoris et sub honore sanctæ Dei genitricis et perpetuæ virginis Mariæ omnipotenti Domino dedicari et consecrari voluit. Fecit nihilominus sancto pontifici Martino casulam auro operatam optimo, inter scapulas majestatem veri pontificis continentem, Cherubim quoque ac Seraphim colla Dominatori omnium submittentia. In pectore vero Agnum Dei, nostræ redemptionis hostiam ; quatuor e regione præfigens animalia Dominum gloriæ adorantia. Fecit et eidem beato confessori capam unam intextam auro ; duas vero ex argento. Speciali autem suo post Dominum amicorum

A amico, beato videlicet Dionysio, casulam miro itidem opere factam contulit. Cui et aliud, ut tantam decebat feminam, ornamentum contextuit, quod vocatur orbis terrarum, illi Caroli Calvi dissimilimum. Sperabat enim se Deo fidelis regina partem habituram cum eo, cui promiserat Deus sermone non casso impetraturum pro quibuscunque petiisset. Etenim illius universa progenies famulam se tanti martyris in omni opere proclamabat, reddens Domino suo quæ sunt servi debitæ servitutis obsequia. Erant siquidem huic generationi speciales amici, sancta videlicet Maria, et pater et dux monachorum sanctus Benedictus, sanctus quoque Martinus, sanctus nec ne Anianus atque victoriosi martyres Christi Cornelius et Cyprianus ; optatissimus vero gloriosus martyr Dionysius ac inelyta virgo beata Genovefa, Fertur autem dixisse moriens bonus Pater :

« O optime fili, per sanctam et individuum Trinitatem te oblestor, ne quando animus subripiat acquiescere consiliis adulantium, vel muneribus donisque venenatis te ad vota sua maligna adducere cupientium ex his abbatibus quæ tibi post Deum perpetualiter delego ; neve animi levitate ductus quolibet modo distrahatur, diripias aut ira excitante dissipis, Specialiter vero tibi inculco nullo pacto ducentem omnium, Patrem dico Benedictum, a te patiaris divelli, illum apud communem Judicem salutis aditum, tranquillitatis portum postque carnis obitum securitatis asyllum. »

C Quæ autem hæc ancilla Dei, mater prudentissimi regis Rotherti, opera bona fecerit, paucis adnotare libet. Ipse juvenis laborabat forti infirmitate corporis, de qua erat patri et matri in timore periculum. Pro quo fecit in seniori ecclesia Aurelianensis civitatis, quam sanctus Evurtius per Dei dexteram fundavit et more ecclesiastico benedixit in sanctæ et vivificæ Crucis honore imaginem Domini et Salvatoris nostri Jesu Christi pendentis in cruce, ex auro puro, ut liberaretur a mortis periculo, quem Deus omnipotens jam apud se decreverat regnaturum in mundo. Nam et ejus virtute liberatus est. Dederat autem et pater pro filio unico sanctæ Crucis loco urceum argenteum pensantem lx libras, qui usque ad hæc nostra tempora permansit in domo Dei sancta. Crescens quippe ætate et vir factus virtute totam terram sanctæ Cruois, quam Fulco episcopus pro adjutorio sui Hugoni potentissimo Belvacensi dederat ; hic vir Dei, qui laude et verbo omnipotenti complacebat Deo, mæsto factus animo, per sæcula celebrando salutiferæ Crucis loco suo reddidit dono. Hunc denique locum, Aurelianensem scilicet sedem, specialius semper dilexit, quia in ea natus adolevit, et post regeneratus ex aqua et Spiritu sancto, ibi assumptionis suæ in regem solemnem utique percepit benedictionem. Dominus etiam Theodericus ejusdem civitatis episcopus, cujus vox laudem Domini digne et laudabiliter eructabat, volens haberi memoriam sui nominis in monasterio sanctæ Cruois, jubet vas fieri ex centum solidis auri optimi, in quo

consecraretur sanguis Domini nostri Jesu Christi. Junxerat se tanto pontifici rex mente humili, qui superno tactus amore fecit in ipso sancto calice patenam ad conficiendum in ea corpus Redemptoris mundi, ut esset ei crucis signaculum in auxilium et sancta passio vera animæ carnisque redemptio. Nihilominus et domnum Odolricum episcopum in sacerdotali vestimento sic honoravit, ut astans in sacrificio Domini circumtectus ex omni parte auro et purpura videretur. Urceolum ex onichino factum, quod comparaverat rex ditissimus pretio LX librarum, iterum ipsi sanctæ Crucis loco contulit simul cum alio argenteo et manipulo. Dedit etiam et pallia tria pretiosa in ornatu ecclesiæ, pro sua suorumque filiorum salute, et alia multa quæ non possunt littera notari nec numero comprehendi. Sanctorum enim corpora martyrum pretiosorum Saviniani et Potentianæ, qui passi sunt acerrime in Senonensi urbe, auro, argento, gemmis ita vestivit ut in his delectaretur omnis mundus, quos in terris rex honorificaverat, laude dignis. Præterea Patri Benedicto et suis, cui semper totis adhæserat præcordiis, pro sua in tota mundi latitudine admirabili vita, piscatoriam Ligeriti fluminis benignissimus attribuit, scripto firmavit et ex his nil aliud quam intercessionis illius quæsit suffragia. Sed et præceptum de immunitate Floriaci loci, seu de his quæ monasterii competunt utilitatibus, auctoritate regia firmavit et sigillo suo ut bonus et sapiens insignivit. In ornamentis quippe ecclesiasticis Patrem Benedictum honorans, quo eo amore dilexerit manifestissime aperuit. Nam altare sanctæ Dei genitricis Mariæ pallio pretiosissimo post ignem, qui fuit immensa nostri sancti loci calamitas, cooperuit et thymiamaterio usquequaque satis mirabili, auro et gemmis bene elevato in sublimi, hunc sanctum devotissime nobilitavit. Erat enim et hoc adplene conveniens thymiamaterium thuribulo aureo a Gauzolino abbate mirabilium factore patrato, cujus opus splendescit præ omnibus quæ vidimus ipsi qui hæc scribimus, in Floriaco loco. Monasterium S. Cassiani confessoris summi in Hedua civitate, quæ et Augustodunus, nimia dirutum vetustate a novo ædificavit et in eo Dei ministros collocans abbatiam, sicut prius, construxit, præbens sumptus his qui ibidem Deo deservirent. Hoc ei studium, hæc ejus semper fuit in opere Dei voluntas.

Palatio Compendii damnum accidit regi in furto nobili. Instabat tunc dies Pentecostes, quo Spiritus sanctus replens animas mundat fidelium corda, ut placeant Patri et Filio, quibus æqualis Spiritus sancti portio. Volens illo die pater rex gloriosus filium suum statuere in regem, nomine Hugonem, strenuissimæ nobilitatis juvenem, pro immensa patris et filii bonitate, quæ erat divulgata toto terrarum orbe, ad faciendum eum festinabat omnis mundus, quia delectabatur in talibus. Fuit enim hic bonus juvenis excellentissimæ probitatis, omnes completens, omnes diligens, nullum despiciens, dilectus

a cunctis et semper amatus. Die autem primo perfecta benedictione mirabili, pater lætus factus de filio, exsultabat gaudio immenso. Admonitio patris eo die talis facta est in filio bono : « Vide, filii, semper sis memor Dei, qui te hodie participem sui fecit regni, ut æquitatis et justitiæ in semitis delecteris. Quod, quæso, attribuat mihi Deus ut videam, et tibi ut facias juxta ejus voluntatem, quæ omnibus desiderantibus eam semper adest. » Inter hæc festiva solemnia quidam clericorum, vesano corde meditatus perversa, accelerat perficere ea. Speciem cervi ex argento mero facti vir Dei habens in thesauris suis eo delectabatur solemnibus festis. Acceperat hoc munus a duce Normannorum Richardo ad usum humanos, quod benignus ore, benignus corde, benigno non distulit conferre Deo. Erat huic ornamento adjunctus scyphus corneus, quo deferebatur vinum ad celebrandum sacrificium. Hæc aspiciens quidam pestifer et nequam clericus, arripit, caligis recondit, huc illucque vadens non invenit cui ea venditione contribueret, vel quomodo illam speciem cervi destruere posset. Credendum est cunctis ea pii regis servata meritis, qui toto corde erat Deo fidelis. Nam tertia Sabbati in oratorio Turris Caroli colloquens cum quadam familiaritate perfecta sibi conjuncto, ecce fur veniens ante altare se collocat, preces inutiles spargit et longa protrahens suspiria, facistergio altaris prolixo operit, simul cum scypho, et sic verecundus abiit, nesciens miser quorum oculi super eum erant defixi. Cessans rex a colloquio vadit ad altare pede levi cum amico vero, et sua accipiens reddit lætus ministro, interminans socio ne, dum adiret, nomen ejus sæculo innotesceret et tanto viro verecundiam faceret.

Verum quia opponit se nostræ narrationi quorundam perversæ mentis intentio, qui omne bonum quod ipsi nequeunt assequi aliis invidere et malignitatis calcaneo, prout possunt, premere non erubescunt, quique, si quid excessus humanitas admissum est, eo cuncta boni operis succedentia germina canino dente oblatrant suffocari, hunc sanctissimum virum lacerare non pertimescentes. Non, inquit, hæc quæ prolata sunt bona de eo opera ad salutem illius provenient animæ, quoniam non exhorruit facinus copulationis illicitæ, dum commatrem et sibi consanguinitatis vinculo nexam duxit uxorem. Quorum irrationabilitatem placet evidenti sanctæ Scripturæ indicio convincere. Sed, ne forte loquendi proclamant aditum sibi intercludi, dent nobis aliquem sine prolapsione deducti. Quis vero castum se habere cor gloriabitur ? cum nec unius diei infans mundus esse Scripturæ testimonio comprobetur ? Siquidem ob inertiam desipientium comprimendam hæc dixerim, non ut viri ultro penitentis culpam occultem. Sicut enim sanctus David, lege prohibebitus, Bethsabee contra fas concupivit et rapuit, ita et iste, contra sacræ fidei jura agens, præfatam mulierem nefarie sibi copulavit uxorem. Illi non solum satis fuit in mulierem peccasse, sed molita viri in-

noxii nece incurrit duplex peccatum. Huic profecto magis libuit Deum offendisse, quam a muliere duplici sibi lege prohibita torum servare immaculatum. Sed utriusque peccati vulnus verus humani generis benigna dispositione sanavit Medicus: illum per Nathan prophetam suum, dum pauperis viri unius oviculæ et divitis ovium abundantis multitudine paradigmate objecto, se reum agnoscens dixit peccasse; istum æque per domnum et venerabilem Abbonem, Floriacensium a Deo præelectum abbatem, nunc, Christi favente gratia, miraculis coruscum, spreta mortis formidine dure increpatum privatim et publice. Cujus sancti viri increpatio tam diu perstitit donec rex mitissimus reatum suum agnosceret, et quam male sibi copulaverat mulierem prorsus dereliqueret, et peccati maculam grata Deo satisfactione dilueret. Uterque igitur rex Deo acceptus, utpote ab illo coronatus. Quos nudos peperit natura mundo, sancta dispositione sui gloriosos habere voluit et inclytos sæculo. Et quia, ut ait Scriptura, permittit Deus fieri quod non vult, permisit benigna dispensatio sic eos occumbere peccato, ut se humanitate æquales subjectis recognoscerent, et reliquum vitæ tempus vigiliis et orationibus inhærendo transigerent, varias corporum passiones sustinerent, ut adimpleretur in eis sacræ Scripturæ testimonium, quæ ait: *Corripit Deus quem diligit, flagellat autem omnem filium quem recipit* (Hebr. xii, 6). Uterque peccavit, quod solent reges; sed a Deo visitati poenituerunt, fleverunt, ingemuerunt, quod non solent reges. Siquidem exemplo beati David, domnus iste noster Rotbertus confessus est culpam, obsecravit indulgentiam, deploravit ærumnam, jejunavit, oravit et confessionis suæ testimonium in perpetua sæcula vulgato dolore transmisit. Quod non erubuit confiteri. Qui tenentur legibus audent suum negare peccatum, dedignantur rogare indulgentiam quam petebat qui nullis legibus tenebatur humanis. Quod peccavit conditionis est; quod supplicavit correctionis Lapsus communis, sed confessio specialis. Culpam itaque incidisse naturæ est, diluisse virtutis. Ob hoc nimirum ista facere non despexit, quia sciebat Deum pusillis et magnis fore timendum et potentem quemque divina admoneri Scriptura: *Quanto magnus es, humilia te in omnibus et coram Deo invenies gratiam*. His igitur rex humilis, legibus absolutus, suæ tamen reus fuit conscientiæ. Quibus vinculis se edomare desiderans, divinum sibi precatur auxilium, ut ab omni criminis labe mundetur. Et revera, cum mitis et corde mansuetus egregia semper habuerit sanctus rex suæ mansuetudinis et pietatis insignia, ita ut adversariis suis frequenter ignoverit atque ab eorum nece abstinendum putaverit, non est mirum quod tam graviter doleat noxium sibi obrepisse peccatum. Et ideo a peccatis mortalibus liberari se postulavit, laudavit Dominum Deum suum, justitiam Domini prædicavit, et ex-

A sultavit ejus lingua justitia de cælo prospicientis, quæ processit de utero intactæ Virginis.

Unum vero quiddam memoria dignum a patre hujus inclyti regis et a Deo electi patrum, huic lectioni inserere dignum duxi. In eo namque sacerdotes veridici, abbates et monachi, sanctæ normæ non nescii, exemplar virtutum, quod non solum imitari, sed etiam admirari valeant, invenient. Ante omnia autem pietatis et misericordiæ omni laude extollenda insignia. Quodam namque tempore sanctum diem Paschæ in civitate Parisius solemniter celebrans, secunda Sabbati ad domum suam apud Sanctum Dionysium lætus regressus est, ibique solemnes exegit dies. Tertia autem Sabbati adveniente hora, qua laudibus laudaretur per omnia sæcula Deus, surgit a lecto et ad ecclesiam ire desponit. Aspiciens ergo videt duos ex adverso jacentes in angulo, operi insistentes nefario. Horum fragilitati condolens, ornamentum pellicum quod erat pretiosissimum, tollit a collo et super peccatores projicit corde benigno. Quo facto, ecclesiam sanctorum omnipotentem Deum rogaturus, intravit, ubi pro ipsis peccatoribus ne perirent oravit. Prolongata vero oratione et sperans jam abiisse mortuos peccatores, qui poenitentia viverent Deo, evocat sui corporis custodem, et ut aliud sibi ejusdem generis deferat ornamentum humillimis verbis imperat, mandans hoc minis imperialibus, ut neque conjugii gloriosæ, neque alicui istud unquam manifestaretur. O quam perfectus, qui sic suo peccatores protexit vestimento! quam sanctus sacerdos! quam plus abbas religiosusque monachus! quam rectissima virtutis et perfectionis norma, cui inniti potest justitiæ concupiscens semitas! Tali quippe mandat monachorum pater et dux confiteri peccata, qui sciret sua et aliena curare vulnera, non autem detegere et publicare. O felix participatione Dei pietas et misericordia, quæ sic floruerunt in tanto et tali viro! quas et ipse Rotbertus noster quasi hæreditario jure a patre relictas possedit.

Ingo summæ ingenuitatis vir et bonatis, abbas Sancti Germani Parisius civitate constituti monasterii, ad hunc Dei famulum pro sua et fratrum utilitate Aurelianus duos boni testimonii direxit fratres. Qui ab eo visi pacis honorati sunt osculo, ut eis mos erat, interrogatique sunt benignissime qua causa ad eum properassent. Vocabantur autem propriis nominibus Rotbertus unus, alter vero Gauzfredus, haud infimi ordinis monastici viri. Quibus pio de more imperat ut post matutinos hymnos sua præsentia assisterent et de quibus vellent audientiam haberent. Quibus jussa observantibus contigit ut in ipsa ecclesia, in qua considerant, his cernentibus, candela extingueretur. Qua extincta, religiosum virum, Teudonem clericum proximum suum a lecto evocat candelamque porrigens ad requirendum lumen quantocius dirigit. Interea devotissimus rex psalmis et orationibus vacans, dum qui missus fuerat revertitur, videt virum Domini candelam ardentem tenere in

manibus, qui tenebat charitatem in moribus. Quod admirans et Deum hymnisonis vocibus laudare cupiens, omnimodis illum prohibet, ut a jactantia superbæ mentis ex toto se liberans, Dei in omnibus collaudans virtutem diceret cum David : *Ego sum vermis et non homo, opprobrium hominum et abjectio plebis* (Psal. xxi, 7). Et iterum : *Humiliatus sum usquequaque, Domine ; vivifica me secundum verbum tuum* (Psal. cxvii, 107).

Legimus in divinis Voluminibus quod *servire Deo regnare est*. Quod pro certo cognovit qui admonuit, dicens : *Servite Domino in timore* (Psal. ii, 11). Quod utique iste noster, de quo loquimur, vir beatus adimplevit pro posse et velle. Et sicut Moyses Dei famulus, precibus humillimus, manibus extensis prostravit Amalech ; ita et hic verus Dei amicus, suis devictis hostibus virtute sancti Spiritus, semper Deum habuit adjutorem, qui est salus omnium. Resplendebat quippe in eo animi dulcedo, qua omnem sibi conciliabat hominem. Erat ei sapientia salutaris, qua delectabatur cum suis. Docebat quosdam in lectionibus, alios in hymnis et laudibus, et ad talia semper exhortans, omne secundum apostolum omnibus fiebat, ut cunctis lucrifaceret (I Cor. ix, 22). Cæterum quod pontifices ipsi abbatesque facere pigritabant, quorum est errantes corrigere et bonos quosque exemplo suo ad meliora provocare, ipse verus Dei amicus audebat ; de cujus cordis thesauro procedebat vox exsultationis et salutis, qua delectari gaudebat cum omnibus sanctis, secundum Apostolum carnem suam crucifigendo cum vitis et concupiscentiis mundi hujus (Gal. v, 24), delectabile semper divinitati seipsum præparans templum. Ad divinum officium primus, ad laudandum Deum sedulus. Quocunque illi erat eundem præparabatur vehiculum, quod deportaret divini ministerii tentorium. Quo in terram fixo, deponerentur ibi sancta, ut quia secundum Psalmistam : *Domini est terra et plenitudo ejus, orbis terrarum et universi qui habitant in eo* (Psal. cxvii, 1), proderet se devotum famulum, quovis in loco Deo devotas persolvere laudes. Erant enim fixa et bene plantata in corde mansuetissimi et Deum bene amanti regis beatissimi Antonii verba : « Jesum Christum semper desiderate, quia in omni sede terrarum constituta sunt regna cælorum. » Sanctas noctes hæc est nativitatis Domini, sancti Paschæ et Pentecostæ, sic totas ducebat insomnes usque ad summum mane ut nec sedens vel stans somnum caperet, donec quam expectabat et desiderabat salutiferam corporis et sanguinis Domini nostri Jesu Christi perceptionem perciperet. Probata de eo res ista et in omni sæculo manifestata. Solemnitate vero nativitatis sancti Joannis Baptistæ, hanc quam in nativitate Domini tenebat consuetudinem ut post laudationem Domini, quæ est in hymno *Te Deum laudamus*, missa celebraretur devote, quæ sanctis est libris prænotata, in primo mane. Hoc sancta constituit auctoritas Gregorii Magni et aliorum in missa ; Amalarii vero

iterum doctrina, quam assumpsit ex dictis sanctorum Patrum.

Quis autem ei mos fuerit dandæ eleemosynæ in sui regni sedibus non prætermittimus. In Parisius civitate, Silvanectis, Aurelianis, Divione, Antissiodore, Avalone, Meloduno, Stampis, in unaquaque harum sede, trecentis, vel, quod est verius, mille pauperibus dabatur panis et vini abundantia, et hoc specialius ipso quo ad Deum transiit anno, qui est incarnationis Dominicæ millesimus tricesimus secundus. Præter hæc, quo ibat quotidie in sancta Quadragesima c aut cc jubebat pauperibus dari panem, piscium et vini cibaria. In die autem Cœnæ Domini, non videntibus incredibile, videntibus vero et servientibus in tali negotio satis admirabile, cum non minus quam trecenti ipsa die sua providentia congregati, de ejus sancta manu flexo poplite in terram, unusquisque legumen, piscem, panem, denarium unum sumebat in manibus. Et hoc hora diei tertia. Hora itidem sexta. Itidem centum clericis pauperibus præbentur panis, piscis, et vini concedebat ; duodecim unumquemque honorans denariis, corde et ore Davidicos semper decantans psalmos. Post mensam vero præparans se ad Dei servitium rex humilis ponebat vestimenta sua, indutus ad carnem cibario, adjunctoque clericorum collegio centum sexaginta et eo amplius numero, ad exemplum Domini eorum pedes lavans capillis capitis sui tergebat, et ad mandatum Domini singulos eorum duobus solidis remunerans, clero præsentem et diacono astantem, qui lectionem legeret secundum Joannem in Cœna Domini dictam et factam. Talibus factis occupabat se rex meritis gloriosus, loca sanctorum perlustrando toto die sancto Paresceve et crucem Domini adorando usque in vigilia sanctæ Resurrectionis, in qua assumebat statim sacrificium laudis, quæ non defuit ab ejus ore in omnibus sæculis. His et hujuscemodi virtutum meritis bonorumque operum exhibitionibus gloriosus et toto orbe prædicandus Rotbertus rex se mirabilem mundo præbuit, cunctis posteris imitabilem dereliquit.

Hic autem post Deum specialis gloria regum, pro sacro sanctorum apostolorum numero, quos semper amabat corde benigno et quorum solemnes festivitates votivo præveniebat jejunio, ad horum exemplum duodecim pauperes secum ducebat, quos specialius diligebat. Quibus ipse erat vera requies post labores. Nam his sanctis pauperibus comparans fortissimos asinorum pullos, ante se, ubicunque pergebat, lætantes, Deum laudantes et animam suam benedicentes dirigebat. In his nemque et aliis innumerabilibus pauperibus recreandis nunquam habuit nolle, sed semper velle. Moriturus his fortis erat provisio, ne quis minueretur de numero, eratque eis vivorum successio et apud Deum tanti regis oblatio. Hoc studium, hæc ejus semper fuit bona voluntas, cui semper adhæserat, participatione summi boni : vera bonitas, in qua clarissimus versificator his versibus est delectatus :

*Major cura boni est fratrum relevare labores,
Et fieri optatum tristibus auxilium.
Pascere jejunos, nudos vestire, ligatos
Solvere, discordes conciliare sibi.
Et quæcumque homines miseri solatia quærent,
Hæc, ut possibile est, promere corde pio.
Ut recte vere cupidus vereque benignus.
Quæ mala sunt fugiat, quæ bona sunt faciat.*

Hæc omnia in tanto viro fuisse omnis cognovit mundus, quia eum semper dilexit Deus.

Præterea construxit a novo in urbe Aureliana monasterium sancti Aniani singularis sui apud Deum advocati. Qui quam pium sanctæ devotionis amorem erga eundem habuerit nullus edicere valet, quia illum suum semper post Deum adiutorem, protectorem et defensorem habere voluit, ad quoscunque potuisset pergere gressus. Nam uno die a quodam suo speciali amicorum amico interpellatus ut quid talem ac tantum pontificem et non alios sic sanctos suis sanctis laudibus extolleret, respondisse humillima et piissima voce fertur: Quis est Anianus? Anianus, Anianus pro certo est vera nostrorum consolatio, laborantium fortitudo, regum protectio, principum defensio, pontificum exultatio, clericorum, monachorum, orphanorum et viduarum egregia et inenarrabilis sublevatio. Et illudens ad circumstantes pueros ait: Num et iste, de quo loquimur, Anianus, a pœnis virgarum vobis pueris non est frequens, vera et probata liberatio?

Ardens tantum pontificis honore hic redolens flos et decus Ecclesiæ sanctæ, et gratia Dei desiderio eum in altiori volens constituere loco, domum Domini super eum in melius construere cœpit et, Deo cooperante et sancto Aniano auxilia præbente, ad finem usque perduxit. Habet namque ipsa domus in longitudine tensas quadraginta duas, in latitudine duodecim, in alto decem, fenestras centum viginti tres. Fecit et altaria in ipso monasterio ad laudem sanctorum numero novemdecim, quorum memoriam hic adnotare curavimus; principale, in honorem apostoli Petri, cui supradictus rex associavit coepistolum Paulum in benedictione, cum non antea ibi nisi solius sancti Petri esset veneratio; ad caput S. Aniani, unum; ad pedes aliud, aliud in honore S. Benedicti; cætera sunt in honore eorum quorum nomina sunt ascripta, sancti videlicet Evurtii, sancti Laurentii, S. Georgii omniumque sanctorum, item S. Martini, S. Mauritii, S. Stephani, S. Antonii, S. Vincentii, sanctæ Mariæ, sancti Joannis, sancti Salvatoris, S. Mamerti, S. Nicolai et S. Michaelis. Caput autem ipsius monasterii fecit miro opere in similitudinem monasterii sanctæ Mariæ matris Domini et sanctorum Agricolæ et Vitalis in Claromonte constituti. Lecticam ipsius S. Aniani a fronte auro bono et optimo, et lapidibus pretiosis et argento mero præoccupavit. Tabulam ad altare S. Petri, in cuius honore exstat locus, auro bono totam cooperuit, de qua Constantia, nobilis regina, ejus

A conjux gloriosa, post mortem viri sui sanctissimi Deo et sancto attribuit Aniano summam, scilicet librarum septem ipsius metalli in meliorandis a se monasterii facti tectis: quibus ab imis ad superiora apertis, cœlum melius cerneretur quam terra. Exstitit in ea quantitas auri quindecim librarum probati. Quod reliquum fuit in quibus debuit distribuit, quia erat ei sollicitudo Ecclesiarum Dei, juxta utile senioris sui velle. Post quæ omnia cupidus sanctæ benedictionis rex Rothbertus gloriosus, suæ ordinationis, benedictionis et assumptionis in regem anno tricesimo sexto, jussione imperatoria evocavit archipræsules Gauzlinum Bituricensem et abbatem Floriacensem, Leothericum Senonensem, necnon et Arnalphum Turonensem.

B Quorum præsentiam subsequuntur præsules Odoricus Aurelianensis, Theodoricus Carnotensis, Bernerius Meldensis, Guarinus Belvacensis, et Rodulfus Silvanectensis. Non defuit etiam presentia domni et venerabilis Odilonis, Cluniacensium abbatis, et aliorum honorum virorum non minimi meriti, cum quibus semper desiderabat colloqui. Ab his pro certo et aliis Dei ministris levatur illud nobile corpus amici Dei Aniani sanctissimi de sepulcro cum corporibus sanctorum Euspicii, Monitoris et Flosculi confessorum, Baudelii et Scubilli martyrum et Agiæ matris S. Lupi confessoris; et ab ipso glorioso rege et aliis, quos jam prænotavit littera, qui pro tali negotio advenerant, custoditur, laudatur, et decantatur in hymnis et laudibus in ecclesia S. Martini quoadusque præpararentur utilia et necessaria sanctæ benedictioni. Præparatis ergo omnibus, ab ipsis sanctis sacerdotibus locum ipsum benedici et consecrari solemniter fecit, anno Domini incarnationis millesimo vicesimo nono, indictione duodecima. Sumitur itaque humeris inclyti regis gaudentium simul et lætantium populorum et transfertur cum laudibus in templum novum, quod ipse inclytus Rothbertus edificaverat, laudantes Dominum et S. Anianum in tympano et choro, in chordis et organo, et eum in loco collocant sancto ad honorem, gloriam et laudem Jesu Christi Domini nostri et famuli sui Aniani, speciali gloria decorati.

C Expleta benedictione solemniter et omnibus quæ ad dedicationem sancti templi pertinebant, vadit jam cum reverentia nominandus pater patriæ Rothbertus ante altare sanctissimi Petri et dilecti domni Aniani, in conspectu omnium populorum, et exuens se vestimento purpureo, quod lingua rustica dicitur rocus, utroque genu fixo in terram, toto de corde ad Deum supplicem fudit precem in his verbis: « Gratias, inquit, ago tibi, bone Deus, qui ad affectum meam voluntatem hodie meritis S. Aniani perduxisti, lætificans animam meam de corporibus sanctorum eum eo hodierna die triumphantum. Na ergo, Domine, per hos sanctos tuos vivis delictorum indulgentiam, defunctis omnibus vitam et requiem sempiternam. Tempora nostra prospice, regnum, tuum quod tua pietate, misericordia, bonitate nobis datum est, rege, dispone, custodi ad

laudem et gloriam nominis tui, S. Aniani virtute A mirabili patris patriæ ab inimicis mirabiliter liberatæ.» Peracta oratione, ad sua quisque lætus regreditur et de suis donariis ipso die locus insigniter nobilitatur, in quatuor scilicet palliis pretiosissimis, et urceo argenteo et capella, quam post obitum suum Deo omnipotenti et sanctissimo confessori delegavit Aniano. Capella autem hujus piissimi, prudentissimi, potentissimi regis Roberti, talis fuit: Cappæ octodecim bonæ, optimæ et bene paratæ. Libri Evangeliorum aurei duo, argentei duo, et alii duo parvi, cum missali uno transmarino, bene parato ebore et argento. Philacteria aurea duodecim. Altare unum auro et argento mirabiliter paratum, continens in medio petram laudabilem, quæ dicitur onichinus. Cruces aureæ tres. Major ex his continet in se libras auri puri septem. Signa quinque. Unum ex his satis mirabile, in quo duo millenaria metalli et sexcentæ libræ fuerunt, cui imprimi jussit signum baptismi de oleo et chrismate facti, sicut ordo deposcit ecclesiasticus, et ut vocaretur Robertus attribueret Spiritus sanctus. Dedit etiam et huic sancto ecclesias duas, Sentiliacum et Rutinagum, cum villis et omnibus quæ ad ipsas pertinent, quas præcepto regali firmavit et corroborari jussit. Promeruit autem et a domno Theodorico venerabili Aurelianorum episcopo altaria ipsarum ecclesiarum cum pontificali privilegio de ipsis a se facto, quod sancto contulit Aniano et regi inclyto, qui eum in voce exultationis semper dilexerat de corde bono.

Castrum Crispicius dictum a Weltero potenti nobiliter constructum Suessionico in territorio, Abbatiam sancti Arnulfi a se factam nobilis nobilem et per sæcula reddidit illustrem. Nostra enim ætate ibi abbatem quemdam, Lezelinum nomine, constituit, boni testimonii virum, professione regularis vitæ monachum, quotannis venientem ad hunc Dei virum. Suscipiebatur ab eo ut Dei servus, et colloquium habentes de cælestibus, post in redeundo honorabatur ab eo honorabilibus muneribus quam splendide, quæ erant juncta cælestibus perfectæ charitatis virtute. Quodam autem tempore sanctæ Quadragesinæ Pisciaci ad regem de more properans, temporales simul et spirituales sumpserunt cibos. Avita se posthæc conjungentes bonitate, offert regi charitatem Dei abbas bonus, pro relevatione corporis ejus humillimi, ut haberet levamen ciborum, qui precibus pulsans ostia cælorum fieret consecratorum sanctorum. Hoc renuens vir pietatis et incumbens se terris omnimodis orabat ne vi eum opprimeret, quia talibus obediens nullum adhuc Deo jejunii votum obtulisset. Abba hoc audiens taciturnitatis vincula suscepit, et meditans corde quod esset perfectus virtute, pro jejunii ejus observatione, suscepit eum in multimodam et non numerosam missarum celebrationem, ut attribueret ei Deus in his firmam devotionem. His lætus rex donis a sancto viro perceptis. Deo gratias egit et sanctum celebravit continuo jejunium, exspectans Dei et Domini nostri

Jesu Christi resurrectionem. Erat et hoc amator bonorum in religione pro suarum emundatione culparum quod, a sancto Septuagesimo usque in pascha nulla usus culcita frequenter eum suscipiebat ad jacendum fortissima terra, tendens indesinenter ad æthera. Prosit tamen pro his et aliis animæ ejus subscripta et brevis oratio: Propterea actuum ejus maculas Deus tergat, oblivionem perpetuæ tradat, partem ei in resurrectione præcipua concedat qui est resurrectio mortuorum. Jesus Christus vivens et regnans in sæcula sæculorum.

Corde meo quid dulcius, quid jucundius potes jungi quam ut præceptorem, adiutorem meum, in omnibus Dei operibus collaudem? Redeo, redeo et, sicut solebam in diebus quibus nos simul respiciebamus, ejus mihi amabilem et desideratissimam recipio bonitatem. Delector etiam in illa et experior quid utilitatis mihi illa fuerit. In illa, ut meæ est recordationis, nil accipio, nil sentio quam ut bonus filius de patre bono, amicus de amico, dilectus de dilecto. Erubescio tamen valde in hujus admirabilis viri operum bonorum narratione, cum in eo semper floruerint quæ sunt firma summis cælorum, pro loratione animarum et corporum. Quempiam videns desudare in Dei opere, hunc exhortabatur voce, clanculo allevans munere, cujus erat donum promissis pauperum, dato permaximum. In fundo monasterii Floriacensis loci paterna imitabilis abbatis mei Gauzlini jussione ecclesiam cœpi ædificare, modicam quidem, sed festivam; ad quam occurrebat populus amore quorum erat sacrandæ condigna benedictione. Licet esset imperfecta, quamvis lignea, tamen promovit se rex vir cælestium desideriorum a Vitriaco castro, desiderans eam videre aspectu sanctissimo. Fuerat jam jussu domini et amabilis Odolrici pontificis a venerabili Bituricensium archiepiscopo Gauzolino benedicta, dante eo in circuitu plenissime terram ipsi ecclesiæ perutilem. Intrans in ea rex et orans pallium quatuor librarum super altare posuit; quod quia in honore sanctorum Dionysii, Rustici et Eleutherii, consecratum fuit, procul dubio ejus cordi ita insedit ut suis piis aspicientibus oculis, post ad eum Parisius me veniente, de reliquiis ipsorum martyrum, almi scilicet Dionysii, Rustici et Eleutherii, splendide exornaret, intercessionibus dilatet. Protectionis eorum dona hæc sunt: De casula sancti Dionysii, dalmatica sancti Rustici, casula sancti Eleutherii, de vestimentis eorum sanguine aspersis, de carnium eorum pulvere et funiculo triplici, quo fuit astrictus Dionysius martyr Domini pretiosus. His et aliis sanctorum pignoriibus a rege amante Deum nobiliter insignitis est locus. Susceptæ sunt autem ipsæ sanctorum supra dictorum pretiosissimæ reliquiæ in Floriaco monasterio a domno Gauzolino abbate, in dando et accipiendo satis honorabili viro, die Kalendarum Octobrium, quo celebris agitur in omnibus sæculis sanctorum Germani, Remigii atque Vedasti solemnitas confessorum. Sane pecca-

tis existentibus ipsa ecclesia post ignibus adusat, iterum a me misero, auxiliatrice manu Domini operante, sanctæ Mariæ matris Domini, Patris quoque Benedicti et eorumdem sanctorum adjuvantibus meritis, quæ erat lignea facta est lapidea, quam magnæ bonitatis gloriosus episcopus Odolricus sua, non alterius, ut prius, manu Domino Deo et suis sanctis dedicari et consecrari voluit. Fecit ut deceret talem virum. Quippe qui sic me protexit amore omni quo advixit tempore, operante Dei virtute, ut in his quæcunque volui nunquam ejus habuerim nolle, sed semper quod est honestum et utile. Hæreditatem sanctorum sacerdotum, quam semper hic sacerdos inclutus honore pontificatus consequi desiderabat, hanc quæsumus ei tribuere dignetur Pontifex summus, Deus et Dominus noster Jesus Christus. Hujus peccata destruat, collocet in cælestibus, jungat cælorum civibus Redemptor et Conditor, et sanctarum animarum mississimus liberator. Intrans hanc ecclesiam præ oculis habent subscriptos versiculos, memoriam sancti Dionysii et factoris loci retinentes, quos bis partibus divisos agnoscunt altaria, quorum sunt honore sacra. Ad sinistram partem altaris sancti Dionysii hi sunt :

Ista Dionysius penetrantes limina sanctus,

Auxilio sancto consociet Domino.

Quem quicumque petis Dominum deposce tonantem,

Quatenus Helgaudum servet amore suum.

Cujus amor Christo sic sic venerabile templum

Construxit Domino atque Dionysio.

Item ad dexteram :

Est domus ista Deo sine fine dicata superno,

Helgaudi studio consilioque boni.

Hinc paradisiaci pulsatur janua regni :

Hinc pia plebs Domino conjubilat supero.

Intrans pariter Christus conservet Jesus.

Dicite, cuncti, voce fideli omne per ævum :

Sic fiat: Amen, amen, amen.

Hujus certe temporibus, cujus adjuvante Deo facta describimus, fulsit in monasterio Floriacensi loco celebri splendidibus mundo Gauzlinus abbas merito, sanctis Deo conjunctus operibus, polens scientia spiritali simul et humana. Inerant ejus cordi Abonis magistri prolati sanctæ Scripturæ flores boni, de quibus honestissime imbutus ita eructabat omnibus, ut possent delectari in cælestibus. In sanctis eleemosynis ita largissimus, ut ipse positus in fortissimis frigoribus a se vestes pellium abjiciens, pauperes Christi indueret, ut a remuneratore bonorum præmium perciperet, de quo audiret : *Nudus fui, et vos operuistis me. Quod uni ex minimis meis fecistis, mihi fecistis : Venite, benedicti Patris mei, percipite regnum quod vobis paratum est ab origine mundi (Matth. xxv, 34-38).* Hunc perfectus rex ita suis affixit obtutibus, ut cum præ cæteris diligens suis eum specialiter devinceret consiliis, quæ ab eo probe probata, semper ea habuit honesta, nunquam tamen injusta. In ho-

noribus sæculi eum honorans attribuit illi honores non minimos, abbatiam S. Benedicti, quæ est caput totius ordinis monastici et episcopatum Bituricensem sancti protomartyris Stephani, principatum tenentis totius Aquitanicæ, qui fuit et est honor et decus Franciæ. In quibus quæ peccavit vera charitas et eleemosyna, quæ in eum floruerunt virtute magna, perpetuæ tradent oblivioni actione felicitatis boni, quod habuit participatione summi boni. In diebus quippe Septuagesimæ residens rex illustris Parisius civitate misit ad eum abbas humilis ex more pro sacratissimi loci utilitate. Qui missi erant his propriis appellabantur nominibus : Albericus unus sacerdotii gloria decoratus, largiflue charitatis vir ; cui adjunctus Dei dono et excellentissimi patris Gauzlini imperio, frater de nomine dictus Helgaudus, quem iste princeps Dei affectu diligebat paterno ; tertium secum habentes in obsequio fraternitatis laborantem, Hisebertum nomine, conversione dignum factum monachum. Dies autem sanctæ Quadragesimæ Pisciaci celebraturus, iter accelerat nobiscum proficiscentibus ejus præceptis imperialibus, in quo erat rationem redditurus, de quibus eum adieramus. Cum ecce venientes ad portum Sequanæ, qui dicitur Carolivenna, hoc est piscatoria, quæ erat difficultate transmeabilis, jussione ejus sancta solli naviculam intravimus, ipso aspiciente et considerante quis finis non assumeret, quos ad se venire alacres et incolumes expectabat. Affuit nobis miseris hujus intercessione regis, qui laudatur, benedicatur et adoratur ubique Deus. Navigantibus nobis et equos nostros juxta lintrem frenis trahentibus, contigit unum sonipedem, indomitum et nunquam talia id actum, in mediis fluctibus duos in navi anteriores posuisse pedes ; cujus forti rabie navis periclitabatur, trahens nos jam in profundum. Inclamans rex post Deum altissimum cum suis et virtutes cælorum, dat voces immensas ad cælum nostro pro periculo. Pronuntiat grandi voce frena relinquere, et equos longe a navi arceri. Ad cujus amabilem vocem laxatis frenis, ut jusserat, et equi pedibus de navi ejectis, cœpimus ad littus evehi. Ipse quoque sanctum Dionysium sanctumque Benedictum et omnes sanctos Dei in adjutorium nostrum provocabat, lacrymis perfusus oculis. Cujus precem audivit is qui est in sæcula benedictus Deus. Factum est ut voluit, et deducta navi ad terram, suscepit nos per Dei gratiam incolumes, qui eramus simul cum eo mirabilem Deum laudantes. Ex quo facta habuit nos Deus omnipotens omni tempore laudatores. Mansimus autem cum ipso Dei viro illo in loco triduo, delectati dulci ejus colloquio, sicut et aspectu jucundo. Cujus, quæsumus, sanctissimam animam suo collocet in regno, qui eam redemit sanguine pretioso !

Adhuc in majori quam ingressi sumus loco placet ponere pedem, ad ejus gloriosum festinantes transitum in describendo, quem laudibus veracissimis et non falsis, apertis et non fictis, Domino no-

atro audebimus commendare, sancti Spiritus virtute ut mereatur evadere diem ultionis extremæ, insignitus signaculo Trinitatis sanctæ. Sed quia adhuc quedam de ejus mira operatione, quæ sunt vere humilitati sociata, nos scripsimus et quæ multis prosunt et proderunt ad salutem, restat ut, his manifestatis, non teneat nos otiosos ejus sanctissimus obitus, qui dono Dei exstitit laudabilis et gloriosus. Habens desiderium mori sæculo et vivere Christo Deo, Rex strenuissimus eum, cui est omne quod est et cui attribuimus omne quod scribimus, desiderans videre, voluit tarris habere socium quem non potest capere coelum. Proficiscente eo quadam Quadragesima ad sanctos, Dei servitio sibi conjunctos, adit, orat, honorat, aures eorum precibus humillimis et salutaribus pulsat ut eum ipsis et sanctis omnibus inveniri posset in Dei laudibus dignus. Laborabat in hoc carnis et spiritus fortitudine, ut evinceret Dei virtute. Intrans fines Bitoricum suscipit eum sanctus protomartyr Stephanus cum sancto Maiolo meritis præcipuo, sancta Maria, cum celebri Juliano martyre summo, iterum ipsa piissima virginum virgo Maria, cum sancto Egidio confessore magno. Incautus vero Saturnianus cum forti Vincentio, dignus Antoninus cum Fidi martyre, sanctus Domini Giralduus ipsum jam revertentem ad propria sancto iterum reddit incolumem Stephano glorioso, cum quo terris lætum deducens diem Palmarum, properat Aurelianis, ibi in Pascha percepturus Auctorem nostræ salutis. Quo itinere, multa ab eo fuerunt dona sanctis data, a pauperibus vero ejus manus nunquam fuit vacua. Nam ipsa terra multos habens infirmos et præcipue leprosos, hos vir Dei non abhorruit, quia in Scripturis sanctis legit Dominum Christum multoties in speciem leprosoꝝ hospitio susceptum. Ad hos avida mente properans et intrans, manu propria dabat denariorum summam et ore proprio figens eorum manibus oscula, in omnibus Deum collaudabat, memor verborum Domini dicentis: *Memento quia pulvis es et in pulverem revertis* (Gen. xxi, 19). Cæteris autem mittebat devote pro Dei omnipotentis amore, qui operatur magna ubi est. Tantam quippe gratiam in medendis corporibus perfecto viro contulit divina virtus ut, sua piissima manu infirmis locum tangens vulneris et illis imprimens signum sanctæ crucis, omnem auferret ab eis dolorem infirmitatis. Charitatis integræ non immemor servus Dei considerabat pretiosa Martyrii monachi facta, qui proprio leprosum astringens vestimento illumque suo levans humero, dum ei servitutis officia dare voluit, repente ad æthera rediit ei ascendens dixit Christus, qui in specie leprosi fuerat susceptus: « Martyri, tu me non erubuisti super terram, ego te non erubescam super cælos. » Habeat hic, de quo loquimur, præstante Deo, partem cum sancto Martyrio, qui istis et aliis bonis operibus festinabat se sociari Christo Deo.

In ædificationibus vero ecclesiarum Dei hic temporalis simul et spiritalis oleo inunctus rex, sanctæ benedictionis dono suam potentiam et voluntatem adimplere desiderans et ad æternæ beatitudinis palmam consequendam anhelans, inter arduas cogitationes cogitata ad effectum perducere, sancti Dei, cujus sublimitatis, cujus merita quæve essent honorandi et extollendi laude, quibus nulla ei cunctis temporibus loquendi laudandive fuit satiety. Enimvero apparebit in illis quæ subter sunt adnexa, descripta et superioribus juncta, quia omnia semper fuerunt ei curæ, licet quæ sunt pudica, quæ habet virgo vere mater Ecclesie sancta. Attamen nunquam fuit in Deo obliuioſus. In ipsa autem civitate Aurelianæ ædificavit monasterium in honore sancti Aniani, ut diximus; item, aliud in honore sanctæ Mariæ matris Domini nostri Jesu Christi et S. Hilarii confessoris summi. Sanctæ itidem Mariæ genitricis Deo cognomento Fabricatæ. Fecit inibi et monasterium sancti Vincentii martyris Christi; monasterium S. Pauli apostoli, in Cantogilo villa; monasterium S. Medardi, in Vitriaco castro; monasterium S. Leodegarii, in silva Aquilina; monasterium sanctæ Mariæ in Milduno castro cum alia ecclesia; monasterium S. Petri et S. Reguli, in civitate Silvanectensi; monasterium sanctæ Mariæ in Stampensi castro; item in ipso castro, ecclesiam unam in palatio; in civitate Parisius, ecclesiam in honore S. Nicolai pontificis in palatio; monasterium S. Germani Antissiodorensis, S. Michaelis ecclesiam in silva cognominata Bieria; item monasterium S. Germani Parisiacensis cum ecclesia S. Vincentii, in silva cognominata Ledia; in villa, quæ dicitur Gomedus, ecclesiam in honore S. Aniani; item in villa Faïda, ecclesiam in honore S. Aniani; monasterium sanctæ Mariæ, in Pisciaco; monasterium S. Cassiani in Augustuduno. Pro his omnibus et aliis innumerabilibus quæ per Domini virtutem operatus est bonis, oremus singuli, oremus omnes et dicamus: « Deus, qui inter sanctissimos reges famulum tuum Robertum regali fecisti dignitate vigere, præsta, quæsumus, ut quorum vicem ad horam gerebat in terris, intercedente gloriosa Dei genitrice Maria cum omnibus sanctis, eorum quoque perpetuo consortio lætetur in cælis. Per eundem Dominum nostrum. »

Ante suum sane sanctissimum obitum, qui tertio decimo Kalendis Augusti exstitit, die passionis apostolorum sanctorum Petri et Pauli, sol ad similitudinem quartæ lunæ subtractis radiis fuscatus apparuit in toto mundo, hora diei sexta pallescens super homines. Quorum visus ita obnubilavit ut nullus alium recognosceret, donec quoddam recognoscendi transiret spatium. Quid autem portenderit, in proximo patuit, cum nil nobis miserius aluit quam de sua morte dolorem intolerabilem reliquerit. A die enim S. Petri ad sui sanctissimi transitum diem viginti et unus dies supputantur. In quibus diebus

sancta David canens meditabatur legem Domini die ac nocte, ut procul dabo ei concordari queat illud quod de sanctissimo Patre Benedicto specialiter dictum est :

*Psalmicen assiduus nunquam dabat otia plectro,
Sacra canens obiit psalmicen assiduus.*

Cognoverat autem hic miles beatus tunc Dei servus pacem esse liberam quietem tranquillam, quando de hujus mundi turbinibus abstracti ad sedem et securitatem æterni portus intrarent et absorpta morte ad immortalitatem venirent. Festinat enim supra nominatis virtutibus de præsentī tristitia ad lætitiā venire perennem. Dicebat illi perfectum esse gaudium, qui elaboraret ut videre posset Christum Deum. Exire ipse de hoc sæculo paratū s. Dominum Jesum suæ salutis atque utilitatis magistrum semper invocabat. Ad videndam regis æterni insuperabilem potentiam angelos, archangelos et omnes Dei sanctos in auxilium suum venire voce, signis indesinenter orabat, muniens se semper in fronte et oculis, naribus et labiis, gutture et auribus per signum sanctæ crucis, memoria Dominicæ incarnationis, nativitatis, passionis, resurrectionis et ascensionis et gratiæ Spiritus sancti. Habuit hoc ex more in vita, cui nunquam defuit voluntate aqua benedicta. His vero aliisque refertus bonis virtutibus, sexagenarius, ut credimus, opperiebat mortem intrepidus. Et invalescente validæ febris languore, petiit viaticum salutare et salubre vivifici corporis et sanguinis Domini nostri Jesu Christi. Sumpto eo et, parvo intervallo facto, ad Regem regum et Dominum dominorum demigrans, felix feliciter felicia promeruit regna. Obdormivit autem, ut diximus, in Domino decimo tertio Kal. Augusti, lucescente aurora diei tertiæ Sabbati, Miliduno castro ; et Parisius deportatus apud S. Dionysium juxta patrem suum sepelitur ante altare sanctæ Trinitatis. Fuerat ibi ingens luctus, intolerabilis dolor, dum monachorum ingemiscens turba pro absentia tanti Patris, clericorum innumerabilis multitudo ærumnas suas ab ipso sancto pie relevatas dolens, viduarum et orphanorum infinitus numerus, beneficia ab eo percepta deplorans, dabat voces ad cælum immensas. Una pro certo omnium vox : « Rex magne, Deus bone, ut quid nos interficis, cum nobis Patrem bonum abstrahis, et tibi adjungis ? » Pugnæ enim pectora percutientes ibant et revertebantur ad sancti tumulum, repetentes jam dicti sermonis versiculum, adjicientes ut misereretur ei Deus in bonum precibus omnium sanctorum in sæculum sempiternum. In cujus morte, heu ! proh dolor ! ingeminatis vocibus acclamatum est : « Roberto imperante et regente, securi viximus, neminem timuimus. Patri pio, patri senatus, patri omnium bonorum, felix anima et salus, felix ad superna ascensus, felix cum Christo rege regum per sæcula cohabitatio. »

Hujus igitur mirabilis regis portio in cœlesti regno fuit Dominus Deus. Etenim narranda est. Fastigio regni erectus in sublimi, hic humillimus vir

Dei abiecit a se jactantiam inhonestæ mentis, quæ sunt honorum sublimia, mundi gloriam et in oculis suum collocans thesaurum, propter hoc hujus portio factus est Deus. Magnus apud Deum ejus thesaurus, egregius sanctarum divitiarum cumulus, cubile requietionis sanctæ perpetuum, cuius est Deus propitiatio qui fuit totius mundi liberatio. Inter alia unum quiddam doloris nobis hoc affert quod talis ac tantus vir sine titulo orati lapidis, sine nomine, sine litteris jacet, cujus in toto terrarum orbe gloria et memoria in benedictione est. Proinde omni sæculo profuit et proterit hujus serenissimi regis ratio, cui indesinenter adhæsit ecclesiasticus et sibi semper amabilis monasticus ordo. Hunc Christus Deus bonum omnibus dederat patrem. Attamen libet adnotare paucis in fine hujus Operis innumeratam hujus mirabilis bonitatem regis. Sermocinans quis cum eo non est lætificatus gaudio magno ? pacem quis desiderans in ejus conspectu non abhorruit iram ? Vultus sui præsentiam aspiciens quis non est oblitus dolos ? Orationibus ejus quis monachorum non habuit requiem et non est amatus, dilectus et veneratus ? Ejus sanctissima admonitione quis clericorum non fuit amator castimonie ? Ipsius amabilia verba quibus non fuerunt medicamina ? Aspectus ejus quibus non profuit insipientibus, ut virga ? Oculos ejus humiles quis aspiciens non est meditatatus cælestia ? Pauper et esuriens quis non satiatus ab ejus recessit mensa ? Mortuus qui suo termino non ejus vestitus est vestimento ? Hebes quis non est ab eo factus sapiens ? Viduæ et pauperes, ad exemplum bonæ Dordacis, non ab eo datas ostenderunt vestes ? (Act. ix, 39.) Omnis miserorum multitudo, non eum patrem et nutricium inclamavit ? Incidens quis in peccatum, non hujus sanctæ consolationis habuit auxilium ? Domitians quis præ tædio non est evigilatus a somno ? Laudans quis Deum hunc non habuit in exemplum ? Eleemosynam quis facere desiderans hunc non accipit imitatore, quasi alium Joannem ? Joannem dico Alexandrinum patriarcham qui pro ejus immensa, quæ fuit super miseros et pauperes misericordia, misericors dei et esse meruit sua in vita simul et in omni terra. Enimvero non fuit ei similis post sanctum David de cunctis regibus terre in sanctis virtutibus, humilitate, misericordia, pietate et charitate, quæ super omnes est et sine qua nemo videbit Deum, quia semper adhæsit Domino et non recessit a mandatis ejus corde perfecto. Cætera, quæ sunt de sæculi militiis, hostibus devictis, honoribus virtute et ingenio acquisitis, historiographis scribenda relinquimus. Qui si fuerint et ea scriptitaverint, invenient in eis patrem et filios belliciosos et insigni gloria gloriosos. Jam nunc monachorum, clericorum, viduarum, orphanorum et omnium pauperum Christi ex parte habeas perpetuum vale, noster præcordialis amor Rotberte, et profer preces pro servo propitiabili Christo Deo, cui complacuit laudabili vita et servitio et per sanctarum virtutum merita promeruit

coelestia regna. Annuat hoc Deus omnipotens qui A simis regibus ornat cœlos, cujus regnum et impe-
justificat impios, et vivificat mortuos, et sanctis- rium permanet in sæcula sæculorum.

EPITAPHIUM HUGONIS MAGNI

ROBERTI REGIS FILII,

Quod fecit Girardus Aurelianensis.

Ex antiquo Ms. cod. Viri Cl. Alexandri Petavii senatoris Paris.

Sublatum viduæ juvenem tibi, Francia, luge,
Quæ caput extuleras damna tui lugeas.
Exue quidquid habes, festina scindere vestes,
Dilacerans crines da capiti cineres.
Indomitos dociles qui redderet arduus hostes,
Hugo, decus patrium flos cecidit juvenum.
Indolis extremæ miro dilectus amore,
Nunc etiam luctus et dolor immodicus.

B Celtiberi lacrymant, te regem Roma petebat,
O miserande puer ! sed tumultus hic es.
Aspectu pulcher, victis pius, hostibus acer,
Si fore vir posses, te Babylon tremeret.
Parthus et in pharetra propter te conderet arma,
Apparensque minor cederet orbis honor.
Pax igitur tibi sit, quæ claudi limite nescit :
Lector ad hoc pronus quod repetat petimus.

ROBERTI REGIS FRANCORUM EPISTOLÆ.

EPISTOLA PRIMA.

ROBERTI AD LEOTHERICUM SENONENSEM ARCHIEPISCO-
PUM.

[Cum sit tibi nomen scientiæ, etc. *Exstat supra in
vita Roberti, col. 912.*]

EPISTOLA II.

ROBERTI AD GAUZLINUM BITURICENSEM ARCHIEPISCO-
PUM.

(Circa annum 1022.)

ROBERTUS nutu Dei Francorum rex, GAUZLINO præsuli Bituricensium salutem. Volo vos scire ani-
mi mei motum qualiter se habet, ut forte accidere solet, cum mens humana movetur, si quid mira-
bile præter solitum insperate auditur. Dum ergo die Sabbati jam exhausto sederem ad cenam,
allata fuit mihi quædam epistola a Wilhelmo comite, de quodam portento mirabili auditu, scilicet
tribus diebus ante solemnitatem Joannis Baptistæ in quibusdam partibus regni mei, videlicet in par-
tibus Aquitanie, juxta plagam maritimam, pluisse de cœlo talis naturæ sanguinem, ut cum fortuito
cadebat super carnem hominis, aut super vestimentum, aut super petram, non posset auferri
lavando. Si vero cadebat super lignum, tum bene lavabatur. Si quidem per eandem epistolam pe-
tiit a me idem Guillelmus comes, ut ego require-
rem a mei regni sapientibus quid hoc portentum significaret. Ego vero volo et precor ut perquiratis in quibusdam historiis si unquam accidisset hujus simile, et quod factum sequeretur hujus rei portentum. Mihique hoc eodem legato rescri-

C bite quomodo acciderit, et in qua historia inveniri possit. Attamen deprecor ne differatis ad rescribendum mihi, quia tandiu legatum hujus portenti tenebo, donec mihi respondeatis. Valet.

EPISTOLA III.

GAUZLINI BITURICENSIS ARCHIEPISCOPI AD ROBERTUM RE-
GEM.

(Circa annum 1022.)

Domino regi Francorum excellentissimo ROTBER-
to humilis GAUZLINUS æterni Regis consortium.
Quod placuit vobis interrogare de prodigio quod accidit, hoc nobis ex historiis aperte patet. Quod sanguis super gladium, aut civile bellum, aut gentem super gentem exurgere portendit; Valerius Rufus in libro Memorabilium, capitulo quarto, De prodigiis, hæc refert : « Gaio Volumnio, Servilio Sulpicio consulibus, in urbe Roma initia motusque bellorum civilium hoc prodigium portendit. Carnis in modum nimbi dissipatæ partes ceciderunt. Quarum majorem numerum præpetes diripuerunt aves, reliquum humi per aliquot dies, neque odore tetro, neque deformi aspectu mutatum jacuit. In Sicilia scuta duo sanguinum sudasse; etiam metentibus cruentas spicas in corbem cecidisse. Oppido Ceritis aquas sanguine mixtas fluxisse, » Chronica Eusebii de prodigiis hoc refert : « Valentiniano imperante, post solis occasum ab aquilone cœlum quasi ignis aut sanguis effectum est. Gentis Hunorum, pace rupta, irruptio in Galliis secuta est. » Item anno Leonis imperatoris septimo, medio Tolosæ civitatis

sanguis erupit de terra, et tota die fluxit, significans dominationem Gothorum sublatam. Item Historia Longobardorum libro III, cap. 6 : « Tempore Theodeberti regis Francorum signum sanguinem in cœlo apparuit, et quasi hastæ sanguinæ. Eo tempore ipse Theodebertus cum Lothario avunculo suo bellum gerens, ejus exercitum vehementer afflixit. » Item in eadem Historia : « Temporibus Justiniani in provincia præcipue Liguriæ maxima pestilentia exorta est. Subito enim apparebant quædam signacula per domos, ostia, vasa vel vestimenta. Quæ si quis voluisset abluere, magis magisque apparebant. Post annum vero expletum, cœperunt nasci in inguinibus hominum vel in aliis debilitatoribus locis glandulæ in modum nucis seu dactyli, quas mox sequebatur febrium intolerabilis æstus, ita ut in triduo homo exstingueretur. Sin vero aliquis triduum transegisset, habebat spem vivendi. Erat autem ubique pavor, ubique luctus, ubique lacrymæ. Nam ut vulgi rumor habebat fugientis cladem vitæ, relinquiebantur domus desertæ habitatoribus, solis calculus domus servantibus. Peculia sola remanebant, in pascuis nullo astante pastore. Cerneretis pridem villas seu castra repleta agminibus hominum, postera die universis fugientibus cuncta esse in summo silentio. Fugiebant filii, cadavera insepulta parentum relinquentes. Parentes, obliiti pietatis in viscera, natos relinquebant æstuantem. Si quem forte antiqua pietas perstringebat, ut vellet sepelire proximum, restabat ipse insepultus ; et dum obsequebatur, perimebatur. Dum funeri obsequium præbebat, ipsius funus sine obsequio manebat. Videres sæculum in antiquum redactum silentium : nulla vox in rûre, nullus sibilus, nullæ insidiæ bestiarum in pecudibus, nulla damna in domesticis volucris. Sata transgressa metendi tempus intacta expectabant messorum. Vineæ amissis foliis radiantibus uvis illæsa manebat, hieme propinquante. Nocturnis seu diurnis horis personabat turba bellantium, audiebatur a pluribus quasi murmur exercitus. Nulla erant vestigia commeantium, nullus cernebatur percussor ; et tamen visum oculorum superabant cadavera mortuorum. Pastoralia loca versa fuerant in sepulturam hominum, et habitacula humana facta fuerant confugia bestiarum. » Hæc de historiis pauca prænotavimus. Quod vero cecidit super petram, et abluui non poterat, videtur significare Ecclesiam sanctam ; quæ super petram, id est Christum, fundata, tribulationem passura sit. Quod vero super carnem hominis et vestimentum ejus cecidit, abluui poterat. Non incongrue accipitur per carnem populi, per vestimentum substantia quæ ad adiutorium hujus vitæ nobis conceditur. Ligno etiam datur intelligi vitale lignum sanctæ crucis, et baptismum quo sumus regenerati ad vitam. Lignum ad humorem aquæ virescit. Et quando Judaicus populus in eremo sitiivit, et præ amaritudine aquas bibere non potuit, jubente Domino misit Moyses lignum in aquam, et conversa est amaritudo in dulcedinem,

et refocillatus est populus. Arca enim Noe de lignis fabricata quid significet non ignoratis. In quibus omnibus per lignum non nisi misericordiam suam Dominus operatus est. Quia igitur de ligno sanguis lavabatur, creditur quod per pœnitentiam et elemosynam, et cæteros fructus misericordiæ, qui intra sinum matris Ecclesiæ exercentur, severitas et indignatio justis Judicis Dei, quæ merito peccatoribus debetur, et ad misericordiam possit reflecti. Misericors est enim Dominus adeo, sicut Psalmista loquitur, *ut non solum homines, sed etiam jumenta salvet*. Omnipotens Deus dilatet imperium vestrum, et dextera vos semper protegat, et ad pacem sanctæ Ecclesiæ vitam vobis longævam tribuat, et sua vos benedictione in omnibus exornet.

EPISTOLA IV.

FULCONIS ANDEGAVORUM COMITIS AD ROBERTUM REGEM
(Circa annum 1022).

Domino suo regi ROBERTO FULCO Andegavorum comes salutem et fidele servitium.

Guillelmus Pictavorum comes, herus meus, locutus est mihi nuper, dicens quod, postquam Itali discesserunt a vobis, diffisi quod vos regem haberent, petierunt filium suum ad regem. Quibus ille invitatus coactusque respondit tandem acquiescere se voluntati eorum, si consentirent illis cuncti marchiones Italiæ et episcopi, ac cæteri meliores. Illi promiserunt quod recta fide facerent illos consentire, si possent. Nunc ergo mandat vobis, postulans suppliciter gratiam vestram [ut detineatis homines de Lotharingia, et Fredericum ducem, atque alios quos poteritis, ne concordent cum rege Cono, inflectendo eos quantum quiveritis ad auxilium ejus. Dabit vobis pro hoc negotio mille libras denariorum, et centum pallia, et dominæ reginæ Constantiæ quingentas libras nummorum. Orat vos ut ipse eam salutetis, et filium vestrum regem ex parte sua : et ego precor significari litteris aut nuntiis quid animi vobis sit super hoc quod ipse vos rogat, ut renuntiet illi. Vale.

EPISTOLA V.

ODONIS COMITIS AD ROBERTUM REGEM.
(Anno 1024).

Domino suo regi ROBERTO comes ODO.
Pauca tibi, domine, dicere volo, si audire digneris. Comes Richardus, tuus fidelis, monuit me venire ad justitiam, aut concordiam, de querelis quas habebat contra me. Ego vero misi causam hanc totam in manu ipsius. Tum ille ex consensu tuo constituit mihi placitum, quando et ubi hoc perfici posset. Sed instante termino cum ad hoc peragendum paratus essem, mandavit mihi ne me fatigarem ad conductum placitum veniendo, quia non erat tibi cordi aliam justificationem sive concordiam recipere nisi hoc tantum ut faceres mihi defendere quod non essem dignus ullum beneficium tenere de te. Nec sibi competere dicebat, ut me ad tale iudicium exhiberet sine conventu parium suorum. Hæc causa est cur tibi ad placitum non occurrerem. Sed de te, domine

mi, valde miror, qui me tam præpropere causa indiscussa tuo beneficio judicabas indignum. Nam si respiciatur ad conditionem generis, daret Dei gratia quod hæreditabilis sim. Si ad qualitatem beneficii quod mihi dedisti, constat quia non est de tuo fisco, sed de his quæ mihi per tuam gratiam ex majoribus meis hæreditario jure contingunt. Si ad servitii meritum, ipse profecto nosti, donec tuam gratiam habui, quomodo tibi servierim domi, et militiæ, et peregre. At postquam tuam gratiam avertisti a me, et honorem quem dederas mihi tollere nisus es, si me et honorem meum defendendo aliqua tibi ingrata commisi, feci hoc lacessitus injuriis et necessitate coactus. Quomodo enim dimittere pos-

A sum, et non defendam honorem meum? Deum et animam meam testor quod magis eligerem honoratus mori, quam vivere dishonoratus. At si me dishonorare velle desistas, nihil in mundo est quod magis quam gratiam tuam vel habere vel promereri desiderem. Discordia enim tua mihi quidem molestissima est, sed et tibi, mi domine, tollit officii tui radicem et fructum: justitiam loquor et pacem. Unde suppliciter exoro clementiam illam, quæ tibi naturaliter adest, si maligno consilio non tollatur, ut jam tandem a persecutione mea desistas, meque tibi sive per domesticos tuos seu per manus principum reconciliari permittas. Vale.

HYMNI ET RESPONSORIA

ROBERTO REGI ASCRIPTA.

(Hymnum de Spiritu sancto edimus ex Daniele, *Thesaurus hymnologicus*, tom. II, pag. 38; reliquos suppeditavit ЧЛІЧТОВѢУС, *Elucidatorium ecclesiasticum*, Paris 1524, fol. tom. II. pag. 37, 206, 207, 217, 230, 141, 121. Vide *Notitiam litterariam supra*.)

I.

Hymnus de Spiritu sancto (4)

1. Veni sancte Spiritus
Et emitte cœlitus
Lucis tuæ radium,
2. Veni pater pauperum,
Veni dator munerum,
Veni lumen cordium.
3. Consolator optime,
Dulcis hospes animæ,
Dulce refrigerium.
4. In labore requies,
In æstu temperies
In fletu solatium.
5. O lux beatissima
Reple cordis intima
Tuorum fidelium.
6. Sine tuo numine
Nihil est in homine
Nihil est innoxium.

B

7. Lava quod est sordidum,
Riga quod est aridum,
Sana quod est saucium.
8. Flecte quod est rigidum,
Fove quod est frigidum,
Rege quod est devium.
9. Da tuis fidelibus
In te confidentibus
Sacrum septenarium.
10. Da virtutis meritum,
Da salutis exitum,
Da perenne gaudium.

II.

Hymnus in tempore paschali.

Chorus novæ Hierusalem

C

- Nova meli dulcedine
Promat: colens cum sobriis
Paschale festum gaudiis.
Quo Christus invictus leo
Dracone surgens obruto,

(4) Omnes sacrorum carminum amatores, quales et quotquot fuere, regium poetam Davidis instar nomini Domini psallentem dignum censebant quem summis laudibus eveherent. Optime Члїчтовѣус: « Non satis hæc oratio, mea quidem sententia, commendari potest, nam omni commendatione superior est. — Crediderim facile auctorem (*quisquis is fuerit*) cum hanc contexit orationem cœlesti quadam dulcedine perfusum esse interius, qua Spiritu sancto auctore tantam eructavit verbis ab eo succinctis suavitate. » — Inde hæud miramur, Sequentiam supra positam in plurimis ecclesiis in usu fuisse, præsertim feria secunda Pentecostes. Nam in ipsa Dominica cantus: *Sancti Spiritus nobis adsit gratia*, qui majorem vetustatem redolebat, fere ubique sedem suam obtinuit. Ut nunc est, cum ex universa Sequentiarum clade, quæ sæculo decimo sexto facta est, solus Robertus cum tribus aliis poetis salvus evaserit, cantatur ipsa Pentecostes solemnitate « et dicitur quotidie usque ad sequens

Sabbatum inclusive. » Neque in Lutheri Ecclesia carmen nostrum obtulit; dolendum tamen est non fuisse, qui Sequentiam eleganter ac suaviter fecerit Germanicam. Vetustiore translationem quaras Atd. Bl. IV, p. 379. — 2. Matth. v, 3, *Beati pauperes spiritu*. — 4. Aug. *et fletu*. — 6. Pm. Torr. *in lumine*, Opinabantur editores omnes carminis versiculos desinere in *ομοιοπλατα*. Laudatur strophæ sexta in Confessione Augustana. — 7. M. 12, *sana — riga*. — 8. Pr., *reduc quod*. — 9. M. 12. 17. Fr. Es., *sacro septenario*. Hi libri faciunt stropham nonam arctissime coherentem cura decima. — Noli tandem prætermittere artificiosam totius carminis *οικονομια*. Id unum precatur poeta ut Spiritus sanctus veniat, ut det munera sua fidelibus. Incipit igitur: *Veni* et iterum sanctum munus flagitat ter repetendo vocem: *Veni*. Simili ratione strophæ non a primo loco exhibet vocabulum: *Da*, quod, duobus versibus interpositis, ter profertur in strophæ decima.

Dum voce viva personat :
 A morte functos excitat.
 Quam devorarat improbus
 Prædam refundit tartarus :
 Captivitate libera
 Jesum sequuntur agmina.
 Triumphat ille splendide :
 Et dignus amplitudine,
 Soli, polique patriam,
 Unam facit rempublicam.
 Ipsum canendo supplices
 Regem precemur milites.
 Ut in sub clarissimo
 Nos ordinet palatio.
 Per sæcla metæ nescia
 Patri supremo gloria ;
 Honorque sit cum Filio
 Et Spiritu paraclito.
 Amen.

III

Item hymnus in tempore paschali.

Te, lucis auctor, personent
 Hujus catervæ carmina
 Quam tu replesti gratia
 Anastasis potentia.
 Nobis dies hic innuit
 Diem supremum sistere :
 Quo mortuos resurgere
 Vitæque fas sit reddere.
 Octava prima redditur :
 Dum mors ab unda tollitur.
 Dum mente circumcidimur :
 Novique demum nascimur.
 Dum mane nostrum cernimus
 Redisse victis hostibus :
 Mundique luxum temnimus,
 Panem salutis sumimus.
 Hæc alma sit sollempnitas :
 Sit clara hæc festivitas ;
 Sit feriata gaudiis
 Dies reducta ab inferis.
 Amen.

IV.

Prosa in Ascensione Domini.

Rex omnipotens, die hodierna,
 Mundo triumphali redempto potentia,
 Victor ascendit in cælos unde descenderat.
 Nam quadraginta postquam surrexerat
 Diebus sacris confirmans pectora apotolorum,
 pacis chara relinquans oscula.
 Quibus et dedit potestatem laxandi crimina,
 Et misit eos in mundum baptizare cunctas ani-
 mas.
 In Patris, et Filii, et Spiritus sancti clementia.
 Et convalescens præcepit eis ab Hierosolymis
 Ne abirent sed expectarent promissa munera.
 Non post multos enim dies mittam vobis Spiritum
 paraclitum in terris.

A Et eritis mihi testes in Hierusalem, Judæa, sive
 Samaria.
 Et cum hoc dixisset, videntibus illis elevatus est,
 et nubes clara.
 Suscepit eum ab eorum oculis, intuentibus illis
 in aera
 Ecce steterè amicti duo viri in veste alba
 Juxta dicentes : Quid admiramini cælorum
 alta ?
 Jesus enim hic qui assumptus est a vobis ad
 Patris dexteram,
 Ut ascendit ita veniet, quærens talenti commissi
 lucra.
 O Deus mari, poli, arvi, hominem quem creasti;
 quem fraude subdola
 B Hostis expulit paradiso ; et captivatum secum
 traxit ad tartara ;
 Sanguine proprio quem redemisti, Dens ;
 Illuc et revehis, unde prius corrui paradisi glo-
 ria.
 Judex, cum veneris judicare sæcula ;
 Da nobis, quæsumus, sempiterna gaudia in san-
 ctorum patria.
 In qua tibi cantemus omnes alleluia.
 Amen.

V.

Prosa in die Pentecostes.

C Sancti Spiritus adsit nobis gratia,
 Quæ corda nostra sibi faciat habitaculum,
 Expulsis inde cunctis vitis spiritualibus,
 Spiritus alme, illustrator hominum,
 Horridas nostræ mentis purga tenebras...
 Amator sancte sensorum semper cogitatum,
 Infunde unctionem tuam, clemens, nostris sen-
 sibus.
 Tu, purificator omnium flagitiorum, Spiritus,
 Purifica nostri oculum interioris hominis,
 Ut videri supremus Genitor possit a nobis,
 Mundi cordis quem soli cernere possunt oculi.
 Prophetas tu inspirasti, ut præconia Christi præ-
 cinuissent inclyta,
 Apostolos confortasti, uti tropæum Christi per
 totum mundum verherent ;
 D Quando machinam per verbum suum fecit Deus,
 cœli, terræ, marium,
 Tu super aquas, fofurus eas, numen tuum expan-
 disti spiritus.
 Tu animabus vivificandis aquas fecundas.
 Tu aspirando das spirituales esse homines ;
 Tu divisum per linguas mundum et ritus adu-
 nasti, Domine ;
 Idolatras ad cultum Dei revocas, magistrorum
 optime.
 Ergo nos supplicantes tibi exaudi propitius,
 sancte Spiritus,
 Sine quo preces omnes cassæ creduntur, et indi-
 gnæ Dei auribus.
 Tu qui omnium sæculorum sanctos tui numinis
 docuisti instinctu amplectendo, Spiritus,

manibus, qui tenebat charitatem in moribus. Quod admirans et Deum hymnisonis vocibus laudare cupiens, omnimodis illum prohibet, ut a jactantia superbæ mentis ex toto se liberans, Dei in omnibus collaudans virtutem diceret cum David : *Ego sum vermis et non homo, opprobrium hominum et abjectio plebis (Psal. xxi, 7)*. Et iterum : *Humiliatus sum usquequaque, Domine ; vivifica me secundum verbum tuum (Psal. cxvii, 107)*.

Legimus in divinis Voluminibus quod *servire Deo regnare est*. Quod pro certo cognovit qui admonuit, dicens : *Servite Domino in timore (Psal. ii, 11)*. Quod utique iste noster, de quo loquimur, vir beatus adimplevit pro posse et velle. Et sicut Moyses Dei famulus, precibus humillimus, manibus extensis prostravit Amalech ; ita et hic verus Dei amicus, suis devictis hostibus virtute sancti Spiritus, semper Deum habuit adiutorem, qui est salus omnium. Resplendebat quippe in eo animi dulcedo, qua omnem sibi conciliabat hominem. Erat ei sapientia salutaris, qua delectabatur cum suis. Docebat quosdam in lectionibus, alios in hymnis et laudibus, et ad talia semper exhortans, omne secundum apostolum omnibus fiebat, ut cunctis lucrifaceret (*I Cor. ix, 22*). Cæterum quod pontifices ipsi abbatesque facere pigritabant, quorum est errantes corrigere et bonos quosque exemplo suo ad meliora provocare, ipse verus Dei amicus audebat ; de cujus cordis thesauro procedebat vox exsultationis et salutis, qua delectari gaudebat cum omnibus sanctis, secundum Apostolum carnem suam crucifigendo cum vitis et concupiscentiis mundi hujus (*Gal. v, 24*), delectabile semper divinitati seipsum præparans templum. Ad divinum officium primus, ad laudandum Deum sedulus. Quocumque illi erat eundum præparabatur vehiculum, quod deportaret divini ministerii tentorium. Quo in terram fixo, deponebantur ibi sancta, ut quia secundum Psalmistam : *Domini est terra et plenitudo ejus, orbis terrarum et universi qui habitant in eo (Psal. xxiii, 1)*, proderet se devotum famulum, quovis in loco Deo devotas persolvere laudes. Erant enim fixa et bene plantata in corde mansuetissimi et Deum bene amantis regis beatissimi Antonii verba : « Jesum Christum semper desiderate, quia in omni sede terrarum constituta sunt regna cælorum. » Sanctas noctes hoc est nativitatis Domini, sancti Paschæ et Pentecostes, sic totas ducebat insomnes usque ad summum mane ut nec sedens vel stans somnum caperet, donec quam expectabat et desiderabat salutiferam corporis et sanguinis Domini nostri Jesu Christi perceptionem perciperet. Probata de eo res ista et in omni sæculo manifestata. Sollemnitate vero nativitatis sancti Joannis Baptistæ, hanc quam in nativitate Domini tenebat consuetudinem ut post laudationem Domini, quæ est in hymno *Te Deum laudamus*, missa celebraretur devote, quæ sanctis est libris prænotata, in primo mane. Hoc sancta constituit auctoritas Gregorii Magni et aliorum in missa ; Amalarii vero

iterum doctrina, quam assumpsit ex dictis sanctorum Patrum.

Quis autem ei mos fuerit dandæ eleemosynæ in sui regni sedibus non prætermittimus. In Parisius civitate, Silvanectis, Aurelianis, Divione, Antissiodore, Avalone, Meloduno, Stampis, in unaquaque harum sede, trecentis, vel, quod est verius, mille pauperibus dabatur panis et vini abundantia, et hoc specialius ipso quo ad Deum transit anno, qui est incarnationis Dominicæ millesimus tricesimus secundus. Præter hæc, quo ibat quotidie in sancta Quadragesima c aut cc jubebat pauperibus dari panem, piscium et vini cibaria. In die autem Cænæ Domini, non videntibus incredibile, videntibus vero et servientibus in tali negotio satis admirabile, cum non minus quam trecenti ipsa die sua providentia congregati, de ejus sancta manu flexo poplite in terram, unusquisque legumen, piscem, panem, denarium unum sumebat in manibus. Et hoc hora diei tertia. Hora itidem sexta. Itidem centum clericis pauperibus præbenbam panis, piscis, et vini concedebat ; duodecim unumquemque honorans denariis, corde et ore Davidicos semper decantans psalmos. Post mensam vero præparans se ad Dei servitium rex humilis ponebat vestimenta sua, indutus ad carnem cilicio, adjunctoque clericorum collegio centum sexaginta et eo amplius numero, ad exemplum Domini eorum pedes lavans capillis capitis sui tergebatur, et ad mandatum Domini singulos eorum duobus solidis remunerans, clero præsentem et diaconum astantem, qui lectionem legeret secundum Joannem in Cæna Domini dictam et factam. Talibus factis occupabat se rex meritis gloriosus, loca sanctorum perlustrando toto die sancto Paresceve et crucem Domini adorando usque in vigilia sanctæ Resurrectionis, in qua assumebat statim sacrificium laudis, quæ non defuit ab ejus ore in omnibus sæculis. His et hujusmodi virtutum meritis honorumque operum exhibitionibus gloriosus et toto orbe prædicandus Rotbertus rex se mirabilem mundo præbuit, cunctis posteris imitabilem dereliquit.

Hic autem post Deum specialis gloria regum, pro sacro sanctorum apostolorum numero, quos semper amabat corde benigno et quorum solemnes festivitates votivo præveniebat jejunio, ad horum exemplum duodecim pauperes secum ducebat, quos specialius diligebat. Quibus ipse erat vera requies post labores. Nam his sanctis pauperibus comparans fortissimos asinorum pullos, ante se, ubicumque pergebat, lætantes, Deum laudantes et animam suam benedicentes dirigebat. In his nemque et aliis innumerabilibus pauperibus recreandis nunquam habuit nolle, sed semper velle. Morituris his fortis erat provisio, ne quis minueretur de numero, eratque eis vivorum successio et apud Deum tanti regis oblatio. Hoc studium, hæc ejus semper fuit bona voluntas, cui semper adhæserat, participatione summi boni ; vera bonitas, in qua clarissimus versificator his versibus est delectatus :

*Major cura boni est fratrum relevare labores,
Et fieri optatum tristibus auxilium.
Pascere jejunos, nudos vestire, ligatos
Solvete, discordes conciliare sibi.
Et quæcumque homines miseri solatia quærent,
Hæc, ut possibile est, promere corde pio.
Ut recte vere cupidus vereque benignus.
Quæ mala sunt fugiat, quæ bona sunt faciat.*

Hæc omnia in tanto viro fuisse omnis cognovit mundus, quia eum semper dilexit Deus.

Præterea construxit a novo in urbe Aureliana monasterium sancti Aniani singularis sui apud Deum advocati. Qui quam pium sanctæ devotionis amorem erga eundem habuerit nullus edicere valet, quia illum suum semper post Deum adiutorem, protectorem et defensorem habere voluit, ad quoscunque potuisset pergere gressus. Nam uno die a quodam suo speciali amicorum amico interpellatus ut quid talem ac tantum pontificem et non alios sic sanctos suis sanctis laudibus extolleret, respondisse humillima et piissima voce fertur: *Quis est Anianus? Anianus, Anianus pro certo est vera nostrorum consolatio, laborantium fortitudo, regum protectio, principum defensio, pontificum exsultatio, clericorum, monachorum, orphanorum et viduarum egrægia et inenarrabilis sublevatio. Et illudens ad circumstantes pueros ait: Num et iste, de quo loquimur, Arianus, a pœnis virgarum vobis pueris non est frequens, vera et probata liberatio?*

Ardens tanti pontificis honore hic redolens flos et decus Ecclesiæ sanctæ, et gratia Dei desiderio eum in altiori volens constituere loco, domum Domini super eum in melius construere cœpit et, Deo cooperante et sancto Aniano auxilia præbente, ad finem usque perduxit. Habet namque ipsa domus in longitudine tensas quadraginta duas, in latitudine duodecim, in alto decem, fenestras centum viginti tres. Fecit et altaria in ipso monasterio ad laudem sanctorum numero novemdecim, quorum memoriam hic adnotare curavimus; principale, in honorem apostoli Petri, cui supradictus rex associavit coepostolum Paulum in benedictione, cum non antea ibi nisi solius sancti Petri esset veneratio; ad caput S. Aniani, unum; ad pedes aliud, aliud in honore S. Benedicti; cætera sunt in honore eorum quorum nomina sunt ascripta, sancti videlicet Evurtii, sancti Laurentii, S. Georgii omniumque sanctorum, item S. Martini, S. Mauritii, S. Stephani, S. Antonii, S. Vincentii, sanctæ Mariæ, sancti Joannis, sancti Salvatoris, S. Mamerti, S. Nicolai et S. Michaelis. Caput autem ipsius monasterii fecit miro opere in similitudinem monasterii sanctæ Mariæ matris Domini et sanctorum Agricolæ et Vitalis in Claromonte constituti. Leticam ipsius S. Aniani a fronte auro bono et optimo, et lapidibus pretiosis et argento mero præoccupavit. Tabulam ad altare S. Petri, in cujus honore exstat locus, auro bono totam cooperuit, de qua Constantia, nobilis regina, ejus

A conjux gloriosa, post mortem viri sui sanctissimi Deo et sancto attribuit Aniano summam, scilicet librarum septem ipsius metalli in meliorandis a se monasterii facti tectis: quibus ab imis ad superiora apertis, celum melius cerneretur quam terra. Exstitit in ea quantitas auri quindecim librarum probati. Quod reliquum fuit in quibus debuit distribuit, quia erat ei sollicitudo Ecclesiarum Dei, juxta utile senioris sui velle. Post quæ omnia cupidus sanctæ benedictionis rex Rotbertus gloriosus, suæ ordinationis, benedictionis et assumptionis in regem anno tricesimo sexto, jussione imperatoria evocavit archipræsules Gauzlinum Bituricensem et abbatem Floriacensem, Leothericum Senonensem, necnon et Arnalphum Turonensem.

B Quorum præsentiam subsequuntur præsules Odoricus Aurelianensis, Theodericus Carnotensis, Bernerius Meldensis, Guarinus Belvacensis, et Rodulfus Silvanectensis. Non defuit etiam præsentia domni et venerabilis Odilonis, Cluniacensium abbatis, et aliorum honorum virorum non minimi meriti, cum quibus semper desiderabat colloqui. Ab his pro certo et aliis Dei ministris levatur illud nobile corpus amici Dei Aniani sanctissimi de sepulcro cum corporibus sanctorum Euscipii, Monitoris et Floseculi confessorum, Baudelii et Scubilli martyrum et Agiæ matris S. Lupi confessoris; et ab ipso glorioso rege et aliis, quos jam prænotavit littera, qui pro tali negotio advenerant, custoditur, laudatur, et decantatur in hymnis et laudibus in ecclesia S. Martini quoque præpararentur utilia et necessaria sanctæ benedictioni. Præparatis ergo omnibus, ab ipsis sanctis sacerdotibus locam ipsum benedici et consecrari solemniter fecit, anno Domini incarnationis millesimo vicesimo nono, indictione duodecima. Sumitur itaque humeris inclyti regis gaudentium simul et lætantium populorum et transfertur cum laudibus in templum novum, quod ipse inclytus Rotbertus edificaverat, laudantes Dominum et S. Anianum in tympano et choro, in chordis et organo, et eum in loco collocant sancto ad honorem, gloriam et laudem Jesu Christi Domini nostri et famuli sui Aniani, speciali gloria decorati.

Expleta benedictione solemniter et omnibus quæ ad dedicationem sancti templi pertinebant, vadit jam cum reverentia nominandus pater patris Rotbertus ante altare sanctissimi Petri et dilecti domni Aniani, in conspectu omnium populorum, et exuens se vestimento purpureo, quod lingua rustica dicitur rocus, utroque genu fixo in terram, toto de corde ad Deum supplicem fudit precem in his verbis: *« Gratias, inquit, ago tibi, bone Deus, qui ad affectum meam voluntatem hodie meritis S. Aniani perduxisti, lætificans animam meam de corporibus sanctorum cum eo hodierna die triumphantium. Da ergo, Domine, per hos sanctos tuos vivos delictorum indulgentiam, defunctis omnibus vitam et requiem sempiternam. Tempora nostra prospice, regnum, tuum quod tua pietate, misericordia, bonitate nobis datum est, rege, dispone, custodi ad*

consecraretur sanguis Domini nostri Jesu Christi. Junxerat se tanto pontifici rex mente humili, qui superno tactus amore fecit in ipso sancto calice patenam ad conficiendum in ea corpus Redemptoris mundi, ut esset ei crucis signaculum in auxilium et sancta passio vera animæ carnisque redemptio. Nihilominus et donnum Odolricum episcopum in sacerdotali vestimento sic honoravit, ut astans in sacrificio Domini circumtectus ex omni parte auro et purpura videretur. Urceolum ex onichino factum, quod comparaverat rex ditissimus pretio LX librarum, iterum ipsi sanctæ Crucis loco contulit simul cum alio argenteo et manipulo. Dedit etiam et pallia tria pretiosa in ornatu ecclesiæ, pro sua suorumque filiorum salute, et alia multa quæ non possunt littera notari nec numero comprehendi. Sanctorum enim corpora martyrum pretiosorum Saviniani et Potentiani, qui passi sunt acerrime in Senonensi urbe, auro, argento, gemmis ita vestivit ut in his delectaretur omnis mundus, quos in terris rex honorificaverat, laude dignis. Præterea Patri Benedicto et suis, cui semper totis adhæserat præcordiis, pro sua in tota mundi latitudine admirabili vita, piscatoriam Ligeriti fluminis benignissimus attribuit, scripto firmavit et ex his nil aliud quam intercessionis illius quæsitivum suffragia. Sed et præceptum de immunitate Floriaci loci, seu de his quæ monasterii competunt utilitatibus, auctoritate regia firmavit et sigillo suo ut bonus et sapiens insignivit. In ornamentis quippe ecclesiasticis Patrem Benedictum honorans, quo eo amore dilexerit manifestissime aperuit. Nam altare sanctæ Dei genitricis Mariæ pallio pretiosissimo post ignem, qui fuit immensa nostri sancti loci calamitas, cooperuit et thymiamaterio usquequaque satis mirabili, auro et gemmis bene elevato in sublimi, hunc sanctum devotissime nobilitavit. Erat enim et hoc adplene conveniens thymiamaterium thuribulo aureo a Gauzolino abbate mirabilium factore patrato, cujus opus splendescit præ omnibus quæ vidimus ipsi qui hæc scribimus, in Floriaci loco. Monasterium S. Cassiani confessoris summi in Hedua civitate, quæ et Augustodunus, nimia dirutum vetustate a novo ædificavit et in eo Dei ministros collocans abbatiam, sicut prius, construxit, præbens sumptus his qui ibidem Deo deservirent. Hoc ei studium, hæc ejus semper fuit in opere Dei voluntas.

Palatio Compendii damnum accidit regi in furto nobili. Instabat tunc dies Pentecostes, quo Spiritus sanctus replens animas mundat fidelium corda, ut placeant Patri et Filio, quibus æqualis Spiritus sancti portio. Volens illo die pater rex gloriosus filium suum statuere in regem, nomine Hugonem, strenuissimæ nobilitatis juvenem, pro immensa patris et filii bonitate, quæ erat divulgata toto terrarum orbe, ad faciendum eum festinabat omnis mundus, quia delectabatur in talibus. Fuit enim hic bonus juvenis excellentissimæ probitatis, omnes complectens, omnes diligens, nullum despiciens, dilectus

a cunctis et semper amatus. Die autem primo perfecta benedictione mirabili, pater lætus factus de filio, exsultabat gaudio immenso. Admonitio patris eo die talis facta est in filio bono : « Vide, fili, semper sis memor Dei, qui te hodie participem sui fecit regni, ut æquitatis et justitiæ in semitis delecteris. Quod, quæso, attribuat mihi Deus ut videam, et tibi ut facias juxta ejus voluntatem, quæ omnibus desiderantibus eam semper adest. » Inter hæc festiva solemnia quidam clericorum, vesano corde meditatus perversa, accelerat perficere ea. Speciem cervi ex argento mero facti vir Dei habens in thesauris suis eo delectabatur solemnibus festis. Acceperat hoc munus a duce Normannorum Richardo ad usus humanos, quod benignus ore, benignus corde, benigno non distulit conferre Deo. Erat huic ornamento adjunctus scyphus corneus, quo deferebatur vinum ad celebrandum sacrificium. Hæc aspiciens quidam pestifer et nequam clericus, arripit, caligis recondit, huc illucque vadens non invenit cui ea venditione contribuere, vel quomodo illam speciem cervi destruere posset. Credendum est cunctis ea pii regis servata meritis, qui toto corde erat Deo fidelis. Nam tertia Sabbati in oratorio Turris Caroli colloquens cum quodam familiaritate perfecta sibi conjuncto, ecce fur veniens ante altare se collocat, preces inutiles spargit et longa protrahens suspiria, facistergio altaris prolixo operit, simul cum scypho, et sic verecundus abiit, nesciens miser quorum oculi super eum erant defixi. Cessans rex a colloquio vadit ad altare pede levi cum amico vero, et sua accipiens reddit lætus ministro, interminans socio ne, dum adviveret, nomen ejus sæculo innotesceret et tanto viro verecundiam faceret.

Verum quia opponit se nostræ narrationi quorundam perverse mentis intentio, qui omne bonum quod ipsi nequeunt assequi aliis invidere et malignitatis calcaneo, prout possunt, premere non erubescunt, quique, si quid excessus humanitas admissum est, eo cuncta boni operis succedentia germina canino dente oblatrant suffocari, hunc sanctissimum virum lacerare non pertimescentes. Non, inquit, hæc quæ prolata sunt bona de eo opera ad salutem illius provenient animæ, quoniam non exhorruit facinus copulationis illicitæ, dum commatrem et sibi consanguinitatis vinculo nexam duxit uxorem. Quorum irrationabilitatem placet evidenti sanctæ Scripturæ indicio convincere. Sed, ne forte loquendi proclamant aditum sibi intercludi, dent nobis aliquem sine prolapsione deducti. Quis vero castum se habere cor gloria-bitur ? cum nec unius diei infans mundus esse Scripturæ testimonio comprobetur ? Siquidem ob inertiam desipientium comprimendam hæc dixerim, non ut viri ultro poenitentis culpam occultem. Sicut enim sanctus David, lege prohibebitur, Bethsabee contra fas concupivit et rapuit, ita et iste, contra sacræ fidei jura agens, præfatam mulierem nefarie sibi copulavit uxorem. Illi non solum satis fuit in mulierem peccasse, sed molita viri in-

noxii nece incurrit duplex peccatum. Huic profecto magis libuit Deum offendisse, quam a muliere duplici sibi lege prohibita torum servare immaculatum. Sed utriusque peccati vulnus verus humani generis benigna dispositione sanavit Medicus: illum per Nathan prophetam suum, dum pauperis viri unius oviculæ et divitis ovium abundantis multitudine paradigmata objecto, se reum agnoscens dixit peccasse; istum æque per dominum et venerabilem Abbonem, Floriacensium a Deo præelectum abbatem, nunc, Christi favente gratia, miraculis coruscum, spreto mortis formidine dure increpatum privatim et publice. Cujus sancti viri increpatio tam diu perstitit donec rex mitissimus reatum suum agnosceret, et quam male sibi copulaverat mulierem prorsus derelinqueret, et peccati maculam grata Deo satisfactione dilueret. Uterque igitur rex Deo acceptus, utpote ab illo coronatus. Quos nudos peperit natura mundo, sancta dispositione sui gloriosos habere voluit et inclytos sæculo. Et quia, ut ait Scriptura, permittit Deus fieri quod non vult, permisit benigna dispensatio sic eos occumbere peccato, ut se humanitate æquales subjectis recognoscerent, et reliquum vitæ tempus vigiliis et orationibus inhærendo transigerent, varias corporum passiones sustinerent, ut adimpleretur in eis sacræ Scripturæ testimonium, quæ ait: *Corripit Deus quem diligit, flagellat autem omnem filium quem recipit* (Hebr. xii, 6). Uterque peccavit, quod solent reges; sed a Deo visitati poenituerunt, fleverunt, ingemuerunt, quod non solent reges. Siquidem exemplo beati David, domnus iste noster Rothbertus confessus est culpam, obsecravit indulgentiam, deploravit ærumnam, jejunavit, oravit et confessionis suæ testimonium in perpetua sæcula vulgato dolore transmisit. Quod non erubuit confiteri. Qui tenetur legibus audent suum negare peccatum, dedignantur rogare indulgentiam quam petebat qui nullis legibus tenebatur humanis. Quod peccavit conditionis est; quod supplicavit correctionis Lapsus communis, sed confessio specialis. Culpam itaque incluisse naturæ est, diluisse virtutis. Ob hoc nimirum ista facere non despexit, quia sciebat Deum pusillis et magnis fore timendum et potentem quemque divina admoneri Scriptura: *Quanto magnus es, humilia te in omnibus et coram Deo invenies gratiam*. His igitur rex humilis, legibus absolutus, suæ tamen reus fuit conscientiæ. Quibus vinculis se edomare desiderans, divinum sibi precatur auxilium, ut ab omni criminis labe mundetur. Et revera, cum mitis et corde mansuetus egregia semper habuerit sanctus rex suæ mansuetudinis et pietatis insignia, ita ut adversariis suis frequenter ignoverit atque ab eorum nece abstinendum putaverit, non est mirum quod tam graviter doleat noxium sibi obrepisse peccatum. Et ideo a peccatis mortalibus liberari se postulavit, laudavit Dominum Deum suum, justitiam Domini prædicavit, et ex-

sultavit ejus lingua justitia de cælo prospicientis, quæ processit de utero intactæ Virginis.

Unum vero quiddam memoria dignum a patre hujus inclyti regis et a Deo electi patratus, huic lectioni inserere dignum duxi. In eo namque sacerdotes veridici, abbates et monachi, sanctæ normæ non nescii, exemplar virtutum, quod non solum imitari, sed etiam admirari valeant, invenient. Ante omnia autem pietatis et misericordiæ omni laude extollenda insignia. Quodam namque tempore sanctum diem Paschæ in civitate Parisius solemniter celebrans, secunda Sabbati ad domum suam apud Sanctum Dionysium lætus regressus est, ibique solemnes exegit dies. Tertia autem Sabbati adveniente hora, qua laudibus laudaretur per omnia sæcula Deus, surgit a lecto et ad ecclesiam ire desponit. Aspiciens ergo videt duos ex adverso jacentes in angulo, operi insistentes nefario. Horum fragilitati condolens, ornamentum pellicum quod erat pretiosissimum, tollit a collo et super peccatores projicit corde benigno. Quo facto, ecclesiam sanctorum omnipotentem Deum rogaturus, intravit, ubi pro ipsis peccatoribus ne perirent oravit. Prolongata vero oratione et sperans jam abisse mortuos peccatores, qui poenitentia viverent Deo, evocat sui corporis custodem, et ut aliud sibi ejusdem generis deferat ornamentum humillimis verbis imperat, mandans hoc minis imperialibus, ut neque conjugi gloriosæ, neque alicui istud unquam manifestaretur. O quam perfectus, qui sic suo peccatores protexit vestimento! quam sanctus sacerdos! quam plus abbas religiosusque monachus! quam rectissima virtutis et perfectionis norma, cui inniti potest justitiæ concupiscens semitas! Tali quippe mandat monachorum pater et dux confiteri peccata, qui sciret sua et aliena curare vulnera, non autem detegere et publicare. O felix participatione Dei pietas et misericordia, quæ sic floruerunt in tanto et tali viro! quas et ipse Rothbertus noster quasi hæreditario jure a patre relictas possedit.

Ingo summæ ingenuitatis vir et bonatis, abbas Sancti Germani Parisius civitate constituti monasterii, ad hunc Dei famulum pro sua et fratrum utilitate Aurelianus duos boni testimonii direxit fratres. Qui ab eo visi pacis honorati sunt osculo, ut eis mos erat, interrogatique sunt benignissime qua causa ad eum properassent. Vocabantur autem propriis nominibus Herbertus unus, alter vero Gauzfredus, haud infimi ordinis monastici viri. Quibus pio de more imperat ut post matutinos hymnos sua præsentia assisterent et de quibus vellent audientiam haberent. Quibus jussa observantibus contigit ut in ipsa ecclesia, in qua conserderant, his cernentibus, candela extingueretur. Qua extincta, religiosum virum, Teudonem clericum proximum suum a lecto evocat candelamque porrigens ad requirendum lumen quantocius dirigit. Interea devotissimus rex psalmis et orationibus vacans, dum qui missus fuerat revertitur, videt virum Domini candellam ardentem tenere.

manibus, qui tenebat charitatem in moribus. Quod admirans et Deum hymnisonis vocibus laudare cupiens, omnimodis illum prohibet, ut a jactantia superbæ mentis ex toto se liberans, Dei in omnibus collaudans virtutem diceret cum David : *Ego sum vermis et non homo, opprobrium hominum et abjectio plebis* (Psal. xxi, 7). Et iterum : *Humiliatus sum usquequaque, Domine ; vivifica me secundum verbum tuum* (Psal. cxviii, 107).

Legimus in divinis Voluminibus quod *servire Deo regnare est*. Quod pro certo cognovit qui admonuit, dicens : *Servite Domino in timore* (Psal. ii, 11). Quod utique iste noster, de quo loquimur, vir beatus adimplevit pro posse et velle. Et sicut Moyses Dei famulus, precibus humillimus, manibus extensis prostravit Amalech ; ita et hic verus Dei amicus, suis devictis hostibus virtute sancti Spiritus, semper Deum habuit adiutorem, qui est salus omnium. Resplendebat quippe in eo animi dulcedo, qua omnem sibi conciliabat hominem. Erat ei sapientia salutaris, qua delectabatur cum suis. Docebat quosdam in lectionibus, alios in hymnis et laudibus, et ad talia semper exhortans, omne secundum apostolum omnibus fiebat, ut cunctis lucrifaceret (I Cor. ix, 22). Cæterum quod pontifices ipsi abbatesque facere pigritabant, quorum est errantes corrigere et bonos quosque exemplo suo ad meliora provocare, ipse verus Dei amicus audebat ; de cujus cordis thesauro procedebat vox exsultationis et salutis, qua delectari gaudebat cum omnibus sanctis, secundum Apostolum carnem suam crucifigendo cum vitis et concupiscentiis mundi hujus (Gal. v, 24), delectabile semper divinitati seipsum præparans templum. Ad divinum officium primus, ad laudandum Deum sedulus. Quocumque illi erat eundum præparabatur vehiculum, quod deportaret divini ministerii tentorium. Quo in terram fixo, deponabantur ibi sancta, ut quia secundum Psalmistam : *Domini est terra et plenitudo ejus, orbis terrarum et universi qui habitant in eo* (Psal. xxiii, 1), proderet se devotum famulum, quovis in loco Deo devotas persolvere laudes. Erant enim fixa et bene plantata in corde mansuetissimi et Deum bene amantis regis beatissimi Antonii verba : « Jesum Christum semper desiderate, quia in omni sede terrarum constituta sunt regna cælorum. » Sanctas noctes hoc est nativitatis Domini, sancti Paschæ et Pentecostes, sic totas ducebat insomnes usque ad summum mane ut nec sedens vel stans somnum caperet, donec quam exspectabat et desiderabat salutiferam corporis et sanguinis Domini nostri Jesu Christi perceptionem perciperet. Probata de eo res ista et in omni sæculo manifestata. Solemnitate vero nativitatis sancti Joannis Baptistæ, hanc quam in nativitate Domini tenebat consuetudinem ut post laudationem Domini, quæ est in hymno *Te Deum laudamus*, missa celebraretur devote, quæ sanctis est libris prænotata, in primo mane. Hoc sancta constituit auctoritas Gregorii Magni et aliorum in missa ; Amalarii vero

iterum doctrina, quam assumpsit ex dictis sanctorum Patrum.

Quis autem ei mos fuerit dandæ eleemosynæ in sui regni sedibus non prætermittimus. In Parisius civitate, Silvanectis, Aurelianis, Divione, Antissiodore, Avalone, Meloduno, Stampis, in unaquaque harum sede, trecentis, vel, quod est verius, mille pauperibus dabatur panis et vini abundantia, et hoc specialius ipso quo ad Deum transit anno, qui est incarnationis Dominicæ millesimus tricesimus secundus. Præter hæc, quo ibat quotidie in sancta Quadragesima c aut cc jubebat pauperibus dari panem, piscium et vini cibaria. In die autem Cœnæ Domini, non videntibus incredibile, videntibus vero et servientibus in tali negotio satis admirabile, cum non minus quam trecenti ipsa die sua providentia congregati, de ejus sancta manu flexo poplite in terram, unusquisque legumen, piscem, panem, denarium unum sumebat in manibus. Et hoc hora diei tertia. Hora itidem sexta. Itidem centum clericis pauperibus præbenbam panis, piscis, et vini concedebat ; duodecim unumquemque honorans denariis, corde et ore Davidicos semper decantans psalmos. Post mensam vero præparans se ad Dei servitium rex humilis ponebat vestimenta sua, indutus ad carnem cilicio, adjunctoque clericorum collegio centum sexaginta et eo amplius numero, ad exemplum Domini eorum pedes lavans capillis capitis sui tergebat, et ad mandatum Domini singulos eorum duobus solidis remunerans, clero præsepte et diacono astante, qui lectionem legeret secundum Joannem in Cœna Domini dictam et factam. Talibus factis occupabat se rex meritis gloriosus, loca sanctorum perlustrando toto die sancto Paresceve et crucem Domini adorando usque in vigilia sanctæ Resurrectionis, in qua assumebat statim sacrificium laudis, quæ non defuit ab ejus ore in omnibus sæculis. His et hujuscemodi virtutum meritis bonorumque operum exhibitionibus gloriosus et toto orbe prædicandus Robertus rex se mirabilem mundo præbuit, cunctis posteris imitabilem dereliquit.

Hic autem post Deum specialis gloria regum, pro sacro sanctorum apostolorum numero, quos semper amabat corde benigno et quorum solemnes festivitates votivo præveniebat jejunio, ad horum exemplum duodecim pauperes secum ducebat, quos specialius diligebat. Quibus ipse erat vera requies post labores. Nam his sanctis pauperibus comparans fortissimos asinorum pullos, ante se, ubicumque pergebat, lætantes, Deum laudantes et animam suam benedicentes dirigebat. In his nemque et aliis innumerabilibus pauperibus recreandis nunquam habuit nolle, sed semper velle. Morituris his fortis erat provisio, ne quis minueretur de numero, eratque eis vivorum successio et apud Deum tanti regis oblatio. Hoc studium, hæc ejus semper fuit bona voluntas, cui semper adhæserat, participatione summi boni ; vera bonitas, in qua clarissimus versificator his versibus est delectatus :

Major cura boni est fratrum relevare labores,

Et fieri optatum tristibus auxilium.

Ascere jejunos, nudos vestire, ligatos

Solvere, discordes conciliare sibi.

Et quæcumque homines miseri solatia quærent,

Hæc, ut possibile est, promere corde pio.

Et recte vere cupidus vereque benignus.

Quæ mala sunt fugiat, quæ bona sunt faciat.

Hæc omnia in tanto viro fuisse omnis cognovit mundus, quia eum semper dilexit Deus.

Præterea construxit a novo in urbe Aureliana monasterium sancti Aniani singularis sui apud Deum advocati. Qui quam pium sanctæ devotio- nis amorem erga eundem habuerit nullus edicere valet, quia illum suum semper post Deum adju- tum, protectorem et defensorem habere voluit, ad quoscunque potuisset pergere gressus. Nam uno die a quodam suo speciali amicorum amico inter- pellatus ut quid talem ac tantum pontificem et non alios sic sanctos suis sanctis laudibus extollet, respondisse humillima et piissima voce fertur : Quis est Anianus ? Anianus, Anianus pro certo est vera nostrorum consolatio, laborantium fortitudo, regum protectio, principum defensio, pontificum exultatio, clericorum, monachorum, orphanorum et viduarum egrægia et inenarrabilis sublevatio. Et illudens ad circumstantes pueros ait : Num est iste, de quo loquimur, Anianus, a pœnis virgatum vobis pueris non est frequens, vera et probata liberatio ?

Ardens tanti pontificis honore hic redolens flos et decus Ecclesiæ sanctæ, et gratia Dei desiderio cum in altiori volens constituere loco, domum Domini super eum in melius construere cepit et, Deo cooperante et sancto Aniano auxilia præbente, ad finem usque perduxit. Habet namque ipsa domus in longitudine tensas quadraginta duas, in altitudine duodecim, in alto decem, fenestras centum viginti tres. Fecit et altaria in ipso monasterio ad laudem sanctorum numero novemdecim, quorum memoriam hic adnotare curavimus ; principale, in honorem apostoli Petri, cui supradictus reassociavit coapostolum Paulum in benedictione, cum non antea ibi nisi solius sancti Petri esset veneratio ; ad caput S. Aniani, unum ; ad pedes aliud, aliud in honore S. Benedicti ; cætera sunt in honore eorum quorum nomina sunt ascripta, sancti videlicet Evurtii, sancti Laurentii, S. Georgii omniumque sanctorum, item S. Martini, S. Mauricii, S. Stephani, S. Antonii, S. Vincentii, sanctæ Mariæ, sancti Joannis, sancti Salvatoris, S. Mamerti, S. Nicolai et S. Michaelis. Caput autem ipsius monasterii fecit miro opere in similitudinem monasterii sanctæ Mariæ matris Domini et sanctorum Agricolæ et Vitalis in Claromonte constituti. Leticam ipsius S. Aniani a fronte auro bono et optimo, et lapidibus pretiosis et argento mero præoccupavit. Tabulam ad altare S. Petri, in cuius honore exstat locus, auro bono totam cooperuit, de qua Constantia, nobilis regina, ejus

A conjux gloriosa, post mortem viri sui sanctissimi Deo et sancto attribuit Aniano summam, scilicet librarum septem ipsius metalli in meliorandis a se monasteriis factis tectis ; quibus ab imis ad superiora apertis, eælum melius cerneretur quam terra. Exstitit in ea quantitas auri quindecim librarum probati. Quod reliquum fuit in quibus debuit distribuit, quia erat ei sollicitudo Ecclesiarum Dei, juxta utile senioris sui velle. Post quæ omnia cupidus sanctæ benedictionis rex Rotbertus gloriosus, suæ ordinationis, benedictionis et assumptionis in regem anno tricesimo sexto, jussione imperatoria evocavit archipresules Gauzlinum Bituricensem et abbatem Floriacensem, Leothericum Senonensem, necnon et Arnalphum Turonensem.

B Quorum præsentiam subsequuntur præules Odoricus Aurelianensis, Theodoricus Carnotensis, Bernerius Meldensis, Guarinus Belvacensis, et Rodulfus Silvanectensis. Non defuit etiam præsentia domni et venerabilis Odilonis, Cluniacensium abbatis, et aliorum honorum virorum non minimi meriti, cum quibus semper desiderabat colloqui. Ab his pro certo et aliis Dei ministris levatur illud nobile corpus amici Dei Aniani sanctissimi de sepulcro cum corporibus sanctorum Euspicii, Monitoris et Flosculi confessorum, Baudelii et Scubilli martyrum et Agisæ matris S. Lupi confessoris ; et ab ipso glorioso rege et aliis, quos jam prænotavit littera, qui pro tali negotio advenerant, custoditur, laudatur, et decantatur in hymnis et laudibus in ecclesia S. Martini quoadusque præpararentur utilia et necessaria sanctæ benedictioni. Præparatis ergo omnibus, ab ipsis sanctis sacerdotibus locum ipsum benedici et consecrari solemniter fecit, anno Domini incarnationis millesimo vicesimo nono, indictione duodecima. Sumitur itaque humeris inclyti regis gaudentium simul et lætantium populorum et transfertur cum laudibus in templum novum, quod ipse inclytus Rotbertus ædificaverat, laudantes Dominum et S. Anianum in tympano et choro, in chordis et organo, et eum in loco collocant sancto ad honorem, gloriam et laudem Jesu Christi Domini nostri et famuli sui Aniani, speciali gloria decorati.

C Expleta benedictione solemniter omnibus quæ ad dedicationem sancti templi pertinebant, vadit jam cum reverentiâ nominandus pater patrisæ Rotbertus ante altare sanctissimi Petri et dilecti domni Aniani, in conspectu omnium populorum, et exuens se vestimento purpureo, quod lingua rustica dicitur rocus, utroque genu fixo in terram, toto de corde ad Deum supplicem fudit precem in his verbis : « Gratias, inquit, ago tibi, bone Deus, qui ad affectum meam voluntatem hodie meritis S. Aniani perduxisti, lætificans animam meam de corporibus sanctorum cum eo hodierna die triumphantium. Da ergo, Domine, per hos sanctos tuos vivos delictorum indulgentiam, defunctis omnibus vitam et requiem sempiternam. Tempora nostra prospice, regnum, tuum quod tua pietate, misericordia, bonitate nobis datum est, rege, dispone, custodi ad

laudem et gloriam nominis tui, S. Aniani virtute mirabili patris patriæ ab inimicis mirabiliter liberatæ.» Peracta oratione, ad sua quisque lætus regressitur et de suis donariis ipso die locus insigniter nobilitatur, in quatuor scilicet palliis pretiosissimis, et urceo argenteo et capella, quam post obitum suum Deo omnipotenti et sanctissimo confessori delegavit Aniano. Capella autem hujus piissimi, prudentissimi, potentissimi regis Rotberti, talis fuit: Cappæ octodecim bonæ, optimæ et bene paratæ. Libri Evangeliorum aurei duo, argentei duo, et alii duo parvi, cum missali uno transmarino, bene parato ebore et argento. Philacteria aurea duodecim. Altare unum auro et argento mirabiliter paratum, continens in medio petram laudabilem, quæ dicitur onichinus. Cruces aureæ tres. Major ex his continet in se libras auri puri septem. Signa quinque. Unum ex his satis mirabile, in quo duo millenaria metalli et sexcentæ libræ fuerunt, cui imprimi jussit signum baptismi de oleo et chrismate facti, sicut ordo deposcit ecclesiasticus, et ut vocaretur Rotbertus attribueret Spiritus sanctus. Dedit etiam et huic sancto ecclesias duas, Sentiliacum et Rutinagum, cum villis et omnibus quæ ad ipsas pertinent, quas præcepto regali firmavit et corroborari jussit. Promeruit autem et a domno Theodorico venerabili Aureliano episcopo altaria ipsarum ecclesiarum cum pontificali privilegio de ipsis a se facto, quod sancto contulit Aniano et regi inelyto, qui eum in voce exsultationis semper dilexerat de corde bono.

Castrum Crispiacum dictum a Weltero potenti nobiliter constructum Sussionico in territorio, Abbatiam sancti Arnulfi a se factam nobilis nobilem et per sæcula reddidit illustrem. Nostra enim ætate ibi abbatem quemdam, Lezcelinum nomine, constituit, boni testimonii virum, professione regularis vitæ monachum, quotannis venientem ad hunc Dei virum. Suscipiebatur ab eo ut Dei servus, et colloquium habentes de cælestibus, post in redeundo honorabatur ab eo honorabilibus muneribus quam splendide, quæ erant juncta cælestibus perfectæ charitatis virtute. Quodam autem tempore sanctæ Quadragesinæ Pisciaci ad regem de more properans, temporales simul et spiritales sumpserunt cibos. Avita se posthæc conjungentes bonitate, offert regi charitatem Dei abbas bonus, pro relevatione corporis ejus humillimi, ut haberet levamen ciborum, qui precibus pulsans ostia cælorum fieret conscrs sanctorum. Hoc renuens vir pietatis et incumbens se terris omnimodis orabat ne vi eum opprimeret, quia talibus obediens nullum adhuc Deo jejunii votum obtulisset. Abba hoc audiens taciturnitatis vincula suscepit, et meditans corde quod esset perfectus virtute, pro jejunii ejus observatione, suscepit eum in multimodam et non numerosam missarum celebrationem, ut attribueret ei Deus in his firmam devotionem. His lætus rex donis a sancto viro perceptis. Deo gratias egit et sanctum celebravit continuo jejuniium, exspectans Dei et Domini nostri

A Jesu Christi resurrectionem. Erat et hoc amator bonorum in religione pro suarum emundatione culparum quod, a sancto Septuagesimo usque in pascha nulla usus calcita frequenter eum suscipiebat ad jacendum fortissima terra, tendentem indesinenter ad æthera. Prosit tamen pro his et aliis animæ ejus subscripta et brevis oratio: Priorum actuum ejus maculas Deus tergat, oblivioni perpetuæ tradat, partem ei in resurrectione prima concedat qui est resurrectio mortuorum Jesus Christus vivens et regnans in sæcula sæculorum.

Cordi meo quid dulcius, quid jucundius potest jungi quam ut præceptorem, adiutorem meum, in omnibus Dei operibus collaudem? Redeo, redeo et, sicut solebam in diebus quibus nos simul respiciebamus, ejus mihi amabilem et desideratissimam recipio bonitatem. Delector etiam in illa et experior quid utilitatis mihi illa fuerit. In illa, ut meæ est recordationis, nil accipio, nil sentio quam ut bonus filius de patre bono, amicus de amico, dilectus de dilecto. Erubesco tamen valde in hujus admirabilis viri operum bonorum narratione, cum in eo semper floruerint quæ sunt fixa summis cælorum, pro lucracione animarum et corporum. Quempiam videns desudare in Dei opere, hunc exhortabatur voce, clanculo allevans munere, cujus erat donum promissis pauperimum, dato permaximum. In fundo monasterii Floriacensis loci paterna imitabilis abbatis mei Gauzlini jussione ecclesiam cepi ædificare, modicam quidem, sed festivam; ad quam occurrebat populus amore quorum erat sacrandæ condigna benedictione. Licet esset imperfecta, quamvis lignea, tamen promovit se rex vir cælestium desideriorum a Vitriaco castro, desiderans eam videre aspectu sanctissimo. Fuerat jam jussu domni et amabilis Odolrici pontificis a venerabili Bituricensium archiepiscopo Gauzolino benedicta, dante eo in circuitu plenissime terram ipsi ecclesiæ perutilem. Intrans in ea rex et orans pallium quatuor librarum super altare posuit; quod quia in honore sanctorum Dionysii, Rustici et Eleutherii, consecratum fuit, procul dubio ejus cordi ita insedit ut suis piis aspicientibus oculis, post ad eum Parisius me veniente, de reliquiis ipsorum martyrum, almi scilicet Dionysii, Rustici et Eleutherii, splendide exornaret, intercessionibus daret. Protectionis eorum dona hæc sunt: De casula sancti Dionysii, dalmatica sancti Rustici, casula sancti Eleutherii, de vestimentis eorum sanguine aspersis, de carniem eorum pulvere et funiculo triplici, quo fuit astrictus Dionysius martyr Domini preticusus. His et aliis sanctorum pignoribus a rege amante Deum nobiliter insignitus est locus. Susceptæ sunt autem ipsæ sanctorum supra dictorum pretiosissimæ reliquiæ in Floriaco monasterio a domno Gauzolino abbate, in dando et accipiendo satis honorabili viro, die Kalendarum Octobrium, quo celebris agitur in omnibus sæculis sanctorum Germani, Remigii atque Vedasti solemnitas confessorum. Sane pecca-

is existentibus ipsa ecclesia post ignibus adusat, terum a me misero, auxiliatrice manu Domini operante, sanctæ Mariæ matris Domini, Patris quoque Benedicti et eorundem sanctorum adjuvantibus meritis, quæ erat lignea facta est lapidea, quam magnæ bonitatis gloriosus episcopus Odolicus sua, non alterius, ut prius, manu Domino deo et suis sanctis dedicari et consecrari voluit. fecit ut decubat talem virum. Quippe qui sic me protegit amore omni quo advixit tempore, operante Dei virtute, ut in his quæcunque volui nunquam ejus habuerim nolle, sed semper quod est honestum et utile. Hæreditatem sanctorum sacerdotum, quam semper hic sacerdos inelytus honore pontificatus consequi desiderabat, hanc quæsumus ei retribuere dignetur Pontifex summus, Deus et Dominus noster Jesus Christus. Hujus peccata destruat, collocet in cælestibus, jungat cælorum civibus Receptor et Conditor, et sanctarum animarum missimus liberator. Intranses hanc ecclesiam præ oculis habent subscriptos versiculos, memoriam sancti Dionysii et factoris loci retinentes, quos bis partibus divisos agnoscunt altaria, quorum sunt honore sacra. Ad sinistram partem altaris sancti Dionysii hi sunt :

*Ista Dionysius penetrantes limina sanctus,
Auxilio sancto consociet Domino.
Quem quicumque petis Dominum deposce tonantem,
Quatenus Helgaudum servet amore suum.
Cujus amor Christo sic sic venerabile templum
Construxit Domino atque Dionysio.*

tem ad dexteram :

*Est domus ista Deo sine fine dicata superno,
Helgaudi studio consilioque boni.
Finc paradisiaci pulsatur janua regni :
Hinc pia plebs Domino conjubilat supero.
Intranses pariter Christus conservet Jesus.
Dicite, cuncti, voce fideli omne per ævum :*
sic fiat: Amen, amen, amen.

Hujus certe temporibus, cujus adjuvante Deo acta describimus, fulsit in monasterio Floriacensi loco celebri splendibus mundo Gauzlinus abbas merito, sanctis Deo conjunctus operibus, polens scientia spiritali simul et humana. Inerant ejus cordi Abonis magistri prolati sanctæ Scripturæ flores boni, de quibus honestissime imbutus ita eructabat omnibus, ut possent deletari in cælestibus. In sanctis elemosynis ita argissimus, ut ipse positus in fortissimis frigoribus a se vestes pellium abiciens, pauperes Christi indueret, ut a remuneratore bonorum præmium perciperet, de quo audiret: *Nudus fui, et vos operuistis me. Quod uni ex minimis meis fecistis, mihi fecistis: Venite, benedicti Patris mei, percipite regnum quod vobis paratum est ab origine mundi (Matth. xxv, 34-38).* Hunc perfectus rex ita suis affixit obtutibus, ut cum præ cæteris diligens suis eum specialiter devince- et consiliis, quæ ab eo probe probata, semper a habuit honesta, nunquam tamen injusta. In ho-

noribus sæculi eum honorans attribuit illi honores non minimos, abbatiam S. Benedicti, quæ est caput totius ordinis monastici et episcopatum Bituricensem sancti protomartyris Stephani, principatum tenentis totius Aquitanix, qui fuit et est honor et decus Franciæ. In quibus quæ peccavit vera charitas et elemosyna, quæ in eum floruerunt virtute magna, perpetuæ tradent oblivioni actione felicitatis boni, quod habuit participatione summi boni. In diebus quippe Septuagesimæ residens rex illustris Parisius civitate misit ad eum abbas humilis ex more pro sacratissimi loci utilitate. Qui missi erant his propriis appellabantur nominibus: Albericus unus sacerdotii gloria decoratus, largitum charitatis vir; cui adjunctus Dei dono et excellentissimi patris Gauzlini imperio, frater de nomine dictus Helgaudus, quem iste princeps Dei affectu diligebat paterno; tertium secum habentes in obsequio fraternitatis laborantem, Hisebertum nomine, conversione dignum factum monachum. Dies autem sanctæ Quadragesimæ Pisciaci celebraturus, iter accelerat nobiscum proficiscentibus ejus præceptis imperialibus, in quo erat rationem redditurus, de quibus eum adieramus. Cum ecce venientes ad portum Sequanæ, qui dicitur Carolivenna, hoc est piscatoria, quæ erat difficultate transmeabilis, jussione ejus sancta soli naviculam intravimus, ipso aspiciente et considerante quis finis non assumeret, quos ad se venire alacres et incolumes exspectabat. Affuit nobis miseris hujus intercessione regis, qui laudatur, benedicatur et adoratur ubique Deus. Navigantibus nobis et equos nostros juxta lintrem frenis trahentibus, contigit unum sonipedem, indomitum et nunquam talia id actum, in mediis fluctibus duos in navi anteriores posuisse pedes; cujus forti rabie navis periclitabatur, trahens nos jam in profundum. Inclamans rex post Deum altissimum cum suis et virtutes cælorum, dat voces immensas ad cælum nostro pro periculo. Pronuntiat grandi voce frena relinquere, et equos longe a navi arceri. Ad cujus amabilem vocem laxatis frenis, ut jusserat, et equi pedibus de navi ejectis, cœpimus ad litus evehi. Ipse quoque sanctum Dionysium sanctumque Benedictum et omnes sanctos Dei in adjutorium nostrum provocabat, lacrymis perfusus oculis. Cujus precem audivit is qui est in sæcula benedictus Deus. Factum est ut voluit, et deducta navi ad terram, suscepit nos per Dei gratiam incolumes, qui eramus simul cum eo mirabilem Deum laudantes. Ex quo facta habuit nos Deus omnipotens omni tempore laudatores. Mansimus autem cum ipso Dei viro illo in loco triduo, delectati dulci ejus colloquio, sicut et aspectu jucundo. Cujus, quæsumus, sanctissimam animam suo collocet in regno, qui eam redemit sanguine pretioso!

Adhuc in majori quam ingressi sumus loco placet ponere pedem, ad ejus gloriosum festinantes transitum in describendo, quem laudibus veracissimis et non falsis, apertis et non fictis, Domino no-

stro audebimus commendare, sancti Spiritus virtute ut mereatur evadere diem ultionis extremæ, insignitus signaculo Trinitatis sanctæ. Sed quia adhuc quædam de ejus mira operatione, quæ sunt veræ humilitati sociata, nos scripsimus et quæ multis prosunt et proderunt ad salutem, restat ut, his manifestatis, non teneat nos otiosos ejus sanctissimus obitus, qui dono Dei existit laudabilis et gloriosus. Habens desiderium mori sæculo et vivere Christo Deo, Rex strenuissimus eum, cui est omne quod est et cui attribuimus omne quod scribimus, desiderans videre, voluit terris habere socium quem non potest capere cælum. Proficiscente eo quadam Quadragesima ad sanctos, Dei servitio sibi conjunctos, adit, orat, honorat, aures eorum precibus humillimis et salutaribus pulsat ut cum ipsis et sanctis omnibus inveniri posset in Dei laudibus dignus. Laborabat in hoc carnis et spiritus fortitudine, ut evinceret Dei virtute. Intrans fines Bituricum suscipit eum sanctus protomartyr Stephanus cum sancto Maiolo meritis præcipuo, sancta Maria, cum celebri Juliano martyre summo, iterum ipsa piissima virginum virgo Maria, cum sancto Egidio confessore magno. Iaclytus vero Saturnianus cum forti Vincentio, dignus Antoninus cum Fidi martyre, sanctus Domini Giraldus ipsum jam revertentem ad propria sancto iterum reddit in columen Stephano glorioso, cum quo terris lætum deducens diem Palmarum, properat Aurelianis, ibi in Pascha percepturus Austorem nostræ salutis. Quo itinere, multa ab eo fuerunt dona sanctis data, a pauperibus vero ejus manus nunquam fuit vacua. Nam ipsa terra multos habens infirmos et præcipue leprosos, hos vir Dei non abhorruit, quia in Scripturis sanctis legit Dominum Christum multoties in speciem leprosum hospitio susceptum. Ad hos avida mente properans et intrans, manu propria dabat denariorum summam et ore proprio figens eorum manibus oscula, in omnibus Deum collaudabat, memor verborum Domini dicentis : *Memento quia pulvis es et in pulverem revertentis* (Gen. xxi, 19). Cæteris autem mittebat devotis pro Dei omnipotentis amore, qui operatur magna ubi est. Tantam quippe gratiam in medendis corporibus perfecto viro contulit divina virtus ut, sua piissima manu infirmis locum tangens vulneris et illis imprimens signum sanctæ crucis, omnem auferret ab eis dolorem infirmitatis. Charitatis integræ non immemor servus Dei considerabat pretiosa Martyrii monachi facta, qui proprio leprosum astringens vestimento illumque suo levans humero, dum ei servitutis officia dare voluit, repente ad æthera rediit ei ascendens dixit Christus, qui in specie leprosi fuerat susceptus : « Martyri, tu me non erubuisti super terram, ego te non erubescam super cælos. » Hæbat hic, de quo loquimur, præstante Deo, partem cum sancto Martyrio, qui istis et aliis bonis operibus festinabat se sociari Christo Deo.

In ædificationibus vero ecclesiarum Dei hic temporalis simul et spiritalis oleo inunctus rex, sanctæ benedictionis dono suam potentiam et voluntatem adimplere desiderans et ad æternæ beatitudinis palmam consequendam anhelans, inter alia cogitare cepit et post cogitata ad effectum perducere, sancti Dei, ejus sublimitatis, cujus meritum quæve essent honorandi et extollendi laude, de quibus nulla ei cunctis temporibus loquendi laudandive fuit satietas. Enimvero apparebit in his quæ subter sunt adnexa, descripta et superioribus juncta, quia omnia semper fuerunt ei curæ, scilicet quæ sunt pudica, quæ habet virgo vere matris Ecclesiæ sancta. Attamen nunquam fuit in Deo oblivisus. In ipsa autem civitate Aurelianis ædificavit monasterium in honore sancti Aniani, ut diximus; item, aliud in honore sanctæ Mariæ matris Domini nostri Jesu Christi et S. Hilarii confessoris summi. Sanctæ itidem Mariæ genitricis Dei cognomento Fabricatæ. Fecit inibi et monasterium sancti Vincentii martyris Christi; monasterium S. Pauli apostoli, in Cantogilo villa; monasterium S. Medardi, in Vitriaco castro; monasterium S. Leodegarii, in silva Aquilina; monasterium sanctæ Mariæ in Miliduno castro cum alia ecclesia; monasterium S. Petri et S. Reguli, in civitate Silvanectensi; monasterium sanctæ Mariæ in Stampensi castro; item in ipso castro, ecclesiam unam in palatio; in civitate Parisius, ecclesiam in honore S. Nicolai pontificis in palatio; monasterium S. Germani Antissiodorensis, S. Michaelis ecclesiam, in silva cognominata Bieria; item monasterium S. Germani Parisiacensis cum ecclesia S. Vincentii, in silva cognominata Ledia; in villa, quæ dicitur Gomedus, ecclesiam in honore S. Aniani; item in villa Faïda, ecclesiam in honore S. Aniani; monasterium sanctæ Mariæ, in Pisciaco; monasterium S. Cassiani in Augustiduno. Pro his omnibus et aliis innumerabilibus quæ per Domini virtutem operatus est bonis, oremus singuli, oremus omnes et dicamus : « Deus, qui inter sanctissimos reges famulum tuum Robertum regali fecisti dignitate vigere, præsta, quæsumus, ut quorum vicem ad horam gerebat in terris, intercedente gloriosa Dei genitrice Maria cum omnibus sanctis, eorum quoque perpetuo consortio lætetur in cælis. Per eundem Dominum nostrum. »

Ante suum sane sanctissimum obitum, qui tertio decimo Kalendis Augusti existit, die passionis apostolorum sanctorum Petri et Pauli, sol ad similitudinem quartæ lunæ subtractis radiis fuscatus apparuit in toto mundo, hora diei sexta pallidus super homines. Quorum visus ita obnubilavit ut nullus alium recognosceret, donec quoddam recognoscendi transiret spatium. Quid autem portenderit, in proximo patuit, cum nil nobis miserius aluit quam de sua morte dolorem intolerabilem reliquerit. A die enim S. Petri ad sui sanctissimi transitus diem viginti et unus dies supputantur. In quibus diebus

sancta David canens meditabatur legem Domini A die ac nocte, ut procul dabit ei concordari queat illud quod de sanctissimo Patre Benedicto specialiter dictum est :

*Psalmicem assiduus nunquam dabit otia plectro,
Sacra canens obiit psalmicem assiduus.*

Cognoverat autem hic miles beatus tunc Dei servis pacem esse liberam quietem tranquillam, quando de hujus mundi turbinibus abstracti ad sedem et securitatem æterni portus intrarent et absorpta morte ad immortalitatem venirent. Festinat at enim supra nominatis virtutibus de præsentis tristitia ad lætitiã venire perennem. Dicebat illi perfectum esse gaudium, qui elaboraret ut videre posset Christum Deum. Exire ipse de hoc sæculo parati s. Dominum Jesum suæ salutis atque utilitatis magistrum semper invocabat. Ad videndam regis æterni insuperabilem potentiam angelos, archangelos et omnes Dei sanctos in auxilium suum venire voce, signis indesinenter orabat, muniens se semper in fronte et oculis, naribus et labiis, gutture et auribus per signum sanctæ crucis, memoria Dominicæ incarnationis, nativitatis, passionis, resurrectionis et ascensionis et gratiæ Spiritus sancti. Habuit hoc ex more in vita, cui nunquam defuit voluntate aqua benedicta. His vero aliisque refertus bonis virtutibus, sexagenarius, ut credimus, opperiebat mortem intrepidus. Et invalescente validæ febris languore, petit viaticum salutare et salubre vivifici corporis et sanguinis Domini nostri Jesu Christi. Sumpto eo et, parvo intervallo facto, ad Regem regum et Dominum dominorum demigrans, felix feliciter felicia promeruit regna. Obdormivit autem, ut diximus, in Domino decimo tertio Kal. Augusti, lucescente aurora diei tertiæ Sabbati, Miliduno castro; et Parisius deportatus apud S. Dionysium juxta patrem suum sepelitur ante altare sanctæ Trinitatis. Fuerat ibi ingens luctus, intolerabilis dolor, dum monachorum ingemiscens turba pro absentia tanti Patris, clericorum innumerabilis multitudo ærumnas suas ab ipso sancto pie relevatas dolens, viduarum et orphanorum infinitus numerus, beneficia ab eo percepta deplorans, dabat voces ad cælum immensas. Una pro cæto omnium vox : « Rex magne, Deus bone, ut quid nos interficis, cum nobis Patrem bonum abstrahis, et tibi adjungis ? » Pugnans enim pectora percutientes ibant et revertebantur ad sancti tumulum, repetentes jam dicti sermonis versiculum, adjicientes ut misereretur ei Deus in bonum precibus omnium sanctorum in sæculum sempiternum. In cujus morte, heu ! proh dolor ! ingeminatis vocibus acclamatum est : « Roberto imperante et regente, securi viximus, neminem timuimus. Patri pio, patri senatus, patri omnium bonorum, felix anima et salus, felix ad superna ascensus, felix cum Christo rege regum per sæcula cohabitatio. »

Hujus igitur mirabilis regis portio in cœlesti regno fuit Dominus Deus. Etenim narranda est. Fastigio regni erectus in sublimi, hic humillimus vir

Dei abiecit a se jactantiam inhonestæ mentis, quæ sunt honorum sublimia, mundi gloriam et in oculis suum collocans thesaurum, propter hoc hujus portio factus est Deus. Magnus apud Deum ejus thesaurus, egregius sanctarum divitiarum cumulus, cubile requietionis sanctæ perpetuum, cujus est Deus propitiatio qui fuit totius mundi liberatio. Inter alia unum quiddam doloris nobis hoc affert quod talis ac tantus vir sine titulo orati lapidis, sine nomine, sine litteris jacet, cujus in toto terrarum orbe gloria et memoria in benedictione est. Proinde omni sæculo profuit et procerit hujus serenissimi regis ratio, cui indesinenter adhæsit ecclesiasticus et sibi semper amabilis monasticus ordo. Hunc Christus Deus bonum omnibus dederat patrem. Attamen libet adnotare paucis in fine hujus Operis innumeratam hujus mirabilis bonitatem regis. Sermocinans quis cum eo non est lætificatus gaudio magno ? pacem quis desiderans in ejus conspectu non abhorruit iram ? Vultus sui præsentiam aspiciens quis non est oblitus dolos ? Orationibus ejus quis monachorum non habuit requiem et non est amatus, dilectus et veneratus ? Ejus sanctissima admonitione quis clericorum non fuit amator castimonie ? Ipsius amabilia verba quibus non fuerunt medicamina ? Aspectus ejus quibus non profuit insipientibus, ut virga ? Oculis ejus humiles quis aspiciens non est meditatus cœlestia ? Pauper et esuriens quis non satiatus ab ejus recessit mensa ? Mortuus qui suo termino non ejus vestitus est vestimento ? Hebes quis non est ab eo factus sapiens ? Viduæ et pauperes, ad exemplum bonæ Dordacis, non ab eo datas ostenderunt vestes ? (Act. ix, 39.) Omnis miserorum multitudo, non eum patrem et nutricium inclamavit ? Incidens quis in peccatum, non hujus sanctæ consolationis habuit auxilium ? Domitans quis præ tædio non est evigilatus a somno ? Laudans quis Deum hunc non habuit in exemplum ? Eleemosynam quis facere desiderans hunc non accipit imitatore, quasi alium Joannem ? Joannem dico Alexandrinum patriarcham qui pro ejus immensa, quæ fuit super miseros et pauperes misericordia, misericors dici et esse meruit sua in vita simul et in omni terra. Enimvero non fuit ei similis post sanctum David de cunctis regibus terræ in sanctis virtutibus, humilitate, misericordia, pietate et charitate, quæ super omnes est et sine qua nemo videbit Deum, quia semper adhæsit Domino et non recessit a mandatis ejus corde perfecto. Cætera, quæ sunt de sæculi militiis, hostibus devictis, honoribus virtute et ingenio acquisitis, historiographis scribenda relinquimus. Qui si fuerint et ea scriptitaverint, inventient in eis patrem et filios bellicis inclytos et insigni gloria gloriosos. Jam nunc monachorum, clericorum, viduarum, orphanorum et omnium pauperum Christi ex parte habes perpetuum vale, noster præcordialis amor Rotherte, et profer preces pro servo propitiabili Christo Deo, cui complacuit laudabili vita et servitio et per sanctarum virtutum merita promeruit

caelestia regna. Annuat hoc Deus omnipotens qui a simis regibus ornat caelos, cujus regnum et imperium permanet in saecula saeculorum. justificat impios, et vivificat mortuos, et sanctis-

EPITAPHIUM HUGONIS MAGNI

ROBERTI REGIS FILII,

Quod fecit Girardus Aurelianensis.

Ex antiquo Ms. cod. Viri Cl. Alexandri Petavii senatoris Paris.

Sublatum viduæ juvenem tibi, Francia, luge,
 Quæ caput extuleras damna tui lugeas.
 Exue quidquid habes, festina scindere vestes,
 Dilacerans crines da capiti cineres.
 Indomitos dociles qui redderet arduus hostes,
 Hugo, decus patrium flos cecidit juvenum.
 Indolis extremæ miro dilectus amore,
 Nunc etiam luctus et dolor immodicus.

B Celtiberi lacrymant, te regem Roma petebat,
 O miserande puer ! sed tumulatus hic es.
 Aspectu pulcher, victis pius, hostibus acer,
 Si fore vir posses, te Babylon tremeret.
 Parthus et in pharetra propter te conderet arma,
 Apparensque minor cederet orbis honor.
 Pax igitur tibi sit, quæ claudi limite nescit :
 Lector ad hoc pronus quod repetat petimus.

ROBERTI REGIS FRANCORUM EPISTOLÆ.

EPISTOLA PRIMA.

ROBERTI AD LEOTHERICUM SENONENSEM ARCHIEPISCOPUM.

[Cum sit tibi nomen scientiæ, etc. *Exstat supra in vita Roberti, col. 912.*]

EPISTOLA II.

ROBERTI AD GAUZLINUM BITURICENSEM ARCHIEPISCOPUM.

(Circa annum 1022.)

ROBERTUS nutu Dei Francorum rex, GAUZLINO præsulì Bituricensium salutem. Volo vos scire animi mei motum qualiter se habet, ut forte accidere solet, cum mens humana movetur, si quid mirabile præter solitum insperate auditur. Dum ergo die Sabbati jam exhausto sederem ad cœnam, allata fuit mihi quedam epistola a Willelmo comite, de quodam portento mirabili auditu, scilicet tribus diebus ante solemnitatem Joannis Baptistæ in quibusdam partibus regni mei, videlicet in partibus Aquitanis, juxta plagam maritimam, pluisse de cœlo talis naturæ sanguinem, ut cum fortuito cadebat super carnem hominis, aut super vestimentum, aut super petram, non posset auferri lavando. Si vero cadebat super lignum, tum bene lavabatur. Si quidem per eandem epistolam petiit a me idem Guillelmus comes, ut ego requirem a mei regni sapientibus quid hoc portentum significaret. Ego vero volo et precor ut perquiratis in quibusdam historiis si unquam accidisset hujus simile, et quod factum sequeretur hujus rei portentum. Mihi que hoc eodem legato rescri-

C bite quomodo acciderit, et in qua historia inveniri possit. Attamen deprecor ne differatis ad rescribendum mihi, quia tandiu legatum hujus portenti tenebo, donec mihi respondeatis. Valet.

EPISTOLA III.

GAUZLINI BITURICENSIS ARCHIEPISCOPI AD ROBERTUM REGEM.

(Circa annum 1022.)

Domino regi Francorum excellentissimo ROTBERTO humilis GAUZLINUS æterni Regis consortium.

Quod placuit vobis interrogare de prodigio quod accidit, hoc nobis ex historiis aperte patet. Quod sanguis super gladium, aut civile bellum, aut gentem super gentem exurgere portendit; Valerius Rufus in libro Memorabilium, capitulo quarto, De prodigiis, hæc refert: « Gaio Volumnio, Servilio Sulpicio consulibus, in urbe Roma initia motusque bellorum civilium hoc prodigium portendit. Carnis in modum nimbi dissipatæ partes ceciderunt. Quarum majorem numerum præpetes diripuerunt aves, reliquum humi per aliquot dies, neque odore tetro, neque deformi aspectu mutatum jacuit. In Sicilia scuta duo sanguinum sudasse; etiam metentibus cruentas spicas in corbem cecidisse. Oppido Ceritis aquas sanguine mixtas fluxisse, » Chronica Eusebii de prodigiis hoc refert: » Valentiniano imperante, post solis occasum ab aquilone cœlum quasi ignis aut sanguis effectum est. Gentis Hunorum, pace rupta, irruptio in Galliis secuta est. » Item anno Leonis imperatoris septimo, medio Tolosæ civitatis

sanguis erupit de terra, et tota die fluxit, significans dominationem Gothorum sublatam. Item Historia Longobardorum libro III, cap. 6 : « Tempore Theodeberti regis Francorum signum sanguinem in cœlo apparuit, et quasi hastæ sanguinæ. Eo tempore ipse Theodebertus cum Lothario avunculo suo bellum gerens, ejus exercitum vehementer affixit. » Item in eadem Historia : « Temporibus Justiniani in provincia præcipue Liguriæ maxima pestilentia exorta est. Subito enim apparebant quædam signacula per domos, ostia, vasa vel vestimenta. Quæ si quis voluisset abluere, magis magisque apparebant. Post annum vero expletum, cœperunt nasci in inguinibus hominum vel in aliis debilitatoribus locis glandulæ in modum nucis seu dactyli, quas mox sequebatur februm intolerabilis æstus, ita ut in triduo homo exstingueretur. Sin vero aliquis triduum transeisset, habebat spem vivendi. Erat autem ubique pavor, ubique luctus, ubique lacrymæ. Nam ut vulgi rumor habebat fugientis cladem vitæ, relinquebantur domus desertæ habitatoribus, solis catulis domus servantibus. Peculia sola remanebant, in pascuis nullo astante pastore. Cerneres pridem villas seu castra repleta agminibus hominum, postera die universis fugientibus cuncta esse in summo silentio. Fugiebant filii, cadavera inseputa parentum relinquentes. Parentes, oblii pietatis in viscera, natos relinquebant æstuantem. Si quem forte antiqua pietas perstringebat, ut vellet sepelire proximum, restabat ipse inseputus ; et dum obsequebatur, perimebatur. Dum funeri obsequium præbebat, ipsius funus sine obsequio manebat. Videres sæculum in antiquum redactum silentium : nulla vox in rûre, nullus sibilus, nullæ insidiæ bestiarum in pecudibus, nulla damna in domesticis volucribus. Sata transgressa metendi tempus intacta exspectabant messorum. Vineæ amissis foliis radiantibus uvis illæsa manebat, hieme propinquante. Nocturnis seu diurnis horis personabat turba bellantium, audiebatur a pluribus quasi murmur exercitus. Nulla erant vestigia commeantium, nullus cernebatur percussor ; et tamen visum oculorum superabant cadavera mortuorum. Pastoralia loca versa fuerant in sepulturam hominum, et habitacula humana facta fuerant confugia bestiarum. » Hæc de historiis pauca prænotavimus. Quod vero cecidit super petram, et abluui non poterat, videtur significare Ecclesiam sanctam ; quæ super petram, id est Christum, fundata, tribulationem passura sit. Quod vero super carnem hominis et vestimentum ejus cecidit, abluui poterat. Non incongrue accipitur per carnem populus, per vestimentum substantia quæ ad adiutorium hujus vitæ nobis conceditur. Ligno etiam datur intelligi vitale lignum sanctæ crucis, et baptismum quo sumus regenerati ad vitam. Lignum ad humorem aquæ virescit. Et quando Judaicus populus in eremo sitiivit, et præ amaritudine aquas bibere non potuit, jubente Domino misit Moyses lignum in aquam, et conversa est amaritudo in dulcedinem,

PATROL. CXLII.

et refocillatus est populus. Arca enim Noe de lignis fabricata quid significet non ignoratis. In quibus omnibus per lignum non nisi misericordiam suam Dominus operatus est. Quia igitur de ligno sanguis lavabatur, creditur quod per pœnitentiam et elemosynam, et cæteros fructus misericordiæ, severitas et indignatio justis iudicis Dei, quæ merito peccatoribus debetur, et ad misericordiam possit reflecti. Misericors est enim Dominus adeo, sicut Psalmista loquitur, *ut non solum homines, sed etiam jumenta salvet*. Omnipotens Deus dilatet imperium vestrum, et dextera vos semper protegat, et ad pacem sanctæ Ecclesiæ vitam vobis longævam tribuat, et sua vos benedictione in omnibus exornet.

EPISTOLA IV.

FULCONIS ANDEGAVORUM COMITIS AD ROBERTUM REGEM
(Circa annum 1022).

Domino suo regi ROBERTO FULCO Andegavorum comes salutem et fidele servitium.

Guillelmus Pictavorum comes, herus meus, locutus est mihi nuper, dicens quod, postquam Itali discesserunt a vobis, diffusi quod vos regem haberent, petierunt filium suum ad regem. Quibus ille invitatus coactusque respondit tandem acquiescere se voluntati eorum, si consentirent illis cuncti marchiones Italiæ et episcopi, ac cæteri meliores. Illi promiserunt quod recta fide facerent illos consentire, si possent. Nunc ergo mandat vobis, postulans suppliciter gratiam vestram [ut detineatis homines de Lotharingia, et Fredericum ducem, atque alios quos poteritis, ne concordent cum rege Cono, inflectendo eos quantum quiveritis ad auxilium ejus. Dabit vobis pro hoc negotio mille libras denariorum, et centum pallia, et dominæ reginæ Constantiæ quingentas libras nummorum. Orat vos ut ipse eam salutetis, et filium vestrum regem ex parte sua : et ego precor significari litteris aut nuntiis quid animi vobis sit super hoc quod ipse vos rogat, ut renuntiet illi. Vale.

EPISTOLA V.

ODONIS COMITIS AD ROBERTUM REGEM.
(Anno 1024).

Domino suo regi ROBERTO comes ODO.

Pauca tibi, domine, dicere volo, si audire digneris. Comes Richardus, tuus fidelis, monuit me venire ad justitiam, aut concordiam, de querelis quas habebat contra me. Ego vero misi causam hanc totam in manu ipsius. Tum ille ex consensu tuo constituit mihi placitum, quando et ubi hoc perfici posset. Sed instante termino cum ad hoc peragendum paratus essem, mandavit mihi ne me fatigarem ad conductum placitum veniendo, quia non erat tibi cordi aliam justificationem sive concordiam recipere nisi hoc tantum ut faceres mihi defendere quod non essem dignus ullum beneficium tenere de te. Nec sibi competere dicebat, ut me ad tale iudicium exhiberet sine conventu parium suorum. Hæc causa cur tibi ad placitum non occurreret. Sed de te, domine,

30

mi, valde miror, qui me tam præpropere causa indiscussa tuo beneficio judicabas indignum. Nam si respiciatur ad conditionem generis, daret Dei gratia quod hæreditabilis sim. Si ad qualitatem beneficii quod mihi dedisti, constat quia non est de tuo fisco, sed de his quæ mihi per tuam gratiam ex majoribus meis hæreditario jure contingunt. Si ad servitii meritum, ipse profecto nosti, donec tuam gratiam habui, quomodo tibi servierim domi, et militiæ, et peregre. At postquam tuam gratiam avertisti a me, et honorem quem dederas mihi tollere nisus es, si me et honorem meum defendendo aliqua tibi ingrata commisi, feci hoc lacessitus injuriis et necessitate coactus. Quomodo enim dimittere pos-

A sum, et non defendam honorem meum? Deum et animam meam testor quod magis eligerem honoratus mori, quam vivere dishonoratus. At si me dishonorare velle desistas, nihil in mundo est quod magis quam gratiam tuam vel habere vel promereri desiderem. Discordia enim tua mihi quidem molestissima est, sed et tibi, mi domine, tollit officii tui radicem et fructum: justitiam loquor et pacem. Unde suppliciter exoro clementiam illam, quæ tibi naturaliter adest, si maligno consilio non tollatur, ut jam tandem a persecutione mea desistas, meque tibi sive per domesticos tuos, seu per manus principum reconciliari permittas. Vale.

HYMNI ET RESPONSORIA

ROBERTO REGI ASCRIPTA.

(Hymnum de Spiritu sancto edimus ex Daniele, *Thesaurus hymnologicus*, tom. II, pag. 38; reliquos suppeditavit ЧЛИЧТОВЕУС, *Elucidatorium ecclesiasticum*, Paris 1521, fol. tom. II. pag. 37, 206, 207, 217, 230, 141, 121. Vide *Notitiam litterariam* supra.)

I.

Hymnus de Spiritu sancto (4)

1. Veni sancte Spiritus
Et emitte cœlitus
Lucis tuæ radium,
2. Veni pater pauperum,
Veni dator munerum,
Veni lumen cordium.
3. Consolator optime,
Dulcis hospes animæ,
Dulce refrigerium.
4. In labore requies,
In æstu temperies
In fletu solatium.
5. O lux beatissima
Reple cordis intima
Tuorum fidelium.
6. Sine tuo numine
Nihil est in homine
Nihil est innoxium.

(4) Omnes sacrorum carminum amatores, quales et quotquot fuere, regium poetam Davidis instar nomini Domini psallentem dignum censebant quem summis laudibus eveherent. Optime Chlichtovæus: « Non satis hæc oratio, mea quidem sententia, commendari potest, nam omni commendatione superior est. — Crediderim facile auctorem (*quisquis is fuerit*) cum hanc contexuit orationem cœlesti quadam dulcedine perfusum esse interiori, qua Spiritu sancto auctore tantam eructavit verbis ab eo succinctis suavitatem. » — Inde hæud miramur, Sequentiam supra positam in plurimis ecclesiis in usum fuisse, præsertim feria secunda Pentecostes. Nam in ipsa Dominica cantus: *Sancti Spiritus nobis adsit gratia*, qui majorem vetustatem redolebat, fere ubique sedem suam obtinuit. Ut nunc est, cum ex universa Sequentiarum clade, quæ sæculo decimo sexto facta est, solus Robertus cum tribus aliis poetis salvus evaserit, cantatur ipsa Pentecostes solemnitate « et dicitur quotidie usque ad sequens

- B 7. Lava quod est sordidum,
Riga quod est aridum,
Sana quod est saucium.
8. Flecte quod est rigidum,
Fove quod est frigidum,
Rege quod est devium.
9. Da tuis fidelibus
In te confidentibus
Sacrum septenarium.
10. Da virtutis meritum,
Da salutis exitum,
Da perenne gaudium.

II.

Hymnus in tempore paschali.

Chorus novæ Hierusalem

- C Nova meli dulcedine
Promat: colens cum sobriis
Paschale festum gaudiis.
Quo Christus invictus leo
Dracone surgens obruto,

Sabbatum inclusive. » Neque in Lutheri *Ecclesia* carmen nostrum obtulit; dolendum tamen est non fuisse, qui Sequentiam eleganter ac suaviter fecerit Germanicam. Vetustiore translationem quaeras Ald. Bl. IV, p. 379. — 2. Matth. v, 3, *Beati pauperes spiritu*. — 4. Aug. *et fletu*. — 6. Pm. *Torr. in lumine*, Opinabantur editores omnes carminis versiculos desinere in ὁμοιοτέλευτα. Laudatur strophæ sexta in Confessione Augustana. — 7. M. 12, *sana — riga*. — 8. Pr., *reduc quod*. — 9. M. 12. 17. Fr. Es., *sacro septenario*. Hi libri faciunt stropham nonam æretissime coherentem cum decima. — Noli tandem prætermittere artificiosam totius carminis οἰκονομίαν. Id unum precatur poeta ut Spiritus sanctus veniat, ut det munera sua fidelibus. Incipit igitur: *Veni* et iterum sanctum munus flagitat ter repetendo vocem: *Veni*. Simili ratione strophæ non a primo loco exhibet vocabulum: *Da*, quod, duobus versibus interpositis, ter profertur in strophæ decima.

Dum voce viva personat :
 A morte functos excitat.
 Quam devorarat improbus
 Prædam refundit tartarus :
 Captivitate libera
 Jesum sequuntur agmina.
 Triumphat ille splendide :
 Et dignus amplitudine,
 Soli, polique patriam,
 Unam facit rempublicam.
 Ipsum canendo supplices
 Regem precemur milites.
 Ut in sub clarissimo
 Nos ordinet palatio.
 Per sæcla metæ nescia
 Patri supremo gloria ;
 Honorque sit cum Filio
 Et Spiritu paraclito.
 Amen.

III

Item hymnus in tempore paschali.

Te, lucis auctor, personent
 Hujus catervæ carmina
 Quam tu replesti gratia
 Anastasis potentia.
 Nobis dies hic innuit
 Diem supremum sistere :
 Quo mortuos resurgere
 Vitæque fas sit reddere.
 Octava prima redditur :
 Dum mors ab unda tollitur.
 Dum mente circumcidimur :
 Novique demum nascimur.
 Dum mane nostrum cernimus
 Redisse victis hostibus :
 Mundique luxum temnimus,
 Panem salutis sumimus.
 Hæc alma sit sollempnitas :
 Sit clara hæc festivitas ;
 Sit feriata gaudiis
 Dies reducta ab inferis.
 Amen.

IV.

Prosa in Ascensione Domini.

Rex omnipotens, die hodierna,
 Mundo triumphali redempto potentia,
 Victor ascendit in cælos unde descenderat.
 Nam quadraginta postquam surrexerat
 Diebus sacris confirmans pectora apotolorum,
 pacis chara relinquans oscula.
 Quibus et dedit potestatem laxandi crimina,
 Et misit eos in mundum baptizare cunctas ani-
 mas.
 In Patris, et Filii, et Spiritus sancti clementia.
 Et convalescens præcepit eis ab Hierosolymis
 Ne abirent sed exspectarent promissa munera.
 Non post multos enim dies mittam vobis Spiri-
 tum paraclitum in terris.

A Et eritis mihi testes in Hierusalem, Judæa, sive
 Samaria.
 Et cum hoc dixisset, videntibus illis elevatus est,
 et nubes clara.
 Suscepit eum ab eorum oculis, intuentibus illis
 in aera
 Ecce steterè amicti duo viri in veste alba
 Juxta dicentes : Quid admiramini cælorum
 alta ?
 Jesus enim hic qui assumptus est a vobis ad
 Patris dexteram,
 Ut ascendit ita veniet, quærens talenti commissi
 lucra.
 O Deus mari, poli, arvi, hominem quem creasti;
 quem fraude subdola
 B Hostis expulit paradiso ; et captivatum secum
 traxit ad tartara ;
 Sanguine proprio quem redemisti, Dens ;
 Illuc et revehis, unde prius corrui paradisi glo-
 ria.
 Judex, cum veneris judicare sæcula ;
 Da nobis, quæsumus, sempiterna gaudia in san-
 ctorum patria.
 In qua tibi cantemus omnes alleluia.
 Amen.

V.

Prosa in die Pentecostes.

Sancti Spiritus adsit nobis gratia,
 Quæ corda nostra sibi faciat habitaculum,
 C Expulsis inde cunctis vitis spiritualibus,
 Spiritus alme, illustrator hominum,
 Horridas nostræ mentis purga tenebras...
 Amator sancte sensorum semper cogitatum,
 Infunde unctionem tuam, clemens, nostris sen-
 sibus.
 Tu, purificator omnium flagitiorum, Spiritus,
 Purifica nostri oculum interioris hominis,
 Ut videri supremus Genitor possit a nobis,
 Mundi cordis quem soli cernere possunt oculi.
 Prophetas tu inspirasti, ut præconia Christi præ-
 cinuissent inclyta,
 Apostolos confortasti, uti tropæum Christi per
 totum mundum veherent ;
 Quando machinam per verbum suum fecit Deus,
 D cæli, terræ, marium,
 Tu super aquas, loturus eas, numentuum expan-
 disti spiritus.
 Tu animabus vivificandis aquas fecundas.
 Tu aspirando das spirituales esse homines ;
 Tu divisum per linguas mundum et ritus adu-
 nasti, Domine ;
 Idolatras ad cultum Dei revocas, magistrorum
 optime.
 Ergo nos supplicantes tibi exaudi propitius,
 sancte Spiritus,
 Sine quo preces omnes cassæ creduntur, et indi-
 gnæ Dei auribus.
 Tu qui omnium sæculorum sanctos tui numinis
 docuisti instinctu amplectendo, Spiritus,

bentibus jam noctis tenebris, dum ad complenda, A et quæ sunt Deo reddenda cogitaret, ad domum Dei de more processit, præeuntibus ante se clericis cum cerofariis non minimi ponderis. Quibus positus, significavit rex humilis ne accederent ad excelsa. Stat rex in angulo, et corde tacito Deo suo reddit vota jucundo. Meditans ergo in conspectu Domini, aspiciit jam dictum Oggerium ad altare accedere, cereum ad terram deponere, candelabrum sinu contegere. Turbantur clerici, qui hujus latrocinii debuerant esse custodes. Inquirunt dominum regem de furto; quibus se respondit nescire ullo modo. Pervenit hoc ad aures Constantiæ reginæ ejus conjugis, de qua quidam ad nomen ejus lusit dicens:

Constans et fortis, quæ non Constantia ludit.

Hæc accensa furore jurat per animam Willelmi sui genitoris custodibus mala se irrogaturam fore, luminibus privari et malis aliis deturpari, ni reddant quod ablatum fuerat de thesauro sancti et justi. Hoc ubi audivit in quo erat requies pietatis, eum qui erat latrunculus advocans, ita ad eum locutus est: « Amice Oggeri, abi hinc jam, ne te consumat inconstans Constantia uxor mea. Sufficiunt enim quæ habes, donec intres in terram nativitatis tuæ. Sit Dominus tecum ubicunque perrexeris. » Ubi hoc audivit furti dominus, cadens ad pedes piissimi regis volutabatur clamans: « Succurre mihi, domine, succurre. » Ipse vero volens eum eripere, dicebat: « Transi, transi noli hic permanere, » dans ei et alia cum his quæ absportaverat, ne deficeret in via. Post aliquot dies idem Dei famulus credens illum jam posse suum attingisse solum, conversus ad suos lepide et jucundissime dixit: « O bone Theudo (hic enim ei erat familiaris) ut quid tantum laboras in quærendo candelabro, cum Deus omnipotens illud suo attribuerit pauperculo? Scias etenim tu et tui quod illi plus quam nobis necessarium fuerat, cum Deus nobis peccatoribus omnia quæ sunt in terris attribuerit, ut subveniamus pauperibus, orphanis, viduis et omni populo Dei.»

Palatium insigne, quod est Parisius, suo construxerant jussu officiales ejus. Quod volens præsentia sui die sancto Paschæ nobilitari, more regali jussit mensam parari. Cumque aquam ad abluendas manus præsto haberet, adest cæcus quidam inter pauperum multitudinem coram eo assistentium, qui illius erant memoriale continuum, qui ut illi aquam jactaret in faciem humilitam precem. At ille continuo, velut pro joco dicens pauperis precem, dum primum in manibus accepit aquam, illius projecit in faciem. Qui mox, videntibus cunctis optimatibus qui astabant, cum respersione aquæ amissa oculorum cæcitate, congratulantibus cunctis in Domino, lætior inter convivas discubuit prandio. Fuitque discumbentibus tota die hujus rei confabulatio ad omnipotentis laudem Dei; quorum verba forte fuissent vana et otiosa, nisi tanto lumine forent illustrati illo die. Nec immerito sane potest existimari quod

palatium illud frequenti regio conventu sit honorandum, quod divina virtus tali decoravit miraculo et populi sacravit jubilo, dum vesci voluit ibi devotissimus rex die primo.

Vigore justitiæ vicens idem rex serenissimus studebat non continuari os suum mendacio, sed veritatem corde et ore proferre, Domini Dei fidem jurans assidue. Unde nimirum suos, a quibus sacramentum recipiebat, volens justificare quemadmodum seipsum, fecerat unum phylacterium octocrystallinum, in gyro auro puro adornatum, absque alicujus sancti pignorum inclusione, super quod jurabant sui primates, hac pia fraude nescii. Aliud quoque jussit parari argento, in quo posuit ovum cujusdam avis quæ vocatur grippis, super quod minus potentes et rusticos jurare præcipiebat. O quam bene et congrue huic sancto viro concordant illius sancti dicta prophetæ dicentis: *Habitabit in tabernaculum Altissimi, qui loquitur veritatem in corde suo: qui non egit dolum in lingua, nec fecit proximo suo malum, et opprobrium non accepit adversum proximum suum* (Psal. xiv, 3). Cui utique bono illum adhæsisse tota cordis intentione certissimum est, ut mereretur esse in superna hæreditate beatorum coheres.

Quanta vero humilitatis virtus in eo fuerit paucis edicendum est verbis. Colloquium cum episcopis sui regni habens rex humilis, inter colloquium unumquemque aspiciens, vidit quemdam eorum mole carnis gravatum, pedes suos dependere ab alto. Pietate ductus a longe quærens subpedaneum reperit unum. Quod manibus Deo et hominibus charus apprehendens, illud tanto pontifici offerre non recusavit et sub pedibus ejus ponere non est dedignatus. Erat autem hic episcopus Lingonensis, Lambertus nomine dictus, scientia, religione et bonitate pollens. In magna etenim ex hoc admiratione pro tali facto omnes episcopi et principes habuere sepefatum Rotbertum humillimum et incelytum regem.

Is quippe rex Deo dilectus Rotbertus semper meminit sanctæ legis, quia memor fuit operis Dei in omnibus viis suis. Sciebat etenim scriptum: « Scientia, virtus; custos virtutis, humilitas sancta. » Et illud beati papæ Gregorii: « Qui sine humilitate virtutes congregat, quasi in ventum pulverem portat. » Legerat quid dixerit quidam ex Patribus: « Omnis labor sine humilitate vanus est; humilitatis signum dat regnum cælorum. » Nos ergo oremus omnipotentem Deum, ut hic electus, qui depositis omni tumore superbie conjunctus est Christo Deo sanctæ humilitatis virtute, ita illi jungatur in sæculo venturo, ut in judicio a sinistra parte disjunctus, non inveniat in eo Jesus Christus quod damnet in pœna, sed quod pietate multiplici provehat ad coronam, quam promisit diligentibus se ad gloriam. Hic etenim vir Dei tantus ac talis quod amavit, quod cupiit, quod credidit, Deus est Rex regum, Dominus dominorum spes utique certa fidelium.

Jactantiam superbæ mentis a se rejiciens rex humilis et cum multiplici pietate nominandus Robertus studebat illi semper placere virtutibus bonis qui habitat in excelsis. Devotane sublimes suscipiebat quos poterat humiles, qui certis temporibus veras vero Deo redderent laudes. Suscepit in hoc et exemplum ab Ambrosio Mediolanensium civitatis venerabili episcopo, qui binos Ecclesiæ suæ, cui præsidebat, clericos pro incesso superbo gravibus tradidit laments, donec, calcato tumore superbæ, addicerent humilitate pergere, qui erant correcti virga sacerdotalis disciplinæ. Idem namque beatus pontifex, in tractatu De diluvio et arca Noe, habitus hoc modo arrogantium curavit edicere, scilicet quales describit Isaias Judææ filias, oculorum micantes nutibus et alta se cervice jactantes. Sunt enim hujusmodi erigentes supercilia, inflato corde, elato pectore, cervice resupina, qui solum quidem pedum præstringant vestigiis, toto autem se librant corpore et inani suspendunt examine. In priora gressu prodeunt, in posteriora verticem reclinantes, eælum spectant : terram autem fastidiunt, tanquam cervicis dolore suffixi, ut eam inclinare non possint. Hos igitur delevit Deus de libro vitæ, dicens : *Omnis qui se exaltat, humiliabitur* (Luc. xiv, 11). Nec inter merita sanctorum commentis [al., commertis] facit adhærere cœlestibus. Hæc idcirco divimus, ut cognoscant omnes quis in tanto Francorum imperatore mundi fuerit despectus, qui humilitate sancta cœlorum possedit regna.

Hujus igitur inelyti regis avus Hugo, pro pietate, bonitate, fortitudine Magnus dictus, monasterium S. Maglorii confessoris Christi in civitate Parisius simul cum filio construens nobiliter, monachos sub regula patris Benedicti vivere paratos ibi collocat, et in auro vel argento locum ipsum dicat, et cæteris ornamentis, pro salute sua et filii ac futuræ posteritatis. Mater quoque ejus supradicta Adhelaidis, admiranda satis in sancta devotione regina, fecit monasterium sancti Frambaldi in civitate Silvanectensi, ubi duodecim ad servandam Domino clericos misit et de quibus viverent abunde subministravit. Construxit et monasterium in territorio Parisiensi, villa quæ dicitur Argentoilus, ubi numerum ancillarum Dei non minimum sub norma sancti Benedicti vivere paratas adunavit ; ad laudem et gloriam bonorum omnium Inspiratoris et sub honore sanctæ Dei genitricis et perpetuæ virginis Mariæ omnipotentis Domino dedicari et consecrari voluit. Fecit nihilominus sancto pontifici Martino casulam auro operatam optimo, inter scapulas majestatem veri pontificis continentem, Cherubim quoque ac Seraphim colla Dominatori omnium submittentia. In pectore vero Agnum Dei, nostræ redemptionis hostiam ; quatuor e regione præfigens animalia Dominum gloriæ adorantia. Fecit et eidem beato confessori capam unam intextam auro ; duas vero ex argento. Speciali autem suo post Dominum amicorum

A amico, beato videlicet Dionysio, casulam miro itidem opere factam contulit. Cui et aliud, ut tantam decebat feminam, ornamentum contextuit, quod vocatur orbis terrarum, illi Caroli Calvi dissimilimum. Sperabat enim se Deo fidelis regina partem habituram cum eo, cui promiserat Deus sermone non casso impetraturum pro quibuscunque petiisset. Etenim illius universa progenies famulam se tanti martyris in omni opere proclamabat, reddens Domino suo quæ sunt servi debitæ servitutis obsequia. Erant siquidem huic generationi speciales amici, sancta videlicet Maria, et pater et dux monachorum sanctus Benedictus, sanctus quoque Martinus, sanctus nec ne Anianus atque victoriosi martyres Christi Cornelius et Cyprianus ; optatissimus vero gloriosus martyr Dionysius ac inelyta virgo beata Genovefa, Fertur autem dixisse moriens bonus Pater :

« O optime fili, per sanctam et individuam Trinitatem te obtestor, ne quando animus subripiat acquiescere consiliis adulantium, vel muneribus donisque venenatis te ad vota sua maligna adducere cupientium ex his abbatibus quæ tibi post Deum perpetualliter delego ; neve animi levitate ductus quolibet modo distrahās, diripias aut ira excitante dissipes. Specialiter vero tibi inculco nullo pacto decem omnium, Patrem dico Benedictum, a te patiaris divelli, illum apud communem Judicem salutis aditum, tranquillitatis portum postque carnis obitum securitatis asylum. »

C Quæ autem hæc ancilla Dei, mater prudentissimi regis Rotberti, opera bona fecerit, paucis adnotare libet. Ipse juvenis laborabat forti infirmitate corporis, de qua erat patri et matri in timore periculum. Pro quo fecit in seniori ecclesia Aurelianensis civitatis, quam sanctus Evurtius per Dei dexteram fundavit et more ecclesiastico benedixit in sanctæ et vivificæ Crucis honore imaginem Domini et Salvatoris nostri Jesu Christi pendentis in cruce, ex auro puro, ut liberaretur a mortis periculo, quem Deus omnipotens jam apud se decreverat regnaturum in mundo. Nam et ejus virtute liberatus est. Dederat autem et pater pro filio unico sanctæ Crucis loco urceum argenteum pensantem lx libras, qui usque ad hæc nostra tempora permansit in domo Dei sancta. Crescens quippe ætate et vir factus virtute totam terram sanctæ Crucis, quam Fulco episcopus pro adjutorio sui Hugoni potentissimo Belvacensi dederat ; hic vir Dei, qui laude et verbo omnipotentis complacebat Deo, moesto factus animo, per sæcula celebrando salutiferæ Crucis loco suo reddidit dono. Hunc denique locum, Aurelianensem scilicet sedem, specialius semper dilexit, quia in ea natus adolevit, et post regeneratus ex aqua et Spiritu sancto, ibi assumptionis suæ in regem solemnem utique percepit benedictionem. Dominus etiam Theodericus ejusdem civitatis episcopus, cujus vox laudem Domini digne et laudabiliter eructabat, volens haberi memoriam sui nominis in monasterio sanctæ Crucis, jubet vas fieri ex centum solidis auri optimi, in quo

consecraretur sanguis Domini nostri Jesu Christi. Junxerat se tanto pontifici rex mente humili, qui superno tactus amore fecit in ipso sancto calice patenam ad conficiendum in ea corpus Redemptoris mundi, ut esset ei crucis signaculum in auxilium et sancta passio vera animæ carnisque redemptio. Nihilominus et domnum Odolricum episcopum in sacerdotali vestimento sic honoravit, ut astans in sacrificio Domini circumtectus ex omni parte auro et purpura videretur. Urceolum ex onichino factum, quod comparaverat rex ditissimum pretio LX librarum, iterum ipsi sanctæ Crucis loco contulit simul cum alio argenteo et manipulo. Dedit etiam et pallia tria pretiosa in ornatu ecclesiæ, pro sua suorumque filiorum salute, et alia multa quæ non possunt littera notari nec numero comprehendendi. Sanctorum enim corpora martyrum pretiosorum Saviniani et Potentiani, qui passi sunt acerrime in Senonensi urbe, auro, argento, gemmis ita vestivit ut in his delectaretur omnis mundus, quos in terris rex honorificaverat, laude dignis. Præterea Patri Benedicto et suis, cui semper totis adhæserat præcordiis, pro sua in tota mundi latitudine admirabili vita, piscatoriam Ligeriti fluminis benignissimus attribuit, scripto firmavit et ex his nil aliud quam intercessionis illius quæsivit suffragia. Sed et præceptum de immunitate Floriaci loci, seu de his quæ monasterii competunt utilitatibus, auctoritate regia firmavit et sigillo suo ut bonus et sapiens insignivit. In ornamentis quippe ecclesiasticis Patrem Benedictum honorans, quo eo amore dilexerit manifestissime aperuit. Nam altare sanctæ Dei genitricis Mariæ pallio pretiosissimo post ignem, qui fuit immensa nostri sancti loci calamitas, cooperuit et thymiamaterio usquequaque satis mirabili, auro et gemmis bene elevato in sublimi, hunc sanctum devotissime nobilitavit. Erat enim et hoc adplene conveniens thymiamaterium thuribulo aureo a Gauzolino abbate mirabilium factore patrato, cujus opus splendescit præ omnibus quæ vidimus ipsi qui hæc scribimus, in Floriaco loco. Monasterium S. Cassiani confessoris summi in Hedua civitate, quæ et Augustodunus, nimia dirutum vetustate a novo ædificavit et in eo Dei ministros collocans abbatiam, sicut prius, construxit, præbens sumptus his qui ibidem Deo deservirent. Hoc ei studium, hæc ejus semper fuit in opere Dei voluntas.

Palatio Compendii damnatum accidit regi in furto nobili. Instabat tunc dies Pentecostes, quo Spiritus sanctus replens animas mundat fidelium corda, ut placeant Patri et Filio, quibus æqualis Spiritus sancti portio. Volens illo die pater rex gloriosus filium suum statuere in regem, nomine Hugonem, strenuissimæ nobilitatis juvenem, pro immensa patris et filii bonitate, quæ erat divulgata toto terrarum orbe, ad faciendum eum festinabat omnis mundus, quia delectabatur in talibus. Fuit enim hic bonus juvenis excellentissimæ probitatis, omnes complectens, omnes diligens, nullum despiciens, dilectus

a cunctis et semper amatus. Die autem primo perfecta benedictione mirabili, pater lætus factus de filio, exsultabat gaudio immenso. Admonitio patris eo die talis facta est in filio bono : « Vide, fili, semper sis memor Dei, qui te hodie participem sui fecit regni, ut æquitatis et justitiæ in semitis delecteris. Quod, quæso, attribuat mihi Deus ut videam, et tibi ut facias juxta ejus voluntatem, quæ omnibus desiderantibus eam semper adest. » Inter hæc festiva solemnia quidam clericorum, vesano corde meditatus perversa, accelerat perficere ea. Speciem cervi ex argento mero facti vir Dei habens in thesauris suis eo delectabatur solemnibus festis. Acceperat hoc munus a duce Normannorum Richardo ad usus humanos, quod benignus ore, benignus corde, benigno non distulit conferre Deo. Erat huic ornamento adjunctus scyphus corneus, quo deferebatur vinum ad celebrandum sacrificium. Hæc aspiciens quidam pestifer et nequam clericus, arripit, caligis recondit, huc illucque vadens non invenit cui ea venditione contribuere, vel quomodo illam speciem cervi destruere posset. Crendum est cunctis ea pii regis servata meritis, qui toto corde erat Deo fidelis. Nam tertia Sabbati in oratorio Turris Caroli colloquens cum quodam familiaritate perfecta sibi conjuncto, ecce fur veniens ante altare se collocat, preces inutiles spargit et longa protrahens suspiria, facistergio altaris prolixo operit, simul cum scypho, et sic verecundus abiit, nesciens miser quorum oculi super eum erant defixi. Cessans rex a colloquio vadit ad altare pede levi cum amico vero, et sua accipiens reddit lætus ministro, interminans socio ne, dum adriveret, nomen ejus sæculo innotesceret et tanto viro verecundiam faceret.

Verum quia opponit se nostræ narrationi quorundam perversæ mentis intentio, qui omne bonum quod ipsi nequeunt assequi aliis invidere et malignitatis calcaneo, prout possunt, premere non erubescunt, quique, si quid excessus humanitas admissum est, eo cuncta boni operis succedentia germina canino dente oblatrant suffocari, hunc sanctissimum virum lacerare non pertimescentes. Non, inquiunt, hæc quæ prolata sunt bona de eo opera ad salutem illius provenient animæ, quoniam non exhorruit facinus copulationis illicitæ, dum commatrem et sibi consanguinitatis vinculo nexam duxit uxorem. Quorum irrationabilitatem placet evidenti sanctæ Scripturæ indicio convincere. Sed, ne forte loquendi proclamant aditum sibi intercludi, dent nobis aliquem sine prolapsione deducti. Quis vero castum se habere cor gloria-bitur ? cum nec unius diei infans mundus esse Scripturæ testimonio comprobetur ? Siquidem ob inertiam desipientium comprimendam hæc dixerim, non ut viri ultro poenitentis culpam occultem. Sicut enim sanctus David, lege prohibitus, Bethsabee contra fas concupivit et rapuit, ita et iste, contra sacræ fidei jura agens, præfatam mulierem nefarie sibi copulavit uxorem. Illi non solum satis fuit in mulierem peccasse, sed molita viri in-

noxii nece incurrit duplex peccatum. Huic profecto magis libuit Deum offendisse, quam a muliere duplici sibi lege prohibita torum servare immaculatum. Sed utriusque peccati vulnus verus humani generis benigna dispositione sanavit Medicus: illum per Nathan prophetam suum, dum pauperis viri unius oviculæ et divitis ovium abundantis multitudine paradigmate objecto, se reum agnoscens dixit peccasse; istum æque per domnum et venerabilem Abbonem, Floriacensium a Deo præelectum abbatem, nunc, Christi favente gratia, miraculis coruscum, spreta mortis formidine dure increpatum privatim et publice. Cujus sancti viri increpatio tam diu perstitit donec rex mitissimus reatum suum agnosceret, et quam male sibi copulaverat mulierem prorsus dereliqueret, et peccati maculam grata Deo satisfactione dilueret. Uterque igitur rex Deo acceptus, utpote ab illo coronatus. Quos nudos peperit natura mundo, sancta dispositione sui gloriosos habere voluit et inclytos sæculo. Et quia, ut ait Scriptura, permittit Deus fieri quod non vult, permisit benigna dispensatio sic eos occumbere peccato, ut se humanitate æquales subjectis recognoscerent, et reliquum vitæ tempus vigiliis et orationibus inhærendo transigerent, varias corporum passiones sustinerent, ut adimpleretur in eis sacræ Scripturæ testimonium, quæ ait: *Corripit Deus quem diligit, flagellat autem omnem filium quem recipit* (Hebr. xii, 6). Uterque peccavit, quod solent reges; sed a Deo visitati pœnituerunt, fleverunt, ingemuerunt, quod non solent reges. Siquidem exemplo beati David, domnus iste noster Rotbertus confessus est culpam, obsecravit indulgentiam, deploravit ærumnam, jejunavit, oravit et confessionis suæ testimonium in perpetua sæcula vulgato dolore transmisit. Quod non erubescunt facere privati rex non erubuit confiteri. Qui tenetur legibus audent suum negare peccatum, dedignantur rogare indulgentiam quam petebat qui nullis legibus tenebatur humanis. Quod peccavit conditionis est; quod supplicavit correctionis Lapsus communis, sed confessio specialis. Culpam itaque incidisse naturæ est, diluisse virtutis. Ob hoc nimirum ista facere non despexit, quia sciebat Deum pusillis et magnis fore timendum et potentem quemque divina ammoneri Scriptura: *Quanto magnus es, humilia te in omnibus et coram Deo invenies gratiam*. His igitur rex humilis, legibus absolutus, suæ tamen reus fuit conscientie. Quibus vinculis se edomare desiderans, divinum sibi precatur auxilium, ut ab omni criminis labe mundetur. Et revera, cum mitis et corde mansuetus egregia semper habuerit sanctus rex suæ mansuetudinis et pietatis insignia, ita ut adversariis suis frequenter ignoverit atque ab eorum nece abstinendum putaverit, non est mirum quod tam graviter doleat noxium sibi obrepisse peccatum. Et ideo a peccatis mortalibus liberari se postulavit, laudavit Dominum Deum suum, justitiam Domini prædicavit, et ex-

sultavit ejus lingua justitia de cælo prospicientis, quæ processit de utero intactæ Virginis.

Unum vero quiddam memoria dignum a patre hujus inclyti regis et a Deo electi patratum, huic lectioni inserere dignum duxi. In eo namque sacerdotes veridici, abbates et monachi, sanctæ normæ non nescii, exemplar virtutum, quod non solum imitari, sed etiam admirari valeant, invenient. Ante omnia autem pietatis et misericordiæ omni laude extollenda insignia. Quodam namque tempore sanctum diem Paschæ in civitate Parisius solemniter celebrans, secunda Sabbati ad domum suam apud Sanctum Dionysium lætus regressus est, ibique solemnes exegit dies. Tertia autem Sabbati adveniente hora, qua laudibus laudaretur per omnia sæcula Deus, surgit a lecto et ad ecclesiam ire desponit. Aspiciens ergo videt duos ex adverso jacentes in angulo, operi insistentes nefario. Horum fragilitati condolens, ornamentum pellicum quod erat pretiosissimum, tollit a collo et super peccatores projicit corde benigno. Quo facto, ecclesiam sanctorum omnipotentem Deum rogaturus, intravit, ubi pro ipsis peccatoribus ne perirent oravit. Prolongata vero oratione et sperans jam abiisse mortuos peccatores, qui penitentia viverent Deo, evocat sui corporis custodem, et ut aliud sibi ejusdem generis deferat ornamentum humillimis verbis imperat, mandans hoc minis imperialibus, ut neque conjugii gloriosæ, neque alicui istud unquam manifestaretur. O quam perfectus, qui sic suo peccatores protexit vestimento! quam sanctus sacerdos! quam plus abbas religiosusque monachus! quam rectissima virtutis et perfectionis norma, cui inniti potest justitiæ concupiscens semitas! Tali quippe mandat monachorum pater et dux confiteri peccata, qui sciret sua et aliena curare vulnera, non autem detegere et publicare. O felix participatione Dei pietas et misericordia, quæ sic floruerunt in tanto et tali viro! quas et ipse Rotbertus noster quasi hæreditario jure a patre relictas possedit.

Ingo summæ ingenuitatis vir et bonatis, abbas Sancti Germani Parisius civitate constituti monasterii, ad hunc Dei famulum pro sua et fratrum utilitate Aurelianis duos boni testimonii direxit fratres. Qui ab eo visi pacis honorati sunt osculo, ut eis mos erat, interrogatique sunt benignissime qua causa ad eum properassent. Vocabantur autem propriis nominibus Rotbertus unus, alter vero Gauzfredus, haud infimi ordinis monastici viri. Quibus pio de more imperat ut post matutinos hymnos sua præsentia assisterent et de quibus vellent audientiam haberent. Quibus jussa observantibus contigit ut in ipsa ecclesia, in qua considerant, his cernentibus, candela extingueretur. Qua exstincta, religiosum virum, Teudonem clericum proximum suum a lecto evocat candelamque porrigens ad requirendum lumen quantocius dirigit. Interea devotissimus rex psalmis et orationibus vacans, dum qui missus fuerat revertitur, videt virum Domini candelam ardentem tenere in

manibus, qui tenebat eharitatem in moribus. Quod admirans et Deum hymnisonis vocibus laudare cupiens, omnimodis illum prohibet, ut a jactantia superbæ mentis ex toto se liberans, Dei in omnibus collaudans virtutem diceret cum David : *Ego sum vermis et non homo, opprobrium hominum et abjectio plebis* (Psal. xxi, 7). Et iterum : *Humiliatus sum usquequaque, Domine; vivifica me secundum verbum tuum* (Psal. cxviii, 107).

Legimus in divinis Voluminibus quod *servire Deo regnare est*. Quod pro certo cognovit qui admonuit, dicens : *Servite Domino in timore* (Psal. ii, 11). Quod utique iste noster, de quo loquimur, vir beatus adimplevit pro posse et velle. Et sicut Moyses Dei famulus, precibus humillimus, manibus extensis prostravit Amalech; ita et hic verus Dei amicus, suis devictis hostibus virtute sancti Spiritus, semper Deum habuit adiutorem, qui est salus omnium. Resplendebat quippe in eo animi dulcedo, qua omnem sibi conciliabat hominem. Erat ei sapientia salutaris, qua delectabatur cum suis. Docebat quosdam in lectionibus, alios in hymnis et laudibus, et ad talia semper exhortans, omne secundum apostolum omnibus fiebat, ut cunctis lucrifaceret (I Cor. ix, 22). Cæterum quod pontifices ipsi abbatesque facere pigritabant, quorum est errantes corrigere et bonos quosque exemplo suo ad meliora provocare, ipse verus Dei amicus audebat; de cujus cordis thesauro procedebat vox exultationis et salutis, qua delectari gaudebat cum omnibus sanctis, secundum Apostolum carnem suam crucifigendo cum vitis et concupiscentiis mundi hujus (Gal. v, 24), delectabilia semper divinitati seipsum præparans templum. Ad divinum officium primus, ad laudandum Deum sedulus. Quocunque illi erat eundum præparabatur vehiculum, quod deportaret divini ministerii tentorium. Quo in terram fixo, deponabantur ibi sancta, ut quia secundum Psalmistam : *Domini est terra et plenitudo ejus, orbis terrarum et universi qui habitant in eo* (Psal. cxlvi, 1), proderet se devotum famulum, quovis in loco Deo devotas persolvere laudes. Erant enim fixa et bene plantata in corde mansuetissimi et Deum bene amantis regis beatissimi Antonii verba : « Jesum Christum semper desiderate, quia in omni sede terrarum constituta sunt regna cælorum. » Sanctas noctes hæc est nativitas Domini, sancti Paschæ et Pentecostæ, sic totas ducebat insomnes usque ad summum mane ut nec sedens vel stans somnum caperet, donec quam exspectabat et desiderabat salutiferam corporis et sanguinis Domini nostri Jesu Christi perceptionem perciperet. Probata de eo res ista et in omni sæculo manifestata. Solemnitate vero nativitatis sancti Joannis Baptistæ, hanc quam in nativitate Domini tenebat consuetudinem ut post laudationem Domini, quæ est in hymno *Te Deum laudamus*, missa celebraretur devote, quæ sanctis est libris prænotata, in primo mane. Hoc sancta constituit auctoritas Gregorii Magni et aliorum in missa; Amalarii vero

iterum doctrina, quam assumpsit ex diotis sanctorum Patrum.

Quis autem ei mos fuerit dandæ eleemosynæ in sui regni sedibus non prætermittimus. In Parisiis civitate, Silvanectis, Aurelianis, Divione, Antissiodore, Avalone, Meloduno, Stampis, in unaquaque harum sede, trecentis, vel, quod est verius, mille pauperibus dabatur panis et vini abundantia, et hoc specialius ipso quo ad Deum transiit anno, qui est incarnationis Dominicæ millesimus tricesimus secundus. Præter hæc, quo ibat quotidie in sancta Quadragesima c aut cc jubebat pauperibus dari panem, piscium et vini cibaria. In die autem Cænæ Domini, non videntibus incredibile, videntibus vero et servientibus in tali negotio satis admirabile, cum non minus quam trecenti ipsa die sua providentia congregati, de ejus sancta manu flexo poplite in terram, unusquisque legumen, piscem, panem, denarium unum sumebat in manibus. Et hoc hora diei tertia. Hora itidem sexta. Itidem centum clericis pauperibus præbenam panis, piscis, et vini concedebat; duodecim unumquemque honorans denariis, corde et ore Davidicos semper decantans psalmos. Post mensam vero præparans se ad Dei servitium rex humilis ponebat vestimenta sua, indutus ut carnem cilicio, adjunctoque clericorum collegio centum sexaginta et eo amplius numero, ad exemplum Domini eorum pedes lavans capillis capitis sui tergebat, et ad mandatum Domini singulos eorum duobus solidis remunerans, clero præsentē et diacono astantē, qui lectionem legeret secundum Joannem in Cœna Domini dictam et factam. Talibus factis occupabat se rex meritis gloriosus, loca sanctorum perlustrando toto die sancto Paresceve et crucem Domini adorando usque in vigilia sanctæ Resurrectionis, in qua assumebat statim sacrificium laudis, quæ non defuit ab ejus ore in omnibus sæculis. His et hujuscemodi virtutum meritis bonorumque operum exhibitionibus gloriosus et toto orbe prædicandus Rotbertus rex se mirabilem mundo præbuit, cunctis posteris imitabilem dereliquit.

Hic autem post Deum specialis gloria regum, pro sacrao sanctorum apostolorum numero, quos semper amabat corde benigno et quorum solemnes festivitates votivo præveniebat jejunio, ad horum exemplum duodecim pauperes secum ducebat, quos specialius diligebat. Quibus ipse erat vera requies post labores. Nam his sanctis pauperibus comparans fortissimos asinorum pullos, ante se, ubicunque pergebat, lætantes, Deum laudantes et animam suam benedicentes dirigebat. In his nemque et aliis innumerabilibus pauperibus recreandis nunquam habuit nolle, sed semper velle. Moriturus his fortis erat provisio, ne quis minueretur de numero, eratque eis vivorum successio et apud Deum tanti regis oblatio. Hoc studium, hæc ejus semper fuit bona voluntas, cui semper adhæserat, participatione summi boni; vera bonitas, in qua clarissimus versificator his versibus est delectatus :

*Major cura boni est fratrum relevare labores,
Et fieri optatum tristibus auxilium.
Pascere jejunos, nudos vestire, ligatos
Solvere, discordes conciliare sibi.
Et quæcumque homines miseri solatia quærent,
Hæc, ut possibile est, promere corde pio.
Ut recte vere cupidus vereque benignus.
Quæ mala sunt fugiat, quæ bona sunt faciat.*

Hæc omnia in tanto viro fuisse omnis cognovit mundus, quia eum semper dilexit Deus.

Præterea construxit a novo in urbe Aureliana monasterium sancti Aniani singularis sui apud Deum advocati. Qui quam pium sanctæ devotionis amorem erga eundem habuerit nullus edicere valet, quia illum suum semper post Deum adiutorem, protectorem et defensorem habere voluit, ad quoscunque potuisset pergere gressus. Nam uno die a quodam suo speciali amicorum amico interpellatus ut quid talem ac tantum pontificem et non alios sic sanctos suis sanctis laudibus extolleret, respondisse humillima et piissima voce fertur: Quis est Anianus? Anianus? Anianus pro certo est vera nostrorum consolatio, laborantium fortitudo, regum protectio, principum defensio, pontificum exsultatio, clericorum, monachorum, orphanorum et viduarum egrægia et inenarrabilis sublevatio. Et illudens ad circumstantes pueros ait: Num et iste, de quo loquimur, Arianus, a pænis virgarum vobis pueris non est frequens, vera et probata liberatio?

Ardens tantum pontificis honore hic redolens flos et decus Ecclesiæ sanctæ, et gratia Dei desiderio eum in altiori volens constituere loco, domum Domini super eum in melius construere cepit et, Deo cooperante et sancto Aniano auxilia præbente, ad finem usque perduxit. Habet namque ipsa domus in longitudine tensas quadraginta duas, in latitudine duodecim, in alto decem, fenestras centum viginti tres. Fecit et altaria in ipso monasterio ad laudem sanctorum numero novemdecim, quorum memoriam hic adnotare curavimus; principale, in honorem apostoli Petri, cui supradictus rex associavit coepostolum Paulum in benedictione, cum non antea ibi nisi solius sancti Petri esset veneratio; ad caput S. Aniani, unum; ad pedes aliud, aliud in honore S. Benedicti; cætera sunt in honore eorum quorum nomina sunt ascripta, sancti videlicet Evurtii, sancti Laurentii, S. Georgii omniumque sanctorum, item S. Martini, S. Mauricii, S. Stephani, S. Antonii, S. Vincentii, sanctæ Mariæ, sancti Joannis, sancti Salvatoris, S. Mamerti, S. Nicolai et S. Michaelis. Caput autem ipsius monasterii fecit miro opere in similitudinem monasterii sanctæ Mariæ matris Domini et sanctorum Agricolæ et Vitalis in Claromonte constituti. Lecticam ipsius S. Aniani a fronte auro bono et optimo, et lapidibus pretiosis et argento mero præoccupavit. Tabulam ad altare S. Petri, in cuius honore exstat locus, auro bono totam cooperavit, de qua Constantia, nobilis regina, ejus

A conjux gloriosa, post mortem viri sui sanctissimi Deo et sancto attribuit Aniano summam, scilicet librarum septem ipsius metalli in meliorandis a se monasterii facti tectis: quibus ab imis ad superiora apertis, cælum melius cerneretur quam terra. Exstitit in ea quantitas auri quindecim librarum probati. Quod reliquum fuit in quibus debuit distribuit, quia erat ei sollicitudo Ecclesiarum Dei, juxta utile senioris sui velle. Post quæ omnia cupidus sanctæ benedictionis rex Rothbertus gloriosus, suæ ordinationis, benedictionis et assumptionis in regem anno tricesimo sexto, jussione imperatoria evocavit archipræsules Gauzimum Bituricensem et abbatem Floriacensem, Leotherium Senonensem, necnon et Arnulphum Turonensem.

B Quorum præsentiam subsequuntur præsules Odoricus Aurelianensis, Theodericus Carnotensis, Bernerius Meldensis, Guarinus Belvacensis, et Rodulfus Silvanectensis. Non defuit etiam præsentia domni et venerabilis Odilonis, Cluniacensium abbatis, et aliorum honorum virorum non minimi meriti, cum quibus semper desiderabat colloqui. Ab his pro certo et aliis Dei ministris levatur illud nobile corpus amici Dei Aniani sanctissimi de sepulcro cum corporibus sanctorum Euspicii, Monitoris et Flosculi confessorum, Baudelii et Scubilii martyrum et Agiæ matris S. Lupi confessoris; et ab ipso glorioso rege et aliis, quos jam prænotavit littera, qui pro tali negotio advenerant, custoditur, laudatur, et decantatur in hymnis et laudibus in ecclesia S.

C Martini quoque ad præparandum utilia et necessaria sanctæ benedictioni. Præparatis ergo omnibus, ab ipsis sanctis sacerdotibus locum ipsum benedici et consecrari solemniter fecit, anno Domini incarnationis millesimo vicesimo nono, indictione duodecima. Sumitur itaque humeris inclyti regis gaudentium simul et lætantium populorum et transfertur cum laudibus in templum novum, quod ipse inclytus Rothbertus ædificaverat, laudantes Dominum et S. Anianum in tympano et choro, in chordis et organo, et eum in loco collocant sancto ad honorem, gloriam et laudem Jesu Christi Domini nostri et famuli sui Aniani, speciali gloria decorati.

Expleta benedictione solemniter et omnibus quæ ad dedicationem sancti templi pertinebant, vadit jam cum reverentia nominandus pater patriæ Rothbertus ante altare sanctissimi Petri et dilecti domni Aniani, in conspectu omnium populorum, et exuens se vestimento purpureo, quod lingua rustica dicitur rocus, utroque genu fixo in terram, toto de corde ad Deum supplicem fudit precem in his verbis: « Gratias, inquit, ago tibi, bone Deus, qui ad affectum meam voluntatem hodie meritis S. Aniani perduxisti, lætificans animam meam de corporibus sanctorum cum eo hodierna die triumphantium. Da ergo, Domine, per hos sanctos tuos vivis delictorum indulgentiam, defunctis omnibus vitam et requiem sempiternam. Tempora nostra prospice, regnum, tuum quod tua pietate, misericordia, bonitate nobis datum est, rege, dispone, custodi ad

laudem et gloriam nominis tui, S. Aniani virtute mirabili patris patriæ ab inimicis mirabiliter liberatæ.» Peracta oratione, ad sua quisque lætus regressitur et de suis donariis ipso die locus insigniter nobilitatur, in quatuor scilicet palliis pretiosissimis, et urceo argenteo et capella, quam post obitum suum Deo omnipotenti et sanctissimo confessori delegavit Aniano. Capella autem hujus piissimi, prudentissimi, potentissimi regis Rotberti, talis fuit: Cappæ octodecim bonæ, optimæ et bene paratæ. Libri Evangeliorum aurei duo, argentei duo, et alii duo parvi, cum missali uno transmarino, bene parato ebore et argento. Philacteria aurea duodecim. Altare unum auro et argento mirabiliter paratum, continens in medio petram laudabilem, quæ dicitur onichinus. Cruces aureæ tres. Major ex his continet in se libras auri puri septem. Signa quinque. Unum ex his satis mirabile, in quo duo millenaria metalli et sexcentæ libræ fuerunt, cui imprimi jussit signum baptismi de oleo et chrismate facti, sicut ordo deposcit ecclesiasticus, et ut vocaretur Rotbertus attribueret Spiritus sanctus. Dedit etiam et huic sancto ecclesias duas, Sentiliacum et Rutinagum, cum villis et omnibus quæ ad ipsas pertinent, quas præcepto regali firmavit et corroborari jussit. Promeruit autem et a domno Theodorico venerabili Aureliano-
rum episcopo altaria ipsarum ecclesiarum cum pontificali privilegio de ipsis a se facto, quod sancto contulit Aniano et regi inelyto, qui eum in voce exultationis semper dilexerat de corde bono.

Castrum Crispiacus dictum a Weltero potenti nobiliter constructum Suessionico in territorio, Abbatiam sancti Arnulfi a se factam nobilis nobilem et per sæcula reddidit illustrem. Nostra enim ætate ibi abbatem quemdam, Lezcelinum nomine, constituit, boni testimonii virum, professione regularis vitæ monachum, quotannis venientem ad hunc Dei virum. Suscipiebatur ab eo ut Dei servus, et colloquium habentes de cœlestibus, post in redeundo honorabatur ab eo honorabilibus muneribus quam splendide, quæ erant juncta cœlestibus perfectæ charitatis virtute. Quodam autem tempore sanctæ Quadragesinæ Pisciaci ad regem de more properans, temporales simul et spirituales sumpserunt cibos. Avita se posthæc conjungentes bonitate, offert regi charitatem Dei abbas bonus, pro relevatione corporis ejus humillimi, ut haberet levamen ciborum, qui precibus pulsans ostia cœlorum fieret consors sanctorum. Hoc renuens vir pietatis et incumbens se terris omnimodis orabat ne vi eum opprimeret, quia talibus obediens nullum ad huc Deo jejunii votum obtulisset. Abba hoc audiens taciturnitatis vincula suscepit, et meditans corde quod esset perfectus virtute, pro jejunii ejus observatione, suscepit eum in multimodam et non numerosam missarum celebrationem, ut attribueret ei Deus in his firmam devotionem. His lætus rex donis a sancto viro perceptis. Deo gratias egit et sanctum celebravit continuo jejuniū, exspectans Dei et Domini nostri

Jesu Christi resurrectionem. Erat et hoc amator bonorum in religione pro suarum emundatione culparum quod, a sancto Septuagesimo usque in pascha nulla usus culcita frequenter eum suscipiebat ad jacendum fortissima terra, tendentem indesinenter ad æthera. Prosit tamen pro his et aliis animæ ejus subscripta et brevis oratio: Prius actuum ejus maculas Deus tergat, oliviorum perpetuæ tradat, partem ei in resurrectione prima concedat qui est resurrectio mortuorum Jesus Christus vivens et regnans in sæcula sæculorum.

Cordi meo quid dulcius, quid jucundius potest jungi quam ut præceptorem, adiutorem meum, in omnibus Dei operibus collaudem? Redeo, redeo et, sicut solebam in diebus quibus nos simul respiciebamus, ejus mihi amabilem et desideratissimam recipio bonitatem. Delector etiam in illa et experior quid utilitatis mihi illa fuerit. In illa, ut meæ est recordationis, nil accipio, nil sentio quam ut bonus filius de patre bono, amicus de amico, dilectus de dilecto. Erubesco tamen valde in hujus admirabilis viri operum bonorum narratione, cum in eo semper floruerint quæ sunt fixa summis cœlorum, pro lucracione animarum et corporum. Quempiam videns desudare in Dei opere, hunc exhortabatur voce, clanculo allevans munere, cujus erat donum promissis pauperimum, dato permaximum. In fundo monasterii Floriacensis loci paterna imitabilis abbatis mei Gauzlini jussione ecclesiam cœpi ædificare, modicam quidem, sed festivam; ad quam occurrebat populus amore quorum erat sacrandæ condigna benedictione. Licet esset imperfecta, quamvis lineæ, tamen promovit se rex vir cœlestium desideriorum a Vitriaco castro, desiderans eam videre aspectu sanctissimo. Fuerat jam jussu domni et amabilis Odolrici pontificis a venerabili Bituricensium archiepiscopo Gauzolino benedicta, dante eo in circuitu plenissime terram ipsi ecclesiæ perutilem. Intrans in ea rex et orans pallium quatuor librarum super altare posuit; quod quia in honore sanctorum: Dionysii, Rustici et Eleutherii, consecratum fuit, procul dubio ejus cordi ita insedit ut suis piis aspicientibus oculis, post ad eum Parisius me veniente, de reliquiis ipsorum martyrum, almi scilicet Dionysii, Rustici et Eleutherii, splendide exornaret, intercessionibus ditaret. Protectionis eorum dona hæc sunt: De casula sancti Dionysii, dalmatica sancti Rustici, casula sancti Eleutherii, de vestimentis eorum sanguine aspersis, de carniū eorum pulvere et funiculo triplici, quo fuit astrictus Dionysius martyr Domini preticusus. His et aliis sanctorum pignoribus a rege amante Deum nobiliter insignitus est locus. Susceptæ sunt autem ipsæ sanctorum supra dictorum pretiosissimæ reliquiæ in Floriaco monasterio a domno Gauzolino abbate, in dando et accipiendo satis honorabili viro, die Kalendarum Octobrium, quo celebris agitur in omnibus sæculis sanctorum Germani, Remigii atque Vedasti solemnitatis confessorum. Sane pecca-

tis existentibus ipsa ecclesia post ignibus adusat, iterum a me misero, auxiliatrice manu Domini operante, sanctæ Mariæ matris Domini, Patris quoque Benedicti et eorumdem sanctorum adjuvantibus meritis, quæ erat lignea facta est lapidea, quam magnæ bonitatis gloriosus episcopus Odoricus sua, non alterius, ut prius, manu Domino Deo et suis sanctis dedicari et consecrari voluit. Fecit ut decabat talem virum. Quippe qui sic me protexit amore omni quo advixit tempore, operante Dei virtute, ut in his quæcunque volui nunquam ejus habuerim nolle, sed semper quod est honestum et utile. Hæreditatem sanctorum sacerdotum, quam semper hic sacerdos inclytus honore pontificatus consequi desiderabat, hanc quæsumus ei tribuere dignetur Pontifex summus, Deus et Dominus noster Jesus Christus. Hujus peccata destruat, collocet in cælestibus, jungat cælorum civibus Redemptor et Conditor, et sanctarum animarum mitissimus liberator. Intranses hanc ecclesiam præ oculis habent subscriptos versiculos, memoriam sancti Dionysii et factoris loci retinentes, quos binis partibus divisos agnoscunt altaria, quorum sunt honore sacrata. Ad sinistram partem altaris sancti Dionysii hi sunt:

*Ista Dionysius penetrantes limina sanctus,
Auxilio sancto consociet Domino.*

*Quem quicumque petis Dominum deposce tonantem,
Quatenus Helgaudum servet amore suum.*

*Cujus amor Christo sic sic venerabile templum
Construxit Domino atque Dionysio.*

Item ad dexteram :

*Est domus ista Deo sine fine dicata superno,
Helgaudi studio consilioque boni.*

Hinc paradisiaci pulsatur janua regni :

Hinc pia plebs Domino conjubilat supero.

Intranses pariter Christus conservet Jesus.

Dicite, cuncti, voce fideli omne per ævum :

Sic fiat: Amen, amen, amen.

Hujus certe temporibus, cujus adjuvante Deo facta describimus, fulsit in monasterio Floriacensi loco celebri splendidibus mundo Gauzlinus abbas merito, sanctis Deo conjunctus operibus, polens scientia spiritali simul et humana. Inerat ejus cordi Abonis magistri prolati sanctæ Scripturæ flores boni, de quibus honestissime imbutus ita eructabat omnibus, ut possent delectari in cælestibus. In sanctis eleemosynis ita largissimus, ut ipse positus in fortissimis frigoribus a se vestes pellium abiciens, pauperes Christi indueret, ut a remuneratore bonorum præmium perciperet, de quo audiret: *Nudus fui, et vos operuistis me. Quod uni ex minimis meis fecistis, mihi fecistis: Venite, benedicti Patris mei, percipite regnum quod vobis paratum est ab origine mundi (Matth. xxv, 34-38).* Hunc perfectus rex ita suis affixit obtutibus, ut cum præ cæteris diligens suis eum specialiter devinceret consiliis, quæ ab eo probe probata, semper ea habuit honesta, nunquam tamen injusta. In ho-

noribus sæculi eum honorans attribuit illi honores non minimos, abbatiam S. Benedicti, quæ est caput totius ordinis monastici et episcopatum Bituricensem sancti protomartyris Stephani, principatum tenentis totius Aquitaniæ, qui fuit et est honor et decus Franciæ. In quibus quæ peccavit vera charitas et eleemosyna, quæ in eum floruerunt virtute magna, perpetuæ tradent oblivioni actione felicis boni, quod habuit participatione summi boni. In diebus quippe Septuagesimæ residens rex illustris Parisius civitate misit ad eum abbas humilis ex more pro sacratissimi loci utilitate. Qui missi erant his propriis appellabantur nominibus: Albericus unus sacerdotii gloria decoratus, largifluæ charitatis vir; cui adjunctus Dei dono et excellentissimi patris Gauzlini imperio, frater de nomine dictus Helgaudus, quem iste princeps Dei affectu diligebat paterno; tertium secum habentes in obsequio fraternitatis laborantem, Hisebertum nomine, conversione dignum factum monachum. Dies autem sanctæ Quadragesimæ Pisciaci celebraturus, iter accelerat nobiscum proficiscentibus ejus præceptis imperialibus, in quo erat rationem redditurus, de quibus eum adieramus. Cum ecce venientes ad portum Sequanæ, qui dicitur Carolivenna, hoc est piscatoria, quæ erat difficultate transmeabilis, jussione ejus sancta soli naviculam intravimus, ipso aspiciente et considerante quis finis non assumeret, quos ad se venire alacres et incolumes exspectabat. Affuit nobis miseris hujus intercessione regis, qui laudatur, benedicatur et adoratur ubique Deus. Navigantibus nobis et equos nostros juxta lintrem frenis trahentibus, contigit unum sonipedem, indomitum et nunquam talia id actum, in mediis fluctibus duos in navi anteriores posuisse pedes; cujus forti rabie navis periclitabatur, trahens nos jam in profundum. Inclamans rex post Deum altissimum cum suis et virtutes cælorum, dat voces immensas ad cælum nostro pro periculo. Pronuntiat grandi voce frena relinquere, et equos longe a navi arceri. Ad cujus amabilem vocem laxatis frenis, ut jusserat, et equi pedibus de navi ejectis, cœpimus ad littus evehi. Ipse quoque sanctum Dionysium sanctumque Benedictum et omnes sanctos Dei in adiutorium nostrum provocabat, lacrymis perfusus oculis. Cujus precem audivit is qui est in sæcula benedictus Deus. Factum est ut voluit, et deducta navi ad terram, suscepit nos per Dei gratiam incolumes, qui eram simul cum eo mirabilem Deum laudantes. Ex quo facta habuit nos Deus omnipotens omni tempore laudatores. Mansimus autem cum ipso Dei viro illo in loco triduo, delectati dulci ejus colloquio, sicut et aspectu jucundo. Cujus, quæsumus, sanctissimam animam suo collocet in regno, qui eam redemit sanguine pretioso!

Adhuc in majori quam ingressi sumus loco placet ponere pedem, ad ejus gloriosum festinantes transitum in describendo, quem laudibus veracissimis et non falsis, apertis et non fictis, Domino no-

atro audebimus commendare, sancti Spiritus virtute ut mereatur evadere diem ultionis extremæ, insignitus signaculo Trinitatis sanctæ. Sed quia adhuc quædam de ejus mira operatione, quæ sunt veræ humilitati sociata, nos scripsimus et quæ multis prosunt et proderunt ad salutem, restat ut, his manifestatis, non teneat nos otiosos ejus sanctissimus obitus, qui dono Dei existit laudabilis et gloriosus. Habens desiderium mori sæculo et vivere Christo Deo, Rex strenuissimus eum, cui est omne quod est et cui attribuimus omne quod scribimus, desiderans videre, voluit terris habere socium quem non potest capere cælum. Proficiscente eo quadam Quadragesima ad sanctos, Dei servitio sibi conjunctos, adit, orat, honorat, aures eorum precibus humillimis et salutaribus pulsat ut cum ipsis et sanctis omnibus inveniri posset in Dei laudibus dignus. Laborabat in hoc carnis et spiritus fortitudine, ut evinceret Dei virtute. Intrans fines Bituricum suscipit eum sanctus protomartyr Stephanus cum sancto Maiolo meritis præcipuo, sancta Maria, cum celebri Juliano martyre summo, iterum ipsa piissima virginum virgo Maria, cum sancto Egidio confessore magno. Inclytus vero Saturninus cum forti Vincentio, dignus Antoninus cum Fidi martyre, sanctus Domini Giraldu ipsum jam revertentem ad propria sancto iterum reddit incolam Stephano glorioso, cum quo terris letum deducens diem Palmarum, properat Aurelianis, ibi in Pascha percepturus Auctorem nostræ salutis. Quo itinere, multa ab eo fuerunt dona sanctis data, a pauperibus vero ejus manus nunquam fuit vacua. Nam ipsa terra multos habens infirmos et præcipue leprosos, hos vir Dei non abhorruit, quia in Scripturis sanctis legit Dominum Christum multoties in speciem leprosum hospitio susceptum. Ad hos avida mente properans et intrans, manu propria dabat denariorum summam et ore proprio figens eorum manibus oscula, in omnibus Deum collaudabat, memor verborum Domini dicentis : *Memento quia pulvis es et in pulverem reverteris* (Gen. xii, 19). Cæteris autem mittebat devote pro Dei omnipotentis amore, qui operatur magna ubi est. Tantam quippe gratiam in medendis corporibus perfecto viro contulit divina virtus ut, sua piissima manu infirmis locum tangens vulneris et illis imprimens signum sanctæ crucis, omnem auferret ab eis dolorem infirmitatis. Charitatis integræ non immemor servus Dei considerabat pretiosa Martyrii monachi facta, qui proprio leprosum astringens vestimento illumque suo levans humero, dum ei servitutis officia dare voluit, repente ad æthera rediit et ascendens dixit Christus, qui in specie leprosi fuerat susceptus : « Martyri, tu me non erubuisti super terram, ego te non erubescam super cælos. » Habeat hic, de quo loquimur, præstante Deo, partem cum sancto Martyrio, qui istis et aliis bonis operibus festinabat se sociari Christo Deo.

In ædificationibus vero ecclesiarum Dei hic temporalis simul et spiritalis oleo inunctus rex, sancti benedictionis dono suam potentiam et voluntatem admirare desiderans et ad æternæ beatitudinis palmam consequendam anhelans, inter alia cogitare cepit et post cogitata ad effectum perducere, sancti Dei, ejus sublimitatis, cujus merita quæve essent honorandi et extollendi laude, de quibus nulla ei cunctis temporibus loquendi laudandive fuit satietas. Enimvero apparebit in his quæ subter sunt adnexa, descripta et superioribus juncta, quia omnia semper fuerunt ei curæ, scilicet quæ sunt pudica, quæ habet virgo vere mater Ecclesie sancta. Attamen nunquam fuit in Deo obliviosus. In ipsa autem civitate Aurelianis ædificavit monasterium in honore sancti Aniani, ut diximus; item, aliud in honore sanctæ Mariæ matris Domini nostri Jesu Christi et S. Hilarii confessoris summi. Sanctæ itidem Mariæ genitricis Dei cognomento Fabricatæ. Fecit inibi et monasterium sancti Vincentii martyris Christi; monasterium S. Pauli apostoli, in Cantogilo villa; monasterium S. Medardi, in Vitriaco castro; monasterium S. Leodegarii, in silva Aquilina; monasterium sanctæ Mariæ in Miliduno castro cum alia ecclesia: monasterium S. Petri et S. Reguli, in civitate Silvanectensi; monasterium sanctæ Mariæ in Stampensi castro; item in ipso castro, ecclesiam unam in palatio; in civitate Parisius, ecclesiam in honore S. Nicolai pontificis in palatio; monasterium S. Germani Antissiodorensis, S. Michaelis ecclesiam, in silva cognominata Bieria; item monasterium S. Germani Parisiacensis cum ecclesia S. Vincentii, in silva cognominata Ledia; in villa, quæ dicitur Gomedus, ecclesiam in honore S. Aniani; item in villa Faida, ecclesiam in honore S. Aniani; monasterium sanctæ Mariæ, in Pisciaco; monasterium S. Cassiani in Augustiduno. Pro his omnibus et aliis innumerabilibus quæ per Domini virtutem operatus est bonis, oremus singuli, oremus omnes et dicamus : « Deus, qui inter sanctissimos reges famulum tuum Robertum regali fecisti dignitate vigere, præsta, quæsumus, ut quorum vicem ad horam gerebat in terris, intercedente gloriosa Dei genitrice Maria cum omnibus sanctis, eorum quoque perpetuo consortio lætetur in cælis. Per eundem Dominum nostrum. »

Ante suum sane sanctissimum obitum, qui tertio decimo Kalendis Augusti existit, die passionis apostolorum sanctorum Petri et Pauli, sol ad similitudinem quartæ lunæ subtractis radiis fuscatus apparuit in toto mundo, hora diei sexta pallescens super homines. Quorum visus ita obnubilavit ut nullus alium recognosceret, donec quoddam recognoscendi transiret spatium. Quid autem portenderit, in proximo patuit, cum nil nobis miserius aluit quam de sua morte dolorem intolerabilem reliquerit. A die enim S. Petri ad sui sanctissimi transitus diem viginti et unus dies supputantur. In quibus diebus

sancta David canens meditabatur legem Domini A die ac nocte, ut procul dubio ei concedari queat illud quod de sanctissimo Patre Benedicto specialiter dictum est :

*Psalmicenus assiduus nunquam dabit otia plectro,
Sacra canens obiit psalmicenus assiduus.*

Cogoverat autem hic miles beatus tunc Dei servus pacem esse liberam quietem tranquillam, quando de hujus mundi turbinibus abstracti ad sedem et securitatem æterni portus intrarent et absorpta morte ad immortalitatem venirent. Festinabat enim supra nominatis virtutibus de præsentis tristitia ad lætitiæ venire perennem. Dicebat illi perfectum esse gaudium, qui elaboraret ut videre posset Christum Deum. Exire ipse de hoc sæculo parat s. Dominum Jesum suæ salutis atque utilitatis mag- B gistrum semper invocabat. Ad videndam regis æterni insuperabilem potentiam angelos, archangelos et omnes Dei sanctos in auxilium suum venire voce, signis indesinenter orabat, muniens se semper in fronte et oculis, naribus et labiis, gutture et auribus per signum sanctæ crucis, memoria Dominicæ incarnationis, nativitatis, passionis, resurrectionis et ascensionis et gratiæ Spiritus sancti. Habuit hoc ex more in vita, cui nunquam defuit voluntate aqua benedicta. His vero aliisque refertus bonis virtutibus, sexagenarius, ut credimus, opperiebat mortem intrepidus. Et invalescente validæ febris languore, petiit viaticum salutare et salubre vivifici corporis et sanguinis Domini nostri Jesu Christi. Sumpto eo et, parvo inter- C vallo facto, ad Regem regum et Dominum dominorum demigrans, felix feliciter felicia promeruit regna. Obdormivit autem, ut diximus, in Domino decimo tertio Kal. Augusti, lucescente aurora diei tertiæ Sabbati, Miliduno castro ; et Parisius deportatus apud S. Dionysium juxta patrem suum sepelitur ante altare sanctæ Trinitatis. Fuerat ibi ingens luctus, intolerabilis dolor, dum monachorum ingemiscens turba pro absentia tanti Patris, clericorum innumerabilis multitudo ærumnas suas ab ipso sancto pie relevatas dolens, viduarum et orphanorum infinitus numerus, beneficia ab eo percepta deplorans, dabat voces ad cælum immensas. Una pro cæto omnium vox : « Rex magne, Deus bone, ut quid nos interficis, cum nobis Patrem bonum abstrahis, et tibi adjungis ? » Pugnans enim pectora percutientes ibant et revertebantur ad sancti tumultum, repetentes jam dicti sermonis versiculum, adjicientes ut misereretur ei Deus in bonum precibus omnium sanctorum in sæculum sempiternum. In cujus morte, heu ! proh dolor ! ingeminatis vocibus acclamatum est : « Roberto imperante et regente, securi viximus, neminem timuimus. Patri pio, patri senatus, patri omnium honorum, felix anima et salus, felix ad superna ascensus, felix cum Christo rege regum per sæcula cohabitatio. »

Hujus igitur mirabilis regis portio in cœlesti regno fuit Dominus Deus. Etenim narranda est. Fastigio regni erectus in sublimi, hic humillimus vir

Dei abiecit a se jactantiam inhonestæ mentis, quæ sunt honorum sublimia, mundi gloriam et in oculis suum collocans thesaurum, propter hoc hujus portio factus est Deus. Magnus apud Deum ejus thesaurus, egregius sanctarum divitiarum cumulus, cubile requietionis sanctæ perpetuum, cuius est Deus propitiatio qui fuit totius mundi liberatio. Inter alia unum quiddam doloris nobis hoc affert quod talis ac tantus vir sine titulo ornatu lapidis, sine nomine, sine litteris jacet, cujus in toto terrarum orbe gloria et memoria in benedictione est. Proinde omni sæculo profuit et proferit hujus serenissimi regis ratio, cui indesinenter adhæsit ecclesiasticus et sibi semper amabilis monasticus ordo. Hunc Christus Deus bonum omnibus dederat patrem. Attamen libet adnotare paucis in fine hujus Operis innumeratam hujus mirabilis bonitatem regis. Sermocinans quis cum eo non est lætificatus gaudio magno ? pacem quis desiderans in ejus conspectu non abhorruit iram ? Vultus sui præsentiam aspiciens quis non est oblitus dolos ? Orationibus ejus quis monachorum non habuit requiem et non est amatus, dilectus et veneratus ? Ejus sanctissima admonitione quis clericorum non fuit amator castimonie ? Ipsius amabilia verba quibus non fuerunt medicamina ? Aspectus ejus quibus non profuit insipientibus, ut virga ? Oculos ejus humiles quis aspiciens non est meditatus cœlestia ? Pauper et esuriens quis non satiatum ab ejus recessit mensa ? Mortuus qui suo termino non ejus vestitus est vestimento ? Hebes quis non est ab eo factus sapiens ? Viduas et pauperes, ad exemplum bonæ Dorotheæ, non ab eo datas ostenderunt vestes ? (Act. ix, 39.) Omnis miserorum multitudo, non eum patrem et nutrimentum inclamavit ? Incidens quis in peccatum, non hujus sanctæ consolationis habuit auxilium ? Domitians quis prætedio non est vigilatus a somno ? Laudans quis Deum hunc non habuit in exemplum ? Eleemosynam quis facere desiderans hunc non accipit imitatorum, quasi alium Joannem ? Joannem dico Alexandrinum patriarcham qui pro ejus immensa, quæ fuit super miseros et pauperes misericordia, misericors dici et esse meruit sua in vita simul et in omni terra. Enimvero non fuit ei similis post sanctum David de cunctis regibus terræ in sanctis virtutibus, humilitate, misericordia, pietate et charitate, quæ super omnes est et sine qua nemo videbit Deum, quia semper adhæsit Domino et non recessit a mandatis ejus corde perfecto. Cætera, quæ sunt de sæculi militiis, hostibus devictis, honoribus virtute et ingenio acquisitis, historiographis scribenda relinquimus. Qui si fuerint et ea scriptitaverint, inventient in eis patrem et filios belliciosos et insigni gloria gloriosos. Jam nunc monachorum, clericorum, viduarum, orphanorum et omnium pauperum Christi ex parte habeas perpetuum vale, noster præcordialis amor Roberti, et profer preces pro servo propitiabili Christo Deo, cui complacuit laudabili vita et servitio et per sanctarum virtutum merita promeruit

coelestia regna. Annuat hoc Deus omnipotens qui a simis regibus ornat caelos, cujus regnum et imperium justificat impios, et vivificat mortuos, et sanctis- rium permanet in sæcula sæculorum.

EPITAPHIUM HUGONIS MAGNI

ROBERTI REGIS FILII,

Quod fecit Girardus Aurelianensis.

Ex antiquo Ms. cod. Viri Cl. Alexandri Petavii senatoris Paris.

Sublatum viduæ juvenem tibi, Francia, luge,
Quæ caput extuleras damna tui lugeas.
Exue quidquid habes, festina scindere vestes,
Dilacerans crines da capiti cineres.
Indomitos dociles qui redderet arduus hostes,
Hugo, decus patrium flos cecidit juvenum.
Indolis extremæ miro dilectus amore,
Nunc etiam luctus et dolor immodicus.

B Celtiberi laerymant, te regem Roma petebat,
O miserande puer ! sed tumulatus hic es.
Aspectu pulcher, victis pius, hostibus acer,
Si fore vir posses, te Babylon tremeret.
Parthus et in pharetra propter te conderet arma,
Apparensque minor cederet orbis honor.
Pax igitur tibi sit, quæ claudi limite nescit :
Lector ad hoc pronus quod repetat petimus.

ROBERTI REGIS FRANCORUM EPISTOLÆ.

EPISTOLA PRIMA.

ROBERTI AD LEOTHERICUM SENONENSEM ARCHIEPISCO-
PUM.

[Cum sit tibi nomen scientiæ, etc. *Exstat supra in
vita Roberti, col. 912.*]

EPISTOLA II.

ROBERTI AD GAUZLINUM BITURICENSEM ARCHIEPISCO-
PUM.

(Circa annum 1022.)

ROBERTUS nutu Dei Francorum rex, GAUZLINO præsuli Bituricensium salutem. Volo vos scire animi mei motum qualiter se habet, ut forte accidere solet, cum mens humana movetur, si quid mirabile præter solitum insperate auditur. Dum ergo die Sabbati jam exhausto sederem ad cœnam, allata fuit mihi quedam epistola a Willelmo comite, de quodam portento mirabili auditu, scilicet tribus diebus ante solemnitatem Joannis Baptistæ in quibusdam partibus regni mei, videlicet in partibus Aquitanie, juxta plagam maritimam, pluisse de cœlo talis naturæ sanguinem, ut cum fortuito cadebat super carnem hominis, aut super vestimentum, aut super petram, non posset auferri lavando. Si vero cadebat super lignum, tum bene lavabatur. Si quidem per eandem epistolam petiit a me idem Guillelmus comes, ut ego requirem a mei regni sapientibus quid hoc portentum significaret. Ego vero volo et precor ut perquiratis in quibusdam historiis si unquam accidisset hujus simile, et quod factum sequeretur hujus rei portentum. Mihi que hoc eodem legato rescri-

C bite quomodo acciderit, et in qua historia inveniri possit. Attamen deprecor ne differatis ad rescribendum mihi, quia tandiu legatum hujus portenti tenebo, donec mihi respondeatis. Valete.

EPISTOLA III.

GAUZLINI BITURICENSIS ARCHIEPISCOPI AD ROBERTUM RE-
GEM.

(Circa annum 1022.)

Domino regi Francorum excellentissimo ROTBERTO humilis GAUZLINUS æterni Regis consortium.

Quod placuit vobis interrogare de prodigio quod accidit, hoc nobis ex historiis aperte patet. Quod sanguis super gladium, aut civile bellum, aut gentem super gentem exurgere portendit; Valerius Rufus in libro Memorabilium, capitulo quarto, De prodigiis, hæc refert : « Gaio Volumnio, Servilio Sulpicio consulibus, in urbe Roma initia motusque bellorum civilium hoc prodigium portendit. Carnis in modum nimbi dissipatæ partes ceciderunt. Quarum majorem numerum præpetes diripuerunt aves, reliquum humi per aliquot dies, neque odore tetro, neque deformi aspectu mutatum jacuit. In Sicilia scuta duo sanguinum sudasse; etiam metentibus cruentas spicas in corbem cecidisse. Oppido Ceritis aquas sanguine mixtas fluxisse, » Chronica Eusebii de prodigiis hoc refert : » Valentiniano imperante, post solis occasum ab aquilone cœlum quasi ignis aut sanguis effectum est. Gentis Hunorum, pace rupta, irruptio in Gallis secuta est. » Item anno Leonis imperatoris septimo, medio Tolosæ civitatis

sanguis erupit de terra, et tota die fluxit, significans dominationem Gothorum sublatam. Item Historia Longobardorum libro III, cap. 6 : « Tempore Theodeberti regis Francorum signum sanguinem in cœlo apparuit, et quasi hastæ sanguinæ. Eo tempore ipse Theodebertus cum Lothario avunculo suo bellum gerens, ejus exercitum vehementer afflixit. » Item in eadem Historia : « Temporibus Justiniani in provincia præcipue Liguriæ maxima pestilentia exorta est. Subito enim apparebant quædam signacula per domos, ostia, vasa vel vestimenta. Quæ si quis voluisset abluere, magis magisque apparebant. Post annum vero expletum, cœperunt nasci in inguinibus hominum vel in aliis debilitatoribus locis glandulæ in modum nucis seu dactyli, quas mox sequebatur februm intolerabilis æstus, ita ut in triduo homo exstingeretur. Sin vero aliquis triduum transegisset, habebat spem vivendi. Erat autem ubique pavor, ubique luctus, ubique lacrymæ. Nam ut vulgi rumor habebat fugientis cladem vitæ, relinquiebantur domus desertæ habitatoribus, solis catulis domus servantibus. Peculia sola remanebant, in pascuis nullo astante pastore. Cerneres pridem villas seu castra repleta agminibus hominum, postera die universis fugientibus cuncta esse in summo silentio. Fugiebant filii, cadavera insepulta parentum relinquentes. Parentes, oblii pietatis in viscera, natos relinquebant æstuantes. Si quem forte antiqua pietas perstringebat, ut vellet sepelire proximum, restabat ipse insepultus ; et dum obsequebatur, perimebatur. Dum funeri obsequium præbebat, ipsius funus sine obsequio manebat. Videres sæculum in antiquum redactum silentium : nulla vox in rûre, nullus sibilus, nullæ insidiæ bestiarum in pecudibus, nulla damna in domesticis volucris. Sata transgressa metendi tempus intacta expectabant messorum. Vineæ amissis foliis radiantibus uvis illæsa manebat, hieme propinquante. Nocturnis seu diurnis horis personabat turba bellantium, audiebatur a pluribus quasi murmur exercitus. Nulla erant vestigia comœtantium, nullus cernebatur percussor ; et tamen visum oculorum superabant cadavera mortuorum. Pastoralia loca versa fuerant in sepulturam hominum, et habitacula humana facta fuerant confugia bestiarum. » Hæc de historiis pauca prænotavimus. Quod vero cecidit super petram, et abluui non poterat, videtur significare Ecclesiam sanctam ; quæ super petram, id est Christum, fundata, tribulationem passura sit. Quod vero super carnem hominis et vestimentum ejus cecidit, abluui poterat. Non incongrue accipitur per carnem populus, per vestimentum substantia quæ ad adiutorium hujus vitæ nobis conceditur. Ligno etiam datur intelligi vitale lignum sanctæ crucis, et baptismum quo sumus regenerati ad vitam. Lignum ad humorem aquæ virescit. Et quando Judaicus populus in eremo sitiivit, et præ amaritudine aquas bibere non potuit, jubente Domino misit Moyses lignum in aquam, et conversa est amaritudo in dulcedinem,

PAROL. CXXI.

et refocillatus est populus. Arca enim Noe de lignis fabricata quid significet non ignoratis. In quibus omnibus per lignum non nisi misericordiam suam Dominus operatus est. Quia igitur de ligno sanguis lavabatur, creditur quod per poenitentiam et elemosynam, et cæteros fructus misericordiæ, qui intra sinum matris Ecclesiæ exercentur, severitas et indignatio justis iudicis Dei, quæ merito peccatoribus debetur, et ad misericordiam possit reflecti. Misericors est enim Dominus adeo, sicut Psalmista loquitur, *ut non solum homines, sed etiam jumenta salvet*. Omnipotens Deus dilatet imperium vestrum, et dextera vos semper protegat, et ad pacem sanctæ Ecclesiæ vitam vobis longævam tribuat, et sua vos benedictione in omnibus exornet.

EPISTOLA IV.

FULCONIS ANDEGAVORUM COMITIS AD ROBERTUM REGEM
(Circa annum 1022).

Domino suo regi ROBERTO FULCO Andegavorum comes salutem et fidele servitium.

Guillelmus Pictavorum comes, herus meus, locutus est mihi nuper, dicens quod, postquam Itali discesserunt a vobis, diffisi quod vos regem haberent, petierunt filium suum ad regem. Quibus ille invitatus coactusque respondit tandem acquiescere se voluntati eorum, si consentirent illis cuncti marchiones Italiæ et episcopi, ac cæteri meliores. Illi promiserunt quod recta fide facerent illos consentire, si possent. Nunc ergo mandat vobis, postulans suppliciter gratiam vestram [ut detineatis homines de Lotharingia, et Fredericum ducem, atque alios quos poteritis, ne concordent cum rege Cono, inflectendo eos quantum quiveritis ad auxilium ejus. Dabit vobis pro hoc negotio mille libras denariorum, et centum pallia, et dominæ reginæ Constantiæ quingentas libras nummorum. Orat vos ut ipse eam salutetis, et filium vestrum regem ex parte sua : et ego precor significari litteris aut nuntiis quid animi vobis sit super hoc quod ipse vos rogat, ut renuntiet illi. Vale.

EPISTOLA V.

ODONIS COMITIS AD ROBERTUM REGEM.
(Anno 1024).

Domino suo regi ROBERTO comes Odo.

Pauca tibi, domine, dicere volo, si audire digneris. Comes Richardus, tuus fidelis, monuit me venire ad justitiam, aut concordiam, de querelis quas habebat contra me. Ego vero misi causam hanc totam in manu ipsius. Tum ille ex consensu tuo constituit mihi placitum, quando et ubi hoc perfici posset. Sed instante termino cum ad hoc peragendum paratus essem, mandavit mihi ne me fatigarem ad conductum placitum veniendo, quia non erat tibi cordi aliam justificationem sive concordiam recipere nisi hoc tantum ut faceres mihi defendere quod non essem dignus ullum beneficium tenere de te. Nec sibi competere dicebat, ut me ad tale iudicium exhiberet sine conventu parium suorum. Hæc causa est cur tibi ad placitum non occurrerem. Sed de te, domine

mi, valde miror, qui me tam præpropere causa indiscussa tuo beneficio judicabas indignum. Nam si respiciatur ad conditionem generis, daret Dei gratia quod hæreditabilis sim. Si ad qualitatem beneficii quod mihi dedisti, constat quia non est de tuo fisco, sed de his quæ mihi per tuam gratiam ex majoribus meis hæreditario jure contingunt. Si ad servitii meritum, ipse profecto nosti, donec tuam gratiam habui, quomodo tibi servierim domi, et militiæ, et peregre. At postquam tuam gratiam avertisti a me, et honorem quem dederas mihi tollere nisus es, si me et honorem meum defendendo aliqua tibi ingrata commisi, feci hoc laceratus injuriis et necessitate coactus. Quomodo enim dimittere pos-

sum, et non defendam honorem meum? Deum et animam meam testor quod magis eligerem honoratus mori, quam vivere dishonoratus. At si me dishonorare velle desistas, nihil in mundo est quod magis quam gratiam tuam vel habere vel promereri desiderem. Discordia enim tua mihi quidem molestissima est, sed et tibi, mi domine, tollit officii tui radicem et fructum: justitiam loquor et pacem. Unde suppliciter exoro clementiam illam, quæ tibi naturaliter adest, si maligno consilio non tollatur, ut jam tandem a persecutione mea desistas, meque tibi sive per domesticos tuos, seu per manus principum reconciliari permittas. Vale.

HYMNI ET RESPONSORIA

ROBERTO REGI ASCRIPTA.

(Hymnum de Spiritu sancto edimus ex Daniele, *Thesaurus hymnologicus*, tom. II, pag. 35; reliquos suppeditavit CHLICHTOVÆUS, *Elucidatorium ecclesiasticum*, Paris 1521, fol. tom. II. pag. 37, 206, 207, 217, 230, 141, 121. Vide *Notitiam litterariam* supra.)

I.

Hymnus de Spiritu sancto (4)

1. Veni sancte Spiritus
Et emitte cœlitus
Lucis tuæ radium,
2. Veni pater pauperum,
Veni dator munerum,
Veni lumen oordium.
3. Consolator optime,
Dulcis hospes animæ,
Dulce refrigerium.
4. In labore requies,
In æstu temperies
In fletu solatium.
5. O lux beatissima
Reple cordis intima
Tuorum fidelium.
6. Sine tuo numine
Nihil est in homine
Nihil est innoxium.

B

7. Lava quod est sordidum,
Riga quod est aridum,
Sana quod est saucium.
8. Flecte quod est rigidum,
Fove quod est frigidum,
Rege quod est devium.
9. Da tuis fidelibus
In te confidentibus
Sacrum septenarium.
10. Da virtutis meritum,
Da salutis exitum,
Da perenne gaudium.

II.

Hymnus in tempore paschali.

Chorus novæ Hierusalem

C

- Nova meli dulcedine
Promat: colens cum sobriis
Paschale festum gaudiis.
Quo Christus invictus leo
Dracone surgens obruto,

(4) Omnes sacrorum carminum amatores, quales et quotquot fuere, regium poetam Davidis instar nomini Domini psallentem dignum censebant quem summis laudibus eveherent. Optime Chlichtovæus: « Non satis hæc oratio, mea quidem sententia, commendari potest, nam omni commendatione superior est. — Crediderim facile auctorem (*quisquis is fuerit*) cum hanc contextuit orationem celesti quadam dulcedine perfusum esse interius, qua Spiritu sancto auctore tantam eructavit verbis ab eo succinctis suavitatem. » — Inde hæud miramur, Sequentiam supra positam in plurimis ecclesiis in usu fuisse, præsertim feria secunda Pentecostes. Nam in ipsa Dominica cantus: *Sancti Spiritus nobis adsit gratia*, qui majorem vetustatem redolebat, fere ubique sedem suam obtinuit. Ut nunc est, cum ex universa Sequentiarum clade, quæ sæculo decimo sexto facta est, solus Robertus cum tribus aliis poetis salvus evaserit, cantatur ipsa Pentecostes solemnitate « et dicitur quotidie usque ad sequens

Sabbatum inclusive. » Neque in Lutheri Ecclesia carmen nostrum obticuit; dolendum tamen est non fuisse, qui Sequentiam eleganter ac suaviter fecerit Germanicam. Vetustior translationem quæras Ald. Bl. IV, p. 379. — 2. Matth. v, 3, *Beati pauperes spiritu*. — 4. Aug. *et fletu*. — 6. Pm. Torr. *in lumine*, Opinabantur editores omnes carminis versiculos desinere in *ἠμοιόλιοντα*. Laudatur strophæ sexta in Confessione Augustana. — 7. M. 12, *sana — riga*. — 8. Pr., *reduc quod*. — 9. M. 12. 17. Fr. Es., *sacro septenario*. Hi libri faciunt stropham nonam arctissime coherentem cura decima. — Noli tandem prætermittere artificiosam totius carminis *οὐκονομίας*. Id unum precatur poeta ut Spiritus sanctus veniat, ut det munera sua fidelibus. Incipit igitur: *Veni* et iterum sanctum munus flagitat ter repetendo vocem: *Veni*. Simili ratione strophæ non a primo loco exhibet vocabulum: *Da*, quod, duobus versibus interpositis, ter profertur in strophæ decima.

Dum voce viva personat :
 A morte functos excitat.
 Quam devorarat improbus
 Prædam refundit tartarus :
 Captivitate libera
 Jesum sequuntur agmina.
 Triumphat ille splendide :
 Et dignus amplitudine,
 Soli, polique patriam,
 Unam facit rempublicam.
 Ipsum canendo supplices
 Regem precemur milites.
 Ut in sub clarissimo
 Nos ordinet palatio.
 Per sæcla metæ nescia
 Patri supremo gloria ;
 Honorque sit cum Filio
 Et Spiritu paraclito.
 Amen.

III

Item hymnus in tempore paschali.

Te, lucis auctor, personent
 Hujus catervæ carmina
 Quam tu replesti gratia
 Anastasis potentia.
 Nobis dies hic innuit
 Diem supremum sistere :
 Quo mortuos resurgere
 Vitæque fas sit reddere.
 Octava prima redditur :
 Dum mors ab unda tollitur.
 Dum mente circumcidimur :
 Novique demum nascimur.
 Dum mane nostrum cernimus
 Redisse victis hostibus :
 Mundique luxum temnimus,
 Panem salutis sumimus.
 Hæc alma sit sollempnitas :
 Sit clara hæc festivitas ;
 Sit feriata gaudiis
 Dies reducta ab inferis.
 Amen.

IV.

Prosa in Ascensione Domini.

Rex omnipotens, die hodierna,
 Mundo triumphali redempto potentia,
 Victor ascendit in cœlos unde descenderat.
 Nam quadraginta postquam surrexerat
 Diebus sacris confirmans pectora apotolorum,
 pacis chara relinquans oscula.
 Quibus et dedit potestatem laxandi crimina,
 Et misit eos in mundum baptizare cunctas ani-
 mas.
 In Patris, et Filii, et Spiritus sancti clementia.
 Et convalescens præcepit eis ab Hierosolymis
 Ne abirent sed exspectarent promissa munera.
 Non post multos enim dies mittam vobis Spiritum
 paraclitum in terris.

A Et eritis mihi testes in Hierusalem, Judæa, sive
 Samaria.
 Et cum hoc dixisset, videntibus illis elevatus est,
 et nubes clara.
 Suscepit eum ab eorum oculis, intuentibus illis
 in aera
 Ecce steterè amicti duo viri in veste alba
 Juxta dicentes : Quid admiramini cœlorum
 alta ?
 Jesus enim hic qui assumptus est a vobis ad
 Patris dexteram,
 Ut ascendit ita veniet, quærens talenti commissi
 lucra.
 O Deus mari, poli, arvi, hominem quem creasti;
 quem fraude subdola
 B Hostis expulit paradiso ; et captivatum secum
 traxit ad tartara ;
 Sanguine proprio quem redemisti, Deus ;
 Illuc et revehis, unde prius corruit paradisi glo-
 ria.
 Judex, cum veneris judicare sæcula ;
 Da nobis, quæsumus, sempiterna gaudia in san-
 ctorum patria.
 In qua tibi cantemus omnes alleluia.
 Amen.

V.

Prosa in die Pentecostes.

C Sancti Spiritus adsit nobis gratia,
 Quæ corda nostra sibi faciat habitaculum,
 Expulsis inde cunctis vitis spiritualibus,
 Spiritus alme, illustrator hominum,
 Horridas nostræ mentis purga tenebras...
 Amator sancte sensorum semper cogitatum,
 Infunde unctionem tuam, clemens, nostris sen-
 sibus.
 Tu, purificator omnium flagitiorum, Spiritus,
 Purifica nostri oculum interioris hominis,
 Ut videri supremus Genitor possit a nobis,
 Mundi cordis quem soli cernere possunt oculi.
 Prophetas tu inspirasti, ut præconia Christi præ-
 cinaissent inclyta,
 Apostolos confortasti, ut tropæum Christi per
 totum mundum verherent ;
 D Quando machinam per verbum suum fecit Deus,
 cœli, terræ, marium,
 Tu super aquas, fofurus eas, numen tuum expan-
 disti spiritus.
 Tu animabus vivificandis aquas fecundas.
 Tu aspirando das spirituales esse homines ;
 Tu divisum per linguas mundum et ritus adu-
 nasti, Domine ;
 Idolatras ad cultum Dei revocas, magistrorum
 optime.
 Ergo nos supplicantes tibi exaudi propitiuss,
 sancte Spiritus,
 Sine quo preces omnes cassæ creduntur, et indi-
 gnæ Dei auribus.
 Tu qui omnium sæculorum sanctos tui numinis
 docuisti instinctu amplectendo, Spiritus,

Ipsè hodie apostolos Christi donans munere in- A
solito et cunctis inaudito sæculis,
Hunc diem gloriosum fecisti. Amen.

VI.

Responsorium.

Ingrediente Domino in sanctam civitatem, Hæ-
bræorum pueri resurrectionem vitæ pronuntiantes,
cum ramis palmarum Hosanna clamabant in ex-
celsis. — *Versus* cum audisset populus quia venit
Jesus Hierosolymam, exierunt obviam ei cum ra-
mis, etc. — *Antiphona*: Ave, rex noster, fili Da-
vid, Redemptor mundi, quem prophetæ prædica-
verunt Salvatorem domui Israel esse venturum.
Te enim ad salutarem victimam Pater misit in
mundum, quem expectabant omnes sancti ab
origine mundi, et nunc : Hosanna filio David.

VII.

In eodem festo, aliud responsorium.

Ad nutum Domini, nostrum ditantis honorem.
Sicut spina rosam, genuit Judæa Mariam. — *Versus*.
Ut vitium virtus operiret, gratia culpam. Sicut
spina rosam, etc.

VIII.

In Septuagesima.

Peccata mea, Domine, sicut sagittæ infixæ sunt
in me. Sed antequam vulnera generent in me, sana
me, Domine, medicamento pœnitentiæ, Deus. —
Versus. Quoniam iniquitatem meam ego cœgnosco,
et delictum meum coram me est semper ; tibi soli
peccavi. Sed antequam, etc.

IX.

In Quadragesima.

Emendemus in melius quæ ignoranter peccavi-
mus, ne subito præoccupati die mortis, quæra-
mus spatium pœnitentiæ, et invenire non possi-
mus. Attende Domine, et misere, quia pecca-
vimus tibi. *Versus*. Peccavimus cum patribus no-
stris injuste egimus, iniquitatem fecimus. — At-
tende, etc.

Dominica in Passione.

Circumdederunt me viri mendaces, sine causa
flagellis ceciderunt me. Sed tu, Domine, defensor,
vindica me. — *Versus*. Quoniam tribulatio pro-
xima est, et non est qui adjuvet. Sed tu Do-
mine, etc.

X.

Tempore paschali.

Christus resurgens ex mortuis jam non mortur,
mors illi ultra non dominatur. Quod enim vivit,
vivit Deo. Alleluia, alleluia. — *Versus*. Dicaat nunc
Judæi quomodo milites custodientes sepulcrum
perdiderunt regem ad lapidis positionem. Quare
non servabant Petram justitiæ ? aut sepultum red-
dant, aut resurgentem adorent nobiscum, dicen-
tes : Quod enim vivit, etc.

XI.

In die Ascensionis Domini.

Post passionem suam per dies quadraginta ap-
paruit eis, loquens de regno Dei. Alleluia. Et vi-
dentibus illis elevatus est. Alleluia. Et nubes sus-
cepit eum ab oculis eorum. Alleluia. — *Versus*. Et

convalescens præcepit eis ab Hierosolymis ne disce-
derent, sed expectarent promissionem Patris. Et
videntibus, etc.

XII.

In die Pentecostes.

Cum completerentur dies Pentecostes, erant om-
nes pariter dicentes : Alleluia. Et subito factus
est sonus de cœlo, alleluia. Tanquam spiritus,
torrens replevit totam domum, alleluia, alleluia.
— *Versus*. Repleti sunt omnes Spiritu sancto,
et cœperunt loqui. Tanquam spiritus torrens,
etc.

XIII.

In die festo sacramenti Eucharistiæ.

Homo quidam fecit cœnam magnam, et misit
servum suum hora cœnæ discere invitatis ut ve-
nissent, quia parata sunt omnia. — *Versus*. Ve-
nite, comedite panem meum, et bibite vinum quod
miscui vobis. Quia parata, etc.

In eodem festo, aliud responsorium.

Respexit Elias ad caput suum subcinerium
panem. Qui surgens comedit et bibit. Et ambula-
vit in fortitudine cibi illius usque ad montem Dei.
— *Versus*. Si quis manducaverit ex hoc pane, vi-
vet in æternum. Et ambulavit, etc.

In eodem festo, aliud responsorium.

Qui manducat meam carnem et bibit meum
sanguinem, in me manet et ego in eo. — *Versus*.
Non est alia natio tam grandis quæ habeat deos
appropinquantes sibi, sicut Deus noster adest no-
bis. In me manet, etc.

XIV.

In dedicatione templi.

Benedic, Domine, domum istam quam ædificavi
nomini tuo ; venientium in loco isto exaudi pre-
ces in excelso solio gloriæ tuæ. — *Versus*. Beati
qui habitant in domo tua, Domine ; in sæcula
sæculorum laudabunt te. Exaudi preces in ex-
celso.

In eodem festo, aliud responsorium.

Terribilis est locus iste. Non est hic aliud nisi
domus Dei et porta cœli. Vere etenim Dominus est
in loco isto et ego nesciebam. — *Versus*. Cumque
evigilasset Jacob quasi de gravi somno, ait : Vere
etenim, etc.

XV.

De pluribus martyribus.

O constantia martyrum laudabilis ! O charitas
inextinguibilis ! O patientia invincibilis !

Quæ, licet inter pressuras persequentium visa
sit despicibilis, invenietur in laudem et gloriam et
honorem, in tempore retributionis.

— *Versus*. Nobis ergo petimus piis subveniat
meritis, honorificati a Patre qui est in cœlis. Inve-
nietur in laudem, etc.

XVI.

Responsorium in adventu Domini.

Ecce dies veniunt, dicit Dominus, et suscitabo
David germen justum, et regnabit rex et sapiens
erit ; et faciet judicium et justitiam in terra. Et hoc
est nomen quod vocabunt eum : Dominus justus

noster. — *Versus.* In diebus illis salvabitur Juda, A et Israel habitabit confidenter. Et hoc est nomen.

XVII.

Responsorium in vigilia natiuitatis Domini.

Judæa et Hierusalem nolite timere. Cras egrediemini ; et Dominus erit vobiscum. — *Versus.* Constantes estote ; videbitis auxilium Domini super vos. Cras egrediemini.

XVIII.

Responsorium in natiuitate Domini. — De beata Virgine.

Sancta et immacula virginitas, quibus te laudibus efferam nescio, quia quem cœli capere non poterant tuo gremio contulisti. — *Versus.* Benedicta tu in mulieribus, et benedictus fructus ventris tui, quia, etc.

In Purificatione beatæ Mariæ.

Gaude, Maria virgo, cunctas hæreses sola interemisti ; quæ Gabrielis archangelis dictis credidisti.

Dum Virgo Deum et hominem genuisti.

Et post partum Virgo inuolata permansisti.

Versus : Gabrielem archangelum scimus diuinitus te esse affatum.

Uterum tuum de Spiritu sancto credimus impregnatum.

Erubescat Judæus infelix, qui dicit Christum ex Joseph semine esse natum.

Dum Virgo, etc.

XIX.

In commemoratione beatæ Virginis.

Felix namque es, sacra virgo Maria, et omni laude dignissima.

Quia ex te ortus est sol justitiæ, Cristus Deus noster.

Versus. Ora pro populo, interueni pro clero, intercede pro devoto femineo sexu ;

Sentiant omnes tuum iuuenem quicumque celebrant tuam commemorationem.

B Quia ex te, etc.

XX.

In Natiuitate beatæ Virginis.

Solem justitiæ. Regem paritura supremum,

Stella, Maria, maris, hodie processit ad ortum.

Versus :

Cernere diuinum lumen gaudete fideles.

Stella maris, etc.

ROBERTI REGIS FRANCORUM DIPLOMATA.

I.

Hugonis atque Roberti regum diploma de electione abbatum et ecclesie Sancti Leodegarii de Campellis (5).

(Anno 994.)

[MABILL., *De re diplomatica*, vi, pag. 598, ex chartulario Sancti Germani Antissiod.]

In nomine sanctæ atque individue Trinitatis, HUGO atque ROBERTUS, gratia Dei reges inclyti.

Omni nostræ militiæ nostræ seruituti devotæ regum benignitas atque excellentia, quæ honorum virorum votis competunt non modo roborare, verum etiam magnifico debet auxilio supplere benigno hortari favore, imo totis benevolentiæ viribus proficere. Magnæ siquidem æternæque retributionis participem se noverit, qui his quæ Dei sunt, quoquo modo se inseruerit. Verum virtutis auctor, suppletor, fautor, benignissimi Jesu magnificentiæ non expers erit, cum pro se quæ Dei voto sunt iuverit. Omnium enim quæ omnipotentis Dei fiunt amore, idem retributor est maxima benignitate. Ergo regum benignitas, quorum auctoritate ea quæ casis Dei conferuntur, fixa atque

A permanere debent inconvulsa, clementissima Jesu confisa misericordia justa præmia æternæ præstatur vitæ. Quapropter magni atque summo dignissimi honore Ducis Burgundiæ, Henrici nomine, sanctæ congratantes voluntati, ea quæ per venerabilem abbatem, cui nomen sit Hilderico, nobis intimavit (digna enim ejus sunt omnia ista precata) stipulatione præcipua auctoramus, corroboramus, atque in perpetuum inconcusse firmamus. Idem enim abbas, vir Deo plenus, ab ejus parte ea quæ sunt sancti Benedicti subnixâ religione, imo canonum inviolabili auctoritate petens rogat, ut suæ abbatie locus, honore sancti Germani Antissiodorensi territorio constitutus, perpetuam abbatum electionem habeat secundum sancti Benedicti præceptum. Ergo hujus B ducis, nostri scilicet fratris, quoniam iusta est, voluntati, atque abbatis, quia recta est, legationi annuentes, precando monemus, monendoque regali imperio præcipimus ut nullus inibi constituatur abbas, nisi quem fratrum omnium cum Dei timore concors elegerit caterva : cujus abbatie tutationem sub manu regum aut forte ducum

(5) Cœnobium de Campellis, de quo hic agitur, situm erat in diœcesi Lingonensi, haud procul a Besuensi, aliud omnino a Campellensi ecclesia collegiata diœcesis Parisiensis in Briegio tractu, cujus mentio in Vita sancti Mederici, relata in Be-

nedictini Sæculi tertii parte 1. Vocatur item *beat-martyris Leodegarii monasterium quod Campellis cognominatur*, apud Glabrum initio libri v, qui Glaber aliquandiu ibidem versatus est monachus.

ejus regni constituimus, itat ut nullus principum eam invadere nec etiam audeat rogare. Adversariorum denique consuetudinum sic avellimus, ut ab hoc tempore usque in sæculum nihil patiaturs adversi, sed ab omni libera injuria libere Deo deserviat : quem locum quoniam dux diligit (patronum siquidem eum ipsum, scilicet sanctum Germanum, eligit specialiter habere in cœlis apud Deum), quadam suis abbatiola constructa patrimoniis in honore sancti Leodegarii martyris, nomine Campellis, ipsum eum locum ampliavit, pariterque ei villam Magniacum reddidit : scilicet ut in præfata abbatiola semper octo sint monachi, abbati scilicet præsidenti loco Sancti Germani subditi. Eis vero monachis a loco Sancti Germani nec liceat collum excutere, nec quemquam sibi nisi abbatem Sancti Germani, præferre : qui abbas ipsum loculum si sua forte industria, aut honorum hominum munificentia, plus octo monachorum ampliaverit, pro hujusce beneficii merito gratiam Omnipotentis hic mereaturque in cœlo. Igitur ut hujus benefacti mereamur esse participes, hanc nostræ auctoritatis præceptionem sigillo roboravimus inviolabiliter, volumusque observari per cuncta sæcula legaliter.

Datum v Idus Octob., anno regum Hugonis atque Roberti VIII. Actum in Dei nomine [in monasterio] Sancti Dionysii feliciter.

II.

Roberti regis præceptum pro confirmatione rerum quas Burchardus comes et Rainaldus episcopus Fossatensi monasterio tradiderunt.

(Anno 998).

[MABILL., *De re diplom.*, lib. VI, pag. 598, ex chartario Fossatensi.]

In nomine sanotæ et individue Trinitatis, ROBERTUS, divina providente clementia, Francorum rex.

Si erga loca divinis cultibus mancipata propter amorem Dei eorumque in eisdem locis famulantium beneficia opportuna largimur, præmium nobis apud Dominum æternæ remunerationis rependi non diffidimus. Idcirco noverit sagacitas seu industria omnium nostrorum fidelium, tam presentium quam et futurorum, quia quidam venerabilis sanctæ Parisiacensis Ecclesiæ episcopus, nomine Renoldus, et pater ejus Deo amabilis comes Burchardus, adierunt serenitatem nostram, humiliter petentes quatenus res beneficiis eorum quas monasterio Fossatensi, quod est dedicatum in honore beatissimæ Virginis Mariæ, et beatorum apostolorum Petri et Pauli, seu beati Mauri, Patris Benedicti discipuli, qui eodem loco requiescit, contulerunt, et abbati ejusdem loci nomine Teutoni, et fratribus ibidem Deo militantibus pro æternæ remuneratione vitæ, et pro animarum suarum absolutione, et animæ Elisabeth comitissæ tradiderunt, auctoritatis nostræ præcepto concedere et confirmare dignaremur. Suggestibus itaque ac intervenientibus dilectis nostris, videlicet dulcissima genitrice nostra Adelaide atque conjuge nostra Berta, nos precibus eorum libentissime faventes, traditionem [prædicto abbati Ep. P.] seu

A reliquis monachis præfatæ ecclesiæ munificentie nostræ præcepto confirmamus, per quod præcipimus atque jubemus ut ab hodierna die hac deinceps prædictus abba, alique monachi præfati monasterii illas res quæ sunt in pago Parisiacensi libere possideant, villam videlicet quæ vocatur Nobiliacus, cum advocacione et vicaria, cum ecclesia et altare absque synodo et circada, cum silvis, vineis, pratis, terris cultis et incultis, et cum omnibus suis appendiciis. Item in eodem pago ecclesiam, quæ sita est in vico qui Nosiacus dicitur, per deprecationem Goscelini [an Roscelini ?] vicecomitis Milidunensis tradiderunt, qui eam de illorum tebat beneficio. Item in eodem pago, in villa quæ vocatur Licias, mansum Algardis cum vineis, terris cultis, et omnibus ad illum pertinentibus : et in comitatu Milidunensi alodum unum qui vocatur Curciacus, cum advocacione et vicaria, cum pratis, terris cultis et incultis, et cum his quæ ad ipsum respiciunt. Et in Wastinensi pago alium alodum qui nuncupatur Seia, cum advocacione et ecclesia, et aqua cum piscaria, pratis, terris cultis et incultis, absque ulla vicariorum potestate congrue teneant atque possideant. Ob hoc præcipimus etiam ut nullus rex, nullus episcopus, nullus comes, aut ulla potestas illas res disponere, aut in sua potestate quidquam horum decernere vel delegare præsumat : sed perpetua soliditate in supradictorum fratrum potestate consistat disponendi seu faciendi ex his quidquid elegerint. Et ut hujus nostræ præceptionis edictum atque roborationis præceptum per cuncta ævi tempora inviolabilem obtineat firmitatis vigorem, manu propria subter confirmavimus, et annuli nostri impressione insigniri jussimus.

Data XIII Kal. Maii, indictione XI, anno X, regnante Roberto rege glorioso. Actum publicè Parisiaca urbe anno incarnati Verbi 998.

III.

Roberti regis præceptum, quo superiorum regum aliorumque concessionis cænobio Sancti Germani Antissiodorensi factas confirmat.

(Circa annum 1002.)

[MABILL., *De re diplom.*, lib. VI, pag. 600, ex chartario Sancti Germani Antissiod.]

In nomine sanctæ et individue Trinitatis, ROBERTUS, Divinitatis annuente clementia, rex.

D Regiæ dignitatis est circa religionis cultum pietate et justitia se extendere, servorumque Dei petitionibus votivis animis acquiescere. Quæ de re noverit omnium sanctæ Dei Ecclesiæ fidelium industria venerabilem abbatem Heldricum monasterii Sancti Germani Antissiodorensis, adhibita secum monachorum ejusdem loci congregatione, præceptum quoddam regiæ munificentie ab avo nostro Hugone Magno præfato cænobio impetratum atque collatum, nostræ serenitati detulisse, nostra quoque auctoritate denuo renovandum, atque in posterum transmittendum humiliter expetisse : quatenus et apostolicorum privilegia, et prædecessorum nostrorum, regum scilicet, præcepta omnia eidem præcepto inserta, hoc nostro sanctionis testimonio donaremus :

scilicet ut secundum fidem et eorum proprietatis continentiam perpetuo et inconvulsa maneant, et inviolata perdurent. Quorum petitioni benevolo favore assentes, maximeque ob gloriosi avunculi nostri domni Henrici ducis Burgundiae memoriam et Ottonis fratris ejus, qui sese particulariter inibi sub beati Germani patrocinio manciparunt, ut et sepulturæ mandati sint; nos quoque eundem locum sanctæ potius reverentiæ quam alicui subjectioni committimus, tradimus, sublimamus. Præcepta quoque omnia et auctoritates nostræ denuo astipulationis edicto confirmamus; ipsam quoque congregationem sub plenissima defensione nostra quietam ac liberam esse volumus, cum omnibus quæ ipsius monasterii sunt, vel quocunque modo pertinere videntur, inviolabiliter auctoritate nostra permanere decernimus, et sub nostræ tuitionis gubernatione suscipimus: ita ut sub nostra protectione liceat eis quiete vivere, et vivendo quiescere; nullusque episcopus, vel aliquis ex episcopabilibus ministris ibidem aliquid præsumat exercere iudicium: et nullus iudex publicus vel quilibet exactor iudiciariæ potestatis, vel aliquis ex nostris fidelibus, vel aliqua magna parvaque persona in omnibus rebus eidem loco subditis ad causas audiendas, vel freda aut tributa exigenda, aut mansiones vel paratas faciendas, aut fidejussores tollendos, aut homines ipsius monasterii, tam servos quam ingenuos, super terram ejusdem cœnobii commanentes distringere, aut illicitas occasiones nostris vel futuris temporibus requirere audeat: sed liceat monachis præfati cœnobii res ad sua stipendia pertinentes sub una immunitalis præceptione quieto ordine possidere. Jubemus ego ut neque ipsi monachi aut negotiatores eorum, neque homines qui per ipsam casam Dei sperare videntur, teloneum persolvere cogantur in civitatibus vel vicis, seu villis aut mercatis, vel in portibus aut portis, sicut in præcepto gloriosissimi Caroli imperatoris continetur. Præcipientes autem jubemus, et jubentes confirmamus, ut nulli abbatum ejusdem loci, aut cuilibet alteri personæ liceat ex præscriptis omnibus rebus aliquid in alios præterquam constituimus usus redigere aut retorquere, aut alicui habendum conferre, neque censum aut honorem aut dona quælibet, vel pastos canum in possessionibus suis, sive equorum, vel ab eisdem servis Dei receptus aliquos, nisi de more religionis pro hospitalitatis bono, quisquam ullatenus præsumat requirere: sed quidquid exinde fieri potest, juxta quod præscriptum est, regulari administratione usibus et utilitatibus eorum auctore Deo omnibus habeatur temporibus. Interea volumus et confirmamus, ut quidquid de sæculo in idem monasterium ad regularem conversationem agenda favente Deo venientes ex possessionibus suis obtulerint sive contulerint; vel alii quicunque hominum, sicuti eorum voluntas et collatio facta apparuerit, sine aliqua immutatione inviolabiliter semper perseveret atque permaneat. Concedimus etiam eidem congregationi eligendi Abbatem sibi licen-

tiam secundum regularem institutionem alio decedente. Et ut nullo unquam tempore sub alicujus episcopi dominatione redigantur, et nullus episcopus ipsam abbatiam a regia celsitudine exquirere, et ipsos monachos sollicitare aut inquietare præsumat, hac nostræ auctoritatis præceptione omnimodo interdiciamus. Si quis autem hujus nostræ auctoritatis temerarius violator aut contemptor esse temptaverit, non valeat impetrare quod expetit: sed insuper pro regie majestatis contemptu centum libras auri cocti cogatur exsolvere; medietatem cameræ nostræ, medietatem ipsis monachis; de ceteris vero supradictis præceptionibus immunitatis a contemptoribus pœna exigatur. Ut autem hæc altitudinis nostræ confirmatio seu præceptio meliorem semper obtineat firmitatem, manu nostra eam subterfirmavimus, et annuli nostri impressione sigillari jussimus.

Actum Antissiodori civitate publice.

IV.

Diploma Roberti regis Francorum pro monasterio sancti Maglorii Parisiensis.

(Circa ann. 1002).

[Dom MARTENE, *Thesaur. Anecd.*, tom. I, col. 107, ex autographo Majoris Monasterii].

Consistens in unitate Deitatis summæ et incomprehensibilis Trinitatis in nomine, ROBERTUS Francorum, rex augustus, disponente prælibatæ divinitatis clementia, intervenientibus reginis Adelaide venerabili sui genitrice, cum nobilissima uxore, Berta nomine, omnibus cujuslibet ordinis sub imperio nostro degentibus liquido pateat volumus. Obnoxii Deo sanctisque ejus dum vivimus, movemur et sumus, expedit ita pro nostri nostrorumque erratus diluvione commoveri, atque meritis sanctorum imprecari, eosque incessanter exorare, quatenus per ipsorum intercessionem valeamus pacifice vivere atque post metam hujus ævi Deum deorum in Sion sanctam contemplari. Quapropter congrua via, quod nobis pro commisi talenti lucro attitulator, reputantis quod Domino fidelibusque ejus tribuitur, inviolabile atque intemeratum persistere; simul moti misericordia pauperum et efflagitatione supradictarum honorabilium reginarum, cum assensu primatum nostrorum, fecimus præceptum firmitatis de rebus quas pater noster beatæ memoriæ Hugo rex, nosque pie contulimus monachis famulantibus Christo sanctissimoque Maglorio in urbe Parisiaca quiescenti; ubi etiam fundavimus monasterium prætaxato præcipuo confessori cæterisque sanctis inibi assignatis ob illorum corpora, quæ ut peregrina hospitabantur per aliorum rura. Est autem prius terra in qua ipsum situm est monasterium, et prædium quod dedimus ipso die translationis sanctorum et dicitur Villaris, cum omni integritate quæ ad ipsum pertinet, et capella inibi consecrata in honorem sanctæ Dei Genitricis Mariæ. Item aliæ res quæ prius datæ sunt, unde prior est ecclesiola in suburbio Parisiaco haud procul ama-

nibus, in honore S. Maglorii dicata cum terra sibi A
 adjacenti, in qua ipsorum sepultura est monacho-
 rum. Clausus etiam vineæ juxta Saveias situs, quem dedit divæ memoriæ Hugo avus noster, æquivocique nostri Rotberti regis filius. Item pars terræ juxta Montem-martyrum quam comes Fulco dedit. Parvus etiam alodus quem tribuit Willelmus juxta eundem situs suprascriptum montem. Nec non et alodus in comitatu Mellico, qui dicitur Grandis Campus, et prædium quod dicitur alodus in comitatu Parisiacensi secus Fontiniacum. Sed et ecclesiæ in Pinciacensi comitatu : prima in potestate Madriaca in honore S. Dionysii dicata, cum capella in Maroilo sita in S. Martini honore fundata. Alia in Vernolio ecclesia S. Stephano dicata, et in eadem villa capella S. Hilario consecrata. Denique et ecclesiola in villa quæ dicitur sancti Leodegarii, in cujus et nomine benedicta constat. Sunt etiam mansi in quos tenuit Riculfus in beneficio ex suprascripta potestate Madrea in episcopo Parisiaco et comitatu. Ecclesia S. Mariæ nomini sanctificata et in eodem comitatu in potestate Isiaca, vinearum atque pratorum XIX, arpen. Etiam in Venua V, arpen. vineæ. In potestate quoque Cataronis mansus I arabilis terræ cum vinearum fecunditate; in prædicto etiam comitatu in villa quæ dicitur Montium mansus I arabilis terræ cum vinearum ubertate. In eodem quoque territorio supra fluvium Vigenne dimidium maisnilum, quod dicitur Murcinctus cum pratorum copia. E proximo quoque maisnilum alterum, quod dicitur Siensis Villere, cum capella inibi in honore S. Genovefæ ædificata. C
 In Aurelianensi quoque comitatu alodus qui dicitur Cilliniacus cum omnibus sibi adjacentibus. Molendinum quoque unum Parisius in fluvio Sequanæ. Item in comitatu Aurelianensi ecclesia in villa quæ dicitur Gimminiacus.

Hæc omnia suprascripta, vel quæ deinceps a catholicis viris eidem collata fuerint ecclesiæ ob amorem Dei et reverentiam ipsorum sanctorum confirmamus auctoritate nostra, quatenus semper sub plenissima defensione et emunitatis tuitione corroborata permaneant, ita videlicet ut nullus ab hinc ad causas exigendas, aut freda vel tributa exigenda, aut mansiones vel paratas faciendas, vel fidejussores tollendos, aut homines ejusdem ecclesiæ, tam ingenuos quam servos, super terram ipsorum commanentes injuste distringendos, nec ulla redhibitiones aut illicitas occasiones requirendas, nostris et futuris temporibus ingredi audeat, vel ea quæ supra memorata sunt exigere præsumat. Sed liceat abbati suisque successoribus res prædicti monasterii sub emunitatis nostræ defensionem quieto ordine possidere ad stipendia monachorum ibidem Deo famulantium, perennibusque proficiat temporibus in augmentis. Volumus etiam ut omnium episcoporum ac comitum nostrorum in hoc concordet assensus, ut idem locus semper abbatem habeat ex propria congregatione, qui ipsam casam Dei et monachos ibidem degentes

cum normali honore custodiendo tractet simulque ut nullus metropolitanus aut aliquis suus subiectus, etiam pontifex Parisiacus, causa alicujus ordinationis illuc ingredi præsumat, nisi vocatus venerit aut ad sanctam missam celebrandam, aut ad ecclesias consecrandas, aut ad benedictiones clericorum faciendas, et quod debitum excusare non debet, qui vocatus fuerit. Et quoniam peregrini atque aliegenæ esse noscuntur benigne, misericorditer ac pie almæ et catholicis viris semper tractari ac contuari debeant pro Christo, a quo et nos cuncti peregrinamur in mundo. Decrevimus etiam per nostri auctoritatem præcepti ut nemo super ipsos servos Dei potestatem exerceat, aut quempiam inter eos contra voluntatem ipsorum imponere tentet. Sed in eorum dispositione, ordinatione et electione intus et foris omnia consistant, quatenus servos Dei qui inibi Deo famulantur, pro nobis et stabilitate totius regni a Deo nobis concessi, proque remedio animarum eorum qui pro amore Dei et sanctorum inibi sua tradidere donaria, eorum quoque qui futuris temporibus daturi sunt præmia, luceat tute atque condigne Domino preces fundere, et hanc auctoritatem, ut firmior in Dei nomine habeatur, fidelibus quoque sanctæ Dei Ecclesiæ et nostris diligentius conservetur, manu propria subterfirmavimus, et annuli nostri impressione signari jussimus.

Locus monogrammaticus.

Rotgerius cancellarius scripsit.

Locus sigilli.

V.

*Roberti regis privilegium pro monasterio Fiscam-
 nensi. — Restitutionem monachorum Fiscamni
 a Richardo comite factam et donationes eidem
 loco ab eo factas confirmat.*

(Anno 1006).

[MABILL., *Annal. Bened.* IV, 185].

In nomine sanctæ et individue Trinitatis, ROTBERTUS divina favente clementia rex.

Quoniam inter numerum illorum computamur qui regali censeantur nomine, si in omnibus hujus nominis officium devote nequimus, adimplere, nimis impium est omnia ineffaciter præterire. Unde Fiscamnensis, quam orationis gratia visitavimus, justam ecclesiæ causam, qua interpellamur, et benigne suscipimus et gratanter adimplemus. Notum sit igitur presentibus et futuris quod pia sumus petitione dilectissimi fidelis nostrî Richardi comitis exorati, ut res quas huic loco, in honore individue sanctæ Trinitatis consubstantialis Patris, et Filii, et Spiritus sancti consecrato, tradidit, et per chartæ testamentum firmavit, nos quoque nostro præcepto corroboramus. Cujus preces delectabiliter auditas sicut justum est, suscepimus tam libenter implendas, Pii enim prioris Richardi intentio ad hoc hunc locum construxit, ut monachorum ordo ibi sub regula sancti Benedicti viveret, et Dei laudibus inserviret. Quod desiderium quoniam morte interveniente adimplere non potuit, prius filius Richardus

æquivocus implere procuravit; et divina providentia repertum domnum abbatem Guillelmum, hujus monasticæ religionis, quæ ibi cernitur, præfecit magistrum et rectorem. Sub quo crescente monachorum numero, hic comes Richardus junior temporale bonum augere studuit. In comitatu Calciensi, in ipsa villa Fiscamno, tertiam partem hospitum, quos colonos vocant. Silvæ unam partem, a publica strata usque ad mare terminatam: cui etiam dedit in Rothomagensi civitate ecclesiam Sancti Paterni cum uno manso, ubi sita est, etc. Hæc et omnia quæ data sunt ab ipso comite, vel a patre illius, vel nostra largitione collata sunt, vel a quocunque fidei huic loco deinceps fuerint conferenda, sancimus, corroboramus, etc. In abbatis autem electione, ordinatione, sive consecratione, illa apud istos consuetudo sequatur, quæ hactenus in Cluniaco cœnobiorum servata est illustrissimo, unde fons sanctæ monasticæ religionis per multa jam longe lateque derivatus loca, ad hunc usque Deo profluxit propitio. Nihil quippe horum quibus inibi Dei possit impediri servitus, subreptori relinquimus amaro, dum quæque ad continentiam quietis securitatem cuicumque monasterio nostris a prædecessoribus regali concessa sunt auctoritate, nos in honore sanctæ Trinitatis dedicato, his etiamsi pleniter non notantur scriptis, huic sacro libentissime annuimus loco: cujus ut sancta, quæ ibi Domini opitulante gratia digne modo religionis viget observatio non deficiat, sed magis ac magis ad profectum tam nostræ quam omnium fidelium proficiat animarum; sicut nulli ordini, dignitati, potestati, hæreditariæque successioni, nostræ quinimo majestati super idem jus relinquere decrevimus dominationis: ita nulli, si, quod absit! habitatores ejus a tam bene jam cœpto rectitudinis aliquando deviaverint proposito in pristinum illud reformandi potestatem denegamus, huic dignæ a Christo mercedem promereri qui voluerit recompensationis. Et ut nostræ auctoris confirmationis inviolabilem atque inconulsam obtineat firmitatem, annuli ac monogrammatici nostri signo illam decrevimus insigniri.

Actum Fiscamnum anno Dominicæ Incarnationis 1006, indictione rv, die tertio ante Kalendas Junias V feria Dominicæ ascensionis gaudio celebratissima feliciter (6).

VI.

Rotberti regis diploma, quo confirmatur fundatio Bellimontis parthenonis prope Turonos.

(Anno 1007).

[MABILL. *Annal. Bened.*, tom. IV, *Append.*, p. 696].

In nomine sanctæ et individuæ Trinitatis ROTBERTUS Dei misericordia rex.

Si petitionibus servorum Dei pro quibuslibet ecclesiasticis necessitatibus aures nostras pulsantium assentiri videmur, et ad divinæ militiæ in

A locis Deo dicatis uberius famulandum, auxilium porrigimus, id nobis procul dubio, et ad instantem vitam temporaliter transigendam, et ad futuram feliciter obtinendam commodius provenire confidimus. Percognitum fore igitur omnimodis cupimus omnibus Christi nostrisque fidelibus, præsentibus scilicet atque futuris, quoniam adiit serenitatem culminis nostri Herveus levita et archiclavus beati Martini, humiliter flagitans, et flagitando summa prece deprecens, uti auctoritate nostræ præceptionis ediceremus præceptum sibi fieri de ecclesia Beatæ Mariæ Bellimontis, non longe sita a castro Patris Martini cum omnibus rebus ad eam pertinentibus, videlicet vineis, pratis, pro quibus dederat fidei suo Ebloni terram in concamio, quæ non minoris pretii ad reddendum fructus existeret, quam ecclesia superius nominata; atque de quodam viario, Malamorta nuncupato. Idemque postulans de curte Soriniaco, et ecclesia quæ constat Sancti Petri apostolorum principis fundata, cum omnibus ad eam pertinentibus, tam vineis, pratis, silvis, et aquis, farinariis, terris cultis et incultis; necnon de viginti arpennibus vinearum, quæ prope suburbium oppidi præfati confessoris Christi esse videntur, sitæ inter Ligeris Carique alveum. Cumque eum diligenter fuisset percontati quid operis de supradictis rebus esset acturus, retulit se tristari admodum non esse in pago Turonico cœnobium ubi sanctimoniales femine Christo possent suæ devotionis impendere officium, sicut in plerisque habebatur partibus terræ; et ob hoc, non propter aliud, effici postuleret scriptum, eo tamen tenore quatenus annis singulis in festivitate autumnali prælibati Patris Martini redderent præmemorate sanctimoniales de cunctis supra recitatis rebus viginti solidos de censu in thesaurum ad thus sive oleum comparandum. Adhuc autem, non immemor sui, addidit ut prius pro me et successoribus meis, deinde pro se atque totius congregationis sui advocati Martini statu, preces Domino funderent quotidie ibidem famulaturæ virgines. Herveus ita ostensis (*sic*), excellentiam regiminis nostri humili aggressus precamine, expostulavit ut similiter assertione nostræ auctoritatis corroborarem ea quæ vel ipse foret daturus in futuro, vel aliis fidelibus [*l. alii fideles*] Christi pro suarum animarum redemptione. Cujus saluberrimæ petitioni tam sibi quam militis præfecturæ [*l. nobis profuturæ*], pro animæ nostræ et parentum nostrorum remedio assensum nobis libuit præbere, et serie litterarum supra omnia memorata confirmare: hoc est ecclesiam Beatæ Mariæ Bellimontis cum omnibus adjacentibus sibi, scilicet vineis, pratis, et vivarium Malamorta nuncupatum ad supradictarum Dei ancillarum edulium; ecclesiam Soriniacam, cum ecclesia et omnibus adjacentibus sibi, id est vineis, pratis, silvis, aquis, farinariis, terris cultis et incultis, atque cum omnibus illius curtis colonis: vi-

(6) Chronicæ notæ apprime concordant.

ginti quoque arpennas vinearum inter Ligerim et A Carum; curtem quoque Liuram cum ecclesiis et omnibus sibi pertinentibus per assensum Odonis comitis et fratris sui Landrici, ex cujus beneficio esse videbatur, distante quatuor milliariis a castro quod dicitur Inula; necnon Quiciacum villam cum omnibus ei pertinentibus, quam idem præfatus Herveus tenere videbatur.

Præcipientes ergo jubemus et jubendo præcipimus ut nullus iudex publicus, aut quilibet superioris aut inferioris ordinis rei publicæ procurator in his præsignatis Sanctæ Mariæ omnibus rebus ad causas judiciario more audiendas in ecclesias aut villas, aut aliquas possessiones, quas moderno vel priscis temporibus in quibuscunque provinciis aut territoriis regni nostri juste basilica Sanctæ Mariæ tenet, vel deinceps in jure ipsius basilicæ divina pietas augeri voluerit, ingredi præsumat; nec freda aut tributa, aut mansiones, aut parata, aut teloneum ex ullis negotiis, sicut in præceptis, ut diximus, multorum regum, exigere, aut fidejussores tollere, aut homines tam ingenuos quam servos super terram ipsius basilicæ immanentes distringere, nec ullas publicas factiones aut redhibitiones vel illicitas occasiones requirere tam temerarius audeat. Si quis autem in tantam prorumpere ausus fuerit audaciam, ut hujus nostræ auctoritatis et altitudinis præceptum violare præsumperit, quemadmodum in cæteris regum et imperatorum prædecessorum et parentum meorum præceptionibus continetur, non solum in offensam Christi et nostram lapsurum, verum etiam ducentorum solidorum auri ad purum excocti se noverit pœna multandum. Et ut hujus nostræ præceptionis auctoritas inviolabilem obtineat effectum, et ab omnibus sanctæ Dei Ecclesiæ fidelibus et successoribus regibus nostris verius a nobis facta esse credatur, et diligentia inviolabili conservetur, manu nostra propria consignavimus, et annuli nostri impressione signari jussimus. Signum domini Hugonis archiepiscopi. Signum Avesgaudi episcopi, quorum excommunicatione se ligatum novit, qui hoc præceptum infringere præsumperit, nisi cito pœniterit, et ad emendationem venerit. Odo comes, etc. Odolgerius decanus, Herveus archiclavus, Walterius præcentor, etc.

Actum Bolonia foreste quinto Kalend. Octobris, anno ab Incarnatione Domini nostri Jesu Christi 1007, indictione quinta. Theodoricus levita ad vicem Franconis summi cancellarii recognovit hoc præceptum. Ego Herveus et confratres mei Sancti Martini canonici in pleno capitulo confirmavimus.

VII.

Diploma Roberti regis Francorum pro Corbeisiensi monasterio. — Reprimit iniquas Elfredi de En-cra, advocati Corbeiensis consuetudines et oppressiones.

(Anno 1016).

[D. MARTENE, *ampl. Collect.*, tom. 1^{er}, col. 379, ex autographo].

In nomine sanctæ et individuæ Trinitatis, ego R., gratia Dei rex Francorum.

Compertum esse volo omnibus sanctæ Dei Ecclesiæ fidelibus, tam futuris quam præsentibus, quoniam prævalescente nostris temporibus malignitate perversorum hominum, cum quotidie videretur minorari status ac justitia sanctæ matris Ecclesiæ, maxime ab illis qui advocati sanctorum locorum esse deberent et defensores, illi e contrario prædatores fiant et raptores. Pro qua re sæpenumero dum interpellatus essem a venerabili abbate Herberto cœnobii Corbeiensis, qui hanc penitentiam mali sæpe experitur a nefando et maligno Efredo suo milite et advocato supradicti cœnobii, qui aliquando si ad expeditionem regiam communitus extiterit, sumptus itineris sui ab hominibus ipsius monasterii requirit sibi præparari: aut si rediens ex aliquo itinere, si nox eum occupaverit, hospitium in abbacia et servitium sibi mandat ab hominibus villæ a se hospitate ministrari; si vero qualiscunque offensa inter homines suæ advocationis acciderit, justitiam legis ex integro requirit habere. Quod si in castro suo Encrensi aliquid reformari necesse fuerit, homines memorati cœnobii ad illud opus ire compellit. Repertum est igitur iudicio nostro et nostrorum principum, quia, cum suum beneficium ex abbacia ipsa propter advocationem habeat, supradictas consuetudines in ipsum monasterium habere non debeat, excepto si abbas ipsius loci in expeditionem regis ire deberet, et eum secum ire jusserit, aut per se illum cum suis militibus ire præceperit: tunc sibi sumptus ex advocatione, non tamen sine ratione requirere liceat; nec aliam legis justitiam in abbacia habeat, nisi aut major abbatibus, aut præpositus ipsius, vel ipsemet abbas cum mutaverit super se exigere justitiam sibi non potuerit, et de ipsa lege tertiam partem habeat. Nec castrum ipsius advocati ab hominibus ipsius abbatibus cogatur neque fieri neque refirmari, nec in villa aliqua ipsius abbatiæ non comedat, nisi forte abbas illum vocaverit, aut præpositus villæ pro sua utilitate; nec hominem ipsius abbatiæ ad placitum suum compellat pro aliqua occasione; nec causam despectus ab ipso requirat. Hanc igitur sanctionem nostram ac principum nostrorum, si ipse Efredus aut successores ipsius infringere præsumperit, despectus nostri pœnam et tremendi iudicii damnationem cum perpetua excommunicatione incurrant.

Acta est hæc constitutio in villa vocabulo Pons Sanctæ-Maxentiæ, regnante glorioso rege Rotberto anno vicesimo indictione xiv.

† S. Roberti gloriosi regis.

VIII.

Præceptum Roberti regis, quo capellam Sancti Joannis evangelistæ, in Ædua civitate sitam, Flaviniacensibus monachis confert ad preces Amadei abbatis.

(Anno 1018).

[MABILL., *Annal., Bened.*, tom. IV, pag. 257].

In nomine summæ Trinitatis et individuæ Unitatis, ego ROTBERTUS, gratia et benignitate redemptoris Jesu rex Francorum.

Notum fieri volumus industriæ omnium sanctæ A matris Ecclesiæ, tam præsentis quam futuræ ætatis fidelium, quod quidam Amadeus abbas Flavinianensis cœnobii, in honore beatri Petri apostolorum principis, almique Præjecti martyris ac præsulis fundati, ad nostram præsentiam accesserit, petens quamdam capellam nostri juris, infra mœnia Æduorum civitatis sitam, et in honore beati Joannis evangelistæ dicatam, supradito loco, scilicet Flaviniaco, dari, quæ fratribus prædicti loci ita erat necessaria, ut hospitandi causa eis esset expectanda. Cujus petitio nec visa est refragabilis, nec injusta. Si enim omnibus rationabilibus est favendum petitionibus, quanto magis illorum quorum remuneratio in die justitiæ constat copiosior? Unde quoniam huic simile multoties ab antecessoribus nostris frequentatum audivimus et factitatum, libenter petitionis illius præbuimus effectum, quatenus locus sæpe nominatus, Flaviniacus videlicet, et monachi ibi degentes, atque inibi divinæ majestati famulantes, prætaxatam capellam in honore sancti Joannis evangelistæ, ut diximus, consecratam, cum omnibus quæ ad ipsam pertinere videntur, perpetualiter, nullo inquietante, deinceps possiderent. Et ut firmiorem amodo tenendi haberent astipulationem, hoc scriptum inde eis fieri jussimus, et sigilli nostri impressione insigniri præcepimus.

Actum Æduæ anno Dominicæ Incarnationis 1018, iudictione prima, regni vero gloriosissimi regis Rotberti xxx, in Kalend. Martias. Ego in nomine Christi Galterus cathedræ Augustidunensis urbis episcopus assensi, et propria manu firmavi. Signum Hugonis episcopi (7). Ego in nomine ligni Crucis Balduinus sanctæ sedis Tarvanensis antistes astipulavi. Ego Theodericus Aurelianensis civitatis episcopus manu propria corroboravi. Ego Rotbertus dux Burgundionum (8) propria manu firmavi.

VIII (bis).

Præceptum Roberti regis Francorum de constructis castellis Monte-Basone atque Mirebello, et ne inde aliquod inferatur incommodum monachis Cormeriacensibus.

(Anno 1018.)

[DOM MARTENE; *Thes. Anecd.* tom. I, col. 137, ex archivis monasterii Cormeriacensis.]

In nomine Domini Dei et Salvatoris nostri Jesu Christi, ROTBERTUS, divina ordinante providentia, Francorum rex.

Si servorum Dei, eorumque maxime qui, sua omnia relinquentes, Christum sequi noscuntur, curam gerimus, et ad divinæ potentiæ in locis Deo dicatis verius servendum auxilium porrigimus, id nobis procul dubio ad mortalem vitam prospere deducendam, et ad æternam feliciter obtinendam, commodum provenire confidimus. Idcirco notum sit omnibus sanctæ Dei Ecclesiæ fidelibus, et præcipue totius regni primoribus, quia adiit regiam culminis nostri monarchiam Fulco comes, pro commo-

dis et prospectibus nostra auctoritate stabilendis et roborandis cujusdam cenobii, nomine Cormarici, in honore Dei omnipotentis et S. Pauli apostoli constructi. Ipse namque Fulco comes construxit suo tempore in comitatu Turonico castellum quod vocatur Monsbasonis, in terra ipsius cœnobii: et alterum construxit castellum in comitatu Pictavino, quod vocatur Mirebellum, terræ ipsius cœnobii proximum. Verentes itaque monachi jam dicti cœnobii ne eadem castella in futurum sibi vel suis rebus nociva et infesta existant, adiit nol illis et religiosus abbas ipsius loci, nomine Teutbaldus, cum suis monachis, præfatum comitem Fulconem, ut vi sua atque potentia, quantum posset, providere et prohibere curaret ne eadem castella jam dicto cœnobio, nec ullis rebus suis unquam violenta forent. Deinde suggererunt jam dictus abbas et sui monachi ipsi Fulconi nostram adire excellentiam regiam, ut quod ab eo precibus exigebant, ipse a nostra serenitate efflagitaret, scripto et præcepto nostræ auctoritatis ratum ac stabile in perpetuum confirmare. Idem vero Fulco comes tam dicto abbati et suis monachis, utpote maxime religiosis, maximo devinctus amore, quam potius pro remedio et salute animæ suæ istiusmodi eorum precibus obtemperando et consulendo promisit se semper præsto esse et paratum fore. Ideo adiit magnificentiam nostram, et hæc quæ hactenus depromimus, sollicite studuit nostris intimare auribus. Nos vero ipsius Fulconis suggestioni, utpote nobis fidelissimi, libenter et efficaciter assentientes, imo ut gratia a Dei omnipotentis ampliorem mereamur, et stabilitate et pace diutina nostri regni lætemur, interdicimus et prohibemus per hoc scriptum et præceptum nostræ auctoritatis ut nemo unquam sit, nec militaris quisquam, nec quispiam homo, nec quælibet persona de ipsis duobus castellis supranominatis, nec de cunctis aliis castellis quæ sunt juris ipsius comitis Fulconis existat, qui ullum contrarium usum, neque consuetudinem, neque violentiam, nec dominatum irrogare audeat nec præsumat jam dicto cœnobio S. Pauli apostoli, nec ullis rebus ipsius cœnobii, nisi sicut temporibus antecessorum nostrorum actum est, Lotharii videlicet Francorum regis, et genitoris nostri Hugonis itidem Francorum regis, et temporibus siquidem Fulconis comitis, et Gausfredi comitis, avi et patris sæpefati Fulconis comitis. Statuentes autem præcipimus, vehementerque interminamus, et monemus ne ullus unquam succedentium hominum, cujuscunque potestatis vel conditionis existat, qui hoc nostræ auctoritatis statutum in aliquo violare audeat, ne impietas ejus ac superba temeritas, pœnas ultrices, Christo iudice, luat. Atque ut hæc nostri statuti et præcepti auctoritas firmum inviolabilemque obtineat vigorem, manu propria subter eam firmavimus, et annulo nostro assignari jussimus.

Signum Rotberti gloriosissimi regis.

(7) Antissiodorensis.

(8) Filius Roberti regis.

Gotfridus monachus scripsit, ad vicem Franconis cancellarii; et ipse Franco manu propria scripsit.

IX.

Privilegium Roberti regis pro monasterio Cormeriacensi.

(Anno 1018.)

[DOM MARTENE, *ibid.* pag. 138.]

In nomine Domini Dei et Salvatoris nostri Jesu Christi, ROTBERTUS, divina ordinante providentia, Francorum rex.

Si servorum Dei, eorumque maxime qui, sua omnia relinquentes, Christum sequi noscuntur, curam gerimus, et ad divinæ potentiae in locis Deo dicatis verius servendum auxilium porrigimus, id nobis procul dubio ad mortalem vitam prospere deducendam, et ad aeternam feliciter obtinendam, commodum provenire confidimus. Idcirco notum sit omnibus sanctae Dei Ecclesiae fidelibus, et praecipue totius regni nostri primoribus, quia adiit regiam culminis nostri monarchiam Fulco comes pro commodis et profectibus nostra auctoritate stabiliendis et roborandis.... cœnobii nomine Cormarici, in honore Dei omnipotentis et sancti Pauli apostoli constituti, a priscis et Deo obsequentibus fideliter abbatibus, scilicet sancti et peculiaris nostri patroni Martini.... summi et digne Deo colendi theologi Pauli honore constructum, et maxima copiarum et opum datione ditatum, et numerosa Christo famulantium monachorum stipatione locatum, et a praedecessoribus nostris bonae et dignae memoriae parentibus isdem praefatus locus cum digno honore est habitus, et privilegiali praerogatione imperialiter stabilitus, resque ibidem undique concessas sub atestatione regali praefato monasterio, cum omni deliberatione substituere omnimodis sanxerunt. Ego quoque justis ac piis consiliis pie aures accommodans, salutiferisque petitionibus libentissimo annuens animo, praelibati comitis agnita pia et fideli petitione, annuere satégi. Idem namque locus in speciali regum dominatu priscorum antiquitus visus est. Sed prohibente plurium infestatione nefandorum civium, qui, ceu ratem in fluctivagos pelagi discursus, deificam semper insectantur Ecclesiam, coactus abbas ejusdem loci et monachi aggredi regiam cogitavit serenitatem, quatenus illius tutor pro nimia inquietudine, et defensor pro infestationibus sibi obsistentium ex provisione restitueretur regia. Quorum voto assensum regia praebens majestas, tutorem illius, seu advocatum ipsum Fulconem, videlicet proavum istius Fulconis, qui illis vicinior et potentior post regem tunc temporis videbatur. Posterius quoque illius deinceps illam abbatiam in suum rede gere dominatum. Verens igitur supra dictus comes exaltationem suae progeniei, vel pavens ne forte quilibet suorum, seu ipse, suadente Satana, victus philargyria, eam in posterum aut distrahat cuicumque exterae personae, seu in quolibet beneficium subdat. Hujus commodi causa,

instigatus obnixè a venerabili jam dicti loci domno Richardo abbate, et sibi subjectis monachis, quatenus a me exposceret quod privilegiali edicto hoc vetare et prohibere debeamus, quod et facimus. Praecipiens et mandant auctoritate regali, et obtestans per deificum nomen sanctae et individuae Trinitatis, ut nemo temerario ausu praesumat eandem abbatiam in dominatione alicujus personae transfundere, sed sit in salva custodia et defensione Fulconis comitis et successorum ejus. Quod si quis conatus fuerit istiusmodi rem attentare, non omnino quod cupit vindicet, et ad nostrum tutamen et dominium idem locus revertatur, sive successorum nostrorum, et deinceps nulli dominatui subsistat, nisi regio. Si quis autem, quod non credimus, hanc praerogationem regiam populari audacter conaverit, ac limide deserere voluerit, cum Danat et Abiron, atque cum his qui dixerunt Domino Deo: *Recede a nobis, scientiam viarum tuarum nolumus*; et cum Herode parvulorum necatore, necnon cum Nerone apostolorum Petri et Pauli et multorum martyrum interfectore, seu cum Aureliano impiissimo lictore, et cum Juda traditore Domini portionem habeat, et anathema maranata, atque in poenis infernalibus perpetualliter concremandus existat. Et ut hoc nostrae auctoritatis emolumentum per succedentia annorum curricula ab omnibus verius credatur, et attentius observetur, annuli nostri impressione jussimus insigniri, et monogramma nostri nominis decenter mandavimus ascribi.

Signum Rotberti gloriosissimi regis.

X.

Rotberti Francorum regis diploma pro restitutione monasterii Latiniacensis.

(Anno 1018.)

[MABILL., *De re diplom.*, lib. vi, pag. 601, ex chartulario Latiniacensi.]

ROBERTUS Dei ordinante clementia Francorum rex.

Si justis fidelium nostrorum petitionibus libenter assensum praebuerimus, et quae rationabiliter petierint, bonae voluntatis gratia sine quovis typo perficere curaverimus; et hos nobis fideliores fieri, et nostri regni statum sub divina custodia credimus confirmari: maxime tamen si de his quae ad honorem sanctae Dei Ecclesiae pertinent, id fieri contigerit. Noverit igitur communis Ecclesiae atque nostrorum industria fidelium, praesentium scilicet atque futurorum, quod quidam de nostri regni principibus, nomine Stephanus, nobilitate et potentia comes clarissimus, noster etiam nepos amantissimus, celsitudinis nostrae magnificentiam humiliter adiit, et auribus nostrae serenitatis devote intinnavit qualiter quamdam abbatiam, cujus monasterium in Parisiensi comitatu fundatum, in loco situm habetur qui Latigniacus dicitur, quae olim amplis terrarum spatiis et largis possessionibus ditata claruerat, sed paganorum postea persecutione destructa et penitus destituta fuerat, pater suus comes Herbertus re-

stauraverit, ac suis fidelibus concambiis rediit A abbatiae propriam terram pro parte maxima restituerit. Praefatus igitur comes Stephanus humiliter expetiit ut praecipio nostrae auctoritatis confirmarem quatenus terram quam pater suus ibi reddidit sive donavit, vel ipse adhuc daturus est, seu alii quilibet Christiani et Ecclesiae fideles ex donatione daturi sunt, hanc ipsa abbatia firmiter tenere et in perpetuum valeret possidere. Cujus precibus liberiori gratia praebentes assensum, consilio nostrorum principum nostrique regni primatum, quod humiliter expetiit, efficaciter impetrare promeruit. Hoc igitur nostrae celsitudinis praecipium fieri iussimus, per quod praecipimus atque firmamus ut quidquid praedicta abbatia ad praesens tenere noscitur, vel quidquid et deinceps possidendum a Christi fidelibus donatum fuerit, jure firmissimo teneat atque possideat. Ut autem haec nostrae auctoritatis praecipio firmiorem in Die nomine obtineat vigorem, annuli nostri impressione subter eam jussimus sigillari.

Actum Senonis civitate, anno Dominicæ Incarnationis millesimo decimo-octavo (9), regnante serenissimo rege Roberto xxxii, vi Kal. Martii. Signum Roberti regis. Signum Hugonis regis. Signum Henrici. Signum Roberti. Signum Letrici, archiepiscopi, Balduinus subcancellarius vice Arnulphi archiepiscopi primi cancellarii recognovit atque firmavit.

XI.

Rotberti regis privilegium pro Miciacensi monasterio. C

(Anno 1022.)

[MABILL., *Annal. Bened.*, tom. IV, Append., pag. 706, ex archivo Miciacensi.]

In nomine sanctæ et individuae Trinitatis, ROTBERTUS Dei gratia Francorum rex.

Ex injuncto nobis regiae dignitatis officio tenemur monasteriis in regno nostro constitutis eo modo providere, qua universa quæ ab aliis libere ipsis collata sunt, et quæ possidere dignoscuntur, ne in posterum super his valeant aliquatenus molestari liberaliter confirmemus.

Noverint igitur universi quod constitutus in praesentia nostra venerabilis Odolricus episcopus, et Albertus abbas Sancti Maximini Miciacensis loci cum quibusdam fratribus humiliter petierunt serenitatem nostram innovari sibi privilegia quaedam a praedecessoribus nostris regibus, Clodoveo scilicet primo Francorum rege Christianissimo et Carolo Augusto, regia munificentia monasterio Miciacensi indulta, quorum videlicet privilegiorum sigilla praenimia vetustate nobis videntibus fracta penitus fuerant et consumpta. Quorum petitioni digne faventes, pro animæ salute propriae, mei scilicet Roberti regis et uxoris meae Constantiae, et nostrorum

filiorum Hugonis regis et Henrici, Roberti quoque et Odonis, ad tutelam praedicti monasterii Miciacensis hoc nostrae regiae dignitatis praecipium edidimus, ut absque ullo incommodo fratribus ibidem Deo servientibus emolumentum proveniat salutare, nostrumque apud illos perpetuum teneatur memoriale. Praedictorum igitur privilegiorum tenore considerato, ad notitiam futurorum placuit nobis in hoc pragmatico confirmari et adnotari possessiones quæ in praedictis et in aliis regum privilegiis continebantur, quas praesentialiter ejusdem cœnobii fratres gratia Dei secure et quiete possident.

Prior est fundus Miciacensis cum appendiciis suis, et fluvius Legiris et Ligeriti, et in civitate Aurelianensi possident in alodo claustrum Sancti Maximini ab omni exactione liberum et consuetudine; et cappellam in honore ejusdem confessoris sacratam, et praebendam Sanctæ Crucis perpetualem; et in burgo Dunensi furnulum unum in alodo, et juxta Sanctum Anianum abbatiam Sancti Maximi et burgum ejus; et in burgo Sancti Aniani dimidium furnillum in manu-firma, qui reddit census denarios iv et obolum in missa Sanctæ Crucis mensis Maii, et juxta sanctum Donatianum alodium unum; extra civitatem contra claustrum Sancti Maximini partem alodi, quæ pertinet ad ipsum claustrum, et praebendam Sancti Aniani. Possident etiam ecclesiam Sancti Dionysii in alodo cum omnibus ibi pertinentibus terris cultis et incultis, pratis, pascuis, vineis, servis et ancillis, et villis, id est Bruerias, Caventonem, Alburias, Asinarias et aliam potestatem quæ dicitur Nemesus, Masnitium et Boschellum in manu-firma, et curtem Dreani in alodo quæ est in pago Gastnensi, et in pago Aurelianensi Ulmeri villam cum omnibus sibi pertinentibus, et potestatem Audoeniputei (*Empuis*), Bitriacum, montem Guichet, Pyracium Sarcinum, Grangioli-villam, Viviniacum, Haia-corbi et Nocimentum. Has potestates Clotarius rex filius Clodovei senioris praedicto loco concessit.

Praeter hæc autem possident capellam Sancti Maximini super Ligerim positam ab omni consuetudine et potestate ministerialium nostrorum liberam; et vallem et Cersiacum cum sibi pertinente terra et silva, et omnia quæ ad eandem villam pertinent et totas Spedas et Montiniacum, Vacheriam quoque et totum Ronedum [*al.*, Rollenum] sicut partitur terra Sancti Liphardi, et Alenam et Bonivillam, et casuarium unum in Sumone villa, et totam Sivestri villam. Has possessiones Childebertus rex praedicto loco contulit. Habet etiam in pago Carnotensi Fraxinulum, et Saumaricum, et Clesam villam cum omnibus sibi pertinentibus, et terram quamdam in villa quæ dicitur Vonas, et Maisiam et Lincomisum; has possessiones Dagobertus

(9) Annus millesimus decimus octavus, hic notatus, primus erat Hugonis regis, Rotberti filii, anno superiore coronati, at nondum tricesimus secundus ipsius Roberti regis. Forte id referendum pro novo calculo ad annum insequentem 1019, qui annus

xxxii Rotberti censeri poterat, ex quo cum patre regnare cepit. Herbertus comes, cujus hic mentio, sepultus est in Latiniacensi monasterio, cujus ossa, me presente, ex veteri basilica in novam translata sunt cum semeso ejus epitaphio, lapidi insculpto.

rex dicto loco concessit. Et in pago Euenensi ha-
bent cellam in loco qui dicitur Mons-Letardi cum
aqua Coneda, molendinis, silva, pratis, terris cul-
tis et incultis, pascuis, vineis, mancipiis, servis :
hanc cellam Theodericus rex ex hæreditate Lupi
pessimi ducis Miciaciensi loco contulit. Combiacum
quoque possident ex dono Clodovei senioris cum
ecclesia et omnibus sibi pertinentibus ; Prunedum
et Berellam, Spinam, Toscham-rotundam, Bru-
llum, et Boscum sancti Agili, et Brasias quasdam
juxta silvam nostram, quæ dicitur *forest*, ubi
metæ sunt positæ.

Habent insuper ex dono Pippini regis Fontanas
et Malverias quæ sunt in alodo et in manu-firma,
et Fauvanas et villam Marcelli ; et Chandre cum
omnibus sibi pertinentibus, terris cultis et incultis,
servis et ancillis.

Et ex dono Ludovici imperatoris et Lotharii filii
ejus habent discursionem trium navium per diver-
sa imperii flumina, scilicet per Ligerim, Carum,
Sequanam, Maternam, Vigenam, Sartam, Medua-
nam, Sildilum, pro quibuslibet monasterii necessi-
tatibus, ut secure et libere ire et redire valeant, et
non reddant teloneum vel ullam consuetudinem
aliquam redhibitionem. Et ne quislibet exactor
fisci de carris vel carretis vel sagmariis vel quo-
cunque vehiculo sive per terram sive per aquam
facto, vel de quocunque commercio pertinens ad
prædictum locum exigat vel accipiat ullam omni-
no consuetudinem, nec de quibuslibet negotiis vel
in villis vel in terris, sive in silvis aut in aquis
prædicti monasterii factis undecunque judiciaria
potestas aliquid exigere præsumat, aliquam legem
vel consuetudinem accipere vel exigere, vel quam-
libet molestiam inferre. Ipsi vero monachis con-
suetudines, quas volunt, sive in terris sive in
aquis suis ponere liceat, id est, telonium salis et
aliarum rerum, quæ vehantur sive per terram sive
per aquam, et cæteras leges id est sanguinem, rap-
tum, homicidium, incendium, et alias leges quæ
solent exsolvi, in suis terris accipiant.

Possident etiam ex dono Caroli Calvi Gaudiacum
cum ecclesia et omnibus sibi pertinentibus, terris
cultis et incultis, pascuis, servis et ancillis et qui-
busdam villis ; scilicet Montem Bellerii, Patiacum,
Mauselanum et boscum qui dicitur Boscus regis, et
boscum Gilfredi, boscum etiam Sancti Marcelli, et
brasias quasdam inter montem Belleni et viam pu-
blicam, ubi metæ positæ sunt.

In Secalonia quoque habet curtem Vennensem
cum ecclesia et omnibus sibi pertinentibus, et Ma-
cherias et Mesum et Brullum, et Cosdrenam silvam
cum brasiiis adjacentibus, et in Litiniaci parochia
farinarium petrosium ; has possessiones habent ex
dono Lotharii filii Ludovici imperatoris.

Ex dono autem Clodomiri regis habent Fontanellas
cum omnibus sibi pertinentibus, terris cul-
tis et incultis, pascuis, silva, brasiiis, servis et an-
cillis. Hanc etiam communitatem habent ex dono
Alberici vicecomitis Aurelianensis, ut per totam sil-
vam quæ adjacet Fontanellæ supradictæ potestati

monachorum, ubi inter eorum propriam silvam et
silvas baronum et militum nostrorum metæ positæ
sunt, omni tempore glandis porcos ducentos absque
ullo pasnutico vel aliquo servitio habere sibi liceat.

Habet præterea idem cœnobium multas posses-
siones, quas, quia in privilegiis regum præceden-
tium, et authenticis pontificum nominatim expres-
sæ continentur, in præsentî pragmatico notuimus
adnotari. Nos vero, ne inferiores videamur præ-
dictis regibus, beneficio concedimus prædicti mo-
nasterii fratribus, duos farinarios censuales infra
Ligeritum super Sanetum Hilarium, cum tota aqua
illa quam dedit eis Hugo miles, solventes in censu
solidos tres in missa Sanctæ Crucis mensis Maii :
et contra domnum Martinum in Ligerito, molendi-
nos duos ex proprio jure nostro, cum aqua sibi
pertinente, eis in perpetuum concedimus et con-
firmamus. Concedimus etiam eis ut homines nos-
tri liberi et servi, qui manserint vel domos habue-
rint in terris eorum, omnes penitus consuetudines
et ex nomine taliam quemadmodum proprii ho-
mines eorum perpetuo reddant. Et sicut piæ me-
moræ genitor noster Hugo rex eis concesserat sin-
gulis hebdomadis per unam diem et noctem, quam
voluerint, libertatem perlustrandi totam aquam
nostri juris Ligeriti fluvii, quolibet modo piscatio-
nis, eis in perpetuum concedimus et confirmamus.
Et quia ministeriales nostri Aurelianenses et mi-
lites, et servientes Landrici militis Balgenciacen-
sis, et quidam alii, sicut ad nostras aures sæpius
pervenit, terras prædicti monasterii quotidianis
vastant rapinis, et hominibus illic commorantibus
multas injurias faciunt, per hoc nostræ regalis
auctoritatis præceptum id omnimodis amodo fieri
prohibemus, Landrico milite Balgenciacensi, et fi-
liis ejus Landrico, Joanne et Herveo ad ipsum con-
sentientibus, et coram nobis et fidelibus nostris
palam confitentibus se huc usque nullum omnino
jus aut ullam consuetudinem vel servitium in om-
nibus terris Sancti Maximini vel hominibus de jure
habuisse vel habere debere. Prohibemus igitur, et
auctoritate regia præcipimus districte ut in Miciaco
villa, et in potestate Sancti Dionysii, et in capella
Sancti Maximini trans Ligerim, et in Cambiaco, et
in Gaudiaco, Monte-Bellerii, Malvariis, Canariis
Fontanis, Villa-Marcelli, Rosariis, Asneriis in Meso,
et in omnibus appendiciis quæ ad has villas perti-
nere noscuntur, et in aliis villis, vel terris, vel ho-
minibus eorum, ullus omnino ministerialium nos-
trorum, neque comes, neque missus, neque ju-
dex, aut villicus, aut quislibet publica potestate
præditus, ullam omnino legem, vel consuetudi-
nem, vel servitium aliquod exigat, vel ullam in-
quietudinem aut contrarietatem deinceps facere
præsumat ; aut quidquam subtrahere, aut aliquam
infestationem inferre : sed liceat prædictis fra-
tribus memoratas possessiones, et omnia quæ
regum vel principum seu aliorum quorumlibet
fidelium largitione in perpetuum adepti fuerint,
sub nostra plenissima tuitione, nostris et futu-
ris Deo disponente temporibus, quiete et libere

possidere. Ut autem hæc nostra auctoritas certius A credatur, et a fidelibus, Deo annuente, nostris et futuris temporibus melius conservetur, sigilli nostri caractere subter eam jussimus roborari.

Signum Rotberti regis. Sign. Hugonis regis filii Rotberti. Sign. Henrici filii Rotberti regis. Sign. Rotberti filii Rotberti regis.

Nomina testium : Sign. Tetduini clerici, filii Reginae mulieris, cujus erat beneficium. Sign. Leuterici archiepiscopus Senonas. Sign. Gostinus archiepiscopus Bituricas. Sign. Odolricus episcopus Aurelianus. Sign. Guarinus episcopus Belvagus. Sign. Franco episcopus Parisius. Sign. comes Ivo de Bello-monte. Sign. Ebo miles. Sig. Guarinus miles Parisius. Sign. Amalricus miles de Monte-forte. Ego Balduinus cancellarius perlegendo B subscripsi.

Actum Aurelianus publice, anno Incarnationis Domini millesimo vicesimo secundo, regni Rotberti regis xxvii, et indictione v, quando Stephanus hæresiarches et complices ejus damnati sunt et arsi sunt Aurelianus [at., quando hæretici damnati sunt Aurelianus].

XII.

Roberti regis privilegium pro ecclesia S. Martini, petente S. Guillelmo, abbate S. Benigni Divionensis.

(Anno 1023).

[MABILL., Acta SS. Bened., sæc. VI, pag. 467].

In nomine sanctæ et individue Trinitatis. Ego ROBERTUS gratia Dei Francorum rex.

Noverit omnium sanctæ matris Ecclesiæ fidelium industria, ut præsens sed etiam futura, quod quidam noster comes, Guillelmus nomine, nostræ serenitatis adierit præsentiam, rogans et obnixè postulans ut quamdam ecclesiam in honore sancti Martini sacram, in suburbio Belnensis castrisitam, olim abbatiam sed jam omnino destructam, quam etiam jure nostri beneficii possidebat, se mihi liceret credere, eo conventionis tenore ut eandem ecclesiam cuidam congregationi in loco Fructuariæ juxta Alpes Deo regulariter servienti quominus traderemus perpetualiter habendam. Cujus rationabili et devotæ petitioni libenter condescendere volui, quoniam eidem cœnobio jam pridem quamdam abbatiam Sanctæ Mariæ in suburbio Cabilonensi sitam, cum Ecclesia Busciani et alodum Cassiniaci cum ecclesia ejusdem villæ per præcepti firmitatem concesseram. Quæ omnia dedi instinctu et petitione domini Guillelmi abbatis, ejusdem loci Fructuariensis devoti fundatoris, interveniente et subscribente Gosfrido Cabilonensi episcopo cum reliquis episcopis qui interfuerunt concilio nuper Ariaci habito. Innotesco igitur cunctis prædictam Belnensem ecclesiam Guillelmi comitem mihi reddidisse et me eam Fructuariensi cœnobio dedisse; erga quem locum taliter nostræ benevolentie inculcamus affectum, ut quicunque in omni nostræ dominationis regno pro redemptione peccatorum suorum aliquid inibi conferre voluerit, nostræ auctoritatis habeat assen-

sum et sicut nostri præcepti auctoritate firmavimus, ita etiam legaliter dandi in posterum habenda absque declamatione decernimus, et harum rerum conventionem annuli nostri impressione signamus.

Actum Avaloni, anno incarnati Verbi 1023, regnante Roberto xxxvii. Ego Balduinus cancellarius relegendo subscripsi.

XIII.

Rotberti regis præceptum pro monasterio Bellimontis prope Turonos.

(Anno 1022).

[MABILL., Annal. Bened., tom. IV, Append. pag. 708, ex archivo S. Martini].

In nomine sanctæ et individue Trinitatis, ROBERTUS Dei misericordia rex.

Si petitionibus servorum Dei pro quibuslibet ecclesiasticis necessitatibus aures nostras pulsantium libenter assentimur, et ad divinæ militiæ cultum in locis Domino dicatis uberius famulanti- C bus auxilium porrigimus, id nobis procul dubio et ad instantem vitam temporaliter transigendam, et ad futuram feliciter obtinendam profuturum confidimus. Notum igitur fore omnino cupimus cunctis Christi nostrisque fidelibus, præsentibus scilicet atque futuris, quoniam adiit serenitatem nostri vulminis Sulpicius subdiaconus et archiclavus Beati Martini, humiliter flagitans, et flagitando summa prece deprecans, ut auctoritate nostræ præceptionis juberemus præceptum fieri de his unde jam præceptum altera vice fieri jusseramus per deprecationem bonæ memoriæ Hervei levitæ et archiclavus Beati Martini prædecessoris ejusdem fidelis nostri Sulpicii, de ecclesia videlicet Beatæ Mariæ Bellimontis, in qua regulam sanctimonialium supradictus sanctus vir Herveus construxit, non longe sita a castro patris nostri Martini, cum omnibus rebus ad eam pertinentibus, vineis scilicet et pratis; atque de quodam vivario Malamorta nuncupato, necnon et de quodlibet arpennibus vinearum, quæ diversis in locis prope suburbium oppidi præfati confessoris Christi Martini, sitæ inter Ligeris videlicet Carique alveum, hoc est de vineis ex thesauro arpen. quatuor, non longe ab oppido beati Martini ex parte Cæri fluminis; terminantur de duabus partibus ipsius potestatis; de D tertia parte terræ Sancti Andree; de quarta via publica: reddent census ad missam Sancti Martini hiemalem denar. sexdecim. Item, de vineis ex thesauro arpen. quatuor in suburbio castelli Beati Martini ex parte meridiei, ubi ultra Beram dicitur. Terminantur de una parte terra Sancti Venantii, de duabus terra communifratrum, de quarta via publica. Reddent census ad missam Sancti Martini hiemalem den. sexdecim. Item, de vineis ex thesauro arpen. i in suburbio castelli Beati Martini ex parte occidentis; terminantur de duabus partibus terra ipsius potestatis, de tertia terra Sancti Joannis et Sancti Pauli, de quarta via publica. Reddent census ad missam Sancti Martini hiemalem den. quatuor. Item, de vineis ex thesauro ar-

pen. i in suburbio castelli Beati Martini ex parte occidentis ; terminantur de una parte via publica, de duabus terra ipsius potestatis, de quarta terra Sancti Pauli. Reddent census ad missam Sancti Martini hiemalem den. quatuor. Item, de vineis ex thesauro arpen. iii in suburbio castelli Beati Martini ad Curæcium maceriæ ; terminantur de duabus partibus viis publicis, de reliquis partibus terra Sanctæ Crucis, et prato Sancti Venantii : reddent census ad missam Sancti Martini ex parte occidentis, terminantur de una parte terra sancti Martini de Portaria, de altera de ipsa Portaria et terra Sancti Sulpicii, de quarta via publica : reddent census ad missam Sancti Martini hiemalem den. tres. Item, de vineis ex thesauro quartarios tres in suburbio castelli Beati Martini, ex parte orientis, terminantur de una fronte, via quæ ducit in urbem, et ex uno latere via cujus caput portam Sancti Juliani attingit, de altero latere terra Sancti Pauli, de altera autem fronte alodo Ademari : reddent census ad missam Sancti Martini hiemalem den. septem. De vineis quoque de Portaria, non longe a castello Beati Martini ex parte meridiei arpen. quatuor, terminantur ex duabus partibus terra ipsius potestatis, de tertia terra Sancti Venantii, de quarta Sancti Dionysii ; reddent census ad missam Sancti Martini hiemalem den. sexdecim. Item, de vineis de Portaria arpen. dimidium in suburbio castelli Beati Martini, ex parte occidentis ; terminantur de una fronte terra Sanctæ Mariæ, ex uno latere terra Sanctæ Monegundis, ex altero vero latere et ex capite viis publicis ; reddent census ad missam Sancti Martini hiemalem den. duos. De iis quidem omnibus vineis, quas hic cum suis terminationibus recensuimus, jam firmaveramus quoddam scriptum, quod idem dominus Sulpicius de ipsis fieri jusserat, assensu Rogerii decani et cæterorum fratrum. De precatur quoque sæpe dictus fidelis noster dominus Sulpicius archiclavus, huic præcepto inseri quoddam altare in honore sanctæ crucis et sancti Petri in medio ecclesiæ beatissimi Martini situm, ubi sanctæ memoriæ dominus Herveus archiclavus tumulatus requiescit, quod et jam ipse non immemor suæ animæ, eidem loco, Sanctæ videlicet Mariæ Belimontis ; in perpetuum concessit habendum. Est enim de thesauro Beati Martini, ea videlicet lege eoque tenore ut sanctimoniales Domino servientes, amodo semper in posterum cappas et cætera ornamenta Beati Martini, prout potuerint, absque pretio restituant. Cujus nos petitionem satis rationabilem considerantes, votis ejus libenter assensum dedimus ; et tam de ipso altari quam de supra scriptis omnibus rebus, hoc præceptum fieri jussimus. Si quis autem hujus nostræ auctoritatis præceptum violare præsumpserit, non solum in offensam se Christi et nostram lapsum, verum etiam denariorum solidorum excocti auri se noverit pœna multandum. Ut autem hæc nostra auctoritas inviolabilem obtineat effectum, manu eam nostra propria fir-

mavimus, et annuli nostri impressione signavimus.

Rotbertus. Ego Balduinus cancellarius relegi, et subscripsi.

XIV.

Roberti regis et Constantiæ reginæ charta de donatione prædii prope Vermeriam, facta abbatibus Compendiensi.

(Anno 1029).

[MABILL., *Annal. Bened.*, tom. IV, pag. 602, ex autographo].

In nomine sanctæ et individuæ, Trinitatis, Patris et Filii, et Spiritus sancti, ego ROTBERTUS gratia Dei Francorum rex, et CONSTANTIA divino nutu regina.

Si primitivi fructus charitatis, quos exornat devota erogatio religiosæ liberalitatis, ad hoc efficaces sunt et idonei ut valeant firmare statum cujuscunque honoris, ac deinde repræsentare plenitudinem futuræ remunerationis, verissime decet regiam dignitatem illis redividare et affatim exuberare, per quos suæ dignitatis amplitudinem valeat sublimando erigere, et erigendo sublimare ; et demum felici commercio et incomparabili expectet æterna, et certa spe possideat expectata. Quod liberalitatis genus tunc ex parte pro debito exeremus, si locis sanctorum et congregationibus fidelium temporalia bona conferre non denegamus, ut tanto liberius cultores Christianæ religionis et ecclesiastici ordinis divinis inserviant mandatis, quanto amplius fuerint ab omni necessitatis impedimento absoluti. Innotescat ergo universitati sanctæ matris Ecclesiæ fidelium, tam præsentium quam etiam futurorum, me et conjugem meam Constantiam, jucunda conversatione mihi admodum dilectam, et in administratione rerum ad se pertinentium satis utilem et strenuam, prædium nostræ regali sedi Vermeriæ contiguum, quod de auro ex patris sui dono asportato prædicta conjux mea emerat, Sanctæ Mariæ Compendiensi ecclesiæ, cujus cultum singulariter præter cæteros sanctorum amplectebatur, et sanctis martyribus Cornelio et Cypriano in eadem ecclesia requiescentibus humiliter dedisse et devote jure prætorio et forensi tradidisse pro nostra incolumitate et salute animarum nostrarum, et filii nostri Hugonis, jam regni solio, antequam decederet, sublimati et, proh dolor ! nostris diebus inibi sepulti. Ea autem quæ respiciunt ad prædictum prædium sunt hæc : Duæ ecclesiæ cum quatuor molendinis, quinquaginta tres habitatores, hospites cum quadraginta quatuor arpennis vinearum, et cum quadraginta et dimidio arpennis pratorum. Denique inter hospites et cæteras legitimas exactiones persolvat unoquoque anno sub nomine census duas libras denariorum, et octo solidos. Inculcamus adhuc numerando ea quæ cum prædio contulimus, unam scilicet silvam quæ est supra ecclesiam Sancti Germani sita, et alteram ad Altum-Monticellum ; deinde tantum terræ culturæ ad alodium pertinentis, quan-

tum vix sufficiunt duæ carrucæ omnibus temporibus uniuscujusque anni excolere. Duos præterea mansos eidem alodio adjacentes concedimus, unum in villa Mohericurz, alium in villa Veneta. Hæc omnia legaliter data, et jure forensi et prætorio Compendiensi ecclesiæ tradita, nostræ auctoritatis præcepto firmavimus, et in posterum firmata esse sta-

(!) In hoc diplomata duo observanda, nempe quod Rotbertus rex utatur, initio contextus, pronomine *Ego*, de quo vide libri secundi caput tertium,

tuimus, et sigillo nostro insigniri præcipimus, ut inferius scriptum est.

Actum publice Aurelianis, anno incarnati Verbi millesimo vicesimo nono, regnante rege Rotberto quadragesimo tertio.

Ego Balduinus cancellarius relegendo subscripsi, et subscribendo relegi (10).

num. 21, et quod Constantia simul cum eo diploma inchoat, præter morem, nimirum quia ipse donationem facit ex propriis cum rege.

ANTE ANNUM MXXXIII.

MEGINFREDUS

MAGDEBURGENSIS MAGISTER ET PRÆPOSITUS.

NOTITIA IN MEGINFREDUM,

(Apud *CANIS Antiq. Lect.* edit. Basnag., tom. III, pag. 86.)

Meginfredus antiquiorem emendavit renovavitque biographum, qui jam Emmerammi Vitam scripto mandaverat. Seu depravata fuerant illius monumenta, sive potius imperite barbaroque stylo fuerant scripta, denuo huic Vitæ scribendæ manum admovere coactum se sensit Meginfredus. Prior ille scriptor appellabatur Cyrinus et Heres.

Meginfredo nomine tantum notus videtur. Credit Surius illum fuisse episcopum Ratisponensem, deceptus forsan subscriptionibus synodo Dingoltingensi anno 774 adjectis, ibi enim subsignavit *Heres*. Sed non fuit Ratisponensis antistes, cum eam sedem tunc temporis teneret *Scritpertus*. Deinde vero episcopus Ecclesiæ Frisingensis appellatur ab Arnolfo. Ætas qua vixerit incerta. Vossius nomen Cyrini fictitium credidit, quia nullus inter Frisingenses episcopos eo nomine indicatur, quin imo nec inter Ratisponenses. Sed vixit ille an. 760, et obiit an. 783. Fuit monachus Benedictinus, dein abbas, denique quartus episcopus Frisingensis. Meginfredus multo notior, fuit enim inter viros sui sæculi doctiores; monachus Fuldensis ineunte sæculo decimo; dein ad Parthenonis regimen evectus, sive Magdeburgensis præpositus factus est. Hoc ipsum conjecerat olim Canisius, cujus hæc sunt verba: *An Meginfredus hic est quem Trithemius in Chron. Hirsaugiensi an. 1010 monachum Fuldensem celebremque chronographum, ejusque laboribus se plurimum adjutum asserit? Certe annus 1010 eundem suadet, potuitque fieri ut Fulda Magdeburgum ad præposituram sit ascitus*. Scripserat Chronicorum libros viginti quatuor a Thritemio sæpius laudatos. Deinde ad Emmerammi Vitam emendandam se contulit. Brevis illa scriptio, quæ vix aliud contineat præter cruentam Emmerammi mortem, a Lantperto ob suspicionem de stupro sorori illato intentatam. Vixit Meginfredus temporibus Ottonis II et Ottonis III, deinde etiam sub regno Henrici secundi imperatoris.

Emmeramms fuit, ut aiunt, Pictaviensis apud Gallos episcopus, qui sedem episcopalem gregemque sibi commissum deserens, in Pannoniam tendere voluit, ut ibi idololatrias ad Christum adduceret. Cætera legere possis apud Meginfredum. Observasse sufficiat ipsum anno 697 sub Theodone IV duce Bajoariam petiisse; itaque ab eo longe temporibus et annis distabant qui Vitam ipsius hic nobis mandarunt.

MEGINFREDI

DE VITA ET VIRTUTIBUS BEATI EMMERAMMI

LIBER UNUS.

(CANIS BASNAG. *Antiq. Lect.* tom. III, pag. 87.)

AD PROVISOREM SANCTI EMMERAMMI, QUID DEBEAT IPSI ET RATIONI, P. A. [PURCHARDUM ABBATEM.]

Domino Purchardo ad optima quæque haud tar- do, pro paterna quidem dignitate reverendo, ac plu-

A rigena probitate diligendo, Arnoldus (!) adprime sibi utpote abbati, exin cæteris merito suppositus,

(1) Arnolfus comes de Cham et Vochburg, monachus S. Emmerammi, præpositus et magister,

verumtamen rebus monasterii præpositus, quid- A lus. *Vide infra in ARNOLDO De miraculis S. Emme-*
quid fidelis domino servus, seu magistro discipu- *rammi init*

INCIPIUNT EPISTOLA ET PROLOGUS MEGINFREDI

PARTHENOPOLITANI MAGISTRI ET PRÆPOSITI

AD

ARNOLDUM

S. EMMERAMMI MONACHUM EUMDEM ET PRÆPOSITUM ATQUE MAGISTRUM.

Charissimo suo A. M. [Arnoldo magistro] salutem in Christo.

Sanctorum dicta, quæ videntur simplicia, vivifico
fecunda spiritu, pondere veritatis religiosa, non il-
lice compositionis sunt astu pomposa. Quæ
quando incommutabilia sunt signa virtutum,
neque favor eis nutrit meritum, neque indi-
gnatio detrimentum; quibus velut ex sanctitate
fluxit dignitas, ita ex rerum existentia venit inte-
gritas, quorum sicut compositio spiritualis, sic
potentia mirabilis, dum per eadem locutionis
membra et ad genitaram imaginis Dei gremium
fidei maritat, et per fidei sinum indurat. Unde
conjectare possum, frater, quam vera debeatur
sanctitati religio, quam sancta veritati confessio;
ne videar vel in spiritum esse præsumptor, vel
in simplicitatem impostor. Sed quia mihi dilectio

B tua pondus imposuit, quod beati martyris et pon-
tificis Emmerammi desiderio libenter subivi, et
ab ipsius sanctitate et sanctitatis ejus scriptore
veniam quero; quatenus illius me reverentia
cultorem, istius sapientia dignetur imitorem.
Equidem si sanctorum gesta non possumus imi-
tari, licebit saltem meditari, licebit mirari, quod
volumus, ut quandoque liceat velle, quod mira-
mur. Non enim est circumscripta divina miseri-
cordia, quæ juvat etiam ubi nulla sunt merita.
Proinde flagito quatenus orationi mee succurras,
ne vel professio mea debilitata succumbat, et per
occasionem imperitiæ, pia voluntas invidiæ dentes
imbuat, unde et tecum latere desiderat, ne in pu-
blico erubescat.

Explicit epistola.

INCIPIUNT PROLOGUS.

Militiam Christi licet variis pugnandi modus
exerceat, diversa triumphandi gloria coronet, par
est tamen disciplina, similis affectus, eadem for-
ma; quomodo sui regia impressi patientiæ si-
gillo, ad ipsum inrequietis anhelantes animis simi-
litudinem suam, ad unam faciem primæ pietatis
instaurant. Unde patriarchæ et prophetæ latores
legum, victores regum, Ecclesiam Novi Testamenti
per mediatorem Jesum Christum, in unum corpus
aduniendam benedicendo, piæ **prolia successio-**
nem sancti Spiritus oraculo et veræ professionis
organo de longe salutant, ut variis aut verborum
aut rerum ostentis expriment, quos sibi videlicet
moribus concordēs futuros esse prævide-
rant, Inter quos et sanctos martyres per exem-
plum præteritorum, aliqui ita describunt, ut sole
luceat splendidius, quod in omnibus unus fuerit
spiritus. Hi ergo per contemptum cognati doloris

C et amaræ necis, ad thronum æternæ charitatis
familiarius aspirant; nam inter eraciatas libera
spei contemplatio, pro difficili conditione proces-
sit ad altitudinem gloriæ. Quare si ab illis tantum
venerationis habuerunt cum adhuc non essent,
quid a nobis habitari sunt, qui doctrinis eorum
et exemplis instituti quotidie patrocinii fovemur.
Ex quibus beatus pontifex Emmerammus, auream
in sæculo famam dereliquit, qui pro fratre suo
pretiosum sanguinem fudit. Et ut duplex pie-
tatis foret auctoritas, crimen alienum innocen-
tiæ suæ imposuit, quatenus eum liberaret a
morte corporis, quem antea sustulerat ab in-
teritu mentis. De cujus moribus, certamine,
triumpho et meritis, quod scriptis et recentem
D memoria nobis potuit pervenire, futuris tempori-
bus providemus.

Explicit prologus.

INCIPIUNT CAPITULA.

CAP. I. Quomodo beatus Emmerammus apud
Pictavium nutritur, ac litteris eruditur, et univer-
sis factus est amabilis.

CAP. II. Quod post pueritiæ flores, et adolescen-
tiæ bonos odores, pro morum maturitate sublima-
tur episcopatur dignitate.

CAP. III. *Qualiter semetipsum palæstro virtutum exercuit et subditis et cæteris harum exemplar demonstravit.*

CAP. IV. *Quia non contentus cura ovium commissarum alias ducit in ovile Dominicum, et insuper pro nomine Christi desideravit peregrinari.*

CAP. V. *Quod post nobilem animi disceptationem exul veniens in Bajoariam intravit Radasponam.*

CAP. VI. *Quod a principe Pannoniam petendi licentiam postulavit, et hanc non obtinens dispositioni divinæ animum supposuit.*

CAP. VII. *Qualiter Noricam adhuc in fide novitium excoluit et post triennem in ea laborem, Romam ire disposuit.*

CAP. VIII. *Quod Dominicæ dilectionis exemplo alteritatis onera suscepit, et per Spiritum prophetiæ ecclesiasticis ventura prædixit, sicque iter suum Romam direxit.*

CAP. IX. *Quod ducis filia est sceleris publicata, et quia Lambertus virum Dei est persecutus, pro inobedientia multatus est gravi sententia.*

CAP. X. *Quod præsul almus celebrat hymnos, et sermone confortat discipulos.*

CAP. XI. *Quod trannus sanctum Dei mordaciter excipiens, tradidit suis puniendum, et de fuga comitum.*

CAP. XII. *Quod vir Dei membratim sectus est, et quod duo e carnificibus per pæniliens cor salvati sunt, et Vitalis presbyter.*

CAP. XIII. *De miraculo in membris viri Dei facto, et exitu sanctæ illius animæ, et quod apud Aschein sepultus est, et de natura orbis mutata.*

CAP. XIV. *Quod per revelationes ordine mirifico ad Hialosopolim, id est Ratisbonam, est translatus, ibique honorifice est humatus, et quia pax ætheris rediit.*

CAP. XV. *Quomodo hi tres interierunt carnifices, et eorum dominum qualis pœna ceperit, seu qua miseria posteritas ejus affecta sit.*

CAP. XVI. *De miraculis locorum sectionis et vocationis.*

INCIPIT LIBER

DE VITA ET VIRTUTIBUS B. EMMERAMMI

CAPUT PRIMUM.

Emmerammi patria. — Est in Aquitanie partibus urbs virorum illustrium titulis celeberrima, nomine Pictavis, in qua B. Emmerammus sine Christianorum parentum est nutritus, et ad discendas sacre institutionis litteras scholis traditus: ubi quam docilis fuerit, finis disciplinæ, virtutis socia dignitas ostendit. Nam in ipsa simplicitate, sic puerilis collatio mentem ad alta Scripturarum suspendit, ut cunctorum æstimatio, quid esset futurus, præ sagiret, cunctorum oculi notarent, omnium affectus diligeret. Hic tamen oblatus ex patria, favor sic ab eo prudenter accipitur, et acceptus augetur, ut nec humilitas minueret gloriam, nec gravitas excitaret invidiam.

CAPUT II.

Fit episcopus. — Successit igitur in tam perspicaci puero felix adolescentia, et incrementa temporum florent incremento virtutum; et prævenit virum maturitas morum, nam collactanea teneritudinis ejus prudentia facile suadebat juveni, rationis pondere, transitorium omne quam fuisset leve. Unde factum est ut nec ad spem et gaudia mundi inclinaret oculum, tristitiam quoque vel metum nullius haberet pensi. Quare fuit et in correctione amicorum liber animus, dulcis exhortatio, moderata locutio. Tum præterea pretium cordis commendat pulchritudo corporis, et suavissima dona sapientia præbuit ex honestissimo ferculo. His ornamentis conspicuus, per ecclesiasticos gradus ascendens vir Dei, post dilectionem meruit reverentiam, donec disponente Domino, confessu cunctorum, morum custos et exemplum vitæ ordinatur episcopus.

B

CAPUT III.

Ejus virtutes. — Disposita vero in sublimi lucerna, quibus radiis effulserit, qua serenitate patriam illustraverit, omni orationi materiam dabit. Igitur et quis erga se ipsum, deinde qualis ad subditos, et ad cæteros fuerit proloquamur. Duplicem custodiam corpori, duplicem menti disposuit. Nam ne lex corporis enervaret legem mentis, et plena voluptas exhauriret ubertatem cordis, continuo jejuniorum et vigiliarum præsulatu prævidit. Porro lectionis et orationis vicaria successione, et expatiantis animi discursus inhibuit, et suggestionis adversæ militiam exclusit; et inter agendum quid, solemniss, ei semper ad utrumque fuit opus psalmodiæ dilecta materia. Sane singularis pauperum thesaurus, pupillorum pater, refocillatio senum, viduarum unicus, desperatorum spes, medicina languentium, miserorum confugium, sic hospitalis, ut neque manum a munere domus exhausta retraheret, neque frequentia frontem rugaret; dum venientibus et animæ delicias affatim, et naturæ debita præberet. Ad excubias commissi gregis pervigili sollicitudine porrectus, aditum tetra rapacitatis ita pastoralibus armis obsedit, ut per vicos singulasque domos fidelium cælestis discursus sideris tenebras reverberaret et erroris.

CAPUT IV.

Convertit ad fidem plurimos. Nullus erat locus tam vilis, nulla persona tam humilis, quo eum non declinaret salus animarum, redimentem tempus ne ad horreum domini vacuus rediret. Sufficeret hoc quibusdam non immerito, si circumscriptum sibi terminum cultura sacerdotali tam diligenter am-

biret, verum illi tanta sedulitas Dominicæ messis inarsit, ut adjacentes Gallorum aliarumque gentium provincias ad litus solidæ conversationis hamo Petri attraheret. Quapropter frequentabant sedem ejus religiosæ simul et indifferentes personæ complures, quas odor aromatum ejus a remotioribus locis adduxit, quibus fidelis dispensator ad mensuram cujusque depositum suum prudenter distribuit, ut non minus de illo quam de aliis apostolicis viris dici posset illud psalmi : « Illuxerunt coruscationes tuæ orbi terræ (*Psal.* LXXVI). » Nam candens amoris igne superni dum in colligendis animabus singulis paucitatem fructus ad magnitudinem voluntatis excrevisse non cerneret, et indignatio secum reputantis studio suo nullius momenti donaret pretium, inter angustias disceptantis conscientiæ perlatum est ad eum, Avares, quos aliis nominibus Hunos et Ungros appellamus, Pannoniæ incolatu idololatriæ squalere veterno, et in luce multarum id locorum gentium, hanc solam veritatis diem non habere. His auditis tanto compassus animarum dispendio, ægritudinem cordis spe recuperandæ gentis interdum lenivit, interdum difficultates itinerum, peregrini mores locorum, affectus eorum, quos relicturus erat, respectus infirmitatis humanæ, pedem aliquantulum retrahunt ab inceptis. Porro facultatem oblatam sibi, cum in sarrienda deceptæ gentilitatis humo fidei sarculo uteretur impigre, nec posse nec oportere negligi putavit, quando et ipse hoc sæpe optaverit, ut pro amore fraternitatis et Dei, periculum subiret.

CAPUT V.

Bajoariam petit.—Vicit ergo in optimo ingenio, et ardua via, et potior causa : nam constituto pro se examinatæ personæ viro, ipse ad nova tyrocinia strenuus miles succingitur ; et ascito inter alios necessitatis suæ comites, quia linguam Teutonicam non noverat, Vitale quodam presbytero interprete, perrexit ; in barbarie disciplinam, in exsilio patriam, inter immanes cognationem facturus. Quæ omnia licet prius bene tenuerit, melius tamen dereliquit ; et quæ sine appetitu jucunde licerent, abdicata jocunditate cum licentia, ne ubi rerum præsens affluentia thesaurum beatæ remunerationis obæret, pauperes divitias dives pauper exposuit. Inde viam, ne quo pigresceret otio inquietus agricola, præsumit, et Galliam, qua tendebat iter, et *Rheni* fluminis contigua, plantis verbi Dei silvescere et insitivam novi hominis gemmam, protoplasti e mortuo stipite, frondescere ipse quidem studuit ; sed incrementi datorem Christum operis summa comprobavit : quippe qui, ubi Dei scientia meritis accessit, sobolem regenerationis edidit. Hoc igitur modo fidelis in Bajoarios fines, qui meridiem versus, Alpibus ; ad orientem Ungris ; ad aquilonem vero Hircano nemori limitem Germaniæ protendunt, non hac

(2) Hæc in ms. alia littera in margine adscripta fuerant : *Hæc est civitas quam olim Teutones a Germano sive Germanico Germanisheim vocabant. Hujus vocabulum modernis temporibus lingua no-*

A conterritus meta, devenit. Ubi cum defluentis Histri fluminis imperium sequeretur. Ratisbonam (2) accessit urbem quæ olim totius Germaniæ, et nomine et dignitate principum, et adhuc ejusdem gentis metropolis antiquæ prosapiæ caput, adventu heatissimi sacerdotis ornatioribus illustravit fastus et insignia victoriosæ gentis triumpho concepta, novo pacis præconio in melius commutata, fidei spoliis et ornatu sanctæ religionis ampliavit.

CAPUT VI.

Pannoniam petit.—*Fines inter Ungros et Bajoarios deserti.* — Hujus monarchiam Theodo dux provinciæ, qui tunc possedit, comperto sancti pontificis introitu, adhibitoque conspectu, inter alia, quæ sit causa exsilio, percontatus est. Qui nomine et natione exposita, incolatum nativi liminis propterea deservisse se perhibuit, ut Pannoniæ populos, qui gentili feritate adhuc effremuerant, conditori Christo reconciliaret, et in hoc proposito suam conjurasse sententiam, ut aut voti compos professionem vitæ cum fructuosa pace finiret, aut devoto certamine, sanguinem martyr effunderet. Ad hæc divino consilio præventus, dux infit, se tam pio studio nihil opponere, nihil tantæ virtuti resistere ; nisi quod commeandi facultatem impossibilitas quædam obstrueret, propter discordiam scilicet, et longam inter se et Avares bellorum controversiam, fines in utroque limite desertos, ita ut circa Anesim fluvium urbes et loca olim cultissimas, tantis bestiarum immanitatibus horrerent, ne viantibus ullus transeundi aditus pateret : monere autem potius et supplicare, quatenus apud se suosque B. Pater morari dignaretur, quos tam rudes et imperfectos in fide præteriri fas non esset : maxime cum isti necessarium optarent, et illi forte quasi superfluum recusarent. Provideret autem ne indiscreta pietas præmium amitteret, si offerret invitis tædium, qui volentibus poterat afferre præsidium : neve sic diligeret impios, ut negligeret pios. Vir autem Dei, in sua sententia fixus, nullo nutu declinari potuit, ut aliud vellet, quam quod cœperat ; nisi forte cœlestis obviaret censuræ contradictio. Quibus acceptis ducis prudentiæ populique frequentia cum exhortationes ejus adientium mentibus et pabulum sufficere docilitate, et dulcedine desiderium conspicerent, salutem suam, quam supplicatione non poterant, violenter obtinuerant, et ex verbis Salvatoris, vim passum est regnum cælorum (*Matth.* xi). Nam egrediendi provinciam, ne beato viro occasio proveniret, obstiterant ; et bene prævaluit humana præsumptio, quo ex fonte ejus salutis ascendit conditio. At Pater sanctus, quem prohibiti callis injuria conturbavit, æstimare cœpit, quidquam hæc justæ voluntati difficultas obvia portenderet,

stra Reganisbure teutonizat, quam antiquitas Romana, ut quidam scriptis testantur, Tiburniam vocabant.

maxime cum a sinu veritatis strenuis votis placabilis promitteretur effectus, quem ipse quoque non infirma fide prosequeretur. Hæc agitantem subit exemplum apostolorum, quos aut responsis, aut difficultatibus superna moderatio nunc et ad quasdam gentes misit, nunc a quibusdam prohibuit. Gratulatus ergo, supernæ dispositioni suppositum animum, et gentis studio præbuit consensum, et in altari obedientiæ Deo consilium salutis oblaturus, mutua se charitate populo devinxit, cujus devotioni conflictum ministerii sui etiam vitæ periculo diffinivit.

CAPUT VII.

Romam vult ire. — Erant autem memoratæ civitatis et patriæ totius accolæ affluentia quidem mundanæ felicitatis illustres, sed noviter ad fidem adducti, delusæ vetustatis fructes nondum radicatus extirpabant, et consuetudinem tenaciter hærentem ignorantia fovit. Ad quod opus omnia ferramenta Christianæ religionis robustus cultor succingitur, et excisis inutilibus paganismi surculis, erigitur sacramentum fidei, quod universo justitiæ flore distinxit, et quoniam magnam circa perficiendam Deo plebem solertiam habuit, lucidissimo conversationis exemplo formam vivendi præbuit, et suavissimo loquendi modo edocuit. Unde non sufficiebat tam ardentis lampadi normam prædicationis communiter exhibere, quin omnium mores notavit, omnium ingenia discussit. Deposita non auctoritate, sed rigiditate, ad intrandam cujusque privati domum reverentiam episcopalem humiliavit. In Ecclesia, quæ communia fuerunt, ordinavit, apud singulos de propriis admissis disceptavit, et cognoscere suos, et a suis cognosci, sicut pastor bonus maluit, ne taciturnitas vitiiis permitteret assensum, perurgeret interitum. Itaque nemo subditotum ejus erat, qui vel de actibus vel a verbis magistri, lineam rectitudinis non traheret. Proinde celebris illi fuit contentio sobrietatis cum sobrio, extenuationis cum humili, liberalitatis cum omnibus. Verum in contumaces magnanimo conatu surrexit et superciliosæ procacitati virgam auctoritatis intendit, spem votis proponens, ut in hac area certaminis per diversum agonem, quandoque perveniret ad palmam. His et horum similibus per triennium fines Bajoariæ perlustrans, ad laudem cælestis patriæ non ultima pars accessurus, per spiritum, qui loquitur ad cor Hierusalem, ad littus æternæ quietis tempora sua jam jam declinari præsensit, et ut judici pulsanti expeditius aperiret, pervigili custodia insidiosum tempus exspectabat, ne moram faciente sponso, fragilitas obdormiret humana. Et quia noverat fatigatione corporis excitatiorem animum reddi, et in negotiis honestæ sollicitudinis minus obrepere somnum pigredinis, tum præterea quatenus in via bonæ intentionis eum fraus inimica calcaneo calceatum et cautum offenderet, licentiam a duce pariter et populo quæsit, quatenus Romam ad beatorum limina apostolorum

ire permitteretur, cælestis aulæ janitorem, ut pulsationem [*al.*, supplicationem] suam intrmitteret supplicaturus.

CAPUT VIII.

Ejus prædictiones. — Sub idem tempus invida pars supremo congressu tanto periculosius conflictura, quanto gloriosius erat vincenda, subdola occasione nacta, tale pugnandi genus invenit, ubi aut viscera charitatis ocludenda, aut infamia sacri ordinis, in Ecclesiæ scandalum, foret dispendenda. Nam supra memorati principis filia, nomine Uta, a cujusdam judicis filio Sigibaldo compressa, consuetæ turpitudinis maculam utero ingravescente, detegendam non solum generositatis damno, verum etiam mensura mortis ponderabat. Quid facerent? quod consilium caperent? tempus urgebat partum, et culpa minabatur interitum. Supererant sola in beati Emmerammi et pietate fiducia, et in sanctitate consilia. Huc desperatio pallida provolvitur, pedes osculando demulcentur, crimen exponitur, venia rogatur. Postremo de vitæ remedio pia paternitas consulitur, tantoque exstitit querelantium modus flebilior, quanto de admissis pœnarum opinio præsentior. Horum beatus Pater acceptis gemitibus compati cœpit interius, et licet parturiret spiritum doloris, obfirmavit tamen delictis faciem arguentis; læsum quippe ingenium regenerationis pudorem referens magis erubescendum et æternam justitiam animadversionem vehementius esse pertimescendam, maxime cum hujus temporis supplicia sicut quantitate, sic etiam ab æternis diversa sunt, qualitate. Proinde, sicut mos est, pœnitentibus viam reconciliationis ostendit, ipse alto dilectionis consilio alteritatis onera suscepturus, mandavit secretius, ut maculam hanc in se transferret, quo facilius furorem ducis evaderent; quem noverat inexorabilem, cum ignominia cumulare dolo-rem. Sed ne pietati providentia deesset, et innocentia muta fidem et exemplum culpæ donaret, si alieno crimini sternens humeros, in offendiculum sui sileret, testificatæ veritatis et veræ æstimationis virum Wolffaicum quemdam presbyterum familiariter adscivit, cui secretum suum, quatenus divina revelatione noverat, cautius exposuit. Nam dixit articulum vitæ præsentis propter crimen alienum diverso se cruciatu egressurum, et pœnas pro quadam ficta culpa se laturum: rogatque ut post obitum suum cunctis Ecclesiæ gradibus denuntiet, ne quis fidem hujus infamiæ de eo contendat habere, et imitaturus exemplum impingat offendiculum, se autem vivo omnibus hoc esse celatum persuadet. Quod ille idem presbyter ita ut jusserat, testimonium innocentia ejus et fideliter tacuit, dum debuit; et aperte prædicavit, cum decuit. Post hæc Deo dignus, accepta licentia principis et populi optatam arripuit viam, et ut par fuit, cum justo deducitur affectu. Nam ex tota urbe utriusque sexus effusa multitudo precibus lachrymisque prosequitur euntem, et in omnibus mensuram doloris expendit pretium acceptæ chari-

tatis, cum pariter et minoris fortunæ populares aut amovendæ paternitatis damno gemebant, aut pro reditu ei vota geminabant, et ab uno dilectionis fonte lachrymarum duplex inundat materies, mixtamque vim luctibus, et de reditu dupia spes, et de abscessu tristitia præsens administrat. Hos ille, sicut noverat pius pastor, amplo commendationis ordine demulcet, et salutatis omnibus, viam ingreditur.

CAPUT IX.

Ducis filia stuprata. — Quo longius procedente, supra dicti ducis filia commissi sceleris publicata, et ante patris tribunal constituta, de auctore tam solemnibus injuriæ convenitur. Cumque diu, femineo metu, spiritus obtupesceret, et alternante timore pariter et amore lingua hæreret, arguentium impetu coartata, in innocentis episcopi personam dedecus suum conjecit. Quo pater audito, tanto vehementiori indignatione flammescit, quanto altioris dignitatis fastu intumuit; acceptoque mucrone ad extinguendam propriam sobolem ruit, perliceretque facinus, nisi manus assistantium puellam imminenti periculo subduceret. Prosequitur autem tantum sententia furorem sæva, nam exhæredatam in Ausoniæ longinqua relegat, perpetuo puniendam exilio, quam nunquam miseratio paterna revocavit: quia inconsolabilis est dolor, quem altus nutriverat pudor. Huic judicio Lamperthus puellæ germanus interfuit, quem grandis, pro confusione sororis, invasit tristitia; et quod juventuti familiare est, pro falsa fide cepit eum temerarius furor, nam mixto dolore postquam bestialiter effremuit, iram subit amentia, fletuque deposito prosillit ad vindictam. Sumpto itaque comitatu non pauco, properat virum Dei persequi.

CAPUT X.

Hymnos canit Emmerammus. — Interea sanctæ memoriæ Pater trium dierum cursum explicuit, et in vicium quemdam Helphandorf nuncupatum, ubi fons perspicuis manabat aquis, morarum causas innectit sociis, inventa gerendi quilibet occasione. Mens enim divino amore lustrata, ubi certaminis campum invenit, in adventum temporis, arma fidei et constantiæ, spei et orationis opera, subornavit, ita ut stupor discipulos invaderet, tantum quod pontificem gravaret. Igitur circiter horam diei tertiam celebrante illo canonicos hymnos, et debitum officium sub sanctarum testimonio reliquiarum solvente, juvenis præfatus superveniens præcipitium cordis vesano tumultu designavit, nam multitudinis arma collisa, minaciter inquit nomen pontificis, comitatu ejus magnum pavorem incussit. Unde festina trepidatione, sicut fit, ad ostium domus occurrentes, postquam habitum furoris et turbam cognoverunt, illum hæc inimica intendere timidi prænuntiabant. Quorum ille pavori ex arcano solidæ spei retulit orsa, dicens, adventum eorum non afferre sibi timorem per quem et molestia pereat, et gaudia sine fine succedant: dolorem corporis, qui

A momento pertransit, esse brevem, et pœnam, quæ vitam perennem affert, esse levem. Discrimen est, inquit, parvum, mortis hujus hora, quam bonæ fidei pectus dum patienter excipit æternitatis desiderio transilit. Unde videndum est ne nos timor stranguet antequam timoris causa conveniat; cui si manus dantur, periculosius punit, quam intemptor. Hic etenim ex adversa militia tetricus pariter et turpissimus profligator; quem ille ceperit, antea moritur quam puniatur. Moritur, inquam, non solum turpiter, verum infeliciter, quia et sponte simul et sine spe tollitur. Qui enim diversa pati pro justitiâ difidit, et sine fide moritur et sine fine punitur.

CAPUT XI.

Dux juvenis plecti jubet. — Hæc eo prosequente funestus irrupit juvenis, et ut in ea domo lapis jacuit, super eum baculo inclinans stans, adduci sibi beatum Emmerammum turbulenter proclamavit. Quo adducto ardentibus et oculis et animis exceptum mordaciter irridens generum appellat. Quod Dei sacerdos justa detestatione cum denegaret, ille prosequitur, ira contumaciam disputante et ignita jaculatur opprobria, tandemque intulit: « Ruinam nostræ domus sustulimus, calamitatem nostram proveximus, incendium gloriæ nostræ in sinu fovimus. Utquid ergo patri filiam, mihi sororem meam fœdasti? Plena libidinum tuarum virga regia, dedecus generis et damnum pudoris exposuit. Risus hostium, mœror patris, luctus fratris, pignus nobile damnatur ut scortum. Hoccine est episcopum esse? Hoccine est amicum esse? Hoc est testimonium religionis? Hoc indicium pietatis tuæ? Hanc gratiam meritis nostris rependis? qui te advenam et egenum nostris bonis in reverentiam totius populi edificavimus. Sub hæc miles Christi: Imo, inquit, fili, aliam et longe dissimilem gratiam et vestra merita et nostra voluntas exquirat. Proinde bonæ spei, bonam fidem habere debuisti; nam illa suspicio non probatur, quæ neque fidem trahit a præteritis, neque causam habet ex meritis. Cur enim bene merentibus obessem, qui vel male merentibus sæpe profueram? Proinde tu, quem neque propter minas timeo, neque propter timorem moneo, deponere pertinaciam, differ animum suspitionis, et redi ad experimentum veritatis, ne propter temeritatem tuam incurras in exitium. Ad limina sanctorum apostolorum Romam ire decrevi, ubi cathedram Petrus habuit, quem in Ecclesia sua censorem veritatis Veritas ipsa disposuit. Hujus vicarius sicut ab eodem loco et ordine trahit honorem, sic ab eadem tenet auctoritatem et ejus judicium non fallitur, quod auctore Christo solijatur. Ibi ergo vel per te vel per nuntium canonicæ examinationis pondus de objectis experiri licebit, quatenus obligatus aut absolutus inveniar. Accepto autem mansuetudinis oraculo, vim animositatis cæca tyranni præsumptio furore laxabat, bæculumque, quem manu gestabat, tanti patris in pectus impigit, et non reveritus templo Domini funestas

injicere manus, socios nefandis instigat vocibus, quatenus vinculatum deformiter traherent. Factumque est sic, ut assentatio semper declivem tyrannis impetum facit, ut a militibus illico vallatus, et religionis vestibus exutus, in hospitio ipsorum super scalam funibus stringeretur. Hoc ausu tam scelerato perterriti comites sancti viri, diffugiunt, exempli majoris imagine, propheticum implentes præsagium, quod dicitur : « Percute pastorem, et dispergentur oves gregis (*Matth. xxvi.*) » Pretiosus autem Christi martyr, olim devotam animam oblatum iri Deo perpendens, quanto arctiori discrimine conflagandum sibi cognovit, tanto attentiori sollicitudine, ad victoriæ suæ ducem Christum se contulit, foris patientia, precibus intus armatus, toto videlicet spiritu illi inhaerens, cuius amor animum deliniret, dum crudelis pœna corpus lanaret.

CAPUT XII.

Emmerammi corpus secatum.—Interea quinque carnificibus ad secandum membratim atque articulatim tanti sacerdotis corpusculum, ut bestialem tyranni animum multiplici vulnere pascerent, electis, divisa est sententia tortorum. Quippe duo ex ipsis, detestantes tam crudele officium, veniam postulabant, ne pro illo facinore puniret eos justitia, ad quod non voluntas, sed Domini sui cogeret sævitia; cæteri vero vana pro veris æstimantes, Manus, inquit, impudice mulieribus insertas, ad deterrenda incestorum facinora præcidi oportet. Itaque digitorum articulos vulneribus numerant, et simul nata dividunt, per tempora morti moras facientes, ut amarior per tormenta veniret. Sed cur moratur hic facundia, ubi locus est voci suspiriis interclusæ, non compositionis arte depictæ? Ergo pedibus et manibus abscissis, luminibus effossis, auribus amputatis, naribus truncatis, tandem pudicitia martyris est invasa, et secreta pudoris detestabili sunt acie recisa. Inter quæ omnia in laudem Creatoris, vox quamvis modica, Davidicum melos exercuit. Quod ipsi invidentes linguam radicibus evulsam rescaverunt, relictoque tam multipliciter cæso recesserunt. Ipse vero Dei bellator in eodem victoriæ campo cruore involvabatur, donec socii beati viri e latebris et angulis emersi, cum vicinis mulieribus causa humanitatis excitis, aderant. Quos adesse cognoscens, aquam ad refocillandum pectus requirit. Cui Vitalis supradictus presbyter : « Mirari satis nequeo cunctis pene membris amissis, atque ipsum lucis limen egressurus, quidnam potum exoptes; quasi delatæ morulis vitæ fruiturus, cum toto cruciatibus exhaustus, finem doloribus, potius quam spatium exoptare deberes. » Ad hæc athleta Dei tam magnus ad prosternenda in subditis vitia, quam invictus ad patienda tormenta, spiritum collegit, et animosam virtutem rationis, parvo quo potuit corporis nisu erexit, temptatum robur mentis gravius ferens, quam membrorum sectiones. » Impatientis est, inquit, cogente dolore, quempiam velle metas vitæ præsentis erumpere, et concessam poeniten-

tiam salutaris hostiam fastidire, cum e contra magne sit obedientiæ sententiam iudicis exspectare. At quomodo grave est pigritiæ tuæ, officium nobis humanitatis et exhausto tormentis pectoris refrigerandi copiam præbere? dies tuos hæc exætio torqueat, ut quoties ejujlibet generis potum sumas, alienationem mentis incurras, nulli periculum laturus, sed exemplum inobediendiæ hoc typo futurus. » Cujus sententiæ vim idem Vitalis multis, quibus postea vixerat annis, expertus est. Nam quoties aliquem gustabat potum, illico mente captus per urbis plateas perque loca petrarum abrupta, et monumenta mortuorum discurrendo terribiliter perstrepebat, et tamen ita stupidus, nulli fuit periculosus. Sæpe quoque sic evagatus est, ut per cacumina turrium curreret, et præcipitium minime toleraret. Cæterum vir idem callem piæ conversationis recte gradiebatur, et missarum officia cæteraque Ecclesiastica strenue peragendo, charitatis munia cuncta, quantum valuit, adimplevit: hoc tantum solum usque ad finem vitæ, ut nobis æstimare conceditur, et pro exemplo et oro humilitatis custodia, pertulit.

CAPUT XIII.

Emmerammi sepultura.—Interea locorum incolæ pretiosa martyris membra humanitate compuncti in arborem, quæ Spina Alba vocatur, collecta, dum conderent, conditisque non diu recessissent, duo pulcherrimi viri antea non visi viam regiam equitantes de utroque arantes latere, pro membris beati pontificis, ubi posita fuissent, conveniebant. Quibus in arbore prædicta monstratis, videntibus cunctis, illuc pervenientes, subito non comparuerunt. Hac disparitione, qui præsto fuerant omnes stupefacti, ad arborem illico convolantes membra paulo ante posita non invenerunt; factique sunt hujus rei testes et notitia et novitate pene omnes, qui ejusdem loci fuerant habitatores, consulente divina dispositione membris illis pretiosis, quæ non amittit in sanotis etiam capillum capitis (*Luc. xxi.*). Dum hæc geruntur, qui circa sanctum Dei fuerant, tollentes eum de certaminis campo, in plastro ponebant, perducturi eum in villam Ascheim, quæ distabat inde xii milliaribus, ubi et ecclesia fuit B. Petro apostolorum principi dedicata, ne in vilibus rusticorum casis, tanta talisque persona deficeret. Proinde mulieres ex vicinia collectæ, et viri circiter ducenti, venerabiles exequias prosecuti, viscera commiserationis votis indulgere fidelibus. Emensa jam magna itineris parte, in campum quemdam gramineum tribus millibus distantem a vico Ascheim perveniebant: et ecce transmigraturus ad coelestia beatus pontifex voce qua valuit ejulare cepit, innuens horam vocationis suæ advenisse. Quod quidam comeantium subtiliter discernens, ut de plastro levatum Christi martyrem dimitterent telluri, cum præmonuisset socios, mox herbido in aprico loco tremebunda religione resolvi cepit. In exitu vero sanctæ animæ illius de Egypto hujus mundi, læcem quasi lampadis immensas ex ore sancti viri

processisse, cœlumque ipsum penetrasse, cuncti A assistentes videbant, tantaque vis jubaris erat, ut intuentium oculos quasi fulminando reverberaret, pavorque membra eorum tremore concuteret, ut vix beati viri corpus in plastrum auderent repone- re. Itaque inde digna patre reverentia ad præfatum Ascheim perductum in ecclesia Beati Petri apostoli, confaventibus ejus loci populis, debito sepelierunt honore. Sed quoniam ejus resurrectionis diem beatissimus pontifex præstolari minime voluit, exigente justitia, ut quos fidei gremio nutrierat, eis quoque sacri corporis patrocinetur reliquiis, cœpit orbis natura moveri, atque elementorum violentia tanti sacerdotis nutum prædicare; nam coorta subito ventorum procella, lucida regio poli nubibus obducitur, et contenebratur cœli B facies, mugitu tonitruï, fulguribusque, mortalium corda terrentibus; dissoluto interim in pluvias et defluentes amnes aere continuis quadraginta diebus.

CAPUT XIV.

Ejus translatio. — Tunc sicut in angustia semper humanum genus de insuetis attendit, et de periculis requirit, consulta est divina potentia et pietas exorata, donec visu nocturnæ revelationis declaratum est, deberi felices reliquias festinato ad urbem Ratisbonam inde transferri. Unde primates loci illius adunati, sublato a sepulcro venerandum corpus ad Isuram fluvium navi imposuerunt, accensis, juxta religionis modum, cœreis C ibi cum defluum iter, amne in propria ruente, sequerentur, per ostia ipsius ad Danubium intraverunt. Inde contra ortum fluminis enitentibus, quod sine magno labore consuetudo naturæ non præstat, tanta celeritate res immobilis contra mobilem meritum martyris propellitur, ac si velum ventus post flumen intenderet. Auxit hunc stuporem in eo comitatu res admodum mirabilis, sed tamen sancti viri moribus comparabilis. Nam sicut ille in hoc mundo conversatus inter grassantis stultitiæ turbines, nec ignem superni amoris, nec veritatis lumen amisit, ita candelæ juxta sacrum illius corpus accensæ tempestatum flamina atque imbrium flumina jugi sereno despexerant, consalutantibus tam clarum signum, et conjubilantibus utrisque littoribus. Hac alacritate urbem D prædictam ingressi, obviam habuerunt sacros cleri ordines, et prævia religionis vexilla, cum reliquo processione ritu, principemque Theodum provinciæ cum optimatibus, effusa in adventum sui patroni tota regione; quorum hymnisonis vocibus tellus videbatur esse concussa. Itaque in Beati Gregorii [Georgii] martyris ecclesia, quam ipse quondam orationum familiaritate frequentabat, solempni celebritate composito truculentia furentis auræ quievit reditque pax ætheris et arbitrium luminis. Traditur autem firmaque assertionem probatur, quod in illa via, qua levatus a navi ferebatur ad ecclesiam triginta signis divina eum pietas clarificaret.

CAPUT XV.

Carnificum pœna. — Quoniam de exercitio certaminis pontificis atque triumpho cognita et credita contexit oratio, consequens esse videtur, quis rerum finis persecutores ejus præsentialiter ceperrit, enarrare; quatenus et hæc cognitio et fræncti improbos, et tueatur probos; dum non audent isti, quæ volunt; et non patiantur illi, quæ non debent. Sicut superius diximus, quinque sunt electi, qui eum torquerent, ex quibus duos facinus terruit, tres vero et ad audendum et ad perpetrandum scelus foris, imperium senioris incitat, atque insita medullitis iniquitas exacuit. Unde timidi duo illi, preces pro his fundente sancto martyre, venia donati, in pace deduxerunt tempora; reliqui vero intra septem dies spiritui cui servierunt in mundo traditi, atque horribiliter diuque vexati, tandem quodam intempestæ noctis silentio in desertum ruunt: ubi per loca confragosa in inaccessibilia lymphando perierunt: neque postea aliquo in loco vel vivi, vel defuncti comparuerunt; duplici contritione, sicut ait propheta (*Jerem. xviii*), contriti. Sed et Lambertus eorum dominus surgente contra eum nata ex sceleribus suis occasione, perpetuo damnatus exilio, procul a suis digno despectu evanuit; hac in posteros hæreditate pœnarum relicta, ut infra paucos annos immature mortis falce præcisi, pene omnis vita difficulter extorta, pro innocuo martyris sanguine discernerentur. Qui vero superesse poterant, vel adhuc suspersunt, eadem infelicitatis forma miseram testantur prosapiam, et calamitosam brevitem imbecillis vitæ suspiriis debent potius quam usibus. Et quid mirum? si consanguineos ejus sanguis innocens tetigit, cum et ædificia ipsius secundum illud propheticum: «*Fiat habitatio ejus deserta, et in tabernaculo ejus non sit qui inhabitet (Psal. lxxviii)*, » damna impietatis ejus tulerint; ita ut virgultis et urticis ascendentibus ruinosa deformitate delapsa humana conversatione sint incongrua, damnabilemque ac detestandum hominem, et jam insensibilium neglecta figura declamet.

CAPUT XVI.

Miracula. — Diximus de insensati hominis sedibus et loci ipsius ædibus, quia desolatione visibili testentur invisibilem ejus interitum; deinceps dicturi sumus ex adverso quanta gloria polleant area certaminis beati viri et locus vocationis, ut, dum locorum illorum reverentia prædicatur, quo incolatu martyris anima tripudiet, conjiciatur. Ergo ubi incisus est felix sacerdos, locum illum hæc solemnitas colit aque hæc immunitas tegit, scilicet ut in altitudinem cubiti unius excretus eminentia sua, fidem ibi sperandæ venientibus promittat: tum præterea nescit jura sævientis auræ, neque nive candescit, nec autumnus flaccidit; non hieme gelatur, non æstu torretur; solum vernale decus, et semper virentia gramina, cespitem illum jucundum præbuerunt: unde etiam fidelium plebs vicina, ecclesiam ibi ob frequentes votivæ congregationis accessus, in

honorem ibidem triumphantis martyris construxerunt. Proinde locus ubi spiritus ejus sideream plagam adiit, multo tempore neglectui traditus, et pene oblivione obsoletus, hoc modo dignitatem suam vindicavit. Hiemali tempestate, sicut natura est Germaniæ, cum totam terræ superficiem nivium operiret immensitas, sola corporis areola tali conditione libera, dum pretereuntibus hac et

A illac miraculi sui stuporem ingessit, causam pariter suæ viriditatis, et memoriam obitus beati martyris edocuit. Quapropter et ibi basilicam posuit fides, quatenus efficacius animaretur spes, quæ in utrisque locis ita votorum fructibus viguit, ut si numerari deberent, numerantis industriam premerent.

ANTE MEDIUM SÆCULUM.

ARNOLDUS

EX COMITE VOHBURGENSEM EMMERAMMENSIS MONACHUS ET DECANUS.

NOTITIA IN ARNOLDUM.

ÆTAS, PATRIA, NATALES, RES GESTÆ, SCRIPTA.

(Apud PERTZ, *Monum. Germ. hist.*, SS. IV, 543.)

Arnoldus, ex nobili genere ortus, quippe qui avum maternum Berhtoldum marchionem, patrum Arnoldum virum nobilem ipse dicat (1), in S. Emmerammi monasterio Ratisbonensi educatus et monachum professus, primum Romanæ antiquitatis scriptoribus legendis operam navavit, postea vero eodem modo quo Othlonus a litteris sæcularibus transiit ad divinas. Quibus studiis imbutus et « venusto sermone delectatus, » Emmerammi patroni sui Vitam inculca et rustica esse scriptam oratione doluit, ejusque emendandæ consilium cepit. Sed fratres venerandam antiquitatem ab homine novarum rerum, ut iis videbatur, studioso tangi sacrilegium rati, ut Arnoldus in exsilium mitteretur, apud abbatem egerunt. Itaque in Saxoniam profectus, Magdeburgi Meginfredum (2) scholæ magistrum amicitia sibi conjunxit, quem ut Vitam illam de novo scriberet precibus suis permovit; id quod ultimis Heinrici II annis factum est (3). Post tres annos ad monasterium reversus (3), opus imperfectum reliquit; quod

B a. 1030 demum Burchardo abbate constituto recepit (4), neque tamen statim cum aliis communicasse videtur (5). Sancti enim miracula se scripturum esse jam dudum voverat (6), eaque partim in antiqua Vita narrata, partim postea Ratisbonæ acta Vitæ illi adjicienda duxit; in quibus conscribendis eum a. 1035 vel 1036, occupatum videmus (7). Quo finito, utrumque librum Burchardo abbati inscripsit. — Sed mox novum (8) suscepit laborem, et devotionem erga sanctum ut ostenderet, cultores ejus celebrare sibi proposuit. Primum igitur acta Wolfgangi episcopi et Ramuoldi abbatis narravit, et res Ratisbonenses, quas compertas habuit, memoriæ tradidit. Postea cum dialogi formam huic libro imposuisset, latius vagatus est, et ab Ammonicio illo, quem secum loquentem finxit, admonitus, res diversas, historias varias et multiplices, ut Collectii nomini sibi imposito responderet (9), undecunque collegit; nulloque certo ordine ductus (10), modo hæc, modo illa in schedas retulit.

(1) I. 13. A. Berhtoldo genus comitum de Cham et Vochburg deducitur, quo factum est ut etiam Arnoldum ad hanc familiam multi referrent. — Ipse I. 13, neptim nominat, quæ Adalrammo nobili viro nupserat.

(2) Eundem esse quem Trithemius magistrum Fuldensem fuisse et Chronicon Fuldense aliaque multa scripsisse dicit (*Chron. Hirsau.* a. 986. l. p. 128), Canisius (II. Præf.), Vossius (*de H. L. II.* 42.) aliique putarunt; sed C. Suyskenus (*Act. SS. Sept. VI.* p. 456) recte monet, hunc secundum Trithemii calculos (p. 153) jam a. 1010. obiisse. In Necrologio Fuldensi vero inter a. 1000-1050, nullus Meginfredus occurrit. Nescio an Trithemius sua ex ingenio finxerit.

(3) Arnoldi epist. ad Burchardum.

(4) Ita epistolæ verba intelligenda esse puto Nam tribus annis opus absolutum esse, Arnoldus dicere

nequibat, cum id Heinrici II tempore, i. e. ante a. 1024 susceptum anno demum 1030 acceperit.

(5) *In adventu vestro — venit libellus*: ad Burchardum scribit. Hic vero a 1036, ex Augiensi monasterio ad Ratisbonensem abbas venit; v. Ann. S. Emmerammi min. Mon. SS. I, p. 94, Hermann. Contract., a. 1030.

(6) II. 52.

(7) In secundi libri a. 1036 et 1037. scripti præfatione dicit: *quem præterito anno de miraculis conscripseram libellum.*

(8) Epist. ad Burchardum.

(9) C. 35: *nunc restat ut secundum nomen tuum o Collectiti, quæ posthinc colligenda sint diligenter subscribantur*: cf. c. 69.

(10) C. 50: *opusculum. . quorumque per varietatem sententiarum vagatum fuerit.*

Qua in re aliquandiu occupatus fuisse videtur. Nam paulatim et tarde opus processisse, ipse indicat (11). Cum Burchardo abbate initium fecisset, sub Udalrico, qui illi a. 1037 successit (12), alteram scripsit partem (13), alia aestivo tempore (14), alia festivitate S. Emmerammi die 22 Sept., appropinquante (15) exaravit; re quadam jam relata, Engilmarus episcopus Parentinus, quem a. 1037 Germaniam visitasse constat, advenit scriptaque comprobavit (16). Multas igitur res notatu valde dignas collegit, quippe qui ex familia nobili oriundus et in itineribus, quæ in Saxoniam et Pannoniam (17) suscepit, versatus, alia ipse vidisset (18), alia ab amicis et hominibus diversis accepisset (19). Primo libro præter Aribonem etiam S. Bonifacii Vitam exscripsit (20) et varia monasterii diplomata (21), chronica (22) aliaque scripta (23) adhibuit, iisque ita usus est, ut inter gravissimos historiæ Bajoariæ sit referendus fontes. Sed quod ægre ferimus, per ambages progressus et sermone nimium copioso usus (24), adeo librum auxit et pretiosas illas narrationes tantis et tam multis interlocutionibus et disquisitionibus, quæ ad historiam illustrandam nihil conducunt, obtexit, ut integrum opus hic nemo legere vellet.

Quæ præter hoc Arnoldus scripsit non magni sunt momenti (25), Antiphonas et responsoria in S. Emmerammi honorem dum in Pannonia morabatur composuit (26). A. 1031, ipso, qui præpositus constitutus erat, ordinante, honorum ad S. Emme-

A raramum pertinentium facta est descriptio (27). Præterea homilia De octo beatitudinibus et S. Emmerammo ipsi tribuitur (28), sed rectius ad alium ejus nominis scriptorem referri videtur (29).

Arnoldus jam ante medium sæculum xi obiit, quamvis, cum libros suos scriberet, juvenili floret ætate (30). Nam Othlonus, qui jam antea monasterium intraverat et post annos aliquot Wolfgangi Vitam scripsit, Arnoldi superstitis nullam facit mentionem, imo mortuum aperte eum designat (31).

Arnoldi liber monasterii muros nunquam transgressus esse videtur; certe præter Othlonum nullus mediæ ævi scriptor, quod sciam, eo usus est. Sæculo xvi vero Aventius (32) et Laurentius Hochwart (33) plura inde hausserunt. Canisius a. 1602 opus ex codice, nisi valde fallor, autographo luci dedit (*Ant. lectt.* II. p. 1., repet. Basnage III, t. p. 88), post quem fragmenta tantum a Mabillonio (*Act.* vi, t. p. 5 et 476) et Suyskeno (*Act.* SS. Sept. vi, p. 486) edita sunt (34), et hæc quidem ex codice S. Emmerammi, curante abbate Frobenio emendata.

1. Codex ille inter Monacenses (Emmer. O 3) asservatus, a Cl. Foringer in usus nostros versus est. Librum membr. s. xi accurate exaratum Arnoldi esse autographon, emendationes eadem manu sæpissime in textum inductæ et additiones in margine factæ aperte docent. Exhibet f. 9 Arnoldi officium S. Emmerammi, f. 16 breve Arnoldi carmen (35), qui epistola Burchardo directa subjicitur. Fol. 21 sequi-

(11) C. 7, II, 61.

(12) Ann. S. Emmerammi min. l. 1.

(13) C. 48.

(14) C. 21.

(15) C. 49.

(16) C. 53.

(17) II. præf. c. 22.

(18) I, 5, 12; II, 22, 46 (*Hoc signum ipsi nos vidimus et manibus nostris palpavimus*), 47, 52, 56, 57. Guntharium eremitam, de quo. c. 61 sqq. agit. ipse noverat, c. 68.

(19) I, 7, 8, 13, 17; II, 12, 23, 28, 34, 45 (*Hujus rei testimonium perhibere solent fratres congregationis nostræ fideles, qui tunc forte aderant*). 53, 61, 68, 75.

(20) I, 1.

(21) I, 5, 7.

(22) II, 24. Fortasse Annales S. Emmerammi minores indicat.

(23) I, 1: *pitacea, e quibus hæc excerpimus*; cf. c. 5.

(24) Juvenilem suam verborum ipse arguit II, 51. Sed: *Negue, inquit (c. 17), hæc aliter describere proposui, nisi ut fidelium prosint ædificationi*; cf. c. 56, etc.

(25) Anon. Mellic. de SS. eccl. c. 62. nonnisi dialogum affert.

(26) Ep. ad Burchardum; præf. libr. II Edit. Act. SS. Sept. VI, p. 512.

(27) Ed. Pez I, 3, p. 67: *Anno ab Incarnatione Domini nostri Jesu Christi 1031, indictione xiv, rerum cænobii sancti Emmerammi sub abbate Burchardo, ipso jubente, et nihilominus Arnoldo præposito eas disquirente, fratrum cætu familiaque probante, præsens descriptio facta est. Hunc*

abbatem misit nobis Augia, quem conservans gratia superna, adaugeat omnia sibi commissa.

(28) Pez IV, 2. p. 29. In fine hi versus leguntur:

*Arnolt abba logon tractat, quem dixerat oon;
Mercedem gratis monadem dans octo beatis.*

Sed Arnoldum non abbatem fuisse, jam Suyskenus monuit l. 1. p. 457.

(29) Quod Aventinus laudat opus Arnoldi de SS. eccl. librum esse hic editum, jam Pez IV. præf. p. VI. putavit. Nam in epist. ad Burchardum dicit: *Tum — collegi qui fuerint scriptores ecclesiastici, quos deinceps recenset. — Arnulfus monachus cujus Sigibertus de SS. eccl. c. 157. mentionem facit (Arnulphus monachus, excipiens de Proverbis Salomonis convenientiores sententias, et litteram et allegoriam metrico lepore scripsit et digessit procul dubio alius fuit.*

(30) Ep. ad Burchardum, II, 31.

(31) Præf. supra p. 525. Libro de translatione S. Dionysii epistola ad Leginwardum abbatem a. 1048. constitutum præmissa est (I. B. Kraus de transl. S. Dionysii p. 132.), in qua abbatem S. Remigii Remensem Ratisbonam venisse ibique de situ hujus urbis plura ex Arnoldi ore accepisse narratur; sed quo factum sit tempore non indicatur. Ceterum de narratione illa, quæ inter genuinos historiæ fontes nullo modo potest recenseri, alio loco sermo erit.

(32) Cf. n. 29.

(33) Oefele SS. R. Boic. I p. 161 sqq. 176 etc.

(34) Alia Jun. III. p. 415, 420.

(35) Hoc Pez IV, 2. p. 37. edidit, I. B. Kraus (de transl. tab. XIII.) seri incisum exhibuit,

tur Meginfredi Vita S. Emmerammi, f. 35^e primus Arnoldi liber, cujus ultima verba recentiori manu (s. xv) in ima folii 58 parte adjecta sunt. Nam quod quateracionem complebat folium cum his lineis excisum est; id quod jam s. xv factum fuisse, paginaarum numeri hoc tempore ascripti ostendunt (36). Secundus liber an hoc volumine unquam comprehensus sit, dubitarim; certe Canisius,

A qui etiam hujus autographen habebat, alibi eum invenerit oportet. Jam medio sæculo xviii nullum ejus exemplar in S. Emmerammi fuit monasterio (37). Quæ cum ita sint et eum etiam eodices Admontenses mbr. s. xi primum tantum librum exhibeant (38), alterum ex Canisii editione exprimentum feci.

G. WAITZ.

Loca nonnulla libri primi, apud Pertz, ut minoris momenti, decurtata, ex Canisio [Antiq. Lect. Edict. Basn. III, 105], restituimus. EDIT. PATROLOG.

ARNOLDI

DE MIRACULIS ET MEMORIA BEATI EMMERAMMI

LIBRI DUO

EDENTE G. WAITZ PH. D

CARMEN ACROSTICHUM DE BEATO EMMERAMMO

H
I
A
T
O
S
P
O
L
I
S
V
E
T
E
R
A
M
M
I
S
I
T

| | | | |
|-------------------------|---|-------------------------------|---|
| E mmerammi tui | S | dignator adesse ministri | S |
| M entes cum cord | E | precibus his ablue sord | E |
| M oribus ac torti | S | confer medicamina forti | S |
| E mundi curi | S | Monachos pius eripe duri | S |
| R egum sic reg | I | potes et nos subdere leg | I |
| A ulica quam prise | O | non tangunt tempera disc | O |
| M ultis hinc ome | N | Christi dat denique nome | N |
| M unere perfect | O | sua donans secla profect | O |
| V irtus alma cruci | S | quæ signat lumine luci | S |
| S ub quo salvus eri | T | quisquis bona maxima queri | T |
| M agnis magne pate | R | minimis et humillime frate | R |
| A urea dans sacr | A | cunctis dimitte piaci | A |
| R ecto sub duct | V | fac nos fore non sine fruct. | V |
| T estis Heimramm | I | memor ob nos presulis alm | I |
| I s famulos place | T | tibi, nobis commoda preste | T |
| R ite decem numer | A | sex addito, sic capis ist | A |
| Π (39) A ntea conscript | E | res ac verissime diet | E |
| L ibrum materian | T | istum simul atque perornan | T |
| M enfredus doct | E | quem Saxo dietitat et apt | E |
| V erbis ornato | R | sensu subtilis arato | R |
| S i quis per nome | N | me queritat, ergo (40) diocte | N |

P
A
R
T
H
E
N
O
P
P
O
L
I
S
N
O
V
A
R
E
M
I
S
I
T

Arnoldum norit, relevamen cui siet Amen (41)

NOTÆ.

(36) Fol. 58. enim signatum est 77, quod excipit 78. nunc 60, in quo *Tractatus gente constantis venerandi sacerdotis de passione et gloria beati Emmerammi martyris* (Pez IV, 2. p. 23.) incipit, quem f. 66. Arnoldi homilia supra memorata sequitur. Folia 59, 64. 65, et reliqua s. XV. adjecta sunt; v. Archiv. VIII.

(37) V. Ratisbona monast. ed. 4 (1752) p. 112. Codd. S. Emm. O. 4. et O. 5., qui primum librum continent, s. XV. ex autographo exscripti sunt. Cod. S. Emm. Y. 4. s. XVII. chart. quædam ex Canisii editione habet excerpta.

(38) Archiv. VI, 172, 174.

(39) Id est Θεός Πατήρ.

(40) διοικητής, præpositus.

(41) In quatuor hujus carminis angulis monogrammata picta sunt: *Emmeram martir, Arnoll, martirum palma*, et quartum quod *Gebekardus* legendum esse videtur. his præter quasdam mysticas explicationes etiam hi versus adscripti sunt: *Laudibus Hei [mrammi libros h] os edidit almi Arnoll peccator qui m..... arator. Abbas Burchardus episcopus et Gebekardus Designent tempus, quibus est pulcherrimus usus. Denique in ima parte ad dexteram hæc leguntur: rie re (?) conpinxit hic et monogrammata Amati.*

AD PROVISOREM SANCTI EMMERAMMI QUID DEBEAT EI VEL RATIONI

Domno BURCHARDO ad optima quæque haud tar- do, pro paterna quidem dignitate reverendo, ac plurigena probitate diligendo, ARNOLDUS, adprime sibi utpote abbati exin ceteris merito suppositus, veruntamen rebus monasterii prepositus, quicquid fidelis domino servus, seu magistro discipulus.

Imprimis cum beatissimi martiris Emmerammi patrociniis non ego solus, sed etiam mecum ejus generalis monachorum cætus gratificatur Deo, antehac misericordiam suam multipliciter parvitati nostræ impertito, nunc vero solita clementia circa nos manifestus usu — in hoc procul dubio, quod vos tali de loco destinavit ad nos, in quo ha- tenus ipso donante et sanctissima Virgine Maria adjuvante abundant patres ac fratres, sive apud Dominum sive apud seculum valde nobiles et laudabiles, qui cum ratione sua noverunt et alie- na tractare — unde et ego ultimus veræ rationis alumnus, pro hæc vestro sub regimine probanda, occasionem sumpsi ac fiduciam, presentem scri- bere epistolam; quæ quamvis inscitæ meæ histo- riam partim videatur continere, tamen in vili sce- mate prenominati necnon sepe nominandi patroni nostri dulcissimæ tota famulatur memoriæ. Igitur libris in divinis legendis et intelligendis, peccatis meis facientibus, admodum fui segnis, et ut ve- rum fer, adhuc non sum indemnis. Cujus emen- dationem vicii ut ceterorum cum habere possem exemplis majorum, impedimento erat nolle, et abusivum illud quod dicunt negligere. Quadam autem die quendam e fratribus, concretum et consolatium meum, presente me, aculeum mortis contigit obire. Is ergo in ipso mortis arti- culo quid viderit, etiam non loquens astantibus patefecit. Nam cum levatum e lecto humi depo- suissemus, primum brachiis quasi contra aliquem reluctatus, demum ad sinistram acutissime flectens obtutus, adeo abhorrebat a facie inimici, ut ocu- rorum versione capitisque aversione ac impulsu, ut gestum exprimam, capitali, pene loco sibi astantes propelleret; et ut patesceret ¹, quantum fides Christi valet ubi meritum habet, quantumve deest ubi mortua est, nisu quo potuit dextram manum extendit, signum salutis facere volens; sed exprimere minime valens, subita concussione contremuit, ac pallore obductus irriguit; sicque exalavit. Nos vero singulibus psalmodiam inter- cipientibus, omnes pariter in luctum conversi su- mus. Quis enim ibi non fleret, ubi quisque infir- mitatis propriæ intra conscientiam commonitus, vix effari posset pre fletibus, cum et ego post annos aliquot, teste Christo, haud absque ge- mitu et fletu hæc scripserim memoriæque tra- diderim? Juvenis namque floribus, frater etiam cœlaneous, in puerili lascivia consentaneus, super

A quo innitebar, baculus arundineus versus est mihi in colubrum, ita ut fugerem. Inde absterritus sub- duxi me, quibus eatenus ob gloriolam seculi adhe- si, libris paganis, et saniore consilio implicabar divinis. Tunc primum cœpi discernere, quæ di- stantia esset inter lucem et tenebras, inter Domi- num et Belial. Tum quoque ad me aliquantulum reversus, ex parte collegi, qui fuerint scriptores ecclesiastici. In quorum varietate pulcherrima eno- tavi beatissimum Christi confessorem Hilarium, alti cordis virum, quam longe sit a lectione sim- pliciorum fratrum; Ambrosium, quam disertus et orthodoxus; Joannem Constantinopolitanum, quam jocundus et aureus; Gregorium Nazaze- num, doctor quam ² mirificus et anastasificus; Hieronimum, quam brevis et rectus; Augustinum, quam facundus et profundus; Gregorium papam Romanum, quam dulcis et clarus; Ysidorum Hi- spanum, quam succinctus et distinctus. Hi siqui- dem et horum precessores vel successores ³ valde venerabiles et utiles operatores ⁴ jam habundanter hauriebant e fontibus Salvatoris, quæ dulcissima caritate propinare nobis. Quorum cum legissem opera, quæ peritissimis probabilia, mihi vero pro captu meo videbantur etiam ⁴ mirabilia, auctori- tate simul et venusti sermonis dulcore delectabar. Sed contrario admodum amaricabar in gestis vi- delicet domesticis, clarissimi patroni nostri Em- merammi ⁵ martyris, dudum a quodam, qui se Cirinum, id ⁶ est ⁶ heredem ⁶, nominat, Frisingen- sis ecclesiæ episcopo, ut puto recte scriptis, ante nos autem majorum negligentia depravatis. Quæ cum, abbate id penite fieri permittente, simplici animo emendare vellem, et in confusionem loci nostri diutius incorrecta stare nollem, *consurgunt*, adversum me quorundam animi fratrum dicen- tium, haud equum, a me dictis antiquitatis quid addi vel minui, maxime cum hæc peritiores omi- serint. Quibus videtur probum meapte sic tempe- rare responsum. Quare illi hoc fecerint, immo quod utile fuit hac ⁶ in ⁶ parte ⁶ non fecerint, a vil- litate mei temerarium est discussum iri. Hoc tan- tum dixerim pace eorum et omnium bonorum, quia non solum novis vetera licet mutare, sed etiam, si sint ordinata, penitus abjicere, sin vero ordinaria sed minus utilia, cum veneratione sepe- lire; et quia dispensatione divina a precedentibus multa relinquuntur sequentibus, in quibus pos- sint mereri alicujus aut admissionem aut remis- sionem peccati. Quod cavendum hujuscemodi sim- plicitate, seu, quo verius dicam, stoliditate, etiam rustici nos monent, qui peccare illos putant, qui arbores succidant, in quibus pagani auguriari so- lebant. Quid plura? Cedens emulis ad tempus per abbatis imperium abrupui me in Saxonix exi-

VARIE LECTIONES.

¹ patefaceret *corr.* patesceret *f.* ² *superscr.* *f.* ³ sequaces *superscr.* precessores vel successores *f.*
⁴ *Hæc verba post add.* *f.* ⁵ E. l. *sæpius.* ⁶ *post add.* *f.*

lium, portans mecum in libello suo sanctum Emmerammum, qui suum me voluit esse servum. Ibi simulando me scire quod nescio, Meginfredo, Parthenopolitanum magistrum, pauculis beneficiis paravi mihi amicum. Hunc dum audirem frequenter disputare sapienter, mirabar ejus ingenium; ex quo et ipse agnovit meum studium. Inter familiares autem consermocinationes stilum ejus agnoscens, et propositum fixum animo tenens, postulavi ab eo, quo pro pignore amicitiae novum patrono nostro librum minus pigritaret cudere. Quod cum ille renneret, quasi suae non esset possibilitatis, et ego opponerem debitum caritatis, ipse vero majori excusatione nostris id melius assereret convenire, et e contrario referrem, pene esse naturale cives civibus invidere: tandem victus, voluntati meae, immo beato Emmerammo animum substravit. Ut autem acceleraret me rogante, respondit serena fronte, summa diligentia in laribus probandum, quod extra parietes multorum oculis foret presentandum. Hac, ut opinor, occasione tribus annis opus mihi carissimum remansit imperfectum, dum temporibus Heinrichi augustissimi imperatoris esset ceptum. Regressus ergo ad monasterium e Saxonia, ferebam mecum beatissimi martiris ymnum, quem mihi pro arrabone libri saltem vel versiculum poscenti prefatus magister metro composuit Saphico. Demum Chouonrado imperante, et nihilominus Heinricho filio ejus regnante, Gebehardo autem secundo Ratisbonensem ecclesiam regente, in adventu vestro, saepissime optatus atque diu expectatus venit libellus. Cujus universitas beato deputetur Emmerammo, materia Cirino, renovatio Meginfredo, exactio peccatori Arnaldo, usus oculus invidiae non habentibus, vitae premium omnibus ejusdem Deo dilecti martiris memoriam excolentibus. Pro cujus cultu mea exhibitione modico, debito sui permagno, quid mihi acciderit vel qualis consolatio venerit, paucis edicam. Erat quaedam necessitas, pro qua in Pannoniam me direxerat meus abbas. Cumque periclitarer sepius in profundis Danubii decursibus, apud Pogicam (42) caribdin, ubi esse videtur mortis hospicium, maximum experiebar periculum. Ibi enim naucae majores arripientes remos, quasi viribus suis navim evecturi de abrupto fluminis, in tantam venere desperationem, ut muto se intuentes ac nec muttire valentes, pre timore mortis penitus irriguissent. Tunc osculatus cruciculam, quam habui ex cervicibus pendentem, reliquias martiris de cambota continentem, cogitationes hujusmodi intra me volvere ceppi: Putasne, late notus patronus hodie mihi erit per salutem hic experiendus? Mox navis ceu aliquo minitante tre-

A mefacta et interitus puteo ejecta, renatabat, nemine ducente, immo Domino regente. Tum cursu prosperato tertiam die advehebar Pannoniae solo. Qua me Anastasius archiepiscopus (43) ceteris suscepit humanius et affatur familiarius. Is cum beati Emmerammi veterem illum et viciatum legeret librum, materiam probavit cum sententiis; sed harum seriem cum veste reprehendit pendere rationis. Apud quem sex ebdomadas manens, memoriae sanctissimi patroni antiphonas aliquantas cum responsorii composui (44), non tam fretus ingenio, quam dedito laudibus martiris animo. Has prefatus episcopus monachos et clericos suos fecit discere, et in ecclesia die ipsius natali publice celebrare; secundum quod scriptum est: *Recedant vetera de ore vestro*, deponens veterem illius cantum, quem nostri potius cautant ex antiquitatis usu quam ullo auctoritatis ausu. His ita equidem gestis in Pannonia, et legatione, pro qua directus eram, peracta, Noricum repetii, et in ea revisens Ratisbonam, satis karitative suscipiebar a fratribus, quibus et hoc dignetur reddere Dominus. Hic cum de sancto Emmerammo dulce clarumve quiddam aut audire aut videre summo desiderio quaeritarem, per somnum visionem accepi talem. Beatus Emmerammus pallio viridi quasi velatus, meridiana parte ante fores ecclesiae videbatur mihi jacere in lecto bene ac decenter ornato. Quam ut fratres ecclesiam intrare volentes viderunt, timore perterriti recesserunt. Ego autem solus relictus, adeo fui curiosus, ut ad gradus juxta tres arcus flexis genibus in eum intenderem, donec vultum detegeret, ac Latino sermone diceret: *Tibi conceditur videre faciem meam, quia in laudibus meis sudasti*. Cujus cum viderem valde candidam et splendidam faciem, nullatenus dicere possunt, quam magnum cordi meo fuerit jubilum. Hoc tantum tacitus mecum reputabam: « Fortassis in die novissimo pro me dicturus est Christo: *Domine, da mihi hunc peccatorem*. » In quo tunc experrectus, et adhuc, ut verum fatear, nequam ac non rectus, ne jucundae visionis gaudia prepediant peccata mea, apud eum, cujus melior est super vitas misericordia, optinere cupio prece vestra necnon patrum et fratrum oratione continua. De cetero quod instat, epistola conclusionem postulat; in qua vos ignorare nolo, quod antiquus operis hujus scriptor librum suum finit in eo, quod volumini de miraculis beatissimi martiris, hoc et anterioribus tribus diligentia mea enucleatus positus, pro capitulo datum est quarto. Quae vero secuntur auctoritate vestra contra aemulos defendendus, humiliter ascripsi stilo, uno tantum ordine prepostero ob similitudinem rei interposito,

VARIAE LECTIONES.

p. c. s. et veste r. e. corr. aliis erasis l. post add. l. antiquus l. us e corr. l.

NOTAE.

(42) Apud Pogen.

(43) Strigoniensis qui et Austriacus; v. Mabillon

Act. VI, I, p. 72 sqq.

(44) V. Acta SS. Sept. VI, p. 512.

pro memoria mei et eorum qui mecum in monasterio memores esse potuerunt factorum ob Christi martirem signorum. At quæ et ad ceteras ejus

A laudes propagandas, vita vestra vigeat, dignitas polleat, paternitas valeat, Domino donante. Amen.

(45) *Explicit epistolaris apologia de ratione vel veterum immutatione.*

CAPITULA LIBRI PRIMI ¹¹.

1. ¹² De episcopis vel ducibus Paguariz, et de hereticis per sanctum Bonifacium ab ea expulsis, necnon miraculis ad sepulchrum beati Emmerammi frequentatis, atque de secunda illius translatione.
2. De muliere adultera, quæ martiris ecclesiam ingredi nullatenus potuit, antequam per confessionem ad penitentiam se purgavit.
3. De homine a latronibus capto, et bis venundato, qui post exilium trienne patriam revisens, cum grandi miraculo se presentavit beato Emmerammo.
4. De puella, quæ integrum annum permansit jejuna, et ad memoriam martiris est communi vitæ restituta.
5. De beneficiis principum seu comitum judicumque donariis sancto Emmerammo collatis, et de triumpho mirabili, quem Arnolfus imperator evidentiissimo ejusdem testis adiutorio obtinuit.
6. De Tutone episcopo spiritu prophetiz ditato, et de rege Chuonrado apud Sanctum Emmerammum pro incauta jussione morbo gravato.
7. De homine, qui in convivio principis rennuens caritatem martiris, colapho percussus est terrifico.
8. De monacho sancti Emmerammi qui in periculis maris eum sibi adesse sensit per beneficia liberatoris.
9. De apostata monacho bis a demone correpto, ac toties precibus et meritis beati Emmerammi liberato.
10. De quodam demoniaco a legione miserabiliter possesso, cui gratia Salvatoris mirabiliter salutem reddidit ad memoriam martiris Christi.
11. De quodam stirpigena Lantperti tyranni, qui una hora bina cæcitate prohibitus est ingredi ecclesiam martiris Christi.
12. De miseris queis usque in presens afficiuntur homines tyrannicæ posteritatis, et de quorundam ejusdem stirpis conversione humilique oblatione, ac Adalrammi duritia virtute martiris mirum in modum mollificata.
13. De duodecim viris, qui juraverant contra jus in altare martiris, multiplici pœna consumptis.
14. De hoc, quod contigit in quadam muliercula, pro furto calicis paralyti multata et apud Sanctum Emmerammum mirifice sanata.
15. De eo, quod et Judei minime dissentent, miracula in ecclesia sancti Emmerammi sapissime facta.
16. De paralytico apud Sanctam Emmerammum curato.
17. De obitu Michaelis episcopi, et de signo campani.

PROCEMIUM LIBRI I DE MIRACULIS BEATI EMMERAMMI.

Vivunt merita sanctorum in ecclesiis, et potentius existunt ipsi, quamvis ab oculis nostris ablati, quam inter conversantes putarentur. Quod licet creditum firmo teneamus proposito deprehensum, miracula tamen ass stipulantur nobis, et imperitiam brutæ infidelitatis arguunt, dum ad exanimes sanctorum reliquias impossibile languentium ad posse redit, et quod non fuit ad esse; fraudatis circa hunc rerum cardinem cunctis secularium potentatibus. Nam si eniterentur vel regalibus potentia, quæ preminet, vel artificialis ulla solertia quæ

interdum hiantia supplet, quomodo reparent habitum cæco? Hæc cum constant, nullum prudentis fidei consequentia latent. Quapropter quia scribimus vobis, in quibus vivificator Spiritus carismatum suorum heredem vivam plantavit fidem, pauca de multis miraculis, quæ divina pietas testi suo Emmerammo donavit, dicemus, vel ab aliis dicta repetimus; quia vobis facit de invisibilibus vel etiam de nondum factis experimentum preteritarum substantia rerum et argumentum non apparentium (*Hebr. xi, 1*).

EXPLICIT PROLOGUS.

INCIPIT LIBER PRIMUS.

1. Igitur martiris Christi Emmerammi corpore sacro apud Ratisbonam honorifice humato, et ad sepulchrum ejus minime fraudatis fidei merito quæ-

rentibus presidia divinæ pietatis, tandem multo sub hujusmodi beneficiis tempore evoluto, ecclesiæ presulatum ejusdem vir venerandus regendum suscepit

VARIE LECTIONES.

¹¹ Hæc inscriptio deest 1. ¹² Numeri desunt 1.

NOTÆ.

(45) Subjicimus epistolam Meginfredi: INCIPIT EPISTOLA VEL PROLOGUS MEGINFREDI PARTHENOPOLITANI MAGISTRI ET PREPOSITI AD ARNOLDUM SANCTI EMMERAMMI MONACHUM RUMDEM ET PREPOSITUM ATQUE

MAGISTRUM. Charissimo suo A. M. salutem in Christo. Sanctorum dicta, . . . Reliqua vide in Meginfredo, supra.

Gaubaldus, ante quem non solum hæc eadem de qua nunc nobis est sermo, sed et ceteræ in Bajoaria absque certis episcopis post ¹³ Romana ¹³ tempora ¹³ erant ecclesiæ. Quia enim nuper christianitatem acceperant Norici, immiserant se illis heretici, qui, ut in aliis regionibus facere consueverant, fas ibi nefasque confuderant. Horum (46) alii se dicentes episcopos esse, alii presbyteros, alii diversi ordinis clericos, ad inventiones suas technis quibusdam subornabant, sicque populum cum principibus per plures annos seducebant. Quippe hic error bonis omnibus invisus, sed a perversis periculosissime annis, maxime adolevit sub ducibus, quorum nomina partim ignoramus partim scita cautelæ gratia supersedemus. Temporibus autem, quibus tantæ pesti remedia parabantur, hi duces principabantur: Dioto scilicet, vir illuster, cui filii in regnum non successerant. Item alius Theodo, vir strenuus et alacer, sub quo clarissimus ¹⁴ Christi ¹⁵ confessor ¹⁵ Routhpertus ¹⁵ cum ¹⁵ aliis ¹⁵ Dei ¹⁵ servitoribus ¹⁵ Juvarium ¹⁵ devenit ¹⁵, ibique ¹⁵ cursum ¹⁵ presentis ¹⁵ vitæ ¹⁵ consummavit ¹⁵ (47). Sub ¹⁵ quo ¹⁵ sanctus ¹⁵ Corbinianus ¹⁵ Frisingiam ¹⁵ accessit ¹⁵ (48). Is ergo dux ¹⁵ filios habuit successores in regno, Diotpertum videlicet atque Grimaldum; post quos ducatum genti huic prebuit Huchbertus, qui beato Gregorio et sancto Emmerammo sub quodam Rathario adventitio episcopo donaverat curtem, quæ in pitacis, e quibus hæc excerptimus, Pirchinwanch nuncupatur (49): Hujus (50) atqui ducis temporibus beatissimus presul Bonifacius ob curam, quam circa oves Dominicas habuit maximam, ingressus Bajoariam nonnullos hereticorum ex ea depulit; sed eos generaliter, uti voluit, eliminare non potuit. Quo Franciam reverso et prefato duce defuncto, sub principe Pipino gentis hujus ducatum adeptus est Udilo. Qui (51) missis in Italiam legatariis, sanctum Bonifacium rogavit e Roma revertentem (*an.* 739), quod denuo Noricas gentes sub sua potestate dignaretur visitare degentes. Cujus legationi et nihilominus petitioni libenter annuens Deo plenus antistes, in Bajoariam profectorem accelerat, sperans se correcturum quod ante non poterat. Hic Domino cooperante ac prefato duce astipulante ¹⁵, ecclesiastica jura decernens, penitus extirpavit hereticos, et universos fugavit scismaticos. Provinciam vero in parochias divisit, et episcopos in his canonice ordinatione constituit. Inter quos predictam Gaubaldum Hiatospolitaneæ (52) sedi prefecit. Qui dum

A sibi credita foveret necnon adaugeret oviffa, inter cetera, quæ bene disposuit et ordinavit, consilium inivit (54) cum clero, quo sepulchrum aperiret beato Emmerammo, Quod crebris miraculis fieri debere clamitantibus, communis omnium comprobavit assensus. Quid plura? Die statuto translationis et elevationis cunctorum vota concurrunt; ad laudes martiris, tanto tempore inter mortales sub negligentia quiescentis, innumera sexus utriusque turba confluerat. Ad ea quæ sæpe audierant, martiris beneficia clarius videnda, festinant cuncti, novis interesse gaudiis properant universi. Demum electi sacerdotes cum diaconibus ac aliis ad aperiendum sepulchrum necessariis, populum extra ecclesiam ejecerant, et ostia intro servis munierunt. Cumque tremebunda religione a sepulchro humum resolvissent, necnon etiam lapidem superpositum a parte dextra in lævam submovissent mensura tandem quasi palmi et semis, timor super omnes irruit, ita ut pre pavore nimio laborantium manus a lapide laberentur. Ex quo terrore percussis viribus dissoluti, in terram ceciderunt. Unus autem ex illis, qui a dextris stabant, pectus lapidi supponens, tamdiu solus hunc, cum esset ingens, haud sua validudine sustentabat, quousque ceteri posse resumerent et succurrendo manus ad incepta consererent. Tunc tanta celeritate et securitate amoverunt, ac si in se gravitatis pondus minime haberet. Quid vero hoc trifario miraculo insinatur, nisi quod propheticæ ore predicatur: *Mirabilis Deus in sanctis suis; Deus Israel ipse dabit virtutem et fortitudinem!* (*Psal.* LXXII, 36.) Ob reverentiam enim sui martiris virtus Altissimi hos terribiliter stravit, sed ad ejus laudes in pristinas vires mirabiliter restauravit. Tertio uni sacris cineribus famulanti impertivit fortitudinis munus ad gloriam nominis sui, qui est trinus et unus. Pro quo triplicato signo sacerdotis venerandi gratias agentes almæ Trinitati, cum magno cleri populi tripudio incomparabilem purpurati corporis thesaurum e tumulo, quo eatenus reconditus erat, suferentes, in monumentum novum venerabile transtulerunt; quod ad id satis accurate jam paraverunt. In quo principes auri laminas et argentum apparatu pulcherrimo fecerunt affigi, easque gemmarum ordine vario distingui. Quorum spiritibus et nobis simul peccatoribus per intercessionem clarissimi sui testis Emmerammi dignetur Dominus propitiari!

2. Quidam vir in Frisingensi episcopo, quoniam

VARIÆ LECTIONES.

¹³ Quæ in codice ab Arnolde post addita sunt semper littera a notavi. Attamen non plane constat, an verba p. R. t. ipsi Arnolde debeantur. ¹⁴ Christi — accessit in loco raso et in margine scripta esse, *Frisinger monuit.* ¹⁵ stipulante corr. astip. 1

NOTÆ.

(46) *Horum* — seducebat ex vita S. Bonif., c. 9.
(47) Cf. Anon. De conversione Karantanorum imit.

(48) V. S. Corbiniani Vitam, c. 10.

(49) Parckwang prope Wildenberg; v. Ried I, p. 24. De Huchberti donatione alibi nihil inveni.

(50) Ex Vita Bonif., c. 9.

(51) Ex Vita Bonif., c. 9.

(52) Hiatospolis quasi ἄδος πολίς, Regensburg ab ὄω.

(53) Quæ sequuntur ex Aribonis Vita S. Emmerammi (*Acta SS. Sept. VI, p. 481.*) *Hausta sunt.*

fraudata est oculorum officio, conjugem suam dimisit, aliamque extra preceptum Dei duxit (54). Qua culpa adulterum illum cum superducta, episcopi, in cujus hoc erat diœcesi, animadversio convenit; convictumque ex regulari pœnitentia multavit. Sed persuasoris instinctu pertinax mulier ab illicitis amplexibus divelli non potuit; sed cum ad beati Emmerammi ecclesiam conventus fieri debuisset, et eadem mulier, commeantibus illuc sociata, properaret, in loco, qui Vivarius appellatur, unde ecclesiam intuita fuit, ducentis fere ab urbe passibus, ut nota commissi sceleris eam exagigaret. Cœpit autem tremore nimio concuti, et dissoluta humi devolvi; et cum erecta fuisset a sociis, si processum voluit, procedere non valuit; si redire studuit, redeundi facultatem non habuit. His in angustiis a superveniente sacerdote quodam deprehensa requisita est, quo crimine circumventa peteretur talia. Hoc relato sicut erat, ad episcopum suum regredi ab eodem est presbytero commonita. Quod dum fecisset et effusa in lacrymas vulnus aperiret et satisfactionem ex puro corde promitteret, suscepta Ecclesiasticæ formæ medicina, ad medicum suum beatum Emmerammum, expers animæ vulneris, et corporei secunda doloris, processit. Qua in re facile colligitur, quam longe separantur incerti a regno Dei, qui sic differunt ab ingressu domorum electorum suorum. Quod ne nobis contingat, fortissima Christi medicina prohibeat.

3. Cum virtutum odoribus aromatizans beatus Emmerammus populos ad se traheret undequeseccus, contigit quendam virum fidelem, qui bona intentione, ut finis probabat, illuc solusiter carpebat, in loco, qui dicitur Verroniwaida, quod sermo Latinus exprimit Longinqua pascua, latrones incidisse, qui eum detentum expoliatum Orientalibus Francis vendiderunt. Et factus est alias emptitius, qui ad memoriam martiris voluit esse adventitius. Quidam vero, qui hunc exinde venundatum accepit, sub venali commercio tradidit cuidam Turingo in finibus Parathanorum, ad id temporis crudelium paganorum (55). Cumque se homo Christianus vicinum cerneret gentilibus, idolorumve cultoribus, cœpit nisu quo potuit domino suo temporali tam præsenti quam absenti, ratum et promptum exhibere famulatum. Erat autem in lignis operandi peritia instructus; qua molendina facere solebat ad aquæ ductus, ob quæ, et venustam ædificiorum compositionem admodum charus fuit domino servus. Unde et aliquibus retinaculis cupiens hunc sibimet facere firmum et fidum, viduam juvenulam, secundum carnis hujus putredinem, speciosam, quam reliquit conservus ejus absque filiorum procreatione, in matrimonium illi temptabat sociare. Quam renuens, sorte, non mente, captivus respondit dicens: « Uxorem legitimam in patria reliqui, cum pro innumeris meis huc traderer peccatis. » Nunc ergo ea vi-

A vente quomodo aliam super ducam? Quibus verbis permotus dominus asperrimos sermones invenit dicens: « Hæc mihi faciat Dominus, et hæc addat, nisi hanc in matrimonium sumpseris, genti Saxonum te tradam, quæ tot dæmonibus perspurcam servit idololatriam. Novi etenim ac experimento didici quia si mulierem hic accipere non vis, fugere malis, quam mecum commorari in his locis, ut et de fuga confusus, et nihilominus post de precio tuo maneam defraudatus. » Cumque assiduo sermonibus hujusmodi inter se disceptaret dominus per peccatum servus, et servus per justitiam dominus, ætate jam ac moribus senex, aliter se non posse advertens imperium domini sui declinare, quin in gentem traderetur Deum ignorantem, cujus vitam quasi mortem timuit, tandem se velle eam confitetur sibimet copulare. Tunc exhilaratus dominus apprehensam mulieris manum involvit pallio, et, ut moris est nuptiarum, seni sub testibus eam in matrimonium concessit; sicque discessit. Religiosus autem senex accepta muliere perrexit ad domum hæreditatis invisæ, in qua cubiculum intrantes, et alimenta juxta consuetudinem nuptiarum, percipientes, lectum, quem ipsa paraverat, haud parili animo ascenderunt. Cui senex: « Prævide, inquit, charissima filia, ne hac thalami commixtione summum offendamus artificem, quia temporalis vitæ gaudia paucis diebus deficient, sed æterna animarum detrimenta parturiunt. Fruere itaque artificio meo in deliciis, et hoc tantum indulge, ne me sub jugo copulationis hujus, conjuge vivente, præcipites in interitum. » Illa autem, carnali voluptate devicta, viri sui petitioni minime assentiebatur; imo quæ in aurem dixerat, domino suo palificaturam minabatur. Senex vero cum hujusmodi exhortatione se cerneret minus perficere, lasciviam sociæ ac exasperatos animos, verborum blanditiis ita lenivit dicens: « Videndum est nobis, charissima soror, ne gentilium ritu, cum simus Christiani, nuptiis conveniamus, sed potius per triduum nos contineamus, Dominum deprecantes, ut det nobis filiorum procreationem, quia mulier non pro libidine, sed pro sobolis est spe assumenda. » Hæc mulier cum audisset, desepxit, et se convertens ad parietem, inertem se somno immersit. Religiosus autem senex cum lacrymis et intentione cordis supplicabat miserationibus omnipotentis, ut per meritam et intercessionem dilecti sui martyris Emmerammi sibi dignaretur auxiliari. Cujus orationem, quia divina pietas exaudivit, eodem momento misericordissime patefecit. Nam cum et ipse præ tristitia obdormisset, vir quidam pulcherrimus ante lectum quiescentis astabat, qui baculo, quem manu gestabat, latus ejus percussit, dicens: « Surge et vade ad ecclesiam beatissimi martyris Emmerammi, quo te iterum devovisti. » Cui vir senex respondit: « Quomodo sine alimento tot terrarum ignota spatia perambulabo?»

NOTE.

(54) Hæc ex Aribone hausta sunt.

(55) Hæc et sequentia hujus capituli ex Aribone.

Cui iterum qui astabat adjunxit: « Surge, ne hæsites, sed sume panem positum in cœnaculo superiori, et ipse sufficiet in alimentum tibi, ad perfectionem itineris tui. » Vir autem post tantam visionem expergefactus, et aliquamdiu spiritus occulta scrutatus, ignorabat utrum dormiens an vigilans hanc acceperit ammonitionem. Surrexit tamen secundum edictum vigilis, et panem in cœnaculo reperit, tam candidum et saporum, qualem antea nunquam viderat vel manducaverat. Quem etiam secum sumens, et cætera quæ in eadem domo suppellectilis erant, ibi relinquens, tantum tulit vestitum singularem, et quam manu solebat gestare bipennem. Regressurus autem ad solitudinem sub festinatione perrexit, lachrimatas preces Domino fundens, ut per merita clarissimi martyris Emmerammi iter suum dignaretur prosperari. Quod per invidia et deserta, uti optavit, prosperis continuis diebus quatuordecim pene perficiens, demum die quinta decima, hora ejusdem quasi tertia pervenit in montem contra Ratisbonam inter Danubium et Imbris fluentia jacentem. E cujus specula vinearum plantationi contigua martyris intuitus ecclesiam, magnorum videlicet operum casam, immensas Deo referebat gratias. Tunc descendens de monte atque navi transmisso flumine cum cæteris turmatim ac nihilominus certatim ad memoriam martyris pergentibus, et ipse sub omni celeritate properaverat lætus. Cumque diu optatam ingressus esset ecclesiam, adhærens pavimento, lachrimis et precibus satisfacit trienni voto. Completa autem missarum solennitate, uti competens erat, dominica die, senex religiosus extra aditum ecclesiæ egressus, panem, de quo tot diebus refectionem habuit, ostendit; historiam exilii et reversionis veraciter exposuit; duas portiones, quæ ex alimento superfuissent, in conspectu totius populi, pauperibus divisit, tanti patroni beneficia clamavit in æterna fore debere memoria. Quid super hoc dicendum vel ascribendum? nisi quod Psalmista dicit memoriale sempiternum: « Magna est gloria in salutari tuo, Domine (*Psal. xx*); » gloriam et magnum decorem imposuisti super eum. O Jesu benigne, hoc tantum ad te sub ejus patrocinio licet dicere, ut sicut illum dedisti multis validum patronum, ita interpellationibus ejus, hic et in æternum sis nobis propitius.

4. Erat quædam puella in Frisingensis ecclesiæ diœcesi constituta. Hæc (56), ut solita erat, primo diluculo progreditur ad exercitationem curæ pastoralis, quo scilicet ad pascha duceret pecora sui generis. Contigit autem eam occulto ibi Dei judicio subito talem spiritus accipere immutationem, ut nil alimenti in usum vitæ omnino sumere vellet. Quo parentes viso, nec non cognati rescito, sub stupore eam convenerunt; ac

A primum obsecrando, dein increpando, demum omnigeno conatu, ut alimentum sumeret, angariaverunt. Sed illa pereinde modis omnibus universa, quæ mandi et bibi possunt, recusabat percipere, cibi potusque fassa delectationem se minime habere. Propinqui vero puellæ aquam lacte mixtam ori per vim infundentes temptabant, si forte vel tenuem glutire posset liquorem. Cujus gustum dum invita sorberet, erecto statim collo sanguine confectum revomebat. Tunc parentes, quod quirent facere ignorantes, consilium inierunt, ut eam Joseph Frisingensi episcopo præsentarent, sperantes ejus auctoritate filiam communi reddere vitæ. Quorum spebus dum ille satisfacere tentaret, puellam sub austeritate arguens, ut ederet coegit. Illa autem quasi quisquilias esum potumve respuens, non solum illa die incœnata remansit, sed et jam annum integrum haud absque manuum opere jejuna complevit. Facies vero illius nimis erat pallida et sanguinis exhausta. Quod quidem nobis valde mirum, sed incredibile videtur animis hominum aut omnino brutorum seu cœlestis oraculi speculum minus clare intuatorum. Non enim est impossibile apud Dominum omne verbum (*Luc. 1*). Et illud: Omnia quascunque voluit Dominus fecit in cœlo et in terra (*Psal. cxxxiv*). Qui solus novit, quare homo cæcus natus fuerit, et cur tantam rem in muliercula fecerit, cujusque meritis salutem ejus concedere voluit, et quibus voluit, per nocturnas visiones revelavit: quia puella mortalibus diu portentui habita, ad memoriam martyris Emmerammi deberet deduci. Quod ut parentibus innotuit, propere ac alacriter filiam assumentes, dum ad urbem, quæ sacrum ejus corpus amplectitur, proficisci vellent, sed ob itineris prolixitatem ire diffiderent, secum eam ducunt ad locum, ubi testis fidelis purpuratum accepit martiri triumphum. In quo ut solo tenus humiliata, pro posse et nosse oravit, erecta surgit, panem poscit, qui cum adest, stat sana et est. Christiani qui aderant, mirabilia Christi videntes, laudabant eum, etiam tunc fortassis vociferantes; nos vero ipsum colaudamus nunc sub silentio hæc reminiscentes vel pronunciantis officio legentes. Tu autem martyr alme, piorum votis Emmeramme colende, pro cujus veneratione panis vivus miraculum hoc fecit in pane, apud eum nobis obtine ut illud in regno super mensam illius cum justis edamus et bibamus.

6. Quanto honore et qua reverentia, quo affectu principes beatum Emmerammum coluerint, inter cetera sibi ab his collata predia seu preciosa donaria testantur: ad orientem provinciæ hujus Lunælacus (57) optimo pisce vividus, unde regius cibus, ad occidentem vero vinifer cespes Spalticus (58), e

NOTE.

(56) Etiam hoc caput ex Aribone.

(57) Monsee; a Ludowico Germanico ejusque uxore Hemma a. 831 concessum. v. Ried cod. di-

plom. Ratisb. I, p. 29.

(58) Fortasse Spalt forum, oppidum, quod Ried I, p. 526, 656, occurrit.

quo regius potus. Attestatur quoque territorium Ratisponense et prædium regale, quod a fastigio montis meridiani inter vias publicas usque ad muros ipsius monasterii a Carolo Magno traditum est beato Emmerammo et monachis ejus sub imperiali testamento (9). Hic inter cætera quæ regis more ac imperiali potentia constituit et ordinavit, ducem Tassilonem regno privans, cum filio Diotone monachum esse compulit; nec non sedem Ratisbonensis episcopi a ducibus prioribus extra urbem translata, ad martyris videlicet S. Emmerammi basilicam, infra urbis ejusdem muros constitutæ, beati Petri apostoli sub Simperto episcopo restituit Ecclesiæ. Locum autem martyris in patrocinium sui honestavit munificentia regali, subdens eum illi qui ibi intronizatus fuerat sede pontificali. Duces vero, qui ante hunc principem sub regibus Francorum Bajoariæ regebant ducatum, quæ bona beato Emmerammo contulerint, pitacta eorum et testamenta penes nos satis indicant inventa. Hujus autem filius, piæ memoriæ imperator Hludovicus, et qui illi fuerant successores in regno, comites quoque ac optimates, nec non etiam judiciaræ dignitatis per plures, quantis quibusve rebus predictum ditaverin locum, testatur pars non solum major sed etiam melior episcopatus Reginæ civitatis. Ex his autem omnibus qui Christi martyrem reverenter colebant seu cum reverentia diligebant, eo quod pre ceteris ejusdem cultui deditus esset, excipiendum mihi rectius puto persuavis memoriæ Arnolfum, Carolomanni filium, primo Bajoariæ ducem, deinde Franciæ regem, novissime autem ¹⁶ ob beati Petri ¹⁷ defensionem, post victorias mirificas (*an.* 887-899), Romæ factum imperatorem; sub quo etiam veluti fundamentum quoddam martiris almi miraculis scribendis ponere volo; quia hinc exordium sumens, utpote ex noto et circa eundem Dei martirem maxime devoto, pulchram ad ceteros principes his annotandos processionem facere potero. Is namque sperans Deum sibi sic fore propitium, elegit beatum Emmerammum vitæ suæ ac regno patronum, adeoque illi adhesit, ut in vicinitate monasterii regio cultui aptum construeret grande palatium. Cum ergo hujus patrocinium duris in negociis et in preliis multis satis haberet expertum, manifestius hoc sibi adesse sensit, quan-

do Marahensi bello interfuit (80). Ibi enim, ut legisse me memini, primo congressu, crepitantibus hastis, qui erant tyrannicæ partis viderunt acies imperatoris ab ignotis et pulcherrimis defensari viris, qui, uti dignis revelatum est, erant sancti, quorum patrociniis illo profecturus intente se commendavit. Horum quippe visu perterritis hostium cunei, lente-cebat pugna in parte adversa. Quod ægre ferens unus militum tyranni, clypeum arripuit, et primarium signum legionibus pretulit: superbe has compellans et exhortans, quo sui exemplo animos resumerent ad pugnam. Cumque prepeti cursu in ipsum pene principem irrueret, obvium habuit senem canitie venerabilem, sed habitu terribilem, qui ei protestatus Emmerammum sibi resistere, umboni manum inseruit, ac tam diu frustra ¹⁶ renitentem ¹⁸ vexavit, quousque hi, qui ejus instinctu facti sunt audaces, fierent omnes inde fugaces. Hæc non ficta, sed esse veraciter facta et dicta, his qui vidit et pertulit, postea humiliatus confitetur et prodit. Hinc princeps gloriosus victoria tali oppido lætus, Ratisbonam revertitur, ubi consonis omnium in ea ecclesiarum campanis suscipitur, simulque triumphus cum miraculo predicatur et extollitur. Tunc sapienti usus consilio, et illud maecte ruminans (61): *In die bonorum non immemor sis malorum*, et quis displicuerunt novem minime glorificantes eum cujus est benedictum æternaliter nomen, per cuncta Norica monasteria misit gratifica munera. Speciali autem suo patrono Emmerammo pro gratiarum actione contulit totum palatii ornatum. In quo erat ciborium quadratum, cujus auro tectum tabulatum, fastigium sero gemmarum redimitum. Corpus vero ad geminæ specimen dilectionis, similitudinem habens superioris et inferioris, sustentatur aureis octo columnellis, quæ et ipsæ tot virtutum seu beatitudinum instar exponunt (62). Erant etiam in eo evangeliorum libri plenarii, auro et gemmis tecti, scripti, picti ac ac omnimodis ornati. E quibus unum est cubitalis, opere, precio, pondere siquidem talis, ut ei non facile inveniri possit æqualis (63). Cujus in dextra parte dispositio gemmarum centenarium etiam complet numerum, quarum quædam adeo quantitate preminent, ut quatuor ex his calices operiant sedecim, in figuram sanctæ crucis, per

VARIE LECTIONES.

¹⁶ In codice quædam erasa sunt, quorum loco (*ita Foringer: in bibl. Emmer. (v. Ried. I, p. 5 ad spacium vacuum adscripta dicuntur) manus sæc. XVII, hæc fabulosa adjecit*: Hic inter cetera, quæ regio more ac imperiali potentia constituit et ordinavit, ducem Tassilonem regno privans, cum filio Diotone monachum esse compulit; nec non sedem Ratisbonensis episcopi, a ducibus prioribus extra urbem translata ad martyris videlicet sancti Emmerammi basilicam, infra urbis ejusdem muros constitutæ beati Petri apostoli sub Simperto episcopo restituit ecclesiæ. Locum autem martyris in patrocinium sui honestavit munificentia regali, subdens eum illi, qui ibi intronizatus fuerat sede pontificali. ¹⁷ post add. l. ¹⁸ post add. l.

NOTÆ

- (59) V. Caroli diploma ap. Ried. I, p. 8.
 (60) A. 893?
 (61) Eccli. xi, 27.
 (62) V. Mabillonii *Iter Germ.* (Annal. ed., 2, p. 10) qui hoc tanquam altare parvum mobile de-

scribit.

(63) Cf. Eccard. Fr. *Orient. II, p. 563. Mabillon. l. l. p. 9. Ratisbona monast., ed. 4, p. 106, et quam de hoc libro scripsit dissertationem Sancti 1786, 4^{to}.*

singulos quaternis ordine medio dispertitis. Intimus autem ordo contractior calices habet triginta duos, singulatim gemmis minoribus opertos, quibus venuste respondet extimo, amplioribus per castella dispositis nec non margaritis per propugnacula insertis deliciosissime compto. Hæc autem cum largiffuæ principis devotioni tanto patromo minime sufficerent, pro dono addidit argenteam carticulam predicto ciborio subponendam. Adjecit et pallia coloratu paria et varia, inter quæ unum unius texturæ longitudinem habuit cubitorum triginta. Verum his quid diutius immorandum! Demum quippe apud Sanctum Emmerammum sibi jussit preparari mausoleum, quo mortem obiturus eum benignius in cælis haberet patrocinantem, quem in terris utcumque vivens et valens sui suorumque optavit, immo fecit fore potentem. Hujus tui ministeriarchois animæ, et nihilominus adhuc tibi famulantium catervæ, potenti prece apud Omnipotentem succurre, beate Emmeramme!

6. Sub prefato itaque principe Tuto sancti Emmerammi monachus Ratisbonensi presulabatur ecclesiæ, qui a septimo anno imperii illius usque ad duodecimum regni Heinrichi Saxonis hac in vita permansit (an. 894-930). Hujus ergo antecessor Chounrabus rex, exigentibus publicæ rei utilitatibus, ad reginam civitatem devenit (an. 918). In qua rebus, quarum gratia venerat, profligatis, ex antiqua regum consuetudine premonitus, accessit ad ecclesiam beati Emmerammi, quasi licentiam accepturus Franciam remeandi. Ubi principum sepulchra visitanti, Arnolphi scilicet imperatoris nec non ¹⁹ Hluoduwici, qui puer imatura morte e medio excessit, a capellanis male suggestum est, ut regio jure ac potestate, suorum utpote qui fuerit antecessorum, sibi vindicaret prescriptum magni precii librum. Quem cum prenominatus episcopus dare jussus, sed hoc facere martiris timore nullatenus esset ausus, minis tandem ad id ventum est, ut librum eundem coram principe invitatus in altari exponeret. Cui tamen imprecatus est, dicens: *Debito beati Emmerammi sit in die judicii, qui hunc usibus ejus subtraxerit servitii*. Quod quantum valeret, cito experturus rex ²⁰, precepit eum temere tolli et efferri. Cumque ascendisset equum, prope monasterium incurrit dysentericæ morbum. Quo tremefactus, ac in se facti commertium sentiens per cruciatus, eodem momento restituit librum beato Emmerammo, inde secum ferens dolorem, quo in Francia ultimum clausit diem (Dec. 23). Tunc venerandus antistes Tuto Christo adherens in marire suo, coronis principum Caroli, Carolomanni,

Arnoldi addens de suo quantum potuit, beato Emmerammo aureum altare paravit, venustissima forma decoravit, mille gemmis ornavit. Hic atqui cæcatus corpore, sed illuminatus mente, castigatæ infirmitatis necessitatem vertit in animi augustam virtutem; et nequaquam valde depensans privatum se luminis, quod sibi commune esset cum muscis, talem spiritus habuit consolationem, ut per eum ventura previderet, ac ea quibus minime intererat facta patenter ediceret. Constitutus ergo apud Lunælacum, triginta ferme rasis a Ratisbona distantem, grande in ea quadam die factum suis indicavit incendium (64). Hujus rei non solum probato seu etiam totius in eo pietatis testimonio, exemptus e medio, uti nobis dictat bona spes, migravit ad cælicas sedes; ibi, quem hic dilexit, patronum suum semper visurus Emmerammum. Cujus propitia intercessio famulis obtineat apud lumen verum illuminationem oculorum nostrorum, ne unquam mortis obdormiamus in portis!

7. Postquam monasterium beatissimi martiris Emmerammi, quod prius extra fuerat, cœpit esse intra muros Ratisbonensium civitatis, quos Arnolfus dux, inter optimates opere diviso, cito construxerat (65) sub rege Henrico, filius ejus de gente Saxonum primus imperator Otto ad hanc eandem probum duxit venire civitatem (an. 954?). In qua factis et celebratis quæ erant imperatorii juris, beatum Emmerammum curte regio donaverat (66), quam Germana lingua Halfandorf vocitat, Romana vero Adjutorii-vicium latinizat; tunc Michahel Hiatosopolitanus antistes in quodam monasterii palatio imperatori parabat convivium, quo principem cum primatibus fecit recumbere secum. Cumque ritu epulantium pene forent confirmati et vino lætati, imperator ore jucundo saxonizans dicit: *Siceram cujus quis bibat, hujus et carmen canat. Beati Emmerammi bona manducavimus ac bibimus, inde mihi videtur æquum, karitate ejus finire convivium* (67). Mox aderant pincernæ, propinantes singulis ad nutum imperatoris karitatem martiris. Ob cujus venerationem inter se cunctis osculum dantibus et invicem ad potum karitatis se cohortantibus, unus hanc superbe respuens dixit: *Heitram [i. hæc karitas] in ventre meo non habet locum, quia cibus et potus jam intrantes preoccupaverant illum*. Adhuc lingua palpitans ex emissionem verbi movebatur, et e pariete, cui amphipendulato dorso tenus innisus adhesit, colaphum tam valide conplosum accepit, ut e sessu projectus in medium palatii preceps rueret, nec non simul omnes timor et altus stupor caperet. Tunc religioso monarcha cum episcopis et optimatibus ecclie-

VARIE LECTIONES.

¹⁹ n. h. q. p. i. m. e. m. successit corr. excessit in loco raso 1. ²⁰ post add. 1.

NOTÆ.

(64) A. 906. V. Ann. Ratisb., Mon. SS. 1, p. 94.

(65) Cf. Zirngibl. Neve hist. Abh. d. Bair., Acad. Vol. III, 1791., p. 321, sqq.

(66) V. diplomata a. 940 et 950, ap. Ried 1, p.

96, 97; quæ tamen non Ratisbonæ data sunt, quo rex non ante a. 934 venisse videtur.

(67) Qui S. Emmerammum interfecit, de cujus posteris etiam, c. 12, sermo est.

siam festinanter ingresso, consonantibus campanis, Deo et martiri pro gratiarum actione laudes celebrantur ac letaniæ. Sed ne forte alicui istud videatur incredibile, sciat quisque fidelis, id me nullatenus fingere, sed a quodam viro fideli atque sene, Sigibaldo nomine, sicut scripsi accepisse, qui per fidem Christi testabatur, huic se convivio interfuisse et nihilominus vera dixisse. Tu autem, sancte Emmeramme, quem Omnipotens hoc in signo, ut in ceteris, voluit honorare, preces illi pro nobis peccatoribus funde, quo per veram karitatem angelum satanæ colafizantem nos possimus avertere !

8. Erat quidam sub prenominato angelici nominis episcopo beati Emmerammi monachus, nec non etiam ecclesiæ custos et ædituus, nomine Adalpertus. Is locorum sanctorum desiderio transmarinam aggressus est peregrinationem. Qua Hierosolimam petens et cetera cælestis thesauri perultrans ea loci sacraria, millenis adversitatibus atteritur, terra et mari temptatur, ex ipsis quoque faucibus mortis patroni sui precibus frequenter ereptus probatur. Quod semel quam evidenti signo factum fuerit, relatio ipsius hic inserta patefacit. Quadam die iter in mare fecimus navale, pro qua nobis tristem densitas nubium, collisio fluctuum, spiritus procellarum pepererunt noctem. Cumque ventis et undis hinc inde quassati jactaremur atque pericula mortem minarentur, perventum est ad hoc, ut nautæ conclamitarent : « Domine non est. » Et nauclerus diceret tremulus : « Defecit. » Tum ego miser de profundis ruminans, vitæ absumptis omnium spebus præ tristitia sum soporatus. In dormiendo autem videbam quasi domini mei martyris Emmerammi præ oculis pendere pastorem virgam, quam vulgo dicunt cambotam vel ferulam. Cujus unco ad faciem meam converso, sentiens adesse mihi beneficia patroni sæpe experti, manum tentabam illi inserere, ut de profundo pelagi post se sic me adhærentem dignaretur extrahere. Tunc certe in ipsa manus porrectione, quam veluti vigilans levabam, expegefactus vidi noctem die, lætis tristitia, aeris turbida, serenitate mutata. Ad cujus spectacula exhilaratus mirabar cum mirantibus tam subitam et perniciem dextræ excelsi immutationem. Nautæ vero viribus resumtis gratias referebant Deo pariter et pro salute nec non miraculi quantitate. Ego autem gratificatus omnium bonorum fonti, quod meritis nostris nequaquam potuit fieri, deputabam patrociniis beatissimi martyris Emmerammi. Per quem somnia et insomnia, qui non dormit neque dormitat efficiat nobis innoxia, et concedat posse vigilare ad opera bona.

9. Superiore quidem capitulo prescripsi, quod cucullato et monacho erat consolationi, hoc vero innectere libet, quæ sint perversis timori ac nihilominus apostatis terrori. Fuit in Ratisbona homo quidam, nomine Sigibertus, lege humana seu conditione mundana liber, sed christianæ veræque libertatis indigus et æger. Hunc accepi fantastici

A adeo infestatum præstigiis, ut nullatenus dormiens vel vigilans requiem habere posset, nisi se cucullatum apud sanctum Emmerammum fecisset. Quo perpetrato, dæmonum cessavit infestatio, et diversa maligni impedimenta, Martyris prece sunt sopita. Verum ille miser et infelix post aliquot dies, defensoris oblitus, suggestionibus occultis consensit illius, qui in se aperte dominium perdidit invitus. Questus ergo pro carniæ olla in Ægypto relicta et pœnitens quorundam se perpeti penuriam in monasterio, quorum parvam abundantiam falso reliquit in sæculo, monasticum deposuit habitum cum illo ludibrio, quod vulgus jam habet in proverbio : Hinc hinc cucullum, non ultra gravabis collum ; ob paupertatem monachorum celeriter mihi revertendum ad lapidem coriorum. Hoc autem dixit, quia prius erat coriarius, seu calceamentorum sutor dolosus. Sed nequam diu gavisus est se monachis, ita illusisse. Nam non multo post maligno spiritui est traditus. Quo urgente nimis furibundus, et jam catenatus ad sanctum Emmerammum trahitur, ac in choro ad columnam ligatur, quo cum fratres convenissent, et pro eo flebiliter orassent, interdum clamore adstantes perterrendo saltabat, interdum supinus jacebat. Novissime eum diabolus in aere suspensum tam diu tenuit, quousque fidelium votis et maxime B. Emmerammi patrociniis ei succurreret majestas divinæ pietatis. Tunc demum relapsus in pavimentum per dæmoniacam discriptionem erecto collo cœpit evomere cruorem cum sanie. Qua cum plastrum horribiliter esset pollutum, spurcorum princeps subito omnem spurcitiæ inde auferens, secum ad vitream fenestram sustulit, quam ob exitus signum comminuit, et sic inter spirituales nequitias, evanuit. Ille autem homo multos fecit annos in gravi pœnitentia, exercens nudipedalia, in summa rerum miseria. Sancte Emmeramme a sancta Trinitate triplici miraculo honore, pro nostris intercede negligentis, apud eum, cujus clementiam nulla mortalium superant delicta.

10. Inter innumera casuum humanorum infortunia valde miserabile ac magis flebile videtur et est, quod in homines, quorum possessor esse debet Deus, ut propria domicilia intrat humani generis inimicus. Sed id revera occulto et justo fit Dei iudicio. Traduntur enim interdum hujusmodi propter peccata carnis in interitum satanæ, ut salvi sint spiritus in die dominici adventus. E quorum unus Gestilius vocitatus, hospitibus pessimis permissus, nobilis genere, sed ubique miser multiplici dæmone, intus diaboli, foris catena ligatus ferri, per plura Sanctorum loca mundandus deducitur, sed minime absolutus reducitur. Demum divina miseratione hoc uti voluit, dictante, venit ad S. Emmerammum, talium dono cælesti liberatore magnificum. Ubi geminis cœvinctus catenis, adeo extitit bestialis et immanis, ut a trium viris dextra lævaque pari numero divisus, vix ab interitu sui, nec non aliorum posset cohiberi. Cumque diu oratum esset pro eo,

et multis foret horrore et exemplo, ante confessionem beatissimi martyris hospes hispidus et horridus nomen confessus legionis, ejectus est ab hospite antea sibi charo, sed tunc martyris precibus admodum amaro. Tum videres, mirum in modum, si adesses, hominem paulo ante per alienas vires ossibus et nervis distentum, subito mediocri gestu corporis contentum, uno eodemque momento destitutum propriis viribus et restitutum. Is ergo Sanctorum, quos pro miseria relevanda petiverat, charitate, beato Emmerammo donatus, per eundem dulcissimum patronum gratificatur Deo simulque omnis plebs *Hiatospolitana* conjubilat cum eo. Pro hoc, Domine dominorum, et aliis potentiae tuae miraculis, generatio praesens et futura laudabit opera tua. Magnificentiam gloriae sanctitatis tuae loquentur, et mirabilia tua narrabunt et virtutem terribilium tuorum dicent. Cum quibus et nos humiliter ac supplicative dicimus: « Emmerammo testi tuo fideli concede salutem omnium nostri.

11. Merita beati Emmerammi martyris quantum valeant in presentia Omnipotentis, testatur jam plus quam per trecentos annos Lautperti misera generatio tyranni. Cujus e stirpe unus die quadam cum aliis patroni nostri petens ecclesiam, cum intrare tentarent, in ipsius atrii quod huic adhæret medietate, subita prohibitus es cæcitate, ibi dum deviendo manibus palparet, ac pedibus offenderet, a transeuntibus quis esset, quid pateretur, interrogatus, et genus infelix, cum casu professus, eorum consilio et ducatu atrium est egressus. Qui mox visum recipiens, nec non pro eo quod sibi acciderat, haut satis diligenter se discutiens, ut pote alicujus oneris expeditus, intransitum turbis est conjunctus: tunc miris mira succedentibus, in ipso portarum introitu denuo cæcitate percussus. Unde et a populo honorem dante Deo absque dilatione foras ejicitur, qui per evidentissimum signum a cunctis inimicus testis esse conjicitur. Hujus rei testimonium cum publico rubore homo portans secum, et valde miratus se bis cæcatum atque illuminatum, repedavit ad propria, hujusmodi sermone inter conrivales et consanguineos exeunte. Noverint omnes, nulli ex posteritate *Lamperti* accessum apud S. Emmerammum iri concessum, nisi cum magna humilitate et multum valente impetratum fuerit prece. Tu vero, magna lux mundi, per intercessionem martyris tui illumina tenebras cordis nostri, ne extorres simus cœlestis regni, sed intromittamur nuptiis agni.

12. Nobiles quidam viri, cognatione nobis et tempore noti, quorum nomina silemus, quia verecundatur quisque proximus ob timorem pariter et angorem calamitosæ pestis, quæ diu multumque sævit in hominibus tyrannicæ posteritatis, per diversas rerum suarum oblationes atque sacerdotum orationes ceterorumque supplicationes Deo famulantium miserunt ad beatum Emmerammum, quo

(68) De ipso v. Thietm. II, 14; III, 7.

A liceret eis absque publica confusione domicilium requietionis ejus intrare. Quod cum videretur impetratum, ut venirent bona sub spe, ad illos est perlatum. Qui venientes cum humilitate ac tremore sunt intromissi et non infructuose admissi. Nam capita cum manibus religiose altari imponentes, professi sunt se martiri perpetuos censuales. Aliqui tradiderunt servos et ancillas, ut in conspectu tanti patroni invenirent gratias. Alii vero contulerunt possessiones prediorum, ne ultra starent in parte reorum. Alius hic reliquit triennem languorem, alius deposuit bimam debilitatem, alius jugem superavit maligni spiritus infestationem. His tandem et hujusmodi beneficiis refecti, quia antea malis innumeris erant affecti, in propria sunt reversi. Unus autem ejusdem stirpis perduræ cervicis, nomine Adalrammus, fecit quod noluit beatus Emmerammus. Vendicaverat enim sibi injuste prædiorum partem, quæ nepos ejus martiri sub testibus dedit in hereditatem. Pro qua conventus a primoribus et interpellatus a defensoribus, ob cordis duritiam penitus rennuit facere justiciam. Ceterum beatus Emmerammus, suorum defensor optimus, super temeritate ac malitia adeo eum afflixit, ut per aliquot septimanas ægritudo ejus sibimet et esset pœnæ atque horrore, amicis vero inconsolabili mœrori. Unde contigit, ut frequenter mortem optaret, sed optata minime veniret. Tunc demum procul dubio ipsa rerum facie perdiscens, quia illum haberet offensum, cujus martirem inhonoraverat sanctissimum, seque dolens infelicissime vivere, et nihilominus hujusmodi vita morte saltim haud posse finire, consilio sero, sed tamen bono, uxorem sub festinatione cum filiolo ad martirem misit, neptem scilicet meam cum nepote illuc ad restituenda predia currere fecit. Qui nocte vigiliarum ejus venientes, et mane ordinem rei mihi exponentes, a me accepto quod ad salutem pueri pertinuit consilio hora diei natalis beatissimi martiris quasi secunda mater ad altare accessit, et primo filiorum sancto Emmerammo solvere faciens censum, deinde cum ejusdem manibus attractis more Bajoarico testibus retradidit predia, uti antea fuerant tradita, domumque est reversa. Inde mihi postea nuntius venit, qui juravit per beatum Emmerammum, prænominatum Adalrammum eadem hora tranquilla pausatione defunctum esse, quæ hæc traditio facta est Ratisbonæ. Nos proinde, quotquot sumus tanti patroni cultores, Deo et illi gratificas concinamus laudes!

13. Magnalia Dei vehementer sunt consideranda, et sanctorum ira seu patientia nimis timenda. His etenim patrocinantibus, clemens nobis erit Altithronus, offensis vero et spretis, per longum aut breve non stabit inultum et leve. Quod apud sanctum Emmerammum sub Michæhele episcopo satis probatum seniores retulerunt nobis, qui memorabantur illius temporis. Is ergo pro rebus martiris, defensoribus assumptis, cum Pertoldo marchione (68) conflictum habuit magnum. Cumque diu certatum esset utrim-

que, tandem in id partium paria convenerunt, ut A scerni. Hi ut filii diaboli cum perversis ac sceleratis fœderati partim exercent atrocinia in silvis et villis nimis crudelia, partim per loca sacraria, molliuntur quæ penitus nefaria. Quidam vero qui inter eos videntur quasi sanctiores, Ecclesias per hypocrysim frequentantes, ac sacrilegis ibi lucellis inhiantes, velint, nolint, evolvunt in publicum, quam vacui sint divitiarum verarum. Quid plura? Locis in sanctis ipsi non sine miraculo sæpe vidimus deprehensos, quorum furta seu cætera flagitia hoc satis declarabant, quod non in spiritu et veritate veri advenierint adoratores, sel falsarii seu deceptorii adulatores (*Joan. iv*). Horum alii misericordia donati, et sic sunt in spiritu lenitatis salvati. Alios vero, qui videbantur corde duriores, publicæ emendabant castigationes, ne impunitas tales faceret deteriores. Pars autem abscondita patientiæ Sanctorum reservabatur, quia omnino a mortalibus, qui et quales fuerunt ignorabantur: exceptis his, qui sibi erant conscii hujusmodi facti. Quorum ex numero quædam muliercula Reginæ civitatis indigena, ad confessionem Christi martyris Emmerammi, cui vocabulum est de pedibus, ipsius die quadam quasi adoratura accessit. Ibi ergo calicis raptu furtivo quem super altare B. Joannis reperit, ut circumspiciens se solam vidit, salutis suæ nimium invidit. Quo ut secum domi occultato, nec non ejus argento plumbo peccati commutato, proprios in usus abusa est, manifesto Dei judicio paralysis morbo soluta est. Cujus molestia per biennium gravata, tandem protractis et continuis doloribus, discit quem in loco martyris offenderit; ob cujus despectam confessionem jam evidenter in corpore suo pertulit confusionem. Unde et in se reversa, atque per pœnitens cor suis angoribus consulere annisa, pauperculo sumptu, quem ammiculis proximorum colligere potuit, calicem novum parare curavit. Tum sacerdotibus confessa delictum, quia destituta esset officio membrorum, in qualo deportatur ad S. Emmerammum. Cui dum propria manu, altius tamen suffulta, calicem restituisset, atque intimas preces cum lachrimis effudisset, subito reddita sanitati exiit de sportato cubili, et gratias clamat Deo ac beato martyri. Et quia libenter quam attulerat, imo qua allata fuerat, chorbe cum doloribus carebat, eam læta secus basim altaris reliquerat. Quam extemplo fideles ante Ecclesiam pro monumento suspendere, ac summo gaudio legioni signorum ea loci pendentium hoc intermiscuere. Sed cœlitus ministrato tam grandi mira-

14. Cum hoc certissimum habeat Christiana fides, quia hi qui in nomine Domini largi sunt in pauperes, in Deum d'ci debeant ac sint per omnia divites; et quia ipse dives est in omnes, universisque ad sufficientiam tribuere potest, tamen ne desint in mundo, in quibus fragilitas humana sua possit redimere peccata, suis membris in minimis quotidie sustinet onus paupertatis (*Ephes. ii*). Quibus id levandi gratia, percursantibus fidelium domus et hospitia, adeo quorundam parcitas obduratur et nequitia, ut præ famis ac frigoris angustia, incidere cogantur amare mortis gurgustia. Quæ, conditione sub hac, quo plures miserabiliter absumat, multitudo falsorum fratrum violenter sententiam dictat. Hi siquidem non spiritu humiles, sed rebus et vitis pauperes, per clandestinas ac evidentes rapinas Christi præpediunt pauperibus ne solatia accipiant aliquando etiam a bonis fidelibus, a quibus boni pauperes et mali haud facile queunt di-

VARIE LECTIONES.

²⁰ Post add. 4. ²¹ de hoc vocabulo non constat; Foringer fortasse addicens legi monuit.

NOÆ.

(68ⁿ) Fuit baculus cui innitebantur claudi. Sic enim Petrus Diaconus: « Ejusdem claudi cambuttas ante fores ecclesie suspenderunt. » Sed sumitur pro pedo pastorali: illam quippe gestabant tum episcopi tum abbates, mittebatur absentibus, hocque veluti signo regimen Ecclesie suscipiebant. Sic enim Orde-ricus Vitalis I, III: per cambutum Ivonis episcopi Sagiensis exteriorem abbatie potestatem tradidit. »

Utebantur etiam cambuta ad fidem juramentumque præstandum et exemplum hic habetur. Denique suspendebatur sepulcro defunctorum; sic enim legasin Vita Desiderii Cadurcensis episcopi, c. 19: « Dum baculus B. viri, qui a Gallis *Cambucca* vocatur, ad caput sepulcri illius sedule penderet. » *Cambuca*, *Cambuta* et *Cambota* enim idem sunt. BASN.

(69) V. chartas ap. Pez I, 3, p. 92, 99.

eulo, est valde pensandum tanti martyris meritum, qui mulierem absque ministerio suorum pedum venire voluit ad aram suæ requietionis antipodam eo scilicet tenore, ut ubi antea tenebrata impietate, conticescens occultabat delictum, ibi postea sub luce piæ confessionis, ac recuperatione salutis ipsa cum cæteris disceret scriptum, quia Dominus servabit pedes sanctorum suorum. Et illud Isaïæ prophetæ: « Quam speciosi pedes evangelizantium pacem, evangelizantium bona (*Isai. LI*). » Quorum nos participes per charissimi sui martyris preces efficere dignetur, qui sedens super Cherubin abyssos intuetur (*Dan. III*). Amen.

15. Quia beneficia divina usque in finem sæculi multorum sint resurrectio et ruina, quotidie creatoris declaratur omnipotentia, quæ fidelium corda dirigens mandatorum suorum in semita, populum humilem salvat, et oculos superbiorum humiliat. Castigat ergo fidei sacræ filios misericorditer ut corrigat, incredulos autem et impios ob durum cor et impœnitens justa sententia damnat. Unde et plebs Christiana Dei in omnipotentis lætatur gratia, de manu filiorum alienarum segregata, quorum filii sicut plantationes novellæ, filiæ circumornatæ, promptuaria plena ex hoc in illud eructantia, fetosæ oves, crassæ boves. Non est ruina maceris neque transitus neque clamor in plateis eorum (*Psal. CXLIII*). Hac igitur falsa felicitate deliniti, Christianis impropere solent Pagani et Judæi, quod cum hi multimoda terantur et graventur pressura, ipsi e contrario consolationem habeant et levamen in omnia sua. Nostros velut pauperes ac inanes afficiant pestilentis ac fames; illos vero reficiat, immo distendat superflua rerum congeries, in qua est omnium malorum materies. Pro quorum inani jactantia consolatur nos pleniter, si digni sumus, spiritali abundantia: e ojus copia David eructans et cor laboribus humiliatum consolans, dicit: « Multæ tribulationes justorum et de his omnibus liberavit eos Dominus (*Psal. XXXIII*). » Mors autem peccatorum pessima (*Psal. LXXII*), quos tenuit superbia; quia cum hominibus non flagellabuntur. Quibus cum dicimus: « Quare non creditis in Dominum, cujus juga fidei super se levasse, jam totus mundus gratulatur? Respondent, in rerum prosperitate seu adversitate utrique probandam fore executionem fidei rectæ, et quis in mundo videatur subjacere maledicto. Nobis autem e contra resultantibus, quia maledictio mundi mutabitur benedictione cœlesti, esuries saturitate, luctus exhilaratione; oportet nos adversa mundi patienter tolerare. « Vos, inquiunt, solito more incerta pro certis semper habetis; et ideo quadam facilitate ad hæc nos conducere tentatis. « Quos occasione aliqua in nomine Domini cupientes lucrari, docemus verbis hujusmodi:

A Christianos constat, factis majorum, et dictis valde certificatos in fide, cui adhuc etiam inter cætera veritatis indicia, multum adstipulantur miracula cœlitus ad Sanctorum memorias declarata: quæ pro sui magnitudine ac assiduitate, nec inimicos hujus nominis et religionis arbitramur posse latere. » Quibus nostra parte prolatis, obviare conantes Judæi duritia cordis lapidei, clamant et prestrepunt dicentes: « Optime novimus quo tendit vester epilogus. In ecclesia quidem martyris vestri Emmerammi, quia notum est omnibus Ratisbonæ habitantibus, claudos reparatos, atque cæteris molestiis affectos, a vero medico curatos, minime diffitemur. Sed per Messiam, quem nominatis Christum, et eum quem dicitis patronum vestrum, horum aliquid factum nunquam fatemur. Nam omnipotens in omni loco dominationis ejus quæcunque voluerit facit ut Deus. Potest etiam in plateis conferre sanitatem infirmis, et facere talia in synagogis sive nostris in scholis, qualia in vestris gloriâmini facta ecclesiis. » Tum os eorum quasi ad cœli cameram suspensum, et linguam procaciter transeuntem in terram, oppilavimus sermone in hunc modum se continente: « Quia Domino nostro Jesu Christo corporaliter cum hominibus conversato, ac munera suæ pietatis intra et extra synagogam, patribus vestris magnifice imperito, non solum cum eis ingrati exististis, sed miserrima vosmetipsos interficientes dementia etiam hoc in malum vestrum accumulastis super iniquitatibus eorum, ut in eo capiti omnium honorum, nec non illius membris electis detraheretis, unde salutem gratis oblatam attrahere debuistis; ecce convertimur ad gentes, quæ Dominum in Sanctis noverunt laudare fideles, et quia indignos vos Dei judicastis gratia, ac omne bonum usque hodie a salute vestra negativa dissessione repulistis, his fructuose proponimus margaritas, qui sciunt cum honore suscipere illas. Vobis autem erit æterna confusio, testante Christo in suo Evangelio: « Quia filii regni in tenebras exteriores erunt trudendi, et sine fine puniendi (*Matth. VIII*). » Cæterum ut revertamur ad humilitatis nostræ propositum, o lectores et auditores, qui veræ fidei estis confessores, quæ de Christi gratia sanctorumque gloria Judæis visum est dubium, dilectioni vestræ monemus non dubium, sed semper maneat certum, quia ostium Dei, quod aliis est clausum, aliis justo Dei judicio erit apertum. Ante quem et in quo cordatenus orandum, ne cum hoc mundo damnemur, sed Redemptoris gratia potenti salvemur. Cujus in charitate spes nostra ponenda cum fide, ne permittat de parte justorum perire, pro quibus dignatus est mortem crueis subire.

16. Erat quidam vir ingenuus, Burchardi marchicomitis (70) et prefecti Ratisbonensis vasallus. Hunc

NOTÆ.

(70) Orientalis marchæ; filius Bertholdi c. 13 memorati, quem Thietmarus V, 21, Bucconem dicit, fuisse videtur. Minus recte tamen supra p. 415, n. 66. Arnulphi ducis generum, Heinrici episcopi

Augustani patrem, eundem habui. Hic certe vir fuit majoris ætatis, neque cum eum Widukindus dicat (III, 36) mediocris substantiæ militem, ad hoc nobile comitum genus referri potest.

divina a Deo corripuerunt flagella, ut nervis contractis omnium pene destitueretur membrorum officio. Cumque diu hujusmodi castigatione attereretur, demum ad opus Dei in illo manifestandum, sub spe non confundenda ad sanctum Emmerammum defertur in cuna, infantibus magis eatenus apta quam viris. Cujus vehiculo ut ad altare testis perventum, ibique aliquantisper est oratum, is qui cunulæ adhæsit ut pusio, repente robustus erigitur ac sistitur ut homo. Tum videntes qui aderant in novo martyris mirigerulo plenam staturam, resurrectionis ad instar generalis, proceram. In ecclesia ejusdem testis immolabant Deo hostiam vociferationis, secundum illud, quod David ait: «Vox exultationis et salutis in tabernaculis justorum (Psal. cxvii).» Cum quibus idem patronus noster dulcissimus, æterna pro exilio brevi patria donatus et pro pondere laborum inæstimabili præmium sortitus, pro morte pretiosa inusitato genere martyrii acquisita, in tuo, Christe, regna gloriatur corona, quam elucere facit specialis tui et proximi dilectionis gemma. Qua et nos, pro modulo nostro, insignitos vocationis hora humiliter petimus a te inveniri, cujus misericordia quæ bona sunt in cordibus vere fidelium non permittit sopiri, sed pleno perseverantiæ fructu eorum facit opera finiri.

17. Gloria sanctorum Christo conregnantium, patres et fratres, est valde reverenda, ira quoque omnimodis cavenda, patientia vero omni sexui seu ordini pertimescenda. Ad hos namque dicit Dominus: *Qui tangit vos, tangit pupillam oculi mei (Zach. II, 8); et in Evangelio: Qui vos spernit, me spernit (Luc. x, 16).* Quæ tonitrua ab ipso celorum throno procedentia nec non terrificæ mortalibus intonantia adeo contempuit, heu! male surda secularium duritia, ut inhiantes ad ecclesiarum seu pauperum res, hæreditatem Domini diripiendo suam faciant, immo se ac sua diaboli partem efficiant. Contra quos invehitur maledictum per illud propheticum: *Væ qui jungitis agrum ad agrum inique (Isai. v, 8).* E quibus nonnulli qui honestiores et continentiores videntur in factione hujusmodi, cum viderint aliquos ad ea, quæ parum tægiti, perpetranda proclives, callide eos instigant; atque ut his reculis tenacius adhereant, sæpius inculcant; pervicaciter se pollicentes eis apud iudices futuros adjutores, nec non etiam, si necessitas exigat, conjuratores. Tum in se quodammodo quasi revertentes, immo retrorsum ad malitiæ cryptas anfractuose divertentes, eos pro tempore deserunt, quibus consilium iniquitatis dederunt, et se subdole ad hos, quorum bona prædæ vel rapinæ fecerunt patere, conferunt, ut pro mendacii silentio seu veritatis venali testimonio apud incautos muneribus dextras adimpleant, talique strofa quod habere videntur a simplicioribus extorqueant. Cui tam grandi malo in plebeia turba modis millenis crassato,

A prefecti et comites, qui mederi debuerant et poterant, non solum obviare ac resistere recusant, quin etiam ipsi hoc idem accumulunt, nec non omnem justiciæ pulchritudinem, quantum in se, dedecorant, quo insatiabilem avaritiæ lacum non modo nequiter, sed etiam turpiter adimpleant. Pro quorum contumacia celeriter sternenda clamant propheta, immo cum eo injuste oppressorum ultionem postulat persona: *Exaltare, qui judicas terram, reddende retributionem superbis (Psal. cxlii, 2).* Hanc igitur causam non causam, sed pestem dicendam, id est ut diabolica commisceantur humanis, et nihilominus humana preferantur divinis, in tantum aliqui pro commodis affectant terrenis, quo adulationum liniamentis sive aliis pravi consilii incitamentis, quibus ipsi habundant, pastores etiam ecclesiæ temptent inficere, atque gregis dominici arietes eorum lupos efficere. Quorum sintichias (71) venenosas qui non observaverit, procul dubio vitæ periculum incurrit, quod in se satis est expertus Michahel, Reginæ civitatis episcopus (an. 972). Is atqui cum pro episcopatu cuidam nepoti suo ab imperatore postulando palatii stationem petere decrevisset, xeniaque, quibus hoc se impetraturum sperabat, paravisset, persuasum est ei ab his, qui optabant apud principes ecclesiasticas venales fore dignitates, quatinus petitionem, quam facere vellet, thesauris Deo dilecti martiris Emmerami subornaret. Quos ille, consiliariis consentiens reis et perversis prope diem natalitium ejusdem (Sept.) testis domino suo subduxit, nec non ad episcopalem villam Berabartashusun (72) dictam secum transduxit, quo suus eadem die comitatus pestifer confluit. Ibi quoque subitanea corporis percussus molestia, per extremam sortem urgeri cœpit in mortem. Quam cum sibi turbidam et amaram sensisset imminere, atque jam desperaret in fra limitem hujus vitæ diutius consistere posse, vicedomno assumpto, nec non militibus accitis in testimonium, cum aliquibus ministris, quis circa eum plus erat amoris quam timoris, quorumque familiariti sedulo solebat inniti, affatus est verba hujusmodi: *Contigit me aliquando secus Licum flumen sub Ottone Saxonigena imperatore primo gravi interfuisse prelio (73). Ubi cum inter nostros atque paganos acerrime fuisset pugnatum, et Christo propitio a christianis esset triumphatum, Ungri meam absidentes auriculam, gladiis ac spiculis inter ceteros me straverant ac adæquaverant glebis. Ibi insperato raptus, ad salutem sensi beneficiis adesse patronum clementem, quem nunc timeo ob temeritatem peccati mei irascentem. Fia, quæso fideliter agite quæ injungo. Tollite hinc—utinam nunquam ad malum, quod facere volui—mea sub certo numero integra viginti pallia consignata, et offerte ea, quamvis ad magnitudinem peccatorum meorum parva, magno et beato ad subveniendum cui voluerit Christi martiri Emmerammo; reddetisque illi reverenter suorum par-*

NOTE.

(71) I. e. pacta, conventiones.

(72) Berezhausen ad Laber fluvium.

(73) A. 955.

tem thesaurorum, quos insipiens ac minus cautus A in sugillationem mei subtraxi ejus honori servitii. Calicem autem aureum, quem opere ac forma satis, ut opinor, decenti eidem clarissimo testi passionum Christi patravi, cum his omnibus, quæ labiis distinxerim, super et circa ipsius altare ponetis, sicque ex humilitatis meæ legatione dicetis: « Michahel ille peccator homo, quamvis in sanctu ecclesia ordinis jure sacri particeps fuerit nominis angelici, immeritum tamen et longe inparem se perpendens tanti ministerii officii, servus quoque tuus, beate Emmeramme, adoptivus sub ipsis pontificalibus infulis factus, in extremis etiam constitutus, erga reverentiam tui devotus, tibi hæc misit atque remisit, nec non ultimum spiritum trahens animam cum corpore patrocini tuo commisit. » Hæc vero facta et dicta cum non paucos convenirent ac deterrerent pro abusive usitata sanctorum inter mortales negligentia, campanum quoddam quantitate modicum, a legatis episcopi cum aliis rebus in basilica patroni nostri expositum, grande per os dicentium prædicabat miraculum. Hujus ergo cum imperator Otto secundus aliquando apud Sanctum Emmerammum audiret tinnitum singularem et pre ceteris magis sonorum, fertur dixisse, aut hoc aut huic simile se velle habere. Qua occasione predictus pontifex inde sublatum idem campanulum in via jussit transportari secum, arbitratus satis se facturum principi oblatione cupiti. Quod postquam est de martiris ecclesia elatum, uti comperimus per cujusdam presbyteri relatum, ad Dei omnipotentis nutum immutatione soni factum est mutum, nec illius artificio aptari potuit euphonie officio usque in diem et horam, qua Deo dilecti martiris casæ restitutum, etsi insensibile, presentiam domini sui sensibus humani se sentire indidit, ac dulciter tinnivit. Vere tua, Christe, hæc sunt opera, qui crederis et es æterni Patris sapientia; cui David corde jubilans clamat (74): *Quam magna multitudo dulcedinis tuæ, Domine, quam abscondisti timentibus te*; et iterum (75): *Auditui meo dabis gaudium et læticiam; et exultabunt ossa humiliata*; cujus desiderio delectatus, nomini tuo credentes in fine psalmodum ad perfectionis laudes provocans, ait (76): *Laudate Dominum in cymbalis bene sonantibus; laudate eum in cymbalis jubilationis*. Ecce humane salutis amator, generis nostri factor et reparator, qui etiam benignus es super ingratos

PROCEMIUM LIBRI DE MEMORIA B.

Inter cætera mysteriorum cœlestium sacramenta, Veteris Legis testantur scripta quod ad ædificationem tabernaculi principes tribuum et ditiores quique in populo Dei pretiosa divino jussu obtulerunt donaria

et malos, per parva ac insensibilia operaris magna nec non mirabilia, ut homines cordatos benedictione tua efficias coaptatos. Hanc siquidem qui aure cordis perceperint, et in ejus obauditione usque in finem perseveraverint, minime pavebunt in die novissimo, nec aures eorum tinnient ab auditu malo, quando inimicus exultans super interitu impiorum, se jactaverit dicens (77): *Prevalui adversus eos*. O Jesu bone, quid nos peccatores ibi dicturi sumus, ubi vix justi salvabuntur? Non est nobis spes altera, nisi quam definit ille tuus electus psalmista, qui fuit rex et propheta, totis modulis ad te clamitans cordis (78): *Spes mea es tu, portio mea in terra viventium*; quam in tuo nomine, dum tempus est misericordie, a Patre postulandam didicimus per evangelicam doctrinam. Sic enim tuum, o veritas, habet evangelium (79): *Ambulate dum dies est, ne tenebræ vos comprehendant*; et iterum: *Dum lumen habetis, credite in lucem, ut filii lucis sitis*. Et illud excusationis humanæ exclusorium diligentissime adtendendum, nec non intimis suspiriis annitendum (80): *Quodcumque petieritis Patrem in nomine meo, dabit vobis*. Petimus ergo ad te conversi, Pater Domini nostri Jesu Christi, ut in nomine ejusdem unigeniti tui, cujus karitatis beatus Emmerammus martir tuus inter ²² plurales ²² testes ²² imitator ²² quodammodo ²² extitit singularis, ineffabili et solita circa peccatores usus clementia, confitentibus et confessis dimittas impietatem cordis ac infundas unctionem; tuæ uberrimæ consolationis, nec non confirmes in nobis opera divinæ miserationis; ut quod in hoc seculo dulce ac delectabile videtur, timoris tui reverenda consideratione amarescat, et quod amarum, dilectionis tuæ suavissima speculatione dulcescat. Sicque dum ipse volvitur mundus, a lapsu et amore peccatorum, te resuscitante, surgamus, ne in fine seculorum, cum omnes homines resurrexerint cum corporibus, in æternum confundamur ac puniamur; sed emptitii servi nunc cum collibertis gratia tua digni effecti, tunc etiam tuis cum amicis semper mansuris deputati gaudiis, securi videamus Dominum Jesum Filium tuum liberatorem et episcopum animarum et corporum nostrorum, judicem justum vivorum et mortuorum, tecum viventem atque in unitate Spiritus sancti regnantem, per immortalia seculorum secula. Amen.

EMMERAMMI ET EJUS AMATORUM.

(Exod. xxxv). Quorum piæ oblationi et pauperiores eodem præcepto conducti, indices mentium devotarum, etiam pilos addiderunt caprarum (*Ibid.*). Quid autem Nova Lex super hac re contineat, seu qua

VARIE LECTIONES.

²² Reliqua in 1. manu sæc. XV. scripta sunt, folio sequenti cum hujus libri fine antiquo exciso.

NOTÆ.

- (74) Psal. xxx, 20.
 (75) Psal. l, 10.
 (76) Psal. cl, 5.
 (77) Psal. xii, 5.

- (78) Psal. cxli, 6.
 (79) Joan. xii, 35, 36.
 (80) Joan. xv, 16.

convenientia Priscæ respondeat, Christus in Evangelio suo palificat, qui duo pauperis viduæ minuta prætulit his quæ divites jactabant, seu in gazophylacium mittebant (*Marc. xii*; *Luc. xxi*). Quod quidam vir officio apostolicus et merito, egregia prædicatione quasi de cœlo intonans, breviter perstringendo exposuit, dicens: « Regnum cœlorum valet, quantum habes. » Cui scilicet sententiæ concordat quod sacra Scriptura alias clamat: « Cui plus committitur, plus ab eo exigitur (*Luc. xii*). »

Unde is qui multum habet et illud Apostoli diligenter attendere debet: « Qui gloriatur, in Domino gloriatur (*I Cor. i*). » Qui vero minus accipit, id ipsum minime ducat negligendum; sed de eo pro posse et nosse conetur elaborare aliquid quod utile sit. In quo haud segniter exsequendo quicumque divino muneri reverentiam exhibuerit, debitum exactionis persolvit Scripturæ, quæ dicit: « Vovete et reddite Domino Deo vestro, omnes qui in circuitu ejus affertis munera (*Psal. lxxv*). » Ex ipsius quippe donis, qui Largitor est omnium bonorum, accepimus, si quid ei pie digneque afferimus, vel si in aliqua re votorum nostrorum redditionem exsolvere poterimus. Hinc et Jacobus apostolus, eorumdem processionem donorum commendans, ait: « Omne donum desursum est, descendens a Patre luminum (*Jac. i*). » Ad cujus illuminationem Psalmista nos appropinquare exhortatur dicens: « Accedite ad Dominum et illuminamini, et facies vestræ non confundentur (*Psal. xxxiii*). » Vere ad eum accesserunt qui dono illius illuminati, ecclesiastica factis et verbis tractando sacramenta, illam faciei meruerunt gloriam quam ipse Sol justitiæ visione sua paravit electis sempiternam. Horum quippe exemplis et doctrina, dum volvitur hujus mundi rota, Christus gratum in suis arboribus inveniet fructum. Quem, quia velut inutilis stirps, in nea arbore non habeo, timeo mihi valde ne Paterfamilias, sterilitate pravitate meæ offensus, dicat: « Ut quid occupat terram? Succidite eum et mittite in ignem (*Luc. xiii*). » Quem reprobis terribiliter paratum, et a peccatis meis, proh dolor! sæpe comparatum, ut effugere possim, inter fluctus cogitationum æstuantis occurrit animo, hoc optimum fore remedium, quo non cessem quærere præsidia sanctorum, sedulo laudibus inhærendo eorum, ut et ipsi apud misericordissimum Dominum dignentur mihi veniam impetrare delictorum.

Sed fortassis dicit aliquis: Quid ad te? potuit euphoniæ officio usque in diem et horam qua Deo dilecti martyris casæ restitutum etsi insensibile præsentiam Domini sui sensibus humanis sentire indidit, ac dulciter univit.

Vere tua, Christe, hæc sunt opera, qui crederis et es æterni Patris Sapientia. Cui David corde jubilans clamat: « Quam magna multitudo dulces

A dinis tuæ, Domine, quam abscondisti timentibus te! (*Psal. xxx*). » Et iterum: « Auditui meo dabis gaudium et lætitiā, et exsultabunt ossa humiliata (*Psal. l*). » Cujus desiderio delectatus, nomini tuo credentes, in fine Psalmorum, ad perfectionis laudes provocans, ait: « Laudate Dominum in cymbalis bene sonantibus; laudate eum in cymbalis jubilationis (*Psal. cl*). » Ecce humanæ salutis Amator, generis nostri Factor et Reparator, qui etiam benignus es super ingratos et malos, per parva ac insensibilia operaris magna, nec non mirabilia, ut homines cordatos benedictione tua efficias coaptatos. Hanc siquidem qui aure cordis ceperunt, et in ejus obauditione usque in finem perseveraverint, minime pavebunt in die novissimo, nec aures eorum tinnient ab auditu malo (*Psal. iii*), quando inimicus, exultans super interitu impiorum, se jactaverit, dicens: « Prævalui adversus eos (*Psal. xii*). » O Jesu bone, quid nos peccatores ibi dicturi sumus, ubi vix justis salvabuntur? Non est nobis spes altera, nisi quam definit ille tuus electus Psalmista, qui fuit rex et propheta, totis medullis ad te clamitans cordis: « Spes mea es tu; portio mea in terra viventium (*Psal. cxli*). » Quam in tuo nomine, dum tempus est misericordiæ, a Patre postulandam dīdicimus per evangelicam doctrinam. Sic enim tuum, o Veritas, habet Evangelium: « Ambulate, dum dies est, ne tenebræ vos comprehendant. Dum lumen habetis, credite in lucem, ut filii lucis sitis (*Joan. xii*). » Et illud excusationis humanæ exclusorium diligentissime attendendum: « Quodcumque petieritis Patrem in nomine meo, dabit vobis (*Matth. xxi*; *Joan. xv*). » Petimus ergo ad te conversi, Pater Domini nostri Jesu Christi, ut in nomine ejusdem Unigeniti tui, cujus charitatis beatus Emmeramus martyr tuus imitator exstitit singularis, ineffabili et solita circa peccatores usus clementia, confitentibus et confessis dimittas impietatem cordis, ac infundas unctionem tuæ uberrimæ consolationis, nec non confirmes in nobis opera divinæ miserationis, ut quod in hoc sæculo dulce ac delectabile videtur, timoris tui reverenda consideratione amarescat, et quod amarum dilectionis tuæ suavissima speculatione dulcescat. Sicque, dum ipse volvitur mundus, a lapsu et amore peccatorum, te resuscitante, surgamus, ne in fine sæculorum, cum omnes homines resurrexerint cum corporibus, in æternum confundamur ac puniamur. Sed emptitii servi nunc cum collibertis, gratia tua digni effecti tunc etiam tuis cum amicis semper mansuris deputati gaudiis, securi videamus Dominum Jesum Filium tuum liberatorem et episcopum animarum et corporum nostrorum, judicem justum vivorum et mortuorum, tecum viventem atque in unitate Spiritus sancti regnantem, per immortalia sæcula sæculorum. Amen. ²²

VARIE LECTIONES.

²² Vid. pag. seq.

INCIPIT LIBER II.

DE MEMORIA BEATI EMMERAMI ET EJUS CULTORUM.

Humanis rebus exempto (*an.* 972), ut in calce libri prioris descripsimus, Michahel Reginopolitano episcopo, qualiter Dei omnipotentis misericordia super hujus ecclesie clerum et populum vigilaverit, quemve princeps pastorum suis ovibus preesse voluerit, quemque ad pastorem curam in secreto suo, cui omne cor patet, elegerit, occasionibus hujusmodi patefecit. Erat quidam vir genere ingenuus, virtute strenuus, natione Alamannus, nomine quidem Wolfgangus, cujus, ipse interpretationem vocabuli in quodam loco Lupambulus jussit inscribi. Is primum inter canonicos sive clericos laudabilem et castam duxerat vitam, dein artioribus regulis implicari desiderans, in Suevia apud cœnobitas, qui Solitarii vocantur (81-88), monachum professus est. Quem cum non solum fortiter vitii resistere, sed etiam virtutibus assuefaceret libere insistere, acrius intendens aciem mentis in speculum geminæ dilectionis, videbatur sibi cum simplo et abscondito talento quasi vacuus apparere in conspectu Domini, nisi eo exposito et duplicato aliorum quoque consuleret salutem. Cujus rei gratia monasterium et non ²⁴ monachum deserens, immo secundum Apostolum (89) majora æmulari carismata cupiens, per Alamanniam devenit exul in Noricum. Ad ejus orientalem partem cum humili comitatu pertendens, predicandi gratia Pannoniæ petiit confiniam. E qua per Pilgrinum Pataviensem episcopum evocatus, piæ, ut decuit, humanitatis ab eo suscipitur et fovetur officio. Apud quem etiam rogatus et jussus mansit aliquot diebus; hoc inter cetera prudenti secum tractans mente, quare prohibitus sit ab adducenda ad Deum Pannoniorum gente.

Quo commorationis tempore idem episcopus optime usus, utpote qui erat adprime eruditus et genere nobilissimus, juxta hoc quod Apostolus dicit (90). *Probate spiritus si ex Deo sunt*, clandestina et manifesta divini servitii observatione assidua sacræ Scripturæ indigatione satis probavit. hunc quem susceperat peregrinum non esse gyrovagum,

A sed stabilem veræ fidei domesticum. Unde et quosdam de suis familiariter pro eo alloquitur, dicens: *O quam felix ecclesia, quæ Deo volente isto donabitur sacerdote. Ergo necessarium valde videtur mihi et utile, ut huic famulo Dei petam regimen Ratisbonensis episcopi; quia optime convenit, sicubi abundat bona voluntas, ut eam etiam ad bona opera procedere faciat bene collata facultas. Bonum quippe, quod hic vir seminare voluit in paratis ²⁵ cordibus paganorum ad ²⁶ salutis obsequium, quod repulit cæcitas illorum, quandoque fortassis hoc, eodem agrum dominicum excellentem, dabit fructum suum in populis christianorum.* Ad hæc quidam respondentem dixerunt: *Qui fieri potest, ut iste pauper et ignotus ad honorem accedat tanti episcopatus, cum jam aliquæ alii sanguinis personæ hunc apud imperatorem prediis et pecunia compensantes sibi temptaverint acquirere?* Quibus ille refert verba ponderosa, sed non adeo morosa: *Divina et humana valde inter se probantur distare judicia. Hinc scrutator cordium et renum ab initio mundi elegit contemptibilia nec non ignobilia, ut confunderet fortia (91); et e contrario mundus quod suum est superbe ad horam extollit, ac in brevi cum confusione distollit. Unde operæ precium censeo, quo mittam ad marchicomitem, cujus consilio multa solet facere imperator, ut suggerat ei, ne per ambitionem aut simoniacam heresim quemquam episcopalem sinat accipere dignitatem; sed ob æternam remunerationem, quem humilem et modestum ac eruditum invenerit nec non officiis ecclesiasticis aptum esse probaverit, hunc, cujuscumque sit conditionis vel parentelæ, promoveri faciat ad culmen ecclesie.* Qui plura? Per legationem episcopi ac suggestionem consilarii cesar suæ et ecclesiasticæ utilitatis admonitus, immo, quod verius est, nutu Dei, cujus in manu cor regis, princeps bonus Otto secundus animo mutatus, omnes, qui pro eodem episcopatu adipiscendo laborabant, avertit, et se totum ad electionem venerandi viri Wolfgangi convertit, sicque legatos post eum celeriter mittit.

Qui ut jussi ferant pergentes, invenerunt eum

VARIÆ LECTIONES.

²³ *Can. addit hoc loco: QUATUOR HOS VERSUS ANTISTES DAT HERIBERTUS:*

Diversis horis laudandi scripta laboris
Legi, perlegi, crebro perfecta relegi,
Et nihil inveni vitium quod possit haberi.
Hoc tantum dico, tua tuque placetis amico.

et postea: Anno Domini MCCCICV. reverendus in Christo pater dominus Ludovicus venerabilis abbas hujus ecclesie M.... pater pauperum, corona monachorum et venerabilis dominus..... abbas successit
²⁴ *deest 2.; ex Othloni Vita Wolphangi supplevi. ²⁵ duratis Othl. ²⁶ et Othl.*

NOTÆ.

(81-88) In monasterio Einsiedeln.
(89) I Cor. xii, 31.

(90) I Joan. vi, 1.
(91) I. Cor. i, 28.

adhuc cum prenominate episcopo commorantem, sed jam ad patriam repedare cogitantem. Ignarus enim erat legationis et ceterarum rerum pro se gestarum, et idcirco animum intendebat aliorum. Cumque legati, quare venerint, ei indicarent, primum recurrit ad secretarium cordis, se suaque Deo commendans in intimis; dein episcopo, cujus karitate ibi detentus erat, causam suam exponens, id quo gravabatur temperamento levigabat simplicitatis columbinæ ac prudentiæ serpentiniæ, atque in hunc modum proloquitur, dicens: *Hoc novum quod mihi per nuncios principis venit, karitas tua efferit, cui premium bonæ voluntatis absque dubio erit; sed meæ parvitati timorem inculit, quia nescio, si voluntas Dei sit, et quia mundus sub specie religionis multo ad vilia trahit.* Cui respondens episcopus dixit: *Quod dicis te timere hoc mentis est provida. Sed hanc in bonam spem erigit psalmista, qui dicit (92): « Initium sapientiæ timor Domini; et iterum: « Timor Domini sanctus permanens in seculum seculi; » quem et Apostolus commendans ait (93): « Noli altum sapere, sed time; » Idem alibi de episcopatus desiderio ait (94): « Qui episcopatum desiderat, bonum opus desiderat. » Unde et tu, si cum tua salute aliis appetis prodesse bonumque opus in omni loco desideras adesse, sub timore et humilitate ad episcopalem ordinem vocatus, ne abnuas accedere; alioquin incidere videris in illud quod David dicit: « Qui noluit benedictionem, elongabitur ab eo (Psal. CVIII, 18). » Quod cavens omnimodis, conare connumerari cum illis, de quibus scriptum est: « Qui autem docti fuerint, fulgebunt quasi splendor firmamenti, et qui ad justiciam erudiunt multos, quasi stellæ in perpetuas æternitates (Dan. XII, 3). Hujus atque executione officii pervenies ad hoc, ut in retributione justorum, tibi dicat dominator omnium: « Euge, serve bone et fidelis, quia in pauca fuisti fidelis, super multa te constituam; intra in gaudium Domini tui (Matth. XXV, 23). Talia quoque Pontifice proloquente, vir venerandus per mentis speculationem dispensationis divinæ intuens moderamen, subsequitur dicens: *Ecce servus Domini, fiat mihi secundum verbum tuum (Luc. I, 38).* Tunc arrepto itinere cum his qui missi erant a principe, tetendit in partes occidentales Bajoariæ. Cumque parventum esset ad Reginam civitatem, clerus et populus secundum morem ecclesiasticum unanimiter episcopali facta electione, ad imperatorem eum miserunt cum universali legatione. Qua clementer suscepta, et beato viro ab episcopis probato, ac sermone in presentia eorum ab ipso sapienter prolato, imperialis eum assumens potentia pediam (95) pastorem honorem ei dedit pontificalem; statimque, ut curam sui et gregem dominicum illi commisit, non cum parvo comitatu ad Ratisbonam eum remisit.*

A Ubi cum multorum fideli et favorabili suscipere-
 tur occurso, primum beato Emmerammo se hu-
 militer presentavit, deinde per singula Ratisbonæ
 monasteria sanctorum petiit suffragia, novissime
 vero solemniter facta preparatione seu processione,
 ad sancti Petri ecclesiam accessit. In quam can-
 tanticis læticiæ et exultationis voce introductus,
 atque more pontificum secus, altare intronizatus,
 a clero et a populo summo posteris commenda-
 tur, nec non a Friderico archiepiscopo et illius
 suffraganeis post aliquot dies in sacerdotem apo-
 stolicum ibidem consecratur. Quam ille consecra-
 tionem nolens vacuo secum portare vocabulo, die
 noctuque pontificali studiosissime excoluit officio,
 ut gratiam sancti Spiritus habundantius sub hoc
 ordine posset habere in cordis hospitio. Cujus in-
 spiratione suaviter tactus, et ad omnia cautus ac
 providus factus, ob episcopale fastigium nequa-
 quam voluit multare monasticum habitum, quasi
 erubesceret monachus esse, qui fuerat; sed quam
 intus habuit humilitatem mentis, foris ostendit
 bonis exemplis et mediocribus vestimentis. Memor
 etiam Salomonice admonitionis, quæ dicit: *Constituerunt te principem; noli extolli, este in
 illis quasi unus ex illis (Eccli. XXXII, 1)*, non do-
 minari quærebat in clero, sed gregi dominico
 forma esse studuit manere et sero: prudenter adver-
 tens, immo prudentius a se avertens, illud elo-
 quium, quod per Ezechielem prophetam invehitur
 contra malos pastores, Domino dicente: *Væ pa-
 storibus, qui pascebant semetipsos, et non greges
 meos (Ezech. XXXIV, 2).*

Unde ipse totus in divina lege devotus inter ce-
 tera pastoralis curæ ministeria sermone, quem ad
 populum inter missarum solemnias fecit ex more,
 in tantum ecclesiam plebem assuefecit frequentare,
 ut per dies solemnes vix domini remanere vide-
 rentur rei familiaris custodes. Ad predilectam enim
 tanti pontificis exhortationem certatim sexus
 utriusque turba confluit, quam illuc fragrantia
 cœlestium aromatum, ipso ea qui dedit ventilan-
 te, adduxit: apium instar, quas post se trahere
 videtur mellis odor et nectar. Quibus pater pius
 summopere desiderans esse utilis et aptus, in dis-
 putando de regno Dei et calcandis vanitatibus hujus
 mundi, perplexis et sophisticis minime utebatur
 sententiis, sed sic melliti oris dulcedinem per quan-
 damquam verbis explicare non potero, tempera-
 bat austeritatem, ut simpliciter et optimo genere
 locutionis tangere videretur intima cujusque co-
 gitationis, talique arte nonnullorum ex oculis la-
 crimas eliceret indices cordis. Hanc siquidem tam
 validam a Spiritu sancto acceperat gratiam.
 quo hi, qui predicanti assisterent et eum intente
 audirent, raro aut numquam abscederent ab
 ejus prædicatione sine lacrimarum effusione. Quo
 pergrandi bono, a largitore omnium honorum

NOTÆ.

(92) Psal. cx, 10; xviii, 10.

(93) Rom. xi. 23.

(94) I Tim. iii, 1.

(95) I. e. pedum.

hominibus concesso, per malitiam suam sauciatu humanæ salutis inimicus, et ei obviam ire conatus, invidiam, quam semper habebat, quibus poterat viribus exercebat.

Nam die quadam, cum predictus beatæ memoriæ Wolfgangus episcopus solito more ad populum ex pulpito vel ambone concionaretur, diabolus aliud non inveniens, Domino prohibente quo adversaretur, subito concitavit turbinem, et cum turbine tumultuosam turbationem, ac nihilominus cum turbatione confusum murmur et clamorem, nec non super tectum ecclesiæ fragorem dedit ingentem, et intra ecclesiæ receptacula pulverem dispergens ac nebulam, aliquorum obtutibus caliginem obfudit tenebrosam. Quibus ex improvviso visis et auditis, populus perterritus, immo quod pejus erat, pene mente alienatus, cœpit concurrere et discurrere, incertus, confusis omnibus et turbatis, in quam partem se tutius ac rectius posset convertere. Interim audiebantur voces hinc dicentium: *In urbe grande sævit incendium*; inde clamitantium: *Ecce seditione facta multorum gladiis disciduntur jugula*. Cumque pro clamoribus hujusemodi sedanis multum, sed incassum, laboratum esset a sensatis, tandem qui erant inimici machinationibus ludificati, tam vehementi excursu per turmas eruperunt de ecclesia, ut ex tanta multitudine vix pauci remansisse viderentur in illa. Tunc episcopus, quem tantæ commotio

A tempestatis juxta consuetudinem humanæ fragilitatis loco etiam propellere posset, si Christi servus non esset, quia domum in firma solidatam habuit petra, gradum non movit, sed stabilis et immobilis permanens, magna fide clamavit et dixit: *Domine Jesu Christe, solitam fidelibus tuis accomodans gratiam, concede ut hodie videant gloriam nominis tuis et confusionem diaboli*. Quæ verba secuta est seneritas aeris, et serenitatem recursus in ecclesiam plebis. Cui venerabilis antistes mox aromata et unguenta sacræ doctrinæ effundens adeo illa die, sibi de cœlis Deo dulcedinem sermonis instillante, profuit, ut manifeste inimicum vicerit vel fugaverit, qui perturbationis nimietate pene omnibus obfuit. Unde et postea fidelium devotio hanc consuetudinem cœpit pro lege habere, quo per stationes episcopum turmatim prevenirent et sequerentur, ac predicationis erogationem summa affectione, utpote apostoli bonum, amplecterentur odorem. Per quem idem venerandus pater ad pietatis exercitia oves dominicas de die in diem magis magisque adtrahere studebat, more scilicet animalis, quod panther dicitur, qui, ut physiologi perhibent, omnibus animalibus amicus, exceptis dracone et serpentibus, cuncta animantia, quæ in vicinate sui sunt, emisso bono odore ad se solet adducere atque miro modo amorem suum illis ingerere.

INCIPIT DIALOGUS

Dum hæc scribo et animum ad alias scribenda sollicitus præparo, adest mihi frater Ammonitus comes rerum mearum fidelissimus, qui me convenit officiose sic proloquens: « Ubi est dialogus quem devovisti te scripturum in nomine Domini de miraculis B. Emmerammi et de regimine illius monasterii? Es quippe debitor sponsionis, aut fortis excusationis. » Tum ego: « Minime diffiteor quin debitor sim. Sed propterea distuli, quia non certus eram sub cujus persona potissimum conficere possem dialogum, cum perplures de laudibus nostri patroni, et de aliis utilitatibus mecum sæpe disputaverint, et se parvitati meæ necessitudinis vinculo junxerint. » Respondit, qui supra: « Sit tibi, secundum Salomonem, consiliarius unus ex mille (96), » et de hac re securum te faciet. Nam si vis, personam Ammonicii convenienter poteris habere pro quolibet fratre te ad bonum commovente vel exhortante. Nec est quisquam amicorum qui se dicat contemptum, alterumque in hoc sibi indignetur esse prælatum. Proinde absque comperendinatione assume dialogum, et sicut proposuisti, laudibus martyris intexere memoriam confessorum Christi, nec non huic admisce quidquid animus recte seu opportune tibi dictaverit, aut ratio ad scribendum. — Paratus sum, inquam, facere quod hortaris, sed hoc prius a lectore humiliter postulandum censeo, ne in opusculis meis quæ-

C rat artificiosam verborum compositionem, sed simplicem atentat, si velit, humilis styli operationem, qua mihi meisque sudare malui confratribus, quam absque manum opere inveniri otiosus. » Hac fiducia et hac intentione procedit opus inchoatum.

Igitur beatæ memoriæ Wolfgangus Ratisbonensis, episcopus perspectis et intellectis rebus episcopii dispensatione divina sibi commissi, inter cætera quæ ei pastoralis curæ sollicitudo procuranda, sive corrigenda injunxerat, gravius tulit monachos beatissimi martyris Emmerammi eatenus abbate caruisse, et quasi oves errantes sine pastore fuisse. Hujus rei gratia misit ad Trevirense monasterium, in quo beatus Maximinus corpore quiescit, et inde reverendum senem Ramvoldum evocavit, qui quondam sub Henrico archiepiscopo ejus capellanus fuit. « Quare, inquit Ammonicius, tanto tempore sine abbate fuerant, si monachi erant? si vero monachi, sub cujus regula debebant? Hæc quoque enucleari ipsa ratio poscit. — Hoc est, inquam, quod brevi revelatione cognoscere potes. Fuit quippe prisca consuetudo in Ratisbonensi Ecclesia ut qui antistites, iidem essent et abbates. Quorum nomina quidam ob temporalia commoda tenebant, non officia. Timebant enim ne si monasterio abbatem præesse facerent, quia a Patre monasterii omnia speranda sunt, sibi coactum minueretur obsequium.

Ob hoc atqui (97) licentiam dabant monachis aliunde acquirere pro victu et vestitu quæcunque possent, quia ipsi bonis, quæ ad annonam eorum pertinebant, ad suum abutebantur servitium. »

His dictis, frater cum quo dialogum cæpi conserere, usus nomine suo, admonuit me in aurem dicens : « Loquere caute, et scribito cautius. Nam si episcopi hæc audierint dicta vel viderint scripta, fortassis dicent velle te eos rapinarum et injustitiæ notare ; sicque libertatem tuam superbiæ deputabunt, quasi tu temere eos carpere tentaveris, pro quorum defensione Scriptura clamat, imo Dominus per Scripturam præcipit dicens : « Nolite tangere christos meos (98). » Et iterum : « Qui vos tangit, tangit pupillam oculi mei (99). » Cui respondi lingua et stylo. « Si episcopi sunt quod dicuntur, non nobis obsunt, sed valde prosunt. Quod et efficere dignetur Princeps pastorum, in quo plenitudo est omnium honorum. Tibi vero quia sic placet, imo quia justum est, habeamus pacem cum eis, et simus subditi illis. Illud autem scire te volo, quia non me pœnitet vera dixisse, quandoquidem boni non solum bonis, sed etiam malis utuntur ad bonum. Sed jam tempus exigit, et desiderium tuum, ut revertas ad narrationis meæ reliquias. Est quoque alia causa per quam non sunt constituti abbates in prænominato monasterio. Ex eo quippe tempore quo primum a beato Bonifacio apostolicæ sedis vicario, juxta decreta canonum, in Bajoaria ordinabantur episcopi, vicissim sibi succedebant in hujus episcopatu monachi atque canonici, ita ut si antecessor esset canonicus, fieret successor monachus, et iterum huic antecessori succederet canonicus. Hæc consuetudo usque ad nostra permansit tempora. Episcopalis vero sedes erat apud S. Emmerammum usque ad tempora Caroli principis, qui hanc restituit in civitatem ubi prius erat. Quod autem percontatus es, sub cujus regula degerent, paucis absolvam. In primis ergo promissionem faciebant, secundum regulam sancti Benedicti, coram episcopo abbatis vices agente. Dein licentiam dedit eis episcopus dandi et accipiendi propter inopiam loci. Lineis camisiis utebantur seniores, qui eas habere potuerunt ; cæteri laneis induebantur, ob penuriam scilicet cilicinarum vestium. Præpositus et decanus monasterium regebant post episcopum. Qui majoris erant ætatis, habebant cellas seu caminatas, junioribus inter se divisas propter custodiam. Communiter pauperem annonam habebant, volatilia manducabant. Cætera faciebant secundum consuetudines, quæ in monasteriis regalibus ad id temporis fuerant.

« Quæ cum displicuissent prænominato viro, reverendo scilicet episcopo Wolgango, uti prædiximus, Ramualdum annis et moribus maturum assumpsit in opus ministerii divini, et constituit eum primum præpositum, dein abbatem monasterii.

(97) Atqui pro itaque sæpe usurpat.

(98) I Par. xvi.

A Quod ægre ferentes aliqui ex consacerdotibus et consiliariis antistitis, dicebant : « Ut quid ibi et sacerdotibus tuis perdis bona, ad S. Emmerammum pertinentia ? Laudant te multi, sed in hoc non laudant ; imo vituperant. Utere ergo pontificis ac abbatis officio, sicut antecessores tui facere consueverant usque modo, ne carerent quarundam rerum emolumento. Hujusmodi quoque insipientia, est sapientiæ sale contienda. » Quibus ille prudenter respondit, dicens : « Non erubesco insipiens et stultus dici propter Deum. Hoc autem scire vos volo quia nunquam mihi inponam onus quod portare non valeo, episcopi nomen et abbatis mihi vindicando. Nam ut beatus Gregorius testatur (100), valde incongruum est, si cum unum ex his pro sui magnitudine, sicut oportet, quis non possit explere, ad utrumque judicetur idoneus. Sufficit enim episcopo, ut summa vigilantia insistat pastoralis officio. Et abbatibus satis laboriosum, quamvis multum fructuosum, providere fratrum salutem, et per omnia bene procurare res monasterii sui. Unde et ipse etiam distribuere debet inter fratres officia, in quibus non leviter leviget onera sua, rememorando scilicet viri prudentis, quem prænominavimus, dicta et scripta, in quibus continetur : Sicut indecorum est ut in corpore humano alterum membrum alterius fungatur officio, ita nimirum noxium simulque turpissimum, si singula rerum ministeria personis totidem non fuerint distributa. Cæterum, ut prosequar quæ proposuisti, B. Emmerammi bona, quæ me pessumdare conquesti estis, perdere nolo, sed illi cui tradita sunt ac servorum Dei usibus et nostræ sedi omnimodis conservare volo. Sed longe aliter sese res habent hujuscemodi quam cogitatis. Vix etiam pœnas evadere poterimus, qui sanctorum bona famulatu nostro deputavimus, non solum quantitate majora, sed etiam qualitate meliora, et illis justitia coacti seu superati reliquimus minora, qui viciniore eo quo frequentiores die noctuque familiarus adhærent Christo, laudantes eum in sanctis ejus electis. » Ad hæc respondebant qui quæstionem movebant : « Misericordiam et iudicium Domino cantasti, humanis divina, ut justum est, prætulisti, vera utiliter immutasti. Quid restat nostra parte, nisi ut pariter dicamus, Deo gratias, amen, feliciter ?

— Finem sententiæ hujus, inquit Ammonicus, ut mihi videtur, satis congrue conclusisti. Sed fortassis aliquibus hoc disciplicet quod tam morose et quasi dormitando scribis ac dictas. Ergo jube styllum velociter currere. » Aio ad eum : « Infirmi tæ interdum et occupationum varietate præpedior, nec cito quæ scribenda sunt proferam. Sed quia tibi hoc comate satisfactum esse non ignoro, dilectionem tui et cæterorum, quibus impatentia longum tempore facit, haud ordine, si quid aliquandiu proleletur, quod videre desiderant et audire, primum dictis beati Hieronymi commonefacere volo ; dein subjun-

(99) Zach. ii.

(100) Greg. Regist. lib. iii, epist. 11.

gam qualem quibo invenire sententiam. Hic enim vere spermologus nominandus, in quadam epistola quam ad B. Augustinum scribit, solida usus brevitate dicit: Sæpe quod præceps est, in casum vertitur (101). Cujus versiculi breviter convertens ad meam utilitatem, paulatim incedendo vel scribendo, cavere desidero laqueos hæreseon; in quos multi cautela neglecta, et sensuum suorum confidentia præcipites inciderunt. Illud autem quod dixisti me quasi dormitando dictitare, commonefacit me ne sim dormitantius, sed ut studio liberali efficiar vigilantius. Quod utinam sequi velim et valeam, ut lucrifaciam animam meam.» Ad hæc dialogi socius infert: «Admonitiunculam meam ne putes injuriam. Edissere potius egregia quæ cœpisti narrare confessorum Christi præconia. — Quamvis, inquam, importunus exactor mihi iusistas, adeo ut etiam gravare me videaris, tibi tamen, charitate jubente, prout potero, satisfacere tentabo.

«Venerabilis igitur antistes Wolfgangus, vir inter episcopos magnæ auctoritatis, inter canonicos regularis, inter monachos pietate singularis, humilitate sublimis, charitate communis, secundum Apostolum, «omnibus omnia factus (102),» præcipue eleemosynarum largitione pollebat. Quorum laudabilium ministerio, seu cæterarum virtutum offeritorio, quia placuit Deo, multis, dum adhuc esset in præsentis sæculo, patuit iudicii. Horum unum didici narrante quodam sene fidei, cuius narratio talis fuit: Militem sub me habuit, qui quadam die cum aliis affuit (103) in basilica Sancti Pauli ubi beatus præsul Wolfgangus missas celebravit. Cumque eum humili veste primam, utpote monachum, aspiceret indutum atque dein sacerdotibus vestimentis videret infulatum, plebeia stoliditate despexit, et cordis ore murmurans dixit: «Valde insipiens fuit imperator illo tempore, quo pannosum istum ac despiciabilem, in pontificali promotione prætulit potentibus personis, quæ abundant in regionibus suæ ditionis.» Quam murmurationem qui novit cogitationes hominum eodem momento et clementer increpavit, et evidenter ad emendationem hujus vitii manifestavit. Nam ut in Evangelio ad cogitata respondit, ita hujus hominis cogitatum murmurationem ad tempus abscondit, quo et ille impræsentiarum corrigeretur ac murmurationis malum ab aliis infuturum divitaretur. Nimio quippe terrore subito correptus, astantium sustentatione vix residere potuit. Quem cum viderem tremebundum et pallidum, illico accurrens sciscitatus sum quid haberet, vel quid pateretur. Tunc ille sacerdotibus adhibitis confessus est quia contra virum Dei male cogitaverit, et ob hoc periculoso timore percussus sit. Quanta vero formido illum seu passio arripuerit, satis probavi, eundem penes me domi retinens aliquot diebus.

A Cujus curam cum egissem, et multipliciter salutem ejus quæritassem, concilio presbyterorum, qui pro eo laborabant, nec orationibus ei sanitatem restituere poterant, reduxi eum in civitatem Hiatuspolitam (*Regensburg*), ubi contigit illi hoc malum bonum. Ibi quoque ad pedes episcopi me humilians, cum vellem hominis ærumnam et meam exponere, vir Dei, necdum sibi causam pro qua veni aliquo hominum annuntiante, anticipavit quod dicere volui, dicens: «Surge, tace, scio quid velis.» Et conversus ad vicedomnum ait: «Frater Tagini, tolle aquam sacram juxta lectulum meum, ac sparge super hominem præ foribus cubiculi stantem.» Ipse autem contra ostium manu crucem pingens, nescio quid murmurabat; et sanatus est homo in illa hora.

— Vere, ait Ammonicius, malum conversum est in bonum. Nam non solum increpatione militis vindicata est injuria pontificis, sed insuper etiam ejusdem sanitate mirificata, nec non spiritus revelatione magnifica, declaratum est multis meritum tanti sacerdotis. Quem valde miror prænominatum vicedomnum adeo dilexisse, cum fuerit, ut audivi, iracundus ac supra modum severus, et ob id, pene omnibus qui in episcopio erant, exosus. Episcopus autem erat mansuetus et pius. — Certe, inquam, nec ipse erat sine severitate; alioquin minus observaret quod Apostolus dicit: «Argue, obsecra, increpa (104).» Virum autem quem dicis, ob severitatem, pluribus exosum, accepi strenuum fuisse ac ingeniosum. Qui propterea venerando antistiti exstitit charus, quia valde necessarius, et quia illum, si in aliquo reprehensibilis erat, per immutationem dexteræ Excelsi meliorandum, spiritu revelante, agnoverat. Is namque post obitum beati præsulis Wolfgangi, cui fideliter adhæsit, Henrico imperatori inter fidelissimos ministravit. Quo jubente apud Parthenopolim archiepiscopus factus, cum plurigena polleret probitate, magis claruit pia eleemosynarum dilapiditate, nec non humili corporis castitate et nihilominus laudabili vestitus mediocritate. Non enim verrebatur terram, sicuti multi facere solent, tunicis et pelliciis, magno pretio acquisitis, sed, quod usu mundano rarum est, forti tenore mentis, contentus ovium vestimentis, quotidie missas celebrare curavit, atque integrum Psalmodiæ sensum devotissime persolvere non cessavit. Cujus corpus anno videlicet septimo post resolutionem ipsius, integrum est inventum, gloria resurrectionis adeo in eo resplendente, ut astantes et intuentes valde mirarentur ejus nitorem atque incorruptionem, cum successoris illius vestimentis etiam consumpsit ossa tantummodo nuda remansisse viderentur. Vere memor Dominus dætorum suorum, quibus fideles suos consolatur dicens: «Et capillus de capite vestro non peribit (105).» Ecce qui omnia benefecit, ad corroborandum fidem in se cre-

(101) Hieron, *epist.* LXXXIX.(102) *I Cor.* IX.

(103) Hæc verba in ms. alia littera ascripta sunt.

(104) *II Tim.* VI.(105) *Luc.* XII.

dentium in quibusdam servis suis nunc ex parte A ostendit quod in generali resurrectione in omnibus pleniter perficiendum erit, tunc procul dubio, quando electus quilibet surrexerit, occurrens in virum perfectum in mensuram ætatis plenitudinis Christi (106). — Fateor, ait socius dialogi, qui mihi displicuit, placet; et quia, ubi Veritas talia ostendit, nemo qui sanum sapit per incredulitatem offendit. Sed jam tempus est ut revertaris, unde digressus es, et, ni fallor, narrationis ordo postulat ut plenus enarres in sequentibus vitam abbatis venerandi, quam in præcedentibus parum tetigisti. — Me ad obediendum, inquam, habes paratum, sed summopere implorandum est ejus auxilium qui in Evangelio dicit: « Sine me nihil potestis facere (107). » Illius ergo gratia nos præveniente atque comitante, bene procedit nostra oratio pariter et operatio, quæ me apte, quantalucunque est, in nomine Domini cupit prosperari.

« Igitur venerabilis Pater Ramuoldus commisso sibi regimine monasterii, quis ante hoc fuerit, satis in hujus administratione declaravit. Nam palæstra primum spiritali semetipsum exercens, ac deinde subditos virtutibus insudare assuefaciens, omnimodis conabatur facere et docere quæ noverat esse justa, sancta, pia et honesta. Unde et multi etiam nobiles, piis ejus actibus provocati sæculum reliquerunt, atque illius magisterio humiliter se subdiderunt. Inter quos, et cum quibus quæ gravitas illi, quæ continentia, quæ puritas, quæ largitas in eleemosynis, quæ custodia humilitatis, qui sumptus ingenii fuerint, non est mæ possibilitatis per totum enarrare et uti dignum est prædicare. Censerem quippe eruditissimis et disertissimis viris relinquendam totam molem ac dignitatem materiæ, nisi scirem pauperis devotionem Deo non esse despicabilem; qua spe animus erigitur, et, quamvis tenuis ac rusticus, confidenter tamen currit stylus meus et calamus, gesta sanctorum scriptitans, quia regnum Dei non est in sermone, nec in eloquentiæ nitore, sed in opere et veritate (108). Præclaras et magnificas virtutes idem vir Dei, ut cœpi dicere, laudabiliter possedit, et viriliter excoluit. Tenorem atque matris virtutum, id est discretionis, tam ingenue suis omnibus præfixit ut hæc illi de supernis quasi de singulariter concessa videretur. Hac etenim virtute suffultus, principalibus quatuor sic usus est ut per prudentiam, ignavia hebetudinis abjecta, nequaquam ei e regione subreperet versutia. Justitiam quoque, juxta quod possibile est mortalibus, per omnia sic retinuit ut nec in plus justo modum excederet, neque in minus justo diu succumberet. Per temperantiam vero sic ligavit passibilitatem ut nullatenus desperet per insensibilitatem. Fortitudinis autem armis ita fruebatur, quo, per eam hoste superato et timiditate fugata, nusquam pro-

(106) *Ephes.* iv.
 (107) *Joan.* xv.
 (108) *I. Cor.* iv.
 (109) *Psal.* xxiv.

rumperet protervitatis audacia. His et talibus Pater venerandus in viam justitiæ directus, et in semitam mandatorum Dei, quam ipse voluit, deductus, dona S. Spiritus vasis virtutum septemplex infusa et distributa totis viribus venerabatur; nec non etiam sollicitus, tam pro se quam pro aliis, prudenter observat in omnibus, secundum Gregorianam sententiam, ne sapientia elevaret, ne intellectus, dum subtiliter curreret, aberraret, ne consilium, dum se multiplicaret, confunderet, ne fortitudo, dum fiduciam præberet, præcipitaret, ne scientia, dum nosset ac non diligeret, instaret, ne pietas dum extra rectitudinem se inclinaret, intorqueret, ne timor, dum plus justo trepidaret, in desperationis foveam mergeret. Hæc strictim, o Ammonici, veluti majora charismata proposui, quibus erat præditus vir Dei. Nunc assumam alia, et paulo latius edisseram quædam minora, minoribus ad imitandum satis magna, quorum ille propectu exercitatus, cum esset statura pusillus, sed scientia et pietate magnus, per ascensum arboris virtutum quotidie meruit videre Jesum. De quo cum Psalmista dicere potuit: « Oculi mei semper ad Dominum, quoniam ipse evellet de laqueo pedes meos (109). »

Ad hæc infert Ammonicus: « Valde me delectant orsa quæ de homine Dei lepidè sunt prolata. Ecce audio Zachæum et non publicanum, quamvis et Jesus cum publicanis et peccatoribus manducaverit (110); audio spiritalem patrem, audio virum magnorum operum, quæ licet pauci sint, qui perfecte imitentur, tamen sunt perplures, qui Dominum ejus sanctis venerentur. Ergo velox esto in dictando et scribendo, et imitare Psalmographum dicentem. « Lingua mea calamus scribæ velociter scribentis (111). » Desidero enim gesta illius audire, quem in corpore positum non merui videre.

— Esto patiens, inquam, et discretus; desiderio quidem tuo satisfacere conabor. Vere ut ex parte præmissi, membrum Christi fuit venerabilissimus abbas Ramuoldus, cujus membra inhabitator cordis illius, Spiritus scilicet almus, in ipsa decrepita ætate, adeo reddidit jocunda et decora, nec non quadam veneratione digna, ut pene contra naturam in agilitate et puritate septennis pueri gratiam præstare viderentur. Quod inusitatum si aliquando aliqua occasione contigerit in ullo mortalium, non est fidelibus nisi in sanctis et electis notandum. Transfiguratur enim se Satanæ in angelum lucis (112), quem perfecti vix devitare poterunt vel superare. Contra quem Dei vir militiam strenue agens christianam inter cætera bonæ consuetudinis officia, post frequens et utile silentium, blandum habebat eloquium. Quo in divinis rebus erat ei sermo copiosus; in humanis quidem brevis non otiosus. Habitus quoque illius mediocris fuit, et absque simulatione monasticus

(110) *Matth.* ix.
 (111) *Psal.* xliv.
 (112) *II Cor.* xxi.

Victus vero tantillus, ut non superabundaret, sed A refectioni sufficere posset. In hoc sæpe exstitit sibimet ipsi parcus, cæteris autem dapsilis et largus. Post cibum sustentaculo corporis necessarium, quando verba solent abundare, pro mille passuum deambulatione, exercebatur in psalmodia seu lectione. Maximam autem curam habuit circa pauperes Christi. Unde et in refectione quotidiana, pauperum quinquaginta, exceptis duodecim et tribus, quibus fratres ministrabant, quinquagenariam excolens misericordiam, remissionem eodem numero consecratam promereri satagebat, apud ipsum misericordiæ, fontem, qui dicit in Evangelio: Beati misericordes, quoniam ipsi misericordiam consequentur (113). Iste homo cupiens nimis opere implere quod scriptum est: « Dale B eleemosynam, et omnia munda sunt vobis (114). » Quæ sibi utpote seni et infirmo ad refocillandum corpusculum parum delicatius præparari iusserat, frequenter in usus pauperum converterat. Interdum et ipse aliquantulum ex eis ob humilitatem simul et necessitatem degustans, cætera divisit inter pauperes et infirmos, qui, debilitate et nimia ægrotatione præpediti, ad ecclesiam occurrere non poterant, ubi eleemosynam accipere debuerant. Hoc opus sibi percharum injunxerat cuidam familiari et fideli, cui speciale ob id præstitit beneficium ut per totam civitatem circumcursans diligenter investigaret eos in quibus Christus vestiretur et pascere- tur. Mensa illius, secundum regulam Benedicti, semper erat cum hospitibus et peregrinis. O virum laudabilem, qui totus in misericordiæ viscera effusus, Christum in minimis suis colligere, pascere et vestire curavit! Nec ab his operibus unquam pertæsus cessavit. Vestimenta quoque et alimenta, manibus aliorum, quibus hanc operam commisit, aliquoties pauperibus dari permisit; ipse vero marsupium secum portans, unde propriis manibus nummos et obulos egenis et peregrinis tempore opportuno erogaret, sacellarius eorum appellari et esse non erubuit, certus quod et Christus, secundum promissionem suam, eum non erubescat coram angelis Dei. Res ergo, quibus ad portam monasterii adventantibus debuerat ministrari, ante se minoratas atque subtractas, suis temporibus ita melioravit et ampliavit ut ad exhibenda humanitatis officia, usque in hodiernum diem, ibi satis sit compendiosum ex una parte xenodochium, ex altera parte miserorum venerabile nosocomium. Unde et ob frequentiam pauperum, consolationem ab eo quotidie accipientium, vocitatus est Pater peregrinorum, viduarum, orphanorum. Pro quorum benigna susceptione, nec non multiplici revelatione, quis est qui dubitet hunc senem venerandum cum ovibus a dextris collocandum? Quibus Rex sedens in sede majestatis suæ di-

cet: « Venite, benedicti Patris mei, percipite regnum, quod vobis paratum est ab origine mundi. Esurivi, et dedistis mihi manducare. Sitivi, et dedistis mihi bibere. Hospes fui, et collegistis me; nudus, et operuistis me. Infirmus fui, et visitastis me. In carcere eram, et venistis ad me (115). » Horum particeps ut fieret, secundum Apostolum, qui sine intermissione orare jubet (116), cum Psalmo-grapho iste vir Dei incessanter oravit, dicens: Participem me fac, Deus, omnium timentium te, et custodientium mandata tua (117). His a me dictis ac scriptis, Ammonicus movit questionem dicens: Testimonium de Apostolo sumptum, quo continetur sine intermissione orandum, etsi credibile, velut quod subnixum est apostolica auctoritate, multis tamen videtur impossibile, atque modum humanum excedere. Dicunt enim: Quis est mortalium qui cæteris omissis quæ sunt agenda, sine intermissione possit orare? Quid mirum, inquam, si cæcitas ignorantie se illis offuderit, qui nolunt intendere lumen divini sermonis, nos adhortantis: « Scrutamini Scripturas (118), » et invenietis in eis. De quibus alibi dicitur: « Non omnes capiunt verbum, sed quibus datum est (119). » Porro in sacra Scriptura simpliciores quique, si quærent, invenirent quæ sufficienter eos pascant; prudentiores vero habent in ea quæ mirerentur, et in quibus se exerceant. Quos Psalmo-graphus designat, dicens: Ipsi viderunt opera Domini et mirabilia ejus in profundo (120). Unde et per quemdam sapientem (121), eadem Scriptura satis congrue comparatur fluvio, in quo agnus ambulat et elephas natat. De cujus fluvii quippe fluentis, hoc est sanæ doctrinæ imbutamentis, qui acceperit trinam cum unitate mensuram, id est, fidei sacræ mysteria et alia salutis donaria, primis, mediis et ultimis multipliciter ab uno dicerit fonte distributa, sentiet hoc quod infirmitati humanæ videtur impossibile ex divino adjutorio esse possibile; alioquin, si neque est possibile, nec erit credibile, et cogimur Apostolum arguere, utpote qui hoc fidelibus agendum præceperit quod ipse non faceret, nec ullo modo fieri posset. Hujus itaque erroris involutio sive deceptio longe sit a nobis et omnibus Christianis. Dicamus ergo quod fides recipit Christiana. Quia omni homini Deo famulanti quidquid recte fecerit pro oratione deputabimur; verbi gratia, cum tu corporis curam necessario egeris, pro te orabit eleemosyna, seu cæterarum rerum administratio justa; si vero non est unde tribuas, sufficiat bona voluntas. Quem ergo pro Paulo orasse credis, o Ammonici, quando regnum Dei prædicans tota die, sermonem protraxit pene usque in mediam noctem (122)? Ammonicus: Justitiam ac misericordiam. » Et ego: « Recte judicasti. Sic enim opera

(113) *Matth. v.*
 (114) *Luc. xi.*
 (115) *Matth. xxiii.*
 (116) *I Thess. v.*
 (117) *Psal. cxviii.*

(118) *Joan. v.*
 (119) *Matth. xix.*
 (120) *Psal. cvi.*
 (121) *S. GREG. epist. in Job cap. iv.*
 (122) *Act. xx.*

justitiæ et misericordiæ probantur sine intermissione pro fidelibus orare, juxta hoc, quod idem Apostolus alibi testatur dicens: « Ipse spiritus pro nobis interpellat gemitibus inenarrabilibus (123). » Quod non dicam sic accipiendum quo spiritus gemat; sed quia, quos orantes, pariter et gementes faciat. » « Fateor, inquit Ammonicius, mihi satisfactum esse in absoluteione quæstionis propositæ. Sed desiderium audiendi præclara et utilia, morarum impatiens postulat ut quæ adhuc dilectio tua, de viro Dei dicere habet, celeriter proferas, et sic ad alia strenuus cum salute, me comite, tendas. » « Fiat, inquam, si possibile est, ut a me cursim scribatur, quod a te tantopere desideratur. Imo fiat voluntas Dei omnipotentis, ut fragilitas humana, abjectis hic quæ vanescunt, B velit et valeat quæ vere bona dicuntur et sunt.

« Horum siquidem affectionibus valde necessariis ardentem irhians, suis temporibus venerabilissimus abbas Ramuoldus, cum ex dono S. Spiritus non solum in rebus interioribus Patrem se spiritalem exhiberet Christi cultoribus, verum etiam in exterioribus dispensator existeret prudentissimus, utpote qui per ornatum Ecclesiæ, nec non monasterii, necessariam suppellectilem ac multiplicem variarum rerum administrationem, seniles annos quodammodo juvenescere fecerit; et de thesauro sapientiæ nova cum veteribus protulerit (124), juxta hoc quod tota præsens vita tentationibus est plena, sæpe tentatus, et per plura probatus; demum tam gravem sub vitio pituitæ vel C scotomiæ incidit tentationem, quo cæteris membris officia sua sat vivide gerentibus, oculorum suorum penitus amiserit lumen. Cujus ad tempus tristem defectum ac afflictionis asperitatem confectum, quam patienter vir Dei sustinuerit, quibusdam personis in sui præsentia super hac re quærentibus, etiam et lacrymantibus, verbis hujusmodi patefecit: Cesset homo deslere pro defectivi luminis amissione, quod semper manentis certitudinem habet in spe, ex veridica Salvatoris promissione. Cæci non sumus, qui oculos per fidem jam illuminatos habemus (125). Cæcus autem est, et in tenebris manet, qui fidem quæ illuminat minime habet. Unde et ambulantes in fide valde indignum videtur usum præsentis luminis magni pendere; quod eis cum muscis ac vilissimis animantibus, etiam serpentibus, existit commune: Ergo libet totis viribus intendere in eum qui dicit: « ego sum lux mundi: qui sequitur me, non ambulat in tenebris, sed habebit lumen vite (127). » Qui si placuerit, lumen corporis, quod dedit et abstulit, facile reddet ac præsentabit; quod si facere noluerit, absque murmure benedicendus erit, et ut rex justitiæ semper timendus (128), atque ut Pater misericordiarum ac totius consolationis (129)

tota mente et tota virtute diligendus. His dictis et auditis, non illo quo paulo ante, sed alio genere cœperunt manare lacrymæ, tanto uberiores quanto utiliores. Recordabantur enim, tam ex Pauli sententia quàm ex probabili viri Dei patientia, in infirmitate virtutem certissime perfici (130). Quod et postea in venerabili sene virtus divina elementer simul et potenter dignata est declarare. Nam cum ferme biennium in percussione cæcitatæ cæcus videns explevisset, quadam nocte discurrens inter altaria, ut ante solebat, frequens venipeta [al. vænipeta], labori sacro vigilanter insistebat, nec sætati decrepitæ prius parcere volebat quam per spiritum gratiam Dei adesse cognoscebat. Tum ante sanctam crucem prostratus, nec non lacrymis et oratione satis humiliatus, corporis fatigatione quasi requiem poscente, imo Domino, qui non dormit neque dormitat (131), opus suum clarificare volente, soporatus est subito, corpore non mente. Et ecce imago crucifixi Domini nostri Jesu Christi visa est illi descendere de cruce et venire usque ad se; quæ stans coram eo, utraque manu, sicut visum est ei, candelas ardentes de candelabro, super gradus cominus posito, tulit et in oculos senis violenter infixit. Qui primum ob Dominicæ descensum iconiæ non parvum sustinens pondus agonis, dein per ignem advertens præclarum quiddam designari, atque per lumen sentiens tenebras fugari, surrexit lacrymis ac sudore perfusus, et e vestigio convertens oculos in pristinos usus, cepit secum mirari, simul et altius eum interiori homine scrutari quid sibi vellet quod post tanti temporis luminum a multis desperatum receperat visum. Cumque in brevi super hujuscemodi re ratio satisfaceret homini, et homo rationi, tunc oris officio conjubilante cum cordis hospitio, magnifice gratias egit Deo, qui servum suum ita dignatus est visitare ut et in castigatione corporali sibi esset correctio, et oculorum ejus revelatione ad sancta vel honesta multorum provocaretur affectio. Cujus rei gratia quo tenacius bonorum haberetur in memoria, homo Dei jussit inter cætera miraculorum signa, sive indicia, oculares circulos suspendi in ecclesia, quæ beati Emmerammi martyris corpore sacro dotata et meritis, nec non aliorum patrociniis prædita sanctorum, cælesti specula mortalibus demissa beneficia solet ministrare quam plurima. Ob quorum salutarem collationem ac frequentem de hac venientis famæ volitationem, hic locus gaudet adventantium se receptare multitudinem. E quibus alii, qui languorum varietate gravantur, per viscera misericordiæ Dei nostri revelati, alii pro aliis necessitatibus dum exaudiuntur eadem misericordia consolati, voce et corde, pro communi omnium commoditate gratias clamant salutis Auctori. Unde et nos qui hæc scribi-

(123) Rom. viii.

(124) Matth. xiii.

(125) In ms. aliena littera.

(126) Matth. xiii, Joan. viii, xii.

(127) Joan viii.

(128) Dan. iii.

(129) II Cor. i.

(130) II Cor. xii.

(131) Isa. v.

mus et legimus, atque inter nos de talibus rationando sermonem sepe conferimus, non solum super his quæ hic præ oculis et manibus habentur, verum etiam super universis donis ac beneficiis illius pari voto laudem demus Deo. »

Ammoniticus.

« Equum esse novimus ut creatura Creatori deserviat, atque, juxta Apostolum, in omnibus gratias agat (132). Quod et libenter pro modulo nostro amplectimur, primum præceptis Dominicis ac apostolicis parendo, dein charitatis tuæ et aliorum sanis exhortationibus assentiendo. Sed hoc animos quorundam perturbat fidelium; quia multi existunt mortalium, qui vix in prosperis Deum laudant, in contrariis vero atque adversis non tantum non laudant, imo, quod deterius est, vituperant sive blasphemant, dicentes quidquid acciderit contra votum opus esse diabolicum. »

Collectivus.

« Quia multi multa incaute ac mendaciter loquuntur, idcirco variis errorum decipulis periculosissime implicantur. Quorum involutiones qui cupiunt devitare, cum Paulo insipientes sapienter debent sufferre (133), donec multitudo reproborum nihil minuens gloriæ filiorum Dei, ad nihilum redigatur, id est, in infernum tradatur, et paucitas electorum in cælis nominatim scripta collocetur, cum multitudine angelorum, æternaliter gavisura, Christamque in regno suo semper visura, per eum, in eis completo numero angelici ordinis qui cecidit, quando archangelus per superbiam cum suis sequacibus apostatavit. »

Ammoniticus.

« Me quorundam perturbationem quærente super insipientium vesana temeritate, non solum qualiter sint tolerandi brevi versiculo exposuisti, sed etiam insuper terribilem extremæ examinationis invehendo sententiam, atque sanctorum gloriam commemorando magnificam, hunc eundem versiculum effecisti magis auctoritate divini sermonis ponderosum quam prolixitate morosum. Nunc ergo competens est, quatenus, his remotis qui nobis ob induratum sui stoliditatem esse solent labori potius quam usui, stylum ad eos convertas qui tota virtute conabantur vias bonas ambulare, et Creatorem in omnibus operibus suis optime noverint laudare. Quorum gesta, quibus iter sæculi præsentis triverint, quia te dictante jam sunt ex parte commendata memoriæ postulata charitas, nec non laboris tui utilitas, quo deinceps haud pigrites, cudendo percurrere ubi, quando, vel quomodo de hac vita migraverint, et in quibus locis corpora illorum collocata sint, quæque indicia sanctitatis eorum post mortem clauerint. »

Collectivus.

« Quod de sanotis viris, nec non eorum virtutibus

A miris hactenus scripsi et adhuc scripturus sum, non parvum parvitati meæ incutit timorem, quia ego cognosco me peccatorem, et quia valde indignum videtur ut peccator aut injustus, rem scribendo sancti et justî, materiam sibi vindictæ operis ardui. Sub hac re consolationem porrigit, timiditati meæ clementia illius qui pro peccatis nostris mortuus est, justus pro injustis. Cui quodammodo ministrat, qui ministrorum ejus memoriam ad laudem et gloriam nominis ipsius diffundit ac prædicat. Unde et ego animatus nec non contra otiositatis torporem armatus jubeo fiducialiter stylum arare propositiones charitatis tuæ. »

Ammoniticus.

B « Dilectionis operationem qui dat, ipse remunerat. Proinde tu spem ponens maecte in adjutorio miserationis divinæ, perge viam alacris postulata narrationis. »

Collectivus.

« Pergam libens ipsum mihi adesse omnimodis cupiens.

« Igitur post multa pietatis et æquitatis opera, quibus Deo servire studebat, quibusque Ecclesiam sibi commissam regebat, sæpe nominatus sæpiusque nominandus venerabilis præsul Wolfgangus cum Ratisbonæ constitutus, rerum necessaria mutatione poscente, in orientalem hujus provinciæ regionem iter suum pararet, febricitare cepit. Quam corporis molestiam vir Dei non solum vigiliis et orationibus animæ suæ fecit esse proficuum, sed etiam elemosinis opus et decus adaugens bonæ voluntatis, totum quod habere potuit per manus pauperum in gazophylacium Christi transmisit; sicutque partes Orientis pertracturus, illi qui nescit occasum, vitæ suæ sedulis precibus commendavit excursus. Cumque per Danubiî decursus ventum esset in publi ad locum qui dicitur Puppinga (134), ultra iter tendere non valebat, quia tempus resolutionis instabat; ibi enim, superna se visitante gratia, cognovit cito fore complenda quæ sibi per visionem longe antea fuerant revelata. »

Ammoniticus.

D « Cujus rei revelationem acceperit, et ubi, aut quando, sive per quem eam didicerit, admone, ne silentio suprimas, sed charitati fraternæ luculenter edisseras. »

Collectivus.

« Bicam scribamve hoc breviter, etsi non leviter, quia cauma æstivale facit ex valetudine me dolere. Quodam atqui tempore cum in Alamannia positus vir Dei, peregerit proficiscendi voluntatem haberet, beatissimum Christi confessorem, Otmarum, cui se suaque frequentissime commendabat, sibi in somnis astare videbat. Quem jussus intendere, ab eo hujusmodi accepit verba: Quia rogatus a te rogavi Dominum pro te, in quo sum exauditus, manifesto

(132) I Thes. v
(133) II Cor. xii.

(134) Puppung, non longe ab Efferding in Austria
WARTZ.

nunc tibi futurorum prænuntius. Pauper et inops de hac provincia egredieris, sed in alia, in qua pro amore Domini exularis, episcopatum caducis rebus satis locupletem prædestinatione divina suscepturus eris. Cujus in administratione, si fidelem te exhibueris bonaque impertæsus seminaveris, juxta id quod scriptum est: Quæcunque seminat homo, hæc et metet (135); expletis viginti duobus annis, vitam transitoriam eris exiturus, et æternam ingressurus. Et hoc procul dubio scire te volo, quod animam Conditori redditurus es in loco ubi sub nomine Christi a Christianis memoria mea veneratur et colitur. Quo me in hora exitus tui de Ægypto hujus mundi spero adventurum cum cæteris, quos de exercitu Domini bonis meritis ad adiutandum obitum tuum, contra potestates aeras et spiritales nequitias in cælestibus (136), adsciveris et paraveris. His et talibus prolatis, in visione noctis, spiritus qui apparuit, evanesceus, virum venerabilem Wolfgangum dimisit ex parte lætificatum, et ex parte mœstificatum; lætificatum autem dixerim, non ob gloriosam sæculi, quæ colorata est in episcopalis dignitate fastigii, sed ob jucundam regni promissionem æterni; mœstificatum vero virum Dei scripserim, non ob brevitatem annorum huic vitæ concessorum; sed ob prolongationem terreni incolatus lacrymabilem, juxta illum versum Psalmographi: « Heu mihi! quia incolatus meus prolongatus est (137). »

Ammonicus.

« Quæ sint potestates aeræ, et quomodo spiritales nequitias possent esse in cælestibus, cum celestia nulla unquam inhabitet nequitia, solet a nonnullis inquiri; unde et oportet exponi. »

Collectivus.

« Hæc de quibus quæstio non sunt mea, sed beati Pauli apostoli verba. Unde et eos qui nesciunt aeris spatia nuncupari celestia, et in eis ignorant apostatas angelos versari, et propterea de apostolicis dubitare solent dictis, mitto ad Epistolam beati Petri secundam, in qua de spatiis aëris, quæ cæli vocantur, diluvio primo perditis et secundo perdendis, fideles docet sic dicens: Latet illudores quod cæli erant prius et terra de aqua et per aquam, consistentes Dei verbo; per quæ ille tunc mundus inundatus periit. Cæli autem qui nunc sunt, de terra eodem verbo repositi sunt, igni servati in diem judicii et perditionis impiorum hominum (138). Et post pauca: Cæli ardentem solventur et elementa ignis ardore tabescent. Novos vero cælos et novam terram et promissa Domini expectamus, in quibus justitia habitat (139). De angelis quoque projectis, qui vagantur in cælis igne pereundis, quos Apostolus ærias potestates ac spiritales appellat nequitias; quorum tanta multitudo est in aere, id est in cælis inferioribus, ut cuidam sancto homini revelatum est ut si haberent corpora corporalibus nostris æqualia, splendorem

(135) *Gal. vi.*

(136) *Ephes. vi.*

(137) *Psal. cx.*

A solis interciperent mortalibus. Judas apostolus in epistola, quæ inter canonicas computatur, talem sententiam promittit hujusmodi: Angelos vero, qui non conservaverunt suum principatum, sed dereliquerunt suum domicilium, in judicium Dei magni, vinculis æternis sub caligine judicio Dominus reservabit. Ergo de quæstione proposita et apostolicis testimoniis congrue absoluta, nescio si quis dubitet. Ego non dubito; sed in inferno et in aere diabolum ac satellites ejus damnatos esse novi et scio; inde magis certus, quia ante aliquos annos in Pannonia constitutus, die quadam a tertia hora usque ad sextam diabolum vel draconem in aere suspensum vidi. Erat autem magnitudo ejus incredibilis, longitudo tanta, ut quasi unius miliarii spatio videretur esse protensus. Cujus caput cristatum, et instar montis elevatum, nec non corpus, juxta hoc quod Dominus ad beatum Job de Leviathan loquitur (140), squammis horribilibus compactum, et ceu parmis, vel scutis ferro munitis, tectum, in lateribus et in tergo quædam fuliginosa fœdabat nigredo; ventris quoque inversione et pariter corporis in qua solotenus jacere solebat, pallor subvenetus decolorabat, ad similitudinem sulphurei laris. Tractus vero, ac incurvationes atque extensiones ejus immanes, postremo, totius corporis motus et particularis et totus, atque ut breviter in id temporis adversantia concludam, omnia draconis molimina erant mortalibus, in quantum Deus permisit, noxia tantoque noxiora quanto proximiora. Nam cum tempus esset æstivale, utpote sexta feria hebdomadæ post Pentecosten secundæ, ex gelu quod draconi præ cæteris animantibus magis est naturale, adeo immutatus est aer ut et febris multos invaderet ac jumentorum non minimam partem frigus consumeret. Alas et crura vel pedes, quos pictores fingere solent, penitus nec habuit nec habere visus est, quippe cui squammæ et costæ sufficiunt pro deambulatione. Grossitudo pectoris erat parilis grossitudini capitis. Post hoc paulatim diminuebatur usque ad extrema caudæ, cujus extremitas pene adæquabat abietes magnas. Hunc tam ingentem hostem, aut diabolum aut diaboli amicum, nolens Dominus diutius terrere paupulum fidelium, subito fecit ab aquilone moveri et densitati nubium cum grandi impetu intermisceri. Quem cursu velocissimo super nos, et transeuntem vidimus, sibiloque ejus pariter cum fistularum stridore non sine metu audivimus, mox nubes quæ a mane usque in illam horam quasi stabant immobiles, in tantum commotæ et concitatæ sunt, ut tota illa die pariter et nocte non cessarent tonitrua seu coruscationes, imo perseverarent usque ad vesperam sequentis diei. »

Ammonicus.

« Nunquid in illo tempore recordatus es aliquid

(138) *II Petr. iii.*

(139) *Ibid.*

(140) *Job xli.*

horum quæ beatus Joannes in Apocalypsi sua de A dracone et bestia scribit ? »

Collectitius.

« Vere in memoriam venerunt hæc, maxime autem urgebat me recordatio Scripturæ ejusdem Apocalypsis, in qua continetur : Væ vobis, quia Draco venit ad vos cum ira magna, sciens quod modicum tempus habeat (141). Quamvis enim scirem per bestiam et draconem Antichristum et diabolium designari, et diem universalis judicii minime tunc instare, tamen ob insolitam rerum ostentationem turbatus cogitavi multa, et suspiravi timidus pro morte mea sive aliorum, qui mecum videbant ista terribilia. Tunc per divinæ respectum clementiæ restitutus in spem vivendi, primo gratias egi Deo omnipotenti qui nos liberavit de potestate diaboli ; deinde cœpi mecum volvere, seu mente tractare si unquam in legendo Scripturas scrutando talia invenerim, qualia me illo die contigit vidisse. Et inter cætera quæ animus percurrerat, redierunt in memoriam dicta et scripta beati Isidori episcopi (142), qui in libro Etymologiarum de natura draconis scribit in hunc modum : Draco major cunctorum serpentium, sive omnium animalium super terram ; hunc Græci draconta vocant. Unde et derivatum est in latinum, ut draco diceretur qui sæpe a speluncis abstractus fertur in aerem, concitaturque propter eum aer. Est autem cristatus, ore parvo et arctis fistulis, per quas trahit spiritum et linguam exerit ; vim autem non in dentibus, sed in cauda habet, et verbere potius quam ictu [*legend. rictu*] nocet. Innoxius est autem a venenis. Sed ideo huic ad mortem faciendam venena dicuntur non esse necessaria, quia si quem ligaverit, occidit. A quo nec elephas tutus est sui corporis magnitudine ; nam circa semitas delitescens per quas elephantas solito gradiuntur, crura eorum nodis illigat ac suffocatos perimit. Gignitur autem magis in Æthiopia et India in ipso incendio jugis æstus. »

Ammonicus.

« Credo sufficere ista vel a te visa, vel ab aliis dicta de draconis natura, seu de bestia hosti antiquo amica. Nunc ergo oportet ut revertaris unde digressus es. »

Collectitius.

« Quia tempus hoc simul et ratio poscit admonitionem tuam secutum iri meapte erit in voluntate, et si Dominus magnus voluerit, non sine humilitate (143). Igitur ut paulo ante dictando narrare cœpi, præsul venerandus, et multum a bonis vel fidelibus amandus, memor admonitionis quam olim acceperat per revelationem Christi confessoris, nec non pro certo sciens principem hujus mundi ad se venturum, et cum aeris potestatis mundi se pugnaturum, sed in misericordia Domini, in quo non ha-

buit quidquam, per suffragia sanctorum sperans animam suam humani generis inimicum superaturam, jussit in agone novissimo ut a fidelibus in oratorium portaretur, et ante altare beati. Otmari deponeretur. Quod cum factum esset, aliquantulum ex infirmitate convalescens, resedit ; et Orarium accipiens per confessionem primum se expiavit. Dein qui aderant pro fide, spe et charitate satis utiliter et luculenter commonefaciens eos ac omnes sibi commissos, et nihilominus obitum suum cum intimis suspiriis Deo et sanctis ejus commendavit, sicque viatico sumpto humotenus se humiliavit. Tunc æditui sive cubicularii ejicere tentabant universos de ecclesia, exceptis familiaribus ibi ex more commanentibus. Quos vir Dei prohibuit dicens : Reserate ostia, sinite omnes, qui hic manere velint, adesse resolutioni nostræ. Non enim nos, qui sumus mortales, erubescere debemus, nisi ex malis operibus, cum mortis debitum necessario exsolverimus, quandoquidem Christus, qui nihil morti debebat, ferme nudus mori non erubuit in cruce pro generis humani salute. Aspiciat quisque in morte nostra quod paveat et non caveat in sua. Deus misereri dignetur et mihi misero peccatori mortem nunc patienti, et cuique eam timide ac humiliter aspicienti. Hæc cum dixisset, reverenter expiravit. Mox adventi archiepiscopus (144) bonæ memoriæ, Hartwicus, et Arbo comes quidam ex numero fidelium fidelissimus, viroque Dei inter laicos charissimus. Hos quoque illo venturos nocte præterita spiritu prædoctus venerabilis præsul Wolfgangus innotuit quibusdam, post longa silentia, et corporis relaxata molestia, astantes terrens, ac sic subito inquiring : Mundate domum, purgate atria, hodie venient nobis boni hospites. Et ut credatis mihi quia verum dico, hoc vobis erit signum ex ore meo : Navis, in qua ferebantur bona dominici Hartwici archipontificis et Arboni optimi comitis, naufragium atque jacturam in Danubio perpessa est ; sed per misericordiam Dei, homines salvi facti sunt, et ipsi domini mox post obitum meum vobis erunt adventuri. Quid multa ? completis his, quæ dicta sunt, a beato Wolgango, corpus ejus comitatum ab archiepiscopo et a populo fidelium copioso est religiose translatum, nec non die a transitu illius septimo in civitatem Ratisbonam allatum. Ubi cum præsul beatus apud Sanctum Petrum esset susceptus, ac vigiliarum missarumque celebrationibus Deo, cui famulabatur, foret commendatus, in basilica beati Stephani protomartyris, ut vivens præceperat, pontificalibus infulis, in quibus consecratus erat, induebatur, juxta hoc quod scriptum est : Induam te mutatoriis (145). Ibi ut audivi a quodam presbytero sene ac religioso, qui eum paramentis amiciebat, ad manifestandum tanti pontificis meritum, non tantum odor malus aberat, sed etiam bonus aderat ; secundum quod Apostolus

(141) Apoc. xii.

(142) L. xii Orig., cap. 4.

(143) Hæcin ms. erant alia minore littera ascripta.

(144) Salsburgensis, WAITZ.

(145) Zach. iii.

ait : Bonus odor Deo sumus in omni loco, aliis ad vitam, aliis ad mortem (146). Tunc cum magna reverentia sustollentes corpus beati viri, transportabant illud ad ecclesiam Christi martyris Emmerammi, cujus honorem, dum vixerat, intimo affectu summoque studio colebat. Qua missarum solemnibus et exsequiarum officiis (147) rite peractis, octava luce a pridie Kalendarum Novembrium, in quibus ille excessit de medio, magnifice et honorifice, sepultus est parte australi basilicæ Sancti Emmerammi in ordine pontificum duodecimo, satis congrue numero sacro in tali viro definito, in quo Dominus miraculis et signis potenter post manifestavit, quia hunc cum principibus populi sui collocavit (148).

Ammonicus.

« Nunc ergo, quia virum Dei in numero episcoporum posuisti duodenario, ut mihi videtur, conveniens est ut qui ante eum hanc Ecclesiam rexerit, nominatim edisseras, et quos habuerit successores, huic operi ex compendio innectas. Delectantur quidem nonnulli lectione hujusmodi. »

Collectivus.

« Non habetur certum quis primus in illo loco plantator fuerit divinarum plantationum (149). Sed tamen, ut potero, dilectioni tuæ obtemperabo. Igitur sicut ecclesiasticarum testantur scripta donationum et traditionum, hæc sedes habuit episcopos, Primum (150), temporibus (151) Romanorum venerabilem virum, cum cæteris non parvi numeri episcopis, quorum certa præsulatus regimina legimus, nomina vero invenire non potuimus, dein sub tempore regum Francorum, nec non ducum Norricorum quemdam religiosum Ecclesiæ ministrum nomine Lupum et successorem ejus nuncupatum, Ratharium, ante ordinationem illam, videlicet beati Bonifacii Moguntii archiepiscopi, quam ille in Norico, ex auctoritate apostolicæ sedis, juxta instituta canonum exercuit sive disposuit. Postea vero præfuerunt hi quorum nomina subsequuntur. In primis præfuit dominus Gaubaldus, vir sanctus et religiosus, sub quo corpus B. Emmerammi vere martyris et episcopi translatum est de loco in quo positum fuerat quando ab Ascheim huc transportatum erat. Post hunc Sintpertus cathedram pontificalem cum regimine ecclesiastico suscepit, qui B. Emmerammo basilicam novam amplioribus spatiis, et propensiore sumptu construxit, atque ornavit. Quem per ordinem sequebantur, Adalvi-

(146) II Cor. II.

(147) Alia littera ad marginem.

(148) Psal. cxlii.

(149) Quis primus episcopus fuerit Ratisbonæ ignoratur. *Basn.*

(150) Hæc omnia ad marginem minori littera notata sunt. *Basn.*

(151) De antiquitate ecclesiæ Ratisponensis pugnant auctores. Ad fabulas confugiunt qui sub Romanis plurimos episcopos in ea civitate resensent indicti eorum nominibus; nec magis certa produnt qui Paulinum primum hujus civitatis presulem faciunt, cui successit, secundum Arnolfum, Lupus.

A nus, Baturicus, Erchanfridus; his succedebat Embricho, homo venerabilis ætate ac merito, ut comperimus chronicorum scripto veridico. Tum episcopatus Ratisbonensis Asperto provenit, cui successit vlr magnæ mansuetudinis et pietatis nomine Tuto, clarus ingenio; ts habuit successores, Isangrimum, Guntharim, et Michaellem. Post hoc rexit hanc Ecclesiam B. Wolfgangus, quem subsequuti sunt ordine vicis suæ, Gebhardus, et item Gebhardus, quibus Orno successit, tertius Gebhardus frater imperatoris, valde præeminens et nobilitate generis et fastigio pontificalis honoris. Ab illo autem, qui, Lupus vocabulo, pastor officio pascebat oves Christicolæ sub duce qui dictus est Diets, usque ad istum, qui nunc Ecclesiam regit,

B fuerunt omnes episcopi hujus sedis decem et septem. Hos pius Princeps pastorum collocare dignetur in regno cælorum, et nos peccatores in multitudine suarum miserationum, non dedignetur efficere participes æternarum salvationum. »

Ammonicus.

« Amen. Nunc tempusest ut stylum convertas ad miracula quæ ad sepulcrum beati Wolfgangi episcopi et confessoris dignata est gratia Omnipotentis operari, qui in sanctis ejus semper est gloriosus et mirabilis. Hæc quoque scribere te oportet, vel ob hoc maxime quia sunt nonnulli qui quosdam electos minime credunt esse in numero sanctorum, nisi ad eorum sepulera prodigia viderint et signa. »

Collectivus.

« Novi et scio quia tibi obsequendo multorum moribus deservio; ideo dilectionem tuam præcedentem per admonitionem paratus sum subsequi per præsentem descriptionem. »

Quidam homo cæcitate multatus, ob id valde contristatus, ut ad sepulcrum B. Wolfgangi accessit, et ibi cum lacrymis preces fudit, recepto visu, exauditum se gratulatus, et inde oppido lætificatus Deo ac sancto pontifici gratias egit, sicque comite salute proprios lares revisit.

Alio quoque tempore muliercula quædam subsæpe recuperandæ salutis deportata est a suis in ecclesiam B. Emmerammi martyris ac pontificis, in qua dum ante altaria rependo petitione sedula sanctorum efflagitasset suffragia, tandem ex labore seu ægritudine fatigata, secus tumbam Christi confessoris Wolfgangi resedit humi. Cumque misella corpore

Alii Rudbertum, postea Emmerannum, Erhardum, hanc volunt Ecclesiam rexisse: cum tamen fixas apud eam sedes non habuerint, sed potius aliquoties ibi diversarentur ut populos ad fidem adducerent. Quamquam Rudbertus ibi fuisset episcopus, non inde ullum antiquitatis momentum accederet ecclesiæ Ratisponensi, cum sæculo octavo vixerit quemadmodum ad ejus vitam sumus probaturi. Evidentius multo primum fuisse Ratisponensem episcopum Gaubaldum, qui a Bonifacio Moguntio suscepit ordines: post hunc numeratur Sintpertus, qui Bavaricæ conventui apud Dingolfingam habito anno 772 subscripsit. *Basn.*

ac mente inclinatis, venerandi pontificis adjuvari se optaret precibus et meritis, subito lateris contractio, et cæterorum nodosa membrorum alligatio est soluta, et nihilominus tam vehementer disrupta ut sanguinis effusio diffunderet in pavimento. Tunc mulier, primùm exterrita, præ timore cœpit clamare, dein exsilens grates reddidit salvatrici sanctæ Trinitatis omnipotentis, atque sanctorum sanctitatis impetratrici clementis. Itaque sibi restituta de salutiferis ecclesiæ domiciliis repedavit ad sua. Post hæc ad quos hujus rei cura pertinebat, scammellum, quo illa paupercula totis viribus innixa reperere pbius quam deambulare solebat, ad gloriam nominis divini, et ob memoriam tanti signi, super fores ecclesiæ suspendebant.

Quadam die [al., Dominico] homunculo pauper-
culus, et, ut veridica relatione didici, Ravennan-
tis episcopi elemosynarius, gratia orandi venit in
ecclesiam B. Emmerami. Is, dum frequenti ora-
tione se liberari sanctorum meritis postularet ab
inhærente sibi diu membrorum debilitate, demum
decubuit in loco qui beati Wolfgangi dotatus si-
mul atque ditatus est corpore sacro. Ibi feliciter
soporatus, quemdam virum statura procerum, et
canitie venerandum astare vidit, qui ad eum
dixit: Ut quid tu hic aut cujus rei gratia huc ad-
venisti? Cui ille respondit: Domine, propterea
miser huc veni ut saner a languoribus quibus
jam per plures annos laboravi detentus. At vene-
rabilis heros, virga pastoralis quam manu gestare
videbatur tangens ægrotum, ac officiis membro-
rum destitutum miserabiliter, inquit: Ecce sanabe-
ris in nomine sanctæ Trinitatis. Tunc, qui jacebat
quasi mortuus, per merita præsulis reverendi, a
summo ægritudinis excitatus, repente exsilivit et
præ stupore sive tripudio clamans, in quantum
potuit, Deum sanctosque illius et ipse laudavit, et
alios ad laudandum provocavit.

« Hæc itaque tria capitula, ob memoriam vene-
randi episcopi in nomine sanctæ Trinitatis de-
scripta, pro testimonio duorum vel trium testium
sufficere credo his qui non superbo oculo et insa-
tiabili corde contradicere tentant nomini trino pa-
riter et divino. Insuper spero ejusdem sancti me-
ritum viri, superna revelante, et nihilominus coo-
perante gratia, manifestum adhuc et abundantius
declaratum iri, nec non in Domino plenius a nobis
sive ab aliis laudatum iri. »

Ammonitio.

« Omnium fidelium spes non solum æquo, sed
etiam necessario ponitur et figitur in omnipotente
Domino qui in tantum misericordiæ suæ unguen-
ta diffundit ut nec ab ingratis beneficia sua sub-
trahere velit. Cujus laus in sanctorum memoria,
usque in finem sæculi conferatissima debet recipere
incrementa, secundum hoc quod Psalmista in
centesimo quadragesimo quarto psalmo dicit:
Confiteantur tibi, Domine, omnia opera tua, et
sancti tui benedicant tibi. Gloriam regni tui dicent,

et potentiam tuam loquentur. Proinde et tu viriliter assume dialogum inter duos conferendum, et scribito venerabilem virum Ramuoldum, quandoque scripseris beatum Wolfgangum, summa devotione commendans fideli memoriæ, qualiter laudabilis dualitas tanti antistitis et abbatis, dilectione Dei et proximi comitante, cum fide et charitate, illuc pervenerit, ubi sancta Trinitas perpetually imperat nec non indivisa divinitatis unitas cum sanctis et electis æternaliter regnat. »

Collectivus.

« Amen, fiat voluntas Domini in salute generis humani, et in paupercula descriptione hujus opusculi, sicque suum stylus agat officium, ut per id obedientiæ, Deo pareatur acceptabile sacrificium.

« Post obitum atque beati Wolfgangi pontificis, scilicet servi Dei cunctipotentis, Ramuoldus egregie memoriæ abbas, in regimine monasterii seu procuratione cœnobii, per tentationes varias adversitates perpessus est multas. Quæ in tantum excreverunt ut, sub primo (152) Gebehardo sedis hujus episcopo famulus Dei apud tertium Ottonem imperatorem, quorundam detractionibus simul et accusationibus infamaretur. Unde ad id ventum est quo iisdem princeps credendo quod non credere debuit, de religione viri Dei dubius factus et anceps, dum ad sanctum Emmerammum, more imperatorum, veniret, et exacerbatis animis, nec alloqui eum, nec oculos in illum convertere vellet. Cumque ab eo oratum esset in secretario altaris, coram eo qui fecit machinam cœli, terræ ac maris, accessit ad eum despoton quidam symmysta ejus nomine Heribertus, tunc forte capellanus, postea vero Coloniensis episcopus. Is ex consulto ad eum dixit: Domine, non oportet vos indignari contra virum Dei. Ad hæc imperator inquit: Cum scriptum sit: Principem populi tui ne maledixeris (153), scio quia non convenit hominem Dei mihi detrahere sive maledicere; præsertim cum et ego illi nihil unquam fecerim quod sit dignum maledictione. Tunc dominus Heribertus bonus et fidelis consiliarius, respondit: Si principatus imperii gestit, sicut et debet in præsentia vestri venerandum abbatem, coram sancta congregatione, super hac re interrogate, et ita, utrum vera an falsa sint quæ illi objiciuntur, probari. Credo in Deum, et spero quod tam venerabilem senem et senectutis maturitas, ac divinitus concessa sapientia et humilitas nunquam permiserint dixisse quæ ab inimicis dicta sunt de eo, vel ficta. Tum imperator remittens animum, ad divinæ dispensationis nutum, secum assumptis dilectoribus paucis [paucis] intravit claustrum humilis et mitis. Ibi videns venerabilem Patrem cum fratribus humotenus prostratum, expavit et dixit: Grande malum fecit mihi, qui ex legatione Gebehardi episcopi ea referendo indidit auribus meis, quibus me improvidum commoveret adversus abbatem istum et sibi commissum sancto-

(152) Alia littera ad marginem.

(153) *Exod.* xxii; *Act.* xxiii.

rum collegium. Scio quidem quod vitæ meæ parva non est agenda pœnitentia pro ista falsitatis credulitate incauta. Nunc ergo, quia peccata mea nudaverunt vestigia vestra, obsecro, recalceate vos, et sic redite ad nos. Quo celeriter facto, cum fratribus venerabilis heros Ramuoldus egressus, fiducialiter locutus est ad principem dicens: Novimus quippe quia quod habetis imperium desuper est datum atque constitutum, et quia cui Deus benedixerit, benedictus sit. Hujus quoque rei, quia per totum non fuimus insipidi, imo adhuc sumus ex parte scioli, unde parvitati meæ tanta temeritas, ut ego vilis homulus, mensuram meam plenitus oblitus, auderem celsitudini vestræ maledicere, quam Rex regum et Dominus dominorum jam dignam fecit sua benedictione! Quocumque ergo iudicio majestati vestræ placuerit, paratus sum me ex objecto purgare, nec non cunctis astipulatione veritatis pro hac re satisfacere. Imperator autem responsum deliberans, huiusmodi verba proponit: Sicut veritate delectamur, ita e contrario falsiloquiis exacerbamur, unde iudicium Dei censemus superexaltandum iudicio mortalium, qui facile fallunt et falluntur. Malo quidem credere bona de bonis quam mala de perversis. Nec enim quemquam decet temere quidquam credere a quoquam. Unde et verbotenus tuapte prolata objecti excusatio est mihi a tanto viro permagna satisfactio, qua modo æque ut alterius generis evidenti placatus iudicio, senior o dilecte Deo, spiritali allocutione pariter et admonitione tui in aliquo secreto (154) loco, cupio *conveniri seu* (155) consolari, et onus regni, quod indignus accepi, desidero per eum relevari qui dicit in Isaia propheta: Computrescit jugum a facie olei (156). »

Ammonicus.

« Hoc est, quod per prophetam dicitur: Erubescite, Sidon, dixit mare (157). Ecce nos, qui iure præpositis per omnia debemus humiliari, sæpe ob verba fraternæ admonitionis, superbix stimulis, ad iracundiam provocati, contra patres et fratres indecenter et supra modum solemus commoveri; et e contrario sæcularis persona, non solum officiose in fascibus constituta, sed etiam principaliter imperiali fastigio sublimata, assumpto schemate humilitatis, confundit superbiam dejectricem archangeli et matrem diaboli. Quid hac humilitate bona voluntas operatur, nisi ut superbia nostra arguatur, et iustitia quodammodo nos conveniat, et ad cor nostrum verba huiusmodi intromittat? Erubescite, Sidon, dixit mare, id est, confundere negligens monache, sive sanctimonialis, dicit fidelis etsi sæcularis, quia monachorum summam virtutem, hoc est, humilitatem abiecasti, et maximum vitium, id est, superbiam tibi pertina-

(154) Alia littera in ms.

(155) Alia manu in ms.

(156) *Isa. xxiii.*

(157) *Isa. xxiii.*

(158) *I Petr. v.*

(159) *Matth. xxiii.*

« citer usurpasti. Quod pessimum et omnium peccatorum mordacissimum tenaculum, provide cavebit sive superabit quicumque implere studuerit quod Apostolus dicit: Humiliamini sub potente manu Dei, ut vos exaltet in tempore visitationis (158). »

Collectivus.

« Huic testimonio sacræ lectionis optime competit quod Veritas in Evangelio dicit: Qui se exaltat humiliabitur, et qui se humiliat, exaltabitur (159). Quæ dicta veridica, utpote quidem sancta et Evangelica insinuant, aliis pro exaltatione tremendum, aliis pro humilitate gaudendum. Sed cum in multis offendamus omnes (160), superbi sunt tolerandi, et per fraternas admonitiones assidue visitandi, ut quod superbe delinquant per humilitatis immutationem possit correctum iri. Est enim periculosum valde superbiam cordi hominis quæsi proprio nido insidere. Proinde humiliter petendum est a fidelibus, ut tam pestiferam dominam a nobis et ab omnibus Christianis avertere dignetur misericordia Dei omnipotentis. »

Ammonicus.

« Fiat, fiat, secundum verbum tuum, ut per totum mundum cadat hoc pestiferum vitium. »

Collectivus.

« Nunc ergo eos, quos mordaciter admonitionum tua notavit negligentiarum et vitii vitiorum, liceat his quæ subsequuntur placare. Imperator igitur gloriosus prænominatus et sæpe nominandus, Otto III, in multis religiosus, cum abbate venerando intravit ecclesiam Sancti Benedicti ad famulitiam divina multipliciter addicti. Qua oppido humiliatus, et per Confessionis medicinam consternatus, inter duo altaria sub specie geminæ dilectionis constituta, ac in honore ejusdem venerabilissimi Patris, et præclari martyris Christi Kiliani consecrata, jussus a spiritali patre, velut servulus vilissimus in humili tripedica coram eo sedit, humilitate comitatus optima matre. Ibi audivit multa quæ solent opera destruere stulta, nec non alia plura, quæ corda stolidorum accipere abnuunt cervice prædura. Demum per conversationem alter factus, et per admonitionem hominis Dei intime tactus, gratiam Dei sibi adesse sensit, quæ compunctionem largissimam illi contulit, qua exterior homo interiori homini non solum (161) subtilissime concordavit sed etiam utilissime (162). Cumque hæc fragilitati humanæ in id temporis satisfaceret, foras egressus, ad suos dixit. Vere Spiritus sanctus locutus est per os viri istius. Hodie in sermone illius probavi verum esse illud Salomonis: Verba sapientum quasi clavi in altum defixi (163).

« Mandatum quippe divinum certissime suis observatoribus (164) reddit liberum animum. Cumque

(160) *Jac. iii.*

(161) In ms. alia littera.

(162) In ms. alia littera.

(163) *Eccle. xii.*

(164) Alia littera.

Cæsarem diligenter intuerentur ejus familiares, A admirati sunt super immutatione vultus ejus dicentes : Domine, quid tibi contigit, quod adeo perfusus et lacrymis et sudore? Quibus ille respondit : Nolite mirari quod sim ulus ex sudore, sed quia vivo præ timore. Nunquam me contingat talem quæstionem incidere, nisi pro animæ meæ salute. In isto sancto seniore comperi manifeste quantus honor debeat exhiberi servis electis Dei. Post hæc jussit episcopum Ratisbonensem ad se accersiri. Et stans ante altare Sancti Emmerammi, sub interminatione ad eum dixit : Cave ne ultra, me vivente, quidquam mali facias abbati hujus cœnobii et fratribus, Deo sanctoque Emmerammo hic famulantibus. Sint tibi tua ad episcopatum jure pertinentia; monachorum bona maneat illis valata sub omnium bonorum tutela. Quacunque ergo die prævaricatus fueris in his quæ præsens hausisti auribus tuis, procul dubio scito, sive divinitus sive humanitus, pro malo tanti piaculi tecum duriter ac acerbiter actitatum iri. Dein conversus imperator ad abbatem et fratres, pietate solita valedicens illis, ait : Interius et exterius vos ita conservare dignetur miserator et misericors Dominus, ut in orationibus vestris non solum positus memores esse nostri, sed et totius populi Christiani. Quo dicto, psalmis et canticis Domino commendatus piissimus Augustus, ex more præcedente sancta et crucifera imperiali lancea, exivit de civitate ista, petiturus Italiam, nec non aditurus potentissimam urbem Romanam, quam C quidam vocitare solent mundi dominam vel rerum maximam. »

Ammonicus.

« Unde hoc ut hæc terrena civitas rerum nominetur maxima, cum amplissima civitas Dei, quam ipse per vivos et electos lapides (165) cœpit construere ab initio mundi, jure dicatur orbis domina vel rerum maxima? Pro rei etenim hujus veritate, quo non dubitet homo in sua fragilitate ex secretario suo per Salomonem Sapientia clamitans. et omnipotentiam suam propalans, dicit : In omni populo primatum tenui, superborum et sublimium colla propria virtute calcavi (166). Oportet ergo, ut mihi videtur, quo præsens dialogus, evidenti ratione, simplicitati fraternæ satisfaciatur super hac D quæstione. »

Collectivus.

« Putabam satisfactum esse omnibus, per illud famosissimum B. Augustini opus, quo abundantissime disputat De Civitate Dei, cui contraria est civitas diaboli, quam per superbiam erectam ipse Rex regum quotidie dejecit et minuit; et econtrario per humilitatis spiritum exaltat suam, a bonis inchoatam, et in bonis finiendam, secundum quod

- (165) *I Petr.* II.
- (166) *Eccli.* XXIV.
- (167) *Psal.* CXLVII.
- (168) *Joan.* I.
- (169) *Isa.* XIII; *Jerem.* LI.
- (170) *Genes.* XI.

A scriptum est : Ponet Dominus terminos ejus pacem (167), filiis quoque hominum dans potestatem filios Dei fieri, qui non ex sanguinibus neque ex voluntate carnis, sed ex Deo nati sunt (168). Sed quia charitatem tuam id avide video expetere, ut in hoc opusculo per parvitatem meam aliquid inde disseatur, faciam et ego pro modulo meo, et si non ut volo, tamen sicut poterō. Igitur a constitutione mundi, civitas Dei controversiam habuit cum civitate diaboli, cujus pars non minima fuit Babylon illa quæ dicebatur gentium inclyta (169), in quam olim confusum est labium universæ terræ (170), ob superbiam scilicet, plusquam altitudine centum viginti cubitorum erectam. Hanc Christus in civitate sua, id est, in Hierusalem, cujus participatio ejus in idipsum (171), die Pentecostes evidentissime stravit, atque suorum humilitatem potentissime exaltans declaravit. Illa enim de Spiritus sanctus repentino sonitu super discipulos veniens, et in linguis igneis visibiliter illis apprens, collegio centum viginti fratrum in uno cœnaculo sub amore benigni Jesu congregatorum, cum copia cœlestis benedictionis contulit adunationem linguarum (172), quibus per universum orbem prædicarent et testificarentur Dominicum triumphum, quo diabolus victus, et catenis malitiæ suæ constrictus, per totum mundum gemit et ululat apostatam civitatem, quondam per superbiam suam elevatam, modo per humilitatem Christi discipulorum dejectam, imo totam gentem Christianam clypeo divinæ munitionis disqueritur protectam. Hinc certissime probabitur quod civitas Dei semper crescit, et civitas diaboli in æternum decrescit. Hujus itaque civitas, quæ ad diabolum pertinet, antiquis temporibus haud parva portio erat Roma, per idololatriam a diabolo possessa. Quæ priusquam Christum est confessa, et sub nomine ejus martyria multa perpessa (dictu mirabile, sed revera probabile) per eum transmutata qui de lapidibus potens est suscitare filios Abrahæ (173), sociata est cœlesti hierarchiæ; et quæ antea nimium dedita fuit idolorum culturæ, nunc tripudiat se dotatam esse Christi fide, ac multiplici veneratione sanctorum. Vere fideles in hac civitate considerant impletum esse quod Apostolus dicit : Quia ubi abundavit iniquitas, superabundavit gratia (174). Ecce illa Babylon antiqua, quæ, suadente superbia, quondam arbitrabatur se totius mundi principatum posse obtinere, jacet deserta, draconibus et malis bestiis referta. Hæc autem, id est Roma, eo quod et ipsa olim sequeretur diabolicum errorem et omnium malorum confusionem, ut beatus Petrus testatur, sortita Babylonis nomen (175), et ob potentiam imperii tunc vocata domina mundi; sed postea per eundem Apostolum et per successores illius humiliata, sub potentia Christi, ex civitate

- (171) *Psal.* CXXI.
- (172) *Act.* II.
- (173) *Matth.* III.
- (174) *Rom.* V.
- (175) *I Petr.* V.

diaboli facta est civitas Dei; quæ in tantum excrevit in divino cultu ut, pro ruinis murorum et veterum fanorum, surgant quotidie innumera ædificia ecclesiarum sive monasteriorum. E quorum incredibili numero, ut audivi a quodam sene, qui se dixit nutritum fuisse in eadem civitate, viginti possidentur a sanctimonialibus, quadraginta a monachis, sexaginta a canonicis, exceptis his quæ extra civitatem sunt, et aliis ecclesiis sive capellis quæ in Urbe abundant. Age jam, frater, qui stomacharis contra eos qui dicunt Romam rerum maximam. Attende, si potes, quæ dignitas illi acciderit, ex die qua Petrus, extra portam civitatis Romanæ, vidit sibi Christum occurrere, ubi et adoravit eum, dicens: Domine, quo vadis? Et dixit Dominus: Venio Romam iterum crucifigi. Locus ille quidem, ubi crucifixus est Christus in Petro, sive Petrus pro Christo, nec non ubi Paulus decollatus est pro Capite summo, dignus est omnigena veneratione, sub illius videlicet dilectione qui ad salutem fidelium tanta sanxit ineffabili sua miseratione. Quid mirum igitur si illa civitas rerum maxima dicatur, quam ipse rerum Conditor ita dignatus est visitare ut membra sua præcipua ibi clarificare vellet gloriosissima passione!

« Ecce nos, qui unum martyrem beatissimum scilicet Emmerammum, Deo donante, patronum habemus, pro memoria sanctorum jocundamus et gaudemus, quanto magis illi quos Deus, qui dives est in omnes (176), ditavit corporibus tot martyrum, et, ut ita dicam, pretiosissimis et clarissimis pignoribus cælorum? Quid multa? Deo gratias, quia cecidit Babylon (177) in Roma. In qua sub confessione nominis Christi gente surgente novella, super immutatione sui oppido mirata, dicit cum Psalmista: Hæc est mutatio dexteræ Excelsi (178). Hanc siquidem urbem quasi intuentes undique collectæ plurimæ gentes assumunt verba sacræ Scripturæ et dicunt: Omnipotens Roma, gloriosa dicta sunt de te, quia civitas Dei (179) es facta. Per caput omnium honorum, quod est Christus, qui regnat in ævum, sub apostolorum prædicatione ac martyrum testificatione in te confracta sunt capita Draconis, et est datus esca populis multis, juxta quod Psalmographus Dominum laudans in consilio sanctorum ait: Tu confragisti capita Draconis; dedisti eum escam populis Æthiopum (180). »

Ammonicus.

« Quia mihi sub persona concionatoris quæstionem moventi, luculente ratione satisfacisti, nunc restat ut secundum nomen tuum, o Collectiti, quæ post hinc colligenda sint, diligenter subscribantur. Utilitas enim legentium poscit exponi versiculum Psalmistæ quem proposuisti. Nam incredibile pene omnibus videtur quod homines possint et debeant Draconem comedere. »

- (176) *Ephes. ii.*
 (177) *Isa. xxi.*
 (178) *Psal. lxxvi.*
 (179) *Psal. lxxxvi.*

Collectitius.

« Mos est sacræ Scripturæ ut per schemata et species varias ordinet sententias. Harum una dicitur metaphora, id est, transformatio, per quam sermo divinus dicit Draconem edendum ab hominibus, sed hæc comestio nihil aliud intelligitur quam consummatio et annullatio. Sicut enim cibus et esca dentibus molitur et teritur, et ita in nihilum redigitur, sic quoque Draco, id est diabolicus, virtute Christi contritus, ab Ecclesiis ejus potenter calcatur, sive annullatur, ut ipse Salvator ad discipulos suos in Evangelio suo ait: Ecce dedi vobis potestatem calcandi super serpentes et scorpiones, et super omnem virtutem inimici (181). »

Ammonicus.

« Grates Deo, quia morigeratus es infirmati meæ, sive necessitati fraternæ, etiam in hujusce quæstionis absolutione. Enimvero jam tempus et ratio exigit ut, his in congruo loco dimissis, redeas ad historiam Ramuoldi, venerandi abbati ac amantissimi Patris. »

Collectitius.

« Post quinquennium quoque Imperialis exitus de civitate Hiatsopolitana, cujus nos incolæ sumus, languore diuturno B. abbas Ramuoldus, viribus corporis cœpit destitui, spiritaliter gaudens interiorum hominem per hanc infirmitatem institui, secundum Apostolum videlicet dicentem: Quando infirmor, tunc fortior sum et potens (182). Hac quidem carnis infirmitate perductus est ad novissimam præsentis vitæ lucem. Qua die venerabilis heros, erigens se de lectulo quem jam per continuos quatuordecim dies præ valetudine non poterat deserere, tunica sancti propositi amictus, et per spiritalem medicinam, aliquantisper de febre revelatus, oratio accepto et agmine fratrum collecto, resedit in medio, ac potenti sermone usus est in hunc modum: Deus Pater magna dilectione atque magno consilio misit Unigenitum suum ad salvificandum genus humanum. Unde et per Prophetam magni consilii Angelus (183) est prænominatus. Qui, cum per divinam potentiam nos posset eripere de potestate diaboli, noluit ea per nudum uti ad redemptionem generis humani, ob justitiam, scilicet sanctæ Trinitati maxime propriam, sed ineffabili sua misericordia hominem, quem cum anima suscepit incarnatus de Virgine, obtulit Patri, suspensus in cruce, Deo reconcilians mundum per sacrosanctum sanguinem suum, hunc etiam in forma humilitatis opponens hosti antiquo, quem ille se jactabat superasse, nequissimo superbis homicidio. Christum etenim in ligno crucis, usquead mortem factus est obediens voluntati Patris; cujus ad mortem factus est primi hominis vulnifica inobedientia. Hanc virtutem, fratres, obedientiam, qua Christus patravit humane

- (180) *Psal. lxxiii.*
 (181) *Luc. x.*
 (182) *II Cor. xii.*
 (183) *Isa. lix.*

redemptionis elegantem continentiam summa devotione diligite, sectamini, amate. Sanctam Trinitatem, quæ nos condidit ad imaginem et similitudinem suam, intellectu, memoria et voluntate, diligentissima timoris et amoris veneratione laudate. Æmulamini igitur mente devota, secundum Apostolum, majora charismata (184), et illud Salomonium cordetenus ruminare : Deum time, et mandata ejus observa ; hoc est omnis homo (185). En ego ætate decrepitus, in fide quoque catholicus, et ut verum fatear, in virtute quæ huic fidei suppeditare debet permodicus, die vocationis instante, viam ingrediore universæ carnis, sperans me venturum ad gaudia patriæ cœlestis per eum qui est Liberator mirabilis in miserationibus suis multis. Vos autem in Christo viscera mea hunc Patrem diligite, cujus paternitas in numero filiorum corporibus collocare potest animas vestras. Et hoc vobis futurorum signum quam prolatum per me indignum : quia in loco isto multa passuri estis adversa post discessum meum, quibus in tantum exacerbabimini ut etiam loco cedere compellamini. Verum tantæ tempestatis commotio cito sedabitur divino solatio. Unde consilium do ut unusquisque vestrum festinet huc reverti in professionis locum, ubi *desiduo audiat vel* (186) exerceat harmoniam spiritualium vocum. De cætero vero in hoc nunc conclusionem fraternæ admonitionis finem facio, quo ita calliditatem serpentis, quæ minor est inter brutes, habere studeatis, ne auream humilitatem columbinæ simplicitatis, quæ major est, per incautelam amittatis. Sed omnimodis hoc assumatis quod Christus in Evangelio suo discipulis præcepit, dicens : Estote prudentes sicut serpentes et simplices sicut columbæ (187). Tum summa humilitate inter abbatem et fratres, alterna facta confessione nec non e cœllis petita seu imprecata per necessaria peccatorum indulgentia, intimis quasi cœlum tangens suspiriis, venerabilis heros, primum summo Pastori commendat gregem sibi commissum, deinde fratribus, jam præ lacrymis ac singultibus vix fari valentibus, valedicens, ait : Abite, fratres charissimi, et præparate vos ad celebrandum divinum officium, atque summa festinantia concurrite ad complendum ex more ordinem sacrum ; et hoc ultimum senis memoriale pro benedictione habetote : In nomine Domini, salus omnium nostri. Cumque omnes communiter dicerent, Amen, atque exirent mœsti, a sancto *Spiritu vere* (188) parauleto quesituri solamen, vir Dei per spiritum præsentiens animam de corpore celeriter dissolvi, jussit se ab his qui aderant in oratorium cellæ suæ proximum portari, et inter duo altaria deponi ; conversus quidem caput ad aram sancti Patris Benedicti, pedes vero ad altare sancti Killiani martyris Christi. In cujus nomine, utpote in omnium salutis omine, spem

A sua ponens firmissime, præcepit ibi missas celebrari, et Dominicæ passionis memoriam intentissime agi. Qua peracta cum ventum esset ad communionem, ipse vir Dei ut accepit corporis et sanguinis Domini eucharistiam, mox ad æternam patriam ex ergastulo carnis emisit animam, ita in agone novissimo manus extensas juxta caput tenens ut ante in oratione facere solebat. Tunc religiosi seniores, Gotahardus, scilicet abbas monasterii Altahensis, atque Adalpertus Pater cœnobii Sewensis, cum fratribus cæteris accurrentes, Deoque hymnos ac laudes devota mente solventes, spiritum patris cum orationibus commendare satagebant Omnipotentis gratiæ miserationibus. Quibus rite officioseque finitis, hi quorum corda præ cæteris visitare dignata est inspiratio divina vocem cum fide attollentes dixerunt : Domine, uti speramus, iste tuus homo haud nequidquam in præsentem sæculo consummavit tot annos vitæ suæ concessos, quem hodie centenarium per vocationem tuam magis miramur quam dolemus de medio exemptum.

« Certe lex numerorum calculatoris artis monet peritum, quod per tricenarium numerum in sinistra manu proponat legitime licitum jugalitatibus osculum. Dein suggerit ut eadem in læva per sexagenarium assumat claram viduitatis pressuram. Tertio exigit quatenus centenarii conclusionem sive perfectionem quærens, transeat in dexteram, et ibi pingat coronam, quæ significat inestimabilem virginitatis gloriam ac lauream regni cœlestis æternam. Hujus quoque numeri nequaquam dignus est sublimitate, qui confoditur Salomonice inventionis dilectionis diligenter examinanda subtilitate, quæ stultum sic denotat, dicens : Maledictus puer centum annorum (189). Quod omnimodis cavens hic tuus dilectus, cujus corpusolum jam defunctum circumstantes funeriis obsequiis procuramus, omnibus vitæ suæ in illorum numero gestiebat inveniri quos consignat ille *in signis* (190) tui versus Psalmographi : Cum sancto sanctus eris, et cum electo electus eris (191). Unde sicuti credunt tui fideles, a te, qui dives es in omnes, pro centenaria perfectione jam donatus est apud te cœlesti benedictione. Libet ergo nosmet servulos tuos, oppetitione recenti hujus nostri senioris dilecti luctuose consternatos, in tui sancti nominis confessione pariter et consolatione ob infirmitatem, videlicet humanæ fragilitatis relevandam, aliquantulum requiescere, et nihilominus in fervore laudis almæ Trinitatis hominem exteriorum placet conalescere. Gloria tibi, Trinitas, æqualis una Deitas, et ante omnia sæcula, et nunc et perpetuum. »

Ammonicus.

« Amen. Ecce constat manifeste virum Dei exem-

(184) *I Cor.* xii.

(185) *Eccle.* xii.

(186) Alia littera.

(187) *Matth.* x.

(188) Alia littera.

(189) *Isa.* lxxv.

(190) Alia littera.

(191) *Psal.* xvii.

plo majorum vitam virtutibus refertam in hoc A sæculo duxisse, quem tam veneranter contigit inter mortales coicum [χοϊκόν] exuisse. Hinc etiam conjiciendum aestimo quia is, quod gloriolam sæculi hic vivendo, in quantum potuit, declinare curavit, moriendo, seu hominem exuendo (192), illud semper manentis gloriæ introivit gaudium inefabile, quod secundum Apostolum : Nec auris audivit, nec in cor hominis ascendit, quæ præparavit Dominus his qui diligunt illum (193). Cui maximæ consolationis evidenti testimonio concordat David fidelis dicens Domino : Quam magna multitudo dulcedinis tuæ, Domine, quam abscondisti timentibus te (194). Et post pauca : Abscondes eos in abscondito faciei tuæ a conturbatione hominum (195). Unde et tu, o Collectiti, protectus B a contradictione linguarum in tabernaculo Domini, perge viam regiam, ut cœpisti, perscripturus clarissimam vitam hominis Dei. »

Collectitiis.

« Placet, fateor, o Ammonici, quia me post mortem hominis Dei vitam illius præscribere adhortaris. Hoc enim firmiter tenet Lex, pariter et spes fidei Christianæ, quod sancti, scilicet electi, cum carnaliter mortui fuerint mundo, vere ac spiritaliter incipient vivere Deo. Unde et ad eorum mortua ossa crebrescunt miracula, nec non innumera mortalibus per ipsorum pias intercessionem præstantur beneficia. Horum quoque commoda, quam luculenter ad tumbam istius confessoris, de quo nobis est sermo, e cœlis ministrata sint, C post pauca breviter edicam, quo minus protelem charitatem fraternam, ad hæc ad alia percipienda non modice avidam. Enimvero fama evolitante virum Dei oppetiisse, ex industria credentem apud Deum illum vixisse, in id rata ministratio rerum processit ut sub festinatione, ad exsequias tanti Patris concurreretur a multis, cum summa devotione cordis. Inter quos erat Henricus hypatos tunc forte principatum tenens super populos Noricos et Karinthios (196), post paucos vero annos rex futurus non solum Germaniæ sive Galliæ, sed etiam imperator totius Italiæ, atque Augustus Cæsar civitatis Romanæ. Is, assumpto secum Gobehardo episcopo, qui antea sancto viro ex parte contrarius fuit, sed tum teste lacrymarum fonte, D immutatus mente advenit, servo Dei in sepultura humiliter obsequendo se servum præbuit summo humili dominorum Domino. Nam, in unum congregatis et ad funus pii abbatis officiose concinentibus pene omnibus Ratisbonæ Deo servientibus, ipse princeps propriis humeris non erubuit feretrum portare, nec non accuratius sepulcrum parare. Demum introivit fossam sepulcri, et ipse clausit arcem, quæ jam suscepit corpus viri Dei, ac sibi clavieulam ejusdem arcæ pro pignore cha-

(192) *I Cor. xv.*

(193) *I Cor. ii.*

(194) *Psal. xxx.*

(195) *Ibid.*

(196) *Alia littera.*

(197) *Psal. lxxvii.*

rissimo elegit, et nihilominus postea in fascibus constitutus regni, eandem semper secum velut insigne triumphi reservavit sive retinuit. »

Ammonicius.

« Haud absque admiratione sciscitari potero utrum hæc ex præcepto et voluntate viri Dei facta sint, an casu ita contigerunt. Nam raro factum audivi ut quis sepulturæ traditus in arca clauderetur seris munita. »

Collectitiis.

« Non est mirum si homo simplex super hujuscemodi reculis miretur, cum David rex et propheta, cui sapientiæ occulta sunt divinitus manifestata, super virtute sacramentorum cœlestium miraretur dicens : Mirabilis Deus in sanctis suis, Deus Israel, ipse dabit virtutem (197). Cujus pervalidæ summo donante particeps factus beatus Pater Ramuoldus in firmitudine fidei catholice, sciens Petram Christum, modum salvasse per lignum, sarcophago lapideo jussit *arcellare vel sepulcræ* (198) scrinium immitti ligneum, ob memoriam quippe passionis Dominicæ corio rubicundo vestitum ; quod post defuncti condendum susciperet corpusculum, ea videlicet spe ut quem ipse, dum *in præsentia* (199) vixerat, de eodem scrinio in pauperum grege quotiæ solebat pascere atque vestire, non dedignaretur se in numero electorum omnipotenti sua misericordia resuscitare et in sinu æternæ beatitudinis collocare. His ergo pauculis verbis, o Ammonici, si minime satisfactum esse arbitraris tuæ admirationi simul et sciscitationi, recurre, quæso, ad id quod Scriptura dicit : Nihil in terris fit sine causa (200). Quod in sanctorum gestis potissimum debet notari, et verissime potest probari. Nam quod beatissimus abbas Ramuoldus ad tempus *compulsus* est Ratisbonense cœnobium deserere, ac Treverense repetere, causa exstitit civile bellum, quod erat inter Henricum ducem et Perchtolfum marchicomitem, atque inter cæteros optimates principis *Ottonis tum civitatem Ratisbonensem obsidentis* (201). Quod sedato et quasi innuente beato Emmerammo, *per loci sui provisorem repeditum iri* (202), senior venerandus a Treverica civitate Hiatsopolim est reversus ; inde secum transferens multas sanctorum reliquias. Harum quoque salutaris allatio exstitit causa cryptæ apud Sanctum Emmerammum ædificatæ. Cujus ædificatio, per virum Dei satis artificiose ordinata, trifariam nec non quadrifariam speciem intuentibus exhibet. Et quia hujus operis auctor sanctam dilexerit Trinitatem, atque quatuor Evangeliorum firmiter tenuerit fidem, quasi quodam testimonio credibile perhibet. Columnæ vero quæ eandem crypticam ecclesiam sustentant, dualitate sua geminam dilectionem, Dei scilicet et

(198) *Alia littera in ms.*

(199) *Alia littera in ms.*

(200) *Job. v.*

(201) *Alia littera in ms.*

(202) *Alia littera.*

proximi, pulcherrime compingunt. Quinque autem altaria, in quibus totidem pyxides collocatæ cum reliquiis quas prænominatus heros de Lotharingia transtulit, quinque librorum Moysis principalem observantiam in memoria monent teneri, et in quinque sensibus corporis hortantur quinariam prudentiam semper haberi. Sextum quidem altare, quod dicitur ad pedes, senarii perfectione denuntiât omnia concludi. In hac ergo tam typifera basilica, a beato Wolfgango in honore sanctæ et individuæ Trinitatis et omnium sanctorum dedicata, venerabilimus Pater Ramuoldus, in sepulchro quod sibi ante quindecim annos jam paraverat, in australi latere ejusdem cryptæ, secus altare B. Gregorii papæ est depositus, atque magnifice sepultus, astante pariter et psallente clericorum ordine, et nihilominus concinente monachorum grege, nec non virginum sive sanctimonialium trina concione, animam tanti Patris summo Patri commendante. Post hæc, o Ammonici, ad temperandum miraculum claustrum vel claviculæ tanto a principe ob humilitatem arreptæ, seu ob religionem abreptæ, satisfactionalem unum sacræ Scripturæ versiculum, charitati tuæ, meapte placet subnectere. Sic enim dicit Dominus, ad quemdam electum suum: In illo die suscipiam te servum meum, et ponam te sicut signaculum in conspectu meo, quoniam elegi te (203). »

Ammonicus.

« Pigmenta cum teruntur, in meliorem visum convertuntur, ita et tu cum per quæstionem provocatus fueris, in dictando et in scribendo, tibi et proximo utilior eris. Ecce dum parvam conatus es absolvere quæstiunculam, non solum grandem promovisti sententiam, sed etiam agilitate divinitus concessa, adeo eam fecisti festivam ut lapides quodammodo cogeres esse loquaces. Proinde quod nunc restat, erit strenue agendum, pedibusque charitatis *hoc iter* (204) tuapte incedendum, id est, ut miraculum, quod perduxisti ad propheticum signaculum, sequantur miracula et signa, quibus *post mortem* (205) probetur hominis Dei vita. »

Collectivus.

« Paratus sum, Domino concedente, secundum petitionem tuam facere, quandoquidem et ipsum me scio tibi antea spondisse. »

« Quidam homo venit ad sanctum Emmeramum petiturus suffragia sanctorum. Is, quia erat dæmone possessus, coram omnibus nimium est fatigatus. Tunc fratres, qualem Patrem noviter sepelissent recordantes, fecerunt hominem duci, imo trahi in cryptam, viri Dei corpore dotatam. Ubi diu volutatus et a possessore *plusquam male discerptus* cœpit *stridere et cum fremitu* (206) clamare, nec non cum conviciis *maledicendo* (207) perstreperare dicens: Væ tibi, Rantolt, quia Domino meo multa mala fecisti et per te sui juris

multum perdidit. Ob hoc etiam die noctuque laborasti ut illi injuriam faceres, et Deo tuo quoscunque posses colligeres. Ac super hæc omnia modo me incendis, et magnam vim ingeris. Cumque sub hujuscemodi angoribus dæmon caput miseri hominis pavimento tam valide imprimeret ut eum pene mortem obire compelleret, accurrentes qui aderant levaverunt eum, et traxerunt ad tumbam confessoris Christi. Ibi quoque, ut illum, viribus diaboli periculose renitentem, vix compulerunt caput inclinare ac super sepulcrum ponere, gratia Dei liberatus est. Quo signo lætificati, qui per compassionem prius erant mæstificati, gratias Redemptori retulerunt magnificas, non tantum per hoc, quia homo a potestate diaboli est ereptus, quantum pro eo quod per præsens maginale revelatum est cujus meriti sit Pater qui ibi nuper sepultus fuerit.

« More solito peregrinis et civibus ad festivitatem sancti Emmerammi undique confluentibus, inter cæteros qui accurrerant muliercula quædam, oculorum privata lumine, advenit, quæ tempore nocturno felicem cryptam intravit, et ad sepulcrum confessoris Christi Ramuoldi adoravit, ac preces cum lacrymis fudit. Tunc omnipotens Dominus, volens famulum suum clarificare inter mortales per ineffabile numen, illi quæ cæca fuerat reddidit lumen. Mulier autem surgens vocavit maritum suum in aurem illi dicens: Domine, Deo gratias, quia visum recepi. Quo non credente, et illa econtrario certa signa monstrante, infit: Silentio factum opprimere debes, quia clanculum tibi et agendum, ut ante lucem egrediamur de civitate; clericus enim sum, et ideo erubescio in tanta multitudine tecum consistere. Cumque tenebrarum consilio consentiens femina recenter illuminata, cum clerico sine cautela repedaret ad propria extemplo per incommodum sibi valde aliena est cæcitate percussa. »

Ammonicus.

« Hæc res in memoriam perduxit quod decem leprosis a Domino mundatis, nec non decimo ad gratificandum reverso ipse in Evangelio dicit: Nonne decem mundati sunt, et novem ubi sunt? Non est inventus qui rediret, et daret gloriam Deo, nisi hic alienigena? Cui mox Evangelista subjungit: Et is erat Samaritanus (208). Inde liquido patet quoniam qui animam suam custodit, ac iniquitatem odit Samaritanici vocabuli, non erit expers et officii. Ergo tu, o Collectici, quia post tristitiam induxisti lætitiâ, et huic denuo subjunxisti mæstitiam, competens est quo si Dominus tam gravi infortunio aliquod remedium in id temporis contulerit, charitas tua, jure dialogi, ocius explanet. »

Collectivus.

« Redemptoris nostri gratia remediorum nescit

(203) *Agge* II.
(204) *Alia littera.*
(205) *Alia littera.*

(206) *Alia littera.*
(207) *Alia littera.*
(208) *Luc. XVII.*

carere copia. In cujus plenitudine confias, mulier prædicta, sub spe luminis percipiendi iterum Ratisbonam devenit; et accedens ad locum sepulchri, ubi antea magna sensit beneficia, per confessionem primum se coram sacerdotibus expiavit, et quid illi acciderit manifeste retulit; dein solotenus prostrata, et nihilominus mente humiliata, nec non precibus Deo dilecti confessoris celeriter adjuncta, per fontem omnium bonorum recipere meruit male perditum lumen oculorum. Tunc gratias ingentes Deo retulerunt, tam ipsa quam et cæteri qui hæc audierant et viderant; sicque proprios lares unusquisque cum gaudio revisit, portans secum triplex miraculum, quo sancta Trinitas dignata est declarare pium abbatem Ramuoldum suum fuisse fidelissimum famulum, utpote qui se verum dilexerit Dominum.

« Alio quoque tempore, fama miraculorum citatæ venerunt duæ feminae ad sanctum Emmerammum, ambæ diabolica vexatione permiseræ quartam emundationem seu liberationem divina pietate a sanctorum charitate venerando Patri Ramuoldo concessam fuisse in hoc claruit evidentissime quod eadem mulierculæ, prius ad memorias aliorum sanctorum adductæ, nec redemptæ, post vero non uno eodemque sed (209) diverso tempore famosam cryptam ingressæ, et ad sepulchrum beati viri exorcisatæ per unum eundemque dominum a pessimo invasore sunt misericorditer liberatæ. Hujus rei testimonium perhibere solent fratres congregationis nostræ fideles, qui tunc forte aderant, et quod est mirabile dictu, viderant spiritum immundum de una femina exisse per nebulosam foeditatem de alia vero per scarabæi tetram deformitatem. Quid plura? nostrapte quippe ore dicendum, imo corde firmissime tenendum (210), Deo gratias. Quia his et talibus indiciiis, per clara electorum merita, a suis benedicitur Dominus, et uti dignum est a non suis confunditur ac repellitur diabolus, attestante Scriptura et dicente: Novit Dominus, qui sunt illius (211).

« Tempore quoddam, cum a Christicois hominibus, non solum de ipsa Ratisbonensium civitate, sed ex ejusdem suburbanis locis concurreretur ad ecclesiam Sancti Emmerammi martyris, in cæteris qui convenerant, mulier quædam accessit cum pignore miraculi recentis. Adhæsit enim illius manui fusus, florum tortione confertus. Quem cum nullatenus e vola divellere, nec ullo modo tam grande malum a se quiret repellere, anxia demum venit ad sepulchrum venerabilissimi Patris Ramuoldi. Ubi cum adoraret atque cum lacrymis preces funderet, sub spe salutis manum tremulam ut primum posuit super beati viri tumbam, mox per potentiam Dominicæ manus homo suam inde levavit sanus. Tunc qui fortuito huic facto intererant, nec non æditui qui accurrerant, gratias agentes Deo et beato viro, suspendendunt eundem fusum posteris ad magnale ostend-

(209) Alia littera.

(210) Alia littera in ms.

dendum in coronula, quæ super idem sepulchrum pendebat, argentea. Hoc signum ipsi nos vidimus, et manibus nostris palpavimus, et scimus quia verum est nostrum hac in parte testimonium, ac non ignoramus quia per hoc recens miraculum, sicut et per cætera sanationum beneficia. cunctipotens Dominus mirificare voluit sanctum suum. »

Ammonicus.

« Placet, fateor, charitatis tuæ tela quam cum sententiarum stamine et nihilominus signorum subtamine de sanctorum vita non solum vere, sed etiam lepide contextuisti. Huic jam convenit quo per licia grammaticæ innectas res varias, undique rationabiliter collectas, ad utilitatem scilicet legentium aptas. Sic enim agilitas ingenii et exercitium studii, imo summa varietatis hujusce texturæ, ut mihi videtur, relevare sive minuere valet multiplices causas tuæ curæ. Ad hæc quoque fraternitatem tuam admoneo ut in augendo præsens opusculum, edisseras ordinem abbatum, illud videlicet enucleans qui et quot Patres præfuerint huic sanctissimi patroni nostri (212) cœnobio, in quo summo famulamen debetur Domino. »

Collectitus.

« Primum te scire volo, o Ammonici, quia sanitatis beneficia, quæ paulo ante prænotavi ad sepulchrum beati Ramuoldi Christi confessoris expertus sum in assumptione propriæ infirmitatis. Nam cum puer essem et in loco requietionis beati viri per plures sanitati redditos audissem, febre nimium affectus et ob hujus relevationem in pavimento projectus, persuasus consilio cujusdam sacerdotis qui ejusdem pii Patris, dum vixerat, exstitit familiaris, tentavi me ibidem somno dare.

« Cumque aliquantis per soporatus fuisset, per somnum vidi Patrem reverendum, habitu monastico indutum, quasi sedere a dextris beati Emmerammi martyris. Cujus venerandam canitiem intuitus, mirabar super pulchritudine vultus ejus, nec non super candore cæterorum membrorum illius. Qua visione valde lætificatus, qui antea fui fatigatus, surrexi sanus, Deo gratias referens, quia sensi levamen salutiferæ manus. »

Ammonicus.

« Merito pueritia tua, o Collectiti, divinitus consolata, in memoria beneficium tenacius reservavit repositum, ob id quoque, ut juvenis haberes, unde tanto patri grates rependeres, ejus atqui gesta nunc devote scriptitando, qui te nunc adjuvit, et adhuc sedulo adjuvat orando. De cætero rerum exigit ordo, qua Patrum postulatam successionem, post hinc describere velis per ratam, ut oportet, verborum successionem. »

Collectitus.

« Per charitatem paratus sum proximi voluntatem

(211) II Tim. n.

(212) Alia littera.

seu dilectionem sequi, quæ omni homini Christiano, si recto tramite incedit, æternam felicitatem paritura erit (213). Quod Apostolus confirmat dicens : Dilectio proximi malum non operatur, plenitudo ergo legis est dilectio (214). Igitur post reverendum Patrem Ramuoldum, magnæ scilicet memoriæ virum, regimen hujus monasterii suscepit abbas Wolframms, et ipse in mansuetudine cæterisque virtutibus Dei servus. Hic habuit successorem ex collegio fratrum abbatem electum, nomine Rihboldum. Huic successit dominus Hartwicus magnæ virtutis amicus, qui, sponte desrens præsulatum cœnobii, reliquit abbatiam domino Burchardo regendam. Quo defunoto, divina, uti speramus, providentia necessitatibus nostris destinavit virum venerabilem pariter et amabilem dominum, videlicet Udaticum, prius in canonica vita plurigena probitate decoratum, nunc autem regulariter et monasticæ huic congregationi prælatum. Beatus ergo Ramuoldus, qui desiderium suum, quod habuit in Dominum, optime prodidit vocabulo arietis [*al.*, arietem] volentis, id est, Christum desiderantis; primus provisor hujus loci secundum regulam existens. Hunc qui modo nobiscum regimen cœnobii ministrat a se numero sextum, merito demonstrat secundum. Sub quo nobis optamus ut liceat senarium sacramentum diu celebrare, nec non divina confessione, cætera studia pietatis opere et verbo exercere. »

Ammonicus.

« Dictatum tuum quem fecisti paulatim scribendo usque huc reperere, post hinc necesse est ut facias currere, ea videlicet ratione quo aliquid tempestive colligas vel conscribas, quod in festivitate S. Emmerammi, quæ jam faciem præparans quoddammodo suis arridet novum offeras, utpote tuo speciali patrono, imo communi omnium quærentium Dominum fautori. »

Collectivus.

« Novi me ad id valde indignum ut mihi peccatori vindicem tanti patroni specialitatem. Proinde humiliatus opto ut parvitati meæ saltem concedatur per preces illius, quatenus cum cæteris fidelibus amplecti valeam communionem beatam. Sub hujus ergo rei affectione aggrediar quæ sequuntur cudere. Per annualem atqui cursum, redeunte, ejusdem patroni nostri sæpe nominati sæpiusque nominandi natalitio die, ob solita beneficia, convenerat illuc turba non modica. Cumque ibi per divina officia Deo et sanctis oblata essent laudum sacrificia, ac non absque signis et miraculis rite peracta forent solemnia, unusquisque cum gaudio remeavit ad propria. Tum contigit quemdam pauperem, qui cum aliis ad tanta gaudia ire decrevit, nec pervenire potuit, vix tandem in die septima ad cupitum locum a suis perducere posse; erat enim paralyticus, et ut ita dicam, plus quam claudus (215) ob hoc itaque

in carruca eum, quamvis laboriosse advectabant, utpote de loco longinquo. Is in prima hora octava diei, nutibus et signis quibus potuit, se ab amicis suis in ecclesiam S. Emmerammi deduci rogavit. Qui cum suorum manibus et brachiis sustentatus in occidentali parte consisteret felicis basilicæ, secus columnam scilicet quæ consecratam in petra solet habere aquam conversus ad orientem, paululum inclinato capite sine verbis oravit, quia loqui non potuit. Ecce vidit e regione beatissimi martyris aram quasi igneam et magno lumine circumdatam, et de ea veluti solis radios mitti conspexit in faciem suam. Tunc ob insolitam visionem perterritus atque tremefactus, nimioque sudore humefactus, demum convalescens, cepit fieri sic dicens : Deo gratias. Quam magnam rem video ! Vere Dominus est in loco isto, qui per preces sui dilecti testis optima hic confert medicamina sive solamina ægrotis et mœstis. His visis et auditis, de tota ecclesia concurrunt, et a populo *miraculum idem* (216) spectante, ac simul admirante, *Kyrie eleison* cantatur. Cujus clamor cum vix auribus posset sufferri, primamque nos interim cantantes oppido deterreret, idem homo catervatim, ab his qui tunc forte ob novitatem rei confluxerant stipatus, chorum est introductus. Cumque ab eo ante altare S. Emmerammi aliquandiu oratum esset, indeque completa oratione, cœtui fratrum *accidentium* (217) assurrexisset, jussus est a priore in gradibus sedere causamque suam coram recitare. Qui, mox obediens et quid passus sit in infantia breviter expediens, indicavit se ab octo annis usque in illum diem paralysi esse solutum, officioque manuum destitutum, nec non pedum se questus est penitus caruisse incessu. Tunc petito pariter et præstito baculo, quia propter nutantem gressum opus erat alieno sustentaculo, crucifixi ob amorem et spem Redemptoris, pro quo effusus est martyrurum sanguis, accepit crucem, per quam credimus et scimus humano generi datam fidei lucem, sicque præviis multitudinis dux perrexit ad Sanctum Petrum, se cum novella sanitate præsentans episcopali sedi, ut et plures contingeret interesse gaudio communi, et ipse implere videretur quod Dominus in Evangelio dicit : *Ite, ostendite vos sacerdotibus* (218). Ibi a Matricularibus consilio accepto ne eum novem ingratus existeret, sed regressus illuc ubi salutis dona suscepit, cum decimo, id est Samaritano, magnas gratias ageret, tota pene civitate comitatus ad S. Emmerammum est reversus. Illa nimirum die per plateas, imo per omnia Ratisponensium urbis loca, *Kyrie eleison* sonabat. *Cariste eleison* resultabat. *Deo gratias*, grata vicissitudine, interdum ab his, interdum ab illis dicebatur, atque in hunc modum iter fidei ab omnibus terebatur. In ecclesia vero tanta exultatio fuit Deum laudantium et octo annos cum

(213) *I Cor.* XIII.
 (214) *Rom.* XIII.
 (215) *Alia littera.*

(216) *Alia littera.*
 (217) *Alia littera.*
 (218) *Luc.* XVII.

totidem beatitudinibus octavæ diei comparatum. A ut per confessionis et cumpunctionis valde necessarium *fidelibus* bonum, ea die diabolus *multiplaciter confusus* ingemiscere sibi *male* factum, *nec non, ob martyris conventum* (219) queri grande cogeret detrimentum. Quid plura? Pro beneficiis solemnibus visitationis, a clero, monachorumve choro et nihilominus ab sexus utriusque populo, trifariis votis, almæ Trinitati persolutis, tandem cum benedictione licentia data est cunctis abeundi, nec non cum tripudio triplicis miraculi domum redeundi. »

Ammonicius.

« Hoc trididum quod in uno homine declaratum scripsisti miraculum, in nomine sanctæ Trinitatis, tuapte quasi quædam salutatio est imminentis festivitatis, nam ipsa solemnitas beatissimi patroni nostri Emmerammi martyris videlicet Christi trifaria est. Præcedit enim eam beati Matthæi apostoli evangelistæ passionarius dies natalis et *cum clarissimæ virgininis memoriæ Teclæ* (220) subsequutura est percelebris dedicatio hujus ecclesiæ purpureis ossibus ejusdem testis feliciter dotatæ, illa mediastina festivitate nostratibus quoque præcipua, medietatem suam *inter præcedentem et subsequentem* (221), quasi quamdam regalitatem potenter tenente. Unde non est mirum quod tu opusculum tuum, quocunque per varietatem sententiarum vagatum fuerit ad laudem sanctæ Trinitatis reflectere conaris. Nunc ergo, quia uno eodemque trino signo miraculum proposuisti de S. Emmerammo, consequens est ut aliquid assumas quod numeralitate fecundatum exigat quiddam tertium quo more tuo perducas conclusionem ad sanctæ Trinitatis honorem. »

Collectivus.

« Quandoquidem homo habet Trinitatem in semetipso, necesse est ut creatura subdita sit Creatori, cuius nihil præponendum est amori. Cujus taxationem cum omnes homines simul in unum vota conferentes Amatori præcipuo haud sufficiant rependere, quanto minus ego misellus qui huc usque nil dignum egerim ordine meo. Quomobrem intime corde tenuse mecum perpendens quantum periculi gignat et ferat negligentia ejus quæ in me est trinitatis, id est intellectus, memoriæ, ac voluntatis, vix tandem gratia *malorum* (222) remedii pigritiæ meæ imperavi, ut quod olim puerulis curiositas de utilibus rebus collegerat, nunc juvenilis verbositas simpliciter promat. Sicque qui operibus nequeo, saltem et dictis videar deservire honori omnipotentis ac unicæ Trinitatis. Hac quoque intentione quod scripturus sum assumam, secundum admonitionem tuam.

« Cum inter cætera flagella quibus gratia Dei omnipotentis dignata est visitare homines hujus nostræ nativæ provinciæ, quodam tempore mul-

tum laborarent oculorum dolore, ab omnibus demum plaga tandem cessante, adeo me subito invasit ut, sinistrum oculum mediocriter dolens, per nimium tumorem dextri officio penitus carerem. Pestis enim gravissima eum ita occupavit, quo quasi pugnis illi videretur esse oppositus. Cujus rei gratia cum nocte ad ecclesiam venirem, et juxta confessionem beati Emmerammi secretius orarem, brevitate oratione surrexi, et quia captus dolore oppido fui gravatus, sedebam inibi in angulo mæstus. Tunc cæpi intra me super hoc quod mihi accidit cogitationes variæ volvere, unde et *humiliato corde* (223) compellebar dicere: Domine, si vis, potes me salvare (224), et per preces patroni mei, tui scilicet dilecti martyris, et hoc malum grande facile quis propellere. Sed novime minus idoneum in quo ostendas miserabile opus miserationum tuarum, tu, summi Patris Sapientia nostri, quia jam per plures annos insidet animo meo quandoque mirabilia tua scribere, ac omnipotentiam tuam in his laudare, et nihilominus electorum dicta et facta per litteras memoriæ posteris tradere. Si benignitati tuæ in hac re placet quod volui, et adhuc volo, gratias ago; sin me mavis cæcitate castigare, sum paratus, utpote tibi debitor per omnia, quod judicium tuum ingerit patienter sustinere. His occulto sic cogitatis atque dictis, facturus quod humilitati meæ fides Christi per intimam inspirationem agendum insinuavit, summitatem pollicis, parumper humectavi saliva, nec non ubi ampliorem sensi dolorem, *ter signum salutis impressi*; interim corde ruminans nihilominus ore pronuntians illud Evangelicum: Lutum fecit ex sputo Dominus, et linivit oculos meos: et abii et lavi, et vidi (225), et credidi Deo. Eodem momento in me tam subitanea facta est mutatio dexteræ *Excelsi quo sub incredibili celeritate fugatis doloribus de capite, imo de toto corpore ablata pernoxia peste, ipse mecum super hoc facto diligentissime tractans, satis mirari minime possem quis fuerim, quis essem.* Tum quasi quadam curiositate mihimetipsi super repentino miraculo cupiens satisfacere, utraque manu palpavi locum periculi; in quo nec saltem vestigium doloris sive tumoris reperisse me gavisus sum. Proinde surgens, properabam illuc ubi antea orabam, ibique gratias egi Deo et sancto Emmerammo.

Cum accedens ad candelam legere tentarem in libro pro vetustate pene obsoleto, probavi me puriorem visum recepisse quam prius habuerim.

« Nunc quidem, ne huic tantæ solemnitati, quæ lætitiæ nectar examussim propinat fraternæ utilitati nostræ quid videatur deesse, subsequentis relatione miraculi plenum sic instruendum convivium est, ut expletiva conclusio tertiatione fideliter ministret sua quod sancta Trinitas operata est in illa. Fuit quidam clericus nobili prosapia ortus, qui

(219) Alia littera.

(220) Alia littera.

(221) Alia littera.

(222) Alia littera.

(223) Alia littera.

(224) *Matth.* viii.

(225) *Joan.* ix.

tempore quodam necessitate poscente, imo charitate jubente, hospitalitatis gratia receptus est in mansionem quamdam cœnobio S. Emmerammi contiguam. Ubi cum cœpisset infirmari, post paucos dies nimietate valetudinis ad id est perductus, quo penitus desperaretur vita illius. Tum noctis medio quasi de gravi evigilans somno dixit: O utinam aliquis mihi deferat aquam ad refocillandam animam meam de fonte S. Emmerammi, qui est in clauastro fratrum Deo sibi que servientium! Quod unus astantium, sibi que *in id temporis* (226) famulantium celeriter perficere volens, cucurrit ad ecclesiam, et, ut in talibus rebus fieri solet, improbitate pulsavit januam. Qui mox a custodibus intromissus, et, quia familiaris erat, ad fontem emissus, absque dilatione hausit aquam, ad eum a quo missus est certissime reportans illam. Cumque de ea parum gustasset ægrotus, mox per meliorationem sibi redditus totus, inquit: In nomine Domini, optimum vinum bibi pro aqua quam attulisti. Beatus Emmerammus bonus medicus ab optimo Medico accepit quod mihi modo præstitit. Ad hæc respondit qui aquam attulit: Nescio si aqua conversa sit in vinum; hoc solum certissime novi, quod per antliam laticem de puteo exantlavi. Cujus verba viri et mulieres qui aderant prosecuti sunt, dicentes: Late notum est vim hujuscemodi febris qua tu laboras non solum absumere vires corporis, sed etiam ne bene sapias immutare gustum palati et gutturis. Quibus ille porrigens poculum de quo bibebat, dixit: Bibite et vos, atque probate utrum fefellerim, an verum sit quod dixerim. Illi ergo ut biberunt ac vini saporem veraciter senserunt, vocem cum fide levantes dixerunt: *Deo gratias*, quia tam bonum vinum tamque nobile omni vita nostra transacta minime contigit nos bibisse. Hoc atqui grande miraculum non ab homine fictum, sed ob martyris meritum a summa veritate factum, testis est Engilmarus antistes, adhuc in hac vita manens. Hic quoque, dum, Ratisbonæ constitutus, apud S. Emmerammum scripta meæ parvitas videret et legeret atque probaret, die quadam stans juxta puteum seu fontem per quem recordabatur sibi sanam olim redditam fuisse frontem vocavit me, et, occasionem sumens ex eodem fonte, dixit quod scripsi, affirmans sub testificatione Christi verum hoc esse, ac non in alio, sed in semetipso idem magnale tam veraci quam efficaci experimento didicisse. »

Ammonicus.

« Fidelis sermo et omni acceptione dignus (227), quia vitis vera, quæ Christus est (228) ad declaranda merita palmitum suorum, id est apostolorum et martyrum seu cæterorum electorum, quotidie his et talibus miraculis quasi novas nuptias facit. Ecce memoria beatissimi martyris Emmerammi juste vinum pro aqua cum sanitate propinavit. Ab hoc procul dubio vitali comprobaretur factum eum quondam in Dominica optime

(226) Alia littera.

(227) I Tim. I.

A sudasse vinea, multumque fructum tulisse in ea. O quanta lætitia, volante fama, ex hujusmodi rebus transfunditur in filios Ecclesiæ, cum hæc longe lateque audierunt solemniter celebrata de matre! Cujus rei gratia tu, adacturus opusculum tuum, quæcunque animo rationabiliter occurrerint, summa diligentia in horreum Dominicum comporta. Sic enim ea, quæ in quadrifido climâte mundi a sancta Trinitate sunt facta, utcunque locum habebunt etiam in descriptione tua. »

Collectivus.

« Quia strictim notasti quatuor plagas mundi, quibus per quater terna sive ter quaterna distinguitur insignia, ob dulcissimam patroni nostri memoriam, placet anterioribus tribus miraculis hic subnectere unum quod idem sit et quartum, ea scilicet ratione ut unitas ita cohæreat Trinitati, quatenus probabilis quaternitas laterum æqualitate solidata fidem quatuor Evangeliorum conservet per omnia. Erat quidam homo pauperulus, qui cum alio æque indigente loca sancta quæsiturus, non baculo suffultus, sed scannellis innisus, magis viam repsit quam ambulavit. Cumque circa horam prandii ventum esset ad quemdam fontem laticis perspicui, dixit scannellarius ad itineris socium. O sodes, istic jentaculum in nomine Domini nobis erit sumendum, et cum refectum fuerit, cum gratiarum actione abundum. Quo assentiente ac ad panis esum solo tenus in ora fontis consedente, scannellarius homuncium, aquam hauriens ex abundantie purissimo speculo, antequam apponeret ori potum, sic invocat Dominum ubique fidelibus notum: Domine Jesu Christe, qui desiderium pauperum soles exaudire, merita martyris tui Emmerammi clarifica in me hodie, qui charitate ipsius te benedicente nunc gestio sitim restinguere. Et ecce inter bibendum, nec dum ab ore manum qui biberat retrahente, per eum cujus gratia nescit tarda molimina, soluta sunt omnium membrorum ejus retinacula. Qui mox exsiliens atque huc illucque discurrens, gratias egit Deo sanctoque martyri Emmerammo. Tunc incolæ acciti ejusdem novitate rei, ob memoriam tam excellentis miraculi, in honore martyris construxerunt ecclesiam ibi. Hoc in partibus Italiæ factum, relatione cujusdam fratris ex laico conversi, adhuc puerilibus in annis talium rerum curiosissimus auditor comperi; qui per confidentiam et consolationem hujus beneficii in id se provocatum esse confessus est ut latrocinium, quod jam per plures annos crudeliter exercuit, desereret; nec non apud sanctum Emmerammum, lupinam rapacitatem deponeret, sique ovis ex lupo cum ovibus Christi pasceretur in ovili Dominico. »

Ammonicus.

« Quia beneficia Christi, ob memoriam sanctorum illius per omnia propaganda, et a bonis universis unice amplectendam, hactenus dictando utcunque

(228) Joan. xv.

digessisti, noviter facta bonorum sancti Emmerammi minoratio, simul et quorundam super hoc habita querelosa mussitatio, ut mihi videtur, non sine ratione postulat quatenus dictatu vivaci aliquid huic opusculo inseratur, quo et invasores ecclesiarum rerum admoneantur, si velint sanum sequi consilium, ut resipiscant: Et si qui hujus rei tortitudine turbati sunt vel mortificati, aliquam ex æterni Regis rectitudine simul et miseratione consolationem se accepturos fore minime diffidant. »

Collectivus.

« Cum omnes qui sapientia sanctorum abutuntur, procul dubio aut hic aut in futuro puniantur, compescendæ sunt immoderate mussitationes, partim clanculum querelas concinentium, partimve manifesto ac simplici sermone dicentium: Sanctus Emmerammus nunc dormit, qui bona sua quasi non sua sibi suisque subtrahi perfert. Quibus per sensatos et prudentes viros erit suggerendum atque dicendum: Ecce non dormitat qui custodit Israel (228*). Insuper et hoc nostrapte adjiciendum, quia bona sancti Emmerammi, quæ verè bona sunt, nec sibi subtrahi nec suis consortibus ullo modo minui possunt. Ista vero quæ secundum sæculum dicuntur, bona, quantulacunque sunt, quia non fuerint hucusque extra curam et custodiam summi Pastoris et Custodis, nec non ejus provisionem dilecti martyris, ex antiquis temporibus non solum mirabiliter, sed etiam fortiter innumeris virtutibus declaratum audivimus, legimus, vidimus. E quibus ad nunc temporis necessarium unum grande miraculum, pro magnitudine sui valde inter optimates atque plebeios homines divulgatum utilitati legentium consulens, pariter et exactioni tuarum petitionum satisfaciens, istic innectere curabo.

« Temporibus itaque Henrici Pii Augusti et imperatoris eximii, multis rebus ex episcopo Ratisbonensi per incautelam perditis, et de abbacia S. Emmerammi, ob controversiam Episcopi et abbatis, pluribus bonis pessundatis atque dissipatis, contigit ut dominus Bruno, germanus frater ejusdem imperatoris, sub occasione juris hæreditarii tentaret sibi vindicare possessionem et curtem quæ vulgo dicitur *Enterhof*, id est, *veneni atrium et curtis*, sed secundum eos qui altioris ingenii sunt et quæque ingeniosius quærun, spes ætheris, id est cæli, non inconvenienter dici potest, juxta hoc quod Saxonice idiomate Teutonizare solet. Saxones enim spem ut separationem, hujus vocabuli nomine finitimo vocitare suescunt (229). Qui dum publice contra edictum Cæsaris vim inferre non auderet rebus ecclesiasticis, tandem ex consulto in id ventum est ut, in loco qui dicitur *Ætinga*, super hujuscemodi re haberetur placitum sive judiciale colloquium. In quo, omnibus iudicibus vel scabinionibus qui in eodem comitatu erant pecunia corruptis, ac aliis (230) alicunde in id ipsum mercede conductis, ita omnium considorum

astutia et calliditas cœlitus infatuata est, quo, communi consilio ex adversaria parte inductus aut subornatus quidam judex, nomine Otpolt, cujus loquacitati ad tunc temporis multa committerentur a multis, nec sciret nec posset judicare quidquam quod sancti Emmerammi vel nostram lædere quiret causam.

« Unde et, a defensore nostro publice mendaciter et falsitatis notatus, præbuit multis admirationem cum additamento timoris. Verum ne prædictus Bruno episcopus tam probrosæ confusioni succumbere videretur cum suis astipulatoribus, rogatus illius palatinus conventus est Ratisbonæ habitus, quasi illic annullaretur miraculum quod contigit. Sed longe aliter res eadem exitum habuit, quando totum concilium, quod ibi collectum fuit, nolens volens divinæ voluntati paruit. Nam in aula judiciali presidente Henrico duce cum Chunigunda imperatrici, sua scilicet sorore, nec non subselliis a viris consularibus sive comitibus, uti mos aulicus poposcit, assessis, per totam curiam audivatur vox contra sanctum Emmerammum partes episcopi foventium, simul et dicentium quod Brunoni, utpote tam amplæ et potenti personæ, nemo posset resistere quin illa die omnium iudicio in ditionem ejus veniret præfatum prædium, quod avia ejus, nomine Judita, Norici regni videlicet ducissa Sancto Emmerammo pro se suisque filiis Hulduwico atque Henrico velut regalem fiscum tradidit, eo scilicet tenore ut, si episcopus vel aliqua potens persona eandem curtem usurparet vel usibus monachorum subtraheret, statim in jus hæredum suorum reverteretur. Hanc quoque sententiam præposuerunt iudices atque optimates, affirmantes traditionis complacitationem hujusce a Gebehardo Imbripolitano antistite violatam esse. Tunc a domino Brunone, consensu principis, extra curiam evocatis primatibus summa eloquentia præditis, et aliis iudicibus causidicis, juris peritis in sui causam excitis, omnigena calliditate vel astutia foris sunt instructi sive præparati qui partis illius defensiones intus forent, ut sibi videbatur, argumentose recitaturi, nihili pendentes quod scriptum est: Non est consilium contra Dominum, qui novit corda hominum (231). Cumque, introgressis omnibus, perventum esset ad locum et tempus in quo excusanda erat falsitas et malitia forensis iudicii et quasi obtinenda triumphalis palatii dignitas; non solum qui falsitatis antea fuit notatus, convictus est reus esse ejusdem abdicatus, sed etiam omnium contrariæ parti faventium ora ita virtute cœlesti sunt clausa et mutata, ut nullus tot ingenio callentium aut posset dicere quod secum ipse cogitando deliberavit, aut fari quiret quod ab aliis in aurem susurrantibus dicendum accepit. Tum omni senatu, qui frequens convenerat, ob miraculum evidentissimum in laudem Christi provocato, per totam curiam Deo gratias clamor humilis et vere laudabilis personabat.

(228*) *Psal. cxx.*

(229) In ms. alia littera.

(230) Alia littera.

(231) *Prov. xxi.*

nec non beatissimi martyris Emmerammi laudes A altrinsecus exaltantium murmur amabile aures multitudinis reverberabat. Inter quos quidam comes vir famosus in Christiana religione, Eberhardus nomine, fertur dixisse : Ecce Rex regum manifeste destruit jura mundanarum legum. Bene omnia nunc et semper fecit et facit, qui superbis resistit, ac humilibus gratiam dabit. Tunc dominus Bruno ingenti timore correptus, imo per vim supernæ virtutis adeo est interne sibimet subreptus, quo non solum illa die coram principibus et populo humiliatus frigesceret, sudaret, pallesceret, sed etiam intra domestica mœnia sub grandi vitæ suæ periculo proximam noctem insomnem duce-
ret. Altera autem die, cum jam sol illustrasset orbem, pœnitentia et lacrymis expellens tenebras quo
deceptus erat erroris, cum oblatione se beato Emmerammo præsentavit, humiliter fratribus delictum suum confessus, atque inter memorias sanctorum nudipes incedendo, tam laboriosam interium exercitacionem perpressus, ut nullum ex omnibus altaribus quæ apud nos abundant prætermittet cui propria manu donum non imponeret. Demum ante aram clarissimi patroni nostri se ultra nec illi neque suis aliquid mali facturum, seu rebus ecclesiæ ullam vim illaturum cum juramento devovit, nec non sub testibus confirmavit. Vinum quoque, quod partium suarum fautoribus in convivio se daturum spondit, nobis pro charitate dedit, atque vitam suam intentissime orationi fraternæ commendavit. »

Ammonicus.

« Mirari satis nequeo quæ tanta sit duritia cordis in aversione mortalium, ista et hujusmodi magna videntium et audientium, ut audeant tollere bona sanctorum. Par meæ parvitati videtur hæc modernorum pertinacia illi Judæorum inveteratæ stoliditati quæ in passione Christi non sivit eos in Filium Dei credere, cum viderunt saxa findi, velum scindi, cælum obtenebrari ; imo totum mundum Lapidi quem reprobaverunt et Regi quem pertinaciter non solum abdicaverunt, sed etiam per iniquæ linguæ judicium turpissima morte condemnaverunt, multis modis conspicerent subdi et famulari. »

Collectitius.

« Non est, o Ammonici, quod multum debeas mirari super hac sustentia dominationis aut ablationis terreni seu transitorii boni, quandoquidem ipse Auctor omnium bonorum, propter salutem nostram a diabolo tentatus, et ab eo in montem excelsum valde sublatus, nec non ab eodem super pinnaculum templi translatus, novissime quidem ab ejus membris sputa, colaphos, et flagella, et cætera quæ ad ignominiam crucis pertinent, patienter sustinuit. Memor etiam esse debes illius versus, quem Psalmista pro consolatione, sub eorum persona qui in pressura sunt, scriptis interserit suis, dicens : Sustinuit anima mea in verbo Domini,

(232) *Psal. cxxix.*

(233) *Luc. xxi.*

speravit anima mea in ipso (232). Quam consolationem ipse Salvator in Evangelio confirmat, provide ad discipulos dicens : In patientia vestra possidebitis animas vestras (233). Putasne quod non curaret Dominus mortalium actus, quando pene per totum mundum proscripita sunt bona Christianorum? Absit! Crede mihi : neuter illorum, qui bona sanctis dat aut dedit, et abstulit et ablaturus erit, præmio carebit. Judas quoque præmium Dominicæ prodicionis jam infeliciter possedit, et in æternum infelicis possessurus erit. Latro vero suæ confessionis vicissitudine gratissima remediabile præmium jam accepit, ac in perpetuum felicissime habiturus erit. »

Ammonicus.

« Ingentis miraculi descriptione pariter et querelosæ mussitationis absolute mihi et illis satisfactum esse minime diffiteor, quin etiam plane ob id fateor quia certissime scio nullatenus posse mutari, corrumpi vel falli Regem regum : Mihi vindictam et ego retribuam (234). »

Collectitius.

« Adhuc aliquanto longius in hujusmodi sententia progrediendum est ; nam nostrapte, qui Christiani dicimur esse et debemus, non solum ore dicendum, sed etiam proximis tale beneficium corde tenus est impendendum ut qui nobis maledicat, sive quid mali faciat, quantum ad nos, maledictioni minime subjacet, verum, benedictione ac oratione fraternæ charitatis adjutus, a morte peccatorum reviviscat, virtute divina in callem salutis restitutus. Hujus rei gratia his qui non dedignant parvitas meæ legere scripta, placet istic unum exemplum innectere de Patrum vita, quo et patientiæ pernecessarium bonum probetur, et e contrario execrabile malum impatientiæ reprobetur. »

Ammonicus.

« Valde utile esse ut studeat piis exemplis ad bonum quis provocari aut converti, sive de malo averti, experimento didicimus etiam pueri. Propterea tale aliquid libenter modo audire seu curiositate haud infructuosa parati sumus legere. »

Collectitius.

« Quidam fratrum tempore vetusto, venit ad quemdam Patrum Abraham forte nuncupatum, qui jam inter servos Dei habebatur clarus ex perfectione virtutum. Huic inter cæteras tentationum anxietates isdem frater questus est dicens : Spiritus impatientiæ ac superbiæ adeo me impugnat ut tam perversæ pesti non possim nullo modo resistere ; quin si quis mihi injuriam fecerit aliquam, ore aut manu reddam ei talionem, ob malevolam siquidem et insulsam communionem. Cui respondit senex : Apostolus præcipit fidelibus, imo per Apostolum Christus : Si quis vos in faciem cædit, si quis vos devorat, si quis mundi substantiam tollit, patienter sufferte, propter eum qui dilexit nos (235). Et iterum : Patientes estote ad omnes, nam patientia parit probationem,

(234) *Rom. xii.*

(235) *II Cor. vi.*

probatio vero spem, spes autem non confundit (236). Tum fratre per induratum cor dilatente Apostoli verba se nullatenus per patientiam sequi posse, dixit senex : Orandum est intentissime, ut Dominus dignetur hanc duritiam cordis auferre. Cumque orasset senex, eodem fratre audiente, ad Dominum dixit humillime : Domine, non es nobis necessarius. Ecce nos homine impatiētiæ vitio resistere nolentes, in potestate nostra sine te stauimus omnia facere. Ad quem sermonem ille frater Deo donante ita subito mutatus et compunctus est, ut non modo coram sene per pœnitentiam satisfaceret, super insolita mentis obstinatione humiliatus, sed universa tentationum suarum perturbatione sedata, abscederet melioratus. »

Ammonicius.

« Deo gratias, quia patientia viri Dei per medicinam cœlestem medicata est impatiētiæ fratris infirmi. Nunc ergo, quia tentationum antiqui temporis mentionem fecisti, ex secretario charitatis dulcissimo agilitatem tuam educere convenit, si quis temporibus istis ex numero fidelium Regi regum alicubi militantium tam validam et gravem tentationem incurrerit. »

Collectivus.

« Non est dubium quin adhuc diabolus easdem artes habeat quas antiquis temporibus habuerat, imo certo certius credendum est quod benignus Jesus in electorum suorum defensione antiqui hostis deceptionibus resistendo, solita usque in finem sæculi circa suos utatur clementia. Propter hoc etiam nulli fidelium erit ambigendum nunc servos Dei, sicuti primitus, multis modis a diabolo tentari, ac æque ut tunc ab generis humani reparatore inter varias tentationum tempestates eosdem semper et ubique defensari. Quod ut evidentius dignoscatur, o Ammonici, et aliis hujusmodi rem non despicientibus, narratione subsequenti veritas tradatur. »

• Est quidam, ut æstimo, adhuc in hac vita senex religiosus, ex laico conversus, nomine Guntharius, qui apud sæculum aliquando ex rerum copia tumens, et nobilitate generis vanescens exstitit superbæ filius, sed per misericordiam Dei post factus est tam humilis monachus, ut merito non possim aut debeam illi comparare ullum nostri temporis cucullarium, de vanitate sæculi conversum. Is primum sub Gothehardo Althensium abbate, omni patientia et subiectione probatus, cœpit desiderare altioris vite callem incedere. Unde et licentia a Patre monasterii accepta, solitariam vitam aggressus est ; ad quam divino adjutorio peragendam ut se spiritali cautela probaret, animumque virtu-

(236) Rom. v.

(237) Milliare Scrivericis in not. ms.; observo tamen diversum fuisse hujus vocis usum, quippe temporibus Hieronymi fuit milliare ; nam sic ille commentatur in Joelem : Latini millepassus vocant,

tum exercitiis præpararet, montem quemdam petiit, quem a præfato cœnobio una ferme rasta (237) distantem idioma Theustiscum Racinga jam nominavit. In quo pene per tres annos consistens, modico victu ac humillimo habitu parvaque cella contentus erat. Cujus arduam vitam cum mirarentur nonnulli, adventantes cum xeniis, Christum, qui propter nos factus est humilis, in suo visitabant ac venerabantur servo. Tunc ille timens ne frequentia populi et gloriola sæculi sibi sub specie religionis quid de veris subriperet aut minueret bonis, fugiens inde secessit in eremum quæ vocatur Aquilonis Silva, certamen singulare in ea contra diabolum viriliter pugnaturus. Qua ut primum constitutus Dei famulus eremiticam vitam rumatica vel spiritali consecravit militia, tentationes varias et multas atque graves perpessus est. E quibus unam, quæ relatu veraci parvitati meæ in notitiam venit, ad utilitatem legentium nunc præscribere tentabo, post modicum tempus vitæ comite aliam graviozem subscripturus. Hiemali atqui tempore, quo ultra solitum Noricense solum est immensitate seu nivium densitate contactum, accidit prædicto Dei famulo quoddam quasi palæstrale tormentum, imo probabilis patientiæ verum ac venerabile condimentum. Nam cum præ nimietate nivali continuis novem diebus panes illi de monasterio secundum consuetudinem nequirent afferri, neque aliunde ab ullo hominum illuc possent transmitti, neque ipse, impediēte proxima incolatus novitate, aliquid ibi laboratum haberet unde alimenta sumere valeret, trium dierum inedia affectus, quarta die, tentare Dominum nolens, ex glaciali profunditate nivis, quæ jam excrevit ultra staturam mediocris hominis, cœpit silvestres herbas eruere ac evellere, et in ollam coquendam mittere. Quibus illa die per ignem et aquam parumper mollificatis, distulit prandium usque in diem quintum. Quo, expectans horam refectionis canonicam, pulmentum, quod hesternæ die præparavit, denuo coctum refectionis gratia sibi apposuit, sed gustatum edere non potuit ; unde semetipsum increpans ait : O Gunthari, superbia tua te non sinit refici hoc edulio humili. Ubi nunc vaporifera vel mollissima similia ? Ubi nunc aprinæ spadulæ seu carnes ursinæ et suillæ, an inventionem coquorum oppiperatæ ? Ubi nunc imputribiles post coctionem pavones, seu phasinæ aves, plurigenis condimentorum saporatæ irritamentis ? Ubi nunc vinum probatum et ad libitum de promptuario usque ad satietatem quotidie tibi prolatum ? Ergo pro abundantia delicatioris cibi et potus, quibus olim in sæculi divitiis deditus eras totus, contentus esto nunc jentaculo pauperculæ refectionis, in nomine Jesu Christi omnium Redemptoris, qui, cum dives

Galli leucas, Persæ paransagas, et rastas universa Germania, sed immutatus est dictionis usus vel mensura locorum, quippe Reda asserit duas lewas sive milliaria tria facere rastam, et alibi; leucæ sex, sunt tres rastæ. BASN.

esset, propter te pauper factus est, ut tu particeps heres divitiarum illius. Quid plura? Demum sexta die pleniter gratias agens Deo, qui de copia bonorum suorum etiam non dedignatur pascere pullos corvorum, ex prædicta silvestri herba jam tertio cocta, itaque vix mollificata, corpori quamvis necessariam, tamen valde contrariam, cum faginis foliis, quæ nive abrasa laboriose collegit, refectio-nem accipit: sicque non sine magno tumultu et controversia diversarum cogitationum, seu mani-festa incursione diabolicarum tentationum, conso-lationem divinæ pietatis expectavit.

« Tunc, ut in perturbationibus hujusmodi solet fieri, fluctibus cogitationum altrinsecus sibi suc-cedentibus et impellentibus, dextrorsum quædam cogitatio leniter inrepens, et quasi ex parte Christi adveniens, viro Dei fideliter intimavit, dicens: Ex-specta Dominum, viriliter age et confortetur cor tuum, et sustine Dominum (238). Cui e contrario, id est sinistrorsum, suasio diaboli, cujus invidia in orbem terrarum mors intravit, prorumpens importune reclamavit, verba et dolos hujusmodi concinnans: Cum scriptum sit: Altiora ne quæ-sieris (239), quia fragilis homo erenum petiisti, non solum stulte egisti, sed etiam valde poterviter te huc invexisti, blasphemiam Christo tuo illaturus, utpote canis famelicus, absque sustentatione illius, hic pessime moriturus. Verum ex adverso bona cogitatio et cauta sollicitudo infert: Cum Christus, qui est Dominus omnium, tentatorem diabolum Evangelici verbi jaculo per semetipsum straverit, dicens: Non in solo pane vivit homo, sed in omni verbo Dei (240), non tibi subrepat diffidentia, o pauper sæculi, dives Christi, sed fir-missime ponito spem in eo de quo Psalmista cecinit dicens: Dominus fortitudo plebis suæ, et protector salvationum Christi sui est (241). Iterum humanæ salutis inimico quædam scæva suggerente, et in tali miseria nec non labore carnis infirmitatem minime posse persistere fraudulentè inficiente, homo Dei respondit: Quod si Christus meus me non manducantem vivere voluerit, facile hoc effi-cere poterit, juxta quod scriptum est: Non est impossibile apud Deum omne verbum (242). Et iterum: Omnia possibilia credenti (243). Si vero id facere noluerit, aut mihi clementer victum exhibebit, secundum quod ipse dicit in Evangelio: Primum quærite regnum Dei, et hæc omnia ad-jicientur vobis; scit enim Pater vester quia his omnibus indigetis (244); aut sine murmuratione illius voluntatis sententia, quæ non potest esse in-justa, cum intemerata fide erit subeunda. Hanc fidem et fidei exercitationem subsecuta est conso-latio divinæ pietatis, quæ sufficienter illi panes transmisit per quosdam homines qui, illo cum se-

micirculis super montuosam congeriem nivis in-cedentes, vix reptando ad virum Dei decimo tan-dem die pervenire potuerunt. Tunc grates magni-cas Deo reddens, qui non dereliquit sperantes in se, quanto sibi per patientiæ probationem factus est notior, tanto aliis in posterum exemplo humi-litatis et perseverantiæ, largiente omnium bono-rum Fonte, exstitit utilior. Unde factum est ut nonnulli ex clericis sive monachis nec non fideli-bus laicis, ab eo et per eum provocati, imo divino instinctu attracti, sub communione orationum ejus atque laborum in eadem eremo, cujus ipse ob amorem Christi accola esse voluit, Rægi regum militare cœpissent. Ubi pluribus intra vallem la-crymarum ascensionem cordis disponentibus, nec non de virtute in virtutem (245) quotidie proficien-tibus, contigit, ut quidam presbyter de Saxonum gente oriundus, a domesticis quoque Tammo vocitatus, more adventantium accederet, sub spe-cieque laudabilis incolatus, viri Dei commilito-numve illius conversationi se admiscere tentaret. Quem cum vir Dei partim præcurrente magistra experientia abbati Altahensium præsentasset, et ex-moie secundum regulam S. Benedicti obedientiam promisisset, statim, sub tenore quam abbati pro-miserat obedientiæ, sicut et cæteri ad id temporis solebant facere, et adhuc solent agere qui manent eo loci eremitæ, redditus sive sub diligentia sum-ma commendatus prædicto seni, cum illo repe-davit ad secessum eremi.

« Qua cum cæteris fratribus Summo humilli-me famulantibus, et ipse juxta instituta Patrum in cella sibi deputata, aliquantum temporis humi-litate perageret comitante, per subreptionem cenodoxiæ, adeo repente gravatus est massa super-biæ, ut non solum clandestinis mussitationibus venerando seni detrahendo in aures quorundam commentium susurraret, sed etiam manifeste in calumniam tanti viri prorumpere auderet di-cens: Quid et quis est Guntharus? Laicus atque et idiota, cujus jure contemnitur vita. Cui respon-derunt servi Dei qui forte tunc aderant et hæc au-dierant, dicentes: Ut nobis videtur, humilitas, quæ custos est virtutum, longe recessit a tua men-te, et superbiæ monstrum te manifeste invasit, quod Babylonicam turrem procaciter filios præve confidentiæ olim ædificare persuasit (246), et de viro Dei tam nefanda tibi modo suggestit. Ipse procul dubio primum huic eremo invexit vexilla crucis Christi, qui in Evangelio dicit: Qui vult ve-nire post me, abneget semetipsum, et tollat cru-cem suam, et sequatur me (247). Est quoque iste vir magnæ auctoritatis qui jam in senectam et senium venit, optime parendo divinis mandatis. Quibus ille arroganter respondit, inquires: Aucto-

(238) *Jos.* II.(239) *Eccli.* III.(240) *Matth.* IV.(241) *Psal.* XXVII.(242) *Luc.* VII.(243) *Marc.* IX.(244) *Luc.* XII.(245) *Psal.* LXXXIII.(246) *Gen.* XI.(247) *Luc.* IX.

ritas quoque illius mihi pro minimo est, quia nihil omnino valet. Seorsum quidem mihi manendum, et Christo, qui dedit nosse et posse, in speciali cella, haud sub Gunthari censura erit meapte libero animo serviendum. Quid plura? Sequestratus idem presbyter aliquot diebus ab illis quos despexit, a subversore ministratas quasdam vidit visiones, imo phantasias aspexit, quibus adeo elevatum est cor ejus, ut humili ac simplici voce minime expeteret. Unde accidit ut intempesta noctis (sic), qua sanctæ Agnetis festività celebratur a Christianis, orationi aliquantulum incumbens, primum delectabilem, post modicum vero lacrymabilem, auditu vocem hauriret oculisque visionem videret. Audivit ergo imprimis harmoniam, nec non quasi duos choros virorum et feminarum procul continentium, et alternatione vicaria, ut audiebat, pulcherrime sibi invicem respondentium, donec paulatim cum incremento ejusdem cantilenæ atque coruscæ luminis augmentatione usque ad se venirent. Tunc humani generis inimicus, qui testante apostolo Paulo transfiguratur se etiam in angelum lucis (248), cum tanto fulgore se illi præsentavit, ut nihil minus putaretur quam diabolus. Cumque eum presbyter intueretur diutius et miraretur super pulchritudine ejus, qui apparuit dixit ad eum: Videsne quod sim Christus? quare non adoras me? Noli dubitare, cum ad hoc venerim quatenus tibi dicam quæ te oporteat facere. At ille, quem præstigia jam deceperant diabolica, dixit: Si filius es Mariæ, ecce te adoro. Et proiciens adoravit eum, penitus oblitus illius responsi quod in Vita Patrum senem cautissimum super hujuscemodi tentatione legebat dedisse. Ibi enim est scriptum, ut nunc rememoro, quia quidam senex pari modo a diabolo sit tentatus; sed, divina clementia servum suum vallante, mox tentator quis fuerit paucis verbis sit deprehensus. Nam cum seni diu tacenti, et secum quis csetet qui apparuit intime volventi, perversus perverse diceret: Ego sum Christus; quare tardas me adorare? Responsum accepit ab eo: Quem adoravi ab infantia mea usque in præsens, nisi Christum filium Dei vivi? Si tu Christus esses, nullatenus a me peteres hoc obsequium tibi modo impendi, quod semper, in quantum valui, vero Christo Domino meo humiliter exhibui. Tunc humani generis inimicus valida senis fide repercussus atque confusus evanuit, linquens ibi certa præsentis suæ indicia, id est fetorem. »

Ammonicus.

« O Collectici, horrore plena sunt quæ scripsisti, et est valde durus hic sermo quem dixisti: Quis ergo potest laqueos inimici evadere, si ista in hunc mundum facta sunt vere? »

Collecticius.

« Interrogatiunculæ tuæ huic prævæ simul, et dubitationi nimium periculose, o Ammonici, satisfacere debet vox quæ ad Antonium pro extensis per

A orbem terrarum inimici laqueis queritantem, et nihilominus lacrymantem, de cælo aliquando venit, dicens: Humilitas Christo adhærens transcendet omnes laqueos hos. De cætero crede mihi quia, si in prædicto fratre humilitas Christi regnaret, nunquam superbiam diaboli cadens adoraret. Quod in sequentibus evidentissime liquebit. Nam postquam pessime adoravit, antiquus hostis ei aliud vulnus infixit pariter et dixit: Antichristus jam in Judæa regnat, nec non Elias et Enoch ibi prædicant. Cum his quoque ab Antichristo interficendis, pro confessione mei nominis, in anno præsentis, martyrio coronandus eris. Sed antequam illuc tendas, oportet te omnia quæ in hujus provinciæ cœnobii emendatione sunt digna corrigere, et multis verbum veritatis prædicare. At presbyter, novarum rerum cupidus, inquit: Quod signum dabis mihi quo certus efficiar me quæ dixisti futurum? Cui seductor respondit: Non unum signum tibi dabitur pro certitudine, sed tria facturum es hodie, ante tertiam horam dici, scilicet unum in Guntharii sinistro oculo, quem pene ob ægritudinem perdidit alterum in fratre, qui jam per multos dies infirmat, et est cæcus, cui nomen Remigius. Tertium in eo, qui dicitur Bazo, quem inimici sui cæcaverunt, atque mancum fecerunt. Insuper pro signo certitudinis habeto sandalia, quæ in proximo reperies, posita quadam sub arbore cavata; quibus præcipio ut posthac utaris in celebrandis missarum solemnibus. Quid multa? His ita homini superbo diabolica fraude persuasis, et inter arbusta pone domicilium in quo vagabundus mansit consita, quasi quodam ascensu pariter ac descensu demonstrato, cum aliis inextricabilibus phantasie portentis, in ipso crepusculo lucis, præfatus presbyter propriam et singularem deserens cellam, sub inani spe diabolicæ pollicitationis, domini Guntharii petit casam. Quem eum videret venerabilis heros, super repentino ejus adventu obtupescens et admirans, utpote qui superbis imperante ab eo sequestratus erat, sibi que, veluti litteras nescienti, peritiæ suæ supplementum maligna voluntate subtraxerat, nihil dicere volens conticuit. Tunc qui vana gloria tumidus advenerat, sub specie religionis ad reverendum senem dicebat: Non ignoramus quia, juxta instituta Patrum, nisi vocati, de cella egredi et huc venire minime debueramus; sed humilitatis nostræ adventus ex præcepto Domini nostri Jesu Christi est vobis et aliis valde necessarius. Cui senex, Spiritus munimine protectus, dixit: Unde vobis hoc, aut quando Dominus Christus fraternitati vestræ nova dedit præcepta? At ille respondit: Hac nocte. Et dicit senex, Quæ? Respondit presbyter: Ut in monasteriis Norici regulares observationes corrigam et renovem, atque populis late verbum Dei prædicem, nec non infirmitate sanata duobus fratribus. Razoni scilicet et Remigio, visum restituam, ocu-
loque tuo jam per plures annos doloribus turbato

claritatem lummis reddam. Quæ verba cum senex audiret per os Tammonis prolata, occurrit jactantiae ejus dicens : Crede mihi, Guntharius mallet ambobus oculis carere, quam per illius concessionem videre qui tibi hæc fallaciter promisit. Nihil verius quam te diabolica arte circumventum et omnimodis esse delusum Cui sententiæ qui advenerat presbyter subnectit frivola, dicens : Si ante hanc proximam hujus diei tertiam horam non fecero quod dixi, nolite credere mihi. Et vir Dei ait : Veritas, in quam credimus, hodie patefactura est tibi et nobis omnibus quia pater mendacii tuam decepit arrogantiam. Tum presbyter, se subducens obtutibus senis et persistens in pertinacia obligatæ mentis, in ecclesiam duxit secum fratrem cæcum, quasi oraturus pro eo, ut visum reciperet a Domino. Sed cum diu esset oratum, et lumen quod petebatur non foret datum, protraxit frustra tentatam vanitatis gloriolam pene usque in sextam horam. Tunc undique horrore et terrore circumdatus, et non sine grandi confusione conturbatus, festinus dominum Guntharium adit, et in faciem procidens cum lacrymis ad eum dixit : Nisi me preces tuæ, o venerande Pater, magnifice adjuverint, et orationes aliorum Dei servorum de puteo interitus me eruerint, certo certius scio quia peccatis meis facientibus Christi servus desii esse, quod ille me sibi in servum proprium posthinc vindicabit et possidebit, quem totius nequitiae ministrum, heu, heu me miserum ! adoravi pro Domino dominorum. Ad hæc Dominus Guntharius spiritualibus armis accinctus respondit : Petrus princeps apostolorum, ad quem ipsa Veritas dixit : Tu es Petrus, et super hanc petram ædificabo Ecclesiam meam (249), ter negavit Christum, optimum Magistrum, sed postquam Dominus in eum respexit, et amare flevit (250), remissionem accepit per eum qui solus compati novit infirmitatibus nostris, in miserationibus suis magnis et multis. Proinde casu tuo non debes gaudium plenum facere diabolo in hoc ut cadas in diffidentiam, sed magis quære humiliter omnipotentis Dei clementiam, quam nulla mortalium superant delicta. Curque presbyter post admonitionem senis, novi lapsus mœrore adhuc consternatus, proxime ad horam divini servitii veniens, collectæ fratrum se inibi constitutæ admiscere tentaret, atque psalmodiæ aliquantisper cum eis inserviret, antiquus hostis cœpit ei acriter instare, nec non manifeste illi molestus esse, dicens : Quæ legis et cantas, de me scripta mea (251) sunt, tu velis nolis, post hinc permanebis meus, quia totus es in ditionem libitus mei redactus. Noli falli neque per Guntharii vanam et falsam suggestionem decipi ; nemo te rapiet de manu mea. »

Ammonicus.

En iterum in memoriam redit, imo nunc se tenacius animo ingerit quod egregius versificator,

A Dominicæ tentationis mentionem faciens, de hoc pessimo tentatore in hunc modum scribit : »

Cum Domino montana petit, cunctasque per orbem Regnorum monstravit opes : Hæc omnia, dicens, Me tribuente feres, si me prostratus adores. Quantum perversus, tantum perversa locutus.

Collectitius.

« Oportet ut interim sileas, O Ammonici, dum ad quem finem tam gravis tentatio perveniret veridica narratione audias, mecumque tunc Deo laudes referas. Nam ab illo die presbyter prænominatus, periculorum pondere gravatus, etsi se poenitentiae daret arcissimæ nullatenus novum et antiquum hostem avertere potuit quin ei omnibus horis nimie infestus fuerit. Unde factum est ut dominus Guntharius boni consilii virum, abbatem B scilicet Althahensium, nomine Ratmundum, advocaret, ipseque secum assumpto Pataviensi pontifice, super hujuscemodi re quæstionem habiturus adveniret. Cumque episcopus, cum abbate et domino Gunthario clanculum sermonem faciens, lapsum sacerdotis audisset et eum diabolica illusionem deceptum animadvertisset, unde hoc grande malum acciderit prudenter tractans, dixit : Ecce factum est in isto fratre quod præmissum legimus in evangelica veritate. Sic enim dicit Dominus in Evangelio suo : Qui se exaltat humiliabitur, et qui se humiliat exaltabitur (252). Proinde necesse est provisum iri ut exaltatio pestifera, quæ per suasionem diabolicam hominem miserabiliter dejecit, Christi humilitate medicinali mirabiliter sananda, in robor fidei erigatur, ac sic in viam salutis æternæ diripatur. Tum episcopus, ex auctoritate sacrorum canonum, jussit lapsum fratrem ab officio sacerdotali cessare usque ad satisfactionem utilisque consulti taxationem. Quid plura ? Postea quoque diabolica infestatione monachum eundem nimium confundente, atque diuturnis nocturnisque tumultibus seu acclamationibus etiam in servitio Dei deterrente, missum est circumquaque ad Patres et fratres, ut communi oratione, singulari et medelifera clandestina sacrificii salutaris oblatione, a misericordissimo Domino veniam peterent casui fratris infirmi. Cumque a nonnullis benigne fuisset oratum, et maxime a Domino Gunthario ante conspectum divinæ majestatis pro eo esset laboratum, utpote qui omnibus horis titubanti atque nutanti manum consolationis porrexerat, nec non benignum Jesum certissime sibi miserturum promiserat, tandem post mensium sex evolutionem, qui a pessimo profligatore impugnabatur, levamen sentiens remedium accepit. Cujus valde necessario fomento, per divinam clementiam interiorius et exteriorius idem frater refocillatus ac renovatus, jam octavum agit annum sub exercitamento summæ humilitatis, obedientiæ atque abstinentiæ. Illi a quo per superbiam desciverat et deviaerat, appropriare studens, qui et per prophetam dicit : Approquinquate mihi, et ego appropinquabo vo-

(249) *Matth.* xviii.

(250) *Luc.* xxii.

(251) *Alia littera.*

(252) *Matth.* xxiii.

bis. Et si peccata vestra fuerint rubra sicuti vermiculus, veluti nix dealbabitur (253). »

Ammonicus.

« O quanta et quam magna dispensationis divinae censura, quæ, propensioris cautelæ gratia, fratrem de quo retulisti præmissa adeo ab hoste nequissimo permisit affligi, ut penitus in desperationem caderet, nisi hunc senex humilis, uti speramus, omnipotentis Dei servus, dominus videlicet Guntharius, exhortatione assidua in spem recuperandæ salutis erigeret, et sanctorum exemplis multifariis divino e fonte prolatis corroboraret! »

Collectivus.

« Quia sermonem humilitatis meæ interrupisti laudem Dei exclamando, gratum habeo. Sed quæ narrare cœpi, ad calcem producere me patere, quæso. Hoc enim nimirum super omnia talia mirum, quod ipse auribus meis ab ore senis accepi atque ab eo quadam sacræ lectionis familiari colloquutione vix extorsi. Nam cum prædictus presbyter in angustia maximæ tentationis constitutus ad senem sæpius curreret atque recurreret, nec non querelosa voce clamitaret. Non possum subsistere, nequeo perdurare; ora pro me, homo Dei, dixit senex: confido in benigno Jesu quia liberabit te. Tantum tu patiens et constans esto, neque dubites de omnipotenti gratia illius apud quem non est impossibile omne verbum (254). Quod tu sustines modo, generaliter per omnia terrarum regna humanæ fragilitati horrendum et pavitandum, sed minime ob id de misericordia Domini, qua plena est terra, fidelibus est deperandum, quoniam qui potens est de lapidibus suscitare filios Abrahamæ (255), potest et te de præsentī liberare tentatione, et nihilominus dignum efficere sua vocatione. Et subjunxit tentatus: Utinam mihi fiat secundum verbum tuum! Sed valde timeo tentationis periculum, quod mihi misero ingruit ultra humanum modum. Nam in ipsa orationis hora, quando ad laudem Dei os aperio, adversarius mihi videtur quasi rapacitatem suam intro in ventrem mittere usque ad cor, vinque cordis tollere, ac sensus meos prorsus extrahere, et memetipsum mihimet alienum facere. Super hæc omnia jactat se scire meum totum nosse, velle et posse. Respondit senex: Ne hæsites in fide ex adjutorio divino de supernis tempestive mittendo, quod quamvis ad tempus differtur, tamen non aufertur. Diabolus omnino potestatem non habet nocendi et fatigandi te, nisi permissus a Deo. Deus autem nunquam ista fieri permetteret, nisi te humiliare vellet. Interdum enim Amator hominum simulat se nescire quæ patimur, sed tamen frequenter præstabit unde miremur. Noli, frater, deficere, sed secundum Apostolum, sta in fide, viriliter age (256), et

(253) *Isai. i.*

(254) *Luc. i.*

(255) *Matth. iii.*

(256) *I Cor. xvi.*

(257) *II Tim. ii.*

(258) *Matth. x.* — Hic, ut plenus sit sensus, et

A confortare (257) in illius nomine qui novit solæ fragilitatem humanam sanare. Quod autem questus es diabolum se jactasse de scientia tue voluntatis et possibilitatis; ipse, quod bene nosti, contra hanc luctam sufficit tibi; hoc est quod diabolus (*sic*) interneccionem detrudit. His dictis extemplo adfuit Satan in præsentia senis perturbans tentatum fratrem, et dicens: Guntharius non solum nunc mendacium locutus est, sed sæpius mentitur et te fallere nititur, insuper et gracile et subtile pellicium operose quærit ac diligit. Cumque conviciis appeteret atque lacesseret senem, senex timens ne forte protervitas diaboli animum fratris mitteret in desperationem salutiferi boni, prorupit et dixit: O inimice Dei et hominum! superbia tua et mendacium tuum tecum in æterna perditione maneant. Nos autem qui non solum ovinis et caprinis pellicibus utimur, verum etiam simplicitate et humilitate, quæ in eisdem significantur, perfrui, per eum qui dilexit nos, te pessimum lupum facile superabimus, Christique virtute tuam virtutem calcamus. Crede peccatori Gunthario, quia frater, quem permissione Dei vivi, qui in hunc mundum venit Filius hominis quærere et salvum facere quod perierat (258). Post hæc et hujusmodi certamina, aliaque plurima nequitiæ suæ in tentatum fatrem nequidquam vibrata jacula, miseratione divina diabolus est ita fugatus, ut calamitosis clamoribus et querelosis lamentationibus discedens manifeste nolens innotesceret quantum doluit et adhuc dolebit se, victorem hominis, ab homine victum. »

Ammonicus.

« Deo gratias, cujus misericordiæ non est numerus, et qui jam omnia benefecit pariter, et istud mirabiliter effecit ut qui periculosissime cecidisti, misericordissime in statum fidei reerigeretur, ad comprobandum scilicet illud Psalmographi testimonium, quod in centesimo quarto psalmo (259) ponit dicens: Allevat Dominus omnes qui corruunt et erigit omnes egenos. Ergo, frater o charissime, ut mihi videtur, tibi satis congrue imposuisti Collectivum nomen, et ob velandam Teutonicæ loquelæ nuditatem, pariter et ob commendandam horum quæ dixisti et dicturus es collectariam utilitatem. Ob id quoque et ego æquum arbitror fore ut, vocabulo satisfaciens quod usurpasti, opus inchoatum adaugendo procedas, et quæque utilia colligendo succedas, dictaturus quidem et assumpturus ea in nomine illius qui dicit: Qui non colligit mecum, dispergit; et qui non est mecum, contra me est (260). Ita quidem illi servies, qui est, et qui erat, et qui venturus est. »

Collectivus.

Amen. Utinam inveniar inter colligentes cum Christo, et non cum eis damner de quibus scriptum absolvatur pendula, ut ita dicam, periodus, deest aliquid, ut puta *omnimodis nunc vezas tentationibus, tuos mox laqueos effugiet*. EDIT. PATROL.

(259) Corrige in cxliv psalmo.

(260) *Luc. xi.*

est : Fiant sicut fenum tectorum, quod priusquam A evellatur exaruit ; de quo non adimplebit manum suam qui metet, et sinum suum qui manipulos colliget (261). Hoc quoque modo fiat, aggrediar iterum narrare quæ Dominus, aspiratione sua præveniente et auxiliatioe subsequente, dare sive largiri dignabitur.

« In eodem igitur episcopatu quo ea contigerant quæ prædiximus, accidit et aliud quoddam mirabile, quod cunctis fore debet notabile, simul etiam et evitabile. Erat quidam clericus Pataviensis ecclesiæ ædituus, cujus nomen dicebatur Wilibertus. Is quadam die, ex more sollicitudinis et officii commissi, percurrrens ac perlustrans quæque loca ecclesiæ, offendit in abditiis quemdam clericum, suum videlicet discipulum, in quodam opere pravo perniciousiter [*leg.* pernicialiter. E. P.] lapsus. Qui, mox plus timens homines quam Deum et electos ejus, rogavit magistrum ne cui diceret malum quod viderat. At ille horrens scelus dixit : Testor Dominum sanctosque illius quia, præ timore salutis animæ meæ, non audeo quod fecisti celare primum seniore meum, dein cæteros spiritales viros, qui mortifero vulnere tuo pœnitentiæ adhibeant melidam ac suggerant vitalis-consilii suadellam. Et subnectens discipulum vaniloquium inquit : quia rogationem meam austeritate tua repellis, nihil certius quam ut pœnis tradere velis. Et præceptor : Absit a me, inquit, ut te impie tractem, pœnisque traditum iri optem ! Post quæ verba magister et discipulus recesserunt ab invicem, valde diversam C habentes voluntatem. Nam discipulus quod magister bene dixit adeo in malum et deceptionem suimet convertit ut, tenebrosior nocte, noctu non modo strangularet magistrum, sed etiam propriis ligaminibus et fasciis ad trabes cubiculi, in quo solus, ut æstimo, ob castitatis custodiam dormire solebat, suspenderet. Quod pessime factum cryptis malitiæ abscondere gestiens, intus ostium clausum reliquit ; et ipse domate et tecto per fissuram sejuncto fur nequissimus exivit, ita reponens tegulas ut, excepto uno qui suspensus erat, ullum hominem intrasse penitus lateret humanas visiones. Unde contigit ut per totam Ecclesiam gravissimum scandalum exiret, quod inter laicos maxime efferebuit, publicis detractionibus draconizantes atque dicentes : Ecce sanctitas clericorum ; ecce apparent merita illorum, qui indigne præsumunt Ecclesiis ; ecce sacerdos qui, ipsa die in qua bis missas celebravit, Judam imitatus laqueo se suspendit. Qua de re Pataviensis episcopus valde turbatus, quia fas non erat suum proprium homicidam sepultum iri, nescio qua auctoritate jussit corpus igne cremari, nisi forte propterea id præcepit fieri ne animalia contaminarentur de tactu vel comestione cadaveris (262), ut dicam, secundum æstimationem hominum, inhumani ; aut

quod verius puto, dispensatione divina hoc factum sit, ut in sequentibus patebit. Nam cum totum corpus jam consumptum esset ignibus, in conspectu omnium qui aderant, cor, quasi ardere nolens, exiit de medio flammarum. Ob quod illi homines stupefacti, quoties ad comburendum idem cor in ignem projecerunt, toties incumbustum exire viderunt. Novissime vero cum totis viribus ab his qui aderant idem cor per contos et fustes in igne detineretur, nec sic consumi videretur, recesserunt ve-spillones, grande miraculum secum portantes. »

Ammonicius.

« Mira res valde et non solum nobis, sed etiam omnibus legentibus eam ! Proinde et ego charitatem tuam admoneo, ut ex ea parte studiosius aliquid eliciatur quod ædificet audientes, pariter et hæcce legentes. »

Collectitius.

« Quamvis non sim dignus dicere et scribere ista seu hujusmodi varia rerum opilia quæ spectant magnorum virorum opera mirabilia, tamen me in hac parte minime subtrahere censeo obedientiæ sacramento, et, in quantum Deus concedere dignabitur, fraternæ dilectionis condimento. Neque enim hæc aliter describere proposui, nisi ut fidelium prosint ædificationi. Sunt qui putant propterea cor presbyteri non posse igne consumi, quia, dum viveret, conscientiam non haberet quæ rea foret gehennæ ignis, excepta communi fragilitate generis humani. Quidam autem dicunt peccatorem salvum factum esse secundum Apostolum, sic tamen quasi per ignem (263). Ego vero affirmem, si vera sunt quæ de illo accepi, et quæ in verbo beati Hieronymi olim studiosus legi, omnia peccata martyrio certissime deleri. »

Ammonicius.

« Quia martyrium nominasti, et quia sunt nonnulli qui æstimant eos martyres esse qui cujuscunque generis pœna plectuntur, et ad oppetitionem propelluntur ; alique sunt qui e contrario autumant eos penitus perire quos more mortalium per strangulationem, sive per aquarum suffocationem, seu per incendium et alterius generis profligationem contigit repentinam mortem obire : quod sit martyrii verum genus et certum vellem te referente perdiscere. »

Collectitius.

« Puto huic inquisitioni satisfacere testimonia sacræ Scripturæ, quorum alterum est : Justus qualunque morte præventus fuerit, in refrigerio erit (264). Alterum quidem : Non facit martyrem pœna, sed causa (265). Inde enim et tu colligere potes quia verum et certum est genus martyrii hominem non a semetipso sed ab aliis propter justitiam occidi. Hoc enim evangelica veritas affirmat, quæ in aures fidelium clamat : Beati qui persecutionem patiuntur propter justitiam (266). »

(261) *Psal.* cxxviii.

(262) *Matth.* xxvii.

(263) *I Cor.* iii.

(264) *Sap.* iv.

(265) *SANCTUS GREGORIUS, lib. ii, indict. 10, epist. 37, ex Cypriano De duplici martyrio ad Fortunatum.*

(266) *Matth.* v.

Ammonicius.

« Solutioni quæstionis quam præceps promovi, o Collectici, satis vehemens occurristi; verumtamen testimoniis prolatis bene ministrasti non ingratis. Nunc ergo convenit ut edicas qualiter prædicta res ad hoc pervenerit quo reus tantæ factionis coram emergerit. »

Collectitius.

« In modum ductilis ceræ habebis me temperatum, si bonum in fructum progredi poterit quod ab homine peccatore seminatum fuerit. Erat quædam causa culpabilis et criminosa, de cujus objectione clericus qui prædictum sacrilegium et homicidium perpetravit atque pessime abscondit, se sacramento expurgare debuit. Sed omnino id efficere non potuit. Nam clericis, qui cum eo super B objecto crimine conjurare voluerant, neque per aquam neque per ignem fidem facere quiverat. Tunc miser totus volens in præcipitium ire, tandem in hanc vesaniam obstinatæ mentis prorupit ut perceptione corporis Dominici, sub periculosissima præsumptione, crimen suspectum a se gestiret avertere. Cui perniciosissimo periculo sapienter obvians episcopus, quia certiori fratrum relatione cognovit eundem clericum talium non esse morum ut ad tantum permitti deberet accedere judicio, jussit eum sub arcta custodia interim constringi, dum sano consilio deliberaret quid de illo fieri oporteret. Tunc undique, secum angustiis septus, e latebra reæ conscientie producens male absconditum facinus, confessus est se ob C accusationis timorem præfatum presbyterum strangulasse, simul et suspendisse, ac propterea ex objecto malo purgari nequisse. Quod ut audivit episcopus, sequestravit eum de clero ac privavit ordine sacro, auctoritate pastoralis præcipiens illi summo conamine penitentiam agere laqueisque diaboli se sic subtrahere. »

Ammonicius.

« Primum oportet ut Deo gratias et laudes dicamus in commune omnes, quia sacri ordinis infamiam, quæ, de morte prædicti sacerdotis importune prorumpens, nonnullorum sensibus haud parvas ignorantie sive horroris tenebras offudit, sub falsitatis fuco diu latitare minime permisit. Exin ob facinus tantum, dolore intima pungente, cogimur ejulando dicere: Heu! quam grande D malum operatur æquitatis odium, quod adeo, suadente diabolo, in præfata persona exarsit, ut discipulus perversus non solum nequiter insequeretur magistrum, sed etiam pessime necaret presbyterum! imo, quod pejus et gravius est omnibus maligni versutis, suspensio corporis exanimi strophose simulaverit ipsum, qui suspensus erat, ad exemplum Judæ homicidam fuisse sui! Ecce in palam processit quod de absconditis peccatorum sacra Scriptura prodit: Abscondi tanquam aurum peccata mea, et celavi in sinu iniquitatem meam (267). Quæ ira odioque

(267) *Job xxxi.*

A onerata non solum periculose aliquando crassescere, quin etiam perniciosissime solet indurescere, sacro eloquio testante ac dicente: Inveterata ira odium parit, odium vero interficit. Cujus venena si homines corporaliter inspicere valerent, a quo infundi solerent, procul dubio nimium inde abhorrerent. Quod si alicui evenerit, vellem a charitate tua hic insertum iri. »

Collectitius.

« Sicut charitas cooperit multitudinem peccatorum (268), ita e contrario ira et invidia dilectionis obliviscens, naturaliaque bona maligne consumens, et per varias occasiones coacervans dissensiones et offensiones, pertrahit odium usque ad homicidium. Quod, gravissimum super omnia malum, semper occulte diabolicoque instinctu inter cætera suarum artium molimina suggeri nemo dubitet. Interdum vero sator nequissimus quia inter homines manifeste discordiam et cætera maleficia in tantum seminare soleat ut etiam per ea multi intereant, nisi quis, Deo donante, conversus respiscat, ac de Satanæ aucupio per penitentiam evolans, vix ita illius pertinaci visco se subtrahere queat, et, si non omnes, tamen qui non ignorent existunt quam plures. Cæterum quo dilectioni tuæ meapte satisfiat, præsentis capitulo super hujuscemodi reconveniens exemplum proponam itaque sequentia humiliter colligendo supponam.

« Fuit quidam Papiæ miles, cujus nomen jam in cælo scriptum pia sperat fides, qui, ut relatu cognovi domini Arderici Verecellensis episcopi, postquam manus (sic) adolescentiæ sæcularibus implicamentis ex more humano detentus est et strictus, nec non per plures annos cum armis militariis se satis strenue inter commilitones exercuit filiosque jam procreavit; tandem in se reversus atque a sæculi vanitate conversus, cingulum mundanæ militiæ apud Sanctum Petrum in eadem civitate deposuit, et sub monastico habitu, stigmata crucis bajulare desiderans, Christo regum Regi cepit militare. Cujus filius miles et ipse strenuus, domui a patre familiaris rei hæres derelictus, tantis per quemdam Aginulfum, palatini scilicet comitis fratrem germanum, appetebatur inimicitias atque insidiis, ut limen domus propriæ minime auferet excedere. Cujus rei gratia idem qui post militiam factus est monachus, pietate plenus, ex permissione abbatis sub cujus regimine debebat, misit legatum ad virum prænominatum, rogans ut ob reverentiam S. Petri ad se minus pigritaret venire. Qui quamvis aliquantulum veritus esset religionem viri Dei, tamen non humilis, sed timidus advenit. Ante quem cum vir Dei in modum crucis esset prostratus, atque ab eo non sine admiratione fuisset levatus, humillime dixit ad eum: Quæ utilitas tibi, senior bone, illius filii mei sanguine, quem tantopere cupis interfectum iri a tuis? Ego pauper

(268) *I Petr. iv; Prov. x.*

servus servorum Dei et tuus, rogo te ut per misericordiam Domini nostri Jesu animum tuum ab incæpto retrahere velis, et misero, qui dignitati tuæ resistere non potest, parcere digneris. At illæ rancore superbæ elatus, atque inimici stimulis exasperatus, juramento sacramenti affirmat vitam propriam non libentius velle tueri, quam hoc vel per se vel per suos efficere, ut ejus vita pro quo tam obnixè homo Dei supplicabat, possit extorqueri et extinguì. Tunc humilis monachus magis pro eo quam pro filio, lacrymis infusus, ait: Eia, eia, domine Aginulfe, quam libenter et quam necessario vellem, si peccatis meis Dominum rogare auderem, ut tu videres hunc cujus per suggestionem homicidii amaritudo adeo tibi dulcorata est, quo nec ob misericordiam Dei, neque ob reverentia beati Petri a tanto malo velis inhiberi. Confido in Domino quia si illum videres, animum sine dilatione mutares. His et hujuscemodi dictis et auditis, abiit qui vocatus venerat, mentis obstinate secum onus portans. Verum proxima nocte sensit per principem tenebrarum mortisque ministrum quod faciendum proterviter decrevit quam foret sinistrum. Nam in prima vigilia noctis, ipso Aginulfo cum conjuge sua in lecto decubante, et pedissequis puellaribus in conclave jam strata foveatibus, nec non præ foribus cubiculariis exebantibus, subito apparuit Æthiops ad fornaculum stans, qui lignis ad prunas jam partim emortuas appositis ignem afflando succendit, atque terrorem cum stupore horribiliter his qui aderant incussit, nec non pene omnium hæc intuitum vires enervans adeo excussit, ut, eum necessario loqui atque signaculo crucis vel fidei munime signare se vellent, non solum hoc proficue facere nequirent, sed nec saltem mutire possent, excepto quod per totam noctem miserabiliter ululabant, dentibusque incessanter stridebant. Tunc dominus domus, ipse videlicet Aginulfus, videns diabolum cominus stantem, et quasi ad focum se calefacientem, timuit valde ne is qui ex improvise adveniebat, niger, hispidus, horridus hospes, potestate desuper data, se intra domus eos parietes et medio raperet, et infelicissime cum filiis gehennæ suum ex advena domesticum faceret. Quid ageret? quid consilii caperet? maximi: implicatus angustiis, quod horrendum vidit effari minime quivit. Omnes personæ illius clientelæ tremantes dolebant in commune, unam eandemque pœnam patiebantur universi, sub mortis comminatione. Tandem interiore homine arcanum sacræ fidei rememorante, cœpit corde tenus psallere; jam enim didicit psalmos, non illa nocte per officium oris verba profrens, sed totam vim corporis et animæ cum silentio usque ad lucem in Deum convertens. Tum Psalterio non externa sed interna cantione a principio usque ad calcem perlecto, clementia illius qui tollit peccata mundi, vix cum suis ab infestatione diabolica meruit liberari, atque Christiani sensus magna potentique gratia revisitari. Qui, solis jubare terras relustrante, per verbaconjugis

A audiens commanentibus grande periculum incubuisse nocturni timoris, dixit: Non ignoro propter peccata mea malum hoc accidisse, quod tot homines contigit per totam noctem graviter laborando insimul vidisse. Idcirco ad virum Dei, quem hesternam dei superbe contempsit, hodie mihi humiliter repedandum novi. Et confestim pergens quo eundem decrevit, advocato viri Dei nato, solo tenus oram eo prostratus, pœnitentiam egit super eo quod priori die adeo inexorabilis exstitit, nec non pacem ultro ei obtulit, cum eam dare prius etiam rogatus recusavit. Cujus rei gratia homo Dei lætificatus, Omnipoter ti magnificas grates retulit, et nihilominus omnis plebs, ut audivit, humanæ duritiæ mollificatori laudes dedit. »

B *Ammonitius.*

« Placet mihi, fateor, sententia quam ob prodendam simul et cavendam suggestionis diabolicæ malitiam proximo descripsisti capitulo, quæ, ut videtur meæ parvitati, non inconvenienter visio viva potest dici, quia per eam inimicus homo a morte proximi est prohibitus, atque vivus cum vivo in gratiam communis humanitatis vivaciter est reductus. De cætero, quod insidet animo, dilectioni tuæ consilium do, ut præsentis dialogi claudas librum, ne forte unius voluminis probabilem excedat modum. »

Collectitius.

C « Quamvis mihi non sit pro magno adjudicari ab homine vel ab humano die, tamen ita tuæ charitati meapte probum videtur consensum iri, ut narrationis gressibus in Galliam pergens, primum in ea factum tangam aliquo quod legentibus et audientibus utile sit, dein tendam ad voluminis finem, quatenus ibi fervor dictandi et scribendi ad tempus quiescat, sive decalescat, ubi sol, quotidie ad occasum vergens, mundo absentia sua noctis tenebras infundendo quodammodo ardere seu lucere mortalibus cessat.

D « Erat quidam nobilis homo habitans in Galliarum regno, qui se assidue in venatione inter alia exercens, die quadam quem necessarium habuit ad domum reditum protraxit usque ad diei noctisve crepusculum. Tunc illius canibus vulpeculam solito insequentibus et ingressis cujusdam cavernulas montis, dominus et senior valde dolens super interitu eorumdem canum, quia non poterant videri neque audiri, misit de suis militibus atque comitibus qui sibi de proximis villis ignem cum lumine afferrent, pariterque funes cum longis ordinibus deferrent, quibus cavitatem montis descendentes intrare valerent. Cumque unus ex illis qui post ignem et funiculos missi erant per foramen intraret, et intus diu nimiumque erraret, tandem ad buccinam cornicinum, quæ interim foris persultabat, vix reflectens iter ad dominum repedavit suum, et dixit ad eum: Domine, ista montana sunt omnia cava, ac horum interiora videntur quasi regio deserta, et, nisi mihi tuapte adjutores dentur qui funes cum ordinibus trahant, et per saxorum asperitates sustentare illos minus

fastidiant, certisque spatiorum locis divisi vigilantissima me cum lumine præcedente præstolentur custodia, nec quem mittis ultra videbis, et tamen canibus in æternum carebis. Non enim spero me ex tot anfractibus posse redire, nisi, Deo concedente, contingat parvitatem meam cum funiculo- rum attractione continua salutem concambire. Quid multa? Eodem momento cum his quos in adiutorium petebat ingressus est vir denuo, et aliquandiu restium ducatu incedendo moras per- pessus est exosas, quamvis, ut exitus rei probavit, non infructuosas. Nam cum luminis deportatione oppidoque necessaria in id tempus administratione, angulum quemdam horridum offenderet ac tenebrosam, aspexit duos homines cominus stantes et nihilominus lapides cum tribulis ferreis horribiliter flagellantes. Tunc investigator canum, ob insolitam visionem exterritus, moreque humanæ fragilitatis pene solo tenus collapsus, fugam inire paravit. Sed eum prohibuit unus ex tribulato- ribus, dicens: Ne fugias neque paveas, quoniam per misericordiam Domini nostri Jesu Christi ad hoc huc missus es ut dicam tibi quis sim, et cur hic in tanta tribulatione tot annorum evolutione, steterim. A quo, qui paulo ante per imbecillitatem exterritus pavidus, audito Christi nomine, factus fortis et validus, sciscitabatur hujusmodi verbis proloquens: Quid tu hic? aut quare talis et tantus homo, quem in sæculo judicialem et curialem cognovi, nuperque in propriis laribus bene valentem vidi, deputatus es in piætrinum et gurgustium hujusce loci? Notus est enim mihi locus habitationis tuæ, quam habuisti in mundo, sæpiusque bonum convivium habui proprietatis tuæ in fundo, nec non hæreditatem natalium tuorum, et uxorem tuam cum filiis per notitiam satis commendavi meis animis, si tu es ille homo cujus personam bene me dignoscere puto. Cumque vocabulum quod in baptismo acceperat diceret, possessionumve nomina in quibus habitaverat adjiceret; qui erat interrogatus respondit, ut de hac vita sublatus: Ille ipse quondam ego fui, quem tu modo me fuisse dixisti; sed propter peccata mea pro purgatorio igne ante multos annos huc sum deputatus. Quod autem vides non est caro, sed spiritus. Miror vero valde si adhuc aliquis meorum vivat, aut in sæculo, in quo cuncta veterascunt et deficiunt, superstes esse valeat. Contra subjunctum est a respondente, sermonis complice: Ego quoque satis mirari nequeo cur annos dixeris, cum hodie obitus tui sit dies septima, et cras illucescat octava. Uxor tua vivit et filii tui in sanitate manent, quod non fallax profero, sed veridicus, quia eos vidi nudius tertius. At defunctus respondens inquit: Non mihi videntur septem vel octo dies usque modo post mortis articulum, sed credo in me sævisse annorum octoginta pœnale periculum. Perinde rogo te in nomine Jesu Christi salvatoris omnium, ne meam

A spernas miseriam: sed quantocius ex legatione mea meis dicas et annunties ut, si me velint redemptum iri, reddant justis hæredibus prædium quod olim perverso scabinionum judicio ab invalidioribus abstuli. Quod si non fecerint, pro certo scio me usque in diem judicii de pœnis haud exiturum fore. Sin vero satisfactum fuerit postulationi meæ, spero vincula mea non diu teneri, sed ex templo absolvi. Et hoc illis et tibi signum redemptionis meæ certissimum, si recurrens huc adven- neris, et me hic non inveneris; sicque cum salute ad propria regredieris. Est et aliud signum præ manibus, quod tibi absque dilatione monstratur in canibus. Nam habebis eos penes te, qui in primis reversi essent, nisi ad nutum Domini in hoc loco subsisterent. Eadem hora cum canes adventassent, regressus est homo et præsentia canum placans dominum suum, cum festinatione ibat ad viduam et ad filios illius quem noviter allocutus est defuncti, ac indicabat illis quæ audierat et viderat in abditiis montis. Qui mox, flentes pro malo quod factum est, penitentiam egerunt, nec non elemosynis animam redimere festinarunt, reddentes prædium eis de quibus mandaverat qui erat in pœnis. Tunc rogatu omnium recurrens homo ad montem ubi promissum sperate absolu- tionis accepit, per immensæ pietatis fontem, ne sibi solitudo et tenebræ terrori essent et hor- rori, assumptis comitibus cum lumine intravit, et alterum prædicto signo absolutum invenit, et alte- rum in castigatione derelictum non solum vidit sed etiam invidit. Exiens vero inde inter fideles divulgare studuit gratiarum actiones. »

Ammonicus.

« Quid sibi vult hoc quod in purgatoria castiga- tione tribulæ ferreæ sunt visæ, ac exhibita lapi- dum flagella, nec non duorum parium alter est ibi relictus, alter quidem per absolutionem est inde sublatus? Questio siquidem et admiratio super hujusmodi rebus digna, certa exspectat absolu- tionis signa.»

Collectivus.

« Si velles, o Ammonici, contentus esse tempo- re prisco scriptis, lectis et dictis in talia, quæ de talibus rebus inveniuntur edita, credo tibi posse absolutionem sufficere, quam beatus Gregorius in Dialogorum libro, sciscitationibus Petri satis- faciens, de talibus visionibus plano sermone olim scribendo exposuit. Nunc vero quia impro- bilitatem tuam aliter avertere non possum, dicam breviter quid mihi de his videatur. Bene quoque et convenienter tribulæ visæ sunt, secundum id quod propheta testatur, dicens: Tribulabitur ibi fortis (269). Quod autem peccatores laborare visi sunt in saxorum flagellis, manifestissime increpat duritiam humanæ pravitatis. Cui Psalmista minatur dicens: Multa flagella peccato- ris (270). Quod vero unus per gratiam est assum- ptus et alter per judicis justiam in pœna est

derelictus, optime convenit evangelicæ sententiæ, A quam per utilitatem sui admodum placet sensibus meis. »

Collectitius.

« Et humilitati meæ placet, in nomine sanctæ Trinitatis claudere librum, quia sol cum fine brevis dieculæ jam petit occasum. »

Ammonicus.

« Solutio triplicis quæstionis tam per breviter

« Feliciter. Amen. »

ARNOLDI

EX COMITE VOHBURGENSEI MONACHI ET DECANI EMMERAMMENSIS ORD. S. BENED.

HOMILIA DE OCTO BEATITUDINIBUS ET SANCTO EMMERAMMO.

(Apud P. R. Pez, *Thes. Anecd.*, tom. IV, p. II, p. 29, ex ms. cod. bibliothecæ Emmeramm.)

Lectio S. Evangelii secundum Matthæum : In B *ventur fontes tui foras, et in plateis aquas tuas divide. Habeto eas solus, nec sint alieni participes tui.* Unusquisque fidelis aquam de cisterna sua et fluente putei sui bibit, cum spiritualis donum intelligentiæ sibi metipsi prius infundit, ea scilicet operibus adimplendo quæ se habere intelligit munere divino. Deinde derivantur foras fontes ejus, cum divinatorum gratiam donorum aliis subministrat exterius. In plateis verò dividuntur et aquæ, cum, juxta qualitatem et capacitatem uniuscujusque auditoris, viam veritatis late innotescit verbis et exemplis. Tunc enim habet eas solus, nec sunt alieni, id est dæmones, participes ejus, cum nec per vitium elationis malignæ, sed per spiritum humilitatis veræ, spiritualis gratiæ potum, prout potest, studet aliis exterius propinare.

HOMILIA LECTIIONIS EJSDEM.

Creator et Redemptor generis humani Jesus Christus Dominus noster omnes homines sine personarum acceptione ad suæ donum benignitatis invitat generaliter, dicens : *Si quis sitit, veniat ad me et bibat.* Unde et apostolus Petrus : *In veritate, inquit, comperi quia non est personarum acceptor Deus ; sed in omni gente, qui timet Deum et operatur justitiam, acceptus est illi.* Sitis hæc non exterioris hominis est accipienda, sed interioris, qui exteriorem tanto præcellit decore gemmaque nobilitatis, ut merito, tam in nobis quam in aliis, ille magis quam exterior diligatur, quia ab interiori vita exteriori attribuitur. Sicut enim exterioris hominis sitis per diversas liquorum exstinguitur materias, ita sitis hominis interioris per divini verbi varias recreatur sententias. Si qui autem nostrum ariditate invisibili laborant, ad Salvatorem credendo veniant ; ac ejus præceptis obaudiendo bibant, et bibendo, id est bene vivendo, æternaliter vivant.

Ad quam hujus potus gustus mercedem perveniat, ipse Dominus evangelica voce demonstrat : *Qui credit, inquit, in me, flumina de ventre ejus fluent aquæ vivæ.* Venter, de quo egrediuntur aquæ vivæ, est intellectus sensibilis animæ. De quo ventre flumen egreditur aquæ vivæ, cum donum, quod a Deo percipimus, spiritale proximis nostris humiliter satagimus administrare. Unde et per Salomonem unicuique fideli dicitur : *Bibe aquam de cisterna tua, et fluente putei tui ; deri-*

C test, studet aliis exterius propinare.

Hunc salutis potum Dominus Jesus discipulis suis porrigebat, quatenus ipsi biberent, et de eorum pectore aquæ vivæ emanarent, cum octo beatitudinum gratiam ad eorum dignatus est proferre notitiam ; quæ vitæ currentibus stadium, liberum regni cælestis pandunt introitum. Ait enim :

Beati pauperes spiritu. Paupertatis igitur afflictio res est media in hoc sæculo : quæ pro sustinentium qualitate et arbitrio beata seu non beata judicabitur in futuro. Multi sunt enim quos paupertatis miseria stringit, sed cælestis præmii promissio non ditabit, quia molestiam inopiæ freno patientiæ nesciunt tenere ; et quæ nequeunt apprehendere possidendo, per avaritiæ malum concupiscunt in animo. *Pauperes sunt spiritu,* qui per gratiam Spiritus sancti se submitunt spontaneæ paupertati. Idcirco, juxta sententiam Salvatoris, illa paupertas est laudabilis quæ aut habere non cupit, aut si habet, pro-

pter Deum erogando relinquit.—*Quoniam ipsorum est regnum cælorum.* Licet contemptores hujus sæculi adhuc graventur mole carnali, tamen jam fidei et spei gratia regni cœlestis possidebunt gaudia.

Beati mites. Mites sunt mansueti, qui Dominum mansuetudinis student imitari, qui dicit: *Discite a me quia mitis sum et humilis corde.* Sicut ille omnibus omnino hominibus suæ gratuite donum tribuit pietatis, ita, prout possunt, et mites unicuique satagunt prodesse absque felle amaritudinis.—*Quoniam ipsi possidebunt terram.* Non quæ visibilibus nostris obtutibus apparet terra, et diversam arborum herbarumque gignit materiam, sed illam quam spiritualiter intuebatur Psalmista invisibilem, dicens: *Credo videre bona Domini in terra viventium.* Ideo dicitur terra beatorum requies æterna, quia sicut terra soliditate cuncta præcellit elementa, ita beatitudo cœlestis permanebit solida et perpetua. Et revera tunc mites terram possident, quando in die judicii corporaliter resurgent, ut sicut divina corpore et anima observaverunt mandata, ita æternaliter coronentur corporis et animæ stola bina.

Beati qui lugent. Non communi sæcularis tristitiæ ductu, sed pœnitentiæ instinctu, suorum aliorumque detrimenta operum bonorum. Sunt namque lacrymæ quatuor his speciebus distinctæ. Sunt humidæ, salsæ et amaræ, calidæ, puræ. Sunt humidæ, quo sordes peccatorum possint abluere, et sacri lapsus baptismatis in gradum restituere dignæ reconciliationis. Unde Isaias: *Lavamini, inquit, et mundi estote.* Sicut enim materia aquarum visibili, carnis immunditia, ita lacrymarum ubertate lavatur spiritualiter et anima. Sunt salsæ et amaræ, quia per spem veniæ et terrorem ignis gehennæ uniuscujusque animum fidelis restringunt a culpa luxuriæ carnalis, sicut Dominus ait: *Sint lumbi vestri præcincti;* et Apostolus: *Sine pace et castimonia nemo videbit Deum.* Sunt calidæ ad repellendum frigus infidelitatis, et ad accendendum ardorem charitatis. Sicut sine oleo lucerna, ita fides sine charitatis, lampada. Sunt puræ, cum quis assidua flendi consuetudine peccati sui gratiam speraverit veniæ; et jam non timore ignis gehennæ, sed pro exspectatione æternæ beatitudinis incipit flere, cantans quotidie cum Psalmista in oratione: *Super flumina Babylonis, illic sedimus et flevimus, dum recordaremur tui, Sion.* Hi tales divinæ gaudia a consolationis merentur, ut subinfertur: — *quoniam ipsi consolabuntur,* illa videlicet consolatione quæ post hanc vitam sanctis dabitur in æterna requie.

Beati qui esuriunt et sitiunt justitiam. Justitiam esurire et sitire, est præcepta Dominica animo libenti audire, et sub omni festinantia operibus adimplere. In hoc enim loco justitia duobus modis est intelligenda. Justitia Dominum Christum significat, de quo apostolus Paulus dicit: *Qui factus est nobis justificatio et sanctificatio.* Et item justa Dei mandata possumus justitiam intelligere, quæ suos observatores creduntur justificare. Qui talem esuriam

sustinebunt justitiæ, merito beatæ satiæ verba merentur audire: — *quoniam ipsi saturabuntur.* non illa saturitate quam sequitur famis inopia, sed quam suspirabat Psalmista cum adhuc requievisset in terra: *Ego autem in justitia apparebo conspectui tuo: satiabor, dum manifestabitur gloria tua.*

Beati misericordes. Misericors dicitur qui aliorum necessitatibus compatitur. Quicumque enim veræ bonum misericordiæ desiderat adipisci, necesse est ut misereatur; primo sibi metipsum, ne quid, operibus consentiendo malis, admittat quod in futuro sinum cruciatus aperiat; et tunc misericordiam aliis juxta vires impendat, quam prius in semetipso bonorum operum executione didicerat.—*Quoniam ipsi misericordiam consequentur:* non illam quæ augeri vel minui valet pro diversitate temporum; sed quæ in divina contemplatione detrimenta non sustinebit in æternum.

Beati mundo corde. Illud etenim est cor mundum quod ab omni spurcitia vitiorum erit expurgatum, et quod non turpis conscientia, nec malarum cogitationum coinquinat frequentia. De qua coram munditia exorabat Dominum Psalmista dicens: *Cor mundum crea in me, Deus.*—*Quoniam ipsi Deum videbunt.* Deus enim spiritus est. Nemo enim Deum potest intueri nisi per spirituales oculos cordis mundi. Hic videbitur per gratiam specialem; in futuro autem facie ad faciem, ut Joannes ait: *Cum enim apparuerit, similes ei erimus, et videbitur eum sicuti est.*

Beati pacifici. Pacifici enim sunt qui pacem facere satagunt; primum in semetipsis, juxta Apostoli vocem dicentis: *Ne ergo regnet peccatum in vestro mortali corpore, ut obediatis concupiscentiis ejus.* Deinde vero dissidentium orda ad concordiam provocare cum mansuetudinis gratia. Unde Psalmista: *Cum his, inquit, qui oderunt pacem eram pacificus.* — *Quoniam filii Dei vocabuntur.* Merito ergo filii Dei vocabuntur pacifici, qui Dominum pacis student imitari. Quia Filii Dei ad hoc venerat in mundum ut Deo Patri suo pacificaret genus humanum, et per suæ gratiam passionis aperiret januam regni cœlestis. Nascente Salvatore, huic mundo angelorum pacem decantabat multitudo dicens: *Gloria in excelsis Deo, et in terra pax hominibus.* Et ipse Salvator, discessurus de mundo, eamdem discipulis commendabat dicendo: *Pacem relinquo vobis, pacem meam do vobis.* Nihil aliud, fratres, in pacis nomine, nisi se ipsum curavit relinquere, ut Paulus ait: *Ipse est enim pax nostra, qui fecit utraque unum.* Idcirco sub omni debemus devotione pacem diligere, si Deum pacis volumus habere placatum.

Beati qui persecutionem patiuntur propter justitiam. Sustinent enim persecutiones multi, ut homicidæ, fures et adulteri, nec tamen beatitudine consolabuntur cœlesti. Unde apostolus Petrus ait: *Nemo vestrum patiatur quasi homicida, aut fur, aut adulter. aut rapax.* Sed qui persecutionem patiuntur

propter Christum, — *ipsorum est regnum cælorum*. Unde Dominus alibi ait : *Si me persecuti sunt, et vos persequentur*. Hæc est gratuita miseratio Salvatoris, ut suos sectatores hæredes faciat regni cœlestis, et qui propter ipsum contempserunt bona temporalia, sine fine possideant gaudia sempiterna.

Hæc octo beatitudines, a Domino prolatæ, ad sanctorum electionem pertinent generali vocatione : quæ suos observatores justificant, et ad æternæ felicitatis gaudia perducunt.

Hæc nona vero quæ sequitur, specialiter sanctis apostolis et martyribus ascribitur, ut subinferatur : *Beati estis cum maledixerint vobis et persecuti vos fuerint*. Beati ergo apostoli et martyres non solum a præsentibus carceres et vincula, sed de absentibus maledictionis et detractionis sustinuerunt opprobria : — *et dixerint omne malum adversum vos mentientes*. Ideo contra prædicatores persecutorum versutia finxit mendacia, quia nullum in eis vestigium habuit malitia. Quæ præsumptionis causa hujuscemodi fecissent mala, ipse Dominus subjunxit, scilicet *propter me* ; quasi diceret : Hæc omnia non odio vestri, sed causa ingerunt nominis mei. — *Gaudete et exultate*, quandoquidem remunerationis gratiam perpetuæ pro vestri certaminis percipietis labore. — *Quoniam merces vestra multa est in cœlis*. Merces sanctorum merito multa dicitur, cum a Domino pro meritorum qualitate in cœlum centuplum remunerabitur, et vita perennis gaudia possidebunt in contemplatione divina.

Harum octo beatitudinum, nec non et nonæ, quæ solis, ut diximus, martyribus convenit, gustamina

(272) Id est Y,

A gloriosissimus martyr Christi Emmerammus mente flagranti sitiēbat ab infantia sub solerti degens cura magistrorum, quousque litteræ Pythagoricæ (272) conscenderat bivium, quæ, per ramusculos a dextris turgentes et a sinistris, viam vitæ discernit et mortis. Ascenso quoque hujus litteræ bivio, spiritali a dextris et a sinistris prospiciens oculo, sinistram viam, quæ voce Dominica *lata et spatiosa* nominatur, sub omni festinantia deseruit ; et dexteram quæ *arcta et angusta* dicitur, sicuti est, idoneæ gratia intentionis arripuit, ut postea vitæ suæ conversatio comprobavit. Suscepta vero bene conversandi deliberatione, de virtute in virtutem proficiens die noctuque, acclamatione concordi universorum elevatus est in episcopalis dignitatis primatum, juxta ecclesiasticæ decreta legis prius ordinis clericatus gradibus ascensis.

Cumque summis polleret virtutibus, in apice summo illud evangelicum dictum volvere cœperat animo : *Cui plus committitur, plus ab eo exigitur* ; timens ne talentum sibi creditum sine lucro reportaret ad Christum, cum decore comitatu clericorum futurum se prædicatorem destinaverat ad gentem Hunnorum ; quæ tunc temporis, lumine veritatis obcæcata, diversis idolorum cultibus se submittebat devota. Cumque ab hac nutu divino prohibitus, per triennium fidei semina in Norico spargeret, et multos ad lucem, quæ Christus est, in ea converteret, cum palma martyrii, permirabiliter consummati, migravit ad Dominum : cui laus est et gloria per infinita sæcula sæculorum. Amen.

Arnolt Abba logon tractat, quem dixerat oon. Mercedem gratis monadem dans octo beatis.

APPENDIX AD ARNOLDUM.

I.

DESCRIPTIO CENSUUM, PROVENTUUM AC FRUCTUUM

EX PRÆDIIS MONASTERII S. EMMERAMMI,

Tempore abbatis Burchardi (1031) et Arnolde præpositi munus agente.

(Apud R. P. PEZ. *Thesauri Anecd.* I, ii, col. 67).

Anno ab Incarnatione Domini nostri Jesu Christi D millesimo tricesimo primo, indictione xiv, rerum cœnobii S. Emmerammi sub abbate Burchardo, ipso jubente et nihilominus Arnolde præposito eas disquirente, fratrum cœtu familiaque probante,

D præsens descriptio facta est. Hunc abbatem misit nobis Augia, quem conservans gratia superna adaugeat omnia sibi commissa.

De civitate ista terræ salicæ iii hobæ et dimidie Servitores habent iii hobæ ; villicus habet xii

gera ; servi salici jugera xv ; mansi ix : singuli solvunt xxx denarios et ligna ix, curtilla cxxxii ; in hac civitate dantur.

De Hartinga terræ salicæ hobæ iii et xxii jugera Sicco senior habet ii hobas ; junior Sicco i hobam. Eques habet i hobam. Servi salici habent xxvi jugera ; mansi vi : solvent cervisiæ situlas xv, et alii tres debent dare iv porcellos. Singuli dant ovem tremissam valentem, et duos pullos, et duodecim ova, vi denarios pro vermiculo. Tres faciunt bis in anno pannum de lino in longitudine cubit. xii, in latitud. iv. Censuales vir unus, feminæ v.

De Skira terræ salicæ v hobas et dimidiam. et Decimatio de ipsa villa. Mansi x. Singuli solvunt per annum ovem tremissam valentem, et vi denarios pro vermiculo. Ex his v debet per singulos cervisiæ xxv situlas ; alii quinque iv porcellos. i mala cum duabus rotis, et nemus quercetum. Et villicus habet i hobam, forestarii ii habent i hobam et xxiii jugera. Pannos debent de lana vii, in longit. cubitos ix, in latitudine iv. Censuales duo viri et vii mulieres.

De Alpurc terræ salicæ minus sex jugeribus, vii hobis. Villicus habet i hobam. Mansi iv tantumdem census quantum apud Eiterhof solvitur. Molendinus i cum una rota ; panni de lana ii.

De Eiterhova terræ salicæ vii hob. Villicus habet iv hobas. Equites habent hobas xxv. Parcalci ii hob. Mansi xvii hob et dimidia ; insimul omnes sexaginta et dimid. Ipsi persolvunt ovem et porcum, tremissam valentem, et iv porcellos, et duos pullos, et xii ova, et duos modios umuli, pulmarum xii manus. Duo mansi faciunt unum pannum de lana in longitudine cubitorum vii, in latitudine iv. Equites persolvunt x et vii porcos, tremissas valentes, unum integrum solidum, alterum dimidium tremissæ. Duo faciunt unum camisiale in longitudine x, in latitudine ix ; quidam ex illis, dant v carradata cffervisiæ ; septem vero equitant, et prædictum censum dant Parscalchi solvunt oves una minus de viginti ; et i modios avenæ. Sex molæ. De molendinis et nemore nongenti. Censuales viri iv, feminæ xxiv. Servitores habent hob. xii sine censu.

De Matinga terræ salicæ ix hob., mansi iv pannos de lana ii, tantumdem census quantum apud Eiterhof solvitur.

Ad Aschc vineæ viii. Vinitores habent x et viii jugera. Ad Rota vinea dimidium hob.

Ad Heridios uramara decimatio omnium quæ ibi solvuntur. Ex parte australi Danubii, in nemore quod pertinet ad Ostoronhof, decimatio omnium quæ ab eo solvuntur.

Ad Vuimdbere decimatio omnium quæ solvuntur de silva, et cæteris ad usum ejusdem montis pertinentibus. Ad Reinanbach hobæ duæ. Ab his solvuntur modii vi sigalis, ix modii avenæ. Phrisinga v denarios valens et nummi xx. Ad Inlaraspach hobæ ii. Ad Vodaprethisperga quinque hobæ. Ad Rudilinga iii hobæ, et dimidiam. Villicus habet unam hobam. A dimidio hobæ solvuntur xv mo-

diis sigalis. Ad Etinrach i hoba solvit x modios avenæ et xx nummos, ovem v denariorum ; alii olba solvit ix denarios.

Ad Tanna i hoba solvit x modios avenæ, modium i sigalis. Mansi v ; ipsi mansi solvunt per singulos ovem et porcum tremissam valentem, et cervisiæ situlas xxx, tritici tres modios minores, et pannum de lana in longitudine cubitorum ix, in latitudine iv, et decimatio de ipsa villa. Mola i cum duabus rotis.

De Perga terræ salicæ tres hobæ, mansus i, eodem censu quo apud Giginhova solvitur. Mola una cum duabus rotis, tertia pars decimationis. Clericus habet i hobam. Censuales x, et ix feminæ. Forstarii, vinitores et alii l jugera et i Ad Aganpuoch iii hobæ ; ab his solvuntur centum nummi.

De Ufhusa terræ salicæ iii hobæ, et decimatio. Clericus habet i, villicus habet i hobam. Mansi x. Harum una solvit v situlas mellis, altera solvit iv modios solvunt porcum, dimidium solidum valentem, et ovem, tremissam valentem, et iv porcellos, et tres pullos, et xii ova, et liv denarios pro vermiculo. Et duo faciunt pannum de lana in longit. cubitorum vii, in latitudine iv, et pannum de lino in long. cubit. x, in lat. iv. Salici servi habent xxx jugera. Censuales viri v et una minus xl mulieres.

De Hachalstat terræ salicæ hobæ vi, mansi vii. Villicus habet i hobam et xii jugera, et decimationem de ipsa villa. Singuli dant xxv situlas cervisiæ, ovem, tremissam valentem, et duos pullos, et xii ova ; et duo faciunt pannum de lino in longit. cub. xii, in lat. iv ; et tres faciunt bis in anno pannum de lana in long. cub. ix, in lat. iv, et xiii denarios pro vermiculo. Censuales iii feminæ. Forstarius et alii habent xxx et tria jugera.

De Tuncoilinga terræ salicæ vi hob. et decimatio. Villicus habet iv hobas, Richere ii hobas, Reginpato i hob. Heizo i hobam. Mansi viii. Singuli solvunt cervisiæ situlas xxv. Hungelt i, ovem tremissam valentem, et duos pullos, xii ova, insimul faciunt pannos de lana iv, in long. cub. ix, in lat. iv, et duos in long. cub. vi, in lat. iv. Singuli solvunt v denarios pro vermiculo. Molæ iii, cum v rotis. Pellenarii x. Ipsi dant xxx porcellos, singulos denarios. v valentes. Feminæ eorum solvunt in hieme vi denarios. Forstarii et alii habent lx jugera. Censuales vir unus, et ix mulieres.

De Erchanpiunt terræ salicæ iii hobæ. Villicus et alii habent ii hobas. De Erilinga x hobæ. Singule solvunt cervisiæ situlas xxv, porcum xxx denarios valentem, ovem tremissam valentem, i modium tritici, xii denarios pro uxoris opere. Parscalchi habent ii hobas, a quibus solvunt ii oves, tremissas totidem valentes, modios x avenæ, et i parafidos.

De Pisinga terræ salicæ vi hobæ, et xxi jugera, decimatio de duabus ecclesiis, et ipsa villa, et de

aliis iv locis. Clericus habet v jugera, et i hobam. A Villicus habet ii hobas et ix jugera. Mansi X : singuli solvunt xxv situlas cervisiæ, et tres modios avenæ, xii ova, ii pullos; duo faciunt pannum de lino long. cub. xii, latit. iv; tres faciunt bis in anno pannum de lana in long. cub. ix, latit. iv; sex denarios pro vermiculo. Molæ duæ cum tribus rotis. Servi salici habent xx et vii jugera. Censuales mulieres ii.

De Sahsinperc terræ salicæ ii hobæ et xxvii jugera. Cellenarii tres solvunt solidos iii. Ad Ruit terræ salicæ i hoba et iii jugera.

De Tanna terræ salicæ hobæ vii, decimatio de xii ecclesiis. Villicus habet v hob. et dimidiam. Clericus habet ii hobas. Servitores habent iii hob. Mansi x. Singuli solvunt cervisiæ situlas xxii, duos pullos, xii ova, Hungelt i ovem, tremissam valentem, pannos vi de lana et dimidiam in long. cub. ix latit. iv et pannos v de lino in long. cub. xii, in lat. iv, et xl denarios pro vermiculo. Molæ iii, cum v rotis. Duæ hobæ censuales dant xii modios bracæ, modios cumuli. Decem cellenarii. Ex his iv dant cervisiæ situlas xx. Duo dant xxx denarios, et alii duo xxx denarios. Duo sine censu. Forstarii et alii hobas iii habent. Censuales vir unus, et xi mulieres.

De Sippinhowa terræ salicæ ii hobæ, Mansi ii. Hi dant cervisiæ situlas xxv, duos pullos, xii ova, et operuntur sicut et Tanna.

De Niwnhusa terræ salicæ vii hobæ, mansi x : solvunt porcum, solidum valentem, iii modios tritici, xxx situlas cervisiæ, iii pullos, xii ova; tres faciunt pannum de lana longitudine cub. ix, latit. iv; duo faciunt pannum de lino long. cub. xv, lat. iv. Ad Vualda ii hobæ solvunt x modios avenæ, x modios sigalis, i modium tritici. Item i hoba solvit porcum tremissam valentem, xx situlas cervisiæ, modios tritici, et de alia v modios avenæ, iii modios tritici.

Ad Habachstal solvunt vii modios avenæ, porcum tremissam valentem, i modium cumuli. Ad Wiuari ii hobæ solvunt iv solidos et xx denarios. Ad Orto i hoba solvit iii situlas mellis. Item ab uno rure i situlam menis. Clericus habet i hobam. De octo villis decimatio et de ipsa villa. Mola i. Villicus habet ii hobas. Servitores habent i hobam et dimidiam. Servi salici habent i hobam. Censuales duæ feminæ.

De Engildiesdorf terræ salicæ v et xxiv jugera, decimatio de ipsa villa. Villicus i hobam habet. Mansi iv : singuli solvunt xxx situlas cervisiæ, iv porcellos nutriunt, ovem tremissam valentem, ii modios tritici farinæ, iv pullos. Tres faciunt pannum de lana longit. cub. ix, lat. iv. Duo faciunt pannum de lino longit. cub. xii, latit. iv. Censuales iii feminæ, et unus vir. Ad N. dimidia hoba. Ab hac solvuntur tres situlæ mellis, et ab altera parte hobæ dantur v modii avenæ, et i mod. sigalis. Ad Husterin dimidia hoba. Ab ea datur ejusdem census. Ad Starcholvesdorf ii hobæ solvunt xl situlas cervisiæ, et iv porcellos,

uno anno faciunt pannum de lana long. ix, latit. ix, altero anno pannum faciunt de lino long. cubit. xii, latit iv.

De Inninga terræ salicæ vi hobæ, mansi viii et dimidia : singuli solvant ii porcos, tremissas ii valentes, porcellos iv, nutriunt ii pullos, xii ova, dat pannum de lino long. cub. xii, lat. iv, cujus dimidium operatur ex proprio. Tres faciunt pannum de lana longit. cub. ix, latit. iv Molæ ii, cun. iv rotis. Villicus habet iii hobas, servi salici habent xv jugera. Servitores habent ii hobas. Ad Keltingon terræ salicæ iv hobæ et dimidia. Ad Emheringun ii hobas. Ab his dant duos porcos, duas tremissas valentes, xx modios avenæ, ii modios sigalis.

Ad Plioningun ii hobæ. Ab his dantur duæ oves v tremissas valentes, ii carrad. cervisiæ, ii modios tritici farinæ.

Ad Gisalpache i hoba solvit x mod. avenæ, i mod. sigalis, porcum tremissam valentem. Ad Stenihart i hoba solvit x modios avenæ, i mod. sigalis, ovem v denarios valentem, censuales xii feminæ, tres viri.

De Ruiti terræ salicæ iv hobæ. De Chefinpurum terræ salicæ v hobæ, decimationes de ipsa villa, et de xx hobis. Parschalci habent hobas lxx et vi, et dimidiam. Skafuuar habet i hobam. Præco habet i hobam. Forstarii duo habent i hobam. Piscatores habent iii hob. Equites xi : singuli dant integrum souma vini, et vi modios avenæ, et i modium sigalis, et i modium cumuli, xvi de parsehalcis solvunt singuli i souma vini, et vi modios avenæ, et i mod. sigalis, i modium minorem tritici, et dimidium lini, tantum mellis quantum potest capi manu, et ovem tremissam valentem, et vasculum plenum fabarum, et aliud lini, et parafredos dant. Item quinquaginta singuli solvunt i souma vini, vi modios avenæ, ovem tremissam valentem. De Vuollinheim dimidia hoba solvit i carrad. salis, iii modios avenæ, ovem v denarios valentem. Ad Sechtaha i hoba solvit minorem modium sigalis, et minorem modium tritici. Ad Puoch i hoba solvit i modium sigalis. Ad Chesinpurum servi salici habent dimidiam hobam, mansi xxviii et dimidiam. Singuli solvunt avenæ vi modios, et i souma vini, et duos pullos, et xii ova, et duos modios cumuli, et ovem tremissam valentem. Duo faciunt pannum i de lana longit. cub. vii, lat. iii et pannum de lino cub. xii latit. iv. Molæ vi, cum xii rotis. Vadum integrum, et alio in loco dimid. Villicus habet i hob. et dimid. Molæ ii cum iv rotis. Clericus habet i hobam, Adalhard habet ii hobas, Razi habet dimidiam hob. Solvit ovem iv scotis valentem, et iv modios avenæ. Servi salici habent i hob. et duo jugera. Modiorum autem avenæ numerus et hic de xxxiv. Ex omnibus quæ ab Ruit dantur, colliguntur souma vini nonaginta quatuor. Ad Hal iv sar-tagines, ad Chizeinisloch hob. ii. De Lutranpach terræ salicæ x hob. decimatio de v ecclesiis. Cle-

ricus habet 1 hobam, villicus duas hobas, mansi x et viii. Singuli solvunt porcos duos, tremissas valentes, et v pullos, et xii ova. Singuli ex proprio faciunt pannum de lino in longit. cub. vi, latit. iv, et tres bis in anno pannum faciunt de lana in long. cub. ix, lat. iv. Hungeli iv. Censuales iii hobas, ex quibus solvuntur situlæ xiv mellis. Servitores habent iv hobas. Duæ cellæ cum tribus hobis salicæ terræ, vi cellenarii. Singuli dant tres modios sigalis, et xv situlas cervisiæ; quatuor dant xl situlas cervisiæ, viii modios sigalis. Servi salici habent iv hobas et octo jugera. De exteriori rure dimid. hoba, ex qua solvuntur xxx denarii, et ab alio rure solvuntur x denarii.

Ad Racholveshouun iii hobæ, ex quibus solvuntur xxx situlæ cervisiæ, x modii sigalis, v modii tritici, et lx denarii. Ad Sigonhouun v modios avenæ, iii modios sigalis. Molæ vi cum x rotis. Censuales viri vi: solvunt singuli xxx denarios, quinque solvunt l denar.; et tringenta sex mulieres: singulæ dant x denarios. Salicæ feminæ xii: dant lx denarios. Remanent xxx et ii porci, et oves xvi.

De Ferhinga terræ salicæ tres hobæ, decimatio de ipsa villa et tribus villis. Clericus habet duas hobas et iii jugera. Mani viii singuli nutriunt iv porcellos et dant ii pullos, xii ova, et ovem tremissam valentem, et x et xviii denarios pro vermiculo, Hungelt solvunt i, et pannos faciunt de lino iv, in longit. cub. x, in latit. iii; de lana in longit. cubit vi, in lat. iv. Ex tribus unus solvitur in longit. iv, in latit. iv. Villicus habet dimidiam hobam. Servi salici habent xxx et iii jugera. Censuales x mulieres C denarios.

De Hartheim terræ salicæ iv hobæ, mansi v. Singuli solvunt ovem tremissam valentem, et porcos totidem valentes, et nutriunt iv porcellos, et vi denarios pro vermiculo, et duos pullos, et xii ova; et tres faciunt pannum de lana in long. cub. ix, in latit. iv; et tres faciunt pannum de lino in long. cub. x in lat. iv. Servi salici habent xxx jugera. Censuales ii viri, et xi mulieres x denar. et iv solidos.

De Perchusa terræ salicæ hobas vi, decimatio de ipsa villa, et de xx ecclesiis. Clericus habet i hobam, villicus habet vii hob. Mansi x. Singuli solvunt situlas cervisiæ xx ovem tremissam valentem i modium tritici, iii porcellos, ii pullos, et xii ova. Et duo faciunt duos pannos de lana in longit. cub. vii, in lat. iv. Et duo faciunt pannum de lino in long. cub. x, in lat. cub. iv.

Ad Scafasholi iv hobæ. Singuli solvunt cervisiæ situlas xxv, ovem tremissam valentem. Molæ v, cum rotis v. Hungelt i. Ad Fihohus iv hobæ. Singuli sunt cervisiæ situlas xv. Ad Suinesdorf i hoba, et solvit cervisiæ situlas xx. Ad Gundolvingun a quatuor hobis solvuntur xxx modios avenæ, et v majores modios tritici, et lxxx denarios. Richperat habet iii, Sindolt i hob. Suithart i hob., servi

salici iii hobas. Censuales viri xxvii, et lxxvii mulieres.

De Husa terræ salicæ iv hobas, Mansi iv. Singuli dant porcum duas tremissas valentem, et ovem tremissam valentem, et iv pullos, et duodecim ova, et vasculum vermiculi. Et duo faciunt pannum de lino in longit. cub. x, in lat. iv. Villicus habet i hobam; Forstarii et alii servi salici habent i hobam: Taberna i. Mola i.

De Truthmuotehem terræ salicæ vii hob., decimatio de ipsa villa. Clericus habet i hobam. Villicus habet ii hob. et duo jugera. Mansi x: singuli solvunt porcum solidum valentem, et xii situlas cervisiæ, et i modium tritici, et ii pullos. Et tres faciunt pannum de lana in longit. cub. xii, in latit. iv. Taberna i, mola i. Servitores et cæteri servi salici habent iv et dimid. Censuales viri et feminæ xl. Ad Gundolvesheim v jugera dant tremissas.

De Lucilinaha terræ salicæ viii hobæ, decimatio de ipsa villa. Clericus i hobam, villicus v hobas. Mansi xii. Singuli solvunt cervisiæ situlas xxx. porcum tremissam valentem, i modium sigalis, ii pullos. Et tres faciunt pannum de lana in long. cub. ix, in lat. iv. Ad Itepurgarivit v hob. solvunt cervisiæ situl. xx, porcum tremissam valentem.

Ad Tanloch i hoba solvit cervisiæ situlas xx, porcum tremissam valentem, i mod. sigalis. Quinque ex Lucilinaha solvunt porcum v denar. valentem, et x situlas cervisiæ. Ad Vuilda iv hob. solvunt porcum v denar. valentem, et x situlas cerv., et i hoba solvit xx situlas cervis. et ovem tremissam valentem. Molæ iv. Servi salici habent ii hobas. Adalpero habet i hob. Ad Vuilda ab uno Ruitæ solvuntur situlæ mellis. Ad Tiorhartasperga dimid. hob.

De Emihova terræ salicæ iii hob. villicus xii jugera. Mansi iv. Ex duabus hobis solvuntur ii porci dimidium solidum valentes, et xl situlæ cervis, et ab aliis duabus hobis solvuntur ii oves tremissas valentes, et xl situlæ cervisiæ; et hoba i solvit xx situlas cerv. Et duo faciunt pannum de lana in long. cubit. ix, in lat. iv. Molæ ii, cum iv rotis. Servi salici habent xx jugera et i hobam.

De Isiniga terræ salicæ iv hob. et ix jugera. i decimatio de ipsa villa. Villicus habet ii hob. jug. Junior Perman xiii jug. et frater ejus l. jug. Vinitores xlviij jugera. Servi salici habent ii jugera. Mansi vii. Singuli solvunt cervisiæ sit. xx, ovem tremissam valentem, ii pullos, xii ova; tres faciunt bis in anno pannum de lana in long. cub. ix, lat. iv; et duo faciunt pannum de lino long. cub. xii, lat. iv. Censuales viri v, feminæ xi. Ad Skiosdorf hob. solvunt iv solidos.

De Stabilwis terræ salicæ hob. v et ix jug., decimatio de ipsa villa et alia. Villicus habet ii jug., iv servi salici xl jug. Mansi ix. Tres faciunt bis

in anno pannum de lana long. cub. ix, lat. iv. A Duo faciunt pannum de lino long. cub. xii, lat. iv.

De Orilinhem sunt xiv hobæ. Singulæ solvunt xv situlas cervisiæ, et porcum xv den. valentem, i modium tritici, et i modium avenæ; insimul dant pro opere xv solidos. Villicus habet xi jugera et i hob. Fortstarius habet vi jug. Ad Alaraspach mola i, cum iii rotis. Molinarius habet xv jugera. Ad Hegilinhoven sunt v hobæ, et vii jugera. Ab his dantur xl denarii et xvi modii avenæ. Ad Horsconoshovan sunt xv hobæ. Ab his solvuntur xv solidi in ferro. Ad Etmalesdorf sunt vii rura. A singulis ruribus v et xl denarii dantur. Ad Suaincandorf sunt ii hobæ. Solvunt lxx denarios. Ad Priempere sunt xiii hobæ. Singulæ solvunt situlas xxx, denarios xxx. Ad Mântal nha viii hobæ. Ab his solvuntur. . Ad Duomantala a sex ruribus dantur ix solidi. Ad Fiscpac sunt ii hobæ. Ab his dantur xl denarii. Ad Sunit dantur tres situlæ mellis. Ad Puolonsuant sunt novem rura. A septem solvitur talentum, et cidaliarius unum habet. Ad Eri-linpach sunt iv. Ab his dantur iv solidi. Ad Furdona sunt x rura. Ab his solvuntur x solidi. Ad Pruvualasdorf sunt tria rura. Quatuor solidi ab his dantur. Ad Urpach sunt tria rura. Ab his dantur iii solidi. Ad Hwilinan sunt duo rura. Ab his dantur xl denarii. De Maganaspach solidi xii. De Ab-batiswinidum solidi iv, denarii x. De Harda talentum unum, denarii x.

Ad portam monasterii terræ salicæ hoba i, quam minister habet in beneficium; decimatio i de curte principali et de aliis xvi. Curtilia iv, duo in beneficium concessa, et duo censualia, ex quibus redduntur lviii denarii; familia censualis de capite, id est, xii viri et xv mulieres, ad prædictam portam pertinentes, ex quibus urb. . vel suburbaniis, nec non et de curtilibus, vel extra sitis ruribus annualiter persolvendæ sunt libræ iii et vi solidi denarii. Hi sequentes loci cum omni puritate servicii ministrant: de Curte ad Egilisprunna ecclesia cum decimatione ipsius loci, et aliorum xiii locorum. Terræ salicæ hobas iv et dimid. Servi salici habent xii jugera. Mansores viii, qui singuli reddunt cervisiæ situlas xvii, ovem unam, tremissam valentem, modium unum et dimidium farinæ; vicissim per annos hungelt red. Arant iii dies in hebdomada, operantur iii dies hebd., ratem unam, feminæ eorum trinæ lod. i, duæ autem camasil. i. Molæ ii. Domus i. De Cheringozashova lxxx denarii. De Talahova lxx denarii, cervisiæ situlas xvii, ovem unam tremiss. valentem, modios vii avenæ, carradas iv, ligni ad focum, pullum i, ova v, pascit porcum i. Operantur in..... in autumno similiter, arat in hebdom. iii dies, herbicat, secat, inducit carradium i, fenum scat, et inducit. De Scerhanhova cervisiæ situlas xl; arat per annum xviii jugera. De Frianvelt cervis. xxx modios, ii sigali. Annualiter arant vi jug. De Marchunashusa xii massæ fieri reddunt. De Entihova xi denarios. Presbyter

hob. i. Villicus habet hobam i et viii jug. Equitarius unus habet hob. i et decimam i. Equitat ubicunque præcipitur. De Dechtapeta, ecclesia cum decimatione tantum unius loci. Terræ salicæ hobas v. Servi salicis habent xxvii jug., vinea una cum vinitore. Ad Roccashova hobæ duæ, ex quibus redduntur cervis, situl. xx et den. xxx. Modius unus triticeus, molæ ii. Ad Gebrihinga ecclesia cum decimatione ipsius loci, et aliorum iv locorum. Terræ salicæ hobas iii et xx, ii jug. Servi salici habent xii. Jurnales mansores vi, qui singuli debent cervis, sidulas xvii, ovem unam, tremiss. valentem, modium et dimidium farinæ; vicissim per annos hungelt reddit ratem i. Arant in hebdom. ii jug., operantur iv dies in hebd., feminæ eorum trinæ, i. ludilonem, duæ autem camasilæ, i., reddunt vermiculi coppos ii. Ad Tegandorf censuales hobæ ix, qui simul reddunt cervis, carradas v, farinæ modios xxii et dimid., denarios solidos vi. Ad Essislidorf hoba dimid.; inde persolvunt den. xl, mod. ii. De Sinzinga persolv. den. lx. De Altasvelt den. l. Ad Matinga ecclesia cum decimatione ipsius loci, censuales holæ iv, qui simul reddunt cervis. carad. iii. et denar. xl. Molæ ii.

Hæc sunt beneficia Proponis in Getlovinge, quibus a sancto Emmerammo est beneficiatus, et Ulicus filius ejus. In Geltolvinge iv curiæ; in Maurlinge i curia; in hintach silva et curia. In Harthusen duæ curiæ; in Wolferchoven ii curiæ; Rude-linge altera dimidia curia. Hæc vero sunt quæ alii ab eo beneficiati tenent: in Hakhelstat i huba, in Aitterhoven ii hubæ et tertiam partem decimæ; in Rudelinge dimid. huba, in Chessawe ii hubæ; in Much prope Ronige una huba; in Niderspach ii hubæ; in Swinsbach ii curiæ, in Gailsbach una curia, et hubam unam.

Buchardi ab S. Emmerammi complacitatio cum Ruitensibus.

In nomine Domini. Notum sit fidelibus, non infidelibus, qualiter bonæ memoriæ abbas Purchardus, inter cætera quæ in rebus B. Emmerammi sibi que famulantium ad commodum duxit vel vertit, assentiente tota fratrum caterva cum manu advocati sui Kadalhohi, comitis excellentissimi, hanc compendiosam cum Ruitensibus fecit complacitationem: ut de familia quæ ad Ruit pertinet, mansi scilicet, seu hiltiscalchi expediti a sale fiscali censu ex parte adaucto, quem antea solvebant per singulos annos, de singulis hobis vini sauma non aliunde quam de suo proprio persolvant. Hoc autem vinum sive illud hic prædicti servi emant, sive ad Pauzona emptum pergant, tale debet esse ut ad libitum Scafwardi sub juramento constricti totum probetur, et sic in cellario collocetur. Hanc vero census auctionem sub eo tenore professi sunt ut pro colonis seu agricolis ad alia loca minime ulta transferatur, sed eis et suis posteris habitare, consistere ac servire, liceat in his locis et terris quæ ad prædictam curtem nomine Ruite pertinere dignoscuntur. Servi quoque

salici ad sal vasa, et cætera necessaria faciant, vestitu et annona de prænominata curte sibi concessa. Hujus pactionis testes, quamplures, more Bajorico attracti per aures, quorum nomina hic habentur suscripta: Williham, Aceli, Adalbreht, Pabo, Arnolt, Haitfolc, Ledunc, Engilhere, Heizo, item Heizo, Rutpreth, Engelhere.

Otto Episcopus Ratisbonensis monasterio S. Emmerammi remittit decem talenta, quæ Gebehardus illius antecessor quot annis in festivitate S. Emmerammi exigere ab abbate consueverat.

In nomine Domini nostri Jesu Christi. Otto Dei gratia Ratisponensis episcopus. Agnitum esse volumus omnibus veritatis cultoribus, præsentibus et futuri, maxime tamen successoribus nostris, qualiter nos, pro amore Dei ac nostra salute et pro remedio animæ antecessoris nostri piæ memoriæ Gebehardi, relevare cupientes servitium quod idem antecessor noster quotannis in festivitate S. Emmerammi ab abbate illius loci non cauta discretionem sibi fecit xx talentis persolvi, et hanc quantitatem nostris temporibus derivatam ex consuetudinaria lege quasi debitam reliquit, dimidiam ejus partem, id est, x talenta precibus Eberhardi abbatis donavimus, sc. statuentes ut quisque successor noster, aut natali die memorandi martyris Christi apud monasterium ipsius publicam missam celebrans, solito more ibi prandeat, aut si natalitio interesse non possit, x talenta argenti pro commemoratione legitimæ stationis accipiat, sciens procul dubio quia si quid huic summæ salubri consilio a nobis diffinite adaugere tentaverit; maximam sibi iram in die iræ thesaurizabit. Hujus rei testes sunt religiosi clerici Peruart, Sigbreht, Cum-

A po, Hartuic, Sigihart, Sigepolt, Cumpo, Odalrih. Testes sunt et hi populares laici: Heinricus Comes, Pabo frater ejus, Udalrih de Præginza, Roh, Aribo, Adalhoh, Mathin, Prun, Cotescalk.

Heinricus dux Austriæ donat monasterio S. Emmerammi quamdam justitiam, quam olim Wernherus de Winchelsæze jure beneficii obtinuit.

Heinricus Dei gratia dux Astriæ omnibus Christi fidelibus tam præsentis ætatis quam successuræ posteritatis in Christo salutem.

Quia petitioni servorum Christi propter Deum et in Deo est annuendum, notificamus omnium honorum discretionem, quod, propter petitionem dilecti abbatis nostri Adelberti, justitiam nostram, quam jure beneficii Wernherus de Winchelsæze a nobis visus est habuisse, ecclesiæ S. Emmerammi indulsumus et tradidimus, eo videlicet tenore, quod præfatus abbas et omnes successores a nobis, et a filio nostro Liuppoldo, et ab omnibus successoribus nostris cum quiete et sine læsione ad usum fratrum ibidem Deo servientium habeant et possideant. Ut autem actio nostra tenacius memoriæ omnium tam futurorum quam præsentium imprimatur, præsentem chartam inde conscribi fecimus, et testes, qui aderant, annotari præcipimus: Comes Liutolfus, comes Sifridus, dapifer Werinhardus, Udalricus, Albero de Burkartesdorf, Heinricus de Mistelbach, Albero de Kunringen. Eorum summa hæc colligitur: de Ufhusen solidus 1, de Skure solidi 11, de Egilsbrunne solidi 11, de Lanne solidi 11, de Bisingen solidi 1, de Benteingen solidi 1, de Gebrichingen solidi 1, de Ysiningen solidi 1, qui sunt annuatim solidi duodecim.

II

ANNALES SANCTI EMMERAMMI RANISPONENSIS

(Apud PERTZ, *Monumenta Germaniæ hist.*, Script. I, 91.)

MONITUM.

Annales Ratisponenses majores ex codice sancti Emmerammi primum Mabilonius (*Analect.* t. IV) typis dederat, jam vero multo melius summaque diligentia confectum ejusdem authentici exemplum studiis V. Cl. Bernhadi Docenii, bibliothecæ regiæ Monacensis custodis solidasque de re nostra meritis, debemus. Cujus litteris mense Novembri anni 1823 ad Societatis directores datis annexa est codicis descriptio, ex qua quæ ad rem nostram faciunt afferimus. Codex est inter S. Emmeramianos E. 79, initio sæculi IX, et, ut verius dicam, *anni domini Hludowici quarti indic. 10. die 16 kal. mai.* scriptus, ut vir doctissimus ex ultimis deletæ in prima pagina sententiæ verbis haud incongrue conjicit; continet opus de computo, calendarium astronomicum, cyclos decennovennales annorum 779, 873 et ultimis sex foliis inde a fol. 80 annales istos, una eademque manu exaratos. Eadem manus numeros 824, 849 addidit, altera seriem ab a. 850 ad a. 941 perduxit, notis nullis additis, ita ut totum annalium opus anno 823 scriptum esse videatur. Quæ cum ita sint, addito quod anno 805 voces sensu carentes non auctorem sed scribam imperitum prodant, clarissimi Docenii sententiam amplector, qui ista ex paulo antiquiori codice — quem cyclos decennovennales abbatie sancti Emmerammi fuisse autumo — descripta esse sensit. Idem innuit operis instituti ratio, anni multi nota carentes, et opus simile in eodem codice præcedens. Adnotationes nonnullæ cum annalibus Juvavensibus conveniunt.

Annales sancti Emmerammi minores Andreas Felix Cefelius t. I. Scriptorum rerum Boicarum, pag. 46,

ex codice membranaceo ab Hartmanno Schedel bibliothecæ Monacensi illato edidit. Una cum Bedæ libro De ratione temporum cyclos decennovennales inde a Christo nato usque ad annum 1063 continet; adnotationes, Oefelio teste, duobus scriptoribus debentur, quorum manus littera recta et obliqua distinxit. Et nos quidem non duos, sed complures viros per sæculorum decursum notas licet brevissimas adjecisse, et nonnulla minus recte ab Oefelio exscripta esse opinati, litteras ea de re ad Doctorem nostrum dedimus, cujus tamen curas codicem hucusque effugisse dolemus. Eo fortasse usus est Andreas Ratisponensis in chronico episcoporum Ratisponensium, nam quamvis annorum apud eum computatio in universum minime cum annalibus nostris conveniat, anno tamen 962 initium episcopatus S. Wolfgangi attribui posse his verbis *vel sicut in quadam chronica satis authentica legitur dicit*; necnon primum Ratisbonæ episcopum Gaubaldum nominat, quum tamen rectius Gausbaldus vel Gauzbaldus audiat, quippe qui et in annalibus Mettensibus ad a. 743 Cauzebaldus vocetur.

ANNALES SANCTI EMMERAMMI RATISPONENSIS MAJORES.

ANNI A NATIVITATE DOMINI.

748. Pippinus Grifonem de Baiowaria expulit, et Tassiloni ducatum dedit.
- 749.
750. Pippinus rex factus est.
751. 752.
753. Stephanus papa in Frantiam venit.
754. Bonifacius martyrizatur.
755. 756. 757. 758. 759. 760. 761. 762.
763. Hiemps magnus erat.
764. 765. 766. 767.
768. Pippinus rex obiit, et Carolus et Carolomanus reges facti sunt.
769. 770. 771.
772. Carolus in Saxonia conquesivit Eresbure et Irminsul, et Tassilo Carentanus. Adrianus papa factus est.
- 773.
774. Carolus Papiam cepit. Sanctus Hrodpertus translatus est.
775. 776. 777. 778. 779. 780. 781. 782.
783. Huni ad Enisam venerunt, sed ibi nocuerunt nihil.
784. Hiltigart regina et Arpeo (273) episcopus obierunt, et Atto (274) episcopus factus est.
785. Pugna Baiowariorum cum Hrodperto ad Pazana (275). Virgilius episcopus (276) et Oportunus abbas (277) obierunt.
786. Hartrat malum consilium fecit; et signum in vestimentis hominum. Arn episcopus (278) ordinatus est.
787. Dominus Carolus rex Romæ fuit, et inde ad Leh; obsidem Tassilonis filium Theodonem tulit.
788. Tassilo captus est, et Huni ad Furgali (279) et in Baiowaria; et Carolus primo in Baiowaria.
789. 790.
- A 791. Carolus primo in Huniam.
792. Synodus contra Felice in Reganesbure; et malum consilium (280) contra Carolum.
793. Carolus per fossatum Alhmonem.
794. Synodus ad Franchonovadam.
- 795.
796. Adrianus papa obiit. Huni se reddiderunt. Leo papa factus est.
- 797.
798. Arn archiepiscopus factus est.
799. Leo papa martyrizatur.
800. Liutgardis regina obiit.
801. Carolus imperator factus est.
802. Cadaloc et Goterhammus seu ceteri multi interfecti fuerunt ad castellum Guntionis (281).
803. Carolus ad Salzbure monasterium fuit.
804. Saxones ab ultra Albium (282) expulsi. Athwinus obiit.
805. Leo papa ad Carisiaco noster dominus habuit. Cabuanus (283) venit ad domno Carolo, et Abraham cagonus (284) baptizatus super Fiskaha (285).
806. Carolus regnum divisit inter filios suos in Theodonis villa.
807. 808. 809.
810. Pippinus obiit 8. Id. Iul. Magna mortalitas animalium fuit.
811. Carolus junior obiit, 2. Non. Decembr.
812. Bernhardus a domno Carolo rex factus est.
813. Dominus Carolus imperator Hludowico filio suo coronam imperii imposuit.
- C 814. Dominus Carolus imperator obiit 5 Kal. Febr. etatis suæ anno 71^o, et dominus Hludowicus imperare cœpit.
- 815.
816. Leo papa obiit. Stephanus papa factus est et in mense Octobr. in Remis civitate domnum Hludowicum ad imperatorem benedixit.

NOTÆ.

(273) Frisingensis; alias Arlo, Aribo; cf. Meichelbek Hist. Frising. I. 82.

(274) Frisingensis.

(275) Botzen.

(276) Salzbürgensis.

(277) Lunælacensis.

(278) Salzbürgensis.

(279) I. e. in Friuli, Foro-Julio.

(280) Pippini.

(281) Num Gunzburg in Alamannia?

(282) Num natale Domini?

(283) I. e. cabcanus, caganus, Theodorus nomine cf. ann. Einhardi ad h. a.

(284) Caganus, Theodori successor, supra in ann. Juvavensibus *paganus*.

(285) Fluvius in confinio Austriæ et Ungariæ.

817. Pascualis papa factus est, et Baturicus episcopus (286).
 818. Pernhardus rex carmalum (287) levavit.
 819. Pernhardus interiit. Hiltipaldus episcopus (288) obiit et Odolfus (289) comis. Liudwit carmulam levavit.
 A 820. Hostis magna contra Hliudwitum.
 821. Alia hoste.
 822. Domnus Hludowicus ad Franconovadam, et Hludharius in Langobardiam.
 823. Hiemps magnus, similiter siccitas grandis et famis valida (290).

ANNALES SANCTI EMMERAMMI RATISPONENSIS MINORES.

ANNO INCARNATIONIS DOMINI.

732. Gaubaldus ²⁷ ordinatur episcopus (291).
 743. Karolus imperator natus est.
 756. Sintpertus ordinatur episcopus.
 792. Adalwinus ordinatur episcopus.
 814. *Karulus imperator obiit* ²⁸.
 817. Baturicus episcopus ordinatur.
 844. *Satzpurc cremata est.*
 845. *Pattavia crematur.*
 848. Erchanfridus ordinatur episcopus.
 858. Ambricho ordinatur episcopus.
 862. *Erchanfrid obiit.*
 865. *Terræ motus fuit.*
 890. *Sic cremata est Radisbona. Ambricho episcopus, Ethico abbas obierunt. Aspertus (292) ordinatur episcopus.*
 893. Asperht episcopus obiit.
 894. Tuto ordinatur episcopus.
 895. *Zuendipalc dux obiit.*
 896. *Terræ motus secundus fuit.*
 906. Radasbona igne cremata.
 907. Exercitus Baiowariorum occisus fuit (293).
 933. Isangrim ordinatur episcopus.
 942. Guntharius ordinatur episcopus, post 30 hebdomadas obiit.
 944. *Michael accepit ferulam.*
 945. *Occisio paganorum (294) ad Weles.*
 947. *Berachtoldus dux (295) obiit.*
 948. *Heinricus dux (295) effectus est. Et Otto rex*
 B *Radasponam venit (296). Et ingens thonitruum factum est. Occisio paganorum ad Norrum (297).*
 951. Perahtold filius Arnulphi expulsus est de Norrica.
 972. Sanctus Wolfkangus ordinatur episcopus.
 975. Ramuoldus a sancto Wolfkango ordinatur abbas (298).
 995. Gebehardus primus ordinatur episcopus.
 1000. Wolframms ordinatur abbas.
 1006. Wolframms injuste deponitur, et Richoldus substituitur.
 1023. Gebehardus secundus ordinatur episcopus.
 1024. Heinricus imperator obiit, Chuonradus successit.
 C 1028. Richoldus cæcitate percussus sancto Hartwico abbatiam reliquit. Is anno secundo sponte regimen monasterii deseruit, cui Burchard successit.
 1036. Gebehardus tertius ordinatur episcopus.
 1037. Burchard abbas apud Romam in pascale die defunctus est; cui successit Oudalricus.
 1044. Beringerus ordinatur abbas.
 1048. Reginwardus ordinatur abbas.
 1052. Translatio sancti Wolfkangi episcopi, et dedicatio criptæ ejus.
 1060. Otto ordinatur episcopus.
 1062. Combustio cenobii sancti Emmerammi idibus Aprilis.

VARIÆ LECTIONES.

(²⁷) *legendum videtur gausbaldus vel gauzbaldus, quamvis et Andreas Ratisponensis gaubaldus scribat. (²⁸) hic et in sequentibus nonnunquam Cefele Fin. et Finit scripsit; codicem habere existimo, quod obiit legendum esse constat.*

NOTÆ

- (286) Ratisbonensis.
 (287) I. e. tumultum, vox Slavica.
 (288) Coloniensis et abbas Menseensis. Traditt. Manseenses apud Ekhart Franc. Orient. II. 155.
 (289) Bajoariæ post Geroldum rector. Meichelbek Hist. Frising. dipl. nro. 373.
 (290) *Numeri annorum 824-845 a prima manu eodemque atramento prænotati sunt; numeri sequentes usque ad 941mum non longe post ab alia manu additi sunt, nulla præterea apposita rerum gestarum memorat. DOCEN.*
 (291) Ratisponensis, uti et qui sequuntur episcopi.
 (292) Notissimus Arnulfi cancellarius.
 (293) Cf. ann. Alamannicos supra pag. 54.
 (294) Ungarorum; cf. Reginonis continuatorem a. 944.
 (295) Bajoariæ, cf. Reginonis cont. a. 945.
 (296) Anno 954.
 (297) Anno 955 ad Lechum.
 (298) S. Emmerammi, ut etiam abbates sequentes; eo usque episcopi Ratisponenses simul abbatie S. Emmerammi præfuerant.

ANNO DOMINI MXXXI.

ARIBO

MOGUNTINUS ARCHIEPISCOPUS

NOTITIA HISTORICA.

FABRIC., *Bibliotheca medicæ et infirmæ Latinitatis*, I, 134.)

Aribo, ex gente comitum Summuntarianorum (*de Hohenwart*) archiepiscopus Moguntinus ab anno 1021 ad 1031, præfuit concilio Moguntino anno 1023 et Selgenstadendibus anno 1024 et 1026; atque præter epistolas ad Bernonem abbatem, laudatas Thritemio cap. 309. Scripsit Commentarium in psalmos graduum, quem memorat Sigebertus cap. 140. Plura de hoc Aribone Georgius Christianus Joannis ad librum v Nicolai Serarii, tom. 1 Rerum Moguntiacarum, pag. 463 seq.

CONCILIIUM SALEGUNSTADIENSE.

In causa disciplinæ ecclesiasticæ celebratum anno Redemptoris nostri 1022, tempore Benedicti papæ et Heinrici imperatoris, præsidebat ARIBONE.

(*Canones hujus concilii et appendix De initianda synodo exstant Patrologiæ tom. CXL, col. 900*)

ANNO DOMINI MXXXII.

EBALUS

REMENSIS ARCHIEPISCOPUS.

NOTITIA HISTORICA

(*Gallia Christiana nova*, tom. IX, pag. 64.)

Ebalus, comes Rociacensis, primum laicus, nupsit Beatrici de Hannonia, filiæ Rainerii comitis et Harwidis Roberti Francorum regis sororis. Electionem ejus sic narrat Chronicon Cameracense lib. III, cap. 25: « Defuncto Arnulfo Remensium archiepiscopo, Azelinus (hic est Adalbero episcopus) Laudunensis quemdem laicum Ebulonem nomine, antea suum secretarium et suæ calliditatis conscium, acclamavit; et ut rex concederet suis adulationibus impetravit; virum sane nullius disciplinæ, nihil etiam litterarum præter pauca syllogismorum argumenta scientem, quibus idiotas ac simplices quoque ludificari solebat. Sub specie vero litterarum ad tanti honoris fastigium multo ante tenderat, spemque suam multa pecunia cumulabat, quam usuris turpiter coacervaverat. Hoc quoque Azelinus multo

ante quæsit, et nunc maxime insudabat quatenus per eum suas calliditates liberius exerceret. » Habet vero contra illud testimonium manifeste pugnantem Fulbertum Carnotensem, qui in epistola 38 Guidoni coepiscopo suo ab ordinatione Ebali Remensis nihil esse metuendum ostendit. « Si est, ut dicitur, ad infantia Christianus, sano sensu, sacris litteris eruditus, sobrius, castus, amator pacis et dilectionis, nullo crimine, nulla infamiæ nota turbatus, tandemque a clero et populo suæ civitatis electus; magni etenim viri, inquit, Ambrosius Mediolanensis et Germanus Antissiodorensis aliique nonnulli, quia tales in laico habitu exstiterunt, subito nobis sancti præsules exierunt.

Quin et idem Fulbertus, cum propter damna quædam Ecclesiæ Remensi ab Odone Campaniæ comite

illata Ebalus animo remissior loco cedere medita- A retur, eum ne curam gregis Domini relinquere vellet, cohortatus est: « Audivi, inquit, sic te mœrore afflictum ut curam gregis Dominici relinquere velis; quod ego acriter et amice redarguo, testans te, si hoc egeris, non fuisse pastorem. » Alias denique luculentioris adhuc testimonii litteras legeris apud eundem, quæ sic incipiunt: *Gloria et honore digno Patri et archiepiscopo Ebalu*; ita vero desinunt, *Vale in infinitum.*

Ange consilii magni te consule Christi.

Sedebat Ebalus anno 1022 ex Chronico Centu- jensi; sed ostendimus in Arnulfo decessore suo

initia pontificatus ejus ad annum 1024 revocanda esse. Anno 1026 restituit monasterio Mosomagensi ecclesiam Duziaci quam antiquitus possederat. Anno 1027 Heinricum I regem, vivente adhuc Roberto patre, coronavit die Pentecostes. Anno 1032 procuravit instaurationem monasterii Sparnacensis. Obiit v Idus Maii ex Necrologio Remensi, anno 1033 ex Chronico Mosomagensi corpus ejus sepultum jacet juxta gradus chori versus Odeum sub lapide cui inscriptum est solitarium ejus nomen *Ebalus archiepiscopus*. Deditur dicitur canonicis suis ecclesiam de Bethana curte pro anniversario suo.

EBALI ARCHIEPISCOPI REMENSIS

CHARTA PRO COENOBIO MOSOMENSIS.

(Anno 1024)

(*Actes de la province ecclésiastique de Reims tom. II, pag. 7.*)

In nomine summæ et invidiæ Trinitatis. Ego EBALUS, superna largiente gratia, licet indignus, sanctæ Remensis Ecclesiæ archipræsul.

Notum volumus esse universis viris religiosis, clericis, necnon et fidelibus laicis, quod venerabilis abbas Sanctæ Mariæ Mosomensis ecclesiæ, Boso vocitatus nomine, adiit nostræ parvitatæ præsentiam, humili devotione rogans ut ecclesiam in villa quæ dicitur Duziaco sitam, ecclesiæ sibi Dei nutu commissæ antiquitate subjectam, sed negligentia et in curia suorum antecessorum aliquandiu substractam amore Dei, et causa parvitatæ loci, seu remedio animæ meæ, antecessorumque meorum ad supplementum victus fratrum inibi sub regula sancti Benedicti militantium restituerem. Cujus humili petitioni, penuriæ loci compassus, assensum præbui

B eamque prædicto loco, nonnullis fidelium coram astantibus, prout jam ex voto destinaveram, reddidi: auctoritate Dei omnipotentis, sanctæque Mariæ ejus genitricis, omniumque sanctorum, necnon pontificali decreto nostræ auctoritatis interdicens ne ullus nostrorum successorum jam dicto loco aliquo modo eandem subtrahat ecclesiam, vel præjudicium faciat. Et hæc nostra donatio per succedentium temporum curricula firma et inconvulsa, et absque ulla contradictione iniquorum virorum quæta permaneat, manu nostra firmavimus, nostrorumque fidelium manibus roborandum tradidimus.

Signum Ebalii Remorum archipræsulis. Signum Adalberonis episcopi. Signum Hugonis archidiaconi. Signum Harduini archidiaconi. Signum C Aluifi archidiaconi.

CLERI NOVIOMENSIS ET TORNACENSIS

EPISTOLA

Ad episcopos provinciæ Remensis, de episcopo eligendo.

(Anno 1030.)

(*Actes de la province ecclésiastique de Reims, II, 48.*)

Domino EBALO, gloriosissimo Remorum archiepiscopo, et cæteris diocesis metropolis episcopis, ADALBERONI scilicet Laudunensi episcopo, ROTGERO Catalaunensi, GERARDO Cameracensi, VARINO Belvacensi, VUIDONI Silvanectensi, FULCONI Ambianensi, DROGONI Tarvanensi, clerus et populus Noviomensis

D ac Tornacensis Ecclesiæ, huic sanctæ sedi specialiter obsequentes.

Quoniam, secundum canonicam institutionem, nullam Ecclesiam, pastorali regimine destitutam, præter metropolitanam ac diocesanorum episcoporum auctoritatem, ad antistitem subrogandum fas

est aspirare, vestræ sanctitatis excellentiam, patres beatissimi, necessitate coacti adimus, et sicut ad montes Dei oculos dirigimus, per quos nobis auxilium venire, Deo propitiante, confidimus. Sublimes enim montes merito vocati, cedrorum Libani celsitudinem verticis dignitate præcellitis, in quibus divinitus constituta esse dignoscitur habitatio Dei viventis; cælo si quidem proximiores effecti, a vero sole, qui Pater luminum vocatur et est, a quo totius luminis origo procedit, vi cujus irradiati inferiores quoque illati luminis participatione illustratis, ac cælesti rore a superioribus defluente humiliores secundos efficitis; sub umbram igitur vestri culminis fiducialius confugientes, vestra protectione tueri depreciamur quatenus, diuturni luctus elogio paterno more compatiendo, nobis suffragium consolationis præbeatis, et spem incepti gaudii ad effectum perducere non differatis. Dolemus quidem et ejulando lacrymis deficimus, utpote piissimi patris nostri Harduini, videlicet episcopi, morte admodum desolati, quem, proh dolor? communis humanæ conditionis casus nobis repente subripuit; miseratione autem serenissimi regis Rotberti in nostra tribulatione consolari cœpimus, cujus immensa pietate ad petitionem totius Ecclesiæ rectorem petivimus dominum, videlicet Hugonem, Ecclesiæ nostræ Tornacensis præpositum, Cameracensis autem archidiaconum, quem communi voto pastorem eligimus, rectorem depreciamur, pontificio proclamamus. Eligimus ergo eum talem qualem jubet apostolica et canonica auctoritas, fide catholicum, natura pru-

dentem, docibilem, patientem, moribus temperatum, vita castum, sobrium, humilem, affabilem, misericordem, litteratum, in lege Dei instructum, in Scripturarum sensibus cautum, in dogmatibus ecclesiasticis exercitatum, et secundum Scripturarum tramitem traditionemque orthodoxam, et canonum ac decretorum sedis apostolicæ, præsulum constitutiones, sano sensu ecclesiasticas regulas intelligentem, sanoque sermone docentem atque servantem, amplectentem eum qui secundum doctrinam est fidelem sermonem et cum modestia corripientem eos qui resistunt, et si qui sanæ doctrinæ adversantur eis resistere et redarguere sana doctrina prævalentem; hospitalem modestum, suæ domui bene præpositum, non neophytum, habentem testimonium bonum; in gradibus singulis, secundum traditionem ecclesiasticam, ministrantem ad omne opus bonum, et ad satisfactionem omni poscenti rationem. His ergo et aliis virtutibus plenissime pollentem, omnimodis petimus ut quantocius vestra benedictione nobis illum consecretis antistitem, quatenus, auctore Deo, plebs quæ diu episcopali regimine caruit, sub tanto pontifice, ad pastorem et episcopum animarum nostrarum conversa, suo Domino militare valeat, quia, testante Scriptura, integritas præsentium salus est subditorum, et ubi incolumitas est obedientiæ, ibi sana est forma doctrinæ; quia autem omnes nec evectione equorum, nec officio pedum adesse valemus, unanimes huic scripturæ assensum præbemus.

ANNO DOMINI MXXXIII.

JOANNES XIX PAPA

NOTITIA HISTORICA

(Ciaconius, *Vitæ Romanorum pontificum*, pag. 266.)

Joannes XIX, Romanus, ex comitibus Tusculanis, qui et Signiæ, et de comitibus dicti sunt, Gregorii filius, Benedicti VIII, prædecessoris sui, frater Germanus, quæ res rarissimo exemplo accidit, semel in Stephano II et Paulo ejus successore, qui fratres fuerunt, sicut et nunc in Joanne et Benedicto VIII secundo accidit, et nusquam alias contigisse invenitur.

Episcopus fuit Joannes, Portuensis, Henrico et Chunrado junioribus imperatoribus Augustis, sedit annos viii, menses ix, dies ix; ex monacho S. Benedicti in monasterio S. Anastasii Romæ, Guidone et Theoderico vetustis auctoribus tradenti-

bus; creatus pridie Kal. Martii, a Tusculanorum comitum factione suffectus. Joannem hunc Platina xxi nominat, quia in numerum pontificum perpetam refert Joannem feminam fabulosam, et Joannem XVIII qui sedem pontificiam usurpavit contra Gregorium quintum legitimum pontificem. Ipse tamen in diplomatibus suis, quorum hodie multa exemplaria, exstant, se XIX appellat.

Heinricus imp., morbo, quo decubuerat, ingravescente, quoniam filios non habebat, Chunradum Franconiæ ducem sibi successorem eligere consuluit; Chunigundem uxorem virginem declaravit, virgo ipse defunctus, maxima ejus puritatis

apud homines opinione relicta, in Idus Julias anni 1024 expiravit, cujus memoria inter beatos recollitur pridie Idus Julii.

Chunradus II imperator Romæ in basilica Vaticana, die Paschæ, vii Kal. Aprilis, a Joanne decimo nono papa, coronatus est, anno 1027, qui Romanos minis terruit Joannem pontificem infestantes, exitium quoque interminatus, nisi a vexando pontifice quiescerent.

Basilius junior Augustus circa Kal. Octobris mortuus est Constantinopoli.

Imperator Constantinus X Aug. solus imperavit annos 11, mens. xi.

Anno 1028 Vido Aretinus, vir artis musicæ eruditissimus, novam vocum flectendorum disciplinam, quæ in hunc usque diem observatur, per litteras syllabasque flexuris digitorum lævæ manus adjungendas edidisse fertur, aliaque composuit opera, quorum Trithemius meminit.

Imper. Constantinus X Aug. obiit circa Kalend. Septembris, anno 1029.

Imp. Romanus IV Argyrus Aug. imperavit annos V, menses vi.

Sub Joanne decimo nono, anno Domini 1030, congregatio tertia Sancti Benedicti, quæ Vallis-Umbrosæ dicitur, originem habuit. Eo enim anno prima ejusdem comitia habentur, quibus ipsius auctor et fundator B. Johannes Gualbertus, Florentinus, vir sanctissimus, abbas generalis creatus est. Is adhuc juvenis cum fraternam cædem magna armatorum manu ulcisci procuraret, casu hostem obvium in oppido Miniatis habuit. Qui terrore perterritus, illico Joanni supplex factus, ad ipsius

A genua precidens veniam Christi gratia petebat; qui eum illæsum abire permittens, statim proximum templum ingressus est, Crucifixum continuo cujus simulacrum orabat, referre ei capite inclinato ob ejus facti gratias, ut ipse et omnes qui aderant clare conspexere. Quo prodigio attonitus, relictis omnibus, monasticam vitam elegit, et in loco qui Vallis-Umbrosa dicitur, juxta Appenninum secessit; inibique disciplinam sub S. Benedicto regulam amictu coloris Veneti instituit. Quam Alexander II et Gregorius VII confirmarunt. Obiit anno Domini 1074, in cœnobio Possiniano, iv Idus Julii, miraculis clarus, ibidem sepultus. Quem cum inter sanctos a Gregorio septimo declaratum vera fama referat, Cœlestinus III idem certus approbavit. Cujus successores viri optimi Patres institutum promovere, et hoc ex chronicis Bernardi monachi, et S. Antonini traditur.

Anno 1031 in Campania B. Dominicus, mirabilium patrator operum, multorumque fundator cœnobiorum apud Soram jam ferme octuagenarius obiit, atque in monasterio quod postea ab eo nomen accepit sepultus est. Hunc Loricatum Petrus Damiani vocat, quod ad macerandum interioris amictus asperitate carnem lorica uteretur.

Concilia tria sub ejus pontificatu habita, Gerbicense, et Franckofordiense, anno 1024, et Auberriense anno 1030.

Joannes autem, cujus vita mirifice laudatus, anno pontificatus sui viii, mense ix, die x, moritur vi Idus Novembris, anno 1032, sepultus ad S. Petrum. Vacavit sedes dies duos. Auctores Glaber Rodulphus, et Leo Marsicanus in Historia Casinensi.

NOTITIA DIPLOMATICA.

(Jaffé, *Regesta pontificum Romanorum*, pag. 357.)

Joannis XIX bullæ sunt scriptæ per manum,

« « *Sergii notarii regionarii et scriniarii S. R. E.* (1, 10, 18)

« « *Rogerii* " " " " (2)

« « *Georgii* " " " " (4, 5, 9, 19)

« « *Joannis cardinalis et cancellarii vice Petri diaconi* (7); cf. bullam apud Ughelli Ital. Sac. V, 1110. Datæ p. m.

« « *Benedicti Portuensis episcopi et bibliothecarii S. apost. Sedis* (8)

« « *Benedicti Portuensis episcopi, vice Peregrini, Coloniensis archiepiscopi, bibliothecarii S. Sedis apost.* (4)

« « *Bosonis episcopi S. Tiburtinæ Ecclesiæ et bibliothecarii S. apost. Sed.* (4, 5, 7)

« « *Petri episcopi Prænestinæ Ecclesiæ et bibliothecarii S. apost. Sed.* (6)

JOANNIS XIX PAPÆ EPISTOLÆ ET DIPLOMATA

I.

Joannis XIX papæ privilegium pro ecclesia Portuensi.

(Anno 1025.)

[MARINI *Papiri diplomatici*, I, 70.]

JOANNES episcopus, servus servorum Dei, charis-

D simo in Domino Jesu Christo filio BENEDICTO, sanctæ Portuensis Ecclesiæ episcopo successoribusque suis in perpetuum.

Quoniam semper sunt concedenda que rationabiliter a fidelibus fiunt postulata, oportet nos in concedendis privilegiis nostram benevolentiam lar-

giri et munificentiam. Et quia a perfectionis culmine, sæcularibus præpediti negotiis, valde distamus, ex eo nos potissimum ab omnipotenti Deo veniam promereri et gratiam adipisci confidimus, si rectitudinis normam tenentibus et evangelica conversatione pollentibus defensionis et nostro munimine subrogamus. Unde, quia tua dilectio a nostra sublimitate humiliter expetiit, quatenus concederemus et confirmarem vobis vestrisque successoribus in perpetuum episcopatum supradictum cum pertinentiis suis; inclinati precibus vestris, per hujus præcepti seriem concedimus et confirmamus vobis vestrisque successoribus in perpetuum prædictum episcopium, scilicet Portuensis Ecclesiæ, quod positum esse videtur foris prædictam civitatem Portuensem, cui vocabulum est sancti Hypoliti, cum vineis et hortis qui sunt in circuitu ejusdem ecclesiæ, pariter et clausuram (*clausuram de vinea una*), et vineam unam in integrum, sitam in Cardeto, et in Familia clausuras duas cum vineis, et terris infra se.

Omnia hæc posita in insula majore, imo et ecclesiam S. Mariæ (*parvamque*) pariterque ecclesiam S. Laurentii cum episcopo, et cum cellis, et hortis atque vineis, clausuras quinque; in una quidem est ecclesia S. Petri, et S. Georgii, et S. Theodori; in alia vero est ecclesia S. Viti sicuti a muro, et a (flumine Tiberino) *fluvio Tiberis*, atque limitibus circumdatur, tertia super ripam fluminis, quarta juxta S. Laurentium, et usque in prædium Trajanum. Necnon clausuram de vinea in loco qui vocatur Scarajo, et aliam petiam quæ appellatur Clusura, et vineæ petiam unam in Turre Cucuzuta (*Cucuzina*), et aliam in Monton. Verum etiam et fundum unum in integrum qui dicitur Bacatu (Bacani) cum appendice sua, quæ vocatur Scriptula (*Criptulis*), in qua sunt cisternæ antiquæ positæ juxta eandem civitatem Portuensem, sicuti incipit a primo latere ab arbore quæ dicitur Tamarice (*Tumarice*), dirigitur in Columnella, quæ in campo stare videtur milliario secundo distante ab eadem civitate, et deinde pergente recto itinere per Salatariam, et usque ad attegiam piscatoriam, et ex inde remeante ad mare per Bucinam, et circumeunte littus maris usque ad Sanctam Nympham, et usque ad Focem Miccinam, cum locis qui dicuntur Juncera (*Jonceta*) usque ad balnearia, et usque ad locum qui Portus Trajani vocatur, et usque ad palatium qui vocatur Progesta, et usque ad civitatem ipsam vetustissimam cum lacu Trajani. Nec non et castellum aliud minus in integrum cum omnibus ad illud pertinentibus; et in civitate Constantiniana omnia quæ ibidem prædictum episcopium habere dignoscitur, una cum Ecclesia beatorum apostolorum Petri et Pauli destructa, cum cryptis, ubi animalia ipsius ecclesiæ manere videntur, (*deinde et vadit* ad) extendentibus se usque S. Mariam, quæ ponitur in arcu cum (*crypta et domo*) cisterna, et usque ad domum quæ vocatur Balneum Veneris, et usque ad viam publicam infra ipsum castel-

lum, atque cannetum de ipsa civitate, scilicet^t monasterium S. (*Aguntii*) Agnetis cum salariis et vineis quæ (in terra, in Cere) infra se habere videtur. Porro et fundum in integrum qui vocatur Palmis, sum casis, vineis, terris et pascuis, extendentem se usque ad Furnum antiquum, qui est juris supradicti episcopii; et in eodem fundo monumentum antiquum, esse videtur, positum via Portuensi milliari ab urbe Roma plus vel minus decimo. Itemque insulam minorem in integrum, cum vineis et casis, seu terris, cum loco qui vocatur Scarajo, qui olim fuit portus Trajani, cohærente eidem fundo Baccani, et cum omnibus ad eum pertinentibus; pariterque et fundum in integrum qui vocatur Judæorum, et fundum qui vocatur Galdus (*Galdus*) cum omnibus eorum pertinentibus positum juxta prædictam civitatem antiquam, etiam et filum salinæ in integrum, situm in vii fila. Item et in Baccani et in Generula (*Genestula*) fila novem, omnia fila salinarum quæ ad vestrum episcopium pertinere noscuntur; seu et fundum in integrum, qui vocatur Galdus Major, cum ecclesia S. Auræ et monumento suo, et terra sementaritia quæ appellatur Planura, in qua cisternæ videntur esse (*constitutum inter flumen Tiberis*) positum infra fluvium, et formam quæ vocatur Arcioni. Nec non et confirmamus vobis curtem in integrum, quæ dicitur Galeria, in qua est ecclesia S. Mariæ cum caminatis seu orticliniis (tricliniis), atque diversis cubiculis, et omnibus suis ædificiis quæ infra se et circa se habere dignoscitur, cum omnibus finibus, terminis, limitibusque suis, terris casalibus, silvis, atque pantacicis (Pantonis) cum ponte, et ipsum rivum qui vocatur Galeria, usque ad flumen, una cum campis, pratis, pascuis, salictis, arboribus fructiferis et infructiferis diversi generis, puteis, fontibus, rivis, aquis perennibus cum locis ad aquimola facienda, vel cum omnibus ad prædictam curtem, quæ vocatur Galeria, pertinentibus. Simulque pratum in integrum cultum et assolatum, situm in campo qui vocatur Merul, et vadit per montem quem olim detinuit Joannes de Miccina, et hæredes (quodam) Stephani Numemculatoris, et exinde ducitur (ultra viam) per casale quem olim detinuit Joannes de Sergio, et transit (per) aliam viam Carrariam, et venit in casale quem detinent hæredes Transüberini, sicut per affines marmoreos designatur; et exinde vadit in casale monasterii sanctorum Cosmæ et Damiani, et pergit per fossatum antiquum, quod verni tempore ducit aquam in rivum Galeræ, (et pergit per medium rivum de Galeria usque) pergentem ad molam de Silva, et revolventem (revolvit se) per viam carrariam usque ad vallem mediam de monte qui vocatur Zunul, et pergentem (pergit) usque ad Staffilem, qui stat in Lintiscino, et usque in caput de valle (valle Stabla et per fossatum ipsius vallis pergit a pede florum salinarum) concludentem totum campum usque in pedicam quæ vocatur (Ticoli) Tieli, et piscinam Galiardam concludentem ipsam pedi-

cam, ubi sunt fila xxx pergentem juxta fila quæ sunt monasterii (de Mirandi) di Miranda usque in Stagnum Majus, et (tertiam partem prædicti Stagni Majoris et per ripam ipsius) per ripam Stagni usque in Bordunariam, et a (pædo antiquorum) pede florum usque in Baccani, et usque in terra de prædicti episcopii, et usque in formam quæ vocatur Arcion., et per ipsam formam usque in rivum qui vocatur Galeria, et ultra Galeriam per formam usque in prædictum primum affinem de Prata Caraci.

Infra hos vero fines loca et vocabula sunt hæc sequentes : Cæsarius, Palmis, Sorbilianus, Pantanum majus, Clusa vetere (vetus curia de Galeria Panianum majus), Meodian (*Rugnosum Mons de Canaparia celsa Longerie*), Ruginosus mons Canoparius, Celza, Limes major (major campus publicum), Stagnellum maledictum, Ticeli, Piscina Galiarda, Olibastrum, Stagnellum peregrinum cum omnibus eorum pertinentiis. Nec non et confirmamus vobis vestrisque successoribus. Perpetualiter quatuor in integrum principales untias, quod est tertia pars de toto stagno majore Portuensi. Itemque concedimus et confirmamus vobis vestrisque successoribus turrem in integrum quæ vocatur de Albo, cum casis, vineis, hortis, terris, campis, pratis, pascuis, silvis, pantanis et rivis, cultis et incultis, vacuis et plenis, et cum omnibus ad prædictam (turrem et Gualdum Longeria) turrem generaliter et in integrum pertinentibus, sicuti affines ejus designant, a primo latere rivus qui vocatur Galeria, et a secundo latere fluvius qui vocatur Tiberis, et a tertio latere Pulverinula, et a quarto latere forma quæ vocatur Arcion. Concedimus etiam ipsis hominibus qui pro tempore habitaturi sunt in prædicta Turre, ita ut nullius potestati, nullius ditioni sint subditi, aut alicui homini serviant, aut hostem faciant nisi episcopo, qui jam in dicto episcopio fuerit. Nec non et confirmamus vobis vestrisque successoribus in perpetuum omnes res et facultates, mobiles et immobiles de illis hominibus qui sine hærede et intestati ac subito præoccupati judicio (*Judicio Dei*) mortui fuerint, et minime per se ordinare ex eorum facultatibus possunt in loca Portuensem civitatem, seu in (*regione Transiberim*) Transiberim, vel in insula Licaonia, sive ubicunque vestri episcopii jura esse videntur. Ipsam sanctam matrem Ecclesiam Portuensem constituimus (*atque*), itaque confirmamus (hæredem ita ut episcopus qui per ipsam in jam) habere hæreditatem, qui per tempora in jam dicto episcopio ordinati fuerint, quomodo eis placuerit ordinandi et disponendi habeat licentiam ut non in æternum pereant, sed in quantum poterint eorum semper orationibus (opportunitatibus) adjuventur.

Insuper concedimus vobis, vestrisque successoribus in perpetuum ex jure sacri nostri palatii Lateranensis quod ad publicum nostrum pertinet totum (Castaldanum) Castaldaticum in integrum Portuensem, vel quidquid usque hactenus nostri

Castaldiones de tota Portuensi civitate, sive de portis vel de navibus, nec non de tota Burdunaria, vel quidquid extra vel infra ubicunque illis pertinent; de jam dicto ministerio vobis vestrisque successoribus perpetuis temporibus tribuimus (possessionem) possidendam, ita ut qualemcunque hominem ibidem constituere volueritis castaldum aut madatarium, vestre potestati consistat, et quidquid ex ipso ministerio acquisierit vel habere poterit, vobis vestrisque successoribus deferatur, quidquid vobis placuerit exinde faciendi, tamen si nostro comiti, vel nostrorum successoribus placuerit de illo, quod ad nostrum palatium pertinet, fidelitatem juret. Ipsi namque comites, qui per tempora (ipsam) ibidem fuerint (a nobis vel a nostris successoribus) nullo modo alium castaldum aut mandatarium audeant ordinare vel constituere, præter illos quos vos vel vestri successores ordinatis vel constitutis. Quod si fecerint, vel de jam dicto castaldatico aliquid violenter abstulerint, vel quæ a nobis vobis vestrisque successoribus tradita sunt frangere aut contraire voluerint, unusquisque iv lib. auri persolvat; medietatem vero episcopatui, et medietatem in nostro palatio, et quod ab eis in (*castaldatu*) nostrum castaldionem, vel in (mandatariis) mandatarium ordinatum fuerit evacuetur. Si vero contumax exstiterit, usque ad veram (vestram) satisfactionem excommunicatus existat.

Itemque concedimus et confirmamus vobis vestrisque successoribus in perpetuum de civitate Portuense duos pisces et duos curiales, quales vos vel vestri successores eligere volueritis de ipsis hominibus qui ibidem fuerint, aut inveniri poterint. Vestre itaque religiositati hæc omnia in perpetuum concedimus et confirmamus. Item statuimus quod ipsi duo (ipsi namque duo pisces et duo curiales) ulterius nullam dotationem aut servitium faciant, nec ad placitum distringantur ab aliquo, qui pro tempore in ipsa civitate Portuensi dominatum tenuerit, sed tuorumque successorum illos submittimus potestati. Item confirmamus vobis vestrisque successoribus casale unum in integrum, quod vocatur Genisianum (in loco qui Maliana dicitur) et Malian. Cum insula modica ultra rivum in ipso loco positum, cum omnibus sibi pertinentibus, positum via Portuensi (in prædicto loco qui vocatur Malliana) juxta Malian, juris monasterii S. Pancracii. Etiam et confirmamus vobis vestrisque successoribus in perpetuum totam insulam quæ vocatur Licaonia, in qua est ecclesia Beati Joannis Baptistæ (cum turre et oratorio infra eandem curtem cum) ecclesia Sancti Adelberti cum casis et oratoriis infra eandem curtem, cum hortis et aquimolis pertinentiis suis infra hanc urbem Romanam sitam sicuti (a Plantone pontis extenditur usque) extenditur ab uno capite usque in aliud caput ipsius insule, ubi flumen dividitur. Et sic inferius usque ad terminum vestri episcopii et sub prælibato ponte ad triginta pedes inferius per aquam et siccum. Simulque con-

cedimus et confirmamus vobis Manum S. Mariæ, Sanctique Baptistæ Joannis, cum horto vineato, sicuti in cartulas acquisitionis vel offerktionis in Leone piæ memoriæ presbytero fascicula contineri videtur, scilicet domibus, tricliniis et parietinis, una cum porta et puteo aquæ vivæ, seu atteggiis, nec non et hortis cum universis arboribus pomarum atque olivarum posita Romæ regione septima, in loco qui vocatur Proba juxta monasterium S. Agathæ super Sobora, affines vero ab utroque latere viæ publicæ.

Præterea confirmamus vobis vetrisque successoribus in eadem ecclesia horta, cæparia, seu olearia, una cum terra seminaritia qui ponitur in monte Albino, et aliam terram sementaritiam in integrum cum parietinis, et omnibus suis pertinentiis, positam foris portam Salariam ad clivum cucumeris. Pari modo concedimus et confirmamus vobis vestrisque successoribus in perpetuum omnem ordinationem episcopalem, tam de presbyteris quam diaconibus vel diaconissis seu subdiaconibus, ecclesiis, vel altaribus quæ in tota Transtiberi necessaria fuerit faciendum, nisi forte cardinalis presbyter, vel cardinalis diaconus, vel subdiaconus, vel acolytus sacri palatii Lateranensis efficiatur (alia vero vobis vestrisque) sed omnia tibi tuisque successoribus, vel episcopis qui a vobis invitati fuerint ordinandi, benedicendi, consecrandive concedimus potestatem, et ne parochia vestra aliquo pervadatur episcopo, fines ejus per hoc nostrum apostolicum privilegium intimare, tuæque ecclesiæ confirmare curamus incipiente (igitur) quoque primo termino a fracto ponte, ubi unda dividitur (Antonina dicitur, unda dicitur), per murum videlicet Transtiberinæ urbis per Septinianam portam et per portam S. Pancratii, per silicem vero ipsius portæ usque ad pontem marmoreum, qui est super Arronem, et ducente per ipsam silicem usque ad Paritorum, indeque revolvente per paludes usque in mare, indeque veniente per mare usque ad duo milliaria ultra Farum, et usque in (focē) fontem majorem; indeque remeante per medium flumen majus venit usque ad (Romam in medio) Ramum fracti pontis, qui est juxta Marmoratam, indeque ad medium pontem S. Mariæ, et ad medium pontem, ubi Judæi habitare videntur (solebant), et redit per medium pontem prædictum fractum, ubi jam (undam Antoninam) de unda diximus, qui est primus affinis absque Transtiberinis catholicis ecclesiis S. Mariæ videlicet in Transtiberi, S. Chrysoconi, et sanctæ Cæciliæ, vel monasterio S. Pancracii, et sanctorum Cosmæ et Damiani, tamen in prædictis ecclesiis et monasteriis quicquid ibidem ab episcopis necesse fuerit faciendi Portuensibus episcopis, vel ab ipsis invitatis tribuimus potestatem. Itemque concedimus et confirmamus in jam dicto episcopio plebem S. Mariæ, et S. Apollinaris in mola rupta, et plebem S. Stephani in Pauzi, et plebem S. Mariæ in Apruniana (*Aproniana*), vel omnes ecclesias exiguas vel magnas cujuslibet nominis, quæ infra jam dictos affines sunt vel esse

possunt, absque illis quas jam diximus Transtiberi sitis.

Interea sancientes jubemus, sicuti a nostris prædecessoribus jussum est, ut in flumine toto, qui juxta urbem Portuensem decurrit, nullus audeat molendina aut pontem, præter jussionem tuam vel successorum tuorum episcoporum, juxta priscam consuetudinem, quoquo modo cœstituere (construere), et cum vel a vobis, vel ab aliis quibus tamen vos faciendum injunxeritis constitutum (restitutum), aut factum fuerit, ipsa molendina vel pons vestro (pontoneis in vestro) arbitrio dispensentur. Per pontem vero civitatis ipsius (de pontone vero per pontem civitatis ipsius) si factus fuerit cum plastro onusto vino vel victu nemo audeat nec hinc illuc, nec inde huc venitus transmeare. Iterum (item) sancientes jubemus ut nullus presb... vel cujuslibet ordinis clericum aliquis audeat de toto præfato episcopatu ad placitum constringere, aut ad contentionem finiendam (faciendam) compellere, aut aliquod servitium ab eis requirere, præter episcopos Portuenses, in cujus parochia sunt. Quicumque vero præsumptor sive dux, sive comes, vel vicecomes, aut cubicularius, vel a nostra apostolica sede missus, aut qualiscunque interveniens potestas, quæ de ipsa civitate Portuensi dominatum tenuerint, de quocunque fuerint ordine, prædicta omnia immobilia loca, aut prænominatum castoldatum, vel duos pisces, et duos curiales, vel omnes prædictos clericos a jure et potestate atque ditone præfati episcopii auferre vel minuere voluerit, vel parochiam infringere tentaverit, aut homines in prædicta turre habitantes, vel ubicunque proprietas hujus episcopii mentionata fuerit, ad publicum servitium revocaverit, sciat se compositurum episcopo ipso (*sic*) qui per tempora fuerit auri purissimi libr. xx et insuper anathemati subjaceat.

Statuentes quippe apostolica censura auctoritate beati Petri apostolorum principis sub divini judicii obstatione, et anathematis interdictionibus, ut nullus unquam nostrorum successorum pontificum, vel alia quælibet magna parvaque persona ea quæ a nobis ad laudem Dei pro stabilitate vel augmento prædicti episcopii statuta sunt, refragari, aut in quoquam transgredi, aut aliquid exinde minuere audeat, sed sicut superius a nobis statutum vel concessum est, ita perennibus ac perpetuis temporibus sine aliqua minuatione permittat finetenus permanere. Si quis autem, quod non optamus, temerario ausu contra hoc nostrum privilegium venire, aut in quoquam ire præsumpserit, et sicut superius a nobis statutum est, ita firmiter permanere non dimiserit, et in omnibus non observaverit, sciat se, nisi resipuerit, auctoritate Dei omnipotentis, et beati Petri apostolorum principis, atque nostra, qui ejus fungimur vicariatone, anathematis vinculo esse innodatum, et a regno Dei alienum, atque cum Juda traditore Domini nostri Jesu Christi, et omnibus pompis ejus omnino incendio concremandum. Qui vero

pio intuitu custos et observator hujus nostri apostolici privilegii in omnibus exstiterit, benedictionis gratiam, vitamque æternam a justo Judice Domino Deo nostro, et ab omnibus sanctis ejus consequi mereatur in sæcula sæculorum. Amen.

Scriptum per manum Sergii sanctæ Romanæ Ecclesiæ scriniarii, mense Maio, indictione VIII.

II.

Joannes XIX Bisantio archiepiscopo Canusino [i. e. Barensi] pallium concedit juraque ejus confirmat.

(Anno 1025.)

[UGHELLI, *Italia sacra* VII, 601.]

JOANNES episcopus, servus servorum Dei, reverendissimo confratri ac nostro spirituali filio BISANTIO, sanctæ Canusinæ Ecclesiæ a nobis consecrato archiepiscopo omnibus diebus vitæ tuæ.

Convenit apostolico moderamini pia religione pollutibus benevola compassione succurrere, et poscentium animis alacri devotione impartire assensum. Ex hoc enim lucri potissimum primum a Conditore omnium Deo in sideris arcibus præscribitur remuneratio, quando egregia ac venerabilia loca ad meliorem fuerint sine dubio statum perducta. Igitur, quia postulasti a nobis quatenus ob tuam reverentiam, atque amabilem fraternitatem, concederemus et confirmarem cunctis diebus vitæ tuæ præfatum archiepiscopatum sanctæ Canusinæ Ecclesiæ cum omnibus sibi adjacentiis vel pertinentiis, videlicet duodecim episcopatus quemadmodum abolita tempora, scilicet nostris antecessoribus sanctæ memoriæ, decreverant ut archiepiscopus duodecim sub se ordinaret episcopos. Unde nunc juste precantium votis favemus ut et vobis prænominato Bisantio Angelico archiepiscopo consecrarem in præfate ecclesiæ sanctæ Canusinæ cum universis civitatibus, et castellis, hoc scilicet Canusinæ, Bari, Medunco, Juvenacio, Melicta, Rubo, Trane, Canni, Minerbino, Aquatecta, Monte Melioris, Labelotatum, Cisternæ, Bitabæ, Salpi, Cupersano, Puliniano simul et Cætera, et aliarum civitatum atque castrorum sibi adjacentium, vel longe lateque ibi positæ, donec impleatur duodecim episcopus. Itaque confirmamus vobis omnes fundos et casales una cum casis et vineis, servos et ancillas, una cum massis et massariis atque molendinis, littora cum portu, montibus et collibus, atque planitiis et pratis, simulque plebibus, sive ecclesiis cum omnibus titulis, sive capellis suis. Verum etiam monasteria virorum seu puellarum, tam Græca quam Latina, cum universis ordinibus ecclesiasticis, diaconis, subdiaconis, lectoribus, presbyteris, et omnia, et universa prædia, et possessiones, cultum, vel incultum, atque cum omnibus quæ dici et nominari rura solent generaliter, et integro pertinentibus, constitutis a termino Apuliæ. Præterea concedimus cum auctoritate beatorum apostolorum principis Petri et Pauli, et cæteris simul, qui eorum fungimur vicariatum, quatenus licentiam habeas cunctis diebus vitæ tuæ utere pallium, et episcopos consecrare cum omni

humilitate atque reverentia, quia tale hoc pastoralis officium arripere, si sine intantia perpendatur, plus est oneris quoniam nisi et salubriter gesserit alienum. His viter prælibatis, nunc benigne et in Christissime, esto forma omni bonitate, et cunctis videntibus seu audientibus, immo rum vestigia in terris, ut eorum consecrati mereatis in cælis. Quem vero super archiepiscopatum Canusinum cum omninentiis, et episcopos ipsos per consecrandi, atque usu pallii per apostolicam utendi a præsentis octava indictionibus diebus vitæ tuæ concedimus, atque mamus tenendum atque dominandum. cum Dei timore regendum et gubernandum nullus patritius, seu catapanus, excubitalis qualiscunque honoris seu dignitatis imperiadeat vel præsumat dijedicare, vel molestam inquietare de ulla re, etiam nullus clericus lusque laicus, vel quelibet persona hujus audeat vel præsumat ibidem aliqua molestam contraria facere. Statuentes quippe apostolicam censura, sub divini judicii obtestatione et thematis interdictionibus, ut nullus unquam trorum successorum pontificum, sive regum vel imperatorum, aut cujuslibet magnæ potestatis audeat interdicerere, vel confirmare hoc quod a nobis constitutum et ordinatum. Si quis autem, quod non credimus, temerario contra hoc nostrum instrumentum, apostolicum privilegium exstiterit, sciat se, nisi resipuerit, auctoritate Dei omnipotentis, et Beati Petri apostolorum principis, et cæteris, anathematis vinculo innodatum et a regno Dei alienum, atque Juda traditore Domini nostri Jesu Christi, et cæteris impiis socius sit in infernum. Qui vero intuitu custos et observator hujus nostri apostolici privilegii exstiterit, benedictionis gratiam, vitamque æternam a Domino percipere mereatur in sæcula sæculorum. Amen.

Scriptum per manus Rogerii notarii regionarii atque scriniarii sanctæ Romanæ Ecclesiæ mense Junio indict. octava. Valete.

III.

Bulla Joannis XIX papæ ad omnes reges, episcopos, duces, comites, etc.

(Circa annum 1025.)

[*Mémoires et Documents historiques de la Suisse* tom. III, p. 429. Lausanne 1838. 8°]

JOANNES episcopus, servus servorum Dei, omnibus regibus, episcopis, ducibus, comitibus atque omnibus principibus, in quorum potestate Romanense cœnobium videtur habere aliquas ecclesias, et aliquas terras, salutem a Deo et apostolicam benedictionem.

Precor omnem in commune vestram fraternitatem ut pio Dei et sancti Petri nostroque amore, prædictum Romanense cœnobium, et omnia ad ipsum pertinentia (sic) protegere studeatis, et in omnibus tuis

et defendatis. Si vero aliquis in vestris potestibus aut terris exstiterit, qui supra dicto loco terris ad eum pertinentibus aliquam injuriam molestiam inferre tentaverit, rogo vestram in mune fraternitatem ut supradicto loco justitiam et rectum judicium facere studeatis. Si vero contempserint et in sua malitia perseverare voluerint, sciant se a nobis apostolica auctoritate excommunicandos atque maledicendos, nec non et in finibus sanctæ Ecclesiæ arcendos et societate christianorum segregandos, et cum Davit et Abiron, quos vivos terra deglutivit, in infernum demergendos, nisi cito ad emendationem venerint. S. Petri Romani monasterii, sui que excommunicati atque anathematizati ex parte S. Petri apostoli, qui potestatem a Domino accepit ligandi et solvendi, qui terras ejusdem S. Petri injuste tenent et nolunt reddere: et illi similiter excommunicati, qui eas celant et nolunt indicare vel manifestare ministris SS. Petri, terras ejusdem. Erunt ergo miser in inferno damnati cum Juda, qui Dominum nostrum impiis Judæis tradidit, et cum Judas Iscariote, qui ipsum Dominum jussit crucifigi, et cum Judas Iscariode, qui se ipsum interfecit, cum his sunt omnino illi homines damnati, qui terras S. Petri Romani monasterii injuste tenent vel celant; tradat ergo Dominus corruentes ante hostes suos, per viam egrediantur contra eos et per septem annos vagantur ab eis et dispergantur per omnia regna terrarum, sitque cadaver eorum in escam cunctis volatilibus cæli et bestiis terrarum, et non sit qui abigat. Percutiat eos Dominus amentia, et cæcitate ac furore mentis; et palpent in meridie, sicut palpare solet cæcus in tenebris, et non dirigant vias suas, omnique tempore calumniam sustineant, et opprimantur violentia nec habeant qui liberet eos; uxores accipiant et alius dormiat cum eis videntibus illis. Domos ædificent et non habitent in eis. Plantent vineas et non vindemient eas. Et veniant omnes maledictiones istarum et multarum aliarum super omnes homines qui terras S. Petri Romani monasterii injuste tenent, vel qui eas celant, nisi cito ad emendationem venerint.

IV.

Joannes XIX Ecclesiæ Silvæ Candidæ possessiones, petente Petro episcopo, confirmat.

(Anno 1026.)

[UGHELLI, *Italia Sacra*, I. 93]

JOANNES episcopus, servus servorum Dei, dilecto filio PETRO, Domini gratia, episcopo Silvæ Candidæ Ecclesiæ, et per te eidem venerabili episcopio successoribusque tuis episcopis in perpetuum.

Convenit apostolico moderamini pia religione pollentibus benevola compassione succurrere, et poscentium animis alacri devotione impertiri assensum. Ex hoc enim lucri potissimum præmium apud Conditorum omnium Deum promerebimus, quando venerabilia loca opportuna ordinata ad meliorem fuerint sine dubio statum perducta. Igitur quia dilectio tuarum filiationis postulavit quatenus concederemus et confirmarem tibi tuoque venerabili episcopio

ea quæ a prædecessoribus nostris pontificibus, ob restaurationem et restitutionem sacri loci ipsius, et remedium animarum suarum et suorum successorum, in præfatum usum tui episcopii concesserunt atque confirmaverunt, nos, simili clementia præmoniti, et inclinati precibus vestris, per hujus nostri apostolici privilegii seriem concedimus et confirmamus tibi, supradicto filio dilecto Petro episcopo, supradictum suum episcopatum in integrum cum omni integritate sua, cum universis plebibus, titulis, clericis, capellis, massis, curtibus, fundis et casalibus, villis, vineis, terris, vel omnia quæ sub jure et dominio ejusdem episcopatus adjacere vel pertinere dignoscuntur, in primis videlicet massam in integrum, quæ appellatur Cæsarea, cum fundis et colonis suis, qui dicuntur Ferculæ, Tondiliani, Martiniani. Item coloniam de Salaro, et de Cortina et de Gradulsi; coloniam de Valle, et de Fontana et de Sancto; et coloniam de Coriliano et de Lauro, simulque coloniam de Casa Nova, colonia de Tribuno et de Masopane, et coloniam de Castanea cupa et de Cobellis, coloniam de Cæsario, sive quibus aliis vocabulis nuncupantur, cum omnibus suis vineis, casalibus et appendiciis; et cum omnibus finibus et terminis, limitibus, scilicet terris, campis, pratis, pascuis, silvis, salictis, arboribus pomiferis, fructiferis et infructiferis, diversi generis, puteis, fontibus, rivis, aquis perennibus, ædificiis, parietinis, arenariis, adjunctis, adjacentibusque suis, et ecclesiam S. Andræ apostoli, infra ipsam massam ædificatam, una cum colonis atque massariis, tributariis et angarialibus, masculis et feminis, filiis et filiabus ac nepotibus ibidem residentibus aut exinde provenientibus, ubicunque inventi fuerint, et cum omni censu et dationibus atque functionibus, nec non et angariis pertinentibus positus in territorio Nepesino, milliarium ab urbe Romæ viginti, ex corpore patrimonii Thuscisæ juris S. nostræ Romanæ (cui Deo auctore præsidemus) Ecclesiæ, et inter affines, ab uno latere, terra monasterii S. Stephani Minoris a S. Petro, et, secundo latere, silva et terra quæ sunt de Joanne grammatico, et a tertio latere, pastoritia Donica, et a quarto latere, massa Claudiana. Itemquæ concedimus et confirmamus vobis fundum in integrum, qui vocatur Buxus, in quo basilica SS. Rufinæ et Secundæ constructa esse videtur, et fundum in integrum, qui vocatur Artronum, et montem Jordani, cum casis, vineis et terris, silvis, cultum et incultum, una cum servis et ancillis, atque colonis ibidem residentibus utriusque sexus et ætatis, vel cum omnibus eorum pertinentibus, situ, territorio Silvæ Candidæ, et inter affines, a primo latere, terra supradicta S. episcopii, a secundo latere, rivus, qui vocatur Galeria, a tertio latere, Bibaro, a quarto latere, Criptulæ; nec non fundum in integrum, qui dicitur Mons Aureus, cum omnibus suis pertinentiis, ab uno latere mons qui vocatur Jordanus, a secundo latere, Criptulæ, a tertio latere casale

quod vocatur Palmira, a quarto latere, fundus, qui dicitur Lauret, et a quinto latere, terra et monasterium S. Martini, seu fundum qui appellatur Mons Grundul cum omnibus ad eum pertinentibus; inter affines, ab uno latere, fundus Aquilin, a secundo latere, fundus Palmi, a tertio latere, fundus Montis Aurei, et a quarto latere, fundus Criptulæ, et Bibaristolæ atque fundum qui dicitur Oripo, cum omnibus ad eum pertinentibus, inter affines, ab uno latere, bona monasterii S. Martini, et a secundo latere, fundus qui vocatur insula Sancta, et a tertio latere, curtis S. Petri, et fundus Montis Grunduli, et a quarto latere, insula de curte S. Petri.

Verum etiam fundus qui vocatur Criptulus, et Palmis, cum omnibus eorum pertinentiis, ab uno latere, fundus Fulisanus, et a secundo latere, fundus Lauret, et a tertio latere, terra S. Martini, et a quarto latere, fundus Seriani; in imo, fundus Isidori cum omnibus pertinentibus suis, ab uno latere, terra monasterii S. Martini, a secundo latere Castagnetol, et a tertio latere, Insula Sancta, denique et ipsum fundum Insulam Sanctam, cum omnibus ad eum pertinentibus, ab uno latere, casale quod vocatur Bruce, a secundo latere Donicus, et a tertio latere Musanus, et a quarto latere Sanctus Laurentius de Panti; pari modo fundum S. Basillii cum omnibus ad eum pertinentibus, ab uno latere, casale S. Petri, qui appellatur Pauli, a secundo latere, vallis quæ vocatur Intensonosa, et a tertio latere, Barbarol, a quarto latere, monasterium S. Stephani. Porro fundum Panori, cum omnibus suis pertinentibus, ab uno latere, fundus Aprunianus, a secundo latere Silva Candida, et a tertio latere, Musanellus, et a quarto latere Camiliar, et a quinto latere turris Aureliana, et silix S. Stephani, cum salinaria, atque fundum Laureti, ab uno latere, terra S. Petri, a secundo latere, terra S. Martini, a tertio latere, mons Iliodori, a quarto latere, fundus Oripo, seu casale quod vocatur, Pauli, et fundum Serianum cum omnibus eorum pertinentiis, ab uno latere, terra S. Martini, a secundo latere, Silva Candida, a tertio latere Insula Sancta, et a quarto latere silva S. Petri, nec non casale quod dicitur Castagnolum, ab uno latere sancti quatuor Fratres, a secundo fundus Orbanula, a tertio Mussan, a quarto Massanell., atque silva quæ vocatur Magia, cum omnibus pertinentibus suis, ab uno latere rivus de Galesia, a secundo latere, monasterium Veneris, quod vocatur Huppla Ancilla Dei. Omnes vero illos fundos, et casalicum terris, campis, pratis, pascuis, silvis, cultis et incultis, positus in territorio Silvæ Candidæ, milliarium ab urbe Romæ plus minus duodecim. Verum etiam aquimolum molentem in integrum in vico qui vocatur Galeria, cum omnibus sibi pertinentibus, et terra Similitaria, quæ vocatur Pastina, longe ab uno latere, Galdus Donicus, a secundo terra S. Petri quæ appellatur campus Massanus, a tertio latere, mons Ationus, a quarto, mons Pavinus constitutus juxta supradictum episcopium,

A sive alium aquimolum in ipso rivo cum omnibus sibi pertinentibus, juris ipsius episcopi. Itemque concedimus et confirmamus vobis omnes plebes et ecclesias, parochiasque cum omnibus eorum pertinentibus vel adjacentiis, scilicet plebem S. Mariæ in Silva Candida cum titulis suis, titulum SS. Joannis et Pauli in Lutino, et titulum S. Angeli in Musano, titulum S. Donati in Majorata, atque plebem S. Gregorii in ipso loco, titulum S. Anastasii in Musano et plebem S. Angeli in Ruscindo cum terris suis, simulque plebem S. Joannis in nono cum terris et titulis suis, titulum S. Martiani in ipso burgo cum terris suis, titulum S. Andree cum titulis suis, nec non titulum S. Mariæ cum terris suis, titulum S. Nicolai, qui est in castello de monte Depini, titulum S. Mariæ qui appellatur Insirigus, cum terris suis, titulum S. Pancratii cum terris et titulis suis, S. Mariæ in Insula cum terris suis, plebem S. Mariæ Lutie cum terris suis, insulam S. Joannis cum titulo et terra sua, titulum S. Gregorii in ipso loco; similiter plebem S. Pauli in Formello, cum terris, vineis, hortis, et olivetis atque titulis suis, titulum S. Sylvestri in columna cum terris et vineis suis, titulum S. Angeli in Mubiano cum terris et hortis suis, titulum S. Martini cum terris suis, titulum S. Genesii in Dalmatia cum terris suis, titulum S. Laurentii Formello cum terris et hortis suis, titulum S. Joannis in ipso loco cum terra sua, titulum S. Petri cum terra sua, titulum S. Angeli in Laureto, titulum S. Valentini in Criptullo; item plebem S. Cornelli in Craprario.

Et per hujus privilegii nostri et decreti paginam, id perpetuum confirmamus S. prædicto vestro episcopo Silvæ Candidæ, cum terris, vineis, et olivetis et titulis suis, titulum S. Pancratii cum terris suis, titulum S. Mariæ cum terris et prato suo, titulum S. Valentini cum terris et oliveto suo atque prato, titulum S. Donati cum terris suis, titulum S. Mariæ cum terris suis, titulum S. Laurentii cum terris suis, titulum S. Anastasii in Cannetalo, cum terris et vineis suis, titulum S. Viti cum terris suis, plebem S. Pauli cum terris, vineis et juribus suis, titulum S. Sylvestri, et S. Angeli cum terris et vineis, et olivetis et juribus suis, titulum S. Mariæ cum terris et vineis, titulum S. Christianæ cum terris, vineis et silvis suis, titulum S. Georgii, titulum S. Martini cum terris et vineis suis, titulum S. Casiani cum terris et vineis, et familiaribus tribus, titulum S. Justinæ cum terris et vineis, titulum S. Angeli cum terris suis, titulum S. Gregorii cum terris suis et vineis; similiter plebem S. Marcelli in Quarto decimo cum terris et vineis, et oliveto majore atque titulis suis, titulum S. Mariæ in Scrofano cum terris et vineis, titulum S. Stephani in Matera, titulum S. Mariæ in Matera, titulum S. Blasii in Scrofano, titulum S. Joannis in ipso Scrofano, et S. Eugenii cum terris et vineis, simulque plebem S. Mariæ in Molmola cum terris et vineis et titulo suo, et S. Angeli cum terris

et vineis. Confirmamus etiam vobis casalia et colonias, atque castellum in integrum, qui appellatur Dalmachia; Balneo, Stabla, Massaviliana, vel si qui aliis vocabulis nuncupatur, una cum familiis, masculis et feminis, seu colonis per singula loca pertinentibus, cum casis, vineis; terris, silvis et pratis, aquis perennibus, vel cum omnibus ad supradicta casalia, et colonias atque castellum pertinentibus, positum in territorio Nepesino miliarium ab urbe Roma plus minus viginti; inter affines ab uno latere via, qui est inter militiam de turre de Crapacorio et terram de Pastoritia S. Petri, ab alio latere terra de monte Arsitio, et Focapran, qui vocatur Columella, et terra de turre de Crapacorio, quæ appellatur Matera, et a quarto latere terra S. Laurentii, quæ appellatur Salicara, et rivus qui pergit per Cussetum et Malcan. Itemque concedimus, et confirmamus vobis in perpetuum ecclesiam SS. Rufinæ et Secundæ, sitam Romæ juxta palatium nostrum, cum omnibus ad eam pertinentibus. Etiam concedimus et confirmamus vobis in perpetuum ecclesiam S. Mariæ, cum omnibus suis pertinentibus infra hanc civitatem Romanam, non longe a monte qui Augustus dicitur. Pariter concedimus et confirmamus vobis vestrisque successoribus in perpetuum, sicuti a memorato sanctissimo papa, sive a certis prædecessoribus nostris pontificibus concessa et confirmata fuerunt, videlicet, monasteria quinque S. Stephani Majoris, et Minoris, Sanctorumque Joannis et Pauli, et B. Martini, atque Theclæ, constituta juxta magnam ecclesiam S. Petri, cum omnibus eorum pertinentiis, omnesque consecrationes quæ ibidem sunt, aut in prædicta alma ecclesia S. Petri, aut in cæteris ecclesiis, quæ sunt constitutæ in tota civitate Leonina, et si necessarium fuerit eas consecrare, nullus alius episcopus ad tale ministerium, vel consecrationem accedere præsumat, nisi vos vestrique successores episcopi S. Silvæ candidæ ecclesiæ in perpetuum.

Concedimus autem et confirmamus vobis vestrisque successoribus in perpetuum S. diem Sabbati ad baptismi sacramentum celebrandum, et totum officium faciendum, in ecclesia B. Petri apostoli, et supra magnum altare, in quo toto ven. altari, seu in confessione, quidquid auri, vel argenti, pallii, vel ceræ, sive aliarum rerum positum, vel oblatum, vel jactatum fuerit, vel vobis oblatum, ab hora videlicet diei tertia, qua ingredi ecclesiam ad ordinandum et peragendum divinum officium vos volumus, et usquequo expletam S. Dominicæ diei missam habueritis per vestros curatores in vestram vestrorumque successorum, remota omni contradictione, deveniat potestatem. Et quia usque ad nostrum tempus in præfata ecclesia S. Petri, a qua pene omnes ecclesiæ doctrinam acceperunt, sicut a magistra et Domina, dies Dominica Palmarum, et dies Cœnæ Domini et Parasceve tam irreverenter colebantur, ut nec processio cum palmis in ipsa die Dominica ibi fieret, neque in die cœnæ Domini

PATROL. CXLI.

A *Gloria in excelsis Deo* diceretur, et in Parasceve non tam reverenter uti decebat officium ibi fiebat. Condoluimus, et meliorare hoc cupientes per vos vestrosque successores, statuimus ut omni annua die Dominica Palmarum cum processione ab ecclesia S. Mariæ in Turri exeatis, et venientes ad magnum altare S. Petri missam celebretis. Similiter, et omni anno in die Cœnæ Domini vos vestrosque successores missam super eodem altare S. Petri celebrare, *Gloria in excelsis Deo* dicere, S. chrisma conficere, et quod ad episcopum pertinet, agere volumus, et omni anno de Parasceve supra ipsum altare majus S. Petri totum officium reverenter, ut decet vos vestrosque successores facere volumus, in quibus tribus missis, scilicet in missa Palmarum, seu in missa Cœnæ Domini, et in officio Parasceve, quidquid auri vel argenti, pallii, seu ceræ, vel aliarum rerum supra jam dicto sacro altari S. Petri, sive in confessione positum, aut jactatum fuerit vel vobis oblatum, ab hora qua ipsa missa, et officium inchoata fuerint, et expleta per nostros custodes in vestram, vestrorumque successorum similiter, remota omni contradictione, deveniat potestatem, in quibus quinque diebus si vobis vestrisque successoribus utile visum fuerit aliquem diaconorum nostrorum ministrare ob honorem S. Petri vestram reverentiam volumus petere; potestatem autem ejusdem ecclesiæ S. Petri et supradictorum suorum monasteriorum, et cuncta ecclesiastica judicia ipsorum, seu totius civitatis Leoninæ vobis vestrisque successoribus concedimus et confirmamus, similique modo ad inungendum et consecrandum imperatorem primum vestram et vestrorum successorum episcoporum fraternitatem convocamus, ut quibus regimen totius Ecclesiæ S. Petri et civitatis Leoninæ commissum est ab his primum sit benedictum. Nec non cuncta sacra officia, seu mysteria, quæ nos et successores nostri facere debemus, si ægritudine, vel aliqua cura impediti facere non possumus, tam in supradicta ecclesia S. Petri, et monasteriis suis quam per totam civitatem Leoninam, per vos vestrosque successores fieri apostolica auctoritate decernimus.

D Consecrationem vero altarium ecclesiæ S. Petri et aliorum monasteriorum, nec non consecrationem ecclesiarum, altarium, sacerdotum, diaconorum, seu diaconistarum totius civitatis Leoninæ vobis, vestrisque successoribus in perpetuum, sicut prælibatum est, concedimus et confirmamus. Superque etiam ecclesiæ SS. Rufinæ et Secundæ, cui Deo auctore præsidetis, vobis vestrisque successoribus in perpetuum concedimus et confirmamus etiam ecclesiam S. Adalberti et Paulini cum ecclesia S. Benedicti, et omni sua integritate et pertinentiis, et sicut ad manus vestras hodie tenetis posita infra hanc civitatem Romanam in insula Lycaonia, ut sit vobis vestrisque successoribus cum volueritis episcopale domicilium, et congruum receptaculum opportunumque habitaculum, quemadmodum interesse

videtur Portuensem ecclesiam, S. Joannem inter duos pontes, presbyteros vero et clericos, qui pro tempore in eadem ecclesia S. Adalberti, Paulini, et Benedicti fuerint, ita subjectos vobis esse volumus ut proprios filios ecclesiæ vestræ, et ab omni jure illos subtrahimus, tuæ paternitati tamen eos committentes, ut solummodo vestrum judicium expectent, vestro dominio famulentur, et per omnia vestris rationalibus obsecundent mandatis, ut, quomodo vobis placet, eos ordinare, secundum decet, regere, informare et emendare nostra apostolica auctoritate in perpetuum liceat, prædictis vero omnibus locis, et familiis cum omnibus eorum pertinentibus, sicut superius missa sunt, a præsentidecima indictione, tibi, tuisque successoribus in eodem venerabili episcopio in perpetuum donamus, largimur, concedimus et confirmamus, atque stabilimus perenniter in usum et utilitatem ipsius venerabilis episcopii, et episcoporum qui per tempora tenuerint ipsam ecclesiam. Statuentes quippe apostolica censura, sub divini judicii obstestatione et anathematis interdicto, ut nulli unquam nostrorum successorum pontificum, vel qui publicas functi fuerint actiones, vel alia quælibet magna, parvaque persona audeat vel præsumat aliquid de omnibus quæ supra continentur, contra hoc nostrum pontificale privilegium agere, vel alienare aut auferre, scilicet potius firma atque stabilia perpetuis temporibus, sicuti a nobis statuta et confirmata sunt, decernimus permanenda. Si quis autem, quod non optamus, temerario ausu contra hoc nostrum apostolicum privilegium in quoquam transgressor esse præsumperit vel frangere ausus fuerit, et in omnibus obediens et observator esse noluerit, sciat se auctoritate Dei omnipotentis et domini nostri apostolorum principis Petri, cujus, licet immeriti, Dei tamen dignatione gerimus vices, anathematis vinculo innodatum, et a regno Dei alienum, atque cum Juda traditore Domini nostri Jesu Christi et omnibus impiis sociis sit in inferno. Qui vero pro intuitu custos et observator hujus nostri apostolici privilegii extiterit, meritis atque precibus B. Petri apostolorum principis, et SS. martyrum Rufinæ et Secundæ in æthereis arcibus præmia, et benedictionis gratiam atque misericordiam, a justo judice Domino Deo nostro, vitam æternam percipere et invenire mereatur in sæcula sæculorum. Amen.

Scriptum per manum Georgii notarii regionarii atque scriptoris S. R. Ecclesiæ in mense Decembris, et indictione supra scripta x.

Thebaldus Bell. tren, Ecclesiæ episcopus.

Theobaldus episcopus sanctæ Alban. Ecclesiæ.

Dominicus S. Lavican. Eccl. episc.

Petrus Prænest. Eccl. episc.

Petrus episc. S. Ostiens. Ecclesiæ.

Stephanus presbyter tituli sanctæ Cæcilie.

Benedictus archidiaconus.

Ugo diaconus.

Petrus card. tit. S. Damasi.

A Crescentius diaconus.

Joannes subdiaconus.

Joannes card. tit. S. Marci.

Joannes Domini gratia diaconus.

Joannes subdiaconus de Mira.

Joannes presbyter tit. S. Callixti in Tradstiberim.

Crescentius diaconus.

Rodolphus indignus presbyter, et abbas ex monasterio, S. Laurentii, qui ponitur in Clausura.

Joannes presbyter card. tit. S. Grisogoni.

Franco diaconus,

Raynerius diaconus.

Datum xvi Kal. Januarii, per manus Benedicti episcopi Portuensis, et vice Peregrini Coloniensis, archiepiscopi bibliothecarii S. apostolicæ sedis, anno pontificatus domini nostri Joannis summi pontificis, et universalis XIX papæ in sacratissima sede B. Petri apostoli, tertio mense Decemb., indictione x.

Decernimus ergo ut nulli omnino hominum liceat prædictam Ecclesiam temere perturbare, aut ejus possessiones auferre, vel ablatas retinere, minuere, vel injustis vexationibus fatigare, scilicet omnia integra conserventur eorum pro quorum gubernatione ac sustentatione concessa sunt, usibus omnimodis profutura, salva sedis apostolicæ auctoritate. Si quæ igitur in futurum ecclesiastica, sæcularis, vel alia persona, hanc nostræ constitutionis paginam, sciens contra eam temere venire tentaverit, secundo tertiove commonita, nisi reatum suum congrua satisfactione correxerit, potestatis honorisque sui careat dignitate, reamque se divino iudice existere de perpetrata iniquitate cognoscat, et a sacratissimo corpore ac sanguine Dei et Domini Redemptoris nostri Jesu Christi aliena fiat, atque in extremo examine districtè subiaceat ultioni. Cunctis autem eidem loco sua jura servantibus, sit pax Domini nostri Jesu Christi, quatenus, et hic fructum bonæ actionis percipiant, et apud districtum Judicem præmia æternæ pacis inveniant. Amen.

V.

Joannes XIX in concilio Petrum, episcopum Silvæ Candidæ, accepta virga, de universa terra omnium ecclesiarum Galerie investit.

(Anno 1026.)

[UGHELLI, *ibid.*, pag. 98.]

In nomine sanctæ et individue Trinitatis, Patris et Filii, et Spiritus sancti. Amen.

Ego JOANNES divina providentia XIX papa Romanus, sciens pene cuncta oblivioni dari ob nimiam fragilitatem humanam, quæ ad honorem et utilitatem SS. Rufinæ et Secundæ martyrum temporibus gesta sunt, litteris pandenda mandavimus, ut posterii devotionem erga nostra loca cognoscant, et si qui rebelles fuerint, contabescant et erubescant. Defuncto igitur Gregorio episcopo supradictarum martyrum Rufinæ et Secundæ, Petrum consecravimus episcopum, post cujus consecrationem, nondum transactis tribus annis presbyteri S.

Nicolai de Galeria cœperunt gerere eundem episcopum de presbyteris S. Andræ, presbyteri vero S. Andræ rogaverunt episcopum ut illuc iret, et in prædicta ecclesia S. Andræ altaria ædificaret. Quibus episcopus respondit non debere ibi altaria consecrare, quia de ipsa ecclesia litigatur presbyter S. Nicolai, prius igitur veniant utræque partes ante nos, et legibus finiatur, et tunc si canonice potero, ad servitium S. Ecclesiæ faciendum libenter ibo. His auditis reversi sunt, et archipresbytero et cæteris presbyteris nuntiaverunt, qui iterum atque iterum canonice vocati, tandem utræque partes venerunt ante suum episcopum, quorum causam volens prælibatus Petrus episcopus ita finire ut nunquam magis lis inde oriretur, ante nostram præsentiam illos conduxit, nos vero residentes in ecclesia S. Sylvestri, quæ est infra palatium Lateranense, una cum Theobaldo Belliterrens., Petro Prænestino, Benedicto Portuensi, Theobaldo Albanensi, Petro Ostiensi, Dominico Lavican. Benedicto archidiacono, Crescentio, atque Raynerio, Gregorio diaconibus, Petro card. S. Damasi, Francone card. S. Sixti, Tuidisco card. S. Marcelli, alisque quamplurimis sacerdotibus, et clericis adstantibus autem Benedicto Primicerio, et alio Benedicto Secundicerio, Crescentio nomenclatore, Petro primo defensore, Stephano Protoscriniario, Joanne Deubaldo Dativo iudice, seu fratre nostro Domino Alberico comite palatii, et Joanne Tocco comite Galeris, dictos presbyteros utrarumque ecclesiarum introire fecimus cum paucis laicis Galeranis, videlicet Joanne filio Rodulphi, Baldo; tunc episcopus veniens ad pedes nostros cœpit exponere quomodo, et qualiter, et qua pro causa vocasset eos, et cœpimus causam quærere, quæ illos movebat, tranquilla mente dirimere et tractare. Quæ cum protelaretur, ut reor, suggestione Spiritus sancti, venit mihi in mentem quod multum lucri episcopus S. Rufinæ haberet de tot sacerdotibus et tam magno populo Galerano, hoc cogitans infra me ipsum, et volens addiscere quantitatem redditus prædictæ Galeris, taliter episcopum interrogavi. Credo quidem multum redditus habere episcopum S. Rufinæ de tot sacerdotibus, et tam amplo populo Galerano. Episcopus respondit: A sacerdotibus S. Nicolai xiv solidos per annum, et a presbyteris S. Andræ xxx denarios consequitur episcopus, nihil amplius. Quod nos audientes maxima tristitia affecti sumus, et relinquentes causam quam tractabamus, omnes uno spiritu, una mente, cogente tanta impietate, ad hoc tractandum conversi sumus. Tunc archipresbyterum vocavimus S. Nicolai cum suis, et syndicum S. Andræ cum suis, quia archipresbyter absens erat infirmitatis causa, nos taliter aggressi sumus: « Dicite nobis quare tam parum episcopo redditis, et quare vel tertiam non redditis, sibi, sicut et alia loca faciunt? » Qui responderunt: « Consuetudo nostra fuit. » Et nos contra: « Habetis ab aliquo episcopo inde aliquid scriptum? » Qui responderunt per omnia:

A « Domine, nullum. » Tunc nos interrogavimus, residentes episcopos, sacerdotes, diaconos, iudices, quid deberet de hoc fieri, et prælibatus episcopus procedens ad pedes nostros, talia cœpit: « Domine, si vestri gratia est, ad eam causam redite, pro qua huc venimus, istam opportuno tempore reservate. » Tunc nos commoti et valde irati contra eum, quia volebat nos proponere quod ipse quærere debebat diximus: « Miror, cum sis prudens ac potens, quare ecclesiam tuam non sublevas, sed magis opprimis? quare non dixisti hoc per tot dies, et quare illam consuetudinem, quam omnes Ecclesiæ habent, non exigis ab ipsis? Mihi adeo non imputabitur quod in ea est Ecclesia: ego eam vobis dedi, si tu non vis tertiam ab eis B exigere, ego illam exigam, ut Ecclesia tibi commissa meo et tuo tempore non decreseat. » His verbis Petrus episcopus correptus respondit: « Domine, quid vos et sanctum hoc concilium iudicat, recipere paratus sim. » Tunc ab omni concilio definitum et iudicatum est ut, cunctis postpositis, prius ecclesia S. Rufinæ, et episcopus suus honoretur, et per me de tertia cunctæ Galeris episcopus ministretur, refutantibus ea presbyteris, et dare integram promittentibus sibi, suisque successoribus in perpetuum, et sic ad inchoatam causam presbyterum redire, quod et factum est. Nam accepta ego virga, investi episcopum Petrum, et per se suosque successores de universa tertia omnium ecclesiarum Galeris, assuetaque datione, consentientibus presbyteris utriusque Ecclesiæ, et refutantibus, atque dare eam promittentibus, ac dicentibus quod se illam prius sponte darent. Iterumque iudicatum est ut sub interdictione anathematis hoc poneretur, et confirmaretur, et factum est, nam nostrâ jussione, et omnium prædictorum sacerdotum, episcoporum, diaconorum accepta stola Benedictus Portuensis episcopus dixit: Auctoritate Patris, Filii, et Spiritus sancti, et auctoritate B. Petri apostoli, et D. N. Joannis papæ hoc S. concilio præsentis, et auctoritate hujus S. concilii maledicimus, et excommunicamus, et perpetuo anathematis vinculo obligamus, quicumque sacerdotum, sive clericorum, sive laicorum, seu qualicumque persona mortalium tertiam universarum ecclesiarum Galeris Petro episcopo, suisque successoribus aliquo modo contendere præsumperit, vel aliquo modo fraudare disposuerit, et hoc quod de Galeria iudicavimus ab omnibus locis prædicti episcopatus S. Rufinæ, et ab omnibus sacerdotibus, et clericis, vel laicis, et ab omni persona observari sub simili anathemate apostolica auctoritate sancimus, et statuimus in perpetuum, postquam ter a Petro episcopo vel suis successoribus supradicta tertia requisita fuerit, et ab omnibus clamatum est, Fiat, fiat, amen amen. Et ut diligentius observetur, et clarius cognoscatur, totum per ordinem Gregorio scrivano S. R. E. scribere præcepimus, et ab omnibus qui interfuerunt propriis manibus roborare voluimus.

Benedictus archidiaconus interfui, et in perpe

tuum valere judico. Petrus Prænestinus episcopus interfui, et in perpetuum valere judico. Ego Benedictus episcopus Portuensis interfui, et in perpetuum valere judico.

Datum XIX Kalend. Januarii per manus Bosonis episcopi S. Tiburtinæ Ecclesiæ et bibliothecarii S. A. S. interfui, et in perpetuum valere judico, Raynerius diaconus de diaconia S. Gregorii, et Leon episcopus Ostiensis Ecclesiæ interfui et in perpetuum valere judico. Gregorius S. Lucie interfui, et in perpetuum valere judico. Benedictus episcopus S. Anagninæ ecclesiæ interfui. Joann. episcopus S. Bledanæ Ecclesiæ interfui, et in perpetuum valere judico. Benedictus episcopus Ceren. hoc decretum firmum, et in perpetuum valere judico. Petrus cardinalis tituli S. Marci interfui, et in perpetuum valere judico. Raynerius episcopus Nepesinæ ecclesiæ hoc decretum firmum, et in perpetuum manere judico. Amasus episcopus atque capellanus domini papæ. Franco cardinalis. S. Sixti. Benedictus Domini gratia secundicerius S. A. S. Joannes cardinalis tit. S. Marcelli. Crescentius Domini gratia nomenclator S. A. S. Ego Stephanus Dei gratia scrivanius S. sedis apostolicæ, scripsi, etc.

VI.

Privilegium Joannis papæ XIX pro monasterio Cluniacensi. — Declarat se confirmare omnia monasteria et loca ad Cluniacense monasterium pertinentia, et ei ab aliquibus fidelibus Christianis, regibus, episcopis, ducibus, seu principibus antea concessa. Prohibet quoque ne quis episcopus, vel sacerdos, pro aliqua ordinatione seu consecratione ecclesiæ, presbyterorum, aut diaconorum, missarumque celebratione, nisi ab abbate Cluniacensi invitatus, veniat Cluniacum; sed liceat monachis Cluniacensibus cujuscunque voluerint ordinationis gradum suscipere ubicunque suo placuerit abbati. Similiter vetat ne quis episcopus vel sacerdos possit excommunicare fratres Cluniacenses ubicunque positos. Decernit præterea Cluniacense monasterium omnibus ad se ob salutem confugientibus fore misericordiæ sinum; et statuit quod si aliquis cujuscunque obligatus anathemate idem monasterium expetierit, sive pro corporis sepultura, seu alterius suæ utilitatis, et salutis gratia, benigniter excipiat oleo medicamenti salutaris fovendus. Denique definit electionem abbatis Cluniacensis pertinere ad congregationem ipsius loci.

(Anno 1027.)

[*Bullarium Cluniacense*, pag. 8.]

JOANNES episcopus, servus servorum Dei, dilectissimo filio ODILONI abbati monasterii quod dicitur Cluniacum, in honore beatorum apostolorum Petri et Pauli consecratum, in comitatu Matiseonensi situm, et per te cunctis successoribus tuis abbatibus in perpetuum.

Cum omnium fidelium petitionibus et necessitatibus subvenire debeat apostolicæ charitatis gratia, multo magis his est impertienda ejus beneficii clementia, quos singulariter proprios et specialiter filios se gaudet habere sancta Romana mater Ecclesia, et suæ utilitatis gratia, et præcedentium Patrum auctoritate egregia, quorum etiam desideriis et votis eo plenius parere debet auctoritatis apostolicæ

A sublimitas, quo certius constat eos non nisi illa desiderare et expetere quæ sunt ad honestatem sanctæ pietatis, et utilitatem veræ religionis. Et quoties in suæ necessitatis commodis nostrum assensum et solitæ apostolicæ auctoritatis audiverint humiliter requirere præsidium, ultro benignitatis intuitu nos convenit subvenire, et rite pro integra securitate solidare; ut ex hoc nobis quoque potissimum præmium a conditore omnium Deo sideris arcibus contribuatur. Et ideo quia postulastis a nobis ut præfatum monasterium apostolicæ auctoritatis serie muniremus, et omnia ejus pertinentia perenni jure ibidem inviolabiliter permanenda confirmarem, et absque omni jugo seu ditione cujuscunque personæ constabilire nostri privilegii pagina studeremus: propterea tuis flexus precibus, ob interventum domni invictissimi et pii Henrici imperatoris augusti, ejusque remedium animæ, per hujus nostræ auctoritatis privilegium statuente decernimus, ut cuncta loca et monasteria ad prædictum Cluniacense cœnobium pertinentia, quæ, ab aliquibus fidelissimis Christianis, regibus, episcopis, ducibus, seu principibus eidem loco sunt concessa, et ab antecessoribus tuis abbatibus acquisita, Bernone videlicet, Odone, Aymardo, et beatæ recordationis sancto Mayolo prædecessore tuo, vel quæcunque ad eundem locum pertinere videntur, absque ullius contradictione, cum magna securitate debeas possidere et per te universi successores tui in perpetuum. Necnon sub divini judicii promulgatione et confirmatione, et anathematis interdictione corroborantes decernimus, ut nullus episcopus, seu quilibet sacerdotum in eodem venerabili cœnobio pro aliqua ordinatione, sive consecratione ecclesiæ, presbyterorum, aut diaconorum, missarumque celebratione, nisi ab abbate ejusdem loci invitatus fuerit, venire ad agendum præsumat; sed liceat monachis ipsius loci cujuscunque voluerint ordinationis gradum suscipere, ubicunque tibi, tuisque successoribus placuerit. Interdicimus autem sub simili anathematis promulgatione, ut isdem locus sub nullius cujuscunque episcopi vel sacerdotis deprimatur interdictionis titulo, seu excommunicationis vel anathematis vinculo. Non enim patitur sanctæ sedis apostolicæ auctoritas, ut ullius cujuscunque personæ obligatione proscindatur a se cuilibet concessa liberalis libertas: neque ipsius loci fratres ubicunque positi, cujuscunque episcopi maledictionis vel excommunicationis vinculo teneantur stricti. Inhonestum enim nobis videtur ut sine nostro iudicio, a quoquam anathematizetur sanctæ sedis apostolicæ filius veluti cujuscunque subjectæ Ecclesiæ discipulus. Si qua vero competens ratio adversus eos quemquam moverit, et hoc aliter determinari vel definiri nequiverit, iudicium apostolicum, quod nulli præjudicium prætere patitur, super hoc patienter præstoleatur et humiliter requiratur. Decernimus etiam, et illius cujus vice quamvis indigne fungimur, auctoritate sancimus, ut isdem locus omnibus ad se ob salutem

confugientibus, sit misericordiæ sinus, sit totius pietatis et salutis portus. Obtineat in eo locum justus, nec repellatur pœnitere volens iniquus. Præbeatur innocentibus charitas mutuæ fraternitatis, nec negetur offensis spes salutis et indulgentia pietatis. Et si aliquis cujuscunque obligatus anathemate eundem locum expetierit, sive pro corporis sepultura, seu alterius suæ utilitatis et salutis gratia, minime a venia et optata misericordia excludatur, sed oleo medicamento salutaris fovendus benigniter colligatur. Quia et justum sic est, ut in domo pietatis et justo præbeatur dilectio sanctæ fraternitatis, et ad veniam confugienti peccatori non negetur medicamentum indulgentiæ et salutis. Sit autem omnibus ibi advenientibus causa salutis, hic et in perpetuum divinæ miserationis et pietatis refugium, et apostolicæ benedictionis præsidium. Decernimus præterea et omnino constituimus ut, prædicti loci obeunte abbate, non ibi aliuscujuscunque personæ violentia constitatur ordinandum, sed ab ipsa congregatione loci secundum timorem Dei, et institutionem legislatoris Benedicti, pater qui sibi præesse debeat eligatur, atque ad eum ordinandum qualiscunque illi placuerit, advocetur episcopus. Quascunque vero terras nunc tenes, et quas tu tuique successores acquirere potueritis, in perpetuum possidendas concedimus vobis. Si quis autem temerario ausu, quod fieri non credimus, contra hujus nostræ apostolicæ confirmationis seriem venire aut agere tentaverit, sciat se Domini nostri et apostolorum principis Petri anathematis vinculo innodandum, et cum diabolo ejusque atrocissimis pompis, atque cum Juda traditore Domini et salvatoris nostri Jesu Christi, in æternum ignem concremandum, simulque in voraginem tartareumque chaos demersum cum impiis deficiendum. Qui vero custos et observator hujus nostri privilegii exstiterit, benedictionis gratiam et vitam æternam a Domino consequatur, etc. Amen.

VII.

Joannis XIX epistola ad Popponem patriarcham Aquileiensem.

(Anno 1027).

[UGHELLI, *Italia sacra*, V, 49.]

JOANNES episcopus, servus servorum Dei, dilecto in Christo fratri POPPONI sanctæ Aquileiensis Ecclesiæ patriarchæ perpetuam salutem.

Cum magna nobis sollicitudine insistit cura pro universis Ecclesiis Dei ac piis locis vigilandi, ne aliquam necessitatis jacturam sustineant, sed magis propriæ utilitatis stipendia consequantur, ideo convenit nos tota mentis aviditate eorumdem veterum locorum stabilitatem ac integritatem maxime procurare, et sedulo eorum utilitatem ac subsidia illic contrahere, ut Deo nostro omnipotenti id quod pro ejus sancti nominis honore et laude, atque gloria ejus divinæ majestatis, nostrarum rerum confirmare veteribus locis sit acceptabile, nobisque ab ejus locupletissima misericordia digna hujusmodi pii in sidereis conseri amoris

A arcibus remuneratione. Igitur quia postulatis a nobis quatenus patriarchatum sanctæ Aquileiensis Ecclesiæ cum omni suo honore, atque suis pertinentiis totum in unum vobis conferamus, sicuti olim a beato Petro principe apostolorum, nec non Eugenio, atque Gregorio, cæterisque prædecessoribus nostris hujus apostolicæ sedis episcopis decretum est, inclinati namque precibus vestris apostolica auctoritate concedimus, et per hujus nostri privilegii paginam confirmamus vobis vestrisque successoribus patriarchatum sanctæ Aquileiensis ecclesiæ fore caput et metropolim super omnes Italiæ Ecclesias quoniam ante omnes constitutam et in fide Christi fundatam fuisse cognoscimus; atque volumus S. Aquileiensem in cunctis fidei rebus peculiarem, et vicariam, et secundam esse post hanc aliam Romanam sedem, sicuti olim a beato Petro apostolo concessum fuisse videtur. Insuper vobis vestrisque successoribus, apostolica auctoritate pallium concedimus, quo vos ad missarum solemniam celebranda uti volumus in Natali Domini, ac solemnitate Epiphaniæ, et in quatuor S. Mariæ festivitibus, et in ejusdem Dedicatione ecclesiæ, et in die Natalitii sui, et in Cœna Domini, et in die S. Paschæ, et in Ascensione domini, et in die S. Pentecostes, et in Nativitate S. Joannis Baptistæ, atque in festivitibus omnium apostolorum, et in festivitate Omnium Sanctorum, et in cæteris omnibus præcipuis festivitibus, nec non in consecratione episcoporum. De rationali autem idipsum præcipimus ut in cæteris festivitibus utamini, quemadmodum et de pallio. Insuper autem vobis vestrisque successoribus apostolica auctoritate universos episcopos S. Aquileiensis Ecclesiæ pertinentes, nec non monasteria... atque etiam parochias cunctas eidem patriarchatui pertinentes cum omnibus plebibus, titulis, ecclesiis, seu capellis, castellis, villis, terris cultis et incultis, seu decimationibus eorum cum exitibus, vel redditibus eorum, seu cum omnibus utensilibus eorum, et appendiciis, quæsitis, vel inquirendis, quæ dici vel nominari possunt, nec non confirmamus vobis vestrisque successoribus insulam, quæ Gradus vocatur, cum omnibus suis pertinentiis, quæ barbarico impetu ab eadem Aquileiensi Ecclesia subtracta fuerant, et falso patriarchali nomine utebatur, de qua multi antecessores vestri, temporibus meorum antecessorum, et multorum imperatorum per multas synodos proclamaverunt, ad quas æmulus tuus multoties syuodali sententiæ, et imperiali præcepto vocatus venire renuit, unde interventu etiam et petitione dilecti filii nostri Conradi imperatoris Augusti synodum congregavimus, in qua multi nostrates et Longobardi et Teutonici episcopi, et abbates interfuerunt, ad quam ipse canonicè vocatus venire distulit. Unde judicio omnium episcoporum qui aderant, restituta est ibi eadem insula cum omnibus suis pertinentiis, ut secundum Deum et votum vestrum eam ordinare vobis liceat, vel omnia quæ sub jure ac dominio patriarchatus

præfati adjacere, vel pertinere noscuntur, quemadmodum beatissimus Petrus apostolus olim suo discipulo Marco evangelistæ, ejusque sequaci elegantî viro Hermagoræ contradidit. Statuentes igitur apostolica censura sub divini judicii obstestatione et anathematis interdictu interdiximus ut nullus unquam nostrorum successorum pontifex, nullusque episcopus, nullaque magna parvaque persona in totis finibus vestri patriarchatus vel episcoporum vestrorum dominio pertinentium, ordinationem quamlibet facere præsumant, nisi vestro vestrorumque successorum fuerit consensu, quatenus Ecclesiarum ordines cum Dei adjutorio sedule accrescant. Si quis autem, quod non optamus, temerario ausu hujus nostri apostolici privilegii transgressor extiterit, sciat se auctoritate Dei omnipotentis, et apostolorum principis Petri, et Pauli, et nostra qui eorum fungimur vice, anathematis vinculo esse innodatum, et a regno Dei esse alienum; qui vero hujus nostræ Epistolæ institutionis in omnibus observator extiterit, benedictionis gratiam, vitamque æternam, et absolutio- nem omnium peccatorum suorum consequi mereatur a Deo, qui vivit et regnat in sæcula sæculorum. Amen.

Scriptum per manus Joannis cardinalis, et cancellarii, vice Petri diaconi, mense Septembris, indictione decima (1).

Datum per manus Bossonis episcopi et bibliothecarii S. R. E. in mense, et indictione suprascripta, in sacratissima sede beati Petri apostoli, anno IV, Deo propitio, pontificatus D. Joannis summi pontificis et universalis XIX papæ.

VIII.

Joannes XIX Ecclesiæ Tiburtinæ bona juraque, petente Benedicto episcopo, confirmat.

(Fragm. — Anno 1029).

[UCHELLI, *Italia sacra*, I. 1307].

Dilecto in Christo ac nostro spirituali filio BENEDICTO S. Tiburtinæ Ecclesiæ a nobis consecrato episcopo.... Imo etiam ecclesias, quas Boso episcopus tuus antecessor isto præsentis anno consecravit, videlicet S. Joannis et B. Juvenalis.

In nomine.... Pontificatus D. Joannis XIX in sacratissima sede, etc., anno VII, indictione XIV, mense Januarii die VIII. Joannes episcopus S. Tiburtinæ Ecclesiæ, consentiente cuncta congregatione episcopii S. Laurentii martyris Christi, donat cuncto clero venerab. presbyter. omnem medieta- tem demortuorum civitatis Tiburtinæ ad se pertinentem, in juga presbyterorum jurat, ut sup. pœna auri obritiæ uncie tres. Tedemandus vir et tabellio civitatis scripsit.

(1) Hic loco indictionis decimæ reponenda est indictio XI. Ughellus enim tom. I, recitat aliud privilegium Silvæ Candidæ episcopo datum, scriptum per manum Georgii notarii regionarii atque scriptoris S. R. E. in mense Decembri, ind. X, post suscriptionem vero præsulum X in eo nominatorum: Datum XII Käl. Januarii per manus Benedicti episcopi Portuensis, et vice Peregrini, etc., anno pontificatus D. N. Joannis summi pontif. et

† Joannes episcopus. servus servorum Dei S. Tiburtinæ Ecclesiæ.

IX.

Joannes XIX in synodo patriarchatum Gradensem, potestatem Popponis patriarchæ Aquileiensis contra jus fasque redactum, Ursoni patriarchæ Gradensi restituit.

(Anno 1029).

[MANSI, *Concil. XIX*, 491].

JOANNES episcopus, servus servorum Dei.

Si mortalibus inevitabiliter non immineret accidens ex protoplasti parentis vitio deficere, nulla penitus ratio cogeret acta eorundem servanda futuris sæculis bona ad exemplum, vel improba ad cautelam stylo inextricabili commendare, illa minus idoneum foret auctores præsentis inspicere, et Acta exequi exarata. Sed quia, ut præmissum est, primi parentis piaculo instantia cæterorum deficere cœpit, provide eorum invenit humanitas, ne secum deperirent Gesta propria ad informationem sequentium sæculorum, vel ad evitacionem, si obscura fuerint, debere adnotari, ut ipsa adnotatio inmemores ætates superans significaret quid utile, quidve gestum fuisset inutile, et lucida indagacione verum a falso in tempore opportuno secerneret. Quod si est in sæcularibus negotiis id servari sancitum, cautius, et diligentius in ecclesiasticis est observandum, qui tanto tempestatem sæculi horrent quanto quiete perpetua ardent, tanto inquietudinem refugiunt mortalium quanto soli viventi Deo in sæcula sæculorum placere desiderant. Cujus rei gratia omnibus S. Dei Ecclesiæ filiis notum esse volumus quod inter Ursonem patriarcham Gradensem, et Popponem Forojuliensem patriarcham, proh dolor! nostris temporibus zabulo ventilante commotum est, et ad quod usque perductum. Conspirante namque Veneticorum populo contra dominum suum ducem, et prælibatum patriarcham fratrem suum, uterque posthabitis dignitatibus et curis, quæ ad se pertinebant, alias se receptorunt, donec sopitis sæcularibus insolentiis ad sua repedare quivissent, sicuti postea rei probavit eventus. Interea vero antiquo zelo accensus hostis Forojuliensis patriarcha Popo Gradensem civitatem adit, petens se recipi a civibus adjutorem confratris sui patriarchæ Gradensis, et amici sui ducis. Cui cum nollent acquiescere per Deum et octo suorum sacramenta firmavit, sicut referente Ursone patriarcha, et quamplurimis Veneticorum nobilibus, actum provincialium episcopis didicimus, quod ad salvam faciendam duci et fratri suo patriarchæ ci-

universalis in sacratissima sede B. Petri apostoli tertio, mense Decembri, ind. X, anno scilicet Christi 1026. Cum itaque eo Christi anno die 17 mens. Decemb. tertium sedis annum attingisset, in præcedenti subscriptione loco indict. X, reponenda indictio XI, alioquin an. 1026, mense Septemb. annum IV pontificatus, et mense Decemb. ejusdem anni an. III, numeraret. Pagius in Annal. Baron. tom. IV, p. 123.

vitatem intraret. Ubi postquam intratum est, oblitus sacramentorum, gentilium more, ut de secularibus audivimus, quidquid in ecclesia inventum est, unca manu deprædatum est, duorum monasteriorum sanctimoniales stupratæ ac violatæ a suis sunt, neque monachis pepercit. Quin etiam defunctorum corpora quietem desiderantia e propriis tumulis auferens ad civitatem suam inhonorata transtulit, reliquias minus tamen quam desiderabat similiter secum devexit, altaria confregit, thesauros abstulit, civitatem aliquibus patronis Gradensem licet destitutam munitam suis reliquit. Cui non sufficiens hoc apposuit iniquitates super iniquitates (*Psal. LXVIII, 28*), nos suis legatis petiit poscens confirmationem omnium locorum suorum a nobis, et nominatim Gradensis insulæ: quibus cum responderem non sibi juste, et canonice, ac per antiqua privilegia pertinere, dixerunt: Non aliter ea petit dominus noster sibi confirmari, nisi quemadmodum per privilegia vestrorum antecessorum suis antecessoribus et Ecclesiæ s:æ confirmata est, et sibi juste et canonice pertinere videtur, ac ipse probare potest, et promittit. His auditis, nec arbitantes eum audere illudere apostolicæ sedi, et magis quia novimus pro hac ratione Ursonem patriarcham a bonæ memoriæ domno Benedicto papa Romam vocatum fassum se venire non posse sub excusatione imperialis timoris, licet legatos suos mitteret petitionibus suis condescendentes privilegium sibi dare filio nostro Petro diacono et cancellario præcepimus. Sed et de insula Gradensi inseri jussimus, sicut audietis. Præterea confirmamus vobis insulam Gradensem cum pertinentiis, sicut juste et canonice per antiqua privilegia vobis et Ecclesiæ vestræ pertinere dignoscitur: et sicut tu ipse juste probare omni tempore potes, et promittis, ita ut secundum Deum tibi eam ordinare liceat. Quod totum in contrarium accidit, quia nec juste sibi pertinere convictum est: qui vocatus ad satisfaciendum de hoc Gradensi patriarchæ sicut promisit, venire distulit, nec secundum Deum dictam ordinavit insulam, neque antiqua per privilegia eam sibi pertinere, ut promiserat, ostendit. Privilegium, quod scriptum est sub præfata conditione manu nostra corroboratum, per suos remissum est nuntios. Post eorum reversionem nondum expleto triduo nuntius patriarchæ Gradensis supervenit, flebilem nobis representans epistolam, quam cum legissemus magno mœrore affecti sumus; sed recuperata spe ex ec, quod probare omni tempore justitiam se habere promisit, nuntium nostrum Gregorium fide probatum, et omni eloquentia insignem ad utrumque misimus cum epistolis paterne vocantibus eos ad nostram synodum. Sed Poppo visis litteris commotus..... sicut Gregorius relulit, quod nec etiam caput inclinaret, sed potius tenorem privilegii denegaret. Et, quia perditam Gradensem insulam haberet, querebatur, nec posse se venire ad nostram synodum nulla ratione interveniente profitebatur; sed de tenore privilegii in eodem loco vinctus est mendacem esse; quia exemplar demonstratum

A est a Gregorio: cui revertenti junxit se Urso patriarcha nos vocatus adiens. Quod cum cognovisset Poppo Forojuliensis patriarcha, monachum quemdam legatum ad nos misit, nulla probabili ratione, nec justa defensione, ut promiserat, munitum. Quem cum retinere audito adventu Ursonis patriarchæ voluissem, fugam arripuit. Veniens autem ante nos patriarcha Gradensis triduo flebiliter questus est. Postea vero congregata synodo in ecclesia B. Sylvestri infra nostrum palatium residentibus nobiscum venerabilibus episcopis Petro Pipernensi, Benedicto Portuensi, Dominico Lavicanensi, Bosone Tiburtinensi, Reginerio Nephensi, Benedicto Cerensi, Dodone Nucereni, Petro Prænestinensi, Joanne Bledensi, Joanne Orteni, Azo, Amato seu Benedicto episcopis ac diaconibus, Benedicto archidiacono, Crescentio diacono, Petro diacono archicancellario, Crescentio et Rainerio diaconibus et cardinalibus, Stephano, Petro, Joanne, et alio Joanne, seu cæteris tam episcopis quam presbyteris, nec non diaconibus, quorum subtus manus ascriptæ esse subcernuntur; omnes res per ordinem relatæ sunt atque privilegia antecessorum nost., scil. sanctissimi Pelagii, Gregorii et Honorii, Stephani et Gregorii, Leonis, Sergii et Leonis, Benedicti, Adriani, Bonifacii, Romani, Theodori, Anastasii, Joannis, Sylvestri et Sergii ostensa, quorum imitantes quamplurima de eadem Gradensi sede instituta, talem definitionem promeruit, ut privilegium confirmationis judicio nostrorum episcoporum sibi, suisque successoribus de ejusdem sedis stabilitate perpetualiter faceremus. Quod et fecimus, statuente apostolica censura sub divini iudicii obtestatione, ut nulli unquam in tempore prædictum Ursonem patriarcham, ac successores ejus de prædicto patriarchatu Gradensi, sive de rebus, ac possessionibus ejus inquietare, aut molestare præsumant; sed potius sæpius nominatum patriarcham Gradensem cum sua integritate quietum remota omni contradictione ipse, sui que successores perpetuis possideant temporibus, ita etiam ut absque suo suorumque successorum voluntario consensu nulli electionem suorum suffraganeorum facere liceat. Et quidquid ab eis juxta normam canonicam pro commissæ sibi Ecclesiæ cura prolatum fuerit, tam a suffraganeis sibi episcopis, quam a clero et populo custodiri præcipimus. Qui vero hæc, quæ a nobis pio intuitu promulgata sunt, infringere aut in aliquo transgredi præsumserit, omnipotentis Dei iram incurrat, et nostro anathemate confossus pereat, sed et cum diabolo perpetuo damnatus gemat. Qui autem custos et observator hujus nostri apostolici privilegii exstiterit, gratiam mereatur SS. Trinitatis, et nostra benedictione fruatur, ac in sæcula sæculorum lætetur.

Scriptum per manus Georgii scriniarii S. R. E. in mense Decembri indictione VIII. † Bene valete.

Ego Benedictus episcopus Portuensis interfui et subsc.

Ego Bosus episcopus S. Tiburgiæ Ecclesiæ subscripsi.

Ego Petrus episcopus Hostiensis subscr.

Ego Dominicus episcopus Lavicanensis Ecclesiæ subscripsi.

Ego Benedictus S. Cerensis Ecclesiæ episcopus subscr.

Ego Joannes episcopus S. Ortanæ Ecclesiæ subscripsi.

Ego Raynerius S. Nepesinæ Ecclesiæ episcopus subscr.

Ego Petrus episcopus. S. Pipernensis Ecclesiæ subscripsi.

Ego Benedictus episcopus de Portalatina subscr.

Ego Dodo episcopus Nucerenensis subscr.

Ego Azo episcopus Camerinensis subscr.

Ego Joannes episcopus S. Bledanæ Ecclesiæ subscripsi.

Ego Almatius subscr.

Ego Leo S. Ficoelensis Ecclesiæ episc. subscr.

Ego Monaldus episcopus Ariminensis ex jussione D. Jo. papæ subscr.

Ego Berardus S. Fulgiliensis Ecclesiæ episc. ex jussione D. Jo. papæ subscr.

Ego Benedictus archidiaconus, et vicedominus subscr.

Ego Petrus diaconus S. R. E. et cancellarius sacri palatii subscr.

Ego Crescentius diaconus subscr.

Ego Riginerius diaconus subscr.

Ego Stephanus cardinalis interfui.

Ego Joannes cardinalis tit. S. Marcelli interfui.

Ego Joannes cardinalis S. Marci interfui.

X.

Joannis XIX papæ epistola ad Petrum episcopum Gerundensem de privilegio pallii.

(Anno 1030.)

[FLOREZ, *Espana Sagrada*, XLIII, 430.]

JOANNES episcopus, servus servorum Dei PETRO venerabili episcopo Gerundensis sanctæ Ecclesiæ et dilecto in Christo filio, perpetuam in Domino salutem et apostolicam benedictionem.

Cum tui amoris causa aliquid agimus, tanto nos placere Deo devotius confidimus quanto tuam conversationem tam evangelicis quam et apostolicis glorificationem testimonii scimus. Ad ejus namque laudem refertur illud quod dicitur : « Qui manet in charitate, in Deo manet, et Deus in eo. » Si ergo per charitatem in Deo manemus et Deus in nobis, et sine illa Deo placere non possumus, in omnibus nostris operibus sine intermissione illam præferre debemus. Et quia urgente pastoralis sollicitudine qua divinitus videmur præditi, si aliquos captivos ab Hispanis redimere possemus, te veniente ad limina apostolorum, interrogavimus ; respondisti triginta captivos te velle et posse pro remedio animæ nostræ redimere et libertati dare, si vel duodecim in anno vicibus tibi pallii usum concederemus. Zelo itaque Dei, qui eos proprio sanguine redemit, accensi, petitioni tuæ condescendimus, palliumque

A gestandum duodecim in anno vicibus tibi solum modo concessimus, in Natale videlicet Domini, in Epiphania, in Cœna Domini, in Resurrectione Domini, in die luna Resurrectionis, in Ascensione Domini, in Pentecosten, in festivitate Omnium Sanctorum, in Assumptione sanctæ Mariæ, et in festo sancti Saturnini, in uno concilio diœcesis vestræ. Cujus quoniam indumenti honor modesta actuum vivacitate servandus est, hortamur ut ei morum tuorum ornamenta convenient, quatinus auctore Deo recte utrobique possis esse conspicuus. Itaque vita tua filiis tuis sit regula. In ipsa, si qua tortitudo in illis injecta est, dirigantur in ea quæ imitentur, aspiciant ; in ipsa semper considerando proficiant, ut tuum post Deum videatur esse bene quod vixerint. Cor ergo neque prospera quæ temporaliter blandiuntur extollant, neque adversa dejiciant ; sed quidquid illud fuerit virtutis patientiæ devincant. Nullum apud te locum odia, nullum favor indiscretus inveniant ; districtum mali cognoscant, insontem apud te culpabilem suggestio mola non faciat, nocentem gratia non excuset. Remissum te delinquentibus non ostendas, ne quod ultus non fueris perpetrari permittas. Sit in te et boni pastoris dulcedo, sit et judicis severa districtio, unum scilicet quod innocenter viventes foveat, aliud quod inquietos feriendos a pravitate compescat. Sed quoniam nonnunquam præpositorum zelus, dum districtus malorum vindex existere vult, transit in crudelitatem correctio, iram judicio refrena, et censuram disciplinæ sic discute ut et culpas ferias, et a dilectione personarum quas corrigis non recedas. Misericordem te, prout virtus patitur, pauperibus exhibe. Oppressis defensio tua subveniat, opprimentibus modesta correctio contradicat. Nullius faciem contra justitiam accipias, nullum quærentem justitiam despicias. Custodia in te æquitatis excellat, ut nec divitem potentia tua aliquid apud vos extra viam rationis suadent audire, nec pauperem de re sua faciat humilitas desperare, quatenus Deo miserante talis possis existere qualem sacra lectio præcipit, dicens : « Oportet episcopum irreprehensibilem esse. » Sed his omnibus uti salubriter poteris, si magistram charitatem habueris ; quam qui secutus fuerit a recto aliquando tramite non recedit. Ecce, frater charissime, inter multa alia, ista sunt sacerdotii, ista sunt pallii, quæ si studiose servaveris, quod foris accepisse ostenderis intus habebis. Sancta Trinitas fraternitatem vestram gratia suæ protectionis circumdet, atque ita in timoris sui via nos dirigat ut post vitæ hujus amaritudines ad æternam simul pervenire dulcedinem mereamur.

B

C

Scriptum per manum Sergi scriniarii sanctæ Romanæ Ecclesiæ, mense Aprili, indictione tertia decima.

XI.

Epistola Joannis papæ XIX ad Robertum regem Francorum de immunitate Cluniacensis monasterii.

(Anno 1024-1031.)

[*Bullarium Cluniacense*, pag. 7.]

JOANNES episcopus, servus servorum Dei, ROBERTO regis Francorum, salutem charissimam cum benedictione apostolica.

Quoniam, o religiosissime rex multorum jam charitate frigescente, superabundante autem iniquitate, plurimis in locis non solum ab extraneis, verum etiam ab iis qui filii nomine tenus dicuntur, status Ecclesiæ confunditur, sacræ religionis ordo contemnitur, pietas et forma justitiæ dehonestatur, et privilegia apostolica seu etiam regalia præcepta, quantum ad substantiam, illorum temeritate irreverenter cassantur : oportet vestram sublimitatem vigilare, ut in regno vobis Deo auctore commisso catholicæ fidei norma vigorem obtineat, sanctitas et religio contra inimicos veritatis trophæum victoriæ insigniter teneat, et sacer ritus præcedentium Patrum inviolabiliter permaneat, quatenus per hæc et vestra fides plenitudinem honorum percipiat, et devotio subditorum exinde ad incrementa virtutum magis ac magis proficiat. His enim rei sacramentum non solum a nobis exigitur, quibus pastoralis commissa est cura, verum etiam et a vobis, cui credita est, cum usuris exigenda maxima pompa et regis sublimitatis potentia. Quod enim sine gravi dicere non valeamus dolore, quibusdam vestrorum execrabili negotio ad sacerdotium introductis, non sufficit injuste acquisita, posthabito religionis ordine, per perimendos terrenæ affectationis luxus distrahere, nisi etiam et ea loca quæ a fidelibus, qui illa ex propriis possessionibus et sumptibus construxere, potestati solius Romanæ Ecclesiæ tradita sunt testamenti auctoritate, ad damnationis suæ cumulum sibi conentur defendere, et suis usibus male applicare ; qui profecto ipsum caput discerpere gestiunt, dum membra ab ipso separare volunt, et eos quos ut vernaculos habet injuriis et contumeliis lacessere non desinunt, ignorantibus utique miseri quod hujus sanctæ sedis decreta pia fide a filiis matris Ecclesiæ accipienda sunt, et veneranda, ut tanquam regulæ canonum ab eisdem absque ullo scrupulo admittantur, utpote quæ de omni Ecclesiæ fas habeat judicandi, neque cuiquam liceat de ejus garrire decreto, nec judicare judicio. Cujus judicii sententiam eo magis oportet a nemine dissolvi, quo certius apostoli constat illam Petri firmitate et auctoritate solidari. Ait enim quodam in loco Leo papa venerabilis et sanctæ institutionis doctor admirabilis : « Non parvæ insanis est contra eum aliquem mutire, qui clavigerum regni cœlestis habet tutorem et patronum ; quin eo magis si hic multa verba tumentis spiritus relaxentur, ne forte Petri vindicta in posterum reservetur. » Horum itaque rabiem et tumoris insolentiam a nostris locis, et maxime a Cluniensi cœnobio specialiter et singulariter nobis proprio

A procul amovere cupientes, hoc privilegium apostolica auctoritate filio nostro charissimo Odiloni et sibi succedentibus in perpetuum facere voluimus ; quod vestri nobilitati idcirco cum his litteris mittimus, ut vestris vestrorumque sacerdotum vel optimatum in auribus recitetur, præceptoque regali et auctoritate firmetur, corroboretur, et auctorizetur ; ut nullius cujuscunque sacerdotis vel principis persona contra hoc apostolicæ auctoritatis decretum in perpetuum garrere vel mutire audeat, ne apostolico percussus anathemate districtæ ultionis pœnas luat, et regalis transgressor præcepti cum suppliciis infernorum exsors etiam fiat temporalium bonorum.

XII.

Epistola Joannis XIX papæ ad Gauslenum episcopum Matisconensem pro tuenda libertate et immunitate monasterii Cluniacensis ab omni jurisdictione episcopali.

(Anno 1024-1031.)

[*Bullarium Cluniacense*, pag. 8.]

JOANNES episcopus, servus servorum Dei, GAUSLENO episcopo Matisconensi, salutem charissimam cum benedictione apostolica.

Cui, Deo auctore, præsidemus reliquarum Ecclesiarum caput et cardo sancta Romana Ecclesia tanta intolerabilius patitur quodcunque sibi ingritur dedecus quanto unitati suæ is, a quo ingestum est, videtur propinquior. Ex quo ad episcopalem gloriam deductus es, Romanæ Ecclesiæ filius et discipulus visus es, et tam a nobis quam ab antecessoribus nostris amodo sic computatus es ; nunc vero nescimus qua nova temeritate illectus, inextinguibili cupiditate accensus, matri tuæ repugnans, et contra nos, meritis apostoli Petri magistrum tuum, levas calcaneum, cum cœnobium Cluniacense, cunctis pene nationibus sanctitate præfulgens, nec non apostolicis privilegiis fultum et ab omnium ditone subtractum, solius principis apostolorum et vicariorum suorum judicio reservatum, commoves, venerandum etiam infidelibus Patrem domnum Odilonem, abbatem irreverenter appetis, fratres, ibidem degentes pro adipiscenda perpetua transitoriam quietem optantes sollicitas, apostolica privilegia cassare contendis. Quod ita accipimus quemadmodum si ipsa membra nostra avidè discerpere quæreres ; et quod sine ruina tua esse nequit. Cave caute vel jam monitus animæ, et nostrum monasterium singulare nobis relinque, dum particeps ejus contra nos esse cupis, ordinis nostri exsors apostolica auctoritate efficiaris. Si vero aliqua competens ratio adversus eum te commovet, nostrum judicium sub quo solo manet confidenter quære ; nos nempe qui eum tam a te quam et ab omnibus tuemur, nulli præjudicium prætere patimur.

XIII.

Epistola Joannis XIX papæ ad Bocharum archiepiscopum Lugdunensem pro immunitate Cluniacensis monasterii.

(Anno 1024-1031.)

[*Bullarium Cluniacense*, pag. 9.]

JOANNES episcopus, servus servorum Dei Bor-

CHARDO archiepiscopo Lugdunensi, salutem charissimam cum benedictione apostolica.

Gauslenum Matisoonensem suffraganeum vestrum, Cuniacensis monasterii nostri ordinationem et consecrationem avide contra privilegia apostolica usurpare quærentem, valde dolemus, ex eo magis quod tantorum apostolicorum excommunicationum reus sola cupiditate factus est. Et quia pro amore sancti Petri, cujus singulare monasterium est, suæ parti favisse et favere vos intelleximus, gratias vobis apostolicis benedictionibus referimus cumulatatas, et ut incessanter faciatis, petimus. Sub quæ etiam rogamus ut eidem episcopo interdicatis, sicut nos litteris nostris fecimus consecrationem, ordinationem, vel aliquod jus in nostro monasterio quærere, ne dum hoc injuste appetit, quod justè sibi licet pro sua inobedientia, iterata tantorum Patrum querela, apostolica auctoritate careat.

XIV.

Joannes XIX monasterii Fuldensis privilegia, petente Richardo abbate, confirmat.

(Anno 1031.)

[DRONKE, *Cod. diplom. Fuld.*, 351.]

JOANNES episcopus, servus servorum Dei, dilecto in Christo filio RICHARDO, abbati venerabilis monasterii Salvatoris nostri Jesu Christi et sancti Bonifacii martyris, siti in loco qui vocatur Boconia juxta ripam fluminis Fuldæ, et per te omnibus tuis successoribus.

Congruit apostolico moderamini pia religione pollentibus benevola compassione succurrere et poscentium animis alacri devotione assensum præbere. Igitur, quia postulasti a me fili charissime, quatenus prædictum Fuldense monasterium privilegii sedis apostolicæ infulis decoretur, ut sub jurisdictione sanctæ Romanæ Ecclesiæ specialiter constitutum nullius alterius Ecclesiæ jurisdictionibus submittatur: idcirco piis desideriis faventes hac nostra auctoritate id quod exposcitur effectui mancipamus. Commendamus itaque tuæ fidei et discretioni præfatum monasterium cum omnibus rebus mobilibus et immobilibus sibi pertinentibus quas nunc habet, vel in futurum Deo auxiliante habebit. Concedimus etiam atque donamus vobis monasterium Sancti Andreæ, quod vocatur Exailum, situm juxta basilicam sanctæ Mariæ ad Præsepe, cum omnibus mansionibus suis. Monasterium ergo Fuldense, quod sanctus martyr Christi Bonifacius primitus construxit, et pluribus ornatibus ac prædiis ditavit regumque ac principum defensionibus munivit, cum omnibus cellis, ecclesiis et curtibus cunctisque ad se pertinentibus nostri privilegii præceptione confirmamus, hocque jubemus et statuimus ut nullus inde futurus abbas consecrationem usquam præsumat accipere nisi ab hac sede apostolica. Quem etiam idcirco specialiter ordinamus et consecramus atque privilegiis Romanæ et apostolicæ sedis insigniri volumus, ut noverint cæteræ Ecclesiæ Fuldensem Ecclesiam specialem sanctæ Romanæ Ecclesiæ esse

A filiam. Tibi ergo, fili charissime, inter omnes abates Galliæ et Germaniæ primatum sedendi et judicandi et concilium cum cæteris abbatibus habendi concedimus. Nulli episcoporum, archiepiscoporum, patriarcharum temere, nisi a vobis accepta licentia, super altare vestri patrocinii missarum solemniam celebrare liceat. Nullius personæ principis neque totum neque partem de rebus ejusdem monasterii alicui mortalium subdere vel in beneficium præstare audeat, excepto solo abbate, qui legitima beneficia viris ac ministerialibus suis præstare habet; sed soli Romanæ Ecclesiæ specialis filia Fuldensis Ecclesia libere atque secure deserviat. Si, quod absit! aliquis abbas de vestro monasterio aliquo crimine infamis fuerit, præcipimus ut pulsationis judicium non sentiat, donec a nostra apostolica sede audiatur. Luceat etiam tibi, charissime fili, tuisque successoribus abbatibus ejusdem monasterii, episcoporum more, apostolicam sedem ad defensionem tuamque Ecclesiæ appellare, et contra omnes æmulos vestros Romanæ majestatis scuto vos defendere. Præterea ob amorem et reverentiam venerabilis Fuldensis Ecclesiæ tibi, frater charissime, tuisque successoribus abbatibus usum dalmaticæ et sandaliorum in celebratione missæ concedimus. ut et in hoc præ cæteris nostri amoris privilegio specialiter insignitus appareas. Decrevimus quoque deliberantes ut congruis temporibus nostræ pro vobis sollicitudini intimetur qualiter religio monastica regulari habitu dirigatur et concordia fratrum studio ecclesiasticæ professionis custodiatur, ne forte, quod absit! sub hujus privilegii obtentu animus gressusque vestræ rectitudinis a norma justitiæ aliquomodo retorqueatur. Interdicimus etiam, secundum petitionem sancti Bonifacii et decretum Zachariæ antecessoris nostri, ne ulla femina idem venerabile monasterium ingrediatur. Sed et hoc summopore præcipimus et commonemus, ut nullus hominum de redditibus et fundis vel decimis cæterisque fidelium oblationibus seu familiis ad hospitale pauperum vel ad portam hospitem pertinentibus aliquid auferat, vel in beneficium suscipere præsumat; sed, sicut beatissimus Christi martyr Bonifacius instituit, omnia sint rata et ordinata, tam ea quæ ad usum fratrum quam ea quæ ad diversos officiorum cultus pertinere videntur. Super hæc omnia constituimus per hujus decreti nostri paginam, ut quicumque cujuslibet Ecclesiæ presul vel quacunque dignitate prædita persona hanc nostri privilegii chartam, quam auctoritate principis apostolorum firmamus temerare tentaverit, anathema sit, et iram Dei incurrens a cœtu omnium sanctorum extorris existat, et nihilominus præfati monasterii dignitas a nobis indulta perpetualiter inviolata permaneat apostolica auctoritate subnixâ.

Scriptum per manum Sergii scriniarii sanctæ Romanæ sedis, mense Martio, indictione xiv.

XV.

Epistola Joannis XIX ad Jordanum Lemovicensem episcopum, cæterosque Galliarum episcopos, de S. Martialis apostolatu.

(Anno 1031.)

[MANSI, *Concil.* XIX, 417.]

JOANNES episcopus, servus servorum Dei, JORDANO episcopo, et ejus clero cunctisque episcopis Galliarum, salutem charissimam cum benedictione apostolica.

Ad pastoralem quidem sollicitudinem pertinet, cum aliquid controversiæ in Ecclesia oritur, antequam vires recipiat, falcastro severæ linguæ extirpare radicibus, et ea superserere tam divinis quam sanctissimis exemplis quæ messem Dei faciant et lætificent. Cur enim talia suscepimus prolabantur subjecta. Beatissimus quidem Martialis, sicut in gestis ejus reperimus, docente Christo in mundo et præcipiente, a Petro apostolorum principe baptizatus est, et tanto sancti Spiritus igne inflammatus ut ex eo derelictis parentibus soli ipsi Filio Dei servire eligeret, et hunc Magistrum et Dominum, Petro apostolo confirmante, cujus sanguine cretus erat, desideraret: quod et factum est. Nam in resuscitatione Lazari præsens aderat, in cæna interfuit, in lavatione pedum miustravit. Post passionem vero, quando putabant se spiritum videre, palpate manus et latus Thomam vidit. Quando apostolis dictum est: *Euntes docete omnes gentes, baptizantes eos in nomine Patris, et Filii, et Spiritus sancti (Matth. xxviii), etc. Accipite Spiritum sanctum; quorum remiseritis peccata, remittuntur eis, et quorum retinueritis, retenta sunt (Joan. xx)*, audivit. Ascendentem in cælum vidit, Spiritum sanctum in igneis linguis descendentem et vidit et accepit, omnibusque linguis est usus. Deinde principi apostolorum adhæsit, utpote carne propinquus et baptismate filius, a quo, præcipiente Christo ad prædicandum provincis Galliarum est destinatus, ubi infinitum populum a cultu idolorum removens, Christo sua doctrina dedicavit; quam piam sanctamque, tam gravitate et pietate morum, quam resuscitatione mortuorum, recuratione claudorum, cæcorum illuminatione, et omnium mirabilium perpetratio confirmabat.

Huic modo quidam vestrorum, ut audivimus, tetrahare præsumunt, quasi nihil sit ei commune cum apostolis, sed confessoribus. Hi vero non loqui, sed insanire videntur, quia gravati fascibus peccatorum, in cælis judicare contendunt. Petrum lenique nostrum, cui claves cælorum commissæ sunt, confessorem dicimus quia Christum confessus est, dicens: *Tu es Christus Filius Dei vivi (Matth. xvi)*, et apostolum dicimus, quia ab ipso Domino ad prædicationem est missus; martyrem nominamus, quia prædicando Christum, martyrium finivit; principem apostolorum credimus quia apostolos constituit, sicut est Marcus baptismate filius, et Mathias sorte electus, Lucas disci-

A pulus apostoli Pauli, et Barnabas, et quamplures. An forte nolunt hos recipi inter apostolos, eo quod ab apostolis sint electi et missi, qui Martialem, eo quod non sit de duodeno numero, apostolica dignitate nolunt clarum videri?

Non putant alios apostolos, nisi illos duodecim; et ubi est quod dicit apostolus Paulus Philippensibus? *Necessarium autem existimavi Epaphroditum fratrem, cooperatorem, et commilitonem meum, vestrum autem apostolum, et ministrum necessitatis meæ, mittere ad vos (Philipp. ii)*. Sillam quoque et Judam ab apostolis apostolos nominatos invenimus. Anglorum enim Ecclesia usque hactenus beatissimum Gregorium, quem nos confessorem dicimus, proprium suum apostolum nominat. Romani pontifices, quia vice apostoli funguntur, apostolici nominantur. Cum igitur apostoli nomen non sit numeri, sed suffragii, quicumque revelante Deo ad prædicandum mittitur, et sua pia exhortatione et exemplo commissum sibi divinitus populum a potestate diaboli liberat, non incongrue apostolus dici potest, quia apostolus missus dicitur.

Nos vero, in firma petra ædificati, hunc de quo loquimur Martialem, utrum inter confessores, an inter apostolos, Jesus Christus Dei Filius, qui corporaliter adhæsit, et cujus gloriam vidit et benedictione est usus, annumeret; apostolum nominari posse definimus, et æque apostolica officia in divinis mysteriis exhiberi sibi censemus: nec de illius beatitudine dubitare quemquam posse confidimus, qui sibi respondente nomine sacris operibus apostolicam dignitatem subtrahere invidiose conatur. Ut autem reverentia et celebritas tanti apostoli in toto terrarum orbe excelsius recolatur, ædificatum et dedicatum est a nobis in ejus honorem pulcherrimum altare in basilica Sancti Petri apostoli Romæ ad meridianam templi partem in Idus Maii, ubi quotidie ipsius sancti memoria devotissime veneratur, et præcipue in die natalitii ejus, quod est pridie Kalendas Julias, quotannis dulcius recolitur.

XVI.

Joannis XIX epistola ad S. Odilonem Cluniacensem abbatem. — Redarguit quod Lugdunensem archiepiscopatum recusaverit.

(Anno 1031.)

[MANSI, *Concil.* XIX, 418.]

JOANNES episcopus, servus servorum Dei, ODILONI abbati, salutem charissimam benedictione apostolica.

Docente beatissimo Gregorio, multa videntur bona, et non sunt. Verum tamen cum dicatur, si rogas, audies; qui omnia tua quæ videbantur bona, bona non esse sentimus. Quid enim in monacho obedientia sanctius? Quid in Christiano acceptabilius? Non ne *melior est obedientia, sacrificio*, secundum propheticum judicium? et voce Dominica dicitur: *Obedientiam volo, et non sacrificium*. Quantum vero beatus Benedictus eam suis præconiis extollat, non est dignum hic inserere, cum te non la-

teat. Percipimus igitur injuriam sanctæ Ecclesiæ A Lugdunensis petentis te in conjugium, quia compete-
 bat : cui etiam salivam in facie jecisti. Omit-
 timus injuriam sanctæ plebis, cujus regimen, par-
 cendo soli vitæ tuæ, refugisti, et refugis. Tacemus
 quod auctoritatem tantorum præsulum monen-
 tium, et rogantium ad episcopalem dignitatem ac-
 cedere, posthabuisti, quod sanctæ Romanæ Eccle-
 siæ et nobis inobedientem te reddidisti, et inultum
 relinquere nec debemus, nec possumus, nisi forte
 obedientia diluat quæ inobedientia maculavit,
 satisfactione purgetur quod transgressione inqu-
 natum est, id est, nisi expetitum regimen jam
 dictæ Ecclesiæ, quod inobediendo usque hactenus
 sprevisi obedienter susceperis; quid amaritudi-
 nis, vel severitatis erga meritos sciat Romana
 Ecclesia injicere, senties. Nam hoc sacrum regi-
 men sicut a nullo est temere usurpandum, ita pe-
 tente Ecclesia a nullo tuo simili est vitandum. Quo-
 niam tantorum perditionis reus eris, quantum
 saluti exemplo et doctrina prodesse potuisses. Nota
 loquimur, et quæ te scire pleniter confidimus. Ideo-
 que taceat jam charta, et lingua loquatur, verum
 episcopi Gaudfridi, cui luce clarius voluntatem
 meam reserandam tam tibi, quam confratribus
 tuis, et omni Ecclesiæ commisimus. Vale (2).

XVII.

*Litteræ absolutionis Hugoni Antissiodorensi epis-
 copo a Joanne XIX concess.*

(Anno 1032.)

[MANSI, Concil. XIX, 419.]

JOANNES gratia Dei Romanæ sedis episcopus, uni-
 versis in orbe terrarum Ecclesiæ filiis.

Nullum in Ecclesia catholica majus potest esse
 nefas quam existimare alicujus nævum criminis,
 præcipue pœnitentis, quod non queat dissolvere
 conoessa Petro a Domino clavis. Debemus enim
 ante oculos mentis revocare lapsum ipsius primi
 pastoris qui dum Magistrum negavit, protinus ut
 pœnituit, non solum gradum, vel dignitatem apo-
 stolici culminis non amisit, sed potius sui ovilis
 custodiam Christus illi postmodum evidentius as-
 signavit. Quod nihil aliud, ut credimus, quam
 lapsorum medicina fuit. Proinde fratri nostro Hu-
 goni Antissiodorensi præsuli, Deo et nobis sua
 peccata confitenti, seseque culpabilem reddenti,
 plenariam a Deo pollicente promittimus consequi D
 indulgentiæ veniam, secundum sponsonem ejus-
 dem, quo dixit : *Non veni vocare justos, sed pec-
 catores ad pœnitentiam (Matth. ix)*. Ideoque no-
 bis debet effici charissimus, quia Dei timore cor-
 reptus, apparet humillimus, et quia in talibus re-
 quiescit Deus (3).

(2) Quod ait Hugo Flaviniacensis, Odilonem a
 Gregorio VI nominatum esse Lugdunensem archi-
 episcopum, satis hac Joannis epistola refellitur.
 Beinde certum est honorem hunc oblatum Odiloni
 post Burchardum archiepiscopum, qui anno 1033
 obiit. Quo tempore adhuc sedebat Joannes. Rem
 narrant Glaber libro v, cap. 4, et Hugo in Chro-
 nico. Uterque missum Odiloni a pontifice maximo
 pallium et annulum testatur, virimque sanctum

XVIII.

*Joannis XIX papæ ad Bardonem archiepiscopum
 Moguntinum epistola.*

(Anno 1032.)

[GUDENI, Cod. diplom. I, 13.]

JOANNES episcopus, servus servorum Dei, com-
 fratri et coepiscopo BARDONI, sanctæ Moguntinæ
 venerabili archiepiscopo, perpetuam in Domini
 salutem.

Licet omnibus Christianis sit conveniens charita-
 tem Christi sequi, a quo nomen ducunt, qui in tan-
 tum nos dilexit ut proprio sanguine a potestate dia-
 boli liberaret, nos præcipue, qui sacerdotali digni-
 tate fungimur, ita per omnia sequi charitatem de-
 bemus ut secundum divinum eloquium proximam
 sicut nos ipsos diligere demonstramus.

Quod sequentes sanctissimi antecessores nostri,
 decus sacratissimum, singulariter in sede beat.
 Petri apostoli præsulantibus divina providentia
 adinventum, pallium scilicet, gestandum inter
 missarum solemniam dignitatis et sanctitatis insi-
 gne et ad universorum honestorum morum cul-
 tum aliis coepiscopis, quos benigna opera cæteris
 clariores reddiderunt, indulgere honestum visum
 est certis festivitibus. Hoc vero quia petiit fra-
 ternitas vestra, et antecessorum vestrorum ducit
 exemplo gestandum, vobis certis festivitibus, et
 subjectis concedimus, videlicet in die Natalis Do-
 mini, in Epiphania, in die Cœnæ Domini, in die
 sancto Paschæ, et in Ascensione Domini, in die
 sancto Pentecostes, in festivitibus sanctæ Mariæ,
 in Natalitiis apostolorum, in festivitate sancti
 Martini et sanctorum Lamberti, Albani, Sergii,
 Bachi, Aurei et Justinæ, in Ordinatione suffragane-
 orum tuorum episcoporum et clericorum, in
 die Natalis vestri et in Dedicatione ecclesiæ
 vestræ.

Crucem ante vos portandam fraternitati vestra
 concedimus, et in stationibus festivis super equum
 equitandi licentiam damus. Et si quid in Ecclesia
 vestra, vel suffraganeorum vestrorum acciderit,
 quod judicium apostolicum vel apostolici legati
 præsentiam competenter expetatur, et tanta necessitas
 vos urgeat ut exspectare nulla ratione valeatis, no-
 stra vice terminare, vos apostolica auctoritate judi-
 camus, servata tamen in hoc, et in supra scriptis
 ea mensura qua antecessores vestros usos esse per
 privilegia sanctissimorum antecessorum nostro-
 rum cognoveritis. Quarum dignitatum honor cum
 modesta actuum vivacitate servandus est. Hortamur
 tamen ut ei cuncta morum vestrorum ornamenta

honorem renuisse; pallium autem et annulum ac-
 cepisse, ut futuro archiepiscopo reservaret. Addit
 Hugo ea Cluniaci ad ætatem suam servata esse.

(3) Quantum ex gestis pontificum Antissiodorensium
 intelligere possumus, idcirco absolvi se Hugo
 hic noster a pont. max. voluit, quia cum et epi-
 scopus Antissiodorensis esset, et comes Cabilonen-
 sis, bella susceperat confeceratque, ex quo epi-
 scopus ordinatus fuerat.

convenient, quatenus auctore Deo recto utrobique A possis esse conspicuus.

Itaque vita tua filiis tuis sit regula ; in ipsa, si qua tortitudo illis injecta est, dirigant, in ea quid imitentur aspiciant, in ipsa se semper considerando proficiant, ut tuum post Deum, videatur esse bonum quoad vixerint. Cor ergo neque prospera quæ temporaliter blandiuntur, neque adversa deiciant, sed quidquid illud fuerit, virtute patientiæ vincatur.

Iram iudicio refrena, et mensura disciplinæ sic utere ut et culpas ferias, et a dilectione personarum quas corrigis non recedas. Misericordem te, prout virtus patitur, pauperibus exhibe, oppressis defensio tua subveniat, opprimentibus modesta correctio contradicat. Nullius faciem contra justitiam accipies, nullum quærentem justa despicias. Custodia in te æquitatis excellat, ut nec divitem potentia sua aliquid apud vos extra viam suadeat rationis audire ; nec pauperem de se sua faciat humilitas desperare, quatenus Deo miserante talis possis existere qualem sacra lectio præcipit, dicens : *Oportet episcopum irreprehensibilem esse.* Sed in his omnibus uti salubriter poteris, si magistram charitatem habueris ; quam qui secutus fuerit, a recto aliquando tramite non recedit.

Ecce, frater charissime, inter multa alia ista sunt sacerdotii, ista sunt pallii, et prædictarum virtutum : quæ si studiose servaveris, quod foris accipisse ostenderis, intus habebis. Sancta Trinitas fraternitatem tuam gratiæ suæ protectione circumdet ; atque in timoris sui viam nos dirigat, ut post vitæ hujus amaritudinem, ad æternam simul pervenire dulcedinem mereamur.

Scriptum per manus Sergii notarii regionarii et scriniarii sanctæ Romanæ Ecclesiæ, mense Januarii, indictione quinta decima.

XIX.

Joannes XIX sedem episcopalem Ciza Nunburgum translata rogatu Hildwardi episcopi confirmat.

(Anno 1032).

[MANSI, *Concil.*, tom. XIX, col. 481].

JOANNES episcopus, servus servorum Dei, dilecto in Christo filio HILDWARDO sanctæ Nuemburgensis Ecclesiæ episcopo, et omnibus successoribus tuis perpetuam in Domino salutem.

Convenit apostolico moderamini pia religione petentibus benevola cooperatione succurrere, ac poscentium animis alacri devotione impertiri assensum. Ex hoc enim lucri potissimum præmium a conditore omnium Deo procul dubio prememur, si venerabilia loca opportune ordinata et ad meliorem per vos fuerint statum perducta. Sicut ergo, charissime fili, tibi absentem rogatu filii nostri Christianissimi imperatoris Conradi, et confratris nostri Hunfredi Magdeburgensis archiepiscopi, nec non illorum qui hæreditatem suam ecclesiæ conulerunt, videlicet Hermanni marchionis, et germani sui Ekkihardi, et maxime pro magna utilitate et securitate Ecclesiæ tuæ consilio episcopo-

rum et clericorum nostrorum, sedem episcopalem de Ziza in Nuemburg transferre concessimus. Ita nunc quoque tibi præsentem cum clero tuo et dignioribus de populo et nuntiis prædicti imperatoris, et archiepiscopi consilio eorundem archiepiscoporum et clericorum nostrorum factum probamus, et tam tibi quam omnibus successoribus tuis perpetua stabilitate confirmamus. Quod enim secundum canones pro necessitate sæpe factum fuisse legimus, nostris quoque temporibus fieri non prohibemus. Quoniam igitur canonice, et communi consensu omnium ad quos attinebat, sedis tuæ translatio facta est, absque omni contradictione universi successores tui a Nuemburgensi clero, et populo eligantur, atque ad eundem titulum regulariter consecrentur, et Magdeburgensibus archiepiscopis, quorum diocesim translatio non excedit, utpote metropolitanis suis omni pietatis devotione sint subjecti. Hoc quoque communicato concilio placet addere, quod Ecclesia Citicensis in honorem beatorum apostolorum Petri et Pauli consecrata non omnimodis negligatur, sed in loco clericorum in Nuemburg transeuntium monachi vel canonici substituuntur, qui integrius stipendiis ejusdem ecclesiæ inibi Deo serviant, et sicut pacis filii matri suæ Nuemburgensi Ecclesiæ in Domino semper devote obediant. Si quis autem, quod minime credimus, temeraria præsumptione contra hoc nostrum apostolicum privilegium venire, aut in aliquo contraire præsumperit, seu violator extiterit, sciat se, auctoritate Dei omnipotentis et beati apostolorum principis Petri, ac nostra anathematis vinculo esse innodatum, et a regno Dei alienum, atque cum Juda traditore Domini nostri Jesu Christi socium futurum inferno, excommunicationique subjaceat, donec resipiscens ad satisfactionem et congruam emendationem revertatur. Qui vero suo intuitu curator et observator hujus nostri apostolici privilegii extiterit, benedictionis gratiam, vitamque æternam, et æterni regni gaudia a Domino percipere mereatur in sæcula sæculorum. Amen.

XX.

Epistola Joannis XIX pro monasterio S. Joannis Angeriaco.

(Anno 1024-1033).

[*Gallia Christiana*, tom. II, p. 466].

JOANNES episcopus, servus servorum Dei, urbis Romæ vicarius beatorum Petri et Pauli apostolorum, omnibus archiepiscopis et episcopis Galliarum degentibus, cum WILLELMO religioso duce Aquitanorum, et GOFFREDO comite Engolismæ civitatis commoranti ; nec non ELIA comite Petragoricæ urbis degenti, simulque filiis Hugonis castro Leziniaco habitantibus ; itemque WILLELMO de Paterniaco, et alio WILLELMO de Talamonte, pariter cum WILLELMO vicecomite filio Kalonis de Castello-Oniaco, AIMERICO de Taleburgo, WILLELMO de Surgeriis, et ALBUINO, omnibusque senioribus, minoribusve Aquitanicæ partibus commorantibus, salutem beatissimam cum benedictione apostolica.

Rogamus vos omnes, suprascripti seniores, et qui hic nomine tenus non sunt positi, vestrique successores, usque in perpetuum custodire hujus nostræ textus, videlicet ut monasterium sanctissimi ac beatissimi præcursoris et martyris Christi Joannis, et confessoris domini Reverentii, positurum in loco qui dicitur Angeriaco, ab hac præsentis die Kal. Maiarum, defendere, ac benigne tractetis cum religioso domno Aymerico ejusdem Patre loci, cum cuncta caterva monachorum a Deo sibi credita, ita venerari, sicut decet in omnibus, maxime tamen pro eo quod regulam sanctissimi Patris Benedicti inviolabiliter audivimus custodiri. Quapropter obnixè precamur et præcipiendo præcipimus ut nullus sit ab hac hora inantea usque in sæcula sæculorum res prædicti monasterii temerare [ausus], et quod absit! aliquid exinde auferre præsumat, nisi tantummodo ex consensu ejusdem loci Patris et omnium fratrum. Si quis autem hanc nostram assertionem custodire voluerit, habeat benedictionem a Filio S. Mariæ et a præcursore ejusdem Domini nostri Jesu Christi, et absolutus sit a B. Petro apostolo, et a me ejusdem pastoris vicario, ab omnibus peccatorum vinculis, etc. Vos autem valete et pro me orate.

XXI.

Epistola Joannis XIX papæ ad Guillelmum comitem.

(Circa an. 1030).

[*Histoire générale du Languedoc* tom. II, *Preuves*, pag. 183, ex Chronico ms. Amymerici de Peyrat, Biblioth. Colbert].

JOANNES episcopus, servus servorum Dei, domino GUILLELMO glorioso comiti, charissimam salutem et apostolicam benedictionem.

Mittimus ad tuam benignitatem veluti ad charissimum filium, ut audias nostram exhortationem, et beneficias monasterio sancti Petri de Moyssiaco, ut ipse beatus Petrus, qui est pastor et nutritor omnium fidelium, beneficiat de te cum a præsentis vita subtraxeris. Arnaldus Oddo vice comes Gasconiæ, miles tuus, possidet injuste duas ecclesias quæ pertinent jam dicto monasterio Sancti Petri; una est ædificata ad honorem sancti Martini, in loco qui dicitur Orriolo; alia sancti Saturnini, in Flamalingis. Manda Arnaldo ut reddat sancto Petro duas ecclesias cum omnibus pertinentiis illarum, ut fratres commorantes in prædicto monasterio habeant de eisdem ecclesiis quod rectum est, et propter tuam animam quotidie supplicent Domini clementiam, ut, cum per

A divinam vocationem de hac luce deportaberis: angelis sanctis, æternam habeas requiem. Quod si non peregeris secundum quod tibi per præsentem epistolam transmisimus, ex auctoritate Patris apostoli scias te esse excommunicatum, ita ut ecclesiam non ingrediaris, neque communionem accipias. Vale.

XXII.

Joannis XIX epistola qua omnes « bonum facientes » excitat ut in restituendam ecclesiam Magalonensem incumbant.

(Anno 1024-1033).

[MANSI, *Concil.* tom XIX, col. 570].

JOANNES episcopus, servus servorum Dei, omnibus bonum facientibus in Ecclesia Magalonensi ad honorem apostolorum Petri et doctoris gentium Pauli dedicata et dedicanda, salutem charissimam, cum benedictione apostolica et absolutione.

Supradictam Magalonensem ecclesiam, peccatis exigentibus, ad nihilum redactam audivimus, unde valde dolemus, quia Ecclesiarum desolatio Christianorum detrimentum esse dignoscitur. Ob hoc quidem tam Ecclesiæ supradictæ quam et omnibus circumcirca degentibus suggerere volumus Christianis ut in restauratione hujus ecclesiæ laborent: peccatorum namque suorum veniam et indulgentiam promereri a justo iudice apostolica auctoritate spondemus, quicumque de propria hereditate vel de propriis bonis offerendo, aut de beneficiis reddendo, ecclesiam supradictam relevare nisus fuerit. Nam unam et similem mercedem accipiet qui propria offeret, et qui beneficia ecclesiastica reddet in commune, et benedictione pariter et absolutione apostolica fruetur. Quod si aliquis episcopus, vel cujusque dignitatis honore, quod ibidem ablatum fuerit, pravo ingenio alienare, usurpare vel vendere voluerit, maledictione anathematis percellatur, habeaturque extraneus a Christianorum consortio et regno Dei. Hoc vero decretum firmari ab omnibus volumus episcopis, quos Arnaldus invitaverit, sicut nos fecisse inferius cognoscent *. Bene valete. Aldericus Dei gratia Vercellensis episcopus. Reynaldus Dei gratia Papiensis episcopus. Petrus, quem dicunt episcopum sanctæ Ruffinæ, subscribens firmavit. Oldericus episcopus Aurelianensis Ecclesiæ *. Raymondus episcopus de Rende. Deodatus episcopus Lunensis firmavit. Alcuus Astensis firmavit. Vardinus Taurinensis firmavit. Bernardus Aggenensis firmavit. Deodatus episcopus Tholonensis firmavit. Petrus episcopus Massiliensis firmavit.

EPISTOLÆ DIVERSORUM AD JOANNEM.

I.

Epistola S. Guillelmi, abbatis S. Benigni Divionensis, ad Joannem XIX. — Monet eum ne Ecclesiam Constantinopolitanam Universalis nomen sibi attribuere patiatur.

(MABILL., *Acta SS. Bened.* VIII, 335).

Gratia Dei et reverentia beati Petri sedi in orbe

terrarum excellentissimæ indepto papæ JOANNIS WILLELMI, crucis Christi servus, sedem iudicis cum apostolis et coronam regni.

Magistri gentium dictis instrui mur seniore non increpandum. Idem tamen alias dicit: « Factus sum insipiens, vos me coegistis. » Idcirco igitur si-

liationis diligentia hortamur communem vestram paternitatem ut in uno imitemini cogitationes hominum pervidentem Dominum Salvatorem, ut dicatis ad aliquem vobis unanimem, quemadmodum et ipse Petro: « Quid dicunt homines de me? » Si vero responsum ejus ex fide fuerit, animadvertite qualiter sonuerit: si clare, custodite ne obfuschetur; si vero obscure, lux mundi oranda est, qualiter ita fulgeatis, ut universis in gremio Ecclesiæ constitutis ad viam mandatorum Dei gradiendam lumen præbeatis. Sed est fama rei, quæ nuper apud vos accidit, de qua quis adiens, si non scandalizantur, noverit se longe ab amore superno disparari. Quoniam licet potestas Romanii imperii, quæ olim in orbe terrarum monarches viguit, nunc per diversa terrarum loca innumeris regatur sceptris, ligandi solvendique in cælo et in terra potestas incumbit magisterio Petri. Atque idcirco ista diximus, ut animadvertatis non aliter Græcos quam cœnodoxia, hoc quod audivimus apud vos requirere, impetravisse. De cætero quoque optamus, uti universalem decet antistitem, vos acrius in correptione et disciplina sanctæ et apostolicæ Ecclesiæ vigere, æterneque et feliciter in Christo valere.

II.

Ejusdem ad eundem. — Invehitur in Simoniacos.

[MABILL., *ibid.* pag. 330.]

Parcite, quæso, parcite, qui dicimini sal terræ et lux mundi. Sufficiat hominibus jam semel Christum fuisse venditum pro communi salute universorum. Jam enim refugæ veri luminis, solo nomine pastores, ovile Christi, imo membra illius, videte post vos quo eunt. Si juxta fontem tepet rivus, in longinquum fetere nulli dubium est. Idcirco cura quibusdam venditur ad suum interitum. Volo vos pastores ac pontifices omnes in commune judicis securim gestantis, ante januam assistentis memores.

III.

Halinardi abbatis sancti Benigni epistola ad Joannem papam XIX.

[MABILL., *Annal. Bened.* IV, Append. 728.]

Domino sancto totius orbis magistro, JOANNI videlicet, universali papæ, et humilis abbas potestatis Sancti Benigni, cum tota congregatione sanctorum fidelia orationum servitia.

Totum non latet mundum Romanæ Ecclesiæ pastorem apostolica vice ita fungi, ut quod ipse in ecclesiastico ordine constituerit, ratum, stabile et inviolabile permaneret in ævum. Dignum ergo est, ut resolutori civium philosophiam virtutum, scilicet discretionem semper habeat secum, ne videlicet ille, cui potestas ecclesiarum data, hoc ignoranter propter susurrone constituat, quod cum veram antiquitatem noverit destruere non dubitet. Hoc autem patet, ideo vestram præoccupando faciem dicimus, quia notationi nostræ enucleatum est, vicinos nostros canonicos monasticum honorem inhiantes

A surripere auctoritatis vestræ, celsitudinem petere velle; quatenus accepta a vobis licentia cœmeterium nostrum ad se transferant in castellum. Scitis autem quod si qui antiquam Patrum constitutionem mutare volunt, non quæ Dei, sed quæ sua sunt, quærunt; rogamus ergo propter Deum ne concedatis, et nos opportune memoriam servitiū habebimus.

IV.

Epistola Jordani episcopi Lemovicensis ad Benedictum papam VIII, de non ponendo S. Martiali in numero apostolorum (4).

[*Gall. Christ.* II, append., pag. 161.]

Domno ac venerabili, Deo et hominibus dilecto, papæ nostro BENEDICTO, ROBERTUS Dei gratia rex Francorum, GUILIELMUS dux Aquitanorum, archiepiscopus Bituricensis, archiepiscopus Burdigalensis, archiepiscopus Turonensis, omnesque eorum suffraganei, nec non ISEMBERTUS Pictavensis, ARNALDUS Petroguoricensis; JESOLO, ROO, cæterique eorum confratres, JORDANUS episcopus Lemovicensis, qui hanc chartam scribere jussit, hi omnes domno apostolico salutem et dilectionem.

Dominum nostrum Jesum Christum scimus et credimus duodecim sibi elegisse apostolos, quibus dedit potestatem ligandi atque solvendi; ex quibus cecidit unus nomine Judas, in cujus locum cæteri apostoli elegerunt alium nomine Mathiam, ut duodenum restaurarent numerum; in quorum consortium Dominus noster alios septuaginta duos sibi elegit, quos et discipulos vocavit, ex quibus beatus Petrus princeps apostolorum unum sibi elegit nomine Martialem, qui una cum illo aderat ante præsentiam Domini nostri Jesu Christi; et ad cœnam et ubicunque Dominus noster aliquod suis apostolis ostendebat miraculum, beatus Martialis cum S. Petro interfuit. Sed post sanctam Domini resurrectionem ac ascensionem beatus Martialis, qui fuit ex septuaginta duobus discipulis unus, beato Petro adhærebat; quem Martialem beatus Petrus cum duobus presbyteris Alpiniano et Austricliniano Gallicam gentem prædicare transmisit. Illi vero iter carpentes, venerunt Elsam; ibi mortuus est Austriclinianus unus ex presbyteris. Inde statim beatus Martialis rediens Romam, sancto apostolo unum ex comitibus suis mortuum nuntiavit; cui apostolus ait: « Sume tibi baculum istum, et cum pervenias ad corpus, tange istud isto meo baculo, et dic: *In nomine Domini nostri Jesu Christi surge, Austricliniane, Deus erit comes itineris tui.* » Beatus Martialis jussa S. apostoli implevit, tetigit corpus Austricliniani, et statim sanus effectus est; inde proficiscentes, venerunt Lemovicam civitatem. Ibi invenerunt Stephanum ducem cum tota familia sua idola adorantem, quem statim evangelicis prædicavit verbis, ad Christianitatem convertit, et cum tota familia sua baptizavit. In eo autem templo ubi ipse dux ante

(4) Interea Benedicto papa defuncto, epistolæ Jordani respondit Joannes XIX.

adorabat idola vana et surda, beatus Martialis cum duobus suis presbyteris Alpiniano et Austricliano, adjuvante duce Stephano, basilicam construxit, et in honore B. Stephani primi martyris dedicavit; ibi divina celebravit mysteria, admonuit, docuit usque dum totam Aquitanicam gentem a via erroris ad veram vitam, quæ Christus est, perduxit; tandiu ibi missarum solemnia celebravit usque dum ante ipsum altare protomartyris Stephani finivit, et cum magna angelorum reverentia animam Deo reddidit. Dux vero Stephanus cum magno honore corpus illius foras civitatem sepelivit, in eo loco ubi ipse sanctus Martialis ecclesiam in honore S. Petri sui magistri ædificavit. S. Aurelianus successor illius, quem ipse S. Martialis de inferno traxit, Ebulus, Alicus, Ermogevianus aliique ejus successores usque triginta sex. Ego vero septimus qui vocor Jordanus, omnium infimus. Hi omnes pro sanctissimo confessore eum habuerunt. Similiter omnes abbates in ejus monasterio habitantes usque in hodiernum diem. Iste abbas, qui nunc est, novitate deceptus, superbia elatus, venit ad me, qui sum vilior meis antecessoribus, deprecans ut in consilio meo, et in synodo sanctissimum confessorem in numero ponerem apostolorum, quod facere nolui. Ille perseverans dictis, fidem quam habuit, cum duodecim monachis illius monasterii, mihi promisit ut cum auctoritate in omni consilio me defenderet. Hoc facere non potuit in consilio Guillelmi Aquitanorum ducis, audiente archiepiscopo Bituricensi, Isemberto Pictaviensi, cæterisque eorum suffraganeis. Omnes episcopi

A Francorum, Alvernorum, Vaseonum, Aquitanorum, cum quibus ego fui locutus, comprobant et confirmant sanctissimum confessorem Martialem non debere tollere de illo loco ubi sancti Patres et nostri antecessores eum posuerunt, et non esse apostolatam nisi auctoritate comprobatum. Talem dicunt rationem: « Si ego S. Martialem, qui fuit ex septuaginta duobus, in numero ponam apostolorum, illi omnes septuaginta duos in numero ponunt apostolorum, et ubi eorum corpora condiuntur, ipsum locum pro apostolatu tenere. Tibi vero, ego Jordanus, has litteras mitto de parte istorum prædictorum, regis scilicet Roberti, Guillelmi ducis Aquitanorum, archiepiscoporum omnium, videlicet catholicorum, qui mihi contradicunt ne sanctum Martialem in numero ponam apostolorum. Tu autem si ausus es facere quod non fecerunt sancti tui antecessores Gregorius, Clemens, Bonifacius, et multi alii, ut ponerent confessores inter apostolos, si peccatum est, tuum sit; ego ero liber a culpa, neque iniquitas, neque peccatum meum; voluntate omnium Aquitanorum tibi monstrabo, quia ille abbas seductor nulla alia causa hoc facit, nisi quia vult destruere sedem episcopalem primi martyris, et apostolatam S. Petri advilare. Per istius chartæ portitorem litteras mihi mitte, et per omnia tuam voluntatem mihi manda. Ego ad præsens tecum loqui non potero, sed quanto citius mihi erit posse, limina sancti Petri adibo.

C Vare viriliter, age jussa Patrum, noli prævaricare.

ANNO DOMINI MXXXVIII

SANCTUS GODEHARDUS

EPISCOPUS HILDESHEIMENSIS

VITA SANCTI GODEHARDI

Auctore WOLFFERO, ejus æquali et discipulo, ejusdem ecclesiæ canonico

(MABILL. Act. Bened., VIII, 393, ex cod. ms. Compendiensi.)

OBSERVATIONES PRÆVIÆ

Præter sanctum Bernwardum, cujus Vitam supra annum 1023 dedimus, habemus hoc sæculo alterum Ecclesiæ Germanicæ lumen, quod nobis suppeditat Hildesheimensis Ecclesia. Is est Godehardus, cujus acta ab auctore gravi et æquali scripta, Surius, Brouverus, ac tandem Bollandiani typis edidere. De hujus Vitæ auctoritate nemo ambigit, quamvis de illius auctoris nomine non sit una omnium sententia. Brouverus quippe et Surius eam Arnolde cuidam attribuunt, ex fide codicum aliquot mss. ex quibus se eam descripsisse testantur. At Bollandiani, cæterique recentiores Wolferum ejus Vitæ fuisse primum auctorem contendunt, ex antiquiore codice Græciensis abbatiæ. Præterea tomo VII Maii in Appendice alium item codicem laudant. Bambergensem scilicet, ubi idem Vitæ auctor Wolferus diserte dicitur. Cui posteriori sententiæ facile assentimur, si concedatur hanc Vitam, quæ a Wolfero primitus conscripta fuerat, postea ab Arnolde relectam fuisse, a quo nonnulla miracula, quæ in priori Vita desiderabantur, adjecta

fuerunt. Illud opus Wolferus magistro suo Albuino nuncupavit, quod Arnoldus pariter Menghardo inscripsit. Unde factum est ut in nonnullis exemplaribus Wolferi ad Albuinum, in aliis vero, et quidem plurimis, licet recentioribus, Arnoldi ad Menghardum nuncupata inveniantur.

2. Verum hæc difficultas nullum facessere debet negotium, siquidem omnes fatentur primum hujus operis auctorem sancto Godehardo æqualem fuisse, ac sæpius cum eo, et quidem familiariter fuisse conversatum, quod ex toto operis contextu manifestum est, ex quo etiam apparet ejusdem auctoris et inscribendo sinceritas, et in factis discernendis solertia. Canonicum fuisse exinde colligitur, quod referat se audisse Guntherum abbatem fratribus suis in capitulo concionantem, cum tamen ipse cum aliis extra capitulum esset, quod nemini in habitu canonico capitulum ingredi lex monastica permetteret. Alias tamen innuere videtur se vitam monasticam amplexum fuisse, cum se in monasterio Altahensi educatum profiteatur, et abbatem suum Athelbertum appellet. Cæterum hanc Vitam a posteriori auctore nonnihil amplificatam fuisse conjicimus, quod in nonnullis codicibus paulo prolixior quam in cæteris habeatur. Integram vero hic eam exhibemus, sed ita ut ea quæ non omnes codices habent includantur ansulis, ut quis facile discernere possit quid in omnibus, quidve in aliquot solummodo codicibus habeatur.

3. Vitæ subjicimus Historiam translationis ejusdem sancti viri, quam auctor etiam oculatus conscripsit: nec enim licuit omittere tanti monumentum, ex quo nempe multa erui possunt ad historiam ecclesiasticam illustrandam. Ex his discimus canonizationem sancti Godehardi in concilio Remensi sub Innocentio II summo pontifice, ubi ipse præerat, factam fuisse, cujus etiam decretum refertur. Quæ quidem in omnibus conciliorum editionibus desiderabantur. Hinc etiam patet synodum, quæ apud Leodium sub eodem pontifice habita est, Remensem præcessisse, quamvis Remensi primus locus datus sit a conciliorum editoribus, qui in hoc sancti Bernardi Vitæ auctorem incaute secuti sunt, ut animadvertit Brouverus. Cæterum Bernardus episcopus, cujus præcipue opera sanctus Godehardus in sanctorum catalogum ascriptus fuit, insigne monasterium in ejusdem sanctissimi antistitis honorem condidit. Cui ædificandum primum imposuit lapidem anno 1133, advocatis ex monasterio Fuldensi Benedictinis monachis, qui ibi sub Friderico abbate instituti, hodieque, Deo favente, perseverant. Sancti Godehardi obitum omnes fere ad 4 Maii diem referunt, nonnulli ad sequentem: priorem sententiam, quæ posteriore certior videtur, prætulimus; sed de anno major est difficultas. Brouverus ejus oppidum ad annum 1037 revocavit; nos cum Henschenio sequenti consignamus, quod ex actis hic relatis probari potest. Item disertis verbis habetur in Chronico Saxonico ms. tum in Chronico Hildesheimensi, quod Franciscus Quercetanus tomo III scriptorum Historiæ Francorum edidit. Celebris est sancti Godehardi memoria apud omnes ferme Germaniæ scriptores cujus nomen representant passim sacri Ecclesiarum fasti, et si in Martyrologio Romano desideretur. Colitur die 4 Maii in Benedictino. Sacrum ejus corpus in crypta subterranea sub choro ecclesiæ cathedralis asservatur, quod non impedit quominus aliæ, et quidem multæ ecclesiæ, se aliquot ejusdem sancti reliquiarum partes possidere gloriantur.

EPISTOLA WOLFREDI AD ALBUINUM.

1. Summæ reverentiæ decore venerando domino meo et magistro Albuino (1), toto semper devotionis studio colendo, Wolferus spiritu et corpore modicus, quidquid pro plurali subjectionis debito jure proprius. Historiam de vita et institutione beatæ memoriæ Patris ac pastoris nostri Godehardi episcopi scripturus, inter spem et metum anxius diu multumque deliberando dubitavi; quia me ad tam arduum ac præclarum opus impari, minusque idoneum non ignoravi. Nam quantum spe et delectatione virtutum, quas per illum dominus ostendit, delectatus advocabar, tantum multiplici propriæ negligentiae conscientia et metu territatus, retrahebar; donec tandem præceptorum ac fratrum, maximeque beati viri et veri Dei cultoris Athelberti abbatis nostri jussis, partim sponte, partim invitus obediens, tale fastigium attingere tentavi, tuæque clementiæ, o præceptor nobilis, secretius offerendum aestimavi; apud quem et pro erratis facilis locus esset veniæ, et pro demendis vel addendi promptior et non suspecta benignitas cautelæ, vel saltem indiffamata celeritas taciturnitatis æternæ. Nec etiam, Pater venerabilis, aut dedignando mireris aut

A admirando dedigneris, quod tu solus ex generali pontificum, abbatum ac doctorum collegio, quasi ad meæ nugacitatis inspectionem specialiter eligaris; cum et hoc prudens prædicti monitoris et impulsoris mei industria providerit, maxime quia tibi pro fidei et dilectionis tuæ merito, ejusdem Patris nostri Vita et ante et post pontificalem promotionem præ cæteris semper claruit et quia ipse tibi secretius ac familiariter, exemplo Christi ac discipuli quem diligebat, cordis sui arcana præcunctis aperuit. Ideoque et me, ut prædixi, impari minusque idoneum ad idem opus præsertim impulit, quod per adolescentiæ meæ tempora inter Herveldense et Altahense cœnobium, quasi Orosii (2) more discursitaverim, et primæva ejus gesta a Christi fidelibus et frequenter audierim, et etiam pro parva adhuc ingenioli capacitate libenter retinuerim. Deum ergo, qui secreta cordium intuendo rimatur, testor, me nihil in ejus memoriæ laude descripturum, nisi quod aut ipse vidi et audivi, aut a vere veridicis et etiam probatis agnovi. Maxime tamen cum Altaha studii causa exsularem, cujusdam veterani presbyteri, Reginaldi (3) nomine, quem et tu melius noveras, fami-

(1) Brouverus et alii *Menghardo*, et infra *Arnoldus*, ut dictum est in observationibus præviis. Nonnulli codices exhibent solummodo primam litteram utriusque nominis M. A.

(2) Orosius presbyter varia suscepit itinera causa

discendi. Sic missus est ab Augustino ad Hieronymum.

(3) Mss. 2, apud Boll. *Ratmundi*; alii duo. *Rumoldi*.

liaritate et colloquio sæpius utebar, et, si Deus quandoque dignaretur, ejus veriloqua relatione ad hoc ipsum instituebar; qui certe ei ab ipsa infantia fideli ministerio semper adhærebat, eumque sacræ eruditionis litteras primus instruebat, et omnia ejus dicta et facta usque ad monachicam professionem et etiam ad pontificalem promotionem ipse melius noverat.

2. Sed et ego solito priscae obedientiæ more, si quid forte vel aptum vel ineptum compilare quiverim, primo sagacitati tuæ merito offerendum decrevi, ut certe per te errata corrigantur, hiantia suppleantur, superflua diradantur, necessaria supponantur, et ubi deviaverim, quod fateor facile fit, stoliditas mea veniam consequatur, quin et contra insultantium irrisionem auctoritatis tantæ defensione muniatur. Cum tamen, Deo teste, pro hoc minime movear, si quis me talium elatus irriserit vel inurbanum quidquam conflasse verbosius objecerit, ut tantum studiosis et Deum timentibus simplicem veritatis sententiam construxerim, et his qui forte, Spiritus Domini inspiratione annuente, post hoc dum livor invidiæ nubila prætendens occiderit, prædicti antistitis Actus et Vitam condigna reverentia condecorare noverint et voluerint, rerum ex temporum certum ordinem depinxerim. More siquidem sagacioris canis, qui annuente venatore, vel nutu, vel signo emissus, tota die indesinenter et quasi infatigabiliter laborat, non ut sibi solummodo, quod nec præsumit, prædam arripiat, sed ut jubentis domini ludicram voluntatem perficiat, rarum scilicet et insolitum quiddam capiendo, unde non solum dominus cum suis domesticis festivius lætetur, sed et superventuris forte amicis lautioris cœnæ jucunditas reservetur; hujus, inquam, more me libenter laborare profiteor, non ut mihi laudem, quam in hoc non mereor nec dignor, acquiram; sed ut vel modernis vel posteris, sicut prædixi, æternam justis memoriam quamvis indocili taxatione proponam. Quare ergo erubescam me canibus, qui certe majorem et excellentiorem inter bruta animalia, dono puto Creatoris, intellectum habent, assimilari, cum

A nec evangelica illa Chananeæ erubuerit, imo et quæ visa sit se a Domino canibus comparari, nec etiam Lazarus spretus a divite horruerit his lingentibus consolari! Nam quantum brutis excellentiores, tantum rationabilibus sunt propinquiore. Ne saltem super hoc fidelium quisque moneatur, quod a prædictis illusoribus fatuitati meæ objicitur, non decere tam præclari ac insignis viri quasi infamam genealogiam (1) diffamare, sed magis, ut ipsi putant, in laudem ejus silendo celare: cum quilibet sanum sapientes non adeo attendant vanam generositatis jactantiam, quam utiliore divinæ inspirationis prærogativam, quibus certe nemo nobilis videtur nisi quem virtus nobilitare probatur, cum scriptum sit: *Ubi Spiritus Domini, ibi libertas* (II B Cor. III). Et propheta dicit: *Dominus pauperem facit et ditat, suscitatur de pulvere egenum, et de stercore erigit pauperem, ut sedeat cum principibus, et solium gloriæ teneat* (I Reg. II). Quod in illo veraciter impletum esse, tota sancta Ecclesia teste, describimus, quia eum per vias a Domino deductum rectas, et in conspectu regum magnificentum, cum principibus gloriose consedissem, et inter principes, sapientiam locutum esse, et solium gloriæ feliciter tenuisse vidimus. Unde et a nullo fidelium dubitatur quod modo in sanctorum ordine sacerdotum coram Christo procul dubio lætatur. Si ergo jam frivola loquacitatis meæ sententia ultra licitum vel placitum sermocinando processit, quod certe timiditas omnia etiam tuta timens efficit, tu Pater et doctor egregie, qui hoc non solum prædicti præsulis memoriæ, sed ei nostræ imperitiæ et debere crederis et velle; tu, inquam, in quo est et approbandi peritia et improbandi potentia; quorumlibet oblocutione contempta, sapienter provideas ut et inepta et inutilia æterna taciturnitate sepeliantur, et profutura, Domino donante, sine adulationis fuco proferantur. Quia si quid a vero dissidet, non meæ imperitiæ sed tuæ imputatur incuriæ. Sed, si forte quid aptius erit, non mea; sed tua pars erit, ut quidam se humilians ait:

Si quid ab ore placet, laus monitoris erit.

PROLOGUS.

3. Quia evangelica voce Veritatis præcipitur, ut lucerna accensa non sub modio, sed super candelabrum (Matth. V) ad illuminationem fidelium constituatur; et quia secreta regum celari jubentur, opera vero Dei revelanda (Tob. XII) et magnificanda jure panduntur, ideo dignum et etiam gloriosum putavimus Vitam beati et venerandi Patris nostri Godehardi episcopi, quantum divina clementia donaverit, in exemplum modernis et posteris proponere, et ge-

C storum ejus probabile magisterium Deum timentibus exponere. Vere etiam metuimus nos culpa negligentis non carere, si patiamur ea quæ ab eo laudabilia et vidimus et audivimus sub silentio latere. Quem enim Bajoaria olim ab initio verbi Dei vomere exulta, et sacræ fidei semine sufficienter fecundata, verum religionis eruditorem, nobis quibus opus erat medico, concedente Christo, transmisit; nos Saxones vel certe Saxigenæ, et ut vera nobis, prob-

(1) Sic Bollandus, et quidem rectius ad auctoris censum, qui hic de S. Godehardi familiæ obscuritate loquitur; Brouverus autem et codex noster habent

intimam. Cæterum ex hoc loco rejicitur Crantzii et aliorum quorundam sententia, qui Godehardum ex Bavarie principum familia oriundum putarunt.

dolor ! insultationis irrisione objicitur, verbo Dei A gloriam, domestica desidia obdurante, silendo ne-
diu involtabiles, periculo non caremus, si ejus gligimus.

INCIPIT VITA.

4. Igitur septingentesimo quadragesimo primo Incarnationis Domini anno, quo Carolus primus (5) filius Pippini primi, filii Anchisi, filii Arnulfi, ex hac vita demigrans, filiis suis Carolomanno et Pippino regnum reliquit, quo etiam sequenti anno iste Pippinus Carolum Magnum genuit, initium Althensis (6) monasterii a Christi cultoribus sapienter inceptum, et in religione monachicæ institutionis feliciter est perfectum (7), ante distributionem episcopiorum, quæ decimo post anno in Bajoaria a sancto Bonifacio archiepiscopo est facta, ex decreto Zachariæ papæ et consensu Pippini regis, cui ante tunc temporis triennium frater Carolomanus Romæ tonsoratus et monachizatus hereditariam partem regni et proprietatis dimisit, quando Willebaldo Eistad, Joanni Salzburk, Eremberto Frisingge, Gaibaldo [Garibaldo] Radisbona commendatur, et Christiana religio ibidem digne Deo corroboratur. In prædicto certe cœnobio servimen Christi ab initio feliciter succrevit, et per centenos fere annos in monachico proposito laudabiliter profecit usque in detestabilem illam dissensionem quæ cepit inter Ludovicum imperatorem filium Caroli Magni et filios ejus Ludovicum, Lotharium et Carolum; ac deinde imperatore defuncto inter ipsos fratres, per multos annos, ut chronica testantur, permansit. In ea ergo tempestate ecclesiæ plures despoliabantur, cœnobio disturbabantur: inter quæ et ejusdem Althensis Ecclesiæ proprietas ibidem a fidelibus collata, et eotenus inconvulsa, diripiebatur, et huic sceleri militantibus, juxta debacchantium voluntatem, beneficii imo maleficii causa dividebatur. Hac enim necessitate monachica ibidem norma defecit: sub regula tamen canonicorum idem locus usque in tempora piæ memoriæ Henrici (8) ducis, quem postea imperatorem vidimus, item per centum annos perstitit. Quod et Otto pius rex, filius regis Henrici Saxonii, sepius decrevit in aliquibus locis redintegrare, sed plurali infortunio obstante, maxime tamen fratris sui Henrici ducis Bajoarici machinatione præpediente, non potuit perficere. Qui certe cibi in prima regali ordinatione in præsentia patris ac principium quasi

A jocularia indignatione se nobiliorem jactitans restitit, et in eadem vana voluntate semper contra fratrem regem privatim et subdole, contra filium regis Ludovicum [atque Ludolfum], ut Bajoaria adhuc testatur, publice perstitit.

5. Præclaræ igitur indolis puer, Godehardus nomine, juxta Althense monasterium ex ejusdem Ecclesiæ familia, in villa Rithenbach diocesis Pataviensis, a vere Christianis piis et honestis parentibus feliciter natus est et enutritus; studiis litterarum adhuc infantulus contra intentionem quodammodo parentum suorum se tradidit. [Erant scholæ quas visitavit, prope monasterium Althach, trans flumen Danubium (9). Cum autem mane surgens sanctus per gratia visitandi scholas veniret prope Danubium, quod pons ibi non erat, ut posset fluvium pertransire, Deo dante, vadens ad scholas aut inde rediens quemdam reperit qui sibi per flumen continuum et sanum præbuit conductum]. In eodem monasterio puer prædictus fideliter a parentibus oblati, a fratribus devote susceptus, litteralis scientiæ haustum Domino tribuente laudabiliter imbibit, et divini legis notitiam pro parvulo adhuc ætatis ingenio libenter accepit juxta, quod dicitur: Facillime discitur, ubi Spiritus Dei doctor adest. [Cœpit namque sanctus puer in primævo ætatis, seu juventutis suæ flore, vanitates declinare atque levitates evitare magis eligens jugum Dei subire et virtutum tramites adire quam vanitatibus hujus mundi, ut illa semper assolet ætas; cœpitque de bono in melius, de meliori in optimum non segniter se transferre. Ob hoc semper terebat ecclesiæ limina ut ibidem hauriret sacræ legis flumina, ut exinde mentem suam inebriaret sitibundam. Aderat ei Dei timor, ipsam ab omni retrahens lascivia puerili. Sic igitur se omnibus exhibuit, ut organum quoddam Spiritus sancti esse verissime appareret. Unde et factum est ut in habitu sæculari, quo inter religiosos manebat, multos de religiosis in vitæ sanctitate pelliceret evidenter.]

6. Cum autem bonam moribusque honestis hujusmodi vitam laudabilem in dicto monasterio Althach

(5) Hic auctor Carolum Martellum appellat Carolum I, licet enim regis nomine usus non fuerit, omnia tamen ita penes ipsum erant, ut regnum filiis suis reliquerit eodem modo administrandum, donec tandem exauctorato Childerico, Pippinus nomen regis, quod re jam habebat, assumpsit.

(6) Monasterium Althach inferioris in Bavaria in episcopatu Pataviensi, quod perstat etiam nunc sub regula S. P. N. Benedicti.

(7) Editi habent, feliciter est perfectum quindecim fere annis, ante distributionem episcopiorum, quæ post annum in Bajoaria a sancto Bonifacio ar-

chiepiscopo facta est. Ms. autem Græciense in notis Bollandi sic habet: A. S. Pirmino et domino Odilone duce Bauvarico, aliisque Christi cultoribus sapienter inceptum, et in religiosa monastica institutione feliciter est perfectum, ante distributionem episcopiorum, quæ decimo post anno in Bavaria a sancto Bonifacio, etc.

(8) Is est Henricus e Bavariæ duce imperator, sanctitate celebris.

(9) Hoc miraculum deest in nostro ms. codice, sicut et alia multa, quæ suis locis includuntur anulis.

per aliquot annos peregrisset, et adolescentiæ annos attingisset, et vitæ sanctæ fama per totam Bavariam se dilatasset], eo tempore beatus vir Christianus (10) Pataviæ episcopus idem monasterium beneficii causa gubernavit tempore Henrici ducis prioris. Et fratres ibi in divino servimine coadunati, postquam ejusdem pueri laudabilem in timore Dei indolem cognoverunt, eum [Pataviensi episcopo, qui tunc idem monasterium beneficii causa gubernavit, eum commendando notificaverunt (11).] Quo ille audito, ut certe erat prudentissimus, Deo gratias retulit, illumque inde e ductum in suam familiaritatem assumpsit. Quem ubi de virtute in virtutem, gratia Christi provehente, scandere cognovit, amplius eum pro collata divinitus industria gratulans amavit, [ac cancellariæ ei officium commisit, in quo officio talem se exhibuit ut divine organum sapientiæ se omnibus exhiberet,] ac per triennium secum per diversa expeditionum cæterorumque commeatuum difficiliora itinera, quasi prætentandi gratia circumvexit, et sacræ fidei ac religionis catechismo devotius instruxit. [Timuit autem sanctus juvenis Godehardus ne quid in tantis, quibus præpeditus erat negotiis, vanum illaberetur animo: ideo a dicto Pataviensi recedenti petita licentia, et vix obtenta, is] eum ejusdem cœnobii fratribus in supplementum divinæ servitutis obnixè repetentibus, subdiaconi gradu decoratum remisit. Qui ibidem in sanctæ conversationis studio de die in diem per adolescentiæ tempus sagacius invigilans, communi etiam fratrum commodo et utilitati devotius intendens, majores scilicet juxta Apostolum, honore præveniendi (Rom. xii, 10), cœvos justis exemplis adhortando, subjectos sacris sæpius monitis ad meliora sollicitando: et ita divina clementia comitante, in brevi veræ religionis disciplinam ad integrum consecutus, diaconii quoque honore sublimatus, eidem monasterio, ut vere post patuit, Deo prædestinante, præpositus est constitutus.

7. Anno deinde post partum Virginis nongentesimo octogesimo octavo (12), Ottone imperatore secundo, post periculosissimum et etiam infelicissimum

(10) Bollandus habet, *Fridericus Juvavensis*, id est Salisburgensis archiepiscopus, et quidem rectius ut ipsi videtur, quod Hundius tom. II metrop. Salisburgensis ubi de monasterio Altahæ inferioris, referat Godehardum a Friderico Salisburgensi archiepiscopo, qui tunc Altach in beneficio habebat, acolythum ac deinde subdiaconum ordinatum fuisse, atque etiam canonicorum præpositum. Quæ omnia hic de christiano dicta non satis cohærente existimat, cum ipse anno 991 Pataviensis episcopus electus sit, quo tempore jam Erchembertus monasterium Altahense administrabat, qui hujus loci regimen anno 990 inisse dicitur apud eundem Hundium loco laudato.

(11) Sic cod. Bodec. in Appendice Bolland. cæteri, eum notitiæ pontificis intimaverunt.

(12) Legendum est octogesimo tertio quo defunctus est Otto II.

(13) Hanc ecclesiæ Mersburgensis destructionem fufius exponit Dithmarus libro III. Cujus bona ad diversos distracta sunt, ipsaque privata sede episco-

palium Calabriæ bellum adhuc per orbem terrarum clado et infamia notissimum, ex hac vita sublato, et Romæ cum summo totius Christianismi mœrore satis tamen honorifice sepulto; post inconsideratam Mersburgensis (13) episcopatus destructionem, et post innocentem, juxta vocem populi, Geronis comitis necem, prædictus Henricus dux Bajoariæ, pater Henrici imperatoris, ab imperatore patrie certe suo, ante septennium ob infidelitatem et tyrannidem quam contra eum paterno more exercuit, ab honore submotus. Tunc occasione vindicandi [Boll. justitiæ] in spem regnandi, arrogantis furoris incassum elatus, herilem filium dignum Dei ordinatione regni hæredem opprimere, semetque in monarchiam regni, suadente seductore, conatur erigere. Cujus tamen nugali machinatio a primoribus regni Deum sane timentibus, et Maxime a Willegiso metropolitano Maguntiaci et Bernardo duce Saxonico pacifice sedatur, eique post multa apta et inepta quæ modo melius silentur quia in Chronici plenius continentur, priscus ducatus redonatur. In proximo autem Natalis Domini die. Otto puer coronam regni a prænominato metropolitano honorifice percipit, et in omni ecclesiastica perfectione feliciter more avite crescere cepit. Cujus quidem laudabilis industriæ initiale fuit inditium, quod septimo suæ ordinationis anno, sæpe dictum Altahense monasterium episcoporum consilio, auxiliante demum duce præfato, in pristinum monachicæ religionis reformari fecit statum.

8. Quidam igitur venerabilis vir, Erchembertus nomine, illic abbas præponitur, per quem, auxiliante Domino, divinum ibi ministerium juxta regulam Sancti Benedicti religiose disponitur. Ad cujus statim saluberrimam admonitionem promptæ obedientiæ juvenis Godehardus, corde et animo a sæculi vanitate conversus, cum aliquantis ejusdem loci fratribus monachus est factus, anno, ut ipse sæpius nobis intimavit, ætatis suæ tricesimo primo, pluribus tamen ex eodem cœnobio, ut non ignotum postmodum memoriæ, fratribus digredientibus, inter quos erat quidam T. (14), quem postea Mindensis Eccle-

pali Halberstadensi ecclesiæ subjecta fuit, abbatia in locum cathedralis ecclesiæ erecta; quod ad annum 1005 perseveravit. Tunc enim, ut idem habet Dithmarus libro VI, Henricus rex antecessorum suorum nævum cupiens emendare, episcopatum Mersburgensem instauravit et Wigberto suo capellano dedit, quem postmodum multis boni locupletavit.

(14) Sic codex Compend. Brouverus tamen et Henschenius die 4 maii Bollandiani habent *Thietmarus*. Henschenius aliquid in textu deesse suspicatus puncta interposuit, cum his voculis *sed non*. quæ nec apud Brouverum, nec in nostro exemplari habentur *ecclesiæ... sed non episcopum*. Idem laudat codicem Græciensem qui hunc locum sic exhibet: *quidam Dietricus quem, etc.*; sed hanc lectionem rejicit, quod nemo occurrit, ut ipsi visum est, tunc temporis episcopus Mindensis hoc nomine denatus. Hanc tamen sinceram esse lectionem verisimilius existimo, nam in Chronico saxonico quod penes nos habemus ms. ad annum 1022 habetur *Theodericus IX Mendensis præsul Kal. Martii decessit*.

sia episcopum vidimus. Sed novellus novae religionis tiro adoptatus melioris vitae tirocinio, ut in priori proposito solebat, toto cordis ac mentis affectu ad caelestem aulam anhelabat, adeo ut novus praceptor novo auditori, quod certe in talibus insolitum est, considerata ejus probabilitate [Bol., probitate] omnem divini ovilis curam post se penitus commendaret, eumque sibi in spiritualis exercitii filiationem singulariter praoptaret. [Erat enim charitate fervidus, in labore strenuus, in oratione devotus, meditatione profundus, contemplatione suspensus, corpore honestus, corde mundus, sibi rigidus, defectibus aliorum compatiens, humilitate praecipuus, in paupertate laetus, et in vera nitidus castitate.] Qui tamen praedictus abbas post triennium vel causa infirmitatis, vel taedio curae saecularis, idem regimen reliquit, et ad secretioris vitae solitudinem in conspectu interni Arbitri vacare decrevit.

9. His etiam diebus praememoratus Bajoariae dux obiit, cujus loco pius Henricus filius ejus surrexit, non patris insolentiam sed initium sapientiae timorem Domini pleniter secutus, quia erat omni litterarum studio principaliter imbutus, et totus sane fide et actu catholicus. Qui statim in divini famulaminis cultu succensus, praenominatum cenobium iterum spirituali privati pastore indoluit, et eumdem Godehardum tunc presbyterum abbatem ibi praepone re voluit: cui ille per biennium justa satis excusatione restitit, quia sedem et locum pastoris sui ipso superstite usurpare non debuit. Sed postquam abbas a fratribus et etiam ab episcopis vocatus revenire recusavit, eisque licentiam quem in locum ejus vellent substituere mandavit; tandem episcopali auctoritate et fratrum unanimitate victus idem regimen juxta ducis decretum suscepit. Qui statim in exordio suae promotionis totum se Christo vigilantem mancipavit, et districtiorem regularis vitae tramitem cum consociatis sibi fratribus ingredi anxie curavit, et in tali studio se ibidem per octo annos indesinenter exercuit, et praeter hoc tamen manuali labore multiplicem fructum ac necessariam utilitatem acquisivit. Qui et ibi in monte quodam, qui Helinhigeresberg (15) dicitur, castellum firmum et in eo ecclesiam pulcherrimam in honorem sanctae matris Christi Mariae, in cujus speciale servimen futurus erat, cum concedenti aedificio construxit, et circumquaque, maxime in saltu Boemico, qui eidem provinciae proxime astat, ad triginta et eo amplius mansos labore tantum manuum cum fratribus apostolico exemplo silvis et vepribus erutis, ad

qui procul dubio hic memoratur: nemo enim nescit *Dietricum* et *Theodericum* idem esse nomen.

(15) Jacobus Gretserus ad calcem Vitae S. Henrici, in libro de divinis Bambergensibus, varia edidit diplomata in gratiam monasterii Altaheimsis, cui tunc S. Godehardus praerat. Quintum est de villa *Heltingersberge* datum anno 1009 apud Merseburg.

(16) Hersfeldiae monasterium celeberrimum ordinis nostri in Hassia, ubi corpus sancti Wigberti depositum fuit.

usum utilitatis inibi Deo servientium reformavit. Interim, 1002 Incarnationis Domini anno, nobilis imperator Otto tertius ex vita hac immatura morte discessit, in cujus regnum praedictus Henricus dux omni pietate perspicuus successit.

10. Erat in illo tempore in Herveldensi (16) monasterio sancti Wichberti B. abbas (17) venerabilis genere et dignitate memorabilis. Qui tamen, ut salva [al., in] pace dicatur, ultra sui propositi ordinem humano more popularis famae laudi intentus, ejusdem cenobii fratres forte aliquando debita conversatione fovit indulgentius, ita ut more canonicorum proprietates sibi tam in privatis aedificiis quam et in equis, et cultioribus quoque plurimis vestimentis, ac caeteris mundanae gloriae pompis vindicarent, et licentiam quoque dandi et accipiendi cum illicitis ac superfluis conviviis caeterisque talibus usurparent. Quo scilicet abbate biennio ante finem sui aegrotante, et ultra Fuldam flumen in monte quo ipse monasterium in honorem sancti Petri apostoli construxit, cum militibus ac caeteris sibi familiaribus refrigerii lenitate comorante, fratres indignatione permoti et quasi a patre contempti, ad regem tam per semetipsos quam per litteras ac legatos saepius diversas querimonias dirigunt, sibi victus et vestitus denegari necessaria, et illis cum caeteris Christi pauperibus esurientibus, res ecclesiasticas per vana et inutilia prorsus dissipari. Quam eorum querimoniam rex sapiens altius quam ipsi opinarentur intelligens, sed et vitam illorum non nesciens, diutius dissimulando distulit; sed ad postremum importunitate eorum devictus modificato sermone respondit, libenter se patrem eorum, si Dei dono convaluerit, de talibus admoniturum; sin vero obierit, eis imo et sibi in praeponendo pastore in divinis et humanis sapientium consilio juxta timorem Domini provisurum.

11. At memorato abbate paulo post defuncto, praedictum Godehardum eis patrem gubernatoremque episcoporum consilio praeposuit, quem etiam ut in omnibus eis juxta timorem Domini et monachicam religionem provideret solerter praemonuit. Qui illuc per Willegisum archiepiscopum perductus, et per eum etiam, sicut Deo gratias optime noverat, ad benefaciendum sapienter instructus, in primo adventu gratias divinae pietati referens, ejusque directionem in praeteritis, praesentibus et futuris sollicitè quaerens, primitus eis juxta regulare praceptum duriora et asperiora mandata proposuit, licentiam eis ad preces metropolitani, aut secum haec celebrandi aut

(17) Sic hujus abbatis nomen in cod. nostro exprimitur, Brouverus et Bolland. *Bertholdum* appellant; codex Graeciensis, ut notat Henschenius, *Bernhardum*, quae videtur germana lectio. Etenim Chronicum Saxonicum ms. hanc Godehardi in Herveldensi monasterii regimen institutionem ipsismet hujus Vitae verbis referens, *Bernharium abbatem* appellat; codex Bodec. in Append. Boll. habet *Ber inherius*.

teat. Percipimus igitur injuriam sanctæ Ecclesiæ A Lugdunensis petentis te in conjugium, quia competebat : cui etiam salivam in facie jecisti. Omitimus injuriam sanctæ plebis, cujus regimen, parcendo soli vitæ tuæ, refugisti, et refugis. Tacemus quod auctoritatem tantorum præsulum monentium, et rogantium ad episcopalem dignitatem accedere, posthabuisti, quod sanctæ Romanæ Ecclesiæ et nobis inobedientem te reddidisti, et inultum relinquere nec debemus, nec possumus, nisi forte obedientia diluat quæ inobedientia maculavit, satisfactione purgetur quod transgressione inquinatum est, id est, nisi expetitur regimen jam dictæ Ecclesiæ, quod inobediendo usque hactenus sprevisi obedientes susceperis; quid amaritudinis, vel severitatis erga meritos sciat Romana Ecclesia injicere, senties. Nam hoc sacrum regimen sicut a nullo est temere usurpandum, ita petente Ecclesia a nullo tuo simili est vitandum. Quoniam tantorum perditionis reus eris, quantum saluti exemplo et doctrina prodesse potuisses. Nota loquimur, et quæ te scire pleniter confidimus. Ideoque taceat jam charta, et lingua loquatur, verum episcopi Gaudfridi, cui luce clarius voluntatem meam reserandam tam tibi, quam confratribus tuis, et omni Ecclesiæ commisimus. Vale (2).

XVII.

Litteræ absolutionis Hugoni Antissiodorensi episcopo a Joanne XIX concess.

(Anno 1032.)

[MANSI, *Concil.* XIX, 419.]

JOANNES gratia Dei Romanæ sedis episcopus, universis in orbe terrarum Ecclesiæ filiis.

Nullum in Ecclesia catholica majus potest esse nefas quam existimare alicujus nævum criminis, præcipue pœnitentis, quod non queat dissolvere concessa Petro a Domino clavis. Debemus enim ante oculos mentis revocare lapsum ipsius primi pastoris qui dum Magistrum negavit, protinus ut pœnituit, non solum gradum, vel dignitatem apostolici culminis non amisit, sed potius sui ovilis custodiam Christus illi postmodum evidentius assignavit. Quod nihil aliud, ut credimus, quam lapsorum medicina fuit. Proinde fratri nostro Hugoni Antissiodorensi præsuli, Deo et nobis sua peccata confitenti, seseque culpabilem reddenti, plenariam a Deo pollicente promittimus consequi indulgentiæ veniam, secundum sponsonem ejusdem, quo dixit : *Non veni vocare justos, sed peccatores ad pœnitentiam (Matth. ix)*. Ideoque nobis debet effici charissimus, quia Dei timore correptus, apparet humillimus, et quia in talibus requiescit Deus (3).

(2) Quod ait Hugo Flaviniacensis, Odilonem a Gregorio VI nominatum esse Lugdunensem archiepiscopum, satis hac Joannis epistola refellitur. Beinde certum est honorem hunc oblatum Odilioni post Burchardum archiepiscopum, qui anno 1033 obiit. Quo tempore adhuc sedebat Joannes. Rem narrat Glaber libro v, cap. 4, et Hugo in Chronico. Uterque missum Odilioni a pontifice maximo pallium et annulum testatur, virimque sanctum

XVIII.

Joannis XIX papæ ad Bardonem archiepiscopum Moguntinum epistola.

(Anno 1032.)

[GUDERI, *Cod. diplom.* I, 15.]

JOANNES episcopus, servus servorum Dei, fratri et coepiscopo BARDONI, sanctæ Moguntinæ venerabili archiepiscopo, perpetuam in Domine salutem.

Licet omnibus Christianis sit conveniens charitatem Christi sequi, a quo nomen ducunt, qui in latum nos dilexit ut proprio sanguine a potestate diaboli liberaret, nos præcipue, qui sacerdotali dignitate fungimur, ita per omnia sequi charitatem debemus ut secundum divinum eloquium proximum sicut nos ipsos diligere demonstramus.

Quod sequentes sanctissimi antecessores nostri, decus sacratissimum, singulariter in sede beati Petri apostoli præsulantibus divina providentia adinventum, pallium scilicet, gestandum inter missarum solemniam dignitatis et sanctitatis insigne et ad universorum honestorum morum cultum aliis coepiscopis, quos benigna opera cæteris clariores reddiderunt, indulgere honestum visum est certis festivitatibus. Hoc vero quia petiit fraternitas vestra, et antecessorum vestrorum ducit exemplo gestandum, vobis certis festivitatibus, et subjectis concedimus, videlicet in die Natalis Domini, in Epiphania, in die Cœnæ Domini, in die sancto Paschæ, et in Ascensione Domini, in die sancto Pentecostes, in festivitatibus sanctæ Mariæ, in Natalibus apostolorum, in festivitate sancti Martini et sanctorum Lamberti, Albani, Sergii, Bachi, Aurei et Justinæ, in Ordinatione suffraganeorum tuorum episcoporum et clericorum, in die Natalis vestri et in Dedicatione ecclesiæ vestræ.

Crucem ante vos portandam fraternitati vestræ concedimus, et in stationibus festivis super equum equitandi licentiam damus. Et si quid in Ecclesia vestra, vel suffraganeorum vestrorum acciderit, quod judicium apostolicum vel apostolici legati præsentiam competenter expetat, et tanta necessitas vos urgeat ut exspectare nulla ratione valeatis, nostra vice terminare, vos apostolica auctoritate judicamus, servata tamen in hoc, et in supra scriptis ea mensura qua antecessores vestros usos esse per privilegia sanctissimorum antecessorum nostrorum cognoveritis. Quarum dignitatum honor cum modesta actuum vivacitate servandus est. Hortamur tamen ut ei cuncta morum vestrorum ornamenta

honorem renuisse; pallium autem et annulum accepisse, ut futuro archiepiscopo reservaret. Adhuc Hugo ea Cluniaci ad ætatem suam servata esse.

(3) Quantum ex gestis pontificum Antissiodorensium intelligere possumus, idcirco absolvi se Hugo hic noster a pont. max. voluit, quia cum et episcopus Antissiodorensis esset, et comes Cabilonensis, bella susceperat confeceratque, ex quo episcopus ordinatus fuerat.

onvenient, quatenus auctore Deo recto utrebique A
 ossis esse conspicuus.

Itaque vita tua filiis tuis sit regula ; in ipsa, si
 qua tortitudo illis injecta est, dirigant, in ea quid
 mitentur aspiciant, in ipsa se semper conside-
 ando proficiant, ut tuum post Deum, videatur
 esse bonum quoad vixerint. Cor ergo neque pro-
 pera quæ temporaliter blandiuntur, neque ad-
 versa dejiciant, sed quidquid illud fuerit, virtute
 patientiæ vincatur.

Iram judicio refrena, et mensura disciplinæ sic
 tere ut et culpas ferias, et a dilectione personam
 quas corrigis non recedas. Misericordem te,
 prout virtus patitur, pauperibus exhibe, oppressis
 defensio tua subveniat, opprimentibus modesta
 correctio contradicat. Nullius faciem contra justiam B
 accipies, nullum quærentem justa despicias.
 Custodia in te æquitatis excellat, ut nec divitem
 potentia sua aliquid apud vos extra viam suadeat
 rationis audire; nec pauperem de se sua faciat
 umilitas desperare, quatenus Deo miserante talis
 ossis existere qualem sacra lectio præcipit, di-
 ens : *Oportet episcopum irreprehensibilem esse.*
 sed in his omnibus uti salubriter poteris, si ma-
 istram charitatem habueris; quam qui secutus
 fuerit, a recto aliquando tramite non recedit.

Ecce, frater charissime, inter multa alia ista sunt
 acerdotii, ista sunt pallii, et prædictarum virtum
 : quæ si studiosè servaveris, quod foris acce-
 disse ostenderis, intus habebis. Sancta Trinitas
 paternitatem tuam gratiæ suæ protectione circum- C
 det; atque in timoris sui viam nos dirigat, ut
 host vitæ hujus amaritudinem, ad æternam simul
 pervenire dulcedinem mereamur.

Scriptum per manus Sergii notarii regionarii et
 criniarii sanctæ Romanæ Ecclesiæ, mense Janua-
 rio, indictione quinta decima.

XIX.

Joannes XIX sedem episcopalem Ciza Nunbur-
gum translata rogatu Hildwardi episcopi
confirmat.

(Anno 1032).

[MANI, *Concil.*, tom. XIX, col. 481].

JOANNES episcopus, servus servorum Dei, dilecto
 in Christo filio HILDWARDO sanctæ Nuemburgensis
 Ecclesiæ episcopo, et omnibus successoribus tuis D
 perpetuam in Domino salutem.

Convenit apostolico moderamini pia religione
 contentibus benevola cooperatione succurrere, ac
 consensum animis alacri devotione impertiri as-
 sensum. Ex hoc enim lucri potissimum præmium
 conditore omnium Deo procul dubio promere-
 mur, si venerabilia loca opportune ordinata et ad
 meliorem per vos fuerint statum perducta. Sicut
 ergo, charissime fili, tibi absentem rogatu filii nostri
 Christianissimi imperatoris Conradi, et confratris
 nostri Hunfredi Magdeburgensis archiepiscopi, nec
 non illorum qui hæreditatem suam ecclesiæ con-
 tulerunt, videlicet Hermanni marchionis, et ger-
 nani sui Ekkihardi, et maxime pro magna uti-
 litate et securitate Ecclesiæ tuæ consilio episcopo-

rum et clericorum nostrorum, sedem episcopalem
 de Ziza in Nuemburg transferre concessimus. Ita
 nunc quoque tibi præsentem cum clero tuo et digno-
 ribus de populo et nuntiis prædicti imperatoris,
 et archiepiscopi consilio eorumdem archiepisco-
 porum et clericorum nostrorum factum probamus,
 et tam tibi quam omnibus successoribus tuis per-
 petua stabilitate confirmamus. Quod enim secun-
 dum canones pro necessitate sæpe factum fuisse
 legimus, nostris quoque temporibus fieri non
 prohibemus. Quoniam igitur canonice, et commu-
 ni consensu omnium ad quos attinebat, sedis tuæ
 translatio facta est, absque omni contradictione
 universi successores tui a Nuemburgensi clero, et
 populo eligantur, atque ad eundem titulum regu-
 lariter consecrentur, et Magdeburgensibus archi-
 episcopis, quorum diocësim translatio non ex-
 cedit, utpote metropolitanis suis omni pietatis devo-
 tione sint subjecti. Hoc quoque communicato con-
 cilio placet addere, quod Ecclesia Citicensis in
 honorem beatorum apostolorum Petri et Pauli
 consecrata non omnimodis negligatur, sed in loco
 clericorum in Nuemburg transeuntium monachi
 vel canonici substituuntur, qui integrius stipendiis
 ejusdem ecclesiæ inibi Deo serviant, et sicut pacis
 filii matri suæ Nuemburgensi Ecclesiæ in Domino
 semper devote obediant. Si quis autem, quod mi-
 nime credimus, temeraria præsumptione contra
 hoc nostrum apostolicum privilegium venire, aut
 in aliquo contraire præsumpserit, seu violator ex-
 stiterit, sciat se, auctoritate Dei omnipotentis et
 beati apostolorum principis Petri, ac nostra ana-
 thematis vinculo esse innodatum, et a regno Dei
 alienum, atque cum Juda traditore Domini nostri
 Jesu Christi socium futurum inferno, excommuni-
 cationique subiaceat, donec respiciens ad sati-
 sfactionem et congruam emendationem reverta-
 tur. Qui vero suo intuitu curator et observator
 hujus nostri apostolici privilegii exstiterit, bene-
 dictionis gratiam, vitamque æternam, et æterni
 regni gaudia a Domino percipere mereatur in
 sæcula sæculorum. Amen.

XX.

Epistola Joannis XIX pro monasterio S. Joannis
Angeriaco.

(Anno 1024-1033).

[*Gallia Christiana*, tom. II, p. 466].

JOANNES episcopus, servus servorum Dei, urbis
 Romæ vicarius beatorum Petri et Pauli apostolo-
 rum, omnibus archiepiscopis et episcopis Gallia-
 rum degentibus, cum WILLELMO religioso duce
 Aquitanorum, et GOFFREDO comite Engolismæ ci-
 vilitatis commoranti; nec non ELIA comite Petra-
 goricæ urbis degenti, simulque filiis Hugonis
 castro Leziniaco habitantibus; itemque WILLELMO
 de Paterniaco, et alio WILLELMO de Talamonte, pa-
 riter cum WILLELMO vicecomite filio Kalonis de
 Castello-Oniaco, AIMERICO de Taleburgo, WILLEL-
 mo de Surgeriis, et ALBUINO, omnibusque senioribus,
 minoribusve Aquitanicæ partibus commorantibus,
 salutem beatissimam cum benedictione apostolica.

Rogamus vos omnes, suprascripti seniores, et qui hic nomine tenus non sunt positi, vestrique successores, usque in perpetuum custodire hujus nostræ textus, videlicet ut monasterium sanctissimi ac beatissimi præcursoris et martyris Christi Joannis, et confessoris domini Reverentii, positurum in loco qui dicitur Angeriaco, ab hac præsentis die Kal. Maiarum, defendere, ac benigne tractatis cum religioso domno Aymerico ejusdem Patre loci, cum cuncta caterva monachorum a Deo sibi credita, ita venerari, sicut decet in omnibus, maxime tamen pro eo quod regulam sanctissimi Patris Benedicti inviolabiliter audivimus custodiri. Quapropter obnixè precamur et præcipiendo præcipimus ut nullus sit ab hac hora inantea usque in sæcula sæculorum res prædicti monasterii temerare [ausus], et quod absit! aliquid exinde auferre præsumat, nisi tantummodo ex consensu ejusdem loci Patris et omnium fratrum. Si quis autem hanc nostram assertionem custodire voluerit, habeat benedictionem a Filio S. Mariæ et a præcursore ejusdem Domini nostri Jesu Christi, et absolutus sit a B. Petro apostolo, et a me ejusdem pastoris vicario, ab omnibus peccatorum vinculis, etc. Vos autem valete et pro me orate.

XXI.

Epistola Joannis XIX papæ ad Guillelmum comitem.

(Circa an. 1030).

[*Histoire générale du Languedoc* tom. II, *Preuves*, pag. 185, ex Chronico ms. Amymerici de Peyrat, Biblioth. Colbert].

JOANNES episcopus, servus servorum Dei, domino GUILLELMO glorioso comiti, charissimam salutem et apostolicam benedictionem.

Mittimus ad tuam benignitatem veluti ad charissimum filium, ut audias nostram exhortationem, et beneficias monasterio sancti Petri de Moyssiaco, ut ipse beatus Petrus, qui est pastor et nutritor omnium fidelium, beneficiat de te cum a præsentis vitæ subtraxeris. Arnaldus Oddo vice comes Gasconiæ, miles tuus, possidet injuste duas ecclesias quæ pertinent jam dicto monasterio Sancti Petri; una est ædificata ad honorem sancti Martini, in loco qui dicitur Orriolo; alia sancti Saturnini, in Flamalingis. Manda Arnaldo ut reddat sancto Petro duas ecclesias cum omnibus pertinentiis illarum, ut fratres commorantes in prædicto monasterio habeant de eisdem ecclesiis quod rectum est, et propter tuam animam quotidie supplicent Domini clementiam, ut, cum per

A divinam vocationem de hac luce deportaberis ab angelis sanctis, æternam habeas requiem. Quia si non peregeris secundum quod tibi per prædictam epistolam transmisimus, ex auctoritate Petri apostoli scias te esse excommunicatum, ita ut ecclesiam non ingrediaris, neque communionem accipias. Vale.

XXII.

Joannis XIX epistola qua omnes « bonum facientes » excitat ut in restituendam ecclesiam Magalonensem incumbant.

(Anno 1024-1033).

[MANSI, *Concil.* tom XIX, col. 570].

JOANNES episcopus, servus servorum Dei, omnibus bonum facientibus in Ecclesia Magalonensi, ad honorem apostolorum Petri et doctoris gentium Pauli dedicata et dedicanda, salutem charissimam, cum benedictione apostolica et absolutione.

Supradictam Magalonensem ecclesiam, peccatis exigentibus, ad nihilum redactam audivimus, unde valde dolemus, quia Ecclesiarum desolatio Christianorum detrimentum esse dignoscitur. Ob hoc quidem tam Ecclesiæ supradictæ quam et omnibus circumcirca degentibus suggerere volumus Christianis ut in restauratione hujus ecclesiæ laborent: peccatorum namque suorum veniam et indulgentiam promereri a justo iudice apostolica auctoritate spondemus, quicumque de propria hereditate vel de propriis bonis offerendo, aut de beneficiis reddendo, ecclesiam supradictam relevare nisus fuerit. Nam unam et similem mercedem accipiet qui propria offeret, et qui beneficia ecclesiastica reddet in commune, et benedictione pariter et absolutione apostolica fruatur. Quod si aliquis episcopus, vel cujusque dignitatis honore, quod ibidem ablatum fuerit, pravo ingenio alienare, usurpare vel vendere voluerit, maledictione anathematis percussus, habeaturque extraneus a Christianorum consortio et regno Dei. Hoc vero decretum firmari ab omnibus volumus episcopis, quos Arnaldus invitaverit, sicut nos fecisse inferius cognoscent *. Bene valete. Aldericus Dei gratia Vercellensis episcopus. Reynaldus Dei gratia Papiensis episcopus. Petrus, quem dicunt episcopum sanctæ Ruffinæ, subscribens firmavit. Oldericus episcopus Aurelianensis Ecclesiæ *. Raymondus episcopus de Rende. Deodatus episcopus Lunensis firmavit. Alcuus Astensis firmavit. Vardinus Taurinensis firmavit. Bernardus Aggenensis firmavit. Deodatus episcopus Tholonensis firmavit. Petrus episcopus Massiliensis firmavit.

EPISTOLÆ DIVERSORUM AD JOANNEM.

I.

Epistola S. Guillelmi, abbatis S. Benigni Divionensis, ad Joannem XIX. — Monet eum ne Ecclesiam Constantinopolitanam Universalis nomen sibi attribuere patiatur.

(MABILL., *Acta SS. Bened.* VIII, 335).

Gratia Dei et reverentia beati Petri sedi in orbe

terrarum excellentissimæ indepto papæ JOANNIS WILLELMI, crucis Christi servus, sedem iudicis cum apostolis et coronam regni.

Magistri gentium dictis instruimur seniore non increpandum. Idem tamen alias dicit: « Factus sum insipiens, vos me coegistis. » Idcirco igitur fi-

liationis diligentia hortamur communem vestram paternitatem ut in uno imitemini cogitationes hominum pervidentem Dominum Salvatorem, ut dicatis ad aliquem vobis unanimum, quemadmodum et ipse Petro: « Quid dicunt homines de me? » Si vero responsum ejus ex fide fuerit, animadvertite qualiter sonuerit: si clare, custodite ne obfusceatur; si vero obscure, lux mundi oranda est, qualiter ita fulgeatis, ut universis in gremio Ecclesiæ constitutis ad viam mandatorum Dei gradiendam lumen præbeat. Sed est fama rei, quæ nuper apud vos accidit, de qua quis adiens, si non scandalizantur, noverit se longe ab amore superno disparari. Quoniam licet potestas Romanii imperii, quæ olim in orbe terrarum monarches vixit, nunc per diversa terrarum loca innumeris regatur sceptris, ligandi solvendique in cælo et in terra potestas incumbit magisterio Petri. Atque idcirco ista diximus, ut animadvertatis non aliter Græcos quam canodoxia, hoc quod audivimus apud vos requirere, impetravisse. De cætero quoque optamus, uti universalem decet antistitem, vos acrius in correptione et disciplina sanctæ et apostolicæ Ecclesiæ vigere, æterneque et feliciter in Christo valere.

II.

Ejusdem ad eundem. — Invehitur in Simoniacos.

[MABILL., *ibid.* pag. 330.]

Parcite, queso, parcite, qui dicimini sal terræ et lux mundi. Sufficiat hominibus jam semel Christum fuisse venditum pro communi salute universorum. Jam enim refugæ veri luminis, solo nomine pastores, ovile Christi, imo membra illius, videte post vos quo eunt. Si juxta fontem tepet rivus, in longinquum fetere nulli dubium est. Idcirco cura quibusdam venditur ad suum interitum. Volo vos pastores ac pontifices omnes in commune iudicis securim gestantis, ante januam assistentis memores.

III.

Halinardi abbatis sancti Benigni epistola ad Joannem papam XIX.

[MABILL., *Annal. Bened. IV*, Append. 728.]

Domino sancto totius orbis magistro, JOANNI videlicet, universali papæ, et humilis abbas potestatis Sancti Benigni, cum tota congregatione sanctorum fidelia orationum servitia.

Totum non latet mundum Romanæ Ecclesiæ pastorem apostolica vice ita fungi, ut quod ipse in ecclesiastico ordine constituerit, ratum, stabile et inviolabile permaneret in ævum. Dignum ergo est ut resolutori civium philosophiam virtutum, scilicet discretionem semper habeat secum, ne videlicet ille, cui potestas ecclesiarum data, hoc ignoranter propter susurriones constituat, quod cum veram antiquitatem noverit destruere non dubitet. Hoc autem patet, ideo vestram præoccupando faciem dicimus, quia notitioni nostræ enucleatum est, vicinos nostros canonicos monasticum honorem inhiantes

A surripere auctoritatis vestræ, celsitudinem petere velle; quatenus accepta a vobis licentia cæmeterium nostrum ad se transferant in castellum. Scitis autem quod si qui antiquam Patrum constitutionem mutare volunt, non quæ Dei, sed quæ sua sunt, quærunt; rogamus ergo propter Deum ne concedatis, et nos opportune memoriam servitii habebimus.

IV.

Epistola Jordani episcopi Lemovicensis ad Benedictum papam VIII, de non ponendo S. Martiali in numero apostolorum (4).

[*Gall. Christ. II*, append., pag. 161.]

Domno ac venerabili, Deo et hominibus dilecto, papæ nostro BENEDICTO, ROBERTUS Dei gratia rex Francorum, GUILIEMUS dux Aquitanorum, archiepiscopus Bituricensis, archiepiscopus Burdigalensis, archiepiscopus Turonensis, omnesque eorum suffraganei, nec non ISEMBERTUS Pictavensis, ARNALDUS Petroguoricensis; JESOLO, ROO, cæterique eorum confratres, JORDANUS episcopus Lemovicensis, qui hanc chartam scribere iussit, hi omnes domno apostolico salutem et dilectionem.

Dominum nostrum Jesum Christum scimus et credimus duodecim sibi elegisse apostolos, quibus dedit potestatem ligandi atque solvendi; ex quibus cecidit unus nomine Judas, in cuius locum cæteri apostoli elegerunt alium nomine Mathiam, ut duodenum restaurarent numerum; in quorum consortium Dominus noster alios septuaginta duos sibi elegit, quos et discipulos vocavit, ex quibus beatus Petrus princeps apostolorum unum sibi elegit nomine Martialem, qui una cum illo aderat ante præsentiam Domini nostri Jesu Christi; et ad cœnam et ubicunque Dominus noster aliquod suis apostolis ostendebat miraculum, beatus Martialis cum S. Petro interfuit. Sed post sanctam Domini resurrectionem ac ascensionem beatus Martialis, qui fuit ex septuaginta duobus discipulis unum, beato Petro adhærebat; quem Martialem beatus Petrus cum duobus presbyteris Alpiniario et Austricliniano Gallicam gentem prædicare transmisit. Illi vero iter carpentes, venerunt Elsam; ibi mortuus est Austriclinianus unus ex presbyteris. Inde statim beatus Martialis rediens Romam, sancto apostolo unum ex comitibus suis mortuum nuntiavit; cui apostolus ait: « Sume tibi baculum istum, et cum pervenias ad corpus, tange istud isto meo baculo, et dic: *In nomine Domini nostri Jesu Christi surge, Austricliane, Deus erit comes itineris tui.* » Beatus Martialis jussa S. apostoli implevit, tetigit corpus Austricliniani, et statim sanus effectus est; inde proficiscentes, venerunt Lemovicam civitatem. Ibi invenerunt Stephanum ducem cum tota familia sua idola adorantem, quem statim evangelicis prædicavit verbis, ad Christianitatem convertit, et cum tota familia sua baptizavit. In eo autem templo ubi ipse dux ante

(4) Interea Benedicto papa defuncto, epistolæ Jordani respondit Joannes XIX.

interceptam dedicationem ecclesie Gandersheimensis, collectis nonnullis episcopis, in vigilia Epiphaniae Domini celebrare destinavit. Illuc ergo statuto advenientes, et dedicationis officium inchoantes, intus sacro mysterio peracto, rex cum episcopis et primatibus ante fores ad populum processit, ubi [cum Moguntinus metropolitaneus una cum aliis episcopis advenisset, et dedicationis officium consummasset, dominus] Willegisus (40) archiepiscopus publico sermone aestimatione sua culpam professus, juri et repetitioni ejusdem loci [præsentate rege et multis primatibus suis] abrenuntiavit, et in testimonium hujus abrenuntiationis ferulam episcopalem domino Bernwardo, ut postea in Frankenevordensi concilio claruit, coram clero et populo condonavit. Archiepiscopus vero, hac lite sedata, præsumens nostrum omni honore et charitate ultra, quoad vixit, dilexit, et in nostro cœnobio fraternitate honorifice acquisita, summam dilectionem et loco et fratribus providit. Qui quinto, postea anno plenus dierum et honorum etiam operum ad Christum migravit, cujus successorem Erkambaldum Fuldensis cœnobii prius abbatem dominus Bernwardus, Kal. Aprilis, Magontie consecravit. Qui ibidem novem annos præsidens, ordinatorem suum, consanguinitate etiam sibi propinquum, debita devotione percoluit, et de suprascripta controversia omnino contulit. Huic autem Aribo regius capellanus successit, quem imperialis annuli dono, regio more, præsignatum Bernwardus episcopus ad principale altare prænotate Gandersheimensis ecclesie præbyterum ordinavit, eique Verbi Dei, et banni sancti Petri auctoritate, ejusdem altaris et etiam loci vel circumjacentis territorii usurpationem, invasionem, vel repetitionem astante imperatore cum episcopis, publice interdixit. In hujus banni vindictam ille nostro Patri intulit tentationem prædictam. Erat tamen ut veritatem non occultemus, idem archiepiscopus genere et dignitate, et probabili etiam morum gravitate, vere, sed in hac tantum temeritate erga nos parte culpabilis. Hæc ergo hujus conflictus abbreviatio ideo hic adnotatur, ut subsequenti disceptationis de eodem Gandersheimensi territorio veritas et ratio clarius cognoscatur.

23. Beatus igitur Godehardus pontificatus infulis decoratus nonas Decembris Hildenesheim advenit, omnesque in suo adventu gratulantes invenit. Qui mox ut cœnobii nostri religionem eatenus rationabiliter, Deo gratias, conservatam agnovit, condignas illico divinæ miserationi laudes persolvens, omni eam devotionis studio ampliare, et in divini cultus exercitio condecorare satagit. Forinsecus vero, de generali cleri et populi gubernatione episcopali speculatione solerter invigilavit, pro qua etiam die ac nocte, omni vitæ suæ tempore, inde-

(40) Quæ ansulis clauduntur ex solo cod. Bamberg. habentur.

(41) Ob translationem scilicet ejus corporis ex Papiensi urbe in Hildesheimensem, ipso Otwino curante, factam anno 963, cujus translationis Histo-

fectivo gemitu, Deo indesinenter supplicavit. Semetipsum autem in sanctimonia solita et in primitus cœpla bonorum operum assiduitate non solum caute custodivit, sed etiam religiose dietim augmentavit, in vigiliis et orationibus, ac continua et certe vix credibili jejuniorum frequentatione, et largissima eleemosynarum profusione, et in summa totius divini timoris gravitate, usque in finem, Spiritu sancto corroborante, perseveravit. Fuit ergo, ut nulla prorsus virtutis ejus panegyrica præmittam, regibus et primoribus et formidini et honori; cæteris vero, unicuique secundum se, timori pariter et amori, pro cunctis scilicet rite sollicitus, et in Christo omnibus omnia factus, soli tantum sibi gravis et austerus perstitit et parvus. Cœnobium suum pastoralis cura sapienter gubernavit, et fratrum commoda in victu et vestitu, cæterisque indigentie humanæ necessariis, sæpius adauxit; quos etiam ad sacræ religionis observantiam apostolicæ arguendo et obsecrando, multipliciterque informando, conduxit. Juvenes quoque et pueros, quos inibi bonæ indolis et sapidos invenit, per diversa scholarum studia circumquaque dispertivit, quorum certe postea servimine variam ac multiplicem suæ ecclesie utilitatem in lectione, scriptura, et pictura, ac plurali honestiori clericali officii disciplina, conquisivit. Thesaurum nihilominus ecclesiasticum, quem inibi numerosum invenit, tam decenter quam et utiliter ampliavit, et quidquid in ædificiis ecclesiasticis non solum principalis suæ civitatis, sed et in aliis suæ provisionis locis dirutum vel veteranum reperit, totum summa celeritate distrahere, renovare et meliorare festinavit. Inter quæ tamen omnia baptismalem ecclesiam, quam felicis memorie Otwinus, decimus noster antistes, in honore sancte Mariæ sanctique Epiphaniae episcopi, quem de Papia civitate, Dei dono, patronum nobis adduxit (41), in australi parte nostræ ecclesie construxit, senio certe et negligentia delapsam diruit, et in eodem loco monasterium honestum in prætitulato honore, primo suæ ordinationis anno, fundavit, quarto consummavit, et ibidem congregationem canonicam pluris sane honoris et utilitatis in Dei timore coadunavit, quam concambii sui acquisitione sufficienter vestivit et pavit, abundantemque illic in futurum ad talia sufficientiam condonavit.

24. Miraculum igitur primum, quod per eum gratia Christi ipso suo primo anno ordinationis suæ fecerat, in spem et gaudium lectorum hic merito interponendum opinor, quod, ipsa veritate, quæ Deus est, teste non mentior, ab ipso quidem usque in finem penitus celatum, sed a clero et populo qui intererant divulgatum. Eodem anno Aribo archiepiscopus imperatorem in Pentecostes Magontiam in-

riam edidit Brouverus. Vide et Bolland., die 21 Januarii. Hodieque hujus sancti viri reliquie Hildesheimii habentur, sed in ecclesia cathedrali. Monasterium vero quod hic memoratur, occupant Patres Societatis Jesu, ut Brouverus et Henschenius monent.

vitavit, ubi concilium generale coadunavit, in quo episcoporum consilio plura quæ deviauerant correxit, præcipue tamen Ottonem comitem de Hamerstein et Irmengardam illicite commanentes separare disposuit. Quod tamen penitus perficere non potuit quia ille se partim regali timore, partim episcopali ammonitione utrunque correxit; illa vero publice bannos prævaricans, ibidem jus legemque, ut vel hodie claret, funditus perdidit. Ad idem concilium præsul noster et imperiali et pontificali vocatione allegatus, pulchra cleri et militiæ frequentia, etsi non sponte, comitatus illo prope-rabat, et quadam die in pago qui Longingaha dicitur, juxta prædictum castellum Gruona, ubi Dei gratia et electus et consecratus est, iter carpebat. Et contigit ibi in villa quamdam mulierem a spiritu immundo vexari, et a parentibus vel propinquis per ecclesias ad sanctorum patrocina circumduci. Qui dum novum episcopum adventare illuc cognoverant, in occursum ei sancta ejus opinione fiduciati, simul cum infirma concite prope-rabant. Immundus vero spiritus, ipsa eorum festinatione pavefactus, per os infirmæ anxio clamore quo duceretur inquisivit. Cui cum dicerent quod in occursum Godehardi episcopi traheretur horri-fico statim mugitu et ululatu cepit miserabiliter refragari, et, ne ad episcopum veniret, ipsis qui eam ducebant mirantibus pariter et pavescentibus, reluctari, ejulans et vociferans Godehardum se nec audire nec posse videre. In eo certamine, dum infirma a fidelibus fide et spe, ut vere patuit, fer-ventibus trahebatur, spiritus autem nequam tota violentia reluctabatur: tandem, Deo gratias, fugato dæmone mulier liberatur, et ad virum Dei, ubi sub quadam arbore refrigerii gratia consedit, sana corde et corpore perducitur. Qui cognitis rebus, timore pariter et gaudio compunctus, lacrymans gratias divini pietati in faciem prostratus jure persolvit, eidemque manus imponens eam benedictione pariter et prece in fide confortavit, et valentem imo et gaudentem cum gaudentibus civibus et amicis remisit; sique iter quod cœperat peregit. Unde eum omnes qui cum eo comitabantur amplius et amabant et timebant, cujus coram Deo tale meritum cognoscebant, quibus tamen [et tam parentibus puellæ quam et his qui secum erant] super hoc facto seria auctoritate silentium indixit; sed nec ægra quæ sensit, nec turba quæ salutare miraculum vidit, reticuit.

25. Erat etiam in orientali parte civitatis nostræ palus horrida, et circummanentibus omnino pluri formidine invisa, eo quod ibi, ut opinabantur, tam meridiano quam nocturno tempore illusiones quasdam horribiles vel audirent vel viderent, quæ a fonte salsuginis, qui ibidem in medio bulliebat,

(42) His locus postea sæculi XII initio Priemon-stratensibus cessit, beneficio Bruningi episcopi, ex Brouvero.

(43) Bamberg. sic habet: *Ut ita diligenter in pauperum cura desudaret, sicut pro hac ipsa dispensatione Deo rationem reddere deberet; in quo*

A Sulza dicitur. Qua ille spectata, et illusionem etiam phantastica qua bruta plebs terrebatur audita, eandem paludem secundo sui adventus anno cum cruce et reliquiis sanctorum invasit, et habitationem suam ibidem aptavit, et in medio periculo oratorium in honore sancti apostoli Bartholomæi fundavit (42). Quo consequenti anno consummato et dicato, omne dæmonum phantasma exinde funditus extirpavit, et eundem locum omnibus commorantibus, vel advenientibus gratum, et sine qualibet tentatione habitabilem reddidit. Ubi xenodochium Christi in receptionem pauperum ædificavit, quod omni humanæ indigentiae commoditate abundans, fideli cuidam suo presbytero Bernwardo, cujus hic nomen pro fidei merito jure interponitur, commendavit; per Christi nomen eum frequentius terribiliter obtestans, ut (43) non solum illic commorantibus, sed et cunctis forte adventantibus, victus et vestitus necessaria ita convenienter provideret, sicuti pro hac ipsa sua dispensatione Deo rationem reddere deberet.

26. Quoddam tamen talium genus, illos scilicet qui vel monachico, vel canonico, vel etiam Græco habitu per regiones et regna discurrunt, quos et Platonis more Peripateticos irridendo cognominavit, illos, inquam, prorsus exprobrando quasi execrabatur: quos tamen propter nomen Christi quod profitebantur necessaria sustentatione biduo vel maxime triduo consolabatur, sicque prebitis calceamentis vel vestibus, eos ne cursus sui solitum obliviscerentur discedere hortabatur. Aliquibus vero cum eo diutius permanere cupientibus, illam Gregorii in Dialogo (lib. II, c. 43) sententiam ironice objecit, quomodo stultum viatorem ad sacra loca properantem inimicus per conviatorem suum, et per fontis vel prati amoenitatem, vel etiam ciborum dulcedinem, decepit. Interdum autem a suis familiaribus, quod nec ei displicebat, admonitus, quod inter tales sæpius veri Dei amici invenirentur, illud statim Hieronymi ridiculum apposuit, quia mendaces faciunt ut veridicis vix credatur. Si quos tamen talium in Dei cultu vel timore stabiles agnovit, hos (44) nimirum privatim potius quam publice, quod et ipsi malebant, in iis quæ ad Deum pertinent adamavit. Sed et super delinquentes et noxios mira erat miseratione mitis et placabilis: ita ut, si quilibet talium confessionis et pœnitentiæ gratia ad eum confugerint, et delicta eis prompta clementia statim indulserit, et vigilantia cura eis, ne ulterius in talia necessitatis causa inciderent [prudenti consilio correxerit, et] omnem sufficientiam in posterum protulerit, more quidem et exemplo sancti sui patroni Nicolai episcopi, qui eleemosynarum auro, et virginum incestus, et patris earum inopiam, et to-

loco cunctis quærentibus prodesse voluit, maxime tamen his quos non discussores et illusores esse cognovit.

(44) Idem, hos omni affectu fovens, publice ac privatim secum habuit.

tius familiæ detestabilem ademit infamiam, et quorumlibet pauperum ad se quoquo modo pertinentium pia clementia sedavit indigentiam. Hujus, inquam, exemplo præsul noster satagebat inopes ubique semper consolari, cui et cordi erat cum talibus colloqui, cum eis ludificando et etiam convivendo jucundari

27. Eo etiam anno, certe a Nativitate Domini 1024, piæ memoriæ Henricus imperator, ordinationis suæ anno 23, ad Christum migravit; cujus quippe obitus totam Christianismi lætitiã, quæ sub eo floruit, flebiter conturbavit. Cui succedens vir nobilis et strenuus Conradus, primum suæ felicitatis annum in Natale Domini Mindæ initiavit; inde post Epiphaniã Hildeneshein venit: ibi etiam prædictus Aribo archiepiscopus, qui vivente imperatore jam per biennium obtulit, iterum inventa occasione beatum Godehardum super Gandershein inquietare cœpit, quam tamen ejus machinationem novus rex primatum consilio diremit. Sicque rex peragrata compendioso itinere Saxonia, quadragesimali tempore per Thuringiam, Franciamque [Bod., Frankoniam] in Bajoariam progressus, Reginesburg (Remersburg) sanctum Pascha honorifice feriavit; et ea æstate partes Bajoariæ, Sueviæ, et Karentinorum cum circumjacentium provinciarum terminis pertransiens, Natalem Domini Leodii celebravit, ad Purificationem vero sanctæ Mariæ Augustæ mansit; inde iter suum ad partes Italiæ direxit; et proximum Pascha Vercellis prospere celebravit, et ita contiguas circumquaque regiones in novo regio decore visitando peragravit. Tertio quoque suo anno (45) præsul noster Montem speciosum in occidentali parte civitatis incolere cœpit, quem quinto post anno titulo ac nomini sancti Mauricii summi sui patroni dicavit. Ecclesiam etiam pulchram in Holthusen (46) in honore sancti Benedicti abbatis monachicæ conversationi aptam dedicavit, et circumquaque per episcopii sui terminum basilicas multas vel ipse studiose ædificavit, vel ab aliis fidelibus Christi constructas gratanter Deo consecravit.

28. Eo tempore prædictus Aribo archiepiscopus in natale sancti apostoli Matthæi Selimggenstad (47) concilium generale episcoporum duodecim concivit, in quo præsulem nostrum super prædicto Gandersheimensi territorio publice convenit, quam tamen synodum unanimitas fratrum in futurum annum comperendinavit. Rex autem natale Domini festum Iporeæ (48) initiavit; inde ad limina

(45) Bamb., *regni sui anno*.

(46) Diruto licet monasterio, nomen locus retinuit ad Visurgim fluvium, undecim circiter milliaribus Germanicis distans a civitate Hildesheimensi versus occidentem.

(47) Celebre est monasterium ad Mœnum inter Hanoviam et Aschaffenburgum.

(48) Iporea, seu Eporedia, nunc autem Ivrea, urbs est episcopalis in finibus Salassorum sub metropoli Taurinensi ad Duriam fluvium.

(49) Mirum est quantum hic locus scriptorum ingenia torserit. Surius in veteri editione reposue-

rat *Herbipoli*. Mss. autem varie habent, *Imbrolis*, *Imbripolis* et in *Bripoli*. Haud dubium quin legendum sit *Imbripoli* unico verbo, quam urbem Brouverus putat esse Verlam Saxonie oppidum; Bollandus autem asserit esse Ratisponam celeberrimam urbem, atque apud antiquos Teutones vocatam *Regem* imbrem indicari. Verum licet hanc etymologiam improbet noster Adolphus Overham in votis ad vitam S. Meinverci, invectissime tamen probat Ratisponam sæpius Imbripolem dictam fuisse.

29. Eo item anno Aribo Magontinus Franconovordi concilium synodi coadunavit, præsidente imperatore cum episcopis viginti tribus, in quo iterum beatum virum Godehardum de sæpius præventilata causa more suo inquietavit; ibi præsul noster tandem, summa veritate, quæ Deus est, miserante pariter et adjuvante, episcopatus sui proprietatem super totum Gandersheimense territorium, testimonio septem episcoporum, qui prædictam pactionem in Gandersheim et audierant et viderant, canonice detinuit, scilicet Brunone Augustensi concionante, Wernhero Argentinense discernente, ipso vero Metropolitanò, vere invito, verbi Dei banno affirmante. Hi enim erant episcopi qui seniori nostro suum testimonium, sicuti audierant et viderant, præbuerunt, id est Bruno Augustensis episcopus, Everhardus [Ebehardus] Bavenbergensis episcopus, Meinhardus Werciburghensis [Wirzburgensis] episcopus, Meinwercus Bartherbrunnensis [Paderbornensis] episcopus, Sigbertus Mindensis episcopus, Hildewardus (50) Citizensis [Citizensis] episcopus, Bruno Mersburgensis.

30. Pulchra enim erat ibi et rationaliter ordinata tam regalis quam et episcopalis *sessio*. Nam in orientali parte ante altare, archiepiscopus Aribo cum suis suffraganeis Wernhero Argentinense, Brunone Augustense, Meinwercho Patherbrunnense, Everhardo Bavenberbense, Meginhardo Werciburghense, Godehardo Hildenesheimense, Branthop Halverstadense, Wiggero Nerdense, Hazecone Wormaciense consedit. In occidentali vero parte imperator consedit, et a dextris ejus Bilegrimus [Pili-grinus] Colonie archiepiscopus, cum sibi subditis Siegberto Mindense, Sigifrido Mimigardense [Monasteriensi], Bennone Trajectense; a sinistris Hunfridus Parthenopolitanus [Magdeburgensis] archiepiscopus, cum suis Hildewardo Citizense, Brunone Mersburgense, Luizone Havelbergense, Theoderico

rat *Herbipoli*. Mss. autem varie habent, *Imbrolis*, *Imbripolis* et in *Bripoli*. Haud dubium quin legendum sit *Imbripoli* unico verbo, quam urbem Brouverus putat esse Verlam Saxonie oppidum; Bollandus autem asserit esse Ratisponam celeberrimam urbem, atque apud antiquos Teutones vocatam *Regem* imbrem indicari. Verum licet hanc etymologiam improbet noster Adolphus Overham in votis ad vitam S. Meinverci, invectissime tamen probat Ratisponam sæpius Imbripolem dictam fuisse.

(50) Sub eo episcopatus Citizensis sedes Neoburgum translata est.

Misnense. In australi autem plaga episcopi Ram-
brechtus Werdunensis [Virdunensis], Rodulfus Fleu-
vizensis [Sleswicensis] (51), Hildolfus Mantuanus,
Reinoldus [Reginoldus], Aldebergensis assiderunt.
In aquilonali etiam abbates Richardus Fuldensis,
Reimboldus [Regimboldus], Loresheimensis, Arnol-
fus Herveldensis. Gerbertus Moguntinus cum aliis
etiam ejus ordinis (52) septem affuerunt, subse-
quens etiam Natalis Domini festum imperator Leo-
dii celebravit; Pascha vero Aquisgrani festive fe-
riavit, ubi et filius ejus Henricus regalis nominis
coronam a Bilegrimo archiepiscopo, cleri plebis-
que electione honorifice percepit. Eo anno iterum
Aribo synodum suam Geizlice concivit, ad quam
item seniores nostrum Godehardum inquietan-
dum legatis et scriptis vocavit. Quo ille ire dissimulans, venerabilem virum Tadilonem decanum
nostri cœnobii cum fratribus obviam ei misit, qui
eum honorifice ex parte senioris salutando, de
præteritæ synodi diffinitione commonuit, et plura
altrinsecus auctoritatum collatione profusa,
episcoporum auxilio, eum ab ipsa repetitione tunc
tantummodo compescuit.

31. Sequenti quoque nihilominus anno, imperatore Pallidi consedente, prædictus archiepiscopus
ibidem synodo habita, querelam contra beatum
virum præsentem imperatore incepit; sed post
multa et varia disceptationum colloquia, vix tandem
ab episcopis commonitus destitit. Hoc etiam
anno Bruno Augustæ civitatis episcopus obiit, cui
Eppo successit. Wernherus etiam Strazburgensis
præsul sustollitur, post quem Willehelmns subro-
gatur. Proximo quoque anno imperator Mersburg
Pentecosten celebravit, ubi prædictus Aribo archie-
piscopus, et senior noster Godehardus inter se
invicem super diuturna eorum disceptatione recon-
ciliati sunt. Nam ipse metropolitanus (53) Pa-
trem Godehardum secreto coram episcopis convenit,
seque super hac parochia errasse confitendo
nuntiavit, et omnem fraternam satisfactionem, sed
et de præterita lite perpetuam taciturnitatem, sub
vero Christi et Ecclesiæ testimonio, promisit, sibi-
que priora errata propter Deum remitti suppliciter
petiit. Istud ergo hic veraciter inscribitur, quia
ipso domino Godehardo idem sæpius in suo ser-
mone publice protestante, verum esse comproba-
tur. Eo anno Unwanus archiepiscopus Hamma-
burgensis obiit, Liebizo successit. Deinde imperator
Natalem Christi Patherbrunne egit, Aribo me-
tropolitanus, in sancto die inter missarum solem-
nia publico sermone habito, licentiam ab imperatore
et confratribus Romam pergendi rogavit, si-

(51) Hic solus ex Italis adfuit huic concilio, sicut
et Francofordiensi anno 1007, ubi erectio Bamber-
gensis episcopatus a Germaniæ episcopis confirma-
ta fuit. Apud Ughellum, tomo I Italiæ sacræ, Isol-
phus dicitur, qui natione Germanus Ecclesiam Man-
uatam ab anno 1007 ad 1044 administravit, monachos
Benedictinos in ecclesiam sancti Andrewæ induxit,
ac monasterium multis bonis locupletavit.

(52) Omnes editi habent *sex*.

(53) Bamb. habet, *Cujus dilationis termino tan-*

A mulque a clero et populo indulgentiam sibi a Deo
impetrari postulavit. Sicque post Purificationem
sanctæ Mariæ iter assumens, Romam adiit. Inde
vero digrediens, octavo Idus Aprilis ah! ah! obiit
anno ordinationis suæ 11, cunctis certe Catholicis
merito flebilis, quia in omni ecclesiastica religione
erat vere laudabilis. Cui vir simplex et rectus Bardo
(54) Herveldiæ abbas successit, qui, Deo manifeste
provehente, brevi ad culmen summæ perfectionis
feliciter processit. Cujus pietatis vita et actus hic
plenius ideo non inscribuntur, quia, Deo gratias,
Maguntia pro sanctitatis suæ meritis inter aposto-
licos sacerdotes honorifice celebratur. Unum tam-
en perfectionis ejus privilegium dicam, quod ei
in nostris confiniis a sanum sapientibus clericis
B honoris causa oblatum est, scilicet, ut, æquivo-
cato cum beato Joanne episcopo cognomine, pro-
pter dulcisonam prædicandi melodiam Bardo-
Chrysostomus diceretur.

32. Quodam etiam tempore, cum more episco-
pali beatus præsul noster Godehardus, visitandæ
commisæ plebis gratia, parochiæ suæ terminos
circuiret, Hirgenhusim [Huginhusen seu Engelhu-
sen] curtem suam adiit, ut [ibi pernoctaret, et]
cum sibi elemosynarum largitate, qua præ cun-
ctis studebat, pauperes reficeret, quædam vidua
pauper ex eadem familia, filium suum conspec-
tui ejus obtulit puerulum pauperulum, miserri-
mo infirmitatis genere debilitatum. Nam partim
paralyti, partim lepra vexabatur, distortisque ner-
vis membrorum a tota corpore formationis utili-
tate dissolvebatur. Manus enim cum brachiis, et
genua cum pedibus et tibiis putrido tumore et pro-
fluente sanie manabant, adeo ut nec gressum quo-
quomodo movere, vel saltem reptando posset us-
quam prodire. Quem ille (5) et vultu et corde li-
lari, quasi vere donum Dei gratanter suscepit, et
suis cubiculariis diligentius commendatum secum
deduci præcepit. Potens est, inquit, Deus, qui ab
initio non dedignabatur miseris et peccatoribus
diverso pietatis suæ remedio subvenire, nos etiam
super hoc pauperulo, solito pietatis suæ more
lætificare. Qui puer ad principalem nostram ec-
clesiam cum episcopo perductus, et non sine ma-
gna puerorum, qui eum servabant, labore per ali-
quot hebdomadas sustentatus, tandem post qua-
tuor vel quinque menses cœpit paulatim, plane ex
beati viri meritis et precibus, convalescere, et se-
dato partim tumoris ac saniei profluvio, interdum
assurgendo, interdum vero proreptando, quasi ad
gressum membrorum nervos exercere. Quod præ-
sul pius agnoscens, præ gaudio sæpius lacrymans,

dem adveniente, Erbo (sic Aribone) semper ap-
pellat) *archiepiscopus, Dei, ut vere credimus, præ-*
monitus nutu, seniores nostrum beatum Gotchar-
dum secreto convenit, seque supra prædicta er-
rasse confitendo nuntiavit, et ita coram episcopis
omnem fraternam, etc.

(54) De eo agemus ad ann. 1051.

(55) Bamberg. addit, *Hunc, inquam, puerum,*
Werinum nuncupatum sanctus episcopus.

divinæ miserationi grates debitas retulit, cui et intentus supplicare, ut postea vere, donante Deo, patebat, non desistit. Nam infra anni spatium, ut certe apud nos omnibus notum est, puer, fugata morborum multitudine, laxataque nervorum contractione, in melius convaluit, et de die in diem ad quodlibet servitutis officium valenter profecit. Idem namque homo, Werinus nomine, jam per viginti et eo amplius annos in cappella episcopali in oculis deservit, nisi quod quasi in testimonium virtutis Dei in semetipso, certe in cruribus et in manibus ipsas membrorum torturas et, ut ita dicam, gibbos quosdam, cunctis se videntibus ostendit.

33. Aliis quoque permultis varia humanæ fragilitatis conditione laborantibus, quibusdam scilicet, quod et gravissimum est, peccatorum pondere pressis, quibusdam vero diversa infirmitatum molestia detentis ad se confugientibus, opem suæ intercessionis impertivit; eosque, infatigabili sanctarum precum instantia, et ab imminente periculo liberavit, et in futurum, Deo auxiliante, a talibus custodivit. De quibus quam multa, multis plane cognita, veraciter enarrare potuerim, ni ea ab illis tunc, ipso cogente dissimulata, ea maxime causa silendo modo præterierim, nec aut lectoribus altius fastidium ingeratur, aut ad talia pigris incredulitatis peccatum augeatur. Unum tamen dicam, quod quasi joculari ridiculo, Goslarie (56) effecit, quando ibi in curte regali in postremo ætatis suæ tempore, jussu et petitione Gislæ imperatricis ecclesiam construxit. Erat ibi matrona quædam in laicali conversatione posita, sed in timore Dei devota, Hatteha (Hathzecca nomine, cujus filium ipse episcopus pro fidei religione quam in ea sentiebat, de sacro fonte suscepit; quodam tempore contigit gravissimo oculorum dolore vexari, et per aliquot dies, adeo ut nec cibum nec potum accipere, nec aliquam corpoream quietem habere posset, cruciari. Quæ tandem, gravissima cogente doloris anxietudine, filium suum ad episcopum cum eulogiis transmisit, eique suæ infirmitatis nimietatem intimans, aliquod medelæ subsidium ab ejus pietate quæsit. Quibus præsul auditis, lecta hilaritate subrisit, et quosdam flores rubicundos de arbore, quæ lingua Theutonica Spinnelbum (57) dicitur, ei forte in ipso momento a paupere quodam illatos, signo crucis munivit, et eidem puerulo dedit, dicens: «Affer, inquit, hos flosculos amicæ meæ matrituæ, ut illos in mei memoriam secum habeat, et a Deo salutis remedia poscat.» Nec mora, ut nobis sæpius jurando retulit, ut ipsos flores ægris oculis admovit, omnem illico totius infirmitatis dolorem a suo capite mirabili celeritate diffugere cognovit: et statim apertis vel ostiis, vel fenestris cubiculi, quæ jam per aliquot dies diligentius

A ejus ægritudinis causa clauderentur, cepit clarius videre, et nihil prorsus hujusmodi molestiæ amplius sentire. Quæ postera die ad episcopum pervenit, et gaudens simul et lacrymans gratia condignas divinæ miserationi, ejusque visitationi humiliter retulit. Quam ille benigne consolando suscipiens, et in Domino corde firmo sperare. et indesinenter bene facere præcipiens oculis ejus a presbytero sacro oleo, quod infirmorum dicitur, ungi mandavit; quæ certæ unctio, et ejusdem pia deprecatio, eam ab eodem dolore usque in finem integre sanavit.

34. Illud quoque, quod in antepenultimo præsentis vitæ anno ei accidit, propono in exemplum, et cautelam fidelibus, et timorem ac formidinem negligentibus. Erat sane in nostra congregatione quidam presbyter, ex familia Ecclesiæ ortus, litteralis scientiæ, ut in pace veritas procedat, pene ignarus, sed mundanæ sagacitatis subtiliter et supra modum gnarus, qui ex infima paupertate ad summas divitias cunctis mirantibus succrevit. Qui primo a domino Bernwardo episcopo feliciter exaltatus, sed ab imperatore Henrico pro quibusdam causis, quæ modo melius silentur, humiliatus, iterum ab hoc viro beato, quia utilis ei ad res Ecclesiæ videbatur, pia miseratione sublevatus, varie tamen inter adversa et prospera sæpius habitus. Postremo autem in tantum sibi tanti pontificis animum sua calliditate conciliavit, ut per plures ante fideliter ministrantes episcopo abalienaret, eosque tam herili gratia, quod ei certe molestum erat, quam et dignitate ac proprietatis utilitate privaret. Sed ne hoc aliquibus mirum videatur, quia Gregorio teste, sæpius fit ut occupato in pluribus et maxime in divinis animo facile ab adulantibus subripiatur. Tandem ille ab omnibus publice maledicatur, et etiam interdum episcopo a sanum sapientibus hujusmodi insolentia objicitur, qui et ab iis tandem qui insontes abalienati sunt, in gratiam reducitur.

35. Præsul pius tamen post aliquot annos de talibus clarius certificatus, et super eos qui injuste lædebantur aliquando ad veniam humiliatus, die quadam convenire de nostra congregatione præpositum, et decanum cum aliquot fratribus, cæterisque suis primoribus Holthusem, ubi tunc forte manebat, mandavit, assedente etiam viro venerabili, suo ex sorore nepote, Rathmundo Altaheensis monasterii abbatem, præsentem eodem presbytero, omnibus qui se ab eo læsos quærebantur, coram licentiam fandi donavit. Statimque sine mora plura querelæ genera, tam ab ipso abbate suisque qui hospites intererant, quam et a nostris proferuntur, quæ contra eum publice a cunctis quasi uno ore dicuntur. Quærebantur enim omnes simul, primo generale Ecclesiæ et episcopalis ho-

(56) Goslaria urbs libera inferioris Saxonie. Ecclesia quam ibi sanctus Godehardus construxit a beato Leone IX summo pontifice dedicata est circa annum 1049.

(57) Cod. Bodec., de arbore quæ fusarius lingua Belgica; et quidem hanc arborem fustis fabricandis aptam esse aiunt.

noris scandalum; deinde cives et hospites quæ speciale injuriarum sui detrimentum. Quibus ille auditis, quasi insultando, ut erat callidissimus, subrisit, et velut admirans, quæ hæc essent inquisivit: ac deinde commentis mundanæ suæ sapientiæ, qua plane plenus erat, quæ vere ante Deum stultitia computatur, ut in ipso manifeste patuit, objecta quæque eloquenter repulit, omnesque sibi adversantes mirabiliter quasi mutos et elingues reddidit.

36. Pius præsul tandem Spiritu sancto vere compunctus, et insuper etiam mirabili studio permotus, considerans pariter et manifestam rerum veritatem et fiducialem cordis ejus temeritatem, illico omnium voces compescuit, et modificato sermone cunctis admirantibus ita incepit: « Hildewin, inquit, sic enim vocabatur, ecce enim omnes circumstantes, ut tibi videtur, vicisti; ecce omnes subtilitate tua, Deo veritatem incipiente, quasi mendaces ostendisti: jam modo ad me convertere, et soli mihi per Christum adjuratus veritatem responde. Evangelica, inquit, te sententia aggredior, et quia sensum evangelicum non plene sapis, te Theutonico sermone alloquor. Hildewin, inquit, diligis me? At ille statim fiducialiter: « Vere, ait, diligo te. » Item episcopus: « Hildewin, inquit, diligis me? At ille: « Certe, ait, diligo te. » Item episcopus tertio: « Hildewin, inquit, diligis me? » Tandem ille miser evangelico illo exemplo stupefactus, sed non rite, proh dolor! Compunctus, irato pariter et flebili sermone respondit: « Deus, inquit, qui omnia scit, ipse scit quia vere diligo te. » Tunc præsul: « Ecce, inquit, siquidem verum dicis, mihi satisfacisti; sin autem desipis, temetipsum miserabiliter obligasti. Sed si me, ut dicis, fideliter diligis, pasce oves meas, id est, dilige fratres et amicos meos, etiam hospites et pauperes meos; dilige conservos et domesticos tuos. Unde et per Deum te commoneo, ut si vere jurasti, te in veritate custodias; si quominus, digne pœniteas, et sub hoc pacto jam domum regredere, et dignitate pariter et beneficio ac proprietate tua in gratia mea, siquidem Deus annuerit, utere. » Sicque conventum illum cunctis admirantibus pariter ac paventibus dimisit.

37. Illos tamen pariter ibi charitatis exhibitionem suscipere, et sic in pace discedere præcepit. Inter quos Hildewinus lætus et hilaris, et quasi de victoria sua exsultans, ad prandium consedit, et inde incolumis rediit. Ad vesperum vero cum suis domi consedit jucundus et epulans, et in eos sane a quibus se læsum dolebat, convicia et minas intentans, sic lectum petiit, et sospes, ut sibi videbatur, quievit. Mane diluculo ad providendum suum ministerium iturus valenter surrexit, calceamenta citius induit, sed

A ad induendas tunicas assurgens concitus corruit, et mirabili celeritate præoccupatus miserabiliter expiravit. Plures tamen et amplissimas [opes in sua proprietate, in innumeris et pretiosis vestibus, et alia pecunia et etiam peculio dimisit; quas tamen beatus præsul, de ejus morte ultra quam credi potest condolens, totas pro animæ illius remedio pauperibus erogari præcepit, remissionemque ei peccatorum ex corde, etsi sero indulisit, et pro illius animæ ereptione, jejunii et obsecrationibus sæpius invidare non destitit. Quia ergo nos eum modo ultra debitum plus necessariæ veritatis quam invidiæ vel odii causa reprehendimus, et ejus negligentiam nostra fortasse minorem de pluribus patefecimus, B obsecramus, o lectores, vestram dilectionem, ut cum hæc legeretis, indulgentiam ei et remissionem peccatorum pro vestra [edit., nostra] certe felicitate a Domino imploretis et sic forte hæc reprehensio fiet illi ante misericordiam judicis venialis remissio.

38. Erat quoque in nostra congregatione vir vite venerabilis, ac in omni canonicæ regulæ observatione jure laudabilis, nomine Tadilo, de quo etiam supra pauca retuli, primo sub domino Bernwardo pro fidei et industriæ prærogativa vicedominus, sed ab hoc beato pontifice pro utilitate Ecclesiæ decaniæ ac scholari magisterio præstitutus; et quia ei pro religionis et charitatis [Bol., pietatis et castitatis] merito corde tenus complacuit, cum sibi in C consecratalem et symmystam in Dei servimine adoptavit. Erat enim, tota Ecclesia quæ eum venerat, teste, grandævus et emeritus, humilitate et dilectione præclarus, in regendis vero ac commonendis fratribus media charitate severus, et in toto virtutum exercitio coram Deo sollicitus. Nam in admonitione sua illo ridiculoso proverbio sæpius utebatur: « Diligant, inquit, homines, oderint vitia. » Huic beatus pontifex ante aliquot annos (58) sæpius, ut nobis videbatur, jocando prædixit quod aut secum aut paulo ante se ex hac vita esset emigraturus. Novissime vero ei in postremis decumbenti, per prædictum abbatem nepotem suum, quem ad eum visitationis gratia, sua vice direxit, serio mandavit quod sacram olei unctionem vere pœnitendo, et commissa sua confitendo, D plena fide susceperet, et corporis sanguinisque Christi sacramento munitus intrepidus præmigraret, promittens ei veraciter se superstitem pro ejus animæ remedio Dei gratiam indesinenter obsecraturum, et eum in proximo anno in pace Christi subsecuturum. Qui abbas eundem dilectum et jure semper memorandum magistrum nostrum cum astantibus fratribus sacro oleo perunxit, eique ex potestate et jussione episcopi plenam remissionem indulisit, qui post biduum vere felix ad Christum migravit; cujus tamen obitus nos acriter

(58) Editi, menses. Paulo aliter codex Bamberg.: Pontifex, sicut ex Spiritu sancto cognoverat, diem exitus sui sæpe prædixerat, scilicet quod ipse

ante annum et sex menses transitum beati Patris nostri Godehardi esset præcessurus.

contristavit, quia congregationem nostram [imo A totam nostram Ecclesiam] tanti viri patrocinio et concilio magisterioque privavit. Verum certe, et clero et populo teste, dicimus quia nunquam ejus ordinis virum in omni ecclesiastica probabilitate honestiorem vel vidimus, vel videbimus. Cujus certe memoriam jure nos corde tenus retinere debemus, quem vere ante conspectum sanctorum nostri recordari non dubitamus. Sic ergo prophetiam beati præsulis liquido Deus implevit, qui eum post (59) annum et tres tantum menses ex hac vita feliciter exemit.

39. Jam autem beati Patris Godehardi appropinquante manifestius fine, semper operum honorum augmentis de virtute in virtutem anhelabat, ut videre mereretur Deum deorum in Sion, et jam cessante practicæ plurali officio, in solo se indesinenter theoriæ affixit exercitio, tria tantum de generali specialiter eximens, psalterium; eleemosynam, et præ omnibus jugiter sibi sociam et amicam abstinentiam, adeo ut si rare festiviori tempore cogentibus per obedientiam fratribus, aliquid lautioris cibi vel fortioris potus contra morem stomachi percepit, molestiæ magis corpori quam refectioni fuerit. Et tunc supremum præsentis vitæ Natalem Christi, anno scilicet (60) 1036, imperatore Goslare sedente, ipse Holthusen votive celebravit, solvens certe, secundum Evangelium, quæ sunt Cæsaris Cæsari, et quæ Dei Deo; semet quippe prædicto more Christo spirituale sacrificium immolans, sed et suis nihilominus clero sane et populo in divinis et humanis pro ritu et etiam debito juxta vires congratulans, sacratissimos autem dies Quadragesimæ, et ut ipse sæpius jucundando proclamabat saluberrimos, summo cordis ac mentis affectu hilaris expectabat, quos corporaliter quasi extra corpus mirabiliter transiens, vix cohærentibus nervis, ad sacrosanctum Pascha pervenerat. Attamen Dominicam Palmarum (61), Cœnamque Domini, et festum Resurrectionis Christi debito episcopali officio, ultra vires collecto robore, peregit; sicque Paschæ ferias per circumpositas stationes juxta solitam religionem admonendo fideles visitavit, in quibus etiam diebus sæpius publice denunciavit se modo cum illis ultima corporalis consortii lætitia jucundari, et in Ascensionem Domini (62), quo Deus jusserit, invitari. Nos vero hæc audientes quasi derisimus, quia eum jam quantocius [edit., quantoties] de regressione antiquæ suæ patriæ, videlicet Bajoariæ, nobis militantem audivimus.

(59) Bamberg., qui eum ante se anno et sex mensibus.

(60) Henschenius reposuit ann. 1038. Conradus tamen imperator eo anno erat in Italia ac Parmæ Natalem Domini celebravit. Unde conjicit vir eruditus auctorem nostrum ea quæ anno 1039 contigerunt cum iis quæ præcedenti anno gesta fuerant confudisse. Codex Græciensis habet anno 1039.

(61) Bamh., Præcipue tamen supremo præsentis vitæ anno per totam Quadragesimam se castigans, vix collecto robore peregit debito episcopali officio

40. Post Albas (63) itaque a nobis digressus, cum suo prædicto nepote Radmundo abbate, Adensta [al., Eistat], quo inceptam jam noviter ecclesiam consummare studebat, devenit, nec infirmitatē diutius reluctari valens, deficiente carne decubuit. Quo flebili rumore comperto, prædictus Rathmundus (64) abbas, vir certe corde et animo divinæ servituti mancipatus, et præpositus noster ac decanus cum prioribus ad eum visitationis gratia convenerunt, quem tamen dissimulato languore solito more ecclesiastico labori assidentem, circumstantiumque manibus sustentatum invenerunt. Quos advenientes sola charitatis hilaritate lætus suscepit, et quasi oblita molestia, adventus eorum causam admirando perquirens, reportari se ad cubiculum præcepit. Ibi adunato [admisso] specialiter clero, primo singulos quosque de suæ obedientiæ procuracione solerter admonerat, ac deinceps omnes generaliter de sacræ fidei et religionis observatione tam salubriter quam et terribiliter obsecrando simul et arguendo informabat. Deinde se orationibus eorum contra callidi tentatoris insidias et fraudes commisit, eisque obitus sui diem et tempus, funerisque exsequiarum, et etiam sepulture ordinem, ut postea evenit, quasi alludens liquido prædixit. « Ite, inquit, et ad superventuram Dominicæ Ascensionis lætitiā vos quisque, pro suæ obedientiæ qualitate, et etiam pro spirituali prerogativæ quantitate præparate, et meum adventum læti, et quasi vere mecum hic et in futuro congratulaturi exspectate. Nam in vigilia Ascensionis in montem ad sanctum meum patronum Mauricium adveniam, et ibi noctem diemque sanctam agam: abbatem tamen vobis, qui vice mea processionis et missarum solemnia peragat mittam; » et sic elevatis oculis altiusque suspirans, quasi tamen erridens: « Necte, inquit, illa ut Christus voluerit peracta, in feria sexta diluculo ad sanctum Michaelem veniam, cum abbate et fratribus pernoctaturus, inde Sabbato ad sanctum Andreā oraturus, et inde vos adeam, vobiscum penitus permansurus. Diem vero Dominicam convocatis fratribus et amicis solemniter celebremus, et ita totius festi nostri jucunditatem penitus terminemus. » Et hæc dicens, benedictionem dedit; sicque nos mirantes pariter et stupentes dimisit.

41. Habebat quoque beatus Pater in privato suo ministerio juvenem quemdam illustrem, filium viduæ, pictoriæ artis opificem, qui vilia ejus vestimenta calceamenta que servabat, nomine Bunonem (65), cui, ab initio ejusdem anni, quod secum patriam

Dominicam Palmarum, etc.

(62) Bamberg., quoniam oporteret eum ad alium locum in Ascensione Domini proficisci.

(63) Sic vocant plerumque Dominicam in Albis, quod ea die recens baptizati vestes albas deponerent.

(64) Bodec., Adelbertus abbas, Boll., prædictus abbas.

(65) Ubique scribitur Bunonem. Surii tamen prima editio habet Brunonem.

suam, id est Bajoariam, perrecturus esset sæpe A præcepit. Nam, ut prædiximus, longe ante sæpius se patriam sua revisitaturum serio promisit, et pluribus cujusque ordinis se ultroneis offerentibus, ac pariter cum eo proficisci cupientibus, gratæ devotioni eorum retulit, et solum tantum Bunonem secum iturum præelegit. Eodem quippe die ante adventum cleri, ut prædixerat (66), dum more suo in abditis vestimenta sua mutaret, eidem juveni præcepit ut eadem vestimenta quæ deposuit indueret, et ad eum concitus veniret. Quæ verba ille quasi deliramenta vel irrisione plena contempsit. Præsul vero ac si dedignando cubiculariis dixit : « Ite et vestimenta quæ deposui induite ei, et ad me deducite. » Qui statim eum post velum cubiculi trahentes induerunt, et in conspectum velut irridentes deduxerunt. Quem ille diu intuens, ait : « Vere scias quia in eadem veste rumorem (67) invenies. » His dictis puer exiit, et in ipso momento intolerabile eum frigus invasit, et hora eadem ægotans lecto procubuit. Quem cum post discessum fratrum episcopus requireret, dictum est quod ægotaret. Qui statim accersito procuratore, præcepit ei dicens : « Puerum illum caute et sine molestia fac ad matrem suam deduci, ut in occursum meum paratus mecum possit proficisci. » Qui statim deducitur, et decrescentibus dietim viribus ad extrema præparatur (68).

42. Deinde præsul noster ingravescente febre Holthusen, ubi confluyente ecclesiastico more ad visitationem tanti viri multitudini sufficiens ædificiorum erat copia, provehitur. Ibi inter multam cleri populique frequentiam, quadam die venerabilis domina Sophia de Gandersheim advenit, quæ tandem, ut in pace loquar, deposita priori pertinacia, plena se fide et devotione, ad beati viri familiaritatem convertit, quæ (65) tunc, occasione inventa, et populari turba remota, astante clero, de frivola quadam pertinacia, quæ de suæ ecclesiæ clericis contra beatum virum increvit, exordium fecit et debitam satisfactionem promittere cœpit. Ad cujus verba ille, partim morbo cogente, partim vero, ut nobis videbatur, indignatione permovente, iracunde respondit, et in futurum talia suspendi rogavit. Illa vero commotionem ejus dissimulans, et obitum ejus celeriore formidans, item itemque in sua satisfactione etiam lacrymando perstitit, eamque ut recipere dignaretur obsecrando postulavit. At ille : « Domina, inquit, per Deum paulisper reticete, et hæc donec in festivitate sanctæ Mariæ conveniamus, suspendite. » Ipsa autem, ut videbatur omnibus, finem ejus citius adventurum intelligens, et tamen verba ejus vehementer expavescens : « Utinam, inquit, o Pa-

(66) Sic Bamberg.; alii vero prædiximus.

(67) Bollandus ea voce rheuma designari putat : legendum forte humorem.

(68) Bamberg., proficisci. Ex ea die præsul noster, decrescentibus dietim viribus, ad extrema præparatur, et a præiata villa ad Holthusen, etc.

(69) Idem : pro quibusdam causis ecclesiæ suæ eum interpellavit, omnemque de reliquo subjectio-

ter dilecte, tandiu vita vestra nobis supersit, donec hoc tempus venerit. » Ille vero fortiter collectis viribus, apertisque oculis, et omnibus diu circumspectis, ait : « In potestate quidem Dei vita nostra exitusque vere consistit ; in veritate tamen, quæ Deus est, dico vobis quia in festivitate sanctæ Mariæ, ubi Deus voluerit certe simul erimus, ibidemque coram veraci testimonio et de his, et de aliis etiam quæ inter nos dissident, tractabimus. » Et hæc dicens, compressis oculis reticuit. At ipsa nimio stupore pavefacta, silenter circumstantibus ait : « Heu me miseram ! nunquidnam sum mortura, sumque in proximo subsecutura ? » Nec tamen amplius eum inquietare præsumpsit, sed humiliter sibi ab eo indulgentiam simul et licentiam petiit. Item ille apertis oculis eam breviter, imo et salubriter de sacræ religionis observatione commonuit, ac de plurali suæ obedientiæ provisione coarguit, et sic elevata dextra eam benedictione munivit, eique pro tempore remissionem indulgens non sine magno, ut ipsa fatebatur, timore dimisit.

43. Transacta autem hebdomada, beatus Pater, jam deficiente funditus corpore, ab abbate cæterisque fratribus sacri olei liquore ecclesiastico more perungitur, et, ita ut prædixit, in vigilia Ascensionis Domini in monte sancti Mauricii (70) transvehitur. Ibi statim ad eum flendo fratres [cum innumerabili alia multitudine fidelium] convenerant, nec amplius amaritudinem doloris, quo corde tenus vexabantur, abscondere valuerunt. Cætera vero innumerabilis confluit fidelium multitudo, quam non minor pro obitu charissimi pastoris afflixit amaritudo. Quos tamen ille, licet deficiente jam pene lingua, benigne consolando dimisit, et diluculo iterum advenire mandavit. Quibus discedentibus, et sacram noctem illam in magno dolore ducentibus, beatus Pater consueto more, sibi psalmos semper quasi pro dulci refectio- C ne ruminabat, et in tali meditatione cursum suum consummans, animam attentius Deo commendavit (71). Summo vero diluculo iterum clerus peractis matutinis advenit, quem ipse affatu tunc supremo, breviter, attamen salubriter, de sacræ religionis et obedientiæ observantia commonuit, sicque confessionis versu cum eis communiter pro- D lato, ad celebranda cum abbate missarum solemniam valedictione ultima dimisit. Præsul autem clemens, non inmemor suæ promissionis, de prædicto suo cubiculario Bunone requisivit sollicite ; quem ubi desperari corporaliter cognovit, ei per nuntium mandavit, dicens : « Consolare, puer meus, in Domino et confortare, quia jam tempus instat, quo mecum ad patriam æternæ beatitudi-

nem, et de præterito errore satisfactionem promittere, etc.

(70) De hoc monte Chronicum Saxonicum ms. ad an. 1025 : *Montem speciosum in occidentali parte suæ civitatis incolere cœpit, quem postea titulo ac nomini sancti Mauricii sui summi patroni dedicavit.*

(71) Sic Bamb.; alii consummans pernoctabat.

nis debes vere pervenire.» Quæ verba puer lætus A
 audivit, et nil jam de vita præsentis meditans, in
 ipsa sacra Ascensionis Domini die viaticum salu-
 tare petivit, quo percepto, gaudens promissionem
 beati præsulis expectavit.

44. Missarum igitur apud nos celebritate pera-
 cta, refectioneque festine [fæstive] percepta, fratres
 iterum jam hora diei decima ad dilectum pontifi-
 cem revererunt, et officio pene linguæ cessante,
 corde vero, juxta Apostolum (*I Cor. xiv*), spiritu
 et mente psallente, psalmos in solo pectore diffi-
 culter ruminantem invenerunt. Tunc inito consi-
 lio, pueros quatuor scholares ex utraque lectuli
 parte statuerunt, quos psalterium a principio
 aperte et distincte recitare fecerunt. Quibus Pater
 beatus auditis, quasi hac melodia delectatus, ali-
 quantulum quievit, interdum et simul cum illis
 psallere gestivit. Versus tamen illos præcipuos, qui
 specialiter Domino ad supplicandum pertinebant,
 apertis elevatisque oculis, altius ructitabat. Media
 autem nocte, jam finito psalterio, jam imminente
 manifestius fine, matutinale officium incepserunt;
 et dum ad psalmum *Benedictus Dominus Deus
 Israel* pervenerunt, vir beatus in ultimo tunc ago-
 ne desudans, vix dum apertis oculis, clerico can-
 tante, *Illuminare his qui in tenebris et in umbra
 mortis sedent*, ille, *Ad dirigendos*, inquit, *pedes
 nostros in viam pacis* (*Luc. 1*). Et in hoc verbo, dum
 a clero *Gloria Patri* cum antiphona *Ascendo ad
 Patrem meum et Patrem vestrum* canebatur, ipse
 ab astantibus de lecto levabatur, sicque felix vere
 illa anima, quasi obdormiente corpore, carnali
 ergastulo solvebatur. Consonantibus statim ibidem
 campanis, fratres qui in monasteriis felicem ejus
 obitum solerti vigilantia expectabant, pro tam di-
 lectæ animæ remedio preces exsequiales frequen-
 tabant devote.

45. Non ergo nunc æstimo silentio prætereun-
 dum primum meriti ejus indicium, in ipso beato
 obitu Deo teste declaratum. Nam sæpe dictus puer
 Bruno in domo matris suæ juxta ecclesiam San-
 cti Michaelis, eodem momento membris præmor-
 tuis, extremo tantum spiritu in pectore palpitante,
 desperatus jacebat: qui resonantibus illico camp-
 anis, quasi a somno evigilans, quid hoc esset stu-
 pens exquisivit. Cui cum mater dissimulans matu-
 tinale officium signari diceret, ipse ac si indignans
 matris astantiumque fallaciam: «Cur me, inquit,
 fallitis? Cur veritatem celatis? Vere cum hoc signo
 dilectus Dominus meus cælum scandit, et promi-
 sionum suarum, ah! ah! immemor miserum me
 reliquit. Surgite, ait, et elevatis manibus cordibus-
 que, ejus dilectam animam divinæ clementiæ com-
 mendate, et ut mei modo meminerit obsecrate.» Et
 elevatis nisu quo potuit ad cælum oculis: «O
 præsul, inquit, sancte, o Pater clementissime, per
 ipsum te adjuro ad quem vadis, ut nunc memine-
 ris mei, et ne me in carne jam post te relin-
 quas, quem tecum ad patriam iturum sæpius promise-
 ras.» Illi stupentes pariter ac mœrentes, dum jus-
 sioni ejus obtemperant, vix eum reflexis oculis sta-

tim exanimem aspexerunt, quem illico stratu de-
 ponebant, et omisso fletu, eum quod optaverat
 obtinuisse, gaudebant.

46. Fratres vero in monasteriis exsequiarum de-
 bito matutinalique officio peracto, missarum cele-
 bratione, psalmodiarumque frequentatione pastorem
 suum divinæ miserationi tanto devotius commen-
 dabant, quanto se ab ipso commendandos fiducia-
 lius sperabant. Adveniente autem felicitis memoriæ
 Brunone, Mindonensis Ecclesiæ episcopo, quem ipse
 Pater venerabilis sibi in spiritualem filium ado-
 ptaverat, qui etiam, cognita ejus infirmitate, juxta
 nostra confinia habitabat, hora ejusdem diei tertia
 totus clerus cum populo militiæ certe et familiæ,
 et plurali civium comprovincialiumque, et maxime
 pauperum frequentia, ad montem ubi specialis
 noster thesaurus servabatur processit, eumque ad
 monasterium Sancti Michaelis, ut ipse vivens præ-
 destinavit, deduxit. Quo dum appropriatur, ante
 portas atrii funus defuncti juvenis, cum non mo-
 dica parentum civiumque turba profertur, quod et
 ante pedes episcopi per dispositas ecclesias a mi-
 nistris circumfertur. Quantus vero planctus et la-
 mentatio, vel cleri, vel populi, vel etiam pauperum
 ibidem exstitit, ingenii nostri faciundia certe ad
 enarrandum non sufficit, quia in una cujuslibet
 mente vel voce luctus et lætitia pariter sonuit:
 dum pectora fidelium de præsentis mœror, de fu-
 turo pertulit gaudium; quia, sicuti sancto Marti-
 no canitur, pium erat flere, et pium gaudere. Me-
 rito ergo flevimus, quia talem pastorem amisi-
 mus; sed et jure gaudebamus, quod talem inter-
 cessorem præmisimus.

47. Vigiliis igitur ibi pro nostro modulo condi-
 gne peractis, beatum corpus mane ad Sanctum
 Andream honorifice est delatum, ibique oblati sa-
 crificiis, inde in principali nostra ecclesia cum de-
 bita veneratione collocatum. In crastinum vero,
 illucescente Dominica, ex diversis per Saxoniam
 cœnobiis fratres et sorores in obsequium tantum pa-
 troni convenerant, qui destitutionem cleri et deso-
 lationem populi, ac generale Christianismi totius
 damnum, debita lamentatione defleverant: sicque
 ab episcopo missali officio devotissime peracto,
 sacrum beati viri corpus in medio nostro choro,
 ecclesiastico more, terræ est collatum, quod ibidem
 usque in hodiernum diem a fidelibus Christi, juxta
 humanæ fragilitatis possibilitatem, condigna est
 reverentia frequentatum. Prædicti autem pueri cor-
 pusculum ante occidentalem templi introitum, ab
 eodem episcopo prius est humatum. Domina ve-
 ro Sophia, de qua etiam supra retulimus, jam de
 sua præmonitione magis magisque sollicita, sore-
 ris suas ac presbyteros illo cum oblationibus trans-
 misit, seseque beati viri meritis et precibus suppli-
 citer commisit: sicque superventuram beatæ Ma-
 tris Christi Assumptionem simul et Nativitatem pa-
 vens expectavit. Quæ tamen, incipiente sequen-
 ti anno, triduo ante Purificationem sanctæ Ma-
 riæ, ex hac vita emigravit: sic et in hoc Deus
 beati Patris prophetiam liquido declaravit. Nos

quoque quantum, Deo annuente, possumus merito A ejusdem abbatissæ animam divinæ miserationi sæpius commendare debemus, quæ congregationem nostram, dum vixit, omni semper dilectione percoluit ejusdemque dilectionis certum testimonium posteris reliquit.

48. De miraculis igitur, quæ per beati Patris merita, post dissolutionem corporis ejus, in salutem credentium divina pietas clementer ostendit, melius pauca quam plura scribenda putavimus, ne aut studiosis aut desidiosis fastidium, vel etiam infidelibus incredulitatis periculum narrationis prolixitate contrahamus. Præcipue tamen propter quasdam vanæ mentis personas, quæ in nostra patria usitato more per sacra loca discurrentes, se aut cæcos, aut debiles, aut elingues vel certe ob- B sessos temere simulant, et ante altaria vel sepulcra sanctorum, se coram populo volutates, pugnisque tundentes, sanatos illico se proclamant: ea scilicet sola vesana voluptate, ut sic tantum majorem stipem, vel quæstum a plebe percipiant. Sicque fit, ut et beatum virum sæpius de talibus dixisse præmisimus, quia mendaces, inquit, faciunt ut veridicis vix credatur. Et cum in hujusmodi fallacia tales liquido deprehenduntur, etiam yeræ sanctorum virtutes in periculosam desperationem hac dubietate retrahuntur; vel certe et hi qui vere sanantur, etiam non solum a perfidis, sed et interdum a fidelibus fallere creduntur, sicut utique nobis de quadam muliercula palam venit.

49. Primo namque prædicti nostri antistitis Helizonis [at., Hetelonis] (72) anno, in speciali nostra festivitate, id est in Assumptione sanctæ Mariæ, anus quædam nobis ignota, velato capite, nubilata facie, ante sepulcrum beati viri se projecit, ibique prædicto amentium more, diutius volutata tandem prosiliens se per multos annos œecam ibidem tunc illuminatam proclamavit. Quo statim rumore diffamato, clerus populisque concurrat, ipse etiam episcopus advenit. Cumque jam ad agendas publice Deo gratias properarent, cives illius, qui eam prius noverant, eamque in hujusmodi falsitate sæpius notaverant, venerunt, qui illam et modo et sæpe etiam antea talia mentitam veraciter dixerunt. In quam cum jam populus merito, ut male tractaretur, insurgeret, a clero tamen pro beati pontificis veneratione defensa, confusa discessit, et nusquam nobis postea comparuit. Talibus ergo fallaciis, cauta consideratione post hæc devitatis, pluribus ignotorum dictis, quæ certe vera esse poterant, dubitando dissimulatis, ad ea tantummodo sola quæ præsentibus, veritate Dei teste, vidimus, vel quæ certe ab his audivimus, quos veraces in timore Domini cognovimus, narrationis nostræ seriem intendimus. D

(72) Is e præposito Goslariensi in episcopum Hildesheimensem assumptus est post mortem Azelini anno 1054; quam sedem annis viginti quinque obtinuit, ac sepultus est in ecclesia sancti Mauricii in monte, quam primo pro monialibus ac

50. Primum namque fuit, quod et erat, et est omnibus notissimum. Quidam de operariis nostræ ecclesiæ, nomine Luidgerus, cum in ecclesiæ atrio ligna collocarent, graviori quadam trabe decidente, femore cum tibia et pede miserabiliter contrito, penitus debilitatus est. Quem beatus Pater, quia prius eum fidelem et utilem cognovit, ante mensam suam quotidie cum pauperibus ad eleemosynam sedere præcepit. Qui miser super debilitatis suæ dolorem, graviori semet mœrere sæpius afflixit, quia ad opus cui mancipatus erat utilis esse non potuit. Quidquid tamen vel sedendo vel proreptando agere potuit, in hoc se voluntaria utilitate studiosus exercuit, nec prorsus aliquod tempus, nisi cum somnum vel cibum caperet, transire sibi patiebatur, quin semper in aliquo utilis esse videretur. Consuetudo namque dilecto nostro pontifici fuit ut puerulos, vel etiam pauperes validiores, sæpius per plateas vel defossas petrarum foveas ageret, qui sibi lapillos minutos quosdam nivei coloris, vel nigri, vel rubri, interdum vel varii deferrent, quos ipse elimatos et politos, varique collisione, vel confricatione in similitudinem pretiosorum lapidum redactos, aut in altaribus, aut libris, aut capsis, honeste collocavit. In quo nimirum opere prædictus ille pauper se privatim exercuit, et cæterorum industriam utiliter prævenit, et pro curiositate tali, episcopo penitus complacuit. Interdum autem et pictoribus et eis qui vitro fenestras componebant, se admiscuit, inter quos etiam utiliter operosus existit. C

51. Beato vero pontifice ex hac luce sublato, ipse detonsus et laneis indutus, carne et reliqua lautiore refectione abstinens, ad sepulcrum ejus contulit se, ibique tam custodibus quam et cæteris fidelibus, quanta potuit fidelitate, servivit, et postremo, consentientibus magistris, totam sepulcri custodiam penitus usurpavit. Vix tamen debili crure ligno sustentato, reliquo vero corpore baculo sublevato tale obsequium exercuit. Attamen vires quas invaliditudo denegavit, obediendi devotio ministravit. Psalmos quippe non noverat, verba tamen quæ fidelium narratione vel admonitione perceperat, devotius invigilando, sæpiusque in modum veniæ, fidelium more decumbendo, sollicitus frequentabat. Quo ibidem in hac sedulitate firmiter perdurante, et altiora quantum ad se proficere satagente, quadam die Sabbati ad vesperam, dum in choro vespertina laus canitur, ipse juxta sepulcrum pontificale prosternitur, et ibi diutius aut somno, aut exstasi quasi immobilis detinetur, et, ut ipse postea fatebatur, intolerabili quadam membrorum ac nervorum distensione vel contractione invisibiliter cruciatur. Sed finita laude quasi soporatus surrexit, et velut plus solito ægro- tans, vix habitaculum repetiit. Statimque lectulo

deinde pro canonicis fundarat. Porro monet Henschenius nonnulla hic in codice Græciensi de tribus S. Godehardi proximis successoribus, Thietmaro scilicet, Akelino; et Helizone seu Ethelone, haberi.

collocabat se, et per totam noctem in illa membrorum distractione durius laborabat : sed paulo ante matutinum tandem sopitus dormivit, et somnium in quo surgere et ad ecclesiam ad agendas Deo gratias properare jussus est vidit. Somno tamen cito excitus surrexit, moxque remoto femorali sustentaculo, rejectoque baculo, matutinali hora et ecclesiam intravit, et coram omnibus Deum evidenti professione laudavit, et postmodum in finem vitæ incolumis, quanto diutius, tanto devotius ministravit.

52. Mulier etiam quædam, nomine Mersvid, omnibus nobiscum commanentibus notissima, quæ per multos annos errabat cæca, ad idem beati præsulis sepulcrum, in crastinum post Assumptionem sanctæ Mariæ, coram clero et populo est illuminata. B

53. Quidam quoque rusticus de pago ecclesiæ qui Holthlaon dicitur, nomine Emko [Deniko], diutina infirmitate miserabiliter fatigatus, contractione lumborum per multos annos est crurum officio spoliatus : qui tandem ad viri sancti memoriam baculorum sustentatione vix dum proreptando pervenit, ibique in anniversario ejus die integram sanitatem coram clero et populo, omnibus nobis intuentibus recepit.

54. Nobilis vero quædam femina non ignota, de episcopatu Mindonensi, Siuve nomine, puellam fratris sui filiam nutritiv, quam in locum filiæ adoptatam intime dilexit : quæ gravissima infirmitate præventa, periclitari cæpit, et quasi præmorta biduo exanimis jacebat. Propinquus vero C cum familia et civibus assidentibus, et tantam puellæ elegantiam pro multiplici miseratione amare desilentibus, anus quædam, quæ ad ecclesiam serviebat, de memoria nostri præsulis sermonem habuit, et qualiter ad ejus tumulum infirmi per divinam miserationem sanarentur exposuit. Cujus admonitione domina ipsa compuncta, matutinali tempore ecclesiam intravit, et coram altari prostrata, profusis lacrymis, Deo, sanctæque Mariæ, et beati etiam præsulis animæ, pro eadem sua neptæ oblationes intima devotione devovit ; et continuo, ut ipsa nobis flendo juravit, regrediens puellam jam videntem, jam loquentem reperit, quæ refectionem petiit, et accepit, et, Christo pro beati viri meritis annuente, sanitatem integram recepit. Quam amita ipsius, quinto post die ad sanctæ Mariæ altare et ad tumulum præsulis cum promissis oblationibus deduxit, et qualiter sanata sit, cum sufficienti civium ac provincialium suorum testimonio, coram multitudine comprobavit.

55. Frater quoque noster non ignotæ memoriæ, Volcwardus [al., Folchardus] presbyter, eo tempore vicedominus, postea noster præpositus, postremo felix Brandeburgensis Ecclesiæ episcopus, qui eidem Patri nostro, ut omnibus notum est, et fideliter servivit et intime complacuit, cum post

A obitum ejus episcopales curtes more solito circuit, in villam quæ Eckershuson [al., Aschgereshusen] dicitur devenit, et in domum quamdam ad prandendum divertens, puerulum misera languoris infirmitate detentum invenit, qui tunc per aliquot hebdomadas, omni membrorum officio destitutus jacebat, et ad exitum dietim, ut omnibus videbatur appropinquabat. Quem idem presbyter, sicut semper erat super talibus miserans, lacrymando diutius intuebatur, languorisque tempus et eventum ex familia sciscitabatur. Quod ut agnovit, flenti matri, ut ad tumulum sancti pontificis candelas juxta pueri mensuras promitteret persuasit : quod et ipsa statim libentissime fecit. Sed cum pauper illa ceram ad talia non haberet ipse ex lino [lychnum] lumen parari præcepit, et puerum per singula membra metiri fecit ut certe mensuram secum deferret, et per se præstita cera candelas pro ægrotante ad beati viri memoriam offerret. Quo facto, ad prandium consederunt, et quasi obliato puero, alia quædam inter se fabulari cæperunt. Interim vero puer mira celeritate quasi ex morte revixit, et in lecto cunctis admirantibus resedit, et vocata matre de stratu prorepsit, et refectionem petiit, et eodem momento percepit, et postea pro beati viri meritis incolumis permansit.

56. Erat etiam in nostra congregatione juvenis quidam ex laico conversus, Desiderius nomine, et eodem beato viro jubente in clero tonsoratus, et usque ad diaconatus ordinem promotus : et quia plenum officium cantando et legendo cum fratribus frequentare non potuit, eum, ne penitus vacaret, cum custodiis ecclesiæ ministrare præcepit. Tempore autem Azelini nostri præsulis (73), post miserabile incendium nostri monasterii, dum idem frater noster infra festivos dies Nativitatis Domini, quadam vespera in scholis cum pueris sermocinando consedit, subita cæcitate miserabiliter percussus cecidit, et alia etiam infirmitate concrecente longo tempore decubuit. Quadragesimali vero tempore, cæcitate durante, ex infirmitate convaluit, et ecclesiam debito more frequentans ad pontificale sepulcrum spe sanandi sæpius prostratus procubuit, et contigit quadam feria ante Pascha, certe in Kalendis Aprilis, quando celebramus adventum reliquiarum sanctorum Cantianorum (74) martyrum, dum in matutinis ibidem procumberet, illico quasi pruriente dextro oculo et durius manu confricato, sanguis non modicus prorupit, et statim in eodem oculo visum recepit, pro qua clementia divina pietas ab omnibus in commune laudabatur, et pro reliquo solita miserationis Domini potentia expectabatur. Post Pascha vero in anniversario die sancti Patris nostri, cum in ejus memoria missa pro defunctis ab episcopo celebrata est, tempore oblationum coram clero et

(73) Bamberg., reverendi pontificis nostri *Wecelini*.

(74) Sic dicti sunt SS. Cantius, Cantianus et Cantianilius, qui cum Proto pædagogo suo passi

dicuntur Aquilegiæ pridie Kalend. Junii. Eorum passionis Historia tribuitur sancto Ambrosio apud Morbritium. Alia ex antiquo codice ms. C. V. Ulrici Obrechtii edita est in Appendice liturgiæ Gallicanæ.

populo quasi infirmatus corruit, et prærumpente illico sanguine ex oculis et naribus, et etiam auribus, aperto oculo visum liquido percepit. Missali denique officio peracto, episcopus habito sermone clerum et populum ad laudes debitas Deo persolvendas admonuit, et profusis unanimiter lacrymis, Deum pariter et ipse laudavit. Qui frater eodem momento [*al.*, die], Deo gratias, penitus convaluit, et post hæc in promissa professione usque in finem fideliter permansit.

57. Plurima igitur beati pastoris nostri præconia, ea solummodo quam præmisimus ratione, præterimus, quæ per divinam clementiam ab initio usque adhuc gloriose fieri sæpius sentimus. Nec tamen illud reticebimus quod, tota sancta Dei Ecclesia

A teste, verum esse novimus, quia plures plerumque ad sepulcrum ejus cum oblationibus gaudentes adveniunt, qui sese suosque a variis tribulationibus vel infirmitatibus celeri subventionem, per virtutum ejus merita liberatos publice referunt. Namque ut alicui aliquid incommoditatis, vel molestiæ occurrerit, statim cum ad sancti hujus Patris memoriam, vel absens oblationis suæ votum ubicunque quæmque consolationem in vera fide sperans obsecrat, celerius eam meritis ejus suffragantibus impetrat, [per eum, qui omnia operatur in omnibus, Dominum nostrum Jesum Christum, qui cum Patre et Spiritu sancto vivit et regnat in sæcula sæculorum. Amen.]

MIRACULA DECEM A S. GODEHARDO FACTA, DUM ADHUC ESSET
ABBAS.

I. *De quodam febricitante, quem sanavit in Bavaria.*

58. Joannes quidam civis Pataviensis febris incommodo vexabatur per longa tempora. Contigit autem ut sanctus Pater Godehardus adhuc abbas in suo monasterio Altach, pro negotio dicti sui monasterii Pataviam adveniret, et infirmus ille, ipsius cognita præsentia, fratrem suum misit ad eum, rogans, ut ipsum causa Dei visitare dignaretur: quod et fecit. Visis autem ipsius in quibus decubuit febris, ingemuit, et ait: « O pater Adam, quis te tam celeriter excæcavit, ut mandatis Dei creatoris tui contrares, et tot malis nos omnes peccato tuo subjiceres! Ecce post hæc, quæ temporaliter hic patimur, nisi mandata ejus servaverimus, æternaliter pati formidamus; et erit hoc malum temporale initium nobis malorum æternorum. » Hoc autem cum dixisset, accipiens scyphum quemdam, et vinum in eum fundens, signo crucis signatum benedixit, et tradidit viro decumbenti, dicens: « Bibe, frater, in nomine Domini nostri Jesu Christi, et in eo confortare. » Qui bibit confidens in Dei clementia et sancti viri meritis; illico surrexit ab omni febris incommodo penitus liberatus, et ivit ad ecclesiam Sancti Stephani laudans Deum.

II. *De quodam monacho, quem precibus suis a febre acutissima liberavit.*

59. Vir sanctus Godehardus monachum quemdam de monasterio suo Altach ad monasterium Herveldense secum duxit; qui post ibidem februm molestia decumbebat. Hunc sanctus Pater consolationis gratia frequenter visitavit. Quodam autem tempore dixit infirmo: « Frater mi, quomodo habes? » Et infirmus ait: « Ecce, Pater, februm molestia nimium me vexat, ita ut vita quasi nulla amodo sit in me. » Et ait ei vir sanctus: « Dominus noster Jesus Christus majora pro nobis passus est, quam hæc februm tuarum possunt esse incommoda. » Cui decumbens ait: « Scio, Pater mi, scio quod multo graviora pro nobis passus est ad mortis amaritudinem tormen-

B ta. » Et ait sanctus Godehardus: « In nomine Jesu Christi, qui graviora pro nobis sustinuit, surge; et in fratrum tuorum collegio psallens benedic eum, qui te suo sanguine abluit, et redemit. » Et infirmus ait: « Surgam in nomine Jesu Christi, et ibo ad patrem meum, qui et Pater Domini mei Jesu Christi, et dicam ei: Jam non sum dignus vocari filius tuus (*Matth.* xv, 19), sed fac mecum misericordiam tuam, quasi cum servo tuo (*Psal.* cxviii, 12), sed a via tua deviante, et ad te clementer suscipe revertentem. » Et inter hæc verba surrexit, et ad chorum ivit, et omnibus admirantibus, cum astantibus laudans Deum et cantans, benedixit.

III. *De quadam juvencula a molestia februm liberata.*

60. Juvencula quædam in oppido Teckendorff, in territorio Bavariensi, cum februm molestia nimium gravaretur, astabant ei quædam honestæ femine, referentes ei qualiter prædictus in Patavia meritis beati Godehardi post haustum vini per eum benedicti, a februm rigore fuerat liberatus. Quibus auditis, dixit infirma patri suo: « O mi dilecte pater, rogo te per Jesum Christum ut mittas ad sanctum virum Godehardum, petendo eum ut benedicat parum vini in cupha, vel scypho suo, et mittat ad me ut bibam ex eo, ut alleviet a fervore februm quibus incessanter affligor atque uror. » Pater autem his auditis, misit ut voluit, et vinum benedictum accepit a sancto Godehardo, quod juvencula bibit infirma in nomine Jesu Christi, et subito sanata est, et surrexit laudans Deum, qui meritis sancti Godehardi eam clementer a vi februm liberavit.

IV. *De quodam scholare sanato a simili februm molestia.*

61. Servus Dei Godehardus, quia erat ex corde misericors, et super afflictos pia gestabat viscera, infirmorum sive decumbentium, vel per se, aut per alios semper visitavit domicilia. Contigit autem quodam tempore, cum adhuc in abbazia Altahensi præsideret, quemdam scholarem cujusdam viduæ

pauperis febrium molestia graviter infirmari, quem pietate solita sæpius visitavit, cui et quodam tempore dixit: « Fili, viriliter age, sustinens flagella Domini, ac confortetur in eo cor tuum. Ipse enim est qui percutit et medetur, atque sanat, suos castigans electos, ne morti tradantur sempiternæ. » Et juvenis ait: « Quæ est fortitudo mea, ut hæc gravia sustineam et patienter agam. » Et Pater sanctus ait: « Confide, fili, sciens quod non sunt condignæ passionæ hujus temporis ad futuram gloriam quæ revelabitur in nobis (Rom. VIII, 18); et libenter gloriari velis cum Apostolo in infirmitatibus tuis, ut in te sicut in eo habet virtus Christi, nam virtus in infirmitate perficitur (II Cor. XII, 9). » Cui infirmus ait: « Peto, sancte Pater, ut Deum pro me misero suppliciter exores. » At Pater sanctus, pomum in manu habens, quod forsan secum tulerat, aut juxta lectum infirmi invenerat, benedixit, et dedit infirmo dicens: « Accipe, fili, et manduca pomum, in nomine Jesu Christi: et, si est voluntas ejus, de lecto surge sanus; sin autem, maneat hæc infirmitas tibi, et patienter age ut a Deo præmium vite æternæ, in quo æterna est sanitas, valeas promereri. » Comedit ille, et surrexit sanus laudans Deum.

V. *De juvene submerso, meritis sancti Godehardi resuscitato.*

62. Juvenis quidam de castro Stauwenborch in Bavaria, prope Danubium fluvium pertransire volens, procellisævam subvertentibus, mergitur in flumen; ubi plusquam tribus horis remansit incognitus. Tandem corpus examine ad littus ejicitur, et mortuus ad domum parentum deportatur. Lacrymantur proximi, et gemunt affines ob mortem tam subitam juvenis tam famosi. Sanctus autem abbas Godehardus casu transiens locum illum, et audiens voces ululantium, ait: « O mors, quam amara est memoria tua homini! (Eccli. XLI, 1) Quam subito et inopinately exstinguis! quæ et peccatoribus es pessima, justis autem nimis desiderabilis atque pretiosa. » Cum autem hæc et his similia diceret, venit mater misera juvenis, et ad pedes procidit viri sancti, dicens: « Domine, si quid potes apud Deum, miserere mei, et resuscita filium meum. » Cui sanctus Pater: « Crede mihi, mulier, ut verum est et experientia docet quotidiana, omnes subjacemus mortis imperio, ideoque beati mortui qui in Domino moriuntur (Apoc. XIV, 13). Mors enim omnes qui in mundo vivunt, non uno, sed quasi mille modis sternit. Beatus qui vigilat (Apoc. XVI, 15), et in adventu præmunitur. » Et iterum mulier ait voce lacrymosa: « En filius meus unicus et dilectus in flumine suffocatus interiit subito; huic timeo damnationem, quia mundanus erat nimis. Rogo igitur, pie Pater, si quid potes apud Deum, resuscita filium meum, ut tantum sua confiteamur delicta, et sanctis Ecclesiæ sacramentis muniatur, et post, si Deo placet, in pace feliciter requiescat. » Cui vir sanctus, Salvatoris utens verbis, ait: « O mulier,

magna est fides tua (Matth. xv, 28), fiat tibi sicut petiisti. » Et transiens cum ea ad cadaver in libitina jacens, et tenens manum ejus, dixit: « Adolescens, tibi dico, surge. » Et juvenis surrexit incolumis atque sanus; et sanctum virum petiit ut causa Dei confessionem ejus audiret, et pro peccatis suis sibi injungeret pœnitentiam salutarem; et annuit sanctus Pater petitioni ejus, et audita confessione ejus, sacris Ecclesiæ sacramentis eum præmunivit. Quo facto, juvenis ait: « Jube me, sancte Pater, nunc iterum in pace quiescere, quod mundum nimis horreo, qui suos amatores mittit in gehennam, cujus pœnam gravissimam ex parte sum expertus. » Et vir Dei ait: « Dormi, fili mi, et quiesce feliciter in pace Jesu Christi. » Et ille respondit: « Amen. » Et inclinato capite, in gratia Dei feliciter obdormivit. Felix autem mater ejus; his auditis et cognitis, semota prorsus omni tristitia, cum gaudio corpus filii ecclesiastico more tradidit sepulturæ, ac Deo, devotione quanta potuit, animam ipsius lætissime commendavit.

VI. *De muliere in partu laborante, et orationibus sancti a dolore partus liberata.*

63. Sanctus Pater Godehardus, dum in cella sua post vigilias matutinas orationis causa resideret, contigit ut quædam mulier habitans in confinibus monasterii, partu laborando cruciaretur; cui compatiens vir sanctus, terræ procumbens orationi se dedit, dicens: « O Domine Deus omnipotens, adjuva plasma tuum, miserere filiæ Evæ in matris suæ maledicto laborante. » Et illico, modo quodam inopinately, mulier conticuit, quia peperit filium. Quæ postea odbormiens, ei revelatum est quod precibus sancti Godehardi a dolore partus sit liberata. Quæ gratias egit Deo, qui eam sancti viri meritis tam clementer visitavit; filium autem suum Godehardum vocari fecit, et in puerili ætate eum tradidit sancto viro regularibus disciplinis imbuedum. Hac igitur de causa mulieres religionis illius, in dolore partus sancti Godehardi patrocinium consueverunt invocare, et multæ petitionis suæ sentiebant effectum adoptivum.

VII. *De quodam quem in via socium habebat, qui cadens crus fregit, sed sanctus vir subito eum sanavit.*

64. Cum sanctus Godehardus pro negotio forsitan sui monasterii ad Romanam iret curiam, habens aliquos de suis monachis secum in suo comitatu, inter quos quidam cæteris senior, Erkenfridus nomine, incaute procedens, dum montem, qui Godehardi dicitur, ascenderet, equus cum eo cecidit, et crus ejus dextrum ex toto confregit. Qui gemens cum lacrymis ait, contra sanctum Dei murmurando: « Utquid, Pater, me duxisti ad montis istius præcipitium ut me interficeres? » Cui sanctus Pater ait: « Scio, fili mi dilecte, quod invite mecum iter hoc cœpisti, et infra te ipsum murmurando mihi detraxisti. Ideo tunc reddita est tibi merces tua. Pœnitere igitur, et ora Deum ut dimittat tibi offensam hanc, ut saneris. »

Qui ait : « Adjuva, Pater, infirmitatem meam, et remitte mihi quod deliqui contra te ; et cruciet me flagellum Dei, quantum libet. » Vir autem Dei, audita ejus devotione, tetigit confractum os cruris ejus, et ait : « Sanat te, frater, Dominus Jesus Christus ; et tu in nomine ejus surge, ut ambulemus. » Qui surrexit ex toto sanus, et ultra profectus cum eo idem postmodum secutus est eum Hildenesheim, et mansit apud eum usque ad diem mortis suæ. VIII. *De muliere cæca, quam ipse illuminavit cum Deo.*

65. Contigit quadam vice, ut sanctus Godehardus pertransiret oppidum Strawigen [Stravubingen] diocesis Ratisbonensis, et obiit ei quædam cæca mulier mendica ostiatim quærens panem, quæ forsitan equorum nitebatur declinare strepitum, et in lapide lædens pedem, cecidit graviter nimis. Sanctus autem Godehardus, hoc viso, subito descendit de equo, et accurrens amplexando eam relevavit, et, quantum potuit, luti sorditiem de mantello mulierculæ tersit diligenter, et ait : « Quare cecidisti, mater ? » Et illa dixit : « Cæca sum, amice, et ideo offendicula viarum cavere non valeo, nec possum devitare. » Sanctus autem Pater sibi ex corde compatiens, ait : « O mi Deus meus, quot sunt in terra convicia et gravamina tui plasmatis ! Bene ergo dicitur : « Væ, væ, væ habitantibus in terra (Apoc. viii, 13). » Et cum dixisset, lutum cum sputo miscuit, more nostri Salvatoris (Joan. ix, 6), et linivit oculos ejus, dicens : « O Domine Jesu Christe, qui in conspectu discipulorum tuorum lutum ex sputo fecisti, linivistique oculos cæci cujusdam, et vidit ; illumina etiam oculos hujus pauperculæ tuæ, ut conflatur nomini tuo, et gloriatur in prædigna laude tua (Psal. cv, 47). » Illis sic actis et dictis mulier cæpit sanctum virum intueri, ceciditque ad pedes ejus, dicens : « Viderunt oculi mei salutare Dei : » et prona osculabatur pedes ejus ; et ivit ad propria, laudans Deum pro virtutibus et meritis sancti viri.

IX. *De obsessa sanata meritis sancti Godehardi.*

66. In civitate Ratisbona, quodam tempore, sanctus Godehardus morabatur pro negotio forsitan sui monasterii : ubi quædam obsessa a dæmonio ad eum ducebatur, ut sanaretur ab eo. Quam vir Dei inspiciens, ait : « Responde mihi, immunde spiritus, ad ea quæ a te quero. Quid hic agis in creatura Dei ? » At dæmon ait : « Pleno jure est anima ipsius mea, quod incantatrix est, et per eam multas animas lucratus sum. » Et ait vir sanctus : « Quare propter incantationem tua est ? » Et dæmon ait : « Nonne legisti quia Dominus Pythones, divinos et incantatores jussit exterminari ? Quid enim tales faciunt, nisi quod mihi meisque principibus deserviunt, idololatricæ enim sunt ; vix etiam aliquos tanto jure possidere possumus, quanto hujusmodi vitii irretitos. Nunquid ignoras, quod inter mille incantatrices aut divinos, vix una invenitur, quæ vel qui velit hoc vitium confiteri ? sic enim ora ipsorum claudimus, ut de talibus loqui nihil valeant quovis modo. » Et ait vir sanctus :

A « Scio, quia magna est malitia tua et tuorum similium ; nec tamen dubito, quod major bonitas Dei est et clementia. Ergo, immunde spiritus, da honorem Deo, et recede ab hac creatura ejus, ut redeat ad gratiam, quam tu ab ea abstulisti. » Et dæmon ait : « Cur me in tantam agis violentiam ? Quid feci tibi, aut quid habes contra me ? » Et ille ait : « Audi, proterve et immunde spiritus : In illa æterna patria, de qua tu superbiens cecidisti, tanta mihi erit lætitia de bono communi, ut de meo proprio, imo et multo major : et ideo hic dolore convenit de malo alieno multo fortius quam de malo proprio. Per hoc enim vitam æternam promerebor. Habeo ergo contra te justam causam quod minus juste possides, et punis sororem meam, plasma Dei creatoris tui. Non enim, ut asseris, ago tibi violentiam ; sed pro gloria Dei et amore plasmatis ejus, pro quo Unigenitus ejus sanguinem suum fundens, amarissimam mortem sustinuit, contra te non pugil, sed victor gloriosus [decerto]. Ergo, tibi præcipio, superbe et immunde spiritus, in nomine Jesu Christi recede ab ea, et non præsumas amodo creaturam Dei molestare. » Et sic spiritus ille malignus abscessit, et mulier ut mortua cecidit. Sed vir sanctus subito eam erexit : erecta vero publice vitium incantationis, quod dum multoties perfecerat, cum lacrymis est confessa ; quam et vir sanctus absolvit virtute passionis Jesu Christi.

X. *De puero multum hebetè, quem oratione sua docilem fecit.*

C 67. In civitate Patavia erat quidam civis dives valde, qui habuit filium quem tenerrime dilexit : qui puer adeo hebes erat, ut in tribus annis non potuit efficere ut diceret minus alphabetum. Unde pater ejus sanctus Godehardus adiit, retulitque ei duritiam cordis filii sui, petens obnixius ut pro eo suppliciter orare dignetur, quatenus Deus omnipotens eum illuminare dignaretur. Sanctus vero Godehardus, vocato ad se puero, super eum legit quæ sequuntur : « Omnis sapientia a Domino Deo est (Eccli. i, 1) ; » cum collecta : « Deus qui per cœternam tibi Sapientiam, hominem cum non esset condidisti, » etc. Et addidit : « Vade, fili ; et ille magistrorum optimus, qui subito docuit apostolos, te instruat, et in via recta ad agnitionem perducat clariorem. » Qui puer ita mutatus est, ut in brevi tempore omnes suos consanguineos, et omnes sibi cœtaneos, imo seniores atque doctiores se sapientiæ plenitudine anteiret. Qui postea, propter intellectus et sapientiæ profunditatem, in episcopum Pataviensem est electus atque ordinatus ; unde sibi et subditis pro animarum salute instantissimè laboravit.

Sequens miraculum factum est, cum esset episcopus.

De mortuis, qui ad præceptum sancti præsulis surrexerunt de sepulcris, exeuntes de ecclesia, quia excommunicati, quod vivi facere noluerunt.

68. Accidit ut sanctus præsul Godehardus quodam de suis subditis, ob eorum rebellionem, post

monitiones consuetas excommunicaret; quorum aliqui malitiæ suæ veneno excitati, ipso celebrante, ecclesiam intraverunt arroganter et proterve. Quo cognito, se divertit ab altari, dicens: « Præcipio vobis omnibus, qui estis excommunicati, in virtute Spiritus sancti et sanctæ obedientiæ ut exeatis de ecclesia. » Rebelles autem et excommunicati hoc præceptum non curantes persisterunt, remanentes in ecclesia. Sed quidam de mortuis, qui multis annis quieverant in monumentis, qui et forsân, ignorantibus eis qui eos sepelierunt, in excommunicatione (75) sepulti fuerant, surrexerunt et de ecclesia exierunt. Quod videntes illi rebelles erubuerunt, et post mortuos exierunt. Sanctus autem præsul, finita missa, ad eos exiens, dixit: « Audi-

te, rebelles et increduli, et videte justum Dei iudicium contra vos. Ecce mortui Dei in suo vicario obediunt, vos autem superbo referti spiritu obedire contempsistis. Surgent igitur mortui isti contra vos in iudicio et sententiam damnationis allegabunt contra vos, nisi plenam et condignam penitentiam egeritis. » Et, his dictis, convertit se ad mortuos, dicens: « Ego vos, fratres, auctoritate Domini nostri Jesu Christi absolvo a sententia excommunicationis, qua huc usque fueratis innodati, in nomine Patris et Filii et Spiritus sancti. Amen. Ite, revertimini ad loca, et in pace requiescite, adventum Iudicis præstolantes. » Mortui autem, inclinatis capitibus et junctis manibus, quasi gratias agentes ad loca sua remeaverunt et quieverunt.

CANONIZATIO ET TRANSLATIO S. GODEHARDI.

Quomodo beatus Godehardus in sanctorum numerum sit relatus, et de miraculis subsequentibus.

1. Gloria summo Creatori, et humani generis reparatori, qui non nostris meritis, sed sua immensa bonitate dignatus est confessorem suum beatum Godehardum pontificem ad salutem omnium credentium hominibus nostri temporis revelare, et eum qui pro longinquitate temporis, jam quadam nube oblivionis obfuscatus fuerat, ut tandem ab incolis nostræ Ecclesiæ veneretur, voluit nationibus diversarum terrarum manifestare, ut gloria ipsius non tantum ad domesticos fidei attingeret, sed etiam in exteris nationes se dilataret. Qualiter autem et quo ordine translatio prædicti confessoris nostri facta fuerit, non turgido eloquio vel nitens grandi cothurno, sed simplici stylo aggredior describere: non confisus ingenii mei igniculo, sed illo evangelico dicto: « Aperi os tuum, et ego adimplebo illud (*Psal. lxxx*); » et iterum: « Non vos estis, qui loquimini; sed Spiritus Patris mei, qui loquitur in vobis (*Matth. x*). » Per scripturas enim res præteritæ, et brevi tempore in oblivionem tradendæ ad memoriam revocantur; et per res virtuose in Ecclesia gestas, cum leguntur, fideles accenduntur, et torpores mentium disoutiuntur.

2. Anno Dominicæ Incarnationis 1128 (76), obitus vero beato Godehardi nonagesimo, Bertholdus (77) vir venerandus, et in omni ecclesiastica religione perspicuus, utpote scientia litterali admodum eruditus, et morum honestate valde deco-

(75) Similem historiam refert S. Gregorius, lib. II. *Dialogorum*, cap. 23, ubi sanctimonialia a B. P. Benedicto excommunicatæ, ab ecclesia in qua sepultæ fuerant, videbantur exire, quoties diaconus in missa clamabat: *Si quis non communicat, det locum*. Sed tandem oblatione S. Patris absolutæ fuerunt.

(76) Ex hoc loco etiam probatur beatum Gode-

ratus, cathedræ nostræ ecclesiæ præsidebat, quam discrete gubernando, et religiosos viros undique ex diversis ecclesiis ad se colligendo, adeo sublimavit ut diversas cellas suis temporibus ædificaret, et in spiritali conversatione dulci adhortatione confirmaret. Quo residente in communi conventu cleri sibi commissi, et de populi Ecclesiæ nostræ utilitate, uti mos ejus erat, semper pertractante, Deo faciente, uti post effectus indicavit, ex improvise sermo de patrono nostro beato scilicet Godehardo exoritur; item atque item a pluribus replicatur, conquerentibus et condolentibus se tam misericordem habere patronum, et condignum sibi in Ecclesia Dei non exhibere honorem. Nam quantam misericordiam et quam manifestam gratiam prædictus confessor fratribus nostris suis meritis apud Deum obtinuerit, ab ipsis viris auctorabilibus, in prædicto conventu existentibus omnibus manifestatur: per quod, mentes assidentium omnium non solum exhilarantur, sed qualiter laudes ipsius in Ecclesia Dei multiplicentur, unanimiter omnes accenduntur.

3. Prædictus enim antistes noster Bertholdus privatam gratiam, sibi a patrono nostro concessam, omnibus assidentibus indicavit, et qualiter eum piium intercessorem apud Deum esse cognoverit non sine contritione cordis fratribus nostris enumeravit. Nam, tempore juventutis suæ, cum ipse inter cæteros adolescentes ludicris rebus esset intentus, con-

hardum anno 1038 obiisse. Si enim annos 90 alii 1038 addideris, annum 1128, quem hic auctor assignat, reperies.

(77) Bertholdus hanc sedem quindecim annis obtinuit, obiitque anno 1130. Erexit monasterium Bertholdirodense pro canonicis regularibus non longe ab urbe Hildeshemio, quod postea Cisterciensibus cessit.

titigit ut ipse in suburbio nostræ civitatis quemdam laicum non voluntarie lancea perforaret, et eum quasi mortuum ad terram posterneret : qui quasi semivivus domum deducitur, lecto affigitur et usque ad mortem periclitatur. Sed præfatus antistes noster dolens et mœrens in diversa rapitur, se sacris ordinibus quasi homicidam esse repellendum angustatur, et ita in diversas cogitationes animus ipsius invitatur. Tandem nutans quasi navis deprehensa in fluctibus maris, ad patronum nostrum beatum Godehardum ut ad portum tutum se dirigit, spem suam in eum quasi anchoram in firmum littus infligit, ut ab imminente anxietate eum eriperet, corde contrito et humiliato spiritu postulavit. Sed vir vulneratus, dum jam esset in agone positus, ipse fide firmus, ad sepulcrum sancti patroni nostri se prostravit, totamque noctem in oratione pernoctavit, et magis rugitu cordis quam propalatione vocis misericordiam imploravit. Sed tandem prope termino noctis vigiliis defatigatus, et dolore conturbatus, quietem intrare compellitur. In qua ei et statura et forma patroni nostri in visione (78) quantum tamen quam in hac vita viderat, certissime manifestatur. Nam, dum adhuc esset inter vigilias et adultam quietem, persona patroni nostri ei in visione apparuit, ut missarum solemnia celebrari faceret ei diligentissime indixit, et ut officium : « Ne timeas, Zacharia, exaudita est oratio tua (Luc. 1, 13), » decantari faceret, continuo adjunxit. His visis excitatus, orationes suas magis ac magis continuare instituit ; sed in via nuntium suscepit, qui certissime ægrum evasisse mortem nuntiavit. His auditis, corde et animo exhilaratus, Deum cœli benedixit, qui nobis talem patronum in ecclesia nostra reservavit.

4. Fuit vero tunc temporis in conventu nostro sacerdos quidam religiosus, Adelbertus nomine, qui regulari vita in cella beati Bartholomæi, quæ sita est in orientali plaga nostræ civitatis, vivebat. Qui cum audisset quæ præsul noster narravit, videns tempus idoneum, et ipse sibi gratiam a Domino collatam patrono nostro, omnibus intimavit. Dum enim ipse quadam nocte patrocinia sanctorum implorando, altaria nostræ circumiret ecclesiæ, tandem juxta sepulcrum beati confessoris se prostravit ; sed surgendo manu indiscrete tenendo sarcophagum ejus se sublevavit, illico pollex ejus de propria junctura emarcuit. Videns autem jam sese manu debilitatum, supplex et gemebundus se ad terram prostravit ; veniam et misericordiam a beato Godehardo postulavit. Ei statim in proprium locum sine mora et læsione pollex resiliit.

5. Audiens hæc magister quidam de monte Sancti Mauricii, Reinardus nomine, vir propectæ æta-

tis, et ipse manifestam gratiam patroni nostri expertus, cum opportunum videret, non eam subitavit, sed omnibus in conventu nostro existentibus evidenter patefecit, dicens : « Fuit enim puer quidam custodiæ ipsius addictus, in clericali arte erudiendus, qui epileptico morbo, quem vulgari nomine caducum appellant, adeo vexabatur ut quotidie sexies ad minus ad terram prosterneretur, et usque ad mortem nimia fatigatione periclitaretur, quadam die ad patrocinium beati confessoris nostri deducitur, sed in via bis ad terram prosternitur. Orationes ad tumbam ipsius pro eo funduntur ; eleemosynæ pauperibus largiuntur, et perfecte sanatus in domum ipsius regreditur. »

6. His tribus signis in communi conventu ab auctorabilibus viris recitatis, omnes hilari mente percipiunt, ipsum antistitem nostrum, quod voluntarie per se faceret : instigant, ut omnibus modis elaboraret, qualiter beatum pontificem nostrum Godehardum inter cæteros sanctos Dei canonizaret. Sed dum in rebus minimis, nedum in maximis, in quibus lætum exspectamus finem, divinum invocandum sit auxilium, placuit omnibus ut speciales ubique in Ecclesia nostra funderentur ad Deum pro hac causa preces, ne quid incassum vel inconsultum contra nutum Domini inciperemus, quod ad bonum effectum perducere non valeremus. Igitur statutum est ut omnes tam majores quam minores, finita matutinali hora, ad tumbam ipsius beati patroni nostri Godehardi convenirent, et sese humiliter ad terram prosternerent, et psalmum : *Benedixisti, Domine, terram tuam* (Psal. lxxxiv, 2), corde contrito et humiliato Domino decantarent. Statutumque est ut in singulis cœnobiis, in territorio nostræ Ecclesiæ constitutis, speciales pro eo fierent orationes et eleemosynarum largitiones ; quia impossibile est multarum non exaudiri voces orationum.

7. His ergo aliquanto tempore peractis, Ecclesia nostra nova tribulatione concutitur. Nam prædictus Pater noster, proh dolor ! nobis ex hac vita subtrahitur, et omnis Ecclesia nostra tanto pastore desolata conturbatur. Sed qui consolatur miseros in tribulatione sua, Deus, non permisit Ecclesiam suam in fluctibus hujus sæculi sine gubernatore diu fluctuare, sciens quia, ubi non est gubernator, corruet populus. Nam omnis Ecclesia nostra simul coadunata, Bernardum (79) summum præpositum, virum omni clericali scientia eruditum, et moribus optimis decoratum, communi consensu cleri et alacritate populi, reclamantem et omnibus modis renitentem, seque indignum vociferantem, in spiritualem pastorem elegit, et usque ad cathedram summi sacerdotii perduxit. His ita gestis, causa patroni nostri, quæ propter

(78) Boll. habet : *quam tamen nunquam viderat* : quod an rectius, incertum. Si enim Bertholdus octogenarius aut nonagenarius obierit, sanctum Godehardum adhuc viventem videre potuisset.

(79) Bernardus ab anno 1130 ad 1137 Ecclesiæ Hildesheimensi præfuit, cum tamen 9 annis ante

mortem cæcus factus fuisset, Brunonem Ecclesiæ suæ decanum coadjutorem habuit, qui postea ipsi in episcopatu successit. Quantum Ecclesiæ Hildesheimensi et ordini nostro profuerit, ex translatione sancti Godehardi, et monasterii Sancti Godehardi erectione facile est judicare.

tribulationes nostras jam aliquantulum deciderat, redintegratur, et quo ordine ad effectum perduceretur ab omnibus elaboratur.

8. Sed cum canonica censura, propter illusiones dæmonum, quæ frequenter in Ecclesia Dei in talibus contigerunt, statutum sit ne quis sine apostolica auctoritate, et vita ipsius per viros auctores approbata, canonizaretur, quod tamen in præcedentibus tum propter difficultatem, tum propter longinquitatem itineris, causam nostram valde retardaverat, factum est, Deo annuente, ut quod ante sine magna impensa ac summo labore non poterat ad affectum perducere, id nobis quasi ante ostium inopinate deferretur. Nam in Leodicensem civitatem curia indicta est, ubi Innocentius papa cum Romana Ecclesia, et magna parte Galliarum, cum Lothario rege et fere universis episcopis Teutonicæ regionis conveniunt, ut de violentia Romanæ Ecclesiæ per Petrum Leonis perpetrata, qui tum temporis papatum sibi violenter usurpavit, pertractarent, et qualiter illud idolum in templo Domini positum destruerent, elaborarent. Pactum igitur est ut ad Dominicam *Lætare Jerusalem* ad prædictam civitatem multi catholici viri, tam cum apostolico quam cum rege convenirent, et de communi statu Ecclesiæ pertractarent. Inter quos præses noster Bernardus cum majoribus nostræ Ecclesiæ assistens, videns opportunitatem ultro sibi collatam, ipsum apostolicum cum omni curia Romana aggreditur, vitæque pastoris nostri coram ipsis recitatur, et ut per eum in Ecclesia Dei canonizetur, devotissime preces funduntur.

9. Sed cum consuetudo sit Romanæ Ecclesiæ in generali concilio sanctos Dei canonizare, quod tunc temporis in Remensem civitatem in festo sancti Lucæ indictum fuerat, accepto consilio, petitionem Ecclesiæ nostræ usque in prædictum locum distulit, ibique diffiniturum certissime promisit. His ita gestis, antistes noster apostolica promissione animatus, lætus regreditur, et ab omnibus devotè suscipitur, et quæ sibi responsa sint, enarrantur. Tunc omnes audientes quæ per apostolicum promissa sunt, unanimiter lætantur, precesque apud pontificem nostrum devotissime funduntur, ne se tantæ promissioni subtrahat, sed licet laboriosum sit, ipse se tamen una cum majoribus Ecclesiæ nostræ ad indictam synodum præsentet. Jam dies advenerat in qua synodus universæ Ecclesiæ citramontanæ indicta fuerat. Tum vero præfatus antistes noster Bernardus, una cum metropolitano Magdeburgense Norberto (80), qui tunc temporis in Ecclesia Dei magni nominis fuerat, et majoribus Ecclesiæ nostræ, ad præfatam synodum iter instituit, et, Deo annuente, cum magna prosperitate et opportunitate ad Remensem locum pervenit. Ubi honorifice suscepti, dum jam synodus aliquot dies esset celebrata, antistes no-

ster Bernardus apostolicum Innocentium cum suis cardinalibus convenit, et de causa patroni nostri beati Godehardi usque eo induciata devotissime submonuit. Sed, Deo annuente et id faciente, omnes unanimes et concordés in sua petitione inventi, ut post ipsa res indicavit.

10. Nam postera die cum in synodo generali apostolicus resideret, nullo admonente, sed Deo faciente, apostolicus ad omnes luculentam orationem habuit, in qua disertissime petitionem nostræ Ecclesiæ de patrono nostro exposuit, et, ut assensum præberent, devotissime postulavit. His ita gestis, episcopus Tarraconensis (81) vir religiosus, et litterali scientia eruditus, quod ordine translatio fieri deberet, exposuit: scilicet si ea quæ dicebantur de patrono nostro, Ecclesia nostra per legitimos testes ac juramento comprobaret. His vero verbis apostolicus se interposuit, et a principibus terræ nostræ adeo in Leodicensi Ecclesia certificatum fuisse asseruit, ut non opus esset id secundo testificari, quod lucidius sole posset comprobari. Auditis autem quæ ab apostolico dicebantur, omnes unanimiter ut canonizetur assensum præbent, et ut laudes Domino persolvantur, admonent qui dignatur servos suos ab infirmitate hujus carnis eripere, et inter sanctos et electos suos collocare. Continuo *Te Deum laudamus* canitur; laus omnipotentis Deo persolvitur, et sic demum coadunata synodus terminatur. Tum vero antistes noster, munitus apostolicis litteris, ad nos usque regreditur, et a clero et populo benigne suscipitur, litteræque apostolicæ reserantur. Quibus recitatis, Deo laudes persolvuntur. Tenor vero apostolicæ concessionis sequitur in hæc verba:

11. INNOCENTIUS episcopus, servus servorum Dei, dilectis filiis, clero et populo Hildenesheimensi salutem et apostolicam benedictionem.

Veniens ad nos venerabilis frater noster Bernardus episcopus vester, in plenaria synodo, quæ Remis per Dei gratiam fuerat congregata, attestatione fratrum nostrorum episcoporum, et abbatum, et aliorum qui secum venerant, sanctæ memoriæ Godehardum episcopum vestrum laudabiliter vixisse in mundo, et tam in vita quam post mortem multis miraculis coruscasse asseruit. Unde nos cum fratribus nostris omnipotentis Deo gratias referentes, habito eorum consilio et collaudatione, quia eundem in cælis cum sanctis credimus coronari, ipsum inter sanctos honorari præcipimus: mandantes vobis ut et eidem beato viro solemniter in vestra Ecclesia statuatis, et ad eam annuatim convenire curetis.

Data Remis iv Kalendas Novembris.

12. Sed quia tunc hibernum tempus imminabat, nec ad tantum negotium se expedire valebat, visum est congruum, quæ per apostolicum concessa sunt catholicis et religiosis viris nuntiari, et ipsam trans-

(80) Hic est celebris Norbertus Præmonstratensis ordinis institutor.

(81) Michaellem appellat Henschenius in notis ad hunc locum.

lationem usque in quartum Nonas Maii differri. Et jam tempus advenerat, cum tam celebris rumor, scilicet de translatione tanti patroni, in nostram civitatem plures tam religiosos quam promiscui sexus homines coadunabat. His visis, consilium in communi conventu capitur, qualiter caute, sine turbatione transferatur, ne aliquod scandalum ecclesie nostrae inde oriatur. Nam fuere quidam religiosi viri admodum timentes, propter longinquitatem temporis, vel corpus non inveniri, vel nullum indicium sanctitatis reperiri. Sed tandem post multas disceptationes in hoc omnes conveniunt ut, remota multitudine, ante matutinales horas omnes conveniant, et sic tumbam, in qua positus fuerat, cum omni devotione aperiant. Medie ergo notis tempore antistes noster, una cum religiosis viris tam monachis quam regularibus sibi coadunatis, cum magno timore ac tremore cryptam nostrae ecclesie subiit, et sarcophagum, in quo positus fuerat noster patronus, aperiri precepit, ipseque cum caeteris fidelibus orationibus interea devotissime institit; sed ubi summus labor in frangendo sarcophago antea visus fuerat, jam, Deo faciente, illico se aperiebat, et aditum facillimum ad corpus prebebat. Tum vero aperto sarcophago, quantas lacrymas astantium aspiceres, quos singultus audires, quam spiritualement dispositionem corporis ipsius prospiceres, quis vel sermone, vel stylo exprimere valeat? Quid plura? divinus quidam et incognitus odor fragrabat, qui quosdam astantes, quasi quadam spiritali dulcedine refocillabat, et in perfecta fide sanctitatis ipsius eos corroborabat. Tum vero videres omnes sese humiliter excusare, seque esse indignos tanti patroni corpus attingere, cum noverint vitam suam longe ab ejus sanctitate discordare. Tandem, omnibus cunctantibus et longam moram facientibus, per fratrem nostrum prepositum Bertholdum corpus sublevatur, et propter multitudinem populi, quae ad tantam rem videndam convenerat, in secretum sacrarii nostri deportatur.

13. Sed haec hactenus dicta sufficiant qualiter sit beatus Godehardus translatus. Nunc superest charitati vestrae intimare qualiter per eum mundus sit illuminatus, et usque ad remotissimas gentes et paganissimas exaltatus. Nam ex longinquitate temporis merita vitae ipsius fuerunt pene abolita et paucis tantummodo cognita, quae per translationem corporis ipsius evidentissime omnibus sunt manifestata. Tot enim Dominus per eum fecit miracula, ut nec lingua valeant exprimi vel scriptura. Ea autem quae sunt notiora et manifestiora aggredior describere, ut in eis posteritas de patrocinio tanti Patris possit confidere. Nam ipsa die translationis, cum corpus ipsius usque ad montem Sancti Mauricii cum

A magna reverentia cleri et populi deferretur, contigit quemdam in flumen (82), quod praeterfluit civitatem nostram, incidisse, et longo tempore sub undis morantem omnino exspirasse. Hic dum corpus patroni nostri ad eum appropiat, vitae priori restituitur, et, Domino opitulante, sanus et incolumis a terra sublevatur. Qui postea per multa tempora in famulatu patroni nostri apparuit, et pro vita restituta non ingratus Deo exstitit.

14. His vero auditis, ecclesia nostra non statim et indiscrete acquievit, sed aliud certius et manifestius miraculum humiliter expectavit. Postera vero die, cum dies anniversarius patroni nostri illuxisset, finita missa et horis constitutis, mulier quaedam muta, habens filium privatum lumine, subito quasi in exstasim rapitur, ac per horam parvam in terra volutatur. Transacto vero aliquanto tempore, matri lingua reseratur, lumen puero restituitur: et manifestum esse miraculum omnibus comprobatur. Nam fuere in civitate nostra tunc temporis quidam viri auctorabiles de Corbeia (83), ipsius mulieris comprovinciales, qui eam cognoverunt et verissime eam mutam filiumque ejus lumine privatum longo tempore fuisse nuntiaverunt. His auditis, [in] ecclesia nostra tam clerus quam populus in unum coadunantur, laudes Creatori persolvunt, qui novit electos suos ab omni ambiguitate absolvere, et in perfecta fide solidare. Signa enim debentur infidelibus non fidelibus, ut per miracula et inusitata confirmetur in his quae a sensibus nostris et memoria sunt remota.

15. Vix laudes de miraculo praedicto Deo persolvuntur, cum claudus quidam, qui longo tempore contractus fuerat, se subito erigebat, et pedem firmo gressu terrae affigebat. Sicque factum est ut ipsa die anniversarii patroni nostri infra basilicam nostram quinque miracula contingerent, quae omnibus manifesta fuisse apparent. Caecus enim videt, mater ipsius loquitur, claudi tres potestatem ambulandi receperunt. His ita gestis, rumor et fama patroni nostri propter frequentiam multitudinis, quae ad translationem tanti viri convenerat, magis et magis innotuit, et sese in omnes comprovinciales terras dilatavit. Unde factum est ut tanta multitudo hominum patrocinia pastoris nostri implorantium in civitatem nostram conflueret, quantam nullus hominum nec antea in ecclesia nostra vidit, nec, ut arbitror, deinceps videbit. Nam omnes habentes infirmos, languidos, claudos, surdos et mutos, nec non et daemniacos, vel quovis morbo detentos usque ad patrocinium pastoris nostri pro recuperanda sanitate deferunt.

16. Contigit vero circa idem tempus, quod quidam viri auctorabiles de Thuringia (84) adveniunt,

(82) Ingra ab incolis dicitur, qui tribus circiter leucis infra Hildeshemium Leinae miscetur.

(83) Insigne monasterium Saxoniae, quod sancto Adhelardo suam originem debet, ut in ejusdem sancti Vita Saeculo IX.

(84) Thuringia amplissima olim regio, quae etiam Regni titulum habuit sub prima regum nostrorum stirpe: nunc valde imminuta, provincia est Germaniae in Saxonia superiori, quae diversis subest principibus.

qui suum pastorem una manu debilem secum ad A duxerunt. Hi ut patrocium beati Godehardi imploraverunt, illico sanitatem recepit, et manum debilem erexit. Quo facto, omnes unanimiter laudes Deo referabant, et in signum veritatis manum manui comparabant. Nam manum qua pastoralem virgam ante tenebat, rugosam et induratum invennerunt; alteram vero cum qua non laboraverat, candidam et mollem repererunt.

17. His ita gestis, matronæ quædam ab eadem terra usque ad nos pervenerunt, ducentes secum mutum longo tempore loqui non valentem. Quæ dum orationibus insisterent, ac pro ipso patrocium beati Godehardi implorarent, subito vinculum linguæ est ruptum, et officium ipsius per misericordiam Dei est restitutum.

18. Fuit vero tunc temporis Erpisdordiæ (85) viccedominus, habens pro misericordia Dei claudum, et pene omnibus membris debilitatum, eleemosynis suis addictum; quem, auditis miraculis, quæ per patronum nostrum fiebant, usque ad patrocium ipsius, in ecclesiam nostram direxit. Et sicut credidit, sic per misericordiam Dei recepit. Nam quem debilem et omnino incedere non valentem usque ad nos transmisit, Deo adjuvante, sanum et incolumem suscepit.

19. Fuit vero circa idem tempus in cella beatæ Paulinæ (86), multo tempore quidam claudus omnibus notus et manifestus. Hunc potens quidam de Thuringia per licentiam abbatis ad se recepit et quæ corpori necessaria fuerant pro misericordia C Domini ipsi erogavit. Hic ad patrocium beati Godehardi pervenit, et integritatem corporis percepit.

20. Fuit etiam tunc temporis in Thuringia puella quædam gibbosa, in dorso valde curvata. Hæc veniens ad patrocium beati Godehardi, per misericordiam Dei est erecta, et quod raro fieri solet, gibbo est omnino privata. Vir quidam ab eadem terra natus, per misericordiam Domini et beati Godehardi, ab eodem morbo est liberatus.

21. Iisdem vero temporibus fuit matrona quædam ab Hassia (87), omnibus comprovincialibus nota, et maximis infirmitatibus per multa tempora detenta. Hæc cum nihil jam præter mortem speraret, tandem patrocium beati Godehardi humiliter imploravit, seseque ad terram prostravit, et miro modo sanitatem recepit. Nam et in inguine ubi antea caro sana fuerat, subito se aperuit, et duos lapides tantæ magnitudinis, quantæ in humano corpore nemo prius viderat, subito emisit. Quo facto, unum secum in signum miraculi, usque ad patrocium beati Godehardi in ecclesiam nostram detulit; alterum vero in signum virtutis Dei domi reservavit.

22. Circa idem tempus contigit in Thuringia insi-

(85) Urbs Thuringiæ præcipua, celebrem habet academiam.

(85) Monasterium Thuringiæ a Paulina comitissa erectum sub Henrici IV imperatoris principatu, advocatis e monasterio Hirsaugiensi monachis: de

gna miraculum, et dignum memoriæ tradendum. Nam duo viri, proh dolor! mala societate conjuncti, furtum quoddam peregerunt, et pelles quidam subriperunt. Factum est ergo ut uterque caperetur et ad iudicium traheretur. Sed cum jam uterque convicti suspensio traderentur, alter ipsorum toto corde ingemuit, et, quod solum poterat, corde contrito et humiliato patrocium beati Godehardi imploravit; alter vero quasi desperans nulli petitioni institit, vel vocem compunctionis emisit. Factum est igitur ut uno fune colligarentur, et uno ramo suspenderentur. Quo facto, alter spiritum illico emisit; alter vero, qui patrocium beati Godehardi imploraverat, sine læsione et molestia pendit. Sed jam longo spatio horarum transacto, B ille cuius pelles fuerant propius accedens et videns alterum exspirasse, huic quem adhuc vivere putavit in hæc verba prorupit, quærebat enim si viveret, aut si vitam retinere potuisset. Ille vero sperans sibi adiutorium advenisse, confessus est et se vivere, et nullum dolorem sentire. Hoc audiens qui eum suspendi fecerat, magnam inhumanitatem ei intulit. Nam fune quo suspensus fuerat torto, firmo nisu ad terram corpus depressit, et sic scondilia colli se fracturum speravit. Quo facto, statim discessit, et omnem voluntatem suam se jam adimplere non dubitavit. Factum est autem post discessum eorum longo tempore, ut prædictus vir manus post tergum ligatas dissolveret, et pannum præ oculis ligatum dirumperet, et sic tandem funem quo suspensus fuerat confringeret. Ad terram vero prostratus videns se nullam lesionem habere in fugam se convertit, et silvam quæ vicina erat cum festinatione introivit. Hoc videntes quidam qui non remote discesserant eum admirantes prosequuntur, et rogantes eum silvam exire, et nihil nisi bene de eis sperare. Qui tandem adhortatione ipsorum confortatus, silvam exiit, et cum eis magnificans et glorificans Dominum usque ad ecclesiam pervenit. Hic postea ad patrocium beati Godehardi venit; et quæ sibi per misericordiam Dei et beati Godehardi contigerant, contestantibus civibus suis, qui plures una secum advenerant, nobis omnibus enarravit. Quot vero suspensos et jam in articulo mortis Deus per merita beati Godehardi liberaverit longum esset per singula describere: maxime cum funes quibus suspensi fuerant, omnibus in ecclesiam nostram adventantibus possint demonstrari.

23. Tunc temporis duæ mulieres de longinquo ad patrocium beati Godehardi venerunt, quæ gratiam sibi ab eo collatam devotissime nobis omnibus nar- raverunt. Nam altera post immensam infirmitatem, omnem appetitum cibi et potus amisit, adeo ut nec cibum nec potum intra duos menses sumpsent. Videns autem se vitam sic longo tempore non posse

hac consule Trihemium in Chronico Hirsaugiensi ad annum 1107, ubi primus abbas dicitur fuisse Gerungus monachus Hirsaugiensi.

(87) Hassia Germaniæ provincia ex circulo Rheni, cuius principes Lantgravii dicuntur.

retinere, misericordiam beati Godehardi imploravit, et pristinum statum recepit. Altera vero, cum longo tempore lumine esset privata, in via, in qua ad patrociniū beati Godehardi pergebat, est illuminata.

24. Fuit vero iisdem temporibus in Mindensi (88) episcopatu vir quidam dæmoniacus adeo obsessus ut vix plures eum retinerent, quin se ipsum interimeret et alios neci traderet. Hic tandem manibus post tergum ligatis et pedibus concatenatis, per parentes suos ad patrociniū beati Godehardi deducitur, ejusque auxilium ab omnibus humillime imploratur. Dominus vero suus, Hezelinus nomine, videns summam ejus vexationem ac maximam tribulationem, misertus ejus ipsum remisit, ac servum beato Godehardo tradidit. Quo facto, statim sanitatē recepit, et cum parentibus suis, solutis vinculis, integer et incolumis domum remeavit.

25. Sub eodem tempore venit in ecclesiam nostram vir quidam magnæ pœnitentiæ et austeritatis qui per multa tempora carnem suam vigiliis et jejuniis domaverat, adeo ut et lorica indutus ad carnem portaret. Hic cum devotē coram patrono nostro orationibus insisteret, multis vidētibus, per gratiam Dei, lorica quasi tela aranæe disrupta est, et usque ad terram dilapsa. O virum omni laude dignissimum, cujus meritis et vincula peccatorum disrumpuntur, et ligaturæ ferreæ dissolvuntur!

26. Habebat tunc temporis abbatissa de Wunstorf (89) claudum quemdam valde debilem, qui omnino os in genu amiserat, et crus in quamcunque partem volebat, quasi sine junctura vertebat. Tunc abbatissa, cum tanta miracula per patronum nostrum fieri perciperet, secum prædictum claudum usque ad limina patroni nostri perduxit, et, Deo faciente, sanum et incolumem reduxit. Sed cum ad ecclesiam sibi commissam remearet, cum hymnis et laudibus, eum reduxit referens gratias Deo pro omni dono sibi collato. Hæc videns mulier quædam minus religiosa, nec Dominum timens, in hæc verba prorupit: Se nunquam velle patrociniā beati Godehardi implorare, nisi puerum quemdam omnibus membris debilitatum, quem tunc temporis in platea replantem vidit, recto gressu videret incedere. Factum est igitur ut parentes ipsius pueri, post paucos dies ad patrociniū beati Godehardi eum deferrent, et factis orationibus pro ipso, sanum et incedere valentem reciperent. Quod postquam vidit præfata mulier, ex verbis temerarie prolatis, corde contrito et humiliato pœnituit, et se visitaturam patronum nostrum Domino vovit. Hoc facto, ex imo cordis suspiria duxit, considerans sibi necessaria viæ deesse, vel unde pueris ex se genitis domi possit providere.

(88) Minda urbs Westphaliæ Anzeatica, olim sub dominio proprii episcopi, pace Monasteriensi, electori Brandeburgico data est.

(89) Monasterium in diœcesi Mindensi a Theo-

A Quæ dum sic anxietur, factum est ut parvulus ipsius inscius domum egrederetur, portans panniculum, quem in platea invenerat, in quo mater novem nummos, quasi nesciente puero quid ageret, reperiebat. His ita gestis, laudes Deo et beato Godehardo persolvit, qui et ipsam ab anxietate eripuit, et omnem dubietatem a corde ipsius extirpavit.

27. Circa idem tempus fuit puer in episcopatu Mindensi in villa, quæ Lanesberge appellatur, claudus et miro modo contractus. Hunc parentes ipsius, licet pauperes, ad patrociniū beati Godehardi adduxerunt, et pro ejus sanitate recuperanda devotissime misericordiam ipsius implorabant. Sed dum aliquantulum moram facerent, nec ullum profectum in puero viderent, ad proprias mansiones redire parabant, quia se exaudiri deinceps dubitabant. Sed dum prope ad villam, quæ Runeberge appellatur, venissent, et in quodam prato se quieturos disposuissent, in lacrymosa verba proruperunt, conquerentes se in multa tribulatione ad patrociniū beati Godehardi venisse, sed nullam gratiam in puero suo percepisse. Qui dum sic colloquerentur, subito puer membra, quæ antea fuerant incurvata, extendit et de curru in quo vehebatur lætus et ovans prosiluit. Quod postquam gens vicina viderat, illico unanimiter Dominum collaudabant, et ad proximam ecclesiam puerum sanatum devotissime deducebant. Sed ne tantum miraculum in oblivionem traderetur, in prædicto loco casam quamdam comprovinciales erigebant, ubi fideles prætereuntes in reverentia istius miraculi post multo tempore oblationes deferebant.

28. Fuit item claudus quidam illis temporibus in Goslaria (90) omnibus notus, qui et ipse pro recuperanda sanitate ad beatum Godehardum se contulerat et, Domino adjuvante, sanitatem recipiebat, adeo ut scabella quibus antea reptabat, quasi in signum memoriæ, in ecclesia nostra dereliqueret et ipse erectus incederet. Hoc plures religiosi illius civitatis viri omnibus fiducialiter affirmabant, qui per multa tempora eum claudum agnoscebant.

29. Fuit vero tunc temporis in loco, territorio ecclesiæ nostræ addicto, qui Aulica appellatur, vir tantæ ægritudinis in morbo, qui fistula appellatur, ut jam omnino vitam desperaret; quia nodum femoris in junctura ante positum amiserat, et cæteram partem jam se amissurum timebat. Hic ad patrociniū beati Godehardi sese deferri præcepit, et sanitatem corporis, Deo faciente, recepit. Post hæc nodum, quem antea manu ferebat, in signum miraculi et doni sibi a Domino collati, in ecclesiam suspendi jussit, ac deinde lætus et alacer domum remeavit.

30. Circa idem tempus fuit matrona quædam de

derico ejus urbis episcopo conditum.

(90) Goslaria urbs est inferioris Saxonie sui juris, ad fontes Okræ fluvii, in ducatu Brunswicensi, haub procul ab Hildeshemio dissita.

Hervordensi (91) loco genita, quæ omnino fuit paralytica et omnibus membris dissoluta : nullum enim membrum ipsius proprium officium exercuit, sed nec per multos dies adimplere valuit. Hæc maximam partem substantiæ suæ in medicos expenderat, sed per eos sanitatem corporis recuperare non poterat. Audiens vero tantam gratiam per merita beati Godehardi hominibus a Domino concessam, spretis exterioribus medicis, totam se misericordiæ Domini commendavit, et ad patrocinium beati Godehardi deferri præcepit. Quæ dum aliquanto tempore moram faceret in nostra ecclesia, tum per orationes fidelium, tum per beati Godehardi patrocinium sanitati est reddita, et omnia membra ejus, pristino vigori restituta. Hæc postea frequenter ad limina beati Godehardi pervenit, et pro dono sibi collato gratias non immodicas Domino persolvit.

31. Non multo post tempore venit vir quidam in nostram ecclesiam, habens filiam valde dilectam, quæ gravi morbo laborabat et jam morti propiabat. Nam gutturi ipsius os immense magnitudinis, et ex utraque parte magni acuminis per sex dies adhæserat, quod nullus extorquere quavis arte valebat. Qui primum medicos in civitate nostra tunc temporis commorantes circuibat, et ab eis consilium quid de filia esset acturus requirebat ; sed nullum salubre consilium adinveniebat. Destitutus autem omni exteriori consilio, ad patrocinium beati Godehardi se una cum filia contulit, ipsumque pro ea humillima devotione imploravit. Factum est ergo ut ipsa die puella os sine læsione eijceret, et integram sospitatem recuperaret. Non multo post eodem morbo quidam per septem dies laborabat, et jam certissime ei mors imminabat : hic veniens ad patrocinium beati Godehardi, statim liberatus est, et in pristinum statum restitutus.

32. Contigit vero circa idem tempus quod Ekehardus quidam de Wigleve cognatum quemdam suum vi et injuriose captivavit, et contra jus et fas incarceravit. Qui dum aliquanto tempore in captivitate detineretur, contigit in ipsa nocte Pentecostes, dum matutinales horæ celebrarentur, ut ad terram se prosterneret ac patrocinium beati Godehardi pro sua liberatione imploraret. Tandem ab oratione se elevans, foramen adeo arctum accessit, ut puer trium annorum pertransire [non] potuisset ; sed dum caput applicaret, ut sibi visum est, foramen se dilatavit et ipse sanus et incolumis pertransivit. His ita gestis, sine mora omnibus innotuit captivum de carcere erupisse, et omnia evasisse. Statim omnes unanimiter eum prosequuntur, vias quibus evadere possit custodiis muniunt, et qualiter eum apprehendant omnibus modis elaborant ; sed, Domino adjuvante et beato Godehardo, factum est ut omnium insidias pertransiret, et ipsos cognoscens a nemine cognitus est. Hic sine

A mora ad patrocinium beati Godehardi se contulit et pro sua solutione gratias Domino in ecclesia nostra persolvit.

33. Fuit vero tunc temporis in Marchia Ungariæ vir quidam in captivitate positus, et fortissimis compedibus compeditus, qui nihil aliud sperabat quam vel omnia sua amittere vel mortem subire. Ad aures ipsius fama beati Godehardi intonuit, et quanta Dominus pro ejus amore operaretur ipsi innotuit. Mox ad terram se prostravit, et ejus patrocinium devotissime imploravit. Factum est igitur ut ipsa nocte catena qua ligatus erat se dissolveret, et ipse de captivitate, Deo adjuvante, evaderet. Hunc omnes in ecclesia nostra viderunt, et sic evenisse circa eum veraciter perceperunt.

B 34. Iisdem vero temporibus fuit quidam paganus de ulterioribus partibus Sclaviæ captus, et in Halverbergensi (92) urbe incarceratus. Hic, fama revelante, de patrono nostro audierat, et quanta Dominus pro ejus amore operaretur quocumque modo, utpote paganus, perceperat. Hic, quadam nocte mortis timore coactus, inter spem timoremque pendulus, orationem ex imo cordis ad beatum Godehardum direxit, et ut sui miseretur devotissime exoravit. Quo facto, sine mora ex trunco magnæ molis et fortitudinis, quo conclusus fuerat, integro remanente, quasi ex liquida re sine læsione pedes eduxit ; et qualiter id sibi accidisset ignoravit, nec fugam ullatenus iniit. Die vero illucescente custodes advenerunt, et non sine admiratione magna eum reppererunt. Sciscitantes vero qualiter id sibi ad invocationem nominis beati Godehardi accidisset admirati sunt, dominoque suo retulerunt, et quid deinceps essent acturi quæsierunt. Dominus vero compunctus tanto miraculo gratiam impendit, ipsumque captivum sine læsione abscedere jussit. Quantos vero, et quot incarceratos, et maximis compeditos compedibus, Dominus per patrocinium beati Godehardi a summa tribulatione absolverit, longum est per scripta enumerare, cum quibus ipsa tormenta in ecclesia nostra pendencia possit cognoscere. Quapropter non supervacaneum duximus plurima ex his, quæ longa forent scribere, præterire, et ad alia innotescenda transire.

D 35. Non multo post ea quæ diximus, fuit vir quidam habens filium unigenitum valde sibi dilectum, qui puerili more per campos cersitando ludebat, sed fortuito ad fossatum quoddam veniens, maxima multitudo terræ ex improvise super eum corruebat. Sed pater hæc ignorans, nec ipsum puerum domi reperiens, usqueaque quærebat, nec ullatenus eum invenire poterat. Unde factum est ut quidam diceret se circa fossatum puerum ludentem vidisse, nec postea comparuisse. Quo audito, pater cum festinatione ubi ultimus puerum viderat prædictus vir

(91) Hervodia urbs imperialis et Anzeatica Vestphaliæ, sub electore Brandeburgico non longe a Monasteriensi civitate distat.

(92) Havelberga urbs episcopalis sub metropoli Magdeburgensi ad Havelam fluvium, a quo nomen sumpsit, ditioni electoris Brandeburgici subjacet.

transcurrit, et magnam multitudinem terræ noviter corruisse conspexit. Quo viso, adjunctis sibi plurimis, terram cum magna festinatione retexit, et puerum nullum indicium vitæ habentem invenit. His ita gestis, quia magnæ misericordiæ patronum nostrum beatum Godehardum fuisse audierat, illico preces devotissimas ad ipsum dirigit, adjiciens, si Dominus per merita ipsius vitam pristinam restitueret, ipsum ei in perpetuum servum offerret. Quo facto, puer vitæ pristinæ restituitur, ac domum simul cum patre regreditur. Hunc postea cum patre in ecclesia nostra vidimus, et ab ipso patre sic de puero evenisse certissime cognovimus.

36. Fuit vero tunc temporis vir quidam in loco, qui Mindin appellatur, adeo in hydropisi detentus ut circiter annum in eo laboraret, et jam nihil nisi mortem speraret. Hic, audito nomine beati Godehardi, in adjutorium suæ infirmitatis eum suppliciter invocabat, et ut sibi in necessitate posito subveniret humiliter exorabat. Factum est ergo non multo post ut quidam quem nec antea viderat, nec postea vidit, ad eum intraret; et, facta incisione, tantam abundantiam aquæ ex eo manare faceret quantam vix tina quis ferre potuisset. Quo facto, adhibita cura abscessit, nec deinceps comparuit. Hunc postea perfecte sanum vidimus, et eo referente, sic circa eum evenisse veraciter cognovimus.

37. Circa idem tempus, per beatum Godehardum insigne contigit miraculum et dignum memoria retinendum. Nam quidam peregrinantes de Ruzia (93) ad patrocinium beati Godehardi adventabant, et in die Palmarum quoddam desertum intrabant. Sed, Christiano more, cum divinum officium niterentur peragere, contigit ut subito multitudo paganorum in eos irrueret, et quotquot poterant neci traderent. Factum est ergo ut sacerdos, qui una cum ipsis fuerat, occumberet, et per passionem ad Dominum migraret; alii vero videntes se una interim, licet inermes resistere eis parabant; sed propius protectionem beati Godehardi devotissime implorabant. Quo facto licet plures et armati contra inermes congregarentur, tamen, Domino faciente, pagani se in fugam verterunt, et arma passim a se rejecerunt. Ipsi vero hoc videntes baculis quibus utuntur peregrini, illos feriebant, et circiter sex morti tradiderunt, victoresque effecti, arma quæ a se latrones rejecerant acceperunt, et tam scutum quam gladium in signum victoriæ in ecclesiam nostram detulerunt.

38. Non multo post hæc, contigit piscatorem quemdam cum puero suo Weseram (94) velle transire, et solito more utilitati suæ insistere. Sed cum jam fere medium aquæ obtinuisset, tanta tempestas incubuit ut vita [salva] se evadere dubitaret. Videns autem ventum magis ac magis insurgere, magister signum adjutorii populo intonuit; puer

vero orationem ad beatum Godehardum direxit. Factum est ergo ut magister, qui natate noverat, confidens in populi adjutorio submergeretur, puer vero natate nesciens, per suffragium beati Godehardi liberaretur.

39. Tunc temporis venit quoque quædam pauperula in civitatem nostram, de Spirensi (95) loco genita, ducens secum puellulam omnibus membris debilitatam, nec prorsus incedere valentem. Quæ dum circiter mensem in civitate nostra moram faceret, nec ullam gratiam in filia perciperet, tristis in terram suam redire instituit, quia jam se indignam audiri autumavit. Sed cum super ripam Weseræ, in loco qui Munden appellatur, pervenisset, et asinum pastum misisset, filiamque de curru deposuisset, matre semota, puella quæ antea fuerat debilis, subito se erexit, et in hæc verba prorupit. Clamabat enim se gratiam beati Godehardi realiter percipere, et illum secum ibi manere. Quo dicto, omnia membra illius, quæ antea fuerant debilia, in naturalem statum sunt restituta, ei ipsa integraliter est sanata. Hanc omnes in ecclesia nostra sanatam vidimus, Dominoque de dono sibi collato laudes persolvimus.

40. Fuit circa principium translationis beati Godehardi quidam Sclavus, lumine longo tempore privatus, intra paganos moram faciens. Hic, audiens virtutes quas Deus in honore beati Godehardi operabatur, usque ad limina ejus pervenit, ac patrocinium ejus humiliter imploravit. Sed dum communes pro eo, in ecclesia nostra fierent orationes, quia noviter relicto errore gentilitatis venerat ad sacramentum baptismatis, factum est, peccatis nostris exigentibus, ut sanitatem non reciperet, sed omni spe destitutus post aliquod tempus domum remearet. Contigit autem ut sui contribules, adhuc in sua gentilitate permanentes, qui eum visum non recuperasse viderunt, continuo in opprobrium et derisionem eum deduxerunt, scilicet quod Deum suum dereliquisset, et in alio nullam salutem invenisset. Hæc et his similia illis exprobrantibus, factum est ut prædictus vir pudore confunderetur, et mortem sibi inferre niteretur. Sed, o virum omni laude dignissimum, qui et vitam temporalem ei conservavit, et a morte æterna eum liberavit! Nam, dum adhuc in hac intentione permaneret, ut mortem sibi inferret, per merita beati Godehardi est illuminatus; iis a quibus prius contumeliosa susceperat, deos suos surdos et mutos exprobrabat, et se nunquam ab eis bene quid accepturos verissime confirmabat. Hunc postea in ecclesia nostra plures viderunt, et eum fuisse illuminatum verissime cognoverunt.

41. Contigit vero non multo post quemdam de Polonia ad patrocinium beati Godehardi adventare. Sed dum jam ostium nostræ ecclesiæ niteretur introire, subito a maligno spiritu est raptus, et ad

mus.

(95) Spira urbs olim Nemetes dicta, episcopalis sub metropoli Moguntina in palatinatu inferiori sub proprii episcopi dominio.

(93) Bollandiani putant esse legendum *Prussiam* quod inter Saxoniam et Russiam tota Polonia interjiciatur.

(94) Wisurgis fluvius apud Germanos notissi-

terram horribili modo dejectus : qui dum in ecclesiam vi duceretur, et ad tumbam beati Godehardi applicaretur, tanto furore cœpit debacchari, ut quisvis posset admirari. Tandem corpus beati Godehardi ad eum defertur, et signo sanctæ crucis benedicitur et sine mora statim cum indicio magni fetoris liberatur.

42. Fuit vero tunc temporis in Trajectensi episcopatu vir quidam arti mercatoris deditus, qui frequenter mare transivit, et quæ sibi necessaria erant conquisivit. Hic quodam tempore maxima tempestate in medio mari deprehenditur, ab omnibus conclamatur, et nil jam nisi ultimus vitæ terminus timetur. Tandem, finito aliquanto tempore, resumptis viribus animæ, auxilium beati Godehardi implorabant, et argenteam navim delaturos, si evaderent, devoverunt. Hos in ecclesia nostra navim argenteam deferentes postea vidimus, et sic eis evenisse verissime cognovimus.

43. Contigit etiam tunc temporis in Hollandia, quod quodam tempore mare per inundationem influxit, et infinitam multitudinem populorum submersit. Hoc quidam percipientes, in basilicam quamdam in honorem sanctæ Mariæ dedicatam sese receperunt, in qua mortem se evasuros speraverunt. Sed cum jam mare magis ac magis efflueret, et jam ipsum murum basilicæ impingeret, videntes se non posse evadere, auxilium beati Godehardi imploraverunt : quod statim evidenter perceperunt. Nam continuo mare ad solitum locum relabitur, et ne deinceps locum habeat evagandi divinitus inhibetur. Factum est igitur ut Dominus noster patrocinium Beati Godehardi nobis non tantum in terris ostenderet, sed etiam in mari certissime manifestaret. Nam quot naves in magna tempestate deprehensas Dominus per eum liberavit, testantur adhuc cæræ naves in ecclesia nostra pendentes.

44. Circa idem tempus Lotharius imperator Romanorum legatos suos, scilicet Eilbertum præpositum Goslariensem fratrem nostrum, ad imperatorem Constantinopolitanum dirigebat, et antiquum fœdus imperatorum, quod jam pene neglectum fuerat, inter ipsos reparabat. Hic dum mare transiret, et jam prospero cursu pergeret, contigit ut quidam famulus ipsius resupinus de puppi caderet, et longo tempore sub undis maris existens nulli appareret. Factum est ergo, dum ab undis maris esset absorptus, et omnis vox esset interrupta, sola intentione qua poterat patrocinium beati Godehardi implorabat, et ut eum a mortis periculo liberaret devotissime rogabat. Eo sic cogitante, apparuit ei quidam canuta facie, educensque in superficiem maris, quod ante non noverat, docuit natate. Videntes autem qui in navi fuerant, velum relaxabant, et minori navi quæ eos comitabatur, usque ad eum pervenerunt. Sic prædictus famulus a morte jam pene absorptus eripitur, et miro modo vitæ restituitur. Hunc omnes postea in ecclesia nostra vidimus, et

A circa cum sic evenisse veris assertionibus cognovimus.

45. Non multo post tempore contigit in Hungaricis regionibus celebrari miraculum et dignum memoria retinendum. Nam comes quidam illius regionis filium habuerat, in quo omnem spem temporalem et fiduciam posuerat. Contigit vero eum ægrotare, et jam usque ad mortem periclitari. Factum est igitur, dum omnes sollicitè nocte dieque circa eum vigilarent et inter spem timoremque hesitarent, ut puer morti appropriaret, et quadam die circa horam primam expiraret. His ita gestis, dum omnes luctum, lamentaque gemerent, et quæ exsequis erant necessaria prepararent, forte quidam vir de Bavarica regione advenerat, qui et ipsum puerum de sacro fonte levaverat. Hic igitur videns incomparabilem dolorem patris et matris, misertus eorum, cœpit eis nomen beati Godehardi intimare, et quantam gratiam fidelibus in eum sperantibus Dominus administret, devotissime annuntiare. His auditis, sine cunctatione pater et mater firma fide ad terram se prosternunt, misericordiam beati Godehardi devotissime implorant, seseque devovebant cum suis oblationibus ad limina ipsius iter instaurare, si ad pristinam vitam per ejus patrocinium filium suum possint recuperare. His finitis, jam vespertinum tempus advenerat, cum insperato modo puer ad vitam redit, et, quod mirabile dictu est, sine indicio læsionis de lecto surrexit ægritudinis. Votum vero, quod prædictus C pater et mater fecerant, sine mora adimpleverunt, et oblationibus non modicis limina beati patroni nostri Godehardi visitaverunt. Nos in ecclesia nostra honorifice suscepimus, et sic eis contigisse veraci relatione cognovimus.

46. Circa idem tempus, dum tanta miracula per beatum Godehardum florerent, contigit duos viros nimia potatione ingurgitados civitatem nostram exire, et ad proximam villam velle transire : qui dum medio campo consisterent, alter ipsorum fortuito os invenit, quod sublevans manu per horam secum portavit. Sed videns ipsum os esse magnæ pulchritudinis et candoris, dicebat se terram velle pertransire, et omnibus notificare se reliquias nostri patroni deferre, et sic temporale D lucrum, ut cæteri, acquirere. Quo dicto, sine mora in vesaniam raptatur, et loquens aliena domum deducitur, et mala morte proxima nocte traditur. His auditis, maximus terror hominibus incutitur, et, si qua dubietas cordibus ipsorum de nostro patrono irreperat, omnimodo ab eis eliminatur.

47. Fuit temporibus illis pistor fratrum, Adelwardus nomine, ad cujus hospitium peregrini quidam declinaverunt, et hospitali more, secum nocte permanserunt. Qui dum equos suos adaquandum deducerent, filium ejus adhuc parvæ ætatis existentem caballo imposuerunt, et patre ignorante abduxerunt : qui, dum equos adaquarent, fortuito infans exterritus de caballo præcipitatur, et sine mora un-

dis subducitur, et ubi quæri possit ab omnibus ignoratur. Sed peregrini non valentes puerum reperire, tristes domum redeunt, patrique quæ circa filium evenerant nuntiaverunt. Quibus auditis, pater concito surgit, tristis ad aquam pergit, navimque longe subductam requirit; et ut filium saltem mortuum cum non posset vivum, adinvenire elaboravit. Qui, dum diu puerum in loco ubi deciderat quæreret, nec inveniret, ad terram rediit, unum quæsivit: quo reperto, post longum spatium puerum invenit. His ita gestis, in domum proximam declinavit, ibique puerum mortuum, et nulum vitæ signum habentem deposuit, tantumque quæ exsequiis necessaria erant sollicitè quæsivit. Dum hæc sic geruntur, mater pueri cum cæteris mulieribus quarum magna multitudo domum introierat, misericordiam Domini et beati Godehardi implorat; et, ut solitam benignitatem, quam omnibus impenderat, non sibi subtrahat, devotissime exorat. Quid plura? post parvum tempus, puer singultus emittit; aqua, quam hauserat, cum magna impetu effluxit, et tandem vitam pristinam resumpsit.

48. Fuit vero circa idem tempus vir mercatoris arti deditus, qui negotiando diversas terras pertransibat, et sibi suisque victum difficulter quærebat. Contigit vero ut hic quodam tempore causa mercaturæ cum pluribus aliis inter paganos tenderet, et possessionem non modicam secum deferret. Qui dum prosperato itinere pergerent, contigit eos vastam solitudinem introire, ubi non modicam multitudinem paganorum obviam habuere. Quod videntes ad arma cucurrerunt, defensacula undique sibi præparaverunt; sed multitudini illorum resistere non valuerunt. Tunc vero quosdam ex ipsis morti dederunt, quosdam corpore truncaverunt, quosdam capti-

vaverunt, bonaque ipsorum diripuerunt. Inter quos captivos prædictus vir cum quodam puero filio fratris sui captivatur et in remotissimas partes paganorum deducitur; ibique in quadam insula Oceani (96) detinetur, ubi cum diu servili opere desudaret, et unde eriperetur non haberet, utpote ubi mare undique circumflueret, nec ullum locum evadendi inveniret, tandem se patrociniū beati Godehardi patroni nostri iturum devovet, si per quam partem manus illorum effugere posset, illi demonstraret. His ita gestis, quadam die dum circa littus maris angustiendo, et orationibus insistendo deambularet, cymbam parvam in obscuro loco littoris invenit, in qua se mare transire, Dei adjutorio, speravit; sed quia mare magnum et spatiosum fuerat, tantum periculum attentare trepidabat, seseque orationibus beati Godehardi commendabat, petens ut animo illius inspiraret, et competentia adminicula ei præpararet, quibus tantam tribulationem evadere potuisset. His finitis, jam nox advenerat cum jam fixo animo se ad fugam præparabat. Acceptis igitur duabus lanceolis et panno de culcitra abstracto, ad puerum filium fratris sui, qui in alia villa morabatur, pergit, eumque secum abduxit. Sed cum ad naviculum venisset, lanceolis et panno quem secum portavit, velum adaptavit, et sic se misericordię Domini et beati Godehardi commendavit. Quod videntes qui in insula commorabantur, eum subito persecuti sunt; sed, Deo adjuvante, eum comprehendere nequibant, domumque infecto negotio remigabant. Prædictus vero vir, non immemor quod Deo voverat, sine mora ad patrociniū beati Godehardi veniebat, et lanceas et pannum unde velum fecerat, in memoriam tanti miraculi in ecclesia nostra suspendi rogabat.

APPENDIX.

49. Interea dum hæc aguntur, et memoria beati Godehardi valde celebris habetur, contigit ut archiepiscopus Coloniensis, Henricus (97) nomine, civitatem nostram cum non modica manu cleri et D populi pertransiret, et prædicta miracula, quæ per eum fiebant, cognosceret. In conventum ergo fratrum nostrorum venit, et fraternitatem nostram devotè postulavit. Ad cujus fraternitatis confirmationem dari sibi de reliquiis beati patroni nostri humiliter petiit, promittens se facturum ut in omni diocesi sua celebris haberetur, et congruus honor tanto viro exhiberetur; sed quia petitionem ejus propter absentiam pastoris nostri distulimus, et tunc nos satisfacturos voluntati ipsius polli-

citi sumus, ubi is adesset. Non multo post tempore, dominus noster cum in conventu nostro hæc supra dicta cognovisset, petitioni archiepiscopi acquievit, et quæ ab eo postulabantur sibi donari præcepit. Mox abbas beati Godehardi ad eum cum portione reliquiarum transmittitur et ab eo devotissime suscipitur. Hanc vero portionem archiepiscopus in terram nativitatis suæ, id est in Sueviam, transmisit, ibique quamdam ecclesiam in honorem ipsius instituit: ad quam cum multi confluerent, et certissimam salutem animæ et corporis recuperarent, contigit ut quadam die cuidam viro manus absunderetur, adeo ut nec minima particula corpori jungeretur. Videns ergo mancum se esse, manum

(96) Insulam maris Baltici mallet legere Henschenius verosimiliter Rugiam, terrarum a Salvis detentaram ultimam.

(97) Henricus I comes de Molenarck sancto Engelberto successit anno 1225 ad annos 12, qui po-

arripuit, et fide firmata eam ad truncum apposuit, et ad eandem ecclesiam ad patrocinium beati Godehardi migravit: ubi cum devotissime misericordiam ipsius imploraret, contigit celeberrimum miraculum, ut trunco manus conglutinaretur, et in pristinum statum restitueretur.

50. Vir quidam honestus, cujus nomen Theodoricus, civis Hildeneshemensis. Hic devotione singulari motus, fraternitatem instituit sancti Godehardi, et in eam utriusque sexus homines induxit, tribuens de propriis eleemosynam pauperibus satis largam in festo dicti pontificis Godehardi. Hic in infirmitate quadam decumbens, quæ phtisis dicitur, a medicis derelinquitur, qui de vita ipsius desperabant. Quadam vero nocte, quam pene duxit insomnem, apparuit ei sanctus Godehardus in habitu pontificali, dicens ei: « Quid agis, frater? cur sic jaces prostratus in lecto? » Cui Theodoricus respondit: « Infirmitate gravatus valida, aliud non possum quam prostratus jacere; sed rogo te, sancte Godeharde, ora pro me. » Cui vir sanctus ait: « Surge in nomine Domini nostri Jesu Christi, et vade ad ecclesiam, et ostende te confratribus tuis, et dic eis: Quia Dominus Jesus meritis meis te sanavit, eo quod honorem meum in hac infirmitate procurasti. Insuper dic eis ut in incæptis perseverent, et ego frater eorum ero, et defensor ab hoste maligno, et ab omnibus quæ honorem, vitam, sive famam eorum lædere possunt, et apud

Postremum miraculum editionis Lipsianæ, vitæ brevioris.

52. Anno Domini 1338 civitas Pataviensis per episcopum Pataviensem (99), cum multa armorum militia, circumvallata sic arcebat, quod populus in ea desperatus de salute, hostibus suis se tradere volebat. Contigit autem ut unus inter eos in sancto Godehardo speciale gerens fiduciam, et inter majores civitatis residens, diceret: « Audivimus multa pietatis insignia et salutaris auxilii augmenta non modica, quomodo sanctus Godehardus de hac nostra ortus terra, imo de hac nostra diœcesi, multis astitit tribulatis, et consolationem ab eo receperunt, ut multis est notissimum. Expediit ergo ut et nos ipsius adjutorium impleremus, petentes devotione supplicii ut clementer nobis assistat, et iram Dei, per quam meruimus hanc calamitatem, a nobis avertat. » Placuit omnibus verbum senis, ejusque omnes favent horta-

Deum intercessor ero semper. » Dictus autem infirmus surrexit, et quod ei dictum fuerat fecit. Et omnes qui audierant verbum Deum benedicebant, qui talem eis patronum dedit et intercessorem. Dictus autem Theodoricus sanus et hilaris, postea vixit annis multis, devote Deo et sancto Godehardo se commendans.

51. Magister Joannes (98) Decanus Aquensis, cum scholaris esset, tam graviter quodam tempore infirmatus est, ut confessus et irunctus nihil ei nisi mors videretur. Qui cum materia rapta esset in cerebrum, solus jacens in excessum venit, viditque homines sibi ignotos intrare, qui lanceas quas manibus portabant cum lignis brevibus et quadratis ante ipsum ponebant. Stantibus ipsis ex una parte lectuli, contemplatus est introire tres inclytos confessores, sanctum videlicet Martinum Turensem, et sanctum Godehardum episcopum Hildeneshemensem, beatumque Bernwardum, qui eum parte ex altera circumsteterunt. In quorum conspectu puer Joannes uni imponitur lanci, et ligna ponderis alteri. Cumque elevata statera, juvenis æger minus habens inventus est prædicti confessores puerulum parvum et mendicum sicut ejus imposuerunt, qui simul lancem adversam mox suspendentes, lignis graviore apparuerunt, statimque Joannes, qui mihi hanc visionem retulit, in sudorem erumpens crisis fecit, et de eadem infirmitate citius convaluit.

mento, et votum fecerunt unanimiter se missuros aliquot de civibus cum oblationibus, petentes ut eis in necessitatibus suis citius subveniret. Quo voto emisso, mira celeritate se invenerunt consolatos. Nam generosus princeps dux Bavarie (100) veniens, negotium intercepti, et inter episcopum Pataviensem et cives dictæ civitatis ab eo obsessæ treugas constituit amicabile. Sicque præsul abscessit, et civitas pace gaudebat insperata. Sed et medio tempore dictus dux Bavarie pacem inter episcopum et civitatem incæptam confirmavit, et consolationem hominibus utriusque sexus condonavit. Cives autem dictæ civitatis suos, ut voverant, ad sepulcrum miserunt sancti Godehardi cum votivis oblationibus, omnibus ibidem narrantes qualiter suffragiis sancti Godehardi de tribulatione maxima subito fuerint liberati.

APPENDIX ALTERA.

Miracula in exteris provinciis facta, in quas delatæ sunt S. Godehardi reliquiæ.

Seire volentibus quæ et quanta Dominus operari vidit dignatus per merita beati Godehardi, cum essemus in provincia Trajectensi, et in aliis locis, habentes nobiscum venerabiles reliquias ejusdem, bre-

viter quædam adnotare curavimus. Honorabilem virum abbatem in Dokkinge curatum evidenter cognovimus a fluxu sanguinis, quo vehementer et diu laboraverat. Per ejus suffragium matronam etiam

(98) Idem miraculum refertur a Cæsario libro viii. Miraculorum, cap. 77.

(99) Albertus Saxonie dux occupatam Patavii sedem militari more magis, quam ut ecclesiasticum deceret, administravit.

(100) Ludovicus, uti Hanschenio videtur, Ludovici Bavarie filius, qui, patre imperium ambiente, Bavarie ducis titulum promereri potuit, etiam marchio Brandenburgicus appellatus est.

quamdam, quæ bona spe easdem reliquias ad se A deferri petiit, Deus a duplici morbo, hydropico et podagrico, quo diu laboraverat, ejusdem meritis potenter atque evidenter liberavit. Præterea zonis multorum applicatis ad easdem reliquias, et appositis ad membra infirmorum, tam sæcularium quam claustralium in continenti sanitatem recepisse noscuntur; videlicet infirmi laborantes quotidiana, tertiana, dolore capitis, oculorum, dentium et cæterorum membrorum.

54. Cum fœmina quædam inter concives suos, dantibus nobis confraternitatem more solito, ab ipsa se absentaret, monita per visum a beato Godehardo cur se tanto beneficio privari vellet, et respondens quod nihil offerendum haberet, audivit, ut mane surgens, quidquid apud se inveniret offerret: sicque in bursa duos gravioris monetæ nummos inveniens obtulit, et idem factum coram populo professæ est.

55. Vir etiam quidam magnus, nobis valde contrarius existens, cum populum a nobis avertere, et negotium nostrum omnimodis impedire studeret, ita per inflationem gutturis et totius capitis periclitari cœpit, ut jam pene deficere videretur, donec in se rediens et corde pœnitens, per suffragia beati Godehardi ab ipsius mortis faucibus liberatus, errorem suum devotione et humilitate correxit.

56. Quædam mulier cum geminos generaret, uno soluta ante nostrum adventum, tribus diebus cum altero periclitari cœpit; sed nobis advenientibus, tactu zonæ sanctis reliquiis appositæ, in continenti enixa dignoscitur.

57. Præterea cum major ecclesia Trajectensis suspensione divinarum longo tempore nimis turbaretur, propter adventum reliquiarum beati Godehardi, divina resumpsit (101), et toti populo ingens gaudium tribuit in dedicatione, videlicet ipsius ecclesiæ.

SANCTI GODEHARDI EPISTOLÆ.

(MABILL., *Analect.* nov. edit. pag. 435).

EPISTOLA PRIMA.

GODEHARDI ABBATIS TEGERNSENSIS AD NIDERALTARENSES. *Nuntiat quomodo a Tegernseensibus exceptus sit, optatque ut mutua precum communitio inter utroque sit.*

GODEHARDUS abbas, quamvis indignus, W. cæsarique fratribus, quidquid dilectis filiis, in Christo.

Quancquam nostræ fragilitatis legem interius exteriusque laborando, natura cogente, merito patiamur; tamen in hoc itinere, quod jussu domini nostri ducis aggrediebamur, adhuc nos prosperari vestris orationibus gratulamur. Nam honorificæ simulque charitative a cunctis fratribus suscepti sumus, et devote faciunt quæcunque eis regulariter præcipimus. Insuper etiam precamur ut fraternitati vestræque orationi deinceps consociemur, et una mecum commendant vobis fratres nostros, quos huic misimus, ut eis oranem charitatem humanitatemque exhibeatis, ut præcipit beatus Pater noster Benedictus. Mittite nobis librum Horatii et epistolas Tullii.

EPISTOLA II.

EJUSDEM GODEHARDI AD THEODULUM (102) EPISCOPUM.

Non cupiditate, nec ambitione, sed obedientia principi præstanda se ad monasterii Tegernsensis regimen accessisse.

Domno THEODULO, pontificalium sacerdotum spe-

(101) Hoc miraculum ad sæculi xv initium revocandum esse videtur, quo abbas Insulæ beatæ Mariæ, teste Heda, Trajectenses Romani pontificis auctoritate excommunicavit, qui Suederum episcopum ejecerant. Id ad annum 1437 perduravit. Quo anno, gente Nicolao cardinali Cusano, Walrarius Rudol-

Culo liquidissimo, GOTTHARDUS Deo sibi que monachum mentiens, proh pudor! Dominicum.

Scintillantis calami, æstuantis animi, vituperabilis infectionis in nos excogitatæ ulterior modus cernitur esse quam admirandus. Sin unius tam nefariæ criminationis causa me unquam reprehenderet propria conscientia, quam verecundo vultu quamque pœnitenti animo mea sponte voluissem me sequestrare a totius Christianitatis communitate! Absit a me deceptrix cupiditas, ut alienis tam impie vellem inhiare, quamquam sine vestris nullo modo vivere possem. Veneria, quinimo cupidinaria fascinatrix, ita penitus fiat in me sopita, ut alterius copulæ junctam vel concupiscibili oculo invidiose inspicere præsumam. Nostræ possessiunculæ absque fuco simulationis renuntiavimus euge: sed non tantum postea profecimus ut debuimus, quia (ut verius scitur) neque omnes Christiani Christiani sunt, neque omnes viri viri sunt, nec omnes monachi monachi sunt; Christiani tamen isti sunt et monachi: sed hæc conversim volumus, sed non possumus; nitimur, sed infirmamur. Qui aliqua Christianitatis tinctione vel aspersione est insignitus, si catholice excusatur tantæ perniciositatis flagitia non committere? quando qualiterve laudatur, qui tot vitis obnoxius esse criminatur? quod me furtive in ovile Domini

fo post Suederum electo cessat.

(102) Is est Goteschalcus episcopus Frisingensis, et in catalogo episcoporum Frisingensium occurrit. *Gotschalch* est idiomate Theodisco *servus Dei*, Græce Θεῷ δούλος.

dicitis irrupisse, testis est fidelis curia populique A
Christiani innumera agmina, quia nihil vestræ
potestatis vel alicujus alterius subjectione mihi vindicare præsumpsi, nisi quod de potestativa manu summi Principis hodie (non fateor utrum vellem aut nollem) suscepi. Hujusmodi prohibitionem obeditionis in regula conscriptam vitæ Benedictinæ non inveni, quamvis sæpe sæpius hinc inde detrita sit præ manibus nostris. Quod in his deliquisse me sentio ex æstu tali periculositatis, certum teneo, teste multorum conscientia, absque ullo labore me emergere posse. Valet.

EPISTOLA III.

EJUSDEM AD AZELINUM ABBATEM LUNÆLACENSEM.

Ut quamprimum se episcopo Pataviensi sistat.

Abbas G. vester in omnibus confrater devotissimus, A. Lunilacensium abbati, multiplicissimas in Domino salutes.

In omnibus vos prosperari nostri scitote esse gaudimonii; et si aliter, in his libenter compatimur similiter. Proximo apostolorum natalitio interfuimus solemniter missarum officio pontificis Christiani (Pataviensis), quamvis nobis summo studio renitentibus, episcopaliter tamen vocavit vos, et hoc firmiter definiuit, nisi intra quatuordecim noctes ad se veniatis, vos excommunicandum. Quapropter consiliamur vobis ut cum licentia episcopi vestri G. ad illum veniatis, et vos ipse præsentialiter audiatis qualiter eventus hujus rei habeatur. Si aliquid nostrum indigebitis ad id causam negotii, parati sumus qualitercunque vultis vobis suffragari. C Valet.

EPISTOLA IV.

EJUSDEM AD QUAMDAM ABBATISSAM.

Abbas G. omnium qui præsentunt ultimus, domnæ abbatissæ T. vel A. seduli precaminis servitii devotionem in Christo.

Recordamini petimus, quod semper vos in Domino diligebamus, dilectamque Christi agnellam fieri optavimus, ac nobis in speciale nomen dilectissimæ sororis eligebamus. Ista soror nostra venit ad nos ante Natale Domini; multiplicis necessitatis suæ miseriam nobis conquesta; quam libentissime nobiscum commorari permetteremus, et in quantum sufficeremus, ministrare illi necessaria juberemus, si qualitas sexus aliquot permetteret D monasterio fratrum feminas cohabitare: quia ut a sanctis viris comprobatur, stipulæ, paleæ, ignisque nunquam sibi pacificantur, nisi alter alterius damno citius consummentur. Quocirca petimus ne ad dedecus nostræ professionis, vel habitus monasterialis, quo ista soror vestitur, ulterius illam vagari per diversa loca patiamini: sed pro amore Dei nostræque futuræ excusationis ante Deum, vel ancillarum vestrarum operibus eam consociari dignemini, atque necessaria, quantum eleemosynæ est vestri, ei largiri. Valet.

EPISTOLA V.

TEGERNSENSIUM AD GODEHARDUM EPISCOPUM HILDESHEIMENSEM.

Indicant se, post Albinum, Ellingerum in abbatem iterum elegisse.

Domino G. pontificatus infula decorato, meritisque officio congruentibus, supra cunctos ejusdem nominis hoc tempore divinitus sublimato, fratres Tegrenses sub patrocinatu S. Quirini deservientes, quidquid filii charo patri dominoque famuli,

Ut sanctitas vestra, Pater reverende, felici et prospero eventu in cunctis diu longa per tempora vigeat et valeat, paternitati vestræ indubitanter notum sit, intenta devotione nos Deo die et nocte jugiter supplicare, precesque ipsas sancto patrono nostro Quirino pro vobis ad Deum perferendas humiliter supplicatione commendare, quousque locus noster manere poterit, beneficiorum a vestra benignitate nobis impensorum nunquam oblivio erit. Nam filii qui nascentur, et exurgent, eadem posteris annuntiantes dicent: Quomodo miseretur pater filiorum, sic ille suorum misertus est semper gratis famulorum. Quæ remuneratio etiamsi humana lingua tacuerit, apud Deum et S. Quirinum vobis certa erit.

Proinde, Pater amande, nunquam magis ab usque principio vestri auxilii et consolationis egimus, quam nunc, instante necessitate, egemus. Nam tribulatio et angustia propria sibi in nobis jam dudum, ut ita dicamus, posuere cubilia. Quæ mala ad depellenda vestræ sanctitatis ad Deum interpellantur auxilia. Tibi itaque post Deum lacrymosis vocibus dicimus: Memor esto congregationis tuæ, quam sponte possedisti ab initio, adjutor in tribulationibus, quæ invenerunt nos nimis. Senior noster A. [Albinus] ægritudinis vi occupatus, prioratum suum deposuit, et nos orbatos reliquit. Igitur convenientes, Ellingerum nobis patrem, si Deo placet, recipere elegimus. Quam electionem inimicorum machinationibus pendet si obtinere possumus. Nam paternitati vestræ conquerimur, quia conatu præfati A. pene in alienæ et ignotæ potestatis dominium ignorantibus traditi fuimus. Quod nisi Deus oculis suæ miserationis nos respexerit, adhuc contingere formidamus. Igitur benignitatem vestram obnixis precibus obsecramus, ut consuetudinaliter pro nobis dignemini studere, ut de paternitatis vestræ incolumitate, licet absentes, debeamus gaudere, ut et nostra concedatur nobis electio, et rerum nostrarum, quod quasi ante oculos omnino die formidamus, ab imperatore non fiat abstractio. Nam apud celestem imperatorem multum vos valere nemo est qui audeat dubitare, pro quibus meritis etiam apud terrestrem quælibet potestatis impetrare.

APPENDIX AD SANCTUM GODEHARDUM.

CHRONICON HILDESHEIMENSE.

(Apuđ PERTZ, *Monumenta Germaniæ historica*, Script. tom VII, pag. 845.)

MONITUM.

Ecclesia Hildesheimensis Annalibus ad annum 1040 usque deductis, tum Thancmari libro et utroque Wolfneri opere gaudebat, cum vergente sæculo undecimo Chronicon conscribi cœptum est, quod ab initio episcopatus usque ad obitum Etilonis episcopi anno 1079 defuncti productum, paucas paginas explevit. Auctoris nomen latet; si tamen inter scolasticos Ecclesiæ Hildesheimensis quærendus est, Godefridum fortasse vocaveris, quem sub Udone obiisse legimus. Quisquis sit, in rebus quæ tempus suum præcesserunt adnotandis Annales Hildesheimenses, Vitam Bernwardi et Vitam Godehardi exscripsit, et libris chartisque in thesauro ecclesiæ asservatis uti potuit; genuina tamen libelli pars Vitam Etilonis complectitur, statimque eo mortuo absoluta esse videtur. Jam prima hæc libri editio, quam annalista Saxo sæculo duodecimo exeunte exscripsit (102*) pars fuisse videtur libri pontificalis ab Udone episcopo Ecclesiæ suæ in usum conditi, in quo Kalendarium, Martyrologium, ordo canonicus, aliaque ad res Ecclesiæ facientia legebantur, et cujus hodie nonnisi apographum sæculo XII confectum exstat. Codex membranaceus formæ quam dicunt in 4° majori, hodie bibliothecæ serenissimi ducis Brunsvicensis et Luneburgensis Welferbytane, olim Hildesheimensis, sæculo XII exeunte conscriptus, post octo folia priora, sæculo XIV scriptura antiquiori erasa jam ordinem « *Did is de wyse des reventere* » exhibentia, fol. 9 servitia coquinæ per annum de præpositura majori enumerat, foll. 10-15 Kalendarium Ecclesiæ Hildesheimensis, foll. 16-24 sententias Patrum quibus clericalis ordo ad bene vivendum instituitur, foll. 34, 35 nomina fratrum nostrorum archiepiscoporum et episcoporum, tum foliis 35, 36 erasis, fol. 36-128 Martyrologium et Necrologium sistit. Foll. 129, 130 nomina Ecclesiarum quæ nobis fratres et sorores in Christo, nostras orationes in quotidianis sacrificiis a nobis expectant et suas debent nobis, etc., nomina episcoporum Hildesheimensis Ecclesiæ tum presbyterorum, diaconorum, subdiaconorum, acolythorum et scholarium inde ab a. 1078 sub Udone episcopo defunctorum; foll. 131 nomina regum et imperatorum inde a Pippino Anshisi filio usque ad obitum Heinrici IV a. 1106, fol. 131-162 Chronicon Hildesheimense, fol. 164-173 manu sæculi XIV foundationes et chartas, fol. 179-188 foundationes et obedientias sæculis XII et XIII scriptas exhibet, quas fol. 162, 189-204 notitiæ chartæque sæc. XIII, XIV, XV libro illatæ subsequuntur; quare librum non modo ecclesiæ in usum conscriptum, sed per tria sæcula constanter adhibitum auctumque patet. Ita et Udonis librum, nostri fontem, et Udone superscripte et eo defuncto auctum fuisse statuere licet,

A quemadmodum in Ecclesia Romana codices diversos libri censualis qui sub Censii camerarii nomine laudatur, adhibitos, auctosque comprobavimus (103).

Chronicon in ipso Udonis codice Vitæ episcoporum Etiloni inde ab anno 1079 succedentium, Udonis Bruningi et Bertholdi, fortasse et Bernhardi et Brunonis annis 1153 et 1162 defunctorum a diversis scribis auctum, sæculo XII exeunte codici nostro illatum, eademque manu addita Hermanni Vita usque ad initium Adelogi a. 1171 productum est. Scriptor quisquis sit, Bernhardi, Brunonis, Hermanni et Adelogi nomina episcoporum catalogo rubra littera inseruit, ideoque sub eis floruisse censendus est, fortasse non alius a Bernone scholastico ejus temporis celebri, quem post Adelogum cathedram Hildesheimensem occupasse novimus. Vita Adelogi manu sæculi XIII ineuntis scripta, una cum Vitæ Bernonis, Conradi, Herberti et Sifridi usque ad a. 1227 successorum, sæculo XIV erasa eodemque loco iterum scripta est, ita ut hodie nonnisi principium ejus manu auctoris exaratum exstet, reliqua manu sæculi XIV præ se ferant. Quod quare factum sit ignoratur. Contra successoris Sifridi, Conradi episcopi a. 1249 defuncti, Vita intacta mansit et litteram sæculi XIII medii ostendit. Vita Heinrici a. 1257 mortui, alia ejusdem temporis manu exarata fol. 146, et manu sæculi XIV scripta fol. 147, 147 et 148 altera vice habetur. Joannis et Ottonis a. 1261 et 1279 defunctorum, Vitas ipsa sæculi XIV manus scripsit, quæ fortasse et Vitas Sifridi et Heinrici a. 1310 et 1318 mortuorum postea subjecit; ultimæ Heinrici lineæ alii sæculi XIV scriptori debentur. Reliquum operis, Vitæ Ottonis, Henrici, Joannis, Gherardi, Joannis et Magni, plus centum annis complexum uni sæculo XV scriptori debetur, qui anno 1433 libro finem imposuit.

C Opus igitur ab exeunte sæculo undecimo usque ad sæculum XV a canonicis Hildesheimensibus per tempora sibi succedentibus compositum et quasi Ecclesiæ nomine scriptum (104), in rebus Ecclesiæ fidem non exigam sibi conciliat, et historiæ Saxonie illustrandæ conducit. Vulgavit librum Leibnitijs in SS. Brunsw. t. I, 742-772 sub titulis: *Chronicon episcoporum Hildesheimensium*; *Excerpta ex Necrologio Hildesheimensis Ecclesiæ veteri*; *Indiculi confraternitatum et episcoporum Hildesheimensis Ecclesiæ*; *Nomina archiepiscoporum et episcoporum qui primum in Hildesheimensi Ecclesia canonici fuerunt*; *Excerpta paucula ex libro donationum Ecclesiæ Hildesheimensis factarum*, et *Fragmentum de reliquijs quibusdam Ecclesiæ cathedralis Hildesheimensis*, — ordine præpostero, eodem tamen usus codice Welferbytano, quem et ego numero :

NOTE.

(102*) Usque ad a. 1079, vide notas in margine editionis nostræ t. SS. VI.

(103) Archiv. t. V.

(104) Vitas in anniversariis defunctorum legi solitas, initia earum p. 859, 860, 863 ostendunt.

1. Signatum editionis nostræ fundamentum posui. Librum ad litteram expressi, sæculo tamen duodecimo usque ad Bernonem episcopum primarium scribendi modum quantum ad diphthongum æ et litteram t iis locis quibus antiquior textus a scriba posterioris ævi repetitur, restituendum duxi. Necrologium prolixius aliaque a ratione hujus tomi magis aliena alii loco reservavi. Eamdem in rem evolvendi erant præterea codices duo in bibliotheca Welferbytana asservati, scilicet inter Extravagantes :

2. Cod. Nro. 115 in folio et

3. Cod. Nro. 227 in 4°, uterque chartaceus, quorum hic quidem ex illo transcriptus nullius momenti est, ille autem post Engelhusii Chronicon excerpta nonnulla historica, ex Jordane de rebus Gæticis, allaque, et ultimo loco foll. 188-198 *Chronicam episcoporum diœcesis Hildensemensis nec non abbatum monasterii Sancti Michaelis* exhibet, quæ æque ac codex l vel ex ipso Udonis libro vel ex apographo ejus altero fluxit, eamque ob causam meliorem nonnullis locis lectionem exhibet, quam in textu recipiendam haud dubitavi. Cumque et nonnulla de tumulis episcoporum aliaque scriptori sæculo xv medio viventi comperta exhi-

beret, ea Wattenbachio nostro operam præstante, adnotanda atque nonnulla de episcopis sæculi illius subjicienda curavi ; at abbatum S. Michaelis Chronicon inter scriptores posteriores referendum erit. Major libri pars medio sæculo xv scripta est, reliqua circa annum 1458, aliisque plane manibus annis 1471, 1472 et sequentibus addita sunt. Libro nostro Leibniti in edenda Chronica episcoporum Hildensemensis nec non abbatum monasterii S. Michaelis t. II, p. 784 sqq. usus est.

Antiquior Chronici pars annalistæ Saxoni, totum opus Conrado Bothoni et Heinrico Bodoni innotuit, qui complura inde in Chronicon picturatum (105) et syntagma Gandersheimense receperunt.

In adnotationibus multa debemus eximio rerum Hildensemensis doctori V. Cl. Hermanno Adolfo Luntzel, a cujus humanitate, ut rerum patriarum tempus locumve ex locuplete doctrinæ penu illustraret, facile obtinui.

Catalogum episcoporum Hildensemensis quem Leibniti (106) ex Chronicis Eggehardi Uraugiensis abbatis ad Egbertum Corbeiensem abbatem desumptum dicit et tomo II, p. 772 collectionis suæ inseruit, ut nullius pretii excerptum omitti placuit.

NOMINA FRATRUM NOSTRORUM ARCHIEPISCOPORUM.

Frithericus archiepiscopus. (Moguntinus obiit a. 934. 9 Kal. Nov.)

Reinwardus archiepiscopus. (Bremensis obiit a. 916.)

Voclemarus archiepiscopus. (Coloniensis obiit a. 967.)

Bruno archiepiscopus. (Coloniensis obiit a. 965.)

Willehemmus archiepiscopus. (Moguntinus obiit a. 968.)

Rothbertus archiepiscopus. (Moguntinus obiit a. 975. Id. Januar.)

Ghero archiepiscopus. (Coloniensis obiit a. 976.)

Etheldagus archiepiscopus. (Bremensis obiit a. 988.)

Luidolfus archiepiscopus. (Trevirensis obiit a. 1008.)

Willeghisus archiepiscopus. (Moguntinus obiit a. 1011. 7 Kal. Mart.)

Unewanus archiepiscopus. (Bremensis obiit a. 1029 6 Kal. Febr.)

Anno Coloniensis archiepiscopus. (Obiit a. 1075 Non. Dec.)

Anno incarnationis Domini 1107 Heinricus frater noster a puero in nostra æclesia nutritus Magdeburgiensis archiepiscopus sub papa Paschali II catholice ordinatus. (Obiit a. 1107. 17. Kal. Mai.)

Conradus Salzburgensis archiepiscopus. (Obiit a. 1147.)

Reinaldus Coloniensis archiepiscopus. (Obiit a. 1167. 19. Kal. Sept.)

NOMINA FRATRUM NOSTRORUM EPISCOPORUM.

Dudo episcopus. (Osnabrugensis obiit circa a. 949.)

Londwardus episcopus. (Mindensis obiit a. 969.)

Bernhardus episcopus. (Halberstadensis obiit a. 988.)

Eevurisus episcopus. (Mindensis obiit a. 950.)

Thieodericus episcopus. (Mettensis obiit a. 984.)

Esio episcopus. (Fortasse Augustensis obiit a. 988.)

Dodo episcopus. (Monasteriensis obiit a. 993.)

Erpo episcopus. (Verdensis obiit a. 994.)

Bernharius episcopus. (Verdensis obiit a. 1013.)

Bernhardus episcopus. (Aldenburgensis obiit a. 1023.)

Ekkehardus episcopus. (Sliaswicensis obiit a. 1026. 4. Non. Aug.)

Bruno episcopus. (Augustensis obiit a. 1029.)

Sigifridus episcopus. (Monasteriensis obiit a. 1032 5 Kal. Dec.)

Bruno episcopus. (Merseburgensis obiit a. 1036 Aug. 13.)

Ezelinus episcopus. (Merseburgensis obiit c. a. 1056.)

Volewardus præpositus noster, episcopus. (Brandenburgensis ? obiit ante a. 1068. 14. Kal. Jun.)

Bernhardus episcopus. (Osnabrugensis ? obiit a. 1068.)

Bruno magister scholarum Hildeneshem. postea Veronensis episcopus, a capellano suo occiditur. (Obiit a. 1083 vel 1084, 15 Kal. Mart.)

VARLÆ LECTIONES.

¹ Luidolfus, *codex*.

NOTÆ.

(105) Leibn., SS. Brunsv. III, p. 277.

(106) Ib., II, p. 332.

Poppo Patherburnensis episcopus. (Obiit a. 1084 A
4 Kal. Dec.)

Cono Brissinensis episcopus. (Brixienſis obiit c.
a. 1087.)

Benno Osenburgensis ² episcopus et præpositus
noster. (Obiit a. 1088 6. Kal. Aug.)

Volcmarus Mindensis episcopus in scismate:
(Obiit. a. 1097.)

Erpo Monasteriensis episcopus in scismate. (Ob-
iit. a. 1097. Id. Nov.)

Conradus Trajectensis episcopus occisus. (Obiit
a. 1099 Id. April.)

Eppo præpositus sancti Petri Goslarie, frater

(*Fol.* 129) Nomina æcclesiarum qui nobis fratres et sorores in Christo nostras orationes in cotidianis sacrificiis a nobis expectant, et suas debent nobis vivis et defunctis, sicut a majoribus nostris accepimus.

Remensis æcclesia, quæ mater fuit Hildeneshe-
mensis ecclesie in canonica institutione. Parisiensis
in Francia. Sancti Gereonis in Colonia. Babenber-
gensis. Monasteriensis. Paterbrunnensis. Halversta-
densis. Vuldensis. Heresfeldensis. Corbeiensis. He-
lemwardeshusensis. Heresa. Ganderhemmensis.
Goslariensis. Ringelhem. Brunswic. Pragensis.
Montecassino. Turonis. Quidilingburgensis. Mage-
theburgensis. Osenbrucgensis. Altahensis. Tegrin-
senses, qui missale cum evangeliaro et lectionario
in signum fraternitatis huc dederunt. Hi omnes

noster, Wormaciensi episcopo Adalberto ³ super-
ponitur in scismate, quod fuit inter Romanam æc-
clesiam et Heinricum quartum regem hujus nomi-
nis. (Obiit. c. a. 1101.)

Albwinus primum magister scholarum Hildene-
shem, postea Merseburgensis ⁴ episcopus. (Obiit
11. . . 10. Kal. Nov.)

Siwardus Mindensis episcopus. (Obiit a. 1140
4 Kal. Mai.)

Udo ⁵ Osenbrucgensis episcopus, primum ⁶ præ-
positus sancti Mauriti. (Obiit a. 1141. 4. Kal. Jul.)

Bernhardus Palburnensis episcopus ⁷. (Obiit
a. 1160.)

B nomina et obitus defunctorum suorum per litteras
et per nuncios nobis annunciare debent, et nos illis
nostrorum fratrum, ut fiant communes orationes
per 30 dies; et in anniversariis, in missis et in ce-
teris commemorationibus mortuorum et in au-
tomno per tres dies recordationis fratrum, nomina
prædictarum æcclesiarum in conventu publico re-
citari debent, et in publicis missis, tam pro vivis
quam pro defunctis, memoria fratrum nostrorum
et sororum per hos tres dies cum oblationibus ce-
lebrari debet et elemosinis.

Hæc sunt nomina episcoporum Hildeneshemensis æcclesie a tempore Karoli Magni, qui
fundavit hanc æcclesiam.

Guntharius primus episcopus.

Reinbertus secundus episcopus.

Ebo tertius, qui prius Remensis archiepiscopus.

Alfridus quartus episcopus.

Marcwardus quintus episcopus.

Wighbertus sextus episcopus.

Walbertus septimus episcopus.

Sehardus octavus episcopus.

Thiethardus nonus episcopus.

Otwinus decimus episcopus.

Osdagus undecimus episcopus.

Gerdagus duodecimus episcopus.

C Bernwardus tercius decimus episcopus.

Godehardus quartus decimus episcopus.

Thietmarus quintus decimus episcopus.

Ezelinus 16. episcopus.

Etillo 17. episcopus.

Udo 18. episcopus.

Bertoldus 19. episcopus.

Bernhardus 20. episcopus.

Bruno 21. episcopus.

Hermannus 22. episcopus,

Adelodus 23. episcopus.

Nomina presbyterorum Hildeneshemensis æcclesie canonicorum, qui ab anno incarna-
tionis Domine 1078 post obitum Etylonis 17¹ episcopi obierunt in Christo sub Udone
18^o episcopo, de majori monasterio Sanctæ Mariæ.

Reteldus presbyter.

Sigemannus presbyter.

Hartnidus presbyter.

Ezelinus presbyter.

Heinricus presbyter.

Edwardus presbyter.

Sibertus presbyter.

Gozbertus præpositus et presby-
ter.

Bodo præpositus et presbyter.

Scazo presbyter.

Dudo presbyter.

Bernhardus presbyter.

Aldomnus presbyter.

Gumbertus presbyter.

Ludolfus presbyter.

Gerdagus presbyter.

Sibertus presbyter.

Ezelo presbyter.

Adelodus presbyter.

Abico presbyter.

Hezelo ⁸ presbyter.

Tiethmarus presbyter Hildene-

shemensis canonicus, postea
monachus in monte Cassino.

Everhardus presbyter.

Wideroldus presbyter.

Odelricus presbyter decanus no-
stræ ecclesie thesaurarius.

Betto presbyter.

Heico presbyter.

Ghiselbertus presbyter.

Albunus nostræ ecclesie decanus

VARIE LECTIONES.

² Osenbrucgensis c. ³ abalberto c. ⁴ Merseburgis c. ⁵ do c. ⁶ primus c. ⁷ in pagina eadem et
proxime sequentibus multa erasa sunt. ⁸ Reliqua quatuor nomina minio scripta indicare videntur
episcopos istos scriptoris tempore præfuisse ecclesie. ⁹ Hezelo codex.

et presbyter.
 Hoico presbyter.
 Walthardus presbyter.
 Franco presbyter.
 Conradus presbyter.
 Hartbertus presbyter.
 Bruningus presbyter.
 Bevo presbyter.
 Volchardus presbyter.
 Azzo presbyter.
 Bertholdus presbyter.

Bruningus presbyter.
 Rodolfus presbyter.
 Benico decanus presbyter.
 Johannes presbyter.
 Alfwinus magister scolarum presbyter.
 Burchardus presbyter.
 Hermannus presbyter.
 Johannes presbyter.
 Sifridus presbyter.

Bernhardus presbyter.
 Ekkeardus præpositus presbyter.
 Ricbertus decanus et presbyter.
 Lambertus presbyter.
 Werno presbyter.
 Conradus presbyter.
 Lambertus presbyter.
 Bertoldus presbyter.
 Herilordus presbyter.
 Wigandus presbyter.

Nomina diaconorum Hildeneshemensis æcclesiæ canonicorum, qui ab anno incarnationis Dominicæ 1079 post obitum Etilonis 17ⁱ episcopi obierunt in Christo sub Udone octavo decimo episcopo de majori monasterio sanctæ Mariæ matris Domini.

Amelungus diaconus.
 Dudo diaconus.
 Benno diaconus.
 Hilderaldus diaconus.
 Thiodericus diaconus.
 Reinoldus diaconus.
 Heinricus diaconus.
 Hyrimfridus diaconus.
 Tiodericus diaconus,
 Albero diaconus.
 Thiodericus diaconus et præpositus.
 Volcoldus diaconus.
 Liudegherus diaconus.

Bertholdus præpositus et diaconus.
 Odelricus diaconus.
 Eilbertus diaconus.
 Bruno diaconus.
 Bruno diaconus.
 Esicus diaconus.
 Ekehardus diaconus.
 Thodelo diaconus.
 Cherlagus diaconus.
 Hermannus diaconus.
 Theodericus diaconus.
 Eilhardus diaconus.
 Bertoldus diaconus.

Otto diaconus.
 Gozmarus diaconus.
 Bruningus diaconus.
 Harderardus diaconus.
 Burchardus diaconus.
 Bruno diaconus.
 Otto præpositus et diaconus.
 Haoldus diaconus.
 Beringerus diaconus.
 Thietmarus diaconus.
 Widekindus diaconus.
 Heinricus diaconus.

Nomina subdiaconorum et acolitorum et scolarium Hildeneshemensis æcclesiæ canonicorum, qui ab anno incarnationis Dominicæ 1079 post obitum Etilonis 17ⁱ episcopi obierunt in Christo sub Udone octavo decimo episcopo de majori monasterio sanctæ Mariæ matris Domini.

Hezzelo subdiaconus.
 Rodolfus subdiaconus et præpositus.
 Thietbertus subdiaconus.
 Wernherus subdiaconus.
 Huboldus subdiaconus.
 Volcherus acolitus.
 Alfardus acolitus.
 Godefridus scolaris.
 Thiethardus scolaris.

Sigewinus subdiaconus.
 Thiodericus subdiaconus.
 Meinhardus subdiaconus.
 Bodo subdiaconus.
 Thiodericus subdiaconus.
 Beneko subdiaconus.
 Heinricus acolitus.
 Hermannus acolitus.
 Johannes scolaris.
 Odelricus scolaris.

Widego subdiaconus.
 Everhardus subdiaconus.
 Hugo subdiaconus.
 Popo subdiaconus.
 Werno subdiaconus.
 Sigebodo acolitus.
 Heinricus acolitus.
 Burchardus scolaris.

Pyppinus filius Angysi annis 25 regnavit.
 Karolus filius ejus annis 25 regnavit.
 Pyppinus annis 27 regnavit.
 Karolus Magnus annis 47 regnavit. Cui Leo tertius, qui dicitur Excecatu, imposuit coronam imperii Romæ et laudes « Christus vincit » pro papa et regibus et principibus dicendas instituit in die ordinationis suæ.
 Lodewicus filius ejus annis 26 regnavit.
 Lodewicus annis 35 regnavit.
 Lodewicus annis 35 regnavit.
 Lodewicus annis 6 regnavit,
 Karolus annis 13 regnavit.
 Arnulfus annis 12 regnavit.

A Lodewicus annis 7 regnavit.
 Conradus annis 20 regnavit.
 Heynricus annis 36 regnavit.
 Otto annis 11 regnavit. Qui Magdeburgensem episcopatum cum suis suffraganeis quinque instituit.
 Otto annis 18 regnavit.
 Otto annis 23 regnavit.
 Heynricus annis 14 regnavit. Qui Bavenbergensem episcopatum instituit.
 Conradus annis 17 et menses 6.
 Heynricus ¹⁰ annis 28 et menses 4. Qui Coslensem congregationem de suo construxit.
 Heynricus, Heynrici filius, quartus rex hujus nominis dictus, excommunicatus a quatuor Romanis

VARIE LECTIONES.

¹⁰ Heynricus a. 17 et m. 4. desunt in codice, sed supplenda esse videbantur.

pontificibus Gregorio VII, et Victore III, Urbano II A et Paschali II, anno incarnationis Dominicæ 1107, ordinationis suæ anno 53 ¹¹ obiit ¹². Regnavit autem post obitum patris beatæ memoriæ Heynrici imperatoris 54. In vigilia Epyphanie Domini in Inghelhem regali curia in præsentia filii sui regis Heynrici hujus nominis quinti, in audientia multorum principum regni, qui ab eo discesserant propter excommunicationem, et filium suum regem elegerunt, absolutionem quesivit a Romanis legatis Richardo Albanensi et Ghebeharo Constantiensi, et non accepit, et ibi coronam et cetera regalia principibus reddidit. Eodem anno 7. Idus Augusti obiit Leodii non absolutus ¹³.

1. Karolus imperator magnus, qui supremo vitæ suæ tempore Saxones diversis variisque conflictibus duodecimo demum bello ad fidem Christi compulsi, et Dei auxilio episcoporumque consilio Christianam religionem super eos corroboravit, æcclesias scilicet per loca Patherburne, Corbeie, Mynden, Hyldeneshem, Herstelle, et ceteras ædificari fecit, et episcopatus ibidem futuros præordinavit, anno incarnationis Domini 814, ad Christum migravit, anno ætatis suæ 72, regni autem ejus 43, imperii vero 14; cui filius ejus Lothewicus successit. Qui et eosdem episcopatus juxta decretum patris instituit, et ipse GUNTARIUM primum episcopum in Hildeneshem ordinari fecit. Qui episcopus primo suæ ordinationis tempore in cymiterio capellam ædificavit, in qua ¹⁴ postmodum sepultus cum suis successoribus quievit († an. 834 ? Jul. 5). C

2. Huic successit REINBERTUS secundus episcopus, quo defuncto anno dehinc prædictæ incarnationis Domini 835* (Febr. 12).

3. EBO archiepiscopus Remis deponitur, et in Hildeneshem imperatoris clementia relegatur. Qui 12 annis æcclesie præfuit, et episcopalem ordinem, ut sibi videbatur exercuit (an. † 851, Mart. 20).

4. Anno deinde 847 ¹⁵ incarnationis Domini ALTRIDUS quartus episcopus ordinatur (ante Aug. 15). Qui æcclesiam regulariter regendo, quicquid antecessor suus de sacris ordinibus temere usurpavit, decreto canonum rationabiliter annullavit. Idem præsul monasterium nostrum in timore Domini inchoavit, et sub ipso inchoationis exordio criptam orientalem in honore sanctæ Mariæ virginis consecravit. Qui et duas curtes suæ proprietatis Saleghenstad ¹⁶ (107) et Asnede (108) nostræ æcclesie condonavit. In quibus abbatias, Salegenstad, monachorum, et Asnede virginum coadunavit. (Cf. *Vitam Godehardi*.) Ipse episcopus 852. prædictæ incarnationis Domini anno cum Liudolpho Gandeshemense cenobium primo in

Brunesteshusen, et quarto post hæc anno in Gandesheim, ¹⁷, ut prænotatum est, inchoavit. Qui et æcclesiam ibidem ædificare cœpit, et Hathamodam ejus ducis filiam primam abbatissam ibidem ordinavit, decimas etiam ex proprietate suæ æcclesie ibidem pro exhibendo sibi servimine et censu in beneficium præstitit, et cetera ibi Christo famulantibus profutura ex suo paterna pietate providit. Qui 18. post anno Hathamoda defuncta Gerbergam sororem ejus abbatissam ordinavit. (Cf. *Ann. Hildes.*) Ipse etiam anno incarnationis Domini 872, suæ vero ordinationis 26, inchoatum Hildeneshem monasterium Deo gratias consummavit, et divinæ majestati in honore sanctæ Mariæ sub titulo sanctorum Cosmæ et Damiani. Tyburtii et Valeriani, et sanctæ virginis Cecilie devotissime dedicavit Kal. Novembris. Qui et tertio post anno, suæ ordinationis 29, plenus dierum et vere plenus bonorum operum 18 Kalendas ¹⁸ Septembris (874), scilicet in assumptione sanctæ Mariæ, in consortium sanctorum veraciter assumptus migravit, et Asnede in sua ecclesia, quam ipsa inchoavit, consummavit, dedicavit, sepultus quievit, ibi usque hodie in miraculorum virtutibus per plurima sanitarum insignia, ut eo loci commanentes veraciter affirmant, omnibus innotescit. Eodem etiam anno, id est incarnationis Domini 875, Lodewicus imperator obiit, filius Lodewici.

(*Ann. Hild.*) Post Alfridum Liudolfus quidam monachus Corbeius designatur sed subita morte præventus aufertur.

5 (*Ann. Hild.*) MARCQUARDUS dehinc quintus episcopus successit, qui etiam in Gandesheim trabes æcclesie posuit, qui 4. ordinationis suæ anno occisus est a Selavis ¹⁹ († *Ann.* 880, Febr. 2). Ipse juxta relationem veterum prædictas abbatias Salegenstat et Asnede negligenter amisit.

6 (*Ann. Hild.*) Anno deinde incarnationis Domini 880, WICBERTUS episcopus electus est, qui in suo tempore medicinæ artis peritissimus fuit ²⁰, et bibliothecam (109), quæ adhuc in monasterio servatur, propria manu elaboravit, et pluralem utilitatem suæ æcclesie prævidit. Ipse etiam utilitati fratrum consulens, omnem substantiam æcclesiasticæ proprietatis subtili sagacitate distribuens per villas, curtes, familias et decimas, terciam partem ad præbendam fratrum instituere decrevit, sed obitu præventus eandem inscriptionem successori suo complendam reliquit (*Vita Godeh.*) Hic etiam anno 883, incarnationis Domini et suæ ordinationis anno 4, consummatam æcclesiam in Gandesheim dedicavit, et Gherberga abbatissa defuncta sororem ejus Christianam ²¹ instituit ibidem (an. † 903, Nov. 1).

VARIE LECTIONES.

¹¹ ita emendo; III. codex. ¹² vox deest in c. ¹³ hic incipit 2. ¹⁴ q. ipse p. 2. ¹⁵ DCCCXLVIII. 2. ¹⁶ halegenstad et asvede 2. ¹⁷ gandeschem 2. ¹⁸ deest 1. ¹⁹ et in Ebbekerstorp sepultus 2. ²⁰ deest 2. ²¹ Christianam c.

NOTE.

(107) Osterwick ?
(108) Essen.

(109) l. e. biblia.

7. Huic WALBERTUS septimus episcopus successit, qui præposituram et præbendam fratrum, ut antecessor suus prætitulavit, fideliter instituit, et ambobus æternæ retributionis præmium coram Deo acquisivit. (*Vita Godeh.*) Ipse etiam Christina²² defuncta Roswidam abbatissam ordinavit († an. 919, Nov. 3).

8. (*Ann. Hild.*) Post Walbertum SEHARDUS octavus episcopus præponitur, qui anno 926, ²³ incarnationis Domini turrim occidentalem in Gandesheim dedicavit, et Roswida defuncta Wendelghardam abbatissam ordinavit. Ipse etiam in nostro monasterio altare sanctæ Crucis et parietes et pulpitiæ evangelium argento honeste redimivit (an. † 928, Oct. 10).

9. (*Ann. Hild.*) Anno dehinc 928, Sehardo defuncto, THIETHARDUS abbas Herveldiæ nonus ²⁴ episcopus nobis ordinatur, qui inter plurima suæ pietatis indicia tabulam principalis altaris auro purissimo, gemmis et lapidis preciosis, ut hodie apparet, decenter adornavit, qui et in Gandesheim novam æcclesiam ad monachas anno 939. ²⁵ incarnationis Domini in honore sanctæ Mariæ consecravit.

10. (*An. † 954, Sept. 13.*) Quo ordinationis suæ anno 27. defuncto (cf. *Ann. Hild.*), OTHWINUS Parthenopolitanæ sedis abbas decimus episcopus ordinatur ²⁶. Qui pluralem utilitatem suæ æcclesie per 30 annos prævidit, specialiter tamen curtem Gysenheim (110) in utilitatem fratrum ²⁷ acquisivit, vinum etiam in summis festivitibus per 16 dies fratribus instituit. Ipse etiam preciosum aurum et gemmas et lapides et margaritas in constructionem calicis et patinæ collegit; sed infirmitate præventus, sub sigillo et fide Christi successori suo reservavit. Qui 30 ordinationis suæ anno ad Christum feliciter migravit. (*Vita Godeh.*) Ipse etiam Wendelgharda defuncta Gerbergam ²⁸ abbatissam in Gandesheim ordinavit (an. 984, Dec. 1).

11. Otwinio pontificis 29 ²⁹ OSDAGUS. undecimus episcopus successit (an. 985): qui ex sua hæreditate et acquisitione curtem majoris Aleghrimeshem (111) cum 30 mansos in utilitatem fratrum instituit (an. 989, Nov. 8).

2. Quo quarto ordinationis suæ anno defuncto (an. 990) GERDAGUS duodecimus episcopus successit; qui etiam sua proprietate et acquisitione curtem minoris Alegrimeshem et Sighebreetheshusen ³⁰ (112) fratribus ad 40 mansos donavit. (*Ann. Hild.*) Qui tertio suæ ordinationis anno Romam adiit, et inde rediens 7. Idus Decembris ad Christum migravit (an. 992, Dec. 7).

VARIÆ LECTIONES.

²² christiana c. ²³ DCCCCXXIII. 2. ²⁴ novus 1. 2. ²⁵ DCCCCXXXVIII. 2. ²⁶ o. prius ante abbacialem dignitatem Augensis monachus 2. manu 2. ²⁷ deest 1. ²⁸ gergham 1. ²⁹ p. mortuo O. 2. ³⁰ siggebretthethusen 1. ³¹ e. ut f. 2. ³² ut . ³³ monasterium — condonavit *desunt et infra multo ampliora leguntur* 2. ³⁴ c. majoris hemedesdorn 2. ³⁵ Hemelesderen glossa 1. ³⁶ decima 2. ³⁷ done excisa 1. ³⁸ regno 1. ³⁹ ura excisa 1. ⁴⁰ necessaria c.

NOTÆ.

(110) Geisennem, vini ferax.
(111) Algermissen,

(112) Sievershausen ? Sibbesse ?
(113) Himmelsthür.

13. (THANMARI *Vita Bernw.*) Deinde incarnationis Domini 993° (*Jan. 15*) BERNWARDUS regius capellanus decimus tertius episcopus æcclesie nostræ constituitur. Qui ab exordio promotionis suæ quicquid acquirere potuit utilitati suæ æcclesie ³¹ fidelis dispensator prudenter imperavit; aurum namque et lapides, quo beatæ memoriæ Othwinus, ut prædictum est, reservavit. iste in calicem et patinam magnæ pulchritudinis, et ³² pulchræ magnitudinis, ut modo videtur, fabricavit, et plurima utensilia, ut inter vitæ suæ opera inscribitur, suæ æcclesie contulit. Monasterium ³³ quoque sancti Michaelis construxit et ex parte dedicavit, in quo et abbatiam et congregationem monachorum instituit. Quorum utilitati prædia et curtes et familias ad trecentos mansos condonavit, fratrum etiam utilitatem in præbenda et vestitura clementer ampliavit, quibus curtem ³⁴ Hemethedoron ³⁵ (113) cum sua possessione in familiis et decimis ³⁷ ad hæc implenda delegavit. (*an. 1022, Oct. 30.*) Ipse etiam in Gandesheim, ut prænotatum est, a Willighiso archiepiscopo et etiam ab Aribone varia vexatione fatigatus, tandem justitia dominante victoriam obtinuit, et novum monasterium ibidem in conspectu regis Heinrici et Willighisi archiepiscopi incarnationis Domini 1007, et suæ ordinationis 15. digne consecravit (an. † 1022, Nov. 20).

14. (WOLFHERRI *Vita Godeh.*) Anno incarnationis Domini 1022 (*Dec. 2*), suæ vero ordinationis 30, beatus Bernwardus episcopus ad Christum migravit, cui venerabilis GODEHARDUS Altahensis abbas successit. Qui omnibus exemplar justitiæ et humilitatis in finem perseveravit in omni religione sanctitatis. Qui sub initio promotionis suæ ab Aribone Mogontie archiepiscopo super Gandeshemensi æcclesia impetitur, et per aliquot annos varia vexatione irritatur; donec ³⁷ tandem anno Dominicæ incarnationis 1027, regni ³⁸ vero Cunradi ³⁹ regis quarto, imperii autem primo, synodo generali Francanovordi coadunata, ipso imperatore cum episcopis 22 præside, diocesim et potestatem super Gandeshemense territorium synodali decreto testimonio septem episcoporum canonice retinuit. Ipse etiam fratrum utilitatem in præbenda et vestitura clementer ampliavit. Ipse etiam in curte sua Hildeneshem, veteri æcclesia quam Otwinus episcopus ibidem ædificavit dilapsa, pulchrum monasterium in honore ascensionis Christi construxit. In quo clericos plures in diverso studio scripturæ et picturæ rationabiliter utiles congregavit. Quibus de acquisitione sua victus et vestitus necessaria ⁴⁰ providit sufficienter. Set pro

peccatorum culpa idem monasterium igne consumitur, congregatio dilabitur, utilitas ibidem collata in diversa distrahitur.

15. (Cf. *Vitam Godehardi* c. 33, et *Ann. Hild.* a. 1038.) Quo 16. ordinationis suæ anno defuncto ⁴¹ (an. 1038, *Mai* 5), THIETMARUS ⁴² regius capellanus successit (an. 1038, *Aug.* 20), qui utilitatem æcclesiæ suæ fratrum benigna dilectione in pluribus ampliari decrevit, set peccatis nostris impediendis non implevit. Cotidianam tamen præbendam fratrum ampliavit, et prædium in villa quæ appellatur Wengarde (114), a Walberto presbytero acquisitum, fratribus condonavit. (*Ann. Hild.* a. 1039.) Idem episcopus primo suæ ordinationis anno Sophia Gadeshemensi abbatissa defuncta, et Adelhaida sorore sua ei subrogata, quando eam jussu regis in eandem æcclesiã introduxit ante altare, et obedientiam et subjectionem sibi promittenti in æternam curam commendavit, et decimas quas antecessores ⁴³ sui ibidem beneficii gratia præstiterant, banni sui auctoritate ⁴⁴ repetivit, et easdem Christiano comite ejusdem æcclesiæ advocato reddente recepit et sibi suæque æcclesiæ in proprietate, banni sui auctoritate communivit, astante Hermanno Coloniensi archiepiscopo cum innumera multitudine cleri et populi; easdem tamen decimas ibidem ad preces archiepiscopi cum consilio sui cleri et populi eidem altari et abbatissæ repræstitit, pro eodem scilicet ⁴⁵ servimine et censu, sicut beatus Bernwardus episcopus, antecessor suus, ibidem instituit ⁴⁶.

16. (Cf. *Vitam Godehardi* c. 33; *Ann. Hild.* a. 1044.) Quod subita morte prævento (an. 1044, *Nov.* 14), AZELINUS regius capellanus ei successit; qui pluralem utilitatem suæ æcclesiæ diversa acquisitione contulit, veruntamen, ut veremur, ante Deum reus exstitit, quod monasterium nostrum ⁴⁷ igne consumptum inconsulte dejecit. Ipse etiam fratrum commoda sæpius ampliari decrevit, set varia occupatio præpeditus, tandem subitaneo obitu occupatus non implevit. Dedit tamen anulum ponti-

ficalem et dorsale bonum suo nomine inscriptum, cum campana Cantabona vocata. Dedit etiam coronam (115) auro et argento radiantem et coram principali altari pendentem ⁴⁸.

17. Defuncto eo (an. 1054, *Mart.* 8) ETHYLO (116) Goslariensis præpositus nostræ æcclesiæ delegatur, qui vir tal. litterali scientia quam matre virtutum discretionem conspicuus, opus quod antecessor suus in occidentali parte nostræ civitatis inchoaverat, quippe cujus magnitudo tenuitatem rerum nostrarum excessit, antiquo capiti æcclesiæ, quam dominus Altfridus in eodem loco divina revelatione fundaverat, novum corpus moderatæ compositionis mira arte conjunxit; quod postea procedente tempore prædiis de sua acquisitione ditatum, palliis, calicibus, corona ymaginem celestis Jerusalem præsentante ceterisque æcclesiasticis ornatibus, insuper auro et gemmis preciosiore librorum thesauro decoravit. Ipse etiam præbendas fratrum, determinato non comprehensas numero, sapienti consilio ad certum numerum, 50 scilicet, redegit, et ut secundum regularem institutionem æqua omnibus portio daretur, quod usque ad id temporis consuetudo nostra non habuit, banni sui auctoritate firmavit. Fuit quoque studiosus in honorando nomine clericali, diligentissimus in promovendis ad spiritalia arma clericalis militiæ pueris et juvenibus, quibus, quod verbo docuit, se ipsum qualiter fieri oporteret, exemplum proposuit. Quam largus autem fuerit in elemosinis, ipsi adhuc pauperes testantur, quorum tamen hac discretionem supplebat inopiam, ut prorsus ab hiis qui utcumque parum operari poterant, viciorum matrem extirparet desidiam. Habet tamen in eo divina sententia, ut veremur, quid feriat, quia institutionem nostri ordinis in abbreviatione divini officii, in superfluitate vestium, in relaxando regularis vitæ districtionem, non dico mutavit, set mutantibus non contradixit. Pari enim reatu teneris, et errori consentire, et, ubi possis, illicita non prohibere. Deinde crescentibus rebus æ-

VARIAE LECTIONES.

⁴¹ 2. scribit: sepultus in scripta majoris nostræ æcclesiæ. ⁴² thietmarus 1. ⁴³ ssore *excisa* 1. ⁴⁴ te *excisa* 1. ⁴⁵ videlicet 2. ⁴⁶ hæc habet: Iste Thietmarus rexit 6 annis aut circa, et molestus fuit monasterio sancti Michaelis, aliqua bona scilicet decimas in Lafferde, Eggensem, Nettolinge, Sawynge et Beddungen (a) ac bona in Wenthusen auferendo ex inductione quorundam perversorum simili modo sicut Hildewinus, qui beatum Godehardum ad similia induxit, set non prevaluit. Vir enim sanctus considerans suam maliciam (c. m. ejus m. 2) et certorum aliorum invidiam eis non consentisit. Post obitum tamen sancti Godehardi non cesarunt, set calliditate vulpina devotum virum Deithmarum episcopum tandem induxerunt, ut eadem bona que sanctus Bernwardus de thesauro Ottonis tertiæ emit et monasterio præfato contulit, ipse auferret monasterio, set tamen post miserabilem obitum quorundam invidorum penitencia ductus totum monasterio restituit. Et tamen postea nescio per quos eadem bona cum quibusdam aliis scilicet decima in Berberch (b) monasterio ablata (ita corr. m. 2 accepta m. 1.) sunt et aliis ecclesiis collata, non verentes maledictionem sancti presulis Bernardi prout in ejus legenda clarius continetur. Quo subita morte preventivo (et sepulto apud murum versus sacrarium addit m. 2.) anno M^oXLIV^o Azelinus 2. ⁴⁷ m. majoris ecclesiæ 2. manu secunda. ⁴⁸ hæc habet: Anno Domini 1054. Azelinus migravit ad Christum, sepultus in principali ecclesia juxta columpnam omnium sanctorum in parte australi et loco ejus constituitur Ethile, etc.

NOTE.

(114) Wennerde, olim apud Sarsted sita.

(115) *Lüttike crone* glossa s. XV.

(a) Lafferde. Hoheneggelsen, Nettlingen, Savingen, Beddingen.

(116) Hezilone vocat Henricus IV rex in dipl. a. 1057.

(b) Bierbergen.

clesiæ numerum Deo servientum studens augere, in honore sancti Mauritii, in monasterio quod beate memorie Godehardus ⁴⁹ episcopus ædificaverat, sanctimonialia instituit; scilicet considerato hoc sexu tum oportunitate loci tum natura ad peccandum proniore, ipsis ejectis 20 canonicos novo in monasterio reposuit, quibus victus et vestitus necessaria procurans, Cononem consanguinitate sibi proximum, post Brissinensem episcopum, ipsis præposuit. Jam autem instante ætatis suæ vespere vespertinum oblaturus sacrificium, in orientali nostræ civitatis parte prius domum belli in domum pacis, adjuncto etiam novo opere, commutavit, et 15 canonicis institutis abundeque illis necessariis provisus, Adeloldo præposito, viro sanctæ memoriæ, regendos commisit. Set quia idem monasterium infirmitate præventus consecrare non potuit, Burchardo Halverstadensi episcopo, fortissimo in bello æclesiæ militi, sub titulo sanctæ Crucis et beatorum apostolorum Petri et Pauli consecrandum commisit. Quo ad purum infirmitatis igne excocto, prædicti præsulis ammonitu, fratribus nostris ex corde pœnitens quicquid abstulerat, decimas scilicet et curias Wangarde, Eymbrike (117), Poppenburg (118) reddidit, et quæ longo tempore congregaverat, ipse ut prudens animal per manus pauperum Domino offerenda præmisit. Considerans enim impossibile esse multorum non exaudiri orationes, nullam in tota Saxonia congregationem prætermisit, quam non quantolocumque karitatis munere honoraverit. Ipse quoque de immutatione nostri ordinis facta confessione pœnitentiam accepit, et fratres nostros astantes sub attestazione divini timoris ut in pristinum restitueretur, consulendo præcipiendo ammonuit. Ad cuius virtutis cumulum hoc quoque laudibus ejus placuit inserendum, quia pene omnibus Ytalicis et Teutonicis episcopis inauditam et in omni canonum serie non lectam domni Gregorii pape hujus nominis septimi dampnationem subscribentibus, ipse quoque timore mortis subscripsit, set quod scripserat, ut homo sagacissimi ingenii, obelo supposito dampnavit. Cujus quia subscriptionis pœnam et excommunicationem, scilicet hac pro inobedientia subsecutam, maxime nostro in tempore luimus (119), visum est socordiam, tantam tanti viri sagacitatem, qua se ab hac coram Deo absolvit, silentio præterire. Hic cum Henricus rex hujus nominis quartus totam pene Saxoniam rapina vastaret et incendio, data infinita pecunia, ut ne una domus in omni nostro episcopatu combureretur effectit. Si quis autem objiciat pro eo non orandum quem excommunica-

tionis pœna diximus innodatum, certissime scit Adalberonem Werzaburgensem episcopum cum Eilberto Mendensi episcopo auctoritate apostolica Corbeie absolvisse, nec postea cum corpore, nunquam autem animo excommunicatis communicasse. Obiit autem beate memoriæ domnus Hetylo episcopus anno Dominicæ incarnationis 1079 (Aug. 5), ordinationis vero suæ 26^{to}, et in monasterio sancti Mauritii, in loco quem ipse sibi præfoderat, requiescit. Cujus quia adhuc in nostra congregatione plurima vivunt beneficia, ejus quoque apud nos nova semper et celebris vivit memoria.

18. Huic octavus decimus episcopus UDO successit, qui æclesiæ nostræ 33 annis præfuit. Hic, ut omnium pace dicatur, cum oblectamentis temporalis vitæ nimis indulgeret, justo Dei judicio condignas levitatis suæ pœnas exolvit. Ecberto namque marchione episcopatum nostrum incendiis ac rapinis atrociter invadente, et muros urbis gravissima obsidione coartante, idem episcopus ob tutelam sui et defensionem æclesiæ decimas, quæ omnes fere illi vacabant, aliasque æclesiæ possessiones coactus est militibus impertiri, et quod magis perniciosum esset multas, pœnas videlicet pecuniarias pro criminalibus culpis institutas, hominibus suæ ditionis relaxare. Extremo tamen vitæ suæ tempore moribus sincere correctis, prædia quædam suæ proprietatis cum ministris ad jus episcopale contulit; quæ vero in Bocholte (120) titulo hereditariæ successionis possederat, et quod in Witisleve (121) a quodam Godeschalco emptionis nomine acquisiverat, ad opus fratrum delegavit. Insuper quod ⁵² filiæ fratris sui Elike et Atheleidis ⁵³ venerabiles ⁵⁴ abbatissæ, prædium suum in Hevenhusem (122) ⁵⁵ cum omnibus suis atinentiis æclesiæ nostræ largirentur, effectit (an. 1114, Oct. 19).

Post hunc BRUNIGGUS Goslariensis decanus, ætate maturus et industria conspicuus, æclesiæ nostræ delegatur (an. 1115). Qui episcopatum quidem nostrum quatuor annis gubernavit, set cum a Moguntino Adelberto consecrationem nollet suscipere, episcopatum resignavit; et ad æclesiam sancti Bartholomei, cui quædam de bonis episcopalibus, quædam de rebus proprietatis contulerat, sese transtulit, ibique diem exitus sui Deo devotus expectavit ⁵⁶ (an. 1120, Mart. 3).

19. Dehinc BERTOLDUS, venerabilis noster præpositus, cleri plebisque consensu æclesiæ nostræ præficitur (an. 1119, inter Jun. 5 et Oct. 31). Qui et officio ecclesiastico excellenter eruditus, et religiose conversationis studio præclarus, religiosas quasque

VARIE LECTIONES.

⁴⁹ G. 1. ⁵⁰ XVII, XXVI. 2. ⁵¹ ad 2. ⁵² ita 2. vox deest 1. ⁵³ cilika et ælheydis 2. athelhedis 1. ⁵⁴ venerabilis 1. ⁵⁵ heneshusen 2. ⁵⁶ ubi et sepultus est 2.

NOTÆ

(117) Emmerke.

(118) Poppenburg ad Leinam.

(119) E. g. anno 1080. Saxonia vastata.

(120) Buchholz a septentrione Hannoveræ aut

Bokholt præfecturæ Bodenteich.

(121) Wetzleben apud Wollenbützel.

(122) Hevensen prope Hardeggen.

personas omnibus modis suæ aggregare nitebatur æcclesiæ. Ipse sacras virgines in episcopatu nostro primus inclusit⁵⁷, et clericos quos regulares vocant introduxit, ejusdemque ordinis præposituram in Banchenrothe (123), et de suis et episcopilibus bonis instituit. In capite etiam sanctuarii principalis æcclesiæ opus elegantis structuræ ædificavit (an. 1130, *Mart.* 14).

20. Huic BERNHARDUS episcopus successit (an. 1130, *inter Mar.* 28 et *Jun.* 12). Qui primum magister scholarum, deinde majoris æcclesiæ præpositus, pari desiderio cleri et populi supra modum renitens in episcopum eligitur. Electus autem sicut vir litteratura ac discretione omnique virtutum decore conspicuus, dispersa congregare, et congregata conservare, et habita modis competentibus augmentare curavit. Abbatiam siquidem Ringelemensem (124) prius regalem, nunc vero episcopalem, Conrado rege consensu principum donante, in perpetuum sibi et successoribus suis obtinuit (an. 1151, *Jul.*, 30), ac præposituram in Alsburg (125), cum ante non totam possideret, Heinrico duce partem suam conferente, integraliter bonis proprietariis æcclesiæ nostræ coadunavit. In honore quoque beati Godehardi episcopi nostri et confessoris, vere sanctorum catalogo fieri inconvenienter ascripti, cujus ipse translationem auctoritate Innocentii papæ et conventia Remensis concilii sollempniter celebravit (an. 1132), monasterium in australi parte nostræ civitatis construens dedicavit et dotavit, ac fratres monasticæ professionis inibi Deo servituros constituit, et is Fridericum primum abbatem præfecit (an. 1146). Ipse fratrum utilitati pie prospiciens, partem prædii quod in Walehusen (126) habebat, in augmentum præbendarum contulit. Prædia vero quæ venerabiles abbatissæ Adelheidis et Erika æcclesiæ contulerant, hac moderatione fratribus impertivit, ut curtes et litones usui fratrum cederent, ministeriales vero curiæ episcopali curialium more deservirent, sic tamen ut ministerialium absque herede decedentium bona seu beneficia fratrum bonis semper accedant. Nec hoc silentio prætereundum est, quod curtem nostram in Embreke, qua longo caruimus tempore, sagaciter requisivit et fratribus reddidit, et inde quatuor servitia fratrum consilio dari ordinavit, duo fratribus sancti Mauriti et sanctæ Crucis, in Ascensione et in Pentecosten nobiscum in refectorio, unum in apostolorum Petri et Pauli festo, quartum in ipsius boni comitis Thietmari, qui eadem bona nobis contulit, anniversario. Et ut fratribus affectum fraternæ dilectionis in omnibus declararet, medietatem oblationum altaris beatæ Mariæ, et terciam partem eorum quæ

A ad beatum Godehardum offeruntur, itemque oblationes sepulchri cum omni integritate, domno Hermannō Thuringo venerabili presbytero interveniente, fratribus erogavit (an. 1146), et ne rerum necessarium defectum sentire cogerentur, instituit ut per licentiam absentibus per 15 dies plenaria præbendarum portio præter vinum ministraretur; quando autem vinum deest, 10 nummos pro vino dari, cum ante septem darentur, ordinavit. Castrum etiam Winzenburg funditus dirutum, ut sibi ad tutamen æcclesiæ reædificare liceret, ab imperatore Lotario impetravit, quod et reædificavit, et ut æcclesiæ et sibi et successoribus suis, et absque alicujus invasione, liberum permaneret, duorum Romanorum pontificum Innocentii et Eugenii, magnorum in Christo virorum, banno firmari rogavit (an. 1135, *Nov.* 25). Ipse etiam ligneam turrim vetustate dirutam amovit, et novam non modico sumptu reposuit, deditque vas crismatum argenteum et dorsale valde bonum, quando Imbrike fratribus resignavit, in testimonium (an. 1149), *Mai.* 27). Indumenta quoque episcopalia aurifrigiis decenter ornata de suo æcclesiæ comparavit, anulosque duos pontificales suo nomine inscriptos, unum topazio aliisque gemmis cum margaritis circumpositum, alterum quadrangulum jacincto optimo radiantem beatæ Mariæ obtulit. Qualiter etiam monasterium nostrum campanis et picturis adornaverit, coram omnibus elucescit. Prærogativam denique episcopalis officii, quam in Gandeshemensi æcclesia sui antecessores, episcopi videlicet Hideneshemenses, habuerunt, toto vitæ suæ tempore quiete possedit. Nam domnam Liutghardam, domnæ Berthæ abbatissæ subrogatam, Goslarie in curia imperatoris Lotharii in æcclesia beatorum apostolorum Symonis et Judæ, promissa sibi debita obedientia, manu propria consecravit. Qua defuncta, domnam Adelheidam illi rite substitutam, oculorum cecitate præpeditus, per manum domni Bernhardi Palburnensis episcopi, in Gandeshemensi monasterio præsentialiter sibi obedientiam promittente, fecit consecrari. Obiit autem anno Dominicæ incarnationis 1153 (*Jul.*, 20), suæ vero ordinationis anno 23, et in monasterio beati Godehardi requiescit.

D 21. Post obitum domni Bernhardi BRUNO decanus, vir bonus et providus, æcclesiæ nostræ præficitur. Qui rebus æcclesiæ conservandis ac meliorandis annis 10 totum se impendit quibus ipse præfuit. Tectum et pavementum principalis æcclesiæ erogatis fere 50 marcis meliorari fecit. Officinas domus et curiæ episcopalis dilapsas reparavit. Castrum quoque Winzenburg non modico sumptu turre

VARIE LECTIONES.

⁵⁷ *sequentium loco hæc habet* 2: Monasterium etiam dictum Vessingerade quod hodie Marienrade vocatur innovavit, et ibidem fratres ordinis Cisterciensis collocavit et moniales ibi quondam habitantes locavit in Iserenhagen.

NOTE.

(123) Hodie Marienrode.
(124) Ringelheim ad Indristam.

(125) Oelsburg.
(126) Wallshausen.

firmissima communivit. Contulit autem ad ipsum armarium totum testamentum novum et fetus utrumque glosatum, expositores et historiographos ac divinorum librorum tractatores, nec non libros phisicæ, aliosque quam plures suo nomine insignitos. Ornatum vero adauxit æcclesiæ, casulam de examito ornatam aurifrigio, dorsale de pallio, infulam, cyrothecas, sandalia nova, et alia usitata, capsam cum reliquiis et pedem crucis conferendo. Obtulit præterea ad præbendam fratrum tres mansos et dimidium et duas areas in Eilstringhe (127). Tres mansos et tres areas in Solesze (128) cum octo mancipiis, ac cyphum argenteum septem marcis comparatum ⁵⁰.

22. ⁵⁰ Episcopo Brunone defuncto ⁶⁰ (an. 1162, Oct. 18), HERMANNUS præpositus Sanctæ Crucis communiter ab omnibus electus, a fidelibus æcclesiæ, consulto tamen prius imperatore, qui eo tempore in Ytalia morabatur, sacramentum fidelitatis suscepit, cunctisque negociis suis et comodis circa redditus episcopales libera potestate dispositis, cum milicia domnum imperatorem in Ytaliam secutus, regalium investituram apud Papyam adeptus est (129). In episcopatu denique constitutus, sociam semper habens humilitatem cum timore Dei et omni mansuetudine, subditos sibi gubernabat, erga fratres tanta usus benivolentia, ut terciam partem sacrificii in choro sancti Godehardi circa initium suæ promotionis ipsis largiretur. In memoriam quoque omnium fidelium animarum, quam ipse primus in æcclesia nostra celebrem fecit, tres mansos in Sutherlandem (130) et molendinum de patrimonio suo fratribus assignavit; Ganderhemensem æcclesiam incendio depravatam, sed studio Atheleidis abbatissæ reparatam, Hartwico venerabili Bremensis æcclesiæ archiepiscopo multisque aliis episcopis cooperantibus, solempniter dedicavit. Nec unquam in æcclesia Coslariensi aliquam contradictionis molestiam sustinuit, adeo ut in quadam solempni curia Goslarie celebrata, cum ipse adhuc diaconus esset, et plerique episcoporum, utpote Moguntinus Conradus et Reinaldus Coloniensis, similiter in diaconatu constituti et simplici electionis honore pollentes, suscipiendi domnum imperatorem in processione et sermonem faciendi ad populum ex officio suæ dignitatis, Hildeneshemensis electus, onus et laborem ibidem subire cogeretur. Post aliquot annos suæ promotionis quidam sui fideles, quia eorum usque quaque voluntatibus nolebat esse obnoxius, tantis rapinis et incendiis demoliti sunt episcopatum, ut ab hac

A calamitate tercia pars episcopatus vix immunis remaneret. Consilio tamen domni imperatoris et principum ejus hac utcumque sedata commotione, Jomanus Hermannus episcopus per consensum fratrum ad sepulchrum Domini profectus est; in qua protectione præter alios labores naufragium passus, ad tantam devenit inopiam, ut tantus princeps, genere et dignitate præclarus, publicæ mendicitati subiceretur. A patriarcha tamen Jherosolimitano et ab aliis terræ illius religiosis pie susceptus, benigne habitus et honorifice dimissus, rediit in patriam suam acceleravit; veniensque bene sospes in Ytaliam, ibi egrotare cepit, et apud Secusium (131), fide plenus, defunctus est et ibidem sepultus ⁶¹ (an. 1170, Jul. 10).

B 23. ⁶² ADELOGUS ⁶² præpositus Goslariensis post decessum Hermanni episcopi ab omnibus electus est (an. 1171). Qui pluribus, ut in privilegiis suis continetur, fratrum commodis pie prospiciens, in præstatione castri Homburg (132), quod ⁶⁴ ipse alienatum ab ecclesia per Heinricum ducem, domino Friderico imperatore cooperante, datis pecuniis requisivit (an. 1181), duos mansos in Waltrinkhusen (133) et Westenhem, 10 solidos solventes, a duobus fratribus Ludolpho videlicet et Adolpho, qui partem ejusdem castri in beneficio susceperunt, et ab aliis duobus fratribus Bodone et Bertoldo, qui suam nichilominus partem ab episcopo feodaliter perceperunt, 10 marcas ad emendum prædium in opus fratrum dari ordinavit (an. 1183). Prædium quoque comitis Ottonis de Asle (134), a vidua ipsius comitis domina Salome quod ad ipsam legitima successione devolutum erat, sua filia consensiente abisque suis heredibus legitime consensientibus, multis laboribus et magnis impensis comparatum cum omnibus suis attinenciis, mediante domino Friderico imperatore et factum episcopi modis omnibus corroborante, ecclesiæ nostræ acquisivit (an. 1186). Mansos autem 7 et 8 jugera in Stenem ad idem prædium pertinentes et tunc temporis sibi vacantes ad usum fratrum sub ea determinatione deputavit, ut redemptis bonis ac pignoribus ecclesiæ, in emptionem eorumdem prædiorum obligatis, tunc demum liberam utendi eis habeant facultatem. Præstitit insuper matris duobus fratribus Ludolfo et Wilbrando sexaginta marcas argenti, quando Jherosolimam proficiebantur cum domino imperatore, castro ecclesiæ Halromunt (135), quod ipsi de manu episcopi beneficiario munere ⁶⁵ tenuerunt, loco pignoris recepto, et aliquot ministerialibus suis, ac interposita pæ-

VARIE LECTYONES.

⁵⁰ hucusque primum scriptor exaravit. ⁵⁹ numerus deest. ⁶⁰ Brunonis obitus in codice 2. circa annos Dominici MCLXIII vel MCLXIII aut circa contigisse scribitur. ⁶¹ Hucusque prima manus incipit altera sæculi XIII. ⁶² numerus deest. ⁶³ delogus c. ⁶⁴ quo c. ⁶⁵ in pheodum tenuerunt 2.

NOTE.

- (127) Eilstringe desolatam prope Rosenthal.
 (128) Solschen).
 (129) Cl. Lüntzel Hermannum post d. 21 55 Dec. 1164 consecratum scribit.
 (130) Sottrum.
 (131) Susa.

- (132) Homburg.
 (133) Waltringhausen, principatus Schamburg.
 (134) Asle, Asselburg prope Burgdorf, haud procul ab Indistra situm fuit.
 (135) Prope Springe.

cione, ut ædem prædictæ marcæ redemptis pignori-
 bus ab heredibus prædictorum ⁶⁶ fratrum in
 usum ecclesiæ debeant provenire. Consuetudines
 præterea quasdam, et quædam jura ecclesiæ, quæ
 ante tempora sua, scripta specialiter comprehensa
 non habuimus, ne in posterum aliqua possent ma-
 lignancium iniquitate convelli, scripto compre-
 hendit, et alia quædam ante non habita clementi
 bonitate superaddidit (*an.* 1179) quod videlicet ne
 ipse, ne aliquis successorum suorum episcoporum
 sine consilio discretorum fratrum, vel magna ne-
 gocia diffinire, vel beneficia majora locare, sive
 redditus mensæ suæ, si forte necessarium fuerit,
 pignori obligare vel ullo modo alienare præsumat.
 Item ut ex depravatione monetæ congregationis in
 præbendis suis detrimenta nulla sustineant, sta-
 tuit; et banno firmavit ut 24 solidi mar-
 æ examinati argenti semper æqualiter respondeant. Firma-
 vit etiam archidiaconis synodalia ⁶⁷ de ecclesiis
 sive capellis suis quæ in eorum potestate consti-
 stunt, post obitum sacerdotum qui de manu epi-
 scopi ecclesias easdem sive capellas tenuerunt.
 Testamenta quoque fratrum quæ ipsi fecerint, vel
 quæ ex aliorum testamentis legata fuerint, imper-
 petuum donavit et banni sui auctoritate munivit.
 Instituit quoque, quod nec ipse nec aliquis suc-
 cessorum suorum episcoporum bannum vel eccle-
 siam aliquam alicui ecclesiæ in episcopatu no-
 stro constitutæ sine consensu et consilio fratrum
 perpetuo possidendam debeat conferre vel dona-
 re: et cum fratres ab antecessoribus suis episco-
 pis nostris id gratiæ percepissent, ut ad bona
 obedientiarum suarum tuenda advocatum, qui
 sibi videretur idoneus, eligerent, qui tamen ad
 prædicta bona pro litibus decidendis non nisi vo-
 catus debeat accedere, prædictus pater et episco-
 pus noster amplioris benivolentiæ nobis munus
 impertiens, super memorata fratrum bona domino
 Frithero imperatore consensiente ab advocatis
 penitus absolvit, et omne jus decidendarum cau-
 sarum, sive per se sive per amicos suos, in obe-
 dientiarum ⁶⁸ transtulit; et villicationes præposi-
 turæ nostræ, Hisnem (136) videlicet Hasen et Lu-
 sbike, ab intollerabili jugo advocatorum imperpe-
 tuum absolvens, præposito regendas commenda-
 vit. Contulit etiam ecclesiæ campanam (137) valde
 bonam et duo candelabra longa, et ad sartatect
 principalis ecclesiæ fere 20 marcas impendit.

A In Gandershemensi ecclesia toto vitæ suæ tempore
 officium episcopale libere in omnibus exercuit.
 Nam domina Luidgarda defuncta, dominam Adel-
 heydam illi canonice substitutam in eodem mo-
 nasterio consecravit, synodum et crismatis conse-
 crationem ibidem quocienscumque voluit celebra-
 vit ⁶⁹. Obiit autem anno Dominicæ incarnationis
 1190 (*Sept.* 20), et sepultus est in medio criptæ
 principalis ecclesiæ.

BERNO.

24. Huic successit Berno episcopus, qui primo
 magister scholarum, exinde ecclesie nostre decanus,
 unanimi cleri electione et totius populi consensu
 ecclesie nostre prefectus est. Electus autem sicut
 vir prudens et providus et litterali scientia predi-
 tus, ita episcopatum temporibus suis administrare
 curavit, ut et honeste rerum acquisitioni et earun-
 dem conservationi decenti omnimodis intenderet.
 Ipse enim preter multas servicii ⁷⁰ imperialis ex-
 pensas, parvo tempore, quo ecclesie nostre pre-
 fuit, in reddituum mense episcopalis absolute, et in
 bonorum que ab episcopatu nomine feodi tenebantur,
 et patene majoris calicis redemptione 100 et eo
 amplius marcas impendit ⁷¹; fratrum
 etiam utilitatibus non minus studens et comodis
 4 mansos in Olem (138) a manu layca non modicis
 suis expensis expeditos, prebendis fratrum con-
 sensu episcopi assignavit, et de hiis tribus septi-
 manis panem in refectorio, sicut consuetum est,
 dari instituit. Dedit etiam in redemptione decime
 in Hoctenem (139) terciam partem pecunie; et ea
 annuatim tria talenta dari disponens, de quibus in
 aniversarii sui die cuilibet prebende 9 denarios
 assignavit: et eodem die ad sepulchrum suum
 honestum cereum et 20 solidos ad elemosinam
 majorem ordinavit. Castrum insuper Halre-
 munt sibi vacans, dum propter plurima, que ipse
 sicut vir prudens advertit, infeodandum decerne-
 ret, multa consilii sui maturitate promovit, ut et
 episcopatu plurima que non habebat accederent,
 et prebendis ⁷² fratrum 30 solidorum redditus ac-
 cresceretur. Contulit etiam ecclesie veteris ac novi
 Testamenti libros glosatos et magno scolastice di-
 ligencie studio elaboratos. Hoc etiam laudibus
 ejus placuit adjacere, quod omnes ⁷³ prepositure
 montis sancti Petri in Goslaria, diu a laycis ex ne-
 gligencia prepositorum miserabiliter ⁷⁴ occupatos,
 multis laboribus et innumeris expensis, sicut vir

VARIE LECTIONES.

⁶⁶ *alia manus sæculi XIV. incipit.* ⁶⁷ s. quæ de c. ⁶⁸ *ita corrigo*; obedientiarum c. ⁶⁹ Hic turrin
 construxit monasterii sancti Godehardi 2. ⁷⁰ *deest* 1. ⁷¹ Sub isto sanctus Bernwardus canonisatus
 fuit a tercio papa Celestino, elaborante hoc prefato Bernone presule et Theodorico abbate nostri mo-
 nasterii (*corr.* a. m. S. Michahelis) qui fuit vir per omnia providus et laudabiliter rexit. Spiritualia
 tamen partim ceperunt tepescere propter nimias divicias. Ipse multa clenodia in casulis et cappis mo-
 nasterio nostro (*corr.* suo) contulit pro ampliacione divini cultus et obtinuit infulam, sandalia cum ce-
 teris libertatibus anno Domini 1195. Post hec episcopus in Domino defunctus, quiescit in medio ecclesie
 majoris circa ascensum baptismi. *inserit* 2. ⁷² prebendi 1. ⁷³ *omissum est* redditus aut simile quid
 LEIBN. ⁷⁴ *mirabiliter* c.

NOTÆ.

(136) Itzum, Hasede, Losebeck, nunc civitas nova
 Hildes.

(137) Zadtt klokke in marg. manu sæc. XVII.

(138) Ohlum.

(139) Hotteltem. a. 1196, d. Mart. 6. Conradus
 Hildensemensis electus imperialis anæ cancella-
 rius occurrit in charta Heinrici VI Ecclesie Ultra-
 jectinæ data.

prudens et strenuus, integraliter absolvit, et ne deinceps obligetur, auctoritate apostolica communi fecit. Quam beneficis autem in fratres ejusdem loci fuerit, laudabilia ejus facta testantur, apud quos celebri et digne laudanda vivit memoria († *an.* 1194, *Oct.* 28).

CONRADUS.

25. Conradus cancellarius frater noster (*an.* 1194-1198 † a. 1202), qui primum nostre ecclesie episcopus, deinde ad Erbpolensem episcopatum translatus, in ipsa civitate propter justitiam occisus est. Ipse ecclesie nostre ornatum decenter ampliavit; dedit enim tres casulas, unam de examinato rubeo, aliam de candido, tertiam de purpura violatia, omnes ornatas aurifrigio; duas dalmaticas, unam ⁷⁵ examito rubeo, alteram de candido, albam bonam examito candido, tres pallas altaris, duas de purpura rubea, unam de auro circulatam, aliam stellatam, tertiam quotidianam in altari; cortinam bonam, que suspendi solet in aquilonari parte sanctuarii, purpuram unam villosam; sex cappas, tres de examito rubeo, tres de albo; duo scrinia pulchra ex auro et gemmis, duas porciones reliquiarum sancti Stephani et sancti Laurentii, modicum balsami; preterea advocaciam civitatis nostre pecunia non parva expedit; partem advocacie super villicacionem (140) fratribus contulit (*an.* 1198).

HARBERTUS 26^{us}.

Anno ⁷⁶ incarnationis Dominice 1216 ⁷⁷ (*Mart.* 21) obiit Harbertus bone memorie nostre ecclesie 26^{us} episcopus, qui primum cantor, deinde major ecclesie nostre prepositus, prebendas fratrum toto sue administracionis tempore utiliter et fideliter dispensans, magnum et sincerum, quem semper erga ecclesiam nostram gesserat, affectum ipsa operum exhibitione comprobavit. Domno igitur Conrado imperialis aule cancellario, nostre autem ecclesie 25^o episcopo, in illa gravissima imperii dissencione temporibus dive memorie Philippi et Ottonis ad Erbpolensem episcopatum transeunte (*an.* 1198), et ut ecclesia derelicta in legitimo sibi pastore prospiceret domno Innocencio papa hujus nomini tercio districte et sepius injugente, communi et canonico tocuis capituli et cleri consensu, omnibus laicis ⁷⁸ omnino contradicentibus, in episcopum electus est, propter quod ecclesia nostra multos ⁷⁹ et graves labores, expensas, pericula, tam eorum quam privatarum rerum dispen-

dia et episcopatum possessionum alienationes perpessa est. Tandem, misericordia Dei evigilante pro nobis, eo jam in episcopum consecrato et ad episcopium ⁸⁰ nostrum, unde per annum et amplius ejectus fuerat, revertente, rebus pro tempore satis bene compositis, dispersa recolligere, incensa et destructa reedificare, alienata ⁸¹ revocare, et ecclesiam diutina tribulationum tempestate quassatam tam in interioribus quam exterioribus omni diligentia studuit reformare. Sex quippe villicationes Orsleve, Wackensleve (141), Stockem (142), Otfredesem (143), Upum, Rengelem, pro quingentis marcis et amplius comitis Sifridi de Blankenburch a predicto domno cancellario obligatas, datis nichilominus eidem comiti ducentis marcis argenti et quibusdam aliis redditibus sibi vacantibus beneficiis assignatis ab omni ejus impetitione penitus expedit. Eorundem etiam honorum partem a quibusdam militibus et servantibus datis 30 marcis, et villicationem in Mallerten (144) datis 16 marcis, et item villicationem Stockem, quam postmodum fratres de Wulflebuthe violenter detinebant, solutis nonaginta marcis liberavit; allodium episcopale in Afdenhorp (145) et molendinum in civitate pro octoginta marcis cuidam Gerharde, et villicationem Vorstede (146) Theodorico de Alten pro sexaginta marcis tempore cancellarii obligata, 140 marcarum solutione recepit: ecclesie Gandersehem 300 marcas, et in causa abbatie de Ringelem 60 marcas expendit; in recompensatione etiam dampni quod in molendino, et aliorum honorum ecclesie, quod per Lippoldum de Escherde accidit, expensis nonaginta marcis de suo fratribus dedit villicationem et advocaciam de Monestede (147), de manu Heinrici et filiorum ejus, qui eam detinebant, 16 marcis redemit. *Reditus* 16 solidorum in eadem villa a quodam *Exo de Eilstringe* acquirens pro 4 marcis, eos ad panem scolarium in refectorio annuatim ordinavit. Advocaciam insuper obediencie in Wittenburch, et aliam advocaciam super 12 areis argento fratrum redemptas; similiter et advocaciam ⁸² bonorum prepositure majoris in Idagesem (148), et decimam ejusdem ville ad agendam ipsius memoriam fratrum deputavit utilitati, et ne quis successorum suorum ea alienaret, banni sui firmavit auctoritate; curam ⁸³ insuper Vorstede a Brunone de custode 107 marcis comparatam ecclesie nostre condonavit, predio etiam in Repenarde (149),

VARIE LECTIONES.

⁷⁵ *excidit* de. ⁷⁶ Dehinc Harbertus 26^{us} unanimi cleri dilectione floruit episcopus. Is quiescit ante altare sancte Katherine ad aquilonem. Viguit anno domini MCIII. 2. ⁷⁷ MCC 1. *manu sæculi XVII ad marginem hæc scripta sunt*: Hic injuria scribendis erratum est in numero. Vixit enim adhuc Harbertus anno 1206, ubi tria altaria in cripta consecravit, ut in hoc ipso libro sequitur. 1. *Annun.* 1216 *indicavimus ductus quæ D. Zeppenfeldt in Beitrage zur Hildesheimischen Geschichte* T. I. p. 73. *notavit* ⁷⁸ o. l. omnibus o. c. c. ⁷⁹ multas c. ⁸⁰ epm c. ⁸¹ alienanata c. ⁸² adnociam c. ⁸³ an curiam.

NOTE.

- (140) Lede, villa desolata prope Gronau.
 (141) Oschersleben, Wackersleben in principatu Halberstad.
 (142) Stöckheim.
 (143) Otfresen, Uppen, Ringelheim.
 (144) Mallerten.

- (145) Das alte Dorf prope Hildesheim.
 (146) Förste.
 (147) Münster.
 (148) Itzum?
 (149) Reppener.

quod fratres ab ecclesia beati Martini in Minda sibi comparavit ⁸⁴, de rebus suis 500 marce impense sunt: decimas etiam duas in Dunhusen (150) ecclesie condonavit. Quantis etiam tectis ecclesie principalis, et officinis curie episcopalis, expensas impenderit, quas dirutas tam ⁸⁵ a vetustate quam ex negligencia ⁸⁶ invenit, coram omnibus elucescit ⁸⁷.

SIFRIDUS 27^{us} ⁸⁸.

Anniversarius Sifridi 27ⁱ episcopi ecclesie nostre et viri mansuetissimi, qui advocaciam ⁸⁹ in Hemedesdore super omnia bona ejusdem villicationis, ubicumque sita sunt, 100 marcis a fratribus Hugone et Justacio comparatam ecclesie contulit, ita videlicet ut, si quid bonum pro tempore fuerit et commodum ⁹⁰, capitulo sit inde liberum ordinare, advocaciam in Wittenburch super allodium et 12 areas ab Arnolde laico emptam, suo tempore et decimam unius mansi et 12 arearum in eadem villa rationabiliter comparatam ecclesie nostrae dedit; preterea quandam aream suam juxta valvam sancti Petri, que prius tenebatur jure feudali, claustralem fecit et curie cantoris adjecit. Duas etiam areas in nova civitate prepositi majori prepositura vacante ad usum quorundam luminarium assignavit, et locum piscine qui minus utilis fuit, prope nostrum dormitorium nobis dedit. Parvam etiam aream et advocaciam ejus a Henrico camerario et filiis suis emptam contulit ad stabiles vicarias; volens etiam ecclesie pia benivolentia providere, consensu et consilio capituli statuit ut advocacias prepositure majoris, quas prepositus nunc tenet, et que postmodum poterunt a laicis expediri, nullus successorum suorum vel alter aliquis alienet. Obiit autem post cessionem suam anno incarnationis dominice 1227, pridie Ydus Novembris. Cujus anima per misericordiam Dei requiescat in pace. Amen ⁹¹.

CONRADUS ⁹² 28^{us} ⁹³.

Anniversarius venerabilis domini Conradi 28ⁱ ecclesie nostre episcopi, qui postquam Parisius in divina pagina laudabiliter rexerat, et crucem contra Avienses (151) predicarat, assumptus fuit ad regimen ecclesie nostre; ubi cum vir venerabilis spiritu Dei regeretur, circa spiritualia magnam curam habuit, et tamen idcirco dispositionem temporalium non neglexit. Tempore enim suo recepti sunt fratres Predicatores Minores, et sorores sancte Marie Magdalene penitentes, quibus in eccle-

siis suis et officinis edificandis liberaliter subvenit, et fundos eorum fere sumptibus propriis comparavit. Claustra etiam Vulvinghusen (152) et Frauenberg (153) suo tempore sunt constructa, et Winhusen (154), cui conventui ecclesiam ejusdem ville parrochiam attribuit, et religiosis quibuslibet aliis multa commoda prebuit et impendit, providens nichilominus ne in conventualibus et parrochialibus ecclesiis aliquid vicium emergeret, ex quo minueretur decor ecclesiastice dignitatis. Ecclesiam quoque nostram et episcopatum sicut pastor providus et provisor diligens in emptione bonorum et redemptione advocatarum ditavit. Advocacias enim villicationum Barem (155), Beddigen, Eckelsem, Bultem, Addenem, a capitulo magna summa pecunie redemptas fratribus ad prebendam contulit liberaliter et absolute. Similiter advocaciam a domno Bertoldo de Veteri Foro redemptam ab ecclesia montis sancti Mauricii, eidem ecclesie contulit propter Deum. Insuper advocaciam in urbe et in areis quibusdam retro urbem sitis et quedam officia braxatorum a camerario, et advocaciam in Malerten a comite Bernardo de Spiegelberg data pecunia liberavit. Advocaciam etiam in Honhamelen a domno Theodorico libero centum septuaginta marcis examinati argenti redemit, a quo etiam sexaginta marcis ponderatorum denariorum proprietatem castri Depenowe (156) comparavit. Avocatiam etiam villicationis in Hardeshem (157) auxilio litonum a domno Conrado de Piscina quingentis et quinquaginta libris denariorum Hildensemensium acquisivit. Preterea medietatem advocacie in Aulica (158) a domno Lippoldo de Escherte emit sexaginta quinque libris, de quibus dedit quadraginta libras, et pro 35 libris obligavit ei unum vorwerum in Rodem (159) et vorwerum in Anderten, et cedens obligatos reliquit. Dapiferatum quoque ab Ernesto dapifero centum septuaginta marcis emit, presertim cum multa incommoda in victualibus ab ipso sustineret; et molendinum pincerne preposito et capitulo nostro et abbate sancti Godehardi cooperantibus emit centum octoginta libris, et census molendino suo de tali emptione accrescentem, videlicet unam plaustratam tritici, et unam plaustratam siliginis, et unam plaustratam ordei, ad consolationem pauperum scholarium choro beate Marie virginis deservientium assignavit perpetuo et donavit. Conversionem etiam beati Pauli agi solemniter instituit, et eodem die karitatem cum

VARIE LECTIONES.

⁸⁴ leg. comparaverunt. ⁸⁵ tamen c. ⁸⁶ negligencia c. ⁸⁷ elucescit c. ⁸⁸ quiescit ante altare sancti Petri 2. ⁸⁹ advocaciam c. ⁹⁰ comodum c. ⁹¹ Post hæc sequitur fol. 145^a manus sæculi XIII. ⁹² vox deest c. ⁹³ XXVIII^{us} episcopus 1 fuit excellens doctor in theologia 2.

NOTÆ.

- (150) Dunsen præfect. Lavenstein ?
- (151) i. e. Albigenses.
- (152) Wüfinghausen a meridie Hannoveræ.
- (153) Goslaræ.
- (154) prope Cellam.

- (155) Barum, Beddingen, Eggelsen, Bultum, Ad-delum.
- (156) Depenau parrochiæ Stenwede.
- (157) Harsum.
- (158) Elze.
- (159) Kirchrode prope Anderten.

ferina de decima in Giftene (160) dari fratribus ordinavit. In temporalibus ita prudenter agebat, quod nociva removit, alienata recollectit, utilia construxit. Turrim quoque in superiori castro Winzenburg a domno Theodorico de Stockem recuperavit, et eandem ad unam domum exaltavit, et mansionem episcopi emendavit, puleris edificii sicut liquet. Montem etiam Bawarorum in eodem castro, et advocatiam Hildensem, et villicationem in Clowen (161) illis de Escherte injuste occupantibus expedit. Castrum et civitatem Rosendal (162) construxit et munivit, ad ejus emptionem edificationem, et obsidionis liberationem nec non ad Peyne (163) civitatis obsidionem expendit monete Hildensem octo milia talentorum. Turrim quandam Scherstede (164) in area sua injuste constructam diruit penitus et destruxit. Emnam (165) civitatem obsidens cepit et captam destruxit. Similiter Insulam (166) castrum apud nostram civitatem situm, in quo violatores pacis se receperant, expugnavit et destruxit. Videns etiam angarias et oppressiones liberorum minoris comicie juxta Nortwolt, emit eandem a comite Conrado de Lewenrod (167) trescentis octoginta libris monete Hildensem. Tandem ultimis diebus suis considerans periculum et gravamen transeuntium Popenburg, emit partem ejusdem castri ducentis viginti libris, et minorem turrim decem libris, et edificavit ibi mansionem cum officinis suis constantem fere centum libras, nec sinebat nova telonia institui, unde viatores solent indebite molestari. Ceterum medietatem advocatie in Scherstede (168) emit sexcentis quinquaginta libris, et edificavit ibi castrum onerosis sumptibus et expensis, pro quibus quedam bona ad episcopalem mensam pertinentia obligavit, et obligata reliquit ⁹⁴. In causa quoque Goslariensis ecclesie expendit examinati argenti ducentas marcas, et in figura iudicii per legitimas probationes obtinuit quod eadem ecclesia subjecta erit in spiritibus episcopo Hildensem. Preter hec omnia diocesim nostram a jurisdictione ducatus, quam jurisdictionem domnus Otto dux Brunsvicensis sibi usurpare coram domno imperatore et principibus in curia solempni apud Magunciam, intendebat (an. 1235 ?), prudenter liberavit, ibidem voce publica protestans coram omnibus, Hildensem episcopatum nullius dominio, nullius ducatus, preterquam solius episcopi subjacere : et hoc fuit ab universis principibus approbatum. Quatuor etiam vicibus existens episcopus in negotio crucis et ecclesie Romane et proprie Alpes transivit magnis laboribus et expensis. Ex promotione etiam sua mo-

A nasterium nostrum est novis trabibus et tignis tegulis instauratum, et cooperantibus fidelium elemosinis cupro tectum. Domum etiam episcopalem Hildensem, que per stillicidium depravata fuerat, bonis asseribus tegi fecit. Hiis omnibus feliciter peractis, cum se insufficientem ad regimen ecclesie reputaret, tum propter senium, tum propter scisma quod fuit inter sedem apostolicam et imperium, ab electo Ferrariense tum ⁹⁵ apostolice sedis legato cessionem petivit et obtinuit, cedens loco non dignitati. Moratusque apud fratres Predicatores aliquamdiu, propter discordiam tempore electionis in ecclesia nostra motam civitatem nostram relinquens, profectus est Schonowiam, ubi ad Dominum migrans feliciter requiescit. Rexit autem ecclesiam nostram 27 annis, et post cessionem suam in tercio anno 15. Kalendas Januarii, obiit anno Domini 1249 ⁹⁶.

HEINRICUS ⁹⁷ 29^{us}.

Post cessionem venerabilis patris ac domini episcopi Conradi, domnus Henricus Hyllegunstaden- sis ecclesie prepositus in episcopum nostrum eligitur, sed postulatio facta de domno Hermanno sancti Cyriaci in Brunswiæ preposito electionem ipsius multipliciter perturbavit, adeo ut a rege investitus, ab archiepiscopo confirmatus, possessionem quietam nostræ civitatis habere non posset, et omnibus castris ecclesie et oppidis ab adversario suo occupatis, excepto Vincemburg, ad reprensas suas ac suorum injurias ad domnum papam Innocentium quartum, qui tunc Lugduni morabatur, accessit; pro cuius mature persone reverentia nec non Sifridi Maguntini archiepiscopi precum instantia licet in principio sui introitus domnus papa et tota curia circa eum benigne moverentur, tamen variis suggestionibus multorum nobilium amicorum dicti postulati, negotium jam dicti episcopi mansit per annum et amplius in suspenso. Tandem venerabili patre ac domino Argentenensis ecclesie episcopo exsecutore obtento, cum multis gratiis a sede apostolica sibi collatis, a domno papa honorifice est dimissus. Domnus vero Argentenensis, quemadmodum in mandatis receperat, prenominato episcopo cum juris D justitia universa ac singula redintegrari precepit, suarum sententiarum banno contradictores ac rebelles compescendo. A cuius sententiis adversarii appellantes, procuraverunt partes ad presentiam domni pape scitari; ubi postulato personaliter comparente, procuratoribus sepe dicti episcopi etiam assistantibus, prefatus postulatus de ore domni pape cum silentio sibi imposito, super ecclesia Hildense-

VARIE LECTIONES.

⁹⁴ Hæc jam supra leguntur. ⁹⁵ ita legitur; minime nunc ut Leibnitius scribit. ⁹⁶ MCCXLVIII. 2. Sequitur iterum alia manus, sæculi XIII medii. ⁹⁷ Henricus inscriptio sæculi XIV.

NOTE.

- (160) Giften.
- (161) Clauen.
- (162) Rosenthal.
- (163) Peina.
- (164) Sarstedt.

- (165) Hodie Gronau; v. infra in episcopo Sifrido.
- (166) Werder, ubi 1660 claustrum Carthus.
- (167) Lauenrode castrum, Hannoveræ objectum.
- (168) Sarstedt.

mense sententiam contrariam reportavit. Licet dictus episcopus multis discordiis suo tempore fuerit occupatus, pro quibus multa bona ad mensam episcopalem pertinentia obligata reliquisset, tamen utilitatibus ecclesie in quibus potuit providere curavit: advocatiam enim villicationis in Hardschem, quam dominus Conradus ecclesie nostre episcopus a Conrado de Piscina ministeriali ecclesie absolverat, ipse postmodum a comite Meinhardo de Sladen, a quo jam dictus de Piscina eam in feodo tenuit, diu inpeditam expedivit. Medietatem etiam castri in Honburg, quam nobiles fratres Ludolfus et Adolfus de ⁹⁸ Dasle in feodo ab ecclesia tenuerunt, pro trecentis libris ab eisdem absolvit, et ecclesie nostre condonavit. Idem etiam medietatem proprietatis in Empna a domno Conrado quondam preposito Montis, vero herede, obtinuit ministerialibus ecclesie infeodari; qui postmodum de consensu dicti prepositi idem feodum pro mille libris nostre ecclesie obligarunt; residuum vero medietatem sepe dictus episcopus a comite Hermanno de Waldenberge (169) pro sexaginta quinque marcis et 5 solidis nomine ecclesie impignoratam recepit, et ecclesie pro pignore pecunie reliquid. Idem etiam comeciam sitam juxta Lænam (170) ab illis de Lütberge (171), per mortem Bertoldi advocati ipsis vacantem, ecclesie comparavit, et a relictis ejusdem advocati et filia sua obtinuit sibi et suis successoribus 5 librarum redditus in Damnone ab annuo censu arearum, pro eo videlicet ut eam a suis molestatoribus defensaret. Idem etiam ad prebendam fratrum contulit decimam novalis in Vorholt (172), advocatiam etiam in Damnone (173), quam comites de Waldenberge in feodo tenuerunt, ab omnibus absolvit, et ecclesie per omnia expeditam reliquid. Obiit autem anno Domini 1257, 8 Kalendas Junii, ordinationis sue anno 11 ⁹⁹.

JOHANNES 30^{us} episcopus.

Post decessum venerabilis patris nostri ac domini Heinrici, pari voto et unanimi consensu Johannes, prepositus Sancti Mauriti, in ecclesie nostre episcopum eligitur; qui, quantum ad exteriorem hominem, se gerebat, ut tam majorum quam minorum in se provocaret affectum; qui etiam paci et utilitati ecclesie intendens, lapsa et alienata pro viribus suis, quantum potuit, revocare studebat. Primum videlicet a Lippoldo et Basilio fratribus de Escherde, advocatiam villicationis in Cherstede ¹⁰⁰ pro centum libris Hildensemensium denariorum ecclesie nostre comparavit. Item a Lippoldo de Antiquo Foro advocatiam ejusdem loci pro 34 talentis. Item a Lip-

poldo de Escherde partem castri Depenowe pro 70 Bremensis argenti. Item ab Ecberto castrum Lutere (174) pro quingentis marcis examinati argenti, 20 marcis minus, et 25 mansos. Item in eadem villa a Johanne camerario 2 mansos pro 13 talentis. Item in eadem villa a comite Henrico de Waldenberge 17 mansos expeditos et 7 mansos infeodatos pro 7 marcis examinati argenti. Item a comite ¹⁰¹ Burchardo et comite Heinrico fratribus de Waldenberge emit villam et ministeriales et quedam bona attinentia pro quadringentis marcis examinati argenti. Item acquisitione castri quod Peyna vocatur, et solutione debitorum Gunzlini filii Burchardi de Wulflebuthe, expendit mille et 10 talenta Hildensemensium denariorum. Item bona episcopalia ab antecessore suo obligata, pro non-gentis et quadraginta talentis Hildensemensium denariorum redemit; pro istis reliquit quedam bona episcopalia obligata. Item emit quatuor mansos ab illis de Ringelem, de quibus instituit dari in anniversarii sui die ad quamlibet prebendam 8 denarios; camerariis et campanariis ¹⁰² unum solidum, scolariis 3 solidos, ad altare domine nostre candelam de una libra cere. Item contulit capitulo nostro 7 mansos in Ochtersem sibi vacantes de morte Heinrici filii Lippoldi Craz, ad agendum festum Johannis ante portam Latinam sollempniter; et de eisdem bonis ordinavit dari cuilibet dominorum unum solidum, ministris altaris et illis qui preerunt choro duplicem portionem, duobus pueris qui cantabunt alleluia unum solidum, pauperibus scolariis decem solidos, camerariis et campanariis ¹⁰³ unum solidum, et accendendas candelas circa chorum duas libras cere, et eodem die dabatur caritas de duobus ferculis pullorum cum pane et vino. Hic preuit ecclesie nostre annis tribus et dimidio; obiit autem anno dominice incarnationis 1261 ¹⁰⁴, 18 Kalendas Octobris, ordinationis sue anno 4.

OTTO 31^{us}.

Anniversarius domni Ottonis ecclesie nostre episcopi 31. Hic illo quondam nobili Ottone duce de Brunswich patre (175) natus, Alberto et Johanne fratribus suis in paterna hereditate succedentibus, primum in canonicum ecclesie nostre eligitur, deinde, vacante ecclesia nostra per mortem venerabilis patris episcopi Johannis pie recordacionis, eo agente quartum decimum annum, in ecclesie nostre episcopum postulatur; postulatione vero de se facta usque in quintum annum pendente, a papa Urbano quarto confirmatur, et sic per eum in ordine subdia-

VARIE LECTIONES.

⁹⁸ de Dasle alia manu addita. ⁹⁹ rursus incipit manus sæculi XIV. ¹⁰⁰ Scherstede. ¹⁰¹ Itemite c. ¹⁰² campanariis c. bis. ¹⁰³ sepultus in ascensu baptisterii ad austrum 2.

NOTÆ.

(169) i. e. Woldenberg.

(170) Leina fluvius.

(171) Gemitis de Lutterberg?

(172) Das Vorholz prope Heersum.

(173) Die Darmstadt inter Hildesh. et villam

montis.

(174) Lutter am Barenberge.

(175) Ottone a. 1252 defuncto, Albertus primo solus regnavit, tum a. 1267 terras Brunsvicenses accepit, Joanni Luneburgenses reliquens.

conatus ecclesia nostra per plures annos tam in spiritualibus quam in temporalibus gubernatur. Indicto vero concilio apud Lugdunum a papa Gregorio X, tunc primum eo in dyaconatus et presbiteratus ordines promoti, cum aliis coepiscopis ad concilium proficiscitur (*an.* 1274), ibique propter noticiam sui generis a papa benigne suscipitur, et de mandato pape a reverendo patre Wernero archiepiscopo Moguntino ibidem in episcopum consecratur; quo reverso prospere, pontificale officium est prout melius potuit pre diversis occupationibus executus. Hic nimirum ab eo tempore quo nostram ecclesiam suscepit regendam usque in finem vite sue zelum Dei ad ecclesias optinens, eam pro viribus extollere studuit, bona quedam episcopalia a suis predecessoribus obligata deobligavit, et quedam bona sibi suisque successoribus comparavit; ista videlicet: ante castrum Poppenborch 10 mansos pro centum quinquaginta talentis, tres partes advocacie in Chyerstede ab illis de Escherde, duas partes pro octoginta talentis, quandam comiciam juxta Cherstede de hiis villis: Hottenem, Duppenstede (176), parvo Lobeke (177) et de aliis quibusdam villis circumjacentibus, a Brunone de Gustede pro quinquaginta talentis; advocaciam in Clowen ¹⁰⁴ a Sifrido de Rutenberge pro quinquaginta talentis; advocaciam in Borchdorpe versus Miricam (178) a Lippoldo de Escherde pro 40 talentis; piscaturam in Layna juxta ruthe a domno Johanne de Adenoys pro 14 talentis; castrum Hudhe cum quinque mansis, prato cum molendino et duabus piscaturis a Hillemaro de Oberge pro ducentis marcis, et quasi funditus de novo magnis sumptibus construxit. Comeciam Nowen ¹⁰⁶ (179) a comite Henrico de Woldenberge pro 120 marcis; advocacias in Ringelem, in Uppem, in Solide (180) et comecias ad Soltga et ad Ris (181), nec non ad proprietatem castri Werdere (182) et molendini et ¹⁰⁶ piscature, et 9 mansorum adjacencium a comite Ludolfo de Woldenberge pro quadringentis quinquaginta marcis, et idem castrum pro libro ¹⁰⁷ castro ecclesie obtinuit, ita quod dictus comes et sui heredes ipsum castrum eo jure obtinebunt, quo de Halremunt, de Sladem comites, et dominus de Honburg, sua castra tenere ab ecclesia dinoscuntur, eo adjecto, quod castrum jam dictum sub quocumque eciam pallio (183) per dictum comitem sive per suos heredes alienari non debet, sed pro loco et tempore castrum cum molendino,

A piscatura et 9 mansis predictis, pro certo et constituto precio, videlicet pro trecentis, quinquaginta marcis, manebit ecclesie; de quibus quinquaginta marce jam per episcopum sunt solute. Item allodium Veteris ville ante Hildensem alienatum pro octoginta talentis recuperavit. Castrum Woldenberge cum indagine castri tantum a ¹⁰⁸ comitibus de Woldenberghe pro mille quingentis marcis, quod in parte australi magnis eciam sumptibus pro parte muravit. Allodium ad Rod juxta Woldenberge et pratium castro adjacens pro 70 marcis: villicationem Holle, quam obligatam invenit, pro centum quinquaginta marcis absolvit. Advocaciam in Holle et comiciam ibidem, nec non gograviam de 15 villis a comite Ludolfo de Woldenberge pro 144 marcis, et advocaciam in Badekenstede (184) ab eodem pro 26 talentis, item majorem comiciam, que incipit a Scirbeke juxta Harlessem et protenditur per Hever usque ad fontem Sebbettessen ab illa parte Gandersem, et usque ad pontem Olkessen (185), et quartam partem comicie super Amberga (186), a comite Hermanno de Woldenberge pro quadringentis marcis. advocaciam in Sibbethessen de bonis custodie a Hugone de Holthusen pro 20 marcis; stagnum juxta Eddessen et molendinum Berge cum piscatura; silvam quandam in Harto (187) quæ dicitur Wrochterowolt, a multis echtwardis pro magna summa pecunie expedit, et ecclesie obtinuit. In Tyderingerod quinquaginta echtwardos a Lypoldo de Vreden pro 24 marcis, decimam in Hemmendorpe vacantem sibi suisque successoribus retinuit; domum episcopalem in Hildensem, quasi dirutam, muro, trabibus, tecto lapideo refecit, et aliis edificiis instauravit. Cenaculum in Poppenburch et turrem parvam adjacentem lapidibus textit. Castrum Wincenburg a Beyerberg usque ad valvam muravit; valvam lapideam ante castrum Peyne construxit et lapidibus textit; testudinem in castro similiter lapidibus textit, et alia edificia in eodem castro fere omnia innovavit; feodum eciam castri civitatis et comicie Peyne a comite Widekindo de Poppenborch expedit, qui illud in manus suas libere resignavit; advocaciam in Lapidibus a Johanne et Conrado Acken expedit. Item a domno Heinricho de Honborch in placitis obtinuit quod liberum erit ecclesie redimere castrum Honburg quocumque anno senper infra festum pasche et Walburgis pro trecentis libris Hildensemensium denariorum. Item camerarius marscaleus, pincerna, offi-

VARIE LECTIONES.

¹⁰⁴ downen l ¹⁰⁶ Rowen *ed.* ¹⁰⁶ i c. ¹⁰⁷ libro c. ¹⁰⁸ tm c.

NOTÆ.

- (176) Locus desertus.
 (177) Kleinen Lopke.
 (178) Mirica, merica, erica, idem quod *Heide*, in Marchia nostra silvam significans.
 (179) Cf. H. A. Luntzel die altere Diocese Hildesheim p. 165.
 (180) Sohilde.
 (181) Bereler Ris.

- (182) Werder an der Netze.
 (183) i. e. prætextu.
 (184) Babdeckenstedt.
 (185) Schirbeck et Harlessem, villa desol., prope Hildesh.; der Hever prope Bilderlah; Sebexen; Gandersheim; Olxheim. Cf. Luntzel 155.
 (186) In quo e. g. Bokenem.
 (187) Harz.

ciati episcopi, de suppellectili quorundam predecessorum suorum episcoporum de facto se ingerant, quod episcopus penitus abolevit. Quid plura? Ecclesia siquidem per ipsum incrementum longe amplius recepisset, si et domestica et fratrum persecutio non fuisset; unde iniquo consilio actum est quod dux Johannes armata manu contra episcopum et ecclesiam processit, et non tantum laycorum quantum ecclesiarum possessionibus dampna gravia irrogavit. Pace tandem inter episcopum et ipsum ducem intercedente, eisque in amicitia firmatis ad invicem, ecce dux Albertus senior, set alius inmanior, stimulo invidie contra fratrem suum episcopum agitatus, ipsum et ecclesiam humiliare disposuit, quod opere imposuit; quia non contentus quod ecclesiam circumvenit in multis, sicut etiam in illis quinque villis ad comeciam Soltga antiquo jure spectantibus, quas marchio Otto de Brandeborch eidem duci contra justitiam adjudicavit, episcopo tamen contradicente et reclamante, eciam suscitavit ecclesie adversarios, quibus ad ledendum eam rapinis et incendiis per terram ducis liber patebat transitus et securus ad municiones suas recursus. Igitur ab episcopo gratia consilii ab ducem Johannem recurritur, qui cum diversis placitis hinc inde servatis, frater fratri apud fratrem optinere non posset, misertus fratris pomittit auxilium, et nichilominus eo procurante cum archiepiscopo Bremensi et dominus inferioribus nec non cum Ottone et Alberto marchionibus de Brandeborch in favorem episcopi contra ducem valide inspiratur. Sed ecce iniqua sorte dux Johannes præmoritur (*an.* 1277, *Dec.* 13), et dux Albertus tutor admittitur; unde et ex morte hujus et metu alterius pene moritur auxilium ecclesie repromissum. Verumptamen episcopus et Magdeburgensis ecclesie et marchionum confisus auxilio, se contra fratrem pro ecclesia invitum opposuit eoque in principio viriliter contra fratrem agente, predictis vero in ferendo auxilio torpentibus, Cherstede et Empne municiones ecclesie per ignis jacula capiuntur, et pociores miniteriales ecclesie inibi captivantur (*an.* 1279). Ex hac magna ruina ecclesie fit ingens dolor ab omnibus; sed episcopus, quem plus dolor angebat, plus doluit, et in tantum in eo dolor invaluit, quod sibi, ut creditur, prestitit causam mortis. Ipse enim tactus vehementi dolore intrinsecus, tamquam sue mortis prescius sexta feria ante, sicut ¹⁰⁹ anno Domini 1279 in die beati Olrici, quia feria tertia tunc occurrit, carnis persolvit debitum ¹¹⁰, fratribus in capitulo convocatis, de novali in Emberke, quod ex concessione omnium quorum intererat extirpari fecerat, suum coram fratribus testamentum concidit, et illud cum proprietate et decima nec non cum omni jure, sicut ipse tenuit, super reliquias beate Virginis obtulit, liberum relinquens capitulo quatinus de eisdem bonis post

A mortem suam ordinarent prout secundum Deum anime sue saluti expedire viderent: unde ex ordinatione capituli de eodem novali in anniversario ipsius dabitur communis karitas, de pullis pane et vino, fratribus et vicariis universis: cuilibet fratrum 20 denarii, cuilibet vicariorum 10, tribus campanariis solidus, tribus cameraris solidus, qui coadjuvabunt campanarios ad pulsandum, pauperibus scolaribus 12 solidi. Episcopus eciam quosdam proprietates bonorum proprium scolarium contulit, pro quibus in nocte anniversarii ejus de illis 12 solidis procurabuntur; duo cerei de tribus libris cere ponentur, unus de altare beate Virginis in choro, alter ad sepulchrum episcopi, qui ardebunt de una vespera ad aliam. Memoratus eciam episcopus et personarum et ecclesie utilitati prospiciens, ipsa hora ¹¹¹ qua testamentum suum condidit ad devotam supplicationem capituli, annum gracie de beneficiis que de manu episcopi tenentur, capitulo indulsit; et prepositus Johannes de suis beneficiis, et capitulum de obedientis similiter indulserunt; hoc modo videlicet quod quicumque fratrum ante diem beati Jacobi moritur, nova sequentis anni percipiet, prout in ipsius episcopi et capituli litteris plenarie continetur Episcopo in die beati Olrici, qui tunc feria tertia occurrit, ut dictum est premortuo ecce dictu mirabile sed Deo non impossibile subsequitur: infra 6 ebdomades, eodem die quo episcopus dux Albertus post moritur (*an.* 1279, *Aug.* 15), tamquam Dei iudicio evocatus. Rexit autem episcopus Otto nostram ecclesiam, tempore postulationis sue connumerato, 49 ¹¹² annis et perfecte mensibus 7.

SIFRIDUS 32^{as} 113.

Defuncto venerabili patre domino nostro Ottone episcopo, Siffridus Magdeburgensis ecclesie decanus, de domo nobilium de Querenvorde trahens originem, vir per omnia magnanimus litterarum scientia, morum honestate, multisque pollens virtutibus, in nostrum episcopum, consulentibus et amminiculum ad hoc prestantibus venerabili Bernardo sancte Magdeburgensis ecclesie electo, et illustri Alberto de Brandeborch marchione, qui eodem tempore ecclesiam nostram viduatam contra Albertum ducem de Brunewich ipsam inpuignantem viriliter defendentes, in civitate Hildeneshem cum copioso exercitu moram trahebant, canonicè est electus. Qui cum confirmationis et consecrationis munus ab archiepiscopo Moguntino et regalium investituram a serenissimo Romano-romano rege Rodolfo esset adeptus, ecclesiam nostram, quam ex eo quod munitiones Tzerstede et Emqna per ducem predictum penitus destructe et non pauci ibidem ministerialium et vassallorum ecclesie erant capti, graviter perturbatam invenit, pro viribus suis studuit reformare. Ipso namque duce post paucos dies defuncto, captivos data non modica pecunia liberavit, et procedente tempore

VARLE LECTIONES.

¹⁰⁹ ita c.; lege quam. ¹¹⁰ sepultus ante altare sancte Crucis 2. ¹¹¹ ita correxi; bona c. ¹¹² ita c. at XVIII tantum sedisse videtur. ¹¹³ inscriptio deest.

munitiones destructas Empnam ¹¹⁴ videlicet et Tzerstede restauravit. Empnam tamen in loco tutiori locatam, mutato nomine Gronowe appellavit. Set ecce Alberto duce, ut premittitur, sublato de medio, filii ejus Henricus (188) Albertus (189) et Wilhelmus (190) duces, paternis vestigiis inherentes, contra episcopum et ecclesiam ferociter eriguntur. Quibus cum episcopus fortiter repugnaret, factum est sinistro eventu, ut de precipuis ministerialibus et vasallis ecclesie in castro Campe (191), ad quod gratia presidii se receperant, ipso castro per duces aliquamdiu arcta obsidione vallato ac demum expugnato, septuaginta vel circiter caperentur. Ex quo tantum periclitata et dejecta fuit ecclesia, quod vix recuperandi aut resurgendi spes aliqua habebatur. Episcopus tamen in Domino confidens, et murum defensionis pro ecclesia se opponens, minime desperavit. Orta namque inter fratres seu duces ipsos discordia, ipse duobus eorum Wilhelmo videlicet et Alberto confederatur, a quibus et castrum Stouphemborch (192) sibi optinuit pro certa pecunie quantitate stipendiorum nomine obligari, contra tertium se et ecclesiam defensurus. Factis itaque diversis insultibus et conflictibus hinc et inde episcopus nonnullos de parte adversa milites ac famulos captivavit, per quos plures suorum a captivitate absolvit, et rursus ad defensionem ecclesie se munivit. Hiis ita gestis Albertus et Wilhelmus duces opidum fratris eorum ducis Henrici Helmenstat nomine, cooperante episcopo obsederunt; civesque obsidione artati, datis treugis hinc et inde, potiores milites non paucos tam de parte episcopi quam ducum ad se in opidum mitti petierunt, tamquam de pace et concordia tractaturi. Quibus introgressis et ad hospitia jam receptis nichilque mali suspicantibus, infideles cives verba pacis in ore gerentes et in pectore non habentes, portas opidi concluderunt, et eos intra crudeliter occiderunt ¹¹⁵. Quod factum lugubre toti patrie causam prestitit lamentandi. Deinde ex mandato Romanorum regis prædicti pace jurata inter principes et nobiles Saxonie, dux Henricus de castro Harlingeberch (193) omnibus circumvicinis dampna varia irrogavit; unde dicti principes, in quorum etiam numero episcopus existerat, ac nobiles Saxonie contra ipsum ducem, tamquam generalis pacis violatorem, dictante ipsius regis sententia insurrexerunt et castrum Harlingeberch obsederunt. Cumque idem dux ad liberationem ipsius castri festinaret, inito maximo cum principibus et nobilibus conflictu subcubuit, castrumque Harlinge-

berch captum fuit. Par cujus captionem ipse episcopus judicium ad Bockla (194), quod dux Albertus et filius ejus Henricus dudum contra justitiam detinuerant, occupatum recuperavit (an. 1291), et ipsum castrum coram se tanquam loci illius iudice seculari proscribi et data sententia fecit funditus demoliri. Et procedente tempore in loco haut longe posito castrum Levenborch (195) magnis sumptibus construxit, per quod plura bona ac jura ecclesie abstracta et distracta ad ecclesiam revocavit. Henricus vero et Albertus duces tam de castri constructione, quam etiam jurium ac honorum ecclesie revocatione dolentes, ipsum castrum Levenborch, cum adhuc esset novella plantatio, grandi exercitu obsederunt; set cum episcopus ad repellendum eos se fortiter prepararet, magnanimitatem ejus videntes et constantiam in sancto ¹¹⁶ proposito, recesserunt, machinis in campo et aliis instrumentis bellicis, quæ ad expugnandum castrum apportaverant, derelictis. Eodem tamen anno hiidem duces magno congregato exercitu, super Fusennam fluvium (196) prope Olesborch castrum multum prejudiciale ecclesie erexerunt, et nomen imponentes Lowendal occuparunt. Episcopus vero ne liber ac frequens ipsis de castro predicto ad invadendum ecclesiam pateret introitus, aliud castrum, cui nomen impositum est Papenborch, in loco non multo plus quam ad jactum sagitte remoto erexit, et multis munivit armatis: per quod castrum Lowendal manutinentes fuerunt artati ac religati in tantum ut, qui antea obsederant, obsiderentur, factique ex obsessores sint obsessi. Demum vero ipsis in castro Lowendal deficientibus, et in castro Papenborch proficientibus, castrum Lowendal capitur, et tam hoc quam illud penitus demolitur. Quid plura? *illustris Otto*, dux Luneborch, castrum Calenborch (197) super Laynam fluvium construxit; quod quia vergebat in maximum ecclesie detrimentum, episcopus sustinere non valens nec valens, contra ipsum ducem insurrexit, et modis quibus potuit impugnavit. Ipse vero Otto dux cum Henrico et Alberto ducibus de Brunswich conspiratione facta contra ecclesiam, assistentibus eis Ottone et Hermannno de Brandeborch marchionibus et nonnullis aliis principibus ac nobilibus, magno collecto exercitu terras ecclesie invaserunt, duasque turres lapideas Stederdorp videlicet et Oberg, quorundam militum fidelium ecclesie mansiones ceperunt, easque incastellantes firmiter munierunt de illis et aliis suis munitionibus terram et ecclesiam gravissime impugnantes. Episcopus vero

VARIÆ LECTIONES.

¹¹⁴ emnam c. ¹¹⁵ ubi tres nobiles milites diocesis nostre videlicet Stenberch et Saldar et cet. duo interfecti fuerant refert 2. ¹¹⁶ fco c.

NOTÆ.

- (188) Dux in Grubenhagen.
- (189) Dux in Gottinga.
- (190) Dux Welferbytanus.
- (191) Haud procul a Brunswich.
- (192) Staufenburg prope Osterode.

- (193) Herlingsberg prope Goslarum statum.
- (194) Buchloden.
- (195) Liebenburg.
- (196) Fuse.
- (197) Calenberg.

magnanimus in adversis desperare aut deprimi non consuetus, set in domino Deo suo confisus, conductis armigeris et stipendiariis innumeris vim tum cum moderamine tum sine moderamine repellebat. Nam eadem durante guerra, quasdam munitiones ducum, videlicet Uslere, Everborch, Geveldehusen et Echte (198) cepit et destruxit, ac in pluribus conflictibus, concedente domino Deo, a quo est omnis victoria, triumphavit, sibi que in hac eadem guerra tantum supererevit, quod plura debita persolvit, in quibus antea tenebatur. Deum vero inter episcopum ex una, Ottonem de Luneborch et Albertum de Brunswich duces parte ex altera, Henrico duce excluso, castris etiam Oberge et Stedemdorp primitis dirutis, compositio ordinatur. Et cum dux Otto castrum Calemberch (199) includeret, pontem ante castrum super Laynam a sona eadem episcopus excludebat. Dux autem Henricus ecclesiam adhuc impugnans, castrum quoddam Morsborch nuncupatum in terminis cometiæ Bocla construxit, quod statim episcopus et alii, quibus constructio hujusmodi videbatur incongrua, circumdantes, penitus everterunt. Ipso nichilominus duce in persecutione ecclesie perdurante, ac nobilibus viris de Werdere, et de Sladen comitibus sibi assistentibus, per ipsum episcopum castrum Werdere (200) aliquanto tempore obsessum capitur et destruitur. Castrum Walmoden ad reprimendos ducis Henrici predicti insultus, qui de castro Luttere irrogabantur, nongentis et quinquaginta puri argenti marcis ecclesie comparatur. Castrum vero Sladem graviter obsidetur. Tandem compositione inter duces et episcopum ordinata, episcopus graves impugnationes et guerras postea non sustinuit; set pace aliquali ante finem vite sue, modico tamen tempore, fruebatur. Inter hec autem que superius dicta sunt, castrum Rutam (201) in loco ubi Layna et Industria conflunt sumptuose construxit, propter quod ab Ottone duce Lunenburgensi graves impugnationes et guerras longo tempore est perpessus. Pace tamen inter eos facta (an. 1283, Dec. 16), episcopus in placitis obtinuit donari sibi et ecclesie a duce predicto proprietatem castri Lowenrode et opidi Honovere; quod tamen idem dux ab episcopo recepit in feudum, datis tantummodo centum marcis. Hoc autem factum est episcopo et ecclesie in recompensam castri Huden, quod dux destruxerat antedictus. Quamdā etiam partem castri Popenborch ab impetitione Gherardi comitis de Scowenborch data pecunia expeditit. Castrum Herste (202) prope Gotinge comparavit, quod postea per traditionem captum destruitur. Castrum quoque We-

A sterhove (203) ecclesie nostre perutile cum suo comitatu mille et viginti marcis puri argenti sibi et suis successoribus comparavit. Advocaciam in urbe a Ludolfo camerario absolvit. Advocaciam in Hasikenhusen (204) a Lippoldo de Dalem milite acquisivit. Palatium episcopale in multis ediffitiis emendavit, cappellamque ibidem de novo construxit, ubi et quatuor canonicos insituit, quibus ad victum quadraginta libras Hildensemensium denariorum de oblationibus et obventionibus ecclesie sancti Andree nec non preposito ejusdem ecclesie sive archidiacono civitatis 12 libras dari annis singulis ordinavit. Tres etiam mansos in Reden sibi vacantes adjecit canonicis antedictis. Novissimis autem diebus suis cum aliquali pace, ut dictum est superius, frueretur, castrum Hundestruge et opidum Dasle (205) cum adjacente comitatu mille et nongentis marcis emptionis titulo comparavit, relinquens ea pro majori parte suis successoribus exsolvenda (an. 1310). Licet itaque dictus episcopus cunctis pene temporibus quibus nostram rexit ecclesiam potentum principum et aliorum duris persecutionibus circumclusus, graviumque guerrarum tumultibus fuerit occupatus, et a tribulatione malorum et dolore vexatus utilitatem tamen ecclesie nostre tam in spiritualibus quam in temporalibus prospicere non neglexit, immo eam utrobique, ut ita dicamus, et inter pressuras exaltavit et inter angustias dilatavit. Et ut de temporalibus superius dicta sufficiant, in spiritualibus sicut infra scribitur se habebat. C Quamvis enim temporalibus intentus, adversariorum ac principum non timuerit principatum; totis tamen visceribus diligebat Christum regem. Nam divinum officium libenter audiebat, fatiens omni die missam coram se per notam decantari, nisi magna eum in hoc necessitas impediret. Et quandocumque novem lectionem festum aliquod agebatur, non solum missam set et matutinum ac vespertinum officium tonatum cum pausa et intentione multa cum suis clericis decantavit. In majoribus etiam festivitatibus et ordinationibus clericorum ac velatione sacrarum virginum aliisque pontificalibus officiis cum per se sacra missarum solempnia celebraret, tanta sibi virtus et devotio a Domino est concessa, ut in lacrimas prorumperet, et imbre lacrimarum suam faciem irrigaret, devotionique adeo deditus existeret, ut ea que cantanda aut dicenda erant, vix posset dicere aut proferre, set verba singultibus interrumpere¹¹⁷ oportebat. Sacra etiam visitationis officium multis annis a suis predecessoribus intermissum cum magna sedulitate exercuit, evellendo et dissipando

VARIE LECTIONES.

¹¹⁷ prorumpere *corr.* interrumpere *c.*

NOTE.

(198) Uslar, Gieboldehausen, Echte; Everburg ignoratur.

(199) i. e. reconciliationi.

(200) In pago Ambergau.

(201) Ruthe.

(202) Harste.

(203) Westerhof.

(204) Cf. Lüntzel l. c. p. 240.

(205) Hunnesrück et Dassel in Sollinga silva.

noxia, edificando et plantando proficua, corrigendo ac reformando tam in capite quam in membris, que correctionis ac reformationis novit studio indigere, non querendo que sua essent, set que domini Jesu Christi, et in persona sui ante omnia ostendendo vita et conversatione, verbo pariter ¹¹⁸ et exemplo, qualiter subditos in domo Domini oporteret laudabiliter conversari. Multa quidem et alia que contemplationis et actualitatis existunt, gessit hic pontifex gloriosus, que non sunt scripta in libro hoc, ne legentibus vel audientibus tedium generarent; hec autem scripta sunt, ut sciatur per omnia valuisse et multis virtutibus claruisse. Rexit autem ecclesiam nostram annis 30 et ¹¹⁹ mensibus 10. Anno enim dominice incarnationis 1310, pontificatus sui 31, quinto Kal. Maii debitum carnis exsolvens, migravit ad Dominum ¹²⁰, relinquens ecclesiam honore et potentia emendatam, set multis, ut verum fateamur, debitorum honeribus agravatam.

HENRICUS 33^{us} 121.

Huic successit vir utique venerabilis Henricus, ecclesie nostre decanus, de illustri comitum de Woldenberge prosapia oriundus ¹²². Qui castrum Hundesruge ac opidum Dasle cum comitatu adjacente a serenissimo Henrico de Lutcelenborch tunc Romanorum rege, postea autem imperatore, ecclesie nostre perpetuo uniri, seque et successores suos de eisdem inter cetera regalia, que nostra ab imperio tenet ecclesia, obtinuit infeudari (an. 1310, Sept. 6). Et procedente tempore, castrum opidum ac comitatum hujusmodi persolvit, quia a predecessore suo, qui ea comparaverat, nondum fuerant persoluta. In principio promotionis sue burgenses ac cives civitatis nostre in magna ac tanta rebellionem et pertinaciam positos, quod fidelitatis sibi prestare homagium noluerunt, bona sibi in civitate Hildensemensi per resignationem vasallorum suorum vacantia occupaverunt, et in multis aliis se opposuerunt que nostre respiciebant ecclesie libertatem, competenti moderatione compescuit. Collecto namque magno exercitu, civitatem obsidens, castrum Sturewold (206) construxit ¹²³, eosque subtractis molendinorum et pascuorum solatiis in tantum artavit quod infra paucos dies cum ipso composuerunt, deditionem sibi et fidelitatis homagium facientes, ac salvas relinquentes ab ipsis invasas ecclesie libertates. Inter articulos compositionis hujusmodi specialiter est expressum quod porta retro urbem, per quam itur ad Sanctum Paulum, multis annis continue clausa, manebit ammodo reserata. Et ut omnis inter clericum ex una, et burgenses parte ex altera, dissen-

sionis amputetur materia in futurum, et litigiorum dispendiis via, quantum est possibile, precludatur statuto et privilegio perpetuo est firmatum quod si inter clericum et burgenses super libertatibus ac emunitatibus ecclesie aut re aliqua questio oriatur, quidquid canonici nostre ecclesie justum esse affirmare voluerint juramenti, absque ullius contradictione salvum eis in perpetuum permanebit. Omni etiam anno, quando novi consules sunt statuti, hiidem consules ab episcopo aut capitulo requisiti, venient ad presentiam eorundem, et tactis sanctorum reliquiis jurabunt quod omnes portas civitatis fideliter tenebunt et custodient, et quod specialiter Sancti Pantaleonis et retro urbem portas episcopo aut capitulo sive die sive nocte in omnibus eorum necessitatibus reserabunt. Item omni anno feria secunda in capite adventus ¹²⁴ generali capitulo jurabunt dicti consules, se omnes libertates et emunitates ecclesie, in quantum possunt, fideliter defensuros. Hiis vero ita compositis, castrum Hoinboke (207) una cum domino de Homborch, auxiliantibus ad hoc utcumque quibusdam aliis principibus, potenter obsedit, obsessum cepit, captumque fecit funditus demoliri. Opidum Bokenem mille et centum marcis ecclesie comparavit. (An. 1314, Mart. 8). Cum illustri Ottone duce de Luneborch, qui opidum Honovere et castrum Lowenrode cum quibusdam comitatibus et bonis aliis ab ecclesia in feudum tenerat et ab ipso recipere curavit, graves guerras habuit, plures conflictus inivit, in aliquibus succubens et in pluribus triumphans. Tandem compositione facta, idem dux jam dicta bona ab episcopo recepit in feudum, et se vasallum ecclesie recognovit. Idem episcopus usurarum voraginem, que animas devorat et facultates exhaurit, que apud cives Hildensemenses multum inoleverat. Valde restrinxit. Castam vitam duxit, et pontificale officium devote et cum magna sedulitate exercuit, sicut vir bonus, simplex et rectas, et recedens a malo, Dei et proximi habens zelum ¹²⁵. Novissime vero diebus suis mandatum apostolicum, sibi grave, subditis intollerabile, non ex amore justitie, set odii fomite et livore vindicte, ab emulis sibi dirigi procuratur, Unde ipse, presentiens tantum malum, surrexit sicut pastor bonus, qui posuit animam suam pro ovibus suis, sedemque apostolicam adiit, pro fraude et dolo hujusmodi summo pontifici exponendis. Ubi in prosecutione juris sui febre tactus, pro grege suo mortuus est, et in monasterio sanctæ Clare Avinione honorifice ¹²⁶ tumulatus anno Domini 1318, 3. Idus Julii, pontificatus sui anno 9. In ejus anniversario dabuntur de decima in Seleda cuilibet dominorum presenti 7 denarii et di-

VARLÆ LECTIONES.

¹¹⁸ additum. ¹¹⁹ additum. ¹²⁰ sepultus in media ecclesie sub corona 2. ¹²¹ inscriptio deest, ut et in omnibus qui sequuntur. ¹²² Iste quia vir mansuetus fuit, a quibusdam vocabatur Aleke 2. ¹²³ quod et Alekenburc vocavit 2. ¹²⁴ jejunii manu posteriori. ¹²⁵ addita vox manu recentiori. ¹²⁶ Hic nuntia alia sæculi XIV incipit.

NOTÆ.

(206) Steverwald.

(207) Hohenbüchen.

media stopa vini, vicario 4 denarii et quarta vini, magistro majori, subcustodi et succentori similiter, candela de libra cere, scholaribus 5 solidi, camerariis et campanariis 3 solidi ¹²⁷.

OTTO 34^{us}.

Venerabili patre domno Henrico de Woldenberghe episcopo nostro Avinione feliciter defuncto, de quo sufficiens scriptura superior reperitur, successit ei patruus ejus domnus Otto de Woldenberghe, prepositus Montis sancti Mauriti, in episcopum nostrum concorditer electus. Hic in principio ingressus sui habuit conflictum cum quibusdam oppressoribus terre, nostre, videlicet de Engelinghorstel et de Monikhusen (208) prope villam Osleveshen (209), et Deo victoriam nostris concedente, hostes aut capti aut interfecti aut fugati succubuerunt; de quorum captivitate dominus noster episcopus magnam extorsit pecunie quantitatem, unde ipse et sui locupletati fuerunt. Ipse vero tanquam fidelis et bonus dispensator pecunias sibi taliter provenientes in utilitatem ecclesie nostre convertens, castra et bona episcopalia per predecessores suos impignorata seu alienata recuperavit et redemit. Castrum vero Luttere et officium in Barke et advocaciam in Calevelde (210) a ducibus Brunswicensibus pro tribus millibus et 60 marcis emit, et pecunias pro quibus predecessor suus domnus Syffrydus episcopus castrum Lindowe (211) a nobilibus de Plesse comparavit, nondum solutas persolvit, et in eodem castro palacium inexpugnabile cum alto muro construxit. Castrum Sturwolde quasi ex toto solemnibus et inexpugnabilibus edificiis, prout liquet, præter palacium antiquum, quod patruus suus immediatus predecessor domnus Hinricus episcopus edificavit, magnis sumptibus construxit. Et quamplura edificia in aliis nostre ecclesie castris diruta, que omnia describere difficile esset, ipse reedificari procuravit. Ipse etiam adhuc prepositus Montis existens, ad laudem et honorem omnipotentis Dei et gloriose matris ejusdem virginis Marie quandam missam, vulgariter auream dictam, singulis annis sabbatho proximo post communes (212) ab omni clero tam religioso quam seculari solemniter in ecclesia nostra instituit decantari (an. 1315, Febr. 5), deputans ad hoc de decima in Zolde largam et bonam consolationem in earum missa presentibus ministrandam. Item ordinavit

A duas faculas annis singulis per totum adventum ob reverentiam ym̃ni (213) *Veni Redemptor* in choro nostro ante pulpitem ad completorium incendendas et arendas, et cuilibet scolari in eodem completorio presenti etiam uudecumque venienti unam simillam per prepositum nostrum tribuendam. Insuper festum beate Elizabeth cum cantu et consolatione solemnibus in ecclesia nostra pro duplici festo peragendum instituit atque redditibus dotavit. Anniversarios domnorum Siffrydi et Henrici episcoporum nostrorum, predecessorum suorum, et suum proprium in ecclesia nostra solemniter singulis annis peragendos cum bona administratione ordinavit. Rexit autem ecclesiam nostram in summa et tranquilla pace si quod cum suis omnibus subditis multum fuerat locupletatus, et taliter quod villane in pluribus villis sue terre cum bonis vestibus et mantellis de vario foderatis incedere videbantur, disponente Domino et cooperantibus sibi favore et amicitia nobilium principum Ottonis de Luneborch et Ottonis de Brunswich ducum, pacis et justicie filiorum. Omnibus itaque per dictum domnum Ottonem episcopum pro utilitate et commodo ecclesie nostre tamquam per bonum et fidelem pastorem laudabiliter et feliciter consumatis, anno ordinationis sue 16^o debitum humane condicionis exsolvit (214) [an. 1331, Aug. 22], et in ecclesia nostra ante altare omnium sanctorum requiescit ¹²⁸. Cujus memoria et ¹²⁹ benedictione sit eterna. Amen.

HENRICUS 35^{us}.

C Huic successit (215) [Aug. 28] venerabilis pater domnus Henricus, illustris ¹³⁰ ducis (216) de Brunswich filius, in cujus electione detestabile scisma surrexit. Nam quidam de dominis nostris adherebant electioni sue, alii vero domno Erico de Schowinborch per apostolicam sedem proviso, cui etiam cives Hildensemenses adhererunt, tum propter ipsius domni Henrici potenciam, tum propter depravacionem monete nostre per illos forte factam; quidam vero de consulibus Hildensemensibus dicto domno Henrico faventes fuerant de civitate expulsi. Remanentes autem et dicto domno Erico auxilium prestantes, ferociter cum magnis gwerris diocesan nostram invaserunt. Nam opidum Dam domno Henrico adherens ceperunt et funditus destruxerunt, ut apparet cooperantibus eis ad hoc quibusdam ecclesie nostre

VARIE LECTIONES.

¹²⁷ Iterum alia manus sæculi XV incipit. ¹²⁸ obiit a. D. MCCCXXXI. ordinationis sue XV. 2. numeris correctis. ¹²⁹ ita c. ¹³⁰ i. ac elegans 2.

NOTÆ.

- (208) Engelbostel et Münchhausen.
 (209) Oesselse, districtus Ruthe.
 (210) Berka et Calefeld princip. Gottingens, et Grubenhag. diceceos Moguntinæ.
 (211) Lindau.
 (212) Communes « die heilige gemeinwoche » erant dies victoriæ Saxonum de Turingis, in hebdomada post diem S. Michaelis celebrati; v. Haltungs Jahrbuch der Deutschen des Mittelalters

- 1797, p. 142, 143.
 (213) i. e. hymm.
 (214) De anno obitus cf. Beitrage t. 1, p. 90-94, et chartas ap. Lüntzel dioc. Hild., p. 423, 424.
 (215) Excerptum juramenti episcopi legitur in Deductione jurisdictionis meyerdingicæ ecclesiæ cathedralis Hildesheim. præposito et capitulo competentis. Hildesh. 1758, fol. pag.
 (216) Alberti Gottingensis.

vasallis ¹³⁴. Volens autem dictus dominus Henricus abducere aque fluxum indistrie a molendino episcopali, conflictum habuit cum incolis civitatis prope civitatem, qui prevaluerunt; quidam vero de suis in fugam conversi occubuerunt, quorum aliqui interempti, nonnulli captivati fuerunt. Dicitur vero dominus Ericus volens cum viris armatis civitatem ingredi, multis de civitate sibi obviantibus prope villam Haze (217) et eum introducere volentibus, dictus dominus Henricus cum suis illos invasit et debellavit triumpho potitus. Post hæc facte sunt treuge ad decem annos (1333); quibus finitis, major est exorta guerra quam fuit antea, que quasi ad tres annos duravit, in quibus plura ecclesie nostre castra et bona episcopalia ac quorundam monasteriorum et collegiorum impignorata fuerunt et eorum aliqua penitus alienata. Domino vero Henrico in huiusmodi guerra deficiente et quasi desperante, Deus omnipotens meritis gloriose virginis Marie sue matris, in quam plenam et firmam habuit confidentiam, victoriam sibi contulit de inimicis suis in præto infra Sturwoldis et civitatem, quorum multi fuerunt submersi et quam plures abducti captivi. De qua victoria in tantum fuit ditatus et adversarii sui taliter suppeditati, etiam dicto domino Erico tunc interim defuncto, quod ex tunc in singulis factis suis prosperabatur; civitatenses etiam videntes se deficere, gratie dicti domini Henrici se submiserunt, sic quod invicem amicabiliter pacificati et concordati fuerunt (an. 1346). Sed in emenda huiusmodi controversie dicti civitatenses singulis septimanis apposuerunt 12 talenta Hildensemensium denariorum ad satisfaciendum lapicidis, carpentariis et aliis laborantibus in edificatione castri Marienborch, quod ipse dominus Henricus tunc edificavit et construxit, quoadusque dictum castrum perficeretur ¹³⁷. Deinde domino Deo prestante, dictus dominus Henricus ad gremium matris ecclesie regressus, a sententiis excommunicationis, quibus per dominos apostolicos Clementem et Innocentium, eo quod provisioni dicto domino Erico per sedem apostolicam facte se opposuit, innodatus extiterat, per eundem Innocentium absolutus ¹³⁸ sibi que de ecclesia nostra de novo provisum fuerat (an. 1353). Igitur sic reconciliatus et premissis guerris et tribulationibus cessantibus ac tranquilla pace succedente, castra ecclesie impignorata et bona mensalia pro toto suo posse recuperavit. Castra vero Woldenstein, Sladum et Wydenla (218) pro magna pecunia summâ ecclesie nostre comparavit; ca-

strum Marienborch de novo construxit, Woldensteyn a nobili Siffrydo de Homborch, Sladum a Meynekone ibidem comite (an. 1342), Wydenla ab illis de Gowischemit, et eadem castra ubicumque diruta fuerant reparari ordinavit (an. 1341). Festum gloriosi corporis Christi in ecclesia nostra et aliis ecclesiis collegiatis solempniter instituit cum anniversario suo singulis annis peragendum. Reliquit etiam suis successoribus decem castra non impignorata, set libera et soluta, videlicet Sturwold, Marienborch, Rute, Payne, Levenborch, Sladum, Wydenla, Luttere, Woldensteyn et Wynzenborch ¹³⁴, cum pluribus bonis mense episcopalis. Destruxit etiam castra Grensleve et Hilwerdeshusen in comitatu Dasle. Rexit ¹³⁵ autem ecclesiam nostram 32 annis cum dimidio. Sepultus est ante altare beate Katherine virginis an. 1362, Febr. 6). Cujus anima in pace perpetua requiescat. Amen.

JOHANNES SCHADELANT 36^{us}.

Post obitum domni Henrici de Brunsvich dominus papa providit de episcopatu Hildensemensi cuidam venerabili et bono viro de ordine Predicatorum, sacræ theoloye doctori, quem vulgariter vocabant episcopum Johannem Schadelant. Qui in principio introitus sui requisivit de libris divinis et legalibus predecessorum suorum. Tunc officii curie ostendebant ei loricas, clipeos et galeas, dicentes quod tales fuissent libri predecessorum suorum. Et quia mores patrie non congruebant sibi, idcirco ipsum episcopatum ad manus domni papæ, a quo ipsum tenuit, resignavit (an. 1364), et forte per duos annos in episcopatu permansit ¹³⁶.

GHERARDUS 37^{us}.

Post hunc per dominum Urbanum papam quintum ad ecclesiam Hildensemensem translatus est venerabilis pater dominus Gherardus de genere baronum de Monte prope Mindam, tunc episcopus Verdensis, et quondam cantor et postmodum decanus ecclesie nostre; vir facundus, providus et magnanimus. Hic primo anno sui ingressus quosdam raptores videlicet 60 armatos de Westfalia opidum Eltze invadentes cepit, set attendens quod salvo honore eos forte retinere non posset, liberos et quitos dimisit eosdem. Deinde anno tercio ¹³⁷ circa festum nativitatis Marie (an. 1367) invadentibus hostiliter episcopatum nostrum duce Magno de Brunswigk et episcopo Halberstadensi cum adjutorio episcopi Magdeburgensis bishop Kogelwyt dicti nec non de Anehalt, de Hademersleve cum pluribus aliis bravo-

VARIE LECTIONES.

¹³⁴ anno Domini MCCCXXXII. in nocte natalis Domini 2. ¹³⁵ Et de singulis domibus adhuc hodie datur vronetynf ad idem castrum spectans demptis aliquibus bonis feudalibus que habent domini episcopi et monasterium sancti Michaelis et pauci vasalli. Occasio autem compulsionis ad edificandum castrum supradictum fuit ista, quia episcopus vicit eos prope molendinum « de Lamolen » in præto civitatis, ubi multi captivati et submersi fuerunt *addit.* 2. ¹³⁶ a D. 1347. *addit.* 2. ¹³⁴ wytzenborch c. ¹³⁵ Obiit autem a. D. 1362. 2. ¹³⁶ Sepultus in Maguncia apud Predicatores. 2. ¹³⁷ scilicet 1367, *addit.* 2.

NOTE.

(217) Hasede.

(218) Wiedelah.

nibus (219) et maxima armigerorum multitudine. occurrit eis propter villam Vormiersen (220) dominus Gherardus episcopus, et prelio diutissimo commisso, auxiliante Deo et sua genitrice, victoriam gloriosam nostri reportaverunt, interfectis quamplurimis ¹³⁸ adversariorum, et captis duce predicto nec non episcopo Halberstadensi Alberto cum magna suorum multitudine, a quibus maximam pecunie summam ipse dominus noster episcopus extorquere potuisset, sed veritus tirannidem archiepiscopi Magdeburgensis, qui tunc apud Karolum quartum imperatorem magne suctoritatis habebatur, et etiam potentiam Ducis Magni junioris, qui tunc ad ducatus Brunswicensem et Luneburgensem fuerat exaltatus, a predictis captivis summam tridecim millium marcarum argenti in amicitia dumtaxat recepit ¹³⁹. Post hoc orta est discordia inter dominum nostrum episcopum et ex alia parte duces Ottonem (221) et Albertum (222) de Brunswigk; quidam de vasallis et ministerialibus ecclesie Hildensemensis episcopo nostro rebellantes, ad dictos duces se contulerunt; quos ipse dominus episcopus in castro Walmoden potenter obsedit (*an.* 1368), et miro modo per industriam ipsum castrum cum aque fluxu comportato aggere submergi fecit et ex toto destruit, prout intuitus hodiernus manifestat. Sinistro tamen eventu factum est quod, durantibus huiusmodi controversiis, predicti duces opidum ecclesie nostrae Alvelde ceperunt, spoliaverunt, et castrum novum ibidem erexerunt (*an.* 1370). Sed dominus Deus et pia mater ejus non oblitit misericordie sue nec ecclesiam nostram omnino derelinqentes, ex post aliqualem consolationem refuderunt, disponendo quod officii domini nostri episcopi prope castrum Woldensteyn habito insultu cum adversariis, 24 armatos potiores de dictorum ducum clientela ceperunt, ipsomet duce Ottone per fugam vix evadente. Ex tunc intervenientibus placitis treuge facte sunt, et tandem opidum Alvede cum castro novo restitutum est nobis, et captivi ducum sunt liberi dimissi. Idem dominus noster episcopus toto suo tempore multas et diversas adversitates in spoliis, incendiis et rebellionibus suorum, ab omnibus circumjacentibus ducebus, nobilibus, et oppressoribus suis impugnatoribus gravissime perpressus est, sed tamen Dei et genitricis sue Marie adjutorio, in qua plene confidebat, in singulis laudabiliter prevaluit. Castrum Calenberch obsedit, et fluvium Leynam abduxit, magnis tamen laboribus et expensis, pro ut liquet Castrum. Coldingen (223) ecclesie nostre acquisivit, per multa dispendia

A gwerrarum et laborum retinuit. Castrum Vynenborch a comite Conrado de Werningerode pro magna summa pecunie emit. Castrum Blanckenborch cepit adjuvante comite Tyderico de Werningerode, quod tamen in placitis recepta aliquanta pecunie summa comite ¹⁴⁰ Borchado de Regenstejn restituit, Castrum Setynbrugge construere incepit. In salina Gyter (224) quosdam redditus dictos bokpennige ab illis de Khystede emit. Villam Muddesdeborch (225) et silvam attinentem ab illis de Roden pro certa pecunie summa videlicet 700 ¹⁴¹ markis comparavit. Domum lapideam seu palacium in Poppenborch edificari procuravit. Organa nostra nova ad ornatum ecclesie nostrae sumptibus 100 marcarum et ultra donavit. Villam Payne prope Kerkverde pro 100 marcis comparavit. Insuper calicem de auro puro gemmis pretiosis adornatum ecclesie nostrae dedit. Anniversarium suum instituit solemniter in ecclesia nostra peragendum. Aulam episcopalem quasi dirutam et vetustate consumptam reedificari procuravit. Claustrum Carthusiensium fundavit adjutorio bonorum virorum et redditibus dotavit. Ipse rexit ecclesiam nostram annis triginta tribus, et erat suis subditis presertim clericis multum affabilis et benignus; fuit sufficienter litteratus, et ideo clericorum fautor. Etiam multas orationes et dictaturas tam prosayas quam metricas per se ipsum edidit et dictavit. Ipso autem in etate decrepita constituto, subditi sui et maxime ecclesie vasalli tumultus et gwerras inter se graves concitaverunt. In quibus ecclesia nostra maxime periclitata, graves oppressiones et injurias sustinebat. Episcopo vero propter senium deficiente et rebellionem ipsorum compescere non valente, talis modus intervenit, quod dominus Joannes filius comitis de Hoya, tunc episcopus seu electus Padeburnenseis, in coadjutorem domini episcopi Hildensemensis assumptus est, qui insolentias ante habitas retinavit, prout aliquialiter fecit; quo translato ad episcopatum Hildensemensem, dominus Gherardus modico tempore supervixit ¹⁴², et defunctus (*an.* 1398, *Nov.* 15) apud Carthusienses Hildensemenses sepultus, feliciter in Christo requiescat. Amen, etc.

JOHANNES 38^{us}.

D Ante dictus autem Johannes ad episcopatum Hildensemensem promotus, in suo introitu aliqua satis strenue gessit. Nam duce Fredericum de Brunswigk terram Hildensemensem opprimentem ipse compescuit et repressit. Etiam castrum Vreden (226) ecclesie Hildensemensi multum prejudiciale expu-

VARIABLE LECTIOES.

¹³⁸ et *addit c.* ¹³⁹ de qua pecunia construxit et dotavit ac fundavit Carthusiam prope Hildem. ¹⁴⁰ *ita c.* ¹⁴¹ VII c. ¹⁴² obiit ergo a. D. 1398. 2.

NOTE.

(219) I. e. baronibus.
(220) Farmsen ab oriente civitatis; Chronicon sancti Aegidii et Botho Gheimmesem et Dinklar scribunt.
(221) Salzderheldensem.

(222) Gottingensem.
(223) a Magno duce oppugnatum.
(224) Salzgitter.
(225) Misburg prope Hannover.
(226) ad Leinam, haud procul a Gandersheim.

gnavit, cooperante duce Heinricho, et funditus evertit, et sic in statu competenti et satis pacifico ecclesiam Hildensemensem circiter 20 annos juxta modum suum rexit. Interea tamen factum est quod venerabilis dominus Eghardus de Hanensee prepositus ecclesie Hildensemensis, vir magne litterature et industrie, sinistro eventu ab emunitate urbis Hildensemensis, violenter extractus et abductus, quasi fuisset violator pacis terre, que tunc vulgari-ter lanfrede dicebatur, in turri Sturwalde incarceratus et per duos fere annos inibi detentus diem suum ibidem clausit extremum; de quo dum rumor exiret quasi fuerit in eadem turri occisus, prefatus dominus episcopus coram multitudine congregationis cleri et populi Hildensemensis et suorum vasalorum protestationem publicam fecit (an. 1405), quod de interfectione seu morte ipsius domni prepositi ipse foret innocens et immunis, et ad expurgandum se ad hoc coram omnibus paratum se offerebat; set habito colloquio inter illos qui tunc presentes aderant, juramentum ipsi domno episcopo erat remissum. Ut tamen omni pace dicatur, idem dominus episcopus in prodigalitate et feminarum contubernio ultra mensuram et plus quam decuit, laxabat habenas; qua propter factum est ut omnia castra et possessiones ecclesie, nec non bona ad mensam episcopalem spectantia, vel impignorata vel alienata ab ipso sunt relicta, et quia, ut apparuit, nimium laycaliter se gessit, plurime exorbitantia et inconvenientia sunt secuta, propter que et etiam plura alia, prout versimiliter formidandus est omnipotens Deus, multiplicibus flagellis ¹⁴³ nos et totam terram nostram et gentem gravissime atrivit, et presertim ex eo quod, extremo tempore vite sue, videlicet ad quinque annos ante obitum ipsius domni episcopi, intolerabilis tempestas gwerrarum et bellorum contra nos insurrexit. Nam confederati archiepiscopus Coloniensis, archiepiscopus Magdurgensis, episcopus Halberstadensis, omnes duces Brunswicenses et Luneburgenses et Steswicensis ¹⁴⁴, et multarum terrarum quam plures comites et barones cum omnibus ipsorum civitatibus et vasallis contra solum Hildensemensem episcopatum ferociter quasi eundem totaliter devastaturi convenerunt ac ipsum circumquaque rapinis, incendiis, interfectionibus, captivationibus, depactionibus et ecclesiarum concremationibus

A hostilissime pervagarunt; que quidem gwerre ¹ inimicie citra tres annos continuos protracte sunt; in quibus nostrates eciam in duobus conflictibus dampnosissime succubuerunt, quorum unus fuit prope Osterwilk et alter prope Grone (227), in quo dominus filius ducis Saxonie, noster concanonicus et ecclesie Montis sancti Mauriti prepositus, heu! fuerat interfectus (an. 1421). Qualia et quanta dampna ecclesia et tota terra nostra ex hoc pertulerit, non facile est describere, set hodierna debitorum onera et alia certa indicia manifeste declarant; unde factum est quod predictus dominus episcopus, tam senio quam penuria ¹⁴⁵ oppressus, in coadjutorem suum recepit dominum Magnum illustris ducis ¹⁴⁶ Saxonie filium, tunc episcopatum Caminensem, et ipsum accedente consensu et concordie electione capituli Hildensemensis nec non conniventia cleri atque vasallorum et quorum interfuit, in episcopum Hildensemensem sibi substitui a domno papa Martino quinto impetravit. Domno autem Magno in episcopum nostrum promotum, factum est tripudium totius cleri et populi, et post brevi intervallo temporis dominus episcopus Johannes mortuus est in medio ecclesie nostre sepultus ¹⁴⁷. Ipse rexit ecclesiam nostram 25 annis citra vel ultra, et maximis debitorum oneribus gravatam et omnium rerum distraxionibus reliquit eandem, successori quoque suo nullum penitus locum liberum nullosve redditus aut paucissimos post se dereliquit, super quibus omnibus parcat sibi omnipotens Deus.

MAGNUS 39^{us}

Idem autem dominus Magnus episcopatum Hildensemensem tam extreme depauperatum inveniens, quantum de suis pecuniis potuit, apportavit, mediantibus quibus huc usque vivit et perseverat. Idem dominus Magnus castrum Grene (228) cum suis attinentiis a domna ducissa de Brunswigh in possessionem recepit. Ipse etiam fortalitium Dachtmissen (229) a Ludolfo de Escharte comparavit, quod statim ex post duci Ottoni de Luneborch sub certis pactis restituit pro acquisitione et empicione plurium castrorum in dominio Homburgensi, pro quibus eciam grandem pecunie summam eidem duci Ottoni persolvit, videlicet ultra 10 millia florenorum auri de Reno in prompta pecunia.

SUPPLEMENTUM IN CODICE 2.

Domnus Magnus satis laudabiliter rexit in temporalibus, multa castra emit sub contractu redemptionis. Obiit a D. 1432 Sept. 21), sepultus in medio ecclesie.

Factum ¹⁴⁸ est preterea quod dominus Magnus

senio gravatus in filium eligeret illustrem principem domnum BERNARDUM ducem de Brunswik, qui tanquam provisor rexit ad 7 annos.

Ex ¹⁴⁹ post ERNESTUS comes de Scomborch (230) electus fuit a. 1458, qui confirmatus rexit 13 annis,

VARIE LECTIONES.

¹⁴³ flagellis c. ¹⁴⁴ sweswicen c. ¹⁴⁵ penuria plus quam senio 2. ¹⁴⁶ vox omissa in c. ¹⁴⁷ anno Domini 1424 2. ¹⁴⁸ alia manus incipit. ¹⁴⁹ alia manus.

NOTE.

(227) 1421, Chron. S. Egidii; 1422, Botho.
(228) Haud procul a Gandersheim,

(229) Prope Burgdorf.
(230) Schaumburg.

vir benignus et affabilis, set heu! ad spiritualia non deditus. Periculose etiam satis obiit sine sacramentis ut dicebatur ¹⁵⁰. Aliunde bene rexit. Obiit a. D. 1471 (*Jul* 22). Sepultus prope armarium ecclesie nostre.

Anno ¹⁵¹ Domini 1468 fuit bellum inter ducem Wilhelmum ac filios Fredericum et Wilhelmum ex una, ac civitates vulgariter dicti de Hensetede ex altera partibus, et plura dampna ambe partes intulerunt sibi invicem. Set a D. 1471 fuit forte bellum inter prefatos duces Brunswicenses et Ernestum episcopum Hildensemensem, et famabatur quod idem episcopus ex nimia tristitia obiit eodem tem-

pore. Anno vero sequenti, scilicet 72, orta est gravis discordia inter civitatem Hildensemensem et episcopum Henningum ex una, et vasallos dyocesis et quosdam canonicos ac opida terre partibus ex altera, qui eundem domnum Heinnigum episcopum recipere recusarunt. Quis velit esse finis, Deus novit, set jam plures ville desolate sunt heu! ¹⁵² Eodem anno cometa visus est. Et Erfodia pro maxima parte ab ignibus consumpta est, pons scilicet mercatorum et omnes domus fere presbiterorum cum ecclesiis principalibus, beate scilicet Marie Virginis et sancti Severi cum 12 aliis ecclesiis.

VARIÆ LECTIONES.

¹⁵⁰ et verum est *in marg. atramento alio*. ¹⁵¹ *alia manus*. ¹⁵² *aliud atramentum*.

ANNO DOMINI MXXXVIII.

CATWALLONUS

ROTHONENSIS ABBAS.

NOTITIA HISTORICA IN CATWALLONUM.

(MABILL., *Annal. Bened.*, t. IV, lib. LV, pag. 321.)

Sub idem tempus (1026) nobilis Armoricus Simon, filius Bernardi, a quo Roca-Bernardi, cujus loci dominus erat, cognomentum accepit, monasterium Sancti Gildasii de Nemore in Namnetensis pagi loco qui *Lampidric* tunc vocabatur, ædificavit, ubi Helgotum, *virum sanctum*, Rothonensem monachum, abbatem constituit. Tunc Sancti Salvatoris monasterio Rothonensi præerat Catwallonus abbas, laudatus in litteris prædicti Simonis pro constructione monasterii, in quibus notæ chronicæ non sibi constant, cum monasterium hoc anno conditum dicitur, Heinricho Franciæ regnum regente.

Ast aliunde certum est Catwallonum abbatem Rothonensi monasterio hoc ipso tempore præfuisse. Hic successerat Mainardo eximie sanctitatis viro, qui Bellam-Insulam, vulgo *Guedel*, a Gaufrido Britannicæ duce obtinuit. Ejus jussu Catwallonus, ipsius Gaufridi, ut ferunt, germanus frater, et ipse multa religione præditus, monachorum cœtum in Bellam-Insulam induxit. Inde post Mainardi obitum ad regimen Rothonensis monasterii revocatus, illud ruinæ proximum instaurare aggressus est. Ejus rei testem habemus ipsius Catwalloni epistolam ex codice monasterii Sancti Sergii apud Andecavos, scriptam ad Hildegardem Andecavorum ducem, Fulconis-Nerræ conjugem, eo tempore quo bellum cum Alano Britannicæ duce gerebat. Hanc epistolam infra exhibemus. Scripsit et aliam idem Catwallonus epistolam ad quandam abbatissam, cujus nomen a littera L. incipiebat, quam puto esse Letgardem, abbatissam Beatæ Mariæ de Caritate apud Andecavos. Idem abbas probum quemdam virum, sed agrestem, Gurkium nomine, genere Nortmannorum, in Sancti Gudwali insula demorantem, convenisse traditur, eumque ad largiendam Sancto Salvatore prædictam insulam est cohortatus. At ille, ut ferus erat, albis vestibus laneis indui solitus, pentem durius objurgavit, repulitque: sed tandem mansuefactus, se suaque omnia Salvatori tradidit.

CATWALLONI

EPISTOLA

AD HILDEGARDEM ANDECAVORUM DUCEM, FULCONIS NERRÆ CONJUGEM.

(MABILL., *Annal. Bened.*, IV, 321.)

Abbas CATWALLONUS Rothonensis cœnobii cum sibi commisso grege, HILD. Andecavorum reginæ, salutarium munus orationum.

Gratias referimus, quod per nuntios et litteras frequentes humilitatem nostram visitare non es dignata, obsecrans in orationibus nostris tui memi-

nisse. Unde si tibi Deum aliqua per nos fiducia confidit propitiari, scito quia, licet sumus peccatores, pro nobis ipsis non sufficientes, tui quotidie memoriam agimus ad Dominum. Jam dudum enim nobis non incognitum est, quam sincerissime Deo religionis exhibeas cultum, et Dei servitio obsequium: quæ si fama silentio tegeret, ipsorum claritas operum non taceret. Hoc unum omnimodis monemus, ut in bono ardentius proficere studeas. Quoniam igitur monasterium nostrum, quod vetustate sui pene vicinum est ruinæ, proximo Martio restaurare, si annuerit Divinitas, dis-

A ponimus; transmittimus ad te hunc fratrem gratia mercandi vinum in concessis Dei munificentiam vindemiam. De quo non ignavi sollicitudine formidamus, ne ob discordiam, quæ inter dominum tuum et principem Britanniae agitatur, ab aliquo patiens impediatur. Tuo itaque eum committimus tutamini, postulantes, ut pro Salvatoris, cui famulamur, honore, in quocunque negotio egerit subsidio, ei non negligas adistere. Sed et de teloneis in omni loco et portu, qui vestrae ditiori subiacet, oramus ut liberum abire sinas, sicut in te confidimus, Vale.

CATWALLONI

EPISTOLA

AD LETGARDEM ABBATISSAM S. MARIE DE CARITATE.

Gratias agit ob litteras sibi missas ab eadem abbatisa, quæ ab eo precum subsidia petierat.

(MABILL., *Annal. Bened.*, IV, Append., p. 732 ex cod. ms. S. Sergii Andegav.)

Omni reverentia dignissimæ matri L... CATWALLONIUS abbatum novissimæ ætatis bravium.

Devotionis tuæ litteras admisi gratissime, et multas ago gratias oblato pro munere. At mirari non desino tuo sedisse animo aquam potare luteam, fonte relicto lucido, hoc est neglectis Patribus, me duplo melioribus, a me tui piaculum deposcere fidelius. Unde pavens angustior angustiansque paveo, ne quod tibi remedium, mihi fiat naufragium, cum criminum me maculis a puero subdiderim, ut maris vincam guttulas et sabuli minutias, claraque cœli sidera mea miser nequitia, ob idque ideo non idoneus prodesse tuis precibus. Sed quia in pulvereum Deum rogas homunculam, hoc enim ipsa instigat quæ Deus est charitas, et quia apostolico admone-

B mur oraculo communiter alterutram fratrum subire sarcinam, exoro individuum Trinitatis essentiam ut criminum tumultibus sedatis in te cœlitus, quod percepit percipias Maria evangelica, quod audit et audias voce Dei blandissima. O, inquit, muliercula dilectione fervida, hoc habeto pro premio quod in me fides medico, facinorum remissio adisti tibi continuo! Quod ut nostra facilius oratio obtineat, solemne sacrificium ter immolari faciam in utrisque conventibus fratrum, qui vel in Insula degunt, vel in cœnobio Rotonum vocabulo. Hoc hortor ante omnia, ut certis esse formala digne subjectis æmula; quod si fuisti hactenus, amodo sis attentius, item dico ferventius. Vale mei non inamemor in tuis precibus.

ANTE ANNUM MXI.

FROUMUNDUS

COENOBITA TEGERNSEENSIS.

FROUMUNDI EPISTOLÆ.

(Edidit R. P. Bernardus PEZIUS *Thesaur. Anecd. nov.* V, 1, 158, ex autographo Tegernseensi.)

I.

Ad Gozbertum abbatem Tegernseensem scribit se suum a monasterio S. Magni discessum non prorsus, et membranas ad scribendum peti.

• *Unguarum horreorum cœlico nutu pluvie re-*

C pleto, F., debita subjectionis devotissimum pigus.

Recessionis meæ de monasterio S. Magni, et repentinæ disjunctis a vestra fraternitate meæ conscientie non esse, coram Deo testificor, qui nequam tam inhumane vultum facere, et velle

sciente discederem, a quo quamvis interdum absens locali spatio, corporalique colloquio segregatus, usquam mentis amore fueram disjunctus, postquam primum coagulatione charitatis adhærere ardentem incipiebam. Precor humiliter pietatem vestram ut memoriam mei habeat in oratione vestra in loco saneto pro abolitione commissorum meorum. Quando enim nos vestri obliviscimur nec nostri recordamur, quod utrumque absit. Sed quia spirituali consolatione vestra parte, si dignamini, nolumus privari, ad utilitatem spiritualis et temporalis exercitii aliquas membranas nobis donari precamur. Nam, ut scitis, libenter interdum scriptitationis immoror studio. Sed nunc facultatem scribendi pergamenis deficientibus non habeo, nisi vestræ manus largitione tribuatur. **B** Valet.

II.

Ad eundem. Jurat se quemdam librum non abstulisse.

Seniori suo G. omni veneratione perdigno, F. solo nomine Cucullio.

Usque modo, mi senior, nimium fui cordetenus animatus de securitate vestræ gratiæ. Sed e contra omnia nunc aliter propter peccata mea. Tristis sum nimis de furto libri vestri supra me dicti. Sed expurgare me cupio tali facinore, qualitercunque placet paternitati [tuæ]. Quid plura? Proprio ore dico, meaque manû securus subscribo sic dicens: Si ego F. illum vestrum librum M. quem dicitis, vel furto tuli, aut ab aliquo furto sublatum suscepi, vel qualicumque modo eum habeo aut habentem scio, corpus et sanguis Domini nostri Jesu Christi; quod sæpius accipio, quamvis indignus, fiat mihi ad demnationem, non ad redemptionem.

III.

Ad Ruotkerum abbatem Herbipolensem. Tuetur se adversus acerbiores ejus litteras.

Abbati R. doctorum peritissimo, humilis F. nullius meriti dote ditatus.

Epistola vestri nominis inscriptione prætitulata multum contristaverat præcordia nostra, quæ primo visa finxerat se, quasi facecitate vestræ dictationis esset composita. Quam cum recuperatæ mentis intentione perlegeram, memini nunquam vos tam inculto stylo ulla verba composuisse. Infremuit enim indecens scriptura in talia convicia ut nec me solum dilacerare sufficeret, verum in seniore nostrum ira exarseret. Si honorandam Ruotkeri personam non vererer, forsitan tam fœdis tamque pudendis uter verbis, ut non pejora superessent convicia. De neglectu mihi ignotæ cautionis increpavistis, quam nec manu propria commisi, nec aliis deferentibus unquam accepi. Quemdam Hezilinum adduxerunt, qui penitus sic ignotus, sicut nunquam est a me visus, nescio quid promiscui pecoris petentem. Quod postquam monemachia studio deteseram, nullo modo possederam. Inæquali etiam positione numerorum affirmat me detestari studium, optimam partem hominis, cum major pars hominis animæ esse a cunctis sa-

pienibus non ignoratur, et ratio tantum in studio versari videatur. Glossema novissime adjuncta profitebatur decoloratione solis gratiam me adepturum, cum veridicax orthodoxorum sententia decolorationem solis testatur fervorem designare persecutionis. Sed si tam magnum furorem provocavi, ut more irritatorum hominum locutio dictatione vestra eclipsin pateretur, tali delicto indulge veniam, abba venerande. Si alterius alicujus vestrorum puerilis animus sic efferberit [cod., efferberat], vestro reservamus judicio.

IV.

Reginbaldi monachi, forte sancte Emmerammensis, epistola ad Fromundum, cui remittit Persium, et pro variis beneficiis gratias agit.

Eximie dilectionis suo consanguineo, F. REGINBALDUS in utriusque perfidelis obsequio.

Quod vestrum vobis nuperrime non remisimus libellum, ne alienum ob hoc habeatis animum, quesumus. Nam cum non ingrata vestra accipimus nuntia, per nostri litterarum compositiunculæ quæque secreta nobisque necessaria vobis remandaturi sine nostro conscire vester abscessit nuntius. Quod nimis moleste patientes per istum nobis et vobis fideliozem nuntium vobis transmisisimus eodie prædictum, dignas grates referendo quod tandiu illum nobis præstare dignati estis. Sed per eundem hujus sedulæ portitorem nostri libellum, qui inscribitur *Persius*, nobis remissum iri poscimus. Præterea erga vestri pergameni donationem, quia tunc gratiarum actionibus locum non habuimus, maximas referimus gratias. De promissione et consolatione nostri itineris vestrae nobis facta, nostræ non est facultatis vos gratia remunerandi ut promeriti estis et Deo concedente promerebimini: æterna vobis mercede præoptamus digna resolutum iri præmia. Valet.

V.

Idem eidem. Rogat ut sibi significet quid de [quodam itinere velit. Membranas petit, etc.]

F. sui amicorum amicissimo, REGINBALDUS, spuit omnium obnoxius, quidquid adoptari potest festivus.

Tui, o mi chare, quamvis absentia nimis perturbatus suspirem sæpe sæpius, si res tamen se prospere erga te habent, mihi præcordia meorum nebula detersa rident. Sed harum rerum de quibus noster ultimus, cum a me discessisti, fuit sermunculus, memoriam cordi mentaliter inficiens, si id itineris mecum aggressum iri velis; aut si id fieri non possit, quid aut quantum mihi progressuro facere prepossis, adminiculo tui litterarum compositiunculæ, ut es locutus intimato. Præterea quantumlibet membranæ causa prescribendi libellos, quos nosti, mihi accomodatos, illas tamen septem pelles ibidem inventas, si non plus opus habeas, mihi transmittes. Tuum seniore penes te commorantem vice mea salutato per omnia, et ambo, prout maxime valeatis, studiosi sitis in commissa vobis opella seniori nostræ sa-

tisfactum, quia vobis fidei habet quam plurimum. Valet.

VI.

Idem ad eundem et alios. Cur ad eos non inviserit? De libellis quibusdam, etc.

Domnis et fratribus in Christo suis W. P. M. F. [f., WIGONI, PABONI, MEGINHELMO, FROUMUNDO], REGINALDUS litteratoriæ professionis neglectissimus, quidquid adoptari potest festivus.

Exterior meus homo, quamvis longi temporis interstitio conspectu careat vestro, interior tamen intimæ dilectionis contemplationi vestri nequitam recordatur. Quod vos, ut promisi, in transactis dierum curriculis non visitavi, id aversum fuisse senioris mei præsentia scitote. Insuper non adeo aptum mihi videbatur in hujus temporis observatione id itineris meatim arripi, cum pabulum esset ubique charum, et incerta temperies aeris haberetur, vobis quoque locus et otium minime daretur audiendi, et lene consilium pro his mihi dandi, quæ vestri aurium cubiculis instillarem. Transacta Paschalis festivitatis expectatione mox, cum terræ soluta gramina emittunt, vos adusque vita superstitute me promitto venturum. Tibi frater amatissime Froumunde, libelli residuum quod rogasti, per hunc pelliferum transmisi, jubens te quam citissime id perscribere causa confestim remittendi, quia domino ejusdem libri nescio tui me postulat, sat egi. Vobis autem, domine et magister Meginhelme, nunc temporis nequiri satisfacere. Quem enim librum voluisti, in nostra reconditur bibliotheca. sed utrum correctus sit, necne, dubito. Si persensero illum vobis utilem, una mecum asportare procurabo. Valet vestrisque orationibus me miserum, inquam miserum, impertite.

VII.

Froumundi ad Pabonem monachum pro vestimentis quibus se a frigore defendat.

Domno PABONI frater FROUMUNDUS, quidquid est charitatis in Domino.

Instantis hiemis pressura cogit me dicere quæ sunt nobis necessaria. Nimum confisus solita charitate vestra circa me, rogo vos ut mittatis mihi duos vuantos hispidos sulinos, aut fiberinos, vel vulpinos, quibus indutus vitare valeam periculum frigiditatis in manibus. Dilecti fratres Liutoldus et Vuirunt bene valeant, quibus etiam salutatis ex nomine meo, rogate eos ut aliquantum cera largiantur. Valet.

VIII.

Ad R. [f. REGINALDUM] monachum. Hortatur ad perseverantiam in statu monastico, sequæ Cluniacensium precibus juvari postulat.

R. Fratri dilectissimo F. tota mente tibi fidissimus.

Bene fecisti quod nobis per notum nuntium innotuisti, ubi curas ærumnosi sæculi calce trivisti. Per cunctas namque regiones vagula mente te quæsitivimus mterentes. Sed nimiam gaudemus

quod te quiescere audimus in monastriali quiete, sopita atque delusa cuncta sæculari tribulatione. Gaude, frater dilectissime, quod invenisti quod semper suspirioso animo quæsitivisti. Rogo te, ne ulla deceptrix, nulla seductrix avellat te de tramite veritatis. Noli respicere nodum solvere, quo te trusisti, perpetuæ charitati deinceps vacare. Fugiens e sæculo, si post tergum respicis animo, multum miraris quod multimoda infestaque mundi pericula tam salvus evaseras. Quid multa? Ex quo homo indignus presbyter sum ordinatus, tui non sum oblitus; deinceps vero nunquam, nusquam, quando mei meorumve recordor, tui non obliviscor. Speramus namque, spirituque optamus, quandoque te venire ad loca nobis viciniora, prædigni abbatis tui benedicibili licentia. Confido in Domino Jesu Christo ut voluntati meæ satisfaciens deducat me ad locum ubi inventa sunt sancta signa nostræ redemptionis. Et si ita erit, cupio vos videre meque commendare sanctæ orationi seniorum, si dignantur, Cluniacensis monasterii. Valet.

IX.

Ad eundem Froumundus. Rogat ut sibi exemplum Horatii poeta transmittat.

Dilectissimo confratri R. vester fidelis F., quamvis vilis, sedulam orationem ex corde.

Si adhuc ad manus habetis librum Horatii, rogo vos ut mihi eum mittatis ad describendam particulam quæ adhuc nobis deest ejusdem libri; et si illum non habetis, alium quem, quem nobis utilem scitis, mitti precamur. Liber etiam noster, quem vos habetis, valde necessarius est nobis. Quocirca petimus ut per præsentem nuntium dirigatis. Quando enim vultis, statim vobis remitto, si ita necesse est. Quando librum Horatii vestro juvenamine conscribo, confestim ad vos venire non tardabo.

X.

Ad eundem. Cæcum nepotem ad recipiendum risum rogat ante altare sancti antistitis præsentari. Conqueritur de suo libro sordide habito, etc.

R. dimidio vitæ meæ solatio, F. quidquid gaudii in Christo.

Istum puerum neptis meæ, bonæ mulieris filium, lumine oculorum pene privatum, rogo vos ut ante altare sancti antistitis [f. S. Emmerammi] ducatis, et pro sanitate ejus in conspectu Dei deprecemini. Et si aliquod medicamentum pro hujusmodi infirmitate scitis, aut sciscitari potestis, pro amore Christi sibi rogamus impertiri. Si aliquid habuissem mihi vobis charius, præsentem pagellam invectivis vobis fortassis onerarem, quia librum nostrum totum rugosum, cœnosum parteque disruptum recepi. Sed hoc absit ut vos vel uno verbo contristem. In capite ejusdem libri inserta erant duo folia. In uno erat circulus, continens scripturam quatuor plagarum mundi; in alio epistola quam formatam nuncupant, quæ rogo. genua vestra amplectens, ut mihi remittatis.

XI.

Ad eundem. Petit sibi poemata Statii transmitti.

Domno R. imbriflua sapientia fluido, F. suus, tot gratulationes quot vagulus lupus novit semitarum diversitates.

Nullo modo dubitare volo me vobis cordetenus annexum vinculo totius charitatis. Idcirco rogo ut me librum Statii videre faciatis. Nunc enim potest mihi vehi, vobisque statim reduci sine ulla ruga et læsione per nuntios qui hinc et inde pergunt vacuis sarcinis. Quod si charitas inter nos penitus perfrixit, quod tamen absit! nostrum librum mitte nobis. Valete.

XII.

Ad Gozpertum abb. Tegernsens. Quo in statu prædica monasterii per lustrata invenerit?

G. seniori suo, F. ultimus vestri servorum, non alius, aut aliud, quam id quod dudum.

Loca obedientiæ nobis commissæ, quæ adhuc potui, contemplanando circavi, et invenio minimam partem nobis esse derelictam. Aliquid tam magnum perficiendum, ut de hujusmodi dispensatione debemus pauperibus, domesticis atque peregrinis hospitibus. In Danubii regione repetitum granum, quod priori anno abstulerunt, et illi majori, qui illic erat anteriori anno, ablatum est officium, et nullus penitus de hoc dedit mihi responsum. Tota namque decimatio hinc inde est dispersita inter nostros et alienos. Si hoc non interdicitis, quod alieni habent, penitus abstrahetur a domo Dei. Rogo paternitatem vestram ut decimatio nobis præsentis anno tota concedatur ad calcem cremandum. Est namque ecclesia in nostra obedientia, quæ dicitur Holzbericha, undique furcis fulcita, muris destructa, cui nisi citius subvenitur, penitus cadet.

XIII.

Ad Meginhelmum magistrum. Eum ad expromendas ingenii vires hortatur.

Domino meo magistroque M. miris moribus, maculosoque et su mirifice munerato, F. fidelis famulus famulamina frequenter facturus fidelis.

Miri medicaminis more magistrali me mementote servare sequentibus sanguinis strenuum salutaremque strictorem. Sacro subscribe stylo, sicut stolidus stimulat servus sermonibus stultis; sed vos scribite sapienter sacras sequens Scripturas. Sudario spernite servare, si quid scitis salutiferum. Spargite semina, sicco sapientiam servo.

XIV.

Ad Peringerum abbatem suum. Veniam et comestum petit, quo sibi fas sit persolvere vota sua in civitate Augustana.

Semper sibi venerando Seniori P. F., quamvis nulla veneratione dignus, tota tamen mente vestri devotus.

PATROL. CXLI.

A Rogo paternitatem vestram ut auribus solitæ pietatis meum nuntium suscipiatis, tanquam verbis vobiscum sermocinantem pro rebus necessariis. Neque enim ipse loquitur, sed ab animali hoc inanimale pro animali mittitur ad animale. Idcirco non joculariter, sed loquimur vobis quasi præsentialiter. Novit denique benigna compatientia vestra qualiter ego quondam infirmatus apud Augustam civitatem in desperatione vitæ ægrotabam, cum consilio eorum qui mei curam gerebant, obligavi me voto, si convalessem de hac infirmitate, ut singulis annis venirem ad lecta et patrocinia illorum sanctorum qui ibi requiescunt. Quod penitus ego peccator dimisi, sed singulis annis dixi: Cras, cras peto licentiam, ut statim pergam.

B Quapropter, mi Pater, nihil magnum, nihil molestum rogo, sed unum tantum cavallum mihi ad equitandum, et unum virum mecum equitantem: ad viaticum autem nihil aliud peto nisi portionem alimonie quæ mihi daretur cum hic domi essem, et insuper quidquid vestra dignatur gratia, non abquo, non renuo. Quis non timeat se mentitum esse tali patronæ, quæ nobis hodie lecta est? Quocirca si vitæ meæ ullam curam vultis habere, vestro juvamine liceat mihi manere in civitate Augusta in Nativitate sanctæ Mariæ. Valete.

XV.

Ad eundem. De administratione ecclesiæ sibi commissæ.

C Patri P. perenniter in Christo amando F.

Versiculo verbo precor omnia prospera caro.

Quia mihi commendastis res hujus sanctæ Ecclesiæ custodiendas, propterea in his omnibus usque nunc laborando ministravi ut pro meis viribus potui. Sed nunc videtur mihi propter vilitatem paucitatis meæ quasdam res, quas antecessores mei ibi ad manus . . . Cætera a codice absunt.

XVI.

Ad eundem forte, de quibusdam libris ab se redditis

P. multiplicis bonitatis amatori, F. humillimus adelphus salutem.

Grates rependo solotenus poplite flexo, quo sæpius vos officio circa me pio amore laborare conspicio. Librum Boëtii vestro brevi a me vobis petivistis præstari, cujus libros propria manu duos conscripsi, pleniterque, ut puto, glossica conscriptione depinxi; quorum alterum mecum retinui, alterum Augusta Vindelicæ reliqui, simulque librum Juvenalis et Persii pro commutatione Arithmeticæ Boëtii, in qua ipse ob gratiam vestri non modicum conscripsistis, pro libro que Invectivarum Tullii Ciceronis in Salustium. Quos libros mihi præstitos cum remitto, nostrosque recipio, jussu vestro voluntarie satisfacio Valete.

FROUMUNDI POEMATICA.

(R. P. PEZIUS, *ubi supra.*)

I.

In imaginem Crucifixi.

Germinis æterni ramos hos vitis adornat,
De qua fonte novo redduntur pocula mundo,
Dextera quæ victrix invictaque brachia Christi
Amplexu rapuere pio de faucibus hostis.
Lividulus serpens peritura et tartara cernit,
Et caput ignavum lutulenta et terrea lambit.

.....
Lux mihi semper adest, nec possum cernere lumen
Libri, lectoris nec sensus sufficit ullus.

II.

Ad Pabonem.

Salve, confrater, mihi dulcis semper amore.
Dulcior es mihi tu, quam mellis gustus in ore.
Nescit amare liquor, sed amor dulcescit, et ad cor
Intrat, et alterius conjungit fœdere pectus.
Omnibus exceptis mihi tu sis charior istis.
Econtra abjectis sic tu sis promptior illis.
Te sequor, ut mundus circumfert carmine cursus.
Nusquam divellor, nunquam a te pectore pellor.
Hæc præclara dies merito vocitatur, et omnes
Festos præcellit, quæ te me cernere fecit.
Alter in alterutro gratuletur sospite viso.
Tu metior, generose puer, quia sanguine major :
Quapropter tibi sum servus super omnia promptus.

III.

Pro caligis hirsutis, quantumvis vilibus, ad abbatem.

Excelsi montes jam condunt ninguine cautes :
Flamine perduro spirant et frigora campo.
Undique disturbant famulum me turbine vestrum.
Pellicis sed et incursus depellitur omnis.
Parte tegor, de parte alia me concutit algor,
Maxime per suras inserpunt frigora venas
Cruscula concresecunt, lapidosa ut stiria durant.
Hoc poteris sarcire, Pater. Quod si hispida pellis
Redditur aut vetulum, noviter vel sutile tectum ;
Quidquid id est quod largiris, venerabile donum
[est.]

IV.

Pro Pachone infirmo.

Versibus an verbis moneam pro parte Pachonis,
Fratribus infirmis quam vultis reddere nostris ?
Tempora nunc poscunt ut agrestia gramina inun-
gant.
Mente revolve, Pater : pariter sunt ecce duorum
Invalidæ vires, communia pocula, mensa.
Omne quod est illis, communi sorte fruuntur.

(4) Vide Mabil., tom. IV Analectorum, pag. 357.

A

Unus quod patitur, fiat de ambobus idipsum.
Altera pars alio reddatur perna peracta.
Unus dum gaudet, neuter nec murmura fundat.
Ipsi peccamus, si non sumus omnibus unus.
Maximæque est merces infirmis addere curam.

V.

In eos qui Froumundum ad suscipiendum presbyterii ordinem urgebant (1).

Sunt mihi qui dicunt : Cur tu nunc ultime Froumund,
Ultimus exclusus cum non sis patre rejectus,
Presbyter ut fias, tempus jam poscit et ætas
Pergere cum reliquis cur cessas ? Percipe claras
Candidulus vestes, celebrant quæ mystica sancta
Pontificis manibus. Si spargit chrismata Christus.

B

Funditur et super hos, quos tangit pollice, christos.
Gratia per populos sic fluxit sæpe beatos,
Cum benedixisset benedictis dextera Summi.
Presbyteros faceretque suos sacro ordine servos.
Cogere me certant, fatear, quod sim sapiens vir.
Hoc faciunt stulti ventoso flamine pasti,
Non quia virtutes cupiant, sed fallere plaudant.
Nos humiles, nos indocti maneamus ad omnes.
Talibus eloquiis nunquam cor pascitur illis,
Sed magis, atque magis, Domine, quo sistere justis
Spem tractandarum sibi jussit reddere rerum.
Illuc protendam studium mentis, manuum cum
Omnibus et factis, seu nisibus, arte resumptis
Quidquid erat, quod sequitur, totum sibi fiat
Verborum vel factorum, quod pertinet illum.

C

Laudibus ipsius reddemus corporis ausus.
Ast illis respondemus, qui talia tractant :
Stultorum lingua est facilis et prompta loquelis.
Quisquis enim primus loquitur, manifestius illum
Cognoscunt alii : quia mente superbia regnat,
Et vacuus manet interius præcordia sensus.
Hæ curæ non nos mordent. Deus hæc quoque tra-
[ctet.]

Ordine tam celso persons ego fungere summo
Non possum pressus peccati pondere totus.
Est mihi quod dicam, totumque ex ordine pandam.
Inprimis studio placet esse sub artibus uno.
Omnia dico, ut sunt, nec ludicra prosequar ulla.
Discere decrevi libros, aliosque docere.
Quod præstet Deus omnipotens, hoc tempore Christo
Crescere sub vestro, quod fluxit tempore prisco,
Subdere me duro divellar ne ipse labore :
Ut possim quamvis pauperculus esse synergus
Omnibus est merces ; quia pensas ipse labores
Servorum, qui vos famulamine dulciter ardent.

D

VI.

In Gerhardum, saevo atrociter puerum ferientem.

Gerdrudam testem facimus, quod nempe Gerhardus
Fratribus est merito exosus, quia fecerat ausus
Omnibus invisos, vobis non digne ferendos.
Nam puero nostro maledicto forte cruento
Tunc lapidem magnum comprehendens, ac petit
[illum

Nutanti cursu, qui vix se subtrahit ictu.
Missile sed saxum manibus non caute relictum
Stridendi sonitu male raucum fertur in æthrem.
Vulnere non retinens, mittentes verbera spernens
Æther, et immittit retinentem vulnera petram.
Collisi lapides multusque excutitur ignis.
Concutitur murus lapidoso ex aggere structus.
Miramur solem fuscum de pulvere factum.
Turbatur cælum, quantantur tartara deorsum.
Sic lupus infaustam discindens calcibus herbam
Concitat in ventum nubem cum aspergine densum
Obscurans oculum pastoris pulvera fartum,
Ne custos pecudis mala sentiat acta furentis.
Haud secus insontem puerum causamur inermem
Quam si dispersis ovibus rapiatur et agnus,
Ignavus cum pastoris discesserit ausus.
Sic nos pastores falsi retinemus alumnos.
Tunc ergo sub falsi pastoris nomine nauci
Linquens agnellum tenerum, mox hoste tenendum.
Tale aliquid quisnam posset cogitare, quod esset
In claustro, lapide obstruso mala bestia lustru,
Dum monachile pecus patiatu tempore tellus ?
Hic lupus exosus venit de cardine lapsus,
Quo fures penetrant, mactent, et ut omnia perdant.
Sic nos in tuta positi convalle salicti
Fetoram pecudis securi pellimus arcus.
Sic lupus extensus meditatur tollere vellus,
Ora cruenta premit, stipulas ne turbet anhelus
Horrescunt lanæ, si fetor perflat ad illas.
Omnes prendamus lapides, lapidetur et hostis,
Finibus expulsus canibus mordentibus acris
Longius expulsus patiatu vulnera fessus.
Huic sic damnato repetamus gressibus urbem.
Claudamus portas, firmemus vectibus aulas,
Ne deinceps ullus confringat de ossibus ursus
Discedat procul omne genus, pecus atque lupinum.
In nobis regnet Christus Deus ipse benignus,
Filius et Patris, pepulit qui vulnera mortis,
Spiritus amborum conservet tecta domorum.

VII.

Ad Liutoldum episcopum Augustanum.

Frater Froumundus Liutoldo mille salutes
Et quot nunc terris emergunt floscula cunctis.

VIII.

Epitaphium Iliæ seu Elisæ matris.

Hoc silicum tumulo jacet Iliæ, corpore functa.
Invida mors rapuit, quod sibi vita fuit.
Littera si abfuerit, quam simmam [sigma] Græcia
[dicit,
Iliæ nomen erit, ut genus edocuit.
Funeris obsequium post multos huic facit annos

A Filius ecce suus Froumundus monachus.
Dulichium genuit patres, et Troja priores,
Qui locus hoc corpus hic tegit exiguus.
Non unis hanc formam fecit gens esse secundam,
Sic posuit terris, quas superet, reliquis.
Littera, quam cornis petit ut precibus memor
[eris
Corporis atque animæ, quo maneat requiem.
Mente revolve simul quod tu peregrinus et exul
His jaceas terris expulsus propriis.
Quapropter pariter rogo, poscas eum prece, frater
Ut sibi perpetuam nunc tribuat patriam.
Et nos cum venia simili perducat ad astra
Qui mortem superat, et bona cuncta parat,
Tertia namque dies Octobris adusque Kalendas
B Abstulit e sæclis reddidit et Superis.

IX.

In adventum Henrici ducis Bojariæ.

Dulce genus, proles priscorum sceptrigerorum,
Salve, perpetuo patriæ pax inclyte princeps.
Dulce.
De summis Deus, ipse tuis jam respice cœlis,
Dulce.
Et dux esse ducis digneris, cinge triumphis.
Spermate per celebri venit tibi sancte Quirine,
Nobilium genitus de stemmate patritiorum
Dulce.
Henricus dux ecce pius, princepsque serenus,
Præcipuus populi defensor gentis et auctor.
Dulce.
Suscipe elementer, qui te, venerande verentur,
Exquirat, veniamque sibi te reddere credit.
Dulce genus.
O juvenes vos infantes cunctique veloces,
Currite certatim, vos hic præcurrere cursim.
Dulce.
Dulcia laudantes resonemus carmina, fratres :
Dux benedictus eris per sæcula, macte triumphis.
Dulce.
Huc trepidi currant inclinati silicerni,
Si non confestim, tamen ad spectacula sensim.
Dulce.
Cursitet omne genus, cui linguæ sufficit usus,
Mirando laudet, quem nunquam viderat istic.
Dulce.
D Sepibus infantes appendant corpora parva
Culmina seu scandant tectorum, ut talia cernant.
Dulce.
Furcosi veniant his montibus undique cervi
Rupibus et silicum spectet genus omne ferarum.
Dulce.
Truncigeni cives, muscosas solvite vestes.
Purpura portanda est his silvis prole togata.
Dulce.
Silvicolæ, vos ignotos huic spargite tyrsos,
Quas in honore suo poterit, quis proferat odas.
Dulce.
Dicite : Salveris dux et fortissime gentis,
Tempora multa salus maneat tibi reddita vitæ.
Inter vos volitans mihi pennula stridet anhelans,

Dans et amore meos perparvula musca susurros. A Salve, dux Heinrice, tuis dilecte popellis,
 Tu regum proles, tu quoque scepra tenes.
 Nullus te regum transcendet terreus unquam,
 Viribus et socius, nobilis atque pius.
 Moribus et mitis toto polles quoque facto,
 Hoc faciet Dominus, possis ut esse suus.
 Regnanti Domino sit laus pro principe nostro :
 Ad propriam sedem duxerat incolumem.
 Carmine quisque suo certet concurrere pulchro
 Cordibus omnis amor, voce feretur honor.
 Longior ipse dies transcendat lumine noctes,
 Tempus ut omne modis hunc canat hymnisonis.
 Ducas [et] laudes, noctesque diesque canentes :
 Verba sonent homines, organa pulsa sonos.
 Contremis a sonitu telluris maxima moles,
 B Quem faciunt populi, lepidulique chori.
 Cum ducibus fit concursus populi undique ma-
 [gnus,

X.
Ad eundem. Precatur faustum iter et reditum.
 Gens habitans Alpes tibi mandat, domne, salutes,
 Maxime Froumundus, qui cupit esse tuus.
 Quam lacrymosa tuis insistent tempora servis !
 Decedis patria, quid sunt regna tua ?
 Cum pater hinc transis, orphellus fit puer omnis
 Sis, precor, in regno, dux, generose, tuo.
 Nil mea vita valet, si non te semper adoptet :
 Cum caput abfueris, tunc ego truncus ero.
 Si poteris, possum : si non, penitus quoque nil
 [sum.
 Ne mala contingant, te mea vita petit.
 Sed potius precor, ut pergas, jam despice curas.
 Prospera cuncta tuis advenient populis.
 Egrederere ad gentes vir virtutum sapienter :
 Lætus enim transis lætior inde venis.
 Et nomen tibi præclarum Deus, auctor honorum,
 Inde reportandum det super imperium.
 Et narrent famam totam per posteritatem,
 Qui non sunt nati, sint merores meriti.
 Dicite concordi comitantes voce popelli :
 Deduc incolumem, tu Deus alme, ducem.
 Angelici cives Heinricum ducite sancti
 Per cunctam gradiens, quam subit ipse viam.
 Salveris, juvenisque tui, cunctæque phalanges.
 Quæ tecum pariter dulce legunt et iter.
 Perge, salus nostræ gentisque, revertere salvus
 Regnorum rector sis destructorque malorum.
 Sis timor insidiis, pax mansura tuis.
 Aurea namque tuam deducat semita vitam,
 Pax saliat membris, gaudia sint animis.
 Sit procul occursus, conventusque malus.

XI.

Ad eundem, ejusdem fere argumenti.
 Semper te canerem, si perbene psallere possem,
 Nec tam grata meis mella forent labiis.
 Gaudia longa traham, quia dulcia carmina psal-
 [lam,

Corpore dum maneo, semper amore cano.
 Osculor incumbens vestigia, quo gradieris,
 Si pedes exires : nam foret hoc requies.
 Montes conscendam, simul avia cuncta paragram,
 Undique prospectans, cum patriam redeas.
 Nunc iterum atque iterum valeas, patrone benigne,
 Nos petimus pro te Dominum sancta ecclesia
 [omnis.
 Pulcher enim vultu, sic moribus, insuper actu,
 Es quoque vita tui, dux bone mancipii.

XII.

*Ad S. Heinricum et fratrem ejus Brunonem. Redi-
 tum in patriam gratulatur, illumque rogat ut
 Tegernsenses in gratiam recipiat.*
 Gens Augustorum, salve, princeps populorum,
 Filius Ecclesiæ, pulcher et ipse pater.
 Dux, decus et patriæ, pax, pater Ecclesiæ.
 Salvus semper eris, salvusque exercitus omnis.
 Salve cum populo te comitante tuo.
 Et cum fratre tuo salveris principe Bruno
 Pulchro et in facie, nobilis ut genere.

Qui gaudent patriam te remeare tuam.
 Francigeni cives spectant te pectore mites,
 Viribus audaces : nam tua progenies,
 Perfidus en nostris abscedit finibus hostis :
 It lupus in sylvas, deserit insidias.
 Barbaricas gentes tibi subdis, haud timet ullus,
 Agricolæ psallunt, quod placet, hoc faciunt.
 Arma jacent, et scuta silent, te principe pax est,
 Nullus ab adversis nos petit insidiis.
 Dulcigenam de te cupinus quoque cernere prolem.
 Spem nostris, validam barbara gente fugam.
 Sit tua progenies noster te principe princeps,
 Possessor solii, rector et imperii.
 e Usque huc gaudendo vox dux, mi domne, canebam :
 Lusimus omnigenis cantibus et studiis.
 Ecce repente ruit tonitrus velut æthere missus,
 Nuntius impatiens, nuntia dira ferens
 In nos iratum vos dixit fortiter esse,
 Ut probat eventus. Hei mihi quid faciam ?
 Nam tremebunda manus percussa est fulminis
 [ira :

Terruit infantes, perculit ipse senes.
 Igne tui nimium torremur nempe furoris,
 Quis poterit verbis hæc numerare suis ?
 Decoxit miseros proprio pro crimine tactos,
 Perscrutans vitium corporis, atque animum.
 Tangimur invalidi permagni criminis aura,
 Non flat ventorum, sed mala vis hominum.
 Sed quæ tanta fuit servorum culpa tuorum,
 Ut nullo licuit cernere, quem voluit ?
 Excusare nefas potuisset forte vel unus.
 Cur cadit in facinus grex simul innumerus ?
 Sed tantem miserere tuis, jam parce misellis,
 Indignis famulis sed miserere tuis.

XIII.

De eodem carmen motivum.
 Salve, nobilium Cæsar, spes inclyta patrum,
 Qui lætum veniens advehis ore diem.
 Quem Pater immense, quem Fili, suscipe, celse,
 Et sanctum Flamen, trinus et unus, amen.
 Suscipe lætantem, mater castissima, servum
 Ecclesia, et natum suscipe læta tuum.
 Cæsar famosæ redit en de culmine Romæ

Ad te, sancte Petre, gaudia magna ferens.
 Hic in utroque loco te vult pollere patronum,
 Tu sis auxilio huic in utroque loco.
 Gaudeat, hæredes studuit, quod habere perennes,
 Prædia quodque sacræ contulit Ecclesiæ.
 Cujus ad obsequium laus non sileat pia fratrum.
 Ornetur templum cujus ad obsequium.
 Grate comes Christi ne desis, sanctæ Geori,
 Si cælis nostram adde precando precem.
 Fer, Kiliane, precem, si digne poscimus, aurem
 Ad Christi nostram fer, Kiliane, precem.
 Sis Cæsar dignus sanctis et amabile pignus
 Cælorum regi, Cæsar amande, veni.
 Cæsar amandus adest, hostilis fraus cadat omnis.
 Nunc timor omnis abest, Cæsar amandus adest.
 Portent gaudentes cunctæ sua munera gentes
 Congrua dona sibi, Cæsar amande, tibi.
 Nos tibi pro modulo portamus munera Christo
 Pectore ab exiguo nos tibi pro modulo.
 Solamen flentis, lumen sis lucis egentis,
 Et stipes claudis, una salus inopi.
 Te vocat auxilio mulier privata marito,
 Orphanus atque suo te vocat auxilio.
 O nimium fortis, quem nullus territat hostis,
 Cujus et imperium non retinet spatium.
 Ecclesiæ stabilem fer per tua tempora pacem,
 Atque Dei laudem Ecclesiæ stabilem.
 Copia ne rebus desit pax atque diebus
 Tempora longa tuo det Christi dextera regno,
 Differat et voto tempora longa tuo.
 Prosperitas detur populis, tibi multiplicetur.
 Ad mandata Dei pectore sis celeri.
 Munere multiplici tecum sit gratia Christi,
 Te repleatque sui munere multiplici.
 Brachia Sampsonis tibi donet et os Salomonis,
 Absalon faciem, Job, Danielque fidem.
 Gloria lausque Deo nati comitante tropæo.

XIV.

In duodecim apostolos Domini.

Ecclesiæ Petrus fert fundamenta beatus.
 Paulus ad ignotas devexit semina terras.
 Andreas crucis invexit vexillula Patras.
 Palpando plagas detersit vulnera Thomas.
 Hiero per Jacobum salvatur gens Solymorum.
 Gratia grata Dei super omnes ecce Joannis.
 Ut tenebris lichnus fulgescit et ore Philippus.
 Bartholomæi meritis tenebrescens India cernis.
 Summa Mathæe petis, cum terrea lucra relin-
 [quis.
 Arfaxan, Zaroënque Simon tu Perside sternis.
 Corda maligna dolis, eademque Thadæe re-
 [stringis.
 Ecclesiæ sancta numeraris sorte Mathia.
 Prudentum chorus ingreditur, manet insipientum.
 Dulciculus Christi cape vitæ janua sponsas.
 Supplicibus miserere tuis, rex Christe, popellis.

XV.

In Natali Domini, et baptisma.

O socii, io, io! cives, concurrite cuncti
 Parvulus et populus, magnus adeste chorus.

A Nec mora sit senibus celeres huc tendere gressus,
 Unanimes pariter quo properemus iter.
 Ad fratrem, qui forte jacens per somnia stertet,
 Carmine dulcisono nunc prosperate domo.
 Evigilat nunc omne quod est, quia natus adest
 [Deus.

Tu, frater, solus cur recubas domibus?
 Turmula cælestis jam venit et obvia testis,
 Huac genus omne hominis nunc canit in po-
 [pulis.
 Surge citus frater, frater mors et quoque somni.
 Perge comes sociis, et properemus aquis.
 Curre, puer, nunc, curre, puer, nunc tingere lym-
 [phis,

Te Tegrin somno suscitatur ipse Seo.

B Mergere dolos somni gelidi sub gurgite ponti,
 Abluiturque nefas, quod trahit ad tenebras.
 Letheus infernum cupiunt baptismata Christum,
 Qui hunc patitur morbum, non sequitur Do-
 [minum.

XVI.

*Ad S. Godehardum abbatem Tegernsensem, cui
 cum cæteris fratribus bene precatur.*

Nobile gauderem, si scirem, dicere carmen,
 Fratribus omnimodis salutamina mittere vellem
 Qualia psallentes mirarenturque legentes.
 Abbas ecce meus, nec non vester Gotahardus,
 Omne bonum, quod dilectis sibi, mandat amoris.
 Mittibus ut pater est, et blandiloquus uti frater,
 Consociosque meos, qui turgent, acriter urget.
 C Frater Froumund, quamvis non digne vocatus
 Centenas decies, milies quoque salutes.
 Dilectis Domino, pariter sanctoque Quirino.
 Gaudia præsentis vitæ sator atque futuræ
 Augeat in vobis pacem, tribuatque quietem
 Numine cuncta suo depellat tristitia sancto,
 Quamvis multorum quatiatur mole malorum.
 De his superum Dominum rogemus cum prece
 [Christum,

Ut Deus omnipotens mala pellat, prospera reddat.
 Te veneranda manus, senioque detrita senectus,
 Omnes presbyteros versuque saluto sub uno.
 Wigo, Perngerus, Gundroh, seu charus Otheru :
 Fortites et valeant, et vitam tempore longam.
 Et Gotafid in his simul est mihi scribere calvus,
 Candidior cignis, nutriat vos temporis ætas
 D Sæcula perducingens, tandem superisque recensens ;
 Et juvenum mihi consimilis tu turmula possis
 Æque, vosque meos, quos raros esse dolemus.
 Ah ! ah ! mors rapuit quosdam, quoque vita beavit.
 Hos peto, ut hic valeant : ast illi im pace quiescant.
 Salvete, pueri, sancti famulique Quirini ;
 Nunc super et subtus vos osculor, inclyte cætus.
 Omnibus ut vobis sim filius, aut mage servus.
 Hoc precor inclinans vultum, non mente superba
 Me precibus vestris commendo, concio sancta.

XVII.

*In filium viduæ Naimiticæ, a Christo a-
 resuscitatum.*

Plurima cum Dominus fecisset signa per orbem,
 Hanc urbem properare volens, quam nomine Naim

Hic vocitat populus, qui sit regionibus illis.
Contingit, ut veniens hunc obvia vidua haberet.
Hoc sacra scripta fuerunt : hæc vidua turbaque
[multa.

Portabant feretro, fuerat qui filius illi
Unicus, exstinctum : mater merebunda secuta
[est.

Nescivit Dominum astantem sibi more benigno.
Qui miserans dixit : « Mulier, puerum sine flere. »
Accedensque pius tetigit manibus pietatis,
Clarius exolamans : « Tibi dico, o mortue, surge. »
Qui surgens sedet, et loquitur, tibi gloria, Christe !
Tunc recipit genitrix genitum, natumque se-
[cundo.

Accipit astantes magnus timor, undique plebes
Magnificantque Deum dicentes : « Iste propheta
Maximus in nobis surrexit, miraque fecit,
Per quem nos populosque suos Deus ipse revisit. »
Summe Deus, me Froumundum sub morte sepul-
[tum.

Suscita præclara pietate, resuscita, Christe.
Non pereat quod plantavit tua dextera, Christe.

XVIII.

In hydropicum a Christo die Sabbati sanatum.

Cum Pharissæorum Dominum cum principe Chri-
[stum.

Agnovit Pharissæa manus discumbere cœna,
Aduit insidians, si solvat Sabbata, curans ?
Vult super hunc reputare malum, qui crimina
[nescit,

Vult capere insidiis, qui solvit crimina mortis.
Hydropicus fuit ante illum, quemque ille præhen-
[sum.

Salvavit penitus toto tergore repulso.
Mussavit Pharissæa manus furibunda, per ulcus
Invidiæ stomachata, suis percussaque telis,
Sabbata quod solvat curando corpora digna,
Cum illi asinum atque bovem solvant propter sua
[lucra.

« Quis vestrum pecus insipidum, rogo, ducit aquam-
[dum,

Si cadit in fontem, citiusne revellere currit ? »
Dixerat, et victi tacuerunt verbere verbi.

XIX.

In Christum, paralyticum sanantem.

Trans freta jam venit Dominus, propriam quoque
[in urbem : D

Ecce fuerunt homines hominem in lecto recubantem-
[temp.

Ut vidit Dominus properantium credula corda,
Dixit ad infirmum : « Spera peccata remissa. »
Dixerunt Scribæ miseri invidiæ face tosti :

« Hic vir blasphematur, quia nec peccata relaxat. »
Respondens Dominus Jesus sic dixit ad illos :

« Quid facile est huic laxari vel crimina gressus ? »
Hæc hominis Nato quod sit data quippe potestas
Crimina laxandi, simul et gressus tribuendi.

Vos et qui populi simul adsunt, cernite cuncti.
Dixit ad ægrotum : « Nunc surge et suscipe le-
[ctum,

Corpore, corde sano » Sic condecet optime Christo,

A Officium tibi quod fecit nunc ille, repende.
Porta portantem, bene fac : qui nec male sentit
Cum graditur : tunc plebs omnis Christo dedit
[odas,

XX.

Ad Peringerum Abbatem Tegernsensæm.

Versiculis sum dicturus vale omnibus unus.
Alloquor imprimis, qui pater est reliquis.
Patrem Peringerum, pastoris nomine dignum
Salve, digne parens, nomen honoris habens
Qui arguis infantes, juvenes, et nos seniores,
Maxime me solum cum reliquis pueris.
Quod nunquam tibi versiculum dedimus bene fa-
[ctum.

Quo circa faciam carmina versiculis.

Nunc facito versus, omnis qui scribere nosti,
Ut modo pellatur mentibus ira suis.
Accedam prior et dicoam sibi mille salutes,
Si hoc placitum fuerit, plus resonare volo.
Ludos et laudes dicemus carmine, fratres,
Ut pueri digno complacant modulo.
Centies et super hæc millenas dico salutes
Patribus et cunctis fratribus in Domino.
Ammono eo ignavos pueros sermonibus istos
Et tremula revoco voce meo gremio.
Quos quondam docui, super hos decuit gratu-
[lari

Et volui refeci germine de studii.

In quantum potui, feci quoque signa gerendi,
Nunc vacuos lacrimo sæpius atque gemo.
C Quos genui, nunc aversor, quia et actibus an-
[gor.

Sensibus eversi, moribus improprii.

Nec me cognoscunt, nec seipsos mente revisunt,
Ut dicant pariter : Est meus iste Pater.

Eloquor et proprium, non sentitis genitorum ?
State, renoscite me ; sum Pater in facie.

Sæpius edocui, scriptis verbisque nutrivit,
Sum mordax verbo, pectore vos sed amo.

Est meus iste labor cassatus, perditus omnis,
Et torvis oculis me simul inspicitis.

Si facerem mihi pendentes per cingula caudas
Gesticulans manibus, lubricæ stans pedibus :

Si lupus aut ursus (sed vellem fingere vulpem).
Si larvas facerem furciferis manibus :

Dulcifer aut fabulas possem componere mendas,
Orpheus ut cantans Euridicen revocat :

Si canerem multos dulci modulamine leudos
Undique currentes cum trepidis pedibus :

Gauderet mihi, qui proprior visurus adesset,
Ridiculus cunctos concuteret pueros.

Fistula si dulcis mihi trivisset mea labra,
Risibus et ludis oscula conciperem.

Veridicax minor est vobis, quam lingua mendax,
Diligitis jocos an mage quam metricos.

Ludere carminibus melius namque esse decrevi,
Quæ faciunt animum crescere et ingenium.

Vos iterum revoco vocitamine valde preclaro.
Confluite huc, pueri, discite quæ volui.

Non omnes odiunt, quia verba dura loquuntur,
Diligat haud omnis, lapide qui loquitur.

Dulciferis vos carminibus nunc congreco cunctos, A
 Fortiter et clamo, cum modulamen ago.
 Caris filiis Froumundus quicquid amoris,
 Qui instatis nostro tempore sub studio.
 Te primum pono, mi frater amande Georgi,
 Venisti propter cui studium patria.
 Dulces filii, studium jam discite læti.
 Diligo vos animo, corde simul doceo.
 Si dictis delectantes vos gnoscere possem,
 Hæc loca gauderem proficere ad requiem.
 Eia confratres, certemus carmine metri :
 Hoc vincens aliquis sit melior reliquis.
 Corde, dolore gemo, propter vos denique dicto.
 Psallite nunc cuncti vos, rogo, filii.
 Apparens Dominus cuncto venerandus in orbe,
 Jam clemens regno vos societ supero.
 Patres et fratres cunctos simul et seniores
 Couservet Christus, sit pius et famulis.
 Perngero Patri dicamus corde benigno :
 Abbas sis sospes, tempora longa manens.
 Et cuncti secum gratulemur semper in ævum,
 Quod prestet Dominus, qui regit omne quod est.
 Cum relegis, Pater, hæc iterum vos alloquor
 [ipsum,
 Doctior in verbis, altior in meritis.

XXI.

Probe factis præmia, male patris pœnam exspectandam esse.

Si nos tardamus, non tardant tempora nostra.
 Deficit omne quod est sub curvi culmine cœli.
 Ast hominis flatus perdatur semper in ævum.
 Seu male seu bene nunc operantur corpora nostra,
 Hoc quod quisque facit, recipit sine temporis ævo.
 Ut bona captemus, faciamus, præmia, justa,

XXII.

Ad Meginhelmum adversus superbos.

Turritum caput extollis super æthera cuncta.
 Altius abjetibus, calcibus astra teris.
 Montibus excelsis excelsior ipse videris,
 Pectore tu cæco stultior es cuculo.
 Ipse volat pennis, sed tu quoque serpere nescis.
 Tempus et ipse tenet, tempora nulla tenes.
 Quid tibi consimile est rerum subtus, rogo, cœlum?
 Stultior es cunctis folliculis vacuis.
 Hic retrahit flatum, quotiens efflaverit illum :
 Tu ventus penitus flaminibus vacuus.
 Tu tibi magnus erit, parvus mihi namque putaris,
 Et mihi qui quondam, semper eris Meginhalm.
 Incipe nunc humilem terris jam sistere callem,
 Non poteris modulum vincere corporeum.
 Si poteris, celsum nunquid vis scandere cœlum?
 Non, rogo, sta terris, ne capiare malis.

XXIII.

Ad Christum Servatorem mundi de cœde SS. Innocentium.

Insontes Domini, nobis succurrite, sanct I
 Nos gravibus vitis per Christi solvite nome N
 Suscipe tu dominans sanctorum, suscipe voce S

Omnibus et miserere tuis, quos sanguine fus O
 Nempe redemisti splendens in carcere lume N
 Traxisti de morte tuos, mors mortua dormi T
 Ex quo morte tua reserasti gaudia vit E
 Sanguinis effusor, sævusque inimicus Herode S
 Destruitur per te victus, fortissime Davi D
 Otyor ostis erat volitan omni quoque vent O
 Mordax, ut frendens cupiens leo perdere Christu M
 Innocuos pueros sternebat corpore nec I
 Non tamen extinctos inclusit tartara dæmo N
 In gremium cœli vexit sed gratia summ I
 Nomina habens in fronte sua, Patris quoque nome N
 Omnes, et clamant modulando carmine pulchr O
 Bombo, qui luctus lacrymantur conjuge Jaco B
 In superis, plorat pueri ceu mater ablat I
 B Sed nimio non vult luctu cessare deplangen S
 Sunt quia, sed non est illis regressio tristi S
 Ut veniant iterum mundum, qui planctus in us U
 Cosmica cuncta manent, detersa tristia, done C
 Cunctipotens veniens nos omnes colligit illu C
 Uvida vos sancti clamat mea palpebra flet U
 Rectorem mundi, precibus rogo, flectite sempe R
 Rex forti Jesu dominas, miserere, precamu R
 Impie quod gessit Froumundus corpore fact I
 Tollite peccatum, quos Christus sanguine tinxit T
 Eudochias osoplon stephanosas Kyrie Christ E
 Sanctos innocuos, qui cantant carmina laudi S
 Ante thronum Domini cantant sibi carmina pulchr A
 Nostrum vindica ema (2) splendens delumine lume N
 Confratrum numerus dictum est, requiescite done C
 C Tempus adhuc modicum, cum Rex fortissimus asta T
 Insontes Domini, nobis succurrite, Sanct I

XXIV.

Epitaphium Rihkeri.

Hoc requies tumulo membrorum facto Rihkero,
 Conditur in tumulo, qui placuit populo.
 Carmina concinimus, sed fletibus ora rigamus,
 Solvimus officium funeris atque precum.
 Plangimus incassum, repetunt dum membra se-
 [pulcrum.
 Ut quid id esse gemis, corpus et unde geris
 Mors manet in vita, geritur quia corpore cincta.
 Pulvera portamus, vermis et esca sumus,
 Carnibus in vermes resolutis pulvera ventis.
 Nunquam vita manet, mors nisi cum veniet.
 D Hic cogita plus gaudendum de morte beata :
 Hospes adisse tuis cur gemis hospitium ?
 Corpora dum pereunt, animas tunc morte bea-
 [bunt,
 Tunc animæ crescunt, ossula dum pereunt.
 Quinta Idus Junii perfecit tempora sæcli.
 Fratrum turma petat, spiritus ut valeat.

XXV.

Versus in librum (3) Dictaminum ad se collectum

Quæ mihi dictanti concessit gratia Christi
 Versibus aut chartis, in corpus vertere scriptum
 Decrevi, quoties hoc possum ferre peraptum,
 Mortuus ut tandem Domini vel laudibus addam,

(2) ἄμα sanguinem.

(3) Continetur eo codice, quem sub nomine Froumundi hactenus citavi.

Cum non lingua sonat, quæ restat littera pangat, A
Infirma si fuerint, non sunt spernanda legenti,
Cum nullus sermo Christo se subtrahat almo,
Omnibus, ut vult ipse, dabit, nec corpora cernit,
Parva replens magnis, et fortia spernit in altis.
Hoc placuit propter nullis me parcere verbis,
Quin scribatur enim, quicquid non mittitur igni
Aut cursu celeri transportet nuntius orbi.

XXVI.

Versus Udalperti in codicem Psalmorum (4).

Hunc ego Psalmorum studui conscribere librum
Udalpertus, ut hic pascas animam quoque Heil-
[wih.

*Ornavit, ut potui: decuit sic nobilitari
Psalterii dominam, colui simul et generosam.*
His leviora facis curarum pondera scriptis
Et meditare piis, quæ restant gaudia cœlis.
His magis insistas cupias, quam femina jocis.
Hæc iterum atque iterum semper mediteris in
[ævum].
Gaudia certa manent, quæcunque hæc pectora vol-
[vent],
His inimica potes superare sequentia vires.

XXVII.

*Apologia (5) pro schola Wirtzburgensi ejusque
magistro adversus quemdam calumniatorem.*

Nomen ut herbarum tenet hæc urbs proficiarum,
Qualibus tributis reparant sua membra saluti,
Sic perfectorum genitrix est discipulorum.
Profert doctrinam quia stultorum medicinam.
Per proprium nomen monstrat divinitus omen.
Posse suum fructum vitii depellere luctum,
Germinare radicem quod fert vicus inimicum,
Vim pellens morbi, dum cuncto proficit orbi.
Sordibus inflati cum stultitia cruciati,
Instar leprosi, seu qui degunt vitiosi,
Huc adducantur, quoniam melius renovantur
Doctiloquis verbis, quam membra salubribus
[herbis].

Summis archivis epulas acquirere silvis.
Nec non perfectæ scrutari dindina [dindyma] sectæ.
Wangia cur largues stolidas servando phalanges?
Nostros conventus adeat tua stulta juvenus.
Quam sint limantes aurum velut igne probantes
Nostri rectoris normæ non vilis honoris,
Ecclesiæ summam quem cernimus esse columnam.
Ad quem procedit, quicumque docendo placebit.
Princeps primatum, qui pandit abdita vatum,
Mundi cunctorum transcendit culmen honorum.
Nam meritis nullum similem fert mundus homul-
[lum].

Ipse poetarum fulget decus omnigenarum.
Imperio Christi moderando sceptrâ magistri.
Præter Scripturæ studium nihil est sibi curæ,
Cultor virtutis manet, æternæque salutis.
Vim talem mentis dono tenet Omnipotentis,
Doctrinæ rivus fluit ejus pectore vivus.

(4) Extant in eod. cod.

(5) Ex cod. Froumundi, etsi ob manus, quæ ta-

Æternum numen sermonum dat sibi flumen
Est ornamentum nobis hujus documentum,
Ut verni flores cui crescunt semper honores.
Indoctis lumen cum fert, seu mentis acumen,
Grammaticas partes, ac cunctas instruit artes.
Tempore nocturno, neque vult cessare diurno,
Dicta peritorum depromens orthographorum.
Tante pastori nunquam sunt scripta labori,
Ceu solis lumen sibi sed patet omne volumen,
Ingenio mundum faciens vernare rotundum.
Strenuus et justus, gemmis virtutis onustus,
Dat pernox Argus documenti fercula largus.
Cura subtili proprio vigilabit ovili.
Præter mercedem licet ejus videre sedem.
Propter sollertes non unquam spernit inertes.
B Firmat prudentes, dum corripit insipientes.
Omnes communi voto sibi jungimur uni.
Æquat Sampsonis vires, studiis Salomonis.
Expers fallendi procedit lege docendi.
Sed noster cœtus tali de principe lætus,
Sollers, insomnis, catus hunc venerabitur omnis.
Nunquam torpescit, cujus qui jure quiescit.
Talis mandritæ verbum fert gaudia vitæ,
Propter quem gentes huc diversæ venientes,
Non plus vicini, quam quærunt hunc peregrini.
Curritur a turbis istius mœnibus urbis.
Hunc sibi ductorem, vel gliscunt ammonitorem.
Nobilium proles cujus cum captet amores,
Lectio pupilli non fiet dedecus illi.
Quilibet assistat, sibi proficiendo patrisat.
C Nullus mortalis pollet sic artificialis.
Desit perdocto cui nil virtutibus octo.
His ornamentis humilis stat gloria mentis.
Vivat hic indemnus, cum commoditate perennis
Virtutum plenus sit, prosperitate serenus.
Nil eventorum cui quod maneat nociturum.
Tristibus exutus, lætemur et undique tutus.
Gaudia veracis sibi sint celeberrima pacis.
Per summas mesas vitæ sua prodeat ætas,
Atque senectutis sint tempora dona salutis,
Virtutis miræ cœlestia dignus inire
Visitet æternam lucem requiemque supernam.
Mundi Salvator sui cœli cum dominator.
Omnibus in portis rumpet retinacula mortis,
Ac per divinam vocem spoliat Libitinam
Ante suam sedem mandans procedere plebem.
Pro meritis vitæ tunc doctrinis decoratæ
Hic ceu lucet, seu secum gaudia ducet
Discipulos cunctos, ejus moderamine functos,
Pontificis summi, quem tunc sectantur alumni.
Pro quis lucessit stellis par ac requiescit.
Talibus augmentis gaudens de quinque talentis
Nunc commendatis sibi tunc Dominoque relatis.
O puer insignis nos ascendens velut ignis,
Qui primum fictis hunc rosisti maledictis
Te se doctorem blaterando tenere priorem
Hoc cum dixisti, permultum desipuisti,
Doctum Platonem ponendo posi Labeonem.

men perantiqua est, diversitatem, non omnino
certum sit, cui hoc poemâ tribuendum.

Tunc utinam mutus fueras, hanc quando locutus. A Ponere legitimum. Nescis, quia carmine rhyth-
Cunctis ostendis, sed talem cum reprehendis, -
Temet mendosum læsisse canem furiosum,
Mente quod insana ferat iracunda Diana,
Sordibus imbutæ seu te mentis male tutæ
Collum maternum, vel confregisse paternum.
Tu cultor furni teneas sortem taciturni,
Moribus immundus, sordens vitii, furibundus,
Turpis, blasphemus, vitiorum stercore plenus,
Sensibus et vanus, quod turberis male sanus.
In numero cleri sis indignusque teneri,
Aut fore te furem, quod non ego dicere cūrem
Hoc sed dicebant hi, quia tua scripta videbant,
Talia te fatum propter propriumque reatum,
Quatinus in pœna sis propter tale poema.
Hunc culpans nævum, qui conterit omne per B

[ævum.

Sunt assertores huic omnes inferiores.
Hunc sator irarum, destructor amicitiarum
Demonstrato, togas cur nos deponere cogas,
Nobis immitis, transmittens nuntia litis
An nos mellitam nescis hic ducere vitam,
Undique pacatos, et de nullis superatos?
Te nullum verbum nostri turbaret acerbum,
Si tu cessasses, quod talia non rogitasses.
Funditus invitos scio nos pugnare petitos.
Ex hoc non latres rixis, sed reddito grates,
Quod non rixando loquor hæc, sed consiliando.
Est tibi discrimen nostrum contingere limen,
Gymnasiique locum nugace notamine vocum.
Id quare gliscas, quod adhuc lacrimando gemis- C

[cas,

Semper deflebis, si nos pugnando movebis.
Vis per conflictum belli tergum dare victum,
Aut post procinctum manicis te reddere vinctum.
Congressum belli deponas pullus aselii,
Qui vice prædonis catulis sis præda leonis.
Si prece persistas, partes ducamur in istas,
Ut videas bellum te despoliare misellum,
In morem vermīs pedibus sternaris inermis.
Pace coronaris, quam tu sermone sequaris,
Mecum sensisti qui nobile dogma magistri,
Qui nos informat, ratione facetus adornat.
Hunc quia laudasti. me perquam lætificasti.
Inter nos iræ fugiat discordia diræ.
Expertes belli nos simus, amore gemelli:
Fœdus Davidis mecum, Jonathæque subibis.
Nil nosmet sævum conturbet nunc et in ævum.
Multum mirantur, nam talia qui speculantur.
Sunt, qui cum rixis nobis in pignore fixis
Omnes devinces tibi conspectum fore lincis,
Judex subtilis licet assis flos juvenilis
Spernendo falsos, suprave modum male falsos,
Id retinens certum, cunctos superare disertum,
Nobis tutelæ qui dat decus atque loquelæ.
Dic, cur baccharis nobis, qui bella minaris?
Pacem spernendo, cum Martis amore furendo
Dompositor metri propter mendacia tetri?
Musæ sylvestri discors ratione pedestri
Turbatis Musam fallendo, fugans Arethusam,
Syllaba quod muta monstrat ratione locuta

Grammaticam metam te linquere cerno poetam?
Pauperies ranæ quondam jus cœpit inane
Dicens, divinam se ferre feris medicinam.
Increpat his culpis hanc sed versutia vulpis:
Me non frustraris, quia te medicum meditaris.
Te fore mendosam scio per pellem maculosam,
Maxima te pestis quod vexet, sum tibi testis.
Primum solamen tibi profer vel medicamen,
Artis opem nobis posthac adhibeto Peonis.
Sic emendator, sic es vitii comitator.
Vocibus inmanis, doctrinæ prorsus inanis,
Crimen culpabis, sed mox exemplificabis,
Quod cor non celat, quoniam Scriptura revelat.
Versibus oblati mendacibus, inmodulatis.

Non ostendisses te stultum, si tacuisses,
Sermonisque nota monstraris nunc idiota.
Nos non contristas, pugnæ dum tela ministras,
Prælia ceu magnus nobis mimitando tyrannus,
Et quod non audes dictatu, volvere gaudes.
Nobis divinam poscamus opem fore primam.
Christe, tui cleri turmam dignare tueri.
Sanctificans signum crucis hinc fuget omne malig-
[num.
Rex Constantinus quam sensit in agmine pri-
[mus.

Nec non de cœlis suffragia sint Michaelis.
Nostris tutelis sit præsidium Gabrielis.
Nos corruptelis manus eripiat Raphaelis.
Angelici cives omnes nobis date vires.
Auxiliis dandis veneremur sacra Joannis.
In pugna metri petimus munimina Petri.
Cui consors aulæ cœli nos protege, Paule.
Gratia levitæ Stephani det gaudia vitæ,
Auxiliique manus tendat S. Kilianus.
Cum pacis palma proprium defendat agalma.
Testis divinus fiat tutela Quirinus.
Assis Ambrosii fautor belli generosi.
Sancte regens hastas Hieronyme poscimus astes.
Nos Augustinus defendat rhetor opimus.
Doctor Gregori, da ne sint bella dolori.
Protegat invictus nos in pugna Benedictus.
Tumbam Burchardi quæramus non prece tardi.
Doctoresque sales ope sint hic prodigiales.
Sancti seu cuncti nobis succurrite juncti
D Præstando castris nostris tutamen ab astris.
Hæc nos cantemus, Martem nihilumque timemus.
Sic nos parmatis stamus pugnare parati.
Nobis admittas quamvis tu mille sagittas:
Nos impugnando venias licet utpote grando.
Sed tamen attritos bellando tuos parasitos,
Viribus extensis penetrat Saxonicus ensis,
Noricus et Suevus cupiunt conjungere fœdus.
Te non sectantur, sed nobis auxiliantur,
Qui non formident, quin te vincendo trucidant.
Quod nunquam credis, nisi cum certando videbis.
In regno primos nescis hic esse Latinos,
Nosve coequales miraberis esse sodales.
Istic dicendo, seu contra te veniendo.
Ac nobis dones in circuitu regiones,

Quarum formosi sunt hic juvenes generosi.
 Tu petis econtra sed spiritualia monstra.
 Expers stas artis credens his jurgia Martis.
 His quia confidis, de pugna victus abibis.
 Jam tu cognoscis, quod nos non vicere possis.
 Præsidium gentes cum dent simulacra colentes,
 Instar jumentum fugientes jus documenti.
 Cum reputes vivos de congressu fugitivos,
 Inferni divos cur optabis redivivos,
 Quos lex Plutonis damnavit fauce draconis.
 Non resonante lyra cujus mulcebatur ira,
 Quicquid hic acceptat, nullius jam prece reddat?
 Surgens de tumba te non tegit Herculis umbra.
 Hunc tibi semideum scio non præstare tropæum
 Rursus iniquorum crescit cultura deorum.
 Id si tu credis, prorsus ratione carebis,
 Jungere gentiles Christi velit ut sibi miles.
 Nunquam certabit socio conamine David.
 Herculeas pugnas nullis precibus sibi jungas.
 Christicola servi fugiant in agone protervi,
 Cultus atrorum sortiti dæmoniorum.
 Qui dum vivebant, non unquam lite carebant,
 Nec possunt jungi socio, non agmine fungi.
 Has belli sortes scio non sociare cohortes.
 Quas si conducis, tenebris das munia lucis.
 Talibus offensi, vel œlicolæ reprehensi.
 Te non sectantur, sed nobiscum comitantur.
 Tutores nostri, quos tu non querere nosti.
 Sed seductores sequeris, quod postmodo plores,
 Vivis defuncti si sint certamine juncti.
 Hanc armaturam scio non nobis nocituram.
 Jam denatura, nisi discedant sua jura.
 Sed cur vis æostes, proprios dimittere postes?
 Hic tu pervilis nostris superabere pilis
 Istuc ceriti, nugacis nilque periti
 Si tua procedant, et nos convicia lædant,
 Fortes athletas, poterisque videre poetas.
 Numquam cedentes, cum tu fugiendo clientes
 Alvo divisa pereas nostrata sarissa [cod. sarisa].

Velox ut ventus fuget omnis nempe juvenus,
 Quando truncatur, quisquis tibi collateratur.
 Perfossus costis moribundus vinceris hostis
 Terra procumbis referendo [f. reserando] viscera
 [lumbis]

Postremo fessus, telorum turbine pressas
 Noster captivus, ne sis post hæc fugitivus,
 Nobis infestus, nulla ratione molestus,
 Ducaris frenis strictus sive catenis.
 Carcere conclusus plangens, aut compede trusus.
 Jam nos irrita, quo sic pereat tua vita.
 Desine nunc iræ vel nostræ damna subire.
 Utile cognoscis, si pacis munera poscis.
 Ne venias duplex, sed trade manus cito supplex.
 Suscipiens regis nostri moderamina legis,
 B Cum penitus vires desint in corde viriles
 Temet tutandi vel nos inquam superandi,
 Stultitia captum sic, ad nihilumque redactum,
 Istic ægrotum volumus te sumere potum
 Funditus insontis nostri de flumine fontis
 Expers est fellis nimia dulcedine mellis.
 Istinc si discis statim sensu respiscis.
 Recte vivendi potaris et dogma loquendi.
 Hæc si contemnis, seu nostrates reprehendis,
 Herculea fibra crescens siccabitur hydra,
 De nobisque mori tibi nunc contunget honori.
 Nos non devinces, licet inferni tibi princeps
 Infernum linquat, sic auxiliando propinquat.
 Perdere compellis nos te, pugnando repellis.
 Ex hoc desistas, ulla ratione resistas.
 Istic præscriptum metrico modulamine dictum.
 C Cum precor ejus opem, nec non venerabile nomen,
 De cujus donis modulo fungor rationis,
 Credens dicentis sic scripturæ documentis.
 Nomine signetis Domini vos, quicquid agetis.
 Nobis ductores verbi dum posco satoris
 Agrum divinum plantantes semine primum.

(Cætera deesse videntur.)

ANTE MEDIUM SÆCULUM.

EBERHARDUS

ABBAS TEGERNSENSIS.

EBERHARDI EPISTOLÆ.

(Edidit R. P. PEZIUS, *Thesaurus Anecd. nov.*, V, 1, 135.)

I

Ad fratrem suum, quem adhuc vivere gaudet, et ad se invitat.

EBERHARDUS, Christi famulorum servus, dilectissimo fratri,

A Sicut Jacob revixit cum Joseph vivere audivit, ita nostra vita post mentita funera vestra grandi gaudio hilarescit. Ut quondam spondimus, in vestra dilectione constanter adhuc indubitanter permanemus, nimiumque desideramus vos videre in loco quo

nunc degimus. Quocirca petimus, si absque consensu fratrum vestrorum ad nos venire non vultis, a cunctis fratribus licentiam petatis de nostro nomine, ut nobiscum aliquantulum temporis manere possitis, ut de vestro vivere tantum gaudeamus, quantum mesti fuimus, cum vos in Italia defunctum esse audivimus.

II.

Ad Udalricum comitem. Rogat ne graviter ferat quod eo non interrogato Sigihardum monasterii sui advocatum delegerit, etc.

EBERHARDUS, famulorum Dei vilissimus servus, domno comiti O. [ODALRICO, seu UDALRICO] devotum servitium, jugemque instantiam precaminum in Christo.

Quia aliunde non habemus tam firmum suffugium sicut in vobis, jugiter insistimus succlamando vos modo opportune interdum importune. Jussu domni nostri ducis, consilio monarchicæ congregationis, petitioneque totius familiæ nobis subjectæ Sigihardum constituimus nobis advocatum. Et quia vos non fuistis cum duce, aut in tali vicinitate, ut vestri licentiam petere possemus, precamur ne nobis irascamini super hoc negotio, sed cum vestra sit gratia. Petimus etiam per clementiam vestram, jubete vestro militi Pennoni, ut famulos et ancillas Sancti Quirini, quæ ad nos pertinent, nobis reddat. Si ille dicit nos habere aliquos de suo beneficio, reddimus sibi libenter. Vestro militi Wolfoldo præcepistis ut nobis redderet decimationem ad Ismaninga, quod adhuc noluit facere. Idecirco iterum iterumque precamur ut nuntium vestrum cum isto præsentis nuntio nostro mittatis, qui hoc ei a vobis firmiter præcipiat ut nobis decimationem reddat. Valete.*

III.

Ad Godehardum, ut videtur, abbatem Nideraltah., cui fratrem Eginonem commendat.

Abbatî G., monachicæ vitæ provisorii doctissimo, E. vestri servitor devotus, fratresque sibi subjecti, quidquid filii dilectissimo Patri.

Confratrem nostrum Eginonem, quem gremiolo vilitatis nostræ, prout, potuimus modicum temporis vice vestra nutriebamus, modo ab eo rogati remittimus illum vestræ paternitati. Omnes a minimo usque ad maximum pedibus vestris provoluti petimus, supplicamus, ut eum, hoc est medietatem cordis nostri, charitative suscipiatis in locum veræ filiationis, ne aliter circa eum exterius agatis, quem quotidie interius Christo Deo parere non cessatis. Si aliquid delicti in vos commisistis verbo vel facto, ut nos fragiles quotidie solemus, totum Deo nobisque dimitti precamur: et, si minime digni sumus pro eo impetrare quod petimus, iterum cum vestra licentia in fraternitatem libenter suscipimus.

IV.

Ad Heinricum Boiariæ ducem. Se infirmitate corporis impediri quo minus ad eum proficiscatur, rogareque ut Udalricum comitem sui monasterii advocatum constituat, etc.

Seniori nostro, domno duci H., abbas E. a se cun-

A ctique congregatione, quæcunque possumus oratione et famulamine.

Libenter ad vos veniremus, priusquam de hac regione ab aliam pergeretis, et ut dilectissimum dominum merito debemus, videremus, atque colloqueremur. Sed adhuc nihil habemus præ manibus, quod vobis sit honorificum, offerendum, aut nobis fructiferum. Impedit etiam me frequens corporis ægrotudo, et improvisa præparatio equitum vel equorum ad eam repentinam equitationem.

Ut nobis comitem Udalricum vestra potestativa manu advocatum monasterii detis, in præsentis rogamus. Quantam penuriam fratres patiuntur, ad illos palam dicere erubesco. Vobis namque totum ut est timeo profiteri. Sed de his nobis subveniendum solius Dei singulare vestrique paternum præstolamur solatium.

V.

Ad Theomonem seu Diemonem comitem, ut monasterii prædia ad Hallam sita protegere ac ab iniquis invasoribus defendere dignetur.

THEOMONI venerando comiti, E., abbas indignus, salutem in Domino.

Rogamus, mi domine, ut pietatis vestræ solatium habere possimus in omnibus negotiis nostris. Quo solatio maxime indigemus in his locis quibus vos potestatem habetis. Quidquid enim ad Halla habemus in familia, aut in aliis rebus, cito disternabitur, et abstrahetur ab inimicis, nisi vos propter Deum et sanctum Quirinum hoc defendatis et contradicatis, quod petimus ut faciatis ubicunque possitis. Valets.

VI.

Ad eundem, ut præsentium latorem aut aliquo honesto officio munerari, aut eidem veniam alium Dominum demerendi dare ne gravetur.

E., solo nomine monachus vocitatus, comiti D., dilectissimo consanguineo, salutem in Christo.

Iste noster amicus vestrique servitor devotus venit ad nos, conquerens nihil se unquam digne laborasse in vestro servitio aut vestri antecessorum, atque idcirco dicit se adhuc carere beneficio. Fatetur namque libentius se vobis velle ministrare quam aliquo homini alio, si ei vel aliquam modicam faciatis misericordiam. Cui petimus ut aliquid auxilii faciatis, vel in beneficio aut in aliquo negotio sibi necessario. Quod si non vultis, monemus atque rogamus ut illum cum gratiosa licentia vestra alium sibi dominum conquirere permittatis.

VII.

Ad H. Remittit ei quemdam fratrem, et ut hujus diligentem curam habeat, adhortatur.

H., fama totius bonitatis ubique diffamata, E. fratresque sibi subjecti, salutem in Christo.

Fratrem quem nobis commisistis, misimus vobis, non quod nos tædeat pro illo labore, vel quæ sibi sunt necessaria, in quantum sufficimus, ministrare. Jam enim habemus probatum quod studiosus est et capax ad discendum. Idecirco suademus ut circa eum ita fideliter peragatis, sicut illum in fidem vestram suscepistis, ne vester labor, imo et noster

consumatur inutiliter, aut spes eorum qui illum A tate conspicuo, atque cunctis dilectissimis confratribus E. proh pudor! in cunctis exorbitans, insolubilem nodum intemeratæ dilectionis.

VIII.

Ad Engelbertum (1) ep. Frisingensem, de obitu Otperti monachi, quem precibus juvari rogat.

Seniori nostro antistiti E., quidquid dilecto domino subditus.

Frater noster O., presbyter et monachus obiit viii Id. Aprilis: pro cuius requie preces per sancta loca episcopii vestri præcipite facere, ut confidimus vestræ pietati.

IX.

Ad Juditham, illustrem feminam, quam rogat ut afflictæ valetudini suæ medicinam consulere ne gravetur.

Domnæ dignæ totiusque reverentiæ cum sanctitate amplectendæ JUDITHÆ, EBERHARDUS fidelissima cum orationis devotione servitutis notamina.

Vestræ pietatis gratiam sano et integro me habere profectu, dulcius melle, satiusque lacte os meum jucundatur gustu. Spei mei anchoram specifico quasi munimine in vos cum extendam, quasi essem in illo firmissimo et inextinguibili Babylonis turri, a cuiusque impugnantis incursu me credo tuendum. Infirmis periculosus, quia semper conturbor corporis, aliquam ad remedium potionis confectionem, adjunctoque coriofole nutrimento cum aliis pigmentis, necesse ad hoc habendis, precor, mittendam. Qualiter autem ipsa potio qualive cautione sit accipienda, et vel sursum, vel deorsum sit eructanda, litteris assignate; et si sanitati restitutor, veluti proprius in postmodum vester, scitote, quia existam. De renibus etiam cervæ aut tale quid, in quo pinguedo continetur, mittere dignemini, quia maceræ carnis duritia in dentium meorum morsu, etiam tritorum nihil aliud est nisi molestia. Quomodo, si fieri possit, ut potus confectio ante Quadragesimam veniat, deprecor. Valet.

X.

Ad Wigonem decanum Phyhtwangensem, a quo suffragio orationum, aliisque charitatis officiis, D quæ abeunt sibi addixerat, juvari postulat.

Domno et venerabili WIGONI decano, omni boni-

Quia unumquodque igitur negotium in seipso imbecille, indiget alterius sustentamine, idcirco vestræ solitæ pietatis haud ignarus precor subnixæ ut solaminis recordemini, mihi, priusquam a vobis recessissem, promissi, quod modo, ut implere dignemini, submisce postulo. Admodum namque expavesco dum mecum revolvo quid debeam pro voto quod in cunctis me servare jam dudum spopondi, quamvis coacte, ne mollis et dissolutus in tanto opere habitus, divinam aliquomodo incurram offensam. Propter hoc enim nunc sudandum foret ad placandam divinam clementiam: quia, quæ inhianter et indefesse rogare debui, ut nostis, cum maxima, eheu! recrastinatione ac recalcitratione refutavi. Quapropter vestri fulciminis atque oraminis, nec non aliorum, æque Deum timentium satis indigeo, ne mihi non eveniat quod sacra scriptura clamitat: Quia nec calidus nec frigidus habetis, sed tepidus solummodo dijudicaris, idcirco de ore meo evomeris. Valet.

XI.

Ad Heinricum regem. Implorat ejus auxilium contra quosdam qui certum ad lacum Tegernensem locum sibi auferre moliantur.

H. regali solio dignissimo, E., Tegernensis monasterii abbas, vestra gratia subrogatus, quidquid servus in regales amministrationes.

Cum undique inimicorum stringimur persecutionibus, nullum in his omnibus, post Deum, nisi ad vos suffugium speramus. Idcirco laboramus, et in omnibus deficimus, quia non habemus a quibus fideliter res Ecclesiæ defensas videamus. O quam magna regalis potentia! Dicit tantum: Fiat, et perpetuum est. Hæc vestra vis imperialis auctoritatis ad nos, precamur, usque pertingat. Est locus super littus Tegernensis stagni situs, quem Poppo et Piligrinus frater ejus, simulque mater illorum abstrahere injuste a domo Dei in suos usus hæreditarios nituntur. Sed precamur ut vestro imperiali jussu hoc interdicatis, ne falsis aut corruptis pecunia iudicibus a domo Dei abstrahatur priusquam in præsentia vestri dijudicetur.

(1) Ita quidem conjicio, tametsi Catal. epp. Fris. et abb. Tegerns. apud Hund. non satis annuant.

PERINGERUS

ABBAS TEGERNSENSIS.

PERINGERI EPISTOLÆ.

(Edidit R. P. Bernardus Pezius, *Thesaurus Anecd. nov.* V, 1, 141, ex codice Tegernsensi.)

I.

Ad Diemonem comitem : se paratum esse ad recipiendum Wezilinum, modo quædam, sibi recens ablata, restituat.

Domino D. comiti venerando, P. Sancti Quirini servus, cæterique fratres devotum servitium, sedulamque orationem in Christo.

Ut nobis promisistis de amico nostro Wezilino, parati sumus suscipere ad Egilinga statuto die, id est sexta feria, quæ nunc est proxima. Quod ille dicit duos equos sibi redditos esse pro suo uno, et hoc nos confitemur, sed uterque tam pretiosus erat ut suis. Sed de illis tacemus, aliisque rebus supra modum et irrationabiliter hinc inde distractis in denariis, in vestibus, in bubus et ovibus, multoque grano cum multigenis victimis. Nihil horum repetimus, sed damnum sustinemus, et rogamus vos pro amore Dei et sancti Quirini ut hæc omnia tractetis secundum vestram nobilitatem, nostramque necessitatem, et jubeatis nobis reddi alios equos, quos supra illos duos hinc habet ablatos. Insuper etiam, postquam ille hinc discessit, sunt nostris famulis tres equi furto sublati, quam suspicionem habent in illum et Pezilinum suum consocium quidam ex nostris, et etiam provinciales clerici. Quos equos etiam petimus ut nobis præcipiatis reddere, aut digno judicio negare se non habere vel tollere.

II.

Ad V. abbatissam, apud quam se excusat, quod petitos equos non miserit, et alia quædam minuscula mittit.

Venerabilibus in Christo dominabus V. abbatissæ, ac B. Christi agnellæ, P., quidquid tantillus tam dignis personis.

Non modicum dolemus quod nihil habemus ut petitionis, imo vestri præcepti voluntatem facere possimus; quia nullus equus in nostra inventus est potestate, quando nobis commissus est iste locus, nisi admodum pauci, et ipsi nutabundi et segnipedes. Indicia tamen facimus his parvis munitulis, quanto citissime possumus, quod vestram voluntatem implemus. Sedulitas orationis nostræ comitatur iter vestrum, quantum nos Deus exau-

A dire dignatur, usque dum audimus quod cum pace revertimini ad propria.

III.

Ad A. archipresbyterum. Rogat ut Tagininum ad restituendas decimas ad Ezinhusum adigat.

P., abbatis nomine indignus, domno A. archipresbytero, quidquid est charitatis in Christo.

Sæpe dictum est vobis de decimatione nostri monasterii ad Ezinhusum, quam Tagininus tulit nobis per duos annos. Isto anno abnegavit se coram nobis nostroque advocato, ut deinceps eam sibi non usurparet. Sed fefellit nos, et habet jam nunc tertium annum ablatam. Quocirca rogamus pietatem vestram ut hoc corrigatis, sicut scitis illi contra Deum esse necessarium, nobisque utile ad ministerium pauperum. Valet.

IV.

Ad R. abbatissam. Cur petitum vitrum nondum miserit?

P., sui vocabuli minime dignus, abbatissæ R. dominæ perdignæ, sedulitatem orationis devotissimæ.

Quod vobis adhuc non dedimus vitrum, ut rogastis, non fuit culpa nostræ tenacitatis, sed nondum aliquod præparatum habuimus. Nunc enim quotidie insistimus eidem operi, et cum hoc perficimus, statim post festum S. Andrææ mittimus vobis per nuntios nostros. Si aliquod adjutorium nobis facere vultis ad nostrum victum frumenti vel alterius grani, valde sumus necessarii. Valet.

V.

Ad Heinricum regem. Ut se ab injuriis et persecutione Diemonis comitis eliberet.

Seniori suo H., exercitus Christiani ductori nobilissimo, P., abbatibus vocabulo minime dignus, cum congregatione sibi commissa, sedularum precum devotissima munia.

Sub manu vestræ defensionis ob elemosynam vestri hactenus valde pacifice viximus; sed qui nunc nos contra vos Deumque insectantur, diutius celare non possumus. Domnus Diemo comes inimicabiliter persequitur nos. Habet nobis denique nostram navim ablatam, qua debuimus fratribus nostris vecticare vinum, et legumina, aliaque necessaria. Plura etiam retia habet nobis tulta, victimasque et gra-

num, quod nostri debuerunt seminare in agrum. A Insuper infringens domunculas servorum vi diripit ab eis omnia quæ habent. Nihil eis est peculli quod ille non jubeat perscrutari et tolli. Quid multa? Nisi manus vestra extendatur proteetrix super nos et res nostras, ipseque a vobis exterritus prohibeatur tali flagitio, ille solus sanctum locum corporis S. Quirini dat exterminio. Precamur ut illi statuatis diem quo nobis et navim et retia reddat.

VI.

Ad eundem de persecutione ac insectatione P. comitis aliorumque adversariorum graviter queritur.

Seniori suo H., regi victorioso., P., vestri servorum ultimis fratresque sibi subjecti.

Devotissimis orationibus pro vobis jugiter insistimus. Dum vos denique laboratis in lato, sicut B condecet, regno, nos servuli vestri minime requiescimus in vestro gremio, sub augusto monasterii claustrum. Cuncta namque ædificia videmus miserabiliter collapsa vetustateque consumpta, quia P. comes tollit opera singulis annis de Wormgouve, quæ sola opera beatus pater vester concessit ad locum singulis annis renovandum; quod etiam permansit usque ad abbatem E. [Eberhardum] domno nostro duci conquesti sumus de eisdem operibus, et ille præcepit P. ne sibi ea deinceps usurparet, quod nequaquam profuit.

Ad hæc etiam nimiam persecutionem patimur nostrorum concivium, priorum scilicet advocatorum, qui, maxima ira et odio contra nos permoti quod penitus sunt privati rebus monasterii, nihil aliud student cum omnibus, quibus possunt, nisi nos pessimo vitio criminari, et hoc apud episcopos et principes, ut hæc eadem infamia ad vos usque perveniat. Quod precamur propter Dei misericordiam, vestrique elemosynam, ne illorum voluntati satisfaciatis, nobis inferendo ullam repentinam calumniam, sed reservetis vestro iudicio, aut vestri fidelium episcoporum, vel abbatum rei veritatem in nobis examinandam. Valet.

VII.

Ad H. ducem Boiaris. Rogat ut quædam hoba ad locum Sciphusam pertinens suo monasterio reddatur.

Domno H. Christiani agminis ductori nobilissimo, P., vester famulus cum fratribus.

Die noctuque Deum pro salute vestra jugiter exoramus. Augustissimum regem seniore nostrum H. rogavimus nobis a se concedi quemdam locum, Sciphusa nominatum, de abbacia nostri monasterii. Quam petitionem ipse benigne suscepit, et jussit ut diligenter cum nuntiis inveniremus, quid et quantum fuisset, quod rogavimus. Quod cum fecissemus, retulimus regi veritatem, paucumque sibi videbatur, nobis vero multum. Insuper adjunximus: « Quidam famulus matris vestræ habet unam hobam de eodem loco in beneficium, quid jubetis super eam. — Post vitam, inquit, matris meæ, stet, et famuletur domui famulisque S. Quirini. » Et quia illa beata jam obiit, et modo

A regem non possumus adire, sufficiat nobis, precamur, quod vice regis in hac patria regno fungimini, firmeturque a vobis regale promissum, et jubete nobis reddi prædictam hobam, sicut rex statuerat.

VIII.

Ad Gotschalchum episcopum Frisingensem. Se petita vitra post Pascha missurum.

G. pontifici dignissimo, P., vestri devotus, ut merito proprius.

Mi domine venerande, quod de vitro petistis, vel magis, ut decet, jubetis, nunc temporis paratum non habemus. Sed quamvis victus nobis incumbat necessitas, statim post Pascha nostros vitrearios jubemus eidem insistere operi, et quidquid exinde fiet, quanto citissime possumus, per nostrum nuntium vobis denuntiare non tardamus. Valet.

IX.

Ad comitem F. Ut conventum ad Pipuch non nihil differat.

Domno F. comiti venerabilissimo, P. cunctaque congregatio S. Quirini, sedulam orationem devotamque servitatem.

Omnes pariter pedibus vestris provoluti precamur piam paternitatem vestram ut concilium quod vultis ad Pipuch habere pro communi terra, in triduum differatis, et dimittatis usque dum nos vobiscum loquamur. Valet in Christo.

X

Ad Egilbertum episcopum Frisingensem. De fratribus quibusdam sacris ordinibus initiandis.

Seniori suo E. infula pontificale coelitus indusiato, P., abbatis nomine minime dignus, quidquid domino servus.

Si dignamini, mi domine, necesse habemus ordinare quosdam fratrum nostrorum in ministerium Domini ad altare S. Patris nostri Quirini, eos videlicet de quorum vita securi sumus, ut humanus probare potest oculus. Nam priores fratres nimio confecti senio jam lassesunt invalidi. Si jubetis, ubi vel quando, loqui vobiscum desidero pro variis necessitatibus intus et foris nobis imminentibus.

XI.

Ad Udalricum comitem. Pro restitutione rerum, quibus famulos suos Penno spoliavit.

Domno V. comiti nobilissimo, P., omnesque fratres, devotas orationes.

Quod præcepistis super servos nostros, quos Penno propriis rebus spoliavit, nihil penitus nobis profuit, sed objicit nobis nunc hoc, nunc illud per varias circumlocutiones. Multam namque pudet nos et tædet quod sæpe sæpius propter hoc vos acclamamus: quia Deum non timet in nobis, nec hominem veretur in nobis, ut faciat quod illi præcepistis. Iterum atque iterum precamur, dilecte senior, jubete illi super hoc, quia vos multum in honoramus, et spernimus si domno duci de vestris hominibus querimoniam facimus. Valet.

XII.

Ad R. abbatem, quem rogat ut longius apud se ejus servum retinere liceat.

Domno abbati R. P. abbas indignus, quidquid vester devotus.

Nuntius a vobis missus venit ad quemdam ser-

A vitorem nostrum, per quem nobis jusserat hyperbolice, ut R. servus vester citissime ad vos veniret. Sed deprecamur ne in maxima necessitate eum a nobis tollatis, quia si nunc deserit opus quod cœpit omnia opera præsentis anni penitus habemus perditâ. **Valete.**

ANTE MEDIUM SÆCULUM.

ELLINGERUS

ABBAS TEGERNSENSIS.

ELLINGERI EPISTOLÆ.

(Edidit R. P. PEZIUS, *Thesaurus Anecd. nov.* V, 1, 151, ex cod. Tegerns.)

I.

Ad Froumundum monachum Tegernsensem. De optimo suo erga eundem animo, et ordine presbyterii, quem Froumundo gratulatur.

Comarco FROUMUNDO, more rosulenti splendoris in cunctis emerito, ELLINGERUS, omnium hominum extimus, quidquid in Christo adoptari potest festivus.

Cum igitur, o dilecte magister, intimo affectu cordis meditarer ut aliqua irreprensibilia dicta vestræ benevolentiae composuissem, et inscitia semel et sæpe impediret quod voluntatem delectaret, tunc demum confusus, baculoque vestri secreti consolat, speravi, quamquam sum vituperanda, tamen non esse a vobis propalanda, quia non presumptionis, sed dilectionis sunt indicia. Sed ut ex hoc nulla ambiguitas subeat, quin vestri amor mei intima cubiculi semper exurat, et de vestra prosperitate summe gaudeat, omnimodis deosco. Nuper vero comperi, quod me affectu animavit inedibili videlicet vos fore promotum ad ordinem presbyterii. Qua de re flexo poplite flagito quatenus mei infimi memoria apud vos maneat, ut vestri apud me firmiter inhæreat. Hæc enim valde lætificant, quæ verba prophetica resonant: Cor contritum et humiliatum Deus non spernit. **Valete.**

II.

Ad Egilbertum, ut videtur, episcopum Frisingensem. Rogat ut quemdam pastorem adversus ovium suarum injurias et insidias tueatur.

Quia notitiæ innotescit nostræ excellentiam vestræ sanctitatis omnem viam odio habere iniquitatis, ob id conducibile duximus errores vobis pali-
ficare, quos constat vestri censuram moderaminis respectare. Iste vero pastor, præsentium vector litterarum, in præsentia nostri effudit suarum querimoniam miseriarum, quasdam dolens oves sibi a vestra dominatione commisi gregis, funditus

B calce abjicere, per devia vitiorum errando, divinæ pascua custodiasque legis. Insuper quidem cum easdem gliscat poenitentiae medicamentis ceu humeris ad ovile matris Ecclesiae reportare, ferina ita exardent rabie, dentibus invidiæ hunc dilacerare, ut ærumnas desperet mortis se posse talibus devitare insidiis, nisi ei quantocius inesse vestris dignemini presidii. Nos denique interoapedine tot locorum elongantes, quoniam nullum ei adminiculum præbere valeamus, in manus vestræ potentiae eum et hoc commendamus, quatenus misericorditer ipsius querelas suscipiatis, atque episcopali eundem auctoritate pro nomine Christi defendatis, nec consentiendo, iniquorum peccati offendiculum vestræ aliquod sanctimonie ingeratis periculum.

III.

Ad D. episcopum. Queritur ob prædium ab ejus subditis vastatum et injuste abalienatum.

Domno D. pontificalem decoranti thronum virtutum, E. una cum subjectis, perennem cum Domini principatum electis.

Ut rescivimus vos, præsulum reverentissime, ordinatum fore istius provincie rectorem, sperabamus, velut et adhuc spes nostra est fixa, divinitus provisum esse vos ophanis haud minus patrem et adiutorem, quam monachis pro ipsa excellentia vestræ pietatis asylum ac defensorem. Verum prædium, quod largitus, est Cæsar Henricus regie donationis charta stabiliendo nostro monasterio, ut a quibusdam didicimus vix credendo, a vestro devastatum nobis abalienatur imperio. Arbitri vero testes adhibentur in hoc fundo nihil a nobis esse usurpatum, nisi quod Cæsaris præcepto ab ipsis nostro cænobio cum termino est præmonstratum, atque in præsentia vestri vestri-
que advocati legitime firmatum. Qua de re quidem summopere efflagitamus pro nomine Domini atque amore S. Quirini, nec non ob vestræ rone-

dium animæ, seu vestrorum parentum, quatenus A nostro nequaquam monasterio præcipiatis ullum fieri detrimentum.

IV.

Ad N., ut videtur, archiepiscopum, cujus aversum præter spem animum recuperare satagit.

* Excellenti pontificum dignitatem venerandam sanctimoniam per sublimitatem * postremus in ordine abbatum cœlestis aulæ senatum.

Præceptis, patriarcharum reverentissime, semper parere cum studuissem vestræ in omnibus almitatis, veluti dum divæ quidem memoriæ vestræ matris obedivi imperatis apud curtem regis, quando a vestra paternitate flagitavi missionem ac benedictionem; miror cur per tantam a vobis dimissus sim indignationem. Idipsum igitur mihi impropere objecerunt mei familiares, non solum viri sæculares, sed etiam cœnobiales, ut qui hactenus vestræ expertus sum pietatis adminiculum ac respectum, qualiter in tantum vestrum promeruissem despectum. Non ignoro quippe in sanctuario vestri pectoris reconditam esse omnis scientiæ affluentiam, hujusque scripti: *Quanto magnus es, humilia te in omnibus*, inibi defore negligentiam. Ex hoc diffido vestræ ob magnitudinem majestatis vilitatem meæ annullari paupertatis. De cætero ante vestræ dominationis conspectum, si famulamen meum fuerit acceptum, dignemini detegere meæ ruborem tantæ confusionis, scilicet intimando fontem causamve præfatæ despectionis. Ex hoc vero evidens judicium datur me hæc ita autumare absque falsitatis, quia cum meas prosternerem preces vestræ in præsentia sanctitatis, propter flebilem hujus combusti monasterii necessitatem, nullius auxilii consecutus sum propitiationem vel charitatem.

V.

Ad N. episcopum, forte Nitherum Frisingensem, quem se de non concessio frumento excusat.

Amplectendo meritorum sanctuario, condigne subrogato Christi vicario, * Christi gratia curæ custodis deputatus, cœlestis gaudia incolatus.

Omnem quæ poterit devotionem impendi affectioni ullius amici, confitemur, quoad vixerimus, totis annis nostris par esse vobis addici, quia munificentiam vestræ excellentia perdigna est interioris seu exterioris cuncta famulicij frequentia. Verum ingerit nobis ruborem confusionis has præsentari litteras vestræ conspectui dilectionis. Nos quidem vestri magnitudinem beneficii haud posse æquiperari ulla nostri assiduitate servitii [fatemur]. Qua de re scilicet ejus testimonium invocatur, qui cunctorum secreta cordium rimatur, quoniam in loco a vobis prætitulato exhibendi nulla facultas obsequii accommodatur. Vestram namque intimationem super hoc negotio si rescissemus, priusquam inde omne frumentum auferri jussimus, non aliter vestræ studuissemus postulationis perficere desiderium, quam si propriæ præbuisse-

mus vitæ alimenti ministerium. Sed dicat aliquis a nostra poscendo familia, in illo nos loco petitam vobis servitutem posse obtinere. Idcirco conducibile est ad id veritatem respondere quod in proximo Paschali tempore per nostram magnopere flagitando legationem a nostris nequivimus ministris ullum supplementum nostri cœnobii ad restaurationem. De cætero nostrum misimus illum nuntium, quatenus nostro præcipiat præposito parare hospitium, nec non omne quod possit impendat vobis servitium. Valet.

VI.

Ad eundem, forte Nitherum episcopum Frisingensem, cui quendam commendat qui beneficium amittere debeat.

* Domno N. desiderabili meritorum sanctuario, digno apostolorum vicario, E., post hujus exsili incolarum cœlestis patriæ senatum.

Præsentium allator litterarum vestræ in conspectu dominationis aliquid valere sperans meæ conamen postulationis, obnixè haud cessavit deprecari mea vestræ paternitati legatione se commendari. Qua de re magnopere efflagito propter Christi amorem, meique famulaminis ob devotionem, quatenus ipsius dignemini querimoniam auscultare, et ad sui senioris dominium illius subrogare miseriam vestrum præpotens patrociniū. Paterno quidem jure beneficium, si dici fas est, sibi in hæreditatem collatum, assiduisve cum muneribus ab episcopis prioribus comparatum, vestrum nisi adminiculum eidem auxilietur, a se funditus alienari veretur. Sagacitas vero vobis cœlitus infusa, poterit celeriter examinare, hunc nihil in hac re contra justitiæ normam postulare.

VII.

Ad V. abbatem a quo fratres revocat ob adventum episcopi Frisingensis iniquis erga se delationibus exasperati.

V. abbatum decoranti sublimitatem per omnem virtutum capacitatem, E., ultimis Christicolarum, gaudia cœlicolarum.

Cum nostrum esset velle vestro satisfacere desiderio, repentinus nostri antistitis adventus nostro publicatus monasterio, nostros fratres, vestro addictos servitio, cogit nos poscere nostræ remissum in congregationis paupertati, priusquam vestræ promissum esset charitati. Delatæ quidem, ut rescivimus, de hoc cœnobio falsæ lingua adulantium criminationes, ejudem adversum nos præsulis nonnullas dolose conflando machinatæ sunt indignationes. Qua de re magnopere efflagitamus, quia in vestram peculiariter benignitatem speramus, vestris quatenus commendatiis apud ipsum litteris, aut legationibus id efficiatur, quando hoc domicilium suo primitus ingressu in præsentiarum illustratur, sui turbine terroris, ne diffametur vel quatiatur. Insuper vestram cupimus affinitatem hoc sibi consiliari, pastorem, qui posuit animam pro suo grege, ut dignetur imitari, atque sui patrociniū asyli coadunatum tuncatur ovile, ne aliquod discidium sive scan-

dalum patiatnr hostile, sicque liquido appareat A que collatam sibi divinitus pontificii excellentiam
vestri consanguinitas erga se quanti valeat. Nam- par est coronari per compassionis clementiam.

EPITAPHIUM ELLINGERI ABBATIS

(MABILL., *Analect.* nov. edit., pag. 437.)

Hic Ellingeri noscuntur membra teneri,
Qui cum justitia respuerat vitia.
Moribus abbatum sanctis decorans dominatum,
Cum pietate patrie præfuerat monachis.
Pervigili cura tulit asseclis noctura :
Lætificando probos corripuit reprobos.
Instruit exemplis cunctos plusquam documentis :
Pravis difficilis, mitibus et facilis.
Mundum despexit, dum carnis pondera vexit,
Calcans carne solum, mente petendo polum.
Jugi multarum se fonte luens lacrymarum,
Mox lætis oculis afluerat populis.
Sprevit divitias . . . utpote delutas
Lætos cujus opes præstiterant inopes.
Hujus contritam dederant jejunia vitam.
Largam muneribus oppido pauperibus.

B Nunquam pro Christo tali caruere ministro,
Quod populum latuit, sed Domino patuit.
Ut dilexissent illum plusquam timuissent,
Blandus discipulis sic fuit ac famulis.
Nullum damnavit, quem judicio superavit :
Solers consiliis, commodus auxiliis.
Mundo, dum vixit, se pro Domino crucifixit,
Gestans arma crucis talis amore duois.
Doctrinæ rivum prudens pectore vivum,
Hoc sibi contiguos fecerat irriguos.
Fornicibus pictam qui jusserat hic fore cryptam,
Ac sibi vicinam construit ecclesiam.
Hic memor in primis percuncta negotia finis,
Crimina sic domuit corpore dum vigit.
Pace coronatum cœli requiescere flatum,
Lectores precibus poscite supplicibus.

ANTE MEDIUM SÆCULUM.

UDALRICUS

ABBAS TEGERSENSIS.

UDALRICI EPISTOLÆ.

(Edidit R. P. Bernardus PEZIUS *Thesauri Anecd. nov.* T, 1, 228.)

I.

Ad P. [f. leg. N. Nikerum ep. Frising.] *episcopum,*
ad quem Raherium clericum, multorum crimi-
num reum defert, eique G. canonicum suffici in
parochiali munere rogat.

P. cunctos coronanti pontifices nostræ ætatis
maturitate sapientissimæ pietatis, V. infimus ab-
batum, cœlestis curiæ senatum.

Nostræ ditioni clericum Raherium assignatum,
multis comperimus criminibus commaculatum,
et non minus facinore fascinationis fore exsecrabi-
lem, quam infamia adulterii vituperabilem. Ex hoc
quidem haud ignoramus sibi commisso gregi
exemplorum ædificatione nihil hunc prodesse, ve-
rum suorum anfractu errorum multum obesse,
universaque lege Christianismi atque gratia bap-
tismi, nec non etiam pro suis culpis carere plebem
missarum celebritate. Nam hoc refertur, quod est

PATROL. CXLI.

C miserabile ac lacrymabile, quam plures ejusdem
populi ex hoc sæculo migrasse sine peccatorum
confessione et absque viatici communionem, nec
non etiam in sepeliendo sine animarum commen-
datione. Quia vero non solum rei sunt qui faciunt,
sed qui consentiunt facientibus, atque ad magi-
strum respicit quidquid a discipulis delinquitur,
pro talibus dolemus negligentis peccatorum no-
bis accumulari augmentum, vestramque veremur
sanctitatem aliquod ob id pati animæ detrimen-
tum. Quocirca vos, dilectissime Pater, supplices
efflagitamus, quatenus vestro canonico G. hanc
ecclesiasticam cum nostra familia curam interim
commendetis, quoad vestræ vocis colloctione
nostram præsentiam lætificateis, aut donec in ves-
tro synodali decreto dijudicetis quid de hoc ne-
gotio certitudinis statuatis. Namque institutis ves-
træ nimium venerandæ paternitatis in omnibus

42

his nos, ut par est, obtemperantes, juxta normam A sionis, nunc supremi ante tribunal imperatoris justitiæ pernoscat.

II.

Ad G. archipresbyterum, ut videtur, Frisingensem, ut eumdem Raherium loco moveat et deponat.

† Christi solummodo gratia ad hoc collatus Dominico, quod præest, ovili custos deputatus, G dignitatem archipresbyterii per summam decoranti sapientiam, totius devotionis excellentiam.

Nostrorum relatione fidelium cognovit nostrum clericum Rahe vestræ subditum [*cod.*, noster clericus subditus] gubernationi, commissum gregem, quem par fuit paterno amore pascere et portare, lupina, quod non timet, rapacitate dispergere ac lacerare. Qua de re vestram efflagito dilectionem per amorem divinum, atque propter sanctum Quirinum, nec non ob nostrum servitium, quatenus vestrum sine dilatione statuatis placitum, in quo ejus crimina examinando juxta legem Christianitatis, ac eumdem de commissæ plebis regimine deponatis. Sed ne Christianismi mos inibi aliquod interim capiat detrimentum, posco ut nostro clerico, vobis contiguo ecclesiam cum omnibus rebus ad eam pertinentibus committatis, quoad viva voce nosmet compellendo legitimum huic negotio finem imponatis. Non enim solum rei sunt qui faciunt, sed qui facienti consentiunt. Ob hoc criminis, propter ejusdem offendiculum, animæ veremur subire periculum. Quamvis verumunera obcæcant oculos sapientium, tamen ab hoc nullum tam acceptabile impenditur nobis famulitium, pro quo velimus infernale solvere supplicium.

III.

Ad eumdem de eodem.

Quantum nobis facietenus ingerit confusionis ruborem, tantum cordis arcana patiuntur mœrorem quod pro tali re litteris nostræ legationis tam frequenter tranquillitatem inquietare vestræ cogor dominationis. Nam nostræ clericus ditionis, qui sæpenumero nobis ingessit scrupulum nonnullius offensionis, verum semper munitus vestræ asilo defensionis, nihil unquam passus est animadver-

munia gerit adversum nos delatoris atque accusatoris. Commissæ autem sibi plebis quam damnosam tenet negligentiam, par est per vestram indagari sapientiam, ne aliquam anima, ut dicitur, vestra ex hoc subeat in futuro periculi magnificentiam (*sic*), quia non solum rei sunt qui faciunt, sed qui facientibus consentiunt. Quod vero uxore sua adhuc vivente aliam duxit, quantum in hoc populum sibi creditum destruxit, nostra licet super hoc intimatio taceret, vestræ tamen prudentiæ id perscrutanti haud lateret. Quamvis nostrum ex eodem cœnobium permulta sustineat temporalia detrimenta, tamen hæc omnia postponentes æternalis plus timemus calamitatis augmenta. Qua de re magnopere flagitamus, vestra uti almitas nostro desiderio opituletur, ecclesiæ quatenus a se repudiata dignus successor subrogetur.

IV.

Ad eumdem de eodem clerico, quem queritur nullo modo se quivisse ad meliorem frugem reducere.

A vestra accipiendo dominatione licentiam, cum nostrum vellem clericum Rahe, juxta canonicam discutere congruentiam, se præbuit rebellem atque arrogantem, quamvis me paterno sentiret amore sibi auxiliantem. Nam jurejurando ei omnium quæ contra me ullo modo gessit, promisi impunitatem, duntaxat Christianam contra religionem suspectam desereret iniquitatem. Verum super his quantæ ejus exstitisset pertinacia, præsentium vector litterarum, si jubetis, utpote qui nostro interfuit colloquio, pandet veritatem absque fallacia, quia vestram vereor grandævitatem inquietare, si ejus controversiæ studeo ambages scribendo vestræ paternitati enucleare. In præfato *quidem negotio*, quoniam vestrum abnuo clericum præterire, partim vos id non nescire, ut si exorbitans noluit redire ad viam justitiæ cum lenitate, saltem cogatur asperitate. Ad hæc scitote me humiliter efflagitare quatenus ecclesiam a se desertam clerico quem vobis dirigo dignemini tradendo commendare.

ANNO DOMINI MXXXIX.

GODESCHALKI SEQUENTĒ.

(DANIEL, *Thesaur. hymnol.* II, 3.

I.

In Conversione sancti Pauli apostoli.

1. Dixit Dominus : Ex Basan convertam convertam in profundum maris.

1.1. Ille primus versus ad verbum habetur ps. LXVII, 23, quod vaticinium in conversione S. Pauli imple-

2. Quod dixit et fecit, Saulum ut stravit, Paulum et statuit.

3. Per Verbum suum incarnatum, per quod fecit et sæcula.

tum dicitur. Ad.: *Deus Pater prædixit per prophetam David : Ego convertam Paulum ex Basan, i. e. de*

4. Quod dum impugnat, audivit : Saule, Saule, A
quod me persequeris ?

5. Ego sum Christus : durum est tibi ut recal-
citra stimulo.

6. A facie Domini mota est terra, contremuitque
mox et quievit.

7. Dum cognitio credidit Domino, Paulus perse-
qui cessat Christianos.

8. Hic lingua tuorum est canum, ex inimicis ad
te rediens, Deus,

9. Dum Paulus in ore omnium sacerdotum jura
dat præceptorum,

10. Docens crucifixum non esse alium præter
Christum Deum,

11. Cum Patre qui regnat et sancto Spiritu cujus
testis Paulus.

12. Hinc lingua sacerdotum, more canis dum
perlinxit, Legis et Evangelii duos molares in his
contrivit.

13. Corrosit universas species medicinarum,
quibus curantur saucii, reficiuntur enutriendi.

14. Per quem conversus ad nos tu vivifices,
Christe, peccatores :

15. Qui convertendis conversum converteras
Paulum, vas electum.

16. Quo docente Deum mare vidit et fugit, Jor-
danis conversus est retrorsum.

*fide sua mala (nam B. erat regio gentilium et in-
terpretatur siccitas, sterilitas), convertam, in-
quam, eum ad profundum maris, i. e. ad cognitio-
nem veræ fidei.*

— *Aliter etiam sic intelligitur : Convertam Pau-
lum in profunditatem secretorum Dei, quoniam
ipse raptus est in tertium cælum, etc. De quibus
lege tractatum Marsilii Ficini epistolis suis inser-
tum. De ipso enim canit Ecclesia.*

*Qui in terra positus
Secreta cælorum petisti ;
Quæ non licent homini
Loqui, perspexisti.*

Utcunque est, sane allexit Godeschalkum vox con-
vertendi, quam velut primariam carminis mate-
riam et, ut ita dicam, totius texturæ subtegmen
persæpe sequentibus inserit. — 2. August. : *Voce
Christi de cælo prostratus — cecidit in faciem
suam, prius prosternendus, postea erigendus.* Di-
citur mutatum fuisse nomen Pauli anniversario
conversionis suæ ; celebratur igitur die xxv Jan.,
una cum conversione festum ejus onomasticum.
Sed turpiter homines mediæ ævi in nomine Apos-
toli secundo lapsi sunt. Minime enim cogitabant
de verbo מַשַׁח sed sudarunt in voce שָׂעִיל « *Sicut
vulpes decipiunt alia animalia, sic sanctus sumpsit
litteras a regibus, ut posset persequi Christianos.* »
— 3. M. 11. *Hoc Verbum.* — 4. M. 10. *P. impug-
nans.* — 5. Nobiscum faciunt codd. M. 10, 11. In
Missalibus ubique : *Ego sum Jesus*, ut Act. ix, 5. *E.*
s. I. Durum est tibi contra stimulum calcitrare. —
6. Ps. xvii, 8. 9. *Commota est et contremuit terra,
— ascendit ignis a facie ejus.* Opinatus est Godes-
chalkus terræ motum factum esse dum lux illa
cælestis Apostolum circumfulserit. — 7. Pr. Ad.
Torr. *Saulus* Pr. Nb. Md. Torr. Lud. *conchristia-
nos.* — 8. Al. *hinc.* Ps. lxxvii, 24 : *lingua canum
tuorum ex inimicis ab ipso.* Canes alias significant
homines spurcos atque insolestes, sed canes Dei
sunt hoc loco sacerdotes (cf. Str. 12) quorum est
latrare prædicando adversus infideles et arcere
lupos ab ovibus Christi. Ex his canibus Paulus est

17. Quia turba gentium, rediens vitiorum pro-
fundo, Og rege Basan confuso,

18. Te solum adorat Christum creatorem quem
et cognoscit in carne venisse redemptorem.

II.

De B. Maria Magdalena.

1. Laus tibi, Christe, qui es creator (et redemp-
tor, idem et salvator)

2. Cæli, terræ, maris, angelorum et hominum

3. Quem solum Deum confitemur et hominem.

4. Qui peccatores venisti ut salvos faceres,

5. (Sine peccato peccati assumens formulam,)

6. Quorum de grege, ut Chananæam, Mariam
visitasti Magdalenam.

7. Eadem mensa verbi divini illam micis, hanc
refovens poculis.

8. In domo Simonis leprosi convivii accubans
typicis.

9. Murmurat Pharisæus, ubi plorat femina cri-
minis conca.

10. Peccator contemnit compeccantem : peccati
nescius pœnitentem exaudis, emundas fœdam,
amas ut pulchram facias.

11. Pedes amplectitur Dominicos, lacrymis la-
vat, tergit crinibus, lavando, tergendo, unguendo
unxit, oculis circuit.

longe disertissimus. — 9. Lud. *cum*, Cf. Act. ix,
22. — 11. M. 11. *testis est.* — 12.-14. M. 14. Nb. *hic.*
M. 11. Pr. *canum.* M. 11. *in his contritos.* Pr. Nb.
Lud. *corrasit.* Sensum stropharum fingas tibi
hunc : Habebat ille canis divinus dentes molares
duos, Legem et Evangelium : utrumque enim in
prædicationibus epistolis suis docet atque incul-
cat. Hic dentibus contrivit species medicinarum,
neque alienus erat a more canum, quos lingendo
vulnera sanare vel refovere nemo non ignorat. —
16,-17. In singulis libris stropharum ordo turbatus
est ; apud Ludecum omittuntur. Pr. Md. Torr. Ad.
conversum ad nos. Nb. *conv. conversos.* Vas elec-
tum, Act. ix, 15, H. XC, 11. 18. Ps. cxiv, 3. *Mare
vidit et fugit, Jordanis conversus est retrorsum.*
Lud. : *Per mare ethnici, per Jordanem autem
Judæi ἀλληγορικῶς intelliguntur, quorum multi per
Paulum conversi sunt.* — 17. Ita in codicibus, in
Missalibus : *relicto v. p.* Og hoc loco accipiatur
pro diabolo, qui gentes ex vitiorum profundo re-
demptas opprimere et morari conatur, sicuti Og
Israelitas in deserto ; similiter August. de Trin. iv,
15 : *Sicut Amalek restitit filii Israel, ne intrarent
in terram promissionis, sic nobis diabolus ; sed
vincitur quando manus in crucis modum extendit
Moses, i. e. Christus in cruce.*

II. Godeschalkum quemadmodum antecedenti
sequentia magnum Apostolum e Saulo in Pau-
lum conversum celebravit, jam hoc carmine insi-
gni et simplicitate et sublimitate aliud confessio-
nis præclarum cantat exemplum, dulcissimam
ipsius angelicæ exultationis materiam. Sane vero
historia Magdalensæ, quam Franciscus Salesius regi-
nam confitentium peccatorum prædicat, tanta sua-
vitate animos et tenet et movet, ut non miremur
quod ab omnium fere temporum poetis sacris
carminibus persæpe laudata sit et celebrata. Nec
non nomen ejus in festivitatum indice bis vel ter
legitur inscriptum. Nam præter festum prima-
rii ejus (xxii Jul.), quod in quibusdam Kalen-
dariis octava ornatum exstat, quoddam solum re-
peritur in Breviario Romano, in vetustioribus li-

12. Hæc sunt convivia quæ tibi placent, o Patris A Sapientia.

13. Natus de Virgine qui non dedignaris tangi de peccatrice,

14. A Pharisæo es invitatus : Mariæ ferculis saturatus.

15. Multum dimittis multum amanti, nec crimen postea repentini.

16. Dæmonii eam septem mundas, septiformis Spiritus.

17. Ex mortuis te surgentem das cunctis videre priorem.

18. Hac, Christe, proselytam signas Ecclesiam : quam ad filiorum mensam vocas alienigenam.

19. Quam inter convivia legis et gratiæ spernit Pharisæi fastus, lepra vexat hæretica.

20. Qualis sit tu scis : tangit te quia peccatrix, quia veniæ optatrix.

21. Quidnam haberet ægra, si non accepisset, si non medicus adesset.

22. Rex regum dives in omnes : nos salva, peccatorum tergens cuncta crimina, sanctorum spes et gloria.

III.

In Decollatione S. Joannis Baptistæ.

1. Psallite regi nostro, psallite prudenter,

2. Nam psalterium est jucundum cum cithara,

3. Nato virginis, quo psallens natus sterilis

4. Citharam carnis percussit in domo Domini.

5. Dum quod sonabat clamando, docuit vivendo.

6. Mortificando quæ super terram sunt membra C et hoc alios docendo :

bris sat frequens est festivitas Conversionis B. M. (1 vel x vel xi die Martii, vel feria v post Judica ob Evangelium diei), interdum etiam festum Translationis occurrit (iv Nov.). In Ecclesia Lutheriana festivitas Mariæ Magdalensæ in nonnullis regionibus pangebatur. Apud Ludecum officium legitur missæ atque horarum, in quo Collecta tantummodo idque non incommode commutata est. Post hæc ejus memoria, quæ ex Christi mandato servanda est ubicunque prædicatur Evangelium, magis magisque obsolevit. — 1-3. Prædicat poeta majestatem ac divinitatem Jesu Christi, qui tamen non desepit sub peccati formula in mundum venire ut peccatores salvos faceret ; 1 Tim. 1, xv, 1. M. 6. creator redemptor. — 3. Br. Cl. et dominum. — 6. Chananæa erat peccatrix, quia gentilis. — 7. Matth. xv, 27 : *At illa : Utique Domine, nam et catelli edunt de micis quæ cadunt de mensa domini.* Ad. : *Cibavit eam Dominus micis suæ mensæ sicut postulavit, sed M. cibavit poculis et fletibus intimi cordis* (dedit ipsi donum pœnitentiæ et lacrymarum). Sed minus artificiose strophæ intelligitur sic : Chananæa micæ accepit, i. e. donum terrestre, filiæ medelam, M. donum supernaturale, remissionem peccatorum. — 8. Quæ significabant beatitudinem æternam. — 11. M. 6. *tergenda.* M. 11. *Mg. lavanda tergenda.* Gregorius : *Osculamini Christum ut Magd., non ut Judas. Osculis circumit,* fortasse ex Epistola : *Surgam et circumibo civitatem.* — 13. M. 5. *ex virgine,* ut in Symb. apost. Pr. Ad. Torr. Lud. Rbch. *a pecc.* Cibus enim Christi est peccatores convertere, justos confirmare et decimam drachmam deperditam reparare. — 16. Ita M. 5. 11 ; reliqui *mundans.* M. 11. Br. Cl. Torr. Nb. Md. *septiformis Spiritus.* — 17. Pr. Ad. Torr. *resurgentem d. c. te.* Nb.

7. Præparans Christo plebem perfectam Joannes, vox clamantis in deserto.

8. Sed vox hæc impium Herodem, quem corripit, minime corrigit.

9. Haud tamen tacuit, sed ad usque sanguinem sceleri restitit.

10. Non licet, inquit, te fratris tui habere conjugem, raptam sibi : peccasti, quiesce, pœnitentibus sic præcepit Dominus.

11. Vocem incantantis sapienter Herodes ut aspis surda spernit ut justum, ut sanctum Joannem timet quem vinxit in carcere.

12. Sedet in tenebris lucerna, lucis amicus omnipotentis,

13. Studet deliciis mundi principis filius perditionis.

14. Meretrix suadet, puella saltat, rex jubet, sanctus decollatur.

15. Dat rex saltanti caput Joannis, qui sanctus antequam sit natus.

16. En quomodo perit justus quasi non sit Deo dilectus,

17. Cum sit ejus pretiosa mors hæc in conspectu Domini.

18. Nos corde percepimus qualis ac quantus est, quia vicinus dignitate Christo fit et morte.

19. Nam morte turpissima damnatur sponsus Sponsi et amicum damnant morte recte turpissima.

20. Carcere carnis eductum quem ferunt psallendo cælis angeli angelum.

21. Et nos in terris tibi psallere fac, Christe, in memoriam Baptistæ.

Md. *mortuis surgentem.* Christum Magdalensæ post resurrectionem primo apparuisse in omnibus carminibus quæ in ejus laudem composita sunt, commemoratur. — 18. Nb. Md. Torr. *hanc Mg. signans.* Ecclesia proselyta, ex gentibus collecta. Torr. : *Per hanc Mariam significatur Ecclesia de gentibus ad fidem conversa, quam vexant hæretici et cæteri mali sicut Mariam Pharisæus* (et lepra vitiorum quæ semper hæretica est). — 19. Br. Cl. Nb. Md. *Pharisæus. Lud. factus. Id. in marg. lepra quem.* Ad. : *ad convivium legis Christus ab Simone invitatus fuit, convivium gratiæ ipsi parabat contritio et pœnitentia Magdalensæ.* Spernit Pharisæus factus, ut est apud nostrum : *Bei der Liebe, die den Füssen Deines gottverklärten Sohnes Thränen liess zum Balsam fließen Trotz des Pharisæer-Hohnes.* — 21 Rbch. *adesses.* Nescio ubi V. D. hanc scripturam invenerit. — 22. Terge peccatorum sordem, ut Magdalena pedes tuos crinibus tersit.

III. Poeta in hac quoque sequentia, ut solet, prorsus biblica utitur oratione, ac plurima cujusvis generis subtiliter ac facete ab eo significata legimus, ita ut nonnullis locis quid velit non facile sit ad perspicendum. Recitatum est carmen d. xxix Augusti, raro in ipsa S. Joannis festivitate principali. Cum argumento carminis alii hymni qui permulti sunt, aliæque sequentiæ S. Joannis conferendæ sunt. Magna est enim hoc loco inter veteris ac recentioris Ecclesiæ ritum discrepantia. Cum in illa Joannes principis fere Christianæ antiquitatis honore frueretur, atque ejus essent festivitates complures (præter Nativitatem et Decollationem etiam deprehenditur Conceptio Joann. xxiv Sept., e. g. in calend. Brandenburgensi), multique sermones de

22. Herodis spreta quo mensa altaris tui mensa A
ipsum te dum sumimus, super tibi psallamus.

IV.

In Divisione apostolorum.

1. Cœli enarrant gloriam Dei Filii Verbi incar-
nati, facti de terra cœli.

2. Hæc enim gloria soli Domino est congrua.

5. Nomen est cuius magni consilii angelus.

4. Istud consilium lapso homini auxilium est an-
tiquum et profundum et verum factum solis tan-
tum sanctis cognitum.

5. Cum angelus iste, homo factus ex muliere,
immortalem de mortali, de terra fecit cœlum, ex
homine angelum.

6. Hic est Dominus exercituum Deus, cujus sunt
angeli in terram missi apostoli :

7. Quibus se ipsum vivum præbuit resurgens in
multis argumentis pacem mortis victor nuntians.

8. Pax vobis, ego sum, inquit, nolite jam timere:
prædicate verbum Dei creaturæ omni coram regibus,
et principibus.

9. Sicut misit me Pater et ego mitto vos in mun-
dum estote ergo prudentes sicut serpentes, estote
ut columbæ simplices.

10. Hinc Petrus Romam apostolorum princeps
adiit, Paulus Græciam ubique docens gratiam, ter

Præcursore Domini haberentur : hodie in Romana
Ecclesia festum Joannis primarium ritu quidem dupli-
cibus I. Cl. Cum Octava ac Decollatio ejusdem
officio duplici majori servatur, sed in multis dioc-
esibus non amplius est festum fori vel populi.
Atque Protestantes ipsius Lutheri verba neglexerunt :
« *St. Joannis Fest des Taufers soll man bleiben lassen, an dem sich das Neve Testament angefangen hat.* » (Walch. XXII, 1510.) Ideoque in plurimis Ecclesiis pia Joannis memoria jacet sepulta. — 1. Ps. XLVI, 6. 7. *Psallite Deo nostro, psallite; psallite regi nostro, psallite. Quoniam rex omnis terræ Deus, psallite sapienter* Ad. : *Hortatur poeta populum ad psallendum, primo semel in laudem et gloriam divinx deitatis quantum ad essentialiam, deinde ter quantum ad personas.* Quod subtilius prolatum est, quam ut possit probari. Propter numerum syllabarum vox *Psallite* bis tantum in hoc commate debet legi. — 2. Fr. *in cithara.* M. 10. etc. 4. Hoc psalterio vel cithara carminis, i. e. lingua sua, cecinit in Ecclesia proles matris sterilis Nato Virginis, Domino suo. — 6. Omisit Torr. Coll. III, 5 : *Mortificate ergo membra vestra quæ super terram sunt.* — 9. Fr. Ad. *resistit.* — 10. *Quiesce — cessa de peccato.* — 11. Ps. LVII, 4, 5 : *Furor illis secundum similitudinem serpentis sicut aspidis surdæ et obturantis aures suas quæ non exaudiet vocem incantantium* Egregie Torr. *Aspis est species serpentis quæ cum audit incantationem, aurem obstruit, unam terræ applicans, in alteram vero caudam torquens.* — Fr. Pr. *carcerem.* Notat poeta vel simulationem reguli vel ignaviam. 12. *Lucis* vel ad lucernam vel ad omnipotentis referri potest. Lud in m. : *lucerna lucens* ut Joan. v, 35. H. CLXXIX, 3, 4, *lucerna Christi et perpetis evangelista luminis.* 15. I., erat amicus Christi, Herodes diaboli cujus delicias studebat. Cf. lo. xvii, 12. — 14. Pr. *nata precatur.* Torr. *In hoc versu est color rhetoricus, qui dicitur dissolutio. Et est altius color brevitatis, nam tota decollationis Joannis historia qua brevissime narratur.* — 15 Fr. *ante fit quam.* Lub. *sit* Vocabula saltationis et sanctitatis ex poetæ sententia prorsus sibi sunt

quatuor hi proceres in plagis terræ quatuor evangelizantes trinum et unum.

11. Andreas, Jacobus uterque, Philippus, Bartholomæus, Simon, Thaddæus, Joannes, Thomas et Matthæus duodecim judices, non ab uno sed in unum divisos, per orbem divisos in unum colligunt:

12. In omnem terram exivit sonus eorum,

13. Et in fines orbis terræ verba eorum.

14. Quam speciosi pedes evangelizantium bona, prædicantium pacem,

15. Sanguine Christi redemptis ita dicentium : Sion, regnabit Deus tuus,

16. Qui verbo sæcula fecit, quod pro nobis Verbum caro factum est in fine sæculorum.

17. Hoc verbum quod prædicamus, Christum crucifixum qui vivit et regnat Deus in cœlis.

18. Hi sunt cœli quibus, Christe, inhabitas, in quorum verbis tonas, fulguras signis, roras gratia :

19. His dixisti : Rorate, cœli, desuper, et nubes pluant justum, aperiat terra germinans,

20. Germen justum suscita, terram nostram qui apostolicis verbis serens germinare facias :

21. Quorum verbis verbum Patris tenentes in patientia fructum ferre fac nos tibi, Domine.

22. Hi cœli, quos magni consilii angelus inhabitas, quos non servos sed amicos appellabas, quibus omnia quæ audisti a Patre notificas.

contraria. Nam, ut vult Chrysostomus, ubi est saltatio ibi est diabolus : neque ab hac saltationum censura discrepat Augustinus, qui omnem motum seu saltum petulantiam saltum esse in profundum inferni judicat. Nec insulse Guillelmus Lugdunensis hanc saltationis notionem tenet, ut sit chorea circulus, cujus centrum diabolus. — 16. 17. Torr. *eset. les. LVII, 1 : Justus perit et nemo est qui recogitet in corde suo. Fr. dum sit. Ps. cxv, 5. Pretiosa in conspectu Domini mors sanctorum ejus.* Multi sunt poetæ ac concionatores in conquerendo sancti Joannis supplicio, cujus auctor fuerat meretrix dolosa. Pro more suo acerrime invenitur Lutherus *So hat es ein Ende, so gehet es aus mit dem grossen trefflichen Mann, dar so herrlich gerühmet wird von Menschen und Engeln, ja von seinem Herrn selbst : der soll so einen schandlichen Tod leiden um einer bösen, verszweifelten Hure willen und sein Kopf auf einer Schüssel der Hure in die Kammer gebracht werden, dass sie ihre Lust daran siehet. Wunder ware es nicht, dass das höllische Feuer drein geschlagen hätte.* — 18. M. 10. Fr. *talis et tantus est.* Md. 4. *ac tantis.* Ad. Br. *et quantus.* Lub. i. m. *vic nativitate* Claudius : *Joannes der Tauffer steht in der sichtbaren Welt zunächst und unmittelbar vor ihm und zieht also zunächst den Blick auf sich.* — 19. M. 10. *morti morte* Nb. Lub. *damnat.* Matth., x, 24 : *Non est discipulus super magistrum,* etc. Sponsum appellat Christum ipse Joannes iii, 29, — 20. M. 10. *eductum* quod congruit rhythmo. Alii *ductum — ps. sancti angeli.* Pr. *cælum angeli.* Nb. *cæli angeli.* Godeschalkus in hac clausula valde alienus est a scholasticorum dogmatibus : ex illis enim Joannes in limbum descendens Patribus Christum annuntiavit ac postea ab ipso Redemptore cum reliquis est liberatus.

IV. Ludecus : *Etsi dies divisionis apostolorum sacer non celebratur, neque de ea populus publice pro concione docetur : tamen cum sit festum Ecclesiæ et cantiones aliquid antiquæ et sincerioris antiquitatis redolectant, non potui facere quin eas subjungerem.* Procul dubio his lau-

23. In quorum divisione collectum gregem custodias indivisum et in vinculo pacis, ut in te unum simus sicut in Patre tu es unus :

24. Miserere nobis, tu qui habitas in cœlis.

V.

De una virgine.

1. Exultent filiae Sion in rege suo.

2. Nescientes torum delicti crimine sordidatum :

3. Quarum, Christe, sponsus virginum, Virginis es filius :

dibus carmen supra scriptum intellectum voluit : neque ego iniquus iudicem, quanquam sit justo prolixius atque verbosum. Festivitas illa Divisionis, vel, ut rarius appellatur, Dimissionis et Dispersionis apostolorum (apud nostros, *Aposteltheilung, Apostelscheidung, Aller Aposteln Tag, der zwölf Boten Tag als sie versandt wurden*), vel Christum ipsum celebrat, apostolos suos munere initiantem eosque in mundum ire universum iubentem. Matth. x, xxviii; vel instituta est in honorem traditionis satis incertæ. Narrant enim apostolos, priusquam in mundum universum dispergerentur, normam prædicationis et summam doctrinæ Christianæ in commune constituisse et sorte certas provincias designasse in quibus præcipue docerent. Est autem solemnitas libris Romanis, Italici ac Mozarabum prorsus incognita, accepta Germanis, Gallis, Hungaris, aliisque gentibus. Sedes festi propria fere ubique dies xv m. Julii, ita in Calendario Brandenburgensi, Havelberg, Magdeburg. Halberstadt. Misn. Mind. Numb. e. a., nec non in Lincensi, etc. Apud alios tamen, ut Moguntinos et Salisburgenses, est dies xvii, in Paderbornensi ut nunc est dies xvi. — 1. Sicut cœli et firmamentum enarrant gloriam Dei, ita apostoli cœlesti doctrina illuminati nihil aliud prædicant nisi gloriam Christi, unde, recte cœli vocantur (str. 1, 20, 21, 24), qui antea de terra erant, i. e. terrenis desideriis flagrabant: Imago desumpta est ex ps. xix, quem in omnibus apostolorum festis recitabant. — 2. Apostoli, quorum præconio Verbum incarnatum mundo innotescit superiores sunt prophetis et reliquis legis doctoribus. — 3. Is. ix, 6. — 4. Add. Torr. *illud. Ad. : Erat enim angelus ignotum, qui in ascensione ejus admirantes dixerunt : Qui est iste qui venit de Edom? Etiam erat occultum diabolo.* — 5. 6. Ita Chrysostomus Paulum apost. vocat *angelum terrestrem.* — 5. Ita M. 11. Md. cf. Gal. iv, 4. M. 10. Pr. Nb. Md. Br. Cl. Lud. Ad. *natus.* Torr. *homo ex mul.* — 7. Act. 1, 3, 8, 9, Contextuit poeta locos Scripturæ Joan. xx, 19-21. Mc. xvi, 15. Matth. x, 16, 18, 10. M. 10. 11. *alii proceres.* 11. Ad. Torr. *Matthias et Matthæus* in codd. et libris reliquis nomen Matthiæ omisum. Eodem modo in prosa : *Clare sanctorum*, apostoli nomen omisum est. Nec possumus quin fateamur Patres Ecclesiæ veteris numero apostolorum duodenario nonnihil vexatos esse. Neque id mirum. Nam Paulo, quem officium Ecclesiæ tanquam throno duodecimo dignissimum prædicat, insignem injuriam inferre videbantur, si qui illum virum apostolica dignitate abjudicare vellent. Contra historiæ testimonium locupletissimum contemnere videbantur, si qui electionem apostoli Matthiæ, cui in Actis app. laus non minima tribuitur, tanquam illegitimam repudiare vellent. Quem nodum ut solveret vetus Ecclesia præfulgente Pauli nomine ducta, ne dicam capta, Matthiam apostolum non quidem repudiavisse, sed quodammodo neglexisse videtur. Certe hoc constat, Matthiam multo seriore tempore quam cæteros apostolos suum diem festum nactum esse. Non equidem ignoro illum diem jam in Sacramento Gregorii commemorarii, sed nec huic rei multum tribuam, vetant libri manuscripti, quorum optimi de illo die nihil habent. Huc accedit quod in Canone

A 4. Cujus gratia mira opera in sanctis tuis sunt edita,

5. Ut das cernere hac in virgine cujus hæc festa sunt hodie :

6. Quæ fragili sexu femineo viriliter carnis jure domito.

7. Angelicam hic vitam duxerat in carne, dum præter carnem vixerat.

8. Hoc miratur serpens antiquus, calcaneum ejus observabat callidus ;

illo die nihil habent. Huc accedit quod in Canone missæ Matthias non inter apostolorum sed martyrum numerum relatus deprehenditur. Denique ex sermone sacro, qui apud Pelbartum legitur, satis apparet concionatores, ne Matthiæ apostoli nomen apud plebem Christianam sordesceret, de industria eum laudibus celebravisse. *Miles quidam cum ex devotione vellet aliquem apostolorum eligere sibi in patronum, ut moris est, semel bis et tertio occurrit sibi inter nomina apostolorum conscripta nomen Matthiæ. Qui indignatus projecit illud dicens : « Quid mihi de hoc, si nullum apostolorum majorem habere potui pro patrono ? » Post aliquod tempus, cum miles visitare vellet loca sancta passionis Christi, navis in maris maximis tempestatibus impellitur, adeo ut desperati homines de vita cogerentur sorte deprehensum ex eis in mare exponere. Sororque cecidit super militem. Qui cum super nudam tabulam expositus fluctibus jam esset morti proximus, ecce vidit splendidum virum pretiosa veste indutum dicentem : « Vellesne, ait, tu obsequium impendere illi qui de istis periculis te liberaret ? » Miles ait : « Quandiu vixero promitto illi deservire ? » At ille : « Ego sum Matthias apostolus quem patronum habere contempsisti. » Et manu extensa ipsum liberavit.* Hodiernus Ecclesiæ Romanæ ritus Matthiam apostolum quasi ab injuria priorum sæculorum vindicat, nam cum reliquis apostolis eodem loco ac numero habetur, suum ille diem festum, suos honores habet, neque quod sciam quidquam difert nisi quod ei anno quoque intercalari postero die honores debiti perhibentur. *Duodecim judices* Matth. xix, 28. H. CCXXXII, 5, *vos sæculi justis judices. M. 11. in una.* Sunt missi app. non ut separantur a fide quæ una est, a Deo qui unus est, sed ut unum idemque enitantur omnes, ut colligant omnes homines in unum. — 14. Ps. xix, 4, 5. — 16. M. 11. Br. Lud. *ev. pacem pr. bona.* Nb. Md. Br. *bonum.* Rom. x, 15. Is. lvi, 7. — 18. Br. *Christus M. 11. gratia* 19. Is. xlv, 8. — 20. Jerem. xxiii, 5. *Ecce dies veniunt et suscitabo David germen justum.* Pr. Nb. *suscitat.* — Alii voces *germen justum* jungunt strophæ antecedenti. — 21. Luc. viii, 15, *fructum afferent in patientia.* — 22. Ad. Cf. Torr. *Hi sunt cœli.* Joan. xv, 15. — 23. In festivitate Divisionis quæ hodie celebratur. Md. Br. *pacis unum* Joan. xvii, 23. — 24. Nb. Md. Br. Lud. *habitas rex.*

V. *Est sequentia in festivitatibus virginum decantanda, cujus materia respicit castitatem virginalem. Et procedit auctor in ea tali modo ac si tantum de una virgine loqueretur, quamvis poterit pluribus applicari. Et dividitur ista sequentia in tres partes. In prima hortatur quamlibet animam fidelem ad gaudendum de constantia virginali. In secunda commendat quamlibet virginem ratione resistentiæ tentationum carnalium. In tertia describit gloriam et remunerationem ejus in cœlo.* Hæc Adelphus. Verumtamen vides apte quadrare carnem in legendam S. Margaritæ V. M., quam diabolum, sub speciæ belluæ monstrosissimæ in carcere apparentem, pedis impositione domuisse domitumque fugasse narrat antiqui. Unde, si non singulari laude hanc virginem prosecutus sit poeta, hoc ipsum ejus martyrium ei ante oculos versatum facile credideris. — Ps. cxliix, 2,

9. Quod nocere dum machinatur, sub pedibus A feminæ caput ejus teritur.
10. Insidias hostis hanc, Christe, docuisti vincere in prima congressione.
11. Dum non consentiret, sed illi resisteret, vincere qui solet tentatus si non repugnet.
12. Quem hæc virgo resistens a se fecit fugere, quo fugato appropinquabat tibi, Domine.
13. Nam inter virgines adducta post eam quæ mater est intacta, virginum virginis Mariæ digna est pedissequa :
14. Te agnum sine macula jam sequitur stola candida Filium virginis, quocunque virginum flos erit.
15. Hujus intercessione nos tuere.

Exultent filiæ Sion in rege suo. Miramur torum quemvis conjugii delicti crimine sordidari : facit cum Augustiniano illo de concupiscentia decreto. — 4. Ad.: *sunt merita.* — 5. Ad.: *Tangit verba Geneseos ubi Deus maledixit serpenti: Tu insidiaberis calcaneo ejus, et ipsa conteret caput tuum. Hæc verba fuerunt præsagium omnium virginum in castitate militantium et principaliter virginis gloriosæ Mariæ.* Md. Ad. qui noc. — 10. Md. om. in. — 11. Ad. tentatos — repugnent. — 12. Md. Ad. ap-

propinquavit. Md. Domino. — 13. Pt. *nunc inter.* Md. Nb. *abducta*; sed vestigia premit Psalmistæ ps. XLIV., *Adducentur regi virginæ post eam.* — 14. M. 10. *sequetur.* Hieronymus: *Nuptiæ replent terram, virginitas paradysum.* Locum Apocalypseos pressiore expinxit colore poeta Teutonice (Wack. p. 620): *Do fûrt Jhesus den tantze mit aller megde schaar.* — 15. Ad. Md. Nb. *cujus.* Pt. *tu nos.*

ANNO DOMINI MLX.

LEDUINUS

ABBAS S. VEDASTI ATREBATENSIS.

NOTITIA HISTORICA.

(*Ex Gallia Christiana novæ editionis, tom. III, pag. 379.*)

Leduinus, seu *Lieduinus*, ex laico piæ religionis A monachus a Balderico vocatus, Vedastino monasterio præficitur a B. Richardo, non quidem an. 1018; ut scribit Locrius, nisi fortasse tanquam præpositus, at certe præerat jam an. 1023, prima die mensis Maii, qua præsens in comitiis generalibus, jussu Roberti regis apud Compendium congregatis, inter Ecclesiam Bellocacensem et suam fraternali societatem iniit, ut patet ex charta ea de re descripta apud Chesnium (*Preuves de l'Histoire de Montmorency*, pag. 12) et apud Miræum (*Notit. eccl.*, pag. 148). Nullus autem pene est in hac abbatum serie, cujus memoria in benedictione magis sit; etenim plurimus exstitit in restituenda et asserenda, cum domi tum foris, morum disciplina, plurimum quoque laboravit in re familiari conservanda et augenda. A fundamento monasterium restauravit, et lib. III Chronici Camerac., cap. 59, quod quidem Gerardus episcopus, inquit Gazæus, anno 1031, consecravit. Berclouensem præposituram in proprio, sub S. Vedasti auspiciis, excitavit allodio, Haspreensem permutatione a Genneticensibus accepit an. 1044, ac deinde Angilcuriam pro Hasprensi commutatam pretio C redemit. Exstat ad eundem Leduinum Gerardi antistitis epistola qua ei gratias agit quod compassus sit Atrebatensis matris Ecclesiæ quæ in Kal. Augusti igne e cælo delapso combusta fuerat. Item auctoribus Leduino et Rotrico (Sithiensi) abbatibus, Gerardus episcopus demum acquievit consilio quorundam Belgii episcoporum, qui Burgundiæ præsulum sententiam secuti, ut tam sese quam omnes homines sub sacramento constringerent, pacem videlicet ac justitiam servaturos (treugam, ceu treviam Dei, appellabant Franci). Sub annum 1028, ejectis e Marcianensi Parthenone sanctimonialibus Balduini comitis jussu, et in earum locum substitutis monachis, Leduinus abbas eo novam induxit coloniam, cui novem annis præfuisse traditur; interimque Harmaticum cœnobio Marchianensi subjecit, cujus hactenus cella est. Nominatur 1036 in charta pro juribus Atrebatensis telonei a Theodorico rege olim concessi ecclesiæ suæ; et in advocatia Marchianensis abbatæ 1038, ac insuper 1041 in donatione Ermentrudis pro sepultura mariti sui Gatteri castellani Cameracensis apud Elnonem. Proindeque non est mortuus anno 1040, ut asserit Locrius.

LEDUINI

ABBATIS SANCTI VEDASTI ATREBATENSIS

CONSTITUTIO DE PLACITO GENERALI

(MARTEN. *Ampl. Collect.* I. 381.)

I. Homo de generali placito tria placita debet in anno. Unum vi feria post Epiphaniam, aliud vi feria post octavas Paschæ, tertium vi feria post festum S. Joannis Baptistæ. In quibus placitis nulla extranea potestas debet venire, neque presidere ad judicandum, neque comes, neque advocatus ullus, nisi tantum abbas aut præpositus.

II. Quod si quis eminentioris potentie, vel qui non sit de lege hujus generalis placiti, habuerit causam, volueritque clamare in placito, licet ei venire et clamare, et secundum legem placiti causa illius judicabitur recte; sicque egredietur, remanente placito in sua libertate.

III. In hoc itaque generali placito, presidente abbate seu præposito, circumsedentibus etiam scabionibus, si quis adversus alterum habet querelam, stabit et faciet clamorem suum legitime super illum, audieturque clamor ejus, et diligenter discutietur, et secundum legem placiti res inter utrumque dijudicabitur.

IV. Qui sacramentum acceperit, xx noctes de interstitio habebit.

V. Qui vadem dederit v solidos de lege, dabit xxx den. de fredo, et hujus fredi duæ partes erunt præpositi, tertiam vero partem habebit major placiti. Si autem lex abbatis vel præpositi fuerit, totum fredum major placiti habebit. At vero si quis causam clamoris habens, in præsentem clamare distulerit, usque ad diem alterius placiti omnino clamare non poterit. Abbas autem vel præpositus, si est unde velit clamare, potest omni tempore hominem de placito in camera sua mandare, et de catalo suo super eum clamare et legem facere, ipsaque lex quæ in camera abbatis fiet, consuetudinem placiti debet tenere. Ad clamorem vero alterius, ut dictum est, nisi in placito nullum debet judicare.

VI. Homo de generali placito non dat censum de capite suo, nullam dat neque debet advocaturam, quia liber est ab hac exactione sine inquitudine. Si uxorem ex lege sua acceperit, quinque solidos de comedo, id est licentia vir et femina

dabit. Si extra legem suam uxorem acceperit, illicitam rem operatus est, tantum dabit quantum deprecari poterit. Si liberam feminam uxorem duxerit, nihil dabit, quia libertatem uxoris suæ ad legem suam convertit.

VII. Homo si mortuus fuerit, quinque solidos de mortua-manu dabit; femina cum mortua fuerit, nihil dabit, quia prolem suam in hæreditatem dimittit. De his quoque v solidos tam de comedo quam de mortua-manu, decimum denarium major placiti habebit.

VIII. Non licet homini de placito generali vendere aut in vadimonium mittere alodium placiti, aut alteri ecclesie dare, nisi per licentiam abbatis vel præpositi; verum si qua necessitate compulsus, vendere vel in vadimonium mittere illud voluerit, veniet et offeret abbati; si placuerit illi ut redimat, levius habere debet quam quilibet alius; si poluerit vel non potuerit redimere, dabit ei licentiam vendendi, non alicui extraneo, sed proximo generis sui, aut alicui ejusdem legis, ne alodium placiti videatur exhæredari. Quod si nesciente abbate vel præposito hoc fecerit, et abbas cognoscens hoc insequi voluerit, nec illi remanebit qui emit, nec ad illum revertetur qui vendidit, sed ecclesia alodium suam jure sibi vindicabit.

IX. Hanc ego (1) Leduinus, abbas ecclesie Beati Vedasti, rationem sive constitutionem placiti generalis, ut in libertate sua ratum et inconvulsum omni tempore permaneret, tam posteris quam presentibus Ecclesie filiis et fidelibus, scripto commendans notificare volui, consensu et dispositione tunc temporis advocatorum et aliorum Ecclesie fidelium, quorum hæc sunt nomina: Robertus, Pasciculus, et Helgotus advocati assenserunt. Stephanus Bechez, qui major erat hujus placiti, et fratres ejus Rainboldus, et Gontrannus, Varnerus Malnis. Wlago de Walenscourt, et Johannes frater ejus, Albricus castellanus, Gericus de Herchinghen.

Actum est autem tempore comitis Balduini Pulchræ-Barbæ (2).

(1) Iste Leduinus etiam abbas Marcianensis post restorationem monasterii exstitit.

(2) Balduinus *Pulchra-Barba* seu *Barbatus* dic-

tus obiit anno 1036, postquam regnasset in Flandria, annis octo et quadringinta.

OTHELBOLDUS

MONASTERII S. BAVONIS GANDENSIS ABBAS TRICESIMUS SEXTUS.

NOTITIA HISTORICA

(Gallia Christiana nova, tom. V, p. 479).

Othelbodus rexit ab anno 1019 usque ad 1034. Meminit Mabillonius Sæculo II Benedict. in Observationibus ad Vitam S. Bavonis, pag. 396, epistolæ quam hic abbas scripsit ad Otgivam, Flandriæ comitissam, in qua enumerat corpora sanctorum in ecclesia Sancti Bavonis asservata. Hanc habes epistolam apud Miræum novæ editionis p. 348.

OTHELBOLDI ABBATIS

EPISTOLA

AD OTGIVAM FLANDRIÆ COMITISSAM

*(Circa an. 1030).**Recenset sanctos ac possessiones monasterii S. Bavonis.**(Edidit MIRÆUS, Donat. Belg., p. 348).*

Domine nostræ serenissimæ OTGIVÆ comitissæ, A
OTHELBOLDUS, gratia Dei abbas, cæterique Gandensis cœnobii fratres, debita servitutis et orationis obsequia.

Præcepit nobis excellentissima pietas vestra ut nomina sanctorum quorum corpora, anauente Deo, apud nos coluntur, scriberemus. Obtemperantes iussionibus, paucis adnotavimus et deduximus vobis ea, ut memoria eorum jugiter vobiscum esset in præsentî, et ut partem cum eis mereamini habere in futuro. Nomina autem eorum hæc sunt:

Primus et præcipuus patriæ nostræ patronus S. Alewinus, cognomento Bavo (1), nobilissimus atque ditissimus Hasbaniensis pagi comes beatissimæ Gertrudis virginis consobrinus, prædicatione beati Amandi pontificis, imo Dei omnipotentis inspiratione, toto mentis devotione conversus, relinquens cognationem et patriam, Christum ipsumque consulem Gandavum secutus, dum studuit relinquere terrena, meruit obtinere cœlestia. Sed hæc plenius liber Vitæ ejus refert.

Secundus S. Landoaldus (1), Romæ præsul ordinatus, et a prædiecto pontifice Amando accitus, ut gregem Domini fidelium sancta secum prædicatione in Gallia amplificaret, postquam multam ad Dominum plebem convertisset. Trajectensium per novem annos rexit pontificatum, S. Lambertum ab annis puerilibus studiis ecclésiasticis informans, post multa bonorum operum insignia, in eodem est episcopio tumulatus.

Tertius beatus Amantius, ipsius præsulis S. Landoaldi archidiaconus; cum ipso in eadem theca repositus.

Quartus Adrianus martyr, ipsius ad regem Hildericum internuntius, et in ipsa legatione a latrone interemptus, simul cum eo est tumulatus.

B Quinta S. Vinciana virgo, soror ejusdem S. Landoaldi.

Sexta beata Landrada, Belisæ abbatissa, quæ beatam docuit Amalbergam.

Hi cum beato Landoaldo de Roma pariter venientes, et ipsius ubique laboris et prædicationis

(1) De SS. Bavone et Landoaldo et aliis, quorum corpora olim in Bavonensi monasterio quieverunt, Vide Fastos nostros Belgicos.

consortes, cum ipso sunt simul tumulati, et Deo A propitio ad nos usque perlati. Sed hæc omnia liber De gestis eorum conscriptus manifestius testatur.

Septima Pharaïdis, virgo apud nos antiquitus reposita.

Octavus S. Livinus episcopus, de Scotia causa orationis veniens, et apud villam quamdam S. Bavonis hæreditariam a viris malignis interfectus, palmam est martyris a Christo adeptus.

Nonus beatæ memoriæ Macarius, Antiocheusæ sedis, ut ipse testabatur, archiepiscopus, ut ipsi vidimus (2), sapientia et morum honestate præclarus quem Dominus post multa peregrinationis incommoda, nobis est transmittere dignatus, atque præsentis vitæ molestia exutum, et æterna gloria sublimatum crebris miraculorum signis mirifice decoravit. B

Deinde quanta apud nos plurimorum sanctorum pignora habeantur, scilicet apostolorum, martyrum, confessorum, virginum, antiquitus ab ipso Christianitatis exordio recondita, nisi quis oculis inspexerit, neque narranti, neque scribenti facile credit. Et quod ex his maximum et pretiosissimum, est pars quædam magna ligni salutaris, cum ipso Redemptoris nostri cruore manifestissime perfusa, et fabricata auro, gemmisque pretiosis decentissime inserta.

Nunc igitur, domina nostra dulcissima, quoniam satis vobis factum est de corporibus et reliquiis sanctorum, animadvertat, si placet vestra pietas, qualis quantusque hic locus olim fuerit, et ad qualem nunc delapsus inopiam; et tamen caput regionis, primatum tenens cæterarum civitatum, et ab antiquis Gandavum vocitatus castrum, ubi sanctus pontifex Amandus, post gentilium conversionem, templum Domino, in honore beati apostolorum principis Petri reliquiis maximis construxit insertis, atque monachorum ibi catervam instituens, privilegiis apostolicis et regum præceptis decentissime corroboravit: ubi etiam insignis Pater Bavo, omnium virtutum perfectione probatissime consummatus, a Deo omnipotente sublimiter est exaltatus. C

Cumque meritis ipsis et virtutum signis idem locus quotidie oblationibus fidelium augetur et cresceret, post plurima annorum curricula, peccatis Christianorum exigentibus, Northmanni D ipsum locum adeunt, vastant, incendunt et omnia diripiunt; solummodo sanctorum corporibus maxime fidelium laboribus, ad Montem regium Laudunensem fuga dilapsis.

Cumque inibi, propter metum ipsorum Danorum, quoniam omnia occupaverant, diutius morarentur, hæreditas eorum versa est ad alienos et domestici atque extranei diripuerunt ea. Sed et proavus senioris nostri magnus Arnulfus, maxi-

mas inde abstrahens partes, satellitibus suis, secundum quod unicuique eorum erat contiguum, distribuit.

Hoc est in pago Curtracensi villa Elisachia cum ecclesia et mansis, triginta octo; item villa Sidenghem, et in villa Holthem, mansos quatuordecim, et in pago Metelentinse, in villa Siclinis, mansos quatuor cum molendinis duobus et cambis duabus; et in pago Tornacensi villam Fontaneiam nomine cum omnibus appendiciis; et in pago Trecensi villam Columnam dictam, item aliam villam nomine Niolam; et in pago Bracbantensi villam Meren cum ecclesia et mansis septuaginta septem; item Crainham villam cum ecclesia et mansis triginta; item Bellavium cum ecclesia et omnibus appendiciis; item Brugecine villam cum omnibus redditibus; item villam Miliniam, cum ecclesia et omnibus adjacentiis; item villam Mershem, cum ecclesia, pratis, pascuis, silvis et omnibus adjacentiis; item villam Singem cum ecclesia et cæteris ad ipsam pertinentibus; item villam Badengem cum ecclesia et redditibus cæteris; item villam Mortesela cum ecclesia suisque appendiciis; item in Masmine mansos quinque cum ecclesia;

Et in pago Flandrensi Bettingem cum ecclesia et omnibus ad ipsam pertinentibus; item Holtasma cum ecclesia; item Ottold ecclesiam; item ecclesiam Adingem. Item in pago Mempisco villam Guntrengem cum ecclesia; et in pago Gandensi, villas has, Hemthorp, Hufoine, Bergine Was monasterium cum omnibus appendiciis eorum, et ecclesia in Merendrasita.

Sed et comites provinciarum et episcopi singuli eorum obtinuerunt partes suas, unusquisque in locis suis, usque ad tempora piæ memoriæ prædecessoris nostri, domini videlicet abbatis Odwini, qui adiens piissimum imperatorem Ottonem quasdam in imperio suo contiguas villas impetravit, quibusdam ut erant ibi injuste directæ, morte ipsius interveniente, remanentibus; ex quibus duas fiscales detinuit episcopus Leodiensis, Calmund, et Meldrada (3), cum eorum appendiciis, ut Renoldus comes Suessionis villam Vasleiam nuncupatam; sed et Widmarus villam Letbecam, cum ecclesia et omnibus appendiciis, et Uda comitissa villam Warminiam, cum mansionibus quindecim et suis appendiciis, et comes Renerus (4) villam Letha cum ecclesia et suis redditibus, et Sconar ja similiter et Robertus villam Grenberga, et plurimi plures, quas enarrare longum est.

Interim quondam hucusque de injusto vel violento loco sancto ablatis summatim perstrinximus, nunc redeamus ad ea, si pietati vestræ audire placet, quæ sanctis remanserunt, vel quæ post reversionem eorum de prædicto monte, laborioso suda-

(2) *Ut ipsi vidimus.* Nota ætatem scriptoris Athelbaldi abbatis. Obiit autem Macarius anno 1012.

(3) *Meldrada*, vulgo *Meldert*, vicus diocesis Mechliniensis sub decanatu Thenensi prope Hou-

gardiam. Celebris hic est cultus S. Ermelindis virginis, de qua vide Molanum in Natalibus SS. Belgii, et Fastos nostros ad diem 29 Octobris.

(4) Renerus, seu Raginerius, Hannoniæ comes.

mine nostrorum parentum, postmodum sunt re-
acquisita (5).

In pago Flandrensi, id est in Robenborch duæ
ecclesiæ, additis etiam ibi aliquantissimas terrarum par-
tibus, fidelium postmodum devotione collatis. Si-
militer et Balthreshanda, et in Lappescura et in vil-
la Velhem mensuræ vel mansi quinque, et in Mem-
pisco, in villa Cunengem, ecclesia una.

Et in pago Gandensi in villa Merendre M. quin-
que, et in Wilda M. quinque, et in Winderholt ec-
clesia una; et inter Marcam, et EKKergem M. xvi
cum ecclesia, et inter Siedrengem, et Singengem,
et Achtime M. decem; item in alia villa Singengem,
super Scaldim fluvium, M. v cum ecclesia; item
in Guddengem M. quinque, et in Sualmis (6) villa
cum ecclesiis et M. xx; et in Papengem (7) villa
cum ecclesia et M. xxx; et in Kothem, et in Gisen-
sela (8) M. vi cum ecclesia et dimidia. Hæc de plu-
rimis prioribus pauca juris sanctorum cessere.

Et hæc sunt quæ clementia pii imperatoris Otto-
nis prædictus dominus abbas Odwinus postmo-
dum impetravit. In pago Tornacensi, villam Water-
los (9), cum ecclesia et omnibus adjacentiis, et in
comitatu Antuerpiensi villam Buchost (10) cum ec-

(5) *Rodenborch*, hodie *Ardenbourg*. munitum
Flandriæ oppidum, quod nunc est in potestate
acatholica Hollandorum. Fuit illic olim capitulum
canonicorum B. Mariæ et S. Bavoni sacrum. Lit-
teras habes furdationis in supplemento Diploma-
tum Mirrei.

(6) *Sualmis*, hodie *Munier-Swolmen*, pagus in
comitatu Alostano ac diocesi Mechliniensi, sub
decanatu Rothnacensi. Ejus patronatus hodieque
spectat ad episcopum Gandavensem, velut succes-
sorem abbatis Bavoniani. Decima vero pertinet
ad capitulum cathedrale Gandevense, quod facta
sæcularisatione ex abbacia S. Bavonis anno 1536
exortum est.

(7) *Papenghem*, hodie *Papinghem*. Vicus sub
parochia de Ulierzele, in comitatu Alostano, dice-
cesis Mechliniensis, et decanatu Oirdegemiensi, ubi

eclesia et redditibus, sed et præcincturas et telonea
in omni regno suo nobis clementer indulgit.

Huic nostræ miseræ et inopiæ accessit pietas
benignissimi nostri hujus senioris Baldwini; et de
suo proprio in pago Flandrensi, in loco nuncu-
pato Ruga, contulit ducentas mensuras terræ,
pascuis ovium congruas; et in pago Gandensi, in
villa Stota mensuras septem, et in pago Brageba-
tensi villam Selleca (11) cum ecclesia et mensu-
ris decem, et in villa nostra Waterlos mensuras
septem.

Hæc ergo omnia cum exactoribus nostris dili-
gentissime perscrutantes, vix M. cc ad fratrum
usus servientes quivimus computare.

Ecce, domina nostra clementissima, patefecimus
vobis omnia quæ prius apud nos fuerunt, et quæ
postmodum, et quæ nunc. A modo locum nostrum
respicite, et nostri misercamini; ut dominum no-
strum Balduinum, et liberos vestros, et regnum ve-
strum omnipotens Dominus noster, interventu om-
nium sanctorum suorum precibusque nostris exi-
guis respiciat et gubernet. Detque vobis quietam
et tranquillam vitam in præsentem, et regnum et re-
quiem sempiternam in futuro. Amen.

patronatum itidem gerit episcopus Gandensis.

(8) *Gisensela*, hodie *Gysele*. Parochia sub eodem
decanatu Oirdegemiensi, et eodem patronatu.

(9) *Waterlos*. Patrimonium S. Bavonis, paro-
chia Gallo-Flandriæ in episcopatu Tornacensi ac
decanatu Helciniensi. Ejus patronatus hodieque
spectat ad episcopum Gandavensem.

(10) *Buchoult*, hodie *Bouchout*. Parochia dice-
cesis Antuerpiensis, haud procul Antuerpia, olim
dicta *Bacwalde*, (cujus mentio facta est in testa-
mento S. Willebrodi cod. donat. Piar., cap. 8),
hinc sub patronatu abbatis S. Bavonis Gandav.,
hodie vero episcopi Gandavensis.

(11) *Selleca*, hodie *Zellich*, parochia diocesis
Mechliniensis, Bruxellas inter et Alostum: ejus-
dem patronatus ut supra.

ANNO DOMINI MXXXIII-MXLVIII.

BENEDICTUS IX PAPA.

NOTITIA HISTORICA.

(CIACONIUS, *De Vitis Romanorum pontificum*, p. 289.)

Benedictus VIII, dictus IX, Tusculanus, ex comi-
tibus Tusculanis, Theophylactus antea nominatus,
Alberici filius Benedicti VII et Joannis XIX fratris
filius, diaconus cardinalis, imperatoribus Chunra-
do Salico, et Henrico tertio Augustis, sedit annos
duodecim, menses quatuor, dies viginti; creatus

iii Idus Novembris, pontificatu exactus xi Kal. Fe-
bruarii, anno 1045, sacerdotii sui anno xii, mense
i, die xii.

Silvester tertius, Romanus, Joannis Laurentii fi-
lius, episcopus Sabinus, in schismate contra Be-
nedictum IX creatus, sedit mensem i, dies xxix;

creatus xi Kal. Februar., pontificatu a Benedicto IX A exactus est v Idus Martii, anno 1045.

Benedictus octavus, dictus nonus, Romanus, pulso Sylvestro tertio, iterum sedit mensem 1, dies XXI, ex ante diem vi Idus Martii usque ad Kal. Maii ejus anni, quo die sponte abdicavit.

Benedictus nonus, Tusculanis comitibus annitentibus, suffectus est Joanni patruo defuncto; qui cum in dies, modo hunc, modo illum, Romanos vexaret, tandem facta multorum conspiratione, post longam duodecim annorum tolerantiam, sede sua pulsus est, anno Domini 1045, atque in ejus locum, Joannem Sabinensem episcopum xi Kal. Februarias subdiderunt, eumque Sylvestrum tertium appellarunt. Hanc contumeliam Tusculani proceres ferre non potuerunt. Itaque facta impetu cum militibus et collecta hominum agrestium multitudinis adjuti, Sylvestrum v Idus Martii et patriarcho Lateranensi deturbarunt, ac Benedictum restituerunt. Interea tertius quidam Joannes, archipresbyter Romanus, eandem sedem invadens, majorem deformitatem Ecclesie attulit, atque ita tres pontifices Romanam sedem pariter vexabant. Benedictus autem, cum se omnium odio ac contemptu haberi videret nec satis robur ad tantam procellam sustinendam haberet, honore se ultro abdicavit. Erat Joannes Gratianus, Petri Leonis filius, eximia nobilitatis in Urbe vir, cui consecrato Gregorius VI nomen est inditum.

Silvester autem tertius, patria Romanus, Joannes antea vocatus, ex episcopo Sabinensi, in schismate, pulso Benedicto, quorundam Romanorum studio creatus, sedit mensem 1, dies XXIX, sine impedimento; hic patriarchatum Lateranensem tenens a Benedicto pulsus, basilicam et palatium S. Petr. occupavit, atque armis aliquo tempore tenuit, pontificatus nihilominus jura exercens.

Fuisse autem Benedictum IX nepotem Benedicti VIII, Petrus Damianus cardinalis testatur, quem idcirco Benedictum Juniores vocat. Eundem Theophylactum antea dictum, Hermannus Contractus, insignis historiae scriptor, refert; Glaber, Cluniacensis monachus, tradit eum nondum puberum pontificatum assecutum; itaque si quid criminis in corrumpendis comitiis fuit, id non ei, sed amicis et consanguineis tribuendum censetur.

Benedicti IX pontificatu, Anglorum rex, veti et religionis gratia, Romam venit. Qui voti compes factus, in patriam rediit. Sunt qui scribunt hoc tempore Gerardum Venetum, Ungarorum episcopum, virum optimum et doctissimum, ab hostibus Christianae fidei martyrium acerbissimo animo passum; ad curram enim ligatus, ex altissimo monte præceps dimittitur ac laceratur.

Bruno Herbipolensis theologus, et Hermannus Contractus, historicus et mathematicus, clarent anno 1040.

Romanus IV imp. in Oriente occisus est circa Kal. Martii, anno 1035.

Imp. Michael IV Paphlago, Aug., imperavit cum uxore Zoe Augusta annos vi, mens. vi.

Chunradus imp. obiit pridie Nonas Junii, anno 1040.

Imp. Henricus III Niger, Augustus VI, ex Germania, occidentis imper., præfuit imperio annos xvii, menses iv, dies xxii.

Michael IV Orient. imp., abdicavit mense Augusto, anno 1040.

Imp. Michael V Calaphates, Augustus, cum uxore Zoe Augusta imperavit menses iv, dies v.

Imp. Flavius Constantinus XI Monomachus, Aug., imperavit cum uxore Zoe et Theodora Augustis, annis xiii ab anno 1042.

NOTITIA DIPLOMATICA.

(JAFFÉ, *Regesta Romanorum pont.*, 359.)

Scriptæ sunt Benedicti IX hulle per manum :

» » *Sergii scriptarii* [al. *archiscriptarii*] et *notarii sacri nostri Lateranensis palatii* (1, 3, 4, 7, 8).

Datæ per quorum manus shut non est notatum.

BENEDICTI IX PAPÆ EPISTOLÆ ET DIPLOMATA.

I.

Privilegium Benedicti IX Gumbaldo Burdigalensi S. Crucis abbati concessum in gratiam cellæ B. Mariæ de Solaco.

(Anno 1036.)

[MARTEN. *Thesaur. Anecd.* 1, 156.]

BENEDICTUS episcopus, servus servorum Dei, di-

D lectis filiis GUMBALDO abbati, et monachis Sanctæ Crucis Burdigalensis, et suis monachis in suo monasterio Sanctæ Mariæ Dei genitricis, quod nuncupatur de Solaco, habitantibus, salutem et apostolicam benedictionem.

Convenit apostolico moderamini, pia religione pollentibus, benevola compassione succurrere, et

poscentium animis alacri devotione impertire. Ex hoc enim lucri potissimum præmium a conditore omnium Deo procul dubio promeremur, dum venerabilia loca oportune ordinata ad meliorem fuerint sine dubio statim perducta. Igitur quia postulasti a nobis ut præfatum monasterium Sanctæ Mariæ apostolicæ sedis auctoritate muniremur, et omnia ejus pertinentia perenni jure inviolabiliter permanenda confirmaremus, et absque omni jugo sub ditione cujuscunque personæ, excepto abbate Sanctæ Crucis, et suis monachis, constabilire nostri privilegii pagina corroboraremus; propterea tuis flexi precibus, per hujus nostræ auctoritatis privilegium decernimus, ut omnes terras cultas et incultas, servos quoque et ancillas, et omne quod dici aut nominari potest, eidem monasterio pertinentia, sive quidquid in futuro a regibus, aut a ducibus, aut a qualibet persona fidelium ibidem donatum aut oblatum fuerit, nostra auctoritate liberum ab omni extranea permaneat persona. Unde volumus ut nullus vicecomes, nullus comes, nullus archiepiscopus, nullus episcopus, neque magna parvave persona in eis quæ res dictæ sunt, potestatem exerceant, aut vim facere præsumant, vel contra hoc privilegium aliquid adversitatis agere audeant. Et omnes archiepiscopos et episcopos, cæterosque clericorum in præfato monasterio et in omnibus suis pertinentiis ditionem quamlibet habere auctoritate apostolica prohibemus. Absolvimus ut si aliquis excommunicatus, ad matrem Christi, de quacunque regione, a solis ortu usque ad occasum, advenerit, ex parte Dei et nostra absoluti sint, quandiu in potestate sanctæ Dei Genitricis fuerint, ab omni excommunicatione, sive ab archiepiscopo, sive episcopo, excepto abbate Sanctæ Crucis et suis monachis in supradicto loco habitantibus. Quibus damus potestatem ligandi atque solvendi contra omnes malos Christianos, qui aliquid mali in præfatum monasterium et habitatores loci illius facere voluerint. Ecclesiam vero Sanctæ Crucis, consilio et præceptione Romanæ Ecclesiæ fundatam, cum suis monachis et cum omnibus suis pertinentiis, liberam ab omni excommunicatione vel vexatione cujuscunque personæ esse præcipimus. Similiter volumus ut nullus episcopus, in cujus parochia situm est idem monasterium, nec domnum vestrumque abbatem, nec aliquem vestrorum clericorum servientium in monasterio Sanctæ Mariæ audeat excommunicare, vel ad synodum provocare, statuens apostolica auctoritate, sub nostri et divini judicii observatione anathematis interdictum. Statuimus autem ut cum abbas monasterii Sanctæ Crucis obierit, neque a comitibus, neque ab archiepiscopis, neque ab episcopis, neque a nullis principibus, neque a qualibet persona omnino, aliqua cupiditatis causa, in monasterio sanctæ Crucis eligatur neque consecratur abbas: sed qualis cuncta congregatio ibidem et in aliis ecclesiis sibi subditis degentium, cum fidelibus et senioribus ejus loci eligatur, et communi consilio

a nobis nostrisque posteris pontificibus consecratur, si archiepiscopus in cujus episcopio est, noluerit consecrari. Damus quoque licentiam vobis et vestris fratribus in monasterio Sanctæ Mariæ de Solaco habitantibus, a quacunque volueritis episcopo omnia vasa sanctuarii ordinare, et consecrare vestros clericos, et christiana accipiendi. Quod si qualiscunque homo, cujuslibet potestatis existens, aliquam præsumptionem contra hoc apostolicæ confirmationis privilegium agere, aut præfatum monasterium, cum oranibus suis pertinentiis, causare putaverit, vel præceptis nostris in omnibus quæ hic scripta sunt inobediens fuerit, auctoritate Dei et nostra non solum anathema maranatha, id est perditus in sæcula sæculorum vinculis innodatus, sed insuper a regno Dei alienus existat. Qui vero pia benignitate auctor observaverit, benedictionem et gratiam a Domino consequi mereatur.

Scriptum permanus Sergii archiservii sacri nostri palatii, mense Octobris, indictione quinta.

II.

Benedicti IX epistola ad Rolandum præpositum aliosque canonicos S. Florentinæ Ecclesiæ.

(Anno 1036.)

[UGHELLI, *Italia sacra*, III, 56.]

BENEDICTUS episcopus, servus servorum Dei, dilecto in Christo ROLANDO, S. Florentinæ Ecclesiæ præposito, aliisque canonicis et confratribus tuis et successoribus in perpetuum.

Si justis servorum Dei petitionibus satisfecerimus, procul dubio apostolica præcepta servamus. Quapropter inclinati precibus tuis, fili charissime, confirmamus atque corroboramus tibi tuisque successoribus canonicis quidquid in pagina concessimus, et confirmationis, quam videtur vobis fecisse episcopus, nobis presentibus, scriptum esse constat, donec tam in ipsa vestra canonica ita in modo servatur regula quam scilicet canonica tuendam et defendendam per eandem paginam ipse videtur episcopus, nostræ, nostrorumque successorum apostolicæ auctoritati tuendam et defendendam commisit atque supposuit, utque ea et securi ab omni læsione permanere velitis desiderio; hac itaque petitione tua inclinati diximus te præpositum, tuosque successores canonicam vitam ducturos, sub nostræ apostolicæ defensionis munimine suscipimus, cum et bona omnia, curtes et terras, quæ vestra et habet et habitura est canonica, videlicet et juxta Florentinam urbem pratium Regis, cum mansis et territoriis omnibus, quæ modo in Florentina curte habet et retinet prædicta vestra canonica, curtem S. Andreæ cum omnibus sibi, pertinentibus curtem de Quinto, curtem de Cintoria totam, sicut ipsi tenere et habere videmini, et illam partem quam Petrus primicerius contra canonica instituta usurpare visus est, plebem de Exinea cum curte et mansis, et omnibus territoriis et decimationibus quæcunque ad eandem plebem, vel curtem pertinere videntur. Insuper totam quod Theuso filius Lepisti

pro salute animæ suæ in ecclesia S. Joannis contulit, vel in eadem canonica. Terram S. Proculi in prædicta plebe, curtem quæ est infra plebem S. Petri sita Valeam, cum omnibus adjacentiis et pertinentiis suis; necnon et ubicunque in eodem episcopatu aliquod tunc, vel retinere videtur ipsa canonica, et quidquid Gerardus archipresbyter pro beneficio ab ipsa Florentina Ecclesia tenuit, tam in decimationibus quam in mansis, et in præliis, necnon et quecunque Stephanus abbas ex beneficio tenuit. Similiter et quæcunque primicerii beneficia fuerunt, atque plebem S. Hippolyti sitam Elsæ, itemque campum, et hortum, qui est juxta ecclesiam S. Reparatæ. Quæ omnia, sicut jam a Gerardo vestro episcopo vobis concessa sunt et confirmata, ita nos tibi tuisque successoribus confirmamus, et stabilimus in perpetuum, cum omnibus vestris nobilibus rebus seseque moventibus, quas modo habetis, vel vobis ubique pertinent, et inantea, Domino juste et legaliter acquirere potueritis, sive ab ejusdem civitatis episcopo, sive ab aliis hominibus publicis et privatis. Præcipientes igitur jubemus et apostolica auctoritate confirmamus, ut neque episcopus ejusdem civitatis, neque ulla parva, vel magna persona habeat de vestris rebus juste vel legaliter vobis pertinentibus, ut dum canonice vixeritis, disvestire, molestare, inquietare, vel aliquam minorationem vobis inferre. Quod si quis temerarius ausus fuerit, nisi infra quadraginta dierum spatium emendaverit, anathematis vinculo obligetur, et a regno Dei alienatus, usque ad dignam satisfactionem. Qui vero custos nostræ sanctionis exstiterit, benedictionem et gratiam omnipotentis Dei et beati Petri apostolorum principis, et nostram habeat.

† Bene valete, etc.

III.

Benedictus IX Ecclesie Silvæ Candidæ bona episcoporumque jura confirmat.

(Anno 1037).

[UGHELLI, *Italia sacra*, 1, 100.]

BENEDICTUS episcopus, servus servorum Dei, PATRO venerabili episcopo S. Silvæ Candidæ Ecclesie, tuisque successoribus in perpetuum.

Convenit apostolico moderamini pia religione pollutibus benevola compassione succurrere, et poscentium animis alacri devotione imperitari assensum, ex hoc enim lucri potissimum præmium apud conditorem omnium Deum promerebimus; quoniam venerabilia loca opportune ordinata ad meliorem fuerint sine dubio statum perducta. Igitur quia postulavit a nobis prudentia tua quatenus concederemus et confirmarem tibi episcopatum supradictum cum omnibus suis pertinentiis, quæ per diversa loca rejacere videntur, vel quæ ab aliquibus injuste retenta, vel invasa esse noscuntur, inclinati piis precibus tuis, in primis quæ charius vobis videtur episcopalem dignitatem tibi concedimus, adjutore Spiritu sancto, et modis quibus possimus aposto-

lica auctoritate confirmamus, et honore Jesu Christi Domini nostri confirmamus tibi tuisque successoribus fundum in integrum, qui vocatur Bexus, in quo basilica SS. Rufinæ et Secundæ constructa esse videtur ad episcopalem sedem, quantum etiam tuo studio, muro et fossato vallasti et circumdedisti, atque populo atque sacerdotibus bene sufficienter replevisti. Nos etiam omnes vestre potestati et successorum tuorum submittimus ut nunquam successorum nostrorum pontificum, vel alias personæ pro glandatico, herbatico, nec alio fodro districtu, vel placito pro aliqua datione, vel aliquo ingenio illos constringere, vel aliquo modo dare audeat, scilicet, ut diximus, in potestate tua et successorum tuorum, remota omnium hominum contradictione, in perpetuum maneat, et qualiter vobis placuerit eandem ecclesiam per vos vestrosque successores, et ædificare, seu fabricare, quantum tu fecisti. Itemque concedimus et confirmamus fundamentum in integrum qui vocatur Avion, et montem Jordani cum casis, vineis et terris, silvis, et incultis, una cum servis et ancillis atque colonis ibidem residentibus utriusque sexus, etatis, vel cum omnibus eorum pertinentiis, posita territorio Silvæ Candidæ, inter affines, a primo latere terra supradicti episcopii, a secundo latere rivus, qui vocatur Galeria, a tertio latere Ulbasol, a quarto latere Criptule, nec non fundum qui vocatur Mons Aureus cum omnibus suis pertinentiis, ab uno latere mons qui vocatur Jordani, ab alio latere Criptule, a tertio latere fundus qui vocatur Palmi, et a quarto latere fundus Lauretæ, et a quinto latere terra monasterii S. Martini, seu fundus qui vocatur mons Grunduli cum omnibus ad eum pertinentibus, et inter affines, ab uno latere fundus Montis Aurei, et ab alio latere fundus Criptule, et Ulbarolo, a tertio latere fundus Palmi, atque fundus qui dicitur Oripo, cum omnibus suis pertinentiis, inter affines, ab uno latere terra monasterii S. Martini, ab alio latere fundus insula sancta, a tertio latere curtis S. Petri, et fundus montis Grunduli, et a quarto latere terra de curte S. Petri. Item fundus, qui vocatur Scriptule, et palmi cum omnibus eorum pertinentiis, a primo latere fundus Fulisan, a secundo latere fundus Laurete, a tertio latere terra S. Martini, et a quarto latere fundus Sevonom omnino, fundus Isidori cum omnibus pertinentiis suis, ab uno latere terra S. Martini, ab alio latere Castangotol, a tertio latere Mensa sancta, denique et ipsum fundum Mensam sanctam cum omnibus ad eam pertinentibus, ab uno latere casale, quod vocatur bucce, a secundo latere mons, qui vocatur Dompnic, a tertio latere Musana, ei a quarto latere S. Laurentius de Panti, pari modo fundum S. Basilidis cum omnibus ad eum pertinentibus, ab uno latere casale SS. Petri et Pauli, ab alio latere vallis quæ appellatur Intentionara, a tertio latere vivarolus, et a quarto latere monasterium S. Stephani; porro fundum Panvii, cum omnibus suis pertinentibus, ab uno latere fundus Apronianum, ab alio latere Silva Candida, a tertio

latere Musanell., et a quarto latere Canullan., et a quinto latere terra Aureliana, et silva S. Stephani cum via Salinaria, simulque fundum Lauretum cum omnibus pertinentibus suis, ab uno latere terra S. Petri, ab alio latere terra S. Martini, a tertio latere mons Iliodori, a quarto latere fundus Oripo, seu casale Pauli, et fundus Serianus cum omnibus eorum pertinentiis, ab uno latere terra S. Martini, a secundo latere Silva candida, a tertio Mensa sancta, et a quarto latere silva S. Petri, nec non casale quod dicitur Castagnetolo, ab uno latere SS. Quatuor fratres, a secundo fundus Orbanula, a tertio Musana, et a quarto latere Massanelus, atque silvam quæ appellatur Mag. cum omnibus sibi pertinentibus, ab uno latere rivus de Galera, ab alio latere mons qui appellatur stupha ancilla Dei. Omnes namque fundos nominatos, et casalia cum terris, campis, pratis, pascuis, silvis cultis et incultis, positis territorio Silvæ Candidæ miliari ab urbe Roma plus minus duodecim, etiam aquimolum molentem in rivo, qui vocatur Galeria cum omnibus sibi pertinentibus, et terra Semistarisia, quæ appellatur Pastinum longum, ab uno latere Gualdsi dinceo, ab alio latere terra S. Petri, quæ appellatur Campo Mastali, a tertio latere fundus montis Arcionis, et a quarto latere mons Paurum constitutus juxta idem episcopium, sive alium aquimolum in ipso rivo cum omnibus sibi pertinentibus juris ejusdem episcopii.

Super his autem, secuti antecessores nostros, concedimus et confirmamus vobis massam iterum quæ appellatur Cesana, cum fundis, et colonis suis, qui dicuntur Furculo, Trandilian., Martinian. Item colonias de solario, et de cortina, et de gradolfo, coloniam de valle, et de fontana, et de sancto, coloniam de castagna cupa, et de Calbello, coloniam de Besano, sive quibus aliis vocabulis, nuncupatur, cum omnibus casis, vineis, casalibus, seu appendiciis suis, etiam hæc omnia simul cum finibus, terminis limitibusque suis, terris, campis, pratis, pascuis, silvis, arboribus pomiferis fructiferis et infructiferis diversi generis, puteis, fontibus, rivis, aquis perennibus, ædificiis parietinis cryptis arenariis cum adjacentibus suis, cum ecclesia S. Andreæ apostoli intra ipsam massam ædificatam, una cum colonis, massaritiis et angarialibus masculis et feminis, filiis et filiabus, ac nepotibus eorum ibidem residentibus, aut exinde pertinentibus, ubicunque inventi fuerint cum omni censu atque functionibus, et dationibus, angariis, vel quidquid de eadem massa, quæ appellatur Cesana in integrum nostræ S. Romanæ Ecclesiæ, secundum solitam consuetudinem persolvi debet, et cum omnibus ad prædictam massam Cesanam generaliter, et in integrum pertinent, positam in territorio Nepesino miliari ab urbe Roma 20 ex corpore patrimonii Thuscæ, juris sanctæ nostræ Romanæ Ecclesiæ, cui Deo auctore deseruimus, et inter affines ab uno latere terra monasterii S. Stephani minoris ad S. Petrum, ab alio

latere, silva et terra, quæ fuit de Joannè Grammatico. a tertio latere pastoritia dompmea, et a quarto latere Massa Claudiana. Confirmamus etiam vobis casalia, et colonias atque castellum in integrum, qui appellatur Dalmachia, cum fundis et casalibus, videlicet Attici, Dalmachta balneo, stabla, Massa Juliana, vel quibuscunque aliis vocabulis nuncupantur, una cum familiis masculis, et feminis, seu colonis per singula loca pertinentibus cum casis, vineis, terris, silvis, pratis aquarumque decursibus, vel cum omnibus ad prædicta casalia, et colonia atque castellum pertinentibus, posita in territorio Nepesino, milliario ab urbe Romæ plus minus 20; inter affines ab uno latere viam quæ ducit inter militiam de Curte de Capracorio, et terram de pastoritio S. Petri, ab alio latere terram de monte Arsitia et Focazan, qui appellatur Columnella, a tertio latere terra de Curte Capracorio, qui appellatur Matera, et a quarto latere terra S. Laurentii, quæ appellatur Silicara, et rivum qui ducit per buxitum, et Madulanum; præterea concedimus et confirmamus vobis, et per vos in eodem vestro episcopio in perpetuum, videlicet terras et vineas in integrum, quarum vocabula sunt, Campomastali, silve silva de Campo monti, et Lacusello, et cum omnibus finibus, terminis limitibusque suis, vineis, campis, pratis, silvis, pascuis, ædificiis, parietinis, attigiis adjunctis adjacentibusque suis, vel cum omnibus ad eos pertinentibus generaliter, et in integrum, posita omnia territorio Silvæ Candidæ, inter affines, ab uno latere, terra prædicti episcopii, ab alio latere terra Gratiani, quæ appellatur mons Ariori, seu Majoratu, usque in rivum de Campo Monti, a tertio latere incipit ab ipso rivo, usque in vallem de Arenula, et Buxetum atque inde per Novelletum, usque in viam antiquam, in qua jacet pilum marmoreum, et usque in Cesa de Calariculo, et a quarto latere Cava de Castagneto, usque in rivum qui vocatur Galera, et usque in silvam tui episcopii. Concedimus etiam et confirmamus tibi tuisque successoribus omnem illam terram, et silvam, quam olim Calolidu invaserat, et antecessori tuo Guinoni episcopo per scriptum refutaverat, quarum vocabula sunt hæc: vallis de Joanne Ecco, et Mons Vespuleti, vallis de Giusule, et mons qui vocatur Puzali, affines ejus ab uno latere Galeria, a secundo latere vadus, qui vocatur de perena, et inde per viam, et per limitem, usque in tres puteis, qui sunt in cilio montis, qui vocatur Puzal, et per ipsum cilium montis, et per limitem usque in viam publicam Silicinam antique, et amarum, qui est juxta eundem silicem, et inde per limitem et per viam, et lucernaria, quæ sunt in eodem limite, et per ipsum limitem usque in finibus ubi finitur silva prælibati episcopii, et silva monasterii S. Martini usque ad S. Petrum, et casale quod vocatur de Rusina, et in eodem loco Columnella fixa stare videtur, et a tertio latere limes major, et via publica quæ ducit usque in fundum qui vocatur Mensa

sanctarum, quæ est juris dicti episcopi, et a quarto latere mons, et silva, quæ vocatur Ballaria, quam tenet ipse tuus episcopatus, posita juxta buccege, et juxta casale quod vocatur de Rusina.

Item concedimus et confirmamus vobis fundum in integrum, qui vocatur Maurorem, cum omnibus finibus limitibusque suis positus in territorio Silvæ Candidæ, via Cornelia, milliario ab urbe plus minus 12, et inter affines ab uno latere via quæ ducit ad Mensam sanctam, ab alio latere mons qui vocatur de Ovea, et Caput poncinum, a tertio latere via quæ pergit ad salinum, et a quarto latere juxta ipsam viam Castagnetulum, et mons armatus, atque Ficarola omnia de supradicto episcopio. Item fundus qui vocatur campus Trojani, et fundus qui vocatur bursicella, et fundus gradilla, et fundus qui vocatur mons de sorbo, omnia integre cum suis finibus et pertinentibus positis via Aurelia, milliario ab urbe Roma plus minus duodecimo. Item sex in integrum uncias fundi, qui vocatur Atticiano, et montem, qui vocatur de Dominico, cum omnibus eorum pertinentiis, posito via Aurelia miliario ab urbe Roma plus minus tertio decimo; inter affines ab uno latere, Massa Margarita, et Casandria juris SS. Basilidis, Tripodis et Magdalenæ, quæ est prædicti vestri episcopi, a secundo fundus, et fundus Agellus, qui sunt de eodem vestro episcopatu, a tertio latere fundus verecundi, qui est juris monasterii sancti Martini ad sanctum Petrum, et a quarto latere alias sex uncias de prædicto fundo Atticiano. Itemque fundos octo, Lapiniam. Pathin. Margarit. sui eorum Græcorum, Casanell. Casapupulis, Savinuli, qui et Sambucus vocatur, sibi invicem coherentes, posita eadem via Aurelia milliario ab urbe Roma plus minus 12; territorio S. Basilidis, inter affines ab uno latere fundus Attichian., ab alio latere fundus Casandri, a tertio latere fundus, qui appellatur Patriciorum, vel si qui alii affines sunt nec non fundus in integrum qui vocatur Judæorum, cum finibus et limitibus suis, vel cum omnibus sibi pertinentibus, positis prædicto territorio Silvæ Candidæ. Præterea concedimus, et confirmamus vobis casale unum in integrum, quod vocatur Urbanum, sive quibus aliis vocabulis nuncupent, in qua sunt terræ, campi, prata, pascua, vel cum omnibus sibi pertinentibus, positum territorio Subtrinensi, affines ejus, sicuti sint vel fuerunt ab origine. Itemque confirmamus vobis et ecclesiæ cui præsidetis in ipsam viam Appiam territorio Velletrano constitutam Massam, videlicet Urbanam cum Capuano et Casariana cum fundis ad eandem Massam pertinentibus, cum omni jure instructo instrumentaque finibus terminisque suis, in qua est ecclesia S. Felicis, sicut in scriptis vestris habetur, et sicut etiam in tabulis lapideis, quæ ante fores basilicæ SS. martyrum Rufinæ et Secundæ in muro positæ videntur, legitur integriter; præterea concedimus et confirmamus vobis infra hanc civitatem Romæ terram, ubi olim fuit domus major cum omnibus

sibi pertinentibus, posita in loco qui vocatur Diburo. Inter affines ob uno latere terra, in qua fuit domus de Marcezia conjuge Stephani Senescalci, ab alio latere terra in qua fuit domus de Butio, de Simeone a tertio latere via publica, et a quarto latere avus major, et via qua ducit ad monasterium S. Cyriaci.

Super his autem non novum facientes, scilicet quod antecessores nostros sacrosanctis Albanensi, Ostiensi et Portuensi, et aliis ecclesiis fecisse cognoscimus, a præsentis 6 indictione, per hujus nostræ apostolicæ præceptionis paginam statuimus et statuendo per auctoritatem apostolorum principis confirmamus, ut presbyteri, diaconi, monachi, mansionarii, clerici cujuscunque ordinis sint, vel dignitatis, sanctimonialis, seu diaconissæ omnes, immunes sint a laicali servitio, judicio et publica datione in Galeria intra castellum, vel de foris habitantes, ita ut si imperator, aut marchio, sive missi eorum, aut successores nostri illuc venerint, nullo modo in jam dictis personis per publicos ministeriales expensa cofigatur, neque aliquo modo eis injuria irrogetur. Sed pro amore altissimi Dei, a cujus sorte clerici nuncupantur, competenter honorent, liceat illis tantum modo vobis, vetrisque successoribus episcopis et vicedomis, seu ministris nostris, in cunctis reddere rationem, et vestrum expectare judicium, ut Deus honoretur, et vos successoresque vestri, vestrorum sacrorum ordinum servitio, et obedientia non defraudemini, maneantque sub judicio, et districtu vestro secundum tenorem hujus nostri apostolici præcepti, omnium hominum contradictione remota, ita ut nullus comes, vicecomes, castaldus, cubicularius, nullaque persona audeat eos ad servitium, vel ad angariam ducere, vel ad districtum, sive ad placitum protrahere, sive mansiones eorum hospitari, vel invadere, vel defraudare præsumat, sed tantummodo ex jussione vestra, et prompta voluntate illorum negotia, ut dignum est, moderentur, disponantur, judicentur, et finiantur; nec non si quis Christianorum ibidem obierit absque hærede et testamento, legibus succedere sibi ecclesia, cui, Deo auctore, præsidetis, et vos, et vestros successores apostolica auctoritate jubemus. Tertia autem reddi vobis vestrisque successoribus a cunctis ecclesiis, vel sacerdotibus et clericis Galeriæ absque omni diminutione censemus. Simili modo concedimus et confirmamus vobis terrena, domus ubi officiales commanebant, cum omnibus suis pertinentiis, posita in Galeria secus ecclesiam B. Nicolai confessoris Christi, quem tu ipse consecrasti ante hortum castelli, quod denique domus plus conveniens esse videtur prædictæ ecclesiæ S. Nicolai, vobis et clericis vestris, quanquam in ea laicæ et sæculares personæ maneant ad patrandam libidinem et sæcularia facinora, quoniam justum non est ut domus lupanaris et turpis lucri ecclesiæ adhæreat, de qua etiam domo per Benedictum oblationarium vos investire fecimus. Item

que concedimus et confirmamus vobis vestrisque A
 successoribus in perpetuum ecclesiam SS. marty-
 rum Rufinæ et Secundæ positam juxta palatium
 nostrum, et locum qui vocatur Cellarium sive Lar-
 dirium in integrum cum diversis cryptis, parietibus
 vel ædificiis eorum, nec non vineis, hortis,
 cum arboribus olivarum et cæteras arbores pomorum,
 sive diversis ceptris et parietinas ac terras,
 Quemadmodum determinari videntur, incipientes
 juxta nostrum palatium, quod Scuta dicitur, et
 inde post vestarium, recte ad supradictam vestram
 basilicam Ulpianam, et inde juxta parietem scriniarii
 nostri per terram, ubi columnæ jacere videntur
 recte in via, et per ipsam viam descendentem ad
 limitem qui est in terram vestram, et terram pres-
 byterorum monasterii S. Pancratii, et ipso limite B
 revolvente per ellium supradictum, et parietis
 juxta terram prædictorum presbyterorum, ubi
 olive stare videntur recte in parva turricella muri
 hujus almæ Romæ, una cum ipsa turricella et
 muro, seu turri Sarracenæ cum cryptis, et parietinis
 sub se, et juxta se, vel alias turres, quæ extensa
 sunt ab una parte juxta terram vestram, et
 pantanum cum eodem ipso integro pantano, saliente
 ad viam publicam, quæ ducit ad ecclesiam
 S. Joannis Baptistæ, sive ad palatium nostrum, et
 inde revertente juxta terram quæ fuit Elperini et
 Azonis germanorum fratrum et vineam ecclesiæ S.
 Nicolai, sive terram hæredum de Maio Capuano,
 sive horticellum, qui fuit quondam Angeli, sive
 domum terrineam, quæ est juxta aliam viam publicam,
 ducens ad nostrum memoratum Lateranense C
 palatium. Itemque confirmamus vobis ecclesiam
 S. Martinæ cum omni sua integritate et pertinentia,
 positam Romæ prope montem qui dicitur
 Augustus; nec non ecclesiam SS. Adalberti
 et Paulini cum ecclesia S. Benedicti et omni sua
 integritate et pertinentia, et sicut ad manus vestras
 hodie tenetis positam infra hanc civitatem
 Romam in insula Lycaonia, ut sit vobis vestrisque
 successoribus cum volueritis episcopale domicilium,
 et congruum receptaculum opportunumque
 habitaculum quemadmodum habere videtur Portuensis
 ecclesia S. Joannis inter duos pontes, presbyteros
 atque clericos, qui pro tempore in eadem ecclesia
 SS. Adalberti, et Paulini, et Benedicti fuerint;
 ita subjectas vobis esse volumus D
 ut proprias filias ecclesiæ vestræ, et ab omni jure
 illo subtrahimus tuæ paternitati, tantum eas
 committentes ut solummodo vestrum judicium
 expectent, vestro dominio famulentur, et per omnia
 vestris rationabilibus obsecudent mandatis,
 ut quoquo modo vobis placet ordinare, secundum
 Deum regere, et informare, et emendare
 nostra apostolica auctoritate in perpetuum liceat;
 simulque concedimus et confirmamus vobis omnes
 plebes, et ecclesias parochias, cum eorum pertinentiis,
 vel adjacentiis, scilicet plebem S. Mariæ in
 Silva Candida cum titulis suis, titulum SS.
 Joannis et Pauli in Lucano, et titulum S. Angeli in
 Musano, titulum S. Donati in Majorata, atque ple-

bem S. Gregorii in Galeria cum titulis suis, titulum
 S. Gregorii in ipso loco, titulum S. Anastasii in
 Musano, et plebem S. Angeli in Duscitulo cum
 terris suis, simulque plebem S. Joannis in Nono
 cum terris et titulis suis; titulum S. Marciani in
 ipso burgo cum terris suis, titulum S. Andreæ cum
 titulis suis, nec non titulum S. Mariæ, titulum S.
 Nicolai, qui est in castello de monte Destini; titulum
 S. Mariæ cum terris suis; præterea plebem
 S. Pancratii, cum terris et titulis suis; titulum S.
 Mariæ in insula cum terris suis; plebem S. Lucie in
 insula cum terris suis, similiter plebem S. Lucie
 in insula cum terris suis, similiter plebem S. Joannis
 in insula cum titulo et territorio suo; titulum S.
 Gregorii ipso loco, simulque plebem S. Pauli in
 Formello cum terris, vineis, hortis, oleivitis atque
 titulis suis; titulum S. Sylvestri in columna cum
 terris et vineis suis; titulum S. Angeli in Olibano
 cum terris et hortis suis; titulum S. Marciani cum
 terris suis; titulum S. Genesii in Dalmachia cum
 terris suis; titulum S. Laurentii in Formello cum
 titulis et hortis suis; titulum S. Mariæ cum territorio
 suo; titulum Salvatoris cum terris suis; titulum
 S. Joannis in ipso loco cum territorio suo, titulum
 S. Petri cum terra sua; titulum S. Angeli in
 Laureto; titulum S. Valentini in Cryptule; item
 plebem S. Cornelii in Capricornio. Per hujus privilegii
 vestri et decreti paginam, in perpetuum confirmamus
 prædicto vestro episcopio cum terris, vineis, et
 olivetis, et titulis, titulum S. Pancratii cum
 terris suis; titulum S. Mariæ cum terris et prato
 suo; titulum S. Valentini cum terris, et oliveto
 suo atque prato; titulum S. Donati cum terris
 suis, titulum S. Mariæ cum terris suis, titulum S.
 Laurentii cum terris suis, titulum S. Anastasii cum
 terris et vineis suis; plebem S. Titi non longe a
 Civitella, cum vineis, terris, et titulis suis; plebem
 S. Pauli in Formella cum vineis, terris et titulis
 suis; titulum S. Sylvestri, et S. Angeli cum terris
 et vineis, et plebem S. Donati in Collina cum
 terris, vineis, et olivetis, et titulis suis; titulum
 S. Mariæ cum terris et vineis; titulum S. Christinæ,
 cum terris, vineis et silvis suis; titulum S. Gregorii
 cum terris et vineis; titulum S. Martini cum
 terris et vineis; titulum S. Cassiani cum terris,
 et vineis, et familiis tribus; titulum S. Anastasii
 cum terris et vineis, et titulum S. Justinæ cum
 terris et vineis; titulum S. Angeli cum terris suis;
 titulum S. Gregorii cum terris suis et vineis, simulque
 plebem S. Marcelli in quarto decimo cum
 terris, et vineis, et oliveto atque titulis, vel cum
 omnibus suis pertinentiis; titulum S. Angeli cum
 terris et vineis; denique plebem S. Petri in
 Bezzano cum terris, et vineis, et oliveto suo majore
 atque silvis; et titulum S. Joannis, et S. Stephani
 atque S. Mariæ in Pentpertusa; titulum S. Mariæ
 in Sepefane cum terris, vineis; titulum S. Stephani
 in Matera; titulum S. Mariæ in Matera; titulum
 S. Blasii in Scrofano; titulum S. Joannis in ipso
 Scrofano, et S. Eugenie in Matera; titulum S.
 Laurentii in Scrofano cum omnibus terris, et vineis,
 titulum S. Eugenie cum terris, et vineis, simulque

plebem S. Mariæ in Olibula eum terris, et vineis, et titulo suo, et S. Angeli eum terris, et vineis; pariterque concedimus et confirmamus vobis vestrisque successoribus in perpetuo, sicuti a sanctissimo Sergio papa, sive a cæteris prædecessoribus nostris pontificibus concessa et confirmata fuerunt; videlicet monasteria quinque, S. Stephani majoris, et minoris, Sanctorumque Joannis et Pauli, et B. Martini, atque Theclæ constitutæ juxta magnam ecclesiam S. Petri, aut in cæteris ecclesiis, quæ sunt constitutæ in tota civitate Leonina, etsi necessarium fuerit consecrare, nullus alius episcopus ad tale ministerium vel consecrationem accedere præsumat, nisi vos vestrique successores episcopi S. Sylvæ Candidæ ecclesiæ, in perpetuum.

Concedimus autem et confirmamus vobis vestrisque successoribus in perpetuum S. diem Sabbati ad baptismi sacramentum celebrandum, et totum officium faciendum in ecclesia B. Petri apostoli, et supra magnum altare, in quo toto venerabili altari, seu in confessione, quidquid auri vel argenti, pallii, vel cere, sive aliarum rerum, positum vel oblatum vel jactatum fuerit, vel vobis oblatum, ab hora videlicet diei tertia, qua ingredi ecclesiam ad ordinandum et peragendum dictum officium vos volumus, et usquequo sanctæ Dominicæ diei missam expleveritis, per vestros custodes in vestram vestrorumque successorum, remota omni contradictione, veniat potestatem. Et quia ad tempus prædecessoris nostri Domini Joannis in præfata ecclesia S. Petri, a qua pene omnes Ecclesiæ doctrinam acceperunt, sicut a magistra et domina, dies dominica Palmarum, et dies Cænæ Domini, et parasceve irreverenter celebrantur, ut nec processio cum palmis in ipsa die Dominica ibi fieret, nec in die Cænæ Domini *Gloria in excelsis Deo* diceretur, et in Parasceve non tam reverenter, ut decebat, officium ibi fiebat; condolumus, et meliorare hoc cupientes per vos vestrosque successores statuimus, sicut statutum et concessum et confirmatum vobis est ab eodem prædecessore nostro, ut omni anno die Dominica Palmarum cum processione ab ecclesia S. Mariæ in Thermis exeatis, et venientes ad magnum altare S. Petri missam celebretis. Similiter et omni anno die Cænæ Domini per vos vestrosque successores missam supra altare S. Petri celebrare, *Gloria in excelsis Deo* dicere, S. chrisma conficere, et quæ ad episcopum pertinent agere volumus. Seu omni anno die Parasceve supra ipsum altare majus S. Petri totum officium reverenter, ut vos decet vestrosque successores, faciatis, in quibus tribus missis, prima in missa Palmarum, seu in missa Cænæ Domini, et in officio Parasceve, quidquid auri vel argenti, pallii, seu cere, vel aliarum rerum supra jam dicto altari S. Petri, sive in confessione positum aut jactatum fuerit, vel vobis oblatum ab hora quæ ipsæ missæ et officia inchoata fuerint et expleta, per vestros custodes in vestram vestrorumque successorum, similiter remota omni contradictione, deveniat po-

testatem. In quibus quinque diebus, si vobis vestrisque successoribus utile visum fuerit aliquem diaconorum nostrorum ministrare ob honorem S. Petri et vestram reverentiam volumus petere. Potestatem autem ejusdem ecclesiæ S. Petri et supradictorum suorum monasteriorum et mansionarium omnium mansionum S. Petri, seu totius civitatis Leoninæ vobis vestrisque successoribus concedimus et confirmamus, inthronizare et in cathedra pontificam Romanam in apostolica sede, vobis, qui quotidiani estis in servitio S. Petri, committimus, nec non ad benedicendum cum aliis vos specialiter convocamus; similique modo ad unguendum et consecrandum imperatorem, primum vestram vestrorumque successorum episcoporum fraternitatem convocamus, ut equibus regimen totius ecclesiæ S. Petri et civitatis Leoninæ commissum est, ab his primum sit benedictus, nec non cuncta sacra officia, seu ministeria quæ nos et successores nostri facere debemus, si ægritudine vel aliqua cura impediti facere non possumus, tam in supradicta venerabili ecclesia S. Petri, et monasteriis suis, quam per totam civitatem Leoninam, per vos vestrosque successores fieri apostolica auctoritate decrevimus. Consecrationem vero altarium S. Petri et suorum monasteriorum, nec non consecrationem ecclesiarum, altarium, sacerdotum, clericorum, seu diaconistarum totius civitatis Leoninæ, vobis vestrisque successoribus in perpetuum, sicut prælibatum est concedimus et confirmamus. Quæque autem usualiter vobis a ministerialibus altaris majoris competunt, hoc scripto vobis vestisque successoribus confirmamus. Idem in Sabbato sancto pro cæna solidos duodecim denarios quales per tempora cucurrerint percipiendos, et quinque in unoquoque Sabbato Quatuor Temporum, et duos cum candela olei, et cereis per unam quamque festivitatem, in quibus ibidem pernoctare debetis. Idem in festivitate S. Petri, et in octavis in Dominica gaudete, in festis S. Andreae, in Epiphania, in Ascensione, in Pentecoste, in festis S. Rufinæ triginta libras cere; et duo congiaria de oleo, et duas libras de olibano; candelas vero pendentes cum clamastariis, et cincidellas ad sufficientiam, sicuti semper fuit. In secunda feria Paschæ quoniam secundum antiquum morem ad Staffilem, ubi de equo descendimus, nos nostrosque successores recipitis, chirothecas, quibus etiam ad missam uti soliti simus ad memoriam servitii nostri, qui semper pure S. R. Ecclesiæ fecistis nobisque et antecessoribus nostris non solum te, sed omnes tuos successores episcopos, bibliothecarios sedis nostræ esse perpetuo apostolica auctoritate censemus, et merito, qui in apostolica Ecclesia desudatis, in apostolicis scriptis fideles testes semper existatis. Prædicta vero omnia sicut superius dicta sunt a prædicta vi indictione, una cum sex partibus florum salinarum positus in pedica nova invicem sibi cohærentibus, juxta filios hæredum Joannis We, seu Petri card.

vobis vestrisque successoribus episcopis, vestraeque etiam ecclesiae SS. Rufinae et secundae in perpetuum donamus, largimur, concedimus et confirmamus, atque stabilimus in usu et utili ipsius venerabilis episcopii, et omnium episcoporum suorum, qui per tempora tenuerint praedictam Ecclesiam, statuentes quippe apostolica censura, sub divini iudicii obtestatione et anathematis interdicto, ut nulli unquam nostrorum successorum pontificum, vel qui publica functi fuerint actione, vel alia qualibet magna parvaque persona de omnibus quae superius continentur contra hoc nostrum pontificale privilegium agere, vel alienare, aut auferre, vel diminuire audeat vel praesumat, sed potius firma et stabilia perpetuis temporibus, sicuti a nobis constituta et confirmata sunt decernimus permanenda; si quis autem, quod non optamus, temerario ausu contra hoc nostrum apostolicum privilegium in aliquo contraire, et transgressor esse praesumpserit, vel frangere ausus fuerit, et in omnibus obediens, et observator esse noluerit, sciat se auctoritate Dei omnipotentis Domini nostri, et apostolorum principis Petri, cui licet immerite, Dei tamen dignatione, gerimus vicem, anathematis vinculo innodatum, et a regno Dei alienum, atque cum Juda traditore Domini nostri Jesu Christi, et omnibus impiis socius sit in inferno. Qui vero pio intuitu custos et observator hujus nostri apostolici privilegii extiterit, meritis atque precibus B. Petri apostolorum principis, et SS. martyrum Rufinae et Secundae in aethereis arcibus praemia et benedictionis gratiam atque misericordiam a justo iudice Domino Deo nostro, vitamque aeternam percipere et invenire mereatur in saecula saeculorum. Amen.

Scriptum per manus Sergi scriniarii et notarii sacri nostri palatii mense Novembris, indictione suprascripta vi. Bene valete.

Benedictus S. Fallaritanæ et Castellanae episcopus. Ego Gregorius S. R. Ecclesiae designatus in regimine S. Tudertinae ecclesiae. Ego Leo diaconus S. R. ecclesiae. Benedictus oblationarius. Benedictus cardinalis tituli Equitii. Bonizo presbyter, et vicedominus S. Rufinae, et designatus gratia Dei episcopus Tuscanen. Ego Crescentius subdiaconus de Joanne de Romano. Decernimus ergo, etc. Si quae igitur, etc. Cunctis autem, etc. Amen.

IV.

Benedictus IX bona juraque monasterii Casinensis confirmat, «cujus abbas consecrationem, inquit, nuper ex dono piissimorum Henrici et Conradi imperatorum Romanorum suscepimus.» (Clausulam editis bullae hujus exemplis appositam a verbo «scriptum» usque ad «vicesima nona» ad Benedicti VIII tabulam [supra Benedicto VIII, num. 29] pertinere ex Petri Regest. n. 18, monet Gattula Hist. Casin. 119, quo teste ista Benedicti IX charta his terminatur verbis: «Scriptum per manum Sergii scriniarii et notarii sacri nostri palatii, Kal. Julii, indict. iv. Bene valete.»)

(Anno 1038.)

[MARGARINI, Bullar. Casin., II, 79].

BENEDICTUS episcopus servus servorum Dei, cha-

risimo nobis in Domino Jesu Christo filio RICARDO venerabili et religioso abbati, a nobis consecrato et ordinato sacratissimi monasterii beati Benedicti confessoris Christi, siti in monte qui vocatur castrum Casini, susseque almae congregationi perpetuam in Domino salutem.

Si petita apostolica suffragia universis ecclesiis, cogente ministerio quo videmur praediti, impertiri debemus, quae specialiter ad nostrum solummodo apostolatam respiciunt, tanto citius pleniusque, quanto opportune his indigere cognoscimus, adipisci debent, ut nulla indemnitas venerabilibus locis provenire possit, sub tuitione apostolicae receptis, quae nostro brachio repugante, non submoveatur. Harum denique nostrarum sollicitudinum B recompensatorem Deum credere, quam eisdem locis quiete laudari optamus. Nam tanto inibi degentium laudes et preces erant acceptabiles, quanto mentes eorum ab omni perturbatione, nobis suffragantibus, fuerint alienae. Igitur quia postulastis a nobis quatenus monasterium Sancti Benedicti in monte Casini situm, cujus abbas consecrationem nuper ex dono piissimorum Henrici et Conradi, imperatorum Romanorum, suscepimus, et per nos et successores nostros in perpetuum, more antecessorum nostrorum, privilegio muniremus, et sub interdictione anathematis loca sua defenderemus et confirmaremus; inclinati precibus tuis praedictum monasterium tibi a nobis consecrato, successoribusque tuis, a nobis et a nostris successoribus in perpetuum nulla pravitate simoniaca interveniente consecrandis, concedimus et confirmamus, cum omnibus ecclesiis, cellis, castellis, etc. Post vero obitum tuum nemo inibi constituat abbatem, nisi quem conventus et voluntas communis fratrum ex ipsa congregatione elegerit; et electus ad nos vel successores nostros consecrandus gratis, et sine pretio veniat; quod si aliunde venerit, vel ab alio aliquo archiepiscopo vel episcopo consecrandus maluerit, tunc consecrator et consecratus anathema sint. Et infra. Insuper apostolica censura, seu divini iudicii obtestatione praecipimus ut nullus episcopus praesumat in jam dicto monasterio, vel in ecclesiis sibi subjectis sacerdotem excommunicare, vel ad synodum provocare, etc. Si quis autem, quod non optamus, nefario ausu praesumpserit haec quae a nobis ad laudem Dei, pro stabilitate jam dicti monasterii statuta sunt refragari, aut in quocumque transgredi, sciat se, nisi resipuerit, anathematis vinculo innodatum et a regno Dei alienum; et cum diabolo et ejus atrocissimis pompis, atque Juda traditore Domini nostri Jesu Christi in aeternis incendiis et suppliciis concremandus sit deputatus. At vero qui pio intuitu conservator et in omnibus custodiens extiterit, hujus apostolici instituti, et ad cultum Dei respicientibus, benedictionis gratiam a misericordissimo Domino Deo nostro, per intercessionem beati Petri apostolorum principis, et B. confessoris Benedicti multipliciter consequatur, et vitae aeternae particeps esse mereatur. Scriptum

per manum Stephani protoscriniarii sanctæ sedis apostolicæ, mense Junio indictione vi.

Bene valete.

Datum Kalend. Julii per manus Bosonis episcopi sanctæ Tiburtinæ Ecclesiæ, et bibliothecarii sanctæ sedis apostolicæ, anno ab incarnatione Domini 1038, pontificatus vero domni Benedicti octavi papæ sedentis anno vi, imperii vero domni Conradi imperatoris Romanorum xii, indictione vi, mense Junii die xxix.

V.

Benedictus IX Popponi, archiepiscopo Trevirensi, adiutorem mittit: Simeonem in sanctos relatum nuntiat.

(Anno 1041).

[Hontheim, *Hist. Trevir. diplom.*, tom I, pag. 376.]

BENEDICTUS, episcopus, servus servorum Dei, POPPONI non tam suis meritis, quam divino charismate Trevirorum archiepiscopo, salutem et apostolicam benedictionem.

Sumptis reverentiæ vestræ litteris, et lectis atque relectis in imo corde earum vim reposuimus, ut vobis petentibus desiderata concederemus, nam illius regulam magistri nos oportet, in quantum possumus, imitari, qui se bene petentibus non obstinatus; se in veritate quærentibus non est prolongatus; nec ad fores suas perseveranter pulsantibus ad aperiendum retardatur. At nos, licet tardius quam cupivimus, ad sonum tamen paginæ vestræ, pro affectu respondemus, neque enim facimus quod volumus cum volumus, sed cum divinitus, ut faciamus, accipimus, quæque suis temporibus superna dispositio coaptavit. Quod igitur meministis sedem apostolicam, cui ex divina dignatione præsidemus, totius ecclesiasticæ pastoralitatis esse refugium, ut votis vestris ad eam fugientibus annueremus meritis amplexibus, hæc ipsa verba donavimus, quippe cum sit origo et fundamentum ecclesiarum, Domino confessionem Petri taliter compensante: *Tu es Petrus et super hanc petram ædificabo Ecclesiam meam.* Dignum plane videtur ut omnis Christiana fidelitas ad eam concursus habeat, et ipse omnibus manum solatii porrigat. Vobis vero in congressu positus ad iniquitates pravorum hominum debellandas, ac speciali gladio puniendas, quem in rebus divinitus vobis commissæ vicis coadjutorem præselem a nobis poposcitis, eum dirigimus.

(1) Quem quidem et honestas morum, sicut nomine indicat, et sagax animi pulchritudo decorat, quem huic negotio aptissimum censuimus, quem Dei fidelem et prudentem servum cognovimus, cui et astutia serpentis et columbæ simplicitas; de cujus quodammodo labiis fluunt mella, pro captu audientium cœlestis ambrosiæ plena; quem a corpore nostro velut dexterum separavimus brachium, imprecantes ei salutem et gaudium. Dirigimus ergo illum ut solatietur vobis in necessitatibus vestris, (2) tam scilicet in opere consecrationis, quam etiam in unctione confirmationis, et si quid in necessitatibus aliis, Deo favente, valebit, pro libitu vestræ sanctæ fraternitatis; ut illum tractare, uti decet, non detrectetis vel dissimuletis, nulla, credimus, admonitione indigetis, cum vestra benignitatis inde sit profusior unde etiam sanctior. De cætero ad virum illum Simeonem veniendum, quem innumerosis coruscantem miraculis, divinis perfulgentem virtutibus ostenditis; ex quo liquet eum in fragili corpore thesaurum bajulasse spiritualis gratiæ, ut non solum sibi providerit ad salutem, sed aliis quoque atque aliis ad multiplicem sanitatem. Quia igitur ad æternam illam summæ felicitatis perpetuitatem ac cœleste consortium pervenisse creditur, sicut opere signorum frequentia panditur, nostræ apostolicæ auctoritatis sententia, iudicium divini arbitri secuta, et complurium fratrum nostrorum assensu suffulta, decernit eundem virum Dei Simeonem post hanc semper et usque sanctum debere nominari, ejusque natalis, sicut et aliorum sanctorum reverentissime singulis annis celebrari. Non enim, qui se ipsum commendat, ille probatus est, sed quem Dominus commendat, dicit Apostolus. Glorietur, laudetur, vigeat, placeat, celebretur, ametur et colatur, nomenque illius Martyrologio inseratur; ipse intercedat pro peccatis et negligentibus nostris et commissorum nobis apud clementissimam divini numinis majestatem, ut mirabilia, quæ visibiliter exhibet circa infirmorum corpora, in animabus nostris occulta virtute dignanter exhibeat. Valete.

VI.

Bulla canonizationis S. Simeonis reclusi Trevirensis
(Anno 1041.)

[HONTHEIM, *ubi supra*, p. 277.]

BENEDICTUS, episcopus, servus servorum Dei, omnibus archiepiscopis, episcopis, sacerdotibus et

(1) *Quem quidem et honestas morum, sicut nomen indicat, etc.* Quod furrit viri hujus, ad suffragandum Trevirensi archiepiscopo a summo pontifice missi, nomen, quæve conditio, nusquam expressum legitur; prudens tamen est et variis suffulta administrandis conjectura Papebrochii in actis SS. mensis Junii tom. I, p. 97, lit. A, eum fuisse Gratianum archipresbyterum, laudatissimum virum, qui deinde Benedictum et Silvestrum de pontificatu contendentes, ab ejusdem usurpatione prudenter deduxit; et pontifex electus, ipsemet dictus est Gregorius VI; licet postea pontificatus cesserit, quia voluit.

(2) *Tam scilicet in opere consecrationis, quam etiam in unctione confirmationis.* Sub medium sæculi xiii archiepiscopi et episcopi Germa-

næ suffraganeos titulares, eosque ordinarios paulatim assumpserunt; concilio Lateranensi, gravibus de causis, nuper indulgente, ut ubi publica negocia, valetudo, incursiones hostiles, litterarum ac doctrinæ inopia obstarent, episcopis adiutorem in partem curarum asciscere fas esset. Unde Theodericus II, archiep. Trev. omnium primus, quantum quidem constat, circa annum 1241, Henricum Osiliensem episcopum adhibuit suffraganeum. Itaque pro te non vulgaris exempli habendum est, quod jam sæculo xi Romanus pontifex Trevirensi archipresbiteri submiserit episcopum titularem, qui eum in opere consecrationis, et unctione confirmationis, aliisque necessitatibus adjuvet.

universo clero cunctisque populis tam regni Teutonici, quam etiam quarumcunque nationum vel linguarum, salutem charissimam cum benedictione apostolica.

Divinæ majestatis inenarrabilis auctoritas semper inenarrabilia faciens, sicut in sanctis suis mirabilis prædicatur, ita et operibus declaratur, dans eis virtutem et fortitudinem curare omnem languorem et omnem infirmitatem. Quod donativum ipse Deus, spiritualium donorum distributor et auctor militibus suis, quorum non est numerus, in hoc etiam mortali corpore, dum in sæculo degerent, propterea concessit, ut et iidem ipsi super spe futuræ retributionis habentes sancti Spiritus fidele pignus, fiducialius et fortius inniterentur, et gentes, divina mysteria intuentes, omni superstitione postposita, ad viam Christianæ veritatis ex intimo cordis converterentur; alios vero, quorum similiter incomprehensibilis est multitudo, post vincula tantum carnis, his operibus virtutum donavit atque magnificavit, ut, corporeis exuviis in sepulcro positis, et membris in cineres ac favillas resolutis, sentientibus atque videntibus mirabilia fides inculcaretur et cumularetur, eos illic feliciter vivere, ubi vera est et æterna vita, ad quam nemini, accedere licet, nisi vitæ temporalis oblectamenta exosos, ad illam tota semper mentis intentione suspiret, si quando mereatur de peregrinatione ad patriam, de exilio ad postliminium revocari. Igitur quoniam crebris nuntiorum indiciis, crebrisque litterarum characteribus, clamor magnus strepensque rumor ex Trevirorum partibus usque Romam ad nos, jamque etiam ulterius pervolavit, esse inibi viri cujusdam Simeonis admirabile corpus, signis et prodigiis, virtutibus et miraculis radians, ut sol meridie sereno aere; terram strictius osculati, Dominum benediximus toto corde, tota mente, totis viribus, qui nostris temporibus dignanter, intra sanctam suam corpus Ecclesiam, hoc præcipuum membrum divino lumine accendit, ut sit lucerna ardens, posita super candelabrum, quæ luceat omnibus qui sunt in domo Domini (3). Itaque conventi atque pulsati a charissimo fratre nostro D. Poppone ejusdem Treviris archiepiscopo, ut, quod nobis visum fuisset de celebratione ejusdem sanctissimi viri, salubri definitione nostræ apostolicæ auctoritatis statueremus atque decerneremus; omnibus, quos in sa-

(3) *Itaque conventi atque pulsati a charissimo fratre nostro D. Poppone.* Multis sæculis sola auctoritate episcopali canonizatio, sive relatio in sanctorum catalogum fiebat. S. Udalrici Augustani episcopi canonizatio (cujus diploma exstat in Bullar. Mag. Rom. tom. I, p. 22, edit. Luxemb.) omnium prima fuisse creditur inter eas quæ a sede Romana postulata et a Joanne XV PP. anno 993 solemniter decreta fuit. Vid. Mabillon, tom. IV Annal. Benedict. lib. I, n. 77, p. 82. Hanc vero secunda excepit, præsens nostra S. Simeonis Papebrochius Act. SS. mensis Junii. tom. I, p. 96, lit. B.

(4) *Collecta Romani nostri Cleri splendida fraternitate.* Cum primitus a Romanis pontificibus

lutatione prænotavimus, notum his litteris facimus quid ex ea re censuerimus. Nam (4) collecta Romani nostri cleri splendida fraternitate, cum parvus sacratissimæ Virginis annuo recursum per hunc orbem radiaret, concordi deliberatione determinavimus, et alta sententiæ radice fundavimus, eundem virum Dei Simeonem, quem Dominus commendat atque probat, significatione tantarum virtutum sanctitatis et gratiæ plenum, ab omnibus populis, tribubus et linguis sanctum procul dubio esse nominandum, ejusque natalem singulis annis recurrentem passim solemniter observandum et ferialiter celebrandum ac venerandum, ad instar diei festi: nomen quoque ipsius Martyrologio cum (5) sociorum nominibus suo loco inserendum. Cui sententiæ hoc etiam subdidimus, ut quisquis hujus nostræ constitutionis temerarius contemptor et cervicosus refragator extiterit, primo se noverit Dominum graviter offendere, deinde sancti illius patrocinia, imo omnium sanctorum, quorum contubernio gratulatur, nostramque de cætero apostolicam nullatenus debere benedictionem sperare; conservatoribus ea multipliciter donatis in omnia sæcula sæculorum. Amen, amen, amen.

VII.

Benedictus IX in synodo patriarchatus Gradensis integritatem libertatemque confirmat, Ursone patriarcha et Dominico Contareno populoque Veneto per legatos petentibus.

(Anno 1044).

[MENS, Concil. XIX, 605].

BENEDICTUS episcopus, servus servorum Dei. URSONI Gradensi patriarchæ perpetuam in Domino Jesu Christo salutem.

Sicut plurimum gaudemus in Domino, et in dono gratiæ ipsius gloriamur, si sancta Ecclesia per bona opera crescit magnifice et dilatatur amplissime, ita nimium affligimur et tribulamur de ejus oppressione, super quam crebrior lamentationum sermo perlatus est. Non oportuerat quidem ab illis quibus sustentari atque honorari debuerat, tantis eam oppressionibus concuti; ideoque necessarium est ut, remotis talium tergiversationibus, quibus venenosa malitia revelari et obscurari bonitas et veritas solet, adminiculum non modicum lamentantibus juste impendatur, atque ab apostolica sede suffragetur, quos per divinam gratiam Christi auxilio dignum est adjuvari, neve totius Ecclesiæ

canonizationes fierent, eas non nisi comprobante generali synodo decerni consuevisse, tradit Christianus Lupus Scholiorum tom. III, p. 369, usque dum Eugenius III primus sine consilio in solo suo consistorio canonizavit S. Henricum imp. de plenitudine potestatis, hac usus ratione quod Romanæ Ecclesiæ auctoritas sit omnium conciliorum fundamentum. Vid. bullam canonizationis in Bull. M. Rom. loc. cit. p. 34. Ex quo tempore pontifices sibi hanc auctoritatem private reservarunt; tandemque generaliter, et ab omnibus Ecclesiis recepta fuit hæc pontificia reservatio, potissimum auctoritate cujusdam decretalis Gregorii IX, in cap. 1, x, *De reliq. et venerat. sanctorum.*

(5) Sic in autographo.

perturbatione imprudens præcedat intentio, et ea quæ a sanctis prædecessoribus nostris et reliquis sanctis dudum fuerant prohibita, denuo reviviscant. Sedis namque nostræ consideratione compellimur, ea quæ ad notionem nostram emendanda pervenerunt, propter Deum non relinquere, sed digna emendatione corrigere. Et si sæcularibus officiis ordo suus, et tradita a majoribus disciplina servanda est, quis ferat ecclesiasticos ordines temerari ac præsumptione confundi? aut ita negligere et emendanda non opem ferendo postponere? Quapropter omnibus S. Dei Ecclesiæ filiis notum esse volumus quod detestabile nefas tempore nostri decessoris Joannis papæ a Poppone Foro-Juliansi præsule, diabolo suadente, actum est adversus Ursonem Gradensis Ecclesiæ novæ Aquileiæ patriarcham; prædictus quidem Poppo Gradensem civitatem adiens fraudulenter eam invasit, in vasamque gentilium more depopulavit, ecclesias violavit, altaria fregit, thesauros abstulit, monasteria destruxit, et de tantis non erubescens flagitiis insuper hanc apostolicam sedem suis petiit simulationibus, poscens ab ea per suos nuntios sibi privilegium fieri nominatim de Gradensi insula, quam promiserat juste et canonice ac per antiqua privilegia ostendere ad se pertinere, unde privilegium sub tali consecutus est tenore, ut, si quando de ea aliqua oriretur quæstio, sic juste absque ulla occasione ad se pertinere comprobaret quemadmodum promiserat. Quod tantum in contrarium accidit, quia cum Urso Gradensis Ecclesiæ patriarcha primum per suos nuntios, deinde per semetipsum hanc apostolicam peteret sedem ad consequendum de suæ sedis invasione, idem Poppo vocatus ad satisfaciendum sicut promisit, non solum venire distulit, verum etiam prædictam insulam per antiqua privilegia juste ac secundum Deum sibi pertinere, ut promiserat, ostendere minime potuit, quin etiam tenorem privilegii negavit. Et quoniam ex his quæ promisit, nihil ostendere valuit, privilegium quod sub præfata conditione consecutus est, suo tenore juste evacuatum ac regulariter ad nihilum est redactum. Pro hac siquidem re idem noster decessor Joannes papa congregavit sanctam synodum in ecclesia B. Silvestri, ante cujus præsentiam veniens Urso Gradensis Ecclesiæ patriarcha de statu suæ metropolitanæ ecclesiæ ejusque pertinentiis quamplurima ostendit privilegia a nostris antecessoribus suæ sedi concessa, scilicet a sanctissimo Pelagio, Gregorio, Honorio, Stephano, item Gregorio, Leone, Sergio, item Leone, Benedicto, Adriano, Bonifacio, Romano, Theodoro, Anastasio, Joanne, Sylvestro et Sergio. Quæ omnia noster antecessor studiose considerans firmando vetera per synodalem censuram sub divini iudicii obtestatione tale novum construit privilegium, ut nullus unquam in tempore prædictum Ursonem patriarcham ac successores suos de prædicto patriarchatu Gradensi sicut de rebus ac possessionibus ejus inquietare aut molestare præsumat, sed potius cum sua integritate quietus, remota omnium

contradictione ipse sui que successores eandem patriarchalem sedem cum omnibus suis pertinentiis perpetuis possideant temporibus. Popponi vero epistolam direxit, ut cuncta ablata sub trium personarum sacramento Gradensi Patriarchæ restitueret. Quod non solum non adimplevit, sed etiam contra divinum jus et SS. Patrum sancta, quibusdam inhoneste sibi suffragantibus privilegium fraudulenter impetravit de stabilitate suæ Ecclesiæ, et Gradensis patriarchatus subjectione. Qui ad cumulum suæ damnationis addens quoque iniquitatem super iniquitatem, nostro etiam tempore iterum Gradensem civitatem furtim ingrediens cunctis abominabile in ea commisit flagitium, totam videlicet civitatem cum ecclesiis incendit, altaria confregit, thesauros abstulit, et quidquid ab igne remansit, paganorum ritu secum detulit. Pro tanto denique repetito sacrilegio Gradensis patriarcha apud apostolicam sedem eodem mittente invasore, per suas litteras lamentatus est. Sed antequam a nobis de tanto coereretur ausu, divino iudicio sine confessione et viatico ab hac luce subtractus est. Tandem Urso Gradensis patriarcha una cum Dominico Contareno dilecto filio nostro, duce Veneticorum sive Dalmaticorum, et populo Venetiæ, nobis per suos supplicavit legatos, videlicet Benedictum vener. abb. SS. Trinitatis et S. Michaelis Archangeli de Brundulo, Joannem Stornatum, Gregorium clericum, quatenus omnia sibi suæque sedi subjecta nostra restituerentur auctoritate et privilegium quod Poppo de Gradensis ecclesiæ subjectione contra divinam auctoritatem acquisivit evacuaremus; quin etiam privilegia nostrorum decessorum palam ostensa de statu suæ ecclesiæ renovaremus atque confirmaremus, sive de rebus atque possessionibus sui patriarchatus, quatenus quæ infra Venetiæ vel Italici regni ditionem, seu in comitatu Istriensi consistere noscuntur, videlicet ut omnia quæ in Rivoalto, in Methamauco, in Equilio, in Pineto, in Civitate nova, in confinio suæ jam dictæ civitatis Gradensis, seu Ursiano, vel Gajazzo, in Zemulis, partim in territorio Aquileiæ, et in marino termino, in Istria, in Tergeste, Justinopoli, Pirano, item in Civitate nova, Parentio.....: Pola, atque in Castello S. Georgii, et in reliquis locis tam infra quam extra set in Bononia vel Romania, Ravenna, Arimino, Pensauro, sive in quibuscunque locis Italici regni, seu Venetiæ habere ac possidere sui antecessores visi sunt, ipsi sui que successores absque cujusquam contrarietate, seu refragatione retinere et possidere quivissent. Quorum petitionibus zelo domus Dei calefacti libenter annuentes, et iustum esse decernentes, in Romana ecclesia S. synodum congregavimus, residentibus nobiscum venerabilibus episcopis, presbyteris, diaconibus, cardinalibus, subdiaconibus nostris, abbatibus, et quorum aliquorum nomina hæc sunt.

Joannes Lavicanensis nepos noster episcopus,

Tedaldus Albanensis episcopus.

Joannes Portuensis episcopus.

Joannes Prænestinensis episcopus.

Benedictus Ostiensis episcopus,
 Amatus Vellitrensis episcopus.
 Bonizo Tuschanensis episcopus.
 Honestus Foropoliensis episcopus.
 Adam Forosempronensis episcopus.
 Crescentius S. Ruffinæ Eccles. episc.
 Vido Humanensis episc.
 Andreas Perusinus episc.
 Ubertus Sassenates Eccles. episc.
 Arduinus Feretranus episc.
 Teudaldus S. Mariani episc.
 Joannes S. Sabinensis Eccl. episc.
 Theudericus Urbinensis.
 Theudaldus.
 Ubertus.

Benedictus archidiaconus S. R. E. et vicedomi-
 nus.

Ugo.

Petrus cancellarius nostræ.

Leo, Romanus, Crescentius, Petrus, qui et Man-
 cio dicitur, diacones nostri.

Joannes archicanonicus et archipresb. canonicæ
 S. Joan. ante Portam Latinam.

Joannes cardinalis presb. tituli S. Cæcilie.

Joannes card. tit. S. Martini.

Joannes card. tit. S. Damasi.

Ubertus card. tit. S. Anastasie.

Martinus card. tit. S. Savine.

Teudaldus Primitivus.

Benedictus oblationarius S. R. E.

Benedictus presb. et card. tit. Sylvestri.

Petrus card. tit. S. Grisogoni.

Subdiacones autem, Joannes:

Adelmarius.

Etræo.

Sico.

Benedictus abbas monasterii S. Gregorii, quod
 dicitur Clivus Scauri.

Bartholomæus vener. abbas S. Mariæ Grotta
 Ferrata.

Benedictus abbas monasterii S. Mariæ, quæ vo-
 catur S. Petri ad Vincula.

Leo abbas S. Pauli Apostoli.

Georgius abbas S. Laurentii foris murum.

Joannes abbas S. Sabæ.

Petrus abbas S. Mariæ in Aventino.

Joannes abbas S. Rofilli Foropupiliensis.

Bonizzo abbas monasterii S. Petri Perusii.

Felix abbas S. Blasii.

Simeon abbas S. Mariæ in Pallara.

Et cæteri nobiscum residentes in gremio S. R. E.
 quorum deliberatione hoc apostolatus nostri pri-
 vilegium fieri decrevimus tibi fratri nostro venera-
 bili Urso S. Gradensis Ecclesie patriarchæ, ad
 quem nunc nostrum convertimus sermonem præ-
 cipue ob justitiam quam te tuamque Ecclesiam pe-
 tere evidenter novimus, per quod apostolorum
 principis Petri, et nostræ, cujus vicem gerimus,
 auctoritate antecessorum nostrorum privilegia

A imitando prædictam Gradensem Ecclesiam perpetua
 stabilitate patriarchatum esse sancimus, tibi-
 que illic præsentanti, quisque successoribus totum
 metropolitæ atque patriarchæ officium libere pe-
 ragendum concedimus, et de omnibus vestris pos-
 sessionibus præcipiendo interdicens ut nullus
 patriarcha, archiepiscopus, præpositus, decanus,
 vicedominus, dux, marchio, comes, vicecomes,
 aut exactor alicujus rei, nec ullus judex publicus,
 vel quilibet ex judiciali potestate vim aliquam vel
 invasionem inferre præsumat, aut aliquo modo
 molestiam ingerere tibi Ursoni patriarchæ, tuisque
 successoribus, sive in ecclesiis, et plebibus, seu
 monasteriis tuæ ecclesie pertinentibus, seu in fami-
 liliis, in colonis, servis, vel mancipiis, ac reliquis
 quæ super ejusdem ecclesie terris manent. Sed
 omni jure et tenore S. Gradensis Ecclesie a pa-
 triarchis nunc et semper ibidem præsentibus li-
 bere, quæ prælibavimus, absque ullius infestatio-
 ne retineantur ac perpetuo jure possideantur. Pri-
 vilegium vero quod Poppo Forojuliensis præsul
 de subjectione Gradensis patriarchatus fraudulen-
 ter ab hac sede consecutus est, quia nulla illud
 canonica munitum auctoritate decernimus, resi-
 dentium nobiscum venerabilium fratrum aucto-
 rali censura corrumpendo penitus omnino cor-
 rumpimus et evacuamus. Si quis ergo nostrorum
 successorum, vel aliorum aliquorum hominum
 contra hujus nostre concessionis ac confirmatio-
 nis privilegium agere præsumperit, aut præsu-
 mentibus consenserit, vel fautor extiterit, et non
 potius observare in integre studuerit, sciat se au-
 ctoritate beati Petri apostolorum principis, et cæ-
 lorum regni clavigeri, nostroque anathematis vin-
 culo esse innodatum, et a regno Dei alienatum,
 atque cum diabolo veluti transgressor sanctorum
 Patrum sine fine damnatum. Qui vero custos et
 observator hujus nostri privilegii extiterit, bene-
 dictionem et gratiam a justo judice Domino nos-
 tro Jesu Christo hic et in æternum consequi me-
 reatur.

Scriptum per manus Sergii scribarii et notarii
 sacri nostri Lateranensis palatii, mense April. In-
 dict. xii.

Bene valete.

D Ego Joannes S. Lavicanensis Eccl. episc. interfui et subscr.

Ego Tedaldus Albanensis Eccl. episc. interfui et
 subscripsi.

Ego Joannes S. Portuensis Eccl. episc. interf. et
 subscr.

Ego Joannes Prænestinensis Eccl. ep. interf. et
 subscr.

Ego Benedictus Ostiensis episc. interf. et subscr.

Ego Amatus Vellitrensis episc. interf. et subscr.

Ego Bonizzo Tuscanensis episc. interf. et subscr.

Ego Honestus Foropoliensis episc. interf. et
 subscr.

Ego Adam Forosempronensis episc. interf. et
 subscr.

Ego Crescentius S. Ruffinæ Eccl. episc. interf. A Sergii notarii sacri nostri palatii, mense Aprili indictione XII. Valet.

Ego Vido Humanensis episc. interf. et subscr.

Ego Andreas Perusinus episc. interf. et subscr.

Ego Uberty Sassenates Eccl. episc. interf. et ss.

Ego Arduinus Feretranus episc. interfui et subscripsi.

Ego Theudaldus S. Mariani episc. interfui et subscr.

Ego Joannes S. Sabinen. Ecclesiæ episc. interfui et subscr.

Ego Theudericus Urbinensis episc. interfui et subscr.

Ego Benedictus archidiaconus S. R. E. et vicedominus interfui et subscr.

Ego Joannes archicanonicus archipresb. interfui B et subscr.

VIII.

Benedicti papæ VI epistola ad Obertum abbatem S. Miniatis.

(Anno 1044.)

[UGHELLI, *Italia sacra*, III, 62.]

BENEDICTUS episcopus, servus servorum Dei, dilecto filio OBERTO venerabili abbati monasterii S. Miniatis Florentini, suisque successoribus perpetuum in Domino salutem.

Valde bonum videtur, si postulantibus a nostra apostolica sede tuitionem piorum locorum, libenter concedamus. Tu autem, fili charissime, quia postulasti a nobis quatenus munimen ac defensionem apostolicam monasterio S. Miniatis, cui præesse meruisti, dignatione solita pro nostro præcepto daremus; nos autem idcirco sanctum piumpque judicamus, non negare debemus, sed voluntate promptissima largiri. Ideo inclinati precibus tuis concedimus tam tibi quam etiam tuis successoribus tuitionem apostolicam; adjudicamus omnes homines ibidem monasterio adversantes, aut læsione violentiam facientes in rebus ipsius monasterii (*f. deest aliquid*), facultates vel factorum præcedentia tempora, ut nullus rex, nullus imperator, nullus præsul, nullus dux, nullus marchio, nullus comes, nullus vicecomes, et parva nulla persona aliquid tale audeat præsumere, scilicet in rebus quas episcopi Florentini, videlicet Ildebrandus, Lambertus, et Atho ipsi monasterio concesserint, aut alii homines pro sua anima tribuerint, vel quæ tu ipse ibidem acquisivisti, et amodo acquirere poteris, statuentes apostolica censura ut, si quis publica, vel privata persona, magna vel parva in illis omnibus rebus tam mobilibus quam immobilibus, tuisque successoribus molestare, inquietare, aut de vestris manibus rapere tentaverit, sit anathematis vinculo innodatus, et nostra apostolica maledictione damnatus, donec satisfactionem talium faciat commissorum. Qui vero custos roborationis hujus nostræ tuitionis, defensionis confirmationisque extiterit, benedictionem et gratiam a justo Judice Domino Deo nostro consequi mereatur. Scripta per manum

IX.

Benedicti IX epistola ad Adelbertum archiepiscopum Hamburgensem.

(Anno 1012-1024.)

[LAPPENBERG, *Hamb. Urkund.* I, 71.]

BENEDICTUS, episcopus et servus servorum Dei, reverentissimo et sanctissimo ADELBERTO, sanctæ Hammaburgensis Ecclesiæ episcopo, apostolicam benedictionem.

Si pastores ovium solem geluque pro gregis sui custodia die ac nocte ferre contenti sunt, et ut ne qua ex eis aut errando pereat, aut feris laniala morsibus rapiatur, oculis semper vigilantibus circumspectant: quanto sudore quantaque cura debemus esse pervigiles, nos qui pastores animarum dicimur? Attendamus et susceptum officium exhibere erga custodiam Dominicarum ovium non cessemus, ne in die divini examinis pro nostra desidia ante summum pastorem negligentiam reatus excruciet. Unde modo honoris reverentia sublimioris inter cæteros judicamur. Legationem igitur et archiepiscopalem potestatem in omnia regna septentrionalia, regna Danorum scilicet, Suenorum, Norvenorum, Hislandicorum et omnium insularum his regnis adjacentium, tibi et omnibus successoribus tuis perpetuo tenendam concedimus. Pallium quoque sanctitati tuæ ad missarum solemniam celebranda ex more transmittimus, quod tibi non... aliud quod inquietos feriendos a pravitate compescat. Viduis ac pupillis injuste oppressis defensio tua subveniat, Ecce, frater charissime, inter multa alia ista sunt sacerdotii, ista sunt pallii, quæ si studiose servaveris, quod foris accepisse ostenderit, intus habebis, Sancta Trinitas fraternitatem tuam diu conservare dignetur incolumem, atque post hujus sæculi amaritudinem ad perpetuum ducat beatitudinem.

Data per manus Leonis, cancellarii sanctæ Romanæ Ecclesiæ, in mense Martio, indictione tertia.

X.

Epistola Popponis archiepiscopi Trevirensis ad Benedictum IX summum pontificem pro obtinenda canonizatione beati Simeonis reclusi apud Treviros.

REVERENDISSIMO Patri patrum gratia et nomine BENEDICTO, POPPO, licet indignus, divina tamen largiente clementia sanctæ Trevirensis ecclesiæ minister, cum totius affectus dilectione, debitam subjectionem.

Superiori tempore, cum, annuente venerandæ memoriæ domino Joanne, in hac sancta sede apostolica prædecessore vestro, amore visionis sepulcri Dei hominis Jesu Christi, Jerusalem profectus peregre fuisset, in regione nostra pravorum hominum supercrevit iniquitas, ita ut nec adhuc manus possint ab incepta retrahere nequitia, omnia per circuitum diripientes et devastantes. Super quo sæpissime deprecatus sum faciem domini mei regis, quatenus manum mihi porrigeret suæ animadver-

sionis, nihil profeci; sæpe etiam supra nomina A
to prædecessori vestro, pro eodem supplicavi, dum adhuc in corpore maneret, plurimum viguit,
nec quidquam usque adhuc consolationis im- de ejus sanctitate nos certos reddit. Proinde
petravi. Quam ob rem desidero ut vel nunc sola- accessivit nos tam clerus quam populus Ecclesiæ
tietur mihi Deo amabilis paternitas vestra, mittat nostræ, obsecrantes uti litteris nostris ad hanc
que virum de honoratioribus ac prudentioribus ves- apostolicam sedem, cui vos, auctore Deo, præ-
tris, qui mihi in necessitatibus meis consilio sidetis, cum illius viri sancti vita et miraculis
simul et auxilio suffragetur: auxilietur, dico, de missis peteremus, quod petitione dignum credi-
adversis; consiliatur vero de his quæ latere non mus; quatenus, si ita vobis cautum videatur,
credo aures vestræ sanctitatis. At vero si hactenus dato nobis vestri apostolatus decreto, nomen
vos latuerunt, jam nunc obsecro uti benignum ejus liceat cum sanctorum nominibus conscribi,
litteris meis accomodare velitis auditum. Vir cæteraque honoris sanctis debiti ipsi impendi.
quidam vitæ sanctitate laudabilis apud nos diebus Itaque quid solatii, quid consilii super allevationem
istis ex hac luce migravit; quem, si signis et angustiarum nostrarum hinc et inde obortarum,
virtutibus quæ per eum Dominus operatur, cre- prudentia vestra mihi ineundum decreverit,
dere debeamus, procul dubio eum cum sanctis B sine longa temporis dilatione dignemini insi-
æternæ beatitudinis habere consortium non dubi- nuare. Honor vester et meritum apud Deum et ho-
tamus. Sed non tam signa quæ fidelibus et infide- mines augeatur.

ANNO DOMINI MXLII

HERIBERTUS

EICHSTETTENSIS EPISCOPUS

HERIBERTI HYMNI,

EDENTE HEINRICO DENZINGER IN UNIVERSITATE HERBIPOLENSIS THEOLOGICÆ PROFESSORE.

Heribertus, episcopus Eichstettensis XV, annis viginti uno rexit Ecclesiam, electus anno 1021, anno vero 1042, ix Kal. Augusti defunctus. Hunc traditio Eichstettensis ex comitibus de Rothenburg Franco-
nicis natum refert. De eo anonymus Hasenriedianus qui anno 1075 ad canonicum Herbipolensem epis-
tolam de episcopis Eichstettensibus direxit (1): « Heribertus, nobilis genere, nobilior moribus, vir ele-
« ganter litteratus, sancti illius Heriberti Coloniensis archiepiscopi cognatus et æquivocus, divina faven-
« te gratia, factus est episcopus. Hic Herbipoli nutritus, edoctus, egregia dietandi dulcedine in tantum
« enituit, ut tunc temporis hac in arte nulli secundus fuerit. Hic Spiritu sancto afflatus, sex hymnos
« pulcherrimos composuit: unum de sancta cruce, *Salve, crux, sancta*; alterum de S. Wilibaldo,
« *mare, fons, ostium*; tertium de S. Walpurga, *Ave, flos virginum*; quartum de S. Stephani inventione,
« *Deus deorum, Domine*; quintum de S. Laurentio: *Conscendat usque sidera*; sextum de omnibus
« sanctis: *Omnes superni ordines*. De sancta Maria vero fecit quinque intimas orationes, quarum
« omnium commune initium est: *Ave, Maria gratia plena*. Fecit etiam duas has initiatas modulationes:
« *Advertite, omnes populi, et: Peccatores, peccatrices quondam.* »

Hymnos ex Breviario Eichstettensi, quod primum typis excusum est, subjicimus, excepto hymno de
S. Stephano, quem apud Daniel in Thesaurio hymnologico, Halis 1844, p. 289, invenimus. Plura de Vita
Heriberti videtis apud Gretser. l. c. et Andr. Straus in opere. De viris scriptis, eruditione ac pietate insi-
gnibus quos Eichstadium vel genuit vel aluit. Eichst. 1709, p. 172.

HERIBERTI HYMNI.

I. De sancta cruce.

Salve, crux sancta,
Salve, mundi gloria,
Vera spes nostra,
Vera ferens gaudia,
Signum salutis,

Salus in periculis,
Vitale lignum,
Vitam portans omnium.
Te adorandam,
Te crucem vivificam,
In te redempti,

Dulce decus sæculi,
Semper laudamus,
Semper tibi canimus,
Per lignum servi,
Per te lignum liberi
Originale crimen

(1). Ap. Gretserum in historico Catalogo omnium episcoporum Eichtettensium. Tom. VIII Operum.

Necans in cruce,
 Nōs a privatis,
 Christe, munda maculis;
 Humanitatem
 Miseratus fragilem
 Per crucem sanctam
 Lapsis dona veniam.
 Protege, salva,
 Benedic, sanctifica
 Populum cunctum
 Crucis per signaculum;
 Morbos averte
 Corporis et animæ;
 Hoc contra signum
 Nullum stet periculum.
 Laus Deo Patri.
 Sit in cruce Filii;
 Laus coequalis
 Sit sancto Spiritui;
 Civibus summis
 Gaudiūm sit angelis,
 Honor in mundo
 Sit crucis inventio [exaltatio]
 Amen.

II. De S. Wilibaldo.

Mare, fons, ostium
 Atque terrarum,
 Deus, tu omnium
 Caput honorum,
 A te bona fluunt,
 Ad te recurrunt.
 Longè ab insulis
 Pars bona maris

IV. De S. Laurentio:

Conscendat usque sidera
 Coelique pulset intima
 Vox atque cantus omnium
 Te Deūm tollaudantium.
 Adest namque festivas
 Et dies venerabilis,
 In quo cælum pro meritis
 Laurentius ingressus est.
 Qui, superatis ignibus
 Et impiis tortoribus,
 Devictis sævis hostibus,
 Nunc gaudet in cælestibus.

Ipsè dignetur Dominum
 Rogare clementissimum,
 Ut ab æternis ignibus
 Nos salvet et dæmonibus.

Deo Patri sit gloria
 Ejusque soli Filio
 Cum Spiritu Paraclito
 Et nunc et in perpetuum. Amen.

V. De omnibus sanctis.

Omnes superni ordines,
 Quibus dicatur hie dies,
 Mille milleni millies,
 Vestros audite supplices

Ad fontem rediit.
 Teque requirit,
 Jesu, viventium
 Fontem aquarum.
 Maris fons est Deus,
 Pars Wilibaldus,
 Quem procul patriis
 Sitit ab oris:
 Cervi more suum
 Tendit ad haustum.
 Angelorum insulæ
 Felix alumne,
 Nos prece sedula
 Dignos fac aqua,
 Quam quisquis biberit
 Sitim post nescit.

Mundos baptismate
 Fraudes iniquas
 Semper inficiunt,
 Maleque mergunt
 Per stagnum criminis
 In pœnam mortis.
 Sed tuis precibus
 Omnes rogamus,
 De sævâ eripi
 Noxa Carybdis,
 Tangentes lacrymis
 Portum salutis.

Laus tibi, Trinitas,
 Laus et potestas;
 Te laudant flumina,
 Cœli ac terra;
 A mari ad mare

Laus sit hac die. Amen.

III. De sancta Walburga.

Ave, flos virginum,
 Soror magnorum
 Fratrum Willibaldi
 Et Wunebaldi,
 Ave, virginei
 Sponsa decoris.

Inter innumeros
 Quos misit sanctos,
 Te læta genuit
 Lætaque misit,
 Florem angelicum,
 Anglia mater.

Te mater Domini,
 Mater et virgo,
 Choreis virginum
 Virginem junxit,
 Filioque suo,
 Sponsa, dicavit

Ingressa thalamum
 Regis cœlorum
 Audis angelicum
 Carmen jocundum:
 Intra, virgo, tui
 Gaudium Sponsi

Laus tibi, Trinitas,
 Laus et potestas;
 Te laudant virgines
 Quinque prudentes
 Te oret pro nobis.
 Virgo Walpurgis. Amen.

A Primum virtutes igneæ,
 Mox repletæ scientiæ,
 Exin juvate nos prece,
 Sessiones dominicæ.
 Hinc dicati virtutibus,
 Vosque tremendi mutibus (nutibus)
 Et fulgurosi vultibus,
 Christi favete plebibus.

Tu, pater, adsis Abraham,
 Claram gerens p̄osapiam,
 Cum ipsis necessariam
 Nobis precando veniam.

Sacer adesto claviger,
 Et novæ pacis legifer,
 Omnisque Christi crucifer

B Actus mundate pariter.
 Deo Patri sit gloria
 Ejusque soli Filio
 Cum Spiritu Paraclito
 Et nunc et in perpetuum. Amen.

VI. De inventione S. Stephani.

Dētis deorum, Domine,
 Rex sempiternæ gloriæ,
 Rex invictorum militum,
 Carmen exaudi supplicum.

Terra tegens absconditum

Dulcis thesauri pretium,
 Invento protomartyre,
 Mundo reddit spem gratiæ.
 Omnes devoti martyres,
 Laudate protomartyrem;
 Vestris dignus est laudibus,
 Vestri dux belli prævius.
 Donatur primus laurea
 In acie Dominica,
 Quem prostratum lapidibus
 Dei assumpsit Filius.
 Jam protomartyr Stephane,
 Preces devotas accipe,
 Quibus per te nos quæsumus

A Deo placari cœlitus.
 Quem pro persecutoribus
 Exaudiebat Dominus,
 Et pro tuis supplicibus
 Exaudiet propitius.
 Vosque juncto Nicodemo
 Gamaliel et Abibon
 Pro populi excessibus
 Finem non date precibus.
 Summo Parenti gloria
 Natoque laus quam maxima
 Cum sancto sit Spiramine
 Nunc et per omne sæculum. Amen.

ANNO DOMINI MXLV.

EMMÆ REGINÆ ANGLORUM, RICHARDI I DUCIS NORTHMANNORUM FILIÆ, ENCOMIUM,

INCERTO AUCTORE, SED COÆTANEO;

(Edidit DUCHESNE, *Historiæ Northmannorum Scriptores antiqui*, pag. 163.)

ADMONITIO PRÆVIA.

(Histoire littéraire de la France, tom. VII, pag. 574.)

Un écrivain, qui ne nous est connu que par sa qualité de moine de Saint-Bertin, nous a laissé un ouvrage intitulé *Eloge d'Emma, reine d'Angleterre, fille de Richard I^{er}, duc de Normandie*; titre aussi pompeux qu'insuffisant pour exprimer la nature de l'ouvrage et en donner une juste idée. C'est effectivement moins l'éloge de cette princesse que l'histoire de Canut le Grand, roi de Danemark et d'Angleterre, qu'elle épousa en secondes noces, et d'Harald, fils et successeur de ce roi. Il est divisé en deux livres, dont le premier, qui est fort court, contient l'histoire abrégée de Suen, roi de Danemark, père de Canut, et les commencements de celle de ce dernier. L'autre livre, qui est plus prolixe, est employé à décrire le règne de Canut et les révolutions dont il fut suivi en Angleterre sous Harald et après sa mort; lorsqu'Edouard, fils du roi Ethelrède et de la reine Emma, parvint à la couronne. Cet événement arriva en 1042, et notre auteur n'a pas poussé son Histoire plus loin. Il décrit en finissant la bonne intelligence et l'union qui régnaient entre ce prince et Canut II, son frère utérin, roi de Danemark: ce qui montre que l'historien n'entreprit d'écrire que quelque temps après l'époque qu'on vient de marquer. Mais il est certain qu'il l'exécuta avant l'année 1052, qui est la date de la mort d'Emma, à qui l'écrit est dédié par une Epître détachée du corps de l'ouvrage, et suivi d'un Avertissement ou Sommaire de toute l'histoire.

Cet ouvrage, que Duchesne a donné au public sur un manuscrit de la bibliothèque Cottonienne, paraît peu connu, puisqu'il n'y a encore que cette édition. Il aurait assurément mérité de trouver place dans les recueils des historiens d'Angleterre et de Danemark qu'on a imprimés depuis un siècle ou environ. Outre quantité de traits propres à illustrer l'histoire de ces deux royaumes, qui s'y lisent, ce qu'il contient doit passer pour très-avéré. C'est la production d'un auteur non-seulement contemporain; mais qui avait encore en singulière recommandation la vérité de l'histoire, comme il s'en explique lui-même. D'ailleurs, le style en est fort bon pour le siècle où l'ouvrage a été fait. Il est même fleuri en plusieurs endroits, et animé jusqu'au point qu'il retient quelque chose du style poétique.

PROLOGUS.

Salus tibi sit a Domino Jesu Christo, o regina, B elegantia. Ego servus tuus nobilitati tuæ digna fa-
 que omnibus in hoc sexu positis præstas morum otis meis exhibere nequeo; quoque pacto verbis sal;

tem illi placere nescio. Quod enim cujuslibet periti eloquentis de te virtus tua præminet, omnibus a quibus cognosceris ipso solis jubare clarius luceat. Te igitur erga me adeo bene meritam magni facio, ut morti intrepidus occumberem, si in rem tibi provenire crederem. Qua ex re mihi etiam, ut præcipis, memoriam rerum gestarum, rerum, inquam, tuo tuorumque honori atinentium litteris posteritati mandare gestio; sed ad hoc faciendum me mihi sufficere posse dubito. Hoc enim in Historia proprium exigitur ut nullo erroris diverticulo a recto veritatis tramite declinetur; quoniam cum quis alicujus gesta scribens, veritati falsa quædam seu errando, sive (ut sæpe fit) ornatus gratia interserit, profecto unius tantum comperta admistione mendacii auditor facta velut infecta ducit. Unde historicis magnopere cavendum esse censeo ne, veritati quibusdam falso interpositis contraeundo, nomen etiam perdat quod videtur habere ex officio. Res enim veritati, veritas quoque fidem facit rei. Hæc mecum aliaque hujusmodi reputante, rubor animum vehementer excru-

ciat; cum pariter considero quam pessime in talibus sese humana consuetudo habeat. Videns enim aliquis quempiam pro exprimenda rei veritate verbis indulgentem, vanæ loquacitatis eum mordaciter redarguit; alium vero quem dixi blasphemiam fugientem et æquo modestiorem in narratione, cum operata denudare debeat, aperta occuluisse dicit. Tali itaque angustia circumseptus, ab invidentibus loquax dici timeo, si, neglecta venustate dictaminis, Historiam scripturus multiplici narratione usus fuero. Quoniam vero, quin scripturus sim evadere me non posse video, unum horum quæ proponam eligendum esse autumno, scilicet aut variis judiciis hominum subjacere, aut de his quæ mihi a te, domina regina, præcepta sunt, præripientem negligendo conticescere. Malo itaque a quibusdam de loquacitate redargui, quam veritatem maxime memorabilis rei per me omnibus occultari. Quocirca jubentem dominam magni pendens, hanc mihi elegi viam, excusabiles deinceps occasiones posthabens, hinc narrationis contextionem faciam.

ARGUMENTUM.

Fortasse, o lector, ambiges, meque scriptorem erroris aut inscitiae redargues, cur in hujus libelli capite actus laudesque Sueini serenissimi regis promulgaverim, cum in suprascripta epistola ipsum codicellum laudi hujus dominæ me sponderim facturum. Quod ita esse ipse fatebere, meque ab ejus laudibus nusquam accipies deviare, si prima mediis, atque si extrema sagaci more conferas primis. Atque ut ad hoc intuendum nulla erroris impediatis nebula, a similibus atque a penitus veris hoc tibi habeas theoremata. Æneida, conscripseram a Virgilio quis poterit inficiari ubique laudibus responderet Octaviani, cum pene nihil aut plane parum ejus mentio videatur nominatim interseri? Animadvertite igitur laudem suo generi ascriptam ipsius decori claritudinis, claritatisque in omnibus nobilitate gloriam. Quis autem hic neget laudibus reginæ hunc per omnia respondere codicem, cum non modo ad ejus gloriam scribatur, verum etiam ejus maximam videatur obtinere partem? Id tibi si probabile non videtur, evidenti alterius rei indicio approbetur. Nosti quoniam, ubicunque gyraveris circulum, primo omnium procul dubio principium facies esse punctum, sicque rotato continuatim orbe reducetur circulus, quo reducto ad suum principium ejus figure continuatur ambitus. Simili igitur continuatione laus reginæ claret in primis, in mediis viget, in ultimis invenitur, omnemque prorsus codicis

summam complectitur. Quod esse mecum sentiens sic collige. Sueinus rex Danorum, virtute armisque pollens et consilio, Anglicum regnum vi suo subjugavit imperio, moriensque ejusdem regni Cnutonem filium successorem esse constituit. Hic postmodum eisdem Anglis contra se sentientibus, atque acriter vim instrumenti vi quoque repugnantibus, multa confecit bella; et fortasse vix aut nunquam bellandi adesset finis, nisi tandem hujus nobilissimæ reginæ jugali copula potiretur, favente gratia Salvatoris. Vivens adhuc de hac eadem regina suscepto filio, Hardecnut scilicet, quidquid suæ parebat ditioni tradidit. Qui, defuncto patre, Anglicis absens erat. Regnum siquidem Danorum procuraturus ierat. Quæ absentia imperii sui fines invadendi injusto pervasori locum dedit. Qui accepto regno, fratrem regis nefandissima proditione interemit. Sed divina ultio subsecuta, impiumque percutiens, regnum cui debebatur restituit. Hardecnut itaque, recepto regno, matris per omnia parens consiliis, divitias ampliando regnum imperialiter obtinuit. Usus quin etiam egregia liberalitate fratri, utpote decebat, secum regni decus atque divitias impertivit. His enim animadversis, o lector, vigilique, imo etiam perspicaci oculo mentis perscrutato textu, intellige hujus libelli seriem per omnia reginæ Emmæ laudibus respondere.

LIBER PRIMUS.

Regem Danorum Sueinum, inquam, veridica compari relatione omnium sui temporis regum ferme

fortunatissimum exstitisse, adeo ut (quod raro contingere solet) principii felicibus, secundum Deum

et sæculum, multo felicior responderet exitus. ille A
denique a nobilissimis, quod primum est inter
homines, duxit originem, magnumque sibi decus
secundum sæculum peperit imperii quod admini-
strabat regimen. Tantam deinde illi gratiam divi-
na concessit virtus, ut etiam puerulus intimo affe-
ctu diligeretur ab omnibus tantum patri proprio
invisus, nulla hoc promerente puerili culpa, sed
sola turbante invidia. Qui factus juvenis, in amore
quotidie crescebat populi, unde magis magisque
invidia augebatur patri: adeo ut eum a patria non
jam clanculum, sed palam vellet expellere, jure-
jurandoque asserens eum post se regnaturum non
esse. Unde dolens exercitus, relicto patre, hærebat
filio et eum defensabat sedulo. Hujus rei gratia
congregiuntur in prælio, in quo vulneratus fuga B
tususque pater ad Sclavos fugit, et non multo post
ibi obiit, et Suein ejus solium quiete tenuit. Quam
strenue vero prudenterque interim sæcularia di-
sposuerit negotia, paucis libet ad memoriam re-
ducere, quatenus his interpositis facilius sit gra-
datim per hæc ad subsequencia descendere. Deni-
que cum nullo hostium incursu trepidus pacem in
securitate ageret, periculi semper velut instantis
metuens in castris vivebat, quod hostibus, si ades-
sent, nullatenus fortasse resisteret, nihilque suis
que bello necessaria forent præparando patieba-
tur remitti, scilicet ne per otium, ut assoles, viri-
les emollirentur animi. Nullum tamen adeo diffi-
cile invenire poterat negotium ad quod invito
impulisset milites, quos multa liberali munificen- C
tia sibi fecerat obnoxios et fideles. Atque, ut scias
quantus suorum fuerit in præcordiis affectus, pro
certo affirmare valeam quod nullus formidine
mortis periculum refugeret, ejusque pro fidelitate
hostibus innumeris solus, armatis etiam, manibus
nudis imperterritus occurreret, si euntibus tantum
regale præmonstraretur signum. At ne me credat
aliquis hæc falsa fingendo alicujus amoris gratia
compilare, recte animadvertenti in subsequentibus
patebit utrum vera dixerim an minime. Omnibus
enim liquet procul dubio quoniam humanitatis ita
sese habeat consuetudo, ut plerumque ex rebus
prosperè redeuntibus mentes quorundam plus
æquo exagitet cogitationum æstus, atque ex nimia
in otio licentia aggrediuntur aliqui quod vix cogi- D
tare, nedum facere, audent in adversitate posita.
Ita etiam prælibati regis militibus, cum incompo-
sita pacis diuturnitate cuncta cessissent prosperè,
firma sui pro benefactis domini fretis stabilitate,
eadem ipsi agitati placuit studere terram Angli-
cam invadendo sorte bellica imperii sui finibus
adjicere. « Turchil, inquit, princeps militiæ tuæ,
domine rex, licentia a te accepta, abiit ut
fratrem suum inibi interfectum ulcisceretur, et,
magnam partem exercitus tui abducens, vicisse
se gaudet; et nunc meridianam partem provinciæ
victor obtinet, ac mavult ibi exsul degens, ami-
cusque factus Anglorum, quos tua manu vicit glo-
riari, quam exercitum reducens tibi subdi, tibi que
victoriam ascribi. Et nunc fraudamur sociis et

quadraginta puppibus quas secum duxit onustas
de Danorum bellatoribus primis. Non tam grave
dominus noster patiatur dispendium, sed abiens
cupientem ducat exercitum, et illi Turchil contu-
macem acquiremus cum suis satellitibus, eis quo-
que federatos Anglos cum omnibus eorum pos-
sessionibus. Scimus enim diu eos non posse resi-
stere, quia nostrates viri ad nos transibunt facile.
Quod si eos velle contigerit, rex duci suo Danis-
que parcens, eos honoribus ampliabit. Si autem
noluerit, quem despexere sentient. Hac illaque pa-
tria privati inter primos hostes regis pœnas
luent. »

Hujus rei adhortationem rex ubi audiit, primum
secum mirari non mediocriter cepit, quia quod
ipso diu dissimulanti celantique in mentem venerat, itidem militibus cogitationem ejus ignorantibus animo sederat. Accersito itaque Cnutone filio suo majore, quid sibi super hoc negotii videretur, orsus est inquirere. Inquisitus autem ille a patre, metuens ne redargueretur si placito contraireret techna socordiae, non tantum terram adeundam esse approbat, verum etiam instigat hortaturque ne mora ulla incœptum detineat. Ergo rex consultu optimatum firmatus, militumque benevolentia fisus, classem numerosam jussit parari et universam militiam Danorum undique moneri, ut statuto die armata adesset et regis sententiam audiens, quæque imperarentur devotissime expleret. Cursores mox provinciæ ex jussu domini sui cunctam pergyrant regionem, quietam quoque comonefaciunt gentem, ne quis ex tanto exercitu deesset, quin omnis bellator terræ aut iram regis incurreret, aut jussioni ejus advolaret. Quid ergo? Absque contradictione adunantur, instructique armis bellicis gregatim regi suo præsentantur, ostentantes se paratos ad periculum et ad mortem, si tantum domini sui queant perficere voluntatem. Rex autem videns populum innumerabilem, voce præconaria jussit suam patefieri voluntatem, se velle scilicet classem adversum Anglos armare, ditionique suæ omnem hanc patriam ferro dolivise subjicere. Quod ubi omnibus visum esset laudabile, elegit primum qui regnum suum deberent custodire, ne, dum alienum incaute appeteret, illud quod securus tenebat amitteret et intentus in utroque neutri imperaret. Habebat enim filios duos bonæ indolis, ex quibus primogenitum suo junxit comitatu, natu vero minorem præfecit universi regni dominatu, adjuncta ei copia militari, paucisque primatum qui puerulum sagaciter instituerent et qui huic consiliis armisque pro muro essent.

Omnibus ergo rite dispositis, recensuit comites expeditionis, relictoque minore filio suo in sede, adiit navigium vallatus armato milite. Nec mora, concurritur undique ad littora, circumfertur passim armorum seges multigena. Aggregati tandem turritas ascendunt puppes, æratis rostris duces singulos videntibus discriminantes. Hinc enim erat cernere leones auro fusiles in puppibus, hinc autem volucres in summis malis venientes austros

quæ signantes versibus, aut dracones varios in-
nantes incendia de naribus. Illinc homines de solido
quoque argenteos rutilos, vivis quodammodo non
impares, atque illinc tauros erectis sursum collis,
profensisque cruribus, mugitus cursusque viven-
tium simulantes. Videres quoque delphinos ele-
etro fusos, veteremque rememorantes fabulam de
eodem metallo centauros. Ejusdem præterea cæ-
laturæ multa tibi dicerem insignia, si non mon-
strorum, quæ sculpta inærant, me laterent nomina.
Sed quid nunc tibi latera carinarum memorem,
non modo ornatibus depicta coloribus, verum
etiam aureis argenteisque aspera signis? Regia
quoque puppis tanto pulchritudine sui cæteris
præstabat, quanto rex suæ dignitatis honore mili-
tes antecedebat. De qua melius est ut sileam, quam
pro magnitudine sui pauca dicam. Tali itaque
fræti classe, dato signo repente gaudentes abeunt,
atque, ut jussi erant, pars ante, pars retro, æqua-
tis tamen rostris, regis puppi se circumferunt. Hic
videres crebris tonsis verberata late spumare cæ-
pula, metallique repercussum fulgore solem dan-
duplices radios extendere in aera. Quid plura? Tan-
dem quo intendebant animi appropriabant finibus,
cum finitimos mari patrienses ejus rei sinister
commovit nuntius. Nec mora, quo regia classis
ancheras fixit, incolæ ejus loci concurrunt ad por-
tam, potentiori se frustra parati defendere intran-
di aditum. Denique relictis navibus regii milites
ad terram exeunt, et pedestri pugnae intrepidi sese
accingunt. Hostes primo duriter contra resistentes
dimicant, postea vero periculi formidine versi in
fugam, sauciandi occidendique copiam præse-

quentibus præstant. Ita rex ex affectu primo præ-
lio usus, adjacentem regionem invadit, fuscis fuga-
tisque hostibus. Tunc tali successu factus auden-
tior, ad naves redit et reliquos portus, qui plures
eam terram cingunt, eadem ratione invadit. Pos-
tremo universam patriam tanto labore perdomuit,
ut, si quis omnem historiam ejus ad plenum per-
currere velit, non modicum auditores fatigabit et
sibimet injuriosus erit, dum, ut voluit, omnia per-
stringere minime valebit. At ego, hæc alteri nar-
randa relinquens, tangendo transire percipio et
ad alia festinando, stylum applicabo ad Sueini
obitum, ut festivi regis Cnutonis regni elucidare
queam exordium. Namque ubi jam sæpeditus
rex tota Anglorum patria est inthronisatus, et ubi
jam pene illi nemo restitit, pauca supervixit tem-
pore, sed tamen illud tantillum gloriose. Præceas
igitur dissolutionem sui corporis imminere, filium
suum Cnutonem, quem secum habuit, advocat,
sese viam universæ carnis ingrediendum indicat.
Cui dum multa de regni gubernaculo, multaque
hortaretur de Christianitatis studio, Deo gratias, illi
virorum dignissimo sceptrum commisit regale.
Hujus rei facto maxime Dani, quibus legitime præ-
esse debuit, favent, eumque patre adhuc vivente
regem super se constitui gaudent. Hoc ita facto,
pater orat filium ut, si quando nativitatis suæ re-
dieret ad terram, corpus paternum reportaret secum,
neve pateretur se alienigenam in externis tumu-
lari terris. Noverat enim quia pro invasione regni
illis exosus erat populis. Nec multo post postrema
naturæ persolvit debita, animam remittendo cæ-
lestibus, terræ autem reddendo membra.

LIBER SECUNDUS.

Mortuo patre, Cnuto regni parat retinere sce-
ptrum, sed ad hoc minime sufficere potuit, defi-
ciente copia fidelium. Angli siquidem, memores
quod pater ejus iniuste suos invasisset fines, ad
expellendum eum, ut pote qui juvenis erat, omni
regni pariter collegerunt vires. Quo comperto rex,
clam per fideles amicos reperto honoris sui con-
silio, classim sibi præparari jubet; non quod
asperes eventus belli metuendo fugeret, sed ut
fratrem suum Haraldum, regem scilicet Dano-
rum, super tali negotio consuleret. Paterna ita-
que classe repetita, instauratoque remige, ventis
marique regalia commisit carbasa, sed tamen non
omnem militiam secum reduxit, quæ eum patre
suo secumque patriam introivit. Nam Thurchil,
quem principem militiæ prædiximus, terra quod
esset optima inspecto, maluit conversari vitam
fertili patria, cum patriensibus pace confecta,
quam velut expulsus demum redire ad propria.
Et, ut aiunt quidam, hoc non facit despiciendo
dominium, sed uti, cum resumptis viribus fra-
trisque auxilio repedaret ad debellandum re-
gnum, aut optimates regni consilio suo ad dedi-
tionem flecteret, aut si id parum processisset, di-

micantes contra dominum suum hostes incautos
a tergo caderet. Cujus rei patet veritas ex eo quod
secum maximam partem militum retinuit, quod-
que rex non amplius quam sexaginta naves secum
abire permisit.

Prospero itaque cursu rex natales ad fines [per-
venit. Eb. P.] cum mirarentur omnes solitarium
reditum ejus, quantum ad regem, patri antea fide-
les. Haraldus regis subito complevit volitans fama
palatia, fratrem ejus majorem, Cautonem scilicet,
sua advenisse littora. Miratur rex omnisque pari-
ter exercitus, atque adhuc nescii duos ipsius præ-
sagibant casus. Igitur a latere regis milites diri-
guntur delecti, paratique in occursum transmittuntur
equi, Fraternalis siquidem amor fratris eum
movebat inservire decori. Cumque tandem hono-
rifice, utpote regem decet, fraterna subintraret
limina, frater ipse in primo aditu occurrit, mu-
tuoque brachiorum connexionem pressis corporibus,
sibi invicem pia quam sæpe defigunt oscula. Col-
lum utriusque partim pro amore, partimque pro
patris morte fusæ madefecere lacrymæ; qui-
bus vix extinctis multo refocillantur affamine. Ubi
dum quisque fortunam fratris inquireret, præ-

priam quoque patefaceret; Cnuto, qui natu major fuerat, sic Haraldum fratrem alloquitur: «Adveni, frater, partim causa tui amoris, partim vero ut declinarem improvisam temeritatem barbariei furoris; non tamen metuens bellorum, quæ meæ repetam gloriæ, sed ut tuo consultu edoctus, præsidioque suffultus, redeam certus victoriæ. Est autem primum, quod mihi facies, si non gloriæ meæ invides, ut dividas mecum regnum Danorum, meam scilicet hæreditatem, quam solus tenes, deinde regnum Anglorum, si communi opera poterimus nostræ hæreditati adjicere. Unum horum quodcunque elegeris feliciter teneto, et ego aliud similiter tenebo. Hujus rei gratia tecum hiemabo, ut tempus tuo sufficiat consilio et, ut expedit, reparentur naves et exercitus, ne deficient necessaria, dum pugnæ ingruerit tempus. Thurchil noster nos relinquendo, ut patrem, in terra resedit et magnam partem navium nostrarum retinuit, ut reor, nobis adversarius erit, sed tamen non prævalebit.»

Haraldus rex, audito quod noluit, his fratrem verbis excepit: «Gaudeo, frater, de tuo adventu, habeoque gratias tibi quod me visitasti; sed est grave auditu quod loqueris de divisione regni. Hæreditatem quam mihi pater, te laudante, tradidit, gubernabo; tu vero hanc majorem si amisisti doleo, sequere juvare paratus regnum meum partiri non sustinebo.» Hoc Cnuto audiens, fratremque recte locutum tacite perpensens: «Hoc tempore de hoc sileamus, inquit. Deus enim rectius fortasse hoc solus ordinavit.» Talibus aliisque diversis sermonibus colloquentes, conviviisque regalibus convivantes, aliquanto tempore simul manserunt, et naves meliorantes exercitum restauraverunt. Pariter vero Sclavoniam adierunt, et matrem suam, quæ illic morabatur, reduxerunt.

Interea quedam matronarum Anglicarum navim sibi fecit parari, et assumpto corpore Sueini regis sua in patria sepulti, illoque aromatibus condito, pallisque velato, mare adiit, et prospero cursu appulsa ad portus Danorum parvenit. Mittens ergo utrisque fratribus nuntium, mandat corpus adesse paternum, ut hoc maturent auspicere, tumuloque quod sibi præparaverat locare. Illi hilares adsunt, honorifice corpus suspiciunt, honorificentiusque illud in monasterio in honore sanctæ Trinitatis ab eodem rege constructo, in sepulcro quod sibi paraverat recondunt. Quo perfecto, jamque appropiante sole æstivo accelerat Cnuto, redintegrato exercitu, redire, suasque injurias vindicare. At illi circa littora deambulanti subito apparescunt carbasa non multa in medio mari. Nam Turchil memor quod Sueino fecerat, et quod tunc in terra Anglica absque licentia domini sui Cnutonis inconsulte remanserat, cum novem navibus earumque exercitu dominum suum requisivit, ut ei patefaceret quia non contra ejus salutem se recedente remanserit. Qui veniens non præsumpsit littora injussus subire, sed ejectis anchoris, præmissique nuntiis, poscit se portus subintrare li-

cere. Quod ubi concessum est, ascendit misericordiamque domini sui quæsivit, et illi multo labore conciliatus, dat fidei sacramentum se illi deinceps fideliter servitutum. Cum quo mense plus integro moratur, et ut ad Anglos redeat hortatur, dicens eum leviter illos posse superare, quorum fines longe lateque notificarentur utrisque. Præsertim aiebat se triginta naves in Anglorum patria cum exercitu fidissimo reliquisse, qui venientes susciperent honorifice, lucerentque per fines totius patriæ. Tunc rex valedicens matri et fratri, curvi littoris repetiit confinia, qua jam adunaverat ducentarum navium speciosa spectacula. Nam hic erat tanta armorum copia, ut una earum navium, si omnibus reliquis defecissent, sufficeret abundantissime tela. Erant autem ibi scutorum tantæ genera, ut crederes adesse omnium populorum agmina. Tantus quoque decor inerat puppibus, ut intuentium hebetatis luminibus, flammæ magis quam igne viderentur a longe aspicientibus. Si quando enim sol illis jubar immiscuit radiorum, hinc resplenduit fulgor armorum, illinc vero flamma dependentium clypeorum. Ardebat aurum in nostris, fulgebat quoque argentum in variis navium figuris. Tantus siquidem classis erat apparatus, ut, si quam gentem ejus vellet expugnare Dominus, naves tantum adversarios terrent, priusquam earum bellatores pugnam ullam caperent. Nam quis contrarium leones auri fulgore terribiles, quis metallinos [metallicos?] homines aureo fronte minaces, quis dracones obryzo ardentis, quis tauros radiantibus auro cornibus necem intentantes in puppibus aspiceret, et nullo metu regem tantæ copię formidaret? Præterea, in tanta expeditione nullus inveniebatur servus, nullus ex servo libertus, nullus ignobilis, nullus senili ætate debilis. Omnes enim erant nobiles, omnes plenæ ætatis robore valentes, omnes cuius pugne satis habiles, omnes tantæ velocitatis, ut despectui eis essent equitantium pernicitates.

Talis itaque milities fastuosis scansis ratibus intrat pelagus, solutis a littore anchoris et funibus, talique verrit impetu fluctus, ut alatis puppibus hanc supervolare undas putares, vix tanto mari rudentibus. Regalis autem navis reliquis erat honor et intentio, quia nulla aliis inerat optio, nisi tantum ut regis sui faces ampliarent toto studio. Expectabili itaque ordine, flatu secundo, Sandhuich, qui est omnium Anglorum portuum famosissimus, sunt appulsi, ejectisque anchoris, baculis exploratores se dedunt littori, et citissime finitima tellure explorata, ad nota recurrunt navigia, regique edicunt adesse resistentium parata milia. Patrienses enim regi Danisque ferventissime rebellare ardentis, quas sibi ad luctam sufficere credebant, adunaverat phalanges, conglobatique in unum conspirati advolitabant, dextris nobilium morituri. Tunc Turchil tempus intuens instare quo fidelitatem suam domino suo valebat patefacere: «Ego, inquit, hoc certamen domino meo accurabo cum meis evincere, nec regem meum

ad bellandum, utpote juvenem ferventissimum, huic misceri partiar pugnæ. Nam si victor fuero, regi ipsi triumphabo; si autem cecidero, sive tergum dederò, non Anglis gloriæ erit adeo; quia rex supererit, qui et prælium restaurabit et fortasse victor meas injurias vindicabit.» Hoc dictum cum sanæ mentis esse videretur omnibus, annuente rege ascendit cum suis e navibus, dirigens aciem contra Anglorum impetum, qui tunc in loco Scorastan dicto fuerat congregatus. Quadraginta denique navium et eo amplius, Danorum exercitus ascenderat, sed adhuc hic numerus medietati hostium minime par fuerat. At dux eorum magis fisis virtute quam multitudine, omnes rumpens morulas, classica insonuit, gradiens in prima fronte, et, mente semper Dei auxilium exorans, quæque obvia metebat mucronis acie. Angli vero in primis fortiores diracæde Danos obruncarunt, in tantum ut pene victoriam adepti adversarios fugere cogèrent, si non ducis alloquio retenti memoresque virtutis fugam erubescerent. Namque memorabat ille abesse diffugium, in terra scilicet hostes, et a littore longe remotas puppes; ideoque, si non vincerent, quod pariter occumbere deberent. Unde illi animosiores effecti, in prælio illico manifestant quam periculosa sit desperatio. Enimvero de refugio fugæ desperati tanti hostes debacchati sunt insania, ut non tantum mortuorum aspiceres corpora cadentia, verum etiam vivorum ictus declinantia. Tandem ergo potiti optata victoria, suorum quæ reperire poterant, tumulabant membra. Ab adversariis quoque diripientes spolia, revertuntur, et ad jacentem regionem invadendam accinguntur. Hoc primum decus Thurchil armis Cnutonis auxit, et magnam partem patriæ pro hoc postmodum promeruit.

At tunc ad dominum regressus, ei et sociis suos indicat eventus, facitque eos spoliis quæ attulit ardentiores ad pugnam, manubiis lætus et palmæ successibus. Quo exemplo Eric quidam dux et princeps provinciæ quæ Northwega dicitur, incitatus (nam et is Cnutonis regis intererat officialibus, jamdiu illi subditus, vir armis strenuus, omni honorificentia dignus), accepta licentia, cum suis est egressus, et partem terræ aggressus spolia diripuit, vicos invadendo destruxit, occurrentes sibi hostes domuit, et multos ex eis captivavit, tandemque victoriosus ad socios cum spoliis redit. Quo reverso, rex parcens patriæ, prohibuit ultra eam prædari, sed jussit civitatem Londoniam metropolim terræ obsidione teneri, quia in ea confugerant optimates et pars exercitus et maximum (ut est populosissima) vulgus. Et quia hoc pedites equitesque nequibant explere (undique enim mari quodammodo non pari vallantur flumine), turritis puppibus eam congustare fecit, et firmissima valatione tenuit. Deus itaque, qui omnes homines vult magis salvare quam perdere, intuens has gentes tanto periculo laborare, eum principem qui interius civitate præsidebat, educens e corpore, junxit quieti sempiternæ, ut, eo defuncto,

A liber Cnutoni ingressus pateret et utrique populo confecta pace paulisper respirare copia esset. Quod et factum est. Nam cives, suo honorifice sepulto principe, initoque salubri consilio, elegerunt internuntios mittere, et regi placita mandare, videlicet ut dexteram illis daret et civitatem pacifice susciperet. Hoc ubi Cnutoni satis videretur probabile facto, fœdus firmatum est, ingressi ejus die constituto. At pars interioris exercitus sprevere statutum civium, latenterque, nocte illa cujus sequenti die ingressus est rex, cum filio defuncti principis egressi sunt civitatem, ut experirentur rursus collecta innumerabili manu si forte a finibus suis valerent arcere ingressum regem. Nec quieverunt; quousque omnes pene Anglos sibi magis adhuc acclives quam Cnutoni conglabarent. Cnuto autem civitatem intravit et in solio regni resedit, sed tamen Londonienses non sibi adhuc esse fideles credidit. Unde et navium stipendia illa ætate restaurare fecit, ne, si forte exercitus adversariorum civitatem oppugnaret, ipse ab interioribus hostibus exterioribus traditus interiret. Quod cavens, rursus ad tempus ut prudens cessit et, ascensi ratibus ac civitate relicta, insulam Scepei dictam cum suis petiit, ibique hiemans pacifice eventum rei exspectavit.

Edmundus itaque (sic enim juvenis qui exercitum collegerat dictus est), recedente Cnutone, cum populo non mediocri, sed innumerabili veniens, civitatem pompacice ingreditur, et mox eum universi sequuntur, obtemperant, et favent, et virum fortem fieri suadent, dicentes quod eum magis quam Danorum principem eligerent. Erat quoque ejus partis comes primus Edricus, consilii polens, sed tamen dolositate versipellis, quem sibi ad aurem posuerat Edmundus in omnibus negotiis. Fertur autem ipse juvenis illo tempore domi-
C no Cnutoni recedenti singularem pugnam obtulisse, sed rex sapiens dicitur sic respondisse: « Ego tempus luctæ præstolabor congrue, dum non casum suspectus, certus fuero victoriæ. Tu vero, qui aves duellum in hieme, cave ne deficias etiam aptiori tempore. » Sic rex, ut dictum est, in Scepei quod est dictum Latine Insula ovium, ut poterat, hiemavit. Edmundus autem in Londonia, dimisso
D exercitu, ultimam hiemem duxit.

Recedenti vero brumali tempore, tota Quadagesima rursus militiam adunavit, et mox post Paschales dies regem et Danos a finibus Anglorum deturbare paravit, et veniens cum innumerabili multitudine, eos subito cogitavit invadere. At sermo non latuit Danos, qui puppibus posthabitis petunt arida, aptantes se excipere quæque obvia. Erat namque eis vexillum miri portenti, quod, licet credam posse incredibile lectori, tamen, quia verum est, ~~verum~~ inseram
lectioni. Enimvero, dum esset simplicissimo candidissimoque intextum serico, nullius figuræ in eo inserta esset imago, tempore belli semper in eo videbatur corvus, ac si intextus, in victoria suo-

rum quasi hians ore, excutiensque alas, instabilisque pedibus et suis devictis quietissimus totoque corpore demissus. Quod requirens Turchil auctor primi praelii: « Pugnemus, inquit, viriliter socii nihil enim nobis erit periculi. Hoc denique testatur instabilis corvus praesagientis vexilli. » Quo audito, equi audentiores effecti ferratisque induviis indurati, occurrunt Angelis in Æsceneduno loco, quod nos Latini montem fraxincrum possimus interpretari. Ibi que nundum congressione facta, Edric, quem primum comitum Edmundi diximus, hæc suis intulit affamina: « Fugiamus, o socii, vitamque subtrahamus morti imminenti, alioquin occumbemus illico. Danorum enim duritiam nosco. » Et velato vexillo quod dextra gestabat, dans tergum hostibus, magnam partem militum bello fraudabat. Et, ut quidam aiunt, hoc non causa egit timoris, sed dolositatis, ut postea claudit, quia hoc eum clam Danis promississe, nescio quo pro beneficio, assertio multorum dicit. Tunc Edmundus hoc intuitus et undique angustatus: « O Angli, inquit, aut hodie bellabit, aut omnes una in deditionem ibitis. Pugnate igitur pro libertate et patria, viri cordati. Hi quippe qui fugiunt, utpote formidolosi, si non abirent, essent impedimento exercitui. » Et hæc dicens, in medios ingreditur hostes, circumquaque cædens Danos, nobiles hoc exemplo suos reddens ad bellandum proniores. Commissum est ergo praelium pedestre gravissimum, dum Dani licet pauciores nescii cedere, magis eligerent interneconem quam fugæ periculum. Resistunt itaque viriliter et praelium hora diei nona ceptum ducent in vesperam, se gladiis haud sponte opposcentes, sed gladiatorum aculeis valentarius [valentius] alios urgentes. Cadunt utriusque partis armati, plus tamen ejus quæ erat numero eminentiori. At ubi jam advesperante noctis adessent tempora, vincit amor victoriæ tenebrarum incommoda, quia neque horrebant tenebras, instante cura majore, neque etiam nocti dignabantur cedere, in hostem tantum dum ardebat prævalere. Et nisi luna clarescens ipsum monstraret hostem, cæderet quisque suum commilitonem, ut inimicum resistentem, nullusque utriusque partis superviveret, nisi quem fulga salvasset. Interea cœperunt Angli fatigari, paulatimque fugam meditari, dum intuentur Danos in hoc conspiratos quatenus aut vincerent aut usque ad unum omnes una perirent. Videbantur enim iis tunc numerosiores et in tam diutina conflictatione fortiores. Fortiores namque eos aestimabant vera suspicione, quia jam stimulis ferri commoniti, casuque suorum turbati magis videbantur sævire quam bellare. Unde Angli, terga vertentes, hac et illa fugitant absque mota, semper ante adversarium cadentes, adduntque decus Cnutonis et victoriæ, decorato Edmundo fugiente principe. Qui licet devictus valentioribus cedens recederet, tamen adhuc non penitus desperans, tutis se commisit locis, ut demum, fortiori multitudine collecta, iterum experiretur si quid forte sibi boni succedere posset. At Dani fugientes

PARTE. CXXI.

non longe sunt persecuti, quia incogniti [f., incognitis. Ed. P.] locorum noctis obscuritate sunt retenti. Angli vero loci non inscii, cito a manibus hostium sunt elapsi, eos relinquentes ad spolia, seseque dantes ad inhonesta refugia.

Tunc victores sua læti victoria, transacta jam nocte plus media, pernoctant quod supererat inter mortuorum cadavera. Non autem in nocte spolia dirimunt, sed interim suos requirunt, seseque adunantes ut securiores esse possent, simul omnes uno in loco perstiterunt. Illucescente vero jam mane, suorum agnoscunt multos in praelio cecidisse, quorum cadavera ut poterant tumulavere. Ab adversariorum quoque membris abradunt spolia, bestiis et avibus eorum relinquentes morticina, et ad naves redeunt, Londoniamque repetentes, saniora sibi quærunt consilia. Similiter et Angli suo cum principe sibi consulunt et super hoc negotii Dei auxilium quærunt, ut qui totiens armis sunt devicti, saltem aliquo consilio valerent remanere suffulti. Jam etiam Edricus, qui antea a bello recessit profugus, ad dominum suum et ad socios rediit et susceptus est, quia vir boni consilii fuit. Is surgens in medio agmine, omnes tali allocutus est sermone: « Licet omnibus pene vobis sim invisus, quia bello cessi, tamen si vestris sederet animis dictis parere mei consilii, victoriosiores effici meo consultu possetis, quam si totius terræ his viris resisteretis armis. Satis enim Danorum victorias expertus, frustra nos reniti omnino scio, et ob hoc me subtraxi a praelio, ut vobis postmodum prodessem consilio, non ut vos aestimatis, percussus timore aliquo. Dum enim scirem necesse esse me fugere, quid satius fuit, aut vulneratum, aut sanum recedere? Est procul dubio certa victoria interdum ab fortiori hoste elabi fuga, cui nequit resisti per arma. Omnes enim qui adsumus, proh dolor! fugimus. Sed ne hic casus vobis eveniat ulterius, dextras Danis demus, ut, ipsos fœderatos habentes, fugam periculumque bellorum sic saltem declinemus. Attamen hoc aliter nequit fieri, nisi divisione regni nostri. Et melius esse judico, ut medietatem regni rex noster cum pace habeat, quam totum pariter invitus amitat. » Placuit sermo optimatibus, et, licet invitus, hoc tamen annuit Edmundus; electisque internuntiis, præmittit ad naves Cnutonis, qui dextras Danis dent et accipiant ab eis. Quos ubi primum Dani venientes intuentur, exploratores eos esse suspicantur, sed postquam propius eos vident accedere, accersitis eis quidnam quæsierunt orsi sunt rogare. Dicentes vero ab eis pro conficienda pace eos venire, lætantes eos sistunt conspectibus regis. Erant enim obnixè optantes prospera pacis, jam lassi bellorum et continuatione navigationis. Tunc missi, rege pacifice salutato: « Miserunt nos, inquiunt, ad te, o rex, princeps noster et procerum nostrorum multitudo, ut consentias eis de pace, et datis nobis dextris et obsidibus, a nobis itidem recipias cum regni medietate. Dominare in boreali parte cum quiete; e regione autem sit

noster Edmundus in finibus meridianæ plagæ. Hujus rei gratia ad te sumus legati, tu vero bene faciens placito consenti. Alioquin, licet simus semel et iterum a vobis bello deturbati, adhuc tamen majori violentia roborabimur vobiscum bellaturi. » Quibus rex non temere respondit; sed, ipsis amotis, consilium a suis quæsit, et sic eis postmodum pacifice consensit. Audierat enim a suis quod multi suorum defecissent, nec erat qui locum morientium suppleret, cum longe remoti a propria patria essent; Anglorum quoque quanquam per plurimi interficerentur, numerus eorum non adeo minuebatur, quia in propriis positus semper qui morientis locum restauraret inveniebatur. Revocatis itaque internuntiis: « Vestris, inquit rex, o juvenes, legationibus consentio, et, uti dixistis, media mihi libere erit regio. Sed tamen vectigal etiam suæ partis vester rex, quicumque ille fuerit, exercitui dabit meo. Hoc enim illi debeo, ideoque aliter pactum non laudo. »

Fœdere itaque firmato, obsides dantur ab utraque parte, et sic exercitus solutus bellorum importunitate, optata lætus ponitur pace. Verumtamen Deus memor suæ antiquæ doctrinæ, scilicet omne regnum in seipsum divisum diu permanere non posse, non longo post tempore Edmundum eduxit e corpore, Anglorum misertus imperii, ne forte si uterque superviveret, neuter regnaret secure et regnum diatim adnihilaretur renovata contentione. Defunctus autem regius juvenis regio tumulatur sepulcro defletus diu multumque a patriensi populo, cui Deus omne gaudium tribuat in cœlesti solio. Cujus rei gratia eum Deus jusserit obire, mox deinde patuit, quia universa regio illico Cnutonem sibi regem elegit, et cui ante omni conamine restitit, tum sponte sua se illi et omnia sua subdidit.

Ergo miseratione divina monarchiam regni Cnuto vir strenuus suscepit, et nobiliter duces et comites suos disposuit, et fine tenus deinceps regnum Anglorum pacifice tenuit. Erat autem adhuc primævæ ætate florens, sed tamen indicibili prudentia polens. Unde contigit ut eos quos antea Edmundo sine dolo fideliter militare audierat, diligeret, et eos quos subdolos scierat atque tempore belli in utraque parte fraudulenta tergiversatione pendentes odio haberet; adeo ut multos principum quadam die occidere pro hujusmodi dolo juberet. Inter quos Edricus qui a bello fugerat, cum præmia pro hoc ipso a rege postularet, ac si hoc pro ejus victoria fecisset; rex subtristis: « Qui dominum, inquit, tuum decepisti fraude, mihi ne poteris fidelis esse? Rependam tibi condigna præmia, sed ea ne deinceps tibi placeat fallacia. » Et Erico duce suo vocato. « Huic, ait, quod debemus persolvito, videlicet ne nos decipiat, occidito. » Ille vero nil moratus, bipennem extulit, eique ictu valido caput amputavit, ut hoc exemplo discant milites regibus suis esse fideles, non infideles.

Omnibus itaque rite dispositis, nil regi defuit absque nobilissima conjuge, quam ubique sibi

A jussit inquirere, ut inventam hanc legaliter acquireret et adeptam imperii sui consortem faceret. Igitur per regna et per urbes discurritur et regalis sponsa perquiritur, sed longe lateque quæsit, vix tandem digna reperitur. Inventa est vero hæc imperialis sponsa in confinitate Galliæ et præcipue in Northmannensi regione stirpe et opibus ditissima, sed tamen pulchritudinis et prudentiæ delectamine omnium ejus temporum mulierum præstantissima, utpote regina famosa. Propter hujusmodi insignia multum appetebatur a rege et pro hoc præcipue quod erat oriunda ex vitrici gente, quæ sibi partem Galliæ vindicaverat, invitis Francigenis et eorum principe. Quid multis immoror? mittuntur proci ad dominam, mittuntur dona regalia, mittuntur etiam verba precatória. Sed abægat illa se unquam Cnutonis sponsam fieri, nisi illi jurejurando affirmaret quod nunquam alterius conjugis filium post se regnare faceret, nisi ejus, si forte illi Deus ex eo filium dedisset. Dicebatur enim ab alia quadam rex filios habuisse. Unde illa suis prudenter providens, scivit ipsais sagaci animo profutura præordinare. Placuit ergo regi verbum virginis, et jurejurando facto, virgini placuit voluntas regis. Et sic, Deo gratias, domina Emma mulierum nobilissima fit conjux regis fortissimi Cnutonis. Lætatur Gallia, lætatur etiam Anglorum patria, dum tantum decus transvehitur per æquora. Lætatur, inquam, Gallia, tantam tanto regi dignam se enixam. Anglorum vero lætatur patria, talem se recepisse in oppida. O res millenis millies parata votis, vixque tandem effecta, auspicante gratia Salvatoris! Hoc erat quod utrobique vehementer jamdudum desideraverat exercitus, scilicet ut tanta tanto digna etiam digno maritali convinculata jugo, bellicos sedaret motus. Quid enim majus ac desiderabilius esse posset in votis, quam damnosos ingratosque labores belli placida finire tranquillitate pacis, cum pares paribus vi corporis virtuteque animi concurrerent? cumque nunc hi, nunc vero illi, alternante casu belli, non sine magno detrimento sui, vincerent?

Verum, ubi divina dispensatione, multisque alterutrum diu habitis internuntiis, maritali se tandem copula placuit confederari, difficile creditu est quanta repente in utriusque alteri de altero exorta sit magnitudo gaudii. Gaudebat enim rex nobilissimis insperato se usum thalamis; hæc autem hinc præstantissima virtute conjugis, hinc etiam spe gratulabunda accendebatur futuræ proflis. Inæstimabiliter quoque uterque gaudebat exercitus, opes suas communibus sperans augendas viribus, ut rei postmodum probavit exitus. Quamphures enim populi domiti bello, gentesque complures longe distantes vitam, moribus, et lingua, æternaliter regi regique posteritati annua compulsi sunt solvere vectigalia. Sed quid mirum, si tantus talisque rex repugnantes sibi dimicando devinceret? cum quamplurimos partim liberali largitione, partim patrocinandæ gratia imperio suo ultroneos submitteret? profecto non

mirum. Quoniam illie divina aspirat gratia, ubi A
justitiæ prohibitæque æqua libratur trutina.

Sed quid multis immoror? gaudium magnum
in conjugatione tantorum dixi fuisse, multo autem
amplius dico, suscepta mæsculæ prolis opportuni-
tate. Non multo post siquidem, Salvatoris annun-
tate gratia, filium peperit nobilissima regina. Cujus
cum uterque parens intima, atque ut ita dicam,
singulari gauderet dilectione, altos vero liberales
filios educandos direxerunt Northmanniæ, istum
hic retinentes, sibi utpote futurum hæredem regi-
ni. Itaque dilectissimum pignus, uti mos est cat-
holicis, sacro ablunt fonte baptismatis, impon-
untque ei vocabulum quodammodo obtinens in-
dicium futuræ virtutis. Vocatur siquidem Harde-
cnuto, nomen patris referens cum additamento. B
Cujus si etymologia teutonice perquiratur, profe-
cto quis quantusve fuerit dignoscitur. Harde qui-
dem, *velox* vel *fortis*, quod utrumque, mul-
toque majus his, in eo uno cognosci potuit,
quippe qui omnes sui temporis viros omnium vir-
tutum præstantia anteivit. Omnes igitur ejus vir-
tutes enumerare nequeo. Quapropter, ne longius
a proposito exorbitem, supra repetam, historiæque
sequar ordinem.

Adulto denique puero, de quo sermo agitur, pa-
ter adhuc in omni felicitate degens, omne regnum
sue ditioni subjectum sacramento devinxit, eum-
que postmodum ab obtinendam monarchiam regi-
ni Danorum cum delectis militibus misit. Cum
autem rex Cnuto solum imprimis Danorum obtine-
ret regimen quinque regnorum, scilicet Dano-
marchiæ, Angliæ, Britannicæ, Scotiæ, Northwegæ,
vindicato dominio, imperator exstitit. Amicus vero
et familiaris factus est viris ecclesiasticis, adeo ut
episcopis videretur coepiscopus pro exhibitione
totius religionis, monachis quoque non sæcularis,
sed cœnobialis pro continentia humillimæ devo-
tionis. Defensabat sedulo pupillos et viduas, su-
stentabat orphanos et advenas, leges oppressit
iniquas, earumque sequaces; justitiæ et æquita-
tem extulit et coluit, ecclesias extruxit et honora-
vit, sacerdotes et clerum dignitatibus ampliavit,
parem et unanimatam omnibus suis indixit; ut
de eo illud Maronicum dici posset, nisi extra cat-
holicam fidem hoc fuisset.

Nocte pluit tota, redeunt spectacula mane:

Divisum imperium cum Jove Cæsar habet.

Deo omnibus modis placita studuit, ideoque quid-
quid boni agendum esse dixerat non negligentem
sed operationi committebat. Quæ enim ecclesia
adhuc ejus non lætatur bonis? Sed ut sileam quæ
in suo regno positus erigit, hujus animam quotidie
benedicit Italia, bonis perfrui deposcit Gallia, et
magis omnibus hanc in cœlo cum Christo gaudere
orat Flandria. Has enim provincias transiens Ro-
mam petiit, et, ut multis liquet, tanta hoc in itine-
re misericordiarum opera exhibuit, ut si quis hæc
describere omnia voluerit, licet innumerabilia ex
his fecerit volumina, tandem deficiens fatebitur se
vix etiam cucurrisse per minima. Nam quid singu-

lis in locis fecerit sileo. Verumtamen ut credibili-
ora fiant quæ assero, quid in una urbe sancti Au-
domari fecerit dicam pro exemplo, quod etiam
oculis meis me vidisse recorder.

Ingressus monasteria et susceptus cum magna
honorificentia, humiliter incedebat et mira cum
reverentia in terram defixus lumina et ubertim
fundens lacrymarum, ut ita dicam, flumina, tota
intentione sanctorum expetiit suffragia. At ubi ad
hoc perventum est ut oblationibus regiis sacra vellet
cumulare altaria; ohe! quoties primum pavimen-
tulo lacrymosa infixit oscula! quotiens illud pectus
venerabile propria puniebant verbera! qualia
dabat suspiria! quoties precabatur ut sibi non in-
dignaretur superna clementia! Tandem a suis ei
imminentem [immerentem] sua porrigebatur oblatio
non mediocris, nec quæ aliquo clauderetur in
marsupio, sed ingens allata est palleali extento in
gremio, quam ipse rex suis manibus altari impo-
suit, largitor hilaris monitu apostolico. Altari au-
tem cur dico? cum vidissem me meminerim eum
omnes angulos monasteriorum circuisse, nullum-
que altare, licet exiguum, præterisse, cui non mu-
nera daret et dulcia oscula infingeret. Deinde adsunt
pauperes, munerantur etiam ipsi protinus singu-
latim omnes. Hæc et alia his mirificentiora a do-
mino Cnutone gesta vidi ego vester vernula, sancte
Audomare, sancte Bertine, cum fierent vestris
in cœnobiis. Pro quibus bonis tantum regem im-
petrate vivere in cœlestibus habitaculis, ut vestri
famuli canonici et monachi sint orantes [orationi-
bus] quotidianis.

Discant igitur reges et principes hujus domini
imitari actiones, qui, ut valeret scandere sublimia,
sese humiliavit in infima, et ut posset adipisci cœ-
lestia, hilariter largitus est terrestria. Non enim
fuerat oblitus propriæ conditionis, quod moriturus
erat in mundo et relicturus quæque possunt con-
cupisci in sæculo. Et ob has divitias quas secum
nequivit moriens auferre, vivens Deo et sanctis
ejus locis partitus est honorifice; ne forte si avari-
tiæ studeret, omnibus invisus viveret, nullusque
esset qui ejus animæ aliquid boni oraret, et alius
ei succederet, qui in ejus regno largius viveret et
de ejus parcitate indignaretur. Verum hoc ne fie-
ret satis cavet, et suis posteris bonum exemplum
largitatis totiusque bonitatis reliquit, quod et ipsi
adhuc, Deo gratias, servant optime, pollentes in
regni moderamine et in virtutum decore.

Tantus itaque rex postquam Roma est reversus
et in proprio aliquantisper demoratus, omnibus
bene dispositis transit ad Dominum, coronandus
in parte dextera ab ipso Domino auctore omnium.
Turbabantur itaque ejus obitu omnes qui audie-
rant, maximeque ejus solio deservierant, quorum
maxima pars cuperet ei commori, si hoc [non. Ed P.]
displiceret divinæ dispositioni. Lugebat domina
Emma ejus regina cum parentibus, ululabant pau-
peres cum potentibus; flebant episcopi et clerici
cum monachis et sanctimonialibus. Sed quantum
lugebatur in mundo, tantum lætetur in cœli palatio.

Isti flebant hoc quod perdiderant, illi gratulentur de ejus anima quam suscipiant. Isti sepelierunt corpus exanime, illi spiritum deducant in sublime lætandum in æterna requie. Pro ejus transitu soli flebant terreni, sed pro ejus spiritu interveniant cum terrenis etiam cives cœlici. Ut ejus gloria crescat quotidie, oremus Deum intente. Et quia hoc promeruit sua bonitate, quotidie clamemus: Anima Cnutonis requiescat in pace, amen.

Mortuo Cnutone rege, honorificeque sepulto in monasterio in honore sancti Petri constructo, domina regina Emma sola remansit in regno, dolens de domini sui morte amara, et sollicita pro filiorum absentia. Namque unus eorum, Hardecnuto scilicet, quem pater regem Danorum constituit, suo morabatur in regno, duo vero alii in Northmanniæ finibus ad nutriendum traditi, cum propinquo suo degebant Roberto. Unde factum est ut quidam Anglorum, pietatem regis sui jam defuncti obliti, mallent regnum suum dedecorare quam ornare, relinquentes nobiles filios insignis reginæ Emmæ, et eligentes sibi in regem quemdam Haraldum, qui esse filium falsa æstimatione asseritur cujusdam ejusdem regis Cnutonis concubinæ. Plurimorum vero assertio eundem Haraldum perhibet furtim fuisse subreptum parturienti ancillæ, impositum autem cameræ languentis concubinæ. Quod veracius credi potest. Qui electus, metuensque futuri, advocat mox archiepiscopum Ælnotum, virum omni virtute et sapientia præditum, imperatque et orat se benedici in regem, sibi que tradi cum corona regale suæ custodiæ commissum sceptrum et se duci ab eodem, quia ab alio non fas fuerat, in sublime regni solium. Abnegat archiepiscopus, sub jurejurando asserens se neminem alium in regem (filiis Emmæ reginæ viventibus) laudare vel benedicere. « Hos meæ fidei Cnuto commisit; his fidem debeo, et his fidelitatem servabo. Sceptrum et coronam sacro altari impono, et hoc tibi nec denego, nec trado; sed episcopis omnibus, ne quis eorum ea tollat tibi tradat, teve benedicat, apostolica auctoritate interdicto. Tu vero, si præsumis, quod Deo mensæque ejus commisi invadito.» Quid miser ageret, quo se verteret, ignorabat. Intendebat minas, et nihil profecit. Expendebat munera, et nil lucratus doluit; quoniam vir apostolicus nec valebat minis dejici, nec muneribus flecti. Tandem desperatus abscessit, et episcopalem benedictionem adeo sprevit, ut non solum ipsam odiret benedictionem, verum etiam universam fugeret Christianitatis religionem. Namque dum alii ecclesiam christiano more missam audire subintrarent, ipse aut saltus canibus ad venandum cinxit, aut quibuslibet aliis villissimis rebus sese occupavit, ut tantum declinare posset quod odivit. Quod Angli videntes dolebant, sed quia hunc sibi regem elegerant, hunc erubuerunt dejicere, ideoque disposerunt hunc sibi regem sine tenus esse. Domina autem regina Emma exitum rei expectabat, et aliquantisper sollicita auxilium Dei

A quotidie exorabat. At ille clam, quia nondum palam audebat, reginæ insidias moliebatur, sed ut illi noceret a nemine permittebatur. Unde ille cum suis iniquo excogitato consilio, natos domini suæ volebat interficere, ut sic securus deinceps in peccatis vivens posset regnare. Verumtamen nullum in hoc omnimodis effectum acciperet, nisi, fraudulentorum dolo adjutus, hoc quod narrabimus adinveniret. Namque dolo reperto, fecit epistolam in persona reginæ ad filios ejusdem, qui in Northmannia morabantur, componere, cujus etiam exemplar non piget nobis subnectere.

Emma tantum nomine regina filiis Ewardo et Alfrido materna impertit salutamina. Deum domini nostri regis obitum separatim plangimus, filii charissimi, dumque diatim magis magisque regno hæreditatis vestræ privamini, miror quid capetis consilii, dum sciatis intermissionis vestræ dilatione, invasoris vestri imperii fieri cotidie soliditatem. Is enim incessanter vicis et urbes circuit, et sibi amicos principes muneribus, minis et precibus facit. Sed unum e vobis super se mallent regnare quam istius qui non eis imperat, teneri ditione. Unde, rogo, unus vestrum ad me velociter et private veniat, ut salubre a me consilium accipiat, et sciat quo pacto hoc negotium quod volo fieri debeat. Per præsentem quoque internuntium quid super his facturi estis remandate. Valet, cordis mei viscera.

Hac fraude jussu Haraldi tyranni composita, regiis adolescentulis est directa per pellaces cursores, eisque ex parte matris ignaræ oblata et honorifice ab eis, ut munus genitricis suscepta. Legunt dolos ejus nescii, et, proh dolor! nimis falsitati creduli, inconsulte remandant genitrici unum eorum ad eam esse venturum, constituuntque ei diem et tempus et locum. Regressi itaque legatarii intimant Dei inimicis quæ sibi responsa reddita sint a juvenibus nobilissimis. Hinc illi præstolabantur ejus adventum, et quid de eo facerent ad suum ipvenerunt detrimentum. Statuto igitur die, Alfridus minor natu, laudante fratre, elegit sibi commilitones, et, arripiens iter, Flandriæ venit in fines. Quo paululum cum marchione Balduino moratus, et ab eo rogatus ut aliquam partem suæ militiæ secum duceret propter insidia hostium. Sed tantum Bononiensium paucos assumpsit, et ascensis puppibus more transfretavit. At ubi littori venit contiguus, mox ab adversariis est agnitus. Qui concurrentes volebant eum aggredi, sed statim ille agnoscens jussit naves a littore illo repelli. Alia autem ascendens in statione, matrem parabat adire, æstimans se omnem insidiarum pestem evasisse. Verum ubi jam erat proximus, illi comes Godvinus est obvius factus, et eum in sua suscepit fide, ejusque fit mox miles cum sacramenti affirmatione. Et devians eum a Londonia, induxit eum in villa Sildefordia nuncupata, inibique milites ejus vicenos et duodenos, decenosque singula duxit per hospitia, paucis relictis cum juvene, qui ejus servitio deberent insi-

stere. Et largitus est eis abundanter cibaria et pocula et ipse ad sua recessit hospitia, mane rediturus, ut domino suo serviret cum debita honorificentia. Sed postquam manducaverant et biberant, et lectos, utpote fessi, libenter ascenderant; ecce complices Haraldi infandissimi tyranni adsunt et singula hospitia invadunt, arma innocentium virorum furtivi tollunt, et eos manicis ferreis et compedibus arctant, et ut crucientur in crastinum servant. Mane autem facto adducuntur insontes in medio et non auditi damnantur scelerose. Nam, omnium exarmatis vinctisque post tergum manibus, atrocissimis traditi sunt carnificibus, quibus etiam jussum est ut nemini parcerent, nisi quem sors decima offerret. Tunc tortores vinctos ordinatim sedere fecerunt et satis supraque eis insultantes, illius interfectoris Thebææ legionis exemplo usi sunt, qui decimavit primum innocentes multo his mitius. Ille enim rex paganissimus, Christianorum novem pepercit, occiso decimo. Ille licet paganus Christianos trucidaret, patulo tamen in campo eos nexibus non irretitos decollari jussit, ut gloriosos milites. At isti licet nomine Christiani, actu tamen paganissimi, lanceolarum suarum ictus non merentes heroes catenatos mactabant ut sues. Unde hujuscemodi tortores canibus deteriores digne omnia dicunt sæcula, qui non militiæ violentia, sed fraudium suarum insidiis tot militum honesta damnaverunt corpora. Quosdam, ut dictum est, perimebant, quosdam vero suæ servituti mancipabant. Alios cæca cupidine capti vendebant, nonnullos autem arctatos vinculis majori irrisioni reservabant. Sed divina miseratio non defuit innocentibus in tanto discrimine consistentibus, quia multos ipsi vidimus, quos ex illa derisione eripuit cœlitus, sine adminiculo hominis ruptis manicarum compedumque obicibus.

Ergo quia militum agones succinctim transcurrimus, superest ut et eorum principis, gloriosi scilicet Alfridi martyrium narrando seriem locutionis abbreviemus; ne forte, si singulatum omnia quæ ei acta sunt perstringere voluerimus, multis ubique præcipue dominæ reginæ dolorem multiplicemus. Qua in re, rogo te, domina, ne requiras amplius quam hoc quod tibi parcendo breviter dicturi sumus. Possent enim multa dici, si non tuo parceremus dolori. Est quippe nullus dolor major matri quam videre vel audire mortem dilectissimi filii. Captus est igitur regius juvenis clam suo in hospitio eductusque in insula Heli dicta; a milite primum irrisus est iniquissimo; deinde contemptibiliores eliguntur, ut horum ab insania flendus juvenis dijudicaretur. Qui iudices constituti, decreverunt illi debere oculos utrique [oculos utrosque] ad contemptum primum erui. Quod postquam parant perficere, duo illi super brachia ponuntur, qui interim tenerent illa et unus super pectus, unusque super crura, ut sic facilius illi inferretur pœna. Qui hoc in dolore detineor? Mihi ipsi scri-

A benti tremit calamus, dum horreo quæ juvenis passus est beatissimus. Evadam ergo brevius tantæ calamitatis miseriam, finemque hujus martyrii sine tenus perstringam. Namque est ab impiis tentus, effossis etiam luminibus impiissime est occisus. Qua nece perfecta, relinquunt corpus examine quod fideles Christi monachi scilicet ejusdem insulæ Heli rapientes, sepelierunt honorifice. In loco autem sepulcri ejus multa fiunt miracula, ut quidam aiunt, qui etiam se hæc vidisse sæpissime dicunt. Et merito: innocenter enim fuit martyrisatus, ideoque dignum est ut per eum innocentium exerceatur virtus. Gaudeat igitur Emma regina de tanto intercessore, quia quem in terris habuit filium, nunc habet in cœlis patronum.

B At regina, tanti sceleris novitate perculsa, quid facto opus sit mente considerat tacita. Animus igitur ejus diversus huc illucque rapitur et se amplius tantæ perfidiæ credere cunctatur; quippe quæ perempti filii inconsolabiliter confundebatur mœrore, verum multo amplius ex ejusdem consolabatur certa requie. Hinc duplici, ut diximus, angebatur causa, necis videlicet filii miserabili mœstitia, tum vero reliquæ suæ vitæ dignitatisque diffidentia. Sed fortassis hic mihi quilibet clamabit, quem livor hujusce dominæ lividum onerosumque reddit: Cur eadem nece mori refutabat, quæ sub hac prodicione necatum filium æterna requie frui nullatenus dubitabat? Ad quod destruendum, tali responsione censeo utendum: C Quoniam si persecutor Christianæ religionis fideique adesset, non vitæ discrimen subire fugeret. Cæterum, nefarium et execrabile cunctis orthodoxis videretur si, ambitione terreni imperii, talis famæ matrona vita privaretur; ne profecto emori, fortunis tantæ dominæ honestus exitus haberetur (1). Hæc et his similia ante oculos ponens, et illud authenticum Dominicæ exhortationis præceptum suis fortunis conducibile censens, quo videlicet electis insinuat. *Quoniam si persecuti vos fuerint in una civitate, fugite in aliam*; pro suo casu spes satis honestas reliquæ dignitatis conservandæ exsequitur, et tandem gratia superni respectus consilio solerti utitur. Exteras nationes petere sibi utile credit, quod sagaci ratione sine tenus perducit. D Tamen quas petit non externas sibi experta est fore, quis [quibus] immorans haud secus ac suis colitur decentissime. Igitur pro re atque tempore, quam plurimos potest sibi fidos optimates congregat, his præsentibus secreta cordis sui enucleat. A quibus etiam inito dominæ probato consilio, comæatus classium eorum apparatur exsilio. Itaque prosperis usi flatibus transfretant, et cuidam stationi haud longe a castello Brugensi distanti sese applicant. Hoc castellum Flandrensibus colonis incolitur, quod tum frequentia negatiatorum, tum affluentia omnium quæ prima mortales ducunt, famosissimum habetur. Hic equidem a marchione ejusdem provinciæ Balduino magni et invictissimi principis filio, ejusque conjuge Athala, quæ inter-

(1) Hic imitatur auctor verba Adherbalis, apud Sallustium, in *Jugurth.*

pretatur *nobilissima*, Francorum regis Roberti et reginæ Constantiæ filia honorifice, uti se dignum erat, recipitur. A quibus etiam in predicto domus regali sumptui apta eidem reginæ tribuitur, cæterum obsonium benigne offertur. Quæ partim illa cum gratiarum actione suscipit, partimque sese non indigere quodammodo ostendit.

In tanta igitur posita securitate, legatos suo filio mittit Ewardo postulatum ne versus se pigritaretur venire. Quibus ille obaudiens equum conscendit, et ad matrem usque pervenit. Sed ubi eis copia data est mutuo loquendi, filius se matris fortunæ edocet miserari, sed nullo modo posse auxiliari, cum Anglii optimates nullum ei facerint jusjurandum; quæ res indicabat a fratre auxilium expetendum. His ita gestis, Edwardus Northmanniam revehitur, et mens reginæ quid sibi foret agendum, etiam nunc cunctatur. Post cujus reditum, nuntios Hardecnutoni filio suo legat, qui tunc temporis regimen Danorum obtinebat, per quos sui doloris novitatem aperit et ut ad se venire quantocius maturet petit. Cujus aures ut tanti sceleris horror incussit, primo omnium mens ejus intolerabili obtusa dolore in consulendo fatiscit. Ardebat enim animo, fratris injurias ultum ire, imo etiam matris legationi parere. Hinc utriusque rei prævidens, quam maximas potest navium militumque [copias, Eb. P.] parat, quorum ampliore numerum quodam maris in infractu collocat, qui si inter eundem sibi copia pugnandi, seu etiam necessitas repugnandi accideret, præsidio etiam comitantibus ad matrem profisciscitur, quæ non minima doloris anxietate fatigabatur. Dum igitur prospero cursui intenti non modo certatim spumas salis ære ruebant (2), verum etiam supra velorum secundis flatibus attollebant, ut maris facies non unquam certa, sed semper mobilitate flatuum dubitanda habetur et infida, repente fœda tempestas ventorum nubiumque a tergo glomeratur, et ponti superficies jam supervenientibus austris turbatur. Itaque quod in tam atroci negotio solet fieri, anchoræ de proris jactæ arenis affliguntur fundi. Quæ res tametsi tum illis fuerit importuna, tamen non absque Dei nutu cuncta disponentis esse creditur acta, ut postmodum rei probavit eventus, membris omnium placidæ quieti somni cedentibus. Nam postera nocte, eodem Hardecnutone in stratu quiescente, divinitus quædam ostenditur visio, quæ eum confortans et consolans, forti jubet esse animo. Hortatur præterea ne ab incognito desisteret, quia paucorum dierum intervallo injustus regni invasor, Haraldus sollicit occideret, et regnum patriis viribus domitum sibi justo hæredi justissima successione incolume rediret. Evigilans igitur somniator talibus indicis certior fit et Deo omnipotenti tantæ consolationis causa gratias reddidit, simulque futura nullatenus dubitat, quæ sibi memorata visio prædixerat. Denique maris ira pacata, omnique tem-

(2) VIRG. *Æneid.* I, 39.

pestate sedata, prosperis flatibus sinus pandit velorum; sicque secundo usus cursu, ad Brugesem sese applicuit portum. Hic anchoris rudibusque navibus affixis, et nautis qui eas servarent expeditis, recta se via cum delectis ad hospitium dirigit matris. Qualis ergo mœror, qualisque lætitia in ejus adventu fuerit exorta, nulla tibi unquam explicabit pagina. Dolor haud modicus habebatur, dum in vultu ejus faciem perempti fratris mater quadam imaginatione contempleretur. Item gaudio magno gaudebat, dum superstitem salvum adesse sibi videbat. Unde viscera divinæ misericordiæ se sciebat respicere, cum nondum tali frustraretur solamine. Nec longo post filio cum matre morante et memorata visionis promissa expectante, nuntii læta ferentes nuntia advertant, qui videlicet Haraldum mortuum nuntiant; qui etiam referunt Anglicos ei principes nolle adversari, sed multimodis jubilationibus sibi conlari. Unde regnum hæreditario jure sibi debitum non dedignetur repetere et suæ dignitati, eorumque saluti juxta in medium consulere.

His Hardecnuto materque animati repetere statuunt oras aviti regni. Cujus rei fama ut populares impulit aures, mox cuncta dolore et luctu compleri cerneret. Dolebant enim divites ejus recessione, ejus semper amabili fruebantur collocatione. Dolebant pauperes ejus recessione, ejus diutinis largitionibus ab egestatis defensabantur onere. Dolebant viduæ cum orphanis quosilla extractos sacro fonte baptismatis non modicis ditaverat. Quibus igitur hanc laudibus efferam nescio, quæ ibidem nunquam abfuit renascentibus in Christo. Hic ejus fides patet laudanda, hic bonitas omnimodis celebranda. Quod si pro singulis ejus benefactis parem disserere, prius me tempus quam rem credo deserere. Unde ad *seriem nostræ locutionis* proprio redire.

Dum reginæ filiique ejus reditus apparatus, omne littus planctu gemituque confunditur, omnes dextræ cælo attollebantur infensæ. Flebant igitur a se discere illam, quam toto exsili tempore ut civem videre suam. Nulli divitum gravis hospita, nulli pauperum in quolibet onerosa. Omnes igitur natale solum mutare putares, cunctas secum æteras petere velle diceres regiones. Sic toto plangebatur littore, sic ab omni plorabatur populo astante. Licet ei quodammodo congauderent pristinum gradum repetere dignitatis, non tamen eam matronæ sicis dimittere poterant oculis. Tandem vincit amor patriæ, et, omnibus virum osculatis et flebili eis dicto vale, cum filio suisque altum petit mare, non absque magna lacrymarum utrimque fusa ubertate. Igitur principes Anglii parum prævenisse fidentes legatione, atque tam ab illis transfretaretur obvii sunt facti, optimum factu rati ut et regi reginæque satisfacerent, et se devotos eorum dominationi subderent. His Hardecnuto cum matre certus factus et transmarini littoris tandem portum nactus, a cum-

ctis incolis ejusdem terræ gloriosissime recipitur, sicque divini muneris gratia regnum sibi debitum redditur. His ita peractis et omnibus suis in pacis tranquillitate compositis, fraterno correptus amore nuntios mittit ad Edwardum, rogans ut, veniens, secum obtineret regnum. Qui fratris jussioni obediens Anglicas partes advehitur, et mater

A amboque filii regni paratis commodis nulla lite intercedente utuntur. Hic fides habetur regni sociis, hic inviolabile viget foedus fraternique amoris. Hæc illis omnia præstitit, qui unanimes in domo habitare facit Jesus Christus, Dominus omnium ; cui in Trinitate manenti immarescibile floret imperium, Amen.

EX CHRONICIS TH. RUDBURNI, DE EMMA REGINA.

Duxit Etelredus hanc et postea Cnutus.

Edwardum sanctum parit hæc et Hardecnutum.

Quatuor hos reges hæc vidit sceptræ gerentes.

Anglorum regum fuit hæc sic mater et uxor.

EMMÆ REGINÆ

EPISTOLA AD FILIOS SUOS EDWARDUM ET ALFRIDUM.

(*Vide supra col. 1392.*)

ANNO DOMINI MXLV.

POPO

TREVIRENSIS ARCHIEPISCOPUS.

NOTITIA HISTORICA.

(*Gallia Christiana, nov. edit., XIII, 406.*)

Leopoldi marchionis Austriæ ex Richarda nobilissima muliere filius, Poppo, et Ernesti II Sueviæ ducis cujus tutelam gessit patruus, litterarum virtutumque studiis apprime excultus Bambergensi Ecclesiæ præpositus in locum Megingaudi ab Henrico II imperatore sufficitur, vesaniam compressurus Adalberonis, qui tamen Popponi cessit. Hic autem sub finem anni 1016 ab imperatore Trevirim adductus, communibus votis atque suffragiis cleri et populi in antistitem postulatus, ab Erchenbardo Monguntiacensi archiepiscopo, quem imperator ea csua Trevirim advocarat, ingenti cum totius populi lætitia consecratus est, anno 1017 Kalendis Januarii. Inter episcopos qui Popponis sacræ unctioni interfuere numeratur Theodoricus Metensis, qui metropolitani consecrationem sibi competere incassum iteravit. Vix renuntiatus fuerat pontifex Poppo cum immunitates et privilegia Ecclesiæ suæ imperiali munimine foveri curavit. Nec multo post consecrationem, Romam adiens, usum pallii a Benedicto VIII consecutus est bulla 8 Aprilis ejusdem anni. Suam in diocesim reversus, variis eam prædonum populationibus laceratam afflictamque comperit. Quibus Ecclesiæ suæ vulneribus, ut ait Browerus lib. XI Annal., ut tempestive mederetur, undique omnia instituit

B remedia conquirere, et viros bellicæ gloriæ laudibus imprimis florentes beneficiis sibi feudisque jungere, quibus pacandæ provinciæ tutandæque munus traderet. Horum igitur sedulitate atque impigris usus armis, prædones ubique castellis, quæ securitatis ipsi causa insederant, ejicere, et cæteros novarum rerum cupidos in fide atque officio continere. Porro cum unus Adelbertus imperata facere solus detrectat, atque, ex castello S. Crucis olim dicato, quod in vicino urbis colle ad meridiem situm, episcopi curiam, servitia atque comeatum omnem crebris excursionibus habet infesta, ad extremum Sikonis, hominis manu consilioque præstantis, solertia, contumacis inimici spiritus repressit, atque hac ferme arte debellavit. Siko, qui ad id operam consiliumque Popponi detulerat, idoneo tempore ad castrum fores solus ex urbe profectus, ab Adelberto tyranno sitis ergo explendæ, pro amicitia veteris usu, potum sibi postulat, quem cum ille non gravate per ministrum offert, ubi quantum satis hausit, nuntiarum domino jubet gratias ei permagnas haberi, futurumque prope diem, hoc ut restinctæ sitis beneficium memori voluntate atque adeo pari gratiarum merito, cerna repensum.

Quibus dictis, Siko abiit, atque jam destinatos

jampridem animo dolos, ad fraudem Alberti explicare cepit. Dolia vini tricena, impositis totidem armatis instruit; atque hæc ipsa, præmunita vectibus ansisque, singula binis fortissimis viris, iisque ad hostem decipiendum plebeia veste tectis, gestanda committit, eorum item armis ibidem reconditis; denique vasa, ad occultandam fraudem, stragula veste pannoque plurimo insternit. Quibus illa comparatis, Siko quærit ad peragendum inceptum temporis opportuna; quæ ubi nactus, plenus spei bonæ, clam omnibus, urbe cum bajulis egreditur. Ipse, raro satellite fores castelli pulsans et aperiri jubens, audit solitum illud: Qui vir, unde et quid petitum veniret? Ad quæ nihil aliud ille quam renuntiaret adesse cum honorario vino Sikonem, quo promissam jampridem beneficii gratiam exsolvat. Hoc nuntio Adelbertus accepto, doli ignarus, ostia patefecit. Tunc Siko vela pannosque amovere jussit, ubi brevi oratione munus præsentem Adelberto commendavit, signum adoriundi suis dat. Qui ad primum signum tumultum (sic) e vasis prosilientes, impetu in obvios quosque facto, cuncta cædibus atque strage fœdant, ipsique ante omnes Adelberto manus inferunt. Cæsis igitur et oppressis ad hunc modum et extinctis prædonibus munitio solo æquata et ad vastitatem redacta est. Siko autem, præter restituti decus otii atque urbis ab Adelberto grassatore liberatæ, illustrata a Poppone feuda beneficiaque tulit: eodemque pene tempore Skiva apud Saram fluvium, quod postea Montis Clari nomen obtinuit, Adelberti castrum, jussu Popponis eversum atque deletum funditus est. Ubi Popponis res majorem in modum potentia ac felicitate stabiliri vidit Adalbero, multo quam ante humilior, non modo palatium ei atque occupatas Ecclesiæ arces, sed castella etiam Sericum, Rutichium, Sarburgum atque Bern castellum, uno eorum sibi titulo reservato, tradidit, atque monasterio inde D. Paulini, cui præpositum fuisse jam adnotavimus, repetito, omni abjecta cogitatione honorum, ad salutare otium concessit. Poppo vero, cum omnes munitiones Adalberonis ditione in fidem accepisset, Bern castellum, acriter aliquandiu a prædonibus defensum restitit; sed ad extremum captum, dissipatis ac dirutis propugnaculis, funditus excidit.

Cæterum, toto eo tempore quo Megingaudus tenuit episcopatum, ecclesia Trevirensis factione Adalberonis insignem rerum omnium jacturam damnique fecit. Enim vero tam tetram in solitudinem redactam fuisse sedem cathedralem perhibent, ut, nemine sarta tecta exigente, clerus sit coactus metu ruinæ templum deserere, et cultui divino supersedere. Monasteria eodem modo quoque tempore ad rerum necessariarum penuriam prolapsa sunt. Quibus malis Poppo remedium ut afferret, instaurandis atque ornandis ecclesiis se tradidit impensius, atque monasteria, quæ intestina seditio exhausserat, prædiis et possessionibus occupatavit. Monachos in sæde virginis Deiparæ ad

Martyres restituit, pulsis canonicis qui, Benedictinis per vim exclusis, locum occupaverant. Imperatorem etiam Henricum II deprecatus est, pontificatus sui anno primo, xvi Kal. Novemb. indictione xv, ut foundationi collegiæ ecclesiæ Pruniensis assensum præberet. Regiæ liberalitatis eximium munus, nempe Confluentiam, et abbatiam in pago Trichire cum omnibus appendiciis et juribus ecclesiæ suæ ascribi fecit, anno 1018. Eodem circiter tempore curtem Puzenvelt a comite Kaldone ejusque uxore Irmingarde titulo precariæ adeptus est. Versabatur in Italia Henricus II imperator, anno 1022, Græcos Saracenosque, Apuliam et Campaniam infestantes debellaturus, cui Popo undecim armatorum millia per Marsorum regionem ex gente sua deduxit. Aquisgranensi concilio astitit, anno 1023.

Porro dum curas omnes ad diocesis suæ contuendam dignitatem converteret, mores sanctimonialium Palatioli cœnobii, lascivia luxuque remolitos, hac occasione sanare aggressus est. Forte uni ex illis commissuram pallii, ut inde caligas episcopales contexeret, de more, dederat. Illa, ut antistitis amorem raperet, vestem philtro imbutam reddit. Poppo ut caligas induit, tantam illico philtro vim præter morem expertus est, ut in nefariæ mulieris amorem tota mente et cogitatione exardesceret. Demiratus lascivioris carnis insolitam tyrannidem, factus in aliis quoque simili periculo, turpissimi flagitii auctorem feminam esse non dubitavit. Ventum inde ad facti cognitionem, eoque probato, una omnium sententia fuit expellendam ex illo cœtu nequissimam incantatricem, cæteras ad strictiores monachorum leges redigendas esse. Quod cum major pars, vitæ laxioris tenax, omnino respueret, visum est archiepiscopo collegium illud penitus dissolvere, facta reliquis ad alia transeundi monasteria facultate.

Attamen Poppo, piæ peregrinationis causa Theodorico Metensi demandata Ecclesiæ suæ cura, cum primariis e clero Hierosolymam perrexit. Simeone monacho Sinaita comite, qui ex Oriente in Gallias ab abbate suo directus fuerat ut a Richardo, Nortmanniæ Duce, non exiguas acciperet elemosynas. Quibus per sodales ad monasterium delatis, ille aliquandiu Rothomagi stetit, ac proinde consilium cepit Treviros adeundi unde Popponem ad terram sanctam proficiscentem est comitatus. Eo in itinere toto triennio Poppo permansit: ast in urbem ubi reversus est, anno 1023, mense Novembri, comperitque Simeonem vitæ tranquillioris studio secessum captare, ideoque includi velle, optionem ei tulit sedem in ditione Trevirorum figendi. Is locum in antiqua mole, quam Nigram Portam vocitabant, assignari sibi postulavit, atque die festo sancti Andree, circumfusa ad spectaculum magna cum populi tum cleri multitudine, ab archiepiscopo in angustum quemdam ejus molis angulum inclusus est, ibique in assidua oratione magnaque vitæ asperitate septem degit annos.

Eodem circiter tempore, Christiana, soror Popponis, ad Simeonis exemplum, intra parietes alicubi sacros inclusa, sibi Christoque sola vixit. Anno autem 1031, xrv Kal. Novembris, Poppo ædem Epternacensem instauratam invitatus ab Humberto abbate consecravit, levataque S. Villibrodi ossa in honoratiorem tumulum transtulit. Cum vicinis conventionem iniit ratione terminorum nemoris Kilvald, variaque prædia abalienata ecclesiæ suæ vindicavit, circa annum 1033. Duabus in permutationibus inter diversa monasteria initis occurrit circa annum 1035. Duodecim mansos, totidemque mancipia a Thiefrido advocato Trevirensi, qui Luitardim consanguineam suam uxorem duxerat, accepit, atque duobus conjugibus cohabitare licentiam fecit anno 1036. Eodem anno et insequenti varia dona ab Adalberone S. Paulini præposito collata cœnobio S. Mathiæ laudavit; synodum habuit vi Idus Junii 1037, ad quam accedentes Adelbertus, marchio Lotharingiæ, ejusque uxor Juditha coram ipso villam Momendorffeidem monasterio indulserunt. In Palatiolensem parthenonem canonicos sanctimonialium loco ad hunc annum immisisse dicitur. Comitatum de Marvelis, quem Conradus imperator Trevirensi Ecclesiæ præstiterat, ab Henrico I.I perpetuo possidendum impetravit, an. 1039, Idibus Septembris. Ad Benedictum IX epistolam direxit, qua eum precatur ut sibi mittat virum prudentem qui ei in necessitatibus suis concilio simul et auxilio suffragetur; itemque papam de morte Simeonis eremitæ certiore facit, urgetque ut ille in sanctorum nume-

rum referatur. Popponis precibus annuens Benedictus præsulem coadjutorem ei misit. Quem Papebrochius conjicit fuisse Gratianum archipresbyterum, virum prudentem; decernit etiam virum Dei Simeonem sanctum debere nominari, diemque ejus natalem, sicut et aliorum sanctorum reverentissime singulis annis celebrari, uti patet ex pontificis litteris et ex bulla canonizationis datis anno 1042. Ecclesiam eodem anno in honorem ipsius S. Simeonis ædificavit Poppo in porta quæ Marti apud Gentiles olim consecrata fuerat, in veteribus scilicet ruinis antiquæ molis quam S. Simeo, dum in vivis esset, incoluerat; immisitque in eam fratres sive canonicos, qui Deo ibidem servirent, atque prædia annuosque redditus ipsis largitus est. Insigne privilegium pro confirmatione honorum ædis majoris ab Henrico III imperatore impetravit an. 1045. Exstinctus vero 16 Junii 1047, in ecclesia quam sancto Simeoni ædificaverat humatus est, posita supra ejus pectus plumbea tabella cum hac inscriptione: « Poppo Trevirorum archiepiscopus obiit decimo sexto Kal. Julii. » Æri insculptum erat id epitaphium: « Anno Dominicæ Incarnationis 1057, Heinrici secundi regis xvii, imperatoris autem primo, xvi Kal. Julii, obiit hujus Trevericæ sedis Deo dilectus archiepiscopus Poppo. »

Operæ pretium est hic adnotare nihil ipse fuisse commune cum illo Poppone qui Danos ad Christianam fidem convertit. Quamvis enim ejus sepulchrum quondam ab istis populis frequentatum fuerit, prorsus tamen ab illo est diversus.

POPPONIS EPISTOLA AD BENEDICTUM IX PAPAM.

(Vide supra, inter epistolas Benedicti IX.)

ANNO DOMINI MXLV.

V. ANGELRANNUS ABBAS MONASTERII S. RICHARII CENTULENSIS.

NOTITIA HISTORICA.

(Ex Gallia Christiana, nov. edit. tom. X, page 1249.)

Angelrannus, Sapiens cognominatus, Centulæ honestis parentibus natus est. Adolescens S. Richarii claustra subiit, cujus ab abbate Ingelardo longe posita scrutaturus scholarum magisteria misus, Fulbertum Carnotensem episcopum præceptorem adeptus est et didascalum, Interim Robertum

D regem Romam euntem comitatus sacerdotio initus Centulam rediit, ubi Ingelardo defuncto a fratribus una voce electus est. Sed quæ erat viri modestia! Furtim se proripit e monasterio, et in silvæ Olnodioli latibula se abdit. Mox regis jussu perquisitus ac demum inventus onus impositum invitus

subire cogitur. Rex itaque gaudens ecclesie basilicam intrat, omnique spectante nobilium et ignobilium caterva, per funes ad signa pendentes ipsi totius loci dominationem delegat, jubetque ut quantocius ejus benedictio acceleretur. Statim operi manum admovet Angelrannus, mœnia struit, aras auro et argento vestit, vasa sancta ampliat, conventionem prius cum Notkero Leodicensi episcopo factam renovat cum Durando anno 1022, Scabellivillam a Richardo Normannorum duce acquirit, Comitum-Villam a comite Pontivi Angelranno, Nogerias recuperavit anno 1035, et molendinum de Montiniaco anno 1044. Hortante Fulberto Carnotensi episcopo Vitam sancti Richarii versu heroico composuit, ejusdem miracula et relationem in monasterium Centulense, sicut et Passionem sancti Vincentii martyris et Vitam S. Austrebertæ virginis; honori quoque sanctorum Wilframi archiepiscopi et Warlariaci abbatis proprios aptavit cantus. Tanta ejus nominis fama ubique pervulgata est, ut multi nobiles ei se litteris erudiendos tradiderint. Duo præ-

A cipui fuere, Guido Ambianensis et Drogo Tarvanensis postea episcopi. Sub finem vitæ paralyticus affectus est, ut Fulco, ejus loci monachus, interventu patris sui Angelranni comitis, ab Henrico rege, qui tum forte in Pontivum venerat, abbatiam obtinuerit. Quod cum rescisset Angelrannus, quosdam militares a Fulcone ad festivum hac de re epulum convocatos diris addixit; Fulconemque, se vivente, ne quidem alterius loci fore abbatem contestatus est; et ut ejus ambitionem facilius retunderet Angelrannus, regem curru convenit, graviter increpavit, et ad facti poenitentiam adduxit. Alio paulo post a rege dato successorii redditur cura pastoralis. Non diu superstes fuit Angelrannus, qui, diutina paralyti probatus, demum ad extrema pervenit, et ad caelestem patriam migravit v Idus Decemb. 1045. Corpus ejus in basilica S. Richarii ad aram sancti Laurentii sepultum est, ad cujus tumulum mulier paralytica sanata dicitur. Nullo tamen publico cultu hactenus honoratus, nec Sanctorum albo ascriptus est.

VITA V. ANGELRANNI

ABBATIS CENTULENSIS.

(Edidit Dom Mabillon, *Acta SS. ord. S. Bened. Sæc. VI, parte 1, pag. 494*, ex Hariulfo, *Chronici Centulensis scriptore subæquali*, apud Acherium Spicil. tom. IV, et cum ms. cod. autographo contulit.

OBSERVATIONES PRÆVIÆ.

1. Monasterium Centulense, quod a sancto Richario extractum fuisse circa annum 625 diximus, labente sæculo nono a barbaris dirutum fuit, remansitque pene incultum usque ad sæculi undecimi initia. Hujus loci restaurator fuit Ingelardus, ex monacho Corbeiensi abbas Centulensis factus: cui Angelrannus noster, seu ut alii pingunt, Ingelrannus, successit, vir non solum doctrina pro suo tempore præditus, sed etiam præclare gestis et pietate insignis, unde ei *Sapientis* cognomen inditum est. Ejus Vitam ex libro quarto Chronici Centulensis exscripsimus, omissis nihilominus iis quæ ad rem nostram non faciebant. Hujus Chronici auctor est Hariulfus, qui paulo post Angelrannum in monasterio Centulensi vixit, quod ipsemet non semel, potissimum in fine libri quarti attestatur, ubi se a Gervino secundo, Angelranni, medio Gervino primo, successore, *monachizatum* fuisse refert. Ex ejus vero epitaphio, quod tom. I, *Analect.* editum est, discimus eum ex monacho Centulensi tertium Aldeburgensem abbatem factum fuisse.

2. Angelranno inter scriptores ecclesiasticos locus debetur ob quædam opuscula ab eo edita. Ex his supersunt in ms. codice Centulensi quatuor libri De vita, miraculis et relatione sancti Richarii, quos, Fulberto, quondam suo magistro, adhortante composuit, ut ipsemet in epistola ad ipsum Fulbertum nomenclatoria testatur. Alia item opuscula metricè composuit Angelrannus, de quibus agit Chronici auctor infra num. 15. Cæterum Scholastici nomen quod ipse sibi tribuit Angelrannus, tum etiam libri quos bibliothecæ Centulensi comparavit, magnam ejus in litteras arguunt propensionem; idem probant discipuli, quos in monasterio Centulensi frequentes habuit, quæ omnia in ejus Vita fusius exponuntur. Denique beatus Geraldus, postea Silvæ-Majoris abbas, in libro *Miraculorum sancti Adhelardi*, quem cum adhuc Corbeie moraretur edidit, testatur Ingelrannum miraculo cuidam sancti Adhelardi interfuisse, qua occasione ejus eruditionem his verbis extollit. *Intererat matutinis abbas Ingelrannus, qui eo tempore cæteris philosophabatur altius, quemque hujus signi testem non fors miserat, sed cujus gregis pastor erat, sanctus Richarius.*

3. De anno aut die qui Angelranno supremi fuerunt, nulla difficultas: annum quippe ejus obitus 1045 diserte exprimit Hariulfus. Dies autem in monasterii Necrologio assignatur, nonus mensis Decembris, his verbis: v *Idus Decembris obiit Angelrannus abbas.*

4. Sub Angelranno abbat prior erat monasterii Centulensis Odelgerus, cujus nomen cum *sancti* titulo exprimitur in catalogo fratrum conscriptorum Centulensium, ad diem quintam Februarii, his verbis: *Nonis Februarii obiit ille sanctus Odelgerus, monachus et prior.* Ipse tamen, sicut nec Angelrannus, nullo cultu publico celebratur, imo et quo in loco eorum corpora jaceant, prorsus ignotum est; unde satis fuit utrumque *Venerabilis* titulo donare. Conjicimus nihilominus Angelranni festivitatem olim apud nostros Centulenses fuisse celebratam, ex veteri catalogo, qui Hariulfi Chronico, alia quidem sed antiqua manu,

additus est, ubi hæc leguntur: *Hæ sunt sollemnitates ad Centulam proprie pertinentes. Kalend. Jan. Dedicatio Ecclesiæ. v. Non. Mart. Gervini abbatis. v. Idus Decembris, Depositio sancti Angelranni abbatis nostri.* Quæ indicasse sufficiat; jam ejus gesta exponenda sunt, inter quæ Odolgeri encomium occurret.

INCIPIT VITA

1. Cum igitur omnis mundus Unigeniti Dei descensione per carnis assumptionem se gratuletur redemptum, sitque universalis exultatio, liberatio communis, proprium tamen quorundam locorum dignoscitur esse gaudium viros habuisse tales qui sanctitatis ac doctrinæ prærogativa Patres non immerito vocentur et pastores. Hoc privilegio potita, situ et nomine dulcis Pontiva provincia, præcelsorum sæpius lætata est vivotum genitura. Ipsa denique illud fulgentissimum sidus, beatum scilicet Richarium, olim protulit, cujus patrocinio et corporali præsentia se beatam exultat Centula. Ipsa etiam post illos quos supra meruisse legitur, gloriosæ recordationis virum protulisse scitur Angelrannum, qui quoniam omnem sui temporis laudem excedit, sui nominis memoriam usquaque

2. Natus est Angelrannus deifer parentibus juxta sæculi pompam non adeo generosis, quamvis omnido ingenuis, sed plane Dei timore elegantissimis; qui quantæ opinionis quamque boni odoris foret futurus, ante suam nativitatem divinitus præmonstratum est. Vidit namque ejus genitrix, quadam dormiens nocte, quasi ex se leniter sertum procedere, quod, totius Centulæ muros præcingens, omnium ora in sui laudem et admirationem solvebat: quod postquam religiosa marito insinuavit, ille, gratia doni cælestis afflatus, dixit pro certo hoc fore præsagium optimæ prolis quam Domini dono proxime essent accepturi, quæ bonorum odore operum universos afflaret. Hic ergo, bonæ indolis esse incipiens profundique sensus acumine vicens, infra ævum puerile repertus est in litteris disceudis ferventissime ardens. Jam enim, Deo se inspirante, idem puer quinam futurus foret præsagio quodam ostentabat; et cum scriptum sit: *Anima justî, sedes sapientiæ*, Sapientia vero Dei Christus est, summæ Sapientiæ præsignabat se templum fieri, dum litteratum non poterat scientia satiari. Et quia non lasciviam mundi amplecti, sed Dei servitio perpetim maluit mancipari, monachili anctus est taga intra Sancti Richarii monasterii claustra: dein divinis donis cum ætate crescentibus, habitum quem humanis præferebat obtutibus, multimodæ sanctitatis exornabat speciebus, inerat ei mater et nutrix virtutum humilitas, præpellebat in eo obedientiæ indicibilis qualitas, conservabatur ab eo illa quæ odisse quemquam nescit charitas.

3. Enimvero quia, ut supradictum est, in discendo multum gliscebatur, recepta a Patre loci, nomine

A Ingelardo, non minima reverentia digno, licentia, longe seposita scrutatus est scholarum magisteria, more scilicet prudentissimæ apicis, quæ circuit diversorum florum arbusta, ut mellis dulcore sua repleat receptacula. Denique multorum experientia probatum, et liberalibus studiis ornatissimum civitatis Carnotenæ venerabilem episcopum, ac cum multo honore vocitandum Fulbertum, præceptorem adeptus est atque didascalam; hic ei monitor, hic tam morum quam litterarum fuit institutor. Gauderet venerabilis præsul de tanti discipuli solatio, relevabatur tam idonei auditoris industria atque ingenio. Tandem igitur grammatica, musica atque dialectica optime instructum, Centulam remittit tironem amiceissimum, jam tunc sacerdotio ornatum, quem, velut grandem thesaurum, recipit pia congregatio Centulensium. Hinc jam, quod ingenti studio fuerat quæsitum, profertur magnæ scientiæ præcipuum margaritum, reparantur libri, conscribuntur necdum conscripti, educantur pueri, dispertiuntur quam plurimis sapientiæ thesauri, illustratur patria, et ab omnibus circumquaque felix vocatur Centula, quæ tanto præsagiabatur Patre beanda. Verum populi id fieri gestientis voluntati et desiderio felix accessit effectus.

4. Eo tempore rex Robertus, prudentiæ lumine clarus, regni Francorum post patrem Hugonem illustrabatur fascibus; cui nutu divino, ut credimus, sæpedictus vir tali modo refertur notificatus. Cum enim adhuc in Franciæ partibus detineretur C disciplinis scholaribus, supradictus rex ire Romam bonæ voluntatis devotione est coactus; dumque jussu ejus diversis in locis quærerentur divini servitii plene imbuti officii, ab omnibus prædicatus est efficax hac in re Angelrannus venerabilis. Itaque profectioe parata rex callem arripit, cui Angelrannus honestissima vita comes accedit. Interim dum gradiuntur, divitiæ hætenus occultatæ latius aperiuntur, prædicationum verba procedunt, commeantium corda infundunt; miratur rex ejus affamina, delectatur continentis vitæ munditia, obstupescunt omnes linguæ nitorem, reverentur animi puritatem. Verum quod in ipso itinere relatum est gestum fuisse, dignum videtur inseri historiæ; si quidem multimoda assertione insinuat est ita per omem viam Deo regique in divino servitio militasse, ut librorum nunquam indiguerit juvari solamine; quod an fieri potuerit, non inertes judicent, sed studiosi examinent Igitur Romam perventum, atque inde feliciter reameatum (1).

(1) Romanum Roberti iter commemorat vetus

Chronicum a Beslio laudatum, quod anno 1020

5. Hujus ergo eventu itineris, vir Dei Angelrannus ad Regis notitiam venit; quapropter ipse rex non eum inter infimos relinquere corde tenus ambivit. Interim vero, dum rex perquirat quo eum honore fulciat, semper venerandus Angelrannus sua inhabitatione Centulam exultat; et provenit Deo ordinante, ut abbatia Centulensis paterna privaretur sollicitudine. Fratrum ergo sanioris consilii concordia electione id officii suscipere cogitur Angelrannus, qui Domini præsencia ante omnia sæcula ad hoc fuerat preparatus. Tunc rex ovans quod, sicut cupierat, locum honorandi reperisset, sæpe dictam Centulam hac de causa concitato gradu devenit. Enim vero famæ velocitas, Angelranni aures percillens, dicto citius timore salubri ejus præcordia replet. Quid ageret non inveniebat; fratrum unanimis electio, exstante admodum parva quorundam sua nobilitate inflatorum contradictione, pastoralitatem suscipere cogebat, regia etiam auctoritas ad hoc impulsura propinquabat. Sed ille, qui subesse quam præesse malebat, omnino se indignum hujusce rei perceptione præjudicabat. Sumpto igitur ausu silvarum lustra expetit, ibique se ne inveniretur abditis quibusdam recondit. Rex adveniens virum interrogat; furtim eum abscessisse monachorum turba proclamat. Rex miratur intentionem, prædicat humilitatem, jubetque ut citius pergatur, ac electus Domini ad se reducat. Exeunt ergo militares præclarum Dei militem perquirentes, seiscitantur a quibuscunque obviantibus sicubi visus fuisset vir cluentissimus; tandem igitur, peracta multa scrutatione, in silva Olodioli dignoscitur latere. Itur ocius, perquiritur, inventus adducitur, regisque Roberti præsentiæ sistitur. Rex itaque gaudens ecclesiæ basilicam intrat, omnique spectante nobilium vel ignobilium caterva, per funes ad signa pendentes ipsi totius loci dominationem delegat. Dein jubetur ab ipso rege ut quantocius acceleraretur benedictionis consecratio digna. Vere ergo iste superni membrum capitis fuit, qui memor suum Dominum, dum eum vellent populi facere regem, fugisse in montem, ne supercilio prælationis extolleretur, maluit subire cavernam.

6. Jam vero, sumpto abbatis officio, quis ejus bona digne potens sit explicare? Erat enim ei studium jure propriæ vitæ nævis carere, coram Deo et hominibus bona semper providere, commissorum inepta resicare, tam exemplo quam verbo bona eorum augere, quidquid bonum semper ambire, quidquid pravum semper cavere. Nec ejus

nonnulli consignant. At ex Historia translationis SS. Saviniani, etc., quam supra edidimus, patet Robertum multo antea iter illud suscepisse. Etenim ibi. cap. 26. Constantia regina cum parvulo filio Hugone Tillo remansisse, et, anxia ne Herta eam supplantaret, a S. Saviniano confortata dicitur. Cum vero ille ignoraret quis esset Savinianus, a Theoderico, qui postea factus est episcopus Aurelianensis, id accepit. Obiit autem Theodericus, ut ad ejus vitam diximus, anno 1022, mense Ja-

benevolentiae sat est animarum salutem obtinere, sed curat etiam terrenis ædificiis locum commissum honorare. Denique moenia struxit, sacras aras auro et argento vestivit, Christique vasa sacrosancta pro posse ampliavit. Delectabatur plane sanctum ingenium bono opere, pascabatur pia mens sancta exercitatione. Interea Notkerus Leodicensis episcopus, cui a domno Ingelardo abbate quædam Sancti Richarii prædia fuerant oppignerata, obierat, et post alios duos Durandus ipsius sedis susceperat præsulatum. Hunc itaque abbas Angelrannus adiit, et, ut conditionem quam illius et suus fecerat antecessor renovaret, ne infirmaretur, exoravit. Qui episcopus venerandi viri precibus acquiescens, nam et a domno Erablo (2) Remorum antistite idipsum facere fuerat exoratus, tale denuo rescriptum promulgavit: In nomine sanctæ, etc. Acta sunt hæc Leodio publice, sub die xiv Kal. Octobris, anno Dominicæ Incarnationis 1022, imperii vero Henrici xix, etc. Hac igitur pactione utiliter reparata, monasterium reversus est.

7. Aliquando etiam Neustriam ivit, et colloquio marchionis Richardi usus, postulavit eundem ducem, ut pro salute suæ animæ Sancto Richario aliquid largiretur. Qui, sciens virum esse prudentem et monastici tramitis amatorem, benigne ei paruit, conferens per ejus manum Sancto Richario casulam pretiosæ purpuræ, et ecclesiam Scabellivillæ, de cujus donatione talem condidit descriptionem.

« In nomine sanctæ et individue Trinitatis, ego Richardus (3) divina concedente gratia Nortmannorum dux. Compertum esse volumus omnium sanctæ Dei Ecclesiæ fidelium industriæ quod Angelrannus abbas Centulensis cænobii, ubi venerabilis confessor sanctus Richarius quiescit, clementiam nostram expetierit quatenus ipsi sancto largitione nostræ elemosynæ conferremus aliquid. Consilio ergo et suggestu nostrorum fidelium, decrevimus tradere perpetuo prædicto sancto et servis ejus ecclesiam quæ sita est in Scabelli villa. Præfatus vero abbas et fratres, sub testificatione præsentis chirographi, sponderunt quod amore genitoris nostri, nostro, et matris, conjugis et prolis, persona unius monachi ipsius congregationis augetur numerus, ea conditione ut, illo decedente a sæculo, alterius per sæcula subsequatur successio; illud etiam ut, ab hodierna die et deinceps, nos, nostrique filii supradictæ congregationis appellati socii, omnium quæ ibi gesta fuerint honorum habeamur participes. Ut igitur hæc futuris temporibus donatio stabilis permaneat, sub gravi anathemate facto ab archiepiscopo, me præ-

nuario.

(2) Ebalus Remensem Ecclesiam ab anno 1024 tenuit usque ad annum 1033 quo e vivis excessit; sepultus est in sua ecclesia prope gradus chori. Exstant ad ipsum epistolæ nonnullæ Fulberti Carnotensis.

(3) Richardus II, filius Richardi I et Gunnoridis, fratrem habuit Robertum Rothomagensem archiepiscopum, de quo paulo inferius.

sente, vel a quibusdam episcopis cum suis sacerdotibus, qui forte tunc nostræ aderant curiæ. jussimus roborari, et hanc insuper chartulam fieri, quam signo manus propriæ volumus consignari.»

« Signum Richardi marchionis. S. Roberti archiepiscopi. S. Gonnoridis matris eorum. S. Judith. S. Richardi pueri. S. Roberti pueri. S. Willelmi pueri. S. Malgeri. »

« Actum Rothomago II Idus Martii. »

Robertus (4) quoque ipse Rothomagensis archiepiscopus, virum bonum esse cognoscens domnum Angelrannum, donavit ei unum bonum dorsale, quo hodieque nostra ecclesia ornatur.

8. At quia nunc Nortmanniam intravimus, libet parumper subsistere, ut quoddam necessarium explicemus. Retulimus, sub domno Ingelardo, beati Vigoris episcopi corpus honorabile a Neustria Centulam translatum; quod quia meruimus, Deo omnipotenti ex corde intimo gratias rependamus. Securi igitur de Dei munere in sancti corporis collata nobis benedictione, jam modo contra illos agamus qui tantum bonum nostrum obscurare nituntur. Est enim quiddam sensibus nostris illatum, quod, Deo auxiliante, abundanti ratione purgabitur, si tamen faciente invidia obliquus non adsit auditor. Verum nos singulariter neminem appetimus, omnibus semel respondentem: dum enim quemquam nostratum cum Neustrianis vel Silvanectensibus de sancti corpore colloqui contingit, dicentibus istis quia noster episcopus fuit, nobis quiescit; illis æque referentibus se hunc habere, noster a Deo nobis datus thesaurus apud incertos quasi fuscari videtur. Unde satis necessarie hanc modo rationem persolvimus, qua scilicet apud nos illum esse veraciter comprobemus. Quod si quisquam clarescentibus miraculis hunc se habere defendat, et nos multo magnificentius eadem experti sumus. Vere enim Christiana fides fatetur omnes Deo conjunctos, non eo tantum loco quo corpore habentur, sed ubicunque fideliter rogantur, divina posse monstrare. Sed jam pergat sermo in nomine Domini quo destinatum est, huncque sanctum nos confirmemus habere, tametsi alias magna operari videatur. Christus veritas nobis astipulatur, ipsa sancti viri anima cœlesti semper hæreditate beata testimonium reddet, imo de verbis ejus verbi nostri testimonium fiet. Neustriani tamen, qui et Nortmanni, sui episcopi non bene custoditi arguendi videbantur; sed mentem remordet quia: « Nisi Dominus custodierit civitatem, frustra vigilat qui custodit eam (*Psal. cxxvi, 1*). » Ob hoc autem illos sinentes alia expediamus,

(4) Annis quadraginta et octo Ecclesiam Rothomagensem rexit, ab anno scilicet 989 ad 1037, quo obiit. De eo agit Ordericus Vitalis, eique Fulbertus Rothomagensis aliquot litteras scripsit.

(5) Sancti Audoeni celebre monasterium Rothomagi hodieque a monachis Benedictinis congregat, S. Mauri incolitur.

(6) Et tamen jam sæculo nono recepta erat Omnium Sanctorum festivitas, quam Ludovicus Pius,

A dum et thesauri quondam habiti et modo perditione amissione constet eos satis fuisse punitos. Silvanectis autem civibus de sancti corpore inaniter superbis jam modo ora claudamus. Quo primo igitur tempore sancti corporis illatione beata est Centula, absque ullis gestoribus ejus adminiculis aliquandiu permansit. Delator nempe, nomine et gradu atque civitate episcopi ejus relatis, de cæteris conticuerat. Cum autem Ingelardi abbatis de medio facti hic venerabilis Angelrannus, cognomento Sapiens, vicem suscepisset, fuit ei necessitas illa, quæ supra exposita est, ire Nortmanniam. His pro quibus ierat peroratis vel definitis, a clericis ipsius provinciæ et a monachis sancti Audoeni (5) cœpit inquirere an nossent aliquem sanctorum qui diceretur Vigor. Illi autem optime hunc scientes, hoc solum mirati sunt quod ipse abbas tantum confessorem nesciret, referentes ortum, vitam, ejusque dignitatem. Tum abbas rogat sibi monstrari Vitæ scripturam, et describendi largiri copiam. At illi cum annuissent, tali ab eo auditu perculluntur: Cœnobio, inquit, Centulæ in monasterio domini mei sancti Richarii hujus sancti corpus habetur. Tum monachi beati Audoeni dixerunt ei: In hoc, honorande Pater, te scito hunc revera habere, si, ossa ipsa inspectas, mentum non inveneris apud te: quod idcirco illuc tu non invenies, quia Deo gratias illud nos habemus. At ubi patriam nostram cum libello Vitæ ejus repedavit, curavit insinuata citius probare. Revolvit sancta membra, et inventa tota ossium congerie, mentum deesse invenit. Quia vero ipsius Vitæ lectio docebat qua die sanctus e mundo migrasset, hæsitabat parum quid faceret: quia eam diem Omnium Sanctorum festivitas ex moderna Patrum (6) institutione vindicabat. Statuit autem ut sequenti die festivitas sua sancto reexhiberetur. Factumque est ita, sed non sic ut tantum decuisset confessorem. His proficue, ut speramus, insertis, ad domni Angelranni vitam transeamus, alibi (7) de sancto Vigore certiora, et quibus obviari non possit, probamenta dicturi.

9. Multo sudore et ingenio hic venerandus homo semper studuit ad usum monasterii illa revocare quæ, vel desolationis tempore vel sub sui tempore antecessoris, aliqua fuerant fraude subducta. Constantia quippe internæ fortitudinis, quæ menti ejus inerat, multam potentium superbiam edomabat; quia fiducia sanctitatis se vallante, nullius potentiam verebatur. Angelrannus denique comes Pontivorum. Hugonis advocati filius, cum ob expertam in illo sanctitatem compater ejus factus fuisset, magno etiam timore erga illum ageba-

adhortante Gregorio IV summo pontifice, in Gallia et Germania celebrari mandavit. Vide Thomasinum in tractatu De festis, lib. II, cap. 21. Hodieque S. Vigoris corpus apud se servari asserunt nostri Centulenses.

(7) In capite scilicet 20 hujus quarti libri Chronici Centulensis, in Gestis beati Gervini, quæ dabitur in altero hujus sæculi tomo.

tur, quippe apud quem humani ingenii pravitati nihil successum sciebat. Antiquitus servata est consuetudo, ut in festo sancti Richarii tota Pontivorum militia Centulam veniret, et veluti patriæ domino; ac suæ salutis tutori et advocato solemnem curiam faciebant. Cum itaque jam dictus comes inevitabiliter ad sancti Patris festum, aut alia qualibet die monasterium intrasset, statim ab abbate venerabili, si quid loco abstulerat, tanta invectionis auctoritate arguebatur, ut nullo modo non comitem a monacho, sed servum a domino increpari qualitate rerum putares. Si aliquando corripienti non obediisset, abbas loci amator, qui dicere poterat: *Zelus domus Dei comedit me*, continuo sese in verbis exaggerans, illumque infidelem, illum raptorem clamitans, nisi emendare sponderet, continuo excommunicabat. Hæc ejus animi fortitudo plurimum contulit, et ut suo tempore nihil loco raperetur obtinuit. Quod nos ideo sic didicimus, quia, cum nostro ævo desint largitores, bene nobis res agere videretur, si non pateremur infestissimos prædatores. Venerabilis tamen Angelrannus non hoc solum obtinuit ut sibi nihil tolleretur, sed et ut multa per Dei gratiam sibi darentur et redderentur. Angelrannus igitur comes, monitis ejus animatus villam quamdam sancto Richario delegavit, de cujus deditioe testamentum conficiens, regia auctoritate confirmari voluit, ita se habens:

« In nomine sanctæ et inviduæ Trinitatis. Ego Angelrannus compertum fore cupio cunctorum sanctæ Dei Ecclesiæ fidelium industriæ, quod, remorante præcellentissimo rege Roberto Compendii palatio, corroborandam in præsentia ejus obtuli quam feceram sancto Richario quondam donationis chartulam. Tradideram siquidem ipsi sancto in pago Pontivo villam quæ Comitum Villa vocatur, eo conditionis pacto ut ego ipse, dum vixero, et post me unus hæres, quem vivens designavero, teneam, atque in festivitate sancti Richarii, quæ VII Idus Octobris (8) celebratur, XII denarios in censu persolvam. Quod si hæres a me designatus reddere neglexerit aut legaliter emendet aut perdat, quam concessionem in præsentia regis regnique nobilium obtuli et regia auctoritate confirmandam censui.

« Signum Roberti regis. Sig. Constantiæ reginæ. Sig. Henrici ducis. Sig. Roberti. Sig. Odonis. Sig. Angelranni comitis.

« Actum Compendii palatio Nonas Aprilis.»

10. Hucbertus quidam miles, qui beneficiarie cum jurejurando nostrati abbati famulari habebat, huic venerabili Angelranno aliquoties causa probationis exstitit. Siquidem aliqui ex suis parentibus sub præstatione certi temporis tenerant villam sancti Richarii, vocabulo Noguerras, et tali occasione tanquam hæreditatem sibi vindicabat. Contradicente abbate, et illo insaniente, multa dura contigit venerabilem Angelrannum ejus immissione pati: nempe quam forti amoris vinculo erga suos strin-

A geretur, hinc patuit, dum contra hunc Hucbertum, contraque omnes qui fratrum possessiones rapere conabantur, tam divinarum quam humanarum legum auctoritate certare non destitit. Nam Dei et Domini nostri informatum exemplo, et accensus amore, qui pro suis ovibus animam posuit; ipse quoque pro Ecclesiæ Centulensis villis vel prædiis multa pericula, multasque iniquorum insidias perpeti non formidavit: pro illis certe qui sibi erant commissi animam posuisset, si id necesse fuisset, qui pro eorumdem re temporali, cum necesse fuit, multis injuriis affligi non recusavit. Ut enim subjectorum animas salvaret, ipse temporali suæ salutis nunquam agnitus est pepercisse. Nam non in tantum creverat tyrannorum atrocitas, ut corpora perimendo animas effugarent; sed ad hoc processerat eorum cupiditas, ut eos, rebus spoliantes, miseris efficerent: et quia isdem magnificus vir eorum sævitæ perpes contradictor exstitit, ab eis multa perpeusus, etiam gladii percussorem Dei amator toleravit. Sed quia vere fateri possumus justum confidere quasi leonem, iste pro commissis, bona conscientia fretus, nullam timeat passionem. Charitas enim in eo locum sibi vindicabat priorem, quæ foras utique propellebat timorem. Tandem itaque contra Hucbertum instiluit, usquequo procerum judicio in regis præsentia, eam quam diximus villam derationaret.

11. Sed quæ non mortalium corda rapacitas urget, si adsit locus? Rex enim Henricus illectus cupiditate, postquam fuerat definitum ut Hucbertus non haberet in proprium jus, villam tenuit, et quinquennio illius redditibus usus est. Sed cum ab abbate frequenter argueretur, tandem metu judiciorum Dei coactus, et venerabilis Angelranni assidua interminatione fractus, nobis eam cessit, et super ejus redditione testamentum confecit, quod nos quoque utiliter hic consignamus:

« In nomine sanctæ et individuæ Trinitatis. Henricus Dei gratia Francorum rex, omnibus catholicæ Ecclesiæ filiis, quibus est cura animæ et corporis.

« Notum esse volumus cunctis futuris et præsentibus qualem redditum sancto Richario pro amibus nostris et successorum permiserimus. Miles quidam, Hucbertus nomine, Noguerriam cum suis appendiciis, quamdam sancti Richarii villam, tenebat suæ invasionis tortitudine. Quotquot vero antecessores ejus tenuerant, sancto Richario per præstationis occasionem tollebant; iste vero quasi propriam volens invadere, repulsus est aliquantum abbatibus et fratrum reclamacione; et illo funditus repulso, censura judicii nostri decidit in nostram jussionem; quinquennio tunc solidam et quietam habui. Posthæc memor animæ meæ, et licet modicum cogitans de ejus redemptione, inclinatus etiam ab abbate et monachorum collegio, tradidi eam sancto Richario. Addidit etiam comes Angelrannus ejusdem loci advocatus suam petitionem, cui ego eo tenore annui,

(8) Prima scilicet ejus translatio ex veteri proprio Centulæ; ejusdem Natale celebratur die 20 Aprilis;

ut nunquam inde acciperet aliquam consuetudinem. Quod ne quis etiam successorum meorum audeat infringere, Hezelini Parisiacensis episcopi perculti [percussi] anathemate, et omnium qui mecum erant Francigenæ, nec ipsum excepi abbatem, ut alicui per aliquam tradat occasionem, ne aliqua iterum erratio nostræ animæ fiat periculo. prohibemus ergo iterum atque iterum nostro imperio, et omnium episcoporum nostrorum interminatione, ne aliquis malefactorum aliquo modo audeat usurpare, ut non fiat mihi in illa reprobatio necessitate, ubi merita mea non potuerunt me juvare. Prorsus ne aliquis dubitet imperium, videt scripto imperantis edictum.

« Actum est anno Dominicæ Incarnationis 1035, regnante Heinrico rege, anno regni illius III. Abbas Angelrannus subscripsit; Rollandus monachus subscripsit, Gualterus subscripsit; Algisus subscripsit, etc. Hi etiam sunt testes omnium episcoporum excommunicationis, præcipue Hezelini Parisiacensis. Qui deinceps infregerit ista, cum Dathan et Abiron fiat et anathema maranatha. Amen. *Hic omittitur restitutionem molendini, eidem monasterio a Raginero milite factam.* »

12. Cum in omnibus erga hunc sanctum locum Angelranni abbatis cura provida semper haberetur, non tamen ejus benevolentia sublevandæ pauperum necessitati deerat. Fuit igitur ei pietas comes inseparabilis, per quam, Dei gratia se auxiliante, miserorum consolator splenduit singularis. Multoties enim e claustro processit, ut miserendi locum quo quomodo posset nancisci; et cum pro alicujus utilitatis ordinatione putaretur egredi, ille, justitiæ famelicus, misericordiæ actibus cupiebat saginari. Enimvero gestabat nonnunquam pius latro sacculum misericordiæ gazis refertum, et dum hinc ac inde cerneret pauperem quemlibet proximare, antequam contra illum pervenisset, sumptos denarios in terram solebat jactare, illumque volentem transire, ad se Pater misericors evocabat, et, quasi nescius, quid illud esse posset quod solo tenuis jacebat sciscitabatur. Ille qui ignorabat actum: Domine, aiebat, video nummos super terram jacere. Tum ille bene fraudulentus, et pie deceptor, ire jubebat et sibi tollere, dicens a Domino illi esse præparatos. O virum vere Deo dignum! o animum omni laude jugiter attollendum! ne enim vitæ expers maneret, piis actibus continue instabat; et ne eum laus transitoria percelleret, ipsos pios actus occultabat. Libet parumper nostram pravitatem, nostræque intueri mentis tortitudinem. Nam et cum bona non facimus, cupimus laudari; et sit parum quid contigerit nos boni facere, ab omnibus cupimus prædicari. Nos nec actu nec virtute qualibet resplendemus, et velut sanctiores pro solo habitu honorem extorqueamus, Damnanda prorsus miseria, non esse sanctum, et sanctitatis requirere debitum! Verus ita-

(9) Vide observationes prævias, num. 2.

(10) Hic in codice titulus capituli 9, sic habetur: *De miraculis sancti Richarii, quæ ejus tempore ac-*

que Dei cultor Angelrannus honorum operum exercitiis illustratus, hospitalitatis amator devotus, humilitatis servator assiduus, charitatis etiam obeses mansit æternus.

13. Verum ingenii ipsius sagacis non facere mentionem, impiissimum duco errorem. Nam, præcipiente sibi venerabili suo quondam magistro, domno scilicet Fulberto Carnotensi episcopo, almfui confessoris Christi Richarii Vitam ab antiquis compendiose descriptam, versu heroico jucundiores fecit; nihil pene extrinsecus addens, sed eundem sensum per omnia representans. Sane miracula, quæ Dominus ac Salvator noster per ejusdem sancti merita suo tempore exhibuit, in uno libello compingens (9), antiquis ejus miraculis compaginavit; in quorum capite postea quæ supra texerat sic exorsus est fari:

Nunc ea complectar proprius quæ vidit ocellus.

Subsequenterque intexit illam sancti Richarii relationem, quæ in precedenti libello a nobis plenius exposita est (10).

14. Hujus autem Deo tam chari vitæ excellens multorum studia ad supernorum amorem accenderat: unde nunc æquissimum judicamus in ejus discipulorum actibus quanta Dei gratia vigerit ostendere; ut quem jam monstravimus vere sanctum, ac per hoc Deo proximum, inde magis ejus bonitas resplendeat, quo non suis solis, sed et commissorum proventibus magnificus comprobatur. Erat ergo in hoc sancto cœnobio venerabilis vitæ vir, nomine Odelgerus, qui abstinentiæ miræ, obedientiæ summæ, sui que custodes oris, magnum religionis per Dei gratiam præbebat lumen: qui a puro quidem sacris fuerat sub domno Ingelardo abbate disciplinis informatus, sed sub reverendissimo Angelranno, decani vel prioris potiebatur ministerio. Hic ergo assidue lectioni et orationi insistens, animi quoque simplicitati et puritati studens, magnæ vitæ studiis pollebat. In exterioribus etiam ministrandis satis probus ac valde aptus existit. Consuetudo autem ei fuerat perpetua ut, quando fratres, ex indulgentia remissioris vitæ, aliquid sæculare aut etiam irreligiosum in communi sermocinarentur, secederet in ecclesiam, ibique, psalmodiæ et compunctioni intentus, sedule Domino jungebatur. Qui etiam ne aliquo impulsu, aut alicujus occurso præpediretur, superiora templi conscendere procurabat, ibique liber et remotus, quasi de proximo ac de vicino, divinis obtutibus laudum et precum holocausta offerebat. Hic itaque post longam in sancto proposito exactam vitam, ad extrema pervenit. Qui cum morti proximus existeret, et a fratribus vel a famulis ecclesiæ circumdaretur, repente exclamavit et dixit: Ecce chorus adest angelorum. Ut enim omnipotens et pius Deus ostenderet quam devote ei servierat, voluit suæ divinitatis ei morituro ministros transmit-

ciderunt. At caput ipsum desideratur, quod forte nihil aliud esset a libello de relatione ejusdem S. Richarii.

tere, ut in eorum conspectu atque præsentia, sine gravi metu et dolore de corpore exiret. Hac autem vice, omnibus qui aderant stupefactis, repente iterum subjunxit, et ait : Ecce chorus prophetarum. Silentioque parumper habito, sic intulit : Ecce chorus apostolorum ; ac deinde : Ecce, ait, chorus martyrum. Cumque paululum conticisset : Ecce, inquit, chorus confessorum ; novissime vero cum denuntiasset, dicens : Ecce chorus virginum, eodem momento spiritum emisit. Et quia veraciter cœlestis patriæ cives ad se suscipiendum venisse vidisset, sequendo testatus est. Reverendissimus vero abbas Angelrannus eum, ut decebat, vere sanctum, in ecclesiola Sancti Vincentii martyris, quæ erat claustro contigua, venerabiliter sepelivit, et super ejus bustum tale epitaphium composuit :

*Justitiæ cultor fuit, et bonitatis amator
Odelgerus, in hoc qui recubat tumulo.
Subtraxit vitæ quem lux Februaria nona,
Ut spes est, regno misit et æthereo.*

15. Angelrannus venerabilis inter suæ magnæ sapientiæ monumenta, in sancti Richarii honore, quamvis antiqui abundarent, quosdam cantus dulciori composuit melodia ; nec non sanctorum Walarici abbatis, et Wlfranni archiepiscopi honori proprios cantus coaptavit : beati quoque Vincentii martyris Passionem metricè composuit, sanctæque virginis Austrebertæ Vitam metro subegit. Et quia tantus scientiæ fulgor non facile poterat abscondi, multi nobiles ejus se subdidere magistratui : e quibus fuerunt duo honorifici viri, Guido (11) præsul Ambianensis, et Drogo (12) episcopus Tarvenensis. Hi ejus se discipulos ; hi, quoad vixerunt, semper gratulati sunt se ejus prudentia illustratos. In tantum enim disciplinæ ejus bonitas [se, Ed. P.] sparserat, ut ubique ab omnibus Angelrannus Sapiens specialiter non immerito vocaretur.

16. Cum igitur tantis et talibus bonæ famæ opinionibus miro modo polleret, implereturque in eo ille apostolicus sermo : *Christi bonus odor sumus Deo in omni loco* (II Cor. ii, 15) : inspector ille cordium, videns eundem suum famulum infatigabili desiderio sibi velle sociari, ut priorem quandoque susciperet, imo ut meritorum copiam ei accumularet, statuit eum adhuc tentationis lima polire, ac super incudem corporeæ infirmitatis, malleo proprie percussiois interrogare. Denique tanta eum paralysis acerbitate perculit, ut non manum ad os ducere, non in lectulo se deinceps quiverit movere. Religantur manus innocentes supernæ districtiois vinculo, et, quæ in bonis se semper exercuerant, ac mala studiosius caverant, hæc vel illa, bona dico vel mala, ne contingant, arctantur. Semper igitur gratias retulit

(14) Guido post Fulconem ipsius fratrem, qui in synodo Remensi sub Leone IX papa exauctoratus fuit, Ambianensem thronum ascendit. Obiit anno 1074 ex Chronico Centulensi. Infra, num. 22 archidiaconus dicitur.

(12) Hanc sedem obtinuit Drogo ab anno 1031 ad

A Conditore, et cui antea in omni bona operatione se devotum exhibuerat, nunc valetudine pressus corde et lingua laudis sacrificium victimabat ; et cum hoc morbo sic vinculus esset ut omnino sui impotens maneret, tamen ejus ubique auctoritas metuebatur, ejus ubique nomen reverebatur. Sæpe autem accidit ut quolibet residens uberrime fleret, et cum ab assistentibus interrogaretur quænam esset causa ploratus, se peccatorum pœnas formidando cogitare respondebat, quas intra tartari claustra, diabolo ministrante, patiebantur, et ob hoc modo non posse omitti quin fleret. Ita etiam cum alternantibus vicibus se lætissimum præmonstraret, interrogarentque famulantes quidnam rei esset quod tam alacer videretur, aiebat de cœlestium gaudiis angelorum, deque sanctorum felicitate perpetua hanc sibi emanasse exultationem.

17. Senescente autem illo, cum multis utile videretur ut eidem rector substitueretur, quidam secundum carnem nobilis, filius nempe Angelranni Pontivorum comitis, nomine Fulco, ejusdem loci alumnus, parentum auxilio, sæpe dicti loci Centulensis regimen sibimet usurpare tentabat. Sed enim cum rex Francorum Henricus, quo nescio casu accidente, Pontivum devenisset, idem Fulco, intercedente jam dicto comite patre suo, cupiebat obtinere ab eodem rege totius loci dominationem : quod et factum est, ignorante penitus domno Angelranno abbate. Jam dictus vero Fulco, cum ob donum regium se abbatem fore auspicaretur, sumpta audacia impudenti, quibusdam militaribus in fratrum refectorio, more scilicet incompetenti, convivium opulens exhibuit, quo sibi faceret fideliores, et ad acquirendum sibi honorem promptiores. At ubi nuntiatum est istud patri Angelranno, ministros vocat, protinusque se illuc deportari mandat. Manibus ergo famulorum ad ostium usque refectorii devehitur ; ibique figens gradum, ex auctoritate omnipotentis Dei eos qui convenerant anathematizat. Hinc vero omnis illa eorum factio inchoat dissipari. Cerneret enim meliores quoque, in quibus parum quid timoris resederat, quasi reos ante judicem, sic ante justi faciem pavitare, et incendio excommunicationis ab eo illatæ miro modo terreri. Vir Dei itaque secedens inde Fulconem evocat, et an abbas effici velit, minaci verbo sciscitatur. Cui præ pudore nihil respondentem sententiam intulit, dicens non posse eum fieri abbatem (13), quandiu scilicet ipse in corpore moraretur. Et quamvis isdem Fulco etiam alterius abbatæ donum a patre suo habuerit nunquam tamen, quandiu vir beatus supervixit, effici abbas ullatenus potuit, qua videlicet viri Dei sermo obtinuit. Qua in re animadvertitur sanctus

1078. Interfuit consilio Remensi sub Leone IX elevationi corporis sancti Bertini. De eo jam non semel actum est.

(13) Non solum abbas Centulensis non potuit esse Fulco, vivente Angelranno, sed et nec ullius omnino loci, ut ex sequentibus patet.

vir prophætico spiritu actus fuisse, qui non absque A nutu divino prædixerat eundem non posse fieri abbatem, quandiu scilicet ipse in corpore moraretur. Si quidem postquam venerabilis Pater Angelrannus cœlicas recessit ad irides, idem Fulco abbatis officio donatus est primo post ejus sepulturam die prælatusque monasterio Forestensi, quod ex antiquo, ut in hoc lucide patet, fratrum sancti Richarii cella fuerat; sed paulo ante a comitibus Pontivorum subtractum, abbatiolæ nomen sibi vindicat.

18. Et quia ad id loci pervenimus, libet memorare, ob rerum notitiam posteris intimandam, qualiter idem locus nobis ablatus est. Ab ea die qua beatus et sanctus Pater Richarius ibi finem vitæ mortalis accepit, et deinceps usque B ad tempora Ingelardi abbatis, in nostratum deguit ditione. Hugo vero primo dux, postea rex, eo tempore quo propter barbarorum cavendos incursus, Abbatis-villam nobis auferens castrum effecit, eique Hugonem præposuit militem, Forestis cellam nostræ ditioni subripuit, et eidem Hugoni perpetuo habendam contradidit, quia videlicet, ipsius ducis filiam, nomine Gelam, uxorem duxerat. Antea igitur in eadem cella clerici Domino militaverant; sed, Hugone postulante, aliqui ex nostris illic monachis statuti sunt, qui et abbatem meruerunt simili modo monachum nostratem, nomine Guidonem, domni Angelranni fratrem; quique cum aliquantisper ibidem annis in animarum regimine ministrasset, officii C successorem habuit, Hucbertum nomine, nostratem monachum. Quandoquidem nobis ille locus tollebatur, tamen ob amorem et honorem almi Richarii statutum est, ut de nostris semper ibidem fierent abbates monachis Hucberto quoque mortuo, ejus loci regimen suscepit hic Fulco quem nostri monasterii dominium sibi usurpare voluisse notavimus. Libet vero dicere de domno Guidone abbate, quod cum egregiis moribus et Deo placitis fulgeret, oculorum lumine, sicut et sanctus Tobias, privatus est, omnino tamen perseverante in mente ejus divinæ contemplationis claritate. Mox vero ut hoc flagellum cum gratiarum actione a pio patre Deo exceperit, succedi sibi poposcit; et rediens Centulam, quod superfuit totius vitæ in sancto ibidem explevit servitio. Qui etiam vii Kal. Maii (14) dormitionem accepit, et a venerabili fratre suo Angelranno juxta sancti illius monachi Odelgeri corpus humatus est, talique dictitio prænotatus:

*Mausoleum hic patrem recolendum rite Guidonem,
Sculptus litteralis monstrat habere lapis.
Extulit egregiæ quem mundo gratia vitæ:
Sublimem mundus hunc faciat precibus.*

Verum et illud placet referre, quod is de quo supra diximus Hugo, non comes, sed advocatus dictus fuerit, quod nomen illi erat insigne, ob hoc

(14) Hunc ipsum diem assignat Necrologium Centulense his verbis: vii Kal. Maii obiit Guido abbas, qui fuit frater Angelranni abbatis.

PATR. CXXI.

quod ecclesiæ Sancti Richarii defensor fuerit a rege Hugone institutus. Quo etiam nomine filius ejus Angelrannus, hujus Fulconis pater, fuit contentus, donec permissu Dei Boloniensem comitem bello peremit, ejusque relictam nobilissimam, nomine Adeliuam, in matrimonium accepit. Et quia comitissam duxit uxorem, idcirco deinceps comitis nomen accepit, quod a successoribus ejus jam ex consuetudine tritum perseveranter tenebat.

19. Sed ad nostrum Angelrannum redeamus, et qualiter bonus bonum habuerit successorem jam dicere inchoemus. Cum, ut supra dictum est, comperisset Fulconem parentum intercessu, et pretii datione, præripere voluisse regimis ministratio- nem, voluit adire regiam majestatem; ne animarum cura venderetur oraturus. Quod quia aliter ob infirmitatem non potuit, curru vectus implevit, et regis auribus satis dura inferens, tormenta inferni illum subire ob distractionem gratiæ minatus est. Et rex, qui bonæ mentis habebatur, penituit, reatusque indulgentia rogata se spondidit emendaturum. Non multi post hæc fluxerant dies, cum ecce ex divina, ut tenemus, voluntate, regali audientiæ interfuit Viridunensis abbas Richardus, reverendissimum monachum, et merito bonitatis unice dilectum, Gervinum secum habens capellannum. Et quia iste est Gervinus, de cujus post Angelrannum successione Centula gavisa est, decantissimum intuemur a principio sursum quis fuerit referre, ut homo diligendus, quo melius noscitur, melius et ametur (15), etc.

20. Rerum itaque conditor Deus, qui sui servi desiderium jamjamque disposuerat cœlesti regni amœnitate mulcere, quique eum sibi habilem fecerat longissimi purgatione languoris, interno sapientiæ suæ consilio, quo omnem filium receptibilem flagellat, ejusdem famuli sui valetudinem solito acerbiorum effecit, et cui mox incomparabiliter dulcia erat daturus, doloris diu tolerati fervorem multiplicat. Sed, ut ostenderet quod non ex ira, sed ex summa misericordia hæc ejus processisset correptio, evidentissimæ benignitatis super eum signa prætendit. Nam, cum isdem vir beatissimus sacræ Scripturæ studiis attentissime semper fuerit implicatus, nec modo quidem cum gravissimo morbo urgeretur, a divinis operibus affectus ejus et voluntas unquam potuit inhiberi; modo psalmodiæ indefessus insistebat; modo sacris divinorum præceptorum meditationibus hærebat; modo missarum solemniam in lectulo recubans, ac si altare staret, ore proprio decantabat. Unde et contingebat quosdam mirari ut vir, qui tantæ sapientiæ sciebatur, quasi dementium opus faceret, cum ille omnes quos inde mirari audiebat, ineptos et totius boni nescios dijudicaret. Accidit ergo ut quadam vice cum missam in lecto recubans protensis manibus decantasset, et

(15) Multa hic habet de Gervino, quæ suo loco annum 1074 proferemus.

omnipotens Deus quid erga illum ageretur revelare insciis voluisset, post missam finitam sitim se pati insinuaret. Præcepit itaque ministro ut sibi vini poculum ministraret. Ille concitus vinum detulit, sed ex hoc se nolle bibere sanctus indicavit. Minister regrediens aliud detulit, sed ad primum gustum, et hoc beatus homo repudiavit. Cumque famulus eum vidisset et semel et bis vinum repulsi-
 se, aliudque se velle senior indicaret minister alia vina se non habere causatur. Tunc sanctus vir, ipsa verba dicenda sunt : De illo, inquit, affer mihi de quo nunc ad missam habui. Quo audito circumstantes timore obrigescunt, de dulcissimo Patri cum lacrymis responderunt : De illo, Pater, ulterius non habebis, nisi tibi dederit qui et prius dedit. Si quidem cum missam faciens extra se
 crederetur, dumque ad ipsum locum veniretur, quando Dominici corporis sacrosancta libatio agi solet, cælestibus escis superno dono transmissis refovebatur. Igitur animadvertens quod ipsi sui familiares rem secretam agnovissent, volensque omni modo celare bonitatem Dei in se peractam, quasi permotus jubet eos citius recedere. Habent enim sancti viri hoc proprium, ut cum bona faciunt, occultari velint : ne scilicet, laudis transitorie plausum recipientes, ante Dei oculos operationis suæ merecedem imminuant.

21. Dum vero ista agerentur, et beatus homo jamjam præ multa infirmitatis acerbitate corpore putaretur absolvi, et ob hoc ab his quos nutria-
 rat sollicitè observaretur, accidit necessitudo, pro qua ad regalem curiam mittere necessarium fuit.
 Præcepit itaque dominus Gervinus, qui jam loci dominatum retinebat, uni e fratribus, ut id negotii expleret. Ille vero qui desiderabat optimi Patris præsentialiter illustrari transitu, et implicari exsequiis, omnimoda excusatione se non id facturum respondit. Tunc venerabilis Gervinus, tali responso coactus, sanctum Dei virum Angelrannum quo jacebat adiit, eique monachi inobedientiam intimavit. Ipse autem eundem monachum ad se vocari faciens, inquisivit cur non præceptum impleset, dein jubet etiam ut impleat. Cumque adhuc ille nollet, sanctus abbas prophetici spiritus gratia luminatus promisit, dicens : Vade et fac quod tibi præcipitur, et soias hoc corpus terram non intrare donec revertaris. Tali sponsione exhilaratus frater viam arripuit, et ea propter quæ mittebatur apud regias aures optime allegavit. Superveniente autem vocatione superna, quæ celestia petens Angelrannus terrena desereret, sancta illa anima, angelorum ministerio Dei obtutibus præsentanda, v Idus Decembris carnis exiit claustra. Jam vero ille qui multifor-
 mi argumento politus fuerat lapis cælesti ædificio locatur ; jam qui in valle humilitatis superno rore humecta creverat, lilii flos celeste sertum exornat ; jam quæ inter diversas gemma claruerat tensiones, diadema sup-

plet divinum. Monachus autem, his pro quibus missus fuerat expletis, revertebatur, cum subito in civitate Ambianensi, quo causa hospitandi diverterat, de obitu Patris dira eum nuntia percellunt. Tunc relicto hospitio, et ciborum apparatu, nam vespertina hora erat, et cœnulæ studebatur, certatimque consensens equis Centulam repedavit, invenitque sanctum corpus jam exanime in monasterio positum, fratrum excubiis venerabiliter circumdari, proxima hora sepulturæ tradendum. Adfuit ergo, obsecutus est, et impleto ejus desiderio, etiam Patris propheta impleta est, qui promiserat corpus suum terram non intrare, donec ibidem monachus de regis curia reverteretur. Sepultum vero est sancti viri corpus infra militi Christi sanctissimi Richari venerabile templum, eo loci in quo beati Laurentii veneratur martyrium. Cujus tumulationi venerabilis ejus successor abbas Gervinus tantum contulit decoris, ut cujuslibet antiquorum Patrum sanctitati honor tantæ sepulturæ sufficere posse crederetur ; æquissimum contemplatus, ut honore decenti servaretur ejus corporis gleba, qui perenni lauro redimitus cum cælicolis laudes Christo hymnizat in æternum. Amen.

Acta sunt hæc anno incarnati Filii Dei 1045, ind. xii.

22. At Christus Dominus, cui hic beatus homo fideliter servierat, quanti apud se ejus servitium penderetur, quantaque hunc remuneratio cœlitus exaltaret, claris indicibus mortalium notitiæ pandere dignatus est. Nempe in pago Vimmaco fuit mulier habens filiam paralyti percussam, quæ ad omne opus inhabilis grabato moribunda tenebatur. Hæc comperta beati abbatis Angelranni sanctitate, et fidei fervore succensa, salutisque filiæ cupida, ad tumbam ejus cum candela illam deduxit. Cumque ipsa ægrota sepulcro hominis Dei candelam devote obtulisset, sedit juxta sepulcrum, et somno paululum indulsit. Deinde evigilans, sanissima redditur, et videntibus fratribus monasterii, Deumque laudantibus ad villam unde venerat, vocabulo Filoharias (16), propriis sedibus alacriter cum gaudio rediit, omnibus annuntians quanta sibi Deus per beatum Angelrannum abbatem fecisset. Guido igitur tunc Ambianensis Ecclesiæ archidiaconus, postea ejusdem sedis episcopus, qui illius fuerat in studio litterarum discipulus (17), tali ejus tumbam epitaphio decoravit :

*Quem legit hic tumulus, lectissimus Angelrannus,
 Hujus cœnobii pastor et abba fuit :
 Dux gregis Ecclesiæ, monachus spes inclityta vitæ,
 Vixit, et in mundo mundus et in Domino.*

23. Qui igitur nosse vult quante penes hunc sanctum locum fuerit utilitatis, versiculos intueatur, qui de eodem, ut posteri scirent et imitarentur descripti sunt tali tenore :

Abba Angelrannus tuculo quæ paucula nostro

Historiæ, cap. 44, et Ordericus Vitalis libro iii, ubi aiunt ipsum edidisse librum heroico carmine De expeditione Guillelmi Conqueritoris in Angliam.

(16) *Feuquières*.

(17) Hunc episcopum poeticæ artis amantissimum fuisse asserunt Guillelmus Gemmeticensis lib. vii

Contulit, hic retinet scriptus, qui cernitur albus. A Sancti Vincenti, nec non sancti Benedicti Ecclesiam struxit, cellam infirmisque paravit A fundamentis instauravit paradisum : Altaris Petri tabulam componere fecit, Thuribula ex argento etiam conflare gemella, Librum Evangelii, sancti Vitamque Richari, Ipsius studium mero argento decoravit. Est et Episto-liber-larum, atque Evangeliorum Ipsius argento quem industria nempe paravit. Ipsius atque calix studio præclarus haberi Cernitur, adjuncta sibi cum lance decenti Præter et hunc alius, quem in missis semper ha-

bebat :

Unum dorsale, et tria pallia quam pretiosa. Terras æroasit pervasas, atque redemit : Sicut Noguerras, Gaspannas, et Drusiaticum, Guibrenti ecclesiam, Frocort, Montisque Rochonis, Ecclesiam Sacri campi, discrimine diro, Dum plures trahant, ut pars contraria vincat,

Detractus multis multa et perpressus iniquis. Quæ supra retuli, nec non quam plura peregit, Actum sic ut si Domini scientia novit : Excedunt libri numerum quos ipse novavit, Insuper excedunt numerum quos ipse refecit. Talibus atque aliis cælestis præmia regni, Ut spes est, meruit, lector, quod posse monemus, Ultimus ipsius fuit hic finis studiorum. Ecclesiam sanctæ refecit moriendo Mariæ, Cujus apud Dominum nobis suffragia prosint. Ergo hæarum revocatori sint præmia vitæ : Damnetur, cujus studio hæc neglecta peribunt

24. is ipse honorabilis vir posteritati consulens descripsit catalogum rhythmicum de Patribus sancti hujus loci, non quidem omnes designans, B sed tantummodo illos memorans quorum nomina vel chartæ, vel quælibet pittaciola insinuare videbantur, vel etiam Vita sancti Richarii specialiter notificabat. Hæc quidem honorabilis Angelramus.

VITA SANCTI RICHARII

ABBATIS CENTULENSIS PRIMI

Metrice descripta ab INGELRAMNO scholastico ipsius sancti monacho.

(Edidit Dom MABILL. Act. SS. Bened., II, 261.)

MONITUM.

Post Alcuinum (*De Vita S. Richarii. — Vide inter opera Alcuini, Patrolog. t. CI, col. 684*) adducimus Ingelramnum seu Angelramnum nusquam editum, primum monachum, deinde abbatem Centulensem ineunte sæculo XI, qui *præcipiente sibi venerabili suo quondam magistro, domno scilicet Fulberto Carnotensi episcopo* (inquit Hariulfus in Chron. lib. IV, cap. 8) *almiflui confessoris Christi Richarii Vitam, ab antiquis compendiose descriptam, versu heroico jocundiorum fecit, nihil pene extrinsecus addens, sed eundem sensum per omnia repræsentans.* Ingelramnus carmen suum divisit in libros quatuor. In primo purum putum Alcuinum (si metri formam excipias) exhibuit, ut capita capitibus conferenti perspectum erit. Cur vero Rabbertum, si forte de Richario scripserat, prætermisisset? In secundo ac tertio libris Miracula S. Richarii ab vetusto auctore exarata, in quarto Relationem S. Richarii versibus reddidit.

- S. Richarium VI Kalend. Maii memorat præter Wanbalbertum Usuardus his verbis : *In pago Pontivo S. Richarii presbyteri et confessoris.* Pontivensium regio vulgo *le Pontivieu*, tractus est Picardiæ intra fines Ambianensium, Morinorum et Neustrianorum, cujus tractus caput Abbavilla, Abbeville, a qua duabus leucis orientem versus distat Gentula seu Gentulum oppidulum, ubi Centulense monasterium, utrumque nunc S. Richarii (*Saint-Riquier*) nomine insignitum, ad Scarduonem rivulum, quem loci incolæ vulgari nomine *la rivière aux Cardons* appellant. Magna fuit quondam istius cœnobii dignitas, præcipue a tempore S. Angilberti abbatis, qui in suo cœnobio *monachos trecentos, centumque pueros inibi erudiendos*, ac Laudem perennem instituit (HARIULFUS in Chron., lib. II, c. 11). Illic florere abbates dignitate ac religione præstantissimi, S. Angilbertus Caroli Magni gener, qui tres ecclesias Laudi perpetuæ (*Ibid.*, c. 8), primam in honorem S. Salvatoris ac S. Richarii, alteram S. Mariæ, tertiam in honorem S. Benedicti consecravit; Nithardus Angilberti filius ac successor, aut certe Ludovici, si Petavio in Syntagmate Nithardi credimus; Helizachar, post Helricum *abbas sanctissimus*; post Ribbodonem Ludovicus *ex regali prosapia oriundus*; Hruodolfus *gloriosissimi regis Caroli*, Calvi scilicet, *avunculus*; atque (ut taceamus Heligaudum ex comite monachum et abbatem, ac Guelfonem *abbatem sanctissimum*) Karlomannus ipsius gloriosissimi regis Caroli filius. Paulo post regimem Karlomanni dirutum est a barbaris cœnobium; cui restaurato post Ingelardum Corbeis monachum præfuit Ingelramnus rebus pie ac præclare gestis, imo et prophetiæ dono clarus; ac Gervinum virum sanotitate eximium habuit successorem (*ibid.*, lib. III, c. 22). Cæteros mittimus ac monachos pietate insignes, in his Ansegium ad Nicolaum papam a Carolo Calvo legatum (*ibid.*, c. 14 et 20), Hieremiam, qui postea Senonensium antiates fuit, et Odelgerum monachum, quem Hariulfus in lib. IV, cap. 10, magnopere commendat. Cæterum hodie quoque non ignobile est S. Richarii monasterium Centulense a nostris inhabitatum et ex-cultum, cujus primordia a B. Richario circa annum 625 jacta esse credimus. S. Benedicti regulam illic a primordiis aut certe non multo post viguisse ex eo constat quod Centulensi monasterio præfuerit tertio loco Coschinus, abbas Gemmeticensis cœnobii, quod instituto Benedictino ab origine addictum fuisse ex SS. Filiberti et Aicadri abbatum Actis perspicuum est.

INCIPIIT VITA.

Vita Patris sancti versu descripta Richari,
 Ipsius famulus quam sibi composuit
 Abba Ingelramnus, necnon miracula plura
 Vita acta gessit quæ per eum Dominus.
 Solers, o lector, quamvis sint schemate vili,
 Ne pigeat nostros versiculos legere.
 Plurima perpendes fuerint quæ digna flagellis :
 Attamen utile in his invenies aliquid.
 Cum vitium agnosces, ipse emendare memento,
 Utile pertracta quo utilis ipse fias.
 Ingenito Patri, genitæ sit gloria Proli,
 Sit sancto amborum gloria Spiritui.

INGELRAMNUS SCHOLASTICUS FULBERTO EPISCOPO

Dono totius prudentiæ, divinæ scilicet atque humanæ, debriato sufficienter et sobrie, FULBERTO præceptori et domino INGELRAMNUS, monachus ipsius scholasticorum vilissimus, ad quam vocamur Divinitatis cognitionem.

Super nostro profecti quem amplius te gaudere oporteat, qui nobis ut aggrediamur grandia, paterno affectu sollicitudinem impendere non cessas? Nos tamen dediti pigritiæ, quod utile sapiamus aliquid, vixdum valemus promere. Unde fit ut quia ut lucretur talentum expendere nolumus, nedum mereamur audire *Euge* delectabile, cum inutili servo subimus damna defossæ pecuniæ. Nostris denique culpis promerentibus agitur, quod præpeditus pluribus negotiis minus te præbes nostris aspectibus. Qua in re licet tuæ sanctitatis non minuatur constantia, nostra tamen juste punitur negligentia : ut qui pro-

A ferenda occultamus, his quæ opus sunt scire careamus. Quod vitium taciturnitatis formidans incurrere, non parvæ materiæ mihi pondus imposui, videlicet Vitam S. Richarii describere metricè : in qua quomodo fuerat edita rhetorico stylo diligenter et lucide, nihil addere vel minuere decrevi, metro duntaxat scriptoris dicta rependens. Quod ut facerem, non me fingendi nova constrinxit impossibilitas, verum persuasit imitatio carminis quorundam venerabilium ex Divinitate canentium : qui refugientes ad inventiones novas, sacræ Scripturæ simpliciter representavere sententias. Quorum labor meo iudicio nequaquam deputandus est super alienum fundamentum ædificatio, sed magis divinorum miraculorum officiosissima recitatio. Singulis igitur principiis quatuor librorum quos edidi, singulos prologos inserui, ob hoc solum ut in his postularem veniam mihi poetæ novo, cum invenirentur multa quæ possent adnotari vitio. Quod opusculum quia tua labore faciente confixi, tuæ correctioni devovi ; neque id passus sum proferre palam, donec tui favoris dignaretur clementia. Ergo munus oblatum suscipere ne renue ; aures pias inutili carmini commodare ne refuge, ut in hoc etiam laudis tuæ cumulus accrescat, dum futura noverit ætas hahuisse te discipulos alicujus utilitatis idoneos. Quod si impetrare mereor, id negotii nostris conscholasticis manda : sunt etenim digni illorum quidam, quorum auctoritati præbeatur credulitas.

PROLOGUS PROPOSITIONIS.

Expēdit quoties devotio Christicolarum
 In sanctis laudes : quis laudatur nisi Christus ?
 Nempe quid ipsius dono fecere refertur.
 Ecclesiastica laus quapropter continuari
 Debet, et assiduus fieri concentus in hymnis,
 Non tantum vocis, verum modulamine cordis.
 Hæc equidem Domino sanctisque placere probatur.
 Utile præterea sanctorum scribere gesta.
 Namque beatorum dum transit vita per aures
 Corporeas, animus divino ardescit amore,
 Ac se deposito consortem tegmine carnis
 Exoptat, quorum miratur lucida facta.

Vitam Richarii quapropter scribere sancti
 Aggredior metro, quo illi qui carmine gaudent
 Hanc habeant : prosam quos plus delectat habere,
 Illam quam nostri quondam fecere priores.

Nec solum scribam vivens quæ mira peregit.
 Quin etiam postquam projecit pondera carnis,

C Longo sed spatio sancti caruit quia claustrum
 Scriptorum studio ; quamvis perplura patrasset,
 Ac si non fuerint, omnino facta silentur.
 At postquam ingenii nostri scintilla relaxit,
 Gratia quam Domini succenderat omnipotentis,
 Pastor præfatus fecit miracula si qua.
 Juxta quod potui, curavi tradere chartis.
 Pondera et ut nostri fierent majora libelli,
 Hæc illis junxi quæ industria prisca notavit.
 Nec cupidus laudis (mens est mihi conscia testis)
 Hoc opus incæpi : cupiens sed scire futuros
 Pastorem nostrum tales hahuisse clientes,
 Qui, etsi imperfecte, sapuerunt ludere versu.

Sed tres antiquo quia sunt in codice libri (18),
 Hunc numerum metrum contendit reddere nostrum:

D Quas etiam metas illi noscuntur habere,
 Me dare constitui quos sum scripturus et ipsis.
 Insuper ex multis memorans miracula pauca,

(18) Nimirum liber Vitæ ab Alcuino, et duo libri Miraculorum, ab anonymo editi.

Quæ sancti meritis nostris sunt gesta diebus,
Aggredior librum reliquis superaddere quartum.
Non bene compositos notet et ne forte quis illos,

A In studio memet fateor cum fingere cœpi,
Ternos annorum nondum implevisse dierum (19).

PROLOGUS INVOCATIONIS.

Auctor perpetuæ lucis largitor et index,
Æternum tibi qui Natum ingenitus genuisti,
Per quem fecisti quidquid subsistit in orbe,
Perlustras totum sancto qui Flamine mundum,
Quem credunt cuncti retinet quos ordo fidelis ;
Sic personarum distinctum nomine terno,
Simplex ut Deitas maneat tibi semper et una ;
Monstras antiquis typica qui lege beatis
Quæ reserat sumens Jesus de Virgine carnem ;
Menti infunde meæ donum cœleste benignus,
Osque reple laude, ut possim cantare decenter
Quæ per Richarium gessisti mira beatum.
Sicut enim errorem sequitur cui tu via non es ;
Sic quisquam sine te poterit nil dicere de te.
Voce quidem novi te commonuisse prophetæ
Dilatetur ut os, quia sis implere paratus.
Ad succlamandum quapropter præparo linguam :
Da gustare mihi quam sis bonus atque suavis,
Ut valeam pastus tanta dulcedine verbum
Èructare bonum, canere et magnalia regis
Cuncta gubernantis, qui nos de fauce leonis
Eripuit tetri, cujus pietate soluti
A vinculis mortis, cœli super astra levamur.
Nutu namque tuo cœlum volvuntur et astra,
Tendit ad alta ignis, terrarum pondus ad ima,
In mare cunctarum cursus festinat aquarum :
Omnia claudit hiems, solvuntur et omnia vere,
Æstatis fervor terrarum semina siccant,
Decuit arboris fructus autumnus honorem :
Noscitur atque nihil nature in rebus haberi,
Quod præceptorum contemnat jussa tuorum.
Errores cunctos da me vitare nocivos,
Ut pateat, duce te, semper mihi semita vitæ.

I. *Quod sanctum patres genuerunt religiosi.*
Si quis Francorum studiose gesta priorum
Scrutatus fuerit, discet bellando frequenter
Primos barbaricas reges superasse catervas ;
Sicque Dagobertus regnum tenuisse quiete,
Dici ut pacificus posset Salomonque secundus.
Ipse manu larga populis popularia dona
Præbuit, et dignum Christi servis famulatum.
Pluribus inque locis terræ cœpere coloni
Tunc ædes fundare sacras, et religiosis
Accrevit Domino populus. Quo tempore fulgens
Lucifer astriferas sicut resplendet in auras,
Claruit in villa claris e patribus ortus,
Laribus a centum fuerat quæ Centula dicta,
Charum Richarius cunctis et amabile pignus :
In quo nobilitas generis nec sola refulsit,

Moribus in sanctis permansit denique constans,
Ut laicus vitæ gereret præsentia sanctæ.

II. *Arripuit callem quibus erudientibus arctum.*
Tunc et Pontivus meruit splendescere pagus
Forte sacerdotum radians fulgore duorum :
Nomen majoris quorum fuerat CAIDOCUS,
Egregios meritis quos misit Hibernia nobis.
B Ex ipsis populus temens audire salutem,
Non recipit digne, digno nec tractat honore,
Sed magis a propriis cœpit depellere metis.
Quorum crudelis sanctum violentia movit
Richarium, et justos rapiens a plebe feroci
Hospitium tribuit, tenuit, fovitque benigne,
Disponente Deo, quo salvarentur utriusque.
Succensusque diu divino lumine lychnus
Nec claudi valuit, radios sed in ampla tetendit.
Namque peregrinos postquam suscepit in ædem,
Ipsis corporeos sumptus largitur ab ipsis
Sollicitus vitæ capiens compendia sanctæ.
Nec tellus sterilis percepit semina verbi :
Sed menti inseruit, carnis quod sumpsit ab aure,
Quamplura et Christi portavit ad horrea grana.

C III. *Qualiter exactæ deflevit crimina vitæ.*
Sic quoque magniloquum sancta ratione virorum
Cœlestique simul tactus spiramine sanctus,
Mente pia propriæ pandit peccamina vitæ ;
Atque juventuti si quid vitiosa voluptas
Contulerit culpæ, lacrymarum flumine tersit,
Hospitiumque Deo quia sub specie famulorum
Præstitit, ipsius fuit a pietate receptus.

Extunc sumpsit enim primordia religionis,
More et apostolico postponens posteriora
Prudenter sese rapiebat in anteriora :
Versiculi memor Psalmistæ vaticinantis,
Qui transire refert a virtute ad virtutem
Electos, Dominum ut quivisset adire deorum.

IV. *Quod pollens multa est factus virtute sacerdos.*
D Post se carnali tantum frenavit ab esca,
Ut corpus potius nutriret quam satiaret
Lassatum longis jejuniis robore panis
Conjuncti cineri, lacrymis aucto quoque potu.
Hocque cibo tentus, carnem servire coegit
Spiritu, pugnans aeris nec percudit auras,
Sed corpus fregit, sub servitiumque rededit :
Doctrinæ Christi lator ne forte futurus,
A quoquam ex aliquo posset reprobarier actu.

His igitur muttisque aliis profectibus actus,
Sancta sacerdotis sic ad fastigia venit :
Christum ut qui promptus fuerat per plura referre,

(19) Hoc est nondum implevisse tres annorum hebdomadas, seu annos unum et viginti, si recte divinamus.

Congruus hoc tanto quo non caruisset honore,
 Hunc famulus Christi fructu pietatis adornat,
 Hunc præceptorum geminum donavit honore,
 Hunc quæ sunt Domini demonstrans amplificavit :
 Cultor et ut sapiens divino vomere sulcans,
 Sentens peccati de Christi vultis agello,
 Atque salutiferum roravit mentibus imbrem.
 V. *Quod prior implevit quæ alios facienda docebat*
 Quo fuso, pietas Domini nec defuit alma :
 Quippe fidem nostræ fecit succrescere gentis
 Unde Dei servus charus cunctis et amandus
 Exstitit et merito. Quoniam non dignus honore
 Esset, mellifluo qui quod sermone docebat,
 Prævius hoc sacro monstrabat signifer actu ?
 Si quid et a populo doctrinæ in stipe recepit,
 Illud egenorum delegit sumptus ut esset.

Quin etiam vitæ venturæ ductus amore
 Decrevit lucem non sollicitare sequentem.
 Creditor o felix o vir recolende per ævum,
 Dum præstas parvum, cœli qui regna lucraris !
 Denique solamen miseris, tectum peregrinis
 Exhibuit, viduis tutor fuit atque pupillis ;
 Ut Job pes claudis, oculus quoque lumine demptis.
 VI. *Quod miseris fovit, rigidis dureque domavit*
 Nec despexit opem laceris conferre leprosis ;
 Sed promptus lavacris ipsorum membra refovit,
 Intrat in hæc etiam post filios ipse lavandus.
 Quidque Propheta pio quondam præceperat ore,
 Frangere qui panem jubet esurientibus, atque
 In tectum Christi conducere mandat egenos,
 Ille Deo piens surda non sumpsit ab aure.
 Nec sibi conjunctis tantum solatia carnis,
 Sed recreans animos, impendit verba salutis ;
 Et solabatur sicut pietate misellos,
 Dura sic domuit sub conditione superbos.
 Nec foris humanus valuit devincere terror,
 Interius Christi quem perlustraverat ardor.
 Non fuit a vento quæ turbaretur rundo,
 Posset ut ullius lingua fallente reflecti :
 Semper sed solide sistens bonitatis in arce,
 Humano sese tempit reprehender ore.
 Sic Domino plebem, et Domini sibi junxit amorem.

VII. *Quod tribuit, sibi nil retinens, oblata misellis.*

Hujus et a populo sancti devotio sancta
 Postquam conspicitur, colitur, veneratur, amatur,
 Donatur donis. In eum [*lege in eo*] dilectio duplex
 Sed quoniam fuerat, partim dispersit egenis
 Hæc eadem, partim captos ex hisque redemit.
 Namque diabolicis alios erroribus actos
 In culpam, solvit vitæ documenta ministrans.
 Mundanis dominis retributo et munere digno
 Plures servili positos sub lege redemit,
 Ut possent animæ primi gaudere salute,
 Ferre jugum Domini fieret leve atque secundis
 VIII. *More prophetarum implevit quod Spiritus illum.*

Nec solum divina docens in partibus istis
 Innotuit magnus, clari sed solis ad instar
 Oceani glaucis qui mox ut surgit ab undis
 Depellit radiis terræ vestigia noctis,

A Promptus ad indoctos satagit transire Britannos,
 Illustrans patriam variis erroribus atram.
 In qua' per spatium dum longi temporis ipse
 Stat non segnis in his quæ sunt divina docen-
 [dis ;

Illius in mentem fertur venisse repente,
 Servos in patria quosdam quia liquerat ista
 Nondum libertos ex consuetudine factos.
 Ad socios, inquit, se hoc percutiente dolore :
 Heu ! nos solliciti dum festinamus ad istos,
 Servili proprios sub conditione legatos
 Liquimus in patria, novi cito quos morituros.
 Littus quapropter quam festinanter adite,
 Undas atque maris certatim carpente remis,
 Mittentesque manum famulos absolvite nostros.

B Haud secus ac jussit patrans rite ministri
 In patriam veniunt sancti sanosque clientes
 Inveniunt, donant ac libertatis honore.
 Qui facti ingenui, revoluto tempore parvo.
 Dixerat ut sanctus, ponunt habitacula carnis.
 Ingens o Domini quanta est clementia Christi !
 Qui famuli in mentem sævit pietatis amorem,
 Finem servorum monstravit quique propinquam.
 Huic ne de propriis periisset opus miserantis,
 Nec gravitatis onus morientibus imposuisset.
 Extuno qui nullum sub se retinere volebat,
 Sed sibi subjectos studuit dissolvere cunctos,
 In propriis durus ne censeretur haberi,
 Externis mitem qui se præbere parabat :
 Quodque salute lucrum collegerat ex aliorum,
 Per pietatis opus posset cumulare suorum.

C IX. *Quam fuerit constans rediens a parte Britannum.*

Doctrinæ agresti qui postquam pabula plebi
 Contulit, ad patriam properat remeare relictam :
 Messoris cupidi morem ne forte sequendo,
 Quærere in alterius gaudet dum præmia messe,
 Perderet ipse manu propria quam severat ipsam.

Christi et in obsequiis tanto flagravat anhelus,
 Quanto diem prope cognovit sibi muneris esse.
 Denique jejunans vires carnis macerabat,
 Afflixi semet vigilans, munivit et orans,
 Consolidavit spe, fidei præcinxit et armis,
 Nullius atque malis motus maledicta rependit.
 Non sprexit quemquam, nullum decepit adulans.
 Scilicet ut vitæ callem prior ingrederetur
 D Actu, quem plures sancto sermone docebat.
 Sic galea tectus, cinctus gladioque salutis,
 Undique justitiæ circumdatus atque lorica,
 Sanctæ etiam fidei tutus munimine scuti,
 Ad bellum vivax antiquum vadit in hostem,
 Illius ac pellens ardentia tela frequenter
 Vicit, et Ecclesiæ Christi spolia ampla reduxit
 Ipsi tanto magis hosti metuendus iniquo,
 Utilis humanis quantum meruit fore [*esse*] causis,
 Nam sibi non solum, sed multis subveniebat.
 Denique multorum juste celebratur ab ore,
 Multos per Christum qui defendebat ab hoste :
 Cujus virtutum non tanti est dicere gesta,
 Quanti quæ fuerit virtus cognoscere tanta,
 Multam qua plebem Domino dum vivit adunat.

Indoctos etenim cœlesti pascare pane
 Ne quisquam dubitet, signo quod prævalet omni.
 Quamvis dum tempus, dum convenientia rerum
 Poscunt effectus non deesset mira operandi,
 Vir sanctus Domino quæ concedente peregit.

X. *Orans tentantem se quod prostraverit hostem.*

Denique sustinuit tentatus ab oste ruborem,
 Quem Domini pietas in laudis vertit honorem.
 Visens subsidio quamdam suffultus equino
 Matronam, sancta sub religione pudicam,
 In cujus vitæ qui postquam pectora sanctæ
 Dogmata transfudit, disponit forte reverti.
 At mulier nati deportans membra pusilli
 Insequitur sanctum, quatenus benediceret illum,
 De fontis sacra quem jam susceperat unda.
 A sanctoque Dei jam vix infante recepto,
 Antiquo insidias hoste exercente vetustas,
 Dentibus infremuit sonipes, pedibusque relaxis
 Vertitur in rabiem, curritque, saltitque meatque.
 Quod cernens, cupidus genitrix avertit ocellos,
 Interitum pueri videat ne forte ruentis.
 Ast utriusque timens damnum vulgus famulorum,
 Non fletus, planotus, luctus emittere cessat.
 Petrum cunctantem sed quæ suscepit in undis,
 Dum cecidit puerum conservat dextera Christi.
 Munera namque precum postquam porrexit in altum
 Vir Domini, illæsus puer incolumisque repente
 Ad terram venit, vector datur atque quieti,
 Et mater lætis prolem amplexatur in ulnis :
 Ad decus et famuli Dominus sic transulit hostis
 Fraudes, ac humili doctrix fuit ala superba.
 Denique nullius voluit conscendere posthæc
 Dorsa ferocis equi, potius sed mitis aselli :
 Nempe tenens, mortem pauperat dum sumere Vita,
 Isto quod vili fuerit gestamine vecta.
 Causa doctrinæ sic dum loca plura peragrat,
 Sedulus huic sancto lator suffecit asellus.
 Et quocumque sui gressus vestigia flexit,
 Aut resonat Christo sancto modulamine psalmos,
 Illius aut verbum doctrinæ auditur ab ore.
 Nec mirum lingua Christum sic prædicat ipse,
 A cujus sobria modicum nec mente recessit :
 Per quem consuluit miseris, durusque superbis
 Exstitit, angorem solans clementer eorum ;
 Inque crepans rigide mores compresserat horum.

XI. *Quod fama motus hunc visit rex Dagobertus.*

Tempore nam quodam sancti rumore coactus
 Militis atque sui cujusdam Giselemari
 Suggestu, partes præfatus venit in illas
 Rex Dagobertus, famulum Dominique revisit,
 Se cupiens hominis precibus committere tanti.
 Quem sacer egregius gemino dignatur honore :
 Roborat hunc sanctæ sancto signamine dextræ
 Corrigit audacter passus nescire verenter,
 Suadens mundanam penitus contemnere pompam,
 Credulus ac linguis discat non esse dolosis :
 Nonque caducorum gradibus gauderet honorum,
 Sed magis Æterni formidet posse potentis,
 Illius atque suo maneat laus semper in ore :

A Sedulus ac teneat, quia nulla potentia mundi est,
 Quæ dum magna viget, tenuit vacuatur ut umbra:
 Instar et exiguæ gignunt quam flumina spumæ
 Labitur, ad modicum sit flat tentatio venti.
 Immo pati tractet magnos tormenta poterit,
 Cuique datur multum, multum quæretur ab illo
 Qui vix atque Deo rationem reddere pro se
 Sufficit, ex multis quo pacto ferre valebit ?
 Ut præsit potius quam subdi quisque vereri
 Idcirco debet. Nam qui subjectus habetur
 Pro se portabit solo pondus rationis :
 At contra regni qui sublimatur honore,
 Ante Deum proprio, multorum et fasce premetur.

Hæc sobriam regis penetrat correctio mentem,
 Utque suus fiat poscit conviva sacerdos.

B Norma qui Christi fretus convivia mundi
 Non aspernantis, doctrinæ occasio nasci
 Ex hoc ut posset, regalem venit ad aulam,
 Occupat atque diem totam cum nocte sequente,
 Vitæ cœlestis præbens epulantibus escas.
 Cujus et in tantum mulsit constantia regem,
 Quædam de proprio censu ut concederet illi,
 Unde Dei templo posset lucere lucerna :
 Omnino justum reputans, ut sicut ab illo
 Illustratus erat divino lumine, templum
 Munere visibili Domini illustraret et ipse.

XII. *Quod vitare volens homines deserta petivit.*

Pluribus a populis quia vir Domini veneratur,
 Aspectus hominum vitare exinde volebat :
 Ut dum terrenos cautus devitat honores,
 C Contemplaretur secum cœlestia tantum.
 Mundum deseruit mundus, eremumque cupivit,
 Ad cultum Domini quo posset liber haberi,
 Contemplativos et quo decerpere fructus,
 Dum tenet activos ad quos non segnis anhelat,
 Pertractans Dominum partem laudasse Mariæ,
 Optima quod fuerit, quod non raperetur ab illa.

Hoc memorans, vitam contendit adire remotam,
 Quo rimaretur cœlestia sola frequenter.
 Tradidit Ecclesiam nec non quam fecerat ipse
 Sub cura alterius procuratoris habendam.
 Cui Giselmarius divinæ legis amato
 Editus et clara Maurontus stirpe parentum,
 Terras et silvas regis collata potestas
 Cui tunc servandi fuerat, tribuere manendi
 D In silva loculum devoti Chrisciacense.
 Qui post Maurontus divino ductus amore,
 Armis depositis habitum sumpsit monachilem.

XIII. *Quod templum in loculo sibi concesso adificavit.*

Quo vero in loculo sancto magale pararunt
 Præfati hæroes, jecit fundamenta templi
 Sanctus, et hanc, uno tantum comitante ministro,
 Ingreditur cellam vili nimium strue factam,
 Congruæ quo vitæ fieret habitatio sanctæ :
 Qui temnit mundum decernens, esse superbum
 Delicias mundi si conspiciatur habere.
 Duriter ac sese tam mortificavit ibidem
 Orans et vigilans, jejunia crebraque solvens (per-
 [solvens,])

Ut vix juncturis hæerent ossa relaxis,
 Difficile et trepidos baculo custode movebat
 Gressus: ac scandens animi conamine mundum,
 Semper mente pia tractat cœlestia sola,
 Huic alienus erat seculo, Christoque propinquus.
 Illum pugnabat contra, expugnabat et illum,
 Qui lætatur quondam quod vicerit Adam,
 Aspipedem super incedens simul et basiliscum,
 Antiqui caput assidue contriverit hostis.
 Despiciens terram cœli suspirat ad aulam,
 Per scalamque Jacob jugiter scandebat ad illam:
 Atque per augustum qui ducit ad æthera callem,
 Continuis precibus munivit iter venerandum.

Nec stricturæ eremi lucis clausere columnam:
 Amplo quin etiam radians fulgore refulsit.
 Quare multigenis plures angoribus acti
 Ad sanctum coivere virum, quos ipse benigne
 Suscipiens, sanare precum, studuit medicinis:
 Et quo quisque fuit morbo vexatus, ad ipsum
 Accedens, sanus propriam remeavit ad ædem.

XIV. *Cum famulo sanctus loquitur de morte futura.*

Ast ego virtutes hujus non promere cunctas
 Proposui, vitæ sed tantum insignia sanctæ:
 Ne nimium tardæ dum judicor esse loquelæ,
 Quæ egit multorum signorum fama tepescat.
 Spiritus hoc præsens seclum quo fine reliquit
 Dicere jam satis est, doctis hæc ipsa relinquens.

Namque diem noscens carnis qua ponere legmen
 Deberet, longi munus capere atque laboris:
 Accersit famulum sibi qui fuerat Sigobardum,
 Quem sic demulcens affatur voce paterna:
 O fili, propriam carnem cito cerno ruendam,
 Quemque diu cupii conspectum regis adibo.
 Vas quo condatur corpus sed perge parare,
 Non nimio cultu, sed carnis ut exigit usus,
 Tempus adusque illud quo conservetur ibidem,
 Quo incorruptelam sumet corruptio cuncta.
 Teque para semper toto conamine, frater,
 Quæ mihi nunc instat tibi quo cum venerit hora,
 Hoc fragile absque metu possis deponere corpus.
 Ipse viam gradior tellus quam tota tenebit.
 Subveniat mihi nunc Christi clementia tantum,
 Eruat atque modo tetri de fauce leonis,
 Olim morte sua qui me subtraxit ab illa.
 Et qui præsentis tribuit solamina vitæ,
 Largiter ipse mihi concedat dona futuræ.

Hæc Pater: at fletus famulum solvebat amarus
 Sponte pia tamen ipsius præcepta secutus,
 Invento ligno, finditque, cavatque, paratque,
 Utque valet, satagit membris aptare paternis:
 Quodque opus effecit, mœstus plorando rigavit
 Pene prius lacrymis implens quam corpore Pa-

[tris.

Interea a famulo sancti dum jussa fiebant,
 Languoris gravium sanctum decoxerat angor,
 Et vix in gelido permansit corpore fletus.
 Os tamen a precibus Christi nec laude repressit.
 Dumque salutiferam divini corporis escam
 Sumeret, assiduis fundens rogitamina verbis,
 Sexto dum Maias mundum celebrare Kalendas.

Cernebat Phœbus, transivit ad æthera sanctus:
 Quem ærvus posuit vivens ubi jusserat ipse.
 Sed mirum dictu! peragit dum funera Patris
 Discipulus, subito se subripiente sopore
 Obdormivit, claram quasi traheretur in aulam,
 Vidit et in visu, pulchram nimioque decore,
 Quæque etiam rutili vincebat lumina solis;
 In qua Richarium cernens habitare beatum,
 Audivit vocem ipsius sibi talia fantem:
 En, frater, qualem Christus mihi contulit ædem,
 Pro vili charam, fulgentem pro tenebrosa,
 Pro fumi plena tanto fulgore coruscam.
 Qui postquam somno fuit experrectus ab illo,
 Lætior obsequium compleverit exsequiarum,
 Disponente Deo, talis tam grandis ut angor
 B Soletur famuli, et monstretur gloria sancti.

A famulo sanctus sicut retuli sepelitur,
 Qua Christi regis servibat maxime votis.

Nec diuturna quidem post intervalla fuere,
 Abbas cum monachis quos Centula fundus habebat
 Ocioaldus, vir non parve religionis
 Quod venit, sancti corpus tulit atque Richari
 Idibus Octobris, posuitque ubi nunc requiescit.
 In quo sæpe loco miranda Deo tribuente
 Fiunt, sancta fides orantium quo patefiat,
 Ac meritis ejus fuerit sacer ille sciatur,
 Psalmista utque canit, Christus laudetur in illo.

XV. *Quidam contractus fit sanus sancti apud antrum*

Contractus membris fidei sed robore fortis,
 Quidam sæpe rogans sancti veniebat antrum.
 C Hic subito loculo discedens sanus ab illo
 Glorificat Dominum, quod sic suffultus abibat.
 Nec tamen hic solus meruit sentire juvamen,
 Quin etiam multi similis quos gratia visit.

XVI. *Quod sancti meritis solvuntur vincla reorum.*

Quidam constricti vinclis vincitque catenis
 Per callem templo vicinum forte Richari.
 Deducebantur: quod mox a longe videre
 Ut possunt, clamant: Christi nos solve sacerdos.
 Ferrea tunc meritis rumpuntur vincula sancti.

XVII. *Frater salvatur, plures cum peste peribant.*

Sed quid perpessus fuerit de fratribus unus
 Sancti Richarii, nunc exigit ordo referre.
 Crudelis quondam clades multos perimebat
 D Indigenas terræ, dira quas denique clade.
 Sancti percussit Richari e fratribus unus:
 Qui licet exitium mortis pro clade timeret,
 Vitam sub tanto didicit sperare patrono.
 Ergo ad mausoleum fratrum comitante caterva
 Sancti confugit velut ad solatia certa.
 Dumque preces ibi cunctorum funduntur ab ore,
 Qui fuerat passus, gaudet discedere sanus.

XVIII. *Vox exhortantis nexa est in fine libelli.*

Colligat auditor quid nostra fides mereatur,
 Intercessorem si nobis, quærimus illum,
 Tam cito corporeos qui assuevit pellere morbos,
 Nam meritum sancti monstrant miracula gesta.
 Cernitur atque sequens vitam signare priorem:
 Quodque fuit sanctus, narrat post funera vii tus.

En pauper Christi, fratrum perpende caterva,
Ipsius consors est factus divitiarum :
Qui ante oculos hominum despectus et esse cu-
[pivit,
Anglorum [Angelorum] socias nunc gaudet habere
cohortes :

Quique in præsenti mundo vitavit honores,
Lætatur, cælum meruit qui jure perenni.

Cunctorum dignus quapropter honore videtur,
Cunctorum Domino mitis qui semper adhæsit.
Expedit et nobis præ cunctis hunc venerari,
Illius membris qui cernimur esse propinqui :
Ut quos nutrit divini semine Verbi,
Noverit hæredes sibimet succedere dignos.
Illi nec tantum sancto laudatio nostra,
Illius quantum confert imitatio nobis.
Denique plus gaudet si quis bonus illum imitatur,
Quam si clamoso vacuus quis prædicat ore.

A Unde Patres sancti fratresque cohorsque fidelis,
Festum devoti qui tanti Patris adistis,
Ut sitis digni studium exercere laboris,
Ipsius precibus vestri quo vota rogatus
Conscendant summi solii fastigia regis ;
Spirituale vos ipsos ornate decore,
In vobis duplex vigeat dilectio semper,
Assidue ac maneat spei fideique lucerna.
Quamque Patres sancti normam docuere secuti,
Ipsis in cælo ut possitis consociari.
Utque jubet Paulus mundi nocitura negantes,
Contenti justo, sæclo vivatis in isto,
Adventum Domini spectantes spemque beatam,
Qui nos a vinclis mortis moriendo redemit,
Exutos culpa populum ut faceret sibi gratum,
B Gloria cui par est cum Patre et Flamme sancto.
Sit satis hæc sancti de vita pauca tulisse,
Jam labor exposcit primum finire libellum.

LIBRI II CAPITULA.

PROLOGUS.

*In eo nihil singulare continetur : de scriptore mi-
raculorum hæc habentur.*

Quæ quia rheticus scriptor numerosa videbat,
Cura fuit geminos illi facere inde libellos.

CAP. I. Villæ Sidrudis quædam narratio mira.

II. De quadam tilia in villa quid contigit ipsa.

III. Erupit sancti meritis quod fons in eadem.

IV. Sanatur sancti mulier Burgundio vino.

V. Contrahitur quædam meretrix, sanatur et ipsa.

VI. Pessima cujusdam miseri piscatio furis.

VII. Femina contractis manibus sanatur utrisque.

VIII. Qui fur non fuerat quidam pro fure tenetur.

*(Hic apud Anonumum inseritur contractæ femine
curatio).*

IX. Ex utero matris sanatur cæca puella.

X. Fratres Danorum tollunt formidine sanctum.

XI. Dum referunt sanctum, sanatur languidus unus,

XII. Nec non hydropicus reditu salvatur et ejus.

XIII. Unius pueri refovetur debile corpus.

XIV. De quodam cæco contracto et corpore toto.

XV. Donatur visu quædam muliercula cæca.

XVI. Cujusdam vinciti rumpuntur vincula ferri.

XVII. Luditur illusor quidam dum pervenit ad nos.

XVIII. Erigitur sancti in festo contracta puella.

XIX. Altera peste pari quædam fit sana puella.

CAPITULA LIBRI III.

PROLOGUS.

(Nihil habet notatu dignum).

CAP. I. In visu vidit mulier paupercula sanctum.

II. Sanctus furantem quemdam increpat atque
[flagellat.

III. In sancti festo moritur muliercula texens.

IV. Erigitur quædam misere contracta puella.

V. Ad sanctum ductus donatur lumine cæcus.

VI. Quidam contractus toto fit corpore sanus.

VII. Salvatur quidam a misero cruciatu oculorum.

C VIII. Solvitur unius hominis contractio dira.

IX. Quidam sanatur cunctos per corporis artus.

X. Fit sanus cui damnarat contractio lævam.

XI. Cujusdam erigitur contracta sinistra puellæ.

XII. Lætatur quædam salva muliercula dextra.

XIII. Contracti pueri sanatur debile corpus.

XIV. Eloquentium recipit primævo a tempore mutus.

XV. Contractus puer in cunis salvatur et unus.

XVI. Danus corrigitur divino jure superbus.

*Miracula superioribus indicata capitulis, ab Ingelramno descripta, hic prætermittimus, cum præter
metri formam nihil habeant diversum ab iis quæ narrat auctor primarius (apud MABILL. sæc. II Bened.,
pag. 222). Addidit Ingelramnus librum quartum de relatione corporis S. Richarii et miraculis exinde
consecutis, quem librum ex sæculo V Benedictino statim exhibemus).*

LIBER QUARTUS.

SIVE

Relatio S. Richarii abbatis ex Sithiensi monasterio in Centulense.

(Ex ms. codice Centulensi et Aprili Bollandiano).

I. *Metrice Richarii descripta relatio sancti.*
Hactenus antiqui retinet quæ pagina libri
Carmine prout valui oecini miracula sancti

D Hinc ea complectar propriis quæ vidit ocellus.
Ingenio validus, magnis opibus quoque fultus
Arnulfus patriam possedit marchio nostram.

Hanc etiam fraude ut per plura solebat adeptus,
Transtulit hinc (20) sanctum, cupiens tam nobile

[lucrum

Cum quisdam sanctis propriæ regionis habere.
Hic jam longævus deponens tegmina carnis,
Filius ut nati jussit fieri suus hæres,
Præsentabat avum proprio qui nomine tantum.
Post regem primus regni tunc jura tenebat.
Vir humilis cunctis, cunctis pius atque benignus,
Filius Hugonis Magni, dux inclytus Hugo :
Postea regali qui sublimatus honore
Rexit Francorum miro moderamine regnum.
Hic graviter tolerans fraudem supra memoratam,
Restituit patriæ quæcunque erepta fuere.
Utque magis celebris fieret regressio (21) sancti,
Præcipit immensam populi glomerare catervam.
Nec solum nostræ convenit concio terræ :
Quin etiam ex multis facta est collectio Francis :
Reliquias sancti posthæc mandat sibi reddi.
Accipiens cujus præcepta puer (22) memoratus
Efficetur mœstus tanto pretio cariturus.
Sed reputans si despiciat non esse salubre
Reddidit invitus, veritus ne forte coactus.
Jam tandem præclara dies illuxerat orbi,
Qua debet fieri tam grata receptio sancti.
Procedunt partes, gaudentes et lacrymantem.
Namque illi tradunt quod semper habere vole-

[bant,

Isti suscipiunt sine quo nec vivere curant.
Postea primores populi jurare rogantur,
Quidquam ut non desit penitus de corpore sancti.
Quo facto, nostri festinavere reverti.
O memoranda dies, o lux votive colenda,
Fines dignatur (23) patris qua visere sanctus !
Hujus lætitiâ vix enarrare diei
Sufficiet quisquam, quisquam vix gaudia tanta,
Adventus sancti quæ concutiebat ubique.
Ad quasunque etenim venit processio villas,
Obvia eunetorum procedit turba colonum,
Ac præ lætitiâ gemitus ad sidera jactant.
Ante sed ad templum, quantum est spatium prope

[leugæ,

Quam pervenissent, dux jam præfatus equino
Descendens dorso, nudis incedere plantis
Incipit, et propriis scapulis portare feretrum,
Et secum plebis qui visi nobiliores.
Illud tamque diu portat lacrymis madefactus,
Altari donec gaudens proprio imposuisset.

(20) Ad oram Chronici Centulensis ms. legitur :
Anno Domini 952 ablatum corpus, et iv Kal. Septemb. beati Bertini cænobio illatum, nempe Centulensi abbate Fulcherico, et clericis ibidem existentibus, ut apud Hariulfum in lib. III, cap. 12.

(21) Hanc restitutionem instaurato Centulensi monasterio restitutusque monachis factam fuisse, sub Ingelardo abbate Fulcherici post Hugonem duces successore, tradit ibidem Hariulfus. Eodem abbate contigit translatio sancti Vigoris episcopi, et Madelgisili confessoris, testante eodem auctore.

A Sed jam divina quid sit virtute peractum
Perpendat lector. Sancti meritis sociatis
Hæc quam prædixi facta est regressio sancti
Tempore quo plenis campus flavescit aristas.
Sed tot militibus quæ sufficerent quia tecta
Non fuerant, cultos sese sparsere per agros.
Dicere quis poterit fuerit quam diruta messis
Pene omnis, pedibus dum conculcatur equorum
Pars quædam, quædam dum pars depascitur ore ?
Usta est pars etiam stabilita ardente culina
Partibus in multis, cocta radicitus herba.
Tandem discedunt, nulla tellure relicta.
Mira loquar : paucis transactis fere diebus,
Ecce incredibilis cœpit succrescere messis
Fructifera, ac demum cum tempus et hora me-

[tendi

B Instaret, totos videas flavescere campos,
Ac si nil damni regio perpessa fuisset.
Hæc cernens meritis patrata fuisse Richari,
Ad laudes Domini populus se contulit omnis.
II. *Quod lapsi in puteum vixerunt vir mulierque.*
In sancti mirum fuit et virtutibus illud,
Ipsius festum quia plebs dum multa adiisset,
Forte secus templi introitum puteus fuit, ex quo
Jam dudum laticis penitus defecerat unda,
Os cujus veteri fuerat de vimine clausum.
Ignari super hunc dum vadunt vir mulierque,
Ipsius in magnum lapsi occidere profu- dum.
Quis dubitaret eos mortis discrimen obisse ?
Cernuntur tamen a putei convalle reducti,
Non solum vivi, toto sed corpore sani.

C III. *Quod vescens quidam piscis glutivit aristam.*
Exercebat ovans ex consuetudine (24) Palmas
Plebs Domini, quidam sumens cum clericus escam
Cum monachis, ortus non vili stirpe parentum,
Unius incautus piscis glutivit aristam.
Angorem cujus sentiscens vespere facto
Tentat rejicere hanc valeat si forte vomendo.
Sed quia non potuit, gravior fit luce sequenti.
Tertia namque dies præterdit deteriora,
Ac demum in quarta tractat de morte futura,
Disponens etiam fuerant quæ congrua visa.
Abbas et fratres veniant se visere mandat :
Quis ad se ingressis tantum de morte locutus,
Poscit cum monachis sepelli quo mereatur.

D Pro Domini Cœna, quinta sed luce verenda
Hunc sancti ad templum deducit turba paren-
[tum.

(22) Arnulfus junior.

(23) In Chronico Centulensi ms. exstat diploma Lotharii regis, rogante Hugone duce abbate concessum, quo villæ monachis ab eodem in pago *Targonensi* assignatæ confirmantur, nempe Botritium et Rolleni-curtis. *Actum Compendio palatio, anno Lotharii XXI. Adalbero regis notarius ad vicem Adalberonis Remorum archiepiscopi et summi cancellarii recognovit.*

(24) Hariulfus : *Dominica Palmarum, quam vulgus Pascha floridum vocitat, ex ecclesiastica traditione colebatur, cum ipsa die quidam clericus, etc.*

Tempore quo fratres celebrant solemnia missæ :
Suffultusque viris dextra lævaque duobus,
Jam ferme exspirans sanctam conscendit ad aram.
Cui postquam imposuit quosdam pro munere li-
[bros,

Nititur ut valuit retro deflectere gressum.
Sed vix conversus nutu tangente superno
Sensit aqua tepida perfundi corpore toto
Semet, et exclamat quia nil angoris habebat.
Ex hoc nos etiam tanquam de morte reducto
Lætatur, Domino porrectis laudibus alto.

IV. *De fabro templi tecto qui corruit alto.*

Ingelvinus erat lignorum cæsor apud nos.
Qui templi solitus sarcire ruentia tecta,
Ardua præsumens etiam conscendere plura.
Hic Paschæ in feriis templi campanar adivit
Signi disruptum funem religare rogatus
Injuncto officio sibimet sed rite peracto
Conatur tecti quoddam obturare foramen.
Sed deceptus spe qua se bene posse tenere
Credidit, a celso dilapsus culmine templi
Concidit, ac penitus horrendam mortem obiisset,
Parietis in partem nisi vis divina tulisset :
Cujus porrecti lapides sic forte fuere,
Ut per circuitum posses incedere templi
Tutius utque per hos valuisset figere gressus,
Desuper adjunctum munimem erat podiorum, etc.
V. *Quod vixit templum scandens insana puella.*
Unius in rabiem fuerat mens versa puellæ,
Quæ sensu pravo stimulante errabat ubique,
Hæc villæ triviis peragratis tempore noctis,
Dum, matutinos vigiles essemus ad hymnos,
Ut mos est, portas templi aspiciens patefactas,
Intrat vociferans ac frendens horrida verba
Ad vocisque sonum torquens vestigia nostræ,
Offendit scalam quæ transmittabat ad alta.
Ejus per gradus conscendere nescia cœpit :
Sed postquam ipsius cœpit contingere summum
Per porrectarum sic discurrendo petrarum
Fracturas, sicut mos est, incessit amentum.

(25) Hæc quatuor miracula, quæ nihil singulare
continent, videre licet in Aprilii Bollandiano.

A Cui dubium est illam mortis subiisse ruinam
Quod tam et fecit, martis nec damna subivit.
Quin etiam vadens ac discurrendo perrerrans,
Venit ad introitum cochleæ qua culmina templi,
Alta petabantur, quam longa est scandit et ipsam.
Post hæc quid fecit, cujusquam dicere lingua
Vix dum sufficiet. Non cessat denique voces
Edere terrificas, per gyrum et currere templi.
Nullus et a quanto fuerit servata periculo.
Cognoscet penitus, nisi qui loca viderit ipsa.
Nos vero stupidi et formidine sollicitati.
Ipsius casu ne templum pollueretur.

Sed nundum fuerat quia tempus et hora loquendi
Astanti turbæ certatim significare
Cœpimus, ascendant, rapiant, secumque reducant.
B Nemo sed insanam præsumpsit tangere sanus.
Sponte sua tandem gressus rediit per eosdem.

VI. *De sancti famulis a vinculis sponte solutis (25).*

VII. *A sancto frater sanatur fratre rogante.*

VIII. *Quod sancti in festo pluvie cessaverit unda.*

IX. *Prædones sancti nequeunt accendere lignum.*

Est quodam in pago Amblianense vocatus
Mons Desiderii (26), vicus cui subjacet unus,
Ecclesia est cujus sancti sub honore dicata.
Contra hoc castellum bellum cœpere Voyenses :
Pluribus et villis populatis, vicus aditur,
Cui, sicut dixi, templum sancti retinebat.
Hunc furia accensi prædones aggrediuntur,
Non dubitaturi templum violare profani.
Forte secus templi sed stabat cereus aram :
C Hunc præsumentes rapere, asportant abeuntes.
Sed postquam ad proprias sedes potuere reverti,
Quam secum tulerant tentant accendere ceram :
Appositum sibi sed prorsus sic reppulit ignem,
Ac si in materiam lapidum conversa fuisset.
Quod rursus tentant, rursusque frustra laborant
Pœnitet hoc pacto sancti violasse secreta
Illos, ac celeres templo sublata remittunt.
Hæc a nonnullis sic gesta fuisse feruntur,
Externus quamvis nobis locus ille fuisset.

(26) *Mondidier.*

CIRCA MEDIUM SECVLUM.

PAPIAS GRAMMATICUS.

NOTITIA.

(QUDIN, *Comment, de scriptoribus et script. eccles.* II 621.)

Papias grammaticus circa annum 1050 floruit, ut D ut male Thrithemius in libro De scriptoribus eccle-
est in Chronico Alberici ms., non autem anno 1200, siasticis scribit. Alberici verba sunt : Anno 1053,

anno decimo tertio imperatoris *Henrici filii Conradi*, Papias librum suum, videlicet *Elementarium doctrinae Erudimentum*, edidit: quod probatur per numerum annorum, ubi agit de ætatibus sæculi in prima littera, et enumerando pertingit ad hunc annum. In eo porro condendo decennium insumpisse testantur versus adscripti Papiæ in Aquicinetensi illo exemplari, et a viro doctissimo mihiq; amicissimo Joanne Mabillonio exscripti, quos hic apponam, ubi nescio quis Rainaldus nominatur, a quo hic codex anno Christi 1173 descriptus fuit.

*Si durante die nunquam tenebresceret orbis,
Visibus humanis nulla lucerna foret,
Sic in Scriptura qui prospicit omnia clare,
Non eget istius commoditate libri.
Sed quoniam quivis qui noverit omnia non est,
Est amplectandus omnibus iste liber.
Instar apis mella collecta labore decenni.
Cunctis Papias ista legenda dedit.
At cibus ut noster de divite ditior esset,
Apposuit nobis has Ruinaldus opes.
Ne tali nostra dulcedine mensa careret,
Exstitit ejus in hoc officiosa manus.
Istud habe gradum munus Salvator, et illi
Perpetuam requiem comparet iste labor.
Hunc amet, hunc relegat, hoc delectetur, et omni
Hunc studio serret, grex, Aquicinte, tuus.
Scripti tempus habet, qui Jhesu copulat annis
Undecies centum septuaginta tribus.
Noveris ista legens, quod pro mercede laboris
Non aurum scriptor postulat, imo precem.
Ergo precem redde, quoniam pretiosius auro,
Est prece devota propitiare Deum.*

Exstat autem istud Elementarium Papiæ fol. in membrana in bibliotheca nostra Lugduno-Batava, inter mss. Codices Latinos num. 14, ut habet Catalogus librorum hujus bibliothecæ editus in 4^o Lugdunni-Batavorum 1674, a Frederico Spanhemio, pag. 400, quem vide. Scripsisse etiam Papiam Epistolarum librum ad diversos, auctor est Johannes Trithemius loco citato. Præterea Elias Putschius edidit, inter grammaticos veteres, Explicationes notarum veterum ex Papiæ Glossario, quas in mss. codicibus quos videre contigit non animadvertit Carolus du Cange. Prostat vero ejus Glossarium typis editum cura Bonini Mombratii, cujus sunt duo volumina De vitis sanctorum, nempe Venetiis anno 1490, mense Aprili, die XIX. Sane non tam de novo condidisse quam antea utcumque digestum Glossarium ac elaboratum auxisse, ipse innuere videtur in præfatione his verbis: *Jam vero de hujus artis nomine non prætermittendum videtur, quod quidem etsi olim, quia verbi et simpliciter unius alterius actionis retinebat interpretationem, Glossarium vocaretur: jam vero definitionibus, et secundum regulas nationibus, sententis quoque, et multis id genus superadditis, altius atque aptius Elementarium Doctrinae erudimentum nominari poterit.* Ita Carolus du

Fresne dominus du Cange in præfatione ad Glossarium mediæ et infimæ Latinitatis, § seu num, 4i, pag. 36, qui § seu num, 46, p. 37, hæc addit.

« Papiam excipit Ugutio Pisanus, qui longe fusius ac multa vocabulorum et ἱερῶν accessione sive Glossarium sive Dictionarium auctius edidit, quod mss. in bibliothecis passim reperitur. Nam typis excusum non puto, quod cum ars typographica inventa est, illud in scholis tunc haberetur, quod a Joanne de Janua ex Papia et Ugutione confectum est. Quis iste Ugutio fuerit, vel quo vixerit sæculo, ex præfatione operis illius non percipimus; sed id docemur ex Chronico m. Nonantulano, cujus verba hic describemus: *Per hæc tempora (circa a. 1192) Agno Ugutio, natione Pisanus, episcopus Ferrariensis, qui datus a sede apostolica coadjutor abbati monasterii Nonantulani prodigo homini, ex libro Papiæ, qui illic est librum Derivationum composuit.* In præfatione vero consilium operis et nomen suum ita aperit. *Opus igitur divina favente gratia componere statuimus. in quo præ aliis, vocabulorum significationes, significationum distinctiones, derivationum originem, etymologiarum significationes, et interpretationum reperientur expositiones: quorum ignorantia Latinitas naturaliter indiga quadam doctorum pigritia non modicum coarctatur. Nec hoc tantum ut vitream cenodoxiæ fragilitatem lucrifaciamus, adimplere conabimur, quantum ut omnium scientiæ litterarum invigilantium communis inde utilitas efflorescat. Nec minus descendat in mentem, nos in hoc opere perfectionem insinuatim adhibere, cum in humanis nihil ad unguem invenitur expositum, licet aliis de hac eadem re tractantibus quadam singulari perfectione, haud injuria videri possumus excellere. Nam hic parvulus delectabitur suavius, hic adultus uberius cibabitur, hic perfectus affluentius delectabitur: hic gymnosophistæ triviales, hic Didascalii quadriviales, hic legum professores, hic Theologiæ perscrutatores, hic Ecclesiarum proficent gubernatores. Hic supprebitur quicquid hactenus scientiæ defectu prætermisum est, hic elimabitur quicquid a longo tempore mala usurpatum est. Si quis quærat operis hujus quis actor fuerit, dicendum est, Deus. Si quærat quod operis hujus fuerit instrumentum, respondendum est quod patria Pisanus, nomine Hugutio, quasi Eugetio, id est, bona terra, non tantum præsentibus, sed etiam futuris: vel Hugutio, quasi Vigutio, id est virens terra, non solum sibi, sed etiam aliis. Ejus obitum circa annum 1212 conjicit Ughellus in episcopis Ferrariensibus, cui hæc de Ugutione haud nota fuerunt. » Hæc verbotenus Carolus du Fresne, dominus du Cange, locis citatis. Meminit quoque Papiæ grammatici Cornelius a Beughem in opusculo De incunabulis typographiæ verbo *Papias*, pag. 103, cujus Vocabularium inquit impressum olim Mediolani 1476 in-fol., Venetiis 1487, 1491 et 1496 in fol. Illum nomine Lombardum, arte grammaticum, male cum Trithemio ad annum Christi 1200 claruisse scribit.*

ANNO DOMINI MXLV.

ROTBERTUS

LONDINENSIS EPISCOPUS.

NOTITIA HISTORICA

(MABILL. *Annal. Bened.*, tom. IV, pag. 461.)

Alwoldo episcopo, quem Willelmus Elfevordum vocat, in sede Londinensi anno 1044 subrogatus est Rotbertus, Gemmeticensis abbas, agente Edwardo rege, a quo in Angliam accersitus fuerat, postmodum factus primas Cantuariensis. Cum Londoniæ pontificatum regeret, monasterii sui memor, multa eidem ornamenta contulit cum libro Sacramentorum, ad cuius calcem ascripsit chartam, quam infra exhibemus.

ROBERTI CHARTA.

Notum sit omnibus, tam præsentibus quam futuris per succedentia tempora fidelibus, quod ego Rotbertus, abbas Gemmeticensium prius, postmodum vero sanctæ Landoniorum sedi: præsul factus, dederim librum hunc sanctæ Mariæ in hoc mihi commisso monachorum Sancti Petri cænobio, ad honorem sanctorum quorum hic mentio agitur, et ob memoriale mei, ut hic in perpetuum habeatur.

Quem si quis vi, vel dolo, seu quoquo modo isti loco subtraxerit, animæ suæ, propter quod fecerit, detrimentum patiat, atque de libro viventium deleatur, et cum justis non scribatur; et severissima excommunicatione damnetur, qui vel unum de palliis quæ dedi isti loco, subtraxerit, sive alia ornamenta, candelabra argentea, seu aurum de tabula. Amen.

ANNO DOMINI MXLV.

GARCIAS

MONACHUS S. MICHAELIS CUXASENSIS

IN OPUSCULUM SUSEQUENS ADMONITIO.

(*Hist. litt. de la France*, VII, 345.)

Baluze, dans son appendice au *Marca hispanica* (p. 1072-1082), nous a donné un monument qui mérite d'être connu, quoique écrit en un style diffus, obscur et plein de fautes contre la grammaire. C'est l'ouvrage de Garcias, moine de Saint-Michel de Coxane, ou Cuzan, au diocèse d'Elne, aujourd'hui de Perpignan en Roussillon, lequel avait eu pour maître un certain Arnol, apparemment moine du même endroit, et qui écrivait en 1040. Cet écrit, assez prolixe, est adressé à Oliva, évêque de Vic, et en même temps abbé de Cusan. Garcias a entrepris de décrire l'origine de son monastère, et de faire connaître à la postérité la cérémonie de la dédicace de son église et le grand nombre de reliques qu'on y conservait alors. L'énumération qu'il en a faite est accompagnée d'une notice assez juste des saints de qui l'on croyait qu'elles étaient. Il y a joint une belle description du maître-autel qu'Oliva fit construire. Après quoi vient une exhortation que l'auteur avait faite à ses frères à la fête de la dédicace. De sorte que son écrit est composé de deux parties, l'une historique et l'autre morale.

GARCIAE MONACHI CUXASENSIS

EPISTOLA

AD OLIVAM EPISCOPUM AUSONENSEM

De initiis monasterii Cuxacensis, et de sacris reliquiis in eo custoditis.

(Circa annum 1040.)

(Edidit BALUZ. in Append. ad Marcam Hispanicam, p. 1072, ex chartulario monasterii Cuxacensis.

(1) Gloriosissimo atque inter pios praesules clementissimo Patri OLIVAE honorum monachorum ultimus, sanctitatis autem vestrae servus, gratiae vel potestatis, quoad vivam, famulus GARCIAE, debite servitutis obsequium, et aeternae quietis incomparabile premium.

Omnipotens Deus, cum visibilium atque invisibilium substantiarum creaturas conderet, et causas vel actus rerum adverteret, suae virtutis aemulatorem scilicet cupidum caelestium gratiarum, ad laudem et gloriam suam, ante mundi constitutionem delegit hominem, qui mundani operis et animantium universorum necessario uteret potestatem; cujus gratiae vel similitudini totius humanae universitatis vos conferendam dedit cum corporeae fragilitatis consortium et omnium specierum, secundum amplitudinem vestri cordis, inexplebilem atque insatiabilem tribuit intellectum. Primum videlicet vernantis aetatis disciplinis praexercitamentis et multa sollicitudine in processu temporis laborare compulsi, et sic ad omnem causam ex parentali successione pro justitiae meritis regendarum rerum pie praefecit, ut jugis exhibitio probabilium actuum conjungeret perceptio sublimium cogitatum. Merito autem dispensatio voluntatis paternae, spreto honoribus mundi, vos Ecclesiae suae iterum donavit rectorem, ut imprudens et nimis imperitus sub manu et beatudine vestra ubicunque secreti consilii haberet securitatem et lucri majoris summam defensionem. Quod experimento copiosis et securis ipse cognovi, dum dilecti praepetoris vel in toto vestri familiaris Arnaldi refugium et memorabile duce furtum, scilicet de instructione atque exaltatione Christique ac sanctorum eius pignorum conclusione, vel altaris nostri dedicatione, necne ignis exustione, vestri vero laboriosi operis restauratione, et iterum gloriose vallis benedictione, a destruentibus etiam irruptione, in quibus jussus feci sinceri amoris vestri officium, et Domini mei Michaelis sensi adjutorum propitiatorii quoque coloribus et Evangelistarum figuris si assignavi, non vero concedente Christo in vestra salute fieri spero in melius majora ex omnibus. Interim

(1) Textus corruptione insanabili non uno in loco laborat

A precor ut hoc quod inculto sermone protuli non vituperes, ut aemulus, sed vestrum incertam ingenium vindicet ut benevolus.

Nonnulla ergo quae sunt inter chartulas descriptae inveni, et ex ipsis quidquid luculentius invenire potui aut multorum utilitate proinde condere studii voluntate ita: Quarto Kalendas Octobris celebritas dedicationis sancti archangeli Michaelis cenobii Cuxacensis, quam etiam admodum in rerum rebus prudens, et ad docendam ex tempore plebem sufficiens, in ornatisque studiis per famulum lucens, Vuarinus, ejusdem fundi religiosus abbas, divina reducente manu, una cum ejusdem diocesis praesule signo et scientia Summo, adjunctis diversarum sedium episcopis, septem viri numero, et nobilitate ac prudentia praestantissimi, cum infinita multitudine nobilium potestate potentium ac utriusque sexus diversi ordinis clericorum atque plebium variae dignitatis eminentissimo coetu, in gaudiis magnis actionibus gratiarum dedicaverunt illamque donis duplicibus in commune locupletaverunt, et regiae dignitati cum muneribus et coronis copiam reddiderunt et eam in irrefragabili juris perpetuitate esse inconvulsam aut eujuscunque servitii qualibet executione liberam, ac in protelatione finium cura suis opibus stare semper dominam, quodque sanctiores eum ornasse templum ex magna parte venerabilium sanctorum et majores quicunque populorumque potentes, munerum largitate apprime ditatum, omnibusque bonis pene sublimatum, utrique parti sacrosanctum Domino templum sacra craverunt. Unde etiam ex eadem ecclesia vel dedicatione suo tempore optabilis est recordatio paulatim et memoria amantibus cognosci tota veritate. Et primo quam gloriose Deus locum et templum esse sibi effecerit, quamque Redemptoris nostri facilis misericordiae clementia votis adsit supplicantium, quoque modicus locus ille inter primos totius orbis plenitudine et veneratione fulgeat, paucis verbis circumstantibus. Enimvero antiquiora posteris memoriae tradenda laude et testimonio dignum est.

Igitur post tela apostolicae altioris creaturae

cœnobii Sancti Andree apostoli et restaurationem quæ coram positis videtur, et legitur sanctissimi Germani præsulis divinæ providentiæ quidem factum : clarissimus Pontius, vix eximie nobilitatis probabilisque vitæ, conventum dominantis illius cœnobii procurabat, hisque sub felicis memoriæ. Seniofredi comitis, qui jam spem suam in fructibus collocaverat bonis, et viribus atque auctoritate potentior inerat, provide armis patientiæ fulciretur, ac præ cæteris gratiæ suæ in multis haberetur singularis, die quadam piis verbis extulit eum dicens: Loco quo præsidemus et paternæ vigilantie officio dispensationis curam exhibemus, Creatorem omnium magnifice lædimus, quoniam rerum sæcularium magis volumus ambitione distendi quam ad reparandam geminæ hostilitatis bellum et sævæ seditionis tumultus in prospectu temporalium [spiritualium] quod Deo placeat decertari et quidem nos post discrimina totius, ut ita dixerim, loci, post virgam furoris Dei, improvisis causis plus virtute quam religione ad usus omnium ex ineptis officiis decurrimus beatiore, sine proprio sudore nostræ manus ab omnibus laudantur potestate sublimiores. Ipse denique, sicut nostis, per aquas cædes magnas intulit, et ob meritum culpæ miserabiliter superatus perit; sic quoque a venerabilibus viris ex benignitate juratus et reformatus, regalibusque præceptis vel privilegiis roboratus, per jussionem serenitatis nostræ ad opus intermissum præstare duco supplementum quo diluvii impetus, vel fulminum ictus possit ferre et inundationes pluviarum in spem gaudii valeat dare.

Ad quem ille : « Unde mihi nomen et laudis hostiam vel animæ meæ lætitiâ ? » Est perparvula, inquit, non dicam ecclesia, sed oratorium ante templum domni Germani, Michaelis archangeli titulo insignitum, qui aliquoties a frequentia omnium manet exclusum. Ipsi ergo totum corpus ecclesiæ cum habitatoribus suis, juxta sensum atque sapientiam vestram, in vindictam patriæ, in commodum perpetuæ militiæ, adversus infructuosam malignitatem decenti honore funditus erigamus aulam. Tunc princeps quasi conceptam misericordiam festinus concessit, et ait : Licetum erit gloriosis precibus omnibus prosequendum, ita ut sub nullius redigatur potestatem et domus Domini in religione et laudem vel virtute Christi summique Michaelis honore construatur infelicesque inimici per eundem archangelum effugentur et persequantur potius quam participantur ; et, ut merito loquar, sanctorum omnium primatam superbiq; Draconis victorem decet ut ejus ecclesiam sacram obtineat, potentiam et habeat sortem coronæ, et ipse belliger celsus præsentis sæculi sit salus et omni posteritati gentis nostræ, dux, et defensor novique prælii triumphator, et sibi parentium defensor benignus inveniat.

Ita ergo in unum humanitatis sermonem diligentissime ponentes, vir dignus, angelico solatio

A forte munitus, juvit fundamentum ex vulgaribus saxis popularibusque quadris luculentissime ; quam cum altius materiam ejus in longitudine usque in triginta tres cubitos, et in latitudine pene in quadraginta palmas elevasset, tandem in excellentia arcus elegantissime demisit, causa in prosperis invidente ; quoniam, ut ait quidam, felicitas subjecta est semper adversis, pertransientque eam plurimi, et multiplex erit scientia.

Ejus in loco nempe rapitur, ut decuit, angelus vel cœlestis homo Vuarinus identidem exstruens basilicam, parietes succincto opere in magnificentia fabricæ cum admiratione mirabili in sublimis erexit, fastigia vero culminis proceritate simul tribium et ornamentorum claritudine illa venustissime operuit. Prima quoque ædes sancti sanctorum, quæ et presbyterium dicitur, et ipsa planities grato opere facta ; supra quam principis Michaelis altare in quatuor pulcherrimis columnis, ex agonoscemate factis, honore condigno statuit. Totæ quippe illarum frontes artificis exterius peritia politæ, interius vero excavatæ ; in quibus aram mensuram vastioris grossitudinis, et, ut ita dicem, tredecim semipedis longa et novem ampla, omnibusque columnis ad eam introitus. Ipsa autem intus ac foris nihil quod animus aut oculi mirentur minus præ albedine nimia. In medium siquidem altaris vivificæ crucis modum intercludit terrigenum, et profundiori loco in invisibilem quem ipse Hierosolymis et Romæ vel in acquilibus locis munus datis, altquando magnis pretiis acquisierat, visus est ordiri. In altiori nempe gradu plurima quibus idem locus excellebat, sanctorum pignora, et quæ a religiosis viris datæ sunt reliquiæ, tota mentis intuitu totaque cordis devotione, benedictentes Dei nostri clementiam, sepelierunt. Denique is de quo supra retulimus chorus reverendorum præsulum innumerosa congeries advocatorum constructum altare mysticis spiritualium sanctificationum charismatibus, et sacri charismatis unctionibus delibutum ad immolandam Redemptoris nostri hostiam cum ipsius invocatione muneris magnisque totius ordinis laudibus erexerunt. In altaribus interim ecclesiæ nomini suo cuique reliquias miserunt ; et unde semper laudandi essent perpetualiter usu ecclesiastico tradiderunt succedentibus quoque tam pro stabilitate regni terreni quam pro facilitate regni cœlestis.

Ex majori altari reliquiis ita memoriæ mandaverunt : sunt in hoc venerabili altari imprimis reliquiæ illius salutiferæ crucis in qua Rex colorum, Dominus noster Dei Filius, totius mundi passionis sacramentum complexit et munus remissionis pro mortalium vita pertulit. Insunt reliquiæ de velamine pannis quibus susceptæ Incarnationis decorem puerili in corpore obsitus mansit homo et Deus. Sunt reliquiæ de sudario capitis Domini, in quo laborem passionis ejus ab celsitudine divinitatis disjungitur, et infirmitas nostræ cognitionis ab ejus potentia tormentorum labore figuratur. Insunt reliquiæ de liate, unde

Deus et Homo sua membra circumdedit et discipulorum suorum pedes humiliter ablens tersit. Sunt reliquiæ de sepulcro, ubi Dominica caro, juxta naturam quievit et vivificans mortem nostram ex ipso a mortuis resurrexit. Insunt reliquiæ de præsepi, in quo infantilia membra Dei Domini pia Mater, secundum servi formam, reclinavit. Sunt reliquiæ ex fragmentis illius panis unde quinque millia hominum ex quinque panibus et duobus piscibus in deserto satiaverat Christus. Insunt reliquiæ de vestimento beatissimæ virginis Mariæ, quæ sacramentum divinæ incarnationis specietenus clausit et vivificans Dei Verbum in utero concepit et genuit. Sunt reliquiæ ipsius gloriosi archangeli Michaelis, ex pallio scilicet ejus sanctæ memoriæ. Insunt reliquiæ ex capillis beati præcursoris et Baptistæ Joannis, qui ab Herode propter fratrum quod prohibuit violare connubium carcere et vinculis mancipatur, et ad petitionem mulierum pro Redemptoris nostri testimonio capite plectitur. Sunt reliquiæ de barba et corporale simul et cruce S. Petri apostoli, qui in confessione unigeniti Filii Dei accepit primatum in fundamento domus Domini, et primus sacerdotalem cathedram urbis Romæ, sub Nerone Cæsare, cruci affixus capite, ut ipse voluit, ad terram verso martyrio coronatur, et ibi digno honore sepelitur. Insunt reliquiæ apostoli Pauli, qui inter apostolos dignitatem meruit apostolatus, et in vera religione gentium magister appositus, pro veritate Christi a Nerone capite truncatur, et in urbe Roma, pari memoria, ut sanctus Petrus, veneratur. Sunt reliquiæ sancti Andree apostoli, qui Scythiam et Achaïam prædicationis gratia tenuit, et in civitate Patras sub Ægea proconsule cruci, ligatis manibus et pedibus funibusque toto corpore tensus, biduo inibi supervivens, fine beato occubuit. Insunt reliquiæ beati Jacobi apostoli, qui decollatus est ab Herode Hierosolymis, cujus ossa ad Hispanias translata, in ultimis earum finibus, videlicet contra Mare Britannicum, celeberrima veneratione excolitur.

Sunt reliquiæ beati Bartholomæi apostoli, qui, apud Indiam Evangelium Christi prædicans, usque ad titulum passionis suæ populis scientiæ lumen monstravit et pro fidei integritate gladio cæsus occubuit; indeque Beneventum translatus, pia fidelium veneratione celebratur. Insunt reliquiæ sancti Marci evangelistæ, qui primus Alexandriæ cathedram tenuit, et Ecclesiam Ægypti fide et industria sua fundavit; et ad ultimum tentus a paganis, misso fune in collo ejus, martyr ad cælestia regna est vocatus, et a viris religiosus apud insulam Venetiæ deputatus. Sunt reliquiæ protomartyris Stephani, qui ab apostolis est diaconus ordinatus, et a Judæis et principibus sacerdotum in Jerusalem lapidatus, martyr obdormivit in Domino. Insunt reliquiæ sancti Ignatii Antiochenæ Ecclesiæ episcopi, qui post Petrum apostolum ejusdem Ecclesiæ tertius, commovente Trajano imperatore, damnatus est ab bestiis, et sub eodem principe per multa tormentorum genera passus, jacet in eadem

A civitate. Sunt reliquiæ beati Clementis qui quartus post Petrum Romanam rexit Ecclesiam, et sub persecutione Trajani Trans Pontum mare in eremo, quod adjacet civitati Chersonæ, relegatur exsilio: ligataque ad collum ejus anchora, et præcipitatus in maris medio, ejus memoria usque hodie inibi custoditur. Sunt reliquiæ sancti Apollinaris episcopi et martyris, qui ab Antiochia secutus apostolum Petrum, ab urbe Roma ad eodem apostolo missus Ravennam, sub Vespasiano Cæsare, martyrium consummavit. Insunt reliquiæ beati Sebastiani, cui sub persecutione Diocletiani et Maximiani imperatorum, post principatum primæ cohortis et fugitivi sæculi blandimenta, sagittis perforatus a militibus, et fustigatus, Romæ martyr pervenit ad Christum. Sunt reliquiæ sancti Vincentii martyris et levitæ, qui cum sancto Valerio episcopo suo, in Cesara augusta civitate Valentie, plurima per vincula carceris maceratus, sub Daciano infatigabilem spiritum martyr Christi reddidit. Insunt reliquiæ sancti Mauritii, qui fuit primicerius legionis illius quæ sub Maximiano in civitate Seduno, loco Agauno, pro Christo gloriosissime coronati sunt. Sunt reliquiæ beati Victoris, qui, apud Massiliam crudelissime cæsus ac suspensus, et taureis cruciatus, et in molam pistoriæ missus, martyrium consummavit.

Insunt reliquiæ sancti Saturnini, qui, apud Tolosam, temporibus Decii in Capitolio ejusdem urbis a paganis tentus tauroque ad victimam præparato funibus religatus, et a summo Capitolio per omnes gradus præcipitatus, dignam Christo animam exhalavit, inihique requiescit. Sunt reliquiæ sancti Marcelli, qui, equuleo suspensus ac fustibus maceratus, apud Spoletum est martyrium passus. Insunt reliquiæ beati Juliani, qui, ab insequentibus persecutoribus tentus, deserto gutture, morte horribili necatus est apud Brivatense territorium. Sunt reliquiæ S. Laurentii archidiaconi, qui, post multas sectiones verberum, ferreo cratere distentus, post longa et multiplici pœna cruciatus; insuper exposita melos carbonum sub Decio Valeriano, illustris Roma pium retinet secum. Sunt reliquiæ sancti Stephani papæ et martyris, qui Romæ, sub Valeriano et Gallieno imperatoribus, in sua decollatus est sede. Insunt reliquiæ sancti Hypolithi, qui, exemplo martyris Laurentii extensus, fustibus et cardis diu cæsus, ligatis pedibus ad colla indomitum equorum per conductum et tribulos tractus, romæ emisit beatum spiritum. Sunt reliquiæ sancti Apulei, qui, relicto Simone Mago, doctrinæ apostoli Petri se tradidit, et Aureliano consulari viro martyrii coronam Romæ complevit. Insunt reliquiæ sancti Vitalis, qui apud Ravennam post nimia tormenta capitalem accepit palmam. Sunt reliquiæ B. Agapiti, qui, apud Paphlagoniam civitatem gladio cæsus est. Insunt reliquiæ sancti Mercurii, qui in castris sæcularibus militans, verus et spiritualis miles, in morte Juliani impiissimi Augusti, præclarissimus extitit propugnator, ut legitur in Gestis Basilii episcopi. Sunt reli-

quæ beati Lanteberti, qui Tungrensi villa publica ab iniquissimis viris improvise intra domum ecclesiæ martyrio coronatur. Insunt reliquiæ sancti Fabii martyris, qui, cum ferre vexilla præsidialia recusaret, Cæsareæ a furibundo iudice capitali sententia condemnatur. Sunt reliquiæ beati Projecti martyris et episcopi Arvernensis. Insunt reliquiæ sancti Fortunati martyris apud Aquileiam passi. Sunt reliquiæ beati Nazarii, quem Anolinus sub rabie persecutionis diu maceratum et afflictum gladio ferri iussit apud Mediolanum. Sunt reliquiæ beati Longini, militis et martyris, qui lancea latus Domini pendens in cruce aperuit. Insunt reliquiæ sancti Protasii, qui apud Mediolanum capitis abscissione martyrium consummavit. Insunt reliquiæ sancti Prisci martyris apud Capuam quiescentis. Sunt reliquiæ beati Antonini, qui honore dignitatis Domini illustri martyrium apud Apamiam sustinuit. Insunt reliquiæ sancti Cypriani episcopi et martyris, qui, sub Galerio proconsule, apud Africam, Carthagine, amore Christi animatus, gladioque percussus, martyr migravit ad Dominum. Sunt reliquiæ sancti Lucii, qui apud Africam, sub Decio et Valeriano, exurgente persecutionis rabie, cum multis confessionis agonem consummavit. Insunt reliquiæ beati Dionysii, qui, apud Parisium sanctum opus fideliter exsecutus, a præfecto Fescennio Sisinnio comprehensus martyrium portavit. Sunt reliquiæ sancti Alexandri, qui, apud Lugdunum crucis afflixus patibulo, spiritum exanimatus emisit. Insunt reliquiæ beati Oroncii martyris, qui, apud Ebredunensem civitatem corporalem mortem contemnens, coronam vitæ adeptus est. Sunt reliquiæ sancti Tiberii, qui tempore Diocletiani variis tormentis cruciatus, in territorio Agathensi martyrium complevit. Insunt reliquiæ sancti Salvatoris in memoriis piorum fulgentis in regno Christi.

Sunt reliquiæ beati Genesis martyris, qui apud Arelatem deprehensus ab apparitoribus atque in ripa fluminis Rhodani decollatus est. Sunt reliquiæ sancti Felicis, qui, apud Gerundam catenis gravioribus vinctus, per totas plateas ab indomitulis tractus, manibus post tergum ligatis in maris profundo mersus, illustre martyrium peregit. Insunt reliquiæ beati Cucuphatis martyris, qui, gravissime tortus et catenis astrictus, in craticula superextensus, sub Galerio et Maximiano ac Rufino, Barchinonæ est passus. Sunt reliquiæ sanctorum martyrum Massæ Candidæ, qui, tempore Valeriani et Gallieni Christum Dei Filium fatentes eieci sunt in ignem apud Carthaginem. Insunt reliquiæ beatorum Cosmæ et Damiani, qui, post toleratos fustes, equuleum, ignes, sagittarum ictus, sub præside Lysia apud Ægeam gladio animadversi sunt. Sunt reliquiæ sanctorum Justi et Pastoris, qui, cum adhuc pueri litteris inbuerentur, projectis in schola tabulis, sponte ad martyrium cucurrerunt, unde et in campo laudabili a carnificibus extra civitatem Compluto jugulati sunt. Insunt reliquiæ sancti Martini, summi et incompre-

PATR. CXXI.

hensibilis viri Turonicæ civitatis episcopi, Sunt reliquiæ beati Briccii civitate Turonis admirandæ sanctitatis viri. Insunt reliquiæ sancti Ambrosii Mediolanensis episcopi, cujus flores eloquii redolent per totam Ecclesiam mundi. Sunt reliquiæ beati Gregorii dialogi, qui pontifex Romæ ordinatus cœlibem vitam duxit. Insunt reliquiæ sancti Syri episcopi, qui apud Papiam fide credentium populorum fundatam Ecclesiam glosioso fine requiescit. Sunt reliquiæ beati Gunterandi regis Francorum qui spiritualibus actionibus exstitit conspicuus, et apud urbem Cabillonensem miraculis manet clarus. Insunt reliquiæ sancti Pauli episcopi, qui, apud urbem Narbonam prædicationis officium non segniter implevit, et ibi clarus miraculis quiescit. Sunt reliquiæ beati Trophimi, qui apud Arelatem urbem Galliæ innumeras virtutes fecit, et illic in pace obdormivit. Insunt reliquiæ beati Severi presbyteri, qui ingentem paganorum multitudinem ad fidem Christi convertit, apud urbem Viennam. Sunt reliquiæ sancti Hilarii Pictavis episcopi, genere et miraculis clari. Sunt reliquiæ sancti Felicis, Nolanæ, urbis presbyteri, in Pincis digne sepulti. Insunt reliquiæ sancti Medardi, civitatis Suessionis episcopi, et confessoris. Sunt reliquiæ beati Martialis apud urbem Lemovicensem admirandæ sanctitatis et religionis viri. Insunt reliquiæ sancti Maximini episcopi civitate Treveris gloriosi. Sunt reliquiæ de capillis beati Salvii, qui virtutibus et miraculis Albiensis quiescit. Insunt reliquiæ ex capillis sancti Cæsarii diaconi juxta urbem Terracinam sepulti. Sunt reliquiæ beati Paulini episcopi eruditione et copiosa vitæ sanctitate apud Nolam Campaniæ. Insunt reliquiæ sancti Germani apud Parisium virtutibus et miraculis gloriosi. Sunt reliquiæ sancti Hilarii Carcæensis episcopi magnæ virtutis viri.

Insunt reliquiæ beati Lupi, qui orando Trecas munivit. Sunt reliquiæ sancti Eusebii civitate Vercellis episcopi. Insunt reliquiæ beati Philberti abbatis in territorio Rodomensi, in omni puritate et animi virtutibus clari. Sunt reliquiæ sancti Egidii abbatis in territorio Nemausensi signis illustrissimi et sanctitate. Insunt reliquiæ sancti Ugberti regis, apud Italiam magnis virtutibus et optimis studiis præditi viri. Sunt reliquiæ beati Leudegarii Augustodunensis episcopi. Insunt reliquiæ sancti Germani Capuani episcopi, verbis et virtutibus ornati. Sunt reliquiæ beati Geraldii, in habitu Christianæ religionis multiplicia operati. Sunt reliquiæ sancti Firmini apud Uzetiam sanctitate et patientia ac fide laudabilis. Sunt reliquiæ sanctæ Agnetis, quæ ignibus injecta et Romæ sub Symphronio gladio est percussa. Insunt reliquiæ sanctæ Agathæ virginis, quæ post alapas et carcerem, post equuleum et tortiones, post mamillarum abscissionem, post volutionem in testulis et carbonibus, in carcere consummata est. Sunt reliquiæ sanctæ Segolinæ, optimæ feminæ et miro opere gloriosæ. Insunt reliquiæ sanctæ Eulaliæ, quæ, jussu Daciani præsidis plurima tormenta perpessa, novis-

sime in equulo suspensa et exungulata, faucibus ardentibus ex utroque latere appositis hausto igne spiritum reddit, apud Emeritam Hispaniæ. Sunt reliquiæ sanctæ Leocadiæ virginis, quæ apud Tolatum, dica carceris custodia, genibus in oratione positus, impollutum Christo spiritum tradidit. In sunt reliquiæ sanctæ Eulaliæ martyris, quæ passa est sub Daciano in civitate Barchinona.

Hanc ergo Ecclesiam, post evolutionem octuagesimi septimi anni, ædificationis suæ et Domini Jesu Christi a Nativitate millesimi quadragesimi regebat, nostri sæculi laudum titulo præclarus, vitæ ac morum probitate cunctis charus, eruditione filiorum et gratia maximus Oliva, soliditatem sanctæ fidei veraciter tenens et in sincera cordis devotione amplectens. Voluit pignus humanitatis Domini nostri et tantorum fidelium ejus oculis carnis ponderari; sed construxit propitiatorium, ut beatus Moyses super altare, artificii magisterio, ac felicitatis compos; ad contuentium universitatis Deum, ut condignum fuit, tanti decoris illud disposuit ut oculi intuentium in ejus specie vix satiarentur. Bases, inquam, juxta unius hominis incessum quatuor a calce procul altaris posuit, totidemque columnas e marmore rubicundi coloris e singularibus saxis in pedibus septem voluntaria fortitudine erexit, explicite in oraculo Cherubim gloriæ obumbrantia sacræ venerationis figurans, et in columnis martyrum gloriam præmonstrans. Qui corporis passione rubicundi, spiritus puritate candidi per undam baptismatis vel cruoris sui venerunt ad incrementa frugum justitiæ Dei, doctorumque caterva, qui constantia fortitudinis vel zelo rectitudinis in basibus sustentant plebem junctam summo capiti in unitate fidei. Super capita etiam columnarum, ut candorem ecclesiasticæ castitatis imprimeret, ac spiritualium gratiarum flores proficientibus meritis vanos timores tolleret, ex albo marmore capitella statuit, foliato corpore et floribus diversarum modum. Desuper autem, ut ordo habebat, de lignis sectis in utraque parte propitiatorii contra se invicem positas columnas habentes tres semicubitos ambientes arcus infra juncturas vel secto et serrato ligno virtutes sanctorum innoxit, quæ mutuo sibi quasi ad fenestras versa vice, alter in altero proficuos fructus in arboream sustollerent firmitatem. Inter juncturas autem arcus in arcumque ascensus fenestras in omni genere specierum sive operum multitudine diligentissima, pictura variatas substravit. Sculpsit quoque in gyro per quadrum, ita ut facie ad faciem se viderent, dolatili ligno imagines quatuor evangelistarum, subitque eos infra status formæ superioris et reclinationem arcus inferioris, sic ut aspectus eorum in quatuor mundi partes Evangelii gratia concordaret, altiori vero gradu Agnum eorum aspicerent. Interiori namque ambitu, non ad pompam et claritudinem vulgi, opulentissimus præsul, se in laude duodecim apostolorum bonique illorum Magistri virtutem pretiosi ligni ordines xiii adfixit, ut apostoli inter semitas justiq-

A rum ab intus Filium hominis in spiritu gloriæ suæ illustrarent, ac sancta animalia exterius Agnum Dei, per cuncta tempora, in una dominatione stantem proferrent, et intus vel foris æterni Regis tribunal et solium mysterii revelationibus familiariter adornarent, atque pia munera offerentes in Christo unum corpus efficerent.

Omnem enim materiam intrinsecus et extrinsecus in proceram celsitudinem fecit surgere, et manibus artificum faciem angulosque sic exornavit, ut nusquam junctura paginis appareret. Ipse quoque jam pridem spatium quod fuerat post altare venerandi Michaelis argumento et magnificentia singulari amplexus est, et deposite in sanctum Domini opus a foris super reverenda martyrum Valentini, Flamidiani, atque confessoris Nazarii corpora ad locum nunc condigne venerantur, pulchro et ornato opere beatæ genitricis Mariæ et archangelorum Dei in crypta, quæ ad Præsepium dicitur, extruxit ecclesiam, ita ut ex utroque Virginis latere summi Dei angeli, tantæ Dei Matris gloriam laudibus sive meritis, in obsequium novæ salutationis, a dextris ejus, Gabriel conceptum partus nuntiet, ac a sinistris virginis gloriæ plenitudinem splendibus Raphael affarret. Ad pedes etiam, seu in sinu, causa famulatus circumpepsit, et hinc inde martyres sepelivit, qui de se vel languentium salute dicerent: « Ecce, iste Deus, fortitudo nostra. » A facie autem Reginæ, ut est terribilis ac divinus Michael, tanquam ad tuitionem sui Filium ante tempora natum fidelibus et omnibus ad se venientibus assignavit dicens: *Invenietis infantem pannis involutum et positum in præsepio* (Luc. ii, 12): Ergo ut Altitonanti decentia in veræ fidei confessione domus possideret maternum partus, et in suo ordine, quasi ad officium Virginis, sanctorum decus loco inferiori prætulit, et ad instar regalis throni, non usque ad summum templi pinaculum, sed juxta mensuram spatii fecit cenaculum maximi et mirandi operis, qui divideret oraculum a priori parte templi, et ibi beatæ et individue Trinitatis clarum altare coram multis testibus piis manibus dedicavit, ut vice Mater et Filius omnibus diebus prædicarentur ac continua laudatione mortalium adorarentur. Cui utrique operi ut confitentibus pœnitentiæ sanctificationem daret, bono ordine ad sanctorum pignora ab intus iuta præmisit ostiola, ut omnibus essent in unum, qui soli Deo in præclaris præmiis est manifestatum. Ad videndum igitur Sanctæ Trinitatis altare intra Sancta sanctorum gradus apte locavit, ut facile dilaberentur qui ascendere vel descendere tentavissent.

Itaque juvit eum in omnibus quidam bonæ famæ monachus, iter sequens magistri, ut ille Oliba, qui- que erat summæ patientiæ ac mansuetudinis vir, et sub eo vigilantissime in varias actiones tandem domum custodiebat. Hæc, charissimi, nos in præsentis festi nostri gaudium de factura templi pauca ex pluribus dicere libuit, quatenus et miranda domus

Domini frabrica delectaret auditum, et dilecta Deo civitas aptaret ingentia tecta infra fidei ædificium ex sacrata autem visibili ara ad interiorem altare vitæ ordine transeuntes succendamus odoramento benevolentiae, misericordiae, justitiae, benignitate, mansuetudine, sobrietate, in agnitione vero mysterii Dei Patris exaltetur unctus lapis ornamento purae confessionis. Sit uniuscujusque nostrum cor altare, sint puritas vel castitas vivi lapides, sit timor Domini pervigil custos, et fides sacerdos, ut intra Domini tabernaculum nihil inveniatur foedum, nil intromittatur indignum. Abscedat cum passionibus et adversitatibus suis diabolus, et introeat cum benedictionibus et divitiis plenitudinis Christus. Intus siquidem subtile Domini iudicium aspiciamus, et in hac nostra, imo Dei civitate, quam in percussione ignis iudicio justitiae Deus humilem ostendit, ex tempore cum virtutibus rememoramus. Hic ergo locus figuram et speciem congruentem adhuc non acceperat, cum a praefatis viris propriis sumptibus ac muneribus maxime est decoratus infra fines Galliae et Hispaniae, inter sinum, et, ut patenter dicam, conspectum celeberrimi et nominatissimi montis Canegonis, Litterani suavissimi fluvioli vallis videlicet longanimiter porrecta, verbo autem Dei ex protectione mirabiliter visitata, et magnanimiter varietatis vel ædificationis membra distincta. Quod a Deo probatur, quoniam insignia pulchritudinis arboribus et paradisis undique ornata nemoribus cernitur, ut angeli cives in ea degentes, beatorum spiritus periculum antecedentis mali tollentes credantur. Vallis etiam in qua nec frigus hiemalis, nec sol aestatis nimis nocere consuevit, quia obumbrat ei gratia spiritualis et copioso munere liberalitatis vel redundantia pacis, et, ut clementi sermone restringam, tempus habitatoribus plenae aetatis, ut veniant ad maturitatem perfectionis. Ipsi etenim delectantur lenitate prudentiae, splendore fidei, confessionis decore, justitiae pulchritudine, ubertate misericordiae, ut singuli animarum munilia in Deum spectent.

Omnes, inquam, pio amore se invicem diligunt, invicem fovent, et quasi unum corpus diversa membra sustentant fraternitatis. In adversis siquidem rebus aut contrariorum accensus tandem divinum exposcunt praesidium, quousque summa vi atque inclinatione inimicos in Deum et homines confundunt, magna sui supplicatione ac archangeli benignitate protecti. Etenim laude habendi sunt quos religiosiores reddit praesentia archangelorum et reos testimonia comprovincialium sinistrae persuasionis inelamantium. Omnes se ipsos decipiunt cum Domus Domini ab illis inhoneste laeditur vel deturpatur, et mellifluam vel uberrimam mundi gloriam percipiunt, et paternae virtutis vel pietatis nihil simile agunt, sed bona et optima in deliciis decerpunt ac deglutiunt, omnes vani ac tumidi et furibundi, in nequitia cediti. Super his autem non est qui Deum auscultet vel intelligat, nec non est qui studium

A boni adhibeat, vel qui alium in timore Domini flectat et introducat. Omnes quae terrena sunt sapiunt, indiscipline appetentes redundantia superfluentium. Patres qui ibi conversati sunt certaverunt, in tota justitia et in omni timore Domini. Unde ab omnibus felices audiebant: « Vos estis benedictus grex Christi, vos estis electorum filii, vos estis dilectio Dei et proximi, vos estis columnae sub caelo, qui temporaliter statis velut angeli super terram. Corpus quippe gestatis humanum, opus autem perficitis angelorum. » Vae in reversa quisquis et fide secundum casum alteritatem dicens, et non attendens quia Deus omnium virtutum semper fines priorum connectit principiis secundorum: verbi enim gratia, ut neutros prædicabili claritate monstraret, vigilia apparitionis Christi calamitas ignis extra ecclesiae aulam locum omnem liquefecit, sicut circum se ignem videntibus adjuvare idem vel extinguere nemo conatus est, aut quod reliquum esset salvum habere, vel in salvationem viventium ad opinabile bonum erigere. Dei quippe sententia et beati Michaelis clementia qui ignis jam dudum damnaverat maxime admirabile tam exstructionis genere quam magnitudinis itemque munificentiae in singulis rebus et gloriae intus vel foris, nunc est ædificatum persplendide. Revera enim appetibilis privilegio insula, quae est portio terrae ornamentum, et totius patriae in multis supplementum, regionis vero propriae salutare dat auxilium prudentibus et indoctis, parvis et magnis, sive rusticis, promeritorum qualitate obtinet honestatis culmen summum. Insula puris honestisque praecipis ac dulcedine benedictionis incluta, dignitatis vel rectitudinis ad reverentia civium sincera, in munimen omnium constipata cavernis et fistulis, fontibus, et aurifluis rivis, segetibus et vineis eminenti gloriosa: quae nisi et astantium meritis fuerit violata, nobilitatis suae viribus in Deum servatur pacis oleo linita. Quamvis autem decertantibus sit in lato angustior, in praemium vincentibus ejus sinus in immensa longitudine manet amplior.

Age ergo festivum diem, turba fidelis lætabundis animis induere fortitudinem, et jubila exultatione, quoniam tui mœores in gaudium sunt mutati, et triste habitum in amictum lætitiæ versum est. D Parietem enim discordiae quem ædificaverat diabolus, parietem effodit, et petram non commovit, fundamenta Ecclesiae excussit, et turrem immobilem non elisit; lapides dejecit, et radices non evellit; unctionem vidit, et templi fortitudinem mox deseruit. Lugeat ac erubescat vternosus prædo prædam amisisse, quia impletum videmus quod propheta vaticinante audivimus. Equidem inquit, captivitas a forte tolletur, et quod ablatum fuerat, a robusto salvabitur. Dicamus sane omnes: *Gloria in excelsis Deo. et in terra pax hominibus bonæ voluntatis* (Luc. n, 14.) Evigilemus prorsus et nos, qui habitu vel aspectu hanc conversationem angelicam promerimus, et nullo modo a speranda clementia, quoniam primi-

cerium angelorum et Christi mirabilium primatem de die in diem quisquis nostrum contemplari valet; a quo totius fidei nostræ unius beneficii præmia conquirat, et omnis conquisitionis profligatio in omnium rerum viventium ac non viventium, immobilium quoque et moveri valentium, corpore vel specie, forma vel genere famulantes, concordi definitione optemus ut proprium vigorem, sed proprie vel ordinem magnum, sive honestatis consuetudinem relevet, et angelicæ dignitati vel humanæ devotioni ubique pax et veritas custodiat. Nostrum etiam posse et necesse in ejus laude et admiratione totum sublevemus, corporisque visus et mentis recessus huc illucque non divertamus, ut diversitas sæcularium ab electione unitatis nostræ omnium voluntates atque consensus perdurare cognoscat; hodie quoque celsius quando Rex regum ad Filii sui nuptias invitavit nos Nuptiæ paratæ sunt, inquit, et altitia nostra immolata,

A Sponsus cum claritate et magnificentia in thalamo residet, et cum gaudio intrantes recipit. Priusquam januæ claudantur, velocitate pedum apud principem nostrum concurramus, ne nobis foris remanere contingat. Libenter enim splendorem gloriæ figuramque substantiæ in sanctis suis glorificemus, et ob reparationem panem et vinum aqua mistum assumendum in formam pristinam in divino amore participemus, ac totis desideriis illum in quo sunt omnia amemus, cujus passionis imitatione immolati et coronati sunt illi quorum quotidie præsentiam veneramus. Celebrem in anniversaria templi portemus festivitatem, et distincte choros reboantibus hymnis lampadibusque accensis in laudem sanctorum pulchram vocem levemus et mentem ad eum qui cum Patre et Spiritu sancto, trinus et unus Deus, vivit et regnat in ævum et in omnia sæcula sæculorum. Amen.

CIRCA MEDIUM SÆCULUM.

DOMINICUS

GRADENSIS ET AQUILEIENSIS IN DITIONE VENETA PATRIARCHA.

DOMINICI EPISTOLA

AD PETRUM PATRIARCHAM ANTIOCHENUM

(Edidit COTELERIUS, *Ecclesiæ græce Monum.*, II, 108.)

Excellentissimæ sanctæ sedis Ecclesiæ Antiochensis præsidi eminenti patriarchæ, magno et apostolico viro, DOMINICUS Dei gratia Gradensis et Aquileiensis Ecclesiæ patriarcha.

1. Admonemus, omnis desiderii ac reverentiæ voto, cum proposito fidelissimi obsequii, nostræ reverentia et amicitia honorari et coli Ecclesiam tuam, quæ nostræ matris Romanæ Ecclesiæ soror esse cognoscitur, atque fundatoris sui meritis, Petri videlicet apostolorum principis, post secundam prædicatur. His igitur omissis, fama pietatis tuæ, fide ac opere plene ipsam se ubique proclamans, cogit nos humilem tibi reverentiam reddere; nec non te per viam Domini incedente, vestigia tua sequi.

2. Nos ergo in septentrionali zona longissimis terræ marisque intervallis divisi, animi tamen amore conjuncti, vestræ sanctitatis notitiæ agglutinari cupimus, mutui amoris nobis participationem rependenti. Quapropter indicamus nostram Ecclesiam a beati Marci evangelistæ præconio sumpsissæ originem; item beato Petro constituite, honorem patriarchi nominis intra Italiam duntaxat habuisse; et in Romano conventu, consessionem œcumenici papæ dextram obtinuisse, Cujus quidem rei ordinem vobis plenius futuro tempore ostendemus, postquam ex mutuo rescripti usu, de iis quæ ad fidem pertinent ad invicem declaraverimus. Modo tantum vestræ probitatis amore capti, ad solam notitiam ve-

stram pervenire festinamus; charitatem perfectam inter nos fundaturi supra quam in posterum quæ Dei sunt excelsius ædificabimus.

3. Attamen hoc paternitati vestræ tacere non possumus, quod a clero *Constantinopolitano* sanctam Romanam Ecclesiam vituperari audivimus. Reprehendunt igitur sacratissima azyma, quæ in corpore Christi sanctificamus et sumimus; atque in hoc nos expertes illius corporis astruunt, et ab unitate Ecclesiæ judicant separatos; quod nimirum absque mitione fermenti Eucharistiam sacrificemus, ubi nos unitatem catholicæ Ecclesiæ servare sine quolibet schismate cupientes; maxime azymorum consuetudinem, non solum apostolica sed etiam ipsamet Domini retinemus traditione. Tamen quia fermentati panis sacra commistio a sanctissimis orthodoxisque Patribus Orientalium Ecclesiarum accepta creditur, ac legitime tanta utramque consuetudinem fideliter intelligamus, intellectuque spiritali salubriter confirmemus. Nam fermenti et farinæ commistio, qua Orientis utuntur Ecclesiæ, incarnati Verbi declarat substantiam; simplex vero massa azymorum quam Romana tenet Ecclesia, puritatem humanæ carnis, quam placuit divinitati sibi unire; citra controversiam representat.

4. Itaque redargui debent a vestra paternitate qui adeo impudenter sacris apostolicisque sanctionibus contradicunt; et in quo ædificare arbitrantur-

non solum ædificata destruant, sed et fundamentum ipsum effodiunt. Frustra quippe beatissimi Petrus et Paulus in Italia prædicarunt, si Occidentalis Ecclesia beatitudine sempiternæ vitæ privatur; ad quam nemo perveniet, nisi particeps fuerit corporis et sanguinis Christi, sicut ipse contestatus est: *Nisi comederitis carnem Filii homi-*

nis, et sanguinem ejus biberitis, non habebitis vitam in vobis (Joan. vi, 53). Si ergo infermentati panis oblatio corpus Christi non est, omnes nos alieni sumus a vita. Proinde his a sanctitate tua breviter intellectis, juxta nostri amoris signa, postulamus vestri quoque animi documenta nobis rescribi.

ORDO RERUM

QUÆ IN HOC TOMO CONTINENTUR.

| | |
|--|-----|
| ADEMARUS, CŒOBII S. CIBARDI ENGOLISMENSIS MONACHUS. | |
| Notitia historica et bibliographica. | 9 |
| ADEMARI CHRONICON. | 9 |
| COMMEMORATIO ABBATUM LEMOVICENSIIUM BASILICÆ S. MARTIALIS | 80 |
| EPISTOLA DE APOSTOLATUS MARTIALIS | 88 |
| FRAGMENTUM SERMONIS. | 112 |
| CARMEN ACROSTICHON, DUBIA. | 114 |
| Sermones tres Ademari, ut videtur, in concilio Lemovicensi celebrato anno 994. | 116 |
| BERNARDUS SCHOLASTICUS ANDEGAVENSIS. | |
| Notitia historica et litteraria. | 123 |
| DE MIRACULIS S. FIDIS. | 127 |
| EPISTOLA AD FULBERTUM. | 130 |
| CAP. I. — De Witberto, cujus oculos radicitus evulsos sancta Fides redintegravit. | 131 |
| CAP. II. — De mulo resuscitato. | 137 |
| CAP. III. — Item simile miraculum. | 137 |
| CAP. IV. — De annulo negato et postea sanctæ Fidi reddito. | 138 |
| CAP. V. — De manicis aureis. | 139 |
| CAP. VI. — De muliere quæ usurpavit anulum quem altera moriens sanctæ Fidi reliquerat. | 140 |
| CAP. VII. — De improbo mercatore. | 140 |
| CAP. VIII. — De puero in quo quadruplum gestum est miraculum. | 141 |
| CAP. IX. — Item de cæco et claudo. | 142 |
| CAP. X. — De eo qui a suspensio furcarum sanctæ Fidis auxilio liberatus est. | 142 |
| CAP. XI. — De eo cui ad conterendum ferreos compedes sancta Fides martellum attulit. | 144 |
| CAP. XII. — De eo qui, præmomitus a sancta Fide, per fenestram turre saltu evasit. Et de mirabili asino. | 145 |
| CAP. XIII. — De quodam Raimundo; qualiter naufragatus fuerit et sanctæ Fidis auxilio liberatus sit. | 148 |
| CAP. XIV. — De peregrino capto et singulato, subitoque sanctæ Fidis auxilio liberato. | 151 |
| CAP. XV. — De adolescentulo resuscitato. | 152 |
| CAP. XVI. — De eo cui filios suos, virtute sanctæ Fidis fretus, per ignem transire faciebat. | 153 |
| CAP. XVII. — De oculo equi per virtutem sanctæ Fidis restituto. | 154 |
| CAP. XVIII. — De mortuo resuscitato. | 155 |
| CAP. XIX. — De Raimundo, qui a compedibus et catena solutus est. | 157 |
| CAP. XX. — De mulo resuscitato. | 160 |
| CAP. XXI. — De milite qui ab intestinorum inordinatis motibus fatigabatur. | 161 |
| CAP. XXII. — De quadam matrona quæ contra sanctam Fidem impie agens mirabiliter interiiit. | 162 |
| FULBERTUS CARNOTENSIS EPISCOPUS. | |
| Notitia historica et litteraria. | 163 |
| Notitia altera. | 167 |
| FULBERTI EPISTOLÆ. | 189 |
| TRACTATUS IN CAP. XII ACT. APOST. | 277 |
| TRACTATUS CONTRA JUDÆOS. | 305 |
| SERMONES AD POPULUM. | 317 |
| HYMNI ET CARMINA ECCLESIASTICA. | 339 |
| I. — Hymnus seu prosa, de sancto Pantaleone. | 339 |
| II. — De sancto Fiato hymnus. | 341 |
| III. — Prosa de Nativitate Domini. | 342 |
| IV. — Hymnus de Trinitate. | 342 |
| V. — In festo sancti Ægydii abbatis, ad matutinum invitorium. | 343 |
| VI. — De matutinis Laudibus responsoria. | 343 |
| VII. — Prosa et alia responsoria. | 343 |
| VIII. — Prosa de divo Martino. | 344 |
| IX. — De sancto Lamberto. | 344 |
| X. — Pro rege. | 344 |
| XI. — De Beata Virgine. | 345 |
| XII. — De sancta Cruce. | 345 |
| XIII. — De timore, spe et amore. | 345 |
| XIV. — De eadem re brevius. | 346 |
| XV. — Fulbertus de seipso. | 346 |
| XVI. — Idem de seipso. | 347 |
| XVII. — De signis et mensibus, et diebus et horis compendium computi. | 347 |
| XVIII. — De Philomela. | 348 |
| XIX. — De sancto Carano. | 349 |
| XX. — Hymnus. | 349 |
| XXI. — Castitatis gradus. | 349 |
| XXII. — Precatio ad Deum. | 350 |
| XXIII. — Præces aliæ. | 350 |
| XXIV. — Hymnus. | 350 |
| XXV. — Legenda. | 350 |
| XXVI. — Hymnus. | 351 |
| XXVII. — Hymnus paschalis. | 352 |
| DE UNCIA ET PARTIBUS EJUS ET DE SCRUPULO. | 353 |
| PROCLAMATIO antequam dicant <i>Pax Domini</i> , composita a domino Fulberto pro adversariis Ecclesiæ. | 353 |
| S. FULBERTI DIPLOMATA. | 353 |
| VITA S. AUBERTI. | 355 |
| APPENDIX AD OPERA S. FULBERTI. | 369 |
| Diplomata nonnulla ex chartulario abbatiæ S. Petri Carnotensis excerpta. | 369 |

| | |
|--|-----|
| I. — De Vivi no Willelmi pro ejusdam servi sui interfectione servituti addicto. | 369 |
| II. — De alodo Calidi Montis. | 369 |
| III. — De ecclesia de Rescolio datæ Sancto Petro a comite Richardo. | 370 |
| IV. — De ecclesia Wadonis cartis data Sancto Petro a Roguario. | 371 |
| V. — De alodo Selucellarum dato a Gaufrido et Joscelino filio. | 371 |
| VI. — De Guerpo Ursivillaris ecclesiæ. | 372 |
| VII. — Laus vitæ monasticæ. | 375 |
| GUIDO ARETINUS ABBAS S. CRUCIS AVELLANÆ. | |
| Notitia historica. | 375 |
| Notitia litteraria. | 377 |
| MICROLOGUS GUIDONIS DE DISCIPLINA ARTIS MUSICÆ. | |
| Epistola Guidonis monachi ac musici ad Teutaldum episcopum suum, de disciplina artis musicæ. | 379 |
| Incipit prologus ejusdem in musicam. | 379 |
| Incipiunt capitula. | 381 |
| CAP. I. — Quid faciat qui se ad disciplinam musicæ artis parat? | 382 |
| CAP. II. — Quæ vel quales sint notæ, vel quot? | 382 |
| CAP. III. — De dispositione earum in monochordo. | 382 |
| CAP. IV. — Quibus sex modis sibi invicem voces jungantur. | 384 |
| CAP. V. — De diapason et cur tantum septem sint notæ. | 384 |
| CAP. VI. — De divisionibus vocum, et interpretationibus earum. | 385 |
| CAP. VII. — De modis quatuor et affinitatibus vocum. | 388 |
| CAP. VIII. — De aliis affinitatibus vocum, et <i>b</i> et <i>h</i> . | 387 |
| CAP. IX. — De similitudine vocum in cantu, quarum diapason sola perfecta est. | 387 |
| CAP. X. — De Modis et falsi meli agnitione et correctione. | 389 |
| CAP. XI. — Quæ vox, et quare in cantu obtineat principatum. | 390 |
| CAP. XII. — De divisione quatuor modorum in octo. | 391 |
| CAP. XIII. — De octo modorum agnitione, a cumine et gravitate. | 392 |
| CAP. XIV. — De tropis et virtute musicæ. | 393 |
| CAP. XV. — De commoda componenda modulatione. | 394 |
| CAP. XVI. — De multiplici varietate sonorum et neumarium. | 396 |
| CAP. XVII. — Quod ad cantum redigetur omne quod scribitur. | 399 |
| CAP. XVIII. — De diaphonia, id est, organi præcepto. | 399 |
| CAP. XIX. — Dictæ diaphoniæ per exempla probatio. | 403 |
| CAP. XX. — Quomodo musica ex malleorum sonitu sit inventa. | 404 |
| GUIDONIS VERSUS de musicæ explanatione sui-que nominis ordine. | 405 |
| MUSICÆ GUIDODIS REGULÆ RHYTHICÆ. | |
| De divisionibus. | 405 |
| Quæ voces elevari vel gravari possint. | 407 |
| De vocum discriminibus. | 408 |
| De quatuor modis vocum. | 408 |
| De Vicinitate vocum per quatuor modos. | 408 |
| De similitudine vocis primæ et quintæ. | 408 |
| Item de quatuor tropis in octo dispersis. | 408 |
| Item de authenticis et plagis. | 408 |
| De finalibus. | 409 |
| ALLÆ REGULÆ DE IGNOTO CANTU. | 415 |

| | | |
|---|--|-----|
| Epilogus. — De modorum formulis et cantuum qualitatibus. | | 416 |
| Capitula. — I. De motione et vocis acumine, seu gravitate. | | 417 |
| 2. De integritate et diminutione. | | 417 |
| 3. De consonantia, seu minus convenientia vocum earumdem. | | 417 |
| 4. De affinitatibus diversarum vocum. De proprio vel adjectivo accidenti unicuique. | | 418 |
| 5. De modorum quatuor generibus eorumque partitione cum differentibus distinctionibus. | | 418 |
| 6. De formulis differentiarum, et earum proprietatibus. | | 418 |
| EPISTOLA GUIDONIS Michaeli monacho de ignoto cantu. | | 423 |
| TRACTATUS GUIDONIS correctorum multorum errorum, qui fiunt in cantu Gregoriano in multis locis. | | 431 |
| Quomodo arithmetica procedit musica. | | 435 |
| De Vocibus VII. | | 437 |
| De Tropis sive tonis. | | 437 |
| Qualiter diapason species construuntur. | | 439 |
| De agnitione quatuor modorum. | | 440 |
| De inventione Synemeron. | | 441 |
| De speciebus diatessaron. | | 441 |
| De speciebus diapente. | | 441 |
| De proprietatibus troporum. | | 441 |
| Ubi tetrachordum et diezeuxis. | | 441 |
| De VI symphoniis. | | 441 |
| De cognatione protri et tetrardi. | | 443 |
| ANNALES HILDESHEIMENSES, QUEDLINBURGENSES WEISSEMBURGENSES ET LAMBERTI. | | |
| Pars prior. | | 443 |
| Pars altera. | | 484 |
| DUDO DECANUS S. QUINTINI VIROMANENSIS. | | |
| Notitia historica. | | 605 |
| DE MORIBUS ET ACTIS PRIMORUM NORMANNIÆ DUCUM LIBRI TRES | | 607 |
| LIBER PRIMUS. — HASTINGUS. | | 619 |
| LIBER SECUNDUS. — ROLLO. | | 627 |
| LIBER TERTIUS. — GUILLELMUS. | | 655 |
| GAUSLINUS BITURICENSIS ARCHIEPISCOPI. | | |
| Notitia historica et litteraria. | | 751 |
| EPISTOLÆ. | | 755 |
| EPISTOLA I. — Ad Robertum regem. — De causis pluvie sanguinis. | | 755 |
| EPIST. II. — Ad Olibam Ausonensem episcopum — De morte Bernardi, comitis, Bisuldunensis, Olibæ fratris. | | 755 |
| SERMO DE S. MARTIALI. | | 767 |
| ADALBERO LAUDUNENSIS EPISCOPUS. | | |
| Notitia historica. | | 767 |
| Notitia litteraria. | | 769 |
| CARMEN AD ROTBERTUM REGEM FRANCORUM. | | 771 |
| Adriani Valesii notæ. | | 787 |
| GUILLELMUS V DUX AQUITANIÆ. | | |
| Notitia historica. | | 825 |
| EPISTOLÆ. | | 827 |
| EPISTOLA I. — Guillelmi ad Maginfredum marchionem et hujus uxorem. | | 827 |
| EPIST. II. — Guillelmi ad Leonem Vercellensem episcopum. | | 828 |
| EPIST. III. — Leonis Vercellensis episcopi ad Guillelmum ducem. | | 829 |
| EPIST. IV. — Guillelmi ad Leonem episcopum Vercellensem. | | 829 |
| EPIST. V. — Guillelmi ad Fulbertum Carnotensem episcopum. | | 830 |
| EPIST. VI. — Guillelmi ad Aribertum abbatem. | | 831 |
| EPIST. VII. — Guillelmi ad Hildegarium | | 832 |
| GUILLELMI DIPLOMA. | | 831 |

GUILLELMUS I ABBAS S. GERMANI A PRATIS.

| | |
|----------------------|-----|
| Notitia historica. | 833 |
| EPISTOLA AD FRATRES. | 835 |

GUILLELMUS ABBAS S. BENIGNI DIVIONENSIS.

| | |
|--|-----|
| Notitia historica. | 835 |
| Vita sancti Guillelmi. | 851 |
| Vita altera. | 851 |
| Guillelmi epistolæ duæ ad Joannam XIX papam. | 869 |

Guillelmi epistola ad Odilonem Cluniacensem abbatem. — De obitu Willelmi Burgundiæ comitis, de morte Richardi Normannorum comitis et de rebus maxime ad Vizeliacense cœnobium pertinentibus

| | |
|---|-----|
| Privilegium pro monasterio Fructuariensi. | 871 |
| APPENDIX AD SANCTUM GUILLELMUM. | 873 |
| Annales S. Benigni Divionensis. | 873 |

ROBERTUS REX FRANCORUM.

| | |
|-------------------------|-----|
| Notitia historica. | 897 |
| Notitia litteraria. | 901 |
| Vita Roberti regis. | 903 |
| ROBERTI REGIS EPISTOLÆ. | 935 |

EPISTOLA I. — Roberti ad Leothericum Senonensem archiepiscopum.

EPIST. II. — Ad Gauzlinum Bituricensem archiepiscopum.

EPIST. III. — Gauzlini Bituricensis archiepiscopi ad Robertum regem.

EPIST. IV. — Fulconis Andegavorum comitis ad Robertum regem.

EPIST. V. — Odonis comitis ad Robertum regem.

938

939

939

940

941

941

942

943

943

943

943

943

943

944

944

944

944

944

944

944

944

945

945

945

946

946

946

946

945

945

945

947

948

948

950

950

950

950

950

950

950

950

950

950

950

950

950

950

950

canini a Richardo comite factam et donationes eidem loco ab eo factas confirmat.

VI. — Roberti regis diploma, quo confirmatur fundatio Bellimontis parthenonis prope Turonas.

VII. — Diploma Roberti regis Francorum pro Corbeiensi monasterio. — Reprimit iniquas Elfredi de Enea, advocati Corbeiensis, consuetudines et oppressiones.

VIII. — Præceptum Roberti regis, pro capellam Sancti Joannis evangelistæ, in Aedna civitate sitam, Flaviniacensibus monachis confert ad preces Amadei abbatis.

VIII (bis). — Præceptum Roberti regis Francorum de constructis castellis Monte-Basone atque Mirebello, et ne inde aliquod inferatur incommodum monachis Cormeriacensibus.

IX. — Privilegium Roberti regis pro monasterio Cormeriacensi.

X. — Roberti Francorum regis diploma pro restitutione monasterii Ratiniacensis.

XI. — Roberti regis privilegium pro Miciacensi monasterio.

XII. — Roberti regis privilegium pro Ecclesia S. Martini, petente S. Guillelmo, abbate S. Benigni Divionensis.

XIII. — Roberti regis præceptum pro monasterio Bellimontis pro Turonos.

XIV. — Roberti regis et Constantiæ reginæ charta de donatione prædii prope Vermeriam, facta abbatæ Compendiensi.

MEGINFREDUS MAGDEBURGENSIS MAGISTER ET PRÆPOSITUS.

Notitia in Meginfredum.

DE VITA R. EMMERAMMI LIBER UNUS.

ARNOLDUS EX COMITE VOHRBURGENSI EMMERAMMENSIS MONACHUS ET DECANUS.

Notitia in Arnoldum. — Ætas, patria, natales, res gestæ, scripta.

ARNOLDI DE MIRACULIS ET MEMORIA R. EMMERAMMI LIBRI DUO.

LIBER PRIMUS.

CAP. I. — De episcopis vel ducibus Paguaris, et de hereticis per sanctum Bonifacium ab eis expulsis, nec non miraculis ad sepulcrum beati Emmerammi frequentatis, atque de secunda illius translatione.

CAP. II. — De muliere adultera quæ martyria ecclesiam nullatenus ingredi potuit, antequam per confessionem ad penitentiam se purgavit.

CAP. III. — De homine a latronibus capto, et bis venundato, qui post exilium trienna patriam revisens, cum grandi miraculo se presentavit beato Emmerammo.

CAP. IV. — De puella quæ integram annam permansit jejuna et ad memoriam martyris est communis vitæ restituta.

CAP. V. — De beneficiis principum seu comitum judicumque donariis sancto Emmerammo collatis, et de triumpho mirabili quem Arnolfus imperator evidentiissime ejusdem testis adjutorio obtinuit.

CAP. VI. — De Tutone episcopo spiritu prophetiam ditato, et de rege Cuourado apud sanctum Emmerammum pro incauta jussione morbo gravato.

CAP. VII. — De homine qui in convivio principia renuens charitatem martyris, colapho percussus est terrifico.

CAP. VIII. — De monacho sancti Emmerammi qui in periculis maris cum sibi adesse sensit per beneficia liberatoris.

CAP. IX. — De apostata monacho bis a demone correpto, ac toties precibus et meritis beati Emmerammi liberato.

CAP. X. — De quodam demoniaco a legione missa.

952

953

955

956

957

959

960

961

960

960

960

960

960

rabiliſter poſſeſſo qui gratia Salvatoris mirabiliter ſalutem reddidit ad memoriam martyris Chriſti. 1008

CAP. XI. — De quodam ſtirpigena Lantperti tyranni, qui una hora bina cæcitate prohibitus eſt ingreſſi eccleſiam martyris Chriſti. 1009

CAP. XII. — De miſeriis quibus uſque in præſens afficiuntur homines tyrannicæ poſteritatis, et de quorundam ejuſdem ſtirpis converſione humilique oblatione, ac Adalrammi duritia virtute martyris mirum in modum mollificata. 1009

CAP. XIII. — De duodecim viris, qui juraverant contra jus in altare martyris multiplici pœna conſumptis. 1010

CAP. XIV. — De hoc quod contigit in quadam muliercula, pro furto calicis paralyſi multata et apud ſanctum Emmerammum mirifice ſanata. 1011

CAP. XV. — De eo quod Judæi minime diffidentur, miracula in eccleſia ſancti Emmerrammi ſæpiſſime facta. 1013

CAP. XVI. — De paralytico apud ſanctum Emmerammum curato. 1014

CAP. XVII. — De obitu Michaelis epiſcopi, et de ſigno campani. 1015

LIBER SECUNDUS. 1021

HOMILIA DE OCTO BEATITUDINIBUS 1089

APPENDIX AD ARNOLDUM. 1093

I. — Descriptio cenſuum, proventuum ac fructuum ex prædiis monaſterii S. Emmerammi. 1093

II. — Annales ſancti Emmerammi Ratiſponenſis. 1103

ARIBO MOGUNTINUS ARCHIEPISCOPUS.

Notitia hiſtorica. 1109

Concilium Salegunſtadienſe in cauſa diſcipline eccleſiaſticæ celebratum anno Redemptoris noſtri 1022, tempore Benedicti papæ et Henrici imperatoris, præſidente Aribone. 1109

EBALLUS REMENSIS ARCHIEPISCOPUS.

Notitia hiſtorica. 1109

CHARTA PRO CENOBIO MOSOMENSI. 1111

Cleri Noviomienſis et Tornacenſis epiſtola ad epiſcopos provinciæ Remenſis, de epiſcopo eligendo. 1111

JOANNES XIX PAPA.

Notitia hiſtorica. 1113

Notitia diplomatica. 1115

EPIſTOLÆ ET DIPLOMATA. 1115

I. — Joannis XIX papæ privilegium pro eccleſia Portuenſi. 1115

II. — Joannes XIX Biſantio archiepiſcopo Canuſino [i. e. Bareniſ] pallium concedit juraque ejuſ confirmat. 1123

III. — Bulla Joannis XIX papæ ad omnes reges, epiſcopos, duces, comites, etc. 1124

IV. — Joannes XIX Eccleſiæ Silvæ Candidæ poſſeſſiones, petente, Petro epiſcopo, confirmat. 1125

V. — Joannes XIX in concilio Petrum, epiſcopum ſilvæ candidæ accepta virga, de univerſa terra omnium Eccleſiarum Galerix investit. 1132

VI. — Privilegium Joannis papæ XIX pro monaſterio Cluniacenſi. — Declarat ſe confirmare omnia monaſteria et loca ad Cluniacenſe monaſterium pertinentia et ei ab aliquibus fidelibus Chriſtianis, regibus, epiſcopis, ducibus, ſeu principibus antea conceſſa. Prohibet quoque ne quis epiſcopus, vel ſacerdos, pro aliqua ordinatione ſeu conſecratione eccleſiæ, præbyterorum aut diaconorum, miſſarumque celebratione, niſi ab abbate Cluniacenſi invitatus, veniat Cluniacum; ſed liceat monachis Cluniacenſibus cujuſcunque voluerint ordinationis gradum auſcipere ubicunque ſuo placuerit abbati. Similiter vetat ne quis epiſcopus vel ſacerdos poſſit excommunicare fratres Cluniacenſes ubicunque poſitos. Decernit præterea Cluniacenſe monaſterium omnique ad ſe ob ſalutem confugientibus fore miſeri-

cordiæ ſinum; et ſtatuit quod ſi aliquis cujuſcunque obligatus anathemate idem monaſterium expeſterit, ſive pro corporis ſepultura, ſeu alterius ſue utilitatis, et ſalutis gratia, benigniter excipiat oleo medicamenti ſalutaris fovendus. Denique deſinit electionem abbatis Cluniacenſis pertinere a congregationem ipſius loci. 1135

VII. — Joannis XIX epiſtola ad Popponem patriarcham Aquileienſem. 1137

VIII. — Joannes XIX Eccleſiæ Tiburtinæ bona juraque, petente Benedicto epiſcopo, confirmat. 1139

IX. — Joannes XIX in ſynodo patriarchatum Gradanenſem, ſub poteſtatem Popponis patriarchæ Aquileienſis contra jus faſque redactum, Urſoni patriarchæ Gradaniſi reſtituit. 1140

X. — Joannis XIX papæ epiſtola ad Petrum epiſcopum Gerundenſem de privilegio pallii. 1143

XI. — Epiſtola Joannis papæ XIX ad Robertum regem Francoꝝ de immunitate Cluniacenſis monaſterii. 1145

XII. — Epiſtola Joannis XIX papæ ad Gauſleum epiſcopum Maticonenſem pro tuenda libertate et immunitate monaſterii Cluniacenſis ab omni jurisdictione epiſcopali. 1146

XIII. — Epiſtola Joannis XIX papæ ad Bocharum archiepiſcopum Lugdunenſem pro immunitate Cluniacenſis monaſterii. 1146

XIV. — Joannes XIX monaſterii Fuldenſis privilegia, petente Richardo abbate, confirmat. 1147

XV. — Epiſtola Joannis XIX ad Jordanum Lemovicenſem epiſcopum, cæterosque Galliarum epiſcopos, de S. Martialis apoſtolatu. 1149

XVI. — Joannes XIX epiſtola ad S. Odilonem Cluniacenſem abbatem. Redarguit quod Lugdunenſem archiepiſcopatum, recusaverit. 1150

XVII. — Litteræ abſolutionis Hugoni Antiſiodoreniſi epiſcopo, a Joanne XIX conceſſæ. 1151

XVIII. — Joannis XIX papæ ad Bardonem archiepiſcopum Moguntinum epiſtola. 1152

XIX. — Joannes XIX ſedem epiſcopalem Ciza Numburgum translataſ rogatu Hildevardi epiſcopi confirmat. 1153

XX. — Epiſtola Joannis XIX pro monaſterio S. Joannis Angeriaco. 1154

XXI. — Epiſtola Joannis XIX papæ ad Guillelmum comitem. 1155

XXII. — Joannis XIX epiſtola qua omnes « tonum facientes » excitat ut in reſtituendam eccleſiam Magalonenſem incumbant. 1157

EPIſTOLÆ DIVERSORUM AD JOANNEM. 1155

I. — Epiſtola S. Guillelmi, abbatis S. Benigni Divionenſis, ad Joannem XIX. — Monet eum ne Eccleſiam Conſtantinopolitanam Univerſalis nomen ſibi attribuere patiatur. 1155

II. — Ejuſdem ad eundem. — Invehitur in Simoniacos. 1157

III. — Halinardi abbatis ſancti Benigni epiſtola ad Joannem papam XIX. 1157

IV. — Epiſtola Jordani epiſcopi Lemovicenſis ad Benedictum papam VIII, de non ponendo S. Martialis in numero apoſtolorum. 1158

S. GODEHARDUS EPISCOPUS HILDESHEIMENSIS.

Vita Sancti Godehardi auctore Wolfero, ejuſ æquali et diſcipulo, ejuſdem Eccleſiæ canonico. 1161

Miracula decem a S. Godehardo facta, dum adhuc eſſet abbas. 1201

I. — De quodam febricitante, quem ſanavit in Bavaria. 1201

II. — De quodam monacho, quem præcibus ſuis febre acutiſſima liberavit. 1201

III. — De quadam juvencula a moleſtia febrilis liberata. 1201

IV. — De quodam ſcholare ſanato a ſimili &

- brium molestia. 1202
 V. — De juvene submerso, meritis sancti Godehardi resuscitato. 1203
 VI. — De muliere in partu laborante et orationibus sancti a dolore partus liberata. 1204
 VII. — De quodam quem in via socium habebat, qui cadens crus fregit, sed sanctus vir subito eum sanavit. 1204
 VIII. — De muliere cæca, quam ipse illuminavit cum Deo. 1205
 IX. — De obsessa sanata meritis sancti Godehardi. 1205
 X. — De puero multum hebetè, quem oratione sua docilem fecit. 1206
 XI. — De mortuis qui ad præceptum sancti præsulis surrexerunt de sepulchris, exeuntes de ecclesia, quia excommunicati, quod vivi facere noluerunt. 1206
 Canonizatio et translatio S. Godehardi. 1207
 Quomodo beatus Godehardus in sanctorum numerum sit relatus, et de miraculis subsequentibus. 1207
 Appendix. 1225
 Postremum miraculum editionis Lipsianæ, Vitæ brevioria. 1227
 Appendix altera. 1227
 Miracula in exteris provinciis facta, in quas delatæ sunt S. Godehardi reliquiæ. 1227
SANCTI GODEHARDI EPISTOLÆ. 1229
 Epistola I. Ad Nideraltahenses. — Nuntiat quomodo a Tegernseensibus exceptus sit, optatque ut mutua precum communicio inter utrosque sit. 1229
 Epist. II. Ad Theodulum episcopum. — Non cupiditate nec ambitione, sed obedientia principi præstanda se ad monasterii Tegernseensis regimen accessisse. 1229
 Epist. III. Ad Azelinum abbatem Lunetasensem. — Ut quam primum se episcopo Pataviensi sistat. 1231
 Epist. IV. Ad quamdam abbatissam. 1231
 Epist. V. Tegernseensium ad Godehardum episcopum Hildesheimensem. — Indicant se, post Albinum, Ellingerum in abbatem iterum elegisse. 1232
APPENDIX AD SANCTUM GODEHARDUM. 1233
 Chronicon Hildesheimense. 1233
CATWALLONUS ROTHONENSIS ABBAS.
 Notitia historica. 1281
CATWALLONI EPISTOLÆ.
 Epistola I. Ad Hildegardem, Andegavorum ducem, Fulconis Nerræ conjugem. 1281
 Epistola II. Ad Letgardem abbatissam S. Mariæ de Charitate, — Gratias agit ob litteras sibi missas ab eadem abbatissa, quæ ab eo precum subsidia petierat. 1283
FROUMUNDUS CENOBITA TEGERNSENSIS.
FROUMUNDI EPISTOLÆ. 1283
 I. Ad Gozpertum abbatem Tegernseensem. — Scribit se suum a monasterio S. Magni discessum non prævidisse, et membranas ad scribendum petit. 1283
 II. Ad eundem. — Jurat se quemdam librum non abstulisse. 1285
 III. Ad Ruotkerum abbatem Herbpolensem. — Tuetur se adversus acerbiores ejus litteras. 1286
 IV. Regimbaldi monachi, forte Sancti Emmerammensis, epistola ad Froumundum. — Illi remittit Persium et pro variis beneficiis gratias agit. 1286
 V. Idem eidem. — Rogat ut sibi significet quid de quodam itinere velit. Membranas petit. etc. 1286
 VI. Idem ad eundem et alios. — Cur ad eos non inviserit? De libellis quibusdam, etc. 1287
 VII. Froumundi ad Pabonem monachum. — Pro vestimentis quibus se a frigore defendat. 1287
 VIII. Ad R. (f. Regimbaldum) monachum. — Hortatur ad perseverantiam in statu monastico. seque Cludiaceasium precibus juvari postulat. 1287
 IX. Ad eundem Froumundum. — Rogat ut sibi exemplum Horatii poetæ transmittat. 1288
 X. Ad eundem. — Cæcum nepotem ad recipiendum visum rogat ante altare sancti antistitis præsentari. Conqueritur de suo libro sordide habito, etc. 1288
 XI. Ad eundem. — Petit sibi poemata Statii transmitti. 1289
 XII. Ad Gauzpertum abbatem Tegernseensem. — Quo in statu prædia monasterii perlustrata invenit. 1289
 XIII. Ad Meginhesmum magistrum. — Eum ad expromendas ingenii vires hortatur. 1289
 XIV. Ad Peringerum abbatem suum. — Veniam et com meatum petit, quo sibi fas sit persolvere vota sua in civitate Augustana. 1289
 XV. Ad eundem. — De administratione Ecclesiæ sibi commissæ. 1289
 XVI. Ad eundem forte. — De quibusdam libris a se redditis. 1290
FROUMUNDI POEMATICA.
 I. — In imaginem Crucifixi. 1291
 II. — Ad Pabonem. 1291
 III. — Pro caligis hirsutis, quantumvis vilibus, ad abbatem. 1291
 IV. — Pro Pachone infirmo 1291
 V. — In eos qui Froumundum ad suscipiendum presbyteri ordinem urgebant. 1292
 VI. — In Gehardum Saxo atrociter puerum ferientem. 1293
 VII. — Ad Liutoldum episcopum Augustanum. 1293
 VIII. — Epitaphium Hisæ seu Elisæ matris. 1293
 IX. — In adventum Henrici ducis Bajaræ. 1294
 X. — Ad eundem. Precatur faustum iter et reditum. 1295
 XI. — Ad eundem. Ejusdem fere argumenti. 1295
 XII. — Ad S. Henricum et fratrem ejus Brunonem. Reditum in patriam gratulatur, illumque rogat ut Tegernseenses in gratiam recipiat. 1295
 XIII. — De eodem carmen votivum. 1296
 XIV. — In duodecim apostolos Domini. 1297
 XV. — In natali Domini et baptisma. 1297
 XVI. — Ad S. Godehardum abbatem. Tegernseensem cui cum cæteris fratribus bene precatur. 1298
 XVII. — In filium viduæ Naimiticæ a Christo ad vitam resuscitatam. 1298
 XVIII. — In hydropicum a Christo in die Sabbati sanatum. 1299
 XIX. — In Christum, paralyticum sanantem. 1299
 XX. — Ad Peringerum abbatem Tegernseensem. 1300
 XXI. — Probe factis præmia, male patris precum expectandam esse. 1301
 XXII. — Ad Meginhelmum adversus superbos. 1301
 XXIII. — Ad Christum Salvatorem mundi, de cæde SS. Innocentium. 1301
 XXIV. — Epitaphium Rihkeri. 1302
 XXV. — Versus in librum Dictaminum ad se collectum. 1302
 XXVI. — Versus Wadalperti in codicem Psalmorum. 1303
 XXVII. — Apologia pro schola Wirtzburgensi ejusque magistro adversus quemdam calumniatorem. 1303
EBERHARDUS ABBAS TEGERNSEENSIS.
EBERHARDI EPISTOLÆ. 1307
 I. — Ad fratrem suum, quem adhuc vivere gaudet, et ad se invitat. 1307

II. — Ad Udalricum comitem Rogat ne graviter ferat quod eo non interrogato Sigihardum monasterii sui advocatum delegerit, etc. 1309

III. — Ad Godehardum, ut videtur, abbatem Nideraltah, cui fratrem Eginonem commendat. 1309

IV. — Ad Henricum Bavarie ducem. Se infirmitate corporis impediri quominus ad eum proficiatur, rogareque ut Udalricum comitem sui monasterii advocatum constituat, etc. 1309

V. — Ad Theomonem seu Diemonem comitem, ut monasterii prædia ad Hallam sita protegere, ac ab iniquis invasoribus defendere dignetur. 1310

VI. — Ad eundem ut præsentium latorem aut aliquo honesto officio munerari, aut eidem veniam alium Dominum demerendi dare ne gravetur. 1310

VII. — Ad H. Remittit ei quemdam fratrem, et ut hujus diligentem curam habeat adhortatur. 1310

VIII. — Ad Engelbertum ep. Frisingensem de obitu Otperti monachi, quem precibus juvari rogat. 1311

IX. — Ad Juditham illustrem feminam, quam rogat ut afflictæ valetudini suæ medicinam consulere ne gravetur. 1311

X. — Ad Wigonem decanum Phyhwangensem, a quo suffragio orationum, aliisque charitatis officii, quæ abeunti sibi addixerat, juvari postulat. 1311

XI. — Ad Henricum regem. Implorat ejus auxilium contra quosdam qui certum ad lacum Tegernseesem locum sibi auferre moliantur. 1312

PERINGERUS ABBAS TEGERNSEENSIS.

PERINGERI EPISTOLÆ.

I. — Ad Diemonem comitem : se paratum esse ad recipiendum Wezilinum, modo quædam, sibi recens ablata, restituat. 1313

II. — Ad V. abbatissam, apud quam se excusat, quod petitos equos non miserit, et alia quædam munuscula mittit. 1313

III. — Ad A. archipresbyterum. Rogat ut Taginium ad restituendas decimas ad Ezinhusum adigat. 1314

IV. — Ad R. abbatissam. Cur petitum vitrum nondum miserit. 1314

V. — Ad Henricum regem. Ut se ab injuriis et persecutione Diemonis comitis eliberet. 1314

VI. — Ad eundem de persecutione ac insectatione P. Comitis aliorumque adversariorum graviter queritur. 1315

VII. — Ad H. ducem Boiarie. Rogat ut quædam haba ad locum Sciphusam pertinens suo monasterio reddatur. 1315

VIII. — Ad Gotsalchum episcopum Frisingensem. Se petita vitra post Pascha missurum. 1316

IX. — Ad amicum F. ut conventum ad Pipureh, non nihil differat. 1316

X. — Ad Egilbertum episcopum Frisingensem. De fratribus quibusdam sacris ordinibus initiandis. 1316

XI. — Ad Udalricum comitem. — Pro restitutione rerum, quibus famulos suos Penno spoliavit. 1316

XII. — Ad R. abbatem, quem rogat ut longius apud se ejus servum retinere liceat. 1317

ELLINGERUS ABBAS TEGERNSEENSIS.

ELLINGERI EPISTOLÆ.

I. — Ad Froumundum monachum Tegernseesem. De optimo suo erga eundem animo, et ordine presbyterii quem Froumundum gratulatur. 1317

II. — Ad Egilbertum, ut videtur, episcopum Frisingensem. Rogat ut quemdam pastorem adversus ovium suarum injurias et insidias tueatur. 1317

III. — Ad D. episcopum. Queritur ob prædium ab ejus subditis vastatum et injuste abalienatum. 1318

IV. — Ad N., ut videtur, archiepiscopum ejus aversum præter spem animam recuperare satagit. 1319

V. — Ad N., episcopum, forte Nitherum Frisingensem, apud quem se de non concessa frumento excusat. 1319

VI. — Ad eundem forte Nitherum episcopum Frisingensem qui quemdam commendat qui beneficium amittere debeat. 1320

VII. — Ad V. abbatem a quo fratres revocat ob adventum episcopi Frisingensem iniquis erga se delationibus exasperati. 1320

Epitaphium Ellingeri abbatis. 1321

UDALRICUS ABBAS TEGERNSEENSIS.

UDALRICI EPISTOLÆ.

I. — Ad P. (f. leg. Nitherum ep. Frising.) episcopum, ad quem Raherium clericum, multorum criminum reum defert, sique G. canonicum sufficere in parochiali munere rogat. 1321

II. — Ad G. archipresbyterum, ut videtur, Frisingensem, ut eundem Raherium loco moveat et deponat. 1323

III. — Ad eundem de eadem. 1323

IV. — Ad eundem de eodem clerico, quem querit nullo modo se quivisse ad meliorem frugem reducere. 1324

GODESCHALKI SEQUENTIÆ.

I. — In conversione sancti Pauli apostoli. 1322

II. — De B. Maria Magdalena. 1322

III. — In decollatione S. Joannis Baptistæ. 1327

IV. — In divisione apostolorum. 1329

V. — De una virgine. 1331

LEDUINUS ABBAS S. VEDASTI ATREBENSIS.

Notitia historica. 1333

CONSTITUTIO DE PLACITO GENERALI. 1335

OTHELBOLDUS MONASTERII S. BAVONIS GANDENSIS ABBAS.

Notitia historica. 1337

EPISTOLA AD OTGIVAM FLANDRIÆ COMITISSAM. 1337

BENEDICTUS IX PAPA.

Notitia historica. 1341

Notitia diplomatica. 1343

EPISTOLÆ ET DIPLOMATA. 1343

I. — Privilegium Benedicti IX Gusebaldo Burdigalensi S. Crucis abbati concessum in gratiam cellæ B. Mariæ de Solaco. 1343

II. — Benedicti IX epistola ad Rolandum præpositum aliosque canonicos S. Florentinæ Ecclesiæ. 1346

III. — Benedictus IX Ecclesiæ Silvæ Candidæ bona episcoporumque jura confirmat. 1347

IV. — Benedictus IX bona juraque monasterii Casinensis confirmat, « ejus abbatis consecrationem, inquit, nuper ex dono piissimorum Henrici et Conradî imperatorum Romanorum suscepimus » (Clausulam editis bullæ hujus exemplis appositam a verbo « scriptum » usque ad « vicesima nona » ad Benedicti VIII tabulam [supra Benedicto VIII. num. 29] pertinere ex Petri Regast. n. 18, monet Gattula Hisi. Casin. l. 19, quo teste ista Benedicti IX charia his terminatur verbis : « Scriptum per manum Sergii scriniarii et notarii sacri nostri palatii, Kal. Julii, indiet. iv. Bene valete. ») 1357

V. — Benedictus IX, Popponi, archiepiscopo Trevirensi, adjutorem mittit; Simeonem in sanctos relatum nuntiat. 1339

VI. — Bulla canonizationis S. Simeonis reclusi Trevirensis. 1360

VII. — Benedictus IX in synodo patriarchatus Gradensis integritatem libertatemque confirmat. Urone patriarcha et Dominico Contareno populoque Veneto per legatos petentibus. 1362

VIII. — Benedicti papæ VI epistola ad Obertum abbatem S. Miniatis. 1367

IX. — Benedicti IX epistola ad Adelbertum archiepiscopum Hamburgensem. 1368

X. — Epistola Popponis archiepiscopi Trevirensis.

sis ad Benedictum IX, summum pontificem pro obtinenda canonizatione beati Simeonis reclusi apud Treviros. 1368

HERIBERTUS EICHSTETTENSIS EPISCOPUS.

HERIBERTI HYMNI. 1369

I. — De Sancta cruce. 1369

II. — De S. Wilibaldo. 1371

III — De S. Walburgo. 1372

IV. — De S. Laurentio. 1371

V. — De omnibus Sanctis. 1371

VI. — De inventione S. Stephani. 1372

EMMA REGINA ANGLORUM.

Encomium Emmæ. 1373

Emmæ reginæ epistola ad filios suos Edwardum et Alfridum. 1397

POPPO TREVIRENSIS ARCHIEPISCOPUS.

Notitia historica. 1397

POPPONIS EPISTOLA AD BENEDICTUM IX

PAPAM. 1401

ANGELRANNUS ABBAS S. RICHARII CENTULENSIS.

Notitia historica. 1401

Vita Angelranni. 1403

VITA S. RICHARII AUCTORE ANGELRANNO. 1421

PAPIAS GRAMMATICUS.

Notitia et prologus. 1437

ROTBERTUS LONDINENSIS EPISCOPUS.

Notitia historica. 1441

ROTBERTI CHARTA. 1441

GARCIAS MONACHUS S. MICHAELIS CUXAENSIS.

EPISTOLA AD OLIVAM EPISCOPUM AUSONENSEM. — De initiis monasterii Cuxasensis. et de sacris reliquiis in eo custoditis. 1443

DOMINICUS GRADENSIS PATRIARCHA.

EPISTOLA AD PETRUM ANTIOCHENUM. 1455

FINIS TOMI CENTESIMI QUADRAGESIMI PRIMI.

3565 1/40





3 2044 054 760 012

THIS VOLUME
DOES NOT CIRCULATE
OUTSIDE THE LIBRARY



